



Ref-28

n^o - 66





NOTITIA
ORBIS ANTIQVI,
SIVE
GEOGRAPHIA PLENIOR,

Ab Ortu Rerumpublicarum ad Constantinorum tempora
Orbis terrarum faciem declarans.

CHRISTOPHORVS CELLARIVS

Ex vetustis probatisque monumentis collegit,
&

NOVIS TABVLIS GEOGRAPHICIS,

singulari cura & studio delineatis, illustravit.

Alteram hanc editionem annotationibus varii generis partim e scriptis veterum,
partim e recentiorum obseruationibus illustravit & auxit

L. IO. CONRADVS SCHWARTZ,

Eloq. & Græc. Ling. P.P.O. in Casimiriano.

*Adiectus est Index copiosissimus locorum & aliarum rerum
Geographicarum.*



L I P S I A E,
Apud IOH. FRIDERICI GLEDITSCHII, B. FIL.
M. DCC. XXXI.

NOTITIA ORBIS ANTIQVI

SIVE

GEOGRAPHIA PLENIOR

Ab Orta Reipublicarum ad Constantinorum tempora

Orbis totum in seipsum declarat

CHRISTOPHORVS CELLARIVS

Ex veteris probatissime monumentis collegit

NOVIS TABVLIS GEOGRAPHICIS

Illustravit et auctavit

Altera hanc editionem illustravit et auctavit

perit et notat in eadem

L. FO. CONRADVS SCHWARTZ

Edidit et auctavit

Ab Orta Reipublicarum ad Constantinorum tempora



1724

Ab Orta Reipublicarum ad Constantinorum tempora

SERENISSIMO POTENTISSI-
MOQUE PRINCIPI AC DOMINO,
DOMINO

FRIDERICO,
REGI BORVSSORVM,
MARCHIONI BRANDENBVRGICO,
ET S. ROM. IMP. ARCHICAMERARIO AC
ELECTORI, DVCI MAGDEBVRGI, CLI-
VIAE, IVLIACI, MONTIVM, STETINI,
POMERANIAE, CASSVBIORVM ET VINI-
DORVM, ET IN SILESIA CROSNAE, BVRG-
GRAVIO NORIMBERGENSI, PRINCIPI
HALBERSTADII, MINDAE ET CAMINI,
COMITI HOHENZOLLERAE, MARCAE ET
RAVENSBERGAE, DYNASTAE IN RA-
VENSTEIN, LAVENBURG ET BV-
TAV, ET CETERA,

REGI ET DOMINO MEO-
LONGE CLEMENTISSIMO.

REX SERENISSIME AC
POTENTISSIME,
DOMINE MVLTQ CLEMENTISSIME,

QVæ in Regno TVO gratulationes, faustique sonitus felicitati TVAE plaudentium cœpere, ac inde per cunctas prouincias longe lateque celerrimo cursu proferebantur; nondum resonare in iis desierunt, sed eo altius extolluntur, crebriusque repetuntur, quo propius iam, redux ad interiora illarum, & ipsam Urbem Regiam accedis. Quisque enim primus reuertenti MAIESTATI TVAE adesse, & lætus gratulari, & officium votorum pro salute TVA, pro Regni incolumitate parat facere, & demissa reuerentia suum præstare obsequium. Meretur id virtus TVA, REX POTENTISSIME, merentur ingentia merita, quibus non TVO s modo, sed exteros quoque & omnes TIBI deuinctos tenes, vt hi faueant fortunæ

D E D I C A T I O.

fortunæ TVAE; illi promte pareant & obsequantur MAIE-
 STATI. Vident omnes diuina bona propitio cælo in TE col-
 lata, cumulata: vident, mirantur sapientiam, qua omnibus
 antecedis: obstupefcunt incredibilem & pace & bello TVAM
 felicitatem: vnde laudum, gratulationum concentus infinitus
 est. Ignosce, REX INDVLGENTISSIME, quod ceteras
 virtutes TVAS non tam prætereo, quam aliis prædicandas tem-
 poribus referuo. Sunt enim in TE æque summa atque maxima,
 quorum me gloria defixum & mirabundum tenet: & mune-
 ris etiam ratio, quod mihi demandasti clementissime, hæc po-
 tius, quam cetera, in præfenti iubet persequi. Non vnum ar-
 gumentum TVAE gloriæ est, qui omnibus abundas: id mihi
 deuote iam liceat attingere, quod rei litterariæ est proprium.
 Magnorum Principum hæc indoles est, etiam illorum, qui lit-
 teris non multam operam dederunt, vt illarum lumine res
 suas, quas gerunt, illustrari cupiant, & ad feram proferri po-
 fteritatem. Quanto maius est quod TIBI & gloriæ TVAE,
 REX SAPIENTISSIME, a bonis litteris exspectes, qui
 non solum ipse illas a prima ætate coluisti, & supra tot Musæ-
 rum templa, a MAIORIBVS exstructa, quæ benignissime
 conseruas, etiam nouum TVIS auspiciis TVoque sumtu ma-
 ximo condidisti ACADEMIAM FRIDERICIANAM, ab AVGVSTO
 NOMINE TVO adpellatam. In hac ornanda, & mirifice conser-
 vanda, fixa stat cura TVA, quia flore illius & incremento, quod
 TV cælo imputas, nos etiam TIBI, magnopere lætaris. Qua
 enim sapientia singulari es, præfagis inde fore, vt æternum TV-
 VM nomen sit, & gloria TVA immortalis. Hæc enim Acade-
 mia de TVIS in se incomparabilibus & in totam patriam meritis
 numquam conticescet, sed voce, scriptis, quantum in se est,
 contendit, vt posteris quoque idem, quod nos omnes, de ma-
 gnitudine virtutum TVARVM sentiant, & loquantur, & admi-
 rentur. Facit illa hoc assidue, quia semper est deuota MAIE-

DEDICATIO.

STATI TVAE: & quoties solemnes dies exigunt, clariore voce personat, in laudes TVAS vnice, vt mereris, REX, intenta. Fecit eadem proximis diebus, & adhuc facit, FASTIGIO TVO & REGALI DIADEMATI demississime gratulabunda. Ad quas publicas voces priuatæ deuotionis officium addo, Geographicum opus in FRIDERICIANA TVA natum elaboratumque, AVGVSTO NOMINI TVO ET MAIESTATI, POTENTISSIME REX, demississimo cultu consecrans. Aequum enim est, cuius Conditor & Seruator Academiae es, vt ex ea quoque fructus ad MAIESTATEM TVAM perferantur, cuius illi nutu & clementia ad eam maturitatem perucenerunt. Accipe ergo, INDVLGENTISSIME REX, quem offero librum TVAE gloriae dedicatum, cuius prædicandæ studium mihi primum facio, faciamque dum viuam

MAIESTATI TVAE

deuotissimus subiectissimusque

CHRISTOPHORVS CELLARIVS.

BENE



THE UNIVERSITY OF CHICAGO
LIBRARY



CHRISTOPHORVS CELLARIVS
NAT. SMALCALDIAE MDCCXXXVIII
X KALEND. DECEMBR.

BENEVOLO LECTORI
CHRISTOPHORVS CELLARIVS.

Geographia historiarum atque omnis elegantioris doctrinae lumen est. Vt vero rerum mutationes sunt, ita nec eadem est facies terrarum orbis, quæ alia antiquis fuit temporibus, alia nostra est ætate, & rursus medio, quod vocant, æuo erat alia. Ex quo consequitur, vt illa Geographia, quæ Orbem nostri temporis illustrat, non æque antiquioribus illuminandis sufficiat. Omnia mutantur decursione temporum, & urbium plurimarum, quæ quondam florentissimæ fuerunt, nullum vestigium superest: ruinis aliæ de magnitudine veteri testantur: nouæ heic aliæ & illic surrexerunt, aut creuerunt ex ruderibus priorum. Regnorum quoque & prouinciarum mutati fines sunt, neque nomina nec distributiones conseruata. Alia ergo notitiarum & locorum opus est, quæ priscis temporibus æquata, eo res ordine, quo fuerunt, & rerum nomina diuisionesque exhibeat, & tabularum imagine, tamquam lumine clarissimo, quæ obscura sunt, illustret, quæ deleta aut immutata, pristino habitu atque forma repræsentet. In quo studio & olim ingenia, nec minus memoria nostra atque patrum, certauerunt. In illis STRABO antistat, tamquam princeps ceterorum, qui plura, quæ scripsit, peregrinabundus oculis subiecerat; parcus & modestus in ceteris. Quo instituto factum est, vt multa quoque prætereant: quædam leuiter tantummodo attingat. Succinctior est POM-
PONIUS MELA; laxior C. PLINIUS SECUNDVS; sed diffusus CLAV-
DIUS PTOLEMAEVS, ideoque suspectus sæpe. Mirari enim subit, vnde Aegyptius homo disiunctissimarum rerum tam certam, vt pro-
dit, notitiam acceperit. Aequæ enim in remotissimis, quo vixdum homines adierant, copiosus est, nec dubius; vt in propinquis & notissi-
mis. Plurimi faciendum ITINERARIVM esset, quod ANTONINI præse-
nomen fert, a quibusdam AETHICO tributum; si emendatius ad
nostra tempora peruenisset: Sed multa locorum nomina incerta &
prauata sunt, & numeri, distantiarum indices, corrupti adeo, vt
earundem quoque urbium interualla, diuersis itineribus repetita, sæpe
aliter atque aliter referantur. De Characeno Dionysio, & Periplorum
auctoribus, aliisque eadem breuitate geographis, iam nihil attinet
commemorare; nec de Augustana Tabula, de qua infra plura dicemus.
His si PAVSANIAE Periegesin Græciæ, & Bizantium STEPHANVM,
scriptorem populorum & urbium adnumeramus, eosque cum historicis
b
atque

PRAEFATIO

atque poetis aliisque vetustis componimus; habemus fere omnia, unde notitia antiqui Orbis est colligenda. Hos enim duces clarissimi viri sequuti, Orbis veteris partes illustrauerunt, PHILIPPVS CLVVERIVS Germaniam, Italiam, Siciliam; in Italia postmodum ab LVCA HOLSTENIO adiutus & emendatus: HADRIANVS VALESIVS Galliam: IACOBVS PALMERIVS Græciæ magnam partem, & alii partes alias. Qui vniversum Orbem industria pari exposuerit, haud facile quemquam inuenimus. Ortelii enim conatus magis, quam successus ἀκριβέστερος laudandus est. Ego vero, quamquam impar superioribus ingenio, amore tamen litterarum impulsus tentavi, sustinui, perfeci quantum vides opus, quam feliciter, penes te, LECTOR, æquum sit iudicium. Non id quidem est æquale sibi, si ex partibus metiaris; nec vero aliter potest fieri, quia totum nititur antiquitatis testimoniis, quæ de Italia Græciaque diligentius sunt edita, quam de vlla vel prouincia, vel regione barbarorum. Quo factum est, vt vtriusque descriptio, si cum reliquis conferatur, pæne nimis quantum excreverit; in ceteris autem regionibus, de quibus pauciora sunt prodita, parcior etiam locorum & rerum sit nostra enarratio. Quid quæris? Antiqua Geographia res priscae auctoritatis est, non præsentis cognitionis. Tantum autem de auctoritate habemus, quantum a Græcis Latinisque accepimus, qui res suas copiosius tradiderunt, modice aliorum, ad quos armis non penetrauerant.

Primus liber PRAECOGNOSCENDA huius disciplinæ habet, nec vero illa vltra limitem antiquitatis. Summa capita illorum sunt: Priscorum apparatus geographicus: Notitia rotunditatis terræ: Orbis habitabilis, seu οἰκζμένη, quantus antiquis fuerit, & quod illius medium siue vmbilicus: Terricolarum habitus cum inter sese mutuus, tum ab vmbra diuersitate denominatus: Zonarum item vsus atque climatum: Ventorum vetus dispensatio, etiam Plagarum & Mundi laterum. Omnia hæc Antiquæ Geographiæ sunt ita accommodata, vt fines eius non excedant, neque aliis testimoniis, nisi antiquis, confirmentur.

Secundo libro EVROPA ita explicatur, vt veteres geographos cum historicis conferamus, & hos mutuo ex illis, illos ex hisce interpretemur & illustremus: quibus & alii scriptores varii, antiqui tamen & pari auctoritate, poetæ in primis, Græci & Latini, accedunt. Is enim vsus est Antiquæ Geographiæ, vt in priscis litterarum monimentis expedite, sine offensione, quam locorum ignoratio facit, quisquis legen-

AD LECTOREM.

legendo, interpretando possit progredi. Id enim munus est antiquarii geographi, scire quæ facies Orbis quondam fuerit, in quæ regna & imperia, in quas prouincias, respublicas, & regiones diuisus, quibus ornatus oppidis & castellis, quæ montium, quæ camporum, quæ siluarum atque fluminum; ac marium quoque & insularum nomina fuerint; qui fontes, qui lacus & paludes, & quæ alia ad geographorum disciplinam pertinent. Hæc in tantum persequuti sumus, quantum vetustis litteris est proditum: vt tamen etiam posteriorum, & recentium auctorum, iudicio & doctrinæ fama illustrium, cuiusque in terra qua versatus est maxime, rationem idem talem habeamus. Cuius ordinis nobis in Hispania sunt Resendius, Vassæus, Mariana; & in citeriore, sub Pyrenæo, vir summus Petrus de Marca: in Gallia supra laudatus Valesius: In Britannia Camdenus & Buchananus: In Germania Cluuerius, cuius ingenium etiam per Italiam profectum est, Holstenio comitante, sicut antea comites & focii hi duo itinere fuerant Italico. Græcia quoque suos illustratores habet, quorum principes sunt Ioannes Meursius & Iacobus Palmerius: quamquam ille in ritibus maior, quam in geographia est; hic non omnem Græciam perlustrauit. Hos duces, quoties sequendi sunt, honoris causâ adpellamus; nec illos colere obliti, qui minores partes attigerunt, aut de vno alteroque loco commentati sunt.

Supereft, vt de TABVLIS nostris GEOGRAPHICIS, ære expressis, adiiciamus. Paucae sunt superstites tabellæ illustrando veteri Orbi antiquis temporibus adparatae; nec tamen antiquissimis. AGATHODAEMON Alexandrinus geographicas Ptolemæi rationes in tabulas digessit, sed, presse sequutus auctorem suum, tantum habet fidei, quantum ipse, de quo supra dixi, Ptolemæus. Exstat & vetus Tabula, quam ex Conradi Peutingeri bibliotheca, in Augusta Vindelicorum, Marcus Vellserus produxit, & æri incidi ac exprimi curauit, in octo segmenta oblonga distributam. Vnde PEUTINGERIANA vulgo adpellatur; item AVGVSTANA, & a quibusdam THEODOSIANA, quasi ex æuo Theodosii, vt eruditis videtur, reliqua. Sed multis hæc næuis quoque vel describentis vitio, vel auctoris ipsius, est referta; certior autem distantiarum numeris, quam Aethici seu Antonini Itinerarium. Quod vero per lineas in ortum procurentes cuncta tradit, & adhuc maria compressa habet, flumina distorta; dubios sæpe & incertos relinquit, qui verum locorum situm atque naturæ faciem inquirunt. Patrum memoria geographus clarus, ABRAHAM ORTELIUS, antiqui Orbis tabulas

PRAEFATIO AVCTORIS

delineauit, quem plerique sequuti sunt, quibus curæ adhuc vetus fuit
 geographia, vt in iis adquiescerent quæ ipse posuisset. Sed quidquid
 est huius operis, non absolutum id habendum est, sed quod ipse Orte-
 lius **CONATVS** tantum **GEOGRAPHICOS** vocavit: cui si quis curam
 intenderit maiorem, illico perspiciet, quæ addi sane, vel immutari, vel abii-
 cietiam postulent. Eadem ratio est **PHILIPPI BRIETII** minorum per
 Europam tabularum, quas Geographiæ Parallelæ suæ non minus pro veteri,
 quam nostræ ætatis Orbe insertas esse voluit. Nitide quidem expressæ
 sunt; etiam cum cura quadam videntur delineatæ: Quod vero tota
 Parallela illa Geographia per se concisa, abstinet testimoniis & rationi-
 bus; fit vt positio locorum, in tabulis signata, ægre ab aliorum dis-
 fensione vindicetur. Angustiores etiam sunt illæ tabulæ, quam vt
 omnia, quæ necessaria sunt, capiant, aut illa etiam, quæ tenent, clare
 ac distincte oculis obiciant: vt ita, qui veteres scriptores vult plenius
 interpretari, sibi non possit ex illis prospicere, quoniam innumera in
 iis frustra quæret, & quæ inuenit, multa dubio sunt ita loco constituta,
 vt, quod probationes nullas in commentariis adpositas habent, tam in-
 certus aliquis recedat inde, quam dubius tabellas consuluerat. Alii
 singulares partes in tabulis demonstrandas susceperunt, vt Græciam
 Laurembergius, Palæstinam Adrichomius: Sed vix quisquam felicius &
 cura etiam maiori, quam Cluuerius in Germania, & Italia, & insula Si-
 culorum: Quem in his plerumque imitati sumus; in nonnullis tamen,
 vbi meliora iam inuenta habemus, ab illo secessionem fecimus. In
 ceteris prouinciis plura emendanda, plura adiicienda erant, vt cum
 geographis antiquis tabulæ, maxime cum historicis & horum æquali-
 bus conuenirent. Quo factum fuit, vt plane nunc nouas tabulas eda-
 mus, cum nullis superiorum vbiq; congruentes; plures plerisque lo-
 cis ab illis discrepantes. Diuersitatis rationem commentariis, qui cum
 tabulis vna prouident, explicamus. Nec vero ad singula commenta-
 riorum capita singulas etiam tabulas adiungimus, sed in quibusdam plu-
 res, re ita exigente, vt in Italia & Græcia necesse erat fieri: Interdum
 vna tabula diuersis capitibus satis est, quemadmodum iis, quæ de in-
 sulis Græcorum & circa Italiam sunt, ex vniuersalibus Græciæ vel Italiæ
 tabellis prospiciendum est, quarum altera totum Aegæum mare cum
 insulis exhibetur; altera insulæ Sardinia & Corsica, interiectis multis
 tabulis, ita spatio primæ in Tyrrheno mari postulante, illustrantur. Vi-
 ginti & vnā nunc **TABVLAS** habes, **LECTOR**, cum primo Tomo,
 quo,

AD LECTOREM.

quo, præter generalem partem, Europa omnis continetur: Propediem reliquas cum Tomo altero, complectente Asiam & Africam, videbis. **INDICEM** quoque adiecimus solito copiosiore: Etiam magis perspicuum, quam vllum facile in geographia reperiās. Quærenti per indices permolestum plerumque est, quod vnius *πολυσήμῃ* vocabuli causa, hoc est plura significantis, multæ paginæ reuoluendæ, perlegendæ sunt: Quo labore hic Index liberabit, plerisque nominibus (notissimis tantum prætermittis) adscriptum habens distincto caractere, cuius regionis illud, aut provinciæ, aut gentis sit, ne quid frustra & alienis locis quæras, sed quod tuis curis, tuo instituto idoneum, primo intuitu deprehendas: idque non tantum iis, quæ vno vocabulo diuersa aut plura significant, sed aliis etiam, quæ rariora sunt & minus nota, ita adposuimus, vt non tantum indicem rerum & verborum habeas, sed breuem etiam dubiorum inter quærendum explicationem.

Vale & boni consule.



BENEVOLO LECTORI
L. IO. CONRADVS SCHWARTZ

Eloq. & Græcæ Ling. Prof. P. S. P. D.

IN lucem jam redit B. Cellarii liber Geographicus, qui simul ac primum editus erat, tanta literatorum gratia excipiebatur, ut apud externos etiam recuderetur. Redit autem, ut vides, paulo alia indutus forma, quam cur præoptauerimus, rationes breuiter exponemus. Quum enim ego per officii rationem in perlustrandis veterum græcorum & latinorum scriptis assidue verfer; necesse est, aliqua mihi occurrere identidem, quæ vel ad historiam perspiciendam, vel ad geographiam peruestigandam, vel ad linguarum naturam meditandam, vel ad morum & consuetudinum varietatem qua noscitantam pertineant. Inde igitur obseruationes aliæ post alias adhuc extiterunt, quas etsi primo ad meum usum consignaram, per occasionem tamen cum eruditis communicare non dubitavi, si quid forte illorum desideriis commodare possent. In iis igitur, quæ ad hunc Cellarii librum ascripseram, interdum spectavi originem urbium. Quum enim civitates de antiquitate sua fere gloriantur atque etiam disceptent: Operæ pretium visum est originem urbis cuiusque annotasse, prout cuiusque conditor ex veteribus libris forte mihi oblatus erat. Magnus saltem conatus est & magni animi, condere novum opidum, conquirere ciues, providere his præsidia vitæ, mederi communibus necessitatibus, munire posteris perfugium & caram sedem. Sed quando consiliis & optationibus non semper euentus respondet, fortuna hic quoque dominante: Fata urbium cum primis etiam intuentia sunt visa. Hæc enim ex Geographorum libris maxime requiri videntur, si præsertim ex historia illustrati esse dicantur. Omnino urbium vel magnitudo, vel exiguitas, vel cetera aut ornamenta, aut ignominia, aut amplificationes aut excidia aut renouationes ut temporibus gubernantur, ita propter varietatem alias admirationem habent, alias voluptatem, alias molestiam & miserationem. Hæc talia igitur pro re nata ad libri mei marginem itidem adieceram. Sæpe tamen etiam modo ad nomina opidorum, si quid haberent addubitationis, aliquid admonendum putavi. Eandem consuetudinem in fluminibus tenui. Ex iis enim multa etiam detrimenta, non modo utilitates ad finitimos agros & opida redundant. Quare si quid eorum vel nomina, vel natura, vel fata commemorabile haberent, id mihi prætereundum non putaram. Neque regionum vel vbertas vel sterilitas vel pestilentia aliunde fere exquiritur, quam ex Geographiis. Ex illis quidem rebus urbium aut splendor ac felicitas, aut calamitates & miseriæ cooriri videmus. Quamobrem harum quoque rerum sæpe habui rationem, ut de fessorum ingeniis, moribus ac fatis facilius existimari liceret. Multa in antiquitatibus hisce reperiuntur dubia & incerta, multa satis clara & magno omnium con-

BENEVOLO LECTORI.

consensu probata. Ergo ut quisque veterum scriptorum suo rem quamque testimonio firmat, ita sententiam eius retinui, data lectoribus iudicii suffragiique licentia. Quare autoritatibus, quas Cellarius noster ad sententiam suam firmandam attulerat, novas interdum addo. Nonnunquam tamen de opinionibus eorum, qui ad veritatem propius sibi accessisse videbantur, nec tamen eo peruenerant, sententiam dico. Quum autem vetustissima quæque fere sint obscurissima, neque certa nitantur fide: Prudenter hæc talia Cellarius præterire consuevit, quanquam in Geographia antiqua versari se meminerat. Ego vero quum non meam, sed antiquorum fidem hic agi viderem: Veterum de vetustissimis rebus auctoritates simpliciter posui. Ipsi ergo fidem eorum quæ asseuerant, aut faciant aut præstent. Hac mente igitur & Aufonum & illorum Græcorum, quibus hoc nomen proprie quondam hæserat, designavi sedem. Ambronibus autem, Ambarris & parti cuidam Heluetiorum, aliisque populis per rationes patriam suam vindicaui. In hisce autem rebus vniuersis breuitati tantopere seruiendum putaui, ut nonnunquam loca modo, vnde quæque petenda essent, indicarem, nonnunquam ipsa scriptorum verba fideliter adderem. Cauendum enim existimaui, ne de vtilissimi libri gratia moles detraheret: quum præsertim libri, ex quibus autorum testimonia collecta sunt, in omnium versentur manibus, vnde suis quisque desideriis satisfacere possit. Ac non libros modo, sed capita quoque & versus librorum plerumque citavi, vnde res quæque repetitæ fuerunt. Easdem sectiones aut etiam paginas in margine sæpe ad illorum autorum nomina adieci, quos Cellarius sine loci designatione commemorarat, ut lectorum adiuuaretur euoluendi conatus. Nomina item gentilia quæ vocant, aspersi nonnunquam, quum aliquo se vtilitatis nomine commendare videbantur. Ne disfidere quidem ab autore nostro honestum mihi putaui, nisi vbi veritas ipsa locos quosdam obtulisset, per quos a communi errantium multitudine segregassent sese scriptores graues, circumscripti & falsitatis inimici. Ratio quidem & humanitas postulabat, ne vniuersis tribueretur id, quod vel singulis vel maiori tantummodo scriptorum parti tribui iuberet veritas. Ignoriorum opidorum, fluminum, fontium, populorum nomina multis locis interspergi potuissent, sed ei rei vel in altero tomo huius geographiæ proprium locum assignabimus, vel alibi etiam lumen aliquod afferre conabimur. Hic Autoris nostri vestigia sequi maluimus. Ceteris quoque in rebus Autori fidem ac religionem illam, quo homines boni alienos libros tractandos censent, diligenter seruauimus. Neque enim vlli culpæ affinem me iudicabit quisquam, quod libri huius capita in minores partes numeris insignitas descripserim. Studui enim ea re commoditati lectorum consulere. Solent enim certius & facilius percurri oculis, quæ exiguis sunt quasi terminis circumscripta. Sed de insigni annotationum paucitate filere fatius fuerit, quam plura dicere. Ergo vale.

Ordo

❖❖❖ (o) ❖❖❖
ORDO TABVLARVM
HVIVS VOLVMINIS.


LIB. I.

- | | |
|--------------------------------------------------------------|---------|
| I. Tabula Climatum, ex Strabone potissimum excerpta, cap. VI | pag. 17 |
| II. Tabula Ventorum & plagarum secundum Veteres, cap. VIII | pag. 27 |

LIB. II.

- | | |
|------------------------------------------------------------------------------------------------------------------------------------------|-----------|
| III. Hispania Antiqua, cap. I | pag. 51 |
| IV. Gallia Narbonensis, Lugdunensis, & Aquitania, cap. II | pag. 129 |
| V. Gallia Belgica, cap. III | pag. 205 |
| VI. Britannicæ Insulæ, cap. IV | pag. 321 |
| VII. Germania Antiqua, Romanorum Transrhenana, cap. V | pag. 358 |
| * Germaniam Romanorum Cisrhenanam, id est, Superiorem
& Inferiorem, quære in Tabula V Galliæ Belgicæ. | |
| VIII. Sarmatia Europæa, cap. VI | pag. 395 |
| IX. Vindelicia, Rætia, Noricum, cap. VII | pag. 412 |
| X. Pannonia, Mœsia, Dacia, Illyricum, cap. VIII | pag. 437 |
| XI. Italia Antiqua, cap. IX | pag. 501 |
| XII. Gallia Cisalpina, eodem cap. | pag. 513 |
| XIII. Italia Propria siue Media, eodem cap. | pag. 568 |
| XIV. Latium Vtrumque, Vetus & Adiectum, cap. eodem, | pag. 630 |
| XV. Italia Vltima, seu Infima, quæ & Magna Græcia, cap. eodem, | pag. 665 |
| XVI. Regiones Italiæ, ab Augusto distributæ, eodem cap. | pag. 745 |
| XVII. Sicilia Antiqua cum minoribus circumiectis insulis, cap. XII | pag. 756 |
| * Corsicam, Sardiniam, & minores Italiæ insulas, cap. X.
& XI explicatas, quære in Tabula XI Italiæ Anti-
quæ pag. 501. | |
| XVIII. Græcia Antiqua vniuersa, cap. XIII | pag. 810 |
| * Hæc tabula inseruit etiam capiti XIV de insulis
Græciæ, in quibus & Creta, & Cyclades cum par-
te Sporadum sunt, pag. 1003 seqq. | |
| XIX. Macedonia, Thessalia, Epirus, cap. XIII | pag. 818 |
| XX. Hellas siue Græcia Propria & Peloponnesus, eodem cap. XIII | pag. 887 |
| XXI. Thracia Antiqua, cap. XV | pag. 1055 |





GEOGRAPHIA ANTIQUA.

ORbis terrarum antiquam faciem, in quantum cognita illis gentibus fuit, quæ monimentis litterarum & res suas & aliorum prodiderunt, descripturus sum. Arduum opus, & magnitudine sua ita vastum, ut vix animus complectatur, quia non Italia modo antiqua, aut sola Græcia, ab aliis explanatæ regiones, quamvis in iis quoque multa confragosa restant & aspera; sed, quantus orbis antiquis patuit, peragrandus nobis est, nec regionatim modo, sed oppidatim etiam inspiciendus. At quam multa illorum vetustas occultavit, obliuio suppressit, incuria hominum prætermisit? præsertim in barbaris regionibus, quo duces, quos sequimur, Græci Romanique, non penetrarunt; sed, si quid produnt, incertæ famæ potius, quam curæ ac studio suo debuerunt? Eruemus tamen, quoad possumus, ubique certiora, & documentis quæque suis, quantacumque reperire fas erit, illustrabimus, geographiam ex historiis, historias ex geographiæ monimentis interpretaturi.

II.

Modum operis definimus nobis, quem non facile egrediemur, ut perspicua breuitas nobis lex prima sit, qua nihil inexpositum relinquamus; nec vero superfluis aut inutilibus abundemus.

III.

De præstantia huius studii nihil præmonemus, quam nemo negat, nisi auersus ab omnibus liberalibus disciplinis. Nullum enim studiorum genus est, quod non lucem sibi aliquam a geographia petat. Sancta & cælo delata doctrina non sanctæ tantum terræ descriptionem, aut circumiacentium regionum desiderat, sed omne theatrum Apostolorum, quod cum orbe habitabili æquatur, & vbi vbi disseminata ecclesia fuit, hoc est, ad vsque mundi fines; sibi explanari explicarique postulat. Ciuilis prudentia & peritia legum accuratior, ex Græcis Romanisque institutis nata, quantum ex prouinciarum diuisione ac præfecturis prætorii accipiat claritatis, non ignorant, qui ad vtriusque fundamenta interiora penitus in omnes partes introspererunt. Medicinæ origines & medicamentorum patrias terras, quis inuestigabit lumine destitutus, quod sola præfert geographia? Historia autem & poetice, & cetera humanitatis studia, geographiæ ita coniuncta & intime sunt innexa, vt sine illa ne esse quidem possint, quum communi vinculo & quadam quasi cognatione inter se contineantur. Hæc autem vniuersa sunt eiusmodi, vt ex antiqui orbis descriptione, saltem ex facie illius, quæ medio æuo erat, illustramentum suum accipiant; notitia regionum & rerum publicarum, quæ nunc sunt, parum perspicuitatis, vel nihil omnino illis adfundat.

IV.

Quapropter, vt singula illustriora fiant, secundum tempora geographiam exponemus ita, vt orbis dispensationem veterem, quæ ab initio rerum ad Romani imperii magnitudinem, quæ amplissima sub Traiano fuit; & inde vsque ad Diocletiani tempora, qui multa in prouinciis mutauit, separatim illustremus: tum demum speciem, quam Constantinorum noua ætas induxit, & aliam, quæ sub Gothis & Langobardis ac vltra fuit, seorsum exponamus. Antequam vero ad singula adgrediamur, de notitia veterum geographica in vniuersum, siue generali eorundem contemplatione orbis terrarum, vt præmittamus aliquid, cum conueniens instituto nostro erit, tum singularum partium pertractationi ad explanandum illustrandumque vtile.



LIBER I

SIVE

NOTITIA ORBIS ANTIQVI IN VNIVERSVM COMPREHENSI.

CAPVT I

DE

VETERVM APPARATV GEOGRAPHICO.

Quantum veteribus cognitum de orbe terrarum in vniuersum siue generatim fuerit, prius est dispiciendum, quam ad partium cognitionem nos comparandam conferamus. Non enim rudis in geographia fuit antiquitas, sed quum primum studia litterarum coli & exerceri inter homines cœperunt, locum in iis & GEOGRAPHIA habuit. Homerus vt primus eorum fuit, qui Græcis litteris inclaruerunt; ita etiam, vt Strabo lib. i pag. 5 censet, τῆς γεωγραφίας ἡρξεν, *primus in geographiæ studio versatus est.* Quanta enim cura in catalogo vrbiũ & nauium, quæ pars secundi libri est Iliadis, omnem Græciam delineauit? quanto studio Asiæ partem iuxta Hellespontum, siue Troadis oram? Sequenti sunt præstantissimi quique ingenio, nec tantum Græciam suam, aut adiacentes regiones, sed orbem terrarum complexi animo, eruditas descriptiones, prout cuique noscendi facultas fuit, posteritati reliquerunt, laudatas a Strabone, Plinio, Byzantio illo Stephano, & aliis: plerasque vero, quæ temporum est iniuria, deperditas ita, vt vix nomina auctorum, aut operum, ad nostram memoriam perlata fuerint, quæ omnia referre, diffusi laboris foret, & pro nostro instituto pæne nimii. Priscorum industria satis ex tabulis, aut geographicis sphæris, quas confecerunt, elucet, in quibus colligendis operæ pretium & maius nobis & iucundius erit, quam si omnium, qui quocumque modo in terra describenda occupati fuerunt, non sine tædio ignota nomina adferamus.

II.

Anaximander Milesius, Thaletis, qui ex vii sapientibus fuit, auditor, πρῶτος ἐτόλμησε τὴν οὐκ ἐκείνην ἐν πίνακι γράψαι, *primus orbem terrarum in tabula conatus est describere*, quod Agathemerus Hypotypof. Geograph. lib. i cap. i refert: siue vt Laertius in Vita tradit, γῆς καὶ θαλάσσης περίμετρον πρῶτος ἔγραψε, hoc est, *primus terrarum orbem, terram & mare, in tabula depinxit.* Addit idem, καὶ σφαῖραν κατεσκεύασε, *etiam globum (terrestrem) apparauit:*

rauit : quem, vt Strabo lib. ii pag. 62 refert, Eratosthenes correxit, correctorem autem improbauit Hipparchus. Aegyptii vt inuentores fuisse geometriæ dicuntur ; ita huius etiam disciplinæ, quam GEOGRAPHIAM appellamus, aut primi cultores, aut primis proximi feruntur exstitisse, quippe antiquis illis temporibus in terrarum orbe designando non tantum literis, sed etiam figuris & tabulis posterorum memoriæ consuluerunt. Apollonius Argonaut. lib. iv. vers. 279

Οἱ δὲ τοὶ γράπτες πατέρων ἔθεν εἰρύοντα
 Κύρβιας, οἷς ἐνὶ πᾶσαι ὁδοὶ καὶ πείρατ' ἔασιν
 Ἰγρῆς τε Τραφερῆς τε.

Quæ Ioannes Hartungus vertit : *Illi quidem inscriptas patrum supra seruant tabulas, in quibus omnes viæ & termini sunt maris & terræ.* Quas autem hic tabulas vertit, scholiastæ veteri sunt *σηλαί, columnæ*, qui vero & ipse interpretatur *ἄξονας, tabulas*, puta columnis adfixas. Aristagoras, Milesiorum tyrannus, quum Spartam venisset concitandi belli causâ, dicitur ibidem ostendisse *χάλκεον πινάκα, ἐν τῷ γῆς ἀπάσης περιόδῳ ἐνετέμνητο, æneam tabulam, in qua totius terræ ambitus incisus erat*, Herodoto auctore lib. v cap. xlix. Et Athenis Socrates Alcibiadi, quod Aelianus narrat Var. Hist. lib. iii cap. xxviii, *πινάκιον ἔχον γῆς περίοδον, tabellam monstrauit, quæ terræ descriptionem continebat*, cuius generis plures Theophrastus habuit, quas in porticu appendi testamento iussit. Has enim Diogenes in Vita eius, *πινάκας, ἐν οἷς τῆς γῆς περίοδοί εἰσι, tabulas, in quibus orbis situs descripti sunt*, appellat.

III.

Nec Romanis huius generis apparatus & instrumenta defuerunt. Italiam in æde Telluris pictam fuisse, de Re rustica Varro lib. i cap. ii ; & *capita fluminum, orbe terrarum chorographiis picta*, Vitruuius lib. vii cap. ii ; & Metii Pomposiani *depictum orbem terræ in membranas*, Suetonius Domit. cap. x memorauit. Sub quod tempus quoque Marinus Tyrius *γεωγραφικὸν πινάκα, tabellam geographicam* confecit, vti est apud Ptolemæum lib. i cap. v i. Nec tantum tabulas regionum aut orbis illa tempora habuerunt, quarum modum consignandarum Ptolemæus eiusdem libri cap. xxiv tradit : verum etiam *globos* siue *sphæras*, terrarum orbem minuta forma adsimulantes, de quibus idem cap. xxi agit, cui præscriptus titulus est, *τὴν οἰκωμένην ἐν σφαίρᾳ καταγράφειν, terrarum orbem in globo describere.*

IV.

Ab Roma illud studium in prouincias fuit prolatum, quemadmodum Augustodunensis scholæ porticus, in Gallis Aeduis, eiusmodi tabulis ornatas fuisse, Eumenius rhetor oratione pro restaurandis scholis ad præsidem Galliæ, Constantii & Diocletiani æuo habita, cap. xx declarat. *Videat*, inquit, *in illis porticibus iuuentus, & quotidie spectet omnes terras, & cuncta maria, & quidquid inuictissimi principes urbium, gentium, nationum aut pietate restituant, aut virtute deuincunt, aut terrore.* Siquidem illic, vt ipse vidisti, *credo,*

credo, instruendæ pueritiæ causâ, quo manifestius oculis discerentur, quæ difficilius percipiuntur auditu, omnium cum nominibus suis locorum situs, spatia, intervalla descripta sunt, quidquid ubique fluminum oritur & conditur, quacunque se littorum sinus flectunt, quo vel ambitu cingit orbem, vel impetu irrumpit Oceanus. Huius generis sunt illa segmenta Theodosianæ Tabulæ, quæ ex Peutingerorum bibliotheca Marcus Velferus edidit: aut quæ secundum Ptolemæum ab Agathodæmone grammatico, ad quem Isidori Pelusiota aliquot epistolæ exstant, sunt exarata.

V.

Satis itaque de priscorum in geographiæ rebus industria constat, etsi de commentariis geographicis illorum, videlicet Anaximandri & Hecataei Milesiorum, Hellanici Lesbii, Democriti, Eudoxi, Ephori, Dicæarchi, Onesicriti, Theophrasti, Eratosthenis, Timosthenis, Posidonii, Hipparchi, & plurium aliorum, quorum monimenta vetustas aboleuit, nihil adferamus. Quorum autem vel opera integra, vel fragmenta etiam supersunt, hos nominatim laudare vna serie recensitos, est superuacaneum, quia in omnium notitia sunt, quæ augendæ & conseruandæ posteritatis doctrinæ reliquerunt: & a nobis quoque non sparsim, sed frequentissime auctoritatis causâ laudabuntur.

CAPVT II

DE

ROTVNDITATE TERRAE.

Non omnium eadem fuit de figura terræ sententia. Cleomedes κυκλικῆς θεωρίας lib. I tradit, παρὰ τοῖς παλαιότεροις τῶν φυσικῶν, in vetustis *physicis fuisse*, qui terram πλατῆ καὶ ἐπιπέδῳ τῷ κήματι κεχρηῆσθαι, *planam figuram habere* pronuntiauerint, quæ nimis plebeia est opinio, ab vniuersis eruditis, vt digna est, confutata. Alios, addit, credidisse, βαθεῖαν καὶ κοίλην τὸ κήμα εἶναι, *profundæ & cauæ figuræ terram esse*, hac inductos ratione, ὅτι διέμεινε τὸ ὕδωρ ἐπ' αὐτῆς, *quod aqua super ipsa maneat*. Sed hanc non minus, quam superiorem figuram posteriores reprobauerunt, qui, quo pacto aqua consistat, ne dilabatur aut effluat, liquidis argumentis & rationibus demonstrant. Absurdior illorum fuit opinio, qui κυβοειδῇ, *cubicam quadrangulamque terram esse* finxerunt, ipso sensu & communi ratione repugnante. Eruditorum autem in figura terræ consensionem sic idem Cleomedes dicto loco enuntiauit: οἱ δὲ ἡμέτεροι καὶ ἀπὸ τῶν μαθημάτων πάντες, καὶ οἱ πλείους τῶν ἀπὸ τῆς Σωκρατικῆς διδασκαλείας, σφαιρικὸν εἶναι τὸ κήμα τῆς γῆς διεβεβαίωσαντο, *nostrates vero, & omnes mathematici, & Socratici complures, globosam terræ figuram esse confirmauerunt*. Agathemerus quoque lib. I cap. I collegit, qui rotunditatem terræ negatum irent. Democritum ait censuisse, ὅτι προμήκης ἐστὶν ἡ γῆ, *terram oblongam esse* ita, vt longitudo ad latitudinem

dinem habeat rationem sesquialteram: cui sententiæ etiam Dicæarchus peripateticus accesserit. Eudoxum autem dixisse, longitudinem ad latitudinem esse in ratione dupla: sed Eratosthenem in maiore quam dupla. Cratrem semicirculo adsimilasse, Hipparchum mensæ, Posidonium stoicum fundæ, cuius media latitudo ab austro in septemtrionem pateat, angustior pars circa orientem & occidentem procedat. Cum Posidonio facit Dionysius periegeta principio carminis de terra scribens:

Ὅυ μὴν πᾶσα διαπρὸς περίδρομος, ἀλλὰ διαμῦς
 Ἐυρυτέρῃ βεβαυῖα πρὸς ἡλίοιο κελευθὸς
 Σφενδὼνῃ εἰοικυῖα,

Hoc est: *Non tamen tota prorsus rotundum circuitum habens, sed utrimque latior vergens ad solis vias, fundæ similis.* Dissentiunt grauer docti homines in explicatione. Plerique, etiam Agathemerus, & in Dionysium Eustathius, tractum a septemtrione in austrum latiore constitunt: at qui ab ortu in occasum est, angustior. Sed alia mens periegetæ fuit, & forsan etiam Posidonii, quos consentire ipse iudicavit Eustathius. Nam *κέλευθαι ἡλίοιο, solis viæ*, ab ortu in occasum feruntur, quo tractu *ἔυρυτέρα, latior*, terra, hoc est, capacior ampliorque, saltem ex notitia veterum; quam a septemtrione in austrum. Nec *ἔυρυτερ* heic ita strictim intelligatur necesse est, uti artifices solent, qui latitudinem orbis ab austro in septemtrionem referunt: sed amplitudinem significat, quæ etiam ab ortu potest in occasum esse, & antiquis vere fuit, quem vulgo tractum longitudinis appellamus. Ita sane Cicero, sub persona Africani, eandem rem interpretatus est de Somnio Scip. cap. vi. *Omnis, inquit, terra, quæ colitur a vobis, angusta verticibus, lateribus latior est.* Vertices enim polos vocat, ut paullo ante dixerat, *cæli verticibus subnixos* [circulos] *obriguisse pruina*: & Arateo versu, quem ipse Latine reddidit lib. ii de Natura deorum cap. xli

duplici de cardine vertex

Dicitur esse polus.

Lateræ vero ab ortu & occasu sunt, sicut plures gentes septemtrioni obuersæ, ut omnes sunt Europææ, in plagis mundi a dextris ortum solis constituunt. Figuræ vero in eo sita erat ratio, quia id solum pro terra habuerunt, quod habitatum hominibus videbant esse, *οἰκισμένην* videlicet *γῆν*, quæ ab occasu in ortum antiquis utique notior erat, quam ab austro in septemtrionem. Inde oblonga figura, quam fingeabant, exorta fuit, quæ nec alia facile, pro illorum notitia temporum, quam de habitabili terra habebant, si recte inquirimus, potuit esse. Ipse Strabo lib. ii p. 79 de cognito illo tractu censet, *πλέον ἢ διπλάσιον εἶναι τῆς πλάτους τὸ μήκος*, *duplo maiorem longitudinem esse ab ortu in occasum, quam latitudinem ab austro in septemtrionem.* Quod etiam Geminus sensit, Straboni vel æqualis auctor, vel paullo maior, Isagog. Astronom. cap. xiii.

II.

Non addam de vulgi opinione, a Cleomede supra etiam relata, qua terræ orbis planus, ut discus, cogitatus fuit, qui vndique in oris suis inclinatum
 magis-

magisque propinquum cælum, deflexa concauitate eius, haberet. Non equidem existimo, eruditorum quemquam ita ex animo credidisse. Vt vero sæpe cum vulgo loquuntur, poetæ præsertim, & solem ex mari emergere, dum oritur, finxerunt; in idemque, dum occidit, subire: ita perinde plebeium sensum de figura terræ nonnunquam imitatos esse, ipsa verba illorum, si penitus inspiciamus, persuadebunt. Horatius lib. I Carm. od. XXI

*Pone sub curru nimium propinqui
Solis, in terra domibus negata.*

Et Lucanus lib. IX Pharsal. v. 351

*Terrarum primam Libyen. nam proxima cælo est,
Ut probat ipse calor.*

Et Silius Italicus lib. III versu 654

*Ad finem cæli medio tenduntur ab orbe
Squalentes campi,*

Africæ videlicet. Nec poetis tantum ita vulgum imitari licuit, sed neque historici & alii scriptores a tali loquendi ratione se omni abstinerunt. Plinius lib. II cap. LXXVIII *Aethiopes ait vicini sideris vapore torreri.* Sextus Rufus cap. X ad orientem quoque accommodat, *positas sub vicino sole prouincias* dicens, quas orientales intelligit, sicut poetico more Annæus Florus lib. II cap. XVII sect. 12 idem vel simile aliquid de occidentali plaga, non sine horrore occiduum solem in mare recipiente, confinxit. Quæ plagæ, ortus & occasus, sententiam nostram de scriptorum quorundam more, vulgi opinionem imitante, confirmant, ne quis verba poetarum, quod plures faciunt, de solis vnice via, quæ inter tropicos circulos est, interpretetur, quasi calidiores regiones vocentur, quæ propius ad torridam zonam accedunt. Nam ad longitudinis tractum etiam tales locutiones adhibentur, non ad illum solum, qui in austrum vergit. Nec in ipsa austri plaga bene sibi conueniunt, quæ pro alia, quam plebeia opinione adferuntur. Nam non *soli* tantum, aut eius *viae*, siue tractui, qui zodiaco subiectus est, *vicinas* illas terras dicunt, sed *cælo* etiam *proximas*, vti ab Lucano scriptum habemus: neque incognitæ antiquis illæ partes erant, aut visæ inhabitabiles, quæ circa canceri tropicum in terra sunt. Sed quoniam de his dictum est alibi, nolo iam iis immorari, quum non opiniones vulgi de orbe terrarum, sed doctorum sapientiumque hominum sententias excutiamus.

III.

Horum qui præstantissimi fuerunt, non dubitauere de terræ rotunditate, inducti certis et immotis rationibus, * quas, pro diuersis locis, ab sideribus eisdem heic magis eleuatis, illic plus depressis; ibi conspicuis semper, alibi perpetuo occultatis; & a varia eclipsium apparentia, dierum inæ-

* Non tamen definitis & astrictis satis: nam easdem has rationes quum perspectas habeant eruditi nostræ memoriæ: tamen terram non sphericam, sed σφαιροειδῆ esse putant. Vide Derhamum in libro Physico-Theology dicto II c. I pag. 39. Iurinum ad Varenii Geographiam, c. 3. Isaac. Newton libr. III prop. XIX. Christ. Huygenium dissert. de causis grauitatis.

inæqualitate & noctium, & ab aliis phænomenis, * quæ idem probant, petierunt. Plato Phædone p. 43 de terra dixit, ἐν μέσῳ ἔσαν ὡς περιφερὴς ὅσα, *rotundam esse & cælo undique conclusam.* Aristoteles lib. II de Cælo cap. ult. rationibus propositis decernit: σχῆμα δὲ ἔχει σφαιροειδὲς, ἀναγκαῖον, *necesse est, terram habere globosam figuram.* Et Strabo lib. I pag. 33 σφαιροειδὴς γὰρ ἡ ἀπασα, *tota terra rotunda est.* Eadem Latinorum fuit sententia. De Cicerone postea dicemus, quum de mari agemus supra terram se undique continente; & de antipodibus. Seneca Quæst. natural. lib. III cap. XXVIII, *In rotundum orbis [terræ] æquatus est.* In parte autem eius & maria sunt, quæ in unius æqualitatem pile coeunt. Et Plinius lib. II cap. LXX, *Reliquorum, quæ miramur, caussa in ipsius terræ figura est, quam globo similem, & cum ea aquas, iisdem intelligitur argumentis.* Sunt autem eadem argumenta, quæ supra dedimus, a siderum diuersis apparentiis, & eclipsibus non ubique visis, & similia; quibus euictis, ita tandem concludit: *Quod si plana esset terra, simul omnia apparerent cunctis, noctesque non fierent inæquales. Ideo nec nox diesque quævis eadem toto orbe simul est, oppositu globi noctem, aut ambitu diem adferente.*

IV.

Duo sunt, quæ vulgo rotunditati obiiciuntur, continentia maris, ne effundatur: & montium altitudo, depressis vallibus interdistincta. Ad id, quod de mari est, Cicero respondeat, quæ veterum sapientum & sua de eo sententia fuerit. Si mundus, inquit lib. II de Nat. deor. cap. XLV, *globosus est, (esse autem probavit antea) contingere idem terræ necesse est, ut, omnibus eius partibus in medium vergentibus, nihil interrumpat, quo labefactari possit tanta contentio gravitatis & ponderum.* Eademque ratione mare, quum supra terram sit, medium tamen terræ locum expetens, conglobatur undique æquabiliter, neque redundat unquam, neque effunditur. Alteri, quod de montium valliumque inæqualitate obiicitur vulgo, pererudite occurrit Seneca lib. IV Quæst. natural. cap. XI. *Excelsa, inquit, sunt ista [cacumina montium] quamdiu nobis comparantur: at vero ubi uniuersum respexeris, manifesta est omnium humilitas. Inter se vincuntur & vincunt. Ceterum in tantum nihil attollitur, ut collatione totius nulla sit vel maximis portio. quod nisi esset, non diceremus totum orbem terrarum pilam esse. Pile proprietas est, cum æqualitate quadam rotunditas: æqualitatem autem hanc accipe, quam vides in lusoria pila. Non multum illi commissuræ & rimæ earum nocent, quo minus par sibi ab omni parte dicatur. quomodo in hac pila nihil illa intervalla officiunt ad speciem rotundi: sic nec in uniuerso quidem orbe terrarum editi montes, quorum altitudo totius mundi collatione consumitur.* Id quod etiam Græci multo ante intellexerunt. Eratosthenes apud Strabonem lib. I pag. 33 dixit terram rotundam esse, οὐχ ὡς ἐκ τόπων δὲ, ἀλλ' ἔχει τινὰς ἀνωμαλίας, *non ex tor- no quidem, sed habere quasdam inæqualitates.*

V. Sic

* Ex illis exclusam velim *umbram terræ in luna.* nam ex umbris, quæ a lumine finitimo facile absorbentur & immutantur, & corporum, in quæ incidunt, naturam imitantur, & alibi aliter variantur, nihil certi colligi posse putem.

V.

Sic recte senserunt antiqui de terræ rotunda figura, nec vero errarunt illi, qui habitatam terram oblongam esse tradiderunt, si illam habitabilem dixerunt seu *οικουμένην*, quæ non habitata modo illis temporibus, sed cognita etiam & perlustrata priscis illis hominibus fuit, qui de ea re memoriæ prodiderunt. Quid multa? dum orbem dixerunt & orbem terrarum, rotunditatem totius terræ confessi sunt, quam etiam globi figura in nummis significauerunt, cuius generis ille est, qui sphaeram tenet, obuersis cingulis circumligatam, cum gemino oliuæ ramo; & inscriptus est: PAX ORBIS TERRARVM S. P. Q. R. Minus autem excusari possunt, qui quæ illi de *οικουμένην* seu habitata terra dixerunt, de vniuersa terra errore grandi intellexere, quo fieri non potuit, quin aliter, quam res erat, de terræ figura cum ipsi sentirent, tum alios etiam turbata sensa sua & confusas opiniones edocerent.

CAPVT III

DE

ORBE HABITABILI.

Veteres quum orbem esse Terram, & globosam eius figuram, tradiderunt, omnem terrarum mariumque molem intelligebant, cuius vero vix quartam partem crediderunt habitari, quam *οικουμένην* dicebant, id est partem orbis habitabilem. Agathemerus lib. i Geograph. cap. vi clare distincteque, *Δέον εἶδέναι σε, ὡς ἡ οἰκουμένη πᾶσα πρὸς τὸ μέγεθος τῆς ὅλης γῆς ἀναλογιζομένη, τὸ τέταρτον τάυτης εὐρίσκεται, Scire debes, omnem habitabilem terram ad magnitudinem totius orbis comparatam, reperiri quadrantem illius.* Quod si curatius examines, quanta illa habitata pars exstiterit, dissensiones veterum auctorum non leues inuenientur. Plerique in eo consentiunt, ut *οικουμένην*, seu habitabilem terræ partem temperatæ zonæ, septemtriones spectanti; includant: torridam & frigidas inhabitabiles esse iudicent. Strabo lib. i p. 44 *τῆς εὐκράτης καὶ καθ' ἡμᾶς ζώνης μέρος ἡ οἰκουμένη ἐστίν, Temperatæ zonæ, in qua nos sumus, pars est ἡ οἰκουμένη siue habitata terra.* In austrum quidem vsque ad tropicum citeriorem non ignorabant habitari: in septemtrione autem quousque habitatio pateret, incerti omnes erant, quod nec Romani neque Græci in illam plagam longius penetrauerunt, id quod postea, de climatibus acturi, ostendemus. Vnde est, quod *μέρος*, partem tantum temperatioris zonæ habitatam esse geographus scribebat: torridam atque frigidas ab usu hominum pecudumque reduxit. Consentit Pomponius Mela cap. i. *Zonis, inquit, quinque [terra] distinguitur: mediam æstus infestat; frigus ultimas: reliquæ habitabiles paria agunt anni tempora, verum non pariter.* Nec in diuersum Sallustius iuit, Iugurthino B. cap. xix scribens: *Super Numidiam Getulos accepimus partim in tuguriis, alios incultius vagos agitare: post eos Aethiopas esse; dein loca exusta solis ardoribus.* qui sic Aethiopas citra zonam torridam credidit esse. At Ptolemæus lib. iv cap. vi & ix Aethiopes per torridas maxime plagas distribuit, nec tantum ad æquino-

etialem vsque perduxit, sed nonnullos etiam vltra posuit, quamquam, cuius fide & auctoritate, aut quam certa fama, ignoramus. Hannonis certe periplus montem altissimum, *Θεῶν ὄχημα*, *Deorum currum* appellatum, præteruectus triduo, in Noti cornu, sinu australi, ad Guineam, quam nunc dicunt, Africæ, cis æquatorem constitit. nam ipse Ptolemæus illum montem, & adiacentem sinum, aliquot gradibus citra æquinoctialem collocavit. Hæc de notitia veterum in tractu meridiali. De fabulosis enim Nili fontibus, infra in Africa dicturi sumus.

II.

Obscurior, quam auster, fuit *septemtrio* antiquioribus, qui quam incerti de iis fuerint, quæ supra Caspium mare sunt, exinde manifestum est, quod plures geographorum, ipse Strabo, periegeta Dionysius, Pomponius Mela, & Plinius, ac Solinus, a Patrocle forsan in errorem inducti, Macedonicæ clasfis præfecto, (de quo Plinius lib. vi cap. xvii consulatur) mare Caspium ex Scythico Oceano prorumpere, & sinum illius facere crediderunt, quum veriora utique discere ex Herodoto potuissent, qui lib. i cap. cciii tradidit: *ἡ κασπία θάλασσα ἐστὶ ἐπ' ἐαυτῆς, οὐ συμμίσχουσα τῇ ἐτέρῃ θάλασσῃ*, hoc est, *Caspium mare est per se, non admistum alii mari.* Neque certiores rationes erant supra Euxinum Pontum, aut supra Germaniam in Scandinavia peninsula, & dubia pleraque ac fabulosa, quæ de Scythiis interioribus a multis tradita fuerunt, nisi posteriores, Agathemerum & Ptolemæum, certiora forsan ab accolis accepisse credamus, quod in vna alteraque parte contigisse non est incredibile: sed vniuersam Scythiam innotuisse nondum persuademur, quia nec hodie omnis, orientalis maxime, siue Tartaria Magna, in Europa degentibus satis explorata est & cognita. Quousque Alexander in orientem penetrauit, notior facta pars Indicarum regionum: vltra terminos expeditionis eius, quæ scripta sunt a variis, vulgi rumore, lubrica fama, aut fictione potius nituntur pleraque. Vnde est, quod, qui tradiderunt illa, Megasthenes, Aristobulus, Eratosthenes, Hipparchus, Onesicritus, Nearchus alique, raro consentiant, seque mutuo impugnent, quod ex Strabonis lib. ii & xv obseruamus. Limes occidentalis in Mauretania, Hispania, Gallia, Britannicis insulis satis certus perspectusque fuit, Oceanus Atlanticus, Aquitanicus, & Britannicus: quæ vltra has regiones in septemtrionem vel meridiem excurrunt, æque incerta & incognita antiquis fuere, ut illa, de quibus prædiximus.

III.

Qualiscumque autem huius cognitæ *οἰκωμένης* figura fuit, utique longior quam lata; *orbem* tamen *terrarum* non desinunt Latini appellare, quod minime miramur, quia iidem etiam *orbem* magnas partes habitabilis terræ per synecdoches tralationem sæpe numero appellant. Nec Romani tantum imperium suum *orbem terrarum* sæpe dixerunt, sed ipse quoque diuinus scriptor Lucas cap. ii *πᾶσαν οἰκωμένην*, omnem habitabilem mundum, Augusti Cæsaris potentiae subiectum tradit esse, quum *ἀπογεγραφήν*, seu *censum* eius, in prouinciis actum, descripsit: quod eadem dicendi conuersione, siue

siue κατὰ συνεκδοχὴν interpretandum est. Illud vero Romanum imperium dixerunt *orbem Romanum* Eutropius lib. viii cap. iii & x, Trebellius in Galienis cap. v, Ammianus lib. xxvi cap. xvi. (Vales. c. ii) Imperatores lege vlt. Cod. Theod. de Fide Catholica, & Augustinus Civ. Dei lib. v cap. xxv, ac lib. xxii cap. viii. Non deerat ratio tam gloriose de Romanorum imperio loquentibus, quia maiorem illud & nobiliorem partem habitabilis mundi, quantus tum cognitus erat, complectebatur. Sed alias quoque terræ habitabilis siue totius partes, & quasdam quidem non maximas, Latini sæpe *Orbes* appellauerunt. Sic non tantum est *Europæus orbis*, Ammiano lib. xvii cap. xvi; & *Africanus orbis* Saluiano lib. vii pag. 275; & *Hyperboreus orbis* Martiali lib. ix epigr. c. ii; & *orbis geminus*, Europa & Africa, apud Claudianum Belli Gild. principio: & *orbis Persicus*, in Prudentii Epiphaniæ hymno; verum etiam minores portiones *orbis* nominantur, vt *orbis Iberus*, Lucano lib. v vers. 343, id est Hispania, quæ & *extremus orbis* est Silio lib. xvi vers. 289, ac *Hesperius orbis*, ibidem v. 659: quo dignum est referri, quum Prudentii hymno iv Peristeph. siue de xviii Cæsaraugustanis martyribus v. 61 Carthago, metropolis Africæ propriæ siue proconsularis prouinciæ,

parens orbis populosa Pæni

dicitur. Ad hunc modum scite Augustinus Christi ecclesiam, toto mundo dispersam, *orbem Christianum* dixit epist. xlviii ad Vincentium. Hæc de orbe habitabili, & vocis *orbis* significatu geographico.

CAPUT IV

DE

MEDIO SIVE VMBILICO
TERRAE HABITABILIS.

SI rotunda Terra & globosa est, sicuti omnino est; nec principium illa, neque extremum, atque ita nec medium habebit, sed omni ex parte, quæ eius sunt, in se redeant necesse est, si lineas & tractus inter se comparaueris. Nihilominus frequens vox antiquis de *umbilico* terræ est, siue medio loco, quem vero non omnes eundem designant aut intelligunt. Græci de Delphis suis in Phocide sitis iactauerunt, quod esset umbilicus terræ non Helladicæ modo, sed etiam vniuersæ, tamquam medium punctum in orbe terrarum. Pindarus Pythiorum vi carmine ineunte

ὄμφαλον ἐριβρόμου χθονὸς

ἐς ναὸν προσοιχόμενοι,

hoc est: *umbilicum* horrifonæ terræ ad templum accedentes, videlicet τὸν πύθιον ναὸν, *Pythium* siue Delphicum templum, vbi horrorem oraculi voces cum terræ tremore incutiebant. Euripides clarius Ione v. 223

ὄντως μέσον ὄμφαλον γᾶς

φοίβου κατέχει δῶμος,

id est, vere medium *umbilicum* terræ Phæbi continet domus. Et eiusdem tragœdiæ v. 461

φοιβήϊος ἔνθα γὰ
μεσόμφαλος ἐστία,

Phæbeia ubi terra, medio umbilico ædes. Et Sophocles Oedipo Tyranno vers. 488 τὰ μεσόμφαλα γὰς μαντεῖα, *medium terræ tenentia oracula* dixit. Omnium autem clarissime id Strabo illustravit lib. ix, addito etiam ex fabulis, quod argumenti speciem imperitioribus præbuerit. De Delphico templo ait p. 289, τῆς Ἑλλάδος ἐν μέσῳ πῶς ἐστὶ τῆς συμπάσης, τῆς δὲ ἐντὸς ἰσθμοῦ, καὶ τῆς ἐκτὸς ἐνομίοθη δὲ καὶ τῆς οἰκισμένης, καὶ ἐκάλεσαν τῆς γῆς ὀμφαλόν. *Est fere in medio totius Græciæ situm, quæ & extra Isthmum & intra est: quin etiam in medio totius habitabilis orbis putarunt esse positum, ideoque umbilicum terræ appellauerunt.* Agathemerus non minus perspicue lib. i cap. i οἱ μὲν παλαιοὶ τὴν οἰκισμένην ἔγραφον τρογγύλην, μέσῃν διηγείσθαι τὴν Ἑλλάδα, καὶ ταύτης Δελφός· τὸν ὀμφαλὸν γὰρ ἔχειν τῆς γῆς. *Veteres orbem habitabilem effigiarunt rotundum, mediam vero sitam esse Græciam, & eius Delphos; obtinere enim umbilicum terrarum.* Delphi quoque candidum lapidem ostenderunt, quem dicebant ὀμφαλόν, *umbilicum* esse, quod Pausanias notavit Phoc. pag. 331.

II.

Græcos, ut in ceteris studiis, Romanī quoque opinione hac imitati sunt. * Liuius lib. xxxviii cap. xlviii oratione Manlii: *Delphos quondam commune humani generis oraculum, umbilicum orbis terrarum, Galli spoliauerunt.* Ovidius Metamorph. lib. xv v. 630

Auxilium caeleste petunt, mediamque tenentes

Orbis humum Delphos adeunt, oracula Phæbi.

Opinionis suæ rationem non tam ex geometria, quam ex fabulis arcessunt. Nec etiam certum aliquid geometrarum disciplina in hoc genere adferre potest. Si enim *terrarum orbem*, ut Liuius appellavit, proprie interpreteris, globosamque illam molem terrarum mariumque intelligas; ineptias aget, quisquis medium punctum velit aut umbilicum in superficie terræ investigare. Quod enim rotundum est, æqualem ubique superficiem habet, in qua nihil primum, nihil extremum, nihilque supernum infernumve appellari potest. Ex quo consequitur, ut neque medium in orbe sit, aut aliquid simile umbilico. Sin partem totius globi, habitabilem terram, quam haud dubie veteres in animo habuerunt, intelligimus; neque sic res expedita, aut facilis diiudicatu est. Nam etsi ab occasu solis certum terminum habemus; ubi finietur in oriente, ubi in austro & septentrione ita, ut per gradus, millenosque passus, aut per stadia Græcorum more designemus, in quo puncto vndique deductæ pares lineæ concurrant? Fabulis ergo, ut solebant in incertis, quidquid huius traditionis est, tuebantur magis, quam geome-

* Non omnes tamen. Nam Varro L. L. vi c. 6 ad Poetæ verba ο *sancte Apollo, qui umbilicum certum terrarum obtines*, addit continuo: *UMBILICVM dictum aiunt ab umbilico nostro: quod is medius locus sit terrarum, ut umbilicus in nobis.* - Quod utrumque est falsum. neque hic locus est terrarum medius, neque noster umbilicus est hominis medius. Præterea si quod medium, id est umbilicus ut *pila terræ*: non Delphis medium est, terræ & medium non hoc. Sed quod vocant Delphis in æde foramen, adlatum est quiddam in thesauri speciem, quod Græci ὀμφαλόν *UMBILICVM* dixerunt.

geometrica ratione. Fictum antiquitus erat, Iouem, ut medietatem terræ experiretur, duas aquilas, alteram ab ortu, ab occasu alteram vno tempore emisisse, quæ, continuo volatu agitatae, Delphis, ut medio loco, conuenissent. Ita Strabo d. l. qui in Apollinis templo umbilicum fasciis velatum, & δύο εἰκόνας τῆς μύθου, *duas imagines huius fabulae* ostendi tradit: & Pindari scholiastes ad verba Pyth. od. iv stroph. i χρυσέων Διὸς αἰετῶν πάρεδρος ἱέρεια, *quæ aureis Iouis aquilis adsidet sacerdos*, eandem fabulam de contrario aquilarum volatu repetiuit. Ex Pindari verbis autem habemus, quæ Strabonis εἰκόνας, *imagines*, fuerint, aquilæ videlicet aureæ, in eius rei memoriam in templo Delphico adseruatae. Fabulam quoque Plutarchus attigit principio libri, Cur oracula edi desierint. E Latinis Claudianus, prologo Panegyrici de consulatu Mallii Theodori, luculenta imitatione:

Iuppiter, ut perhibent, spatium quum discere vellet

Naturæ, regni nescius ipse sui;

Armigeros utrimque duos æqualibus alis

Misit ab eoīs occiduisque plagis.

Parnassus geminos fertur iunxisse volatus,

Contulit alternas Pythius axis aues.

III.

Hæc de umbilico terræ apud Delphos: cui Græcorum opinioni con-
similis est illa Christianorum veterum, qui de Hierosolymis, vel loco cir-
ca illam urbem, crediderunt idem. Horum personam patriarcha Hiero-
solymitanus tueatur, qui apud Eutychium Tom. ii Annal. Alexandri-
norum, pag. 286, de loco quo Iacobus scalam cæli per quietem vidit
(quem intra Aeliæ pomoeria ponit) Omari, Saracenorum Caliphæ dixit
هـي في وسط الارض *hic locus in medio terræ*. Succinit Victorinus Picta-
uiensis principio carminis de Cruce, quod quidam Cypriano tribuunt,

Est locus, ex omni medium quem credimus orbe,

Golgotha Iudæi patrio cognomine dicunt.

Et alius Christianus poeta qui Tertullianus putatur esse, lib. ii aduersus
Marcionem v. 196

Golgotha locus est, capitis caluaria quondam

Lingua paterna prior sic illum nomine dixit.

Hic medium terræ est: hic est victoria Signum.

Accedit auctoritas Iudæorum, qui idem sentiunt de Hierosolymis. Da-
uid Kimchi in Psalmum LXXXVII comm. 3 כי הישוב נחלק לשבעה חלקים • והם באמצע הישוב •
ובחלק האמצעי הן ירושלים • והן באמצע הישוב • *Terra habitabilis diuiditur in se-
ptem partes (climata). & in parte media est Ierusalem: & hæc est medio ter-
ræ habitata.* Non est poenitenda hæc sententia, si cum geographorum ra-
tionibus, quæ per gradus fiunt, componatur, quorum sexaginta circi-
ter ad occidentis limitem, Hispaniam vltiorem, ab Hierosolymis nume-
rantur, & totidem fere ad Gangem fluuium, Indiæ citerioris, & olim ab
Alexandri expeditione notæ, terminationem: Phocis autem, in qua Del-

phi sunt, viginti gradibus a Palæstina, in occasum versus, est remota, ut vel hac de causa Græcorum opinioni Christiana & Iudaica sit præferenda. Pondus adiiciunt oraculi sortes, ad quas non Christiani modo, sed Iudæi etiam olim prouocauerunt, verum non pariter. Iudæus Kimchi Ezechielem & testem & interpretem aduocat, qui cap. xxxviii. 12 dixerit, יושבי על שטח הארץ *habitantes in umbilico terræ*: ex Christianis Hieronymus in Ezechiel. cap. v comm. 5 commentatus est: *Psalmistæ (Psalm. lxxiv. 12) passionem (Dominicam) exprimens, Operatus est, inquit, salutem in medio terræ.* Bene res habet, si certa satis interpretatio sit utriusque. At nondum euidetur, de Iudæa Ezechielem vaticinari: aut psalmo illo de Christi supplicio Dauidem. Aliud præsidium sententiæ confirmandæ quærendum est: id quod putamus Ezechielis cap. v commate 5 inueniri, ubi Dei verbis vir diuinus ait: *Ista est Ierusalem: in medio gentium posui eam, & in circuitu eius terras.* Quid est IN MEDIO GENTIVM? R. Salomo Isacides exponit, באמצע העולם *in medio mundo*: R. David Kimchi באמצע הישוב *in medio habitabilis terræ.* Cur ita? non tam idcirco, quod אור טוב ומנוח *aer bonus ibi & temperatus est*, quod nemo negat: quam propter aliam eamque mysticam rationem, quam ita in commentariis in h. l. beatus Hieronymus interpretatus est: *Hierusalem in medio mundi sitam hic idem propheta testatur, umbilicum terræ eam esse demonstrans. A partibus enim orientis cingitur plaga, quæ appellatur Asia: a partibus occidentis, eius quæ vocatur Europa: a meridie & austro, Libya & Africa: a septentrione, Scythia, Armenia atque Perside, atque cunctis Ponti nationibus. In medio igitur gentium posita est, ut quia erat notus in Iudæa Deus, & in Israel magnum nomen eius; omnes in circuitu nationes illius sequerentur exempla: quæ gentium circa se positarum impietatem sequuta, vicit etiam ipsas in scelere suo.* Præclare etiam in hanc rem Marcus Antonius Sabellicus Ennead. vii lib. i de Christo in Iudæa nato scripsit. *Natalis, inquit, terra multo aptior fuit ad mysterium in omnes gentes propagandum, quam si remotiore aliqua mundi plaga lux illa esset orta. Est Iudæa terrarum fere media.* Quæ si pie apud animum æstimantur, non, ut anilis fabula, ridenda est illa antiquæ ecclesiæ opinio in medio mundo urbem Hierosolymitanam sitam fuisse, & in eadem medietate natum, supplicio adfectum, a morte excitatum humani generis REPARATOREM: scilicet ut omnibus pateret tanta salus, & ex æquo adnuntiari omnibus applicarique diuina beneficia possent. Sed hæc laxè velimus intelligenda: facessat procul superstitio, quæ, ut punctum in circulo, sic centrum οὐκ ἐκ μένης quasi digito demonstret, quia nec extremitates eius ad geometricam rotunditatem exigi & adprobari accuratius a quocumque possunt.

ZONIS IN TERRARVM ORBE.

COnuicti ratione cum Græci tum Latini sapientes, vt rotundam Terram & globosam esse iudicarent; eosdem circulos in ea, qui in cælo sunt, easdemque partium diuisiones, cælestibus subiectarum, instituerunt. Sphæram primum in hemisphæria, quæ æquator circulus vel horizon etiam faceret, diuiserunt, quorum multa apud Strabonem lib. ii, & Agathemerum lib. i cap. vi, & Melam cap. i explicatio est mentio facta. Polos & circulos æque, vt nobis hodie solemne est, nominant, quibus segmenta definiunt, quas *Zonas* appellamus, nec aliter veteres ipsi nominauerunt. videlicet duas frigidas circa polos siue vertices: indeque ad tropicos duas temperatas, *εὐκράτες* Græce: & inter has vnā torridam, *διακεκαυμένην*, *exustam*, quam plerique perinde ac frigidas, *ἀοίκητον*, *inhabitabilem* crediderunt. Pomponii verba cap. iii attulimus: iam satis sit Plinium adiungere, lib. ii cap. lxxviii perspicue de argumento hoc differentem. *Quum sint*, inquit, *cæli quinque partes, quas vocant zonas, infesto rigore & æterno gelu premitur omne, quidquid est subiectum duabus extremis utrimque circa vertices, hunc qui septemtrio vocatur, eumque qui aduersus illi, austrinus appellatur. Perpetua caligo utrobique, & alieno molliorum siderum adspectu maligna, ac pruina tantum albicans lux. Media vero terrarum, qua solis orbita est, exusta flammis & cremata, cominus vapore torretur. Circa duæ tantum, inter exustam & rigentes, temperantur: eæque ipsæ inter se non peruiæ, propter incendium siderum. Ita terræ tres partes abstulit cælum: Oceani rapina in incerto est. Consentiant cum Plinio & Mela in numero Zonarum & in earumdem explicatione Virgilius lib. i Georg. v. 233. Ouidius Metamorph. lib. i vers. 45. Tibullus lib. iv panegyri Messalæ a versu 152. Macrobius lib. ii Somn. Scip. cap. v. & in Græcis Strabo lib. ii, Cleomedes lib. i, Proclus in Sphæra, & Stoici apud Laertium in Vita Zenonis Cittiei. Quamuis autem quæ natura exustæ, quæ rigentium zonarum esset, quod remotissimæ erant, peruestigare & certo cognoscere non potuerint: quidam tamen vel ratione vel coniecturis adsequuti sunt quod res est. De rigentibus Varro lib. i R. R. cap. ii, *Sunt regiones inter circulum septemtrionalem, & inter cardinem cæli, ubi sol etiam sex mensibus continuis non videtur. Et interiectis paucis: illic in semestri die, aut nocte, & reliqua: quæ utique se recte habent, & experientiæ norunt, quod secus esse, compertum nauigationibus multarum gentium habemus. Sed tamen Eratosthenes, cui Polybius ὁμοδοξῆν, consentiebat, apud Strabonem lib. ii pag. 66: dixit, ὑποπίπτεισαν τῷ ἰσημερινῷ εἶναι εὐκρατον, planam, æquinoctiali circulo subiectam, bene temperatam esse. Cuius alter ratio, διότι ὑψηλοτάτῃ ἐστὶ. διόπερ καὶ κατομβρεῖται, quum sit altissima, ideo etiam pluuiis irrigatur. Quod ita esse nemo iam dubitat, si altitudinem**

monta-

montanam, quæ summa ibi & frequens est, intelligamus. unde pluuia sunt, & in vallibus subiectis temperies hominibus æque ac animantibus accommodata. Sed pauci fuerunt qui ita iudicarent: pluribus inhabitabilis est zona illa visa, & Posidonius quoque altitudinem illam, quam Polybius adseruerat, multis verbis reprehendit.

II

Hic Posidonius est, qui, eodem Strabone auctore, ambustæ zonæ, quamuis inhabitabilis videatur, tamen *πλέον ἢ τὸ ἥμισυ τῆς πλάτους οἰκήσιμον εἶναι*, *amplius quam dimidium spatium habitabile esse* prodidit, quod Aethiopum habitatione, qui supra Aegyptum sunt, probatum iuit. Ideoque septem habitatione, qui supra Aegyptum sunt, probatum iuit. Ideoque septem ipse zonas distinxit, sicuti sex Polybius. Ille enim *δύο ἄλλας ζωνὰς τὰς ὑπὸ τοῖς τροπικοῖς*, *duas alias angustas zonas sub tropicis* constituit, habitabiles quidem, sed difficulter, & parum fructuosas; inter quas demum sit inhabitabilis torrida siue exusta. Atque ita sunt septem illæ zonæ, quas diximus Posidonium constituisse, cui male Achilles Tattius cap. xxxi extremo sex tantummodo attribuit. Sed maior fides Strabonis de Posidonio, quam summus vir Isaacus Casaubonus illustravit. Polybius autem, qui sex zonas posuisse fertur, nihil noui attulit, quod a sententia recepta magnopere discreparet. Mediam enim siue torridam, sicut vere secta per æquatorem est, in duas ipse dissecuit, septentrionalem, quæ inter æstium tropicum sit & æquinoctialem: & alteram meridiam, quæ ab æquatore ad hibernum tropicum pertineat, ut alterutrum hemisphærium, æquatoris circulo terminatum, tres integras zonas accipiat, frigidam, temperatam, & æstu nimio adustam. De cuius sententia ita Strabo iudicauit, *τὴν διακαυμένην δίχα διακοῦντα πρὸς τὴν Φαύλην ἐπίνοιαν φαίνεται κεκνημένον*, *quod exustam zonam diuiserit bifariam, ad id argumento non inepto adductum esse videri*. Nihilominus Eratosthenes, Strabo, alique, vulgarem sententiam de quinque zonis, cuius primum auctorem Posidonius Parmenidem dixit, non censent deferendam esse, quod & naturæ rerum & geographiæ sufficiat. Adi Strabonem lib. ii pag. 65. 66, Achillem Tattium cap. xxxi.

CAPVT VI

DE

CLIMATVM DISTRIBUTIONE.

CLima, κλίμα, inclinatio est, vel id quod inclinatur: quemadmodum Philo lib. i de Vita Mosis *τῶν ὀρῶν τὰ κλίματα*, *accliuia montium* dixit, quum terræ Canaan fertilitatem, ab exploratoribus inuentam describit. Ad cæli partes transfertur, eisque subiectas regiones terræ, quia in rotundo corpore, ut non solum cælum concavum est, sed ipsa quoque terra, ad polos pedetentim partes inclinantur. Herodianus lib. ii cap. xi sic usus vocabulo, dixit, *οὐδέ τι ἦν γῆς μέρος, ἢ κλίμα οὐρανοῦ*, *ὅπως μὴ Ῥωμαῖοι τὴν ἀρχὴν ἐξέτειναν*, *neque vlla orbis terrarum pars, aut cæli tractus fuit, quo Romani imperium*

VETERIS ORBIS CLIMATA EX STRABONE

Occidens

Oriens



imperium non protulerunt. Latini scriptores *inclinationem, declinationem, & deuergentiam* vertunt. Vitruuius lib. i cap. i, *Architectum disciplinam medicorum nouisse oportet propter inclinationes cæli, quæ Græci κλίματα dicunt; & aeres locorum, qui sunt salubres aut pestilentes.* Et Gellius, ex Fauorini persona, aduersus philosophos ita disputat lib. xiv cap. i, *Si principes Chaldaei, qui in patentibus campis colebant, stellarum motus, & vias, & discessiones, & cætus intuentes, quid ex iis efficeretur, obseruauerunt; procedat hæc sane disciplina, sed sub ea modo inclinatione cæli, sub qua tunc Chaldaei fuerunt. non enim potest ratio Chaldeorum obseruationis manere, si quis ea uti velit sub diuersis cæli regionibus.* Nam quanta partium circulatorumque cæli ex deuergentia & conuersionibus mundi varietas sit, quis non videt? Columella quoque lib. iii cap. i de Vite ait: *Omni pæne regione, & omni declinatione mundi (nisi tamen glaciali vel præferuida) curæ mortalium respondet.* Et ipsum quoque Græcum nomen Latinitate donatum est. Apuleius Trismeg. ad Asclep. *Impossibile, vnamquamque formam alteri simillimam nasci horarum & climatum distantibus punctis.* Vt rei agrariæ notionem, qua *clima* quoquo versus pedum est LX, Columella auctore lib v cap i, taceamus. Ad Græcos reuertimur, quibus κλίμα laxè est quilibet tractus in terra. Zosimus lib. ii cap. xiv τοῖς Ἰλλυριῶν κλίμασι, *Illyricis regionibus*: quod repetitur lib. iv cap. xxxiv ineunte. In quem modum diuinus apostolus Corinthiis epist. ii cap. xi comm. 10 scripsit, ἐν τοῖς κλίμασι τῆς Ἀχαΐας & ad Galatas cap. i comm. 21 εἰς τὰ κλίματα τῆς Συρίας. Etiam *cardo κλίμα* seu *plaga cardinalis* est. Dionysius Halicarnasseus lib. i pag. 8, ἀπὸ μεσημβρινῆς κλίματ^{ος}, *a meridiali plaga*, ostiis fluminis Liris prope Minturnas, respectu ostiorum Tiberis: id quod Dionysii Vticensis verbis confirmat Salmasius Exercitat. Plin. pag. 882, ἀπὸ τῶν τεσσάρων κλιμάτων τέσσαρες ἀνθεντικὸὶ πνέουσιν ἄνεμοι.

II.

Hæ vulgares notiones sunt vocabuli *climatis*: geographorum cura id strictius comprehendit, vt duobus parallelis includat a celebri loco denominatis, quorum superior notabili differentia cum aliarum rerum, tum longissimi diei vel noctis inferiorem superet: seu spatium, his interceptum, ab aliis climatibus notabiliter eisdem rebus differat, maxime dierum noctiumve incremento. nam huius plerumque in discrimine notando mentionem fieri videmus. Geminus Rhodius Isagoges in Phænomen. cap. iv p. 20 ὥστε τὰ μεγέθη ἡμερῶν, καὶ τὸ κλίμα, καὶ τὰ πάντα φαινόμενα τὰ αὐτὰ διαμένειν, vt *magnitudines dierum, & clima, & omnes apparentiæ eadem permaneant.* Strabo lib. i pag. 60 de discrimine climatum, vt vir acutissimus Cl. Salmasius emendauit (nam prauatus desperatusque locus erat) ita tradit: Ἐστὶ τὸ πρὸς αἰοθήσιν ἔχον ἀπλῆν, ἀλλὰ τὸ μὲν ἐν πλάτει μείζονι, τὸ δ' ἐλάττονι. Μείζονι μὲν, εἰ αὐτῷ τῷ ὀφθαλμῷ πιστεύομεν ἢ καρποῖς ἢ κράσεσιν αἰέρων πρὸς τὴν τῶν κλιμάτων κρίσιν. *Est autem, quod ad sensum attinet, non simplex discrimen, sed aliud maius, aliud minus: illud, quum ipsi oculo credimus de fructibus aut temperamenti aeris pro climatum discretione: hoc, quum gnomonica aut dioptrica adhibentur instrumenta.* Non ergo paria vbique climata, nec eisdem parallelis

de sententia omnium determinabantur. Vulgo vii feruntur climata geographiæ veteris fuisse, quem numerum etiam Iudæus nobis commendauit, vt supra cap. iv ex ipsius verbis cognouimus: & hoc ordine constituta sunt, vt primi circulus limitaneus transierit per Meroen Aethiopum: secundi per Syenem sub Cancris tropico: tertii per Alexandream Aegypti: quarti per Rhodum: quinti per Romam: sexti per Borysthenem ostiis propinquum: & quod septimum est, per Riphæos montes. Vide sis Paulli Merulae Cosmograph. part. i lib. iii cap. xxiii. A quo modo non nihil discessit Iulius Firmicus Astrolog. lib. ii cap. xiii, vt primum clima constituerit Aethiopiæ: secundum Babylonis, puta Aegyptiæ: tertium Alexandreae: quartum Athenarum: quintum vrbs, id est Romæ: sextum Hellesponti: septimum septentrionis. Singulare illud est, quod Babylonem illam Aegyptiam secundo climati terminum apposuit, ex quo enormis inæqualitas oritur, quum ab Aethiopia ad illam spatium intercedat amplissimum: exiguum aut mediocre inter illam & Aegypti Alexandream: nec quisquam facile reperitur, qui in climatum dimensione per Babylonem Aegyptiam parallelum terminatorem circumduxerit, sed plerique per Syenen quæ sub tropico est, vt Alexandrino parallelo in austrum succedat proxime, illum circumferri voluerunt. In ceteris vbique consentientes habet alios: quamuis, vt Strabo lib. ii obseruat, Athenæ & Roma horariis terminis non exactissime respondeant, qui propterea alios, vti ex schematis tabella clarum est, præfixit. Per Hellespontum etiam Ptolemæus parallelum duxit lib. i cap. xxi, qui fere cum illo Strabonis per Troadem Alexandream, concurrere videtur. Quam vero Strabo, ex incrementis dierum, distributionem parallelorum faciat siue climatum; schema, quod apponimus, perspicue manifestabit. Diuisit ille vergente ii libro in semihoras: supra Hellespontum etiam in quadrantes horæ, vt tamen & semihoræ differentiam, per Pontum ductam, non prætermiserit. Ptolemæus autem dicto loco, & eum sequutus Agathemerus lib. i cap. viii, inter æquatorem & polarem circulum siue Thulen, xxi parallelas ita disposuerunt, vt inter singulos differentia sit quadrantis horæ: sed paucos ducunt per loca nominatim expressa, vt Ptolemæus per Meroen, Syenen, Alexandream, Rhodum, Hellespontum, Byzantium, per medium Pontum & Borysthenem: Agathemerus climata simul adnumerat, exempli gratia, ad quartum parallelum notauit, τὸ ἐστὶ τὸ διὰ Μερῶν πρῶτον κλίμα, hoc illud est per Meroen primum clima: & sic in sexto parallelo, δεύτερον κλίμα, secundum clima: in octauo, tertium Alexandreae: in decimo parallelo quartum clima per Rhodum: in duodecimo, quintum per Hellespontum: in decimoquarto, qui διὰ μέσου πόντου, per medium Pontum est, clima sextum: in decimoquinto septimum, per Borysthenem, qui gradibus xlviii, minutis xxx ab æquatore distet, differentiam longissimi diei habens ad horas quatuor. Vltiores parallelas sine mentione climatum per gradus & horas distinguit hoc modo:

XVI	parallelum	gr. 51	hor. 4, minut. 30
XVII	parallelum	gr. 54	hor. 5
XVIII	parallelum	gr. 56	hor. 5, minut. 30
XIX	parallelum	gr. 58	hor. 6
XX	parallelum	gr. 61	hor. 7
XXI	parallelum	gr. 63	hor. 8

De hoc vltimo parallelo ait : ὁ διὰ Θούλης γραφόμενος, ἔβρειότερον ἔδεν ἐγνω-
ρίσθαι παρ' ἀνθρώπων, *Hic est per Thulen scriptus : ultra quem nihil magis se-*
ptemtrionale hominibus compertum est.

III.

Hæc de Climatibus & Parallelis veterum. Recentiorum climata
vtrimque ab æquatore ad alterutrum polarem per intervallum semihoræ
diei solstitialis disponuntur : & quia differentia dierum ad xii vsque horas
adfurgit; in alterutro hemisphærio xxiv fiunt climata semihoraria scilicet
viginti quatuor ab æquatore ad polarem arcticum : & totidem ab eodem
æquatore aduersus antarcticum circulum polarem. Sed æque horum &
veterum, nisi in incremento dierum, rarus nostris temporibus vsus est; ma-
ior, & fere vnicus in hoc genere, latitudinis loci, siue, quæ gradibus eidem
respondet, licet diuersa per se sit, eleuationis poli, per quam omnia meti-
mur hodie & diffinimus, etiam ipsam dierum longitudinem ex illa intelli-
mus facillime. Hæc hodierno vsu pro climate diuisio valet, cuius funda-
mentum, dispensatio circuli in ccc lx gradus, nec ipsis veteribus igno-
tum fuit, vtpote Ptolemæo & Agathemero vsurpata, & ab ipso quoque Stra-
bone sub finem lib. ii memorata. Laxe autem latitudinem loci per clima
celebris & notæ vrbs, vel regionis, nonnunquam, post subtilioris etiam di-
stinctionis inuentionem, describi solet, vt est illud Achillis Tatii *Illog. p.*
148, αὕτη θέσις τῆς σφαίρας κατὰ τὸ κλίμα τῆς Ἑλλησπόντου, καὶ τῆς Μακεδονί-
ας ἐστὶ, καὶ τῆς Ἑλλάδος, hoc est, Is sphaeræ situs est, qui Hellesponti, Macedonia,
& Græciæ climati respondet.

CAPVT VII

DE

TERRICOLARVM HABITV TVM INTER SE, TVM RESPECTV SOLIS ET VMBRARVM.

Quamuis habitatio mundi omnis olim cognosci non potuerit, & co-
gnitus orbis ab vniuerso terræ globo distingueretur : sapientiores
tamen qui fuerunt, ex figura orbis & totius mundi intellexerunt,
si orbis terrarum rotundus esset seu globosus, de quo iidem nihil dubita-
bant; & vbique habitaretur, quod quidem incertum erat; qualis tum si ita
esset,

esset, positio hominum aduersus solem foret, & in quam plagam umbra cæsura esset: & quem habitum ac situm, qui ita diuersas partes terrarum orbis colerent, inter se ipsi habituri essent. Vmbræ autem ratione, quam positio ad solem pro diuerso situ & variatis modis facit, homines quidem *amphiscii*, alii *heteroscii*, rursus alii *ascii*, & quidam tandem *periscii* appellantur: respectu autem incolarum orbis & inclinationis eius, ipsi inter se *synæci*, *antæci*, *periæci*, *antichthones* & *antipodes* varie distinguuntur. Antiquorum descriptiones videamus, ut appareat quid de quouis genere habitationis iudicauerint. *Οικίσεις* enim, id est *habitationes* vocitarunt, quia τῶν οἰκόντων, siue *habitorum*, mutuam ad se relationem atque habitum significant.

II.

Primum autem de *Vmbrarum* differentia, & inde varie denominatis terricolis agemus. Sunt eius intuitu vel *amphiscii*, vel *heteroscii*, vel *periscii*. Antiqua hæc diuisio, quam Strabo lib. i i pag. 65 ex Posidonio aliisque ita proponit, ut integris zonis discernat qui umbram ab aliis diuersam habent. Duas zonas ait *περισκίας*, *periscias* esse, quæ nempe a polo alterutro ad proximum utrimque polarem circulum pertingunt: duas *ετεροσκίας*, *heteroscias*, ab arctico circulo ad tropicum solstitialem alteram; alteramque ab antarctico circulo ad brumalem usque conuersionem, extensas: & vnam *ἀμφίσκιον*, *amphisciam*, τὴν μετὰ τῶν τροπικῶν, *inter tropicos existentem*, siue torridam. Quo in solo tractu etiam *ἄσκιοι*, *ascii*, umbra aliquando meridiana carentes, inueniuntur: de quibus mox plura dicemus ex Tatio. Extremo illo i i libro *periscios* Posidonii putat Strabo εἶναι ὅτις πρὸς τὴν γεωγραφίαν, *ad geographiam minus pertinere*, quod illæ partes propter frigoris acerbicatem sint inhabitabiles. Id vero recte iudicauit Strabo, ibidem locorum gnomonis umbram in orbem ambire, tametsi nesciat, aut neget etiam, regionem illam ab hominibus habitari. *Amphiscios* Strabo illos interpretatur, quorum gnomoni sub meridiem erecto sol adfulgens umbram nunc in hanc, alio tempore in diuersam partem proiciat, videlicet sole in oppositam priori regionem delato: quod iis tantummodo contingat, qui inter tropicos habitant. *Heteroscios* autem esse, quorum umbra in alterutram partem semper feratur, ut septentrionem versus in nostra zona: aut in meridiem semper, ut iis accidit, qui in altera temperata zona degunt.

III.

Achilles Tattius, Alexandrinus mathematicus, in Isagoge ad Arati Phænomena cap. xxxi, his a Strabone explicatis generibus addit *ascios*, *antiscios*, *brachyscios*, *macroscios*. *Ἀσκιοι*, umbræ expertes, in torrida zona eo tempore sunt, quo in vertice illorum sol meridianus est: declinante sole a vertice, fiunt *amphiscii*. Rem exemplo illustrat. Qui sub æquatore colunt, quum sol in Arietis vel Libræ existit principio, esse ait vere *ascios*, radio omne spatium, quod circa corpus est vel gnomonem, adimplente: ubi vero in alia signa sol processerit, puta in Cancrum, umbram eorum, qui æquatorem circumcolunt, sinistrorsum cadere siue in austrum: si Capricornum versus progrediatur, eorundem umbram dextrorsum proici siue in septem-

septentrionem. Tamen & in aliis partibus, nec vero extratropicos, certo tempore sunt ascii, ut in Syene, quæ sub tropico sita est, quando sol in Cancris principio versatur. Eadem ratione βραχυσκίης & μακροσκίης, eos qui breuem aut longam umbram habent, intelligimus. *Brachyscii* enim, siue brevis umbræ sunt, a quorum vertice sol propius distat: *macroscii*, seu longioris umbræ, a quibus sol recessit longius. Sic sub idem tempus, & in eadem temperata zona, breuior umbra existit in Africa proconsulari, aut Numidia, quam in Italia; & heic quoque breuior, quam in Dacia vel Scythia solet esse: & qui æquinoctiali subiacent, quum sol in Cancro existit; longiorem umbram habent, quam quum est in Tauri signo. Atque ita de aliis quoque locis ac partibus iudicium esto. *Antiscii* autem, ἀντίσκοι, borealibus sunt australes, quia contrarias umbras habent, illi dextrum ad latus, hi ad sinistrum, quoniam medius sol ambobus interiectus est: & australibus antiscii sunt septentrionales ob easdem, quas diximus, ex solis positu seu interuentu rationes Boreos autem & australes eos hoc loco notamus, qui hemisphæriis distincti sunt, æquinoctiali circulo intercurrente: non illos, qui in eodem hemisphærio vel propiores æquatori, vel longius ab illo reducti sunt.

III.

Hæc de distinctione terrarum atque hominum, quam ex umbræ diuersa ratione antiqui deduxerunt, vel ideo non inutilia ad explicandum nobis visa, ut non inuentum nouum esse, ita orbem per umbras distribui, intelligatur: sed quidquid geographi ætatis nostræ de hoc discrimine per umbram facto adferant, ex antiqua geographia repetitum esse cognoscamus. Nunc de *habitationibus* dicemus, seu vario situ atque habitu, quem inter se terricolæ, aut vna gens ad aliam relata, obtinet.

IV.

Geminus, Rhodius mathematicus, cap. xiii Isagoges, diuisionem orbis aliam respectu habitationis proponit, qua incolæ, ad alios ratione habitata, dicantur σύνοικοι, περίοικοι, ἄντοικοι, ἀντίποδες, *synæci*, vel *periæci*, vel *antæci*, vel *antipodes*. nam vsus vocabula Græca etiam in Latinum sermonem adsumsit. *Synæcos* describit τὰς περὶ τὸν αὐτὸν τόπον τῆς αὐτῆς ζώνης κατοικοῦντας, qui circa eundem locum eiusdem zone habitant, proximi scilicet & vicini: *Periæcos* autem, τὰς ἐν τῇ αὐτῇ ζώνῃ κύκλῳ κατοικοῦντας, qui in eadem zona in circuitu circumhabitant. Nihil mentionis facit de oppositione per diametrum, seu diremptione per semicirculum, quam recentiores addunt: nec plus Achilles Tatius cap. xxx pro pericæcis requirit. περίοικοι, inquit, ὅσοι τὴν αὐτὴν οἰκῇσιν οἰκῇσιν, *Periæci sunt quotquot eandem habitationem incolunt*: quos ipse interpretatur, qui in eadem zona sint, seu inter communes parallelus in circuitu, ideoque noctes & dies, & annuas tempestates easdem habeant. Ne quis vero existimet, nouum plane esse de semicirculari oppositione additamentum; Cleomedis auctoritate ostendam, illud nec antiquis ignotum penitus fuisse. Quum enim lib. i ostendit quæ nobis cum pericæcis sint communia, videlicet eandem zonam habitare, eandemque habere hiemem ac æsta-

æstatem, & incrementa & diminutiones dierum atque noctium; addit pag. 326, Διαφέρονται κατὰ τὰς ἡμέρας καὶ τὰς νυκτὰς. παρ' ἡμῶν γὰρ ἡμέρας ἔσται, παρ' ἐκείνοις νύκτα εἶναι δεῖ. καὶ ἔμπαλιν ὁπόταν καταδύεται παρ' ἡμῶν ὁ ἥλιος, ἀρχὴν λαμβάνει τῆ παρ' ἐκείνοις ἀνίσχεν. *Differunt diebus & noctibus. Nobis enim quum dies erit, illis noctem esse oportet: & vicissim quum nobis sol occiderit, sumit initium apud illos ortus.* Quod si ita est, longius intervallum inter mutuos pericæcos oportet esse, quod si non ipsum semicirculi sit, siue per CLXXX gradus in eodem parallelo nobis oppositum, propius absit ab illo, necesse est. nam quæ de noctis & diei, de ortus & occasus oppositione in Pericæcis dixit, ipse Cleomedes πλαύτερον, laxè intelligendum esse censuit.

V.

Antæci, ex Tatii descriptione, sunt zonæ australis incolæ borealibus, & septemtrionales australibus, quia australi opposita sit borealis αἰκησις seu habitatio; & boreali australis. Itaque antæci eandem inuicem noctem habent & diem, sed diuersa solstitia. Nam sol in Cancro positus ut æstatem nobis, qui ad septemtrionem accedimus; sic illis, qui ad austrum vergunt, adfert hiemem. Vicissim ad Capricornum delatus, hiemem nobis; antæcis æstatem facit. Rursus Arietem sol attingens nobis vernum dat æquinoctium; antæcis nostris autumnale: & versa vice in Libra nobis autumnum inchoat; non item antæcis, quibus initium veristum exsurgit. Et post æquinoctia quum sol per signa videtur nobis adscendere; apparet descendens antæcis, quibus tum demum adscendendo fit altior, quum signis a Cancro ad Capricornum procedit, quæ nobis in nostra sphaera est descensio; augetque dies illorum in tantum, quantum nostris diebus detrahitur. Hæc plenius ex Tatiano exscribere visum fuit, quia Geminus in hac parte cum concisior per se est, tum etiam, secus ac alibi, non nihil obscurus. Ex his autem perspicue elucet, quos antiqui *antæcos* appellauerint.

VI.

Antichthones supersunt & *antipodes*, quos multi pro iisdem habent: quidam etiam antichthonas & antæcos ita describunt, ut nihil omnino differre videantur. Sed alia de iis antiquorum fuit sententia. Tatius dicto loco tres hos ordines distinctos tradit, in ἀντίχθουσι explicandis non ita perspicuus, ut ceteros, antæcos & antipodas, illustravit. Caput XXIX. extremum latet in mendo: capite XXX ait antichthonas esse τὰς κατὰ διάμετρον ἐν ταῖς ὁμοίαις ζώναις οἰκόντας, e regione in similibus zonis habitantes. Pomponius Mela cap. I sit interpretis loco. *Reliquæ, inquit, zone (de temperatis loquitur) paria agunt anni tempora, verum non pariter. Antichthones alteram: nos alteram incolimus.* Quæ qui antæcis forte commiscet, negat Isaacus Vossius in hunc locum, cum Pomponio sentire. Cui clarissimo viro antichthones veterum omnes illi censentur, qui oppositam terram australem inhabitare credebantur, etiamsi in superiore nostro degerent hemisphaerio, illo scilicet quod non per horizontem, sed per æquatorem seu ardentis zonæ interuentu diremtum a nostro est. Ita putat semper ab antæcis &

cis & antipodibus distingui. Nec διάμετρον Achillis ad eam vim & rigorem exigas velim, vt solet in antipodum descriptione, quos ipse segregatos vult ab antœcis.

VII.

Grauior de *Antipodibus* controuersia vetustis fuit temporibus, quos quidam plane negarunt, ineptæ hos absurditatis accusantes, qui illos velint defendere; alii ita de iis sentiebant, vt esse posse, geometricis rationibus persuaderent, quamlibet nunquam vel fando experti fuissent. Primum obstacula, quæ quidam veterum in argumento hoc posuerunt, remouebimus: deinde cordatiorum de eodem sententiam adiiciemus.

VIII.

Plutarchus de Facie in orbe Lunæ p. 780 illos acriter exagitat, qui Terram centrum mundi, & rotundam, & in ea antipodas credant, ὡς περ Τριπας ἢ γαλεώτας τραπέντας ἄνω τὰ κάτω τῇ γῇ προϊχομένους, *instar teredinum, aut stellionum, inis corporum partibus sursum obuersis, terræ adhærescant.* Sed quid agit? negat ibidem τὴν ἐπὶ τὸ μέσον Φορὰν, *lacionem grauium ad commune centrum,* innumeris experimentis adhuc comprobata, & olim a philosophis & geographis validissime defensam. Strabo lib. 11 pag. 75 ait: τὰ μὲν παρὰ τῶν Φυσικῶν δεικνύμενα τοιαῦτά ἐσι. σΦαιροειδῆς μὲν ὁ κόσμος καὶ ὁ ἔρανός. ἡ ῥοπή δ' ἐπὶ μέσον τῶν βαρέων. περὶ τῆς τοῦ τε συνεχῆς ὡς ἡ γῆ σΦαιροειδῆς ὁμοκέντρος μὲν τῷ ἔρανῳ μένει, *Quæ a physicis demonstrata in geographiam transmuntur, hæc sunt: mundum esse globi forma, idemque cælum: graui ad medium ferri: circa hoc terram constitutam esse globi in morem, idemque, quod cælum, habere centrum.* E priscis Christianis in antipodas inuecti sunt Lactantius & Augustinus, vterque sine ratione. nam quæ adfert Lactantius argumenta, ἀΦιλοσόφως dicuntur omnia, nec possunt aliter, quia cæli æque ac terræ rotunditatem, tot experimentis comprobata, omni modo negatum it. *Quid illi, inquit lib. 111 cap. xxiv, quiesse contrarios vestigiis nostris antipodas putant? num aliquid loquuntur? aut est quisquam tam ineptus, qui credat esse homines, quorum vestigia sint superiora, quam capita? aut ibi, quæ apud nos iacent, inuersa pendere? fruges & arbores deorsum versus crescere? pluuias, & niues, & grandines sursum versus cadere in terram? Et miratur aliquis hortos pensiles inter septem mira narrari; quum philosophi & agros, & maria, & vrbes, & montes pensiles faciant? Quæ sequuntur, contra terræ cælique rotundam figuram struuntur, quam firmiter, experientia tot obseruationibus stabilita, documento est. Concludit enim: Sic pendulos istos antipodas cæli rotunditas adinuenit.* Et quum sibi ipse obiecerat, pondera in medium ferri, ad quod omnia sint connexa; nihil habet quod respondeat, quam fieri nullo modo posse, vt cælum terra sit inferius, quasi fixæ sint illæ in rotundo relationes, quas supra, infra dicimus, nec potius variæ inter se hominum respectu commutentur. Quin potius, vt bene Cleomedes iudicauit lib. 1 cap. de Orbibus, τῆς γῆς σΦαιρικῶ τῷ Χήματι κεχρημένης, κάτω τὸ μεσαίτατόν ἐστι, *quia terræ figura rotunda est, medium eius est infimum,* & quæ ad medium feruntur, deorsum tendunt, vndecumque etiam ex globi circumferentia deducuntur. Modestio-

destiora paullo sunt quæ Augustinus Civ. Dei lib. xvi cap. ix aduersus antipodas, nostro hemisphærio seu regioni obuertos, scripsit. *Quod antipodas, inquit, esse fabulantur, id est homines a contraria parte terræ, ubi sol oritur quando occidit nobis, aduersa pedibus nostris calcare vestigia, nulla ratione credendum est. Neque hoc vlla historica cognitione didicisse se adfirmant, sed quasi ratiocinando conieciant, eo, quod intra conuexa cæli terra suspensa sit, eundemque locum mundus habeat, & infimum & medium: & ex hoc opinantur alteram terræ partem, quæ infra est, habitatione hominum carere non posse. Nec attendunt, etiamsi figura conglobata & rotunda mundus esse credatur, siue aliqua ratione monstretur; non tamen esse consequens, ut etiam ex illa parte ab aquarum congerie nuda sit terra. Deinde, etiamsi nuda sit, neque hoc statim necesse est ut homines habeat; quando nullo modo scriptura ista mentitur, quæ narratis præteritis facit fidem, eo quod eius prædicta complentur. Nimisque absurdum est, ut dicatur aliquos homines ex hac in illam partem, Oceani immensitate traiecta, nauigare ac peruenire potuisse: ut etiam illic ex vno illo primo homine genus institueretur humanum. Hic vero terræ rotundam figuram non penitus negat, sed si ita sit, tantummodo non sequi putat, ut, in opposita parte, liberata terra ab aquis sit: & si ea sit libera, etiam ab hominibus incolatur: quod vtique pro temporum notitia, experimentis destituta, tolerari potest ut credibile, quum prisci sapientes demonstrare antipodas non potuerint, bene autem ratiocinando adsequi, ut posse esse, nihilque absurdi inferre & crederent ipsi, & aliis persuaderent. Id autem tamquam insolens, aut nimium quodammodo, in sancto viro notandum esse censemus, quod vehementissime negat, impugnat, absurdum appellat, nullaque ratione credendum, quod ipse tamen, concessa terræ rotunditate, vlla ratione incongruens esse nequaquam probauit, nec ausus fuit probare.*

IX.

Quos vero scimus ab opinione, *esse forsitan antipodas*, nec olim abhoruisse, quantumuis demonstrare non potuerint; nunc perinde sunt nobis commemorandi. Cicero, Scipionis somnio cap. vi, Africani maioris personam indutus, *Vides, inquit, habitari in terra raris & angustis in locis, & in ipsis quasi maculis, ubi habitatur, vastas solitudines interiectas: hosque qui incolunt terram, non modo interruptos ita esse, ut nihil inter ipsos ab aliis ad alios manare possit: sed partim obliquos, partim auersos, partim etiam aduersos stare vobis. Qui vero hi sunt auersi, aduersi, nisi ibi antœci, heic antipodes? Aequalis Ciceroni Geminus cap. xii non solum ἀντίποδας nominatim recenset, sed ratione etiam tuetur, διὰ τὸ ἐπὶ μέσον εἶναι τὴν Φορὰν τῶν σωμάτων, quod corpora ad centrum tendant, ideoque nullum esse periculum, nec metuumdum, ne ruant illi, aut decidant. Plinius quoque minus de iis dubitauit, quum lib. iv cap. xii Hyperboreos ab aliis medios locari dicit inter utrumque solem, antipodum occasum, exorientemque nostrum. At vero Macrobius lib. ii Somn. Scip. cap. v fortissime antipodas defendit. Cur, inquit, non & illic aliquos viuere credamus, ubi eadem semper in promptu sunt? nam qui ibi dicuntur morari, eandem credendi sunt spirare auram, quia eadem est in eiusdem zona-*

zonalis ambitus continuatione temperies: idem sol illis & obire dicetur nostro ortu, & orietur quum nobis occidet: calcabunt æque, ut nos, humum, & supra verticem semper cælum videbunt. Idem etiam plebeie opinioni & vano metui respondet: Nec metus erit, ne de terra in cælum decidant, quum nihil vnquam possit ruere sursum - - - Adfirmaverim quoque, & apud illos minus rerum peritos hæc æstimare de nobis, nec credere posse, nos, in quo sumus, loco degere: sed opinari, si quis sub pedibus eorum tentaret stare, casurum. Satis ex hoc constare potest, quæ Romanorum Græcorumque de antipodibus fuerit opinio, ut nihil attineat, Achillis Tatii, aut Marciani Capellæ testimonia, quæ iam datis consonant, adferre. Hæc autem & superiora Geographiæ antiquorum prænotanda erant, ut, quanta illorum περὶ οἰκήσεων, de habitationibus terræ cognitio exstiterit, perspicue intelligatur, eoque antiqua notitia orbis a scientia recentiorum accuratius discriminetur.

X.

Ad situm terricolarum etiam pertinet, quam quæque gens aut prima, aut postrema, aut media lucem accipiat, aut opprimatur nocte. Nam qui ad orientem nobis habitant, eis prior, quam nobis, sol oritur: & nobis itidem prior, quam illis, qui longius remoti a nobis in plagam occidentalem sunt. Quod quia ex terræ rotunditate pendet, ut per quindecim quosque gradus longitudinis, in æquatore numeratos, horæ spatio accessus vel decessio solis & diei mutetur; prisci sapientes, qui terræ rotunditatem defenderunt, hoc quoque non potuerunt ignorare. Manilius id egregie de sole meridiano per orbem variante lib. I vers. 639 seqq. ita demonstraui:

*Quando aliis aliud medium est, volat hora per orbem,
Cumque loco terræ cælumque ac tempora mutat.
Atque ubi se primis attollit Phæbus ab undis,
Illis sexta manet, quos tunc premit aureus orbis.
Rursus ad Hesperios sexta est, ubi cedit in umbras.
Nos primam ac summam sextam numeramus utramque.*

Sic enim variat diei hora, ut nostra sexta, siue meridiana, sit summa seu vltima in orientem remotis: eadem prima habitantibus in occidentali terra. Atque sic per horas & gentes varie ostendi & declarari potest mutatio.

CAPUT VIII.

DE

PLAGIS ET VENTIS.

TAndem etiam in veteris geographiæ theoria, quousque de plagis mundi, & de ventorum discrimine, priorum notitia progressa sit, ostendendum est. Non autem multis verbis referemus, quod Strabo lib. I pag. 19.

D

me-

memorauit, fuisse quondam qui δύο τὰς κυριότατους εἶναι ἀνέμους, *duos tantum principales ventos esse crediderint*, Boream & Notum, a quibus reliqui parua inclinatione dissideant, Nam & paucos fuisse, & eos non clarissimos, qui ita tradiderunt, ex eo satis manifestum est, quod plerique philosophorum, & doctissimus quisque in geographis, ab illorum opinione dissentiant. Quin potius antiquissimi scriptores ventos quatuor præcipuos, secundum quatuor mundi regiones, posuerunt. Et ipsa natura tot plagas constituit, ut duas æquator faciat, orientem & occasum, ad ductum æquatoris: & totidem axis mundi, nempe septentrionem & meridiem. Quæ causa est, ut communi plerorumque consensu quatuor venti principales, singuli in singulis cardinibus mundi (inde etiam *cardinales* dicti) collocentur, licet de nominibus illorum non omnes idem sentiant, de cuius diuersitatis causa postmodo disserturi sumus. Plinius id nobis confirmat lib. II cap. XLVII. *Veteres*, inquit, *quatuor omnino [ventos] seruauere per totidem mundi partes, ideo nec Homerus plures nominat, hebeti, ut mox iudicatum est ratione, hoc est, rudi Minerua & parum ingeniose. plures enim interponendos esse, a posteris iudicatum fuit. Quo numero poetæ sæpe adqueuerunt. Homerus, ad quem Plinius prouocabat, Odyss. E. v. 295*

Σὺν δ' εὐρύς τε, νότος τ' ἔπεσε, ξέφυρός τε δυσταῖς,
καὶ βορέης ἀνδριγενέτης.

hoc est: *Simul Eurysque Notusque incidit, Zephyrusque vehemens, & Boreas serenus. Hunc ducem Latini, ut solent, & numero & nuncupatione sequuntur. Ouidius Metamorphos. lib. I a vers. 61*

*Eurus ad auroram Nabathæaque regna recessit,
Persidaque, & radiis iuga subdita matutinis;
Vesper, & occiduo quæ littora sole tepefunt,
Proxima sunt Zephyro: Scythiam septemque trionem
Horrifer inuasit Boreas: contraria tellus
Nubibus assiduis pluuioque madescit ab Austro.*


Quod idem lib. I Trist. eleg. II vers. 27 seqq. fecit, ut *Eurus ab ortu ponatur: Zephyrus vespere: Boreas bacchetur ab Arcto: & Notus aduersus hunc gerat prælia. Breuius eandem rem, nec minus ornate Manilius enuntiauit lib. IV vers. 589*

*Asper ab axe ruit Boreas: fugit Eurus ab ortu:
Auster amat medium solem; Zephyrusque profectum:*

Recte se hæc habent, si principes ventos intelligamus, quos *cardinales* Seruius dixit in Aen. I vers. 131; γενικωτάτης Achilles Tatiuss cap. XXXII, id est *generales*: non autem iis sufficiunt, qui in mundi status curatius, & in illorum ortus ac regiones inquisuerunt. Horum enim plerique octo ventos distinguunt, medio vno inter binos cardinales interiecto. Sic Aristoteles, Posidonius, Timosthenes apud Strabonem, cum quibus & ipse facit: sic Athenienses turri octogona ventorum situm atque numerum commendauerunt, ut refert & approbat Vitruuius: & Plinius desertis ceterorum sen-

SCHEMA OCTO VENTORVM

secundum Graecos & Romanos.



SCHEMA DVODECIM VENTORVM


Septentrio



Ichnographia Turris Atticae octangulae, pro ventorum numero et plagis.



Fragmentum columnae duodecim angulorum, de quo VII exstant latera, reliqua muro conclusa latent.



sententiis, qui vel plures vel pauciores posuerunt, ad hanc octoni numeri tamquam commodissimam, accedit. Sic etiam ex Fauorini ore Gellius lib. II cap. XXII, & Apuleius de Mundo. Dignissima sunt Plinii verba, quæ præcipue ab omnibus recognoscantur. Postquam dixerat lib. I I cap. XLVII, vt supra recensēbamus, veteres quatuor omnino ventos per totidem mundi partes digessisse pergit, *Sequuta ætas octo addidit nimis subtili & concisa ratione. Proximis inter utramque media placuit, ad breuem ex numerosis additis quatuor.* Sunt ergo bini in quatuor cæli partibus: ab oriente æquinoctiali Subsolanus; ab oriente brumali Vultur-*us*: illam Apelioten; hunc Eurum Græci appellant. A meridie Auster, & ab occasu brumali Africus: Noton, & Liba nominant. Ab occasu æquinoctiali Fauonius; ab occasu solstitiali Corus: Zephyrum & Argesten vocant. A septemtrionibus, Septemtrio; interque eum & exortum solstitialem Aquilo: Aparctias, & Boreas, dicti. Schema ventorum & clarius & distinctius docebit omnia.

II.

De nominibus dubitatio est, quæ heic aliter disponuntur, quam in concisa quatuor cardinalium ratione. Ibi enim, ex Homeri, Ouidii, Manilii appellatione, qui eoi est cardinis, Eurus; & qui a septemtrione, Boreas nominabatur: hi vero in altera dispensatione a cardinibus vterque declinant. Sed ita ferres habet, vt poetæ aliique plures loquantur vulgari modo, quem Scaliger ad Manilium, eiusque versus antea recitados, vocat *ἰσημερινόν*, quo Aquilo & Boreas ventum septemtrionalem sonant; Eurus orientalem, ab æquinoctiali ortu prouenientem: ceteri autem, qui octo numerant, nouis vocabulis, & a vulgi vsu alienis, ventum, ex oriente æquinoctiali venientem, Solanum dicunt, vt Vitruuius: vel Subsolanum, vt Plinius, Gellius, Apuleius; vel Græco more Apelioten, vt iterum Plinius: Eurus vero medium inter ortum & meridiem ponunt, quem Romani Vulturum appellauerunt. Nec minus citra vsus est, quum ventum, ab axe mundi ruentem, vocant Septemtrionem, aut Græce Aparctiam, quum Græcis Latinisque vsitatissimum sit illum Boream & Aquilonem nominare. quam vulgi consuetudinem in Schemate Climatum ex Strabone proposito, sequuti sumus. Sententiæ vero de octo ventis conformandæ Atheniensis turris descriptionem, ad illam accommodatæ, ex Vitruuii lib. I cap. VI adiungendam ducimus. *Qui, inquit, diligentius perquisiuerunt, tradiderunt esse octo [ventos] maxime quidem Andronicus Cyrrhostes (Cyprestes, Varr. R. R. I cap. V) qui etiam exemplum collocauit Athenis turrim marmoream octogonon, & in singulis lateribus octogoni singulorum ventorum imagines exsculptas contra suos cuiusque flatus designauit, sup. aque eam turrim metam marmoream perfecit, & insuper Tritonem æreum collocauit dextra manu virgam porrigentem: & ita est machinatus, uti vento circumageretur, & semper contra flatum consisteret, supraque imaginem flantis venti, indicem virgam teneret.* Atque ita collocati sunt, inter Solanum & Austrum ab oriente hiberno Eurus; inter Austrum & Fauonium ab occidente hiberno, Africus: inter Fauonium & Septemtrionem Caurus, quem plures Corum vocant: inter Septemtrionem

& Subsolanum Aquilo, Græcis Boreas. Cetera nomina tam Græca quam Latina, & ipsam positionem cognosces ex figura, ventorum ordinem referente.

III.

Sed inter hos auctores noua dissensio apparet. Gellius enim dicto loco ventum, qui ab oriente verno siue æquinoctiali venit, Eurum vocat, quasi ἀπὸ τῆς ἑω ῥέοντα, qui & ἀπηλιώτης siue ἀφηλιώτης Græcorum idem plane sit inter ventos. At ceteris Eurus, Græce dictus, est Vulturnus Romanorum. Sed vel ipse, vel Fauorinus, cuius verba refert, abreptus vulgari loquendi consuetudine eo sensu fuisse videtur, quasi Eurus sit cardinalis, quia notius eius nomen est quam Apeliotæ, aut Latinum Subsolani: quod ipse testatur a Romanis nauticis tantummodo nominari. Nec sibi in ceteris constat Gellius, dum modo de Cauro dixit, aduersus Aquilonem flare: post paullo eundem obarmat Euro. Scilicet generalem & qualemcumque oppositionem confundit cum ea, quæ κατὰ διάμετρον fit atque per centrum: qua ratione Caurus non ad Aquilonem, sed ad Eurum proprii nominis, seu Vulturnum, dirigatur necesse est. Isidorus quoque Hispalensis lib. xiiii Orig. cap. xi in Vulturno errat, quem non solum ab Euro distinguit, verum etiam a dextra Subsolani ponit. Plinius autem, & Seneca, & Gellius, ac Vegetius, Vulturnum ab oriente hiberno locant, quod ipsa origo nominis, hoc est situs oppidi Vulturni, ad Romam aut alias partes si referatur, postulat. Id quod Columella confirmauit, accuratus scriptor, lib. v de Re rust. cap. v. *Quædam, inquit, partes eius regionis infestantur Euro, quem incolæ Vulturnum appellant.* Quod vero cum Fauorino Gellius Apuleiusque tres ab ortu, totidemque ab occidente; at singulares ab septentrione & meridie constituunt, id ex opinione & arbitrio hominum accipiendum est, sine qua si esset, æque possent tres septentrionales, Aparctias, Caurus, & Aquilo; aut tres meridianales, Notus, Africus, Eurus constitui, quia intermedii tam prope absunt a cardine septentrionis aut meridiei, quam ab ortu vel occasu æquinoctiali.

IV.

Sequitur sententia tertia, duodecim ventos constituens, oppido quidem antiqua, vtpote a Plinio, nec vt noua, sed tamquam priorum memorata; vt subtilior autem, reiecta: a Seneca vero, & posterioribus, Agathemero, Vegetio, Isidoro, approbata. Plinius postquam mediam sententiam de ventis octo laudauerat, de tertia addit: *Numerosior ratio quatuor his interiecerat, Thrascian, media regione inter septentrionem & occasum solstitialem: itemque Cæciam, media inter Aquilonem & exortum æquinoctialem, ab ortu solstitiali: Phænicem media regione inter ortum brumalem & meridiem: item inter Liba & Noton compositum ex utroque medium inter meridiem & hibernum occidentem, Libonoton.* Nec vero finis est. Alii Mesen nomine addidere inter Boream & Cæciam: & inter Eurum & Notum, Euronoton. Ita Plinius dicto loco refert. sed fallitur, si Aristotelem audimus, cui lib. ii Meteor. cap. vi Μέσης est μέσος Καίης καὶ Ἀπαρκτίς, medius inter Cæciam & Apar-

Aparctiam siue *Septemtrionem*. Esse autem singularem ventum *Mesen*, & *Cæciæ* propinquum, etiam *Tzetzes Chiliad. viii versu 786 seq. de Scythis* ostendit:

οἱ πέραν δὲ νεμόμενοι θαλάσσης Ἑρκανίας,
μετὰ τὸν μέσην ἄνεμον, πρὸς τὸ Καικίε μέρος.
Qui autem habitant trans mare Hyrcanum,
Post Mesen ventum, ad Cæciæ partem.

Clarior, quam *Plinius* in distributione est *Seneca lib. v Quæst. natur. cap. xvi*. *Quidam*, inquit, illos [ventos] duodecim faciunt. Quatuor enim cæli partes in ternas diuidunt, & singulis ventis binos subfectos dant. Hac arte *Varro*, vir diligens, illos ordinat. Hoc autem ordine enarrauit: *Qui surgit ab oriente æquinoctiali*, *Subsolanus* apud nos dicitur: *Græci* illum ἀφελιώτην vocant. Ab oriente hiberno *Eurus* exit, quem nostri vocauerunt *Vulturum*. Sed & *Eurus* iam ciuitate donatus est, & nostro sermoni non, tamquam alienus, interuenit. Ab oriente solstitiali excitatum *Græci* καικίαν appellant; apud nos sine nomine est. *Æquinoctialis* occidens *Fauonium* mittit, quem *Zephyrum* esse dicent tibi, etiam qui *Græce* nesciunt loqui. A solstitiali occidente *Corus* venit, qui apud quosdam *Argestes* dicitur. Mihi non videtur, quia *Cori* violenta vis est, & in vnam partem rapax: *Argestes* vero mollis est, & tam euntibus communis, quam redeuntibus. Ab occidente hiberno *Africus* furibundus & ruens, apud *Græcos* λιβὴς dicitur. A septemtrionali latere summus est *Aquilo*; medius *Septemtrio*; imus *Thrascias*. Huic deest apud nos vocabulum. A meridiano axe *Euronotus* est; deinde *Notus*, Latine *Auster*; deinde *Libonotus*, qui apud nos sine nomine est. Hæc *Seneca* de ventis duodecim: nec plures, in horizonte distributos, antiqui agnouerunt. Eundem numerum *Agathemerus*, *Vegetius*, & *Isidorus*, vt dictum est, tuentur. Et sicut turri *Attica* octonos ventos comprobamus; ita duodenos columnæ δωδεκαγώνε fragmentum, quod *Caietæ* visitur, cum ventorum nominibus, singulo latere suum ventum referente, confirmat. cuius rei *Gruterus* testis est *Inscription. pag. 137.*

V.

Sunt etiam venti quidam certarum regionum aut gentium, de quibus idem *Seneca cap. xvii* ita scripsit: *Quidam sunt quorundam locorum proprii, qui non transmittunt, sed in proximum ferunt. Non est illis a latere vniuersi mundi impetus. Atabulus Apuliam infestat, Calabriam Iapyx, Athenas Sciron, Pamphyliam Catægis, Galliam Circius, cui, ædificia quassanti, tamen incolæ gratias agunt, tamquam salubritatem cæli sui debeant ei. Diuus certe Augustus templum illi, quum in Gallia moraretur, & fecit & fecit. Infinitum est si singulos velim persequi. Nulla enim propemodum regio est, quæ non habeat aliquem flatum ex se nascentem, & circa se cadentem. Primus, quem in his *Seneca* nominat, *ATABVLVS* est, quem *Gellius* dicto loco *Horatianum Atabulum* dixit, quia *Horatius lib. i Serm. Satyr. v vers. 77* memorauit,*

Incipit ex illo montes Apulia notas
Ostentare mihi, quos torret Atabulus - -

Vetus interpres ibi : ATABVLVS ventus infestus Apulia, ἀπὸ τῆς τὴν ἄτην βάλλειν, hoc est ab eo, quod pestem immittat. Alter Senecæ nominatus est IAPYX, quem Calabriam dixit infestare, inde etiam Iapygiam vel totam vel ex parte appellatam. Gellius, ex ipsius Apulia ora proficiscentem dixit; Apuleius autem de Mundo: *Apuli Iapygeum* [nomen] *ex Iapyge sinu, id est ex ipso Gargano venientem, de loco commutant.* Hunc Caurum esse manifestum est. Ex Apulia ergo in Calabriam fertur. Vnde est, quod Apulia quoque non nunquam Iapygia vocetur, præsertim poetis & illorum interpretibus; quod ad Silii etiam Italici lib. i vers. 51 meminimus nos adnotare. Geographis vero distincta Iapygia ab Apulia est. Strabo quippe lib. vi pag. 191 Iapygiam dicit eandem, quam Græci Messapiam dixerunt, eique fines dat peninsulæ æquatos a Tarento ad Brundisium: incolas autem Salentinos & Calabros: μετὰ τῆς Καλαβρίας, post Calabros, siue ὑπὲρ τῆς, supra hos esse, quam Apuliam indigenæ vocent, in Peucetios Dauniosque diuisam. Sed de hoc infra in Italiae descriptione.

VI.

SCIRON succedit, Atheniensibus molestus ventus. Et hic occidentalis est, ex tractu Megarensi in Atticam profectus. nomen enim Scironides petræ, vnde oritur, dederunt. Strabo ubi eas descripsit sub initium libri ix, quod super illas via ex Isthmo Megaram & in Atticam ferat; subiungit: ἀπὸ τῶν ἀκρῶν τῶν καταιγίζοντα σκαιὸν τὸν Ἀργέην, Σκείρωνα προσηγορέυκασιν Ἀθηναῖοι, Ab his petris oblique flantem procellasque cientem Caurum Athenienses Scironem appellauerunt. Plinius haud longe a Strabone discedens, addit aliud nomen huiusdem vel propinquioris venti, Olympiæ videlicet. Sunt, inquit dicto cap. XLVII, quidam peculiare quibusque gentibus venti, non ultra certum procedentes tractum, ut Atheniensibus Sciron, paulum ab Argeste deflexus, reliquæ Græciæ ignotus. Aliubi elatior Olympias vocatur. Consuetudo omnibus his nominibus Argesten intelligit. Videtur Aristotelem sequutus, qui lib. ii Meteor. cap. vi tradit, ὃν καλεῶσιν οἱ μὲν Ἀργέην, οἱ δὲ Ὀλυμπίαν, οἱ δὲ Σκείρωνα, ἀπὸ δυσμῆς θερυνῆς πνεῖ, quem alii Argesten, alii Olympiam, alii Scironem vocant, ab occasu solstitiali flat.

VII.

Annæi ordine Pamphylia succedit, quam CATÆGIS (καταιγίς Græce est) conturbet. Procellam id nomen Græcis sonat, aut ventorum concussionem, sicut Zosimus lib. v cap. xxiv τὴν τῆς γενομένης πνεύματος καταιγίδα dixit. Ab αἴτσω enim, seu κατὰ ἄισω est, quæ ruere, cum impetu ferri significant. Hesychius: καταιγίς, ἐπιφορὰ ἀνέμου σφοδρῆς. Apuleius de Mundo: *procellosus flatus Catægis dicitur.* Quæ satis clara notio ex verbo καταιγίζειν est, quod ex Strabone modo, quum Scironem ventum interpretabamur, cognouimus. Synecdoche ergo est, quum singulari vento Pamphyliæ vox generalior, procellam per se significans, accommodatur.

VIII.

Supereft Gallorum CIRCIUS, Narbonensi prouinciæ ita damnosus, ut tamen beneficium quoque adferre visus fuerit. Senecæ verbis id antea expli-

plicatum fatis fuit. Plinius de eo: *In Narbonensi prouincia clarissimus ventorum est Circius, nec ullo violentia inferior, Ostiam plerumque recta Ligustico mari perferens. Idem non modo in reliquis partibus cæli ignotus est, sed ne Vienne quidem, eiusdem prouinciæ urbem, attingens, paucis ante limitibus, iugi modici occurſu, tantus ille ventorum coercetur.* Apuleius originem denominationis ostendit. Galli, inquit, *Circium appellant a turba eius & vertice.* nempe a *κίρκος* appellatur, quod gyret & circumagat quasi quidquid corripuerit. Nec aliter Gellius, vel Fauorinus, quam *a turbine eius ac vertigine* nomen duxit.

IX.

Hi a Seneca enumerati singulares venti; fatente tamen, infinitum quasi fore, si quis omnes vellet nominatim recensere. Addi enim potest *HELLESPONTIAS*, quem Cæcian ita vocari Plinius dicto loco tradidit, qui si Achillem Tatium audiamus, propria ratione certo loco contentus est, quippe Cæcian a Caico, Asiæ æmne, appellatum existimat. Sed plerique Cæcian pro vento habent generaliore, qui longius per orbem, quam in angusto Aeoliæ circa Caicum campo spiret. Plura ventorum nomina, certis regionibus aut oppidis attributa, per omnes plagas reliquo apospasmatice ex libro Aristotelis *περὶ σημείων*, sunt enarrata, quæ quod ignota sunt historiæ & geographiæ, censemus prætereunda: sicut physici etiam sua ventorum genera præsteres, *typhones*, *ecnephias*, & quos alios habent, ex origine & causis naturalibus interpretandos, nullam plagam geographiæ designantes, relinquimus.

X.

Denique sunt anniuersarii venti, & certis temporibus circumscripti, qui itidem per se ad geographiam non pertinent. Tales sunt *Ornithiæ*, *Prodromi*, *Etesiae*. *ORNITHIAS*, etiam *Chelidonias* ab hirundinis apparitione dictus, ipse Fauonius est, certo adscriptus tempori, quod Plinius definit *viii kalendas Martii*, scilicet Neronis æuo, & in Italia. etenim hirundo,

- - - *εἰρωνὴ Ζεφύρου πρωτάγγελος ἔρnis*,
verna avis & Zephyri prima nuntia, vt Oppianus lib. iii vers. 246^o vocauit. Ptolemæus quoque, de Apparentiis mense Februario sub finem, ex Hipparcho & Euctemone: *Ὀρνίθια ἄρχονται πνῆν ψυχροί. χελιδόνι ὥρα φαίνεται*, *Ornithiæ incipiunt frigidiusculi flare. Hirundini aduenire tempus est.*

XI.

Maior de Prodromis & Etesiiis contentio eruditis antiquioribus est. *PRODROMI* venti sunt aquilones, octo diebus exortum Caniculæ antecedentes, vt Plinius interpretatus est: immo ipsos *ETESIAS* anteueniunt, quorum *prodromi*, hoc est præcursores, appellantur. Geminus cap. xvi suæ *Isagoges*: *Die xxvii* (ab æstiuâ conuersione siue solstitio) *Eudoxo canis mane oritur*, καὶ τὰς ἐπομένας ἡμέρας νέ ἐτησίαι πνέουσιν, αἱ δὲ πέντε αἱ πρώται πρόδρομοι καλεῖνται, & per dies sequentes *lv Etesiae spirant*; dies autem quinque primæ vocantur præcursores. Dies quinque, id est venti illorum dierum, qui præcursores Etesiarum sunt. Sic Edo Hildericus edidit: at Petauius, *ἐπομένας ἡμέρας*: "έ, & vertit, *per dies sequentes quinque*, quod prauatum fit,

fit, necesse omnino est. Si enim Prodrumi Etesiarum quinque diebus spirant, ipsos Etesias diutius oportet flare. Et ne nimius ille Gemini vel Eudoxi numerus videatur, Ammianus Marcellinus hæsitantem potest dubitatione liberare, quam proxime ad illum numerum accedens. Libro enim xxii cap. xxxv [Vales. xv] *Opinio est, inquit, celebrior illa, quod spirantibus prodromis, perque dies quadraginta & quinque Etesiarum continuis flatibus repellentibus eius [Nili] meatum, velocitate cohibita, superfusis fluctibus intumescit.* Sed quod de Nilo ille ait, id nostrum non faciemus; temporis tantum & regionis ex illo rationem habentes. Seneca lib. v. Quæst. natur. cap. x de Etesijs consonat. *A solstitio, inquit, illis initium est, ultraque ortum Caniculae non valent.* Sic de tempore auctores fere consentiunt: de loco & regione sunt impeditiores rationes.

XII.

Quod leniter refrigerant *Etesiae*, a septemtrionibus venire vulgo creduntur: id quod non tantum opinio de Nilo, ante paullo ex Ammiano memorata, videtur confirmare; verum ipse etiam Strabo lib. xvii pag. 545, Alexandream Aegypti dixit optime æstatem tolerare, quia οἱ ἐτησία πνέουσιν ἐκ τῶν βορείων, καὶ τὴν τοσούτην πελάγην, *Etesiae a borealibus partibus & tanto pelago adspirent.* Et Lucretius aliquoties

- - - *etesia flabra Aquilonum,*

lib. v vers. 741, & lib. vi vers. 730, dixit.

XIII.

Apuleius autem de Mundo, in excursu a versione Græci libri περὶ κόσμου, dicit: *Sunt Etesiae & Prodrumi spirantes ex omni parte, eo tempore æstatis, quo Canis oritur.* Si ex omni parte, etiam ab oriente, a meridie, ab occasu proueniunt. De occidentis plaga nequaquam res incerta videtur, utpote multorum comprobata auctoritate. Cicero ad Atticum lib. vi epist. vii de reditu suo ex prouincia: *Rhodium volo puerorum causa: inde quam primum Athenas, etsi Etesiae valde reflant.* REFLANT, id est aduersi sunt in occasum versus nauiganti. Addit Manutius, Paulli filius, Quæsitis per epistol. lib. ii cap. vi, eiusdem tentatum iter in Græciam ex Italia, lib. xii epist. xxv ad Cornificium. *Ego, inquit, iratus temporibus, in Græciam, desperata libertate, rapiebar: quum me Etesiae, quasi boni ciues, relinquentem rempublicam prosequi noluerunt, Austerque aduersus maximo flatu me ad tribules tuos Rhegium retulit.* Scilicet Syracusas venerat, ut inde traiceret in Græciam transmissione faciliore, ut putabatur, quam Brundisinas, quod ipse dicit Philipp. i cap. iiii. At Auster vehementior, quam venti occidentales, quibus utendum erat, in Rheginum agrum ad Leucopetram promontorium reiecit. Cornelius Tacitus lib. ii Histor. cap. xcvi, *Mare Etesiae flabant. Harum flatu in orientem nauigantibus secundum; inde, aduersum erat.* Quod etiam Liuius confirmat lib. xxxvii cap. xxiii. *Tardius, inquit, nauigauerunt regii, aduerso tempore Etesiarum, quod velut statum Fauoniis ventis erat.*

XIV.

An vero etiam ab ortu, a meridie, si ex omni parte? Ita Plinius lib. ii cap.

cap. XLVII, *Etesiae noctu desinunt fere, & a tertia diei hora oriuntur. In Hispania & Asia ab oriente flatus est eorum: in Ponto ab aquilone: reliquis in partibus a meridie.* Et Posidonius apud Strabonem lib. III pag. 99 singulare hoc sibi, ab Hispania nauiganti, obtigisse ait, ὅτι εἰ εὐροὶ κατ' ἐκείνο τὸ πέλαγος, ἕως τῆς Σαρδῶος κόλπου, πνέοιεν ἐτησίαι, in illo mari usque ad sinum Sardonum *Euros etesias spirare*, ideoque se tribus mensibus in Italiam ægre Gymnesias, & Sardiniam, & alia, e regione harum loca Africæ præteruectum. Aldus Manutius antea laudato loco, Plinium aberasse censet, quia Etesiae a meridienumquam spirent, neque ab sole oriente, quod sibi e Ciceronis locis, antea explicatis, videtur satis approbasse: contra Casaubonus ad Strabonem Notis, narrationem Posidonii tueri Plinii sententiam posse existimat. Sed in vocabulo videtur lusus esse. Si laxe sumis, vt ἐτήσιος *anniuersarius* est, plures venti, certo anni tempore spirantes, possunt ἐτησίαι, *etesiae* appellari, ex quacunque plaga vel cæli parte proficiscuntur. Quum vero singulares sint, & propter constantiam, quam anniuersarii seruant, notabiliores illi, qui ex cæli parte, quæ inter occasum & septemtrionem est, a solstitii tempore ad ortum canis spirant; hos proprie præcipueque Etesias appellari, non solum consuetudo iussit, verum etiam auctoritas confirmavit. Quos quum plures ex septemtrione adducant, Cicero ab occidente, quæ duæ nobiliores de hac re sententiæ sunt; scite Aristoteles loco sæpe indicato, lib. II Meteor. cap. VI extremo, ambas ita inter se conciliauit, vt utrique ratio sua & veritas constaret. Sic autem infit: Οἱ ἐτησίαι περιῖστανται τοῖς μὲν περὶ δυσμαῖς οἰκῶσιν, ἐκ τῶν ἀπαρκτίων εἰς Θρασκίας, ἀργέτας καὶ Ζεφύρους ἀρχόμενοι μὲν ἀπὸ τῆς ἀρκτῆς, τελευτῶντες δὲ εἰς τὰς πόρρω. Hoc est: *Etesiae iis, qui ad occidentem habitant, e septemtrionibus in Thrascias, Argestas & Zephyros commutantur, initio faciō ab Arcto, fine in iis, qui longinqua loca incolunt.* Et breuius idem vel quisquis auctor libri de Mundo est, cap. IV, οἱ ἐτησίαι λεγόμενοι, μίξιν ἔχοντες τῶν τε ἀπὸ τῆς ἀρκτῆς φερομένων, καὶ Ζεφύρων, *Qui Etesiae dicuntur, mixturam habent eorum qui ab Arcto feruntur, & Zephyrorum.* Eadem claritate & ratione Diodorus Siculus lib. I cap. XXXIX, τὰς ἐτησίας ἰδεῖν ἐστὶν ἔδέν τι μᾶλλον ἀπὸ τῆς ἀρκτῆς πνέοντας, ἢ περὶ τῆς ἐσπέρας. Οὐ βορέαι γὰρ, ἔδ' ἀπαρκτίαι μόνοι, ἀλλὰ καὶ οἱ πνέοντες ἀπὸ θερμῆς δύσεως ἀργέται καὶ κωνῶσσι τῆς τῶν ἐτητίων προσηγορίας, *Evidens est non magis a septemtrione, quam ab occasu Etesias spirare. nec enim soli Boreæ aut Aparctiæ, sed etiam Argestæ, ab occasu æstivo flantes, nominis Etesiarum sunt participes.*

XV.

Hæc de veris certisque Etesiis intelligantur, eorumque situ & φεραῖ: qui ab ortu aut austro dicuntur accedere, per abusionem & improprie Etesiae appellantur, qua Posidonium Pliniumque ratione interpretandum esse existimamus. Gellius incertior in sententia sua ita clausit hanc disputationem: *Quod supra dixi, Etesias ex alia atque alia cæli parte flare; haud scio an, sequutus opinionem multorum, temere dixerim.* Ἐτήσιος, vt diximus, anniuersarius est, non quod vno alteroque aut tertio etiam anno ad eundem modum contigit. Plurium annorum experimento confirmatum sit oportet,

tet, quod vere *anniuersarium* appellari debet, cuius an crebro repetitam experientiam vel Posidonius habuerit, vel etiam Plinius, in ortiuis Etesias designandis; quis spondere aufit, aut rationibus indubitatis demonstrare? Quod autem supra dictum est ex Plinio, noctu fere desinere Etesias, & a tertia diei hora oriri; eius causam conatur Seneca inuestigare dicto lib. v Quæst. natur. cap. xi, additque ideo *somniculosos a nautis & delictos vocari*, quod, vt Gallio frater eius dixerit, *mane nesciant surgere*. Sed rem narrare, geographi est, philosophi, indagare causam, quam an inuenerit Seneca, alii iudicent & excutiant.

XVI.

Antequam de Ventis dissertationem finiamus, Vitruuii de iis opinionem, & varias ac nouas appellationes non inconueniens erit addidisse. Is lib. i cap. vi de vniuersis ita sentit: *Dextra & sinistra circa Austrum Eurionotus & Altanus flare solet: circa Africum, Libonotus & Subuesperus: circa Fauonium Argestes, & certis temporibus Etesiae: ad latera Cauri, Circius & Corus: circa Septemtrionem, Thrascias & Gallicus: dextra ac sinistra circa Aquilonem, Supernas & Boreas: circa Solanum, Carbas, & certo tempore Ornithiae. Euri vero medias partes tenent: in extremis, Cacias & Vulturinus. Sunt autem & alia plura nomina, flatusque ventorum, a locis, aut fluminibus, aut montium procellis tracta. Præterea auræ matutinæ, quas sol quum emergit de subterranea parte, versando, pulsatur aeris humorem, & impetu scandendo trudens exprimat aurarum antelucano spiritu flatus, qui quum exorto sole permanserint, Euri venti tenent partes. Sed ex antea dictis de his iudicare cuique est facillimum.*

CAPVT IX.

DE

LATERIBVS MVNDI.

Reliquum est, vt etiam de lateribus mundi agamus, quo, quod dextrum in eo, quod sinistrum dicatur, quod summum item imumve sit, quod antrosum tendat, aut lateat ab tergo, ex antiquorum opinione sententiaque appareat. Has *Χεῖρες* & respectus mundi non vno modo sapientes ordinauerunt. Empedocles, vt apud Plutarchum est de Placitis philosophorum lib. ii cap. x, censuit, *δεξιὰ μὲν τὰ κατὰ τὸν θερὸν τροπικὸν, ἀριστερὰ κατὰ τὸν χειμερινόν*, dextera [mundi] ad circulum æstiuæ conuersionis: sinistra ad hibernum ordinauit. Quem Achilles Tatius Isagog. in Phænom. cap. xxix sequutus videtur. Quod enim vmbra nostræ ad dextram cadant, consequi dicit, vt sol nobis sinister sit: habitantibus in australi zona, dexter. Et cap. xxxi, *λέγω δὲ ἐν δεξιᾷ τὸ βορρην*, dextrum dico quod est septemtrionale. Nec sine ratione videntur iudicasse. Vt enim in fluminibus solemne est, dextrum sinistrumque dici, quod cursus secundi respectu, seu currentis aquæ, tale existit, vt infra probaturi sumus; sic ad motum stellarum diurnum, qui ab

ab ortu in occasum fertur, si corpus nostrum componamus, dextrum ad septemtriones sit necesse est: sinistrum ad austrinas partes. Quod contra in ortum solis contuenti ad læuam est septentrio, ad dextram meridiana plaga; in caussa fuisse videtur, vt Romanis borealia, eaque sinistra, feliciora putarentur; austrina vero dextera, sed in auguriis minus auspicata: de quo Plutarchus Quæst. Rom. LXXVIII consulatur. Nihilominus & plures & nobiliores philosophi non ad latitudinem ab austro in aquilonem; sed ab ortu in occasum, per longitudinem orbis, hanc laterum relationem posuerunt. Vt rem compendii faciamus, ex Plutarcho referemus, quæ principum philosophorum de hoc argumento fuerit sententia. Libro antea dicto, eodemque capite *Pythagoras*, ait, *ἔ Plato, ἔ Aristoteles δεξιὰ τὸ κόσμου τὰ ἀνατολικά μέρη, ἀφ' ὧν ἡ ἀρχὴ τῆς κινήσεως ἀρῖστερὰ δὲ τὰ δυτικά*, *dextras mundi partes, quæ ad ortum sunt, unde motus est initium; sinistras ad occasum statuerunt.* * Pulchra ratio & numeris suis perfecta: cui addimus non minus illustrem aliam, & sua vtilitate comprobata. Sedes ingeniorum in orbe habitabili cis æquatore adhuc in temperata zona, septemtriones spectante, fuit. Qui vero ibi degunt, polum arcticum, vt cardinem mundi, & Cynosuram, principium cælestis contemplationis, suspiciunt. quod quum fit, oriens ipsis a dextris est: ad sinistram, solis occasus. Quam rationem etiam geographi veteres sequuti omnes sunt, qui orbem terrarum vel vniuersum vel ex parte delineauerunt, vt, sicut polus septemtrionalis nobis semper eleuatus est, in superiore etiam tabularum parte septemtrionem collocarent: in ima austrum: ad dextram ortum solis: a sinistra occasum. Sic Ptolemæus fecit lib. I cap. XXII & XXIV: sic segmenta Tabulæ Theodosianæ, vt putatur, quam & Peutingerianam appellamus, a Marco Velfero edita, videmus constituta: quem morem, aut situm potius, præstantissimus quisque geographorum adhuc seruauit, & hodieque doctissimi viri obseruant, quia nihil verius, nihilque vtilius excogitari potest, quam machinas & instrumenta, quæ orbem terrarum referant, vel quamcumque eius partem, ad eum situm ac positionem ordinare, quem ipsa nobis natura in cælo terraque præscripsit. Reprehendendi ergo sunt artifices, qui a veteri consuetudine desciscentes pro sua lubidine, aut chartæ vel laminæ, quam putant, commoditate, plagas mundi peruertunt, & discantes confundunt ac impediunt, quum omnis charta geographica ex rei natura, & veteri disciplina, constitui & collocari ita debeat, vt a dextra ortus sit, a sinistra occasus; quia secus si habet, confusionem locorum parit omnium, & ingeniorum ac profectuum vix superabile impedimentum. Ita vero qui faciunt, digni sunt vtique, ad antipodes vt transmittantur, vbi quam peruersitatem amauerunt, & contrarias nostris rationes, sine vllius damno possint persequi, aut non dissimiles in orbis illius natura consuetari. Vt autem magis horum ineptiæ patefiant, exemplis ostendamus, quam repugnans rebus & diuinæ positioni sit,

E 2

Pa-

* Varro, qui ex populari ratione loqui videtur, contra sentit de L. L. VI. c. 2. *Eius templi (id est cæli) partes quatuor: Sinistra ab oriente, dextra ab occasu: antica ad meridiem, postica ad septemtrionem.*

Palæstinæ seu Terræ sanctæ tabulam statuere ita, vt mare Palæstinum, extrema pars mediterranei, in summitate a septentrione suspendatur : septentrionalis autem pars cedat ad dextram ; quum tamen ipse Deus diuinis litteris terminos Terræ sanctæ ita fixos constituerit, vt limes occidentalis sit הַיָּם הַגָּדוֹל *mare magnum*, hoc est inediterraneum, Numer. xxxiv, 6, Iosué i, 4, xv, 12, xxiii, 4. quo posito, non potest oriens non a dextra esse ; in summa & eleuata parte septentrio ; auster contra in infima & cadente. Hinc non difficile ad iudicandum est, quam peruersæ sint tabulæ cum Adrichomii descriptione coniunctæ, aut pleræque sanctis Bibliis hodie adnexæ ; etiam aliæ multæ multarum regionum, quæ nisi ad mundi plagas restituantur, nequaquam id commodi adiumentique, quod speratur, perlustrantibus possunt præstare. Quod etiam de pluribus vulgatis aliarum regionum tabulis, nitide quamuis & eo loco impressis, vbi sedes ingeniorum & artificum putatur esse, quod mireris, est adnotandum.

II.

De fluminibus etiam & eorum ripis est, quod in laterum discrimine obseruetur. Diximus supra paucis verbis, ex secunda fluxione aquarum discrimen illud esse vnice repetendum : nunc pluribus paullo & verbis & exemplis illustrare non nullum fortassis est pretium. Etenim ita res est natura duce, vt ex secundo cursu seu fluxione discrimen laterum in ripis, & amnibus, & fretis etiam, capiamus, vt si prono flumine deueharis, quæ tibi dextrorsum occurrit, sit etiam dextera ipsius amnis ripa : quæ ad sinistram tibi erit, sit etiam ejusdem ripa sinistra. Planum & explicatum exemplum Eutropius præbet lib. ix cap. ix, siue in Aureliano principe. *Provinciam, inquit, Daciam, quam Traianus ultra Danubium fecerat, intermisit, vastato omni Illyrico & Mæsia, desperans eam posse retineri : abducosque Romanos ex urbibus & agris Daciæ, in media Mæsia collocavit : & est in dextera Danubio in mare fluenti, quum antea fuerit in læua.* Strabo quoque lib. i i pag. 88 de Danubio siue Istro scripsit, ab occasu in ortum ita deferri, vt a sinistra Germaniam Geticamque relinquat : a dextra Thraciam Illyricumque prætereat. Quod etiam de interni maris ostio, siue Herculeo freto, idem Strabo dicto libro p. 87, & Plinius lib. i i i cap. i constituerunt, quorum verba inferius capite xi de Magnis Terræ Continentibus adferemus.

CAPVT X

DE

INGENIORVM CORPORM-
QVE PRO SITV LOCI DIVER-
SITATE.

NOn recens obseruatio est, sub alio cælo & orbis inclinatione, vt ceterarum rerum naturam, ita hominum quoque ingenia & corporis habitum non leuiter immutari : sed nec priscis illud sapientibus ignotum fu-

fuit. * In eo declarando Vitruuius in primis sollers fuit lib. vi cap. i Sol, inquit, quibus locis mediocriter profundit vapores, in his conseruat corpora temperata: quæque proxime currendo deflagrat, eripit exsugendo temperaturam humoris. Contra vero refrigeratis regionibus, quod absunt a meridie longe, non exhauritur a caloribus humor, sed ex cælo roscidus aer, in corpora fundens humorem, efficit ampliores corporaturas, vocisque sonitus grauiore. Ex eo quoque sub septemtrionibus nutriuntur gentes immanibus corporibus, candidis coloribus, directo capillo & rufo, oculis cæsis, sanguine multo, quoniam ab humoris plenitate, cælique refrigerationibus sunt conformati. Qui autem sunt proximi ad axem meridianam (hyperbolice zonam torridam notat) subiectique solis cursui, breuioribus corporibus, colore fusco, crispo capillo, oculis nigris, cruribus inualidis, sanguine exiguo, solis impetu perficiuntur. Hæc de corporis habitu & dispositione. De animo idem addit, in meridianis regionibus propter sanguinis exiguam timidiore nasci; tolerantiores vero ardoris febrium, quod membra illorum cum feruore sint nutrita. Et interiectis nonnullis: Propter tenuitatem cæli, meridianæ nationes, ex acuto feruore, mente expeditius celeriusque mouentur ad consiliorum cogitationes: septemtrionales autem gentes, infusæ crassitudine cæli, propter obstantiam aeris, humore refrigeratæ, stupentes habent mentes. Et exemplo proposito serpentis, per brumale tempus immotæ stupore; mobilis autem maxime per calorem, subdit: ita non est mirandum, si acutiores efficit calidus aer hominum mentes: refrigeratus contra, tardiores. Quum sint autem meridianæ nationes animis acutissimis, infinitaque sollertia consiliorum, simul ad fortitudinem ingrediuntur, ibi succumbunt, quod habent exsuctas ab sole animorum virtutes. Qui vero refrigeratis nascuntur regionibus, ad armorum vehementiam paratiores sunt, magnisque viribus ruunt sine timore, sed tarditate animi sine considerantia irruentes, sine sollertia, suis consiliis refringuntur.

II.

Ita est videlicet, vt calidiores regiones breuitatem corporis, animique agilitatem proferant: tardiores. mentes septemtrio gignat, sed maius robur & tolerantiam addat corporibus. Id quod autem in pluribus ita inesse videmus, non æque in omnibus aut singulis nationis alicuius esse credendum est. Vnde ad vitia virtutemve proniores quædam gentes sunt, vt tamen plus sæpe consuetudini aut imitamento, aut institutioni debeatur, quam cælo, aut loci, vbi sunt, ingenio. Quo fit, in vno climate vt diuersi mores reperiantur, nec aeris qualitates sub eodem cælo vbiqve sint persimiles: sed a montium iugis, paludosis locis, vicinitate marium, aliisque internis & propriis causis sæpe miram varietatem accipiant. Quæ ergo ex situ & inclinatione loci pro moribus & ingenio argumenta petuntur, generalia cuncta sunt, quæ vel naturæ ipsius, vel artis aut educationis ope non raro infringuntur, vt tamen, quod plerumque in illis locis est, recte probent atque obtineant. Sic Pœnorum ex cælo agilitas propter calorem,

E 3

quum

* Adde huc egregiam disputationem Hippocratis in libro de aeribus, aquis, locis c. 31. seqq. p. 345. seqq. Cicer. Natur. Deor. II. c. 6 & 16. & de leg. Agrar. Orat. II. c. 35.

quum ad virtutem adhiberi debuisset, plerisque in calliditatem vertit, in astutiam & fraudes, quod prouerbum, *Punica fides*, confirmauit. Thracum famosa feritas, quid non Hæmi & Rhodopes asperitati imputauit? quæ certe nec postea ita mitigata fuit, vt barbaries omnis pelleretur, quæ vel hodie superesse cernitur. Syros salubritas cæli, & soli adfluentia in voluptates & animi leuitatem pellexit, quod Græcis etiam posterioribus euenit, quos non gradu, sed præcipiti cursu a virtute ad vitia desciscuisse notum est. * Et sic nulla natio existit, cui non ex cælo suo character aliquis hæreat, qui, quamuis non omnium, multorum tamen animum, indolem, mores effingat atque formet; saltem propensionem & procliuitatem indicet. Quæ per gentes singulas excutere non nostrarum partium, sed munus est historicorum.

III.

Supereft quod Vitruuius Italiæ suæ & Romanæ vrbis encomium adiunxit, quam diuina mens, vt ait, egregia & temperata regione ita collocauit, vt orbis terrarum imperio potiretur. *Quum*, inquit, *omnes nationes immoderatis mixtionibus sint disparatæ; placuit, vt inter spatia totius orbis terrarum regionumque medio mundi populus Romanus possideret fines. namque temperatissimæ ad utramque partem & corporum membris, animorumque vigoribus pro fortitudine sunt in Italia gentes.* Non inuidenda est laus Italiæ, quam ex egregio aeris temperamento habet: nec vero est ei soli sic pertribuenda, vt adiacentes regiones a societate excludantur penitus. Græcia & Italia, cæli sui genio adiutæ, ad summam gloriam virtutis, doctrinæ, humanitatis perductæ, aliis gentibus viam ad laudis theatrum perueniendi ostentauerunt, quæ, quod natura non habuerunt, arte & industria consequutæ sunt, vt plures nunc Europæ nationes cum Italia, illa virtutis & litterarum cultrice, certent, Græciam fere omnes hodie superent. Nulla itaque terra tam infructuosa est, vt, si studio impenso percolatur, nullas artes & virtutes ferat, quas in iis regionibus miramur & laudamus, quæ naturæ benignitate sub temperatissimo cælo & mollissima inclinatione collocatæ sunt. Quod enim cultiores gentes habent, non id omne natura habent, sed si non primas partes, tamen proximas ars sibi & exercitatio vindicant. Quod Strabonis sententia quum illustraui, finem huic argumento faciam. Is lib. II pag. 70 ait scite & vere; οὐ φύσει Ἀθηναῖοι μὲν φιλόλογοι; Λακεδαιμόνιοι δ' ἔ, καὶ οὐ ἐτι ἐγγυτέρω, Θηβαῖοι ἀλλὰ μᾶλλον ἔδει. ἔτι δὲ Βαβυλώνιοι φύσει φιλόσοφοι καὶ Αἰγύπτιοι, ἀλλὰ καὶ ἀσκήσει καὶ ἔδει. *Quod Athenienses studiose sunt litterarum, Lacedæmonii non item, ac ne Thebani quidem iis viciniore; non natura fit, sed magis more. Sic neque Babylonios natura philosophos fecit, aut Aegyptios; sed exercitatio & consuetudo.*

* Sic Asiæ delicias Romanis noxias Romani detestati sunt. Cic. Muren. c. 5. & 9. & multi alii. Sic Capua superbiæ & crudelitatis parens. Cic. Agrar. I. c. 6. & alii.

CAPVT XI

DE

MAGNIS CONTINENTIBVS
TERRARVM ORBIS.

PArtes maiores illas, in quas orbem terræ diuidimus, Græci ἡπείρους, *continentes* appellant, & tres plerique constituunt, Europam, Africam, Asiam. Fuerunt tamen ex antiquis (οἱ παλαιοὶ) qui duas partes numerarent, Asiam & Europam, τὴν τε Λιβύην καὶ τὴν Ἑυρώπην, ὥσπερ μίαν ἔσαν, συναμφοτέρας ἐκάλουν ἐνὶ καὶ μόνῳ τῷ τῆς Ἑυρώπης ὀνόματι, ἢ Africam ἢ Europam, *velut quæ una esset, utramque simul uno ἢ solo Europæ vocabulo appellabant*, vti de illis Agathemerus refert lib. II cap. II. Hoc qui sentirent, seu duas tantum partes orbis, Europam & Asiam, dicerent, *pauci fuere*, * Sallustio iudice Iugurth. B. cap. XVII. plerique enim partem tertiam, quæ Africa est, distincta ab Europa, apposuerunt. Ex vtraque gente testes non nullos aduocare liceat. Dionysius periegeta vers. 7

----- μίαν δὲ ἔ καίπερ ἔσαν

Ἄνθρωποι τρισσῇσι ἐπ' ἡπείροισι δάσαντο,

Vna autem quamuis sit terra, homines tres in continentes partiti sunt. Et Agathemerus dicto loco : Διαίρεται ἡ ὅλη οἰκισμένη εἰς ἡπείρους τρεῖς, *Diuiditur vniuersus orbis in tres continentes, quas etiam nominat, Asiam, Africam ἢ Europam.* Atque ita etiam Strabo, lib. I extremo, illas partes non semel ἡπείρους, *continentes* cum Eratosthene appellauit. CONTINENTES, quia non sunt insulæ, & quamquam maribus maiorem partem cinctæ sunt singulæ, tamen continuo aliquo tractu, saltem isthmo, inter se cohærent. Omnes tamen hæ tres continentes partes simul ab Oceano ambiuntur, ad quem collatæ, speciem magnæ præbent insulæ. Iterum Dionysius principio περιγησίως,

Μνήσομαι Ὀκεανοῖο βαθυρρόου· ἐν γὰρ ἐκείνῳ

Πᾶσα χθὼν, ὅτε νῆσος ἀπείριτος, ἐξεφάνωται.

Memorabo Oceanum profunde fluentem: illo enim tota tellus, tamquam insula immensa, est cincta. Geminus autem cap. XIII non continentes, sed μέρη τρία vocat, id est tres partes. Atque ita etiam Latini. Pomponius Mela lib. I cap. I *Hoc mari [interno] ἢ duobus inclutis amnibus, Tanai ἢ Nilo, in tres partes vniuersum diuiditur.* Nec non Plinius procæmio lib. III, *Terrarum orbis vniuersus in tres diuiditur partes, Europam, Asiam, Africam.* In quo numero consistunt omnes, nec plures Ptolemæus, Solinus, Capella, & quot-

* Neque illi quidem satis inter se congruere. Nam Varro L. Lat. IV. c. 6. *Vt omnis natura in celum ἢ terram diuisa est, sic celum in regiones, terra in Asiam ἢ Europam.* Asia enim iacet ad meridiem ἢ austrum: Europa ad septemtrionem ἢ aquilonem. Asia dicta ab Nympha, ex qua ἢ Iapeto trahitur Prometheus. Europa ab Europa Agenoris filia, quam ex Phœnicia Manlius scribit taurum exportasse. Africam igitur Varro sub Asiæ nomine intellexisse videtur.

quotquot hoc argumentum tractarunt, agnoscunt: vt quæ de quarta parte, quam recentes Americam dicunt, non nulli coniiciunt, quasi non penitus ignota antiquis fuerit, meræ conjecturæ sint, aut somnia vigilantium. Neque enim vel Atlantica id insula Platonis, quæ similior fabulæ est, quam chorographiæ; vel Pomponii Melæ *antichtones* euincunt, quos eo Turnebus lib. xx Aduersar. cap. xi trahit: neque Carthaginensium nauigationes in eam pertigerunt, quum ex Hannonis Periplo constet, quam non longe a litoribus, in Oceano præsertim, mortales veteres abscedere ausi, fere semper oram legerint.

II.

Quum itaque certum exploratumque sit, & tot luculentis testimoniis comprobatum, non plures, quam tres, orbis partes antiquis innotuisse; de limitibus, quibus iidem singulas crediderint discretas esse, nunc breuiter adiiciendum est. Certus limes occiduus tam Africæ quam Europæ est Oceanus Atlanticus & Gaditanus, & qui supra illas partes Aquitanicus ac Hibernicus appellatur: nec dubitatum de termino Asiæ orientali, quamuis vix plene cognitum ab vilo fuerit, quousque Asia ad orientem solem recedat. In hoc autem consensus fuit omnium, quidquid terrarum ad ortum solis est; quod cum cognitis partibus cohæreat, id proprium esse Asiæ, non alterius cuiusdam partis. In medio autem limite partium, id est Asiæ & Europæ; itidemque Asiæ atque Africæ communi termino magna vtique est veterum dissonantia. Alii enim has partes fluminibus & fretis seiungunt, vt Europam & Asiam Tanai ac Hellesponto; Asiam ab Africa Nilo flumine: alii isthmis & continentibus terris, vt isthmo Aegyptiaco Africam & Asiam: Europam vero ab Asia alio isthmo maiore, qui inter Caspium mare & Pontum Euxinum intercedat. Vtramque sententiam excutere non alienum erit ab instituto operis.

III.

Sit igitur prima discretio Europæ ab Asia, quæ pluribus satis firma est per Tanaim & Hellespontum, & quæ in illa linea continuantur, vt hodieque illas partes distinguere solemus. Dionysius periegeta v. 14

Εὐρώπην δ' Ἀσίας Τάναις διὰ μέσσον ὀρίζει
πρὸς βορρην νότιον δὲ μεσθριον Ἑλλάσποντος.

Hoc est: *Europam ab Asia disternit amnis Tanais septentrionem versus: australi autem parte Hellespontus limes est.* Straboni etiam lib. ii pag. 87 Europa ab columnis Herculis patet μέχρι τῆς Τανάϊδος, usque ad Tanaim fluuium. Et Mela lib. i cap. i *Quod terrarum iacet a freto ad ea flumina, ab altero latere Africam vocamus, ab altero Europen: ad Nilum Africam: ad Tanaim Europen. Ultra quidquid est, Asia est.* Et Arrianus Periplo pag. ii, *A Panti-capæo ad Tanaim fluuium, ὃς λέγεται ὀρίζειν ἀπὸ τῆς Ἀσίας τὴν Εὐρώπην, qui ab Asia Europam distinguere fertur.**

Hunc

* Adde Paulum Orosium lib. I. hist. c. 2. Ovid. de Pont. IV. ep. 10. v. 55. Paulo pinguiore Minerua Hippocrates de aeribus c. 34. p. 347. Περὶ δὲ τῶν ἐν δεξιᾷ τῆς ἡλίου τῶν ἀνατολῶν τῶν Σερινῶν μέχρι Μαι-
ντιδος λίμνης (οὗτος γὰρ ὁρος τῆς Εὐρώπης καὶ τῆς Ἀσίας) ὥδε ἔχει περὶ αὐτῶν.

IV.

Hunc Europæ terminum disturbant, qui Phasidem pro Tanai malunt, aut de isthmo inter Caspium mare & Pontum nescio quid iactitant. Herodotus lib. iv cap. xlv de mediis terminis terrarum orbis : *ἔρισματά αὐτῇ Νεῖλός τε ὁ Αἰγύπτιος ποταμός ἐτέθη, καὶ Φάσις ὁ Κόλχος, Eius fines ponuntur Nilus, fluius Aegyptiacus; & Phasis in Colchide.* Quod Plato etiam in Phædone p. 43 significasse videtur, *ἡμᾶς οἰκεῖν μέχρις Ἡρακλείων στήλων ἀπὸ Φάσιδος ἐν μικρῷ τινι μορίῳ, nos habitare, dicens, a Phaside usque ad Herculis columnas in exigua parte.* Phasis cum Tanai nequaquam comparandus est, & hic vtiq;e, quam ille, est aptior ad terminandas maiores illas terrarum orbis partes continentes. Et videntur quidam Phasin illum pro termino appo-
fuisse, quod is notior ex Argonautarum decantata fabula vel historia erat, quam Tanais Scytharum, cuius cursum nec ipse Strabo satis exploratum habuit, credens, a septemtrione recta via in Mæotim paludem deferri: quæ etiam Pomponii Melæ cap. i fuit opinio, quum decursio eius longe alia postmodum a peregrinantibus reperta fuerit. Forsitan hæc de Phasi sententia alteri, quæ de isthmo est inter Caspium & Ponticum mare, originem aut occasionem dedit: quam ita Dionysius a versu 19 delineauit:

Ἄλλοι δ' ἡπείροισι διὰ χθόνα νοσφίζουσιν.

Ἰσθμὸς ἄνω τέτατά τις ὑπέρτατος Ἀσίδος αἴης,

Κασπίης τε μεσηγὺ καὶ Εὐξείνιοιο θαλάσσης

Κεῖνον δ' Εὐρώπης Ἀσίας δ' ὄρον ἡυδάξαντο.

Hoc est: *Alii autem continentibus terram separant. Isthmus sursum porrectus est quidam supremus Asiæ, Caspium inter & Euxinum mare. Illum autem Europæ & Asiæ terminum dixerunt.* Meminit huius sententiæ etiam Eratosthenes apud Strabonem sub finem libri i. Ait varias de continentium distinctione opiniones esse, *καὶ τὰς μὲν ποταμοῖς διαιρεῖν, τῷ δὲ Νεῖλῳ καὶ τῷ Τανάϊδι: τὰς δὲ τοῖς ἰσθμοῖς, τῷ τε μεταξύ τῆς Κασπίης καὶ τῆς Ποντικῆς θαλάσσης, καὶ τῷ μεταξύ τῆς Ἐρυθρᾶς καὶ τῆς ἐκρήγματος, alios eas [continentes partes] fluiis diuississe, Nilo ac Tanai: alios isthmis, qui sunt inter Caspi-um & Ponticum mare, & inter Erythræum & ecregma.* Verum hæc rudi Minerua & multa vocis abusione ita tradi, etiam Eustathius, interpretes Periegetæ, obseruauit, quia isthmus *μεταξὺ δύο θαλασσῶν στενὸς τόπος, angustius locus inter duo maria* sit: at quod Caspio & Euxino mari interiectum est spatium, tantæ est amplitudinis, vt tria regna aut tres integras nationes complectatur, ab ortu Albanos & ex parte Medos: ab occidente Colchos atque Lazos: medio situ Iberos cum Caucasii portis. Plinius lib. ii cap. lxxviii Caspium mare a Pontico cccclxxv millibus distare tradit, qui modus sane maior, quam pro angustia isthmi est, quam hic natura sua, quæ angusta sit, referre debet. Non est ergo quod miremur, cur plures geographorum veterum, aut quorum nobis reliqua sunt monimenta, forte omnes hanc de Europæ Asiæque limite opinionem deseruerint, & in Tanai amne perinde, vt nostræ ætatis homines, tamquam in termino vtriusque continentis consentiant. Quod enim limitem sustineat partium, in angusto ne-

cesse est constituatur, vt, quasi linea ducta, monstretur vbi existat terminatio, quæ in tanta vastitate, quæ inter duo illa maria est, numquam prodita aut declarata ab vlllo fuit. Vt autem veterum multi errores circa Pontum & Caspium mare fuerunt; ita quoque huius sententiæ auctores primi videntur ignorasse, quanta inter vtrumque mare, Ponticum Caspiumque, sit capacitas: credidisseque, exiguum illud & angustum esse spatium: quod vero secus per omnia, vt notum est, se se habet. Et tantum de Europæ & Asiæ discrimine, quod a Tanai per Bosporum vtrumque, Hellespontum, & quæ connexa his sunt maria, in mediterraneum mare vsque, propter Cnidix peninsulæ extremitatem, deducitur.

V.

Non minor est de Asiæ & Africæ termino constituendo controuersia, quem quidam in Catabathmo ponunt; alii in Nilo flumine: rursus alii in isthmo, qui inter Arabicum sinum & mare est mediterraneum. Salustius Iugurthino Bello cap. xvii hos limites posuit: *Africa fines habet ab occidente fretum nostri maris & Oceani: ab ortu solis, decliuem latitudinem.* Pomponius Mela lib. i cap. viii, qui idem sensisse videtur, interpretes est Salustii, vt liquido appareat, quæ sit latitudo illa decliuis, pro qua alii malunt, vna transposita littera *altitudo* legi. Is vero, *Catabathmus*, inquit, *vallis deuexa in Aegyptum, finit Africam.* Catabathmum ergo, locum Straboni, Plinio, Ptolemæo laudatum, interiectum Parætonio & Cyrenaicæ, terminum vtriusque continentis facit. Vnde est quod Plinius lib. v cap. v. *finem Cyrenaicum* Catabathmum appellet. At si hic est terminus inter vtriusque orbis partem, tota Aegyptus, & Marmarica etiam, ad Asiam referendæ essent, quod contra naturam rerum est, quæ limitem notabiliorem, quam illa non longissima, contra in latitudinem protensa est decliuitas, maiorum orbis partium discrimini videtur vtique postulare. Quod quia ita se se habet, pauci admodum fuerunt, qui hanc sententiam sequerentur; & vix alii præter illos, quos modo nominauimus: nec Mela in eo constans est, sed alio loco, ostenso antea & paullo post repetendo, a Nilo determinari tradit, in quo plures consentientes ex sua & priori ætate habuit. Dionysius Periegesi vers. 18

Σῆμα δ' ὑπερέταται νοτιώτατον ἐς σόμα Νείλῃ,
quod Prisciano interprete est,

Sed magis australis sunt terminus ostia Nili,
scilicet, magis australis, quam superius nominati Tanais & Hellespontus. Strabo suffragatur lib. ii pag. 87 ἐκπλέσσι τὸν κατὰ σήλας πορθμὸν ἐν δεξιᾷ μὲν ἐστὶ ἡ Λιβύη μέχρι τῆς Νείλῃ ῥύσεως, *Enauigantibus freto iuxta columnas [Herculis] a dextra est Africa vsque ad Nili fluentum.* Sic vocem ῥύσιω, ab Aldo, Xylandro, Casaubono ita expressam, heic loci vulgo vertunt, quasi liberationem fluminis, vt de ἐκβολαῖς seu ostiis interpretari possis. Sed non tam suam, quam vulgi rationem sequutus, determinatorem Nilum heic appellauit, quod ex lib. i est manifestius, vt postea ostendemus. Plinius autem lib. iii cap. i INTRANSIT [per fretum Herculeum in internum mare] *dextra Afri-*

Africa est, leua Europa : inter has Asia. Termini amnes, Tanais & Nilus. Et ipse Pomponius lib. i cap. i Hoc mari [mediterraneo] & duobus inclutis amnibus, Tanai & Nilo in tres partes vniuersum diuiditur. Huic sententiæ apud Strabonem lib. i pag. 22 obiicitur, incongruentem limitem in Nilo poni, quia sic Aegyptus & Aethiopia distraherentur, & vtriusque pars altera in Asiam incideret, altera ad Africam referretur ; quod vtique inconueniens est, & dignum vt reprehendatur.

VI.

Quam præstantius vero & ipsi aptius naturæ rerum est, vt terminus in isthmo Aegyptiaco & Erythræi maris oblongo sinu, quem Arabicum dicunt, id est, inter Arabiam & Aegyptum infusum, collocetur? Hunc hodie præstantissimus quisque geographorum ponit: hunc neque veteres geographi ignorauerunt, quamlibet de Nilo multi, quidam etiam de Catabathmo cogitauere. Strabo egregie lib. i pag. 24 οἱ χαριέστεροι τῶν διαιρέντων τὴν Ἀσίαν ἀπὸ τῆς Λιβύης, ὅρον εὐφρέτερον ἢ γίνονται τῶν ἡπείρων ἀμφοῖν τὸν κόλπον, ἢ τὸν Νεῖλον. τὸν μὲν γὰρ διήκειν παρ' ὀλίγον παντελῶς ἀπὸ θαλάττης ἐπὶ θάλατταν. τὸν δὲ Νεῖλον πολλαπλάσιον ἀπὸ τῆς ὠκεανῆς διέχειν, ὥστε μὴ διαίρειν πᾶσαν τὴν Ἀσίαν ἀπὸ τῆς Λιβύης. Id est: Probatiores illorum, qui Asiam ab Africa disterminant, limitem naturæ ipsi conuenientiore ponunt vtriusque huius continentis sinum potius, quam Nilum: quippe quod ille [sinus] propemodum ab vno mari ad alterum omnino penetrat, quum Nilus ab Oceano multis partibus longius absit, ideoque Asiam vniuersam ab Africa non dirimat. Hoc idem est quod supra, ex eiusdem libri extremo propemodum, diximus, cum sinu Arabico isthmum terminum constitui, τὸν μεταξὺ τῆς Ἐρυθρᾶς καὶ τῆς ἐκρήγματος, qui est inter Erythræum mare & rupturam siue ecregma. Ille enim locus, ab eruptione maris dictus, postea obturatus, prope lacum Sirbonidem in confinio Aegypti & Palæstinæ est, vt idem Strabo lib. xvi pag. 523 tradidit. Huic sententiæ cum alii olim, quorum nomina expressa non sunt, vt ex Dionysio, & Eratosthene apud Strabonem lib. i extremo apparet; tum ex iis qui supersunt, Agathemerus accessit. Clare enim lib. ii cap. ii scripsit: χωρίζεται ἡ Ἀσία τῆς Λιβύης ἰσθμῷ στενῷ. τῶν δὲ ἢ ἀπὸ τῆς κατὰ τὸ Πηλῆσιον θαλάσσης ἐπὶ τὸν μυχὸν ἀνίσταται τῆς Ἀραβίης κόλπος γραμμῇ. Asia ab Africa diuiditur angusto isthmo, quem ducta a mari prope Pelusium ad intimam sinus Arabici partem designat linea. Non secus etiam Ptolemæus lib. iv cap. v iudicauit, quam vt Aegyptum vsque ad Arabicum sinum extendat, eamque totam det continenti Africæ, nihil eius ad Asiam reiiciat.

CAPVT XII

DE

MENSVRIS GEOGRAPHICIS.

Est etiam, quod pro veteri geographia illustranda explicatius tradatur de prisca mensuris geographicis, vt distantia locorum, a veteribus notata.

tatae ac definitae, sine errore intelligentur. Viarum enim interualla pro situ gentium nominibus aliis atque aliis nominantur, in quibus Persae, Aegyptii, Graeci, Romani, Galli, quod ad antiquam geographiam attinet, suas quaeque gens mensuras, modos, & appellationes habuerunt. Hieronymus commentario in Ioelis cap. III, *Nec mirum, ait, si unaquaeque gens certa viarum spatia suis appellet nominibus: quum & Latini mille passus vocent, & Galli leucas, & Persae parasangas, & rastos vniversa Germania.* De Persarum parasangis incipiendum est.

II.

Athenæus lib. III cap. XXXIV Περσικά ὀνόματα, *Persica nomina vocat τὰς παρασάγγας, καὶ τὰς ἀσάρας, καὶ τὴν κοῖνον, ἢ τὸν κοῖνον, parasangas, & astaros, & schænon.* Primum nomen indubitato est Persicum: medium scriptura suspectum, cuius loco aliis ἀγγάρας aut ἀσάνδας placet: vltimum, quod κοῖνος est, Herodotus lib. II cap. VI μέτρον Αἰγύπτου, dicit *Aegyptiam mensuram*, & forsan etiam Aegyptiae originis, quia is ante vsum Graecae in Aegypto linguae scripsit: nisi forsan aequè Persicum est vt parasanga, quod voluit Athenæus, & firmare videtur Callimachi fragmentum, quod Plutarchus de Exilio pag. 534 seruauit,

Μὴ μετρεῖν Κοῖνω Περσίδι τὴν σοφίην,

Non debere nos sapientiam schæno Persica metiri.

III.

Parasangæ mensuram nobis Strabo lib. XI p. 357 valde dubiam reddit. Ait enim, οἱ μὲν ἐξήκοντα σταδίων φασίν, οἱ δὲ τριάκοντα, ἢ τετραράκοντα, *alii sexaginta stadiorum esse dicunt, alii triginta aut quadraginta.* Esto, variare parasangas pro diuersis locis, quod Plinius quoque lib. VI cap. XXVI significat: id tamen pro metro videtur habendum esse, quod plerisque locis valet, & in quo plures scriptores consentiunt. Quum ergo Herodotus dicto loco, & Hesychius, ac Suidas, & Hero in Isagoge, in τριάκοντα, *tricenis stadiis consentiant*, hunc numerum pro veriore, saltem communiore putamus posse accipi. Rarus tamen in litterarum studiis vsus parasangarum est, * nec forsan nisi in historiis Persarum, vt Xenophontis, & si qui alii eius generis supersunt. Adi Suidam.

IV.

Aegyptiorum Schænus Herodoto auctore, loco antea indicato, ἐξήκοντα στάδια, *sexaginta stadia*, atque sic duas eiusdem parasangas, continet. Sed heic etiam quædam inæqualitas inuenitur, quippe Strabo dicto loco, quum in Nilo nauigationes per schænos numerari dixerat, addit, ἀλλὰ χεῖρ μὲν μείζω παρέχει πλεον, ἀλλὰ χεῖρ δὲ βραχύτερον, *alibi longioris, alibi breuioris navigationis spatium conuenire.* Plinius lib. XII cap. XIV Schænus patet, Eratosthenis ratione, stadia XL, hoc est passuum quinque millibus: alibi XXXII stadia singulis schænis dedere. Longe hæc distant a modo Herodoti. Sed Strabo ratio-

* Ratio ex ipsa nominis natura liquet. Est enim compositum ex פַּרס quod Persam signat, & anga, unde ἀγγαρεύειν. Ergo Persicis viarum dimensionibus relinquebatur recte a veteribus. Nicetas autem de Manuel. Commen. libr. I. c. 5. in describendo Conradi itinere orientali utitur vocabulo illo.

tionem etiam tantæ discrepantiæ loco alio, lib. xvii pag. 553, declarat. Aliam enim & aliam diuersis locis schœnorum in ipsa Aegypto magnitudinem esse, atque ita *παρὰ τοῖς Αἰγυπτίοις ἄστων τὸ τῆς κοῖνης μέτρον*, apud ipsos Aegyptios *inconstantem schœnorum mensuram*. nam præterquam quod sibi, in Nilo nauiganti, quadraginta stadiorum schœnos, aut plurium, *κατὰ τόπον*, quibusdam in locis, indicauerint; Artemidori fide refert, ab Alexandria ad verticem τῆς Delta, schœnum esse triginta stadiorum: a Pelusio ad eundem verticem, stadiorum viginti quinque: a Memphi a Thebaidem singulas schœnos habere stadia centum & viginti: a Thebaide vsque Syenem, sexaginta stadiis schœnum vnamquamlibet definiri. At alibi locorum etiam quadraginta stadiorum schœnos esse, idem Strabo dicto loco lib. xvii dixit: & lib. xi fere extremo Armeniam a Theophane ita descriptam refert, vt longitudo sit schœnorum centum; latitudo dupla: in quo spatio ne erratur, dicit, *τιθέναι τὴν κοῖνον τετραράκοντα σταδίων*, posuisse schœnos Theophanem quadraginta stadiorum.

V.

Diximus supra aliis Persicum, & aliis Aegyptium nomen *schœnum* videri, aut Aegypto proprium: quod vero *κοῖνος iuncum*, vnde funes fiunt, & *κοινίον* funem siue funiculum sonat; in Græcia vocabulum videri natum poterat, nisi Herodoti ætas obstaret. Vertunt nihilominus, tamquam Græcum esset, *funiculum*. Hieronymus dicto loco in Ioelem: *In Nilo flumine, siue in riuus eius, solent naues funibus trahere, certa habentes spatia, quæ appellant funiculos, vt labori defessorum recentia trahentium colla succedant*. Sed quantacumque schœnus mensura fuit, aut quoquo orta genere siue gente; vsus eius perrarus est, & vel rarior quam parasangarum.

VI.

Græci utebantur *STADIIS*, etiam quotquot vel a Græcis erant, vel societate aut commercio coniuncti cum illis. Consentunt in eo plerique auctores, centum viginti quinque passibus stadium expleri: pedibus autem non plane conueniunt, dum alii sexcentos ponunt, alii viginti quinque superaddunt. Plinius lib. ii cap. xxiii *Stadium centum viginti quinque nostros efficit passus, hoc est pedes sexcentos viginti quinque*. Censorinus de Die Nat. cap. xiii stadia non vnius generis memorauit. *Stadium*, inquit, *in hac mundi mensura id potissimum intelligendum est, quod Italicum vocant, pedum 100000. nam sunt præterea & alia, longitudine discrepantia, vt Olympicum, quod est pedum 100000; item Pythicum, pedum 100000. Italicum vocat, quod eo Pythagoras vsus fuerit in corporum mundanorum distantis emetiendis, quod Censorinus putat maius esse quam Græcorum Olympicum, quod Gellius etiam lib. i cap. i pedum sexcentorum fuisse tradit: sed obseruatum vna ab eodem est, pedem Olympicum superasse vulgarem, vtpote æqualem plantæ Herculis. Quo factum esse sunt qui credant, vt sexcenti pedes Olympici exæquarint viginti quinque supra sexcentos, quod stadium fuit Italicum, a Plinio supra definitum.*

VII.

Vfus stadiorum est omnino amplissimus, non Græcis modo, sed ipsis etiam Romanis; nec tantum his, quando de Græcorum rebus agunt, sed interdum etiam quum de suis. Cicero Quæst. Acad. lib. i v cap. xxxi *Si iam ex hoc loco proficiscatur Puteolos stadia triginta probo nauigio, bono gubernatore, hac tranquillitate.* Quid? cum Græcis etiam in Orientem translatum vocabulum fuit, nec aliis tantum nationibus, sed ipsis etiam sanctis Dei viris, diuino spiritu actis, non alienum ab vfu fuit, id quod omnibus est notissimum.

VIII.

Nunc Stadia Græcorum cum Romanorum mensuris sunt comparanda, in quo auctores, quamuis parum diffideant, non tamen omnino conueniunt. Dictum, Romanos *millenis passibus* metiri locorum distantias solitos, quod spatium raro veteres, vt Cicero ad Attic. lib. viii epist. ix, & Velleius lib. ii cap. xxvii, Valer. Maximus lib. i cap. viii sect. 4 vno verbo *milliarium* dixerunt; sed *mille passus*, aut si plura, tot *millia passuum*: cuius rei sunt obuia exempla. Quot autem stadia hoc spatium continuerit, quia non eadem omnium sententia, pretium erit, excussis singulis, examinare. Hefychius in μίλιον (sic exprimunt Græci Latinum *milliarium*) id esse ait μέτρον ἑὸς σταδίων ἑπτὰ, *mensuram viæ septem stadiorum.* Plutarchus paullo largior, in Gracchis p. 838, τὸ μίλιον, inquit, ὀκτὼ σταδίων ἑλίγον ἀποδοῖ, *Milliarium abest paullulum ab octo stadiis.* At plures alii, plene octo stadia milliario teneri dicunt. Polybius lib. iii cap. xxxix βεβημάτισα καὶ σεσειμείωτα κατὰ σταδίους ὀκτὼ διὰ Ῥωμαίων ἐπιμελῶς, *interualla Romani per octona stadia diligenter dimensi sunt, & signis distinxerunt.* Et Strabo lib. vii p. 223 ὥς οἱ πολλοὶ, τὸ μίλιον ὀκτωστάδιον, vt plurimi censent, *milliarium octo est stadiorum.* Isidorus Hispalensis lib. xv Originum cap. xvi *Stadium octaua pars milliarii est, constans passibus cxxv.* Quod vero priores dissentiebant, minorem stadiorum numerum ponentes, exinde videtur factum esse, quod Græci homines ad Græcorum pedem respexerunt, qui maior paullo erat, quam Romanus aut Italicus.

IX.

Idem spatium sæpe LAPIDEM scriptores Romani appellauerunt, vt idem apud ipsos & lapis sit & *milliarium*, siue *mille passus*. Florus lib. ii cap. vi de Scipione: *iam non a tertio lapide [vt Hannibal ad Romam] sed ipsas Carthaginis portas obsidione quatiebat.* Id quod Liuius lib. xxvi cap. x *tria millia passuum ab vrbe dixit:* & Velleius Paterculus lib. ii cap. xxvii [Hannibalis] *intra tertium milliarium castra conspicata.* Quod etiam leges Romanæ confirmant, scilicet idem voces, *lapis & milliarium*, valuisse. Vlpianus lege ii § Initio Dig. de Offic. præf. vrb. *Si quid intra centesimum milliarium admissum sit, ad præfectum vrbi pertinet: si ultra ipsum lapidem, egressum est præfecti vrbi notionem.* Id inde manauit, quia per singulos mille passus Romani vias stratas erecto lapide distinguebant, ex cuius numero constaret iter facientibus, quot quisque millibus passuum, quoquouerfus iret, ab vrbe Roma-

Romana abesset. Auctorem rei vtilissimæ Plutarchus in Gracchis indicauit, vbi quum de fratre Caio dixerat, ἐσπέδασε περὶ τὴν ὁδοποιίαν, *muniendis viis studuisse*, paucis interiectis, quæ eiusdem argumenti sunt, adiecit p. 838, πρὸς δὲ τέτοις διαμετρήσας κατὰ μίλιον ὁδὸν πᾶσαν (τὸ δὲ μίλιον ὀκτὼ σταδίων ὀλίγον ἀποδοῖ) κίονας λιθίνους, σημεῖα τῶν μέτρων, κατέστησεν. *Adhæc viam omnem per miliaria dimensus (capit autem paullo minus octo stadia miliarium) columnas lapideas spatii signandi gratia locauit.* Idem curatius, vt omnia solebat, Augustus Cæsar perfecit, columnam auratam in foro constituens, in quam omnes viæ Italiæ, per lapides distinctæ, desinebant. Plutarchus in Galba sub finem, de Othone: ἐβάδιζεν εἰς ἀγορὰν, & χρυσοῦς εἰσήκει κίων, εἰς ὃν αἱ τετμημέναι τῆς Ἰταλίας ὁδοὶ πᾶσαι τελευτῶσιν, *progressus in forum, vbi aurea columna est posita, in quam viæ militares Italiæ omnes desinunt.* Dio Cassius lib. LIV pag. 526 χρυσὸν μίλιον, & Tacitus lib. I Hist. cap. XXVII *miliarium aureum* appellat, singulari notione, qua non interuallum, sed columnam significat. Eius mentionem etiam Plinius fecit lib. III cap. v. sect. 9. *Eiusdem*, inquit, [urbis] *spatium mensura currente a miliario, in capite Romani fori statuto, ad singulas portas, quæ sunt hodie numero triginta septem, efficit passuum per directum XXX M. DCCCLXV.*

X.

Non possum quin adiungam, in prouinciis idem factitatum fuisse, vt non tantum vias munirent præcipuas, sed lapidibus etiam, siue miliaris, eo modo, quo in Italia fiebat, interualla discriminarent. Sic in Sicilia fuit *Via Valeria*, a Messana Lilybæum ferens, Straboni memorata lib. VI; in Thracia *vetus strata*, ab Eutropio descripta lib. IX cap. IX, in vita Aureliani imperatoris: maxime vero *Egnatia* siue *Ignatia*, Macedoniae via, notabilis fuit, quia viarum per lapides discretionem clarissime illustrat. Strabo de ea lib. VII p. 223 Ἐκ τῆς Ἀπολλωνίας εἰς Μακεδονίαν ἡ Ἐγνατία ἐστὶν ὁδὸς πρὸς ἑὸν βεβηματισμένη κατὰ μίλιον, καὶ κατεσηλωμένη μέχρι Κυψέλης, καὶ Ἑβρου ποταμοῦ. *Ab Apollonia (ad Hadriaticum mare) in Macedoniam Egnatia via est orientem versus, per passus distincta secundum miliaria, ad singula erecto lapide siue lapidea columna, usque ad (Thraciæ urbem) Cypselum, & Hebrum fluuium.* Nec minus illustris locus Polybii, antea quoque commendatus, pro Hispania Galliaque prouinciis est, ex lib. III cap. XXXIX, qui postquam vias a Columnis & Carthagine Noua vsque ad Rhodanum per stadia Græcorum more enumerarat, hæc digna notatu verba adiunxit: τὰῦτα νῦν βεβημάτισται καὶ σεσημειώται κατὰ σταδίους ὀκτὼ διὰ Ῥωμαίων ἐπιμελῶς, *Hæc nunc omnia ab Romanis per octona stadia sunt descripta, & lapidibus miliaria distincta.* Vterque, Polybius & Strabo, vtuntur verbo βεβημάτισαι, quod est per passus emetiri & definire; βῆμα enim gradus siue passus est: quod autem hic κατεσηλῶν dixit, *columnis distinguere siue lapidibus*; ille σημειῶν vocauit, *designare*, seu positis signis, qui lapides erant, discernere. Græci enim rerum Romanarum scriptores *miliaria* sæpe σημεῖα vertunt, de quo egregiæ Pænius, Græcus Eutropii metaphrastes, lib. I cap. III in Tullo Hostilio ita commentatus est: Ἀλβανοὶ τῆς Ῥώμης δυοκαίδεκα διεσῶτες σημείοις μίλια καλεῖσιν αὐτὰ Ῥω-

Ῥωμαῖοι τὰ χίλια γὰρ βήματα ἕτως ὀνομάζουσι, τοσέτοις βήμασι συμμετρέμενοι. *Albani ab Roma absunt duodecim signis siue lapidibus. Milliaria hæc Romani vocant: mille enim passus sic nominant, totidem passibus [milliarium] metientes. vbi omnem huius argumenti rationem habes, & quid βῆμα, quid μίλιον. quid σημεῖον sit, intelligis, nec minus verbum σημείον, quod modo vidimus in Polybio atque Strabone, inde deriuatum. Et Herodianus perinde vsus est nomine σημείω lib. II cap. XIII, ἢ τις πτός ἐκατοστῶ σημείον ἀπὸ τῆς Ῥώμης Φανείη, si quis intra centesimum ab vrbe lapidem conspiceretur. Adde lib. VIII cap. IV principio.*

XI.

Crebræ hinc Romanorum loquutiones illustrantur, quibus per lapides miliaria, seu millenos passus, significant; quarum paucae ad exemplum nobis satis sint. Liuius lib. V cap. XXXVII de Allienſi prælio: *ægre ad vndecimum lapidem [Gallis] occursum est.* Et Suetonius Tiberio cap. LXXII *Bis omnino toto secessus tempore Romam redire conatus, semel triremi vsque ad proximos Naumachiae hortos subuectus est: iterum Appia vsque ad septimum lapidem.* Idem Claudio cap. XXIII, *ut ultra lapidem tertium vetaret egredi ab vrbe.* Et Marcianus iuris consultus lege XXI Dig. de Excusation. *ne ultra centesimum lapidem tutelam gerat.* Id Tacito cum primis frequens est adeo, ut nonnumquam, lapidis suppresso nomine, solum numerale ponat, nimirum lib. II Hist. cap. XXIV *ad duodecimum a Cremona:* & lib. III cap. XV *ad octauum a Bedriaco progressus:* quod etiam aliquando fit in *passus* vocabulo, ut subdiceatur in spatio viæ designando, cuius exemplum mox ex Lactantii de Mort. Pers. cap. XLV producturi sumus.

XII.

Galli LEVCAS vel LEVGAS, (barbaris sæculis *leuvas*) in viarum mensuris proprias habebant, præsertim posteriores. nam antiqui scriptores non memorant. Hieronymi testimonium initio huius capituli de Mensuris Geographicis, adlatum fuit. Ammianus Marcellinus lib. XV cap. XXVIII de Araris & Rhodani confluente, vbi Lugdunum est: *Exinde non millenis passibus, sed leucis itinera metiuntur.* Paullus Warnefredus, vulgo Diaconus cognominatus, ad Eutropium adiecto libro XV. *Conuenitur ex utraque parte in Campos Catalaunios, qui centum in longitudine leucis, & ex latitudine septuaginta, ut Gallis mos est, metiri feruntur.* Quanta fuerit vulgaris Leuca, Iordanes de Rebus Geticis cap. XXXVI exponit. *Leuga, inquit, Gallica mille & quingentorum passuum quantitate metitur.* Excidisse ergo millenarium numerum ex Isidori Originibus, sub finem libri XV scribentis, *Leuca finitur passibus quingentis;* non est quod dubitemus.

XIII.

In Itinerariis etiam crebra est MANSIONVM mentio, quæ diuersoria sunt cum aliorum, tum ipsius principis, ad pernoctandum idonea, viis apposita publicis siue regiis. Inde ad mensuras adhibebantur, ut interualla mansionum, certis spatiis distinctarum, significarent. Lactantius de Mortib. Persequutorum cap. XLV, *Iam Licinius festinato itinere cum paucis Hadri-*

anopolim venerat, quum ille accepta in deditioe Perintho, aliquanto moratus, processit ad mansionem millia decem & octo. nec enim poterat ulterius Licinio iam secundam mansionem tenente, distantem millibus totidem. Habes sic distantias mansionum in publica aut militari via determinatas, decem octo videlicet millibus passuum. Nec noua hæc mansionis notio, sed Plinio etiam probata & Suetonio. Ille lib. xii cap. xiv *Caput regni Sabota in monte excelsso, a quo octo mansionibus distat regio eorum thurifera, Saba appellata.* Et post paullo, eodem cap. xiv *mansiones camelorum* memorat, quarum lxxv inter Gazam & Thomnam ponit, idque spatium $\overline{\text{xlii}}$. xxxvi millia passuum complere adnotat. quod si est, & numerus incorruptus, quem Io. Harduinus ex MSS. edidit & explicauit; xvii milliaria Teutonica vnam camelorum mansionem efficient.

XIV.

Similis formula est, quum militum iter per *castra*, tamquam militares mansiones, distinguitur. Liuius lib. xlii extremo: *profectus a Pella consul, quartis castris Amphipolim peruenit, id est quarto die.* Et Curtius lib. iv cap. ix *Alexander undecimis castris peruenit ad Euphratem.* & alibi sæpe. Græci *σταθμὸς* vocant, & Herodianus lib. ii extremo *τῆς ὁδοπορίας σταθμὸς*, *itineris statua* seu nocturnas mansiones.

XV.

Generalior modus, aut formula prope vulgaris est, quæ per *itineraria* seu *ὁδοὶ ἡμέρας*, distantias locorum describit. Sæpe ita Procopius metitur, & lib. i Goth. bell. cap. xiv in Appia, mensuræ normam exemplo definit: *ἔστι, inquit, ἡ Ἀππία ὁδὸς ἡμερῶν πέντε ἀνδρὶ εὐζώνῳ ἐκ Ρώμης γὰρ αὐτὴ ἐς Καπὺν δέχεται* *Vie Appiæ longitudo est quinque dierum expedito homini. Roma enim pertingit Capuam.* Idem lib. ii Goth. cap. x dicit, Ariminum Rauenna abesse *μίας ἡμέρας ὁδῶ*, *vnus diei itinere*, quas vrbes Itinerarium Antonini xxxiiii millibus passuum, si recte se numeri habent, diiungit: Romam autem a Capua M. P. cxxlii.

XVI.

Sed ad Mansiones regrediamur, cum quibus sæpe in Legibus & Itinerariis *Mutationes* coniunguntur, sed diuersæ ab illis sunt, quia mansiones pernoctationi hominum iter facientium, & si in Romano imperio erant, ipsius quoque principis augusti, per se dicatæ destinatæque erant: mutationes autem vehiculorum erant & iumentorum: siue loca in viis regiis, vbi cursus publici animalia mutabantur. Nam illius cursus publici causa certis interuallis iumenta & vehicula disposita ita erant, vt integra cum defessis ad festinandum iter permutarentur. Lege ix Cod. Theod. de Annona & trib. *Pabula ad mutationes mansionesque singulas animalibus, cursui publico deputatis, solebant conuehi.* Et altero Codice lege xvii de Cursu publico: *Nemo mulionem, mutationibus deputatum, vel per sollicitationem, vel per receptionem subtrahere audeat.* Et lege xviii insequente: *vt nec pabula mutationibus desint.* Vetus Itinerarium ex æuo Constantinorum, quod iter Hierosolymitanum, a Burdegala de scribit, loca omnia distinguit in ciuitates,

tes, mansiones, & mutationes Exempli gratia in Pannonia hoc ordine procedit a Cibali ad Sirmium:

<i>Ciuitas</i>	Cibalis	—	—
<i>Mutatio</i>	Celena	M.	XI
<i>Mansio</i>	Vlmo	M.	XI
<i>Mutatio</i>	Spaneta	M.	X
<i>Mutatio</i>	Vedulia	M.	VIII
<i>Ciuitas</i>	Sirmium	M.	VIII

Ex quibus & hoc apparet, inæqualiter mutationes distributas fuisse, ut nec per illas viarum interualla, sicut per mansiones, numerari facile potuerint. Quapropter eas prætermittendas ducimus, tamquam ad institutum nostrum, quod viarum mensuras inquit, aut nihil forte aut parum adferentes.


XVII.

Tandem etiam de Germanorum veterum mensura viarum, quam *rastam* dixere, videtur aliquid dicendum esse. Principio huius de Mensura capitis, sanctus Hieronymus mentionem illius iniecerat, tamquam a cuncta usurpatæ Germania. Quantum spatium comprehenderit, vetus Agri-
menfor, & venerabilis Beda nobis exponunt. Illius verba sunt: *Milliarius & dimidius apud Gallos leuam facit, habentem passus mille quingentos: duæ leuæ seu milliarii tres apud Germanos vnam rastam efficiunt.* Confirmat Beda de Numer. diuisione. *Duæ, inquit, leuæ, seu milliaria tria rastam faciunt.* Plura de ea, & exempla scriptorum æui barbari, tradit Carolus Cangius Gloriaro mediæ & infimæ Latinitatis.

XVIII.

Et hæc de Mensuris geographicis, & cunctis, quæ prænotationis partes in Geographia antiqua, partim etiam in illa, quæ Medii æui est, exigere videbantur: nunc singulas partes Orbis antiqui perlustratum imus, veteri more initium ab Europa facturi, ut ab occasu, ut omnes prisca geographi, progrediamur in ortum, cuius rei causa fuit, quod occidentales prouinciæ notiores, quam extremus oriens, antiquis Græcis Romanisque exstiterunt.





OCEANVS CANTABRICVS

GALLIAE PARS

Artabrum, Celti
cum sine Norium
promontorium

OCCIDENTALIS

SINVS
GADITANVS

Fretum Herculeum
Columna Mercurii
AFRICA

M A R E

Meridies

CALICVS SINVS

Balearides sine Gymnesia Inf.
Maior
Minor
Pollentia
Palma

HISPANIA
ANTIQA



LIBER II

DE

EVROPA.

Prima regio ex magnis orbis terrarum continentibus **EVROPA** est, quia maxime ad occidentem solem recedit, vnde principium geographiæ sumendum esse, tam ratione, quam consuetudine antiquitatis lib. i cap. xi probauimus: cui dignitas & præstantia ingeniorum, imperii & rerum publicarum, quibus Europa ante alias se partes effert, non paruum momentum accedit. Ibi- dem etiam terminos Europæ præstituimus, fixos ab occidente ac meridie: quodammodo dubios ex parte orientis, quos vero ad cer- tiores rationes reduximus: a septentrione incertos antiquis sæcu- lis, quod vel nemo, vel pauci admodum ex illis gentibus, a quibus litterarum monimenta habemus, eo vsque in vltiorem septemtri- onem penetrauerunt. Et quum partium maiorum initium ab solis occasu faciamus, eandem viam in ipsis partibus sequendam constitui- mus, vt in Europa etiam ab occasu in ortum enarrando prouincias & vrbes, ceterasque res notabiles progrediamur. Sit igitur

CAPVT I

DE

HISPANIA.

Hispania Græcis scriptoribus est *Ἰσπρία*, *Iberia*, ab Ibero fluuio denomi- nata, & Hispani *Ἰσπρες*, quasi *Ibêres*, quod in composito nomine *Celti- berorum*, qui nobilissimus populus fuit Hispaniæ, superfuisse obseruamus. Poeticas appellationes præterimus, tamquam lusus ingeniorum, præter *He- speria vltima*, quæ geographicæ veritati respondet, quia vltimam noti orbis ad occasum solis regionem significat. Horatius lib. i Oda xxxvi

*Qui nunc Hesperia sospes ab vltima
Caris multa sodalibus
diuidit oscula.*

Terminos habet satis certos & vndique mare, Oceanum, fretum, & quod vocamus Mediterraneum siue Internum, præter partem, qua Galliæ adhæ- ret, sed illam quoque perquam notabili limite, Pyrenæis montibus, ab ea, cum qua cohæret, separatam. Antequam Romani in ea bellum gesserunt, quorum prima cum Punicis coniuncta, aut iisdem implicata fuerunt; exigua illa-

II.

III.

Taci-

Tacitus sub Tiberio lib. i v annal. cap. xiii *Vibius Serenus proconsul vltioris Hispaniæ de vi publica damnatus.* Non totius vltioris proconsul, sed tantummodo nobilioris partis, id est Bæticæ, quæ populi erat, & proconsulem habebat, Lusitania in Cæsaris prouinciis relicta. Et Plinius aliquando Bæticam vltiorem Hispaniam dicit & quasi cum illa exæquat. Libro enim iiii cap. i ait: *In eo prima Hispania terrarum est, vltior appellata, eadem Bætica:* mox autem separauit. Paucis enim interiectis ait: *Vltior in duas per longitudinem prouincias distinguitur.* Et post paullo: *Tarraconensis a Bætica & Lusitania distinguitur.* Stephanus, vrbium descriptor Byzantius, Lusitaniam μέρος τῆς Βαιτικῆς, partem Bæticæ appellat, quæ si salua scriptura est, quod dubitat Holstenius, τῆς Ἰβηρίας legendum esse persuasue; tantum ab eo, quod res est; errauit; quam falso testem Heracleotam Marcianum aduocauit, qui plus nihil dixit, quam *Λυσιτανίαν περιόριζεσθαι ἀπὸ τῆς μεσημβρίας τῇ Βαιτικῇ, Lusitaniam a meridie terminari Bætica,* non autem Lusitaniam esse partem Bæticæ. Distinctam enim & singularem prouinciam fuisse cum historiæ testantur, tum veteres inscriptiones. Tacitus annali xiii cap. xlv i *Otho postremo, ne in vrbe æmulatus ageret, prouinciæ Lusitaniæ præficitur.* Gruterus inscr. xiii pag. 31

CEST. ACIDIUS
PERENNIS
LEG. AVG
PROPR. PROV
LVSITANIAE.

Tantum ergo abest, vt pars prouinciæ sit Bæticæ, aut sub illa comprehendatur. *Citerioris* nomen post Augustum Plinio non semel restat, vt lib. iiii. cap. iiii ineunte, ac alibi, & multis inscriptionibus. Vide Reinesium Class. ii Inscr. xxvi, Gruter. pag. 177 & seq. etiam 1091 num. 5. Hac posita sub Augusto diuisione, singulas prouincias nostrum est perlustrare, & ab vltima, vt legem nobis diximus, initium enarrationis facere. Sit itaque

SECTIO I PROVINCIA LVSITANIA.

IV.

Non fixi semper & immutabiles fines Lusitaniæ fuerunt, sed vt vetustum limitem Strabo lib. iiii pag. 105 definit, τῇ Τάγῳ τὰ πρὸς ἄρκτον ἢ Λυσιτανία, a Tago in septemtrionem Lusitania patebat. Scilicet veteres australem terminum in ripa Tagi fluminis ponebant, in septemtrione ad Oceanum Cantabricum protendentes, saltem ad promontorium quod Celticum, vel Nerium vel Artabrum appellarunt. Illa vero regio, quæ inter Anam & Tagum est media, *Celticorum* nomine noscebatur, quod etiam clarissimus vir, Isaac Vossius, in Melam obseruationibus adnotauit. Postquam vero Romani tota Hispania potiti sunt, Augusto nouam prouinciarum formam inducente, sic constituta fuit Lusitania, vt Anas amnis eam in meridie, Durus in

septemtrione terminaret, & omnis tractus, qui a Durio ad Oceanum Cantabricum procurrit, Tarraconensi adiceretur. Plinius lib. iv cap. xxi *A Durio Lusitania incipit*, quem limitem etiam Ptolemæus sibi constituit. Nec interiores termini circa Vettones & Carpetanos populos sunt omnibus iidem, quod inde crediderim emanare, quia prouinciam Lusitaniam, quæ amplius patet, multi cum propriis Lusitanis, vno populo, confuderunt. Præter hos enim prouincia alios populos complectebatur. Plinius ibidem: *Gentes, Celtici, Turduli, & circa Tagum Vettones*. Sub Turdulis *Turdetanos* Ptolemæi comprehendit, quia vna an diuersæ gentes sint, dubitatur. Polybius distinxit apud Strabonem: huius autem ætate *ἑδὲς Φαίρεται διαρίμους*, nullum discrimen apparuit, lib. iii pag. 96. Sed Turdetani etiam in Bætica Straboni. nam late gens vna diffundebatur. Maior contentio de *Vettonibus* est. Plinius dicto loco, circa Tagum Vettones Lusitaniæ ponit: at cap. xx Durio fluuio ab Asturia determinari tradit. Vir illustrissimus Petrus de Marca, Marcæ Hispanicæ lib. ii cap. ii ita conciliat, vt Vettones partim Lusitaniæ adscribat, qui circa Tagum erant, partim Tarraconensi Hispaniæ, qui Durium accolebant. Non dubitamus, quin ex Plinii mente vir summus distinctionem posuerit; saltem ex parte illorum Vettonum, qui circa amnem Durium erant. quas enim vrbes Ptolemæus Vettonibus Lusitaniæ dat, propiores ripæ Durii quam Tagi sunt, Salamantica, Augustobrica, Ocellum, Lancea Oppidana. Sed mutarunt principes in prouinciarum finibus, demendo, addendo, vt lubuit vel commodum visum fuit temporibus. Sic fieri potuit, vt alii fines Lusitaniæ Plinii æuo essent, alii ætate Ptolemæi. Quid vero de tertia ripa, quam prætermisit Plinius, Anæ fluminis dicemus? & hic invenimus Vettones. Prudentius Passione Eulaliæ v. 186

*Nunc locus Emerita est tumulto,
Clara colonia Vettoniæ:
Quam memorabilis annis Ana
Præterit.*

Ita est vero: magna natio fuit Vettoniæ, vt a Durio ad Anam extenderetur, præsertim æuo posteriore; neque credibile Prudentium, Hispanum genere, in locis patriæ terræ a vero aberrasse. Certe tanta fuit Vettonia, vt prouinciam per se ipsa faceret, quemadmodum aliquando vt singularem prouinciam, cum Lusitania tamen coniunctam, videmus. Vetus inscriptio apud Gruter. pag. 383 n. 7

PROC. PROVINCIAE LVSITAN
ET VETTONIAE.

Hinc *Vettones* per TT cum antiquis scribimus, non *Veñtones*, nec Resendius, ipse dubius, diuersos fuisse *Veñtones* & *Vettones*, persuaserit.

V.

Fluuii maiores Lusitaniæ prouinciæ sunt Durius & Anas, terminatores, ille a septemtrione, hic ab austro: mediam secatur Tagus, aurifer creditus, quod etiam de Durio celebratur. Vterque enim arenulas aureas voluere

uere, vt Pactolus Lydiæ, existimabatur. De Tago consentiunt plures. Pomponius Mela lib. iii cap. i *Ostium Tagi amnis, aurum gemmasque gignentis.* Plinius lib. iv. cap. xxii *Tagus auriferis arenis celebratur.* Idem lib. xxxiii cap. iv *Aurum inuenitur apud nos tribus modis: fluminum ramentis, vt in Tago Hispaniæ, Pado Italiæ, Hebro Thraciæ, Pactolo Asiæ, Gange Indiæ. Reliquos modos ibidem videas.* Ouidius Metamorph. lib. ii. vers. 251 de æstu ex Phaethontis incendio:

Quodque suo Tagus amne vehit, fluit ignibus aurum.

Durium in societatem adlegit Silius Italicus lib. i. v. 234

Heic certant, Pactole, tibi Duriusque Tagusque.

Non possumus, quin egressi propositum nostrum, quid de tanta fama credendum sit hodieque, ex doctissimi Lusitanorum, Laurentii Andreæ Resendii, Antiquitatum lib. ii, quo de fluminibus Lusitaniæ agit, repetamus. *At celebris, inquit, illa auri fama, per omnes poetas vulgatissima, obscurior modo ac prope extincta est, cautione legum, ne commotæ arenæ depressiores frumentarios agros nocumento adficiant. In testimonium tamen cantatæ gloriæ, regunt Lusitanorum sceptrum ex Tagano auro, quo purius reperiri nullum potest, factum & scimus & non semel vidimus.*

VI.

De Ana Plinius lib. iii cap. i *Ortus hic Laminitano agro citerioris Hispaniæ, & modo se in stagna fundens, modo in angustias resorbens, aut in totum cumiculis condens, & sæpius nasci gaudens, in Atlanticum Oceanum effunditur. Quæ iusto largius dicta originem opinioni de iis, quæ circa Metellinum euenire traduntur vulgo, videri possunt dedisse. Minores amnes sunt inter Tagum & Durium tractu medio Monda, Conimbricam adluens. Scribitur Monda a Plinio: Monda Pomponii Melæ est & Ptolemæi. Inter hunc & Durium Vacus, vt Ptolemæus scribit; Vacua, vt Strabo: Plinio Vacca, incertis tamen manuscriptis codicibus. Caue vero hinc Vaccaes deriues, populum ab amne intra Lusitaniam nato, longe remoto in citeriore prouincia. Inter Tagum & Anam Callipodis fluenta Ptolemæi solius sunt.*

VII.

Promontoria tria sunt Lusitaniæ, quæ fama præ ceteris celebrantur. Sacrum in austrino angulo Gaditani sinus & Oceani occidentalis, hodie S. Vincentii: quod Straboni sub initium lib. iii est *δευτικώτατον & τῆς Ευρώπης μόνον, ἀλλὰ καὶ τῆς οὐκ ἐμμένης ἀπείρου σημεῖον, non Europæ modo, sed totius orbis habitabilis extremum ad occasum solis monumentum.* Alterum Barbarium, vt Strabo pag. 104. & Ptolemæus vocant, septemtrionem versus situm, intra Tagum tamen, & prope illius ostium: hodie Cabo de Espichel. Medium quoddam Plinius ponit lib. iv cap. xxii, quod *Cuneum* vocat, quo nomine Mela agrum, qui inter Anam & Sacrum promontorium est, appellat, a quo forsan nomen promontorio inhæsit. Hodie S. Mariæ nomen dicitur præferre. Tertium est Magnum & Olisiponense (hodie Capo di Rocca Sintra) vt Plinius lib. iv cap. xxii ait, *terras, maria, cælum determinans: vbi Harduinum interpretem velim adeas.*

VIII. Nunc

VIII.

Nunc vrbes Lusitaniæ & oppida perlustrabimus. A Durio (quem Dorium Ptolemæus vocat) in littore meridiem versus descendenti nihil memorabile occurrit, nisi ostia fluuiorum *Vaci* primum, dein *Mondæ*: ultra quem, Tagum versus in ora Oceani, *Lunæ* montis promontorium, *Σελήνης ὄρος ἄκρον*, a Ptolemæo memoratum. Inter Mondam & Tagum Plinio sunt *Collippo* & *Eburobritium*, quam longe a mari, dubitatum. Prioris plerique rudera in Leiriensi agro quærent, cuius inscriptione quadam COLLIPRONENSIVM, est apud Gruter. p. 323. Municipium fuisse, ex cippo Romano liquet,

EX LVSITANIA MVNICIP
COLLIPRONENSI

Sic Gruterus pag. 1155 edidit, forsân etiam incisum fuit, sed *Collipponensi* legendum esse, prior lapis & Plinius non sinunt dubitare. Ad æstuarium Tagi *Olisipo* est, vetus oppidum adeo, vt *Vlyssi conditum* Solinus cap. xxiii crediderit, qui quos auctores habuit, parili sono vocis fortean inducti sunt. Straboni non incredibile videtur Vlysssem in Hispania fuisse, quod ex oppido, nescio quo, *Ὀδυσσεύας* nomen præferente p. 108 cum Posidonio & Asclepiade Myrleano, qui grammaticam in Turdetanis professus fuerat, putat confirmari. Sed nugæ sunt, quæ de Vlyssæ conditore adferuntur: & qui doctiores erant, inutilem quæstionem iudicarunt, quam ita Seneca epist. lxxxviii proponit, *utrum Vlysses intra Italiam & Siciliam iactatus sit, an extra notum nobis orbem*; siue, vt Gellius eam Græcis verbis lib. xiv cap. vii informauit, *utrum ἐν τῇ ἑσω θαλάσῃ errauerit secundum Aristarchum, an ἐν τῇ ἑξω secundum Cratetem*. Melâ, vt errori forsân faueat, non minus quam errans Solinus in vulgatis libris, *Vlyssippo* scribit. Praue. nam *Olisipo* verum nomen est, quod Plinius habet & Antonini Itinerarium, quod etiam, quæ prauari nesciunt, antiquæ inscriptiones apud Gruterum, in ipsa vrbe Olisiponensi repertæ, confirmant. nam pag. 252 num. 5 est plenis litteris expressum

FELICITAS IVLIA OLISIPO,

& pag. 261 num. 6 præcisius FEL. IVL. OLIS.
ac pag. 273 num. 2 FEL. IVL. OLIS. IPO.

Id enim cognomen vrbis fuisse, a Cæsare Augusto liberaliter concessum, Plinius etiam lib. iv. cap. xxii adseuerat. *Municipium*, inquit, *ciuium Rom. Olisipo, Felicitas Iulia cognominatum*. Ptolemæus corrupte *ολιός ιππων*, seu, vt cod. Palat. habet, *ολιοσείπων*, quod Claudius Salmasius, vir eminentis iudicii, in *ολισίππων* restituendum esse, Exercit. Plin. pag. 196 non dubitat. Hæc in maritima ora inter Durium & Tagum amnes.

IX.

Reductiora a mari sunt Antonini *Langobriga*, & eiusdem ac Plinii *Talabrica*, non incelebris ciuitas. Appianus Alexandrinus Bell. Hisp. de Bruti Gallæci expeditione p. 501 ἐπὶ δὲ Ταλάβριγα πόλιν ἐλθὼν, ἡ πολλάκις μὲν αὐτῷ συνετέθειτο, πολλάκις δὲ ἀποστᾶσα ἡ νόχλη, ad *Talabrigam* venit, quæ, sæpe

pe iuncto fœdere, sepius rebellauerat. VOX BRIGA autem, vel BRICA, veteri Hispanorum lingua urbem significat, vt Resendus Antiquit. Lusit. lib. iv in *Cetobriga* demonstrauit. Fuit etiam eodem tractu *Ara ducta* Ptolemæi, quæ, vt acuto viro Thomæ Reinesio placebat, id quod in schedis eius inueni, *Ara Traducta* rescribenda videtur: *Aeminium* Plinii & Ptolemæi adiacet supra Mondam, & ad eundem fluuium *Conimbrica* Plinii, e cuius ruderibus Coimbra, quæ nunc est, in propinquo loco nata. Inde Tagum versus *Arabriga* Ptolemæi: *Sellium* Antonini: *Concordia* itidem Ptolemæi: vnde ad Olisiponem non expeditæ rationes sunt, vt explicemus qua sede, quo ordine tres ciuitates, *Scalabis*, *Aritium Prætorium*, & *Hierabriga*, sint imponendæ. Vicina oppida fuisse, antiquum Itinerarium, quod Antonini vulgo vocatur, gemino itinere, quod Olisipone Emeritam ferebat, ostendit, quæ ambo ita fuerunt disposita:

Iter ab Olisipone Emeritam.

<i>Aritium Prætorium</i>	M. P.	XXXVIII
<i>Abelterim</i>	M. P.	XXVIII
<i>Matusaronem</i>	M. P.	XXIIII
<i>Ad septem Aras</i>	M. P.	VIII
<i>Buduam</i>	M. P.	XII
<i>Plagiariam</i>	M. P.	XII
<i>Emeritam</i>	M. P.	XXX

Item alio itinere ab Olisipone Emeritam.

<i>Hierabrigam</i>	M. P.	XXX
<i>Scalabin</i>	M. P.	XXXII
<i>Tubucci</i>	M. P.	XXXII
<i>Fraxinum</i>	M. P.	XXXII
<i>Mundobrigam (Meidobrigam)</i>	M. P.	XXX
<i>Ad septem Aras</i>	M. P.	XIIII
<i>Plagiariam</i>	M. P.	XX
<i>Emeritam</i>	M. P.	XXX.

Insignis autem vrbs *Scalabis* Plinio, & quinta Lusitaniæ colonia est, *Præsidium Iulium* cognominata, quæ vnum ex tribus prouinciæ conventum habebat. Hæc si *Scalabiscus* Ptolemæi est, nimis in septentrionem vltra Mondam fluuium reduci debet: quod si fides Hispanis scriptoribus est habenda, ipsa in magno illorum consensu Sancta Irene est, vulgo Santarem in Tabulis dicta, in ripa dextra Tagi fluminis, quinque leucis ab Olisipone posita. Quæ fluctuatio nos primum retinuit, ne temere adscriberemus: in qua nunc omnino Hispanorum consensu cedimus: etiam *Hierabrigam* cis flumen propius Olisiponensem urbem, collocamus.

X.

Aduerso flumine si proficisceris, opus admirandum, Traiano principi dedicatum, occurrit, *Pons lapideus in Tago* flumine, qui solusne sine vrbe

be fuerit, militari viæ adstructus; an urbem, Norbensem coloniam, quam Plinius laudat, coniunctam habuerit, dissentiunt peritisimi etiam auctores. Ptolemæus *Norbam Cesaream*, quæ ipsa Plinii *colonia Norbensis* est, a fluuio in austrum reduxit. Ipsi Hispani, qui negant pontem urbis fuisse, nouitatem Alcantaræ, quæ in loco illo est, urbis a Saracenis conditæ, obiiciunt, nec non neglectum in inscriptione nomen Norbæ, quod ponti cum aliis multis nominibus ciuitatum, non adscriptum visitur, quum primo loco fuisset adscribendum. Contra sunt æque docti homines, itidemque Hispani genere nec patriæ antiquitatum imperiti, qui in dubium vocant, sitne Alcantara plane nouum opus, an ex euersæ urbis ruderibus instauratum: quibus Norbanum in ponte nomen non omissum, sed, quæ temporum iniuria est, deperditum videtur, quia tres tabulæ marmoreæ ereptæ sunt, relictis solis illarum vestigiis: quarta vnice superstes, ad quam dissentientes prouocant, inscriptionem habet reliquam. Exstat illa a multis delineata, Nonio, Vafæo, aliisque Hispanis; etiam Grutero pag. 162. Ciuitates, quæ pontem conlata stipe perfecerunt, in illa tabula nominantur, *Icæditani, Lancienses Oppidani, Talori, Interamnienses, Colarni, Lancienses Transcudani, Araui, Meidubrigenses, Arabrigenses, Banienses, Pæsures*. Perdifficile est his singulis locum certum debitumque ordinare, nec ex iis Ptolemæus signauit præter Arabrigam, Lanciam Oppidanam, & Colarnum. Plinius quoque Colarnos habet, & Medubricenses, & geminos Lancienses, quorum alteros & *Ocelenses* appellari tradidit. Quod si est, vtramque Lanciam in Ptolemæo habemus, quia Oppidanam nominatim posuit, alteram per aliud nomen *Ocellum* definiuit. *Meidubrigæ* locum Resendius ostendit, in Antonini Itinerario, eiusque tertio itinere ab Olisipone Emeritam, *Meidubrigam* legens, non Mundobrigam, quæ quum trans flumen sit, vbi ventum eo fuerit, luculentius de illa differemus. Id vero ex ponte hoc cognoscimus, Lusitaniam longe inter amnes illos, Durium Tagumque, in orientem patuisse, quia adscriptum marmori est *MVNICIPIA PROVINCIAE LVSITANIAE STIPE CONLATA OPVS PONTIS PERFECISSE*. Omnes ergo antea dictæ ciuitates Lusitaniæ fuerunt, in iisque *Lancia Oppidana, Ocellum, Icædita*, quæ partim æquali situ sunt cum Salmantica, partim vltiori.

XI.

Digna Lancia, digna Icædita & forsan aliæ, vt aliquid de iis adiiciamus, antequam flumen Tagum in austrum versus transgrediamur. Lancia *validissima ciuitas* laudata Floro est lib. i v cap. xii sect. 56, sed illa videtur in Asturia fuisse, non in Vettonibus Lusitaniæ, quia bellum cum Asturibus, reliquias Cantabrigi, describit. Dio Cassius eodem bello lib. l i i i pag. 514 de Carisio, Augusti legato, τὴν τε λαγκίαν τὸ μέγιστον τῶν Ἀσύρων πόλισμα ἐκλαφθέν εἶλε, *Lanciam, quæ est urbs maxima Asturiæ, desertam occupauit*. Ptolemæus quoque lib. i i cap. vi in Asturia ponit *λαγκίατον, Lanciatum*, quæ alia esse non potest a Dionis & Flori *Lancia*. Quæ quod in Tarraconensi Hispania sita fuit, ad Lusitaniam, quam perlustramus, nihil vtique potest adferre. Diuersæ ab hac sunt *Lanciæ*, quæ in pontis inscriptione notantur, nec

nec minus celebres forte, quam illa Asturum iam commendata. *Trasculdana* quidem Lanciæ, vt Gruterus scribit; vel *Transculdana* vt Vafæus, præter pontis significationem, non facile monumentum inuenimus. *Oppidana* vero, quæ Ptolemæo *Λαγκία Οπιδάνα* est, illustre ex Augusti sæculo exstat apud eundem Gruterum pag. 199 n. 3

TERM. AVG. INTER
LANC. OPP. ET IGAEDIT.

XII.

Igedita illa est, quæ in ponte *Icedita* scribitur, etiam alio apud Gruterum marmore *Icedita* pag. 31 n. 8.

P. POPILIVS AVITVS P. F. INDVL
GENTIA PONTIFI. ICEDITA
NOR. LOCVM SEPVL.
ACCEPI ANTE AED. DEAE
MAGNAE CYBELES.

XIII.

Nunc reliquas Lusitaniæ vrbes, quæ ab ortu solis Durio & Tago fluviis continentur, prosequemur. *Bletisa* sub Durio est, confinis Salmanticæ per se notæ, & eiusdem tractus *Mirobrigæ*. Gruterus pag. 199 n. 2 ex antiquo lapide æui Augustei:

TERMINVS AVGVSTAL. INTER
BLETISAM ET MIROBR. ET SALM.

Bletisa autem hodie est *Ledesma*, Mariana iudice lib. vii cap. iv: *Salmantica*, Salamanca nunc vocatur, litterarum studiis, quæ sinu fouet, celebrata: nec audiendi sunt, qui *Hermanticam* Liuii lib. xxi cap. v, aut potius *Helmanticam*, vt Polybius, quem Liuius excipit, lib. iii. cap. xiv legit, huc pertrahunt, in quibus & Ludouicus Nonius cap. xxxviii Descript. Hisp. est, & Latinus interpres Polybii posterior (nam Nicol. Perottus *Ermandicam* scripsit) *Salmanticam* clare vertens. Polybii enim oppidum, vt ipse testatur, in Vaccæis est, quod nomen etiam corripit Liuius; vbi & Arbucala Ptolemæo superest, quam Polybius coniunxit: Salmantica autem est in Vettonibus, vbi etiam Ptolemæus collocavit. *Mirobriga* non est illa, quam Ptolemæus e regione promontorii Barbarii, in Celticis suis, ponit, sed alia in confinio Bletisæ & Salmanticæ, quam ipsi Hispani vel Rodericopolim putant esse, aut, si hæc nimis declinat, locum inter eam & Salmanticam. Alia Bæticæ est in Cordubensi conuentu, Plinio non ignobile oppidum lib. iii cap. i dicta. Est etiam MIROBRICENSIVM MVNIC. apud Gruterum pag. 257, id est municipium Mirobrica, quo iure prædicta Ptolemæi non videtur digna: sed vtra dignior ambarum, quæ in Bætica & Lusitania orientali sunt, in tanta ambiguitate quis discernet? Regressis ab hac tripoli media inter Durium & Tagum est Ptolemæi *Capara*, Antonino *Cappara*, sed etiam in lapide apud Gruterum pag. 154 CAPARA, p simplici, vnde Plinii *Caperenses*: & *Augustobriga* Ptolemæi circa Mondæ amnis fontes. Est & alia Antonino *Augustobrica*, medio inter Emeritam & Toletum itinere, cis Tagum vero,

vero, an trans illum, est incertum, ipsis Hispanis dissentientibus. Trans flumen crediderim, propter pontis commoditatem in loco, qui Puente de Arcopisco vocatur. Hæc Augustobrica, quam itineris rationes tuentur, Ptolemæi alteram propinquitate suspectam facit, cui etiam numerus obest. nam & tertiam idem Ptolemæus in Pelendonibus locauit. Plinii *Augustobrigenses* lib. IV cap. XXII ad Antoninianam Harduinus reducit; nos eodem inscriptionem antiquam AB AVGVSTOBRIGA M. P. X, apud Gruter. pag. 155 num. 9. Ad Tagum *Rusticana* Antonini erat, XXII M. P. a Capara scuncta: Ptolemæo eadem quatuor syllabis est *Ρεσικάνα*.

XIV.

Tagum inter & Anam ab ortu solis sunt pauca huius prouinciæ memorabilia, vsque ad pontem Traiani, vbi clariora incipiunt, *Norba Cesarea*, seu *Norbensis colonia*, siue Alcantara est, siue, vt Ptolemæus statuit, remotior ab amne, de qua supra in Ponte diximus: & ad Anam *Augusta Emerita*, caput prouinciæ, emeritis militibus ab Octauiano Augusto in eam deductis. Dio Cassius lib. LIII pag. 514 Παυσαμένῃς δὲ τῇ πολέμῳ τέτῃς, ὁ Αὐγούστῳς τὰς μὲν ἀφ᾽ ἡλικεσέρας τῶν στρατιωτῶν ἀφ᾽ ἤκε, καὶ πόλιν αὐτοῖς ἐν Λυσιτανίᾳ τὴν Αὐγούσαν Ἡμερίταν καλεσμένην κτίσαι ἔδωκε. Finito hoc bello, Augustus emeritos milites dimisit, urbemque eos in Lusitania, Augustam Emeritam, condere iussit. Hæc nobilissima colonia, quam nummi & lapides collaudant. Augusti nummus, IMP. CAESAR AVGVSTVS. ex parte altera, P. CARISIVS LEG. PRO PR. EMERITA. Carisius, legatus Augusti pro prætore in Lusitania, cuius prænomen *Publius* est, vti ex hoc & alio nummo videmus; non *Τίτος*, vt Dio Cassius verbis modo in *Lancia* productis appellabat: nisi cum Fulv. Ursino de Famil. Rom. pag. 64. fratres Carisios sub Augusto res in Lusitania gessisse credas. Alius nummus Tiberii, DIVVS AVGVSTVS PATER, capite Augusti radiato: & in postica, COL. AVGVSTA EMERITA. Et lapis apud Gruter. pag. 13 num. 16 COL. EMERITENSIS. Emerita autem olim Turdulorum erat, quibus Strabo adscribit: post Vettonum facta, vt supra a Prudentio accepimus. Ludouicus Nonius cap. XXXI causam fert, quia Vettones Turdulis potentiores facti, illos tandem oppresserint.

XV.

Recedunt a colonia in occasum quæ in Olisiponensi itinere, Emeritam directo, memorantur, *Plagiaria*, *Budua*, *Ad septem Aras*: & tandem oppida in Ponte Tagi adscripta, *Meidubriga* & *Colarnum*, hoc ex Ptolemæi positione; illud Laurentii Andreæ Resendii, doctissimi viri, cum ratione, tum auctoritate, qui in Antonini tertio itinere ab Olisipone Emeritam, vbi Aldus, And. Schottus, P. Bertius *Mundobrigam* legunt; ipse Antiquit. Lusitan. lib. I p. 914, antiquo forsan codice adiutus, legit *Meidobrigam*: nec sine ratione. Hirtius enim, vel Oppius, Alexandrino bello aliquid rerum Hispanicarum interponens, de Cassio Longino cap. XLVIII ait: Nec multo post, quum in Lusitania Medobregam oppidum, montemque Herminium expugnasset, quo Medobregenses confugerant, & cetera. Iam vero montis nomen superest *Arminno*, eo fere loco, vbi *Mundobrigam* Antoninus col-
loca-

locavit, ad eiusque radices ruinæ vrbis conspicuæ, etiam plumbi fodinæ, unde Plinio Medobrigenses *Plumbarii* cognominati; quis ergo dubitabit, hoc tractu Medobrigam vel Meidobrigam fuisse, & in Itinerario legendam esse?

XVI.

Supra Colarnum, de quo diximus, *Caurium* est Ptolemæi, qui Plinii *Caurenſes* sunt lib. iv cap. xxii de Lusitania, quos cum *Colarnis*, tanquam finitimis, componit. A Colarno in occasum hibernum breui interuallo abest *Meribriga* Ptolemæi, *Μερὶβρυγὰ*, siue *Merobrica* Plinii, discreta ab eorundem *Mirobriga*, in occasum hinc remota: vtraque in Celticorum populo ex Ptolemæi descriptione. Lapidēs etiam *Merobrigenses* a *Mirobricensibus* distinguunt. Gruterus pag. 442 num. 9 ORD. MEROBRIG. Et Plinius dicto cap. xxii *Oppida memorabilia a Tago in ora, Olisipo, Salacia, Merobrica*. Sed hæc Ptolemæo non in ora maritima est; bene autem ibi eiusdem *Mirobriga* est, ut rursus dubitare de distinctione possis. Non insolitum quidem Plinio turbare interdum & confundere similia: sed forte aliam *Merobrigam*, quam infra Barbarium promontorium posuimus, ubi etiam Celticorum limes erat, respexit, ut ita suspicio erroris in Ptolemæum potius, quam in hunc recidat. *Mirobriga* autem Celticorum, ut dixi, a Ptolemæo posita modico a mari interuallo, e regione promontorii Barbarii: supra eam *Cepiana* Ptolemæi; in Palatino Cod. *Καπριανὰ*: infra ad ostium, *Cetobrix* eiusdem, *Κατὸβριξ*, in Itinerario corrupte *Catobriga*; Resendius lib. iv scribit *Cetobriga*, quasi a cetis & captura piscium dicta. Euerſum oppidum esse ait, restare fanum peruetus, Mariæ semper virgini nunc dicatum. Durare etiam in illo litore cetaria, signino opere antiquitus fabricata, quæ nomen vrbis dirutæ illustrent. Non procul hinc nouum oppidum *Setubal*, quod vulgo, etiam Nonius cap. xxxviii, *Cetobrigam* esse existimant. Intus *Arcobriga* Ptolemæi, cuius nominis nobilior Celtiberorum in Tarracoenſi est.

XVII.

Inter *Cetobrigam* & *Salaciam* *Cæciliana* sunt Antonini. Plinio *Castra Cæcilia*, forte Cæcili Metelli, quæ & originem & nomen oppido dederunt. Nobilior *Salacia*, hodie Alcacer do Sal, ut plures censent. Plinius sæpe dicto loco: *Salacia, cognominata vrbis imperatoria*. Municipium fuisse prodit inscriptio vetus apud Gruter. p. 13 num. 16 FLAMINICA COL. EMERITENSIS ET MVNICIPI SALACIEN. Post flexum Anæ *Eboræ* est, inter *Salaciam* & amnem, non quidem colonia, magnis autem dignitatibus aucta. Plinius sæpe dicto loco: *Oppida Iuris Latii: Eboræ, quod item Liberalitas Iulia*. Confirmat lapidis inscriptio apud Gruter. pag. 489 num. 9 LIB. IVL. EBORÆ, quod quomodo legendum sit, iam Plinius indicauit, & luculentius demonstrant nummi Augusti æuo cusi, cum his litteris: LIBERALITATIS IVLIAE EBORÆ: & alius, LIBERALITATIS IVL. EBORÆ PERM. CAES. AVG. P. M. id est, *permissu Caesaris Augusti Pontificis maximi*. Et itidem alius,

alius, MVN. LIBER. IVLIA, hoc est, *Municipium Liberalitas Iulia*. Vide clarissimi viri Ioannis Harduini de Numm. populor. & vrbium.

XVIII.

In austrum inde *Pax Iulia* recedit, Plinio dicta *Pacensis colonia*; Straboni lib. III pag. 104 πεζαυγῆσα praeue, quod vero non dubitatur quin legendum sit *Pax Augusta*, forte quia Iulii coloniam Augustus nouis ornamentis auxit, quod nomen vero non diu hæsit, sed vetus conditoris reuocatum, & *Pax Iulia*, etiam post Augustum a Ptolemæo lib. II cap. v, & Antonino in Itinerario appellata. Contra sunt, qui separent Pacem Augustam a Pace Iulia, eamque in Bætica ad Anam ponunt, credentes Maurorum vitio linguæ illius nomen in *Badaiox* degenerasse vel *Badaxos*; cuius sententiæ præcipuus patronus Genesius Sepulveda fuit, qui id Ioannem Vassæum admonuit, ut hic in Catalogo Episcopatum Hispaniæ refert. Nam argumentum eius principale fuit, quod *Pacensis* Episcopus hodieque vocetur, qui Badaiosus est, non Beia in Lusitania, quæ Pax Iulia quondam dicta est, ut cum aliunde, tum ex multis inscriptionibus ibidem repertis manifestatur. Hanc vero sententiam doctissima ad Vassæum epistola Resendius confixit, his fere usus telis, quibus nostra & aliorum coniungimus: quod primum *Pacensis* colonia in Lusitania fuerit, auctoribus Plinio lib. IV cap. XXII, & Paulo Lege VIII Dig. de Censibus, & inscriptione vetere apud Gruterum pag. 199 num. 4 prope Eboram Oreolæ inuenta: TERMINVS INTER PACENS. ET EBORENS. Quod si confines fuerunt respublicæ Eborensis & Pacensis, & Eborensis in Lusitania fuit, quod nemo negat; necesse est Pacensem quoque in eadem fuisse prouincia. *Pacense* autem nomen ciuitatis a *Pax* deductum esse quis ignorat? quam heic vel Iuliam oportet esse, vel Augustam, vel vtriusque denominationis. Iam vero Pax Iulia est in Lusitania, ut testes sunt Ptolemæus & Antoninus & multæ apud Resendium inscriptiones in Beia Portugalliæ, v. gr. COL. PAX IVLIA: item CVRIAE PONT. FLAM. PACIS IVLIAE, quæ apud Resendium & Gruterum leguntur. Badaiox autem, quæ Pax Augusta fingitur, in Bætica extra limitem Lusitaniæ. Agnoscit Sepulveda, & contributam vult Augustam suam Lusitaniæ, quamlibet extra illius limitem posita sit, ut Metallinensis apud Plinium colonia. Sed nec ita se facile extricat, quum incertissima contributio sit, neque si sit certior, in hac vrbe vllum eius est vestigium. Deinde cognomina *Iulia*, *Augusta* insignem coloniam arguunt, quæ si diuersarum ciuitatum sunt, & Pax Augusta Lusitaniæ fuit contributa, sequitur ut sex Romanæ coloniae in Lusitania exstiterint. At vero Plinii rationibus tantum *coloniae sunt quinque*: & si sexta, tam illustre Augusti nomen præ se ferens, adiecta fuerit, qui fieri potest, ut nemo post Strabonem eam memorauerit, quum Plinius, Ptolemæus, Antoninus in longe minoribus enarrandis fere nimis diligentes sint, & moleste sæpe seduli? Pax ergo Augusta Strabonis non alia est, quam Pax Iulia Ptolemæi & Antonini, aut Plinii colonia *Pacensis*: quod Strabone auctore, Pax Augusta in Celticis fuit, qui populus Lusitaniæ inter Tagum & Anam est, & ad Turdetanos vergit: Ptolemæi Pax Iulia in Turdetanis quidem

dem memoratur, sed extrema, seu in confinio Turdetanorum Celticorum-que. Nec nomen Pacensis Episcopatus, qui nunc est Badaïosi, officit, quia fata sunt ciuitatum nota, & Pace Iulia vel euerfa, vel imminuta, episcopo in vicinam urbem tum florentiorem collata fuit, vt multis aliis euenit, seruato nomine quod olim habuerat in Lusitania. In ora maris vel aliam vel veram *Merobrigam* ponimus, si forte superior locus ex Ptolemæo signatus illi minus conueniat, quia Plinius *in ora* dixit positam.

XIX.

Quod reliquum est spatii inter Oceanum & Anam, *Cuneus* a figura dicebatur. Strabo lib. iii ineunte, vbi de termino & promontorio sacro dixerat, addit καὶ δὴ καὶ προσεχῇ τῷτο χῶραν τῇ λατίνῃ Φωνῇ καλεῖσι κύνεον, σφῆνα σημαίνειν βελομένοι. Et quidem adiacentem ei regionem *Cuneum* Latina voce appellant. Pomponius Mela lib. iii cap. i *Lusitania*, qua prominet, bis in semet recepto mari in tria promontoria dispergitur. Anæ proximum, quia lata sede procurrens paullatim se ac sua latera fastigat, *Cuneus* ager dicitur: sequens *Sacrum* vocant: Magnum quod ulterius est. In *Cuneo* sunt *Mirtylis*, *Balsa*, *Ossonoba*; in *Sacro*, *Lacoberga*, & *Portus Hannibalis*. Ex quibus intelligimus, quæ oppida in *Cuneo* fuerint, de quibus singulis postea. Isaacus Vossius ad Melam huc Liuium quoque trahit, quasi locum post Gades vocarit *Cuneos*, numero multitudinis, id quod ex Puteano se codice accepisse refert, vbi vulgati *Cimbini* legunt lib. xxviii cap. xxxvii. Sed valde dubitandum est, quia is Liuii locus, haud procul a *Gadibus* abest, Melæ autem & Strabonis *Cuneus* longe hinc vltra Anam est remotus. Idem Vossius improbauit, a Mela & Strabone ad figuram id nominis referri, quod corruptum putat ex Κύνης esse, vnde Κύνητες, *Cynetæ* populi fuerint. Herodotus lib. iv cap. xlix Ἰστρος ἀρξάμενος ἐκ Κελτῶν, οἱ ἔχαστοι πρὸς ἡλίσ δυσμέαν μετὰ Κύνητας οἰκέσσι, *Danubius* oritur ex *Celtis*, qui ultimi ad solis occasum post *Cynetas* habitant. Sed quam late hi *Celtæ* patent, & tamen post *Cynetas* ad occasum dicuntur esse? nihil inde ad *Cuneum*. Propius videri Κυνητικὸν Byzantii scriptoris populorum urbiumque, qui Ἰσθρίας τόπον πλησίον Ωκεανῶ, *Hispaniæ* locum, prope *Oceanum* interpretatur, vsus Herodori de rebus Herculis auctoritate.

XX.

Oppida *Cunei* secundum Melam hæc sunt: A septentrione prima est *Mirtylis*, vt ipsum scripsisse meliorum editionum constantia probat, Andr. Schotti, H. Vossii, & Iac. Gronouii: siue vt Plinius & Antoninus, *Myrtilis*. Hodie Mertola ad Anam: Vulgo *Iulia Myrtilis*, incertum quo auctore. nec Refendius de cognomine habet, qui plura lib. iv Antiquit. de Myrtili. Credo ex Ptolemæi Latina versione esse, vbi post Pacem Iuliam in Græco iterum Ἰσθρία est, sine *Myrtilis* tamen nomine, quod interpretes adiecit. Sic sane in Petri Bertii præclaro opere Græcus & Latinus discrepant. *Balsa* vrbs *Cunei* secunda est, hodie, Refendii iudicio, Tauilla, maxima Algarbiæ ciuitatum. Tertia *Ossonoba* Plinii, vel *Ossonaba* Ptolemæi, iacet diruta, cuius priscae nobilitatis exstant vestigia, præcipue in muris Phari, propinquæ ciuita-

uitatis, magisque litoralis. Ita Resendius, quem ducem sequimur: alii paulo longius reducunt, fere in locum Silues. Strabo corrupte Σόνος pag. 99, nisi de alio ibidem loco agit. Nostra scriptura certa est, quam inscriptio antiqua apud Gruterum p. 274 confirmat, RESP. OSSON. id est *Respublica Ossonobensis*. Sub promontorio Sacro est *Lacobriga*, Mela solo inter antiquos auctore, cuius nominis alia in Tarraconensi prouincia in Vaccæis est. De hac autem Vassæus in Episcopatum Catalogo: *Duas inuenio Lacobrigas, alteram in promontorio Sacro, quod vulgo promontorium D. Vincentii appellatur, cuius nunc ruinae & antiquorum edificiorum vestigia exstant prope Lagos, Algarbiorum urbem, in vico qui Lusitanica lingua dicitur a Lagoa. Nec Hannibalis Portum forte alius, præter Melam, memorauit, qui iuxta promontorium fuit.*

XXI.

Hæc de Lusitania, extrema Romanorum prouincia, cuius formam reipublicæ Plinius dicto cap. xxii lib. iv cum cura delineauit. *Vniuersa, inquit, prouincia diuiditur in conuentus tres, Emeritensem, Pacensem, Scalabitannum. Tota populorum XLVI. in quibus coloniae sunt quinque: municipium ciuium Romanorum unum: Latii antiqui tria: stipendiaria xxxvi. Coloniae, Augusta Emerita, Anæ fluuiio apposita; Metallinensis, Pacensis, Norbensis, Cæsariana cognomine. Contributa sunt in eam Castra Iulia, Castra Cecilia. Quinta est Scalabis, quæ Praesidium Iulium vocatur. Municipium ciuium Romanorum Olisipo, Felicitas Iulia cognominatum. Oppida veteris Latii, Eboræ, quod item Liberalitas Iulia; & Myrtilis ac Salacia, quæ diximus. Postea ipsum non piget etiam stipendiaria oppida enumerare, quorum repetitio nunc nimia foret, quia numero plura sunt, aut prouinciæ omnia, præter iam laudata ob dignitates. De singulis actum, de sola Metallina colonia dicendum restat, quæ quod cum hodierna Medelin & nomine situque conueniat, quia noua vrbs Medelin, vt in tabulis exhibetur, in dextra Anæ ripa posita, siue in Lusitania fuit, cuius etiam Metallinensis colonia erat; videtur res in vado esse, nec quidquam restare difficultatis. At non adeo facilem aut expeditam hanc causam esse, doctissimi Hispanorum confitentur, qui rudera coloniae contemplati sunt oculis. Vnde est quod Sepulveda hanc coloniam contributam Lusitaniæ dixit, non in ipsa vere sitam: & Resendius, inspectis rudibus, alium & veterem alueum Anæ inuestigauit, quo, tamquam termino, Metallinensis in Lusitania constituatur. Non possum mihi temperare, quin quæ ille doctissimus vir L. A. Resendius ad Vassæum scripsit, illustrandæ causæ gratia, integre huc transcribam. Dixerat miratusque erat, Metallinensem coloniam in eadem Anæ ripa sitam esse, quæ ad Beticam spectat, & tamen inter quinque Lusitaniæ colonias numerari. Ipse ergo vestigandæ antiquitatis causâ Metallinense oppidum deuenit, quod quum cerneret situm esse ex parte Beticæ; magnopere, inquit, admirabar, hæsitabamque, essetne ea Metallinensis olim colonia. Inde conscensa arce subiectum agrum circumspiciens, aduerti longo limite depressum locum, in speciem sicci aluei, ad australe ipsius oppidi latus. Supra quare rogati commonstratores responderunt, ubi paulum*

lum excreuisset amnis, redundantia illac etiam meare. Euestigio subiit animum illud Horatii nostri,

- - cursum mutauit iniquum frugibus amnis,
Doctus iter melius.

Idque quum apud me pro non ambiguo iam esset, non audebam tamen adseuerare, donec ere natam sententiam eam corroborauit. Ex eodem enim latere a medio arcis colle ad imam planiciem, brachium duplici muro ac opere fornicato ductum olim, nunc ruderibus pæne obrutum, inueni, per quod ii, qui in arce essent, tecti & inuisi aquarentur. Manifestum indicium, illa parte fluxione perenni antiquitus iuisse fluuium, oppidumque ipsum reuera in prouincia fuisse Lusitania, quod nunc, mutatione fluenti, Bætice parua quædam est accessio. Hæc Resendius ad amicum Vafæum.

XXII.

Quid vero de *Metellino* Antonini iudicandum, itinere a Corduba Emeritam? quod Metallinensis æque apposita Anæ fuit, ut est Emerita, qui potest Metellinum xxiiii m. p. ab Emerita, atque ita ab Ana abesse? Sed bene se res habet, & ex Antonini Itinerario illas Hispaniæ tabellas geographicas, quæ recto cursu amnem a Metallinensi colonia ad Emeritam deducunt, corrigendas esse videmus, & inter vtramque urbem Anæ fluuium in austrum deflectendum, quod etiam in recentioribus quibusdam tabulis factum esse intelligimus. Sic bene rationes passuum millenorum Antonini constabunt, & idem oppidum sunt Metallensis colonia Plinii, Metellinum Antonini, & quod hodie visitur, Medelin vel Medelino. Vtrum vero rectius *Metallinum* Plinius prima vocali, an *Metellinum* secunda Antoninus scripserit, antequam nummus inueniatur aut lapidis antiqui inscriptio, difficile est iudicare. Metallifera enim Hispania est, & Cæcilius Metellus res præclare in illa prouincia gessit, ut ex Appiani Hispaniensi extremo constat, & *Cæcilia Castra* Plinii, siue *Cæciliana* Antonini, descripta supra, probant. Est quidem apud Reinesium Class. ii num. 31 POPVLVS METELLINORVM, sed loco alieno, & inscriptione suspecta.

SECTIO II.

PROVINCIA BAETICA.

XXIII.

Bætica, altera pars Vltioris Hispaniæ, sic a flumine dicta, ab incolis antiquis vel tota vel magnam partem *Turdetania*, Strabone auctore lib. iii pag. 90, inter Anam & mare australe comprehensa est. Mediam diuidit Bætis fluuius, a quo ad Anam regio, præcipue ad orientem & Oretanos vergens BAETVRIA separatim appellatur; inferior, quæ fretum spectat, a Bætetanis, Bæstulis, & Turdetanis culta, nomen traxit TURDETANIAE. Sed minus hoc tritum, quam Bæturiæ; & vel solius Strabonis si omnem vel plurimam sonet Bæticiam regionem. Limes orientalis non omnibus æque certus, quod principes sæpe in prouinciis addendo, demendo aliquid immu-

tauerunt. In maritimis Ptolemæo lib. ii cap. iv *Βαρεία*, *Barea* vel *Baria*, post Portum Magnum & Charidemi promontorium sita, vltima est prouinciæ: Plinio Murgis est terminus Bætici, sed litoralis Murgis, non altera mediterranea Ptolemæi: sita in sinu Virgitano, inter Vrgi vel Vrce, & Baream. Ad septemtriones inter Ostigi & Castulonem, & vltius circa Sisaponem terminus constituitur ita, vt Sisapon, vel Sisapona, & Ptolemæo Tarraconensi adscribatur, ab aliis relinquatur in Bætica.

XXIV.

Hæc cunctas prouinciarum, vt Plinius laudat lib. iii cap. i, diuite cultu & quodam fertili ac peculiari nitore præcedit. Iuridicos conuentus habuit quatuor, Gaditanum, Cordubensem, Astigitanum, Hispalensem: colonias viii; municipia viii; Latio antiquitus donata xxix; libertate vi; fœdere iii; stipendiaria cxx. Ex quibus & amplitudo prouinciæ, & nobilitas ciuitatum cognoscitur. Ex superiori parte, quæ longius obtenditur Lusitaniæ, initium enarrandi facturi sumus. Pars, Bæti amne ab altera separata, *Beturia* vocatur, inter Anam & Bætım comprehensa, & in duas, vt Plinius refert, partes diuisa, totidemque gentes. Celticos, qui Lusitaniam attingunt, Hispalensis conuentus: Turdulos, qui Lusitaniam & Tarraconensem accolunt, iura Cordubam petunt. Inter Anam & Bætım pars litoralis minus frequentata, nec inter vtriusque ostia Ptolemæus habet quidquam, præter obscurum nomen *Onobalistrum*, quod corruptum est ex Plinii *Onoba Aestuaria*. Hanc enim ibidem ponit eodem cap. i lib. iii *A flumine Ana*, inquit, *litore Oceani*, oppidum *Onoba*, *Aestuaria cognominatum*. Hanc supra, intus quodammodo *Seria*, post cognomento *Famæ Iulie* ab Romanis ornata. Ibidem Plinius: *Serie adicitur Fama Iulia*, puta cognomen. Memorat & Ptolemæus, cui situm & positionem debemus. Paulo longius a mari aberat *Ilipa* Liuii (lib. xxxv cap. i) ad quam P. Scipio, Cn. F. pro prætore Lusitanos vicit; quæ eadem & Ptolemæi *Illipula* est. Tucci Antonini succedit, medium inter Ilipam & Italicam: sed tam clarum non est quam alterum inter Cordubam & Castulonem, de quo postea dicemus. Illustrior fama *Italica*, in qua P. Scipio, Punico bello, debilitatos milites deposuit, qui quod focium & Italici nominis erant, oppido nomen Italiciæ dederunt. Appianus Alexandrinus Bell. Hisp. pag. 463 συν-
ῳκισε τὰς τραυματίας ἐς πόλιν, ἣν ἀπὸ τῆς Ἰταλίας Ἰταλικὴν ἐκάλεσε, *milites* [Scipio] *vulneribus debiles in vnā urbem compulit, quam ab Italia Italicam nominauit*. Principio municipium erat, quod constat ex nummo Augusti: MVN. ITAL. PERM. AVG. & nummo Liuiæ Augustæ MVNICIP. ITALIC. PERM. AVGVSTI, quod itidem in nummis Tiberii, Drusi, Germanici legitur. Adi Vaillantium de Nummis Coloniarum. Post colonia facta: quod miratur imperator Hadrianus, quum meliori iure, quam coloniæ municipia fruuntur. Gellius lib. xvi cap. xiii. Sic adeo & municipia quid, & quo iure sint, quantumque a colonia differant, ignoramus: existimamusque meliore conditione esse colonias, quam municipia. De cuius opinionis tam promiscæ erroribus D. Hadrianus, in oratione, quam de Italicis, vnde ipse
ortus

ortus fuit, in Senatu habuit, peritissime disseruit, mirarique se ostendit, quod & ipsi Italenses, & quædam item alia municipia antiqua, in quibus Uticenses nominat, quum suis moribus legibusque uti possent, in ius coloniarum mutare gestiuerint. Nec gestiuerunt modo, sed impetrarunt quoque quod concupiuerant. Vetus inscriptio apud Gruter. pag. 385. COLON. ITALICENSIS IN PROV. BAETICA PRAET. Clara Augusti alumnus fuit, Traiano & Hadriano. De illo Eutropius lib. viii cap. ii. *Natus Italice in Hispania*: de hoc præter Gellium, quem modo cognouimus, Spartianus in Vita, itemque Eutropius cap. iii *natus & ipse Italice in Hispania*.

XXV.

Ripa Bætica Anæ habet *Serpam* & *Arucci*, vtrumque Itinerario notam, *Serpam* etiam inscriptione. Gruterus pag. 682. num. 7 ex lapide ibi reperto, FABIA PRISCA SERPENSIS. Nomen hodieque seruat. Supra hæc, eadem ripa, sunt Ptolemæi *Ceriana* & *Curgia*, & *Arunda* eiusdem ac Plinii: & tandem ad flexum fluminis *Badia*, nec vero hæc Ptolemæi, sed a Valerio Maximo lib. iii cap. vii n. i nominata, vbi de Scipione dixit, *quum oppidum Badiam circumfunderet*, quo etiam die postero potitus est. Nomen seruauit etiam Plutarchus Apophtheg. Rom. p. 144 πολιορκῶν δὲ πέλιν Βαδῆαν, *Quum urbem Batheam obsideret*. Dubius hoc pono, *Badiam* vel *Bathiam* esse, vbi nunc est vrbs Badaios siue Badaxos; nec vero sine duce Hispano in opinionem hanc ingressus sum. Is Iacobus Degaldus est Epistola de hac re ad Benedictum Ariam Montanum, a quo, amicitiae officio, accepit Abraham Ortelius. Siue ergo aliis rationibus inductus Degaldus est, ut ita sentiret; siue tantummodo conuenientia nominis; idem tamen iuris habet, idemque præsidii, aut maius etiam, quam Genesius Sepulveda, qui Pacis Augustæ illustre nomen Badaiafo vindicare conatus est. Nititur enim Maurorum deprauatione nominis, qua ex *Pax Augusta*, sit primum *Paxaugus*, deinde, transposita littera, *Badaxos* factum; heic vero sine transpositione prior pars antiqui nominis integra conseruatur. Deinde fuisse in illis partibus urbem Badiam, gemino testimonio adfirmatum fuit: Pacem Augustam autem separatam ab Iulia colonia vmquam exstitisse, nullo signo aut vestigio probari adhuc potuit. Si ergo Badaios est vetus aliqua ciuitas, nec a Gothis vel Mauris primum condita, malim ad Romani belli Badiam, quæ certa est, referre, quam ad dubiam aut confictam illam in Bætica Pacem Augustam. Quod nomen, quum a solo Strabone significatum sit, vbi sita illa fuerit, & quibus aliis vsa nominibus, in Lusitania abunde est expositum.

XXVI.

Medio situ inter Emeritam & Astigi colonias sunt multa minora, quæ ordine & loco suo dare non est facillimum. Sunt autem *Iulia Contributa* Plinii, siue *Contributa* Ptolemæi, posthabito illustri cognomine, qui sedem vtrumque & dubie ostendit. Inscriptiones tamen plures effosæ IULIAE CONTRIB. splendidum cognomen repetentes. Vide Harduinum ad Plinium. *Corticata* eiusdem Ptolemæi, quam inter Curgiam & Italicam me-

dia via locavit: inter Corticatam & Italicam ab occasu *Lælia* eiusdem, a C. Lælio, comite Scipionis, vicinæ Italicæ auctoris, nomen & originem trahens, etiam in nummo Lucii Cæsaris laudata hac epigraphe L. CÆS. cum capite sine laurea: in altera parte LAELIA cum spica, quæ agri circumiacentis fertilitatem & frumenti copiam significat. *Regina* Plinii & Ptolemæi, & quæ eadem ex situ est, *Regiana* Antonini, huc quoque in itinere ab Hispali Emeritam, est reponenda. Fuit ciuium Romanorum oppidum. Et *Nertobriga* cum cognomine *Concordiæ Iuliæ*, itidem Plinii ac Ptolemæi, qui inter Arundam & Reginam locat: & *Segida* Plinii, quæ eadem *Restituta Iulia* est; post quam orientem versus sub eodem flumine *Arfa* Plinii & Appiani, quam Cæpio Viriati bello, Romanis legibus subiecit; & *Sisapo*, ad quem minii præstantis fodinæ erant, Plin. lib. xxxiii cap. vii, quo & Ciceronis *Sisaponem* Philipp. ii cap. xix per adlusionem Turnebus refert in *Aduersariis* lib. x cap. xii. Ptolemæus autem Σισαπώνη, *Sisaponam* in prouincia Tarraconensi scribit, in cuius limite in Oretanis sita fuit. His in austrum obuertitur *Setia* Ptolemæi: *Ilurgis* eiusdem: *Vergentum* Plinii, quod *Iulii Genius*: *Artigi* Antonini in itinere a Corduba Emeritam: & in eodem inter Artigi & Cordubam, *Mellaria* Turdulorum, Cordubensis Conuentus non ignobile oppidum, vt Plinius censet, qui ei *Mirobrigam* quandam adiungit, quam Ptolemæus inter Nertobrigam & Italicam locauit, inter quam & Læpam Magnam eiusdem Ptolemæi *Spoletinum* est.

XXVII.

Nunc quæ in dextra Anæ ripa sunt, perlustrabimus. Inter Italicam & Cordubam est ad Bætım *Ilipa* Strabonis, quæ *Ilia* cognominatur secundum Plinium, non Italica, vt Frobenius eiecta vocula, doctis etiam hominibus persuasit, & in his quoque doctissimo viro Samueli Bocharto, qui Plinium erroris accusat, quod Ilipam & Italicam vnā urbem faciat, quas Strabo & Ptolemæus distinguant. Huius enim Læpa Magna Bocharto est eadem, quæ Ilipa Straboni, in quo certe fentit, quod res est, & æquo cælo iudicat. Error autem Plinio adfectus, qui adhuc multos tenuit, ex eo est, quod in MSS. legitur *Ilipa cognomine illa Italica*, quod pronomen, vt apparebat, tamquam superfluum eiecit Frobenius, quem plures postea sequuti sunt. Harduinus vna litterula mutata restituit *Ilipa cognomine Ilia Italica*; monitus veteri inscriptione apud Gruter. pag. 351 n. 5. IMMVNES ILIENSES ILIPONENSES, qui sine cognomine pag. 246. num. 7 sunt MVNICIPIVM INLIPENSE. Cognomen autem hæc Ilipa accepisse videtur, vt ab aliis ciuitatibus distinguatur, quia plures in Bætica & Hispania Carthaginiensi vrbes sunt eiusdem nominis, quod acute Bochartus ex Punica lingua, quasi עלִיפָה *celsa plaga* deducit, Geogr. S. Part. ii lib. i cap. xxiv.

XXVIII.

Post Ilipam Iliam est vrbs clarissima *Corduba*, in eadem ripa, Marcelli opus, vt Strabo prodit, sed cuius? incertum. Vaseo videtur Marcelli illius, qui ciuili Cæsaris & Pompeii bello interfuit, quod Cordubæ ante illud tempus nulla fiat mentio. Mauult. Nonius cap. xix priorem, quod Strabo

Strabo eam *πρώτην ἀποικίαν*, primam coloniam vocat, quam Romani *ἔσειλαν*, miserint in loca illa. Etiam Silius lib. III v. 401 Cordubæ in secundo Punico bello meminit,

Nec decus auriferæ cessauit Corduba terræ.

Colonia Corduba, Patricia cognominata, quod Plinius tradit, & confirmant inscriptiones. Gruterus pag. 323 num. 12.

VALERIAE C. F. ATINAE
TVCCITANAE SACERDOTI
COLONIAE PATRICIAE
CORDVBENSIS.

Nummus Augusti æuo in corona querna: COLONIA PATRICIA. Eius coloni absolute *Patricienses* dicti. Gruterus pag. 460 num. 10. PYRAMVS II VIR PATRICIENSIS. Cognominis causam revelauit Strabo lib. III pag. 97 *ἔκησαν ἐξ ἀρχῆς Ῥωμαίων τε καὶ τῶν ἐπιχορίων ἐπίλεκτοι ἄνδρες*, inhabitanturunt [Cordubam] initio delecti Romanorum & indigenarum viri, atque ita a conditu coloniae nobilium fuit & patriciorum. Ciceronis ætate iamdum studiis litterarum fuit dedita, quamvis ut solent initia, non admodum feliciter, ut Cordubæ nati poetæ probant, quos pro Archia poeta cap. x dicit *pingue quiddam atque peregrinum sonare*: breui post feracissima ingeniorum facta, ut ambo Senecæ & Lucanus exemplo sunt illustrissimo. Martialis lib. I epigram. LXII

*Duosque Senecas, unicumque Lucanum
Facunda loquitur Corduba.*

In proxima aduersi fluminis ripa fuit *Calpurniana* Ptolemæi & Antonini, distans a Corduba m. p. xxv. Inde Illiturgi, fere in loco Anduxar, Plinio & Liuiο commemoratum: tum *Ossigi*, ut Plinius ait, circa flumen ipsum, cognominatum *Laconicum*, siue ut in MSS. est *Latonium*: civitas *Ossigitania* dicta apud eundem. Finis heic Bætici fuit, quod Plinii verba significant dicto lib. III cap. I de Bæti fluuiο dicentis: *Bætici primum ab Ossigitania infusus, amæno blandus alueo, crebris dextra leuaque accolitur oppidis.* Ergo ultra Ossigitaniam amnis ille extra Bæticam fluit, id est in Tarracoenensi.

XXIX.

Altera pars prouinciæ, quæ inter mare & Bætīm est, ab solis occasu habet fluminis Bætis ostia. nam duobus olim effundebatur, sed alterum postea oblimatum fuit. Inter ostia tamquam in insula fertur celebris vrbs *Tartessus* fuisse. Strabo lib. III pag. 102, *Δυσὶν δὲ ἔσῳν ἐκβαλὼν τὴν ποταμὸν, πόλιν ἐν τῷ μεταξὺ χώρῳ κατοικεῖσθαι πρότερόν φασιν, ἣν καλεῖσθαι Τάρτησσόν, Quum Bætis duobus ostiis in mare exeat, aiunt olim in medio horum urbem fuisse, appellatum Tartessum.* Addit regionem *Ταρτεσσίδα*, Tartessidem vocatam fuisse. Pomponius Mela lib. II cap. VI: *Sinus ultra est, in eoque Carteia, ut quidam putant, aliquando Tartessus.* Sed hic de alio situ loquitur, quo Carteia est proxima monti Calpæ ad fretum: atque sic etiam multis eadem Carteia & Tartessus, quod aliis plerisque secus videtur. Sed non in-

frequens antiquis Carteia, Tartesi, Gadium nomina permiscere, * quod doctissimi etiam viri Salmasius atque Bochartus queruntur, quia non parum obscuritatis peperit. Quoquo modo autem se vrbs Tartessus habuit, illius nomen poetis extremi occidentis plagam significat. Silius III vers. 399

Tartessos stabulanti conscia Phæbo:

& lib. VI principio idem:

*Iam Tartessiacos quos soluerat æquore Titan
In noctem diffusus equos, iungebat Eois
Litoribus.*

Et Ovidius Metamorphos. lib. XI v. vers. 416

Presserat occiduus Tartessia litora Phæbus.

XXX.

Ab ostiis proxima sunt Gades, insula Græcis γάδερα, ut Punice est, appellata, cum frequenti oppido eiusdem nominis. Solinus cap. XXIII de Hispania: In capite Bæticae, ubi extremus est noti orbis terminus insula a continenti septingentis passibus separatur, quam Tyrii, a Rubro profecti mari, Erythræam, Pæni lingua sua Gadir, id est sepem nominarunt. γὰρ enim septimentum est. Ex Plinii lib. IV extremo hausit, qui eadem de nomine, de conditoribus, de freti angusto spatio narrauit. Veteres crediderunt, ut Scylacis Periplo est, δύο νῆσοι γάδερα, binas insulas Gades, sed vnam oppidum habere. Altera est quam Erythiam Strabo vocat, exiguam & proximam Gadibus, quæ vero difficulter hodie ostenditur. Tam propinqua ergo continenti, & tanto cum Hispanis commercio quum sit; non cum insulis narramus, sed quasi continenti cohæreat, cum ceteris partibus, quæ in continente sunt, exponimus. Pergit Plinius: Habet oppidum ciuium Romanorum, quod appellatur Augusta vrbs Iulia Gaditana. Vetus inscriptio, Gadibus reperta apud Gruter. pag. 358 num. 4 MVN. AVG. GAD. Etiam conuentum Iuridicum habuit, ut adiacentes populi ibidem ius peterent, ut supra ex Plinio cognouimus. Creuit sub Romanis, nouam urbem Balbo Gaditano, consulari viro, adstruente. Hanc νέαν, Nouam appellauerunt; vtramque διδύμην, Geminam, ut apud Strabonem est lib. III pag. 116.

XXXI.

Proxima est Peræa Gaditanorum, parua regio, quam Gaditani in continente possederunt. Heic Menesthei portus erat ὁ Μενεσθεῖος καλεσμένος λιμὴν Straboni pag. 96, qui ibi & μαντείον τῆς Μενεσθεῖος, oraculum Menesthei ponit. Ptolemæus quoque portum laudauit. Plinio non plane eodem, at propinquo loco Portus Basippo est, & oppidum Basippo Gaditani conuentus, quæ videtur Carteia Liuii esse extra fretum & columnas posita. ** Libro enim XXVIII cap. XXX, Lælius, inquit, freto in Oceanum euectus ad Carteiam classe accessit. Vrbs ea in ore Oceani sita est, ubi primum e faucibus angustis

* Pciſcian. V. ex Sallust. II histor. Tartessum Hispania ciuitatem, quam nunc Tyrii mutato nomine Gaddir habent.

* Refutare studuit hoc John Conduitt in libro qui dicitur a discourse tending to shew the situation of the ancient Carteia, ubi Carteiam esse hodie Rocadillo, locum IV. miliaribus a Gibraltaria remotum, ex Liuii XXVIII. c. 30 & XLIII. c. 3. probare contendit.

stis panditur mare. Diligens descriptio, nec vero ab aliis vrbs eo loco obferuata quam Gades, Liuius alibi suo nomine appellatæ; aut inter Gades & fretum, quam *Besippo* seu *Besippo*, quod præter Plinium dicto loco etiam Pomponius Mela lib. II cap. VI extremo memorauit: & ultra illam *Iunonis promontorium* & templum eiusdem Melæ & Ptolemæi. Rauennas anonimus lib. IX postquam cap. XLIII extremo oppida freto apposita recensuerat vsque Mellariam & Bælonem, pergit cap. XLIII, *Item super fretum Septem sunt ciuitates, id est Bepsipon.* Nemo non videt, *Besipponem* Melæ, Plinii, Ptolemæi, Antonini, voluisse dicere. Hanc autem post Bælonem & Mellariam, quas in extrema freti ora ponit, *super fretum*, id est extra fretum in Oceani ora primam collocauit, cuius nomen ridicule *ἑπτὰ πόλιν*, *septem ciuitates* interpretatur. Aliam heic pro Liuius Carteiam non inuenio, isque sequutus veterum morem, quo Carteia, Tartessus & Gades, in extrema occidentis vrbe notanda ab imperitis confundebantur. Alii omnes Carteiam cum Calpe coniungunt, Mela, Plinius, Ptolemæus, Antoninus, Rauennas.

XXXII.

Patria Melæ in his oris fuit, vnde confidas eum minus in ora freti errare, quam ita progressus ab ortu in occasum delineauit. Dixerat de Calpe: pergit, *Sinus ultra est, in eoque Carteia, ut quidam putant, & quam transuecti ex Africa Phœnices habitant, aliquando Tartessos: atque vnde nos sumus Tingitana.* Tam Mellaria, & Belo & Besippo, vsque ad Iunonis promontorium oram freti occupat. In plerisque Ptolemæus consentit. it contra ab occasu in ortum, & a Menesthei portu Iunonis promontorium ponit, *ἀπὸ τῆς πορτοῦς*, vnde initium freti sit: tum est Bælon fluuius & oppidum, Menralia, (scribe Mellaria,) Transducta, Barbesola, Carteia, Calpe mons. Isaacus Vossius *Barbesolam* abundare putat, & ad flumen cognomine extra fretum, in oram maris Iberici, reducendam. Non recens vero irrepsit, quia Marcianus Heracleota, qui Ptolemæum presse Periplo sequutus est, illam Barbesolam etiam legit. Antonini Itinerarium post Calpen Carteiam, Portum Album habet, deinde Mellariam, * tum Bælonem Claudiam, & tandem Bæsipponem. Rauennas geographus hoc ordine: Cartegia, (*Carteia*) Transducta, Cetraria, Mellaria, Bælone, ** Bepsipon siue Bæsippon. *** Equibus apparet plenissime Pomponium, ut in his oris natum, scripsisse, cuius ductum in ordinanda ora freti ut sequamur, omnino æquum esse putamus, quod peritiorem eius regionis vix inueniemus.

XXXIII.

Itaque post Bæsipponem ad initium freti ex Oceano excurrentis *Belo*, *Bælon*, vel *Belo* fuit, ad flumen eiusdem nominis, *Claudia* apud Antoninum cognominata, vnde breuissimus traiectus in Tingin Africæ, Strabone obseruante pag. 96. Tum *Mellaria*, alia ab illa, quæ in Bæturia fuit, Pto-

* Hæc hodie esse videtur *Val de Vaca*, si assentiaris Jo. Conduitt in libro modo citato.

** Est hodie *Bælonia*, de sententia auctoris modo laudati.

*** Eidem videtur hodie *Aguas de Mecca*.

Ptolemæo *Μενραλία* corrupte in nostris libris : quod haud dubie *Μενλαρία* fuit, vt Heracleota pag. 70 excerpfit, vnde ceteri omnes, euphoniae rationem habentes, *Mellaria*. Hanc proxime consequitur Melæ patria, siue *Tingen-tera*, siue *Tingi Cetraria* appellanda, de quo postea differemus. Inde, si non eadem, *Transducta* fuit, in quam Phœnices ex Africa transuecti: de cuius nomine & auctore post paullo pluribus dicemus. Denique Carteia cum Calpe est, indeque initium Interni maris. Marcianus Heracleota dicto loco pag. 70 *ἀπὸ Κάλπης τῆ ὄρεος καὶ σήλης, ἥτις ἐστὶν ἐν ἀρχῇ τῆς ἐντὸς θαλάσσης, a Calpe monte εἰς columna, qui est in initio maris interni.* Vnde suppleri forsan Ptolemæus potest, qui inutile, vt videtur, *Κάλπη ὄρος καὶ σήλη τῆς ἐντὸς θαλάσσης.* Et Plinius Calpen extremum freti facit iuxta mare mediterraneum, hoc ordine, quæ diximus, lib. iii cap. i enarrans: *Promontorium Iunonis, Portus Besippo. Oppida: Bælon, Mellaria: fretum ex Atlantico mari. Carteia, Tartessos a Græcis dicta. Mons Calpe. Dein litore interno oppidum Barbesula cum fluuio.*

XXXIV.

De Calpe est quod dubitant eruditi. Plinius enim, Ptolemæus, Marcianus Heracleota *montem*, ὄρος nude appellant, & Mela tantum vt montem, & pæne totum prominentem in mare, describit: nec aliud oppidum iuxta eum, quam Carteiam agnoscunt. Quæ caussa fuit, vt Casaubonus & Bochartus, principes ingenii atque doctrinæ, in Strabone pro vrbe *Κάλπη* legendum *Καρτεία* censuerint. Sub initium enim libri iii Strabo, postquam Calpen montem & columnam descripserat, addidit, *πρὸς αὐτὸ Κάλπη πόλις ἐν τετταράκοντα σταδίοις ἀξίολογος καὶ παλαιὰ, ναύσταθμόν πε-τε γενομένη τῶν Ἰβήρων, Iuxta eum [montem] vrbs: Calpe a quadraginta stadiis est memorabilis εἰς vetusta, nauale quondam Hispanorum.* Heic censent duum- uiri illi, *Καρτεία πόλις* scribendum esse. At nulla correctione Strabonem indigere, alii summi & illustres viri obseruarunt, Ezechiel Spanhemius de Præstant. & Vfu Numism. pag. 766, & Henricus Noris Cenotaph. Pisan. pag. 207. Ex nummo enim augustæ Christinæ Suecicæ inscriptionem non dubitandam proferunt C. I. CALPE, id est, *colonia Iulia Calpe.* Accedit non parui momenti argumentum ex Nicolai Damasceni libello de Institutione Augusti, quem cum excerptis aliis Henricus Valesius vulgauit, pag. 482, *Ἀφίκετο δὲ εἰς Ἰβηρίαν πρὸς Καίσαρα περὶ πόλιν Καλπίαν, Adsequutus tandem est [Octavius] Cæsarem circa urbem Calpian.* Plures ergo ad fretum vrbes exstiterunt opportunitate loci ad habitandum inuitante. Aut ita sentiendum est fortasse, ipsam urbem Carteiam, quod iuxta promontorium Calpen fuit, fuisse etiam *Calpen* & *Calpian* appellatam, quemadmodum idcirco Antonini Itinerario, a Malaca Gades itinere coniunguntur, vt vna vrbs *Calpecarteia*. Sic nihil mutandum in Strabone, qui & alibi eodem libro pag 124 Carteiæ nomen vsurpauit: & vna nummo laudato & Nicolao Damasceno sua auctoritas stabit, nec coloniae & ciuitates in angusto loco coaceruantur. Sed nihil adfirmamus, cuique integrum, vtram sententiam sequatur, relinquentes.

XXXV.

XXXV.

A Calpe ad patriam Pomponii Melæ reuertendum est, & de nomine eius despiciendum. Mela ubi dixit, *atque vnde nos sumus*; sequitur in manu exaratis libris, *Cingenteratum*, vel *Tingenteratum*, vel *Tingenteriatum*; vel *ingente ratum*. Liberior Isaacus Vossius, vestigia Rauennatis sequutus, legit: *atque vnde nos sumus, Tingi Cetrariam*. quia anonymus ille semibarbarus scripsit, ut supra vidimus, hoc ordine: *Cartegia, Transducta, Cetraria, Melaria, Bælonæ*; ex quibus leue est Carteiam, Cetrariam, Mellariam, Bælonem, antiqua nomina restituere. Sed quod Cetrariæ nomen a manuscriptis recedit, vir clarissimus Iacobus Gronouius, vnice membranarum ductum sequutus, expressit, *atque vnde nos sumus, Tingentera. Tum Mellaria*, & reliqua. Quicumque locus Tingentera fuit, obscuriorem fuisse & forte vicum necesse est, latitaturum obliuione, nisi, quem genuerat, Pomponius leviter indicasset. Isaaco Vossio, Henrico Norisio, Io. Vaillantio, quos honoris causa nominamus, hæc Tingi Cetraria siue Tingentera est ipsa Iulia Traducta: diuersæ & distinguendæ sunt Iacobo Gronouio. Lis e grammatica distinctione pendet, prout grauius, leuiusue post Melæ verba, *Phænices habitant*, velis incidere.

XXXVI.

Maior concertatio de ipsa *Iulia Traducta* * est. Sunt Augusti nummi & Caii Luciique Cæsarum, quibus expressum singulis est *IUL. TRAD.* hoc est, *Iulia Traducta*, quæ eadem est & *Transducta* Ptolemæi & Rauennatis, & Strabonis *Iulia Iozæ* libro III post principium. Nam *παρ* participium *egressa* sonat, idem videlicet quod *traducta*. Originem his verbis idem Strabo reuelauit: *Ἦν δὲ καὶ Ζέλης τῆς Τίγγιος ἀσυγείτων, ἀλλὰ μετῴκισαν ταύτην εἰς τὴν περσῖαν Ῥωμαῖοι, καὶ ἐκ τῆς Τίγγιος προσλαβόντες τινὰς, ἐπεμψαν δὲ καὶ παρ' ἐαυτῶν ἐποίκους, καὶ ὠνόμασαν Ἰσλίαν Ἰοζαν τὴν πόλιν*. Hoc est: *Fuit ἔξ Zeles vicina Tingi vrbs* [in Mauritania:] *sed eam Romani in oppositam* [transfretanam] *transtulerunt, additisque a Tingi nonnullis, colonos alios ipsi ex Italia miserunt, vrbiq; nomen Iuliæ Iozæ indiderunt*. Non ipsi hoc nomen Romani dederunt, sed Tingitani & Zelitani suæ linguæ nomine Romanum *Traducta*, quod in nummis est, reddidere. De cetrariis cohortibus, ab Iulio Cæsare Tingin traductis, indeque reductis in Bæticam, res dubia & incerta est, quia Pompeium illæ sequutæ fuerant, *Cæsar i. Civ. B. cap. xxxix*; nec ornari a Cæsare potuerunt, præsertim eo tempore, quo de præmio suis militibus tribuendo nondum cogitauerat. Plinius etiam in Africa *Traductam Iuliam Tingin* habet, sed a Claudio traductam, in quo a multis notatur, quasi Mauretaniæ attribuat, quod debetur Bæticæ: etiam Claudio, quod C. Iulio Cæsari. nam & Augusti & Cæsarum fratrum Caii atque Lucii nummos iam tum nomen Iuliæ Traductæ, longe ante Claudii tempora præferre. Plinium Ioannes Harduinus, ut in ceteris mirifice ornauit, ita quoque hanc causam eius suscepit defendendam, Emend. i libri v. Iulium Tingitanos in Bæticam traduxisse censet, & id

K

num-

* *Ta rissa* videtur esse Io. Conduitt.

nummos laudatos loqui: postea Claudium, quum prouincias in Mauretania constitueret, colonos illos reduxisse Tingin, pristinae iis Iuliae Transductae nomine seruato, nouo non imposito. Hinc esse quod Plinius, quum Beticæ oram, quam pro prætore rexerat & exploratam habebat, in geographica sua historia enarraret, *Transductæ* nullam rationem habuerit, quæ tum nulla esset, aut exigua admodum: in Africa vero, quo transierat, eam omnino commemorauit. Speciosa ratio, sed cui id solum obest, quod Ptolemæus, Heracleota Marcianus, & Rauennas anonymus *Transductæ* mentionem post Plinium etiam non prætermittendam putauerunt. Atque hæc Bastetanorum, a Gadibus ad Calpen ex Strabonis dispositione habitantium, ora maritima: inde quæ reliqua est, usque ad Tarraconensis terminum prosequemur.

XXXVII.

Post Calpen promontorium Ptolemæo prima sunt ostia amnis *Barbesolæ*: Plinio oppidum *Barbesula* cum fluuio huius nominis: Melæ *Barbesul*, itidem oppidum. Colonia fuit. Nummus Galbæ & Golzii thesauro, etiam ab Harduino commendatus, COL. BARBESVLA LEG. XVIII. Eodem tractu Antonino sunt *Barbariana* & *Cilniana*. Deinde *Salduba*. Melæ & Plinii; post eam *Suel* eorumdem & Antonini. Inscriptione veteri, Fuen-girolæ, quæ in loco Suelis est, reperta, quam clarissimi viri, Thomas Reinesius classe i num. 99. & Iacobus Sponius Miscell. erud. Antiq. p. 189 exhibuerunt, legitur IN MVNICIPIO SVELITANO. Tum sequitur *Malaca* cum fluuio, *fæderatorum*, vt Plinius lib. III cap. i cognominat. quam etiam hoc situ Mela, Ptolemæus, Antoninus posuerunt. Punica Straboni colonia atque emporium: dicta a τὰς *sal*, quia τὰς *χείρας* ἔχει μεγάλας, multa *salsamenta* habet, quod idem adnotauit, qui etiam tantum a Calpe abesse tradit, quantum hæc abest a Gadibus. *Menoba* sequitur, siue *Menoba*, (præue Ptolemæus *Manoba*) quod Mela, Plinius, Antoninus ponunt: inde *Ex*, *Sex*, *Sexi* vel *Sexti* [varie enim scribitur] cum cognomento *Firmi Iulii* apud Plinium. Sine sibilo Mela & Strabo scripserunt, ille *Ex*, hic pag. 108. Εξιτανῶν πόλις, ἐξ ἧς καὶ τὰς *χίχης* ἐπωνύμως λέγεται, hoc est, vt Latinus interpres scripsit, *Exitanorum vrbs*, unde *salsamentis Exitanis* nomen. Quod ἐξ cum adspiratione *sex* Latinis est, hi *Sex*, *Sexi* aut simili modo expresserunt: Antoninus *Sexitanum*: Plinius, vt dictum, *Sexti Firmum*, cognomine *Iulium*. Hinc post *Selambinam* Plinii ac Ptolemæi in hoc litore est *Abdera*, Stephano Ἀβδηρα, Straboni Ἀυδηρα, Ptolemæo Ἀβδαρα, sed in nummo Tiberii AB D E R A Latinis litteris, quæ arguunt Hispanicæ Abderæ nummum esse, non illius, quæ fuit in Thracia, cuius nomismata inscripta Græce sunt. Fuit ipsa quoque φοινίκων κτίσμα *Cathaginiensium* opus, vt Strabo iudicauit. Alia aliis hodie civitas videtur; illustrissimo viro Petro de Marca, Almeria. Ex modico interuallo abest Portus Magnus Ptolemæi: vnde in recessu maris Charidemi promontorium distat, & tandem in Virgitano sinu *Baria* siue *Barea*, Βαρεία πόλις, quæ vltima Beticæ Ptolemæo est, sicut Plinio *Murgis Beticæ finis*, & initium Tarraconensis. Est enim

enim proxima post Baream, ut limes per alterutram ductus Bæticam provinciam a Tarraconensi exigua discrepantia distinguat.

XXXVIII.

Ex ora maritima introrsum progredimur, & quod mediterraneum a mari ad Bætım fuit, perlustramus. Ad ostium oblimatum Bætıs supra Gades insulam *Asta* est, quæ *regia* dicitur auctore Plinio, a *Gaditano* portu sedecim M. P. remota, ut Antoninus tradit; etiam colonia, ut Pomponius lib. III cap. I: ad æstuarium sita, quod Ptolemæo est ἡ κατὰ Ἄσαν ἐχούσις lib. II cap. IV. Inter ostia Bætıs (nunc VIII M. P. ab amne, postquam alterum ostium oblimatum est) *Nebrissa* erat, cognomine *Veneria*, Plinio laudante, nunc *Lebrixa*. Nummus Claudii Imperatoris teste P. Ligorio COLONIA VENEREA NABRISSA AVGVSTA. Inde *Vgia* Antonini, & *Oripo* in itinere ad Hispalim iuxta flumen Bætım: & ipsa tandem *Hispalis*, vetus emporium, nauigabili amne adhuc ex mari onerarias naues ferente, & inde ad Cordubam lembos fluuiales, quod diligentissime Strabo adnotavit. *Colonia Romulensis* dicta apud Plinium, quod nummi Iuliæ Augustæ & Germanici confirmant, signati COL. ROM. PERM. DIVI AVG. *Colonia Romulea permissu diui Augusti*. Vetus inscriptio in foro Hispalensi apud Gruterum pag. 257 num. 12 sub Aurelio Vero: QVI IVLIAE RVMVLEAE NEGOCIANTEs, quod scriptum pro *Romulea* ut in nummis est. Et tribus syllabis *Romula*, inscriptione alia Hispalensi eiusdem ætatis apud Reines. class. III, 26 SCAPHARII QVI ROMVLAE NEGOTIANTVR. Habuit etiam Iuridicum conuentum, ut supra ex Plinio adnotauimus. Hodie dicitur *Seuille*. Vltior, prope *Singulis* confluentem, *Obucula* Ptolemæi & Antonini, in itinere ab Hispali Cordubam, eadem *Obulcula* Plinii: cum qua is *Oningin* coniungit, quæ Ambrosio Morali *Oringis* Liuii est lib. XXVIII cap. III. *Scipio*, inquit, *L. Scipionem fratrem ad oppugnandam opulentissimam in iis locis urbem* (*Oringin barbari appellabant*) mittit.

XXXIX.

Supra fretum *Munda* est, ad quam Cæsar Pompeii filios vicit, in belli illius historia sæpe numero memorata. Lucanus lib. I vers. 40

Vltima funesta concurrant prælia Munda.

Inde, in occasum paullo, *Saguntia* Plinii & Ptolemæi, siue *Segontia*: in ortum *Salduba* oppidum, & fluuius: & Bætım versus *Vrso*, *Orso*, siue *Vrfaon*, ut Hirtius scripsit. Gruterus pag. 259 num. 2 RESP. VRSONENSIVM. Plinius cognomen addit: *Vrso*, quæ *Genua Urbanorum*. Nec procul *Atubi* distabat, *Claritas Iulia* cognominata, quod etiam Plinius narravit: inter quæ, ut idem notat, *Munda* fuit, quod laxo situ capiendum. Ad dextrum latus *Ostippo* Plinii & Antonini, itinere a Gadibus Cordubam: & *Singili*, Plinii, quæ Antonini videtur *Antiquaria* esse, nunc *Antequera*. Inscriptio ibi reperta apud Gruterum pag. 437 num. 4.

GALLO MAXVMIANO

PROC. AVGG.

ORDO SINGILIENSVM OB

K 2

MVNI-

MVNICIPIVM DIVTINA
BARBARORVM OBSIDIONE
LIBERATVM.

Et alia itidem Antiquariæ reperta, pag. 395 num. 7.

ORDO M. LIB. SING.

XL.

Sequitur ad Singulim fluuium, Bætim versus ruentem, *Astigi*, colonia & conuentus iuridicus. Plinius sæpe dicto lib. iii cap. i *Singulis fluuius in Bætin, quo dictum est ordine irrumpens, Astigitanam coloniam adluit, cognomine Augustam Firmam, ab ea nauigabilis.* Hodie Ecyra, inter Hispalim & Cordubam, quo itinere fere medio etiam Antoninus Astigi posuit. Inscriptio apud Gruterum pag. 101 num. 8 COL. AVG. FIRM. Et alia apud Mart. de Roa in Hist. Astig. COL. IVL. AVG. FIR. Nummus Augusti huc referendus videtur COL. AST. AVGVSTA inscriptus, quem vir clarissimus Io. Vaillantius de Nummis Coloniarum libro pag. 14 mauult ad Asturicam coloniam reductum. Hinc *Vlia* non procul abest, ab Mirtio, Dione & *Me-la Vlla* dicta, nisi scribarum is lapsus est. Veram scripturam nummus prodit a Spanhemio, illustri viro, pag. 901 productus, in quo est *VLIA*: & inscriptio vetus apud Gruterum pag. 271 num. 1 ORDO REIP. VLIENSIVM. Sed *Attegua* Dionis lib. XLIII, siue *Ategua*, vt ab Hirtio Hispaniensi bello scribitur, ambigui situs apud ipsos Hispanos est. Quidam in via ponunt ab Antiquaria, Hispalim: alii prope Alcala Real, quod veri similis videtur, quia *flumen Salsum* in propinquo fuit, notante Hirtio cap. vii, quod & Salado est, aut proximum aliquod, in Singulim a dextra se infundens. Eodem situ vrbs *Vcubis* fuit, inter quam & Ateguam Pompeius castra constituit trans flumen Salsum, liberaturus Ateguam obsidione Cæsaris. Prope Cordubam ad Bætin erat *Ianus Augustus*, tribus inscriptionibus, quæ Corduæ exstant, & a Grutero p. 153 exhibentur, memoratus, A BAETE ET IANO AVGVSTO AD OCEANVM: & altera, AB IANO AVGVSTO QUI EST AD BAETEM, VSQVE AD OCEANVM; & sic etiam tertia.

XLI.

Post Cordubam in altera ripa *Axati* fuit, ortum hibernum versus, municipium Romanum, cuius vetus inscriptio mentionem facit apud Gruterum pag. 432 num. 7 IN MVNIFICPIO FLAVIO AXATITANO. Inde *Epora* succedit, elemento p ab Ebora Lusitaniæ distincta. Eodem loco inscriptio reperta, quam Gruterus pag. 499 præbet, RES PVBL. EPORENSIS. Et alia pag. 162 num. 5 EPORENSI MVNIFICPIO. Plura pag. 105. leguntur. Nunc Montori dicta, XXVIII M. P. a Corduba distat, vt itinere Antonini est a Corduba Castulonem. Aut eadem fuit, aut vicina *Ripepora* Plinii, quasi in ripa *Epora*. Et *Illurco* illa regione fuit, distincta ab Ilurgi & Illiturgi; etiam ab Ilorci, nunc Lorca in Murcia regno; quemadmodum & Plinius distinxit. Inscriptio antiqua apud Gruterum pag. 406 ad Pontem Pinorum, DECRETO ORDINIS ILLVRCONENSIS. Non minus *Obulco* Plinii, siue *Obulcum* Ptolemæi, cum *Pontificensis* cognomine huc pertinet

tinet. Plinius III cap. 1, postquam de *Sitia* huius regionis dixerat, quæ Ptolemæi Σέτια est, ait: & XIV M. *passuum remotum in mediterraneo Obulco, quod Pontificense appellatur.* Apud Gruterum pag. 105 num. 12 FLAMEN II VIR MVNICIPII PONTIFICIS. Et pag. 458 n. 5 ORDO PONTIFICIENSIS OBVLCONENSIS. Clarissimus vir Andreas Morellius ex Schwartzburgico thesauro nummum Tabula XXVI ostendit, vna parte barbaris Hispanorum litteris cum spica vbertatis signo; altera Latinis OBVLCO signatum. Porcuna esse inter Cordubam & Iacnam videtur, propter plures huius nominis inscriptiones ibidem inuentas. Adiacet *Vrgao*, Plinii & An-tonini, quæ & *Alba* eodem Secundo auctore: plene *Alba Vrgaon.* Gru-terus pag. 234 num. 6 in inscriptione Lucio Cæsari, Augusti filio, dicata: MVNICIPIVM ALBENSE VRGAONENSE. Et pag. 249. n. 3 MVNIC. ALBEN-GENSE VRGAVONEN. ex ævo Hadriani. Eodem tractu *Ilipula Magna* Ptolemæi, siue *Ilipula* Plinii, *Laus* cognominata, in loco fere urbis regiæ, vt multi putant, Granadæ fuit. *Tucci* quoque Plinii, quæ *Augusta Gemel-la* cognominatur, huius regionis. Ptolemæo lib. II cap. IV Τῆτι, Appiano iam tum Viriati bello Γέμελλα simpliciter, pag. 496, sed anticipando dicta est, quia Gemellæ aut Geminæ legionis nomen ex Cæsarum fuit temporibus, ideoque nostra alibi non simpliciter *Gemella*, sed *Gemella Augusta* vo-citata. Plinii testimonium inscriptio antiqua iuvat apud Gruterum pag. 323 num. 12 FLAMINICA COLONIAE AVG. GEMELLAE TVCCITANAE. Hispanorum opinione hodie Martos inter Cordubam & Giennum siue Iacnam est.

XLII.

Ad *Iliberi* reflectamus, de quo Plinius, *Iliberī, quod Liberini*, quasi utroque nomine appellatum. Dicitur & *Eliberi*: Ptolemæo ΙλΙβερῖς eique vltima Turdulorum. Huius concilium Eliberinum siue Eliberitanum fu-it: non alterius in Ruscinonensi agro, quod Mariana lib. IV cap. XVI Hist. Hispan. & Petrus de Marca Hispan. lib. I cap. VI probauerunt. Duabus leucis a Granada a fuit, vt Vasaëus tradit: olim diruta, nominis tamen no-bilitatem seruans. Ad *Sacilim* reuocor, Plinio *Sacili*, tamquam ἀκλιτον: Ptolemæo Σακιλῖς, *Sacilis*, quam formam nummus a Golzio descriptus pro-bat, MVN. SACILIS. Inter Sacilim & Iliberim Ptolemæus *Lacippo* ponit, cuius nominis Plinius inter Barbesulam & Bæsipponem habet. Adeo in-certa & turbata multa sunt, ideoque cetera vel obscura, vel ignoti situs, prætermittimus. Si scire cupis, lege Plinium & Ptolemæum. Sunt enim eius generis pleraque, vt certo loco vix adscribi possint, quo etiam Strabo-nis γνωριμωτάτη Κονίσωρσις, *notissima urbs Conistorfis* pertinet, quam ait in Celticiis sitam pag. 97: Appianus autem pag. 484 in Cuneis Κοινίστοργιν πό-λιν μεγάλην, *Cunistorgin urbem magnam* laudat, quam Lusitaniæ fuisse non dubitamus, quia in illius angulo australi & promontorium Cuneum, & ager Cuneus situs fuit. Hanc & Strabonis Conistorfin eandem esse videtur: an vero eadem etiam sit Liuii *Anitorgis* lib. XXV cap. XXXII, non desit for-san cur dubitemus.

XLIII.

Supereſt antequam in prouinciam Tarraconenſem procedamus, vt de *Betis* amnis nomine, quod varie inclinatur, & de montibus illius prouinciæ nobilioribus pauca adiiciantur. Amnis in Tarraconenſis prouinciæ Tugienſi ſaltu, vt Plinius refert, exoritur, valde prouum ad fidem qui *Betis* & *Bates* dicitur: illa vulgaris eſt, hæc forma inſolens & rara. Silius lib. III verſ. 405

Palladio Bates umbratus cornu aramo.

Rariſſime ſine diphthongo *Betis*: atque ſic *BETICA* ſemel forſan in inſcriptione Gruter. pag. 168 num. 4, *VICE SACRA BETICAM GVBERN.* ex Antoninorum ſæculo. Vnde corripienti licentiam poetæ quidam ſuſerunt, quaſi fracta diphthongo & diminuta. Paullinus Nolanus Carmin. x ad Auſonium verſ. 236

Qua Betis Oceanum, Tyrrhenumque auget Hiberus.

Græci *Βῆτις*, quos quarto caſu plerique imitantur *Betin* ſectentes, non tantum poetæ, vt Martialis lib. IX epigram. LXII

Qua diues placidum Corduba Betin amet:

& Statius Genethliaco Lucani lib. II Silv. VII verſ. 34

Graio nobilior Melete Betis.

Betin Mantua prouocare noli;

verum etiam Plinius lib. III cap. I *Singulis fluius in Betin irrumpens.* Hirtius tamen Latino ore *Betim* dixit, non tantum Hispanienſi bello, ſed Alexandrino etiam, vbi de rebus vna agit Hispanicis: & Livius lib. XXVIII cap. XXX bis, *ad Betim fluium.* Ex altera forma *Bates*, quarto caſu *Batem* ſupra inſcriptione de Iano Auguſto vidimus, vnde ſextus etiam ibidem caſus *Bate* legitur, quialiſ *Beti* eſt, ex quarto IM vel IN Grammaticorum lege factus.

XLIV.

Alterum, quod reſtat, de montibus eſt Bæticæ, quos duo Ptolemæus poſuit lib. II cap. IV extremo, τὸ τε ὄρος Μαρνανόν, καὶ τὸ καλούμενον Ἰλίπυλα, *Marianum, & qui Ilipula vocatur.* Mariani parallelus ſecundum Ptolemæum inter Hiſpalim fere & Italicam tranſit: Ilipulæ, cum Cordubenſi prope conuenit: aut intra Cordubenſem cadit: eiusque meridianus idem quæ Calpes eſt, ſiue Herculis columnæ, a quo Mariani meridianus per gradum & ſextantem ad occaſum verſus recedit. De Ilipula vix alius præter Ptolemæum: de Mariano pauci, nec hi omnes intemerato nomine. Plinii enim *montes Arianos* ex lib. III cap. I huc multi trahunt, a Marianis vna littera differentes, qua vel ille addita, vel hic detracta commiſerit, quod leuem errorem arguat, a quo Ptolemæum inſcriptio Hiſpali adſeruata, & ab induſtrio viro Iacobo Sponio Miſcell. erud. Antiq. pag. 191 producta, liberare poteſt, in qua eſt PROC. MONTIS MARIANI, id eſt, procurator rei metallicæ in illo monte. Plinio Antoninus aduocare poteſt, qui itinere ab Anæoſtio Emeritam, poſt Italicam proxime *Montem Ariorum* ponit, in illo fere parallelo, quem modo ex Ptolemæo designauimus, vt ſi qua ſupereſt erroris

ris forte suspicio, vel deprauationis, in hos potius, quam in Ptolemæum, recidat. Sic Antonino cum Ptolemæo convenit, non autem cum Plinio, qui montes suos prope Onobam Aestuariam & Bætis ostia collocavit. Hispani quoque dissentiunt. Resendius de Pacensi colonia commentario, *Esurim* Antonini, quam circa Anæ ostia fuisse ex itineribus non obscurum est, ad Marianos montes pertinuisse adfirmat. Quo genere Pliniana sententia non mediocriter adiuuatur. Ambrosius autem Moralis, Descriptionis Cordubæ principio, ita differit: *Qua parte septentrionem Corduba spectat, posita est ad ipsas Marianorum montium radices, quos nunc Hispani prius nomine Sierra Morena, hoc est Morenos montes dicimus. Ea vero horum montium pars, quæ Cordubæ imminet, aut saltus Castulonensis est portio, aut cum eo ad ortum coniungitur.* Quid in tanta dissensione constituendum? nisi dicamus, Bæturix longa iuga ab ostio usque ad fontes pæne fluminis porrecta, *Marianos* forsan, siue *Arianos* montes fuisse, qui Bæticam secundum Bæturix limitem & Bætis fluminis cursum prope omnem, (quamvis non tam notabiliter, ut Apenninus Italiam) diuiserint, certis vero locis, ad ostium Anæ & Bætis secundum Plinium; aut circa Italicam secundum Ptolemæum & Itinerarii auctorem, præcipue id nominis habuisse: in ceteris partibus aliter atque aliter, & forsan etiam alicubi *Ilipulæ* appellatione nominatos esse, atque ita inter sese aut in partibus suis distinctos. Addo, ubi ubi fuerunt Mariani montes, metalli fodinis diuites fuerunt, quod ante laudata inscriptio probat, quam confectores æris procuratori montis & fodinarum honoris causa posuerunt, quæ quod brevis est, integram huc referre non alienum a loco & instituto nostro est.

T. FLAVIO AVG
LIB. POLYCHRYSO
PROC. MONTIS
MARIANI PRAES
TANTISSIMO
CONFECTORES AERIS.

XLV.

De monte *Calpe*, quem columnarum fabula nobilitauit, supra satis actum fuit, neque is inter iuga a geographis notanda, quæ protractiora sunt pleraque, referri poscit. nam τῇ περιόχῃ ἔ μέγα, τῷ δ' ὕψει μέγα καὶ ὄρθιον, *ambitu quidem non magnus, in altitudinem vero magnam erectus est*, ut Strabo lib. III pag. 96. delineauit. Quæ forma montis, & oppositi alterius in Africa, inter quos se fretum infert, origo fabulæ de Herculis columnis ubique decantatis est.

SECTIO III
PROVINCIA CITERIOR
SIVE
TARRACONENSIS.

XLVI.

Citerior Hispania ab Augusti temporibus etiam *Tarraconensis* dicta fuit, quia Tarracone, tamquam præcipua vrbe, Romanis certe percommode sita, præses provinciæ sedem habebat. Termini ex ceterarum explicatio-
ne noti sunt, quia vbi Bætica & Lusitania desierunt, Tarraconensis inci-
pit, & quidquid reliquum Hispaniæ est ad Pyrenæos vsque montes sibi vin-
dicat; ceteris terminis satis certa, quia illic Oceano, hic mediterraneo mari
est conclusa. Supradictis vnum addo de Bætica & Tarraconensis ad mare
limite, qui non satis explicatus est omnibus, vt ipse Plinius in eo statuendo
repugnare sibi videatur. Libro enim III cap. I, *a sine Vrgitano citerior*:
mox ait eodem capite, *Murgis Bætica finis*. Non autem erat, quod qui-
dam verbum sollicitarent, in locum eius *a sinu* supponentes. Sinus enim
propter latitudinem non potest terminare, neque Plinius secum ipse in his
partibus pugnat. Nam *Murgi* vel *Murgis* vere finis erat Bætica, & in Bæ-
tica ex Plinii sententia oppidum extremum: *Vrgi* autem vel *Vrci* principi-
um Tarraconensis & prima in ea vrbs, hodie Muxara, vt accuratiores cen-
sent, appellata.

XLVII.

Vt vero maior hæc Tarraconensis, quam vel Bætica, vel Lusitania,
erat; ita plures etiam in ea gentes nominantur, quæ singulæ suas vrbes & ci-
uitates habuerunt, pleræque secretæ distinctius, quam Bastuli, Bastetani,
Turduli, & Turdetani, ac Celtici in Lusitania ac Bætica fuerunt, in quorum
discriminatione Ptolemæus, Strabo atque Plinius non vbique, si comparan-
tur, conueniunt, quarum gentium etiam aliquæ in Tarraconensem sese ex-
tendunt: ceteræ vero, eæque plurimæ, sunt propriæ huius provinciæ, &
a nobis singulæ suis locis enarrabuntur, & quas vrbes ac oppida possede-
rint, ex librorum & inscriptionum monumentis explicabitur.

XLVIII.

Nobiliore fluuios plures cum Bætica & Lusitania communes habet
Tarraconensis provincia, *Bætin*, *Anam*, *Tagum*, *Durium*, ortos omnes in
Hispania citeriori: proprios *Iberum*, *Minium*, *Rubricatum*, aliosque mul-
tos minores. *Iberum* etiam *Hiberum* veteres scripserunt. Romæ in mar-
morea vrna maiore apud Gruterum pag. 690 num. 5

ILLIC VNDE TAGVS ET NOBILE FLVMEN HIBERVS

Plurimi tamen *Iberus* sine adspiratione. Montes præter *Pyrenæos*, qui a
Gallia separant, sunt *Orespeda*, *Idubeda*, & qui connexi his, a saltibus nomi-
nantur, *Saltus Tugiensis*, *Castulonensis*, & alii. Non possum mihi temperare,
quin ex Marianæ lib. I cap. III huc de montibus Hispaniæ transcribam bre-
uiter excerpta. Montes, inquit, ex *Pyrenæi iugis præcisi*, rectaque in occa-
sum delati, *Cantabris Asturibusque ad dexteram septentrionem versus relictis*,
Calecosque medios secantes, *Nerium promontorium*, quod longissime procurrat
in mare, in extrema Hispania constituunt, *Citramontanorumque appellationem*
ab Ultramontanis vulgo in Hispania secernunt. Ex his montibus *Idubeda mons*
austrum versus ad Iberi fontes in Pelendonibus derivatur, & per *Viruescam Are-*
uaces-

vacesque, ubi Orbionis cacumina surgunt, neque procul Cauno, qui hodie Montcaius est, Bilbilim Darocamque præteruectus, mare mediterraneum attingit, non procul Dertusa vrbe, vnde extrema eius montis partes hodie etiam nomen habent. Iberum amnem, contra quam alii insigniores Hispaniæ faciunt, ad occasum ire Idubeda mons prohibet, duobus ostiis sese confundentem mari mediterraneo. Paulo infra Caunum ex Idubeda emissus Orospea mollioribus iugis vix adsurgere videatur: sensim tamen sese efferens, ulteriusque progressus, Molinæ primum montes erigit, Conchæ deinde, ubi Sucronem ad leuam: ad dextram Tagum emittit. Inde Consaburonis seu Consuegræ montibus constitutis, & in campis Laminitanis Anæ fontes enixus, ad Alcarassum Seguramque procedens in diuersas partes, mariaque diuersa, Taderem [hic hodie Segura fluuius est] Bætique in saltu Tigeni non longe a Casorla oppido fundit, ab Anæ fontibus amplius centum millibus passuum. vnde in duo brachia scissus parte vna e regione Murciæ factus ad Murgim, hoc est Muxacram, mareque terminatur, relictis ad occasum Bastetanis, a Basta vrbe, quæ hodie Baza est; at ortum vero Contestanis, veteris Hispaniæ populis: parte altera porrectus Malacam versus, & Eliberitanis iugis sese adnectens, ultra Calpem, utraque Tartessum tanta procurrit auiditate, ut, penetrato mari fretique angustis Africæ complexum non semel appetere videatur. Ex Orospea prope Alcarassum Mariani montes (nostris Serramorena) surgunt. quorum radices perpetuo ferme vsque ad Oceanum Bætis ad leuam adluit, ab Iliturgi Beticam mediam secans, Cordubam, Italicam atque Hispalim præterlabens, demum in Oceanum euoluitur, ad oppidum quod antiquis Luciferi templum erat. Hactenus accuratissime Mariana. Magnitudinem prouinciæ & illustrem claritatem Plinius lib. III cap. III ita distincte proposuit: *Vniuersa prouincia diuiditur in conuentus septem: Carthaginensem, Tarraconensem, Cæsaraugustanum, Cluniensem, Asturum, Lucensem, Bracarum. Prouincia ipsa continet oppida CLXXIX; in his colonias XII: oppida ciuium Romanorum XIII: Latinorum veterum XVIII: fœderatorum unum: stipendiaria CXXXV.* Ab occasu solis extremo, ut institutum est geographiæ, etiam in Tarraconensi prouincia incipiemus.

XLIX.

Supra Durium amnem, quidquid est in septentrionem versus, ab Augusti temporibus Tarraconensi prouinciæ adscriptum fuit. Proxime flumen *Callæci* habitarunt, qui etiam *Callaici*, præue *Gallæci* vel *Gallæci* scribuntur. Nec enim a *Gallis* nomen habent, sed a *Calle*, oppido antiquo, ad Durii amnis ostium in colle sito, qui flumini imminebat, cuius portus erat in ostio, qui in dies magis ædificatus in urbem excreuit, quæ hodieque *Porto*, *Puerto*, vel Belgis *Port a Port* appellatur: vnde etiam nomen *Portugalliæ* est, tamquam a portu *Calle*. Vide Duardi Nonii Censuram I in Iosephi Teixerae de Originibus Regum Portugalliæ libellum. Mirum vero, *Cal-len* illam a vetustis geographis, Strabone, Plinio, Ptolemæo præteriri: a solo fere Antonino memorari, itinere a Lisipone Bracaram Augustam, XXXV M. P. ab illa remotam, quum tamen populi *Callæci* nomen sit antiquissimum: nili credas intercidisse illam, aut exiguam fuisse geographorum temporibus,

bus, postea instauratam amplificatamque, vt Itinerarium probat: tandem Portus nouum nomen, abrogato prisco, induisse. Græci populi *Καλλαίκες* appellant, & in Strabonis libris diuulsa diphthongo *Καλλαίνες*, quem modum e Latinis Silius imitatus est lib. 111 vers. 352

quidquid duro sine Marte gerendum est,

Callaici coniux obit irrequieta mariti.

Alias Latini *Calæci* dicunt, & regionis nomen *Calæcia* cum diphthongo. Gruterus pag. 402 num. 5 ASTVR. ET CALLAEC. Vulgo G adsumunt, vt *Brutus Gallæcus*, Vellei. Paterc. lib. 11 cap. v, qui Straboni pag. 105 est ὁ Καλλαινός. Atque ita etiam vetus inscriptio in Gruteri Opere pag. 193 ASTVRIAE ET GALLAECIARVM.

Sub his Callæcis siue Callaicis plures populi continebantur, *Bracari*, *Cælerini*, *Grouii*, *Limici*, *Querquerni*, *Artabri*, & alii obscuriores, quibus singulis suos fines dare, quia difficillimum est; contenti sumus in vniuersum cum Ptolemæo in duo genera distribuisse, *Callaicos Bracarios*, a Durio ad Minium pertinentes; & *Callaicos Lucenses*, qui a Minio sunt ad Astures: vt tamen, quantum compertum est, & vbi dederit occasio, minorum quoque gentium rationem habeamus. Propinqui Durio sunt *Bracari*, vel *Bracares* Plinii, (siue *Bracarii*, diphthongo, *Βρακάριοι* Ptolemæi, quam vero falsam scripturam esse, inscriptiones, quæ sequuntur, comprobabunt. nam gentis & vrbs ad fine nomen est) Horum enim erat *Bracara*, semel inscriptio Gruteri pag. 158 c gemino BRACCARA: sæpius cum cognomine *Bracara Augusta*, aut vna voce *Bracaraugusta*. Eodem Gruteri Opere pag. 156 num. 3. BRACCARA AVG. & pag. 324 num. 11 BRAC. AVG. ac pag. 465 & 562 BRACARA AVG. Ptolemæus etiam haud dubie coniunxit, quod separatim editum est *Βράκαρ Αὐγύστα*. Plinius lib. 11 cap. xx *Bracarum oppidum Augusta, quos super Gallæcia*. Io. Harduinus huc nummum Caii & Lucii Cæsarum refert, quo cufum est COL. B. A. quod interpretatur *Colonia Bracara Augusta*. Conuentum iuridicum habuit, vt supra ex Plinio cognouimus. Confines sunt Bracarum *Cælerini* Ptolemæi & Plinii. Hic lib. 111 cap. 111 *Bracarum xxiv ciuitates, CLXXV m. capitum, ex quibus præter ipsos Bracoros Bibali, Cælerini, Gallæci, Ileguæsi, Limici, Querquerni, citra fastidium nominentur*. Cælerinis Ptolemæus oppidum dat *Κοιλιόβριγαν*, *Cæliobrigam*, quod putant hodie oppidum Barcelos esse. Illustris vir E. Spanhemius de vrbe hac nummi epigraphen AEL. MVNICIP. COEL. de Præst. & Vfu Num. pag. 772 interpretatur, quasi ab Hadriano ornata, id augustum nomen acceperit. Bibalorum fuit *Forum Bibalorum* *Φέρος Βιβαλῶν* Ptolemæo: & Querquernorum Antonini *Aque Querquernæ*: ac Limicorum, *Forum Limicorum*, Ptolemæi *πόρος Λιμικῶν*, siue *Limia* Antonini, quarto itinere a Bracara Asturicam; ad amnem *Limeam* Melæ, seu *Limium* Ptolemæi, siue *Limeam* Strabonis, qui & *Lethes* seu *Oblivionis* est. Strabo pag. 105 *Δέριος, - - - εἴτ' ἄλλοι ποταμοὶ, καὶ μετὰ τούτους ὁ τῆς Λήθης, ὃν τινὲς Λιμαίαν, οἱ δὲ Βελιῶνα καλεῖσι*. *Durius, - - - deinde alii flumini: ἔ* post hos, *Oblivionis, quem nonnulli Limeam, alii Belionem vocant*. Pompo-

nus Mela dicto loco: *Fluunt per eos* [Grouios] *Auo, Celadus, Nebis, Minius, & cui Oblivionis cognomen est, Limias.* Hic est famosus ille Oblivionis fluuius, τῆς βεστῆς στρατείας ὄρος, terminus expeditionis D. Bruti, ut Strabo dicit pag. 106, cuius causam Epitoma Liuii LV ita narrat, ut tamen transgressum, sed forsan non longe ultra progressum referat. D. Iunius, inquit, *Lusitaniam triginta urbium expugnationibus usque ad occasum & Oceanum perdomuit: & quum fluuium Oblivionis transire nollent milites, ereptum signifero signum ipse transtulit, & sic, ut transgrederentur, persuasit.* Idem fere Appianus tradit pag. 500, nec vero id plane adfirmat. De Decimo Bruto enim, quem perperam Σέξτον, Sextum contra omnium consensionem nominauit, refert, ἐπὶ Λήθης μετῆρ. πρῶτος ὁδε Ρωμαίων ἐπινοῶν τὸν ποταμὸν τόνδε διαβῆναι, ad Oblivionis [flumen] progressus est, eumque Romanorum primus transire cogitavit. Florus lib. II cap. XVII sect. 12 vocat, *formidatum militibus flumen Oblivionis.* Causam appellationis Strabo dicto loco manifestat. *Ferunt, inquit, inter Celticos & Turdulos, quum fecissent expeditionem eo, Limæo flumine transito ortam seditionem, ad quam quum obitus ducis accessisset, καταμείναι σκεδαδέντας αὐτόδι ἐκ τέρτε δὲ καὶ τὸν ποταμὸν Λήθης ἀγορευθῆναι, mansisse ibidem dispersos, & hinc flumen OBLIVIONIS appellatum.* Et tantum de maritimis Bracararum Callaicorum.

LI.

Intus in hoc tractu nobiles erant *Aquæ Flaviæ*, ignobilis hodie vicus Chiaues, pontis tamen ruderibus pristinam magnificentiam contestans. Exstant de iis & ponte earum inscriptiones multæ. Ipsa veteri sede in columna, apud Refendium Antiq. Lusit. lib. I cap. XXI & Vassæum pag. 254, legitur

CIVITATES X

AQVIFLAVIENSES, AOBRIGENS
BIBALI, COELERINI, EQVAESI
INTERAMICI, LIMICI, AEBISOC
QVARQVERNI, TAMAGANI.

Et indidem Gruterus pag. 162 num. 4 adfert:

IMP. CAES. NERVAE
TRAIANO AVG. GER
DACICO PONT. MAX
TRIB. POT. COS. V. P. P.
AQVIFLAVIENSES
PONTEM LAPIDEVM
DE SVO F. C.

Et pag. 156 num. 4 in via ab Aquis Flauis Bracaram:

IMP. CAES. TRAIANVS
HADRIANVS AVG.
P. M. TR. POT. XX REFECIT
AQVIS FLAVIS
M. P. II

quod iisdem verbis alio loco propinquo repetitum inuenitur, præterquam quod subscriptum M. P. V.

LII.

Callaici Lucenses a Minio fluuio incipiunt secundum Ptolemæum, quibuscum *Grouii*, tum *Artabri* continentur. De *Grouiis* res difficilior. Vulgo in *Melæ* lib. III cap. I lectum fuit: a *Durio ad flexum Gronii*. Vnde opinio manauit, *Gronios* alios esse a *Grauiis*, quos *Plinius* per *A* scripsit, & *Silius* pro *Graiis* origine siue Græcis habet lib. III vers. 366

Et quos nunc Grauios violato nomine Graiūm

Oeneæ misere domus, Aetolaque Tyde.

Ptolemæus γρόνιοι, vnde *Isaacus Vossius* in *Mela Grouii* scripsit, per *O*, quem *Iac. Gronouius*, recentissimus editor, sequutus est. Nec *Vossius* tolerare *Grauios* potest, quos *Plinius* nominauit, quia iidem sint, qui *Grouii*, atque ita etiam scribendi. Quod confirmat oppidi *Tydes* situs supra *Minium* amnem, quod *Silius Grauiis*, *Ptolemæus Grouiis* suis adsignat. *Tyde* *Ptolemæo* τῶν δα, *Plinio castellum Tyde*, *Antonino Tude*, hodie *Tuy* in *Gallicia*.

LIII.

Strabo dicto lib. III pag. 106 ἔχοντες οἰκίσιν Ἀρταβροὶ περὶ τὴν ἄκραν, ἡ καλεῖται Νέριον, *Vltimi habitant Artabri, ad promontorium, quod vocatur Nerium*. Vocant idem *Celticum* promontorium, vti ex *Plinio* lib. IV cap. XXI obseruatur, quia, vt *Strabo* dicto loco notauit, περιοικῶσι Κελτικοὶ, *Celtici iuxta illud habitant*, cognati eorum, qui ad *Anam* fluuium colebant. *Artabrum* etiam a gente dicitur, quamuis id nomen cum appellatione *Olisiponensis* promontorii, *Plinius* confundit, qui etiam *Artabros* nescio quo relicere videtur, propterea merito notatus a *Resendio* lib. I cap. XX *Antiq. Lusitanicarum*. *Artabros* sua ætate *Strabo* Ἀρετρεβας, *Aretrebas* dictos refert. At *Mela* quoque *Artabros* appellat, in iisque *Abobricam urbem* ponit, quæ *Plinio* insigne oppidum *Abobrica* est, in inscriptione supra data *Aobriga*: hodie *Bayona* ad *Oceanum*, vt *Harduino* in *Plinium* & aliis videtur. Infra *Nerium* promontorium, quod nunc *Caput Finis Terræ* est, *Ptolemæus* *Artabrorum* Portum locat: supra illud, paullo intus, *Claudomerium*; etiam *Novium* aliud oppidum: & ad latus *Cantabricum* *Flauium Brigantium* est eiusdem *Ptolemæi*, in loco quo hodie est celebris portus *Corugna* siue *Córugna*: quod *Dio Cassius* etiam *Brigantium* lib. XXXVII pag. 54 dixit, de *Cæsare* narrans Βριγάντιον πόλιν Καλαϊκίας παραπλεύσας, *Brigantium urbem Callæciæ præteruectus*, id quod maritimum situm arguit, qualis non est *Compostellæ*, quam vulgo, vt *Tarapha* refert, interpretantur. Interiora ad *Minium* *Nemet obriga*, & *Aquæ Celeniæ* vel *Ciliniæ*, utræque *Antonini*, prior etiam *Ptolemæi*, quæ in posteriorum fere loco habet *Aquas Quintianas*. Supra flumen *Iria Flavia*, *Flauia Lambris*, *Lucus Augustus*, vnde pars *Bracarorum* *Lucenses* nominati. De *Flauis* plura sunt digna, quæ excutiantur. Inscripção Astigitana apud *Gruterum* pag. 305 n. 8 CONCILII IRIENSIS meminuit, quod non dubito *Iriæ Flauiæ* *Ptolemæi* esse, quam *Mariana* lib. IV cap. II *Padrono* interpretatur; *Isaacus Vossius* ad *Melam* pag. 131 in *Compostellæ*, *S. Iacobi* exuuiis, vt creditur, celebratæ locum refert: aliis est *S. Maria*

Maria Finis terræ. Hinc in ortum recedit *Flauia Lambris* Ptolemæi in Asturum finibus: medio inter has Flauias loco *Lucus Augusti*, de quo diximus. Addo conuentum iuridicum habuisse, vt supra ex Plinio est demonstratum, qui *Lucensem conuentum* appellabat. Ptolemæus & Antoninus sedem designant, vt minus dubitetur Lugo urbem, quæ hodie est, in eius loco existere.

LIV.

Hinc in fines Asturum, qui Callæcis proximi sunt progredimur. Populus *Astures*, regio *Asturia*. Gruterus pag. 193 num. 3 PROV. HISPANIAE CITER. ASTVRIAE ET CALLAECIARVM: & pag. 426 num. 5 PER ASTVRICAM ET GALLAECIAM. Caput gentis *Asturica Augusta*, Ptolemæo Αστὺρικα Αὐγύστα. Approbat nummus sub Augusto cusus cum epigraphe COL. ASTVRICA AVGVSTA. Ita Harduinus ex Golzio profert: Holstenius ad Orteliū, vel huic vel simili nummo interponit verbum, COL. ASTVRICA AMAKVR AVGVSTA, quod vel nomen pristinum vrbis est, vel gentium minorum alicuius, in quas Astures diuisi erant. Ptolemæus certe Asturicam Augustam in gente Ἀμακῶν, *Amacorum* scripsit, quod proxime accedit ad nomen in nummo Holstenii significatum. Conuentum iuridicum etiam in hac vrbe fuisse, supra auctore Plinio probatum est, quo antiqua inscriptio referenda GENIO CONV. ASTVRICENSIS, Gruter. pag. 110. Sita in extrema fere Asturiæ parte, in ortum hibernum versus, nec hodie ignobilis vrbs Astorga. Ex nomine vrbis huius Augustæ dividuntur Astures in *Augustanos*, & *Transmontanos*, quorum illi australes sunt, hi septentrionales. In Transmontanis *Lucus Asturum* Ptolemæi, nunc Ouedo; & *Libunca* eiusdem, etiam Pomponii Melæ, si salua lectio, quam Vossius proscripsit, nec revocavit Gronovius, utroque *Iuia* substituente, quod fluvii nomen est, hodie *Iuvia* apud Ferrolium portum in mare se effundentis. Melæ *Nægam* addit, in *Asturum litore*; & *Tres Aras*, quas *Sestianas* dicant, in peninsula Augusti nomine sacratas. Et Plinius ibi *Nægam* habet, quam *Nouiam* interpretantur: Ptolemæo Νόγια Ὀνεσία, *Næga Vcesia* in Cantabris est maritimis: sed maior auctoritas Melæ.

LV.

Clariora sunt cis montes in Augustanis. Post Augustam coloniam quæ Asturica est, fuit *Legio VII*, sed quo cum cognomine? Ptolemæus Λεγίων 7 Γερμανικὴ Βριγαντιῶν, *Legio VII Germanica Brigaciorum*. Verum, quod etiam Vassæus a Didaco Neila monitus observavit Chron. Hisp. ad ann. Chr. CVI, nusquam *Legionis VII Germanicæ* in titulis & inscriptionibus facta mentio: sæpe autem *Legionis VII Gemine*. In iis ipsis oris, duabus leucis a Legionem, in lapide incisum est LEG. VII GEM. & Aquis Flaviis LEG. VII GEM. FEL. Vix ergo dubitare licet, quin corrigendus Ptolemæus sit, & *Gemina* pro *Germanica* legendum. Est illa vrbs regia Leon vel Legio, nominis prisci adhuc custos & conseruatricis. Ab hac in austrum *Lancia* siue *Lanciatum* fuit, supra in Lusitania, quum de Oppidana Lancia & alia ageremus, satis declarata: Adiacent *Vallata* & *Interannium Flauium*, & *Brigæcum*, seu *Brigecum*,

cum, vnde modo regioni nomen Ptolemæus tribuebat ; & ab occasu *Bergidum*, singula ex Antonini noscenda itineribus, a Bracara Asturicam, & ab hac Tarraconem vel Cæsaraugustam institutis.

LVI.

Ab Asturibus sub mari *Cantabria* procurrit, quæ nomen cum *Cantabrico Oceano* communicat. Ptolemæus ante Cantabros posuit *Pæficos*, quos Plinius lib. iv cap. xx in *peninsula* federe dicit. Pæficorum oppidum *Flavionauia*, quod S. Andreæ fanum & portum Hispani interpretantur. Post hos Cantabris *Nægam Vcesiam*, vt diximus, adiudicat : *Autrigonibus* autem inde sequentibus *Flauiobrigam*, quæ Marianæ lib. iv cap. iv vel Vermeo (Bermeus) est, vel prope sita Bilbao: sed Arnaldo Oihenarto Notit. Vascon. lib. ii cap. viii, cui Bilbao recentius opus est, citra dubitationem Vermeo in Ipuscoa: tum *Vardulorum* populi *Menosca*, post quos sunt *Vascones*, quorum est *Olarso* Plinii, eademque Ptolemæi *Oeaso*, oppidum & promontorium, ad radices Pyrenæi, nunc pagus Oiarso, duabus leucis a Fontarabia.

LVII.

In mediterraneis Cantabriæ *Concana* Ptolemæi, perperam *Κόνκανα* in editis scripta, recte in Palatino codice *Κόνκανα*. nam *Concani*, populus sunt Scythica feritate in Hispania. Horatius lib. iii oda iv vers. 34

Et letum equino sanguine Concanum,

quem frustra Torrentius vult ex Hispaniis exterminatum, defendente Silio Italico, lib. iii vers. 301 in recensione Hispaniæ populorum etiam Concanorum rationem ita habens,

Cornipedis fusa satiaris, Concane, vena.

Præterea fuit *Vellica* Ptolemæi, quæ etiam Io. Georgio Græuio, viro accuratissimo, monente, in Flori lib. iv cap. xii legenda est, ab Augusto capta, vbi male editores *Belgicam* intrudunt, quæ nulla fuit in Hispania. Infra eam *Iuliobrica*, siue *Iuliobriga*, Plinii & Ptolemæi, prope fontes Iberi. Plinius enim lib. iii cap. iii *Iberus amnis ortus in Cantabris, haud procul oppido Iuliobrica*. vnde quibusdam oppido Fuente d' Iuero videtur respondere. Inscriptio vetus apud Gruterum pag. 354

C. ANNIO L. F.

QVIR. FIAVO

IVLIOBRIGENS

EX GENTE CANTA

BRORVM PROVINCIA HISPA

NIA CITERIOR.

Hanc solam Plinius in Cantabricis septem populis memorabilem dixit. Cetera Ptolemæi, *Octauiolca*, *Camarica*, minus nota sunt : *Aracillum* Flori & Orosii in bello Cantabrico, incertæ positionis est, nisi *Aracælis* Antonini Itinere ab Asturica Burdigalam, xxiiii m. p. ante Pompelonem sita, est eadem. *Murbogii*, Ptolemæi populus, *Deobrigulam* habebant, etiam ab Antonino, dicto Itinere, memoratam xv m. p. post Segisamonem. *Autrigones* Ptolemæi sequuntur, male *Aurigones* a Floro scripti, aut ab alio descriptore prauati, qui-

quibus is *Gurgonios* coniungit, non minus nominis corruptione suspecti, saltem in historiis & geographia incogniti. In mediterraneis Autrigonum, prætermisissis obscuris, Ptolemæus ponit *Viruescam*, *Deobrigam*, *Vendeliā*, quæ Antonini eodem Itinere sunt, *Virouesca*, *Vindeleia*, *Deobriga*, cohærentes hoc ordine & pæne æquali distantibus interuallo. Sub Autrigonibus *Berones*, *Βήρωνες* erant, quorum *Tritium Metallum*, Ptolemæo teste, fuit, quod Antoninus dicto loco simpliciter *Tritium* nominavit, positum inter *Deobrigulam* & *Virouescam*, ab illo XXI M.P. in occasum: ab hoc in ortum M.P. XV.

LVIII.

Ad Pyrenæum pertingunt *Vascones* Hispani (nam etiam in Galliam trans montes procurrunt) quorum ex Ptolemæi relatione extra maritimam oram, quam supra attigimus, fuit *Iturisa*, seu, ut Pomponius scripsit lib. III cap. I extremo, *Iturissa*, quæ Antonini *Turissa* est, posita inter *Pompelonem* & *Summum Pyrenæum*. *Pompelon*, ut nobilissimum haud dubie oppidum, ita, quod ad nomen originemque attinet, non mediocriter est controuersum. Hispani plerique Pompeio vindicant, ut belli Sertoriani monumentum. Ioannes Mariana lib. III cap. XVI de Pompeii rebus in Hispania: *In Vasconibus condendæ urbis nouæ & cognomento suo appellandæ gloriam aucupatus, Pompelonem fundauit, (ex eo quidam Pompeiopolim vocant. Strabo Pompelonem, quasi Pompeiopolim dictam ait) Nauarræ hodie metropolim.* Io. Vassæus Chron. Hisp. ad A.C. 1506 LXXXIV Cn. Pompeius, edomita Hispania, & ad triumphum redire festinans *Pompelonem* siue *Pompeiopolin* de nomine suo condidit, ut ex D. Hieronymo patet. Franciscus Tarapha de Reg. Hisp. pag. 607 *Pompilos*, ciuitas regni *Nauarræ* primaria, per hoc tempus a *Pompeio Magno* condita est, *Strabone* teste. Arnaldus Oihenartus Notit. Vascon. lib. II cap. II inscriptionem æneæ tabulis adfert, in eius gentis vico *Arre* non ita pridem repertæ,

NERONE CLAVDIO CAESARE

AVG. GER. II

CAESIO MARTIALE COS. VIII

IDVS DECEMBRIS CIVITAS POM

PEIONENSIS HOSPITIVM RENOVA

VIT CVM L. POMPEIO I. F. & reliqua.

Heic L in I mutato, non *Pompelon*, sed *Pompeion*, scriptum videmus, quæ vox, Oihenarti opinione, a nomine Pompeii & a Vasconica dictione *One* vel *Vne*, id est, locus, composita est.

LIX.

Operæ pretium erit singula in hanc sententiam conlata examinare. Primum auctoritate Strabonis nituntur. Sed ait ipse Oihenartus: *Apud Strabonem haudquaquam conditoris nomen legitur, sed id tantum, dictam Pompelonem TANQVAM POMPEII VRBEM.* Strabonis verba sunt lib. III pag. III ὑπέρεται δὲ τῆς Ιακκητανίας πρὸς ἄρκτον τὸ τῶν ὀυασκῶνων ἔθνος, ἐν ᾧ πόλις Πομπέλων, ὡς ἂν Πομπηϊόπολις, *Supra Iaccetaniā, septemtrionem versus, habitat gens Vasconum, in qua urbs est Pompelon, quasi urbs Pompeii.* Fateor dubie dixisse

dixisse Strabonem, quidquid in hac caussa dixit; incertumque esse, vtrum adluserit ad nomen Pompeii, an ipsum pro conditore oppidi habuerit. Si habuit, cur non clarius exposuit, vti in aliis vrbium conditoribus fecit? cur non solum nomen Pompeiopolis ponit, vt in Cilice & Ponticis Pompeii momimentis geographi faciunt? cur nemo posteriorum repetiit, sed Plinius, Ptolemæus, Antoninus constanter *Pompelonem* nominarunt? An venio de Strabone, diligentissimo scriptore peritissimoque, credi potest, ignorasse quas vrbes Pompeius condiderit, aut de fama dubitasse, quæ non antiqua erat, sed intra sæculum conclusa, aut breuiori contenta spatio? Sed quo modo res Pompelonis habet, Strabonis verba nolim sollicitare, aut glossæ mouere suspicionem: quin credam potius, *ως* voculam, non similitudinis aut adlusionis, sed veritatis, vt sæpe solet, notam esse.

LX.

Deinde quod Vassæus ad Hieronymum prouocauit, velim locum certum eius auctoris, aut verba ipsa indicasset. Vix autem dubium cuiuspiam potest esse, Hieronymi libellum aduersus Vigilantium, subiunctum epistolæ LIII ad Riparium, quam quidam lib. I aduersus eundem vocant, respexisse, quia creditum nonnullis fuit, de Pompeiopoli Vasconum in eo aliquid dictum esse, quod etiam in Indicem Operum Hieronymi ita insertum est. Verba autem sancti viri ita habent: *Nimirum respondet generi suo, vt qui de latronum & conuenarum natus est semine, quos Cn. Pompeius, edomita Hispania, & ad triumphum redire festinans, in Pyrenæi iugis deposuit, & in vnum oppidum congregauit: vnde & Conuenarum vrbs nomen accepit. Fluctusque latrocinetur contra ecclesiam Dei, & de Vettonibus, Arebaccis, Celtiberisque descendens, incurset Galliarum ecclesias, portetque nequaquam vexillum Christi, sed insigne diaboli.* Quis non videt de Gallorum Conuenis, seu Lugduno Conuenarum dici, non de Pompelone Hispaniæ? Ait enim Pyrenæi latrones incurfasse Galliam, & in Conuenarum urbem, quæ in australi Aquitania est, compulso esse a Pompeio. Nec illud officit sententiæ nostræ, quod de Vettonibus, Arebaccis, Celtiberisque dicit descendere. Oratorio enim more transgressus fines, augendæ rei caussa iusto longius arcessit, quasi & illi sub Pyrenæis prædones habitassent. Hadrianum Valesium, virum doctissimum, consentientem habemus, eodem quo nos modo Hieronymi verba Notit. Gall. in *Conuena*, interpretatum. Quod si ergo Vassæus non aliud Hieronymi, quod proprium sit, protulerit, in his nihil præsidii inueniet, quo Hispanorum Pompeiopolim, vt credebat, tueatur.

LXI.

Oihenarti inscriptioni, si sana est, quod dubitari ex signis forsan quibusdam possit, inscriptio alia in Gruteri Opere, eaque gemina pag. 325 num. I, & 455 num. II: illa Tarracone, hæc Barcinone visenda opponatur, qua si non profligari, tamen sustineri possit vis & impetus illius. In vtraque enim est *POMPAELONENSI*, & per diphthongum quidem, scriptum est, sicut in priore Strabonis loco, vbi Casaubonus *κατὰ Πομπηλαῶνα* habet, Aldus Manutius Venetiis ediderat *κατὰ Πομπηλαῶνα*. Quæ in vtramque partem
plene

plene integreque adferre placuit, ut eligat quisque, utri sententiæ de origine & nomine Pompelonis vel Pompeiopolis accedere velit, quia utraque habet, quod probabile videtur; neutra autem ita certa est & confirmata, ut nihil, quod dubitares, relinquatur.

LXII.

Præter Iturißam & Pompelonem Ptolemæus in mediterraneis Vasconum scribit *Iaccam*, *Graccurim*, *Calagorinam*, *Cascanum*, *Ergauiam*, *Alaunam* & alia obscuriora, quibus *Aracelis* Antonini addenda, a qua, quod proxima Cantabris & Autrigonibus fuit, initium enarrationis faciemus. *Aracelis* Antonini a Pompelone quinque vel sex leucis in solis occasum recedit, nunc Huarte Araquil: quos *Arocelitanos* Plinii esse lib. III cap. III non est quod dubitemus, & consentit nobiscum Oihenartus lib. II cap. II extremo. *Iacca* nomen hodieque retinet, Iaca, inter Oscam & Pyrenæum posita. Circumiacens ager *Iaccetania* Strabonis est, antea in Pompelonis descriptione memorata, de qua tantum illud adnotamus, Strabonem ampliores iusto Iaccetanorum fines facere usque ad Ilerdam, quod etiam vir maximus Petrus de Marca lib. II cap. XXVII principio observauit. *Ergauia* super Iberum etiam Vasconum fuit, & hæc nempe, quam Ptolemæus nominavit, distinguenda ab Ergauica Celtiberorum, cuius nomen elemento C vel K est auctius, de qua infra dicturi sumus. Trans Iberum est *Calaguris*, cognomine, quo Plinius distinguit, *Nascica*, in dextra ripa Ptolemæi *Calagorina*, hodie Calahorra. Huius exsecranda fames Sertoriano bello a Valerio Maximo lib. VII cap. VI extremo descripta est, cuius verba referre abominor. Attigit Florus lib. III cap. XXII, & Iuuenalis Satyr. XV vers. 93. Vrbs eximia & illustris, quod etiam nummi testantur, quibus cognomento *Iulia* ornatur, & municipii honore, & tandem coloniæ. Augusti nummus MVN. CALAG. IVL. & alius eiusdem, MVN. CAL. IVLIA. & concisus in nummo Tiberii: M. C. I. C. CELERE C. RECTO II VIR. id est, *Municipium Calaguris Julia, Caio Celere, Caio Recto duumviris*. Ambrosius Morales ex veteri inscriptione MVN. CALAGVRIS IVL. NASCICA. Hactenus municipium Calaguris: deinceps coloniam factam Plinius auctor est, sæpe dicto lib. III cap. III. Quum enim dixisset, Cæsaraugustanum conuentum CLI populos recipere, addit: *Ex his ciuium Romanorum Belitanos, Celsenses: ex colonia, Calaguritinos, qui Nascici cognominantur: Ilerdenses, Oscenses, Turasonenses*. Non equidem ignoro, doctissimos viros esse, qui Calagurim Nascicam cis Iberum ponant, quatuor leucis ab Osca in septentrionem: alteram vero, quæ Fibularenfis cognominatur apud Plinium, trans flumen in ripa dextra: ego vero, summo duce fretus, Petro de Marca, hæc prorsus inuertenda esse statuo. Nascica enim, ut ex inscriptione Morales docuit municipium primo, dein colonia, æque ut Osca, Ilerda, Turiaso, quod Plinius adnotauit. Fibularenfis autem a fibularum, ut videtur, opificio dicta, multo deterior erat, contributa cum Oscensibus, & ab iis pendens, ut ex Cæsaris lib. I B. Civ. cap. LX constat, ideoque Oscæ vicina, &, quod Plinius addit, stipendiaria. Ipsius loci etiam vestigia & ambitus ostendunt, urbem in ripa maiorem,

quam mediterraneam cis Iberum fuisse, quantum nempe inter Calahorram interest & montanum oppidulum Loharram. Non pœnitebit laudati Archiepiscopi verba ex lib. II cap. XXVIII de Marca Hispanica relegisse: *Non puto, inquit, dubitari posse, quin eorum urbs* [Calaguritanorum Cæsaris lib. I Civ. cap. LX] *referenda sit ad eam, quæ hodie XII M. P. intervallo ab Osca visitur, vulgo Loharre dictam, ubi Romanorum ædificiorum vestigia superfuisse adhuc ætate sua, testatur Hieronymus Blanca in initio commentariorum suorum de Rebus Aragonensibus, ubi istius quoque opinionis, quam nos præferimus, se præstat auctorem. Sed qui sententiam illius sequimur in hoc loco, ab illius & ab Antonii quoque Augustini & Hieronymi Suritæ opinione discedere cogimur, existimantium, hanc Calagurim Oscæ vicinam, illique contributam, atque adeo Ilergetibus adscriptam, eam esse, quæ a Plinio vocatur cognomine Nascica, non autem Fibularensem. Duplex enim Calaguris a vetusto hoc scriptore commemoratur, Fibularensis nempe & Nascica. Calaguritanos qui Fibularenses, ut ille ait, cognominantur, fortassis a fibularum opificio, omnino arbitramur esse eos, qui contributi erant Oscensibus. Calagurim vero Nascicam inter colonias una cum Ilerda & Osca diserte recenset idem Plinius, æquior haud dubie erga tres illas ciuitates, quam fuerunt recentiores quidam, qui videntur illis inuidisse colonie dignitatem. Adeo altum est de illis silentium in eorum scriptis. Nec alia quam Nascica Calaguris & flumine Iberi adfusa Sertoriano bello, quid ultimum in fame esset, experta fuit. nam Strabo lib. III pag. III distincte prodit, postremum belli Sertoriani gestum esse præter alia loca καὶ ἐν Καλαγυρί τῶν Οὐασκῶνων πόλει, etiam in Calaguri, Vasconum vrbe, non illa quæ fuit Ilergetum. Sic Græci scribunt ρ simplici: & vno R in veteri inscriptione, quam Morales, ut dictum, edidit: quam scripturam ita præferendam ducimus, ut syllaba, quasi geminatum R fuisset, perinde producat. Quod ex poetis manifestum est. Prudentius Passione Cæsaraugustanorum XVIII Martyrum versu 31 Sapphico*

Nostra gestabit Calaguris ambos.

Et Paullinus Nolanus Carmin. x ad Ausonium vers. 231

Bilbilis huic tantum, Calaguris, Ilerda notatur.

LXIII.

Supereft Graccuris ex Ptolemæi vrbibus Vasconia. Origo fatis clara: non æque situs & positio. Epitome Liuii xli Ti. Sempronius Gracchus proconsul Celtiberos victos in deditionem accepit, monimentumque operum suorum Gracchurim oppidum in Hispania constituit. Idem adfirmat Festus Pompeius, & una vetus oppidi nomen ostendit. Gracchuris, inquit, vrbs Iberæ regionis dicta a Graccho Sempronio, quæ antea Illurcis nominabatur. Scribitur Gracchuris & Graccuris. Nummus Tiberii MVNICIP. GRACCV-
RIS; & alio cum boue vittato MVNICIP. GRACCVR. Ptolemæus Γρακ-
πῖς, qui cis Iberum situm dat, procul amotum a flumine, a quo in occasum so-
lis tantumdem spatii aut amplius Antoninus vel quisquis auctor est, redu-
cit. Itinere enim ab Asturica Tarraconem, hoc ordine collocatur:

Grac-

Graccurim

Balsionem

M. P. XXVIII

Cæsaraugustam M. P. XXXVI

Ergo LXIII M. P. ab Ibero & Cæsaraugusta afuit Asturicam versus & Palantiam. Hodie Agreda est prope Turiasonem : vnde martyres Graccuritanos in Martyrologio *Martyres de Agreda* appellari vir doctissimus Io. Harduinus obseruauit. Etiam *Cascantum* oppidum ex numero illorum est, quæ Vasconibus a Ptolemæo adscribuntur. Sic autem in Palatino codice legitur *Κάσκαντον*, quod male editum *Βάσκοντον* fuerat. Plinius lib. III cap. III : *Latinorum veterum, Cascantenses, Ergauicenses, Graccuritanos, Leonicensis, Ossigerdenses*. Nummus Tiberii M^VNICIP. CASCANTVM. Non difficilis inuentu eius positio est, quia nomen in oppido Cascante, inter Tutelam & Turiasonem sito, seruator. *Tutela* autem incerta antiquitas, nec quidquam de ea in vetustis libris aut monumentis. Hoc solum constat, quando Mauris erepta sit, nec priorem eius mentionem superesse in Notitia Vasconia vir industrius & sæpe a nobis laudatus Arnaldus Oihenartus pag. 84 adnotauit. Huic *Tarraga* Ptolemæi, vnde Plinii *Tarragenses*, est ipsa Larraga, inter Pompelonem & Iberum fere media ad Argam fluuium: quæ verisimilior est opinio, quam illa Harduini, qui Tarregam, leucis quinque ab Ilerda Barcinonem versus, interpretatur, vbi nihil Vasconia possessionis erat. Cetera, vt ignobiliora, prætermittamus, de nomine tantum *Vasconum* hoc notasse non alienum sit, Strabonem & Ptolemæum per Ω scribere, media syllaba porrecta: quam contra Latini poetæ corripunt. Iuuenalis Satyra xv vers. 93 de fame Caluguritana:

Vascones, hæc fama est, alimentis talibus olim

Produxere animas,

id est, carne humana. Prudentius Peristephan. I, seu Calaguritanorum Passione vers. 93

Iamne credis bruta quondam Vasconum gentilitas.

Et Paullinus Nolanus Carm. x ad Ausonium vers. 212

Sic Vascone saltu

Quisquis agit purus sceleris vitam inter iniquos.

LXIV.

Antequam per Pyrenæos montes ad alterum litus seu mediterraneum mare progrediamur, necesse est, etiam illas gentes Tarraconensis prouinciæ expediamus, quæ Callæciæ & Lusitaniæ a tergo in mediterraneis ad Iberum vsque fluuium obiciuntur. Magna nomina in Romanis historiis sunt *Vaccae, Pelendones, Areuacæ, Carpetani, Lusones, Oretani, Lobetani, Contestani, Edetani, Illercaones*, & imprimis *Celtiberi*, quibus nunc amplios, nunc angustiores terminos constituunt. Bellicosissimi enim fuerunt, atque multis sæpe populis imperauerunt, vt Celtiberia interdum maiorem Hispaniæ partem, a principe populo denominatam, comprehendat. Strabo lib. III pag. 88 *αὐξηθέντες οἱ Κελτίβηρες ἐποίησαν καὶ τὴν πλησιόχωρον πάντων ἐμῶν μὲν ἑαυτοῖς, Celtiberi, aucti potentia, a se etiam regionibus circumiacen-*

tibus nomen fecerunt. Cladibus vero Romani belli factum, vt ad eos fines, aut iis similes, redigerentur, quos Ptolemæus describit; & ceteris populis sui limites redirent. Strabo & Plinius in quatuor gentes diuisos fuisse tradiderunt: neuter plures quam vnam illarum nominauit, & Strabo quidem *Areuacas*, Plinius *Pelendones*: Vtrosque vero Ptolemæus a Celtiberis separauit. Ceteros duos Appianus nobis detexit, *Bellos* nempe & *Tutthos*, parum clara nomina. Nos Ptolemæi vestigia ita legemus, vt in oppidorum enumeratione consensum historicorum, vbicumque haberi potest, coniungamus, & eum in dubiis rebus malimus sequi, quam vnius peregrini geographi, qui Ptolemæus est, auctoritatem.

LXV.

Callæcis siue Gallæcis ad ortum solis adiacebant *Vaccæi*, ab Liuiio sæpe commemorati, quorum ex Ptolemæi dispositione fuit primum *Intercatia*, a pluribus memorata. Epitoma Liuii XLVIII L. Lucullus cum Claudio Marcello, cui successerat, quum laceffere omnes Celtiberiæ populi viderentur, *Vaccæos* & *Cantabros* & alias incognitas adhuc nationes in Hispania subegit. Ibi P. Cornelius Africanus, Scipio Aemilianus, L. Paulli filius, Africani nepos, sed adoptiuus, prouocatorem barbarum tribunus militum occidit: & in oppugnatione *Intercatiæ* vrbs maius multo periculum adiit. nam murum primus omnium transcendit. Singularis illa cum barbaro pugna apud eandem urbem commissâ fuit. Aurelius Victor de Viris illustribus in Scipione Aemiliano: *apud Intercatiam oppidum prouocatorem singulari prælio vicit.* Adde Appianum in Ibericis. Vetus inscriptio apud Gruterum pag. 324 num. 10 M. O. D. E. S. T. V. S. I. N. T. E. R. C. A. T. I. A. E. X. G. E. N. T. E. V. A. C. C. A. E. O. R. V. M. V. X. O. R. I. P. I. E. N. T. I. S. S. I. M. A. E. Situm Antonini Itinerarium describit, itinere ab Asturica per Pintiam & Cluniam ad Turiasonem & Cæsaraugustam, ita vt LX M. P. afuerit ab Astorga, vno interiecto oppido Brigeo. *Portam Augustam* nemo præter Ptolemæum memorauit. neque est vt credamus Plinii Nouam Augustam esse. hæc enim in Areuacis fuit, & in iis ab ipso Ptolemæo nominatim recensetur Νεδαυγῆσα appellata. Circumiacentia proxima tria oppida eiusdem Ptolemæi *Viminacium*, *Lacobriga*, *Segisama*, continenti sic serie etiam Itinerario traduntur, ab Asturica Burdigalam versus itinere. *Viminacium* XXXI M. P. a Pallantia: xv a *Lacobriga*, inter quæ medium est. Ptolemæi quidem Græcus codex corruptus in hoc nomine: Latina autem versio *Lacobriga*, qui sunt *Lacobricenses* a Plinio lib. III cap. III memorati: iidem forte Plutarchi Λαγγοβριται in Sertorio pag. 574. nam etiam geminata littera in nummo Galbæ scribitur LACCOBRIGA MVN. id est *Laccobriga municipium*. Alia vero *Lacobriga* in Lusitanis est, de qua supra diximus. A *Lacobriga* itidem M. P. xv abest *Segisamo*, quæ vrbs poterat Ptolemæi *Segisama Iulia* videri, nisi Plinius dicto loco distinguat *Segisamonenses* & *Semisameiulienses*. *Segisamonis* situm habemus ex Itinerario: *Segisama* si diuersa fuit, nobilioris vtique famæ fuit, quam situs nunc certus & definitus est: nisi in Ptolemæi numeris adquiescemus, qui eam Palantiæ a septemtrione opponit. Nobilitat autem ciuitatem & coloniæ dignitas,

& *Julia* agnominatio. Nummus Tiberii, COL. IVL. SEGISAMA. Accedit in hitoriiis eiusdem clara mentio, Flori lib. iv cap. xii, Augustum Cantabrico bello in eam deuenisse: & Polybii apud Strabonem.

LXVI.

Reliqua Vaccæorum oppida secundum Ptolemæum, eaque memorabilia, sunt *Palantia*, *Cauca*, *Pintia*. Prima *Palantia*, Appiano & Ptolemæo *παλαντία*, cuius ciues Plinio *Pallantini*; (nam *Pallantia* & *Palantia* scribitur) cum per se nota est, quia nomen hodieque seruat in Legionis regno *Palencia*; tum ex Itinerario Antonini de situ eius constat. Claram antiquitus fuisse Pomponius Mela lib. ii cap. vi testis est. *Urbium*, inquit, *de mediterraneis in Tarraconensi clarissimæ fuerunt, Pallantia & Numantia: nunc est Cæsaraugusta*. Appianus in Iber. pag. 482 *ἐπὶ δὲ Παλαντίαν ἤει πόλιν, ἣ δόξαν τε ἀρετῆς εἶχε μέγαν*, Inde *Pallantiam* itum est, urbem virtutis fama clariorem, quam *Intercatia*, vnde egressi fuerant. *Cauca* etiam nobilior vrbs, sed positionis dubiæ. Plures putant *Cocam* esse nominis inducti consonantia: quod vero hæc trans *Durium*, ceteræ omnes Vaccæorum vrbes quas enumerauimus, cis illud flumen sunt; suspecta interpretatio videri potest. Sed iuuat Appianus sententiam receptam, quia *Lucillum* Celtiberico bello ex inferiori Hispania aduersus *Caucæos* profectum, flumen *Tagum* dicit, pag. 478, non *Durium* traiecisse. Nempe *περάσας τὸν ποταμὸν, τὸν καλούμενον Τάγον, ἀφίκετο πρὸς Καύκαν πόλιν, καὶ παρεστρατοπέδευσεν, traiecto anni, quem Tagum appellant, ad Caucam urbem peruenit, & eam circumfedit*. Ex quo non dubie probatur, quod tantummodo *Tagi* traiectus memoratus est, antequam ad *Caucam* perueniret; adeunti *Lucullo* non trans *Durium* urbem, sed citra illum, hoc est, inter *Durium*, & *Tagum* sitam fuisse, *Durio* tamen propiorem quam *Tago*, vt situs *Cocæ*, quæ hodie est, ostendit. Calamitatem vrbis a *Lucullo* contra foedus illatam, & inde ortam Romanis infamiam, siue, vt Appianus appellat, *δόξαν κακὴν*; ex eiusdem descriptione intelligimus. Hanc de *Cauca* opinionem plus *Zosimus* perturbat, quum de *Theodosio*, qui inde ortus fuit, lib. i v cap. xxiv scripsit: *αἰρεῖται τῆς βασιλείας κοινὸν Θεοδοσίον, ἐκ μὲν τῆς ἐν Ἰβηρίᾳ Καλλεγίας, πόλεως δὲ Καύκας ὀρμώμενον*, hoc est [*Gratianus*] *imperii socium Theodosium legit, ex Hispanicæ Callegiæ vrbe Cauca ortum*. Nemo non videt, *Callæciam* corrupto illo vocabulo notari, in qua si *Cauca* sita fuit, frustra ad Vaccæos illa, qui multo citiores sunt, refertur. Sed tanti non est in hac causâ *Zosimus*, vt de *Plinii* nos sententia & *Ptolemæi*, qui in Vaccæis ponunt, depellat: quin potius *Zosimum*, si non errasse, tamen singulari opinione fuisse iudicamus, dum ampliores *Gallæciæ* fines, quam ceteri solent, adsignauit, vt Vaccæorum quoque contineat regionem. Facilis etiam error in vicinis, quia *Vaccæi* & *Gallæci* sunt ὁμόριοι. Præterea *Pintia* *Ptolemæi* est, quam plures ponunt in loco eximie nunc vrbis *Vallisoleti* siue *Valladolid*. *Mariana* lib. x cap. vii *Pincia*, quæ nostris *Vallisoletum* esse creditur in Vaccæis: alii ad latus paullo ab illa vrbe deducunt. Antonini Itinerarium inter *Cluniam* & *Intercatiam* ponit mediam, itinere ab *Asturica Cæsaraugusta* per *Cantabri-*

am: estque ab Asturica cvi m. p. Tandem *Rauda* quoque Vaccæorum fuit, quam idem Itinerarium inter Pintiam & Cluniam constituit, vtrique proximam, nulla vrbe interiecta. Et hæcenus de Vaccæis.

L. XII.

Sequuntur *Areuacæ* Strabonis & Ptolemæi, de quibus ita Plinius lib. iii cap. iii, *Areuacis nomen dedit fluvius Areua. Horum sex oppida: Saguntia & Vxama; præterea Segouia, & Noua Augusta; Termes, ipsaque Clunia, Celtiberiæ finis.* Ptolemæus prætermittit Saguntia addit *Numantiam & Velucam*, & alia quædam obscuriora. De singulis breuiter, quæ inueniri possunt, adferemus. *Saguntia*, quæ & *Seguntia* ac *Segontia* dicitur, illa vrbs est, de qua Liuius lib. xxxiv cap. xix, *Consul audito Seguntia Celtiberum omnes sarcinas impedimentaue relicta, eo pergit ducere ad oppugnandum.* Vetus inscriptio apud Gruterum pag. 324 num. 2

C. ATILIO C. F. QVIR. CRASSO SEGONTINO.

Itinerarii auctor duas Segontias vno itinere ab Emerita Cæsaraugustam tradit, vnam inter Complutum & Bilbilim; alteram inter Bilbilim & Cæsaraugustam. Prior illarum est, quæ *Areuacis* vindicatur. Qui locorum periti sunt iudicant esse urbem Siguenzam, ad fontes amnis, Complutum adluentis, qui hodie vocatur Henarez. Aliam Segontiam in Bætica supra exposuimus; & iterum aliam *Segontiam Paramicam* Ptolemæus ponit in *Var-
dulis*. Hoc de prima Plinii vrbe. Secunda est *Vxama*, Ptolemæo *Ὀξανα Ἀργέλας*, vel vt Palatinus codex habet, *Αργαῖλας*: in Itinerario inter Cluniam & Numantiam posita, itinere ab Asturica Cæsaraugustam. Floro est *Auxima* lib. iii cap. xxii extremo corrupte. nam veram scriptionem vetus lapis Compluti conspectus, ostendit apud Gruterum pag. 693 num. 8

LICINIUS IULIANVS

VXAMENSIS

ANN. XX. H. S. EST

IULIA MATER F. C.

Hodie el Borgo d' Osma dicitur, nomine veteri non penitus extincto; & adiacet amni Durio.

XVLI.

Illustre nunc nomen *Segouia* siue *Segobia*, quæ *Γεγασία* Ptolemæi est, ad se nos aduocat, nisi retrahet Harduinus, qui *Areuacarum Segouiam*, Plinio & Ptolemæo memoratam, dicit non illam esse mediam inter Madridum & Vallisoletum, quæ mirabiles aquæductus cum *Segouia* nomine conseruat: sed vrbeculam, quæ sub eadem cæli parte atque *Numantia*, eodemque situ a Ptolemæo collocetur. Hæc numeris confusus Ptolemæi scripsit, qui si recti sunt, eadem longitudo *Segobia* est & *Numantie*; latitudo in septentrionem, quam *Numantie*, eleuatio. Quum vero numeri illi sæpe fefellerint, & plura in Hispania conturbet alibi Ptolemæus, nolim sola illius iussione a celebriori *Segouia* ad ignobilem obscuramque diuerti. Fateor, celebrem illam urbem pæne extra fines *Areuacarum* esse: sed esto, quod satis sit, in limine fuisse, id quod vt credam, facilius adducor, quia & Plinius & Ptolemæus & Itinerarii auctor tantum vnam *Segouiam* habent, nec ipsi
Hispa-

Hispani aliam in his circa Durium oris ostendunt, aliam demum prope Cordubam ad Bætin, de qua Valsæus pag. 91 consulatur; quæ nihil cum nostra, ut alieno situ, commune habet. Quod si omnino etiam positio repugnaret, quæ vero non plane aliena est: tamen vel nominis & famæ causâ illustre opus explicaremus, quod nihil certi constat, cui alii hoc genti sit adscribendum, nec alia forsân se offert ad prædicandum illud occasio. Est enim hæc Segobia vel Segouia hodieque conspicua, cum ob alias rationes, tum maxime propter mirandum aquæductum, ex Traiani ævo, ut putatur reliquum, de quo Marineus Siculus lib. i Rer. Hisp. tradit, se vltra septingentos in Hispania pontes numerasse, sed nihil vidisse, quod cum hoc arcu seu aquæductu & ponte Alcantarensi conferri possit.

LXIX.

In Plinianis Areuacarum oppidis *Nova Augusta* succedit, nec alii memorata, nisi Ptolemæo, quamvis ille in nomine aliquid corrupit, *Νουδαυχούσαν* scribens, pro *Νεοαυχῆσα*, vel *Νέα αὐχῆσα*. Ad *Termestinam* ergo urbem progredimur, cuius *Termes* nomen est apud Plinium & Florum; & *Τέρμες* quoque apud Ptolemæum: *Τερμισὸς, μεγάλη πόλις, Termisus, magna urbs*, Appiano pag. 535. Hodie multis *Lerma* est, sita ad fluuium *Areuam*, qui nunc *Arlanza*: aliis ad Durium, *Nuestra Sennora de Tiermes*. Ciues *Termestini* vocantur, socii *Numantinorum*. Liuii epitoma LIV *Q. Pompeius consul in Hispania Termestinos subegit: cum eisdem & Numantinis pacem ab infirmitate fecit*. Et Tacitus annali iv cap. XLV *nationis Termestinae* dicit fuisse, qui prætorem Hispaniæ citerioris L. Pisonem ex improviso in itinere adortus, vno vulnere in mortem adfecerit. An eadem sit *Termantia* Appiani, quæ Plinii *Termes*: & *Termantini* apud eundem, qui Liuii *Termestini*, non liquido constat. *Termantini* prope *Numantiam* fuerunt. De eodem *Q. Pompeio*, quum nihil ad *Numantiam* perficeret Appianus dicit pag. 506, *μετέβαινεν ἐπὶ Τερμαντίαν ὡς εὐχερέστερον ἔργον, Termantiam castra promouit, tamquam ibi minus negotii habiturus: & paucissimis interiectis; τὴν ἀγορὰν αὐτῷ φέροντα χιλίαρχον οἱ Τερμαντεῖς ἐτρέψαντο, tribunum militum, qui commeatum aduehebat, Termantini in fugam verterunt*. Multis ergo iidem sunt, qui *Termestini*; & eadem *Termes*, quæ *Termantia*. Hoc autem me dubium reddit, quod non credibile, vnum auctorem eodem libro, & eiusdem belli descriptione, vnam urbem nunc *Τερμαντίαν*, nunc *Τερμισὸν* appellare.

LXX.

Vltima urbium in Areuacis in Celtiberiæ conlimitio posita, fuit *Clunia*, omnium post *Numantiam* deletam clarissima, Romana colonia, & iuridici conuentus amplissimi sedes. Hæc de ea ex Plinio. Situm Antonini Itinerarium monstrat, inter *Raudam* & *Vxamam* fere medium, ab illa xxvi m. p. ab hac xxiv, quo loco nunc pagus superest ad Durium amnem. In historiis rarum nomen, nec fere nisi Dionis Casii lib. xxxix pag. 115 referentis de rebellibus Hispanis, quod Metello Nepoti, *πολιορκῶντι Κλευνίαν, ἐπελθόντες ἀμείνους ἐγένοντο καὶ ἐκείνην μὲν περιεποίησαντο, obsidenti Cluniam super-*

venientes, vicerint ipsum, ac urbem in suam redegerint potestatem. Crebrior mentio in nummis. Vaillantius tres promit cum nominibus quartumviro-
rum CLVNIA inscripti: Golzius autem habet signatum COL. CLVNIA:
& alium MVN. CLVN. id est, *municipium Cluniense*. Hæc de sex urbibus
Plinii in Areuacis.

LXXI.

Ptolemæus addit *Numantiam & Velucam*. Nobilissima Numantia,
Hispaniæ decus, vt Florus vocat, quod ex bello Numantino constat: quam
licet deleuerint Romani Scipione Aemiliano duce; non tamen dubitan-
dum est, quin post ea instaurata fuerit, quia non tantum Ptolemæus eam me-
morauit, sed Antoninus quoque, itinere ab Asturica Cæsaraugustam; qui
etiam situm determinat, inter Vxamam & Turiasonem, interiectis tamen
aliis. Durius præterfluit, vt Strabo dicit lib. iii pag. 112, sed recens ille &
fontibus suis propinquus. Florus Bello Numantino & situm & virtutem
ita describit: *Sine muro, sine turribus modice edito in tumulo apud flumen
Durium sita, quatuor millibus Celtiberorum, quadraginta millium exercitum
per annos quatuordecim sola sustinuit: nec sustinuit modo, sed sæpius aliquan-
do perculit, pudendisque fœderibus adfecit. Quod instar Spartæ sine muro fu-
isse dicit, forte solus dicit, & Strabo dicto loco videtur τὸ τείχος, murum
meminisse, sed obscuris ceteris: & Appianus ἐπιτείχιον, sed ita dubie, vt,
urbisne fuerit an castrorum Scipionis, non facile diiudicetur. Paullus
Orosius lib. v cap. vii explicatius proponit, quæ breuius superiores. Nu-
mantia, inquit, haud procul a flumine Durio tria millia passuum in ambitu
muri amplexabatur: quamvis aliqui adserant, eam & paruo situ, & sine muro
fuisse. Vnde credibile est, quia hoc spatii cura alendorum custodiendorumque
pecorum, vel etiam exercendiuris commodo, quam bello premerentur, incluse-
rint: ipsi arcem parvam, natura munitam obtinentes. Alioqui tantam pau-
citatem hominum tam amplum urbis spatium non munire magis, quam prodere
videbatur. Commentarii loco possunt esse, quæ Ioannes Mariana lib. iii
ineunte tam de muro, quam de situ urbis & vestigiis a se inspectis prodidit:
In extremo, inquit, Celtiberiæ ad septemtrionem angulo sita fuit, atque in Are-
uacis, quatuor amplius millibus supra Soriam ad Garai pontem, non procul ab
ortu Durii fluminis eius urbis vestigia monstrantur. Natura loci, quam arte
munitior fuit, in cliuo posita molli quidem adscensu, aditu tamen difficili, quod,
tribus ex partibus, montibus ambiatur, vno tantum latere in planiciem desinen-
te, prouentu fertilem, & secundum Teram amnem duodecim millia, quousque in
Durium profluit, protensa. Lacedæmoniorum instituto nec mœnibus munita
erat, nec turribus circumvallata, & ad gregum pascendorum commoditatem re-
munita erat, vnde laceffenti hosti repugnare soliti erant, in eamque fortunas o-
cines in belli discrimine conferre. Præterea Ptolemæus etiam Velucam adie-
cit, quam Antoninus Volucem dixit, xxv m. p. a Numantia in occasum remo-
ta, eodem itinere, quod ab Asturica Cæsaraugustam per Cantabriam fere-
bat.*

bat. Hæc de Areuacis, qui primo casu *Areuaci* & *Areuacæ* appellantur, illo modo a Strabone & Plinio; hoc, a Ptolemæo.

LXXII.

Proximi Areuacis supra Numantiam erant *Pelendones*, quem populum vetus inscriptio apud Gruterum pag. III num. 5 littera duplici notat:

GENIO LOCI

PELENDONES

AREACON.

Plinius & Ptolemæus scribunt L simplici. Ille [Plinius] lib. III cap. III vocat *Pelendones Celtiberorum*: & lib. IV cap. XX *Durius amnis ex maximis Hispaniæ, ortus in Pelendonibus, & iuxta Numantiam lapsus: dein per Areuacos Vaccaeosque, determinatis ab Asturia Vettonibus, a Lusitania Gallecis, ibi quoque Turdulos a Bracaris arcens.* Ptolemæus tres vrbes illis tribuit, *Visontium, Augustobrigam, & Sauiam.* Idem *Visontium* paullisper deducit ab Augustobriga & Sauia in austrum, *Sauiam* ab vtraque nonnihil in ortum: *Augustobriga* itinere Antonini ab Asturica Cæsaraugustam inter Numantiam & Turiasonem media locatur, ab illa XXIII; ab hac XV M.P. reducta. Plinius Numantiam in Pelendonibus scribit, quæ ceteris est in Areuacis.

LXXIII.

Areuacorum ab austro vicini *Carpetani*, Plinio *Carpetani ad Tagum* lib. III cap. III: Polybio lib. III cap. XIV *Καρπησιοί*, qui an iidem sint, qui Liuii *Carpesii* lib. XXIII cap. XXVI, dubitat Ludouicus Nonius in sua Hisp. cap. XLV. Regio *Carpetania*: maior gens, quam Pelendones, & pluribus oppidis exculta. Caput secundum Plinium *Toletam* est lib. III cap. III. Seruat nomen vrbs incluta ad Tagum, ideoque certæ sedis, etiam ex Antonino nota & Ptolemæo. Incolæ Plinio *Toletani*, & inscriptionibus. Adiacet *Complutum* Ptolemæi ac Antonini, quod nemo dubitat Alcalam de Henarez esse. ciues *Complutenses* Plinio dicto loco. Martyres eius Iustum & Pastorem laudat Prudentius hymno IV Peristeph. vers. 41

*Sanguinem Iusti, cui Pastor hæret,
Ferculum duplex, geminumque donum,
Ferre Complutum gremio iuuabit*

Membra duorum.

LXXIV.

Inter Complutum & Toletum *Titulcia* Antonini, itinere ab Emerita Cæsaraugustam. Ad latus occiduum Compluti *Mantua* Ptolemæi, in loco fere vbi hodie regia Hispanorum Madrid: aut proxime eam in pago exiguo Villamanta, teste eodem Ludouico Nonio cap. LXXI. Durium versus *Ilurbida* & *Etelesta* fuerunt eiusdem Ptolemæi; qui Plinii *Egelestani* lib. III cap. III: Prope Tagum *Aebura* Liuii lib. XL cap. XXX & XXXIII, & Stephani *Αἰβουρα* ex Strabone: forsan eadem, quæ *Libora* Ptolemæi. Et *Hippo* Liuii in his oris fuit. Libro XXXIX enim, cap. XXX dicit, *Haud procul Hippone & Toletu urbibus inter pabulatores pugna orta est.* Ergo hæ finitimæ vrbes fuerunt Hippo & Toletum.

LXXV.

Celebratior *Contrebia* eiusdem Liuii lib. XL cap. XXXIII, quam & Velleius lib. II cap. V, Valerius Maximus lib. II cap. VII exempl. 10, & Florus lib. II cap. XVII memorauerunt. In limite Celtiberorum fuit, vti ex Liuiio coniicitur. *Sauciis*, inquit, *in oppidum Aeburam deuectis, per Carpetaniam & Contrebiā ductæ legiones. Ea vrbs obsessa, quum a Celtiberis auxilia arcesfisset, & reliqua.* Videtur etiam in Valer. Maximi lib. V cap. I exemplo 5 pro Centobrica *Contrebia* legendum, quia eandem historiam Velleius & Florus dictis locis *Contrebiæ* tribuunt.

LXXVI.

Nec *Laminium* ignobile fuit, quod vltimum Ptolemæus in Carpetanis ponit. Situm dat Antonini Itinerarium VII M. P. a capite Anæ, vnde per duas mansiones Toletum iter est. Idcirco Plinius lib. III cap. I dixit: *Ortus Anas Laminitano agro citerioris Hispaniæ.* Idem cap. III *Laminitanos* ad Carthaginiensem conventum transcribit, quamlibet longius inde remotos; ne tamen hi vltimi, qui ius inde petebant. Inter Laminium & Toletum est *Consabrum* Antonini, qui Plinii sunt *Consaburenses* lib. III cap. III in conuentu, quem modo dixi, Carthaginienfi. Vetus inscriptio apud Gruterum pag. 402 num. 5: *II VIR MVNIC. CONSABVRON.* & alia pag. 909 num. 14

Q. DOMITIVS Q. F. MACER
CONSABVRENSIS

L. P. IN FRONT. XV IN
AGR. P. XX

Addit Ptolemæus *Ilarcurin*, obscurum oppidum, quod vero etiam Antonini itinere ab Emerita Cæsaraugustam, inter Sisaponem & Laminium inuenitur, vna littera truncatum *Larcuris*. Hæc quoque de Carpetanis, quos Polybius lib. III cap. XIV *Χερδὸν ἰχυρότατον ἔθνος τῶν κατ' ἐκείνης τῆς τόπης*, totius illius tractus fere validissimam gentem laudauit.

LXXVII.

Carpetanos attingunt *Oretani* inter Anam & Bætin fere extensi, sed vtrumque fontibus propinquiorem. Nomen dat *Oretum*, Ὠρητον Γερμανῶν, *Oretum Germanorum* Ptolemæo: quæ & Ὠρία *Oria* est, & regio *Oretania*. Strabo lib. III pag. 105, τῆς Ὠρητανίας κρατιστεύουσα ἐστὶ πόλις Κάσθλον, καὶ Ὠρία, *Oretaniæ princeps vrbs est Castulo, & Oria*. Dicitur etiam *Orisia*. Stephanus Byzantinus Ὠρισία πόλις Ἰβηρίας. τὸ ἐθνικὸν, Ὠριτανός, *Orisia vrbs Hispaniæ: gentile, Oritanus*. Addit ex Artemidoro easdem vrbes, quas Strabo, *Orisiam & Castulonem*, nominibus leuiter prauatis, quæ restituiimus. Tarapha *Oretum* Calatrauam interpretatur, de quo dubitat Ludouicus Nonius in Hispania cap. LXII.

LXXIIX.

Celebrior *Castulo* ad Bætim amnem, bello Punico clarissima, patria Imilces, quæ vxor fuit Hannibalis, quod ex Liuii lib. XXIV cap. XLI clarum est. Silius Italicus lib. III vers. 391

Fulget

Fulget præcipuis Parnassia Castulo signis:

Idem ante paullo vers. 97

Cirrhei sanguis Imilce

Castalii, cui materno de nomine dicta

Castulo, Phœbei seruat cognomina vatis.

Parnassia ideo & Castalia origo nominis, quia fingunt, Phocensium coloniam esse, de quo plura ad Sili locum notauimus. Siue vere ita fuit, siue fictum est a poetis; non tamen ratione caruit illa fictio, siue fama fuit & opinio. Nam, ut Ludouicus Nonius cap. LXIV tradit, mons vrbis biuertex est, ut Parnassus: ab vno latere tenuis scaturigo, non impar Castalio fonti: etiam numismata ibi reperta, quæ alatum Pegasum referebant. Sed lusum ita esse, vera nominis origo, a Bocharto tradita, ostendit, quippe a crepidine fluvii (Arab. *شبر*) deriuat, & ex Strabone confirmat, qui Bætım ad hanc urbem propter *ῥαχέας ὄρεων* rupes anni imminentes, negat esse nauigabilem. Vrbs valida fuit & municipium. Vetus inscriptio apud eundem Nonium: SACERDOTI MUNICIPII CHASTVLONENSIS. Plinius lib. III cap. III de conuentu Carthaginensi: *ex colonia Salariensi oppidani Latii veteris Castulonenses, qui Cesari Venales appellantur.* Ex hoc Harduinus reprehendit Ptolemæum, qui duo diuersa Oretanorum oppida Salariam & Castulonem fecerit. Mox enim in Bastulis sequetur *Salaria*, ex qua colonia videntur quidam Castulonenses deducti. Ad situs *Castulonensis saltus* a Liuiο non semel memoratus. Lib. XXVI cap. XX *supra Castulonensem saltum*: & lib. XXVII cap. XX, *quum Scipio saltu Castulonensi excessisset.* Mariano monti cohærere inde a Corduba huc procurrenti, supra dictum est.

LXXIX.

In ortum paullo a Castulone recedit *Mentissa* Liuii. Lib. XXVI cap. XVII *Is locus inter oppida Illiturgim & Mentissam*, locus scilicet castrorum Asdrubalis. Ptolemæi est *Μέντισσα*. Plinio *Mentesani* qui & *Oritani*, distincti a *Mentesanis* Bastulis. Ergo & *Mentesa* scribitur. Recte. nam sic etiam veteri inscriptione apud Gruterum pag. 384 num. 2

D. M. S

CALPHURNIAE L. F. SCVNDVRAE

HVIC ORDO MENTESAN. FVN

DVM PATRIAE PVB. OB MER.

DEDER.

LXXX.

A Mentesa non longe *Tugiensis saltus* distat, ab oppido *Tugia* dictus, in quo fontes sunt Bætis fluii. Plinius lib. III cap. I *Bætis in Tarracōnensis prouinciæ*, non ut aliqui dixere, *Mentesa oppido*, sed *Tugiensi exorienz saltu*. Oppidi *Tugie* meminit Antoninus itinere a Castulone Malacam, XXXV M. P. a Castulone distantis. Ultra erat *Ilorci*, hodie Llorca vel Lorigui, ad *Taderem* fluuium. Plinius dicto loco: *Iuxta quem* (Tugiensem saltum) *Tader fluuius*, qui Carthaginensem agrum rigat, *Ilorci refugit Scipionis rogam*,

rogum, versusque in occasum Oceanum Atlanticum, prouinciam adoptans, petit. Ob flexum illum, quidam in Bæticam transsumunt.

LXXXI.

Eodem tractu quamquam incerto loco, in Oretanis fuit *Biatia* Ptolemæi, qui sunt *Viatenses* Plinii. In Thesauro Brandenburgico nummus est, inscriptus *BIATE*, quem huc refert nobilissimus vir Laurentius Beger p. 522, secus ac clari viri Io. Harduinus & Iacobus Wildius ad Messeniam, in qua fluuius eius nominis est, reducant. Ignota sunt Ptolemæi *Ceruaria*, *Bergula*, *Lacuris*, *Lusparia*, quæ idcirco prætermittenda censemus. In septemtrionem & ad Anæ fontes reuertimur, vbi oppida Ptolemæi sunt *Libisoca*, *Aemiliana*, *Salica*, & *Merobriga*, omnia in Oretanis recensita. *Λιβισόκα*, *Libisoca* Ptolemæi, est *Libisosa* Antonini, itinere a Laminio Cæsaraugustam, distans ab Anæ capite VII M. P. Eadem Plinii est *Libisofona*, quod vt plenius est vocabulum, ita quod genuinum oppidi nomen sit, non difficulter inuenitur. Vetus inscriptio apud Gruterum pag. 260 num. 3 imperatori Marco Antonino sacra, *COLONIA LIBISOSANORVM* plenis litteris exscriptum habet. *Libisofanus* autem ex media forma, quæ Antonini Itinerarii erat, est deductum, ideoque illa præferenda: Ptolemaica autem emendanda, quia κ in locum σ manifesto errore irrepsit. Situs iam ante ex Itinerario remonstratus est. *Aemiliana* (puto *Castra* subaudiri) a Ptolemæo in occasum versus ponuntur a *Libisosa*, quæ prope fontes Anæ erat; *Salica* inter vtrumque oppidum in austrum declinat. De *Merobriga* autem, siue *Mirobriga*, vt Palatinus præfert, vereor, ne illarum vna sit, in Lusitania quæ describuntur: aut si diversa est, nominum æqualitate dubitatur, vbi quæque sita fuerit, & quæ ex multis sit illustrior, cui antiquæ inscriptiones & aliæ laudes possint accommodari. Tales sunt quæ partim supra sunt productæ pag. 76: *ORD. MEROBRIG.* & quam Gruterus pag. 257 num. 2 commendat *MIROBRICENSIVM MVNIC.* dicato Aelio Adriano Antonino. Et de Oretanis hætenus.

LXXXII.

Nunc *Olcades*, alium populum, accedimus, a Polybio, Liuiio, Stephanoque Byzantio commendatos. Sed de his quoque quod dubitemus non deest, quam ne id quidem certo sciamus, ex quo latere Oretanis aut Carpetanis appositi fuerint. Liuius lib. XXI cap. v de Hannibale: *In Olcadum fines prius (ultra Iberum ea gens, in parte magis quam in ditione Carthaginiensium erat) induxit exercitum, vt non petisse Saguntinos, sed rerum serie finitimis domitis iungendoque tractus ad id bellum videri posset.* Victi ab Hannibale, Carpetanes concitant, eisque contra communes hostes se coniungunt. Polybius eandem historiam texens lib. III cap. XIII seq. primum *Ὀλκαδῶν ἔθνος* *Olcadum gentem*, dein Vaccæos, & postea omnes ultra Iberum populos adgressum Hannibalem, Carthaginiensium potestati subiecisse tradit, vt omnibus in ditionem redactis, soli Saguntini restarent, bellorum nexu ex finitimis subiugandi. Nihil ex his de sede certa cognosci potest. Nec plus addit Stephanus ille urbium & populorum descriptor, quam ex Polybio, ad quem

quem prouocat, ἔθνος Ἰβήρων, τῶν ἐν τῷ Ἰβήρῳ τῷ ποταμῷ, gentem esse Hispanorum; qui intra Iberum habitent. Quum vero primariam eorum urbem exponit, quam *Althæam* Polybius vocat, ex quo Liuius dicto loco corrigendus est, * in quo *Carteia* legitur; Olcades πλησιοχώρῃς Καρχηδόνος, finitimos *Carthagini Nouæ* esse pronuntiat. Sic ab austro essent Oretanis adiiciendi. At peritisimi rerum Hispanicarum Aelius Antoninus Nebrissenis, & Io. Mariana, quem Ludouicus Nonius in sua Hispania cap. XLV I sequitur, *Althæam* in regno Toletano ponit prope urbem *Ocanna* hodie dictam, decem circiter leucis a Toletano in ortum remotam. Nec id alienum a Liuii descriptione est, quæ magis in media Hispania, quam in ora eius videtur Olcades locare. Præter *Althæam* autem de Olcadibus nihil memoriæ est proditum.

LXX XIII.

Expositis his nationibus quæ principi genti *Celtiberis* a tergo sunt, id est ab occasu solis; ad ipsam *Celtiberiam* explicandam adgredimur. Supra autem diximus, non ab omnibus eosdem limites Celtiberiæ constitui, sed pro potentia gentis & felicitate nunc amplioribus extendi, nunc includi post Romanum bellum angustioribus, quos in præsentem etiam, uti a Ptolemæo definiti sunt, persequemur. Caput Celtiberiæ, ut Plinius dixit lib. III cap. III, est *Segobriga*, quæ ut ex Strabone pag. 112 & Ptolemæo apparet, haud longe illinc a Numantia fuit, hinc a Bilbilitano oppido. Nec vero Hispani in situ consentiunt, aliis aliam respicientibus. Nummi & inscriptiones an huc pertineant, incertum æque est, Vaillantio falsum; quia hæc vrbs, quamlibet clara gentis suæ & magna, tamen ab Romanis, haud dubie gentis odio propter diuturnum bellum in stipendiariis relicta sit, quibus ius monetæ cudendæ permissum nunquam fuerit. Plinius enim lib. III cap. III in Carthaginensi conuentu: *Stipendiariorum autem celeberrimi, Alabanenses, Bastitani, Consaburenenses, Dianenses, Egelestani, Ilorcitani, Laminiani, Mentefani, qui & Oritani, Mentefani qui & Bastuli, Oretani qui & Germani cognominantur; caputque Celtiberiæ Segobrigenses.* Ex dissensione autem de loco Segobrigæ duas Segobrigas Io. Vaillantius ad nummum Tiberii, quo SEGOB-RICA in querna scriptum est, distinguit, alteram Plinii stipendiariam, de qua diximus: alteram incerto loco, veteris Latii iure donatam. *Segobriga*, inquit, *vrbs gemina Hispaniæ Tarraconensis, altera in Valentino regno ad Turulim fluuium; altera in regno Castellæ ad montis Orospe dæ radices & Duratonam fluuium: hæc Sepulueda quibusdam: illa Cabezza del Griego, aliis Segorve.* Sed quæ Celtiberorum vrbs, immo ipsorum caput a Plinio lib. III cap. III dicitur; & a Strabone lib. III, & a Ptolemæo lib. II cap. VI Numantiæ proxima ponitur. - - - De utrisque Segobrigæ situ ambigitur, & non parua inter recentiores de ipsa contentio. In dubiis itaque res, dum certiora inuenientur, relinquenda est, tantum hoc addito, urbem Segorue in Valentino esse ad flumen Mouedre; Cabezza del Griego vicum in Castella Noua.

N 3

LXXXIV.

* Fortasse correctione superfedere possumus. nam nomen *Carteia* potuit natum esse e Phœnicio vocabulo, urbem signante, propter *Althææ* excellentiam. Sic *ἄστυ* pro *Athenis*, *ῥῶμα* pro *Roma* vulgò ponebatur.

LXXXIV.

In Celtiberiæ oppidis, quæ certiora sunt, est *Turiaso* vel *Turiasso*, Ptolemæo *Τῦριασσά*: Plinio *Turiasonenses* in Cæsaraugustano conuentu. Augusti nummus, M.VN. in querna, supra quam TVRIASO: & Tiberii, M.VN. TVR. DIVVS AVGVSTVS, hoc est, *municipium Turiaso*. Situs certus, quia hodieque superest, nomine non penitus abdicato, *Tarazona*, ut constanter Hispani tradunt, & Antonini Itinerarium confirmat, itinere ab Asturica Cæsaraugustam. Nobilis, ferri gloria, quam aquæ suæ debet, perinde ac Bilbilis, quas idcirco Plinius lib. xxxiv cap. xiv æquavit.

LXXXV.

Celebratior tamen *Bilbilis*, alumni ingenio, Martialis poetæ, illustrata. Hic lib. x epigrammate ciii

*Municipes, Augusta mihi quos Bilbilis acri
Monte creat, rapidus quem Salo cingit aquis.*

Cognomen *Augustæ* etiam in nummis est Tiberii: M. AVGVSTA BILBILIS TI. CAESARE III, id est, *municipium Bilbilis Tiberio Cæsare tertium consule*. Et alio eiusdem: M. AVGVSTA BILBILIS TI. CAESARE V. L. AELIO SEIANO. Iterum Martialis eiusdem libri epigrammate ultimo ad librum suum:

*Et cursu facili, tuisque ventis
Hispanæ pete Tarraconis arces.
Illinc te rota tollet, & citatus
Albam Bilbilin, & tuum Salonem
Quinto forsitan effedo videbis.*

Flumen igitur, quo ferrum temperatur, ille *Salo*, qui præterfluit; inde etiam *Bilbilis* dictus ab Iustino lib. xlii cap. iii. *Nec ullum*, inquit, *apud eos telum probatur, quod non aut Bilbili fluuiio, aut Chalybe tingatur*. Eundem enim Salonem & Bilbilim esse censet etiam Hieronymus Paullus, Barcinonensis de Flum. Hisp. Nec gloriam illam ex fodinis habet. Plinius dicto lib. xxxiv cap. xiv de ferri differentia: *Summa differentia in aqua est, cui subinde candens immergitur*. Hec alibi atque alibi utilior nobilitavit loca gloria ferri, sicut *Bilbilin in Hispania & Turiasonem, Comum in Italia, quum ferraria metalla in his locis non sint*. Quanta autem ferri Bilbilitani siue chalybis præstantia fuerit, idem lib. iv epigram. lv prædicavit:

*Nostræ nomina duriora terræ
Grato non pudeat referre versu:
Sæuo Bilbilin optimam metallo,
Quæ vincit Chalybasque Noricosque.*

LXXXVI.

Inde absunt xxiv m.p. in occasum solis *Aquæ Bilbilitanæ*, Antonini itinere ab Emerita Cæsaraugustam, quæ, ut solent huius nominis, ægrotantibus salutares sunt: quum ipsa *Bilbilis* a Cæsaraugusta distet m. p. li. Circa Bilbilim sunt itidem ex Itinerario nota oppida *Balsio*, xx m.p. a Turiasone, quod

quod videtur *Belsinum* Ptolemæi esse, si per numeros eius licet: *Nertobriga* Ptolemæi eiusdem & Antonini, nisi forsan *Nergobriga* legendum est. nam Appianus in Ibericis sæpe habet *Νεργόβριγες*, quam vetustam lectionem esse, ex Suida constat, qui, in *μετριοπαθείν* eodem modo Appiani verba pag. 475 ed. Toll. refert: *Νεργόβριγες δ' αὐτῶ περὶ τῆς μετριοπαθείας πυνδόμενοι. Νερ-
gobriges, cognita Marcelli moderatione, ac reliqua. Quod vero Itinerari-
um Ptolemæo consentit, nihil mutandum in nomine censemus. Urbem
non mediocrem fuisse, ex Appiani historia apparet. A Bilbili aberat XXI
M. P. Cæsaraugustam versus, quod ex Antonini itineribus ab Emerita Cæ-
saraugustam est perspicuum. Hodie *Ricla* censetur esse, media inter Bil-
bilim & Calonis ostium, quod etiam Io. Franciscus Andreas de Patria S. Lau-
rentii approbavit. *Arcobriga* autem, itidem Ptolemæi, recedit a Bilbili
Complutum versus, quod ex Itinerario liquet, quo hoc ordine posita oppi-
da sunt, itineribus ab Emerita Cæsaraugustam:*

<i>Complutum</i>	— —
<i>Arriacam</i>	M. P. XXII
<i>Cesatam</i>	M. P. XXIII
<i>Segontiam</i>	M. P. XXVI
<i>Arcobrigam</i>	M. P. XXIII
<i>Aquas Bilbilitanorum</i>	M. P. XVI
<i>Bilbilim</i>	M. P. XXIII.

Ex quibus etiam *Cesatam* intelligimus quo loco sita fuerit, quam Ptolemæus *Κέσαδα*, siue vt Palatino est, *Καίσαδα*, *Cesadam* vel *Cesadam* appellat.

LXXXVII.

Nobilior *Valeria* Celtiberorum, Ptolemæi; Plinii *Valerenses*, lib. III cap. III, qui in coloniis recenset: Ortellius cognomen *Iulie* addit, nescio ex quo nummo. Quem quod diligentissimi viri Harduinus & Vaillantius ignorant, error haud dubie est, & ex notiore nummo legendum COL. IV-
LIA VALENTIA, itidem in citeriori Hispania, quam postea perlustrabimus. Sita erat *Valeria*, Vafæi opinione, ad fontes *Sucronis*, vt ipsa vrbs *Cuença* sit: vel quod Morales mauult, septem inde leucis reducta ad eundem amnem. Supra hanc *Parietina* Antonini, itinere a Laminio Cæsaraugu-
stam, XXII M. P. a Libisofa.

LXXXVIII.

Nobilis præ ceteris *Ergauica* Celtiberum, diuersa ab *Ergauica* Vasco-
num, de qua supra dictum est. Vtramque Ptolemæus distincte posuit, vt
gente, ita & situ diuersam. Augusti nummus MVN. ERGAUICA. Et alius
Tiberii, ERGAUICA. Inscriptio vetus apud Gruterum pag. 382 num. 9

M. CALP. M. F.

LVPO FLAM. P. H. C

EX CONVEN

CAESAR. ERCAVIC.

hoc est, Marco Calpurnio, Marci filio, Lupo flamine prouinciæ Hispaniæ citeri-
oris: ex conuentu Cæsaraugustano, Ercanicensi, per C loco G. Et Plinius in
Cæ-

Cæsaraugustano conuentu *Ergauicenses* lib. iii cap. iii scripsit. Quibus inducti, minus dubitamus, quin apud Liuium quoque lib. xl cap. l *Ergauica* scribendum sit, non *Ergauia*, quia *nobilem & potentem ciuitatem* vocat, quod *Ergauicæ* potius, quam obscuræ *Vasconum Ergauia*, tribuendum videtur, quod etiam Carolo Sigonio, viro doctissimo, visum fuit. Situm Hispani in loco *Alcannis*, septem leucis a Dertosa in occasum æstium, adnotant. Vide Ortelium & Holstenium in *Ergauica*. Cetera Ptolemæi in *Celtiberia*, *Candabora*, *Bursada*, *Laxta*, *Alaba*, *Libona*, *Vrcesa*, *Mediolum*, *Attacum*, cum per se obscura, tum ignotæ etiam positionis omnia, præmittuntur, quibus addimus *Segedam* Appiani in Bellorum confinio, quæ *Morali Segestica* Liuii est lib. xxxiv cap. xvii: & eiusdem *Certimam* lib. xl cap. xlvii; *Tutiam* Flori & Plutarchi in Sertorio.

LXXXIX.

Celtiberorum finitimi erant ad Iberum *Edetani* siue *Hedetani*, qui Strabonis Σιδητανοί, *Sidetani* sunt lib. iii pag. 112, & Liuii *Sedetani* lib. xxviii cap. xxiv; item lib. xxix cap. ii, & lib. xxxiv cap. xx, nisi obstabit forte, quod ubique Liuius cum populis cis Iberum sitis coniungit. Sed tamen etiam summus vir Petrus de Marca lib. ii cap. vii sect. 3 ita censet, *Edetanos a Strabone & Liuiio Sedetanos dici, perspicuum manifestumque esse*. Regio *Edetania* Plinio lib. iii cap. iii dicta. *Sucro fluuius*, inquit, & quondam oppidum, *Contestaniae finis*. Regio *Edetani*, amæno prætendente se stagno ad Celtiberos *recedens*. Eadem Appiani Σιδητανία, *Sedetania* pag. 507. Fines ergo ex maritima parte ponit Plinius a Sucrone ad Iberum fere; in aliis ad ipsum flumen. A Sucrone etiam Silius eos deducit lib. iii vers. 371:

*Hos inter clara thoracis luce nitebat
Sedetana cohors, quam Sucro rigentibus undis,
Atque altrix celsa mittebat Setabis arce.*

Strabo dicto libro pag. 108 *Aeletanos* omnes vocat, qui a Carthagine vsque Iberum habitabant, sub quibus tam *Edetanos*, quam *Contestanos* & *Ilercaones* comprehendit. *Sidetanos* autem suos, siue *Sedetanos* Strabo a Carthagine ad Sucronem ducit, nulla *Contestanorum* habita mentione, quos numquam memorauit. Hæc longitudo *Editaniæ*: latitudo secundum Ptolemæum est a Cæsaraugusta vsque Saguntum. Nunc vrbes & oppida singula perlustramus.

LXXXX.

Caput *Edetanorum Cæsaraugusta* est, Ibero adiacens colonia, antea dicta *Salduba*. Sic enim Plinius dicto loco: *Cæsaraugusta colonia immunis, amne Ibero adfusa, ubi oppidum antea vocabatur Salduba, regionis Edetaniæ, recipit populos cluii*, id est, tot populi us ab ea petunt, quia conuentum habuit iuridicum. Ptolemæus διῦσε καὶ αἰρεῖα Αὐγούστα *Cæsarea Augusta*: Strabo pag. 104 coniuncte ἡ περὶ τῆς Κελτικῆς καὶ αὐγούστα, *Cæsaraugusta apud Celtiberos*, quorum fines attingebat. Atque sic vulgo Latini, vt Plinius, quem modo cognouimus, & Mela lib. ii cap. vi, *Vrbium de mediterraneis in Tarraconensi clarissimæ fuerunt Pallantia & Numantia*: nunc est *Cæsar-*

Cæsaraugusta. Sic etiam multis locis Antonini Itinerarium. Possis dubitare, an primis coloniæ temporibus composito vocabulo nominata fuerit. In nummis enim huius urbis, quotquot descriptos vidimus, diremtio est conspicua. Plurimi notis tantum signant c. c. A. hoc est, *colonia Cæsarea Augusta*: multi, CAESAR. AVGVSTA incisionis puncto interiecto: quidam CAES. AVGVSTA, quod vtrumque legendum est *Cæsarea Augusta*. Vide Vaillantii Nummos Augustorum in Coloniis & Municipiis. Vnde suspicari possis, mediam formam CAESAR. AVGVSTAM, eiectio puncto, ita coaluisse. Tamen poetæ compositionem iuuant, qui neglectæ aut expulsa interpunctionis non possunt accusari. Prudentius hymno iv Peristeph. de Cæsaraugustanis Martyribus:

*Tu decem sanctos reuehes & oïo,
Cæsaraugusta studiosa Christi,
Verticem flauis oleis reuincta*

Pacis honore.

Etiam inscriptio Gruteri pag. 324 num. 12, si recte descripta est, aliquid adferre potest:

POSTVMIAE MARCELLINAE
EX CAESARAVG. KARENSI

hoc est, illustri interprete Petro de Marca lib. II cap. x num. 5 *Postumiae origine Carense ex conuentu Cæsaraugustano*. Plinii *Carenenses* sunt lib. III cap. III. in eodem conuentu. *Cares* oppidum quatuor leucis a Pompeione in meridiem, nunc Puente de la Reyna. Hæc de nomine, quod vna auctorem urbis seu amplificatorem commendat: nobilitatem supra Pomponius commendauit: de situ eius, quia superstes est, nemo dubitat.

XCI.

Circumiacent coloniam, *Segontia* Antonini a xvi m. p. Bilbilim versus: *Belia*, βέλεια, Ptolemæi, vnde Plinii *Belitani* videntur dicti lib. III cap. III, nisi cum Thoma Reinesio, magni iudicii viro, lib. I var. Lect. cap. xxv *Bilbilitanos* velis legere. quod non improbabile videtur, quia de Plinio non credi potest, in recensione Hispaniæ, & conuentus Cæsaraugustani, Bilbilim, tam clarum municipium, prætermisisse, qui minora etiam persequutus est. Adiacebat etiam *Leonica* eiusdem Ptolemæi, in occasum paulo recedens. Plinio Latinorum veterum *Leonicensis*. In Golzii nummo MVN. LEONICA. A Leonica austrum versus retracta *Etouissa*, quam quidam ex male dispuncto Liuii loco lib. XXI cap. XXII flumini Ibero apponunt, quum longius inde in occasum, Ptolemæo auctore, quorum consonat historicus recte dispensatus, reducenda sit. Liuii verba sunt: *Ab Gadibus Carthaginem ad hiberna exercitus rediit. atque inde profectus præter Etouissam urbem, ad Iberum maritimamque oram ducit.* Ptolemæus in Ede-tanis scribit Ητόβημα, *Etobema*, sed dudum a summis ingeniis obseruatum est, Ητόβησα legendum, idemque oppidum esse *Etobesam* & *Etouissam*. Vide Sigonius ad Liuium, & P. de Marca lib. II cap. VII extr.

XCII.

Mare versus Ptolemæus ponit *Edéta*, quæ & *Ieria* dicta fuerit; Ἰδῆτα ἢ καὶ Ἀίγια; vnde nomen Edetanorum est siue Hedetanorum: & sub ea, siue propius mare *Saguntum*, fida Romanis ciuitas, sita passus mille ferme a mari, vt Liuius notauit lib. XXI cap. VII; aut tribus millibus, vt Plinius; cuius iniusta oppugnatione secundum Punicum bellum Hannibal accendit, post octo annos Pœnis erepta (Liv. lib. XXIV cap. XLII) & ciuium Romanorum facta oppidum. Plinius sæpe dicto lib. III cap. III, *Valentia colonia III M. passuum a mari remota: flumen Turium: & tantumdem a mari Saguntum, ciuium Romanorum oppidum, fide nobile.* Maritimum situm etiam nummus Tiberii expressa triremi testatur, cui s A G. adscriptum cum duumuirorum nominibus: & alius cimelii regii s A G V N T. itidem cum triremi, apud Harduinum. Scribitur *Saguntum* & *Saguntus*; illud Liuii, Strabonis, Plinii & Ptolemæi: hoc Melæ, Flori & inscriptionis antiquæ apud Gruterum pag. 499 num. 2 SAGVNTVS PATRONIS VI. Silius quoque lib. I vers. 502

Conclamant utrimque acies, ceu tota Saguntos

Ignem micet.

Vrbs antiquissima, vt etiam Hercules crederetur fundamenta iecisse. Ibidem vers. 505 Murrus Saguntinus precatur:

Conditor Alcide, cuius vestigia sacra

Incolimus, terræ minitantem auerte procellam.

Quod vero hoc nimis fabulosum, ad Zacynthios originem plerique referebant. Strabo lib. III pag. 110 Σάγυντον κτίσμα Ζακυνθίων, *Saguntum a Zacynthiis conditum.* Aucta ab Ardeatibus colonis Rutulorum. Idem Silius lib. II vers. 603

Armaque Dulichia proavis portata Zacyntho,

Et prisca aduectos Rutulorum ex urbe penates.

Adde Liuium lib. XXI cap. VII. Gleba & argilla præstabat, vnde pocula laudatiora. Martialis lib. VII epigram. VI

Ficta Saguntino pocula malo luto.

Et lib. XIV epigram. CXIV

Sume Saguntino pocula ficta luto.

XCIII.

Supereft ex Ptolemæi numero in Edetanis *Valentia*, III millibus passibus a mari secedens ad flumen *Turiam*, quæ hodieque nomen cum regio splendore feruat. Originem describit Liuii epitoma LV, *Iunius Brutus consul in Hispania iis, qui sub Viriato militauerant, agros oppidumque dedit, quod Valentia vocatum est.* Deleuit Sertoriano bello Pompeius, vt ipse ad fenatum scribit in fragmentis Sallustianis, *Dux hostium C. Herennius cum urbe Valentia & exercitu deleti.* Instaurata ab Iulio Cæsare. Nummus Augusti, quem Harduinus vidit: COL. IVL. VALENTIA. In ceteris, quos & Vailantius exhibet, per notas & signa tantum est C. I. V. id est, *Colonia Iulia Valentia*, cum prætoriana naue. Coloniam fuisse etiam Plinius testis est verbis supra

supra in Sagunto productis. Non ergo Hieronymus Surita in Antonini Itinerar pag. 549 audiendus est, qui Liuii locum de Valentia quadam Lusitaniae, quæ nusquam fuit, interpretatur, quod hæc Edetanorum nimis longe a Viriato Lusitano afuerit, quasi is arma non per omnem Hispaniam circumtulit. Ad Ludouicum Nonium in Hispan. cap. LXIX.

XCIV.

Post *Sucro* est flumen, Edetanorum finis, quem laxius, ut solent poetæ, Silius Italicus ponit, ut *Setabin*, Xatiua, Sedetana cohorte sua comprehendat, de qua supra dictum abunde est. Si ad Sucronem *Setabis*, quod censet Nonius, excusator est poeta Silius, dum in Edetanis eos scribit, qui adiacent illorum termino. *Sucro* autem, oppidum ad ostium amnis, quod prætermisit Ptolemæus, ex Strabone addendum est. Is enim lib. III pag. 109 Sucroni fluuiio πόλιν ὀμώνυμον, urbem cognominem iuxta ostium statuit, cuius etiam Liuius meminit lib. XXVIII cap. XXVI & cap. XXIX extremo, quia feditio militum, quam Scipio sedauit, coepta apud Sucronem urbem erat. Plinius verbis supra editis, *Sucro fluuius & quondam oppidum*. Ergo excisum fuit ipsius & Ptolemæi temporibus. Reliqua Edetanorum, quæ Ptolemæus dat, *Ebora*, *Damiana*, *Larissa*, obscuriora sunt: *Oscerdam* in Ilercaonibus referemus: *Dianium* in Contestanis.

XCV.

Ab occasu Edetanos attingebant *Lobetani*, quorum *Lobetum* Λώβητον fuit, Ptolemæi: & supra hos *Lusones*, Λύσωνες Strabonis lib. III pag. 112, συνάπτοντες τὰς τῶν Τάγης πηγὰς, qui ad Tagi fontes pertingunt: de quorum oppidis nihil certi notum est: & pars *Turdetanorum*, finitimi Saguntinorum, qui contraxerant eis cum Carthaginensibus bellum, controuersiam fingentes, Hannibale instigante, ferenteque auxilium. Quam ob causam postmodo Romani *Turdetanorum urbem*, cuius nomen non memoratur, deleuerunt. Hæc Liuius lib. XXI cap. VI, & lib. XXIV cap. XLII. Hanc Turdetanorum urbem Hispani censent *Teruel* supra fontes Turiae esse. Nunc quæ in maritima ora sunt a Bætici limite ad amnem Iberum, persequemur.

XCVI.

Primi, ex Bætica reliqui, sunt *Basitani*, quibus ad mare Ptolemæus solum Ὀυρκή, *Vrce* dat; longum vero in mediterranea excursus, in quo sunt *Acci*, Ἄκκι, in Bætici confinio colonia, ex plurium Hispanorum consensu nunc Guadix in regno Granatensi. Plinius lib. III cap. III in Carthaginensi conuentu: *Ex colonia Accitana Gemellenses*. Scilicet ciues coloniae *Gemellenses* vocantur. Inscriptio verus apud Marianam & Gruterum pag. 271 num. 6 COL. IYL. GEM. ACCITANA, id est, *Colonia Iulia Gemella Accitana*. Id nummi confirmant, Augusti COL. ACCI. LEG. VI id est, *Colonia Accitana legionis sextæ*: & Tiberii, C. I. G. ACCI. L. III, siue *Colonia Iulia Gemella Accitana legionis tertie*: qui conlati inter se, ostendunt rationem, cur *Gemella* illa colonia appelletur, videlicet, quod ex duabus legionibus, VI & III, colonos accepit. Post hunc *Vergilia*, Ptolemæi Ὀυεργιλία, Plinii

Plinii *Virgilienses*. Sed etiam inscriptio in Gruteri opere pag. 324 num. 5 *VERGILIENSES*, per E. Quidam Hispani, etiam Harduinus, in loco Murciae, regiae vrbs, ponunt: Ludouicus Nonius autem cum aliis Murciam *Menlariam* Ptolemæi in Contestanis sitam interpretatur. *Orcelis* proxima est Ptolemæi, Hispanorum nunc iudicio Origuella supra Murciam, ad *Seguram* fluuium: an eadem *Ocilis* Appiani, non liquet. *Bigerram* autem Ptolemæi etiam Liuius laudauit lib. xxiv cap. xli, sociam Romanorum ciuitatem, ideo oppugnatam a Carthaginiensibus, liberatam a Scipione. Situs eius parum certus. Clusio videtur Villena esse inter Murciam & Valentiam fere media. *Turbula* Ptolemæi, forsan *Turba* Liuii est lib. xxxiii cap. xlii, ad quam Q. Minucius aduersus duos imperatores Hispanos prospere pugnavit, alterum etiam viuum cepit. *Abula* quoque in Bastitanis his a Ptolemæo numeratur, quam perperam quidam Auilam putant esse, non ignobilem urbem medio itinere inter Salmanticam & Madritum. Longius enim abest illa, quam ut huc reduci ad Bastitanos nostros possit. Forsan & ibidem eius nominis oppidum fuit, ex quo illa Auila fuit enata. Missis obscurioribus *Segisa*, *Arcilaci*, *Illuno*, *Bergula*, *Saltiga*, & aliis, de *Salaria* aliquid addimus, quam fere extremam Bastitanorum Ptolemæus collocauit. Posuit idem *Salariam* in Oretanis inter Tagum & Anam supra Castulonem, ut vereri subeat, ne eadem vrbs, quod non insolens Ptolemæo, bis posita ab illo fuerit. quamuis nec ignotum sit, salinis Hispaniam abundare. Hispani Cazorlam suam in loco illo tradunt esse; alii inde in occasum reductam, tribus leucis supra Vbedam a septentrione ponunt, & de illa inscriptionem interpretantur COL. IVL. AVG. SALARIENSIS, quæ tamen ad Oretanos referri poscit, quia Plinius cum Castulone, ut eandem fere, coniunxit lib. iii cap. iii, in Carthaginiensi conuentu Salariensem coloniam ita recensens: *ex colonia Salariense oppidani veteris Latii Castulonenses*. Sic Frobenius, Harduinus, alii ediderunt. Sed satis de Bastitanis prouinciæ Tarraconensis, qui nomen a *Basti* oppido habent, prætermisso a Ptolemæo: Plinius autem ciues *Bastitanos* habet, & Antonini Itinerarium *Basti*, inter Carthaginem & Acci, itinere a Tarracone Castulonem.

XCVII.

Bastitanos excipiunt *Contestani*. In ora, cui Strabonis *Spartarius campus* prætenditur, est *Carthago Noua* in sinu Virgitano, hodie Golfo de Cartagena, excurrenti paruo sinui apposita, vrbs noua & primaria Carthaginiensium in Hispania, ab Asdrubale condita, eo qui Barcæ, Hannibalis patri, successit; ut Strabo notauit p. 109; a Scipione expugnata, cuius situs & dignitas accurate a Liuiio lib. xxvi cap. xlii describuntur. Antonini Itinerario differentiae causa *Carthago Spartaria* cognominatur, a campis, quos modo Strabo a sparti prouentu ita vocari tradit. Conseruarunt Romani dignitatem eius colonia in eam deducta, & conuentu iurisdictionis, ubi lxxv populi disceptabant, quod Plinius dicto loco narrauit; & iure concessio cudendi monetam. Nummus Augusti C. I. N. C. EX. D. D. & alius C. I. N. C. hoc est, *Colonia Iulia Noua Carthago*, ex decreto decurionum. Proxima in li-

tore *Alone* Pomponii Melæ, Ἀλωνοὶ Ptolemæi, quam vulgo Alicantam credunt esse, sed falso, quia Alone a salinis nomen habet, quales nullæ ad Alicantam sunt, de quo Isaacus Vossius ad Melam pag. 192 consulatur.

XCVIII.

Hanc sequitur *Lucentum* Plinii, *Lucenti* Ἀρχεντοὶ Ptolemæi, *Lucentia* Melæ, quæ verius *Alicante* emporium est, consonante ipso nomine, articulum more Arabum præferente. Latinorum ciuitas fuit, siue iure Latii donata, vt Plinius memorauit. His *Portus Illicitanus* Ptolemæi (*Illicitatus* corrupte scribitur) interponendus est. Ipse geographus in hac ora turbat omnia, ob id merito a doctis viris castigatus; vt ex illo locum & ordinem non liceat designare. Vossius dicto loco inter Carthaginem & Alonem locat. Quod vero Elche, quam plurimi dicunt *Illicem* esse, vnde sinui nomen & portui; haud procul emporio Alicante est, saltem ex regione illius; Illicitanorum portum inter Lucentum & Alonem fuisse lubentius crediderim, si per Antoninum liceret, quia ipse Vossius Alonam dicit in loco Guardamar esse ad ostium *Taderis* fluuii, nunc Segura dicti. Antoninus quidem itinere a Tarracone Castulonem vnam mansionem ponit inter Illicim & Carthaginem Spartariam, sed spatium satis longo LII M.P. vt ab eo in tantis anfractibus maris nihil nostræ sententiæ metuendum sit. Accedit quod Guardamar, *Alone*, cis Seguram siue Taderem est, in dextera ripa ostii: Elche, id est *Illice*, longe trans fluuium. Mediterraneis Contestanorum Ptolemæus dat *Illiciadem*, quæ Plinio *Illici*, Melæ *Illice* est, hodie Elche, vt iam diximus. Hinc & a portu illorum Sinui Illicitano apud Plinium & Melam nomen est, qui hodie Golfo d' Alicante vocatur. Plinius sæpe dicto lib. III cap. III *colonia immunis Illici*, quod confirmant nummi Augusti & Tiberii c. I. ILL. A. id est, *colonia immunis Illice Augusta*. Paullus autem Lege VIII de Censibus: *Emeritenses iuris Italici sunt. Idem ius Valentini & Licitani habent.* Licitani errore scribarum manifesto pro Illicitani siue *Illicitani*.

XCIX

Succedit in Ptolemæi Contestanis *Setabis* oppidum prope Sucronem amnem in edito loco, quod Silius lib. III vers. 373 probat:

- - - - celsa mittebat *Setabis* arce,
Setabis & telas Arabum spreuisse superba,
 Et *Pelusiaco* filum componere lino.

Linificio & subtilibus textis operam hæc ciuitas dabat, vnde *sudaria Setaba* Catullo epigrammate xxv dicta, cuius rei causa fuit in lini præstantia ibi nati. Plinius lib. XIX cap. I *a Setabi tertia in Europa lino palma*. Idem lib. III cap. III honorifico cognomine, *Setabitani*, qui Augustani. Strabo e simplici Σέταβις scripsit. Sed præstat diphthongus, quia in nummis SÆTABIS teste Antonio Augustino. Multi Xatiua interpretantur, quod oppidum paullo reductum a Sucrone est: Ludouicus Nonius autem cap. LXVIII dicit collem eius adlui a Sucrone. nisi fortassis ille latior, aut ex ruinis illius Xatiua in loco paullisper remoto ab amne resurrexit. *Dianium* Ptolemæus in Edetanis falso scripsit, quia trans Sucronem est, illorum ter-

minatorem amnem. Contestanis ergo restituiimus, quorum reuera fuit. Hispanorum consensione est *Denia* in ora maris. Dicitur etiam *Hemerofcopium*, a specula in promontorio. Strabo pag. 109 γνωριμώτατον τὸ ἡμεροσκοπιον, ἔχον ἐπὶ τῇ ἄκρᾳ τῆς Εφεσίας Ἀρτέμιδος ἱερὸν σφόδρα τιμώμενον, *Celeberrimum est Hemerofcopium, habens in promontorio Ephesiae Dianae templum valde religiosum, a quo Dianium, ut idem Strabo obseruat, appellatur, Sertorii ὁμηγερίον κατὰ θάλασσαν, arch belli ad res mari gerendas. Cicero in Verrem * vii cap. LIX Ostendito illos cum Sertorio fuisse: a Dianio fugientes ad Siciliam esse delatos. Plinius loco saepissime indicato: Dianium stipendiarium. Alterum nomen, quod Strabonis erat, Festus Auienus Latine expressit.*

- - - Hemerofcopium quoque

Habita pridem heic ciuitas, nunc iam solum

Vacuum incolarum languido stagno madet.

C.

Inter Edetanos & Iberum in ora sunt *Ilercaones*, qui etiam aliquantum ultra amnem extenduntur. Liuius lib. xxii cap. xxi agrum *Ilercaonensium* illum tractum dixit, quæ Plinio lib. iii cap. iii est *Ilergaonum regio*. Cæsari lib. i Civ. B. cap. lx *Illurgauonenses*. In ora cis flumen Edetaniam versus Ptolemæus *Tenebrium promontorium & portum* habet: intus obscuriora *Adebam & Theanam*, nobiliorem *Biscargim*, cuius sunt Plinii *Bisgargitani* lib. iii cap. iii, & nummus Golzii MVN. BISCARGIS. Ptolemæus in dextra ripa aliquanto longius a mari reduxit, cui doctissimi viri adsentiuntur, ad radices Idubedæ montis Morellam, quæ nunc est, in eius locum substituentes, a qua non procul *Sigarra* fuit, ut ex nomine, quod ibidem supereffe fertur, Hispani quidam coniiciunt. His addimus *Ildum & Intibili* ex Itinerario Antonini, quæ quamuis longius ab Illiturgi absint, non dubitamus tamen, quin alterum sit Liuii *Incibili* lib. xxiii extremo. *Illiturgi*, inquit, *obsidione liberato ad Incibili oppugnandum Punici exercitus traducti*. Frontinus autem lib. ii cap. iii ineunte *Indibile* scripsit *oppidum*, ad quod Hannonem Scipio obliqua acie in fugam compulit, Hispanos in deditionem accepit. Distantia a Dertosa xxvii m. p. apud Antoninum, ostendit hodie esse oppidum San Mattheo in publica illa via situm. Vide saepe laudati Petri de Marca lib. ii cap. viii num. 7.

CI.

Clarior his *Ofigerda*, quam frustra Ptolemæus in Edetanis posuit, quum propior ostiis sit Iberi, ut non possit in Ilercaonensem agrum non incidere. Plinio in tractu illo sunt *Ofigerdenses*, conuentus Cæsaraugustani. Tiberii nummus: MVN. OSICERDA. Et Barcinonensem inscriptionem apud Gruterum pag. 321

PORCIAE M. F.

MATERNAE

O. SACER. DESI. P. H. C.

Vir summus quem modo laudauimus P. de Marca legit *Porciae Maternae Oficer-*

* Adde Asconium Pedian. pag. 93.

cerdensi. Huius, & doctissimi cuiusque Hispani sententia, est hodie Xerta dicta prope Dertosam interfluente Ibero. De Liuii opulentissima vrbe *Ibera*, lib. xxiii cap. xxviii, a propinquo flumine appellata, quam transito amne Romani oppugnatum ibant, nihil compertum habemus: neque de ea ὁ πάλιν de Marca adfert, quam ut probet, non esse Dertosam, ut falso quidam suspicati fuerant.

CII.

Trans flumen Ptolemæus duas insignes vrbes Ilercaonibus adscribit Dertosam & Carthaginem Veterem. *Dertosa* ut nobilissima, ita haud dubie caput Ilercaoniæ fuit, quæ nomen seruat, ut de situ non liceat dubitare. Nummus Tiberii M. H. I. ILLERGAVONIA DERT. qui iudicio peritissimi antiquitatum viri Ezechielis Spanhemii pag. 766 legatur *Municipium Ilibera Julia Illergauonia Dertosa*, quod cognomen ideo inditum P. de Marca censet, quia caput fuerit gentis Ilercaonum. Non ergo virum clarissimum Io. Vaillant sectari in hac caussa possumus, qui ex eodem nummo nouam urbem *Illergauoniam*, ad vtramque ripam Iberi positam, diuersamque ab Dertosa, vult ædificare, neque DERT. inscriptionis *Dertosa* legit, sed Dertosanorum. cuius opinionis nullum præsidium in antiquitate est, atque inualidum quo confidit, quod hæc municipium appelletur: Dertosa alibi colonia. nam sæpe eadem vrbs municipium & colonia dicta, ut supra exemplis cognouimus, & in Golzii alio Tiberiano nummo MVN. DERTOSA expressum est, ut dubitare possis de Augusti nummo C. I. A. D. inscripto, quem Vaillantius *colonia Julia Augusta Dertosa* legit; Harduinus autem ad Dertonam refert Liguriæ. Transitus heic Iberi erat, quod a Strabone proditum: & maris commercium, quod naus in priore nummo, *Illergauonia Dertosa* præscripto, significat.

CIII.

Altera vrbs nomine, quam historia & monimentis nobilior *Carthago* *Vetus* est *καρχηδών παλαιά*, a nemine præter Ptolemæum, memorata, cuius numeri haud longe a ripa sinistra Iberi, cis Sicoris tamen confluentem cadunt: alii longius producunt ad Villam Francam, quæ prope Barcinonem est. Ortelius *Pænorum* cognomen addit, ex Plinii verbis lib. iii cap. iii *Colonia Tarraco Scipionum opus, sicut Carthago Pænorum*; quæ etiam Harduini est sententia. At malim credere principes vrbes a Plinio comparari, ab Romanis ita Tarraconem conditam, ut caput rerum gerendarum in Hispania esset; quemadmodum Carthaginem Nouam in illum usum condiderint Pœni ad sinum Virgitanum. Atque ita Plinii verba Solinus quoque interpretatus est cap. xxiii de Hispania ita sublegens: *Carthaginem apud Iberos, quæ mox colonia facta est, Pœni condiderunt; Tarraconem Scipiones: ideo est caput prouinciæ Tarraconensis.* Aequè deceptus est Ortelius, vir cetera diligentissimus, quum Ciceronem Agrar. i cap. ii eius Carthaginis Veteris meminisse prodit. Verba oratoris sunt: *Agros in Hispania apud Carthaginem Nouam duorum Scipionum eximia virtute possessos; tum vero ipsam veterem Carthaginem vendunt.* Verum ipse in Agrar. ii cap. xix sui interpretes, quam

veterem Carthaginem intellexerit, Africanam scilicet, non Hispaniensem, exponit. *Agros, inquit, in Hispania propter Carthaginem nouam, & in Africa ipsam veterem Carthaginem vendit.* Plura non habemus, quæ de hac Ptolemæi Carthagine adferamus. Superest eiusdem *Tiariulia*, a qua Plinio sunt *Teari, qui Iulienses*, quæ nisi *Traia Capita* Antonini sunt, inter *Tarraconem* & *Dertosam* sita, vt Hieronymus Surita ad illum auctorem suspicatus est, vix erit, vt in certo loco possimus constituere.

CIV.

Transito sic amne Ibero, quæ inter illum & Pyrenæum restant, explicamus. Ab illo maiore fluuio Pyrenæum versus, vsque ad *Rubicatum* amnem, nunc dictum Lobregat, sunt *Cositani*, Ptolemæo Κοςηταῖοι, *Cosetani*; Plinii regio *Cossetania*. Inscriptio vetus apud Gruterum pag. 499 num. 10. TARRAC. VRBS COSITANORVM. Scribitur enim per I & E, *Cositani* & *Cosetani*, & secundum Plinium *Cossetani*, sibi lo geminato. In his *Tarraco* a Ptolemæo locatur, & in prædicta inscriptione. *Tarraco* nempe opus Scipionum fratrum, Cnei & Publii, colonia, etiam iuridico conuentu XLIII populorum ornata, secundum Plinium, & caput Hispaniæ Romanæ, non quidem insigni portu prædita, quod Strabo obseruauit, percommoda tamen Romanis, siue terra siue mari in Hispaniam euntibus. Paullinus Nolanus carm. x vers. 232 & situm & dignitatem describit breuissime,

Et capite insigni despectans Tarraco pontum.

Multi nummi eius gloriam commendant. Cui & Lucii Cæsarum, c. v. T. C. L. CAES. AVG. F. hoc est: *Colonia victrix Tarraco, Caius & Lucius Cæsares, Augusti filii.* Et alius Tiberii, c. v. TI. CAES. Et iterum alius cum Augusti consecratione AVGVSTO DEO; in postica c. v. T. T. AETERNITATIS AVGVSTAE, id est, *Colonia victrix togata Tarraco.* Victricis cognomen solemne vrbibus de Iulio Cæsare bene meritis, a quo colonia videtur deducta. Scipiones enim tantum ædificiis ornarunt, quorum temporibus nullæ coloniæ extra Italiam erant, vt ex Velleii Paterculi lib. i cap. xv liquet. Hinc *Iuliæ* augustum cognomen inuenitur additum inscriptione *Tarraconensi* apud Gruterum pag. 111 num. 3

GENIO COL. I. V. T. TARRAC.

id est, *Iuliæ victricis togatæ Tarraconensis.* Heic desinunt *Cosetani* Harduino: Petro de Marca lib. ii cap. xi sect. 2 ad *Rubicatum* vsque pertingunt, ad cuius ripam ostio coniunctam *Subur* fuit, a Mela in paruis oppidis, quæ iuxta *Tarraconem* erant lib. ii cap. vi numeratum. Plinius reducere a mari videtur sæpissime dicto loco: *Regio Ilergetum, oppidum Subur, flumen Rubricatum.* Ptolemæus autem Σ&ε&ρ in *Lætanorum* maritimis ponit. *Ciues Suburitani* dicti. Inscriptio ad *Tarraconem* eruta apud Gruter. p. 414

L. FVRIO L. F.
FAVENTINO
SVBVRITANI
PVBLICE.

Quo

Quo Thomas Reinesius Class. vi inscr. 84 refert ex Hispanico lapide PLEBS
C. I. P. S. quod interpretatur, *Plebs coloniae Iuliae Paternae Suburitanae.*

CV.

Cosetanorum pars *Suessetani* erant, ab Liuiio saepe commemorati, a mari ad interiora recedentes. Virum ingenio non minus quam dignitate illustrem P. de Marca, ut saepe a nobis laudatum, ita numquam laudandum fati-
tis, de Sueffitanis audiamus lib. II de Marca Hisp. cap. IX erudite differen-
tem: *Non dubito, inquit, quin populos Cosetanos, vel potius aliquam eorum partem, existimare debeamus eosdem esse, qui apud Liuium Sueffetani. Hi socii populi Romani quum essent, cohortes suas exercitu Romano adiunxerunt ad expugnandum Vergium castellum Lacetanorum, qui e vicino Sueffetanorum agros depopulati fuerant. Nulli alterigenti, praeter Cosetanam & Ilergetum competit haec agrorum vicinia cum Lacetanis. Quare omisfis Ilergetibus, quae ibidem [lib. XXXIV cap. XX] a Liuiio commemorantur; reliqui sunt Cosetani, quorum pars aliqua Sueffetania olim dicta fuit. Nec Vergium tantum castellum iis erat, cap. XXI ineunte; sed oppidum etiam longum, in latitudinem haudquaquam tantumdem patens cap. XX, quod an idem & Corbio fuerit, certe non habemus dicere. Lib. XXXIX cap. XLII de Corbione: A. Terentius in Sueffetanis oppidum Corbionem vineis & operibus expugnauit, captiuos vendidit. Alii oppidum illud longum Solsonam ex situ interpretantur.*

CVI.

A Rubricato fluuio Pyrenæum versus incipiunt *Laletani*, ut Plinius vocat, Ptolemæo corrupte *Læetani*. Fines sunt vsque ad *Blandam* oppidum. Ceterum *Laletanos* recte hanc gentem dici, probat Martialis versus lib. I epigrammate L

*Aprica repetes Tarraconis litora,
Tuamque Laletaniam.*

Caput gentis *Barcino*, correpta media. Aufonius epist. XXIV ad Paullinum vers. 89

Tarraco, & ostrifero superaddita Barcino ponto.

Mela in minoribus scribit. At iam olim insignis colonia fuit, licet minor quam Tarraco. Plinius lib. III cap. III *In ora colonia Barcino, cognomine Faventia.* Idem confirmat Galbæ nummus apud Golzium COL. BARCINO FAVENTIA. Ornamenta etiam a Flauis accepisse videtur, inscriptione teste, si diis placet, in Gruteri Opere pag. 429 num. 5.

COL. I. V. T. TARRACON.

ET COL. FLAV. P. BARC

quod vero eadem pagina iterum iterumque, hoc est sexies significatur COL. F. I. A. P. BARC. id est, *colonia Faventia, Iulia, Augusta, Pia Barcino*, litteras FLAV. ita emendat & in ordinem restituit felix ille antiquitatis indagator Petrus de Marca, ut F. I. A. P. ex aliis inscriptionibus & ibidem legat, perperam ab imperito descriptore, qui pro vna voce habebat, quum nihil sonaret, mutata in FLAV. quæ vox notior ipsi & consuetior videbatur. Harduinus
autem

autem vulgari opinioni insistit, & vtroque legit *Flavia*, quasi ad Flaviae gentis imperatores pertineat.

CVII.

Barcinoni proxima in maris ora est Plinii *Betulo*, siue *Betulo*; Melæ *Betullo*, nunc Badalona. Scribitur dubie per AE & E in lapidibus, quos Petrus de Marca exscriptos sic exhibet:

DEIS MANIBVS

C. PICARII C. F. PVB. NOVATI
HVIC ORDO BETVLON. LOCVM
SEPVLTVRAE EIVS IMPENSA
FVNERIS PVBLICA ET OMNES

HONORIS DEDIT.

Et alius lapis apud eundem Tranquillinae Gordiani sacer:

SABINIAE TRANQVILLINAE
SANCTISSIMAE AVG. CON
IVGI D. N. M. ANTONINI
GORDIANI PII FELICIS AVG.
ORDO BAETVLONENS. DE
VOTISSIMVS NVMINI MA
IESTATIQUE EORVM.

Ptolemæus nullum heic oppidum habet, populum autem βαυτελῶν, *Betulorum* memorat, vt oppidum excidisse videatur. Caue vero hanc *Betulonem* confundas cum *Bacula* Ptolemæi, quæ mox sequetur; aut *Betula* Liuii lib. xxvii cap. xviii, quæ in ora Bæticae est, & nonnullis eadem videtur, quæ βαίκυλα Stephani, & *Obucula* Hirtii ac Ptolemæi. Tandem *Blanda* Plinii in hac gente erant, siue *Blanda*, singulariter, Ptolemæi, hodie Blanes. Ciuium Romanorum fuit æque vt *Betulo* & *Iluro*, Plinio auctore, quod postremum oppidum varie scribitur, *Eluro* Melæ, *Iluro* Plinio, & praue διλῦρων, *Diluro*, Ptolemæo. Inter Blandam & *Betulonem* est prope Ptolemæi *Lunarium* promontorium. Haëtenus ora Laetaniae. Intus *Rubricatum* oppidum solius Ptolemæi, fluuius, a quo nomen est, adfusus. Doctissimis viris videtur *Aulesa*, quæ nunc est, in eius loco esse. In quo tractu & *Egara* municipium fuit, cuius nemo geographorum mentionem fecit: inscriptiones autem duæ, ibidem loci repertæ, non sinunt ignorari: quas Puiadesius descripsit, & ex illo Petri Marcani diligentia repetiit. Altera Antonino Pio dicata habet MVNICI ... F. EGARA: alteram vxor marito posuit

Q. GRANIO Q. FIL. GAL
OPTATO II VIR
EGARA. TRIBVNO
MILITVM.

Locorum periti censent ibi fuisse, vbi nunc Terracia siue Terrassa est, in ortum paullo recedens ab Aulesa. In valle illa Tarraciensi sunt aquæ calidæ, quæ *Aquicaldenses* Plinii, olim magni pretii, & publicum balneum, cuius ruinæ de nobili & Romanis digna structura testantur.

CVIII.

Indigetes sequuntur post Laletanos, quorum fines a Blanda vsque Ceruariam in Gallico limite. Plinius dicto loco: *Rubricatum: a quo Laletani & Indigetes.* Straboni Ἰνδικῆται: Ptolemæo Ενδιγέται. Batullo fluvius Melæ, est *Sambroca* Ptolemæi; *Alba* Plinii, postea Tezerus dictus, nunc vulgo *Ter*, inter Blandam & Emporias decurrens. *Scale Hannibalis*, quas Mela ponit, non in maritimis, sed in iugis sunt quærendæ. *Emporiae*, Straboni διπόλις, *gemina urbs*, muro diuisa, quo modo etiam Liuius descripsit lib. xxxiv cap. ix de Catonis maioris siue censorii expeditione. *Iam tunc Emporiae*, inquit, *duo oppida erant, muro diuisa, unum Græci habebant a Phocæa; unde & Masilienses oriundi: alterum Hispani.* sed Græcum oppidum, in mare expositum, totum orbem muri minus quadringentis passus patentem habebat: Hispanis retractior a mari trium millium passuum in circuitu murus erat. *Tertium genus Romani coloni a diuo Cæsare post deuictos Pompeii liberos adiecti.* Et Plinius veteres & Græcos incolas Phocæensium sobolem appellat. Silius quoque Italicus lib. iii vers. 369

Phocaicæ dant Emporiae, dat Tarraco pubem.

At Strabo lib. iii pag. 110 vocat μασσαλιαντῶν κτίσμα, *opus Masiliensium*, quod repetitum a Stephano, qui cum Scylace urbem non pluraliter, sed Εμπορίον; & Strabo ac Polybius lib. iii Εμπορείον vocarunt: Ptolemæus autem, vt Latini Εμπορίαι. Sed facilis in origine consensus, quia Masilienses quoque Phocæa oriundi: aut Masiliensium studio noua iuuentus fuit ex Phocæa Ionix aduecta. Etiam ante aduentum Græcorum videtur oppidum cum *Indicæ* nomine ibidem fuisse. Stephanus Byzantinus urbium enarrator: Ἰνδικὴ πόλις Ἰβηρίας πλησίον Πυρηνῆς. τὸ ἐθνικὸν Ἰνδικίται, *Indica urbs Hispaniæ prope Pyrenæum. Gentile Indicitæ.* quod conuenit cum Strabonis Ἰνδικῆται, vt suspicari possis *Indigetum* gentem, quam illo nomine significauit Strabo, ab Indica oppido nomen habuisse.

CIX.

Rhoda hinc propior Pyrenæis, forte in Rhodi memoriam a Græcis Emporiensibus condita, quam *Ticer* Melæ, *Tichis* Plinii, ex Pyrenæis amnis adluit. Heic Cato cum in prouinciam iret, exposuit exercitum, vt Liuius lib. xxxiv cap. viii iter eius descripsit. Nunc *Roses* nominatur. Incolæ non *Rhodii*, qui insulares sunt, sed *Rhodenses* dicti. Gruterus Inscript. pag. 404 num. 4 ex lapide ad Rhodam Hispaniæ exstante:

Q. EGNATVLO Q. F. EQVO PVB. DON. AB
AELIO HADRIANO CAES. NERVAE TRAIAN
NI F. RHODENSES OB PLVRIM. LIBERAL.
ET MVLTAIN REM P. S. BENEFAC.
EQVESTR. E MARMORE STATVAM
PRO AEDE MINERVAE
CONSTITVER.

CX.

Tandem *Iuncaria* est proxime Pyrenæum, nec Antoninus inter eam ac *Summum Pyrenæum* aliquid interposuit. Ibidem *Campus Iuncarius*, qui oppido nomen dedit. Strabo lib. iii pag. 110 Εμπορεῖται χώραν τὴν μεσόγα-
αν ἔχουσι τὴν μὲν ἀγαθὴν, τὴν δὲ σπαρταφόρον - - - καλεῖσι δὲ Ιουγγάριον πε-
διον, *Emporienses mediterranea habent partim bona, partim iunci feracia. Vo-*
cant autem Iuncarium Campum. Hodie vicus ibi est nomen retinens v m. p.
a Summo Pyrenæo : sed alium oportet esse a veteri Iuncaria, quia secun-
dum Antonini Itinerarium & Tabulam Peutingerianam xvi m. p. ab illo
vertice montis aberat, quæ distantia cadit potius in oppidum *Figueras* siue
Ficaria, sita in extremo Iuncarii campi meridiano, sicut vicus eius nominis
in campi borea extremitate, eo loco fere, quo est *Deciana* Ptolemæi & Peu-
tingerianæ. Antoninus ab Iuncaria Barcinonem versus ponit *Cinnianam*
ignotam, deinde *Aquas Voconias*, hodie Caldes de Malauella.

CXI.

Hæc de maritima ora, e qua in mediterraneam ingrediemur, si prius
de *Pompeii Tropæis* aliquid adiecerimus. Lapidea monumenta erant victo-
riæ e bello Sertoriano, vere limes Hispaniæ atque Galliæ. Strabo lib. iv
sub initium de Narbonensi : Εντεῦθεν ἡ παραλία παρατείνει μέχρι τῆς ἱερᾶ τῆς
Πυρηναιᾶς Λαφροδίτης. καὶ τὸτο δ' ἐστὶν ὄριον ταύτης τε τῆς ὑπαρχίας καὶ τῆς Ἰε-
ρικῆς. ἐνιοὶ δὲ τὸν τόπον, ἐν ᾧ ἐστὶ τὰ πομπηῖς τρόπαια, ἔριον Ἰερίας ἀποφασίσαι
καὶ τῆς Κελτικῆς. Hinc ora maritima protenditur usque ad templum *Veneris*
Pyrenææ, *limitem huius prouinciæ atque Hispaniæ.* Quidam vero eum locum,
in quo *Pompeii Tropæa* sunt, *Hispaniæ atque Galliæ terminum dicunt.* Idem
lib. iii non τρόπαια, vt hoc loco, sed bis terue ἀναθήματα τῶν Πομπηῖς, a
fixis ibi spoliis & honorariis appellat. In via publica fuerunt, vt ab omni-
bus conspicerentur, qui iter per Pyrenen facerent. Strabo lib. iii pag.
110, quum de Iuncario campo dixisset : Quidam, inquit, extrema Pyrenes
accolunt μέχρι τῶν ἀναθημάτων τῶν Πομπηῖς, δι' ὧν βαδίζουσιν εἰς τὴν ἔξω καλε-
μένην Ἰερίαν ἐν τῇ Ἰταλίᾳ, καὶ μάλιστα τὴν Βαιτικὴν. αὕτη δ' ἡ ὁδὸς ποτὲ μὲν
πλησιόζει τῇ θαλάττῃ, ποτὲ δ' ἀφέστηκε, καὶ μάλιστα ἐν τοῖς πρὸς ἐσπέραν μέρεσι,
usque ad Tropæa Pompeii : per quæ iter est ex Italia in vltiorem Hispani-
am, maxime Beticam. Hoc iter aliquando appropinquat mari, aliquando rece-
dit, maxime in occiduis partibus. Ex quibus intelligitur ad vtrumque viæ
latus tropæa fuisse erecta, vt per media transiretur. Eorum etiam meminit
Sallustius apud Seruium in Aeneid. xi vers. 6 de Pompeio dicens : *Deui-*
ctis Hispanis tropæa in Pyrenæis iugis constituit. Plinius lib. iii cap. iii
Pompeius Magnus tropæis suis, quæ statuebat in Pyrenæo, id cccclxxvi op-
pida ab Alpibus ad fines Hispaniæ vltioris in ditionem a se redacta testatus est.
Quod repetitum est lib. vii cap. xxvi.

CXII.

Post Indigetes in mediterraneis sunt *Ausetani* Plinii. Pars illorum
Castellani. Duæ hæ gentes cingunt Cerretanos ex parte occidentali. Di-
versi hi ab *Ausetanis* Liuii, qui ad Iberum erant. Castellanorum a Ptole-
mæo

mæo quatuor oppida recensentur, in quibus *Basi* deletum est; *Engosa* siue *Egosa* videtur esse Camprodon, id est Campus rotundus: *Bedesa* corruptum in *Badesa*, hodie S. Ioannes de las *Badesas*. *Besendunum* vero, siue *Beseldunum* est *Besalu* ad flumen *Clodianum*. Plinii autem *Ausetani* sunt *Authetani* Ptolemæi, quorum oppida fuerunt *Ausa*, vnde nomen *Ausetanorum*; medio æuo *Ausona* episcopalis, nunc Vicus *Ausonensis* (Vic de *Osona*, vulgo *Vich*, inter *Gerundam* & *Manresam*) a Ludouico Pio post eversionem Saracenicam mediocriter restitutus. Altera vrbs Ptolemæi est *Gerunda* ad *Sambrocam* fluuium, hodie *Girona*: vnde Plinii *Gerundenses*, veterum Latinorum in conuentu *Tarraconensi*: & C. MARIO - - - GERUNDENSI in *Tarraconensi* lapide. Non amplam fuisse *Prudentii* versus ostendit *Peristeph.* hymno IV num. 29

Parua Felicis decus exhibet

Artubus sanctis locuples Gerunda.

CXIII.

Tertia vrbs *Ausetanorum* apud Ptolemæum *Bacula* βαμύλα, vnde *Baculonenses* Plinii, in stipendiariis scripti, ideoque distinguendi a *Bætulonensibus*, qui ciuium erant Romanorum in eadem prouincia, in maritima ora *Laletaniæ*, de quibus paullo ante diximus. *Aquæ* quoque *Calidæ*, Ἰδα-
ρα θερμὰ Ptolemæi in his mediterraneis, sunt ipsæ *Aquæ Voconia* *Antonini*: hodie *Bagnolas*, inter *Gerundam* ab austro & *Clodianum* flumen a septemtrione. *Gessorienenses* Plinii etiam ad *Ausetanos* pertinuisse vero non ab simile est.

CXIV.

Cum *Ausetanis* apud Plinium lib. III cap. III coniunguntur *Itani* & *Lacetani*: illi obscuri, & ab *Harduino* expuncti, tamquam vane repetiti ex superiore vocabulo; cuius consilii sui rationem reddit *Emendatione* XX; hi nobiliores, & ab *Liui* etiam memorati lib. XXI cap. LX, qui situm non obscure significauit. *Quum*, inquit, ab ostio *Rhodani* profectus, *Pyreneosque montes circumuectus* [Scipio] *Emporiis appulisset classem, exposito ibi exercitu orsus a Lacetanis omnem oram usque ad Iberum flumen partim renouandis societatibus, partim nouis instituendis Romanæ ditionis fecit.* Hi sunt Ptolemæi *Iaccetani*, a cognominibus *Strabonis*, de quibus supra in *Vasconia* actum est, distincti. Oppida Ptolemæi in *Lacetania*, siue illius *Iaccetania*, de quibus coniici potest, sunt *Lissa*, excisa prope *Manresam*: *Vdura*, quæ videtur *Cordona* esse: *Setelsis*, forte *Solsona*: *Telobis* in ripa *Rubricati* vltiore, nunc *Martorellum*: *Bacas*, hodie *Manresa*. *Scissum* autem *Liui* lib. XXI cap. XX, siue *Cissum* potius, quia *Polybii* Κίσσα est lib. III cap. LXXVI, vbi primum *Carthaginienenses* a *Scipione* superati sunt; putatur esse *Guiffona*. Quæ omnia laudatissimus *Petrus de Marca* lib. II cap. XXIII latius persequutus est.

CXV.

Amnis Sicoris, nunc *Segre* diuidit *Ilergetes*, celebrem populum, a *Lacetanis*. *Thucydides*, quum ineunte lib. VI *Sicanos* *Siciliæ* ἀπὸ τῆς Σικανῆς

ποταμὸς τῆς ἐν Ἰβηρίᾳ, a *Sicano fluuio Hispaniae* deducit, haud dubie hunc *Sicorim* in animo habuit. Is nobilior ciuili bello factus per castra Cæsaris & legatorum Pompeii, quæ circa illum erant. Lucanus principio libri IV

*Colle tumet modico, lenique excreuit in altum
Pingue solum tumulo: super hunc fundata vetusta
Surgit Ilerdamanu: placidis praelabatur undis
Hesperios inter Sicoris non ultimus amnes,
Saxeus ingenti quem pons amplectitur arcu,
Hibernas passurus aquas.*

CXVI.

E quibus simul *Ilerda* situm, principis vrbs *Ilergetum*, cognoscimus. Municipium fuit, quod nummus Augusti probat, MVN. ILERDA inscriptus. Plinius vero inter populos ciuium Romanorum recenset. In lapide apud Gruterum pag. 407 num. 6. ILERDENSES. Infelix ciuitas plerisque bellis utpote in aditu hostium ex Galliis irrumpentium opportuno loco posita: sæpe oppugnata, capta: aliquando etiam a Germanis sub Gallieno euerfa, quod de illa Paullinus refert Carm. X ad Ausonium vers. 222

- - - - Et deserta tuo legis oppida versu,
- - - - - collemque iacentis Ilerda.

quale fatum Tarraconis etiam eodem tempore fuisse Eutropius lib. IX cap. VI, & significantius metaphrastes eius Pænius verbo κατασκήψαι adnotauit. Instaurata, nunc *Lerida* vocatur. Ad populum inde redimus, qui *Ilergetes* & *Ilergetæ*, Ptolemæo Ἰλέργητες vocantur. Inscriptio antiqua apud Gruterum pag. 519 num. 9. VICTORIS CONTRA ILERGITAS. Aliud eorum oppidum *Octogesæ* fuit, quod ita Cæsar Civ. B. lib. I cap. LXI describit: *Toto flumine Ibero naues conquirere, & Octogesam adduci iubet. Iderat oppidum positum ad Iberum, milliæque passuum a castris [ad Ilerdam] aberat XX.* Eo loco hodie Mequinensæ est, ad confluentem Sicoris & Iberi. Medio æuo *Octogesæ* corrupte *Idosæ* dicta, ut in Notitia Episcopatum sub Gothis est. *Gallica Flauia*, Ptolemæi, videtur plurimis esse *Fragua*, ad *Cingam* fluuium, (qui Sicori prope confluentem miscetur) ex eodem ciuili bello notum. Cæsar dicto lib. I cap. XLVIII *Castra quum essent inter flumina duo, Sicorim & Cingam, spatio millium XXX, neutrum horum transiri poterat, necessarioque omnes his angustiis continebantur.* Lucanus lib. IV vers. 20

- - - - - camposque coerces
Cinga rapax.

Præterea in *Sicorim*, ante *Cingam*, duo flumina infunduntur, ambo *Nucariæ* nomine, cognominibus distincta. Orientalior *Nucaria Palliarensis*, vulgo *Noguera Palleresa*: occidentalior *Nucaria Ripacurtia*, vulgo *Noguerra Ribagorçana*. Cursus vtriusque a septentrione in austrum, æquali inter se distantia.

CXVII.

Inter *Sicorim* & *Nucariam* *Iesona* siue *Iessona*, vel *Aesona* fuit, quo loco multi Romanis litteris inscripti lapides inueniuntur; in quorum vno est

FVLVIO FILIO F. RESTITVTI

FILIO CATVLAE P. AESONENSI,

quod illustris vir P. de Marca interpretatur, *patria Aesonensi*. Nec minus antiquitatis studio clarus Iacobus Sponius Miscell. Erud. Antiq. pag. 188 hanc inscriptionem Romæ repertam adiecit

IESSONIA CN. F

PROCVLA

EX HISPANIA CITERIORE

IESSONENSIS ANN

XXIII H. S. E.

IVLIVS NATALIS VXORI

OPTIMAE DE SE MERITAE.

CXVIII.

Ilergetes latius se diffuderunt, & in ipsam *Vescitaniam*, vbi originis eorum erat *Osca*, antiqua vrbs & diues. Quo Liuii *Oscense argentum* lib. xxxiv cap. xi, in triumpho M. Heluii prælatum, referunt. In nummis Tiberii & Germanici v. v. OSCA, quod in aliis Augusti & eiusdem Tiberii sic plenius expressum est, VRBS VIC. OSCA D. D, *Vrbs Victrix Osca, decreto decurionum*. Plinius in Cæsaraugustano conuentu: *Oscenses regionis Vescitaniae*. Etenim Ilergetum diuersæ regiones erant, & vt *Ilerdenses, Surdaonum* ibidem dicuntur, ita *Oscenses Vescitaniae*. Plutarchus in Sertorio pag. 575 πόλιν μεγάλην vocat, *urbem magnam*, in qua Sertorius ludum Ἑλληνικῶν καὶ Ῥωμαϊκῶν μαθημάτων, *Græcarum Romanarumque litterarum* instituit, quibus nobilium pueri imbuerentur, quod præstat ad hanc urbem Ilergetum referre, quam cum Mariana ad obscurissimam quamdam Bæticiæ. Hodie *Huesca* est, non minus clara ciuitas. Hanc doctissimi viri in Velleii lib. ii cap. xxx pro *Etofsca* legunt, & *Oscæ* oppressum Sertorium volunt, inuito, quem adhuc ducem sequuti sumus, Petro de Marca, cui Velleii *Etofsca*, locus cædis Sertorianæ, est Strabonis *Ileosca*, Ilerdæ vicina, quam ipse eadem pag. iii ab *Osca* distinguit: & sicut acute Puteanus prævatum ἐτελεύτα νόσω, emendat ἐν Ὀσκη, ita hic ἐν Ἰλεόσκη mauult subrogari. Nihil definimus in tanta dissensione, quum vtriusque rationes sint minime poenitendæ.

CXIX.

De *Celsa* non minor lis est, quam Strabo ad Iberum locat, lapideo ibi ponte coniunctum: Ptolemæus ad radices Pyrenæi, procul ab Ibero remouet. Vnde quidam duas *Celsas* citra Iberum fuisse existimant; alii deferentes Ptolemæum, vt sæpe falsum in Hispania, vnam & Ibero appositam Strabonis *Celsam* agnoscunt, quorum certior vtique sententia est, quia alterius nulla vestigia supersunt, neque ex historicis monumentis vlla vetera ostendi possunt; hæc, iuxta Iberum sita, in *Xelsa* nomen priscum nemine contradicente tuetur. Hinc ergo nummos vindicari videmus Augusti & Tiberii c. v. i. CELSA signatos, id est, *Colonia Victrix Iulia Celsa*: & alium Hadriani, COL. V. IV L. c. quem Tristanus Calaguri dat; Harduinus itidem

dem Celsæ, quod de Calaguritana colonia nihil apud antiquos scriptores inueniatur, Pliniusque, qui pro illo stare videbatur, leui interpunctione sit castigandus; *Cæsaraugusta* - - - recipit populos CLII. Ex his ciuium Romanorum Belitanos, [Bilbilitanos;] *Celsenses* ex colonia: *Calaguritanos*, qui *Nascici* cognominantur: *Ilerdenses*, *Surdaonum* gentis, iuxta quos *Sicoris* fluius: *Oscensis* regionis *Vescitaniae*.

CXX.

Præterea Ptolemæus in *Ilergetibus* scribit *Bergidum* & *Bergusiam*. Hoc, *Bergium*, inter *Oscam* ponit & *Nascicam* *Calagurim*: quod quibusdam videtur *Vergium* esse, supra in *Lacetanis* ex *Liuii* lib. xxxiv cap. xxi expositum, nomine sane non abludente, forsan autem minus ferente situ. In *Ripa Curtia* videtur fuisse, aliis quidem *Benauarri*, aliis *Rota*, aut aliud inter *Balbastro* & *Vrgelam* situm oppidum. Mentio est etiam in antiqua inscriptione apud *Gruterum* pag. 478

C. VALESIO ALBINO

FLAMINIE BERGIDO.

Bergusia denominat *Bergusios*, gentem *Polybio*, *Liuius*, & *Stephano* commemoratam. Situm *Stephanus* ostendit: Βαργύσιοι ἔδρος διττικὸν πρὸς τῷ Ἰβερὶ ποταμῷ: *Bargusii* gens occidentalis ad *Iberum* fluium. nempe cis fluium, aut ad sinistram eius ripam, quia *Polybius* de *Hannibalis* profectio- ne in *Italiam* lib. iii cap. xxxiv dicit, traiecto ante *Ibero* *Ilergetes* & *Bargusios* subegisse. Eadem *Liuius* lib. xxi cap. xxiii, *Iberum* copias traiecit, - - - *Ilergetes* inde, *Bargusiosque*, & *Ausetanos* subegit. Horum ergo finitimos verisimile est fuisse. Quorum quod nulla posthæc est mentio facta, caputque *Bergusiam* in *Ilergetibus* scripsit *Ptolemæus*; videntur cum *Ilergetibus* vicinis suis coaluisse. *Bergusiæ*, dicit *P. de Marca*, nullum oppidorum, quæ superfunt, respondere quam *Balbastro*: & *Burtinae* eiusdem *Ptolemæi* ac *Antonini*, quam, *Suritæ* iudicio, *Almuderar*. etenim xii m. p. *Bortina* ab *Osca* est, itinere a *Cæsaraugusta* *Tarraconem*. Ut vero diuersis locis *Turdetani*, & *Celtici* & *Bastitani* habitarunt: ita etiam *Bargusii* quidam trans *Iberum* ad mare videntur coluisse, quos *Romani* legati, *Carthagine* regressi, primum adierunt. *Liuius* lib. xxi cap. xix *Legati Romani* ab *Carthagine*, sicut his *Romæ* imperatum erat, in *Hispaniam*, ut adirent ciuitates, & in societatem pellicerent, aut auerterent a *Pœnis*, traiecerunt. Ad *Bargusios* primum venerunt, a quibus benigne excepti, quia tædebat imperii *Punici*, multos trans *Iberum* populos ob cupidinem nouæ fortunæ erexerunt. Quo autem loco, aut cui populo intermixti fuerint, nostrum non est definire.

CXXI.

Alii a *Bargusiis* *Bergistani*, siue *Bergitani*, itidem cis *Iberum* populus, fuerunt, ab tergo videlicet *Lacetanorum*, siue in ortum solis ab illis habitantes. *Liuius* lib. xxxiv cap. xvi *Bergistanorum* ciuitatis septem castella defecerunt. Ciuitatis, id est societatis, reipublicæ. Vireminens, quem toties laudauimus lib. ii de *Marca Hisp.* cap. xxiii sect. 8 ita sedem illorum describit: *Lacetanos* *Bergitanis* ad orientem: *Ausetanis* & *Suessetanis* ad me-
ridi-

ridiem & occidentem; Ilergetibus ad occidentem & septentrionem concludemus. Et sectione 7, *Ad montes Bergitanos est Vergium.* Vergium, inquam, de quo supra actum ex Liuius est.

CXXII.

Sic omnibus perlustratis, quæ Ilergetum fuerunt; tandem ad id, quod præcipuum in iis, inuestigandum accedimus. Oppidum illud *Athanagia* est, caput gentis, Liuius auctore lib. XXI cap. LXI. *Excito, inquit, Scipione hibernis, [Asdrubal] toto cis Iberum rursus cedit agro. Scipio relictam ab auctore defectionis [Asdrubale] Ilergetum gentem, quum infesto exercitu inuasisset, compulsis omnibus Athanagiam, urbem, quæ caput eius populi erat, circumfedit.* Vbi vero locorum fuit, in tam late patente populo? superatne an euersa est? Scipio sane non deleuit, sed in fidem recepit deditio. Tarraphæ Tarraga videtur esse: pluribus Manresa. Sed hæc in Lacetanis sita, non in Ilergetibus. Aliorum missis opinionibus, Petro de Marca, summi iudicii viro, accedimus, qui lib. II de Marca Hisp. cap. XXVI rationibus omnibus circumspectis, quod nulla alia vrbs occurrit, quæ ob situs firmitatem, & sui amplitudinem, solique præstantiam caput Ilergetum dici potuerit, præter Ilerdam; ipsam hanc putat aliquando *Athanagiam* vocatam fuisse. Nomen Græcæ originis est, & quasi *Athanasiam*, id est, æternam urbem significat. A Græcis ergo oportet impositum, aut prisco *Ilerdæ* nomini esse superadditum.

CXXIII.

Supra de *Sicano* fluuio, qui Sicoris fit, & de Sicanis ex Hispania in Siciliam delatis ex Thucydidis lib. VI ineunte prædiximus. Causam migrationis Dionysius Halicarnassæus aperit lib. I pag. 17 de Sicilia: *κατέϊχον αὐτὴν Σικανὸι, γένους Ἰβηρικόν, & πολὺ πρότερον συνοικισάμενοι, Λίγυας φεύγοντες, Sicani eam [insulam] tenebant, gens Hispanica, quæ pulsa ab Liguribus, paullo ante ibi habitare cæperat.* Hi vero Ligures non tam in Italia erant, quam trans Alpes in Gallia, *Salyes* dicti, & Massiliensibus Græcis permixti. Strabo lib. IV pag. 140 *καλεῖσι τὰς Σάλυας οἱ μὲν παλαιοὶ τῶν Ἑλλήνων Λίγυας, καὶ τὴν χώραν, ἣν ἔχουσι, οἱ Μασσαλιῶται, Λιγυστικὴν, Salyas veteres Græci appellant Ligures, & regionem, quam Massilienses tenent, Ligusticam.* Et gens illa Ligurum οἰκῇ ἀναμῖξ τοῖς Ἑλλήσι, *habitat permixta Græcis.* Hinc Græcum nomen *Athanagiæ* a Liguribus in Hispania: quo postea deposito, vetus *Ilerdæ* rursus receptum fuit.

CXXIV.

Ad Pyrenæum rursus & limitem Gallicanum procedimus. De Bergistanis hætenus, qui a tergo erant Lacetanorum. *Lacetania* autem (sic bene Sigonius emendat) *subiecta Pyrenæis montibus est*, censente Liuius lib. XXI cap. XXIII. Et apud Sallustium epistola Pompeii, loco quem supra attigimus, ubi vulgo *Laletaniam* legunt, Sigonius & alii *Lacetaniam* hoc modo substituunt: *Recepi Galliam, Pyrenæum, Lacetaniam*, videlicet regiones se proxime contingentes. Ab horum tergo *Bergistani* erant, ad quorum fines amnis *Clodianus* oritur, qui inter Emporias & Rhodam in mare decurrit,

rit, nunc Fluuià Hispanis dictus. Mela lib. ii cap. vi *Deinde Ticer flumen ad Rhodam: Clodianum ad Emporias.* Quod probat & clarius proponit Ptolemaeus in Indigetum descriptione hoc ordine seruato:

Εμπορία
Κλωδιανῆ ποτ. ἐκβολαὶ
Ρωδὴ πόλις (ed. Ρωδιπολις).
Μετ' ἣν τὸ εἰρημένον ΑΦροδίσιον
ἱερόν.

Emporiae.
Clodiani fl. ostia.
Rhoda ciuitas.
Post quam Veneris tem-
plum.

Hoc est *Veneris templum* in promontorio, quod Galliam ab Hispania diiungit, aliquando simpliciter *Venus Pyrenæa* appellatum. Plinius lib. iii cap. iii *Flumen Tichis: ab eo Pyrenæa Venus in latere promontorii altero, xim.* Sic P. de Marca emendat: vulgo lectum *xlm* passuum, quod nimis longum interuallum est. In sinistro promontorii latere in Galliam vergente fuisse illud templum, ex Plinii verbis non obscure coniicitur. *Tichis* amnis autem eidem est, qui *Rhodam* veterem præterfluebat. Strabo itidem hunc *Galliæ terminum* ponit post principium libri quarti: *Εν τῷθεν ἡ παραλία παρατείνει μέχρι τῆς ἱερῆς τῆς Πυρηνάας ΑΦροδίτης. καὶ τῆτο δ' ἐστὶν ὅριον τῆς τε ὑπαρχίας καὶ τῆς Ἰβηρικῆς.* Hinc [a Varo flumine] *ora maritima* [Galliæ *Narbonensis*] *protenditur vsque ad templum Veneris Pyrenææ, quod limes est huius prouinciæ atque Hispaniæ.* Mons etiam post paullo pag. 125 vocatur τὸ ΑΦροδίσιον, τὸ τῆς Πυρήνης ἄκρον, *Aphrodisium, quod est Pyrenææ promontorium.* Male hoc quidem cum *Portu Veneris*, qui inde retractior in septentrionem est, confundunt. Pomponius Mela lib. ii cap. v. extremo: *Colonia Rusciño, vicus Eliberri magnæ quondam urbis, & magnarum opum tenue vestigium. Tum inter Pyrenæi promontoria Portus Veneris insignis fano, & Ceruaria locus finis Galliæ.* Portus Veneris est post *Caucoliberum*, austrum versus, in Gallia inclusus duobus paruis promontoriis: ultra *Ceruariam* vero ex Gallia proficiscenti promontorium maius est, ex *Pyrenæis* procurrens, veteribus *Aphrodisium* a *Veneris templo*, quod habebat, dictum, nunc *Crucianum*, siue *Capo de Creus*. Huius promontorii vertex, non ille portus, limitem Hispaniæ constituit, vt *Ceruaria* vltima Galliarum sit: sicut ex altera *Pyrenæi* parte ad Oceanum nunc fluuius *Vidasso* est, non memoratus ab antiquis, quibus finis Hispaniæ, vt apud Ptolemaeum est, in *Vasconum* promontorio *Oeaso* siue *Oiarso*, iuxta oppidum eiusdem nominis: initium Galliæ *Aturii* fluuii ostia fuerunt, quo tempore *Vidasso*, vtpote ex boreali latere summi *Pyrenæi* ortus, secundum Petrum Marcum in veteri *Aquitania* extra antiquæ Hispaniæ limitem in mare se exoneravit. Vide illius Marcum Hispan. lib. i cap. xiv.

CXXV.

Inter hos terminos & promontoria sub *Pyrenæis* hinc *Vascones* conluerunt: illinc *Indigetes* & *Lacetani*, quibus propius ad montes accedunt, aut intrant verius, & ex parte transeunt limitem *Cerretani* siue *Ceretani*. Plinius sæpe dicto cap. iii lib. iii *Post eos* [Laletanos & Indigetes] *quo dicetur ordine, intus recedentes radice Pyrenæi, Ausetani, Lacetani, perque Pyrenæ-*

renæum Cerretani : dein Vascones. Ibidem in Tarraconensi conuentu, illorum duo genera facit. *Cerretani*, inquit, *qui Iuliani cognominantur*, & *qui Augustani*. Iuliani ab ortu *Iulia Libyca*, quam solam Ptolemæus in suis Cerretanis (sic scripsit cum diphthongo) memorauit. An vero Augustani pariter ab vrbe *Augusta* nominantur? Ita censet Harduinus, sed quænam illa fuerit, non exponit. Nihil de ea geographi, & vt diximus, Ptolemæo sola *Iulia* in Cerretanis est: Strabo Iulianos non attingit, solis Augustanis contentus, sine tamen nomine. Dicit enim τὰ μέσα περιέχει καλῶς οἰκισθαι δυναμένους ἀυλῶνας. ἔχουσι δ' αὐτὰς κερρήτανοι, τὸ πλεόν τῶν Ἰβηρικῶν φύλῃ. *Media [Pyrenæi] conualles continent habitationibus opportunas. Teneant illas Cerretani maiori ex parte, Hispanicæ gentis.* Nullius oppidi mentionem facit: vnius *Iulie Liuiæ* Ptolemæus, quæ nunc exiguus locus ad Sicorim fontibus propinquum: at in vicino transflumen vrbs recens enata *Podium Ceretanum* dictum, vulgo *Puigcerda*. Vt ergo vtrumque cognomen eluceat manifestius, ex Marca Hispanica laudatissimi Archiepiscopi pauca excerpemus. *Cerretani*, inquit lib. i cap. xii *comprehendebant frequentissimas valles tum comitatus hodierni Ceritanie, tum etiam Vrgellensis, Palliarenensis, & Ripacurciensis, usque ad Sobrarbium & Aynsam oppida, Iacæ contermina.* *Veteres Cerretani, qui Iuliani dicti, non adeo late patebant; Augustanorum adiectio prouinciam fecit ampliorem.* - - - *Iuliani sunt veteres Cerretani, qui Latii iure potiebantur.* *Istud vero videntur adsequuti beneficio Iulii Cæsaris. unde eorum oppidum Iulia Liuia dictum.* *Illis aliquot populos vicinos adiunxit Augustus usque ad limites Vasconum, quo Ceretaniam faceret ampliorem.* *Solemne enim erat huic principi, vt obseruat Dio Cassius, eas prouincias sua auctoritate augere & amplificare, quæ contractiores illi videbantur, eisque vicinos populos adiciebat, qui in vnum corpus coalescerent.* Et post paullo sectione III, *Iuxta genuinum Strabonis sensum Cerretani, qui ex instituto Augusti valles omnes complectebantur, expansas usque ad Vasconum limites, maiore sui parte inter Hispanas gentes accensebantur.* *Quod manifeste significat, partem superiorem Ceretanorum, ubi est Liuia & Podium Ceretanum cum vicinis pagis, id est integrum fere comitatum Cerdaniæ ad Gallos pertinere.* Et sectione IV, Ptolemæus, omissò instituto Augusti, solos Ceretanos Iulianos descripsit, recensens Augustanos inter Ilergetes; docetque Ceretanorum caput esse *Iuliam Libycam*. Rectius scribitur *LIBIA* siue *LIVIA*, de qua ita Iulianus Toletanus in expeditione Wambæ regis: *CASTRVM LYBIAE, QVOD EST CIRRITANIAE CAPVT.* Silius etiam Italicus huius gentis meminit lib. iii vers. 357

Nec Cerretani, quondam Tirynthia castra.

Scilicet Herculem hac transiisse, & montibus nomen a Pyrene, regis Bebrycum filia, quam amauerat, dedisse, fabulatur: alias de termino, quem montes faciant, recte iudicauit vers. 417

Pyrene celsa nimbo si verticis arce

Diuisos Celtis late prospectat Iberos:

qui montes quod ab Oceano ad mediterraneum mare pertingunt; idcirco Aufonius epist. xxiv ad Paullinum vers. 69 dixit

- - - *bimaris iuga ninguida Pyrenæi,*

quæ iuxta vtrumque mare angustam viam transeuntibus præbent, ideoque *claustra* ab Orosio lib. vii cap. xl, & *clausura* Lege i v Cod. de Offic. mag. officior. & Lege ii de Offic. præf. præf. per Afric. sect. 4 vocantur, quæ nomina ad mediæ ævi geographiam potius, quam ad hanc nostram pertinent. Altera via iuxta internum mare, utebantur Romani, & ante hos Hannibal vsus fuerat: altera, Aquitanica, posteriores barbaros & Francos ex Aquitania in Hispaniæ superiores partes irrupisse, alibi subnotabimus.

SECTIO IV

INSVLAE HISPANICAE.

CXXVI.

In Oceano extra columnas est parua, sed celebratissimæ famæ insula *Gades*, pluratiuo numero, etiam singulariter *Gadis* apud Liuium lib. iv extremo, appellata, de cuius nomine, & origine, & incrementis aliquid supra diximus pag. 70, quia ita propinqua continenti est, vt cum ea cohærere videatur. Quæ restant dicenda de illa, breuissime adiiciemus. Nominibus insulæ addimus antiquum, quod ante deductam Tyriorum coloniam fuit, a Festo Auieno Descript. Orb. vers. 610 seqq. memoratum:

*Gadir prima fretum solida supereminet arce
Attollitque caput geminis inserta columnis.
Hæc Cotinussa prius fuerat sub nomine prisco,
Tartessusque dehinc Tyrii dixere coloni.
Barbara quin etiam Gades hanc lingua frequentat,
Pænis quippe locum Gadir vocat undique septum
Aggere præducto.*

Eadem fere Plinius tradit lib. iv extremo: *Maiorem* [insulam Gades respectu Erythiæ] *Timæus Continussam* apud eos vocatam ait: *nostri Tartesson appellant: Pæni Gadir, ita Punica lingua sepem significante.* Insula non multo longior est centum stadiis secundum Strabonem: latitudine autem admodum angusta, iii fortasse m. p. vt ex Polybio Plinius refert, in cuius occidua parte *Gades* sitæ, vrbs frequentissima, nec vero multi eam habitare videbantur, διὰ τὸ πάντας θαλαττεύειν τὸ πλεόν, quia omnes plerumque in mari mercaturam exercebant. Equites sua ætate quingentos habuisse Strabo, cuius & superiora sunt, lib. iii p. 116 notauit, quot nullius, vel Italicæ vrbs censi sunt, præter Patauinam. In ortum ab vrbe xii m. p. templum Herculis aberat, tanto scilicet interuallo, vt milliariorum numero labores Herculis significati fuerint, itidem Strabone obseruante pag. 117, quamuis is paullo longius illud spatium esse iudicet. Templum Herculis, quo Tyrios conditores suos Gaditani sunt imitati, summæ semper religionis fuit, vt Romani etiam voti causa adirent, tradente Diodoro Siculo lib. v cap. xx, quod de Hannibale etiam memorauit Liuius lib. xxi cap. xxi. Plura de templo illo Silius lib. iii sub initium.

CXXVII.

Insula *Erythia*, Ερυθρα, quam proximam veteres adiungunt Gadibus,* vel demersa est, vel in scopulis quærenda, vel pars est ipsarum Gadium, ** neque hodie eius formæ aliqua, vti descripta est, fertur superesse. Hanc fabulosum Geryonem inhabitasse poetæ fingunt. Hesiodus Theogon. v. 289,

Γηρυονῆα

Τὸν μὲν ἄρ' ἐξενάριξε βίη Ἡρακλεΐη

Βασί παρ' εἰλιπόδεσσι, περιρρύτῳ ἐν Ερυθρίῃ,

Geryonem quem armis exuit vis Herculeana boues apud flexipedes in insula Erythra. Eustathius vero ad Dionysii vers. 558 Geryonis Erythiam vbi in Atlantico mari reponat, plane dubius & incertus est.

CXXVIII.

Nec minus obscura res est *Casfiteridum* insularum, quas decem numero Strabo & Ptolemæus in occidentali Oceano post Nerium siue Artabrum promontorium Hispaniæ opponunt. Quod plumbo & stanno abundare scribuntur, in suspicionem venerunt, qui Britannicas insulas minores (Sör-linges vocant) per errorem huc forsan retractas esse opinentur. Alii mitius de tantis geographis censent, freti consensu plurium, Melæ lib. iii cap. vi, Plinii lib. iv cap. xxi & lib. vii cap. lvi, & in primis Diodori Siculi, qui lib. v cap. xxxviii clarissime ait: ὑπεράνω τῆς τῶν Λυσιτανῶν χώρας ἐστὶ μέταλλα πολλὰ τῆς κασσιτέρης, κατὰ τὰς προκειμένας τῆς Ἰβηρίας ἐν τῷ Ωκεανῷ νησιδας τὰς ἀπὸ τῆς συμβεβηκότος κασσιτερίδας ὀνομασμένας, *Supra Lusitanorum provinciam multum stannei est metalli, in insulis videlicet Oceano obiacentibus, quas idcirco Casfiterides nuncupant.* Malunt ergo incultas insulas cum scopulis quidam conquirere, vt numerum suppleant: non tamen stanni tantam copiam inveniunt, quantam inde exportatam fuisse veteres prodiderunt: Dionysius periegeta vers. 62 locat

ὑπ' ἄκρην

Ἰβήν, ἣν ἐνέπρσσι κάρην ἔμειν Ευρωπείης

Νήσους δ' ἐσπερίδας, τόθι κασσιτέροιο γενέθλη

sub promontorio sacro, quod dicunt caput Europæ esse, insulas occidentales, vbi stannum gignitur. Adeo incerti veteres sunt, ex qua plaga Hispaniæ suas Casfiterides apponant. Ingenue ergo & caute Herodotus lib. iii cap. cxv, ὅτε νῆσους οἶδα κασσιτερίδας ἔχοντας, ἐκ τῶν ὃ κασσίτερος ἡμῶν φοιτᾷ, *Neque ego insulas novi Casfiterides, unde stannum nobis venit: quæ circa Hispaniam nullæ sunt.*

Q₃

CXXIX.

* Variant veteres, Apollodorus Bibl. I. c. 6. §. i. Οὗτος δὲ καὶ τὰς Ἡλίας βόας ἐξ Ερυθρίας ἤλασε, Halcyoneus etiam folis boues ex Erythia abegit. Id. lib. II. c. 5. f. 10. p. 114. Δέκατον δὲ ἐτάλην ἄθλον τὰς γηρυόνας βῆς ἐξ Ερυθρίας κομίζαν. Ερυθρα δὲ ἦν Ωκεανῷ πλησίον καμένη νῆσος, ἣ νῦν γάδερα καλεῖται. *Decimum ei certamen statutum est, ut Geryonis boues ex Erythia adduceret. Erythia autem est insula Oceano propinqua, quæ nunc Gades appellatur.* Herodotus IV. c. 8. τὴν ἑλλήνες λέγουσι Ερυθρίαν νῆσον, τὴν πρὸς Γιδάροισι τοῖσι ἐξω ἐπὶ Ἡρακλεῶν στήλεων ἐπὶ τῷ Ωκεανῷ. *Quam Græci dicunt insulam Erythiam, quæ iacet ad Gades ultra columnas Herc-*

** Inclinat huc pene narratio Strabonis pag. 221 & 257.

CXXIX.

Ptolemæus addit *Θεῶν νήσους δύο*, duas *Deorum insulas*, quarum numerum, si eadem sunt, auxit Plinius lib. iv cap. xxi extremum. Ex aduerso, inquit, *Celtiberiæ complures sunt insulae, Casiterides dictæ Græcis a fertilitate plumbi*: & e regione *Arrotrebarum* (quod Celticum siue Nerium est) *promontorii, Deorum sex, quas aliqui Fortunatas appellauere*. Quod si *Fortunatas* intelligit, in Africa lib. iv, quo referre illas satius est, exponemus.

CXXX.

In mediterraneo mari, e regione Dianii, Strabo pag. 109 *νησίδια* paruas insulas, *Planefiam & Plumbariam* ponit. Tres utique Strabo *Planefias* siue *Planefias* tradit, hanc Hispanicam, quam præter illum, nemo veterum quantum constat, agnoscit: & Gallicam ante Masiliensem litus: & denique Italianam, notissimam Romanis, Etruriæ obiacentem. Nostri chorographi nullas hoc loco insulas ostendunt, paullo inferius autem siue in austrum reductas habent, de S. Pola, infra Lucentum siue Alicantam e regione Orcelis: & alias paruas Carthagini Hispanicæ obuertas. Sed ipse Strabo proxime Carthaginem, id est xxi v stadiis ab illa, ponit *Insulam Herculis*, quæ & *Scombraria*, a captis ibi scombris, appelletur. Memorabiliores habet *Balearicum mare*, & maiores etiam, *Pityusas* duas, & totidem *Gymnesias*, quarum illæ his ad occasum sunt obiectæ. De vtrisque, quod crebra illarum mentio occurrit, operæ pretium erit diligentius enarrare.

CXXXI.

Pityusæ duæ sunt, a pini prouentu Græcis dictæ, quarum maior *Ebusus*; minor *Ophiussa* appellatur. Sic Strabo & Ptolemæus. Latini copiosius de illis tradunt. Pomponius Mela lib. ii extremo: *Ebusus e regione promontorii, quod in Sucronensi sinu Ferrariam vocant, eodem nomine urbem habet, frumentis tantum non fecunda, ad alia largior, & omnium animalium, quæ nocent, adeo expers, ut nec ea quidem, quæ de agrestibus mitia sunt, aut generet, aut si inuecta sunt sustineat*. Plinius lib. iii cap. v extremo: *Insulae per hæc maria primæ omnium Pityusæ a Græcis dictæ, a frutice pineo: nunc Ebusus vocatur, utraque ciuitate fœderata, angusto freto interfluente: patent XLVI m. passuum: absunt a Dianio septingentis stadiis. Tantumdem a Pityusis in altum Baleares duæ, & Sucronem versus Colubraria*. Ex his intelligimus, quæ olim *Pityusæ* diuersis nominibus appellatæ *Ebusus & Ophiussa* sunt, post vno nomine *Ebusi* comprehensas esse, vel quod freto diremtæ sunt exiguo, vel quod minoris, tamquam desertæ, nulla habita fuit ratio. Strabo enim dicto loco pag. 115, ἡ δ' Οφίσσα ἔρημος, καὶ πολλὴ ἐλάτλων, ταύτης πλησίον κεμένη, *Ophiussa autem deserta, & multo minor* [quam *Ebusus*] *& huic proxime adiacet*. Et Livius lib. xxviii cap. xxxvii *nauibz ad Pityusam insulam traiecit*, tamquam vna esset, maiorem seu præcipuam intelligens. Nos de vtraque distincte.

CXXXII.

Ebusus maior *Pityusarum*, habuit *πέλιον ὀμώνυμον*, cognomine oppidum, ut Strabo & Ptolemæus referunt. Si antiqua monimenta inspicimus, *Ebusus* nomen

nomen insulæ, *Ebusium*, leuiter mutata terminatione, oppidi in ea nomen fuit. Vetus inscriptio apud Gruterum pag. 277 num. 5 imperatori Caro dicata, ORDO EBVSII: & alia pag. 868 num. II R. P. EBVSII, id est, *respublica Ebusii*. Insula fertilis pascendo pecori. Festus Auienus Descript. Orb. vers. 621

Ac dilecta vago pecori consurgit Ebusus.

Fici quoque, & si Ludouico Nonio credimus, etiam sacchari prouentu diues fuit, qui cap. xciv huc Statii versum 15 lib. i Silv. vi trahit hendecasyllabum:

Et quas percoquit Ebusia cannas.

Ebusia autem vel vt alii legunt *Ebosia* interpretum consensu est eadem, quæ Ebusus. Barthius cum Geuartio legi vult *Ebusita*, incola Ebusi insulæ, metri facilioris causâ: multi etiam *præcoquit*: Claudius Beraldus *Caunas* non Cannas, quas *ἱχάδας*, ficus siccatas interpretatur, quæ ita dicantur, quia ex Cauno vrbe aduectæ sint, sicut *caricæ*, quia ex Caria. Plinius lib. xv cap. xix *Ficis mollis omnibus tactus: maturis frumenta intus: succus maturefcentibus lactis: percoctis mellis: - - Siccas honos laudatas seruat in capsis Ebuso insula præstantissimas amplissimasque; mox in Marrucinis.* Ciuitas Ebusus, siue *Ebusium*, colonia Pœnorum fuit, Silio idcirco *Phænissa* cognominata. Libro III enim vers. 362

Iamque Ebusus Phænissa mouet, mouet Artabrus arma.

Corripuit mediam, secus ac supra Dionysius. Est enim etiam Ἐβυσος, sicut Ptolemæus Ἐβυσσος littera scripsit geminata.

CXXXIII.

Altera & minor Pityusarum dicitur *Ophiusa*, Græco vocabulo, quam multi putant eandem esse, quæ Latine *Colubraria* appellatur. At si Melæ & Plinio attendimus, diuersæ sunt insulæ, quamlibet vi vocis idem plane referant. Plinius enim verbis modo prolatis *tantumdem*, id est septingentis stadiis, a Pityusis Colubrariam distare dixit Sucronem versus, quod spatium insulæ parvæ inter scopulos, septemtrionem versus ab Ebuso sitæ, conuenit, quæ nunc *Mont colobre* appellatur. nec enim Ophiusam nominauit distincte, sed sub *Ebusi* communi nomine comprehendit. Colubraria ergo ipsi alia ab Ophiusa est, nec interuallum, quod definiit, Ophiusæ competit. Eodem modo sunt Melæ verba interpretanda, *Contra est Colubraria*, id est, non adiacens, sed ex longinquo opposita: quod pluribus declarat, quem toties honoris causâ nominauimus, Petrus de Marca lib. II cap. XII.

CXXXIV.

A Pityusis in ortum tanto spatium, quanto ab illis Colubraria abest, *Baleares* insulæ, Maior præcipue (nam minor longius recedit) distant, ampliores quam Pityusæ, & pluribus oppidis habitatæ. Dicuntur Baleares Latine Liuius, Plinio, Melæ: Græce autem *Βαλεαρίδες*, plerumque, vt a Strabone & Ptolemæo: raro *Βαλεαρία νῆσοι*, ab Agathemero: a Diodoro *Βαλιαρίαις*. Id nominis vulgo a *βαλλειν*, iaculando deducunt, quia præstantissimi funditores Balearici erant. Quibus præiuit Diodorus Siculus lib. v cap. xvii de his insu-

insulis tradens : ὑπὸ τῶν ἐγχωρίων καὶ Ῥωμαίων προσαγορεύονται Βαλιαρῆς ἀπὸ τῆς βάλλειν ταῖς σφαιρόνους λίθους μεγάλας κάλλιπα ἀπάντων ἀνδράπων, ab indigenis & Romanis Baleares vocantur a βάλλειν iaciendo funda magnos lapides peritisime omnium. In eo omnes conueniunt, iaculatores funditoresque hoc nomine significari: an vero ita a βάλλειν, vt Diodorus dixit, nominentur, aliorum non minori auctoritate dubitatur. Strabo lib. xiv pag. 450 φασὶ τὰς Γυμνητὰς ὑπὸ Φοινίκων Βαλεαρίδας λέγεσθαι, διότι τὰς γυμνασίας Βαλεαρίδας λεχθῆναι, *Gymnetas aiunt a Phœnicibus Balearides vocatos, idcirco exercitationes Balearidas appellari.* Eustathius ad Dionysii vers. 457 διὸ καὶ Βαλιαρῆς λέγονται, ὅ ἐσι σφαιρόνιται, κατὰ τὴν ἐγχώριον γλῶσσαν, ideo Baleares dicuntur, hoc est funditores, secundum ipsorum vernaculam linguam. Quod si est Punicæ originis hoc vocabulum, vt tres hi auctores confirmant; non a βάλλειν, Græco verbo, potest esse, sed in Punica lingua aut Phœnicia natales eius quærendi: quos vir doctissimus Samuel Bochartus non inepta coniectura inuenisse videtur, dum a ܒܠܝܐ, quod & dominus & peritus est, ac ܐܢ iecit, quasi peritus iaculandi significetur, deriuat. Alterum nomen, ex Græcia peti- tum, est *Gymnesiarum*, * siue *Gymnasiarum*. Strabo pag. 115, τὰς γυμνασίας δὲ καλεῖσι Βαλεαρίδας, quod Plinii verbis ex lib. iii cap. v interpretamur: *Baleares, funda bellicosas, Græci Gymnasias dixere.* Diodorus Siculus dicto loco idem tradit, & simul rationem appellationis manifestat: ὑπὸ τῶν Ἑλλήνων ὀνομαζόμενα, Γυμνήσια, διὰ τὸ τὰς εἰσικῆντας γυμνὰς τῆς ἐσθῆτος βίβν κατὰ τὴν τῆς θε- ραῖς ὥραν, a Græcis [Baleares insulæ] vocantur *Gymnesiæ*, quia incole æstiuo tem- pore nudi degunt. Consentit Liuius, ex cuius lx libro hæc epitoma superest: *Præterea res a Q. Metello consule aduersus Baleares gestas continet, quas Græci Gymnesiæ appellant, quia æstatem nudi exigant.* Hæc de nominibus.

CXXXV.

Diuiduntur Baleares in Maiorem & Minorem, vnde nomina hodieque seruantur. Mela pluraliter, *Maiores, Minores* dixit: verba mox exhibebuntur. In Maiore duo oppida Strabo & Ptolemæus nominant, *Palmam & Pollentiam*, hanc in orientis litore; illam ad occasum: Plinius plura addit, sed minus cognita: *Maior*, inquit, *oppida habet ciuium Romanorum Palmam & Pollentiam: Latina, Cinium & Cunici: & fæderatorum Borchorum fuit.* *Palma & Pollentiæ* situm a Strabone & Ptolemæo designatum habemus: Plinius a se superadditis certum locum non addixit. Mela *colonias* dixit a Strabone laudatas *Palmam & Pollentiam.* In *Maioribus*, inquit, *Palma & Pollentia coloniæ.* *Palma* in loco censetur esse, vbi nunc vrbs Mallorca est. In *Minore* insula Baleari Mela duo *castella* ponit; quas Plinius *ciuitates* vocat, Ptolemæus etiam πόλεις, quæ sunt *Iamno & Mago*; alterum nomen in celeberrimo portu Maon superest. Et Strabo portus vtriusque insulæ laudauit: ἀμφω εὐδαίμονες καὶ εὐλίμενοι, *ambæ*, inquit, *insulæ sunt fortunatæ & bonis portubus præditæ.* Plinius & huic adiecit oppidum, sed æque ignotum, vt erant *Ma-* *m. p. distat Minor, longitudine XL M. circuitu CL M. p. Ciuitates habet Iamno-*

* Videatur Tzerzes ad Lycophronem v. 633.



GALLIA
NARBONENSIS
LUGDVNENSIS
ET AQUITANIA

nem, Saniferam, & Magonem. Fuerunt autem Gymnesiæ in Carthaginien-
sium potestate, antequam Romani suæ illas ditionis fecerunt. Strabo pag.
116 φοίνικες κατέχον τὰς νήσους, *has insulas Phœnices (sive Pœni) possederunt.* Ro-
manis subiecit Q. Metellus, inde *Balearicus* cognominatus. Lege Strabo-
nem dicto loco, & Florum lib. III cap. VIII.

CXXXVI.

Tandem quæ circa Baleares sunt, paruas has insulas Plinius addit : *A
Maiore XII M.P. in altum abest Capraria, insidiosa naufragiis ; & e regione
Palmæ urbis, Menariæ, ac Tiquadra, & parua Hannibalis.* Capraria nunc
Cabrera, Maiori Gymnesiæ in austrum subiecta ; ceteræ ita sunt incognitæ,
vt Harduinus mari demersas existimet. Hæ insulæ, tam Baleares, quam Pi-
tyusæ, & vtrisque adiacentes, prouinciæ citerioris siue Tarraconensis pars
fuerunt, quod Plinius lib. III cap. III ineunte indicauit : *Nunc vniuersa pro-
vincia [citerior] diuiditur in conuentus septem : - - - Accedunt insulæ.* Et-
iam post paullo Conuentum, cui adscriptæ fuerant, designat. *Carthagi-
nem, inquit, conueniunt populi LXV, exceptis insularum incolis.* Ergo & hi
Carthagine Noua ius suum petierunt.

CAPVT II

DE

GALLIA TRANSALPINA.

I.

GAllia vniuersa Romanis erat vel *Citerior & Cisalpina* ; vel *Vlterior* siue
Transalpina. Citerior proprie pars erat Italiæ, & in Italia quoque a
nobis explicanda ; quippe *Gallia*, tantum a Gallis colonis, qui occupa-
uerant, appellata. *Vlterior* autem siue *Transalpina* est propria huius loci,
quam in præsentī illustrabimus, quum de ipsa diuisione in *Citeriorem & Vlte-
riorem* aliquid præfati fuerimus. Cicero de Prouinciis consular. cap. xv
*Illæ sententiæ virorum clarissimorum minime probandæ sunt, quorum alter vl-
teriorem Galliam decernit cum Syria : alter citeriorem.* Idem Philippica VII
cap. i de Antonio : *remittere eum nobis Galliam citeriorem : illam ultimam
postulare.* Et lib. VIII ad Attic. epist. III *Ille Galliæ vltioris adiunctor, Pom-
peius scilicet, qui effecerat vt Cæsari decerneretur.* Eadem diuisio est in
Cisalpinam & Transalpinam. Pro Lege Manilia cap. XII *Gallia Cisalpina
præfidiis ac nauibus confirmata.* Et pro Murena cap. vlt. *An se in contrariam
partem terrarum abdet, vt Gallia Transalpina, quem nuper summo cum impe-
rio libentissime viderit, eundem nunc lugentem, mœrentem, exsulem videat ?*

II.

His tertia denominatio a vestibus & habitus diuersitate hæsit. Quod
enim post Sociale bellum omnis citerior Gallia ius ciuitatis fuit adepta,
ideoque qui incolebant, vt ceteri Romani ciues, toga utebantur ; ipsa inde
prouincia *Togata Gallia* appellata est. *Vltioris autem incolæ quod cri-*

nes alebant, quos tum tondere soliti erant Romani; factum inde est, ut Transalpina *Comata* diceretur: pars etiam australis, quæ postea Narbonensis dicebatur a braccarum usu, Romanis insolito, *Braccata*. Cicero Philipp. v. iii cap. ix de Antonio: *Galliam, inquit, Togatam remitto: Comatam postulo*, quas oratione vii, cuius verba modo proferebamus, dixerat *citeriorem & ultimam*. Dio Cassius lib. xlv. i extremo, quum de Triumviris prouincias inter se primo consilio diuidentibus dixisset, Cæsarem Africam utramque, Sardiniam & Siciliam sortitum esse: Lepidum omnem Hispaniam & Galliam Narbonensem; ait Antonio obtigisse τὴν λοιπὴν Γαλατίαν, τὴν τε ἐν τὸς τῶν ἁλπεων, καὶ τὴν ὑπὲρ αὐτὰς ἔσαν. Ἐκαλεῖτο δὲ ἐκείνη μὲν Τεγάτα, ἑστὶ εἰρηνηκώτερα παρὰ τὰς ἄλλας ἐδόκει εἶναι καὶ ὅτι καὶ τῇ ἐοῦσῃ τῇ Ρωμαϊκῇ τῇ ἀσικῇ ἐχρῶντο ἤδη αὐτὴ δὲ δὴ Κομάτα, ὅτι οἱ Γαλάται οἱ ταύτη, ἐς κόμην τὸ πλεῖστον τὰς τριχὰς ἀνιέντες, ἐπίσημοι κατὰ τὸτο παρὰ τὰς ἄλλας ἦσαν, obtigisse, inquam, Antonio reliquam Galliam, tam Cisalpinam quam Transalpinam. Vocabatur autem illa Togata, quod reliquis videretur esse pacatior, quodque iam tum urbanum Romanorum vestitum usurparet: altera Comata, quod Galli isti Coma, quam prolixam gerebant, a ceteris dignoscebantur. Consentunt Latini scriptores alii. Pomponius Mela lib. ii cap. iv sinistra parte Carni & Veneti colunt Togatam Galliam. Plinius lib. iii cap. xiv Ab Ancona Gallica ora incipit, Togatæ Gallie cognomine. Ergo hæc cis Alpes in Italia. Tacitus lib. xi cap. xxiii A. Vitellio, L. Vipsanio consulibus, quum de supplendo senatu ageretur, primoresque Gallia, quæ Comata appellatur, fœdera & ciuitatem Romanam pridem adsequuti, ius adipiscendorum in urbe honorum expeterent, multus ea super re variusque rumor & studiis diuersis apud principem certabatur.

III.

Hæc Comata Gallia tres prouincias, ut postea diuidebantur, complexa fuit, *Aquitaniam, Lugdunensem, & Belgicam*. Narbonensis autem *Braccata* olim dicta fuit. Diodorus quidem Siculus lib. ii cap. xxx videtur omnibus Gallis transalpinis ἀναξυρίδας, ἀς ἐκείνοι βράκας προσαγορεύουσι, femoralia, quas illi BRACCAS appellant, tribuere: sed in *Braccatæ* nomine Romanis potius, quam Siculo homini credendum est. Pomponius Mela lib. ii cap. iv Pars nostro mari apposita, fuit aliquando *Braccata*, nunc *Narbonensis*. Et Plinius lib. iii cap. iv ineunte: *Narbonensis prouincia appellatur pars Galliarum, quæ interno mari adluitur, Braccata antea dicta, amne Varo ab Italia discreta*. Quæ ipsa, hunc imitatus, Martianus Capella lib. vi iisdem pæne verbis repetiit, & pariter hoc nomen Narbonensi prouinciæ vindicauit. Dicta autem a *braccis* fuit, id est a femoralibus, quod vestimenti genus Romanis inusitatum, ab iis primum in Gallia Narbonensi visum fuerat, quam inde *Braccatam* cognominauerunt.

IV.

Græci Galliam Γαλατίαν, & Gallos Γαλάτας ut plurimum appellant, atque sic Polybius, Siceliota Diodorus, Dio Cassius, Iosephus, Pausanias, alii; posteriores autem cum Latinis Γάλλος, & regionem Γαλλίαν dixerunt, qua vocabuli Latina forma passim Pæanius, Græcus Eutropii metaphrastes; etiam

etiam ecclesiastici scriptores Eusebius lib. v cap. vi, & Socrates i cap. xxxv, ac Theodorus lib. i cap. xxxi vti sunt. Agathemerus vero lib. ii cap. iv diuersorum casuum nomina videtur hisce conciliare; τῶν Γαλιῶν ἃς πρότερον Γαλατίας ἐλεγον, ἐξῆς καμμένων, *deinceps sitæ sunt Gallia, quas antea Galatias dixerunt.* Scilicet Γάλλος & Γαλιῶν non nisi posteriores dixisse iam accepimus. Plutarchus in Cæsare Κελτῶν & Γαλατῶν vocabula promiscue usurpat, licet *Celtæ* secundum Cæsarem principio Operis partem tertiam, distinctam a Belgis & Aquitanis, constituent, quam posteri Lugdunensem appellauerunt. Sed laxior alibi vsus vocabuli *Celtarum* est; quemadmodum Ptolemæus lib. ii cap. vii, eumque sequutus Heracleota Marcianus, Κελτογαλατίαν; etiam Strabo lib. iv. τὴν ὑπὲρ τῶν Ἀλπεων Κελτικὴν, non partem, sed vniuersam trans Alpes Galliam, in quatuor partes diuidendam, nominarunt. Et quos Cæsar indigenarum lingua *Celtas*, tertiam partem Gallorum, appellari dixit, id nominis Herodianus vniuersis tribuit, πᾶσαν τῶν Κελτῶν καὶ Ἰβήρων χώραν, *omnem*, dicens, *Celtarum & Hispanorum regionem.* Trans Rhenum quoque in Germaniam *Celtarum* nomen prolatum fuit. Suidas, Κελτοὶ, ὄνομα ἔθνους, οἱ λεγόμενοι Γερμανοὶ, οἱ ἀμφὶ τὸν Ῥήνον ποταμὸν εἰσιν, *Celtæ gentis nomen: qui Germani dicuntur, utrimque Rhenum accolentes.* Nec tantum Rhenani Germanorum *Celtæ*, verum etiam interiores. quid? quod Philippus Cluuerius lib. i Germaniæ Antiquæ operosus in eo est, vt Illyricos quoque, & Britannos & Hispanos *Celtarum* nomine comprehensos, & communi Celtica lingua vsos esse, dialectis tantummodo distincta, approbet. Maxime tamen sic Gallos appellauere veteres, idque ex propria indigenarum lingua. Pausanias Attic. cap. iii ὃψ' ἐαυτὰς καλεῖσθαι Γαλάτας ἐξενίκητε. Κελτοὶ γὰρ κατὰ τε σφᾶς τὸ ἀρχαῖον καὶ παρὰ τοῖς ἄλλοις ὠνομάζοντο, *Sero vsus obtinuit, vt Galatæ [siue Galli] appellarentur. Celtas enim cum ipsi se, tum alii eos nominarunt.* Fabulosum autem est, quod Diodorus Siculus lib. v cap. xxi v tradit, Herculis filium Γαλάτην, *Galatam*, ex Celtici principis filia susceptum, omnes sibi subiectos Γαλάτας ex suo nomine appellasse, & regnum suum Γαλατίαν *Galatiam*, id est Galliam.

V.

Hactenus de nomine & nominis diuisione, aut si plus aliquid dictum fuit, de generali & interiectu Alpium facta diuisione in Citeriorem Vltioremque, seu Cisalpinam & Transalpinam Galliam. Nunc de diuisione huius Transalpinæ. Diuidi autem nequaquam potest, nisi de finibus Galliæ vniuersæ, & partium limitibus, quæ flumina plerumque sunt, aut montes etiam, recte prius nobis, quod opus est, constiterit. Quare quæ de iis prius dicenda sunt, iam adgrediemur. Gallia vniuersa quæ trans Alpes Romanis erat, a Pyrenæis montibus intra Oceanum, internum mare, & Alpes, vsque ad Rheni ripas expandebatur. De ceteris terminis inter omnes conuenit: de Rheno Plinius nos quodammodo dubios possit facere, qui lib. iv cap. xvii principio: *A Scalde ad Sequanam Gallia Belgica.* & mox: *a Scalde incunt extera Toxandri*, quasi extra limitem Galliarum positi. At Cæsar, Strabo, Mela, Ptolemæus ad Rhenum Belgarum fines, tamquam vltimos Gallo-

rum terminos, proferebant. Cæsar lib. i cap. i *Belgæ ab extremis Gallie finibus oriuntur: pertinent ad inferiorem partem fluminis Rheni.* PERTINENT, id est pertingunt. Metaphrastes *διηκει μέχρις ἐπὶ τὰ κάτω τῆς Ῥήνης.* Strabo lib. i v initio; *τὴν Κελτικὴν ὁρίζει ἀπὸ τῶν ἀνατολῶν ἡ Ῥήνως, Galliam terminat ab ortu Rhenus.* Pomponius Mela lib. i i i cap. i i *A Pyrenæo ad Garumnā Aquitania: ab eo ad Sequanam Celtæ: inde ad Rhenum pertinent Belgæ.* Plinius autem sibi non constat, quia eodem capite in Belgicæ populis numeravit etiam *Rhenum accolentes, Germaniæ gentium in eadem prouincia, Nemetes, Triboccos, Vangiones; hinc Vbios, Batauos, & quos in insulis Rheni dixerat.* De partium limite antequam agamus, de fluminibus singulis aliquid prædicendum est, quia sine illis partes nec internosci neque distingui accurate possunt.

VI.

Præter Rhenum ergo *Garumna* nobilis fluuius est & nauium patiens, qui ex Pyrenæo demissus Aquitaniam olim terminabat a septentrione: post id tempus, ex Augusti dispensatione, mediam illam discreuit, supra Burdegalam, quam adluit, in Aquitanicum Oceanum se exonerans. Ausonius *Mosella extrema æquoream dixit,*

æquoreæ te commendabo Garumnæ,

scilicet propter marinos æstus, quos refert: quia vt Claudianus lib. i i in Rufinum vers. i i 3 scripsit,

*retro perniciosior vnda Garumnæ
Occani pleno quoties impellitur æstu.*

VII.

Recipit *Garumna* & in mare desert duos celebres fluuios, *Tarnem* & *Duranium*: illum Albam Heluorum adluentem; hunc inde in boream non-nihil remotiorem. *Tarnem* olim arena aurifera commendauit. Ausonius iterum in *Mosella* vers. 465

auriferum postponet Gallia Tarnem.

De *Duranio* idem vers. 464

Concedes gelido, Durani, de monte volutus Amnis.

nunc la Dordogne corrupto nomine dictus. Miscetur *Garumnæ* iam *πελαγίζοντι*, commune cum illo faciens æstuarium. Sidonius Apollinaris Carm. xxii vers. 101

*Est locus, irrigua qua rupe Garumna rotate,
Et tu qui simili festinus in æquora lapsu
Exis curuata, Durani muscose, saburra,
Iam pigrescentes sensim confunditis amnes.
Currit in aduersum heic pontus, multoque recurso
Flumina quas voluunt & spernit & expedit vndas.*

Ceteri amnes in *Garumnā* infusi, *Veronius* & *Oldus*: aut in *Duranium*, vt *Ille*, quasi obscuriora nomina, prætermittuntur.

VIII.

Inter *Garumnā* autem & Pyrenæos, aut proxime hos montes, *Atus* us exit

exit siue *Aturrus*, Ptolemæi Ἀτῦριος, de quo Aufonius dicto Carmine vers. 468

Tarbellicus ibit Aturus,

quia Tarbellos populos percurrit, & Aquas Tarbellas, non ignobile oppidum, præterfluit.

IX.

Supra Garumnam, septemtrionem versus, per Santones labitur *Carantonus* fluuius, hodie Charente, Ptolemæi Κανέντελος, *Canentelus*. Aufonius itidem Mosella vers. 463

Santonico refluxus non ipse Carantonus æstu.
nam & ipse Oceani æstu repellitur.

X.

Tandem *Liger* longissimo cursu & quasi rex fluuiorum Gallia, vt Valesius appellat, ex Augusti descriptione determinator Aquitania, qui antea Garumna fuerat, mediam secatur Galliam. Iterum vers. 461 de Mosella Aufonius:

Non tibi se Liger anteferet.

Sic omnes veteres nominandi casu *Liger* scribunt, non *Ligeris*, vt recentiores. Cæsar lib. VII cap. LV *Liger ex niuib. creuerat*. Fortunatus lib. VI carm. VII

vitrea Liger algidus vnda.

Ibidem Cæsar, *ad ripas Ligeris*, eodemque casu Lucanus lib. I vers. 439

Andus iam placida Ligeris recreatur ab vnda.

Quarto casu Cæsar semper *Ligerim*: & Sidonius Maiorani panegyrico vers. 209

Ligerimque bipenni

Excisum per frustra bibit.

Sexto Cæsar ambigue, lib. III Gall. cap. IX *in flumine Ligeri*: & lib. VII cap. LIX *interclusum itinere & Ligere Cæsarem*.

XI.

Tam longo cursu, quem diximus, multos amnes recipit, etiam in his nauigabiles. Ab austro confluit *Elauer*, non minus nauium patiens flumen, quam ipse *Liger*. Cæsar dicto lib. VII cap. LIII *ad flumen Elauer pontem refecit*. Patrius casus *Elaueris*, Cæsar lib. VII cap. XXXIV *interruptis pontibus ab altera Elaueris parte iter facere cepit*. Posterioribus *Elaris* vel *Elauris*. Sidonius dicto Panegyrico vers. 209

Clitis, Elaris, Atax, Vahalis, - - -

Et Theodulfus Aurelianensis Parænesi ad Iudices vers. III

Rhodanus quas adluit acer,

Elauris, siue his connumerandus Atax.

XII.

Infra flumen *Elauer*, in *Ligerim* *Caris* *Bitugerum*, & *Vigenna* *Pictorum* effunduntur, vterque ex medii æui scriptoribus, quam antiquis, nobilior. Gregorius Turonensis lib. V cap. XLII *Liger fluuius maior ab anno*
supe-

superiore fuit, postquam ei Carus torrens se adiunxit. Legitur idem *Chares*, ut Browerus edit, apud Fortunatum Venantium lib. vii carm. iv, quod cum *le Cher*, huius temporis nomine apprime congruit. Guilielmo Britoni *Carus* alia forma dictus est lib. iii Philippid. vers. 708

Planities, castris sedes aptissima, cuius

Lambit utrumque latus Ligeris Carique fluentum.

Idem lib. v eiusdem Philippidos vers. 101

latus inde sinistrum

Iene fluens per prata virentia Carus amœnat.

Vigenna vltior est, in Pictonibus ad Ligerim, cui insinuat se decurrens. Iterum Fortunatus lib. vi carm. vii

Vigennæ volucer transmittitur alueus alno.

Gregorius Turonensis *Vigenna* scribit Hist. Franc. lib. i extremo *Turonici per Vigennam fluuium descendunt.* His nos vti testimoniis oportet, vbi deficiuntur vetustiora.

XIII.

Dextrum latus Ligeris post Andium urbem siue Andegauum inuadunt *Lidericus* siue *Lædus* & *Sarta* & *Meduana*, omnes prius coniuncti in vnum. *Lidericus*, nunc *le Loir*, a Guilielmo Britone Armorico vocatur lib. iii vers. 73, quum de castro Vindocino, nunc Vendosme, scribit:

Quod Lidericus aqua subterfluit amnis amœna.

Hunc Caspar Barthius, Michael Baudrandus & Papirius Massonus putant Sidonii & Theodulfi *Iedum* esse siue *Lædum*, quod negat Hadrianus Valerius, quia exserte Mela *Ledum* in Narbonensis fluminibus numeret, vt necesse non sit, alium huius nominis Sidonio & Theodulfo vindicare, præsertim, quum laxè illi loquantur, nec certæ prouinciæ id nomen fluenti assignent. Vterque enim plures diuersarum nationum fluuios sine ordine prouinciarum componit. Sidonius dicto loco vers. 208

Rhenus, Arar, Rhodanus, Mosa, Matrona, Sequana, Lædus, Clitis, Elaris, Atax, Vahalis.

Theodulfus, itidem prædicto suo carmine vers. 105, vagatur latius:

Rura, Mosella, Liger, Vultur, Matrona, Lædus, Ister, Atax, & reliqui:

quippe non tam prouinciarum, sed metri rationem vnice habuerunt. Sit ergo *le Loir Lidericus* Armorici, quia neque certius nomen, neque antiquius, quantum nobis licet cognoscere, reperimus. Is in *Sartam* influit prope *Meduanæ* confluentem, & urbem Andium Iuliomagus seu Andegauum: *Sarta* autem nomen seruat, hodieque *la Sarte* appellatur, decurrens per Cenomanos, a *Meduana* haustus proxime Ligeri infertur. Antiquum nomen *Sarta* est & prioribus Gallis vsurpatum: vix tamen apud antiquiorem Aurelianensi Theodulfo reliquum, qui vocis originem & fluminis cursum ita descripsit lib. iv carmine vi

*Est fluuius, Sartam Galli dixere priores,
Perticus hunc gignit, & Meduana bibit.*

*Fluctibus ille suis penetrans Cenomanica rura,
Mœnia qui propter illius urbis abit.*

Idem lib. II carm. III de vrbe Andegauensi:

*Quam Meduana morans fouet & Liger aureus ornat
Qua rate cum leui Sarta decora iuuat.*

XIV.

His relictis ad *Sequanam*, & quos accipit ille amnes, progressum facimus. A sinistra confluunt in *Sequanam* *Autura*, siue *Audura*, tantum ex *Vitis Sanctorum* notus, illaudatus apud antiquos, vulgo *Eure*, & longe supra hanc inter *Parisios* & *Senones* *Icauna*, sed neque hic vetustioris famæ, quam quæ ex *Vitis Sanctorum* & eiusdem ætatis monimentis est: *Guilielmo* *Aremorico* *Itumna* dictus, siue *Ytumna*, nisi *Icumna* forsan, quod *Valesio* probatur, legendum est. lib. x *Philippid.* vers. 646

*At Senones & terra ferax a flumine Ytumna
Vsque locum quo Sequanio Lupa confluit amni.*

XV.

In dextram ripam nobiliores amnes cum *Sequana* conueniunt, *Axona* & *Matrona*, utroque vocabulo corripiente mediam, perinde, ut *Sequana* in carminibus. *Aufonius* *Mosella* vers. 461

*Non tibi se Liger anteferet, non Axona præcep,
Matrona non Gallos Belgasque intersita fines.*

Recte. nam *Matronæ* *Sequanæ*que fluentis *Belgica* a reliquis *Gallis* discernitur, quod etiam *Cæsar* testatus est lib. I cap. I. *Gallos*, inquit, (id est *Celtas*) ab *Aquitania* *Garumna* fluuius: a *Belgis* *Matrona* & *Sequana* diuidit. De *Sequana* *Sidonius* supra memorato versu 208 panegyrici *Maioriani* dixit

Rhenus, Arar, Rhodanus, Mosa, Matrona, Sequana, Ledus.

Uterque fluuius, *Matrona* & *Axona*, multos minores accipiunt, deferuntque in *Sequanam*, sed minus nobiles in historiis, præter *Isaram* amnem *Belgicum*, ab *Antonino* siue *Aethico* non obscure significatum itinere ab *Cæsaromago* *Lutetiam*, quibus oppidis *Briuan* *Isaræ*, aut sicut scriptum est, *Briuanisaram* interiecit. Reliquos *Belgarum* fluuios in provincia *Belgica* exponemus.

XVI.

Ad illos nunc fluuios venimus, qui ex *Gallicis* in *mediterraneum* se mare effundunt, in quibus præcipuæ famæ est *Rhodanus*, *Alpinus* fluuius, qui plures alios, eosque maiores accipit, *Ararim* videlicet, & *Isaram* *Allobrogicam* & *Druentiam*, ut minores prætereamus. De *Arari*, qui nunc *Saone* est, * ex *Vogeso* ortus, lib. I cap. XII *Cæsar*: *Flumen Arar per fines Aeduarum & Sequanorum in Rhodanum influit incredibili lenitate, ita ut oculis, intram partem fluat, iudicari non possit.* Ideoque *segnis* *Plinio* dictus est lib. III cap. IV *Rhodanus*, inquit, *segnem deferens Ararim.* Et *Eumenio* in *Constantini* *Panegyrico* cap. XVII itidem *segnis* est & *cunctabundus.* Etiam *Silius* lib. III vers. 451 de *Rhodano*, in quem influit *Arar*:

* *Ammian. Marcellin. XV c. Ararim quem Saconnam appellant.*

*Auget opes flanti similis tacitoque liquore
Mixtus Arar. quem gurgitibus complexus anhelis
Cunctantem immergit pelago, raptumque per arua
Ferre vetat patrium vicina ad litora nomen.*

Genuinum nomen *Arar*, quod Cæsar, Silius, Sidonius, singuli verbis modo adlegatis; etiam Strabo lib. iv pag. 129 & Ptolemæus lib. ii cap. v, quibus ὁ Ἄραρ est, confirmant. Primus Dio Cassius lib. xlii pag. 262 Ἄραρις, recto casu, formauit; quem dubie Claudianus sequutus est, qui quamuis antiquo more de Conf. Mall. Theod. vers. 53 dixerat

Lentus Arar Rhodanusque ferox:

& lib. ii in Eutropium vers. 169

Quam Rhodano stimulatus Arar,

tamen etiam mutata forma lib. ii in Rufinum vers. iii dixit

Quos Rhodanus velox, Araris quos tardior ambit:

Et lib. i in Eutropium vers. 405

Cinyphiisque ferax Araris succedit aristas.

Quarto casu *Ararim* formant. Plinio auctore iam supra vsi sumus: Lucanum addo lib. i vers. 433

Rhodanus raptum velocibus undis

In mare fert Ararim.

Nauigabilis æque est Arar ac Rhodanus; & Dio Cassius dicto loco πλεῖστον Ἄραρις, nauigatur Araris, ideoque Cabillonensem portum (quod oppidum adfunditur hoc amne) Eumenius dicto loco memorauit: & inscriptio vetus apud Gruterum pag. 375

PATRONO NAVTARVM

ARARICORVM ET RHO

DANICORVM.

Augetur Arar flumine *Dubi*, qui ex Iura monte demissus, Vefontionem atque Dolam præterlabitur, corrupte in Cæsar's libris Alduabis, vel Alduadubis scriptus, quum genuinum nomen a Strabone, Ptolemæo aliisque Ἀδύβης, *Dubis*, duabus syllabis scribatur: hodie le Doux.

XVII.

Ipse Rhodanus, in Alpibus natus, per Valesiam decurrens, transito Lemano lacu, nobiles vrbes adluit, Geneuam ad lacum, Lugdunum ad Araris confluentem; Viennam, Augustam Tricastinorum, Auenionem, Arelate: notus ex Punico Hannibalis bello, & quam multis aliis scriptoribus, etiam ex poetis, quos supra nominauimus, Silio maxime, qui de Hannibalis itinere lib. iii vers. 446 tradit:

Accedit Rhodani festino milite ripas.

Aggeribus caput Alpinis & rupe niuali

Profilit in Celtas, ingentemque extrahit amnem

Spumanti Rhodanus proscindens gurgite campos.

Infra Araris confluentem, & post Viennam urbem, *Isara*, itidem Alpinus amnis, infunditur, in epistolis Planci ad Ciceronem laudatus, quippe xv episto-

pistola lib. x scripsit : *In Isara, flumine maximo, quod in finibus est Allobrogum, ponte vno die facto, exercitum a. d. III Idus Maii traduxi.* Sic & Plinius vocat lib. III cap. IV. Et Lucanus lib. I vers. 399

Et vada liquerunt Isaræ, qui gurgite ductus

Per tam multa suo famæ maioris in amnem

Lapsus ad æquoreas nomen non pertulit undas.

Græci autem, Strabo & Ptolemæus, ὁ Ἴσαρ, Isar in recto formant; & Dio Cassius lib. XXXVII pag. 51 παρὰ τὸν Ἴσαρα οἰκῶντες, Isaram accolentes, quod ab eadem forma est.

XVIII.

Rhodanus propior ostiis, hoc est inter Auenionem & Arelate Druentiam flumen accipit, quod Liuii verbis lib. XXI cap. XXXII notabiliter ita in Hannibalis transitu descriptum est. *Ad Druentiam flumen peruenit. Is & ipse Alpinus amnis, longe omnium Gallie fluminum difficillimus transitu est. nam quum aquæ vim vebat ingentem; non tamen nauium patiens est, quia nullis coercitus ripis, pluribus simul, neque iisdem alueis fluens, noua semper vada, nouosque gurgites faciens, & ob ea pediti quoque incerta via est; adhæc saxa glareosa voluens, nihil stabile, nec tutum ingredienti præbet, & tum forte imbribus auctus, ingentem ingredientibus tumultum fecit.* Eadem Silius Italicus de ipso narrat lib. III vers. 468

Turbidus hic truncis saxisque Druentia letum

Ductoris vastauit iter. namque Alpibus ortus

Auulsas ornos, & adest fragmina montis

Cum sonitu voluens fertur latrantibus undis,

Ac vada translato mutat fallacia cursu.

Non pediti fidus, patulis non puppibus æquus.

Et tunc, imbre recens fuso, correpta sub armis

Corpora multa virum spumanti vertice torquens

Immersit fundo laceris deformia membris.

Vterque vt nauium impatientem describit. Videtur tamen postea ab Romanis nauigabilis hic amnis factus esse. In Notitia enim Imperii, Præpositura militum præsentium, in prouincia Gallia Ripensi, mentio fit *Præfecti clasfis Bracariorum Ebruduni Sapaudie*, quam ad hunc amnem pertinuisse necesse est, ad quem situm est oppidum *Ebrodunum*, hodie Embrun. Est & antiqua inscriptio apud Gruterum pag. 413 num. 4

PATRONO NAVTAR. DRVENTI
CORVM ET VTRICLARIORVM.

XIX.

Minora flumina cis Rhodanum multa sunt, plura autem illorum ab historicis geographisque sine nomine prætermissa. De quorum nominibus aliquid constare potest, sunt *Dracus*, qui Isaræ miscetur ad Cularonem, quæ postea Gratianopolis dicta fuit : *Druna*, quæ infra Valentiam in Rhodanum illabitur. Ausonius eius mentionem fecit in Mosella vers. 479

*Te Druna, te sparsis incerta Druentia ripis
Alpinique colent fluuii.*

Et Strabonis *Sulgas* lib. iv pag. 128, nunc la Sorgue, itidem in Rhodanum supra Auenionem immissus. Videtur *Vindalicus* Flori esse lib. iii cap. ii a Vindalio oppido in Epit. Liuii Lxi, Strabonis *ὠνδαλίω* ad confluentem Sulgæ posito, fortassis nominatus. Inter Druentiam & mare sunt cis Rhodanum *Varus*, a cursu obliquo dictus, qui quod Italiam finit, vt Mela ait lib. ii cap. iv, idcirco notior existit. Plinius quoque lib. iii cap. iv *amne Varo*, inquit, *ab Italia discreta Narbonensis prouincia*. Lucanus lib. i vers.

404

Finis & Hesperiae promotio limite Varus:

quod cur dicat, *promotio limite* demum finem Varum esse constitutum, ignorare se fatetur Hadrianus Valesius. Certe non tantum quos laudauimus, sed Strabo etiam & Ptolemæus, & quos alibi nominamus, Varo distinguunt a Narbonensi prouincia Italiam.

XX.

Ad Forum Iulium in mare exit *flumen Argenteum*, nunc Argens, iuxta quod castra Marcus Lepidus posuerat, vt ipse Ciceroni lib. x epist. xxxiv perscripsit. *Ad Forum*, inquit, *Voconium veni, & ultra castra ad flumen Argenteum contra Antonianos feci*. Data est illa epistola ex castris ex Ponte Argenteo, qui locus vel vicus fuit cum ponte in illo fluuiio. *Fossa Mariana* etiam huc referenda est ex Rhodano, cuius ostium difficulter adibatur, ideo per Campum Lapideum in lacum Mastramelam, qui prope Massiliam est, Cimbrico bello deducta, & Massiliensibus, quod Strabo addit, ob fidem Romanis præstitam donata. Pomponius Mela lib. ii cap. v *Fossa Mariana partem eius amnis nauigabili alueo effundit, alioquin litus ignobile, & Lapideus, vt vocant Campus*. Strabo lib. iv pag. 127 de Rhodano: *Μάριος ὁρῶν τὸ Φλόσμεν γινόμενον ἐκ τῆς προχώσεως καὶ δυσείσοδον, καὶ νῆν ἑτέρε διώρυχα, καὶ ταύτῃ δεξιόμενος τὸ πλεόν τῶ ποταμῷ, Μεσσαλιώταις ἔδωκεν ἀριστίον κατὰ τὸν πρὸς Ἀμβρακίας καὶ Τωϋγενῆς πόλεμον ἐξ ἧς πλεόντων ἠνέγκαντο πολυτελή*. *Marius videns adgestione limi ostium obturari, intratuque reddi difficile, nouam duxit fossam, qua maiorem amnis partem exciperet, eamque Massiliensibus ob nauatam contra Ambrones & Tugenos operam, præmii loco donauit, vnde multum lucri acceperunt*. Hi duo fossam vnã memorant. Plinius fossas nominat pluratiuo. *Ultra fossæ*, inquit, *Rhodano C. Marii opere & nomine insignes: stagnum Mastramela, oppidum Maritima Auaticorum: superque Campi Lapidei, Herculis præliorum memoria*. Hinc ipsa Rhodani ostia aliis plura numerata, aliis pauciora. Scilicet quia in ipso æstuario ostia diuidebantur, & paruas insulas faciebant, numerus non idem illorum fuit omnibus. Plinius tria nominat lib. iii cap. iv *Libyca*, inquit, *appellantur duo eius [Rhodani] ora modica: ex his alterum Hispaniense, alterum Metapinum: tertium idemque amplissimum Massalioticum*. Vox *Libyca* non omnibus videtur sincera, & sunt qui *Ligyca* vel *Ligya*, id est Ligustica; malunt, quia Ligures in illis oris coluerunt.

XXI.

Inter Rhodanum & Pyrenæos hæc flumina Pomponius lib. ii cap. v enarrat : *Vltra sunt stagna Volcarum, Ledus flumen, - - - tum ex Gebennis demissus Arauris iuxta Agathan: secundum Beterras Orbis fluit. Atax ex Pyrenæo monte digressus, qua sui fontis aquis venit, exiguus vadusque est, & ingentis alioquin alvei tenens, nisi ubi Narbonem attingit, nusquam nauigabilis: sed quum hibernis intumuit imbribus usque eo solitus insurgere, ut se ipse non capiat. Lacus accipit eum Rubresus nomine, spatiosus admodum, sed qua mare admittit, tenuis aditu. Ultra est Leucata litoris nomen, & Salsulæ fons, non dulcibus, sed salioribus etiam, quam marinæ sunt, aquis defluens. - - - Inde est ora Sardorum, & parua flumina, Tetis & Tichis: ubi accreuerunt, persæua. Colonia Ruscino vicus Eliberri, & cetera, usque Ceruariam, finem Galliæ. De singulis breuiter. Ledus hoc loco suam patriam habet, non trans Ligerim, ubi cum Liderico a nonnullis confundebatur. Respondet nomini haud procul a Montepessulano decurrens *le Lés* siue *le Lez*. Et de hoc cum Sidonii, tum Theodulfi carmina, supra recitata, ut intelligantur, conueniens est. Accedit Auienus, quem mox producturi sumus. *Arauris* Ptolemæi *Αραύριος*, Plinio etiam *Arauris*, ut bene Harduinus emendauit, quod perperam editum erat *Araris*. nunc *Airau* vel *Erhau*. Locum, quo defluat, Mela designauit, iuxta Agathan videlicet. *Orbis* vel *Obris* sequitur in Beterrensi agro, qui & *Orobis* dicitur, ut Festus Auienus in Ora Maritima legit:*

*At nuncce Ledus, nunc & Orobis flumina
Vacuos per agros & ruinarum aggeres
Amœnitatis indices priscae meant.*

Atque ita Ptolemæus etiam *Ὀροβίς*. Plinii *Liria* in mendo latet: contra ille nec *Ledum* nec *Orobim* habet. Nobilior ceteris *Atax*, nunc l' *Aude* est. Plinius lib. iii cap. iv *Atax e Pyrenæo Rubrensem permeat lacum. Lucano mitis Atax. Libro enim i vers. 403*

Mitis Atax Latias gaudet non ferre carinas.

Ptolemæus *Ἄταγος ποταμὸς ἐκβολαί*, obliquo casu, *Atagis fluminis ostia*, quem imitatus est Auienus, nomen per G formando,

Heic falsum in æquor amnis Attagus ruit:

At Strabo pag. 125 τὸ Ἄτακος declinauit, id est *Atacis* Latine. Minora flumina quæ sequuntur, *Melæ* sunt *Tetis* & *Tichis*, Plinio inuerso ordine, quia ex Hispania progreditur, *Tecum* & *Vernodubrum*. *Melæ Tetis*, (sic scribo cum Petro de Marca, non *Telis*, ut editum) est hodie la Tet, apud Perpini-
anum delabens in sinum Gallicum: & si Harduinum sequemur, idem & Plinii *Vernodubrum* est. *Tecum* autem Plinii, est *Tichis* *Melæ*, hodie Tec, iuxta Eliberim siue Helenam decurrens in mare. Atque hæc de Galliæ fluminibus satis dicta sunt: * ad montes quoque illustrandos properamus.

S 2

XXII.

* Illud fortassis hic addendum fuit vnum, olim ex multitudine annuum Galliæ amœnitatem partim æstimatam fuisse. Mela III c. 2. *Terra est frumenti præcipue & pabuli ferax & amœna lucis & annibus.* Sic enim legendum esse docui in Monumentis ingeniorum tom. III. monum. 16. §. 14. 15, 16. pag. 173, 174.

XXII.

Præter Pyrenæum & Alpes, aliunde notos montes, tria sunt præcipua iuga montium, quibus Gallia exsurgit, & se cum ab aliis regionibus, tum inter se discernit, *Cebenna* siue *Gebenna*, *Iura*, & *Vogesus*, siue *Vosagus*. Primus *Cebenna* verius scribitur, quam per G, vt vulgo fit, *Gebenna*, quia & Græci, præsertim Strabo, *Κέμμενος* appellant, K in fronte posita, non Gamma littera, quamuis Metaphrastes Cæsaris *ρεβέννα* vulgare retineat. Cæsar lib. VII cap. VII *Mons Cebenna, qui Aruernos ab Heluiis discludit, durissimo tempore anni, altissima niue iter impediēbat.* Et cap. LVI eiusdem libri: *oppositus mons Cebenna, viarumque difficultas impediēbat.* Mela lib. II cap. V ineunte sunt *Gebennici montes*. Longo tractu a Garumna fere ad Rhodanum per Vellauos & Aruernos protenduntur. Hodie les Ceuennes. Galliam quasi in duo latera, septentrionale & austrinum separant, id quod Pomponius Mela dicto loco obseruat: *Gallia, inquit, Lemano lacu & Gebennicis montibus in duo latera diuisa, atque altero Tuscum pelagus attingens, altero Oceanum, hinc a Varo, illinc a Rheno ad Pyrenæum usque promittitur.* Narbonensi prouinciæ etiam limitem hi montes ponunt. Plinius lib. III cap. IV *Narbonensis a reliqua Gallia latere septentrionali montibus Gebenna & Iura discreta.* Lucanus lib. I vers. 434

qua montibus ardua summis

Gens habitat cana pendentes rupe Gebennas.

Sed quod longiora iuga vix dici possunt *a cana rupe pendere*; sæpe laudatus Valesius non de toto illo montano tractu, sed de parte eius præcipiti ac summa, in qua Velauniæ caput Anicium siue Podium sedet, nunc le Puy, interpretatur.

XXIII.

Mons *Iura* quoque in altissimis Gallicorum numeratur, Ptolemæi *Ἰουρασός*, *Iurassus* lib. II cap. IX. Cæsar lib. I B. Gall. cap. II *Vndique loci natura Heluetii continentur; vna ex parte flumine Rheno latissimo atque altissimo, qui agrum Heluetium a Germanis diuidit: altera ex parte monte Iura altissimo, qui est inter Sequanos & Heluetios.* Et paullo post cap. VI, *Iter per Sequanos angustum & difficile inter montem Iuram & flumen Rhodanum, quo vix singuli carri ducerentur.* Et cap. VIII libri eiusdem: *A lacu Lemano, quem flumen Rhodanum influit, ad montem Iuram, qui fines Sequanorum ab Heluetiis diuidit, millia passuum decem nouem murum in altitudinem pedum sexdecim, fossamque perducit.* E quibus facile de situ Iuræ montis cognoscitur. Sunt ergo montes qui Heluetiæ ab occasu obiacent, eamque a Burgundiæ finibus discludunt, in variis partibus, aliis atque aliis nominibus insigniti.

XXIV.

Tandem *Vogesus* mons in Belgicam magis procurrit, siue in Superiorem Germaniam. Inter Lotharingiam & Alsatiam protensus Austriam a Burgundia diuidebat. Expandit enim iuga sua, ita vt quorundam sententia ad Rhenum vsque, in Rauracos, Triboccos, ac in Nemetes, Vangionesque certis locis proferantur, a Treuiris in Lingonas Sequanosque dorso lon-

longissime exporrecto. Nam & Cæsar a Lingonibus eos montes ducit lib. i v cap. x, *Mosa*, inquit, *profluit ex monte Vogeso, qui est in finibus Lingonum.* Lucanus lib. i vers 397 veram nos pronuntiationem docet, si, vt editum est, antiqua lectione firmatur, cui sane non desunt manu exarati libri. Ait vero

*Deseruere cauo tentoria fixa Lemano,
Castraque, quæ Vogesi curuam super ardua rupem
Pugnaces picis cohibebant Lingonas armis.*

Medio æuo transpositis litteris non *Vogesus*, sed *Vosagus* dixerunt. Venantius Fortunatus lib. vii carm. i v

*Ardena an Vosagus cerui, capræ, ilicis, vrsi
Cæde sagittifera silua fragore tonat.*

quæ metri ratio, quamlibet traiectis vocabuli elementis, receptam Lucani lectionem non mediocriter confirmat. *Vosacum siluam* etiam appellaerunt. Turonensis Gregorius lib. x cap. x dum ipse *Guntheramnus rex per Vosacum siluam venationem exerceret.* Quam vocabuli formam metaphrastes Cæsaris haud dubie respexit, Βοσῆκς vertendo, vt suæ ætatis genio seruiret, & quod omnes nominabant, exprimeret. Supra enim adlata de Mosa verba ita reddidit: Ο δὲ Μόσης ποταμὸς ἀπὸ μὲν τῆς Βοσῆκς, ὅρξς τῆς Λιγγονικῆς, καταρρεῖ.

XXV.

Expositis sic & fluminibus Gallorum, & qui præcipui illorum sunt, montibus, ad ipsam diuisionem, partiumque limites explicandos accedimus. C. Iulio Cæsare Galliæ præfecto ex consulatu, primum Romanis, quam longe pateat, & quibus terminis contineatur, innotuit. Armis tum & victoriis compertum fuit, in quam sinuosos tractus Armorici recedant, & quinam fretum Britannicum accolant, & quot gentes Rheni ripæ a fontibus ad ostia vsque prætendantur. Primus itaque Iulius Cæsar est, qui populos tam diversos, tam late habitantes in certas nationes descriptos, vti antea fuerant, Romanis patefecit. Quorum prouincia excepta, quæ ab Italia Narbonem & ad Pyrenæos patebat, reliquam omnem Galliam in tres partes descripsit, Aquitaniam, & Galliam propriam siue Celtarum regionem, & tandem Galliam Belgicam. Singulis partibus quos terminos constituerit, ipsius verbis ita breuiter declaramus. *Gallia omnis, inquit, diuisa est in tres partes: quarum vnā incolunt Belgæ, aliam Aquitani, tertiam, qui ipsorum lingua Celtæ, nostra Galli appellantur.* Exemtā igitur voluit prouinciā Romanā, vt-pote qui de illa Gallia, quam ipse armis subegerat, non quam deuicissent maiores, scribere quod res erat, apud animum constituerat: prouinciæ autem rationes, præsertim tam propinquæ, satis exploratæ perspectæque erant. De terminis partium singularum ita tradit: *Gallos ab Aquitania Garumna flumen; a Belgis Matrona & Sequana diuidit.* GALLOS, inquam, quos proprie tales appellauerat, ipsorum lingua Celtas, diuisos a Belgis & Aquitanis, qui etiam Galli erant, sed laxiore vocis significatione. Addit interiectis paucis pro Celtica parte illustranda: *Vna pars, quam Gallos obtinere*

nere dictum est, initium capit a flumine Rhodano: continetur Garumna flumine, Oceano, finibus Belgarum: attingit etiam a Sequanis & Heluetiis flumen Rhenum. Hæc præcipua & propria pars Galliæ: etiam ex hac limitum descriptione, omnium partium amplissima. At Belgæ ab extremis Galliæ [proprie seu Celticæ] *finibus oriuntur: (id est, a Sequanæ Matronæque ripis) pertinent ad inferiorem partem fluminis Rheni.* nam superiorem partem Celticæ adiudicauerat, quum Sequanos Heluetiosque, quos Celticarum parti transcribit, Rhenum flumen dixit attingere. Arctiores limites Aquitanis ponit. *Aquitania, inquit, a Garumna flumine ad Pyrenæos montes, & eam partem Oceani, quæ ad Hispaniam pertinet, spectat, inter occasum solis & septentriones.* Quod reliquum vsque ad Alpes erat, cedebat provinciæ Romanæ, quam ita simpliciter appellabant, quia & prima illa & sola eis trans Alpes erat. Hæc diuisio Galliæ temporibus Iulii Cæsaris, qui primus eam in potestatem Romanorum, saltem maximam eius partem redegerat.

XXVI.

Augustus autem Cæsar sicut vbique provincias Orbis Romani ordinavit: ita etiam in Gallia inæqualitatem correxit, demtis maximæ, hoc est Celticæ, quibusdam regionibus, quas Aquitaniam partim, partim Belgicæ adiecit. Aquitaniam enim limitem ad flumen Ligerim perduxit: Heluetios atque Sequanos, qui in eadem Celtica censi erant, in Belgicam provinciam transcriptis: Narbonem & Lugdunum capita provinciarum constituit, ut inde prima & antiqua provincia *Narbonensis Gallia*, media vero siue Celtica, *Lugdunensis* appellarentur: & nisi sub idem tempus, tamen non longe post, pars Belgicæ Rhenana ab incolis Germanis nouarum quasi provinciarum Germaniæ Superioris & Inferioris nomina accepit. Strabo primus hanc Augusti reformationem prodidit lib. iv sub initium: cuius interpretes per exempla sunt Plinius & Ptolemæus, qui nouam Augusti diuisionem populorum & provinciarum presse persequuntur. Mirum vero, Pomponium Melam, sine dubio posteriorem Augusto, quasi nescium illius renouationis, veterem Iulii Cæsaris diuisionem sequutum esse. Comatam enim Galliam non aliter quam Cæsar per Garumnam & Sequanam hoc modo distribuit: *A Pyrenæo ad Garumnam Aquitani: ab eo ad Sequanam Celta: inde ad Rhenum pertinent Belgæ.* Nos auctorem Augustum, scriptores Plinium & Ptolemæum per singulas partes sequemur, ut initium ab Aquitania faciamus, tamquam maxime occidentali & Hispaniæ limiti, quem continuamus, proxima: inde ad Lugdunensem progressuri siue Celticam: tandem ad Narbonensem, in vsque Italiæ fines se proferentem: Belgicam autem insequenti capiti & nouæ tractationi relinquemus, in quo itidem non discedemus a more veteri, quo & alibi a tribus reliquis Romani Belgicam provinciam diiunctam separatamque voluerunt. Vetus inscriptio apud Gruterum pag. 440 num. 3

TRIVM PROV. GALL. LVGDVNENS
NARBONENS. ET AQUITANENS

& sæpius sine expressis nominibus ita, TRES PROVINC. GALL. Vid. pag.

476 num. 4 & aliis multis locis. Pari modo & nobis liceat expositionem specialem Galliae in duo capita distribuere, & tres prouincias seorsum enarrare, antequam nouo capite nouoque tractatu adgrediamur quartam, quæ, vt remotissima erat ab Italia, & plures populos insignes atque nobiles & in historiis memoratos continet, ita digna vtique videtur, quæ singulari enumeratione gentium vrbiumque proponatur.

XXVII.

Sit ergo nunc primo ordine expedienda

S E C T I O I

A Q V I T A N I A

SIVE

G A L L I A A Q V I T A N I C A.

Aquitania, quæ & Plinio lib. vi extremo dicta est *Gallia Aquitanica*, & in Notitiis veteribus *prouincia Aquitanica* hodie ex parte Guienne, quod ex *Aquitaine* corruptum videtur: Hæc, inquam Aquitania latitudinem, Augusto Cæsare dante, habet a Pyrenæis ad flumen Ligerim, sed propinquum Rhodano, μέχρι τῆς κεφαλῆς αὐτῆς, usque ad caput eius, siue fontes, vt Ptolemæus definiuit lib. ii cap. vii. Sæpe Aquitania ita distincta a ceteris Galliarum partibus fuit, vt tamquam separata prouincia poneretur, quod credo inde ortum esse, quia non vna cum cæteris prouinciis deuicta fuit, sed ab Augusto tandem in potestatem Romanorum redacta, quo tempore Vitruvius lib. ii cap. i scripsit: *Ad hunc diem nationibus exteris ex his rebus* [fronde, arundine, luto inductis] *edificia constituuntur, vt in Gallia, Hispania, Aquitania scandulis robusteis aut stramentis.* Inde est, quod Sextus Rufus cap. vi totam Galliam descripturus, vt integram præfecturam prætorii per Gallias, distinctam mentionem Aquitanix, separatæ aliquando partis, faciat. *Sunt, inquit, in Gallia cum Aquitania & Britanniis decem & octo prouinciæ.* Ad quem locum vide sis, quæ editione secunda commentati sumus. Prius Aquitaniam veterem, Garumna definitam, exponemus, postea demum adiectam ab Augusto addituri.

XXVIII.

Limes, quo cum Hispania cohæsit ad Oceanum, ponitur a Ptolemæo flumen *Aturis*. Sic ille recto casu appellat, Ἀτρεῖς, τῆς Ἀτρέϊδος. Sed *Aturus* alii, in quo vocabulo Lucanus secundam corripuit lib. i vers. 420

Qui tenet & ripas Aturi, quo littore curuo

Molliter admissum claudit Tarbellius æquor:

adrexat Aufonius Mosellæ versu 468

In mare purpureum domini tamen ante Mosellæ

Numine adorato Tarbellicus ibit Aturus.

nisi ideo duplicatur littera, quippe in libris *Aturrus* est. Hodie prope ostia nobilis vrbs Baiona: medio æuo *Lapurdum* dicta, sed ignorata cunctis antiquo-

quioribus, neque prior Lapurdi mentio occurrit, quam in Notitia imperii, & apud Sidonium Apollinarem lib. v i i i epist. x i i, ideoque ad illorum temporum geographiam a nobis reseruatur. Plures populi sunt Aquitaniæ, sed de quibus vere Strabo dixit lib. i v pag. 131 *ἔστιν ἡμῶν καὶ ἄδοξα, ἔξ ἐξίγας ἔξ ἱγνὸβίλες γέντες* esse, vt obscura & pæne monstrosa nomina, quæ a Plinio referuntur, ostendunt, quorum qui inter Garumnam, qui extra fuerint, quod discerni facile non possunt; vel solius Cæsaris, qui intra Garumnam Aquitanos concludit, ignoti populi, *Preciani, Vocates, Tarusates, Sibuzates, Garites*, argumento nobis sunt, multa nostris temporibus in Aquitaniæ cognitione nobis deesse.

XXIX.

Ergo nobiliores sectabimur & notiores in historiis, e quibus præcipui *Tarbelli* sunt, quos Cæsar lib. i i i B. Gall. cap. x x v i i primo loco numerat in gentibus Aquitanis. A Pyrenæo ad Aturum & circa eum sub Oceano habitabant. Pyrenæum attigisse, Tibullus docet, quum lib. i elegia v i i i vers. 9 dixit,

Tarbella Pyrene

Testis, ἔξ Oceani littora Santonici.

Esse autem *παρωκεανίτικῆς* præcipue, quod de plurimis Aquitanorum Strabo lib. i v pag. 131 dixit, hoc est Oceano proximos, antea prolatus Lucani versus 421 libri i demonstrat,

Molliter admissum claudit Tarbellius æquor,

Tarbellius, id est, *Tarbellus*, poetice, non *Tarbellicus* vt vulgo est editum. Cognominantur apud Plinium lib. i v cap. x i x *Tarbelli Quatuor signani*, forte quod quatuor signa militum præsidio tenuerunt, vt *Cocostates sex signani* ibidem, quibus sex vexilla præsidiariorum fuerunt. Oppidum *Tarbellorum* ad idem flumen *Aquæ Augustæ*, ὕδατα Αὐγύστης, vt Ptolemæus appellat; *Aquæ Tarbellicæ* Antonini; *Tarbella ciuitas* Vibii Sequestri in *Atur*: & *Aquensis ciuitas* in Notitia ciuitatum Galliæ. Hodie Acqs siue Dax.

XXX.

Extra litem forte *Tarbellorum*, ad idem vero flumen *Aturum*, oppidum aliud fuit, vt apparet, satis antiquum, intactum autem vetustioribus geographis. Notitia ciuitatum Galliæ *Aturensum ciuitatem* nominat in *Nouempopulana* sitam: & si *Hadrianum Valesium* sequimur, hic *Vicus Iulii* est antiquo nomine, a *Gregorio Turonensi* lib. v i i cap. x x x i tamquam episcopalis ciuitas nominatus; eadem *Aturæ* vel *Aturres* *Sidonii* lib. i i epist. i, vbi *Iacobo Sirmondo* notata legas velim, qui consentit *Valesio Hadriano*: prauius postea *Aduris* scriptum & tandem *Aire*, vt nunc nomen sonat non ignotæ ad id flumen ciuitatis. *Atures* autem & *Aturense*s dictos fuisse, qui iuxta flumen *Aturum* colebant, *Tibullus* quoque dicto carmine de *Messalæ* victoria approbare potest. Canit enim principio

*Hunc [diem] fore Aquitanas posset qui fundere gentes,
Quem tremere fortis milite victus Atur.*

Cæsaris Sottiates lib. i i i cap. x x seq. sunt ille ad *Aturum* populus, quibus il-

lustri vir P. de Marca pag. 191 Marcæ Hispan. tribuit conciliorum & Turo-
nensis historici *Vicum Iulium*.

XXXI.

Idem Cæsar lib. III cap. XXVII Tarbellis apponit *Bigerrones*, siue *Bi-
gerros*, (Plinii *Begerros*) itidem ad Pyrenæum vergentes. ideo *pelliti* ob cæli
asperitatem, quæ sub Pyrena est, ab habitu seu vestitu dicuntur. Paullinus
Nolanus Carm. x ad Ausonium vers. 246

Dignaque pellitis habitas deserta Bigerris.

Horum *Turba* fuit oppidum ad Aturum, nunc Tarbe, cum castro *Bigorra*.
Vetus Notitia Ciuitatum Galliæ in Nouempopulana: *Ciuitas Turba cum ca-
stro Bigorra*. In eo tractu *Beneharnum* fuit, sed dubium an ad veterem geo-
graphiam, in qua versamur, vere pertineat, quia nullum eius vel leue moni-
mentum, ante auctorem Itinerarii, quod Antonini vel Aethici vocatur, su-
perest. Sunt etiam sub Pyrenæi montibus, quas Strabo laudat, *Onesie Ther-
mæ*, τὰ τῶν ὀνησιῶν θερμὰ κάλλιστα πολυτιμωτάτε ὕδατος, *præstantissimæ ther-
mæ saluberrimis aquis*, lib. I V pag. 132. Coniungit cum Conuenarum Lug-
duno, quod aliquam fidem facit aut in Conuenis, qui Bigerrones ab ortu
attingunt; aut in ipsis Bigerronibus exitisse. Est ibi iuxta Aturum amnem,
oppidum Bagneres, aquis salubribus nobilitatum, quæ videntur ipsæ fuisse,
quas Strabo vocat, ignotum vnde, *Onesias*. Quos autem iam *Conuenas* dixi,
is populus erat ad Pyrenæi radices, ab Aturo ad Garumnam & ultra, quorum
caput *Lugdunum Conuenarum* fuit, quod Strabo, Ptolemæus, & Itinerarii au-
ctor commendant, hic etiam ita situm designauit, vt cum oppido S. Bertran-
di plurimorum opinione conueniat. Origo huius Lugduni (sic Itinera-
rio scriptum est: Græci autem auctores, quos nominauimus, Ἀγυδων) ori-
go, inquam, illius ex Pompeii bello Sertoriano est, qui Pyrenæi prædones
ac fugitiuos in hanc urbem fertur compulisse, de quo pretium erit relegere,
quæ supra pag. 88 ex S. Hieronymi aduersus Vigilantium libello attulimus.
Idcirco Plinius lib. I V cap. XIX *in oppidum contributi Conuenæ*, nempe a Pom-
peio. Ad eandem rem gestam P. Vatinius iussu Cæsar lib. III B. Civ. cap.
XIX prouocauit, quum ex Pompeianis trans Apsum castra habentibus, quæ-
sivit, *liceretne ciuibus ad ciues de pace legatos mittere, quod etiam fugitiuis ab
saltu Pyrenæo prædonibusque licuisset?* Eodem itinere Antonini ab Aquis
Tarbellicis Tolosam, inter Beneharnum & Lugdunum ponuntur *Aquæ
Conuenarum*, quæ nisi sunt ipsæ Onesiæ Strabonis, quas in S. Bertrandi fano
hodie plurimi inquirunt; difficulter sane inueniuntur. Sunt tamen clari
viri, qui in vico Bagneres in valle Arbusia, duabus leucis a fano S. Beati, se il-
las inuenisse opinantur, eoque applicant inscriptionem apud Gruterum
pag. II2 num. 7 NOMINE VICANORVM AQVENSIVM, quam vero, quod
lapis ille Tarbellicis Aquis repertus fuit, vt Gruterus adnotauit, dubito huc
referri posse.

XXXII.

Supra Conuenas septentrionem versus, itidem inter Aturum & Ga-
rumnam sunt *Ausci*, Ptolemæo *Auscii*, Mela censente lib. III cap. II *clarissi-*

mi Aquitanorum, quorum nobilissimum oppidum vocat *Climberrum*, quo nomine etiam ab Antonino itinere ab Aginno Lugdunum Conuenarum, commemoratur, quæ haud dubie Ptolemæi *Augusta* est, mutata appellatione, vt in pluribus aliis, Augusti Cæsaris benignitate; pro quo tandem, vt in Itinerario est, exoleta beneficiorum memoria, priscum nomen resumtum est. Sed auspicius vocabulum non minus celebri gentis nomine, vt solemne medio æuo erat, pensatum, & *Ausci* ciuitas appellata fuit, vt apud Ammianum est lib. xv cap. xxviii, vnde *Auscenses* Sidonii sunt lib. vii epist. vi, id quod nomen corrupte in *Aux* vel *Ausch* hodieque conseruatur.

XXXIII.

Finitimi horum erant *Elusates* Cæsaris & Plinii, locis sæpe dictis; siue *Elusani* Apollinaris Sidonii lib. vii epist. vi ab *Elusa* oppido dicti, patria Rufini illius, in quem duos inuectiuos libros Claudianus scripsit. Libro i enim vers. 137 de Megara furia, Rufinum instigante, vt orbem perdat terrarum, dicitur:

*Inuadit muros Elusæ, notissima dudum
Tecla petens.*

XXXIV.

Elusatibus proximi iuxta Garumnæ *Lactorates* fuerunt, vel ipsi pars Elusatium: quorum oppidum in Itinerario Antonini *Lactura*; in Theodosiana Tabula, quam Peutingerianam vocamus, *Lactora*: in Notitia Galliæ, in Nouempopulis *Ciuitas Lactoratium*: nunc Lectoure. Oppidum præclarum, nec non antiquum fuisse, multorum lapidum inscriptionibus, ex Antoninorum sæculo ibidem repertorum probatur, quarum aliquas a Grutero pag. 29, 30, 31 ita excerptas huc attulisse non pœnitebit.

PRO SALVTE IMP. M.
ANTON. GORDIANI PII FEL.
AVG. ET SABINAE TRANQVILLINAE
AVG. TOTIVSQUE DOMVS DI
VINAE PROQVE STATV CIVI
TATIS LACTORATEN
TAVROPOLIVM FECIT ORDO
LACT.

Et alio lapide idem breuius notatum

PRO SALVTE ET INCO
LVMITATE DOMVS DI
VINAE R. P. LACTORAT
TAVROP. FECIT

Est etiam in quodam (pag. 29 num. ii) LECTOR. secunda vocali, sed in aliis cunctis lapidibus & Itinerario vtroque, etiam in Notitia antiqua, vocali prima.

XXXV.

Sequuntur in eodem tractu sub Garumnæ ripa Burdegalam versus, *Vasates*, non ignobilis populus, Cæsaris forte *Vocates*, quod describentium lapsu

lapsu prauatum putarem, nisi & Plinius Basabocates haberet, quæ vox ex geminali lectione videtur esse commixta. Ptolemæus emendandus est, & ex *Ὀυασάριοι* scribendi *Ὀυασάριοι*, Valesio etiam admonente. Verum autem nomen *Vasates* ab Aufonio & Sidonio habemus. Illius verba postmodo adferemus: hic lib. vii epist. vi *Elusani, Vasates, Conuenæ, Auscenses*. Alia forma *Vasatæ* dicti, quod nomen postea eorum oppido, perinde vt *Vasates*, hæsit. Proprium & antiquum nomen oppidi fuit *Cosfio* primo casu, non *Κόσσιον* *Cosfium*, vt in Ptolemæo scriptum est, quod *Κόσσιον* per *Ω* legendum est. Aufonius Parental. xxiv de sororis genero Paullino:

Stirpis Aquitanæ mater tibi. nam genitori

Cosfio Vasatum, municipale genus.

Vt vero solemne illis temporibus fuit, vrbs populi nomine vtriusque formæ appellabatur. Idem Aufonius Epicedio patris, quod ii idyllium est

Vicinas vrbes colui patriaque domoque,

Vasates patria, sed lare Burdigalam.

Et Ammianus Marcellinus lib. xv cap. xxviii *Novem populos Ausci commendant & Vasatæ*, quæ oppidorum ibi, non gentium sunt nomina. Dicitur etiam *Civitas Vasatium*. Sidonius lib. viii epist. xii ineunte ad Trigetium: *Tantumne te Vasatium civitas, non cespiti imposita, sed pulveri?* In Notitia Civitatum Galliæ est *Civitas Vasatica*: hodie Bazas.

XXXVI.

Tandem in angulo, quem Garumna cum Oceano facit, *Bituriges* fuerunt *Viuisci*, vel *Vibisci* cognomine, peregrina gens inter Aquitanos, Biturigibus Celticis orta, quos Cubos denominarunt; quod a Strabone observatum est. Ipse vero cognomen corrupte *Ιόσκις*, *Ioscicos* tradit: nec id saluum apud Plinium, qui *Vbiscos* vocat: sincerius apud Ptolemæum, cuius sunt *Ὀυίβισκοι*, *Vibisci*, quia B & V litteræ sæpius permutantur. Vera autem & antiqua scriptura *Viuiscorum* est, videlicet per V, quod auctore Aufonio probatur, qui de se in Mosella vers. 438 dicit,

Hæc ego, Viuisca ducens ab origine gentem.

Burdigalensis enim fuit, vt postea cognoscetur, atque ita in illis Biturigibus natus. Confirmat inscriptio aræ Burdigalensis apud Gruterum pag. 227 n. 4

AVGVSTO SACRVM

ET GENIO CIVITATIS

BIT. VIV.

Nec vero deest, quod pro Plinii scriptura *Vbisci* adferatur. Nam lapide alio, Burdigalæ & ipso eruto, apud eundem Gruterum pag. 731 num. 3 legitur

IVLIVS LVPVS C.

BITVRIX VB

DE ANN. XXXV

FIL. EIVS. F. C.

Sed malo priorem scripturam sequi, quod de lapide non satis certi sumus, verene sic ibi, an lapsu opificis incisum; etiam an inde curatius sit exscriptum. His Biturigibus Ptolemæus duo oppida dat, *Noviomagum*, proximum

Oceano, quod intercudit: & Βερδίγαλα, *Burdigalam*, quod ita etiam Strabo scripsit, qui emporium vocat, & situm ita accurate designat lib. iv pag. 131, Μόνον τὸ τῶν Βιτρυγίων τέτων ἔθνος ἐν τοῖς Ἀκκίτανοῖς ἀλλόφυλον ἵδρυται, καὶ ὁ συντελεῖ αὐτοῖς· ἔχει δὲ ἐμπορεῖον Βερδίγαλα ἐπικείμενον λιμενοθαλάτῃ τινὶ, ἣν ποιεῖσιν αἱ ἐκβαλαὶ τῆς ποταμῆς, *Sola hæc Biturigum gens in Aquitanis peregrina degit, nec illis contribuit. Habet autem emporium Burdigala, appositum paludi marinæ, quam fluminis ostium efficit.* Latini sæpe scribunt *Burdegala*, secunda vocali; neque vero minus etiam *tertia*. Dubitationis causa est, quod adhuc neque marmora, neque alia monimenta, quæ id nomen ferant, facile sunt reperta, ut antiquitatis testimonio levis discrepantia componatur. Patria Aufonii poetæ fuit, qui singulari eam carmine claris vrbibus, a se laudatis, adfociauit. Ex quo hæc protulisse breuitati nostræ sufficiat:

Burdigala est natale solum: clementia cæli

Mitis ubi & rigue larga indulgentia terræ;

Ver longum brumæque breues iuga frondea subsunt.

Et Sidonius Apollinaris Carmine, lib. ix epistolæ xiii inserto,

Declamans gemini pondere sub stili

Coram discipulis Burdegalsibus.

Fuit enim illa vrbe sedes incluta litterarum, quod Aufonii liber PROFESSORES inscriptus, exemplis eruditissimis demonstrat in omnibus disciplinis. Atque hæc de veteri Aquitania inter Garumnam & Pyrenæos contentam nota sunt. Sequitur

XXXVII.

Aquitania ab Augusto adiecta, id est omnis Aquitania Prima & Secunda, vt medio æuo diuidebatur: siue quidquid spatii inter Ligerim & Garumnam comprehenditur, sedes quatuordecim populorum, qui auulsi a Celtica seu Lugdunensi prouincia, Aquitanix ab Augusto ad æquandas prouincias adscripti sunt. Strabo lib. iv pag. 131, Εξῆς περὶ τῶν Ἀκκίτανων λεκτέον, καὶ τῶν προσωρισμένων αὐτοῖς ἔθνων τεσσαρακάδεκα Γαλατικῶν τῶν μετὰ τὴν Γαρμνᾶ κατοικούντων καὶ τῆς Λέιγης, *Deinde dicendum est de Aquitanis & eorum conterminis Celticis quatuordecim gentibus, habitantibus inter Garumnam & Ligerim.* Ad quem numerum xiv gentium etiam reducenda sunt, quæ sub initium huius libri prae scribuntur ἑπάρας καὶ δέκα ἔθνη, & vtique etiam ibi cum Casaubono legendum τέσσερας καὶ δέκα, *quatuordecim gentes, non decem.*

XXXVIII.

Ex illis autem Oceanum attingunt *Santones* atque *Pictones*; illi a Garumna extensi in medium spatium, quod inter duo illos amnes comprehenditur: hi exinde ad ripam vsque Ligeris. *Santones*, siue *Santoni*, vtroque modo dicuntur, vt Andes & Andi, Turones & Turoni. Plinius & Ptolemaeus *Santones*. ille dicto capite de Aquitania, *Santones liberi*: hic Σάντωνες, *Santonus* autem, *Santoni*, forma altera, Pomponii Melæ est & Lucani, plurimumque

umque posteriorum. Mela lib. iii cap. ii *ab Santonis ad Osismios* : Lucanus lib. i vers. 422

gaudetque amoto Santonus hoste

Tacitus lib. vi cap. vii *Iulius Africanus e Santonis Gallica ciuitate* : quod de gente malim, quam de vrbe cum aliis & ipso Valesio, interpretari. Taciti enim ætate mos nondum inualuerat, vt principes vrbes suarum gentium nominibus appellarentur. Aufonius epist. xxiv vers. 79

Santonus vt sibi Burdigalam mox iungit Aginnum

Illa sibi.

Santonus, non ipsa vrbs (quæ *Santoni* vel *Santones* illo æuo, multitudinis numero, appellanda fuisset) sed incola vrbis *Santonicae*, qui vtramque vicinam habebat *Burdigalam* & *Aginnum*, sed ita vt media esset *Burdigala* inter *Santonica* & *Aginnum*.

XXXIX.

Santonibus Strabo & Ptolemæus *Μεδιολάνιον*, *Mediolanum*, sex syllabis, tribuunt, quod *Mediolanum* Latino ore cum Antonino ac Tabulæ Peutingerianæ auctore, etiam Græco Stephano, de mta syllaba, dicimus, sita ad *Carantonum* flumen. Eadem vrbs *Santonica* nominata. Aufonius epist. viii principio :

Tandem reluctati retinacula blanda morarum

Burdigalæ molles linquimus illecebras :

Santonicaque urbem vicino accessimus agro.

Ipsa etiam temporum illorum consuetudine nomen gentis induit, *Santoni* & *Santones* pluraliter dicta. Aufonius Epist. xi

Vinum quod biugo parabo plaustro

Primo tempore Santonos vehendum.

Et Epistola x v ad Tetradium vers. ii

Cur me propinquum Santonorum mœnibus

Declinas ?

vbi tam vrbis nomen potest, quam etiam gentis ad *περίφρασις* vrbis, intelligi. Altera forma vsus est Ammianus Marcellinus lib. xv cap. xxviii. Prima, inquit, *provincia est Aquitanica, amplitudine ciuitatum admodum culta : omis- sis aliis multis, Burdegala & Aluerni excellunt, & Santones & Pictavi.* Ptolemæus etiam *Portum Santonum*, & *Promontorium* eorumdem memorauit. *Portus* ille hodie qui sit, non est apertissimum. Valesius existimat oppidum *Broüage* nunc appellari : at Ptolemaici numeri longius inde boream versus remouent supra ostium *Canenteli* fluminis.

XL.

Tandem etiam *Blauia*, ad dextram æstuarii *Garumnæ* sitæ infra *Duranii* confluentem, aliqua mentio facienda est. *Militarem* cognominat Aufonius Epist. x ad Paullum, quia præsidium militare habuit : qui & situm cum cura delineauit his versibus :

Te quoque ne pigeat consponsi fœderis : & iam

Citus veni remo, aut rota.

*Aequoris undosi qua multiplicata recurfu
Garumna pontum prouocat.
Aut iteratarum qua glarea trita viarum
Fert militarem ad Blauiam.*

Videlicet a Burdigala, vbi Aufonius erat. Antonini Itinerario, a Burdigala Augustodunum itinere, *Blauutum* appellatur, corrupte puto, quia æqualis auctor Tabulæ Peutingerianæ *Blauie* nomen conseruat: &, Simlero teste, in antiquo Antonini libro *Blauium* est. Bene. Hodie Blaye.

XLI.

Pictonum fines descripti sunt antea. Latius patebant, quam *Santonum*, sed in littore arenoso, ideoque sterili & inculto. Strabo pag. 131, ἐστὶ ἡ παρωκεανῆτις τῶν Αὐκίτανων ἀμμιώδης ἢ πλείστη καὶ λεπτή κέγχρω τρεῖς φασα, τοῖς τε ἄλλοις καρποῖς ἀφορωτέρα, *Aquitaniae litus arenosum est & tenue, milio alens, reliquarum frugum minus ferax.* Quod cum primis de *Pictonum* terra dictum crediderim, quæ tam inculta ad mare fuit, vt in longo litore Ptolemæus nihil habuerit, quod memoraret, præter obscurum portum *Secor*, & vnicum promontorium *Pictonicum*. Intus duas in hac gente vrbes ponit, *Augustoritum*, *Augustoriturum*; & *Limouum*, *Limouum*. Quod primo loco *Augustoritum* nominatur, clarissimi viri persuasum habent, esse eam primariam *Pictone* gentis ciuitatem, quæ *Pictauorum* nomen postea sibi vindicauit, nunc *Poitiers*. Sed Antonini itinere a Burdigala Argantomagum, id est Argenton, vt plurimi interpretantur, non alia potest *Augustoritum* esse, quam vrbs *Lemouicum* præcipua, *Limoges* vulgo, sita inter *Vesunam* *Petrocoriorum*, & *Argantomagum*. Ordo itineris hic est, omnis ignotis mansionibus ad *Aginum* vsque:

<i>Burdigala</i>	—	—	—
<i>Aginum</i>	M.	P.	LXXI
<i>Traiectum</i>	M.	P.	XXXIIII
<i>Vesunnam</i>	M.	P.	XVIII
<i>Fines</i>	M.	P.	XXI
<i>Augustoritum</i>	M.	P.	XXVIII
<i>Argantomagum</i>	M.	P.	XXI

Iter *Aginum* primum ferebat, vt quilibet videt, fluminis causa. Quis vero ex hoc loco *Argantomagum* profecturus deflectet prius in septemtrionem pæne ad *Ligerim* vsque, atque inde in ortum hibernum, quum posset recta ire per *Petrocorios* atque *Lemouices*. Vulgaris interpretatio urbium Ptolemæi in hoc tractu talis est, vt *Augustoritum* sit *Pictauum*: *Limouum*, propter nominis conuenientiam, *Lemouices*; quamuis alii *Ratiastum* Ptolemæi pro oppido habeant *Lemouicum*. At Magno, qui *Notas Iuris* *Romani* regi *Karolo* dedicauit, ante nongentos circiter annos ita has vrbes interpretatus est, vt ei propius cum Antonino quam ceteris conueniret. Dicit enim: *Lemofex*, *Augustoretum*: & *Pictauus*, *Lemonum*: quem etiam in tabula nostra sequuti sumus, nec adhuc induci possumus, vt deferamus: præsertim quum *Limouum*, quod concedit *Valesius*, non sit in *Lemouicibus*,

bus, sed, cum Antonino etiam, in Pictonum gente quærendum. Itinere enim a Burdigala Augustodunum hunc ordinem nobiliorum ciuitatum, omissis minoribus, inuenimus:

<i>Burdigala</i>	—	—	
<i>Blauutum</i> siue <i>Blauium</i>	M.	P.	XVIII
<i>Mediolanum Santonum</i>	M.	P.	XLIII
<i>Limonum</i>	M.	P.	LVII
<i>Argantomagum</i>	M.	P.	XLII
<i>Auaricum</i>	M.	P.	XL
<i>Augustodunum</i>	M.	P.	LXXVIII

Heic ab Mediolano Argantomagum iter per Limonum, a cursu longius ab-
sunt Lemouices, Santonibus ab ortu æquinoctiali oppositi: a quibus recta
in septemtrionem remotum est Argantomagum. Quo vero *Ratiasium*
Ptolemæi referemus, urbem & caput *Λαμουίκων*, quos omnes putant Lemo-
vicum gentem esse? Quod si Augustoritum vrbs est Lemouicum, vti cum
Antonino & Magnone posuimus; non potest Ratiasium in illum locum
reduci, sed a latere inuestigandum est, nec vero facile, quia solius Ptolemæi
est, quoquo respicis, inuenitur. Recentiores Galli *Engulisma*, ad Caranto-
num urbem, quod alia memorabilis non superest, Ptolemæi Ratiasium esse
existimant, quos, quia meliores non videmus, omnino sequendos duces es-
se existimamus. Nec vero diuturnum illud nomen fuit, sed ætate Romano-
rum nondum suprema aut decrepita, in *Iculisma* immutatum. Ausonius
Epist. xv ad Tetradium vers. 21

*Quondam docendi munere adstrictum graui
Iculisma quum te absconderet.*

Siue *Iculisma*, siue, vt in libris vetustis est, *Iculisna* scripseris, nemo dubitat
Engulismam illam siue Angoulesmes esse, urbem insignem, Canentelo flu-
mine adfutam. Hæc si Ptolemæi *Ratiasium* est, non tamen antiquissimum
id nomen fuit, sed fortasse, si coniecturis locus est, *Agessina* Plinii ibidem
constituenda. *Cambolectri*, inquit, *Agessinates*, *Pictonibus iuncti*, lib. iv cap.
xix. Agessinates Iculisnenses clari viri interpretantur, quasi in nomine ali-
quid insit conuenientiæ. Id vero vrbsne nomen, argentis cognomen sit,
incertum, quia eo ab aliis Cambolectris, Atlanticis scilicet, prouinciæ Nar-
bonensis, lib. iii cap. iv discriminatur.

XLII.

Sequuntur *Petrocorii* Cæsaris, Strabonis, & aliorum, quorum *Vesunna*
fuit, Ptolemæi *ουέσυνα*, clara ciuitas, & Augusto cognomine digna. Vetus
inscriptio apud Gruterum pag. 105 num. i

TVTELAE AVG
VESVNNAE
SECVNDVS
SOTER D. S. D

Sic

Sic Valeſius verſum vltimum emendat, prae deſcriptum a Grutero. Locum vrbis auctor Itinerarii, vt ſupra vidimus, ſignat M. P. LII ab Aginno Nitiobrigum. Et hic etiam *Vefunnam* vocat; auctor Peutingerianæ tabulæ *Vefonnæ*: ciues Sidonius lib. viii epiſt. xi ineunte *Vefunnicos*, vt ſero gentis nomen vrbi impoſitum eſſe oporteat. Caroli M. ætate Magno, qui cuique ciuitati antiquum nomen adiungit, *Petragorius*, *Vefonna*. Aimoinus lib. iii cap. xxxix *Chilpericus Deſiderium ducem ad perdendas Petrogoricum & Agennum, Aquitanie vrbes, cum inſtructis dirigit copiis*. Valeſius quidem Sidonium etiam auctorem laudat, qui lib. vii epiſt. vi dixerit, *Burdigala, Petrocorii*: quod vero ſubnectit idem, poſt alios, etiam *Auſcenſes*; ciuium potius, quam vrbis nomen videtur ſignificari. A gente in Notitia Ciuitatum *περιφρατικῶς* nominatur *Ciuitas Petrocoriorum*. Hodie Perigues.

XLIII.

Proximi his in auſtrum ſunt *Nitiobriges* Cæſaris lib. vii cap. lxxv, quibus Ptolemæus oppidum *Aginnum* dat, cuius ſitus tam ex reliquo nomine *Agen*, in dextra ripa Garumnæ vrbis, quam ex Itinerario & Peutingeriana Tabula notus eſt. Supra quoque Auſonii verſum ex Epiſtola xxiv produxiſmus:

*Santonus vt ſibi Burdigalam: mox iungit Aginnum
Illa ſibi,*

quo par diſtantia trium harum vrbium ſignificatur. Scribitur etiam *Agennum*, non tantum a poſterioribus, vt de Aimoino Rer. Franc. ſcriptore, modo vidimus; verum etiam Hieronymus de Scriptor. Eccleſiaſt. in Sœbadio (al. Phœbadio) *Agenni Galliarum Episcopus*.

XLIV.

Hos Nitiobriges attingunt *Cadurci* Cæſaris & Strabonis, circa Oldum fluuium, qui Garumnæ miſcetur. Ptolemæus illis urbem tribuit *Διόνα*, *Diouanam*, quod peruerſe ſcriptum pro *Διόνα*, vt *Diouona* vel *Deuona* legatur. Tabula Peutingeriana corrupte *Bibona*, lege *Dibona*: & Magno, *Cadurcus*, *Divonna*. Ergo caput gentis fuit, quod moris eſt Ptolemæo hoc capite, atque Magnoni, primas vrbes nominare. Hæc tandem gentis nomen illorum tempore conſuetudine adſumſit, & *Cadurci*, *Cadurcum*, nec non *Cadurx*, & denique *Cahors* ſiue *Cahors*, quod hodieque obtinet, appellata eſt.

XLV.

Alterum oppidum Cadurcorum *Vxellodunum* fuit, natura loci egregie munitum, cuius ſitum & expugnationem Hirtius lib. viii B. Gall. cap. xxxiii ſeqq. deſcribit. Sunt qui hanc primariam urbem Cadurcorum dicant, ſiue Cahors, vt hodie vocatur: ſed Diouanam illam eſſe, iam ſatis probatum fuit. Accedit quod Hirtius dicto loco dixit, *Vxellodunum in clientela Luterii*, principis Cadurcorum, *ſuiſſe*, quod infra dignitatem vrbis primæ eſſet, quæ caput totius gentis ſit. Quod ſi ergo diuerſum eſt oppidum vel nominis indicio, in Peuch d' Vſſelou, vel le Peuch d' Vſſeldun, tribus leucis a Cadedubitamur.

XLVI.

XLVI.

Pars Cadurcorum cognominantur *Eleutheri*, id est liberi, apud Cæsarem lib. vii cap. lxxv. Horum quibusdam videtur *Albiga* fuisse, ad flumen *Tarnem*: hodie *Alby*, quæ ciuitas *Albigensium* in Notitia urbium Galliae; *vrbs Albigenfis* apud Gregorium Turonensem lib. vii cap. i. Est etiam in litteris pactionis apud Gregorium Turonensem lib. ix cap. xx *Albi-ge* sexto casu, quasi *Albix* in primo. Hinc *Albigenses* & *Albienses* in Notitia Imperii sub dispositione Magistri mil. per Thracias, *Equites cataphractarii Albigenfes*, quos Pancirolus ex Albinga Liguriæ duxit: malumus cum Valesio ex Aquitania.

XLVII.

Succedunt Cæsaris *Ruteni* lib. i & vii sæpe. Ptolemæus *Rutanos* vocat, eisque urbem adscribit *Segedunum*. Sed Strabo etiam *Ρατηνῆς* appellat, ac Plinius *Rutenos*: & Lucanus lib. i vers. 401

Soluuntur flauī longa statione Ruteni.

Nomen urbis *Segedunum* apud Ptolemæum, ut diximus, etiam in Tabula Peutingeriana: postea *Ruteni*, gentis nomine, & ipsa nominata, & *vrbs Rutena*: hodie Rodes. Pars Rutenorum ad prouinciam vergebat, eratque ditionis Romanæ iam Cæsaris temporibus, ideoque ab ipso lib. vii cap. vi *Ruteni prouinciales* dicti.

XLVIII.

Contermini his & Narbonensi prouinciæ *Gabali*, itidem Cæsaris lib. vii cap. lxxv; & Ptolemæi, & vrbs illorum *Ανδεριδων*, *Anderidum*, apud eundem Ptolemæum, vbi Scaliger *Anderedon*, *Ανδεργιδων* legit: in eadem Tabula Peutingeriana *Anderitum*: in Conciliis *Gabalitana Ecclesia* & *ciuitas*. Sidonius Carm. xxiv, Propemptico ad libellum, vers. 23

*Tum terram Gabalum satis niuosam,
Et quantum indigenæ volunt putari,
Sublimem in puteo videbis urbem.*

id est, ex profunda valle celsam urbem adspicies. Iacobus Sirmondus ad illum locum inscriptionem adfert, in finibus Aruernorum Gabalorumque effossam:

I M P. C A E S
M. C A S. L A T
P O S T V M O
P. F. A V G. C O S
M. P. G A B A L L. V

Populum Strabo lib. iv pag. 132 *Γαβάλει*, *Gabales*: regionem Gabalitanam Plinius lib. xi cap. xlii *pagum Gabalicum* vocat; posteriores *Gaualdanum* pagum, vnde *Geuaudan* hodie; & ex Gabalis, urbis nomine, *Favols*, siue *Favouls*, & *Favoux*, quatuor leucis a Mende. Huc Valesius refert quoque *militēs Anderetianos* sub dispositione Ducis Mogontiacensis, Notit Gall. pag. 213.

Omniū maxime in ortu ex Aquitanis *Aruerni* recedunt, nobilissimæ famæ populus, a Cæsare, Strabone, Plinio, Ptolemæo, & inter recentiores a Sidonio, qui episcopus eorum fuit, multum commemoratus. Potentia illorum ex bellis contra Romanos gestis elucet. Plinius lib. i v cap. xix *Aruerni liberi*, quibus auitam libertatem Romani etiam victis seruauerunt, propter præstantiam virtutis. Tanta enim antiquitate erant, vt genus æque a Troianis per Antenorem, quam Romani per Aeneam deriuarent. Lucanus lib. i vers. 427

*Aruernique ausi Latio se fingere fratres,
Sanguine ab Iliaco populi.*

Quæ repetit & sua facit Sidonius lib. v i i epist. v i i. Primariam urbem; Strabo Νεμωσσιν, *Nemossium* vocat; Ptolemæus, & per notas auctor Tabulæ Peutingerianæ *Augustonemetum*, quod Casaubonum induxit, vt de emendando Strabone cogitaret, quasi ille non Νεμωσσός, sed Νεμετός vel Νεμετῖός scripsisset, cui vocabulo ex Augusti nomine, vt multis aliis accessio facta fuerit. Cito fuit, quum vrbs, deposito prisco nomine, gentis sibi nomen aptauit. Sidonius lib. v i i epist. ii *Aruerni huic patria: parentes natalibus non superbis, sed absolutis*: qui etiam lib. i i i epist. x i i urbem *Aruernam* vocat. Notitia Ciuitatum Galliæ est *Ciuitas Aruernorum*. Magno, ille Notarum collector & explicator: *Aruernus, Augustanemetum*, id est, *Augustonemetum*. Atque eadem vrbs a mille prope annis, vt probat Valesius, ex situ cœpit *Clarus Mons* vocari, quam hodieque nominationem tenet.

L.

Diuerfa ab hac, attamen vicina, *Gergouia* Aruernorum erat, in editiore monte, iuxta Elauer flumen sita, & validissime munita; distincta etiam a Gergobia Boiorum. Strabo clare distinxit inter *Nemossium* siue *Nemetum*, & inter Γεργουσίαν πόλιν Αργέρων, *Gergouiam oppidum Aruernorum*. Hæc omnes aditus tam difficiles habebat, vt Cæsar de expugnatione desperaret. Cladem, inter oppugnandum acceptam, ipse descripsit lib. vii cap. L, LI. Vnde Sidonius de virtute Aruernorum gloriabundus iudicat Panegyrico Auiti foceris, vers. 150

*testis mihi Cæsaris esto
Heic nimium fortuna pauens, quum colle repulsus
Gergouiae castris miles vix restitit ipsis.*

Excisa iacet Gergouia, sed rudera in monte Gorgoie nomine, quod seruant, vna leuca ab Elaueri flumine, nec multo longius a Claro Monte, testantur de sede genuina. Vt autem de Aruernorum vocabulo eiusque scriptura antiqua certiores simus, ex Appendice Reinesii inscriptionem v referemus:

GENIO ARVERNORVM
SEX. ORCIVS SVAVIS
AEDVVS.

LI.

Subesse Aruernis *Vellau*, siue *Velauni* consueuerant. nam utroque modo scribuntur. Strabo *Ὀυελλαίοι*, qui *Vellau* sunt Latine; Ptolemæus *Ὀυέλαινοι*, *Velauni*. Cæsar's codices variant lib. vii cap. lxxv. Vulgo ita editum: *Parem numerum* (imperat Vercingetorix) *Aruernis, adiunctis Eleutheris Cadurcis, Gabalis, Velaunis, qui sub imperio Aruernorum esse consueuerunt.* Oppidum Velaunis Ptolemæus tribuit *Ruesium*: mauult Valesius *Ruesionem*, quia *Reuessione* in Tabula Peutingeriana est. Sunt qui in Anicio siue Podio (le Puy) illud quærant, sed propius afuisse ab illo *Vellauam urbem*, ut Turonensis vocat, siue *Vellauorum civitatem*, ut vocatur Notit. Ciuit. Galliæ, ex eiusdem Gregorii Turonici verbis lib. x cap. xxv intelligimus: *Ingressus Vellaue urbis terminum, ad locum, quem Anicium vocitant, accedit.*

LII.

Supra Aruernos ad Ligerim in angulo flectentis fluminis sunt *Bituriges*, *Cubi* a Strabone, Plinio, Ptolemæo cognominati. Plinius lib. iv cap. xix *Hinc Bituriges liberi, qui Cubi appellantur.* Ptolemæus: *Βιτῦριγες οἱ Κοῦβοι*, atque ita etiam Strabo. Cæsar *Bituriges* simpliciter siue cognomine appellat: cognomine autem a Viuiscis Biturigibus discernuntur, qui ad Garumnæ ostium erant. Inscriptio lxxxiv Reinesii Class. i, in Biturigibus reperta, subiecta statuae Martis:

FLAVIA CVBA FIRMANI FILIA
COSOSO DEO MARTI SVO HOC
SIGNVM DICAUIT AVGVSTO

Oppidum illorum *Auaricum* nominat Ptolemæus, * notum satis ex Cæsar's bello, qui ita de eo lib. vii cap. xiii scripsit: *Cæsar ad oppidum Auaricum, quod erat maximum munitissimumque in finibus Biturigum, atque agri fertilissima regione, profectus est, quod, eo oppido recepto, ciuitatem Biturigum se in potestatem redacturum confidebat.* Quod etiam expugnauit, ut cap. xxvii seq. ab ipso est perscriptum. Dictum *Auaricum*, a flumine *Auara*, quem postea *Aueram* vocauerunt, præterfluente: nunc ille Evre siue Yevre appellatur. Urbis nomen cum gentis vocabulo postmodum, ut solemne erat, commutatum fuit. In Tabula tamen Peutingeriana & Antonini Itinerario vetus nomen retinetur: Sidonio autem *Biturica* sunt urbis nomen lib. vii epist. v ineunte. *Bituricas*, inquit, *decreto ciuium petitus, adueni.* Adde epist. ix eiusdem libri. Apud Magnonem: *Biturex, Auaricum.* Ex illo gentis nomine *Bituriges*, siue *Biturica*, & in dies prauato magis, tandem *Bourges* natum est, nunc urbis nomen istius celeberrimæ. Non enim aliud *Auaricum* fuisse iter Antonini a Burdigala Augustodunum, quod supra excerptimus, euidenter demonstrat, idque magna consensione recentiores Galli approbant.

LIII.

Atque hæc etiam de Aquitania noua, siue xiv gentium, Iulianæ ab Augusto Cæsare adiecta, quæ inter Garumnam, Ligerim & Cebennam

* De Nouioduno vide infra §. 84.

montem sita omnis est. Plurimas etiam illarum xlv gentium exposuimus, quas quidem Strabo non plene omnes enumeravit, sed tantum pag. 132 *Arvernos, Vellaunos, Lemouices, Petrocorios, Nitiobriges, Cadurcos, Bituriges, Cubos, Santones, Pictones, Rutenos, Gabalos*. Addit primo loco *Ελαδὸς ἀπὸ τῆς Ροδανῆς τὴν ἀρχὴν ἔχοντας, Eluos*, siue *Heluios*, Rhodanum accolentes: sed illos Cæsar prouinciæ Romanæ contribuit: Plinius & Ptolemæus in Narbonensi censent, quæ Prouinciæ respondet. Ergo vndecim tantummodo enumeratos populos habemus: duodecimum *Eluos* condonamus Strabonis errori: reliquos duos ignoramus, forsan in obscuris Plinii quærendos.

LIV.

Sed vbi Gallica *Vasconia* censenda est, vnde Gascogne hodie pars magna Aquitaniae nominatur? Est in Gallis quædam Vasconia, sed illa non est eius ætatis, cuius nos geographiam paramus, verum æui multo recentioris. Vascones veteres omnes in Hispania fuerunt, quamdiu Romanum in ea imperium stetit. Exstincta autem Romanorum dominatione turbatisque rebus prouinciarum, in Transalpina citeriore Francis iam regnantibus, & Alanis, Vandalis, Sueuis in Hispaniam effusis; coacti Vascones, seu pars illorum, nouas sedes circumspicere, & transcensis Pyrenæis in Aquitaniam, a Romanis desertam, a Francis adhuc intactam, demigrarunt. Ausonii autem ætate, quod ex eius epistola xxiii & xxv, & Paullini ad Sidonium carmine x constat, suis in Hispania terminis immoti Vascones continebantur. Post illa tempora eruptiones fiebant, in illam partem Galliæ, quam tandem occupatam possederunt. Venantius Fortunatus lib. x carm. vltimo ad Galactorium, Comitem vltioris Galliæ:

Vt patriæ fines sapiens tuearis, & vrbes

Adquiras ut ei, qui dat opima tibi.

Cantaber ut timeat, Vasco vagus arma pauescat,

Atque Pyrenææ deferat Alpibus opem.

Et Gregorius Turonensis lib. ix cap. vii *Vascones de montibus prorumpentes in plana descendunt, vineas agrosque depopulantes, domos tradentes incendio, non nullos abducentes captiuos cum pecoribus*. Tum temporis Gothi adhuc agebant in Septimania. Post demum Vascones ex prædatoribus facti sunt possessores. Sic expedita Aquitania ad Celticam Galliam seu Lugdunensem ut progrediamur, instituti ratio postulat.

S E C T I O II.

G A L L I A C E L T I C A

S I V E

L V G D V N E N S I S.

LV.

Pars altera Galliæ, a Gallis proprie dictis siue Celtis habitata, antea *Celtica* dicta, post *Lugdunensis* a metropoli Lugduno, præfecti sede, est appellata

lata. Plinius lib. iv cap. xvii *A Sequana ad Garumnā Celtica eademque Lugdunensis.* Facilioris expeditionis causā diuidimus hanc rursus in tres partes, primum exposituri Armoricum tractum, qui peninsulam Britannicam cum reliquo litore vsque ad ostium Sequanæ tenet: deinde tractum qui inter Armoricum, Ligerim & Sequanam est comprehensus: & tandem illum, qui est inde a Sequana, & circa Ararim, vsque ad huius & Ligeris confluentem.

LVI.

Primum igitur de *Armoricis* siue *Aremoricis*, (nam utroque modo scribitur) id est de populis maritimis inter Ligerim & Sequanam, dicendum est. Vt Cæsar definit, ad Oceanum habitarunt, Celtica lingua quasi *maritimi* dicti, quia *ar mæ* est *ad mare*, Celtis æque ac Teutonibus *mæ* mare appellantibus. Cæsar's verba sunt lib. vii cap. lxxv, *Vniuersis ciuitatibus, quæ Oceanum attingunt, quæque eorum consuetudine ARMORICAE appellantur, quo sunt in numero Curiosolites, Rhedones, Ambibari, Cadetes, Osismii, Veneti, Vnelli.* Nec minus Hirtius continuator librorum Cæsar's cap. xxxi eos ad eundem modum describit. *Ceteræ, inquit, ciuitates posite in ultimis Galliæ finibus Oceano coniunctæ, quæ Armoricæ appellantur, imperata faciunt.* Plinius quidem lib. iv cap. xvii *Aquitanica*, ait, *Aremorica* antea dicta: sed nemo, præter eum, hoc vnquam dixit. Quin potius Santones Pictonesque, nobilissimos populos Aquitanix, ab Armoricis distinxit Aufonius epist. ix vers. 35

Sunt & Armorici qui laudent ostrea ponti,

Et quæ Pictonici legit accola litoris:

quibus paullo ante præcesserant,

Santonico quæ tectâ salo.

Neque quas antea Cæsar nominauit Armoricas ciuitates, in Aquitania, aut in Belgica sitæ sunt, sed omnes inter has prouincias interceptæ. Non ergo proprie dictum in Notitia Imperii est, quum capite *de Duce tractus Armorici*, eius limes extendi dicitur *per quinque prouincias, Aquitaniam utramque, Senoniam, Secundam & Tertiam Lugdunensem.* Non, inquam, nisi improprie & vocabulorum abusione hæc dicta sunt, quod tractus illius Dux plures prouincias, quam Armoricas, vna rexit. nam multæ illarum in mediterranea incurrunt, a quibus Armoricæ seiunctæ fuerunt, ut non modo Celtici vis vocabuli ostendit, quod maritimum sonat; verum etiam Rutilius Numatianus, quum lib. i vers. 213 notanter scripsit,

Cuius Aremoricas pater Exsuperantius oras

Nunc postliminium pacis amore docet.

ORAS dum dicit, extremitates siue litoralem tractum, non mediterraneum, significat. Aliæ autem oræ non sunt Oceani in Gallia, nisi inter Ligerim Aquitanix terminum; & Sequanam finitorem prouinciæ Belgarum. Hinc est, quod Ericus, Altifiodorensis monachus, lib. v. de Vita S. Germani dixit:

*Gens inter geminos notissima clauditur amnes,
Armorica prius veteri cognomine dicta.*

INTER GEMINOS AMNES, hoc est inter Ligerim Sequanamque, amnes Galliarum nobilissimos. Ora illa, siue maritima regio, sæpe *Tractus Armoricus* siue *Armoricanus* appellatur, ut iam vidimus in Notitia Imperii Occidentalis: quod etiam absolute dicunt, virili genere suppresso *tractus* vocabulo. Venantius Fortunatus lib. III Opusculorum, carmine VI sub initium,

Ultima sit quamvis regio Armoricus in orbe,
accentu contra morem traiecto, quod non insolens huic auctori est: & Græcus etiam Zosimus lib. VI cap. V eodem ὁ Ἀρμόριχος ἄπας καὶ ἕτεροι Γαλατῶν ἐπαρχία. quod Leunclavius vertit: *totus ille tractus Armoricus, ceteræque Gallorum provincie.* Nec vero minus femineo sexu *Armorica* simpliciter dicebatur, ut ora, provincia, regio, aut simile subaudiretur. Eutropius lib. IX cap. XIV. *Carausius quum apud Bononiam per tractum Belgicæ & Armoricæ pacandum mare accepisset, quod Franci & Saxones infestabant; - - - purpuram sumsit.* Cæsar non semel vocat *Armoricas ciuitates* loco supra dicto; & lib. V cap. LI *Certior factus, magnas Gallorum copias earum ciuitatum, quæ Armoricæ appellantur, oppugnandi sui causa conuenisse.* De singulis ergo earum ciuitatum, a Ligeris ostio progrediendo, qui Aquitanicæ explicatæ limnes est, ad Sequanam seu initium Belgicæ maritimæ, nunc distincte & perspicue dicturi sumus.

LVII.

Primi Armoricorum in Aquitanico limite *Nannetes* sunt, siue *Nannetes*, inter quos & *Pictones* Liger amnis, ut Strabo lib. IV pag. 131 obseruat, effluit. Cæsar Gall. B. lib. III cap. IX *Socios sibi ad id bellum Osismios, Lexobios, Nannetes, Ambialites, Marinos, Diablintes, Menapios adsciscunt.* Plinius lib. IV cap. XVIII *Ultra peninsulam (hodie Britanniam minorem) Nannetes.* Ptolemæo *Ναννῆται, Nannetæ sunt, ὧν ἡ πόλις κονδιυικνον, quorum oppidum Condiuicnum est.* Vrbs ergo *Condiuicnum* est illa primaria gentis ad Ligerim sita, quæ hodie *Nantes* appellatur. Ut enim solemne fuit medio æuo, abolito veteri nomine, gentis vocabulum principi illius vrbi impositum est, nec tantum, ut in Notitia provincie Lugdunensis III habetur, *ciuitas Nannetum*, ut apud Gregorium Turonensem lib. VI cap. XV ineunte est, *Ciuitas Nannetica* vocatur; verum etiam *Nannetes* simpliciter, siue Ptolemæi forma *Nannetæ.* Idem Turonensis lib. VIII cap. XLIII *Antestius Nannetas accessit.* Et Venantius Fortunatus lib. III epistola solutæ orationis ad episcopum Nanneticum Felicem: *Si Ligerim vobiscum adscendissem, secundis flatibus Nannetas occurrissem.* Inde vulgari ore *Nantes* factum, ut hodie appellatur.

LVIII.

Proximi Nannetibus, in peninsula autem primi erant *Veneti*, antiquus populus & nautica exercitatione clarus. Cæsar lib. III Gall. cap. VIII Q. *Velanius missus in Venetos.* *Huius ciuitatis est longe amplissima auctoritas omnis*

oræ maritimæ regionum earum, quod & naues habent Veneti plurimas, quibus in Britanniam nauigare consueuerunt: & scientia atque usu nauticarum rerum ceteros antecédunt: & in magno impetu maris, atque aperto paucis portubus interiectis, quos tenent ipsi, omnes fere, qui eodem mari uti consueuerunt, habent vectigales. Capite x in sequenti: regionem illorum vocat Venetiam. Regionem, inquam, non urbem quam nusquam Cæsar nominauit: nec ciuitas superioribus verbis urbem, sed, ut ubique apud Cæsarem, populum & societatem significat. Ptolemæus autem urbem illorum nominat *Δαριόριον*, *Dariorigum*, quam non dubitamus primam fuisse & præcipuam, ut solitus est Ptolemæus, ubi vnam tantummodo in gente nominat. Hæc in Notitia Lugdunensis tertiæ, *ciuitas Venetum*: & apud Gregorium Turonensem *ciuitas Venetica*, eo modo ut *Veneticum bellum* dixit Cæsar lib. i v cap. xxi. Medio æuo gentis nomen vrbi pro more datum. Notitia Imperii sub dispositione Ducis Tractus Armorici: *Præfectus militum Maurorum Venetorum Venetis*. VENETIS, sexto casu, ut solent pluralia urbium. Additur autem hospitii locus eo casu apud singulos præfectos militiæ, uti statim ibidem sequuntur, qui Constantia, Aleto, Rothomago stationes habebant: interdum casu quarto, ut *apud* subaudiatur. Sed de his proprie in medii æui geographia: nunc prælibare tantum lubuit, ut etiam ex nomine *Vennes*, quamlibet prauato, quod hodie obtinet, demonstretur, veterem Venetorum urbem primariam in eo loco exstitisse. Portus in illo tractu est *Vindana*, quem Ptolemæi numeros sequuti Venetiæ tribuimus, quamuis Valesius ad Gobæum promontorium, & vltimum angulum peninsulæ, quod nihil interposuit Ptolemæus, reductum velit, quem videas in *Briuates*.

LIX.

Extremi, in latere australi peninsulæ illius, *Curiosolites* Cæsaris, *Curiosuelites* Plinii, erant. Gemina forma Cæsar *Curiosolitæ* & *Curiosolites*: illa, lib. i ii cap. vii *missus Trebius Gallus in Curiosolitas*: *Q. Velanius in Venetos*: hac, lib. vii cap. lxxv *Curiosolites, Rhedones, Osismii, Veneti, Vnelli*. Plinii vox mendosa Hadriano Valesio videtur, legendumque putat *Curiosulites*. Posteriori æuo liquida mutata *Coriosopites* dixerunt. Sic vrbs eorum, cuius vetus nomen nemo superstitum scriptorum tradidit, in Notitia Ciuitatum Galliæ Lugdunensis iii dicitur *Ciuitas Curiosopitum*, quam indidem ortus Io. Harduinus in Plinium Notis, eam esse, quæ nunc Quimper * vocatur, adseuerat.

LX.

Vltimi in septentrionali latere *Osismii*, prope Gobæum promontorium. Ptolemæus *τελευταῖοι, οἱ μέχρι τῆς Γοβῆς ἀκροτηρὸς Οσισμιοὶ*, *extremi usque ad Gobæum promontorium Osismii*. Cæsar lib. ii cap. xxxiv *Miserat ad Venetos, Vnellos, Osismios, Curiosolitas*. quos socios etiam lib. vii cap. lxxv coniungit. Strabo Venetis proximos facit *Osismios*. *ἐνθενδε, hinc, id est post Venetos, Osismii*, quos *ἐπὶ τῶς προπεπτωκυίας ἰκανῶς ἀκρὰς εἰς τὸν ὠκεανόν*, *super*

* Aliis potius videtur vicus *Corseult* propinqua Dinantio orientem versus. Ibi enim indicia sunt magnæ & veteris vrbs, & hæ nominis reliquiæ vestigia ipsa sunt clarissima veteris nominis *Curiosolitæ*. Videatur *histoire de l'academie Royale des Inscriptions* pag. 401-407. tomi I.

per quodam satis longe in Oceanum procurrente promontorio locauit, quod Gobaëo Ptolemæi a pluribus tribuitur. Est ibi etiam portus *Briuates* eiusdem Ptolemæi collocandus, quamuis idem illum multo citiorem posuerit. Gallorum enim consensu nomen suum, sed vulgi ore contractius, in *Brest*, nobili oppido & capacissimo portu, conseruat. Sed tantum λιμένα, portum ille vocat; oppidum Osfiniorum nominat *Vorganium*, quod breuiata scriptura *Vorgium* in Tabula Peutingeriana est. Gentis quoque nomen pro temporum illorum consuetudine adsumtum, & Notitia Imperii etiam urbem *Osfinios* appellat. Sub Ducis enim Armorici dispositione habet *Præfectum militum Osfiniacorum Osfinis*, id est, illi oppido præsidii causa impositorum: Cui illa nostrorum temporum ciuitati, vtrum Lantriguet, an S. Pol de Leon, aut alii respondeat, incertum est Hadriano Valesio.

LXI.

Inde plus in ortum eodem litore situm fuit *Aletum*, non obscura quondam vrbs & præsidio munita, etiam Christianis temporibus ornata episcopatu. Notitia Imperii Occidentalis sub dispositione Ducis tractus Armorici: *Præfectus militum Martensium Aleto*. Vetustiore, qui memorauerit, non cognouimus, neque eius nominis hodie oppidum, vel in tractu isto castrum superest. Fuisse autem ferme in loco, vbi nunc fanum S. Maclouii est, vulgo S. Malo; non finit nos dubitare Robertus de Monte ad annum CIOCLXXXII. Obiit, inquit, venerabilis vir *Albertus, Aletensis episcopus, quem moderni de sancto Madomo vocant, cuius episcopatus antiquitus ciuitas Alita vocabatur*. Eodem manente litterarum ductu, separatis tantum quæ coniuncta sunt perperam, pro *Madomo* legas velim *Maclouio*; vt etiam legit Hadrianus Valesius in Notitia Galliarum, qui S. Maclouii fanum circiter mille passus in mare seu paruum peninsulam magis reductam esse tradit, quam Aleti vetusti oppidi sint vestigia. Cui vero populo adscriptum quondam Aletum fuerit, Rhedonibusne, an Abrincatuis, an ab vtrisque diuerso alicui, in tanta veterum monumentorum paucitate non facile forsitan ab vlllo demonstrari poterit.

LXII.

Intus, ab ortiua plaga peninsulæ, *Rhedones*, siue *Redones* coluerunt. Cæsar lib. VII cap. LXXV *Curiosolites, Rhedones, Ambibari, Cadetes, Osfinii, Veneti, Vnelli*: ex quo numero Ambibari & Cadetes ignorantur. Ptolemæus etiam *Ῥήδωνες, Rhedones* habet, sed loco alieno, παρὰ τὸν λίγαρα ποταμὸν, ad *Ligerim fluium, ὧν πόλις Κονδάτε, quorum vrbs Condate sit*. Urbis nomen etiam in Itinerario Antonini est, itinere ab Alaunio ad Condate, hoc ordine positum

Alaunium

Cosedias

Fatum Martis

Ad Fines

Condate

— — —

M. P. XX

M. P. XXXII

M. P. XXVII

M. P. XXIX.

Est & Condate in alio itinere a Iuliobona Durocassès, & in Theodosiana Tabula,

bula, sed diuersum a nostro esse oportet, forsan situm in Carnutibus, non apud Rhedones, vt nostrum. nam nomen illud, si Valesio credimus, commune est, & *confluentem* Celtica lingua significat. Ex itinere autem iam explicato constat, oppido *Condate* Antonini cum Rennes, præcipua vrbe Britanniae, vt nunc peninsula Armorica vocatur, bene conuenire, quod quidem non ad Ligeris, sed ad cuiusdam fluuioli & Vicinoniae confluens est positum. In Notitia Ciuitatum Galliae Lugdunensis III dicitur *Ciuitas Redonum*. Inde postea gentis nomen ipsi vrbi hæsit, dictaque *Redonæ*. Notitia Imperii Occidentalis pag. 147 ed. Panciroli: *Præfectus Lætorum Francorum Redonas Lugdunensi tertia*. Inde contractum magis illud Rennes, quod nunc vulgare nomen est. Ager circumiectus regio *Redonica* apud Turonensem Gregorium lib. v cap. xxx dicitur. Et hæc de peninsula illa Armorica, quam ita Plinius lib. iv cap. xviii laudauit: *Lugdunensis Gallia habet peninsulam spectatiorem, excurrentem in Oceanum a fine Osismiorum, circuitu 10cxxxv m. passuum: ceruice in latitudinem cxxv m. Ultra eam Nannetes*.

LXIII.

Extra peninsulam in septemtrionem *Abrincatui* vergebant, quos Plinius cum Venetis & Osismiis loco dicto coniungit: Ptolemæo *Αβρινκάττοι*, quos producit *μέχρι τῆς Σηκοάνα ποταμῆς*, usque ad *Sequanam amnem*, quod autem iusto longius est, interiectis Biducasibus, Aulercis & Lexouiiis. Nomen in oppido Avranches nondum abolitum, indicium est genuinae sedis, atque ibidem Ptolemæi oppidum *Ἰνγενά*, *Ingenam* collocamus, cui medio æuo nomen *Abrincatarum* accesit, (primo casu *Abrincatæ*) desumptum pro temporum consuetudine ex gentis nomenclatura. Notitia Imperii in eodem tractu Armoricano, de cuius Duce sæpe diximus: *Præfectus militum Dalmatarum Abrincatis*. Inde tandem Avranches natum, quod his temporibus vrbis nomen est.

LXIV.

Ab his in angulum supremum septemtrionem versus *Vnelli* se proferebant, ex Cæsare supra memorati sæpius, qui cum Osismiis & Venetis ac Rhedonibus componit. Vide vel solum caput lxxv libri vii. Addi potest lib. ii cap. xxxiv, & lib. iii cap. xi & xvii. Ptolemæus *Venelos*, *Ουενέλως* vocat, iisque portum tribuit *Crociatonum*, *Κροκιατονὸν* in Palatino codice, qui in Peutingeri Theodosiana scribitur *Croucia connum*, supra quem in eadem septem millibus distat *Alauna*, in Itinerario *Alaunium*, vt ante ostendimus: infra, *Cosedia*, in eadem Tabula; in Itinerario *Cosediae* pluraliter: quas Brietius *Coutance* interpretatur.

LXV.

Excipiunt *Biducasses*, Plinii *Viducasses*, Ptolemæi *Βιδυκάσιοι*, quorum oppidum an nominatim significauerit, non manifestum est. Vbi oram & flumina delineauit, in Biducesiis vox vna addita *Αργένως*, quam Latinus interpres vertit *Argenis fluminis ostia*: Valesius, nescio ex quo codice, supplet pag. 74 *ὡς πόλις Αργένως*, quorum vrbs *Argenis* est. Non vana est hæc vel re-

pertio vel coniectura, quia in Peutingeriana conspicitur oppidum *Arægenue*, quod laudatus Valesius *Arægenus* legit. Notitiæ Ciuitatum Gallicarum hoc oppidum est *Ciuitas Baiocasum* in Lugdunensi II, quippe & *Baiocasses* dicebantur, qui prius erant *Biducasses*, seu *Biducesii*. Idem etiam vrbis nomen factum ex more illorum temporum. Ausonius Prosefforibus num. IV in Auito Patera:

Doct̃or potentum Rhetorum,

Tu Baiocassis stirpe Druidarum satus:

Baiocassis, sexto casu, primo Baiocassi & Baiocasses, tum vrbis & populi commune nomen: quod truncatum in Notitia Imperii Occidentalis pag. 147 ita legitur: *Præfectus Letorum Bataurorum & Gentilium Sueuorum Baiocas, & Constantiæ Lugdunensis secunda*. Inde est, quod vulgo nunc dicitur nomen vrbis *Bayeux*.

LXVI.

Tandem ad ostium Sequanæ *Lexouii* erant siue *Lexobii*, quos utroque modo Cæsar scripsit lib. III cap. IX: *Socios sibi ad id bellum Osismios, Lexobios, Nannetes adsciscunt*. Idem lib. VII cap. LXXV *Bellocassis, Lexouis, Aulercis*. Plinius itidem *Lexouii*: Strabo pag. 134 *Ληξοβίοι, παρωκεανίται ἔσσι*, *Lexouii in Oceani ora*: Ptolemæus *Λεξόβιοι*, *Lexubii*, quorum est *Νοιόμαχος*, *Næomagus*: in Palatino additur *Λιμὴν portus*. Verum etiam oppidum fuit *Nouiomagus* itinere Antonini ab Iuliobona Duriocasses: Valesius autem subdubitat de illo itinere, an forsan propter ambages *Nouigentum*, hoc est *Nogent sur Andelle* legendum sit. Notitiæ Ciuitatum Galliæ in Lugdunensi II est *Ciuitas Lexouiorum*. Inde *Lexouii* gentile, nomen vrbis factum, cuius vestigia in hodierno *Lisieux* non obscura relinquuntur.

LXVII.

De Armorico hætenus, siue maritima ora Lugdunensis Galliæ. Ad interiora progredimur, quæ Ligeri in occasum verso, ac Sequana & Oceano concluduntur. Namnetes supra perlustrauimus, quum de exitu Ligeris ageremus, quia ex parte sunt maritimi: quamuis maiore mediterranei. Hos attingunt *Andes, Andi, Andegauis*, siue *Andicaui*. tot modis enim idem scribitur gentis nomen. Cæsar lib. II extremo: *in Carnutes, Andes, Turones*. Et lib. III cap. VII *proximus mare Oceanum in Andibus hiemabat*. Altera forma Lucanus lib. I vers. 438

In nebulis Meduana tuis marcere perosus

Andus, iam placida Ligeris recreatur ab vnda.

Plinius lib. IV cap. XVIII *Andegauios* nominat. Tacitus Annal. III cap. XLI *Andecauios*: Ptolemæus *Ὀνδινᾶναι*, corrupte, quod in *Ἀνδινᾶναι* restituendum. Idem urbem eorum vocat *Iuliomagum*, quod nomen etiam in Theodosiana Tabula repetitum est. Notitia Lugdunensis tertiæ, *Ciuitas Andicauiorum*. Post gentis suæ vocata nomine. Gregorius Turonensis lib. VIII cap. XLII *Andegauios veniens, multa mala ibidem gesit*. Et singulariter *Mavacrius de Andegauo & aliis locis obsides accepit*. Hodie Angers, cuius situs cum

cum per se notus, tum supra in fluminibus Meduana & Sarta demonstratus est.

LXVIII.

In ripa Ligeriana progressis, ortum versus, *Turones* vel *Turoni* occurrunt. *Turones* Cæsar lib. II extremo dixit: at lib. VII cap. LXXV *Pictonibus & Turonis*: ut Teutones & Teutonos Germaniæ populum promiscue Romani appellabant. Lucanus lib. I vers. 437

Instabiles Turonos circumfusa castra coercent.

Et Sidonius in panegyrico Maioriani vers. 210

quum bella timentes

Defendit Turonos, aberas.

Vrbem habuere Ptolemæo indicante *Cæsarodunum*, in Aquitanica ripa Ligeris, Celticæ tamen contributam. In Notitia Lugdunensis III, *Metropolis ciuitas Turonorum*. Et Gregorius Turonensis lib. X cap. XXXI *intra urbem Turonicam*. Etiam gentis vocabulo vrbs insignita. Sulpicius Seuerus Dialogo III cap. VIII *qui quum in cunctis urbibus ederet crudelitatis suæ infanda monimenta, Turonis tantum innocens erat*. Idem Gregorius lib. X cap. XXIX *Aduenit Turonos post festiuitatem S. Martini*. Ex qua forma contractum est nomen, quod hodie illa metropolis tenet, *Tours* videlicet, quasi *Turones*, quod gentis quondam proprium erat.

LXIX.

Superiori ripa *Carnutes* Ligerim attingunt in septentrionem inde iuxta Sequanam protensi latius. Cæsar lib. II extremo: *Carnutes, Andes, Turones*, quæ ciuitates propinquæ his locis erant ubi bellum gesserat. Idem lib. V cap. XXV *Erat in Carnutibus summo loco natus Tasgetius*. Et mox: *in Carnutes proficisci iubet, ibique hiemare*. Liuius lib. V cap. XXXIV in Gallis, qui Italiam inuaserunt, numerat etiam *Carnutes*. Plinio *Carnuti*, siue, ut in MSS. est, *Carnuteni*: Plutarcho in Cæs. pag. 720 *Καρνυτιῶναι*: Ptolemæo *Καρνύται*, *Carnutæ*, quibus duas vrbes attribuit, *Αυτρίκον*, *Autricum*, quæ prima gentis erat; & *Κήναβον*, *Cenabum*, Cæsari *Genabum* lib. VII cap. III, & *Genabum Carnutum* ibidem cap. XI. De prima pauciora reperiuntur, quam de altera, quæ emporium habebat. Præter nomen enim *Autrici* apud Ptolemæum vix antiquum scriptorem testem nominis habemus. Magno tandem: *Carnotenus, Autricum*. Scilicet posteriores, dimisso proprio nomine, periphrasi delectabantur. In Notitia Lugdunensis Senoniæ, *Ciuitas Carnotum*: Et Sulpicius Seuerus Dialogo III cap. II *Carnotena ciuitas*: & Paullinus Aquitanus de Vita Martini lib. IV vers. 255

Carnotena iacent patulis qua mœnia campis.

Hinc Magnonis *Carnotenus* est, quod *Autricum* veteri vocabulo explicabat. Ex gentis nomine simpliciter etiam *Carnotum* vel *Carnutum* dictum fuit. Notitia Imperii Occidentalis pag. 147: *Præfectus Letorum Teutonicianorum Carnuto Senoniæ Lugdunensis*. Conspirant Galli non aliam urbem esse, quam quæ *Chartres* hodie appellatur. Alterum oppidum licet dignitate inferius, fama tamen, ut emporium, utique nobilius fuit. Strabo lib. IV pag. 132 de Ligeri:

Ligeri: ρυεὶς δ' ἔτος παρὰ Γήναβον, τὸ τῶν Καρνύτων ἐμπορεῖον, κατὰ μέσον πρὸς τὸν πλῆν συνοικόμενον, *hic præterfluit Genabum Carnutum emporium fere ad medium fluminis conditum.* Cæsarem supra de eo cognouimus. Hirtius lib. viii cap. v *in oppido Carnutum Genabo*: & cap. vi *in hibernis Genabi collocavit.* Antonini itinere ab Augustoduno Luteciam, & Theodosiana Tabula *Cenabum.* Sed ab restitutore Aureliano etiam aliud nomen *Aurelianorum* acceperat. Notitia Lugdunensis Senoniæ: *Ciuitas Aurelianorum.* Et Sidorius Apollinaris lib. viii epist. xv *Aurelianensis urbis obsidio.* Mirum de instauratione noui nominis causâ, nihil in historiis superesse. Nunc *Orleans* dici nemo est qui ignoret.

LXX.

Supra Carnutes *Aulerci* habitabant, a Sequana in Armoricam vsque peninsulam extensi. In tria genera diuisi erant, Eburouices, Diablintes, Cenomanos. Antiquum nomen *Aulercorum* etiam a Liuiio lib. v cap. xxxiv in Gallis inuasoribus Italiæ numeratum. Diuisio est ex Cæsare, Plinio, & Ptolemæo. *Aulerci Eburouices* plene & clare nominantur a Cæsare lib. iii cap. xvii, vbi cum Lexouiis coniungit. *Aulerci*, inquit, *Eburouices Lexovique.* Et hi Sequanæ propiores, quibus Ptolemæus oppidum *Mediolanum* dat, ideo in Peutingeriana Theodosii Tabula & Antonini itinere a Rotomago Luteciam *Mediolanum Aulercorum* dictum. Situm eius illud iter declarat, xxiii m. p. a Rotomago: xvii a Durocassibus: a Lutecia xxxvii. Nobilitatem Ammianus ostendit, quum lib. xv cap. xxvii inter vrbes ponit, quæ secundam Lugdunensem (duæ tantum illius æuo erant) nitore suo illustrent. Gentis nomen postea, vt solent, vrbi accessit, & in Notitia Galliarum *Ciuitas Ebroicorum*, quod ex *Eburouicum* prauatum est. Inde Ebroicæ, & tandem, vt nunc est, Evreux. *Durocasses* vel *Durocassæ* in finibus Carnutum & huc referendæ sunt, in Itinerario *Durocasses*, & in Peutingeriana Tabula *Durocassium*, quod nunc est Dreux, supra quod oppidum x m. p. aliud *Condate* Antonini, itinere ab Iuliobona *Durocasses*, quod eodem situ etiam in Peutingeriana locatur. Hæc de Aulercis Eburouicibus, qui prae *Euburones* apud Cæsarem lib. vii cap. lxxv cognominantur, gentis nomine longius hinc remotæ, quum potius ex lib. iii cap. xvii *Eburouices* restituendi sint. At *Aulerci Cenomani*, non secus ac Senones & Boii, ex coloniis, in Italiam antiquitus deductis, noti sunt, vbi multa cum Romanis bella gesserunt, postquam Insubriæ partem occupauerant. Vide Liuium lib. xxxiii cap. xxiii & alibi. Antiqua sedes in Lugdunensi Gallia circa flumen Sarrant & ultra fuit. Cæsar lib. vii cap. lxxv: *Aulercis Cenomanis totidem imperant*, puta milites in bellum aduersus Romanos. Plinius sæpe dicto loco: *Aulerci, qui cognominantur Eburouices, & qui Cenomani.* Ptolemæus *Αυλίρ-κιοι οἱ Κενόμανοι.* Et quia Eburouices in extrema Lugdunensi ad Sequanam flumen inuenimus; altera Aulercorum pars non potest alibi sedem habuisse, nisi proxime hos, ab occasu solis; & πρὸς ἀνατολὰς, ab ortu Andegavorum, vt Ptolemæus adnotauit. Idem urbem illis adsignat *Οὐνδινον*, *Vindinum*, quod Valesius putat *Swindinum* legendum esse, quia in Peutingeriana sit huius

ius tractus oppidum *Subdinnum*. Sed nolumus in veteri nomine, quod abolitum est, difficiliore esse, quam alterum, quod commune cum gente fuit *Cenomani*, ad locum inuestigandum sufficiat. In Notitia Galliae Lugdunensis III est *Ciuitas Cenomannorum*, & Gregorius Turonensis lib. II cap. XLII apud *Cenomaniam ciuitatem*. Sed hæc κατὰ περίφρασιν. Pure gentile nomen vrbi impositum est in Notitia Imperii pag. 147. *Præfectus Letorum Gentilium Sueuorum Cenomanos Lugdunensis tertiæ*. Id quod argumento est, in truncato *Mans*, quod clarum nunc oppidum ad Sartam est, *Cenomanos*, urbem veterem, latere, nec alibi locorum inquirendam esse.

LXXI.

Tertium Aulercorum genus, si quod fuit, superest inuestigandum, illud nempe, quod *Diablintes* cognominetur. Nusquam hoc clare indicatum est, & Cæsar ac Plinius duo tantum genera agnoscunt, Eburouices & Cenomanos. Sunt quidem *Diablintes* lib. III cap. IX & apud Plinium lib. IV cap. XVIII *Diablinde*, sed neuter cum nomine *Aulercorum*, quod vero vterque Eburouicibus & Cenomanis addiderunt. A Ptolemæo demum coniunctura *Aulercorum Diablintum* videtur esse, qui in Lugdunensi præter Aulercos geminos, Cenomanos & Εβραϊκῆς *Ebraicos*, qui ipsi sunt Eburouices; de tertio genere ita scripsit: ἐν τῇ μὲν μεσογαίᾳ τῶν Οὐενετῶν εἰσὶν οὐσμικώτεροι (Palat. ἀνατολικώτεροι) Αὐλίρκιοι Διαυλίται, ὧν πόλις Νοϊόδουν. In mediterraneo Venetorum sunt (magis orientales, an occidentales, incertum ambigua lectione) *Aulerci Diaulite*, quorum urbs *Næodunum*. Hic putant *Diaulite* corruptum esse ex *Diablinte*, quod pronum quidem est ad fidem faciendam, non autem omnino certissimum. Quid enim, si error sedeat in altera voce Αὐλίρκιοι? sane si recepta lectio est tuenda, qua occidentaliore sunt Venetis; quam distracta erit, & quot populorum intercurfu diremta gens vna Aulercorum? Andes, Rhedones, alii & ipsi Veneti discludent illos a cognatis Cenomanis, ne cum iis cohæreant, sicut hi cum Eburouicibus. Quæ causa fuit, ut multi recentium *Nouiodunum*, urbem horum a Ptolemæo proditam, malint in Nouigento Rotrudo, *Nogent le rotru*, quam in vilo oppido Britanniae minoris quærere. Vide Philippum Brietium in Geograph. parallela pag. 357, & Mich. Antonium Baudrandum in *Diablintes* & *Nouioduno*. Et illos quoque duces in Tabula nostra sequuti sumus.

LXXII.

Quæ reliquæ sunt partes ex Lugdunensi, usque ad ipsam metropolim Lugdunum, nunc pari modo persequendæ sunt. A Sequana autem incipendum: nec vero iam multis attingemus, quæ in dextera ripa, infra Matronæ confluente, ex Velocassibus & Caletibus principum arbitrio contributa Lugdunensi prouinciæ fuerant, præter urbem *Rotomagum*, in ripa sedentem, a Ptolemæo in Veliocassibus scriptam, in Notitia Imperii Armorici adnumeratam. Sub Duce enim tractus Armorici dicitur fuisse *Præfectus militum Vrsariensium Rotomago*. Itinere Antonini a Carocotino Augusto bonam, ponitur inter Iuliobonam & Luteciam, ab illa M. P. XIX, ab hac XXXIV, ut dubitare non liceat, quin celebre emporium ad Sequanam sit, quod

quod Rouen appellitamus. Iam tum Theodosii & Gratiani ætate illustris vrbs & decus suæ prouinciæ fuit Ammianus Marcellinus lib. xv cap. xxviii *Secundam Lugdunensem Rotomagi, Turoni, Mediolanum ostendunt.* Rotomagi, male plurali numero posuit, quasi perinde genti & vrbi commune nomen sit vt Turoni. Gentiles enim non *Rotomagi*, sed *Rotomagenses* dicuntur. Notitia Galliæ Lugdunensis secundæ: *Metropolis ciuitas Rotomagensium.* Quamquam autem in ripa Belgica Rotomagus fuit, tamen in Lugdunensi prouincia principum voluntate & iussione censebatur.

LXXIII.

Ad Sequanam, circa Matronæ confluentem, sunt *Parisii*, etiam Iulii Cæsaris temporibus cum Lutecia oppido non ignoti, qui lib. vi cap. iiii concilium Galliæ quod indixerat, *Luteciam Parisiorum transfert.* *Confines hi erant Senonibus, ciuitatemque patrum memoria coniunxerant.* De oppidi situ plenius lib. vii cap. lvii *Labienus cum iiii legionibus Luteciam proficiscitur.* *Id est oppidum Parisiorum positum in insula fluminis Sequanæ.* Strabo lib. iv pag. 134 *περὶ τὴν Σηκάναν ποταμὸν εἰσὶ καὶ οἱ Παρίσιοι, νῆσεν ἔχοντες ἐν τῷ ποταμῷ. καὶ πόλιν λεγομένην, Circa Sequanam fluuium sunt etiam Parisii, insulam habentes in flumine, & urbem Lucotociam, id est Luteciam.* Nondum illa ad vrbs magnitudinem excreuerat: intra oppidi mediocritatem continebatur, munita tamen, vt videtur; ideo *castellum* potius, quam oppidum ab Ammiano lib. xv cap. xxvii appellata. *A Belgis, inquit, eandem gentem [Celtarum] Matrona discindit & Sequana, amnes magnitudinis geminæ, cui fluentes per Lugdunensem post circumclusum ambitu insulari Parisiorum castellum, Luteciam nomine, consociatim meant.* quamuis tribus millibus supra Luteciam hi omnes confluant. Itinerarii Antoniniani auctor adhuc veteri nomine Luteciam, vel *Luticiam* quoque, appellat. Notitia Senoniæ: *Ciuitas Parisiorum*, quæ inter Senonias est penultima. Iulianus imperator Misopogone pag. 340 *τὴν Παρισίων πόλιν, Parisiorum mediocre oppidum* inter laudes vocat. Sub idem tempus nomen gentis inhæsit, quod hodieque obtinet. Zosimus lib. iii cap. ix ineunte: *Ἰουλιανὸς ἐν τῷ Παρισίῳ διατρίβοντας, Iuliano Parisii commorante:* quod ne tractum siue agrum interpreteris, ipse addit, esse id *πόλιν, paruum oppidum* Lugdunensis Galliæ, non vt scriptum est, Germaniæ, quod etiam Iacobus Godofredus notauit: vt prouinciæ nomen in Zosimo emendandum sit.

LXXIV.

Fuit & aliud oppidum Parisiorum quatuor millibus passuum infra Luteciam, ad idem flumen positum, *Metiosedum*, a solo Cæsare lib. vii cap. lxi memoratum. Labienus enim in Parisios, oppugnaturus Luteciam, profectus, quum nihil propter paludem proficeret, eodem quo venerat itinere, (venerat autem Agendico) ad Melodunum rediit. Inde rursus secundo flumine ad Luteciam iter facere instituit, cap. lviii. Quo cum peruenit, vt hostem deciperet, *naues quas a Melodyno deduxerat, singulas equitibus Romanis attribuit, & prima confecta vigilia, iiii millia passuum secundo flumine progredi silentio, ibique se exspectari iubet.* Ipse post paullo si-
lentio

*lenticio egressus cum III legionibus eum locum petit, quo naues appellari iusserat. Iussi interea alii cum sonitu aduerso flumine Melodunum versus referri, quibus hostes auditis præsidio e regione castrorum, quæ ad Luteciam erant, relicto, parua manu METIOSEDVM versus missa, quæ tantum progredere-
tur, quantum naues processissent, reliquas copias contra Labienum duxerunt. Quo ergo naues a Labieno IIII M. P. a Lutecia præmissæ secundo flumine fuerant, eum locum appellat Metiosedum. Magnas heic turbas editores Cæ-
saris, sed recentes tantum, concitarunt, dum ex tribus locis cap. LVIII & LX eiecere urbis nomen Melodunum, & contra veterum librorum fidem Meti-
osedum substituerunt, inducti plerique auctoritate Scaligeri, cui urbs eadem Metiosedum & Melodunum est, quas vero ita Cæsar disparatas esse scripsit, ut Melodunum sit supra Luteciam in Senonibus situm; Metiosedum IV M. P. infra Luteciam eandem in Parisiis. Raimundus Marlianus distinxit qui-
dem oppida, Metiosedum autem in loco Corbelli, quod inter Luteciam & Melodunum est, ponit, quem aliquando, etiam in Tabula cum multis aliis sequuti sumus: post vero Cæsaris verba curatius expendentes utrumque oppidum, eo loco, quo narratum iam fuit, constituimus, in quo præiit nobis, quem honoris causâ nominamus, vir exactissimus Hadrianus Va-
lesius.*

LXXV.

Ad latus Parisiorum sub Matrona Meldi sunt, Strabonis μέλδοι, Plinii *Meldi liberi*; Ptolemæi μέλδοι, *Meldæ*; nec Cæsari ignoti. Lib. v. enim cap. v. dicit: *naues quæ in Meldis faciæ erant, cursum tenere non potuisse.* Pto-
lemæus attribuit oppidum Ἰάτινον *Iatinum*, quod in Notitia Lugdunensis Senoniæ *Ciuitas Meldorum* est, sita ad Matronam, nunc *Meaux* dicta, ex gen-
tis nomine *Meldi*, post urbi tributo, pro linguæ Gallicanæ indole vocabulo deducto.

LXXVI.

Supra Parisios ad Sequanam circa Icaunæ confluentes sunt *Senones*, omnium notissimi propter Italiæ inuasionem & Romam in ea captam ex-
stamque. Sed id damni colonia Senonum, dudum transducta Alpes & ad superum mare collocata, reipublicæ Romanæ intulit; non qui domicilium in Transalpina habebant. Strabo Σένωνες porrecta media: melius Σένονες Ptolemæus O breui scripsit, quia Latini poetæ corripunt. Silius Italicus lib. VIII vers. 454

Et Clanis, & Rubico, & Senonum de nomine Senæ.

Et Sidonius Apollinaris Panegyrico Maioriani vers. 82

sed reppulit vnus

Tum quoque totam aciem, Senones dum garrulus anser

Nuntiat, & vigilat vestrum sine milite fatum.

Ptolemæus illorum trans Alpes Senonum urbem principem Ἀγνδικόν, *Age-
dicum* nominat, Cæsar semper *Agendicum*, ut lib. VII in Labieni expedi-
tione: idque in Senonibus censet lib. VI extremo. *Legiones, inquit, IIII
reliquas in Senonum finibus Agendici in hibernis collocavit.* Alii malunt *Age-
din-*

dincum dicere, & in Antonini itinere a Carocotino Augustobonam, veteres libri, etiam Aldi, *Agredicum*, habent, ex quo *Agedincum* Surita fecit. In Notitia Senoniæ siue Lugdunensis quartæ: *Metropolis ciuitas Senonum*. Per idem tempus gentis nomen etiam vrbi concessum. Ammianus lib. xv cap. xxvii *Lugdunensem primam* (tum duæ solum erant) *Lugdunus ornat, & Cabillones, & Senones, & Biturigæ*. Omnia enim hæc vrbium nomina. Et Eutropius lib. x cap. vii *Magnentius vim vitæ suæ apud Lugdunum attulit: frater quoque eius Senonis*. de qua voce aliquando dubitauimus: sed bene se habet. Sicut enim dicimus Santoni & Santones, Turoni & Turones; ita quoque *Senoni & Senones*, a qua altera forma sextus casus, quo opus est in pluralibus vrbium, *Senonis* factus, id est in vrbe Senonum. Hodie contractius *Sens* appellatur, vrbs non ignobilis, adposita flumini Icaunæ, nunc Yonne, quod aliquot millibus infra eam urbem flumini Sequanæ miscetur.

LXXVII.

Erant & alia oppida ditionis Senonum: *Vellaunodunum*, de quo Cæsar lib. vii cap. xi & sequentibus. *Altero, inquit, die, quum ad oppidum Senonum Vellaunodunum venisset, oppugnare instituit*. Multorum iudicio est Chasteau Landon, in occasum a Senonibus reductum: & *Melodunum* restituendum Cæsari lib. vii cap. lviii & lx, quod multi nuper abstulerant, *Metiosedum*, quasi idem esset, substituentes. Id enim & scripti & olim impressi codices Cæsaris cum metaphrasta conseruant. Situm ipse dicto lib. vii cap. lviii describit in Labieni obsidione Parisiorum. *Silentio, inquit, e castris iii vigilia egressus, eodem quo venerat itinere* (Agendico autem venerat) *Melodunum peruenit. Id est oppidum Senonum in insula Sequanæ positum, vt paullo ante Luteciam diximus*. Decem leucis abest auerso flumine, a Lutecia. Cuius quamuis nemo veterum, præter Cæsarem, quod mireris, mentionem fecit; non obscure tamen nomen antiquum, sed constrictius, seruetur in *Melun*, quod eodem situm loco est, quem supra Cæsar designauerat. Etiam *Antisiodorum*, vt vulgo dicitur, etiam *Altisiodorum*, sed vtroque rectius *Autisiodorum*, vt in Antonini itinere a Mediolano per Alpes in Galliam; & in Tabula Theodosiana est; hoc, inquam, *Autisiodorum* etiam in Senonum oppidis fuisse videtur, quamuis alii Aëduis attribuant: nescimus autem quam antiquum sit, quia priores iis, quos diximus, non habemus qui memorauerint: Ammianus autem Marcellinus eiusdem ferme ætatis, qui lib. xvi cap. ii de Iuliano Cæsare dixit, *percurso eodem itinere, Autisiodorum peruenit*; & Antonini *Autisiodorum*, idem est oppidum Henrico Valesio, quia quæ itinerario coniunguntur Sidolaucum & Aballo, ipse quoque ex Regio & Colbertino codicibus Ammiano suo restituit. Abest ab Augustoduno m. p. lxxxiiii, ab Tricassibus li, quæ distantia in oppidum Auxerre, vt nunc vocatur, incidit, Icaunæ flumini adpositum.

LXXIIX.

Senonibus ab ortu proximi erant Tricasses Plinii, *Τρικασσιοι* Ptolemæi, inter Sequanam ferme Matronamque positi. Scribuntur etiam *Trecasses*; item

item *Tricases*, & *Trecases*, nec non *Tricassini*. Ammianus iam dicto lib. xvi cap. ii *Cæsar*, percurso eodem itinere, *Autofidorum* peruenit. ubi breui, sicut solebat, otio cum milite recreatus, ad *Tricassinos* tendebat. - - - Proinde certiore iam spe ad resistendum ingruentibus confirmatus, per multa discrimina venerat *Tricassas* adeo insperatus, & reliqua, quæ post paullo recenserebimus. Vetus inscriptio apud Gruterum pag. 371 num. 8

AETE. MEMORIAE. AVRELI
DEMETRI ADIVTORI
PROCC. CIVITATIS SENONVM
TRICASSINORVM MELDO
RVM. PARISIORVM. ET. CI
VITATIS AEDVORVM.

Ex quibus vna videmus, ratione procurationis Senonum & Aeduorum civitates fuisse præcipuas & singulares: *Tricassinorum*, *Meldorum*, *Parisiiorum* aliquando cum Senonibus coniunctas. Sed hæc ἐν παρόδῳ. *Tricassium* urbem Ptolemæus vocat *Αὐγυστόμανα*, *Augustomanam*, quæ eadem est *Augustobona* Antonini siue *Aethici*, itinere a Carocotino portu *Augustobonam*. Vtriusque enim vocabuli idem sensus, idem omen est, quia quod Varro prodit lib. v de Latina Lingua cap. ii *Bonum antiqui dicebant Manum*. Notitiæ Galliarum in Senonia est *Ciuitas Tricassium*, quæ deinde gentis nomen, ut solemne erat, accepit. Sidonius Apollinaris lib. vi epist. iv de Prudente quodam: *hoc viro nomen, quem nunc Tricassibus degere fama diuulgat*. Auctor Itinerarii dicto itinere a Mediolano per Alpes, *Tricases* scripsit, & hoc ordine posuit:

<i>Autefidorum</i>	— —
<i>Eburobricam</i>	M. P. XVIII
<i>Tricases</i>	M. P. XXXIII
<i>Artiacam</i>	M. P. XVIII
<i>Durocatelaunos</i>	M. P. XXXIII
<i>Durocortorum</i>	M. P. XXVII

Ammianus alia forma *Tricassas* dixit lib. xvi cap. iii. *Per multa*, inquit, *discrimina venerat adeo insperatus*, ut eo portas pene pulsante, diffuse multitudinis barbaræ metu aditus urbis non sine anxia panderetur ambage. Posteriores, truncata voce, *Trecæ* vel *Treci* dixerunt; ex eoque tandem, ut nunc est nomen, *Troyes* ortum. Iam enim ex Itinerario clarum fuit, hanc ipsam esse, quam veteres primum *Augustomanam* siue *Augustobonam* dixerant: deinde *Tricasses*, *Tricases*, & ciuitatem *Tricassium*.

LXXIX.

Supra Senones in austrum vergunt *Mandubii*, ex altera parte finitimi Aeduorum, a Cæsare atque Strabone memorati, quorum munitissimum oppidum *Alesia* fuit, quod Cæsar expugnauit & forsan etiam deleuit. De gente & oppido sic scripsit lib. vii Belli Gall. cap. Lxviii *Vercingetorix protinus Alesiam, quod est oppidum Mandubiorum, iter facere cæpit*. - - - Cæsar altero die ad *Alesiam* castra fecit. Prospecto urbis situ adhortatus ad laborem

milites, *Alesiam* circumvallare instituit. Ipsum erat oppidum in colle summo, admodum edito loco, ut, nisi obsidione, expugnari non posse videretur. cuius collis radices duo duabus ex partibus flumina sublucebant. Strabo lib. IV pag. 132 tradit eadem, Gallos contra Cæsarem pugnaſſe περί Αλεσίαν, πόλιν Μανδουβίων, ἐν ᾗ ὁμόρῃ τοῖς Ἀρξέρνοις, καὶ ταύτην ἐφ' ὅψῃ λείφει κειμένην, περιεχομένην δ' ὄρεσιν καὶ ποταμοῖς δυσὶν, circa *Alesiam* oppidum *Mandubiorum*, gentis finitimæ *Aruernis* (*Aeduis* mauult *Valesius*) quod in excelsa colle situm, montibus & duobus fluminibus cingitur. Ardua & operosa eius obsidio, si qua fuit alia. *Velleius Paterculus* de Cæsare lib. II cap. XLVII Circa *Alesiam* tantæ res gestæ, quantas audere vix hominis, perficere, pæne nullius, nisi DEI fuerit. Tantæ quoque antiquitatis fuit *Alesia*, ut ab Hercule, quum in Hispaniam iret aduersus Geryonem, crederetur condita, quod *Diodorus Siculus* refert lib. V cap. XXIV. * *Florus* dicit lib. III cap. X Cæsarem flammis adequasse, sed ipse Cæsar silet de euerſione, nec alius quisquam historicorum de illa memoriæ prodidit. Scribunt veteres *Alesia* per S, simplicem sibilum, Cæsar videlicet, *Diodorus Siculus*, & *Strabo*, ac *Velleius*, etiam *Liuius Epit.* CVIII ed. *Gronouii* (nam *Vinetus* & *Gruterus* *Alexia*) *Dio Cassius*, *Polyænus*, & *Orosius*; non *Alexia*, ut *Metaphraſtes Cæsaris* & *Florus*, quamuis etiam hic vetustis editionibus, ut *Io. Petiti Parisiensis* est, *Alesiam* præ se ferat. Possit aliquid inscriptio in Delphinatus triuiali columna proſtans, apud *Reinesium* *Class.* II num. XV adferre, si certior illa & diligentius sit descripta, aut magno iudicio viri *Th. Reinesii* interpretatio satis tuta, cuius verſus vltimus est

C. M. NOBILISSIMVS SALEX. M. P. M.

Putat enim vir summus, *Alexiam* notari, prioris vocis littera extrema describentis oscitatione perperam repetita. *Brietio* & *Marliano* testibus nunc vicus est *Alise* in *Burgundiæ Ducatu*. Haud longe abest *Diuiio*, siue *Diuionium*, nunc *Dijon*: olim castrum, ab *Aureliano* imperatore, ut fama est, vel conditum, vel emunitum ac ornatum, quod, quia *Lingonicæ* diœcesi *Aimoinus* lib. II cap. XXIV subiecit, cum *Lingonibus* in *Belgica* prouincia considerabimus.

LXXX.

His subiungit *Ortelius* aliique, aut *Aeduis* coniungunt *Vadicassios* *Ptolemæi*; *Vadicasses* *Plinii*, de quibus, quid dicam, vix habeo. *Philippus Brietius* pag. 355 dicit partem *Aeduorum* fuisse, ipsisque attribuit *Nouiodunum* *Aeduorum*, seu *Niuernium*, nunc *Neuers*. Sed vnde firmari possint, quæ dixit, ne verbum quidem profert. *Frobenius*, & alii inde ab *Hermolao* editore, in *Plinio* legunt coniunctos, diuersos tamen populos, *Viducasses*, ** *Vadicasses* cap. XVIII lib. IV; sed posteriores ex MSS *Harduinus* nominat *Bodiocasses*, sedem eorum non designat. *Ptolemæus* *Vadicassios*

* Adde libr. IV. p. 227.

** *Viducassium* ciuitas hodie reliquias habet vicum *Vieux*, duobus miliaribus distitum a *Cadomo* oppido *Normandiæ* inferioris. Vide *histoire de l'Academie Royale des inscriptions* pag. 396.-401 tom. I.

cassios suos post Meldos ponit πρὸς τῇ Βελγικῇ, *ad Belgicam*, ut ita Matronam accoluisse oporteat. Sed nemo ibi Viduacenses vidit, nemo ibi eorum oppidum *Næomagus* siue *Noviomagus*, quod Ptolemæus dat, cognovit.

LXXXI.

Clariores sunt certioresque *Aedui* siue *Hedui*, populus antiquo fœdere Romanis coniunctissimus, cuius ubique multa & frequens occurrit mentio. Plinius scribit *Hedui*, Strabo & Plutarchus Ἑδοῖοι, semel Strabo Αἰδοῖοι pag. 129 Casaub. edit. atque sic etiam in Aldina: Ptolemæus & Dio Cassius Αἰδοῖοι, & sic etiam Cæsar ac Mela *Aedui*, quæ utique genuina & antiqua scriptura est, antiquis monumentis comprobata, cuius generis modo lapidem in *Tricassinis* produximus; addimus nunc alium ab Reinesio descriptum *Class. I num. 146*

TI. CL. PROFESSVS NIGER OMNIBVS

HONORIBVS APVD AEDVOS ET

LINGONAS FVNCTVS.

Situm gentis ita Strabo designavit: Μεταξὺ τῆς Δέλφιος καὶ τῆς Ἀραρὸς οἰκεῖ τὸ τῶν Ἑδῶν ἔθνος, *Inter Dubim & Ararim amnes habitant Aedui*: fœdus Romanum memorat Plutarchus in Cæsare pag. 120, &, ubi eos rebellantibus Gallis sociatos dixerat, addit οἱ τὸν ἄλλον χρόνον ἀδελφῆς ἀναγορεύσαντες αὐτὰς Ρωμαίων, *qui alio tempore se fratres Romanorum appellauerant*. Et Tacitus lib. XI cap. XXV *Primi Aedui senatorum in vrbe eius adepti sunt. Datum id fœderi antiquo, & qui soli Gallorum fraternitatis nomen cum populo Romano usurpant*. Potentiam Aeduorum Cæsar lib. VI cap. XII notauit. *Summa*, inquit, *auctoritas antiquitus erat in Aeduis, magnæque eorum erant clientele*. Vrbes Ptolemæus illis attribuit *Augustodunum*, *Caballinum* & *Lugdunum*, sed prostrema cum Strabone & Plinio in Segusianis scribemus. Addi vero Aeduis debent *Bibracte*, *Noviodunum* & *Matisco*. Præcipua autem gentis *Augustodunum* fuit. Tacitus lib. III annal. cap. XLIII de Aeduis: *Augustodunum caput gentis*. Primus eorum, qui supersunt, eo nomine Pomponius Mela usus est lib. III cap. II vna vrbis & gentis dignitatem ita colaudans, ut cum nobilissimis ea conferatur. *Aquitanorum*, inquit, *clarissimi sunt Ausci: Celtarum Aedui: Belgarum Treuiri: vrbesque opulentissimæ in Treuiris Augusta; in Aeduis Augustodunum; in Auscis Climberrum*. Tacitus dicto loco addit, quod in præcipuis ornamentis numeramus, *nobilissimam Galliarum sobolem liberalibus studiis ibi operatam*. Id quod sub sequentis æui principibus non mutatum, sed auctum adeo mirifice fuit, ut Mœniana ædificia in ipso ore ciuitatis ac transitu aduenientium inter augustissima deorum templa sacræ Musæ possiderent. Quod Constantius Cæsar, Constantini pater, epistola ad Eumenium, rhetoricæ ibidem professorem, liberaliter confirmavit. *Merentur*, inquit, *Galli nostri, ut eorum liberis, quorum vita in Augustodunensium oppido ingenuis artibus eruditur, & ipsi adolescentibus, qui hilari consensu meum susceperunt comitatum, ut eorum indoli consulere cupiamus*. Plura in hanc rem in Eumenii oratione pro restaurandis scholis:

lis : & in eiusdem gratiarum actione ad Constantinum augustum. Ab utroque principe, qui ex Flauia gente suum genus deducebant, ornamentis nouis post Bagaudicam calamitatem aucta Augustunensis vrbs *Flauiae* nomen, & ciues *Flauiensium* acceperunt, quod ex eisdem Eumenii orationibus manifestum est. Nunc contracte *Austun* vel *Autun* appellatur.

LXXXII.

Vetus vrbs nomen, antequam Augustus suum dedit, ignoratur : Sunt quidem clarissimi viri, in quibus & Lucam Holstenium numeramus, in Ortelium obseruationibus, &, quem is sequitur, Thomam Augustodunensem, qui eandem urbem *Bibraçte* & Augustunum putant, quasi illud vetus nomen sit apud Cæsarem, hoc nouum ab Augusto amplificatore inditum, quod inde videtur probari posse, quia vtraque in Aeduis posita, & post Augustum nemo geographorum *Bibraçte* memorauit, vltimusque Strabo eius mentionem fecit, qui vero Augustoduni nomen nouum prætermisit. Digna verba eius lib. i v pag. 133, quæ memoriæ subiiciamus. *Μεταξὺ, inquit, τῆς Δέβιος καὶ τῆς Ἀραρὸς οἰκᾷ τὸ τῶν Εδύων ἔθνος, πόλιν ἔχον Καβυλλῖνον ἐπὶ τῷ Ἀραρί, καὶ Φρερίων Βίβρακτα, Inter Dubini & Ararim colit gens Aeduorum, urbem habens Cabillonum & munimentum Bibraçta.* Nec castellum hoc *Φρερίων* notatur, sed oppidum bene munitum, quippe *Bibraçte oppidum Aeduorum longe maximum & copiosissimum* fuit, auctore Cæsare lib. i de B. Gall. cap. x x i i i ; & *maximæ apud eos auctoritatis* lib. v i i cap. l v, vbi in Vercingetorigis tumultu *totius Gallie concilium indicitur*, ibidem cap. l x i i i, & ipse *Cæsar Bibraçte* hiemare constituit.

LXXXIII.

Quamuis autem nihil sit, quod de dignitate vrbs *Bibraçte*, aut de amplitudine dubitemus ; eo tamen nondum adprobatum est, primariam gentis urbem, & eandem, quæ Augustodunum postea dicta est, fuisse. Eumenius enim rhetor non obscure eas extrema gratiarum actione ad Constantinum distinxit. *Omniū, inquit Flauiensium nomine, sis licet dominus urbium, omnium nationum : nos tamen etiam nomen accepimus tuum iam, non antiquum. Bibraçte quidem hucusque dicta est Iulia ; Pola, Florentia ; sed Flauia est ciuitas Aeduorum.* Hoc est : Bibraçte quidem in Aeduis, & Pola Istriae, & Florentia Tuscorum ab Iulio Cæsare cognomen accipere, & *Iulia* sunt cognominatæ : At ciuitas Aeduorum primaria, Augustodunum, a Flauio Constantio & Flauio Constantino Maximo augustis, restitutoribus suis, *Flauia*, nunc non minus illustri nomine appellatur, & eius incolæ *Flauiensēs*. Nobiscum sentiunt & diuersa oppida statuunt *Bibraçte* & *Augustodunum*, doctissimi viri Raimundus Marlianus & Hadrianus Valesius : & nomen corruptum *Beureçt*, quatuor m. p. in septentrionem ab Augustoduno, in loco iam desolato conseruari, Ortelius ab Ioanne Macario accepit.

LXXXIV.

Cetera oppida Aeduorum sunt Nouiodunum, Cabilonum, Matisco. *Nouiodunum* iis clare attribuit Cæsar, simul situ eius adnotato, lib. v i i cap. l v *Nouiodunum, inquit, erat oppidum Aeduorum, ad ripas Ligeris opportuno loco.*

loco positum. Plura ibidem, quæ ad laudem oppidi pertinent. Non dubitatur *Niuernum* vel *Neuirnum* Antonini esse, itinere ab Augustoduno Luteciam: & quod truncatum in Peutingeriana est Tabula, *Ebirnum*, id est *Nebirnum*. Posteriores enim idem confirmarunt. Hugo Floriacensis monachus lib. III Hist. Eccles. *Niuodunus, quæ & Niuernis*: & Robertus Autisiodorensis in Chronico: *Ciuitas Niuodunum quæ & Niuernis*. Vterque corrupte *Niuodunum*, vbi *Nouiodunum* dicendum erat: forsan ad flumen *Niveris* respicientes, quod ibi in Ligerim effluit, & quod huius temporis est, nomen *Nevers* ex sese progeneravit. Quod dum ita censemus, non possumus, quin aliud *Nouiodunum*, in Biturigibus situm, & quia tam clarum non est, supra in loco suo prætermisimus, nunc apponamus. De eo Cæsar item lib. VII cap. XII *Vercingetorix obuiam Cæsari proficiscitur. Ille oppidum Biturigum, positum in via, Nouiodunum oppugnare instituerat.* IN VIA, quæ Genabo Carnutum siue Aurelianis Auaricum Biturigum ferebat. eo enim tendebat Cæsar. Qui periti locorum sunt, aiunt *Neuve sur Baranion* nunc dici. Baranio autem amnis in Auaram (*Eure*) influit: Auara in Carim siue Carum; hic in Ligerim. Et hæc de utroque *Nouioduno* Cæsaris, altero nobiliore Aeduorum: altero minus nobili Biturigum.

LXXXV.

Superfunt ad Ararim sita oppida Aeduorum *Cabilonum* & *Matisco*. Cæsar de se lib. VII extremo: *Q. Tullium Ciceronem, & P. Sulpicium Cabiloni & Matiscone in Aeduis ad Ararim rei frumentariæ causâ collocat.* Non aliud nomen vrbs, quam huius, quod etiam Valesius conqueritur, peius fuit acceptum. Strabonis est *Καβύλλιον*, *Cabyllinum*: Ptolemæi *Καβύλλων*, *Caballinum*; Tabulæ Theodosianæ, quam sæpe ab editore Peutingerianam cum vulgo diximus, *Cabillio*: in Itinerario Aethici, vulgo Antonini, itinere a Mediolano per Alpes *Cabellio*, praue, quia hoc oppidi in prouincia nomen est, nec vero illud ibidem accipiendum, quia in Lugdunensi versatur auctor, inter Matisconem & Augustodunum: in Notitia Imperii pag. 147 *Caballodunum*. Ibi enim memoratur *Præfectus classis Araricæ Caballoduno*: apud Ammianum lib. XIV cap. XXXI *Cabillo*: & lib. XV cap. XXVI *Cabillones* numero pluratiuo. Sed verum nomen est, quod ex Cæsaris commentariis habemus, idque comprobatur nummis veterum Francorum regum, qui a Meroueo genus duxerunt, quibus *Cabillonnum*, Valesio teste, expressum est. Hodie, quod nemo dubitat, *Challon* appellatur.

LXXXVI.

Matisconem supra in Cæsaris verbis cognouimus. Post Cæsarem longo tempore neminem illius oppidi meminisse, utique, quod miremur, est. Proximi enim sunt auctores Itinerarii, dicto itinere per Alpes a Mediolano: & modo laudatæ Tabulæ Theodosianæ. Notitia Imperii, sub dispositione Magistri officiorum, habet in Galliæ fabricis *Matisconensem Sagittariam*. Hodie *Mascon* vocatur.

LXXXVII.

Boii ab occasu habitabant, populus vnde *Boii* Galliae Cisalpinæ siue Italicæ originem habuerunt, de quorum migratione *Liuium* videas lib. v cap. xxxv. In limite fuerunt *Aquitaniæ* circa *Elaueris* æque & *Ligeris* ripas: *Plinius* tamen in *Lugdunensi* inter *Carnutos* & *Senones* numerat. Multa illorum mentio apud *Cæsarem*, qui *Gergouiam* siue *Gergobiam* oppidum illis tribuit lib. vii cap. ix. *Vercingetorix*, inquit, rursus *Bituriges* exercitum reducit, atque inde profectus *Gergobiam*, *Boiorum* oppidum, quos ibi *Heluetico* prælio victos *Cæsar* collocauerat, *Aeduis*que attribuerat. Quod vt obsidione liberaret, *Cæsar* ex *Senonibus* in *Carnutes* profectus, *Genabi* exercitum *Ligerim* transduxit, vt per *Biturigas* in *Boios* deueniret. Vide cap. xi. Quæ narratio habitationem gentis non obscure ostendit, *Burbonensem* scilicet regionem esse, qui olim ager *Boiorum*, *Aeduis* attributorum, fuerat. Esse *Boiorum* *Gergobiam*, a *Gergouia* *Aruernorum* diuersam, facile est, *Cæsare* auctore, adprobare. *Aruerna* enim vrbs in monte sita hostilis fuit erga *Romanos*: *Boia* autem amica, quia *Boios*, post *Heluetium* prælium in fidem receptos, ipse *Cæsar* ibi collocauerat, vt attributi *Aeduis*, foederatis *Romanorum*, essent. Ex quibus intelligitur, vt diuersæ gentes *Boii* & *Aruerni* erant, sic etiam oppida illorum atque horum duas distinctas *Gergouias* fuisse, nihil commune habentes præter nomen. *

LXXXVIII.

Tandem ad *Segusianos* venimus, populum, in quo caput prouinciæ *Lugdunum* fuit. *Plinius* lib. iv cap. xviii extremo: *Secusiani* (sic scribit) *liberi*, in quorum agro colonia *Lugdunum*. Et *Strabo* pag. 129 de *Rhodano*: *συβαλὰ τῷ Ἀραρί κατὰ Λέγδρον πόλιν τῶν Σεγοσιάνων*, cum *Arari* concurrat apud *Lugdunum*, urbem *Segusianorum*. *Cæsar* lib. i B. Gall. cap. x ab *Allobrogibus* in *Segusianos* exercitum ducit. Et lib. vii cap. Lxiv *His constitutis rebus*, *Aeduis* *Segusianisque*, qui sunt finitimi prouinciæ, x millia peditum imperat. Situm vrbis iam ostendit *Strabo* dicto loco, & pag. 132 ac sequenti repetit, adiectis laudibus vrbis illius præstantissimæ. Αἰτ ἐπὶ τῇ συμβολῇ τῶν ποταμῶν ad confluentes fluuiorum, *Rhodani* & *Araris*, ἐπὶ λόφῳ in colle, quod & *Celtica* vox *dunum* significat, conditam esse, post *Narbonem* omnium *Gallicarum* vrbium ἐνανδρῇ μάλιστα, frequentissimam, qua præsides *Romani* vtantur, ibique monetam habeant, qua aurei argenteique nummi percutiantur: præterea

* Hic interponendi sunt & quidem cis *Ararim* *Ambarri*, quos *Cellarius* ad *Cæsaris* B. Gall. I. c. II. f. 4. ignotos appellat, *Aeduis* tamen qui inter *Ararim* & *Ligerim* coluerint, vicinos. Sed ignoti vix dici possunt. Ipsum nomen die *am Aar* satis eos insignit. Vt enim *Sequani* ad *Sequanam* accolæ dicebantur: ita *Ambarri* qui ad *Ararim* confederunt. Sic ab hoc qui circa *Aternum* habitant *annem*, *Arniternini* appellati apud *Varronem*. L. L. IV. c. 5. Inter *Sequanos* quidem & *Segusianos* ad *Ararim* interponendi videntur. Nam quum *Aedui* trans *Ararim* quærentur de iniuriis *Heluetiorum* in *Santones* proficiscentium: eodem tempore *Ambarri* *Cæsarem* certiores faciunt, sese, depopulatis agris, non facile ab oppidis vim hostium prohibere, item *Allobroges*, qui trans *Rhodanum* vicos possessionesque habebant, fuga se ad *Cæsarem* recipiunt, & demonstrant, sibi præter agri solum nihil esse reliqui. Atqui, vt ex *Cæsaris* sermone insequente liquet, *Heluetii* tum & cis & trans *Ararim* vagabantur. *Ambarri* autem etiam a *Liuiio* V. c. 34. memorantur, & *Biturigibus*, *Aruernis*, *Senonibus*, *Heduis* item vt *Carnutibus* & *Aulercis* interseruntur.

terea admirandum templum extra portam ad confluentes habere, ab omnibus Gallis communi sententia Augusto Cæsari dedicatum, cum ara LX gentium nominibus inscripta. Aræ huius plures meminere, Suetonius Claud. cap. II, Dio Casius lib. LIV sub finem, & Iuuenalis Satyr. I vers. 44

Aut Lugdunensem rhetor dicturus ad aram:

& vetus inscriptio apud Gruterum pag. 13 num. 15

SACERDOS ROMAE ET AVG
AD ARAM AD CONFLVENTES
ARARIS ET RHODANI
FLAMEN.

LXXXIX.

Originem Lugdunensis vrbs & coloniæ habemus ex ciuili bello, tempore inter Cæsaris necem & Octauiani triumviratum medio, quum L. Munatius Plancus illi parti Galliæ præesset, quem, veritus senatus, ne cum Antonio se coniungeret, apud Dionem lib. XLVI pag. 323 iussit Viennenses, ab Allobrogibus expulsos, qui ad confluentes Rhodani & Araris confederant, *συνεκρίσας*, hoc est in coloniæ formam ordinare, quod ille etiam fecit, & coloniam eo deduxit. Inscriptio enim in Gruterianis pag. 439 num. 8 prostat

L. MVNATIVS L. F. L. N. L. PRON
PLANCVS COS. IMP. ITER.
IN GALLIA COLONIAS DEDVXIT
LVGDVNVM ET RAVRICAM.

Miraris autem Ausonium inter claras Galliæ vrbes Lugduni rationem non habuisse? quod ibi Gratianus imperator, discipulus eius, interfectus fuerat, silentio vt infaustum locum inuolutum voluit: Aquileiam contra laudauit, ad quam Maximus Gratiani interfector perierat, quam ita ultione reffectus adloquitur:

*Felix quæ tanti spectatrix leta triumph
Punisti Ausonio Rutupinum Marte latronem.*

Rutupinum latronem, Magnum Maximum, Britanniae, vbi Rutupiae sunt, tyrannum. Recens colonia adeo celeriter creuit, vt etiam Augusti ætate amplissima esset, & metropolis fieret, ac sedes præfectorum. Claudius Cæsar ibi natus est Suetonio teste, a quo alumno plura ornamenta accepit, & propter illa nouum nomen *Coloniæ Claudiae Copiae Augustæ*. Id quod lapidis fragmentum, in Rhodani ripa repertum, probat apud Gruterum pag. 30

- - - - - DOMVSQ. DIVI
COLON. COPIAE CLAVD. AVG. LVGD
TAVROBOLIVM FECIT Q. AQVIVS
ANTONIANVS PONTIF. PERPETVVS

Ex quo eruditi viri etiam alios lapides, compendio scripturæ incisos, interpretantur, cuius generis sunt, quem Sponius exhibet Miscell. erud. Antiq. pag. 170

GEOGRAPHIAE ANTIQVAE

D. M. MEMORIAE AETERNAE
C. VLATTI MELEAGRI IIIII VIR AVG
C. C. C. AVG. LVG. PATRONO EIVSDEM
CORPORIS ITEM PATRONO OMNIVM
CORPOR. LVG. LICITE COEVNTIVM

id est, *Sextumviri coloniae Claudiae Copiae Augustae Lugduni*, siue *Luguduni*: vbi *Claudiae* nomen beneficiorum auctorem; *Copiae* abundantiam omnium rerum, & frugum maxime, significat. Sunt id generis exempla plura apud Gruterum, vt pag. 388 num. 6 C. C. C. LVGV. & pag. 488 num. 8 IIIII VIRI AVG. C. C. C. AVG. LVGV. AMMIANO non *Lugdunum*, sed *Lugdunus* dicitur lib. xv cap. xxvii. *Lugdunensem*, inquit, *primam Lugdunus ornat*, & *Cabillones*, & *Senones*. Veteres etiam *Lugudunum* quatuor syllabis dixerunt. Dio Cassius lib. xlvi pag. 323 τὸ Λεγυδων μὲν ὀνομαζόμενον, νῦν δὲ Λεγυδων καλεούμενον, quod olim *Lugudunum* vocatum fuit, nunc autem *Lugdunum*. Soloturensis lapis apud Sponium pag. 171

MERCVR. AVG. VALER. HISPA
NVS IIIII VIR AVG. LVGV.

EX S. VOTO

plura apud Gruterum sunt, vt pag. 390 IIIII VIRI AVG. LVGV. & pag. 388, quæ verba paullo ante, quum de notis C. C. C. ageremus, produximus.

XC.

Segusianis Ptolemæus duo oppida extra *Lugdunum metropolim*, quam in *Aeduis* scripserat, attribuit, *Rodumnam* & *Forum Segusianorum*, vt utrumque *Ligeri* adpositum, quæ etiam in *Theodosiana Tabula* inueniuntur, sed corrupte scripta, *Roidonna* & *Furosegustanarum*, quæ vero facile, Ptolemæo doctore, emendari possunt. Adhuc seruantur nomina, sed magis prauata. Illa enim *Roane* siue *Rohane*; hoc *Feurs*, abiecta altera voce præter primam litteram, appellatur. Et tantum de *Lugdunensi Gallia*, eiusque populis nobilioribus. Ignobiles & ignotos, quibus sedem certam definire non possumus, valere iubemus, in quibus sunt *Ambibari*, * *Atesui*, *Bodiocassès*, & alii eiusdem ordinis ac notionis.

S E C T I O III

GALLIA NARBONENSIS

SIVE

P R O V I N C I A R O M A N A .

XCI.

Narbonensis Galliae prouincia a *Pyrenæo*, *Hispaniae* termino, ad *Alpes* & *Italiam*, inter mare mediterraneum, *Cebennas* montes & *Rhodanum* *Arari* nondum permixtum, ac lacum *Lemanum* extensa fuit. Dicta ante Augusti tem-

* Mi videntur *Ambarri* esse, de quibus suo loco.

tempora *Prouincia Romana* & a Cæsare sæpe *prouincia*, item *prouincia nostra*, quia ad id temporis illa prima & sola Romanorum trans Alpes in Gallia fuerat *prouincia*. Cæsar lib. i cap. i *Belgæ a cultu atque humanitate prouinciæ longissime absunt*. Et cap. vii, *quum nuntiatum esset Heluetios per prouinciā nostrā iter facere conari*. Et cap. x *Tolosatum ciuitas est in prouincia*. Plinius lib. iii cap. iv sic terminos prouinciæ constituit: *Narbonensis prouincia pars Galliarum, quæ interno mari adluitur*. Braccata antea dicta, amne Varo ab Italia discreta, *Alpiumque vel saluberrimis Romano imperio iugis: a reliqua vero Gallia latere septentrionali montibus Gebenna & Iura*. Tam culta coloniis Romanis & oppidis Latini iuris fuit, ut idem Plinius dicto loco censeat, *Italiam verius quam prouinciā esse, ideoque nulli prouinciarum postferendam*. Tacitus oratione Claudii lib. xi cap. xxiv *Num pœnitet Balbos ex Hispania, nec minus insignes viros e Gallia Narbonensi transiisse?* nam Plinius etiam dicto loco ait, *virorum morumque dignatione & amplitudine opum illam prouinciā abundasse*.

XCII.

Varias gentes continebat *Bebryces, Volcas Tectosages, Tolosates, Volcas Arecomicos, Heluios, Salyes, Cauares, Deciates, Tricastinos, Vocontios, Tricorios, Centrones, Veragros, Sedunos, Segalaunos siue Segouellaunos, Allobroges*, & plures alios incerti situs ac obscuriores, quorum nomina Plinius lib. iii cap. iv notauit. Initium ducimus a fabula *Bebryciæ aulæ & Bebrycum* populi, quia Pyrenæo monti ab regis filia Pyrene, quam ab Hercule vitiatam feræ in illo saltu dilacerassent, nomen hæsisse fingitur. Silius Italicus lib. iii vers. 420

*Nomen Bebrycia duxere a virgine colles
Hospitis Alcide crimen,*

Patrem enim sæuum hominem, partum enixa fugiens
plangebatur in antris

*Et promissa viri siluis narrabat opacis
Donec mærentem ingratos raptoris amores
Tendentemque manus atque hospitis arma vocantem
Diripere feræ.*

Reuerfus ex Hispania Hercules, membris Pyrenæ inuentis, magno clamore & cum lacrymis Pyrenen vocauit,

Defletumque tenent montes per secula nomen.

Quæris forsan, qua in parte montium illa *sæua Bebrycis aulæ* fuerit? Non certe in Hispaniæ ora, sed ultra illius limitem, in finibus Volcarum, Gallicani populi. Idem Silius dicto libro vers. 442

*Bebryciæ Pœnus fines transcenderat aulæ
Inde ferox quæsitum armis per inhospita rura
Volcarum populatur iter.*

Stephano quidem urbium & populorum scriptori *Bebryces* sunt populus *παρὰ τοῖς Ἰβηρσιν ἐν τῇ Εὐρώπῃ*, iuxta *Iberos Europæos*, id est Hispanos. Sed *παρὰ* si prope, iuxta & vicinitatem sonat, dixit chorographus quod verum est:

est: fin Bebryces Hispaniæ includit, alios, itidem Græcos auctores, quam Byzantium illum, est tutius sequi. Tzetzes Lycophronis Scholiastes ad vers. 1305 ἑτέροι Βεβρυκες ἔθνος Γαλατῶν, οἱ καλεῖνται Ναρβωνῆσιοι, * *Alii Bebryces* [diuersi ab Asiaticis in Mysia] *populus Gallorum sunt, qui Narbonenses vocantur.* Et Zonaras Tom. i de initio Belli Hannibali pag. 70 ἡ θάλασσα, ἡ πάλαι μὲν Βεβρυκῶν, ὕστερον δὲ Ναρβωνησίων, *mare quod olim Bebrycium, post Narbonensem dictum fuit.* Et Festus Auienus in Ora Maritima

Gensque Bebrycum prius

Loca hæc tenebat: atque Narbo ciuitas

Erat ferocis maximum regni caput.

Ex quibus clarum est Bebryciam regionem a Gallico latere Pyrenæorum Narbonem versus, vbi *Sardones* in ora locauit Plinius, aut paullo ultra fuisse, qui tractus postea Volcis Tectosagibus, finitimis illorum, attributus fuit. Intus Plinius ponit *Consuaranos*, qui vt nomen etiam ostendit, nunc habitant *les pais de Foix & de Conserans.* Ceteri omnem illum tractum adsignant Volcis, qui discriminis causa *Tectosages* appellantur, atque ita Strabo & Ptolemæus. Ille lib. i v pag. 129 Οὐολκῶν οἱ Τεκτοσάγες καλεῖμενοι τῇ Πυρρήνῃ πλησιάζουσιν, *Volce, qui Tectosages vocantur, proximi sunt Pyrenæo:* hic lib. ii cap. v ab *Iliberi & Ruscinone* incipit eosdem Tectosages Volcas enumerare. Ergo ad ipsum Hispaniæ terminum in ora maris Narbonensis pertinuerunt, & Tectosagarum primus ab Hispania locus *Ceruaria* Pomponii Melæ fuit, quod promontorium tum sine oppido videtur fuisse: ideoque *locus* tantummodo vocatur. Ait enim Mela lib. ii cap. v extremo: *Tum inter Pyrenæi promontoria Portus Veneris insignis fano, & Ceruaria locus, finis Gallia.* Hodie *Ceruera*, prisco nomine leuiter mutato, appellatur.

XCIII.

Propinquus in septemtrionem est *Portus Veneris*, iam a Mela cum fano laudatus, duobus paruis promontoriis inclusus, diuersis a promontorio Veneris, seu fano eiusdem in Hispania. Nunc Porto Vendres. Hunc emensis locum occurrit, qui *Caucoliberum* medio æuo, nunc Colibre siue Colliovre vocatur, quem perperam multi, etiam Hadr. Valesius, cum Illiberi, siue Eliberri confundunt, quæ reductior a mari: illud vero in extrema eius ora est, nec idoneum castris Hannibalis, vt campus iuxta Tecum & Elnam: etiam dubiæ antiquitatis, quia in monimentis, quibus vtimur, nulla eiusdem prostat mentio: Martyrologium Romanum xiiii kalend. Maii, *Caucoliberi in Hispania Tarraconensi passio sancti Vincentii martyris.* Vide Petrum de Marca, virum accuratissimum in Marca Hisp. pag. 23, 24. Post illud deinde *Eliberri* Melæ, *Illiberi* Liuii neutro genere: *Illiberis* Plinii: Ἰλβερῖς Illiberis Ptolemæi: Strabonis *Ilybiris* (Ἰλυβίρις) olim insignis vrbs, etiam Hannibalis tempore, qui ibi castra habuit. Liuius lib. xxi cap. xxi v *Cum reliquis copiis Pyrenæum transgreditur, & ad oppidum Illiberica castra locat.* Postea temporis iniuria imminutum. Plinius dicto cap. i v *Illiberis magnæ quondam urbis tenue vestigium.* Hausit ex Mela, qui dicto loco: *Vicus Eliberri, magna*

* Addatur idem Tzetzes ad v. 516.

gnæ quondam urbis & magnarum opum tenue vestigium. Non memoratur ante restitutum oppidum, quam Constantinus Magnus cum oppido etiam castrum in illo loco posuit, & utrique *Helena*, matris nomen indidit, cuius multa mentio apud historicos est, qui Constantis augusti, a Magnentio oppressi, necem describunt. Eutropius lib. x cap. v de Constante: *factione Magnentii occisus est. Obiit haud longe ab Hispaniis in castro, cui Helena nomen est.* Huius verba Hieronymus in Chronico, ut solet, repetiit. Zosimus lib. ii cap. xlii πρόσ τινα πολίχνην ὠρμήθη τῇ Πυρηναίᾳ πλησίον ὠκισμένην, ἑλένη δὲ τῆς νομα τῷ πολυχνίῳ, fugit [Constans] ad oppidum, cui *Helena* nomen est. Orosius quoque & Epitoma Victoris oppidum vocant, cui haud dubie castrum munitius adpositum fuit, in quod Constans, percussorem fugiens, se recepit. Tabula tamen Theodosiana, ut sæpe solet, etiam hoc loco antiquum nomen præfert, cuius hic ordo est: *In summo Pyrenæo v. Ad Centenarium xii Iliberre vii. Ruscinone vi.* Concordant numeri cum Antonini Itinerario, in quo etiam sunt xxv m. p. inter Summum Pyrenæum & Ruscinonem, itinere ab Arelate Tarraconem sic:

<i>Combustam</i>	—	—	
<i>Ruscinonem</i>	M.	P.	VI
<i>Ad Centuriones</i>	M.	P.	XX
<i>Summum Pyrenæum</i>	M.	P.	V

Ergo *Ad Centuriones* locus idem, quem Tabula dixit *Ad Centenarium*.

XCIV.

Ex quibus situs *Ruscinonis*, veteris oppidi, apparet. Liuius lib. xxi cap. xxi v Galli quamquam Italiae bellum inferri audiebant; tamen *Ruscinonem* aliquot populi conueniunt. Et mox: capti donis cum bona pace exercitum per fines suos præter *Ruscinonem* oppidum transmiserunt. Mela lib. ii cap. v *colonia Ruscino: vicus Eliberri.* Plinius lib. iii cap. iv, *Ruscino, Latinorum.* Ergo ius Latii postea consequuta est. Strabo etiam & Ptolemæus meminerunt eius, qui id peculiare habent, quod huius & Illiberis cognomines tradunt amnes præterfluentes, quos Latini singulos suis nominibus appellant. Strabo lib. iv pag. 126 vbi de Pyrenæi & Gebennæ fluminibus agit: ἐκ μὲν τῆς Πυρηνῆς, ὅτε Ρουσινίων, καὶ ὁ Ἰλνδερρῆς, πόλιν ἔχων ὁμῶνυστον ἐκάτερος αὐτῶν. *E Pyrena fluunt Ruscino & Illiberis, uterque urbem habens cognominem.* Auienus in Oræ Maritimæ lib. i dixit alia terminatione *Roschinum* flumen cognomine oppidi,

Post Pyrenæum iugum

Iacent arenæ litoris Cynetici,

Easque late sulcat amnis Roschinus.

Ex quo, quamuis prauato nomine, de accentu *Ruscinonis* iudicare procliue est. Nihil ex eo superest præter turrim: cetera in ruinis iacent, dimidio leugæ a Perpiniano, quod indidem surrexit.

XCV.

Ultra est *Leucata* litus, & fons *Salsula*. Pomponius Mela lib. ii cap. v a Narbone progrediens & lacu Rubreso: *Ultra est Leucata, litoris nomen, & Salsula.*

Salsulae fons, non dulcibus, sed salsioribus etiam quam marinae sint, aquis defluens. Itinere Antonini a Mediolano in Hispaniam:

Narbonem	—	—	
Salsulas	M.	P.	XXX
Ad Stabulum	M.	P.	XLVIII
Ad Pyrenaeum	M.	P.	XVI

XCVI.

In eisdem Tectosagibus Volcis ad Atacem fluuium est *Carcaso* siue *Caracasum*, quod & *Carcaffo*, & *Carcaffio* a posterioribus scribitur. Cæsar lib. III Gall. cap. XX *viris fortibus Tolosa, Carcasone & Narbone euocatis*. Ptolemæus in Tectosagum mediterraneis *Καρκασώ, Carcaso*. Plinius lib. III cap. IV *Caracasum Volcarum Tectosagum*. Itinere Hierosolymitano sexto casu *Carcaffone*; & in Peutingeriana, *Carcaffione*. Hodie *Carcaffonne*, nomine prisco retento. Inter Carcaffonem & Narbonem *Redæ* fuere, quarum nihil reliquum est. Inde *Pagus Redensis*, & *Comitatus Redensis* nominantur. Theodulfus Parænesi ad Iudices vers. 141

*Inde reuisentes te Carcaffona Redasque
Mœnibus inferimus nos cito Narbo tuis.*

XCVII.

Vltiores in Aquitanico limite *Tolosates* sunt; pars Tectosagum Volcarum, quibus etiam Tolosam Ptolemæus adscripsit. Cæsar lib. I B. Gall. cap. X *nuntiatur iter in Santonum fines facere, qui non longe a Tolosatium finibus absunt, quæ ciuitas est in prouincia*. Et Plinius sub finem capitis dicti: *Tolosani Tectosagum, Aquitanie contermini*. Eorum urbem Cæsar dicto loco nominauit, quum *Tolosa, Carcasone & Narbone* viros fortes a P. Crasso, quem in Aquitanos miserat, euocatos scripsit. Ptolemæus, *Τολῶσα κολώνια, Tolosa colonia*. Sidonius lib. IV epist. XXI ineunte, *vrbs Tolosatium*, sicut in Notitia Gallie est *ciuitas Tolosatium*. Ampla & olim fuit, ideoque Aufonius epist. XXI vers. 83

Quincuplicem socias tibi Martie Narbo Tolosam,
id est, in quinque partes diuisam, quo modo vers. 81

Vtque duplex Arelas,

propter nouam urbem in altera ripa adpositam. Proprium cognomen habet *Palladiæ*, nec vero certum satis, vtrum a Palladis cultu, an a prouentu oliuæ, quæ *Palladia arbor* apud Silium Italicum est lib. I vers. 238: an potius a studiis litterarum, quod pluribus interpretibus placet. Martialis lib. IX epigram. CI

Marcus Palladiæ non inficianda Tolosæ

Gloria, quem genuit pacis alumna quies.

De studiis litterariis agit, vt primus versus ostendit,

Marcus amat nostras Antonius, Attice, Musas.

Martialem posteriores imitati sunt. Aufonius Parental. carm. III

Te sibi Palladiæ antetulit toga docta Tolosæ:

& in Professoribus idem carm. XVII

Palladiæ primum toga te venerata Tolosæ.

Et Sidonius Apollinaris Panegyrico, quem Auito socero dixit vers. 436

Palladium implicitis manibus subiere Tolosam.

Interpretantur Ioannes Sauaro ad hunc locum, & ad Martialem Vincentius Coleffo de studiis litterarum, ibidem ad magnum prouentum excultis, in quo plurimi adquiescunt. Sed nec prima ratio de Palladis seu Mineruæ in ea vrbe singulari cultu videtur contemnenda. Ipse Sidonius Sapphico in vltima epistolarum de Saturnino martyre Tolosæ crudeliter necato:

Quem negatorem Iouis ac Mineruæ

Et crucis Christi bona confitentem

Vinxit ad tauri latus iniugati

plebs furibunda.

Magnificam urbem fuisse ex eo liquet, quod Capitolium habuit. Idem cultus Mineruæ argumentum, vtpote sociæ Ioui Capitolino. Sidonius eodem carmine

Equibus primum mihi psallat hymnus

Qui Tolosatē tenuit cathedram,

De gradu summo Capitolorum

Præcipitatum.

Templum ibi antiquum fuit summæ religionis, de quo Strabo lib. IV pag. 130
 Ἐν τῇ Τολώσῃ τὸ ἱερόν ἦν ἅγιον τιμώμενον σφόδρα ὑπὸ τῶν περιόικων, καὶ τὰ χρήματα ἐπλεόνασε διὰ τῆτο, πολλῶν ἀνατιθέντων, καὶ μηδενὸς προτάπτεσθαι θαρρύντος, *Tolosæ templum fuit sacrosanctum, quod valde venerabantur vicini, ideoque abundabat thesaurus, multis donaria dedicantibus, & nemine attingere auso.* Ausus vero id est sacrilega manu Seruilius Cæpio, qui postea calamitatibus suis prouerbio *Aurum Tolosanum* locum dedisse fertur. Vide Gellium lib. III cap. IX, & Iustinum lib. XXXII cap. III, qui paullo aliter recenset.

XCVIII.

Supereſt *Narbo*, caput prouinciæ in maritimo tractu Volcarum, sed dubium videri posſit, Tectosagum, an Arecomicorum. Strabo enim pag. 129 videtur Arecomicis tribuere, *quorum ἐπίκειον ἡ Ναρθῶν λέγεται, ναυαλε dicatur Narbo esse.* Sed dum ibidem dicit *μητρόπολις τῶν Ἀρεκομικῶν ἐστὶ Νέμαυτος, caput Arecomicorum Nemausum esse*, quæ vero vt ipse censet, cum Narbone non conferenda erat; Itum extra Arecomicos positum esse, non obscure subindicauit, quod Ptolemæus clarius adfirmat in Volcarum Tectosagum urbibus *Narbonem* numerans *coloniam*. Antiquum emporium ad Atacem fluuium, ibi per *Rubresum* lacum vt Mela, siue *Rubrensem*, vt Plinius vocat, in mare se effundentem: & postquam Romanis cesſit (cesſit autem diu ante Cæsarum tempora) eo colonia deducta fuit. Velleius lib. I cap. XV *Narbo Martius in Gallia* M. Porcio & Q. Marcio coss. *ab hinc annos circiter CLIII* deducta colonia est. hoc est anno v. c. *IOCCXXV* qui est annus ante consulatum Cæsaris LIX; Ciceronis LV. Cognomine

ornatur, & *Narbo Martius* dicitur apud Melam atque Plinium, a Marte potius aut legione Martia, quam a Marcio consule, qui coloniam deduxit. Quod Valesius ex Aufonio: Sirmondus ex Apollinari Sidonio confirmari ostendunt. Ille enim in *Claris Urbibus* dixit

Nec tu Martie Narbo silebere,

qua lege a *Marcus* non possit deduci: hic epistola carmini xxii præfixa: *Dum apud Narbonem quondam Martium dictum, sed nuper factum, moras necto.* NVPER FACTVM, obsidione Gothica. Plinius sæpe dicto loco: *Narbo Martius, Decumanorum colonia XII M. P. a mari distans.* Idem in Tiberii nummo apud Golzium dicitur COL. NARBO MART. DECVMANOR. Et Pomponius Mela: *Antestat omnes Atacinorum Decumanorumque colonia, unde olim terris auxilium, nunc & nomen & decus est, Martius Narbo.* Aucta colonia e Decumanis, id est decima legione, cuius veterani cum Atacis accolis huc ab Iulio Cæsare deducti fuerunt, ad quod negotium Nero Claudius, Tiberii augusti pater, missus est, quod Suetonius Vita Tiberii cap. iv obseruauit. *Martii* autem cognomen antiquius fuit, quam illud Cæsaris supplementum, & haud dubie ex prima deductione. Cicero pro Fonteio cap. i *Est in eadem prouincia Narbo Martius, colonia nostrorum ciuium, specula populi Romani ac propugnaculum.* Sidonius carm. xxiii in laudes eius latius excurrit:

*Salue Narbo potens saluberrime,
Urbe & rure simul bonus videri,
Muris, ciuibus, ambitu, tabernis,
Portis, porticibus, foro, theatro,
Delubris, capitoliis, monetis,
Thermis, arcubus, horreis, macellis,
Pratis, fontibus, insulis, salinis,
Stagnis, flumine, merce, ponte, ponto.*

Nihil ergo defuit, quod urbem eximiam & opulentam possit condecorare. Ad ornamenta etiam pertinent noua ab Iulio Cæsare conlata cognomina, quæ in marmorea tabula dedicatæ Augusto aræ apud Gruterum sunt, pag. 229

COL. IVL. PATERN. NARB. MART.

quod in aliis lapidibus, Narbone effossis, per notas ita signatum est C. I. P. M. quæ æque sic legi postulant *Colonia Iulia Paterna Narbo Martius.* Sirmondus talem inscriptionem profert ad Sidonii carmen xxii. Ab Augusti ætate maior dignitas accessit, vt prouinciam quoque, cuius metropo-

XCIX.

Tectosagum oppidis a Ptolemæo adnumerantur quoque *Bastigay, Batire*, quæ *Beterræ* sunt Plinii: *Beterra* Melæ, vtrobique cum *Septimanorum* cognomine, quod coloniam septimam eo deductam arguit. Itinere Antonini ex Italia Hispaniam etiam *Beterræ*: apud Stephanum, Urbium periegetam *Bastáσσα*. Lucas Holstenius, ad Ortelium obseruationibus, num-

nummum describit a Peireiscio acceptum, cuius similem illustris Spanhemius apud Harlæum æque illustrem virum vidit, in quibus legitur ΒΗΤΗΡΡΑΤΩΝ, ex quo vera scriptura, quæ Plinii fuit & Antonini, *Beterra* vel *Beterræ*, luculenter adprobatur: contra vulgaris, *Bliterra*, reiicitur, quam vir summus ille, Lucas Holstenius, ex errore ortam putat, quo, in diphthongo, Λ pro Α acceptum fuerit. Nam cum diphthongo etiam scriptum id nomen inuenitur, vti ex Ptolemæo & Stephano ostensum fuit, quod etiam lapide Narbonensi probatur, quo incisum est apud Gruterum pag. 270 num. 10

M. IVLIO PHILIPPO
NOBILISSIMO CAESA. PRINCIPI
IVVENTVTIS SEP. BAETERR. & reliqua.

In Notitia Galliæ est *Ciuitas Beterrensum*, nunc *Beziers*, in sinistra ripa *Obris*, nunc *Orbis*, fluminis sita.

C.

Erat etiam Volcarum Tectosagum vrbs *Agatha*, siue *Agathe*, Græce *Ἀγάθη*, quamquam Iosephus Scaliger Arecomicis hanc & Beterram tribuat, quod improbat Valesius: κτίσμα Μασσαλιωτῶν, a *Massiliensibus* condita, vt Strabo refert pag. 126. Inde est quod Marcianus Heracleota Perieg. pag. 9. dicit

οἱ Μασσαλίαν κτίσαντες ἔχον Φωκίαν
Ἀγάθην.

id est, *Massiliæ conditores Phocenses* (qui *Masiliensis* sunt) *Agatham* tenuere. Et Plinius lib. III cap. IV *Agatha quondam Massiliensium*. Dum quondam dixit, ad sua tempora respexit, postquam ciuili bello Iulius Cæsar, vt Dio Casius tradit lib. XLI pag. 165, λοιπὰ πάντα πλὴν τῆς ἐλευθερίας ἐνόματος, omnia præter libertatis nomen, ademerat. Pomponius Mela lib. II cap. V *Tum ex Gebennis demissus Arauris iuxta Agatham*. Vibius autem Sequester de Fluminibus libello: *Cyrta Massiliensium secundum Agatham urbem*. Quos ita conciliat Valesius, vt *Cyrta* nomen Græcum sit, a *Massiliensibus*, conditoribus *Agathæ* ad illud flumen, impositum: *Arauris* nomen antiquum Celtarum. *Agatha* hodie *Agde*, præiacentibus stagnis supra insulam, quam Ptolemæus etiam *Ἀγάθην* nominat, κατὰ τὴν ὁμώνυμον πόλιν.

CI.

Supra *Agatham* ad idem flumen *Araurim* cognominis vrbs *Araura* est, antiquiore nomine *Cessero* appellata. Plinius dicto loco: *Carcasum Volcarum Tectosagum, Cessero*. Ptolemæus in eisdem Tectosagibus, Κεσσερῶ, *Cessero*. Antoninus, vel Aethicus, itinere a Mediolano Italiæ in Hispaniam, *Cesseronem* & *Arauram* eandem esse docet, & locum simul ac distantiam ita demonstrat:

<i>Nemausum</i>	—	—	—
<i>Ambrussum</i>	M.	P.	XV
<i>Sextationem</i>	M.	P.	XV
<i>Forum Domiti</i>	M.	P.	XV
<i>Arauram siue Ceseronem</i>	M.	P.	XVIII
<i>Beterras</i>	M.	P.	XII
<i>Narbonem</i>	M.	P.	XVI.

CII.

Hæc de Volcis Tectosagibus, quorum colonia *Tectosages* in Gallogræcia fuerunt, quod Strabonis testimonio clarum est. Alterum genus Volcarum est Arecomicorum, Strabonis οὐαλκαί, ἔς Αρικομικὰς προσαγορεύουσι, *Volcæ*, quos *Aricomicos* nominant: Ptolemæi οὐόλκαι Αρικόμειοι: Mela & Plinii *Volcæ Arecomici*. Ad Rhodanum vsque pertinuerunt: non autem ultra illum, Strabone clare dicente pag. 129. ἐπὶ θάτερα μέρη τῷ ποταμῷ, *ad alteram ripam fluminis* habitare, non *ad utramque*, vt Liuius dixit lib. XXI cap. XXVI. Ptolemæus duas illis in mediterraneis vrbes dat, *Nemausum* coloniam & *Vindomagum*. Vrbs insignis *Nemausus*, & caput Arecomicorum. Strabo ibidem: Μητρόπολις τῶν Αρικομικῶν ἐστὶ Νεμαυσος, *metropolis Aricomiorum Nemausus est*. Et Mela *Arecomicorum Nemausus*: ac Plinius dicto cap. IV *Nemausum Arecomicorum*. nam utroque genere nominatur. Nummus cum capitibus Augusti & Agrippæ, inscriptus COL. NEM. apud Vaillantium pag. 81, id est *colonia Nemausus* siue *Nemausensis*. Meruit etiam *Augustæ* nomen, quod non datum est nisi amplissimis ciuitatibus. Inscriptio cippi *Nemausensis* apud Gruterum pag. 323 num. 5

D. M.

T. INDESII TERTII
AED. COL. AVG. NEM
DOMITIA E ORTE SIBI
ET VIRO DE SE BENE
MERITO V. F.

Amphitheatrum, antiquitatis Romanæ testimonium, pæne integrum *Nemausus* seruat, ex quo forma & structura Romanorum operum cognoscitur. In Notitiis Galliæ *Ciuitas Nemausensis* est: hodie *Nismes*.

CIII.

Altera vrbs Ptolemæi, Arecomicis Volcis tributa, est *Vindomagus*, cuius nominis nulla mentio apud alios est: ideo difficile de eius loco & situ iudicium. Hadr. Valesio, viro doctissimo, videtur esse, quæ postea *Vcecia*, siue *Vcetia* dicta fuit; in Notitia ciuitatum *Narbonensis primæ Castrum Vce-cense*: hodie *Vzes*, tribus leucis a Nemauso in septentrionem. Addo Ptolemæi vrbibus *Luteuam*, quæ in occasum & septentrionem recedit; in Notitia prouinciarum *Ciuitas Luteuensium*, id est *Luteua castrum*. Non posterioris æui esse ostendit Plinius in *Narbonensi*. *Luteuani*, inquit, qui & *Foroneronienses*. Cognomen autem *Forum Neronis*, caue cum alio huius nominis,

nominis, quod cis Rhodanum prope Druentiam est, confundas. Hodie notum oppidum *Lodeve*.

CIV.

Rursus in maritima diuertamur, vbi *Forum Domitii* est ex itinere Antonini paullo ante enumerato, & alio eiusdem ab Arelate Narbonem: & ex Tabula Theodosiana. Antiquum fuisse ab Ahenobarbo Domitio, qui res in his oris gessit, conditum, non est facile quod deuocet in dubitationem, licet antiqui scriptores illud non prodiderint. Sæpe laudati Valesii iudicio, & ratione itinerum postulante, fuit in Frontignani loco, quod supra Volcarum longissimum lacum inter Montem Pessulanum & Beterras est, vini generosi prouentu nobilitatum oppidum, nec dubitat multum Valesius, quin *Frontignan* corruptum malo fato linguarum sit ex *Forum Domitianum*. Quæ in insula sita est *ciuitas Magalonensium*, vt in Notitia vocatur; siue *Magalona*, vt separatim appellatur a Theodulfo Parænesi ad ludices vers. 133, magis ad medii æui geographiam pertinet, quam temporum antiquorum, in quibus nulla eius mentio reperitur. Moniti Theodulfi nomine, Aurelianensis episcopi, non possumus nobis temperare, quin omnem pæne Volcarum tractum, eiusdem versibus pro temporum illorum doctrina eleganter in dicta parænesi descriptum, quia itineris rationem habet, a versu 131 repetamus:

*Inde Nemausiacas sensim properamus ad arces,
Quo spatiosa vrbs est, resque operosa satis.
Hinc Magalona habuit læuam, Sextantio dextram
Hic scabris podiis cingitur, illa mari.
Queis bene transitis, Agathem mox parte sinistra
Linquimus & nosmet tecta Beterris habent.
Mox sedes, Narbona, tuas urbemque decoram
Tangimus.*

De *Sextantione*, quem supra etiam in Itinerario *Sextationem* dictum vidimus, & *Ambrusso*, ibidem coniuncta, quæ plura iam dicamus non habemus, nisi quod vtrumque etiam in Theodosiana Peutingeri Tabula notatur. Situs ex Itinerario accurate cognosci potest.

CV.

Vgernum vero in eadem Peutingeriana inter Nemausum & Arelate positum, certioris antiquitatis est, vt iam tum a Strabone memoratum. Post initium enim lib. iv pag. 123 ait, ἐκ Νεμαύσας διὰ Ουγέρνης καὶ Ταράσκωνος εἰς τὰ Σεξμά ὕδατα τὰ Σέξτια καλούμενα, a *Nemauso* per *Vgernum* & *Tarasconem* ad *Aquas Sextias*. Heic Auitus, Sidonii focer, Augustus ab exercitu proclamatus, vt est in Panegyrico eiusdem vers. 571

- - - - - *fragor atria complet*
Vgerni.

CVI.

Tandem & oppidum veteres adpositum Rhodano tradiderunt, Rhodiorum opus, vnde nomen fluuius acceperit. Plinius lib. iii cap. iv vbi *Rhoda Rhodiorum* fuit, vnde dictus multo Galliarum fertilissimus annis, ex Alpibus.

pibus se rapiens per Lemannum lacum, segnemque deferens Ararim, nec minus se ipso torrentes Isaram & Druentiam. Hæc diuersa Rhoda ab Hispanica, eosdem autem, quos illa, conditores nacla. Marcianus Heracleota Periegesi pag. 9 vocat *Rhodanufiam*.

Οἱ Μασσαλίαν κτίσαντες ἔχον Φωκίῃς
 Ἀγάθην, Ροδανυσίαν τε, Ροδανὸς ἦν μέγας
 Ποταμὸς παραρρεῖ.

id est, *Phocæenses Massiliæ conditores, tenuerunt etiam Agatham, & Rhodanufiam, quam magnus fluuius Rhodanus præterfluit.* Dum vero Plinius dicit *RVIT*, ostendit nihil eius oppidi superfuisse suis temporibus. Si fuit quondam tale oppidum, ad ostium Rhodani occidentale fuisse veri non est ab simile.

CVII.

Vna gens superest in Prouinciæ parte, quæ Romanis trans Rhodanum erat, *Heluorum* scilicet, siue *Heluorum*, qui & *Elui*, *Ilui* in quibusdam Cæsar's libris, Valesio teste, appellantur. Hi continebant *Aruernos*, vt Cæsar eos locat lib. vii cap. vii, (id est pagos Aruernis subiectos, Vellauos, Gabalos) *Cebenna monte eos ab Aruernis discludente*, quod additur ibidem cap. viii. Male ergo Strabo *ελυῖες, Heluios*, in quatuordecim gentibus, ab Augusto Aquitaniæ adiectis, numerat, a quibus Gebennæ iugis separantur, vt supra probauimus. Cæsar autem, & Plinius, & Ptolemæus, ille in Prouincia; hi in Narbonensi, quæ eadem est, scripserunt. Coluerunt ad Rhodanum supra Arecomicos. Plinius in mediterraneis prouinciæ Narbonensis urbem illorum *Albam* nominat, *Albam* nempe *Heluorum*. nam *Heluos* ille vocat, non *Heluios*, vt alii. Ptolemæus corripit *Heluorum* nomen in *Elicocos*, quos perperam in altera ripa ponit, eorumque urbem laudat *Albaugustam*, id est, *Albam Augustam*, quod argumento est, non ignobilem urbem *Albam* *Heluorum* fuisse, sed quæ Augusti cognomen dignitate sua sustinere potuerit. Ab *Alba* capite posteriori æui *Albenses* dicti *Helvii*, & vrbs eorum in Notitiis Gallix *Ciuitas Albensium*; in quibusdam additur *Viuarium*, aut nunc *Viuarium*: & in veteri Chronico apud Valesium, *Ciuitas Albensium, quæ & Viuarium*. Hæc satis ostendunt *Albam* *Heluorum* esse, quæ nunc *Viuiers* vocatur in tractu Viuariensi, vulgo *le Viuarois*. Supra *Heluios* in limite Aruernorum prope Rhodanum Ortellius in *Tabula Gallix Antiquæ* posuit *Maximi Aemiliani Tropæum*, quod solus Strabo lib. iv pag. 128 ita delineauit: καὶ ὁ συμπίπτειν ὁ Ἰσαρ ποταμὸς καὶ ὁ Ροδανὸς καὶ τὸ Κέμμενον ὄρος, Κοῖντος Φάβιος Μάξιμος Αἰμιλιανὸς, ἔχ' ὅλαις τρισὶ μυριάσιν, εἴκοσι μυριάδας Κελτῶν κατέκοψεν. καὶ ἔθηκε τρόπαιον αὐτόθι λευκῇ λίθῃ. Quo loco *Isara & Rhodanus confluunt, prope Cemmenum (Gebennam) montem Q. Fabius Maximus Aemilianus xxx millium non integrorum exercitu c'c millia Gallorum cecidit, ibique tropæum statuit ex albo lapide.* Describit ibi sinistram ripam Rhodani, vt & prælii locum & erectum tropæum credas cis flumen existitisse. At pag. 132 in Aruernis idem prælium commemorat κατὰ τὴν συμβολήν, ad confluentes *Isaræ & Rhodani*, καὶ ἦν καὶ τὴν Κέμμενον ὄρος πλησιάζει τῷ Ροδανῷ.

Podavō, ubi Gebenna mons appropinquat Rhodano: quibus dextrum Rhodani latus videtur indicari. Id quod Ortellium in Tabula puto respexisse. Consentit Philippus Brietius, qui quamvis in Segalaunis Aemilii tropæum referat, tamen ultra Rhodanum ad radices Cemeni montis fuisse scripsit. Nec vero repugnabimus, si quis tropæum cis flumen requisierit.

CVIII.

Haftenus de prouincia Narbonensi ultra Rhodanum: nunc citeriora, id est inter Rhodanum & Alpes comprehensa enarramus. Ab orientali ostio Rhodani vrbs prima est *Maritima Auaticorum*. Pomponius Mela lib. II cap. V *Inter eam [Massiliam] & Rhodanum Maritima Auaticorum stagnum obsidet. Fossa Mariana partem eius annis nauigabili ostio effundit. Ergo intra fossam est Maritima oppidum.* Plinius lib. III cap. IV, *Ultra, fossæ ex Rhodano C. Marii opere & nomine insignes: stagnum Mastramela: oppidum Maritima Auaticorum, superque Campi Lapidei, Herculis præliorum memoria: regio Anatiliorum.* Ptolemæus *Anatiliōs* finitimos cum *Auaticis* confundit: Ait enim μετὰ τὸν ροδανὸν ἐπὶ θαλάσῃ καί ται Anatίλων πόλις Μαρτίμα Κολώνια. *Post Rhodanum super mare sita est vrbs Anatilorum, Maritima colonia. Oppidum etiam lacus nomine, cui adiacebat, fuit appellatum. Stephanus de Urbibus: Μασραμέλλη πόλις καὶ λίμνη, Mastramela oppidum & lacus.* Et Festus Auienus in Ora Maritima:

- - - - - oppidum Mastramelæ

Priscum paludis.

Nec vero diuersa *Mastramela* oppidum & *Maritima*, etiam iudicio Isaaci Vosii ad Melam. Ex situ colligitur *Maritimam* coloniam esse quod hodie est oppidum *Martegue: & Mastramelum* lacum *Merde Martegues*. Nec est quod Ptolemæum corruptum putes, quum utique etiam populus, *Anatili*, in hac ora fuerit, vt Plinio auctore constet, & inscriptione San-Remigiana, in qua ANATILII sunt, Harduino ad Plinium testante.

CIX.

Hinc proxima est *Massilia*, Phocæensium, * Ionix ciuitatis, colonia, ab omnibus laudata, quia non tantum portu & commerciis aut munitis suis, verum maxime etiam morum humanitate & litterarum studiis fuit nobilissima. Conditores supra Heracleota nominauit. Consentunt Mela ac Plinius, & cetera etiam quæ diximus, confirmant. Mela sæpe dicto lib. II cap. V *Massilia, a Phocæis oriunda, & olim inter asperas posita, nunc vt pacatis, ita dissimillimis tamen vicina gentibus, mirum quam facile & tunc sedem alienam ceperit, & adhuc morem suum teneat.* Plinius lib. III cap. IV *In ora Massilia Græcorum Phocæensium fœderata.* Et Tacitus Agricolaë vita cap. IV. *Sedem & magistrum studiorum Massiliam habuit, locum Græca comitate & prouinciali parsimonia mistum ac bene compositum.* Plenius hæc Strabo exsequitur lib. IV pag. 125, dicitque barbaris παιδευτήριον fuisse, ludum quasi litterarium: item, φιλέλληνας κατεσκεύασε τὰς θαλάσσας, *studium Græcarum litterarum in Gallis excitasse adeo, vt etiam τὰ συμβόλαια contractuum formulas Græ-*

ce

Aa 2

* Liuius V. c. 34. *Massilienses erant hi nauibus a Phocide profecti. Lege Phocæa.*

cæ conscriberent. Addit ἐν δὲ τῷ παρόντι καὶ τὰς γνωριμωτάτας Ῥωμαίων πέ-
πεικεν ἀντὶ τῆς εἰς Ἀθῆνας ἀποδημίας, ἐκείσε φοιτᾶν φιλομαθεῖς ὄντας. Et hodie
nobilissimis etiam Romanis persuasit, ut discendi studio pro Atheniensi peregri-
natione Massiliensem amplecterentur. Portus vrbi proximus *Lacydon* dictus,
ὁ Λακύνδων, ut Eustathius ad Dionysii versum 75 obseruat. Adde Melam in-
fra. Ciuili bello sua in rempublicam fide, damnum passa, & a Cæsare ar-
mis, oppidis, agro, & ceteris, præter nomen libertatis, exuta, ut supra in
Agatha prædiximus.

CX.

In Antonini Itinerario maritimo per portus, itinere ab Vrbe ad Are-
late, post Massiliam occurrit *Citharista* portus, quod ἄκρον promontorium
vocat Ptolemæus : dein *Taurentus* portus, pro *Tauroëntus*; Melæ *Taurois*,
ut Vossius emendauit, Straboni & Ptolemæo oppidum, illi ταυρέντιον *Tau-
rentium*, huic ταυροέντιον *Tauroëntium* : Cæsari lib. 11 Civ. cap. 14 *Tauro-
enta*, pluraliter, castellum. *Nacti*, inquit, idoneum ventum ex portu exeunt,
& *Tauroënta*, quod est castellum Massiliensium, ad Nasidium perueniunt. Tum
demum *Telo Martius* sequitur XII M.P. a Tauroënto remotus : cuius anti-
quior, quam ex hoc per portus itinerario, non habetur memoria. In Con-
ciliis episcopus *Telonensis* subscripsit, aliquando corrupte *Tolonensis* sub-
scripsit, aliquando corrupte *Tolonensis*, unde *Toulon* hodiernum nomen
portus celeberrimi. Plinius dicto loco memorat *Athenopolin Massiliensium*,
quam Harduinus suspicatur *Telonem Martium* esse. Mela etiam *Atheno-
polis* illius meminit. Ab Alpibus progressus, *Deinde*, inquit, *Forum Iulii*,
Octauanorum colonia. Tunc post *Athenopolin* & *Olbiam*, & *Tauroin*, & *Citha-
risten*, est *Lacydon*, Massiliensium portus, & in eo ipsa *Massilia*. Non abludit
a loco & ordine Melæ, coniectura Harduini. Aliorum opiniones varias
vide apud Baudrandum. Sed sic *Olbia* oppidum, quod Ptolemæus prope
ostium amnis *Argentei* locat, reducendum est ultra *Telonem*. Nec vero
Ptolemæus in hac ora satis certus; propter id etiam ab Isaaco Vossio nota-
tus. *Argenteum flumen*, quod ἀργέντιον, *Argentium* Ptolemæus vocat, expo-
suimus supra in fluminibus Galliæ, Planci epistola xxxiv ad Ciceronem
vsi, qui secundum optimos libros per e vocalem scripsit, non per i, ut Ptole-
mæus. Adde Plinii verba mox proferenda.

CXI.

Post ostium eius amnis *Forum Iulium* est, nobilis colonia: Tacito in
Agricola cap. 14 *illustis Foroiuliensium colonia*: Plinio in *Narbonensis de-
scriptione*, *Forum Iulii*, *Octauanorum colonia*, quæ *Pacensis* appellatur, &
Classica : amnis in ea *Argenteus*. Cur *Classica* dicatur, Strabo ostendit pag.
127, τὸ ναύσταθμον τὸ καίσαρος τῆ Σεβαστῆς, ὃ καλεῖται φόρον ἰγλίου. *nauale Caesaris*
Augusti, quod *Forum Iulium* vocatur. Nec vero ab Augusto demum in Iu-
lii honorem ita appellatum est, sed ab ipso Iulio deducta colonia fuit. Plan-
cus enim iam tum Mutinensi bello *Forum Iulii* appellauit ad Ciceronem epi-
stolis xv & xvii. Rari nummi vrbiū Gallicarum : huius tamen aliquot
superfunt apud Golzium : Augusti, COL. IVLIA OCTAVIANORVM & Ne-
ronis,

ronis, COL. PACENS. CLASS. vtriusque explicator Plinius est, qui verum cum Mela *Octavianorum* refert, tamquam legionis Octavæ, sicut supra *Be-terræ Septimanorum*: Narbo Decumanorum erant. Si nummus recte descriptus est, ad Octavii Cæsaris nomen vel honoris causâ vel errore credamus adlufum esse.

CXII.

Ad Italiæ limitem in ora pertingebant *Oxubii* & *Deciates*, vtrique a Plinio dicto loco, & Polybio Excerpt. Legat. cxxxiv; & Floro lib. ii cap. iii; hi etiam a Mela memorati. Ptolemæus Deciatibus, quos *Δεκιάτις* vocat, *Antipolin* urbem, Masfiliensium coloniam, nunc *Antibe*, prope flumen *Varum*, attribuit. Mela *Antipolin* a *Deciatum oppido* distinguit. Ait enim, *Nicea tangit Alpes, tangit oppidum Deciatum, tangit Antipolis*. Quod si est, inter *Antipolin* & *Nicæam* *Deceatum* oppidum fuit. Stephanus tamen *Δεκίητον*, *Decietum*, (nam etiam Polybii *Δεκίηται* per η, qui aliis *Deciate*) πόλιν *Ιταλίας*, urbem Italiæ dixit, quasi in Cisalpinis Liguribus situm, quum ad *Transalpinos* seu *Gallicos* vtrique pertinuerit. *Varus* amnis terminus *Galliæ* supra expositus, ultra quem *Nicea* est, itidem Masfiliensium opus, sed in Italiæ ora; nihilominus a Mela & Stephano in *Narbonensi* *Gallia* numeratur. Plinius autem lib. iii cap. v & Ptolemæus lib. iii cap. i Italiæ vindicarunt, etiam Strabo pag. 127 ἡ Νίκαια τῆς Ἰταλίας γίνεται κατὰ τὸν νῦν δεδειγμένον ὅρον, καίπερ ἔστα Μασσαλιωτῶν, *Nicea secundum iam demonstratum limitem* (qui *Varus* est) *Italiæ* adscribitur, quamquam est *Masfiliensium*.

CXIII.

Maritima ora explicata in mediterranea progressum facimus, iterum ab *Rhodano* incipientes, ut ab occasu in ortum, geographorum more, succedamus. *Rhodanum* accolebant *Salves* Strabonis, * siue *Salyi*, ut *Florus* vocat, qui etiam *Salvii* in *Epitoma* *Liuii*, & *Salluvii* apud *Plinium* appellantur, quod postremum nomen videtur antiquissimum. Ex vetusto lapide *Gruterus* pag. 298 num. 3

C. SEXTIVS C. F. CALVIN. PRO CO

DE LIGVRIB. VOCONTIEIS SALLVVIEISQ.

& reliqua. Hi *Salves*, potentiores ceteris, fere omnem regionem ab *Rhodano*, vnde *Ptolemæus* initium sumit illorum, vsque ad Italiæ fines tenuerunt. *Strabo* lib. iv post principium: παραλίαν ἔχουσιν οἱ τε Μασσαλιῶται καὶ οἱ Σάλυες μέχρι Λιγύων. ἐπὶ τὰ πρὸς Ἰταλίαν μέρη, καὶ τὸν ὄυαρον ποταμόν. *Maritima tenent Massilienses & Salves, vsque ad Liguriam & Italiæ fines ac Varum fluvium*. Nec tantum in maritimis erant, verum etiam ἡ τῶν Σαλύων ὁρεὶνὴ πρὸς ἄρκτον ἀπὸ τῆς ἐσπέρας κλίνει μᾶλλον, καὶ τῆς θαλάττης ἀφίσταται κατὰ μικρόν, *montana regio Salyum in septentrionem ab occasu inclinât, & paulatim a mari recedit*, quod *Strabo* post paullo pag. 125 adiecit. *Liuius* lib. xxi cap. xxvi *P. Cornelius* profectus ab urbe sexaginta longis navibus præter oram *Etruriæ* *Ligurumque* & inde *Salyum* montes peruenit *Massiliam*. Sæpe tamen fines eis arctiores ponuntur, ut ad *Rhodanum* ab *Auaticeis* & *Anatiliis*; ad *Varum*

A a 3

* Sic *Liuius* V. c. 34. Allatum est, aduenas quærentes agrum ab *Salyum* gente oppugnari.

rum a Deciatibus & Oxubiis, alibi ab aliis distinguantur, quibus etiam non omnem tractum Ptolemæus dat, sed ab Arelate non vltra Aquas Sextias. Florus lib. III cap. II *Prima trans Alpes arma nostra sensere Salyi, quum de incursionibus eorum fidiſſima atque amiciffima ciuitas Massilia quereretur.*

CXIV.

Prima vrbs Rhodano imposita est *Arelate* siue *Arelatum*, quæ quod coloniam sextæ legionis acceperat, *Arelate Sextanorum* a Plinio & Mela appellatur. Nummus Caii Cæsaris apud Golzium: COL. ARELAT. SEXTAN. Et inscriptio vetus apud Gruterum pag. 257

DIVAE

FAVSTINAE

AVG.

SEXTANI

ARELATENSES.

Ptolemæus *Ἀρελάτων κολώνιαν*, *Arelatum* coloniam vocat, plures vero *Arelate* dicunt, quasi *ἄκλιτον*. Cæsar Ciuil. I cap. XXXVI *naues longas Arelate facere instituit.* Suetonius Tiberio cap. IV *Pater ad deducendas in Galliam colonias, in quæ Narbo & Arelate erant, missus est.* Eumenius Panegyr. Constantini cap. XVIII *Rhodanus parum illis videbatur ruere, minus solito Arelate properare.* Et paucis interiectis: *quum illum, Arelate deserto, comperissent abiisse Massiliam.* Ita de singulis fere casibus huius nominis ex productis iam exemplis iudicare licet. Dicunt etiam primo casu *Arelas* præsertim poetæ. Prudentius hymno Peristeph. IV de XVIII Cæsaraug. martyr. vers. 35

Teque præpollens Arelas habebit

Sancte Genesi.

Et singulari carmine Aufonius de laudibus huius vrbs:

Gallula Roma Arelas:

qui vero proximo versu etiam *Arelate* dixerat vocandi casu,

Pande, duplex Arelate, tuos, blanda hospita, portus.

Eidem etiam epist. XXI vers. 81 *duplex Arelas* est, quia primum in sinistra ripa fuit condita: post Constantinus, vt putatur, in ripa altera urbem novam quasi adposuit, ponte nauali coniunctam. Aufonius ibidem in Clar. Urbibus de hac ipsa:

Præcipitis Rhodani hic intercisa fluentis

Vt mediam facias nauali ponte plateam.

Sed hoc medii æui est, quo reseruamus; nostro vocatur *Arles*, quod est in veteri sinistra ripæ loco. Quod vero Iulius Cæsar, vt modo ex Suetonio diximus, coloniam huc per Tiberii patrem deduxit, nomen inde coloniae inditum *Iuliae Paternæ*. Iac. Sponius vir solertissimus in Erud. Antiq. Miscell. pag. 165 lapidem ex sæculo Antonini Pii, quatuor leucis ab Aquis Sextiis repertum, exscripsit, in quo est

COL. IVL. PATERNA ARELATE.

Nam eo vsque potentis vrbs Arelatensis fines patuisse non mirum est, quia etiam tribus millibus passuum ab Aquis lapis inuentus fuit, ex vna parte in-

scri-

scriptus FIN. AQ. ex altera FIN. AREL. Sed plura de hac vrbe in Geographia medii æui forsan dicturi sumus.

CXV.

Supra Arelate in ripa *Tarasco* fuit Strabonis, quem in via a Nemauso ad Aquas Sextias ponebat. Ptolemæus prae *Ταρσκαν*, *Tarusco* scripsit, quia hodieque *Tarascon* vocatur, nomen oppidi e regione Belloquadri. Inter Arelate & Cabellionem, qui ad Druentiam est, interiacent *Ernaginum* Ptolemæi, & *Glanum* eiusdem, vtraque oppida Salyorum, illud in itinere Antonini a Mediolano Arelate, vii m. p. ab Arelate; hoc xvi a Cabellione; xii ab Ernagino. Ex quo apparet in loco *Glani*, quod Plinius *Glanum* *Liuii* cognominat, esse S. Remigii fanum, vulgo Saint Remy. Vtrumque etiam habetur in Tabula Theodosiana: alterum etiam in antiqua inscriptione apud Gruterum pag. 413 num. 4

CORP. ERNAGINENSIVM.

CXVI.

Sed omnium illustrissima in hoc tractu, & Salyum gente antiquis temporibus colonia erat, quæ *Aquæ Sextiæ* a conditore Sextio Caluino, victore illius gentis nominantur. Epitoma *Liuii* lxi, C. *Sextius* proconsul, victa *Salyorum* gente coloniam *Aquas Sextias* condidit, ab aquarum copia & calidis & frigidis fontibus, atque a nomine suo ita appellatas. Et Velleius Paterculus lib. i cap. xv *Cassio Longino* & *Sextio Caluino*, qui *Sallues* apud *Aquas*, quæ ab eo *Sextiæ* appellantur, deuicit, consulibus, & cetera. Strabonis appellationem supra in Vgerno cognouimus: Ptolemæo sunt ὕδατα Σεξτία κολώνια, *Aquæ Sextiæ colonia*. Eleganter Sidonius in Narbone suo vers. 13 *Baiarum* *Campaniæ* nomine decorauit, ad v. c. *Consentium* *Narbonensem*:

*Nuper quadrupedante quum citato
Ires Phocida, Sextiasque Baias,
Illustres titulisque præliisque
Vrbes per duo consulum tropæa.*

Phocida, id est *Masfiliam*, a *Phocæis* conditam. Est in lapide, quem Scaliger vidit, & ab eo descripsit Gruterus pag. 413 num. 4, COL. IVL. AVG. AQVIS SEXTIS, ex quo manifestum est, veterem coloniam C. Sextii ab Augusto Cæsare auctam aut renouatam fuisse. Nummus Vespasiani apud Golzium COL. AQVAE SEXTIAE LEG. XXV. In Notitia ciuitatum & prouinciarum Galliæ *Metropolis ciuitas Aquensis*. Hodie contracto nomine *Aix*, vrbs splendida & archiepiscopalis. Atque hæ sunt quinque illæ vrbes, quas *Salyum* genti attribuit Ptolemæus.

CXVII.

Vlterius inter *Masfiliam* & *Antipolim* medio loco a mari longius recedit *Forum Voconii*, prope flumen *Argenteum* situm; de quo Plancus Cicero-
ni epistola xvi *Lepidus* ad *Forum Voconii* castra habet, qui locus a *Foro Iulii* quatuor & viginti millia passuum abest. Et ipse *Lepidus* epist. xxxiv eiusdem libri x ad Plancum, sic Cicero-
ni scripsit: *Continuis itineribus ad Forum Voconium veni, & ultra castra ad flumen Argenteum contra Antonianos feci.*
Pli-

Plinius quoque meminit in Narbonensis descriptione ; & Tabula Peutingeriana x v i i m. p. a Foro Iulii remouet, quod forte x x i i legendum est, vt cum Plancianis numeris, quos modo proposuimus, magis conueniat. Ipsi vero Galli magnopere dissentiunt in huius oppidi loco designando ; sed paullo supra flumen fuisse Argenteum, ex epistola, quam diximus, non obscurum esse potest.

CXVIII.

Inde in septemtrionem distant *Rei Apollinares*, colonia, veteri nomine *Alebece*, aut, vt Harduinus suspicatur, *Albiæce* dicta. Plinius de hac lib. i i i cap. i v, vt Harduinus ex Reg. & Colbert. codicibus expresit, *Alebece Reiorum Apollinarium*, quod ante illum etiam Sirmondo ad Sidonii lib. v i epist. x i i suboluerat. Nec nulla aut inepta est illa de Albiæce coniectura. Nam Strabo lib. i v pag. 140 *Αλβιόνες*, *Albiæcos* cum Salyibus & Vocontis coniungit, quos & Alebeceros Philippus Brietius eosdem putat Geogr. Parall. pag. 346, quorum oppidum potuit Albiæce esse. Rara in historiis est oppidi huius, in vetustis chorographiis, præter Plinii, vix vlla mentio. Posteriores autem non siluerunt, neque inscriptiones lapidum. Tabula Peutingeriana *Reis Apollinaris*, id est Apollinaribus, sexto casu. Notitia Galliae, *Ciuitas Reiensium*. Sidonius Apollinaris lib. v i epist. x i i *Arelatenses, Reiensis*. Coloniam Romanam fuisse, quamquam Plinius in oppidis Latinis censet, testatur inscriptio apud Sirmondum dicto loco, & Gruterum pag 428 num. 9

COL. REIOR. APOLLINAR.

Et alia apud Sponium Miscell. Erud. Antiq. pag. 178 ex lapide Masfiliensi :

FLAM. IN

COL. REIOR. APOLL.

Cognomen vrbs ab Apollinis cultu, religiosius in ea celebrato, haud dubie accepit. Scribitur aliquando etiam *Regium* id vrbs nomen, ex soni puto similitudine. Gennadius de Scriptor. Eccles. cap. l x x x v *Faustus ex Abbate Lerinensis monasterii episcopus apud Regium Galliae factus* : qui vulgo, etiam recte, *Faustus Reiensis* appellatur, quia illud *Regium* est Reiensis ciuitas, nunc Riez.

CXIX.

Hinc magis in septemtrionem vergit *Dinia* Plinio in *Bodionticis* sita, quos Narbonensis formulæ ex inalpinis Galba adiecit : Ptolemæo est in *Sentis*. Sunt enim hi obscuri populi confines & male distincti. Notitia Galliae in prouincia Alpium Maritimarum : *Ciuitas Dinienfium*. Hodie Digne.

CXX.

Hinc Varum versus *Suetri*, populus Plinii, etiam ex inalpinis Ptolemæi lib. i i i cap. i *Σηήτριοι, Suetrii*, ἐν παραλίῳ Ἀλπεσι, in maritimis Alpibus, quorum oppidum *Σαλίνα, Salinae*, quod doctissimi viri Lucas Holstenius ad Ortelium, & Hadrianus Valesius in Notitia Galliae, putant esse *Solliniensium ciuitatem*, quæ in Notitia prouinciarum sub Maritimis Alpibus reperitur. Situm dant inter Vintium & Sanitium, fere in loco vbi nunc Prouinciæ oppidum

dum Chastelane, in quo v.c. Iacobus Sponius pag. 198 inscriptionem inuenit

DECC. CIVITATIS SALIN.

id est, *Decurionum ciuitatis Salinarum* siue *Salinensis* : nec longe abhinc ad Varum fluuium vidit aliam

Q. VIBIVS Q. F. SALIN.

qua patria Vibii significatur.

CXXI.

Suetriis Ptolemæus subiungit *Vesdiantios*, quibus duo oppida attribuit *Sanitium* & *Cemeneleum*. Illud non incertum est, quia nomen quodammodo conseruat, *Senez*, quod etiam *Sanecium* posteriores scribebant. Notitiæ prouinciarum in Alpibus maritimis est *Ciuitas Saniciensium*, id est *Sanicio*. Situm est oppidum in austrum a Dinia. Alterum vero *Cemeneleum*, quia nihil eius superat, incertioris positionis est. Apud Nicæam Prouinciæ ex lapide reperto laudatus Sponius pag. 104 exscripsit

CL. PATERNVS CEMENELENSIS

& ex duobus aliis pag. 163 ORDO CEMENEL. Plinius lib. III cap. v *Cemelion*, elapsa syllaba habet, & *Vediantiorum* pro *Vesdiantiorum* Ptolemæi, quos Italiæ quidem adscribit, tamquam cis Varum positos: quod vero Ptolemæus oppidum *Sanitium* adiungit, idque vltra Varum situm est, non poterat vel illius caussa non in Gallia etiam attingi, præsertim quum incertus locus Cemenelei sit, cuius rudera volunt in loco quodam Cimies dicto ostendere. Ptolemæus quoque, turbatis terminis non tantum *Sanitium* & *Cemeneleum*, verum etiam *Eborodunum* & *Vintium*, quæ omnia, excepto *Cemeneleo*, cuius sedes ignoratur, manifesto trans Alpes & vltra Varum in Gallia sunt, lib. III cap. I ad Italiam pertraxit.

CXXII.

De *Glanateua* in dextra Vari ripa, nunc *Glandeue*, non certum habeo, sitne antiquum oppidum, an medio æuo excitatum, quia, qui ante Notitiarum auctorem nominauerit, non occurrit. In iis autem varie scribitur, *Ciuitas Glannateua*, & *Glannateua*, item *Glannatiua*, *Glannatera* & *Glannatina*: etiam in recentioribus *Glandetum* & *Glandatum*. In austrum certioris antiquitatis oppidum *Vintium* subiunctum est, quod *Nerusi* genti Ptolemæus lib. III cap. I adsignat, qui Plinio lib. III cap. xx *Nerusi*, Alpinus populus, sunt. Nemine autem dubitante *Vintium* Ptolemæi est id oppidum, quod hodie *Vence* in Prouincia dicitur cis Varum Gallis, trans eundem Italiam. Inscriptio in oppidi *Vence* suburbio exstat, Gordiano dicata,

CIVITAS VINT. DEVO

TA NVMINI MAIES

TATIQUE EIVS

Et alia ibidem Traiano Decio imperatori, claudit ita:

P. P.

CIVIT. VINT.

In Notitia Prouinciarum *Ciuitas Vintiensium*. In alia *Ciuitas Venciensium*, id est *Ventio*. Vnde propius deductum nomen est *Vence*, quod hodieque

obtinet. Gregorius Turonensis lib. ix cap. xxiv *Obiit Deutberius, Viniensis episcopus.*

CXXIII.

Haftenus de Narbonensis prouinciæ parte, quæ inter mare & Druentiam est: nunc etiam expediemus, quæ Druentia & Isara fluminibus continetur. Ad Rhodanum in ea sunt *Cauares* siue *Cauari*. Illa forma Mela & Plinius: hac Ptolemæus utitur, qui quatuor vrbes huic populo adscribit, duas in ripa, *Auenionem* & *Araufionem*: vnā inde in ortum paullo reductam, *Cabellionem*: quartam dubitati iuris & situs *Acufionem* coloniam. *Auenio* in Cauaribus a Mela, Plinio & Ptolemæo scribitur. Mela in opulentissimis vrbibus Narbonensis prouinciæ posuit. Memoratur etiam Straboni *Αυενίων*, *Auenio* lib. i v pag. 128, & Stephano *Αυενίων πόλις Μασσαλίας πρὸς τῷ Ροδανῷ*, *Auenio vrbs Massiliæ est ad Rhodanum*. Quod si verum, ad Rhodanum vsque illum tractum Massiliensibus paruisse probatur, quod etiam de Cabellione dixit, *πόλις Μασσαλίας*, *Massiliæ*, seu Masiliensis regionis, *urbem* esse. Sita est ad Rhodanum inter Druentiam & Sulgam, colonia Ptolemæo, Latinum oppidum Plinio, quæ iura sæpe coniuncta in vna ciuitate fuerunt. Posteriores *Auennio* scripserunt & geminato, & inde gentile formarunt *Auennicus*. Tabula Peutingeriana *Auennione*, vt solet sexto casu refert vocabulum. Sidonius lib. vi epist. vlt. *Auennicus & Araufionensis possessor*. Gregorius Turonicus lib. vi ineunte: *Mummolus se intra murorum Auennicorum munitiōnem concludit*. In Notitia Viennensis prouinciæ *Ciuitas Auennicorum*. Hodie, quod omnes sciunt, *Auignon*.

CXXIV.

Secunda ex situ, at prima dignitate vrbs Cauarum ad idem flumen est *Araufio*, colonia *Secundanorum*, vt Mela & Plinius tradunt, quod secundæ legionis veterani in eam deducti fuere. Nummus Neronis apud Golzium COL. ARAVSIO SECVNDANOR. COH. XXXIII VOLVNT. id est *colonia Araufio Secundanorum cohortis xxxiii voluntariorum*, puta legionis sextæ cohortem xxxiii, quæ voluntariorum erat, in eam fuisse immittam. Censetur caput Cauarum, quia in omnibus Notitiis præfertur Auenioni, etiam Cabellioni. In iisdem vocatur *Ciuitas Arauficorum*: * nunc *Orange*, quod omnibus notum est. Ab Rhodano recedit vrbs *Cabellio*, Durantia fluuio adposita. *Cabellio* dicitur Plinio, Ptolemæo, Stephano, & Itinerarii auctori: at Straboni *Caballio*, etiam in Peutingeriana. Ptolemæo colonia est: Plinio numerata in Latinis. In Notitiis *Ciuitas Cabelllicorum*, nunc *Ca vaillon*.

CXXV.

Quarta vrbs Cauarum ex Ptolemæi distributione est *Acufio*, idem colonia, quæ an in Cauaris ponenda sit, quum præter Ptolemæum nemo illius meminerit, difficile ad iudicandum est. Latinus interpret male *Acufiorum colonia*, quum *Ακυσίων* rectus casus sit singularis numeri; non pluratiui patrius. Sansoni est *Vasio*: Ortelio *Gratianopolis*. At *Vasio Vocontiorum*

* Gentile aliud est apud Sponium in Miscellan. erudit. antiq. Sect. 5. pag. 156. *Araufiensis* ciuis.

rum est secundum Melam, eorumque caput secundum Plinium: Cularo, quæ post Gratianopolis dicta, Allobrogum fuit, docente Planco epist. xxiii ad Ciceronem. Non dubitanter Lucas Holstenius, vir magno iudicio & doctrina, in Orteliū adnotationibus, definit locum huius coloniae. Nunc, inquit, *Ancone est, medio loco inter Arausionem & Valentiam, prope Montem mart ad ripam Rhodani.* Tantum ducem in nostra Tabula non dubitauimus sequendum esse.

CXXVI.

Quamuis vero excidat *Acusio* ex urbibus, quas Cauares possederunt; tamen alias illis ad numerum supplendum, immo ad augendum, vindicamus, quæ sunt *Vindalum* & *Aëria*, vtrique a Strabone commendata. *Vindalum* vel oppidum *Vindalium*, Straboni lib. i v pag. 128 *Ὀυνδαλεν*, *Vndalum*, elapsa littera, eodem monstrante ad *Sulgæ* ostium, hoc est *μεταξὺ*, inter Aunionem Arausionemque situm fuit, ut ipse clarissimis verbis adiecit. Iuxta id oppidum ab Domitio Aenobarbo ingentem vim Gallorum dicit prostratam esse. De quo bello ita Liuius epitoma lxi Cn. *Domitius proconsul contra Allobroges ad oppidum Vindalium feliciter pugnavit.* * Idem ergo oppidum *Vindalum* siue *Vindalium* Liuii, & *Vndalum* Strabonis, ut alter ex altero corrigendus sit. Sed Liuium tuetur Florus lib. iii cap. ii, qui eiusdem belli Allobrogici testes adlegat, poetarum more, *Varum, Isaram, Vindalicum & Rhodanum* fluuios. Sic enim legendum ibi, non *Vindelicus*, ut adhuc perperam vulgatum est, quia longius Vindelici remoti sunt, quam ut flumen inter Isaram, Rhodanum & Varum denominare possint. Quem ergo *Sulgam* Strabo amnem dixit, hunc Florus ab oppido, quod adluit, & iuxta id Rhodano miscetur, *Vindalicum* appellat, qui hodie *Sorgue* est, ut supra etiam de fluminibus prædictum fuit.

CXXVII.

Altera, quam addemus Cauaribus urbem, est *Aëria*, *Αερία* Strabonis dicto loco, ita dicta, *διὰ τὸ ἐφ' ὕψους ἰδρυῖσθαι μεγάλη*, quod in celsissimo loco sit posita. Philippus Brietius Part. ii lib. vi *Vasio sita in edito loco, unde & Aëria dicta.* Sunt apud Orteliū, qui & hanc Gratianopolim interpretentur. At vero Plinius *Aëriam* lib. iii cap. i v a *Vasione* distinxit. Præterea *Vasio* Vocontiorum fuit, Gratianopolis autem in Allobrogum finibus est, & sic neutra in Cauaribus, in quorum regione *Aëriam* Strabo collocavit. Ut vero *Vindalum*, vicinum *Aëriæ* oppidum, excisum est, ita nihil impedit, quo minus idem fatum *Aëriæ* contigisse credamus, si forte in tractu illo, extra *Vasionem*, nullus locus excultus est, cui illam possimus vindicare.

CXXVIII.

Supra Cauaros *Tricastini* ad Rhodanum fuerunt, quorum urbs *Augusta Tricastinorum* a Plinio laudatur. Ptolemæus illis tribuit *Νοιόμαγον*, *Noviomagum* vel *Næomagum*, quam Philippus Brietius & Hadrianus Valesius pag. 60, putant eandem esse, quæ Plinii *Augusta* sit, illudque vetus urbis nomen; hoc

Bb 2

* Orosius V. c. 13. Cn. Domitius Procos. Allobroges Gallos iuxta oppidum Vindalium gravissimo bello vicit.

hoc ab Augusto superadditum. At magni viri Lucas Holstenius & Ios. Scalliger, quos Io. Harduinus in Plinium sequutus est, separauerunt, illamque hodie S. Pauli Tricastini fanum, vulgo S. Pol de trois Chasteau: hanc Nions vel Nyo in Delphinatu urbem esse, sex leucis a fano Pauli in ortum distantem, adseuerant, quod vtique non improbabile videtur, quia neutrius vel locus repugnat, vel nomen abhorret. Princeps vrbs in itinerariis Antonini & Burdigalensi, etiam in Tabula Peutingeriana, tantummodo *Augusta* vocatur, sine gentis cognomine: contra in Notitia prouinciarum, Augustæ neglecto nomine, *Ciuitas Tricastinorum* appellatur. Huius populi etiam Silius in Hannibalis itinere lib. III vers. 466 rationem habet, post traiectus Rhodanici descriptionem canens:

Iamque Tricastinis incedit finibus agmen,
vnde etiam verus accentus discitur: & Liuius lib. XXI cap. XXXI *quum iam Alpes peteret, non recta regione iter instituit, sed ad leuam in Tricastinos flexit.* *

CXXIX.

Inferius, & iuxta Cauares, *Memini* populus, vt Plinius vocat, seu *μιννοι Mimeni*, vt a Ptolemæo dicti, habitauerunt. Plinius dat suis oppidum *Carpentoraete*: Ptolemæus *Forum Neronis*. Vnde colligit Hadrianus Valesius, quod oppidum Celtarum lingua *Carpentoraete* dictum fuerit, ab Romanis *Forum Neronis* appellari, nec id diuersum a *Carpentoraete* esse. Contra Brietius & Baudrandus *Forum Neronis* in loco ponunt, qui nunc *Forcalquier* vocatur, situs inter Segusteronem & Aptam Iuliam, in ortum nonnihil a *Carpentoraete* remotus. Nec incredibile videtur Neronem, ambitiosum hominem, plura oppida de suo nomine appellari voluisse, sicut supra alios *Foroneronienses* in Luteua vidimus. *Carpentoraete* autem noti situs est, quia nomen suum in *Carpentras* notabiliter conseruat. Brietius quoque *Segusteronem*, nunc Sisteron, ad Druentiam situm oppidum, adscribit *Meminis*, idque illorum caput fuisse Baudrandus censet, quod vero minus est credibile, quia *Segusteronis* non priorem mentionem inuenimus, quam in Antonini itinere a Mediolano Arelate, vbi inter Vapincum & Aptam Iuliam collocatur. Fieri autem vix potuit, vt caput gentis a prioribus numquam, quum minora nominarent, commemoratum fuerit. Ceterum, *Meminorum* fuisse, facile vt credam adduci possum, quia qui alii genti attribuerit, memoriæ meæ non succurrit. In Notitia prouinciarum in Narbonensi secunda vocatur *Ciuitas Segesterorum*.

CXXX.

Infra *Meminos* ad latus Cauarum oportet *Vulgentes* coluisse, quibus Plinius *Aptam Iuliam* adsignat, cuius situs ex seruato nomine *Apt* non ignotus est, esseque illud nostrorum temporum oppidum ipsam veterem *Aptam Iuliam*, etiam Auctor Itinerarii iam dicto itinere demonstrat, quum inter Segu-

* Add. Liuius V. c. 34. *Is* Belloues Bituriges, Aruernos, Senones, Heduos, Ambarros, Carnutes, Aulercos exciuit. profectus ingentibus peditum equitumque copiis in Tricastinos venit. Alpes inde oppositæ erant.

Segusteronem & Cabellionem ponit *Aptaiuliam*, huic tamen quam illi non-nihil propiorem. In prouinciarum Notitiis *Ciuitas Aptensium* nominatur. In Latinis oppidis Plinius numerauit: coloniam fuisse, Arelatensis lapis probat, quem Sirmondus ad illa Sidonii verba lib. ix epist. ix ineuntis, *qui tunc Aptæ fuistis, aptissime defuistis*; exscriptum protulit:

IVL. C. F. TERTVLIN

FLAM. COL. APTA

L. VALLIVS ATILAN

NEPOS.

CXXXI.

Tricastinis ad latus ab ortu sunt *Vocontii*, populus clarissimus & plurimum oppidorum possessor. Sedem ostendit Hannibalis iter, quod ita Livius lib. xxi cap. xxxi dixerit: *quum iam Alpes peteret, non recta regione iter instituit, sed ad laeuam in Tricastinos flexit: inde per extremam oram Vocontiorum agri tetendit in Tricorios*. Quæ Silius Italicus lib. iii vers. 466 ita expressit:

*Iamque Tricastinis incedit finibus agmen
Iam faciles campos, iam rura Vocontia carpit.
Turbidus heic truncis saxisque Druentia letum
Ductoris vastauit iter.*

Straboni sunt & *Ὀυοντίοι*, *Vocontii* pag. 128, & *Ὀυονάτιοι*, *Vocuntii* pag. 140, ubi ait *ἕως ἄντων μέχρι Ἀλλοβρόγων*, *habitare usque ad Allobroges*, & *τά τινά*, *καὶ αὐτοὶ*, *sui iuris esse*, exemptos, Romanorum liberalitate, ab iurisdictione præsidis prouinciæ. Vnde est, quod Plinius lib. iii cap. v extremo, eorum gentem *ciuitatem fœderatam* dixit. *Vocontiorum*, inquit, *ciuitatis fœderatæ duo capita, Vasio & Lucus Augusti*: oppida vero ignobilia xix. Etiam Melæ lib. ii cap. v *Vasio Vocontiorum* vrbs clarissima est, in opulentissimis Galliæ Narbonensis numerata. Hoc ergo antiquum gentis caput fuit, cui Augustus *Lucum* ornamentis & dignitatibus æquauit, vt duo fierent, quæ Plinius laudauit, *Vocontiorum* capita. Sidonii lib. vii epist. ii extrema est *Vasionense oppidum*. quod postea ita defecit, vt in vicum pæne ex ingenti vrbe redigeretur. Hodie *Vaison*, vrbs semiruta. *Lucus* autem *Augusti*, nunc *le Luc* in Delphinatu auctorem suum, vel eum, cui dedicatus fuit, cognominis splendore prodidit. Tacitus lib. i Hist. cap. lxxvi *Lucum* appellat, suppresso *Augusti* nomine. Sic enim de Fabio Valente, Vitellii legato: *Lento agmine per fines Allobrogum & Vocontiorum ductus exercitus - - - adeo minaciter, vt Luco (municipium id Vocontio est) faces admouerit, donec pecunia mitigaretur*. Miratur inde Valesius, cur *Lucum* Plinius caput alterum dixerit, quum id honoris potius *Deæ*, tertiæ vrbi, prope illum *Lucum*, debeat.

CXXXII.

Accedit enim memoratis oppidis vrbs clara & insignis *Dea Vocontiorum*, priscis geographis quidem ignorata, quod miratur Valesius; nec vero recens aut noua, sed vt *Lucus* Augusto a Vocontiiis sacratus fuerat; ita *Dea*

Vocontiorum, oppidum, eiusdem Valesii iudicio, *Liuiæ Augustæ*, quæ in nummis quoque *Dea* appellatur. quo prisci marmoris inscriptionem refert *LIVIAE AVG. DEAE MVNICIPIVM*. Id enim videtur certum, *Deam* in oppidi nomine diuam seu numen significare, ac vere Latinum vocabulum esse: ideoque in Peutingeriana Tabula legitur: *Ad deam Vocontiorum*, id est ad templum deæ *Vocontiorum*. Memoratur prisco lapide Arclatensi, quo *colonia & Augusta* vocatur, apud Gruterum pag. 323 num. 2

CAECILIAE D. F. APRVLLAE FLAM

DESIGNATAE COL. DEA AVG. VOC.

quam inscriptionem etiam Sirmondus ad Sidonii lib. v epist. vi de *Dea*, *Vocontiorum* vrbe, interpretatur. Præterea nemo veterum illius mentionem fecit, in Itinerariis autem & Notitiis prouinciarum crebro memoratur. Antonini itinere Mediolano per Alpes Cottias Viennam, ita rationes sunt positæ:

<i>Eburodunum</i>	—	—	—
<i>Caturigas</i>	M.	P.	XVI
<i>Vapincum</i>	M.	P.	XII
<i>Montem Seleucum</i>	M.	P.	XXIII
<i>Lucum</i>	M.	P.	XXVI
<i>Deam Vocontiorum</i>	M.	P.	XII
<i>Augustam</i>	M.	P.	XXIII
<i>Valentiam</i>	M.	P.	XXII

Atque hic ordo, sed inuerfa via etiam in Itinerario Burdigalensi habetur, poniturque *Dea Vocontiorum* inter *Augustam*, quæ Tricastinorum est, & *Lucum*, & ab hoc quidem perinde XII M. P. interuallo. In Notitiis prouinciarum est *Ciuitas Deensum*, hodie *Die*.

CXXXIII.

Vocontiis Sirmondus dicto loco pag. 55 *Montem Seleucum* addit, in modo productis itineribus Antonini & Burdigalensi laudatum, inter *Vapincum* & *Lucum* situm, qui clade Magnentii memorabilis est. Tripartita Historia lib. v cap. x de Magnentio tyranno: *Sequentibus Constantii militibus, circa Montem Seleucum facta congressione, solus fugiens venit in Lugdunensem urbem - - - interfecit semetipsum*. Ex Socratis Hist. Eccles. lib. ii cap. xxxii compiler decerpfit, vbi editum quidem *Μιλτοσέλευκος* corrupte; in Allatii autem codice *Μοντοσέλευκος*, perinde vt in Itinerariis, quorum hæc sola differentia est, quod Antoninianum habet *Montem Seleucum*: Burdigalense casu patrio *Monte Seleuci*. Et tantum de Vocontiis.

CXXXIV.

Ex Vocontiorum oris Hannibal in *Tricorios* veniebat, vt ex Liuiio supra cognouimus: quos & Strabo lib. i v pag. 140 *μετὰ Ουκοντίης*, post *Vocuntios* locauit. *Tricorios* Valesius oppidum *Vapincum* tribuit, id persuasus ex itinerariis sæpe laudatis, & itinere Hannibalis. Hoc enim ex Vocontiorum ora per *Tricorios* ad *Druentiam* tendebat, quo spatio Itinerarium vtrumque *Vapincum* ponit, vt dubitare non liceat, id oppidum fuisse *Tricorio-*

riorum. Priscis geographis ignotum aut prætermisum est, ut de ætate eius nihil certi constet. In prouinciarum Notitia est *Ciuitas Vappincensium*. Situs ex Itinerario utroque, Antonini, quod vocatur, & Burdigalensi; etiam ex Theodosiana Tabula perspicuus est, & conuenit cum oppido, quod nunc vocatur *Gap*.

CXXXV.

Inter hæc & Eburodunum Itineraria eadem *Caturigas* ponunt ab illo xvi, a Vapinco xii m. p. reductos, quæ haud dubie gentis *Caturigum*, qui *κατρίγες* Straboni sunt pag. 141, cum Veragris & Centronibus coniuncti, & *Caturiges* Cæsar's lib. i Gall. cap. x, ac Plinii lib. iii cap. xx: Ptolemæi lib. iii cap. i corrupto nomine *κατρίγιδες Caturigides*, in Graiis Alpibus, qui ipsis aliud oppidum *Εβορόδυνον Eburodunum* adsignat, quæ in Notitiis prouinciarum *Metropolis Eburodunum* est. Itinere Antonini a Mediolano Arelate, *Eburodunum*: in Peutingeriana *Eburunum*, forte compendio scripturæ pro *Eburodunum*, sicut in eiusdem temporis est Itinerario: in Notitia prouinciæ Maximæ Sequanorum *Castrum Ebredunense*. Nunc *Embrun*, situm in monte, cuius radices ab austro Druentia præterlabitur.

CXXXVI.

Caturigibus adiungunt a latere ex Alpinis cum Cæsar, tum Plinius dictis locis *Centrones*, qui Strabonis & Ptolemæi *Κέντρονες* sunt, quibus hic duo oppida attribuit *Forum Claudii*, & *Aximam*. Hæc in Theodosiana Tabula vitiose *Axuna* scribitur, & exiguus vicus superest, corruptum nomen conseruans *Esma* siue *Aime*: *Forum* autem *Claudii*, caput Centronum ab Romanis teste Ptolemæo vocatum, postea, ignotum quam ob causam, in Itinerariis dicitur *Darantasia*: in dicta Tabula x millibus ab Axima in occasum: in Antonini itinere ab Mediolano per Alpes Graias Viennam, sita est inter *Lemincum* & *Augustam Prætoriam*, sed propior Leminco. In Notitia prouinciæ Alpium Graiarum & Peninarum, *Ciuitas Centronum Darantasia*. Nunc *Moustier* seu *Môtier en Tarantaise*, vocatur.

CXXXVII.

His finitimi sunt *Veragri*, itidem Alpinus populus, quorum magnus vicus erat *Octodurus* siue *Octodorus*, ut Cæsar refert lib. iii Gall. cap. i, a quo gens illa, vel pars eius, *Octodurenses* apud Plinium lib. iii cap. xx nominantur. Vicus ille ex plurium sententia est Martiniacum, id est *Martigni*, siue ut nostri enuntiant, *Martinach*, in valle Pennina, quæ *Veragris* Cæsar's atque Plinii, postea aliud nomen dedit, ut *Vallenses* appellarentur. Notitia modo laudata *Ciuitas Vallensium Octodoro*. Vallis autem Pennina a fontibus Rhodani vsque ad eiusdem & Dransæ confluents, siue ad Octodurum pertinuit. Aethici vel Antonini itinere a Mediolano per Penninas Alpes Maguntiacum:

<i>Augustam Prætoriam</i>	—	—	—
<i>Summum Penninum</i>	M.	P.	XXV
<i>Octodurum</i>	M.	P.	XXV

inde

inde per ignobiles mansiones fertur *Auenticum Heluetiorum*. Ex vico ergo ciuitas facta, cuius episcopatus postea *Sedunos* translatus est, sed post veteres conscriptas Notitias. *Seduni* autem populus ad Rhodanum in iisdem vallibus ponuntur.

CXXXVIII.

Cæsar ineunte lib. III de B. Gallico : *Galbam in Nantuates, Veragros, Sedunosque misit, qui a finibus Allobrogum & lacu Lemano, & flumine Rhodano ad summas Alpes pertinent*. Plinius quoque in tropæo Alpinarum gentium, a Cæsare victarum, tamquam finitimos numerat *Nantuates, Sedunos, Veragros, Salassos*. Oppidum eorum a priscis, quod sciam, nusquam memoratum est. Prisca quidem inscriptione, quam Casaubonus ad Suetonii Aug. cap. LVIII correxit & suppleuit, CIVITAS SEDVNORVM est, verum Augusti æuo non ita oppidum, sed populus & societas significabatur. Medio æuo nomen gentis *Seduni* oppido adsumtum; post singulariter *Sedunum*; in Martyrologio Romano v kalend. Octobris, *Seduni in Gallia* [natalis] *S. Florentini martyris*: in aliis libris Valesio testante est: *in castro Seduno*. Nunc Gallis *Sion*, nostris *Sitten*. Ceterum *Nantuates* Cæsaris & Plinii, *Nantvāta* Strabonis, *Nantuani* Tabulæ Peutingerianæ, vbi inquiramus, incertum plane est, nisi exinde aliquid iudicauerimus, quod Cæsar lib. III cap. I cum Veragris & Sedunis coniungit: cap. VI inde in Allobroges proxime iuit: lib. IV cap. X cum Heluetiis componit. *Salassi* ad Italiam referendi. Ptolemæus quidem omnes Alpinas gentes ad Italiam trahit, etiam quasdam trans Varum sitas: sed de his omnes repugnant, a limite Vari non recedentes: de Veragris, Sedunis, Centronibus reclamatione Cæsar lib. III ineunte dicens, eos a finibus Allobrogum & Lemano lacu & flumine Rhodano ad summas Alpes [qui verus terminus est] *pertinere*, id est pertinere. Ergo in Galliæ finibus fuerunt.

CXXXIX.

Ad Isaræ & Rhodani confluentes *Segalauni*, vt Ptolemæus vocat lib. II cap. V, siue *Segouellauni*, inter Vocontios & Allobroges habitauerunt. Plinius lib. III cap. IV *Intus regio Vocontiorum & Segouellaunorum, mox Allobrogum*. Horum, Ptolemæo censente, fuit *Valentia*, * eaque colonia, quam multi in Cauaribus scripserunt, mala incisione verborum Plinii inducti. Sed Cauares longe remoti ab Isara Tricastinis & Vocontiis interiectis. Plinii lib. III cap. IV ita vulgo, etiam ab Harduino, editum: *In mediterraneo colonie: Arelatæ Sextanorum, Beterræ Septimanorum, Arausio Secundanorum*. In agro Cauarum *Valentia, Vienna Allobrogum*. Quin potius cum Valesio pag. 581 ita legamus: *Arausio Secundanorum in agro Cauarum, Valentia, Vienna Allobrogum*. Non est ergo quod Cauaribus tam longum aut multiplex territorium tribuamus, quum *Valentia*, non inuito Plinio, sit & maneat penes Segalaunos. Ex itinerario *Valentiam* supra vidimus, itinere Viennam a Mediolano, & quia nomen seruat, per se nota est, sita paullo infra confluentes Isaræ Rhodanique. In Notitia prouinciarum *Ciuitas Valentianorum* appellatur.

CXL

* Adde Sponii Voyage pag. 4. vbi *Valentiam* coloniam fuisse dicit.

CXL.

Atque ita quæ inter Druentiam sunt & Isaram, atque huic tractui in Alpinis adiacent, omnia exposuimus: supersunt ex Narbonensi prouincia, quæ Isara, Rhodano & lacu Lemano continentur. quem tractum *Allobroges*, gens nobilissima, possidebant. Nota sunt bella cum Allobrogibus ex iisque victoriæ & cognomina, apud Liuium epitoma LXI, Velleium lib. II cap. x, Florum lib. III cap. x. Laudat fidem eorum Cicero Catilinaria III: quam Horatius Epod. XVI incusat aliam ob rationem:

Nouisque rebus infidelis Allobrox.

Ptolemæus vocat *Ἀλλοβρόγες* per r, sed prauè, quia post tantum consensum Latinorum genuinæ scripturæ testes etiam marmora habemus. Gruter. pag. 225 DE GALLEIS ET ALLOBROGIB. & pag. 298 aliud, ob victoriam Ahenobarbi positum, DE ALLOBRO - - - Horum caput fuit *Vienna*, adfusa Rhodano. Cæsar lib. VII cap. IX *qua maximis potest itineribus Viennam peruenit*. Strabo lib. IV pag. 128 *Ὀυιέννα ἡ τῶν Ἀλλοβρόγων μητρόπολις, Vienna Allobrogum metropolis*. Laudant etiam Mela & Plinius, ille in opulentissimis vrbibus ponit, hic in coloniis *Viennam Allobrogum*: & Ptolemæus solam adscripsit Allobrogibus, saltem vt præcipuam & caput. Aufonius de Clar. Urb. in Arelate,

Accolit Alpinis opulenta Vienna colonis.

Studia litterarum coluit, vt etiam Romanorum poemata in pretio & deliciis haberet. Martialis lib. VII epigr. LXXXIII de suis:

Fertur habere meos, si vera est fama, libellos

Inter delicias, pulchra Vienna suas.

Nec minor laus eius æuo medio, quo ei, tamquam metropoli, integra prouincia contributa fuit, vt passim in Notitiis antiquis & apud Sextum Rufum est.

CXLI.

Alia vrbs Allobrogum fuit *Cularo* ad Isaram flumen. Plancus ad Ciceronem epist. XXIII extrema libri x, *Cularone ex finibus Allobrogum*. EX FINIBVS ait, quia ad dextram ripam Isaræ vrbs posita, quod flumen claudit Allobroges & a Vocontiis separat. Nominatur item in Tabula itineraria Peutingeri, & in Notitia Imperii (in prouincia Gallia Ripensi pag. 147) quæ *tribunum cohortis primæ Flauie Sapaudicæ, Cularonæ* stationem habuisse indicat. *Cularona* posteriori æuo, sicut ex Narbo, Narbona. Situm ostendunt duæ inscriptiones Diocletiano augusto & Cæsari Maximiano Galerio dicatæ, quæ Gratianopoli in porta & ad episcopium visuntur. Post principum enim titulos in vtraque legitur apud Gruterum pag. 167

MVRIS CVLARONENSIBVS CVM IN
TERIORIBVS AEDIFICIIS PROVIDENTIA
SVA INSTITVTIS ATQVE PERFECTIS

quæ dubitare non sinunt, *Cularonem* olim fuisse, quam Gratianus augustinus suo de nomine *Gratianopolim* iussit nominari. In quo doctissimi viri Sirmondus, Valesius & Scaliger consentiunt.

CXLII.

Quemadmodum vero Cularo in austrinis partibus extremus fuit Allobrogum, ita vltima illorum in parte borea vrbs *Geneua* erat, ad lacum Lemanium, vbi Rhodanum emittit, condita. Cæsar lib. i B. Gall. cap. vi *Extremum oppidum Allobrogum est, proximumque Heluetiorum finibus, Geneua: ex quo oppido pons ad Heluetios pertinet.* Mirum, vsque ad Itineraria & Theodosianam Tabulam, neminem fuisse geographorum, qui post Cæsarem oppidi huius habuerit rationem. Posteriores autem illi *Genaua*, *Genaua*, aut alia leui mutatione scripserunt, de qua in mediæ æui geographia forte plura proferentur. Sunt quoque in Antonini itinere, quod per Alpes Graias Viennam fert ex Italia, plura oppida inter Darantasiā & Viennam, sed ignobiliora omnia, quibus vix aliquis certum locum adiudicaverit. Medium ferme in iis est *Lemuncum*, quod quidem Chambery Sabaudia esse suspicantur, sed certo adfirmare non possunt.

S E C T I O IV

INSVLAE CIRCA GALLIAM.

CXLIII.

Insulæ circa Galliam in Oceano partim, partim in Mediterraneo mari sunt. In Aquitanico mari seu Oceano, ante ostium Garumnæ, aut in ipso ostio siue æstuario, est *Antros*, parua insula, a Mela descripta lib. i i cap. ii, *In eo, inquit, [Garumna cum mari iam commisto] est insula Antros nomine, quam pendere & attolli aquis incrementibus ideo incolæ existimant, quia quum videantur editiora queis obiacet; vbi se fluctus impleuit, illa operit, hæc, ut prius tantum ambitur.*

CXLIV.

Supra hanc Santonibus obiecta insula *Vliarus*, vt Plinius vocat lib. iv cap. xix extremo, quæ postea *Olarion* videtur dicta. Sidonius enim Apollinaris lib. viii epist. vi de Nammatii, cui scribit, venationibus dicit, *insediari lepusculis Olarionensibus*, vbi Ioannes Sauaro commentatur: *Olarion insula, conferta leporibus: vulgo Oleron.*

CXLV.

Quæ vltiores hinc septentrionem versus sunt, & circa Ligeris ostia a potentiore populo, qui haud dubie possedit, *Veneticae* appellatae sunt. Plinius dicto loco: *Insulae complures Venetorum, quæ & Veneticae appellantur: & in Aquitanico sinu Vliarus.* An eadem, aut pars illarum, etiam dictæ fuerint *Namneticae*, non equidem certum habeo dicere. Sunt qui ex Dionysii Periegesi vers. 570 probant, vbi mulieres *Amnitarum*, quos Namnetas putant præcisa littera, in paruis insulis, quæ Ἄγχι, iuxta Britannicas sint, Bachi sacra celebrasse feruntur. Propinquitatem Ἄγχι arguit, quam dubito Britannia respectu, in Aquitanico sinu reperiri.

CXLVI.

CXLVI.

Inter Galliam Britanniamque plures sunt, nec vero nominatæ a veteribus, quæ Lugdunensi parti obiacent, nisi quod auctor Itinerarii maritimi, quod cum Antoniniano coniunctum est, plures Oceani, Britanniam & Galliam interfluentis, vna serie, sed indistincte, nominat, ut nemo facile ex illius narratione discreuerit, quod huic nomen, quod illi nunc conueniat. Has autem post *Veclam*, quæ Britannix proxima est, enumerat: *Riduna, Sarmia, Cesarea, Barsa, Lisia, Andium, Sicdelis, Vxantifina, Vindilis, Siata, Arica*. E quibus plerique putant, nominis inducti similitudine, quæ nunc Garsey siue Iarsey est, veterem *Cesaream* esse: quæ vero Gransey, maior altera, esse *Sarniam* siue *Sarmiam*, quæ Aldina editione est *Armia*. Ceteras inuestigare, & prisca nomina componere recentioribus, supra notitiam nostram est, & ab illis expectandum, qui mare illud nauigauerunt, & obscuriorum insularum nomina & situm singulari cura & industria examinarunt.

CXLVII.

In mari mediterraneo Ptolemæus lib. II cap. x exponit insulas Agatham, Blasconem, Stœchades, Leronam. *Agatha*, inquit, κατὰ τὴν ὁμωνύμων πόλιν, iuxta cognominem urbem. At vero iam nulla insula vrbi Agathæ (nunc Agde) adiacet præter Blasconem, quæ vulgo dicitur Briscou. Valesius ergo suspicatur, Ptolemæum duas de vna insula fecisse, nominibus duobus deceptum, Celtico altero, quod Blasco sit; & altero Agatha, imposito a Massiliensibus. *Blasconis* situm male Plinius inter ostia Rhodani & Stœchadas, Masiliæ obuertas, adsignat. Verba Plinii sunt lib. III cap. v extremo: *In Rhodani ostio Metina: mox quæ Blascon vocatur: tres Stœchades a vicinis Massiliensibus dictæ propter ordinem*. At Blasco inter Pyrenæum & Rhodanum iacet sub vrbe Agatha, non inter Stœchades & illum amnem. Nunc *Blasco*, ut Valesius tradit, continenti adiuncta est, iniecta mari mole, & Agathensibus est pro portu.

CXLVIII.

De *Magalona*, quæ medio æuo cognominem urbem habuit, supra diximus. *Metina* in MSS. Plinii est *Metania*, vnde suspicatur Harduinus, nomen ex *Metapina* esse, ostio Rhodanico, in quo olim fuit. In Rhodani ostio fuit, ut Plinius modo dixit. Ergo alii amnicam *Camargue*, id est, Camarariam; alii maritimam l' *Anguillade*, ut Valesius obseruat, intelligunt.

CXLIX.

Stœchades πέντε τὸν ἀριθμὸν, quinque numero censet Ptolemæus, nec vero nominat: Strabo etiam quinque habet, tres autem memorabiles. Ait enim pag. 128 αἱ Στοιχάδες νῆσοι, τρεῖς μὲν ἀξιόλογοι, δύο δὲ μικραὶ, *Stœchades* insule, tres quidem memorabiles: duæ autem parvæ. Plinius illas memorabiles nominat, *Proten*, id est Primam ab Rhodano, nunc Porqueyroles: *Mesen*, siue Mediam hodie Portecroz; quæ & *Pomponiana* vocata fuerit: tertiam *Hypæam*, nunc l' isle du Levant, siue, du Titan, quæ maxima omnium in ortum vergit. Plinius addit: ab his *Sturium, Phœnice, Phila: Lero*

§ *Lerina aduersum Antipolim.* priores parum nobiles sunt, in iisque Strabonis duæ parvæ latent: *Lero* & *Lerina* nobiliores. Idem Strabo: μετὰ τὰς Στοιχάδας ἡ Πλανασία καὶ Λήρων, ἔχουσαι κατοικίαι, *Post Stæchades Planasia est § Lero, in quibus pagi sunt.* Eadem ergo *Planasia*, quæ Plinii *Lerina*. Mela lib. II cap. VII & has sub Stæchadibus comprehendit. *In Gallia*, inquit, *quas referre conueniat, solæ sunt Stæchades, ab ora Ligurum ad Massiliam usque dispersæ.* Sed præstat cum Strabone, Plinio & Ptolemæo distinguere. Hic vero, Ptolemæus puto, vnam tantum ponit, cui *Lerone* nomen sit. Ait scilicet ὑπὸ τὸ ὄναρον πεταμένῃ Ληρώνῃ, *sub Varo flumine Lerona.* Sed reuera duæ sunt, longitudinem communem habentes, non autem latitudinem, quia altera in septentrionem, altera in austrum tendit. Cum Plinio facit auctor maritimi Itinerarij, quod ita habet:

<i>A Nicia Antipolim</i>	M. P. XVI
<i>Ab Antipoli Lero & Larina insulæ</i>	M. P. XI
<i>A Lerone § Lerina Forum Iuli</i>	M. P. XXIV.

Coniungit Leronem & Lerinam, diuersas insulas, sub vno numero milliariorum, quia, vt dixi, eandem habent longitudinem. Bene etiam Plinius, *aduersum Antipolim*, cui oppido vicinæ sunt. *Lero* est superior, aquilonem spectans, propiorque Antipoli, quæ nunc vocatur de S. Margarita: *Lerina*, inde freto 10 c passuum diremta, in austrum vergit, Straboni *Planasia* a planitie ita dicta, quo Sidonius respexit Eucharistico ad Faustum Reiensem vers. 109

--- quantos illa insula plana
Miserit in cælum montes.

Loquitur autem de Lerina, quam vers. 105 *Lirinum* vocauit,
Seu te Lirinus priscum complexa parentem est.

Eadem quæ Sidonius, quasi verba ipsius sublegisset, Ennodius tradit Ticinensis episcopus Vita S. Epiphaniij pag. 385 ed. Sirmondi: *Medianas insulas Stæchadas, Lerum, ipsamque natricem summorum montium, planam Lerinum adiit.* Atque ita Lerum & Lerinam cum inter se, tum a Stæchadibus distinguit, & *Lerus* quidem eadem quæ Strabonis Λήρων, & Plinii *Lero*, nunc Sanctæ Margaritæ: *Lerina* autem siue *Lerinus* hodie nomen S. Honorati habet, qui celeberrimi quondam totius Galliæ monasterii in illa insula auctor fuit & conditor.

C A P V T III

DE

GALLIA BELGICA.

I.

Q Varta pars Galliarum est BELGICA, quæ inter Oceanum a septentrione, & fluuios Sequanam Matronamque ab occasu; ab ortu Rheno continetur. Ab austro non iidem semper limites fuerunt. Cæsar



far Heluetios & Sequanos Celticæ parti, quæ postea Lugdunensis dicta fuit, attribuit. Ait enim lib. i de Bello Gall. cap. i, Gallos (sic Celtas vocat) ab Aquitania Garumna flumen; a Belgis Matrona & Sequana diuidit. Ilorum omnium fortissimi sunt Belgæ, propterea quod a cultu atque humanitate Provincia longissime absunt, minimeque ad eos mercatores saepe commeant, atque ea quæ ad effeminandos animos pertinent, important. Proximi sunt Germani, qui trans Rhenum incolunt, quibus cum continenter bellum gerunt. qua de causa Heluetii quoque reliquos Gallos virtute præcedunt, quod fere quotidianis præliis cum Germanis contendunt, quum aut suis finibus eos prohibent, aut ipsi in eorum finibus bellum gerunt. Eorum una pars, quam Gallos obtinere dictum est, initium capit a flumine Rhodano: continetur Garumna flumine, Oceano, finibus Belgarum; attingit etiam a Sequanis & Heluetiis flumen Rhenum: vergit ad septentriones. Belgæ ab extremis Galliæ finibus oriuntur: pertinent ad inferiorem partem fluminis Rheni: spectant in septentriones & orientem solem. Ex quibus manifestum est, Sequanos Cæsari Heluetiosque a Belgis separari, tamquam adscriptos parti Celtarum, quæ media est inter Belgicam & Aquitaniam.

II.

Vt Augustus Cæsar autem nouam partitionem prouinciarum vbique fere instituit, qua etiam Aquitaniam ampliauit quatuordecim populis, Celticæ parti, cuius fuerant, detractis; ita etiam, vt æqualitas prouinciarum esset, Sequanos Heluetiosque, qui Celticæ adhuc contributi fuerant, ad Belgicam transcripsit, cuius mutationis satis fidos testes Plinium & Ptolemæum habemus, qui vtrumque populum, Sequanos & Heluetios, in Belgis enumerarunt, quod vtique ex Augusti diuisione necesse est habuisse. Vide Plinium lib. iv cap. xvii, vbi in Belgarum recensione ultimos ponit *Mediomatricos, Sequanos, Rauricos, Heluetios*. Ptolemæo quoque lib. ii cap. ix postremi in Belgica sunt *Heluetii* atque *Sequani*: postremi, inquam, quia ab altero limite Scaldi & Toxandris Plinius; Morinis Batauisque Ptolemæus initium enarrationis populorum instituerunt.

III.

Maior controuersia de Rheno inferiore est post diuortium eius fluminis. Quia enim in plures alueos diuisus in Oceanum exoneratur, quaestio eruditorum, aut dubitatio potius enata est, quisnam ex illis alueis sit limes inter Belgicam Germaniamque. Quod vt plenius intelligatur, de fluminibus Belgicæ aliquid præfari nos oportet, præsertim quum instituti ratio, in superioribus seruata, ita exigat, vt de fluminibus agamus ante, quam prouincias exponamus, quia hæ per illa tam inter se & partes suas, quam ab aliis prouinciis plerumque distinguuntur. Explicationi autem alueorum perquam commode de limite disceptatio adiungi potest, & facilius etiam intelligi.

IV.

Rhenus notissimus fluuiorum, ortus in Alpibus Lepontiorum, primum Rhætos Vindelicosque ab Heluetiis, deinde Germanos a ceteris

Gallis siue Belgis discludit. Primum singulorum verba, quorum aliqua auctoritas est, de Rheno proferemus. Cæsar lib. iv cap. x *Rhenus oritur ex Lepontiis, qui Alpes incolunt, & longo spatio per fines Nantuatum, Helvetiorum, Sequanorum, Mediomatricorum, Triboccorum, Treuirorum citatus fertur: & ubi Oceano adpropinquauit, in plures diffluit partes, multis ingentibusque insulis effectis, quarum pars magna a feris barbarisque nationibus incolitur: ex quibus sunt qui piscibus & ouis auium viuere existimantur; multisque capitibus in Oceanum influit.* Pomponius autem Mela lib. iii cap. ii ita de Rheno differit: *Rhenus ab Alpibus decidens, prope a capite duos lacus efficit, Venetum & Acronium. Mox diu solidus, & certo alueo lapsus, haud procul a mari huc & illuc dispergitur, sed ad sinistrum annis, etiam tum & donec effluat, Rhenus; ad dextram primo angustus & sui similis; post, ripis longe & late recedentibus, iam non annis, sed ingens lacus, ubi campos impleuit, Fleuo dicitur, eiusdemque nominis insulam amplexus, fit iterum arctior, iterumque fluuius emittitur.* Plinius extrema tantum huius fluminis persequutus, lib. iv cap. xv ita diuortia Rheni & comprehensas insulas describit: *In Rheno ipso prope centum m. passuum in longitudinem, nobilissima Batauorum insula & Cannenufatum: & alie Frisiorum, Chaucorum, Frisiabonum, Sturiorum, Marsaciorum, quæ sternuntur inter Helium ac Fleuum. Ita adpellantur ostia, in quæ effusus Rhenus ab septentrione in lacus, ab occidente in annem Mosam se spargit: medio inter hæc ore modicum nomini suo custodiens alueum.* Tandem Cornelius Tacitus lib. ii Annal. cap. vi de alueis Rheni & ostiis hæc refert: *Rhenus vno alueo continuus, aut modicas insulas circumueniens, apud principium agri Bataui velut in duos annes diuiditur, seruatque nomen, & violentiam cursus, qua Germaniam præuehitur, donec Oceano misceatur: ad Gallicam ripam latior & placidior adfluens. verso cognomento Vahalem accolæ dicunt: mox id quoque vocabulum mutat Mosa flumine, eiusque immenso ore eundem in Oceanum effunditur.*

V.

Ex quibus luculenter clarum est, tria Rheno ostia vindicare Plinium, occidentale siue *Helium*: septentrionale siue *Fleuum*; & inter hæc medium quod nomen *Rheni* custodiat. Consentit Ptolemæus itidem tria constituens, τὸ δυσμικὸν ὄμα, occidentale ostium: τὸ μέσον ὄμα τῆς ποταμῆς, medium annis ostium: & τὸ ἀνατολικὸν ὄμα, orientale ostium. Mela & Tacitus duos alueos memorant & totidem ora: ille sinistrum atque dextrum, hic latum ad Gallicam ripam, & alterum qua Germaniam præuehitur. Atque ita etiam Asinius Pollio apud Strabonem lib. iv, cuius verba post paulo producemus: & Virgiliua Aeneid. viii vers. 727

Extremique hominum Morini, Rhenusque bicornis.
quem Claudianus imitatur de bello Getico vers. 336

te Cimbrica Thetys

Diuisum bifido consumit, Rhene, meatu.

De Virgilio res certa est, quia loquitur vt suo tempore Rhenus erat, antequam Drusus, fossa in Salam ducta, adiecisset alueum nouum, qui per lacus

cus ad septentrionem versus in Oceanum ad Fleuum insulam deferret. Virgilium, ut principem poetarum, Claudianus imitatus est, aut cum Mela & Tacito medium flumen posthabuit. Hi enim perinde duos tantum, quos memorent, alueos dignos habent, quod tertius, qui medius est Plinii ac Ptolemæi, permodicus erat, aliorum Rheno fossa Drusiana deriuato. Veterem enim Plinius *modicum alueum* adpellauit. Vnde vero Iulio Cæsari, longe ante Drusiana tempora, sunt *plures partes*, in quas Rhenus, Oceano adpropinquans diffuat? unde *multa illa capita*, quibus influat in Oceanum? Plures, quam duos, maiores alueos Rheni, & nauigabiles, Iulii Cæsaris temporibus fuisse, credibile non est: ex illis autem riuos deductos natura sua, & elices, adeo non negandum esse putamus, ut aliter *multitudinem* Cæsaris non censeamus explicari posse, qui quidem nonnullis incertus de his oris videtur, quasi non vbique ad ostia ipse adfuisset: secundum alios autem vere scripsit, utpote versatus in locis illis, & qui Rheni fluentia perspecta oculis, & explorata, si quis alius, habuerit. Io. Isacius Pontanus de Rheni diuortiis Disceptat. III pag. 14 nobiscum sentit. Sane, inquit, *perquam simile vero videtur, Cæsarem, in ostiorum Rheni descriptione, & elices & lacus aliaque eiusmodi spectasse.* Confirmatur, quia Cæsaris æuo Asinius apud Strabonem lib. IV pag. 133 scripsit, Rhenum *δίστομον εἶναι, μενέσμενος τὰς πλείους λέγοντας*, duobus ostiis effluere, reprehendens eos, qui pluribus, dicant: in cuius sententia & Strabo acquiescit. Vtrumque maiora ostia intellexisse, quæ maiores alueos emittant; non est quod dubitemus. De singulis ostiis alueisque ut agamus, & dignitas rei, & varietas opinionum monet.

VI.

Rhenus, ubi agrum Batauorum attingit, in duos quasi amnes diuisus, alueum sinistrum in Galliam demisit; dextrum, ut limitem inter Batauos Germanosque ad Oceanum vsque continuaret. Sinister ille alueus nomen *Vahalis* antiquitus adsumsit. Cæsar dicto lib. IV cap. X *Mosa profluit ex monte Vogeso, qui est in finibus Lingonum, & parte quadam Rheni recepta, quæ appellatur Valis, insulam efficit Batauorum.* Sic Glareanus testatur in libris vetustis esse, in aliis *Vacalos*: Gryphius *Vualis* edidit, unde recentiores *Walis* in Cæsaris libro scripserunt, quasi W littera Latinis antiquis cognita fuisset. Tolerabilior hæc scriptura in Aurelianensi Theodulfo est, quam in Iulio Cæsare. Ille vero Parænesi ad Iudices vers. 103 scripsit:

Cui parent Walis, Rhodanus, Mosa, Rhennus, & Oenus.

Quod plures *Vacalos* habent, etiam metaphrastes *Βάναλος*; Ioachimus Camerarius existimat, veram scripturam Cæsaris *Vaalos* fuisse, cui vocabulo errore postmodum c vel k insertum fuerit: nisi forte, quod credibilius videtur, ille æque, ut Tacitus, *Vahalis* vel *Vahalos* scripsit (terminatio enim Romanorum additamentum est) ex quo sequiori tempore *Vachalos* factum, ut corrupte *michi* pro *mibi*; & tandem adspiratio eiecta, quum extrudi accessio aliena debuerit. Confirmant libri omnes Sidonii Apollinaris a Savarone, Sirmondo, Wowerio vulgati, quia constanter præferunt non *Vahalis*, ut Tacitus, sed *Vachalis*. Carm. XIII vers. 31

Detonsus Vachalim bibat Sicamber.

Et Narbone, siue Carm. x x i i i, vers. 244

Tu Tuncrum, & Vachalim, Visurgin, Albin,

Francorum & penitissimas paludes Intrares.

Sed præferenda Taciti scriptura *Vahalis*, quam & Paca-Panegyri. Theodos. cap. v seruauit. *Quæ Rhenus*, inquit, *aut Vahalis vidit.*

VII.

Quum vero Cæsar *Mosam* dicit, *recepta quadam Rheni parte, quæ Vahalis adpellatur, efficere insulam Batauorum*; id arguit & illis temporibus confluentem Mosæ & Rheni exstitisse, eumque longius paullo ab ostio communi in citeriora reductum, id quod est, quod contra Cluuerum Pontanus Diuiseptatione ix propugnat. Nec vero ita ille alueus, ex Rheno emissus, sibi proprio nomen *Vahalis* fecit, vt pristinum, quod ante diuortium habuit, nunquam sibi reuocatum vindicauerit. Pomponius enim Mela *Vahalim* amnem siue alueum aperte *Rhenum* appellat. *Ad sinistram*, inquit, *amnis* (qui *Vahalis* est Cæsaris atque Taciti) *etiam tum, & donec effluat, Rhenus; ad dextram* (dexter alueus, qui lacum facit) *Fleuo dicitur*. Qui secus sentiunt, eos oportet negare, Melam vsquam rationem *Vahalis* habuisse.

VIII.

Alter alueus, isque dexter, Pomponio ille est, qui post Cæsaris Iulii tempora, Druso Nerone auctore, ex dextro diuortii alveo, fossa ab Rheno ad Salam ducta, effectus est, atque per lacus in Oceanum egestus. Clare Pomponius Mela: *ad dextram primo angustus, & sui similis; post, ripis longe & late recedentibus, iam non amnis, sed ingens lacus, ubi campos impleuit, Fleuo dicitur: eiusdemque nominis insulam amplexus, fit iterum arctior, iterumque fluvius emittitur*. Medium igitur alueum, quem hic nouus exhausit, tamquam indigniorem videtur præterisse, duos maiores celebrioresque commemorasse contentus. Vt vero *Vahalim* Pomponius non proprio, sed veteri & natiuo nomine *Rhenum* adpellauit: ita vicissim alteram partem, quæ Pomponio *Fleuo* est, itidem *Rhenum* Cornelius Tacitus dixit, quum *seruare nomen, & violentiam cursus, qua Germaniam præuehitur, donec Oceano misceatur*, loco supra dicto adnotauit. De extimo enim alveo, qui ex fossa Drusiana in septentrionem fertur, ibidem Tacito sermonem esse, non de *modico* Plinii interiacente, vel sola *cursus violentia* euincere videtur, quæ nulla illius medii est, extremorum autem notissima. Quæ si ita sunt, & medius quoque alueus nomen *Rheni*, vt Plinius dixit, custodiuit olim, & hodieque conseruat; manifesto argumento est, Romanis singulos alueos, præter cognomen ta propria, ab accolis imposita, *Rheni* etiam nomine adpellauisse, licet aliquando etiam illis propriis denominationibus vsi, sinistrum *Vahalem*; dextrum latiore vel *Fleuum* vel *Salam*, sicut hodie *Isalam*, cum quo coniunctus est, adpellauerint.

IX.

De medio superest vt pauca adiiciamus. Is alueus, ante Drusi effosionem, olim genuinus, & dexter solus, ac par *Vahali* siue sinistro erat, nauigabilem

bilem aquam præter Traiectum & Lugdunum in Oceanum emittens. Rhe-
no autem per Drusi fossam & Fleum, siue Salam, in septentrionem effuso;
fieri non potuit, quin vetus alueus, postea dictus medius, exhauriretur,
adeo, vt ostio tandem & exitu priuaretur. Plinii autem ætate, etiam Pto-
lemæi, quamuis exiguus, tamen in mare effluebat. Ille enim supra de Rhe-
no dixit: *medio inter hæc ore modicum nomini suo custodiens alueum*. Vnde
credibile est, huic alueo nullum proprium aut singulare nomen, sicut cete-
ris erant, præter commune Rheni, fuisse. Dum μέσον στόμα. *medium ostium*
fluuii Rheni Ptolemæus dixit, suo æuo illum alueum nondum exitu destitu-
tum fuisse probauit. Præter hos duos, Ptolemæum atque Plinium, qui hu-
ius aluei, vt tertii, meminerit, non succurrit: vtique vero qui in bifida di-
uisione, vt Asinius & Virgilius, eius rationem habuerint, quum illorum æta-
te tertius alueus, a Druso factus, nondum exstiterit. Virgilius enim ante
defunctus vita fuit, quam Drusus in Germaniam & Rheni ripam ab Augusto
mitteretur: Asinius autem æqualis prope C. Cæsari fuit, & Tullio Ciceroni.

X.

Sic de medio Rheni alueo Io. Isacius Pontanus censet, sic etiam Hadria-
nus Iunius, qui Hist. Batav. cap. viii ait, Taciti æuo *habitum fuisse loco riui*
ex illo flumine deducti. Secus iudicat insignis geographus Philippus Clue-
rius, & qui hunc hodie non pauci insequuntur, in quibus etiam vir amplis-
simus est Menso Alting, Notitia Batauiæ, siue Descriptione Agri Batauini,
opere vt recentissimo, ita perquam etiam erudito. Hi & Melæ & Tacito
descriptionem medii aluei vindicatum eunt, de eo tam illius verba, *ad sini-*
strum amnis donec effluat; quam, quæ huius sunt, *seruat nomen & violentiam*
cursus, qua Germaniam præuehitur, interpretantes. Nec hi de sententia
sua verbo Plinii dimouentur, qui *modicum* illum medium Rheni alueum di-
xit, quia *modicus* non sit omnino exiguus, sed minus latus, quam qui ad Gal-
licam ripam adfluit, vt tamen cursus violentia conseruetur. Quod si est,
Pomponium Melam neglexisse Vahalem oportet, quod de illo, qui Cæsa-
rem sublegit, a quo nominatim is alueus descriptus est, non vtique prouum
ad fidem videtur. Idem de Tacito iudicium esto, qui tot nauigationes per
lacus & Drusi fossam, quæ Rheni pars nulli secunda est, descripsit, vt mirari
subeat, si nullam illius aluei rationem in partitione Rheni fluminis habuerit.
Qui secus de utroque sentiunt, & illum Vahalem, hunc Isalam posthabuisse
in Rheni dispensatione credunt, ex nomine ratione petita in eam senten-
tiam inducti videntur, quum id hodieque medii aluei sit, & de ambiguis Me-
læ ac Taciti referatur, quod ille *Rhenus sit donec effluat*; & hic *nomen seruet*
donec Oceano misceatur. Quod si vero admiseris, vtrumque alueum, Vaha-
lem & Isalam, præter proprium nomen, ab accolis forsan impositum, ab Ro-
manis etiam natiuo nomine illius fluminis significari, cuius aquam deuehe-
bant; aliter forte rationes, quam dispositæ erant, in hoc argumento pos-
sunt institui. Sane Tacitus Histor. lib. v cap. xxiii Vahalem alueum aper-
te *Rhenum* vocauit. *Spatium*, inquit, *velut æquoris electum, quo Mosæ flu-*
minis amnem Rhenus Oceano adfundit. Nec aliter de dextro alueo, qui per

lacus fertur, videtur sensisse annal. i v cap. LXXIII. *Exercitum*, inquit, *Rheno deuectum, Frisiis intulit*. Non enim tam superiori prouincia accitum exercitum intelligit, quam *utrumque exercitum*, vt diserte ait. Inferior autem ad Vetera, prope diuortium iam tum stationem habuerat. Clarior res est ex Melæ verbis, quæ supra proposuimus. Sed nostrum non est ipsorum Belgarum, & tanto ingenio virorum, Cluerei, Pontani & Iunii dissensiones ac controuersias diiudicare, quum vtraque pars rationibus haud poenitendis innitatur. Ex quibus, quam quisque velit, sequatur licet opinionem, dum nobis etiam in hanc vel illam propendere concessum sit. Ad fossam nunc, Drusi opus, explanandam progrediendum est.

XI.

De *Drusiana fossa* agunt Tacitus, Suetonius, & dubie Dio Cassius. Tacitus lib. ii Annal. cap. viii de Germanico, Drusi filio: *Iamque classis aduenerat, quum præmisso comœatu* [ex Gallia, per Mosæ os & Vahalem, vt Cluereus p. 564, haud dubie ex Taciti lib. v Hist. cap. xxiii sect. 3 suppl. vit] *& distributis in legiones ac socios nauibus, fossam, cui DRUSIANAE nomen, ingressus, precatusque Drusum patrem, vt se eadem ausum, libens placatusque exemplo ac memoria consiliorum atque operum iuuaret; lacus inde & Oceanum usque ad Amisiam flumen, secunda nauigatione peruehitur*. Dum per lacus duxit in Oceanum; simul etiam fossam ex Rheno indicauit, non aliam illam esse, quam quæ inter Rhenum & veterem Isalam est, fossa viii m. passuum: a qua tota illa nauigatio *per Rhenum* fieri dicebatur, vti vere etiam Rheni pars nauigabilis per eam & lacus in Oceanum effusa est. Idem annali iv cap. LXXIII *utrumque exercitum*, [non solum superioris prouinciæ; verum etiam inferioris, qui prope diuortium statiuā habuit] *Rheno deuectum, Frisiis intulit*. Et vt opus necessarium, saltem per commodum Germanicis bellis, esset firmum perpetuumque, sicuti est; illud aggere muniuit, qui an idem sit, quem, inchoatum a Druso, Paullinus Pompeius absoluit, apud Tacitum lib. xiii cap. Lii; incertum est. Aiunt Iunius, Tillemontius, Freinsheimius: negat, saltem dubitat, ad eum locum Lipsius, qui Paullini laborem mauult in ripam Gallicam referre ad diuortium Rheni, seu Vahalidis initium, vt *moles* sit, quam Ciuilis deiecit, lib. v Histor. cap. xix apud eundem.

XII.

Alter, qui auctoris nomen memorauit, est Suetonius principio Vitæ Claudii, cuius pater hic Drusus fuerat. *Is Drusus, inquit, in questuræ præturæque honore dux Rætici, deinde Germanici belli, Oceanum septentrionalem primus Romanorum ducum nauigauit, transque Rhenum fossas noui & immensi operis effecit, quæ nunc adhuc DRUSINAE vocantur*. Fossas, tamquam plures, vocat, multitudinis numero, non eam tantum respiciens, quam Tacitus vt vnā nominauit, breuiorem illam, sed latam, quæ inter Rhenum est & Isalam, a Doesburgo ad Isseloort, vt hodie loca adpellantur; neque enim hæc *immensi operis* fuit; verum etiam alias ultra illam, aut illius longiorem prorogationem, quia etiam antiquum Salæ alueum, qui modicus erat, vt caperet partem Rheni, in lacum & Oceanum usque ampliauit, quæ Cluerei est sen-

sententia: aut nouas iuxta eum fossas duxit, quod non desunt, qui veteris Salæ aluei vestigia seorsum inuenisse, separatimque ab Ifala, qui hodie est, videntur. Quem iterum honoris causa nominamus, Menso Altingius pag. 115. *Tanto studio Drusus Rhēni aquas per Salam effusas, ex lacu in Fleui alueum coegisse & collegisse videtur; ut vix amplius quidquam veteri Salæ reliquum remanserit. Hodie tamen, ingentem licet in maris sinum conuersus, non modo vetus ductus, sed ipsum quoque ostium, ni fallor, veteri iterum nomine cognoscitur, Tesselstroom & Tesselgat, id est, alueus & ostium annis Salæ.*

XIII.

Dixi supra, dubie Dionem pro Drusiana fossa adlegari. Id fit a Gru-tero pag. 564. Sed non tam fossa dubitatur, quam cuius Dio lacus faciat mentionem. Verba sunt ex lib. LIV pag. 544 de Druso: *ἐς δὲ τὸν Ωκεανὸν διὰ τῆς Ῥήνης καταπλέυτας, τὰς τε φρεσίς ἀκείωσάτο, καὶ ἐς τὴν Χαυκίδα διὰ τῆς λίμνης ἐμβαλὼν ἐκινδύνευσεν, Inde secundo Rheno in Oceanum deuectus, Frisios subegit, ac per paludem in Chaucorum fines profectus, in periculo fuit.* Dubium, inquam, quæ hæc λίμνη sit, Fleuo, an sinus ad Amisiam Stationem. Illud Gru-tero videtur; hoc non minus laudato viro, Mensoni Altingio p. 86. Interea id certum est, ex Rheno in Oceanum per fossam suam & Fleuonem deuectum Drusum esse, licet non omnino certum, per quem lacum ex Frisiis in Chaucos promouerit.

XIV.

Quod vero in huius cursus descriptione Tacitus plurali numero *lacus* nominat, vt lib. I annal. cap. LX *per lacus vexit*; & lib. II cap. VIII *lacus & Oceanum peruehitur*: quos & *æstuaria* dixit lib. XI cap. XVIII; id pluralitatem arguit, sed quam numero non possumus definire. Vis enim & inundatio Oceani regionis faciem mutauit, & in vnum lacum ingentem siue Austrinum mare, vt vocatur, lacus & paludes plures coegit & coniunxit. Mela tantum vnus meminit, sed *ingentis*, qui maximus illorum fuit, & ad quem fossa propius pertinuit.

XV.

Quid vero de *Lecca* alueo dicemus? vel par vel maior de illo, quam de ipsis ostiis Rhēni, est dissensio. Cornelius Aurelii lib. I Bataviæ pag. 94, & Hadrianus Iunius Histor. Batav. cap. VII ex annalibus Traiectinis referunt, circa Christianorum annum 1000 Batavos superiores, inundationibus vexatos, vt futuris periculis præcauerent, stillantem riuum tamquam ducem sequutos, obliquam illam fossam & aggeres, quibus Lecca nunc continetur, manu adparasse. Quantum fidei habendum sit huic historiæ, illi videant, quibus copia est illos chronicos libros inspiciendi, quos laudati viri adlegant, & qui eosdem cum aliis componunt monumentis. Alii certe clarissimi viri, non contenti narratione illa, manu quidem & industria factum Leccam esse non dubitant, sed antiquiorem ei originem arcessunt, quam ex Romanorum sæculo repetunt.

XVI.

Sed & hi in diuersas sententias abeunt. Abraham Ortelius, cui Io. Isaacius

cus Pontanus Disceptat. xiii consentit, de *Corbulonis fossa*, a Tacito & Dionis memorata, interpretatur: Philippus Cluverus, quem sequitur laudatus Menso Altingius p. no, de *Ciivilis abactione* fluminis Rheni, itidem a Tacito descripta. Operæ pretium est, utriusque verba, Taciti & Dionis, & de utroque opere referre, ut quisque libere, quam sequi velit sententiam, ex diuersis eligat atque diiudicet. Tacitus lib. xi cap. xx de Cn. Domitio Corbulone, Claudii Cæsaris in Inferiori Germania legato: *Vt miles otium exueret, inter Mosam Rhenumque trium & viginti millium spatio fossam produxit, qua incerta Oceani vetarentur.* Dio Cassius lib. lx pag. 68; de eodem: Πισευθῆς δὲ πάλιν τὸ σράτευμα, καὶ ἔδεν ἡτίον ἦσκε αὐτὸ, καὶ ἐπειδὴ γε εἰρήνου, διενάφρευσεν δι' αὐτῶν πᾶν τὸ μεταξὺ τῆ τε Ῥήνης καὶ τῆ Μόσχ, σάδεις ἐβδομήκοντα καὶ ἑκατὸν μάλιστα, ἵνα μὴ οἱ ποταμοὶ ἐν τῇ τῆ Ὠκεανῆ πλημμυρίδι ἀναρρέοντες πελαγίζωσι, hoc est: *Iterum præpositus exercitui, nihil minus illum in exercitio habuit: quumque pax esset, eorum opera fossam a Rheno ad Mosam perduxit, longam ad millia passuum xxi (sive stadia CLXX) ne ii fluvii, æstuante Oceano, refluentes stagnarent.* Ex quibus hæc certa sunt, primum pacis id opus fuisse, quo otium militi excuteretur: deinde Oceano æstuanti oppositum fuisse, utique maiori cum commodo, si & propinquum Oceano, & in transversum obductum fuit, quam si abesset longius, aut oblique fuisset actum. Quæ quum ita sint, uti esse nemo forsan dubitabit; probabilior sane illorum est opinio, qui Corbulonis fossam a Lugduno ad ostium Mosæ ducunt, quam qui in Leccæ alueo, non antiquissimo forsan, inquirunt. Quod si minus spatii inter ambo fluuios videtur esse, quam pro numero millenorum passuum, quos Tacitus designavit; sciendum est, numquam locorum naturam ita ferre, ut fossæ recto tramite vbique deprimatur, nec vsquam declinet ad latera. Si vero leniter illam fossam inflectamus, ad eum modum, quem Altingianæ nuper Tabulæ expresserunt; & spatio sui numeri passuum vel stadiorum, & ceteris rationibus, quas produxi, sua veritas constabit. In eius ergo doctissimi viri, auctoris tabularum, sententia & ductu fossæ perstamus & adquiescimus.

XVII.

Supereft Rheni *abactio*, illa, quæ *Claudium Ciuilem*, principem Bata-
vorum, aduersus Romanos res novas molientem, auctorem habebat, an
fortassis immissione illa fluminis, ut Cluero videtur, Lecca, nouus alueus,
natus fuerit. Taciti de molimento Civilis hæc verba lib. v Histor. cap. xix
sunt: *Non ausus oppidum Batavorum armis tueri raptis quæ ferri poterant,
ceteris iniecto igne in insulam concessit, gnarus deesse naues efficiendo ponti,
neque exercitum Romanum aliter transmissurum. quin & diruit molem a
Druso Germanico factam, Rhenumque prono alueo in Galliam ruentem, disie-
ctis quæ morabantur, effudit. Sic, velut ab actō amne, tenuis alueus insulam
inter Germanosque continentium terrarum speciem fecerat.* Id ergo abigen-
do amnem Ciuilis intendebat, ut Romanis hostibus difficiliorem accessum
auctu aquarum faceret, quibus naues ponti efficiendo deesse intelligebat:
Germanorum contra auxiliis perfacilem aditum pararet; suisque ad illos
tran-

transitum, si quid aduersi accidisset. Quod si vero Leccam ex medio Rheno emisisset, suis in insula damnum inundatione, non Romanis in Gallia, intulisset. Ait Tacitus, *prono alueo in Galliam effudisse Rhenum*, quod per Vahalem alueum efficiendum erat, qui Galliam ab insula terminabat. Qui vero alueus extenuatus est abacto amne? Cluero est medius Rhenus: Pontano septentrionalis, ex dextro ad Fleuum ostium deductus. Tacitus dicit, *insulam inter Germanosque illum fuisse*. Causa ergo ex limite inter Gallos Germanosque diiudicanda. In Cæsaris ævo erat medius Rhenus Traiectum & Lugdunum præterlabens: Rheno autem per fossam effuso, quod Drusi opus fuit, limes ad Fleuum, amnem & ostium, est prorogatus, quod etiam auctores qui post Drusi ætatem scripserunt, Plinium, Tacitum, Melam ita obseruasse, supra notatum fuit. Sed de hoc pluribus infra in Batavia.

XVIII.

Moles etiam inspicienda est, tam illa Drusi, quam diruit Ciuilis, quam altera, ab eodem Ciuili oblique ducta in Rheno, *cuius obiectu reuolutus amnis adiacentibus superfunderetur*, Tacito explicatore lib. v Hist. cap. xiv. Si Ciuilis Vahalem auxit, & per illum in Gallicam ripam effudit Rhenum; non alibi moles illa, quam ad diuortium, videtur quærenda, a Druso adstructa propterea, ne plurimum Rheni per Vahalem delaberetur, sed, quantum opus erat, de illo per fossam emitteretur, ut classis per eam exire in Oceanum, & inde redire in prouinciam posset. Quem commeatum ut Ciuilis impediret, abegit flumen, deiecta mole, quæ aquam dispensabat; exstructa noua, & oblique in Rhenum producta, qua illum omnem aut plurimum, tamquam obex, cogeret in Gallicam ripam sinistro alueo, qui Vahalidis est, deferri. Hoc visum nobis de vtraque mole narrare. Quibus vero Lecca alueus ex Ciuilis abactione est, aliter necesse est de vtraque mole, vel alterutra saltem, censeant, & inferius eam ad Leccæ emissionem ponant. Quibus Pontanus obuertit, novos alueos facere, non tam abactionis rem, sed fossionis esse præcipue: idque Romanorum opera, Drusi & Corbulonis fossas perdocere. Quum vero diuersis locis de illis molibus agat, cap. xiv de Ciuilis noua obliqua: cap. xix de diruta Drusiana; non ineptum erit eas & loco distinguere, ut ad Drusi fossam altera fuerit, altera ad diuortium Rheni & initium Vahalidis. Ad Lipsium ad Taciti lib. xiii cap. LIII. Victo Ciuile, & Batavia recepta; Rheni cursus ad illum modum reuocatus est, quem Drusus mole, fossis, aggere instituerat: nec dubitatur, quæ diruerat Ciuilis, illico reparata; & quæ posuerat ipse, destructa euerisque fuisse omnia.

XIX.

Tandem etiam de *Nabalia* Taciti, extremo libro v Historiarum, heic loci vel hac de causa agendum est, quia multi ad vnum ex Rheni alueis id ignotum ceteris flumen referri volunt. Lipsius, & alii, ex *Vahalidis* corruptum autumant. Sed præterquam quod expunctio violenta, pugnat id cum historia, quia Ciuilis trans Rhenum ex proelio concesserat: Romani age-

bant in insula Batauorum. Redeundum ergo ipsi ad Vahalem per medias legiones Romanas fuisset, quibus adeo non fidebat, ut, nisi in scisso ponte, interiecto flumine, cum Romano colloqui non auderet. Tacitus dicto loco: *Petito colloquio, scinditur Nabaliae fluminis pons. In cuius abrupta progressi duces, ac cetera.* Pontano *Naua* Superioris prouinciæ videtur intelligendus: sed hic nimis remotus a castris Romanorum in insula dicta. Iunius Hadrianus ad *Naualia*, Ptolemæi oppidum, suspicatur fuisse, atque ita ad Isalam. Sed quanta fides Ptolemæi in his oris sit, quem fugit? Nihilominus & Cluuerius, & Altingius, clari nominis viri, ad fossam Drusianam referunt, putantque historiæ hoc ordinem suadere. Iuuant sententiam etymologia, quasi *Nabalia* Celtica lingua sit *Nach-Wale*, id est posterior Vahalidis. Quæ opinio adhuc, ut probabilior, a plerisque recepta. Refellere facilius aliena possum: firmare adhuc ipse nihil.

XX.

Hæc de Rheno satis sint: de ceteris fluminibus breuiter, & primum de *Mosa*, æmulo Rheni, & partis interceptore. Cæsar de eo lib. iv cap. x *Mosa profluit ex monte Vogeso, qui est in finibus Lingonum, & parte quadam Rheni recepta, quæ adpellatur Valis (siue Vaalis) insulam efficit Batauorum, neque longius ab eo millibus passuum LXXX in Oceanum transit.* Et Tacitus Annali ii cap. vi *Ad Gallicam ripam Rhenus latior & placidior adfluens, verso cognomento Vahalem accolæ dicunt: mox id quoque vocabulum mutat Mosa flumine, eiusque immenso ore eundem in Oceanum effunditur.* Vterque ita sentire videtur, quasi Mosa excipiat Rhenum vel Vahalim, eiusque abolito nomine suum impertiat, & suo immenso ore in Oceanum effundat. Sed idem Tacitus de Rheno aliter loco alio, eumque, ut nobiliorem amnem, etiam post confluentem, & in ostio illo immenso præfert. Libro v enim Historiarum cap. xxiii de Ciuili nauali pugna: *Spatium velut æquoris electum, quo Mosæ fluminis amnem Rhenus Oceano adfundit.* Ex quo colligitur, ambigue Romanos de Mosa loquutos esse, nunc ferri ab Rheno, nunc Rhenum ab ipso deferri. De ostio Mosæ magno & patente diximus supra in Rheno, cuius partem Vahalem simul effundit: & id est, quod *Helium* Plinius nominauit, quam vocem *inferius* sonare, opinio quorundam est Batauorum. De confluyente itidem in Rheno supra diximus, quem qui negant olim fuisse citra ostium, nescio quo pacto verba Cæsar's lib. iv cap. x interpretari velint. Ait enim clare, *Mosa, parte quadam Rheni recepta, quæ adpellatur Vaalis, insulam efficit Batauorum;* quod sine confluyente non potest fieri. Nec demum in ostio efficitur insula, sed citra illud longiore tractu, ut cum Vahali australe insulæ latus claudat. Neque scriptura Cæsar's sollicitanda est, quam non tantum consensus librorum, verum etiam metaphrasis Græca confirmat. Quo posito, nequaquam ad Vahalem referri potest, quod Cæsar Mosæ adsignauit, *efficere insulam Batauorum*, licet Mosa per receptam Rheni partem, quæ Vahalidis est, non per se, illud efficiat.

XXI.

Tertius in Belgicæ maioribus fluminibus *Mosella* est, qui ortus in Vo-
geso monte, per Leucos, Mediomatricos, Treuerosque decurrens, inter
Vangiones Vbiosque se Rheno commiscet. Nomen a *Mosa* trahit *ἡ ποταμός*,
quasi parvus Mosa, cui post ortum propinquus, & velut æmulus illi-
us decurrit. Guilielmus Brito lib. x Philippid. vers. 385

*Millibus a Mosa distans, ubi Mosula paucis
Leucos & Metes speciosis irrigat undis.*

Nam etiam *Mosula* adpellatur, non modo a posterioris æui scriptoribus; ve-
rum etiam a Floro lib. iii cap. x. *Cæsar*, inquit, *infra Mosulam nauali ponte
transgreditur ipsum Rhenum*. Sic Vinetus vocem emendauit. nec est quod
Mosellam ex vno Palatino substituas, quum æque Latine & *Mosula* & *Mosel-
la* per modum deminutæ rei, vt in aliis exemplis, dicamus. Eius laudes sin-
gulari carmine Ausonius scripsit, quod in Idylliis eius est decimum. quo
post principium ita *Mosellam* adloquitur:

*Salve amnis laudate agris, laudate colonis,
Dignata imperio debent cui mœnia Belgæ:
Amnis odorifero iuga vitea consite Baccho,
Consite gramineas amnis viridissime ripas.
Nauiger, vt pelagus; deuexas pronus in undas,
Vt fluuius; vitreoque lacus imitate profundo.*

Venantius Fortunatus *Musella* dixit lib. vii carm. iv ad Gogonem vers. 7

Insuper viis Musellæ obambulat amnem,
vt puto, porrigendæ syllabæ causâ, quamuis sæpe negligentior idem eius le-
gis sit. Ausonius corripuit primam dicti carminis vers. 108

ne lata Mosellæ

Flumina tam celebri defraudarentur alumno.

Addo ex eodem idyllio, quæ laudes augent, a versu 374

*Quod si tibi, dia Mosella,
Smyrna suum vatem, vel Mantua clara dedisset;
Cederet Iliacis Simois memoratus in oris,
Nec præferre suos auderet Tiberis honores.*

XXII.

Quid Ptolemæus animo volutauerit, quum celebri nomine fluuium,
vt plerique interpretantur, *Obringam*, ὁ Ὀβρίγγα, lib. ii cap. ix adpellaue-
rit, diuinare non possum, præsertim quum ante ipsum Tacitus *Mosellam*
nominasset. Sed solemne ipsi est in Belgica, inusitatis fluuiorum nomini-
bus vti, vbi Scaldim *Tabudam*; Samaram *Pbrudin* vocauisse, ex situ & loco
manifestum videtur. Quamuis vero etiam doctissimus vir Hadrianus Va-
lesius p. 363 in ea sententia est, vt Ptolemæo *Mosellam* *Obringam* dictum
esse sibi persuadeat: tamen, quia Ptolemæus *Obringam* suum constituit li-
mitem vtriusque prouinciæ, Germaniæ Superioris & Inferioris, nec vero
Mosella is limes est; non desino cum Cluero dubitare, aut minorem flu-
uium, ignobilioremque circumspicere, quo vtraque prouincia, tamquam
com-

communi termino, diuisionis causa utatur. Sed de hoc infra, quum Germaniam Cisirhenanam explicabimus. Haud quoque tacendus est praclarus L. Veteris conatus, ut Mosellam fossa cum Arari coniungeret, de quo sic Tacitus lib. XIII cap. LIII *Vetus Mosellam atque Ararim, facia inter utrumque fossa, connectere parabat, ut copiae per mare, dein Rhodano & Arare subiectae, per eam fossam, mox fluuio Mosella in Rhenum; exin Oceanum decurrerent, sublatisque itinerum difficultatibus nauigabilia inter se occidentis septentrionisque litora fierent.* Egregium opus, & Romanis dignum, si perfectum fuisset! quod quo minus fieret, inuidia Aelii Gracilis, Belgicae legati, impediuit, quod idem Tacitus subnotauit. An etiam Caesar Mosellam memorauerit, dubium primus Cluuerus fecit lib. II Germ. Antiq. cap. XIV, Caesaris verba ex lib. IV cap. XV, *quum ad confluentem Mosae & Rheni peruenissent*, legens ita, ut in Mosae locum Mosellam inducendum esse contendat, sed inuitis libris omnibus. Caesaris locum, a violenta correctione seruatum, interpretatur Pontanus Disceptatione IX, qui consuli potest. Confluentes Mosellae & Rheni tam nobiles sunt, ut etiam urbi adpositae nomen impertiuerint.

XXIII.

Pergimus ad *Scaldis*, ut Caesar, Plinius, Antoninus, Fortunatus vocant: solius Ptolemæi, ut diximus, est ille amnis *Tabuda*. Oritur in Veromanduis, & per Neruios aliosque populos delapsus, quum Oceano adpropinquauit, in plures diffluit partes. Eius riuus, qui Bergam attingit, olim Mosae adiungebatur. Hinc est, quod apud Caesarem lib. VI cap. XXXIII legitur: *ipse cum reliquis tribus [legionibus] ad flumen Scaldis, quod influit in Mosam, ire constituit.* Cetera ostia in Oceanum ferebantur, sed incertum quo modo & ordine, quum vis Oceani, & casus, & ipsa natura in huius fluuii, etiam in Mosae & Rheni exitu, multum immutauerint. Plinius lib. IV cap. XVII *A Scalde ad Sequanam Belgica.* & mox: *A Scaldis incolunt externa Toxandri.* Et cap. XIII, *Toto hoc mari ad Scaldis usque fluuium Germanicae accolunt gentes.* Ex quo intelligitur, quare Scaldis finem Belgicae loco antea dicto constituerit, qui aliis, & ipsi non nunquam Plinio, sed alio respectu, Rhenus est. Venantius Fortunatus paullo ante nominato carmine IV libri VII ad Gogonem

Ifara, Sara, Chares, Schaldis, Saba, Somena, Sura.

XXIV.

Vltra Morinos, in Ambianis est *Samara*, cuius nomen separatim in antiquis monumentis, quae reliqua sunt, non exstat: utique vero in adposito oppidi nomine *Samarobriuae*, quod Caesaris & Ciceronis est. Ille lib. V de B. Gall. cap. XXIV *concilio Gallorum Samarobriuae peracto.* & cap. XLV *Crassum Samarobriuae praeficit*: hic lib. VII epist. XI ad Trebatium: *Vna mehercule collocutio nostra pluris erit, quam omnes Samarobriuae.* Quod nomen Pontem *Samarae*, ut Valesius interpretatur, significat. Oppidum postea *Ambiani* dictum, gentis nomine, nunc *Amiens*: fluuius autem medio aeuo *Somena* vel *Sommena*, ut modo ex Fortunati versu vidimus: vel *Sumina*, ut scripsit

scripsit Gregorius Turonensis lib. ii cap. ix extremo, *usque Suminam fluvium occupavit*. Ptolemæo *Phrudis* est: hodie *la Somme*, qui ex Ambianis in Oceanum defertur.

XXV.

Ex ora Oceani ad Mosam redimus, qui *Sabin* flumen recipit: is nunc *Sambre* est, fatis notus: Fortunato *Saba*, uti ex prædicto versu lib. vii carm. iv modo visum fuit. Antiquum autem nomen *Sabis* erat. Cæsar lib. i de Bello Gall. cap. xvi *inveniebat ex captivis, Sabin flumen ab castris suis non amplius millia passuum x abesse*. & cap. xviii *collis de summo æqualiter declivis ad flumen Sabin*. In altera ripa, sed inferius, Mosam *Ruram* accipit, a Tolpiaco, Marcoduro, Iuliaco delatum amnem, sed in vetustis historiis minus memoratum, nec prior, qui meminerit, ad manum est, quam Theodulfus Aurelianensis, cuius, Parænesi ad Iudices, hic versus est num. 105

Rura, Mosella, Liger, Vultur, Matrona, Ledus.

Esse vero ipsum amnem, quem descripsimus, etiam Valesius consentit.

XXVI.

In Mosellam vero memorabilior *Sarauus* influit, ut Ausonius in Mosella vers. 367 id nomen scripsit,

Nauiger undisona dudum me mole Sarauus

Tota veste vocat: longum qui distulit amnem,

Fessa sub Augustis ut vclueret ostia muris.

nam paullo supra Augustam Treuerorum in Mosellam se infundit. Hi sunt illi *Augusti Muri*, quos poeta dixit. Tabulæ Theodosianæ est *Ponte Sarau*, quod nomen præue in Itinere Antonini a Lugduno capite Germaniarum Argentoratum, scribitur *Saruix*, errore ex compendio scripturæ orto, quum utique *Sarau*, sicut in Tabula, hoc ordine legendum sit:

Noviomagum

Treueros

Diuodurum

Pontem Sarau

Argentoratum

— — —

M. P. XIII

M. P. XXXIII

M. P. XXIII

M. P. XXII

Vnde apparet, oppidum illud esse, quod nomen pontis in Sara hodieque servat, ut eo minus dubitemus, *Sarauum* fluvium esse qui hodie *Sara* siue *Saara* est. An vero *Sarau* nomen antiquissimum huius amnis fuerit, antiqua inscriptio apud Gruterum pag. 225 facit ut dubitemus, quæ ita habet:

CAES. PRO EXER. IMP. P. P.

S. C. AV. TREVE. INGR

ESSVM H. CASTRA SARRAE

FLV. PRO MIL. CVSTODIA

BIENN. POTITVS EST.

Hic fluvius *Sarra*, cum Augusta Treuerorum in hoc lapide coniunctus, non alius est, quam qui ceteris dictus est *Sarauus*, quod eo certius videtur, quia is hodieque *Saar* vocatur, & a Venantio Fortunato *Sara*, in supra ostenso

versu ex lib. v i i carm. i v ad Gigonem, quem propter amnem, qui insequitur,
& heic loci repetendum esse duximus,

Isara, Sara, Chares, Schaldis, Saba, Somena, Sura

XXVII.

Qui ergo in versu vltimus est fluuius *Sura*, nunc proximus erit vt explicetur. Is vero perinde vt *Sara*, sed in opposita ripa, ad vicum Aquæbelli- cum (*Wasserbillich*) octo millibus passuum supra Treuerorum Augustam, Mosellæ fluentis miscetur. Conuenit nomen, quod hodieque est *Saur*, Gallis le Sour. Laudatur etiam ab Aufonio in Mosella vers. 354

Pronæe Nemeseque adiuta meatu

Sura tuas properat non degener ire sub undas,

Sura interceptis tibi gratificata fluentis.

Minora ergo flumina, quæ in Suram exeunt, sunt *Pronæa* & *Nemesa*, quo- rum nomina parum mutata conseruantur, illius *Prum* vel *Pruym*; huius *Nyms*, quod flumen præter Schönckium, & Bidburgum, ac Villarium (*Vil- lers*) delapsum, ad Suram, cui ingerit se, deuoluitur ab septentrione.

XXVIII.

Et *Alisontiam* flumen Mosella excipit, eodem Aufonio auctore vers. 370. Post Sarauī enim descriptionem ait:

Nec minor hoc, tacitum qui per sola pingua labens

Stringit frugiferas felix Alisontia ripas.

Dissentiunt interpretes. Frehero est *Eltz*, apud vicum cognominem Mo- sella exceptum flumen. Sed paruitas fluuioli obstat, quum maiorem de- scribat Aufonius. Valesio videtur *Alsit* esse, amnis qui Luzzelburgum præterlabitur; sed hic in Suram, non in Mosellam proxime, infertur. At *Sura* exceptos fluuios iam ante poeta narrauerat: iam eostangens, qui in Mosellam infunduntur. Scaliger refert ad *Alf* vel *Alb*. Id autem nomi- nis Latine *Alba* potius, quam *Alisontia* esset. Adeo nihil definiri potest in re dubia.

XXIX.

In superiora Mosellæ recedamus ad Diuodurum & ultra, vbi cum lusu aduenientem *Salliam* vel *Saliam* exceptat. Oritur is amnis ex lacu Lin- drensi, Decem Pagis vicino, quod oppidum recens natus adluit: indeque per viginti millia prolapsus, Diuoduri, quæ Mettis est, post gyros & circum- ductiones se condit in Mosellam. Venantius Fortunatus lib. i i i carm. x i i ad Villicum, Metensem episcopum:

Hinc dextra de parte fluit, qua Salia fertur,

Flumine sed fluctus pauperiore trahit.

Hinc vbi perspicuis Mosellam cursibus intrat,

Alterius vires implet, & ipse perit.

Hoc Mettis fundata loco, speciosa, coruscans,

Piscibus obsessum gaudet vtrumque latus.

A sale

A *sale* putatur nomen habere, quod ipse Fortunatus lib. vii carm. iv docet, post fluuios ante enumeratos repetito versu, subiungens,

Seu qui Mettin adit de sale nomen habens.

Hodie *la Seille* nuncupatur. Hæc fere paullo maiora & nobiliora flumina, quæ in Mosellam inlabuntur: minora & obscura verbo attingemus. Cuius generis sunt quæ eodem idyllio Ausonius addit vers. 359 & sequentibus:

Te rapidus Gelbis, te marmore clarus Erubrus

Festinant famulis quam primum adlambere lymphis.

Et paucis interiectis versibus:

Prætereo exilem Lesuram, tenuemque Drachonum,

Nec fastiditos Salmonæ usurpo fluores.

Sunt plures, qui a sinistra Mosellæ, & sinistram eius ripam petunt, paullo infra Augustam, *Gelbis* scilicet, *Salmona*, & *Lesura*, nunc *Kyle*, *Salm* & *Lese-ra*: pars citra flumen sunt & dextram ripam accedunt, *Erubrus* siue *Erubris*, & *Drachon* siue *Drachonus*: qui nunc *Rouer* & *Dron* nuncupantur. Sunt omnes inter se vicini, nec longius absunt a metropoli.

XXX.

Tandem *Naua*, amnis nobilis, in Gallica ripa Rheno adfunditur, ad oppidum *Bingium*, quod nomen seruat, ix millibus passuum infra Magontiacum. Nec fluuii nomen deletum, sed vnius litteræ conuersione leuiter immutatum. *Nabe* enim & *Naba* nunc adpellatur. Primus qui mentionem eius cum ponte imposito & adiacente oppido fecit, est Tacitus Hist. lib. iv cap. Lxx. Tutor, inquit, Treueris comitantibus, vitato Magontiaco, *Bingium* concessit; fidens loco, quia pontem *Nauæ* fluminis abruperat. Ausonius etiam hinc idyllium Mosellam ita orditur:

Transferam celerem nebuloso lumine Nauam,

Addita miratus veteri noua mœnia vico.

Vicus ille, nouis mœnibus ornatus, interpretum consensu oppidum *Bingium* est. Oppidi nomen etiam Itinerarium Antonini habet & Tabula Theodosiana.

XXXI.

Quæ heic plures fluuii minores memorandi essent, in Rhenum, in Mosam, in Scaldim inruentes, quod nominati non sunt in antiquis monumentis, silentio prætermittuntur. In limite australi Belgicæ, qui Matrona est, addendus amnis *Axona*, nunc *Aisne* vel *Esne*, in extremis Rhemorum, vnde ad Augustam Sueffionum delatus, coniunctusque cum alio, cui *Esæ* nomen dicunt esse, in Sequanam se infundit. Cæsar Belli Civ. lib. ii cap. v *Flumen Axona*, quod est in extremis Rhemorum finibus. Et Ausonius Mosella vers. 461

Non tibi se Liger anteferet, non Axona præcep.

Hinc ortum versus in Heluetiis præcipuus amnis *Arola*, qui nomen, contractius tamen, retinet: quod vero non succurrit qui ex antiquis memora-
verit, nihil de eo, quod antiquæ geographiæ sit, referre ad explicandum

possumus, atque ita de fluminibus Belgicæ, quam instituimus tractationem, pro lege breuitatis nostræ ad alia adgressuri, finimus.

XXXII.

De montibus etiam & saltibus dicemus pauca. De Vogeso enim siue *Vosago*, qui in Belgicam excurrit, superiori capite actum fuit, quia initium sumit in prouincia alia. Eadem de Iura velimus obseruari. Sola ergo *Arduenna* est reliqua, nostræ propria prouinciæ tantæ longitudinis, vt nullus maior saltus in cunctis Galliis inueniatur. Cæsar lib. v cap. iiii *Indutiomarus* iis, qui per ætatem in armis esse non poterant, in siluam *Arduennam* abditis, quæ ingenti magnitudine per medios fines *Treuerorum* a flumine *Rheno* ad initium *Rhemorum* pertinet, bellum parare instituit. Et lib. vi cap. xxix idem Cæsar: ipse quum maturescere frumenta inciperent, ad bellum *Ambiorigis*, per *Arduennam* siluam, quæ est totius Gallie maxima, atque ab ripis *Rheni* finibusque *Treuerorum* ad *Neruios* pertinet, millibusque amplius 10 in longitudinem patet, L. *Minucium Basilum* cum omni equitatu præmittit. Nimia longitudo 10 m. passuum, ideoque doctissimis viris videtur L siue quinquaginta, quod in *Orosii* vetustis libris (nam recentiores ad Cæsaris lectionem vulgarem demutati sunt) & in *Miscella Historia* legitur, restituendum. Vide *Hadrianum Valesium* in *Arduenna*, & *Dionysium Vossium* in Cæsarem. At nec quinquaginta m. p. longitudo maxima siluarum videtur esse, quum non desint longiores, vt adeo vix certi aliquid definiiri possit, in siluis maxime, quæ cæduntur, interlucantur. Græcus metaphrastes hæc omnia ignorat, vt ex *Orosio* inserta suspicari possis, præsertim quod eandem rem Cæsar iam supra lib. v tradiderat, quamquam neque hæc verba, de quibus dubitatur, a genio & stilo Cæsaris abhorreant. Missa de numero passuum disceptatione, id certum nobis relinquitur, *Arduennam* ab *Rheno* *Treuerorum* ad *Scaldim* & *Neruios*; etiam inferius, ad *Rhemos* vsque pertinuisse, & præter hos, alias multas gentes complexam esse, saltem attigisse, in quibus *Condrusi* sunt & *Leodici* & *Namurci*, cum *Atrebatibus* & *Veromanduis*: cohesisseque cum *Vogaso* saltu. Vnde est quod *Fortunatus* quoque *Venantius* tamquam vicinos & coniunctos in sæpe dicto ad *Gogonem* i v carmine libri vii coniungat,

Ardennæ, an Vosagi, cerui, capræ, belicis, vrsi
Cæde sagittifera silua fragore tonat?

Tacitus quoque pluratiue, vt multos & continuos saltus, nuncupat lib. iiii *Annalium* cap. xlii *Aliud*, inquit, *vulgus obaratorum aut clientium arma cepit: petebantque saltus, quibus nomen Arduenna*. Atque hæc etiam de *Arduenna* præsignificasse satis sit: nunc ad populos Gallie Belgicæ enumerandos accedimus, initium ab illa ora facientes, qua Belgica *Lugdunensem* *Narbonensem*que contingit.

S E C T I O I
H E L V E T I I.

XXXIII.

Primi nobis in Belgicæ populis sint *Heluetii*, finitimi *Allobrogum* & *prouinciæ Romanæ*, clari virtute & studio bellorum. Cæsar lib. i Gall. B. cap. ii vocat *homines bellandi cupidos*, sed qui *pro gloria belli & fortitudinis angustos se fines habere arbitrati* sint. Fines autem illorum ita ibidem describit: *Vndique loci natura Heluetii continentur: una ex parte flumine Rheno latissimo atque altissimo, qui agrum Heluetium a Germanis diuidit: altera ex parte monte Iura altissimo, qui est inter Sequanos & Heluetios: tertia, lacu Lemano, & flumine Rhodano, qui prouinciam nostram ab Heluetiis diuidit.* Rheni igitur contenti flumine, ad Gallos pertinebant, diuisi a Germanis eodem amne: ideo *gens Gallica* a Tacito dicti lib. i Hist. cap. LXVII, & de Morib. Germ. cap. XXVIII: etiam a Cæsare, Strabone, Plinio, Ptolemæo pro Gallis habiti, olim pars Celticæ, post ab Augusto Cæsare in Belgicam transcripti, vt supra sub initium huius capituli tradidimus. Habuerunt quondam, vt idem Cæsar cap. v notauit, *oppida numero ad duodecim; vicos, ad quadringentos*, quibus omnibus incensis, quum nouas sedes quærerent, a Cæsare repulsi, & oppida reædificare coacti sunt.

XXXIV.

Illa, vt Cæsar eodem libro, cap. xii vocat, *Heluetia ciuitas*, id est societas atque natio, in quatuor *pagos*, hoc est *populos singulares* minoresque diuisa fuit. Itidem Cæsar dicto loco: *Omnis ciuitas Heluetia in quatuor pagos diuisa est.* Ex quibus ipse tantum duos nominauit, *Tigurinum & Vrbigenum*; ceterorum nomen & notitiam aliunde supplere satagemus. Dicto cap. xii Cæsar de Tigurinis: *Vbi per exploratores Cæsar certior factus est, tres iam copiarum partes Heluetios id flumen traduxisse, quartam vero partem circa flumen Ararim reliquam esse; de tertia vigilia cum legionibus tribus e castris profectus ad eam partem peruenit, quæ nondum flumen transierat: eos impeditos & inopinantes adgressus, magnam partem eorum concidit; reliqui se fugæ mandarunt, atque in proximas siluas abdiderunt.* Is pagus adpellabatur *TIGVRINVS*. De altero, quem nominatim memorat, eodem libro, cap. XXVII ita refert: *Dum ea conquiruntur & conquiruntur [obfides nempe & arma tradenda] nocte intermissa, circiter hominum millia vi eius pagi, qui VRBIGENVS adpellatur, siue timore perterriti, ne, armis traditis, supplicio adficerentur: siue spe salutis inducti, quod in tanta multitudine deditiorum suam fugam aut occultari, aut omnino ignorari posse existimarent; prima noctis vigilia ex castris Heluetiorum egressi, ad Rhenum finesque Germanorum contenderunt.* Ita legimus cum Philippo Cluuerio, quamquam non ignoramus, libros omnes Cæsaris *Verbigenus* exhibere, errore fane, vt videtur perantiquo, quia metaphrastes etiam Βερβιγίνη Ρυλὴ expressit. Quum vero in Antonini Itinerario oppidum *Vrba* eius regionis reperiatur, quod hodieque, & fluuius etiam præterlabens Orbe appelletur; non est quod du-

bitemus, *Vrbigenus* antiquum & genuinum nomen esse, quod, qui Cæsarem exscripserunt, in *Verbigenus*, Christianis non ignotum vocabulum, transformauerunt. Itinerarii Antoniniani rationes hæ sunt, itinere a Mediolano Argentoratum:

<i>Equestrim</i>	—	—	—
<i>Lacum Lausonium</i>	M.	P.	XX
<i>Vrbam</i>	M.	P.	XVIII

vnde situs *Vrbæ* non obscurus est; quem certiore facit superstes, vt diximus, oppidum *Orbe* in eo tractu, ad fluuiolum cognominem, id est *Orbe* positum. Quis ergo nunc *Verbigenus* Cæsari in animo fuisse credet, quum medio æuo & nostro oppidum cum fluuiio, *Vrba* vel *Orba*, tam manifestum sit?

XXXV.

Sic ergo duos pagos Heluetiorum nominatos habemus a Cæsare: reliquos duos Strabo nobis & scriptores belli Cimbrici manifestent. Strabo lib. iv pag. 127 de C. Mario, victore Cimbrorum sociorumque, qui Heluetii erant: *Ματσαλιώτας ἔδωκεν ἀριστεῖον κατὰ τὸν πρὸς Ἀμβρόνας καὶ Τωῦγενὲς πόλεμον*, *Massiliensibus premium dedit pro nauata in bello contra Ambrones & Tugenos opera.* Eutropius lib. v ineunte: *M. Manilius & Q. Cæpio a Cimbris & Teutonibus, & Tigurinis, & Ambronibus, quæ erant Germanorum & Gallorum gentes, victi sunt iuxta flumen Rhodanum.* Cimbri scilicet & Teutones Germanorum: Ambrones vero & Tigurini Gallorum. Plutarchus in Mario ex Cimbrorum & Teutonum sociis tantummodo *Ambrones* nominat, & sæpius nominat, vt pag. 414, 416, quod argumento est, illum pagum præ cæteris insignem, validum, & bellicosum in Heluetiis exstitisse. Epitome Liuii LXV sub initium Cimbrorum belli: *L. Cassius consul a Tigurinis Gallis, pago Heluetiorum, qui a ciuitate secesserant, in finibus Allobrogum, cum exercitu cæsus est.* Et Epitome LXVIII eiusdem: *C. Marius consul summam vi oppugnata a Teutonibus & Ambronibus castra defendit: duobus deinde præliis circa Aguas Sextias eos hostes deleuit.* Hæc de Ambronibus Heluetiis sententia vtique nobis firmior probabiliorque ob connexionem in laudatis historiis videtur, quam altera Reineri Reineccii, cui etiam illustrissimus auctor Paderbornensium Monumentorum subscripsit; qui *Ambrones*, Cimbrorum in Romano bello socios, a Westphaliæ fluuiio *Emmer* deducunt, quam *Ambra* putant Latinis fuisse, qua opinione auctoribus suis relicta, in veteri & pluribus recepta sententia manemus. *Ambronicus* ergo pagus a Strabone, Liuiio, Plutarcho & Eutropio in illo bello laudatus, ad quatuor illos Heluetiorum pagos vtique, vt validus & bellicosus, referri debet, quibus si *Tougenos* siue *Tugenos* Strabonis adnumeramus, * quos ille cum Ambronibus in eadem causa coniunxit; habemus quatuor a Cæsare distributos Heluetiorum pagos siue populos, *Tigurinum, Vrbigenum, Ambronicum, & Tugenum.* Horum inter se fines atque terminos quod nemo designauit, Cluuerii coniecturam ** in enarratione vt plurimum insequemur. Id vero prænotandum est, Hel-

vetio-

* Sed quo iure & quatenus id fieri debeat, infra ad Tugenorum pagi explanationem docebimus.

** Sed ego eadem in re malim Guillimanni auctoritatem fere sequi, scriptoris probatissimi.

vetiorum quondam agrum non iisdem vbique limitibus contentum, * quibus hodie Suizerorum regiones terminantur: quum *Rauraci*, ad Rhenum populus, seiuncti olim essent ab Heluetiis; contra accesserint Urbigenis fortasse ad Iuram montem, quæ extra foederatam sunt horum temporum Rempublicam.

PAGVS VRBIGENVS.
XXXVI.

Proximi prouinciæ Romanæ VRBIGENI erant, ab *Urba* oppido, quod ex Itinerario ostendimus, nominati, haud dubie antiquiore ceteris, aut maiori etiam potentia, quam vero postmodum amisit, quum splendidius valentiusque factum esset *Auenticum*, vsque adeo, vt non pagi tantum Urbigeni, verum etiam totius ciuitatis Heluetiæ caput censeretur. Tacitus lib. I Histor. cap. LXVIII de Cæcina, Vitellii duce: *Quum direptis omnibus Auenticum, gentis caput, iusto agmine peteretur, missi qui dederent ciuitatem; & deductio accepta.* Nec est quod caput vnius pagi intelligas. nam citra diuisionem Tacitus ibidem vniuersos Heluetios commemorat. *Plus prædæ*, inquit, cap. LXVII, *ac sanguinis Cæcina hausit. Irritauerant turbidum ingenium Helvetii, Gallica gens, olim armis virisque, mox memoria nominis clara, de cæde Galbæ ignari, & Vitellii imperium abnuentes.* Hos ergo Heluetios intelligit, & horum caput Auenticum esse dicit, qui Marii & Cæsaris temporibus tam clade quam pugnis memoriam nominis consequuti erant, qui non tam Urbigeni, quam Ambrones, quam Tugeni, quam Tigurini etiam fuerunt. Dignitatem illam Auenticum ab Romanis accepit, qui cum aliis ornamentis, tum colonia auxerunt. Flauiorum sæculo id Fredegarius imputauit, quasi Vespasianus, Germanis rebellibus superatis, reparari iusserit, & inchoatum splendorem reliquerit filiis perficiendum. Quo auctore id tradiderit, non liquidum est: nec vero de tempore dubitamus, quia Traiani æuo coloniam fuisse in inscriptione probatur, apud Gruterum pag. 427, quam Caio Lælio imperatorum Neruæ & Traiani legato posuit,

COLONIA PIA FLAVIA CONSTANS EMERITA
AVENTICVM HELVETIORVM FOEDERATA.

Cognomen *Flauia* non finit nos de tempore dubitare. Nec nummus Domitiani aduersatur, inscriptus, vt Valesius refert, COLONIA IVLIA AVANTICORVM, quum possit etiam in gratiam *Iulia*, fratris Titi filia, quam amavit

* Legendus ad hanc rem etiam Cluuerius in German. Antiq. II. cap. 4, qui tamen Cæsaris verba lib. I. Bell. Gall. c. 2. f. 5. & f. 3. minus recte interpretatur. Nam quum Cæsar ait: *Heluetii vna ex parte flumine Rheno latissimo atque altissimo, qui agrum Heluetium a Germanis diuidit, continentur*: Cluuerius Rheni etiam eam partem, qua Vindelici & Ræti ab Heluetiis distinguuntur, intelligit. Id quod Cæsaris menti prorsus repugnat. nam Vindelici & Ræti non pertinebant ad Germaniam istis temporibus, vt Cluuerius ipse nouit. Verum Heluetii tum ad Aenum vsque pertingebant vltra Rhenum. Id quod ex Taciti German. c. 28. f. 1. clarum est. Igitur, inquit, *inter Hercyniam siluam Rhenumque & Aenum amnes Heluetii, vltiora Boii, Gallica vtraque gens, tenuere.* Boiorum vero pars quædam intra Isarum & Aenum & Danubium incolebat, quæ Cæsaris ætate in Noricum transierat, sed ab Heluetiis nouas sedes quaesitis in societatem migrationis adsciscebatur. Vid. Strabo Geogr. V. pag. 325, 326. Cæsar B. G. I. c. 5. f. 4. Hæc quæ dixi, copiosius probavi & luculentius demonstraui in libello, cui nomen est *noua designatio veteris Heluetiæ finium longius, quam vulgo fieri solent, protrahendorum.*

vit Domitianus, id cognomen esse additum. Vide Suetonium cap. xvii & xxii. *Auanticorum* autem, vocali prima scriptum nomen, minus habet, quod deuocare nos ab hac opinione possit, quum & Ptolemæus *Αὐάντικον* scripserit; & forsan vtrumque receptum fuit, vsitatus tamen per e vocalem secundam, qua etiam in alia inscriptione pag. 110 num. 3 expressum est *INCOLAE AVENTICENS*. qui curator coloniae *TABVLAM ARG. POSVER.* quod opes & splendorem illorum potest comprobare. Male vero in Sequanis Ptolemæus hanc urbem posuit, & vtique maior nobis est Tacitus, qui Heluetiis adscripsit ita, vt caput etiam gentis esset. Quod vetera Itineraria confirmant, Antonini, itinere a Mediolano Magontiacum; & Tabulae Peutingerianæ. vtroque enim *Auenticum Heluetiorum* * adpellatur; & quidem eo situ ac ordine, vt non possit extra Heluetiorum fines esse. ** Testatur & ipsum nomen, quod Galli nostri ei loco conseruarunt, *Avenches*, in quo prisci nominis non obscura insunt vestigia. Amisit splendorem Germanorum irruptione, Gallieno imperium deferente. Vnde est, quod Ammianus lib. xv cap. xxvii *Auenticum, desertam ciuitatem, dixit, sed non ignobilem quondam, vt ædificia semirutata nunc quoque demonstrant.* Illud *QVONDAM* longius tempus respicit, quam vastationes erant, quas Iulianus cæsar sub augusto Constantio; aut Constantius, pater Constantini, necdum augustus, sub Diocletiano & Herculio, vltus fuit. Hodie a nostratibus vocatur *Wiflisburg*, quasi Wiuilonis burgus, quia is comes fertur post diuturnas ruinas restaurasse.

XXXVII.

Alia vrbs huius pagi ad lacum Lemanium antiqua & nobilis fuit *Colonia Equestris*. Plinius lib. iv cap. xvi de Belgica post alios populos: *Mediomatrici, Sequani, Raurici, Heluetii. Coloniae, Equestris, & Rauriaca.* Tabula Theodosiana, Peutingeri vulgo dicta,

Condate, Gennaua xii. Colonia Equestris xii.

Antonini Itinerarium, itinere a Mediolano Argentoratum:

Darantasia

Casuariam

M. P. XXIIII

Bautas

M. P. XVIII

Genauam

M. P. XXV

Equestrim

M. P. XVII

Lacum Lausonium

M. P. XX

Vrbam

M. P. XVIII.

Inscriptio vetus, in Genèuatis agri pago Verfoy reperta, apud Gruterum p. 478 num. 3

D. VALERIO ASIATICI LIBERT
SISSI IIIII VIRO COL. EQ.

Hæc

* *Auenticum Heluetiorum olim Forum Tiberii* vocatum fuisse contendit Autor libelli Amstelodami 1709. editi, qui dicitur *la decouuerte entiere de la ville d'Antre en Franche Comté*, vbi simul *Auenticum Sequanorum* ad Antrensem lacum situm fuisse demonstrat. Vid. Acta Erud. Lipsi. Ann. 1710. pag. 268

** Adde heic Marq. Wildium libro *Apologie pour la vieille cité d'Avenche*, quo per inscriptiones quoque circa *Auenticum* repertas res eadem confirmatur.

Hæc sunt antiqua monimenta quæ Coloniam Equestrem Heluetiorum nominatim significant. Opus videtur Iulii Cæsaris esse qui equites ibi deposuerat limitaneos. Et ad hanc coloniam referuntur a doctissimis viris poetæ Lucani verba lib. I Pharſal. vers. 394 de Cæsare:

*Sparsas per Gallica rura cohortes
Euocat, & Romam motis petit vndique signis.
Deseruere cauo tentoria fixa Lemano.*

Quod si enim ductum Itinerarii sequimur, inter Geneuam & Lausonam *Equestris colonia* sita fuit, XII millibus passuum a Geneua secundum Theodosianam Tabulam, ex qua Itinerarii numerus XVII corrigendus est, induto, quinarium signo. Iam vero quatuor leucis siue XII millibus passuum a Geneua abest oppidum *Nyon*, positum in cauo Lemano, ut Lucanus dixit, hoc est in sinu & angulo lacus. Confirmat Notitia prouinciarum & ciuitatum Galliae, cuius in Maxima Sequanorum est *Ciuitas Equestrium Noiodunum*. Antiquum ergo nomen fuit *Noiodunum*, quod postea, coloniae nomine ac memoria sensim obsolescente, reductum, & linguae fato in breuiorem formam deprauatum fuit, ut fieret *Nion* siue *Nyon*. * Ptolemæo *Εἰς Σεβαστὴν* in Sequanis est, quod non miramur, quum eodem errore Auenticum etiam Sequanis, a quibus longius abest, adscripsisset.

XXXVIII.

Qui vero in Antonini itinerario est *Lacus Lausoni*; & in Tabula Peutingeri *Lacus Losanne*; ipsa vrbs *Lausanna* est, a lacu, cui adiacet, nominata, XIII millibus secundum Tabulam ab Equestri distans colonia; secundum Antoninum, XX, quarum alter numerus ex altero corrigendus est. Reliqua oppida pagi Urbigeni ex Tabula & Itinerario conspiciuntur. Huius auctori proxime ad Auenticum ab austro *Minnidunum* est, in Tabula compendio scripturæ *Minodum*; quod videtur esse *Milden*, Gallis *Mouldon*, medio loco inter lacum & Auenticum situm oppidum: inter idem Auenticum & Salodurum ponit *Penesticam*, quæ *Petenisca* in Tabula est, cui ex Cluuerii opinione respondet oppidum *Biel*: eiusdem Tabulae *Eburodunum* & situ & nomine cum *Yuerdon*, quod in ora australi lacus Neocomensis est, conuenire non dubitamus. In Notitia ciuitatum prouinciæ Maximæ Sequanorum est *Castrum Ebredunense*, quod idem est.

PAGVS AMBRONICVS.

XXXIX.

Supra Urbigenum pagus est *Ambronicus*, cui Cluuerius duo oppida assignat, *Salodurum* & *Vindonissam*, quorum prius quam antiquum sit, incertum est, quia antiquiorem eius memoriam, quam in Theodosiana Tabula, & Itinerario eiusdem forte ætatis, quod Antonini vulgo adpellatur. In eo enim hoc ordine collocatum est, ut iter ab *Auentico Peteniscam*, quam diximus *Biel* videri, ferat; inde *Salodurum*; ab hoc *Augustam Rauracorum* spatium XXII M. P. deducat. Quum ergo nomen vrbs non ignobilis ad Arolam,

Ff

* Autor libri Gallici *La decouverte de la ville Antre* sedem ciuitatis *Equestrium* haud procul Polinio quærit, nequaquam ad lacum Lemanium. Vid. etiam Acta Erud. Lips. A. 1710. pag. 270.

lam, *Solothurn* nempe, siue vt Galli vocant, *Soleurre*, supersit, non est quod plura verba de *Saloduro* veterum faciamus, quia sic deprehensum in *Soleurre* est, vt dubitare de situ non liceat.

XL.

Oppidum alterum, *Vindonissa*, certioris est antiquitatis, vtpote etiam a Tacito memoratum lib. i v Hist. cap. Lxi. *Iliberna*, inquit, *subuersa crema- taque*, iis tantum relictis, quæ *Magontiaci* ac *Vindonissæ* sita sunt. Et cap. Lxx, Tutor maturauit superiorem Germaniæ ripam & ardua Alpium præsidis claudere. Atque interim vna & vicesima legio *Vindonissæ*; *Sextilius Felix* cum auxiliariis cohortibus per *Rhetiam* irrupere. Situm ostendit Itinerarium Antonini & Tabula Theodosiana. Illud itinere de Pannoniis in Gallias per mediterranea:

<i>Brigantiam</i>	—	—	—
<i>Arborem Felicem</i>	M.	P.	XX
<i>Ad Fines</i>	M.	P.	XX
*		*	

<i>Vindonissam Leg.</i>	M.	P.	XXX
-------------------------	----	----	-----

Quod deest suppletur ex sequenti itinere a Tauruno per ripam, ita

<i>Fines</i>	—	—	—
<i>Vitudorum</i>	M.	P.	XXII Leg.
<i>Vindonissam</i>	M.	P.	XXIII Leg.

Ex quo adparet, etiam nomine consonante, nunc vicum Bernatium *Wündisch* esse, quæ olim fuit *Vindonissa*. In Notitia Galliæ ciuitatum *Castrum Vindonissense* est in Maxima Sequanorum: & *Campi Vindoni*, in Eumenii Panegyrico, Constantino dicto, cap. i v & vi, in quibus pater Constantius *bella plurima* aduersus Germanos gesserat. Quod autem in Tabula interponebatur *Vitudorum*, de eo in Tigurino pago videbimus. Inter *Salodurum* & *Vindonissam* trans *Arolam* fluuium *Iura* mons procurrit, cuius pars asperissima nunc *Bözen* vel *Bözberg*, quod nomen sonat, videtur *mons Vocetius* esse, in quem victi & dispersi a Cæcina Heluetii refugerunt. Tacitus lib. i Hist. cap. LXVIII *Ipsi in medio vagi, abiectis armis, magna pars saucii aut palantes, in montem Vocetium perfugere.*

PAGVS TIGVRINVS

XLI.

Tigurinus pagus a *Tiguro* nominatur, quod oppidum nemo veterum scriptorum memorauit: haud vero dubie e duodecim fuit, quæ migraturi in interiorem Galliam, vt apud Cæsarem lib. i cap. v est, ipsi Heluetii exusserunt. Quod pronius ad fidem fit, quia vrbs nobilis eius nominis *Zürch* hodieque superest, quod ipsum *Tigurum* cum Germanorum præpositione *zu* est, * sicut cum eadem vocula ex Taberna fit *Zabern*; ex Tolbiaco, *Zülpich*. Ptolemæi in hoc tractu est *Φόρος Τιβερίας*, *Forum Tiberii*, quod vi nominis suadente

* Equidem non putem præpositionem *zu* appositam esse, sed permutationem litterarum præoptem. Nam *s* & *z* Germanorum Romani verterunt in *t*. Sic Germanorum *Hessen* in *Cattos*, *Messer* in *Matara* commutare solebant.

dente est oppidum Rheno adpositum *Keyserstul*, quasi tribunal Tiberii, quod, quum imperator in Rhætorum bello esset, ibidem videtur habuisse.

XLII.

Huius pagi etiam sunt, quæ Antonini Itinerario supra dictis itineribus inter Brigantiam & Vindonissam ponuntur, *Arbor Felix*, & *Ad Fines*. Vtriusque non obscura vestigia in oppidis, quæ nomen corrupte conseruant, videntur. licet illius in *Arbon*, quod lacui Brigantino est adpositum: huius in *Pfin*, quod supra flumen est Durum. *Vitudorum* autem eiusdem itineris, inter *Fines* & Vindonissam, in illum locum incidit, quo hodie est oppidum *Win-terthür*, quasi Vintodurum aut Vinterdurum Romani olim pronuntiauerint. Etiam in hunc tractum cadit *Γανόδερον*, *Ganodurum* Ptolemæi, de quo nihil certi constat. Plures autumant in loco Constantiæ fuisse ad lacum: Cluuerio videtur nomen ex *Σαλόδερον*, *Salodurum*, corruptum: sed numeri Ptolemaici ab illo longius in ortum solis nos reducunt. *Constantia* vero, quia in altera ripa effluentis lacus est, ad Germaniam potius, quam Galliam aut Heluetiorum ciuitatem pertinuit, idcirco in subscriptionibus episcoporum quondam dicta *Constantia Alemanica*. Vide Valesii Notitiam.

PAGVS TVGENVS.

XLIII.

Tugenorum nomen a Strabone est, qui *Τωϋγενες* vocauit, vt supra commemorauimus. Nomen ab oppido habuisse non dubitamus, quod *Tugum* fuisse vel *Tugium*, probabile ex analogia est: etiam celebri oppido nostra ætate *Zug* respondere, quia quæ urbium nomina Romanis ex *τ* incipiebant, Germani adposito *zu*, pronuntiauerunt, vt supra in Tiguro ostensum fuit. Nusquam sic oppidi nomen in antiquis monumentis occurrit: nec vero novum censemus esse, quum *Tugenorum* * nomen sit satis antiquum, quamuis nec alium auctorem illius, quam Strabonem, possimus nominare.

XLIV.

Præterea huc Cluuerius locum Taciti refert, in modum municipii exornatum, & salubrium aquarum vsu frequentatum, lib. I Hist. cap. LXVII, *Cecina*, inquit, *belli avidus, proximam quamque culpam, antequam paniteret, ultumibat. mota propere castra: vastati agri: direptus, longa pace in modum municipii exstructus locus, amœno salubrium aquarum vsu frequens*. Sic locum plane Tacitus describit, etiamsi nomine abstinet. Quod vero is intra

Ff 2

fines

* Hi *Tugeni* illi ipsi esse videntur, qui *Ambrones* vocantur. Nam Liuius Epitom. LXVIII. modo *Teutonos* & *Ambrones* nominat eos, qui Marii castra oppugnarant. Orosius libro V. c. 16. *Teutones*, *Cimbros* & *Tigurinos* & *Ambrones* appellat, qui hoc idem facerent. Idem paullo post ita ait: *Hec de Tigurinis & Ambronibus gesta sunt. Teutones autem & Cimbri integris copiis alpium niues emensi Italiæ plana peruaserunt*. Ergo Cimbri & Teutoni eiusdem, hoc est, Germanicæ, Tigurini & Ambrones itidem eiusdem, hoc est, Gallicæ gentis fuerunt. Marius igitur, quum Masiliensibus præmium fortitudinis tribuisse dicitur a Strabone lib. IV. pag. 279. ob præclaram operam aduersus *Ambrones* & *Tugenos* nauatam, *Tigurinos* intellexit, non *Tugenos*. Ergo Strabonis ille locus corruptus est. Contra quia idem Strabo lib. VII. pag. 451. *Teutonis* & *Cimbris* *Tigurinos* & *Tugenos* adiunctos esse dicit: apertum est, *Ambrones* & *Tugenos* eosdem esse. *Tugeni* a loco, *Ambrones* itidem a loco *brunnen*, qui in pago *Suitiæ* iacet, nomen habuisse videntur.

fines Heluetiorum sit, non difficiliter in perculto oppido *Baden*, consensu omnium, invenitur: neque nomen eius potest dubium, minus ignotum esse, quia Romani salubrium aquarum loca plerumque *Ad aquas*, adpellauere, adiecto regionis cognomine, ut ab aliis locis, salubritate simili celebratis, discerni facilius possint. Qua ratione Taciti in Heluetiis locum, salubritate aquarum præditum, *Ad aquas Heluetias* dictum fuisse, nihil quidquam est, quod credere nos prohibeat. Hæc sunt quæ de Heluetiis & chorographia illorum in antiquis monumentis inuenimus.

XLV.

Heluetios ab austro multæ gentes vel attingebant, vel subiacebant, *Veragri*, *Seduni*, *Nantuates*; quibus *Latobrigos* & *Tulingos* adiungerem, si certius aliquid de illorum sede constaret. Cæsar sane cum Heluetiis coniungit lib. i Belli Gall. cap. v, sed a quo latere aut plaga cum illis cohæreant, non exponit. Priores itaque, *Veragros*, *Sedunos*, *Nantuates* Prouinciæ Romanæ siue Narbonensi vindicamus, duplici ratione inducti, primum quia Cæsar in eunte lib. iii de Bello Gallico, eosdem cum Allobrogibus coniungit, a quorum finibus ad summas Alpes pertinebant. Deinde quia Ptolemæus omnes illos populos adscribit Italiæ, quamlibet trans summas Alpes sitos. Si ergo inter Allobrogum fines & summas Alpes fuerunt, adeo, ut reuocari quodammodo ad Italiam potuerint; non possunt ad Heluetios, & cum ipsis ad Belgas transferri, sed Narbonensi relinquendi sunt, quæ inter Italiam Belgicamque ex Heluetiorum parte interiacet: quamuis nec Nantuatibus certior sedem adiudicare potuerimus. *Latobrigos* Cluuerius in Vallesia pago *Brige* quærit, certo autem & sine dubitatione non inuenit. Leuior est Nic. Sansonis coniectura, qui ex *Bri*, syllaba, ad *Brisiacos* refert. Nec ipsa etiam syllaba satis certa est, quia Orosius lib. vi cap. vii *Latobrogios* ex Cæsare sublegit. Modestior Hadrianus Valesius est, qui imbecillitatem coniecturæ utriusque ostendit: ipse a loco definiendo abstinet, quem potius nobis, quam illos, imitandum ducimus. *Tulingos* multi trans Rhenum & supra Brigantinum lacum quærent in Germania. De ceteris in Prouincia seu Narbonensi Gallia actum est.

XLVI.

Tandem de hoc lacu, qui Heluetios a Vindelicis & Germanis separat, aliquid addere pretium est. Plinius lib. ix cap. xvii vocat lacum *Rhætiae Brigantinum*, quia & Rhætos attingit, saltem Vindelicos, a Tacito quoque sub Rhætorum nomine comprehensos. nam secundum Strabonem lib. iv pag. 142 καὶ Βριγάντιοι τῶν Οὐινδελικῶν εἰσι, *Brigantii quoque Vindelicorum sunt*, illorumque oppidum *Βριγάντιον*, *Brigantium*, in ora lacus positum, fucat, communi cum oppido nomine. relegens, inquit, *margines lacus Bri-Rhætus adpellat*. In eo vero errat Ammianus, quod lacum hunc rotundum dicit, & *pari pene spatio late diffusum*, uti longus est; quod secus sese habet. Pomponius Mela lib. iii cap. ii duos lacus memorat, per quos Rhenus trans-

transmittatur, *Venetum* & *Acronium*, quamquam nominum originem non exponat. *Rhenus*, inquit, ab *Alpibus* decidens, prope a capite duos lacus efficit, *Venetum* & *Acronium*. Ex quo ordine apparet, *Venetum* esse longiorem illum, qui a *Brigantia* incipit & longe procurrit ad *Constantiam*, & ulterius ad oppidum, quod hodie est, *Bodmen* vocatur. Vnde idem lacus est *Venetus*, *Brigantinus*, *Constantiensis* & *Bodamicus*: *Acronius* autem est minor & inferior, quem *Rhenus* inuadit, quum præter *Constantiam*, elapsus iam e maiore, in occidentem supra *Heluctios* defertur ad *Rauracos*, qui nunc proximi succedunt *Heluctiis*.

SECTIO II.

RAVRACI siue RAVRICI.

XLVII.

Hunc populum *Cæsar* & *Itineraria Rauracos*, prima vocali, vocant: *Plinius*, *Ptolemæus*, & *inscriptio vetus*, tertia, *Rauricos*. Vt finitimi sunt *Heluetiorum*, ita etiam focii fuerunt *Romano bello*. *Cæsar* lib. i cap. v *Persuadent Rauracis, & Tulingis, & Latrbrigis finitimis, uti eodem vsi consilio, una cum iis proficiscantur*. Et cap. xxix in tabulis repertis quibus ratio confecta erat qui numerus domo exisset: *summa erat capitum Rauracorum millia xxii*. Vnum his præ ceteris eximium oppidum fuit, quod *Plinius* lib. iv cap. xii *Rauricum Gallie oppidum* adpellat. De *Danubii* siue *Istri* fonte agens, *Ortus hic*, inquit, *in Germanie iugis montis Abnobæ, ex aduerso Raurici Gallie oppidi*. In hoc *L. Munatius Plancus*, olim *Ciceronis* discipulus & amicus, uti ex lib. x *epistolarum* notum est, post *Antonium* sectatus, & inter adparatum *Actiaci belli* regressus ad *Octavianum Cæsarem*, a quo ad censuram & præfecturam *Rhætiae* euectus fuit; hic, inquam, *Munatius Plancus Augusti* auspiciis coloniam deduxit, cuius rei superest *inscriptio honorifica* apud *Gruterum* pag. 439 num. 8

L. MVNATIVS L. F. L. N. L. PRON.

PLANCVS COS. CENS. IMP. ITER. VII VIR

EPVL. TRIVMPH. EX RAETEIS AEDEM SATVRNI

FECIT DE MANVBIIS AGROS DIVISIT IN ITALIA

BENEVENTI IN GALLIA COLONIAS DEDVXIT

LVGDVNVM ET RAVRICAM.

Supra in *Lugduno* pag. 218 partem quoque huius *inscriptionis* protulimus, *Dione* duce ac auctore in eam opinionem ingressi, ut *Lugdunum* ante *trivmviratum* deductam cenferemus, quam nec nunc sententiam mutamus; de *Raurica* autem ut aliter iudicemus, sub *Augusto* ab eodem esse deductam; cum alia argumenta, tum ipsum *Augustæ* nomen, quod vel eodem tempore vel postea accessit, non vanis significationibus persuadent. *Plinius* alio loco, eodem lib. iv cap. xvii, vocat coloniam *Rauriacam*: *Ptolemæus* *Ραυρικῶν Ἀυγῆσα*, *Augustam Rauricorum*: *Theodosiana Tabula* *Augusta Rauricum*, quod vel *syncope* est *Rauracum*, vel, ut sæpe in illa *Tabula*, compendium

dium scripturæ pro *Rauracorum*: eodem modo auctor Itinerarii, itinere a Mediolano per Penninas Magontiacum:

<i>Auenticum Heluetiorum</i>	—	—	—
<i>Penesticam</i>	M.	P.	XIII
<i>Salodurum</i>	M.	P.	X
<i>Augustam Rauracum</i>	M.	P.	XXII

Quod itidem *Rauracorum* lego. Vt vero mos illorum temporum fuit, etiam gentile nomen vrbi est impositum. Itinere alio, a Tauruno in Gallias per ripam Pannoniæ,

<i>Vitodurum</i>	—	—	—
<i>Vindonissam</i>	X	XIIII	
* *		*	

Rauracos XXVII.

Et Ammianus Marcellinus lib. xv cap. xxvii *Apud Sequanos Bisontios vidimus, & Rauracos, aliis potiores oppidis.* Bisontii vel Visontio quidem in Sequanis, non autem Sequani sunt ipsi Raurici, sed in prouincia Maxima Sequanorum, quæ & Rauracos, & Heluetios vna cum Sequanis complectebatur. Sic Eutropius lib. vi cap. xiv *Cæsar vicit Heluetios, qui nunc Sequani adpellantur*, id est, in Maxima Sequanorum prouincia continentur, Sequanis contributi, & nominis illorum, si laxè id de toto ambitu intelligatur, interdum participes. In Notitia prouinciarum vocatur *Castrum Rauracense*. Hodie nomen priscum Augustæ, vulgo *Augst*, * conseruat exiguus vicus ad curuaturam Rheni, vbi ab occasu in septentrionem inflectitur, sed ruinis & ruderibus, quæ ibi visuntur, clarissimæ quondam coloniæ magnitudinem prodit, situs vi millibus passuum a Basilea, quæ ex fato illius incrementa maiora cepit.

XLVIII.

Præterea in Rauracis Ptolemæus scribit *Argentuariam* (Græce *Ἀργενταρία* est) quæ si recte est posita, & Rauracis vere attributa, oportet horum fines in septentrionem longius procucurrisse, & in ipsam Superiorem, quæ ab Romanis dicta fuit, Germaniam. Tabula Theodosiana *Argentuariam* ponit inter Helellum & Cambete: aut si longius fines ex Antonini Itinerario (itinere a Mediolano Magontiacum) repetere volumus, sita fuit inter Augustam Rauracorum & Argentoratum. Ordo ibi talis est

<i>Augustam Rauracum</i>	—	—	—
<i>Cambetem</i>	M.	P.	XII
<i>Stabula</i>	M.	P.	VI
<i>Argentuariam</i>	M.	P.	XVIII
<i>Elcebum</i>	M.	P.	VI
<i>Argentoratum</i>	M.	P.	XII

Ex quo situ alii Colmar, alii Horburg vel Arburg interpretantur. Hæc etiam *Argentaria*, eiectâ littera, ab Ammiano & Aurelio Victore scribitur, no-

* Autor libri *de la decouverte entiere de la ville d'Antre* putat esse Mandeurre. Vid. Acta Erud. Lips. m. Jun. 1710. p. 270.

Balgica.

nobilis ille locus, apud quem Gratianus Alemannos vicit. Ille lib. xxxi cap. xxvii *Primum apud Argentariam, signo per cornicines dato, concurre est captum: - - - barbari ita sunt cæsi, ut ex prædicto numero [x l m.] non plus quam quinque millia, ut aestimabatur, euaderent*: hic [Aurel. Victor in Epitoma] de Gratiano: *apud Argentarium oppidum Gallie triginta Alemannorum millia in bello exstinxit.* Nec audiendus Andreas Schottus, qui ad Argantomagum [Argenton] in agro Lemouicum vult relatum.

XLIX.

Quod si Argentuaria fuit Rauracorum, uti videtur antiquitus fuisse; eorundem fuerunt etiam, quæ inter illam & Augustam interiecta fuerunt, *Cambes* siue *Cambete* Itinerarii & Tabulæ, nunc vicus Kems; & *Arialbinum* eiusdem Tabulæ Theodosianæ, quod in Antonini itinere a Tauruno per Pannoniæ ripam, *Artalbinum* scribitur, positum inter Rauracos siue Augustam, & Vruncim. Id quibusdam videtur Mulhusa Sequanorum esse: Augustam, & Vruncim. Id quibusdam videtur Mulhusa Sequanorum esse: verum non conuenit cum itinere quod tanto spatio non potest ab Rheno recedere, sed ab Augusta per Vruncim ad Montem Brisiacum, qui ad Rhenum est, fertur, & inde Argentoratum. Cluuerius pag. 350, nescio qua coniectura, *Basel* interpretatur, quod itidem dubitandum aut negandum est, quia Theodosii ætate, qua Tabula Peutingeri conscripta putatur, etiam Basilea iam tum fuit, Ammiano testante lib. xxx cap. viii. *Valentiniano*, inquit, *post vastatos aliquos Alemanniæ pagos, munimentum ædificanti prope Basileam, offertur præfecti relatio, docentis Illyrici clades.* Sed de hac plura in mediæ æui Geographia. Nihil ergo certi habemus quod de *Arialbino* dicamus: sicut neque Hadrianus habuit Valesius. Ad Sequanos, nobilissimam gentem properamus.

SECTIO III.

SEQUANI.

L.

Sequani, olim pars Celticæ, uti ex Cæsaris lib. i cap. i supra demonstrauimus; postea Belgicæ ab Augusto contributi sunt, quod ex Plinio & Ptolemæo notum, & sub initium huius capitis probatum est. Iura mons Sequanos ab Heluetiis diuisit, Cæsare definiente, eodem lib. i Belli Gall. cap. viii. *A lacu Lemano, inquit, ad montem Iuram, qui fines Sequanorum ab Heluetiis diuidit, millia passuum decem nouem murum fossamque perducit.* Altera parte ad Rhenum vsque fines protulisse Strabo auctor est lib. iv pag. 133, ἔθνος Σηκουανῶν συνάπτον Πηνω πρὸς ἑω, *Gens*, inquit, *Sequanorum attingit ab oriente Rhenum*; quod pro more forsan ex Cæsare hausit, qui dubie lib. i cap. i *Galli [Celtæ] attingunt a Sequanis & Heluetiis flumen Rhenum.*

LI.

Quid vero est A SEQVANIS? an post? an per? metaphrastes vertit κατὰ τὰς Σηκουανῆς, quod itidem dubiæ interpretationis est. Apertius idem lib. iv cap. x *Rhenum per fines Sequanorum, Mediomatricorum dixit citatum*

tatum ferri ; de quo plus infra in *Mediomatricis* dicemus. Ex altera parte Tacitus annali III cap. XLV *pagos Sequanorum conterminos Aeduis* dixit. nam late habitarunt non tantum ad horum vsque fines, verum etiam ad Lingonum, Segusianorumque. An vero etiam ad Rhenum vsque; res est dubitior, quia Rauraci & Tribocci, Rheni accolæ, ex illa parte obstabant, qua Sequani possent ad Rhenum forte pertinere. nisi pulsi inde a Germanis gentibus fuere, sicut de Ariouisto constat, tertiam partem eorum agri eamque optimam occupauisse, quæ haud dubie propior Rheno atque Germaniæ fuit. Cæsar lib. I cap. XXXI Diuitiaci Aedui oratione : *Peius victoribus Sequanis, quam Aeduis victis accidisse, propterea quod Ariouistus rex Germanorum in eorum finibus consedisset, tertiamque partem agri Sequani, qui esset optimus totius Galliæ, occupauisset.* Ammianus quidem Sequanos ad Rhenum vsque perducit lib. XV cap. XXVII. *apud Sequanos, inquit, Bisontios vidimus, & Rauracos, aliis potiores oppidis multis.* Rauraci vero, siue Augusta Rauracorum, ad Rhenum sunt. Sed Ammianus ex more suorum temporum dixit, quibus prouincia Maxima Sequanorum constituta erat, qua non Sequani modo, verum etiam Heluetii & Rauraci continebantur.

LI.

Nullum autem certum oppidum Sequanorum nominatur, nisi *Vesontio*, quod illis nominatim Cæsar tribuit lib. I cap. XXXVIII. *Nuntiatum est ei, Ariouistum cum suis omnibus copiis ad occupandum Vesontionem, quod est oppidum maximum Sequanorum, contendere.* Et Dio Cassius lib. XXXVII pag. 8 τὸν Οὐεσοντίωνα, τὴν τῶν Σηκρανῶν πόλιν, *Vesontionem, Sequanorum urbem* vocat. Et Magno : *Sequanus, Vesontio.* Posteriori enim æuo etiam gentis nomine dicta fuit. Antonini itinere a Mediolano per Graias Argentoratum, *Visontio* scribitur, & sic recto tractu ab Lemano in septemtrionem locatur:

Lacum Lausonium

Urbanam

Arioricam

Visontionem

— — —

M. P. XVIII

M. P. XXIII

M. P. XVI

Nummos etiam adferunt Augusti & Galbæ, impressos MVN. VISON TIVM; verum quod hic casus magis conuenit Hispaniæ oppido in Pelendonibus, supra pag. 121 descripto; eo cum Harduino referri volumus. Ptolemæus quidem etiam *Visontium*, Græce Οὐισόντιον, dixit, quo duce Hadrianus Valesius Galbæ nummum, VISON TIVM MVN. id est *Visontium municipium*, ad Sequanos adplicuit; sed ipse simul de fide sui ducis dubitat, annon forte Οὐισοντίων *Visontio*, virili genere, in eo, vt in Cæsare & Dione, legendum sit: qua admissa dubitatione, incerta & huius nummi ratio erit. Notitiæ prouinciarum in Maxima Sequanorum: *Metropolis ciuitas Vesontiensium.* Nunc, quod nemo dubitat, *Besanco* est, nostris *Bisanz*, vrbs incluta ad Dubium fluvium. Id quoque non prætereundum est, quum cultior ab Romanis Gallia fuit facta, Vesontionem habuisse municipalem scholam & oratoriæ artis professores. Aufonius Gratiar. act. ad Gratianum cap. XIII *Quomodo Titianus magi-*

magister? sed gloriosus ille municipale scholam apud Visontionem Lugdunumq; variando, non etate quidem, sed utilitate consenuit. Titianus autem ille magister est ille, quo Maximinus Iunior, Maximini Thracis filius, Oratore usus est, id est oratoriæ præceptore: de quo Capitolinus.

LIII.

Alterum oppidum, quod multi credunt a Cæsare tributum Sequanis, & nomine & situ suspectum est doctissimis viris. Lib. i cap. xxxi Cæsar Divitiaci oratione: *Arionistum, ut semel Gallorum copias prælio vicerit, quod prælium factum sit Amagetobriæ, superbe & crudeliter imperare.* Sed inde colligi haudquaquam potest, ubi locorum prælium commissum fuerit, in Sequanis, an Aeduis, an in aliarum gentium finibus: nec, genuinum sit, an mendosum vocabulum, quia nemo alius id nomen memoravit, & Cæsaris codices variant vel *Amagetobriam*, vel *Amagetobrigam*, alii *Magetobrigam*, vel aliter referentes. Quod vero Ioannes Goduinus ad Bingium superioris Germaniæ refert, eodemque adplicat Aufonianos versus principio Mosellæ,

Transieram celerem nebuloso flumine Nauam,

Addita miratus veteri noua mœnia vico

Aequauit Latias ubi quondam Gallia Cannas;

id longe nimis petitum est, uti, quum ad Bingium deuentum fuerit, plurimum iudicio doctorum hominum demonstraturi sumus.

LIV.

Ptolemæus præter Visontium vel Visontionem, & Heluetias vrbes, quas perperam huc reduxit, Equestrem & Auenticum; etiam in Sequanis *Didattium*, * *Διδάτιον*, locat, quod vero æque obscurum & ignotum est, ut Cæsaris Amagetobria. Esto, utrumque in Sequanis fuisse, quis vero locum in tam amplis finibus vel huius vel illius oppidi demonstrabit, ubi neque nomen aliquod vestigia nobis prodit, neque itineraria vetera nos ductu suo confirmant? Vere ergo de Amagetobrigæ loco Cluuerius dixit: *Frustra sunt, semperque erunt, qui eum peruestigare laborant:* quod idem etiam de Didattio Ptolemæi iudicamus.

SECTIO IV.

LINGONES.

LV.

Lingones quoque in Belgica ponit Plinius lib. iv cap. xvii, eosdemque *fœderatos* Romanorum fuisse dicit. Ptolemæus corrupto nomine *Λόγγωνες* *Longones*; sed etiam Belgicæ adscribit. In collimitio autem Belgicæ Celticæque fuerunt, quia ad caput Matronæ fluuii habitauerunt, qui terminus gentis vtriusque fuit. Straboni sunt iidem & *Λύγγωνες*, *Lingones*, & *Λύγνάσιοι*, *Lincasii*, altero nomine corrupto. Exemplamox proferemus. Mosella amnis in finibus Lingonum, ut Cæsar ait lib. iv cap. x, nascitur, ex Vo-

geso

Gg

* Est vrbs *Dola*. Vid. Autor libri la decouverte entière de la ville d'Antre. in actis Erudit. mJun. 710 p. 270.

geso monte erumpens: de quo supra in fluminibus dictum. Arar flumen Lingones & Aeduos a Sequanis distinguit. Strabo lib. iv pag. 129 ὁ Ἄραρ ὁρίζων Σηκουανὲς τε καὶ Αἰδύϊς, καὶ Λιγυκάσις, *Arar terminus Sequanorum, Aeduorum, & Lingoniorum* siue Lingonum. Et pag. 134 ὑπὲρ τῶν Ελουητῶν καὶ Σηκουανῶν Εἰδοὶ καὶ Λιγυγones οἰκοῦσι πρὸς δύσιν, *Super Heluetios & Sequanos occisum versus habitant Aedui & Lingones.* Quamuis autem ad Vogesium montem ex parte pertinebant; tamen vber illorum solum & eximia fertilitatis fuit. Claudianus Consulatu ii Stilich. vers. 94

Vexit Lingonico sudatas vomere messes.

LVI.

Vrbem Longonibus suis, id est Lingonibus, Ptolemæus attribuit *Andomatunum*, Ἀνδομάτουνον, τ forte pro δ errore scribarum posito, quia videtur ex *dunum* esse, plurium oppidorum terminatione, qua montanus situs significatur. Sed nihil definitio, quia etiam Antoninus iter ab *Antematunno* Tullum ducit, vtrunque τ recepto in vocabulum. Et quia solam hanc ponit Ptolemæus, sine dubitatione gentis illius vrbs primaria fuit, quæ posteriori æuo, vt moris erat, ipsius gentis vocabulum adsumsit, & *Lingones* ipsa vrbs adpellata. Eutropius lib. ix cap. xv *Per idem tempus a Constantio cesare in Gallia pugnatum est circa Lingones: die vna aduersam & secundam fortunam expertus est.* Nam quum repente barbaris ingruentibus intra ciuitatem esset coactus tunc præcipiti necessitate, vt clausis portis in murum funibus tolleretur; vix quinque horis mediis, aduentante exercitu, LX fere millia *Alamannorum* cecidit. Quæ integra verba recitavi, vt constet non de gente, sed oppido sermonem esse. In Notitia prouinciarum *Ciuitas Lingonum* pro vrbe est. Taciti quidem etiam est *ciuitas Lingonum*, lib. i Hist. cap. LIX & LXIV: sed ibi *ciuitas* populus, non id oppidum est, quod hodie *Langres* nuncupatur. Eius gentis vnus & singularis homo *Lingon* a Tacito dicitur lib. iv Hist. cap. LV.

LVII.

In Lingonico agro etiam *Diuiio* fuit, quod *Diuionense castrum* Gregorius Turonensis lib. iii cap. XIX, & ex illo Aimoinus lib. ii cap. XXIV accurate describunt. Agunt de Gregorio Lingonensi episcopo, quem ibi *maxime moratum esse* Aimoinus, siue *maxime assiduum in eo fuisse*, Gregorius historicus testantur. Cuius fedis & commorationis causa descriptionem castrum instituerunt. *Est castrum, inquit Gregorius, firmissimis muris, in media planitie & satis iucunda compositum. Terra valde fertilis atque fecunda. - - - - Ameridie habet Oscarum fluuium, piscibus valde prædiuitem: ab aquilone vero alius fluuiolus venit, qui per portam subueniens ac sub pontem decurrens, per aliam rursus portam egreditur, totum munitionis locum placida vnda circumfluent; ante portam autem molinas mira velocitate diuertit. Quatuor portæ a iv plagis mundi sunt positæ, totumque ædificium XXXIII turres exornant. Murus vero illius de quadris lapidibus vsque in xx pedes, desuper a minuto lapide ædificatus habetur; habens in altum pedes xxx; in latum pedes xv. Quæ cur non ciuitas dicta sit ignoro. - - - Veteres ferunt ab Aureliano hoc impera-*

ratore fuisse ædificatum. Valeſio videtur antiquius fuiſſe vel oppidum vel vicum, Aurelianum demum munimenta noua addidiſſe. Repetere autem hæc integra ex Gregorio viſum fuit, quia *Caſtrorum* formam nobis deſcribunt, quæ non arces ſolæ aut nuda munimenta fuerunt, ſed oppida etiam ampla munimentis circumdata, quæ notio frequens in Notitia prouinciæ & ciuitatum eſt. Scribitur etiam alia forma *Dibio*. Marimor Romanorum noſtra memoria effoſſum, DIBIONE CONSISTENTES. & inſcriptio apud Reineſium claſſ. I num. CCLXIII

ARAM POSVERVNT FABRI
FERRARI DIBIONENSES.

Hodie *Dijon* vocatur, vrbs bene culta & caput Ducatus Burgundici.

S E C T I O V.

L E V C I.

LVIII.

Lingonibus proximi in septentrionem *Leuci* erant, circa Mosellam co-
lentes, aut inter Mosellam & Mosam. Cæsar lib. i cap. xl *Hæc sibi curæ es-*
se: frumentum Sequanos, Leucos, Lingones subministrare. Strabo lib. i v pag.
134 ὑπὲρ τῶν μεδιωματρικῶν λεῦκοι καὶ τῶν λιγγόνων τι μέρος, *supra Mediomatrici-*
cos sunt Leuci & pars Lingonum. Plinius lib. iv cap. xvii *Leuci liberi.* Lau-
dantur a iaculandi peritia. Lucanus lib. i vers. 424

Optimus excusso Leucus Rhemusque lacerto.

Tacitus lib. 1 Hist. cap. LXIV *Nuntium de cæde Galbæ, & imperio Othonis, Fabius Valens in ciuitate Leucorum accepit. Vbi non vrbs intelligenda, Leucorum caput, sed ager cum in habitante populo.*

LIX.

Oppida autem Ptolemæus Leucis duo tribuit. *Τοῦλλον*, *Tullum* & *Νάσιον*, *Nasium*. Prioris nomen quia seruetur episcopali ad Mosellam ciuitati, vulgo *Toul* dictæ, quæ in Notitia prouinciarum, in Belgica prima est *Ciuitas Leucorum Tullo*; de situ nulla est dubitatio. Confirmat Itinerarium Antonini, quod habet *Iter ab Antematunno Tullum Leucorum usque*. In ipsis autem vrbiū vocabulis, tam hoc itinere, quam alio, a Durocortoro Diuodurum, simpliciter *Tulium* vocatur, vt tamen milliariorum numerus, in Leucos id oppidum incidere probet, vt rationes ostendent, in altero Ptolemæi oppido vel castro proferendæ.

LX.

Illud est *Nasium*, quod ob nominis similitudinem multi adhuc crediderunt Nanccium siue Nancy esse, splendidam urbem Lotharingiæ. Quod secus esse, iter a Durocortoro Diuodurum, id est a Rhemis Mettim, ostendit, cuius hæ rationes sunt:

Durocortorium

Fanum Minervæ

Ariolam

Caturigas

M.	P.	XIIII
M.	P.	XVI
M.	P.	IX

Gg 2

Nafi-

Nasium

M. P. IX

Tullum

M. P. XVI

Scarponam

M. P. X

Diuodurum

M. P. XII.

Heic proficiscentibus a Rhemis citerius est *Nasium*, quam *Tullum*, xvi millibus passibus: at *Nanceium* Lotharingiæ est ultra *Tullum* fere totidem millibus: ut alius omnino locus *Nasio* quærendus sit, qui *Valesio* videtur *Grand Nanci*, quasi *Nancium* maius, vicus, qui non longe a fluuiolo *Orna*, & a *Commerciaco* & flumine *Mosa* quatuor circiter leucis abest. *Fredegarius* quoque eodem loco & ordine ponit, & *Castrum Nasium* adpellat: cuius verba etiam *Valesius* in *Tullo* recitauit.

S E C T I O VI

M E D I O M A T R I C I.

LXI.

Cæsar & *Strabo* *Mediomatricos* ad *Rhenum* vsque perducunt, de quo situ recte dubitat *Hadrianus Valesius* in *Rhenus*, quum ad *Mosellam* potius reducendi videantur. *Cæsar*is verba sunt lib. iv cap. x de *Rheno*: *longo spatio per fines Nantuatum, Heluetiorum, Sequanorum, Mediomatricorum, Triboccorum, Treuerorum citatus fertur*. *Strabo* *Cæsa*rem sequutus, ut solet, lib. iv pag. 133 μετὰ τὰς Ελουητῆρας Σηκευανοὶ, καὶ Μεδιοματρικὰ κατοικῶσι τὸν Ῥήνον, post *Heluetios Sequani* & *Mediomatrici* habitant ad *Rhenum*. Sicut autem supra de *Sequanis* non sine causa dubitauimus, ita nunc magis de *Mediomatricis*, quum nimis distet a *Rheno* *Mosella* eo tractu, ubi *Diuodurum* est, caput *Mediomatricorum*: nisi velis dicere, quod *Straboni* videtur in animo fuisse, *Triboccos*, Germanicam gentem, occupasse partem *Mediomatricorum*: *Cæsa*rem autem & *Strabonem* respexisse tempora ante horum inuasionem. Addit enim modo dictis *Strabo*: ἐν οἷς ἰδρυταὶ Γερμανικὸν ἔθνος περαιωθὲν ἐκ τῆς οἰκείας, Τριβόκχοι, in quibus [*Mediomatricis*] locata est Germanica gens, ex sua sede huc translata, *Tribocci*. Sed hi ad superiorem *Rhenum* fuere: *Nemetes* & *Vangiones* magis oppositi *Mediomatricis*, qui *Rhenanum* illum in *Belgica* tractum ætate *Plinii* tenuerunt: incertum, an etiam temporibus *Cæsar*is, quos ille cum *Transrhenanis* lib. i cap. L i videtur numerare. Quod si post *Cæsar*is tempora in *Cisrhenana* sedem occupauerunt, constant & *Cæsa*ri & *Straboni* de *Mediomatricis* suæ rationes: etiam supra de *Sequanis*.

LXII.

Quod ad nomen attinet fere omnes secunda forma inflectunt, *Mediomatrici*, *Mediomatricorum*, *Cæsa*r videlicet, *Strabo*, *Plinius*, *Ammianus*, auctor *Tabulæ Peutingerianæ*: solius *Ptolemæi* est alius casus *Μεδιοματρικες*, *Mediomatrices*. *Plinius* neque liberos neque foederatos dixit: at fuisse illo tempore foederatos atque socios Romanorum, ex *Taciti* lib. iv *Historia-*

riarum cap. LXX liquet. *Legiones, inquit, in Mediomatricos, sociam ciuitatem, abscessere.*

LXIII.

Ptolemæus vnum his oppidum *Διοδούρον*, *Dioudurum* tribuit. Hoc autem fuisse Mediomatricorum, consentit Tacitus lib. i Hist. cap. LXIII. *Diouduri*, inquit, (*Mediomatricorum id oppidum est*) *quamquam omni comitate exceptos, subitus paupor exterruit.* Et Peutingeriana Tabula, *Diouduri Mediomatricorum.* Eadem Tabula & Itinerarium Antonini docent, *Dioudurum* ad Mosellam esse, in loco vbi Metti, vel Metis est, vulgo Metz. Dubitat de eo Christophorus Brovverus ad Venantii Fortunati lib. III carm. XII pag. 90: confirmat autem Notitia prouinciæ & ciuitatum Galliæ, cuius in prima Belgica est, *Ciuitas Mediomatricorum Mettis*: in alia, *Ciuitas Mediomatricorum, id est Mettis.* Medio æuo, vt solemne pluribus ciuitatibus fuit, nomen gentis huic vrbi tributum est, id est, dicta *Mediomatrici.* Ammianus lib. xv cap. XXVII *Belgica prima Mediomatricos prætendit & Treuiros.* Et lib. xvii ineunte: *cum captiuis omnibus prædam Mediomatricos, seruandam ad reditum vsque suum, duci præcepit.* Postea *Meti, Metorum*, pluraliter, vel *Metti*, dici cœpit. In Notitia Imperii sub dispositione Magistri peditum Præsentalis, in Legionibus pseudocomitensibus: *Prima Flauia Metis*, id est quæ Metis præsidet. Et singulari forma *Mettis.* Fortunatus Venantius lib. III carm. XII ad Villicum, episcopum Mettensem, de situ huius vrbis:

Hinc dextra de parte fluit qui Salia fertur,

Flumine sed fluctus pauperiore trahit.

Hinc vbi perspicuis Musellam cursibus intrat,

Alterius vires implet & ipse perit.

Hoc Mettis fundata loco, speciosa, coruscans

Piscibus obsessum gaudet utrumque latus.

Satis hoc amœnitatis, quam etiam supra in flumine Salia vel Sallia ostendimus, eodem Fortunato præeunte. Nunc ex eodem carmine de vberiore loci voluptate, cum munitionibus, excerptum ducimus. Pergit poeta,

Deliciosus ager ridet vernantibus aruis:

Hinc sata culta vides, cernis & inde rosas.

Prospicis umbroso vestitos palmite colles,

Certatur varia fertilitate locus.

Vrbs munita nimis, quam cingit murus & amnis,

Pontificis merito stas valitura magis.

Valide munitam urbem fuisse, ex eo etiam cognoscimus, quod Iulianus, vt modo ex lib. xvii enotauimus, aduersus Germanos trans Rhenum iturus, in eam cum captiuis prædam omnem ex proelio seruandam abduci iussit.

LXIV.

Hæc princeps vrbs Mediomatricorum, quæ sola digna visa Ptolemæo est, quam in populo hoc & agro memoraret. Alia oppida minora huius gentis, quantum ex situ iudicare possumus, fuerunt, *Virodunum, Ibliodurum,*

Scarpona, Decem Pagi, Totonis villa. A Mosa incipimus, cui *Virodunum* impositum est, quod Antonini primo itinere a Durocortoro Diuodurum hac serie, pro situ notando, collocatur:

a Durocortoro

Virodunum

Fines

Ibliodurum

Diuodurum

M. P. XXXIX

M. P. VIIII

M. P. VI

M. P. VIII

Ex quibus colligitur, non aliud esse, quam *Verdun*, ad Mosam situm oppidum episcopale. Gregorius Turonensis lib. III cap. XXXIV vocat *urbem Viridunensem*: alii *Veredunum* scribunt. Fortunatus lib. III carm. XXVII ad Agericum, episcopum huius ciuitatis:

Vrbs Vereduna breui quamuis claudaris in orbe,

Pontificis meritis amplificata places.

LXV.

De oppido *Ibliodurum* non habemus quod dicamus, præter distantiam ex prædicto itinere. Nobilius castrum *Scarpona*, vel *Scarponna*, ex itinere supra in *Nasum* enumerato, inter Tullum & Diuodurum loco fere medio situm. Ammianus lib. XXVII cap. II venit prope locum *Scarponna*. Tabula Peutingeriana: *Tullio*, [lege *Tullo*] *Scarponna*. Videtur pluraliter Ammiano dici: in Itinerario autem est quartus casus *Scarponam*. Castrum Paullus Diaconus de Mettensibus episcopis libello dixit. Hodie vicus est *Charpeigne* ad Mosellam.

LXVI.

Duodecim circiter millia passuum a Mediomatricorum vrbe abest oppidum, quod *Decem Pagos* dixere, vulgo nunc *Dieuze* in Lotharingia. Antonini itinere de Pannoniis in Gallias per mediterranea, inter *Tabernas* & *Diuodurum* ponitur, utrimque distans XX M. P. Est etiam in Peutingeriana Tabula hoc ordine:

ad Decem Pagos, Ponte Saraui, Tabernis, Argentorato.

Tandem etiam huc referunt *Theodonis Villam*, nescio quam antiquam, quæ verius forsan ad medii æui Geographiam referretur. *Palatium Theodonis* annales vocant: contracto vocabulo *Totonis Villam* Paullus Diaconus de Gestis Langobard. lib. I cap. V. Ego, inquit, in Gallia Belgica, in loco, qui *Totonis villa dicitur, constitutus*. Gallis est *Trionville*: nostratibus, *Diedenbosen*, situm ad Mosellam, infra Mettim, oppidum.

SECTIO VII.

TRIBOCCI, NEMETES,
ET VANGIONES.

LXVII.

Iam Rheni ripa decurremus, eas gentes perlustraturi, quæ nomen utrique prouinciæ, Germaniæ Superiori & Inferiori, dederunt. Ab Rauracis & Sequanis incipientes, primum *Tribecos*, *Nemetes*, *Vangiones* obuios habere

habemus, quos ex Germania magna in citeriorem ripam Rheni transiisse, eamque ad possidendum occupauisse, omnino certum ex Plinio atque Strabone est: quo tempore accesserint, & quibus finibus possessiones nouas distribuerint, incertum. Plinius lib. iv cap. xvii ait: *Rhenum accolentes, Germaniae gentium in eadem prouincia* [Gallia Belgica] *Nemetes, Tribochi, Vangiones: hinc Vbii, Colonia Agrippinensis, Guberni, Bataui.* Strabo ex tribus tantum vnā gentem nominat lib. iv pag. 134, Tribocos, qui in Mediomatricis sedem occupauerint. Quum enim dixisset *Σηξαυοὶ καὶ Μεδιοματρικοὶ κατοικοῦσι τὸν Ῥῆνον*, Sequani & Mediomatrici habitant iuxta Rhenum; continuo subdit, *ἐν οἷς ἰδρυταὶ Γερμανικὸν ἔθνος, περὶ αὐτὸν ἐκ τῆς οἰκίας, Τριβόχοι*, in quibus Germanica gens habitat, translata ex sede sua, Tribocci. Vangiones, Nemetes nusquam memorat, vt dubitare possis, vtrum sub Triboccis comprehendat, an forte illius ætate non traiecerint amnem, occupaturi partem Mediomatricorum.

LXVIII.

Hæc ergo grauior est illa de transitionis tempore inter eruditos disceptatio, de qua supra in Sequanis & Mediomatricis dubitanter loquuti sumus, in hunc locum, quo de ipsis populis acturi sumus, quidquid controuersiae est, reseruantes. Philippus Cluuerius lib. ii Germ. Antiq. cap. x breui ante Cæsaris bellum, & Ariouisti in Galliam aduentum, eas gentes in alteram ripam migrasse iudicat. Hinc ob recentem memoriam pristinorum finium Cæsarem & Strabonem Mediomatricos Sequanosque vsque ad Rhenum extendisse, quamquam illo tempore partem illorum agri peregrinae gentes occupassent. Cui sententiæ etiam Hadrianus Valesius in *Nouiomagō Nemetum* accedere videtur. *Ea triga, inquit, populorum* [Tribocorum, Vangionum, Nemetum] *paullo ante Cæsaris in Gallias aduentum in parte Belgicæ Rhe-
no flumini proxima confederat, ex Germania in Galliam vel translata, vt de Tribocis ait Strabo, vel sponte profecta.* Contra idem Valesius in *Mediomatricis* magno iudicio censet, si vere dixerint vterque, Cæsar & Strabo, Mediomatricos ad Rhenum vsque habitasse; conuenire vt credamus, Nemetes Vangionesque, Germanicæ gentes, Mediomatricorum fines paullo post occupasse, atque in illorum locum ad Rhenum successisse, priusquam C. Plinius Secundus Historiæ naturalis libros componeret, in quibus Mediomatricos inter populos Rhenum accolentes non recensuit, vtique vero Nemetes, Tribocos & Vangiones. Vide lib. iv cap. xvi de Belgica. Ergo causam omnem eo deferri videmus, vt excutiat, quis status ripæ Rheni, & qui habitatores tempore Cæsaris, in Gallia res gerentis, fuerint. Is vero perspicue lib. iv cap. x ait, *Rhenum longo spatio per fines Nantuatium, Heluetiorum, Sequanorum, Mediomatricorum, Tribocorum, Treuirorum, citatum ferri.* Et lib. i cap. i dixit, *Celticam Galliam a Sequanis* [qui ante Augustum in illa parte censebantur,] *flumen Rhenum attingere*, quod verum potest esse, si vel angusto spatio inter Rauracos Tribocosque Sequanorum fines ad Rhenum vsque protensi fuerint. De Mediomatricis vero & Treueris idem adseuerare difficilius est, quia Triboci, Nemetes, Vangiones continuas sedes habuerunt,

runt, nullo interiecto spatio, quo Gallicæ gentes ad Rhenum pertinerent. Quæ si inter se concilianda sunt, utique censendum videtur media inter Cæsarem & Plinium tempestate Vangiones Nemetesque in Ripensem Galliam traiecisse, expulsis qui oram illam tenebant Mediomatricis atque Treueris; Tribocos autem, quos non Strabo solus, verum etiam Plinius Germaniæ gentem vocat, paullo ante Cæsarem in ripam illam, quam postea tenuerunt, euasisse.

LXIX.

At Lucanus lib. i inter Belgicas gentes, quæ ciuili bello castra Cæsaris sequutæ fuerint, vers. 431 etiam *Vangiones* censet. Quod si historicam fidem poeta, ut plerumque facit, sequutus est, accedit aliquid Cluuerii sententiæ, quod non contemnendum robur habet, qui etiam hoc vrget, post Cæsaris tempora, ante inclinationem imperii, non credibile esse, nouas gentes ex Germania in Galliam transinigrasse, quas terror legionum Romanarum intra Rhenum continebat, bene secum agi credentes, si Romani nulla arma in finibus suis haberent. Auget dubitationem non mediocriter Ariouisti acies, de qua Cæsar narrat lib. i cap. LI, *Germani suas copias castris eduxerunt, generatimque constituerunt paribusque intervallis Harudes, Marcomanos, Tribocos, Vangiones, Nemetes, Sedusios, Sueuos*. Transrhenanis sic immixti sunt, de quibus disputamus, ut nondum sedem in Cisrhenana habuisse crediderim, si *Triboci* lib. iv cap. x (verba supra protulimus) non inter Cisrhenanos legerentur. Quod enim de Tribocis in acie Transrhenanorum statuemus, idem verendum est, ne de Nemetibus etiam & Vangionibus nobis obiciatur.

LXX.

Quæ quum ita sint, tandem aliquando, in quam sententiam propendeamus, aperiendum est. Qua vero modestia vsus est supra Valelius, eadem & nobis uti liceat, ut nihil simpliciter, cum conditione omnia dicamus. Si ergo vera sunt quæ Cæsar scripsit, Sequanos Mediomatricosque & Treveros Rhenum accoluisse: si etiam Tribocorum mentio cum Cisrhenanis populis, quorum Rhenus fines pertranseat, lib. iv cap. x recte facta fuit; ante Cæsaris & Ariouisti bellum Germanos in his oris confedisse credibile est, sed laxè primum habitasse, intermixtos Gallis, aut his non penitus expulsis, ut ius & nomen priscarum gentium in ipsa ripa quodammodo conseruaretur: quod euasisse videtur, quum Germani aduenæ in dies inualescerent, opprimerentque inter quos habitabant Gallos, aut hi pertæsi inter tuces colere, ad interiora refugissent.

LXXI.

Nunc de ordine aduenarum & finibus dispiciendum est. Cæsar dicto lib. iv cap. x in accolentibus Rhenum videtur ordinem non negligere, dum Nantuates primum, deinde Heluetios, & post illos, Sequanos enumerat. Quum vero ad vltiora pergat, Tribocos medios facit inter Mediomatricos & Treveros: quem imitatus Strabo libro iv pag. 134 Μετὰ τῆς Μεδιοματρικῆς καὶ Τριβόκχης παροικῶσι τὸν Ῥῆνον Τριγίγοι. Post Mediomatricos & Tribocos
iuxta

iuxta Rhenum colunt Treuiri. Plinius in Belgica Germanicas gentes, quæ Rhenum accolunt, ita locauit: *Nemetes, Tribochos, Vangiones*: hinc *Vbios*; vt videantur Tribochi siue Tribocci infra Nemetes; at supra Vangiones coluisse. Tacitus Germ. cap. xxviii *Ipsam Rheni ripam haud dubie Germanorum populi colunt, Vangiones, Triboci, Nemetes*, eodem quo Plinius ordine, nisi quod ille secundo flumine, hic aduerso, dum enarrat, progreditur. Verum omnes hi auctores magis numeri populorum, quam situs rationem habuerunt. Nam vt de Cæsare & Strabone prius dicamus, breue interual- lum inter Mediomatricos est & Treueros, vt se non possint non contingere. Vbi ergo medios interferemus gentem haud exiguam Trebocorum? Eadem ratio est Nemetum & Vangionum, quos Plinius & Tacitus Tribocis vtrimque adposuerunt, vt ne locus quidem inter eos sit, qui tam numerosam gentem capiat. Quare partim Ptolemæum, quamquam & heic turbatum, sed vbi sanus est, sequuti; partim Notitiis prouinciarum non nihil inlumi- nati; harum gentium positionem atque ordinem ita indagamus, vt, quia No- titiarum plures Nouiomago Nemetum siue Nemetibus, vt medio æuo vrbs gentis nomine vocata fuit, adscribunt vocabulum *Spira*; & Vangionum ci- vitati nomen *Warmatiæ* vel *Guarmatiæ*, vt infra videbimus, illæque vrbes atque gentes satis inter se propinquæ sunt, vt interponi gens alia non possit; præterea Ptolemæi vrbs altera, quam Tribocis dat, *Breucomagus*, siue vt in Tabula Peutingeriana est, *Brocomacus*, ad superiorem Rhenum prope Ar- gentoratum sita est; & altera, *Elcebus*, secundum Antonini iter a Mediolano Magontiacum, sit supra Argentoratum; vtique supra Nemetes & Vangio- nes ad superiorem Rhenum, infra Rauracos, habitasse Tribocos iudicemus. Nunc de singulis distinctius agemus.

TRIBOCCI siue TRIBOCI. LXXII.

Iulius Cæsar primus est qui huius gentis nomen prodidit lib. i cap. li, & lib. i v cap. x, in cuius libris *Triboci*, & *Triboces*, c simplici scribuntur. Stra- bo post illum *Τριβόκχοι*, corroborata syllaba, litteræ adiectione: Plinius Frobenii & Harduini, *Tribochi*: Tacitus Hist. i v cap. lxx, & Germ. cap. xxviii *Triboci*; etiam marmor antiquum apud Sponium, post paullo pro- ferendum: Ptolemæus littera duplicata *Τριβόκχοι*, *Tribocci*: quam scriptu- ram vulgo imitantur, & id rationis habet, quod etiam Strabo litteram, & Plinius adspirationem addiderunt, quæ argumento sunt, c durius olim in hoc vocabulo pronunciatum fuisse. Quod Germanicæ originis esse in Gente Germanica, non dubitamus. An vero a *tribus fagis*, quæ veteri dialecto fuerint *try boken*, vt Cluuerius suspicatur, monitus vico Alsatatici nomine *zu dreien buchen*; in medio relinquimus, quum nec adfirmare certo, neque fortiter refutare possimus.

LXXIII.

Oppida Ptolemæus, vt diximus, duo Tribocis suis tribuit, *Βρευκομα- γον*, & *Ἑλκεβον*, *Breucomagum*, & *Helcebum*. In Tabula Theodosiana prius *Brocomacum*, quod *Brocomagus* est, adpellatur, & vii millibus passuum infra
Hh Argen-

Argentoratum ponitur. Ex qua distantia cognoscitur esse, quod hodie *Brumt & Brumat* contracte, forte ex *Brückmag*, ita dicitur. Apud Ammianum Marcellinum lib. xvi cap. iii perperam scriptum bis erat *Brocomagus* Lindenbrogii editione & superioribus aliquot, quum Ptolemæi ac Tabulæ auctoritate c pro t constituendum sit. Ipse vero etiam Argentorato proximum locat. Audiens, inquit, [cæsar Iulianus] *Argentoratum, Brocomagum, Tabernas, Salisonem, Nematas & Vangionas, & Magontiacum ciuitates barbaros possidentes, territoria eorum habitare, primam omnium Brocomagum occupauit.* Sic etiam verum oppidi nomen Henricus Valesius restituit.

LXXIV.

Alterum Ptolemæi oppidum *ἑλκεβος, Helcebus*, supra Argentoratum in prædicto Antonini itinere est, siue inter Argentouariam & Argentoratum, ab illa vi millibus passuum distans; ab hoc xii millibus. In Tabula Theodosiana (vt Peutingeriana ab eruditis vocatur) pari interuallo ab Argentorato, Argentouariam versus, distat *Helellum*, quod Cluuerius contendit esse vicum *Ell*, ad amnem *Illum* situm, in via ab Argentorato Argentouariam. Aliis *Helellum* Tabulæ idem & Ptolemæi *Helcebus* est, corrupta syllaba media seu λ in z prauato & transposito, quod situs vtriusque, & distantia xii m. passuum vtroque æqualis, videtur confirmare. Sed superiore eiusdem itinere, quod a Mediolano per Alpes Graias institutum est, ab Elcebo Argentoratum xxx millia passuum numerantur, vt alterius numerum corruptum esse oporteat. Sed nec certum, an hic numerus satis saluus sit, qui iusto maior apparet. Beato Rhenano enim & Iosæ Simlero *Helellum* Tabulæ & Itinerarii *Heluetum* (sic enim ex MSS. quibusdam legunt) vnus locus est, & quidem, vt ipsi interpretantur, oppidum Alsatiæ quod *Sletstadium* nunc vocatur, superius ad *Illum* flumen situm. *Heluetum* autem in *Heluelum*, τ in L facilius restituitur. Quod si ita est, *Elcebi* in aliis codicibus nomen videtur ex Ptolemæo, interpolatoris manu, intrusum esse.

LXXV.

Sed siue *Helcebus* vel *Elcebus*, siue *Heluetus* vel *Heluelus*, siue etiam *Helellum* legatur, certum tamen ex Tabula est & Itinerario, supra Argentoratum fuisse, sicut *Brocomagus* infra illam urbem fuit: certum etiam ex Ptolemæo, vtrumque oppidum *Helcebum* & *Brocomagum* in Tribocorum agro positum fuisse, vt adeo mirari satis non possimus, quid Ptolemæo in mentem venerit, vt *Argentoratum*, quod inter vtrumque Tribocorum oppidum loco medio situm est, non Tribocis, sed Vangionibus adscripserit, qui a Tribocis longius, Nemetibus interiectis, dirimuntur. Nec est quod in Vangionum gente Argentoratensem urbem quæras, quum satis fidi duces, auctores Tabulæ Peutingerianæ & Itinerarii Antoniniani, inter Tribocorum Ptolemæi ciuitates constituent. Ammianus quoque, cui *Argentoratus* est, feminea forma, eaque *barbaricis cladibus nota*, lib. xv cap. xxvii, luculente illum locum significat, vbi Germani ab Iuliano fusi erant, quod in Tribocis potius, quam Vangionibus, factum fuit. Idem lib. xvi cap. iii Rhenanas vrbes Germaniæ Primæ enumerans, ab *Argentorato* incipit, in *Magontiaco* desinit,

finit, interponens *Brocomagum, Tabernas, Salifonem, Nemetas, & Vangionas*; cuius verba paullo ante recitauimus. Primus quidem, qui *Argentorati* mentionem fecerit, Ptolemæus est, sed non illius demum ætate natum credamus, verum quia ille nobiliores tantum vrbes solitus est nominare, haud dubie antiquius munimentum Romanorum fuit, & forte ex quinquaginta illis, quæ Drusus per Rheni ripam ædificauerat. Florus lib. i v cap. xii *Victor Drusus in tutelam prouinciarum præsidia atque custodias ubique disposuit per Mosam flumen, per Albim, per Visurgim. Nam per Rheni quidem ripam quinquaginta amplius castella direxit.*

LXXVI.

Nomen *Argentoratum* haud dubie ex Germania est, ab Romanis, Germanicæ linguæ ignaris, in Latinam formam detortum, cuius vim in altero, quod succesit, ex parte reliquam, intelligimus. In Notitiis enim prouinciarum & ciuitatum Galliæ nunc *Ciuitas Argentoratensium Strateburgo*; nunc *Ciuitas Argentoratensium, id est Strazeburg*; modo *Argentora, id est Strateburgo*; modo *Ciuitas Argentina, id est Strazburgis*, nuncupatur, quo oppidum in via regia & militari, quæ Germanis *strasse*, & veteri dialecto *strate* est, (quod Latinis etiam *strata* apud Eutropium in Aureliano lib. ix cap. ix sonat) nemo non videt significari. An ergo, quod multi coniiciunt, *Argentoratum* est maligna & intuta strata ob prædiariorum excursionses? an aliunde pars prior vocabuli repetenda? cui libet integrum, quod de his iudicet, relinquimus.

LXXVII.

Græce Ptolemæus *Αργεντόρατον* scripsit: Zosimus autem lib. i i i cap. i i i *Αργέντορα*, breuiori forma. *Αγγελάντων, inquit, τῶν κατασκόπων, ὡς περὶ πόλιν Αργέντορα, τὴν πρὸς τῇ τῷ Ῥήνῃ κειμένην ὄχθῃ, πλῆθος ἄπειρον ἐπεραιώθη βαρβάρων, Quum nuntiassent exploratores, circa urbem Argentora, in ripa Rheni sitam, infinitam barbarorum multitudinem traiecisse*: quæ haud dubie Ammiani illa *Argentoratus* est, *barbarorum*, qui iam traiecerant, *nota cladibus*, vt paullo ante referēbamus: quia vterque de Iuliano agit, qui ibidem barbaros ad internecionem ingenti victoria deleuit. An vero illa Zosimi truncato nomine *Αργέντορα, Argentora*, sint eadem quæ *Αγέντορα* Iuliani, Epistola ad Athenienses p. 279, vt putat Petauius, quasi ρ littera excidisset; non sine causa addubitamus. Non enim *πόλιν, urbem*, vt Zosimus, vocat, sed tantummodo *τείχος, murum, castellum*; nec situm in Rheni ripa dicit, sed *πρὸς ταῖς ὑπαρείαις αὐτῆς τῷ Βαρτέγῃ, ad Voségi* (sic interpres corruptam vocem emendat) *radices*. Nec vero admodum longe ab Argentorato afuisse, historia illius pugnae ostendit, quæ *Argentoratensis* a nobiliore loco nominatur, licet non proxime illum facta esset, sicut Alexandri Gaugamelenensis ab Arbelis. si vera sunt, quæ tradit Cluuerius lib. i i Germ. Antiq. cap. xii p. 373, ob id tamen notatus ab Henr. Valesio ad Ammiani lib. xv i p. 150 [ed. Paris. in fol.]

LXXVIII.

Eximiam & olim urbem *Argentoratum* fuisse, ex Peutingeriana constat
Hh 2 Tabula,

Tabula, quæ insignibus vrbis principis notauit: & ex Antonini Itinerario, in quo itinera ex variis locis, a Mediolano, a Lugduno Batauorum, a Treuiris, a Tauruno ad Argentoratum directa (quod tantum vrbibus fama nobilitatis contigit) describuntur. Ammianus quoque, vt supra vidimus, in præcipuis Germaniæ Primæ ciuitatibus numerauit, dicto lib. xv cap. xxvii.

LXXIX.

In Tribocis etiam erat *Lucus Augusti*, non ignobilis locus, ex nullo quidem geographico libro, at vero ex vetusta inscriptione, quam Gruterus pag. 850 num. 10 exhibet; correctiorem Iacobus Sponius Miscell. Erud. Antiquit. pag. 188

D. M

T. NIGRIO

SIMILI TRIBOCO

EX GERMANIA SUPERIORE

LVCO AVGVSTI NIGRIVS

MODESTVS FRATRI OPTIMO

ET PIISSIMO CINERARIVM

FECIT.

Duos geographi *Lucos Augusti* memorant, vnum in Hispania, alterum in Gallia Narbonensi: tertium in Germania Superiore, in Tribocis, addendum esse, hoc marmor docet, quod exscriptum est. Tandem de *Tabernis* aliquid memorandum, quæ plures in hoc tractu fuerunt, vnæ vero Tribocorum, ad montana versus, de quibus plura, quum reliquas recensebimus, vt ex discrimine magis intelligantur.

LXXX.

Quousque in austrum Triboci habitarent, an ad Rauracorum fines; non plane, aut sine temporum discretione, putamus iudicandum esse. Initio quum ex Germania Triboci in Galliam venissent, videntur Sequani inter hos & Rauracos antiquo iure aliquid possedisse, quos ideo Cæsar atque Strabo ad Rhenum vsque extenderunt. An semper vero possederint, id est quod dubitemus, quia Germanicæ gentes in Rheni ripa suas sedes ita dilatauerunt, vt nulla postea priorum gentium in tractu illo mentio fiat, & omnis ripa Germanis, tamquam propria concedat. Dubium ergo, quæ media erant, Tribocis an Sequanis adiudicemus, *Argentuariam* scilicet, siue *Argentouariam*, vt in Itinerariis est, quæ Ammiani *Argentaria*: & *Rufianam* Ptolemæi. In dubia ergo causa sententiam diuidemus, & sicut supra, quum de Sequanis ageremus, *Argentuariam* illis relictam voluimus; * ita *Rufianam* Tribocis nunc vindicabimus. Ptolemæus quidem *Rufianam* (Ρῆφία Græce est) Nemetibus adsignat, sed non maiori iure, quam Argentoratum Vangionibus. Nullum enim huius vestigium in Nemetibus est: non obscurum autem in Alsatia superiore, in oppido *Rufach*, quod putares Ρῆφία-
κον,

* Ab hoc oppido diuersum est *Castrum Argentariense*, quod *Montem Pessulanum* putat Autor libri *de la decouverte entiere de la ville d'Antre*. Vid. Acta Erud. Lips. pag. 270. Ann. 1710.

nov, *Rufiacum* & *Rufacum* olim scriptum fuisse, vnde nostrorum temporum *Rufach*, oppidi non ignoti nomen factum.

LXXXI.

Antequam a Tribocis ad Nemetes progrediamur, de Taciti CARACATIBVS aliquid dicendum est, quos Cluuerius pro Nemetibus habet: Valesius Tribocis admiscet. Taciti de illis verba ex lib. i v Hist. cap. Lxx sunt: *Tutor Treuerorum copias, recenti Vangionum, Caracatium, Tribocorum delectu auctas, veterano pedite atque equite firmavit, corruptis spe, aut metu subactis legionariis. qui primo cohortem præmissam a Sextilio Felice interficiunt: mox ubi duces exercitusque Romani propinquabant, honesto transfugio rediere; sequentis Tribocis, Vangionibusque & Caracatibus.* Ita Tribocis & Vangionibus tamquam vicini & propinqui, adiunguntur. mss *Ceracatium* & *Ceracatium* habent, quod Theodorus Ryckius, vir clarissimus, probat, vero propius existimans, *Ceræfos* Cæsaris intelligi, qui cum Eburonibus, Condruis, & Pæmanis vno nomine Germani appellati, lib. ii de Bello Gall. cap. iv memorantur. At quod ex fociis cognoscitur, iam nominatis, *Ceræsi* in inferiore prouincia fuerunt: Cæracates autem in superiore cum Tribocis, qui summi in ea & ab austro vltimi, multis numerosisque gentibus interiectis, coniunguntur. Cluuerius lib. ii cap. xii ipsum vocabulum vt inauditum alias, atque ideo suspectum sollicitat. *Haud dubito, inquit, quin mendum sit in duabus vocibus CARACATIVM & CARACATIBVS: pro quibus repono NEMETVM & NEMETIBVS.* Acre & violentum remedium, vocem tollere, aliam in locum sufficere. Nec multo mollior medicina est, quam *ὁ πάλιν* Gronouius ex coniectura adferebat, suspicatus *Tabernatium* & *Tabernatibus* legendum. At cetera gentium nomina sunt: Triboci, Vangiones; cum quibus minus conuenit nomen vnius oppidi seu ciuitatis, Tabernatium. Hadrianus autem Valesius in Notit. Gall. in *Argentoratum* sub finem: *Quare quidam forte non credent Ptolemæo, Argentoratum vna cum Borbetomago Vangionibus adscribi oportere: quum inter Borbetomagum Vangionum & Argentoratum Nemetes mediæ intercedant, nec verosimile sit, agrum Vangionum agro Nemetum sic interruptum esse.* Argentoratum itaque potius Caracatibus, quos Tacitus in lib. i v Historiarum Tribocis Vangionibusque vltimos adiungit, adsignandum videri. Siue ex animi sententia, siue aliorum mente sic vir doctissimus scripsit; supra abunde ostendimus, Argentoratum urbem, quæ media situ inter duo oppida Tribocorum, Brocomagum & Helcebum, siue Heluelum est, non longissime disiuncta, non posse alii populo, quam Triboco vindicari: quum inconueniens sit, in tam angusto spatio quod superius & inferius, secundum ipsum Ptolemæum Tribocorum esse: quod interiacet medium, alius gentis, Vangionum, interpositu Nemetum a Tribocis diremtæ ac seiunctæ. Nihil ergo Caracatibus in illo tractu relinquitur, nec definit illorum nomen, nusquam alibi memoratum, suspectum nobis esse, saltem ita obscurum, vt nihil quidquam de eo certi a quoquam putemus proferri posse.

N E M E T E S.

LXXXII.

Nemetum nomen primus Cæsar in Ariouisti acie lib. i cap. l i ostendit. Sedem *Nemetibus* in ripa Gallica, tamquam aduenis ex Germania, Plinius assignat lib. i v cap. x v i i, quod Tacitus Germ. cap. x x v i i i confirmat. *Ipsam*, inquit, *Rheni ripam haud dubie Germanorum populi colunt, Vangiones, Triboci, Nemetes.* Idem Annali x i i cap. x x v i i casu quarto *Nemetas* dixit, quasi in primo *Nemetæ* sint: (neque enim Græcus casus in peregrino vocabulo locum habet) quam formam etiam Ammianus Marcellinus lib. x v cap. x x v i i imitatus est, *Vangiones & Nemetæ*, Valesii editione, (aliter enim heic Lindenbrogius) quamuis oppidorum ibidem vocabula sunt, communia tamen, pro temporum illorum consuetudine, cum ipsis gentibus: & lib. x v i cap. i i i vterque, Lindenbrogius & Valesius, *Nemetas* casu quarto. Ptolemæus Νέμετες, *Nemêtes*, porrecta media: & Zonaras in Nicephoro Botaniæ p. 233 Νέμεττοι, *Nemetzi*. ait enim, ἔθνος οἱ Νέμεττοι Κελτικόν, *Gallica gens Nemetzi*: idcirco Valesius existimat, etiam Latine mediam syllabam in *Nemetes* attollendam esse. Sed primum dubitamus, an *Nemetzi* Zonaræ sint ipsi veterum *Nemetes*, quum vetusta nomina gentium eo usque vix conservari potuerint. Deinde si producta media syllaba fuit, cur non vel semel aliquis veterum τ duplicauit, vt solemne Romanis fuit. Nec Ptolemæi tanta fides est, vt tute in illo inniti possimus. Quod ergo poetæ in hoc vocabulo nos destituunt, nihil certi de quantitate mediæ syllabæ pronunciarī posse censemus.

LXXXIII.

Ptolemæus *Nemetibus* primariam urbem tribuit Νοιόμαγος, id est *Noviomagum*, vt Latini adpellant. In Tabula Theodosiana *Noviomagus* est inter Tabernas & Borgetomagum, vel potius Borbetomagum, fere medio loco, ab illis x i, ab hac x i i millibus passuum distans: quem posteriorem numerum auxit auctor Itinerarii, quod Antonino tribuitur, & recte auxit, itineribus a Mediolano Magontiacum, & a Treueris Argentoratum. Ex quo situ non difficile intellectu est, esse illam urbem, quæ *Spira* postmodum dicta est. In Notitia Imperii sub Duce Mogontiacensi *Præfectus militum Vindicum Nemetes*, vbi gentis nomen ipsi vrbi impositum est pro illius æui consuetudine: quod etiam in Ammiani verbis videmus lib. x v cap. x x v i i *Prima Germania, vbi præter alia municipia Magontiacus est, & Vangiones, & Nemetæ, & Argentoratus barbaricis cladibus nota.* Lindenbrogius ibi *Nemetes*. In Notitiis prouinciarum & ciuitatum Galliæ *Ciuitas Nemetum*. In quibusdam Notitiis recentius nomen, explicationis causa, adiicitur, *Ciuitas Nemetum Spira*. aut sic: *Ciuitas Nemetum, id est Spira*. Nam neque hoc nomen recentissimum est, sed medio æuo vsurpatum. Anonymus Rauennas, geographus semibarbarus, lib. i v cap. x x v i, *Iuxta superscriptum Rhenum sunt ciuitates, id est Gormetia, quæ confinalis est cum prænominata Maguntia, ciuitate Francorum, item ciuitate Altripe, Sphira, Porca, Argentaria, quæ modo Stratisburgo dicitur.* Non ergo dubitandum est, *Noviomagum* in *Nemetibus*

Ptolemæi, & in Itinerariis esse *Spiram*, nobilem ad Rhenum urbem, quum ipsa veterum Notitiarum interpretatio edoceat, & rationes itinerum etiam persuadeant.

LXXXIV.

Cetera, quæ Nemetibus oppida debebantur, difficile est determinare, id est inter ipsos & Tribocos ab austro; & inter eosdem & Vangionas a septentrione limitem ponere. Diximus supra, in tam incertare Cluuerii nos coniecturam sequuturos esse, quem etiam iam sequemur ita, ut si quos aliter sentire videamus, illud quoque commemoremus. Ex illius autem distributione primum Nemetum oppidum post Tribocorum fines, *Concordia* est, quod Henricus Valesius in Tribocis situm fuisse, ad Ammianum Notis censuit. In limite ergo utriusque gentis fuit, ut incertum sit, cui adscribi verius conueniat, quod etiam nostræ expositioni nihil derogat. *Concordia* autem illa munimentum Romanorum fuit. Ammianus lib. xvi cap. xxxiii, *Rex Chnodomarius reperta copia discedendi, lapsus per funerum strues, cum satellitibus paucis celeritate rapida properabat ad castra, quæ prope Tribuncos & Concordiam, munimenta Romana, fixit intrepidus, ut adscensis nauigiis, dudum paratis ad casus ancipites, in secretis secessibus euaderet.* Egit de Argentoratensi proelio & fuga ex illo Chnodomarii, quod situm, haud longe ab Argentorato, nobis indicat: qui distinctius in Antonini itinere a Tauruno per ripam, ita designatur:

Argentoratum

Brocomagum

Concordiam

Nouiomagum

—	—	—
M.	P.	XX
M.	P.	XVIII
M.	P.	XX.

Sita ergo *Concordia* fuit inter Brocomagum Tribocorum, & Nemetum caput *Nouiomagum*, quæ *Spira* postea dicta est; & quia cetera, quæ nominantur oppida, in ripa Rheni sunt, hanc quoque in eadem fuisse necesse est. Quod ad nomen attinet, ob casum nobis ignotum & incompertum ab Romanis rerum dominis fausto hoc nomine donata fuit. Iosias Simlerus interpretatur *Köchersberg*, quod impugnat Cluuerius lib. ii cap. xii, quod id longius a Rheno reductum sit, & ad quod tendenti a Brocomago Nouiomagum, recedendum potius sit, quam promouendum in via. Nam ut supra diximus, Brocomagus Cluuerio est oppidum Brumt, situm ad Sorram fluuium qui apud *Drusenhemium* (de quo nullum monumentum, præter nomen in hoc vico superest, a Drusi statiuus, ut videtur, nuncupato) in Rhenum effluit. Sed, si ex nomine minus claro, verum præue corrupto, coniecturas, quæ imbecillæ sunt, deferimus; & Brocomagum & Concordiam magis ad ripam Rheni referre forsân æquius erit, in qua Romani sueuerant sua munimenta collocare.

LXXXV.

Magis vexatum est, quod Ammianus prædicto loco cum Concordia coniungit Romanum munimentum *Tribuncos*, quod nomen gentis est Cluuerio, *Triboccos* legenti: id quod vero nec cum Ammiano, neque cum ipsa lo-

loquendi ratione congruit. *Munimenta* enim, vt plura, dixit, non *munimentum* vnum: vt necesse sit, non Concordiam solam, sed alterum etiam, quod nominat, Romanum munimentum exstitisse. Neque conueniens est castra designari per gentis nomen & oppidi pari seu eodem casu, sed si id animo Ammianus cogitasset, scribendum ipsi fortassis fuisset, *ad castra, quæ in Tribocis prope Concordiam fixit*, aut simili aliquo modo. Non dubitamus igitur oppidum vel castellum Romanum fuisse, cuius nomen ab Ammiano *Tribunci* vel *Triburci* scribitur: codices vero, Regius & Colbertinus, legunt *Tribunos*, quod nolim sperni, quia etiam in prouinciæ Narbonensis finibus inter Ruscinonem & summum Pyrenæum est Antonini Itinerario locus *Ad Centuriones*, simili denominatione, de quo etiam Iosias Simlerus *Tribonos* legit, simplici N, sine consonante alia, in medio retenta. Vbi vero situm illud munimentum fuerit, supra Concordiam, an infra illam, non habemus quod definiamus. Id vero certum ex Ammiano est, prope Concordiam fuisse, vt castra regis, quæ in ripa erant inter vtrumque locum media, ab vtroque denominari potuerint. Hæc de limite Nemetum & Tribocorum, vt alterutri genti, prout visum cuilibet erit, adiudicari sine errore possint, quia terminus ille ex coniectura ponendus est, deficiente antiquorum auctoritate.

LXXXVI.

Inde in ripa descendenti proximus locus est *Saletio*, memoratus in Antonini Itinerario & in Tabula Theodosiana. Hæc tali ordine descendit in ripa:

<i>Argentorate</i>	
<i>Brocomagus</i>	VII
<i>Saletione</i>	XVIII
<i>Tabernis</i>	XI
<i>Nouiomagi</i>	XII;

illud, in itinere a Mediolano Mogontiacum per Penninas, mutilatum est, quia Argentoratum & Saletio proxime, VII millium interuallo, coniunguntur, quod falsum est, & sine dubio exciderunt quædam loca, *Brocomagus* & *Concordia*. Exstat etiam in Imperii Notitia, vbi sub dispositione Ducis Mogontiacensis est *Præfectus militum Pacensium Saletione*: cui proximus in eadem Notitia est *Præfectus militum Menapiorum Tabernis*, tamquam in vicinia positus. Ex quo præsidio apparet, non exiguum aut ignobilem fuisse locum. Id oppidum Saletio videtur ab Ammiano lib. XVI cap. III *Saliso* nuncupari, de quo infra plura dicemus. Ductu nominis & Tabulæ itinerariæ inuenimus in oppido *Selz*, ad exitum cognominis fluenti. Caue vero cum Antonini *Salissone*, oppido infra Bingium, quod Cluuerius facit, confundas, quia longe a Saletione remotum est.

LXXXVII.

Tabernæ, quæ in Tabula Peutingeriana & Notitia Imperii cum Saletione coniunguntur proxime, sunt Tabernæ Rhenanæ, *Rhein-Zabern*, distinguendæ a *Tabernis Tribocorum*, vulgo nunc *Elsas-Zabern*, longius a Rhe-

noLotharingiam versus remotis. Sunt & tertiæ in hoc Rhenano tractu *Tabernæ*, Montanæ vulgo cognominatæ, *Berg-Zabern*, quas vero nescio, an in quodam veteri litterarum monumento reperiantur. Reliquæ autem duæ sunt illustres, alteræ Tribocorum, in itinere Antonini de Pannoniis in Galliam per mediterranea, hoc ordine:

Argentoratum

Tabernas

Decem Pagos

Diudorum

—	—	—
M.	P.	XIIII
M.	P.	XX
M.	P.	XX:

Hæ sunt etiam, quas Ammianus lib. xvi cap. xxi *Tres Tabernas* vocat, quas male Cluverius ad Rhenum trahit: verius de Tribocis seu Alsaticis interpretatur Lindenbrogius & Henricus Valesius: & ipse Ammianus ita describit, ut ad Ripenses referri nequeant. *Conuersus*, inquit, *hinc Iulianus ad reparandas Tres Tabernas, munimentum ita cognominatum, haud ita dudum obstinatione subuersum hostili, quo ædificato constabat, ad intima Galliarum ut consueuerant adire, Germanos arceri.* Dum dicit oppositum munimentum fuisse, quo barbarorum excursiones IN INTIMA prohiberentur, aperte significat, non in ripa, sed interiora versus conditum fuisse, ut ab *intimis* inuadentes hostes arceret. Quod pluribus contra Cluverium Dionysius Petavius in Iuliani Epistolam ad S. P. Q. Atheniensem pag. 100 persequutus est. Cur vero hæ Tabernæ *Tres* vocentur, fatetur Lindenbrogius non liquere: quod forsan ad imitationem *Trium Tabernarum*, loci in Italia ad Viam Appiam haud procul Roma siti, ita factum fuit.

LXXXVIII.

Alteræ Nemetum, siue Rhenenses Tabernæ, in eiusdem itinere a Mediolano per Penninas Mogontiacum sic positæ:

Argentoratum

* *

Saletionem

Tabernas

Noviomagum

—	—	—
	*	
M.	P.	VII
M.	P.	XIII
M.	P.	XI.

Et hæ sunt, quas paullo ante, quum de Saletione ageremus, ex Tabula Theodosiana, & Notitia Imperii memorauimus. Harum quoque mentionem fecit Ammianus lib. xvi cap. iii, Rhenanas ciuitates hoc ordine enumerans: *Audiens, Argentoratum, Brocomagum, Tabernas, Salisonem, Nemetas, & Vangionas, & Mogontiacum ciuitates barbaros habitare.* Rectius vero *Salisonem*, seu *Saletionem* potius, ante Tabernas posuisset. Nunc, ut diximus, hæ Tabernæ vocantur ab amnis propinquitate *Rhein-Zabern*, id est Rhenanæ siue Rhenenses.

LXXXVIII.

Post Tabernas, ut in Tabula & Itinerario vidimus, est ipsa *Noviomagus*, caput Nemetum, quam supra exposuimus. Interponendus videtur *Vicus Iulius*, cuius in Notitia Imperii fit mentio sub Duce Mogontiacensi, & inter

Tabernas ac Nemetes, hoc est Nouiomagum ponitur, tota dispositione praesidiorum in Nemetum agro usque ad Vangiones hoc ordine facta:

<i>Præfectus militum Pacensium</i>	<i>Saletione.</i>
<i>Præfectus militum Menapiorum</i>	<i>Tabernis.</i>
<i>Præfectus militum Anderecianorum</i>	<i>Vico Iulio.</i>
<i>Præfectus militum Vindicum</i>	<i>Nemetes.</i>
<i>Præfectus militum Martensium</i>	<i>Alta Ripa.</i>
<i>Præfectus militum secundæ Flaviæ</i>	<i>Vangiones.</i>

Quum ergo in ceteris ordo sit recte observatus; non dubitemus, quin etiam *Vicus Iulius* recte inter Tabernas & Nemetes siue Spiram collocatus sit. In quo tractu medio loco est *Germersheim*, quod oppidum *Vicum Iulium* esse Cluuerius persuadet, nec difficulter adducimur, ut in causa probabili adsentiamur.

XC.

Ultimum oppidorum ditionis Nemetum est *Alta Ripa*, inter Nouiomagum siue Spiram & Vangionum Borbetomagum, paullo infra confluentem Nicri, posita. Quod illa nomen suum servat, *Altrip*, locus & situs facillime inuenitur. Præfectum militum & praesidium habuit, ut modo ex Notitia Imperii cognouimus. Ibidem data est lex IV Cod. Theodos. de Reparationibus adpellationum, quæ ita subnotata est: *Dat. XIII kal. Iul. Altaripa, Valentiniano N. P. & Victore coss.*

VANGIONES.

XCI.

Infra Nemetes in Rheni ripa *Vangiones* habitarunt, memorati lib. I. B. Gall. cap. LI, ubi in exercitu Ariouisti numerat *Tribocos, Vangiones, Nemetes, Sedusios*, quorum illi, si iam tum Rhenum transiecerant & ripam Galliae colebant, regem Germanorum societate & amicitia sequuti videntur. Lucanus lib. I vers. 430

*Et qui te laxis imitantur, Sarmata, braccis,
Vangiones:*

Tacitus German. cap. XXVIII *Rheni ripam haud dubie Germanorum populi colunt Vangiones, Triboci, Nemetes*: quibus clare origo illorum significatur. De transitionis tempore supra disputauimus. Ptolemæo sunt *Ὀυαγγίονες*, correpta penultima, uti Lucanus modo corripuerat. Habitarunt, Cluuerio censente, a Nemetibus usque ad amnem Nauam. Post Nemetum caput Nouiomagum in Tabula Peutingeriana sequitur in ripa amnis secundi *Borgetomagus*, Ptolemæi *Βορβητόμαγος*, ad quam scripturam in Antonini optimis membranis, itinere a Mediolano Magontiacum, proxime accedit *Borbtomagus*, quæ corrupta in aliis in *Bormitomagus* est. Maior deprauatio videtur itinere a Treueris Argentoratum, ubi *Brotomagus* inter Magontiacum & Nouiomagum distantia media in editis conspicitur. Posteriori æuo, ut solemne erat, ipsa vrbs gentis nomine donata & *Vangiones* dicta est. Ammianus Marcellinus lib. XV cap. XXVII *Dein Prima Germania, ubi præter alia municipia, Mogontiacus est, & Vangiones, & Nemetæ*. Lege III Cod. Theod.

dof. de Prædiis nauiculariorum a Valentiniano & Valente augustis data est Vangionibus. Notitia Imperii sub Duce Mogontiacensi, *Præfectus militum secundæ Flaviæ Vangiones*, id est apud Vangiones, siue Vangionibus. Et Hieronymus Epist. x i ad Ageruchiam viduam, sub finem: Vangiones longa obsidione deleti. Esse autem nostram *Wormatiam* siue *Worms*, cum situs ostendit & itinerariorum rationes, tum prouinciarum & ciuitatum Notitiæ, quarum quibusdam simpliciter est *Ciuitas Vangionum*: in aliis autem *Ciuitas Vangionum Warmatia*; in aliis *Ciuitas Vangionum, id est Warmatia*, vel *Garmatia*, aut *Guarmatia*: & *Ciuitas Vangionum, id est Warmacia*, per c litteram pro r. Circa Caroli Magni ætatem annales *Wormacia* vel *Wormatia* referunt. Ad Teutonicum W exprimendum veteres Latini V adhibuerunt, quod elementum quia sæpe cum B permutatur, inde factum vt plures *Borbetomagus*, *Borbitomagus*, quasi *Vorbetomagus* scriberetur.

XCII.

Hanc inter Vangionum urbem & Magontiacum in Tabula Theodosiana est *Bonconica*, quæ in dicto Antonini itinere a Mediolano Magontiacum, dicitur *Bauconica*, vt videtur corrupte; medio prope interuallo sita inter vtramque, quam diximus, urbem. Rationes Itinerarii sic habent:

<i>Nouiomagum</i>	—	—	—
<i>Borbitomagus</i>	M.	P.	XIIII
<i>Bauconicam</i>	M.	P.	XIII
<i>Maguntiacum</i>	M.	P.	XI.

Tabula habet VIIII millia ad *Mogontiacum*: XI ad *Borgetomagus*, vti per G pro aliorum B scriptum habet. Si bene perspexeris, nihil in illo tractu est & in tali distantia, quam oppidum *Oppenheim*, quod non dubitat Cluuerius, esse ipsam veterum *Bonconicam*.

XCIII.

Principem urbem Germaniæ Primæ, Mogontiacum, Cluuerius etiam sub Vangionibus censet, quorum fines ad *Nauam* amnem deducit. Dubitare possis, quia non huic vrbi, sed *Borbetomago* siue *Wormatiæ*, nomen gentis, quod primariæ tantum vrbi contingebat, media ætate fuit impositum, *Vangiones* scilicet, quod potius nobiliori Mogontiaci, si Vangionum gentis fuisset, reddi debuisset. Sed forte Cluuerium induxit, quod alia gens post Vangionas & Treueros in illo tractu ab antiquis non memoretur, ob quam causam nos etiam, quum aliam gentem nominare non possimus, Cluuerii ordinem non sustinemus immutare. Scribitur varie hoc nomen: apud Tacitum, qui forte antiquissimus est, qui ex reliquis scriptoribus nominauit, *Magontiacum*, Lib. i v Histor. cap. x v *Bataurorum cohortes, missæ in Germaniam, ac tum Magontiaci agentes*: & cap. xxxiiii *aliis a Magontiaci vniuersas copias aduenisse credentibus*: & alibi sæpe. In Antonini Itinerario *Maguntiacum* & *Magontiacum*, illud itinere a Mediolano ad hanc urbem; hoc, a Treueris Argentoratum. Ceteri fere *Mogontiacum* scripsere, auctor Tabulæ Peutingerianæ ex Theodosii æuo: Eutropius lib. vii cap. viii; Notitia Imperii sub Duce Mogontiacensi: etiam interdum *Moguntia-*

cum, vt in Notitia prouinciarum & ciuitatum est. Ptolemæus *Μογοντίακον*, x in locum γ admissio, quod leue est: id vero castigatione dignum, quod in Germania Inferiore scripsit, quum caput Superioris fuerit. Ammianus casu femineo format *Mogontiacus* lib. xv cap. xxvii, vt supra sæpe vidimus. Postea truncatum fuit vocabulum, poetis præsertim, quorum metro *Mogontia* vel *Moguntia* visa aptior. Fortunatus lib. ix carm. ix ad Sidonium episcopum Mogontiacensem:

*Reddita ne doleas felix Maguncia casus,
Antistes rediit qui tibi ferret opem.*

Güntherus Ligurino lib. i vers. 384 a *Mogo*, id est *Mœno* flumine, haud procul vrbe, in Rhenum effluente, nomen deducit,

Nomen ab infuso recipit Moguntia Mogo.

Sed vocis hanc originem auctori suo relinquimus, quia flumen illud *Mogum* nuncupatum fuisse, inauditum est, cui *Mæno* vel *Mæno* ab antiquis Romanorum temporibus ad nostram memoriam nomen fuit, vt in Germania trademus. Quod ergo princeps vrbs Romanorum fuit in Germania Superiore; ibi plerumque sedes præsidis; ibi vir spectabilis Dux militiæ per prouinciā; ibi præfectus militum & statua. Tacitus Hist. lib. iv cap. xxxiii a *Magontiaco* vniuersas copias aduenisse: & cap. lxi de Ciuilibus tumultu: *Cohortium, alarum, legionum hiberna subuersa cremataque: iis tantum relictis, quæ Magontiaci ac Vindonissæ sita sunt.* Et Notitia Imperii sub dispositione viri spectabilis Ducis Mogontiacensis: *Præfectus militum Armigerorum Mogontiaci.*

XCIV.

Sub ostium *Nauæ* amnis, qui nunc *Naha* vocatur, in citeriore ripa, siue *Mogontiacum* versus, situm est antiquus vicus vel oppidum *Bingium*. Tacitus lib. iv Histor. cap. lxx *Tutor, Treueris comitantibus, citato Magontiaci Bingium concessit, fidens loco, quia pontem Nauæ fluminis abruperat.* Notitia Imperii sub dispositione v. s. p. ducis Mogontiacensis: *Præfectus militum Bingensium Bingio.* Tabula Theodosiana hoc ordine:

Vosauia viiii. Bingium xii. Mogontiaci — —

Antonini itinere a Tauruno Pannoniæ per ripam in Gallias:

<i>Nouiomagum</i>	—	—	—
<i>Bingium</i>	M.	P.	xxv
<i>Antunnacum</i>	M.	P.	xxxii

Et alio itinere a Treueris Argentoratum:

<i>Baudobricam</i>	—	—	—
<i>Salissonem</i>	M.	P.	xxii
<i>Bingium</i>	M.	P.	xxiii
<i>Magontiacum</i>	M.	P.	xii

Itinere a Lugduno capite Germaniarum; corrupte *Vincum* scribitur, non tam propter *V*, quod cum *B* sæpenumero commutatur, quam propter elisum *I*, & *C* cum *G* confusum. Esse autem ipsum *Bingium*, ex rationibus milliariorum apparet, quæ sunt

Confluentes

Vincum

Nouiomagum

Treueros

M.

P.

XXVI

M.

P.

XXXVII [Treueror.]

M.

P.

XIII.

Ammianus nouo casu *Bingio* siue *Vingio*, vt in quibusdam codicibus est, formauit lib. xviii cap. ii. *Ciuitates*, inquit, *occupatæ sunt septem: Castra Her- culis, Quadriburgium, Tricesimæ, Nouesium, Bonna, Antunna, & Bingio.* Aufonius principio Mosellæ situm & munitiones ita describit, vt sæpe memorauimus:

Transieram celerem nebuloso lumine Nauam,

Addita miratus veteri noua mœnia vico.

Transierat ponte, quem supra ex Tacito cognouimus: & dum transit, veteris vici vel oppidi noua mœnia miratur, quæ magna doctorum consensione munimenta Bingii erant, non quod vicus immunitus fuerit, sed quia bellorum impetu euersum oppidum, in vicum redactum fuerat: tum autem principum liberalitate instauratum.

XCV.

Cui genti *Bingium* adscriptum fuerit, non vsque quaque est liquidum. Cluuerius, quamuis Mogontiacum Vangionibus adsignet, quorum limitem in Naua flumine ponit: tamen *Bingium*, cis Nauam situm, attribuere Treueris, quam Vangionibus, mauult, quia Tutor, qui Treuir fuit, quum ab Romanis defecisset, se *Bingium*, præterito Mogontiacum, recepit, abrupto ponte se tutum fore confisus, in quo autem falsus fuit, vt ex Taciti iv Hist. cap. lxx notum est. Mihi vero id inde, quod Cluuerius putat, nondum videtur consequi, quia in tumultu & bello quisque occupat, quod sibi præsidio existimat fore; legum atque limitum nullam rationem habet. Cuiuscunque ergo populi Magontiacum fuit, probabile maxime est, in Naua fluuio territorium eius finitum fuisse, citra quem quum *Bingium* fuerit, eiusdem conditionis fuisse, cuius erat Mogontiacum, plane est credibile.

SECTIO VIII.

TREVIRI seu TREVERI.

XCVI.

TREVIRI siue TREVERI, antiquus & potens populus, longe, late inter Mosam & Rhenum habitauerunt, a quibus Mosam Remos separauit ex occasu solis: a meridie communes cum Mediomatricis fines habuere. Cæsaris æuo orientalis limes Rhenus erat: post, traductis Vbiis in citeriorem ripam, in tantum angustior, quantum illi Augusti liberalitate ex Gallico solo acceperunt. Scribunt *Treuir*, vocalitertia, Cæsar variis locis ac pæne innumeris: & Cicero lib. vii epist. xiiii ad Trebatium, *Sed vt ego quoque te aliquid admoneam de nostris cautionibus; Treuiros vites censeo: audio capitales esse.* Peribitiocus Ciceronis, si *Treueros* substituas, quia ad iiii viros Romanorum

norum capitales adludit. Hos Ptolemæus imitatur, *Τρεῖς* scribens: quæ ratio etiam in nummo Vespasiani, si recte transcriptus a Golzio est, observata fuit, COL. AVG. PAT. TREVIROR. id est, *Colonia Augusta Paterna Trevirorum*. Ceteri plerique vocali secunda *Treueri* scribunt, atque ita in multis marmoribus legitur, quasi consuetudine Romani & commerciis experti essent postea, non a *vir*, sed ex Germanica origine id vocabuli esse; eiusque ideo mutassent pronuntiationem. Pomponius Mela lib. iii cap. ii *Belgarum clarissimi sunt Treueri*. * Plinius lib. iv cap. xvii *Treueri, liberi antea*, id est ante Ciuilis tumultum, ob quem libertatem ademit Vespasianus, sub quo Plinius scripsit. Tacitus innumeris locis, præsertim lib. iv *Historiarum* eorum mentionem fecit, & semper *Treueros* scripsit, verbi gratia, lib. iv cap. lxx sæpe, *Tutor, Treueris comitantibus, Bingham concessit*: & iterum, *Ea clade perculsi Treueri*: item, *Legiones a Nouesio Bonnaque in Treueros tractæ*. Semel, at singulariter ac sine numero, *Treuir* dixit. Lib. iii *Histor.* cap. xxxv *In Galliam Iulium Calenum tribunum; in Germaniam Alpinum Montanum præfectum cohortis, quod hic Treuir, Calenus Aeduis, uterque Vitelliani fuerant, ostentui misere*. Qua forma etiam Lucanus vsus est lib. i v. 441

Tu quoque letatus conuersti prælia Treuir.

Maxime vero notabiles sunt lapidum inscriptiones. Gruterus pag. iii num. 9 COL. AVG. TREVER. Et pag. 225 num. 4 S. C. AV. TREVE. Et pag. 482 num. 5 CIVITAS TREVERORVM OPTIMO PRAESIDI. Germanicam originem præ se Treueri ferebant. Tacitus de German. cap. xxviii *Treueri & Neruii circa adfectionem Germanicæ originis ultro ambitiosi sunt, tamquam per hanc gloriam a similitudine & inertia Gallorum separentur*. Vnde minus est, quod de Germanico illorum nomine dubitemus.

XCVII.

De finibus supra dictum: de Rhenano latere, quod primum imminutum fuit, adiicere non nulla, pretium erit. Iulii Cæsaris temporibus ad Rhenum habitasse, ex illius commentariis manifestum est. Lib. iv cap. x de Rheno dixit, *per fines Heluetiorum, Sequanorum, Mediomatricorum, Tribocorum, Treuirorum citatus fertur*. Et commentario v cap. iii *Hec ciuitas [Treuirorum] longe plurimum totius Gallie equitatu valet, magnasque habet copias peditum, Rhenumque, ut supra demonstraui, tangit*. Et lib. vi cap. xxviii *per Arduennam siluam, quæ est totius Gallie maxima, atque ab ripis Rheni, finibusque Treuirorum, ad Neruios pertinet*. Eiusdem commentarii vi cap. viii *Firmo in Treuiris præsidio ad pontem relicto, ne quis ab iis subito motus oriretur; reliquas copias equitatumque transducit*. Quum vero Vbiorum genti, qui Cæsaris tempore Transrhenani erant, Augustus Cæsar concesserit, ut Rhenum transgrederentur, ripamque Gallicam custodirent, & veteres hostes suos Catts, a quibus pulsi fuerant, a transitu arcerent; in controuersiam venit, vtrum Treueris aliquid ad Rhenum, & quantum relictum fuerit. Plinius quidem, quum lib. iv cap. xvii gentes Rhenum accolentes describit,

post

* Ut accentus appareat, annorandi sunt loci Dionis Cassii lib. XL. pag. 140. *Τριμήσιοι*. Sed pag. 150. edit. Plantin. *Τριμήρων Χώρα*, & pag. 151. *Τριμήροις βοηθήσαι*. Strabo autem pag. 296. edit. Almelou. *Τῶν δὲ Τριμήρων καὶ Νεβίων* &c.

post *Vangiones*, statim *Vbios* nominat: hinc *Gubernos*, *Batauos*, vt supra productis verbis demonstraui. Nihilominus eiusdem *Plinii* auctoritate superiorem partem ripæ, quam possederant, relictam esse *Treueris* censemus; inferiorem cessisse *Vbiis*. *Suetonius* *Caligulae* Vita cap. viii ita de natali eius solo refert: *Vbi natus sit, incertum diuersitas tradentium facit. Cn. Lentulus Gætulicus Tiburi genitum scribit: Plinius Secundus, in Treueris, vico Ambitarino, supra Confluentes: addit etiam pro argumento, aras ibi ostendi inscriptas* OB AGRIPPINAE PVERPERIVM. Ex quibus intelligimus, quia vicus ille *supra confluentes* celebres *Rheni* & *Mosellæ* fuit, ad *Rhenum* existisse: & quod idem in *Treueris* fuit, *Treueros* extremis *Augusti* temporibus in *Rheni* ripa adhuc partem possedisse, quum multis ante annis traductio *Vbiorum*, & vel in ipso triumuiratu, vt *Cluuerius* ex *Dionis* lib. xlviii putat colligi posse, præcessisset. Quanta vero fuerit illa portio *Treuericæ* in ripa possessionis, non puto demonstrari certo posse: nec vero improbabile videtur, quod sentit *Cluuerius*, duobus confluentibus cum *Rheno*, *Naua* & *Abrinca*, definitam fuisse. Certe aliam ignoramus gentem, cui, quæ vtrumque amnem interiacent, attribuamus: nec interest geographiæ, cuius gentis ille tractus fuerit, nosse curatius determinatum; quum sufficiat non nescire, cuius *Romanæ* prouinciæ fuerit, & quam distantiam inter se loca habuerint.

XCVIII.

Inter *Rhenum* ergo & *Mosam*, circa *Mosellam* maxime, gens *Treuerica* habitauit. Oppidum gentis primarium ad *Mosellam* illud, quod hodieque clarum est, etiam antiquitus fuit, & ante *Cæsarem* ac *Augustum*, id quod principatus dignitas ostendit, quia statim, vbi primum memoratur, fuit amplum & potens. Quod nomen eius fuerit, antequam coloniam acciperet, nusquam est proditum: neque quo anno deducta colonia fuerit; nisi quod *Augusti* auspiciis deductam, nomen ostendit. *Tacitus* simpliciter coloniam *Treuerorum* vocat lib. iv Hist. cap. lxxii & lxxiii. Primus, qui nouo *Augustæ* nomine adpellauerit ex scriptoribus, quos habemus, *Pomponius Mela* est lib. iii cap. ii de *Gallia*. *Vrbes*, inquit, opulentissimæ, in *Treueris Augustæ*; in *Aeduis Augustodunum*; in *Auscis Climberrum*. Alter est *Ptolemæus*, a quo *Αὐγῆσα Τρεῖρων*, *Augusta Treuirorum* vocatur. Addo lapidum inscriptiones supra memoratas, quibus est COL. AVG. TREVER. item C. AV. TREVE ex *Gruteri* thesauro p. iii & 225. Consonat nummus *Vespasianus*, itidem *Augustæ* nomen præferens, quem supra quoque ostendimus inscriptum COL. AVG. PAT. TREVIOR. Postea, recepto vbiq; more, gentis suæ vocabulo vrbs *Treueri* vel *Treuri* nominata. *Ammianus Marcellinus* lib. xv cap. xxvii *Belgica prima Mediomatricos prætendit, & Treuiros, domicilium principum clarum*. Diuiso enim *Romano* imperio, qui *Transalpinas* partes tenebant *Treueris* plerumque sedem fixerunt, *Constantius*, *Constantinus*, *Constantinus* filius, & *Constans*, & huius percussor *Magnentius*, & sæpe *Gratianus*, & qui eum interfecit, *Magnus Maximus*. *Ambrosius* epistola lvi ad *Valentinianum* ii augustum, de sui ad *Maximum* legatione:

tione: *Quum peruenissem Treuiros, postridie processi ad palatium.* Poetae circumscribunt nomen, nunc *Treuericam urbem*, nunc urbem *Treuerum* nuncupantes. Aufonius de Claris Urbibus cap. iv

Treuericaeque urbis solium, quae proxima Rheno,
qui vna situm & comoda urbis his verbis describit:

*Lata per extentum procurrunt mania collem,
Largus tranquillo praelabitur amne Mosella,
Longinqua omnigenae vectans commercia terrae.*

Venantius Fortunatus de nauigatione sua lib. x carm. xii

*Perducor Treuerum qua mania celsa patefcunt,
Urbs quoque nobilium nobilis, atque caput.*

Tanta vero felicitas mox quadruplici clade prostrata est. Saluianus Massi-
kensis lib. vi de Gubernat. Dei pag. 211 *Treuerorum urbs excellentissima, qua-*
druplici est euerfione prostrata. Et eodem libro pag. 227 *Expugnata est quater*
urbs Gallorum Treuer opulentissima.

XCIX.

Hæc de capite, vrbe Treuerorum Augusta. Circumiecta oppida par-
tim in ripa vtriusque amnis, partim in mediterraneis fuerunt. Amne se-
cundo xiii millibus, in dextra Mosellæ ripa, fuit oppidum *Nouiomagus*, siue
Nouiomagus siue *Nouomagus* vel *Niuomagus*; tot modis enim scribitur. Iti-
nere Antonini a Lugduno capite Germaniarum hæc series proposita est:

<i>Antunnacum</i>	—	—	—
<i>Confluentes</i>	M.	P.	IX
<i>Vincum</i> [Bingium]	M.	P.	XXVI
<i>Nouiomagum</i>	M.	P.	XXXVII [Valef xxxiiii]
<i>Treueres</i>	M.	P.	XIII.

Esse autem hanc non *Nouiomagum Nemetum*, tam ex itineris directione,
quam distantis locorum liquet, quam a Bingio in *Nemetum* urbem sint ad
XLVIII millia. In Tabula Theodosiana, itinere ab Augusta Treuerorum
ad Bingium, etiam *Nouiomago* legitur, x millibus passuum ab Augusta. Et
eodem tractu posita *Niuomagus* vel *Nouomagus* contracte, ab Aufonio, Mo-
sellæ versuo

Et tandem primis Belgarum conspicio oris

Niuomagus, diui castra incluta Constantini.

Constantinus enim Maximus heic bello, aduersus Francos gesto, videtur
castra habuisse. Quidam in mediterranea trahunt, quod Antonini itineri
non repugnat; verum quia ad Mosellam eius loci vicus superstat, *Nimagen*
dictus, & in Tabula Theodosii *Nouiomagus* prope Mosellam locata conspi-
citur; non dubitamus, eum vicum *Treuerorum Nouiomagus* esse, cui neque
distantia Itinerarii Antoniniani aduersatur.

C.

Eadem Tabulæ Theodosianæ via duo oppida inter *Nouiomagum Tre-*
uerorum, & *Bingium* ponuntur, *Belgium* & *Dumnus* hac serie atque di-
stantia:

Aug. Treuiror.

VIII [Cluv. XIII]

Nouiomago

X

Belginum

VIII

Dumno

XVII

Bingium

— — —

Prius oppidum incidit fere in locum, qui non dissimili prorsus nomine nunc *Baldenau* vocatur, quasi *Beldinum* forsan antiquum nomen fuerit: alterum, *Dumnus*, videtur Cluuerio vicus esse infra oppidum Kirchberg, qui *Densen* vocatur. Dumno etiam nomen *Dumnisso* fuit, apud Aufonium, eodem itinere a Bingio Nouiomagum, in Mosellæ descriptione, post initium:

*Vnde iter ingrediens nemerosa per auia solum,
Et nulla humani spectans vestigia cultus,
Prætereo arentem sitientibus undique terris
Dumnissum, riguasque perenni fonte Tabernas.
Aruaque Sauromatum nuper metata colonis:
Et tandem primis Belgarum conspicio oris
Niuomagum, diui castra incluta Constantini.*

Dumnissus ergo Aufonii est *Dumnus* Tabulæ. *Tabernas* autem fonte perenni riguas suspicatur Cluuerius diuersoria fuisse iuxta egregium fontem in illa via, mille quingentis circiter passibus supra arcem Baldenau, *Dumnissum* versus: ex quo riuulus limpidissima aqua profluens Mosellæ redditur paullo infra Nouiomagum.

CI.

Ab hac via declinauit alia Antonini, quæ itidem Treueris Bingium ferebat, indeque Argentoratum. Rationes eius ita habent:

Treueri

— — —

Baudobricam

M. P. XVIII

Salissonem

M. P. XXII

Bingium

M. P. XXIII

Magontiacum

M. P. XII.

Clarissimo viro Hadriano Valesio Notit. Gall. in *Saletione*, videtur *Baudobrica* Itinerarii esse eadem, quæ Peutingerianæ Tabulæ est *Bontobrice*, quod, si nomina intuemur persimilia, valde probabile adparet: si numeros & rationes itinerum, nimis quantum dissonat. *Bontobrice* enim VIII millibus passuum a Confluentibus abest: *Baudobriga* vero XVIII a Treueris, a quibus ad Bontobricam Tabulæ sunt circiter XL millia passuum. nec adparet ratio, quare, qui Treueris profisciscatur Bingium, tam longa ambage prope ad Confluentes accedat, ut VIII millibus tantum ab illis absit. Quum vero *Baudobricæ* nomen etiam alio itinere, a Tauruno Pannoniæ per ripam occurrat, positum inter Bonnam & Antunnacum; non sine causâ aliquis de Baudobrica altera, quæ inter Treueros & Bingium sita sit, dubitare cœperit, quia non credibile est, in illo tractu non amplissimo, qui inter Bonnam, Bingium & Treueros existit, duas Baudobricas, oppida eiusdem nominis fu-

isse. Aliud ergo quoduis nomen, quam *Baudobricam* inter Treueros & Saliffonem malim legi, vt & Tabulae Theodosii suæ rationes, & Antonini Itinerario etiam suæ consent. Quare & *Saliffonem* Itinerarii, & quodcumque sub *Baudobrica* nomine antecessit, in mediterraneis fuisse autumo: & quia Tabulae ac Aufonii via in septentrionem declinabat; hanc Itinerarii viam in austrum plus recessisse puto, quod neutram in alteram videmus incidisse. Caue vero, quod supra etiam monuimus, ne hunc Itinerarii *Saliffonem*, cum Ammiani Marcellini *Salifone*, qui *Saletio* est, confundas.

CII.

Reliquum est, vt ad Rhenum quæ ditionis Treuericæ, saltem inter V. bios & Vangiones fuerunt, consideremus. A Bingio & Nauæ confluente secundum Peutingerianam Tabulam proxima per x i i millia passuum est *Vosauia*, quæ omnium consensu est *Ober-Wesel*, iam tum Hrabani ætate *Wassalia* (in eius Martyrologio prid. kalend. Iulii) dicta, vt facilis coniectura sit, in Tabula forte etiam *Vosalia* vel *Vosallia* legendum esse. Inde post x i millia est Tabulae *Bontobrice*, quæ, & Notitiæ Imperii *Bodobriga*, est eadem, vt postea probabimus: cui quod nomine consonat, sed ex alieno loco reducenda, Antonini *Baudobrica*; non inepta Cluuerii coniectura est, in Tabula quoque *Bautobrice* legendum esse: vt cum *Bodobriga*, quæ in eodem loco est, vt mox probabimus, propius pleniusque conueniat. Notitia Imperii sub dispositione Mogontiacensis Ducis, præsidia Romanæ militiæ Rhenanis oppidis imposita accurato ordine, & habita geographiæ ratione, sic enarrat, vt post præfectos militum, Saletione, Tabernis, Vico Iulio, Nemetibus, Alta Ripa, Vangionibus, Mogontiaci, Bingio; *Præfectus sequitur militum Ballistariorum Bodobriga*: tum demum *Præfectus militum Defensorum Confluentibus*: & tandem *Præfectus militum Acicensium Antonaco*. Ex quo accuratissimo ordine intelligimus, *Bodobrigam* inter Bingium & Confluentes sitam fuisse, quo tractu etiam *Bontobrice* in Tabula Peutingeriana est, cuius numeri nos in locum ducunt, qui nunc oppidum *Boppardum* habet, quod nomen a vocabulo *Bodobrigæ* non plane est alienum.

CIII.

Antequam ad Confluentes abeamus, dispiciemus de *Ambitarino vico*, quem Plinius apud Suetonium Caligula cap. v i i i, vt supra demonstraui, in *Treueris supra Confluentes* posuit. Quæ formula ostendit, haud longe illum a Confluentibus abfuisse, & quidem ad Rheni ripam situm, vbi castra Romanorum haberi solita. Quum vero Caius, Germanici Cæsaris filius, auctore Plinio in hoc vico natus, feratur in castris natus esse, quod etiam versus diuulgatus apud Suetonium confirmat,

In castris natus, patriis nutritus in armis;

vtique verosimile est, vicum iuxta Rhenum fuisse, quod ipsa etiam verba *supra Confluentes*, non obscure arguunt, & quia nihil additum, quod ad aliam restringat, de nobiliore Rheni ripa explicari postulant: vt adeo in Cluuerii sententiam ire minus dubitemus, qui inter Bontobricam Tabulae & Confluentes *Vicum Ambitarinum* medium, in loco fere, vbi nunc castrum *Capella*

la est, persuasum sibi habet. In MSS. *Ambitarinus* vicus vocatur: in vulgatis *Ambiatinus*; etiam in non nullis *Ambiatius*, quod Cluuerio placet propter Pipini diploma, de quo infra dicturi sumus. De situ hoc dubitationem Christophorus Browerus mouet, Annal. Treuerens. lib. I pag. 136, vicum nostrum ab Rheno ultra Mosellam in pagum siue campum Meginensem, qui nunc Meyenfeld dicatur, traducens, cuius indicium non spernendum, ut ait, in Pipini & Caroli M. donationum tabulis se inuenisse arbitratur. Libro VII pag. 378 ex Pipini donatione refert S. Martini ecclesiam in *Ambitvo pago* Treuerensibus contributam; & pag. 380 ex Caroli diplomate, S. Martini ecclesiam, Treuerensi ecclesiæ donatam esse, in *pago Meginensi*. Unde pronum videtur colligere, Ambituum pagum ipsum Meginensem esse; hunc autem ob soni nonnullam conuenientiam eum, qui nunc Meinfeld vel Meyenfeld adpelletur; ut S. Martini ecclesia sit Monasterium Meinfeldense, siue *Münster in Meyenfeld*. Quod si est, ampliores fines illi pago oportet constituentur. Regino enim, Chronicorum auctor, ad annum 1000 LXXVI dicit, *Meginensem campum non longe ab Andernaco castello* abesse. Andernacum autem infra Confluentes VIII millibus passuum situm est; & vicus natalis C. Cæsaris *supra* eosdem, Plinio auctore: quæ, nisi multum ampliatis finibus, non facile inter se conciliantur. Cardo ergo totius causæ in eo verti videtur, ut pagus Meginensis per fines suos describatur, & Pipini diploma bene inspiciatur ad interpretandum: quod iis vtrumque relinquemus, quibus vtriusque perficiendi copia non negata, ut nobis, est. Interea Cluuerium in Tabula nostra & expositione sequuti sumus.

CIV.

Iam ad *Confluentes* accedamus, qui a fluuiis aquam confundentibus nominantur: heic autem videtur vna oppidum significari. Plinius apud Suetonium dicto loco: *Vico Ambiatino, supra Confluentes*. Quum enim Drusus quinquaginta amplius castella in Rheni ripa condidisse feratur; quis eum credet hunc omnium opportunissimum locum inter duos maximos amnes sine castro, sine munimentis exstructis præteriisse? Ait Ammianus lib. XVI cap. III *ibi oppidum esse, ubi amnis Mosella confunditur Rheno*: quamquam aberrare in illius nomine videatur, ut postea demonstraturi sumus. Notitia Imperii sub Duce Mogontiacensi *Confluentes* quoque, ut oppidum præsidio munitum, describit. *Præfectus*, dicitur ibi, *militum Defensorum Confluentibus*. Tabula Theodosii Peutingeriana, & Antonini Itinerarium itinere a Lugduno capite Germaniæ inter oppida *Confluentes* recensent. Illa hoc modo:

<i>Antunnacum</i>	VIIII
<i>Confluentes</i>	VIII
<i>Bontobrice</i>	VIIII
<i>Vosauia</i>	IX
<i>Bingium</i>	XII
<i>Mogontiacum</i>	—

Itinerario autem Antonini hæc series est:

<i>Bonna</i>	—	—	—
<i>Antunnacum</i>	M.	P.	XVII
<i>Confluentes</i>	M.	P.	IX
<i>Bingium</i>	M.	P.	XXVI

Hodie vrbs clarissima, nomen priscum corrupte seruans: *Coblens.* Ipsam amnium commixtionem Venantius Fortunatus lib. x. carm. xii de Nauigio suo seu Musellana nauigatione, ita descripsit:

*Tum venio, qua se duo flumina conflua iungunt,
Ilinc Rhenus spumans, inde Musella ferax.*

CV.

Infra Confluentes, Treuerorum vltimum vel oppidum vel castellum ad Rhenum fuit *Antunnacum*, cuius nomen iam & situm in Tabula & Itinerario vidimus, vt aliud non possit esse, quam quod postea *Andernacum* nuncupatum fuit. In Notitia Imperii vocatur *Antonacum*, eique militum Acicensium præfectus impositus erat. Nec recens est nomen alterum, sed ab Reginone etiam, vt paullo ante vidimus, vsurpatum; qui *castellum* perinde, ac sub veteri nomine Fortunatus Venantius ante dicto de Nauigio suo, carmine dixit:

*Antonnacensis castelli promptus ad arces
Inde prope accedens sarcina pergo ratis.*

Arces laudat, quia aliquando Austrasiæ regibus sedem præbuit. Pergit ibidem Venantius:

*Præsumt reges in sedibus aulæ,
Ac mensæ officio prandia festa colunt.*

Hodie oppidum non incelebre est, *Andernach*; nec dubitamus oppidum & ciuitatem olim fuisse. Ammianus enim Marcellinus lib. xviii cap. ii in ciuitatibus, id est claris vrbibus numerat. *Ciuitates*, inquit, *occupatæ sunt septem; Castra Herculis, Quadriburgim, Tricesimæ, Nouesium, Bonna, Antunnacum, & Bingio.*

CVI.

Vltra fluuius *Abrinca* est siue *Obringa*, qui vt terminus & limes vtriusque Germaniæ est; sic etiam ex Cluuerii opinione finis Treuerensis ad Rhenum territorii fuit. Quæ si ita se se habent, oportet Treuerensem agrum in diuersis prouinciis fuisse. Ipsa enim colonia siue metropolis fuit in Belgica Prima: tractus illius Rhenanus in Germania Prima siue Superiore. Sed recentior est illa multiplicatio prouinciarum, nec forsan ante Diocletianum audita: nec vero ab eodem tempore sciri distincte potest, cui populo aut prouinciæ adscribi ille tractus debuerit, quia Notitia prouinciarum & ciuitatum Galliæ nullam illius rationem habet, quia tantum ciuitates episcopales enumerat, cuius dignitatis equidem nullæ in illo tractu fuerunt.

CVII.

Ad Mosellam reuertamur eiusque confluentem: indeque ad ipsius coloniam

loniæ confinia. Ad vtrumque locum nos oppidum *Rigodulum* deducit, quod supra prætermisimus, quia, quæ de situ eius controuersia est, non potest explanari commode, nisi cetera illius Mosellani tractus, & partim etiam Rhenani, explicata fuerint. Alia positio eius oppidi apud Ammianum credita fuit: alia est apud Cornelium Tacitum. Ammianus lib. xvi cap. iv de vastatione Germaniæ, in Gallico solo prouinciæ, loquutus, *per quos tractus, inquit, nec ciuitas vlla visitur, nec castellum: nisi quod apud confluentes, locum ita cognominatum, ubi amnis Mosella confunditur Rheno, Rigodulum oppidum est, & una prope ipsam coloniam [Aggrippinam] turris.* Ita vulgo legebatur. Obseruauit autem Fridericus Lindenbrogius, in m. s. *Rigomagum* esse, quod etiam Valesius editione sua expressit. Quum vero Theodosiana Tabula *Rigomagum* inter Antunnacum & Bonnam fere medio loco constituat, & recte ita constituat, quia nomen in *Rimagen* ibidem conseruatur; ad confluentes non potuit situm esse, sed vltra Obringam fluuium, in principio Germaniæ Inferioris. An ergo quod vulgo legitur, *Rigodulum*, ad confluentes hos amnes fuisse censeamus? suadere videtur Ammianus, nec Tacitus repugnare, qui lib. iv Histor. cap. lxxi hæc de Rigodulo tradidit: *Cerialis, contracto quod erat militum Magontiaci, quantumque secum transuexerat, tertiis castris Rigodulum venit. quem locum magna Treuerorum manu Valentinus infederat, montibus & Mosella amne septum.* Nihil videtur impedire, quo minus ad confluentes Rigodulum statuamus, quia & sic tertiis castris a Magontiaci abesset; verum, si, quæ sequuntur eiusdem libri cap. lxxii, consideramus, fieri nequaquam potest, vt Taciti *Rigodulum* ad confluentes fuisse credamus, quia Cerialis, capto Rigodulo, dicitur *postero die coloniam Treuerorum ingressus*, a quo longius confluentes remoti sunt per xiii miliaria Germanica, quam vt altero inde die coloniam ingredi potuisset. Quum ergo intra milliarii Teutonicæ spatium ab Agrippina sit vicus *Rigol*, non dubitare licet, esse illum, quod Tacitus memorauit, Treuerorum *Rigodulum*. Quæ quum ita sint, & neque Rigodulum illi Ammiani loco, neque Rigomagum etiam conueniat; Cluuerius vtroque reiecto, *exiguum* censet legendum esse, quasi Marcellinus significari velit, oppidum Confluentes clade illorum temporum tenue ac exiguum oppidum factum esse. Miror doctissimos fratres, Henricum & Hadrianum Valesios, heic nihil adnotasse, quum eos nequaquam fugerit, quam acrem medicinam Cluuerius adhiberet: vt consilium medendi defuisse illis pæne crediderim. Violenta, fateor, medela est Cluuerii, qua mitiorem vtique optamus, quam nescio, an traiectione verbi *EST*, & adpositu copulæ *ET*, obtinere hoc modo possimus: *per quos tractus nec ciuitas vlla visitur, nec castellum, nisi quod est apud Confluentes, locum ita cognominatum, ubi amnis Mosella confunditur Rheno: & Rigomagum oppidum, & una prope ipsam coloniam turris.* Sic nihil violentum est, sola vocula *ET* adiecta, quæ facile potuit excidere; & τῶ *EST* in ceteriore loco transposito. Castellum autem Confluentes potius eo tempore, quam oppidum fuisse, verisimile videtur, & loci suadet opportunitas. Quibus admissis, & Marcellino sua veritas constabit, & librorum m. s. conseruabitur auctoritas.

CVIII.

Quæ alia minora circa metropolim Treuerorum restant, paucis verbis attingemus. Antoninus itinere a Durocortoro, quod in Remis est Campa- niæ, in Treueros vsque, ponit *Yungum* vicum, qui Ligny est Cluuerio: deinde *Epoissum*, nunc Yvoix, nostris Ipschs in finibus Lüzelburgicis: quæ videtur Notitiæ Imperii *Epusus* esse pag. 147, vbi *Præfectus* commendatur *Lætorum Actorum Epuso Belgicæ Primæ*: at vicus *Andethannalis* Cluuerio est Echternach: & a Treueris Agrippinam versus *Beda vicus*, nunc Bidburg, vel Bietburg, xii millibus passuum in septentrionem distans, & totidem fe- re a Rheno, Mosam amnem versus. Addit Peutingeriana Tabula inter Me- diomatricos & Treueros *Caranuscum*, pro qua Cluuerius *Saranuscum* legit, & Saarburg interpretatur: & *Ricciacum*, quod secus ac in Tabula est, infra Saranuscum transponit, vt loco *Riezingen* respondeat, qui inter Saarburg & Mettim situs est.

S E C T I O IX.

VBII TRANSDVCTI.

CIX.

Transductos hos cognominamus Vbios, quod non tam in veteri sede constitutos considerabimus, quam vt transducti ab Octauiano Cæsare ex dextra Rheni ripa in sinistram fuerunt. Quum Iulius Cæsar in Galliis pro consule esset, Transrhenani omnes *Vbii* fuerunt, ab Sueuis siue Cattis gra- viter afflicti, a quorum vt se iniuriis tuerentur, Cæsaris auxilium & amici- tiam rogabundi impetrauerunt. Id quod ex Cæsaris commentariis nunc demonstrandum est Lib. iv cap. iii *Ad alteram partem succedunt Vbii, quo- rum fuit ciuitas ampla atque florens, vt est captus Germanorum, & paullo, qui sunt eiusdem generis, etiam ceteris humaniores, propterea quod Rhenum attin- gunt, multique ad eos mercatores ventitant, & ipsi propter propinquitatem Gal- licis sunt moribus adsuefacti.* Et cap. xvi eiusdem commentarii: *Vbii, qui vni ex Transrhenanis ad Cæsarem legatos miserant, amicitiam fecerant, obsides dederant; magnopere orabant, vt sibi auxilium ferret, quod grauiter ab Sueuis premerentur: vel si id facere occupationibus reipublicæ prohiberetur, exerci- tum modo Rhenum transportaret. id sibi ad auxilium, spemque reliqui temporis, satis futurum.* Quorum precibus etiam hoc Cæsar dedit, vt ponte facto arma Romana Germanis in ipsorum solo ostentaret.

CX.

Quum in fide erga Romanos Vbii mansissent, grauiusque a Germa- nis premerentur, etiam propter Romanum foedus & amicitiam; vel sponte transgressi sunt Romanis permittentibus; vel non inuiti a duce Romano- rum in alteram ripam, vt tutiorem sedem, transducti fuerunt, quo anno, non satis clarum est historia tacente: nec vero dubitatur, recenti Augusti imperio, aut ipso triumuiratu migrationem illam factam fuisse. Tacitus de Mori-

Moribus German. cap. xxviii *Vbii transgressi olim, & experimento fidei super ipsam Rheni ripam collocati, ut arcerent, non ut custodirentur.* Quum OLIM dicit, ad longinqua tempora respicit: quum TRANSGRESSOS, coactam traductionem excludit. Solus Strabo rem obscuram potest illustrare, qui lib. iv pag. 134, quum de Treueris, Rhenum accolentibus egisset, addit, *πέραν δὲ ὤκουσι οὐκ εἰς κατὰ τὸν τόπον ἐς μετήγαγεν Αἰγρίππας ἐκόντας εἰς τὴν ἐντὸς τῆς Ῥήνης, Trans fluuium ad ista loca habitabant Vbii, quos non inuitos Agrippa intra Rhenum transduxit.* Iam vero duas expeditiones Gallicas Agrippæ scimus, vtramque a Dione Cassio descriptam, primam primo eius consulatu factam, lib. xlviii; alteram octauo decimo post priorem anno, C. Sentio & Q. Lucretio coss. lib. liv. Quarum quod prior illustrior fuit, & operosior etiam, & diuturnior, ut videtur; utique illam Vbiorum transductioni damus, quia Rhenum in ea ponte Agrippa iunxit, per quem tunc Vbii haud dubie a dextra in sinistram Rheni ripam transierunt. Dio Cassius lib. xlviii pag. 387 de his ita refert: *τῆς Γαλάτας αὐτὸν τῆς νεωτερίσαντας προσπολεμύμενον, ἕτε περ καὶ τὸν Ῥήνον δεύτερος δὴ τῶν Ρωμαίων ἐπὶ πολέμῳ διέβη, μετεπέμψατο. - - - ὑπάτερε δὲ μετὰ Λουκίῳ Γάλλῳ.* Id est, *Contra Gallos quoque rebellantes [Agrippam] bellum gerentem, cuius causa secundus Romanorum Rhenum transiit, quum is consul esset cum L. Gallo, euocauit Octavianus, scilicet ad classem fabricandam, & militem naualem exercendum, aduersus Sextum Pompeium, Pompeii Magni filium.* Consulatus is M. Vipsanii Agrippæ & L. Caninii Galli incidit in octauum annum a nece Iulii Cæsaris. Altera expeditio descripta a Dione est lib. liv, nec, quia breuior fuit, illustre aliquod monumentum habet.

CXI.

Transducti oppidum in ripa condiderunt: etiam *Aram*, haud dubie in honorem Cæsaris Augusti, ut plures provinciales fecerunt. Illius quale nomen prius fuerit, ante acceptam coloniam, non puto vsquam reperiri. Tacitus annali i cap. xxxv simpliciter oppidum Vbiorum vocat, præcipuum videlicet, & maius ceteris, si plura condiderunt. In id coloniam Agrippina, Germanici filia, Claudii augusti coniux, tamquam in patriam suam deduci curauit. Tacitus lib. xii cap. xxvii *Agrippina, quo vim suam sociis quoque nationibus ostentaret, in oppidum Vbiorum, in quo genita erat, veteranos coloniamque deduci impetrat, cui nomen inditum est ex vocabulo ipsius.* Dicta quippe fuit *Agrippinensis colonia*. Plinius lib. iv cap. xvii extremo: *Hinc Vbii, Colonia Agrippinensis, Guberni, Bataui.* Tacitus Hist. lib. i. cap. lvii *Fabius Valens die postero coloniam Agrippinensem cum equitibus legionis auxiliorumque ingressus.* Ptolemæus quoque in Germania Inferiore, Belgicæ Galliæ parte, post Batauodurum & Vetera, *ἔτα Αἰγριππινηνσίς, postea Agrippinensis*, suppressio colonie vocabulo. Atque ita fere veteres: recentiores etiam *Agrippinam* dixerunt. Auctor Itinerarii sub Antonini nomine, tribus itineribus, a Tauruno Pannoniæ per ripam; a Lugduno capite Germaniarum; & a Colonia Traiana, *Coloniā Agrippinā* vocat: alio a Treueris itinere, *Agrippinā ciuitatem*: Tabulæ Theodosianæ auctor

ctor, simpliciter *Agrippinam*: Fortunatus autem Venantius plene, nisi quod litteram eiecit metri causa, lib. IIII carm. XVII ad Charentinum, episcopum Coloniensem,

Pontificem pollens Agripina Colonia praefert.

Nummus Neronis e thesauro Golzii, AGRIPPINA COL. Et alius Claudii apud Harduinnm, COL. AGRIPPINA VBIOR. Si genuini hi nummi sunt, de altera forma nominis, *Agrippinae*, de cuius vetustate non nulli dubitauerunt, *Agrippinensis* praeferebant; etiam certi esse possumus.

CXII.

Nec praetereundum hoc loco est, fuisse qui de auctore coloniae dubitarent, utrum Agrippina, Germanici filia, fuerit, an M. Vipsanius Agrippa, qui in Galliam Vbios transduxit: id quod etiam dubium doctissimum virum Christophorum Browerum habuit, dum Iustus Lipsius per litteras illi dubitationem eriperet. Causa dubitandi erat, quod Cornelius Tacitus, qui id de Agrippina narrauit, sibi ipse non constare videbatur. Libro enim de Moribus Germanor. cap. XXVIII *Vbii*, inquit, *quamquam Romana colonia esse meruerint, ac libentius Agrippinenses, conditoris sui nomine vocentur, origine erubescunt, transgressi olim, & experimento fidei super ipsam Rheni ripam collocati, ut arcerent, non ut custodirentur.* Respondit Lipsius, vim Taciti verbis inferens, legendo *conditoris suae*, cum femineo pronomine, sicut Virgilius dixerit *auctor ego Iuno*; & Ouidius *sponsor dea*. Sed dubito, his duritiem emolliri: malim censere, generatim Tacitum loquutum esse, ut nec Claudium maritum, cuius auspiciis colonia uxoris nomine deducta fuit, excluderet. Inde est, quod supra idem Tacitus de Agrippina dixit (lib. XII cap. XXVII) *coloniam deduci impetrat*. Ergo non suis auspiciis deduxit, quia precibus impetrauit a marito. Non autem Agrippam auum conditorem coloniae fuisse, ex eo etiam probari potest, quia ab Agrippa *Agrippensis*, non *Agrippinensis*, dicenda fuisset, quod recte etiam Lipsius obseruauit.

CXIII.

Ad *Aram Vbiorum* pergimus, quam cum castro vel oppido coniunctam fuisse, non obscure descriptione Taciti videtur indicari. Annali I cap. XXXIX *Interea legati ab senatu, regressum iam, apud Aram Vbiorum Germanicum adeunt. Duæ ibi legiones, prima atque vicesima, veteranique nuper missi, sub vexillo hiemabant.* Et cap. LVII eiusdem libri, *quo anno Germaniae descivere, sacerdos apud Aram Vbiorum creatus, ruperat vittas, profugus ad rebelles.* Iacobus Campius in Francisci Modii Nouantiq. epist. III, & Philippus Cluuerius existimant, Aræ locum postmodum *Bonnæ* nomen induisse. Vterque hoc probari aiunt ex Taciti annali I cap. XXXIX. si componatur cum lib. IV Histor. cap. XIX, quia, quæ ibi legio prima ad Aram Vbiorum castra habere dicatur; eadem hibernarit Bonnæ, teste Tacito in altero loco. Urget quoque Campius distantiam a Veteribus ad *sexagesimum lapidem* a legionis primæ sede, auctore itidem Tacito annali I cap. XLV. Tantum autem interualli inter Bonnæ esse & Vetera, vbi altera castra. Cluuerius Florum addit, qui lib. IV cap. vlt. *Bonnæ* sub Augusto memoret; Tacitum ve-

ro *Bonnæ* nomen sub prioribus Cæsaribus ne semel quidem memorasse; utique vero *Ara Vbiorum*: hinc putat consequens esse, ut Ara Vbiorum sit ipsa Bonna: quod vero quam fortiter ita colligatur, fatemur nos nondum penetrare. De Floro infra dicturi sumus, quum ad Bonnam accesserimus. Fortiora Campii argumenta sunt, nec vero ita valida atque inuicta, ut nihil relinquant dubitationis. Inter Taciti enim duo testimonia multum temporis intercessit, quantum videlicet inter Tiberium, recentem principem, & Vespasianum fuit: nec forma castrorum eadem. In millenis etiam passibus quantum differentiae sit, non potest ignotum ei esse, qui rationes ex illis confecit. Quapropter non spernendum Iusti Lipsii iudicium putamus, non videri aram illam longius ab oppido Vbiorum præcipuo, post colonia, abfuisse, quam opinionem etiam in Tabula nostra sequuti sumus. Iulianus Pichon ad Taciti annal. I cap. LVII rem expeditam putat, si caput XXXVII annalis primi cum capite XXXIX comparetur. Ibi enim primam & vicesimam legiones in oppidum Vbiorum reductas, dici, quæ altero loco ad Aram Vbiorum fuisse perhibeantur: unde colligi putat, Aram ipsum oppidum Vbiorum fuisse. Colligerem etiam ita, si Tacitus in oppidum reductas dixisset: at quum dixerit *in ciuitatem*, (quod Pichonis metaphoris in oppidum vertit) ager potius Vbiorum, seu populus & societas, pro more Latine loquentium, significatur, quam certa vrbs & oppidum. Reductæ enim legiones sunt ex Veteribus, quæ extra agrum Vbiorum erant; ubi quintani & vnetuicesimani sua castra habebant. Adde cap. XLV. Quidquid ergo huius causæ est, in medio relinquo, ut ex ingenio suo quisque demat vel addat quantum velit fidei: credibilius tamen existimo, non longe a principe oppido Vbiorum aram illam reductam fuisse.

CXIV.

Ipsam nunc Bonnam, siue Ara fuerit Vbiorum olim, siue secus se res habeat; accedimus perlustrandam. Primus, de quo certi sumus, eius mentionem Tacitus fecit, nec vero illam sub primis Cæsaribus memorauit, sed post mortem Neronis, & libris Historiarum, non Annalium. Lib. IV cap. XIX, scripsit *Herennio Gallo, legionis primæ legato, qui Bonnam obtinebat, ut arceret transitu Batauos*. Et proximo cap. XX *Bataui quum castris Bonnensibus propinquarent*. Et cap. XXV *Sic mitigatis animis, Bonnam, hiberna primæ legionis, ventum*: ac cap. LXXVII *palantes captarum apud Nouesium Bonnamque legionum*. Idem lib. V Histor. cap. XXII *Cerialis profectus Nouesium Bonnamque ad visenda castra, quæ hiematuris legionibus erigebantur*. Ptolemæus post Vetera & coloniam Agrippinensem, *ara Bonna, deinde Bonna*. Situs vrbs inclutæ per se notus est, nomine adhuc durante. An vel nomen vel oppidum etiam antiquius sit, non possumus pro certo dicere. Florus quidem lib. IV cap. XII *Drusi historiam sub Augusto persequens, postquam dixerat, per Rheni ripam quinquaginta amplius castella direxisse, addit: Bonnam & Gesoniam cum pontibus iunxit*. Sic in MSS codicibus: sic ex illis Freinshemius & Græuius ediderunt. Quum ignota Gesonia sit, & æque *Genosia*, ut in aliis libris scribitur; Cluuerius *Magontiacum* substituit lib. II

Germ. Antiq. cap. XIII; quod, quamlibet claris viris adprobatum cerno, tamen durum nimis, & alienum a vestigiis membranarum est. Hadrianus ergo Valesius Notit. Gall. in *Bonna*, mauult *Novesium* inde conficere, quod propius quidem ad *Gesoniam* accedit, nec vero omnem dubitationem tollit. Quid enim est *vrbes cum pontibus iungere*? Dicimus *flumen ponte iungere*, *partem ponte vrbi coniungere*, vt Ianiculum Romæ, apud Liuium lib. I cap. XXXIII. *vrbes* autem *cum pontibus iungere*, eo nempe sensu, quem heic Freinshemius exponit, *edificare pontem apud urbem*; ne Latinum quidem satis videtur. Quum ergo illud *cum* otiosum plane in illa formula sit, quid obstat, quo minus ex *Gesoniam cum*, Elia Vineto præeunte, faciamus *Gesoriacum*? expeditæ sic rationes vnius vocis, non autem alterius? quid enim ex *Bonna* faciemus? an Bononiam? & ex pontibus eos, qui paludes inter vtramque sternant, quæ mens erat Vineti? at recentius *Bononiæ* vocabulum est, & ipsum Gesoriacum *Bononia* posteriori æuo dictum, vt ex Vita Constantini, ab Henrico Valesio euulgata, clarum est. Nihil ergo reliquum habemus, quo *Florum* probabilius expediamus, quam vt, quod Hadrianus Valesius fecit, deleamus *cum*, & *Novesium* vel *Novesium* pro *Gesoniam* vel *Genosia* substituamus, præsertim quod Tacitus, vt modo vidimus ex Hist. lib. IV cap. LXX & LXXVII, & lib. V cap. XXII, *Novesium Bonnamque*, vt castrorum loca coniungat: vt & Bonnam Drusus Transrhenanæ terræ ponte, & alio *Novesium*, ad terrendos Germanos iunxisse sentiamus. Id si Florus a veteri scriptore accepit, nec rem antiquam sui temporis vocabulo expressit, vtique *Bonnæ* nomen tam antiquum erit, quam Ara Vbiorum fuit; & speciosius argumentum redderet, quo Lipsius, ac alii, ab Ara Bonnam seiunctam voluerunt. Est & *Bonnæ* mentio facta in Antonini Itinerario, & in Tabula Theodosiana: nec non ab Ammiano Marcellino, qui lib. XVIII cap. II cum aliis ad Rhenum *ciuitatibus*, vt vocat, numerauit.

CXV.

Supra Bonnam *Rigomagus* fuit eiusdem Tabulæ, ad Rhenum oppidum, de quo supra diximus: deinde fluuius *Obringa*, terminus, vt Cluuerius censet, inter Vbiorum agrum & inter tractum Rhenanum Treuerorum. Infra Bonnam nobilius nihil quam *Novesium* est, quod iam ostendimus quoties cum Bonna ab Tacito coniungatur. Alia addimus eiusdem Taciti testimonia. Lib. IV Hist. cap. XXXIII *aliis a Novesio, aliis a Magontiaco vniuersas copias aduenisse credentibus*. Et cap. XXXV *impedimenta legionum cum imbelli turba Novesium missa, vt inde terrestri itinere frumentum adueherent*. Ergo castra legionum habuit, & munitus locus fuit, isque adpositus ad Rhenum. Eodem libro cap. XXVI *Ingressis Novesium, tertia decima legio coniungitur*: & cap. LXII *Legio XIII cum auxiliis simul deditis a Novesio in coloniam Treuerorum transgredi iubetur*. MS. Itinerario est *Novensio*, itinere a Tauruno per ripam: at itinere alio, a Lugduno Germaniarum capite est *Novesium* in omnibus libris; vt superiorem corruptum esse oporteat. Ex his itineribus & Tabula Theodosii, & ipso vocabulo, non incertum est, esse oppidum, quod hodie *Nis* vel *Nuys* adpellatur.

CXVI.

CXVI.

Inter Nouesium & Coloniam Agrippinensem dicto itinere a Tauruno per ripam, duo oppida ponuntur, *Durnomagum* & *Buruncum* hoc ordine,

<i>Coloniā Agrippinam</i>	—	—	—
<i>Durnomagum</i>	LEG.	VII	ALA
<i>Buruncum</i>	LEG.	V	ALA
<i>Nouesium</i>	LEG.	V	ALA.

Ex quo situ & ipsis nominibus apparet, illud esse vicum *Dürsmagen*; hoc oppidum quod dicitur *Wuringen*. Sed male in Itinerario *Durnomagus* præponitur *Burungo* vtpote quod Coloniae propius est.

CXVII.

Vltimus in Vbiorum ripa locus fuit *Gelduba*. Tacitus lib. iv Hist. cap. xxvi *Ingressis Nouesium, tertiadecima legio coniungitur. Additus Voculae in partem curarum Herennius Gallus, legatus: nec ausi ad hostem pergere, loco, Gelduba nomen est, castra fecere.* Et cap. xxxii *Mox adlatis Geldubam in castra nuntiis: & cap. xxxv Cohortes Geldubam perrexere, manentibus, ut fuerant, castris.* Castellum fuisse ex Plinii verbis probatum est lib. xix cap. v. *Sifer, inquit, ipsum Tiberius princeps nobilitauit, flagitans omnibus annis e Germania.* *Gelduba adpellatur castellum Rheno impositum, ubi generositas præcipua.* Ex quibus elucet, *Geldubam* ad Rhenum fuisse castellum, prope *Nouesium*, quod etiam ex dicto itinere a Pannonia in Galliam, manifestum est, quo is ordo redditur:

<i>Nouesium</i>	LEG.	V	ALA
<i>Geldubam</i>	LEG.	IX	ALA
<i>Calonem</i>	LEG.	IX	ALA.
<i>Vetera castra</i>	—	—	—

Qui ordo nec obscure ex Taciti cap. xxxvi apparet. Quod in vico *Gelb* ad Rhenum, ix millibus passuum a *Nouesio*, prisca vestigia nominis adparent, cum eoque descripta positio conuenit; non dubitamus illum veterem *Geldubam*, vel castellum vel oppidum etiam fuisse, idque in *Drusi* ad Rhenum positis castellis adnumeramus.

CXVIII.

Haftenus de ripa Vbiorum: obiacent in mediterraneis *Tolbiacum*, *Marcodurum*, *Iuliacum*, & hæc fere iuxta *Roram* fluuium: medio loco *Tiberiacum* & *Belgica*. Primus locus, vt ab austro in septentrionem progrediamur, est *Tolbiacum* vel *Tolpiacum*, quod etiam *Tulpiacum* aliquando scribitur. Tacitus lib. iv cap. lxxix *flagrantissima cohortium [Ciuis] Tolbiaci in finibus Agrippinensium agebat, id est Vbiorum.* Etenim transducti illi *Agrippinenses*, quam *Vbii*, malebant adpellari, quod ex libri huius cap. xxviii constat, & de Morib. German. itidem cap. xxviii. Itinere Antonina *Treueris Agrippinam* ita collocatur:

<i>Marcomagum</i>	LEG. VIII
<i>Belgicam</i>	LEG. VIII
<i>Tolpiacum vicum Supenorum</i>	LEG. X
<i>Agrippinam ciuitatem</i>	LEG. XVI.

Ex quo ordine adparet, succclamante vocabulo, esse illud oppidum, quod hodie *Zülpich* nuncupatur eo modo, quem in *Tabernis* diximus & in *Tiguro*, vt Germanica præpositio cum oppidi nomine, a *T* incipiente, cohæreat. Gregorius Turonensis lib. III cap. VIII *ciuitatem Tulbiacensem* dixit.

CXIX.

Proximum ad Roram amnem est *Marcodurum* siue *Marcomagum*. nam idem oppidum esse, etiam exinde constat, quia *düren* & *magen* lingua Celtica idem sonabant, transitum nempe fluminis. Tacitus sæpe dicto lib. IV Hist. cap. XXVIII *Cæsæ cohortes Agrippinensium in vico Marcoduro, incuriosius agentes, quia procul ripa aberant.* Ripam Rheni intellige, vbi reliquæ, & maiores ipsorum copiae. Vel solum hoc nomen nobis situm prodit ac positionem; quia eo tractu ad Roram flumen superest oppidum *Düren*, quod haud dubie est Taciti *Marcodurum*. Posteriores *Marcomagum* dixere, quod idem significat; auctor Itinerarii, vt iam ostendimus; & auctor Tabulæ Theodosianæ, in via ab Agrippina Treueros.

CXX.

Infra Marcodurum, ad idem flumen Roram est *Iuliacum*, aliquoties in Itinerario Antonini memoratum. Itinere a Castello Coloniam:

<i>Aduacam Tungrorum</i>	—	—	—
<i>Coriouallum</i>	M.	P.	XVI
<i>Iuliacum</i>	M.	P.	XVIII
<i>Colonia</i>	M.	P.	XVIII

Alio ibidem itinere, a Colonia Traiana Coloniam Agrippinam, ita disponuntur oppida, vt Tiberiacum interiiciatur:

<i>Theudurum</i>	—	—	—
<i>Coriouallum</i>	M.	P.	VII
<i>Iuliacum</i>	M.	P.	XII
<i>Tiberiacum</i>	M.	P.	VIII
<i>Colonia Agrippinam</i>	M.	P.	X.

Et Ammianus Marcellinus Remensi itinere ab Rheno, Iuliaci quoque rationem habet lib. XVII cap. IV. *Remos, inquit, Seuerus, magister equitum, per Agrippinam petens & Iuliacum, Francorum validissimos cuneos offendit.* Etiam in Peutingeriana Tabula commemoratur, via ferente ab Atuaca siue Aduaca, quæ Tungrorum est, Agrippinam, hac serie:

<i>Atuaca</i>	XVI
<i>Coriouallio</i>	XII
<i>Iuliaco</i>	XVIII
<i>Agrippina.</i>	

Ex hoc positu, & ipso vocabulo, luculentum est, *Iuliacum* oppidum *Jülich* esse, quod Ducatum nostris temporibus denominat. Nomen autem ipsum
ab

ab Romanis esse, non dubitatur: a quo autem illorum sit, hoc vero incertum plane est. Quod nemo veterum illius mentionem fecit, credibile non est, ab Iulio Cæsare originem habere. An vero ab Agrippina, Coloniae Vbiorum conditricem, cui etiam *Iulia* nomen fuit, auctore Tacito lib. xii cap. i? Hoc Cluuerio non improbabile videtur: cui vero idem, quod superiori origini, forte opponi potest, mirum videlicet esse, antiquitatis tantæ oppidi ante Antonini Itinerarium & Theodosii Tabulam, nullum indicium in veteri scriptore reperiri. Ergo alius fortassis Iulius, nobis ignotus fuit, qui condidit.

CXXI.

Tiberiacum superest, & *Belgica*, medio situ inter Rhenum & Roram fluvios posita oppida, ex productis antea Itinerarii rationibus, quod ad situm attinet, cognita & perspecta. Ex quo Cluuerius collegit, *Tiberiacum* nunc *Berchem* esse: *Belgicam* autem, vicum *Balcbusen*, nomine etiam simul addicente.

SECTIO X.

GVGERNI TRANSDVCTI,

olim SICAMBRI.

CXXII.

Post Vbios siue Agrippinenses in ripa Rheni ab Augusti temporibus *Gugerni* vsque ad diuortia habitauerunt. Sic vulgo scribuntur: Taciti codices non eodem modo, sed vel *Gugerni*, vel *Cugerni*. Plinius Harduini *Guberni*: aliorum etiam *Gugerni* cum pluribus. Sedem in ripa inter Vbios & Batauos tenuisse, clare docet Plinius lib. iv cap. xvii. *Vangiones*, inquit; *hinc Vbii, Colonia Agrippinensis, Guberni, Bataui*. Et Tacitus tradit lib. iv Histor. cap. xxvi, Voculam, Romanum ducem, exercitum ex castris apud Geldubam, quæ vltima Vbiorum fuit, in proximos *Gugernorum pagos* duxisse. Sed ita coluerunt ab Augusti temporibus. Quum Iulius Cæsar bellum in Galliis gereret, hunc tractum tenebant *Menapii*, amplissima ciuitas, qui inde a Morinis & a Scalde ad Rhenum vsque, & trans illum etiam habitauerunt, sic Semibelgæ & Semigerinani, maiori tamen ex parte Belgæ. Cæsar sæpe *Menapios* cum Morinis coniungit, lib. ii cap. iv, lib. iii cap. xxviii & lib. iv extremo. Sed eodem libro iv cap. iv de Rhenanis illorum possessionibus ita prodidit: *Vsipetes & Tenchteri complures annos Sueuorum vim sustinuerunt; ad extremum tamen agris expulsi, & multis locis Germaniæ triennium vagati, ad Rhenum peruenerunt: quas regiones Menapii incolebant, & ad ripamque ripam fluminis agros, ædificia vicosque habebant*. In dextra ripa etiam erant *Sicambri*, siue *Sigambri*, qui ab Romanis transducti, Menapiorum sinistram Rheni ripam occupauerunt, istis ad angustiores fines, & plerisque ultra Mosam fluuium redactis. Transductis autem, ignotum qua causa, mutatum nomen in *Gugernos* siue *Cugernos* fuit.

CXXIII.

Translationem gentis dixi sub Augusto factam, quod ex Suetonii verbis cap. XXI manifestum est. *Germanos, inquit, ultra Albim fluvium submovit, ex quibus Vbios & Sicambros, dedentes se, traduxit in Galliam, atque in proximis Rheno agris collocavit.* De Vbiis supra dictum, Augusti auspiciis, Agrippæ ductu vel transmissos, vel, si sponte venerunt, collocatos ordinatosque esse in Gallia. *Sicambrorum* autem transductio haud dubie ad illam maiorem pertinet, quam sub eodem principe Tiberius, post fratris Drusi mortem Germanico bello subfectus, perfecit. Idem Suetonius Tiber. cap. IX *Germanico bello quadraginta millia dedititiorum traiecit in Galliam, iuxtaque ripam Rheni sedibus adsignatis collocavit.* Eutropius auget numerum, *quadringenta legens millia*, lib. VII cap. V, qui numerus pro longitudine Germaniarum, siue vtriusque provinciae, Superioris & Inferioris, praesertim si mulieres & liberi adnumerati fuerint, non incredibilis videtur. Sed nondum res certa est de Superiori provincia, quæ videtur antea colonos accepisse: certissima vero de Inferiore, in quam Sicambri ex Germania Transrhenana inducti fuerunt. Id quod clarius, & nominatim etiam, epistola Tiberii ad Germanicum explicatur apud Tacitum annali II cap. XXVI *qua se novies a diuo Augusto in Germaniam missum, scribit, plura consilio, quam vi perfecisse.* *Sic Sugambros in deditionem acceptos, sic Sueuos, regemque Maroboduum pace obstrictum.* Sicambri itaque, qui & Sigambri seu Sugambri sunt, deditione in fidem accepti, in alteram ripam abducti sunt, ut vel custodirent illam, vel ipsi custodirentur, quod probabilius videtur, quia *excisi* ex patria & *traiecti in Gallias*, loco mox indicando apud Tacitum dicuntur. De reliquis Sicambri dicemus in Germania.

CXXIV.

Sed deleti & extincti Sicambri videntur, non transportati. Ostorius enim, Romanus Britannico bello imperator, apud Tacitum lib. XII cap. XXXIX dixisse fertur, *ut quondam Sugambri excisi, & in Gallias traiecti forent: ita Silurum nomen penitus extinguendum.* Sed salua res est: quia *traiecti*: non sunt extincti aut occisi. *Excisi* autem & quasi explantati sunt, ut in alio solo collocarentur, nomenque pristinum amitterent, *Gugerni* in posterum dicendi: sic Siluribus non internecionem, sed extinctionem nominis minatur, ut translocati peregrinae genti immisceantur, a quo novum nomen, abolita memoria veteri, accipiant.

CXXV.

Oppida Gugernorum in ripa post Vbios fuerunt *Calon, Asciburgium, Vetera, Colonia Traiana.* Antoninus itinere a Lugduno capite Germaniarum, post Batauorum oppida nominat *Coleniam Traianam, Vetera, Calonem*; inde quod Vbiorum fuit, *Novesium.* Primarium locum alio itinere ex Pannonia per ripam, adpellat *Vetera castra*, quod nomen tum demum accepisse necesse est, quum alia & nova castra processu temporis in Vbiis vel Vangionibus fuerunt constituta. Nec vero id novum nomen aut recens ætate Taciti fuit, sed iam tum sub Augusto constat inualuisse. Tacitus sub initium Tibe-

Tiberiani imperii, lib. i Annal. cap. XLV, *Compositis præsentibus haud minor moles supererat, ob ferociam quintæ & vnetuicesimæ legionum, sexagesimum apud lapidem (loco VETERA nomen est) hibernantium.* Crebrior mentio apud eundem in Batauorum Treuerorumque tumultu. Lib. iv Histor. cap. XVIII *Fuit interim effugium legionibus in castra, quibus VETERVM nomen est.* Et cap. XXI *in Vetera castra concesserant.* Nec nuda castra fuerunt & militum tabernacula; sed, vt fieri solet tam diuturna legionum commoratione, ædificia exstructa, vt oppidum non contemnendum fierent. Quæ quum a superioribus castris, quæ inter Agrippinensem coloniam & Bonnam erant, ad *sexagesimum lapidem* modo Tacitus afuisse dixit, & ratio itinerum quoque comprobatur; Cluuerius in oppido *Santen* se verum locum castrorum *Veterum* persuasus est inuenisse, cum quo plurimi nunc consentiunt. Etiam loci ingenium bene respondet, vt periti eius aiunt, quod Tacitus eodem libro iv cap. XXIII ita descripsit: *Pars castrorum in collem leniter adsurgens, pars æquo adibatur: quippe illis hibernis obsideri premique Germanias Augustus crediderat.*

CXXVI.

Itinerarium Antonini inter Vetera & Geldubam ponit *Calonem* obscurum locum, cuius vestigia Cluuerius in vico *Kalenhusen* ostendit: & nobiliorem propioremque Veteribus, *Asciburgium*, prætermisum in Itinerario, non autem in Tabula Theodosii; etiam a Tacito laudatum, vt ex quinquaginta Drusi castellis, in ripa Rheni positis, & hoc fuisse credi possit. Fabula enim est quam quidam de Vlyssæ conditore, vt Tacitus de Moribus Germ. cap. III refert, crediderunt. Positionem ibidem ita delineauit: *Asciburgium, quod in ripa Rheni situm, hodieque incolitur.* Et heic castra ac præsidium fuit. Idem lib. iv Histor. cap. XXXIII *Rapiunt in transitu hiberna alæ, Asciburgii sita.* Positioni vicus parvus congruit, nomine *Asburg*, quod magis locum veterem designat, situm haud procul *Mursia* oppido, in via a *Novesio* ad *Vetera*.

CXXVII.

Vltra Vetera, in Batauos versus, sed paullo reductum ab Rheno, *Mediolanum* erat, itinere Antonini a Colonia Traiana Agrippinam, memoratum, nunc vicus *Moyland*, Cluuerio teste. Ignobilia plura eodem itinere referuntur, a Colonia Traiana

<i>Mediolanum</i>	M.	P.	VIII
<i>Sablones</i>	M.	P.	VIII
<i>Mederiacum</i>	M.	P.	X
<i>Theudurum</i>	M.	P.	IX
<i>Corionallum</i>	M.	P.	VII
<i>Iuliacum</i>	M.	P.	XII,

e quibus *Sablones* in vico latent *in t' Sand*: *Mederiaci* nominis ne inter vicos quidem aliquid superesse dicitur: *Theudurum* oppidulo vel vico *Tudder* respondet, Cluuerio indicante. Sed hæc Mosam versus, immo propius illum amnem sita sunt, longe remota ab Rheno.

CXXVIII.

CXXVIII.

Vltimus locus Gugernorum, proxime diuortium Rheni, fuit *Colonia Traiana*, vti Itinerarium & Tabula Peutingeriana adpellant, quæ situm ita designant, vt in vicum *Kellen* incidat, tribus millibus passuum a diuortio. Sicut enim Colonia Agrippina nunc *Cöllen* siue contracte *Cöln* vocatur; ita non dissimili ratione *Kellen* est Colonia Traiana. Vocata etiam fuit *Tricesima*, quia eius numeri legio ibi hiberna vel statiuæ habuit. Ammianus Marcellinus lib. xviii cap. ii *Ciuitates occupatæ sunt septem, Castra Herculis, Quadriburgum, Tricesima, Nouesium, Bonna, Antunnacum, & Bingio.* Esse autem *Tricesimæ* oppidum, ipsam coloniam Traianam, non difficile ex Antonini Itinerario est probare. Duobus itineribus illum tractum descriptum habet; primum a Tauruno Pannoniæ per ripam est: alterum a Lugduno capite Germaniarum. Prius ita habet:

<i>Nouesium</i>	—	—	—
<i>Geldubam</i>	LEG.	IX	ALA
<i>Calonem</i>	LEG.	IX	ALA
<i>Vetera castra</i>			
<i>Leg. xxx Vlpia</i>			
<i>Burginacium</i>	LEG.	VI	ALA
<i>Harenacium</i>	LEG.	X	ALA.

Alterum iter, quod a Lugduno Batauorum est, diuerso ordine ita procedit:

<i>Harenacium</i>	—	—	—
<i>Burginacium</i>	M.	P.	VI
<i>Coloniam Traianam</i>	M.	P.	V
<i>Vetera</i>	M.	P.	[XV]
<i>Calonem</i>	M.	P.	XVIII
<i>Nouesium</i>	M.	P.	XVIII.

Videmus hinc eundem locum esse, qui priore itinere *Legio xxx Vlpia*: posteriore *Colonia Traiana* adpellatur. Eadem eiusdem Marcellini libro xx cap. xxv *Obtricensimæ oppidum*, vt in mss. est, vel *Tricensimæ*, vt Valesius edidit, eiecta spuria lectione *Obtrincensi Mosæ oppido*, quod nihil est; vocatur.

S E C T I O XI.

EBVRONES, CONDRVSI, SEGNI,

CAERAESI, PAEMANI.

CXXIX.

Ad limen Batauorum constitimus, quum Coloniam Traianam demonstraremus, ad sitam diuortio Rheni, vnde Batauorum initium est. Antequam vero ad illos transeamus, vltimos Rheni accolarum; perlustrabimus quos ad latus Vbiorum Gugernorumque populos reliquimus, si forsan & ipsi aliquid ad Germanias prouincias, quas descripturi sumus, possint adferre. Illos coniungit Cæsar commentario ii cap. iv *Condrusos, Eburones, Cere-*

Cæresos, Pæmanos, qui vno nomine Germani adpellantur, arbitrari ad XL millia. Germanicæ ergo originis omnes fuerunt, olim transgressi Rhenum, vt in Gallia habitarent. Ex his populis potentiores ceteris Eburones erant, quorum situm & nouam sedem Cæsar ita descripsit, vt eorum partem maximam inter Mosam & Rhenum fuisse tradat. Idem Cæsar commentario vi cap. xxxi & xxxiv vnum illorum castellum nominat, Atuaticam, quod quia Ptolemæus & Antoninus in Tungris censent, ex vrbe olim præcipua illorum, quæ nomen custodit, Tongern, de septentrionali situ Eburonum inter has gentes iudicare possumus. Eodem cap. xxxi libri vi Segnos & Condrusos ita locatos Cæsar scripsit, vt Eburones non possint septentrionale latus non obtinuisse. Segni, inquit, Condrusique ex gente & numero Germanorum, qui sunt inter Eburones Treuirosque, Legatos ad Cæsarem miserunt. Treveri autem in austrum habitarent, & quia dictæ gentes mediæ fuerunt, utique Eburones septentrionem versus, ceterarum respectu, coluisse oportet.

CXXX.

Oppidum vel castellum Cæsar vnum memorat in Eburonibus, *Atuaticam*, vt dictum est ex lib. vi cap. xxxi. *Copiis, inquit, in tres partes distributis, impedimenta omnium legionum Atuaticam contulit. Id castelli nomen est.* Hoc autem Eburonum fuisse, cum quæ præcedunt verba demonstrant; tum maxime quæ cap. xxxiv insequuntur. Germani enim Eburonum fines ingressi, procedunt longius in iis, & quum se iii horis abesse ab Atuatica cognouerunt, ipsi Atuaticam contendunt. Primum ergo castellum fuit, deinde amplum, nec incelebre oppidum factum, cuius situm Ptolemæus & Antoninus prodiderunt. Ille lib. ii cap. ix *ἔπειτα μετὰ τὸν Ταβούδαν ποταμὸν τοῦγγροι, καὶ πόλις Ἀττάκτον. ἔπειτα μετὰ τὸν Μάσαν ποταμὸν Μενάπιοι.* Deinde post Tabudam fluuium Tungrum, & oppidum illorum *Atuaticum*: deinde post Mosam fluuium Menapii. Errore transpositæ litteræ, scribendumque *Ἀττάκτον*. Quod ergo castellum Cæsar in Eburonibus, id, postea oppidum factum, in Tungris censet Ptolemæus. Et auctor Itinerarii, vt mox dicemus, *Aduacam Tongrorum* narrat. *Tungri* ergo sunt qui *Eburones* erant, nec Cæsar Tungros memorat, quia ei sunt Eburones: nec Plinius lib. iv cap. xvi Eburones in populis Belgicæ recensuit, qui in illis recenset Tungros.

CXXXI.

Oppidum ergo *Atuatica*, bene munitum, quia castellum fuerat: postea breuiori & contracta forma *Atuaca* dictum, vt in Tabula Peutingeriana est; vel *Aduaca*, vti est in Itinerario Antonini, quo situs, itinere a Castello Coloniam, hoc ordine oppidorum designatus est:

<i>Camaracum</i>	—	—	—
<i>Bagacum</i>	M.	P.	XVIII
<i>Vodgoriacum</i>	M.	P.	XII
<i>Geminiacum</i>	M.	P.	X
<i>Perniciacum</i>	M.	P.	XXII

<i>Aduocam Tongrorum</i>	M.	P.	XIV
<i>Coriouallum</i>	M.	P.	XVI
<i>Iuliacum</i>	M.	P.	XVIII
<i>Coloniā</i>	M.	P.	XVIII.

Sub idem tempus etiam gentis nomen adsumsit, & vrbs ipsa *Tungri* dicta. Ammianus Marcellinus lib. xv cap. xxvii *Secunda Germania, Agrippina & Tungris munita, ciuitatibus amplis & copiosis.* Ex quo simul claritas vrbs intelligitur, quæ etiam in Tabula Peutingeriana signo illustrium vrbiū significatur. Decreuit quidem splendor ille in nostri temporis oppido *Tongern*, at fama & gloria prisca non decrescit, sed litterarum monumentis conseruatur & alitur.

CXXXII.

Præterea salubres aquæ, *fons Tongrorum*, dignæ sunt quæ laudentur. Plinius lib. xxxi cap. ii sic de illis tradidit: *Tungri, ciuitas Gallie, fontem habet insignem, plurimis bullis stellantem, ferruginei saporis: quod ipsum non nisi in fine potus intelligitur. Purgat hic corpora, tertianas febres discutit, calculorumque vitia. Eadem aqua igne admota turbida fit, ac postremo rubescit.* Non dubitant interpretes eruditi, Spadanas aquas, salubritate celebratas, notari, quarum fons in vico *Spa Leodicensis* diœceseos, quinque leucis a Leodico in ortum hibernum, Treueros versus posito.

CXXXIII.

Cetera quæ Cæræforum, quæ Condrusorum, quæ Segnorum fuerint aut Pæmanorum, non facile quisquam est qui distincte possit exponere, quorum ne nomina quidem longe vltra Cæsaris tempora conseruata sunt, vt videantur cum *Tungris* coaluisse, & sub illorum deinceps inualecente nomine comprehensi esse. Horum forsan non nulla ex illis fuerunt quæ modo ex Itinerario oppida sunt enarrata, in quibus ne quis hæsitet interpretando, vulgarem singulorum expositionem adnotamus, qua *Bagacum* putatur *Bauay* oppidulum esse; *Geminiacum*, *Gemblour*; *Perniciacum*, aut potius *Peruiciacum*, *Pervis*; sed hæc forsan *Tungris* manserunt, aut qui supra illos erant, *Aduaticis*, de quibus postea dicturi sumus. *Coriouallum* autem siue *Coriouallium*, & quæ circumiacent, obscuris illis, nec satis distinctis per litteraria monumenta populis videntur tribuenda, quorum illud *Coriouallium* Cluuerius & alii in oppido *Falckenburg* inueniri existimant: quod Menso Altingius reiecit, & ad vicum *Keyer* trahit, iv m. p. distantem a Traiecto Mosæ. Neque vero certum plane, vtrum in aliqua nominatarum gentium id oppidum positum fuerit; an forte cum Cluuerio nouæ *SVNICORVM* genti, & Plinio & Tacito memoratæ, tam *Theudurum*, quod supra diximus, quam *Coriouallium* adsignari debeant. quæ gens æque ac superiores, incertæ est positionis.

CXXXIV.

Tacitus de *SVNICIS* ita refert lib. iv Hist. cap. lxvi, *Ciuis societate Agrippinensium auctus, proximas ciuitates adfēcere, aut adversantibus bellum inferre statuit. Occupatisque Sunicis, & iuuentute eorum per cohortes composita;*

ta; quo minus ultra pergeret, Claudius Labeo Bethasiorum Tungrorumque & Neruiorum tumultuaria manu restitit, fretus loco, quia pontem Mosæ fluminis anteceperat. Ex quibus Cluuerius coniecit, inter Roram & Mosam sedes habuisse. Plinius lib. iv cap. xvii nudum nomen refert, quod in mss eius *Sunuci*, Harduino testante, legitur. Sed hæc neque confirmari argumentis, neque refelli satis possunt, verum vt dubia & incerta in medio sunt relinquenda. Neque de *Leodico* & *Traiecto Mosæ* certiores sumus, quia non constat, quam antiquæ sint illæ ciuitates: nisi fortassis *Pons Mosæ*, apud Tacitum prædicto loco, alterutram harum urbium, saltem initium alterius utrius coniunctum habuit. In quo mihi gratulor, quod, hanc opinionem ingressus, laudatum virum Menfonem Altingium consentientem mihi video, qui & ipse pag. 106 mecum iudicauit, oppidum *Maastricht* Romanis vel plane incognitum, vel nullo nomine memoratum fuisse: nisi forte *Pontis Mosæ*, de quo Tacitus. Quæ enim Cluuerius ex Ammiani, vt putabat *Obtricensi Mosæ oppido* ad *Traiectum Mosæ* adferebat, ex mss dudum a fratribus Valefiis reiecta & confutata sunt, vt supra in *Colonia Traiana*, quæ & *Tricesimæ* nomen habuit, in Gugernorum gente ostendimus. De utroque autem oppido ad Mosam, *Leodico* & *Traiecto*, plura in mediæ æui Geographia dicturi sumus.

SECTIO XII.

BATAVI, EORVMQVE

INSULA.

CXXXV.

Batauorum nobilissima gens succedit, extrema Rhenanarum, ad Oceanum & ostia pertingens. Hanc Hadrianus Iunius, Historia Bataviæ cap. iv, ademptam Galliæ, Germaniæ vindicatum iuit, sed plus nihil vir doctissimus profecit, quam vt Germanicam originem Batauorum, quam nemo negauit, comprobaret. Ortum enim illorum clarissimis verbis, vt nefas sit dubitare, descripsit Tacitus lib. iv Histor. cap. xii. *Bataui*, inquit, *donec trans Rhenum agebant pars Cattorum, seditione domestica pulsæ, extrema Gallicæ oræ, vacua cultoribus, simulque insulam inter vada sitam, occupauere, quam mare Oceanum a fronte, Rhenus amnis tergum ac latera circumluit.* Fuisse autem post migrationem *Batauos* partem Galliæ siue Belgicæ, nec amplius Germaniæ; testes fide digni sunt Plinius & Ptolemæus, qui in Belgicæ descriptione *Batauos* recensuerunt: nec non Tacitus lib. iv Hist. cap. xxxii, *Caninefates Batavique, exigua Galliarum portio.* Quibus addi possunt, quæ modo ex cap. xii eiusdem libri protulimus, pulsos patria *Batauos* extrema Gallicæ oræ, vacua cultoribus, occupauisse.

CXXXVI.

Vocabulum ex Germania attulerunt, cuius in Cattorum finibus vestigium quædam oppida seruant *Battenberg* & *Battenhausen*; Romanis ambiguo accentu, poetis maxime. Lucanus lib. i vers. 431

*Vangiones, Batauique truces, quos ære recuruo
Stridentes acuerē tubæ.*

Plures porrigunt mediam. Silius Italicus lib. III vers. 607

*At tu transcendens, Germanice, facta tuorum,
Iam puer auricomus performidat Batauo.*

Et Iuuenalis Satyra VIII vers. 51

*Hic petit Euphratem iuuenis, domitique Bataui
Custodes aquilas, armis industrius.*

Etiam Martialis lib. VIII epigram. XXXIII ad Paullum:

Et mutat Latias spuma Bataua comas.

CXXXVII.

Virtutem Batauorum Tacitus dicto cap. XII libri IV Historiarum laudauit. *Nec opibus, inquit, Romanis. societate validiorum attriti, viros tantum armaque imperio ministrant, diu Germanicis bellis exerciti: mox aucta per Britanniam gloria, transmissis illuc cohortibus, quas vetere instituto nobilissimi popularium regebant. Erat & domi delectus eques, præcipuo nandi studio, arma equosque retinens, integris turmis Rhenum percurrere. Quæ illustrantur luculenta inscriptione, Romæoburgi, vt aiunt, reperta, in Cornelii Aurelii Bataua lib. I pag. 100, & Petri Scriuerii Antiquit. Batav. pag. 194 conspicua,*

GENS BATAVORVM AMICI ET
FRATRES ROMANI IMPERII.

Et alia apud Gruterum pag. 73 num. 9

CIV BATAVI
FRATRES ET AMICI P. R.

CXXXVIII.

Insulam Batauos habitasse, Tacito auctore, modo accepimus. Et Cæsar idem dixit & Plinius, nisi quod ille etiam Mosam inter latera referat, quum ceteri Rheni alueis contenti sunt. Libro IV enim de Bello Gall. cap. X ait: *Mosa, parte quadam Rheni recepta, quæ adpellatur Valis, insulam efficit Batauorum.* quod difficile ad explicandum est, mutato temporibus Mosæ alueo, qui longius citra ostium, quam nunc est, cum Vahali videtur confluisse. Plinius lib. IV cap. XV *In Rheno ipso prope centum millia passuum in longitudinem, nobilissima Batauorum insula & Cannenufatum: & alie Frisiorum, Chaucorum, Frisiabonum, Sturiorum, Marsaciorum, quæ sternuntur inter Helium & Fleuum.* Et Zosimus lib. III cap. VI τὴν Βαταβίαν διχα χιζόμενος ὁ Ῥῆνος ἡπτόν ποιεῖ, πάσης ποταμίας μέζονα ἡπτος, - - - τότε ὑπὸ Σαλίων κατέχετο. *Batauiam bipartito Rhenus diuidens, insulam facit, omnibus amnicis maiorem - - - quam tum Franci Salii tenebant.* Hi fere sunt qui Insulam Batauorum nobis descriptam reliquerunt: sed quantam? hæc magna lis & controuersia est, qua plures alias inuolutas videmus, quam laxè habitauerint Bataui, & quinam ex tribus Rheni alueis separauerit Galliam a Germania.

CXXXIX.

CXXXIX.

De Cæsaris temporibus res certa est, quum duo tantum aluei essent in Rheno flumine; insulam Batauorum fuisse tantam, quantum spatium illi aluei comprehendunt. Et tum Bataui plerique intra insulam habitabant: pars etiam extra illam, Mosam versus, ubi oppidum habuerunt, de quo postea dicturi sumus: nec vero soli insulam tenere, sed *Caninefates* etiam focii possessionis fuere, ut Plinius dicto loco, & Tacitus Hist. iv cap. xv prodiderunt, si modo de veteri insula, quam Cæsar nominauit, illi duumuiroi loquuti sunt, de quo post disquiremus. Ex duobus ergo alueis qui dexter & septentrionalis erat, & insulam & Galliam a Germanis, temporibus Cæsaris, separauit. Posteaquam vero Drusus, fossa ducta, nouum alueum ad Fleuum ostium adiecit, illa quoque inter lacus pars, Batauiæ videtur accessisse, & recedentibus ripis, ut Mela ait lib. iii cap. ii, dexter alueus, exhausto medio, ampliorem effecisse insulam, quæ ideo, quod Zosimus obseruauit, μέγαν πάσης ποταμίας νήσον, *maxima amnicarum facta est*. Hinc illud est, quod Hadrianus Iunius, vir doctissimus, duas quasi Batauorum insulas distinctas posuit, veterem Cæsaris, Vahali & medio alueo Plinii contentam, & nouam Plinii ab illo medio alueo ad fossam Drusianam & Fleuum ostium: quem licet acriter Philippus Cluuerius impugnet; non contemnenda tamen sunt quæ tuendo, illi & explicando Io. Isacius Pontanus Disceptat. Chorograph. pag. 43 seqq. attulit. Quod ante ipsos etiam Cornelius Haemrodus sensit, Batauiæ Descriptione pag. 6. *Nec intantam, inquit, olim angustiam contractam fuisse insulam, ut nunc sibi quidam persuasum habent, abunde ex sequentibus verbis demonstratur; Quum enim [Plinius] dicat, NOBILISSIMAM BATAVORVM INSVLAM, ET CANNINEFATVM, ET FRISIORVM ET C. inter duo Rheni ostia comprehensas; quid aliud significat, quam has insulas Batauis adnumeratas, & a primaria insula communi etiam nomine Batauos appellatos; peculiariter autem alios Batauos, alios Caninefates, alios Frisios & c. dictos.*

CXL.

Quibus diligentius examinatis, sic animum induco, ut nomen *Batauorum insulæ* per se & proprie deberi illi censeam, quam Cæsar intellexit, & Lugdunensi alueo, quem medium Plinius dicit, eiusque ostio finita fuit. An vero idem senserint, qui post Drusi tempora, eiusque effusionem amnis Rheni scripserunt, adfirmare equidem non possum, quod valde probabile videtur, noua illa fossa novos terminos, eosque ampliatis, Romano imperio in Gallico limite statuere voluisse, ut Batauorum insulæ atque territorio contingerit, quod multis aliis regionibus, quæ auctæ prolatis finibus fuerunt: & quod adiectum fuit, in societatem venit nominis, quo vetus regio vsa erat. Sic Latio veteri additum fuit *nouum*, quod *adiectum* Plinius vocauit: sic Phrygiæ magnæ in Asia accessit *ἐπίκτητες* ad Hellespontum, Strabone auctore lib. xii, quam non minus *adiectam* Latine dixerim. Cum primis autem Macedoniæ illustre nobis exemplum est, quam olim a Thracia

cia fluuius Strymon separabat: post terminum ad Nestum fluuium reges produxerunt, vt Philippi, nobilis vrbs, trans Strymonem sita, magna scriptorum consensione, in quibus etiam sacri & diuini sunt, Macedoniae contribuatur. Sic puto etiam Batauiæ euenisse, cuius nomini & poemœriis accreuerit aliquid ex Drusi liberalitate, id est promotis Belgicæ finibus ad Fleuum vsque ostium: vt gentes tamen adiectæ, per se distinctæ manserint, suisque discretæ nominibus, quemadmodum in adiecta illa Macedonia Thracicarum gentium nomina haudquaquam sunt abolita, sed integre conseruata. Minus autem mihi dubitandum videtur, nouos ductus Rheni, a Druso factos, communem terminum inter Belgas Germanosque ab illis temporibus habitos fuisse, quum Romanorum mos & consuetudo fuerit proferre limitem prouinciarum; non, in angustias breuiiores cogere. Nunc de Veteri Batauia, a Cæsare definita, agemus: tum demum de partibus eidem insequenti tempore adiectis.

CXLI.

Batauiæ nomen, vt regionis, apud antiquissimos scriptores non memini me inuenire, quibus eiusdem loco est *insula Batauorum*, vt supra demonstraui; vel *ager Batauorum*, vt Tacitus dixit lib. II Annal. cap. VI: populi autem nomen vtique antiquissimum & vbique celebratum est. Zosimus regionem dixit *Βαταΐαν*, *Batauiam*, vt paullo ante ostendimus: longe ante illum Dio Cassius lib. LV pag. 565 *Βαταούαν*, *Batauam*, id est *Batauiam*. Aitenim, *ξένοι τε ἰππεῖς ἐπίλεκτοι, οἷς τὸ τῶν Βαταούων ἀπὸ τῆς Βαταίας, τῆς ἐν τῷ Ῥήνῳ νῆστος, ὄνομα*, peregrini equites lectissimi, quibus *Batauorum* nomen a *Bataua*, *Rheni insula* est. Eumenius pro restaurandis scholis extrema oratione: *Singula intuentium animus adfingit - - - sub dextera tua, domine Constanti, Batauiam, Britanniamque, squalidum caput siluis & fluctibus exserentem*. Idem Panegyrico Constantii cap. III *destinata Batauiæ Britannicæque vindicta*. Et Pacatus Panegyrico, quem Theodosio dixit, cap. V *Attritam pedestribus præliis Batauiam referam?* In Tabula Peutingeriana scribitur *Patauia*, dura prima littera; & fluuius inferior, qui vel Vahalidis vel Mosa est, *Fl. Patabus*. Longitudo Batauiæ est a diuortio Rheni vsque ad ostia. Tacitus annali II cap. VI *Rhenus vno alueo continuus, aut modicas insulas circumueniens, apud principium agri Bataui velut in duos amnes diuiditur*.

CXLII.

Oppidum Bataui videntur vnum æuo Vespasiani habuisse, idque extra insulam, (nam partem etiam agrorum inter Vahalem & Mosam possedisse supra dictum est) quod Tacitus simpliciter vocat *oppidum Batauorum*, vti solet, vbi vnum est, nec proprio & singulari nomine ab aliis distinguendum. Lib. V Histor. cap. XIX ait: *Ciuii Chaucorum auxilia venere. non tamen ausus oppidum Batauorum armis tueri, raptis quæ ferri poterant, ceteris iniecto igni, in insulam concessit*. Sic ergo de oppido loquitur, tamquam de vnico, saltem præcipuo & insigni: quemadmodum alibi, Annali lib. I cap. XXXVI & lib. XII cap. XXVII *Ubiurum* dixit *oppidum*. Nomen proprium illius quod

quod fuerit, non plane est certum. Hadrianus Iunius *Nouiomago* ad Vaholim id honoris tribuit, ut tamquam antiquissimum oppidum (quod putat a Cattorum duce, qui pulsi huc refugerant, ad latus insulæ conditum esse) a Tacito *Batauorum oppidum* adpelletur, quia extra insulam positum ita sit, ut Ciuilis, incenso illo, statim in insulam potuerit traicere: etiam in Theodosiana Tabula nobilioris & primæ vrbis figura depictum. Cluerio autem non videtur Nouiomagus tanta antiquitate esse, quia nulla eius mentio ante auctorem Tabulæ illius, quam Theodosianam, etiam ab ætate dicunt, usquam reperiatur. Idcirco mauult illud oppidum ad Mosam referre, vbi castrum superfit *Batenburg*, quasi Batauoburgum. Ptolemæus quidem lib. II cap. IX *Batauodurum* in mediterraneis inter Vaholim & Mosam ponit, quod videri possit *oppidum Batauorum*, a Tacito nominatum: verum quia Tacitus id nomen vico dat intra insulam, situs quem Ptolemæus definiuit, aut is qui tabulam addidit, non sine causâ suspectus est: neque alium vicum eius nominis intra insulam, aliud eodem nomine oppidum Batauodurum extra illam fuisse, est probabile.

CXLIII.

Præter illud oppidum, quod vulgo putatur Batenburgum ad Mosam esse; Tacitus in insula Batauorum quatuor vicos modicos aut maiores, præsiidiis munitos, memorat eodem libro, cap. XX. *Tantum belli*, inquit, *superfuit, ut præsidia cohortium, alarum, legionum, modicis vicis quadripartita, Ciuilis inuasit: decimam legionem Arenaci; secundam Batauoduri; & Grinnes Vadamque, cohortium alarumque castra.* Primus ex his vicis *Arenacus* vel *Arenacum* a Tacito vocatur, quod Antonini est *Harenacium*, Peutingerianæ *Arenatium*. Vulgaris opinio est, in quam nominis induxit aut syllabæ similitudo, *Arenacum* illud *Arnheim* esse, aut quia hoc extra insulam in ripa dextera est, ei in insula oppositum fuisse; & post casum aliquem, non satis notum, trans flumen instauratum. Sed Tabula & Itinerarium repugnant. Hoc enim, itinere a Lugduno capite Germaniarum, hunc ordinem fert:

<i>Traiectum</i>	—	—	—
<i>Mannaricium</i>	M.	P.	XV
<i>Caruonem</i>	M.	P.	XXII
<i>Harenacium</i>	M.	P.	XXII
<i>Burginacium</i>	M.	P.	VI
<i>Coloniâ Traianam</i>	M.	P.	V.

Tabella autem Theodosii *Arenatium* a Nouiomago x m. p. abesse ostendit: a Burginatio vi; & hoca Colonia Traiana v m. p. æque ut in Itinerario. Ex quo consensu luculentum est, medio fere loco inter Nouiomagum & Coloniâ Traianam, cuius vestigia in vico Kellen, seu Köln, proximo arci *Cleue sunt*, exstitisse, atque ita viii circiter m. p. infra ipsum diuortium. Se-iunctum ergo Arnhemium a veteri Arenaco per x m. p. est, interueniente etiam principe fluuiorum: quod pluribus vide a doctissimo viro Mensone Altingio demonstratum.

CXLIV.

Nec certior est vulgaris reliquorum vicorum, quos Tacitus nominavit expositio. *Vadam, Grinnes, Batauodurum* locant ita, ut istud sit *Wagingen*, illud *Rbenen*, hoc *Duerstede*. Sed præterquam quod duo etiam in ripa ulteriori sunt, ne nominis quidem nos sonus inuitat, ut ita sentiamus de *Vada* & *Grinnibus*. Solum *Batauodurum* videtur partem nominis in *Duerstede* conseruare, cui *vici* Latinum nomen, quo Tacitus censet, videtur cognomen *Wyck* addidisse, ut vulgo dicatur *Wyck te Duerstede*, quæ vero, ut oppidum ab arce, distinguuntur. Pontem habuit inchoatum, quem *Germanorum manus* irrumpere nitebantur, ut ibidem refert Tacitus. Proxime *Batauodurum* vicum, aut in ipso vico, fuit *Leuefanum*, id est fanum Batauorum deæ *Leuæ* dicatum, quem locum sola Tabula Peutingeriana habet. Id idolum etiam ab accolis insulæ Batauorum cultum fuisse, locus trans amnem *Leuendaal*, id est Vallis *Leuæ*, ostendit.

CXLV.

Grinnibus locum designat Peutingeriana Tabula, inter *Leuæfanum* & *Caruonem*, atque adeo octo circiter, vel nouem millibus supra *Batauodurum*, cui ut propiores quodammodo fuere, ita certe probabile, *Vadam* *Arenaco* propiorem existisse, hoc est inter *Caruonem* & *Arenacum*. *Caruo* autem nequaquam est *Grave* oppidum, ut vulgo putatur, quia itineraria in *Rheni tractu* & in insula *Caruonem* referunt, non ad *Mosam*, cui *Grave* adiacet: *Antoninianum* quidem *xxii m. p.* infra *Harenacium*: *Peutingeria* autem Tabula *xiii m. p.* infra *Castra Herculis*; adeo, ut secundum *Rheni ripam* *Castra Herculis* *ix m. p.* sint infra *Arenacum*, quia sunt *xiii* supra *Caruonem*. Illa autem *Castra Herculis* etiam ab *Ammiano* lib. *xviii* cap. *ii* in ciuitatibus, ad *Rhenum* sitis, referuntur. *Ciuitates*, inquit, occupatæ sunt septem: *Castra Herculis*, *Quadriburgium*, *Tricesimæ*, *Nouesium*, & reliquæ. Ut autem *Tricesimæ* legionis castra vel oppidum in extremis *Gugernis* erat: ita *Quadriburgium* in principio Batauorum fuisse necesse est, cui in *Itinerario* *Burginacium* respondet, *v* millibus a *Tricesimæ* castris *Vlpiis*, quæ ipsa *Colonia Traiana* est, ut supra demonstraui. Vtrumque laudatus vir, *Altingius*, interpretatur *Burgum ad aquas*, siue *Teutonica* voce *Waterburg*, quæ cum *Ammiani* *Quadriburgio*, aut *Vatriburgio*, in locum *W*, Latinis ignoti, *V* vel *Q* adsumto, concordat. Quod vero ad *Vahalim* extra insulam, in sinistra ripa *Cluuerius* ponit; consentire non possumus: quum itinerum nos rationes in angulum insulæ deducant, quæ etiam *Altingii*, viri iterum honoris causa nominandi, est sententia, *Cluuerianæ* utique præferenda.

CXLVI.

Sic ea, quæ partim ex *Tacito*, partim ex *Itinerariis* de citeriore parte insulæ nouimus, hoc est a principio & diuortio usque ad *Batauodurum* siue *Duerstadium*; exposita cuncta sunt, & suis rationibus declarata, quæ secus ac vulgo solent, ac nos ipsi in Tabula *Belgicæ*, *Cluuerium* sequuti, posuimus; hoc ordine dispensanda sunt:

Leuæfanum &
Batauodurum

VI

Grimes

VIII

Caruo

XIII

Vada Taciti
interiacet

Castra Herculis

IX

VIII

Novio-
magus.

Arenacum

VI

Burginacium

V

Colonia Traiana

CXLVII.

Nunc ad vltiorem partem insulæ, quæ a Batauoduro ad Oceanum est, adgredimur explanandam. Nihil heic Tacitus habet: Ptolemæus solum *Λγυόδεωον*, *Lugodinum*, quod ex *Lugdunum* vel *Lugodunum* corruptum est: Antonini Itinerarium *Lugdunum*, *Albiniana*, *Traiectum*, *Mannaricium*: Tabula Peutingeriana addit ad Rhenum, *Prætorium Agrippinæ*, *Nigrum Pullum*, *Lauros*, & *Fletionem*; & infra hæc, *Vahalim* seu *Mosam* versus, *Forum Adriani*, *Flenium*, *Tablas*, *Casspingium*: inde in citeriorem partem ad *Noviomagum* venit.

CXLVIII.

Proximum a Batauoduro est *Mannaricium* Itinerarii, a Caruone distans *xxii* m. p. Caruo autem a *Leuæfano*, quod ad Batauodurum erat, *xiiii*, quibus demtis a *xxii*, relinquuntur distantie inter Batauodurum & *Mannaricium* *viii* millia. Et quod iter illud *Lugdunum* fert, haud longe a *Rheno* afuisse probabile est. *Cluuerius* in vico ad sinistram *Leccæ* quærit, cui nomen *Maurik* sit: sed præterquam quod longius a via recedit, nulla ibi antiquitatis *Romanæ* signa superesse, testis est, quem sæpe laudauimus, *Menso Altingius*; vt præstet differre cum recentibus locis comparisonem, quam incertum aliquid pro vero constituere.

CXLIX.

A *Mannaricio*, Antonini eodem itinere, abest *Traiectus* non *xv* millibus, vt editum est, sed *vix vi* millibus passuum. Huius & nomen & situs evincunt non aliud oppidum esse, quam quod hodie vocatur *Vtrecht*, olim episcopatu, nunc academia clarissimum. Est enim a *Vetere Traiectu*, vt *Caroli Magni* ætate dicebatur, id nomen, in quo *Alt*, seu alia dialecto *Old*, ad *Traiectus* vocabulum accessit. Ex quo præue *Vltraiectum* non nulli vocant, quem elegantius & magis Latine dicerent *Traiectum Rheni*, siue *ad Rhenum*. At præter auctorem Itinerarii nemo antiquorum hoc oppidum nominavit, vt de vltiori antiquitate nihil certum sit quod statuamus.

CL.

Exinde Itinerario nihil est vsque ad *Albiniana* castra, quo spatio in Tabula *Fletio*, *Lauri*, *Niger pullus* interponuntur. *Fletio* *xvi* millibus abest a *Leuæfano*; hoc a *Traiectu* *xiii*, ex quo situs *Fletionis* non incertus est, nempe *ii* millibus passuum infra *Traiectum*, in curuatura, quam vocant, *Rheni* amnis. Vltiora Tabulæ, *Lauri* & *Niger pullus* obscuriora sunt, & fortasse diuersoria & mansiones: *Albiniana* autem Itinerarii, corrupte

pte in Tabula scripta *Albamana*, siue *Albaniana*, sunt clariora. Castra haud dubie intelliguntur, sed cuius Albani vel Albini? Si stat *Albiniana* legere, ad *Albinum* auctorem referantur. An is vero sit Clodius Albinus, Seueri imperatoris æmulus, non possum definire. Credibile tamen est admodum, quia de ipso Capitolinus in Vita cap. vi refert, *per Commodum ad Gallias translatum esse, in qua, fufis Frifis Transrhenanis, celebre nomen suum & apud Romanos & apud barbaros fecerit.*

CLI.

Inde *Lugdunum* x millibus abest, tanta antiquitate oppidum, vt etiam Ptolemæus illius rationem habuerit. Treuerorum tumultu exstitisse, probari ex Tacito non potest: nec vero longe post ortum esse, Ptolemæi testimonium confirmat. Eius vero *Lugodinum* non aliud quam Antonini & Tabulæ *Lugdunum* esse, non est quod dubitemus, quia in Batauis & prope Oceanum ponit, licet cum occidentali ostio, quod commune cum Mosa Rhenus habet, non cum medio, ad cuius alueum situm est, componat: quanta decessio a vero loco non insolens Ptolemæo est, præsertim in Occidente. In dicto Itinerario legitur: *A Lugduno Capite Germaniarum Argentoratum*, vt sæpe ad illud iter prouocauimus. Io. If. Pontanus Discept. Chorograph. pag. 154 existimat legendum esse *caput Germaniarum*, vt ad Argentoratum referatur, quia *Lugdunum* illa ætate non tantæ dignitatis erat, vt *caput* prouinciarum nuncupari potuisset. Verum non est quod quidquam immutemus. *Caput* enim heic *principium* est, quod reuera *Lugdunum* est Germaniarum, si ab Oceano, aut Inferioris prouinciæ extremo, incipias Cisirhenanæ Germaniæ prouincias perlustrare. Interea non negamus, minorem tum temporis splendorem huius vrbis, quam nunc est, exstitisse, ad quam aorum memoria cum alia multa ornamenta, tum maxime insigne decus & incomparabilis gloria ex litterarum studiis accessit.

CLII.

Duobus millibus passuum supra *Lugdunum* in Tabula Theodosiana est *Prætorium Agrippinæ*, quod illa, quum in Claudii matrimonio esset, videtur exstruxisse, exemplo fratris Caii, qui vt Suetonius cap. xxxvii refert, *in exstructionibus prætoriorum atque villarum, omni ratione posthabita, nihil tam efficere concupiscebatur, quam quod posse effici negaretur.* Situs & distantia ostendit, fuisse in loco, qui hodie *Roomburg* vocatur, quod quidam interpretantur *Arx Romana*, quasi ipsum prætorium hoc nomine significaretur. Eodem loco etiam aliud ædificium publicum fuit, quod *Armamentarium* Romani adpellauerunt. Alium testem illius non habemus, nisi vnicum lapidem, ante ducentos circiter annos repertum, & a variis descriptum, intortis admodum litteris & inter se, præter morem, connexis, notatum, quas vt Petrus Scriuerius Antiquitat. Batauicis pag. 182 exhibet, separatas & iusto dispositu sic exscriptas damus:

IMP. CAES. L. SEPTIMIUS SEVERUS AVG. ET
M. AVRELIVS ANTONINVS CAES. COH. XV
VOL. ARMAMENTARIVM VETVSTATE
CONLABSVN RESTITVERVNT SVB
VAL. PVDENTE LEG. AVG. PR. PR. CVRANTE
CAECILIO BATONE PRAEFECTO.

Sed idem Scriuerius, & Hadrianus Iunius, Histor. Batav. cap. x, quidquid huius armamentarii est, ad litus Oceani referunt, vt eadem sit *Arx Britannica*, cuius fundamenta interdum, Oceano refugiente, conspecta sunt, quod ita clarissimi viri crediderunt, quia persuasi ab aliis erant, ex ruderibus illis, sub mari latentibus, extractum hunc lapidem, quem descripsimus, fuisse. Alii vero fide digni homines, & antiquiores etiam perhibent, aratro effossum prope Roomburg in agro Lugdunensi esse, ideoque *Armamentarium* illud, si in loco, quo lapis inuentus est, olim fuit, cum ipso Prætorio Agrippinae coniunctum fuisse, doctissimorum iam virorum est sententia. Inter hoc Prætorium & Albiniana castra, in Tabula etiam *Matilo* collocatur, obscurus locus, & nemini præter auctorem Tabulae, cognitus; de quo nihil habemus, quod referatur.

CLIII.

Tandem etiam aliquid de Arce siue Castello litorali, quod inundans Oceanus texit, dicendum est. Huius arcis vestigia mari adobruta latent, nisi quando post Africi venti furorem subita tempestas, a Cauro concitata, nudatum arenis litus retexerit. Tunc a fundamentis reliquias, recedente maris æstu, prope mediæ Rheni vetus ostium, adeo spectare & numerare licuit, vt eruditi viri ichnographiam etiam illius castelli delineauerint, qualem ab Iunio Scriuerioque dictis libris expressam explicatamque habemus. Sunt qui Caligulae *Pharum* seu *altissimam turrem*, vt Suetonius cap. XLVI vocat, ibi excitatam credant, quod negant alii, quia ex Morinis Romani, non ex Batauis in Britanniam traiciebant. Turrem autem illam *indicium victoriae* Britannicae, vt Suetonius ait, sed adfectatae modo, aut simulatae, voluisse a posteris credi, quasi ibidem in Britanniam traiecisset, aut victor inde regressus ibi esset. Alii Druso in illo litore monumentum conditum & aram positam fuisse autumant, confusi lapidis inscriptione ad id persuasi, quem ex ipsis ruinis illis extractum esse adfirmant. Conditam aram a Claudio dicunt, a Seuero & filio Antonino restitutam. Reliqua hæc in lapide verba exstant:

..... TANNIC. GERMANIC. PIVS FELIX AVGVST
..... MAX. TRIB. POT. XVIII COS. III P. P. IMP. III
..... RAMA DIVO CLAVDIO ET POSTEA
..... ERO PATRE SVO RESTITVTAM

Quæ supplentur ita, vt præmittatur nomen *Imp. Cæs. M. Aurel. Antoninus Britannicus*, ac reliqua: addantur *Pont.* id est Pontifex; item *aram* & *Seuero*. Ortelius suspicatur, expeditione Britannica ibidem Claudium *arcem* condidisse, in commodiorem legionum cohortiumque transuersionem; aut quo milites ibidem hibernarent. Sed, quod antea, dubitari & heic loci potest,

potest, an tum Romani alia via in Britanniam profecti sint, quam ex Morinis, videlicet ea, quam Iulius Cæsar præmonstrauerat. Quid? quod ne de re hac dubitandum quidem est, quum Suetonius cap. xvi aperte dicat, *Masilia Gessoriacum usque pedestri itinere confecto, inde transmisisse*. Gessoriacum autem in Morinis est, eorumque caput atque portus fuit, vt infra ostendamus. Quod si autem verum est, ex marinis illis ruderibus extractum illum lapidem fuisse, illustre Romanorum opus & monimentum, qualecumque etiam fuit, is arguit & probat. Ibi vero *Armamentarium* locare, quasi & illius lapis alius ex ruinis illis, sub mari absconditis, testis sit protractus, vt clarissimis viris persuasum erat; hoc est quod ante paullo non minori aliorum auctoritate refutauimus. Nec nomen vetus huius arcis mari obrutæ vsquam indicatum fuit, quod vulgo nunc *t' huys te Britten*, siue *Brittenburg*, id est Arcem Britannicam, nescio vnde, siue quo auctore, adpellant, falsâ fortassis fama inducti, quasi ex illo loco Caligula simulando tentauerit, vel post illum Claudius Cæsar vere traiecerit in Britanniam.

CLIV.

De iis hætenus, quæ ad medium Rheni alueum eiusque sinistram ripam sita erant: nunc de illis quoque addemus, quæ in austrum inde & ad Mosam vergunt, a solo auctore Peutingerianæ Tabulæ notata. Primum & præcipuum est *Forum Adriani*, vt ille scripsit, vii millibus a Lugduno recedens, vt accurate Menso Alting, v ex x facto, emendauit. Auctorem & vsum oppidi ipsum nomen manifestat: situm, emendata distantia & reliquæ nominis in *Vorburg*: dignitatem & amplitudinem ruinæ circumiectæ & subterraneæ substructiones, in quibus etiam, qui hæc curatius inuestigant, *Elinum* prætorium vel arcem aiunt inueniri, nomen nummis monstrantibus, qui ibidem reperiantur: quod prædictus antiquitatum scrutator Altingius ab *Aelius*, Hadriani nomine, deducit, sed ab adoptato per Pium Marco nepote impositum, quia in iisdem nummulis AVRELI ANT. id est *Aurelii Antonini* nomen, non AVRELIANI, vt creditum fuerat, legatur. Accedit inscriptio vetusti lapidis, siue columellæ milliariæ, apud vicum *Monster* reperiæ, descriptæ ab Scriuero pag. 214, Grutero p. 156, cuius vltimæ notæ sunt

A. M. A. F. C. M. XII

quas docti viri non vno modo interpretantur, *A municipio*, si quod in illis locis fuit; aut *a mari*, quia lapis inter Delphos & Hagam repertus, vbi Monasterium fuit; vel *a Mosâ* denique, aut aliter; plerique autem insequentes litteras A. F. *ad Forum*, (vel *a Foro*, si priores *ad municipium*, vel *ad mare*, vel *ad Mosam*, significant) consentiunt legendas esse, vt *Forum Hadriani* intelligatur, quod etiam *constituta millia passuum xii*, quot a dicto loco ad *Vorburgum* sunt, numero suo recte posito comprobant.

CLV.

Cetera Tabulæ Peutingerianæ inter *Forum Hadriani* & *Nouiomagum*, ignobiliora sunt, *Flenium* xviii m. p. a Foro; cuius & nomen & numeros Cluuerius immutat, licentia, vt videtur, non toleranda: inde post xii millia *Table*; & rursus interuallo xviii m. p. *Caspingium*, de quibus præter nomina

mina nihil habemus quod adferamus, nisi quod *Caspingium* per numeros suos in locum *Asperen* aiunt incidere. *Grinnes*, quæ sequuntur in Tabula, ad superius Rhenanum iter, vnde errore exciderant, reduximus supra, Tacito auctore, cui illæ cum reliquis vicis ad Rhenum sunt: *Ad duodecimum* autem, signum diuerforii vel mansionis est.

CANINEFATES.

CLVI.

Populi huius nomen non vno modo est proditum. Velleius Paterculus & Cornelius Tacitus scripserunt *Caninefates*: ille lib. II cap. CV *Intrata protinus Germania, subacti Caninefates, Attuarii, Bructeri: recepti Cherusci, & transitus Visurgis*. Taciti exempla mox postea proferemus. Plinius lib. IV cap. XV *Cannenefates* dixit, vt Harduinus legit; vt Menso Altin-
gius pag. 12, *Cannenefates*: quod prope conuenit cum veteri inscriptione apud Gruterum p. 385

PRAEF. EQ. ALAE PRIMAE CANNANEFATVM.

Origo gentis ex Germania est perinde ac Batauorum. Tacitus lib. IV Hist. cap. XV *Missi ad Caninefates qui consilia sociarent. Ea gens partem insulae colit, origine, lingua, virtute par Batauis: numero superantur*. Ex quo & situm intelligimus, hoc est insulam habitasse; eandem puta quam Bataui. Plinius id plenius exponit dicto lib. IV cap. XV, *In Rheno ipso, prope centum milia passuum in longitudinem, nobilissima Batauorum insula & Cannenefatum: & aliae Frisiorum, Chaucorum, Frisiabonum, Sturiorum, Marsaciorum, quæ sternuntur inter Helium & Fleuum. Ita adpellantur ostia, in quæ effusus Rhenus ab septemtrione in lacus, ab occidente in amnem Mosam se spargit*.

CLVII.

Hæc fere veterum sunt testimonia, quæ de Caninefatum nos sede & loco possint instituere. Velleius in Germania locat cum Bructeris atque Cheruscis, Transrhenanis populis: nec vero quisquam alius eorum reliquias in Germania hoc nomine nuncupauit: & Ciuilis ipse apud Tacitum tam Caninefates quam Batauos adscribit Gallia lib. IV cap. XXXII. *En ego, inquit, praefectus vnius cohortis, & Caninefates Batauique, exigua Galliarum portio, vana illa castrorum spatia excidimus*. Quod si ergo cis Rhenum positos intelligit, vix tamen eos intermistos Batauis intelligere potuit. Id est quod Cornelius Haemrodus & Hadrianus Iunius ex Plinio quoque & Tacito vrgent, sed dispari conatu & processu. Hic enim, Iunius, Historia Batauiæ cap. III pag. 47 singularem eis insulam, separatam a Batauorum sede, tribuit, forsan lacubus & æstuariis, saltem ex parte remota ab Oceano circumdatam. *Sequitur, inquit, Caninefatum insula, quarum ego terminos non multum euariare a vetustis suspicor, bonaque coniectura ducor; siquidem insula fuit (id quod expresse loquitur Plinius) eos a secundo Rheni siue medio ostio apud Cattorum vicum initium capere, longoque terrarum tractu secundum colles arenarios sedes suas habuisse Harlemotenus, ita vt Oceanum Britannicum, iniquum vicinum, cum praedictis collibus habuerint ab occidente; a nascentis vero solis plaga diuisi fuerint a lueo vno ex elicibus Rheni*. Rem non mouemus: de insula

separata dubitamus, præsertim ex Plinii verbis adprobanda. Is enim indistincte dicto loco ait: *In Rheno ipso nobilissima Batavorum insula & Cannenu-
fatum, & alia Frisiorum*: quæ verba quidem ambigua videri possunt, quasi dicant, *Batavorum insula, & Cannenufatum*, subaudi rursus, *insula*; vel vt vna sit insula & Batavorum & Cannenufatum. Illud Hadr. Iunio videtur; hoc Taciti comprobatur auctoritate, qui dicto loco ait: *Ea gens* [Canine-
fatum] *partem insulae colit, origine, lingua, virtute par Batavis; numero su-
perantur*: quæ insula non potest alia esse quam Batavorum, quod non tan-
tum comparatio illa cum Batavis, quam quæ cap. xii de illa insula antecesserant, confirmant. Nec licet magnam insulam Batavorum inter Helium & Fleuum comprehensam intelligere, quia Plinius ALIAS, Frisiorum nempe ac ceterarum gentium, eisdem ostiis, vt separatas ab illa Caninefatum, in-
cludit.

CLVIII.

Hæc dubitantur de singulari insula in verbis Hadriani: positionis causam & sedis non definimus, sed differimus. Constans enim multorum est sententia, Caninefates septemtrionalem Hollandiam coluisse, ita prorsus, vt Cornelius Aurelius lib. i Bataviæ cap. iv *Harlemum nominatissimam Caninefatum urbem* dicat: & Cornelius Haemrodus Bataviæ Descriptione pag. 13, *Caninefates terram a Rheno veteri septemtrionem versus, propter litus Oceani adusque ferme Marsaciorum sedes obtinent, vulgoque dicuntur die Kenne-
merlanders*. Et quod idem pag. 9 præter illud Cattouicense veteris Rheni, plura interna ostia indicauit, illorumque vnum alueum præter Enkhufam ducit & Alkmariam; probabile non minus Io. Isacio Pontano Discept. cap. xx, quam ipsi Haemrodio videtur, quia ille alueus vere medius inter Helium Fleuumque sit, esse fortassis illum, qui septemtrionale latus insulae Batavorum clauferit. id quod neque confirmare argumentis, neque refellere animus est. Plura tamen fuisse Rheni ostia etiam ante, quam Drusus per lacus nouo alueo deriuaret; illa Cæsaris verba lib. iv cap. x haud obscure videntur probare, *Vbi Oceano adpropinquauit, in plures diffluit partes*. Quod si vere ita se habet, vt probabile illis doctissimis viris videbatur: omnis difficultas controuersiae sublata erit, & recentioribus cum Tacito Plinioque bene conueniet. Interea plures in Cluuerii sententia adquiescunt, qui vt veteris Rheni alueo præter Traiectum & Lugdunum ducto, & insulam Batavorum & omnem Galliam finiri existimat, ita in septemtrionali insulae parte ad alueum illum & intus, a Batauoduro ad Lugdunum fere, omnes Caninefates deponit, ita tamen, vt ad Oceanum non pertineant, neque Lugdunum, quia *Batavorum* dicitur, possederint vmquam. quo quia meliorem Bataviæ partem subducit, & Batavos maritimos a superioribus secludit; non desinunt alii de finium illa descriptione dubitare.

CLIX.

De ceteris gentibus, quarum insulas Plinius inter Helium & Fleuum sternit, meræ sunt coniecturæ doctorum hominum: argumentis & rationibus vix quidquam probari potest, quia facies illorum locorum inundationibus

bus fuit ita immutata, vt vbi populi coluerant, nunc ingens lacus fit siue *mare Austrinum*. Pontanus Disceptat. Chorograph. cap. xxi p. 65, *Ceteras Plinio nominatas gentes sinus fere & mare Austrinum aboleuit*. Varie autem vocabula illarum a variis torquentur, nec vllum fere intactum relinquitur. Quidam integros populos, quos minus nouerunt, eiiciunt, vt Cauchos & Sturios; alii Sturios in *Vrios* conuertunt, & in Austrini insula *Vricha* inuestigant: Cluuerius Frisiabones Frisiosque, hoc loco obuios, in *Frisios maiores minoresque* commutat: sed retentis ceteris cunctis, solos *Cauchos* clarissimus vir Menso Altingius sollicitat, ratus *Celementum* abundare in eo nomine, ortum ex signo *παρανθεσσεως*, quæ post *Marsaciorum* claudenda sit. Ita enim pag. 12. sententiam Plinii distribuendam legendamque autumat: *In Rheno ipso, prope centum M. P. in longitudinem, nobilissima Batavorum insula & Cannunefatum. Et alia Frisiorum (Auchorum, Frisiabonum, Sturiorum, Marsaciorum) quæ sternuntur inter Helium & Fleuum*. Scilicet omnes vult Frisios esse origine, siue coloniam Frisiorum Transrhenanorum; sed rursus diuisos in minores populos, vti parenthesi distincte nominentur. Hos ita distribuit & quibuslibet suas sedes adsignat, vt *Auchos* ponat proximos *Fossæ*, quæ a Druso nomen habet: *Frisiabones* in illo tractu, vbi reginaemporiorum *Ambstelodamum* est, & *Horna*, & *Enkhusa* cum *Medemelaco*: his ad Oceanum obducit *Marsacios*: in septentrionem & supra *Fleuum* lacum *Sturios* reiiciat. Sed ita doctis quidem coniecturis locantur: argumentis destituitur positio.

CLX.

Plures in ea regione, quam vnum lacum fuisse, ex multitudinis numero, quo Tacitus utitur, pronum est colligere. Annali i cap. LX *impositas nauibus quatuor legiones per lacus vexit Germanicus*: & lib. ii cap. viii *Fossam, cui Drusianæ nomen, ingressus, precatusque Drusum patrem; lacus inde & Oceanum vsque ad Amisiam flumen, secunda nauigatione peruehitur*. Hos vero lacus in vnum coaluisse, eumque auctum inundationibus, magnus *Austrinus* lacus argumento est. Quæ circa illum oppida notantur, quam antiqua sint, certo explicari non potest. Hadrianus quidem Valesius *Rerum Francicar. lib. i pag. 6* scripsit, *Postumum Macusam, oppidum Batavorum ab Francis captum, quod hodieque Ancusam appellant, recepisse indicant Postumiani nummi, HERCVLI MACVSANO inscripti*: sed vnde certo probetur, *Macusam* siue *Magusam*, esse oppidum *Enkhusam*, siue *Ancusam* vt ipse scripsit; equidem hariolari non possum. Est lapis circa ostia *Scaldis* repertus, quem *Ortelius* inspexit; & alius in *Gelria* exstare dicitur, quibus vtrisque inscriptum est *HERCVLI MAGVSANO*. Sed neque heic perspicio, qua ratione ad *Ancusam* oppidum referri, aut eius nomen inde deriuari possit. Si ex *geriana* & *Marcellino* demonstrata, reducere. Vnde vero cognomen *Magusani* sit, vix quisquam diuinando poterit ita, vt persuadeat, interpretari. Et hæc de *Caninefatibus*, quos a pluribus dixi circa *Enkhusam* & *Alkmariam* collocari, saltem ibi finem illorum sedibus imponi.

POPVLI INTER MOSAM
ET SCALDIM.

CLXI.

Vt Germanias, prouincias Romanorum in Gallia Cisirhenana, possimus definire, necesse est, vt omnes cis Rhenum Germanicas gentes, quas adhuc ab Heluetia ad Oceanum vsque persequuti sumus, perlustremus. Pars illarum superest, quæ inter Mosam & Scaldim sedes occupauerant. Plinius lib. i v cap. x v i i *A Scalde ad Sequanam Belgica.* Ergo quia Scaldi flumine finit Galliam, vltra illud flumen non Gallos, sed Germanos credidit coluisse. Tacitus German. cap. i i *Qui primi Rhenum transgressi Gallos expulerint, nunc Tungri, tunc Germani vocati sunt.* Rursus Plinius dicto loco: *A Scaldi incolunt extera Toxandri, pluribus nominibus.* EXTERA, hoc est regionem vltra Scaldim, extraque Gallias, Scaldi finitas, positam, ad Mosam vsque. Præterea in hoc tractu gentium clara nomina sunt *Menapii, Tungri, Aduatici, Bethasii*, qui quantum discrimen inter se habuerint, nunc ostendendum est. De *Eburonibus* supra diximus.

M E N A P I I

CLXII.

Menapii Cæsaris æuo vtramque Rheni ripam coluerunt: sed sub idem tempus vltiorem siue Germanicam, expulsi a Tencteris & Vsipectibus, amiserunt. Sic enim ille lib. i v cap. i v de Bello Gallico: *Vsipectes & Tencteri complures annos Sueuorum vim sustinuerunt: ad extremum tamen agris expulsi, ad Rhenum peruenierunt, quas regiones Menapii incolebant, & ad vtramque ripam fluminis agros, ædificia, vicosque habebant: sed tantæ multitudinis aduentu perterriti, ex his ædificiis, quæ trans flumen habuerant, demigraverunt, & cis Rhenum dispositis prædiis, Germanos transire prohibebant.* Pars regressi in desertas sedes trans Rhenum sitas, quum inuasores recessisse simulassent, inopinantes omnes oppressi sunt: etiam Cisirhenani, antequam de suorum clade audissent, ab eisdem Vsipectibus Tencterisque pulsi, qui occupatis illorum ædificiis reliquam partem hiemis se eorum copiis aluerunt, vt ibidem Cæsar enarrauit. Ex quibus habitatio illorum ripensis siue Rhenana, quæ olim fuit, satis abundeque intelligitur. Nec vero hæc sola fuit, sed eodem tempore inter Mosam & Scaldim sedes habuerunt, atque ita latissime habitauerunt. Id quod ex eo non obscurum est, quia Cæsar cum *Morinis* eos plerumque coniungit. Idem lib. i i cap. i v de bello Gall. hoc ordine ab Rhemis sibi Belgarum adparatum enarratum dicit, *Ambianos x millia, Morinos xxv millia: Menapios ix millia: Caletes x millia.* Et lib. i i i cap. xxviii, Cæsar, quod omni Gallia pacata, *Morini Menapiique supererant qui in armis essent, neque ad eum vnumquam legatos de pace misissent; eo exercitum adduxit: qui quod continentes siluas ac paludes habebant, eo se suaque omnia contulerunt.* Et lib. v i cap. i i Cæsar quum vndique bellum parari videret, *Ner-*

vios, Aduaticos ac Menapios, adiunctis Cisirhenanis omnibus Germanis esse in armis; maturius sibi de bello cogitandum putauit. Et cap. v eiusdem libri: Ipse cum legionibus expeditis quinque in Menapios proficiscitur. Illi, nulla coacta manu, loci praesidio freti, in siluas paludesque confugiunt, suaeque eodem conferunt. Caesar partitis copiis cum C. Fabio legato, & M. Crasso quaestore, celeriterque effectis pontibus, adiit tripartito: aedificia vicosque incendit, ac reliqua. Nihil heic ad Rhenum gestum: intus & intra Mosam omnia. Dio Cassius confirmat idem lib. xxxix pag. iii de Caesare: μετὰ τὸτο ἐπὶ τε Μορίνης καὶ ἐπὶ Μενάπιδας, οὐδὲν σφίσι ἐντας, ἐσράτευσε, Posthac in Morinos, eorumque finitimos Menapios arma conuertit. & paucis interiectis, de eisdem, ἔτε πόλεις ἔχοντες, ἀλλ' ἐν καλύβαις διατῶμενοι, Non in oppidis habitant, sed in tuguriis.

CLXIII.

Strabo lib. iv pag. 134 τοῖς Μενάπιδας εἰς συνεχεῖς ἐπὶ τῇ θαλάττῃ Μορίνοι, Menapiis contermini sunt ad mare Morini; atque idcirco paullo ante dixit τελευταίους, ultimos, ad Oceanum videlicet, quemadmodum finitimi illorum Morini, poetæ Aeneid. viii vers. 727 extremi hominum censentur. Quod vero ibidem ait, Μενάπιοι τῶν ἐκβολῶν ἐφ' ἑκάτερα τῶ ποταμῷ κατοικῶντες ἔλη, utrimque ad ostia Rheni habitare paludes, videtur Caesarem, quem plerumque sequutus est in Galliis, de vtraque ripa, sed longe supra ostia, scribentem, non bene intellexisse. Si enim utrimque ad ostia coluerunt, immistos Batauis fuisse necesse foret, quod minus est credibile. Quid? quod Augusti ætate reiecti omnes ab Rheno videntur, transductis e Germania, qui loca illa possiderent; ipsique ultra Mosam & ad Scaldim redacti, angustius postmodum habitauerunt. Tacitus certe, Vespasiani ævo, Cismosanos solos nouit, lib. iv Histor. cap. xxviii. Civilis, inquit, ut cuique proximum, vastari Vbios Treuerosque, & alia manu Mosam amnem transire iubet, ut Menapios, & Morinos, & extrema Galliarum quaterent. Plinius autem suæ ætatis populos Belgas lib. iv cap. xvii recensens, ambiguus est, nec satis declarat, a qua parte Scaldis habitauerint. A Scaldi, inquit, incolunt extera Toxandri pluribus nominibus. Deinde Menapii, Morini. Videtur tamen, relictis exteris, ad citeriora, ubi Morini erant, reuerti. Quæ causâ est, ut Harduinus Menapios in Flandria ponat. Quod si ita habet, non erat quod Hadrianus Valesius Theodosianam Tabulam erroris incusaret, quod Castellum Menapiorum inter Gessoriacum, quæ nunc Bononia est, & Teruanam medium habeat; legique vellet Castellum Morinorum. Sed de hoc in Morinis postea dispiciemus. Aliud tamen Castellum Menapiorum ad Mosam fuit. Ptolemæus in Belgica: μετὰ τὸν Μῶσαν ποταμὸν Μενάπιοι, καὶ πόλεις αὐτῶν Κάσσελλον, Post Mosam (malim cis Mosam. nam ab Ambianis per Morinos progressus est) Post amnem, inquit, Menapii & oppidum illorum Castellum: quod omnium consensione est Cassel siue Kessel ad Mosam, inter Traiectum huius amnis & Graven medio loco situm. Caesaris autem ætate nulla oppida habuere, sed tuguria tantum & vicos, ut cognouimus, coluerunt.

Aduaticos Cæsar ex Cimbris Teutonisque procreatos scribit lib. II Belli Gall. cap. XXIX *Ipsi, inquit, Aduatici, erant ex Cimbris Teutonisque prognati: qui quum iter in prouinciam nostram atque Italiam facerent, his impedimentis, quæ secum agere ac portare non poterant, citra flumen Rhenum depositis, custodiæ ex suis ac præsidio VI millia hominum una reliquerunt. Hi post eorum obitum, multos annos exagitati, quum alias bellum inferrent, alias inlatum defenderent, consensu omnium pace facta, hunc sibi domicilio locum delegerunt. Locum non designauit, nisi quod Neruiis propinquos fuisse dixit. Dio Cassius lib. XXXIX pag. 94 de Cæsare: ὁδὸν μέγα ἔργον τὰς λοιπὰς Νερύϊας χειρήμενος ἔχε, καὶ τὸν τῶν Αττατικῶν, πλησιόχωροί τε αὐτοῖς ὄντες, καὶ τὸ γένος τὸ τε Φρόνημα τὸ τῶν κίμβρων ἔχοντες, ὥρμησαν μὲν ὡς καὶ βοηθήσοντες σφίσιν, Non difficile opus restabat in subigendis Neruiorum reliquiis, quamquam Attatici, finitimi illis, qui & genere & animis Cimbri erant, auxilio venerunt. Nimirum succreuit gens inde a Cimbrici belli temporibus, vt credas, quos vicerant, in nomen suum adoptasse. Ad commune enim bellum Romanorum profligandum dicuntur apud Cæsarem lib. II cap. IV militum XXIX millia contulisse, quum aliæ numerosæ gentes vix X aut XV contulissent, soli Neruii L, Morini XXV. Et ne lapsos esse scribentes in numeris putes, metaphrastes etiam μυρίαις καὶ ἑνωκίχελις transtulit. Oppida & vicos plures habuisse, sed vnum egregie munitum, Cæsar tradit dicto libro II cap. XXIX: *Cunctis, inquit, oppidis castellisque desertis, sua omnia in vnum oppidum, egregie natura munitum, contulerunt: quod quum ex omnibus in circuitu partibus altissimas rupes despectusque haberet, vna ex parte leniter accliuus aditus, in latitudinem non amplius CC pedum relinquebatur; quem locum duplici altissimo muro muniterant.* Hoc oppidum, quodnam, aut quo tractu fuerit, haud equidem facile definitur. Sunt qui Bellum Montem in finibus Hannoniæ: alii Duacum; cum Sansone non nulli Namurcum interpretantur. Capacissimum fuisse, ex numero captiuorum quos vendidit Cæsar, oppido potitus, LIII millia hominum, abunde constare potest.*

CLXV.

Id vero non incertum potest ex Cæsaris commentariis esse, inter Menapiorum, Eburonum & Neruiorum fines sedem delegisse, id est in Flandriæ finibus, ac parte Brabantiae atque Hannoniæ: quo tractu duo oppida, nescimus quam antiqua, Antonini itinere a Castello Coloniam, memorantur, *Geminiacum*, & post XXII M. P. *Peruiciacum*, quorum illud *Gemblour*, & antea *Gemblacum*; hoc *Peruis*, multorum opinione videtur esse. Nec vero existimandum est, *Aduatucam* oppidum, quod in Eburonibus supra vidimus, ad Aduaticorum populum pertinuisse. Nihil enim præter nomen commune habent, & vel ex vno Cæsare manifestum est, Aduaticos ab Eburonibus Tungrisue, vt nomine, sic & sedibus differre, nec eosdem, sed alteris finitimos tantum fuisse.

CLXVI.

Vt vero aliæ Cisirhenanæ gentes noua nomina illo æuo induerunt, Agrip-

Agrippinensium, Gugernorum, Sunicorum, Tungrorum: ita *Aduaticos* Cæsaris postea *BETASOS* vel *BETASIOS* a Plinio & Tacito dictos esse, exinde coniecit Philippus Cluuerius, quod, sicut Cæsar in populorum enumeratio ne *Aduaticos* suos Eburonibus & Neruiis, vt finitimos, coniungit; ita pariter Tacitus & Plinius *Betasios* iisdem gentibus, vt proximos finitimosque, admisceant. Plinius lib. iv cap. xvii *Introrsus Atrebates, Neruii liberi, Veromandui - - - Tungri, Sunici, Frisiabones, Betasi, Leuci liberi, Treveri liberi, & ceteri*, turbato positi ordine. Tacitus lib. iv Histor. cap. lvi *Claudius Labeo nihil apud Batauos ausus, quosdam Neruiorum Betasiorumque in arma traxit. Et cap. lxxvi Ciuilis, occupatis Sunicis, & iuuentute eorum per cohortes composita; quo minus ultra pergeret, Claudius Labeo Betasiorum Tungrorumque & Neruiorum tumultuaria manu restitit. Et paucis interiectis: Ciuilis Betasios quoque & Neruios in fidem acceptos, copiis suis adiunxit.* Scribunt vulgo *Bethasii*, adiecta adspiratione, quæ ab editione Taciti, a Lipsio profecta, vnice est: antiquiore quoque libro halitum negligente. Atque ita etiam vetus inscriptio apud Gruterum pag. 520 num. 9 *CIVES BETASII.* Plinius tribus syllabis *Betasi*, quemadmodum Tacito sunt *Marsacii*, qui ceteris adiecta syllaba *Marsacii.* In Notitia Imperii sub dispositione Comitatus litoris Saxonici per Britanniam p. 109 est *Tribunus cohortis primæ Vetasiorum Regulbio*: v pro b, solemni illorum temporum more.

NERVII.

CLXVII.

Et Neruii, Strabone auctore lib. iv pag. 134 fuerunt ἔθνος Γερμανικόν, *Germanicagens*; ii que Treueris συνεχῆς, *finitimi* a septemtrione. Quam originem adeo ipsi non negauerunt, vt gloriæ etiam sibi illam ducerent. Tacitus de Morib. Germ. cap. xxviii *Treueri & Neruii circa adfectionem Germanicæ originis ultro ambitiosi sunt, tamquam per hanc gloriam sanguinis a similitudine & inertia Gallorum separentur.* A Cæsare multum celebrantur, vt qui *quinquaginta millia* ad commune bellum possint armatorum dare, lib. ii de Bello Gall. cap. iv. Tam ampla enim eorum fuit ciuitas, vt a Treueris, cum quibus modo Strabo coniungebat, ad vsque Bellouacos pertineret, quod Cæsar dixit eodem libro ii cap. xv. Præterea Ambianis, Atrebatibus, Veromanduis, finitimi, vt qui hos & Remos a meridie habuerunt, a septemtrione Aduaticos, ab ortu solis Mosam fluuium. Ibidem Cæsar cap. xv & xvi *Bellouacorum fines Neruii attingebant, quorum de natura moribusque Cæsar quum quæreret, sic reperiēbat: Nullum aditum esse ad eos mercatoribus: nihil pati vini, reliquarumque rerum ad luxuriam pertinentium inferri, quod his rebus relanguescere animos eorumque remitti virtutem existimarent: esse homines feros magnæque virtutis - - - Quum per eorum fines tri-luo iter fecisset, inueniebat ex captiuis, Sabin flumen a castris suis non amplius millia passuum x abesse: trans id flumen omnes Neruios consedis-
se, aduentumque ibi Romanorum expectare vna cum Atrebatibus & Veromanduis, finitimis suis. nam his utrisque persuaferant, vt eandem belli fortunam experirentur.* Expectari etiam ab his Aduaticorum copias, atque esse in itinere. Ex quibus

bus tam virtutem ipsorum & abstinentiam, quam fines atque limites, & quibus gentibus cincti fuerunt, intelligimus. Plinius dicto sæpe loco *Nervios liberos* vocat. Bataurorum tumultu primum in auxiliis Romanorum fuerunt; post a Ciuili in partes inlecti, vt Tacitus lib. i v Histor. cap. LXVI notavit. At cap. LXXIX *Legionem Fabius Priscus legatus in Nervios Tungrosque duxit, eaque ciuitates in deditionem acceptæ.*

CLXVIII.

Ex finibus Neruiorum, antea monstratis, coniicere licet de oppidis illorum ita, vt caput *Camaracum* fuisse videatur, nunc Gallis Cambray, nostris Cammerik; quamquam a nemine scriptorum ante Tabulam Peutingerianam, & auctorem Itinerarii, quod Antonini dicitur, nominatum. Itinere a Castello Coloniam hic ordo seruatur:

Castello

Minariacum

M. P. XI

Nemetacum

M. P. XVIII

Camaracum

M. P. XIII

Bagacum

M. P. XVIII

Vodgoriacum

M. P. XII

Geminiacum

M. P. X

Peruiciacum

M. P. XXII

Aduocam Tongrorum

M. P. XIII

Et itinere alio a Taruenna Durocortorum sic:

Taruenna

Nemetacum

M. P. XXII

Camaracum

M. P. XIII

Augustam Veromanduorum

M. P. XVIII

CLXIX.

Ex quo etiam situm *Bagaci* cognoscimus, quod itidem Neruiorum oppidum fuisse, ostendit inscriptio in eodem Itinerario: *Iter a Bagaco Neruiorum, Durocortorum, Remorum usque.* In Tabula Peutingeriana est *Bacaco Neruiorum*, hoc ordine dispositum:

Turnacum

Ponte Scaldis

XII

Bacaco Neruior.

X.

Quæ rationes & nomen vna ostendunt idem esse, quod nunc *Bavay* in Hannonia nuncupatur. Ptolemæus vitiose *Βάγανον* scripsit, *Baganum*, quum potius, vtroque Itinerario consentiente, *Βάγανον*, *Bagacum*, & ibi legi oporteat.

CLXX.

Pons Scaldis, quem & Antonini iter a portu Gessoriacensi *Bagacum* usque, itidem inter *Turnacum* & *Bagacum* habet, per rationes & numeros suos in locum celebrem incidit, qui nunc *Condè* vocatur, quod ex *Condate*, non vnus in Gallia oppidi nomine, contractum est.

CLXXI.

CLXXI.

Cluuerius addit *Valentinianas*, quæ hodie sint *Valenchiennes*, idque nomen exinde coniectura ducit, quia in Notitia Imperii sæpe dicantur milites *Valentinianenses*, tamquam a loco præsidii, quem infedere, cognominati. Verum mallem aliter vir eruditissimus censuisset. Milites enim illi non a loco, cui præsidebant, sed a principe *Valentiniano*, a quo instituti fuerant, cognomen suum consequuti sunt, sicut in eadem Notitia *Valentinianenses* coniuncti sunt *Gratianensibus*, & *Honorianis*, quos non facile a loco adpellatos dixeris. Oppidum vero illud in mediæ ævi historia (nam incertæ originis ac antiquitatis est) non *Valentinianæ*, sed *Valentianæ*, a Valente quodam conditore nominatur. Sigebertus Gemblacensis ad annum cxcvi *Castrum Valentianas, situm in marchia Franciæ & Lotharingiæ, imperator Henricus obsidet.* Et Valesius litteras Chlodouei III memorat *Valentianis datas.* Ac Eginhardus in Annalibus: *Anno dccclxxi peracto, secundum morem generali conuentu super fluuium Scaldam, in villa Valentiana, rex Karolus ad hiemandum proficiscitur.* Idem lib. iv de translatione SS. martyrum Marcellini & Petri: *Monasterium S. Saluii martyris, quod in pago Fanomartensi, in vico Valentianas adpellato, in ripa Scaldis fluuii situm est.* Ad mediæ ævi ergo geographiam potius, quam ad antiquam, pertinet.

CLXXII.

Certiores non nihil rationes *Fani Martis* sunt, vnde iam pagus *Fanomartensis* ab Eginhardo nominabatur. In Notitia enim Imperii sub Præpositura Magistri militum præsentium pag. 147 est *Præfectus Latorum Neruiorum Fano Martis Belgicæ Secundæ.*

CLXXIII.

Plures etiam Neruiorum clientes, & sub imperio illorum minores populi fuerunt. Cæsar lib. v cap. xxxiix *Facile hac oratione [Ambiorix] Nervii persuadet.* Itaque confestim dimissis nuntiis ad *Centrones, Grudios, Leuacos, Pleumosios, Gordunos*, qui omnes sub eorum imperio sunt, quam maximas manus possunt, cogunt. Nec vero apud alium scriptorem ignobilia hæc nomina reperiuntur. Vnde facile ad credendum erit, vel in aliud nomen transiisse, vel generali *Neruiorum* adpellatione comprehensos fuisse ab aliis. Cluuerius opinatur hos Neruiorum clientes in vnum nomen *Sueconorum*, quos solus Plinius in Belgica lib. iv cap. xvii nominauit, coaluisse, iisque oppidum *Tornacum* siue *Turnacum* tribuit. Verum, non dicam, Sueconos Plinianos suspectos Harduino esse, tamquam ex insequenti nomine *Suessionum* corrupta repetitione natos; sed in incertis potius relinquam. *Turnacum* vero Itinerarii, cum Hadriano Valesio, ipsis Nerviiis malo, quam alii genti, attribuere, quia situs & ordo in Itinerariis ita videtur postulare. Itinere a portu Gessoriacensi Bagacum vsque hæ sunt rationes:

Gessoriaco

Taruenam

Castellum

Vironiacum

M. P. XVIII

M. P. VIII

M. P. VI

Oo 3

Tur-

Turnacum

M. P. XVI

Pontem Scaldis

M. P. XII

Bagacum

M. P. XII

Nec aliæ rationes in Peutingeriana sunt Tabula, quæ itidem xii millia inter *Turnacum* & *Pontem Scaldis* habet. In Notitia Imperii sub dispositione Comitatus litoris Saxonici per Britanniam, est *Præpositus numeri Turnacensium Lemannis*. Hæc antiquissima huius oppidi munimenta sunt: quibus Notitiam prouinciarum & ciuitatum Galliæ addo, quæ in Belgica Secunda connumerat *Ciuitatem Turnacensium*.

T V N G R I.

CLXXIV.

Tungros, quamlibet supra in Eburonibus expositos, tamen ne quos inter Scaldim & Mosam populos præteriisse videamur, iuuat breuiter heic repetere. Qui Cæsari Eburones dicebantur, castellum habentes *Atuatucam*, lib. vi Belli Gall. cap. xxxi & xxxiv; ii Ptolemæo sunt *Tungri*, quibus & ipse oppidum *Ατράντων*, siue vt Valesius emendat, *Ατράττων* adsignat, quod in Itinerario Antonini est *Aduaca Tongrorum*: quæ vrbs etiam nomen gentis adsumsit, vt *Tongri* vel *Tungri* vocaretur ab Ammiano Marcellino lib. xv cap. xxvii, & lib. xvii cap. xvi; quod nomen hodieque seruat. *Eburonum* autem nomen nec Tacitus neque Plinius habet, sed vterque *Tungrorum*: ille etiam de Moribus Germ. cap. ii eos primos fuisse tradit, qui ex Germanis Rhenum transgressi in Gallico solo confederint: tum *Germani* adpellati in ea regione; postea *Tungri*. Crebra eorum mentio est in Claudii Ciuilis tumultu apud Tacitum Historiarum lib. iv: etiam lib. ii cap. xiv in partibus Vitellianis sunt *Tungrorum cohortes*: & in exercitu Agricolæ legati in Britannia, quod idem Tacitus in Vita cap. xxxvi memorauit. Notitia Imperii sub Comite Saxonici per Britanniam litoris, laudat *Præpositum militum Tungricanorum Dubris*.

TOXANDRI siue TAXANDRI.

CLXXV.

Tandem etiam ad *Toxandros* accedimus gentem nomine fatis claram: sede & habitatione dubiam. Primus id nomen nobis tradidit Plinius lib. iv cap. xvii in Belgicæ descriptione. *A Scaldi*, inquit, *incolunt extera Toxandri pluribus nominibus*. Philippus Cluuerius in Seelandiam *Toxandros* remittit, quasi is populus sint, quem Cæsar commentario vi cap. xxxii describit sine nomine. *T. Labienum*, inquit, *cum legionibus iii ad Oceanum versus in eas partes, quæ Menapios attingunt, proficisci iubet*. Et paullo ante cap. xxx, *Qui proximi Oceano fuerunt, ii in insulis se se occultauerunt, quas æstus efficere consueverunt*. Has putat esse Seelandiam, nec aliam Marcellini *Toxiandriam*, qui lib. xvii cap. xvii de Saliis Francis dicit, *ausos olim in Romano solo apud Toxiandriam locum habitacula sibi figere prælicenter*.

CLXXVI.

Contra sunt clarissimi viri, qui dubitant, aut negant *Toxandros* Seelandicas insulas incoluisse. Neque de ipsa Seelandia fatis certum est, quam

quam olim faciem, quem situm insularum fretorumque intercurrentium habuerit, quum temporis diuturnitate partim vis Oceani, partim fluuius Scaldis, a quo insulæ initium habebant, utique aliquam rerum mutationem induxisse videantur. Cæsar certe aliter ducit Scaldis alueum, quam hodie est. Ait enim lib. vi cap. xxxii. *Ipse cum reliquis tribus legionibus ad flumen Scaldim, quod influit in Mosam, extremasque Arduennæ partes ire constituit.* Quapropter citeriores Toxandros & Mosam versus constituunt Pontanus, Browerus, Valesius, consentientes in eo, quod vestigia sedis Toxandrorum supersint in *Tessenderloo*, Leodicensis vico diœceseos. Quod Christophorus Browerus ad Venantii Fortunati lib. iii carm. xii his verbis exposuit: *Toxiandria, vel ut posteri appellarunt, Taxandria Leodisibus & Brabantiae finitima olim fuit regio, cuius adpellationis etiamnum vestigia manent. Sunt qui S. Trudonis oppidum vicinumque solum pro ipso Taxandriae capite usurpant: sed minime fallunt, qui in TESSENDERLO, pago Leodice ditionis extremo, haud procul Diesta, non obscuro Brabantiae oppido, ostendunt imaginem priscarum sedium; apteque LO particula quadrat, quæ loca alta ac in palude sita notat, ceu diceret Taxandrorum palustria, cuiusmodi compositio est in Venelo Gelriae, Borkelo, Beuerlo.* Adde Pontani Disceptationem iii. Nec minus perspicue Hadrianus Valesius in Notitia Galliarum p. 518 differuit: *Toxandria, inquit, ad tertium lapidem ab oppido Tungrorum Traiecto incipiens, ad Mosæ Vacalisque confluentes expandebatur, regio magna ex parte vastis paludibus inuia, ac ob id ne finitimis quidem satis nota. Mosæ auctus parte Rheni, quæ adpellatur Vacalis, non procul ab Oceano Britannico Toxandros ceterasque eius tractus nationes a Frisii citerioribus diuidebat.* Id quoque notari dignum est, Ammiani Marcellini *Toxiandriam*, si bene inspexeris verba illius, ad Seelandiam, illam insularem regionem, haud pertinuisse, neque partem ab eo prouinciæ nominari, vel integram regionem, sed locum aliquem regionis, qua voce oppidum, vel vicus, vel castellum, non satis notum, significatur: ut, tamquam oppidum aut castellum, in ipso loco vici *Tessenderlo* fuisse potius, quam nomen illud suum toti regioni dedisse videatur. Quem vero sæpe honoris ergo nominauimus, Menso Altingius pag. 122 in Cluuerianam sententiam ita inclinat, ut tamen acriter illam tueri nolit. *Quod, inquit, Am. Marcellinus per Taxandriam innuerit hanc Zelandorum regionem; Cluuerio nostro credere malim, quam ambitiosius inquirere. Quum utique certum sit, ad Tessenderlô, qui hodie Menapiorum vicus, haud procul Demera fluuiio finitore, Taxandrorum fines numquam pertigisse, undecumque denuum illi hoc nomen quæsitum. Licet negare nolim, quod adfirmare nequeo; Taxandros nostros aliquid agrorum trans Euripos in Menapiis, forte & in Morinis, aliquando possedisse.* Non nostrum est, inter tam claros viros litem componere. Ut vero ingenue dicam quæ sentio, malim nec facies nec situs, qualis antiquis temporibus fuerit, cognosci plane potest, præsertim Scaldis ostio, ut vidimus, immutato. Nec quide Toxandris scripsere veteres, hoc est Plinius & Ammianus, vel verbo significauerunt

runt, vnde de insulari sede ac situ quicquam possis coniecere. Quin potius quum *pluribus nominibus*, id est in plures gentes minores diuisos fuisse Plinius tradat, probabile est latius habitasse, quo fieri potuit, vt etiam in insulas, qualescumque tum erant, extensi fuerint; maior tamen pars in mediterraneis & Mosam versus confederit. Nec eius rei vestigium habent, qui medio æuo de Taxandria scripserunt: vt potius mediterraneam positionem claris verbis significant. Ex Vita Landeberti, qui primus in Toxandris ecclesias dicitur condidisse, Hadr. Valesius profert, *regionem Taxandriam a Traiectensi oppido, septentrionem versus, vix III millibus disparari*. Traiectus ille ad Mosam est, vulgo *Mastrich*, qui tractus a Seelandia longe vtique est disiunctus.

S E C T I O XIV.

GERMANIA CISRHENANA.

CLXXVII.

Expositis gentibus, quæ ex Transrhenana gente originem suam habuere, de ipsa nunc *Cisrhenana Germania*, in solo Gallico sita, iudicari verius potest. Quamuis vero gentes nonnullæ, Rhenum transgressæ, Germanorum nomen in ipsis Galliis aliquamdiu conseruarunt, vt de Tungris ostendit Tacitus de Morib. Germ. cap. II; quædam etiam cum origine ambitiose id nomen adfectarunt, tamquam gloriosius sibi, quam Gallorum; quod ibidem de Treueris Neruiisque cap. XXVII demonstratur; quædam etiam indubitato Germanicæ erant, de quarum transgressu manifestius constabat, quod idem Tacitus dicto loco de Vangionibus, Tribocis & Nemetibus adfirmat: tamen ipsum nomen *Germaniæ Cisrhenanæ*, tamquam prouinciæ vel separatæ, vel cum Belgica coniunctæ (de quo postea dispiciemus) circa Augusti tempora, non antea, initium cepit: postquam, transductis ab Agrippa Vbiis, per Tiberium, priuignum Augusti, ingens captiuorum numerus ex Germania translatus, & supra Rheni ripam in Gallia collocatus fuit. Dio Cassius lib. LIII pag. 503, quum partitionem prouinciarum, inter Augustum & populum factam, describit, de Gallia hoc adiicit: Κελτῶν τινες, ἔς δὴ Γερμανὲς καλεῖμεν, πᾶσαν τὴν πρὸς τῷ Ῥήνῳ Κελτικὴν κατασχόντες Γερμανίαν ὀνομάζεσθαι ἐποίησαν, τὴν μὲν ἄνω, τὴν μετὰ τὰς τὸ ποταμὸν πηγὰς τὴν δὲ κάτω, τὴν μέχρι τῆς Ὠκεανῆς τῆς Βρεττανικῆς ἔσαν. Hoc est: *Celtæ quidam, quos Germanos vocamus, quum omnem Celticam regionem, quæ ad Rhenum est, occupassent, effecerunt, vt ea Germania vocaretur: Superior, quæ Rheni fontibus propior est: Inferior, quæ ab hac vsque ad Oceanum Britannicum se extendit.*

CLXXVIII.

Non pro sua Dionem ætate loqui, sed de æuo Augusti, etiam ex Tacito probari potest, qui in Tiberii historia vtriusque prouinciæ, vt antea constitutæ, mentionem fecit. Annali enim III cap. XLI dicitur Visellius Varro *Inferioris Germaniæ legatus*: & lib. IV cap. LXXIII, *Quod ubi L. Apronio Inferionis Germaniæ prætori cognitum, vexilla legionum e Superiore pro-*

prouincia acciuit. Atque ita etiam sub Nerone & Flauis, insequentibusque imperatoribus, gemina Germania Cisirhenana fuit. Suetonius Vitellio cap. VII A Galba inferiorem Germaniam contra opinionem missus: & Domitiano cap. VI Bellum ciuile, motum a L. Antonio, Superioris Germaniæ præside, confecit absens felicitate mira. Ex quibus adparet, duas fuisse Germanicas cis Rhenum prouincias, Superiorem, quæ a Rauracis initium sumebat; & Inferiorem, quæ per Vbios, Gugernos ad Oceanum vsque protensa fuit. Hinc est quod veteres inscriptiones duarum Germaniarum, & aliæ vtriusque Germaniæ in prouinciis Romanis mentionem faciant. Gruterus pag. 482 num. 4

PROC. PROVINC. BELGICAE
ET VTRIVSQ. GERMANIAE.

& eodem Opere pag. 375 num. I

PROC. A RATIONIB. PROVINCiarVM
BELGICAE ET DYARVM GERMANIAR.

cuius gemella in Opere Reinesii exstat class. VI num. 123.

CLXXIX.

Superiori Germaniæ Ptolemæus oppida adsignat, Vangionum *Borbetomagum*, Nemetum *Nouiomagum*; in Tribocis *Argentoratum*, *Breucomagum*, *Elcebum*: in Rauracis, *Augustam* & *Argentuariam*: INFERIORI, *Batavodurum*, *Vetera*, *Agrippinensem*, *Bonnam*, *Magontiacum*: terminum inter vtramque *Obringam* siue *Abrincam* fluuium constituit, qui nunc *Are* est, inter *Bonnam* & *Andernacum* in Rhenum se infundens. Libro II enim cap. IX ait: Τῆς παρὰ τὸν Ῥῆνον χώρας, ἡ μὲν ἀπὸ θαλάσσης μέχρι τῆς Ὀβρίγγα ποταμῆς, καλεῖται Γερμανία ἡ κάτω ἡ δὲ ἀπὸ τῆς Ὀβρίγγα ποταμῆς πρὸς μεσημέριαν καλεῖται Γερμανία ἡ ἄνω. Id est, *Pars regionis, quæ Rheno adiacet, a mari ad Obringam flumen, Germania dicitur Inferior: pars autem ab Obringa ad meridiem versus, vocatur Germania Superior.* Eadem Marcianus Heracleota, Ptolemæum haud dubie sequutus, tradidit pag. 82, ἀπὸ μὲν θαλάσσης μέχρι τῆς Ἀβρίκκα ποταμῆς καλεῖται Γερμανία ἡ κάτω ἡ δὲ ἀπὸ τῆς Ἀβρίκκα ποταμῆς καλεῖται Γερμανία ἡ ἄνω, *A mari ad vsque Abriccam flumen vocatur Germania Inferior: ab Abricca flumine dicitur Germania Superior.* Hinc rationem habemus vtriusque adpellationis, qua finitor prouinciarum fluuius signatur, *Obringa* auctore Ptolemæo; *Abrinca* vel *Abricca*, præeunte Marciano Heracleota. Et quia vtriusque prouinciæ vrbes ita distinxit Ptolemæus, vt *Vbios* ad Inferiorem, *Vangiones* ad Superiorem referat; nec vero hos populos amnis maior notabiliorque interfluat, quam qui nunc *Are* dicitur, supra *Rimagen*, e regione *Entziæ*, quæ supra *Vnkelium* est, se Rheno adfundens; consequens omnino est, vt ille amnis *Are* sit veterum *Obringa* siue *Abrinca*.

CLXXX.

Sic certa longitudo vtriusque prouinciæ secundum Rheni ripam est: latitudinem ab occasu solis (nam ab ortu Rhenus finit) non facile quisquam determinauerit. Nec certum omnino, *Superiorem*, ac, vt postea dicebatur, *Primam Germaniam* iisdem finibus fuisse vbique circumscriptam; & iisdem

Secundam ac Inferiorem prouinciam fuisse. Quod si est eadem, ut plerique credunt, Prima & Superior Germania; item Secunda & Inferior; a ripa longius Inferior recessit, quia Ammianus lib. xv cap. xxvii *Secundæ Tungros & Agrippinam* ciuitates adsignat, quod etiam in Notitia prouinciarum fit; Tungri autem, siue Tungrorum oppidum procul a Rheni ripa trans Mosam situm est. Fieri itaque potuit, ut Superior Germania latior aliquantum, quam Prima esset, & in Belgicam Primam excurreret, quia quum *Superioris & Inferioris* nomina obtinerent, nondum in tot partes, ut postea factum est, diuisa fuit Gallia. Sed quidquid huius rei est, neque adfirmari argumentis potest, neque etiam negari.

CLXXXI.

Cum his grauior connexa disputatio est, fuerintne duæ hæ Germaniæ abruptæ & separatæ prouinciæ a Gallia Belgica, an sub eadem comprehensæ? siue, quod idem est, habuerintne separatam iurisdictionem ab illa, quæ fuit Belgicæ præsidis? Causa dubitandi est, quia Plinius in Belgica prouincia enumerat omnes illos populos, qui in vtraque Germania fuerunt, quarum ille neque rationem habet, nec facit vllam mentionem. Ptolemæus quoque vtramque Germaniam includit suæ Belgicæ, nec in plures partes vniuersam Galliam distribuit lib. ii cap. vii, quam *εἰς ἐπαρχίας δ'*, in prouincias quatuor, Aquitaniam, Lugdunensem, Belgicam, & Narbonensem: qua posita diuisione, non possunt Germaniæ duæ sub Belgica iurisdictione, quam vnus præses Belgicæ exercebat, non comprehendi. Nihilominus vterque & Plinius & Ptolemæus, diuisionem primam, quam Iulius Cæsar in Galliis inuenerat, quadripartitam sequutus esse censendus est, in partium autem populis enarrandis Augusti distributionem obseruasse, qui populos Lugdunensi siue Celticæ detractos adiecit partim Aquitanix ad Ligerim vsque: partim, qui ad austrum erant, Belgicæ; ut adeo in numero partium sequuti sint Iulium; in partium expositione respectu populorum, non autem iurisdictionis, Octavianum Augustum. Pomponius autem Mela, quod mireris, vnice diuisionem a Cæsare Iulio delineatam, lib. iii cap. ii subsequutus est, quasi nihil quidquam de noua Augusti dispensatione inaudiuisset. Separata enim Narbonensi, quod etiam Iulius fecit, sub prouinciæ Romanæ nomine; *populorum*, inquit, *tria summa nomina sunt, terminanturque fluuiis ingentibus. nam a Pyrenæo ad Garumnam, Aquitani: ab eo ad Sequanam Celtæ: inde ad Rhenum pertinent Belgæ.*

CLXXXII.

Sed misso Mela, qui Iulii vestigiis contra sæculi sui notitiam inhæret; aduersus Plinium & Ptolemæum, & Iulii & Augusti diuisionem confundentes, siue Iulianæ diuisioni ex Augustea aliquid adicientes, ut illam corrigerent; non autem plene illam persequentes, disputabimus. Ut ita censemus, auctoritas Taciti potissimum inducit, cui magnum momentum ex antiquis inscriptionibus addi ad confirmanda quæ scripsit, videmus. Ita autem ille Belgicam ab vtraque Germania distinguit, ut singulis suos præsidēs nominatim adsignet, & quæ inde consequitur, distinctam separatamque

a cete-

a ceteris, iurisdictionem. Annali XIII cap. LIII legatum Belgicæ Aelium Gracilem dicit, qui L. Veterem, exercitui Germaniæ Superioris præfectum, qui Ararim fossa Mosellæ coniuncturus erat, deterruit, *ne legiones ALIENAE PROVINCIAE inferret.* Idem Histor. I cap. LIX *Valerium Asiaticum Belgicæ prouinciæ legatum* memorat, generum mox Vitellii. Germaniarum autem præsides supra cognouimus, *Visellium Varronem Inferioris legatum*, ex Annali III cap. XLI; & *L. Apronium* eiusdem *Inferioris Germaniæ proprætorem*, ex Annali IV cap. LXXIII: & Suetonius Domitiano cap. VI *L. Antonium Superioris Germaniæ præsidem* commemorauit. Addo inscriptiones illustrissimas ex Gruteri Opere, pag. 375 num. I

PROC. A RATIONIBVS PROVINCIARVM
BELGICAE ET DVARVM GERMANIARVM.

Et alia eodem Opere pag. 389 num. 2

PROC. XX HERED. PER
GALLIAS LVGDVNENSEM ET BEL
GICAM ET VTRAMQ. GERMANIAM
PRAEPOSITO COPIARVM EXPEDITI
ONIS GERMANICAE SECVNDAE.

Et rursus Gruterus pag. 381 num. I sub Alexandro Seuero:

LEG. AVG. PR. PR. GERMAN. SVPERIORIS.

Et pag. 457 num. 6 sub Antonino Pio:

PROPR. GERMANIAE SVPER. ET
EXERCITVS IN EA TENDENTIS.

Nec aliter de Inferiore prouincia pag. 502 num. 6

L. DOMITIO GALLICANO PAPINIANO
C. V. LEG. AVG. PR. PR. PROVINCIAE
GERMANIAE INFERIORIS.

Dignus ergo Ammianus Marcellinus non vna castigatione, quod lib. XV [cap. XXVII Grut. siue XI Vales.] scripsit: *Regebantur omnes Galliae iam inde, uti crebritate bellorum vrgenti cessere Iulio dictatori, potestate in partes diuisa quatuor: quarum Narbonensis vna Viennensem intra se continebat, & Lugdunensem: altera Aquitanis præerat vniuersis: Superiorem & Inferiorem Germaniam, Belgasque, duæ iurisdictiones iisdem rexere temporibus.* Non Iulii temporibus ita Gallia regebatur, quia Aquitaniam non ille, sed Augustus perdomuit: deinde Lugdunensis numquam intra Narbonensem fuit, neque vel Iulii vel Augusti ætate Viennensis prouinciæ nomen auditum fuit: nec ab Augusti temporibus duæ tantum in Gallia Belgica iurisdictiones fuerunt, sed tres, duæ in Germaniis; & vna in Belgica reliqua siue propria. Nec doctissimus Ammiani reparator & interpretes Henricus Valesius heic nobis satisfacit. Postquam enim recte improbauerat, quæ alienis temporibus Iulii Marcellinus tribuerat, adiecit: *Augustus, noua Galliae diuisione facta, quatuor iurisdictiones constituit. Sed ne tum quidem Belgicæ iurdictio ab iurisdictione vtriusque Germaniæ separata est, ut docet Dio lib. LIII, nec diu postea; quod ex Plinio & Ptolemæo colligitur, qui sub Belgica prauincia vtramque Germaniam*

am comprehendunt. Sed Dio provincias distinguit, Superiorem ab Inferiore: de iurisdictione nihil addit. De Plinio & Ptolemæo supra vidimus. Solus numerus *quatuor* iurisdictionum, & respectu illarum comprehensio Germaniarum cum Belgica, sunt, quæ aliter velimus, vir clarissimus disposuisset, ut Tacito, & inscriptionibus antiquis propius conuenirent. Quam verius frater Henrici, Hadrianus Valesius, iterata Ammiani editione subdidit: *Non quatuor, ut ait Ammianus, primum fuere toti Gallie iurisdictiones seu potestates - - - sed sex omnem Galliam tum rexere magistratus, Narbonensem provinciam unus, Aquitanicam alter, tertius Celticam vel Lugdunensem, quartus Belgicam, quintus Superiorem Germaniam, sextus & ultimus Inferiorem.* In qua verissima sententia, ex Tacito antea, Suetonio, & vetustis inscriptionibus firmata, eo lubentius adquiescimus, quo maior illi ex summi viri Vlrici Obrechtii iudicio, in Prodomo Rerum Alsat. cap. i v idem adseuerantis, auctoritas accedit.

CLXXXIII.

Caput Superioris Germaniæ *Magontiacum* fuit: Inferioris, *Colonia*, postquam deducta fuit, *Agrippinensis*. Ibi enim exercitus, duces, præsides ut plurimum fuisse memorantur. Nec vanum argumentum est, quod in his ciuitatibus ecclesiæ primæ & metropolitanæ fuerunt constitutæ. Id enim a doctis viris obseruatum est, ubi sedes præsidis fuit in provincia, ibi primæ dignitatis etiam episcopum fuisse. Accedit quod in Imperii Notitia sub dispositione Ducis Magontiacensis dicuntur omnia præsidia fuisse & urbium & castellorum Germaniæ Primæ, quæ iisdem, quibus Superior, putatur finibus terminari, præter tractum Argentoratensem, Comiti suo subiectum.

S E C T I O XV.

M O R I N I.

CLXXXIV.

Expositis quæ ad provincias Germanicas, solo Gallico impositas, pertinebant, ad reliquos Belgas perlustrandos nunc accedimus: in quibus proxima est ciuitas *Morinorum*. Ad mare Oceanum, ut nomen etiam arguit, inter Scaldim & Samaram fluuios habitauerunt, dicti quasi marini vel maritimi, a *Mor* siue *Mær*, quod Celtica lingua mare est. Mediam syllabam Virgilius corripuit lib. viii. 727

Extremique hominum Morini, Rhenusque bicornis.

CLXXXV.

Propius situm Morinorum designat fretum Britannicum. Cæsar lib. iv cap. xxi *Ipse cum omnibus copiis in Morinos proficiscitur, quod inde erat brevissimus in Britanniam traiectus.* Et Pomponius Mela lib. iii cap. ii *Ab Osismi iterum ad septemtriones frons litorum respicit, pertinetque ad ultimos Gallicarum gentium Morinos.* Gallicarum, inquit, gentium: quia & Plinius a Scaldi incipit, quamlibet in Gallia, Germanicæ originis gentes locare. Cæsaris ætate Morinos *πόλεις ἔχοντας, ἀλλ' ἐν καλύψαις διατρωμένους, vrbes nullas habuisse,*

buisse, in tuguriis habitasse, dixit Dio Casius lib. xxix pag. iii. Post coluisse oppida, ex Ptolemæo & Itinerariis constabit proxime. Portus tantummodo veteres laudant, Cæsar tres, in iisque quo præcipue, traiectu in Britanniam, usus est, *Itium* siue *Icium*. Primo traiectu non nominavit: altero, bis. Lib. iv cap. xxi *Cum omnibus copiis in Morinos proficiscitur. Cap. xxiii naclus idoneam ad nauigandum tempestatem, tertia fere vigilia soluit.* Ex *Itio* cum legionibus soluisse, Strabo lib. iv pag. 138 ostendit, quum dixit, παρ' οἷς [Μορινῶν] ἐστὶ τὸ Ἰτίον, ὃ ἐχρήσατο ναυσταδῶν Καῖσαρ ὁ θεὸς διαίρων εἰς νῆτον, *Apud Morinos est Itium, quo usus est nauali diuus Cæsar, in insulam transmittens.* De primo autem transitu loqui, hora, qua adpulit, quarta diei comprobatur. Pergit enim, νόκτωρ ἀνέχθῃ, καὶ τῇ ὕστερα κατῆρε περὶ τετάρτην ὥραν, quo Cæsar in primo traiectu verba ex lib. iv cap. xxiii expresit: *tertia fere vigilia soluit: hora circiter diei iv cum primis nauibus Britanniam attigit.* Libro autem v aperte Cæsar cap. ii, *Omnes ad portum Itium conuenire iubet: quo ex portu commodissimum in Britanniam transiectum esse cognouerat, circiter milium passuum xxx a continenti.* Et cap. v *Cæsar ad portum Itium cum legionibus peruenit.* Ptolemæus lib. ii cap. ix habet Ἰκίον ἄκρον, *Icium promontorium.* Vnde duplex scripturæ ratio, per T, auctore Strabone: & per C, cum Ptolemæo: quod nonnulli geminant, quia Remorum legatus ad Cæsa-rem lib. ii cap. iii & vi *Iccius*, quasi hinc originem duxisset, nominatur. Cæsar's codices variant: metaphrastes Ἰκτίον reddit cap. v: priore loco prae scriptum Ὀκτίον.

CLXXXVI.

Hic primus portus Cæsar's, isque præcipuus: alter ultra hunc fuit, ut ipse describit lib. iv cap. xxiii. *Naclus, inquit, idoneam ad nauigandum tempestatem, tertia fere vigilia soluit, equitesque in vltiorem portum progredi, & naues conscendere, ac se sequi iussit.* Quem heic portum vltiorem dixit, post paullo superiore vocat cap. x xviii. *Post diem iv, inquit, quam est in Britanniam ventum, naues xviii, de quibus supra demonstratum est, quæ equites sustulerant, ex superiore portu leni vento soluerunt.* Idem ergo hic superior est, qui ante paullo dicebatur vltior, ex quo equites transmiserunt. Tertius portus eodem libro in reditu Cæsar's cap. xxxvi designatur, quod infra paullo illum portum, in quem Cæsar reuertit, situs fuerit. Ait enim, quum omnes naues incolumes in continentem peruenissent, ex his onerarias duas eosdem portus capere non potuisse, sed paullo infra delatas esse. Dum dicit eosdem portus non tenuisse, arguit vtramque partem exercitus in portum, ex quo egressa fuerat, ex insula reuertisse: legiones cum Cæsare in *Icium*; equites in vltiorem: quæ vero aberrauerant, in inferiorem, qui citra *Icium* erat; ut superior, ipso Cæsare interprete, ultra illum.

CLXXXVII.

Nunc ad inuestigationem portus *Icii*, quæ multitudine sententiarum fit difficillima, adgrediamur. Nullus enim vel mediocris portus est Flan- driæ & Bononiensis litoris, in quo non quidam *Icium* Cæsar's portum se in- venisse opinentur. Nimium foret opiniones omnium huc adferre: no- bilio-

biliores auctorum claritate, sufficiat enumerasse. Philippus Cluuerius, magnæ famæ geographus, portum *Icium* Cæsaris Iulii, & *Gessoriacum* Melæ, Suetonii, Flori, eundem esse contendit: quod si est, indicio Peutingerianæ Tabellæ de situ non possumus incerti esse, quia in illa sic proditum est, *Gessoriacum*, quod nunc *Bononia*, * vt idem vel portus vel oppidum tria nomina habuerit, primum *Icii*, temporibus Cæsaris: deinde *Gessoriaci* sive *Gessoriaci*: ** tandem Constantinorum ætate, aut paullo ante, *Bononia*. Argumentis instructus Cluuerius est non contemnendis. Primum sit & validissimum, quod Cæsar vtique portu optimo & præcipuo Morinorum vsus fuerit, traiecturus exercitum in Britanniam. *** Iam vero vnum tantummodo insignem portum in hac gente veteres scriptores memorasse. Plinius lib. IV extremo de mensura Galliæ: *Vnde* [ab Alpibus] *per Lugdunum ad portum Morinorum Britannicum, qua videtur mensuram agere Polybius, XIII M. XVIII*, id est tredecies centena & decies octies millia. Dum *portum Morinorum Britannicum* dicit, vnum significat & celebrem Romanorum aliorumque traiectu. Illum vero esse *Gessoriacum*, ex Pomponii Melæ lib. III cap. II videtur constare. *Ad septemtriones*, inquit, *frons litorum respicit, pertinetque ad ultimos Gallicarum gentium Morinos, nec portu, quem Gessoriacum vocant, quidquam habet notius*. Suetonius, de Claudii Britannica expeditione, cap. XVII *Masilia Gessoriacum usque pedestri itinere confecto, inde transmisit*. Iam vero, inquit, nihil probabilius, quam Claudium ex eodem voluisse portu soluere, quem quondam Iulius transmittendo exercitui commodissimum expertus fuerat: quod etiam posteriores Romani sic obseruasse ex Olympiodori historia a Photio excerpta cod. LXXX, probat, qui Constantinum, tyrannum, Honorio æqualem, ex Britannia, vbi purpuram sumserat, traiecisse dicit ἐπὶ Βονωνίαν, πόλιν ἔτι καλεσμένην, παραθαλασσίαν, καὶ πρώτην ἐν τοῖς τῶν Γαλατῶν ὄροις κειμένην, in *Bononiam, urbem ita nominatam, maritimam, & primam in Gallorum finibus positam*. Bononiam autem *Gessoriacum* esse, antea ex Tabula Theodosiana demonstratum est.

CLXXXVIII.

Quod vero Ptolemæus promontorium Ἰκίον, *Icium*, haud dubie cum portu eius nominis coniunctum, & Γισορῳάκον ἐπίνειον, *Gisoriacum nauale* Morinorum, longitudine per dimidium gradum separauit; sit, vt alii portus, *Icium* & *Gessoriacum*, diuersos & interuallo quodam notabili seiunctos fuisse existiment. Sed hi rursus inter se dissentiunt. Io. Iacobus Chiffletius geminum portum *Icium* facit, vltiorem & citeriorem: illum in vico

Mar-

* Add. Iac. Nicolaus Loëns Miscellan. Epiphyll. V. c. 25. & Eccardus infra citandus.

** Turnebus cum Petro Gallandio *Gessoriacum* putat esse *Sociacum*, libr. VIII. Aduersar. c. 21. pag. 248.

*** Portum, ex quo Cæsar in Britanniam nauibus abierit, *Wic*, seu *Quentouic*, seu *Stapulas* (quibus nominibus eundem locum signari dicit) esse asseuerat Cl. Eccardus. Primum quia nomen *Wic* in *Icium* apud Romanos commutetur: Deinde *Quentouicus* sit locus, vbi *Cantii* ex Anglia venientes commercia olim exercuerint, vti *Danzig* vocetur locus, vbi *Danorum* mercatorum vicus sit. *Stapularum* autem nomen coortum dicit ex mercibus ibi iam antiquitus depositis. Vid. eius dissertat. de *Portu Icio* in tom. VIII. Miscellan. Lipsiens. observ. CLXXV. pag. 255-316.

Mardik prope Grævelingiam; hunc ad *Sithiu*, quod postea S. Audomari fanum (Saint Omer vulgo) dictum est, constituit, vnde per lacus, aut longe excurrentem sinum, in Oceanum nauigatum sit. Aduersus quem eruditam Dissertationem scripsit Guilielmus Somnerus, Anglus, ipse in prædictam Cluuerii sententiam concedens. Addo, Audomari fanum in Atrebatibus esse: portum autem Icium in Morinis quærendum. Carolus du Fresne Commentario in Vitam S. Ludouici pugnat pro loco *Witsand*, inter Ambleteolium & Sangatam; aut si notiores vrbes, vtrunque autem remotiores mauis, inter Bononiam & Caletum sito, de quo constet ex Anglorum æque & Galorum historiis, inde a sexto Christianorum sæculo fuisse portum maximo-pere frequentatum: indeque probabile fieri, nec antea insolentem ex eo loco nauigationem fuisse. Nec nomen multo abludere persuasum idem habet Carolus Fresnius. Si vias militares vrget Cluuerius, quæ omnes Geforiacum ferant, non ad alium locum litoris; nec vestigia viæ stratae, quæ Bononia Witsandum duxerit, deesse respondet, quamuis forsan via illa posteriori ætate minus fuerit, quam antea, frequentata: aut quum Itineraria conficerentur, plane etiam deserta. Pondus huic sententiæ addit Edmundus Gibsonius, Noua Dissertatione quam Somnerianæ de Portu Iccio, & Fresnianæ, a se in Latinum conuersis, adiunxit. *Ex Guilielmo, inquit, Picciavienfi discimus, Aluredum, S. Edwardi Anglorum regis fratrem, e Gallia in Britanniam redeuntem, Doroberniam venisse, transuectum EX PORTU ICCIO. Guilielmus vero Gemeticensis eundem transitum referens, verbis disertis adfirmat, Aluredum PORTVM WISANTI petiisse, & hac transfretantem Doroberniam venisse.*

CLXXXIX.

Non longe ab hac sententia recedit Iacobus Malbrancquius, Historiæ Morinorum lib. I cap. IX portum Icium inter Caletum & Sangatam ita constituens, vt ad promontorium Sangatense, quod in angulum recedit, portum credat Cæsaris vltiorem exstitisse. Abraham Ortelius fluctuat inter variorum sententias ita, vt Caletum primas videatur tribuere; quod Hadriano etiam Iunio lib. III Animaduers. cap. I placuit. * Hadrianus autem Valerius in Notitia Galliarum, Icium portum, cum promontorio cognomine, a Cæsare & Strabone ac Ptolemæo commemoratum, arbitratur esse *Stapulas* (Estables en Boulonnois) qui est portus in Morinis ad os Quantiaë fluminis: ex eoque portu bis soluisse in Britanniam Cæsarem: eum autem portum, quem *vltiorem* Cæsar, & *superiorem* vocat, & ex quo in superiore nauigatione soluisse equites docet, esse Geforiacum siue Bononiam, & vltra & supra Stapulas positam.

CXC.

Tanta dissensio eruditorum hominum de portu est *Icio*, & tam variis in locis

* Item Marcello Donato Dilucidat. in Sueton. cap. 17. pag. 652. seqq. & quos Cl. Eccardus addit, Paulo Aemilio, Marliano, Lhuydo, Oudegersto, Ortelio, in dissert. de portu Iccio §. 5. pag. 269. Verum Caleti portus circa sæculi duodecimi finem sub Comitibus Bononiensibus frequentari demum cœpit, eodem Eccardo docente.

locis ille quæritur. Notas in Cæsaris descriptione duas inuenimus, & ad angustiam freti fuisse, & inter alios duos portus constitutum. Vtraque notata tam Gessoriaci siue Bononiæ conuenire potest, quam Witsando. Angustius quidem mare ad Witsandum est, quam ad Bononiam: nec vero, quod Cæsar *circiter xxx m. p.* dixit tanto rigore numerorum accipiendum est, ut nihil plus minusue liceat intelligere. Vterque etiam locus inter duos portus sedet, *Gessoriacum*, inter Ambleteolum, vltiorem superioremque; & Stapulas, inferiorem: nec minus *Witsandum* duobus aliis inclusum est portibus, Bononiæ & Caleti. Vix ergo aliquid certi inter tantos sententiarum fluctus definitur. Si certum esset Pictauensem Guilielmum firmis argumentis persuasum, non incerta inductum opinione, Witsandensem portum adpellasse *Iccium*, utique robur aliquod sententiæ alteri accederet; sed dum illud non confirmabitur, in dubio controuersiam relinquemus. Neque Ptolemæi numeri tam solidi & certi sunt, ut possint omnem dubitationem tollere: neque repugnat tria vnius loci, sed progressu temporum, non simul; fuisse nomina: quamquam & duo sæpe simul inhærere non ignoramus.

CXCI.

Hæc de portibus Morinorum. De *Gessoriaci* dubitatur, utrum solus ille fuerit, an cum oppido coniunctus. * Sed alterum videtur verosimilius, quamuis Dio Cassius negauerit, ut supra demonstratum est, Morinos oppida coluisse. Esto enim, Cæsaris ætate, de qua loquitur Dio, non formam iusti oppidi habuisse, id vero non impedit, quo minus post paullo acceperit, quam Claudius Cæsar in Britanniam iter renouasset. Florus certe lib. i cap. xi de illo tamquam de oppido loquitur, idque cum Fregellis, Italiæ oppido comparat: etiam genere significat, non sibi tam portum in animo fuisse quam scriberet, quam oppidum. *Idem tunc Fæsulæ*, inquit, *quod Carræ nuper: Idem nemo Aricinum, quod Hercinius saltus: Fregellæ, quod Gessoriacum: Tiberis, quod Euphrates.* Non ergo erat, quod Malbrancquius lib. i de Morinis cap. xi & xiv *Gessoriacum* nauale a Bononia disiungat, & ad oppidum S. Audomari reducat propterea, quod Mela & Ptolemæus tantummodo *portum & nauale*; Plinius lib. iv cap. xvi *pagum*, quod territorium interpretatur, adpellet. Ex Floro enim iam demonstraui, cum oppidis comparari, & oppidum, saltem a Claudii temporibus haud dubie fuisse. Quid? quod Eumenius Panegyrico, quem Constantio Cæsari dixit, cap. vi *Gessoriacenses muros* memorauit. Ergo auctorem potius Tabulæ Theodosianæ sequendum censemus, qui clare dixit, *Gessoriaci, quod nunc Bononia.*

CXCII.

Noui nominis autem *Bononiæ* antiquiorem auctorem non habemus, quam ex sæculo Constantiniano, quo Eumenius panegyrica oratione Constantino dixit cap. v de patre Constantio: *exercitum illum, qui Bononiensis oppidi*

* Eccardus loco citato legendus videtur pag. 306, 307, qui *Gessoriacum* inferiorem, *Bononiam* superiorem eiusdem oppidi partem dictam fuisse existimat.

oppidi litus infederat, terra pariter ac mari sepsit. Et Eutropius in Diocletiano lib. ix cap. xiii Carausius quum apud Bononiam per tractum Belgicæ & Armoricæ pacandum mare accepisset. Zosimus lib. vi cap. ii de Constantino tyranno : ἐπεραιώθη, τὴν Βρεττανίαν καταλιπὼν ἐλθὼν δὲ εἰς Βονωνίαν· πρώτη δὲ αὐτῇ πρὸς τῇ θαλάσσῃ κῆται, Britannia relicta transmisit : venitque Bononiam, quæ prima urbs ad mare est. Quibus gemella Olympiodorus de eodem tyranno, vt supra demonstratum est, tradidit. Nec vero ita nouum nomen inductum, vt vetus illico euanesceret. Idem enim Eumenius, qui modo Bononiensis oppidi litus dixerat, Panegyrico Constantii cap. xiv etiam Gesoriacense litus dixit, & vt supra paullo vidimus, Gesoriacenses muros.

CXCIII.

Ptolemæus Morinis attribuit mediterraneum oppidum Ταρσάνναν, Taruannam, quæ haud dubie caput illorum fuit. Antonini Itinerario est Taruenna. Itinere a portu Gesoriacensi Bagacum vsque,

Gesoriaco

Taruennam

Castellum

Virouiacum

Turnacum

M. P. XVIII

M. P. VIII

M. P. VI

M. P. XVI, & reliqua.

Ibidem etiam itinera diriguntur a Taruenna Turnacum : & aliud, Durocororum. In Tabula Theodosiana scribitur Teruanna. In Notitia prouinciarum & ciuitatum Galliæ vocatur simpliciter Ciuitas Morinûm, in alia, Ciuitas Morinûm Taruanna Pontium : rursus in alia, Ciuitas Morinorum, id est Ponticum. Vnde cognomen sit Ponticum, fatetur Valesius se ignorare. Quod fatum subierit auorum memoria, Caroli V bello Gallico, notissimum est. Ceterum notauit idem Valesius Cluuerium, quod in Atrebatibus ad Legiam flumen, vii lapide a fano Audomari, exstare Taruennæ vestigia, scripserit. Non enim Atrebatum, sed Morinorum coloniam semper fuisse.

CXCIV.

Deinde in Tabula Theodosii Peutingeriana Castellum Menapiorum in tractu Morinorum ponitur : vnde Harduinus ad Plinii lib. iv cap. xvii existimat, eo vsque sedes Menapiorum pertinuisse, qui a Rheno non Mosam tantum, sed Scaldim etiam transgressi habitationes suas dilatauerint. Hardrianus autem Valesius in v. Menapii, non veretur mendi arguere auctorem vel descriptorem Tabulæ, & Castellum Morinorum legendum esse iudicat, quum aliud Menapiorum castellum supra viderimus, ad Mosam positum, nunc Keissel dictum. Etiam Malbrancquius in Tabula sua Castellum Morinorum scripsit, & de situ eius tradidit, speculam Morinorum fuisse, in monte excelso exstructum, qui largas aquas viui fontis in vertice habeat. Hoc est quod in itineribus Antonini simpliciter Castellum dicitur, vt modo in illo vidimus, quod a Gesoriaco ferebat Bagacum : cui addi possunt quæ ab ipso Castello ducunt Turnacum & Coloniam. Distat xxvii m. p. a Bononia [Tab. Peut. xxiii] Tornacum versus, a quo abest xxxii m. p. Hodieque no-

men feruat *Cassel*, & *Mont Cassel*, in Flandria. Guil. Brito pro sæculi consuetudine *Cassellum* vocat, non *Castellum*, Philippid. lib. ix vers. 403

*Mox subduntur ei sola formidine summo
Mœnia Casselli pendentia vertice montis.*

CXC V.

Denique de *Colonia Morinorum* aliquid dicendum est. Vetus nummus, in Golzii thesauro, inscriptus est COLONIA MORINORVM, quem Hadrianus Valesius de Taruenna interpretatur, principe ciuitate Morinorum. Est ad Neomagum Geldriæ lapis inuentus, quem etiam Gruterus pag. 80 num. 6 exscriptum dat, qui itidem Coloniae Morinorum mentionem facit:

M I N E R V A E
C V R. L A D A E
T. P V N I C I V S C E
N I A L I S I I V I R C O
L O N. M O R I N O
R V M S A C E R D O S
R O M A E E T A V G.

Iacobus Malbrancquius lib. i Hist. Morin. cap. xvi existimat, quemadmodum Menapii etiam inter Morinos, transgressi Scaldim, habitauerint: ita vicissim Morinos in propriam Menapiorum terram, hoc est in Geldriam, coloniam deduxisse, idque ex hoc lapide, in Geldria inuento, credit confirmari. Sed potuit alia causa esse, cur duumuiro Morinorum coloniae honos in Geldria haberetur, quia & Romæ dignitatem obtinuit, ut cum exercitu Rom. in illas oras venisse videatur, & hunc ab incolis ob merita & beneficia accepisse honorem. Malim ergo in Morinis, quam alia in gente, *Coloniam Morinorum* inuestigari: nec alienum a more Romano est, in primariam illorum urbem fuisse deductam.

CXC VI.

Cum Morinis Plinius lib. iv cap. xvii iungit *Oromansacos*, siue ut in ms s. est, *Oromarsacos*, obscuram gentem, cuius nulla alibi reperitur memoria. Deinde, inquit, *Menapii, Morini, Oromansaci, iuncti pago qui Gessoriacus vocatur*. Sed ut obscuros & ignobiles prætermittimus. An vero Menapii etiam inter Morinos habitauerint, alia, nec explicatissima quaestio est. Plures aiunt, non tam propter Peutingerianæ Tabulae *Castellum Menapiorum*, de cuius cognomento sinceritate nonnulli dubitant; quam quod sæpe Morini Menapiique a Cæsare coniungantur, lib. iii cap. xxviii, lib. iv cap. xxii, & alibi. Contra Valesius pag. 336 ex medii æui historiis evinci arbitratur, Flanderes, id est Morinos, a Menapiis, & Flandriam a Menapisco, id est Menapiorum pago, distingui ac separari. Sed facile conciliantur. Coniunctio Cæsaris vicinitatem arguit, non confusam habitationem, quam ipse lib. iv cap. vlt. confutat. Morini autem ut circa Bononiam Flandrorum fines transgrediuntur, ita nihil obstat quo minus, Scaldim versus, irruentibus Menapiis aliquid finium concesserint: ut nihilominus Menapiorum trans Scaldim ager a Morinorum ampliore terra, siue Flandria, distinctus fuerit.

SECTIO XVI.

ATREBATES.

CXCVII.

Morinis in austrum *Atrebates* proximi erant. Scribitur id nomen varie. Cæsari sunt *Atrebates*. Commentario II de Bello Gall. cap. IV ad commune bellum XV millia *Atrebates* pollicentur. Cap. XVI *trans flumen Sabin omnes Neruios confedisse cum Atrebatibus & Veromanduis, finitimis suis.* Cap. XXIII *vulneribus confectos Atrebates in flumen compulerunt.* Plinius quoque lib. IV cap. XVII hac forma vsus est, *Atrebates, Neruii liberi, Veromandui.* Sidonius Apollinaris Panegyrico Maioriani vers. 212

qua Cloio patentes

Atrebatum terras peruasferat.

Straboni lib. IV pag. 134 sunt *Ατρεβάτοι, Atrebatii*: Ptolemæo lib. II cap. IX *Ατρεβάτιοι, Atribatii*: in Notitiis non nullis prouinciarum *Atreuates, Atrabates, & Atrauates*. Fuit & forma *Atrebatæ, arum*, quæ a populo ad urbem, pro sæculi more, in Notitia Imperii transfertur, vt postmodum videbimus. Nec singularis inusitatus est. Cæsar commentario IV cap. XXXV *quos equites Comius Atrebas secum transportauerat.* Et lib. V cap. XXII *legatos Cassiellaunus per Atrebatem Comium de deditioe ad Cæsarem mittit.* Nunc *Artesi, Gall. l' Artois.*

CXCVIII.

Ptolemæus suis Atribatiis tribuit oppidum *Οριγιάκον, Origiacum*, tamquam caput gentis, quod solempne ipsi est primarias tantum vrbes nominare. Præter illum vero hoc nomen a nemine est commemoratum. Celebre hoc tractu in Itinerariis est *Nemetacum*, quæ eadem *Nemetocenna* Hieronimi lib. VIII cap. XLVII & LII videtur esse, de qua infra in *Belgio* Cæsaris dicemus: vt hoc potius capitis nomen fuisse videatur. In vtroque, Itinerario & Tabula, *Nemetacum* medium est inter Taruennam & Turnacum, nullo interiacente oppido alio. Sed itinere a Castello Morinorum Coloniæ Agrippinensem, hic ordo obseruatur:

Castello

Minariacum

M. P. XI

Nemetacum

M. P. XVIII

Camaracum

M. P. XIII

Bagacum

M. P. XVIII, ac reliqua.

Qui situs non aberrat a loco primariæ vrbis, quæ vulgo Arras, nostris *Atrecht*, medio æuo *Atrebatæ*, vt in Notitia Imperii est, nuncupatur. Recentia vero illa vocabula ex *Atrebatæ* sunt deprauata. Sed idem videtur diiunctum a Nemetaco fuisse. Nam in dicta Imperii Notitia pag. 147 in Lætorum ordinibus habetur *Præfectus Lætorum Batauorum Nemetacensium Atrebatum Belgicæ Secundæ*. Si idem oppidum esset, videtur dicendum fuisse *Nemetacensium Nemetaco*, sicut paullo ante legitur, *Præfectus militum Bingen-*

sum Bingio. Hoc dubium nectit Valefius: quod vero non insolubile est. Alia enim est ratio oppidorum vno nomine, alia duobus vtentium. Et sicut nihil peccat, qui dixerit Spartanos Lacedæmone coluisse: ita etiam nihil absonum est, si milites Nemetacenses dicantur Atrebatis fuisse, præsidii causa. Nihil ergo obesse videmus, quo minus *Nemetacum* caput Atrebatum fuerit, siue illa vrbs quæ hodieque *Atrebatæ*, gentis nomine, & prauatione admissa *Atrecht* ac *Arras* adpellatur. An vero eadem vrbs *Origiacum* Ptolemæi fuerit, idque vetustius fortasse oppidi nomen, *Nemetacum* posterius, non possumus pro certo dicere, quia præter Ptolemæum, nemo illud nomen prodidit. Textrinis abundasse urbem, ex *Atrebatiscis sagis* apud Trebellium Pollionem in Gallienis cap. vi, & *Atrebatum birris* apud Vopiscum in Carino cap. xx intelligimus.

S E C T I O XVII.

A M B I A N I.

CIC.

Ambiani, Belgicæ populus nobilis, ad Oceanum habitant inter Calectos ab occasu, & Morinos ab ortu: intus Cæsar lib. ii B. Gall. inter Bellovacos cap. xiii, & Neruios siue Camaracenses cap. xv constituit. *Exercitum, inquit, in Bellouacos duxit: - - ab eo loco in fines Ambianorum peruenit, qui se suaque omnia sine mora dediderunt. Eorum fines Neruii attingebant.* Eodem libro cap. iv ad commune bellum dicit pollicitos *Ambianos x millia.* Strabo lib. iv pag. 134 τοῖς Μεναπίοις εἰσι συνεχεῖς ἐπὶ τῇ θαλάττῃ Μόρινοι, καὶ Βελλόακοι, καὶ Ἀμβιανοὶ, καὶ Σεσιῶνες, καὶ Καλέτοι μέχρι τῆς ἐκβολῆς τῆς Σηκῆος ποταμοῦ, *Menapios ad mare contingunt Morini, dein Bellouaci, & Ambiani, & Sueffiones, & Caleti usque ad ostium Sequanæ.* Ptolemæus lib. ii cap. ix Μετὰ Βελλόακας Ἀμβιανοὶ, καὶ πόλις αὐτῶν Σαμαροβρίσα, *Post Bellouacos sunt Ambiani, & oppidum illorum Samarobriua.*

CC.

Hoc oppidum tam apud Cæsarem, quam Ciceronem celebratum est. Ille commentario v cap. xxiv concilio Gallorum Samarobriuæ peracto. Et cap. xlv Crassum Samarobriuæ præficit, legionemque ei attribuit. Et cap. li *Ipse cum iii legionibus circum Samarobriuam trinis hibernis hiemare constituit.* Non ergo exiguum oppidum fuit, quo totius Galliæ concilium Cæsar egit, eique legionem præsidio dedit. Cicero lib. vii epist. xi ad Trebatium, qui tum cum Cæsare in Galliis erat, *Vna mehercule collocutio nostra pluris erit, quam omnes Samarobriuæ.* Et epistola xii iocatur cum eodem ita: *Indicauit mihi Pansa meus, Epicureum te esse factum. O castra præclara! quid tu fecisses, si te Tarentum, & non Samarobriuam misissem?* Ad eundem epist. xvi extrema: *Constat inter omnes, neminem te vno Samarobriuæ iuris peritiorem esse.* Nomen vrbs a Samara amne est, medio æuo Some-na vel Sumina, nunc *Somme* dicto; & *briua*, seu *briga*, quod pontem Celtis significabat. Vt vero solemne fuit, neglecto veteri vocabulo, primaria

vrbs gentis nomen adsumsit, & ipsa *Ambiani* Latine dicta, vt mox ex Antonini itinere a Mediolano Gessoriacum intelligemus. Et Ammianus Marcellinus lib. xv cap. xxvii *Adnexa est Secunda Belgica, qua Ambiani sunt, vrbs inter alias eminens.* In Notitia Galliarum prouinciarum & ciuitatum dicitur *Ciuitas Ambianensium.* Ex nomine *Ambianis* corruptum est, quod nunc obtinet, vulgare nomen *Amiens*, satis notæ vrbs inter nobiliores Galliarum ciuitates.

CCI.

Nec vero ita gentis nomine illis temporibus vrbs vsa est, vt vetus nomen penitus abolitum fuerit. Nam & in Antonini Itinerario idem conseruatum est, quo *iter per compendium a Nemetaco Samarobriam* M. P. XVI significatur: & aliud *a Samarobria Sueffonas vsque* hoc ordine:

<i>Samarobria</i>			
<i>Curmiliacum</i>	M.	P.	XII
<i>Cæsaromagus</i>	M.	P.	XIII
<i>Litanobrigam</i>	M.	P.	XVIII
<i>Augustomagus</i>	M.	P.	III
<i>Sueffonas</i>	M.	P.	XXII

Tabula etiam Theodosiana *Samarobriam* nominat veteri vocabulo, eique proximam ab occasu adpositam habet *Teuceram*, quæ nunc Tieure, vel Tiesure, vicus in Picardiarum limite. Alia loca Ambianorum in Itinerariis sunt *Ad Lullia*, & *Pontes*. Illa Cluuerius interpretatur *Argouilles*: hos, *Pont a Selane*, aliis *Pont Asselane*, ad ostium *Alteie* fluminis, quem ipse *Autæum* vocat. Tractum autem illum inter hunc amnem & Sarmaram a *Pontibus* illis dici putant *le Pontieu*, seu *Pagum Pontium*. Vterque locus obscurus est, ideoque situs eorum in ordine, quem ad alia oppida vel vicos habent, ex Itinerariis antiquis ostendendus. Antonini itinere a Mediolano Gessoriacum,

<i>Sueffonas</i>	—	—	—
<i>Nouiomagum</i>	M.	P.	XXVII
<i>Ambianos</i>	M.	P.	XXXIII
<i>Pontes</i>	M.	P.	XXVI
<i>Gessoriacum</i>	M.	P.	XXXIX

Et Tabula Theodosiana gemino itinere:

<i>Gessoriacum quod nunc Bononia</i>		<i>Teruanna</i>	
<i>Luttomagi</i>	XIII	<i>Nemetaco</i>	XXII
<i>Adlullia</i>	VII	<i>Teucera</i>	XIII
<i>Duroico Regum</i>	XII	<i>Samarobria</i>	XII
<i>Samarobria</i>	XIII		

SECTIO XVIII.

BELLOVACI.

CCII.

Ciuitatem *Bellouacorum* Cæsari commentario i cap. i v, qui ab Remis

ad illum legati erant, ita laudauerunt, *plurimum inter eos* [Belgas] *Bellouacos* & *virtute*, & *auctoritate*, & *hominum numero valere*: hos posse conficere armata millia centum: pollicitos ex eo numero lecta millia LX, totiusque belli imperium sibi postulare. Frequens illorum mentio est in Cæsaris commentariis aliis; & Hirtius lib. VIII cap. VI non minus ad laudem illorum attulit. *Bellouaci*, inquit, *belligloria Gallos omnes Belgasque præstabant*. Strabo Βελλουάκας; *Belloacos* vocat, ut supra vidimus: Ptolemæus Βελλουάκους, *Bellouacos*. Habent Bellouaci ab oriente Veromandos & Sueffiones, a meridie Parisios; ab occidente Caletés & Veliocaffes; ad septentrionem Ambianos. Urbem illorum Ptolemæus nominat Καίσαρομαγόν, *Cæsaromagum*: Cæsar, plurimorum opinione, *Bratuspantium*. Ptolemæum pro more suo oppidum præcipuum, caput gentis, nominasse, quia id solum nominauit; non est quod dubitemus: at vero *Bratuspantium* videtur Bellouacorum Cæsaris temporibus oppidum primum fuisse. Nam lib. II cap. XIII *Cæsar exercitum in Bellouacos duxit: qui quum se suaque omnia in oppidum Bratuspantium contulissent, atque ab eo oppido Cæsar cum exercitu circiter millia passuum V abesset; omnes maiores natu ex oppido egressi, manus ad Cæsarem tendere, & voce significare cœperunt, se se in eius fidem ac potestatem venire, neque contra populum Rom. armis contendere*. Quum ergo nec Ptolemæus aliud gentis oppidum, quam *Cæsaromagum* memoret, neque Cæsar aliud quam *Bratuspantium*, quod nomen post Cæsaris tempora exspirauit; vero plane est simile, *Bratuspantium* ipsum esse *Cæsaromagum*, illudque vetus Gallicum nomen; hoc ab Iulio Cæsare propter beneficia, quibus ornauit urbem, vel ab Augusto, superinductum. Supra in Ambianis iter Antonini a Samarobriua Sueffionas vsque enarrauimus, quo Cæsaromagus medio prope situ inter Samarobriuam Ambianorum & Augustomagum Siluanectum collocatur. Alio itinere a Cæsaromago Luteciam, intervallum ponitur XLVI M. P. Et in Tabula Theodosiana *Cæsaromagus* prope Augustomagum ponitur. In Notitia autem prouinciarum Galliæ est *Ciuitas Bellouacorum*. Medio ævo gentis nomine *Bellouaci*: inde corruptione admissa *Beluacus*, siue *Beluagus*, & tandem *Beauvais*, uti nunc sonat. Alia oppida Bellouacorum veterum ignota nobis sunt. Valesius in hoc tractu recenset *Bellum Montem* ad Isaram Belgicum, nunc *Beaumont*; & *Credilium*, nunc *Creil*, & non nulla alia: quod vero ex antiquis scriptoribus non habet, quod pro illis testimonium adferat; cum aliis incertæ antiquitatis prætermittimus. In Bellouacis etiam vel solis, vel tamquam in præcipua parte, doctissimus quisque Cæsaris *Belgium* quærit, de qua regione postea, quam circumiacentes fuerunt expositæ, dispiciemus.

S E C T I O XIX.

S I L V A N E C T E S.

CCIII.

Bellouacis proximi circa Isaram amnem, sed alium ab eo qui in Narbonensi erat, fuerunt *Siluanectes*, quod nomen vel prætermisum est a veteribus,

bus, vellin libris illorum notabiliter deprauatum. Plinius in Belgica: *Suessiones liberi, Vlmanetes liberi.* Ita MSS Omnes, & editi ante Hermolaum, qui *Vlbanectes* rescripsit. Ptolemæus post Neruios habet *Συμανέτες* *Su-manectos*, vt in Palatino codice, lacunam aliorum Græcorum supplente: Latinus autem interpres *Subanectos*, qui pluribus videntur Siluanectes esse, non autem Hadriano Valesio, quamuis ipse non explicet, quorsum alio transferri illos cupiat. Ptolemæus suis oppidum *παρόμαγον* attribuit, quod an Itinerariorum *Augustomagus* sit, in incerto tamdiu erit, donec gentis nomen, vt apud Ptolemæum est, idem quod *Siluanectes* esse euictum fuerit. Itinera autem ostendunt, *Augustomagum* inter Cæsaromagum & Sueffiones positam urbem esse, quæ hodie *Senlis* vocatur. Vide supra designatum iter a Samarobriua Sueffionas. Est etiam in Peutingeriana Tabula *Augustomagum* prope Cæsaromagum. In Notitia prouinciarum *Ciuitas Siluanectum*: in alia, *Ciuitas Siluanectensium*. In Notitia Imperii pag. 147 *Præfectus Lætorum gentilium Remos & Siluanectas Belgicæ Secundæ*: vbi vt *Remi* nomen oppidi sunt in Remis; ita etiam *Siluanectes*, siue *Siluanectæ*, nomen gentis, ad urbem Siluanectum primariam, *Augustomagum*, iam *Senlis*, significandam, consueto temporum illorum more translatus est. Guntheramnus rex Gregorio Turonensi, ad se legato, respondit: *Pars mea de urbe Siluanectensi non redditur*, lib. ix eiusdem Gregorii cap. xx.

SECTIO XX.

VEROMANDVI.

CCIV.

Supra Isaram, nunc Oyse, Belgicum amnem, *Veromandui* erant, qui & *Viromandui* & *Veromandi* dicti fuerunt, inter Neruios a septemtrione, & Sueffiones a meridie sedem habentes. Cæsar commentario ii cap. iv *Veromanduos* ad commune bellum x millia armatorum pollicitos refert: & cap. xvi, *trans id flumen* [Sabin] *Neruios consedissee cum Atrebatibus & Veromanduis, finitimis suis.* Consedissee, id est castra posuisse, vt Romanos ibi exspectarent. Liuius epitoma c iv *Viromanduos* dixit, vt Vinetus & Gruterus ediderunt: Gronouius autem etiam ibi *Veromanduos*. Antonini Itinerario *Veromandi* scribuntur. Nomen hodieque custodiunt *Vermandois*. Caput gentis *Augusta Veromanduorum* fuit, auctoribus Ptolemæo & Antonino in Itinerario. Itinere enim a Taruenna Durocortorum hic ordo oppidorum tenetur:

Taruenna

Nemetacum

M. P. XXII

Camaracum

M. P. XIV

Augustam Veromandorum

M. P. XVIII

Contra Aginnum

M. P. XIII

Augustam Sueffonum

M. P. XIII.

Hanc *Augustam* urbem Cluuerius, Baudrandus, alii, in vico *Vermand*, qui Abba-

αὐτῶν Δερονόροτον, *Remi*, & *vrbs illorum Durocortorum*. Sic etiam in Tabula Theodosiana adpellatur. Antoninus aliquot itinera refert, quæ Durocortorum diriguntur, a Taruenna vnum, alterum a Bagaco Neruiorum. Prioris rationes paullo ante ad Augustam Sueffionum vsque deduximus: quod nunc persequimur ita exscribendo:

Augusta Sueffionum

Fines

M. P. XIII

Durocortorum

M. P. XII

Hæc vrbs in primis fuit, quæ cum suo gentis nomen commutauit. Ammianus Marcellinus lib. xv cap. xxvii *Secunda Belgica, qua Ambiani sunt, vrbs inter alias eminens: & Catalauni, & Remi*. An etiam antiquioribus hæc vrbs ita nuncupata fuerit, in disceptationem venit. Ait hoc Hadrianus Valesius, Tacito auctore, vt persuasum habet, qui lib. iv Histor. cap. lxviii scripsit: *Venientis exercitus fama, & suoapte ingenio ad mitiora inclinantes Galliarum ciuitates, in Remos conuenere*. Vt autem ciuitates ibi non vrbes sunt, sed populi & societates; ita nihil impedit, quo minus *Remos* etiam *Remorum* populum ac ciuitatem interpreteris. Clarioribus documentis opus erit, si quis probare adnitatur, illam consuetudinem vrbes populorum nominibus adpellandi iam tum Traiani æuo obtinuisse. In Notitia prouinciarum vocatur *Ciuitas Remorum*, & Belgicæ secundæ metropolis constituitur.

CCVII.

Dignitatem vrbs Remorum *Durocortori* supra ex Strabonis descriptione cognouimus: addimus aliam, aut parem superiori, aut illustriorem etiam, quam ex studiis literarum habuit. Cornelius Fronto, ex Hadriani sæculo rhetor & grammaticus, referente P. Consentio, itidem vetere grammatico, dixit, *ILLAE VESTRAE ATHENAE DVROCORTORO*. Quid gloriosius, quam Athenis, matri artium liberalium & disciplinarum, comparari? Sic Mediolanum quoque, antiqua sedes studiorum, inscriptione eiusdem sæculi, sub Antonino Pio facta, apud Gruterum pag. 177 num. 4 *NOVAE ATHENAE* adpellantur: vt adeo in summis laudibus prouinciarum censeatur, si studio sapientiæ & doctrinæ Athenienses, principem in litteris populum, æmulati fuerint.

CCVIII.

Remorum etiam fuit *Bibrax*, diuersum ab eiusdem nominis oppido Aeduorum. Cæsar commentario ii cap. vi *Ab ipsis castris, oppidum Remorum, nomine Bibrax, aberat millia passuum viii: id ex itinere magno impetu Belgæ oppugnare cæperunt: ægre eodie sustentatum est*. Quod quo loco positum fuerit, non apud omnes est certissimum. Sunt qui *Braye en Retelois* interpretantur; alii *Fines Itinerarii* in hunc locum trahunt: iterum alii *Laudunum Clauatum* volunt, nec desunt qui *Braium* Laudunensis pagi ceteris nominatis præferunt.

CCIX.

An vero etiam *Catalauni* huc referendi sint, qui nunc *Chalons* vocantur, itidem parum est liquidum. Veteres geographi atque historici neque

oppidum *Catalaunos* memorarunt, neque gentem *CATALAVNORVM*, a qua oppido nomen posteriori ævo sit inditum. Videntur ergo sub proximis Remis *Catalauni*, quoquo nomine antiquitus adpellati fuerunt, vel latitasse, vel comprehensi fuisse, vna cum oppido, quod habuerunt. Non repugnat situs in dextero amne Matrona, seu Belgarum latere: succlamat etiam Marcellinus, qui sæpe dicto lib. xv cap. xxvii Belgicæ Secundæ *urbes eminentes* enarraturus primo loco *Ambianos* nominat; deinde *Catelaunos*, (sic enim etiam lib. xxvii cap. ii scripsit vocali secunda:) tandem adiungit, quæ post metropolis facta est, *Remos*. Primus, qui huius nominis mentionem fecit, Eumenius rhetor est, panegyrico Constantini cap. iv. Si, inquit Flauiensium nomine, *ille reipublicæ restitutor implorantibus nobis subuenire potuisset, sine vlllo detrimento Romanarum virium, sine clade Catalaunica, compendium pacis, reconciliatis prouinciis, attulisset frateruitas Aeduorum*. Ad Aurelianum haud dubie respexit, de quo Eutropius lib. ix cap. ix, *Superavit in Gallia Tetricum apud Catalaunos*: vbi oppidum æque ac apud Ammianum significatur, quod vox *apud* ostendit, quum de gente *in Catalaunis* dicturus fuisset. In Notitia prouinciarum & ciuitatum Galliæ tertio loco est *Ciuitas Catellaunorum*, vt vel ordo dignitatem auxerit. Antonini itinere a Mediolano Gessoriacum *Durocatellauni* vocantur, hac serie dispositis oppidis:

Tricases

Artiacam

Durocatelaunos

Durocortorum

Suessonas

—	—	—
M.	P.	XVIII
M.	P.	XXXIII
M.	P.	XXVII
M.	P.	XXXVII,

nisi forte additamentum *Duro* ex sequenti vocabulo *Durocortoro* ad *Catelaunos* etiam, errore describentis, retractum fuit.

CCX.

Hadrianus Valesius in ea opinione est, vt posteriorum *Catalaunos*, putet *Vadicasses* Plinii ac Ptolemæi esse, eorumque oppidum, antequam gentis posterius nomen adsumeret, *Noviomagum* nuncupatum fuisse. Plinius quidem lib. iv cap. xviii *Vadicasses* suos, siue, vt Harduinus legit, *Bodiocasses*, quod ex *Badicasses* videtur corruptum; in Lugdunensem prouinciam transcripsit; quo etiam Ptolemæus lib. ii cap. viii suos *Vadicassios* referebat: addidit vero idem *πρὸς τῇ Βελγικῇ*, iuxta *Belgicam*, seu in confinio Belgarum habitasse, vt facile Ammiani & Notitiæ temporibus ad Belgicam Secundam referri potuerint. Gentis enim & oppidi situm ita Ptolemæus delineauit: *Μετὰ Μέλδας πρὸς τῇ Βελγικῇ Ουαδικάσσιοι, καὶ πόλις Νοϊόμαγος*, Post *Meldas* ad *Belgicam Vadicassii*, & oppidum *Noviomagus*. Confirmat sententiam suam Valesius, quia quod oppidum in ante monstrato itinere *Durocatelaunos* vocari cognouimus, xxvii millibus passuum a *Durocortoro* remotum est; videtur idem esse, quod in Peutingeriana Tabula *Noviomagus* nominatur, ab eodem *Durocortoro* distans millibus xxv, leui discrimine numerorum, quale plurimis locis deprehenditur. Speciosa sententia, nisi, inspecta Ta-

bula,

bula, *Noviomagus* cis Durocortorum, Mosam versus, deprehendatur; Itinerarii vero *Durocatelauni* sunt ultra Durocortorum, Tricasses & ipsum caput versus Lugdunum. In ipso quidem Itinerario *Noviomagus* eo tractu, una cum Durocortoro, apparet, sed inter Sueffonas & Ambianos, ut ad Noiomum potius, quam de quo agimus, referendum videatur. Nihil ergo in re dubia definimus, & ut supra pag. 170 de *Vadicassibus* coeptum est dubitari; nec dum hisce tationibus, ut definamus, persuaderi possumus.

SECTIO XXII.

S V E S S I O N E S.

CCXI.

Hirtius lib. VIII Belli Gallici cap. VI *Sueffiones* Remis attribuit. *In fines*, inquit, *Suesfionum*, qui Remis erant attributi. Cæsari quoque Remorum legati commentario II cap. III *Suesfiones* dicunt *fratres consanguineosque suos*, qui eodem iure, iisdem legibus utantur, unum imperium, unumque magistratum cum ipsis habeant. Recte ergo & ordine facimus, quod post Remos proxime *Suesfiones* explicamus. Nomen varie & scribitur & pronuntiatur. Cæsaris libris recentioribus editum *Sueffiones*, tribus syllabis commentario II cap. III & XIII: at Lugdunensi Gryphiana & æqualibus *Suesfiones*, quod verius videtur, quia metaphrastes $\Sigma\epsilon\sigma\sigma\acute{\iota}\omega\nu\epsilon\varsigma$, quatuor syllabis, reddidit; quot etiam in Hirtii VIII libro apparent. Plinius in Belgica, *Suesfiones liberi*, totidem syllabis. Sic etiam epitoma Liuiana CIV *Suesfiones*. Strabonis editiones variant. Adlegat Valesius $\Sigma\epsilon\sigma\sigma\acute{\omega}\nu\epsilon\varsigma$: at Aldina $\Sigma\epsilon\sigma\sigma\acute{\iota}\omega\nu\epsilon\varsigma$: Casauboniana modo $\Sigma\epsilon\sigma\sigma\acute{\omega}\nu\epsilon\varsigma$ pag. 134, modo $\Sigma\epsilon\sigma\sigma\acute{\iota}\omega\nu\epsilon\varsigma$ pag. 135. Videtur Lucanus lib. I vers. 423 litem dirimere posse, quum dicit,

Et Biturix, longisque leues Sueffiones in armis:

sed dubia prorsus & instabilis est lectio, dum aliis editis libris *Suesfiones* est: antiquiores codices *Axones* referunt, unde quidam *Saxones* inepte legerunt. Ptolemæus sine sibilo $\omicron\upsilon\epsilon\sigma\sigma\acute{\omega}\nu\epsilon\varsigma$ *Sueffiones*, correpta media: auctor Itinerarii, paullo ante indicato itinere, *Sueffiones*, etiam tribus syllabis. Ex quibus tandem colligimus, plures quatuor, quam tribus, syllabis exprimere: & utriusque formæ pænultimam constantius accelerari. Posteriores æque ambigui. Guilielmus Brito lib. IX Philippidos vers. 60

Valle Sueffonica quam fortia corpora surgunt.

Et, paucis interiectis, versu 77

Impatiens Sueffona phalanx.

In Peutingeriana Tabula est *Augusta Suefforum*, nisi forsan *Sueffonum* legendum. Tamen & posteriores temporibus barbaris *Suesfi*, *Sueffos*, secunda flexione dixisse, a Valesio obseruatum est.

CCXII.

Urbem illorum Ptolemæus vocat Αὐγῆσαι Ὀυεσσόνων , *Augustam Sueffonum* siue *Suesfionum*. nam Σ videtur excidisse, nisi forte σ cum \omicron describentis

oscitatione commutatum fuit. Id nomen plenius itinere a Taruenna Durocortorum, habemus tali oppidorum dispositione:

<i>Camaracum</i>	—	—	—
<i>Augustam Veromanduorum</i>	M.	P.	XVIII
<i>Contra Aginnum</i>	M.	P.	XIII
<i>Augustam Sueffonum</i>	M.	P.	XIII

Ab Augusto hoc illustre nomen est: quod antea, & Iulii temporibus fuerit, non plane est certum. Nec tamen improbabilis eorum est sententia, qui *Noviodunum* vetus nomen *Augustæ Suesfionum* fuisse persuasi sunt. Habent enim in commentariis Cæsaris, quo tueri se posse videantur. Libro enim II cap. XII de se dixit: *Postridie Cæsar in fines Suesfionum, qui proximi Remis erant, exercitum duxit: & magno itinere confecto ad oppidum Noviodunum contendit. Id ex itinere oppugnare conatus, quod vacuum a defensoribus esse audiebat, propter latitudinem fossæ, murique altitudinem, paucis defendentibus, expugnare non potuit. Interim omnis ex fuga Suesfionum multitudo in oppidum proxima nocte convenit. Celeriter vineis ad oppidum actis, aggere iacto turribusque constitutis, magnitudine operum, quæ neque viderant antea Galli, neque audierant, & celeritate Romanorum permoti, legatos ad Cæsarem de deditione mittunt: & petentibus Remis ut conservarentur, impetrant.* Ex quibus non obscure intelligitur, in Suesfionibus fuisse oppidum, quia hi noctu in illud conveniunt ut defendant: deinde munitum valide fuisse, ut primæ vrbes & capita gentium solebant: tandem conservatum Remorum precibus esse, qui Suesfionum fratres & amici erant; ut dubitari facile non possit, huic Augustum ornamenta addidisse, & *Augustam* de suo nomine adpellasse. Neque enim aliud in tractu illo oppidum habetur, cui vel situs, vel amplitudo & munimenta, a Cæsare descripta, competant, præter *Augustam Sueffonum*, nunc corruptius *Soissons* vocitatum: quod novum nomen ex *Suesfiones* est, communi gentis & oppidi, ut mos ferebat, adpellatione. Ut vero *Atrebatæ* & *Atrebatæ*, ac *Silvanectæ* & *Silvanectæ*; item *Nemetes* & *Nemetæ* medio ævo dicebatur: sic etiam *Suesfiones* & *Suesfione*; ac breviori forma *Sueffones* ac *Sueffonæ* dictum fuit. Gregorius Turonensis lib. IV cap. IX *Sanctus Dei, Medardus episcopus, diem obiit: quem Chlotarius rex cum summo honore apud Suesfionas civitatem sepeliuit.* Etiam itinere a Mediolano Gessoriacum, supra vidimus *Sueffonas*, quarto casu, vrbis nomen scriptum esse.

CCXIII.

Contra hanc sententiam, quod *Noviodunum* *Augusta* sit *Suesfionum*, Raymundus Marlianus, Christophorus Browerus, & multi alii depugnant, *Noviodunum* Cæsaris finitimum quidem *Suesfionibus*, non in ipsis *Suesfionibus* statuentes: idque *Noviomum*, siue, ut nunc pronuntiatur, *Noyon* interpretantur. Verum *Noviomum* illud siue *Noiomum* non *Noviodunum*, sed *Noviomagum* veteres dixerunt, situm inter *Durocortorum* & *Ambianos*, uti ex dicto itinere a Mediolano Gessoriacum vsque, manifestum est: quod oppidum etiam in *Notitia Imperii* inter *Belgiæ Secundæ* præsidia *Novio-*
magus

magus adpellatur. Nec Nouiomo, si inspicias recte, cum Cæsaris itinere conuenit, ut qui ex Remis in fines Suesfionum progressus, magno itinere ad Nouiodunum venit: *Nouiomum* vero siue *Noyon* non in Suesfionibus, sed in Veromanduis censetur, & Veromanduorum episcopatum, deleta Augusta ab Attila, antequam instauraretur, accepit, & hodieque possidet.

SECTIO XXIII.

CALETI siue CALETES.

CCXIV.

Ad Oceanum rursus reuertimur, ut populos qui supersunt ibi, *Caletos* & *Vellocasses*, expediamus. Cæsar de Belgarum adparatu bellico lib. II cap. IV polliceri *Menapios* IX millia: *Caletos* X millia: *Vellocasses* & *Veromandos* totidem. Sic veteres libri: recentiores, *Caletes*. Quod etiam de Hirtii libro VIII commentariorum notandum est, in quo itidem *Caletos* vetustioribus; *Caletes* nouis libris expressum est. Cap. VII enim conuenisse refert *Ambianos*, *Aulercos*, *Caletos*, *Vellocasses*. Cæsar itaque Belgis adnumerat, uti reuera sunt, cis Sequanam colentes, qui terminus est Belgarum. Augustus vero, ignotum qua causa, cum *Vellocassibus* Lugdunensi Galliae attribuit, ideoque Plinius & Ptolemæus in Lugdunensi recensent: ille lib. IV cap. VIII *Gallos* vocat, uti in MSS. omnibus esse Harduinus testatur. Sed verius per C scribuntur, quia & Græci, Ptolemæus & Strabo, per κ expresserunt. Hic enim lib. IV pag. 134 Ἀμβιανοὶ, καὶ Σχεσιῶνες καὶ Καλέτοι, μέχρι τῆς ἐκβολῆς τῆς Σηκαῖνα, *Ambiani*, & *Suesfiones*, & *Caleti*, usque ad ostium Sequanæ: ille lib. II cap. VIII in Lugdunensi: κατέχουσι τὴν μὲν ἀρκτικήν παράλιον ἀπὸ τῆς Σηκαῖνα ποταμῶς καλεταί, ἧν πόλις Ἰουλιόβωνα, *Tenant latus septentrionis litorale a Sequana fluuio Caletæ, quorum oppidum est Iuliobona*. Vterque ergo e simplici scripserunt, pænultimam corripientes. Valesius autem, nescio quo libro usus, Ptolemæum καλήτας vocare, in Galliarum Notitia retulit. Atque etiam metaphrastes Cæsaris lib. II cap. IV τὰς Καλήτας reddidit: ut ita etiam huius vocabuli accentus sit ambiguus.

CCXV.

Marlianus apud Bononiam seu Geslōriacum *Caletes* ponit, ubi breuissimus in Britanniam traiectus est: sed errorem iam a Strabone & Ptolemæo refutari cognouimus, qui ad ostium Sequanæ vterque constituerunt. Nilominus ex eodem errore reliquum est, ut nobilem urbem & emporium *Calais* Latine *Caletum* permulti adpellent, quos supra aliquando & ipsi sequuti sumus; quam verius forsan *Calesium* cum Guilielmo Britone nuncupare possimus. Ille enim lib. IX Philippidos vers. 351

*Classis prima quies Calesi fuit: altera portus
Fit Grauelinga tuo.*

CCXVI.

De oppido etiam Caletorum controuersia est, quod Ἰουλιόβωνα Ptolemæus dixit, siue ut Valesius, nescio ex quo codice, adlegat, Ἰουλιόβωναν, *Iuliobonam*.

bonam. Idem Valesius cum Cluuerio *Deppam* (vulgo *Dieppe*) putant esse: Harduinus vltra flumen remouet. Sed vt populus citerior est, ita & oppidum oportet esse: nec vero per Ptolemæi numeros ab ostiis Sequanæ velim longius abduci. Alii ad *Lillebonne* siue *Ilebone* referunt, ad æstuarium Sequanæ situm inter Portum Gratiae & Caldebecum, quos sequuti in Tabula nostra sumus. Vtriusque sententiæ rationes & documenta breuiter dabimus. Qui ad Sequanam locant, in Ilebone vestigia quærentes, auctorem, præter Ptolemæum, habent Robertum de Monte, Append. ad Chron. Sigeberti, ad annum CIOCLXIII. *Iuliabona*, inquit, in *Caletensi pago iuxta Sequanam est sedes regia, a dominis Normannorum multum amata & frequentata*. Agit de Henrico II Angliæ rege, qui Normannorum comitia Rotomago, vbi conuentum erat, iussit Iuliabonam transferri. Qui secus sentiunt, & Deppæ hoc nomen tribuunt, id ex Antonini itinere, Carocotino Augusto-bonam, tueri conantur, quod ita habet:

Carocotino

Iuliobonam

M. P. X

Lotum

M. P. VI

Latomagum

M. P. XIII

Rotomagum

M. P. IX.

Persuasi autem sunt, principium itineris *Carocotinum* esse *Crotoy*, ad ostium Samaræ in Ambianis situm, vnde Rotomagum ituri Deppam sine ambage ferri possint. Verum longius Crotoy a Deppa abest, quam numerus Itinerarii, hoc est x millia passuum patiuntur, quia interuallum pæne xxx est millium. Vero similis ergo alii *Carocotinum* in Portu Gratiae (*Havre de Grace*) constituunt, quocum numeri in Itinerario positi, propius vtique consentiunt.

SECTIO XXIV.

VELIOCASSES.

CCXVII.

Et hi varie scribuntur. Cæsar lib. II cap. IV polliceri *Caletos* x millia: *Vellocasses* & *Veromanduos* totidem. Hirtius lib. VIII cap. VII conuenisse *Caletos*, *Bellocasses*, *Atrebates*: pro quo recentioribus libris *Vellocasses*. Plinius lib. IV cap. XVIII *Lugdunensis Gallia habet Lexouios, Vellocasses, Galletos, Venetos*. Nam & hos Augustus ex Belgica, vbi Iulius censuerat, in Lugdunensem transcripsit. Ptolemæus itidem in Lugdunensi: *οὐβελιοκάσιοι, ὡν πόλις Ρωτόμαγος, Veneliocassii, quorum oppidum Rotomagus*. Redundat syllaba, & Valesio iudice legendum *οὐελιοκάσιοι*, qui genuinam scripturam *Vellocasses* existimat fuisse, quia Magnoni etiam *Viliocassus* sit; vocalem vero *i* a multis in conuersam esse propter similitudinem.

CCXVIII.

Rotomagum illorum urbem fuisse, modo ex Ptolemæo intelleximus. Ammianus lib. XV cap. XXVI pluraliter enuntiat, *Rotomagi*, quasi commune cum

cum gente vocabulum habeat, quod falsum est, quum vrbs id proprium sit, nec ciues *Rotomagi*, sed *Rotomagenses* adpellentur. *Secundam*, inquit, *Lugdunensem Rotomagi ostendunt*, id est ornant. In Notitia Imperii sub dispositione Ducis Tractus Armorici, *Præfectus militum Vrsariensium Rotomago*. Paullinus Nolanus epist. xviii ad Victricium, episcopum Rotomagensem, cap. v *Nunc Rotomagum, & vicinis ante regionibus tenui nomine pervulgatum, in longinquis etiam prouinciis nominari, venerabiliter audimus, & inter vrbes, sacratis locis nobiles, cum diuina laude numerari*. In Notitia prouinciarum est *Ciuitas Rotomagensium*, metropolis Secundæ Lugdunensis. Et quamuis vrbs Rotomagus longius absit a mari, Sequanæ fluuio adposita: tamen per nauigabilem amnem ita mari utebatur, vt illud etiam ab vrbe hac & illius commerciis nomen indeptum sit *maris Rotomagensis*. Venantius Fortunatus lib. vi carm. viii de Gelesuinta regina:

Peruenit qua se pisoso Sequana fluctu

In mare fert cuncto Rotomagensi sinu.

Rotomagum hodie *Roïen* siue *Rean*, celebrem ad Sequanam ciuitatem esse, nemo facile ignorat: idque etiam iter Antonini a Carocotino Augustobonam ostendit, quo, quamuis numeris iusto minoribus, hic ordo seruatur, vt a *Rotomago* per *Petromantalum*, id est Mante, veniatur *Luteciam*.

SECTIO XXV.

BELGIVM CAESARIS.

CCXIX.

Tandem etiam de *Belgio*, quod Cæsar manifesto a *Belgica*, vt partem eius, distinguit, dicendum est, & error illorum refellendus, quibus *Belgium* idem est quod *Belgica*. Cæsar commentario v cap. xxi v de hibernorum distributione ita scripsit: *Quod eo anno frumentum in Gallia propter siccitates angustius prouenerat, coactus est aliter, ac superioribus annis, exercitum in hibernis collocare, legionesque in plures ciuitates distribuere. ex quibus vnā in Morinos ducendam C. Fabio legato dedit, alteram in Neruios Q. Ciceroni, tertiam in Aeduos L. Roscio, quartam in Remis cum T. Labieno in confinio Treuorum hiemare iussit: tres in Belgio collocauit: his M. Crassum quæstorem, & L. Munatium Plancum & C. Trebonium legatos præfecit. Vnam legionem, quam proxime trans Padum conscripserat, & cohortes quinque, in Eburones misit. His militibus Q. Titurium Sabinum, & L. Aurunculeium Cottam, legatos, præesse iussit. Ex quibus manifestum est, multas & potentes Belgarum gentes a Belgio suo Cæsarem exclusos velle, Morinos, Neruios, Remos, Treuiros, Eburones.*

CCXX

Nec ipse Cæsar obscure monstrauit, in qua parte *Belgicæ* sit *Belgium* quærendum. Cap. xlv enim eiusdem libri, quum de obsidione castrorum Ciceronis audiisset, de se dicit: *statim nuntium Bellouacos ad M. Crassum quæstorem mittit, cuius hiberna aberant ab eo millia passuum xxv. Quem ergo Crassum in Belgio cum legione collocauerat cap. xxi v, ad eundem in* *Bel-*

Bellouacos nunc nuntium mittit: ergo *Bellouaci* in Belgio fuerunt. Nec id difficile est ex cap. xxv colligere. *Tasgetio* enim rege, quem *Carnutibus* imposuerat, a suis interfecto, *veritus* Cæsar, quod ad plures res pertinebat, ne ciuitas eorum impulsu deficeret; *L. Plancum* cum legione ex Belgio celeriter in *Carnutes* proficisci iubet. Quia celeriter mittenda erat legio, ex proximis hibernis misit vnam ex tribus in Belgio collocatis. *Bellouaci* autem, aut quod *Brietio* videtur, *Siluanectes*, *Bellouacis* proximi & attributi, quod ad *Sequanam* pertinebant, propiores erant *Carnutibus*, quam alii, in quibus legiones hiemabant. Ergo iterum adparet, in Belgio *Bellouacos* cum contributis fuisse, & ex his *Plancum* cum legione missum in *Carnutes*.

CCXXI.

An vero soli *Bellouaci* *Belgium* ita expleuerunt, vt alias omnes excluferint ciuitates? Non videtur: & si non alios, tamen *Atrebates* vna in Belgio fuisse, ex *A. Hirtii* lib. viii cap. xlvi & xlvii constare potest. Ibi dicitur Cæsar cum equitum præsidio *Narbonem* profectus, exercitum per legatos in hiberna deduxisse: 1v legiones in Belgio collocasse cum totidem legatis: reliquas in *Aeduis*, *Turonis*, *Lemouicibus*. Paucos dies in *Prouincia* moratus, ad legiones in *Belgium* se recepit, hibernauitque *Nemetocenna*, quod caput est *Atrebatum*, alibi *Nemetacum* nuncupatum. Ibi cognoscit, *Comium* *Atrebatem* prælio cum equitatu suo contendisse, interceptis commeatibus, qui comportabantur in hiberna Romanorum. Ex quibus elucet, *Atrebates* quoque in Belgio sedem habuisse: quod contra *Cluuerium* notari velimus, qui solos *Bellouacos* in Belgio constituit: quibus *Atrebates* addendos esse *Hadrianus Valesius* censuit, sed ita, vt primæ & præcipuæ partes *Bellouacis*, tamquam proprie dictis Belgis, relinquuntur.

CCXXII.

Quum vero *Ambiani* interiecti sint *Bellouacis* & *Atrebatibus*, & *Belgium* vna & continua regio fuerit; consequens est, vt *Ambiani* quoque in illo contineantur, per quos mare a Belgio attingitur. nam lib. v cap. xi refertur, maritimam partem *Britannorum* ex Belgio transisse; quod ad mare illam regionem pertinuisse arguit. *Nicolaus Sanson* & *Philippus Brietius* *Siluanectes* addunt & *Veromanduos*, quod de *Siluanectibus*, qui attributi videntur *Bellouacis* fuisse, facile equidem concesserim; de *Veromanduis* autem id minus certum est, nisi ita forsan collegeris; Cæsarem tres legiones imposuisse Belgio cum tribus legatis *M. Crasso*, *L. Planco*, & *C. Trebonio*, lib. v cap. xxiv. At *Crassus* in *Bellouacis* hibernauit cap. xlv: *Planus* forte in *Siluanectibus*, quia inde breuissima via in *Carnutes* est, in quos celeriter missus fuit a Cæsare, cap. xxv: ergo *Veromandui* supersunt, qui *C. Trebonii* legioni, si per populos in Belgio separatæ fuerunt legiones, hiberna præbuisse videri possint. Addit *Brietius* Part. ii lib. vi cap. vii ex situ argumentum, quod vero nescimus quam firmum sit. Certa autem res est de *Bellouacis*, *Atrebatibus* & *Ambianis*: de ceteris dubitanda, nec vero improbabilis. Hi vero Belgii incolæ quasi proprie Belgæ erant & *ym-*
ois; ceteri ex aliis gentibus in Belgicam profecti, maxime ex Germanis.

CCXXIII.

CCXXIII.

De *insulis* Belgicæ nihil fere est quod proferamus, quia pauca de illis prodita: & quædam forsan aliam faciem induerunt, quam olim habuerant, quod tempori & Oceano imputandum est.

CAPVT IV

DE

INSVLIS BRITANNICIS.

I.

GAlliis obiectæ in septentrionem sunt *insula Britannica*, plures numero, sed duæ maiores ceteris. Vnde est quod *duas* tantum insulas, sed maiores & notabiliores quidam memorant. Agathemerus lib. ii cap. i v Νῆσοι ἀξιόλογοι ἐν μὲν τῇ ἐκτῇ θάλασσῃ αἱ Βρεταννικαὶ δύο, Ἰερνίας τε καὶ Ἀλβίωνος, *Insula memoratū dignæ in extimo mari duæ Britannicæ, Hiberniæ & Albionis.* Sic enim, *Albionem*, veteres maiorem illarum adpellaerunt. Plinius lib. iv cap. xvi Ex aduerso huius *flus* [ostiorum Rhēni] *Britannia insula, clara Græcis nostrisque monimentis inter septentrionem & occidentem* [respectu Romæ] *iacet: Germaniæ, Galliæ, Hispaniæ, multo maximis Europæ partibus, magno intervallo aduersa.* *Albion ipsi nomen fuit, quum Britannicæ vocarentur omnes.* Ptolemæus etiam Britanniam illam maiorem descripturus, titulum capitis i i i libro i i fecit, Ἀλβίωνος νῆσος Βρεττανικῆς θέσις, *Albionis, insula Britannicæ, positio.* Quod vero hæc maxima omnium Britannicarum est, simpliciter a plerisque *Britannia* adpellatur, & *Albionis* nomen in obsoletis habitum. Idcirco Plinius, ut vidimus, dixit, *Albion ipsi nomen fuit.* Cæsar sane non aliter nominat quam *Britanniam*, quasi vnam huius nominis, distinguitque ab Hibernia, altera maiore, ab occasu solis maximæ obiacente. Lib. v cap. xiii ait: *alterum latus vergit ad Hispaniam, atque occidentem solem, qua ex parte est Hibernia, dimidio minor, ut existimatur, quam Britannia; sed pari spatio transmissus, atque ex Gallia est in Britanniam.*

II.

Græci scribunt Βρεταννία & Βρεττανία. Alabandensis nummus apud Tristandum & Harduinum ΚΛΑΥΔΙΟΣ ΒΡΕΤΑΝΝΙΚΟΣ. Strabo autem Lib. i v ἡ Βρεττανική, quo modo & Ptolemæus scripsit, τ geminato, v simplici; & Diodorus Siculus lib. v cap. xxi, ac Dio Cassius locis infra indicandis. Periegeta autem Dionysius. Βρεταννοί, utroque elemento simplici, versu 284

ἤγε βορείς

Ὠκεανὸς κέχυται ψυχρὸς ῥοὸς ἐνθα Βρεταννοί.

Vbi borealis Oceani effusum est frigidum fluentum: ubi Bretani, id est Britanni. Sed Eustathius in hunc locum scripturam ex metri necessitate excusat. Βρετταννοί, inquit, διὰ δύο τ] ὡς ἐπὶ πολὺ ἐνταῦθα δ' ἐν τῷ, ἐνθα Βρεταννοί, τ] μέγρε ἐπιτάσσας ἀπεχώρισε τὸ ἐν τ. Brettani per duplex τ] ut plurimum: heic

Ss

vero

vero in verbis, ἐνθα βρετανοὶ metro postulante, abiecit unum Tau. Latini vero constanter *Britannus* & *Britannia*. Nummi multorum principum, Claudii, Antonini Pii, Commodi BRITANNIA: & alius Claudii DE BRITANNIS: & Hadriani, RESTITVTORI BRITANNIAE: & eiusdem alius EXERC. BRITANNICVS: & Septimii Seueri, VICTORIAE BRITANNICAE. Rarum ergo, nisi lapidicidæ error est, quum in saxo vrbis Grætz in Stiria legitur apud Grut. p. 482

PRAEF. EQVIT. AL. BRITANNICAE.

Est & alia forma nominis *Brito*, vel potius *Britto*, quo posteriores frequenter vsi sunt. Aufonius epigram. cx

Siluius hic bonus est. Quis Siluius? iste Britannus.

Aut Britto hic non est Siluius, aut malus est.

nam male illo tempore Britanni audiebant: ideo epigrammate cxii idem, *Nemo bonus Britto est.* Sunt qui propterea aliquid discriminis inter Brittonem & Britannum quærent, in qua opinione etiam Christophorus Browerus est ad Fortunati lib. iii carm. vi pag. 69: quod verius Elias Vinetus negat ad dictum locum Aufonii, & illos confutat, qui *Britones* non in insula, sed in Armorica Galliæ regione ponunt. nam Iuuenalis ætate nulli Britanni in Gallia; nihilominus ille satyra xv vers. 124 dixit

Qua nec terribiles Cimbri, nec Brittones unquam

scilicet, rabie sæuiunt. Geminato Tau non tantum metri causa, sed etiam alibi hæc forma scribitur. Vetus inscriptio apud Gruter. pag. 569 n. 5 NATIONE BRITTO. Media ambigua est. Quam enim Iuuenalis corripuit dicto iam loco; porrexit Martialis lib. xi epigram. xxi

Quam veteres braccæ Brittonis pauperis. - - -

III.

Hodie *Britannia Magna* est, duo regna complectens, Angliæ, ad austrum, & Scotiæ, septentrionale.

Quod in Oceano sita insula est, vt alium orbem Romani adspexerunt. Virgilius ecloga i

Et penitus toto diuisos orbe Britannos.

Et Dio Cassius lib. lxx pag. 677 de A. Plautio, quem Claudius primum post Iulii Cæsaris expeditionem in Britanniam misit, τὸ μὲν στρατεύμα χαλεπῶς ἐκ τῆς Γαλατίας ἐξήγαγεν ὥς γὰρ ἐξω τῆς οὐκ ἐκείνης στρατεύοντες ἠγανάκτουν, *difficulter exercitum e Gallia abduxit, indigne ferentem, quod extra orbem terrarum bellum esset gerendum.* Augustus bis expeditionem in Britannos suscepturus erat, sed primam legatio supplex Britannorum impediuit, Dio Cass. lib. liii pag. 512; alteram tumultus Salafforum & Cantabrorum, ibidem pag. 513. Strabo lib. ii pag. 79 adfert alias rationes, quod Romani spreuerint Britanniam sibi subiicere, primum quia nullus ex ea metus esset; deinde si occupassent, ἔτ' ὠφέλεια τοσάυτη τις, *tanta non foret utilitas.* Sic factum est, vt vsque ad Claudii tempora, & amplius, non penitus Britannia cognoscere-tur. Cæsar quidem lib. v cap. xiii *insulam* vocat, *natura triquetram*, sed magis fama ductus, quam experientia, quia in Cantio tantum inter fretum &

& Tamesin res gesit; neutra expeditione ad interiora venit. Dio Cassius lib. LXVI in Xiphilini epitoma de Iulio Agricola Titi Cæsaris legato: πρώτος Ῥωμαίων ἔγνω τὸ ὅτι ἡ Βρεττανία περιέχεται ἐστὶ, primus Romanorum cognouit, Britanniam undique mari circumfusam esse. Quod etiam Tacitus Vita Agricolæ cap. x confirmat. Hanc oram, inquit, nouissimi maris tunc primum Romana classis circumuectâ, insulam esse Britanniam adfirmavit. Iterum Dio Cassius lib. xxxix pag. 114 πρώτοις καὶ Ἑλλήνων καὶ Ῥωμαίων ὁδὸς ὅτι ἐστὶν, ἐγινώσκετο· τοῖς δὲ ἔπειτα ἐς ἀμφισβήτησιν, εἴτε ἥπειρος, εἴτε καὶ νῆσος εἴη, ἀφίκετο. Primis Græcorum Romanorumque, ne esse quidem eam, compertum fuit; posteriores in controuersiam adduxerunt, continensne ea terra, an vero insula esset. Addit, multa de vtraque opinione conscripta ab iis esse, qui coniecturis tantum niterentur; donec πρότερόν τε ὑπ' Ἀγρικολᾶ - - νῆσος ὄσα σαφῶς ἐλέγχεται, primum sub Agricola insulam esse manifesto deprehensum est.

IV.

Ex pluribus insulis Britannicis quæ maxima est, nunc regna Angliæ & Scotiæ tenens, præcipue *Britannia* dicitur, cuius iam flumina pro instituto nostro, quæ antiquis fuerunt cognita, enarrabimus, antequam ad terrarum expositionem veniamus.

FLVMINA BRITANNIAE.

V.

Cæsar vnum flumen *Tamesin* memorauit lib. v cap. xi *Cassiuellauni*, inquit, *fines a maritimis ciuitatibus flumen diuidit, quod adpellatur Tamesis*. Et cap. xviii *Cæsar ad flumen Tamesin, in fines Cassiuellauni, exercitum duxit: quod flumen vno omnino loco pedibus, atque hoc ægre, transiri potest*. Tacito dictum *Tamesa* lib. xiv cap. xxxii. *Visam speciem, ait, in æstuario Tamesæ subuersæ coloniae*; qua forma etiam Dio Cassius lib. xl pag. 122 vsus est, πρὸς τὸν Ταμέσαν, dicens, ἀνεχώρησαν, *Ad Tamesam [Britanni] reuerterunt*. Hodie *Temse* vocatur, notissimum flumen totius Angliæ.

VI.

Tacitus addit duo lib. xii cap. xxxi, *Altonam & Sabrinam*: & aliquot æstuaria, quæ fluuios recipiunt. De Ostorio, legato Claudii dicit: *Detrahare arma suspectis, cinctosque castris Antonam & Sabrinam fluuios cohibere parat*. Alterum, *Sabrinam*, nobis Ptolemæus manifestat, lib. ii cap. iii *Σαβριανὰν ἔχουσαν, Sabrianam æstuarium* eo loco commemorans, qui hodie the *SVERN*, leuiter mutato nomine, adpellatur, quod tam æstuarii, quam ipsius fluminis, æstuarium facientis, est vocabulum. Obscurior *Antona* & diffigraphi *Guilielmi Cambdeni* concedimus, cui in Tacito *Auuona* siue *Aufon* vocatur, alter qui *Sabrinæ* ab ortu adfunditur; alter maior, quem *primariam Aufonam* *Cambdenus* pag. 404 vocat, in ortum æstiuum delabens, qui a Tacito notatus videtur, vt latius barbari discluderentur: ad quem *Bennaventa* iuit, nunc *Northampton & Peterburg*. Hæc ergo illa flumina erant, quæ

quæ vltiores Britannos a prouincialibus & sociis Romanorum, Claudii temporibus, idonea satis erant vt separarent, præfidiis scilicet & castris munita. Id enim Tacitus omnino dixit, cuius verba ita Cambdenus p. 402 interpretatur: *Munimentis ad fluuios dispositis statuit coercere Britannos vltiores, & prouinciales, ne mutuas operas in Romanos traderent.*

VII.

Reliqua fluuiorum nomina ab solo Ptolemæo sunt prodita. In australi latere post Dubrim & Daruernum, vbi Romani in insulam ingressi sunt, est *Trisanto* fluuius, cuius ostia [τρισάντωνος ἐκβολαί] ibidem memorauit; deinde *Alaunus*, Græce *Αλαίνος ἐκβολαί*, prope Vectim insulam: post quem *Isaca*, seu potius *Isca* fluuius: vltior *Tamarus*, qui nomen retinet *Tamer*; & tandem occasum versus *Cenio*, *κενίωνος ἐκβολαί*, *Cenionis ostia*. Sed in situ videtur aliquid turbatum esse. nam ad *Tamari* ostia *Pleymuthum* est: & *Trisantonis* portum Cambdenus interpretatur, quod cum Ptolemæi numeris & rationibus non vsquequaque conuenit. In sinum Bristoliensem proxime æstuarium Ptolemæus flumen ducit *Ratostathybium*, & deinde *Tobium*: illud Cambdenus *Taf*; hoc *Touy* iam vocari dicit. In Hibernici maris latere obscuriora sunt nomina *Tuerobis*, *Tisobis* siue *Toisobis*, & inter hos *Stucie*, & vltra *Seteia* & *Belisama* æstuaria, quorum illud iam *Deemuth*; hoc *Ribel* dici idem Cambdenus auctor est. Super quæ *Ituna* fluuius & æstuarium, nunc *Eden* in Cumberlandia: & tandem *Glota* æstuarium, a Tacito etiam memoratum, supra quod nihil Romanis cognitum fuit. Ille vero *Vita Agricola* cap. xxiii, *Glota*, inquit, & *Bodotria diuersi maris æstu per immensum reuecti, angusto terrarum spatio dirimuntur*. *Glota* autem fluuius, nunc *Cluyd* vel *Cluda* in Scotia, *Glasquum* urbem interluens, in æstuarium, cui nomen dat, infunditur.

VIII.

Huic, vt Tacitus iam monstrauit, in orientali latere opponitur æstuarium *Bodotria*, qua parte insula angustissima est. Inde in austrum versus *Tauus* fluuius est, nunc *Tuwe*, qui æstuarium *Taum* siue *Taum* facit. Tacitus Agricola cap. xxii *Tertius expeditionum annus nouas gentes aperuit, vastatis vsque ad Taum (æstuario nomen est) nationibus*. Tum demum annis *Tina* sequitur, qui nomen seruat: & proxime *Vedra*, hodie *Were* vel *Tees*: *Vrus* autem, hodie *Youre*, qui *Eboracum* urbem interfluit, *Abum* fluuium, ab austro adcurrentem, recipit, cum quo æstuarium *Abum* facit, nunc *Humber* adpellatum. Inter quod & *Tamesim* duo tantum flumina Ptolemæus memorauit, *Garryentum*, *Γαρρύέντιον*, hodie *Yare*, qui iuxta *Yarmuth* effunditur: & *Idumaniam* (*Εἰδεμανία* Græce) qui coloniam *Camalodunum* adluebat, si vel *Chelmer* est vel *Blakewater*, vt Cambdenus censet: aliis videtur paullo septentrionalior aliquis fluuius fuisse. Inter quos amnes & *Abum*, aliud æstuarium *Metaris* Ptolemæo est, qui sinus videtur esse medio inter *Lincolniam* & *Norvicum* loco situs, qui plures amnes in se recipit, sed, præter *Antonam*, de quo diximus, a geographis antiquis quod sciam, nunquam nominatos. Hæc de fluminibus.

DIVISIO BRITANNIAE.

IX.

Maxima insulâ Britannicarum, siue Britannia, postquam Romani partem adquisiuerant, in Romanam & Barbaram commode diuidebatur, quæ vero non iisdem semper terminis, sed cum tempore mutatis definiebantur. Hanc diuisionem Spartianus docet, in Hadriano cap. xi. *Murum, inquit, per octoginta millia passuum primus duxit, qui barbaros Romanosque divideret.* Romana Britannia imperatoris Claudii temporibus angustis finibus, Altona & Sabrina fluminibus descripta fuit, post longius progressi Romani sub Flauis, in vltiora repulerunt barbaros; non tamen pari constantia, quæ armis occupauerant, possidere etiam potuerunt. Agricola, Domitiano principe, vsque ad Bodotriam & Glotam progressus, *angustum illud terrarum spatium præsidis firmavit, omnemque propiorem sinum tenuit, submotis velut in aliam insulam hostibus.* Sed non diu illa vltima obtenta fuisse, valla Hadriani & Antonini probant, ceteriora illis æstuariis. Quod enim Hadriani murus, siue vallum potius, octoginta millia passuum fuit ductum, vti Spartiano iam auctore est demonstratum; non alio loco per intervalla esse potuit, quam inter Itunæ æstuarium & Tinæ amnis ostia. Antonini Pii auspiciis murum alium, & vltiorem duxit legatus Lollius Urbicus, sed itidem cespiticius, de quo Capitolinus in Pio cap. v ita tradit: *Britannos per Lollium Urbicum legatum vicit, alio muro cespiticio, submotis barbaris, ducto.* Dum alium dicit, diuersum arguit a muro Hadriani. Neque enim est, quod contra librorum fidem cum Liuiueio *alto* legamus. Vbi vero ille alius murus Antonini fuerit, difficile est ostendere. Cambdenus ex antiqua charta chorographica vallum a Seueri muro & Hadriani diuersum ostendit, quod auctore illo, Philippus Brietius oblique duxit ab Escæ, in Escia regione, ad Twedæ ostium, quod Tacitus vocat Taum æstuarium. Cambdeni verba sunt: *Charta Angliæ chorographica satis antiqua, inter prætenturam ad Edenborrow-Frith & Vallum Seueri, heic tertium murum, qui ad Escam pertingit, interponit, quem eundem fuisse qui a Lollio Urbico, Antonini legato constructus fuerit, non absurde colligimus, quum hinc Antoninus Itinerarium, tamquam ab vltimo, id tempus, imperii limite inceperit.* Hunc ducem, & supparem Brietium, sequuti in Tabula nostra sumus.

X.

Tertius murus, isque in septemtrionem vltimus, imperatoris Seueri est, vt infra probabimus, quantumlibet contradicat Cambdenus, cui citamus Seueri murus est: sed de illo Spartianus in Vita eius cap. xviii *Britanniam, quod maximum imperii eius decus est, muro per transuersam insulam ducto, utrimque ad finem Oceani muniuit.* Sed & hunc fuisse cespiticius, vt superiores, ex eiusdem Spartiani cap. xxii credas apparere, vbi dicit, *post murum aut vallum*: quamquam aliud Buchanano probabile videatur, vt infra dispiciemus. Beda autem Histor. eccles. Gentis Angl. lib. i cap. v de Seuerio: *receptam partem insule a ceteris indomitis gentibus non muro, vt qui-*

dam æstimant, sed vallo distinguendam putauit. Murus etenim de lapidibus; vallum vero quoad repellendam vim hostium castra muniuntur, fit de cespitibus, quibus circumcisis e terra velut murus exstruitur altus super terram, ita ut in- ante sit fossa, de qua leuati sunt cespites, supra quam sudes de lignis fortissi- mis præfiguntur. Tamen etiam murum Aurelius Victor Schotti nominauit: alter Victor autem, siue auctor epitomes cum Eutropio, quem sublegit, val- lum. Locum & situm valli Eutropius quoque designauit lib. viii cap. x. in Seuero: ut receptas, inquit, prouincias omni securitate muniret, vallum per xxxii duomillia passuum a mari ad mare deduxit. quæ iisdem verbis trans- scripsit Victor iunior. Inepte quidam in Eutropio centenarium numerum adponunt, Pæanium forte metaphrastam Græcum imitati, qui χάρακα, val- lum illud ἐπὶ δύο καὶ τριάκοντα πρὸς τοῖς ἑκατὸν σημείοις triginta duobus supra centum milliaria extendi scripsit. At vero tanto spatio nec maria in septem- trionali insula distant, nec consultum est, tanti laboris onus suscipere, vbi non desint breuiora interualla, quibus munitis arceri hostes & excludi a prouincia possint. Hæc de termino Britanniae Romanæ, diuerso pro di- versitate fortunæ Romanæ, nunc propius aduersus barbaros munito, nunc in partes vltiores prolatis munimentis.

XI.

Eadem Romanis subiecta Britannia in Superiorem & Inferiorem diuisa fuit. Quod vulgo interpretantur, quasi australis sit Superior, & propin- quior Romanis: Inferior, septemtrionalis, vbi nunc est regnum Scotiæ: sed inuitis Musis & geographis ita sentiunt, quia aliter veteres, alter geogra- phus, alter historicus prodiderunt. Dio enim Cassius lib. lv pag. 564 de legionibus Romanis earumque sedibus: τό, τε δεύτερον τὸ Αὐγύστιον [στρατόπε- δον] τὸ ἐν Βρεττανίᾳ τῇ ἄνω χειμάζον, Legio secunda Augusta, in Britannia Supe- riore hibernacula habet. At vero Ptolemæus lib. ii cap. iii Iscæ illam eam- dem legionem collocauit. Ἰσκα, λεγίων δευτέρα Σεβαστῆ, Isca, legio secunda Augusta. Isca ergo, vbi legio secunda Augusta hiberna sua habuit, in Bri- tannia fuit Superiore, Ptolemæo & Dione consentientibus. Ptolemæus quidem in eo falsus est, quod Iscam Silurum cum Isca Dumnoniorum siue Danmoniorum confudit. At nomen superstes, corruptum quidem, reli- quas prisca nominis Legionis conseruat, dum in Siluribus adhuc oppidum ad Vscam fluuium, qui vetus Isca est, situm inuenitur, cui nomen est Caer Leon ar V's K, id est, vrbs legionis ad Iscam, quatuor millibus a Sabrinæ æstuario, in septemtrionem distans.

XII.

Alterum argumentum definiendæ Superiori Britanniae Legio xx, co- gnominata Victrix, præbet auctore eodem Dione in Legionum syllabo. Αἰτ, οἱ εἰκοστοί, οἱ καὶ Οὐαλερίοι καὶ Νικήτορες ὠνομασμένοι, καὶ ἐν Βρεττανίᾳ τῇ ἄνω ὄν- τεσ, Vicesimani, qui & Valeriani & Victores cognominantur, & in Britannia Su- periore sunt. Hoc est: Legio xx Victrix hiberna & statiuca castra in Britan- nia Superiore habet. Locum & sedem designat Ptolemæus in Cornauis, quorum esse dicitur πόλις Διοῖνα καὶ λεγίων ἡ νικηφόρος, oppidum Deuna & legio

legio xx Victrix. Et clarius Antoninus Itinerario: *Deua, Legio xx Victrix,* quod verum nomen fuit, corrupto Ptolemæi præferendum, a flumine *Deua* impositum, qui hodieque vocatur *Dee*, Ptolemæo *Seteia*, æstuarium pro *Te-ia*, superfluyente syllaba. Ex quibus colligitur *Deuam* esse oppidum quod hodie *Chester*, aut *Westchester* adpellatur, flumini & æstuario *Dee* adpositum, in Wallia septemtrionali. Superior ergo Britannia ex parte fuit, quam nunc Walliam nominamus, vt ex duobus locis binisque castris legionum, *ii Augustæ*, & *xx Victricis* iam probatum est. quarum illa australi parte prope fretum & æstuarium *Sabrinæ*; hæc in plaga septemtrionali illius tractus in ora æstuarii *Devæ* ad flumen cognomine posita fuit.

XIII.

Constituta sic parte Superioris Britanniaë Dionis Cassii auctoritate; quantum de Inferiore in antiquis monumentis reliquum sit, nunc inuestigabimus. Idem Dio Cassius dicto loco: *ἑκτὰ δύο [στρατόπεδα] ὧν μὲν ἐν Βρετανίᾳ τῇ κάτω, τὰ τῶν Νικητόρων, τὸ δὲ ἐν Ἰουδαίᾳ, τὸ Σιδηρῶν, τέτακται.* Id est, *Sextæ duæ legiones, una in Britannia Inferiori, Victrix: altera in Iudea, Ferreæ cognomento, posita.* Hæc autem Sexta Victrix Eboraci sedem habuit. Ptolemæus: *Εβόρακον, λεγὼν ὅτι νικηφόριος, Eboracum, Legio vi Victrix.* Et Antoninus itinere primo Britannico, a limite siue vallo Prætorium vsque, *Eboracum, Leg. vi Victrix.* Eboracum autem in ortum æstium situm est respectu legionum in Wallia positarum, hoc est ita in ortum, vt in septemtrionem etiam, quod præcipuum est, recedat.

XIV.

Tantum de diuisione illa certis argumentis constat: cetera coniecturis sunt diiudicanda. Doctissimus vir Guil. Cambdenus, qui hæc adprobat, quæ Dionis & Ptolemæi auctoritate diximus; nihilominus partem citeriorem cum Wallia, *Superiorem* dictam; vltiorem & septemtrionalem *Inferiorem*, existimat: limitem autem vtriusque non ostendit, qui in occidente haud dubie in proximo supra *Deuam* æstuario, quod *Merseium* nunc, a *Mersey* fluuio dictum, videtur *Seteia* Ptolemæi esse, constitutus fuit; vtrum vero in orientale latus per rectam inde lineam ad *Abum* æstuarium, an oblique ad sinum, inter *Coritanos* & *Icenos* situm, ductus fuerit, non habemus dicere: & quamquam alterum de obliquo ductu limitis adpareat probabilius esse, certo tamen id confirmare non possumus. Barbara autem Britannia ad hanc diuisionem non est referenda, quia inter Romanas provincias ita diuidere solemne erat; non inter prouinciam & barbarorum regionem.

XV.

Auctor diuisionis haud dubie imperator Seuerus fuit, cuius temporibus fines prouinciæ quam longissime fuerunt prorogati, barbaris vltra *Glo-tæ* & *Bodotriæ* æstuaria submotis. Ante Seuerum autem videtur Britannia Romana vna & simplex prouincia fuisse. Herodianus lib. iii cap. viii de Seuerio: *διοικήσας τὰ κατὰ τὴν Βρεττανίαν, καὶ διελὼν εἰς δύο ἡγεμονίας τὴν τῆ ἔθνης ἐξουσίαν, ordinatis rebus Britanniaë, bifariam illam in duas præfecturas di-*
visit,

vist, quæ duæ sunt prouinciæ, a duobus præsidibus, quos ἡγεμόνας Græci vocant, separatim administratæ. Ante Seuerum nulla diuisionis mentio, neque Ptolemæus, qui Germanias cis Rhenum, item Pannonias & Moesias in *Superiorem* & *Inferiorem* diuisit, quidquam talis separationis in Britannia fecit, quod argumento est, Marco Antonino imperante, cuius temporibus Ptolemæus scripsit, vt Suidas auctor est; Britanniam in *Superiorem* & *Inferiorem* nondum fuisse dispensatam.

P O P V L I E T O P P I D A BRITANNIAE ROMANAE.

XVI.

Populi pauci a Cæsare nominantur, quia nec is longius in insulam progressus fuerat; sed hî tantummodo, qui *Cantium incolunt*, lib. v cap. xiv, Ptolemæo *Cantii*, κάντιοι; & *Trinobantes* cap. xx, Ptolemæo τρινόαντες, *Trinobantes*: ceteri, quos cap. xxi recenset, sunt obscuri & incerti, *Cenomagni Segontiaci*, *Ancalites*, *Bibroci*, *Casfi*. Qui primi nominantur *Cenomagni*, suspecti sunt Lipsio in Taciti xii cap. xxxii, qui diuisos mauult in *Iceni*, *Cangi*, populos a Tacito memoratos. Etiam Cambdeno inuisi sunt & alieni *Cenomagni*, qui priori nominis parte consentit cum Lipsio, *Icenos* itidem substituens: at in alteram subficiens *Regnos* potius, quam *Cangos*, fortassis quod *Cangi* a Cæsaris expeditione remotiores fuerunt, quam vt vltro, missis legationibus, Romanis se dedidisse credi possint. *Segontiaci* Cæsaris videntur Thomæ Sauilio, epistola xiii ad Cambdenum, iidem esse qui Ptolemæo sunt *Atrebatii*, in Barkeshire; sed quo argumento in opinionem inductus sit, non plane declarat. nam *Segontium* Antonini, vt ex ipsius itinere a *Segontio Deuam* vsque, manifestum est, in Walliæ septemtrionali parte, ad fretum Monæ insulæ siue Anglesey, fere in loco Caernarvan, fuit positum, ex quo angulo in deditionem Cæsari, qui iuxta Tamesim erat, vltro aduenisse, nondum vt credam adduci possum. Et ceteros Cæsaris in Barkeshire quærunteruditi, *Ancalites* in montibus Henley supra Tamesim e regione Windsor, suspitione ducti: *Bibrocos* in eodem comitatu, per vestigia nominis *Bray*, quod ex *Bibracte* vel *Bibroco* putant contractum esse. Vide Cambdenum pag. 211 & 297.

XVII.

Tacitus paullo plures populos memorat, *Icenos*, ortum versus sitos, in Suffolke & Norfolke, comitatibusque Cantabrigiensi & Huntingdonensi; lib. xii cap. xxxi, & lib. xiv itidem cap. xxxi: *Cangos*, in quos quum exercitum M. Ostorius duxit, *ventum haud procul mari est, quod Hiberniam insulam adspicit*, lib. xii cap. xxxii, vnde de sede illorum iudicari potest: post quos *Brigantes* ibidem nominauit, qui inde longius in Eboracensem comitatum & Cumberlandiam excurrunt; quibus propinqui sunt *Ordovices* cap. xxxiii, quos Nordwales Cambdenus interpretatur; & tandem in vltimo septemtrione, inter muros postea structos, *Horesti*, Agricola Vita cap.

cap. xxxviii; & infra Ordouices, austrum versus, *Silures*, lib. xii cap. xxxii & Agric. cap. xvii. De *Trinobantibus*, quorum etiam mentio lib. xiv cap. xxxi occurrit, supra ex Cæsare aliquid dictum est. Reliquas gentes ex Ptolemæi lib. ii cap. iii supplebimus, ubi etiam vrbes, quas cuique populo attribuit, vna recensēbimus, addituri ex coniectura, quas ille prætermisit, in historiis tamen, aut Itinerario Antonini memoratas.

XVIII.

De oppidis autem dicturi, ne quis Strabonis auctoritate conturbetur, quod ipse censuit, aut male intellexit a Cæsare traditum, discutiendo amollemur. Is vero geographus lib. iv pag. 138 de Britannis scripsit, *πόλεις ἀντὶ τῶν εἰσὶν οἱ δευροὶ, Urbium loco ipsis sunt nemora*. Quamquam vero rara oppida in Britannia fuerunt, antequam Romani in eam clasibus venirent: tamen non ita rudes aut extreme barbaros fuisse, censeamus, ut oppidis omnino nullis vterentur. Ut sua Strabo de Gallia Britanniaque ex Cæsaris commentariis pleraque hausit; ita hoc loco etiam verba Cæsaris ex lib. v cap. xxi haud dubie expressit, *Oppidum Britanni vocant, quum silvas impeditas vallo atque fossa munierunt, quo, incursionis hostium vitandæ causâ, contuere consueverunt*. Quibus munimenta tutiora belli temporibus significantur: oppida minus munita, aliæque cohabitationes non negantur. Neque existimandum est, *Londinium* Neronis primum aut Claudii ævo coaluisse ita, ut statim in ortu suo *negotiatorum copia & commeatum maxime celebre* fieret, quemadmodum de illo tempore Cornelius Tacitus lib. xiv cap. xxxiii dixit: sed *vetus oppidum* fuit, ut Ammianus lib. xxvii cap. xviii notabiliter testatus est. Neque illa *viginti & plura oppida*, quæ sub Claudio imperatore Vespasianus legatus, Suetonio teste cap. iv, in ditionem redegit Romanorum, meras silvas fuisse crediderim, neque ad formam aliorum oppidorum exædificata. Sed de singulis nunc populis, & singulorum oppidis acturi, a *Cantiis*, quos primos Cæsar adiit, initium faciemus.

C A N T I I.

XIX.

Cantii primi sunt, quos Cæsar adiit in Britanniam traiciens; Ptolemæo *Κάντιοι*, quod populi nomen; a promontorio *Cantio* deductum, quod eidem est *Κάντιον ἄκρον*: nisi dicere velis, promontorium regioni nomen dare, regionem populo. nam *Cantium* etiam regio est, Bedæ *Cantia*, lib. i Hist. eccl. cap. xxvi, & lib. ii cap. iii; vulgo *Kent*: & supra ex Cæsaris lib. v cap. xiv ita Cantios descriptos vidimus, *qui Cantium incolunt*: quod plenius nunc repetere cum addito *regionis* vocabulo haud poeniteat. *Ex his omnibus*, inquit, *humanissimi, qui Cantium incolunt: quæ regio est maritima omnis; neque multum a Gallica differunt consuetudine*. Apud illos facillimus & frequentissimus traiectus ex Gallia Belgica in Britanniam. Idem Cæsar lib. v cap. xiii *Insula natura triquetra, cuius unum latus est contra Galliam. Huius lateris alter angulus, qui est ad Cantium, quo fere ex Gallia naues adpelluntur, ad orientem solem; inferior ad meridiem spectat*.

XX.

Ptolemæus Cantii oppida tria attribuit, *Londinium*, *Daruernum* & *Rutupias*: sed in Londinio errat, quod Trinobantum, non Cantiorum fuit, vt postea ostendemus. Nam angulo, quem Tamesis ostium cum freto facit, omne Cantium continetur: ad Londinium vsque non porrigitur. Oppidum eius primarium *Durouernum* fuit, vt Antoninus nominat, Ptolemæo *Δαρῆριον*, *Daruernum*; Peutingerianæ Tabulæ *Durauerus* corrupte: Bedæ lib. II cap. XVIII *Dorouernum*: hodie Cantuaria, vulgo Canterbury. Quam ipsum vetus *Durouernum* esse, ex Bedæ historia constare potest, qui non modo *Dorouernensem* illam ecclesiam vocat, quæ prima in Anglia ab Augustino monacho, Gregorii pontificis legato, instaurata fuit: verum etiam lib. I cap. XXVIII *Cantuariorum ecclesiam*: quod etiam itinera Antonini confirmant, quibus distantia a portu Rutupis, portu Dubri, portu Lemanis descripta est.

XXI.

Secunda vrbs, quæ episcopalis facta est, Londinium versus sita, *Durobriuis* est, Itinerario Antonini XXV M. P. a Durouerno in occasum remota, ex qua distantia cognoscitur Roffam esse siue Rochester; quod charta fundationis ecclesiæ Roffensis confirmat, qua *Durobreuis* adpellatur. Iter, a Londinio Dubrim, has rationes habet;

Londinio

Durobriuium

M. P. XXVII

Durouernum

M. P. XXV

Ad portum Dubris

M. P. XIII

Idem etiam venerabilis Beda Hist. eccles. lib. II cap. III testatur. *Iustum*, inquit, in ipsa Cantia Augustinus ordinauit episcopum in ciuitate *Durobreuis* [sic in MS. legitur] quam gens Anglorum a primario quondam illius, qui dicebatur *Rhofrosescester* [alii Rotschefer] cognominat. Distat autem a *Dorouerni* millibus passuum ferme viginti quatuor ad occidentem. Hanc esse Roffam, etiam ex cap. VI probatur, quo de eodem Iusto episcopo dicit, *Iustus ad ciuitatem Rhofi, cui præerat, rediit*. Et mox cap. VII *Iustus adhuc superstes Rhofensem regebat ecclesiam*.

XXII.

In austrum ab vtraque ciuitate, Durouerno & Durobriui, pari fere interuallo *Durolenum* vergit, quod vulgo nunc *Lenham* vocitatur. ad quod non tantum nominis reliquiæ, sed distantia etiam a Cantuaria & Roffa nos deducunt. Itinere Antonini a Vallo ad portum Ritupas:

Durobriui

Durolenum

M. P. XIII

Durouernum

M. P. XII

Ad portum Ritupas

M. P. XII.

Sic autem per N scribendum est *Durolenum*: male in vulgatis libris *Durolenum* exaratur: quod etiam Cambdenus obseruauit.

XXIII.

XXIII.

Hæc oppida intus posita. Ad mare metropoli proximus est *Portus Rutupie*, quem iam *Ritupas* ab Antonino adpellari vidimus. Ptolemæo sunt *Ρετρίαι*, *Rutupiæ*, reductæ paullo a mari, quia in mediterraneis scribit, quod de oppido intelligas, quamquam & ipsum mari satis est propinquum, nunc *Richborow* dictum. Clarius olim portus fuit, & forte vtilior etiam, quam nunc est, a variis laudatus scriptoribus cum adiacente suo litore. *Lucanus* lib. v cap. 67

*Aut vaga quum Tethys, Rutupinaque litora feruent,
Vnda Caledonios fallit turbata Britannos.*

Et *Iuuenalis* *Satyra* iv vers. 140

*Circeis nata forent, an
Lucrinum ad saxum, Rutupinæ edita fundo
Ostrea.*

Et *Ausonius* *Parental.* xviii de *Flauio Sancto*,

Præside letatus quo Rutupinus ager,
id est *Britannia*. Idem de *Claris Urbibus* in *Aquileia*:

*Felix, quæ tanti spectatrix leta triumphæ
Punisti Ausonio Rutupinum Marte latronem,*

Rutupinum latronem, hoc est *Magnum Maximum*, *Gratiani percussorem*, qui apud *Britanniam*, vt *Victoris Epitoma* refertur, tyrannidem adripuerat: & oppresso in *Gallia Gratiano*, apud *Aquileiam* a *Theodosio* & imperio & vita exutus fuit: de quo *Zosimus* lib. iv cap. xxxv & xlv potest consuli. Hic scilicet *Rutupiensis portus* erat, quem ex *Bononia*, id est *Gessoria* co soluentes, directo cursu *Romani* petierunt. *Ammianus* lib. xx cap. i de *Lupicino* magistro armorum: *observato flatu secundo ventorum ad Rutupias, sitas ex aduerso, defertur, petitque Lundinium*. Et lib. xxvii cap. xviii [viii *Vales.*] de *Theodosio comite*, contra rebelles *Britannos* a *Valentiniano* missio: *Quum venisset ad Bononiæ litus, exinde transmeato lentius freto, defertur Rutupias, stationem ex aduerso tranquillam*. In *Notitia* quoque Imperii sub *Comite litoris Saxonici* per *Britanniam* memoratur *Præpositus Legionis ii Aug. Rutupis*, quæ legio antea *Iscæ Silurum* imposita fuerat, nunc, propinquiore periculo, in hoc litus reuocata. Est & in *Taciti Agricola* portus *Trutulensis* mentio cap. xxxviii, qui quod nusquam alibi in *Britanniæ* descriptione memoratur, magno consensu interpretes in hanc opinionem ingressos videmus, vt *Rutupensem* legendum esse censeant, quos suffragio suo peritissimus *Britannicarum antiquitatum* *Guil. Cambdenus* quoque adiuvit.

XXIV.

Celebrior postea *Portus Dubris* factus est, & *Rutupensis* vsum pedetentim deminuit. Antiquiorem eius mentionem non habemus, quam in *Antonini Itinerario*, itinere supra in *Durobriui* descripto. Memoratur etiam in *Notitia Imperii*, dicto loco, sub dispositione *Comitis litoris Saxonici* per *Britanniam*, *Præpositus militum Tungricanorum Dubris*. Sexto casu sic

exprimitur, quasi *Dubræ* vel *Dubri* nominantis fuissent. Antoninus vero *Dubris Dubrim*, vt ostendimus, formauit. Nunc *Douer* est, satis notus portus traicientibus ex Belgica in Angliam.

XXV.

Itinerarium etiam *Portum Lemanis* laudat, ad quem hoc ordine a Londinio iter est directum:

Londinio

Durobriuin

M. P. XXVII

Duouernum

M. P. XXV

Ad Portum Lemanis

M. P. XVI.

Notitiæ Imperii dicto loco est *Præpositus numeri Turnacensium Lemannis*. Ex Itinerarii numeris colligitur, eundem portum esse qui Ptolemæo dictus *Καὶνὸς λιμὴν*, *Novus Portus*. Hodie, Cambdeno iudice, *Lime* est. Quamuis autem Portus Lemanis & Dubris a vetustioribus non sint memorati; tamen non dubitamus, antiquiores quodammodo fuisse, quia credibile non est, in litus illud vno tantum portu, Rutupienſi, aditum fuisse, quum ipse Cæsar lib. v cap. viii diuersos egressus obseruarit, sed alterum altero commodiorem.

XXVI.

Tandem in Notitia sub Comite litoris Saxonici per Britanniam, locus præsidii, qui *tribunum cohortis primæ Betasiorum* habuit, nominatur *Regulbium* siue *Regulium*, quod nunc *Reculver* est, seruato nomine, vicus maritimus, prope Tanetum insulam situs, Tamesim versus, in septemtrionem a Cantuaria. Alibi non memoratus est, vt de antiquitate eius ante Notitiam Imperii non possimus iudicare.

R E G N. I.

XXVII.

Cantiis proximi *Regni* erant, qui a Tamesi ad mare pertinebant. In ora maris prima *Othona* fuit, in eaque statio militum Fortensium. Notitia imperii sub dispositione Comitum litoris Saxonici per Britanniam, *Præfectus numeri Fortensium Othonæ*, primo loco memoratur. Cambdenus existimat fere in loco fuisse, vbi nunc *Hasting* sit. Inde per xxx millia passuum aut amplius abest *Portus Adurni*, in eadem Notitia nominatus, quum *Præpositus numeri Exploratorum Portus Adurni* memoratur. Hodie portus Ederington cum vico modico.

XXVIII.

Intus *Noviomagus* fuit, *Νοιόμαγος*, quam solam nominat in gente hac Ptolemæus, ideoque primam & caput fuisse non dubitandum est. Antiqua satis, quia vetus geographus, Marinus Tyrius, in Parallelis, etiam eius rationem habuit, apud Ptolemæum lib. i cap. xv. Antoninus itinere a Vallo ad portum Ritupas, hoc situ ponit:

<i>Londinio</i>			
<i>Noviomagum</i>	M.	P.	X
<i>Vagniacum</i>	M.	P.	XVIII
<i>Durobrium</i>	M.	P.	VIII
<i>Durolenum</i>	M.	P.	XIII
<i>Durouernum</i>	M.	P.	XII
<i>Ad portum Ritupas</i>	M.	P.	XII

Nunc in ruinis iacere, nec audiendos esse qui Guildfort aut aliud interpretentur, *αὐτόπτης* Cambdenus nos certiores facit, qui vestigia urbis, quæ in paruo nemore editi collis vidit, distantia, in Itinerario definitæ, respondere adfirmat.

XXIX.

Præterea in eodem Itinerario describitur iter a Regno Londinium, quod per Ventam Belgarum, & Callegiam Atrebatiorum ducit. Vt nomen fert, Regnorum fuit oppidum: ut rationes itineris, in finibus Belgarum situm fuit, in loco, quem *Ringwood* nominant, ad flumen *Auenam*, quod a Salesburio decurrit, tenue oppidum, a mari decem millibus fere passibus aut amplius remotum.

B E L G A E.

XXX.

Regnis *Belgæ* succedunt, a mari ad Sabrinæ æstuarium extensi. Ad mare est Ptolemæi *Μέγας λιμὴν*, *Magnus Portus*, qui ex distantia coniicitur Portsmouthum esse, ut hodie adpellatur. Supra quem ad excursum æstuarii, in quod amnis *Trisanto* effluit, alius portus, quem *Trisantonis portum* dixeris, ad ipsum amnis ostium, quod Ptolemæus describit, cui adiacet nunc oppidum Southamton: in cuius proximo, ad ortum æstium, *Clausentum* Antonini, ex distantia tam hinc a Regno, quam inde a Venta, iudicatur existisse: cuius hæc itinere ab Regno Londinium sunt rationes:

<i>Regno</i>			
<i>Clausentum</i>	M.	P.	XX
<i>Ventam Belgarum</i>	M.	P.	X
<i>Callegiam Atrebatum</i>	M.	P.	XXII
<i>Pontes</i>	M.	P.	XXII
<i>Londinium</i>	M.	P.	XXII

Intus est ipsa *Venta* cum *Belgarum* cognomine, a Ptolemæo laudata, & Antonino, cuius nomen in Wintchester superest, quod oppidum cum situ, quem in *Venta* sua uterque monstravit, congruit.

XXXI.

Inde Sabrinam versus Ptolemæi sunt *Ἰδατὰ ὁρμὰ ἈQUÆ calidæ*, Antonini *Aquæ Solis*, eo loco, quo nunc episcopale oppidum est, itidem ab aquarum salubritate Latine loquentibus Bathonia, vulgo *Bath* nominatum. A quo longius in austrum recedit Ptolemæi *Ἰσχαλὶς*, *Ischalis* vel *Ischalis*,
nunc

nunc doctorum iudicio Ilchester, siue Iuelchester, ad flumen Il vel Euel situm oppidum. Ipse amnis in Sabrinæ fretum se effundens facit nouum æstuarium, quod Ptolemæo οἰέζαλα ἔχουσι, *Vexala æstuarium*, vulgo Euelmouth adpellatur; Ceterum *Belgarum* nomen in Britannis a colonia Belgica esse vel ex Cæsaris testimonio constare potest, qui commentario v cap. xii de Britanniae incolis ita censuit: *Britanniae pars interior ab iis incolitur, quos natos in insula ipsa memoria proditum dicunt: maritima pars ab iis, qui prædæ ac belli inferendi causa ex Belgio transferant: qui omnes fere iis nominibus ciuitatum adpellantur, quibus orti ex ciuitatibus eo perueniunt, & bello illato ibi remanserunt, atque agros colere cæperunt.* Quod etiam de Atrebatum vel Atrebatiorum nomine, quos mox exposituri sumus, sine dictorum repetitione iudicandum sit.

A T R E B A T I I

XXXII.

Belgis finitimi erant Britanni *Atrebatii*, siue *Atrebates*, aduenæ itidem ex Gallorum Belgica. Ptolemæus in Britanniae populis etiam *Ατρεβατίες*, *Atrebatios* numerauit, iisque vnum oppidum adsignat corrupto nomine *Ναλκῆαν*, siue secundum Palatinum codicem *Καλκῆαν*, *Calcuam*, quod nec ipsum satis sanum est, eique præferendum quod apud Antoninum exstat, *Callea Atrebatum*, quamquam pro illo etiam Cambdenus *Callena* malit, vt eo propius cum recenti nomine Wallingford, id est Wallenford siue Wallenenford aut Wallengaford, conueniat. Situm est ad Tamesin hoc oppidum, supra Windforium, Oxoniam versus. Supra in Clausento Belgarum rationes Antonini etiam pro hoc oppido fuerunt expositæ & demonstratæ.

XXXIII.

Hinc *Spinæ* xv millibus passuum abfuerunt, vt ex itinere, ab Isca Cal-leuam, adparet, cuius rationes contractæ, prætermisissis ignobilioribus locis, tales sunt:

Isca Silurum, Leg. ii Aug.

Ventam Silurum

M. P. IX

Aquas Solis

M. P. XXIV

Spinas

M. P. L

Calleanam

M. P. XV.

Cambdenus tradit, iam viculum esse, prisca nominis tamen non penitus expertem, qui *Spene* vulgo vocetur: ex oppido autem in vicinia Nouum burgum, Anglice Newbury, enatum esse.

D V R O T R I G E S.

XXXIV.

A Tamesi ad australe mare reuertimur, vbi Ptolemæus *Durotriges*, finitimos Belgis australioribus posuit. Oppidum eis dat *Dunium* prope mare,

mare, quod haud dubie *Durnium* legendum est, quia Antoninus itinere a Muridono Viroconium, eo loco *Durnouariam* habet, & in hodierno nomine & littera est reliqua, quia consentiunt eruditi homines, illud oppidum esse, quod nunc *Dorchester* adpellatur. Plura de *Durotrigibus* non habemus, quæ ex antiquis monumentis adferamus.

DVMNONII siue DAMNONII.

XXXV.

Sic Ptolemæus *δυτμικωτάτης*, maxime occidentales Britannorum vocat, *Δαμνονίης*, *Dumnonios*, quod nomen Salmasius etiam Solino vindicat: & ab Antonino siue Itinerarii auctore conseruatum est, qui aliquot itineribus *Isam Dumnoniorum* memorauit. Alibi eodem Ptolemæi capite III lib. II de Britannia scribuntur *Damnonii*, vt necesse sit alterutro loco lapsos describentes esse. Nescio quo auctore, aut quo adiutus codice, Cambdenus malit *Danmonios*, quam *Dummonios* adpellare. Incipiunt a freto Sabrinæ, & in vltimum angulum occidentis proferuntur, sic totam illam chersonesum occupantes. Ad *Sabrinæ fretum* Ptolemæus nihil habet præter *οὐέξαλαν ἑχυσιν*, *Vexallam æstuarium*, vt Latinus interpretes scripsit: id quod amplo ore coniuncti amnes Pedredus (vulgo Parret) & Iuellus, siue Ill, efficiunt. Medio fere loco inter æstuarium illud & vltimum promontorium est *Ἡρακλέης ἄκρον*, *Herculis promontorium*, quasi & heic loci ille orbis peregrinator monumentum posuisset. Vltima promontoria, in extremo occidentis angulo, duo notauit Ptolemæus, *Antiuestæum* siue *Bolerium*, septentrionem versus, Diodori Siculi *ἀκρωτήριον καλεόμενον Βελέριον*, *promontorium Belerium dictum*, lib. V cap. XXI; & alterum ei ab austro oppositum, quod *Δαμνόνιον καὶ Ὀκρινον ἄκρον* adpellat, *Damnonium* siue *Ocrinum*. Illud vulgus vocat *the Lands End*; hoc, *Lizard*, siue *Lesard*, in parua peninsula quæ in meridiem propendet. Post quam sequitur in australi latere *Ὀυολίσα*, Ptolemæi, nunc Falemuth, quasi Volemuth, oppidum cum portu capaci: deinde *Κενίωνος ἐκβολαί*, *Cenionis ostium*, ad quod nunc oppidum Tregenie adiunctum est: vltra quod ex interuallo non modico *Ταμάρης ἐκβολαί*, *Tamaræ ostium*, hodie, seruato vocabulo *Tamar* siue *Tamer*: ad cuius æstuarium est nobilis portus cum oppido Pleymuth. Vltimæ Dumnoniorum, in ortum versus, in hoc litore, sunt Ptolemæo *Ἰσάκη ποταμὸς ἐκβολαί*, *Isacæ fluminis ostium*, quem *Isam* verius dici, eiecta littera, Cambdenus censet: nunc *Ex* ille amnis vocitatur.

XXXVI.

Hæc in litore. Intus ad idem flumen *Isam* sita est *Isca Dumnoniorum*, in Itinerario Antonini laudata: etiam apud Ptolemæum, qui vero perperam huic adscripsit, *λεγιῶν δευτέρα Σεβαστή*, *Legio II Augusta*; quod illustre cognomen *Iscæ Silurum*, vt infra ostendemus, vindicandum est. Dumnoniorum autem *Isca* hodie vocatur *Excester*. Fluvio *Tamaræ* in mediterraneis adpositum oppidum *Ταμάρη*, *Tamare*, nunc Tamerton: & supra illud, septentrionem versus *οὐέξα*, *Vxella*, nunc, Cambdeno testante, *Lestuthiell*, situm in monte oppidum. Atque ita omnia quæ *Tamesi*, *Sabriniano*

no freto & australi mari siue Britannico freto continentur expeditum: in vltiora progrediendum est.

TRINOBANTES.

XXXVII.

Trans flumen Tamesin primi *Trinobantes* occurrunt, a Cæsare, Tacito, & corrupto quamuis nomine, etiam a Ptolemæo commemorati. Hi inter Tamesin, quem attingebant, & Icenos, a septentrione oppositos, late habitarunt. Flumini impositum iam tum Romanorum temporibus *Londinium* erat, *cognomento quidem coloniae non insigne, sed copia negotiatorum & commeatuum maxime celebre*, vt Tacitus lib. xiv cap. xxxiii prodidit. Mentionem eius etiam Marius Tyrius fecit apud Ptolemæum lib. i cap. xv, & ipse Ptolemæus in Cantiis quidem posuit, a quibus vero longius abest, etiam diremtum flumine. Antoninus inde itinera deduxit, & eodem direxit alia. Quæ documento sunt, celebre omnino municipium & frequens emporium fuisse, licet coloniae Romanae cognomen non haberet. An postea acceperit, non planum & expeditum est protinus. Ammianus lib. xxvii cap. xviii videtur adfirmare, dum *Lundinium vetus oppidum* dixit, *quod Augustam posteritas adpellauit*. Quod splendidum cognomen vix aliis, quam coloniis, datum fuit. Sed esto etiam aliis, vti *Cæsareæ* vocabulum, permitte augusto imperatore; qui quisnam illorum fuerit, nusquam proditum inuenimus. Cambdenus refert, annalibus Britannorum prodi, Constantinum Magnum muro Londinium circumdedit; quod si est, cognomen *augustum* ab eodem habere potuit, qui munimenta ei, & haud dubie ornamenta etiam, addidit. Bedæ est *Lundonia* lib. ii cap. iv & vii; & *ciuitas Lundonia*, ibidem cap. iii. vnde nunc quoque *London* vocatur vrbs regia & emporium celeberrimum: Tacitus vero, Ptolemæus & Antoninus constanter adpellant *Londinium*.

XXXVIII.

Quinto lapide distabat ab illo *Durolitum*, in itinere Antonini a Venta Icenorum Londinium vsque, memoratum: male vero & describentium errore addita xv millia passuum, pro distantia ab Londinio; quum quinque millibus tantum ab vrbe illa remotum sit, Cambdeno docente, quod nomen nondum penitus oblitteratum, *Leiton* confirmat, nunc exigui vici ad flumen *Ley*, quod *Litum* videtur dictum antiquitus fuisse. *Duro* autem, frequens in nominibus Britannicarum vrbum, vetere gentis lingua *aquam* significauit.

XXXIX.

A Durolito xvi millibus in septentrionem, Camalodunum versus, *Cesaromagus* eiusdem itineris distabat, qui nunc vilis locus est Burghstede, vel contracte Burstet dictus, itidem Cambdeno auctore, cuius diligentiae plus fidei, quam aliis, in rebus Britannicis habendum est. Inde per *Cononium*, nunc vicum Cannonden, xxi millibus in ipsam coloniam Romanam

nam *Camalodunum* veniebatur, quæ prima colonia Romanorum in Britannia fuit, veteranis militibus sub Claudio imperatore in eam deductis. Tacitus lib. XII cap. XXXII *Id quo promptius veniret, colonia Camalodunum valida veteranorum manu deducitur in agros captiuos, subsidium aduersus rebelles, & imbuendis sociis ad officia legum.* Et lib. XIV cap. XXXI *Icenirapiunt arma, commotis ad rebellionem Trinobantibus, & qui alii nondum seruitio facti, resumere libertatem occultis coniurationibus pepigerant, acerrimo in veteranos odio. quippe in coloniam Camalodunum recens deducti, pellebant domibus, exturbabant agris, & reliqua.* Itinerum rationes ostendunt in eo loco fuisse, ubi nunc est *Maldon*, nomine nouo ex veteri facto, resectis syllabarum prima atque vltima. Corrupte & transpositis litteris Ptolemæus *Καμυδολανον*, *Camudolanum*, nisi error is est describentium; pro *Camulodunum*, uti in Antonini legitur Itinerario. Sed verior scriptura Taciti, quam nummus Claudii confirmat COL. CAMALODVN. inscriptus: etiam vetus inscriptio, quæ & *Victricensis* cognomen addit, apud Gruterum pag. 439 num. 5

CN. MVNATIVS M. F. PAL

AVRELIVS BASSVS

PROC. AVG.

PRAEF. FABR. PRAEF. COH. III

SAGITTARIOR. PRAEF. COH. II

ASTYRVM. CENSITOR CIVIVM

ROMANORVM COLONIAE VICTRICENSIS

QVAE EST IN BRITANNIA CAMALODVNI. &c.

Erat colonia nullis munimentis septa, ducibus Romanis tamquam in pace, amœnitatibus prius quam vsui consulentibus: ideoque, rebellionem Britannorum facta, facile inuadi & euerti, cæsis veteranis, potuit. Aliis autem splendidis operibus destituta non fuit, ut theatro, & templo Claudii, quod Britanni *quasi arcem æternæ dominationis adspiciebant*, & ipsam coloniam, *ut sedem seruitutis.* Hinc motus & seditio, de qua Tacitus lib. XIV cap. XXXI seq. & Agric. cap. XVI consulatur.

XL.

Locus paullo supra Camalodunum, itinere a Londinio Luguuallum, *Colonia* vocatur, inter Cæsaromagum & Villam Faustini, quam diuersam a Camaloduno, ut etiam ex numero passuum adparet, distinguit Antoninus. Hanc *Coloniā* Antonini Cambdenus *Colchester* interpretatur, dictam, ut putat, non tam a colonis eo deductis, quam a *Colne*, eius tractus fluuius: ut de vero nomine, si ita est, fortasse dubitari possit. Iter sic se habet:

Londinio

Cæsaromagum

Coloniā

Villam Faustini

M. P. XXVIII

M. P. XXIV

M. P. XXXV.

Quibus subsidiis Cambdenus instructus, in Trinobantibus argumentatur: *Colne fluuius Coloniā, cuius meminit Antoninus, quam & aliam esse a colonia Camaloduno facit; accedit. An a colonia hac deducta, vel a Colne flumine nomen*

sit factum, Phæbus dixerit: a flumine malim ego, quum viderim oppidula plura illa imposita Colne dici, quorum exempla quatuor adiungit. Villa autem Faustini, quæ vltima in dicta itineris parte memoratur, propter distantiam ad Icenos potius, quam Trinobantes, videtur pertinere.

C A T Y E V C H L A N I.

XLI.

Hoc gentis vocabulum a Ptolemæo est, qui *Catyeuchlanis* (quibusdam libris, *Cattieuchlanis*) quo oppida adsignat *Salenas* (Σαληνας Græce) & *Vrolanium*. Illæ non satis notæ sunt, nisi quod circa Vsam fluuium videntur fuisse: hoc celebre, laudante Tacito & Antonino. Ille lib. xiv cap. xxxiii *Verulamium* adpellat, & *municipii* honore ornat: Antoninus diuersis itineribus *Verolamum* & *Verolanium*. Resurrexit ergo ex clade, quam Tacitus describit, Icenorum tumultu accepta, vt Ptolemæi iam & Antonini testimoniis cognouimus: tandem euersum Saxonum bello, vt putatur, cuius ruinæ sunt, cum reliquo nomine *Verulam*, prope Fanum S. Albani. Cambdenus putat *Verulamium* fuisse munitum illud Cassiellauni oppidum, quod Cæsar expugnauit lib. v cap. xxi, idque ex paludibus, quibus munitum fuisse Cæsar tradit, tamquam ex signis, non alibi in eo tractu reperiendis, coniecit.

XLII.

Itinerario Antonini in hac regione adduntur *Lactodorum* ad Vsam fluuium, nunc Bedford: & inde Londinium versus *Durocobriuis*, vel *Durocobriuæ*, hodie Hertford seu Harford dictæ: sed inter Lactodorum & Durocobrium, *Magiouiuium*, quod dici fertur Ashwell: tandem *Pontes* inter Calleuam & Londinium, ab vtroque xxi millibus passuum seiuncti, itinere a Regno Londinium. Ceterorum distantiam iter a Vallo Ritupas sic declarat:

<i>Bennauenna</i>			
<i>Lactodorum</i>	M.	P.	XII
<i>Magiouiuium</i>	M.	P.	XVII
<i>Durocobrium</i>	M.	P.	XII
<i>Verolanium</i>	M.	P.	XII
<i>Sulloniacum</i>	M.	P.	IX
<i>Londinium</i>	M.	P.	XII

Hæc de Catyeuchlanis siue Cattieuchlanis: ad vicinos ab occasu Dobunos accedamus.

D O B V N I.

XLIII.

Ptolemæus in Britannicis gentibus numerat etiam *Dobunos*, quibus vnum oppidum dat *Corinium*, quod idem Antonini itinere, ab Isca Calle-

vam,

vam, videtur *Durocornouium* vocari : hodie illo situ est *Circester*. Itinere præcedit *Cleuum* XIII millibus passuum, quo loco nunc *Glocester* est. * Etiam *Traiectus*, itinere altero ab *Isca* *Calleuam*, inter *Ventam* *Silurum* & *Aquas Solis*, quo *Sabrinæ* æstuarium transmittebatur, in hac gente fuit, sed numeri apud *Antoninum* corrupti sunt, vt verus locus, inferior, superiorne fuerit, designari certo non possit. Quæ vero præcipua nunc tractus eius est *Oxonia*, vulgo *Oxford*, *Athenæ* *Anglorum*, incertum, cuius antiquitatis sit, aut quo olim vsa nomine, quia antiqua illius memoria in historiis antiquis, aut veterum geographorum lucubrationibus nulla reperitur.

I C E N I

XLIV.

Ad ortum *Britannia* terrestri sinu in *Germanicum Oceanum* excurrit, quas partes nunc *Suffolciam* & *Nortfolciam* adpellant, quibus prætenduntur *Cantabrigiensis* & *Huntingdoniensis* regiones. Omnes has partes *Iceni* possederunt, gens valida, qui *Romanorum* societatem volentes accesserant : post primi rebellantium, quod a *Tacito* lib. XII cap. XXXI obseruatum est. Hi ergo sine dubio ex illis fuerunt, qui vltro se *Cæsari*, legationibus missis, se se olim dediderant, vt ipse lib. V cap. XXI prodidit, latitantes forsan in dubiis illis & suspectis *Cenimagnis*, vt supra p. 328 cum *Lipso* & *Cambdeno* ostendimus.

XLV.

Oppida *Icenorum* fuerunt *Villa Faustini* ex proxime demonstrato itinere per *Trinobantes*, non ignota, quæ *Talbotto* & *Cambdeno* *S. Edmundsbury*, aut simpliciter *Bury* videtur esse : deinde *Cambretonium* *Antonini* in itinere a *Venta Icenorum* *Londinium*, vt nominis reliquiæ videntur indicare, nunc *Bretenham* : *Sitomagus* eiusdem *Antonini*, indicatur esse *Thetford* in *Nortfolk* : *Venta* autem *Icenorum* nunc in ruinis iacet, ex quibus in proximo loco vrbs *Norwich* surrexit : *Garienis ostium* (*Garryeni*, Γαῖρῑνός ἐκβολαί *Ptolemæo*) olim portum & oppidum *Garianonum*, videtur habuisse. Equitum enim præpositus sub *Comite* litoris *Saxonici* per *Britanniam*, vt in *Notitia Imperii* est, in statione & præsidio ibidem fuit : nunc, mutato alueo, vt *Cambdenus* tradit, in proximo est oppidum & portus *Yarmuth*, cui itidem Latine nomen additur *Ostiorum Garienis*. Flumen autem illud inde a *Venta* siue *Norwico* decucurrit. *Iciani* *Antonini* *Talbotto* sunt *Icborow*. In ora septentrionali *Nortfolciæ* prope *Metaris* æstuarium siue sinum, *Brannodunum* fuit, ex *Notitia Imperii* notum, vbi præpositus equitum *Dalmatarum* præsidio fuit : nunc videtur vicus *Brancafter* esse. Ab his omnibus in ortum recedit *Camboriturum* *Antonini*, quasi *Cami vadum*, in loco fere *Cantabrigiæ*, celeberrimæ sedis studiorum liberalium. *Durobriuas* in *Coritanis*, ad quos pertinent, explicabimus. Vt

* Appellata esse putatur *Galco* v. c. quasi *Glouicestre*. *Gloui* autem *Britannice Flauium* sonat.

vero distantia oppidorum, quæ Icenis iam attribuimus, eorumque situs perspicue adpareat, pretium erit ex itineribus Antonini, vel quisquis ille auctor est, demonstrare.

I. Iter a Londinio Luguvallum ad Vallum:

<i>Londinio</i>			
<i>Cesaromagum</i>	M.	P.	XXVIII
<i>Coloniā</i>	M.	P.	XXIII
<i>Villam Faustini</i>	M.	P.	XXXV
<i>Icianos</i>	M.	P.	XVIII
<i>Camboriturum</i>	M.	P.	XXXV
<i>Duroli pontem</i>	M.	P.	XXV
<i>Durobriuas</i>	M.	P.	XXXV

Inde per Lindum & Eboracum dirigitur ad Vallum.

II. Iter a Venta Icenorum Londinium:

<i>Venta Icenorum</i>			
<i>Sitomagum</i>	M.	P.	XXXII
<i>Cambretonium</i>	M.	P.	XXII
<i>Adansam</i>	M.	P.	XV
<i>Camulodunum</i>	M.	P.	VI

& reliqua. Quæ de Icenis sufficiant: ad Coritanos progressum institui-
mus.

C O R I T A N I.

XLVI.

Sequitur tractus a Northampton ad Lindum siue Lincolne, quem Ptolemæi *Coritani* dicuntur possedisse. Extremum in australi parte fuit *Tripontium* Antonini, itinere a Londinio Lindum, nunc Torchester, in austrum vergens a Northamptonia, Oxoniam versus. Deinde in septentrionem adsurgunt *Bennauenta* siue *Bennauenna* eiusdem, sed itinere a Vallo ad portum Ritupas, ex coniectura forte ipsum Northampton est ad flumen Aufo-
nam, Taciti Altonam; aut non longe ab eo recedit. *Durobriua* ad eundem amnem inter Northampton & Peterbourg, ab eodem Antonino, itinere a Londinio ad Vallum commemorata. *Rata* autem Antonini diuersis itineribus videntur Ptolemæi *Rage* esse. nam & hanc in Coritanis Ptolemæus scripsit. Locus autem nunc obscurus, nisi quod circa oppidum Leicester inuestigandum esse ex vtriusque numeris non difficile est probare. In quo tractu etiam *Verometum* fuit Antonini, itinere a Londinio, Lindum, descriptum, quod alio itinere ab Eboraco Londinium, corrupte forsan *Ver-nemetum* vocatur, xiii millibus passuum supra Ratas, Lindum versus. Hodie locus dicitur Burowhill adpellari.

XLVII.

Vltiora in septentrionem eodem itinere narrantur tria, *Margidunum* xiii millibus a Verometo; nunc Margedouerton: & *Ad Pontem*, vii
inde

inde millibus remotum, nunc Pauton: & *Crococalanum*, xii millibus a *Lindo* siue *Lincolnio*. *Lindum* enim urbem illam esse, quæ nunc *Lincoln* vocatur, nemo est qui dubitet, & itinerum rationes satis persuadent. Ptolemæo quoque *Lindum*, *Λίνδον*, nominandi casu est, quod itidem in *Coritanis* posuit tamquam urbem præcipuam, & alteri, *Rage*, prælatam. Beda lib. ii Hist. eccl. cap. xvi *Lindocolinam civitatem* vocat, & regionem *Lindiſſi*, ac cap. xviii agrum *Lindocolinum*: a quo nomen hodiernum est. Supra *Lindum* xiiii millibus passuum, *Eboracum* versus, Antonini itinere ab *Eboraco* *Londinium*, est *Agelocum*, quod *Cambdenus* mauult *Adelocum* legere, quia in vicum incidere videtur, qui *Idleton* hodie vocatur. Atque hæc etiam sunt, quæ de *Coritanis* in antiquis libris reperiuntur, quibus illustrandis & iuste dimetiendis ex Antonini itineribus hæc pauca damus excerpta.

I. Exitinere a *Londinio* *Lindum*, quod per *Verolanium* & *Lactodorum* ducitur:

<i>Tripontio</i>			
<i>Vennonim</i>	M.	P.	VIIII
<i>Ratis</i>	M.	P.	XII
<i>Verometum</i>	M.	P.	XIII
<i>Margidunum</i>	M.	P.	XIII
<i>Ad Pontem</i>	M.	P.	VII
<i>Crococalanum</i>	M.	P.	VII
<i>Lindum</i>	M.	P.	XII

II. Exitinere ab *Eboraco* *Londinium*:

<i>Agelocum</i>	—	—	—
<i>Lindum</i>	M.	P.	XIII
<i>Crococalanum</i>	M.	P.	XIII

Atque ita reliqua, vt in superiore itinere, retro subsequuntur.

CORNAVII.

XLVIII.

In medietullo *Britanniæ Cornavii* incipiunt, & vergunt ad *Deuæ* æstuarium, a Ptolemæo commemorati, qui duo illis oppida adsignauit, *Deuam* æstuario adpositam seu flumini, stationem legionis xx *Victricis*; & *Viroconium*. Sed a finibus *Coritanorum* incipiendum. Primum ab austro est *Branogenium* Ptolemæi, siue *Branonium* Antonini, itinere a *Muridono* *Virocomium*, quod ex situ & distantia probatur *Vigornia* esse, vulgo *Worcester*. Inde in ortum, ad occidentalem *Aufonam* siue *Auonam* fluuium, coniiicitur *Præsidium* fuisse, quem locum *Notitia Imperii*, sub *Duce Britanniarum*, tradit præfectum equitum *Dalmatarum* habuisse. Coniiicitur, inquam: nec enim certum argumentum, sed coniecturam *Cambdenus* sequutus, *Warwicum* interpretatur. Prope *Stafford*, ab austro tamen, *Pennocrucium* Antonini erat, itinere a *Vallo Ritupas*; hodie *Penkridge* dictum. *Viroconium* autem, Ptolemæi & Antonini, videtur esse *Salopia*, vulgo *Schrowesbury*

ry dicta, ad flumen Sabrinam, antequam in austrum id cursum suum defle-
 rit. In Warwicensi tractu etiam *Manduessedum* fuit Antonini, quod, ut
 nomen indicat & distantia, hodie viculus Manchester est, distinguendus ab
 oppido eius nominis in Lancastria. Ad æstuarium Dee, ubi se flumen im-
 mittit, *Deua* eiusdem Antonini, siue *Δνεα*, *Deuna* Ptolemæi; quod poste-
 rius nomen haud dubie deprauatum est; prius, genuinum, quia cum fluuii
 illius nomine *Dee*, quod hodie obtinet, quam proxime consentit. Vterque
 addit quasi cognomen, a legione xx *Victrice*, quæ ibi stationem habuit, pe-
 titum. Hodie vocatur Chestria. Vnde per xx millia passuum *Condate*
 eiusdem Antonini aberat, Eboracum versus, quod fertur hodie Congleton
 adpellari. *Rutunium* tandem, eiusdem itineris, inter Mediolanum & Vi-
 roconium medio loco fuit: nunc Routon, ut aiunt, dictum. Rationes sin-
 gulorum exitinere a Vallo Ritupas, sunt tales; sed contractæ:

<i>Eboracum</i>	—	—	—
<i>Cambodunum</i>	M.	P.	XXIX
<i>Mamucium</i>	M.	P.	XVIII
<i>Condate</i>	M.	P.	XVIII
<i>Deua, Leg. xx Victrix,</i>	M.	P.	XX
<i>Mediolanum</i>	M.	P.	XXX
<i>Rutunium</i>	M.	P.	XII
<i>Viroconium</i>	M.	P.	XI
<i>Pennocrucium</i>	M.	P.	XXIII
<i>Manduessedum</i>	M.	P.	XVIII
<i>Venonim</i>	M.	P.	XII
<i>Bennauentam</i>	M.	P.	XVII.

SILVRES ET DEMETAE.

XLIX.

Cornauios excipiunt *Silures*, Hibernico mari & Sabrinæ flumini ac
 æstuario prætenfi: qui interiore angulo, quem Sabrinæ fretum cum Hiber-
 nico mari facit, *Demetas* includunt. Plinius *Silures* ad mare vsque Hiber-
 nicum extendit, lib. iv cap. xvi dicens, Hiberniam a Britannia abesse, a *Si-*
lurum gente xxx m. passuum. *Demetæ* enim tamquam pars *Silurum* æsti-
 mantur. *Silurum* oppida sunt *Ariconium* Antonini, quod Cambdenus He-
 reford, vrbeni primam comitatus sui interpretatur. Quod si est, iter ab Isca
 Calleuam, per anfractus, ut multa alia, inspiciendæ rei publicæ causâ, opor-
 tet ductum esse. *Bulleum* Ptolemæi, nunc Buelth, fertur nomine suo pro-
 di. *Isca Silurum*, quod statio *Legionis ii Augustæ* erat, ut addidit Antonius,
 neque nunc nomen suum abscondit, dicta *Caer lion*, id est vrbs legionis. Ex
 quo vel solo manifestum est, etiam si itinerum rationes abessent, quæ vero
 adfunt luculentæ; Ptolemæum errore implicitum esse, qui legionem illam
 Iscæ Dumnoniorum imposuit. Media sedet hæc Isca inter *Burrium* per ix
 m. p. & *Bouium* per xv, quorum illud in septentrionem vergit; hoc oblique
 &

& a latere in meridiem: illud euerfum est; hoc, quod idem sonare Britannis aiunt, Cowbridge nunc vocatur. *Gobannium* etiam Antonini in illo tractu est, quod deprehenditur in Abergevennew, loco in occasum declinante a Monmutho.

L.

Itinere altero Antonini ab Isca Calleuam, ab Isca proxime post IX passuum millia occurrit *Venta Silurum*, nunc excisa, sed nomine reliquo in loco *Caer Went*. Est etiam XXII M. P. a Gobannio locus *Magni* in Itinerario dictus; in Notitia Imperii sub Duce Britanniarum nunc *Magi*, & alius *Magni*, e quibus quod cum Itinerario consentit, præferendum, quamuis alterum placeat Cambdeno. Sub dispositione enim illius Ducis fuisse dicuntur & *Præfectus numeri Pacensium Magis*, & *Tribunus cohortis II Dalmatarum Magnis*.

LI.

DEMETARVM, quos Ptolemæus nominat, eodem auctore duo oppida fuerunt, *Λεύντινον*, *Luentinum*, vel *Louentinum*, quod ipse prope ostia amnis *Tuerobis* locauit; & *Maridunum*, quod est *Caer Mardin*; & promontorium *Octapitarum*, *Οκταπίταρον ἄκρον*, quod nunc S. Davidis adpellatur.

ORDOVICES.

LII.

Vt Silures & Demetæ sunt infra Cornauios, in austrum vergentes; sic supra illos in septentrionem *Ordouices* adsurgunt, a Tacito & Ptolemæo, ut supra vidimus, nominati. Hi freto insulæ *Monæ* propinquiores sunt, ab illo ad æstuarium *Dee* in maritimis maxime habitantes. Fontes *Sabrinæ* tenent, & promontorium *Canganum*, *Καγκανῶν ἄκρον*, quod inter *Tisobim* & *Stucciam* fluuios ponit Ptolemæus. Ad fretum *Monæ*, aut prope illud, Antonini *Segontium* fuisse, fluuius ex lacu decurrens *Seiont*, & ibidem loci præfluens, ostendit, cui haud dubie commune nomen cum adiacente oppido fuit. Etiam iter a *Segontio* *Deuam*, confirmat idem, quod ita habet:

Segontio

Conouium

Varim

Deuam

M. P. XXIV

M. P. XIX

M. P. XXXII

Quæ interiacent, *Conouium*, est nunc *Conwey*, ad fluuium, quem Ptolemæus *Tisobim* adpellat, *Cambdenus* *Toisobium* adpellari mauult: *Varis* autem, vrbis excisæ, vestigia in loco *Bodvari* superesse *Cambdenus* testis est. Tandem *Mediolanum*, quod Ptolemæus & Antoninus habent, etiam *Ordovicum* fuisse, non est quod dubitemus, quia non solum Ptolemæus ibi collocavit, verum etiam itineris rationes, quod a *Vallo* est *Ritupas*, eodem nos adducunt. Inter *Bonium* enim ad *Deuam*, & *Rutinium*, quod nomen servat, positum fuit, ab illo XX, ab hoc XII millibus passuum seiunctum, licet nullum hodie vestigium supersit, vbi certo illud exstitisse monstrari possit.

LIII.

Supra Ordouices & Deuæ æstuarium *Brigantes* erant, a Tacito sæpius notati, a Ptolemæo ita distributi, vt a mari ad mare, quam lata est insula, pertinerent. Ab Itumæ enim æstuario vsque ad Abi æstuarium extensi erant Brigantes. Prope vallum iuxta promontorium & æstuarium Itunæ *Blatobulgium* erat, *castra tenense exploratorum*, vt Antonini secundo itinere describuntur: inde xii millibus aberat *Luguuallum* eodem itinere designatum, nunc Carlile, Latine Carleolum dictum: & *Voreda* Antonini, Cambdeno interprete Old Carlile, id est vetus Carleolum. Ad mare versus Hibernicum, *Epiacum* Ptolemæi fuit, nec hoc remotum multo ab Ituna: post quod apud eundem *Moricambe* æstuarium. Intervtrumque æstuarium in mediterraneis *Aballaba*, cui sub Ducis Britanniarum dispositione *Præfectus numeri Maurorum Aurelianorum* impositus fuit, vt in Imperii Notitia est proditum; nunc Appleby vocatur: quo in tractu forsan & alia præsidiorum loca eiusdem Notitiæ fuerunt, vt *Morbium*, vbi præfectus cataphractariorum erat; nunc Moresby in Cumbria: & iuxta Vallum, siue, vt in Notitia dicitur, *per lineam Valli* citerioris, plura, in eadem Notitia sub Duce Britanniarum enumerata, ex quibus sunt Cambdeno iudice, *Procolitia*, *Cilurnum*, *Tunnum*, *Condercum*, *Pons Aelii*, opus Hadriani haud dubie; & *Axelodunum*, quod Cambdeno videtur nostræ ætatis Hexham esse; & tandem ad *Tinam* fluuium *Vindobala*, id est Finis valli, qui locus Antonini itinere primo *Vindomora*, id est, Cambdeno interpretante, Finis muri adpellatur. Neque enim certum est, an murus ad Oceanum Germanicum pertinuerit: neque opus fuit, quia Tina, Oceano adpropinquans, altitudine sua, qua naues magnas fert, satis munimentum fuit prouinciæ. Ad ostium tamen videtur etiam præsidium Romanum fuisse, sed classicum siue nauale. In Notitia enim Imperii dum sub Ducis Britanniarum dispositione etiam *Tribunus cohortis primæ Aeliæ classicæ Tunnocello* constitutus legitur, Cambdeno adsentimur, qui *Tinnocello* legi iubet, & Tinmouth siue ostium Tinæ interpretari.

LIV.

Inter Moricambe æstuarium & portum *Setantiorum* ad latus Hibernicum interiacebat Ptolemæi *Vinnouium*, *Οὐιννοῦγιον*; Antonini, itinere primo, *Vinouia*, nunc Binchester: & itinere secundo illius tractus sunt *Brouoniacum*, quod dicitur Brugham esse; & *Verteris*: a quibus *Eboracum* via per *Cataractonem* & *Isurium* ferebat proxime: vtrumque locum etiam Ptolemæus habet, priorem vocans *Caturactonium*, *Κατὰρράκτωνιον*, quod nunc Catarick in Eboracensi comitatu est: alter, vicus hodie exiguus. Aliud iter ex hoc boreali tractu a *Clanouenta* Mediolanum ducit, in quo *Alone* est, in Notitia *Alione*, quæ hodie *Lancaster* est: deinde *Galacum*, Ptolemæi *Calatum*: post illud *Bremetonacum*; quod est Notitiæ *Bremetunacum*; quo in loco fere Ptolemæi *Rigodunum* est: inde *Coccium*, & a xvii millibus passuum *Mancunium*, plurium confessione *Manchester*: a quo per *Condate* itur *Mediolanum*.
Quod

Quod autem initium itineris erat, *Clanouenta*, eius nullum superest vestigium: in Notitia Imperii autem est *Glannobanta*, quæ cohortem primam Morinorum præsidio tenebat. Et rursus alio itinere inter Eboracum & Mancunium (falso *Mamucium* scriptum) quod Lancaster est, interponuntur *Calcaria*, & *Cambodunum*, hoc ordine:

<i>Eboraco</i>			
<i>Calcariam</i>	M.	P.	IX
<i>Cambodunum</i>	M.	P.	XX
<i>Mancunium</i>	M.	P.	XVIII
<i>Condate</i>	M.	P.	XVIII
<i>Deuam, Leg. xx.</i>	M.	P.	XX.

ex quibus *Cambodunum*, quod perperam a Ptolemæo *Camulodunum* scribitur, nunc in ruinis est prope Almonbury.

LV.

Hæc in occidentali latere fuerunt, aut ad illud versus ferebant: in latere orientali oppida Eboracum vsque perlustrauius: vnde ad æstuarium *Abi*, quod nunc Humber Flut vocatur, ordo talis oppidorum est itinere Antonini primo:

<i>Cataractone</i>			
<i>Isurium</i>	M.	P.	XXIIII
<i>Eboracum, Leg. vi Victrix,</i>	M.	P.	XIIII
<i>Deruentionem</i>	M.	P.	VII
<i>Delgouitiam</i>	M.	P.	XIII
<i>Prætorium</i>	M.	P.	XXV

Aliud iter ab Eboraco Londinium, ita dirigitur:

<i>Eboraco</i>	M.	P.	XXI
<i>Lagecium</i>	M.	P.	XXI
<i>Danum</i>	M.	P.	XVI
<i>Agelocum</i>	M.	P.	XXI
<i>Lindum</i>	M.	P.	XIIII, & reliqua.

Nunc singula interpretamur, quantum de iis cognitum habemus. De *Cataractone* siue *Caturactonio*, & de *Isurio*, quæ vltra Eboracum sunt, modo diximus. Vrbs autem *Eboracum*, nunc *Yorck*, & secunda regni, etiam olim fuit clarissima, & sedes principum Septimii Seueri & Constantii Chlorigi, in qua vterque diem obiit. Ptolemæus quoque perinde vt Antoninus, *Legionem vi Victricem* ibi locauit. Quod etiam nummus Seueri confirmat, qui COL. EBORACVM LEG. VI VICTRIX præ se fert. nam coloniam Romanam fuisse, in ipsa vrbe Eboracensi inuentus lapis probat, apud Gruter. pag. 485 num. i, cui incisum est IIIII COL. EBOR. id est, *Seuir colonie Eboracensis*. * Sed ad reliqua explicanda itineris reuertamur. *Deruentio*, nunc *Derwent*, in Notitia Imperii etiam præsidiorum locis numeratur. Fuit enim sub dispositione Ducis Britanniarum *Præfectus Numeri Deruentionensis Deruentione*.

XX

tionem.

* *Eboracum* etiam *municipium* dictum fuisse, Gele ostendit in Commentariis ad Antonini iter Britannicum pag. 19. seqq.

tionem. Quæ sequitur *Delgouitia*, Cambdenus Godmundham interpretatur. *Prætorium*, quod in angulo æstuarii & maris est, hodie vocatur Paterington. In altero itinere *Lageciam*, superiore, a Londinio Luguvallum, *Legeolium* scribebatur, inter Eboracum & Danum medius locus, ut dubites, vtra lectio sit melior. *Danum* autem est Dancaſter. *Agelocum* & *Lindum* supra expoſuimus.

O T T A D I N I

LVI.

Expoſitis omnibus, quæ intra primum murum fuerunt, nunc extra illud vallum egreſſi, quæ uſque ad Bodotriam & Glotam æſtuaria Romani poſſederunt, diſpiciemus. Poſt finem Valli & Tinæ oſtium in litore orientali, ſeptemtrionem verſus, proximum *Segedunum* erat, cui, ut in Notitia eſt, Tribunus cohortis iv Lergorum præſidio fuit: nunc dicitur Seton, contracto veteri vocabulo, nominari. Non procul abeſt locus Morpeth ſeu Morpit, quem Cambdenus putat Antonini *Corſtorpitum* eſſe, itinerum Britannicorum principium, quod ideo *Morſtorpitum* ſcribendum ſuſpicatur. Ulterior *Alaunus* fluuius Ptolemæi, Alne dictus hodie: & eiſdem *Bremenium*, quod videtur Bramton eſſe, haud longe ſitum ab hoc fluuiio. A quo oppido antiquiſſima charta chorographica Vallum oblique ad Eſcam perducit, quod non dubitatur Antonini vallum eſſe, a Lollio Urbico, ipſius legato, eſtructum, ut litus illud orientale imperio Romano adiungeretur: de quo ſupra dictum fuit. Hæc de *Ottadinorum* regione, quæ Northumbria ætate noſtra adpellatur. Ottadinos Ptolemæus *Οτταδινος*, *Otadenos* ſcribit, ſed mauult *Ottadinos* ſiue *Ottatinos* Cambdenus, quod ſic Britanniſe ſignificat *ultra Tinam* habitantes.

SELGOVAE, HORESTI,
ET DAMNII.

LVII.

Tandem fines Romanorum uſque ad Glotam & Bodotriam, vtriuſque maris æſtuaria, inſulam in anguſtias conſtringentia, prorogati, & nouo vallo ſiue muro communiti ſunt: qua finitione litus occidentale etiam, quod inter Itunam & Glotam eſt, adiectum fuit. In litore illo poſt Itunam *Selgouas* populum Ptolemæus conſtituit, quibus *Trimontium* & *Oxellum* oppida adſignat: & ſupra hos, *Nouantas*, *Νεάντας*, cum oppidis ignobilioribus, intus & ortum verſus inter Selgouas & Ottadinos, *Damnios*, quibus oppida vel caſtella attribuit *Colaniam*, *Coriam*, *Alaunam*, *Victoriam*: Quibus populi etiam *Horeſtos* Taciti interfuiſſe, prorſus eſt credibile. Etenim extra domitam Britanniam fuerunt, & in fines eorum exercitum duxit Agricola, obſidibusque acceptis, ibi præfecto classiſ circumuehi Britanniam præcepit. In ora ergo fuerunt & ad æſtuarium. Cambdenus locat in Eſcia, quæ regio ſupra Itunam eſt, in quo æſtuario tum classiſ videtur fuiſſe, vnde circumuecta inſulam in Trutulenſem portum rediit.

LVIII.

LVIII.

Supra Ottadinos *Taum* æstuarium in latere orientali est, vt Tacitus Agric. cap. xxii adpellat, in quo *Tai* vel *Tau*i fluminis (nunc Twede, Scotiam ab Anglia separantis) est ostium. Sub *Bodotriæ* æstuario *Alata castra* Ptolemæi sunt locanda, Græce *Πτερωτὸν στρατόπεδον*, quod non dubitatur *Edenburgum* esse, Scotorum regia, quia *Edenborow* Britannice idem sonat quod Burgus alatus vel alarum: nec numeri etiam, quos Ptolemæus ponit, ab hoc loco abhorrent: atque hoc in vltimis castris Romanorum fuit. Quos ergo circa primum vallum, aut circa vltimum, populos enarrauimus, pars *Meatarum* fuerunt, prouinciæ nouis victoriis & prorogatis finibus, adiecti, quorum reliqui extra valla in Scotia habitarunt. Omnes enim Britannos barbaros, distinctos a prouincialibus Dio Cassius apud Xiphilinum in Seuerō in *Mæatas* & *Caledonios* diuisi erant, *Μαίαται πρὸς αὐτὰ τῷ διατεχίσματι, ὃ τὴν νῆσον διχῇ τέμνει. Καληδόνιοι δὲ μετ' ἐκείνης*, *Meate* sunt iuxta murum, qui insulam in duas partes diuidit: *Caledonii* post illos.

LIX.

Denique quia ad valla siue muros iam progressi fuimus, præter illa, quæ supra in *Diuisione Britanniae* de eisdem diximus, de auctoribus singulorum, etiam ætate, ordine ac temporibus aliquid adiiciendum est. Tria valla siue muros historia antiqua tradit in Britannia: tres etiam structores nominat Hadrianum, Antoninum, Seuerum: trium etiam vestigia non obscura inveniuntur: sed quo ordine singula, & a quo hoc, illud vallum, siue hic, ille murus constructus fuerit, difficile sane ad expediendum est. Vir rerum Britannicarum peritissimus Guiliclmus Cambdenus Cap. *de Muro Pictrico*, in hanc opinionem ingressus est, vt murum citeriorem, qui Itunæ æstuario & Tinæ prope ostio interceptus fuit, a Seuerō imperatore exstructum, aut ab Hadriano inchoatum, a Seuerō consummatum esse censeat: medium vallum, quod Ottadinos inclusit, ab Antonino Pio: extremum inter Bodotriam & Glotam ab Alexandro forte Seuerō, sub quo fines eo vsque prolatos esse Lampridius testetur. Quamquam enim & olim Agricola ad Glotam vsque & Bodotriam, Tacito teste, progressus fuerit, earumque angustias muniuerit præsidio: tamen *Seuerus*, inquit Cambdenus, *posthabita vltiori illa & ingenti regione murum per transversam insulam ab Itunæ æstuario siue Solwey firth ad Tinæ ostium siue Tinnmouth duxit, & receptas prouincias omni securitate muniuit.*

LX.

Philippus Brietius in eo consentit cum Cambdeno, vt citeriorem murum siue vallum, quod ab Ituna ad Tinæ ostium fuit, Seuerō conditori attribuat; vltimum vero inter Glotam & Bodotriam exserte adiudicat imperatori Hadriano. Contra, Georgius Buchananus, Scotus, non minus, quam Cambdenus, harum regionum peritus; & Abrahamus Ortelius, quod citimum vallum est, Hadriano vindicant; extremum, Seuerō. quod eo adparet probabilius, quia processu temporis fines imperii sunt in maius & in longius prolati. Vt ergo in repugnantibus sententiis intelligamus, vtra verior

fit, aut procliuior ad fidem; vtriusque rationes, quibus innituntur, diligentius excutiemus.

LXI.

Duo præsidia Cambdeno sunt, primum ex vulgari Britannorum adpellatione petatum est; alterum ab auctoritate venerabilis Bedæ. Britannos Anglos ait illud citimum vallum, seu reliquias & vestigia eius, adpellare *Gual Seuer*, hoc est, Seueri vallum; quasi ex vetusta traditione habeant quod res sit, quodque consonans historicæ veritati. Quid si vero vulgaris hæc nomenclatura in gloriam gentis conficta & adrogata esset? Famosius Seueri vallum, quam vel Antonini vel Hadriani fuit; etiam res illius Britannicæ, quam horum, clariores, ut fieri utique potuerit, quo, quod Seueri erat, sibi natio æmula vindicaret. Ipse Cambdenus fatetur, *Scoticos scriptores semper Hadriani Murum* illud ad Itunam Tinamque vallum adpellasse: quinam verius dixerint quod res postea examinabimus.

LXII.

Alterum argumentum Cambdenus ab auctoritate Bedæ sumit, qui lib. i Histor. eccles. Britan. cap. xii scripsit, aut potius ex Gildonis Sapientis de Excidio & conquestu Britannicæ, transcripsit de legione, quæ Britannis ultimo auxilio missa Valentiniani iii temporibus fuerat: *Tum Romani denuntiavere Britonibus, non se ultra ob eorum defensionem tam laboriosis expeditionibus posse fatigari: ipsos potius monent arma corripere, & certandi cum hostibus studium subire. - - - quin etiam, quod & hoc sociis aliquid commodi adlaturum putabant, murum a mari ad mare recto tramite inter vrbes, quæ ibidem ob metum hostium factæ fuerant, ubi & Seuerus quondam vallum fecerat, firmo de lapide locarunt. Quem videlicet murum, hætenus famosum atque conspicuum, sumptu publico privatoque, adiuncta secum Britannorum manu, construebant, octo pedes latum, & duodecim altum, recta ab oriente in occasum linea, ut usque hodie intuentibus clarum est.*

LXIII.

Duo sunt huius argumenti capita: primum, ultimos illos Romanos lapideum murum ab Itunæ æstuario usque ad ostium Tinæ extruxisse, qui adhuc Bedæ temporibus clarus fuerit intuentibus: deinde, eodem loco Seuerum quondam vallum fecisse. Prius ut nolumus negatum ire, est tamen in illo, quod vel mireris, vel omnino dubites, qui fieri potuerit, ut tam altus murus, tam latus per tantum spatium, quod non infra Lxxx millia passuum est, ab vna legione, & redire festinante, quamlibet adiuuantibus Britannis, tam breui tempore duceretur. Sed vestigia supersunt muri faxei, ad quæ Cambdenus prouocat. Supersunt etiam alterius muri ad Bodotriam a Glota usque, Buchanano Scoto teste, qui labor multo breuior fuisset, & temporibus accommodatior, quam alter ad Itunam & Tinam. Quod probabilius fieret, si de *Valentia* prouincia, quam Theodosius, Theodosii M. pater, fecerat, certius constaret, ad id tempus usque conseruatam esse, quod non est incredibile, quum anni haud plures, quam quinquaginta circiter intercedant. Secundum vero, quod de Seueri vallo erat, non exstat in

in epistola Gildonis, cuius fide, ut conferentibus manifestum est, usus Beda fuerat: sed, nisi glossa est, ipse de suo addidit, bene, si ex probata historia hausit: secus, si gentis suae amor & credulitas ipsum decepit. Quod ut verius diiudicetur, repetamus, quae de utroque muro siue vallo, Hadriani & Seueri, scriptores veteres prodiderunt.

LXIV.

Spartianus cap. xi de Hadriano: *murum per octoginta millia passuum primus duxit, qui barbaros Romanosque diuideret.* Quod si per octoginta millia duxit, ruit opinio ante dicta Brietii, qui Glotæ & Bodotriæ adposuit, quod Hadrianus vallum per insulam traduxerat, quod angustiae illius loci ne dimidium quidem tanti valli possunt capere. Si ergo non est Hadriani, neque Antonini, cuius vallum tam Cambdenus quam Brietius a Bremenio ad Escam oblique duxerunt; consequens est, ut Seueri opus vallum illud extremum sit. Quod Eutropius confirmat lib. viii cap. x, Seueri vallum xxxii millia passuum a mari ad mare perducens: quod spatium nulli parti insulae, quam quæ inter Bodotriam & Glotam est, ob angustiam suam conuenit. Sed forte factum illud vallum sub Alexandro imperatore est. Id Cambdenus sibi probari non obscure significauit, Lampridii verbis ex illius Vita cap. lvi vsus, quæ vero nihil de vallo aut prætentura notificant, ac ne Britanniae quidem mentionem faciunt. Dixit tantummodo Lampridius: *Sola quæ de hostibus capta sunt, limitaneis ducibus & militibus donauit, ita ut eorum essent, si heredes illorum militarent; nec umquam ad privatos pertinerent, dicens, attentius eos militaturos, si etiam sua rura defenderent.* Accedit quod Xiphilinus ex Dione refert, Seuerum expeditione illa non circa citeriora obhæsisse, posthabitis vltioribus, sed ἐσέβαλεν ἐς τὴν Καληδονίαν, καὶ διὰ τὴν αὐτὴν, ἀμύθητα πράγματα ἔχε, τὰς τε ὕλας τέμνων, καὶ τὰ μετέωρα κατασκάπτων, τὰ τε ἔλη χωνυῶν, καὶ τὰς ποταμὸς ζευγνύων, in Caledoniam ingressus est, eamque pertransiens, incredibilem laborem tulit, siluas cædendo, loca alta perforando, paludes obruendo aggeribus, & pontes in fluminibus faciendo. Cupidior etiam gloriæ erat Septimius Seuerus, quam ut ea quæ Agricola obtinere cœperat, quæ Antoninus ut partem Romanæ prouinciæ præseperat; post tot victorias, quum territi & fracti ipsi Caledonii essent, desperabundus defereret, nulla cogente necessitate, & fines imperii contractiones faceret. Hæc veteres scriptores de Seueri & Hadriano prodiderunt, ad quæ utique exigenda & reformanda sunt, quæ posteriores de vtriusque vallo siue muro commentati sunt.

LXV.

Finem facio Buchanani verbis ex lib. iv Rerum Scot. sub Rege xxvii, de Seueri imperatore: *Finem Romani Imperii vallum duxit inter Bodotriæ & Glotæ æstuarium, ubi ante Agricola finire prouinciæ decreuerat.* Id vallum, qua Carrontem annem attingit, præsidium habuit eo situ & viarum descriptione, ut modicæ urbis instar esset. - - - Paucis, antequam hæc scriberemus, annis, vestigia fossarum & murorum, item vicorum apparebant, nec adhuc muri diruti omnino ita confusa sunt indicia, ut non interim semultis in locis prodant,

terraque leuiter effossa quadrati lapides eruuntur, quibus vicini agrorum domini ad ædium suarum substructiones vtuntur. Indicant autem inscripti lapides, qui interim inueniuntur, id opus Romanorum fuisse. Magnitudinem molitionis eius ostendunt hæc Aelii Spartiani verba, BRITANNIAM (QVOD MAXIMUM EIVS IMPERII DECUS) MVRO PER TRANSVERSAM INSVLAM DVCTO, VTRIMQVE AD FINEM OCEANI MVNIVIT. Quibus verbis mihi indicare videtur, non vallum, quod Beda vult, sed murum fuisse, præsertim quum opus, quod vallo Hadriani plus quam dimidio breuius sit, tali elogio prosequatur. Distat autem, ubi minimum, hæc munitio plus octoginta millibus passuum a vallo Hadriani.

BRITANNIA BARBARA.

LXVI.

Ultra muros quidquid reliquum insulæ maioris fuit Britannicæ, a Barbaris tenebatur, in quorum fines licet semel, iterum Romani excursions fecerint, nihil tamen ita subegerunt, vt possiderent; sed muro siue vallo, propugnaculis instructo, diuisos barbaros ab Romanis esse voluerunt. Pauca sunt, quæ de illa parte referre possumus, quia & ipsis Romanis ignota fuit, ignotior Græcis vt remotioribus.

LXVII.

Præcipua gens fuerunt *Caledonii*, siue *Calidonii*, vnde tota regio sæpe *Caledonia* vocatur, & mare ab occidente adluens Oceanus *Caledonius*: qui Ammiano Marcellino lib. xxvii cap. xviii sunt *Dicalidones*, si scriptura salua est. Tacitus Agricola cap. xi *Rutilæ Caledoniam habitantium comæ; magni artus, Germaniæ originem adseuerant.* Et cap. xxv *ad manus & arma conuersi populi, paratu magno, maiore fama, vt mos est de ignotis.* Ptolemæo etiam sunt *Caledonii*, & Καληδόνιος ὄρυμος, *silua Caledonia*, quod vocabulum etiam Florus de Britannia citeriore vel errore vel grandi abusione vsurpavit. De Cæsare enim vix Tamesim transgresso, lib. iii cap. x dixit, *Britannos, Caledonias sequutus in siluas, vnum quoque de regibus Caelanis in vincula dedit.* Hæ autem siluæ circa Tamesin erant. In poetis tolerabilius est. Martialis lib. x epigram. xlii ad Q. Ouidium in Britanniam iturum:

Quinte Caledonios Ouidi visure Britannos.

De Vespasiano autem agentes, propiores vero sunt. Silius Italicus lib. iii vers. 598

Inque Caledonios primus trahet agmina lucos.

Et Valerius Flaccus lib. i vers. 7 de eodem:

*Tuque o, pelagi cui maior aperti
Fama, Caledonius postquam tua carbasia vexit
Oceanus, Pbrygius prius indignatus Iulos.*

Ptolemæus hoc loco incertus est, vt rerum parum gnarus, & formam insulæ peruertit, eius cuspidem non in septentrionem ducens, quem re vera spectat, sed in orientem reflectit: nisi id Agathodæmoni potius imputandum est

est, qui Tabulas ex illius descriptione confecit, quum ipse in hac parte insulæ nullos numeros, quos ipse ignorauit, nec potuit scire, sinibus & æstuariis adposuerit. Videntur tamen Caledonii partem sinistram insedisse, quia ab illo latere Oceanus *Caledonius* adpellatur, & Agathodæmon, vnde incipit Ptolemæus Caledonios, *sinum Lælamnonium* proxime supra Glotam constituit: licet æstuarium *Varar*, vbi illos Ptolemæus terminauit, collocet in latere obuerso. Eumenius panegyrico Constantini cap. vii *Caledones* dixit, non *Caledonios*, vt mox ex verbis eius intelligemus. Ptolemæus lib. ii cap. iii ineunte Oceanum dixit *Δηκαληδόνιον*, quod vocabulum vulgo Latine exprimunt *Deucaledonium*, vt idem sint *Caledones*, *Caledonii*, & *Deucaledonii*, & Ammiani *Dicalidones*.

LXVIII.

Alterum percelebre nomen *Pictorum* est, sed nescio quam antiquum, quia Tacitus & Ptolemæus nusquam memorarunt, frequens tantum posterioribus. Videtur omnes septemtrionales Britannos, saltem plurimos, significatu suo comprehendisse: Caledonios certe comprehendit. Eumenius panegyrici dicto capite: *non dico Caledonum, aliorumque Pictorum silvas & paludes*. Ergo & Caledones Picti fuerunt. Ammianus lib. xxvi cap. xviii [Valef. cap. viii] *Illud sufficiet dici, quod eo tempore Picti in duas gentes diuisi, Dicalidonas & Vecturiones; itidemque Attacotti, bellicosa hominum natio, & Scotti, per diuersa vagantes multa populabantur*. Ergo Valentiniani & Valentis temporibus Picti quidem Caledonios suo nomine continebant, non autem Scotos & Attacottos, qui omnes tamen septemtrionalis tum Britanniae populi fuerunt. *Pictos* & alio panegyrico, Constantio dicto, Eumenius memorauit cap. xi, *Natio, inquit, tunc rudis, & soli Britanni Pictis modo & Hiberniis adsueta hostibus, adhuc seminudis, facile Romanis armis signisque cesserunt, prope vt hoc vno Cesar gloriari in illa expeditione debuerit, quod nauigasset Oceanum*. Et Claudianus de iii consulatu Honorii vers. 54

Ille leues Mauros, nec falso nomine Pictos

Edomuit, Scotumque vago mucrone sequutus.

NEC FALSO NOMINE: quia solita gens pictis animalium figuris corpus decorare; vnde nomen putat inditum. Beda Histor. eccles. lib. i cap. i *Pictos* vulgarem tum opinionem sequutus (ait enim, *vt perhibent*) ex Scythia nauibus longis adlatos dicit: Cambdenus autem non contemnendis rationibus probat Pictos indigenas Britanniae septemtrionalis fuisse: aliunde non accessisse.

LXIX.

Scotos autem ex Hibernia in maioris insulæ septemtrionem aduectos esse, plurimum non improbabilis est sententia, nec tamen nomen illorum, si auctoritatem poscas, est antiquissimum, nec qui ante Theodosii ætatem usurpauerit, facile quisquam reperietur, vt in Hibernia ostendemus. Tam Scotis quam Pictis suas sedes in septemtrionali Britannia venerabilis Beda lib. i cap. xii adsignauit. Scilicet de Britannia propria, antea Romana,

Subi-

*Subito, inquit, duabus gentibus transmarinis vehementer seuis, Scotorum a Circio, Pictorum ab Aquilone multos stupet gemitque per annos. Quod si verum est, quod supra ex Oceani nomine coniecimus, Caledonios, qui & Picti fuere, ab occasu habitasse, & Scotos a Pictis distinctos, in orientali plaga; conuersa malim quæ Beda dixit, & Pictos potius a Circio, Scotos ab Aquilone venisse crediderim. nisi forte vagabundæ gentes sedes suas interuentu sæculorum mutauerunt. Transmarinas autem cur dixerit, ipse interpretatur, non tamquam positas extra insulam, sed quia a parte Britonum erant remotæ, duobus sinibus maris interiacentibus. Et si recte attendimus, hi prædatores non ex insulæ septemtrione vltimo venerunt, verum ex partibus prope valla siue muros, vbi æstuaria illa maiora sunt, quos sinus videtur appellare: in quo tractu Dio Cassius *Mæatas* constituit, a Caledoniis, vt remotioribus separatos.*

LXX.

Qui præterea apud Ammianum dicto loco *Attacotti & Vecturiones* appellantur, illo solo auctore noti sunt, a nemine, quod sciam, præterea memorati. *Vecturionum* etiam non certum in libris Ammiani vocabulum, sed quod Valesii fratres obseruarunt, manu scripti quidam *Vesturiones*, alii *Verturiones* nobis referunt. Adeo tenebris immersa sunt ignobiliora illa nomina populorum.

LXXI.

Nec clariora sunt quæ Ptolemæus vltra Glotam, fluuium & æstuarium, nomina populorum scripsit, *Gadinorum, Epidiorum, Creonum, Ceronum, Carinorum*; & in latere orientali *Tæzalarum, Mertarum, Cantarum, Logorum*; & in extremitatis angustiiis, vtrique lateri communibus, gens vltima *Cornabiorum*, de qua ipse scripsit, ἀνατολικώτεροι καὶ τελευταῖοι Κορνάβιοι, *Orientaliores & vltimi Cornabii*. Quo forte Agathodæmon Alexandrinus respexit, quum Britanniae tabulæ extremam partem a septemtrione deflexit in orientem. Flumina etiam Ptolemæus recenset, sed æque ignobilia, & omnibus aliis ignota, *Ityn* videlicet, *Nabæum, Ilean, Loxam*, quæ, & cetera nomina, ad historiam & antiquitatis vsum nihil adferunt.

LXXII.

Tandem de fertilitate Britanniae aliquid dicendum est. Tacitus Agric. cap. xii *cælum eius dicit crebris imbribus & nebulis fœdum: at asperitatem frigorum abesse. Ideo solum, præter oleam vitemque & cetera calidioribus terris oriri sueta, patiens frugum, fecundum. Addit ferre aurum & argentum & alia metalla, pretium victoriæ. In primis stannum est quo abundat, alias regiones superat. Diodorus Siculus lib. v cap. xxii de iis tradit, qui Belerium promontorium (Bolerium Ptolemæo, in extrema Cornuwallia) accolant, ἔτοι τὸν κατσίτερον κατασκευάζουσι, φιλοτέχνας ἐργαζόμενοι τὴν φέρσαν αὐτὸν γῆν. Hi stannum, terra, quæ illud parturit, sollerti opere subacta, conficiunt. Inde per mercatores in Galliam & vltius deportabatur. Cæsar lib. v cap. xii *plumbum album* in mediterraneis regionibus gigni refert: ferum modicum in maritimis.*

LXXIII.

LXXIII.

Hæc terræ fertilitas: non minor ibi ingeniorum fuit, postquam cultura ex Romanorum consuetudine accessit. Mirum, quam celeriter gens barbara in moribus, in litteris profecerit. Agricola *principum filios liberalibus artibus erudiri iussit, quo propere factum, ut ingenia Britannorum studiis Gallorum anteferrentur, ut qui modo linguam Romanam abnuerant, eloquentiam concupiscerent.* Tacit. cap. xxi.

H I B E R N I A.

LXXIV.

Britannicarum maiorem insularum secunda *Hibernia* est, Britannia, id est insulæ maximæ, ab occasu solis obiecta. Varie nomen scribitur: Cæfari, Tacito, Plinio, Solino, Orosio *Hibernia* est: Pomponio Mela *Iu-uerna*, quod cum *Ιουερνία* Ptolemæi in codice Palatino congruit: vulgati autem eiusdem libri *Ιουερνία* habent, quod etiam Agathemeris est lib. ii cap. viii. At Straboni *Ιέρπη* est lib. ii & iv; etiam Aristoteli de Mundo; quam formam imitatus est Claudianus de iv consul. Honorii vers. 33, *glacialis Ierne*: & Latino casu Apuleius de Mundi, Aristotelis interpres, *Albion & Ierna*. Romanis parum cognita Hibernia: minus Græcis. neque enim expeditionem in illam antiquis temporibus fuisse factam cognouimus: quam in animo habuit Agricola, nec spes occupandi defuit; ut Tacitus in Vita cap. xxiv prodidit. *Quinto, inquit, expeditionum anno eam partem Britannia, quæ Hiberniam adspicit, copiis instruxit, in spem magis, quam ob formidinem. siquidem Hibernia media inter Britanniam atque Hispaniam sita, & Gallico quoque mari opportuna, valentissimam imperii partem magnis inuicem visibus miscuerit.* - - - *Sæpe ex eo [Agricola] audiui, legione una & modicis auxiliis debellari obtinerique Hiberniam posse.* Sed impeditus fuit Agricola aliarum motu gentium, ne institutum persequeretur. Quidquid ergo Romani de insula cognitum habuerunt, per commercia & negotiatores habuerunt, eodem referente Tacito.

LXXV.

Pomponius Mela ita de illa censuit lib. iii cap. vi *Supra Britanniam Iu-uerna est, pæne par spatio, sed utrimque æquali tractu litorum oblonga, cæli ad maturanda semina iniqui: verum adeo luxuriosa herbis non letis modo, sed etiam dulcibus, ut se exigua parte diei pecora impleant, & nisi pabulo prohibeantur, diutius pasta dissiliant. Cultores eius inconditi sunt, & omnium virtutum ignari, pietatis admodum expertes. Idem de pascuis Solinus tradit cap. xxi ita pabulosam esse, ut nisi pecua a pascuis interdum arceantur, in periculum egat satias: & de barbarie incolarum tam Strabo quam Solinus: ille, ἀγρωτέρους τῶν Βρεττανῶν ὑπάρχειν, magis feros, quam Britannos, esse: hic ipsam insulam inhumanam dixit incolarum ritu aspero.*

LXXVI.

Fluuios insulæ Ptolemæus pæne multos nominauit, e quibus potiores sunt in australi latere *Birgus*, nunc Borrow : & *Dabrona*, More hodie, præfluens oppidum Lisinore. In latere occidentali post *Notium* promontorium, quod Hispaniam spectat, fluuius Iuernus est : dein *Senus*, omnium in insula maximus, quem *Scenam* Orosius dixit lib. I cap. II, nunc Schennon : supra quem *Ausoba*, *Libnius*, *Rauius* ; in septemtrione *Vidua*, *Argita* : in ortum tendentes *Logia*, *Bubinda*, *Oboca*, siue *Ouoca*. Defunt historiæ, & ex solius Ptolemæi fide hæc nomina sunt.

LXXVII.

Multas gentes nominat Ptolemæus, sed quod deficit antiqua huius insulæ historia, ignotæ omnes aut pleræque, earumque sine insigni vfu notitia. In australi parte ponit *Brigantes* tamquam cognatos iis, qui in Britannia hoc nomine clari exstiterunt, colentes circa promontorium *Sacrum*, ἱερὸν, quod Britannorum Walliæ est oppositum. quibus *Vodia* ab occasu, & supra hos *Vterni* (Palat. cod. Ἰγέρνιοι, *Iuernii*) adiacebant ; ab occasu post *Notium* promontorium *Vellabori*, quibus Orosius *Lucenos* addit. nam dicto loco sic ait : *Huius partes intentæ Cantabrico Oceano - - ab eo præcipue promontorio, ubi Scenæ fluminis ostium est, & Velabri Lucenique consistunt.* Ab his in boream tendunt *Nagnatæ*, *Erdini*, *Vennicnii* : sed in extremo septemtrione insulæ *Robogdii*, ad promontorium huius nominis : ab ortu *Voluntii*, *Eblanii*, (sic Palat. qui aliis *Blanii*, prope *Eblanam* urbem) *Cauci*, & *Manapii* ; inter quos & *Brigantes Coriondi* sunt. Hos populos Ptolemæus in Hibernia prodidit : nullos autem in illis recensuit *Scotos*, quos ideo posteriores, saltem nomen illorum, oportet in hac insula fuisse. Claudianus demum de IV consul. Honorii vers. 33

Scotorum cumulos fleuit glacialis Ierne.

Et lib. II in primum consul. Stilichonis vers. 251

- - totam quum Scotus Iernen mouit.

Isidorus Hispalensis lib. XIV Origin. cap. VI *Scotia eadem & Ibernia proxima Britanniae insula, Scotia, quod ab Scotorum gentibus colitur, adpellata.* quod etiam Orosius dixit lib. I cap. II. *Hibernia, inquit, a Scotorum gentibus colitur.* Sed tres hi auctores posterioris æui sunt, nec eximium aliquid adferre ad antiquam geographiam possunt.

LXXVIII.

Oppida non minus varia nominat, sed qua fide, aliunde ex antiquitate confirmari vel negari nequit. *Eblana* creditur Dublinium esse, caput insulæ & regia : a qua in austrum modice distant *Laberus* & *Dunum* in mediterraneis : illa, Λάεργος, quibusdam est castrum Killair ; hoc, *Dunum*, reductum paullisper ad isthmum, nunc Down putatur esse. Ad mare *Manapia* in Manapiis, ad ostium *Modónæ*, *Modoni* fluuii. Intus *Iuernis*, & gemina *Prýia*, vt in Palat. scribitur, *Regia*, altera ad *Senum* fluuium ; altera ad *Argitam* : sub qua *Ræba* inter lacus, quæ nomen in paucis casulis dicitur adseruare.

IN-

INSULAE MINORES
BRITANNICAE

LXXIX.

Vt propior Britanniae in freto Britannico, ita nobilior est VECTIS, ut Plinius vocat & Suetonius; etiam Ptolemæus, cui οὐκτις est: siue VECTA, ut est in panegyrico Eumenii, dicto Cæsari Constantio, cap. xv. *Classis, inquit, apud Vectam insulam in speculis atque insidiis collocata.* Praue Diodorus Siculus lib. v cap. xxii Ἰκτιν vocat, præcisa littera. Hodie est *Wight*. Hanc in Romanorum potestatem redegit Vespasianus, quum priuatus sub Claudio meruit, legatus legionis. Suetonius cap. iv Vitæ: *insulam Vectam Britanniae proximam, in ditionem redegit.*

LXXX.

Prope Cantuariam insula est TANETOS a fluuio & mari cincta. Beda ita nominat lib. i cap. xxvi. Solino cap. xxii est TANATIS, quam scripturam præfert Salmasius. Hodie *Tenet* ab Anglis vocatur. *Frumentariis campis felicem* Solinus dixit. Quod vero addit, & aliis locis salubrem esse, dum asportata inde terra serpentes necet; id falsum esse Cambdenus prodit. Ad Tamesis æstuarium Ptolemæus duas insulas ponit, alteram TOLIAPIN, alteram Κώουρον, COVNVM adpellans. Illa videtur *Schepey* esse: hæc, *Canvey*.

LXXXI.

In mari Hibernico, siue inter Angliam & Hiberniam, duæ insulæ sunt eodem plerumque nomine MONAE. Quæ medio mari interiacet, oblonga, ab austro in septemtrionem directâ, a Cæsare lib. v cap. xiii ita designatam habemus: *Hibernia dimidio minor, ut existimatur, quam Britannia; sed pari spatio transmissus atque ex Gallia est in Britanniam. In hoc medio cursu est insula, quæ adpellatur Mona.* Eadem Ptolemæo Μονάσιδα, Monacæda, sed longius in septemtrionem remouit, quam re vera est. Orosio dicto loco est *Menauia* (sic legendum, non *Meuania*) quod cum Plinii vocabulo *Monapia* conuenit, si P cum B permutato *Monabiam*, quod Cambdeno videtur, legeris.

LXXXII.

Altera MONA insula, eademque australior & latior, sita est in ora Ordouicum, a quibus tenui freto dirimitur. Tacitus lib. xiv cap. xxix de Suetonio Paullino: *Monam insulam, incolis validam, & receptaculum perfugarum adgredi parat, nauesque fabricatur plano alueo aduersus breue litus & incertum. Sic pedites. equites vado sequuti, aut altiores inter undas adnatantes equis transmisere.* Et Agricola Vita cap. xiv de eodem: *Monam insulam, ut vires rebellibus administrantem adgressus, terga occasione patefecit.* Occasioni scilicet defectionis per omnem fere Britanniam. Occupauit ergo Paullinus quidem, sed a possessione reuocatus est tumultu Britannorum, eiusque gloriam Agricolaë reliquit. Tacitus ibidem cap. xviii *Monam*

nam insulam, cuius possessione reuocatum Paullinum rebellionem totius Britanniae supra memoravi, redigere in potestatem animo intendit. Sed, ut in dubiis consiliis, naues deerant, ratio & constantia ducis transuexit: depositis omnibus sarcinis, lectissimos auxiliarium, quibus nota vada, & patrius nandi usus, quo simul seque & arma & equos regunt; ita repente immisit, ut obstupescere hostes, qui classem, qui naues, qui mare expectabant, nihil arduum aut inuictum crediderint sic ad bellum venientibus. Ita petita pace, ac dedita insula, clarus ac magnus haberi Agricola coepit. Tandem ab Anglis capta, nunc Anglesey, quasi Anglorum insula, adpellatur.

LXXXIII.

Extremitati Dumnoniorum (nunc Cornuwalliae) obiectae sub Hibernia insulae plures paruae, exiguo spatio disiunctae inter se, vulgo *Silures* dictae, sed falso, quia non Silurum regioni, sed Dumnoniorum obiacent. A Solino id nomen fuit, sed male castigato, ex quo vulgo legitur cap. xxi, *Silurum quoque insulas ab ora, quam gens Britanna Dumnonii tenent, turbidum fretum distinguit.* Salmasius ait, in mss. esse *Siluram insulam*: & in margine Regii codicis adscriptum *Sillinas insulas*, quod probat: saltem *Silinam insulam*. nam Sulpicius quoque Severus lib. ii Hist. Sacrae cap. li id nominis habet. Instantius, inquit, quem superius ab episcopis damnatum diximus, in *Sylinam insulam, quae ultra Britanniam sita est, deportatus.* Huc *Limnum* Plinii & Ptolemæi quidam referunt, quasi *Silimum*, truncato capite. Cambdenus etiam *Casfiterides* veterum huc referendas censet, quas nullas in Hispanici maris ora inuenimus, ubi a Strabone, Plinio, Solino sunt collocatae. Stanni prouentus, unde nomen habent, coniecturam firmat, quod copiosum in Silinis est. Hodie *Sillyes* dicuntur, & a nautis *Sörlinges*.

LXXXIV.

A septemtrione plures adiacent minores insulae ad Britannicam maiorem, de quibus quae priscorum notitia fuerit, nunc inuestigabimus. Pomponius Mela dicto loco: *Triginta sunt Orcades angustis inter se diductae spatiis. Septem Aemodae.* Plinius lib. iv cap. xvi *Sunt xl Orcades, modicis inter se discretæ spatiis. Septem Aemodae, & xxx Hebudes.* Solinus saepe dicto cap. xxii *A Calidoniae promontorio Thylen petentibus, bidui navigatione perfecta, excipiunt Hebudes insulae, quinque numero, quarum incolae nesciunt fruges; piscibus tantum & lactibus viuunt.* - - - - - *Secundam a continenti stationem Orcades praebent: sed Orcades ab Hebudibus porro sunt septem dierum, totidemque noctium cursu, numero tres. Vacant homine; non habent siluas; tantum iunceis herbis inhorrescunt. Cetera earum nuda arenae.* Ptolemæus lib. ii cap. ii *ὑπέρκεινται νῆσοι τῆς Ικερνίας, αἱ δὲ καλεῖσθαι Ἐξοδα, ἐτὸν ἀριθμὸν, Supra Hiberniam sita insula Ebudae, quinque numero, quas singulas nominatim recenset. duae enim Ebudae in iis, una Ricina: reliquae Maleos, Epidium. Et cap. iii Νῆσοι παράκεινται τῇ Αλγίωνος, κατὰ μὲν τὴν Ορκάδα ἄκραν. Ὀκητις νῆσος, Δῶνα νῆσος, ὑπὲρ ἧν αἱ Ορκάδες, περὶ τριάκοντα τὸν ἀριθμὸν. Insulae adiacent Albioni, iuxta Orcada promontorium, Osetis insula, Dumna insula, supra quam Orcades insulae sunt, numero triginta circiter.*

LXXXV

LXXXV.

Multa in his sunt pugnancia, quæ difficile est omnia conciliare. Salmasius in Solinum p. 176 *Ebudes Pomponius nullas recenset, & nullas Emodas Ptolemæus. Vix sane mihi dubium est, quin Emodæ vel Emudæ, & Ebudæ eædem sint. Hoc fefellerit Plinium, qui, quum Emodas alibi, apud alios Ebudas reperisset, diuersas putauit.* Contra Ioannes Harduinus hanc discrepantiam videns, etiam in numero Ebudarum, quarum xxx Plinius posuit; *Omniū, inquit, verissime Plinius: sunt enim eæ pæne innumeræ, haud procul Orcadibus supra Hiberniam Scotiamque.* Est ita, quod numerus Ptolemæi & Pomponii non sufficiat, quia quæ ab occasu Scotiæ mediocres & parvæ & minimæ insulæ adiacent, haud exiguum numerum conficiunt. Nihilominus Ptolemæum & Melam easdem credo intellexisse, sed maiores seu mediocres, posthabitis paruis, minimis, & quæ instar sunt scopulorum. Quod vero *Orcades* Solinus tantum *tres* numerauit, error manifestus est, ab omnibus, quos sequi potuisset, confutatus, qui quamuis ipsi non consentiant, in eo tamen conueniunt, multo plures omnino fuisse, quam quot Solinus posuit, nisi forte prauatus est numerus, & maior aliquis excidit. Plinius certe xl habet: Pomponius xxx: Ptolemæus *περὶ τριάκοντα*, circiter triginta. Videtur ergo numerus xxx excidisse, & ipse Solinus animo intendisse, aut scripsisse etiam *tres & triginta.* Quem numerum Orosius lib. i cap. ii adprobauit. *Hæc, inquit, insula [Britannia] a tergo Orcadas insulas habet, quarum viginti desertæ sunt, tredecim coluntur.* qui numerus adprime conuenit, & Solini truncata verba integritati restituit.

LXXXVI.

Tandem de *THVLE* siue *THYLE*, quam omnes cum Britannicis coniungunt, aliquid dicendum est. Salmasius *Thyle* in Solino scribit, ac id quoque Plinio vult restitui, atque ita etiam Taciti codicibus refertur: at Græci *Θάλη* diphthongo scribunt Strabo, Ptolemæus, Agathemerus, & Stephanus ille Byzantius. Poetis *ultima Thule* est, Virgilio lib. i Georg. vers. 30, & Senecæ *Medea* vers. 379. De situ non conuenitur: nec mirum in distantia tanta, & inaccessa insula. Ingenue Strabo lib. i v pag. 139 *περὶ τῆς Θάλης ἀσαφὴς ἡ ἱστορία*, *Obscura Thules est historia;* & qui talem scripserat Masiliensis Pytheas, in plurimis mentitum esse non vano iudicio adfirmat. Plinius plus videtur cognouisse iv cap. xvi. *Ultima omnium, inquit, quæ memorantur, Thule: in qua solstitio nullæ noctes, Cancri signum sole transeunte; nullique contra per brumam dies.* Si certus ita scripsit, sensit quod res est. At vnde constare ipsi potuit? Vereor ergo, ne *ὑπερβολικῶς* loquutus fuerit, prope nullam noctem, prope nullum diem certis ibi temporibus esse. Hoc Solinus, qui Plinium sublegit, adiecta vocula pæne expresit ita: *Thule ultima, in qua æstiuo solstitio nox pæne nulla.* Ptolemæus ergo lib. viii cap. ii viginti horis æquinoctialibus ibi longissimum diem constare tradit, eique latitudinem lxxiii graduum ab æquatore lib. ii cap. i i adsignauit: quod inde etiam ab Agathemero, lib. i extremo, repetitum est. Nec Stephanus plures quam viginti horas æquales ibidem diei dat longissimo in Thule.

LXXXVII.

Ex quibus luculente probatur, veteres non *Islandiam*, quum *Thulen* memorant, intellexisse, sed *Schetland* siue *Hitland*, aut insulam *Fero*; quæ cum gradibus & horis dictis propius conueniunt. Id quod Tacitus Agric. cap. x confirmat, quum classè circumuectam Britanniam scripsit. *Dispecta est & Thyle*, inquit, *quam hæcenus nix & hiems abdebat*. At longius remota est *Islandia*, quam vt *dispici* possit a circumnauigantibus Britanniam. Nec illud certum, num insulam quamdam mediocrem crediderint illam *Thulen* esse, an maximam Scandinaviæ peninsulam, hoc est *Suediam* atque *Norwegiam*, quam plurimi quondam pro insula habuerunt. Procopius certe lib. ii de Bello Goth. cap. xv *Θάλην μεγίστην* dicit, *amplissimam Thulen* esse, & *Βρεττανίας αὐτὴν πλέον ἢ δεκαπλασίαν ὑπερβαίνειν εἶναι*, *Britannia decuplo maiorem*, & inter incolas eius esse οἱ Σκριτίφιναι ἐπικαλεῖνται, *qui Scritifinni* adpellentur, vbi non semestris dies æstate sit, aut tanta nox hieme: sed ὁ ἥλιος ἀμφοτέρως θέρωνος τροπὰς ἐς ἡμέρας τεσσαράκοντα ἑξαμῆ δύει, *Sol circa solstitium per quadraginta dies non occidat*, & totidem diebus circa brumam ἑξαμῆ φαίνεται, *non adpareat*: quæ omnia non *Islandiæ*, sed *Scandinaviæ* magnæ, aut parti eius, conueniunt. Plinius autem *Norwegiam* videtur a *Thule* separasse. *Sunt*, inquit lib. iv cap. xvi extremo, *qui & alias [insulas] prodant, Scandiam, Dumniam, Bergos: maximamque omnium Nerigon, ex quo in Thulen navigetur*. Adeo incerti de disiunctissimis in septemtrione locis antiqui scriptores fuerunt. Supra *Thulen* Plinius vnus diei nauigatione *mare concretum*, quod a nonnullis *Cronium* adpelletur, posuit: quod & Taciti *pigrum* (Agric. cap. x) videtur idem esse, hibernis mensibus glacie *concretum*, æstiuus *pigrum* ita creditum, & graue remigantibus, vt ne ventis quidem attolli possit: quamquam contrarium nostros nautas referre, Michael Virdungus ad Taciti Agricolam obseruauit.

CAPVT V

DE

GERMANIA TRANS-
RHENANA.

I.

EXpositis Britannorum insulis, proximus cursus est in *Germaniam*, eamque *Transrhenanam*, quæ etiam *Magna* cognominatur, & *Barbara*. Quantum nobis constat, primus ita Iulius Cæsar distinxit, lib. iv cap. xvi *Vbii*, inquit, *vni ex Transrhenanis legatos miserant*: & lib. v cap. ii extremo, *Treuri Germanos Transrhenanos sollicitare dicebantur*. Sic dicti, respectu illorum, qui olim in Cisirhenana parte sedes occupauerant. Idem lib. vi cap. ii *Quum videret, Nervios ac Menapios, adiunctis Cisirhenanis omnibus Germanis, esse in armis*. Et Tacitus sæpe *Transrhenanos* illos *Germanos*



nos memorauit, vt lib. i v Histor. cap. LXXVI Ciuilis dicitur *opperiendas Transrhenanorum gentes* censuisse. Quod discrimen etiam posteriori æuo ita seruatum fuit. Capitolinus in Maximino cap. xii *ingressus Germaniam Transrhenanam*. Et Claudius Mamertinus Genethliaco Maximiani cap. vii *Transrhenana victoria*: & cap. xvi *Barbaræ gentes Transrhenanas expeditiones furore percitæ in semet imitentur*.

II.

Eadem Germania *Magna* dicitur Ptolemæi lib. ii cap. xi inscriptione in Palatino codice, Γερμανίας μεγάλης θέσις, *Germaniæ Magnæ positio*. Maior enim multo & amplior est quam Cisrhenana, cuius fines non longissime a ripa Rheni recedebant. *Barbara* vero vel eadem *Magna*, vel maxima eius pars est dicta, quæ nondum Romanæ ditionis erat, neque Romanorum commercio exulta. Eutropius lib. vii cap. v de Drusi expeditione auspiciis Augusti: *Germanorum ingentes copias cecidit: ipsos quoque trans Albim fluvium submovit, qui in barbarico longe ultra Rhenum est*. In barbarico, subaudi, solo, vt plene Epitoma Victoris de Decio: *in solo barbarico submersus est*. Et Vopiscus in Probo cap. xiii *quum iam in nostra ripa, immo per omnes Gallias [Germani] securi vagarentur, cæsis prope quadringentis millibus, qui Romanum occupauerant solum, reliquias ultra Nicrum fluvium & Albam removit, tantum his præde barbaricæ tulit, quantum ipsi Romanis abstulerant: contra vrbes Romanas & castra in solo barbarico posuit, atque illic milites collocavit*. Ammianus quoque lib. xviii cap. iv de Alemannia, *ponte constrato sollicitarum gentium opinione præuenta, visus in barbarico miles*; id est exercitus Iuliani, subito Rhenum traiectus, venit in Germaniam barbaram. Nec vero solus Probus, sed superiores etiam principes sæpe conati sunt vrbes & castella in Germanica ripa ponere; plerumque tamen res minus feliciter cessit, vt propter barbarorum incursiones, qui occupabant, etiam suo æuo Hieronymus epistola xli ad Rufinum, *Rheni semibarbaras ripas adpellet*.

III.

Vocabulum *Germanorum* non Romani indiderunt, vt Strabo lib. vii ineunte credidit, ὡς γνησίους Γαλάτας φράζεν βεβλούμενοι, *quasi fratres Gallo- rum voluissent dicere*: sed ab ipsis Germanis additum, non obscure Tacitus de Mor. Germ. cap. ii significat. *Germaniæ*, inquit, *vocabulum recens & nuper additum: quoniam qui primi, Rhenum transgressi, Gallos expulerint, ac nunc Tungri, * tunc Germani ** vocati sint*. Ita nationis nomen, non gentis, eualuisse paullatim, vt omnes primum a victore ob metum, mox a se ipsis *** inuento nomine Germani vocarentur. Quod si ex Germania hæc vox est, vis nationis non potest obscura esse, qua bellatores significantur, siue ex gerre, **** id est, bello, veteri verbo Teutonico, a Gothis, Vandalis, Burgundionibus,

* Zum Gewebre siue zur Webre verordnete Leute.

** Webrmänner, qui arma gerebant eo tempore. Nam Teutoni per vices & alternis annis arma gerebant, aut arabant. Cæsar B. G. IV. c. i. f. 4, 5, 6. collat. VI. c. 22. f. 2.

*** Die Webrmänner, vti modo dixi.

**** Est ipsum nomen *Webre* seu *Gewebr*. Vt enim apud Romanos arma pro bello ponuntur, ita *Webre* vel *Gewebr* pro Krieg posuere nostri maiores. Bella enim eorum ideo gerebantur fere, vt defenderentur fines & reprimerentur inuadentes.

bus, Saxonibus in Italiam, Galliam, Hispaniam, & Britanniam inlato; siue ex reliquo nobis *beer*, id est exercitu, deducas primam syllabam: altera autem *man*, id est vir, nemini potest esse ignota.

IV.

Sic eualuit nationis vnus nomen, vt vniuersæ gentis appellatio breui post tempore, vt Tacitus ait, fieret. Cetera cognomenta, *Teutones*, *Alemanni*, sero toti genti accesserunt, vti de *Teutonibus* in Germania septentrionali ostendemus: *Alemannorum* autem nomen per se fuit recentius, nec ante Antoninorum tempora illius vlla mentio in vetustis monumentis reperitur. Sunt equidem qui ex Augusti æuo id nominis deducant, quia Agathias Scholasticus lib. i pag. 17 Asinio Quadrato tribuat, quem illum Asinium putant esse, de quo Strabo lib. i v referat, Rheni ostia ante Strabonem descripsisse. Verum hos Suidas & Stephanus Byzantius confutant, qui Quadratum Asinium vsque ad Alexandrum Mammææ, aut Philippos potius, Romanam historiam, & ille eam *χιλιετηρίδα*, hic (in *Ἄνθιον*) *Ρωμαϊκὴν χιλιάδα* idcirco inscripsisse referunt. De Caracalla autem primum tradit Spartianus cap. x, *deuicisse gentem Alemannorum*, & præter Germanici, Parthici, Arabici, etiam *Alemannici* sibi nomen induisse prodidit. Sed tum exiguis finibus ea gens continebatur, atque etiam postea diu, quum inualuissent, a Saxonibus & Franconibus distincti diuersique exstiterunt. Ptolemæus autem, qui sub initium sæculi Antoniniani scripsit, nullam eorum mentionem fecit, neque Ptolemæo superiores, id quod nouitatem nominis, aut ipsius coalescentis populi, probare satis potest.

V.

Fines veteris Germaniæ ab antiquis geographis ita descriptos habemus, vt ex omni parte fere a finibus, quos nunc habet, declinent. Occidentalem terminum omnes in Rheno constituunt. Strabo lib. vii ineunte: *Εὐθὺς τὰ πέραν τῆς Ῥήνης μετὰ τὰς Κελτικὰς πρὸς τὴν ἑω κελκλιμένα Γερμανοὶ νέμονται*, Statim trans Rhenum post Gallos, orientem versus, Germani habitant. Pomponius Mela lib. iii cap. iii *Germania hinc ripis Rheni usque ad Alpes; a meridie ipsis Alpibus: ab oriente Sarmaticarum confinio gentium: qua septentrionem spectat, Oceanico litore obducta est*. Obscura res de Alpibus est, interiecta Rhætia, Vindelicia, & Norici parte, amplis regionibus, quas Romani separatas a Germania esse voluerunt. Sed Strabonem videtur sequutus Mela, & ex illius mente interpretandus. *Εξήρτηται*, inquit, ἡ χώρα πρὸς νότον, καὶ συνεχῇ ταῖς Ἀλπεσι ποιεῖ ῥᾶχιν τινὰ, πρὸς ἑω τεταμένην, ὥς ἂν μέρος ἔσαν τῶν Ἀλπεων, Attollitur Germania meridiem versus, ac dorsum quoddam erigit contiguum Alpibus, porrectum in orientem ita, vt videri pars Alpium possit. Sed alia mens Melæ, ac Strabonis fuit, neque dubitandum est, quin ad Alpes tum, & aliorum tendentem, in fluuiis Germaniæ numerauit. *Amnium*, in *Lupia*: in *Oceanum*, *Amisus*, *Visurgis*, & *Albis clarissimi*. Tacitus autem principio libri de Germania, australem limitem signatius descripsit ita: *Ger-*
mania

mania omnis a Gallis Rhætiisque & Pannoniis Rheno & Danubio fluminibus ; a Sarmatis Dacisque mutuo metu aut montibus separatur. Danubius ergo Germaniam a Vindelicia & Norico separavit : quod etiam Ptolemæus his clarissimis verbis lib. i i cap. xi adfirmat : τὴν μεσημεριανὴν πλευρὰν ὁρίζει τῷ Δανυβίῳ ποταμῷ τὸ δυσμικὸν μέρος, Meridianum latus [Germaniæ] terminat Danubii pars occidentalis. nam pars orientalis extra Germaniam in Pannonias & Mæcias delabitur. In occiduo fine consentit etiam Ptolemæus, quod ἀφορίζει ὁ Ῥήνος ποταμός, Rhenus fluvius terminator sit.

VI.

Orientalem limitem ambigüe Pomponius & Tacitus definiunt. Ille enim Sarmaticarum confinio gentium ; hic, mutuo metu aut montibus separari dixit. Clarius & distinctius iterum Ptolemæus, primum ponit Danubii ἐπιστροφὴν πρὸς τὰ ὑπερκείμενα Σαρματικὰ ὄρη, flexum Danubii ad superiacentes Sarmaticos montes : quem ut ipse gradibus determinat, circa Granuæ ostium, aut paullo citerius, Cusum siue Wagam versus, poni necesse est. Deinde κεφαλὴν τῷ Οὐϊτῆλα ποταμῷ, καὶ ἐτι αὐτὸς ὁ ποταμός ἕως θαλάσσης, subaudi ὁρίζει. Hoc est, Fons Vistulæ & ipse fluvius Vistula usque ad mare terminat ab ortu Germaniam. Consentit Agathemerus lib. ii cap. i v τῆς Γερμανίας μετὰ τὸν Οὐϊτῆλαν ποταμὸν ἔχεται ἡ Σαρματία, Germaniam, inquit, excipit trans Vistulam fluvium Sarmatia.

VII.

In septemtrione Oceanus finis est consensu omnium ; & sinus Codanus, nunc Balticus vocatus. Sed hoc incertum, vtrum ora maris, austrum spectans, Germaniam finierit, an sinus insulas & vltiora comprehendens. Ptolemæus separat insulas, ὑπέρκειντας τῆς Γερμανίας, supra Germaniam sitas, dicens : Mela autem easdem & vltiora includit. Supra Albin, inquit, Codanus ingens sinus magnis parvisque insulis refertus est. Hac re mare quod gremio litorum accipitur, nusquam late patet, nec usquam mari simile ; verum aquis passim interfluentibus, ac sæpe transgressis, vagum atque diffusum facie amnium spargitur : qua litora attingit, ripis contentum insularum non longe distantibus, & ubique pæne tantumdem, ut angustum & par freto, curvansque subinde se, longo supercilio inflexum est. In eo sunt Cimbri & Teutoni : vltra, vltimi Germaniæ Hermones. Quis non videt insulas Danicas descriptas esse, sitas in sinu Codano ? Et quia vltra illas Germanorum vltimos locat, Cluverius existimat Halandiam, Scandinaviæ partem, significari, cuius populum, aut nomen potius, immutandum esse censet, in quo nolim ei adsentiri, nec vero in re ipsa dissentire longius. Videtur idem, quod Mela, dixisse Tacitus. Cetera [Germaniæ] inquit, Oceanus ambit, latos sinus & insularum immensa spatia complectens, nuper cognitis quibusdam gentibus, ac regibus, quos bellum aperuit. quod de Noruagia & Suedia ceteroque septemtrione Cluverius interpretatur lib. i Germ. A. cap. xi.

GEOGRAPHIAE ANTIQVAE FLVMINA GERMANIAE.

VIII.

Occidentis terminus *Rhenus* fluuius fuit, de quo satis dictum est in Gallia. Proximus Rheno ex claris & maioribus est *Amisius*, aliis *Amasius* & *Amisia*, ac *Amasia*, per Frisios in Oceanum decurrens. Mela dicto loco: *Amnium exeuntium in Oceanum Amisius, Visurgis, & Albis clarissimi*. Plinius lib. IV cap. XIII extremum: *Albis, Visurgis, Amisius, Rhenus*. Tacitus scripsit *Amisia*. Annali I cap. LX *Cæcinam* [Germanicus Cæsar] cum quadraginta cohortibus Romanis, distrabendo hosti, per *Bructeros* ad flumen *Amisiam* mittit. Et paucis interiectis: *quantum Amisiam & Luppiam amnes inter, vastatum*. Et cap. XLIII *Mox reducto ad Amisiam exercitu*. Straboni est *Αμασία, Amasia*, lib. VII pag. 201, *Εἰςὶ ποταμοὶ πλωτοὶ, ὧν ἐν τῷ Αμασίᾳ Δρῆσος Βρυκτέρους κατεναυμάχησε*, *Sunt*, inquit, *amnes nauigabiles* [in Germania] *de quibus est Amasia, in quo Bructeros Drusus prælio nauali vicit*. Ptolemaeo est *Αμάσιος, Amasius*, *Αμασίης ποταμῷ ἐκβολαί, Amasii fluminis ostia*, lib. II cap. XI. Hodie *Ems* vocatur, contracto nomine, fluuius notus, qui iuxta *Emdam* urbem Oceano infunditur.

IX.

Amisio & *Rheno* minora flumina interiecta, quorum etiam aliqua in antiquitatibus est ratio. Dubia memoria est *Sala* Rheno proximi, qui partem eius, *Drusiana* fossa acceptam, in Oceanum effundit, nunc *Isala* siue *Ysel* dictus. Io. Isac. Pontanus Chorograph. Disceptat. xxxi contendit, esse hunc *Salam*, quem Strabo lib. VII memorauerit. Geographi verba sunt pag. 201 *Ἔστι καὶ Σάλας ποταμὸς, ὃ μεταξὺ καὶ τῆς Ρήνης πολεμῶν καὶ κατορθῶν Δρῆσος ἐτελεύτησεν ὁ Γερμανικὸς*, *Est & Sala fluuius, inter quem & Rhenum bellum feliciter gerens Drusus Germanicus obiit*. Iam vero Dio Cassius ineunte libro LV de Drusi vltima expeditione ita refert: *ἔς τε τὴν τῶν Χάττων ἐσέβαλε, καὶ προῆλθε μέχρι τῆς Σηθίας - - - καὶ ντεῦθεν πρὸς τε τὴν Χερστικίδα μετέβη, καὶ τὸν Οὐίτρυγον διαβάς ἤλασε μέχρι τῆς Ἀλβηῖς πάντα πορθῶν*, *in Chattorum fines ingressus, ad Suevos usque peruenit: inde in Cheruscos conuerso itinere, Visurgim transgressus, omnia populando, ad Albim usque perrexit*. Quum vero, ne Albim transmitteret, deterritus spectro esset, *παραχρήμα ἀπέβη, σπερδὴν τε ὑποσρέψαντος αὐτῷ, καὶ ἐν τῇ ὁδῷ νόσῳ τινὶ, πρὶν ἐπὶ τὸν Ρῆνον εἰσελθεῖν, τελευτήσαντος*, *confestim retro ire cæpit, & in itinere, priusquam Rhenum attingeret, morbo extinctus est*. Ecquis vero hos populos, tot expeditiones inter Rhenum & Isalam quæsierit? ad interiorem Germaniam omnia pertinent: & multis perquam probabile videtur esse, redeuntem Drusum, ad *Magoniacum*, vbi & monumentum ei exstructum fuit, exspirasse. Eutropium vide lib. VII cap. VIII in Claudio. Vbi ergo Strabonis *Sala*? Hadrianus Valerius Notit. Gall. in *Salia* pag. 496 *Alter est etiam Sala, a Strabone memoratus, qui in Mænum delabitur*. Notus est *Sala* Franconicus, sed minor fluuius, quam ut curæ potuerit Straboni inter maiores esse. Quare Cluuerio potius & Menfoni Altingio, claris viris, accedo, qui de *Sala* in Albim influente in-

interpretantur. Hic enim cum Mœno, ad Rhenum tendente, Transrhena-
nam Germaniam inferiorem a tergo terminat, vt vere Strabo dixerit, inter
Salam illum & Rhenum & gessisse Drusum res vltimas, & mortem obiisse.

X.

Ptolemæus inter Rheni & Amasii ostia interposuit *ὀπίθης ποταμοῦ ἐκ-
βέχας*, *Vidri fluminis ostia*, quo tractu quum nullus notabilior fluuius adpa-
reat, quam qui superiore parte *Vechtus*, inferiore, *Aqua Nigra*, (*Swarte Wa-
ter*) adpellatur; Cluuerius, Ortelius, H. Iunius, & nuper quoque Theod.
Ryckius ad Taciti annal. i cap. Lxx, existimant, hunc ipsum Ptolemæi Vi-
drum esse, quod ideo probabilius Cluuerio videtur, quia alia dialecto pro-
nuntietur, *Water*, unde factum sit *Vider*. Contra Menso Altingius, vir hu-
ius regionis peritissimus, ex Ptolemæi ordine demonstrat, in Oceano ostia
enarrari, non in lacu Austrino siue Fleuo, in quem Vechtus cum Rheno,
a Druso abacto, spargitur. In Oceano ergo, post Manarmanim portum,
Vidri ostium ostendit, ostium videlicet occidentale Amisii, quod *Vider* siue
Witer, id est laxius, amplius, nostra dialecto *Weiter*, adpelletur, quia ingen-
ti ore pars Amisii per id exeat in Oceanum.

XI.

Ptolemæo etiam, vt diximus modo, locus est inter Rheni & Vidri
ostia *Μαναρμανὶς λιμὴν*, *Manarmanis portus*, quem Cluuerius censet esse op-
pidum Geelmuyden, ex cuius portu nauigia Hasseltum deducantur. Quum
vero Ptolemæus in litore Oceani versetur, non in ora lacus; alibi vtique
Portus Manarmanis est quærendus, quem vir laudatus Menso Altingius in
eo sinu siue æstuario, quo amnis *Vnsingis*, qui Gröningam adluit, excipitur,
inueniri probauit, cui, tamquam peritissimo locorum patriæ, censemus sub-
scribendum esse.

XII.

Ipsum autem amnem *Vnsingim*, qui per Gröningensem agrum in por-
tum illum, cui *Manarmanis* nomen est, deferitur, idem Altingius auctoritate
veteri munitum iuit, in Taciti annali i cap. Lxx, vbi inepte adhuc *Visurgim*
lectum, substituens *Vnsingim*. Nam Vitellius duas legiones sibi a Germa-
nico commissas ducebat ab Amisii ostio ad Fleuum versus, ac pæne æstu-
maris submersus, tandem in editiora agmen subduxit. *Inde*, ait Tacitus,
penetratum ad amnem Visurgim, quo Cæsar classe contenderat. Non conten-
dit Cæsar ad Visurgim, a quo longius longiusque remeabat. Vidit mendum
Iustus Lipsius, sed hæsit editione prima, ideoque delendum censuit nomen
Visurgim, scribendumque simpliciter, *ad amnem quo Cæsar*. Secundis au-
tem curis edi iussit, *ad amnem Vidrum*, id est Vechtum, vt plerique illum in-
terpretantur: eamque lectionem, vt optimam & congruentem, adprobauit
recens Taciti emendator Theodorus Ryckius, vir industrius atque acu-
tus. Quum vero apices vocis *Vidrum* & numero & ductu discrepent a voce
Visurgim; conueniant autem maxime cum *Vnsingim*; hanc vocem substitu-
endam sæpe laudatus Menso censet: quod nolumus improbare, quia cum
loci natura congruit, & amnis Gröningensis *Hunsing*, & ager *Hunsingia* vo-

catus fuit: etiam incertæ rationes *Vidri* apud Ptolemæum sunt, vt supra demonstrauimus.

XIII.

Antequam ad *Visurgim* veniamus, *Luppia* fluuius, siue *Lupia*, qui in transuersum a Teutenburgico saltu ad Rhenum fertur, eique miscetur, contemplandus est. Straboni est *Λεπίας*, *Lupias*. Lib. vii post initium: ἐπὶ ταῦτα τῷ Ἀμισίᾳ φέρονται Βισεργίς τε καὶ Λεπίας ποταμοί, in eandem partem, in quam *Amisia*, feruntur *Visurgis* & *Lupia*. Sed fallitur de *Lupia*, qui per transuersum ruit in Rhenum: *Visurgis* autem & *Amisia* in Oceanum alio tractu feruntur. Velleius Paterculus lib. ii cap. cv *Pietas sua Cæsarem, pæne obstructis hieme Alpibus, urbem traxit: ad tutelam imperii eum veris initio reduxit in Germaniam; in cuius mediis finibus, ad caput Lupiæ fluminis, biberna digrediens princeps locauerat.* Sic Lipsius, Bœclerus, Rob. Riguez, & alii legendum iudicarunt, non *Iulie*, qui nullus amnis est: sic edidit primus Nicolaus Heinsius, vir acri iudicio summaque doctrina. Pomponius Mela lib. iii cap. iii *Amnium in Rhenum exeuntium, Mœnis & Lupia clarissimi.* Et Tacitus annali i cap. lx *Ductum inde agmen ad ultimos Bructerorum, quantumque Amisiam & Luppiam amnes inter, vastatum: haud procul Teutoburgiensi saltu.* Hodie dicitur *Lippe*, notus amnis Westphaliæ, ex quo nomine adparet, recte in Taciti libris littera geminata scriptum esse.

XIV.

Excipit *Luppia Alisonem* fluuium. Dio Cassius lib. lxi pag. 544 ὥς τε Δρῦστον, ἀντικατὰ φρονήσαντα αὐτῶν, ἐκεῖ τε ἢ ὁ, τε Λεπίας καὶ ὁ Ἐλισίων συμμύχοντο. Φέρειόν τι σφισι ἐπιτεχίσσαι, vt *Drusus*, contemnens barbaros, ad *Lupia* & *Elisionis* confluentes castellum contra eos exstrueret. Taciti testimonium incisionis dubio incertius est redditum. Ait annali ii cap. vii *cuncta inter castellum, Alisonem, ac Rhenum, nouis limitibus aggeribusque permutata.* Sic incidunt Vertranius & Freinshemius: vt castellum sit quod proxime dixerat *Luppiæ flumini adpositum.* Contra Th. Ryckius coniungit sine interciso castellum *Alisonem*, forte quia Velleius lib. ii cap. cxx vt locum descripsit: *qui vna circumdati Alisonem immensis Germanorum copiis obsidebantur; & Ptolemæo locus Ἄλεισων est, quamquam turbatis numeris ad Rhenum fere reductus.* Nec vero de flumine Dionis dubitatur, quod hodie *Alme* dicitur, haud procul Paderbornia confluens.

XV.

Nobilis amnis *Visurgis* ita Latinis Græcisque dictus, vulgo *Wefer*. Straboni dicto loco Βισεργίς: Ptolemæo Οὐίσεργίς & alio loco corrupte Οὐίσεργίς: Dioni * lib. lv ineunte Οὐίσεργίς. Velleius dicto lib. ii cap. cv *Intrata protinus Germania: subacti Bructeri, recepti Cherusci, gentes: & amnis mox nostra clade nobilis, transitus Visurgis.* Mela in clarissimis, in Oceanum exeuntibus, *Visurgim* refert, vt supra vidimus. Plinius itidem dicto loco: *Albis, Visurgis, Amisus, Rhenus.* Et Tacitus annali i cap. ix *Flumen Visurgis Romanos Cheruscosque interfuebat.* Atque ita sæpe in sequentibus. Et Sidonius Apollinaris Narbone siue Carm. xxiii vers. 244

* Οὐίσεργίς l. LIV. p. 623.

*Tu Tuncrum, & Vachalim, Visurgin, Albin,
Francorum & penitissimas paludes
Intrares.*

XVI.

Visurgis sinistrae ripae adfunditur in Cattis flumen *Adrana*, nunc *Eder* dictum. Tacitus annali i cap. lvi de Germanico: *Cattis adeo improvisus aduenit, ut quod imbecillum aetate ac sexu, statim captum aut trucidatum sit: iuventus flumen Adranam nando transeerat, Romanosque pontem ceptantes arcebant.* Haud longe a fontibus *Adranæ* exoritur alius amnis, qui in contrarias partes fertur & *Rheno* admiscetur, nunc *Lanus* siue *Lonus* dictus. Christophorus Browerus a Venantio Fortunato *Laugonam* lib. vii carm. vii, & in vetustis diplomatis *Loganam* dici, ad dictum locum Venantii adnotauit. Verba poetæ sunt ad ducem Lupum:

*Tamque diu pugnas, acie fugiente, sequutus,
Laugona dum vitreis terminus esset aquis.*

XVII.

Superior *Rhenus* duos nobiles fluuios haurit *Mænum* & *Nicrum*. Vtrumque Eumenius Panegyrico Constantini cap. xiii coniungit. *Pulchrum tibi, inquit, videtur, & re vera pulcherrimum est, ut Rhenus ille non solum, ubi aut latitudine vadosus, aut vicinia fontis exiguus; sed etiam ibi nouo ponte calcetur, ubi totus est, ubi iam plurimos hausit amnes, quos hic noster ingens fluuius, & Barbarus Nicer, & Mænus inuexit, ubi iam immmani meatu ferox, & alvei vnus impatiens, in sua cornu agestit excedere.* Sed de utroque seorsum, quæ veteres scriptores habent, requiramus. Alter scribitur varie *Mænis*, *Mænus*, *Mænu*, *Menus*. Pomponius Mela sæpe dicto loco: *Amnium in alias gentes exeuntium, Danubius & Rhodanus: in Rhenum, Mænis & Lupia clarissimi.* Plinius lib. ix cap. xv de Siluro pisce maiore: *Præcipue in Mæno, Germaniæ amne, protelis bouum, & in Danubio marris extrahitur.* Et Tacitus de Germ. cap. xxviii *Inter Hercyniam siluam, Rhenumque & Mænum amnes Heluetii; vltiora Boii, Gallica utraque gens, tenuere.* Ammianus Marcellinus lib. xvii cap. ii *Germani trans Menum nomine fluuium ad opitulandum suis necessitudinibus auolarunt.*

XVIII.

Alterius, *Nicri*, vix memoria supra Constantinorum ætatem est reliqua. Ex Eumenii panegyrico ad Constantinum modo verba attulimus, quibus *barbarus Nicer* cum *Mæno* dicebatur, respectu *Mosellæ*, fluuii ingentis nostri, id est Romani, ex Romana prouincia in Rhenum decurrentis. Vopiscus in Probo cap. xiii reliquias [hostium] *ultra Nicrum fluuium & Albam remouit.* Ausonius *Mosella* vers. 423

Hostibus exactis Nicrum super.

Ft Sidonius Apollinaris ad Auitum socerum Panegyri. vers. 324

*Bructerus, vluosa quem vel Nicer abluit vnda,
Prorumpit Francus.*

XIX.

Mediam Germaniam fluuius *Albis* peruadit, * vulgo *Elbe*, in cuius nomine plerique consentiunt; Græci, Strabo, Ptolemæus δ' Ἀλβίς, *Albis*: præter Dionem, cuius est lib. LV ineunte δ' Ἀλβίος: Latini, Mela, Plinius, quorum verba supra cognouimus: Velleius Paterculus lib. II cap. CVI a *Rbeno usque ad Albim, qui Semnonum Hermundorumque fines præterfuit*: Tacitus Germ. cap. XLI *In Hermunduris Albis oritur flumen inclutum & notum olim*: & annali I cap. LIX *inter Albim & Rhenum*. ac sæpe alibi. Et Seneca Medea vers. 371

*Nil, qua fuerat, sede reliquit
Peruius orbis.*

*Indus gelidum potat Araxem,
Albim Persæ, Rhenumque bibunt.*

Flavius Vopiscus, vt modo vidimus, mutata forma, *Alba* dixit.

XX.

In Albim decurrit *Sala* ille nobilior Germaniæ fluuius, quem Strabo lib. VII, vt supra probauimus, quum de *Sala* Inferioris Germaniæ siue *Isala* ageremus, nominatim indicauit; Tacitus lib. XIII cap. LVII sine nomine circumscripsit. *Eadem æstate, inquit, inter Hermunduros Cattosque certatum magno prælio, dum flumen, gignendo sale fecundum, & conterminum, vitrahunt. - - - Inde indulgentia numinum illo in anne illisque in siluis saltem prouenire, non, vt alias apud gentes, eluuiæ maris, arescente vnda: sed super ardentem arborum struem fusa, ex contrariis inter se elementis, igne atque aquis concretum.* Scilicet salinæ nostræ iuxta *Salam*, in siluosa tum regione, ex ipso flumine, quod inde nomen haberet, prouenire videbantur.

XXI.

Post Albim incertiora omnia Romanis fuerunt, vt qui numquam flumen traiecerunt, vel, si quando id transmisere, vt de L. Domitio refert Tacitus annali IV cap. XLIV, *exercitu flumen Albim transcendisse*; longius tamen non videntur progressi esse. Vnde est quod vltiora flumina aut taceant omnia, aut alii aliter illa adpellent atque ordinent. Mela nihil vltra Albim memorat præter *Visulam* amnem, id est *Vistulam*: Plinius *Visulam & Guttalum*: Ptolemæus *Chalusum, Sueuum, Viadum, Vistulam*. Primus, *Chalusus*, non dubitatur *Traua* esse, qui *Lubeccam* perluit; quia proximus *Albi* ponitur: alter veso, *Sueuus*, admodum dubitabilis. Quod enim Ptolemæus a *Viado* (lege *Viadro*) distinguit, & citeriorem facit; sunt clari viri qui de *Spreba* flumine, quod per *Hauelam* *Albi* adfunditur, intellectum velint: quibus hoc maxime obest, quod Ptolemæus solos ibidem amnes recenseat in Oceanum exeuntes, non in alios fluuios: ideoque Clu-
veri-

* Πῶς δὲ ἐκ τῶν Οὐινδαλικῶν ὄρων, ait Dio libr. LV. pag. 627. Equidem librarium citius audaciæ accusarim, quam Dioni eam scriptionem tribuerim. Ex nomine Οὐινδαλικῶν conflari facile potuit, vt videtur, Οὐινδαλικῶν Vindelici fortasse quidam cum Marcomannis in Boiohemum abierunt, qui vt a Marcomannis olim separatam sedem habuerant, ita vicinitatis veteris memoriam in Boiohemo quoque seorū incoluerunt, vt ex eorum finibus *Albis* existere diceretur.

verius pro vno flumine habet cum Sueuum tum Viadrum, errore separatos a Ptolemæo, quod eo facilius fuerit, quia Germania trans Albim tum temporis non satis fuit cognita. Quod etiam Oderæ, qui haud dubie Ptolemæi Viadus vel Viader est, vt nomen ostendit; disiunctissimis ostiis, & per insulas Wollinam & Vsedomiam separatis, Oceano siue Codano sinui infunditur, non inprobabile est, citerius ostium vocari Sueuum; vltius Viadrum, seruato amnis nomine, sicut hodieque diuersis nominibus illa ostia distinguuntur. Citimum enim, quod fluuium *Pene* simul effundit, eius nomen quoque induit: medium *Swine* adpellatur, seu *Swene* dialecto alia, quod propius ad *Sueui* nomen accedit: vltimum est *Diwenouium*. Hæc congruentior est Ptolemæi interpretatio, quam si in eo errasse dixeris, vt vel ex vno flumine duo fecerit, vel fluuiale ostium habuerit pro marino.

XXII.

Succedit Solini *Guthalus* inter Albim & Vistulam cap. xx positus, latissimis amnibus Germaniæ adnumeratus: qui a Plinio scribitur *Guttalus*, sed, turbato ordine, vltra Vistulam remouetur. Quem si presse sequi voveris, de Borussio quodam amne, forte Pregela, interpreteris. Quod vero Solinus, qui Plinium transcripsit, Guthalum citeriorem ponit (ait enim: *De internis eius [Germaniæ] partibus Albis, Guthalus, Vistula, amnes latissimi, præcipitant in Oceanum;*) nec vero in Borussia est tam *clarus*, vt Plinius suum Guttalum facit; aut tam *latus*, vt dixit de eodem Solinus, quam Odera Pomeraniæ; turbatus ordo Plinii a describentibus videtur, eique ordo Solini præferendus. Quod si est; Guttalus non potest alius quam Odera esse, quia Pomerania alium tam memorabilem ac clarum, latissimamque non habet, neque credibile propter hanc causam, prætermitti a Plinio vel Solino Oderam potuisse. In quo etiam Philippum Cluuerium, præstantissimum geographum Germaniæ, consentientem habemus.

XXIII.

Vistula autem, οὐίσδα Ptolemæo & Agathemero, Plinio *Vistillus* siue *Vistula*; Solino *Vistula*, & in scriptis quibusdam libris *Vistle*, siue *Viscla*, Salmasio testante: Pomponio Melæ *Visula*; ex situ non dubitatur amnis esse, qui vulgo *Weixel*, & *Wießel* siue *Weißel* adpellatur, terminus, aduersus Sarmatiam, Germaniæ. vt supra ex Ptolemæo & Agathemero probauimus.

XXIV.

Australis limes superest, quem *Danubius* * amnis facit, in oriente *Ister* adpellatus. Fluuius Europæ nobilissimus, cuius maiorem partem peruadit, μέσην Χίζων τὴν Εὐρώπην; *Europam mediam diuidens*, vt Herodotus ait lib. II cap. xxxiii. Limitem Germaniæ ab austro esse supra ostendimus: esseque binominem, & nunc *Danubium* nunc *Istrum* dici, omnium confessione certum est: sed quibus regionibus *Danubius* sit, & quibus alio *Ister* nomine, disensionibus auctorum maxime incertum: nisi quod in eo conuenitur, *Danubii*

* Aristoteles Meteorol. I. c. 13. originem Istri e Pyrenæo monte arcessit. Herodotus libr. II. c. 33. ex oppido Pyrrheno. Aelian. hist. animal. XIV. c. 23. magis etiam obscura tradit. Tenzel in Colloq. menstr. Ann. 1690.

nubii nomen valere ab occasu : *Istri*, in oriente. Pomponius lib. 11 cap. 1 *Per immania magnarum gentium diu Danubius est : deinde aliter adpellantibus accolis, fit Ister.* Ptolemæus lib. 111 cap. viii ἀπ' Ἀξίς πόλεως ἤδη καλεῖται ὁ Δανῆσις μέχρι τῆς Πόντος καὶ τῶν ἐκβολῶν, Ἰστρος, ab *Axiopoli* iam vocatur *Danubius* usque ad *Pontum* ἔσ' ὅστις *ISTER*. At *Axiopolis* in *Moesia Inferiore* est prope *Getarum* regionem. Sic tamen etiam *Strabo* lib. vii pag. 212 τῆς ποταμῆς τὰ μὲν ἄνω καὶ πρὸς ταῖς πηγὰς μέρη, μέχρι τῶν καταρακτῶν, Δανῆσιον προσηγέρειον, ἃ μάλιστα διὰ τῶν δάκων φέρεται· τὰ δὲ κάτω μέχρι τῆς Πόντος, τὰ περὶ τῆς Γέτας, καλεῖσιν Ἰστρον. *Fluminis superiores partes, quæ fontes versius sunt ad cataractas usque, Danubium dixerunt, quæ maxime per Dacos feruntur : inferiores ad Pontum usque, quibus Getæ sunt vicini, Istrum adpellant.* Contra *Plinius* lib. 1v cap. xii *Per innumeras lapsus gentes Danubii nomine, immenso aquarum auctu, ἔ' unde primum Illyricum adluit, Ister adpellatus.* Breuiorem sic usum vocabuli *Danubii* ostendit, sed nondum clare distincteque, quia *Illyricum antiquum* (alia ratio *Illyrici* medio ævo est) non attingit *Danubius*. Magis coarctat usum vocabuli *Agathemerus* lib. 11 cap. 1v, ὁ Ἰστρος, ὃν μέχρις Οὐίνδοξένης πόλεως Δανῆσιον καλεῖσι, *Ister, quem ad Vindobonam usque Danubium vocant.*

XXV.

Quid ergo in tanto dissensu constituendum? Superiora fluminis, *Danubii* nomen; inferiora, *Istri* ferre certum est: in mediis, huic, illi nomini terminum præfinire perdifficile, in quo usus scriptorum sequendus est, qui vero nec ipse sibi constat ubique & in omnibus exemplis. Græci scriptores mediis partibus sæpius *Istrum*, Ἰστρον; Latini frequentius *Danubium* adpellant. *Eutropius* lib. vi cap. 11 de *Scribonii Curionis Dardanico bello*: usque ad *Danubium* penetrauit: & cap. viii de *M. Luculli bello Thracio*: usque *Danubium* penetrauit. Ac *Florus* lib. 1v cap. xii de *Dacis*: quoties concretus gelu *Danubius* iunxerat ripas, decurrere solebant ἔ' vicina populari. *Vopiscus Aureliano* cap. xxxix *Prouinciā trans Danubium Daciā, a Traiano constitutam, reliquit.* Adde *Eutropium* lib. ix cap. ix. At idem *Florus* dicto loco, paucis ante verbis, *Pannonii duobus saltibus, ac tribus fluuiis Drauo, Sauo, Istroque vallabantur.* *Pannonii* autem *Dacis* citiores sunt. *Pænius* in locis *Eutropii* lib. vi & ix, Ἰστρον reddidit qui Latine est *Danubius*: & *Xiphilinus Traiani* pontem, qui in *Moesia Superiore* erat, ἐπὶ τῆς Ἰστροῦ, super *Istrum* constructum fuisse narrauit.

MONTES ET SILVAE GERMANIAE.

XXVI.

In nobilioribus montibus, qui memorantur ab antiquis scriptoribus, celebratur a *Mela* & *Tacito Taunus*. Ille lib. 111 cap. 111 *Montium altissimi Taunus ἔ' Rhetico.* Hic *annali* 1 cap. lvi *Germanicus quatuor legiones, quinque auxilium millia, ἔ' tumultuarias cateruas Germanorum, cis Rhenum col-*
len-

*lentium, Cæcinæ tradit: totidem legiones, duplicem sociorum numerum ipse ducit: positoque castello super vestigia paterni præsidii in monte Tauno, expeditum exercitum in Cattos rapit. Et interiectis paucis: Cattis in prouisus aduenit: iuuentus flumen Adranam nando tramiserat, Romanosque, pontem cæptantes, arcebant. dein tormentis sagittisque pulsi. - - - Cæsar incenso Mattio (id genti caput) aperta populatus, vertit ad Rhenum. Idem lib. xii cap. xxviii de L. Pomponio legato, qui trans Rhenum Cattos repressurus, auxiliares Vangiones & Nemetas cum alario equite præmiserat: præda famaque onusti ad montem Taunum reuertuntur, ubi Pomponius cum legionibus opperiebatur, si Catti cupidine vlciscendi casum pugnae præberent. Hæc latius transcribenda erant, vt de situ constaret clarius. Sunt enim qui in Cisrhenana Germania hunc montem quærant: quem vero Tacitus trans Rhenum designat. Quid enim opus fuisset montano præsidio in pacata prouincia, vt Drusus poneret, aut Germanicus dirutum a barbaris instauraret? cur subsidia, suis in hostem emisissis, Pomponius cis Rhenum posuisset ad casus & fortunam belli? Et quia inde rectum iter ad Mattium oppidum erat & Adranam flumen; primum vtique ad fidem est, quod Cluuerius censet, esse montem illum, qui ex aduerso Moguntiaci vulgo *der Heyrich & die Höhe* adpellatur. Ortelius quoque trans Rhenum apud Cattos locauit.*

XXVII.

Pomponii Melæ *Rheticonem* frustra quidam in Rhætia & in Alpibus, nominis consonantia decepti, inuestigant, quia Alpes Romani ad Italiam potius referunt, quam ad Germaniam; nec aliud propositum Melæ fuit, quam montes, siluas, flumina Transrhenanæ Germaniæ indicare. Sicut ergo *Taunus* in conspectu Romanorum fuit, Moguntiaci aut vicinis locis præsidia habentium: ita vero simile est, in pari situ & notitia montem esse *Rheticonem*; cui positioni nullus respondet magis, quam qui Tauno non minor trans Rhenum e regione Bonnæ conspicitur, vulgo Septimontium, *Siebengebirge* dictus. Hæc ex Cluuerii iudicio, qui omnia diligentissime scrutatus est.

XXVIII.

Ptolemæi *Melibocus* mons, *Μηλίβοκον ὄρος*, inter Visurgim & Albim est, quem a Chamauis incipere dixit, eiusque orientales accolæ, Bonochæmas, *περὶ τὸν Ἄλβιν ποταμὸν*, circa Albim fluium ipse constituit. Cluuerio videntur illi montes esse, qui reliquum nomen ex Hercynia silua tenent, vulgo *der Haartz*.

XXIX.

Eiusdem Ptolemæi mons *Asciburgius* in Poloniæ finibus sit necesse est, quia accolæ & vicini proximi *μέχρι τῆς Ὀυίσσας*, usque ad Vistulam pertinuisse dicuntur. Montes ergo sunt inter Silesiam & Poloniam, & ex australi parte Hungariam contingentes. Tandem *Suditos* vel *Sudetos* montes addit Ptolemæus, *τὰ Σέδητα ὄρη*, quos circa Boiohemum esse plerique consentiunt, & ipsa positio Ptolemæi non obscure probat. Quidam in ortum, ad Moeni, Salæ & Egræ fontes: alii in aliam plagam ad fontes Albis reducant: Cluuerius vtrobique, vt sint montes cingentes Bohemiam.

XXX.

Denique etiam *Abnoba* dignus mons est qui commemoretur, Ptolemæo Ἀβνοβα dictus, qui idem est: neque is difficilis inuentu, propter flumen quod fundit. Plinius lib. iv cap. xii de Danubio: *Ortus hic in Germaniæ iugis montis Abnobæ, ex aduerso Raurici Galliæ oppidi, multis ultra Alpes millibus.* * Et Tacitus de Germ. cap. i *Danubius molli & clementer edito montis Abnobæ iugo effusus, plures populos adit.* Festus Auienus Descriptione Orbis v. 437 *Abnoba mons Istro pater est: cadit Abnobæ hiatu.*

XXXI.

Siluarum maxima est *Hercynia*, Straboni lib. vii Ἑρκύνιος δρυμὸς, u Græca littera, quam Latini imitantur, quamuis propter Germanicam originem vocis opus non erat. Horrida fuit & amplissime patens. Cæsar lib. vi cap. xxiv *Hercyniæ silvæ latitudo ix dierum iter expedito patet. Oritur ab Helvetiorum, & Nemetum, & Rauracorum finibus, rectaque fluminis Danubii regione pertinet ad fines Dacorum & Anartium: hinc se flectit sinistrorsus, diuersis a flumine regionibus, multarumque gentium fines propter magnitudinem attingit. Neque quisquam est huius Germaniæ, qui se adisse ad initium eius silvæ dicat, quum dierum iter lx processerit, aut, quo ex loco oriatur, acceperit.* Mela dicto loco dimensione vtitur eadem: *Maxima, inquit, silvarum Hercynia, & aliquot sunt, quæ nomen habent: sed illa dierum sexaginta iter occupans, vt maior aliis, ita & notior.* Plinius lib. iv cap. xiv extremo: *introrsus, nullo inferius nobilitate, Hercynium iugum prætenditur.* Sed necdum omnem latitudinem videtur Cæsar cognouisse. nam inferiorem etiam Germaniam occupauerat. Claudianus iv Consul. Honor. vers. 450

venit accola silvæ

Bruclerus Hercyniæ.

Et de Cattis Tacitus Germ. cap. xxx, *Catti initium sedis ab Hercynio saltu inchoant, non ita effusis & palustribus locis, vt ceteræ ciuitates: - - - & Cattos suos saltus Hercynius prosequitur simul atque deponit.* Totam ergo Germaniam fere complexa videri potest, vt ceteræ pleræque silvæ, huius partes adpareant, quamlibet nomine insignitæ singulari: neque reliquiæ eius tantum illæ sunt quæ nomen retinent, *der Haartz*; verum etiam aliæ pleræque horridiores, vt *Speffard, Westerwald, Thuringicâ, Hasfiaca, & Boiohemum cingentes, & aliæ.* Sed vetera nomina inquirere iam nostrum est.

XXXII.

Cæsar lib. vi cap. x *infinite magnitudinis siluam memorat, quæ adpellatur Bacenis. Hanc, ait, introrsus pertinere, & pro natiuo muro obiectam Cheruscis a Sueuis, Sueuosque a Cheruscis, iniuriis incursionibusque prohibere.* Et ad huius fines se Sueui, id est Catti, recipiebant, quum Cæsar, Rhenum transgressi, arma refugerent. Metaphrastes Βακέννην vocat. Ex situ autem silvæ

* Aelianus XIV hist. anim. c. 23 Τὸ τῆ ποδὶ τῶν Ἀλφίων ὄρων πρὸς ἀνεμὸν βορρᾶν ὑπὸ τῇ ἄρκτι (forte τῇ τῶν Ραιτῶν χώρᾳ) γένος δὲ τοιούτων ἰπτικῶν ἄνδρες. Εντεῦθεν τοι πρόησιν ὁ τῶν Ευρωπαϊῶν ποταμῶν μέγιστος Ἰστρος, ἐκ πηγῆς μὲν ἢ πολλῆς, ταῖς δὲ τῆ ἡλὸς προσβολαῖς ταῖς πρώταις ἀντίος. Ἐτα δὲ διὰ δόρυ φορῶντες αὐτὸν, ἅτε τῶν ἐπιχωρίων ῥευμάτων βασιλέα συνανίχουσιν πολλὰ καὶ κένναον τὸ ῥεῦμα αὐτῶν ἐστίν.

siluæ *Bacenis*, & *Cattorum* fuga, ab *Rheno* magis magisque recedentium, adparet, non posse alios montes & saltus esse, quam *Hercyniæ* reliquias genuinas, quæ hodieque longo tractu procurrentes *der Haartz* adpellantur.

XXXIII.

Nec dubium est *Cluuerio*, quin & *Cæsia silua*, annali i *Taciti* memorata, pars fuerit magnæ illius *Hercyniæ*. Verba *Taciti* de illa cap. l sunt: *Sequitur ardorem militum Cæsar, iunctoque ponte tramittit duodecim millia e legionibus, sex & viginti socias cohortes, octo equitum alas. - - - At Romanus agmine propere siluam Cæsiam, limitemque a Tiberio cæptum scindit, - - - Cæcina cum expeditis cohortibus præire, & obstantia siluarum amoliri iubetur: legiones modico intervallo sequuntur. Iuuit nox sideribus illustris, ventumque ad vicos Marforum.* Quibus expensis omnibus, & vnde duxerit suos *Germanicus*, nempe ex *Castris Veteribus*; concludit tandem *Cluuerius*, siluam *Cæsiam* partim in *Cliuensi Ducatu*, partim in *Westphalia* esse, inter *Vesaliam* & *Koesfeldum* interiectam.

XXXIV.

Pars quoque *Hercyniæ* fuit *Gabreta silua*, *Straboni* γάβρητα ὕλη, *Gaubreta*; *Ptolemæo* γαβρίτα ὕλη, dicta, quamvis hi distinguant ab *Hercynia*. *Strabonis* hæc sunt lib. vi i pag. 202 ἔστι καὶ ἄλλη ὕλη γαύβρητα μεγάλη ἐπετα δὲ τὰ τῶν Σέρων· ἐπετα δ' ὁ Ερκύνιος δρυμός· *Est & alia magna silua Gabreta; deinde Sueuorum sedes; inde Hercynius saltus.* *Ptolemæus* lib. ii cap. xi τὰ καλέμενα Σέρητα ὄρη. ὑφ' ἃ ἐστὶν ἡ γάβριτα ὕλη, ὧν μεταξὺ καὶ τῶν Σαρματικῶν ἐστὶν ὁ Ορκύνιος δρυμός. *Montes Sudeti dicti; sub quibus est Gabrita silua: inter quos & Sarmaticos montes est Hercynia silua.* Et post paullo: ὑπὲρ τὰ Σέρητα ὄρη Τευριοχάμαι· ὑπὸ δὲ τὰ ὄρη Ουάριςτοι· εἶτα ἡ γαβρίτα ὕλη· ὑπὸ δὲ τὴν γαβρίταν ὕλην Μαρκομάνοι. *Super Sudetos montes, Theuriöchæmæ: infra illos montes, Varisti: deinde Gabrita silua, sub qua Marcomanni.* Sed neuter *Hercyniam* tantam habet, quantam *Cæsar* & *Pomponius*. Coniicit tamen ex hisce *Cluuerius*, *Gabretam* siluam partim *Thuringicam* esse, partim *Boiohemicam*, *Thuringicæ* continuam atque connexam. Inter quam & *Melibocum* montem est *Ptolemæi Semana silua*, Σημανὰ ὕλη, quæ quibusdam est ipsa *Bacenis* siue *der Haartz*.

XXXV.

In alia plaga est *Luna silua*, nec ipsa disiuncta longe ab *Hercynia* silua. *Ptolemæus* dicto loco; ὑπὸ τὸν Ορκύνιον δρυμὸν Κιάδοι. ὑφ' ἧς τὰ σιδηρυχῆα, καὶ ἡ Λάνα ὕλη· ὑφ' ἣν μέγα ἔθνος οἱ Βαμοὶ, μέχρι τῆς Δανυβίης. *Sub Hercynia silua Quadi: sub quibus ferri fodinæ, & Luna silua: sub qua gens magna Bami usque Danubium.* *Luna* ergo silua ad *Morauiam* est, ad fontes *Mari*, nunc *March*, qui contra *Carnuntum* *Danubio* insinuatur.

XXXVI.

Itidem ex alia plaga sunt *Marcianæ siluæ*, quas *Ammianus Marcellinus* vocat lib. xxi cap. xv. [Vales. cap. viii] *Discedens, inquit, Iulianus a Rauracis, - - - profecturus per Marcianas siluas viasque iunctas Istri fluminis ripis, - - - quum ad locum venisset, unde nauigari posse didicit flumen; lembis*

conscensis ferebatur occulte, scilicet in Pannoniam, Sirmium versus. Inter Rauracos autem & Danubium recentem media est silua Nigra, Schwartzwald, notissimæ famæ, per quam transire Iulianum oportuit, ut veniret ad Danubium nondum nauigabilem. Hæc ergo est illa Marciana silua, ut Valefius; siue Martiana, ut Lindenbrogius scripsit: quam Tabula Peutingeriana eodem situ ostendit, itidem per c scriptam, Silua Marciana.

DIVISIO GERMANIAE.

XXXVII.

Plinius lib. iv cap. xiv Germanos Transrhenanos in quinque gentes diuidit, quarum quædam longius & supra consuetum limitem excurrunt. *Germanorum, inquit, genera quinque: Vindili, quorum pars Burgundiones, Varini, Carini, Guttones. Alterum genus Ingæuones, quorum pars Cimbri, Teutoni, ac Chaucorum gentes. Proximi autem Rheno Istæuones; quorum pars Sicambri. Mediterranei Hermiones, quorum Sueui, Hermunduri, Chatti, Cherasci. Quinta pars Peucini, Basterne, contermini Dacis. Quum vero difficile sit, cuilibet harum gentium suam sedem & proprios fines adsignare; malumus cum Tacito secundum fluuios discescere, qui certiores termini sunt, etiam notiores nobis, & iam expositi. Non equidem aperte ita dispensat Tacitus; id vero haud obscure ex libello eius colligitur. Prima ergo pars est inter Rhenum, Salam, Albim, vsque ad Sinum Codanum, vulgo Oost-See dictum: altera inter Salam, Albim, Danubium & Vistulam ac mare septentrionale; quam vno nomine Sueuiam adpellabant. Nam, inquit Tacitus cap. xxxviii, Sueuorum non vnagens: maiorem Germaniæ partem obtinent, propriis adhuc nationibus nominibusque discreti, quamquam in commune SVEVI vocentur. Maiores hæ partes secundum alia interiecta flumina in minores subdiuiduntur, ut inter Rhenum & Amisium; inter Amisium & Visurgim; inter Visurgim & Albim; & sic in aliis quoque diuisionibus. Sit ergo pars prior & occidentalis Germanorum*

SECTIO I.

INTER RHENVM ET ALBIM.

XXXVIII.

Multæ gentes inter Rhenum & Albim coluerunt, quas distinctius ut cognoscamus, particulatim contemplabimur, prout interiectis aliis fluminibus denuo diuisæ ac separatæ sunt.

XXXIX.

Inter Rhenum & Amisium sub Oceano sunt FRISII MAIORES, a Minoribus, qui circa lacus inter Rheni alueos habitauerunt, determinati. Taciti hæc diuisio est de Germ. cap. xxxiv *Angriuarios & Chamauos a tergo Dulgibini & Chasuari cludunt, aliæque gentes haud perinde memoratæ. a fronte Frisii excipiunt. Maioribus minoribusque Frisus vocabulum est, ex modo virium.*
utæque

utraque nationes usque ad Oceanum Rheno prætexuntur, ambiuntque immensos insuper lacus, & Romanis classibus nauigatos. Ait distingui sic ex modo *trivium*: quod argumento est plus terrarum, & spatiosiores campos tenuisse *Maiores*, qui utique inter Fleuum lacum, seu Rhenum a Druso abactum, & flumen sunt Amisium. Ex quo consequitur, *Minores* Frisios circa ipsos lacus & inter Rheni alueos vna cum aliis gentibus, supra in Belgica ex Plinio enumeratis, ut in tractu angustiore, coluisse. Tacitus *Maiores* maxime in Caninefatum tumultu lib. i v Histor. cap. x v intelligit, quum gentem *Transrhenanam* Frisios adpellat. Statim, inquit, accitis *Frisiis* (*transrhenana gens est*) duarum cohortium hiberna, proxima occupatu, Oceano irrumpit, puta, Brinnio, dux Caninefatum.

XL.

Plinius lib. iv cap. xv & *Frisios* & *Frisiabones* inter Helium & Fleuum, Rheni ostia concludit, atque sic tantummodo *Minorum* rationem habet, quorum pagum censet Menso Altingius *Frisiabones* fuisse. Sed vltiores etiam esse & ad Amisium usque pertinere, Tacitus annali i cap. lx clarissime ostendit. *Maior*, inquit, *Cæsari metus*: & ne bellum mole vna ingrueret, *Cæcinam* cum quadraginta cohortibus Romanis, distrahendo hosti, per *Bructeros* ad flumen *Amisiam* mittit: equitem *Pedo* præfectus finibus *Frisiorum* ducit. Ipse inpositas nauibus quatuor legiones per lacus vexit: simulque pedes, eques, classis apud prædictum anmem conuenere. Et *Ptolemæus* lib. ii cap. xi τὴν παρωκεανίτην κατέχουσιν οἱ φρίσσιοι μέχρι τῆς Ἀμισίας ποταμῆς, partem, quæ iuxta Oceanum est, *Phrisii* colunt usque ad flumen *Amisium*. Sic scribit ille gentis nomen: qui *Dioni* lib. l i v sunt φρίσσιοι; Latinis, *Plinio* *Tacitoque*, *Frisii*: *Paullo Diacono* lib. v i *Langob.* cap. xxxvii *Frisiones*. Est & *Friseus* veteri inscriptione apud *Gruterum* pag. 532 num. 6.

AVR. VERO EQ. SING. AVG

NAT. FRISEO T. AEL. GEMINI

VIXIT ANN. XXX

MIL. ANN. XIII.

Frisiorum itaque post *Fleuum* ostium, primum fuit *Fleuum castellum* *Taciti*, quod in oppidis numerasse, & φληδμ, *Fleum* dixisse *Ptolemæus* videtur. In *Frisiis* fuisse certum est, & ex *Taciti* annali i v cap. lxxii constat. Eodem, inquit, anno *Frisii*, *transrhenanus* populus, pacem exuere, nostra magis auaritia, quam obsequii impatientes. - - - *Olenius*, e primipilaribus, regendis *Frisiis* inpositus, infensos fuga præuenit, receptus castello, cui nomen *Fleuum*: & haud spernenda illic ciuium sociorumque manus litora Oceani præsidebat. Quod ubi *L. Apronio* inferioris Germaniæ proprætori cognitum, - - - exercitum *Rheno* deuectum *Frisiis* intulit; soluto iam castelli obsidio, & ad sua tutanda digressis rebellibus. *Cluuerius*, communi nomine inductus, a dextra *Fleui* ostii ponit: *Altingius* cum aliis, ad ostium *Vnsingæ*, nixus numeris *Ptolemæi*, profert, præsertim quum locus ibi, *Fliedorp* dictus, superfit. Nos nihil definimus: si quid tamen omnino dicendum est, censemus tutius in nominibus certis, quam in dubia auctoritate *Ptolemæi* confidi.

XLI.

XLI.

Portus Marnamanis, supra ex Ptolemæo, quum de fluminibus ageremus, monstratus, vel sinus vel æstuarium est Oceani, (non lacus Fleui, vt alii contra sententiam Ptolemæi putant) cui Vnsinga, fluuius Gröningensis, infunditur. Deinde *Ostium Vidri*, quod occidentale fluminis Amisii esse æque supra, Altingio indice, ostendimus. Intus paullo iuxta idem ostium, quod sinus instar excurrit in læuam, *Amisia* oppidum, quod Tacitus lib. i i. annal. cap. viii descripsit. *Lacus inde*, inquit, & *Oceanum* [Germanicus] *vsque ad Amisiam flumen, secunda nauigatione peruehitur : classis Amisiæ relicta, læuo amne ; erratumque in eo, quod non subuexit.* Vim verbis Taciti inferunt, qui de Emda, vrbe Cauchorum interpretantur, vt erudite Altingius, sæpe honoris causa nominatus, probauit. In *læuo enim amne* siue ad Amisii sinistram & statio illa nauium, quæ opportuna ibidem est, & oppidum *Amisia* iuxta eandem quærendum est.

XLII.

Interiora iuxta idem flumen videntur *Corbulonis munimentum* habuisse & *Mediolanium* Ptolemæi. Illud ex Taciti libro xi cap. xix eruendum. *Natio*, inquit, *Frisiorum post rebellionem, clade L. Apronii cæptam, infensa, aut male fida, datis obsidibus confedit apud agros a Corbulone descriptos. Idem senatum, magistratus, & leges imposuit. ac ne iussa exuerent, præsidium immunivit : missis, qui maiores Chaucos ad deditionem perlicerent.* Ex quibus colligitur, in parte Frisiorum, quæ Amisio & Chaucis proxima est, hoc *Corbulonis Munimentum*, cui præsidium, senatum, magistratum, leges imposuit, excitatum fuisse. Cui locum magis commodum, quam Groningæ, in tota Frisiorum regione negat Menso Altingius inueniri, quæ ciuitas multa vestigia Romanarum legum ac magistratuum ad nostram ætatem retineat. Quod vero Romanorum alia monimenta heic rara sint aut nulla, ex eo esse probabile facit, quod ibidem Tacitus subiecit, *Claudium adeo nouam in Germanias vim prohibuisse, vt referri præsidia cis Rhenum iuberet.*

XLIII.

Alterum propter Vnsingam oppidum, *Mediolanium*, ex situ & numeris Ptolemæi coniicitur, quod idem doctissimus vir *Mediolarium* scribendum esse existimat, quia x m. p. supra Groningam, iuxta lacum, locus in mediis annalibus adhuc *Ad tres Lares* nominetur, ibidemque tenuis vicus superfit *Midlaren* dictus, id est *Mediolarium*. Inde in occasum, & Fleuum versus *Cruptoricis villam*, & *Lucum Badubennæ fuisse*, ex clade Romanorum, quam Tacitus annali i v cap. lxxiii descripsit, intelligitur. *Mox compertum*, inquit, *a transfugis, nongentos Romanorum apud lucum, quem Badubennæ vocant, pugna in posterum extracta, confectos, & aliam quadringentorum manum, occupata Cruptoricis, quondam stipendiarii, villa, postquam proditio metuebatur, mutuis ictibus procubuisse.* Nemus sacrum *Lucum Badubennæ fuisse*, ipsum nomen fert : an inædificatum fanum, vicum, vel maius aliquid habuerit, non habemus certum dicere.

XLIV.

Supra Frisios, in austrum versus, campi iacebant, pecoribus & armentis militum, ad dextram ripam fossæ relictæ, quos ANSIBARII siue ANSIVARI II, a Chaucis, finitimis suis pulsæ, petierunt ab Romano duce, nec impetrarunt: pariterque deserti a Tencteris Bructerisque, ad quos confugerant; & reiecti ab Vsiis & Tubantibus; in Cattis tandem & Cheruscis perierunt. Tacitus lib. XIII cap. LV seq. de iis enarrauit.

XLV.

Ab austro etiam Frisios spectabant MARSI atque BRVCTERI, ab Rheno longe supra Luppiam extensi: quibus separati finibus, minus certum est. Cluuerius censet, Marsos in cæsorum Bructerorum loca immigrasse. Quæ aperta habemus, ex Tacito ostendimus, aut vndecumque possumus. Annali I cap. LVI ille: *Fuerat animus Cheruscis iuuare Cattos; sed exterruit Cæcina huc illuc ferens arma: & Marsos, congregi ausos, prospero prælio cohibuit.* Et annali II cap. XXV C. *Silio cum triginta peditum, tribus equitum millibus ire in Cattos imperat* [Germanicus] *ipse maioribus copiis Marsos irrumpit: quorum dux Malouendus, nuper in deditionem acceptus, propinquo luco defossam Variance legionis aquilam modico præsidio seruari indicat.* Forte alius hic lucus est ab illo, qui Tanfanæ templum habuit, antea ab eodem Cæsare euersum. Nam annali I cap. L legatus eius præmissus dicitur *ad vicos Marserum venisse: & cap. LI Cæsar subsequens quinquaginta milium spatium ferro flammisque peruastasse: & profana simul & sacra, & celeberrimum illis gentibus templum, quod Tanfanæ vocabant, solo æquatum.* Non ergo ibi, sed alio luco, præsidium modicum seruandæ aquilæ fuisse, credibile est: sicuti nec illud incertum, in Marsis Tanfanæ templum exstitisse.

XLVI.

DE BRVCTERIS Tacitus Germ. cap. XXXIII *Iuxta Tencteros Bructeri olim occurrebant: nunc Chamauos & Angriuarios immigrasse narratur, pulsæ Bructeris ac penitus excisæ, vicinarum consensu nationum, seu superbiæ odio, seu prædæ dulcedine, seu fauore quodam erga nos deorum. nam ne spectaculo quidem prælii inuidere. super LX millia non armis telisque Romanis, sed quod magnificentius est, oblectationi oculisque ceciderunt.* Ait discordia ipsorum Germanorum Bructeros, Romanis cum voluptate spectantibus, excisos esse. At non ita extirpati omnes, quin posteriori etiam tempore eius nominis multi superessent. Incertum tempus huius internecionis, & sub Tiberio cum Bructeris etiam bellum fuit Romanis. Tacitus annali I cap. LX *Cæsar Cæcinam, distrabendo hosti, per Bructeros ad Amisiam mittit.* Ergo inter Fleuum lacum & Amisiam coluerunt, supra Frisios. nam equitem Pede præfectus finibus Frisiorum ducebat: ipse [Germanicus] *legiones per lacus vexit, - - Bructeros, sua vrentes, expedita cum manu L. Stertinius missu Germanici fudit, interque cædem & prædam reperit vndeicesimæ legionis aquilam cum Varo amissam.* Ductum inde agmen ad ultimos Bructerorum: quantumque Amisiam & Luppiam amnes inter, vastatum, haud procul Teutoburgiensi saltu. Posteriori autem sæculo etiam Bructeros superfuisse, remotiores fortassis ab Rheno,

no, panegyrici, Constantino dicti, ostendunt. Eumenius cap. XII *Vt omnibus modis barbarorum immanitas frangeretur, immissa Bructeris vastatione fecisti, imperator inuicte.* Et Nazarius ad eundem: *Quid memorem Bructeros? quid Chamauos? quid Cheruscos? quid Alemannos? - - - Innumera simul gentes ad bellum coactae, sed vno impetu tuo fusae.* Claudianus IV Consul. Honor. vers. 450

- - - - venit accola siluae
Bructerus Herciniae.

XLVII.

Strabo & Ptolemæus Bructeros in *Maiores* & *Minores* distinguunt. Ille lib. VII post initium: ὁ Λεπίας ποταμός, ῥέων διὰ Βρεκτέρων ἐλαττονων, *Luppia amnis per Bructeros Minores fluit.* Et Ptolemæus lib. I I cap. XI κατέχουσι τῆς Γερμανίας, τὰ μὲν παρὰ τὸν Ῥῆνον ἀρχομένοις οἱ τε Βρεκτεροι (male Βρεκτακτεροι scriptum) οἱ μικροὶ καὶ οἱ Σύγαμβροι, *Tenant Germaniam a Rheno fluuio Bructeri Minores & Sigambri.* Minores ergo ad Rhenum fuerunt in limite: *Maiores* intus ad caput *Luppiæ* versus, & saltum *Teutoburgicum*.

XLVIII.

Inter *Amisiam* & *Visurgim* ad septentrionem seu Oceanum erant CHAVCI, siue CAVCHI, qui & CAVCI scribuntur, sed *Minores* tantum: nam *Maiores* trans *Visurgim* vsque ad *Albim* erant. Ptolemæus in *Germania*: μετὰ τῆς Καῦχοι οἱ μικροὶ, μέχρι τῆς Οὐισέργιος ποταμῆς. εἶτα Καῦχοι οἱ μέγας, μέχρι τῆς Ἀλβιος ποταμῆς, *Post hos [Frisios] Cauchi Minores sunt, vsque ad Visurgim: deinde Cauchi Maiores: vsque ad Albim fluuium.* Etiam Tacitus hac diuisione vsus est lib. XI cap. XIX. *Corbulo, inquit, praesidium [Frisiis] immuniuit, missis qui Maiores Chaucos ad deditionem perlicerent.* Sicut, amplitudinem, & mores gentis ita Tacitus de Mor. German. cap. XXXV descripsit: *Hactenus in occidentem Germaniam nouimus. In septentrionem ingenti flexu redit. Ac primo statim Chaucorum gens, quamquam incipiat a Frisii ac partem litoris occupet, omnium, quas exposui, gentium lateribus obtenditur, donec in Cattos vsque sinuetur. Tam immensum terrarum spatium non tenent tantum Chauci, sed & implent, populus inter Germanos nobilissimus, quique magnitudinem suam malit iustitia tueri, sine cupiditate, sine impotentia, quieti secretique. nulla prouocant bella, nullis raptibus aut latrociniis populantur.* Attamen Ansibarios de sedibus expulerunt, vt supra ex annali XII I cap. LV ostensum: & cum Ciuile fecerunt contra Romanos. Idem Hist. lib. V cap. XIX *Ciuili Chaucorum auxilia venere.* Terram illorum Dio Cassius lib. LIV pag. 544 Χανκίδα, *Chaucidem* adpellauit. Nostra ætate Frisia orientalis est & Oldenburgicus Comitatus, vbi *Minores* fuere: *Bremensis Ducatus* & portio *Lauenburgica*, vbi *Maiores*.

XLIX.

Supra *Minores Chaucos* in austrum CHAMAUI erant, qui antiquissimis temporibus ripam *Rheni* tenuerunt, vt *Ansibariorum* vel dux, vel orator ad Romanos, *Boiocalus*, apud Tacitum lib. XIII cap. LV ostendit: quæ petebant ab Romanis, *Chamauorum* quondam arua, mox *Tubantum*, & post
Vli-

Vsipiorum fuisse. Quo casu vero migrauerint, silente historia, ignotum est. Migrarunt autem in Bructerorum sedem vna cum Angriuariis. Idem de Germ. cap. xxxiii *Iuxta Tencteros Bructeri olim occurrebant: nunc Chama- vos & Angriuarios immigrasse narratur, pulsus Bructeris ac penitus excisis.* Vici- ni ergo Chamauorum ANGRIVARII, quos inter Amisiam & Visurgim coluisse, castris Germanici, annali ii cap. viii, probatur, quæ metanti, *Angriuariorum defectio nuntiatur a tergo.* Et quia altero latere Cheruscas at- tingebant, in meridiem illorum sedem inclinasse non obscurum est. Tacitus ibidem cap. xix *Latus unum Angriuarii lato aggere extulerant, quo a Cheruscis dirimerentur.* Ex quo est consequens, vt Chamaui septemtrio- nem versus, proxime Chaucos, habitauerint. Ptolemæo sunt χαῖμαι, Chæ- ma, quod nomen Cluuerio ex χαμάροι, vel χάμαροι, vt Iulianus oratione ad Athenienses scripsit, corruptum adparet.

L.

Chamauos accolebant TVBANTES, incertum quibus finibus, pariter ab Rheno depulsi quondam, aut cedentes, quod supra ex Taciti lib. xiiii cap. lv probaui. Idem annali i cap. li *Exciuit ea cædes Bructeros, Tubantes, Vsi- petes.* Cluuerius *Teceliam* Ptolemæi, quæ, quod nomen prodit, nunc Tek- lenburg est, in Angriuariorum Tubantumque *confinio* ponit: malim Cha- mauorum Tubantumque, aut gentis vtriusque & Tubantum conlimitio, sed a fronte: a tergo enim aliæ obscuræ gentes erant DVLGIBINI & CHASVARI. Tacitus Germ. cap. xxxiv *Angriuarios & Chamauos a tergo Dulgibini & Chasuari cludunt, aliæque gentes, haud perinde memoratæ.* Dulgibini sunt Ptolemæi *Dulgumnii*: Chasuari siue Chassuari, Strabonis χατσαῖροι *Chattu- arii*, lib. vii; & Velleii forsan *Attuarii*, lib. ii cap. cv, truncato capite lit- terarum. Videntur genus Chattorum siue Cattorum fuisse, qui alia diale- cto nominati *Chassi* fuerunt, sicuti nunc Hassi. Francos in illum tractum successisse, ex Ammiano patet, qui lib. xx cap. xxv [Vales. x] ait de Iulia- no: *Rheno exinde transmissso, regionem subito peruasit Francorum, quos At- tuarios vocant.* Hos postea Rhenum transiecissee, & in secunda Germania, Lugdunensi prima, Lingonumque finibus sedes occupasse probat Hadrianus Valesius Notit. Gall. in *Attuarii*.

LI.

Ad Rhenum reuertimur. VSIPII & TENCTERI, a Cattis expulsi, & triennio vagati ad Rhenum venerunt & Menapiorum transrhenanas re- giones occuparunt, teste Cæsare lib. iv cap. iv. A Druso postea subiugati, amicitiam Romanorum acceperunt. Dio Cassius lib. l iv pag. 544 de Dru- so: τὸν Ῥήνον ἐπεραιώθη, καὶ τὰς Ουσιπέτας κατεπρέψατο, τὸν τε Λεπίαν ἐξέυξε, καὶ ἐς τὴν τῶν Συγάμβρων ἐνέβαλε, *Rhenum traiecit, & Vsi- petes subegit, & Lupiæ ripis ponte iunctis in Sigambrorum terram irrupit.* Videntur Vsi- pii a diuor- tio Rheni in superiora per ripam sedes habuisse. Ibidem Dio paullo ante, ἐς τὴν τῶν Ουσιπετῶν κατὰ αὐτὴν τὴν τῶν Βαταούων νῆσον διέβη, *in Vsi- petum regio- nem iuxta ipsam Batavorum insulam transgressus est.* Tencteri vero in austrum vergebant, Agrippinensibus fere trans flumen obiecti. Tacitus Histor. lib.

Bbb

iv cap.

IV cap. LXIV *Tencteri, discreta Rheno gens*, puta, ab Vbiis siue Agrippinensibus. Scribuntur varie hæc nomina, *Vsippii, Vsipetes & Vsipetæ*: sic etiam *Tencteri & Tenchteri*. * Græci magis variant Strabo, Dio Ptolemæus, addentes litteram, aut dementes, aut peruercentes.

LII.

Per Vsipios Drusus, ponte in Luppia factò, in SICAMBROS siue SIGAMBROS, quorum vetus sedes supra Luppiam fuit, & in extremis finibus illorum, *Aliso* fluuius & castellum, vt supra de Fluminibus dictum fuit: quod ipsum castellum est, de quo Velleius Paterculus lib. II cap. cxx refert, *L. Cæditii, præfecti castrorum, eorumque qui vna circumdati Alifone immensis Germanorum copiis obsidebantur, laudanda virtus est*. In ripa Luppia, oppidum Ptolemæi eodem nomine *Luppia*, Λεππία, nunc Lippstadt, notum in Westphalia est. Horatius lib. IV oda II *feroces Sicambros* vocat: sed victi ab Augusto, quem

Compositis venerantur armis,

vt idem extrema oda XIV dixit: & in Gallias ex fede sua traiecti sunt, vt Tacitus lib. XII cap. xxxix Ostorii, ducis Romani, verbis refert. *Sugambros* Tacitus nominauit, Græcorum more, qui Σύγαμφοι scripserunt: plures autem Latini, *Sicambri*, per I simplex & C. Sic Cæsar de se lib. IV cap. xviii *ad utramque partem pontis firmo præsidio relicto, in fines Sicambrorum contendit*, Martialis Spectac. carm. III

Crinibus in nodum tortis venere Sicambri.

Sidonius Apollinaris lib. IV epist. I *paludicolas Sicambros* dixit. Cetera hunc tractum, post Alifonem fluuium, & circa fontes Luppia, *Saltus Teutoburgiensis* attingebat, quem illustrissimus auctor Monumentorum Paderbornensium, exfurgere dicit in diœcesi Paderbornensi, ac per Lippiensem, Ravensbergensem, Osnabrugensem, Monasteriensem, & Oldenburgensem ditionem longissimo montium siluarumque tractu porrigi ostendit. Sed hæc connexio siluarum atque montium: proprie dictus Teutoburgiensis saltus in illa, quam diximus, regione est, quod nomen confirmat, a *Teutoburgio* ductum, quod eruditorum plurium consensu in Dethmolda siue Dietmellen, oppido comitatus Lippiensis, inuenitur. Saltus hic clade Variana nobilitatus fuit. Tacitus annali I cap. LX *Ductum inde agmen ad ultimos Bructerorum, quantumque Amisiam & Luppiam amnes inter, vastatum; haud procul Teutoburgiensi saltu, in quo reliquæ Vari legionumque insepultæ dicebantur*. Cluverius hunc locum Cheruscis citerioribus, hoc est cis Visurgim colentibus, attribuit: de quibus postea dicturi sumus.

LIII.

Supra Tencteros circa Segi confluentem, vbi australis pars Ducatus Bergensis est, Cluverius *Iuhones* Taciti locat, de quibus extremo lib. XIII scripsit: *Sed ciuitas Iuhonum, socia nobis malo in prouiso adflicta est. nam ignes terra editi villas, arua, vicos passim corripiebant, ferebanturque in ipsa conditæ nuper coloniarum mœnia*. Quod vero alius nemo huius gentis mentionem fecit, &

* Vt accentus ratio haberi possit, addo e Dione libr. XXXIX. pag. 126. Τίχτηροι.

& insuper scripti codices, Florentinus & Th. Ryckii, *Vibonum* referunt; Nicolao Heinſio, acuto viro, in mentem venit, *Vbiorum*, loco *Iuhonum*, legendum eſſe, quam ſententiam etiam Menſo Altingius tuetur: Ryckius autem *Aeduorum* mauult, & *coloniam nuper conditam*, non Agrippinenſem, ſed Lugdunenſem, ad Rhodani & Araris confluentes, intelligit, cuius memorabile incendium Seneca epiſt. xci narrauit. Sed propius ad MSS. codicum *Vbiorum*, quam *Aeduorum*, accedit: etiam ratio temporis, aduerbio *nuper* ſignificata, cum Agrippinenſi magis, quam Lugdunenſi conuenit, vti ex vtriuſque conditu, in Galliis a nobis deſcripto, luculentum eſt. Ad *Segum* fluuium reducit Cluuerius Ptolemæi *Segodunum*, in locum vbi nunc *Sigen* oppidum eſt & ſedes principis: ſicut fluuius etiam *Sige* adpellatur, quem ab oppidi vocabulo, quod Ptolemæus prodit, *Segum* modo diximus. De *Rheticone* monte, qui illo in tractu eſt, ſupra quoque in *Montibus* commentati ſumus.

LIV.

Supra Tencteros in ripa Rheni, ſi Iuhones excidant, vti videntur excidiſſe, CATTI, ſiue CHATTI, uſque ad Moenum habitabant, ampliffima natio, & late diſfuſa, ab ortu uſque Salam amnem per Thuringiam: a ſeptentrione in Weſtphaliam ad Paderbornenſes fines; & præter Haſſiam, Wetterauiam, & partem Rhenani tractus ac ripas Loni fluuii, inter hos fines omnia poſſidebant. Cæſar paſſim illos *Sueuos* vocauit, nec minus Rheno adpoſuit; neſcitur autem qua inductus ratione, in eo nomine fuerint, quum longe ſatis abſint a propriis Sueuis ſiue Alemannis. Cæſarem interdum alii imitantur, vt Strabo lib. i v p. 134 ὑπέρκεινται τῆς ποταμίας ταύτης οἱ Σούηες προσαγορευόμενοι Γερμανοί, καὶ δυνάμει καὶ πλῆθει διαφέροντες τῶν ἄλλων ὅφ' ὧν οἱ ἐξελαυνόμενοι κατέφευγον εἰς τὴν ἐντὸς τῆς Ῥήνης νυνί. *Supra totam hanc ripam degunt Sueui, Germanica natio, reliquis potentia & numero ſuperior: a quibus expulſi in regionem cis Rhenum confugerunt.* Et Seneca Medea verſ. 713

Lucis Suëni nobiles Hercyniis.

Cattorum fedem Tacitus deſcribit Germ. cap. xxxii. *Proximi, inquit, Cattis certum iam alueo Rhenum, quique terminus eſſe ſufficiat, Vſipii ac Tencteri colunt.* Et ex altero latere cap. xxx *Catti initium ſedis ab Hercynio ſaltu inchoant, non ita effuſis ac paluſtribus locis, vt ceteræ ciuitates, in quas Germania pateſcit. durant ſiquidem colles paullatimque rareſcunt: & Cattos ſuos ſaltus Hercynius proſequitur ſimul atque deponit.* Propria ergo Hercynia ſilua, & quæ maxime hoc nomen tenebat, in Cattis erat, & circa illorum regionem.

LV.

Caput Cattorum fuit *Mattium*, quod tamen haud dubie etiam MATTIACIS, ſingulari genti, nomen dedit; inde pronum eſt conii cere, *Mattiacos* fuiſſe Cattorum partem ita, vt plerumque ſeorſum nominentur, etiam a Cattis aliquando diſtinguantur. Tacitus annali i cap. lvi de Germanico: *expeditum exercitum in Cattos rapit - - - item, Cattis in prouiſus aduenit - - Cæſar incenſo Mattio (id genti caput) aperta populatus vertit ad Rhenum.* Et lib. iv Hiſtor. cap. xxxvii *mixtus ex Cattis, Vſipiis, Mattiacis exercitus.* Quod

si ergo distincti sunt a Cattis, distinctos fines habuisse necesse est, quos autem difficile est signanter determinare: nec desperandum tamen quodammodo inueniri posse. Plinius lib. xxxi cap. ii *Fontes Mattiacos* laudat, quæ Ammiani *Aquæ sunt Mattiacæ*, lib. xxix cap. xx, omnium consensu thermæ Wisbadenses, e regione Magontiaci. Ait enim Plinius: *Sunt & Mattiaci in Germania fontes calidi trans Rhenum, quorum haustus triduo feruet.* Deinde *Mattium*, ut vniuersæ gentis Cattorum, ita speciatim *Mattiacorum*, quibus nomen dedit, caput fuisse, perquam est vero simile. quam ob causam non *Mattium*, sed *Mattiacum*, quasi oppidum Mattiacorum, a Ptolemæo vocatum est. Hoc autem non tam consensu plurimorum, quam rationibus Taciti, videtur *Marpurgum* esse, quasi Matburgum, quod in via erat transeunti Germanico a Tauno monte, qui contra Magontiacum est, ad Adranam flumen: uti ex Taciti annali i cap. lvi colligitur. Ergo Mattiacorum fuit quidquid a Moguntia Marpurgum usque aut paullo ultra est: utrum autem plura possederint, & quem ad finem, non habemus dicere. Rhenum attigisse certum est. sic enim Tacitus de Mor. Germ. cap. xxix *Est in eodem obsequio & Mattiacorum gens. Protulit enim magnitudo populi Romani ultra Rhenum, ultraque veteres imperii reuerentiam. Ita sede finibusque in sua ripa; mente animoque nobiscum agunt.* Videntur ergo ripam inter Moeni & Loni confluentes tenuisse.

LVI.

Reliqua ultra illum confluentem, & ad Adranam, & Fuldam amnem, & vteriora, Cattorum proprie dictorum fuerunt, in quibus nihil memorabile occurrit, nisi ad Fuldam *Castellum* Cattorum, nunc vrbs incluta *Cassel*, licet, præter nomen, nullum forsan antiquum eius monimentum super sit, a geographo vetere vel historico conseruatum. *Castellum* vero in Tauno monte, a Druso patre exstructum, a filio Germanico reparatum, in fines Mattiacorum incidit, quia prope Fontes Mattiacos erat, & ad limitem eorum prope Magontiacum, seu huic vrbi ex aduerso respondentem, vergebat. Ait de Germanico Cæfare: *posito castello super vestigia paterni præsidii in monte Tauno, expeditum exercitum in Cattos rapit.* An idem etiam *Munimentum Traiani* sit, ab Iuliano reparatum, referente Marcellino lib. xvii post principium, alios inter & Cluuerium ambigue disputatur. Ait ille esse idem, atque ita ter a primo conditu Drusiano, propter loci commoditatem, reparatum, a Germanico; a Traiano, qui nomen suum indiderit; & tandem ab Iuliano. Nobis secus omnia videntur, eiusque sententiæ auctor nobis ipse Ammianus est. Tradit, post *Argentoratensem* pugnam Iulianum *Magontiacum* petiisse, ac, *flumine pontibus constratis transmissio, occupasse terras hostiles, & noctu nauigiis modicis & velocibus octingentos imposuisse milites, qui sursum versum decurso egressi, quidquid inuenire potuerint, ferro violarent.* Hanc rem perculisse animos Germanorum, ut trans *Manum* nomine fluuium, ad opitulandum suis necessitudinibus, auolarent. *Emensa aestimatione decimi lapidis, quum prope siluam venissent squalore tenebrarum horrendam, obstructis semitis obiecto robore & ilicibus incis; gradi cauti retro constituerunt.* Et dum
nullus

nullus obsisteret, munimentum, quod in Alemannorum solo conditum Traianus suo nomine voluit adpellari, dudum violentius oppugnatum, tumultuario studio reparatum est. Videmus, apud Magontiacum, ponte in Rheno facto, exercitum traiectum esse, & ex transrhenanis castris emissos nauigiis, haud dubie per Moenum fluuium, qui hostilem terram vastarent: ideoque Moenus barbaris transmittendus erat, ut suis opitularentur. Excursoribus obfuit immanis silua, obstructis semitis inperuia, cuius inter Francofurtum & Darmstadtium reliquiae sunt, quae arguunt cum Ottena silua cohæsisse. Congruit spatium decem lapidum siue milliariorum. In illo receptu demum Iulianus, qui interea sequutus emissarios videtur, Traiani munimentum in solo Alemannorum, hoc est sinistra Moeni ripa, reparauit. Ultra illam siluam, ad dextram ripam conuersi Nicri, haud longe a confluente, Lupodunum Aufonii fuit, qui Mosella vers. 423 scripsit,

Hostibus exactis Nicrum super, & Lupodunum:
quod Freherus aliique Ladenburgum interpretantur. Huc vero producti Cattorum fines in austrum fuerunt.

LVII.

CHERVSCI supersunt, a Cattis in septemtrionem inter Visurgim & Albim procurrentes, gens itidem ampla, sed minore gloria quam Catti. Tacitus Germ. cap. xxxvi *In latere Chaucorum Cattorumque Cherusci nimiam ac marcentem diu pacem illacessiti nutrierunt. idque incundius quam tutius fuit, quia inter impotentes & validos falso quiescas. - - - Ita qui olim boni equique Cherusci, nunc inertes ac stulti vocantur: Cattis victoribus fortuna in sapientiam cessit. Tacti ruina Cheruscorum & Fosi, contermina gens.* Ex quibus sedes illorum inter Chaucos, Cattos & Fosos intelligitur, quae maxime inter Visurgim & Albim incidit. Olim bellicosiores fuerunt sub Arminio duce contra Romanos pugnantes, ut Tacitus ann. ii cap. xvi seq. perscripsit; & de iis non minus, quam de Cattis & Angriuariis triumphauit Germanicus, quod Tacitus ibidem cap. xli narrauit. Latius tum & cis Visurgim etiam Cheruscos coluisse, ex Dionis lib. liv. videtur pronum ad probandum esse. De Druso ait pag. 544 τὸν Ῥῆνον ἐπεραιώθη, καὶ τὰς οὐσίπεταις κατέσρεψατο, τὸν τε Λαπτιαν ἐξέυξε, καὶ ἐς τὴν τῶν Συγαμβρῶν ἐνέβαλε, καὶ δι' αὐτῆς καὶ ἐς τὴν Χερυσιίδα προσεχώρησε, μέχρι τῆς οὐσιόρυγος. Rhenum transmisit, Usipetes subiugauit, Lupiam ponte iunxit & in regionem Sicambrorum irrupit, & per illam in Cheruscorum terram, usque ad Visurgim. Quem ordinem & Velleius lib. ii cap. cv tenet: *Intrata protinus Germania, subacti Attuarii, Bructeri: recepti Cherusci: transitus Visurgis.* Hanc ob causam Cluverius Teutoburgium cum silua, qua Varus cum legionibus caesus est, Cheruscis adscripsit. de quo supra in Sicambriis aliquid diximus.

LVIII.

Verius in Cheruscis est Mons Melibocus, de quo etiam antea dictum fuit: & Lucus Herculis, Tacito lib. ii annal. cap. xii *Silua Herculi sacra, quam prope Mindam fuisse Cluverius opinatur: & Tropaea Drusi, Τρόπαια Δρούσι, quae Ptolemæus in oppidis Germanorum numerauit.* Dio Cassius ad

Albim posita fuisse tradit ineunte lib. LV. *Drusus*, inquit, *inde πρὸς τὴν Χερσ-
σκίαν μετέστη, καὶ τὸν Οὐίτρυγον διαβάς, ἤλασε μέχρι τῆς Ἀλβίς πάντα προθῶν ἐκεί-
νων ἐπεχείρησε μὲν περαιοθῆναι, ἔκ ἡδυνήθη δὲ, ἀλλὰ τρόπαια σήσας, ἀνεχώρητε.
in Cheruscos conuerso itinere, Visurgim transgressus, ad Albim usque populan-
do perrexit. Hunc quum frustra conatus esset transire, tropæis constitutis,
recessit.*

S E C T I O II.

INTER ALBIM ET VISTVLAM.

LIX.

Septemtrionali Germania, quæ Romanis cis Albim erat, adhuc omni explicata; traiecto amne, eundem cursum in septemtrionali plaga ad Vistulam usque prosequemur. Cheruscis contermini, sed Albi interfluente, Fosi erant, ut paullo ante ex Taciti Germ. cap. xxxvi cognouimus. *Tacti*, inquiebat, *ruina Cheruscorum ἔς Fosi, contermina gens, aduersarum rerum ex æquo socii, quum in secundis minores fuissent.* Quod contermini, dubitare possis, an trans Albim, flumen ante ostia instar maris latum, fuerint. At quia subiicit, *Eundem Germaniæ sinum proximi Oceano Cimbri tenent;* & hæc verba cum superioribus connectit, nec quidquam inter Fosos Cimbrosque interposuit; recepta opinio, Fosos trans Albim habitasse * confirmatur. Nemo vnquam illorum, nisi Tacitus, mentionem fecit; nec Ptolemæus, qui LX circiter annis post Tacitum scripsit, largus alioquin in gentibus enumerandis. In loco autem Fosorum SAXONES memorat, quæ validissima gens postea euasit. *ἐπὶ τὸν ἀνχένα τῆς Κιμβρικῆς Χερσονήσου, Σάξονες, Supra collum,* inquit, *Cimbricæ Chersonesi, sunt Saxones.* Quæ causâ est, ut Fosi Cluuerio sint ipsi Saxones, quum fieri haud potuerit, ut tam breui interuallo Fosorum gens perierit, & noua Saxonum surrexerit, a nemine antea memorata. Ipsam autem Chersonesum his obscuris nominibus post Saxones repleuit *Siguloni-
bus, Sabalingiis, Cobandis, Chalis, Phundusiis, Charudibus, πάντων δὲ ἀρχτικώ-
τατοι Κίμβρι, omnium autem maxime septemtrionales Cimbri.*

LX.

CIMBRI autem Taciti æuo *parua ciuitas, sed gloria ingens.* Addit cap. xxxvii, *veteris fame late manere vestigia, utraque ripa castra ac spatia, quorum ambitu nunc quoque metiaris molem manusque gentis, ἔς τὰν magni exercitus fidem.* Non dubium ergo, ingentem olim multitudinem fuisse, quæ peninsulam occuparet, & obscuros populos, quos Ptolemæus nominauit, subiectos & oppressos contineret. Quum vero Italiam inuasuri essent, a Mario Catuloque sunt deleti: quæ vero pars domi remanserat, Taciti æuo *ciuitas parua*, in septemtrionali peninsulæ sinu, Ptolemæo auctore, collocatur. Post Albim supra Cimbros Tacitus *Reudignos, Auiones, Anglos, Varinos, Eudoses, Suardones & Nuithones*, cap. xi nominauit: sed difficulter in suas sedes distribuuntur, quia alia hoc loco & monstrosa vocabula Ptolemæus habet. Meræ ergo coniecturæ sunt, quas sequuntur, qui in tabulis sedes

* Respicit Autor illos, qui Fosos ad flumen Saxoniae Inferioris Fes collocant.

fedes hisce gentibus adsignauerunt: soli ANGLI, quod alio æuo societatem cum Saxonibus in occupanda Britannia fecerunt, videntur coniungendi, vt vicini, esse.

LXI.

Vrbes Ptolemæus ad Albim ponit *Marionem* & *Laciburgum*, quarum illa fere in locum cadit vbi nunc Hamburgum, celeberrimum emporium est: hoc, supra illam, in locum *Lauenburgi*, quod probabilius fiet, si v pro x in vocabulo Ptolemæi legas. Habet eodem tractu geographus *Treusam*, quæ quod nomine cum amne *Traua* conuenit, qui Ptolemæo *Chalusus* est; fit, vt multi ad illud flumen reducant, quasi Lubecca, itidem nobilis vrbs, ex *Tre-væ* vel initiis vel ruinis sit exorta. Post *sinus ingens Codanus* est, magnis parvisque insulis refertus, vt Pomponius Mela describit; nunc *Ost-See*, siue *Mare Balticum*; sub cuius initio Ptolemæus alteram *Marionem* (ἐρέα Μαριωνίς Græce dicitur) locauit, quæ curiosis, qui vetera cum nouis, dubia cum certis componunt, videtur in loco Wismariæ esse: vbi vulgo VARINOS locant, quasi hi sint quos nunc maritimos Meklenburgios nominant. Supra hos populos, amnem Spream versus, siue inter Albim & Oderam in Brandenburgica Marchia ponendi LANGOBARDI videntur, quos, vt Tacitus ait cap. XL, tum *paucitas nobilitabat, quod plurimis ac valentissimis nationibus cincti non per obsequium, sed præliis & periclitando tuti erant*. Tiberii tempore Cheruscorum socii facti, Arminio accessere, bello contra Maroboduum & Sueuos. Postea, ingenti multitudine auctos, cum alia bella & excursionationes, tum diuturna possessio Italiæ multum nobiliores reddiderunt.

LXII.

Superius, inter eosdem fluuios, Albim & Viadrum, fuerunt SEMNONES, qui se *vetustissimos nobilissimosque Sueuorum*, vt Tacitus cap. XXXIX refert, memorabant. Adiecit auctoritatem fortuna Semnonum. *Centum enim pagis habitabantur, magnoque corpore effectum, vt se Sueuorum caput crederent*. Nec intra fines amnium multitudo gentis contineri potuit, quin hinc trans Albim in Misniæ partes, illinc vltra Viadrum in citeriorem Poloniam se proferrent. Ante Tacitum Velleius Paterculus memorauit lib. II cap. CVI. *Allis*, inquit, *Semnonum Hermundurorumque fines præterfuit*. Et Strabo, qui lib. VII post principium, τῶν Σηήων ἀπὸ τῶν μέγα ἔθνος Σέρμανας, ipsorum Sueuorum nationem magnam Semnonas, porrecta syllaba media dixit. At Ptolemæo Σέρμανες sunt, media breui.

LXIII.

Dixi vetustissimos nobilissimosque Sueuorum, & caput, *Semnones* videri voluisse. nam SVEVI omnes inter Albim & Vistulam Germani vocabantur. Tacitus cap. XXXVIII *Nunc de Suevis dicendum est, quorum non vna, vt Cattorum Tencterorumue gens. maiorem enim Germaniæ partem obtinent, propriis adhuc nationibus nominibusque discreti: quanquam in commune SVEVI vocentur*. Postea sub illis recenset Langobardos, Reudingos, Auiones, Anglos, & quos alios supra enarrauimus: etiam Marsingos, Ofos, & quos trans Oderam colentes postea enumeraturi sumus. Hinc est quod Ptolemæus

coniungit vocabula Σηῆσοι Ἄγγιλοι, *Sueui Angli*; & Σηῆσοι Σέμνονες, *Sueui Semnones*.

LXIV.

Inter Viadrum, qui & *Sueuius* videtur esse, & Vistulam sunt Taciti positione sub mari Sueuico & RVGII & LEMOVII. Cap. XLIII extremo: *Pro-
tinus deinde ab Oceano Rugii, & Lemouii*: quos sic vltiorem Pomeraniam, præsertim maritimam, cum Cassubiorum terra tenuisse necesse est. *Rugii* citeriores, & prius a Tacito nominati, quorum oppidum *Rugium* intus posuit Ptolemæus: & prope Viperæ ostium superest aliud *Rügenwald*, quod veterem nomenclaturam regionis confirmat. Limitem ergo his ab Odera seu Viadro Cluuerius constituit *Viperam* siue Wipper amnem. Vltiores *Lemouii*, a Viperæ ad Vistulam sunt. Hos posteriori ævo HERVLOS nominatos fuisse, exinde Cluuerius coniecit, quia mediæ ævi scriptores, obliti Lemouiorum, plerumque cum Rugiis coniungant *Herulos*, in regionibus, in quas vna egressi fuerant. Paullus Warnefredi de Gestis Langobard. lib. I cap. I *Gothi Wandalique, Rugi, Heruli atque Turcilingi, nec non etiam aliæ feroces & barbaræ nationes, e Germania prodierunt*. Et Iornandes Odoacrum genere *Rugum* dixit, at *Herulorum* simul regem, saltem auxilio illorum munitum, de Regnorum Success. cap. CII. licet de Rebus Getic. cap. XXIII cum Ablabio historico a Mæotide palude velit arcessere.

LXV.

Ptolemæus heic omnia turbat, & inaudita vocabula nationum adfert, e quibus solos *Sidinos* siue *Sidenos*, Σιδηνῆς, cum oppido *Viritio*, spatio complendo retinuimus: Plinius lib. IV cap. XIV heic suos VINDILOS, id est *Vandalos* siue *Wandalos* ponit, quorum partem facit BVRGVNDIONES. Ipse quidem cum *Varinis*, quos in citeriore tractu supra posuimus, coniungit proxime; at vltiores etiam, Carinos & Guttones subiungit, vt de sede nationum nihil certi ex Plinio habeamus. Cluuerius *Burgundiones* circa Wartam flumen locat, quia Zosimus lib. I cap. LXVI: & insequenti, cum *Legionibus* siue *Lygiis* ad Rhenum egressos, Probo Romanum imperium tenente, tradidit. *Lygios* autem Vistulæ censerî proximis. Addo, quod posteriore loco cum *Vandalis* coniungat, cuius nominis reliquiæ inter Viadrum & Vistulam supersunt. Probus, inquit, Βεργάνδοις καὶ Βανδίλοις ἐμάχετο, cum *Burgundis & Vandalis dimicauit*. Claudius Mamertus Panegyrico Maximiani cap. V *Burgundiones, Alemannos & Erulos* coniungit. Hadrianus quidem Valesius Rer. Franc. lib. I pag. 50 *Burgundiones* Germaniæ, a *Burgundis* Sarmatiæ discretos vult, sed quam firmis rationibus nitatur, aliis iudicandum relinquo. Tam dubiæ sunt coniecturæ, quæ sedem his populis constituunt. nec mirum, quia Romanæ expeditiones in Albi fere flumine suum limitem & finem habuerunt.

LXVI.

Ordo Taciti cap. XLIII ita vltioris Germaniæ populos disponit: Post Marcomannos & Quados, quorum illi Boiohemum tenebant, hi, vulgari opinione, Morauiam quam vocamus; ipsi sunt *Marsigni, Gothini, Osi, Burii*:
atque

atque hi omnes dicuntur *terga Marcomanorum Quadorumque claudere*, id est ab ortu, saltem æstiuo, obiectos habitare. Omnes etiam *pauca campestrium, ceterum saltus & vertices montium insederunt*, eodem Tacito adnotante. Iuga hæc, ubi in septentrionem excurrunt, *Asciburgius Mons* a Ptolemæo adpellantur. *Dirimit enim*, (pergit Tacitus) *scinditque Sueuiam continuum montium iugum, ultra quod plurimæ gentes agunt: ex quibus latissime patet LYGIORVM nomen, in plures ciuitates diffusum. Valentissimas nominasse sufficiet, Arios, Helueconas, Manimos, Elysios, Naharualos. Hi Lygii, qui etiam Eugii scribuntur, haud dubie sunt Zosimi Λογίωες, Logiones, quos paullo ante ex lib. i cap. LXVII ostendimus, cum Burgundis & Vandalis contra Romanos ad Rhenum profectos. Hi quod latissime patebant ultra iuga montium; non potest alia illorum sedes & regio fuisse, quam quæ inter Asciburgios montes & Vistulam, amplum sinum excursionem in ortum versus facientem, habetur: quo antea nominatæ obscuræ nationes sub *Lygiorum* nomine latentes, continebantur. Nunc his locis pars Poloniæ est. Cis Asciburgium montem inter Burgundiones & Burios cadit Ptolemæi oppidum *Calisia*, quod indicio nominis videtur Poloniæ *Kalisch* esse, in citiore hac parte positum. Propius Vistulam in Lygiorum gente fuit *Carrodunum* Germanicum Ptolemæi, quod quidam Cracouiam esse diuinant: Menso Altingius in nomine oppidi *Radom* credit vestigia inueniri.*

LXVII.

Tacitus addit: *Trans Lygios Gothones regnantur, paullo tamen adductius quam ceteræ Germanorum gentes: nondum tamen supra libertatem. Protinus deinde ab Oceano Rugii, & Lemouii.* Hinc intelligitur, GUTHONES fuisse medios inter Lygios ab austro, & Lemouios a septentrione: iidemque sunt, quos *Guttones* Plinius dicto loco dixit. Post Burgundiones enim ponit *Carinos, Guttones*. Et lib. xxxvii cap. ii Pytheam, veterem scriptorem, credidisse refert, *Guttonibus, Germaniæ genti, accoli æstuarium Oceani, Mentonomon nomine.* Sed Taciti, peritiore sæculo scriptoris, fides maior est, Gothones inter Oceanum & Rugios Lemouiosque interponentis. Philippus Cluuerius lib. iii Antiq. Germ. cap. xxxiv operose contendit, hos *Gothones* vel *Guttones* esse ipsos *Gothos* vel *Gottbos*, quorum posterii per imperii Romani prouincias se effuderint, nec illarum modo plures, sed ipsam quoque Italiam aliquamdiu possederint, diuisi in *Ostrogothos* & *Vesigothos*, hoc est in orientales & occidentales: vsque forma gemina vocabuli, *Gothi* & *Gothones*, sicuti iidem dicantur *Franci* & *Francones*; *Burgundi* & *Burgundiones*. Contra sunt qui obiiciant, non potuisse fieri, ut ex tam angusta terra, qualem Tacitus Gothorum regionem describit, tam immensæ copiæ ac innumerabiles exercitus prodirent. Quare Iornandem, Gothorum episcopum, aut huius ducem Ablabium sequuti, malunt in Scandinauia, illa vastissima peninsula, quam veteres insulam esse crediderunt, Gothorum patriam quærere, vnde egressi in orientem, Dacorum regiones insederint, post, trajecto flumine, imperii Romani occupauerint prouincias. Ad cuius fidem faciendam & ipsi credunt in vocabulo etiam argumentum reperisse

se, *Gothiae* scilicet, amplæ Suedorum prouinciæ; & vicinæ insulæ *Gothlandiae*. Sed historicorum est hanc controuersiam excutere: geographiæ sufficit & regiones definiisse, & illarum ostendisse vocabula.

S E C T I O III.

GERMANIA AVSTRALIS.

LXVIII.

Ex septentrionali Germania in australem & ad Danubium, qui terminus meridianus est, degrediemur. Inter Rhenum & Danubium, ex fontibus suis nouum, & Nicri confluentem, antiquitus MARCOMANI fuerunt, iisque a latere adiuncti *Sedusii* atque *Harudes*. Cæsar id nobis haud obscure prodidit. Commentario I cap. LI ait, Ariouistum regem Germaniæ a Sequanis contra Aeduos mercede euocatum, habuisse in acie sua *Harudes*, *Marcomanos*, *Triboccos*, *Vangiones*, *Nemetes*, *Sedusios*. Iam vero ante Cæsarem Tribocci, Vangiones, Nemetes in ripam Gallicam concesserant: reliquos ergo oportet Germanos fuisse, quos rex Germaniæ in auxilium secum adduxerat. Probabile autem, proximos Germanorum a Sequanis inuocatos fuisse, id est illos, qui inter Rhenum & Danubii fontes, aut circa eosdem essent. Ergo *Marcomani*, *Sedusii* & *Harudes* in illo tractu sedem habuerunt. Quod vero Marcomanorum natio præcipua ex tribus fuerit, ex successione adparet, & in Boiohemum transportatione. In vtraque enim nominatim tantum Marcomanorum fit mentio, & successor Ariouisti Maroboduus, & ipse Marcomanus genere, tantummodo *dux* siue *rex* Marcomanorum vocatur, & illos solos, nominatim significatos, in Boiohemum fertur deduxisse. Strabo post principium lib. VII dicit, in Germania esse *Hercyniam siluam*, & *Sueuorum gentes*; quarum quædam habitent in ipsa silua, ut *Coldulos*, in quibus sit Marobodui βασιλειον, regia, εἰς ὃν ἐκείνος τόπον ἄλλας τε μετανέστητε πλείους, καὶ δὴ τὰς ὁμογενεῖς αὐτῷ Μαρκομάνους, in quem locum ille cum alios plures [*Harudes* & *Sedusios*] transtulit, tum gentiles suos *Marcomanos*. Et Velleius Paterculus lib. II cap. CVIII Nihil erat iam in Germania, quod vinci posset, præter gentem Marcomanorum, quæ Maroboduo duce excita sedibus suis, atque in interiora refugiens, incinctos *Hercyniæ silvæ campos* incolebat. Et cap. CIX, Sentio Saturnino mandatum, ut per Cattos legiones in Boiohemum (id regioni, quam incolebat Maroboduus, nomen est) duceret.

LXIX.

Quum adhuc ad Rhenum habitaret, qui singularum ex tribus nationibus fines fuerint, designari certo non potest, licet Cluuerius id ausus fuerit præstare, nimium confusus coniecturis suis. Id autem facile ad concedendum ad Rhenum Nicrumque tenuisse: ceteros coluisse a latere. HARVDES reliam, ab Ariouisto exciti, aduenerint, XXIV millia hominum, ex quo numero adparet non exiguam fuisse illorum nationem. De vtroque Cæsar commentario I cap. XXXII velim consulatur.

LXX.

LXX.

Degressis ab Rheno Marcomanis atque fociis, vacuefactam regionem illi maxime occuparunt, quos Tacitus ait Germ. cap. xxix *decumates agros exercere*. Non numerauerim, inquit, inter Germaniæ populos, quamquam trans Rhenum Danubiumque confederint, eos, qui decumates agros exercent. *Leuissimus quisque Gallorum, & inopia audax, dubiæ possessionis solum occupare.* Mox limite aucto, promotisque præfidiis, sinus imperii, & pars prouinciæ habentur. Hæc parua initia videntur ALEMANNIÆ, quæ amplissima posterioribus sæculis euasit, & gentem aluit numerosissimam æque ac potentissimam. Diximus supra de nomine, quod ante Caracallæ historiam non reperitur, qui primus, Spartiano in Vita cap. x testante, *Alemannorum* gentem deuicit, & *Alemannici* cognomen adfectauit. Conuenit adprime cum Taciti descriptione *Alemannorum* nomen, quod Asinius Quadratus apud Agathiam lib. i pag. 17 *ξυνήλιδας ἀνθρώπους καὶ μυγάδας*, conuenas & undique mixtos interpretatur. Tum adhuc distincta Alemannia erat a Germania, & Antoninus Caracalla vt diuersas adpellationes *Germanici* & *Alemannici* adscribi sibi postulauit: postea cessit Germaniæ nomen nominibus Alemanniæ atque Franciæ, vt in mediæ æui Geographia declaraturi sumus.

LXXI.

Proximi a Danubio sunt HERMUNDURI, perlongo tractu ad Salæ vsque confluentem habitantes. Tacitus de Germ. cap. xli *Propior (vt quo modo paullo ante Rhenum, sic nunc Danubium sequar) Hermundurorum ciuitas, fida Romanis, eoque solis Germanorum non in ripa commercium, sed penitus atque in splendidissima Rhetiæ prouinciæ colonia.* Quod ergo Danubium sequuturus Tacitus, ab *Hermunduris* orditur; id argumento est, eosdem ex australi parte Danubium tetigisse. Nunc demonstrandum, quousque illorum regio in septentrionem procucurrerit. Idem Tacitus annali xlii sub finem: *Eadem æstate inter Hermunduros Cattosque certatum magno prælio, dum flumen, gignendo sale fecundum, & conterminum, vi trahunt.* Si conterminum flumen illud fuit, communis terminus inter vtramque gentem fuit, & quidem ea parte, qua diuites salinas iuxta se se habet, quæ in nostra vrbe Hala sunt, & flumen ipsum produnt, non aliud quam Salam nostrum esse, qui breui post Albi, maiori fluuio, miscetur. Sala ergo diremit Cattos & Hermunduros, eiusque salinæ Hermundurorum sunt, quia in ripa sunt, quæ Albim spectat & orientem, vt illo certamine iniquius Catti egisse videantur. In septentrione Cheruscos contingebant iuxta Salæ confluentem, & Melibocum montem. Ab ortu Albis separauit a Semnonibus. Paterculus cap. cvi *a Rheno vsque ad flumen Albim, qui Semnonum Hermundurorumque fines præterfluit, Romanus cum signis perductus exercitus.* Si vtriusque nationis fines hic annis præterfluit, necesse est medium intermeare, & terminum vtrique genti ponere.

LXXII.

Sed vltra Albim etiam Hermunduros pertinuisse credas, quia Tacitus dicto loco ait, *In Hermunduris Albi oritur.* Fontes vero eius in Silesiæ sunt finibus,

finibus, in iugis Silesiam & Bohemiam terminantibus. Torfit hic locus multos, etiam ipsum Cluuerium, qui tandem deferit fidelissimum in ceteris ducem, qui ipse excusationis materiem suppeditat. Addit enim superioribus de Albis ortu verbis: *flumen inclutum & notum olim; nunc tantum auditur*. Non ergo Traiani ævo tam notus Albis Romanis fuit, quam temporibus Augusti, quum ad illum vsque Romana arma penetrauerunt. Fieri ergo perfacile potuit, vt pro temporum suorum conditione, aut Romanorum in vniuersum, in capite Albis inueniendo & diligentissimus Tacitus erraret, quia numquam in partes illas Romana arma perducta fuerant, neque ætate Augusti Cæsaris. Ab ortu ergo Albis Hermunduros septemtrionales finiuit: australes iuga Bohemica & limes Nariscorum.

LXXIII.

Hermunduris ergo hos limites dat Cluuerius: Quidquid inter Salam & Albim est, pars Anhaltini principatus, ducatusque Saxonici: Misnia fere tota; Voigtlandia tota: Coburgensis ducatus pars cum oppido Coburg: Brandenburgicæ ditionis oppida Franconica, Culmbach, Cronach, Bareut: Franconiæ pars ad læuam Mœni ripam, vbi oppida Bambergæ & Forcheim: Palatinatus superioris portio, & nobilissima Norimbergæ: denique Sueuiæ portio, qua oppida Nordlinga & Dinkelspüel existunt. An vero veteris Sueuiæ portio fuerint Hermunduri, dubitari potest. Plinius certe lib. iv cap. xiv feiungere videtur. *Mediterranei, inquit, Hermiones, quorum Suevi, Hermunduri, Chatti, Cherusci*. Contra Tacitus de Germania libello, quum cap. xxxviii de Sueuis, quorum non vna gens sit, instituisset agere, postea cap. xli in propriis nationibus, adpellatione discretis *Hermunduros* recenset inter alias: & Cluuerius extremo capite de Hermunduris censet, *particulam permagnæ illius Sueuiæ, Hermundurorum fuisse sedem*. Plinii autem *Sueui* non sunt iidem, quos Tacitus ita adpellauit.

LXXIV.

NARISCI sequuntur a latere Hermundurorum australium, supra Danubium, orientem versus. Tacitus cap. xlii *Iuxta Hermunduros Narisci: ac deinde Marcomani & Quadi agunt. - - - nec Narisci degenerant, a virtute scilicet Marcomanorum*. Ita etiam hoc nomen Capitolinus in Marco Antonino cap. xxi scripsit, *Marcomani, Narisci, Hermunduri & Quadi*. Theodosius extremis excerptis ex Dione in eodem Marco *Ναριστὰς, Naristas* vocat: Ptolemæus *Ὀναριστῆς, Varistos*, quod magis detortum est, quamquam vulgo hodie receptum sit, & in alienam partem, Hermundurorum scilicet, translatum. Secantur transuerse a Nabo fluuio, quem eum esse, qui in Venantii Fortunati libris *Nablis* dicitur, Christophori Broweri coniectura est. Ait poeta ille in regis Sigeberti & Brunichildis epithalamio, lib. vi carm. ii

Quem Nablis ecce probat, Toringia victa fatetur.

ductus enim litteræ *u* quam facile in *li*, totidem lineas, peruerti potest? aut *Nabis* legendum, *L* superfluo, quod Browerus scripsit, quamquam alterum facilius ad lapsum est, etiam ad excusandum. Fines Cluuerius Nariscis adsignat ab Aeni confluente ad vsque urbem Ingolstadtum.

LXXV.

LXXV.

MARCOMANI, siue *Marcomanni*, a septemtrione succedunt, postquam relicta veteri sede, quem ad Rhenum & Danubii fontes habuerant, in terram a Boiis habitatam (inde *Boiohemum* vel *Boioheimum* dictam Teutonice) pulsus, quos offendebant colonis, inuasit. Undique montibus circumvallata regio, qui *Suditi* vel *Sudeti* vocantur, ut supra demonstraui. Nomen *Boiohemum* a Velleio Paterculo est, qui etiam Marobodui migrationem in illas sedes lib. II cap. CVIII descripsit: & cap. CIX dixit, *legiones Boioheimum* (id regioni, quam incolebat Maroboduus, nomen est,) duceret. Tacitus *Boienum* vocat de Germ. cap. XXVIII *Manet*, inquit, adhuc *Boiemi* nomen, significatque loci veterem memoriam, quamuis mutatis cultoribus. Pulsi autem Boii sunt haud dubie, quia peregrini erant, ex Gallia huc ante Cæsaris tempora profecti. Migrationis ipse Cæsar meminit lib. VI cap. XXIV, sed in nomine forte aberrauit. Ait enim, *Herciniam siluam Volcæ Teutosages occupaverunt atque ibi confederunt*; quos nomen reliquum *Boios* fuisse documento est. Ptolemæus in Germania: ὑπὸ τὴν Γαβρίταν ὕλην Μαρκομανοὶ, *sub Gabritha silua Marcomani*. Silua ergo illa cohæret cum Bohemicis. Idem in eo tractu oppidum ponit *Μαρόβουδον*, *Marobudum*, quod conditoris nomen refert, fortassis regia sedes Marobodui. Ex quo multi coniiciunt, fundamenta hæc & initia magnæ vrbs Pragensis esse. Strabo lib. VII pag. 201 *Βούιασμον*, *Bouiasmum* Marobodui *Βασιλειον*, *regiam*, vocat, quam Cluuerius vocem malit *Βούαιμον*, *Boienum* legi, si codices permittant.

LXXVI.

A tergo montium Boiohemicorum ad ripam Danubii fuerunt veteres *QUADI*, vsque ad flumen *Marum*, qui nunc *March* vocatur, *Morauiam* præterlabens. Tacitus Germ. cap. XLII *iuxta Hermunduros Narisci: ac deinde Marcomani & Quadi agunt*. Multa eorum mentio apud Eutropium & Capitolinum in Marco Antonino: etiam apud illum in Gallieno. Tractum regionis tenuere, qui cum *Morauia* fere congruit. Tiberio imperante, Sueuos fugitiuos, expulsoꝝ regum comites, a Romanis inter *Marum* & *Cusum*, id est inter *Marchum* & *Wagam*, locatos esse, dato rege ex *Quadorum* gente, Tacitus auctor est annali II cap. LXIII. Hi quod regem *Quadam* habuerunt, & ipsi *Quadis* adnumerati sunt: neque sequenti sæculo illorum limes ad *Cusum* perstitit, sed ad *Granuam* vsque flumen prolatus fuit: quod ex Marci Antonini περὶ ἑαυτῶν libro I manifestum est. Inter XIV enim & XV sectiones interfertum est, τὰ ἐν Κράδαις πρὸς τῷ Γρανῶν, *Hæc in Quadis, ad Granuam*: quod lemma, incertum, ad antecedentia, an consequentia pertineat; malim tamen ad consequentia. Sed hoc obiter. Certum inde autem est, *Quados* tum pertinuisse ad *Granuam*, qui cum *Cuso* extra litem est Germaniæ.

LXXVII.

Oppida Ptolemæus plura habet, quæ in *Quadorum* fines incidunt: *Eburodunum* (sic emendandum ex lib. VIII Tab. IV Europæ: non *Robodunum*) quod situs ratione interpretantur *Brin*, claram urbem *Moraviæ*: & *Eburum*,

in loco fere, vbi nunc est Olmütz : *Medoslanium*, fortassis nunc Znaim : & *Celemantia*, quod in vico quodam, Kalminz dicto, inueniri Cluuerius existimat, cuius & superiores sunt, quas attulimus, de tribus vrbibus coniecturæ. Menso Altingius aliter easdem vrbes disposuit, *Medoslanium* iuxta Danubium : *Robodunum* (sic vulgarem lectionem sequitur, quæ etiam lib. VIII Palatini est) Ratibor, montem Moraviæ, interpretatus, ferri fodinis diuitem : infra quem, in austrum versus, *Kelemantiam* locat : supra illum, in septentrionem, *Filekiam* *φιληκίαν*, quam cynosuram ceterarum vocat, oppidum Moraviæ extremum, Silesiam versus, quod nomen *Filek* siue *Fülnek* seruet integrum : *Eburum* in Silesiæ & Poloniæ confinio. Adeo diffident eruditorum hominum de Ptolemæi positionibus sententiæ siue coniecturæ.

S E C T I O IV.

GERMANIA TRANSVISTVLANA.

LXXVIII.

Vistula olim Germaniæ ad orientem terminus erat, vt ex M. Agrippa apud Plinium lib. IV cap. XIII, Mela & Ptolemæo constat, quibus hic amnis Germaniam a Sarmatia distinguit. Vt vero ab solis occasu non poterat Germanorum gens Rheno teneri, quo minus in Galliam effunderetur : ita ab ortu trans Vistulam longissime inter Sarmatas vsque ad Istri ostia & Euxinum Pontum habitarunt, qui origine, moribus, & lingua Germani erant. Hi communi nomine BASTARNÆ siue BASTERNAE vocabantur, a Sarmatis & Dacis non tam certis finibus, quam mutuo metu, vt Tacitus ait principio libri de Germanis, determinati. In varias hi ipsi nationes diuisi erant & *Peucinos* quidem (Zosimo lib. I cap. XLII *Peucæ* sunt) ad ostia versus Danubii locauit Strabo lib. VII. a cuius magna insula *Peuce*, ostiis vicina, nomen habuerunt. Tacitus cap. XLVI *Peucincrum, Venedorumque, & Fennorum nationes Germanis an Sarmatis adscribam, dubito : quamquam Peucini, quos quidam Bastarnas vocant, sermone, cultu, sede ac domiciliis vt Germani agunt : sordes omnium ac torpor, procerum connubiis mixtis nonnihil in Sarmatarum habitum fœdantur.* CARPI videntur *Carpates* montes insedisse, qui inter Poloniam & Hungariam procurrunt, vnde in Theodosii tabula *Bastarnicæ Alpes* iidem montes adpellantur. SIDONES Vistulæ propinquiore fuisset ex Ptolemæo fortassis probari potest. BORANOS quoque ex eadem gente fuisset, quamquam locus eorum certus non sit, probabile est. Protulerunt sedes vsque in Pannoniam. vide Zosimum lib. I cap. XXVII. Regio *Bastarnorum* hoc tempore Nigræ* Rusiæ & Podoliæ, & quod huic adiacet, nomina videtur induisse,** vnde Ptolemæi Bastarnica oppida, & quidem *Carrodunum* Lemberg Cluuerius : *Clepidaua* Kamieniec ; *Vibantaurum* Bar interpretatur.

LXXIX.

Supra Bastarnas Vistulam versus VENEDI erant, quos Iornandes

* Rubræ.

** Neque situs ex Dionis lib. LI. pag. 527. satis liquet.

Wendos vocat siue *Vindos*, quod nomen etiam in horum dispersis successoribus, *die Wenden* dictis, integrum seruatur. Pars horum Oceanum respiciens *AESTII* dicebantur in Borusiae & Poloniae parte, quæ trans Vistulam est, usque ad insulas *Electrides*, quæ ab succini prouentu, in illa ora copioso, nominatae sunt, reliquis Venedis per eandem Poloniam ac Liunioniam & Lithuaniam late longeque extensis. De Aestiis Tacitus * cap. XLV *Dextro Sueuici maris litore Aestiorum gens adluuntur, quibus ritus habitusque Sueuorum, lingua Britannicae propior.* Ergo hos Germanicae originis esse non dubitamus: ceteri autem fere Sarmatae, de quibus Plinius lib. IV cap. XIII *Quidam hæc habitari ad Vistulam usque fluvium, a Sarmatis, Venedis, Sciris, Hiris tradunt.* De his forte plura in Sarmatia.

SECTIO V.

GERMANIA TRANSMARINA
ET INSULAE.

LXXX.

Veteres Germaniam in extremum septemtrionem, vbi Suediae nunc & Daniae regna sunt, extenderunt. Quod nos Balticum dicimus, Tacito *Mare Sueuicum* est, Melæ & Plinio *Sinus Codanus*, eiusque pars ad Vistulae ostium *Venedicus sinus* Ptolemæo. Trans mare nihil nisi insulas posuere veteres, quarum maximas dixerunt *SCANDINAVIAM* siue *Scandiam*, & *FINNINGIAM*, incomptæ magnitudinis, quas nunc constat peninsulas potius esse. Plinius lib. IV cap. XIII *Incipit deinde clarior aperiri fama ab gente Ingæonum, quæ est prima inde Germaniæ. Seu mons ibi immensus, nec Riphæis iugis minor, immanem ad Cimbrorum usque promontorium efficit sinum, qui Codanus vocatur, refertus insulis, quarum clarissima Scandinavia est incomptæ magnitudinis; portionem tantum eius, quod sit notum, Hilleuionum gente quingentis incolente pagis, quæ alterum orbem terrarum eam appellat. Nec est minor opinione Eningia.* Addit cap. XVI *Nerigon & Bergos*, vnde in Thulen (id est Islandiam) nauigatio sit, quæ non obscura Norwegiæ, & emporii Bergen vestigia præbent: quæ vero non insulae sunt, sed sita vtraque in magna illa peninsula Scandinavia.

LXXXI.

Hanc Scandinaviam adpellarunt etiam *Baltiam*; item *Basiliam*, (nisi alterum ex altero corruptum est) qua immensæ magnitudinis peninsula hodie vniuersa! Suedia, Norwegia, Lapponia, Finnmarkia continentur. Plinius lib. IV cap. XIII *Xenophon Lampsacenus, a litore Scytharum tridui navigatione, insulam esse immensæ magnitudinis, Baltiam tradit. Eandem Pytheas Basiliam nominat.* Pytheas apud eundem lib. XXXVII cap. II insulam *Abalum* dixit, quam Timæus *Basiliam*. Iornandes de Reb. Get. cap. III & IV vocat *Scanziam*, ex qua Gothi egressi sint. Esse enim ait *quasi officinam gentium, aut certe velut vaginam nationum.* Mons *Seuo*, quem Plinius memo-

rauit

* Adde Cassiodor. V. ep. Var. 2.

rauit, quia immanem sinum vsque promontorium Cimbrorum efficit, quod in supremo septemtrionalis Iutiae est, nunc *Scagen* dictum; ipse necesse est cum sinu suo procurrat longius, sitque illud iugum montium immane, quod Norwegiam a Suedia discludit.

LXXXII.

Tacitus post litoris Sueuici expositionem *Suionum* mentionem fecit. *Suionum*, inquit, *hinc ciuitates, ipso in Oceano*. Ciuitates, id est nationes, quod solemne Tacito & antiquioribus: quæ quod *ipso in Oceano*; ideo in insula (sic creditum olim) permagna, & tot ciuitatum capace. Nihil autem tantæ magnitudinis post Oceanum illum reperitur nisi peninsula Scandinavia. In hac ergo fuerunt *SVIONES*, quos Tacitus laudat, in varias subdivisi ciuitates siue nationes. Quænam illæ nominatim fuerint, non est perinde notum. Plinius dicto loco suos *Hilleuiones*, qui in australi & notiore parte, ut ipse describit, fuisse videntur, quam Scaniam, Blekingam, & Hallandiam adpellamus. quingentis enim pagis habitasse referebat. Septemtrionales maxime *Scritofinni* vel *Scritfinni*, vel *Scritobini*, quos Procopius lib. II Goth. cap. xv, & Paullus Warnefredi lib. I de Gest. Langobard. cap. v memorarunt. Si Ptolemæi insula Germaniæ *μεγίστη*, maxima, quam *Σκανδία*, Scandiam vocat, eadem, quæ aliorum Scandinavia est, ut fere doctioribus videtur; plures gentes nominare possumus, sed obscuras, *Chædinos*, *Phauonas*, *Phiræfos*, *Dauciones*, *Leuonos*, truncatos ex *Hilleuionibus* Plinii, quod ex infimo vtriusque gentis situ adprobatur: sed *ροῦται*, *Gutæ*, *τὰ μεσημέρια*, *meridianas partes*, dicuntur tenuisse: de quibus cogitandum relinquo, an *Gothi* forte significantur hoc consonante vocabulo.

LXXXIII.

Tacitus Suionibus adiungit *SITONES*, de Germ. cap. XLV. *Suionibus*, inquit, *Sitonum gentes continuantur*. Quod si *continuantur*, a latere utique fuerunt Suionum, ab iisque separatae. Videntur ergo *Sitones* a sinistra *Sevonis* montis fuisse, ubi postea Nortmanni fuerunt; nunc Norwegi sunt, & a Cimbrico sinu longissime in Boream procurrunt. Gentes autem, in quas rursus distributi fuerunt Sitones, nobis, prodente nemine, ignotæ sunt.

LXXXIV.

Ultra *Suionas* mare, *pigrum* &, ut quibusdam placet, *Cronium* dictum. Tacitus dicto loco: *Trans Suionas aliud mare, pigrum ac prope immotum, quo cingi cludique terrarum orbem hinc fides, quod extremus cadentis iam solis fulgor in ortus edurat, adeo clarus, ut sidera hebetet*. - - - *Illuc vsque (et fama vera) tantum natura*. Plinius vere lib. IV cap. XIII de hoc septemtrione: *Reliqua litora incerta signata fama*. *Septemtrionalis Oceanus* - - - *Ultra deinde Cronium*, puta mare. Credunt quidam *Gronium* legendum, ut cum Grönlandia magis conueniat. *Riphaei* heic montes sunt, & in summo septemtrione longissime in ortum procurrunt: quos alii citeriores statuunt, ut in Sarmatia dicemus.

LXXXV.

Alteram ab ortu Plinius maiorem insulam (verius peninsulam) lib. IV cap.

cap. XIII opponit FINNINGIAM, quæ in MSS. *Epigia*, in editis *Eningia* legitur: at interpretum consensu, saltem plurium, *Finningia* est legenda, regio, Suediæ post Botnicum sinum ab ortu obiecta, & *Finnia* nunc dicta, siue *Finnland*. Plinius ita de ea: *Nec est minor opinione Eningia. Quidam hæc habitari ad Vistulam usque fluuium, a Sarmatis, Venedis, Sciris, Hirris tradunt. Sinum Cylipeum vocari, & ostio eius insulam Latrin. Mox alterum sinum Lagnum, conterminum Cimbris.* Hic Lagnus sinus per se est cognitus, ex Cimbrorum nomine, quos adluit, & in quem Traua se effundit: alter, *Cylipeus*, vt in MSS. vocatur, (nam in editis *Cylipeus*) Liuonicus sinus videtur esse, qui ab austro claudit Finningiam: aut, quod, Cluuerio placet, Rigenfis, ab Riga, emporio, quæ prope adiacet, dictus. Incolas Eningiæ *Fennos* Tacitus adpellat, id est *Finnos*. *Peucinorum*, inquit cap. XLVI, *Venedorumque, & Fennorum nationes Germanis an Sarmatis adscribam, dubito.* Et paucis interiectis: *Venedi, quidquid inter Peucinos Fennosque siluarum ac montium erigitur, latrociniis pererrant.* Ergo continenti terra Fenni cum Venedis, hoc est Liuonis, cohærent. Et mox: *Fennis mira feritas: sæda paupertas.*

LXXXVI.

Insulæ minores in Codano sinu, & Germanico Oceano siue occidentali, plures numerantur, quam nominantur. Plinius cap. XIII, *Tres & viginti inde insulæ Romanorum armis cognitæ. Earum nobilissimæ, Burchania, Fabaria a nostris dicta, a frugis similitudine sponte prouenientis. Item Glessaria, a succino militiæ adpellata, a barbaris Austrania; præterque Actania.* Quam *Burchaniam*, siue *Burchanam* dixit, Straboni & Stephano est Βέρχανις, *Burchanis*, quam a Druso ille lib. VII tradit captam esse. Cluuerius & Altinius de insula, inter ostia Amisii sita, interpretantur. *Glessaria* vbi sit, non apertum est, nisi vnâ illarum in sinu Venedico, quas *Electrides* propter eandem causam adpellant, intelligas. Ipse Plinius lib. IV cap. XVI sui interpres est & nominis *Electridum*. *Ab aduerso*, inquit, [Britannicarum] in Germanicum mare sparsæ *Glessariæ*, quas *Electridas* Græci recentiores adpellavere. Sed hæc occidentales sunt *Electrides*, sicubi sunt: orientales in Codano sinu vltra Vistulæ ostia. Tacitus cap. XLV de Aestiis: *Sed & mare scrutantur, ac soli omnium succinum, quod ipsi glessum vocant, inter vada, atque in ipso litore legunt.* Græci autem ἤλεκτρον, succinum adpellant. Pomponius Mela lib. II cap. VII *Electridas* in sinu Adriatico ponit, Græcos imitatus, qui *Eridanum* quemdam fluuium ad septentrionale mare ducebant, ἀπὸ τοῦ τὸ ἤλεκτρον φοιτᾶν λόγος ἐστὶ, unde *electrum* adferri fama est, vt Herodotus dicit lib. III cap. CXV, qui vero de flumine huiusmodi dubitat. Plinius lib. XXXVII cap. II post Græcorum fabulas de *electiri* origine, *Diligentiores*, inquit, eorum *Electridas* insulas in mari Adriatico esse dixerunt, ad quas dilaberetur *Padus*. qua adpellatione nullas vnquam ibi fuisse certum est. Ex Borussia autem Romanos succinum accepisse Tacitus ibidem adfirmat. *Diu*, inquit, *inter cetera electamenta maris iacebat, donec luxuria nostra dedit nomen. ipsis* [Aestiis] *in nullo usu: rude legitur, informe perfertur, pretiumque mirantes accipiunt.*

Videtur error Græcorum exinde esse, quod *Venedos* in Sarmatiæ finibus colentes, cum *Venetis* Italiæ ad ostia Eridani siue Padi, confuderunt.

LXXXVII.

Ptolemæus itidem lib. ii cap. xi de insulis Germaniæ: ὑπὲρ τὴν Κιμβρικὴν Χερσόνησον, *super Chersonesum Cimbricam* tres insulas ponit quæ dicantur Ἀλόκια, *Alociæ*. Multæ ibi sunt insulæ Danorum regni propriæ, sed quæ in illis *Alociæ*, a Ptolemæo designatæ, difficile est iudicare. Cluuerius inter Halandiam, Suedorum prouinciam, & Iutiam septemtrionalem notari putat, paruas videlicet, & obscuras: Agathodæmon vero ad sinistrum mare, Oceanum Germanicum, sinistrum latus Chersonesi tangentem, eadem latitudine & in septemtrionem inclinatione, reducit. Idem Ptolemæus etiam tres insulas, quas *Saxonum* vocat, τὰς καλεσμένας Σαξόνων, dicit κατὰ τὰς τῆ Ἀλβίου ἐκβολὰς ὑπερκείσθαι, *super Albis ostia sitas esse*. Sunt ibidem paruæ, quæ facile hunc numerum explere possunt. Dictæ autem sunt *Saxonum insule*, quia Ptolemæus suorum Saxonum sedem ad ostium Albis constituerat, quibus hic sinus & hæ insulæ prætendebantur.

LXXXVIII.

Danorum insulas sine nomine Pomponius Mela lib. iii cap. iii describit. *Super Albim*, inquit, *Codanus ingens sinus magnis paruisque insulis refertus est. Hac re mare quod gremio litorum accipitur nusquam late patet, nec usquam mari simile; verum aquis passim interfluentibus, ac sæpe transgressis, vagum atque diffusum facie amnium spargitur: qua litora attingit, ripis contentum insularum non longe distantibus, & ubique pæne tantumdem, ut angustum & par freto, curuansque subinde se, longo supercilio inflexum est.* Bene hæc conveniunt illis insulis interfluentibusque fretis, quæ inter Holfatiam & Seelandiam Danorum paruo interuallo distant inuicem, & fretum non sine impetu, propter angustias litorum, instar fluminis transmittunt. Maximam Danorum, quæ sedem tenet regiam, vulgo putant a Mela lib. iii cap. v i nominari *Codanoniæ*, vt Aldus, Andr. Schottus, & alii, ediderunt quasi dictam a *Codano* sinu. Isaacus autem Vossius ad hunc locum adnotauit: *Libri optimi legunt Candanouia. Scribe, Scandinouia. Sic quoque in optimis & antiquissimis Plinii membranis scriptum reperi, non Scandinauia. Hæc est illa vasta septemtrionis peninsula, quæ & Scandia, & barbaris temporibus Scandzia fuit adpellata, a viciniore eius parte, quæ Scane, vel Scone etiamnum dicitur.* Vossianam lectionem sequutus est Iac. Gronouius emendatissima editione, *Scandinouiam* adpellans, quæ aliis est *Codanonia*: in ceteris discrepans non nihil a Vossio. Magnitudinem Mela tribuit & fecunditatem, e quibus iudicium faciendum est. Cluuerius vulgarem lectionem sequitur, & *Codanoniæ* vocabulum Seelandiæ Danorum insulæ, non Scaniæ, imponit.

LXXXIX.

Insulam *Rugiam*, citeriori Pomeraniæ obiectam, notauit fortassis Tacitus, sed sine nomine. Libro de Germ. cap. xl citeriores Pomeraniæ maritimas gentes recensuerat, Varinos, Suadones, Eudoses, & ceteros: hos dicit in commune *Hertum*, id est *Terram matrem colere: esse in insula Oceani castum nemus,*



nemus, dicatumque in ea vehiculum veste contectum. At his populis nulla notabilior insula, quam *Rügen*, est opposita: tamen minores plures vtrunque disiectæ, vt certi nihil definiri possit. *Rugia* autem a *Rugis*, transoderano populo, qui forsan aliquando occupauit, videtur nomen accepisse. De *Latri* insula, forte nunc *Oefel*, in ostio *Cylipeni* sinus, supra diximus.

Hæc de Transmarina Germani sufficiant, quam cum Germania *Plinius*, *Tacitus*, *Mela* coniunxerunt, populis vindicatam Germanicis. Nec ipse *Ptolemæus*, qui Germaniæ cis mare suos terminos tam accurate constituit; quum de insulis agit Germaniæ, dissentire videtur, sed illis quoque Scandiam maximam, quæ Scandinouia videtur esse, adscribit.

CAPVT VI

DE

SARMATIA EVROPAEA.

I.

Sarmatia * in vniuersum tam Europæ, quam pars Asiæ est, Cimmerico Bosporo, Mæotide palude, & Tanai fluuio diremta. Europæa quidem incipit a Vistula, & illo climate ad Pontum vsque supra Danubium profertur: verum quia citerior & australis pars Germanicis gentibus permixta fuit, in Germania considerauimus; partim in Dacia, quæ pars illius est proprio nomine insignita, consideraturi sumus. Quæ in boream adsurgit, & in limitem Asiæ inclinat, iam curæ nobis erit, imitaturis *Ptolemæum*, qui quidem lib. III cap. V τῆς ἐν Ευρώπῃ Σαρματίας, *Sarmatiæ Europææ* a Vistula etiam initium fecit, sed pauca ibidem tetigit, illico ad Pontum inde procurrens, vt quæ supra illum sunt, copiosius ac verbis pluribus recenseat.

II.

A Vistula sunt Germanicæ gentes: saltem dubiæ, vtrum ex Germania originem, an ex Sarmatis habuerint, quemadmodum *Tacitus* Germ. cap. XLVI se dubitare fatetur, *Peucinatorum* *Venedorumque* nationes Germanis adscribat, an Sarmatis: qui quidem inter *Bastarnas* & *Sarmatas* colant, sermone tamen, cultu ac domiciliis vt Germani agant. *Ptolemæus* post Vistulam quatuor fluminum ἐκβολὰς siue ostia enumerat, quæ in Venedicum mare eiusque sinus se infundant. Primus & proximus Vistulæ est fluuius *Chronius*, quem *Niemen* interpretantur geographi, inter *Regiomontum* & *Memel* in sinum *Curisch Haf* dictum, se effundentem. Memorauit etiam *Ammianus* lib. XXII cap. XVIII quamuis alieno loco, *Alanos*, *Sarmatas* & *Massagetas* confundens. Quod vero *Bisulam*, id est *Visulam* siue Vistulam cum *Chronio* coniungit, non dubitatur, ipsum hoc flumen, quod *Ptolemæus* nominauit, in animo ei fuisse. Verba eius sunt: *ubi Riphæi deficiunt montes, habitant Arimaspi, iusti homines, placiditateque cogniti, quos amnes Chronius & Bisula præterfluunt: iuxtaque Massagetae, Alani, & Sarmatae.*

Ddd 2

III.

* Scythiæ pars est. nam *Diodorus* IV. pag. 249. τῶ βασιλεῖ τῶν Σαρματῶν ὃς ἐνιοι Σκύθας προσκαλεῖσθαι, *Regi Sarmatarum*, quos aliqui *Scythas* appellant. Sic multi alii scriptores.

III.

Alter est *Rubo*, multorum consensu nunc *Dwina* siue *Duna*, ex Moscovia decurrens, & Rigam adluens ante ostium, quo in sinum Clilipenum exoneratur. Tertius *Turuntus* est, qui in Moscouia exortus, per lacus deferitur, & apud Naruam in sinum Finnico illabatur, Moscouis dictus *Weliko*. Ultimus *Chesinus*, *Lowat* Russis, per lacum Ilmen in maiorem Ladogam, ex sinu Finnico ortum, excurrit.

IV.

Situm autem Sarmatiæ huius Ptolemæus per populos ita describit: κατ' ἔχει τὴν Σαρματίαν ἔθνη μέγιστα· οἱ δὲ Ουένεδαι παρ' ὅλον τὸν Ουενεδικὸν κόλπον, καὶ ὑπὲρ τὴν Δακίαν Πευκῖνοι τε καὶ Βασάρναι καὶ παρ' ὅλην τὴν πλευρὰν τῆς Μαωτίδος Ἰάζυγες, καὶ Ρωξολάνοι· καὶ ἐνδοτέρω τῶν οἱ Ἀμαξόσιοι, Tenent Sarmatiam gentes maximæ: Venedi per totum sinum Venedicum: ἔ super Daciam Peucini ἔ Bastarnæ; ἔ per totum Maeotidis latus Iazyges ac Roxalani: ἔ qui interiores sunt iis, Hamaxobii. Tractus recte ordinatus est; gentium autem nomina, seu ipsæ gentes, a variis varie collocantur, & Iazyges etiam in citerioribus locis ponuntur; Bastarnæ per totam diffunduntur Sarmatiam.

V.

Plurimi geographorum in Sarmatia circa Pontum consistunt, & quæ ibidem sunt, curiosius interpretantur, quorum vestigia legentes ita progredimur in fluminibus, oppidis, & gentibus Sarmatarum exponendis.

VI.

Flumina Herodotus lib. iv ab cap. l i inter Istrum & Tanaim, Europæ finem, ponit septem. Primus est *Tyra*, vt Plinius; *Tyras*, vt Mela scribit: Ptolemæus, & Scymnus Chius *Τύρας*; & Ouidius lib. iv ex Ponto epist. x v. 50

- - - nullo tardior amne Tyras;

Herodotus *Τύρης*. * Strabo lib. v i i pag. 211 distantiam Tyrae ab ostio extremo Istri ponit περὶ τριακοσίς τεσσαρες, circiter trecenta stadia: ex quo colligitur, eum esse qui *Niester* nunc vocatur, siue *Dniester*. quod nomen videtur ex *Danaster* esse, quo vsus est Iornandes de Rebus Get. cap. v ad eum modum quo ex *Danapris*, *Dnieper*: quamuis disiungat Iornandes Tyram ac *Danastrum*, quod potest ex errore esse. Ceterum Ptolemæus obseruat, flumen Tyram ὀρίζει τὰ μέρη τῆς Δακίας καὶ τῆς Σαρματίας, diuidere partes Daciae a Sarmatia. Adiacet flumini oppidum *Tyra*, quod antea *Ophiussa* dictum fuit, Plinio adseuerante lib. iv cap. x i i. *Clarus*, inquit, *amnis Tyra*, oppido nomen imponens, ubi antea *Ophiussa* dicebatur. quod Stephanus Byzantius ex Polyhistore confirmat. ὁ Πολυῖστος, inquit, τὸν ποταμὸν καὶ τὴν πόλιν Τύραν, τῆς δὲ πολίτας Τυράνης· ἐκαλεῖτο δ' Ὀφισσα. Polyhistor ἔ fluvium ἔ urbem Tyram [vocat] ciues Tyranos: vocabatur antea *Ophiussa*. Male ergo Ptolemæus lib. iii cap. x *Ophiussam* a *Tyra* separauit, tamquam diuersa fuissent oppida, quum

* Herodotus IV. c. 51. Εἰς μὲν δὴ τῶν ποταμῶν τοῖσι Σκύθῃσι ἐστὶν ὁ Ἰστρος, μετὰ δὲ τῷ τῷ Τύρι, ὃς ἀπὸ βορέως μὲν ἀνέμου ὀρμαίνει, ἔρχεται δὲ ῥέων ἐκ λίμνης μεγάλης, ἣ ὀρίζεται τὴν τε Σκυθικὴν καὶ Νευρίδα γῆν. Unum quidem Scythis flumen est Ister, post hoc Tyres, quod a vento borea ruit, proditque e locu magno, qui Scythiam & Neuridem terram terminat.

Sarmatia.

quum Ophiusa vetus nomen Tyræ sit oppidi. Situm Strabo curatius delineauit dicto loco. Ab ostio Tyræ, inquit, & adstructa turri, ἀναπλεύσαντι ἐκατὸν τεσσαράκοντα σταδίους, ἐφ' ἑκάτερα πόλεις, ἥ μὲν Νικωνία, ἥ δ' ἀριστερὰ Οφίσσα, aduerso flumine cXL stadia nauiganti utrimque oppida sunt, a dextrâ Niconia, a sinistra Ophiusa. Ergo secundo flumine Tyra in ripa dextra fuit. Nugæ autem sunt, quod Ammianus lib. xxii cap. xviii [Vales. viii] Phœnicum coloniam dixit, ideoque *Tyrum*, non *Tyram*, nominauit. Proxima, inquit, [Achilleos dromo] est ciuitas *Tyros*, colonia Phœnicum, quam præstringit fluvius *Tyras*. nam a flumine nomen habet, non a conditoribus, vt Plinius supra prolatis verbis vere censuit: & si colonia fuit, Milesiorum potius, qui plures ad Pontum condiderunt, quam Tyrriorum fuit. Id quod ex Scymni Chii fragmento constat, quod adscribimus, quia etiam fluuii naturam & commoditatem declarat.

----- ὁ Τύρας ποταμὸς
Βαθυς τε ὢν, εὐβοτανός ἐστι τὰς νομαῖς
τῶν ἰχθύων, διάθεςιν ἐμποροῖς ἔχων,
τὰς ὀλκάσι τε ναυσὶν ἀνάπλυν ἀσφαλῆ.
Ὀμῶνυμος δὲ τῷ ποταμῷ κείται πόλις
Τύρας, ἀποικὸς γενομένη Μιλησίων.

Hoc est, Luca Holstenio interprete:

amnis *Tyras*
Profundus herbidusque alendis piscibus,
Situque mercatoribus percommodus,
Tutusque onustis subuehendis nauibus.
Hic ciuitas amni iacet cognominis
Tyras, trahens originem a *Milesiis*.

Qui ad ostium huius fluminis coluerunt, τυρίται, *Tyrîtæ* dicti Herodoto cap. LI, ἑλλήνες, Græci genere, quod confirmat coloniam Milesiam: Straboni sunt τυρρηγέται, *Tyrigetæ*. Et Plinius dicto loco: In eodem [Tyra] insulam spatiosam incolunt *Tyragetæ*: quæ non adparet, nisi gemino quondam ostio in mare hic amnis effluxit.

VII.

Trans *Tyram* fluuium, at cis *Hypanim*, fuit oppidum *Niconia*, eadem a mari distantia, qua *Ophiusa* remota fuit, quod ex Strabone modo cognovimus. Ptolemæo est Νικωνίον, *Niconium*. Praue Scylacis Periplo Νεώνειον, *Neonium*: falso iuxta ostia Istri, a Stephano collocatum. Νικωνία πόλις τῆς Πόντης πρὸς τὰς ἐκβολαῖς τῆς Ἰστρου. *Niconia*, inquit, oppidum Ponti ad Istri ostia. Quod si etiam τύρας pro ἰστρου velis legere, tamen nondum conueniet lectio, quia reducta cXL stadiis ab ostiis & mari fuit *Niconia*.

VIII.

Inter *Tyram* & *Borysthenem* Herodotus lib. iv cap. LII, & Mela lib. II cap. I habent *Hypanim*, quem amnem ille τρίτον, tertium ab Istro numerat, eique πλέων, nauigationem tribuit: hic, *Callipidas*, inquit, *Hypanis* includit. Ex grandi palude oritur, quam Matrem eius accolæ adpellant: & diu qualis na-

tus est, defluit. Tandem non longe a mari, ex paruo fonte, cui Exampeo cognomen est, adeo amaras aquas accipit, ut ipse quoque iam sui dissimilis, & non dulcis hinc defluat. Ex distantia & magnitudine cognoscitur (nam quinque diebus nauigatur in dulci aqua, ut Herodotus obseruauit) esse illud flumen, quod nunc Bog vocatur, maximum inter Tyram & Borysthenem. Plinius lib. iv cap. xii eius loco refert flumen Rhoden, sinum Sagaricum, qui nomen a Sagari fluuio habet, de quo Ouidius lib. iv Pont. epist. x vers. 47

Huc Lycus, huc Sagaris, Peniusque, Hypanisque Cratesque Influit.

At Rhode & Sagaris minora flumina videntur: Hypanim autem nauigabilem esse, probatum fide Herodoti fuit. Plinius quidem post paullo & Hypanin memorauit, sed vel ipse vel describentes in nomine errarunt, quum Hypanin in loco Hypacaris posuit, quod ex Mela manifestum est, cuius cetera verba transcripsit, Hypacaris loco Hypanin substituit. Errauit & Ptolemæus, qui Hypanin ultra Borysthenem remouit, vbi Panticapes fluuius est.

IX.

Inter Hypanin & Tyram interponit Mela flumen Axiacen, memoratum etiam Plinio & Ptolemæo. Sic enim Mela dicto loco: Callipidas Hypanis includit. - - - Axiaces proximus intra Callipidas Axiacasque descendit. Hos ab Istricis Tyras separat. Plinius ibidem: Abest [Tyra] a Pseudostomocentum triginta millibus passuum. Mox Axiacæ cognomines flumini; ultra quos Crobyzi: flumen Rhode, sinus Sagaricus, portus Ordesus. Ptolemæus, ὁ Ἀξιάκης ποταμὸς καὶ αὐτὸς διαρρέει τὴν Σαρματείαν μικρὸν ὑπὲρ τὴν Δακίαν, Axiaces fluuius percurrit & ipse Sarmatiam, paullo supra Daciam. Tabulæ nouæ ibi habent flumen Teligol, quod huic Axiaci videtur respondere.

X.

Ab Hypani proximus Borysthenes, in maximis fluminibus septemtrionis. Mela regrediens ab Achilleo Dromo: Tum Borysthenes gentem sui nominis abluit, inter Scythiæ amnes amænissimus: turbidis aliis, liquidissimus defluit: placidior quoque quam ceteri, potarique pulcherrimus. Alit letissima pabula, magnosque pisces, quibus & optimus sapor, & nulla ossa sunt. Longe venit ignotisque ortus ex fontibus, quadraginta dierum iter alueo stringit, tantoque spatio nauigabilis. Ex Herodoti lib. iv cap. LIII fere expressa sunt, qui addit, ἐστὶ μέγιστος μετὰ Ἰστρον, post Danubium maximus est, puta, in septemtrione. nam Nilum etiam Istro ibidem antepont. Hodie Nieper siue Dnieper adpellatur, quod nomen non recentissimum est, sed ex alio Danapris, quod medio æuo obtinuit, contractum. Anonymi Periplo Ponti Euxini: ὁ Βορυσθενὴς ποταμὸς ναυσιπρότος ὁ νῦν Δανάπρις λεγόμενος, Borysthenes fluuius nauigabilis, qui nunc Danapris dicitur. Ammianus lib. xxii cap. xviii Borysthenes a montibus oriens Neurorum, primigeniis fontibus copiosus concursuque multorum amnium adolescens, mari præruptis undarum verticibus intimatur. De fontibus Borysthenis Herodotus lib. iv cap. LIII ait, μέγας τὸν ποταμὸν καὶ Νείλῳ ἐκ ἑκῶ φράσαι τὰς πηγὰς, Huius solius fluminis & Nili non possum fontes dicere. Mela lib. ii cap. i de Borysthene: Longe venit, ignotisque ortus e fontibus, quadra-

draginta dierum iter alueo stringit. Ptolemæus tamen duos fontes longissime distantes indicat, septentrionalem in monte Budino: & australem, quo forsan fluuius alius, ab occasu ad Borysthenem adlabens, funditur.

XI.

Qui accolabant Borysthenem, propinquum Ponto, *Borysthenida* appellati sunt. Plinius eodem loco: *flumen Borysthenes, lacusque, & gens eadem nomine.* Et Propertius lib. II eleg. VII

Gloria adhibernos lata Borysthenidas.

Oppida in iis duo memorantur, *Olbia*, vt Strabo & Ptolemæus, & Arrianus Periplo dixerunt; siue *Olbiopolis* & *Miletopolis*, vt Plinius: nam κτίσμα Μιλησίων, opus Milesiorum fuit, quod Strabo addidit, a quibus alterum nomen est, quod auctore Plinio iam edebamus, *Miletopolis*. Eadem vrbs a fluuiio, cui imposita erat, Βορυσθένης, *Borysthenis* frequenter nominata fuit. Strabo dicit ὁμώνυμον τῷ ποταμῷ πόλιν, cognominem flumini [Borystheni] urbem. Plinius *Olbiopolin* & *Miletopolim* adpellari dixit antiquis nominibus; quo non obscure fatetur, aliud nomen postea fuisse adiectum, quod *Borysthenidis* est. Periplo anonymi, πρότερον μὲν Ολβία Σαυία καλεσμένη, μετὰ δὲ ταῦτα ὑφ' ἑλλήνων πάλιν Βορυσθένης (lege Βορυσθένης) κληθεῖσα. Prius *Olbia Sauia* dicta: post rursus a Græcis *Borysthenis*. Et Stephanus Byzantinus chorographus: πόλις ἑλληνική, Μιλησίων ἀποικία, ἣν οἱ μὲν ἄλλοι Βορυσθένην, αὐτοὶ δὲ Ολβίαν, Græca vrbs, Milesiorum colonia, quam alii *Borysthenem*, ipsi [incolæ] *Olbiam* vocant. Fefellit Melam multitudo nominum, vt diuersa oppida censeret. *Borysthenes*, inquit, tanto spatio nauigabilis, secundum *Borysthenida* & *Olbiam*, Græca oppida, egreditur. Pomponium sequutus est Iornandes de Reb. Get. cap. v. *Scythia*, inquit, in eo loci latere, quo Ponticum litus attingit, oppidis haud obscuris inuoluitur, *Borysthenide*, *Olbia*, *Callipode*, *Chersone*, *Theodosia*. Sed eandem urbem esse *Olbiam* & *Borysthenidem*, superiorum testimonia satis adprobauerunt. De vero situ etiam deliberari potest. Mela dixit, vbi egreditur in mare amnis *Borysthenes*, fuisse positam. Anonymi Periplo, ἐπὶ ταῖς καθ' Ὑπάνην καὶ Βορυσθένην συμβολαῖς ἐστὶν κτισθεῖσα πόλις Ολβία (cetera supra recitata sunt) id est, vbi *Hypanis* & *Borysthenes* coniunguntur, condita est *Olbia* siue *Borysthenis*. Quæ etiam Stephani fuit opinio in *Βορυσθένης*, vti ex verbis eius, quamquam male sanis, adparet. Iam vero si *Hypanis* nunc *Bogus* est, sicuti videtur esse, vtique ante ostium coniungitur cum *Borysthene*, & illo confluyente locus vrbs denotatur. Verum non *Bogum* confluentem, qui mari proximus est, anonymus intellexit, sed qui διακοσίων καὶ τεσσαράκοντα σταδίων τὸν ἀνάπλεον ἀπὸ τῆς θαλάσσης ἔχει, ducentis & quadraginta stadiis a mari abest. Strabo in distantia prope conuenit, σταδίων διακοσίων, ducenta stadia retro emetiens a mari ad *Olbiam* in *Borysthene*. Plinius prauè, vt puto, xv millia passuum habet pro xxv m.p. qui numerus reducendus est, vt cum Strabone consentiat. Neuter *Hypanis* in eo loco confluentis mentionem fecit. Tanto ergo spatio reducenda a mari est *Olbia*, in ripam superiorem *Borysthenis*, quod etiam Arrianus censuit, κατὰ τὸν Βορυσθένην ἀνω πλέοντι πόλις ἑλληνική, ὄνομα Ολβία, πεπόλισται, aduersus animum in superiora *Borysthenis*

nauganti occurrit vrbs Olbia, a Græcis condita. Strabo addit, fuisse μέγα ἐμπορεῖον, *magnum emporium.*

XII.

Alterum oppidum, fama nobilitatum, circa Borysthenem est *Ordesus* siue *Ordessus*, quod Ptolemæus male super Axiacem collocavit; ὑπὲρ τὸν Ἀξιάκην ποταμὸν Ὀρδησσός (Palat. Ὀρδησσός) *super Axiacem*, inquit, *fluvium est Ordesus*, siue, vt in Palatino codice scriptum est, *Ordessus*. At Plinius, *portus Ordesus* dixit, Arrianus Ponti periplo, ἐν Ὀδησσῷ ὅρμος ναυσὶν, *in Odesso* (quod idem ac Ordesso) *portus pro nauibus*. At portus ad mare est, non ad flumen: multo minus ad Axiacem, flumen non maximum. *Odessus* autem in vtroque Periplo scribitur, credo, corrupte, quia *Odessus* Moesiæ Inferioris est, etiam ad Pontum: *Ordessus*, vt Plinius & Ptolemæus scribunt, in tractu Borysthenio.

XIII.

Insulam sub ostio Borysthenis ait Mela sitam esse, quam alii citeriorem ponunt, & Tyram ac Istrum versus reducant; quæ *Leuce* * adpellatur, & Achilli sacra sit, eiusque tumulum ac templum contineat. Mela lib. ii cap. vii *Leuce Borysthenis ostio obiecta, parua admodum, & quia ibi Achilles situs est, Achillea cognomine.* Et Plinius lib. iv cap. xii *Insula Achillis, tumulo eius viri clara.* De situ nihil addit, nisi quod inter Borysthenis descriptionem, & peninsulæ, Dromi Achilleos, interiiciat, haud dubie Pomponium Melam, vt alibi sæpe, in positione insulæ sequutus. Strabo citeriorem facit hanc insulam, mediam fere inter Borysthenem & Tyram, ab illo 100, ab hoc 10 stadiis remotam. Lib. vii pag. 211 ait, διέχει τὴν σῶματος ἢ νῆσος ἢ λευκὴν διάστημα πεντακοσίων σταδίων, ἱερὰ τῇ Ἀχιλλείῳ, πελαγία· εἴτα βορυσθένος ποταμὸς πλωτὸς ἐφ' ἑξακοσίοις σταδίοις. *Abest ab ostio [Tyræ] insula Leuce traiectu 10 stadiorum, Achilli sacra, in alto sita: inde Borysthenes, nauigabilis fluuius, 100 stadiis est remotus.* Ptolemæi lib. iii cap. x extremo duæ diuersæ insulæ sunt, βορυσθένος, *Borysthenis*, καὶ ἡ Ἀχιλλείῳ ἢ λευκὴ νῆσος, *a Leuce, Achillis insula.* Et licet ipse citeriorem ponat Borysthenidem; conuenientius tamen, vt nomen fert, sub cognomine illam fluuiio esse; Achilleam autem, quod Strabo tradit, citeriorem. De templo in ea Achillis, & simulacro Arrianus Periplo Ponti prodidit.

XIV.

Post Achillis insulam est peninsula, *Dromos Achilleos* nominata, Græce Δρόμος Ἀχιλλείος. ** Plinius dicto loco: *Ab ea [insula] cxxv millibus passuum peninsula, ad formam gladii intransuersum porrecta, exercitatione eiusdem [Achillis] cognominata Dromos Achilleos, cuius longitudinem octoginta millium passuum tradit Agrippa.* Et Pomponius Mela lib. ii cap. i *Achilles infesta classe mare Ponticum ingressus, ibi ludicro certamine celebrasse victoriam, & quum ab armis quies erat, se ac suos cursu exerciteuisse memoratur.* Ideo dicta est Δρόμος Ἀχιλλείος. De figura gladii idem: *Terra tum longe distenta* exce-

* Tzetzes ad Alex. Lycophr. v. 186. qui dicit etiam ἐπὶ δὲον appellatam fuisse.
** vid. etiam Tzet. ad Lycophr. Alex. v. 192.

excedens, tenui radice litori adnectitur. Post spatiosa modice, paulatim se ipsa fastigat, & quasi in mucronem longa colligens latera, facie positi ensis adlecta est. Quam ergo Mela peninsulam, & ex illo Plinius, comparauerunt formæ gladii iacentis, Strabo pag. 213 cum ταινία fascia conferendam duxit: & similitudinis rationem dat, quia longitudo sit circiter 110 stadiorum; latitudo maxima, duorum stadiorum; minima τέσσαρα πλέθρων, quatuor iugerum. Ptolemæus lib. III cap. V peninsulæ huius in transuersum oblongæ singulatim ἰσθμὸν, isthmum; & promontoria laterum siue extremitatum enarrat, occidentale, ἱερὸν ἄκρον, sacrum promontorium; & orientale, μυσαρὶν ἄκρον Mysarin promontorium. Arrianus insulam Achillis Leucam cum hoc Dromo siue Cursu eiusdem confundit, quasi eadem fuerit insula & Dromos: quæ vero ab aliis diligenter, ut insula & peninsula, distinguuntur.

XV.

Hæc in peninsula: extra quam ex septemtrione decurrit fluuius *Panticapes*, de quo ita Plinius dicto cap. XII, *Vltra Panticapes amnis, qui Nomadas & Georgos disternit: mox Acesinus*. Haussit ex Mela, verbis vso eisdem. Hic vero ab Herodoto habet, lib. IV cap. LIV dicentis, ποταμὸς ἄλλος, τῷ ἔνομα Παντικάπης ῥέει ἀπὸ βορέω τε καὶ ἐκ λίμνης, καὶ τὸ μεταξὺ τῶν τε καὶ βορυσθένης νέμονται οἱ γεωργοὶ Σκύται, *Alius fluuius, cuius nomen est Panticapes. Fluit ex a septemtrione & ex lacu, & in hunc & Borysthenem habitant Scythæ agricolatores*. Addit idem, τῷ βορυσθένι συμμίσγεται, *Borystheni miscetur: quod refutat Plinius eodem loco. Quidam, inquit, Panticapen confluere infra Olbiam cum Borysthene tradunt: diligentiores Hypanin*.

XVI.

Quem vero *Acesinum* idem Plinius vocat, ceteris fere ignotus est, nisi huc referamus Valerii Flacci verba lib. VI vers. 69

Acesinaque leuo

Omine fatidicæ Phrixus mouet agmina ceruæ.

Præcessit enim superiore versu

Quique lacum cinxere Bicen.

Bice autem, siue *Byce*, lacus est in Chersoneso Taurica prope isthmum, ut breui post videbimus. Post Panticapen flumen, ad sinum Carciniten, fuit oppidum *Tamyraca*, Arriano, Ptolemæo & Stephano memoratum.

XVII.

Tandem est fluuius *Hypacaris*, in quem *Gerrhus* alius fluuius a loco, vnde deuehitur, dictus, infertur: ipse autem sic auctus in sinum Carcinitem. Pomponius Mela lib. II cap. I *Sinus Carcinites: in eo vrbs est Carcine: quam duo flumina, Gerros & Hypacaris, vno ostio effluentia attingunt; verum diuersis fontibus, & aliunde delapsi*. Ab Herodoto * Mela accepit, qui etiam ὑπάκαριν vocat flumen, quod ἐκδίδοι κατὰ Καρκινίτην πόλιν, iuxta oppidum Carcinitin in mare exit. Etiam illud addit, quod γέρρος ποταμὸς ἐκδίδοι ἐς τὸν ὑπάκαριν, *Gerrus fluuius in Hypacarin effundatur*. A Ptolemæo Hypacaris ab oppido, quod præterfluit, *Carcinites* adpellatur, & *Gerrus* ultra isthmum in

* IV. p. 125. cap. 55.

Mæotin paludem effunditur, quod falsum est, vti ex Herodoto & Mela cognouimus. Plinius Hypacarin, demto capite vocat *Pacyrin*, si sana est lectio. Supra ostium posita vrbs *Carcine*, vt Mela vocat; *Κάρκιννα*, vt Ptolemæus, *Καρκινίτις*, *Carcinitis*, vt Herodotus: a qua sinus, in quem exit Hypacaris, *Carcinites* a Mela & Plinio vocatur.

XVIII.

Hæc in ora vsque ad isthmum Tauricum: vltra quem *Mæotis* incipit, siue *palus* dicta, siue *lacus*: sed *lacus* verior quam *palus*. Vtroque modo tamen adpellatur. Pomponius Mela lib. i cap. i de mari interno: *Qua paludi committitur, Cimmerius Bosporus. Palus ipsa, Mæotis*. Idem mox cap. ii extremo: *Ad lacum, Mæotici: ad Tanaim, Sauromatae*. Plinius etiam vtroque modo. *Mæotica palus*, lib. ii cap. lxxvii: & *Mæoticus lacus*, lib. v cap. xxvii; ac *Mæotius lacus*, lib. v i cap. i. Et Lucanus lib. ii vers. 641

Pigra palus Scythici patiens Mæotica plaustrum.

Græcis, Straboni, Scylaci, Ptolemæo * est ἡ Μαιώτις λίμνη, quod etiam *lacum* significat. Ab isthmo ad Tanaim vsque fluuium, quem recipit, hic lacus in ortum æstiuum est extensus, cuius ambitum Strabo lib. ii & vii ἐννοητικῶν σταδίων, nouies mille stadiorum facit, & ἡμισυ τῆς Πόντου, dimidiam Ponti Euxini partem explere Scylax existimat; sed neuter iudicauit quod res est, nec potuit etiam in distantia tanta, & in tam barbaris ac inaccessis oris, quum ne hodie quidem omnes eodem modo figuram ac amplitudinem Mæotidis adumbrent. Qui accolunt lacum, *Mæotæ*, *Mæotici*, & *Mæotide* dicuntur. Plinius lib. iv cap. xii. *Per oram, Tanaim vsque, Mæotæ, a quibus lacus nomen accepit*. Mela lib. i cap. ii extr. *Ad lacum, Mæotici*. Vopiscus Tacito cap. xiii *Quoniam a Mæotide multi barbari eruperant, hos eosdem consilio atque viribus, vt eo redirent compulit. Ipsi autem Mæotide ita congregabantur, quasi accitu Aureliani ad bellum Persicum conuenissent.*

XIX.

Interiora Sarmatiæ, quæ longe a maris ora in extremum septemtrionem excurrunt, sunt variis distincta gentibus, sed quarum sola nomina possumus certa dare, sedes cuique suas, ob dissenfum de iis scribentium, adsignare non possumus. Sunt communia quidem vocabula *Scytharum* & *Sarmatarum*, sed sæpe etiam ad partes restringuntur, & mutuo a partibus aliis distinguuntur. Herodotus lib. iv cap. xcix ab Istro ad urbem Carcinitidem ἀρχαίην Σκυθίην, veterem *Scythiam* appellat, πρὸς μεσαμείην τε καὶ νότον ἀνεμὸν κειμένην, meridiem versus & in austrum sitam. Contraxit in arctius fines Strabo lib. vii pag. 215 ἐκαλεῖτο ἡ χώρα αὕτη πᾶσα, ἧδε δὲ τι καὶ ἡ ἔξω τῷ ἰσθμῷ μέχρι Βορυσθένους, μικρὰ Σκυθία, Tota illa regio, & fere quidquid extra isthmum ad Borysthenem vsque est, nuncupabatur *Parua Scythia*. Plinius autem *Scytharum* nomen videtur latius extendere, quum lib. iv cap. xii ait, *Ab eo, [Istro, seu ostiis Istri] in plenum quidem omnes Scytharum sunt gentes: variæ tamen litori adposita tenuere: alias Getae, Daci Romanis dicti: alias Sar-*

* Aristotelis meteorol. I. c. 14, vbi & alia memorabilia.

matae, Græcis Sauromatae, eorumque Hamaxobii aut Aorsi: alias Scythæ degeneres & a seruis orti, aut Troglodytæ: mox Alani & Rhoxalani.

XX.

Difficile est, ut dixi, sedes singulis tribuere: per flumina non nulli discerni ab aliis, auctore Mela, possunt, quibus pauci interiores a Plinio adduntur. Pomponius Mela lib. II cap. I Gerros inter Basilidas & Nomadas, Hypacaris per Nomadas euoluitur. Siluæ deinde, quas maximas hæ terre ferunt, & Panticapes, Nomadas Georgosque determinans. - - - Tum Borysthenes gentem sui nominis abluit, - - - Callipidas Hypanis includit: - - - Axiaces proximus inter Callipidas Axiacasque descendit. Hos ab Istricis Tyras separant: surgit in Neuris.

XXI.

Ex quibus hic ordo gentium inter Istrum siue eius ostia, & isthmum Tauricum conficitur: Ab Istro ad Tyram Istrici, haud dubie aliis etiam nominibus distincti: post Tyram Axiacæ ad fluuium cognominem; ultra quem Callipidæ usque ad Hypanim, * qui Bogus est. Ab eo ad Borysthenem, Borysthenitæ, quos flumen suum abluit, ut Mela ait; positi ἐπὶ τῷ ὑπάνῃ, ut Herodotus dicit, id est, inter Hypanim & Borysthenem. A Borysthenem ad Panticapen Georgi, οἱ γεωργοὶ σκύθαι, agrum exercentes Scythæ: a Panticape ad Gerrum Nomades Scythæ, Νομάδες σκύθαι Herodoto lib. IV cap. XIX, ὅτε σπεύροντες ἔδην, ὅτε ἀρῶντες, qui nec serunt, neque arant: in quo a Georgis distinguuntur. Mela lib. II cap. I Vagi Nomades pecorum pabula sequuntur, atque ut illa durant, ita diu statam sedem agunt. Colunt Georgi exercentque agros. Trans Gerrum, & supra isthmum Tauricæ Chersonesi, erant Scythæ Basilidæ, a Pomponio memorati. Herodotus cap. XX πέραν τῆς γέφυρας ταῦτα, δὴ τὰ καλούμενα βασιλῆϊά ἐστι, καὶ σκύθαι οἱ ἀριστοὶ τε καὶ πλείστοι, Trans Gerrum sunt ea, quæ vocantur Regia, & Scythæ optimi & plurimi. Ad latus Mæotidis Iazyges. Ptolemæus, παρ' ὅλην τὴν πλευρὰν τῆς Μαιώτιδος Ἰάζυγες, per totum latus Mæotidis Iazyges. A qua positione nec Ouidius abhudit ex Ponto lib. I epist. II vers. 79

*Aut quid Sauromatæ faciant, quid Iazyges acres,
Cultaque Orestæ Taurica terra Deæ.*

XXII.

Intus sunt remotissimi in occasum Neuri, apud quos Tyras siue Niester surgit, quod Mela dixit; non Borysthenes, quod Plinius scripsit, cuius fontes abhinc longe in septemtrione, inclinantes in ortum, inuestigandi sunt: nisi Plinius fluuium forte occidentalem, qui ad Czernobel Borystheni adfunditur, pro ipso Borysthenem habuit. Auchetas autem Melæ, ita Plinius locauit, ut apud eos Hypanis oriatur. Alani, Europæi quidem, ut Ammianus lib. XXII cap. XIX distinguit, supra Mæotin, iuxta Tanaim fuerunt, a quibus in occasum Rhoxalani recedebant, in veteri inscriptione apud Gruterum pag. 453 cum Bastarnis & Dacis coniuncti. Possis existimare ab Alanis esse ortos, & ab illorum gente distinctos prima syllaba: quemadmo-

E e e 2

dum

* Hic ordo dilucidior est ea narratione, qua Herodotus utitur IV. c. 17.

dum etiam *Rboxalanos* Harduinus ex Plinii membranis scripsit: at dicta inscriptione *RHOXOLANI*; & Straboni *ρωξολανῶν* dicuntur; & Spartianus Hadriano cap. vi *Cum rege Roxolanorum, qui de imminutis stipendiis querebatur, cognito negotio, pacem composuit.* Plinius coniunxit cum *Alanis*, tamen ut gentem separatam, cuius verba supra exposuimus. *Alani* autem (qui Ptolemæi *Alauni* videntur esse) etiam a Suetonio memorantur Vespas. cap. ii. *Quum Vologesus, inquit, Parthorum rex, auxilia aduersus Alanos depoposcisset.* Sed hi fortassis Asiatici erant, Tanai a nostris separati. Martialis lib. vii epigram. xxix

Nec te Sarmatico transit Alanus equo.

Iosepho lib. vii de Bello Iud. cap. xxix τὸ τῶν Ἀλανῶν ἔθνος εἰσὶ Σκύθαι * περὶ τὸν Τάναϊν καὶ τὴν Μαιῶτιν λίμνην κατοικῶντες, *Alanorum natio Scythæ sunt, iuxta flumen Tanain & Meotin lacum habitantes.* Quod Claudianus confirmat lib. i in Rufinum vers. 314

cæsamque bibens Meotida Alanus,

cæsam, id est, glacie dolabris fracta aquam eliciens ad bibendum. Crebra huius gentis apud Claudianum mentio, quia illis temporibus, relicto Tanai, ad Danubium confederat, primum militans Romanis & stipendia merens, quod idem de Bello Getico vers. 581 dixit,

Ibat patiens ditionis Alanus

Quæ nostræ iussere tubæ:

& iv Consulatus Honorii vers. 487

in Latios ritus transistis Alani.

postea cum Vandalis & Sueuis Galliam Hispaniamque vastauerunt. Marius Victor ad Salmonem de peruersis moribus sæculi:

si quid vastauit Sarmata, si quid

Vandalus incendit, veloxque abduxit Alanus,

Regio quam incolebant olim Alani, *Alania* dicta est ab Orosio lib. i cap. ii. *Ab oriente, inquit, Alania est: in medio Dacia, ubi & Gothia: deinde Germania est.*

XXIII.

Antiqua etiam, nec minus famosa *Gelonorum* natio, in Sarmatia iuxta Budinos & Agathyrsos sedem habuit, origine Græca. Herodotus lib. iv cap. cviii εἰσὶ οἱ Γελωνοὶ τοαρχαῖον Ἕλληνες, *Geloni origine Græci sunt.* In Sarmatiam profecti, cum *Budinis*, indigenis Sarmatiæ, commixti ita sunt, ut Budinorum vrbs lignea, πόλις ξυλῆνη, *Gelonus* adpellaretur: Gelonis tamen lingua & moribus a Budinorum gente quodammodo diuersis, quod idem Herodotus adnotauit dicto loco. Multum autem ex barbarie, ut fieri solet, adsumserunt, in quibus & pictura fuit corporum. Virgilius Georg. ii vers.

115

Eoasque domos Arabum, pictosque Gelonos.

Pictos, Seruius interpretatur *stigmata habentes*, quod Claudianus lib. i in Rufin. vers. 315 ita luculentius exponit:

Mem-

* Sed Alanos a Scythis distinguit Toxaris apud Lucian. p. 67, 69.

Membraque qui ferro gaudet pinxisse Gelonus.

Dura interpretatio, nec pingendi verbo facile respondet. Credibilis, quod Salmasius in Solini cap. xv censet, colore faciem, aut omne corpus, pinxisse, quod & aliis barbarorum sub illo cælo solemne fuit. Virgilius Aeneid. IV vers. 146.

Cretesque Dryopesque fremunt, pictique Agathyrsi.

Agathyrsi autem finitimi Gelonorum erant, ideoque communi ritu pingendi se, utebantur. Ammianus lib. xxxi cap. v [Vales. cap. 11] *Gelonis Agathyrsi collimitant.* Confines ergo populi fuerunt *Geloni, Agathyrsi, Budini*, quorum nomen nos ad *Budinum* montem ducit, ex quo Ptolemæus Borysthenem deriuat, aut partem eius septentrionalem. Sed credo ceteriores Gelonos fuisse, quia & Græcis & Romanis notiores, quam aliæ Sarmatarum gentes fuerunt.

XXIV.

Agathyrsi secundum Melam lib. II cap. I sunt ipsi *Hamaxobii*. Mela lib. II post initium: *Meotidis flexum Buces amnis secat, Agathyrsi & Sauromatæ ambiunt: quia pro sedibus plaustra habent, dicti Hamaxobii*: id quod non tam gentis nomen, quam morum & vitæ, multis Sarmatarum commune fuit. Vltiores *Anthropophagi*, ut Mela & Plinius adpellant; siue *Ἀνδροφάγοι*, *Androphagi*, ut Herodotus lib. IV cap. cii & cvi: quod nomen a morum feritate est. Cum his *Melanchlenas* * Ammianus coniungit dicto loco. *Melanchlenas*, inquit, & *Anthropophagos palari accepimus per diuersa, humanis corporibus victitantes.* *Μελάγχλαινοι* Herodoto cap. cvii, qui, & Mela, nomen ab atris vestibus ducunt. Et hi quoque *Ἀνδροφάγεσσι*, carne humana vescuntur: aut sunt ipsi *Anthropophagi*, quia Herodotus addit, quod *μῆνοι*, soli Sarmatarum nefandis his cibis utantur.

XXV.

Vltimi in orientem inter flexus Tanais fluuii recedentes sunt *Tanaitæ*, a Ptolemæo nominati, id est Tanais extremi accolæ, sicut qui ad Borysthenem sedes habuere, *Borysthenitas* vocari supra memorauimus. Extremi autem in septentrionem *Hyperborei*, in limite Asiæ, & a Mela tam lib. I cap. II, quam lib. III cap. v adscripti Asiæ, & ratione nominis explicati, qui *super Aquilonem Rhipæosque montes sub ipso siderum cardine iacent.* Ptolemæus etiam lib. V cap. IX in Asia *Hyperboreos* ponit *ἐν τοῖς πρὸς τῇ ἀγνώστῳ γῆ κλίμασι*, in climate iuxta terram incognitam. Plinius autem in Europa illos censet lib. IV cap. XII, non ignorans, quod quidam eos in prima parte Asiæ litorum posuere, non in Europa: additque fabulam, ab aliis acceptam, de felicitate Hyperboreorum. *Pone eos montes*, inquit, [Riphæos puta] *ultraque Aquilonem gens felix, si credimus, quos Hyperboreos adpellauere, annoso degit æuo, fabulosis celebrata miraculis.* Nomen, extremi septentrionis populos significat, quales æque in Europa sunt & in Asia, ut recte Plinius iudica-

E e e 3

dica-

* Quam in horum vicinia multas gentes Scythicas memorat Herodotus lib. IV. c. 20. seqq. hos tamen Melanchlenas Scythas esse negat c. 20. Atque ex eadem hac narratione Herodoti multæ gentes huc pertinentes suppleri possint a Cellario omissæ.

dicauit. Et alia huius tractus in fabulis latent. *Arimaspos*, quos ultimos a tergo *Maotarum* Plinius ponit, & mox *Riphaeos montes*; hos, inquam, *Arimaspos* Mela lib. II ineunte, tamquam vñoculos describit. *Scytharum*, inquit, *Arimaspi*, quæis singuli oculi esse dicuntur. Fabula ab Aristeia Proconnesio est, vt Herodotus lib. IV cap. XIII refert. Ab eis [Arimaspi] *Essedones* Mela usque ad *Maotida* ducit. *Ἰσσηδόνες* dixit Herodotus, qui pellerentur ab *Arimaspi*.

XXVI.

*Sauromatae** Græco ore sunt ipsi Latinorum *Sarmatae*, quod commune nomen est totius tractus illius Scythici: speciatim autem de parte circa *Tanaim* quæ est, aut circa *Maotida*, intelligitur. Mela lib. I extremo: *Ripæ eius* [Tanais] *Sauromatae*, & *ripis herentia possident*. Et lib. II post initium: *Maotida Agathyrsi & Sauromatae ambiunt*. Regis *Sauromatae* mentionem facit Plinius lib. X epist. XIV, & nummus ab illustri viro Ezech. Spanhemio describitur ΒΑCΙΑΕΩC CΑΤΡΟΜΑΤΟΥ, percussus temporibus Seueri. Alias gentes a Ptolemæo nominatas, *Boruscas*, *Nascas*, iuxta *Riphaeos montes*: *Tranomontanos*, ad dextram ripam *Borysthenis*, & his proximos *Βουργύωνες*, *Burgiones*; a sinistra ripa autem *Καρύωνες*, *Caryones*, & hinc in austrum deductos *Chunos*, *Amadocos*, *Nauaros*, aliosque, vt obscuriores, omnes præmittimus. Occasum versus *Grutungi* erant, *bellicosagens*, vt Ammianus dicit lib. XXVII cap. XI; & lib. XXXI cap. VIII de iisdem: *Hunni peruasis Alanorum regionibus*, quos *Grutungis confines Tanaitas consuetudo nominauit*. An autem *Hunni*, posteriori historia notiores, a *Chunis* Ptolemæi sint, non habeo quod pro certo adseuerem. Ptolemæus in *Sarmatia Europæa*: Μεταξὺ Βασέρνων καὶ Ρωξολάνων Χοῦνοι, inter *Basternas* & *Roxolanos* *Chuni*. Ammianus autem lib. XXXI cap. II *Hunnorum gens monimentis veteribus leuiter nota, ultra paludes Maoticas glaciale Oceanum accolens, omnem modum feritatis excedit*. Neque Ptolemæi fides semper tuta; neque in rebus geographicis, Ammiani: etiam ipsæ gentes ita vagæ, vt sæpe sedes permutauerint.

XXVII.

A populis ad montes & oppida, quæ extra isthmum, & in partibus interioris *Sarmatiæ* a Ptolemæo ponuntur, accedendum est. Montes idem Ptolemæus habet *Peucen* ab occasu, supra *Dacos*, aduersus *Basternas*, longo iugo procurrentem: *Amadocos montes* supra isthmum, iuxta gentem cognominem: *Alaunos* supra *Maotidem lacum*, iuxta *Alanos* populos: *Riphaeos* siue *Rhipæos*, (nam τὰ Ρίπαια ἔρη Græce sunt; Straboni Ρ.παία: Mela libris etiam *Rhipæi*) fundentes *Tanaim*: & *Budinum* *Borysthenis* fonte septentrionali notabilem: & tandem *Hyperboreos*, maxime septentrionales, prope quos cardo mundi sit. Sunt qui coniungunt *Riphaeos* & *Hyperboreos*. Byzantius Stephanus: Ρ.παία. ὄρες ὑπερβορέων, *Ripæa mons Hyperboreorum*. Plinius dicto cap. XII *Mox Rhipæi montes, & assiduo niuis casu pinnarum simili-*

* Erant *Sauromatae* etiam in *Thracia*. Dio 54. p. 612. add. Id. 55. p. 651. Sed bellandi causa modo.

litudine, Pterophoros adpellata regio: pars mundi damnata a rerum natura, & densa mersa caligine: neque in alio, quam rigoris opere, gelidisque Aquilonis conceptaculis. Pone eos montes, ultraque Aquilonem, gens felix, si credimus, quos Hyperboreos adpellauere, annoso degit æuo. Si pone montes Riphæos & quod præcessit, inter Riphæos & Mæotas soli Arimaspi colunt; nimis propinqui Hyperborei sunt Mæotidi paludi. At damnata pars mundi & densis immerfa tenebris zonam frigidam arguit, quod clarius exponit Mela lib. III cap. v. *Hyperborei super Aquilonem Rhipæosque montes sub ipso siderum cardine iacent, ubi sol non quotidie ut nobis, sed primum verno æquinoctio exortus, autumnali demum occidit: & ideo sex mensibus dies, & totidem aliis nox usque continua est.* Hi ergo sunt super Rhipæos montes, & quidem post ingens interuallum, quod cum Ptolemæi positione conuenit. Virgilius quoque discernit, & quidem tanto spatio, quantum ventus ab vna parte ad alteram impugnandam perferendus requirit, Georg. III vers. 381

Talis Hyperboreo septem subiecta trioni

- - Gens effrena virum Riphæo tunditur Euro.

Præstat ergo distinguere hos montes, & Riphæis, ut Latini fere scribunt; seu Rhipæis, ut Græci, in medio locatis, forte in Moscouia; Hyperboreos ultra arcticum circulum remouere: Poetis quidem miscere licet, & quosvis septemtrionales montes Riphæos & Hyperboreos adpellare: alia vero ratio fit geographorum. Proprie Papinius Theb. I vers. 692

sed iam temone supino

Languet Hyperboreæ glacialis portitor Vrsæ.

Et Claudianus lib. II in Rufin. vers. 240 dixit

Hyperboreo damnatam sidere Thulen.

At idem in Consul. III Honor. vers. 56 de Theodosio, magni patre,

Fregit Hyperboreas remis audacibus undas,

quum Pictos Scotosque repulisset. Idem in Consul. VI Honor. vers. 31 *Riphæo ab axe*, id est a cardine, tamquam ultimi omnium essent, & sub vertice sita montes Riphæi.

XXVIII.

Hæc de montibus. Oppida interiora (nam maritima supra exposuimus) Ptolemæus etiam per flumina distribuit. Iuxta Carcinitem fluuium, qui Hypacaris est, ponit *Toroccam, Pasiridem, Ercabum, Tracanam, Naubarum*, obscura nomina, præter *Naubarum*, quod Plinius etiam memorauit, coniunctum cum *Carcine*. Ex quo coniicitur haud longe a mari abfuisse. Circa Borysthenem locauit *Azagarium, Amadocam, Sarum, Serium, Metropolim*, post quæ ad *Olbian* venit, quam supra exposuimus. nam a septemtrione descendit in austrum. Ad flexum Borysthenis *Leinum, Sarbacum, Nioffum*. Supra Tyram *Carrodunum, Clepidauam*, quæ in Germania transvistulana recensuimus. Insulam Tanais ostio adiacere dicit, nomine *Alopeciam*, quæ & *Tanais insula* nominetur. Plinius post oppida *Hermisium & Myrmecium* relata, addit: *intus insulam Alopecen.*

GEOGRAPHIAE ANTIQVAE CHERSONESVS TAVRICA.

XXIX.

Taurica Chersonefus a *Tauris* incolis nomen habet, qui in varios populos rursus fuerunt diuifi. Etiam extra isthmum, prope eundem tamen, *Tauri* erant. Ibidem & *Taurici* dicti. Mela lib. II cap. I *Subit ripam mare, & donec quinque millia passuum absit a Maeotide, refugientia vsque subsequens litora, quoad Satarchæ & Taurici.* Ouidius Pont. lib. III epist. II vers. 45

Est locus in Scythia (Tauros dixere priores)

Qui Getica longe non ita distat humo.

Hi Plinio & Ptolemæo vocantur *Tauroschythæ*. Procopius tamen lib. III de Aedificiis cap. vlt. videtur distinguere. Ait, *μετὰ λίμνην τὴν Μαιώτιδα, καὶ τὰς Ταύρας καὶ Ταυροσκύθας, trans paludem Maeotidem, ultraque Tauros & Tauroschythas.* Potest vero καὶ etiam siue explicari. Regio dicitur *Taurica* terra. Ouidius Pont. lib. I epist. II vers. 80

Cultaque Orestæ Taurica terra Deæ:

& simpliciter *Taurica*. Plinius sæpe dicto loco: *A Carcinite Taurica incipit: vbi terra vel chersonefus subaudias.* Vocatur etiam Chersonefus *Scythica*. Strabo lib. V I I pag. 213 *Ενταῦθα ἐστὶν ὁ ἰσθμὸς, ὁ ποῖων τὴν Ταυρικὴν καὶ Σκυθικὴν λεγομένην χερσόνησον, Ibi est isthmus, efficiens Tauricam & Scythicam ita dictam Chersonefsum,* quæ etiam *μεγάλη χερσόνησος* pag. 215 vocatur, id est *magna Chersonefus*, ad discrimen paruarum, quæ in ipsa sunt, a Zenone & Heracleotis ædificatæ. Ibidem Strabo: *Πελοποννήσω προσέοικε, καὶ τὸ Χῆμα, καὶ τὸ μέγεθος, Peloponneso & forma & magnitudine similis est.*

XXX.

Isthmus *Taphræ* dictus fuit. Mela lib. II cap. I *Quod inter paludem & sinum est, Taphræ nominatur.* Oppidum in isthmo eiusdem nominis. Plinius ibidem: *In ora a Carcinite oppida: Taphræ in ipsis angustiis peninsulae.* Ptolemæo est *τάφρος, Taphrus*. Inde Plinius: mox *Heraclea Cherronefus*, * quæ nomina coniunctim legenda. Prius nomen a conditoribus est; alterum a situ peninsulae paruae. Idem enim paullo ante dixerat *Cherronefsum Heracleotarum oppidum.* Ptolemæo est *χερσόνησος, Chersonefus*: Scylaci Caryandensi *χερσόνησος ἐμπόριον, Cherronefus emporium*, isque in Græcis peninsulae ciuitatibus numerat. nam ἐν τῇ Ταυρικῇ οἰκῶσιν Ἕλληνες, in *Taurica*, inquit, *habitant Græci*, Scythis permixti. *Heraclea autem Pontica*, mater *Tauricæ* secundum Strabonem, etiam fuit Græcanica ciuitas. Hanc urbem posteriores Græci *Chersonem, χερσῶνα*, vocant, Zonaras in Rhinotmeto, Eustathius in Periegesi Dionysii vers. 140, & Procopius I V Goth. cap. V & lib. I Pers. cap. XII. Hanc urbem Plinius ait, mox sequi post *Taphras*: at latus peninsulae occidentale interiacet, in quo Ptolemæus recenset *Eupatoriam*, & *Dandacam* oppida, antequam ad *Chersonefsum* urbem perueniat. Etiam promontorium *Parthenium* antecedit, cui oppidum adiacet *Cherronefus*, secun-

* An igitur hinc Aelian. V I. c. 40. de anim. plane insulam facit? Νῆσος ἐν τῇ πόντῃ Ἡρακλῆ μὲν ὀνόμαζον, ἐκτετμήτηται.

secundum Melam lib. II cap. I; seu πρὸ τῆς πόλεως ἔστιν ἐν σταδίαις ἑκατὸν, *ante urbem est ad centum stadia*, secundum Strabonem lib. VII pag. 213. Ptolemæus quoque illud promontorium inter Dandacam & Chersonesum oppidum enarrauit.

XXXI.

Australe latus peninsulæ post oppidum Chersonesum insignes aliquot portus habet, *Ctenuntem* (Κτενῆς, *Ctenús* in recto) a Strabone & Ptolemæo memoratum: & *Portum Symbolorum*, Συμβόλων λιμένα, Plinii & Strabonis. Totus enim iste sinus portuosus est a Parthenio promontorio vsque ad alterum quod Κριῶ μέτωπον, quasi *Frons Arietis* adpellatur. Pomponius Mela clare: *Sinus portuosus, & ideo καλὸς λιμὴν adpellatus, promontoriis duobus includitur. Alterum Κριῶ μέτωπον vocant, Carambico, quod in Asia diximus, par & aduersum: Parthenion alterum.* Strabo pluribus describit illud Arietinæ frontis promontorium, quod πρόκειται πρὸς τὸ πέλαγος, *longe in mare procurrat: & ἀντίκειται, oppositum sit Carambi, promontorio Paphlagoniæ.* Plinius etiam Latine scripsit *Criumetopon*, idque *aduersum Carambi Asiæ promontorio* dicit.

XXXII.

Ab eo incipit latus orientale, in quo sunt Ptolemæi *Charax* & *Lagyra* oppida, promontorium *Corax*, & flumen *Istrianum*: deinde celebrior vrbs *Theodosia*, Scylaci, Straboni, Melæ, Plinio, Ptolemæo laudata. In Scylacis periplo, & Stephani de Urbibus volumine *Theodosia* scribitur, * corrupte, vt censet Berkelius ad Stephanum: plures Θεοδοσία, *Theodosia*, etiam ipse Stephanus in deriuatis: quod Græcum nomen Græcam vrbs originem arguit, quemadmodum Scylax quoque *Theodosiam* in Græcis peninsulæ vrbus recenset. Hodie *Cassa* adpellatur. Ptolemæo proximum est *Nymphæum*, Scylaci Νύμφαια, *Nymphæa*, etiam a Græcis condita.

XXXIII.

Breui post spatio *Bosporus Cimmerius* incipit, dictus, vt ex Stephano Byzantio Constantinus Porphyrogennetus lib. II Them. XII refert, ἀπὸ τῆς Ἰνάχης, *ab Io, Inachi filia.* Dionysius quidem periegeta vers. 140 eam rationem ad Thracium refert Bosporum, quem Io, in iuuenecam transformata, tranauerit: at interpretes Eustathius ad vtrumque accommodat, de Cimmerio dicens, λέγεται Βόσπορος διὰ τὴν αὐτὴν αἰτίαν καὶ ἐκείνος, ἐκ τῆς Ἰῆς, τῆς βοός. Ridiculum ergo est, quod Cedrenus, in Iustiniano, deducit ἀπὸ τῶν τελῶν ἀντὶ χρημάτων βοάς; *ab bobus tributum loco dari solitis* ab illa gente. In ora illius freti Bosporani, seu vbi definit illud & Ponto infunditur, quidam urbem celebrant *Bospori* nomine. Procopius sub finem lib. III de Aedificiis, meminit Βοσπόρου καὶ Χερσῶνος πόλεων, αἵ περ κατὰ τὴν ἐκείνην ἀκτὴν ἐπιθαλασσίδια μετὰ λιμὴν τὴν Μαιώτιδα ἐν ἑκάτῳ οἰκῶνται τῆς Ρωμαίων ἀρχῆς. *Bospori & Chersonis urbium, quæ maritimæ in eo litore post lacum Maotidem in extremo imperii Romani habitantur.* Memorat eandem urbem Bosporum & alibi Procopius, lib. I de Bello Pers. cap. XII, & lib. IV de Goth. cap. V; Cedrenus dicto loco pag. 302. Possis dubitare, an diuersa fuerit vrbs Bosporus a Panticapæo?

* Etiam a Demosthene in Lacrit. p. 596. A.

nihil enim Procopius de Panticapæo, qui toties urbem *Bosporum* commen-
dat, quum tamen illud fuerit *μητρόπολις τῶν Βοσποριανῶν*, *urbs princeps Bospo-*
ranorum, Strabone p. 214 adseuerante; & Plinius lib. i v cap. xii dicat, *Pan-*
ticapæum aliqui Bosporum vocant. Et Strabo ibidem per stadia spatium inter
Theodosiam & Panticapæum emetitur, & accurate a fertilitate, vicis, & op-
pido, quod continet, Nymphæo describit: vrbis autem Bospori nullam
mentionem facit. Distinguunt tamen, vt diuersas vrbes, Eutropius lib. vii
cap. v de Augusto: *Adiecit imperio omnes Ponti maritimas ciuitates: in his no-*
bilissimas Bosporum & Panticapæum: & Stephanus Byzantius, qui non solum
Bosporum πόλιν Πόντος κατὰ τὸν Κιμμέριον ἑλπον, urbem Ponti iuxta Cimmerium
sinum vocat; verum etiam Panticapæum πόλιν μεγίστην, τῶν κατὰ Βόσπορον μη-
τρόπολιν, urbem maximam, & earum quæ iuxta Bosporum sunt, metropolim,
commemorat: & Lucas Holstenius, vir summus ingenio, in Ortelium Ad-
not. p. 33 Oppidum Bosporus μετὰ λίμνην, ait Procopius, hoc est post vel extra
paludem. Erat enim extra angustias Panticapes ad Pontum Euxinum sita in si-
nu Cimmerio.

XXXIV.

Ipsam autem Panticapæum, vt Scylax, Strabo, Mela, Plinius vocant;
siue Panticapæa, παντικάπεια, vt Ptolemæus; quod nemo dubitat, ad fre-
tum Bospori intra peninsulam magnam, quæ Taurica dicitur, situm fuit. Pli-
nius eodem loco: *Restat longe validissimum in ipso Bospori introitu, Pantica-*
pæum Milesiorum, a Theodosia LXXXVII M. passuum. Eadem Strabo, additis
quoque aliis, esse Panticapæum λόφον πάντῃ περιεικόμενον ἐν κύκλῳ σταδίων
ἑκοσι, ἔχειν πρὸς ἑὴν λιμένα, ἔχειν καὶ ἀκρόπολιν· κτίσμα δ' εἶναι Μιλησίων, *tumuli-*
um circumcirca habitatum, ambitu x x stadiorum: habere portum ab ortu, &
arcem, & ipsam urbem a Milesiis conditam esse. Fuit olim libera: postea sub
Bosporanis regibus, a quibus Mithridates accepit, testante Strabone.

XXXV.

Post Panticapæum, vbi effluit ex lacu Bosporus, *Myrmecion* Plinii, Me-
læ, & Ptolemæi est: illi oppidum vocant; hic promontorium. Oppidum
ergo iuxta promontorium, vel in ipso fuit. Scylax in vrbibus Chersonesi
Græcanicis numerat. A quo ad isthmum Ptolemæus sub Mæotide tria op-
pida ponit *Parthenium*, (diuersum a promontorio huius nominis in alio la-
tere) *Zenonis Chersonesum*, & *Heracleum*, de quibus quod dicamus præterea,
non habemus. Plinius *Hermisium* cum Myrmecio coniungit, quod a Pom-
ponio Mela accepit, qui vero Theodosiæ postponit hoc ordine: *in Bospo-*
rum vergentia oppida, Myrmecion, Panticapæum, Theodosia, Hermisium. Pto-
lemæus inter Nymphæum & Panticapæum habet *Τυρικτάκην*, *Tyriclacam*,
ignotam aliis.

XXXVI.

Ante isthmum intus est lacus *Byce*, Ptolemæo *Βύχη λίμνη*, *Byce palus*.
Plinio mutatione cognatarum litterarum *Buges* est. *Atergo*, inquit, *lacus*
Buges, fossa emissus in mare. In mare, puta Mæoticum, cum quo ad isthmum
cohæret. Valerius Flaccus lib. vi vers. 68

Quique

Quique lacum cinxere Bicen,

Bicen, Latina litteia, pro Græca Ptolemæi, quam V Plinii defendit, respondens Ptolemæi r Græcæ. An eadem sit quæ Strabonis Σαπρὰ λίμνη, *Putris lacus*, qui σταδίων τετρακισχίλιων, IV CIO *stadiorum* sit, nolim iudicare. Maior enim hic ambitus est: etiam dicitur isthmus illum a mari διείργειν, *separare*, quod Mæotidi potius conuenit.

XXXVI.

Cherfonesi Tauricæ oppida mediterranea Ptolemæus multa enarrat, sed obscura & incognita pleraque. *Taphrum* supra, ob vicinitatem in maritimis censebamus; *Taronam*, *Parostam*, *Bæonem* ignoramus: *Cimmerium*, cuius nominis vel idem vel aliud Pomponius lib. I cap. XIX in Asiæ ora & quidem prope fretum ponit: quem Plinius sequutus, *trans fretum* ait situm esse; & *Tazum*, *Argodam*, *Tabanam*, obscura nomina: & *Satarcham*, in parte septemtrionali, vbi *Satarchæ*, populus, colebant. quos Mela iam manifestabit: *Cytaum* tandem Ptolemæi a Scylace vocatur Κυτάια, vt Vossius emendauit scriptum Κυδαία.

XXXVIII.

Tres populos Mela lib. II cap. I in hac Cherfoneso recenset, *Satarchas*, *Græcos*, & *Tauricos*. Istos locat a septemtrione: illos in litoribus: hos in australi parte peninsulæ, Græcis permixtos. Sed omnes etiam Tauri dicti; etiam extra peninsulam supra isthmum quidam. Melæ verba sunt: *Obliqua ad Bosporum plaga excurrens, Ponto ac Mæotide includitur. In paludem vergentia Satarchæ tenent: in Bosporum Cimmerica (forte Græcanica) oppida, Myrmecion, Panticapæum, Theodosia, Hermisium: in Euxinum mare, Taurici.* Superior pars prope Bosporum vsque Theodosiam, a Bosporanis aliquamdiu regibus possessa, Bosporanæ terræ adiudicatur. Strabo ibidem pag. 215 πρότερον εἶχον ὀλίγην, *Antea exiguam partem Bosporani dynastæ seu reguli tenebant τὴν πρὸς τῷ σώματι τῆς Μαϊώτιδος, μέχρι Θεοδοσίας, iuxta fretum Mæoticum, usque Theodosiam: postea omnem Cherfonesum magnam occupaverunt.*

XXXIX.

Hæc de Sarmatia Europæa, in quam nos Germania partim transmarina abduxit, vt absolueremus, quæ in septemtrione Europæ connexa sunt cum Germania: partim quæ trans Vistulam sunt Germaniæ gentes, inter Bastarnas ad Sarmatiam vsque disperse habitantes. Soli Daci ex Transdanianis supersunt, quos quia ponte cum Mœsia Traianus coniunxit, cum illa explicaturi sumus. Iam in citeriora regressi, quæ Germaniæ proxima sub Danubio sunt, ad exponendum adgrediemur.

CAPVT VII

DE

VINDELICIA, RHAETIA,
ET NORICO.

I.

DAnubius terminus antiquæ erat Germaniæ: hunc inter & Alpes quæ sunt, etsi hodie in Germania censeantur, aliam Romanis olim partem, aut Illyrici continuationem, constituebant. Strabo fane lib. vii pag. 217 inde Illyridem recensere ita incipit: λέγωμεν δὴ τὰ Ἰλlyρικά πρῶτα, συνάπτοντα τῷ τε Ἰσθμῷ καὶ ταῖς Ἀλπεσιν, ἀ καὶ μεταξὺ τῆς Ἰταλίας καὶ Γερμανίας, ἀρξάμενα ἀπὸ τῆς λίμνης τῆς κατὰ τὰς Οὐινδελίκας καὶ Ραίτας καὶ Ελκετρίδας, *Primum Illyrica exponamus, quæ ex Isthmo ex Alpes attingunt, sita in medio Italiae ex Germaniæ, incipientia a lacu, qui est apud Vindelicos, Rhætos ex Heluetios.* Hunc tractum in populos maiores distinxerunt, *Vindelicos, Rhætos, Noricos;* & eorum quemque in varias minores gentes, quibus omnibus, præsertim iis, qui in Alpes vergunt, aut inter illarum iuga colunt, difficile est certas & proprias sedes definire. Ab occasu, ut inde incipiamus, erant *Vindelici & Rhæti*, suis inter se limitibus distincti ita, ut tamen vterque populus vno nonnumquam *Rhætorum* nomine comprehenderetur. Sit ergo nobis prima, quæ inter Danubium & lacum Brigantium est,

VINDELICIA.

II.

Vindelicia, Ptolemæo lib. ii cap. xvi οὐινδελικία, est regio Vindelico-
rum, Latine potius gentis nomine, quam proprio regionis, adpellata. Sue-
tonius Aug. cap. xxi *Domuit Cantabriam, Aquitaniam, Pannoniam, Dalma-*
tiam, cum Illyrico omni: item Rhætiam & Vindelicos, ac Salassos gentes Inalpi-
nas. Et Velleius Paterculus lib. ii cap. xxxix *Rhætiam & Vindelicos ac No-*
ricos, nouas imperio nostro subiunxit prouincias. Quod vero non ita interpre-
tandum est, quasi damnata Latinis sit vox *Vindeliciæ*: sed ea fit loquendi ele-
gantiore consuetudine, qua Nepos Agesilao dixit, *quum meditaretur in Per-*
sis proficisci, id est in Persidem vel Persiam. Nam & illo nomine vsus est
Sextus Rufus cap. viii. *Limes, inquit, inter Romanos & barbaros ab Augusto*
per Vindeliciam, per Noricum, Pannoniam, ac Mæsiam est constitutus. Nomen
gentis, ut dictum, est *Vindelici*, Græce οὐινδελικαὶ, ut apud Strabonem est &
alios. Horatius lib. iv oda iv

Videre Rhæti bella sub Alpibus

Drusum gerentem Vindelici - - -

Ita veteres libri: recentiores, & *Vindelici*; de quo mox dicturi sumus. No-
men aiunt a fluminibus esse, quæ rigant illam regionem, quorum alter *Vinda*
est



est siue *Vindo*, a sinistra Augustam adluens: alter a dextra, *Licus*, hodie *Lech*; confluentes infra urbem. Venantius Fortunatus de S. Martino lib. iv

Pergis ad Augustam, quam Vindo Licusque fluentat.

III.

Fines Vindeliæ aliter Strabo, aliter Ptolemæus constituit: sed Straboni credendum magis est, qui prope tempora illa fuit, quibus Rhætos & Vindelicos Augusti priuigni domuerunt. Strabo lib. iv pag. 142 τὰ πρὸς ἑω μέρη τῶν ὄρων, καὶ τὰ ἐπιστρέφοντα πρὸς νέτον, Ραῖτοὶ καὶ Οὐϊνδελικοὶ κατέχουσι, συνάπτοντες τοῖς Εὐλαχῆτιοις καὶ Βοίοις· ἐπικεῖνται γὰρ τοῖς ἐκείνων πεδίοις. Οἱ μὲν ἔν Ραῖτοὶ μέχρι τῆς Ἰταλίας καθήκουσι, τῆς ὑπὲρ Οὐήρωνος καὶ Κάμης· - - - οἱ δὲ Οὐϊνδελικοὶ καὶ Νορικοὶ τὴν ἐκτὸς παραρσίαν κατέχουσι. *Montium partes, quæ [post Salassos] ortum spectant, & in meridiem vertuntur, Rhæti & Vindelici tenent, contermini Heluetiis atque Boiis, quorum campis imminet. Rhæti usque ad Italiam pertinent, supra Veronam atque Comum: - - - Vindelici autem & Norici montana exteriora tenent, id est, (Velfero lib. i de Aug. interprete p. 189) extremas tantum Alpes & humiliores colunt. Idem Strabo lib. vii post initium de lacu Acronio siue Brigantino: προσάπτονται τῆς λίμνης ἐπ' ὀλίγον μὲν οἱ Ραῖτοὶ, τὸ δὲ πλεόν Εὐλαχῆτιοι καὶ Οὐϊνδελικοὶ, lacum Rhæti exigua parte; maiore Heluetii & Vindelici attingunt. Rhæti ergo lacum non contingunt, nisi exigua parte, quæ inter Rhenum & Brigantinum est. nam hoc oppidum, quod Ptolemæus quidem suis Rhætis dat, verius Vindelicorum fuit. Strabo dicto loco libri i v Οὐϊνδελικῶν εἰσὶ καὶ Βριγάντιοι, καὶ πόλεις αὐτῶν Βριγάντιον καὶ Καμπόδουν, Vindelicorum etiam Brigantii sunt: & oppida illorum, Brigantium & Campodunum. Accedat Plinius, qui Noricis Vindelicos conterminos fuisse lib. iii cap. xx tradit. Iuxta Carnos, inquit, quondam Taurusci adpellati, nunc Norici. His contermini Rhæti & Vindelici. Quod si Vindelici contingunt Noricos, usque Aenum pertinere necesse est, quia Aenus Rhætos [vniuersos, inclusis Vindelicis] Noricosque interfluit, vt Tacitus tradit Hist. lib. iii cap. v Ad hæc, Augustus per Vindeliciam & Noricum constituit limitem imperii, non per Rhætiam; quod Sex. Rufus cap. viii, vt supra dictum, nos docuit: ergo Vindelici æque ac Norici ad Danubium, qui limes imperii Romani erat, pertinuerunt.*

IV.

Ex quibus colligere pronum est, quinam fines veteris Vindeliæ fuerint, scilicet a lacu Brigantino ad fontes & alueum Danubii, usque ad confluentem Aeni, quo flumine a Norico separata fuit. Solum latus meridiale certo determinari non potest, nisi aliquid definitum putaueris, si a Strabone prædictum repetemus, τὴν ἐκτὸς παραρσίαν κατέχουσι, Vindelicos subalpina & exteriora Alpium possidere: Rhætos, quæ intus & in summis Alpibus usque in Italiam sunt. Et, quæ lib. vii pag. 202 dixit idem, Οὐϊνδελικὸς οἰκεῖν ὄροπέδια, Vindelicos incolere montanas planities: quibus a summis Rhætorum Alpibus remouentur. Ptolemæi autem rationes, vt eius trans Alpes sunt pæraque, etiam Inalpina, turbatiores sunt, quam vt Strabonis & aliorum sen-

tentiæ præferri possint. Comprimit enim nimis Vindeliciam, Lico & Aeno fluminibus concludens.

V.

Quum vero post Romanorum victoriam Vindelicia non fuerit provincia singularis, sed cum Rhætia semper coniuncta; factum est ut omnis tractus, qui inter lacum Brigantinum, Danubium, Aenum, Carnos, Venetos & Insubres est, sæpe numero *Rhætia* diceretur & *prouincia Rhætia*, ut tamen in ipsa prouincia populi separati & Rhæti & Vindelici manerent. Sic Augustam Vindelicorum Tacitus Germ. cap. xli *splendidissimam Rhætiae prouinciæ coloniam* dixit: & Horatius lib. iv oda iv *Rhætos Vindelicos*, ut distingueret ab Rhætiae propriæ incolis: & Plinius lib. ix cap. xvii *inter Alpes lacum Rhætiae Brigantinum*, quem vero Vindelici plures, per totum latus dextrum; quam Rhæti proprii, inter Rheni & Brigantii fluminis ostia, accoluerunt.

VI.

Flumina Vindelicorum præter Danubium, qui a septemtrione stringit limitem, sunt *Licus* siue *Lichus*, & *Vindo*, qui Augustam coloniam ambiunt; supra ex Fortunati lib. iv de S. Martino, vna demonstrati,

Pergis ad Augustam, quam Vindo Licusque fluentat.

Vetustiorememoriam non habemus. Quod enim Cluuerius Ouidium quoque arcessit, lib. i ex Ponto epist. v vers. 21 dicentem,

Torquet enim fortuna parum, nisi Lycus in Hebrum

Confluat? & frondes Alpibus addat Athos?

nihil ad rem est. Heinsius ex Patauino *Nilus* legit: & si *Lycus* etiam salua lectio esset, nonne credibilius foret, alium quemuis *Lycum* (nam plura huius nominis flumina) aut nobilem Asiæ *Lycum*, qui in Mæandrum defertur, quam illum Vindelicum, intelligi? Post Venantium Paullus Diaconus lib. ii de Gest. Langobard. cap. xiii de eodem Fortunati itinere ex eiusdem carminibus, uti fatetur, repetens, *ad Briones & Augustam ciuitatem, quam Vindo & Lech fluentant, iter fuisse*, describit. Sic Lindenbrogius & Grotius ediderunt: ut de Fortunati lectione dubitare possis, annon *Vindo* & ibidem legendum sit, præsertim quod hodie *Werta* ille amnis adpellatur. Ricardus tamen poeta etiam multum postea, Aust. lib. ii, veterem scripturam expressit,

Respicit & late fluuios Vindamque Licumque

nisi quod *Vinda* forma, vbi in Fortunati libris *Vindo* est.

VII.

Inter hos fluuios & Aenum, qui terminat ab ortu Vindelicos, *Isarus* est siue *Isargus*, quæ posterior adpellatio est a populo, quos inscriptio Alpina de gestis Augusti apud Plinium lib. iii cap. xx *ISARCOS* nominat, cum Breunis ibidem & Genaunis coniunctos. Alius autem *Isaragos*, *Isarus* Strabonis est lib. iv pag. 143, qui Atagin accipiens, & cum eo receptus ab Athesi, in Adriaticum mare defertur: Vindelicus autem *Isarus*, qui hodieque nomen *Iser* retinet, in Danubium effunditur, antea auctus *Ambro*, ab occasu adla-

adlabente, qui etiam nunc *Amber* adpellatur. Auctor Itinerarii, quod Antonini esset dicitur, itinere ducto a Lauriaco, inter Isiniscam, quæ ad Isarum est, & Augustam ponit *Ambre*, quod vel flumen ipsum est, vel aliquid cognomine eidem flumini adpositum.

VIII.

Inter Licum & Brigantinum lacum *Ilargus* est, nunc *Iler*, Sueuiam secans, memoratus a Pedone Albinouano, Elegia ad Liuiam, vers. 385

Rhenus, & Alpine valles, & sanguine nigro

Decolor infecta testis Ilargus aqua.

Sic enim legendum esse, non *Itargus*, ut vulgo editur, res ipsa probat, & quæ commemorantur, *Alpine valles*. A dextra *Ilargus* accipit *Cambum*, minorem fluuium, a Camboduno defluentem. *Guntia* autem, nunc *Guntz*, inter *Ilargum* & *Licum*, æque ut illi, effluit in Danubium.

IX.

Tandem de *Aeno* fluuio, de quo prædiximus terminum inter Vindelicos Noricosque esse, vel nominis ratione addemus. Quidam scribunt *Oenus*, atque ita est in Antonini itineribus ab A. Schotto & P. Bertio vulgatis: at Aldina editione ubique *Ponte Aeni*, prima diphthongo; & a Ptolemæo *Αἴνος*, *Aenus*, scriptum est: Taciti editores eadem littera *Aeni* Histor. lib. III cap. v scripserunt, ubi in libris perperam *Rheni* legebatur. Videntur ad originem Græcam, qua *vinum* notatur, auctores alterius scripturæ respexisse, satisne commode in voce Germanica? non difficile est iudicare. Hoc vero flumen in extremis Rhætis oritur, & per Rhætiam longo tractu delapsus, tandem inter Vindelicos Noricosque in Danubium exoneratur. Sic enim Tacitus dicto loco: *Sextilius Felix ad occupandam ripam Aeni fluminis, quod Rhætos Noricosque interfuit, missus*. Vulgo nunc vocatur *Inn*.

X.

Populi Vindelicorum, in quos hi diuidebantur, ad lacum Brigantinum erant *BRIGANTII*, hoc est, quod nemo dubitat, accolæ lacus *Brigantini*. Ipse autem lacus a populo illo, vel oppido adiacente, dicitur *Brigantinus* Plinio lib. IX cap. XVII; *Acronius Mela* lib. III cap. II, cui præiacet siue adhæret alius, dictus *Venetus*, eodem *Mela* auctore. Supra Brigantios sunt *ESTIONES*, quos illis coniunxit Strabo lib. IV pag. 142 οἱ Εἰσιῶνες τῶν Οὐινδελικῶν εἰσι, καὶ Βριγάντιοι καὶ πόλεις αὐτῶν, Βριγάντιον καὶ Καμπόδουνον, *Estiones Vindelicorum sunt, & Brigantii: & oppida illorum Brigantium & Campodunum*. Quum vero Brigantium fuerit Brigantiorum; consequens est ut *Estionum* fuerit *Campodunum*. Habemus ergo & *Estionum* sedem, circa *Campodunum*, quod vulgo dicitur *Kämpfen*: Strabo & Antoninus dura littera *P* scribunt: Ptolemæus molli *B*, *Cambodunum*, quæ etiam in Tabula & Notitia adparet: *Brigantium* autem Strabonis, Ptolemæi, Tabulæ Theodosianæ; siue *Brigantia* Antonini, nunc *Bregenz*, adiacet Brigantino lacui ab ortu, iuxta ostium fluminis *Brigantii*, quod inter Vindeliciam Rhætiamque diuidit. Inter Brigantium & Campodunum in Tabula sunt *Vermania* & *Viaca*; Itinerario tantum *Vermania*, ut Aldus edidit, quod recentiores in *Nema-*

*Nemaui*a prauarunt, forsan quia supra illud Rostrum *Nemauiæ*, aliud oppidum, occurrit. Ex quibus intelligitur, *Vemaniam*, in Notitia *Vimaniam*, hodie esse *Wangen*: & *Viacam* esse *Wagek*: Ptolemæi loca, vt solent, perturbata heic nimis sunt, adeo, vt ne lacus quidem *Acronii* ille rationem habuerit.

XI.

Ab *Estionibus* progredimur ad *LICATES*, vt *Plinius* lib. III cap. XX ex inscriptione *Augusti* in alpina vocat; siue *Λικάτιοι*, *Licatii*, vt *Strabo* & *Ptolemæus*. Nomen arguit, ad *Licum* amnem, qui nunc *Lech* est, coluisse. *Strabo* lib. IV sub finem: τῶν Λικατίων (sic cum *Ptolemæo* legendum: corrupte in libris *Λικατῖων*, aut *Λικατῆϊων*) ὥσπερ ἀκρόπολις Δαμασία, *Licatio*rum quasi *arx*, *Damasia*. *Cluuerio* *Damasia* est caput *Licatio*rum, & ipsa vrbs *Augusta*; antequam, ob novos colonos & maiora ornamenta & amplificationem, augustiore nomine augeretur: *Marco Velfero* autem videtur secus esse, creditque *Damasiæ* vestigia superius in austrum prope *Vindonem* flumen reperiri. Colonia autem illa a *Ptolemæo* αὐγῆστα οὐϊνδελικῶν, *Augusta Vindelico*rum vocatur: ab *Antonino* & in *Tabula Peutingeriana*, *Augusta Vindelicum*: a *Tacito* *Germ.* cap. XLI *splendidissima Rhetiæ* prouinciæ colonia. Quomodo *Rhetiæ* hoc vocabulum sumatur, supra fuit expositum.

XII.

Tabula, quam diximus, itinere ab *Augusta Vindelicum* per *Cambodunum*, fert proxime *Esconem*. Hic locus *Esco*, vt milliaria probant, ad *Licum* videtur fuisse, vbi nunc in sinistra ripa est *Schonga*, cuius nomen ab *Escone* non est alienum. In superiora eiusdem amnis cadit *Abodiacum* *Tabulæ*, XVIII millibus supra *Esconem*; *Ptolemæo* Ἀβδίακον, quod eruditi ex situ interpretantur *Füssen*, oppidum in ripa sinistra positum. Inter *Licum* & *Ilargum* amnis *Guntia*, hodieque *Güntz* dictus, delabitur in *Danubium*, prope cuius fontes *Velferus* & *Cluuerius* ponunt oppidum *Guntiam*, Itinerario *Antonini* memoratum: vbi nunc *Guntberg* est. Sunt etiam qui ad *Güntzburg*, quod ad confluentem huius amnis est & *Danubii*, referunt, verum ex itineris ratione refelluntur, quæ talis est continuatione eius, quod per ripam ducitur *Pannoniæ*:

<i>Augusta Vindelicum</i>			
<i>Guntiam</i>	M.	P.	XXII
<i>Celium Montem</i>	M.	P.	XVI
<i>Campodunum</i>	M.	P.	XIII
<i>Vemaniam</i>	M.	P.	XV
<i>Brigantiam</i>	M.	P.	XIII.

Sed quia plura loca ad illum amnem sunt, quæ nomen ab ipso etiamnum habent; malim in medio, quam in extremis, *Guntiam* *Antonini* inuenire. Ita enim nos ducunt itineris rationes. Ad os *Guntia*, quo in *Danubium* fluvius infertur, situm est *Güntzburg*, vbi haud dubie ille *Guntiensis transitus Danubii* fuit, quem *Eumenius Panegyrico Constantii* nominauit, de huius *Cæsaris* victoria cap. II dicens, a ponte *Rheni* usque ad *Danubii transitum*
Gun-

Guntiensem, deuastata atque exhausta penitus Alemannia. Forſan heic quoque *Guntia* illa fuit, de qua Notitia Imperii ſub duce Rhætiarum: *Præfectus militum Vrsarienſium Guntie.* Non repugnabo adſeuerantibus, Itinerarii & Notitiæ *Guntiam* eandem eſſe: nec vero ignoro, ſtationes militum plerumque in ripa exſtitiſſe, præſertim ad tam nobilem traiectum. Accedit, quod in medio tractu *Guntia* amnis ad ſiniſtram ripam iam tum caſtra *Febiana* erant. Notitia Imperii ſub duce Rhætiarum: *Equites Stableſiani iuniores Ponte Aeni, nunc Febianis*: quæ doctis videntur eſſe Babenhausen. *Cælius* autem *Mons*, qui *Guntiam* alteram in itinerario excipit, vt nomen indicat, nunc *Kelmiüntz* eſt inter *Guntiam* & *Ilargum*, ſiue *Ilarum*, amnes, in Tabula, ſub Rhætiarum duce, ſimpliciter dictus *Cælius*, ſine *Montis* cognomine, hoc modo: *Tribunus cohortis tertiæ Herculeæ Pannoniorum Cælio.* Haud longe a tranſitu Danubii *Guntiensi*, Auguſtam verſus, fuit Tabulæ *Grinario* ſecundum *Cluuerium*, qui *Gneringen* interpretatur, vocabulis non multum diſcrepantibus.

XIII.

Ad *Ilargum Roſtrum Nemauiæ*, quod *Simleri* & *Cluuerii* iudicio eſt *Memmingen*. Reducit dextrorſum *Velferus* ad *Vindonem* uſque. Nec vero contemnendæ ſunt *Cluuerii* rationes. Inde ad fontes Danubii regredimur, & ab ipſo Rheno poſt lacum incipimus, ſi quid forſan in illo quoque tractu *Vindelicis* poſſit vindicari. Eo ſitu eſt *Sanctio* *Ammiani* lib. xxi cap. v quæ *Cluuerio* videtur *Seckingen*, in dextra *Rheni* ripa oppidum, *Rauracis* oppoſitum. *Quum mature*, inquit, *prope oppidum Sanctionem veniſſet, longe viſus a barbaris*, & cetera. Ibi autem *Iulianum* traieciffe, aliorum exemplis non eſt improbabile. Inde ſequuntur oppida Tabulæ *Theodoſianæ*, quæ quidem ſupra lacum videntur poſita, a doctis vero viris ita ordinantur, quaſi in dextra ripa recentis Danubii ſita fuerint. Scriptum eſt,

*Iuliomago**Brigobanne**Aris Flauis**Samulocenis**Grinarione*

XI

XIIII

XIIII

XXII.

Si aliorum coniecturas licet ſequi; (nam certo probari poſſe deſperamus) *Iuliomagus* fortassis erit *Dütlingen*: *Brigobanna*, *Beyern*, etiam oppidum *Danubianum*: *Aræ Flauæ* (vel potius *Flauia*, quia *Ptolemæo* ſunt Βασιλίστιοι) fere in loco, quo eſt *Aurach*: *Ptolemæus* autem ſuas *Aras*, a *Flauio* denominatas, trans *Rhenum* in *Germania* magna poſuit, cui forte minus fidei habendum eſt, quam Tabulæ, quia non inſolens illi, præſertim in *transalpinis*, a vera poſitione aberrare. Quid autem de *Samulocenis* dicam? *Cluuerius* credit *Ptolemæi Alcimoennim* eſſe, in aduerſa *Germaniæ* ripa locatam: dubius, vtrum vocabulum ſit correctius; niſi vtrumque forte deprauatum eſt: ſatis autem vult ſibi certus eſſe, & ſitum in Tabula, & itineris tractum referre ad locum, quo nobiliſſima vrbs *Sueuiæ Ulma* in *Danubii* ripa eſt poſita.

ta. Ego autem nec habeo quo adfirmem; nec curo, quibus impugnetur.

XIV.

Hæc de iis, quæ cis Licum sunt, sufficiant: inter illum amnem & Aenum quæ oppida inueniantur, ad explicandum nunc adgrediamur. Ad confluentem Lici Danubio adiacet *Clarennæ* Tabulæ, hodie Rain: inde in ripa Danubii, ex eadem Tabula, sunt *Vetoniana*, subaudi, castra; Cluuerio Winten: & post xii millia *Germanicus*, puta, vicus, aut *Germanicum*, puta prædium siue oppidum, quo tractu est Foburg: & post viii inde *Celeusus*: interiectis iii millibus, *Arusena*, quod nomen corruptum est ex *Abusina*, uti itinere Antonini ex Pannonia per ripam legitur, etiam in Notitia sub duce Rhætiarum; nunc *Abensberg*, a flumine *Abens* adpellatum. Caue vero castra intelligas: oppidi enim nomen est femineæ formæ, & quarto casu in Itinerario *Abusinam*; sexto in Tabula & Notitia, *Abusina* legitur: a quo distat *Reginum* xx vel xxii millibus, ad confluentem fluuii *Regen*, vnde nomen est: nunc vrbs incluta *Regensburg*. Dicitur autem *Reginum* dicto itinere Antonini, & in Tabula Theodosiana; in Notitia Imperii sub Rhætiarum duce, *Castra Regina*, quamvis Velfero lib. iii Rer. Boicar. pag. 90 videantur castra extra urbem, aut etiam aliquot inde millibus remota fuisse. *Præfectus*, inquit auctor Notitiæ, *legionis tertie Italice partis superioris Castra Regina, nunc Vallato*. Sunt, qui coloniam Tiberii ex nescio quo nummo referant, inscripto COL. TIBERIA AVGVSTA, nullo addito signo, quod in Rhætia sit & ad Danubium: verum, si genuinus nummus est, æque in alia orbis terrarum gente colonia esse potuit, quia plures condidit Tiberius, etiam aliæ ciuitates nomen principum induerunt. Addunt quidem diploma Leonis iii, P. M. quo scribatur: *Iuxta muros Tiburniæ ciuitatis, quæ a Tiberio Cesare augusto ædificata est; quæ modo vulgo adpellata est Reginaspurch*. Sed quid ignorantia barbari illius sæculi (est autem exeunte viii scriptum diploma) non insulse finxit? nec a Tiberii nomine formatur *Tiburnia*; ut vel hoc nomine inscitia illius temporis prodatur. Quin potius Tacito, grauisimo auctori, credimus, qui prouinciæ Rhætiæ vniuersæ vnam coloniam fuisse dixit, non plures; quam quum nemo dubitet, Augustam Vindellicorum esse, durante vocabulo in *Augstburg*; euanescit altera, quæ *Reginum* deducta fingeatur.

XV.

Inter *Reginum* urbem & confluentem Isargum, sub Danubio sunt *Augustana*, supple, castra. Notitia sub duce Rhætiarum: *Equites Stablesiani Seniores Augustanis*. Antoninus itinere per Pannoniæ ripam *Augusta* vocat itidem castra intelligens, distincta ab *Augusta Vindellicorum*, ut postea recensebimus; xiiii millibus ab *Regino*, qui numerus falsatus est, maior iusto haud dubie. Schottus & Bertius Itinerario *Augustas* scripserunt, sed æque falso. veteres libri, etiam Aldi, sexto casu referunt *Augustis*, vnde *Augusta* castra propius, quam *Augustas*, nescio quas, effeceris; præsertim quum militum stationem *Augustanis* fuisse Notitia edoceat. Sequitur eadem ripa,

pa *Seruiodurum* in Tabula, xxviii ab Regino, quod interuallum ducit ad nobilem urbem *Straubingam*.

XVI.

Inter *Isargum* siue *Isarum*, & *Aenum* amnes sub *Danubio* sunt alia castrorum nomina: *Petrensia*, propiora *Isargo*, quorum numeri, xxvii m. p. ducunt in oppidum *Osterhoven*: medio situ *Quintiana* Itinerarii, siue *Quintana*, Notitiæ Imperii, cuius est *Præfectus alæ primæ Flaviæ Rhetorum Quintanis*. Non liquet quænam scriptura sit melior, nisi aliquid in vico *Kintzen*, quo *Cluuerius* refert, inuenisse putes pro priore & quinque litterarum scriptura. Extremum ad *Aeni* confluentem est *Castellum* Tabulæ; siue *Bataua* Notitiæ, quæ vox castra designat, & vna rationem nominis ita declarat: *Tribunus cohortis nouæ Batavorum Batavis*, videlicet in *Rhætia*, quia sub duce & comite *Rhætiarum* hæc cohors in præsidiis erat. Loco illo nunc *Passau* est, celebris ciuitas, cuius nomen a *Batauis* est, primum *Batau* colonorum seu præsidii ore dictum; post, adsumpta regionis dialecto, *Bassau* siue *Passau*. Trans flumen adiacet *Boiodurum*, de quo in *Norico* dicemus.

XVII.

Interiora huius tractus secantur *Isargo* fluuio, qui *Ambrum* defert, vt supra diximus: illius accolæ *ISARCI* dicuntur in inscriptione Alpina de gestis Augusti, apud *Plinium* lib. iii cap. xx. Ad fluminis ripam, dextram an sinistram non certum satis; videtur *Isinisca*, siue *Isunisca*, *Antonini* & *Tabulæ* itinerariæ fuisse. Ille itinere a *Lauriaco* *Brigantiam* ita interualla disposuit:

<i>Iouauo</i>			
<i>Bidaium</i>	M.	P.	XXXIII
<i>Pontem Aeni</i>	M.	P.	XVIII
<i>Isiniscam</i>	M.	P.	XX
<i>Ambram</i>	M.	P.	XXXII
<i>Augustam Vindelicum</i>	M.	P.	XXXVII.

Hæc si recte distribuuntur interualla, ducente via publica, *Isinisca*, quod *Cluuerius* censet, fere in locum cadit, quo insignis vrbs est *Bauariæ Monachium*; immo eidem ipsum *Monachium* videtur, quasi *Isarisca* dicta, iam olim caput *Isarcorum*. Quod si est, in sinistram ripam *Isinisca* reducenda est. Contra ea *Marcus Vellærus* in tabula sua longe aliam dispositionem fecit, & sicut inferiorem *Pontem Aeni* *Oetingam* *Bauaricam* interpretatur; flumen, quod infra *Oetingam* ab occidente in *Aenum* defertur, *Isiniscam* vocat, & in eius ripa, medio prope loco inter *Aenum* & *Isargum*, cognomine oppidum *Isiniscam* constituit. Id quod prope conuenit cum *Tabula Peutingeriana*, cuius hæc sunt rationes distantiarum:

<i>Isunisca</i>	[sic scriptum est]
<i>Ad Enum</i> [Aenum]	XX
<i>Bedaio</i>	XIII
<i>Artobrige</i>	XVI
<i>Iuauo</i>	XVI.

Vnusquisque sibi eligat, quam putat vero esse similiorem sententiam. Non nostrum enim est inter hos viros clarissimos tantas lites componere, aut alterutram opinionem reuicere, probata & defensa altera.

XVIII.

Illum tractum etiam, qui Aenum versus est, BOII, a Marcomannis ex Boichemo pulsi, coluerunt, quod non obscure ex Strabonis verbis lib. IV, quæ supra protulimus, probari potest. Nam τὰ πρὸς ἑω μέρη τῶν Ἀλπεων, καὶ τὰ ἐπιστρέφοντα πρὸς νότον, Ραῖτοὶ καὶ Οὐινδελικοὶ κατέχουσι, συνάπτοντες ἑλκεῖς καὶ Βοίοις, orientales partes Alpium, & quæ in austrum vergunt, Rhæti ac Vindelici tenent, Heluetios atque Boios confinio tangentes. Scilicet vtrique Heluetiis; Vindelici etiam ab ortu Boiis, quorum campis ἐπικενταί, imminabant: quam regionem hodieque tenent, dicti Boiari, contracte Baiern.

XIX.

Iter Antonini ex Pannonia per ripam inter Abusinam, quæ Abensberg est, & Augustam Vindelicūm, addit quædam oppida *Vallatum* & *Summuntorium*, quorum situs & distantia talis est:

Regino

Abusinam

M. P. XX

Vallatum

M. P. XVIII

Summuntorium

M. P. XVI

Augustam Vindelicūm

M. P. XX.

Vtrumque etiam in Notitia Imperii sub duce Rhætiarum memoratum est. Dicitur ibi *Præfectus legionis tertiæ Italicæ partis superioris* [apud] *Castra Regina* [fuisse,] *nunc Vallato*, intellige, esse. Et mox: *Præfectus alæ secundæ Valeriæ singularis Vallato*. Ex numeris colligit Cluuerius fuisse *Vallatum* ad amnem Ilmum, circa oppidum Gaissenfeld, aut supra illud. Alterum, in Itinerario *Summuntorium*, in Notitia *Submontorium*, refertur ab eodem supra oppidum Hohenwart ad flumen Parum. Eodem Notitiæ loco: *Præfectus legionis tertiæ Italicæ partis superioris deputatæ Ripæ primæ Submontorio*. In austro prope fontes Isari sunt *Coneliacæ* ex sola Tabula Peutingeriana notæ, eo fere loco, quo nunc oppidum Kochel est, quod non plane discrepat a veteri adpellatione. Et supra fontes Ambri inter Füssen & Insbrück, fere medio loco, ad flumen Loyfam, quod in Isarum exit, est locus Partakirch, a quo nec voce nec situ abludit *Parthanium* Antonini, in itinere ab Augusta Vindelicorum Veronam. Ordo sic habet:

Augusta Vindelicūm

Abuzacum

M. P. XXXVI

Parthanium

M. P. XXX

Veldidenam

M. P. XXX

Tridentum

M. P. CXVI

Veronam

M. P. LVIII

Quod

Quod primo loco ponitur *Abuzacum*, videtur ex situ Cluuerio esse *Auodiacum* vel *Abodiacum* Tabulæ; Ptolemæi Ἀβυζιάκον, de quo supra diximus. *Veldidena* autem, frequens in Itinerario, extra Vindeliciam est, in finibus Rhætorum, vt situs & nomen indicat, hodie est Wilten, prope Aeni Vtii- que confluentem. *Parthanum* autem Antonini in Tabula corrupte est *Tartenum*: correctius in Notitia Imperii *Parradunum*. Ait enim: *Præfectus cohortis primæ Herculeæ Rhætorum Parraduno*. Ptolemæus, vel qui transcripsit illum, vna littera aberrauit, καπεάδενον, κ pro π, nobis exhibens. Itinere a Lauriaco Veldidenam, *Pontium* fit mentio, quos Aldus *Tesfenios*, Schottus & Bertius *Terseninios* scribunt (forte *Tessenii* vel *Tessenini* genuina scriptura) quos situs ratione Diefen vel Tieffen ad Ambrum lacum videtur prodere. Positio itineris huiusmodi est

Isinifca

Ambram

M. P. XXXII

Ad Pontes Tesseninos

M. P. XL

Parthanum

M. P. XX

Veldidenam

M. P. XXIII.

Si quæ alia sunt Vindeliciæ, ita incerta & ignota sunt, vt nequeamus illis certam sedem adsignare. *Biriciana* addo in ripa inter Clarennam & Vetoniana, ex Tabula Theodosiana.

RAETIA siue RHAETIA.

XX.

Rhætiæ & Rhætorum vocabulum scribitur varie. Vulgaris scriptura *Rhætia* & *Rhæti*, cum adspiratione & diphthongo, a Græcis est, Strabone, Ptolemæo, Dione, quibus sunt ῥᾱτοὶ & ῥᾱτία. Origine Tusci fuerunt, in montana, Rhæto duce, profecti. Iustinus lib. xx cap. v *Tusci quoque, duce Rhæto, auitis sedibus amissis, Alpes occupauere, & ex nomine ducis gentes Rhætorum condiderunt*. Et Plinius lib. iii cap. xx *Rhætos Tuscorum prolem arbitrantur, a Gallis pulsos, duce Rhæto*. Et Stephanus Byzantius: ῥᾱτοὶ, Τυρρῆν- νικὸν ἔθνος, *Rhæti, populus Etruscus*. An vero Tusci illi antiqui Græcis litteris vsi fuerint, non est pronum adfirmare: quamquam nec improbabile, vt- cumque Romanos id credidisse, difficulter adprobaueris. Monumenta enim illorum & lapides sine adspiratione habent, NATIONE RAETO, Reines. Inscr. class. viii n. 13. & EX RAETIS, Gruter. Inscript. pag. 439. n. 8. & si genuinus Golzii nummus est ex Tiberii sæculo, COL. AVGVSTA RAETORVM: etiam RAITI, Gruter. pag. 524 num. 3 in Moguntino lapide; & in Romano apud Holstenium in Ortel. p. 161. Vnde etiam Ryckius in Tacito, Valesius in Ammiano, vterque emendatissimos libros sequutus, scripserunt *Rætiam*, *Rætias*, sine H: at in eodem Ammiano *Rhetias* Lindenbrogius cum adspiratione, & sine diphthongo scripsit, quæ forma etiam in antiquitate habet, quo se exemplo & ratione tueatur. Hadriani nummo apud illustrem Spanhemium pag. 843 EXERCITVS RHETICVS; quamuis a Me-

diobarbo, itidem illustri viro, nummus eidem principi inscriptus, proferatur EXERCITVS RAETICVS S.C. Videmus ergo singulis scribendi modis suas, saltem aliquas rationes constare, nec vitio verti posse, si quis vulgarem & receptum sequutus fuerit.

XXI.

Flumina Rhætia multa fundit. *Rhenus* stringit limitem occidentalem, separatque ab Heluetia. *Aenus* secatur provinciam, in qua ortus; quam egres-
sus inter Vindeliciam & Noricum emittitur in Danubium. Ceteri in iugis Rhætici orti, in Italiam decurrunt, *Ticinus* per Verbanum lacum; *Ad-
dua* * per Larium; *Ollus* per Seuinum; *Mincius* per Benacum; & his maior *Athesis*, qui *Atagin* siue *Aisacum* defert, iam *Byrro* auctum. *Athesin* plures laudant: & princeps poetarum Aeneid. ix vers. 680

Athesin seu propter amœnum:

Atagin commendat Strabo lib. iv pag. 143: *Byrrum* Paullus Warnefredi lib. ii Langob. cap. xiii. Adde *Meduacum* ex Tridentinis Alpibus in Venetos defluentem. Sed de his plura in Italia.

XXII.

Rhætia vel *propria* est, distincta & separata a Vindelicia; vel *prouincia*, quæ & propriam Rhætiam & Vindeliciam comprehendit. Exemplum utriusque notionis ostendimus. verbi gratia, Suetonii Aug. cap. xxi *Domuit Rhætiam & Vindelicos*. Et Velleius lib. ii cap. xxxix *Rhætiam & Vindelicos ac Noricos, Pannoniamque, nouas imperio nostro subiunxit provincias*: ubi propria & seiuncta Rhætia intelligitur. At quum Tacitus Germ. cap. xli de Augusta Vindelicorum dicit, *splendidissima Rhætiae prouinciæ colonia*, vniuersam notat provinciam, ex Rhætia propria & Vindelicorum regione constantem. Vni enim præsidii & Rhætia & Vindelicia subiecta erat, a quo diuersus fuit, cui parebat Noricum. Hinc factum est, vt quia Romani provinciam adpellabant *Rhætiam*, Vindelicorum nomen pæne exolefceret, succedente communi *Rhætorum*; non autem omne exstingeretur. Sic Vopiscus in Aureliano cap. xxxv *Vindelicos obsidione barbarica liberavit*. Postea vero, quum noua diuisio prouinciarum institueretur, Rhætia propria dicta fuit *Rhætia Prima*; Vindelicia, *Rhætia Secunda*. Illius caput Curia secundum Velferum; huius, Augusta fuit. Coniicit idem vir clarissimus lib. iii Rer. Boi. pag. 91, & lib. v Rer. Aug. pag. 298 diuisionem Rhætiarum ab Hadriano esse, aut proxime post illum institutam: nec vero firmiori subnixus argumento est, quam quod Capitolinus in Pertinace cap. ii dixit, *statim Rhætias & Noricum ab hostibus vindicauit*. At sub Diocletiano, qui auctor fuit multiplicationis prouinciarum, Iulius Capitolinus scripsit, & ex more suorum temporum de Rhætia loqui potuit; nec facile exemplum prius diuisionis in *Primam* & *Secundam* in prouinciis inuenies; plura autem in *Superiorem* & *Inferiorem*: nec vero vel huius diuisionis vsquam in Rhætia signum occurrit, certe nondum ætate Ptolemæi, qui posterior Hadriano secundum Suidam fuit. Qui vero nomen *Rhætiae Primæ* & *Secundæ* habent, sunt auctor

No-

* Strabo LIV. pag. 293. & pag. 320. vbi magnum flumen dicitur. Oritur ex monte Adula Strabo L. V. pag. 321.

Notitiæ Imperii, & Paullus Warnefredi lib. II de Gest. Langobard. cap. xv: & *Rhetias*, pluratiuo numero, præter Capitolinum dicto loco, & Vopiscum in Probo cap. xvi, præcipue & frequenter Ammianus dixit lib. xvi cap. xviii & xxv, lib. xxii cap. xii; lib. xxviii cap. xxx. *Rhetia* ergo *Propria* fines fuerunt ab Rheno ad Alpes Noricas, si longitudinem æstimes; si latitudinem, ab Italia ad fines Vindeliciæ.

XXIII

Populos Rhætia Plinius permultos lib. III cap. xx enumerat, sed plerosque obscuri nominis & ignoti situs. Præcipui sunt LEPONTII, quos cum Salassis coniungit, vnde ab occasu prouinciæ coluisse coniicias. Straboni, qui cum Tridentinis componit, sunt Λειπέντιοι, vnde fabula manauit, quod Plinius obseruat, ab Hercule heic loci relictos esse: Horum genus sunt *Lepontii Viberi*. Plinius dicto loco: *Lepontiorum qui Viberi vocantur, fontem Rhodani accolunt.* SARVENETES, obscurius nomen, ab eodem dicuntur *ortus Rheni amnis accolere.* CAMVNI, Καμῦνοι, quos cum Lepontiis & Strabo & Plinius iungunt, supra Seuinum lacum interpretes ponunt. Dio Cassius lib. LIV pag. 534 Καμῦνοι καὶ Ουενώνιοι, Ἀλπικὰ γένη, ὅπλα τε ἀντήραντο καὶ νικηθέντες ὑπὸ τῷ Πάβλῳ Σιλίῳ ἐχειρώθησαν, *Camuni & Vennonii, gentes Alpine, arma contra Romanos sumserunt, & victi sunt a Publio Silio.* Vennonii autem, vt emendatum in Dione volunt, siue *Venii*, vt vulgatum est, sunt VENNONETES Plinii, Ουέννωνες Ptolemæi; Ουένονες Strabonis, qui de ipsis tradit pag. 141, ὑπέρκεινται τῷ Κώμῳ, ἐπὶ τὴν ἑωκεκλιμένοι, *supra Comum, siue Larium lacum, habitant, in ortum solis inclinantes.* Ex variis scribendi modis geographi VENNONES, tamquam constantiorem formam colligunt.

XXIV.

Strabo cum his Στόνεις, *Stonos* narrat, de quibus Epitom. Liuii LXII Q. *Marcus consul Stonos, gentem Alpinam, expugnauit.* Sed neque recte *Stoni* scribuntur, neque recte censentur in Rhætis. Inscriptio vetusta apud Gruterum pag. 298 num. 3 (quod fragmentum est Fastorum triumphalium)

Q. MARCIUS Q. F. Q. N. REX PRO COS. AN. ICCC

DE LIGVRIBVS STOENEIS III NON. DEC.

subaudi *triumphauit.* Verum ergo nomen est *Stæni*, sexto casu *Stæneis* antique, vt solemne in illo fragmento est, hoc est *Stænis*. Coluerunt autem Alpes non Rhæticas, sed maritimas, Liguriam versus, & ipsi censiti in Liguribus. Verius in Rhætia ponuntur BREVNI & GENAVNI. Priores varie scribuntur *Breuni, Brenni, Brenci, Breones, Briones.* Inscriptio Alpina apud Plinium ISARCI, BREVNI, GENAVNES. Strabo lib. IV p. 142 *Vindelici & Norici τὴν ἐκτὸς παρωρίαν κατέχουσι μετὰ τῶν Βρέγκων καὶ Γενάωνων, exteriores montes tenent cum Brencis & Genaunis.* Sic Aldina editione: Casaub. autem *Breunis, Βρεύνων.* Missis igitur aliorum lectionibus, rescribimus *Breuni*, etiam Horatio lib. IV oda XIV de Rhætica victoria canenti ad Augustum:

Vindelici didicere nuper,
Quid Marte possis. milite nam tuo
Drusus Genaunos, implacidum genus,

Breu-

*Breunosque veloces & arces,
 Alpibus impositas tremendis,
 Deiecit acer, plus vice simplici.
 Maior Neronum mox graue praelium
 Commisit, immanesque Rhætos
 Auspiciis pepulit secundis.*

Videntur Vindellicorum pars fuisse : at quia Strabo ibidem, ἡδὲ τῶν Ἰλλυ-
 ρίων, nunc ad Illyrios pertinent ; oportet reductiones fuisse, & in Rhætorum
 potius finibus. Suetonius Tiberio cap. ix *Rhætico atque Vindelico* [bello]
gentes Alpinas : Pannonico Breucos & Dalmatas subegit. Sed hi videntur alii
 fuisse, qui ab Alpinis separantur : & proprii Pannoniæ siue Illyrici. Vnde
 forsan confusio orta quod nunc Vindellicis, nunc Rhætis, non numquam Il-
 lyricis gentibus adnumerantur. *Breones* autem ipsi Breuni in Alpibus. Ve-
 nantius Fortunatus Vita S. Martini lib. iv

*Pergis ad Augustam, quam Virdo Lycusque fluentat.
 Si vacat ire viam, neque Boioarius obstat ;
 Qua vicina sedent Breonum loca, perge, per Alpem
 Ingrediens, rapido qua gurgite voluitur Aenus.*

Adde Paulli Diaconi lib. ii Langobard. cap. xiii, qui in eadem historia *Bri-
 ones* scripsit.

XXV.

Genaunes autem Plinii, quos Horatius *Genaunos* adpellat, videntur ad-
 itum Alpium cum Breunis infedisse, quo transeundum Druso erat, Vindeli-
 cis bellum inlaturo. *BRIXENTES* Plinii dicta inscriptione, seu *Βριζάνται*,
Brixantæ Ptolemæi, consensu plurimorum apud Aisacum amnem, quem &
 Atagin vocant, coluerunt, vbi oppidum vulgari nomine *Brixen* conspici-
 tur, quod haud dubie a Brixantis populis superest.

XXVI.

Oppida nunc Rhætorum perlustremus. Italiæ proximum, quod
 indubito Rhætorum sit, est *Tridentum*, a quo populus, *Tridentini*,
 apud Strabonem & Plinium ; hunc vero ita, vt vna oppidi rationem habeat.
Feltrini, inquit lib. iii cap. xix, & *Tridentini*, & *Berunenses*, *Rhætica oppida*.
 Oppidum Antonini itineribus ab Augusta Veronam, & ab Opitergio Tri-
 dentum, est ipsum *Tridentum* ; in Theodosiana Tabula *Tridente*, vt Terge-
 ste : nec hodie ignotum. An vero etiam *Terona* Rhætorum fuerit, non est
 liquidissimum. Probatum it Cluuerius ex Plinii lib. xiv cap. i *Ante eum*
 [Tiberium] *Rhætici prior mensa erat vuis, Veronensium agro.* At si hæc sa-
 na lectio, nihil ex ea sequitur, quam Veronensium agro fuisse Rhæticas vuas,
 quæ etiam transplantatione eo deferri potuerunt. Sed mss. aliter habent,
Ante eum Rhætici prior mensa erat, & vllis Veronensium agro. Idcirco ali-
 quod proprium agri nomen latere, vt *Tullis*, vel simile, coniectura Hardui-
 ni est. Nec validius est alterum argumentum ex cap. vi eiusdem libri : *In*
Veronensi item Rhætica, Falernis tantum posthabita a Virgilio. Id enim dici-
 tur, vites ex Rhætia adlatas, verbi causa, ex Tellina valle, in Veronensi agro
 bene prouenisse. Plinius ambigue lib. iv cap. xix *Rhætorum & Euganeo-
 rum*

rum Verona. Ptolemæus Veronam Cenomanis adscripsit: nec quisquam Catullum Rhætum dixit, quia non minus, ac

Mantua Virgilio, gaudet Verona Catullo.

Quare placet Strabonis sententia, qui supra Veronam incipere fines Rhætorum dicit, ipsam vero inde Veronam excipit. *οἱ Ῥαῖτοὶ, ἕως τῆς Ἰταλίας κατέλθουσιν, τῆς ὑπὲρ Οὐβέρωνος καὶ Κώμης, Rhæti usque Italiam pertingunt, quæ supra Veronam & Comum est.*

XXVII.

Succedit *Feltria* in Rhæticiæ finibus Italiam versus, inscriptionibus etiam antiquis celebrata. Gruterus pag. 273 num. 6 ex lapide imperatori Decio dedicato, ORDO FELTR. & pag. 409 num. 8 COLLEGIORVM FABR. CENT. DENDR. FELTRIAE. Incolæ *Feltrini*. Plinius loco dicto: *Feltrini & Tridentini, Rhætica oppida.* Situs per se notus, veteri nomine durante. Inter Feltriam & Vicentiam *Ausugum* est, quod ita itinere ab Opitergio Tridentum est significatum:

Ad Cepasias

Feltriam

M. P. XXVIII

Ausugum

M. P. XXX

Tridentum

M. P. XXIII

Paullus Diaconus lib. III Langobard. cap. XXXI *Alsucam*, id est *Alsugam* dicit, in qua Franci duo castra siue castella diruerint.

XXVIII.

Supra Feltriam *Belunum* est, hodie *Belluno*. Plinius lib. IV cap. XIX *Opitergium, Belunum, Vicetia.* Ptolemæus *Βελῦνον, Belunum.* Vterque tribuit Venetis, quorum fines in Alpes & Rhætiam excurrerant. Videtur etiam *Berunum* dictum: unde *Berunenses* iidem forte qui *Belunenses*. Plinius dicto loco: *Feltrini, & Tridentini, & Berunenses, Rhætica oppida.* Et Inscript. Grut. pag. 409 n. 8 FELTRIAE ITEMQUE BERVENS. quasi excidisset N littera.

XXIX.

Ab occasu Feltriæ sita *Tesana*, castellum. Paullus Diaconus lib. III cap. XXXI *Nomina castrorum, quæ diruerunt [Franci] in territorio Tridentino, ista sunt: Tesana, Maletum, Semiana, Appianum, Fagitana, Cimbra, Vitianum - - - & duo in Alsuca, & unum in Verona.* Tesana, nunc Tesina, inter Feltriam & Tridentum: *Appianum*, nunc Albiano: & *Vitianum* vitiose scriptum, lege *Vuianum*, in colle situm: *Semiana*, vulgo Meân: cetera obscuriora sunt. Sub Athesis & Atagis confluente *Bauzanum* est, nunc Bolzano Italis: nostris Botzen, emporium. Paullus idem de Langobard. lib. V cap. XXXVI *Hic dum dux esset in Tridentina ciuitate, cum comite Baioariorum, qui Bauzarum & reliqua castella regebat.* Dictum etiam *Bauxare*. Lex III Cod. Theod. de Palatinis sacr. largitionum data est *Bauxare*, quem locum Bauzanum interpretatur Iacobus Gothofredus, antiquitatum peritissimus. Inter hoc oppidum & Appianum, de quo modo diximus; siue infra Bauza-

Hhh

num

num ad Athesin est *Salurnum*. Paullus lib. III cap. IX quem *Tridentinus dux* in loco, qui *Salurnis* dicitur, interfecit. Nomen retinet hodieque *Salurno*.

XXX.

Ad Atagin siue Aisacum, prope confluentem, sunt *Endidæ*, ex itinere quod Augusta Veronam ducit, notæ, cuius rationes postea indicabimus. In eodem cursu, septemtrionem versus *Veldidena* fuit, haud procul ab illustri nunc vrbe Aeniponte. Olim nobilem fuisse ex itineribus Antonini patet, quæ Lauriaco, & inferiore Aeniponte diriguntur Veldidenam: nunc vicus est Wilten, creuitque ex ruinis eius, quem laudauimus, Aeni Pons, ciuitas Tirolensis. Inde in ortum est *Matreium* Tabulæ Peutingerianæ, quod nomen Matray & hodie tenet: in austrum, *Vipitenum*, Tabulæ *Vepitenum*, quod, Cluuerio iudice, in locum cadit, quem Sterzingen vulgo adpellant. Ad Aisacum porro est *Sublauio*, siue *Sublabio*; & *Pons Drusi*, sed Pons citerior, in Tabula consignatus: inde per XIII millia *Sublauio*, Itinerario æque, vt Tabula Theodosii, commendata. Videtur *Sauio*, vel *Sabio*, Paulli Diaconi esse, qui eius episcopum nominat, *Ingenuinum de Sabione*; lib. III cap. XXVI. Et supra Sabionem, *Sebatum* Antonini; & *Littamum* eiusdem, quod Lutach Cluuerius interpretatur. Sita autem hoc ordine: *Aguntum*, *Littamum*, *Sebatum*, *Vipitenum*, *Veldidena*. Quod corrupti numeri hoc loco videntur, supersedemus adscribere. Sed & plura superius exposita vel vnicum iter ab Augusta Vindelicum Veronam, potest luculente illustrare:

Augusta Vindelicum

<i>Abuzacum</i>	M.	P.	XXXVI
<i>Parthanum</i>	M.	P.	XXX
<i>Veldidenam</i>	M.	P.	XXX
<i>Vipitenum</i>	M.	P.	XXXVI
<i>Sublauionem</i>	M.	P.	XXXII
<i>Endidas</i>	M.	P.	XXIII
<i>Tridentum</i>	M.	P.	XXIII.

XXXI.

In Athesis ripa fere medio loco inter fontes & Bauzanum arx cum oppidulo *Terioli* spectatur: quod nomen nec olim ignotum fuit. In Notitia Imperii, sub Duce Rhætiarum, est *Præfectus legionis tertiæ Italicæ transuectioni specierum deputatæ Teriolis*: & mox: *Tribunus Gentis per Rhætiæ deputatæ Teriolis*: Inde in occasum transgressi, quæ inter Aenum & Rhenum sunt, explicamus. A *Lepontiis* incipimus qui supra Verbanum lacum sunt, ad cuius oram, vbi Ticinus influit, castellum *Bilitio* est, vt Gregorius Turonensis lib. X cap. III vocat, vulgo Belizona, in *Campis*, quod addit Turonensis, *Caninis*, quem doctissimus quisque adhuc sequutus est. Alii *Caninos Campos* Grisonibus dant, quod *canus* sit *grau* nostratibus, indeque dicantur *Graupinter*. Sed aliam originem nominis dat Apollinaris Sidonius Panegy. V, quem Maioriano dixit, vers. 373

*Condescenderat Alpes,
Rhætorumque iugo per longa silentia ductus,*

Romano

*Romano exierat populato trux Alemannus
Perque Cani quondam dictos de nomine campos
In prædam centum nouies dimiserat hostes.*

Sic Sirmondus & Sauaro ; neuter *canis* : ille etiam maiuscula littera, quasi proprium nomen sit ; hic communi, *cani* : vt neque sic certa sit deriuatio. Ammianus Marcellinus lib. xv cap. vi *Alemannicis pagis indictum est bellum.* - - - *ad quem procinctum imperator egressus, in Rhetias Camposque venit Caninos.* indeque magistrum equitum iussit cum exercitu ad lacum Brigantiæ ire. Mediolano proficiscebatur Constantius, vnde æque & rectiori via per Grifones itur Brigantium, quam per Lepontios : vt ita sola Turonensis Gregorii auctoritate sententia altera, quæ Cluuerio, Sirmondo, Iac. Gothofredo placet, innitatur. Eodem tractu cum Lepontiis fuerunt *Mesiates* Tabulæ Peutingerianæ : vnde fortassis locus est, quo data est lex xxv Cod. Theod. de Appellationibus, qui in libris vulgatis *Messadensis* dicitur : at si certum est, quod credunt interpretes, Constantium per Lepontios aduersus Alemannos ille, corrigi fortassis ita potest, vt *Mesiatensi*, quod Messadensi est, legatur.

XXXII.

Supra *Larium* lacum, qui *Comensis* est, a Como oppido in septemtrionem longe porrectus ; gemino itinere Antonini a Brigantia instituto, altero vsque Comum, altero ad Mediolanum ferente, spatium quod inter Comum est & Curiam, accurate explicatur. A Curia est xx millibus *Tinnetio* vicus, nunc Italis Tenczone, nostris Tinzen : quem inter & lacum *Murus* sequitur, castellum : a quo ad *Summum lacum*, locum in extrema ora lacus prope Clauennam, sunt xx millia. Altero itinere post Curiam est *Taruesede*, in Tabula *Taruessedum*, xv millibus a Clauenna, (quo loco nunc vicus *Masse* de est) ad flumen *Mairam*, qui ab occasu solis ad Clauennam accelerat. *Clauenna* autem satis certum ex nomine oppidum, Italis Chiauenna, nostris Cleuen : vnde x millia ad *Lacum Comacenum*, qui *Larius* antiquis est, a Como *Comacenus* dictus. In Paulli Langobardicis crebra mentio *insulæ Comacine* est, sitæ in lacu Comaceno lib. i v cap. iiii, & lib. vi cap. xix & xxi. Dicitur ibi [cap. xix] Ansprandus, a Liutberto apud Ticinum victus, *fugiens in insulam Comacinam se communiuisse* : victorem vero *misisse exercitum in insulam Comacinam.* quo comperto, *Ansprandus fugerit Clauennam.* Sunt autem, quamuis continentes, duo lacus, quorum superior paruus, vsque ad influentem Adduam, nunc a Clauenna denominatur ; maior siue inferior, a Como : Clauennensis vero in Comensem se effundit. Situs locorum talis est :

<i>Curia</i>			
<i>Tinnetionem</i>	M.	P.	XX
<i>Murum</i>	M.	P.	XV
<i>Summum Lacum</i>	M.	P.	VX
<i>Comum</i>	M.	P.	LX

Et altero itinere a Brigantia per Curiam:

Curia

Taruesede

M. P. LX

Clauennam

M. P. XV

Ad Lacum Comacenum

M. P. X.

XXXIV.

Ipſa vrbs *Curia*, ad Rhenum in Grifonibus ſita, nunc *Cur*, Rhætorum fuit. Paullus Langobard. lib. vi cap. xxi *Anſprandus fugit Clauennam: deinde per Curiam, Rhætorum ciuitatem, venit ad Baioariorum ducem.* Marcus Velferus lib. vi Rer. Aug. pag. 298 *Curiam* caput Rhætiae Primæ fuiſſe, argumento ex nomine petito, quod tribunal ſonet, adſeuerat. At plura itinera per Rhætiam diriguntur *Veldidenam*, a Lauriaco, a Ponte Aeni Inferiore, ab Aquileia: nullum, quod ſciam, *Curiam*; vt vel eo nomine *Veldidena* præferri poſſit, quam nobilem quondam fuiſſe (nunc enim vicus Wilten eſt) ex vicina Inſpruck, quæ ex ruinis illius enata eſt, elucet.

XXXV.

Inter Tarueſſedum & Curiam Tabula Theodoſiana ponit *Lapidariam*, ſitam ad Rhenum, noſtris vltiorem (non autem Romanis, quibus citerior is alueus eſt:)& inter hanc & Tarueſſedum corruptum nomen *Cunu aureu*, quod *Cuneo aureo* Cluuerius legit: & nescio an *Dinumma* ſit, vbi data eſt lex viii Cod. Theod. de Exactionibus. Iacobus autem Gothofredus ad Campos Caninos trahit, qui in Lepontiis ſunt, quia illo tempore, quod Ammianus lib. xv cap. vi refert, aduerſus Alemannos mouens imperator, Mediolano in *Rhætias Camposque venit Caninos.* Cauſſa ergo ex eo pendet, vbi *Campi Canini* fuerint, de quibus ſupra dictum: num in Lepontiis circa *Bilitionem*, vbi Turonenſis Gregorius poſuit; an, vt vulgus exiſtimat, ſupra Clauennam & circa Curiam Rhætorum.

XXXVI.

Eadem Theodoſiana Tabula a Curia ad Lacum Brigantinum deſcendentes ducit per *Magiam*, nunc Meyenfeld: & *Cluniam*, propius lacum, vbi nunc oppidum eſt Feldkirchen. Sed ad Rheni fontes eſt remeandum. Ptolemæus in Rhætia ponit oppidum ταξγατίον, πρὸς τὴν κεφαλὴν τῆς Ῥήνης ποταμῆς, *Taxgætium*, ad caput Rheni fluminis. Ad citeriorem Rhenum, qui Germanis ita dicitur, eſt vicus, qui vulgo vocatur Tavêtsch, quem ex nominis nonnulla conuenientia Cluuerius, & alii, putant Ptolemæi *Taxgætium* eſſe. Ipſi autem fontes Rheni ſunt in monte *Adula*, vt Strabo illam partem Alpium (μέρος τῶν Ἀλπεων) vocat: quamvis Ptolemæus lib. ii cap. ix *Adulam* montem cum Rheni fontibus non in ipſis Alpibus, ſed ἐπὶ τὰς Ἀλπεὶς ὄρη, ad *Alpinos montes* conſtituat. Sed Cæſar lib. iv cap. x *Rhenus oritur ex Lepontiis, qui Alpes incolunt.* Lepontii ergo, de quibus iam dictum eſt, eo usque pertinuerunt, & omnis ille montanus tractus eſt Alpium.

NORI-

N O R I C V M.

XXXVII.

NORICVM, prouincia Romana, inter Danubium & Alpes Noricas, ab Aeno amne, qui a Vindelicia; ad Cetios montes, qui a Pannonia disternant. Quo tractu magna pars Austriæ & archiepiscopatus Salzburgicus cum omni Stiria & Carinthia continentur. Limitem hunc Ptolemæus descripsit lib. II cap. XIV, scilicet μέρι τῆς Δανυβίης τῇ ἀπὸ τῆς Ἀννῆς ποταμῷ μέχρι τῆς Κετίης ὄρεος, *parte Danubii, quæ ab Aeno est ad Cetiū montem.* qui quidem limes septentrionalis est, alios tam ab ortu & occasu vna definit. Supra quoque ex Taciti Hist. lib. III cap. V ostendimus *Aenum flumen Rhætos Noricosque interfluere.* Rhætos, id est Vindelicos, qui etiam Rhætorum nomine adpellantur. Et clarius ibidem Ptolemæus: τὸ Νορικὸν περιόριζεται ἀπὸ μὲν δύσεως Ἀννῶ ποταμῷ ἀπὸ δὲ ἀνατολῶν τῷ Κετίῳ ὄρει, *Noricum circumscriptur ab occasu Aeno flumio: ab ortu, monte Cetio.* Australis limes incertior est, nec pari cura aut claritate a Ptolemæo expressus, magisque ex oppidis & doctorum hominum iudicio, quam stabili termino definiri potest.

XXXVIII.

Olim regnum erat, & propriis regibus Noricum parebat. Mentio regni Norici existat apud Velleium lib. II cap. CIX, & Suetonium Tiber. cap. XVI. Regis Norici meminit Cæsar lib. I B. Gall. sub finem, & Civ. B. lib. I cap. XVIII. Hinc Noricum simpliciter regio dicebatur, etiam quum desisset regnum esse; Ptolemæus supra, τὸ Νορικὸν, *Noricum*, de sua ætate. Tacitus Hist. lib. I cap. XI *Rhætia, Noricum, Thracia:* & cap. LXX cunctatus, *num Rhæticis iugis in Noricum flecteret.* Idem Annal. II cap. LXIII *Noricam provinciam* dixit. Populus, Norici sunt, ut passim exempla prostant. Domuit Augustus Tiberii ductu, tamquam socios Pannoniorum. Vnde est quod Dio lib. LIV pag. 534 οἱ Παννόνιοι τοῖς Νορικοῖς αἰτίοι τῆς αὐτῆς δαλείας ἐγένοντο, *Pannonii Noricis causa seruitutis fuerunt.* Adde Velleium lib. II cap. XXXIX, ubi quando prouincia facta fuerit, describitur. De administratione prouinciæ pauca exstant in antiquis monumentis. Tacitus Hist. lib. I cap. XI *Noricum* in iis prouinciis numerat, *quæ procuratoribus cohibebantur*, id est, quas procuratores vice præsidum regebant, ut Pilatus Palæstinam: aut turbulento illo tempore ordinarii præsides cessabant, quod ciuilibus non raro bellis factum est.

XXXIX.

Diuisa fuit prouincia in duas, sed quando, incertum: credibile tamen, non ante diuisionem factam esse, quam reliquæ prouinciæ sub Diocletiano & Constantino in plures dispeſcerentur. In quo nobiscum facit vir summus Thomas Reinesius Inscript. pag. 32. Desunt antiquiora indicia. Sextus Rufus cap. VII *Sub Iulio & Octauiano Cæsaribus per Alpes Iulias iter factum est: Alpinis omnibus victis, Noricorum prouinciæ accesserunt.* id est: tum Noricum accessit, quod Rufi ætate duæ prouinciæ erant. Et cap. VIII *Habet Il-*
Hhh 3
lyricus

lyricus septem & decem prouincias: Noricorum duas, Pannoniarum duas, & reliquas. Diuidi autem coepit in Noricum Ripense, quod per ripam Danubii erat: & Noricum Mediterraneum, quod vergebat ad Alpes. Neutrius latitudinem cognouimus, & incertum prorsus, quousque Ripense in austrum suos fines; aut alterum, in septemtrionem protulerit: ac in vniuersum pauca de hac diuisione litteris tradita fuerunt, & vix singula exempla vtriusque. Notitia Imperii Occidentalis Dispositionem viri spectabilis Ducis Pannoniae Primae & Norici Ripensis habet: quod argumento est, rei militaris curam vni duci in vtraque prouincia commissam fuisse. Mediterranei exemplum praebet lapis Celeiensis apud Gruter. pag. 283 num. 5

D. N. FL. CONSTANTINO
CLEMENTISSIMO ATQ. VICT. AVG
MARTINIANVS V. P. PRAESES
PROVINC. NORICI MEDITERR

D. N. M. EIVS.

Antiquiora, vt dixi non suppetunt, nec Ptolemæus Antoninorum ætate geographus quidquam de gemina prouincia habet, sed vnum tradit & exponit Noricum. Flumina Norici, in limite ab ortu *Aenus*, a septemtrione *Danubius*, ab austro forte, ex parte saltem, *Sauus*, de quo plura infra: in mediterraneis *Drauus*, in Rhætia ortus, in Norico adolescens: & *Murus*, natus in Norico, & cum Drauo in Pannoniam delabens: & *Anisus*, siue *Anasus*, tam ortus quam conditus intra fines Norici, quippe in Danubium intra limitem exit, nunc *Ens* adpellatus: & *Iouauus*, qui Iouauum seu Iuuauiam oppidum præterlapsus, quod *Salzburg* hodie vocatur, in Aeni flumen effunditur. Diues prouincia ferri & chalybis olim quoque, vt hodie Stiria, pars Norici; & inde optima ferramenta. Horatius lib. i oda xvi

*Tristes vt iræ, quas neque Noricus
Deterret ensis:*

& Epodon xvii vers. 71 *ense pectus Norico recludere*, id est acutissimo. Et Ouidius Metamorph. xiv vers. 712

Durior & ferro, quod Noricus excoquit ignis.

XL.

Oppida Norici Ripensis, siue in ripa Danubii ab Aeno vsque, sunt primum *Boiodurum*, Aeno fluuio seiunctum a *Batauis* castris, quæ cis Aenum in Vindelicia erant; nunc *Innsstadt*. Ptolemæus quidem in Vindelicia *Βοιόδουρον*, & Tabula Peutingeriana sine interuallo cum *Castello*, quod Batauorum erat, *Bolodurum*, id est *Boiodurum* coniungit; quod vero Cæsar lib. i Bell. Gall. cap. v dixit, *Boios, qui trans Rhenum incoluerant, & in agrum Noricum transierant*, & reliqua; & ager Noricus ab Aeno incipit, in quem transierant ex patria Boiohemo; consequens Cluerio videtur, vt *Boiodurum*, a Boiis in illo transitu conditum, potius extra Vindeliciæ limitem, in principio Norici, seu dextra Aeni ripa, constituatur. Antonini itinere ex Pannonia per ripam, xxi millibus a Quintanis castris in ortum reducit. Notitia Imperii sub dispositione ducis Pannoniæ Primæ & Norici Ripensis: *Tribunus*
cohor-

cohortis Boiodoro. At in eadem Notitia sub duce Rhætiarum, *Tribunus* est *cohortis nouæ Batauorum Batauis*: quod luculente probat, coniuncta in Tabula *Castellum Batauorum* siue *Bataua* castra, & *Boiodurum*, in diuersis fuisse prouinciis, & sub diuersis ducibus, quod esse non potest, nisi Aeno separantur.

XLI.

Sequuntur in ripa, itinere Antoniniano, *Stenacum*, quod ignotum est: dein *Iouiacum*, quod etiam in Notitia sub laudati ducis dispositione memoratur, *Præfectus* scilicet *secundæ Italicæ militum Liburnariorum Iouiaco*. Sed de hoc infra pluribus. In eadem Notitia *Equites sagittarii Lentie* locantur, quæ *Lentia* haud dubie Lintz est, clara ciuitas Superioris Austriæ, prope confluentem *Trauni*, ad quem fluuium, introrsus paullum, vt tamen cum ripa iungatur in Itinerario, sunt *Ouilia* Tabulæ, Antonini *Ouilabis*, quam insignem urbem & coloniam fuisse, inscriptio vetus testatur, ad ripam Anisi in Austria reperta, apud Gruterum pag. 345 num. 8

PONTIF. COLONIAE AVRELIAE

ANTONINIANAE OVIL.

Ex quibus intelligitur, oppidum *Wels* haud dubie esse, quia nihil in illo tractu inuenitur, quod tam claræ coloniae nomen tueri æque possit.

XLII.

Iam Trauno transmissio, in ripa ex itinero habemus *Lauriacum*, item nobilem coloniam, & caput, vt putatur, Norici Ripensis. Certe, quod ex Ecclesiæ Notitia constat, metropolitanam dignitatem accepit, Sirmienfi extincta. Vide Caroli a S. Paulo Geograph. Sacr. pag. 73. Notitia Imperii *Præfectum legionis secundæ* ponit *Lauriaco*: & mox, *Præfectum classis Lauriacensis*. Scribitur & *Laureacum*, & *MILITES LAVREACENSES* inscriptione veteri, quæ ex agro Laureacensi Vindobonam translata est, apud Lazium de Rep. R. lib. xii sect. vii cap. v, & Gruterum pag. 164 n. 3. Addit aliam Cluuerius, qua *Colonia Aureliana Laureacensis*, quam nescio cuius fidei sit, aut a quo ex lapide transcripta: nec vero coloniam fuisse dubitandum est, quæ præfectum legionis, præfectum classis fluuiialis habuit, in quam tot itinera fuerunt directæ, vel ex ea alio instituta: vt Aquileia, & Sirmio, & Tauruno Lauriacum; & Lauriaco Brigantiam, & Veldidenam. In Tabula, eius loco conspicitur *Blaboriciaco*, quod haud dubie ex *Lauriaco* deprauatum est. Hodie ex nomine restat pagus *Lorch* ante mœnia ripensis oppidi *Ens*, ad cognominis fluuii, quem Sanctorum vitæ Anisum vel Anasum vocant (apud antiquos legi non memini) & Danubii confluentes.

XLIII.

In Tabula proximum *Elegium*, obscurus locus, forte quod ex distantia coniicitur, vicus Erlach, nomine non plane dissonante. Inde Antonini Itinerario est *Lacus Felicis*, oppidi nomen, in Notitia etiam Imperii significatum, quæ duci Norici Ripensis subdidit *Equites sagittarios Lacus Felicis*, composito vocabulo. Locus & distantia fert in Ober-Wels. Tabula addit locum *Ad pontem Isis*, qui & nomine & distantia respondet oppido *Ibs*, ad con-

confluentem cognominis amnis. Vltior est *Arlape*, itineribus a Sirmio & Tauruno Lauriacum: a qua classis cognominata fuit. Notitia enim Imperii etiam *Præfectus classis Arlapensis* cognominatur. In Theodosiana corrupte *Arelate* scribitur: a Ptolemæo corruptius *Αρεδάτη* in Norico. Tabula quoque nominat locum *Namare*, qui latet, quamvis ad Melck Cluverius referat: & *Trigisanum*, quod forsitan oppido Trasmur respondet: & tandem *Pirum Tortum*, quo loco dicitur Pixendorf esse, ut dubitare possis, an Romani recte adpellauerint, aut bene descripserint amanuenses. *Cetium* Itinerarii, in Tabula *Citium*; a monte *Cetio* nomen trahit, situm haud dubie ad radicem eius, inter ipsum & Danubium: inter quod & Vindobonam *Comagenæ* sunt, dubium, utrum ad Pannoniam, an ad Noricum referendæ: ipsam vero Vindebonam, quam Cluverius etiam Norico, & Aequinoctium, & Carnuntum adscribit; cum Ptolemæo Pannoniæ vindicabimus. Ut vero Norici Danubianam ripam cognoscamus distinctius, ex Itinere per ripam Pannoniæ in Gallias, pauca excerpemus.

Vindebona

Comagenas

M. P. XX

Cetium

M. P. XXX

Arlape

M. P. XX

Lacum Felicis

M. P. XXV

Lauriacum

M. P. XX

Ouilabim

M. P. XVI

Iouiacum

M. P. XXVII

Stanacum

M. P. XVIII

Boiodorum

M. P. XX

XLIV.

Ad interiora Norici lustranda properamus. Ad Aenum *Pons Aeni* ex itineribus Antonini, quem supra aliquoties inferiorem diximus, ut a superiore vrbe nobilissima *Inspruck*, quæ recentior est, discerneretur. Incertum vero, si quid adpositum ponti fuit, vel vicus vel oppidum; fueritne in dextra, an sinistra fluminis ripa. Cluverius existimat illum transitum esse, qui recta Monachio Salzburgum fert, ad oppidulum Alt-Hohenau. Vide Itinera a Lauriaco Veldidenam, & indidem Brigantiam. Et plura de eo in Vindelicia diximus propter ambiguum illius situm. Est quoque idem locus quem Antoninus *Pontem Aeni*, & Tabula *Ad Enum*, (ubi A excidisse videtur) adpellauit. Post paullo ad flumen, quod ex lacu Chiemenfi exit, *Bidacum* Antonini, *Bedaium* Tabulæ, veteri editione Bertii; noua Norimberg. male *Bodaio*: quod Ptolemæi *Βάδακον*, *Badacum* est. De inscriptionibus, ad quas Cluverius prouocat, ut coloniam fuisse probet; malo tacere, quam incertum adferre. Quod enim AVGVSTA BADACVM in lapide legi ait, velim ubi sit ille, aut quis prodiderit, subscripsisset. Gruterus pag. 431 num. 6 AVG. BAD. sed Romæ exstat ille lapis, perpaucis litteris signatus, nec vllum in eo signum, quod nos in Noricum remittat. Reinesius classe i inscript.

CXLVIII BEDAIO AVG. habet, sed idoli nomen aut numinis loci, quod licet commune fuerit cum oppido, non tamen probauerit coloniam fuisse. Ceterum & Pontis & Bidaii situs vt cognoscatur apertius, ex itinere a Lauria-co Veldidenam, hæc adpono:

Iouauo

Bidaium

Pontem Aeni

Isniscam

M. P. XXXIII

M. P. XVIII

M. P. XX.

XLV.

Supra lacum Chiemensem fuit Plinii *Claudia* lib. III cap. XXIV, quæ sitne idem oppidum quod Ptolemæi *κλαυδιον*, *Claudiuium*, non habeo dicere, quod suum Ptolemæus in Danubii ripa posuit: Cluuerius, vtrumque idem ratus, supra lacum, quem dixi, retraxit. Longius abiit Harduinus, vtrumque Clagenfurt, quod prope Drauum est, interpretatus. Reinesius Class. III inscr. 57 huc refert lapidem in castro Leibnitio Stiria

DIVO CO. POS

M. CLAUD.

quod *municipium Claudinum* legit: sed neque adfentiri, neque refutare animus est.

XLVI.

Ad *Iouauum* fluuium superiori loco est *Vacorium*, *Ὠακόριον*, Ptolemæi; Tabulæ Peutingerianæ *Vocarium*, quod nunc in vico quæritur. Infra illud *Cuculli* siue *Cuculle*: in Tabula enim scribitur *Cuculle*. Eugippius Vita S. Seuerini cap. XI *In castellum, cui erat Cucullis vocabulum, vir sanctus venerat*. Tum sequitur celebre *Iouauum* siue *Iuuauia*: in Itinerario *Iouauim*, quarto casu, *Iuau* sexto, quem secundum putat Cluuerius, ab *Iouauum*. Tabula *Iuau*: Notitia Imperii sub duce Pannoniæ & Norici, *Iuense*, puta castellum: Inscriptio apud Reinesium Class. III num. 29, & Notitia Ecclesiæ, *Iuuauia*. Inscriptio alia apud Gruterum pag. 265 num. 4, imperatori Severo dicata, COL. HADR. IVVAV. *Hadrianae* cognomen auctorem coloniæ significat, quæ causa est, cur veteres illius nullam rationem habuerint. Sed cur nec Ptolemæus? Cluuerio videtur vetus nomen posuisse *Γαυανόδρον*, *Gauanodurum*, si modo nec hoc corruptum est, & propius ad vocabulum *Iuau* reducendum. Et quia hi lapides Salisburgi reperti, non dubitandum, archiepiscopalem urbem esse veterem *Iuuauiam*, quod etiam medii æui scriptores, vtrumque vocabulum componentes, non dissimularunt. Alia inscriptione apud Reinesium classe VI num. 36 est DEC. IVVAVE, id est, *Decurio Iuuauen-sis*: vt sic nec de scriptura, quam Lazius & alii in *Iuana* peruerterunt, dubitare amplius liceat. Infra Iuuauum, ad eundem amnem, locanda est ex XVI millium distantia *Artobriga* Tabulæ, in quem locum forte incidit oppidum *Lauffen*.

XLVII.

Dextrorsum ab Iuuauo, prope lacum, cadit *Tarnanto* Tabulæ, & vbi

ex lacu effluit Traunus amnis, *Laciacum* eiusdem, & Antonini ex Aldi editione, Itineribus a Lauriaco Veldidenam & Brigantiam: quo loco hodie est Gemünd. Vtrobique Bertius & Schottus ediderunt *Iouiacum*, quod nomen nescit Cluverius quo referendum sit. Et in Notitia etiam sub duce Norici Ripensis est *Præfectus secunda Italica militum Liburnariorum Iouiaco*. Esto vero, *Laciacum* Antonini dubitari posse, tamen ex Tabula firmari potest, qua sexto casu *Laciadis* est inter Tarnantonem & Tergolapen. *Tergolape* ergo ad id flumen sequitur, vbi cum Alma confluit. Inde *Ouilabis* sequitur, quæ & *Ouilia* sunt; de quo loco supra dictum in ripa fuit.

XLVIII.

Prope Danubium Trauno alius amnis adfunditur, qui vulgo Krems adpellatur. Ad hunc superiori loco est *Gabromagus* Tabulæ & Antonini, itinere ab Aquileia Lauriaco; & proxime *Ernolatia* Tabulæ: & infra hanc, eadem ripa, *Tutatio* Antonini dicto itinere, quod oppidum in Tabula *Tutastio* scriptum est, vt nesciatur, vtra lectio sit verior. Quæ sequuntur alia *Vetoniana* castra, a Vindelicis diuersa, ex eadem Theodosiana sunt Tabula.

XLIX.

Inter Anisum & Murum fluuios *Viscelli* siue *Viscellæ* cadunt, in Tabula descriptæ, quod nomen Cluverius in Wultz latere putat, duplicis vici ibidem, superioris & inferioris vocabulo. Inde xiiii millibus locus *Ad Pontem*, in eadem Tabula, quem oportet esse ad Murum flumen, & vt ex distantia verosimile, in loco quo nunc est Murau. In illo tractu *Sabatinca* fuit, itinere Antonini ab Aquileia Lauriacum, in vico nunc obscuro latens: & paulo vltior, xiiii millibus a Ponte, *Noreia* Tabulæ, quæ videtur illa Cæsaris esse lib. i B. Gall. cap. v *Boii, qui trans Rhenum incoluerant, & in agrum Noricum transierant, Noriciamque oppugnaverant*. Sic veteres libri, & metaphrastes *Νορικήν*: recentiores *Noricamque*. Nec vero credibile, eandem Plinii *Noreiam* esse, lib. iii cap. xix, etsi *Tauriscis* eam tribuat, τῶν δὲ Νορικών εἰσι καὶ οἱ Ταυρίσχοι, *Taurisci etiam ex Noricis sunt*, vt Strabo censet lib. i v pag. 142, sed ex iis Noricis qui ad Italiæ fines secesserant. Ibidem Strabo: μετὰ τούτοις οἱ ἐγγύς ἤδη τῆς Ἀδριατικῆς μυχῆς, καὶ τῶν κατ' Ἀκυληίαν τόπων, οἰκοῦσι Νορικών τέ τινες καὶ Κάρνοι, *Post hos vicini iam Hadriatici Sinus intimo, & locis ad Aquileiam, habitant Noricorum quidam & Carni*. Eodem tractu inter Murum & Drauum in Tabula locus signatur *Grauiadis*, quasi *Grauiaci* casu nominandi, qui ex itineris tractu & nominis similitudine videtur esse *Gurck*, episcopale oppidum, propius tamen ad Murum quam ad Drauum. Sed aliter videtur Io. Ludouico Schönleben Apparatu Carniolæ Antiquæ.

L.

Hinc ad *Drauum* progredimur, eiusque caput, circa quod limes Noricorum Rhætorumque est. Norica ibi oppida sunt *Aguntum* & *Loncium*, quæ Cluverius Rhætis addit, Plinius vero lib. iii cap. xxiv, & Ptolemæus lib. ii cap. xiv *Aguntum*, quod remotius est, adscribunt Norico, quos sequimur. Plinius ibi: *Oppida Noricorum, Virunum, Celeia, Teurnia, Aguntum, & reliqua*. Ptolemæus, Ἄγαντον. Posteriores castellum vocant; etiam *Agun-*

Aguntus, forma feminea, nominant. Paullus Diaconus Lang ob. lib. II cap. XIII per *Alpem Iuliam*, perque *Aguntum castrum*, *Drauumque* & *Byrrum fluvios*. Et Fortunatus de S. Martino lib. IV

Per Drauum itur iter, qua se castella supinant.

Heic montana sedens in colle superbit Aguntus.

Putant quidam esse locum, qui nunc vocatur Innichen, oppidulum in comitatu Tirolis. At *Loncium*, proxime Drauum, haud longe a fontibus fluentem, memoratur itinere Antonini ab Aquileia Veldidenam, nunc Lintz dictum. Inde ex interuallo est *Teurnia*, a Plinio lib. III cap. XXIV verbis modo recensitis in Norici vrbibus laudata, Ptolemæo *Τεργία*, *Tëurnia*, quod non vile oppidum fuisse, ex magistratu adparet, in lapide apud Chimum lacum expresso, qui a Grutero pag. 473 num. 6 ita transcriptus est:

L. TERENCEIO VERO

II VIRO TEVRN

PR. IVR. DIC.

Alii aliter interpretantur: Cluverius Villach, in ripa Draui, ducem sequutus Ptolemæum.

LI.

Hoc inter oppidum & Virunum supra Drauum, paullo reductior a ripa sinistra, fuit *Solva*, multis inscriptionibus nobilitata Gruterus pag. 537 num. I

C. CENSORIO

G. FIL. SERENO

FL. SOLVA - - -

quod Reinesius Inscript. Opere pag. 33 legit *Flavia Solva oriundo*. Et pag. 559 num. 5.

D. M.

C. SABINIO C. F. SOLVA.

Et in saxo castri Leibnitii in Stiria, pag. 737 n. 2

POLYBIO SOLVENS

ET VELLECIAE MATRI.

Flaviae prænomen a Fl. Vespasiano habuit, quod ex Plinii dicto loco, lib. III cap. XXIV manifestum est. Oppida enim Norici recensens, hoc *Flavium Soluense* nominat, quod male quidam, tamquam duo oppida essent, interpungunt. Colonia fuerit, an municipium a Vespasiano ornatum, mihi nondum est liquidum. Reinesius quidem pag. 33 citat inscriptionem ante datam C. SABINIO COL. FL. SOLVA: sed syllabam COL. non habet Gruterus. Censet tamen coloniam fuisse Wolfg. Lazius lib. XII R. R. sect. VI cap. V, & multa monimenta ex ruinis profert Romanæ vetustatis, in agro eruta, qui etiamnum dicatur *Solfeld*: ideoque etiam caput Norici Mediterranei constituit, ut Ripariæ fuit Lauriacum.

LII.

Nec minus nobilis vrbs fuit *Virunum*, itidem ad Drauum, per quam iter Antonini ab Aquileia Lauriacum, ducit: unde de situ eius certiores

sumus. Plinius in nobilibus Norici vrbibus primo loco numeravit. *Oppida*, inquit, *Noricorum: Virunum, Celeia, Teurnia*. Ptolemæus, *Ὀυίρηνον, Virunum*: Tabula Peutingeriana *Varunum*, praue. nam & antiquis inscriptionibus *Virunum*. Gruterus p. 108 n. 7

SP. CENSORIVS IVSTVS VIRVNO
L. VOLCEIVS SEVERVS SESTINO
Q. SEXTILIVS RVFVS FLANONA
C. VALERIVS VERANIVS TRIDENTE.

qui singuli a patria simpliciter, auferendi casu, nominantur. Quod ideo plenius volui adferre, vt quas supra de *Solua* inscriptiones attulimus, exemplis illustrentur: etiam de *Tridentis* vocabulo & singulari forma, quam supra ex Theodosiana Tabula proferre memini, ex alio etiam monumento certiores fiamus. Et pag. 569 num. 7 Gruter. Inscr. NAT. NORICVS COL. C. VIRVNO. Quæ si recte se se habent, (ne autem certus plane sim, ex Gruteri scriptione est, qua COL vocali minuta curauit exprimi, quasi ipse absentem suppleuerit) coloniam fuisse non erit, quod dubitemus. Cluuerius refert ad Carinthiæ oppidum *Volckmarck*: alii alio.

LIII.

Heic finiremus Noricum, vt australis terminus septemtrionali, monti Cetio, responderet, nisi Plinius dicto loco *Celeiam* quoque, quæ longius in ortum solis ab hoc termino recedit, in Noricis vrbibus connumeraret. Tantum ergo, quæ inter Drauum & Sauum vsque ad Celeiam sunt, adiungamus. A Viruno subiacet in austrum *Iuenna* Tabulæ Theodosianæ, *xxiii* millibus passuum, ex quo coniicit Cluuerius esse Iaunstein Carinthiæ. Exinde in occasum vergit *Saloca* eiusdem Tabulæ; Selch eidem, de quo dubitant alii. Deinde propius ad Celeiam accedunt *Colatio*, & *Vpella*, eiusdem Tabulæ. Vtrumque creditur ad ripam *Sanæ* fluminis esse, quod infra Celeiam miscetur Sauo. Inter vtrumque ponunt *Santicum* Antonini itinere ab Aquileia Lauriacum; Ptolemæi *Σιαντικόν, Sianticum* in Norico; nunc *Saneck*, vt nomen & situs fert. Ipsa vero *Celeia* non difficilis inuentu est, quia nomen seruat, & insignem Comitatum denominat. Ptolemæo quoque *Κέλεια, Celeia* in Norico postrema est, sita ad eundem amnem Sanam, in cuius & Savi confluente Noricum finimus, vltiora Pannoniæ relinquentes.

LIV.

Quæ autem ad Drauum vltra Virunum sunt, itidem in censu Pannoniæ scribemus: licet non desint, qui etiam Noricum eo vsque extendant. Ammianus Marcellinus lib. *xiv* cap. *xxxvii* venit *Petobionem, oppidum Noricorum*. Sed malo limitem Ptolemæi, antea nobis quoque constitutum, quam varietates aliorum sequi: quod idem etiam de Vindebona, Carnunto, Peifone lacu (licet hunc etiam Noricis iungat Plinius lib. *iii* cap. *xxiv*) intellectum velimus. Plura de limite qui cupit cognoscere, legat clarissimi viri Io. Ludouici Schönleben Apparatum Antiquæ Carniolæ cap. *i* num. *v*



CAPUT VIII

DE

PANNONIA, MOESIA,
DACIA, ILLYRICO.

I.

Noricum excipit *Pannonia*, Pannoniam *Mœsia*, cui Traianus *Daciam* ponte adiunxit: Pannoniæ, & ex parte Mœsiæ in austrum subiacet *Illyricum*. Fines *Pannoniæ* a Plinio describuntur lib. iii cap. xxv, de iis, quæ post Noricum sunt, dicente: *Quæ pars ad mare Adriaticum spectat, adpellatur Dalmatia & Illyricum: ad septentriones Pannonia vergit: finitur inde Danubio.* Sic duo latera habemus: australe, Dalmatiam: septentrionale, Danubium. Quæ enim trans Danubium sunt, Germaniæ magnæ accessio erant. Et Dio Cassius lib. xlix pag. 413 οἱ Παννόνιοι νέμονται πρὸς τῇ Δαλματία, παρ' αὐτὸν τὸν Ἰστρον, ἀπὸ Νωρικῆς μέχρι τῆς Μυσίας τῆς ἐν τῇ Εὐρώπῃ. *Pannonii ad Istrum habitant, Dalmatis vicini; a Norico usque Mysiam Europæam, id est Mœsiam.* Et Strabo ait lib. vii pag. 217 διατείνει μέχρι Δαλματίας, pertingit [*Pannonia*] usque *Dalmatiam*, vt Sclauoniam & Bosniam comprehendat. Sed clarissime omnium, quamuis posterior, Iornandes de Reb. Get. cap. l, *Pannonia in longa porrecta planicie habet ab oriente Mœsiam Superiorem, a meridie Dalmatiam, ab occasu Noricum, a septentrione Danubium.*

II.

Nomen est *Pannonia*, quod an a *pannis*, ἐξ ἱματίων τινῶν, vt Dio Cassius lib. xlix pag. 413 censet, equidem non intelligo, quia is addit, ἐπιχωρίως κατατέμενοντες καὶ προσαγορεύοντες, patrio more concidere & denominare vestes. At barbara lingua fuit patria, non Latina, nisi Latinus interpret tantum adlusit ad *pannum*, & sub ἱματίοις alia vox barbara latet. Oppido antiquum vocabulum. Ovidius lib. ii Trist. vers. 225

Nunc tibi Pannonia est, nunc Illyris ora domanda.

Plinius Panegy. cap. viii *Adlata erat ex Pannonia laurea.* Populus, *Pannonii.* Tacitus Hist. ii cap. xiv *quingenti Pannonii, nondum sub signis.* Et Ovidius ad Liuiam vers. 390

Summaque dispersi per iuga Pannonii.

An vero etiam *Pannones* dicantur, vt frequens recentioribus est; antiquis exemplis non ita clare probare licet. Muliebres tamen *Pannonis* est Lucani lib. vi vers. 220

Pannonis haud aliter post ictum sæuior vrsa.

Græcis sunt Παννόνιοι & Παννονία, Straboni lib. vii & Ptolemæo lib. ii cap. xv: multis etiam Παίονες, & Παιονία, quod quamuis improbet dicto loco Dio Cassius, quia *Pæonia* sit pars Macedoniæ, Thraciam versus; tamen grauisissimi scriptores illa altera forma vsi sunt. Plutarchus in Pompeio pag. 640 Mithridatis ait consilium fuisse διὰ Σκυθῶν καὶ Παίωνων στρατὸν ἐλάυνειν ἐπὶ τὴν

ἰταλίαν, *per Scythiam & Pannoniam cum exercitu inuadere Italiam.* Herodianus lib. i cap. iii ineunte de Marco morituro, διατρέων ἐν Παίονσι, *agens in Pannonia:* & lib. ii cap. ix itidem principio, διηγέλλετο τὰ πραττόμενα εἰς τε Παίονας καὶ Ἰλλυριοὺς, *fama per Pannonios Illyricosque increbuerat.* Pæ-
 nius lib. vii cap. v sect. 6 Ἰλλυριοὶ τε καὶ Παίονες, *Illyrii & Pannonii.* Et lib. viii cap. vi de imperatore Marco: τὰς Παίονας ἡλευθέρωσε δελείας, quo Eutropii verba, *Pannoniis seruitio liberatis,* expressit. Zosimus lib. ii cap. xliii de Vetracione: τὴν στρατηγίαν τῶν ἐν Παιονίαις στρατοπέδων ἔχεν ταχ-
 θῆς, *dux exercituum in Pannoniis.*

III.

Pannonia citius, quam adiacentes regiones, Noricum & Rhætia, diuisionem accepit; nec vero prius, quam illæ, suam in Primam & Secundam; prius autem utique in *Superiorem & Inferiorem.* Nam Ptolemæo est lib. ii cap. xv ἡ Παννονία ἡ ἄνω, *Pannonia Superior:* & cap. xvi ἡ κάτω Παννονία, *Pannonia Inferior* descripta. Et Dio Cassius lib. xlix pag. 413 de se ipso: τῇ Πανονίᾳ τῇ ἄνω καλεσμένη προσετάχθην, *Pannoniæ Superioris præses constitutus fui.* Et lib. lv pag. 564 in Legionum hibernis designandis, decimam gemellam τῇ ἄνω, *Superiori* dat: decimam quartam τῇ κάτω, *Inferiori.* Terminus inter utramque est secundum Ptolemæum cap. xvi ἡ τῷ Ἀραβῶνος ποταμῷ ἐκτροπὴ διuertigium *Arabonis fluminis.* Fueritne autem diuisio ante Antoninorum tempora suscepta, equidem non habeo quod pro certo dicam. Plures veterum de Pannonia, ut vna, loquuntur: Velleius, Plinius uterque, Suetonius, Tacitus: nec inscriptiones, quæ utriusque prouinciæ aut alterutrius nomen singulatim tenent, antiquiorem ætatem certo præ se ferunt. Vnus locus Taciti, principio libri de Germania, videri potest geminam Pannoniam indicasse: *Germania, inquit, omnis a Gallis Rhætiisque & Pannoniis, Rheno & Danubio fluminibus separatur.* At quia sequitur, *a Sarmatis Dacisque,* quæ populorum nomina; quis mihi præstabit, *Pannoniis* prouincias, non populum, significari. Dacis, regionum esse quæ præcedunt, *Gallii Rhætiisque;* de *Galliis* apertum: de *Rhætiis* dubium, quia plane mihi ex genio auctoris & æqualium videtur esse, *a Galliis Rhætiisque & Pannoniis;* sicut subsequitur *a Sarmatis Dacisque:* & supra de *Vindeliciæ* nomine exempla adposuimus, quibus regionum & gentium vocabula vna serie narrationis coniunguntur. Nec de Rhætia Tacitus alibi, aut æquales, pluraliter. Confirmat nos Suetonius Vitellio cap. xx his verbis: *desciuerunt ab eo exercitus Mæsiarum atque Pannoniæ: item ex transmarinis Iudaicus & Syriacus.* Distinguuntur Mæsiæ: Pannonia vna narratur.

IV.

Amnes Pannoniæ nauigabiles, *Danubius* a tergo, quam longa est, prætenfus: mediam secant *Drauis & Saus,* Plinio *Saus.* Singuli minores recipiunt. Prætermisiss, quorum nomina in antiquis monumentis non super-
 sunt; *Danubius* recipit *Arabonem,* Ptolemæi Ἀραβῶνα, vulgo dictum *Kaab:* *Drauis,* Straboni lib. vii Δράβος, *Drabus;* Plinio *Draus;* hic vero *Drauis,* siue *Draus, Murum* ex Norico delabentem; quem volunt Ptolemæi Σα-
 ρα-
 ρίαν,

ρίαν, *Sauariam* esse, uti in Palatino codice scriptum est lib. II cap. XVI: & supra confluentem cum Danubio, *Valdasum* Plinii, qui videtur flumen *Walpo* esse; Sauus autem, ut vulgo vocatur, dictus etiam a Strabone lib. VII pag. 217 Σάυες; a Dione Cassio lib. XLIX pag. 414 Σάος, *Sauus*, a Trogo siue Iustino lib. XXXII cap. III bis *Sabus* (memorat autem confluentem Danubii & Sabi) & rursus a Strabone lib. IV pag. 143 & Ptolemæo lib. II cap. XVI Σάος; a Plinio *Saus*: hic, inquam, Sauus, siue Saus, accipit *Colapin* Strabonis & Plinii, qui Κόλοψ, *Colops* est Dionis dicto loco; vulgo nunc *Colpa*, qui apud Segestricam insulam se Sauo infundit: & inferius *Drinum* Ptolemæi, ex Dalmaticis montibus decurrentem; & *Bacuntium* Plinii, in agro Sirmienfi. Plinius de his ita lib. III cap. XXV *Amnes clari & nauigabiles in Danubium defluunt, Draus e Noricis violentior; Saus ex Alpibus Carnicis placidior. - - - Præterea amnes memorandi, Colapis in Saum influens iuxta Sisciam: - - - alter amnis Bacuntius in Saum Sirmio oppido influit. - - - Supra [Saui confluentem] influunt Valdasus, Vrpanus, & ipsi non ignobiles.* Vrpanum quem nominat, non nouimus, nisi quod Ortelius in Tabula eum *Vrpanum* dixit, qui vulgo nunc Sarwitz vocatur, & supra Draui confluentem Danubio miscetur.

V.

Fluminibus addendæ sunt insulæ ab ipsis circumclusæ. In Danubio plures sunt, sed ab antiquis scriptoribus, quod sciam, numquam nominatæ: in Sauo autem duas descripsit Plinius dicto cap. XXV lib. III *Insula*, inquit, *in Sao Metubarris, amnicarum maxima.* Præterea amnes memorandi: *Colapis in Saum influens iuxta Sisciam, gemino alueo insulam ibi efficit, quæ Segestica adpellatur.* Strabonis est lib. IV pag. 143 ἡ Σεγεστική πόλις, *Segestica vrbs*, sed locus ille vitiat, quo multa confunduntur. Sunt præterea, qui *Metubarrim* vocant illam insulam, quæ ad Colapis confluentes est: sed illa est Segestica, ut Plinius nominauit, distinxitque a Metubarri. Sunt autem inferiori parte Sauo aliæ insulæ maiores, e quibus quæ circa Drini confluentes est, Lazijs putat Plinii *Metubarrim* esse. Potuit etiam situs insulæ, alueo mutato, ut sæpe fit, perire, ac plane faciem a priore aliam induere.

VI.

Montes Pannoniæ sunt, in Norici limite Κέτιος, *Cetius*, vnde initium Pannoniæ ab occasu est. Vulgo *Kahlenberg*, quod nominis quia etiam iuxta Sauo ripam est, ex aduerso Celeiæ siue Cilly; coniicit Io. Lud. Schönleben in Carniolæ Apparatu, ad Sauum vsque *Cetios* montes protensos fuisse. Plinius dicto loco laudat *montem Claudium, cuius in fronte Scordisci, in tergo Taurisci.* Scordisci orientem versus, πρὸς ἑω, Pannonios accolebant, Strabone auctore lib. VII pag. 219. Ipse Strabo p. 217 *Ocrum* montem definit ταπεινότητα μέρος τῶν Ἀλπεων, *humillimam partem Alpium*, porrectarum a Rhætis ad Iapodes. Ergo in extremis finibus Pannoniæ fuit. ubi & *Albius mons*, ὄρος τελευταῖον τῶν Ἀλπεων, *extremus Alpium*, ut ibidem Strabo dixit, siue Alpium finis, sub quo siti Iapodes.

Populi Pannoniæ varii & multi enumerantur, sed plerique obscuri & ignoti. Plinius ibidem: *Draus per Serretes, Serrapillos, Iasos, Andizetes: Saus*

Saus per Colapianos Breucosque defluit. Populorum hæc capita. Præterea Ariuates, Azali, Amantes, Belgites, Catari, Cornacates, Erauisci, Hercuniates, Latouici, Oferiates, Varciani. Equibus Azalos, Vercianos, Iassios (sic scribit utrosque) Ptolemæus in Superiore Pannonia locat: Breucos, Amantenos (*Amantes* Plinii) & Arauiscos, siue Erauiscos; nec non Scordiscos, in Inferiore. Andizetes, per quos Drauus labitur, sunt Strabonis *Ανδιζήτιοι*, *Andizetii*, lib. VII p. 217, qui quod ultimo loco a Plinio ponuntur, non dubitamus ad Inferiorem prouinciā pertinere. *Colapiani*, ex flumine, quod accolunt, origine nominis, intelliguntur Superioris prouinciæ fuisse. *Latouici* quoque in Superiorem referendi sunt, quia *Prætorium Latouicorum*, apud Antoninum itinere ab Aemona Sirmium, in eam partem cadit ripæ Saviæ post confluentem Sanæ. Ceteræ tam Ptolemæi quam Plinii gentes Pannoniæ sunt ignobiles & ignotæ: etiam Strabonis Pirustæ, Mazæi, * *Dæsiatæ*, quorum princeps Baton fuit.

VII.

Alias diuisiones Pannoniæ in *Primam, Secundam, Sauiam, Valeriam*, quia posterioris æui omnes sunt, in Geographia mediæ æui explicabimus.

S E C T I O I.

PANNONIA SUPERIOR.

VIII.

Ptolemæo dispensatore *Pannonia Superior* Cetio monte & Arabone fluuio continetur, angustiore quidem spatio quam Inferior, sed quod in austrum procursione longa compensatur. Primum ripam Danubii expediemus: deinde sensim in austrum ad interiora progrediemur.

IX.

Ad Cetium montem fuit *Cetium*, oppidum forsan, VI millibus a Vindobona secundum Tabulam Peutingerianam: immani spatio secundum Antonini rationes itinerarias, quæ ideo suspectæ in hac parte sunt, maiorque fides Tabulæ habenda. Etiam ipsa loca conturbat Itinerarium, Cetio & Vindobonæ *Comagena* interponens, in Tabula vero hoc ordine ponuntur.

Comagenis VII Citio VI Vindobona.

Prima vrbs post Cetium, quod limitem sub cognomine monte habet, *Vindobona* est, in Tabula Theodosii, & Itinerario Antonini; siue, vt Victor Schotti de morte Marci Antonini scripsit, *Vendobona*. Ptolemæus *Ινδοβόνα*, *Iuliobona*, mendose, vt videtur, quia omnes ceteri prioribus syllabis *Vindo-*, *Windo-* *Vendo-* consentiunt. Nam Notitiæ Imperii sub Duce Pannoniæ Primæ est *Præfectus legionis decimæ Vindomanæ*. Et Iornandes de Rebus Get. cap. I. *Ornata patria ciuitatibus plurimis, quarum prima Sirmis, extrema Windomina*, vt Lindenbrogius, siue *Vindomina*, vt Hugo Grotius edidit: ex quo vulgare nostrum *Wien* videtur esse contractum. Cluueri-

us

* Dio l. 55. p. 653. *Μαζάϊοι; Δαλματικὸν ἔθνος*, *Mazeos gentem Dalmaticam*.

us quidem M antiquius in hoc vocabulo censet, quam B, & pro dialecti diversitate *Vindomina*, *Vindomana*, *Vindomona* pronuntiatum fuisse: post deum B in locum M adsumtum: sed nolim id adfirmare, quia antiquiores sunt, qui Vindobona vel Vendobona, quam qui secus vocabulum scripserunt. Accedit in syllaba, de qua disputatur, Ptolemæus, antiquissimus forsitan, qui urbis mentionem fecit, cui posterior pars *Bava* est, non *juava*. De ætate eius urbis non satis constat, quia ante Ptolemæum nulla eius memoria: & Tiberii tempore nondum exstitisse vel nondum claram fuisse Velleius Paterculus lib. II cap. CIX non obscure significat, dum dicit *Carnutum*, siue *Carnuntum*, fuisse ex parte Romanorum *proximum regni Norici*. Ex quo consequitur, inter Carnuntum & Noricorum fines nullum clarum oppidum fuisse Velleii temporibus: alias non proximum fuisset Carnuntum. Quamquam verò clarius olim Carnuntum fuit, quam Vindobona; tamen nec ignobilis postea Vindobona fuit, quæ hiberna *Legioni x Geminae*, ut in Itinerario est, præbuit.

X.

Inter Vindobonam & Carnuntum Itinerario ponuntur *Ala noua* & *Aequinoctium*: utrumque etiam in Tabula, sed prius corruptum *Villagai*. Tum deinde nobilis urbs in ripa fuit *Carnuntum*, aliis *Carnutum*. Sed *Carnuntum* scripsit Plinius, Eutropius, auctores Itinerarii & Tabulæ Theodosianæ; etiam Spartiani codice Palatino in Seuerio cap. V, quem Salmasius tuetur & sequitur. Dubii sunt editorum dissensione Velleius Paterculus & Ammianus Marcellinus, quibus Boeclerus & Valesius *Carnuntum*; Vossius & Lindbrogius *Carnutum* reddiderunt. Sed verius *Carnuntum*, quia Ptolemæo *Καρνυντ*, est recto casu, vnde *Carnuntis* obliquo est, & Latina forma etiam recto *Carnuntum*, ut ab *Hydrūs*, *Hydruntum*. Valesius etiam ad Liuium prouocat, qui lib. XLIII ineunte *Carnuntē munitam urbem* dixit, quasi Polybium pro more imitatus, *Καρνυντα* expresse Græce scriptum; licet de ipsa urbe dubitare possis, utrum Romani Illyrico bello, ex Macedonia suscepto, vel fama eo usque pertingere potuerint. Cippo Romano legitur apud Gruterum Inscript. p. 1032 num. 2 NATVS CARNVNTO, quod orthographiæ rationem confirmat. Plinius lib. IV cap. XII *Pannonica Hiberna* hunc locum nominavit. *Superiora*, inquit, *inter Danubium & Hercynium saltum, usque ad Pannonica Hiberna Carnunti*. Quod posteriores etiam ita seruarunt. De Marco enim imperatore Eutropius lib. VIII cap. VI *quum apud Carnuntum iugi triennio perseverasset*. Et de Seuerio Spartianus cap. V *multis hortantibus repugnans imperator est adpellatus apud Carnuntum*: & ibi *Legio XIII Gemina*, ut in itinere ex Pannonia per ripam est, in præsidio fuit, aut statiuā habuit. Ammianus quidem lib. XXX cap. V Valesii (XVII Grut.) *Illyriorum oppidum* vocat: sed ex consuetudine temporis sui, quo Pannoniæ & Noricum partes Illyrici magni erant sub præfecto prætorii per Illyricum. Rectius, more veteri, Aurelius Victor in Marco & Vero, *urbem* dixit *Pannoniæ*. Fuit autem fere ex aduerso confluentis Mari, ubi nunc est Haimburg; aut in pago propter illud reliquiæ inuestigandæ.

XI.

Post Carnuntum XIII millibus est *Gerulata*, itinere Antonini per ripam, & in Notitia Imperii singulariter; in Tabula pluraliter inflexum, quo loco nunc Keriburg visitur. Inde æquali prope spatio siue XVI millibus est *Ad Flexum*, puta Danubii, in austrum declinantis, vt in Tabula vocatur: siue simpliciter *Flexum*, in Itinerario & Notitia: & Ptolemæo *φλέξον*: nunc Owar, nostris Altenburg. *Quadratum* succedit, Antoniniano itinere & in Notitia, sub media Schütta insula, vbi Tabula habet *Stailucum*, qui vel idem vel coniunctus locus est: nunc vicus Wiselburg. In eadem Imperii Notitia, sub Pannoniæ Primæ duce, est Cuneus equitum *Stablefianorum*, & *Præfectus militum Liburnariorum Arrabonæ*: qui locus haud dubie ad Ptolemæi fluuium *Αραβώνα* est, nunc Raab dictum. Ex quo probabiliter consequi credas, vt fluminis nomen, sic quoque oppidi cum munitissimo *Rabæ* conuenire. Sic Cluuerio videtur de Notitiæ Arrabona. Alio nos infra ducent Itinerarii & Tabulæ rationes. Sed hæc satis sint de ripa Danubiana Pannoniæ Primæ.

XII.

Intus est primum *lacus Peiso*, hodie Neusidler See; de quo Plinius lib. III cap. XXIV *Noricis iunguntur lacus Peiso, deserta Boiorum*. Iunguntur, inquit, hoc est vicina sunt, non in ipso Norico. *Pelsonem* Aurelius Victor, quem Schottus edidit, adpellat, vt alterum nomen corruptum esse oporteat. *Agrum*, ait de Galerio, *satis reipublicæ commodantem, caesis immanibus siluis, atque emissis in Danubium lacu Pelsene, apud Pannonios fecit*. Iornandes *Rer. Get. cap. LII & seq. lacum Pelsodis* dixit, quod videtur lectionem Victoris, præ altera, quæ Plinii est, corroborare. Adiacet *Mutenum* Antonini, itinere de Pannonia in Galliam, & a Sabaria Vindobonam; nunc Muzon quibusdam; aliis in altera lacus ripa prope Sempronium. Inde sunt *Boiorum deserta*, quæ Plinius dixit prædicto loco, iisque imposuit duo nobilia oppida. *Noricis*, inquit, *iunguntur lacus Peiso, deserta Boiorum: iam tamen colonia Diui Claudii Sabaria, & oppido Scarabantia Iulia habitantur*. Prima est colonia *Claudii Sabaria*, de qua nummus exstat apud Golzium & Harduinum, COL. SABARIA CLAVDIANA AVGVSTA. quo ipso in loco repertus lapis est his notulis inscriptus, apud Grut. p. 389 n. I

L. VAL. L. FIL. CL. CENSORINVS

DC. C. C. S. ITEM VE. LEG. I

id est *Decurio colonie Claudie Sabariæ*. Ptolemæo in Pannonia Superiore est *Σααρία*. Sulpicius Seuerus Vita S. Martini cap. II *Matinus Sabariæ Pannoniarum oriundus fuit*. Epitoma Aurel. Victoris in Didio Iuliano: *Hoc tempore Niger Pescennius apud Antiochiam: in Pannoniæ Sabaria Septimius Seuerus creantur augusti*. quod Carnunti factum Spartianus supra dixit. Vterque locus castris idoneus. Ammianus Marcellinus lib. XXX cap. XX de Valentiniano: *commoda querebat liberna: nullaque sede idonea potiri, præter Sabariam, poterat*. Hodie Sarwar castrum videtur esse ad Guntia & Rabi confluents in insula quasi positum. Hinc XXXIII M. P. in septentrionem aberat

ab erat *Scarabantia*, quam Plinius *Iulie* cognomine ornauit, Ptolemæo Σκα-
παβάντια, etiam ex Tabula, & Itinerario Antonini nota, quem locum hodie
Scapring dici plerique tradunt, alii referunt ad Oedenburgum.

XIII.

In austrum a Sabaria vergebat *Arrabona* Tabulæ & Itinerarii, xx m. p.
Poetouionem versus remota, quam ad flumen cognomine fuisse non dubita-
mus: an vero hæc ipsa ad ostium eiusdem, quo Danubio miscetur, quod
Chluerius putat; nondum inducimur ut credamus. Proinde Notitiæ *Ar-
rabona*, in qua castra *cuneus equitum Stablefianorum*, & *præfectus Legionis x &
xiiii geminata militum Liburnariorum* castra habuerunt, eadem videtur fuis-
se, quæ Itinerarii & Tabulæ. Ordinem distantiarum ita Antoninus, itine-
re a Vindobona Petouionem, posuit:

Vindobona

Aquas

M. P. XXVIII

Scarabantiam

M. P. XXXI

Sabariam

M. P. XXXIIII

Alicanum in medio Curta

M. P. XL

Petouionem

M. P. XXXI

Sic etiam Tabula Peutingerorum, Drauum versus, ad austrum:

Scarabantio

XXXIII

Sabarie

XX

Arabone.

Quod vero in eadem Tabula superius, Danubium versus iterum legitur

Ad flexum xiiii Stai luco xii Arrabo fl. xxx Brigantio,
credibile fit, non solum fluuium ibidem significari; sed vel vicum vna, vel
castrum, ad eundem. Id quod etiam ex alio itinere Antonini a Sabaria
Bregetionem videtur apertum esse:

Sabaria

Bassianam

M. P. XVIII

Mursellam

M. P. XXXIIII

Arrabonam

M. P. XX

Bregetionem

M. P. XXX

Et iterum alio, a Sirmio Carnuntum:

Crispiana

Arrabonam

M. P. XXV

Flexum

M. P. XXV

Carnuntum

M. P. XXX.

Quod si est, non vnam Arrabonam fuisse necesse est, alteram Drauum versus,
alteram prope Danubium, aut ad Rabi confluens. Cui displicet gemina-
tio, sicut omnino suspecta est; corrigat oportet alterutra itinera, & falsitatis
coarguat. Sequar lubens, si quid certi proposuerit.

XIV.

Quæ superiori itinere a Vindobona Poetouionem, primo loco *Aque*
visuntur, xxviii millibus a Vindebona in austrum distantes, celebres Au-

striacorum thermæ sunt, *Baden* dictæ. Restat hoc tractu *Carrodunum* Ptolemæi, cuius situs incertus est. Sunt tamen qui Kornburg ad amnem Rarum, nondum inflexum, interpretantur. Itineribus Antonini a Vindobona Poetouionem, & Poetouione Carnuntum locus dicitur *Alicanum*, *Halicanum*, & *Hilicanum*, & in libris quibusdam *Heclitanum*, qui ductu itineris ad Murum cadit, ubi nunc est Rackelsburg. Idcirco coniicit Cluverius, variantes has lectiones omnes corruptas esse, & genuinam forsan fuisse *Raclitanum*. Supra hoc oppidum ad idem flumen *Muroëla*, *Μυροέλα* Ptolemæi est, quam Mureck vulgo interpretantur: alii paullo superius reducunt.

XV.

Ad Drauum in finibus Pannoniæ est *Petouio* siue *Pætouio*, quæ & *Petavio* & *Petobio* legitur: nam varie scriptum hoc nomen est. Tacitus lib. Hist. ineunte: *Petouionem in hiberna xiii legionis conuenerant*. Ammianus lib. xiv cap. xxxvii venit *Petobionem oppidum Noricorum*. At Tacitus Pannoniæ Alpibus opponit, & Ptolemæus corruptum *πατάϊον* in Pannonia Superiore scripsit. Tabula Theodosiana *Petauione*, sexto casu. In lapidibus apud Gruterum pag. 533 num. 8, & pag. 766 n. 2. POETEVIONE: at pag. 529 n. 5 LVCILIO POETOVION. & pag. 266 n. 5 POETOVIENS. id est Poetovienes. Antonini Itinerario est quoque *Pætouio*. verbi causa Poetouione Carnuntum, Poetouione Sisciam, Vindobona Poetouionem instituta itinera: at Hierosolymitano, *Petouio*. E quibus id quoque apertum est, esse oppidum quod *Petau* hodie adpellatur, siue *Pettau*. Inter Poetouionem & Celeiam medius locus *Ragondo* in Tabula & Itinerariis, qui perit. Nolim enim in monasterio, recentiore opere, cum Cluverio inuestigare.

XVI.

Ad Sauum progredimur, ad quem *Segesta* fuit, oppidum excisum, Strabonis *Σεγεστική πόλις*, vnde *Segestani* apud Appianum in Illyrici parte, cuius deficit Græca *αὐθεντία*. Insula Sauī, quæ ad confluentem Colapim est, inde nomen ducit *Segestica*: ad quam, sed in australi ripa, oppidum *Siscia* * non ignobile. De utroque Plinius lib. iii cap. xxv *Colapis in Sauum influens iuxta Sisciam, gemino alueo insulam ibi efficit, quæ Segestica adpellatur*. Et paulo ante: *In ea [Pannonia] coloniae, Aemona, Siscia*. Straboni est *Συσκία*, *Syscia*, lib. vii pag. 217. *Εγγὺς, inquit, τῆς Σεγεστικῆς ἐστὶ καὶ ἡ Συσκία Φρέγιον, prope Segesticam est Syscia castellum*. Ptolemæus in Superiore Pannonia *Σίσκια*, *Siscia*: Zosimus lib. ii cap. xlviii *οἱ Σισκίαν τὴν πόλιν φυλάττοντες, ἐπικειμένην τῇ ὁχθῇ τῆς Σάκ, præsidarii urbis Sisciae, in ripa Sauī sitæ*. Meminit & Velleius lib. ii cap. cxiii. *Regressus, inquit, Sisciam, Tiberius bello Pannonico*. Et Prudentius Passione Quirini, episcopi Siscienfis, vers. 3

Vrbis

* A Dione lib. XLIX. pag. 472. appellatur *Tuscia*. Ὁ γὰρ κόλπος ὀνομαζόμενος, παρ' αὐτὸν τὸν περίβολον παραρρέων εἰς τὸν Σαῦον ὀλίγον ἀπέχοντα αὐτῷ ἐμείλλει, καὶ νῦν πᾶσαν τὴν πόλιν ἐνκεκλύμενον ἐκτείνεται. Colops enim amnis ipsa pænia præterfluens in Sauum paulum a se distans infunditur, omnem orbem circumplexus, quandoquidem Tiberius magna quadam fossa cum istuc adegit, per quam in antiquum rursus alueum redit.

*Vrbis mœnia Siscie
Concessum sibi martyrem
Complexu patrio fouent.*

Antoninus itinera descripsit a Siscia Mursam ; & Poetouione Sisciam : quæ vero media interiacent, minus nobis sunt cognita. Tabula Theodosiana *Sisciam* in media insula Segestica, cum vrbis & colonie insignibus, constitutam habet. Nunc, nomine prodente, & itinerum ratione Sisek siue Sisleë vicus vocatur : splendor autem & frequentia, cum episcopali honore, abiit Zagrabiam vicinam.

XVII.

Altera Pannoniæ colonia *Aemona* fuit, Plinio auctore lib. iiii cap. xxv. Scribitur etiam *Emona*, Græce Ἡμωνα, a Ptolemæo & Zosimo lib. v cap. xxix, quam scripturam Casaubonus in Capitolini Maximinum Thracem cap. xxi veriore censet, ut fuerit Ἡμων, inde Ἡμωνα, ut Narbo & Narbona. Herodianus lib. viii cap. i ἦν καλεῖσθαι Ἡμῶν, quam *Emonam* vocant, prave: legendum Ἡμωνα cum Zosimo & Ptolemæo. Capitolinus dicto loco consentit in vocali: sed addit adspirationem, *Hemona*, sicut Pacatus Panegyri Theodosii cap. xxxvii *Hemona* scripsit; sed abesse potest spiritus secundum inscriptionem veterem apud Gruter. pag. 556 num. 5 C. PETILIVS C. F. CLA. PAVLLVS EMONA. Et Peutingerorum Tabula *Emona*. Nec vero diphthongus Plinii sine auctoritate est. Inscriptio alia pag. 475 num. i DECVRIONI AEMONAE. De situ etiam lis est. Herodianus ad Italiam refert ut πρώτην Ἰταλίας πόλιν, primam & limitaneam urbem Italiae, quem sequitur Capitolinus dicto loco, in Italia post Alpes constituens. Sed non intellexit Herodianum, cui ἰδρυμένη πρὸ τῆς ὑπερείας τῶν Ἀλπεων, sita est ante radices Alpium Pannonicas. nam sequenti die ἐπὶ τὰς Ἀλπεὶς ἤπειγοντο, ad Alpes accesserunt. Male vero Herodianus Italiae fines, contra consensum omnium, trans Alpes remouit. Cum Plinio ergo Pannoniæ adscribamus: quam etiam Ptolemæus Pannoniæ Superiori adiunxit ita, ut sit μεταξύ Ἰταλίας ὑπὸ τὸ Νωρικὸν Παννονίας, inter Italiam sub Norico Pannoniæ, id est in harum regionum confinio, quemadmodum etiam Zosimus posuit μεταξύ Παννονίας τῆς ἀνωτάτω καὶ Νωρικῆς, inter Pannoniam Primam & Noricum. Vir peritissimus harum regionum Io. Lud. Schönleben multis argumentis contendit, Aemonam *Labacum* Carniolæ esse, vulgo *Laubach* dictum: quod etiam iter Antonini ab Aemona Sirmium, confirmat.

XVIII.

Sita est Aemona ad fluuium *Nauportum*, qui nunc *Labacus* est, milliario Germanico a confluentibus: sed superius ad idem flumen est oppidum *Nauportum*, perperam a Strabone dictum Νάυποντον, *Naupontum*. Nomen enim a fluuiio habet, cuius etymon Plinius lib. iiii cap. xviii reuelauit, disputans contra Nepotem aliosque, qui ex Istro alueum in Adriaticum mare effluere crediderunt. Nullus, inquit, ex Danubio amnis in mare Adriaticum effunditur. Deceptos credo, quoniam Argo naus flumine in mare Adriaticum descendit non procul Tergeste, nec iam constat quo flumine. Humeris trauectam Al-

*pes diligentiores tradunt. Subiisse autem Istro, dein Sauo, dein Nauporto, cui nomen ex ea causa est, inter Aemonam & Alpes exorienti. Flumen ex Alpibus oritur prope Longaticum, mansionem, quæ in Tabula est vi millibus ab oppido Nauporto: hoc xii ab Emona. Ex quo coniicitur, probaturque a laudato viro I. L. Schönleben, Nauportum oppidum fuisse in loco Super-Labaci, vulgo Ober-Laubach. Tauriscorum, qui in extremo Noricorum sunt, ~~καταναίαν~~, *coloniam*, siue *habitationem* Strabo vocat. De hoc oppido Velleius Paterculus lib. ii cap. cx in rebellione Pannoniorum & Dalmatarum: *pars petere Italiam decreuerat, iunctam sibi Nauporti ac Tergestis confinio. Et Tacitus annali i cap. xx Manipuli ante ceptam seditionem Nauportum missi, ob itinera & pontes, & alios vsus, postquam turbatum in castris acceperere, vexilla conuellunt: direptis proximis vicis, ipsoque Nauporto, quod municipii instar erat. Huc vehiculis merces portabantur, vt nauigiis per Nauportum amnem in Sauum deducerentur. Vide Strabonem d. l. pag. 217 & de situ vniuerso inspicere tabulam nostram Norici, qua hæc plenius, quam Pannoniæ tabula, exponuntur.**

S E C T I O II.

PANNONIA INFERIOR.

XIX.

Pannonia Inferior reliquum spatium, quod sub Danubio est, a Rabo amne, siue Arabone, ad vsque fines Mœsiæ; & in austrum ad Carnorum Alpes & montes Dalmaticos protenditur. In ripa Danubiana post Arabonem fluuium, siue post insulam illam, quam *Schütte* vulgo adpellant, siue fuerit castrum vel oppidum *Arrabona*, siue alio reducendum sit, de qua re supra actum fuit; proxime in Itinerario sequitur locus dictus *Ad statuas*, itinere per ripam; qui censetur esse Dotis. Hic locus, & quæ sequuntur omnia, vix fundamentum sedis suæ, præter coniecturam, habent. Tabula Theodosiana & Itinerarium Antonini ab Arabone fluuiio, & si quæ adposita fuit Arabona, per xxx millia ducunt ad *Bregetionem*, quam, nisi citior fuit, quod ex distantia videtur adparere; multi archiepiscopalem urbem *Graan* existimant esse. Laudata monimenta itinerum Antonini *Bregetio* habent; etiam Notitia Imperii in Pannonia Secunda *Præfectum legionis primæ adiutricis cohortis quintæ Bregetione*. Ex quo manifestum est, Ptolemæum & nomine & situ aberrasse, dum eamdem legionem (λεγιῶνα ἀ βοηθὸν) in Pannonia Superiore posuit, & in oppido, quod vocat *Βρεγαίτιον*, *Bregætium*. Grauior lapsus est in Tabula Theodosiana, qua *Brigantium* vocatur: & in Epitoma Aurelii Victoris, qua Valentinianus dicitur *apud Bergentionem* legatis Quadorum respondiisse, quum impetu sanguinis, amissa voce, exspirauit. Quod idem narrans Ammianus lib. xxx cap. xx *Bregitionem* oppidum nominat, quod vocabulum vna littera ab Itinerario & Notitia Imperii leuissime differt: nisi forsan & illa ab errore describentis est, quia eiusdem Marcelini lib. xvii cap. xxvii (Vales. cap. xii) tam Lindenbrogius quam Valesius

fius ediderunt, *Bregetionem castra commota sunt*. Lazius in illo tractu lapidem repertum significat, dicatum Seuero augusto, cui subscriptum sit BREG. PUBLIC. D.D. vt de prima syllaba non liceat dubitare.

XX.

Ptolemæus in primis Pannoniæ Inferioris oppidum habet *Σαλῶα*, *Salua*, quæ *Salua mansio* est Antonini, itinere ab Acinco, ab eodem XLII M. P. Sic vero legendum cum Ptolemæo est, non *Solua*, vt editum; censente etiam Thoma Reinesio Inscript. pag. 33. Incidit circa insulam, quæ supra Budam est, cui Vacia adiacet, a S. Andrea cognominatam. Non autem sola mansio fuit, sed præsidium equestre seu equitum castra, tam Maurorum, quam cuneum scutariorum habuit, vt distincte in Notitia Imperii notatum est. Proxima inde est *Καρπὶς* Ptolemæi, *Carpis*, Ammiano lib. XXVII cap. XI *Carporum vicus*, statius castris frequentatus: qui in Notitia *Cirpi*, vbi *Equites Dalmatæ*, & *Auxilia Fortensia* præsidio erant, in dicto itinere *Sirpi*, XXI millibus a Salua, videtur nominari.

XXI.

Celebrius oppidum *Acincum* fuit, Antonino, Notitiæ auctori, & Ammiano lib. XXX cap. XX ita dictum: Ptolemæo & auctori Tabulæ *Aquincum*, Græce *Ἀκίγγων*. Fallunt numeri diuersorum itinerum, quod per ripam in Galliam fert, & quod Acinco est Saluam; nec Tabulæ loca *Aquincum* vtriusque excipientia satis nota sunt, vt ita certa sedes non possit definiri. Quod vero in Notitia Imperii *præfectus legionis* imponitur *Transacincum*, & ante paullo *Auxilia vigilum Contra-Acinco trans in Barbarico*, quemadmodum pars *Legionis secundæ adiutricis Acinco* erat, nec forte abludit ordo & series, ac distantia descripta; idcirco sunt qui Budam siue Ofen *Acincum* interpretentur; trans flumen quod oppositum est Pestum, *Transacincum*. Inde *Vetusanum* in Tabula post XIIII millia passuum: *Vetussalina* itinere sæpe dicto, per ripam, & in Notitia: post *Annamatia* eiusdem itineris; etiam Tabulæ, a millibus XV: & tum tandem *Lussumum* Antonini; *Lussonium* Ptolemæi & Notitiæ; *Lusio* Tabulæ, cui *Lusione* est sexto casu: a qua post X millia eiusdem Tabulæ est *Altaripa*, & in Notitia Imperii *Equites Dalmatæ Ripa alta*: Itinerario autem a Lussumio per XVII M. P. locus est *Ad statuas*, quas si maiores & colossas intelligas, situs & distantia forte ad urbem Coloczam ducent, in ripa sinistra quidem sitam, quæ tamen potuit translocata esse, aut a statuis aduersæ ripæ denominata.

XXII.

Inter Lussumum & Teutoburgium Ptolemæus medium ponit *Λυγίωνον*, *Lugionum*; Antoninus heic *Altinum* habet, quod etiam in Notitia inuenitur: at *Teutoburgium* Ptolemæi, Antoninus ponit inter Cornacum & Murfam, itinere per ripam: Ortelius, nescio quo indicio, trans Danubium, siue in sinistra ripa posuit, circa Draui confluentes. Nomen a Germanis militibus: sicut lapis circa Budam repertus, *Sicambriam* a Sicambris ibi conditam meminit: de quo Lazius consulatur. Inter Drauum & Sauum in ripa Danubii sunt *Cornacum*, XVI millibus passuum a Teutoburgio, vt itinerario

rario & Tabula (in qua *Tittenburgo* prae scriptum est) adnotatur. Notitia Imperii sub duce Pannoniae Secundae *Cuneum equitum scutariorum Cornaco* habet. Ptolemæus quoque in Pannonia Inferiore memoravit Κέρνακον, *Cornacum*. Inde xlii millibus in Tabula est *Cuccium*, siue vt in Itinerario & Notitia *Cucci*. Fuit enim *Cuneus equitum promotorum Cuccis*. Nec longe hinc *Cusum* aberat siue *Cusis*, vbi equites *Dalmatae* praesidio erant, vt in Notitia est. Inter *Cusum* & *Cuccium* in Tabula locus ponitur, cui nomen est *Milatis* (sic Bertius edidit: nuper Norimberg. *Malatis*, quod corruptum puto) in Itinerario *Bononia* inter vtrumque media locatur. Et quod æqualis distantia xvi millium tam *Bononiae* quam *Milatis* a *Cuccio* est, adparet eundem locum esse *Milatas* atque *Bononiam*: illud vetus nomen, hoc novum ab Romanis superinductum.

XXIII.

Inter *Cusum* & *Taurinum*, si se recte iter Antonini per ripam habet, *Acimincum* fuit, Ptolemæi Ακέρμυγκον, *Acumincum*. nam & hoc in ripa fuit & proximum flumini. Ammianus lib. xix cap. xxiv (Vales. cap. xi) de Constantio: *Vallo prope Acimincum locato, celsoque aggere in speciem tribunalis erecto, naues, vehentes quosdam legionarios expeditos, alueum fluminis proximum ripis obseruare sunt iussæ*. Sic scriptum per *i* non per *u*, in mss. Regio, Colbertino, & Tolofate, quod Valesii fratres obseruarunt: etiam in Notitia Imperii sub duce Pannoniae Secundae, *Cuneus equitum Constantium Aciminci*. Locus certo finiri non potest, quia Itinerarium turbatos heic numeros habet cxlii; & a *Cuso* xxxiii, Tabula xl, in qua *Acunum* correpta forma, quasi per notas scriptum est. Lazio lib. xii Reip. R. sect. ii cap. ii videtur *Salankemen* esse. *Rittium* Ptolemæi; seu *Ritti* Antonini sequitur, in Notitia *Ricti*, in Tabula prauius *Bittium*, xlii millibus a *Tauruno*: in Itinerario numeri hoc loco monstrosi sunt.

XXIV.

Tandem *Taurunum* est, antiquum oppidum, in cuius situ errare non possumus. Plinius enim lib. iii cap. xxv clare monstrat. *Bacuntius*, inquit, in *Saum Sirmio* oppido influit: - - - Inde xlv m. passuum *Taurunum*, vbi *Danubio* miscetur *Saus*: quo loco hodie *Alba Græca* est, quæ etiam *Belgrad*, (quod nomen etiam apud Constantinum Porphyrog. de Administr. Imp. cap. xlii legitur, καίτερον τὸ Βελέγραδα ἐπωνομαζόμενον) nostris *Griechisch Weissenburg* vocatur. Pannoniæ adscriptum fuisse ex Ptolemæi dispositione & Notitia Imperii clarum est, quia equites promotos sub duce Pannoniæ Secundae tenuisse dicitur. Præterea in Itinerario & Tabula Theodosiana legitur. Hæc in ripa *Danubiana*.

XXV.

Introrsum prope *Saum*, vbi *Bacuntium* recipit, *Sirmium* fuit, vt Plinius modo dictis verbis declarauit. Ptolemæo Σίρμιον in Pannonia Inferiore. Zosimus lib. ii cap. xviii πόλις Παιωνίας τὸ Σίρμιον, ὅπου ἀρρῆει ποταμὸς ἐπὶ Σατέρας, εἰς τὸν Ἰστρον εὐβάλλον; Pannoniæ urbs est *Sirmium*, quam ab utraque parte flumen adluit, in *Istrum* se exonerans. Flumen illud est *Bacun-*

cuntium, vt Plinius nominauit. Herodiano lib. vii cap. ii est πόλις μεγάλη, *ciuitas maxima*, Pannoniæ quondam metropolis, quod ex Notitia Ecclesiæ constat, multis itineribus, inde susceptis, celebrata: etiam imperatores ibi sæpissime constiterunt, ibique leges multæ datæ, quas collegit Iacobus Gothofrædus Topographia Vrbium in Cod. Theodosiano. Heic Probus interfectus; Eutropio notante: heic imperator creatus Theodosius, testante Epitoma Aurelii Victoris. Meminit & Strabo lib. ii pag. 217 sed in situ errat, Segesticiæ, & Sisciæ, & Colapi fluuio coniungens. Prope hanc urbem erat *Almus* mons, siue *Alma*. Eutropius lib. ix cap. xi in Probo: *Operemilitari. Almus montem apud Sirmium, & Aureum apud Mæsiam Superiorem vineis con-* *seuit.* Vopiscus in Probo cap. xviii *Ipsæ Almam montem in Illyrico circa Sir-* *mium, militari manu fossam, lecta vite conseuit.* Victor Eutropium exscribens in Epitoma, etiam dicit *Almam montem apud Sirmium*: & Dio Cassius lib. lv pag. 568 ὄρος τὴν Ἀλμάν, *montem quemdam Almam* Bato occupauit. At Pænius metaphrasta Eutropii, Ἄλμον; vt de lectione Eutropii sit minus dubitandum. Agri Sirmiensis fuit vel vicus vel oppidum *Budalia*, siue *Bubalia*, vt alii scribunt, patria Decii, imperatoris Romani. Eutropius lib. ix cap. iv *Decius e Pannonia inferiore, Budaliæ natus.* Sic MSS. & metaphrasta: Aurelius Victor epitoma, eadem transcripsit, sed *Bubaliæ*, vbi ille *Budaliæ*. Antoninus itinere a Sirmio Sa'onas, *Budaliam* primo loco habet, a Sirmio viii m. p. distantem: vt ita certior sit scriptura Eutropii, ex optimis membranis Burdegal. & Fuld. petita. Vicum fuisse Victor alter, quem A. Schottus vulgauit, adseuerat. *Decius*, inquit, *Sirmiensium vico ortus, militiæ gradu ad imperium conspirauerat.* Ortus autem erat Budaliæ.

XXVI.

Supra Sirmium palus *Hiulca* est, cui adfidet in colle oppidum *Cibala*, vt fere Latini vocabulum formant: siue *Cibalis*, vt Græci. Ptolemæi enim in Pannonia Inferiore est Κίβαλις, *Cibalis*, etiam Zosimi & Pæanii, locis mox indicandis, Κίβαλις. Genus inde duxerunt Valentinianus & Valens, augusti. De patre illorum Ammianus lib. xxx cap. xxiv *Natus apud Cibalas Pannoniæ oppidum Gratianus ignobili stirpe, cognominatus Funarius.* Et Epitoma Victoris: *Valentiniani pater Gratianus ortus apud Cibalas, Funarius adpellatus est.* De ipsis augustis ex Philostorgii lib. viii sect. xvi Photius excerptor, Οὐαλεντινιανὸν καὶ Οὐαλέντα τὴν Κίβαλιν λαχῆν ἀναγράφει πατρίδα, *Valentinianum & Valentem Cibalin patriam sortitos esse scribit.* Nobile etiam oppidum factum bello Constantini: aduersus Licinium. Eutropius lib. x cap. iv de Constantino Primo eum [Licinium] in Pannonia, ingenti adparatu bellum apud Cibalas instruente, repentinus oppressit. Et Epitoma Victoris: *Primum apud Cibalas iuxta paludem Hiulcam nomine, Constantino nocte castra Licinii inrumpente, Licinius fugam petiit.* Zosimus lib. ii cap. xviii & lacum & urbem diligentius ita descripsit: Λικίνιος μὲν εἰς Κίβαλιν συνήθροζε τὸν στρατόν. πόλις δὲ αὕτη Πακονίας ἐστίν, ἐπὶ λόφῳ κειμένη· σπηλὴ δὲ ὁδὸς ἢ ἐπὶ τὴν πόλιν ἀνάγει, σταδίαν πέντε τὸ εὖρος ἔχουσα, ἥς τὸ πολὺ μέρος ἐπέχει λίμνη βαθύεια· τὸ δὲ λεγόμενον ὄρος ἐστίν, ἐν ᾧ καὶ ὁ λόφος, ἐφ' ᾧ περὶ ἡ πόλις. *Licinius ad Cibalin exercitum congregabat, quod oppidum est Pannoniæ in colle situm, ad*

quod via sursum ducit arta, quinque stadiorum latitudinem habens. Eiusdem maiori parti profunda palus imminet, reliquum mons est, in quo collis, cui oppidum est impositum. Iacobus Gothofredus ad Philostorgii lib. viii cap. xvi obseruauit, quo loco Cibalis ceterorum est, in Tabula Peutingeriana poni *Ad labores*: quod nomen putat ex acerrimo inter Constantinum & Licinium prælio illi loco esse impositum. Si Antonini iter a Sirmio Salonas se recte haberet, Cibalæ cum lacu in austrum magis deducendæ forent: sed secus ipse ponit itinere alio, a Sirmio Carnuntum, quod iustius putamus dispositum esse. Ita autem habet:

Sirmio

Vlmos

Cibalas

Mursam

M. P. XXVI

M. P. XXIII

M. P. XXII,

iuxta quam Drauus traicitur: & inde per Sopianas Arrabonam versus, & tandem Carnuntum proceditur. *Vlmi* autem, quod oppidum Antoninus omnibus itineribus, a Sirmio directis, vel ad Sirmium, posuit, præter id minus cognitum est, eiusque situs ex itineribus inter Sirmium & Cibalas designandus est.

XXVII.

Ad Drauum non dubitamus *Mursam* fuisse, & secundum plurimorum opinionem, in loco oppidi, nunc valide muniti, Essék. Suadet itineris ratio modo propositi, quod a Sirmio ducit Carnuntum. Ad flumen autem nauigabile fuisse, ex eo etiam clarum est, quia Notitia Imperii testante, *Præfectus classis Istricæ* fuit *Mursæ*. Stephanus Byzantinus de Urbibus: *Μέρσα, πόλις Παωνίας, κτίσμα Αδριανῆς, Mursa vrbs Pannoniæ, ab Hadriano condita.* Sic vere legit ex ms. codice Vossiano: perperam vulgo, *πόλις Ιωνίας*. Addit auctor: *λέγεται καὶ Μέρσιον, dicitur etiam Mursium.* Hinc est quod Græci & Latini quidam *Mursiam* vocant. Ptolemæus in Inferiore Pannonia: *Μερσία κολώνια, Mursia colonia.* Aurelius Victor in Epitoma: *Hoc tempore Constantius cum Magnentio apud Mursiam dimicans vicit.* Et paullo ante: *Vetranio, magister militum, imperium in Pannonia apud Mursiam corripuit.* Quod Zosimus lib. ii cap. xlii confirmat ita, vt *Mursam* pro regia *Vetranioni* ex eo fuisse adiiciat: *ἐν τῇ Μέρσῃ Παωνίας ἔση πόλις διέτριβε. Mursia, quæ vrbs Pannoniæ est, commorabatur.* Lapsus ergo est Socrates lib. ii Hist. Eccles. cap. xxxii, & eum sequutus Sozomenus lib. i v cap. vii, dum *Mursam*, vbi Magnentius victus est, ille *Φρέριον τῶν Γαλλῶν, castellum Galliarum*; hic *Γαλατῶν τὸ Φρέριον, Gallorum castellum* adpellat: quos non solum Zosimus & Aurelius Victor, sed antiquus etiam lapis coarguit, quo non nemo oriundus dicitur *MURSA EX PANNON. INFERIORE*, apud Gruterum pag. 1007, inscriptione 3. Hæc vrbs in Peutingeriana Tabula vocatur *Murfa maior*, cum vrbis insignibus: citra quam x millibus est, occasum versus, *Murfa minor*, vicus forsan aut oppidulum, itinere Burdigalensi dicta vitiose *Mersella*, pro *Mursella*. nam & hæc x m. p. a *Mursa* abest. Ptolemæo *Μέρσελλα*, id est *Mursilla*. Quo Iacobus Gothofredus *Murgillum* refert Lege i Cod.

Cod. Theod. de Iudæis & Cælicolis, quasi ex *Mursillo* deprauatum sit. Præterquam vero quod dubia & incerta est emendatio; nondum mihi persuadeo, Constantinum in paruo & obscuro loco ita commoratum esse; ut leges ibi daret; quum in proximo vrbs incluta *Mursa maior* fuerit, in qua commodior principis commoratio esset.

XXVIII.

Quæ inter Drauum & Danubium extra huius ripam sunt, non facile aliunde, quam ex Antonini itineribus cognoscuntur, e quibus quædam adnotasse satis pro explicatione sit. Primum ex itinerea Sirmio Lauriacum hæc damus:

<i>Sirmio</i>			
<i>Vlmos</i>	M.	P.	XXVI
<i>Cibalas</i>	M.	P.	XXIIII
<i>Mursam</i>	M.	P.	XXII
<i>Antianas</i>	M.	P.	XXIIII
<i>Sopianas</i>	M.	P.	XXX
<i>Limusam</i>	M.	P.	XXII
<i>Silacenas</i>	M.	P.	XVI
<i>Valcum</i>	M.	P.	XXVIII
<i>Mogetianam</i>	M.	P.	XXX
<i>Sabariam</i>	M.	P.	XXXVI.

Deinde ex alio itinere a Sirmio Carnuntum:

<i>Mursa</i>			
<i>Antianas.</i>	M.	P.	XXIIII
<i>Sopianas</i>	M.	P.	XXX
<i>Pontem Mansuetianum</i>	M.	P.	XXV
<i>Triccianam</i>	M.	P.	XXX
<i>Cimbrianas</i>	M.	P.	XXV
<i>Crispianam</i>	M.	P.	XXV
<i>Arrabonam</i>	M.	P.	XXV
<i>Flexum</i>	M.	P.	XXV
<i>Carnuntum</i>	M.	P.	XXX.

De his, quæ me legere memini, breuiter subnotabo. *Antiana*, singulariter, legitur in Tabula Theodosiana: Aldus *Ancianis*, casu auferendi, sed dubio genere. *Sopiane* autem muliebri recte ponuntur, quia etiam Ammianus Marcellinus lib. xxviii cap. ii *Maximinus apud Sopianas, Valeriæ oppidum, obscurissime natus est.* De Valeria autem prouincia in medii æui Geographia dicemus. Inter Limusam & Valcum, *Vacontium* Ptolemæi ex ipsius rationibus, coniectura duce, ponimus. *Valcum* autem inepte quidam Valco-war ad Danubium vbi Valdasum excepit, oppidum interpretantur, toto itineris ordine repugnante. *Mogetiana* itinere a Sabaria Acincum legitur *Mogentiane*, pluratiuo numero & addita n littera. Latius *Cimbrianas*, siue *Cimbrianum*, ut ipse vocabulum format, a vagis Cimbris deducit, quod facile

concedamus: esse autem in loco Albæ Regalis, adseuerat confidentius, quam probat: nec permittit distantia Arrabonæ.

XXIX.

Sunt & alia eius tractus, quæ ex solo Itinerario Antonini cognoscuntur, nec vero ita plane, vt definiri singula & certo explicari possint. Iter est a Sabaria Bregetionem:

Sabaria

Bassianam

M. P. XVIII

Mursellam

M. P. XXXIIII

Arrabonam

M. P. XX

Bregetionem

M. P. XXX.

Ptolemæus quidem *Bassianam* habet, sed inter Sirmium & Mursam recenset, quasi in medio loco positam, vt ita alia videatur esse ab Antonini *Bassiana*. Quæ sequitur *Mursella*, etiam alia est ab illa Ptolemæi & Itinerarii Hierosolymitani, siue a *Mursa minore* Tabulæ Peutingerorum, de qua paullo ante dictum fuit. Distant enim per totam ferme prouinciam.

Alio item itinere a Sopianis Bregetionem:

Sopianis

Louiam

M. P. XXXII

Gurtianam

M. P. XXV

Herculiam

M. P. XX

Florianam

M. P. XV

Bregetionem

M. P. VIII.

Nihil certi potest in hisce definiri. Aldus primum a Sopianis locum legit *Louiam*, vt etiam in Tabula Peutingeriana est expressius: Bertius & Schotrus *Iouiam*. Item Aldus pro *Gurtiana* legit *Gustianam*; Lazius *Curtianam*; quam & Ptolemæi *Curtam* putat eandem esse. Non consentio. Curta Ptolemæi est ad Danubium proxima Bregetioni; Gurtiana Antonini in mediterraneis, & XLIII millibus, interiectis aliis, a Bregetione. Alienior est in *Floriana*, de qua dubitat lib. XII sect. III cap. VIII, vtrum hanc, an Sauariam, Græzium, Stiria metropolim, interpretetur: vtrumque ἀτόπως, & contra omnes rationes geographicas. Adeo nihil præsidii in Opere Wolfg. Lazii de Rep. Rom. In exteris prouinciis, nobis relictum est. Itidem alio itinere a Siscia Mursam hic ordo oppidorum est:

Siscia

Variana

M. P. XXIIII

Aquas Balissas

M. P. XXXI

Inicerum

M. P. XXV

Strauianas

M. P. XXIIII

Mursam

M. P. XXX

Quæ inter Sisciam & Mursam sunt, necesse est cadere inter Sauum & Dravum, quæ Interamnia quasi Pannonia est. Primus locus Aldina editione est *Varianis* sexto casu: vnde, qui omnia in quartum mutarunt, fecere *Varia-*

ria-

rianas: malim equidem *Variana*, intellige castra. Exstant enim inscriptiones in Valeria, & Græzii in Stiria, & Petouione, apud Gruterum pag. 482, in quibus laudatur T. VARIUS CLEMENS, cum multarum prouinciarum præses, tum PRAEF. EQ. ALAE II PANNONIORVM, a quo, vel alio huius nominis, hæc castra potuerunt nominari.

XXX.

Notitiæ Imperii in Pannonia Secunda est *Præfectus classis primæ Pannoniæ Seruitii*; item *Classis Aegetensium*, siue *secundæ Pannoniæ*, nunc *Siscie*. Turbatus ordo primæ & secundæ videtur. Siscia enim in Prima est seu Superiori. Ad Sauum ergo fuit *Seruitium*, quia classem fluuialem habuit. Plerique censent, esse Ptolemæi *Serbinum*, quum *b* & *v* sæpissime permutentur, *n* & *ti* in mss. iisdem lineis atque ductibus constent. Notitia Imperii etiam *Seruitium* designatum est LV circiter millibus passuum a Siscia in ortum. Philippus Brietius Tom. III pag. 279 Gradisciam interpretatur. Caue vero cum *Seruitti* Antonini confundas itinere prope medio a Sirmio Salonas. Hoc enim in fines Dalmatiæ cadit. Classis autem *Aegetensium* videtur *Sege-stensium* legenda esse, a *Segesta* siue *Segestica*, oppido & insula denominata. nam *Aegeta* oppidum Mœsiæ sub Danubio est, remotum nimis a Pannonia, etiam Inferiore.

XXXI.

An vero *Stridon*, S. Hieronymi patria, huc referenda sit, ambigitur. Plures persuasi sunt, esse eandem quæ Ptolemæi est *Sidrona*, quam in mediterraneis Liburniæ posuit. Ipse Hieronymus de se, extremo Catalogo Script. Eccles. *Hieronymus, patre Eusebio natus, oppido Stridonis, quod a Gothis euersum, Dalmatiæ quondam Pannoniæque confinium fuit*. Sidronam quidem Ptolemæus Liburniæ dat, sed ita, vt in limitem Dalmatiæ incidat, supra fontem Titii amnis, qui Liburniam finit. Ipse Hieronymus in Zephaniæ cap. i comma i videtur *Illyrium*, quo Dalmatia & Liburnia continentur, a patria sua separare. *Testis, inquit, Illyrium est, testis Thracia, testis, in quo ortus sum, solum*. Quapropter videtur ita in Dalmatiæ confinio fuisse, vt tamen magis ad Pannoniam Inferiorem, quæ cis Sauum est, vergeret.

XXXII.

Hæc de Pannonia sufficiant, si appendicis loco pauca ad vtramque, quæ supra prætermisimus, adiecta fuerint. Superiori Pannoniæ ad Sauum fluuium addo post Sanæ confluentem Itinerarii *Prætorium Latouicorum*, xxxiiii millibus ab Aemona; quod Ratschach nunc vocari, locorum peiiti viri tradunt: deinde prope confluentem *Corcoram*, quem amnem Strabo lib. vii pag. 217 nominat (*Κορκόρας* Græce est) situm eiusdem Itinerarii *Nouiodunum*, nunc Gurkfeld, quia *Corcoras* fluuius hodie Gurk adpellatur. Tum *Quadratum* sequitur: & vltior *Siscia*: quam *Variana* castra Pannoniæ Inferioris excipiunt. Ordo itineris ab Aemona Sirmium ex priorē parte talis est:

<i>Sirmio</i>			
<i>Prætorium Latouicorum</i>	M.	P.	XXXIII
<i>Nouiodunum</i>	M.	P.	XXXI
<i>Quadratum</i>	M.	P.	XXVIII
<i>Sisciam</i>	M.	P.	XXVIII
<i>Variana</i>	M.	P.	XXIII.

Inferiori Pannoniæ in ripa Danubii adiungimus locum *ad Muros* dictum, inter *ad Statuas*, quæ post Arrabonam sunt; & *Bregetionem*, vbi Valentinianus augustus mortuus est: cuius vidua Iustina cum Valentiniano puero quod in villa, quam *Murocinctam* adpellant, degebat, multi existimant, Lazium sequuti, eundem locum esse *ad Muros*, & *Murocinctam*. At ille locus, qui *ad Muros* dicitur, prope Bregetionem fuit, xx circiter millibus disiunctus: *Murocincta* autem villa *centesimo lapide* separata fuit a Bregetione, vt Ammianus auctor est lib. xxx extremo. Infra hunc locum est *Crumerum*, vt Aldus vocat: *Crumeros* dicunt recentiores, eodem itinere per ripam Pannoniæ: sed prior casus est etiam Notitiæ Imperii, qua sub duce Valeriæ sunt *Equites promoti Crumero*. Inter Anamatiam & Vetustalinam est *Intercisa* eodem itinere, vbi Notitia *Equites sagittarios* statua habuisse narrat. Inter Salvam & Carpin fuerunt castra, *ad Herculem* dicta, itinere ab Acinco; ibi in Notitia locantur *Auxilia Herculensia*. Notitia etiam hoc tractu memorat *Florentiam*, vbi *Præfectus classis Istricæ* fuerit. Surita putat *Florianam* Antonini esse, de qua supra in itinere a Sopianis Bregetionem: si modo Floriana ad flumen fuit, vt præfectum classis habere potuerit. Tandem quum Acincum & Transacincum, ac Contra Acincum supra viderimus; non possum quin inscriptionem ex Grut. p. 545 num. 9 adiiciam, qua etiam *Septaquinci* in hoc tractu Pannoniæ fit mentio:

D. M.
IVLIO IVLIANO
EVOK. AVG. DOMO
SEPTAQUINCI EX
PANNONIA INFERIORE, &c.

XXXIII.

Si quæ reliqua sunt, quæ prætermisimus, in vtraque Pannonia, ex Itinerario Antonini, Tabula Peutingeriana, & Notitia Imperii petantur, suppleantur. Locum enim iis, vt obscurioribus, adsignare non possumus.

S E C T I O III.

M O E S I A.

XXXIV.

Moesia Pannoniæ in ortum adiacet, incipiens post Taurunum, ex Ptolemæi dispositione, quam sequimur: licet posteriores quidam Pannoniæ fines protulerint longius. Itinere enim Hierosolymitano, siue Burdigalensi, post

post Singidunum adscriptum est: *Finis Pannoniæ & Mysiæ*. Græci plerique scribunt *Μυσία*, *Mysia*, quod & nomen regionis in Asia est. Idcirco etiam Dio Cassius lib. XLIX p. 413 discriminis causa dicit, ἡ ἐν τῇ Εὐρώπῃ Μυσία, *Mysia Europæa*. Raro Latini Græcos imitantur. Inscriptio 9 pag. 446 apud Gruterum, LEG. LEG. VII CL. IN MYS. INFERIOR. Et alia apud eundem pag. 521 num. 7 NAT. MYSTIA SUPERIORI. Et Cod. Theod. Lege vn. de lufor. Danub. in *Mysiacolimite*: ac Lege III de milit. veste, *Scythia & Mysia*, id est Mæsia Secunda, Latino more *y* in *u* mutato. Ovidius quoque lib. IV Pont. epist. IX vers. 77 *Mysas* dixit Mæfos:

Hic tenuit Mysas gentes in pace fideli.

Alibi semper Latino ore est *Mæsia*, * diphthongo sonans, qua a *Mysia* Asiæ distinguatur. Sic etiam pluribus in lapidibus est apud Gruterum p. 448 n. 3 IN MOESIA: & pag. 453 LEGAT. PROPRAET. MOESIAE; & aliis multis locis. Populus sunt *Mæsi*. Tacitus lib. XV cap. VI *quinta legio recens e Mæsis excita erat*. Et Eutropius lib. V cap. IV *Dalmatas & Mæsos vicit*. Græce *Μυσοί*. Herodianus lib. III cap. X τὰ ἐν Μυσοῖς καὶ Παίοσι στρατόπεδα. Inde *Mæsicus* & *Mæsiacus*. Plinius lib. IV cap. I *Mæsiæ gentes*. Tacitus III Hist. cap. II *Mæsici exercitus*: & mox, *ala Mæsica*. Idem Hist. II cap. XXXII *Mæsiæ copiae*. Et Suetonius Vesp. cap. VI *Mæsiaci exercitus bina millia missa auxilio Othoni*. Et Græco more Lege vn. de lufor. Danubii, vt modo diximus, *limes Mysiacus*.

XXXV.

Plinius lib. III cap. XXVI Mæsiæ longitudinem, fines, populos & flumina ita descripsit: *Pannoniæ iungitur prouincia, quæ Mæsia adpellatur, ad Pontum vsque cum Danubio decurrens. Incipit a confluente [Sau] supra dicto. In ea Dardani, Celegeri, Triballi, Timachi, Mæsi, Thraces, Pontoque contermini Scythæ. Flumina clara: e Dardanis Margis, Pingus, Timachus: ex Rhodope Oescus: ex Hæmo Utus, Escamus, Ieterus. Fines ergo a Danubii & Sau confluentibus, vbi Taurunum est, vsque ostia Danubii & Pontum Euxinum deducit, vt semper Danubius a tergo sit: ab austro Dalmatici montes, & longissimo tractu Hæmus, ** quo a Macedonia & Thracia separatur.*

XXXVI.

Quod ad populos attinet, noti plurimi, præter *Celegeros*, vel ex nomine, vel situ quem illis Ptolemæus dat, qui plures addit, *Tricornesios*, *Picensios*, *Troglodytas*, *Peucinos*, & alios obscuros: quibus nos addimus *Scordiscos*. Ex his

* Hæc diphthongus a pronuntiatione litteræ *u* nihil differt, si Lipsum audias de Pronunc. Latin. Lingu.

** Dio Cassius libro LI. extrem. Τὸ μὲν πάλαι Μυσοί τε καὶ Γέται πᾶσαν τὴν μεταξὺ τῆ τε Αἰῶν καὶ τῆ Ἰστρου ἔσαν ἐνέμοντο· προϊόντος δὲ τῆ χρόνῃ καὶ ἐς ἄλλα τινὲς αὐτῶν ὀνόματα μετέβαλον, καὶ μετὰ ταῦτα ἐστὶ τῆς Μυσίας ὄνομα πάντῃ ὅσα ὁ Σάυος εἰς τὸν Ἰστρὸν ἐμβάλλων ὑπὲρ τε τῆς Δαλματίας καὶ ὑπὲρ τῆς Μακεδονίας τῆς τε Θράκης ἀπὸ τῆς Παννονίας ἀφορίζῃ συγκεχώρηκε. Καὶ ἐστὶν ἐν αὐτοῖς ἄλλα τε ἔθνη πολλὰ καὶ οἱ Τριβαλλοὶ ποτε προσαγορευθέντες, οἷτε Δαρδάνιοι καὶ νῦν ἔτι καλεῖται. Olim *Mysi* & *Getae* omnem *Hæmo* & *Istro* interiectam terram incolabant. Sed sensim eorum quidam alia sortiti sunt nomina. Posteaque *Mysia* nomen cum omnibus regionibus, quæ *Sauus* in *Istrum* incurrens super *Dalmatiam* & *Macedoniam* & *Thraciam* a *Pannonia* seiungit, communicari cœpit. Atque in iis cum aliæ gentes, tum qui aliquando *Triballi* appellati sunt & *Dardanii* etiamnum sic nominati.

his *Tricornesios* ponit πρὸς Δαλματία, *Dalmatiam* versus, scilicet maxime occidentales, ab oppido *Tricornio*, quod post Singidunum est, denominatos: *Picensii* autem sunt *Pincensii*, ab oppido *Pinco*, & fluuio *Pingo*, vt Plinius vocauit, dicti. Hi ergo excipiunt *Tricornesios*. *Mæsi* autem proprii, Ptolemæo *Myssi*, sunt πρὸς τῷ Κιάβρω ποταμῷ, ad *Ciabrum flumen*, vltimi in Superiori prouincia: quibus in austrum πρὸς τῇ Μακεδονία. *Macedoniam* usque, adiacebant *Dardani*, qui a Dardanis in Troade videntur originem traxisse, sicut proprii *Mæsi* a Mysis citerioris Asiæ; vnde etiam constanter a Græcis *Myssi*, Μυσαί, adpellantur. Inter Dardanos autem & Dalmatas *Scordisci** erant, vti ex Liuii lib. XL cap. LVII constat. Dardanis enim dicit per *Scordiscos* iter esse ad mare Adriaticum Italianque. Hinc vagata ad extrema Pannoniæ πρὸς ἑω, ab ortu, & in ipsa Pannonia aliquando iuxta Danubium, & aliis locis, confederunt, quod Strabo lib. VII pag. 219 tradit. Vaga enim gens fuit, a Gallis oriunda, vt Liuius prodidit epitoma LXIII. Adde Iustinum lib. XXXII cap. III. *Timachi* iuxta *Timachum* fluuium, qui etiam *Timacus* dicitur, sicut oppidum, quod propter ipsum forsan fuit, Ptolemæus Τίμακον, *Timacum* dixit.

XXXVII.

*Triballi*** post *Ciabrum* coluerunt, τὰ δυσμικά, occidentalia *Mœsiæ* Inferioris tenentes. *Peucini*, a *Peuce* insula Danubiana dicti, κατέχουσι τὰ νότια, *Istri* ostia tenebant: infra quos, *Thraciam* versus *Troglydæ* Ptolemæi erant: *Thraces* vero *Mæsi*, quos Plinius dixit, haud dubie ex *Thracia* profecti, loca videntur patriæ proxima occupasse. Ceteros obscuros Ptolemæi, quos πρὸς τῷ Πόντῳ, iuxta *Pontum* locat, vt *Crobyzos*, *Oetensios*, *Obulensios*, & qui hos interiacent, *Deminsios* & *Piarensios* prætermittimus. *Scythæ* Plinii in *Mœsia* sunt *Getae*, ab Ouidio in Ponticis descripti, qui inter illos exfulabat. a quibus extrema illa prouinciæ Inferioris pars medio æuo fuit *Scythia* dicta, & prouinciis *Thraciæ* adnumerata, vti ex Sexti Rufi cap. IX clarum est. Ipsi autem *Scythæ* *Mœsiaci* ex *Scythia* Transdanubiana orti sunt: & sub iis obscura Ptolemæi nomina maiorem partem credo latuisse.

XXXVIII.

Primus fluuiorum Plinii *Margis* est, siue *Margus*, a quo oppidum *Margum* vel *Margus* nomen habet, & iuxta *Tricornium* exit in Danubium, idcoque idem videtur esse qui *Moschius* est Ptolemæi: *Timachus*, siue *Timacus*, de quo ad oppidum cognomine plenius infra dicemus, a Drino, cui miscetur, in Danubium defertur. *Pingus* siue *Pincus* cum aliis mixtus, est ille, qui hodie *Moraua* adpellatur. *Ciabrus* diuidit Superiorem *Mœsiam* ab Inferiore, a Ptolemæo Κιάβρος; aliquando Κιάμβρος adpellatus. *Oescus* videtur Danubio ad oppidum *Oescum* adfundi, nunc *Ischa* dictus; & *Vius* ad oppidum *Vtum*. Vltiores sunt incerti.

XXXIX.

* Hi sunt fortassis κορδισαί illi quos memorat Athénæus lib. VI pag. 234, A, quosque aurum contemnisse ait.

** In horum terris *Dardani* confedisse videntur, qui deinde *Triballorum* nomen obscurarunt. Vide infra locum LI pag. 527, 528.

XXXIX.

Mœsia per Ciabrum fluuium diuisa fuit in *Superiorem* & *Inferiorem*, vt auctor Ptolemæus est. Superior habuit populos Tricornesios, Pincensios, Dardanos, Scordiscos, Timachos Plinii, & Mœsos proprios: ceteræ gentes sunt Inferioris. Quam antiqua sit diuisio, mihi non liquet. Plinius & Tacitus de Mœsia loquuntur vt vna prouincia. Illius verba supra cognovimus ex lib. iii cap. xxvi: hic annali cap. lxxx *prorogatur Poppæo Sabino prouincia Mœsia*. Et lib. ii cap. lxvi *proprætor Mœsiæ*. Inscriptio vetus, sub Vespasiano facta, apud Gruterum pag. 453 MOESIAE PRAEFVIT. Spartianus de Hadriano quidem cap. ii dixit: *post hoc in Inferiorem Mœsiam translatus extremis iam Domitiani temporibus*: verum non dicitur in eam præses missus, sed tantum vt miles & tribunus, vbi primum de imperio augurium ceperit, cuius locum ita sui temporis consuetudine Spartianus designat. Inscriptio sub Antonino Pio, post Hadrianum facta (nam *Diuus* in ea vocatur) *Superioris* meminit, apud Gruterum p. 493 num. i LEG. AVG. PR. PR. PROVINC. MOESIAE SVPER. & alia sub Seuerop pag. 407 num. i LEG. AVG. PR. PR. PROVINC. PANN. ET MOESIAE SVP. Et lapis Tiburtinus, cuius ætas autem non constat, apud eundem p. 49 num. 6 LEG. AVG. PR. PR. PROVINCIAE MOESIAE INFER. Sed iam tum sub Hadriano diuisam prouinciam fuisse, ex Suetonii verbis Vitell. cap. xv clarum est: *Octauo imperii mense descuerunt ab eo exercitus Mœsiarum atque Pannoniæ*. Ex superiore ætate nondum inuenimus, quod certo possimus dicere. Mansit diuisio inlibata vsque ad Aurelianum, qui, vt Eutropius lib. ix cap. ix tradit, subtraxit partem, præsertim Superiori, vt Daciam suam, quæ cis Danubium est, constitueret: & vsque Constantinum, qui prouinciam Scythiam abstulit Inferiori, relictis vocabulis veteribus. Nam & Rufus cap. ix *Inferiorem* Mœsiam, etiam curtatam illam adpellat: & Ammianus lib. xvi cap. xviii de Constantio: *nuntiis terrebat, indicantibus Sarmatas Superiorem Mœsiam & Secundam populari Pannoniam*. Sero Mœsia in *Primam* & *Secundam* diuisa fuit, quæ nomina in Notitia Imperii Occidentalis leguntur. Sed de his in Geographia medii æui agemus.

MOESIA SUPERIOR.

XL.

Limitem supra vidimus, quem constituimus a Sauo & Danubii confluentibus cum Plinio, aut paullo ultra; vsque ad Ciabrum fluuium. Populos etiam nominauimus, in quibus & *Dardani* erant, vt sic *Dardania* quoque pars Mœsiæ fuerit Superioris. Oppida primum in ripa explicamus: postea quæ in mediterraneis sunt.

XLI.

Post confluentem & Taurunum, qui finis erat Pannoniæ, primum oppidum Superioris Mœsiæ *Singidunum* est, vt Latini scribunt, Antoninus itinere ab Vrbe in orientem; & auctor Itinerarii Hierosolymitani siue Burdigalensis: item qui Tabulam confecit Theodosianam, & qui Notitiam Im-

perii sub duce Mœsiæ Primæ; nec non Iornandes de Reb. Get. cap. LV ed. Lindenbrogii; at Grot. *Singidunum*, & Aurelius Victor in epitoma de Iouiani patre, *incola agri Singidonensis prouinciæ Pannoniæ*. Pannoniæ tribuit vel propter vicinitatem, vel quia vere quidam post Singidunum limitem constituerunt, vt supra ex Itinerario Hierosolymitano diximus. Græci non vno modo scribunt. Ptolemæus *Σιγγιδων*; Procopius de Aedific. lib. iv cap. v *Σιγγιδων* & *πόλις Σιγγιδωνος*: Theophylactus Simocatta lib. i cap. i *Σιγγιδων*, quod etiam in Excerptis Photii, Cod. LXV ita reperitur. Philostorgius lib. iv cap. x *Σεγγιδων*, *Sengidon*; *ἐν Σεγγιδόνι τῆς Μεσσίας*, in Mæsiæ vrbe *Sengidone*. Ibi Constantium post Sirmienſe concilium ait constituisse: quo tempore ab illo lex XXVII Cod. Theod. de Adpellationibus, data est *Kal. Iul. Singiduno*. Antoninus adscripsit, *castra* habuisse: Notitia Imperii, *præfecturam legionis quartæ Flauiae* dat. Quod oppidum hodie sit, aut quo loco, non plane constat, quia Itinerarii Antoniniani numerus M. P. IIII breuitate suspectus est: nec Tabula Peutingeriana lucem adfert, quæ Taurunum ponit cis confluentes III millibus: inter Confluentes autem & Singidunum loco numeri habet syllabam *co*. Alii ergo Senderouiam interpretantur, XXI III millibus a Tauruno distantem; alii longius remouent. In tam incerto opinionum accedimus viro summo Lucæ Holstenio, qui ad Ortelium adnotauit: *Procop. iv Aedific. Σιγγιδων scribitur, sed adnexa sequenti particula ἐν, legendum Σιγγιδωνον. nunc Zenderin, sedes non ita pridem Despotæ Seruiæ, paullo sub Tauruno.*

XLII.

Post Singidunum in Tabula spatium XIIII M. P. *Tricornium* est: Itinerario Hierosolymitano XII, quo *Tricornia castra* dicuntur: Ptolemæo *Τρικόνιον*: in Notitia Imperii *Cuneus equitum sagittariorum Tricornio*. Quod vero Ptolemæus dicit, *παρ' ἣν ἐκτρέπεται Μόχιος ποταμός, iuxta quam* [urbem Tricornium] *diuertitur flumen Moschium*, non intelligo, nisi *ἐκχέεται, effunditur* vel legas vel explices. Scribit enim ripæ oppida, apud quæ effusiones sunt fluminum; non flexus & diuerticula. Aiunt Golumbatz hodie dici quod in eius loco est: post quod paruo interuallo exoneratur fluuius, qui videtur *Moschius* Ptolemæi, & forsan etiam Margis Plinii, nisi alter alterum exceptum defert in Danubium. Tunc Tabula Peutingeriana post XI milia passuum a Tricornio habet *Montem Aureum*, oppidum in ripa, nomen Monte Aureo trahens, quem Probus vitibus conseuit, vt Eutropius lib. ix cap. xi refert: ad cuius radices hoc eiusdem nominis oppidum sic iuxta Danubium situm fuit, vt in Norici & Pannoniæ confinio Cetium sub monte Cetio. Antoninus XXIIII M. P. a Singiduno reducit. Notitia Imperii sub duce Mœsiæ Primæ, *Cuneus equitum Dalmatarum Aureo Monte*. Abhinc rursus XIIII millibus est in Tabula *Margum* flumen, oblique ab occasu adlabens, vt Danubio infundatur: a quo amne x millibus in eadem Tabula abest *Viminacium*, celebratum oppidum tam in Notitia Imperii, qui non solum *Præfectum classis Istricæ*, verum etiam *Cuneum equitum promotorum*; quam in vtroque Itinerario Antonini & Hierosolymitano. Eutropius lib. ix cap.

XIII in Diocletiano: *Carinum apud Margum ingenti prælio vicit inter Viminacium & Aureum Montem.* Ptolemæus οὐμινάκιον, qui λεγιών, *legio*, adscripsit, quod ingens præsidium & castra legionis integræ arguit. Procopio & Simocattæ dictis locis Βιμινάκιον, illi laudatur πόλις ἀρχαία *vrbs antiqua*; huic πόλις λαμπρά, *vrbs magnifica*. Fuit enim colonia Romana. In ruinis Vlpia Traianæ inscriptio reperta, apud Gruter. p. 371 n. 5

AVRELIO CONSTANCIO EQ. R

DEC. COL. VIMIN

A Viminacio quod *Margum* oppidum (iuxta quod Carinus victus est, & cui *Tabula Margense auxilium* imponit) tantummodo x millibus passuum, Aureum Montem versus, in Hierosolymitano Itinerario distant, quantum spatium Tabulæ a flumine est Viminacium; sequitur, vt vel aliud *Margum* sit Antonini, itinere ab Vrbe in orientem, quod vero vix credibile: vel numeri eius sint admodum corrupti, quippe inter Montem illum & Viminacium, numerat LXXVI M. P. Tabula tantum XXIII.

XLIII.

Heic itinera, quæ sequuti sumus, tam Antonini ab Vrbe, quam Hierosolymitanum, ab ripa in mediterranea Naissum deflectunt: ripam autem ab alio Antonini, a Viminacio Nicomediam per ripam, & ex Tabula Theodosiana, Ptolemæo item, & Procopio lib. iv de Aedific. cap. vi prosequemur. Sed magnæ nos difficultates circumstant, quod nec hodie quisquam, quod sciamus, Bulgariam ripensem diligentius delineauit, neque fluminibus, quod summe necessarium erat, distinxit ita, vt cum Ptolemæo ac Theodosiano geographo conueniat, iisque commode applicari possit: neque ipsi veteres inter se magnopere consentiunt. Ptolemæus enim Dorticum & Ratiariam cis Ciabrum posuit, qui annis, si is est, quem Abr. Ortelius, quem Sigismundus a Bircken, quem alii significarunt, cui flumen, Sofiam urbem præterlabens, confunditur, & post Dacici Alatæ confluentes Danubio miscetur; numeri Theodosianæ Tabulæ & Dorticon & Ratiariam excludent a prouincia Superiori, quemadmodum etiam Procopius duo illa loca in ortum longe vltra Pontem Traiani remouit: neque pons ipse satis notus est, ab aliis citerior factus, multis prope ad Alutæ & Danubii confluentem reductus, quibus non solum Procopius, verum etiam res ipsa consentire videtur, quod probabilius est, pontem in medietatem fluminis, quod prouinciam præterlabitur, constitutum ita fuisse, vt recta per eum ad Dacorum Augustam, siue Vlpiam Traianam iretur. Impeditissimum ergo hoc iter est, ex quo non facile se quisquam extricabit. Accedit, quod in Theodosiana Peutingerorum Tabula, post Ratiariam, quod raro fit, fluuius designatus est, qui si est Ciabrus Ptolemæi, alia multo facies vtriusque prouinciæ prodibit. Nos quem sequamur incerti, singulorum rationem habebimus, aut plurium rationes distincte referemus.

XLIV.

In Tabula Peutingeriana post Viminacium per x millia passuum *Lederata* sequitur, in Notitia Imperii *Ledenata* corrupte; quam *Turrim Litera-*

ram ab Romanis Latine vocatam, vulgo autem Λεδεράτα, Procopius tradit lib. iv Aedif. cap. vi: vere, an per adlusionem, non dicimus. at hic *Cuppas* & *Nouas* interponit, & Νεῶν καταντικρὺ ἐν τῇ ἀντιπέρας ἡπείρῳ, *contra Nouas in opposita continente* suam *Literatam* constituit, quasi trans Danubium in Daciæ ora positam. Credimus Procopio, quia Antoninus Lederatam posthabuit, & a Viminacio Cuppas idem spatium seruat, quod auctor Tabulæ, vt Turris sic in sinistram ripam remoueatur. A Tabulæ enim Lederata per xxiiii millia, prætermisso *Punico*, quod interiacet, ad vicum *Cuppas* venimus, sicut in Antonini Itinerario a Viminacio Cuppas, itidem xxiiii m. p. Scriptum in Tabula *Vico Cuppe*, etiam in Antonino Aldi, *Cuppe*: sed *Cuppis* sexto casu est in Notitia Imperii, vbi sub duce Mœsiæ Primæ *Cuneus equitum Dalmatarum* est *Cuppis*: item *Auxilium Cuppense* ibidem. Procopius κέπας dixit. Hunc locum in Tabula post xii m. p. excipitalius, cui nomen est *Ad Nouas*. In Notitia *Auxiliares Nouenses ad Nouas*: item *Præfectura militum exploratorum Nouis*. Vtroque ergo modo dixerunt *Ad Nouas*, & *Nouæ*, sicut Procopius Νεῶν, & Antoninus Aldi & Schotti *Nouas*: sed numeri suspecti sunt, & haud dubie commutati cum numeris versus sequentis.

XLV.

A Nouis Tabula post xxv passuum millia oppidum cum vrbis insignibus habet, cui nomen *Faliatis*: Antonini Itinerario *Talia*: plenius Notitia Imperii *Taliata*. Ergo in Tabula etiam *Taliatis* legendum est. Forte idem locus est qui a Ptolemæo Τανάτις, *Tanatis*: a Procopio Τανάτας, *Tanatas* adpellatur. Ille enim inter Viminacium & Eteta ponit; hic in castellis, quæ ultra Nouas existunt: vocabula autem non multum dissonant. Inde per xxi m. p. Itinerarium Antonini fert *Aegetam*, quæ Aldina editione *Age-ta* est, Tabulæ *Egeta*, & si quid sentio, Ptolemæi Ἐτῆτα, *Eteta*. Tabula tamen alia loca interiecta habet, vt maior fiat distantia, quam in Itinerario est.

XLVI.

Quæ ad *Ratiariam* vsque, Ptolemæi vltimum locum Superioris provinciae, sequuntur in itinere a Viminacio Nicomediam per ripam, hæc sunt:

Aegeta

Aquas

M. P. XVI

Dorticon

M. P. X

Bononiam

M. P. XVII

Ratiariam, Leg. xiiii Gem.

M. P. XVIII

XLVII.

Oppidum *Aquæ*, quod proximum Antoninus post *Aegetam* ponit, in Tabula est *Ad aquas*; Αἰγες Procopio, qui proxime post Pontem Traiani posuit. Episcopale fuit postea, quod ex Notitia Ecclesiæ, & subscriptionibus Concilii Chalcedonensis constat. Ab Aquis x millibus passuum *Dorticon* abest; in Tabula xxiiii: a Dortico *Ratiaria* xxv in Itinerario; at in Tabula xli. Tantum discrimen est distantiarum. Ab *Ratiaria* in eadem Tabula *Remedodiam* sunt xii m. p. & hinc ad *Almum* iuxta amnem, qui ibi Danubio adfunditur, iiii millia.

XLVIII.

XLVIII.

De *Dortico* nihil habemus dicere, quam quod a Ptolemæo, Antonino, auctore Tabulæ Theodosianæ, & Procopio, qui *Φόρτιον*, *castellum*, dicto loco vocat, commemoretur. Nobilior *Ratiaria*, vt Antoninus, Notitia Imperii sub duce Daciæ Riparenfis, & Procopius vocant. In Tabula Peutingerorum vocabuli exitus siue finis suspectus est, *Ratiaris* sexto casu: in Ptolemæo initium, diphthongus videlicet, *Ρατιαρία*, *Ratiaria*, contra quam quatuor dicti auctores consentiunt. Accedit vetus marmor Romanum, Gru-teri pag. 521 num. 7, NAT. MYSIA SUPERIORI REG. RATIARESE VICO CINISCO. *Ratiarese*, pro *Ratiarense*, lapsu marmorarii. Confirmat hæc inscriptio Ptolemæi dispositionem, qua *Ratiaria* Superioris fuit Mœsiæ & citra Ciabrum fluuium sita. Legionem XIII Geminam ibi statua habuisse, supra ex Antonini Itinerario intelleximus. At in Notitia Imperii sub duce Riparenfis Daciæ est *Præfectura legionis tertiæ decimæ Geminæ Ratiariæ*. Non iudicaueris facile, qui verior numerus sit, quum vtraque *Gemina* antiquis inscriptionibus cognominetur. *Ratiariam Arezar* hodie Bulgaris dici, Lucas Holstenius obseruauit. Addidimus ex Tabula spatium XVI millium passuum, in quo *Remedodia* & *Almun* sunt, si quis fortasse eiusdem Peutingerianæ delineatum flumen pro limitaneo, id est Ciabro, velit habere. Procopius his addit *Caput bouis*, Traiani opus: & *Zanes*, *πολίχνιον παλαιόν*, *vetus oppidulum*, prope Pontem Traiani.

XLIX.

Ipse Pons Danubii, mirandum Traiani opus, a Dione Cassio descriptus fuit, ex quo hæc Xiphilinus excerpfit, quæ Latine, breuitatis causa, proferemus: *Traianus pontem lapideum in Danubio fecit, quem ego digne admirari nequeo. nam etsi Traiani sunt alia opera magnifica, tamen is pons longe omnibus antecellit. Eius pontis pilæ sunt XX ex lapide quadrato, (κηπίδες λίθες τετραπύδες) altitudine pedum CL præter fundamenta; latitudine pedum LX. Distant inter se intervallo CLXX pedum, suntque fornicibus (ἀψίδι) coniunctæ. Cuius operis sumptus licet sit incredibilis; tamen plus admirationis habet, quod hæc in fluuiio, gurgitibus pleno, limosoque alueo facta sunt, quodque fluxus eius fluminis alio auerti non potuit, (περιτρέψαι τὸ ρεῦμα ἡδυνήθη.) Et enim factus pons fuit, vbi flumen est στενέτατον, angustissimum, & propterea ῥαπιδέστατον καὶ βαθύτατον, rapidissimum altissimumque. Procopius lib. IV de Aedific. cap. VI addit rationem, cur Traianus tantum opus molitus fuerit, scilicet ægre tulisse, ὅτι ἐκ ἀπέραντος αὐτῷ ἡ βασιλεία ἔην, ἀλλὰ ποταμῷ Ἰστροῦ ὁρίζεται, quod non interminatum haberet imperium, sed Istro finitum, hoc est non continuum, sed maximo amne diremtum, impeditumque ita, vt ex vna parte alteri non possit facile subuenire. Addit quoque architecti nomen, *Apollodori Damasceni*: item, vtrumque pontem castellis muniuisse, quorum alterum, quod in Mœsia erat, *Pontes*, alterum *Theodora* vocatum fuerit.*

L.

Tam mirabile opus inuidia successoris Hadriani destruxit. nam vt

Dio ait, ἀφείλε τὴν ἐπιπολὴν κατασκευὴν, *deiecit superiorem structuram*, vt solæ pilæ relinquerentur, quod barbari facile irrumpere possent, caussatus: sed vera causa suberat, quod Traiani gloriæ invidit, quam quum superare desperaret, maluit eius magnitudini detrahere. Procopius addit, rudibus impeditum flumen, mutasse cursum, subindeque (ἀνθρ.) alueum repetiisse; vt nauigia non impedita deueherentur.

L I.

Locus Pontis incertus est & maxime dubitatus. Vulgo aiunt rudera ad Seuerinum oppidum exstare: sed vereor, ne decepti a Paulo Iouio fuerint; ipse vero a rumore vel fabula: quod etiam Lipsius de Iouio censet lib. III Magnitud. Rom. cap. XIII. Quis enim credet, ipsius ætate pilas, vt ait, *triginta sex exstitisse*, quum Dio, Dalmatiæ ac Pannoniæ præses, sicque nec vicinæ Mœsiæ imperitus, xx tantummodo fuisse tradat; & Procopius, Iustiniani æuo, nihil nisi ἐρείπια καὶ θεμελίους, *rudera & fundamenta* commemoret? Nec de Seuerini oppido idem omnes iudicant, quod in Seruia alii longe supra Morauam collocant; alii prope Alutæ confluentem in Bulgaria. Quo fit vt disiunctissimis locis pontem eundem in diuersis chartis poni videamus. Quum ergo ab recentibus nihil sit subsidii, ex antiquitate repetendum est. Procopius, sæpe dicto loco, *Pontem Traiani* longe infra Viminacium (quod Widin putatur esse) & post Cuppas ac Nouas recenset. Ergo falsi sunt, qui supra Viminacium, seu media via inter id ac Taurunum ponunt. Deinde idem Ἀκὤες, *Aquas*, siue *Ad aquas*, dicit oppidum ἐγγὺς καίμενον, *propinque situm*, μετὰ τὴν Πόντην, *post Pontem*, & inde, præter nonnulla castella, ad Bononiām & Ratiariam ducit, quo cursu ad alteram de vltiore Seuerino sententiam acceditur propius, non autem id plane confirmatur, sed inter Aegetam & Aquas *Pons Traiani* statuitur.

L II.

Mediterranea Mœsiæ Superioris a Tauruno ad Viminacium parum nota sunt: a Viminacio autem iter Antonini, ab Vrbe in orientem directum, ita Naissum & Serdicam ducit, vt per Thraciam ferat Byzantium. Quem cursum etiam Itinerarium Hierosolymitanum tenet, pluribus autem locis & oppidis, sed plerisque obscurioribus, vel explicatum vel interpolatum. Antonini hic ordo est.

<i>Viminacio</i>			
<i>Municipium</i>	M.	P.	XVIII
<i>Idium</i>	M.	P.	XXVII
<i>Horrea Margi</i>	M.	P.	XXI
<i>Pompeios</i>	M.	P.	XXIII
<i>Kemifiana</i>	M.	P.	XXV
<i>Turrim</i>	M.	P.	XXVIII
<i>Meldia</i>	M.	P.	XXX
<i>Serdicam</i>	M.	P.	XXXIII

Quod *Municipium* dicitur oppidum, ita etiam, eademque distantia, vocatur in Hierosolymitano & in Peutingerorum Tabula. Quod sequitur *Idium* sic

sic scribitur etiam in Tabula, ex quibus corrigendum Hierosolymitanum est Itinerarium, quo prae *Idomum* expressum est. *Horrea Margi* ab Idimo in Tabula sunt xii tantum millibus ab Idimo, quod numerum Antonini suspectum reddit, quasi x alterum pro i irrepserit. In Hierosolymitano est xvii m.p. ab Idimo, *Oromago*, quod non dubito, quin ex *Horreo Martis* deprauatum sit. nam *Orrea* Ptolemæi & *Horrea* Antonini pari intervallo distant a Naïssō, quæ sequitur. Ptolemæus autem simpliciter ὄρρεα, *Orrea* vocat. Cognomentum *Margi* haud dubie a fluuio *Margo* vel *Margi* est, qui videtur adluisse. oblique enim Mœsiam percurrit. Inde ducit Antoninus *Pompeios*, qui in Hierosolymitano *Ipompeii* corrupte: in Tabula Peutingeriana *Præsidium Pompeii* sunt.

LIII.

Hinc itur *Naïssum*, nobilem ciuitatem, & vt Excerpta anonymi de Vita Constantini M. tradunt, huius imperatoris patriam. quod inde fit probabilius, quia is sæpe ibi constitit, & multas in ea vrbe leges tulit, vt i Cod. Theod. de alimentis: lex ii de integri restitutione: lex vn. de centonariis, & eiusdem codicis aliæ. An etiam Iuliani lex I. Cod. Th. de proximis com. dispositionum, huc referenda sit, quæ accepta dicitur *Naïsis*, dubitat non nihil Iacobus Gothofredus: quem Lucas Holstenius confirmare possit, qui in veteri nummo Romæ vidit NAISITANI; indeque verum vrbis vocabulum fuisse *Naïsus*, simplici sibilo persuasum it, vsus ad illud & Stephani chorographi testimonio, Ναῖσος scribentis. Verum Abr. Berkelius, V.C. obseruauit, in omnibus libris antiquis legi geminata littera Ναῖσος: at Zosimus indiscriminatim lib. i cap. xl v, Ναῖσος scripsit, & lib. iii cap. xi Ναῖσον: ac Tabula Theodosiana *Naïssus*. Ptolemæi Νέσος Dardaniæ, eruditus viris, vt fiat Ναῖτος vel Ναῖσος, videtur emendandum esse. Ammianus Marcellinus *Næssus* scripsit, nisi error est describentium, qui ai, vt solet nonnunquam antiquis monumentis, pro diphthongo habuerunt. Lib. xxi cap. xviii [Vales. x] de Iuliano: *Imperator reuertitur Næssum, copiosum oppidum.* Et cap. seq. *Iulianus agens tunc apud Næssum.* Zosimus autem in eadem historia lib. iii cap. xi καταλαβὼν τὴν Ναῖσον, *quum Naïsum peruenisset.* Et mox, ὄντι κατὰ τὴν Ναῖσον, *quum apud Naïsum hæreret.* De situ & regione variant auctores. Stephanus Byzantius, Ναῖττος πόλις Θράκης *Naïssus vrbs Thraciæ*, quod Berkelius ex confinii ratione excusat: Valesius in Ammian. xxi cap. x Δακίας legendum putat, quia incluta Daciæ mediterraneæ fuit. Iornandes Get. cap. lvi *Naïssum primam urbem inuadit Illyrici*, puta Illyrici magni, quo Mœsia continebatur. De patria Constantini consentiunt multi. Stephanus in Naïso: κτίσμα καὶ πατρίς Κωνσταντίνου τῆς βασιλείας, *opus & patria Constantini imperatoris.* O p v s, quia patriam suam ornauit & amplificauit. Excerpta anonymi de Constantino, a Valesio edita: *Constantinus natus in oppido Naïso atque educus.* Et Iulius Firmicus Mathes. lib. i cap. vlt. *Dominus & Augustus noster, Constantinus Maximus, apud Naïsum genitus.* Sic ex duobus mss. Valesius: vulgatum perperam *apud Tarsum.* Cedrenus pag. 221 de Constantio Chloro: ἐγέννησε Κωνσταντῖνον περὶ τὴν τῆς Δακίας πόλιν, *genuit*

genuit *Constantinum* apud *Daciæ urbem*, quasi excidisset nomen, aut propter dignitatem sic satis significaretur. Hodie, & nomine & loco suadente, est *Nissa*, vrbs non ignobilis in via, a *Tauruno* *Constantinopolim* ferente.

LIV.

Tribus millibus passuum a *Naïssō* fuit *Mediana*, villa regia siue prætorium, vbi etiam principes aliquando constiterunt. *Marcellinus* lib. xxvi cap. x *Concordissimi principes* [*Valentinianus & Valens*] *percursis Thraciis Naïssum* [*Naïssum*] *aduenerunt: vbi in suburbano, quod adpellatum Mediana, a ciuitate tertio lapide disparatur, quasi mox separandi, partiti sunt comites.* Heic data est lex viii Cod. *Theod.* de iure fisci, & lex xii de operibus publicis, quibus subscriptum est *Med.* quod alibi *Mediolanum*; his legibus locum hunc *Daciæ* siue *Mœsiæ antiquæ*, vt *Gothofredus* probauit, significat.

LV.

Post *Naïssum* *Antonini* itinere proxima *Remisiana*, *Hierocli* in *MS.* *Remessiana*; *Peuting. Tabula Romesiana*: & apud *Gennadium* de *Script. Eccl.* *Romatianæ ecclesiæ episcopus*; atque ita etiam in *Martyrologiis*: *Burdigalensi itinere Romanisiana*. *Holstenio* videtur esse *Piros* inter *Nissam* & *Sosiam*. Sequitur post xxviii in *Antonini Itinerario Turris*: at *Hierosolymitanum* habet *Turres* pluraliter; etiam *Tabula Theodosii*; & hæc quidem cum interuallo xxx m. p. quod cum *Antonino* prope conuenit: minus autem cum *Hierosolymitani Itinerarii* auctore, cui tantum xviii sunt siue bis ix: sed potest numerus excidisse. Atque hæc ex itineribus in *Superiore* *provincia*. Præterea in *mediterraneis* est *Timacum* inter *Naïssum* & *Ratiariam*. *Tabula Peutingerorum* duplex facit, *maius* & *minus*; sed proxime coniungit, a *Naïssō* xxvii m. p. vtrumque ponit. *Ptolemæus* *τίμακον* in oppidis *mediterraneis* recenset: *Plinius* flumen *Timachum* habet, quod, vt verosimile est, si oppidum præterlabitur, falsum est, quod quidam in *Pannoniam* remittunt, quasi *Drino* infusum, vt *Tabula Sigismundi* a *Birken* habet. A *Timaco* non longe absunt *Castra Martis*, oppidum & *παρὰ τὴν τῆς ποταμῆς ὀχθὴν*, extra ripam positum, vt *Procopius* dicit de *Aedific.* lib. iv cap. vi, cui *Καστράμαρτις*, *Castramartis* vocatur. *Sozomenus* lib. ix cap. v de barbarorum ad litrum sedentium quodam duce, καὶ Καστράμαρτις, πόλιν τῆς Μυσίας, προδοσίᾳ ἐλὼν, *Castra Martis*, urbem *Mœsiæ*, proditione cepit. Et *Marcellinus* lib. xxxi cap. xxxii (*Vales.* xi) *Gratianus* *Sirmium* introiit, & quatrIduo ibi moratus per idem flumen [*Danubium*] ad *Martis Castra* descendit. *Episcopus* eius urbis subscripsit *Concilio Sardicensi*. Vulgo *Stramartis* vocari, *Holstenius* auctor est.

LVI.

Hæc ripam versus exstiterunt: in austrum recedunt æque circa limitem vtriusque *Mœsiæ* *Vlpianum* & *Scupi*. *Procopius* lib. iv de *Aedific.* cap. i ἦν τις ἐν Δαρδάνοις ἐκ παλαιῆς πόλις, ἥπερ Ὀυλπιᾶνα ὠνόμαζο, *Erat vetus oppidum Dardaniæ*, quod *Vlpiana* dictum fuit. *Instaurator Iustinianus* vocauit *Iustinianam Secundam*. Et *Ptolemæus* in *Dardania* Ὀυλπιανὸν, *Vlpianum* recen-

cenſet. Locus incertior eſt. Cum vulgo Baudrandus Priſren interpretantur; Brietius Pyroth: alii longius in ortum reducant.

LVII.

Scupi autem, Ptolemæo eſt Σκῦπι, *Scupi*; Stephano Σκόπει, *Scopi*, niſi etiam Σκοῦποι legendum, vt iuſtus ordo alphabeti ſeruetur, quem neglectum eſſe in hoc vocabulo, Berkelius quoque obſeruauit. Dicit quidem πόλιν Θράκης, oppidum *Thraciæ*; ſed ea ratione, qua ſupra Naiffum adſcripſerat *Thraciæ*, quæ, quod nemo dubitat, *Mœſiæ* eſt. Trebellius Pollio epiſtola Claudii Gothici, in Regilliano, *qualis apud Scupos in pugnando fueris*. Data & *Scupis* lex eſt cxi Cod. Theod. de decurionibus. Paullinus Nolanus Carm. xvii ad Nicetam verſ. 195

*Ibis & Scupos patriæ propinquos
Dardanus hoſpes.*

Hodie *Scopia*, vulgo *Vſchup* adpellatur.

LVIII.

Addit Ptolemæus *Vellanim* (Græce οὐελλανίς eſt) in extremo limite iuxta Inferiorem *Mœſiam*, vbi Gothofredus contendit legem ii *Constantini de Veteranis*, Cod. Theod. datam eſſe, quia in mss. in ciuitate *Velanorum*, quod perperam vulgatum ſit *Velouacorum*, quaſi *Bellouacorum*, quia *Constantinus* illo anno in *Gallia* non fuerit. Addit idem *Vendenim* citeriorem etiam mediterraneam. Super eſt *Pincum* oppidum, haud dubie amni *Pingo*, vt *Plinius* dixit, impositum, qui vnus ex illis videtur eſſe, quos *Moraua* haurit. Notitia Imperii in *Mœſia Prima*: *Cuneus equitum Dalmatarum Pincō*, Andr. Morellius, vir clariffimus, Speciminis rei nummar. tab. xxii, nummum *Hadriani* oſtendit, inſcriptum AELIANA PINCENSIA, id eſt ludi, *Aelii Hadriani* honoribus *Pinci* in *Mœſia* editi, quum eam prouinciā luſtraret. nam in *Mœſiam* veniſſe, teſtantur eiſdem nummi alii, inſcripti ADVENTVI AVG. MOESIAE. Ab hac vrbe Πινκήνσιοι, *Pincenſii* Ptolemæo dicti ſunt, de quibus ſupra in populis.

LIX.

Haſtenus ſparſim de *Dardania*, *Mœſiæ Superioris* parte, * quæ vero quod ſæpe vt gens & prouincia ſingularis eſt memorata, pretium erit, vniuerſam *Dardaniā* breuiter in conſpectum dare. Ptolemæus ſub *Mœſia Superiore* in *Dardania* quatuor oppida enumerat, *Nefum*, Νέſον, quæ *Naiffus* eſt, vt ſupra oſtendimus; *Arribantium*; *Vlpianum*; & *Scupi*. Et totidem in *Eccleſiæ Notitia Caroli a S. Paulo* pag. 210 numerantur, *Scupi*, *Vlpianum*, *Diocletiana*, & *Neffyna*, quæ *Naiffus* eſt. De *Diocletiana* autem, etiam de *Taureſio* χωρίω, & *Bederiana* ſiue *Bederina* Φρερίω, quorum hoc natalibus, illud educationi *Iuſtiniani Procopius* lib. i v *Aedific. cap. i* tribuit, vtrumque

Nnn

εν

* Neque enim magnopere nos morari debent verba *Dionis* libr. li. pag. 527, 528. Βαſάρνα τον Ἰſτρον διακόντες τὴν τε Μυſίαν τὴν κατ' ἀντιπέρας σφῶν, καὶ μετὰ τὸ καὶ Τριβάλλας ὁμόρους αὐτῇ ὄντας, τὴς τε Δαρδάνιας ἐν τῇ χώρῃ τῇ ἐκείνων οἰκόντας ἐχρημάσαντο. *Bastarnæ Iſtro traieſto Myſiam ipſis oppoſitam & poſtea Triballes quoque ei ſinitimos, & Dardanos in eorum regione incolentes ſubegerunt.*

ἐν Δαρδάνοις τοῖς Εὐρωπαϊαῖς, in Dardenis Europæis positum; dispiciemus in Geographia medii ævi.

MOESIA INFERIOR.

LX.

Inferior Mœsia a Superiore inter Istrum & Hæmum montem vsque ad Pontum & illius ostia procurrit. Ripam Ptolemæus, auctor Tabulæ Theodosianæ, & Antoninus descripserunt, e quibus hæc, præteritis, ignobilioribus, collecta damus.

LXI.

Post Alnum quod vltimum erat in prouincia Superiore, Antoninus refert *Cebrium*, quod Ortelio videtur contractum ex *Ciabrum*, quasi ad flumen Ciabrum, vbi Danubio infertur, situm fuerit, quod non est improbabile. nam & *Ciabus* videtur κέβρος a Dione lib. LI pag. 461 dici, flumen Mœsiæ, vbi Mœsos & Bastarnas Crassus εἰς τὴν Μυσίδα ἐμβαλὼν, in Mœsiam irruens, persecutus est & profligauit. Scriptum quidem κέβρω, sed etiam Th. Reinesio iudice, πρὸς τῷ κέβρω τῷ ποταμῷ, iuxta *Cebrium flumen*, legendum est. Ciabus autem fluuius Ptolemæo communis vtriusque Mœsiæ terminus est. Et Procopius de Aedif. lib. IV cap. VI κέβρον oppidum vocat, eiusque ὀχυρώματα πεπονηκότα, ruinosas munitiones Iustiniani temporibus fuisse tradit, ideoque ab illo principe θαυμασίως, mirifice, instauratas. Ex quo coniicimus locum opportunum & munitione dignum fuisse, cuius generis præcipue sunt, quæ confluentibus magnorum fluminum adiacent: Idcirco etiam in Notitia Imperii sub duce Daciæ Ripensis *Cuneus equitum scutariorum*, & *Præfectura legionis v Macedonicæ Cebro* fuerunt.

LXII.

A Cebro per xviii m. p. venitur *Augustam*, ignotum a quo conditam, cuius vrbs ibidem Procopius μόνα εἰδάφη, sola rudera superuisse memorat, ἐν τοῖς ἀνω χρόνοις, priscis temporibus AVGVSTAE adpellatæ. Aldus *Augustis* casu sexto scripsit, quasi castra fuerint imperatoris: sed πέλιον, urbem nominavit Procopius, nec alibi eo vocabulo Romani, nisi in claris civitatibus, vsi sunt. *Variana* proxima in Itinerario post xii m. p. est: adscriptum Schotti editione caractere alio, quasi variet lectio, *Valeriana*: sed abest hoc additamentum ab Aldina. Etiam vrbes *Varianam* & *Valerianam* Procopius distinguit: coniungit tamen vt vicinas.

LXIII.

Vrbs *Nicopolis*, quæ hodieque superstat, in hunc tractum incidit, sita ad *Iatrum* fluuium, quod Iornandes in Geticis prodidit. De barbaro Mœsiam vastante agens cap. xviii, *Nicopolim*, inquit, accedit, quæ iuxta *Iatrum fluuium* est. Et quia ad ostium huius amnis sita est, qui ibi Danubio infertur; discriminis causâ *Nicopolis ad Danubium* vocatur, siue ad *Istrum*. Nummi Caracallæ & Diadumeniani ΝΙΚΟΠΟΛΙΤΩΝ ΠΡΟΣ ΙΣΤΡΩ; item Getæ & Gordiani, ΝΙΚΟΠΟΛΙΤΩΝ ΠΡΟΣ ΙΣΤΡΟΝ, *Nicopolitarum*
ad

ad Istrum. Ammianus Marcellinus lib. xxxi cap. xvi *Anchialos capta*, & tempore eodem *Nicopolis*, quam indicium victoriæ contra *Dacos* *Traianus* condidit imperator. Hanc vel *Daciæ* fuisse, vel *Mœsiæ*, vicinam tamen *Daciæ* & oppositam ad *Danubium*, verosimillimum est. *Thraciæ* enim *Nicopolis*, ubi *Anchialus* est, longius abest a victoriæ *Dacica*. Anton. Bonfinius *Rer. Vngar. Decad. iii lib. ii* geminam tradit *Nicopolin*, minorem trans *Danubium*, opus *Traiani*; & maiorem cis flumen, ab *Hadriano* additam, cetera ita connexas, ut solo flumine dirimantur. Prona hæc ad fidem sunt: an vero distinctius a veteri scriptore sit ita proditum, non habeo adfirmare. Mirum vero neque *Antoninum*, neque auctorem *Tabulæ* eius habuisse rationem.

LXIV.

Memorabilior *Oescus* est, sic *Antonino* scripta & in *Notitia Imperii*: *Ptolemæo* οἰσκός τριβαλλῶν, *Oescus Triballorum*, quia in *Triballorum* gente sita erat. *Procopio* de *Aedif. lib. iv cap. vi* ἰσκός, *Iscus*, quia a *Danubio* reduxit paullisper: in *Tabula Peutingeriana* *Escus*, flumini *Esko* adposita, qui forte *Plinii* lib. iii cap. xxvi *Escamus* amnis est. *Gruterus* p. 566 n. 9. NATVS MESIA INFERIORE DOMV ESCVM - - Fluvius *Escus*, siue *Oescus*, vestigia nominis sui in *Ischa* siue *Isca* reliquit.

LXV.

In eadem ripa sequuntur *Vtus* siue *Vtum*. Casu sexto enim *Antoninus Aldi* & *Imperii Notitia* in *Dacia Ripensi* *Vto* habent. Vnde vitium *Tabulæ Peutingerianæ* deprehendi & corrigi potest, qua *Vio* eadem distantia ab *Oesco* expressum est. *Plinii* fluvius *Vtus* hoc oppidum adluit, quod ad eius confluentem necesse est positum fuisse: deinde *Securisca* *Antonini*, & *Notitiæ* in *Mœsia Secunda*, qua *Cuneus equitum scutariorum* *Securiscæ* dicitur castra habuisse. Ex utriusque consensu iterum *Tabulam* emendamus, cuius *Securisca* est. Excipiunt *Nouæ* in *Itinerario* cum castris *Leg. i Ital.* quæ in *Tabula ad Novas* sunt, cum claræ urbis insignibus. *Notitia*, quod miror, *ad Novas* in *Dacia Ripensi* recenset, quæ vero superiorem *Securiscam* posuerat in *Mœsia Secunda*. *Ptolemæo* sunt etiam νοῦσαι, *Nouæ*. *Tabula* mox *Latrum* exhibet: *Notitia* *Mœsiæ Secundæ* *Cuneum equitum scutariorum* *Latris*. Quod sequitur *Trimammion* *Antonini* & *Notitiæ*; *Trimanium* *Tabulæ*; corrupte *Ptolemæus* dixit τριμάνιον. Male sanum est etiam vocabulum quod insequitur, *Antonini*, ut *Aldus* edidit, *Sexantapristis*; ut *Schottus*, *Exantapristin*: *Notitiæ*, *Sexagintapristæ*: *Tabulæ*, *Pristis*. Singula eo casu, quo leguntur, scripsi, ut de recto planius iudicetur. Tum *Tegræ* sunt *Tabulæ*: *Tegra* *Notitiæ*, cui *Cuneus equitum secundorum armigerorum* est *Tegræ*.

LXVI.

Appiaria *Antonini* & *Tabulæ*, & *Notitiæ* tam *Ecclesiæ* (nam episcopum habuit) quam *Imperii*. *Transmarisca* *Antonini* & *Notitiæ*; *Trasmarisca* *Tabulæ*; τρουάρισα *Ptolemæi*. *Candidiana* *Notitiæ* *Imperii* & *Itinerarii*; in *Tabula Nigriniana*, quod ex malo forsan euentu est. Hinc nomen Can-

didianum, Galerii filium accepisse, ibi vel natum vel educatum, coniectura Toinardi est in Lactantii de Mortib. Persl. cap. xx. Præterea *Teglicium* Antonini, quo *militēs Mæsiacos* imponit Notitia Imperii: & *Durostorum* Antonini, siue *Durostorum* Notitiæ, & Ptolemæi Δροστόρον; Tabulæ *Durosteron* cum insignibus vrbs nobilioris. Itinerario teste *Legio xi cl.* id est, vt Notitia explicat, *undecima Claudia* imposita fuit: etiam in Notitia, *Militēs quarti Constantiani*. Ptolemæum citauimus secundum Palatinum codicem: vulgati Δροστόρον præferunt: quam formam & Procopius tenet dicti libri cap. vii, cui ὀχυρώματα παρὰ τῇ Ἰστρίᾳ ἡ ὀνομα Δροστόλος καὶ Συκιδάδα, *munimenta ad Istri ripam sunt Dorostolus & Sucidaua*. Hæc *Sucidaua* Antonini, Tabulæ & Notitiæ, Ptolemæo quoque est Συκιδάδα, quæ proximam *Axiopolim* habet, Ptolemæi Ἀξιόπολιν, eaque in Itinerario & Tabula hunc locum obtinet. Ad hanc urbem Ptolemæus vult desinere *Danubii* nomen, incipere *Istri*, vt supra ostendimus in Fluminibus Germaniæ. Succedunt Antonini itinere *Capidaua*; Tab. Peut. *Calidaua*; sed prior scriptura verior, quia etiam Constantinus Porphyrogenetus lib. ii them. i καπιδάδα, *Capidaua* scripsit: & *Carson*, quod Ptolemæo etiam Κάρσον est, Tabulæ *Carsum*: item *Cion*, *Biroe*, *Trosmis*, vbi *Legio i Iouia* statua habuit; Tabulæ *Troesmis*, Ptolemæi Τροισμῖς. Ouidius tamen etiam *Trosmis*. Ex Ponto lib. iv epist. ix vers. 79 de Flacco præside:

*Hic captam Trosmin celeri virtute recepit,
Infecitque fero sanguine Danubium.*

Ergo Romanæ ditionis fuerat; a barbaris intercepta; a Flacco recuperata. Hæc posteriores principes, quum diuiderent prouincias, Mæsiam Secundam terminauerunt, reliquis Scythiæ adiudicatis.

LXVII.

Sunt autem, quæ vsque ad Istri ostia restant, perpauca numero: *Arrubium* in Tabula; in Itinerario *Arrubium*: & antiquum oppidum *Nouiodunum*, itidem Antonini & Tabulæ; Νεοδόουν Ptolemæo: *Nouidunum* Marcellino lib. xxvii cap. xi [Vales. cap. v] & *Nebiodunum* Lege i Cod. Theod. de vestibis oloueris, nisi *Nobiodunum* legendum est.

LXVIII.

Insequitur *Aegysus* Itinerarii, siue *Aegypsus*, vt in vulgatis Ouidii, siue *Aegissus* seu *Aegissus*, vt in mss. aliquot. Ouidius lib. i ex Ponto, epist. viii

*Stat vetus vrbs, ripæ vicina binominis Istri,
Mænibus & positu vix adeunda loci.*

*Caspus Aegissus (de se si credimus ipsis)
Condidit & proprio nomine dixit opus.*

Natura loci munita fuit: interceptam a Thracibus Romani recuperarunt. Eodem lib. iv epist. vii ad Vestalem præsidem:

*Non negat Aegissos, quæ te subeunte recepta
Sensit in ingenio nil opis esse loci.*

Veram scripturam *Aegissos* esse, confirmat etiam Porphyrogenetus lib. ii them. i cui in præfectura Mysiæ [post alia] sunt Ἀξιόπολις, Καπιδάδα, Κάρ-

Κάρπος, Τρώτρικς, Νεβιδόδενος, Ἀγίσσος, Αλμυρίς. Inter Aegifson & Istri ostia Antonini & Tabulæ Salsouia est: post xxiiii millia eiusdem Tabulæ *Ad stoma*, locus ad ostium, ubi primum Ister incipit diuidi.

LXIX.

Hæc etiam *Pons Darii* fuit olim, quo in Scythas exercitum traiecit. Ne-
pos Miltiade cap. iiii *Persarum* rex Darius Scythis bellum inferre decreuit. pon-
tem fecit in Istro flumine, qua copias traduceret. Locum pontis ita signauit
Herodotus lib. iv cap. lxxxix ὁ ναυτικὸς στρατὸς τὰς Κυανέας διεκπλάσας,
ἐπλεεῖ ἰθὺ τῆ Ἰστροῦ. ἀναπλάσας δὲ ἀνὰ τὸν ποταμὸν δυὼν ἡμερέων πλῆθος ἀπὸ Θα-
λάσσης, τῆ ποταμῷ τὸν αὐχένα, ἐκ τῆ χιζέται τὰ σώματα τῆ Ἰστροῦ, ἐξέυγνε. Na-
valis exercitus (quem Iones & Aeoles & Hellepontii ducebant) præterue-
rit *Cyaneas* [insulas,] recta ad Istrum nauigauit, subuectusque duorum dierum
itinere a mari, fauces fluminis, ubi in ostia scindi incipit, ponte iunxit. Darius
interea pedestrem exercitum per Thraciam duxit ad Istrum. Omnia hæc
sunt perspicua, etiam Straboni adprobata, qui lib. vii pag. 211 ab ostio Sacro
ait ἀνάπλυν, nauigationem aduersam esse ad Peucen cxx stadiis, ἥς κατὰ τὸ
κάτω μέρος ἐποίησε τὸ ζεύγμα Δαρῆος, iuxta cuius [insulæ] occidentalem partem
Darius pontem fecit.

LXX.

De ostiis Istri nunc dicendum est, quorum nec numerus, neque nomina
fatis certa sunt. Ephorus apud Strabonem dicto loco πεντάστομον Istrum,
quinque ostiis exire dixit. Dionysius Perieg. vers. 301 itidem de Istro,

Πενταπύροις προχοῇσιν ἐλισσόμενος περὶ Πεύκην,
quod Festus Auienus vers. 441 interpretatus est,

ora per æquor

Quinque vomunt amnem, qua se procul insula Peuce exeret.
Plinius sex ostia lib. iv cap. xii eidem flumini dat. Ister, inquit, in Pontum
sex fluminibus euoluitur. Plures septem tribuunt. Strabo lib. vii pag. 211 ἐπτά-
στομός ἐστι, septem ostia habet. Pomponius Mela lib. ii cap. i de Istro: totidem
quot Nilus ostiis, sed tribus tenuibus, reliquis nauigabilibus, effluit. Ptolemæus
etiam totidem numerauit. Ammianus Marcellinus lib. xxii cap. xix se-
ptem ostiis erumpit in mare. Causa varietatis opinionum est, quod alii tenues
exitus connumerant, alii excludunt & prætereunt. Nec nomina ostiorum
sunt eadem. Quod ad austrum maxime vergit, per se validum & amplum,
Sacrum vocatur, item Peuce, ab insula quam facit, eiusdem nominis. Pto-
lemæus lib. iii cap. x ἐκβάλλει σώματι λεγομένῳ ἱερῷ ἢ πεύκῃ, influit ostio quod
Sacrum vel Peuce dicitur. Quod proximum huic, Ptolemæo est Inariacium:
Plinio & Marcellio Naracustoma: tertium eisdem Calonstoma: quasi pul-
chrum, quod καλὸν est, ostium: quartum Pseudostoma: quintum exile Bo-
reum, Βόρειον, stoma: sextum Ammianus Stenostoma dixit, Plinius posthabuit.
Plinii autem extremum Spireonstoma: si salua lectio est: Ptolemæus suum
septimum, quod extremum est, Thiagolam vocat, a lacu eius nominis quem
transit; idque ψιλὸν, exiguum: Marcellino autem septimum ingens. Strabo
de eisdem: Tria ostia, ἐφεξῆς τῷ ἱερῷ, quæ Sacrum subsequuntur, parua sunt:

cetera his ma ora, Sacro tamen multo minora. Sic inconstanter veteres de his ostiis censuerunt, nec forte illa semper eadem fuerunt, sed cum temporibus, ut in Nilo etiam, mutata.

LXXI.

De insulis inter ostia quæ prodantur, breuiter attingenda putamus. Strabo : γίνονται μεταξύ σομάτων νησίδες. *Sunt inter ostia parue insulae.* Mela lib. II cap. VII *Sex sunt insulae inter Istri ostia: ex his Peuce notissima, & maxima.* Situm Strabo paullo ante, quum de Ponte Darii ageremus, ostendit, intra diuortium fuisse ad Sacri ostii alueum, reductam vero a mari cxxx stadiis. Plinius: *Primum ostium Peuces: mox ipsa Peuce insula a qua proximus alueus adpellatus.* Rursus Strabo eodem loco: πρὸς ταῖς ἐκβολαῖς μεγάλη νῆσος ἐστὶν ἡ Πεύκη· καταχόντες δ' αὐτὴν Βασάρνα, Πευκηνοὶ προσηγορέθησαν, *Ad ostia [Istri] magna est insula Peuce: quam tenentes Bastarnæ, Peucini sunt cognominati.* Reliquæ minores insulae sine nominibus in vniuersum a scriptoribus, qui superant, produntur.

LXXII.

Maritima ora Moesiæ Inferioris est inter Istri ostia & fines Thraciæ ad Pontum Euxinum. Ab ostiis prima vrbs fuit *Istrus* Antonini & Eutropii lib. VI cap. VIII; *Istros* Ammiani lib. XXI cap. XIX; Ἴστρος Stephani Byzantini, & Periplus Ponti Euxini pag. 157, & ex antiquioribus Scymni Chii, cuius fragmentum Lucas Holstenius cum Notis in Stephanum reliquit, cuius versu 21 dicitur

- - - - - ἡ πόλις
Ἴστρος ἀπὸ τῆς ποταμῆς ἔλαβε τὸ νομα
- - - - - καὶ ταύτην τὴν πόλιν
Μιλήσιοι κτίζουσιν.

Hoc est: *Ister ciuitas ab Istro flumine nomen accepit: & hanc urbem Milesii condiderunt.* Arriano sub finem Periplus est Ἰσρία πόλις, Ptolemæo Ἰσρόπολις; Melæ lib. II cap. II & Plinio III cap. XI *Istropolis*; Tabula Peutingeri *Histrionopolis*, LX M. P. a loco, qui *Ad stoma* vocatur, quem ad Sacrum ostium fuisse Strabonis suffragio confirmatur lib. VII pag. 220 ἔστιν ἀπὸ τῆς ἱερῆς σοματος Ἴστρος πολίχνην ἐν πεντακοσίοις σταδίοις, *Abest a Sacro ostio oppidum Istrus quingentis stadiis.* Quam autem πολίχνην, paruum oppidum vocat, ex suis metitur temporibus: nam maior olim & illustrior fuit. Marcellinus dicto loco: *Istros quondam potentissima ciuitas.* Gemina ergo huius nominis forma, *Istrus* siue *Istros*; & *Istropolis*: sed prior, ut vetustior, ita etiam est frequentior, utpote Scymni, Strabonis, & quem Stephanus sequutus est; etiam nummi antiqui ΙΣΤΡΙΗΝΩΝ, pro Ἰσριέων, Ionice, quod ab Ἴστρος est. nam ab Ἰσρόπολις deducitur Ἰσροπολιτῶν. Colonia fuit Milesiorum, ut Scymnus, Strabo, & Plinius testantur.

LXXIII.

Sequuntur *Tomii*, interuallo XL M. P. secundum Peutingerianam; XXXVI secundum Antoninum. Ptolemæo τόμοι: etiam Plinio & Ammiano prædictis locis, & Melæ lib. II cap. II *Tomii* pluraliter: at Straboni lib. VII p. 220

τόμοις,

Τόμις, Τόμειος. Nummus Caracallæ ΜΗΤΡΟΠ. ΠΟΝΤΟΥ ΤΟΜΕΩΣ. Qua forma etiam Ovidius vsus est lib. iii Trist. eleg. ix extrema, de Medea fugiente:

*Inde Tomis dictus locus hic; quia fertur in illo
Membra soror fratris consecuisse sui. **

Vnde etiam origo nominis vel vera vel fabulosa patet. Idem lib. iv Pont. epist. xiv extrema

*Tam mihi cara Tomis: patria quæ sede fugatis
Tempus ad hoc nobis hospita fida fuit.*

Non autem πολίχμιν fuit, vt Strabo censet; sed vrbs illius regionis præcipua, in dicto nummo μητρόπολις; & in Tabula Peutingeriana urbium clararum & nobilium insignibus ornata. Incolæ Tomitæ. Idem iv Pont. epist. ix vers. 21

Hoc facit, vt misero faueant adsintque Tomitæ:
& gentile Tomitanus, vt lib. iii epist. viii

*Quæ tibi - - - - -
Dona Tomitanus mittere posset ager.*

LXXIV.

A Tomis in Tabula xxxiiii, in Itinerario xxx millibus passuum, apud Strabonem cclxxx stadiis in austrum distat Calatis, siue Callatis, siue Callatia. Strabo, Mela, Plinius, Eutropius, Antoninus Calatis l simplici: Scylaci, Scymno Chio, & Peutingerianæ auctori Callatis, litera duplicata: Ptolemæo Καλατία, Callatia, quæ forma etiam in nummo Gordiani apud Patinum p. 372 exstat ΚΑΛΑΤΙΑΝΩΝ. Colonia Heracleotarum fuit, vt Scymnus Chius & Strabo tradiderunt. Inter Calatim & Tomos Eutropius vi cap. viii Parthenopolim habet, quam Plinius etiam in Mæsia inferiore ponit, sed obscuris nominibus immistam. Forte reductius quodammodo a mari fuit.

LXXV.

Nec in Itinerario, nec in Periplo Ponti ἀπὸ Καλάτιδος, a Calati ad Dionysopolim per Lamplius m. p. quidquam memorabile fuit, præter Bizonen, Βιζώνην, quæ lxxx stadia supra Dionysopolim in septemtrionem erat: sed motu terræ concidit. Mela lib. ii cap. ii Fuit heic Bizone: motu terræ intercidit. Et Plinius lib. iv cap. xii Bizone terræ biaturapta. In Tabula corrupte Bibone xii m. p. supra Dionysopolim. Ipsa Dionysopolis antea Cruni, Κρυνί, dicta, ob vicinas ὑδάτων ἐκρύσεις, aquarum scaturigines, vt Scymnus Chius principio fragmenti, & ex illo Stephanus refert de Urbibus. An vero etiam Matriopolis dicta fuerit, vt Periplo Ponti traditur, & ipso nunc Scymni fragmento legitur, dubitamus; quia Plinius idem de Crumnis habet, de Matriopoli nihil: vt videatur ex Martianopolis illud nomen, Traiani in eadem

* Aliter rem narrat Appollodorus biblioth. I. c. 9. §. 24. Συναθροίζων δὲ Αἴτης τὰ τῆ παιδὸς μέλη τῆς ὁ. ὥστε ὑσέρχου. Διόπερ ὑπορέψας, καὶ τὰ σωθέντα τῆ παιδὸς μέλη θάψας, τὸν τόπον προσήγορευσεν Τόμις. Aetes autem membris filii colligendis consequi (Medeam) fugientem non potuit. Quamobrem reuersus membra, pueri reliquias, sepeliuit locumque Tomos appellauit.

eadem Mœsia opere, enatum longe post Scymnum fuisse. nam etiam Stephanus, qui Scymni verbis utitur, illud, quod de Matiopoli est, ignorat. Spurius ergo versus ille fragmenti videtur, de quo plura Isaacus Vossius ad Periplum. *Dionysopolis* autem *Crumi* adpellati fuerunt ex eo, quod Pontus ad illud litus simulacrum Bacchi adpulisset, tradente eodem poeta Chio, eumque sequentibus auctore Peripli, & chorographo Byzantino.

LXXVI

Reliqua Mœsiæ ad Pontum, ex utroque Periplo sic expeditur: A Dionysopoli ad *Odessum*, ubi portus, c c stadia. Alter Periplus: *Ὀδησσὸς πόλις, ἐν ἣ ὅρμος ναυσὶ, vrbs Odessus, in qua statio nauium est.* Ammiano lib. xxvii cap. ix *Odyssus* est, sicut etiam Ptolemæo *Ὀδυσσός*. Sed præstat prior scriptio *Ὀδησσός, Odessus*, quæ Scymni etiam & Strabonis est. In nummis quoque Caracallæ & Gordiani *ΟΔΗΣΣΕΙΤΩΝ*, apud Harduinum. Et Diodorus Siculus lib. xx extremo: *παρῆλθεν εἰς Ὀδησσόν, ἣ καὶ τὰ μεταξὺ τῆς τε Ἀπολλωνίας καὶ Καλατίας* (sic legendum, non *Γαλατίας*) *Odessum transit, quæ inter Apolloniam & Calatin sita est.* Milesiorum colonia erat. Strabo, *Ὀδησσὸς Μιλησίων ἀποικία, Odessus Milesiorum colonia*: & Scymnus principio fragmenti

- - - - - Ὀδησσὸν οἱ Μιλήσιοι

κτίσασιν,

Odessum Milesii condiderunt.

LXXVII.

Inde ad *Hæmum* montem, qui in Pontum procurrit, ad cuius radices etiam *ὅρμος ναυσὶ, statio nauium est*, stadia sunt Arriano c c c l x; anonymo c c l x. Ab *Hæmo Mesembriam*, x c stadia, siue millia passuum fere xii. Peripli anonymus auctor p. 161 *αὕτη ἡ Μεσημερία πόλις παρὰ τὴν ὑπώρειαν τῆς καλεσμένης Ἰμμε καὶ τῆς Θρακίας τε καὶ τῆς Γετικῆς συνορίζεται γῆ, Hec Mesembria vrbs ad radices montis dicti Hæmi sita est, Thraciæ Geticæque terræ contermina.* Etiam Ptolemæo est *Μεσημερία* vltima Mœsiæ ad Thraciæ fines iuxta Pontum; & Melæ ii cap. ii, ac Plinio iv cap. xi *Mesembria*: Herodoto autem lib. iv cap. xciii *Μεσαμβρία, Mesambria*, & in nummis Seueri & Philippi iunioris *MECAMBRIANΩΝ*.

LXXVIII.

Hæc in Ponti ora ad Mœsiam Inferiorem pertinent, quæ cum iis, quibus ripa Istri est culta atque condita, vltiorem fere omnem partem conficiunt, nec ex mediterraneis aliquid notum est, præter *Marcianopolim*, ut Marcellinus ait lib. xxvii cap. ix, *a sorore Traiani principis ita cognominatam.* Vulgo in litore eandem posuerunt, itinerario Antonini in errorem inducente, quo inter *Odessum* & *Anchialum Marcianopolis* visitur. Verum maior fides est Peutingeriae Tabulæ, in qua a *Durostoro*, deflectente ab ripa itinere ad *Odessum* versus, x x i i i m. p. ab *Odesso* sic reducta in mediterranea est:

<i>Durostoro</i>	- - -
<i>Palmatis</i>	x i i i i
<i>Marcianopoli</i>	x l v
<i>Panisso</i>	x i i
<i>Odesso</i>	x i l

Thra-

Thraciæ Mœsiæne adscribas, dubitare possis, si Zosimi verba lib. i v cap. x inspexeris obiter, αὐτὸς ἐπὶ τῆς μαρκιανῆ πόλεως, ἡ μεγίστη τῶν ἐν Θράκῃ πόλεων ἐστὶ, διατρίβων, ipse Marcianopoli degens, quæ urbium Thraciæ maxima est. Verum de Valente imperatore agit, cuius ætate Thracia ad Istri vsque ostia prorogata erat, nec solam Mœsiam inferiorem, sed Scythiam quoque, id est ad ostia regionem complectebatur, vti ex Sexti Rufi cap. ix liquet: ante divisionem vero prouinciarum nouam, a Diocletiano vel Constantino institutam, ipse Zosimus aliter iudicauit, de Claudio Gothico scribens lib. i cap. XLII, προελθόντες δὲ, καὶ ἐπὶ μαρκιανῆ πόλιν, ἡ μυρία ἐστὶν, ἀναβάντες, καὶ ταύτης διαμαρτόντες, ἐπλεον ἐπὶ τὸ πρόσω. Progressi vero [Scythæ] & Marcianopolim delati, quæ Mæsiæ ciuitas est, ac ne illa quidem potiti, nauigarunt vltius. Ammianus quoque Marcellinus dicto loco: Dein Mysia [id est Mæsia] vbi Marcionopolis est. Et Trebellius Pollio in Claudio cap. ix Pugnatum est apud Mæsos, & multa prælia fuerunt apud Marcianopolim, multi naufragio perierunt. At ex his, & modo adlatis Zosimi verbis ex lib. i, videtur nihilominus adstrui, maritimam Marcianopolim fuisse. Verum nauigarunt quidem barbari: vbi autem opulentiorē urbem cognouerant, exscensione facta, per viginti, & amplius, passuum millia eo vsque excurrere, & oppugnare, & quid non grauius? cupiditas prædæ coegit. Si Claudii prælia ad Marcianopolim, aut inter hanc urbem & mare sunt facta, vtique victi ad naues refugerunt, vt vel tempestate perirent, vel naues regere turbati clade & fuga non potuerint: nisi illud Pollio naufragium respexit, quod Zosimus loco dicto, & ex illo Suidas in voce Σκῦθαι, descripserunt, quum Marcianopolim frustra oppugnassent, vltius nauigaturis accidisse, vt in angustiis Propontidis impetu fluentis maris naues colliderentur & magna pars cum hominum tum nauigiorum periret. Quod si licet etiam recenti testimonio vti, adfero summi viri, Lucæ Holstenii, qui, quum Ortelius in Thesauro scripsisset, sitam hanc urbem esse AD PONTVM EVXINVM; adnotauit, Falsum. Est nunc quoque celebris ciuitas Bulgaris, Preslaw dicta, quasi ciuitas illustris.

LXXIX.

Nominis quoque rationes attingendæ sunt. Ex Græcis Suidas μαρκιανῆ πόλις, Zosimus μαρκιανῆ πόλις diuise; etiam Nicenæ Synodo Pistus episcopus μαρκιανῆ πόλεως subscripsit, & sic quoque in Actis Gelasii pag. 55. Ex quo ferme dubitare cœpit de fide Marcellini Casaubonus in Pollionis Claudium cap. ix. Debuisset, inquit, μαρκιανῆς, si fides Ammiano. At propter Græculorum scripturam nolim Marcellini, grauis auctoris, fidem in dubium vocare. Incuriosi enim illi sæpe in his nominibus sunt. Fassi ipsimet, Helenopolim Bithyniæ ab Helena, Constantini matre, nomen ducere: nihilominus ΕΛΕΝῆ ΠΟΛΙΝ scripserunt Socrates lib. i cap. xxxix; Cedrenus tam Paris. ed. p. 295, quam Basil. p. 243, qui etiam addit διὰ τὴν μητέρα propter matrem ΕΛΕΝῆ ΠΟΛΙΝ vocari: & Anna Comnena lib. xv pag. 463, & Constantinus Porphyrogenetus lib. i them. v. Diligentiores vero, Philostorgius lib. ii cap. xiii, & Sozomenus lib. ii cap. xxxiv, ΕΛΕΙῆ ΠΟΛΙς scripserunt. Sic quoque veteres μαρκιανῆ πόλις scripsisse nummi plures testes sunt, Sept. Se-

veri, Iuliæ Domnæ, Caracallæ, Elagabali, Alexandri, Gordiani; qui omnes ΜΑΡΚΙΑΝΟΠΟΛΕΙΤΩΝ præferunt, nullus cum & diphthongo. Marcianæ autem, Traiani forori, hanc urbem imputari, etiam Iornandes confirmat, de Reb. Get. cap. xvi, de qua augusta femina Plinius Paneg. cap. lxxxiv consulatur, & quæ ibi ex fornice Anconitano (apud Grut. p. 247 extr.) subnotauimus,

DIVAE
MARCIANAE AVG
SORORI AVG.

Non ergo indigna fuit, cuius nomine etiam vrbes a fratre augusto dedicarentur.

LXXX.

Obscura sunt oppida, quæ in Tabula vtrimque Marcianopoli adiunguntur, *Palmata* & *Panissum*, nisi quod Ptolemæus inter Odessum & Mesembriam *Panyss* fluminis ostia habet. Ipsa autem pars Mœsiæ Inferioris, quæ inter Pontum, Istrum ostia & Hæmum montem est, etiam *Pontus* fuit dicta, ut urbem Tomos ΜΗΤΡΟΠ. ΠΟΝΤΟΥ, *metropolim Ponti* in nummo Caracallæ vocari supra intelleximus, & Ouidius lib. v Trist. eleg. x ineunte:

Vt sumus in Ponto, ter frigore constitit Ister.

Posteriori ævo prouincia heic noua constituta, & Thraciæ adiecta fuit, quæ *Scythia*, a Scythis & Getis incolis, adpellabatur, licet maritimæ pleræque vrbes essent Græcorum coloniæ, id est, Milesiorum vel Heracleotarum. De *Getis* vero habitatoribus plena sunt Ouidiana carmina. * Sed ad citeriora reflectamus, mediterranea Inferioris Mœsiæ a finibus Superioris, vbi cessauimus supra, perlustraturi breuiter.

LXXXI

A Turribus Superioris prouinciæ, proxima sunt *Meldia* in vtroque itinere: vnde xxiiii passuum millibus venit *Serdicam* siue *Sardicam*. vtroque modo enim scribitur, vocali prima & secunda, etiam in ipsis antiquis monumentis ambigue. Nummus Diadumeniani apud Harduinum CAP. ΔΙΚΕΩΝ. Alius apud illust. Spanhemium p. 185 ΟΥΛΠΙΑΣ ΣΕΡΔΙΚΗΣ. Ptolemæus & Theodoritus (H. E. lib. ii cap. iv) Σαρδική: lapis Romanus Grut. p. 540 CIVITATE SERDICA: Tabula Peut. SERTICA, praeue T pro D adsumpto. Plures Latini *Serdica*, Ammianus, Sidonius, & auctores legum in Cod. Theodosiano, quarum multæ sunt *Serdicæ*, præsertim a Constantino, datæ. At tamen Eutropius de Galerio: *in Dacia haud longe a Sardica natus*: & Sulpicius Seuerus *Sardica* & *Sardicensis*, de concilio ibi congregato differens. Difficilior situs inuentu, seu regio & sedes, in qua fuit vrbs nobilis. Ptolemæus Thraciæ mediterraneæ urbibus adnumerat. Iuvatur veteri inscriptione apud Grut. p. 540 num. 2 NAT. THRAX CIVITATE SERDICA. Facile autem ad conciliandum est, quod Eutropius dixit, *in Dacia haud longe a Sardica*: & Theodoritus dicto loco, Σαρδική, Ἰλλυρικὴ πόλις, τῆς Δακῶν ἐθνὸς μητρόπολις, *Sardica*, vrbs *Illyrica*, *metropolis Daciæ*. Dacia

* Getas e Thracibus ἀνδριστάτης & δικάτορας appellat Herodorus IV. c. 93.

cia enim hæc Aureliani est, detracta Moesiæ, quod ex Eutropii lib. ix cap. ix fit clarissimum. Eadem Dacia est pars Illyrici magni, quod in orientale & occidentale diuisum erat: huius Sirmium; illius Sardica caput & metropolis fuit, etiam speciatim Daciæ mediterranæ: de quibus in Geographia mediæ æui dicemus. Id ergo disputandum est, vtrum *Sardica* Moesiæ inferioris sit, an Thraciæ finibus adscribenda. Quod Thraces nobiliores erant quam Moesi, etiam potentiores; facile adducor vt credam, fines Thraciæ aliquando in Moesiam fuisse propagatos. Sic Sardicensis illè miles in prædicta inscriptione, qui se *natione Thracem* maluit, quam *Mæsum* censerì, videtur maiorem bellicosorum Thracum, quam ignobilium Moesorum gloriam ambisse. Itinerario Burdegalensi, quod etiam Hierosolymitanum dicunt, *Serdica* ponitur in Moesia, &, interiectis aliquot mutationibus & mansionibus per XLVI millia passuum, tandem adscriptum est, *Finis Daciæ & Thraciæ*. Situs autem vtroque itinerario est eiusmodi, vt in Moesiam potius, quam in Thraciam cadat, immensis Hæmi montibus a Serdica disiunctam. Itinerum rationes ducunt in locum, vbi vrbs celebris Turcorum est *Sofia*, Bulgaris indigenis vocata *Triadizza*. At hæc ipsa est *Sardica* veterum recentiumque suffragiis. Cedrenus pag. 573 (ed. Bas.) sub Basilio, *Tzimisca successore*, *Τριάδιτσα πάλαι Σαρδική ἐπωνόμασται*, *Triaditza olim Sardica vocata fuit*: quod etiam Michaelis Glycæ annales sub Constantino M. de Sardicensi concilio confirmant. Recenti auctoritati Lucas Holstenius (*in Ortel.*) tuendæ par est, vnus instar omnium. Incrementa vrbs a Traiano accepit, quod *Vlpiæ* cognomen in nummis testatur: ante illa tempora nulla eius memoria exstat.

LXXXII.

A Serdica in Itinerario Antonini locus proximus est *Burburaca*, in Burdigalensi *Buragara*, prauato vocabulo alterutro: quæ sequuntur in Moesia per XXVI millia, *Sparata*, *Iliga*, *Soneio*, vsque ad fines Daciæ & Thraciæ, ignota sunt, ideoque a nobis etiam transmittuntur: Antoninus alia habet; Peutingeri Tabula itidem alia, sed neque certiora sunt, neque nobiliora. Inde iter dirigitur Philippolim, per LIII M. P. quæ haud dubie propria est Thraciæ. *Τέρνοβος*, *Ternobus*, regia Bulgarorum, laudata a Pachymere lib. v cap. v & lib. vi cap. vii seq. & a Gregora lib. iii pag. 28. eadem *Τρίναβος*, *Trinabus* Chalcocondylæ lib. i pag. 14, in mediæ æui Geographia considerabitur.

S E C T I O IV.

D A C I A
P R O V I N C I A T R A I A N I.

LXXXIII.

Moesiæ explicatæ coniunctam volumus *Daciam*, quam Traianus, qui in prouinciæ formam redegit, ponte admirando cum Moesia coniunxerat. Patet illa inter Danubium & Carpates montes a Tibisso siue Tibisco vsque ad flexum Danubium, id est in septentrionem se conuertentem, vt inde re-

cto tractu ad ostia & ad Pontum deferatur: in ipso septemtrione, post Carpaten montem, Tyra amne, qui nunc Dniester est, terminabatur. Addimus ab occasu regionem inter Danubium & Tibissum sitam, quæ proprie quidem non fuit Dacorum, sed *Iazygum Metanastarum*; propter vicinitatem vero, & morum similitudinem commodissime cum Dacia coniungitur.

LXXXIV.

Flumina Daciæ pauca nominibus suis sunt cognita: *Danubius*, terminus inter Mœsiam Daciamque: *Tibiscus*, τῖβισκος Ptolemæi, qui veteri inscriptione apud Gruterum pag. 448 num. 3 *Tibissus* vocatur, quod monumentum, quia infra etiam vsuri illo sumus, integrum huc transcribimus:

M. PAPIRIO M. F. COR

PRAEF. COH. I PANN. IN DACIA

PRAEF. RIPAE TIBISSI. DANVVII

CVRATORI PONTIS AVG. IN MOESIA

II. VIRO POP. PLEBSQ. VLPIAE TRAIA

SAR. PATR. H. M. P.

Plinius lib. iv cap. xii *Pathyffum* vocat; Rauennas anonymus lib. iv cap. xiv *Tibissiam*. Ex Carpatibus decurrens supra Sauis confluentes Danubio miscetur, vulgo nunc *Teisse* dictus. Recipit fluuium ex Dacia tranuerse adlabentem, qui vulgo *Marocz* vocatur, a Ptolemæo lib. iii cap. viii videtur παζών, *Rhabon*; a Strabone lib. vii pag. 211 μάριος, *Marisus* adpellari, quamuis vterque in eo aberret, quod in Danubium deriuat, qui deducendus in Tibissum erat. Idem *Marisia* Rauennati dicitur. Non equidem ignoro, *Marisum* Strabonis quosdam Marchum Quadorum interpretari, a quibus vt dissentiam, ipsa mihi Strabonis verba persuadent. Ait enim ἡ δὲ αὐτῶν [ρετῶν] fluere per Getas. paullo ante autem Getas ita collocauerat, vt Dacis ab oriente essent, quod de Quadis, id est Morauis, intelligi nequit. *Sargétia* Dionis in Traiano, adluens Sarmizogæthufam, post Vlpianam Traianam dictam, a Rhabone excipitur. Proximum ab hoc, sed ex interuallo non mediocri, *Alutam* flumen ponit, qui nomen contracte retinet, vulgo *Alt* siue *Olt* dictus a Germanis atque accolis. Itidem ex iugis Carpaticis ortus, multisque auctus minoribus fluuiis, inter Pontem Traiani & Nicopolim in Danubium exoneratur. Multis prætermisiss, quorum antiqua nomina latent, Ptolemæus tandem ἱέρασον, *Hierasum* eo tractu ducit, vt non alius possit esse, quam Walachorum *Pruth*, qui Danubio, tum Istri nomen adeptus, inter flexus dictos miscetur. Extremus *Tyras* est, supra etiam in Sarmatia descriptus, ille, vt Ouidius ait lib. i v Pont. epist. x,

- - - nullo tardior amne Tyras.

LXXXV.

Dacorum nomen putat Strabo lib. vii pag. 210 esse idem quod Dauorum in comædiis, quia Daci Getis fuerint finitimi. Vt ergo serui *Getae* apud comicos sint ex Getarum gente: ita nomen *Dau* ex vicina natione Dacorum.

LXXXVI.

LXXXVI.

Populos Dacorum post *Iazyges Metanastas*, qui discriminis causa ita cognominantur, ut ab *Iazygibus*, qui in Sarmatia ad Euxinum Pontum sunt, distinguantur; supra Danubium qui Ptolemæo memorantur, ignobiles prorsus sunt, *Saldensii*, *Ciagisi*, *Piephigi*; etiam qui medio tractu, *Albocensii*, *Potulatenii*, *Burridensii*, *Cotensii*, & alii, qui præter nomen nihil adferunt. Septemtrionales paullo notiores sunt, *Anarti*, de quibus ipse lib. III cap. VIII de Dacia: ἀρχτικώτατοι μὲν ἀρχομένοις ἀπὸ οὐσμῶν, Ἄναρτοι, maxime septemtrionales, si ab occidente incipimus, *Anarti* sunt. Prope ergo Tibisium habitasse necesse est. Hi *Anartes* sunt Cæsari lib. VI cap. XXIV. *Hercinia silva*, inquit, oritur ab *Heluetiorum* & *Nemetum* & *Rauracorum* finibus, rectaque fluminis *Danubii* regione pertinet ad fines *Dacorum* & *Anartium*. In medio relictis *Teuriscis*, ortum versus sub *Hieraso* fluuio habitarunt *Iassii*. Inscriptio statuæ Antonino Pio dicatæ apud Gruter. p. 259 num. 8 præfert cum dedicatoris nomine PRAEF. M. DACORVM IASSIOR. id est præfectus municipii *Dacorum Iassiorum*. Quum vero receptum postea fuerit, ut oppida suarum gentium nomina induerent; credibile plane est, caput *Walachorum Iassy*, & ipsum quoque in Dacia veteri situm, esse illud *Iassiorum* municipium, in cuius loco fere Ptolemæus *Petrodauam*, vetus nomen, posuit. Consentit nobiscum Luc. Holstenius in Ortelium p. 96. *Dacorum*, inquit, *Iassiorum* meminit inscriptio apud Gruterum. Forte *Iassi Walachi*. Mons longo tractu Daciam & *Iazygum* regionem a Sarmatia separat, Ptolemæo dictus *Καρπάτης*, *Carpates*, singulari numero; in versione Latina *Carpatus*, errore, quod Ptolemæus aliquoties *Καρπάτης* obliquo casu formauit: qui vero eiusdem libri cap. VII scripsit ὑπὸ τὸν Καρπάτην τὸ ὄρος sub *Carpaten montem*. In Tabula Peutingeriana sunt *Alpes Bastarnicae*, montes inter Poloniam & Vngariam Transiluaniamque procurentes.

LXXXVII.

Ab his montibus, tamquam antiqua sede, videntur *Carpi*, siue *Carpiani*, populus transistriani, nomen trahere. Solus Ptolemæus lib. III cap. V dixit *Καρπιανὸς*, *Carpianos*: qui post eum scripserunt tantum *Κάρπης*, *Carpos*. Ille vero μεταξὺ Πευκίνων καὶ Βασέρνων *Καρπιανὸς*, inter *Peucinos* & *Basternas* *Carpianos* collocauit. Et Eutropius lib. IX cap. XV extremo cum *Basternis* coniunxit. *Carpi*, inquit, & *Basternis* subactis. Zosimus lib. I cap. XXXI περὶ τὸν Ἰστρον, circa *Istrum*, trans flumen tamen, posuit, ut de gentibus, qui coniunguntur, patet. Sed iam tum egressi sedibus Romanas provincias, quæ Danubio finiebantur, sub Gallieno infestabant, etiam paullo ante Philippus Arabs ἐπὶ Κάρπης ἐστράτευεν, contra *Carpos* expeditionem suscepit, qui iam cœperant τὰ περὶ τὸν Ἰστρον, vicina *Danubio* loca populari, quod idem Zosimus lib. I cap. XX adnotauit. Et ante Philippum sub Maximo & Balbino, ut Capitolinus in his cap. XVI obseruat, pugnatum a *Carpi* contra *Mæsos* fuit. Postea Aurelianus, ut Vopiscus refert cap. XXX, *Carporum* copias adflixit: sed partem victorum in citeriorem ripam & Romanum solum traduxit. Aurelius Victor in Diocletiano: interea cæsi *Marcomanni*, *Car-*

porumque natio translata omnis in nostrum solum: cuius fere pars iam ab Aureliano erat. Et Ammianus lib. xxviii cap. ii de Diocletiano idem confirmat. Carpos, inquit, antiquis excitos sedibus Diocletianus transtulit in Pannoniam.

LXXXVIII

Iazygum quædam oppida Ptolemæus nominavit, *Partiscum*, *Pessium*, *Candanum*, *Trissum*, sed nobis omnia ignota: supra quæ in septemtrione *Gormanum*, vel, ut alii legunt, *Bormanum* ponit, quod Steph. Zamosius Caschouiam interpretatur. Ultra Tibissum in ripa Danubii Ptolemæus nihil habet: aliqua vero Tabula Peutingeri, ex qua, e regione Cupparum incipiendo notantur *Arcidava*, *Centum putea*, *Bersouia*, & alia: item post Aegeam Mœsiæ, *Drubetis*, *Amutria*, *Pelendava*, *Castra nova*, *Romula*, *Acidava*, *Rusidava*, *Pons Aluti*. Hæc ergo usque Alutam fluuium, sed exigui usus pleraque, quia historias eorum ignoramus.

LXXXIX.

Pons Traiani in Danubio factus, de quo in Mœsia diximus, heic repetendus est. Hoc tractu in Peutingeriana est *Pons Augusti*, sed longius deductus ab ripa, unde iter xv m. p. est *Sarmategte*, quæ videtur scripturæ ita compendio notata, legendaque *Sarmategetuse*, quod caput Dacorum fuit. Quod si est, pontem illum vel in Sargetia amne, vel in Rhabone siue Marisio fuisse necesse est. In antea producta inscriptione ex Gruteri pag. 448 erat CVRATORI PONTIS AVG. IN MOESIA II VIRO. Putares ad mirabilem illum Danubii pontem pertinere, quia in *Mœsia* adiiciatur: nisi illud cum II VIRO legendum, post quod subsequitur, quod aptum connexioni sit. An vero ille *Pons Augusti* in mediterranea Dacia tantæ dignitatis fuerit, ut *curatore* opus esset, rursus est quod dubitemus. Vtrumque adferre nostrarum partium visum est, ut unicuique iudicium & arbitrium relinquatur. Sed a principio, id est, Tibisso, in mediterraneis quoque est ordiendum.

XC.

Obscura nomina sunt, quæ Ptolemæus inter Tibissum & Rhabonem habet, *Dierna*, *Lizisis*, *Argidava*, *Zurobara*, & positio plane incerta, quia nec Rhabonis confluentes Ptolemæus cognovit, quos perperam in Danubium deduxit, quum ille Tibisso fluuiio misceatur. Prope confluentes eius fuit *Tibiscum* Ptolemæi, quod etiam in Tabula Peutingeriana *Tiuisci* nomine existat. In septemtrione prope Anartos ponit *Vlpianum*, cuius vel solum nomen est illustrius. Adiacet ab ortu *Napuca*, *Νάπυα* Ptolemæo, quam Iac. Sponius Erud. Antiq. Miscell. p. 168 cum Thoma Reinesio putat eam esse, quæ hodie *Clausenburg* adpellatur, quia lapis eius urbis inscriptum habeat COL. NAP. id est, *colonia Napuca* siue *Napucensis*. Vide Th. Reinesii class. i inscriptionem clxviii pag. 185. In Tabula Peutingeriana est *Napoca*; & Lege i Dig. de Censibus est *colonia Napocensis* etiam vocali tertia: Vicina, immo proxima apud Ptolemæum *Patruissa*: & tum *Salinae*, *Σαλῖναι*, quæ etiam in Tabula adparent, xii millibus a *Patauissa*, quæ videtur *Patruissa* Ptolemæi esse, in occasum versus remota. *Salinae* autem hæ apud Tordam sunt, vbi

vbi sal effoditur, Zamofio testante *Analect. cap. ix.* Inde post *xxiiii* milia *Napoca*, quæ si eadem ac Ptolemæi *Napuca* & doctiorum hominum *Clausenburg*; necesse est vt Tabulæ in hoc transdanubiano tractu alias plagas tribuamus, & quæ illa in ortum porrigit, coarctata inter montes atque flumen; magis in septemtrionem conuertamus. Sic etiam *Parolisso* rationes constabunt, quod in Tabula extremum est, in ortum solis versus: Ptolemæo supremum in septemtrione. Hic *παρόλισσον*, *Parolissum* vocat: Tabula *Porolissum*: lapis antiquus apud Sponium p. 193 *Paralifum*, quam non ignobilem urbem fuisse, ex dignitatibus quas Cœcœius in ea obtinuit, manifestum est. Incisum illi lapidi:

COCCEIO VMBRIAVO DECVRIONI AVGV
ITEM PONTIFICI CIVITATIS PARALISENSI
VM PROVINCIAE DACIAE COCCEIVS SE
VERVS FILIVS PATRI PIENTISSIMO.

Doctissimus Sponius addit: *Civitatis huius Daciæ Paralifensium meminisse aliquem antiquum geographum, non puto*: at iam & Ptolemæi & Tabulæ Peutingerianæ testimonia protulimus. *Singidaua* Ptolemæi, Lazio indice, videtur multis esse *Enyedinum* oppidum: alii ad *Marisi* & *Tibissi* confluentes reducunt. Pontem arguit Ptolemæi *Zeugma*, ipsius numeris ita positum, vt vel in *Rhabonem* cadat, vel in *Sergetiam*, antequam hic *Rhaboni* infundatur. Qui curatius adhuc Tabulas pinxisse videntur, in flexu *Marisii* siue *Rhabonis* posuerunt: quod non abhorret a loco Tabulæ, quem paullo ante ostendimus, insignitum *Ponte Augusti*, xv millibus ante regiam *Dacorum*.

XCI.

Hæc regia vrbs amplissima fuit, ad flumen sita *Sargetiam*, quod, auerso alueo, thesauris defossis induxerat *Decebalus*, rex *Dacorum*, quum a *Traiano* premeretur, quod *Dio Casius* in hoc principe narravit. Vrbs barbaro nomine a Ptolemæo lib. *iii* cap. *viii* *Ζαρμιγεθσα βασιλειον*, *Zarmigethusa* regia vocatur, vocabulo curtato, quia ipse lib. *vi* tab. *ix* plenius scripsit *Ζαρμισογεθσα τὸ βασιλειον*, *Zarmisogethusa* regia. Bene, quod proxime ad antiquam scripturam, quæ in lapidibus comparet, accedit. *Gruterus* pag. 257 *inscr. i*

IMP. CAES. ANTONINO
PIO AVG. COLONIA
SARMIZAEGETHUSA.

Et sine diphthongo *Zarmizegethusa* lege *i § 8 Dig. de Censibus*. Et *Zamofius* *Analect. cap. v* inscriptionem profert, *COL. VLP. TRAIANA DACIC. SARMIZEG.* Et pag. 6 num. 3 rursus apud *Gruterum*:

FELICIBVS AVSPICIIS
CAESARIS DIVI NERVAE
TRAIANI AVGVSTI
CONDITA COLONIA
DACICA SARMIZ. PER
M. SCAVRIVM EIVS PROPR.

Et pag. 46 num. I COLONIA DAC. SARMIZ. Et Th. Reinesius Class. VI inscriptione 90

FLAM. COL. SARMIZ. DEC. COL. SAR. ET APVL.

Hoc vetus ciuitatis nomen, neque in colonia plane abolitum: additum tamen nouum etiam, idque geminum, *Vlpia Traianæ*, & *Augustæ Dacicae*. Inscriptio apud Grut. p. 437 n. I

COLON. VLP. IA TRAIAN
AVG. DACICA SARMIZGETVSA.

Et inscriptione supra in Tibisso & Ponte Augusti producta POP. PLEBSQ. VLP. IAE TRAIAN. Et nummus Traiani COL. AVG. VLP. IA TRAIANA. Maiestatem coloniæ, cui non facile par in prouinciis fuit, ruinarum pretiosa fragmina copiose adhuc ostenderunt. nunc vicus ibi *Varhel* dictus, sæpe in inscriptionum libris memoratus.

XCII.

Ptolemæus proxime post Sarmizægethusam posuit *Idara*, *Aguas*, qui locus in Peutingeriana XIII millibus a metropoli in ortum versus abest. Illustri monumento locus ille signatus est, superque scriptum *Ad aquas*; quod celebres forsan natura fuerunt, & arte Romana magis exornatæ, operibus splendidis, ut solebant, aliisque ædificiis adstructis. Infra Vlpianam Traianam, Danubium versus ex Ptolemæi dispositione sunt *Acmonia* & *Phrateria*.

XCIII.

Supra illam vero; in dextra Rhabonis decurrentis ripa, vrbs est *Weissenburg*, Latine *Alba Iulia*, cuius nomen videtur oppido antiquum esse, sed origo eius nominis obscura fatis & incerta. Aiunt illud trahere ab *Iulia*, imperatoris M. Antonini matre, idque sibi constare credunt ex inscriptione veteris lapidis, in ipsa Alba illa reperti, quem & Gruterus pag. 6 num. 6 post alios descripsit:

I. O. M. ET
IVNONI REGIN
PRO SAL. IMP. M. AVR. AN
TONINI PII AVG. ET
IVLIAE AVG. MATRIS AVG.

Marcus hic non Philosophus est, cuius mater Domitia Caluilla secundum Capitolinum fuit: siue Domitia Lucilla, auctore Spartiano in Didii Iuliani vita cap. I; sed Marcus Aurelius Antoninus Caracalla, cuius mater, Seueri vxor, *Iulia Domna*, Syra natione erat. Nec vero certo consequitur, conditricem illam coloniæ esse, ubi pro salute eius & filii vota nuncupantur. Plures lapides in Weissenburgo Transiluanicæ reperti, aut prope illud oppidum, qui præferunt inscriptum COL. APVL. id est, *colonia Apulensis*: nullus eorum *Albæ Iuliæ* velleuam memoriam tenet, quum tamen in iis sint post Caracallam incisi, aliquis sub Gordiano, apud Gruterum pag. 57 num. 5 DEC. COL. APVL. Accedit quod Vlpianus Lege I Dig. de Censibus, colonias Daciæ

Daciæ enarrans, hanc non Albam, nec Iuliam, sed *Apulensem* vocat. Nul-
lum ergo monumentum antiquum vidi, quod nominis, *Albæ Iuliæ*, vetusta-
tem quodammodo confirmet: vtique autem documenta multa sunt, quæ
probant, ibidem, aut mille passibus ab Alba, vbi rudera magnæ vrbis sunt
reliqua, vt Zamosius cap. vii refert, fuisse coloniam Apulensem, quam Ma-
risius fluuius adiuerit, a quo Alba, quæ superstat, paullo est reductior. Gru-
terus, præter ostensum Gordiani lapidem, habet pag. 40 num. 15 AVG. COL.
APVL. & pag. 105 n. 10 COL. APVL. & 345 n. 3 DEC. COL. AP. & 346 n. 5 PON-
TIF. ET II VIRAL. COLONIAE APVLENSIS. Et Reinesius class. i. 8 II
VIR COL. APVL. & VI. 90 DEC. COL. SAR. ET APVL. quod supra in Sar-
mizægethusa indicauimus. Omnes hi lapides, & plures apud Zamosium
Analect. cap. vii, dicuntur Albæ Iuliæ, aut in ruinis iuxta eam, exstare, vt de
situ *Apuli* vetusti oppidi Dacorum, post coloniam Romanæ, non liceat dubi-
tare. Splendidam fuisse, vel *Augustæ*, modo ex Gruteri pag. 40 monstra-
tum nomen conuincit: quo referunt etiam inscriptionem eiusdem loci
(apud Grut. p. 88 num. 13) T. FL. ITALICVS PRIMVS IIII VIR M. A. A.
quod legunt, *quatuoruir municipii Apuli Augusti*: quidam sine necessita-
te, *Albæ Augustæ*. Nam quamuis tot locis *colonia* dicatur Apulum; obser-
uamus tamen etiam *municipium* vocari. Apud Zamosium cap. vii in Albæ
suburbio: DEC. COL. ET FLAMEN - - - MVN. APVL. & ad ipsa Apuli
rudera, FLAM. DIAL. MVN. COL. APVLI. Hæc de colonia & municipio
Apulo: videant alii de *Albæ Iuliæ* nomine, sitne vetus, an superadditum, an
deprauatum ex nomine Apuli.

XCIV.

Ceteras colonias Vlpianus dicta lege i de Censibus, nominauit. In
Dacia, inquit, (sic legendum, non *indicia*: in Basilicis enim ἐν Δακίᾳ) *Zernen-*
sium colonia, a diuo Traiano deducta, iuris Italici est. *Zarmizegethusa* quoque
eiusdem iuris est: item *Napocensis colonia* & *Apulensis*, & *Patauicenum vicus*,
qui a diuo Seuerio colonia impetrauit. De *Zarmizegethusa*, *Napoca*, &
Apulo satis dictum fuit: vbi vero *colonia Zernensium*? Notitia Imperii,
sub duce Daciæ Ripensis, tradit quidem *Præfectum legionis xiii Geminiæ*
Zernis; sed hic locus cis Danubium fuit in Dacia noua Aureliani, cuius pars
Ripensis erat; situs prope Ratiariam. Martinus Opitius in *Zlatna* sua le-
git *Zeugmensium*, sed qua fide codicum, ignoro. *Zeugma* autem oppidum
& pontem supra exposuimus. Basilica, ἡ τῶν Ζερμησιῶν ἀποικία; sed ita vi-
detur cum *Zarmizegethusa* confundi, a qua distinxit iurisconsultus. In re-
centibus tabulis locus *Cerne* conspicitur fere medius inter *Cibinium* & *Co-*
roniam, quod nomen cum *Zernensium colonia* concordat: esse autem il-
lam, adfirmare non possum.

XCV.

Alteram in *Vico Patauicenum* coloniam fuisse, lex modo dicta tradi-
dit. Vocabulo aliquid mendi inesse, non vana ex eo coniectura est, quia in
Transiluanie inscriptionibus apud Gruterum p. 347 n. 4, & p. 508 n. 5 locus
PETOVIVM legitur, qui haud dubie *Vicus* est ille *Patauicensis*. De situ au-

tem iudicare non possumus. Cetera quæ dabimus, omnia Ptolemæi sunt, neque nota nobis aliunde. Supra Apulum *Marcodaua*, & *Prætoria Augusta*: sub qua *Comidaua*, & in ortum magis æstium, *Sandaua*, ac iuxta *Hierasum* amnem, qui *Pruth* videtur esse, *Petrodaua*, de qua supra diximus, videri *municipium Iassierum* esse, quod & nomine & situ conuenit cum *Iassy*, regia *Walachorum*. In austrum vergunt & *Danubium* versus sita sunt *Tiasum*, & *Netindaua*, & si quæ alia sunt obscuriora.

XCVI.

Regebatur prouincia a legato consulari siue Cæsaris, vt solebant maiores omnes, quæ armis defendendæ erant. Gruterus pag. 493 num. 1 ex sæculo Hadriani & Antoninorum: LEG. AVG. PROV. DACIAE.

S E C T I O V.

I L L Y R I C V M.

XCVII.

Quæ regio Hadriatico mari a tergo adiacet vsque ad Pannoniam, *Illyricum* adpellatur, quo vocabulo solum forsan subaudiendum est. Liuius lib. XLV cap. XVII *Quinque in Illyricum legatos decreuerunt*. Græci quoque vocant τὸ Ἰλλυρικόν. Herodianus lib. VI cap. VII οἱ ἐκ τῆς Ἰλλυρικῆς στρατιῶται, *milites ex Illyrico*, id est genere Illyrii. Quo illud quoque diuinæ ad Romanos epistolæ XV, 19 μέχρι τῆς Ἰλλυρικῆς referri oportet. Græcis hic tractus frequenter etiam Ἰλλυρίς vocatur. Ibidem Herodianus, ἐμπειπισεμένοι τὴν Ἰλλυρίδος ἡγεμονίαν, *præsides prouinciæ Illyricæ*. Quæ forma nec a Latinis spreta fuit. Pomponius Mela lib. I cap. III *Hadriaticum latus Illyris occupat*. Rarior est forma *Illyria*, Græce apud Stephanum: Latine Propertius lib. I eleg. VIII principio:

Ant tibi sum gelida vilior Illyria?

Idem lib. II elegia XVI vers. 8 ad Cynthiam, cui amator ab Illyricis terris munera attulerat,

*Deinde ubi consumpto restabit munere pauper,
Dic alias iterum nauiget Illyrias.*

Populus sunt *Illyrii*. Scylax pag. 16 Ἰλλυριοὶ ἔθνος. Liuius lib. X cap. II *Illyrii Liburnique & Istri, gentes feræ*. Et Ἰλλυρες dixerunt Græci. Eustathius ad Periegetam in Corcyra descriptione: οἱ Κερκυραῖοι παρὰ τισὶ καὶ Κέρκυρες λέγονται, ὡς καὶ Ἰλλυρες οἱ Ἰλλυριοί. Quæ Illyriorum sunt, aut ab hac gente denominantur, sunt *Illyrica*. Tacitus Annal. II cap. LIII *per Illyricam oram*. Et lib. III cap. VII *Drusus ad Illyricos exercitus profectus est*. Posteriores dixerunt etiam *Illyricanus* & *Illyricianus*. Gruter. Inscript. p. 415 num. 7 PRAEF. PRAETOR. ILLYRICAN. Et nummus Decii apud Mediobarb. p. 353 GENIVS EXERC. ILLYRICANI S. C. & alius ibidem, GENIVS EXERCITVS ILLYRICIANI S. C. & itidem alius eiusdem, GENIVS EXERC. ILLYRICIANI S. C. nam & *Illyricum* latina littera, quamuis raro, scriptum

ptum fuit. Et apud Pollionem in Claudio cap. xiv Valerianus epistola ad Zosimionem: *Claudium Illyricianæ gentis virum, tribunum Martiæ quintæ legioni fortissimæ dedimus.*

XCVIII.

Tantum de nomine. Fines Illyrico non dantur iidem ab omnibus. Melalib. ii cap. iii *Taulantii, Eñchelæ, Phæaces.* Deinde sunt quos proprie *Illyrios* vocant. Tum *Pyræi, & Liburni, & Istria.* Plinius eodem lib. iii cap. xxiii hoc ordine posuit: *Labeatæ, Enderoduni, Saffæi, Grabæi, proprieque dicti Illyrii, & Taulantii & Pyræi.* Medii ergo inter illas gentes proprie *Illyrii* fuerunt, & vt Harduinus interpretatur, inter Naronem & Drinium siue Drilonem fluuios. Sic ergo sunt proprie *Illyrii*, vt in Mœsia erant Mœsi vel Myfi proprie dicti ad fluuium Ciabrum. Scylax autem suos *Illyrios* longius extendit, nec vero includit Liburnos: *Μετὰ Λιβυρνῶς εἰσὶν Ἰλλύριοι ἔθνος, καὶ παροικῶσιν οἱ Ἰλλύριοι παρὰ θάλατταν μέχρι Χαονίας, Liburnos sequitur Illyriorum gens, habitantque Illyrii ad mare vsque Chaoniam.* At Plinius lib. iii cap. xxvi *Illyrici longitudo a flumine Arsia ad flumen Drinium dccc m. siue, vt in mss. est, 10xxx m.* Sic ergo Liburniam Dalmatiamque complectitur. quæ sententia etiam Ptolemæi est, qui Illyridis fines a Scardo monte & Superiore Mœsia ab ortu, ad Istriam vsque in occasum deduxit, & in expositione tam Liburniæ quam Dalmatiæ oppida, separatim tamen vt partium; eaque cum maritima tum mediterranea persequutus est. Pomponius dicto lib. ii cap. iii extremo terminum vltra Istriam profert. *Tergeste, inquit, intimo in sinu Hadriæ situm, finit Illyricum.* Sed malo Plinium sequi, qui maiorem Histriæ partem Italiæ relinquit vsque ad flumen Arsiam: cum quo Ptolemæus etiam consentit, lib. ii cap. xvii *Illyridem ab Albona, μετὰ τὴν Ἰστρίαν τῆς Ἰταλίας, post Histriam Italiæ, incipiens enarrare.*

XCIX.

Fluuii Illyridis sunt post *Arsiam*, qui finis est Italiæ, & in Italia a Ptolemæo postremus memoratur, *Οἰνεὺς, Oeneus & Tedanius* eiusdem Ptolemæi in Liburnia, inter Arsiam & Titium non quidem plane medii, attamen ita decurrentes, vt Tedanius inter Lopficam & Stlupi delabatur: Oeneus inter Arsiam & Tedanium pari ferme distantia. *Titius* Plinii Ptolemæo *τίτος*, amissa syllaba, apud Scardonam se effundens, terminus est inter Liburniam & Dalmatiam. In Dalmatia ὁ Νάρων, *Naro*, Strabonis, Ptolemæi, & Plinii, hodie Narenta: & *Drilo* Plinii, Strabonis, & Ptolemæi, prope Lissum, extremum oppidum maritimæ Dalmatiæ, qui hodie *Drino* ab Italis & aliis vocatur, quod caussam reddit difficiliorem. nam etiam Ptolemæus *Drinum* quemdam memorat, eodem Scardi iugo, quo Drilo, exortum, qui vero in aduersum fluat, & ab occasu Tauruni vrbs in Sauum se exoneret. Et Plinius lib. iii cap. xxvi, *longitudinem Illyrici dixit a flumine Arsia ad flumen Drinium esse, vt supra quoque ostendimus.* At vero Drilo cum adiacente oppido Lisso constituitur terminus Illyrici a Ptolemæo: & Strabo lib. vii pag. 218 *Δρίλων ποταμὸς ἀναπλῆν ἔχει πρὸς ἑω, μέχρι τῆς Δαρδανικῆς. συνάπτει δὲ τοῖς Μακεδονικοῖς ἔθνεσι καὶ τοῖς Πακονικοῖς πρὸς μεσημβρίαν.* *Drilone aduerso na-*

vigatur orientem versus usque Dardaniam. Attingit autem Macedonicas & Illyricas gentes ad meridiem. Quo satis arguitur, Drilonem in limite Dalmatiæ esse Macedoniæque. * Accedit, quod Plinius cap. xxii de amne Drilone dixit, *super eum oppidum ciuium Romanorum Scodram esse.* Iam vero Vibius Sequester de Fluminibus, *Drinus, ait, e palude Lignisti (Lychniti, legendum) abluens Scodram oppidum Illyricorum.* Ex quibus videtur consequi, Drinium Plinii, siue Drinum Vibii, & Drilonem eundem fluuium esse, terminatorem Dalmatiæ, quod etiam Harduino visum fuit ad cap. Plinii xxvi prædicti lib. iii.

C.

Conciliatio non difficilis est, si posterioris ætatis scriptores adhibeantur. Cedrenus p. 588 de palude ad urbem Achridem siue Lychnidum: *ἐξ ἧς ποιεῖται τὰς ἐκβολὰς ὁ Δρίνος ποταμός, πρὸς ἄρκτον ἰών. εἴτα νέων πρὸς δύσιν, καὶ εἰσβάλλων εἰς τὸ Ἰόνιον περὶ τὸν Εἰλισσὸν τὸ Φερίον, ex qua [palude] Drinus fluuius septentrionem versus effluit. Deinde in occasum deflectens in Ionium [mare] intrat, apud Elissum castellum.* Elissum autem castellum, nunc Alesio, ipsa Lissus est veterum. Eadem Nicephorus Callistus lib. xvii cap. xxviii. Drinus ergo ex lacu Lychnidensi ortus, apud Lissum Hadriatico infertur sinui, atque sic idem est qui Drilo, nec vero is solus est Drilo Plinii atque Ptolemæi. nam & alius amnis ex iugis Scardicis ortus, huic in Dalmatiæ finibus miscetur, qui in non nullis tabulis dicitur *Drilo minor.* Casimirus Freschotus in Memorie Geografiche della Dalmazia, tradit, flumen quod Drino vocant hodie, & apud Lissum siue Alesio infertur mari, duobus fontibus oriri, altero in Scardo monte, vnde *Drino bianco*, id est Albus Drinus profluat: altero in Macedonia apud Lychnidum, cuius amnis dicitur *Drino negro*, Niger Drinus, qui coniuncti tandem Drinum simpliciter efficiant. Vterque tamen & Plinius & Sequester, in eo errant, quod ille Drilonem, hic Drinum suum ad Scodram ducit, quum alius plane sit fluuius, qui urbem illam adluit. Drinus autem Ptolemæi est alius, qui per Pannoniam in Sauum flumen defertur.

CI.

Montes Illyrici sunt maximi & longis iugis protensi, qui Illyricum a Pannonia, quæ eo usque pertinebat, seiungunt atque separant. Varia sortiti sunt nomina. Supra Istriam qui sunt, vbi lapides habitabant, Strabo lib. v i i p. 217 vocat τὸ Ἄλβιον ὄρος, *Albium montem*, τελευταῖον τῶν Ἄλπεων, *extremum Alpium*, siue earum finem. Ex hoc Colapin fluuium in Danubium deriuat, & ἐπὶ τῷ Ἀλβίῳ ὄρει, in *Albio monte*, quod idem Strabo tradit, ἰδρυνται οἱ Ἰάπυδες, *Iapydes locati sunt.* Ptolemæus *Albanum* dixit, & qui ei in ortum coherent, vltiorem Liburniam Dalmatiamque a Pannonia separantes, *Bebios montes.* Lib. ii enim cap. xv in Pannoniæ Superioris delineatione, *A meridie*, inquit, *terminatur parte Histriæ ac Illyridis, iuxta lineam διὰ τῆς Ἀλβαν*

v8

* Nicander Ther. v. 607. p. 40. Ἰσὲν θ' ἢν εἴρεψε δρίλων καὶ Νάρονος ὄχθη, vbi addit Scholiastes: δρίλων ποταμός Ἰλλυρῶν καὶ Νάρων· ὃς διαχωρίζει τὰς Ἰλλυριὰς καὶ Λιβυρίας. Εἰς ταύτην δὲ Κάδμος καὶ ἡ ἁρμονία ἐκίχσαν. Drilon amnis Illyricorum & Naron, qui disiungit Illyricos & Liburnos. Hic Cadmus & Harmonia habitauerunt.

νὲ ὄρεσ μὲχρι τῶν Βεβίων ὄρεων, *per Albanum montem usque ad Bebios montes*. Hi extimi sunt & Pannoniæ contermini: medii autem alii interiacent inter hos limitaneos montes, & mare Hadriaticum. Strabo pag. 218 Ἀδριανὸν ὄρεσ, *Adri-um montem μέσον τέμνον τὴν Δαλματικὴν, τὴν μὲν ἐπιθαλάττιον, τὴν δ' ἐπὶ Σάτερ-ρα, qui mediam secat Dalmatiam, ut altera pars mare spectet, altera in diuer-sum*. Sic Aldi liber p. 138, nec aliter scripti, Casaubono teste. Xylander vero Ἄρδιον, *Ardium* mauult, ut populis *Ardiæis*, qui ibidem referuntur, quasi accolentibus, congruat. Vltimus montium, qui a Dardania Mœsiaque feiungit, est *Scardus*, τὸ Σκάρδον ὄρος, ut Ptolemæus lib. II cap. XVII, & Strabo excerptis ex lib. VII vocat: siue *Scordus*, ut adpellat Liuius lib. XLII cap. XX. *Hi transgressi, inquit, iugum Scordi montis per Illyrici solitudines, quas de industria populando Macedones fecerant, ne transitus faciles Dardanis in Illyricum aut Macedoniam essent, Scodram labore ingenti tandem peruenerunt.*

CII.

Populi in Illyrico multi & varii a diuersis enumerantur. Præter Illyrios genere, qui Macedoniæ sunt adscripti, intra fines Illyridis secundum Strabonem fuerunt *Iapydes, Liburni, Dalmatæ*, per se noti: & circa Naronem flumen *Daorizi, Ardiæi, Pleræi*, quorum hi propinqui insulæ Corcyræ Nigræ fuerunt; *Ardiæi, Phariæ*: sed hos a mari in mediterranea Romani coegerunt. Hæc Strabo pag. 218. Addit *Autariatas*, & de Gallis *Boios & Scordiscos*, qui omnes ab Romanis ἐταπεινώθησαν, *ad incitas redacti fuerint*. Plinius præter *Iapydes, Liburnos, Dalmatasque*, & plurimos a singulis oppidis insulisue nominatos, aliosque obscuros, recenset cap. XXI *Flanates, Lopsos, Stlupinos*; & cap. XXII *Naresios, & Vardeos*, *populatores quondam Italie*; *Siculotas, & Docleatas*: & Macedoniam versus *Labeatas, Enderodunos*, & quorum incerta sedes, *Sassæos, Grabæos, & Pyræos*. Eiusdem proprie dictos Illyrios supra memorauimus. Ex his Ptolemæus agnoscit *Iapydes, Vardeos*, sine diphthongo, *Narensios, Siculotas, Diocleatas*; addit *Mazeos* conterminos Iapydibus, *Derriopes, & Derrios*: item *Ceraunios, Comenios & Sardiotas*: nec non *Pirustas, & Σκίρτωνας, Scirtones*. Ex his rursus sunt quidam componendi, ut adpareant, qui celebriores fuerint præ ceteris. *Daorizi* sunt Straboni & Plinio communes: *Ardiæi* Strabonis videntur Plinii *Vardei* esse, Ptolemæi οὐάρδεοι, *Vardei*: sed diphthongo hos etiam Vatinus scripsit lib. V epist. IX ad Ciceronem. Dicitur, inquit, *mibi tuus seruus anagnostes fugitiuus cum Vardeis esse*. Strabonis *Pleræos*, ignotos aliis, videas an cum *Pyræis* Plinii, neque hos visos ab aliis, forsan possis componere. Gentium enim nomina prauationi præcipue in libris sunt obnoxia. *Mazæi* communes sunt Plinio & Ptolemæo: etiam *Docleatæ, & Siculotæ*. Plinii *Sardiates* sunt Σαρδιῶται, *Sardiotæ* Ptolemæi. Conueniunt etiam Plinii *Naresii, Cerauni, Scirtari, Dindari*, & Ptolemæi Ναρήντιοι, *Narensii*; Κεράυνιοι, *Ceraunii*; Σκίρτωνες πρὸς τῇ Μακεδονίᾳ, *Scirtones*, prope *Macedoniam*; & Δινδάρῃοι, *Dindarii*.

CIII.

Diuisio Illyridis in historiis, quantum nobis est cognitum, non reperitur:

tur: fuisse autem aliquam in *Superiorem & Inferiorem*, ex vetusto lapide apud Gruterum pag. 396 num. i videtur manifestum esse;

P. CORNELIO DOLABELLAE

COS. VII. VIRO EPVLON

SODALI TITIENSI

LEG. PRO PR. DIVI AVGVSTI

ET TL CAESARIS AVGVSTI

CIVITATES SVPERIORIS

PROVINCIAE HILLYRICI

Ex quo adparet, Illyricum ab Augusto in duas prouincias dispensatum fuisse, Superiorem & Inferiorem: sed qui situs vtriusque fuerit, tacente historia & veteri geographia, non liquet. Pannonia & Mœsia respectu fluminum, Danubii maxime, ita diuiduntur: aliæ respectu montium. Dubium ergo est, quæ diuidendi ratio hic valuerit; num Superior, Liburnia, propter vicinitatem Pannoniæ & Mœsiæ sic distributarum; & Inferior, Dalmatia; an Superior montana Illyris siue montibus vicina; inferior, maritima. Mirum, si non dubitatione dignum, quod neque Plinius neque Ptolemæus diuisionis tam antiquæ mentionem fecerint, nec in historia vestigium adpareat. Dalmatiam sub Cæsaribus a legato augusti pro prætore rectam, inscriptiones & historiæ testantur. Gruterus pag. 402 n. 6 LEG. AVG. PR. PR. DALMATIAE. Suetonius Claudio cap. xiii *Bellum civile mouit Furius Scribonianus Dalmatiæ legatus*. Et Tacitus ii Hist. cap. lxxxvi Poppeum Siluanum, *consularem legatum, Dalmatiam tenuisse* refert Galbæ & Othonis temporibus. Liburnia autem & Histria fere coniunctæ cum Transpadana erant. Gruterus ibidem num. 4 PROC. ALIMENTORVM PER TRANSPADVM, HISTRIAM ET LIBVRNIAM; sicut Iulius quoque Cæsar Illyricum, quantum temporis Romanis parebat, coniunctum cum Cisalpina Gallia tenuit. Diuisio autem Illyrici in Orientale & Occidentale, non est antiquæ Geographiæ, nec illius Illyrici, quod heic tractamus, sed Illyrici magni, plures alias prouincias sub Christianis principibus comprehendentis.

CIV.

Plinius Illyricum in tres conuentus iuridicos diuisit, *Scardonitanum*, quo ius Iapydes & Liburni petebant: & *Salonitanum*, vnde petebant Mazæi Dalmatæ & Sardiates, & cum aliis insulis Issæi: & denique *Naronitanum* pro reliquis populis, in quibus Cerauni, Docleatæ, Naresii & Siculotæ numerantur. Quæ sequuntur oppida ab Epidauro ad Scodram, ciuium Romanorum erant. Vide Plinium lib. iii cap. xxi & xxii. Ptolemæus, quem sequemur, omnem Illyridem in *Liburniam*, & *Dalmatiam* distribuit. Iapydia autem vel continetur in Liburnia, vel eidem, vt parua prouincia, adiecta est.

LIBVRNIA.

CV.

Liburnia inter Histriam est atque Dalmatiam ab Albio monte ad mare Hadria-

Hadriaticum. Olim in libera republica Histria quoque fuit pars Illyrici. nam, vt supra ex Pomponii Melæ lib. ii cap. iii extremo cognouimus, *Ter-geſte, intimo in ſinu Hadriæ ſitum, finiit Illyricum.* Ab Auguſto autem Cæſare prorogati ſunt fines Italiæ, eique maior pars Hiſtriæ adiecta, & Illyridis fines facti arctiores ſunt. Strabo lib. vii pag. 217 tradit Ἰστροὺς πρῶτας τῆς Ἰλλυρικῆς παραλίας, *Hiſtros primos in Illyricā ora maritima fuiſſe, poſtea μέχρι Πόλας, Ἰσρικῆς πόλεως, προήγαγον οἱ νῦν ἡγεμόνες τῆς τῆς Ἰταλίας ὅρας, ſue ætatis Imperatores protuliſſe Italiæ terminos uſque ad Polam, Hiſtriæ ciuitatem.* Pola vero Italiæ fuit adiecta, & limes conſtitutus in Arſia flumine. Plinius lib. iii cap. xix *Ἔνunc ſinis Italiæ fluuius Arſia.* nunc ait, quia recens inſtitutum prolati termini, cœptum ſub Auguſto Cæſare. Et cap. xxi *Arſiæ gens Liburnorum iungitur, uſque ad flumen Titium.*

CVI.

Diſtincti quodammodo a Liburnis fuerunt Iapydes, quorum regio Iapydia vocatur. Strabo dixit Ἰάποδες, *Iapodes*; Dio Caſſius autem & Ptolemæus & Plinius Ἰάπυδες, *Iapydes*, Græca littera. Strabo de iis lib. vii pag. 218 agit vt gente ſingulari & a Liburnis ſeparata, eiſque quatuor oppida tribuit, *Metulum, Arupinum, Monetium, & Vendum*, eoſque a montibus ad mare extendit. Albius ille mons eſt, in quo ſedes præcipue habuerunt. Pag. 217 Ἰδρυνται οἱ Ἰάποδες ἐπὶ τῷ Ἀλβίῳ ὄρει, τελευταίῳ τῶν Ἀλπεων ὄντι, *Habitant Iapodes in monte Albio, ultimo Alpinorum.* Ad mare uſque extendit illos, ad quod per mille colant ſtadia. Ibidem ait: ὁ Ἰαποδικὸς παράπλος χιλίων ſαδίων, *Iapodum ora mille ſtadiis præternauigatur.* Sed de maritima ſede non omnes conſentiunt. Plinius cap. xix *Nonnulli in Flanaticum ſinum Iapydiam promouere.* In hiſ Strabo eſt præcipuus. Dio Caſſius de Auguſti victoria, qui illos perdomuit, lib. xlii pag. 412 αὐτὸς ἐπὶ τῆς Ἰάπυδας ἐſράτευτε, καὶ τῆς μὲν ἐντὸς τῶν ὄρων, & πάνυ πόρρω τῆς θαλάσσης οἰκῶντας, ἀπονώτερον προσηγάγετο. τῆς δὲ ἐπὶ τε τῶν ἀκρων, καὶ εἰς τὰ ἐπὶ θάτερα αὐτῶν, & ἀταλαιπώρως ἐχειρώσατο. *Iapydes ipſe bello petiit: quorum eoſ, qui citra montes haud procul a mari habitabant, non omnino difficulter ſubegit: qui vero montes, & ultra eoſ, incolebant, eoſ non ſine maximo labore perdomuit.* Plana deſcriptio, ex qua patet, & in montibus Albiis, & ciſ eoſ ac ultra late habitafſe, propinquoſ etiam mari, non autem contiguoſ.

CVII.

In montanis partibus horum oppidum μέγalon, *Metulum*, primarium erat, μεγ. ση πόλις, *ampliſſima urbs*, vt Dio vocat, in cuius oppugnatione ipſe Octauianus Cæſar vulneratus fuit: *Arupinum* eſt *Arypium* tabulæ Peutingerianæ, *Arupium* Antonini itinere ab Aquileia Siſciam; quod vna cum *Auendone* non longe a mari videtur ſitum fuiſſe. *Auendo* autem Tabulæ & Itinerarii, eſt Strabonis Ὀυενδῶν, *Vendo*, vt in mſſ. legitur; pro quo editum eſt Ὀυενδος, *Vendus*. Diſtat xx m. p. a Senia in ortum; a Vendone x millibus *Arypium* ſiue *Arupinum*, ἀρέπινοſ, Straboniſ hoc ordine:

Senia xx Auendone x Arypio.

Itinerarium tantum xviij habet inter Seniam & Auendonem: quartum, *Mone-*

Monetium, ignotum est. Habitarunt Iapydes vsque ad flumen *Tedanum*, hodie Zermagna, vt Harduinus interpretatur. Plinius cap. xxi *Flumen Tedanum, quo finitur Iapydia*. Flumen hoc Ptolemæus post Lopsicam ab oriente deduxit.

CVIII.

Strabo dicto lib. vii p. 218 Μετὰ τὸν τῶν Ιαπέδων, ὁ Λιβυρνικὸς παράπλευρος, *Post maritimam oram Iapydum est ora Liburnorum*. Sed ex supra propositis manifestum est, non ita partitas has regiones fuisse, vt vna alteram consequeretur: sed Iapydiam ita fuisse Liburniæ immistam, vt post Albonam & Seniam, Liburnica oppida, fuerint Vendo & Arupium, quæ Iapydum erant, & post Tedanum rursus quæ in Liburnis censentur. Maritimam oram primum perlustrabimus, post adituri oppida mediterranea.

CIX.

Initium Liburniæ supra cum Plinio a flumine *Arsia*, quod in Histria est, constituimus, quæ sententia etiam Flori fuit lib. ii cap. v *Illyrii*, inquit, *seu Liburni sub extremis Alpium radicibus agunt inter Arsiam Titiumque flumen*. Prima Ptolemæi vrbs est Αλέωνα, quasi *Aluona*, quæ etiam Plinio & Tabulæ Peutingerianæ auctori *Aluona* est, xii millibus ab Arsio fluuius: hodie *Albona*. Deinde est *Flanona* Plinii, φλάνων Stephani, qui περὶ τὴν Ἀψυρτον νῆσον, *circa Absyrthum insulam* ponit: ex quibus Ptolemæi φλανῶνα corrigenda est, & ν pro υ reponendum. Hinc eidem Plinio *Flanates*, populus, & *Flanaticus sinus*, lib. iii cap. xix & xxi: qui Stephano est κόλπος φλανωνικός, *Flanonicus sinus*. An in hoc sinu insula *Flanon* sit, disquirendum. Socrates certe Hist. Eccles. lib. ii cap. xxxiv tradit, Gallum cæsarem περὶ φλάνωνα τὴν νῆσον γερόμενον, *quum circa Flanonem insulam esset*, fuisse interfectum: quod Ammianus lib. xiv cap. xxxviii in Histria prope oppidum *Polam* dicit factum esse: nisi forte lapsus est Socrates, & νῆσον scripsit pro πόλιν, *insulam* pro *vrbe*.

CX.

Succedit *Tarsatica* Plinii, Ptolemæi, Antonini & Tabulæ, qua ab *Aluona* xx distat millibus, interiecta *Flanona*, quæ prætermissa in Tabula est. Post hoc oppidum Ptolemæus ostia Ὠνέως, *Oenei* amnis ponit, a quo, præter quemdam obscurum locum, ad oppidum *Seniam* ducit, Plinio æque, & in Tabula memoratam: cuius situs & nomen prodit, esse id oppidum quod vulgo *Zeng* & *Segna* adpellatur. Portum habere *Seniam* in Peutingeriana notatum est. Inde ordine, quem supra monstrauius, Iapydum oppida *Auendo* & *Arupium*, id est *Vendo* & *Arupinum* Strabonis, succedunt: Ptolemæo autem proxima post *Seniam* est *Lopsica*, a qua *Lopsi*, quorum Plinius meminit, nominantur: tum *Tedanii* fluminis ostia, quod secundum Plinium finit Iapydiam. Eundem ordinem Plinius & Ptolemæus tenent, præter *Tedanum* amnem, cuius locum Plinius turbauit. Ordo autem talis est:

PTOLEMAEI

Σένια

Λοψίκα

PLINII

Senia

Lopsica

Τηδα-

Τηδανίς ἐκβόλαι

Ὀρτοπλά

Ὀυεγία

Ἀργυρεῶτον

Κερίνιον

Αἰνώνα.

Ortopula

Vegium

Argyrunum

Corinium

Aenona.

CXI.

Cur *Aenona* apud Plinium *civitas Pasini* cognominetur, non est compertum. Hodie dicitur Nona. Postquam *Iadera* est, *Ιάδερὰ κολώνια* Ptolemæo, *Iadera colonia*: & Plinio *colonia Iadera*, memorata etiam Melæ lib. II cap. III. Nummus Claudii, COL. CLAVDIA AVGVSTA FELIX IADERA. Vide Holstenium. Alius Domitiani apud Harduinum ex Golzio, COL. AVGVSTA IADERA. * Hodie vocatur locus *Zara Vecchia*, ultra Zaram nouam visendus cum ruderibus nostræ *Iaderæ*. In mss. aliquando est *Iader*, dissyllabum. Vide Harduin. ad Plin. lib. III extrem. Ultima in ora Liburnorum Ptolemæo sunt *Titii* ostia cum vrbe *Scardona*, *Σκαρδῶνα*, quam ostiis quidem postponit, in Liburnia autem censet, quod etiam alibi nonnumquam fieri obseruauimus, vt in *Veliocassibus* Gallorum. Sed qui *Dalmatiam* hodiernam scripserunt, tradunt, ruinas *Scardonæ* haud longe a *lacu Scardonio* a dextra fluminis *Titii*, quod nunc *Kerca* vocatur, conspici, vt ita transponenda sint ostia Ptolemæi. Casimirus Freschotus in *Memoria Geographica* pag. 291 de *Scardona*: *Le ruine delle sue antiche fortificazioni, e cittadella, si vedono poco longi dal lago, chiamato da Latini Scardonio; e in volgare Proclian; e a destra del fiume Kerca, ch' e l' antico Titio, quale col suo corso mette li confini all antica Liburnia e Dalmazia.* Claram olim fuisse *Scardonam*, ex iuridico conuentu eius constat, quia inde ius & *Iapydes* & *Liburni* omnes petierunt, vt supra de *Diuisione* ex Plinio cognouimus. E *Tabula Peutingerorum* in hoc vocabulo excidit littera, & scriptum exstat *Sardonā*: sed & Plinius & Ptolemæus *Scardona*, quam ille XII M. P. a mari abesse tradit, & Strabo *Σκαρδων*, *Scardon*, lib. VII. Flumen etiam *τίτον*, *Titum* scripsit Ptolemæus: at Plinius & Florus *Titium*, tribus syllabis, vt perinde ibi videatur littera excidisse.

CXII.

Hæc de *Liburnia* maritima: minus cognita sunt eius mediterranea loca, e quibus Agathodæmon *Aruciam*, *Tediastum*, *Ardotium*, *Stlupi*, & *Curcum* *Tedanio* fluuio adposuit; quorum soli *Stlupini*, ab oppido illo nominati, a Plinio memorantur. Vltiora sunt, *Ὠυαρραρία*, *Varuaria*, vnde *Varuarini* sunt apud Plinium; & lapide *Rauennate* apud Gruterum pag. 564 num. 7

D. M.

M. V A L E R I O

M. F. C L A V D. C O

L O N O L I B V R N

Qq

VARVAR.

* Adde Sponii *Voyage de Dalmatie* libr. II. pag. 64. Idem paullo post affert inscriptionem hanc: *Imperator Caesar diui F. Aug. parens colonia murum & turris dedit &c.*

VARVAR. SCRIB. CL.

PR. RAVEN. VIX. ANN. L

M I L. A N N. X X V I;

& *Seluia*, quæ etiam in Antonini itinere a Sirmio Salonas ita legitur; Aldina autem *Silua*: & prope hanc *Asisia* & *Burnum*, vnde apud Plinium sunt *Assesates* & *Burnistæ*. De ceteris, *Adra*, *Arauzona*, *Ouporum*, *Nedinum*, & in Dalmatiæ limite *Blanona*, nihil habemus quod adferamus. De *Sidrona* Ptolemæi prope Sauum, dictum in Pannonia est. *Romulam* addo ex itinere Antonini ab Aquileia Sisciam; & Peutingeriana Tabula, cuius hæ rationes sunt:

Romula XIII *Quadrata* XIII *Ad Fines* XX *Siscia*.

In Antonini autem Itinerario hic ordo obseruatur:

<i>Senia</i>	—	—	—
<i>Auendonem</i>	M.	P.	XVIII
<i>Arupium</i>	M.	P.	X
<i>Bibium</i>	M.	P.	X
<i>Romulam</i>	M.	P.	X
<i>Quadratum</i>	M.	P.	XIII
<i>Ad Fines</i>	M.	P.	XIII
<i>Sisciam</i>	M.	P.	XXI.

Fortasse etiam *Quadratum* Liburniæ fuit, aut in fines eius incidit: quemadmodum itinere ab Aquileia per Histriam, traiecto Liburniæ sinu, inter Iaderam & Tragurium ponuntur, quæ non possunt in Liburniam non cadere, præsertim Blandona, ab Iadera XX millibus remota.

D A L M A T I A.

CXIII.

Dalmatia in antiquis monumentis, id est in nummis & marmoribus sæpe *Delmatia*, secunda vocali, dicitur. Io. Harduinus refert, in nummis esse ADVENT. AVG. DELMATIAE, * non *Dalmatia*. Et Hadriani nummo MET. DELM. id est Metallum Delmaticum. Diues enim prouincia metalli fuit. Fragmentum Fast. consul. apud Gruter. pag. 298 num. 3

L. CAECILIUS L. F. Q. N. METELLVS. ANN. ICCC

DELMATIC. PROCOS. DE DELMATEIS III NOV.

Et pag. 529 n. 8 idem Gruterus NAT. DELM. Et pag. 574 num. 5 IN DELMATIA, ex Domitiani æuo. Nec vero nulla exempla sunt vocalis primæ. Grut. p. 402 num. 6 LEG. AVG. PR. PR. DALMATIAE. Et pag. 568 num. 3 in cippo Iaderensi:

D. M.
L. VETVRIVS FLORVS
VETERANVS SCRIBA
NA. DALMATA
VIX. ANN. LV.

Et

* Velius Longus de orthograph. p. 328. Placet etiam, ut Delmatiam, non Dalmatiam pronuncie-
mus, quoniam a Delminio maxima ciuitate tractum nomen existimetur.

Et Græci plerique *Δαλματία*, *Δαλμάται* & *Δαλματῆς*, Scylax, Strabo, Ptolemæus, Dio Cassius, Agathemerus, Procopius, & alii: solus fere Polybius nobis visus est qui Excerpt. Legat. cxxi *Δελματῆς* vocali secunda scripserit.

CXIV.

Fines supra descripsimus, a Titio amne ad Macedoniæ Moesiæque litem, inter montes Pannoniam terminantes, & sinum Hadriaticum. In litorali ora post Titii ostia primum vulgari censu est *Sicum*, *Σικὸν* Ptolemæi. Plinius lib. iii cap. xxi *Sicum*, in quem locum diuus Claudius veteranos misit. Itaque vulgo opinantur Sebenigo esse, oppidum episcopale. Sed aliter oram illam descripsit nobis Plinius loco dicto. *Liburniæ finis*, inquit, *ἔστιν initium Dalmatiæ Scardona*, in amne eo, xii m. pass. a mari. *Dein Tariotarum antiqua*, *ἔστιν castellum Tariona*, promontorium Diomedis, vel ut alii, peninsula *Hyllis*, circuitu c. m. passuum. *Tragurium* ciuium Romanorum, marmore notum: *Sicum*, in quem locum diuus Claudius veteranos misit. *Salona* colonia, ab *Iadera* cxxii m. pass. Quos *Tariotas* vocat, videntur *Autariatæ* Strabonis esse, quorum castellum *Tariona* fuerit. *Peninsula Hyllis*, si hoc loco fuit, illam fuisse necesse est, in qua *Tragurium* situm est. Et Græci *Hyllos* siue *Hylleos* *Liburniæ* iungunt. Dionysius vers. 385 *Ἰνῆας Λιβυρνίδας*, litora *Liburnica*, &

Ἰλλυρίων χθόνα πάσαν, ὅση περιέκλινται ἰσθμῶ,

Hylleorum omnem terram, quæcumque isthmo continetur, coniungit. In quem locum Eustathius ex Apollodoro (forte eo qui *περιήγησις* scripsisse fertur) adfert, *μετὰ τῆς Ἰλλυρίας Λιβυρνοὶ*, post *Hyllos* *Liburni* colunt. Sed nihil definimus, non ignari quod alii aliter interpretentur Græcos. Et *Hyllis* quoque *peninsula* fortasse alibi inuestiganda. Lucas Holstenius: *Hyllis est Sabioncello*, siue *peninsula Stagni*. Quoquo loco igitur *Hyllis* fuit, in oppidorum nos ordine inhæremus. Quod autem marmore notum *Tragurium* dicit, omnium consensu est oppidum *Trau*; post quod demum *Sicum* pōnit, & deinde *Salonam*. Si certus hic ordo est, (neque vero habemus vnde impugnetur) *Sicum* inter *Tragurium* & *Salonam* fuisse necesse est. Locorum periti etiam ibidem rudera superesse adfirmant, vt Freschotus ostendit in *Sebenico* pag. 292. Strabo & Mela & Ptolemæus *Τραγῦριον*, *Tragurium* in insula ponunt eiusdem nominis: sed maior nobis est Plinii auctoritas, cuius verba modo recitauimus; præsertim quum recentes *αὐτόπται* quoque confirmant. Ioannes Lucius, Dalmata genere, & cum eo Iacobus Sponius, * doctus peregrinator, obseruarunt, esse omnino peninsulam, quamuis per fossam, manu factam, videri possit insula.

CXV.

Nobilissima in his oris *Salona*, colonia, Plinio & veteri inscriptione testantibus, qua, Grutero referente pag. 23 num. 12, COLONIA MARTIA IVLIA SALONA dicta fuit: & nummo Claudii apud Golzium col. ixl. SALONA: & alio quem Ligorius descripsit col. CLAVDIA AVGVSTAPIA VETER. SALONA, de quo autem Harduinus dubitat. Sic vetustis monumentis singulariter *Salona*: etiam Mela ii cap. iii extremo: *Salona*, *Iade-*

* Voyage de Dalmat. II. p. 71.

ra, Narona, Tragurium, turbato ordine. Et Hirtius B. Alexandr. cap. XLIII de Gabinio: *Salonam se recipiens in oppidum maritimum, quod ciues Romani fortissimi fidelissimique incolebant.* Alii pluratio numero. Cæsar III Civ. cap. VIII *A Salonis ad Orici portum*: & cap. IX *M. Octavius cum iis, quas habebat, nauibus Salonas peruenit.* Et veteri inscriptione apud Sponium Misc. Erud. Antiq. p. 179 *VIAM GABINIANAM AB SALONIS ANDETRIVM APERVIT ET MVNIT.* Ptolemæus, Σαλῶνα, κολώνια, *Salonæ, colonia.* Lucanus lib. IV vers. 404

Qua maris Hadriaci longas ferit vnda Salonas.

Græci etiam virili genere dixerunt ὁ Σάλων, *Salo.* Strabo lib. VII pag. 218 τὸ ἐπὶ τὸν αὐτῶν Σάλων, *nauale eorum [Dalmatarum] Salo.* Et Dio Cassius lib. LV pag. 568 ὁ Βάτων ὁ Δαλματίας ἐπὶ Σάλωνα στρατεύσας, *Bato Dalmata Salonem oppugnans.* Zonaras de Diocletiano, se imperio abdicante, ἐν Σάλωνα, πόλει τῆς Δαλματίας, διήγεν, ἥ τις ἦν αὐτῶ καὶ πατρίς. nam *Salonensis* erat Diocletianus. *Salone* ergo priuatus vitam transegit. Posteriores Græci etiam Σάλωνες pluraliter. Procopius lib. I B. Goth. cap. VII ἐτῶν Σαλῶνων περίβολος, & μοχ, Ρωμαῖοι Σάλωνα εἶχον: & Pænius lib. IX extremo, ἐν ἀγρῶ γειτνιῶντι Σάλωσι. Iuridicum conuentum habuit, vt supra ex Plinio demonstratum est. Nunc in ruinis * iacet vrbs quondam celeberrima, in vicino autem loco *Spalatum*, tamquam ex illius cineribus surrexit.

CXVI.

Inter Salonam & Naronis ostia Ptolemæus posuit *Epetium*, ** *Peguntium*, *Onæum*. Plinius lib. III cap. XXII ab Epetio nominat: *Epetinos*: alterum, castellum vocat, in tertii locum substituit aliud. Ait enim: *Epetini. Ab his castella, Piguntia, Rataneum.* Et Polybius Excerpt. Legat. CXXIV *Ἐπέτιον* memorauit. In Tabula Theodosiana ex his *Epetium* cum ciuitatis non vulgaris insignibus, & cum *portu Epetio* notatum est: deinde post VII millia *Oneum*. Antoninus itinere a Salonis Dyrrachium, alia nomina habet vsque Naronam, *Pontem Tiluri, Tronum, Biludium, Aufustianas*, obscura omnia. Ab Narone ad Drilonis ostia Ptolemæus disposuit *Risnum, Epidaurum, Ascrium*, (Ἀσκριον) *Rizonicum sinum, Buluam* (Βουλῶν) *Vlcinium, Drilonis ostia, Lissum.* Male Ptolemæus *Resnum*, quod Rhizinium est, anteposuit Epidauro. Secus enim & Plinius & auctor Tabulæ Peutingerorum ordinauerunt. Clare cap. XXI Plinius: *A Narone amne c millibus pass. abest Epidaurum.* Ab Epidauro sunt oppida ciuium Rom. *Rhizinium, Ascrium, Butua, Olchinium.* Tabula quoque XX millibus *Resnum* post *Epidaurum* constituit. Inter Naronem autem & Epidaurum Tabula interposita habet, sed corruptis quædam nominibus; *Ad turres, Delintum*, quod Antonini *Dalluntum* est; *Parduam, - - - Asanum*: & tum demum *Epitaurum*. Sic scribitur in Tabula: & inscriptione apud Gruterum p. 573 P. VIBI MIMI EPITAVR. EQ. R. qui cum Salonita ibi componitur: ceteri *Epidaurus* siue *Epidau-*

* Videatur Sponius *Voyage* libr. II. pag. 81, 82. templum ibi & paruas molas superesse dicit, æquali autem spatio ab Andetrio & Spalatro diremum fuisse.

** Videri setiam Sponius potest in Itinerario libr. II. pag. 76.

Epidaurum. Fuit autem *Epidaurum* colonia, vt Plinius tradit, & apud Golzium inscriptione est, COL. EPIDAVRVM. LEG. IX. Ptolemæus feminea forma *Επίδαυρος*, *Epidaurus*: & Procopius lib. i Goth. cap. vii *Επίδαυρον*, & *Επίδαυρος*, æque, quod non dubitamus, muliebri genere. Situs ostendit, fuisse in loco ruinarum dicto Ragusa Vecchia, aliquot millibus ab Ragusa, nobili & præclara ciuitate.

CXVII.

Post hanc est *Rhizinium* Plinii, *Ῥίζιον* Ptolemæi, * reductum in suum locum; *Resnum* Tabulæ; *Ῥίζος* Scylacis pag. 19; Strabonis & Stephani *Ῥίζων*, Liuii *Rhizon* lib. xlv cap. xxvi. *Anicius*, inquit, rege Gentio in potestatem redacto, *Rhizoni* & *Olcinio* urbibus C. *Licinium* præfecit. Incolæ Liuii ibidem *Rhizonitæ*: *Ῥιζαῖοι* Straboni. *ὁ Ῥιζαίων*, inquit, *κόλπος ἐστὶ, καὶ Ῥίζων πόλις*, *Rhizæorum* sinus, & urbs *Rhizon*, lib. vii p. 218; quem sinum mox *Ῥιζικὸν κόλπον*, *Rhizicum* adpellat: Ptolemæus *Ῥιζωνικὸν κόλπον*, *Rhizonicum* sinum, quamuis oppidum, a quo nomen est, *Ῥίζιον* vocauerat; nisi forte a recentiore manu hoc vocabulum est, quia hodie id oppidum *Risino* nominatur.

CXVIII.

Sequitur, ad eundem sinum, *Ascrinium* Plinii; *Ἀσκρέιον* Ptolemæi, quod Cattaro Harduinus interpretatur. Proxima *Butua* Plinii, *Βουθόη*, *Buthoë* Scylacis & Stephani; *Batua* Tabulæ Theodosianæ; corrupte *Βαλέα*, *Bulua* Ptolemæi. Apud Sophoclem *Βουθόην*, *Buthæen* dici, Berkelius ad Stephanum ex Etymologico confirmat. Scylax pag. 19 *Ἀπὸ τῆς Δρίλωνος παραμῦς εἰς Βουθόην ὁ πλῆξ, καὶ τὸ ἐμπόριον*, a *Drilone* fluuio nauigatio est *Buthoen*, & *emporium*. Hodie Budoa vocari dicitur conseruato nomine antiquo. Succedit consensu Plinii & Ptolemæi *Olcinium*, quod *Olchinium* Plinius scripsit, quia a Colchis deriuat quasi *Colchinium*: Liuius autem loco dicto est *Olcinium*. Sic puto scribendum esse; non *Olzinium*, quod in libris est; quia mox eodem cap. *Olciniatæ*, incolæ eius urbis, per c scribuntur: quod Ptolemæus firmat, *Ὀυλκίνιον*, *Vlcinium*, per u Græce exprimens. Nunc *Dulcigno* est, vt vel nominis consonantia probare potest.

CIX.

Tandem *Lissus* ad Drilonem, vel post illum est, terminus Illyricæ regionis, vltra quam urbem incipit Macedonia. Plinius lib. iii cap. xxi extr. *Retinet nomen in ora Nymphæum promontorium: Lissum oppidum ciuium Romanorum ab Epidauro c. m. passuum. A Lisso Macedoniae provincia.* Ptolemæo *Λισσός* est vltima Illyrici ad maritimam Macedoniam. Portum capacem habuit, opus Dionysii Siceliotæ, qui coloniam *Lissum* deduxerat, quam ampliauit & muris cinxit, quod Diodorus Siculus refert lib. xv cap. xiii. Et paruus fluuius adluit, *Anapus* nomine, iuxta quem gymnasia idem rex Dionysius exstruxit. Adiacebat *Ἀκρόλισσος*, *Acrolissus*, arx in monte Polybius lib. viii cap. x de Philippo rege: *Σεωρῶν τὸν τε τῆς Λίσσης περίβολον, καὶ τὰ πρὸς τῇ θαλάττῃ, καὶ τὰ πρὸς τὴν μεσογαίαν ἡσφαλισμένον διαφερόντως*

καὶ φύσει καὶ κατασκευῇ τὸν τε παρακείμενον Ακρόλισσον αὐτῷ, καὶ διὰ τὴν εἰς ὕψος ἀνάστασιν, καὶ διὰ τὴν ἄλλην ἐρυμνότητα δι' αὐτὴν ἔχοντα Φαντασίαν, ὥς μὴδ' ἂν ἐλπίζῃ μηδένα κατὰ κράτος εἶναι, *contemplans Lissi ambitum, egregie tam natura quam arte munitum: Acrolissum quoque ei adiacentem, partim quia mire in altum est elatus, partim ob reliquam munitionem eiusmodi prae se ferre speciem, ut per vim capi posse nemo hominum sperare deberet.* Erat autem Acrolissus non continuus, aut coniunctus vrbi, sed μεταξύ δάσηνα τῆς Λίσσης, καὶ τῆς κατὰ τὸν Ακρόλισσον πρόπεδος συμμετρον ὑπάρχον, *interuallum inter Lissum & radicem montis, in quo est Acrolissus.* Post Gentii, Illyriorum regis, imperio parebat. Liuius lib. XLIII cap. XX *Lissi rex Gentius erat. eo acciti legati, mandata exponentes, benigne auditi sunt.* Tandem mediæ æui temporibus hæc vrbs Præualitanæ prouinciæ, quod ex Hieroclis Notitia adparet, contributa fuit. A Constantinopolitanis scriptoribus εἰλισσὸς adpellatur, vt supra de fluminibus demonstratum est: hodie dicitur *Alessio*. Proxima fuit *Bassania*, sed incertum, intrane limitem Illyrici, an in Macedoniæ finibus. Liuius de illa lib. XLIV cap. XXX de Gentio rege: *ipse ad Bassaniam urbem quinque millibus ab Lisso ducit.* Aequè incertum de oppido ab Romanis expugnato, quod Liuius *Dimallum* dicitur lib. XXI cap. XII, Polybio Δίμαλον, simplici littera, lib. III cap. XVIII, quod oppugnaturus consul Rom. εἰς τὴν Ἰλλυρίδα μετὰ τῶν δυνάμεων, in *Illyricum cum legionibus* venit. Promontorium *Nymphæum*, quod supra Plinius memorauit, quidam prope Lissum ponunt, vt sit Cabo di Redeni: quidam in oram Apollinatium producant.

CXX.

Hæc de ora maritima Dalmatiæ. In mediterraneis Ptolemæus Ανδέριον, *Andecrium* ponit, quod Dionis Casii Ανδέριον, *Anderium* castellum est, lib. LVI pag. 579. Vterque vitiose. Verum nomen est *Andetrium*. Inscriptio vetus apud Iac. Sponium Misc. Erud. Antiq. p. 179

ITEM VIAM GABINIANAM
AB SALONIS ANDETRIVM APERVIT
ET MVNIT PER LEG. VII.

Sic & Plinius recte vocauit lib. III cap. XXII. In hoc tractu, inquit, sunt *Burnum, Andetrium, Tribulium, nobilitata populi Romani præliis castella.* Strabo, vna littera superflua; Ανδρήτριον dixit, *Andretrium*, idque vocat ἐρυμνὸν χωρίον, *munitum locum.* In Tabula Peutingeriana *Andretium*. Situm clarius descripsit Dio Cassius, loco dicto, de Tiberio Batone obsidente: καταφυγόντι αὐτῷ εἰς Ανδέριον τῆς ἡσυχίας ἐπ' αὐτῇ τῇ Σαλώνῃ ἐπωκισμένον προσεδρεύσας ἐπώνησε. τό τε Φρέριον ἐπ' εὐερκῆς πάνυ καὶ δυσπροσβάτης πέτρας ἐπετετεύχισο, Φάραγγι βαθείᾳ, ποταμὸς χαμάρρως ἐχέσταις, ἐγκυκλωμένον, fugientem in castello *Andetrio* obsedit, quod erat ad ipsas Salonas ædificatum in munita & inaccessa rupe, profundis conuallibus, quæ torrentes fluuios habebant, cinctum. Vt situs ostendit, videtur castellum esse, quod hodie *Cliffa* * vocatur

* Addi huc potest Sponius in Itinerario libr. II. pag. 82.

catur, cuius nomen a *κλῆσα*, *clausa* vel *clusura* est, de qua Constantinus Porphyrogen. de Administr. cap. xxix.

CXXI.

Quæ præter hoc Plinius castella dicto loco Dalmatiæ nominavit, *Burnum* & *Tribulium* sunt: illud, dubium, idemne sit quod *Βῆριον* Ptolemæus in Liburnia dixit, & vnde Plinii *Burnistæ* nominantur: diuersa sane Harduino videntur, qui illud oppidum Liburniæ; hoc castellum Dalmatiæ attribuit. *Tribulium* autem, quod etiam nomen prodit, *Trebigni* videtur esse. In mss. *Triburium* est. Deinde Ptolemæo sunt *Aleta* (Ἄλητα) & *Heronæ*. Antonini itinere a Salonis Dyrrachium, est *Alata*, quam a Sallunto xvi millibus in ortum videmus prolatam, vt ita minus certum sit, eademne *Aleta* & *Alata*, an separata & diuersa: *Salluntum* vero etiam in Peutingeriana expressum est. De *Heronæ* non superest alia, præter Ptolemæi fidem & auctoritatem: apud quem *Αἰκῶν καλὼνία*, *Aequum colonia* sequitur. Ex Zlatna Transilvaniæ inscriptio apud Gruterum pag. 387 num. 4 huc referenda est:

P. CELSENIO CONSTANTI
DEC. COL. DELMATIAE
CL. AEQVO. ITEM DEC. COL
DAC. V. A. XXX.

An etiam illa ex Alba Iulia, pag. 33 n. 3 DEC. COL. AEQVENS. huc ducenda? Aequum dignumque videtur Reinesio Inscr. Op. p. 712, vbi eodem refert Sertoriam quamdam DOMO AEQVO, puta oriundam colonia Aequo in Dalmatia.

CXXII.

Inter Heronam & Aequum Ptolemæus ponit *Δελμίνιον*, *Delminium*, quod ita etiam Appianus in Illyricis, teste Byzantino scriptore urbium, nominavit, qui liber Græce desideratur. Strabo sæpe dicto loco vocat *Δάλμιον*, *Dalmium*, Quadratus apud eundem Stephanum, *Δέλμιον*, vt in Palatino codice Salmasius inuenit: in ceteris etiam *Δάλμιον* vel *Δάλμινον* exstat. Scilicet, quod Eustathius ad Dionysii vers. 97 notauit, ἡ πόλις λέγεται Δάλμιον, ἢ Δελμίνιον ἢ Δέλμινον. Fuit olim vrbs magna & potens, quæ genti nomen dedit, vt *Delmata* vel *Dalmata* adpellarentur. Strabo, *Δάλμιον μεγάλη πόλις. ἥς ἐπώνυμον τὸ ἔθνος*, *Dalmium magna vrbs, vnde nomen genti est*. Eadem Appianus de Delminio. De situ nihil certi constat: ex Ptolemæi autem numeris & positione inter Andretium & Naronam in septentrione ponendum esse admonemur. Nasicam Scipionem eam urbem *μικρὰν ποιῆσαι*, captam in tenuem statum redeisse, ibidem Strabo adiecit. Id quod ab Aurelio Victore de Viris illustr. in hoc Nafica confirmatur. Consul, inquit, *Delminium, urbem Delmatarum, expugnauit*. Consul autem fuit P. Cornelius Scipio Nafica cum M. Claudio Marcello II, anno V.C. 1587, quinquennio circiter ante bellum Punicum III. Tantæ moræ & molis fuit superare Delmatiam, quippe ab Augusto Cæsare tandem omnis subiugata fuit.

CXXIII.

CXXIII.

Prætereuntes *Salonianam*, quam non nouimus, ad *Naronam* uenimus Ptolemæi ductu, quam ipse quidem, aut qui oscitanter transcripserunt, *Ναρδονάμ*, forte *Ναρδωνάμ*, *Narbonam* vocant, Gallicum nomen in Dalmatiam transferentes; verum autem nomen *Narona* ex multis probatum documentis est. Bene adscripsit Ptolemæus *κολώνια*, *colonia*. nam Plinius quoque cap. xxii sæpe dicti libri: *Narona colonia tertii conuentus, a Salona LXXXII M. P. adposita cognominis sui fluuio, a mari xx m. passuum*. Et nummus Titi apud Golzium, COL. NARONA. Etiam Antonini Itinerario, & Theodosiana Tabula *Narona* vocatur, ut ita de nomine satis conueniat: de dignitate nec Plinius nos finit dubitare, qui & coloniam vocauit, & conuentus sedem iuridici, quem Cerauni, Dæsitates, Daorizi, Docleatæ, Naresii, & aliæ gentes petant, e quibus supra plerasque descripsimus, de *Dæsitiatibus*, quos Strabo in Pannoniæ gentibus numerauit, hoc tantum addimus, quod bene Plinius in Dalmatia posuerit, quem antiqua inscriptio, a Sponio prodita, p. 179 tuetur,

TI. CAESAR DIVI AVGVSTI F.
AVG. IMP. PONTIF. MAX
TRIB. POTES. XXI. COS. III
VIAM SALONIS AD CASTEL
DAESITIATIVM PER MILLIA PASSVVM
CLVI MVNIT.

Quodnam vero sit *castellum Dæsitiatium*, & ubi situm, non facile quisquam exposuerit.

CXXIV.

Naronam in Ptolemæi serie excipit *Enderum*, *Ἐνδερρον*, unde *Enderodunos* Labeatis coniunctos Plinius nominauit. Labeatæ autem Scodram tenuerunt, ut ex vicinis etiam de sede Enderodunorum iudicari possit. Sed non opus aliunde petere qui ad *Enderum* nos deducat: quum nomen *Endero* maneat in Albania, sat fidus testis antiquæ positionis oppidi *Enderi*. Est autem in septemtrionis plaga, prope fines Seruiæ. Populus *Labeatæ* Plinio; *Labeates* Liuius dicuntur.

CXXV.

Prætermissa *Chinna*, sequitur *Δόκλεα*, *Doclea*, unde *Docleatæ* sunt Plinii, in conuentu Naronitano. Dictum postea oppidum *Dioclea*. Aurelii Victoris epitoma: *Diocletianus Delmata, Anuli senatoris libertinus, matre pariter atque oppido nomine Dioclea, quorum vocabulis, donec imperium sumeret, Diocles adpellatus: ubi orbis Romani potentiam cepit, Graium nomen in Romanum morem conuertit.*

CXXVI.

Proxima est *Rhizana*, de qua nihil occurrit memorabile: deinde *Scodra*, de qua aliquid in Drilonis expositione diximus, supra quem fluuium Plinius positam esse dixit, idemque *oppidum ciuium Romanorum*. Gentii regia fuit aut vrbs præcipua. Liuius lib. XLIV cap. xxxi *Ad Scodram inde ven-*

ventum est, id quod belli caput fuerat: non eo solum, quod Gentius eam sibi ceperat, velut regni totius arcem; sed etiam quod Labeatium gentis munitissima longe est & difficilis aditu. Duo cingunt eam flumina, Clausula latere urbis, quod in orientem patet, præfluens: Barbana, ab regione occidentis, ex Labeatide palude oriens. Hi duo amnes confluentes incidunt Oriundi flumini; quod ortum ex monte Scodro, multis & aliis auctum aquis, mari Hadriatico infertur. Coloniam ab Romanis eo deductam fuisse, Ligorius ex nummo Claudii probat, quem Holstenius etiam transcripsit, COL. CLAVDIA AVGVSTA SCODRA. Medio ævo Præualitanæ prouincia contributa est: nostris temporibus, prauato nomine Scutari Italici, Scadar incolis, vt referunt, dicta, nec hodie vrbs ignobilis Turcorum: Labeatium etiam fuit oppidum Medeon, quo cognatos rex Gentius deposuerat. Liuius lib. XLIV cap. xxxii Anicius Perpernam extemplo mittit ad comprehendendos amicos cognatosque regis; qui Medeonem, Labeatium gentis urbem profectus, uxorem cum duobus filiis, & Carauantium fratrem Scodram in castra adduxit.

CXXVII

Quæ Scodram in Ptolemæi Dalmatia mediterranea sequuntur, Thermidaua, Siparuntum, Epicaria & Eiminacium, obscuriora sunt: etiam quæ in Itinerario inter Naronam & Scodram (itinere a Salonis Dyrrachium) ponuntur, Leusinium, in Tabula Leusinum: & Andarba, Salluntum, quod itidem in Tabula quoque conspicitur: Alata, Birziminium, Cinna, quod est Ptolemæi Χίνα, Chinna, Tabulæ Sinna, XII millibus a Scodra secundum Itinerarii rationes: XX secundum Tabulæ, qua Scodrae nomen prauæ in Scobre est deformatum. Nec oppida ab Augusto exusta, Priamonem, Niniam, Sinotium suis sedibus adsignare possumus, quorum nomina sola Strabo prodidit.

SECTIO VI.

INSVLAE ILLYRICAE.

CXXVIII

Insulæ in ora Illyrica plures sunt, nec vero omnes nominatæ, aut ab omnibus singulæ eodem modo distributæ, aut eisdem distinctæ nominibus. Strabo lib. VII pag. 218 παρ' ὅλην, ἣν εἶπον παραλίαν νῆσοι μὲν αἱ Ἀψύρτιδες - - - ἔπειτα ἡ Κυρακτική, κατὰ τὰς Ἰάποδας. εἰς αἱ Λιβυρίδες περὶ τετραράκοντα τὸν ἀριθμὸν εἰς ἄλλαι νῆσοι, γνωριμώταται δ' Ἰσσα, Τραγύριον, Ἰσσεῶν κτίσμα: Φάρος, ἡ πρότερον Πάρος, Παρίων κτίσμα. Iuxta totam, quam explicauimus, oram insulæ sunt Apsyrtides, - - - deinceps est Cyractica pone Iapodas: sequuntur Liburnicæ, numero XL: tum aliæ, quarum nobilissima Issa; Tragurium, ab Issensibus condita: Pharus, quæ olim Parus, Pariorum colonia. Pomponius Mela lib. II cap. VII has recenset: In Hadria Apforos, Dyscelados, Apsyrtis, Issa, Pityia, Hydria, Electrides, Nigra Cercyra, Tragurium. Et Plinius lib. III cap. XXI Insulæ eius sinus cum oppidis, præter supra significatas (significauerat autem Fertimates & Carictas populos ex insulis) Absyrtium,

Arba, Crexa, Giffa, Portunata. Et cap. xxii de Salonitano conuentu: *petunt ex insulis Issæi, Colentini, Separi, Epetini.* Et eodem lib. iii cap. vlt. *Contra Iader est Liffa, & quæ adpellatæ.* Contra Liburnos *Cratæ aliquot: nec pauciores Liburnicæ, Celaduffæ.* Contra Tragurium *Bauo, & capris laudata Brattia: Issa ciuium Romanorum, & cum oppido Pharia.* Ab his *Corcyra, Melæna* cognominata, cum *Gnidiorum oppido*, distat xxv m. passuum; inter quam & *Illyricum Melita*, unde *catalogos Melitæos adpellari Callimachus auctor est: xv millia passuum ab ea iv Elaphites.* Ptolemæus denique extremo lib. ii separauit *Liburnicæ Dalmaticæque insulas: ex cuius dispensatione Liburnicæ sunt Ἀψορος, Apforus, in qua duo oppida sint, Κρέψα, Crepsa, & Ἀψορῆος, Apforus: deinde insula Κουρίκτα, Curicta, cuius oppida sint Fulfinium & Curicum: tertia insula Σκαρδύνα, Scarduna, cuius oppida sint Arba & Colentum.* Dalmaticas autem insulas enumerat *Issam, Tragurium, Phariam, Corcyram Nigram, & Melitinen.*

CXXIX.

Hæ sunt variorum de insulis illis opiniones: ex quibus componimus, conciliamus, abiicimus & nonnullas superaddimus. Primæ iuxta Histriam sunt *Apsyrtides* siue *Absyrtides* * Strabonis, quæ una est *Melæ* & Plinii, illi *Apsyrtis*; huic *Absyrtium*; una etiam Ptolemæi *Apforos*. Nomen deduxit Strabo ** & Plinius lib. iii cap. vlt. ab *Absyrto*, Medææ fratre, a sorore ibidem interfecto. Sed una est & plures siue duæ, quod una exiguo fretto dissecta & ponte iuncta fuit. Male autem Pomponius *Apforon* & *Apsyrtidem*, tamquam diuersas insulas, prodidit, quum eandem esse ex Ptolemæo notum sit.

CXXX.

Dyscelados *Melæ* nulla est, Vossio iudice, ficta ex *Issæ* insulæ epitheto apud Apollonium Argonaut. lib. iv versu 565

Ἰσά τε δυσκέλαδος τε καὶ ἰμερτὴ Πιτύεια,

Issa malesona, desiderabilisque Pityea. Sed nexus geminatus repetitæ vocalæ τε videtur sententiæ Vossianæ repugnare. Plinii *Crexa* quoque non est insula, sed oppidum insulæ *Absyrtidis*. *Crepsa, Κρέψα*, si fides habenda Ptolemæo est.

CXXXI.

Cyradica autem Strabonis est cum Plinio & Ptolemæo dicenda *Curicta*; etiam incolæ eius *Curictæ*. Hæc proxima est *Absyrtibus*: litori autem propior quam illæ. *Celaduffæ* Plinii sunt ex *Melæ Dyscelado*. nam & illo modo in *Melæ* quibusdam libris legitur. Satis ergo supra de illa, etiam si plures sint, dictum est.

CXXXII.

Cratæ eiusdem (non *Creteæ*) sic in mss. leguntur. Adiuvat lectionem *Caryandensis Scylax*, cuius Κραταιά, *Cratæ* insulæ in hoc sinu sunt
κατὰ

* Apollodor. biblioth. I. c. 9. §. 24. extr. καὶ αὐτῶν τὰς ἀψυρτίδας νῆσους παραπλεόντων, & eis insulas *Absyrtidas* prateruectis.

** VII. pag. 484.

κατὰ Φάρον καὶ Ἰσσαν, prope Pharum & Issam, vna cum Proterade & Olynta, quas addit Crateis.

CXXXIII.

Quæ contra Iaderam Plinio insula est *Lissa*, a multis cum celebriore *Issa* confunditur. At distinxit Plinius, illam contra Iaderam, vt dixi, statuens; hanc in iis, quæ obiectæ sunt Tragurio. Separauit etiam Antoninus, siue quisquis auctor Maritimi Itinerarii, hac serie insulas ad Dalmatiam & Histriam recensens: *Apforos, Brattia, Bolentia, Issa, Lissa, Corcyra, Melita*. Alteram autem *Issam* cum Pharo coniunxerunt veteres. Scylax pag. 17 situm quarundam insularum descripturus, dicit positas esse κατὰ Φάρον καὶ Ἰσσαν, iuxta Pharum & Issam, tamquam maxime vicinas. Straboni est γνωριμωτάτη, notissima; Agathemero lib. i cap. v ἐπισημοτέρα, insignior. Liuius lib. XLIII cap. ix Octo naues ornatas a Brundisio senatus censuit mittendas ad C. Furium legatum Issam, qui cum præsidio duarum Issensium nauium insulæ præerat. Apollonii versum supra vidimus de hac insula: Polybius Teutæ reginæ restitisse ait, ideoque ἐπολιόρκει τὴν Ἰσσαν, urbem insulæ eiusdem nominis, obsidione cinxisse, lib. ii cap. viii. Hinc *Issaici lembi*, genus nauigii, apud Liuium lib. xxxi cap. xxi denominantur, quod nauigandi studium & peritiam Issensium ostendit. Plura de Issa infra suo loco: hæc, vt discerpatur ab obscuriore Lissa.

CXXXIV.

Plinii *Bouo*, vt in MSS. est, Tragurio opposita: aliis *Boa* dicta, aut pluraliter *Boæ*. Erat autem poenæ locus, quo damnati deportabantur. Lege LIII Cod. Theod. de Hæreticis: *Præcipimus ipsum machinatorem in insulam Boam festina celeritate deduci*. Et Ammianus lib. xxii cap. iii contrusus est in insulam Dalmatiæ Boas. Et lib. xxviii cap. v quum senatus eum ad Boas, Dalmatiæ locum, exterminasset. Hodie vocatur *Bua*, eique proxime Tragurium est adiectum. Insula *Brattia*, quam capris laudatam Plinius dixit, etiam maritimo itineralio, vt vidimus supra, laudata est. nunc *la Brazza* Italici, vel *la Brassa*.

CXXXV.

Insula *Scardona* siue Σκαρδωνα Ptolemæi est Liburniæ subiecta, diciturque duo oppida habere *Arbam* & *Collentum*. An a Scardonitis, continentis populo, seu ciuitate, ædificata insula, aut colonia in illam deducta, quia communi nomine utebantur? & num eadem Plinii *Arba* est, ab oppido nominata? Ita videtur Ortelio. Ad *Arbam* Plinius cum Absyrtide coniungit, vicinamque ponit Histriæ: Colentinos autem, ab altero Scardonæ oppido denominatos, item cum Issæis conuentui Salonitano contribuit. Quis autem credet vnus insulæ duo oppida diuersis cenferi conuentibus? Hoc est quod suspectam mihi *Scardonam* insulam facit, quæ si omnino aliqua fuit, id tamen dubitari potest, an *Arba* & *Collentum* fuerint eius oppida, quia illa nomina diuersis & longe disiunctis insulis imponit Plinius. De *Arba* modo diximus, quam propinquam Iapydiæ vel ipsi Histriæ constituit; & etiamnum id nominis, *Arba*, insula Venetici est in

Flanatico sinu, inter Gissam & Curictam, contra Seniam oppidum continentis: de *Colento* ipse Plinius tam diligenter scripsit, ut curatius non potuerit. Rursus, inquit, in continente colonia *Iadera*, quæ a *Pola* CLX M. P. abest: inde triginta M. *Colentum* insula: XVIII ostium *Titii fluminis*. Plinii *Gissa* videtur plerisque Pago esse, inter Curictam & Aenonam sita: certo non probatur. *Electridas* Melæ Plinius ex Hadria exterminauit, ostenso errore Græcorum, quos ille sequutus erat, de quo in Germania sub finem, dicta plura sunt.

CXXXVI.

De *Issa* supra copiose actum est, quum a *Lissa* distingueremus. Ad-
do, Plinium lib. III extremo vocare *ciuium Romanorum*, intellige urbem
insulæ eiusdem cognominis. Hirtius B. Alexandr. cap. XLVII vocat *nobilissimum regionum earum oppidum*. Vatinus, inquit, post diem IIII contendi-
dit in insulam *Issam*, quod eo se recepisse ex fuga credebatur Octauium. Erat
nobilissimum regionum earum oppidum, coniunctissimumque Octauio. Ex
eiusdem belli cap. XLV discimus in eodem sinu esse insulam *Tauridem*,
iuxta quam victus Octavius a Vatinio, in insulam *Issam* se fuga recepisse
credebatur. Hirtius dicto loco: Octavius, quum Vatinium classem magna
ex parte confectam ex nauiculis actuariis habere cognouisset, confusus sua clas-
se, substitit ad insulam *Tauridem*: qua regione Vatinus insequens nauiga-
bat, non quod Octavius ibi restitisse sciret, sed quod eum longius progressum
insequi decreuerat. Quum propius *Tauridem* accessisset, & reliqua. Pro-
pinqua ergo *Issæ* est *Tauris* insula, quia inde proxime fuga victo in *Issam*
patuit: nec vero ab alio memoratur, haud dubie ex XL illis *Liburnicis*, aut
ἄλλοις, aliis, e quibus tantum *Issam* Strabo nominauit.

CXXXVII.

Post *Issam* ex nobilioribus insulis fuit *Pharia* Plinii; *Φάρος*, *Pharus*
Strabonis, aliorumque Græcorum. Scylax p. 17 *Proteras*, *Cratia*, *Olynta*,
κατὰ Φάρον καὶ Ἰσσαν, prope *Pharum* & *Issam*. Agathemerus lib. I cap. V
*Εἰσὶν ἐν τῷ Ἀδριακῷ νῆσοι παρὰ τὴν Ἰλλυρίδα, ὧν ἐπισημότεραι Ἰσση, καὶ ἡ Μέλαινα Κορ-
κύρα, καὶ Φάρος, καὶ Μελίτη*. Sunt in Hadriatico mari insulæ propter oram Illy-
rici, quarum insigniores sunt *Issa*, & *Corcyra Nigra*, & *Pharus*, & *Melite*. Ste-
phanus Byzantius: *Φάρος νῆσος ἐν τῷ Ἀδριακῷ, Pharos insula in Hadriatico*. Ad-
dit ex Ephoro, esse *κτίσμα Παρίων*, coloniam *Pariorum*. Item Strabo tradit
lib. VII *Φάρος, ἢ πρότερον Πάρος, Παρίων κτίσμα, Pharos, antea Parus dicta, Pa-
riorum colonia*. Et Diodorus Siculus lib. XV cap. XIII *Πάριοι κατὰ τινὰ
χρησμὸν ἀποικίαν ἐκπέμψαντες εἰς τὸν Ἀδριακόν, ἐκτίσαν ἐν αὐτῷ νῆσον ὀνομαζομένην
Φάρον, Parii, oraculi monitu coloniam deducentes in Hadriaticum mare, in eo con-
diderunt insulam Pharum dictam*. Polybius lib. III cap. XVIII etiam *Φάρον*,
Pharum, dixit, & *πόλιν ὀχυράν, munitam urbem*, quamquam Stephanus id ex-
emplum ad continentis urbem referat: non videmus quid impediatur, quo-
minus de insula, continenti proxima, interpretemur. His *Φάρος*, *Pharus*
est: Ptolemæo *Φαρία, καὶ πόλις Pharia*, & urbs eiusdem nominis. Plinio
itidem *Pharia* est, ut supra cognouimus. Hodie censetur *Lezina* insula esse.

CXXXVIII.





ITALIA ANTIQVA

LIBYRNIA

ERMOLIA

ADRIATICVM

MARE

IONIVM

SICILIAE PARS

46
45
44
43
42
41
40
39
38

CXXXVIII.

Post hanc, interiecta Hylli peninsula, est *Corcyra*, cognomento *Nigra*, ut Plinius ait, quod a Græcis est, qui μέλαιναν cognominant, ut ab Ionii maris maiore insula discernatur. Agathemerus, ἡ μέλαινα Κερκύρα; Ptolemæus Κέρκυρα ἡ μέλαινα. Hodie Curzola. *Nigra* autem cognominatur a filvis procerarum arborum, quibus prope contacta est.

CXXXIX.

Tandem est *Melita* Plinii, μελίτη Agathemeris, μελιτινὴ νῆσος, *Melitine* insula Ptolemæi. Vnde catulos cognominari *Melitæos*, Plinius dicto loco auctor est. Nunc Italis *Melede* vocata, in potestate Ragusanæ reipublicæ, cui plures subsunt insulæ, cum peninsula Hylli. Iacobus Sponius Itinerario Dalmatiæ p. 88 *En poursuivant nostre Route nous vîmes les isles d' Augusta, de Mezzo, & de Meleda, qui appartiennent a la republique de Ragusa.*

CXL.

Plinii *Elaphites*, ut nomen ostendit, a multitudine ceruorum adpellantur: quot numero, incertum, quia inconstantius de eis scriptum est. Libro Frobenii III, Harduini IV, numerale signum, præmittitur.

CAPUT IX

DE

ITALIA.

I.

ITalia, antequam hoc nomen sortiretur, *Saturnia*, *Oenotria*, *Hesperia*, *Ausonia* traditur adpellata, quæ nomina aliquando apud Poetas remanent. Virgilius Georg. II vers. 173

*Salve, magna parens frugum, Saturnia tellus,
Magna virum;*

qui vero ipse fatetur, alias huic adpellationes successisse, lib. VIII Aeneid. vers. 329

Sæpius & nomen posuit Saturnia tellus.

Nomen autem a Saturno esse, ibidem latitante, cum pulsus ab Ioue filio fuisset, nemo est qui ignoret. Alterum nomen est *Oenotria*, οἰνωτρία, ab antiquis incolis *Oenotris*. Virgilius lib. VII vers. 85

Hinc Itale gentes omnisque Oenotria tellus.

Quod ipse lib. I Aeneid. vers. 530, adiuncto & tertio nomine *Hesperia*, interpretatur:

*Est locus, Hesperiam Graii cognomine dicunt,
Terra antiqua, potens armis atque ubere glebæ:
Oenotri coluere viri; nunc fama, minores
Italiam dixisse, ducis de nomine, gentem.*

A Græcis ergo *Hesperia* nomen est, quod occidentalem regionem sonat, qualis Italia est si ad Græciam referatur. Aeneidos II vers. 781 Creüsa Aeneam adloquitur:

*Ad terram Hesperiam veniens, ubi Lydius arua
Inter opima virum leni fluit agmine Tiberis:*

& Lucanus lib. i vers. 404

Finis & Hesperiae promotus limite Varus:

ac Silius Italicus lib. i vers. 50 *Cannas tumulum Hesperiae dixit, id est Italiae. Est
& Hispania Hesperia, sed cum ultimae cognomine: ut in illo Horatii lib. i.
oda xxxvi*

Qui nunc Hesperia sospes ab ultima:

at si Italiae sub hoc nomine epitheton adiciendum est, *Hesperia magna*, a ma-
gnitudine imperii atque rerum appellatur. Iterum Virgilius Aeneid. i v. 569

Seu vos Hesperiam magnam, Saturniaque arua,

Siue Erycis fines, regnumque optatis Acesten;

quemadmodum propter eandem causam etiam *Italia* cognominatur *magna*
Aeneid. i v vers. 345

Sed nunc Italiam magnam Grynæus Apollo,

Italiam Lyciae iussere capeffere sortes.

Tandem etiam *Aufonia* dicta fuit Italia, nisi hoc ex primis & antiquissimis
fuit adpellationibus. Aeneid. vii v. 54 de Lauinia nubili:

Multi illam magno e Latium totaque petebant

Aufonia.

Et lib. xi Aeneid. vers. 252

O fortunatae gentes, Saturnia regna,

Antiqui Aufonii.

Ad quæ verba Seruius commentatus est: ANTIQVI AVSONII, quia qui pri-
mi Italiam tenuerunt, Aufones dicti sunt. Et quia a Græcis hæc cognomen
fuit, non nescimus inferiori Italiae, Græcis cognitæ præ superioribus parti-
bus, imposita præcipue fuisse, & tam Aufones, quam Oenotros in certis par-
tibus, difficulter autem ob antiquitatem definiendis, * sedem habuisse:
postea nomina sua vniuersæ Italiae concessisse, quod etiam poetæ imitati fue-
runt, quibus solis hæc nomina conseruata sunt: apud ceteros obsoleuerunt,
Italiae vocabulo in illorum locum subrogato. De cuius adpellationis dubi-
tata origine, ceterisque nominibus antea commemoratis, eorumque suc-
cessionem, Dionysius Halicarnassensis differuit lib. i pag. 28, qui, postquam di-
xerat, Italiam secundum quosdam quasi *Vitaliam*, dictam putari, a vitulo seu
boue

* Audiendum ego putem Tzetzem ad v. 44 Lycophronis: Αυσονία δὲ κυρίως, ὡς Δίων γράφει
Κοκκινός, ἢ τῶν Αὐρίγκων γῆ μόνον λέγεται, μέσῃ Καμπανῶν καὶ Οὐολκῶν παρὰ θάλασσαν κα-
μένη. Συχνοὶ δὲ καὶ μέχρι τῆς Λατίας Αὐσονίαν εἶναι ἐνόμισαν, ὥς καὶ πᾶσαν Ἰταλίαν ἀπ' αὐτῆς.
Aufonia autem proprie, ut Dio Cocceianus scribit, tantummodo Auruncorum terra dicitur inter
Campanos & *Volscos* ad mare interiecta. Multi autem etiam in Latium usque protenderunt &
per omnem Italiam. Adde Tzetzem ad v. 615 & v. 720. Si cui Aristotelis auctoritas magni pon-
deris videatur, habeat ex Polit. VII c. 10 ista verba, quæ paulo post afferemus. Festus Pom-
peius pag. 257 *Aufoniam* appellauit *Auson* *Vlysses* & *Calypsus* filius eam primam partem Italiae,
in quo sunt urbes Beneuentum & Cales. Deinde paulatim tota quoque Italia, quæ Apennino fini-
tur. Dicta est *Aufonia* ab eodem duce, a quo etiam conditam fuisse *Aruncam* urbem ferunt. Stra-
bo V pag. 355 ὑπὲρκαται δ' ἐν τῇ μεσογίᾳ τὸ Πωμέντιον πεδῖον τὴν δὲ συνεχῆ ταύτην πρότερον
Αὐσονεῖς ὠκεῖν, οἵπερ καὶ τὴν Καμπανίαν ἔχον. Supra in mediterraneis est *Pometius* campus. Huic
contiguam regionem prius *Aufones* habitauerunt, qui iidem *Campaniam* quoque tenuerunt.

boue Herculis, ibi deperdito, & per totam regionem quæsito; * id vero nominis μεταπετεῖν ἀνὰ χρόνον εἰς τὸν ὥς χρόνον, processu temporis in presentem formam mutatum esse; tum hæc plane & peripicue subiecit: εἴτε, ὡς Ἀντίοχος Φησιν, ἐπ' ἀνδρὸς ἡγεμόνος, ὅπερ ἴσως καὶ πιθανώτερον ἐστίν· εἴτε, ὡς Ἑλλάνικος οἰεταί, ἀπὸ τῆς ταύρης τὴν ἐνομασίαν ταύτην ἔχειν· ἐκείνῳ γ' ἐξ ἀμφοῖν δῆλον, ὅτι κατὰ τὴν Ἡρακλέους ἡλικίαν, ἢ μικρῷ πρότερον, ἔτιως ὠνομάσθη. τὰ δὲ πρὸ τῶν Ἑλλήνων μεν Ἑσπερίαν καὶ Αὐσονίαν αὐτὴν ἐκάλεον· οἱ δὲ ἐπιχώριοι Σατορνίαν, ὡς εἰρητοί μοι πρότερον. Siue, ut Antiochus [Syracusanus] ait, a duce, quod fortasse verosimilius est; siue ut Hellanicus opinatur, a tauro nomen hoc [Italia] accepit: illud certe ex amborum auctoritate liquet, Herculis ætate, aut paullo ante, sic nominatam esse: superiore vero tempore Græci Hesperiam & Ausoniam eam vocabant, indigenæ Saturniam, ut supra dictum est. Verosimilius ergo Halicarnassensi fuit, a duce Italo, ** quod etiam supra producto versu Virgilius censuerat, adpellatam Italiam esse, quam a boue aberrante, quæ Antiochi erat opinio; aut ab antiqua voce Græca, quæ Varronis sententia est apud Gellium lib. xi cap. i. M. Varro, inquit, in antiquitatibus rerum humanarum, terram Italiam de Græco vocabulo adpellatam scripsit: quoniam boues veteri lingua ἰταλοὶ vocitati sint, buceraque in ea terra gigni pascique solita sint complurima. Quod vero plures terræ armentosæ sunt, nec inde vel vlla alia sibi adsumsit nomen; probabilior est, Halicarnassensi quæ πιθανώτερα videbatur, eademque Virgilii opinio, Aeneid. i vers. 533, qua minores

Italiam dixisse ferunt ducis de nomine gentem.

Obscura & incerta Italiæ nomina, id est vnius tantum auctoris fide cognita, prætermittimus, ut sunt *Argessa* apud Tzetzen scholiasten Lycophronis ad vers. 1232: & *Chone* apud Hesychium ex Antiocho Xenophane; & *Camesene*, ut regionem, in qua Ianiculum est, nescio an omnem Italiam, Protarchus Trallianus dixit, referente Macrobio lib. i Saturn. cap. vii. Nec antiquissimos populos Italiæ, Aborigines, *** Osci, Læstrigones, Ausones, **** Oenotros ***** aliosque curamus ita, ut de limite illorum magnopere solliciti

* Vid. Apollodorus II c. 5. §. 10. p. 115. quum Geryonæ boues ab Hercule in Tyrrheniam abactos esse dixisset, pergit: Ἀπὸ Ρηγίης δὲ εἰς ἀπορρήγνυσι ταῦρος, καὶ ταχέως εἰς τὴν θάλασσαν ἔμπεσών, καὶ διαπλευσάμενος εἰς Σικελίαν, καὶ τὴν πλησίον χώραν διελθὼν τὴν ἀπ' ἐκείνης κληθεῖσαν Ἰταλίαν &c. Bos, qui vicinam regionem peragravit ab ipso Italiam adpellatam a Regino aufugit, in mare illapsus & in Siciliam delatus. Fabulæ!

** Vela rege Oenotriæ Italo, de quo copiose Aristoteles Polit. VII. c. 10. φασὶ γὰρ οἱ λόγοι τῶν ἐκ τοῦ κατωικνύτων Ἰταλὸν τινὰ γενέσθαι βασιλέα τῆς Οἰνοτρίας, ἀπ' ἧς τότε τὸ ὄνομα μεταβαλόντας Ἰταλὸς αὐτ' Οἰνωτρίων κληθεῖσιν &c. Aiunt enim gnari incolarum illorum homines Italum quendam fuisse regem in Oenotriæ, a quo nomen hoc, commutatione facta, sortiti sint, ut Itali pro Oenotris appellarentur.

*** Priscianus VI. ita scribit: Cato in I. Orig. Agrum quem Volsci habuerunt, campestris plenus Aboriginum fuit.

**** Aristoteles Politic. VII. c. 10. Ὀἰκον δὲ τὸ μὲν πρὸς τὴν Τυρρηνίαν Οπικοί, καὶ πρότερον καὶ νῦν καλούμενοι Αὐσόνες. Τὰ δὲ πρὸς τὴν Ἰατυρίαν καὶ τὸ Ἰώνιον Χῶνες τὴν καλουμένην Σύρτιν ἦσαν δὲ καὶ οἱ Χῶνες Οἰνωτρίων τὸ γένος. Habitabant autem ad Etruriam Opici, qui & antea & etiamnum Ausones vocantur. Alteram autem partem, quæ ad Iapygiam & Ionium pertinet, incolebant Chæones, Syrtim adpellatam: & ipsi quoque ab Oenotris orti.

***** Aristoteles Politic. VII. c. 10. verbis not. ** allatis continuo ista subiicit: Καὶ τὴν ἀκτὴν ταύτην τῆς Εὐρώπης Ἰταλίαν τὸν ὄνομα λαβὼν, ὅσην τετύχηκεν εἰς τὸς ὅσους τῆς Σκυλλητικῆς καὶ τῆς Λαμνητικῆς ἀπέχῃ γὰρ ταῦτα ἀπ' ἀλλήλων ὁδὸν ἡμισέας ἡμέρας. Et oram illam Europæ maritimam nomen

liciti sumus: qui vero Romanorum temporibus in Italia populi fuerunt, ex diuisione in regiones manifestum fiet, vbi cuilibet parti suæ gentes adsignabuntur. Diuisionem autem præcedant fines & flumina, vt ex illis totum prius, quam partes, cognoscamus: & ex his diuisionis fundamentum, plerisque populis a natura constitutum, accipiamus.

II.

Fines Italiæ sunt maiorem partem ita supero inferoque mari firmati, vt neque ignorari, neque mutari facile possint. Reliquam partem Alpes summæ definiunt a mari Ligustico vsque ad Pannoniam, & vbi illæ desinunt iuxta Hadriaticum mare, flumen per Histriam delabens Arsia. Ptolemæus quidem lib. III cap. I etiam gentes nonnullas trans Alpes sitas in Italia censuit, vt fines dilataret: sed malumus cum aliis Italiæ terminum in summis Alpium constituere, quarum ὄρη, *montes*, ἐν τείχεσσι Χήματι περιέχεται καὶ προέβληται Ἰταλίας, *in muri forma circumiacent Italiæ*, vt scite Herodianus dixit lib. II cap. XI.

III.

Flumina Italiæ sunt quam plurima, saltem plura nominata & descripta ab historicis & geographis, quam in vlla parte ac regione terrarum orbis. Italia enim vt feracissima ingeniorum fuit, ita his quoque debuit accuratiorem fui, quam aliarum regionum descriptionem. Omnia nunc singulatim prænarrare, antequam regiones explicemus; nimium erit: etiam superfluum, quia in suis quæque regionibus denuo occurrent enarranda. Contenti ergo erimus vel maiores tantum fluuios iam proponere, vel ex minoribus præcipue illos, qui ad diuisionem prouinciarum siue regionum aliquid adferunt.

IV.

Primas partes, quamuis in media Italia, *Tiberis* * tenet, quem *sceptriberum* Silius lib. VIII vers. 368 vocauit. Oritur ex Apennino, & Tifernum ac Perusiam præterlabitur, auctusque *Tinia*, *Clani*, *Nare*, nunc vrbi propior *Fabarim*, *Alliam*, *Cremeram* & tandem *Anienem* accipit, & gemino ostio infra urbem Tyrrheno mari infunditur. Hic non Latium solum, sed Sabinorum etiam agrum, & Vmbriam cis Apenninum, ab Etruria, quam dextra ripa tangit, separat.

V.

Huic proximus, non situ, sed nobilitate est *Padus*, qui sæpe etiam *Eridanus* adpellatur vetustiore nomine. Diodorus Siculus lib. V cap. XXIII τὸ δὲ φαέθοντος πετόντος πρὸς τὰς ἐκβολὰς τῶ νῦν Πάδου καλεσμένου ποταμοῦ, τὸ δὲ παλαιὸν Ἠριδανῶν προσαγορευομένον, *quum Phaëthon delaberetur in ostia fluuii, qui nunc Padus, quondam Eridanus dicebatur*. Plinius lib. III cap. XVI Græcis auctori-

Italiæ accepisse, quanta inter Scyllaticum & Lameticum sinum iacet. Intercedit autem inter utrumque via diei dimidii.

* Digna sunt Varronis lib. IV. L. Lat. c. 5. verba, quæ hic legantur: Sed de TIBERIS nomine anceps est historia. nam & suum Etruria & Latium esse credit. Fuerunt qui a vicino regulo Ventium Dehebri dixerint appellatum primo Dehebrim. Sunt qui Tiberis priscum nomen Latinum Albulam vocatum literis tradunt: Posterius propter Tiberinum regem Latinorum mutatam, quod ibi intarierit.

ctoribus id adpellationis imputat. *Padus*, inquit, *Græcis dictus Eridanus*, ac *pæna Phaëthentis illustratus*. Imitantur hos Latini poetæ. Virgilius Georg. I vers. 481

*Proluit insano contorquens vortice silvas
Fluuiorum rex Eridanus.*

Et Propertius lib. I elegia XII

Quantum Hypanis Veneto disfidet Eridano.

Nec minus poetæ Latini, quam fere omnes scribentes prosa, eundem amnem *Padum* vocant. Lucanus lib. I v versu 134

*Sic Venetus, stagnante Pado, fusoque Britannus
Nauigat Oceano.*

Oritur in Cottiis Alpibus monte Vesulo & Cisalpinam Galliam in Transpadanam secans & Cispadanam, vtrimque fluminibus ex ceteris Alpibus & Apennino auctus non exiguis, septem ostiis in Hadriaticum mare exoneratur. Pomponius Mela lib. II cap. IV *Padus, ab imis radicibus Vesuli montis exortus, paruis se primum fontibus colligit, & aliquatenus exilis ac macer, mox aliis amnibus adeo augetur atque alitur, ut se per septem ad postremum ostia effundat*. Præcipui fluuii quibus *Padus* augetur ex Alpibus Penninis & Rhæticiis sunt *Ticinus*, *Addua*, *Ollius*, *Mincius*: ex Ligusticis montibus & Apennino, *Tanarus*, *Trebia*, *Tarus*, *Scultenna*, *Lauinius* & *Rhenus* paruus. * De singulis in regionibus suis agemus.

VI.

Liguriam includunt *Varus*, finis Galliæ, & *Macra*, Etruriam & Liguriam determinans. Plinius lib. III cap. V *Flumen Macra, Liguriæ finis*. Et mox: Patet ora Liguriæ inter amnes *Varum* & *Macram*.

VII.

Etruriam secant *Arnus*, fluuius nobilior, Florentiam & Pisas adluens, & has una *Auser* siue *Ausur*, amnis minor. De Pisana vrbe Rutilius Itiner. lib. I vers. 566

Quam cingunt geminis Arnus & Ausur aquis.

VIII.

Latium ab Etruria ut *Tiberis*, ita *Liris* a Campaniæ ora seiungit: superius autem, id est septentrionem versus, ubi *Fibrenum* *Liris* accipit, excedit hunc amnem Latii noui limes, de quo infra dicturi sumus.

IX.

Campaniæ flumina sunt *Vulturnus* amnis & *Liternus*, quorum ille Capuam adluit; hic, Acerras. Idem *Linternus* scribitur, & alio nomine *Clanius*. Virgilius Georg. II vers. 225.

Et Silius Italicus lib. VII vers. 536

*Clanio contemta semper Acerræ,
propter crebras exundationes, quibus oppidum infestatur.*

- S s s

X. Si-

* Incommoda ex tot fluminum incurfu in *Padum* Aggenus docet in commentario in Frontinum de limitibus agror. pag. 56 57.

X.

Silarus amnis Picentinos a Lucanis: hos a Brutiis *Laüs* distinguit.

XI.

In sinum Crotoniensem effluunt *Neæthus*, nunc *Neto*, de quo Ovidius *Metamorph.* xv vers. 51

Præterit & Sybarin, Sallentinumque Neæthum,
ultra fines Sallentino cognomine a poetis promotum, de quo infra dicturi sumus: & *Crimisus* siue *Crimissus* Stephani: in sinum Tarentinum *Sybaris*; & *Siris*, *Aciris*, inter quos *Heracleas* sita; *Casuentus*, *Bradanus*, inter quos *Metapontum*; & ad Tarentum *Galesus*, siue *dulce pellitis ouibus Galeſi flumen*, ut Horatius vocat lib. ii Oda vi. Idem flumen etiam *Eurota* dictum fuit, Polybio testante lib. viii cap. xxviii, ἔχον ἐπωνυμίαν ταύτην ἀπὸ τῆς τῆ παρὰ Λακεδαιμόνα ῥέοντος Εὐρώτα, ab *Eurota* qui *Lacedæmonem* præterfluit. nam *Lacedæmoniorum* colonia Tarentum fuit. Ovidius dicto xv *Metam.* vers. 51

Nauigat Ionium: Lacedæmoniumque Tarentum
Præterit.

XII.

Apuliæ nobilissimus fluuius est *Aufidus*, Horatio tauriformis ille *Aufidus*,

Qui regna Dauni præfuit Appuli:
Quum sæuit horrendamque cultis
Diluuiem meditatur agris,

lib. iv oda xiv: Floro lib. ii cap. vi documentum cladis [Cannensis] cruentus aliquamdiu *Aufidus*. Polybius lib. iii cap. cxi de hoc flumine obseruat, quod μόνος διαρρεῖ τὸν Ἀπεννῖνον, solus *Apenninum* diuisum pertranseat.

XIII.

In *Hadriæ* ora multi sunt fluuii regionum terminatores. *Frento* enim dirimit *Frentanos* ab *Apulis*: *Matrinus* & *Aesis* Picenum definiunt: *Vmbriam* *Aesis* & *Rubico*: & alter simul terminus *Galliæ* *Cisalpinæ* erat, notus ex ciuilibus belli initio. Suetonius *Cæsare* cap. xxxi *Consequutus cohortes ad Rubiconem flumen, qui prouinciæ eius finis erat, paullum constitit: ac reputans quantum moliretur, conuersus ad proximos, Etiam nunc, inquit, regredi possumus. quod si ponticulum transierimus, omnia armis agenda erunt.* PONTICVLVM vocat, quia exiguus fluuius est. Lucanus lib. i vers. 185

- - - *Vt ventum est parui Rubiconis ad vndas.*

Nihilominus terminus erat prouinciæ. Cicero *Philipp.* vi cap. iii *citra flumen Rubiconem, qui finis est Galliæ.* Et Lucanus dicto libro i vers. 213

Fonte cadit modico, paruisque impellitur vndis
Puniceus Rubico, quum feruida canduit æstas:
Perque imas serpit valles, & Gallica certus
Limes ab Ausoniis disternat arua colonis.

XIV.

Inter hunc & *Aesim* *Ariminus*, *Pisaurus*; sed nobilior clade *Asdrubalis* factus *Metaurus*. Horatius lib. iv oda iv

Quid

*Quid debeas, o Roma, Neronibus,
Testis Metaurum flumen, & Asdrubal
Deuictus.*

XV.

Ultra Padum proximus *Athesis*, ex Rhætorum Alpibus ruens, Triden-
tum & Veronam præterfluens. Virgilius lib. ix vers. 680

Sive Padi ripis, Athesin seu propter amœnum.

Euganeos, veterem populum, a Venetis terminauit: & ab Verona flectit cur-
sum, & παράλληλος Pado in Hadriaticum mare defertur.

XVI.

Inter vtrumque, Athesim & Padum, minor quidam fluuius est, *Tarta-
rus*, tandem per fossam Pado coniunctus, vnde Plinius lib. iii cap. xvi *Tar-
tarum ostium* vocat. Tacitus lib. iii Hist. cap. ix *Cæcina inter Hostiliam
vicum Veronensem, & paludes Tartari fluminis castra permuniit: tutus loco,
quum terga flumine, latera obiectu paludis tegerentur.* Quod idem flumen
oppidum *Atriam* adluit, inde Ατριάνης ποταμός *Atrianus amnis* Ptolemæo est.

XVII.

Succedit *Medoacus* geminus, maior & minor, sed confluentes in vnum
alueum, qui & ipse Padi ostio septemtrionali miscetur. Plinius dicto loco:
Edronem [portum faciunt] *Medoaci* duo, ac fossa *Clodia*. *His se Padus miscet,
& per hæc effunditur.* Distinctionis signa, *maior, minor*, addita in Tabula
Peutingeriana.

XVIII.

Qui sequuntur, *Silis, Plauis*, a paucis memorantur: *Liquentia* ex mon-
tibus Opiterginis, Plinio lib. iii cap. xviii, quem Seruius etiam Aeneid.
ix vers. 679 *Liquentia flumina* vocari credit, & *Liquetia* potius, quam *Li-
quentia*, pro fluminis nomine habet, atque ita legendum in Virgilio censet.

XIX.

Reliquos fluuios ita dicto loco enarrat Plinius: *colonia Concordia: flu-
mina & portus, Romatinum, Tilauentum maius minusque, Anassum in quod Ver-
ramus defluit; Alsa, Natifō cum Turro, præfluentes Aquileiam coloniam, xvm.
p. a mari sitam.* Tilauentum, Τίλαεμπος ποταμός Ptolemæo, id est *Tila-
vemptus fluuius*: in Alsam proiectus Constantinus, Constantini M. filius, vt
Epitoma Victoris refertur.

XX.

Post Aquileiam est *Sontius* fluuius. Cassiodorus lib. i epist. xviii
Theodorici verbis: *Sonti fluenta transmisiimus, ubi primum Italiæ nos susce-
pit imperium.* Hodie Lisonzo vocatur.

XXI.

Recipit idem ex transuerso adlabentem fluuium *Frigidum*, ad quem mi-
randa victoria Theodosius Eugenium superauit. Socrates lib. v cap. xxv
γίνεται συμβολή περὶ τὸν ποταμὸν τὸν καλούμενον φρίγδον, prælium committitur ad
fluuium, quem *Frigidum* vocant. De eodem prælio Claudianus iii Conf
Honor. vers. 99

*Alpinæ rubuere niues, & Frigidus amnis
Mutatis fumauit aquis, turbaque cadentum
Staret, ni rapidus iuuiſſet flumina ſanguis.*

Est quoque in Peutingeriana Tabula *fluius Frigidus* post *Pontem Sonti*: & Antonini itinere ab Vrbe in orientem, hic ordo ſervatus est:

<i>Altino</i>	—	—	—
<i>Concordiam</i>	M.	P.	XXXI
<i>Aquileiam</i>	M.	P.	XXXI
<i>Fluium Frigidum</i>	M.	P.	XXXVI
<i>Longaticum, manſ.</i>	M.	P.	XXII
<i>Aemonam</i>	M.	P.	XVIII.

XXII.

In proximo est nobiliſſimus *Timauus*, fons, lacus, flumen, portus. Virgi ius Aeneid. i verſ. 244

Antenor potuit

— — — — — *fontem ſuperare Timai,*

Vnde per ora nouem, & vaſto cum murmure montis

It mare præruptum.

Liuius lib. xli cap. i lacum *Timai* vocat. *Profeſtus*, inquit, *ab Aquileia* conſul, caſtra ad lacum *Timai* poſuit. Scilicet ex lacu ſeptem vel nouem capitibus hic amnis profluit. Pomponius lib. ii cap. iv *In oris proxima eſt à Tergeſte, Concordia.* Interfluit *Timauus* nouem capitibus exſurgens, vno oſtio emiſſus. Et Claudianus vi conſul Honor. verſ. 197

Mincius, inque nouem conſurgens ora Timauus.

At Strabo lib. vii pag. 148 *ἱερὸν τὸ Διομήδους ἐστὶν ἄξιον μνήμης τὸ Τίμαρον λιμένα γὰρ ἔχει, καὶ ἄλσος εὐπρεπὲς, καὶ πηγὰς ἑξ ὑδατος, εὐθὺς εἰς τὴν θάλατταν ἐκπίπτοντος πλατῆι καὶ βαθεῖ ποταμῷ, Templum Timauum Diomedis memorabile eſt: portum habet, & lucum amœnum, etiam fontes ſeptem aquæ fluiualis, ſtatim lato altoque flumine in mare exeuntis.* Poetæ ſic deſcribunt, vt apud Patauium in Venetis, aut prope illos videatur eſſe. Vnde Patauinum Liuium Papinius Statius lib. iv ſilv. vii extr. *Timai alumnium* vocat: & Sidonius carm. ix verſ. 196 *Euganeum Timauum*, ab Euganeis, Venetorum ab occaſu vicinis, denominat. Nec aliter Lucanus lib. vii verſ. 192

Euganeo, ſi vera fides memorantibus, augur

Colle ſedens, Aponus terris vbi ſumifer exit,

Atque Antenorei diſpergitur vnda Timai.

At quum non raro geographia laxior poetarum ſit; præſtat ex Græcis Strabonem, & quos ipſe adlegat, Polybium & Poſidonium: e Latinis Melam, Plinium, Antoninum, & Tabulæ Theodoſianæ auctorem ſequi, qui omnes *Timauum* poſt *Aquileiam* ponunt ſive inter *Aquileiam* & *Tergeſte*. Plinius cap. xviii *amnem Timauum* poſt *Aquileiam*, ante *Tergeſtinum ſinum* habet, perinde ac Mela verbis ſupra recenſitis. Antoninus itinere ab *Aquileia* *Salonas*:

Aqui-





Aquileia

Fontem Timai

Tergeste

— — —
M. P. XII

M. P. XII

Idem ordo in Tabula Peutingeriana obseruatur, vt de vero situ Timai dubitare non liceat.

XXIII.

Vltra Tergestinam coloniam vi m. passuum *Formio amnis*, vt Plinius prædicto loco tradit, *antiquus auctæ Italiæ terminus*, quem postea *Polam* vsque, & tandem ad *Arsiam* amnem prorogarunt Cæsares. Strabo lib. vii pag. 217 Ἰσθμὸς πρῶτος τῆς Ἰλλυρικῆς παραλίας, συνεχὴς τῇ Ἰταλίᾳ καὶ διότι μέχρι Πόλας, Ἰσρικῆς πόλεως, προήγαγον οἱ νῦν ἡγεμόνες τὰς τῆς Ἰταλίας ὄρους, *Histros primos Illyricæ oræ, conterminos Italiæ* fuisse dicit. Post, inquit, *principes nostri ad Polam vsque, Histriæ urbem, Italiæ fines protulerunt.* Plinii ætate ultra *Polam* ad flumen *Arsiam* finis productus erat. Nunc, inquit, cap. xix, *finis Italiæ fluuius Arsia.* Vterius numquam, quantum constat, terminus fuit promotus.

DIVISIO ITALIÆ

XXIV.

Ab ipsa natura Italia per *Apennini* iuga, quæ omnem a Liguria ad fretum Siculum percurrunt, est diuisa: indeque duo maria, *Superum*, quod trans Apenninum est; & *Inferum*, quod cis eundem montem est, denominantur. Inde quoque populi, & arbores, & aliæ res in *supernates* & *infernates* diuiduntur. Plinius lib. xvi cap. xxxix *Romæ infernas abies supernati præfertur.* Caussam Vitruuius dat lib. ii cap. vlt. *Infernates* [arbores] *quæ ex apricis locis adportantur, meliores sunt, quam quæ ab opacis de supernatibus aduehuntur.* Sicciores enim arbores in aprico & australi Apennini latere, quam in septemtrionali, quod superum mare spectat; ideoque durabiliores gignuntur. Superum mare vulgo *Hadriaticum*, siue *Adriaticum* vocatur: item *Hadria* siue *Adria*, * ab vrbe eius nominis nominatur. Duplex autem Italiæ *Hadria*, altera in Venetis ad Tartarum fluuium inter Padum & Athesim; quam supra in fluminibus *Atriam* scripsimus, præeunte Plinio, & Ptolemæo; Strabo autem lib. v pag. 148 etiam hanc per Δ scribit *Αδρίαν, Adriam*: altera ad Vomanum fluuium in Piceno est, ad quam Antonini iter ab vrbe est directum, patria maiorum Hadriani imperatoris. Ab vtra nunc mare adpelleretur, dubitari potest. Plures Venetæ id attribuunt. Plinius lib. iii cap. xvi *egesto amnis impetu per transuersum in Atrianorum paludes, quæ septem maria adpellantur, mobili portu oppidi Tuscorum Atria, a quo Atriatum mare ante adpellabatur, quod nunc Adriaticum.* An vero hoc oppidum tam celebre fuerit, vt mari nomen imponeret; dubitari ex eo possit,

Sss 3

quia

* Si *Atria* per t olim etiam scriptum fuit, vt auctor noster ipse docet, triplex *Atria* in Italia fuisse videtur. Nam Varro lib. IV. L. L. c. 33. *Atrium appellatum ab Atriatibus Tuscis, illinc enim*

quia Strabo inter *πολιςμάτια*, id est *oppidula* numerat; de veteri autem conditione eius non ex sua sententia, sed incerta vulgi opinione dicit, τὴν Ἀδρίαν ἐπιφανῆ γενέσθαι πόλιν φασὶν, ἀφ' ἧς καὶ τέτυκται τῷ κόλπῳ γενέσθαι τῷ Ἀδρία, *Adriam claram fuisse urbem dicunt, a qua nomen sit sinui Adriatico*. Sed φασὶν dicunt homines, non probant documentis. Iustinus quidem lib. xx cap. i videtur Plinium ituare, dum *Adriam*, quæ mari nomen dederit, *Illyrico mari* ponit *proximam*: at iunior Aurelius Victor, epitomes auctor, in Hadriano aperte dicit, *oppidum agri Piceni mari Adriatico nomen dedisse*. Est & tertia opinio, ab *Adria*, * Iaconis filio, Italo homine, nomen impositum mari fuisse. Eustathius in Dionys. vers. 92 Ἰάκωνος υἱὸς Ἀδρίας ἰσόρητος, ἀφ' οὗ τὸ αὐτὸ πέλαγος καὶ Ἀδριατικὸν λέγεται, *Traditur Adrias Iaconis* [Ἰάκωνος, ἀνδρὸς Ἰταλῆ, vt ante paullo vocauerat] *filius exstitisse, a quo etiam Adriaticum mare adpelletur*. Sed hæc de nominis origine dubitanter. Vocatur Græcis plerumque ὁ Ἀδρίας κόλπος, *Adria sinus*: vide Polybium lib. ii cap. xiv; & simpliciter ὁ Ἀδρίας, ibidem cap. xvi, & Strabonis proxime productis verbis: quemadmodum Latinis etiam *Adria* est, vt Horatio *arbiter Adriæ Notus*, lib. i oda i, i; & Senecæ epist. xc *Parum est, nisi trans Hadriam, & Ionium, Aegæumque vester villicus regnet*. Cicero vocauit *Hadrianum mare*, in Pison. cap. xxxviii, & lib. x Attic. ep. vii. Alia forma Virgilius Aeneid. xi vers. 405 *Hadriacas undas*; Silius lib. i vers. 54 *Adriacum pontum*. Vulgo *mare Adriaticum* cum Mela lib. i cap. iii; Plinio, loco supra dicto; Seneca iii Quæst. Nat. cap. xxi. Sed, sine adspiratione, an cum illa, vocabulum scribendum sit, noua lis est. Si nomen ab oppido Piceni est, *Hadria*, & *Hadriaticum* scribi oportet, quia imperatoris, inde genus ducentis, in nummis & lapidibus nomen *Hadrianus* est: si ab oppido Venetiæ, vt antiquiore, eiusque colonia Picentinum est, vt Cluuerio videtur; eadem ratio ob commune nomen præualebit: ad quam Venetorum urbem Lucas Holstenius in Stephanum, Magni Ducis Tuscorum vetustum nummum refert, cui HADR. inscriptum est cum Neptuno effigiato.

XXV.

Sed vt in viam reuertamur, vnde *Superi* maris explicandi caussa digressi fueraus; adpellatio illa, etiam *Inferi*, id est Tyrrheni maris, quod illi opponitur, admodum trita frequensque Romanis fuit. Cicero lib. ix ad Attic. epist. iii *Non sunt faciles nobis ex Italia exitus, quum ea tota armis præsidis teneatur, hieme præsertim. nam, si commodius anni tempus esset, vel infero mari liceret uti. nunc nihil potest nisi supero transmitti; quo iter interclusum est*. Et eodem libro, epist. vltima: *Nos, quoniam superum mare obsidetur, infero nauigabimus; & si Puteolis erit difficile, Crotonem petemus aut Thurios*. Et Liuius lib. v cap. xxxiii *Mari supero inferoque Italia insule modo cingitur*. Et Pomponius Mela lib. ii cap. iv *Italia se media perpetuo iugo Apennini attollens montis, inter Hadriaticum & Tuscam, siue, vt aliter adpellantur, inter superum mare & inferum excurrit*. Inscriptione Alpina, Augusto Cæsari dicata, quam Plinius etiam lib. iii cap. xx exhibuit, GENTES ALPINAE OMNES

* Vid. etiam Tzetzes ad Lycophronis Alexandr. v. 630.

QVAE A MARI SVPERO AD INFERVM PERTINEBANT, SVB IMPERIVM P. R. REDACTAE SVNT. Et Virgilius lib. viii vers. 149

Et mare quod supra, teneant, quodque adluit infra.

Has adpellationes marium Apenninus mons gignit, per mediam Italiam, quam longa est, procurrens. Lucanus lib. ii vers. 399

Mons inter geminas medius se porrigit undas

Inferni superique maris.

Hic mons est, ut ipse vers. 396 descripserat,

Umbrosis mediam qui collibus Apenninus

Erigit Italiam.

sive, ut Silius Italicus lib. ii vers. 314 illum comparat,

Alpibus equatum attollens caput Apenninus.

XXVI.

Hæc naturalis diuisio Italiæ. Alia sequitur ab origine gentium, quæ occupauerant, desumpta. Constat enim superiorem partem, quæ sub Alpibus est, Gallos infedisse: partem vero quæ in Græciam Siciliamque vergit, oppletam fuisse Græcorum coloniis. Hinc noua nomina nata, ut pars Italiæ Gallia adpellaretur; pars alia, Græcia Magna. Gallorum inuasionem cum cura scripsit Liuius lib. v cap. xxxiii seq. ducentis annis ante, quam Clusum oppugnarent, urbemque Romam caperent, in Italiam Gallos transcendisse, Prisco Tarquinio Romæ regnante, excitos, Belloueso duce, ex Biturigibus, Aruernis, Senonibus, Aeduis, Ambarris, Carnutibus, Aulercis: per Taurinos saltusque Iuliæ Alpibus transcendisse, fuscisque acie Tuscis, haud procul Ticino flumine, quum, in quo confederant, agrum Insubrium adpellari audissent, cognomine Insubribus, pago Aeduorum. Ibi omen sequentes loci condidisse urbem, Mediolanum adpellasse. Alia subinde manus Cænomanorum, Elitouio duce, vestigia priorum sequuta, eodem saltu, fauente Belloueso, quum transcendisset Alpes, ubi nunc Brixia & Verona urbes sunt (locos tenuere Libui) confedisse. Post hos Salluios: - - - Pennino deinde Boios Lingonesque transgressos, quum iam inter Padum atque Alpes omnia tenerentur, Padoratibus traiecto, non Etruscos modo, sed etiam Umbros agro pepulisse: intra Apenninum tamen se se tenuisse. Tum Senones, recentissimos aduenarum, ab Vtente flumine usque ad Aesim fines habuisse. Hi ergo sunt illi populi, qui intra Italiæ fines Cisalpinam Galliam constituerunt, quibus, in potestatem redactis, Romani postea certos limites constituerunt, prouinciæ formam imponentes, cuius caput videtur Ariminum fuisse, quo nomine totam aliquando prouinciā adpellauerunt. Liuius lib. xxviii cap. xxxviii, anno Punici ii belli quarto: Tum prætorie prouinciæ in sortem coniectæ. urbana Cn. Seruilio contigit: Ariminum (ita Galliam adpellabant) Sp. Lucretio: Sicilia L. Aemilio: Cn. Octauio Sardinia. Post Mutina videtur caput prouinciæ fuisse, quod ex Mutinensi bello, cum M. Antonio gesto adparet, quia ibi D. Brutus, cui decreta prouincia a senatu erat, ab Antonio fuit obsessus.

XXVII.

Græcorum in Italia coloniæ, quæ Maiorem Græciam constituebant, sal-

saltem partem eius, certos fines ac limitem non habuerunt. Quidam scriptores angustis terminis concludunt: alii laxè nimis eius fines per omnem fere Italiam proferunt. Liuius lib. xxxi cap. vii consulis Sulpicii verbis: *Nec Tarentini modo, oraque illa Italiae, quam Maiorem Græciam vocant, ut linguam, ut nomen sequutos crederes: sed Lucanus, & Bruttius, & Samnis a nobis defecerunt.* Iustinus lib. xx cap. ii de Metaponto agens: *Omnis illa pars Italiae Maior Græcia adpellata est.* Et Seneca ad Heluiam cap. vi *Totum Italiae latus, quod infero mari adluitur, Maior Græcia fuit.* Festus tandem in MAIOR GRAECIA: *Maior Græcia dicta est Italia, quod in ea multæ magnæque ciuitates fuerunt, ex Græcia profectæ.* Ouidius concinit Fast. iv vers. 63

Nec tibi sit mirum Graio rem nomine dici:

Itala nem tellus Græcia Maior erat.

Non facile hæc conueniunt, nec omnis Italia, sed pars eius *Magna Græcia* vocata: sed quanta illa, & qui eius fuerint limites, fateor, subobscurum esse. Liuius eximit Lucanos & Bruttios: at Seneca huic Græciæ totum dat latus maris inferi, in quo utique est Lucania, & ipsa Græcis exculta coloniis; nec non ipsa quoque Campania in eodem litore. Iustinus pressè loquitur, litus quod a Tarento ad Locros aut ad fretum est, hoc nomine adpellitans. Scilicet res ita habet: Quod plures in Italia Græcæ coloniæ erant, magna illius pars fuit *Græcia* adpellata. postquam vero propiores Latio, Latinos mores Latinamque linguam sequuti sensim sunt; factum est ut angustiori parti nomen Græciæ relinqueretur, præsertim illi, quæ ad Tarentinum finem, & vsque ad Locros seu Leucopetram promontorium est, ita tamen, ut nec alterum litus, quod inde in Lucaniam tendit, excluderetur. Nulli ergo certi fines huius Græciæ erant: omnium autem consensu in eo tractu Italiae sita fuit, quæ Græciam vltiorem & transmarinam, nec non Siciliam spectabat. Ipse Cicero sic inter tempora distinxit, & ut videtur, secundum illam etiam inter fines, lib. iii de Oratore cap. xxxiv *Instituitne, inquit, Pythagoras totam illam veterem Italiae Græciam, quæ quondam Magna vocitata est?* QVONDAM ait. ergo Ciceronis tempore cessauerat hæc adpellatio: non autem *Galliæ Cisalpinæ*, quam vbique in ore habet Cicero.

XXVIII.

Cur vero hæc pars Italiae vocetur *Græcia*, apertum est; non æque, cur *Magna* vel *Maior*. Iosephus Scaliger ad Festum pag. 81 *Certissimum est, ita vocatam a Romanis, quia propior ea esset illis, quam transmarina Græcia.* Non capio, qui propinquitas inferat magnitudinem. Aliæ rationes quærendæ sunt. Plinius lib. iii cap. v ad ambitionem refert Græcorum, qui adpellationis huius auctores sint, non Romani. *Ipsi, inquit, de ea iudicauere Græci, genus in gloriam suam effusissimum: quotam partem ex ea adpellando Græciam Magnam?* Ergo, quæ per se non maior quam transmarina, immo minor sit, ab ambitiosis ex Græcia colonis ita adpellari censet. Strabo autem lib. vi sub initium, τὴν μεγάλην Ἑλλάδα ταυτην ελεγον, καὶ τὴν Σικελίαν. illam [quam tractat Italiae partem] *Magnam Græciam dixerunt, & Siciliam.* Si ergo Sicilia

lia simul sub Magna Græcia continetur, utique verius potest *Magna* dici, quam si sola pars esset Italiae. Sicilia æque Græcis coloniis plena, & in Græcis censetur ab Liuiio lib. vii cap. xxvi, nec vero ad propriam pertinuit, sed in eodem censu, quo Italica Græcia erat, relicta. Sic enim Liuius dicto loco: *Cum Græcis a Camillo nulla memorabilis gestares: nec illi terra, nec Romanus mari bellator erat. - - Cuius populi ea, cuiusque gentis clasfis fuerit, nihil certi est: maxime Siciliae fuisse tyrannos crediderim. nam ulterior Græcia ea tempestate intestino fessa bello, iam Macedonum opes horrebat.*

XXIX.

Quum ergo Liuius Siciliae respectu Græciam *ulteriorem* dixit, quæ trans Ionium mare erat; sequitur citeriorem etiam aliquam fuisse in Sicilia & in Italia: quam Apuleius Apolog. p. 294 *Subsiciuam Græciam* adpellat. De Pythagora inquit, *proxime Metapontum, in litore Italiae, quam subsiciuam Græciam fecerat.* Plautus *exoticam Græciam* vocat, Menæch. act. ii sc. i sub persona serui dicens,

*Mare superum omne, Græciamque exoticam,
Orasque Italicas omnes, qua adgreditur mare,
Sumus circumuecti.*

Scilicet ita antiqui Græci in Hellade propria dicebant colonias Græcas in Italia & Sicilia: quos imitatur seruus hac adpellatione. Quod ad eum modum dictum est, quo Strabo dicto loco dixit: *νυνὶ δὲ πλὴν Τάραντος, καὶ Ρηγίης, καὶ Νεαπόλεως, ἐκ βαρβαρῶν δα συμβέβηκεν ἅπαντα, at nunc, Tarento, Rhegio & Neapoli exceptis, omnia in peregrinos mores sunt transducta, quos barbariem respectu veterum Græcorum vocat.*

XXX.

Mansit nomen *μεγάλῃς Ἑλλάδος, Magnæ Græciæ*, quamuis ad exiguos fines dudum redactæ, etiam Ptolemæi temporibus. Lib. iii enim cap. i *μεγάλῃς Ἑλλάδος παρὰ τὸ Ἀδριατικὸν πέλαγος, Magnæ Græciæ maritima* hæc oppida recenset, *Locros, Scylacium, Crotonem, Thurium, Metapontum, Tarentum: mediterranea, Peteliam & Abystrum.* Sic magnum nomen in parua regione conseruatum fuit. Quæ inter hanc & Galliam Cisalpinam sita sunt, quasi *propriam Italiam* constituunt, & sæpe ipsam magnam Græciam, tamquam exiguam partem in se complectuntur, quia Romani huius Græciæ non ita rationem singularem habebant, ut Galliæ Cisalpinæ, de qua nunc nobis dicendum est.

SECTIO I.

GALLIA CISAALPINA.

XXXI.

Gallia hæc Italica, a Gallis colonis nomen Galliæ indepta, a Transalpina & propria Alpibus separatur; non numquam *citerior* adpellatur: & sæpe Romanis scriptoribus simpliciter est *Gallia*: raro communi *Italiae* nomine in libera republica, siue ante Augustum Cæsarem, significatur. Cicero pro Lege Manil. cap. xii *Gallia Cisalpina præsidis & nauibus confirmata.* Et Li-

vius lib. v. cap. xxxv est dubius, *solane gens Senonum Romæ bellum intulerit, an ab omnibus Cisalpinorum Gallorum populis adiuta*. Et lib. xxvii cap. xxxviii ne [Asdrubal] Gallos Cisalpinos sollicitaret. Eadem, vt modo diximus, est CITERIOR; & Transalpina, vltior. Cicero * lib. x ep. iv *Sum in exspectatione omnium rerum, quid in Gallia citeriore, quid in vrbe mense Ianuario geratur, vt sciam*. Sollicitus autem erat de exitu belli Mutinensis. Idem de Consular. prov. cap. xv alter vltiorem Galliam decernit cum Syria; alter citeriorem. ac cap. xvi ne Gallia citerior alicui decernatur post eos consules, qui nunc erunt designati. Sæpe etiam neque citerior, neque Cisalpina dicitur, sed simpliciter Gallia. Cicero Philipp. xii cap. iv *Quid? Galliam quotandem animo hanc rem audituram putatis? illa enim huius belli propulsandi, administrandi, sustinendi principatum tenet*. Gallia D. Bruti nutum ipsum, ne dicam imperium, sequuta, armis, viris, pecunia, belli principia firmavit. - - Et vt omittam reliquas partes Gallie, Patauini alios excluderunt, alios eiecerunt, missos ab Antonio. Et de eadem caussa ac tempore Velleius lib. ii cap. lx Idem, [Antonius] prouinciam D. Bruto designato consuli decretam, Galliam occupare statuit. Et Eutropius lib. ii cap. ix *Condite a Romanis civitates, Ariminum in Gallia, & Beneuentum in Samnio*.

XXXII.

Alia nomina huius partis Italiae sunt *Gallia Togata, & Italia Subalpina*. Prius, supra quoque in Transalpinæ explicatione ex Ciceronis Philipp. viii cap. ix ostendimus, qua Antonii postulata referebat, *Galliam Togatam remitto, Comatam postulo*. Quæ adpellatio non æque, vt superius explicatæ, antiqua est, sed demum tum cœpit, quum ἐς τὸν τῆς ἰταλίας ἥδη νόμον ἐσεγγράπτο, Italiae iam legibus & statutis formata fuerat, vt Dio Cassius lib. xlviii pag. 364 tradit: & propterea incolæ τῇ ἐοῦντι τῇ Ῥωμαϊκῇ τῇ ἀσικῇ ἐχρῶντο ἥδη, Romano iam vestitu, hoc est toga, vt in vrbe, utebantur, quod idem sub finem lib. xlv i declarauit: seu, vt Martialis ait lib. iii epigr. i

Gallia Romanæ nomine dicta togæ.

Hæc vero, vt priore loco addidit, ἐν τῷ Ἄλπεων, Cisalpina erat, quod etiam Pompeius Festus in *Boicus ager*, confirmat. Boicus, inquit, ager dicitur, qui fuit Boiorum Gallorum. Is autem est in Gallia citra Alpes, quæ Togata dicitur, in qua sunt Mediolanenses. Hirtius lib. viii de Bello Gall. aliquoties hac adpellatione vsus est: cap. xxiv *Legionem xii in Togatam Galliam mittit, ad colonias ciuium Romanorum tuendas*. A coloniis itaque & toga huius prouinciæ, & origo nominis Togatæ. Idem cap. lii *quum omnes regiones Gallie Togatæ Caesar percucurrisset*. & post paullo: *T. Labienum Gallie Togatæ præfecit*. Et Plinius lib. iii cap. xiv *Ab Ancona Gallica ora incipit, Togatæ Gallie cognomine*. Ex quibus clarum satis est, Ptolemæum lib. iii cap. i nimis coarctare γαλλίαν τὴν τογάταν, Galliam Togatam, qui Alpibus Liguriæque montibus, seu Apennino, ac Pado flumine vsque Rauennam inclusit. Omnis enim citerior & Cisalpina Togata fuit, non sola Cispadana, vt Ptolemæus

* Plancus potius, qui quum in vltiore Gallia esset, tamen hanc superioris Italiae partem Galliam citeriorem appellabat. Ita igitur vis argumenti Cellariani summa ex istis.

lemæus censuit; sed Transpadana etiam, & Festo nominatim testante, *Mediolanenses* etiam, qui trans Padum sunt. Quid? quod Mela lib. 11 cap. 1 v scripsit: *Interiora eius [Italiae] alia aliaque gentes: sinistra parte Carni & Veneti colunt Togatam Galliam.*

XXXIII.

Alterum ex reliquis nominibus est *Italia Subalpina*. apud Plutarchum in Marcello sub initium, ἡ ὑπαλπεία. Subalpini enim ibi dicuntur τὴν ὑπαλπείαν νεμόμενοι τῆς Ἰταλίας. Et Plinius lib. xv cap. xi de resina quadam: *rara, nec nisi in paucis locis Subalpinae Italiae.* Vtrum tota provincia Cisalpina, an pars Alpibus propinqua ita vocetur, ex hisce non potest intelligi. Idem Plutarchus autem in Cæsare pag. 717 non finit nos dubitare, quin tota sic provincia denominetur. Ait enim de Cæsare, εἰς τὴν περὶ Πάδον Γαλατίαν κατέβη, τῆς αὐτῷ δεδομένης ἐπαρχίας ἔσαν. ὁ γὰρ καλούμενος Ρεβίκων ποταμὸς ἀπὸ τῆς ὑπὸ ταῖς Ἀλπεσι Κελτικῆς ὀρίζει τὴν ἄλλην Ἰταλίαν, *in Galliam Circumpadanam, quæ provinciae erat suæ, contendit: siquidem amnis Rubico dirimit a Gallia Subalpina Italiam reliquam.* Rubico autem, terminus Subalpinae, longius remotus est ab Alpibus, quam ut finire proxime subiacentem illis regionem possit.

XXXIV.

Hæc nominum satis sit explicatio, quorum pleraque *Galliam* adpellant illam partem Italiae. Augustus autem quum Italiam in xi Regiones descripsit, sustulit ex illa denominationem *Galliae*, quæ postea non occurrit nisi rarissime, quum antea frequentatissima fuisset. An vero illa pars ante Augustum etiam *Italiae* nomine adpellata fuerit, est quod nunc dispiciamus. Rara quidem tum illi parti, quæ sub Alpibus & circa Padum est, *Italiae* cognominatio, nec vero nulla, * aut falsa fuit, quum vulgo *Gallia* adPELLARETUR, non quod vere talis esset, sed quod a Gallis populis occupata fuerit. Hos vero Polybius lib. 11 cap. xiii vocat τὰς κατὰ τὴν Ἰταλίαν Κελτὰς, *Gallos in Italia:* & in Hannibalis historia lib. 11 cap. L iv dicit, ita Italiam Alpibus subiacere, ut hæ illi sint instar arcis (ἀκροπόλεως) & munimenti. Et D. Brutus persequuturus trans Alpes Antonium, scripsit ad Ciceronem Eporedia, quæ in Pedemontio est, lib. xi epist. xxiii *Ego, dum mihi a te litteræ veniant, in Italia morabor.* Quod Cicero epist. xxiv repetit & probat his verbis: *Quod scribis, in Italia te moraturum, dum tibi litteræ meæ veniant, si per hostem licet, non erraris.* In Italia ergo ille tractus subalpinus est, vbi sita Eporedia.

XXXV.

Tandem etiam de finibus Cisalpinae Galliae aliquid dicendum est, qui aliter in se considerantur, aliter ut provinciam Romanam definiunt. Supra ex Liuii lib. v cap. xxxv percepimus Senones Gallos usque ad Aesim flumen habitasse. Longius fines prorogavit Plinius lib. 11 cap. xiv. *Ab Ancona,*

Ttt 2

in-

* Sic Plancus X ep. 15 extr. qui in Allobrogum finibus erat, de Antonio ■ Mutino citerioris Galliae oppido depulso & in Galliam vltiorem tendente: *Quod si latro, præcognito nostro adventu, rursus in Italiam se recipere cæperit. Bruti erit officium occurrere ei.* Adde huc XI ep. Bruti 9.

inquit, *Gallica ora incipit, Togatae Galliae cognomine.* Nihilominus Cicero Philipp. vi cap. iii & Suetonius Cæsare cap. xxxi (quorum verba supra protulimus) Rubiconem fluuium, qui inter Rauennam & Ariminum est, terminum citerioris Galliae constituunt. Addimus Plutarchum Cæsare pag. 723 ὡς ἦλθεν ἐπὶ ἐρίζοντα τὴν ἐντὸς Ἀλπεων Γαλατίαν ἀπὸ τῆς ἄλλης Ἰταλίας ποταμὸν (Ῥεῖκων καλεῖται) καὶ λογισμὸς αὐτὸν εἶπαι, ac reliqua. Hoc est, *Vt venit ad amnem, qui Galliam Cisalpinam a cetera Italia secernit, & cogitatio ipsum subiit, quantum periculum adiret, & cetera.* Sed vtrumque verum est: habitationem Gallorum olim Aesis amnis aut oppidum Ancona finiebat; & prouinciam postea Romanorum fluuius Rubico. Nam Polybius lib. ii cap. xxi, tempore inter primum & secundum Punicum bellum medio: Μάρκος Λεπίδης στρατηγὸντος κατεκληρέχθησαν ἐν Γαλατία Ῥωμαῖοι τὴν Πικεντίνην προσαγορευομένην χώραν, ἐξ ἧς νικήσαντες ἐξέβαλον τὰς Σήνωνας προσαγορευομένας Γαλάτας. *M. Lepido duce, Romani in Gallia Picenum agrum diuiserunt, ex quo Gallos Senones vincendo expulerunt.* Itaque diuiso inter Romanos ciues superiore Piceno, terminus Galliae ad Rubiconem fluuium reductus fuit. Strabo lib. v pag. 157, postquam de Metauro fluuiio & Fano Fortunæ dixerat, adiecit: περὶ τὰς τὰς τόπας εἰς τὰ ὅρια τῆς Ἰταλίας τῆς πρότερον καὶ τῆς Κελτικῆς, - - - Πρότερον μὲν γὰρ τὸν Αἰσιν ἐποιῶντο ὄριον· πάλιν δὲ τὸν Ῥεῖκωνα ποταμὸν. *Circa hæc loca est limes Italiae antiquæ & Galliae. Prius enim Aesim fluuium fecerunt litem: deinde Rubiconem.* Idem narrauerat paullo ante pag. 150, postremis verbis ita expressis, ὕστερον δὲ ὁ Ῥεῖκων, postremo Rubico, puta, terminus fuit. Ergo diuersis temporibus alius atque alius limes fuit. Limes medius inter Macram Liguriæ finem, & Aesim vel Rubiconem, curuatura Apennini fuit ad superum tendentis mare. Strabo dicto libro p. 150 Ὅριον τῆς χώρας ταύτης, ἣν ἐντὸς Κελτικὴν καλεῖμεν, πρὸς τὴν λοιπὴν Ἰταλίαν, τὸ, τε Απεννίνον ὄρος τὸ ὑπὲρ τῆς Τυρρηνίας ἀπεδέδεικτο, καὶ ὁ Αἰσις ποταμὸς ὕστερον δὲ ὁ Ῥεῖκων. *Limes regionis huius, quam citeriorem Galliam vocamus, ad reliquam Italiam, mons Apenninus est, quem ostendimus Etruriæ imminere; & fluuius Aesis: ac postea Rubico.*

XXXVI.

Qui vero ager inter Rubiconem & Aesim ereptus Gallis fuit, & inter ciues distributus, vt esset propriæ Italiae pars; nihilominus a pristina conditione ager Gallicus & Gallicanus dictus fuit. Cicero in Catilin. ii cap. iii *delectum in agro Piceno & Gallico Q. Metellus habuit: Et cap. xii Q. Metellus, quem ego, prospiciens hoc, in agrum Gallicanum Picenumque præmisi, aut opprimer hominem, aut omnes eius motus conatusque prohibebit.* Paullus Macrus in Cicer. lib. v epist. i nobiscum facit. *Erat, inquit, hic ager Gallicus non Galliae citerioris, quam postea Metellus rexit; sed Italiae pars, disiun-*

XXXVII.

* Vide infra §. 220. Adde Varro nem R. R. I. c. 14. & præsertim lib. I. c. 2. *Ager Gallicus Romanis vocatur, qui virisim cis Ariminum datus est ultra agrum Picentinum.* Columella III c. 3. *Et in Faentino agro & in Gallico qui nunc Piceno contribuitur.*

XXXVII.

Hic ergo limes ab ortu erat & ad Italiam, quam propriam vocamus; ad Illyricum æque mutatus, primum *Formio* fluuius fuit, dein *Pola*, aut tandem amnis *Arsia*, vt supra in fluminibus ex Plinio & Strabone demonstratum est: Alpinus Galliae limes per se notus est: ad Liguriam res incertior difficiliorque. Sita Liguria propria & Italica (erant enim etiam circa Massiliam & ad Rhodanum ac vltra Ligures, vt in Gallia ostendimus) sita, inquam, nostra Liguria cis Alpes est, intra Italiae terminum: & sic vtique videtur pars Cisalpinæ fuisse. At Liuius distinguit lib. xxvii cap. xlix *Quum esset nuntiatum consuli, Gallos Cisalpinos, Liguresque abire siue certo duce.* Erant etiam, praesertim Alpes maritimas incolentes, *capillati* & *comati* vsque ad Augusti tempora, atque sic extra sortem Togatae Galliae. Dio Cassius lib. l. v. pag. 538 αἱ Ἀλπεις αἱ παραθαλάσσιοι, ὑπὸ Λιγύων τῶν Κομητῶν καλεσμένων ἐλευθέρως ἐτι καὶ τότε νεμόμενοι, ἐδωλώθησαν, *Ligures Comati etiam, qui Alpes maritimas adhuc libere coluerant, in potestatem redacti sunt.* Inde a Punico bello pugnatum cum Liguribus, & multi ex iis acti triumphi, quoties fere captum castellum esset, vt Cicero in Bruto cap. lxxiii ostendit; omnes autem, montani praecipue, ante Augustum non fuerunt perdomiti. Tum posita coma, & in togæ ius omnes transierunt. Lucanus lib. i vers. 442

Et nunc tonse Ligur, quondam per colla decora

Crinibus effusis toti praelate Comatae.

Quod vero Ligures, antiquus populus, eas sedes incoluerunt ante, quam Transalpini Galli in Italiam migrarunt; factum, vt discreti aliquando a Cisalpina Gallia censerentur. Post sensim in Romanos mores & Ligures transducti, licet quidam illorum ad vltimum repugnarint; & coloniae in illum tractum deductae, vt de Dertonensi ex Paterculo lib. i cap. xv est clarissimum. Tum etiam Togatae prouinciæ adscribi potuerunt. Sic Veneti ante illam Gallorum migrationem supra Padi ostia coluerunt, vt Liuius lib. v cap. xxxiii testatur; nihilominus cum Carnis *Togatae* adscribuntur a Mela lib. ii cap. iv Nunc ad singulas gentes explicandas accedimus.

GENTES ALPINAE ET SVB ALPIBVS.

XXXVIII.

Ab Alpibus incipiendum, limite inter Galliam & Italiam. Ad mare terminus Verus flumen est, a quo proximi sunt *VEDIANTII*, a Plinio lib. i i cap. v memorati, quorum oppidum *Cemelion* est, seu potius *Cemenelion*, siue *Cemenelum*, vt in Antonini itinere est ab Roma in Galliam. Gemina inscriptione apud Iac. Sponium Misc. Er. Antiq. p. 163 *ORDO CEMENEL*. Et alia, pag. 104

MATRONIS

VEDIANTIABVS

P. ENISTALIVS P. F.

CL. PATERNVS CEMENELENSIS.

Etiam Ptolemæus in *Vestiantiis* (sic scribit per sibilum) oppidum *Κεμενέλεον*, *Ceme-*

Cemeneleum ponit: nunc *Cimiez* est. Pars hi sunt Ligurum *CAPILLATORVM* Plinii, qui Dionis Cassii lib. LIV pag. 538 *Λίγυες Κομήται*, *Ligures Comati* sunt, ab Augusto perdomiti, quum antea libere egissent. Et cap. XX ait Plinius: *Capillatorum plura genera ad confinium Ligustici maris.* Contingunt hos *MONTANI* Ligures in Maritimis Alpibus. Ibidem Plinius: *ex Caturigibus orti Vagienni Ligures, & qui Montani vocantur.* Montani ergo in summis Alpium verticibus prope fontes Padi. Ad Padi recentis ripam *VAGIENNI*, quorum *Augusta Vagiennorum* fuit, a Plinio laudata, & Taurinensi inscriptione apud eundem Sponium p. 164 *AVG. BAGIENNORVM*. Ptolemæus corrupte *Αὐγῆς αὐ Βατιεννῶν*, quam falso etiam cum Iria & Dertona in Taurinis locauit. Plurimorum opinione oppidum est, quod *Saluzzo* hodie vocatur. In Tabula Peutingeriana scribuntur *Bagitenni*, τ otiose redundante. Et hi quoque ex Liguribus fuerunt, auctore Plinio lib. III cap. XVI.

XXXIX.

Trans Padum *TAVRINI* sunt, & vbi is Duriam recipit, aut non longe supra illum locum, *Augusta Taurinorum*, antea *Taurasia* dicta, quod nomen superest in Hannibalicis Appiani. Nouum nomen ab Augusti colonia est. Plinius cap. XVII *Colonia ab Alpium radicibus, Augusta Taurinorum, antiqua Ligurum stirpe, inde nauigabili Pado.* Dein *Salassorum Augusta Prætoria.* Et Tacitus Hist. lib. II cap. LXVI *Augustam Taurinorum*, & mox *coloniam Taurinam* vocat: Ptolemæus *Αὐγῆς αὐ Ταυρινῶν*. Anonymi panegyrico, nisi Nazarii est, ad Constantinum, cap. VI coloni *Turinates* dicuntur: ager circumiectus, *Taurinates campi.* Iam *Taurinum* esse, caput Pedemontii, nemo est qui dubitet. Alterum Taurinorum oppidum est *Vibi Forum*, vt Plinius scripsit cap. XVII, id est *Forum Vibii*, cuius incolæ *Forouibienfes* sunt cap. XVI. Situm ibidem sic describit: *Padus e gremio Vesuli montis, celsissimum in cacumen Alpium elati, finibus Ligurum Vagiennorum, visendo fonte profluens, condensque sese cuniculo, & in Forouibienfium agro iterum exoriens, nulli annuum claritate inferior.* Taurinos supra in Liguribus censebat Plinius: at Appianus Gallicæ originis facit, dum *Taurasiam* *πόλιν Κελτικὴν*, oppidum Gallicum vocat. Liuius tamen etiam ab Liguribus videtur deriuare.

XL.

Post Taurinos, seu occasum versus, *Alpes* sunt *Cottie*, in iisque *REGVNVM COTTII* reguli, & populus, *SEGVSIANI*. Plinius lib. III cap. XX dicit *Cottianas ciuitates XII* fuisse, e quibus paucae ab oppidis suis notæ sunt. Caput gentis *Segusio*, vt Plinius, Ammianus & auctor Tabulæ scripserunt: vel *Segusium*, *Σεγῆσιον*, vt Ptolemæus. Inuenitur etiam per c scriptum *Secusione*, iexto casu, Itinere Burdigalensi, & inscriptione Maximiani ac Diocletiani apud Sponium p. 198 seq. *Secusia*, sic, *ORDO SPLENDISS. CIVITATIS SEGVSIAE.* At ibidem etiam geminato G in Taurinensi lapide *CIVIT. SEGG. Municipium* in lapide Taurinensi vocatur. inscriptum enim *GENIO MVNICIPI SEGVSINI*, in Grut. Opere pag. CXI. Situm est ad amnem Duriam, qui infra Taurinorum Augustam miscetur Pado. Nunc *Susa* vocatur, vrbs non

non ignobilis. Id quod etiam ex distantia patet, quippe dicto Itinerario, quod Burdigala Hierosolymam ducit, hic ordo seruatus:

Incipiunt Alpes Cottiae:

<i>Rame</i>	— — —
<i>Brigantium</i>	M. XVII
<i>Inde adscendis Matronam</i>	
<i>Gesdaone</i>	M. X.
<i>Ad Martem</i>	M. IX
<i>Secusione</i>	M. XVI
<i>Ad Duodecimum</i>	M. XII
<i>Ad Fines</i>	M. XII
<i>Ad Octauum</i>	M. VIII
<i>Taurinis</i>	M. VIII

Ptolemæus in Segusianis scripsit quoque Βριγάντιον, quod nunc in itinere vidimus *Brigantium*, siue vt præue editum est, *Byrigantium*; prauius *Virgantica* pro *Vrigantia* vel *Brigantia*, in Ammiani lib. xv cap. x Vales [xxv Grut.] cuius situs nos ad urbem *Briançon* in Delphinatus limite deducit. Cetera minoris momenti sunt, nec vero non intra regnum Cottii, *Rame*, *Ad Martem*, *Ad Duodecimum*, *Ad Fines*, mutationes tantummodo aut mansiones: at *Secusio* siue *Segusio ciuitas* eodem Itinerario, perinde vt *Taurini*, vocata est. *Ad Martem*, quod in Itinerario dicitur, Ammianus dicto loco *stationem Martis* dixit: quod *Ad Fines* in eodem, in Tabula quoque *Finibus* est indicatum. Superest oppidum vel vicus *Ocelum*; & alius ei proximus, *Scingomagus*. Strebo lib. iv in Narbonensis descriptione pag. 124 ἐντεῦθεν πρὸς τὰς ἐτέρας ὁρὰς τῶν Οὐκοκοντίων, πρὸς τὴν Κοττίδα, μίλια ἑκατὸν ἐνὸς δέοντα, εἰς Ἐπεβρόδουν κώμην· εἴτ' ἄλλοι τοσῶτοι διὰ Βριγαντίδος κώμης ἐκ Σκιγγομάγας καὶ τῆς τῶν Ἀλπεων ὑπερθέσεως ἐπὶ Ὠκελον, πέρας τῆς Κοττίδος γῆς καὶ ἡ ἀπὸ Σκιγγομάγας δὲ ἤδη Ἰταλία λέγεται. *Inde ad alteros Vocontiorum terminos & ad Cottii terram, millicria 1c ad Epebrodunum vicum: hinc totidem per Brigantium vicum a Scingomago & Alpium alto transitu ad Ocelum, qui finis est terræ Cottii. A Scingomago autem iam Italia dicitur.* Etiam a Cæsare *Ocelum* memoratum est lib. i Bell. Gall. cap. x. Compluribus, inquit, his præliis pulsus, ab Ocelo, quod est citerioris prouinciæ extremum, in fines Vocontiorum vltioris prouinciæ die septimo peruenit. Plinius lib. ii cap. cviii vocat *Cingomagum* alterum, elapsa forsitan littera prima; ideoque Harduinus *Scingomagum* ex Strabone restituit. Plures interpretantur *Sezanne*: at idem Harduinus cum Honor. Bouche contendit esse ipsum oppidum, quod *Segusium* postmodo, siue *Segusio*, nunc *Susa* dictum est.

XLI.

Historiam regni Cottii cum cura scripsit Marcellinus lib. x v cap. x Vales [xxv Grut.] *Gallia*, inquit, vnde ad solis ortus attollitur, aggeribus cedit *Alpium Cottiarum*: quas rex Cottius, perdomitis Galliis, solus in angustiis latens, inuiæque locorum asperitate confusus, lenito tandem timore, in amicitiam Octavianæ receptus principis, molibus magnis exstruxit ad vicem memorabilis muneris,

ris, compendiarías & viantibus opportunas, medias inter alias Alpes vetustas, super quibus comperta paullo postea referemus. In his Alpibus Cottias, quarum initium a Segusione est oppido, præcelsum erigitur iugum, nulli fere sine discrimine penetrabile. Et paucis interiectis: Huius sepulcrum reguli, quem itinera struxisse retulimus, Segusione est mœnibus proximum, manesque eius ratione gemina religiose coluntur; quod iuste moderamine rexerat suos, & adscitus in societatem rei Romanæ, quietem genti præstitit sempiternam. Segusio ergo ipsius regia fuit, quia sepulcrum habet: & ab eius temporibus Romanis via per Alpes Cottias aperta est, qua postea etiam plerumque in itineribus & militum traiectu vsi sunt. Mortuo rege prouinciam Nero fecit, vt Suetonius cap. xviii & Eutropius lib. vii cap. ix adnotarunt.

XLII.

IDEONNI REGNUM, proximum Cottiano, & Salassorum terræ, est obscurius, quam illud Cottii, nec forte vlli memoratum, nisi Straboni lib. iv pag. 141. Ἐπὶ δὲ θάτερα μέρη, τὰ πρὸς τὴν Ἰταλίαν κεκλιμένα τῆς λεχθείσης ὀρεινῆς, Ταυρινοὶ τε οἰκῶσι, Λιγυστικὸν ἔθνος, καὶ ἄλλοι Λίγυες. Τούτων δ' ἐστὶ καὶ ἡ τῆς Ἰδεονῆς λεγομένη γῆ, καὶ ἡ τῆς Κοττίδος. Μετὰ δὲ τούτοις καὶ τὸν Πάδον Σαλασσοί. In altera parte montanorum, quæ ad Italiam vergit, Taurini habitant, Ligustica gens, aliique Ligures. Horum est etiam, quæ Ideonni dicitur, & quæ Cottii terra. Post hos & Padum Salassi. Obscura & regio & eiusdem regulus: nec sitis fatis ex his verbis perspectus. Ait geographus, post Cottii & Ideonni mentionem, μετὰ τὸν Πάδον, trans Padum deinde Salassos esse, quasi cis flumen & Cottii & Ideonni possessiones fuerint. At vero Cottii oppida supra enarrata trans Padum sunt omnia. Quæ vero cis flumen, occuparunt Vagienni, Ligures Montani, & Capillati: ideoque Cluuerius Ideonni regionem in septentriones ad Alpes Graias remouet, quæ inter Cottias & Peninas sunt mediæ. An alia etiam Ideonni memoria exstet, dubium est. Cluuerius eius causâ adlegat Ouidii versum lib. iv Pont. eleg. vii ad Vestalem, oræ Ponticæ præfectum,

- - - progenies alti fortissima Donni,

quasi exciderit prima littera ex Idonni: tertia absorpta sit contractione, Idonni pro Ideonni. At variant mire codices in hac voce. Heinsius Dauni legit. Sed pro Cluuerio est eiusdem epistolæ præcedens versus vi

Alpinis iuuenis regibus orte.

Dauni regnum vero in Apulia, non in Alpibus fuit: vt sic quoque vulgatæ lectioni aliquid præsidii adferri videatur.

XLIII.

Supra Taurinis in Graiis Alpibus, & sub illis, SALASSI sunt, potens natio, & bellicosa. Strabo lib. iv pag. 141. ἡ τῶν Σαλασσῶν πολλὴ μὲν ἐστίν, ἐν αὐλῶν βαθεῖ, τῶν ὄρων ἀμφοτέρων κλειόντων τὸ χωρίον. μέρος δέ τι αὐτῶν ἀνατείνει καὶ πρὸς τὰς ὑπερκείμενας κορυφάς. Salassorum regio ampla est in profunda conualle, montibus utrimque includentibus: quamquam alicubi etiam ad superincumbentes attollitur vertices. Plinius lib. iii cap. xvii Salassorum Augusta Prætoria iuxta geminas Alpium fores, Graias atque Pænninas. His Pæ-

nos, Graiis Herculem transisse memorant. Idem de Graiis & transitu Herculis Cornelius Nepos Hannibale cap. iii tradit; sed fabulosa sunt, quæ de Herculis transitu cum exercitu referuntur. Liuius lib. v cap. xxxiii de Alpinis itineribus agens dixit, *nisi de Hercule fabulis credere libet*. Nihilominus dicamus *Alpes Graias* cum Plinio: aut *saltum Graium* cum Nepote, ut ab aliis Alpibus secernamus. Quæ supra Graias sunt, & Hannibali transitum præbuisse traduntur, illarum inconstans & incertum nomen est. Ptolemæus lib. ii cap. xii vocat ποινὰς, *Pænas*: Plinius *Pæninæ*, ob eandem rationem: Strabo lib. iv pag. 141 διὰ τῆς ποινῆς λεγομένης, intellige ὄρες, *per montem Pæninum dictum*. Quo referri inscriptio vetus potest, Gruter. p. 376 num. 6,

PROLEG. PROVINCIAI
RAITIAI ET VINDELIC
ET VALLIS POENIN.

Contra Liuius lib. xxi cap. xxxviii negat heic Herculem transire potuisse, aut nomen Alpibus Pænorum transitu fuisse inditum. *Nec verisimile est*, inquit, *ea tum ad Galliam patuisse itinera; utique quæ ad Penninum ferunt, obsepta gentibus semigermanis fuissent. neque, hercule, montibus his (si quem forte id mouit) ab transitu Pænorum ullo Veragri, incolæ iugiei, norunt nomen inditum: sed ab eo, quem in summo sacratam vertice Penninum montani adpellant*. Sic *Penninæ* sunt illæ Alpes, non *Pænæ*, aut *Pæninæ*; a numine ibi culto adpellatæ.

XLIV.

Salassorum *Augusta Prætoria* est, ut supra ex Plinio cognouimus: colonia Romana, in quam iii millia prætorianorum Octavianus Augustus deduxit, postquam ductu Terentii Varronis eam gentem deuicerat. Strabo lib. iv p. 142 τριχίλις Ῥωμαίων πέμψας ὤκισε τὴν πόλιν Αὐγέσαν ἢ Καίσαρ, ἐν ᾗ ἐστρατοπέδευσε χορίῳ οὐάρεων, *Urbem Augustam Cæsar, missis Romanorum tribus millibus, condidit in loco, quo Varro castra habuerat*. Dio Cassius de Salassis, ab Augusto victis, lib. liii pag. 514 Αὐτῶν ἡ ἀρίστη τῆς γῆς τῶν τε δορυφόρων τισὶν ἐδόθη, καὶ πόλιν τὴν Αὐγέσαν Πραιτωριανῶν ὠνομασμένην ἔχεν, *Agri eorum pars optima cohortibus prætorianis data, urbem Augustam Prætoriam tenet*. Etiam Ptolemæo in Salassis est Αὐγέσα Πραιτωρία κολώνια, *Augusta Prætoria colonia*. In extremo sita Italiæ, ut inde longitudinem Italiæ ab Alpino fine Prætorie Augustæ, per Urbem Capuamque cursu meante, Rhegium oppidum Plinius lib. iii cap. v metiatur. Adposita est *Duriæ* fluuio, qui utilis Salassis εἰς τὰ χρυσοπλυσία, ut Strabo ait, *ad eluendum aurum*. nam ἔχει χρύσεια ἢ τῶν Σαλασσῶν: *Salassorum regio auri prouentum habet*, quod ex alueo fluminis in riuos diuisi collegerunt. *Duria* autem ille non est is amnis, qui a Segusione Taurinum versus tendebat: sed alius & maior, qui Eporediam defertur, & longe infra confluentem minoris, qui in Taurinis est, itidem Pado adfunditur. Plinius lib. iii cap. xvi *Durias* duos in ea regione ponit, alter maior ex Alpibus Graiis ortus; alter minor decurrens ex Cottis. Vtriusque etiam commune nomen *la Doria* est. Sed ut ad Augustam Salasso-

lassorum reuertamur, illa hodie *Aosta* est, vt præter nomen, ex itinerariis est manifestum. A Mediolano Antoninus

per Alpes Graias

<i>Ticinum</i>	M. P. XXII
<i>Laumellum</i>	M. P. XXII
<i>Vercellas</i>	M. P. XXVI
<i>Eporediam</i>	M. P. XXXIII
<i>Vitricium</i>	M. P. XXI
<i>Augustam Præ-</i>	
<i>toriam</i>	M. P. XXV
— — —	
— — —	
<i>Darantasiæ</i>	M. P. LXVII.

per Alpes Penninas

— — —	
<i>Nouariam</i>	M. P. XXXIII
<i>Vercellas</i>	M. P. XVI
<i>Eporediam</i>	M. P. XXXIII
<i>Vitricium</i>	M. P. XXI
<i>Augustam Præ-</i>	
<i>toriam</i>	M. P. XXV
<i>Summum Pen-</i>	
<i>ninum</i>	M. P. XXV
<i>Oclodurum</i>	M. P. XXV

XLV.

Ad eundem amnem *Duriam* maiorem sita etiam est *Eporedia*, oppidum, vt Plinius ait lib. III cap. XVII, *Sibyllinis iussis a populo Rom. conditum*. Datæ heic epistolæ D. Bruti ad Ciceronem XX & XXXIII libri XI. Ptolemaeo *Ἐπορεία*, *Eporedia*. Colonia Romana fuit, vt non obscure Plinius prædictis verbis: plane & perspicue Paterculus lib. I cap. XV significat, quamuis hic male in Vagiennis collocauit. Municipium deinde factum. Tacitus lib. I Hist. cap. LXX vt *donum aliquod nouo principi firmissima Transpadanæ regionis municipia Mediolanum, ac Nouariam, & Eporediam ac Vercellas adiunxere*. Tabulæ Peutingerianæ hic ordo est:

Augusta Prætoria XXVIII *Vitricio* XXI *Eporedia*.

Medio æuo semibarbaro Rauennas anonymus scripsit *Eporea* & *Eporeia* lib. IV cap. XXX. Inde barbare P in B mutatum, & hæc in cognatam V, vt nunc, extrusa O, sit *Ivrea*. Reliqua Salassorum oppida sunt *Vitricium* Tabulæ & Antonini, quod Rauennas *Bitricium* scripsit: & eiusdem Tabulæ *Eudracinum*, medio itinere inter Summum Penninum & Augustum Prætoriam.

L I G V R I A.

LXIV.

Alpinas adhuc gentes perlustrauius, plerasque originis Ligustinæ, quasdam etiam ab aliis Liguriæ adscriptas ita, vt illius limitibus comprehendantur; quemadmodum ex Liuiio & Strabone supra cognouimus: nunc vero ad *Liguriam propriam*, & strictim ita & sine dubietate dictam, accedimus, quæ inter Varum & Macram amnes continetur, pleraque in litore *Ligustici maris* procurrens, nec parum in mediterranea, non autem in summas Alpes extensa. Litoralem tractum diligenter Plinius lib. III cap. V descripsit. *Ab æmne Varo, inquit, Nicæa oppidum a Massiliensibus conditum: fluius Paulo* (sic

(sic legendum, non Pado) *Alpes, populi que Inalpine multis nominibus: - - - pertus Herculis Monæci, Ligustica ora. - - - Flumen Rutuba, oppidum Albium Intemelium: flumen Merula, oppidum Albium Ingaunum: portus Vadum Sabatium: flumen Porcifera, oppidum Genua: fluuius Feritor, portus Delphini: Tigulia intus: Segesta Tiguliorum: flumen Macra, Liguriæ finis. Singula inspicemus, addituri ex aliis, si quæ fuerint prætermissa.*

XLVII.

Ptolemæus Liguriam non a Varo incipit, sed post Monæci portum, inter quem & Varum quæ sita sunt, *Massiliensium oram* adpellat. Consentit Plinius, ut modo ex verbis illius cognitum, post portum Monæci, *Ligusticam oram* nominans, quasi prima ibidem incipiat. Strabo quoque lib. IV pag. 140 εἰκε, inquit, ἀπὸ τῆς ὀνόματος καὶ μέχρι δεῦρο διατείνεν ὁ Μασσαλιωτικός παράπλευς, ex nomine [Græco Monæci] verisimile, eo usque pertinuisse nauigationem *Massiliensium*. Quoquo modo hæc extrema Italiæ censeantur, & vel Massiliensibus vindicentur vel Liguribus propriis; quatuor omnino sunt, quæ Ptolemæus inter Galliam & Liguriam posuit.

XLVIII.

Prima est *Nicæa*, Νίκαια Μασσαλιωτῶν, id est a *Massiliensibus* condita, ut Plinius refert; seu, ut Stephanus, Μασσαλιωτῶν ἀποικος, *Massiliensium colonia*: qui eam, quod Strabo addit, τοῖς Λίγυσι τοῖς τὰς Ἄλπεις οἰκῶσι, *Liguribus Alpes incolentibus* opposuerunt. Hodie Nizza, notum oppidum. Adluitur flumine *Paulone*, quod perperam *Pado* in Plinii libris scriptum est. *Mela* lib. II cap. IV ab ortu in occasum progrediens: *Genua, & Sabatia, & Albigaunum: tum Paulon & Varum flumina, utraque ab Alpibus delapsa*. Non autem ab ortu, ut Plinius postposuit; sed Varum versus illud mœnia attingit, siue inter Varum & Nicæam decurrit.

XLIX.

Reliqua Ptolemæi sunt, *Portus Herculis, Tropæa Augusti & Monæci Portus*. Sic distinxit portum Herculis & Monæci, interiectis Augusti tropæis: quod errore commissum Cluuerius putat, quia, qui plene dicitur *Portus Herculis Monæci*, aliquando sine cognomine *Herculis* portum, aliquando tantummodo *Monæci* portum nominari perceperit. Alii vero *portum Herculis* a Ptolemæo separatim positum interpretantur Villam Francam, II milibus a Nicæa sitam. Sed non constat, Villæ Francæ portum, ut ut Monæci portu sit capacior, antiquis temporibus frequentatum ædificatumque fuisse, & si fuit, potius Nicæensium nomine, in quorum agro est, quam Herculis, videtur adpellari debuisse, præsertim quum Plinius & Strabo, & ceteri omnes non nisi vnum *portum Herculis*, cognomine *Monæci*, Μοναίων, in hac ora nouerint. Auctor Itinerarii maritimi, vulgo Antoninus creditus, inter Herculem Monæcum & Nicæam tres obscuros portus nominat, *Auisionem, Anaonem, & Oliuulam*; sed nullam facit Herculei alterius mentionem. *Monæci Herculis* autem portus celebratus est. Virgilius lib. VI vers. 830

*Aggeribus socer Alpinis atque arce Monæci
Descendens.*

Et Lucanus lib. i Pharsal. vers. 405 plenius:

*Quaque sub Herculeo sacratus nomine portus
Urget rupe caua pelagus: non Corus in illum
Ius habet, aut Zephyrus: solus sua litora turbat
Circius, & tuta prohibet statione Monæci.*

Et Tacitus III Hist. cap. XLII *Fabius Valens, e sinu Pisano segnitia maris, aut aduersante vento, Portum Herculis Monæci depellitur.* Hodie est Monaco. *Tropæa* autem *Augusti*, a solo Ptolemæo memorata, vt fere nomen etiam arguit, videntur *Torbia* esse, paullo intus sita, quia tropæa mos erat in montibus erigere.

L.

Ptolemæi Liguria ab *Albiniminio* incipit, quod corruptum nomen est, & *Albintemelum*, siue *Albintimilium*, aut *Albium Intemelum* cum Strabone & Plinio scribendum est. Plinii verba supra vidimus; Strabonis lib. i v pag. 139 hæc sunt: ἐν τῷ μεταξύ πόλις εὐμεγέθης, Ἄλκιον Ἰντεμέλιον, καὶ οἱ κατοικοῦντες Ἰντεμέλιοι, *In medio* [inter Portum Monæci & Albingaunum] *vrbs magna est Albium Intemelum: incole Intemelii.* Tacitus lib. ii Hist. cap. xiii *Irritatus eo prælio Othonis miles, vertit iras in municipium Intemelum.* Scribitur & *Albintimilium.* Inscriptio Romana in Sponii Miscell. p. 155

M. S A B I N I V S

FAB. ALBINTIMILI

EVOC. AVG. SALVT.

Et alia ibidem ALBINTIMILIENSIVM. Vnde emendari Tabula Peutingeriana potest, quæ refert *Albentimillo*, auferendi, vt aiunt, casu. Nunc *Vintimiglia* vocatur, flumine *Rutuba* ab ortiuo latere adfusa, secus ac Plinius flumen ab occiduo delabi censuit. Lucanus *Rutubam cauum* dixit lib. ii vers. 422, propter riparum altitudinem, nisi hic alius est, fortassis quem Vibius ex *Apennino in Tiberim fluere* tradidit.

LI.

Interponit Albiis duobus Itinerarium maritimum *Mauricii portum*, ignotæ originis, recentiore fortasse, quam vt nostram geographiam, quæ antiqua est, possit attingere: Peutingeriana *Costam Bellene*, quam correctius *Balæne* Antoninus dixit, sed æque incognitam: Plinius amnem *Merulam*, quem nunc *Arociam* aiunt adpellari. Tum eo propinquo oppidum *Albium Ingaunum*, vt Plinius plene scripsit: alii *Albingaunum*, siue *Albigaunum* contracte. Strabo dicto loco lib. iv p. 139 τῶν Λιγυῶν τῶν μὲν ἑντὼν Ἰγγαῖνον, τῶν δὲ Ἰντεμελίων, εἰκότως τὰς ἀποικίας αὐτῶν ἐπὶ τῇ θαλάττῃ, τὴν μὲν ὀνομάζουσαν Ἄλκιον Ἰντεμέλιον, τὴν δὲ ἐπιτετιμημένως μᾶλλον Ἀλκιγγαῦνον, *Quum Ligurum alii sint Ingauni, alii Intemelii; consentaneum fuit, eorum colonias maritimas alteram Albium Intemelum vocari, alteram concisius aliquanto Albingaunum.* Sic & Tacitus Hist. ii cap. xv *Othoniani Albingaunum interioris Liguriæ reuertere.* Nec aliter in Tabula Peutingeriana, & Maritimo Itinerario scriptum: at Mela, elisa littera, *Albigaunum* lib. ii cap. iv, & Ptolemæus Ἀλκιγγαῦνον. Nunc *Albenga* est.

LII.

In illo litore succedit nunc oppidum munitum Hispanorum *Finale*; dein *Vadi*, siue vulgari elisione *Vai*, tandem *Sauona* episcopalis. Hæc ita secundum veterum rationes, Antonini & Strabonis, Lucas Holstenius distribuit, vt in Antonini *Pollupicis* loco *Finale* esse censeat: & *Vadi* siue *Vai*, in loco *Vadorum Sabatorum*, quæ Plinio sunt *Portus Vadum Sabatium*: Straboni pag. 139 τὰ καλέμενα Σαβιάτων Ὀνάδα: Bruto ad Ciceronem lib. xi epist. x simpliciter *Vada*, de quibus epist. xiii hoc addit: *Antonius ad Vada venit, quem locum volo tibi esse notum. Iacet inter Apenninum & Alpes, impeditissimus ad iter faciendum*, intellige propter montes & paludes. a paludibus autem *Vadorum* nomen. Est & vbi *Sabatia* simpliciter dicuntur, suppresso *Vadorum* nomine. Pomponius lib. ii cap. iv *Deinde Luna Ligurum, & Tigulia, & Genua, & Sabatia, & Albigaunum*. nam *Vada* intelligi, non *Sabata*; ora, quam enarrat, litoralis conuincit. Tandem in *Sauonæ* loco fuerunt *Sabata*, oppidum *Sabatorum*, Straboni dicta Σάβιατα, duplicata littera, quæ simplex plurimis Latinorum est: etiam Ptolemæo Σάβιατα. Cluuerio *Sabata* & *Vada Sabatia* vel eadem vel coniunctissima sunt: sed notatus ob id ab Holstenio est, qui vi vel vii millibus passuum disiungit, quot sunt inter *Vai* & *Sauonam*. Quod si *Sabata* in loco *Sauonæ* fuerunt, unde nouum illud *Sauonæ* nomen? Liuius extremo lib. xxviii, *Genuam, nullis præsiidiis maritimam oram tutantibus, [Mago] repentino adventu cepit: inde ad oram Ligurum, si quos ibi motus facere posset, classem adpulit. - - - Pænus Sauonæ, oppido Alpino, præda deposita, & decem longis nauibus in statione ad præsidium relictis - - - ipse, societate cum Ingaunis composita, montanos instituit oppugnare. Aptum Sauonis nomen, vt inde Sauona ducatur, sicut a Narbo, Narbona; a Salo, Salona: sed Sauona ad mare est, Sauo, oppidum Alpinum. Intus ergo Sauo situs fuit, reductus quodammodo a mari, quo etiam *Sabata* reducenda videntur, quorum nullam mentionem faciunt qui Liguriæ litoralia exponunt. An ergo idem Sauo & *Sabata*? non habeo, quo negem; nec quo adfirmem pertinacius. Commune priori parte nomen *Sau* & *Sab*, quia b & v sæpissime permutantur. Sed situs *Sauonæ* turbat. An Sauo potuit intus esse, postea euersus, mutata sede, vt sæpe fit, restitui, & ad mare transferri, traducto vna nomine? Sic coniecere licet: certo definiri vix potest. Ceterum *Sabata* vix aliud, quam Strabo & Ptolemæus memorauit: iste lib. iv pag. 139 dixit, ἡ δὲ οἰκία εἰσι μεταξὺ Γενέας καὶ Σαβιάτων ὁπρὸς τοῖς ζ', inter *Genuam* & *Sabiata* cclx stadia sunt: Et, τὸ ἀπέναντον ἀπὸ Γενέας, αἱ δὲ Ἄλπεις ἀπὸ τῶν Σαβιάτων ἔχουσι τὴν ἀρχήν, *Apenninus a Genua, Alpes a Sabatis initium habent*. Antonini itinere ab Roma per Tusciam via Aurelia Arelatum, transpositi numeri, ita restituendi videntur:*

Vadis Sabbatiis

Pollupicem

Albingaunum

M. P. VIII

M. P. XII.

Ceterum *Vada Sabatia* nobiliora quondam, quam ipsa *Sabata*, etiam a pluribus,

ribus, vt supra vidimus, commemorata, Strabone, Plinio, Bruto, Mela, Antonino, & auctore Peutingerianæ: quibus Capitolinum addo, de Pertinace cap. ix dicentem, *Auaritiæ suspitione priuatus non caruit, quum apud Vada Sabatia, oppressis fanore possessoribus, latius suos teneret fines.*

LIII.

Proximum in litore oppidum *Genua* est, ἐμπορεῖον Λιγύων, *Ligurum emporium*, vt Strabo vocat, qui & verbis antea productis distantiam a Sabatis definiuit. Liuii testimonium supra vidimus: addo eiusdem alia. Lib. xxi cap. xxxii *P. Scipio cum admodum exiguis copiis Genuam repetit.* & lib. xxix cap. v *Naves, quæ ab Carthagine ad Magonem missæ erant, inter Albingaunos Ligures, Genuamque accesserunt.* De Plinio & Mela etiam antea dictum est. Ptolemæo quoque est Γεννα, *Genua*. In Tabula vetere ænea ciues dicuntur GENVATEIS apud Gruter. pag. 204. Plinius præponit flumen *Porciferam*, sed incognitum aliis: nisi quod Holstenius pag. 9 in Cluverium, ex ænea antiqua tabella, quam etiam Gruterus pag. 204 descripsit, huc FLOVIVM PROCOBERAM agri Genuatis, quasi eundem, qui in Plinii libris *Porcifera* scriptus est, adlegat. Quem vero Plinius *Feritorem* fluvium vocat, Cluverio videtur ille esse, qui sub ipsis vrbis mœnibus ad orientem versus defluit, *Bisagno* nunc vulgo dictus. Ptolemæi autem *Entella* amnis vltior est, inter Delphini portum & Tiguliam, qui vulgo adpellatur *Lauagna*.

LIV.

In reliquo litore Liguriæ post Genuam est Tabulæ *Ricina*, nunc forte vicus *Recco*: & Plinii *Portus Delphini*, quem *Delphinos* Antoninus vocat: nunc corrupto nomine *Porto Fino*. Quæ vero de *Tigulia* & *Segesta Tiguliorum* in Plinii enarratione sequuntur, quarum illa intus sit, hæc in ora & litore; earum situm sollicitat Cluverius, vt Tiguliam malit ad mare locari, Segestam vero intus ad duo millia, vbi rudera antiquæ vrbis adpareant. Inductus ad permutationem est Ptolemæi auctoritate, qui Τηγυλλίαν, *Tigulliam* in litoralibus recenset. At exactissimus vir, Lucas Holstenius, potio-rem fidem Itinerariis antiquis habendam censet, quæ in ipsa via Aurelia *Tiguliam*, sive vt Aldus scripsit *Tecolatam*; vt Schottus, *Tegulatam* commemorant: *Segestæ* autem positio litoralis in ora maritima recensetur, quo tempore vterque adhuc locus existisse videtur, vt nominum permutatio a Plinio, vel describente, non potuerit fieri. Vtrumque enim iter, terrestre & maritimum, quæ Antonino tribuuntur, Plinianæ narrationi consonant. In cuius summi viri iudicio, tam firmis rationibus innixo, adquiescimus, & *Segestam Tiguliorum* illud esse oppidum, quod *Sestri* hodie vocatur, persuasi sumus: *Tiguliam* vero ad rudera illa interiora in viam Aureliam remouemus.

LV.

Succedit proxime locus in Tabula Peutingeri *Ad Monilia*, quod hodiernam *Monegliam* esse, ipsum nomen clarissime ostendit. Qui vero in maritimo Itinerario *Portus Veneris* memoratur, etiam nunc veteri nomine clarus

clarus est, ad occidentale latus sinus, siue ipsius Portus Lunensis, haud longe ab ostio fluminis *Macrae*, qui terminus est Liguriæ.

LVI.

Ipsa autem vrbs *Luna* trans flumen fuit in solo Etruriæ, vbi ruinæ eius de veteri loco testantur. Strabo lib. v pag. 153 ἡ μὲν Λένα πόλις ἐστὶ καὶ λιμὴν, *Luna* & vrbs est & portus, sed interfluente *Macra*. Liuius distincte de vtroque lib. xxxiv cap. viii *M. Porcius consul ad Lunæ Portum profectus*: & lib. xxxix cap. xxi *Litteris de morte proprætoris recitatis, senatus censuit mittendum, qui ad Lunæ portum C. Calpurnium prætorem consequeretur*. De oppido autem lib. xli cap. xix qui *Lunam Pisasque depopulati erant*: & lib. xliii cap. ix *exercitu in hiberna Lunam & Pisas deducto*. Vrbs non magna fuit, vt Strabo refert: portus autem μέγιστος καὶ κάλλι-
τος, capacissimus & pulcherrimus, plures includens portus, omnes ἀγχι-
βαθεῖς, prope litus profundos. Silius Italicus lib. viii vers. 481

Tunc quos a niueis exegit Luna metallis

Insignis portu, quo non spatiosior alter

Innumeras cepisse rates, & claudere pontum.

Iuxta portum Promontorium *Lunæ* est, cuius Ptolemæus meminit, sed loco alieno in Etruria, quum ad dextram *Macræ* exeuntis ripam procurrat.

LVII.

Mediterranæe Liguriæ Ptolemæus dat quinque oppida *Sabata*, *Potentiam*, *Astam* coloniam, *Albam Pompeiam*, & *Libarnam*. Plinius addit plura lib. iii cap. v, quorum præcipua sunt *Dertona* colonia, quam perperam Ptolemæus in Taurinis scripserat; *Forum Fuluii* & *Aquæ Statiellorum*. Augustam enim Vagiennorum in Alpinis supra contemplati sumus. Proximus Vagiennis est amnis *Tanarus*, vt Plinius ait lib. iii cap. xvi, *Apennini latere iactus*; ad quem, vbi *Sturam* recipit, *Pollentia* sita est, quæ secundum Plinium etiam *Carrea*, item *Potentia* cognominatur, Harduino interprete: Cluuerius autem incidit post *Pollentia*, vt *Carrea*, cognomine *Potentia*, sit oppidum separatum. D. Brutus Ciceroni lib. xi epist. xiii de Ventidianis militibus, cum Antonio coniunctis, orare cœperunt, vt *Pollentiam* iter facerent. Et mox: *hora antea præsidium meum Pollentiam venit, quam Trebellius cum equitibus*. Ptolemæo est πολεντία. Inde dicti *Pollentini* incolæ. Suetonius Tib. cap. xxxvii *Quum Pollentina plebs funus cuiusdam primipilaris non prius ex foro misisset, quam extorta pecunia, per vim heredibus ad gladiatorium munus: cohortem ab vrbe, & aliam a Cottii regno, dissimulata itineris caussa, detectis repente armis, concinentibusque signis per diuersas portas in oppidum innisit, ac partem maiorem plebis ac decurionum in perpetua vincula coniecit*. Quod decuriones habuit, argumento est, municipium fuisse non nullius dignitatis. Laudatur a copia nigri velleris. Plinius lib. viii cap. xlvi [Lanas] *nigri velleris præcipuas habet Pollentia iuxta Alpes*. Posteriori æuo, insigni clade polluta fuit *Pollentia*, Romanorum magis Stilicone duce, quam Gothorum sub Alarico, de qua chronicorum scriptores Prosper Aquitanus & Aurelius Cassiodorus, Arcadio & Honorio

Honorio quintum consulibus, vt de prælio illo adulatorie magis quam vere scripserit Claudianus Bello Get. vers. 635

O celebranda mihi cunctis Pollentia sæclis!

O meritum nomen felicibus apta triumphis!

Hodieque, quamuis exigua, *Polenza* vocatur, vt de situ dubitare non liceat.

LVIII.

Supra Pollentiam ad idem flumen *Ceba* fuit nunc *Ceua*, vnde Plinius *Cebanum ex Liguria* caseum laudat lib. XI cap. XLII: infra autem, ad id flumen est *Alba Pompeia*, Plinio sic & Ptolemæo nominata, & in Tabula Peutingeri repetita: patria Pertinacis Augusti, qui, vt Xiphilinus ex Dione excerptis, fuit *Λίγυς ἐξ Ἀλβης Πομπηίας*, *Ligur ex Alba Pompeia*. Colonia fuit, aut a Pompeio Magno deducta, aut ab eodem instaurata, quum antea a Scipione deducta fuisset. In veteri lapide, quem Sponius Misc. Erud. Antiq. p. 163 descripsit:

P. CORNELIO P. F. L. N. AFRICANO

ET CN. POMPEIO MAGNO CN. F. SEX. N.

ALBAE INSTAVRAT. S. P. Q. CERALIS D.

Ceriale autem, vel *Cereale* nunc, oppidum territorii Albensis, vbi hic lapis visitur. Et alio, in Augusta Taurinorum, pag. 164

PRAEF. COH. BREVCOT. MVNICIPIO SVO

ALBA POMPEIA PATRONO COLONIARVM

MVNICIPIORVM ALBAE POMPEIAE

AVG. BAGIENNORVM

. . . ENS. GENVENS. AQVENS. STATIEL.

Oppidani, *Alpenses Pompeiani*. Plinius lib. XVII cap. IV in *Alpensium Pompeianorum agro*. Et veteri lapide apud Gruter. p. 484 ALB. POMPEIANORVM. Hodie *Alba* vocatur sine cognomine.

LIX.

Infra Albam, ad idem flumen, in sinistra ripa, vbi minorem fluuium, *Vrbem* dictum, accipit, *Asta* est, quæ nomen seruat, nunc quoque ampla & munitionibus illustris, *Asti*, ab Italis vocata. Romana colonia fuit. Ptolemæus in Liguria mediterranea Ἄστα κολωνία, *Asta colonia*: Plinius lib. III cap. V. *Alba Pompeia, Asta, Aquæ Statiellorum*. Corrupte in Tabula *Hasia*, quasi *Hasta* cum adspiratione, XVI millibus a Pollentia. Oppidani *Astenses*, vti ab Hispaniæ quoque *Asta* adpellantur in Hirtii bello Hispaniensi: & ipsa vrbs Ligurum *Astensis ciuitas*, a Paulo Diacono Langob. IV cap. XLII. *Vrbs* vel *Vrbis*, nunc *Orba*, fluuius minor apud *Astam*, memoratur a Claudiano de Bello Get. vers. 554

Ligurum regione suprema

Peruenit ad fluuium miri cognominis Vrbem.

LX.

Hinc in ortum paullo colebant STATIELLI siue STATIELLATES. Liuius lib. XLII cap. VII In *Liguribus in agro Statiellati pugnatum ad oppidum Carystum*: & cap. VIII *Atrox res visa senatui, Statiellates, qui vni ex Ligurum*

Ligurum gente non tulissent arma aduersus Romanos, - - - - omni vltimæ crudelitatis exemplo laceratos & deletos esse. Et cap. xxi eiusdem libri: *Aucta inuidia est Popillii litteris eius, quibus iterum cum Statiellatibus Liguribus proconsul pugnasse se scripsit.* Et interiectis paucis: *Sanciebatur, ut qui ex Statiellis deditis in libertatem restitutus ante calendas Sextiles primas non esset, cuius dolo malo is in seruitutem venisset, ut iuratus senatus decerneret, qui eam rem quæreret, animaduerneretque.* Horum oppidum ad Bormiam fluuium erant *Aquæ Statiellæ, siue Statiellorum*; nunc, ne de loco dubites, *Acqui dictæ.* Plinius lib. iii cap. v *Aquæ Statiellorum*: & lib. xxxi cap. ii *Augent [aquæ] numerum deorum nominibus variis, vrbesque condunt, sicut Puteolos in Campania, Statiellas in Liguria, Sextias in Narbonensi prouincia.* Oppidani *Statiellenses.* D. Brutus Ciceroni lib. xi epist. xi extrema: *ex castris, finibus Statiellensium.* Inscriptione modo prolata, *AQVENS. STATIEL.* ex qua etiam adparebat, municipium Aquas Statiellas fuisse. Oppidum *Carystum* siue *Caristum*, quod Liuius in Statiellate agro cap. vii posuit, non restat, nisi vestigia eius in vico Carso, qui in via, a Genua Dertonam ferente, est, superesse existimes.

LXI.

Ad Padum vsque Ligures habitarunt, sub quo flumine ipsis Plinius tribuit *Forum Fuluii*, cognomine *Valentinum*, ex quo coniicitur, in Valenza, Mediolanensis Ducatus oppido, *Forum Fuluii* latitare, id quod distantia xxii m. p. a Dertona, quæ in Tabula Peutingeri est, comprobatur.

LXII.

Supra quod Forum, iuxta eundem fluuium, *Industria* oppidum fuit, quod Ligures a flumine *Bodincomagum* adpellabant, in quo loco creditur nunc Casale esse, nupero bello recuperatum. Plinius lib. iii cap. v *Industriam* in Liguriæ oppidis numerat mediterraneis. Et cap. xvi extremo de Pado: *Ligurum lingua annem ipsum Bodincum vocari* [Metrodorus Scepsius dicit] *quod significet fundo carentem.* Cui argumento adest oppidum iuxta, *Industria*, vetusto nomine *Bodincomagum*, ubi præcipua altitudo incipit. In Romano lapide, quem Gruterus pag. 555 num. 7 refert, est *DOMO BODINCOMAGVS*: & in alio Montisferratenfis agri, p. 431 n. 5.

T. LOLLIVS T. LOLLII MASCVLVS

IIII VIR BONDICOMENSIS

quasi etiam *Bondicomum* id oppidum adpellauerint, nisi incisoris culpa syllaba prætermissa fuit. Vtroque modo autem *Bondincomagus* & *Bodincomagus* libri habent, ut propterea inscriptio non suspecta fieri possit, quam contra Cluuerii dubitationem Lucas Holstenius, vii accuratissimus, tuetur.

LXIII.

Hæc intra Padum & Tanarum: citra hunc *Dertona* colonia, cum *Iulie* cognomento: nunc *Tortona*. Plinius lib. iii cap. v de hoc tractu: *omnia nobilibus oppidis nitent, Libarna, Dertona colonia, Iria, & reliquis.* Et Paterculus lib. i cap. xv in coloniis Romanis numerat, licet ambigat de tempore deductionis. In lapide vetusto apud Grut. p. 487 n. 6.

XXX

ORIVNDO

ORIVNDO EX ITAL. IVL. DERTONA.

Quo nummum Tiberii Harduinus refert, signatum C. I. A. D. quod legit, *Colonia Iulia Augusta Dertona*: quem Vaillantius ad Hispaniæ Dertosam transmittendum esse contendit. Itinerariis etiam *Dertona*, & Ptolemæo *Δερτῶνα*, Latinorum forma, sed male in Taurinis collocata. Græcis aliis *ὁ Δέρτων*, vt Stephani Byzantii breuiator scripsit: vel *Δερτῶν*, vt Strabo lib. v pag. 150. Fluius qui adluit, & paullo inferius Pado miscetur, vulgo creditur *Iria* esse. at, quia oppidum *Iria* a Dertona x millibus in ortum remotum est, quod etiam amne quodam adfunditur; ille potius *Iria* censendus est, non, qui Dertonam præterlabitur. Iornandes de Reb. Get. cap. XLV alteram sententiam induxerat: *Dertonæ iuxta fluuium Ira cognomento occiditur*. At semibarbaro scriptori *Dertonæ* est in agro Dertonensi. Antoninus itinere ab Arimino Dertonam:

<i>Placentia</i>	—	—	—
<i>Camillomagum</i>	M.	P.	XXV
<i>Iriam</i>	M.	P.	XVI
<i>Dertonam</i>	M.	P.	X.

LXIV.

Supra Dertonam, Montes versus *Libarna* est Plinii & Ptolemæi; *Libarnum* Antonini & Tabulæ, media via inter Genuam & Dertonam. De *Iria* eiusque situ, modo aliquid diximus, x millibus distare a Dertona, Placentiam versus. Et hanc quoque Ptolemæus male in Taurinis posuit. Hodie *Voghera* est. Quod interiacet in Itinerario *Comillomagum* oppidum, in Tabula est *Cameliomagum*, de quo nihil certi iudicare licet, sicut neque de *Barderate* Plinii.

LXV.

Finiri heic per *Iriam* fluuium Liguria possit, nisi Liuius longius videatur in ortum eius limitem produxisse lib. xxxii cap. xxix. *Q. Minucius*, inquit, *in læuâ Italiæ ad inferum mare flexit iter*: Genuamque exercitu abducto, ab Liguribus orsus est bellum. Oppida *Clastidium* & *Litubium*, utraque *Ligurum*, & due gentis eiusdem ciuitates, *Celelates*, *Cerdiciates*que, se se dediderunt. Et iam omnia cis *Padum*, præter Gallorum *Boios*, *Iuates* *Ligurum*, sub ditione erant. quindecim oppida, hominum viginti millia esse dicebantur, quæ se dediderant. Quod si *Ligurum* oppida fuerunt *Clastidium* & *Litubium*, vt Liuius ait; & *Clastidium* in loco vici *Chiaftezo* siue *Chiafteggio* fuit, vt Cluuerius & alii ex nominis adfinitate iudicant; videtur utique *Liguriæ* sub *Pado* terminus trans *Iriam* amnem protrahendus, quem Cluuerius vsque ad flumen *Tidonem*, quod proximum est *Trebiæ*, producit. De loco, minus est quod dubitemus: de *Liguriæ* autem extensione omnino. Nam *Clastidium*, quod heic oppidum vocatur, vicus est lib. xxi cap. XLVIII, etiam Plutarcho *κῶμη*, vicus, quamuis Polybio lib. ii cap. xxxiv, & lib. iii cap. LXIX *πόλις*, oppidum. Etsi enim diversi de conditione huius loci dissentiant: verisimile tamen non est, a se ipso Liuium dissentire. Præter id Liuius lib. xxi cap. LVIII principio & lib.

lib. xxvii cap. xlix, & alibi, Gallos Cisalpinos a Liguribus distinxit, quæ verba supra protulimus; & clarius lib. xxxix cap. ii *Pacatis Liguribus, in agrum Gallicum exercitum duxit*: idem vero Clastidium dixit in *Gallia* esse lib. xxix cap. xi extremo. *Aedem Virtutis M. Marcellus dedicavit septimo decimo anno post, quam a patre eius vota in Gallia ad Clastidium fuerat.* Et ipso libro xxxii, quo Ligurum esse dixerat, post paullo cap. xxxi videtur, etiam Sigonii iudicio, Gallorum solo tribuere, vbi incensum esse scribit; & a Liguria separare. Plutarchus quoque Clastidium diserte vocat *Γαλατικὴν κώμην, Gallicum vicum*, Vita Marcelli pag. 300. Quæ omnia eiusmodi sunt, vt non sine causa Carolus Sigonius de Liuii loco, quo Ligurum dixit esse oppidum, dubitauerit, suspicatus, forte *Caristum* aut aliud scriptum a Liuiio fuisse. De *Litubio*, quod cum Clastidio Liuius memorauit, isque solus; æque dubia res est: quia, quem locum adsignat Cluuerius, a loco Clastidii Ligustini pendet, qui si incertus est, aut lectio suspecta, non certior sedes erit *Litubii*, quod nunc Ritorbio dici existimat, idque nomen cum velis *Ritouinis, in vicino Padi & Ticini* factis, quæ Plinius laudat lib. xix cap. i, componit, quasi *Ritobium* & ipse Liuius scripserit. Incertiores sunt ciuitates siue populi Ligurum *Celelates & Cerdiciates*, lib. xxxii cap. xxix; & *Iluates*, ibidem, & lib. xxxi cap. x: nec iis sic sedes adsignari possunt vt *Ingaunis, Intemeliis*, aut aliis iuxta mare: aut iis qui in Alpibus habitabant.

GALLIA CISPADANA.

LXVI.

A Liguribus ad eos populos accedimus, quos *Gallos* Romani adpellabant, regum Romanorum temporibus transgressos Alpes in Italiam. Hos autem secabat Padus fluuius, cui qui propiores vtrimque colebant, *Circumpadani* dicebantur. Liuius lib. xxi cap. xxxv de Hannibale: *Italiam ostentat, subiectosque Alpinis montibus Circumpadanos campos*: & Plinius lib. xiv cap. xx *musta Circumpadana*. Hi ad vtramque ripam, & amplius. Alterutrumque etiam Padus denominabat Gallos specialius, hinc *Cispadanos*; quos vel simpliciter *Gallos*, vel *Gallos* proprie *Togatos* postea dixerunt, quia citius in leges Romanas, quam qui trans Padum erant, concesserunt; illinc *Transpadanos*, qui longius in Illyricum vsque protendebantur. Multa *Transpadanorum* mentio apud Ciceronem, Tacitum, Suetonium, & in antiquis inscriptionibus: ex cuius vocabuli analogia citeriores *Cispadanos*, eorumque regionem *Cispadanam Galliam* adpellamus (nec enim facile exemplum inueneris; saltem non ita frequenter, vt verbi alterius:) de qua nunc proxime agendum est.

LXVII.

Supra diximus, ambiguum sub Pado terminum Liguriæ & Cispadanæ Galliæ esse, quem Cluuerius ad *Tidonem* amnem, qui propinquus est *Trebiæ*, promouendum censet: nos autem ostendimus, vltra *Iriam*, nihil cer-

tum proferri posse, quod indubitato sit Ligurum: idque de *Clastidio*, quod interiacet, in vtramque partem disputatum est, * vt tamen Gallis potius, quam Liguribus tribuatur. De quo quæ ex Polybio, Liuiio, Plutarcho proferri possunt, attulimus ibidem: addo nunc Strabonem lib. v pag. 150, qui *κλασίδιον*, *Clastidium* inter Ticinum & Dertonam memorat, quorum illud trans Padum est, hæc citra eundem. Sed cis flumen *Clastidium* fuisse, etiam ex Polybii lib. ii cap. xxxiv liquet, vbi Insubres, Acerris relictis, oppugnaturi *Clastidium*, dicuntur *διαβιάσαντες τὸν Πάδον*, *Padum fluuium traiecisse*. Ad illum fluuium, siue *Tidon* est, siue alius, a Cluuerio Phlegontis Tralliani de Longæuis, *πόλις Βελεία*, oppidum *Veleia* statuitur, quod Plinius confirmat lib. vii cap. xlix. *Circa Placentiam*, inquit, *in collibus oppidum est Veleiatium, in quo cxx annos sex detulere; quatuor centenos videnos; vnus cxi. Veliates ergo oppidani ex Veleia*. Et hucusque Cluuerius Liguriam produxit, de qua prorogatione autem est quod dubitemus, vt supra pluribus demonstratum est. Quæ sequuntur, sunt Galliæ sine dubitatione, eiusque *Cispadanae*, quam singulari ratione & *κατ' ἐξοχήν*, vt aiunt, *Togatam Galliam* Ptolemæus vocat, intra Padum & Apenninum vsque ad Sapim & Rubiconem fluuios procurrentem.

LXVIII.

Populi huius Galliæ præcipui nobilissimique erant *BOII*, vbique in Romana historia memorati: & mare versus *LINGONES*, quos Liuius lib. v cap. xxxv, etiam cum Boiis transisse Alpes consedissequæ cis Padum narrat: quibus Polybius lib. ii cap. xvii ad Apenninum *ANANES* adiungit. *Τὰ δὲ πέραν*, inquit, *τῆς Πάδου τὰ περὶ τὸν Ἀπεννίνον πρῶτοι μὲν Ἄνανες, μετὰ δὲ τέτταρες βοιοὶ κατώκησαν. ἐξῆς δὲ τέτων ὡς πρὸς τὴν Ἀδρίαν, Αἰγῶνες τὰ δὲ τελευταῖα πρὸς Θαιλάττην, Σήνωνες*. *Ultra Padum, circa Apenninum primi Ananes occurrunt; deinde Boii: post istos Hadriam versus Aegones: postremi omnium ad mare Senones*. Noti Senones Romano bello & mutua clade: *Aegones & Ananes* obscurissimi, nec ex quibus plagis Transalpinæ profecti sint, constat. *Senones* autem maiorem partem, si non omnem, in Vmbria extra limitem nostrum habitarunt, quorum regionem postea Romani in propria Italia, extinctis Senonibus, censuerunt. Sed ad principium, vnde digressi sumus, reuertimur.

LXIX.

Primum occurrit fluuius *Trebia*, ex Apennino in Padum apud *Placentiam* decurrens, inde *Placentinus* cognominatus Plinio lib. iii cap. xvi. *Padus*, inquit, *xxx flumina in mare Hadriaticum desert: Celeberrima ex iis, Apennini latere iactum, Tanarum; Trebiam Placentinum; Tarum, Niciam, Gabellum, Scultennam, Rbenum*. Nobilitatus clade Romanorum Punico ii bello, in quo eius a Polybio lib. iii cap. lxxviii seqq. Liuiio lib. xxi cap. 11, Floro lib. ii cap. vi, Eutropio lib. iii cap. iv, facta mentio est. Præterea Strabo lib. v pag. 150 *κατὰ Πλακεντίαν ὁ Τρεβίας συμβάλλων τῷ Πάδω, iuxta Placentiam Trebias incidit in Padum*. Et Silius lib. iii vers. 575

Tum

*Tum Trebia infausto noua praeliagurgite fessis
Inchoat, & precibus Iunonis suscitatur undas.*

LXX.

Quæ adiacet *Placentia*, antiqua colonia fuit, metu Punici bellī condita. Polybius lib. iii cap. xl Nunciato, iam Iberum transiisse Hannibalem, dilectus habent, & cetera expediunt bello necessaria, & prius institutum de coloniis in Galliam deducendis perfecturi, oppida muniunt, & colonos ad suas colonias proficisci iubent. ἂν μὲν μ'αν ἔτιζον ἐπὶ τὰδε τῷ Πάδῳ ποταμῷ, προσαγορεύσαντες Πλακεντίαν τὴν δ' ἄλλαν ἐπὶ θάτερα, κατενομάσαντες Κρεμῶνιν. Harum alteram cis Padum condebant, cui nomen fecerunt *Placentie*: alteram trans Padum, quæ dicta est *Cremona*. Id quod epitoma Liuii xx sic breuiter narratur: *Coloniae deductæ in agro de Gallis capto Placentia & Cremona*. Et Velleius Paterculus lib. i cap. xiv Sub aduentum in Italiam Hannibalis *Cremona* atque *Placentia*, puta, deductæ sunt coloniae. Post, ut multæ aliæ, ius municipii quoque accepit. Cicero in Pison. cap. xxiii O familia, non dicam *Calpurniae*, sed *Caluentiae*: neque huius urbis, sed *Placentini municipii*! Et in fragmento eiusdem orationis apud Asconium itidem municipium vocauit, de se optime meritum. Et Tacitus lib. ii Hist. cap. xix vocat coloniam virium & opum validam: at mox cap. xxi incolas eius municipale vulgus.

LXXI

Circa *Placentiam* duo emporia fuerunt, a Liuiio laudata lib. xxi cap. lvii. Emporium, inquit, prope *Placentiam* fuit, & opere magno munitum, & valido firmatum presidio. eius castelli expugnandi spe cum equitibus ac leui armatura profectus Hannibal. Tam propinquum autem fuit, ut clamor eius tumultus *Placentiae* quoque audiretur. Inde reiectus Hannibal a consule, ad *Victumuias* ire pergit oppugnandas. Id emporium a Romanis Gallico bello fuerat munitum. Hoc deditione cepit Hannibal, & diripuit.

LXXII.

A *Placentia* ad *Ariminum* noua via strata fuit ab Aemilio Lepido, quæ *Aemilia* vocata via. Liuius lib. xxxix cap. ii Aemilius viam ab *Placentia*, ut *Flaminiae* committeret, *Ariminum* perduxit. Duæ autem secundum Strabonem lib. v pag. 150, *Aemiliae* viæ, Scauri Aemilii alia, quæ per *Pisas* & *Lunam* ferebat *Dertonam*: alia Aemilii Lepidi, διαδεχομένη τὴν Φλαμινίαν, quæ *Flaminiam* excipit. Idem Scaurus, quod ibidem Strabo fertur addidisse, fossam nauigabilem per transuersos amnes a *Placentia* duxit *Parmam*, ut paludosa loca exsiccaret. Sic corrupta Strabonis verba emendant partim, partim interpretantur Xylander & Cluuerius, quæ ita in libris habentur: ἀνέψυχε τὰ πεδία ὁ Σκαῦρος διασπυχαῖς πλατῶν, ἀπὸ τῷ Πάδῳ μέχρι Παρμηστῶν. quod secundum litteram est, a *Pado* ad *Parmestas*. Xylander vertit a *Placentia Parmam* usque, quod adprobat Cluuerius, quasi Παρμητῶν geographus scripserit, qui *Parmenses* sint; quod dubitat Casaubonus. Tam impedita adhuc est *Fossa Aemilia*, ab Aemilio Scauro inter *Parmam* ducta & *Placentiam*.

LXXIII.

Interiacet Parmæ & Placentiæ ad fossam *Fidentia* in itineralio, quæ itinere a Mediolano per Picenum vocatur *Fidentiola vicus*, XXIIII millibus a Placentia; xv a Parma: & itinere ab Arimino Dertonam, non solum *Fidentia*, verum etiam *Florentia* aliqua, quæ Cluuerii tabula est *Florentiola*, suspecta & dubia Suritæ. Sed Peutingerianæ quoque Tabulæ *Florentia* inter Placentiam Fidentiamque est media, quæ quoquo se modo habet, *Fidentia* tamen certissima & antiqua est eo positu, commemorata ab Liuiio epitoma LXXXVIII, Velleio lib. II cap. XXVIII, & Plinio lib. III cap. XV. Nam Carbo circa *Fidentiam* superatus fuit a Metello Pio, Syllæ auspiciis, quod Liuius tradit & Paterculus: Plinius *Fidentinos* in octaua regione ponit, id est in Cispadana. Itinerariorum rationes in locum referunt, qui nunc *Burgo di San Donnino* dicitur. S. Dominus autem in Martyrologio Romano a. d. VII idus Octob. dicitur supplicium passus apud *Iuliam* in territorio *Parmensi*: quod si iustum cognomen est, coloniam fuisse Fidentiam, auspiciis Iulii vel Augusti Cæsaris deductam, probabile est.

LXXIV.

Subiacet in austrum, ad Tari & Ceui confluentes, locus qui nunc *Forum nouo* dicitur, quod nomen documento est, & heic *Forum Nouum* existitisse. Inscriptio vetus apud Grut. p. 492 n. 5

P A T R. C O L. I V L. A V G. P A R M
P A T R. M V N I C I P I O R V M F O R O D R V E N T. E T F O R O
N O V A N O R V M.

LXXV.

Nunc ad nobilem urbem *Parmam*, quo iam ante Aemilia nos ducebat, progredimur, antiquam coloniam, nec minore nostris temporibus claritate. Colonia facta cum Mutina. Liuius lib. XXXIX cap. LV *Eodem anno* [quo Aquileia] *Mutina & Parma coloniae Romanorum ciuium sunt deductæ. bina millia hominum in agro, qui proxime Boiorum, ante Tuscorum fuerat, octona iugera Parmæ, quina Mutinæ acceperunt.* Auxit ornauitque coloniam Augustus Cæsar: a quo *IULIAE AVGVSTAE* cognomen in modo producta inscriptione accepit. Qui incolebant, Cicero Philipp. XIV cap. III vocat *optimos viros, honestissimosque homines, maxime cum auctoritate huius* [senatorii] *ordinis, populique Romani dignitate coniunctos.* Deplorat ibidem *Parmensem calamitatem*, a L. Antonio bello Mutinensi acceptam. Lanam *Parmensis agri* Martialis laudat multis locis, e quibus satis sit libri XIV epigramma CLV repetisse, cui titulus *LANAE ALBAE* præscriptus:

*Velleribus primis Apulia, Parma secundis
Nobilis: Altinum tertia laudat ouis.*

Nomen urbis haud dubie est ab interfluente amne *Parma*: cuius nescio an in antiquis monumentis supersit quædam memoria, nisi quod illa ex Theodosiano xuo Tabula itineraria corrupte in hoc tractu habet *Fl. Paala*.

LXXVI.

Eadem Tabula, & Antonini, quod dicitur, Itinerarium inter *Parmam* & *Mu-*

& Mutinam *Tannetum* oppidum siue vicum tenent, quod etiam nunc Tanedo adpellatur. Polybius lib. III cap. XL in Boiis memorat τὴν Τάνητος καλόμενὴν κώμην, *Tanetis* ita dictum vicum: & Liuius lib. XXX cap. XIX dicit, qui ad vicum *Tanetum* a Boiis capti fuerant. Plinius lib. III cap. XV in octaua regione, quæ Cispadana est, *Tanetanos* recenset: & Ptolemæus in Togata Τάνητον, *Tanetum*. Ordo talis est itinere ab Arimino Dertonam:

<i>Bononia</i>	—	—	—	
<i>Mutinam</i>	M.	P.	XXV	
<i>Regium</i>	M.	P.	XVIII	
<i>Tannetum</i>	M.	P.	X	
<i>Parmam</i>	M.	P.	IX	
<i>Fidentiam</i>	M.	P.	XV	
<i>Florentiam</i>	M.	P.	X	(Florentiolam)
<i>Placentiam</i>	M.	P.	XV.	

LXXVII.

Hinc ad Padum rursus descendimus, ad cuius & alterius fluminis, quod Plinii *Nicia*, Tabulæ *Nigella* videtur, situm confluentes est *Brixellum*, nunc Bersello, siue Brescello, quod Plinius dicto loco in coloniis numerat. Et Ptolemæus in Togata vocat Βερίξελλον, *Brixellum*. Fatale fuit Othoni imperatori, qui heic vim vitæ suæ intulit, rebus ad Bedriacum inprospere gestis. Suetonius cap. IX *Nec illi pugnae adfuit, substititque Brixelli*. Tacitus Hist. II cap. XXXIX *Profecto Brixellum Othone*, ibi (cap. XLVI) *opperiebatur nuntium pugnae*. Infra Brixellum ad eundem Padum est *Nuceria*, Ptolemæi Νουκερία, nec forsan ab alio veterum scriptorum memorata: nunc mutata littera, Lucera siue Luzara.

LXXVIII.

Clarius est, quod intus recedit, *Regium Lepidi*, siue *Regium Lepidum*, aut simpliciter *Regium*, quod Cluuerius vocat, nescio quo auctore, *Forum Lepidi*. Situm in via Aemilia, nomen ferens ab Aemilio Lepido, qui cum C. Flaminio consul fuit. Vnde autem cognomen vel nomen *Regium*, incertum plane & obscurum est. Cicero lib. XII epist. V ad Cassium: *Præter Bononiam, Regium Lepidi, Parmam, totam Galliam tenebamus studiosissimam reipublicæ*. Et Brutus ad Ciceronem lib. XI epist. IX extr. III *Kal. Maii ex castris Regii*. Ptolemæus in Togata prouincia: Ρήγιον Λεπίδιον κολώνια, *Regium Lepidium* (seu potius *Lepidum*) *colonia*. Sic enim est emendandum ex Strabone, qui æque, vt Latini, Ρήγιον Λέπιδον lib. V pag. 150 adpellauit. Plinio lib. III cap. XV sunt *Regienses a Lepido*. Tacitus lib. II Hist. cap. L *Die quo Bedriaci certabatur, auem inusitata specie apud Regium Lepidum celebri luco consedissee incolæ memorant*. In Peutingeriana Tabula *Lepido Regio* scriptum existat: ceteri posteriores tantum *Regii* nomen agnoscunt, vt paullo ante ex Antonini itinere vidimus. Orosius quoque lib. V cap. XXII de tumultu, post Syllæ mortem a Lepido consule concitato, *Brutus in Cisalpinam Galliam*

iam fugiens, persequente Pompeio, apud Regium interfectus est. Hodie vocatur Reggio.

LXXIX.

Excipit Plinii flumen *Gabellum*, cui oppidulum, a Strabone Μακροὶ Κάμποι, *Macri Campi*, vocatum, adpositum est. Liuius etiam videtur oppidi nomen facere. Lib. xli cap. xviii *Consul litteras ad C. Claudium misit, et cum exercitu ad se in Galliam veniret: Campis Macris se eum expectaturum.* Et lib. xlv cap. xii *Profectus in Galliam, circa Macros Campos, ad montes Siciminam & Papinum, statim habuit.* Columellæ autem lib. vii cap. ii sunt campi circa Parmam atque Mutinam. Oues, inquit, quæ circa Parmam & Mutinam Macris stabulantur campis. Atque sic etiam Varro R. R. præfatione libri ii, in Campos Macros.

LXXX.

Inter *Gabellum* & *Scultennam* amnes, ad Aemiliam viam, nobilis vrbs est *Mutina*, colonia ciuium Romanorum, cuius deductionem supra in *Parmâ* vidimus, quia eodem anno sunt conditæ, vt Liuius refert lib. xxxix cap. lv. Polybius Μετὶνῃ scripsit lib. iii cap. xl; Strabo p. 150 Μετὶνῃ; Ptolemæus Μετὶνα, Latino more. Cicero Philipp. v cap. ix [Antonius] circumfedit *Mutinam*, firmissimam & splendidissimam populi Romani coloniam. Tacitus lib. i Hist. cap. l *Pharsaliam, Philippos, & Perusiam ac Mutinam, nota publicarum cladum nomina, loquebantur.* Plura apud Ciceronem & historicos in bello Mutinensi. Silius lib. viii vers. 592

Certauit Mutinæ quassata Placentia bello.

Et Lucanus lib. i Pharsal. vers. 41

*His, Cæsar, Perusina fames, Mutinæque labores
Accedant fatis.*

LXXXI.

Inter eosdem fluuios, *Gabellum* & *Scultennam*, sed supra *Mutinam*, ad montem Apenninum versus, *Mutilum* castrum est. Liuius lib. xxxiii cap. xxxvii *L. Furius Purpureo, alter consul, per tribum Sappiniam in Boios venit. Iam castro Mutilo adpropinquabat, quum veritus, ne intercluderetur simul a Boiis Liguribusque, eadem via, qua adduxerat, reduxit.* Etiam nunc vocatur *Medolo*, situmque supra *Mutinam* in radicibus Apennini. Paulo infra hoc castellum Cluuerius ad *Gabellum* ponit *Saltum Gallianum*, quasi oppidum a Plinio lib. iii cap. xv notatum: verum Harduinus e mss. legit *Saltes Galliani*, qui cognominantur *Aquimates*. non enim oppidorum ibi aut nemorum, sed populorum nomina recensentur. In Aemilia via, prope *Scultennam*, iii millibus a *Mutina* abest locus *Ad Victoriolas*, in Hierosolymitano Itinerario sub finem designatus: trans flumen in eadem via, viii m. p. a *Mutina*, est *Forum Gallorum*, vt Tabula Peutingeri distantiam definiuit. Heic Antonius vicit *Pansam*, & victus est ab *Hirtio*. Galba ad Ciceronem lib. x epist. xxx *Audita re Hirtius cum cohortibus viginti veteranis redeunti Antonio in sua castra occurrit, copiasque eius omnes deleuit, fugauitque eodem loco, ubi erat pugnatum, ad Forum Gallorum.* Et Frontinus Stra-

teg.

teg. lib. i cap. v exemplo xxxix *Antonius, apud Forum Gallorum, quum Pansam cos. aduentare comperisset, insidiis per siluestria Aemilie viæ dispositis, agmen eius excepit fuditque: & ipsum eo vulnere adfecit, quo intra paucos dies exanimaretur.*

LXXXII.

Infra Mutinam, intra eosdem amnes, *Gabellum & Scultennam*, itinere Antonini a Verona Bononiam, inter Hostiliam & Mutinam medio loco, vtrimque xxv m. p. distante, ponitur *Colicaria*, oppidum vel vicus, quam inter Mutinam & Mirandulam in vico Rocaglia, itineris tractu monstrante, quærebat Cluuerius: inferius, Padum versus, *Otesia*, vnde *Otesini* dicti Plinio lib. iii cap. xv, & ex Bergomate lapide CVRATOR REIP. OTESINORVM, vt Cluuerius refert pag. 282, quod est prae scriptum A TESI NORVM in Gruteri opere p. 396 num. 8. Ad confluentes *Scultennæ & Padi*, oppidum *Padinum* est, nunc Bondeno; vnde Plinii *Padinates* sunt dicto cap. xv. De *Scultenna* autem fluuio præter Plinium lib. iii cap. xvi, etiam Liuius lib. xli cap. xviii ineunte agit.

LXXXIII.

Vltiores fluuii sunt *Lauinius & Rhenus*, in quorum altero *insula Triumvirorum* est, hoc est, in qua M. Antonius, M. Lepidus, & Octavianus Cæsar triumviratum, seu potestatis summæ societatem inierunt. Appianus ineunte lib. iv de B. Ciuili: συνέσαν ἀμφὶ Μουτίνην πόλιν ἐς ἡσίδα τῆς Λαβινίας ποταμοῦ βραχεῖάν τε καὶ ὑπτίαν, *congressi sunt [triumviri] circa Mutinam in parua quadam & plana insula fluuii Labinii.* Cui fragmentum tabulæ in agro Bononiensi repertæ consentit, qua insulam triumvirorum dicitur AMNIS LAVINVS ADLATRARE. Sed dudum obseruarunt docti viri, non esse antiquum, quisquis est, illius tabulæ auctorem, & ab Appiano accepisse, quod de amne Lauino tradidit. Vide Thomæ Reinesii Inscript. LXVII Classis ii, cum subnotatis. Nec Appianus sibi constat de oppido & amne. Ait *circa Mutinam*, at tamen in *Lauinii insula* pactos societatem triumuiros fuisse. Longe abest Lauinius a Mutina; propior utique Bononiæ: nectantus, vt insulam capiat, in cuius medio conferre secreta triumviri potuerint, vt nec in ripa vtrimque stantes, neque in pontibus, exaudirent. Sic enim ipse Appianus de illo colloquio scripsit. Relinquitur ergo in *Rheno*, qui maior est Lauinio, illam insulam triumvirorum, & prope Bononiam fuisse. Id quod non obscure Dio Cassius lib. XLVI sub finem, confirmat, ἐν ἡσίδῳ τινὶ τῆς ποταμῶς τῆς παρὰ τὴν Βονωνίαν παραρρέοντος, *in insula quadam parua illius amnis, qui Bononiam præterlabitur.* Is vero haudquaquam Lauinius est, sed Rhenus, quem ideo Plinius Bononiensem amnem dixit lib. xvi cap. xxxvi. Nullus, inquit, sagittis aptior calamus, quam in Rheno, Bononiensi amne. Et Silius lib. vii vers. 600
- - - - - *paruique Bononia Rheni.*

Suetonius quoque Aug. cap. xcvi dicit, *ad Bononiam* triumvirorum copias fuisse contractas: & Plutarchus Cicerone p. 884 ἐγίνοντο αἱ συνόδοι μόναις ἀπὸρρήτοις περὶ πόλιν Βονωνίαν ἐφ' ἡμέρας τρεῖς, καὶ συνέσαν εἰς τόπον τινὰ πρὸς

σω τῶν στρατοπέδων, πρὸς αὐτῶν περιῆεόμενον, *Colloquuti soli sunt, remotis arbitris, tres dies iuxta urbem Bononiam.* Locus ubi conuenerunt, pro castris erat, amne cinctus. Tres sic apud Bononiam id factum esse adfirmant, singuli graues auctores, & Appiano utique præferendi: quorum consensu probatur, amnicam illam insulam fuisse Rhēni, Bononiam præfluentis; non Lauinii, decurrentis longius ab illa vrbe.

LXXXIV.

Satis nota vrbs *Bononia*, & vel sola antiquitate commendabilis, olim, quum Tusci tenerent, ante inuasionem Gallorum, *Felsina* vocitata, quod nomen nec deinceps fuit penitus oblitteratum. Plinius lib. iii cap. xv *Bononia, Felsina vocitata, quum princeps Etruriæ esset.* Et Liuius lib. xxxiii cap. xxxvii *Deiniunctis exercitibus primum Boiorum agrum usque ad Felsinam oppidum populantes [consules] peragrauerunt.* Nomen autem Bononiæ videtur a Gallis esse, quorum id nominis oppidum etiam in Belgica ad fretum fuit Britannicum. Romani coloniam Latinam eo deduxerunt. Liuius lib. xxxvii cap. lvii *Eodem anno [106] urbis conditæ ante diem tertium Kalendas Ianuarias, Bononiam Latinam coloniam ex SC. L. Valerius Flaccus, M. Atilius Seranus, L. Valerius Tappus triumuiroi deduxerunt.* Tria millia hominum sunt deducta: equitibus septuagena iugera; ceteris colonis quinquagena sunt data. Ager captus de Gallis Boiis fuerat: Galli Tuscos expulerant. Et Velleius Paterculus lib. i cap. xv de eadem: *Cn. Manlius Volsone, M. Fulvio Nobiliore coss. Bononia deducta colonia, abhinc annos ferme cxxvii.* Auxit Octavianus sub initium Actiaci belli, ut Dio refert lib. l pag. 422. Tacito lib. xii cap. lviii est *Bononiensis colonia.*

LXXXV.

Ultra Bononiam in eadem via Aemilia est *Claterna* interuallo x m. p. quod ex itinerario utroque constat. Cicero Philipp. viii cap. ii cuius [Antonii] *præsidium Claterna deiecit Hirtius.* Idem lib. xii epist. v ad Cassium: *Si erupisset [D. Brutus] Mutina, nihil belli reliqui fore videbatur. Paruis omnino iam copiis obsidebatur, quod magno præsidio Bononiam tenebat Antonius. Erat autem Claternæ noster Hirtius: ad Forum Cornelii Cæsar, uterque cum firmo exercitu.* Plinius lib. iii cap. xv post colonias Cispadanæ enumeratas: *oppida, Cæsena, Claterna, & reliqua.* Ptolemæi quoque in *Togata κλατέρη* est.

LXXXVI.

Antequam Boios deferamus, in Lingonum Gallorum sedem transitori, de *Litana silua* aliquid dicendum est. In Boiis fuisse, ex Liuiio notum est: quo loco aut regione, incertum. L. Postumius Albinus in ea a Boiis cæsus. Lib. xxiii cap. xxiv *Silua erat vasta (Litana Galli vocant) qua exercitum traducturus erat - - - caput ducis præcisum Boii ouantes templo, quod sanctissimum est apud eos, intulere.* Et lib. xxxiv cap. xxii *L. Valerius Flaccus in Gallia cum Boiorum manu propter Litana siluam signis collatis secundo prælio conflixit.* Hic ultus est superiorem cladem, quam etiam Frontinus lib. i cap. vi strateg. iv descripsit. *Boii, inquit, in silua Litana succiderant arbores.*

Holste-

Holstenius in Cluv. Ital. p. 15 coniicit fuisse supra fontes Scultennæ in iugo Apennini inter Cerfinianum & Mutinam.

LXXXVII.

Post Claternam *Forum Cornelii* est, Ciceronis epistola modo memoratum: Straboni *Φόρον Κορνήλιον*: Ptolemæo *Φόρος Κορνηλίας*. Martialis lib. III epigr. IV

Romam vade, liber. Si, veneris unde, requiret;

Aemiliæ dices de regione viæ.

Si quibus in terris, qua simus in vrbe, rogabit;

Corneli referas me, licet, esse Foro.

Opus Cornelii Sullæ esse, Prudentius hymno IX de passione Cassiani Forocorneliensis in principio testatur:

Sulla Forum statuit Cornelius: hoc Itali urbem

Vocitant ab ipso conditoris nomine.

Et vetusto lapide apud Spon. Miscell. p. 185 IIIII VIRO FORO CORNELL Hodie *Imola* id oppidum vocatur, quod non solum itinerariorum rationes probant, verum etiam Paullus Warnefridi lib. II Langobard. cap. XVIII aperte & nominatim declaravit. *Aemilia*, inquit, *locupletibus urbibus decoratur: Placentia scilicet, Parmaque, Regio, & Bononia, Corneliique Foro, cuius castrum Imolas adpellatur.* Oppidani FORO CORNELIENSES in veteri lapide apud Holstenium in Cluv. pag. 15.

LXXXVIII.

Post, eodem tractu, sequitur *Fauentia*, nunc Fidenza, unde Plinio * *Faventini* incolæ eius oppidi nominantur. Sullano bello memorabilis facta *Fauentia*, quod ad illam etiam pugnatum fuit. Epitoma Liuii LXXXVIII *Sulla Carbonem, exercitu eius ad Clusium, ad Fauentiam Fidentiamque cæso, Italia expulit.* Et Velleius lib. II cap. XXVIII *magnificis præliis partium eius viri hostium exercitum fuderant: duo Seruili apud Clusium, Metellus Pius apud Fauentiam, M. Lucullus circa Fidentiam.* Silius Italicus lib. VIII vers. 596

- - - - - undique sollers

Arua coronantem nutrire Fauentia pinum. **

LXXXIX.

Inde pergitur *Solonam*; quæ hodie Citta di Sole est, in sinistra *Vtentis* ripa. Inscriptio apud Gruterum pag. 1095 n. 2 QVRATORI SOLONATI-VM. Trans flumen, paullo inferius, *Forum Liuii* est, nunc Forlì, inter Cæsenam situm & Fauentiam, quod ex Antonini itinere ab Arimino Dertonom, & Peutingerorum Tabula adparet. Decem millibus distat a Faventia. Inde ad mare vergit *Forum Popilii*, ut Plinius vocat lib. III cap. XV; ut corrupte in Peutingeriana, *Forum populi*: unde hodiernum nomen est Forlì in popolo. Superest intus in tractu hoc *Cæsena*, Straboni *Καισῆνα*. Plinius d. I. *Oppida, Cæsena, Claterna, & cetera*: Ptolemæo *Καισαῖνα*; hodie Cesena, seruatò vocabulo: medio æuo, nescio vnde, *Curua Cæsena*, ut

Yyy 2

in

* Et cuius antiquior autoritas est, Varroni I. R. R. c. 2. & Columell. III. c. 3.
** Regio vini ferax fuit. Varro, R. R. I. c. 2.

in Antonini Itinerario est, & Tabula Peutingeriana. Inter Cæsenam & Forum Popilii in occasum vergit *Forum Truentinorum*, vt in Plinii lib. III cap. xv scriptum: siue *Druentinarum*, vt in lapidibus vetustis est. Supra in *Foro Nouo* monstraui mus ex Grut. p. 492 n. 5 PATR. MVNICIPIORVM FORODRVENT. & alia pag. 1094 n. 2 CVR. REIP. FORODR. vtrobique per D. quæ verior orthographia est. Distantias plurimorum, quæ adhuc oppida proposuimus, iter Antonini ab Arimino Dertonam sic illustrat:

Arimino

Curuam Cæsenam

M. P. XX

Forum Liuii

M. P. XIII

Fauentiam

M. P. X

Forum Cornelii

M. P. X

Claternam

M. P. XIII

Bononiam

M. P. X.

XC.

In maritima ora nobilis vrbs *Rauenna* est, πόλις ἀρχαία, Θεσσαλῶν ἀποικία, vrbs antiqua, *Thessalorum colonia*, vt Zosimus tradit lib. v cap. xxvii. Strabo confirmat idem lib. v pag. 148 ex fama, Θεσσαλῶν λέγεται κτίσμα, dicitur a *Thessalis* condita. Vnde est quod de integritate Plinii, in cuius lib. III cap. xv *Sabinorum oppidum* est, Cluuerius dubitare cœpit. Quod Strabo addit, ἐν τοῖς ἐλεσί ἐστι, καὶ διάρρητος, in paludibus est sita, ἢ aquis peruia. Ideoque Silius lib. viii vers. 602 dixit,

Lenta paludosa perscindunt stagna Rauennæ.

Hæc munimenta eius naturalia. Portum antiquitus habuit in *Bedesis* ostio: addidit nouum Augustus, qui classem caperet tutando supero mari impositam, inter quem & urbem *Via Cæsaris*. Sidonius lib. i epist. v *Rauennam cursu dexteriore subeuntes: quo loci veterem ciuitatem nouumque portum media via Cæsaris ambigas utrum connectat an separet.* De classe Rauennate, ex Augusti institutione, Suetonius Aug. cap. xlix, Tacitus Hist. II cap. c. Iornandes de Get. reb. cap. xxix, vbi situm vrbs curati- us quam ceteri ex Dionis deperdito loco descripsit.

XCI.

Supra Rauennam, vi millibus passuum ab illa, *Butrium* fuit, quod Strabo τῆς Ραχέννης πόλισμα, oppidum *Rauennatium* vocat: Plinius autem dicto loco: nec procul a mari, *Vmbriorum Butrium*. Scilicet *Vmbri* *Thessalis*, quod Strabo addit, in Rauennæ oppidi possessione successerunt. Distantia vi millium in Tabula Peutingeri adnotata est.

XCII.

Tandem de fluminibus, quamquam aliquibus minus claris, quæ inter Rhenum Bononiensem & Rubiconem sunt, aliquid adiiciendum est. Post Rhenum est *Idex* inter Bononiam & Claternam medius, nunc *Idice*: quod prauationem Tabulæ Peutingerianæ arguit, qua *Isix* scriptum est. Inter Claternam & Forum Cornelii *Silarus*, in eadem tabula positus. Deinde *Vatrenus* Plinii, nunc *Saturno*, Forum Cornelii, hoc est

est Imolam, ab ortu adluens. Et hic in Padum cum superioribus decurrit. Plinius cap. xvi libri iii *Auget ibi Padum Vatreus amnis ex Forocorneliensi agro.* Et Martialis lib. iii epigram. LXVII ad pigros nautas:

*Cessastis pueri, nihilque moris
Vatreo Eridanoque pigriores.*

Succedit in eadem Tabula *Sinnum* flumen, nunc Senno siue Senio: & qui Fauentiam præterlabitur, *Anemo* Plinii cap. xv. in Tabula *Animo*, sed nimis in occasum cum Saterno, & ultra Mutinam remotus. Vulgo Amone est siue Armone. Salonam & Rauennam, illam ab ortu, hanc a septentrione præterfluit *Vtis*, in obliquo *Vtentis*; male in Plinii libris cap. xv *Vitis* scriptus. Liuius lib. v cap. xxxv *Tum Senones, recentissimi advenarum, ab Vtente flumine usque ad Aesim fines habuere.* Inter Forum Liuii & Forum Popilii Rauennam delabitur *Bedesis* Plinii: & tandem *Sapis* eiusdem, cuius superior pars circa Sarsinam fines Vmbriæ perstringit: quamuis inferior, ut citra Rubiconem, partem Cispadanæ extremam permeet. Vmbriæ, ob superiorem partem, etiam Silius lib. viii vers. 449 adsignauit,

- - - *canis venientes montibus Vmbri.*

Hos Aesis Sapisque lauant.

Tractum circa amnis huius superiora, *Sapiniam* tribum quem dicunt, etiam Liuius lib. xxxi cap. ii, Vmbriæ adiudicauit.

TRANSPADANA REGIO.

XCIII.

Qui trans Padum populi habitabant, non omnes Galli erant, sed quidam etiam ante illorum aduentum illas terras tenuerunt, ut Veneti, Euganeique: ideoque quum *Gallia Transpadana* vulgo dicitur *συνεκδοχικῶς* illud tanquam de pluribus, intelligendum est. Vocatur autem *Transpadana Italia* Plinio lib. xv i cap. xv, & sæpe alibi; & Tacito Hist. ii cap. xxii, cui etiam *regio Transpadana* dicta lib. i Hist. cap. Lxx, ad cuius explicationem nunc adgredimur.

XCIV.

Ab Alpibus vero denuo incipiendum. Post Salassos supra explicatos iuxta Graias Alpes sunt *LEPONTII*, quorum pars superior, *Viberi* Plinio cognominati, in Rhætorum fines porrigitur: altera, nec minor fortassis, censetur in Italia. Plinius lib. iii cap. xx *Lepontios & Salassos Tauriscæ gentis Cato arbitratur. Ceteri fere Lepontios relictos ex comitatu Herculis interpretatione Græci nominis credunt, præiustis in transitu Alpium niue membris.* Scilicet a *λείπω*, *linquo*, duxerunt nomen, quod in Strabonis lib. i v sub finem inconstanter scribitur, semel *ληπόντιοι*, iterum *λειπόντιοι*. Caput illorum fuit *Oscela*, Ptolemæi *Ὀσκέλλα*, quod Cluuerius a simplici scribendum esse ex eo putat probabile, quia vulgare nomen, quod hodie obtinet, *Domo d'Oscela*, aut *Osula*, mediam correptam habeat. Ad hos etiam *Canini Campi* pertinuerunt, per quos a Mediolano transeundum in Alemannos erat, uti ex Ammiani Marcellini lib. xv cap. vi adparet, & supra

in Rhætia quoque pag. 428 præmonstrauimus. Situm Camporum illorum Gregorius Turonensis lib. x cap. iiii ostendit. *Olo dux; inquit, ad Bilitionem, huius urbis [Mediolanensis] castrum in campis situm Caninis, importune accedens, iaculo sub papilla sauciatus, cecidit & mortuus est.* Bilitio autem castrum haud dubie est *Belizona*, situm supra Verbanum lacum ad flumen Ticinum. Præterea ad Caninos Campos Iacobus Gothofredus *Dinumma* refert, locum, quo data lex viii Cod. Theod. de Exactionibus.

XCV.

Decurrit ex Lepontiis *Sessites* fluuius Plinii lib. iiii cap. xvi ad *LIBICIOS* siue *LIBICOS* populum, & *Raudios campos*, in quibus Marius Cimbrorum ingentes copias prostrauit. *Libicorum* oppida duo Ptolemæus nominat, *Vercellas*, & *Laumellum*. Plinius lib. iiii cap. xvii *Vercellæ Libicorum ex Sallyis ortæ.* Tacitus Hist. lib. i cap. lxx *firmissima Transpadanæ regionis municipia, Mediolanum, ac Nouariam, & Eporediam, ac Vercellas adiunxere.* Vtraque, nomen seruant, Vercelli & Lomello, xxv milibus passuum in veteribus Itinerariis disiuncta. Tabulæ Theodosianæ, quam Peutingeri etiam dicimus, inter vtrumque sunt *Cutiæ*, nunc Cozo, medio viæ interuallo. Gentis nomen Ptolemæo & Plinio sunt *Libici*, tribus syllabis; at quatuor, Polybio lib. ii cap. xvii *Λεβέκιοι, Lebecii*: quo Cluuerius etiam refert Liuii *Libuos*, lib. xxi cap. xxxviii, tamquam prauatum nomen ex *Libicis* sit. Situs non repugnat. Ait enim de Hannibalis itinere: *ambo saltus eum non in Taurinos, sed per Salassos montanos ad Libuos Gallos deduxissent.* At lib. v cap. xxxv ait, *Libuos tenuisse illos locos, ubi nunc Brixia ac Verona.*

XCVI.

Campi *Raudii* primus Paterculus lib. ii cap. xii mentionem fecit. *Quinto [consulatu Marius] citra Alpes in campis, quibus nomen erat Raudiis, ipse consul & proconsul Q. Lutatius Catulus fortunatissimo decertauere prælio.* Aurelius Victor de Vir. illustr. in C. Mario: *Teutones in Gallia apud Aquas Sextias; Cimbros in Italia in campo Raudio vicit.* Sic A. Schotti n. s. alii *Caudio*, vel *Claudio*, quod nihilest. Florus tandem lib. iiii cap. iiii *Tridentinis iugis in Italiam prouolutos illos Cimbros dicit, & Athesim flumen, quod tranare frustra tentassent, ingesta obrutum silua transiluisse: quorum in Venetia deinceps ipsa soli cælique clementia robur elanguerit.* At Alpes illæ, & flumen, & regio longe absunt a *Sessite* fluuiio, ad quem *Raudios campos* fuisse supra cum Cluuerio dicebamus. Subdit præmissis his nihil omnis Florus: *in patentissimo, quem Radium vocant, campo concurrere.* Quibus inducti non nulli illum campum & prælium prope *Athesim* & *Veronam* quærent. Schottus ad Victoris dictum locum: *ad Athesim, Veronæ fluvium, pugna facta.* Crederem ipse, nisi Plutarchus aliud suaderet in Mario pag. 419 dicens, prouocantibus Cimbris, diem illis tertium, *χωρὰν τε καὶ πεδίων τὸ περὶ Βερκελλὰς, locum & campum apud Vercellas* ad pugnam constituisse. Quum vero æque ac Florus, traiectioni *Athesis* paullo ante meminerit Plutarchus, & nunc pugnae locum dicat apud *Vercellas* fuisse; moram intercessisse

XCIX.

Larius lacus pluribus laudatus, Plinio maxime iuniori, cuius natale so-
lum & plura prædia tangebant. Lib. ix epist. vii *Hoc quoque non dissimile,*
quod ad mare tu [ædificas,] ego ad Larium lacum. Huius in litore plures villæ
meæ, sed duæ ut maxime delectant, ita exercent. Virgilius quoque lib. ii Ge-
org. vers. 159 eiusdem lacus, & Benaci etiam rationem habuit, quum scripsit,

An mare, quod supra memorem, quodque adluit infra?

Anne lacus tantos? te, Lari maxime, teque

Fluctibus & fremitu adsurgens, Benace, marino?

Ad Larium lacum etiam in Comensi agro fuit fons mirandæ naturæ, statis ho-
ris crescens & decrescens, quem idem Plinius lib. i v epist. xxx descripsit.

C.

Sub lacu Lario, & ad Adduam fluuium, ac vltra illum, OROBII fuerunt,
quibus Plinius lib. iii cap. xvii tria oppida dat, Catonem auctorem, ut fa-
tetur, sequutus. *Orobiorum, inquit, stirpis esse Comum, atque Bergomum, &*
Licini forum, & aliquot circa populos, auctor est Cato. Antiqua vrbs Comum,
& potens olim, ut etiam cum Romanis bellum gereret haud secus atque aliæ
gentes validiores. Liuius lib. xxxiii cap. xxxvi *Marcellus Pado confestim*
traiecto in agrum Comensem, ubi Insubres, Comensibus ad arma excitis, castra ha-
bebant, ducit. Et extremo illo capite, *Victoria ad Comum parta:* & cap. xxxvii
Triumphavit [Marcellus] in magistratu de Insubribus Comensibusque. Non
obscurum deinde municipium, cui novos colonos Iulius Cæsar addidit, ex
quo *Nouocomum* plerumque vocitatum. Cicero lib. xiii epist. xxxv C.
Auianus - - - quem Cæsar meo beneficio in Nouocomenses retulit. Strabo lib.
v pag. 147 πεντακισχιλίας ἐπισυνέκισεν, *quinque millia colonorum addidit.* Ap-
pianus Alexandrinus lib. ii Ciuil. p. 730 πόλιν Νεώκωμον ὁ Καίσαρ ἐς Λατίαν
δικαίον ἐπὶ τῶν Ἀλπεων ᾤκισεν, ὧν ὅσοι κατ' ἔτος ἤρχον, ἐγίγνοντο Ῥωμαίων πολῖται,
Nouumcomum condidit sub alpibus Cæsar, donauitque iure Latii, ut qui annum
magistratum ibi gessisset, haberet in vrbe ius ciuium. Plutarchus quoque in
Cæsare p. 722 de iniuriis Cæsari illatis: Νεοκωμίτας ὑπὸ Καίσαρος ἐν Γαλα-
τία λατῶν κισμένους ἀφῆρξεν τῆς πολιτείας, *colonis, quos Nouumcomum Cæsar in*
Galliam deduxerat, ciuitatem ademerunt. Quod ita Suetonius cap. xxviii
narravit: *Retulit [consul Marcellus,] ut colonis, quos rogatione Vatinia [Cæ-*
sar] Nouumcomum deduxisset, ciuitas adimeretur, Catullus quoque ad illud in-
crementum respexit, quum carm. xxxvi Cæcilio poetæ scripsit,

Veronam veniat, Noui relinquens

Comi mœnia, Lariumque litus.

Sed cum tempore obsoleuit nouitatis cognomen, & Plinius, alumnus eius,
simpliciter *Comum* vocauit lib. i epist. iiii ad Caninium Rufum: *Quid agit*
Comum? tuæ meæque deliciæ? Et lapide Brixienfi apud Gruterum pag. 392
num. 7

CVRAT. REIP. COMENS. DAT
AB IMP. HADRIANO.

Nec

Nec itinerariis aliter quam *Comum*. In Tabula Peutingeri *Como*, sexto casu : in Anton. itineribus à Brigantia Mediolanum, & Comum ipsum, pergitur

Summum lacum : Comum : Mediolanum.

CI.

Vrbs altera Orobiorum, & Como vel æqualis, vel secundum alios, etiam ipsum Cluuerium, tamquam princeps gentis, præferenda, est *Bergomum*, de qua Plinii verba supra vidimus: Ptolemæo est *Βέργομον*, *Bergomum*. Atque sic etiam in vetustis lapidibus. Gruter. p. 392 CVRAT. REIP. BERGOM. & pag. 396 num. 8 BERGOMI PATRONO. In Iustini vulgaribus libris legitur *Vergamum*, quæ iudice Græuio, consummatissimo viro, barbari sæculi scriptura est, quum veteres libri, etiam Iuntarum Florentiæ impressus, *Bergomum*, vocali quarta præ se ferant. Iustini verba, & ceteris etiam interpretandis idonea, lib. xx cap. v sunt: *Galli quum in Italiam venissent, sedibus Tuscos expulerunt, & Mediolanum, Comum, Brixiam, Veronam, Bergomum, Tridentum, Vicentiam condiderunt.* E quibus tamen Plinius quædam non Gallis, sed Rhætis auctoribus it vindicatum, ut in Rhætia præmonstrauimus. Quid? quod in Tabula Theodosiana, ex Peutingeriano museo prodita in lucem, ccl plus minus annis post Iustinum confecta, etiam *Bergomum* scriptum existat, quarta in medio, non prima vocali. Quod vero hodie *Bergamo* illud oppidum vocitatur, id temporum insequentium barbariei imputandum est. Oppidani sunt *Bergomates* Plinio lib. iii cap. xvii. Ptolemæus quidem *Bergomum* in Cenomanis scripsit, nec nomen quidem Orobiorum habet, quod tam celebre, ut Insubrum & Cenomanorum non est; nos vero Plinii auctoritatem, antiquiora repetentis, sequuti sumus.

CII.

Tertium oppidum Orobiorum, *Forum Licinii*, minus est notum, nec ab alio forsan, quam Plinio, commemoratum: ideoque dubiæ positionis, situe hodie *Pieve d' Incino*, an, quod Cluuerio magis placet, *Berlasina* inter Comum & Mediolanum.

CIII.

Proximi Orobiis in austrum sunt INSVBRES, Gallica & ipsa gens, & multis certaminibus Romanorum nota. Liuius lib. xxii cap. vi singulariter dixit *Insuber eques*: & lib. xxx cap. xviii *in agro Insubrium Gallorum*. Polybio sunt *Ἰσούβρες*, lib. ii cap. xvii; & Straboni lib. v post initium, ac Ptolemæo lib. iii cap. i *Ἰνσουβροι*, *Insubri*. Potentiam bella cum Romanis gesta apud Liuium ostendunt, & Strabo Insubres & Boios Gallorum cis Alpes potentissimos dixit iam indicato loco: *Μέγιστα τῶν Κελτῶν ἔθνη Βοῖοι καὶ Ἰνσούβροι, καὶ οἱ τὴν Ῥωμαίων πόλιν ἐξ ἐφόδου καταλαβόντες Σένωνες*, *Maximæ gentes Gallorum Boii & Insubres sunt, & qui Romam subita incursione ceperunt, Senones.* Situm illorum Polybius demonstravit dicto loco, & vna multitudine testatur: *τὰ μὲν πρῶτα καὶ περὶ τὰς ἀνατολὰς τῆς Πάδος κείμενα, Λάσι καὶ Λεβίτιοι, μετὰ δὲ τοὺς Ἰσούβρες κατώκησαν, ὁ μέγιστον ἔθνος ἦν αὐτῶν. ἔξῃς δὲ τούτοις κατὰ τὸν ποταμὸν Κενομάνοι.* *Prima eius regionis, quæ fontes versus Padi*

sita, tenent Lai (Læui) & Lebecii: post illos Insubres habitauerunt, quæ illarum gens maxima: deinceps fluuium accolunt Cenomani. Sunt ergo magis occidentales quam Cenomani: nec vero Padum attingunt, sed Lai siue Læui inter illos & flumen sunt.

CIV.

Caput Insubrium *Mediolanum*, antiquum oppidum & genti suæ in Italia coæuum. Liuius lib. v cap. xxxiv *Ipsi* [Galli] *Taurino saltu inuias Alpes transcenderunt, fusisque acie Tuscis, haud procul Ticino flumine, quum, in quo confederant, agrum Insubrium adpellari audissent, cognomine Insubribus pago Aeduorum; ibi, omen sequentes loci, condidere urbem: Mediolanum adpellarunt.* Quod etiam Plinius lib. iii cap. xvi adprobauit: *Insubres condidere Mediolanum.* Et Polybius lib. ii cap. xxxiv *Μεδιόλανόν ἐστὶ κυριώτατος τόπος τῆς τῶν Ἰσόμενων χώρας, Mediolanum præcipuus locus est Insubrium.* Tacitus lib. ii Hist. in *firmissimis Transpadanæ regionis municipiis Mediolanum primo loco numerauit.* Et quod ex Plinii lib. iv epist. xiii adparet, liberalium studiorum sedes fuit hoc municipium adeo, vt inde *Nouarum Athenarum* nomen acceperit. Inscriptio ibidem reperta apud Gruterum p. 177 n. 4 sub Antonino Pio, AQVAEDVCTVM IN NOVIS ATHENIS COEPTVM A DIVO HADRIANO PATRE SVO CONSVMMAVIT DEDICAVITQVE. Videtur pars municipii, vel vicus, in quo domicilia litterarum erant, id augusti nominis tulisse. Et Aufonius in *claris urbibus*:

*Et Mediolani mira omnia. copia rerum,
Innumerae cultæque domus, facunda virorum
Ingenia, & mores leti.*

Supra Mediolanum in septentrionem ad flumen *Lambrum* est locus *Mozza* dictus, qui videtur ille esse quem *Modiciam* Paullus Diaconus vocat lib. iv cap. xxi, a Mediolano, vt ipse tradit, xii millibus remotum. Ibi inscriptio vetus nomen *MOGVNTIACI* refert, ex quo docti viri coniiciunt, id vetus nomen illius loci exstitisse.

CV.

In ortum versus a Mediolano *Laus Pompeia* sita est inter *Adduam* & *Lambrum* fluuios. Vulgo putant *Lodi* esse, quod oppidum *Adduæ* est adpositum: verum aliter itineraria tradunt, quæ aliquot millibus *Laudem* Mediolanum versus reducunt a *Lodi* nostræ ætatis, circa quem locum vicus *Lodeue* occurrit, quod nomen *Holstenius Lodi Vecchio* interpretatur, vnde haud dubie contractum est. Oppidum autem *Lodi* ex illius ruinis in vltiori loco ortum fuit. *Peutingeriana Tabula* & *Antonini* iter a Mediolano ad columnam seu *Siciliæ* traiectum hoc ita demonstrant:

Tabula		Antoninus	
<i>Mediolano</i>		<i>Mediolano</i>	— —
<i>Laus Pompeia</i>	xvi	<i>Laudem</i>	xvi
<i>Placentia</i>	xxii	<i>Placentiam</i>	xxiii.

Hæc de situ. Origo alia oppidi, eaque peruetusta; alia coloniae est. Plinius dicto loco: *Boii trans Alpes profecti Laudem Pompeiam condiderunt.* Scili-

Scilicet quum primum transgressi Alpes fuissent, antequam traiecto Pado sedem aliam & fixam inter amnem & Apenninum deligerent. Quod nomen Gallicum huius oppidi fuerit, ignoratur. Strabo Pompeius tandem, Magni pater, colonia eo deducta, nouum nomen imposuit. Asconius Pedianus ad Orat. in Pisonem sub initium: *Cn. Pompeius Strabo, pater Cn. Pompeii Magni, Transpadanas colonias deduxerat: - - - [&] veteribus incolis manentibus ius dedit Latii.* In quibus alter Strabo, geographus, pag. 147 *Comum* quoque refert, ante κατοικίαν μετρίαν, *mediocre oppidum*: quod afflictum a Rhætis ille συνώκισεν, *instauraueriet.*

CVI.

In Tabula illa Theodosiani æui vltra Laudem Pompeiam in ortum distant xxii millibus *Acerræ*: inde xiii *Cremona*. *Acerræ* etiam Ἀκέρραι a Plutarcho nominantur in Marcello pag. 300; a Polybio autem lib. ii cap. xxxiv Ἀκέρραι, * qui obsidionem illarum describit: a Strabone lib. v p. 150 Ἀκαρα, nisi forte alium locum intellexit, quia cum Cispadanis oppidis recenset: ceteri vero omnes trans Padum habent, vt inde reiecti hostes Mediolanum & Comum refugerint: & Tabulæ rationes ad flumen Adduam perducunt, vii millibus supra Padum fluuium, vt coniicit Cluuerius. Ibi in vico quodam nomen Gherræ dicitur superesse.

CVII.

Ptolemæus addit *Forum Iutuntorum* (φόρος Ιουτουντῶν est) quod in Cenomanis quidem scribit, in Insubribus tamen fuisse, locus quem adsignat, ostendit, qui fere ille est, quem nunc oppidum *Crema* tenet. Turbat vero in aliis etiam limites Ptolemæus, & Cenomanis tribuit quæ sunt Euganeorum, & Læuorum, Rhætorum ac Boiorum cis Padum: Insubribus autem quæ eorumde n Læuorum erant. Itinere Hierosolymitano adduntur inter Mediolanum & Bergomum *Argentia* xxii millibus a Mediolano, qui locus nunc in vico obscuro latet: & post x millia *Pons Aureoli*, de quo Aurelius Victor Schotti in Gallieno: *Aureolus, quum per Rhætias legionibus præesset, excitus, vt mos est, socordia tam ignauæ ducis, sumto imperio, Romanam contendebat. Eum Gallienus apud pontem, cui ex eo Aureoli nomen est, fusum acie Mediolanum coegit.* Et Trebellius in Aurelio tyranno: *Hunc eundem Aureolum Claudius, interfecto iam Gallieno, conflictu habito, apud eum pontem interemit, qui nunc Pons Aureoli nuncupatur.* Bis apud illum pontem victus a diuersis fuerit, an Pollio & Victor eamdem historiam confundant, non est facile explicatu: certior situs illius pontis, quia ab eo Bergomum in itinere sunt xiii passuum millia.

CVIII.

Ab Insubribus ad Padum patebant LAEVI, vt Liuius vocat lib. v cap. xxxv; siue LEVI, vt Plinius scripsit lib. iii cap. xvii: qui Λάοι sunt Polybii lib. ii cap. xvii. Liuius dicto loco ita: *Saluuii prope antiquam gentem Læuos Ligures incolentes circa Ticinum amnem, confidunt.* Scilicet Galli, etsi bonam partem hominum expulissent, nomen eiectionis gentis subierunt; quod Io. Frid. Gronouius etiam ad Liuii locum obseruauit. Plinius autem sic: *No-*

varia ex Vertacomacoris orta, Vocontiorum hodieque pago, non, ut Cato existimat, Ligurum: ex quibus Leui & Marici condidere Ticinum, non procul a Pado. Polybii verba paullo ante in Insubribus sunt recitata. Ex quibus colligitur, Nouariam & Ticinum fuisse Læuorum oppida. Nouariam Tacitus Hist. i cap. Lxx in firmissimis Transpadanae regionis municipiis numerauit. Idcirco decuriones habuit, ut est in Comensi lapide apud Gruterum pag. 393 num. 8

M. AEMILIO COELIO
COELIANO DECVR
MEDIOL. ET NOVAR.

Suetonius in claris rhetoribus cap. vi laudat C. Aebutium Silum Nouariensem. Notus situs, quia nomen conseruatum.

CIX.

Oppidum alterum Ticinum est, ad flumen eiusdem nominis,* quod a Gallis conditum, ut Plinius supra ostendit; an vero statim fuerit muro circumdatum, dubitari ex eo potest, quia Hannibalis bello nulla oppidi mentio, fluminis autem multa. Postea tamen municipium factum, ex lapide eiusdem loci Cluuerius probat, quo MVNICIPII PATRONO scriptum est. ** Clarum sub Cæsaribus fuit, & Augustum Drusi funeris causa Ticinum usque progressum Tacitus refert annal. iii cap. v; & classicos Othonis inter Placentiam Ticinumque interceptos, Hist. ii cap. xvii; & castra apud Ticinum munita, cap. xxvii; & Ticini Vitellium discubuisse, cap. lxxviii. Hodie Pavia nuncupatur, quod ex Pabia vel Papiæ est, nomine oppidi medio æuo. Paullus Warnefredi lib. ii Langobard. cap. xv Secunda prouincia Liguria [plana, Transpadana, quæ medio æuo vocabatur] in qua Mediolanum est & Ticinus, quæ alio nomine Papiæ adpellatur.

CX.

CENOMANI, Κενομάνοι, ut Plinius, Polybius, & Ptolemæus scribunt; siue CAENOMANI, diphthongo, ut Liuii libris quibusdam expressum est; utrosque, Insubres & Læuos, ab ortu excipiunt, & a Sebino lacu usque ad Padum pertinent. Polybius lib. ii cap. xvii ἐξ ἧς δὲ τῶν [Ισούμβρεσι] παρὰ τὸν ποταμὸν Κενομάνοι, post Insubres ad flumen [Padum] Cenomani. Liuius lib. v cap. xxxv Alia subinde manus Cenomanorum, Elitouio duce, vestigia priorum [Gallorum] sequuta, eodem saltu, fauente Belloueso, quum transcendisset Alpes; ubi nunc Brixia ac Verona vrbes sunt (locos tenuere Libui) confidunt. Plinius lib. iii cap. xix in mediterraneo regionis decimæ, colonia: Cremona, Brixia, Cenomanorum agro. Caput gentis Brixia, nunc Brescia, iuxta flumen Melam. Liuius lib. xxxii cap. xxx Insubres cum Cenomanis super amnis Mincii ripas confederunt. Infra eum locum quinque millia passuum & consul Cornelius castra adplicuit. Inde mittendo in vicos Cenomanorum Brixiamque, quod caput gentis erat; ut satis comperit, non ex auctori-

tate

* Silius Italicus libr. I. v. 45.

Dum Romana Tue, Ticina cadauera ripe
Non capiant?

** Adde huc Iusti Vicecomitis libellum, quo municipium fuisse Ticinum concedit, coloniam negat.

tate seniorum iuventutem in armis esse, nec publico consilio Insubrium defectu-
ni Cenomanos se adiunxisse; excitis ad se principibus, ibi agere & moliri cepit, ut
desciscerent ab Insubribus Cenomani. Catullus carm. LXVIII ad Ianuam im-
pudicæ:

*Brixia Chinæ supposita specula,
Flauus quam molli præcurrit flumine Mela:
Brixia Veronæ mater amata meæ.*

Flumen *Mela* præcurrit Brixiam ab occasu, non percurrit, ut in vulgatis
libris Catulli est. Seruat enim nomen suum, distinctusque est a Gartia
fluuiolo, urbem perlutente. Hunc etiam Virgilius, si antiquis interpre-
tibus credendum est, memorauit Georg. IV, a vers. 275 canens

*- - - viola subluce purpura nigra.
Sæpe deum nexis ornata torquibus aræ.
Asper in ore sapor. tonsis in vallibus illum
Pastores & curua legunt prope flumina Mellæ.*

Seruius enim: *Mella fluuius Gallie, iuxta quem herba hæc plurima nascitur.*
Et Philargyrius: *Mella amnis in Gallia Cisalpina, vicinus Brixie.* Sed ad
Brixiam a fluuiio reuertimur, quæ colonia fuit & municipium, eademque
multis antiquis inscriptionibus celebrata: e quibus sunt apud Gruterum p.
423 num. 7 DECVRIO BRIX. quod municipatum arguit: & p. 469 n. 4
BRIXIAE VI VIR AVGVSTAL. Liuius inde dixit *Brixianos Gallos* lib. XXI
cap. XXV extr.

CXI

Alia vrbs incluta in Cenomanis, & colonia Romana fuit *Cremona*, cu-
ius originem supra in Placentia ex Polybii lib. III cap. XL, & Liuii epitoma
XX demonstrauimus, quia ambæ vno tempore ac vnis auspiciis fuerunt
deductæ. Sita ad Padum, infra Adduæ confluentem, certa positione, quia
integro nomine & flore superat. Græci quidam nomen Κρεμῶν formant.
Appianus Hannibalico p. 549 ἐς Κρεμῶνα & mox ἐν Κρεμῶνι. Et Xiphilinus
ex Dione in Vitellio, ἐς τὴν Κρεμῶνα, & ἐν τῇ Κρεμῶνι. Et Zosimus lib. V cap.
XXXVII Κρέμωνα, quarto casu. At Polybius dicto loco Κρεμῶνι: & Strabo
lib. V p. 150 Πλακεντία καὶ Κρεμῶνι πλητιστατάται, Placentia & Cremona admo-
dum vicinæ sunt: & Ptolemæus Κρέμωνα κολῶνια. Opulenta fuit & merca-
tu celebris. Tacitus III Hist. cap. XIX opes Cremonensium laudat: & cap.
XXXII tempus mercatus ditem alioquin coloniam maiorum opum specie comple-
bat. Calamitosa autem ciuilibus bellis. Virgilius ecloga IX vers. 28

Mantua væ misere nimium vicina Cremonæ!

Vbi Seruius: *Augustus victor Cremonensium agros, quia pro Antonio sese-
rant, dedit militibus suis, qui quum non suffecissent, his addidit agros Mantu-
anos, saltem aliquid illorum.* Vitelliano autem bello excisa fuit a Flauia-
nis, quod Tacitus cap. XXXIII dicti libri descripsit. Mox tamen rediit Cre-
monam reliquus populus. reposita fora, templaque magnificentia municipum:
& Vespasianus hortabatur, quod idem cap. XXXIV superaddidit. Munici-
pum, ait. Sic enim colonia fuit, ut etiam municipale ius habuerit.

CXII.

Deinde *Mantua* est ad *Mincium* fluuium, qui ex *Benaco* lacu profluit.
De flumine Virgilius ecloga vi vers. 12

*Hic viridis tenera prætexit arundine ripas
Mincius.*

De lacu idem lib. ii Georgic. vers. 259

te, Lari maxime, teque

Fluctibus & fremitu adsurgens Benace marino.

De utroque Plinius lib. ix cap. xxii *Lacus est Italiae Benacus in Veronensi agro, Mincium amnem transmittens.* Qui accolunt lacum, *Benacenses* dicuntur in vetustis lapidibus apud Gruterum pag. 260 n. 2, & p. 263 n. 8. Vr-

bis autem famam vel solus alumnus Virgilius ingenio suo clarissimam fecit cum per se, tum per alios in ipsius gratiam. Ipse lib. iii Georg. vers. 12

Primus Idumæas referam tibi, Mantua, palmas

Et viridi campo templum de marmore ponam

Propter aquam, tardis ingens ubi flexibus errat

Mincius, & tenera prætexit arundine ripas.

Et alii propter ipsum. Silius Italicus lib. viii vers. 594

Mantua Musarum domus, atque ad sidera cantu

Euecta Andino, Smyrnæis æmula plectris.

Et Papinius Statius lib. i v Silv. carm. ii vers. 9

Nectat adoratas & Smyrna & Mantua lauros.

Ac Martialis lib. i epigrammate LXII

Marone felix Mantua est.

Non autem in vrbe natus est Virgilius, sed in pago prope urbem, cui *Andes* nomen erat. Vitæ Virgilianæ vetus auctor, qui vulgo Donatus creditur, *Natus est, inquit, Cn. Pompeio Magno & M. Licinio Crasso coss. iduum Octobrium die, in pago, qui Andes dicitur, qui est a Mantua non procul.* Hinc cantus *Andinus* in iam prolato Silii versu, est Virgilianus, quia ipse Maro *Andinus* proprie fuit, & propter vicinitatem *Mantuanus*. Originem Mantuæ, quæ sane antiquissima est, lib. x Aeneidos vers. 198 seq. descripsit.

CXIII.

Verona sequitur, non minus antiqua vrbs Italiae, quam *Rhætorum* & *Euganeorum* simul fuisse, lib. iii cap. xix Plinius tradit: Liuius autem lib. v cap. xxxv dicit, *Gallorum manum, Elitouio duce, transgressam Alpes, ubi nunc Brixia ac Verona vrbes sunt, consedisse.* Et Catullus Veronensis carm. LXVIII

Brixia Veronæ mater amata meæ,

quasi colonia Verona Brixienfium fuisset. Hæc vero ita inter se conciliari possunt, vt initium Veronæ debeat Rhætis ac Euganeis, aut, quod Liuius ibidem habet, etiam Libuis: post, Gallos illum tractum occupasse, & post Brixiam, vel ex illa, insedisse ac obtinuisse Veronam, probabile

le est. Hæc sita ad *Athesim* flumen, æque Catullo, alumno suo, vt Mantua Marone, gloriatur. Silius Italicus lib. viii versu 596

Tum Verona Athesi circumflua.

Et Martialis lib. xiv epigrammate cxcv

Tantum magna suo debet Verona Catullo,

Quantum parua suo Mantua Virgilio.

Amplior ergo & opulentior Verona fuit, quam Mantua. Colonia & ipsa facta Romana fuerat, quam Flauiani aduersus Vitellium sedem belli sibi legerunt. Tacitus Hist. iii cap. viii *Quæsitum inde quæ sedes bello legere- tur. Verona potior visa patentibus circum campis ad pugnam equestrem, qua præualebant: simul coloniam copiis validam auferre Vitellio, in rem famamque videbatur: ideoque cap. x militari vallo circumdari placuit.* Sub Gallieno renouata fuit, & *Augustæ* nomine aucta. Arcus Veronæ geminus, qui aliquando pro porta fuit, hanc inscriptionem habet, referente post alios Grutero p. 166

COLONIA AVGVSTA VERONA NOVA GALLIENIANA
VALERIANO II ET LVCILIO CONS.

MVRI VERONENSIVM FABRICATI EX DIE III NON. APRIL

DEDICATI PR. NON. DECEMBRIS

IVBENTE SANCTISSIMO GALLIENO AVG. N.

CXIV.

Veronensis ditionis erat *Sirmio*, in imo Benaco lacu peninsula miræ amœnitatis, non patria Catulli, qui Veronensis fuit, testante Plinio lib. xxxvi cap. vi, & Eusebio in chronico: sed prædium & secessus. nec enim illam patriam, sed *larem suum* vocat seu possessionem, seque illius *herum*, non alumnum. Sic enim canit carm. xxxii

*Peninsularum Sirmio, insularumque
Ocelle, quas cumque in liquentibus stagnis
Marique vasto fert vterque Neptunus.*

Quam te libenter, quamque letus inuiso,
& mox: *O quid solutis est beatius curis!*

*Quum mens onus reponit, ac peregrino
Labore fessi venimus larem ad nostrum,
Desideratoque adquiescimus lecto!*

*Hoc est, quod vnum est pro laboribus tantis.
Salve, o venusta Sirmio, atque hero gaude.*

CXV.

In via a Verona ad Cremonam fuit *Bedriacum* siue *Betriacum*, prælio ab Othonianis commissio cum Vitellianis nobilitatum. Quidam *Bedriacum* scribunt, sed superantur ab iis codicibus, quibus r vel d est loco b. Tacitus habet *Bedriacum* in cod. Florentino: Suetonius Othone in melioribus mss. (quod Torrentius & A. Schottus testantur) *Betriacum*, plane vt Plutarchus Othone *Βητριάκων*; Iosephus lib. v cap. xxxiii de Bello Iud. *Φρηγδιακόν*, quod, prauatum quidem, non autem alienum multo a scriptu-

ra Taciti. Tolle enim γ superfluum, manebit φρηδιακόν, quod, transpositis litteris & φ cum non abſimilibus permutata, eſt ipſum, quod modo exhibuimus, *Bedriacum*. Hieronymus in Chronico *Vetriacum*, B & V pro more commutatis. Plinius autem cap. XLIX libri X ſcripſit *Bebriacensibus bellis civilibus trans Padum*; & Iuuenalis Satyr. II verſ. 106 *Bebriaci campo*: & Eutropius *Bebriacum*, quem Oroſius ſequutus eſt, & forte etiam Victor iunior in epitoma. Tacitus vicum adpellat lib. II Hiſt. cap. XXIII. *Bedriaci*, inquit, *ſiſtit. inter Veronam Cremonamque ſitus eſt vicus, duabus iam Romanis cladibus notus, infauſtusque*. Plutarchus pag. 1070 εἰς πολίχνην πλησίον Κρεμῶνης τὸ Βητριάκον, oppidulum prope Cremonam eſt *Betriacum*. Dio Caſſius etiam pugnatum dicit πρὸς τῇ Κρεμῶνι, ad *Cremonam*, quod huic, quam Veronæ, *Betriacum* erat propinquius: Victor autem Schotti Othone dicit *Veronenſi prælio pulſum eſſe*, quod longius a vero loco abeſt. Situs coniiici poteſt ex Taciti verbis cap. XXXIX *Promoueri ad quartum a Bedriaco caſtra placuit*: & mox cap. XL *Confluentes Padi & Adduæ fluminum XVI inde millium ſpatio diſtantes*. E quibus colligit Clauerus, *Bedriacum XX millia paſſuum a Padi Adduæque confluentibus abſuiſſe: XV a Cremona, Veronam verſus*. Quo poſito incidit *Bedriacum* in locum ferme, quo vicus eſt Caneto, ſupra Oſilii atque Cluſii confluentes.

CXVI.

Inter Cremonam & *Bedriacum* fuit locus, qui *Caſtorum Nemus* vocabatur, deſcriptus a Tacito lib. II Hiſt. cap. XXIV *Ad duodecimum*, inquit, *a Cremona, locus Caſtorum vocatur, ferociſſimos auxiliarium imminentibus viæ lucis occultos componit*. Via illa eſt *Postumia*, quam idem vocat lib. III cap. XXI. Suetonius Othone cap. IX *Tribus, verum mediocribus præliis, apud Alpes, circaque Placentiam, & ad Caſtoris, quod loco nomen eſt, vicit*. *Caſtoris* ergo, vel vna fratris etiam, ibi lucus templumue fuit.

CXVII.

Supereſt ex nobilioribus locis *Hoſtilia* vt perluftratur. Vicum eſſe ad Padum amnem, Veronenſis ditionis, adfirmant Plinius & Tacitus. Ille lib. XXI cap. XII *Hoſtilia vicus adluitur Pado*. Hic (Tacitus, puta) lib. III Hiſt. cap. IX *Mox Cæcina inter Hoſtiliam, vicum Veronenſium, & paludes Tartari fluminis caſtra permuniit*. Antoninus itinere a Verona Bononiam hanc diſtantiarum rationem ponit:

<i>Verona</i>			
<i>Hoſtiliam</i>	M.	P.	XXX
<i>Colicariam</i>	M.	P.	XXV
<i>Mutinam</i>	M.	P.	XXV
<i>Bononiam</i>	M.	P.	XXV

Tacitus quoque, vt vicinam, cum Cremona *Hoſtiliam* coniungit ſæpius. Hiſt. III cap. C *Accelerare legiones Cremonam; pars Hoſtiliam petere iuſſæ*. Et lib. III cap. XIV *Hoſtiliam ruruſus, inde Cremonam pergunt*. Et cap. XL *Nec deerant qui monerent, vt, vitata Ravenna, Hoſtiliam Cremonamue pergeret*.

CXVIII.

CXVIII.

EUGANEORVM gens in septentrionem hinc & ad Alpes, inter Larium lacum & Athesim flumen, habitabant: ante Troiana tempora vero ad ipsum mare Hadriaticum. ex qua sede a Troianis & Henetis expulsi, in Alpinas partes secesserunt. Liuius lib. i cap. i *Satis constat, casibus variis Antenorem cum multitudine Henetum, qui seditione ex Paphlagonia pulsus, & sedes & ducem, rege Pylamene ad Troiam amisso, quærebant, venisse in intimum maris Hadriatici sinum, Euganeisque, qui inter mare Alpesque incolebant, pulsus, Henetos Troianosque eas tenuisse terras, - - - gens vniuersa Veneti adpellati.* Hinc est quod Venetorum regionem poetæ sæpe ab Euganeis, antiquis possessoribus, denominant. Silius lib. viii vers. 603

*Tum Troiana manus, tellure antiquitus orti
Euganea, profugique sacris Antenoris oris.*

Et Martialis lib. iv epigrammate xxiv

*Quæque Antenoreo Dryadum pulcherrima Fauno
Nupsit ad Euganeos sola puella lacus.*

Et Sidonius Apollinaris Panegyri Anthemii vers. 189

- - - - vel quidquid in æuum

Mittunt Euganeis Patauina volumina chartis.

Sed de pulforum sede, quam inter Larium & Athesim tenuere, nunc nobis disquirendum est: cuius pleraque obscura sunt & ignobilia. Primum gentes sub Euganeis minus claræ erant, *Camuni, Triumpilini, Stæni.* CAMVNI Strabonis sunt lib. iv sub finem, qui Rhæticiis gentibus adnumerat; & Plinii lib. iii cap. xx; iidemque *Καμμένιοι, Αλπικὸν γένος, Cammunii, Alpinum genus,* Dionis lib. Liv pag. 535. Ad Ollium flumen tractus, qui vulgo vocatur *Val Camonica*, haud dubie a Camunis, in valle Ollii habitantibus, nomen suum accepit. De ceteris Plinius dicto loco: *Triumpilini, venalis cum agris suis populus: dein Camuni.* Et ibidem in Augusti tropæo: *TRIVMPILINI, CAMVNI.* Vallis, quam *Mela* amnis secat, nunc *Troppia* vocatur, quod videtur ex *Trompia*, quasi Italice pro *Trompla*, esse. Ibi putantur Triumpilini sedem habuisse. *STONI* tandem, Strabonis sunt & Liuii. Ille lib. iv pag. 141 *Λεπόντιοι, καὶ Τριδέντιοι, καὶ Στόνοι, Lepontii, Tridentini, & Stoni:* hic epitoma libri LXII *Q. Marcius consul Stonos, gentem Alpinam, expugnavit.* In marmore triumphorum Capitolino apud Grut. p. 297 *DE LIGVRIBVS STOENIS.* Videntur ex Liguria originem habuisse, vel communem cum priscis Liguribus. Rursus Plinius dicto loco: *præstantes genere Euganei, inde tracto nomine. Caput eorum Stonos.* Sed nemo, præter illum, tale oppidum memoravit. Sedis Stonorum, nullum exstat indicium. Locantur in tabulis ex incerta coniectura circa *Clusium* vel *Clesium* amnem supra lacum *Edrinum*, coniectore Cluverio.

CIX.

Nec oppida Euganeorum fuerunt clarissima. Cluverius recenset *Maletum & Brentonicum*, quæ Paullus Diaconus Langob. lib. iii cap. xxxi in *Territorio Tridentino* posuit, ut dubium sit, Rhætisne an Euganeis sint proprie

prie contribuenda. Addit *Anonium* Ptolemæi, nunc Nòn vel Nun : *Brentinam* eiusdem, nunc Brentino : & *Carracam* itidem Ptolemæi ; nunc *Sarca* amnis nomen in Benacum defluentis, iuxta quem coniicitur situm fuisse : & *Tusculanum* quasi Benacensium, id est, qui Benacum accolunt, commune oppidum, quod cum Octauio Rossio ex veteri inscriptione probat in valle Camunorum reperta :

SACERDOS TVSCVLANI

AEDILIS BRIX . . .

Et *Sabium*, a quo hodieque Val di Sabio cognominatur, & olim oppidani *Sabini*. Idem Roscius ex vico Sauallo eiusdem vallis inscriptionem antiquam produxit,

FIRMVS IN

GENVI F. PRIN

CEPS SABINORVM.

vbi princeps, πρωτοπολίτης, vt πρώτος τῆς νήσου, Act. Apost. xxviii. 7. Fuit ibi etiam ad ripam Clesii amnis oppidum, cuius vestigia in vico Boarno sunt, cuius vetus nomen *Vobernam* fuisse, alio ostenditur lapide ibidem reperto :

P. ATINIVS L. F. FAB

HIC SITVS EST

- - - - PERLEGE VT RE

QUIETVS QVEAS DICERE

SAEPE TVIS. FINIBVS ITA

LIAE MONVMENTVM

VIDI VOBERNA IN QVO

EST ATINI CONDITVM.

Ab occasu Benaci minor lacus est, quem Clesius amnis transit, cui adpositum est oppidum nunc *Idro* dictum, cuius antiquum nomen Edrum fuisse, ex lapide discimus, in quo oppidani *Edrani* dicti sunt :

. . . . CVSSIAE

GASSVMIF. VXORI ET .

LVIDIAE VOSSIS

F. EDRANI.

Supra Sebinum lacum ad Ollium fluuium oppidulum est, nunc Ciuità seu Ciudadado dictum, quod videtur Ptolemæi *Vannia*, vnde Plinii lib. iii cap. xix *Vannienses* sunt. Vestigia amphitheatri habet, vt municipium fuisse minus dubitetur. Ipse lacus *Sebinus* & *Seuinus* dicitur, vulgo Lago d' Iseo, quod nomen corruptum est ex Seo, pro *Seuo*. Adiacet enim, in ima parte lacus, oppidum *Iseo*, quod *Seuum* nominatum fuisse vel *Sebum*, ex lacus vocabulo adparet, quem Plinius lib. ii cap. ciii *Seuinum* nuncupat. In *Bénaco*, inquit, *Mincius*, in *Seuino* *Ollius*. hunc amnem enim transmittit lacus. Et lib. iii cap. xix *Amnes acceptos reddunt, Adduam Larius, Ticinum Verbanus, Mincium Benacus, Ollium Sebinus, Lambrum Eupilis*. Ergo & *Sebum* & *Seuum* dictum idem fuit oppidum. Adicit Cluuerius notissimam il-

lam

lam ex vini prouentu *Telinam vallem*, quam amnis Addua vsque ad Larium lacum secat: in qua oppidum est *Teglio*, Germanis *Tell*, quod vetus nomen *Telium* manifestat. Sed quis veterum scriptorum vel vallis huius, vel oppidi mentionem fecerit, nescire nos profitemur.

CXX.

Post Euganeos ad mare vsque, inter Padi ostium extremum, quod prope Rauennam est, & Carnorum fines habitarunt *VENETI*, antiquus populus, quem plures ex Asia & Troiano bello arcessunt, vt supra ex Liuiio cognouimus, principio narrationis de Euganeis: Strabo vero lib. iv pag. 134 ex Gallia & ab Oceano deducit. Postquam enim de Cæsaris bello cum Venetis Gallis gesto dixerat, suam ita declarat de iis sententiam: *τούτους οἰμα-
τὲς Οὐνετῆς, οἰκιστὰς εἶναι τῶν κατὰ τὸν Ἀδρίαν.* Hos ego puto conditores illorum *Venetorum* esse, qui ad *Hadriaticum mare* habitant. Libro v vero post principium dubitanter: *Περὶ τῶν Ἑνετῶν διτλὸς ἐστὶ λόγος· οἱ μὲν γὰρ καὶ αὐτοὺς Φα-
σί Κελτῶν εἶναι ἀποίκας τῶν ὁμωνύμων παρωκεανιτῶν· οἱ δὲ ἐκ τῆς Τρωϊκῆς πολέμου
μετ' Ἀντήορος σωθῆναι, δεῦρο Φασὶ τῶν ἐκ τῆς Παφλαγονίας Ἑνετῶν.* De Venetis duplex fertur sententia. quidam eos Gallos faciunt, Gallorum ad Oceanum gentiles: alii ex bello Troiano cum Antenore eo locorum venisse tradunt Venetorum Paphlagonum quosdam. Sed neutra sententia satis firma, & sola nominis conuenientia nituntur. Id vero certum est, vndecumque venerunt, ante ceterorum Gallorum trans Alpes migrationem, in Italiam antiquis temporibus venisse. Liuius enim tradidit lib. v cap. xxxiii, quum Tusci ante Romanum imperium trans Padum terras tenerent, *Venetorum angulum*, qui sinum circumcoluerint maris, exceptum fuisse.

CXXI.

Fines Venetorum in ceteris plagis satis certi sunt, Padus, mare, & limes Euganeus antea explicatus, siue flumen *Athesis* ante conuersionem, cum limite Cenomanorum: in septemtrione pro temporibus diuersis variatus. Primum enim Veneti sinum accolebant vsque ad Histriam, tum terminum Italiae. Scylax Periplo pag. 13 *μετὰ δὲ Ἑνετῆς εἰσὶν ἔθνος Ἰστροί, post Venetos est gens Histrorum:* & Scymnus Chius Periegesi Iambica, quam alii Marciano Heracleotæ tribuunt, pag. 16

Ἑνετῶν ἔχονται Θράκες Ἰστροί λεγόμενοι,

Venetis contermini sunt Thraces, qui Histri vocantur. Ex quibus adparet, maritimam omnem oram a Pado vsque ad Histriam, Venetorum ditionis fuisse quondam. Postea vero vel ipsi Carni, Alpina gens, partem oræ vltiorem eripuerunt Venetis, vel a victoribus Romanis in eam deducti fuerunt, quia Strabo, Mela, Plinius, & Ptolemæus non tantum in montibus, verum in litore quoque Carnos prope Histriam posuerunt. Strabo lib. v pag. 148 *ἔξω δ' ἐστὶ τῶν Ἑνετικῶν ὄρων ἡ Ἀκυληία, Aquileia extra Venetorum fines sita est.* Et lib. vii pag. 217 *Tergesten* ad mare positam, Carnorum vicum appellat. *ἐκ Τεργέστης, κώμης Καρνικῆς ὑπὲρθεσίς ἐστι διὰ τῆς Ὀκράς εἰς ἕλος Λέγγεον καλούμενον, a Tergeste, inquit, vico Carnico, traiectus montis Ocræ est ad Lugeam paludem.* Pomponius lib. ii cap. iv maritimos populos Italiae recensens,

a Carnis initium facit. *sinistra*, inquit, *parte Carni* & *Veneti colunt Togatam Galliam*: tum *Italici populi Picentes, Frentani, Dauni, Apuli, Calabri, Salentini*. Ptolemæus autem lib. i ii cap. i manifesto separauit maritimos Carnos a mediterraneis. Illorum, inquit, ὁ μυχὸς τῆς κόλπας, *intimus sinus est, ἐν ᾧ εἰσι τὴν ἀνέμπτει ποταμῷ ἐκβολαί, ἡ Νάτισωνος ποταμῷ ἐκβολαί, in quo sunt Tilauempti & Natisonis fluuiorum ostia*. Et Plinius lib. i ii cap. xviii post narrata Tilauentum, Alfam, Natisonem flumina, & Aquileiam coloniam, subdit, *Carnorum hæc regio, iunctaque Iapydum*. Quum ergo *Tilauemptus*, siue, vt Plinius scripsit, *Tilauentus*, Carnorum amnis sit, saltem in finibus illorum; vsque ad illum Cluuerius produxit limitem Venetorum: cui etiam bene cum prædictis iam auctoribus est quod conueniat.

CXXII.

Regio, quam Veneti inhabitabant, antiquitus vocata *Venetia*. Liuius lib. xxxix cap. xxii *Galli Transalpini transgressi in Venetiam, haud procul inde, ubi nunc Aquileia est, locum oppido condendo ceperunt*. Et Plinius lib. i i cap. lxxii *Decima in parte Italiae; quæ Venetia adpellatur*. Et lib. xxxv cap. i v *eques e Venetia*. Idem lib. xvii cap. xxiii *arbuſtat agros Venetia salice propter viginem soli*. Nunc ad ostia Padi, & oppida Venetiæ perlustranda accedimus, quorum ingentem numerum collegit Scymnus Chius dicto loco,

- - - Ἐνετῶν δ' εἰσι πεντήκοντά που
Πόλεις ἐν αὐτῷ κείμεναι πρὸς τῷ μυχῷ,

Venetorum quinquaginta sunt oppida in intimo sinu posita. Sed tantum numerum, si etiam Carnorum oram, vt Scymni ætate fuit, adieceris, nec tamen inibis, forte quod clariora tantum a geographis & historiarum conditoribus nominata sunt: quibus nos recensendis & perlustrandis tantummodo insistemus.

CXXIII.

Primum oppidum ab extremo Padi ostio, quod prope Rauennam exit, *Spina* fuit, Græcorum antiquissima colonia, quum Romanorum res florent, in vicum redacta. Strabo lib. v pag. 148 ἡ Σπίνη, νῦν μὲν κωμίων, πάλαι δὲ Ἑλληνικὴ πόλις ἐνδοξος. *θησαυρὸς γούν Σπινιτῶν ἐν Δελφοῖς δέκνυται, Spina, nunc vicus, quondam Græca urbs nobilis: quippe & Spinitarum thesaurus Delphis ostenditur*. Quod etiam Plinius adfirmat lib. i ii cap. xvi, & situm vna ostendit, dum inde ostium cognominatum dicit. De australi ostio differens, *Hoc, inquit, ante Eridanum ostium dictum est: aliis Spineticum, ab urbe Spina, quæ fuit iuxta præualens, vt Delphicis creditum est thesauris*.

CXXIV.

Ostia heic sunt Eridani siue Padi varie nominata. Primum dicitur *Spineticum*, & *Padusa*: proximum inde ostium *Caprasia*: dein *Sagis*; dein *Volane*, quod ante *Olane* vocabatur. Hæc ex Plinii cap. xvi lib. i ii, qui vero addit, *omnia ea flumina fossasque primos a Sagi fecisse Tuscos*. A SAGI quid sit, non est omnino apertum. quidam oppidum eius nominis ex Annii Viterbiensis Catone interpretantur: cui videtur aliquid

ex Tabula Peutingeriana accedere, qua *Sacis ad Padum*, tamquam oppidum recensetur: aliis tantum alueus est & ostium. Fossas plures heic esse & fuisse non dubium est: easque plures non natura, sed manu factas significat Plinius: quod clarius ex Polybii lib. II cap. XVI probatur. Dicit, Padum vno alueo ferri inde a fontibus: *κίζεται δ' εἰς δύο μέρη κατὰ τὰς προσαγορευομένας Τριγαβόλους. τῶν δὲ μὲν ἑτέρον σῶμα προσονομάζεται Παδία [lege Παδῶσα] τὸ δ' ἕτερον Ολάννα*, scindi in duos alueos iuxta ita dictos Trigabolos: quorum alter *Padusa* dicatur, alter *Olana*. De *Padusa* etiam Virgilius lib. XI vers. 456

Haud secus atque alto in luco quum forte cateruæ

Consedere auium, piscesque amne Padusæ

Dant sonitum rauci per stagna loquacia cygni.

Adde ibi Seruium. Et Claudianus Epithalam. Pallad. & Celerinæ vers. 109

Eridani ripas, & rauca stagna Padusæ

Diffugiens nudauit olor.

Quicumque ergo aluei extra *Padusam* siue *Spineticum*, ac *Olanam*, quæ post *Volana* dicta est, fuerunt, fossæ sunt, manu factæ, ultra quas *Carbonaria* est, & *fossiones Philistinæ* apud eundem Plinium, quæ vel ipso fossionis nomine originem suam produnt. Septem hæc *Padi* flumina per lacus in *Hadriam* effunduntur, quos *septem maria* qui accolebant, vocarunt. Herodianus lib. VIII cap. VII de *Eridano* siue *Pado*: *ἑπτὰ σῶμασιν εἰς θάλατταν ἐκχέται. ἔνθεν καὶ τῇ [ἐαυτῶν] φωνῇ καλεῖσιν οἱ ἐπιχώριοι ἑπτὰ πελάγη τὴν λίμνην ἐκείνην, septem ostiis in mare effunditur: unde etiam indigenæ patria lingua Septem maria paludem illam adpellant.* Plinius dicto loco ambiguus est, de his *Padi* ostiis, an *Atrianorum* paludibus, quæ tamen cohærent cum illis, hæc *septem maria* interpretetur. De *Padi* fossis ait & fluminibus, *Tuscos* primum fecisse, *egesto amnis impetu per transuersum in Atrianorum paludes, quæ septem maria adpellantur.*

CXXV.

Supra *Padum* est amnis *Tartarus*, qui & *Atrianus* Ptolemæo vocitatur, ad quem situm est oppidum *Atria* siue *Hadria*; de quibus supra in diuisione *Italiæ* prædictum est pag. 509. seq. Flumen illud & ipsum cum *Pado* iunctum fossa est: quamquam per *Athelim*, qui proximus est, potius quam per *Padum*, mare subeat. *Tartari* nomen apud Tacitum est lib. III Hist. cap. IX, sed ita castra inter *Hostiliam*, vicum *Veronensem*, & paludes *Tartari* fluminis posita memorat, ut magis dubites, quam confirmeris de situ amnis. Plinius autem illud *Padi* ostium, quod postremum ad septentrionem est, ab aliis *Tartarum* tradit vocitari. Inde, inquit, ostia plena: *Carbonaria*, ac *fossiones Philistinæ*, quod alii *Tartarum* vocant. Ultra *Athelim*, de quo supra in fluminibus dictum, est Plinii *Togisonus*, in portum *Brundulum*, quem idem nominat, effluens. Prope abest *Fossa Clodia*, ex *Medoaco* minore deducta; & portus *Edro*, in quem exit *Medoacus*. Vide de singulis Plinium dicto cap. XVI.

CXXVI.

Inter fossas illas a Rauenna ad Patauium, multa narrantur loca in Peutingeriana Tabula: quorum pleraque aliunde haud nota sunt, quæ eo ordine & casu, quo ibi referuntur, visum est huc transcribere. *Min. Medoaco; Ebrone* [Edronem portum Plinius dixit:] *Fossis; VII Maria; Hadriani; Corniculani; Neronia; Sacis ad Padum; Augusta, Butrio, Rauenna.* Iornandes de Reb. Get. cap. xxix *Fossam Asconis* ex Pado ductam ad Rauennam, describit.

CXXVII.

Mediterranea Venetorum citra Medoacum sunt, *Patauium*, Antenoris Troiani opus, vt fama fuit, situm in sinistra ripa Medoaci minoris. Pomponius Mela lib. ii cap. iv in *opulentissimis urbibus* numerat *Patauium Antenoris*. Strabo lib. v pag. 147 *πλησίον τὸ Παταγίον, πασῶν ταύτης ἀρίστη τῶν πόλεων*, prope [paludes] est *Patauium*, omnium eius regionis urbium præstantissima. Seneca ad Helv. cap. vii *Quid interest enumerare Antenorem Patauii conditorem, & Euandrum in ripa Tiberis regna Arcadium collocantem?* Virgilius Aen. i vers. 247

Hic tamen ille urbem Pataui sedesque locauit

Teucrorum: Antenor, puta.

Tacitus lib. iii Hist. cap. vi *Patauium & Ateste partibus adiunxere.* Oppidani *Patauini*. Liuius & ipse Patauinus, lib. x cap. ii *ad frequentes agros, tribus maritimis Patauinorum vicis colentibus eam oram, peruenit.* Hic T. Liuius non exiguam quoque gloriam ingenio suo adiecit patriæ, nec minor illi, quam Catullus Veronæ, Mantuæ Maro Virgilius fuit. Sidonius Panegy. Anthemii vers. 189

--- quidquid in æuum

Mittunt Euganeis Patauina volumina chartis.

In Patauino agro fons *Aponus* est, calidis & fatidicis aquis celebratus. Silius Italicus lib. xii vers. 217

--- Venetæque ex ordine gentes,

Atque Apono gaudens populus.

Quia calidus, *fumiferum* dixit Lucanus lib. vii vers. 193

--- Aponus terris ubi fumifer exit.

Salubritatem laudat Cassiodorus regia epistola xxxix lib. ii, etiam mirandam naturam inde defluentis riui. Vim *μαντικὴν*, quæ credebatur, prodidit Suetonius Tiber. cap. xiv, *Quum Illyricum petens, iuxta Patauium adisset Geryonis oraculum sorte tracta, qua monebatur, vt de consultationibus in Aponi fontem talos aureos iaceret; euenit, vt summum numerum iacti ostenderent.* Plura Claudianus singulari carmine de Apono.

CXXVIII.

Ad minorem Medoacum, sed superius, vrbs alia sita est, & ab illo perluitur, *Vicetia*, aliter *Vicentia*, vt hodie *Vicenza*. Prior forma scribendi *Vicetia* Latinis veteribus probata. Plinio lib. iii cap. xix inter oppida regionis x est quoque *Vicetia*. Tacitus lib. iii Hist. cap. viii *possessa ipso*
tran-

transitu Vicetia: quod per se parum (etenim modice municipio vires) magni momenti locum obtinuit. Et vetus inscriptio apud Gruter. p. 326 num. 8

M. ENNIVS M. F
MEN. VICETINVS
DECVRIO VICETIAE.

At Ptolemæus οὐκ ἐντα, *Vicenta* seu *Vicentia*: Tabula Peutingeri *Vicētia*, & per notam superscripto. Prauius Hierosolymitano itinerario & apud Paullum Diaconum *Vincentia*. Municipium fuit, quod Tacitus modo dixit, & *decurio* in lapide laudatus probat.

CXXIX.

Medoacus autem fluuius, siue *Meduacus*, duplex est, maior & minor: ille septemtrionalis; hic australis: vterque ex Tridentinis Alpibus decurrit. Maior hodie *la Brenta* dicitur: minor *il Bachiglione*. Confluunt ante lacus atque portum, & fossis etiam deriuantur. Liuius lib. x cap. ii quum inde esse ostium fluminis præalti [audisset] quo circumagi naues in stationem tutam vidisset; (*Meduacus* amnis erat) eo inuectam classem subire flumine aduerso iussit. Strabo lib. v pag. 148 de Patauina vrbe: ἔχει θαλάττης ἀνάπλυν ποταμῶ διὰ τῶν ἐλῶν φερομένῳ σαδῶν ἢ καὶ σ' ἐκ λιμένος μεγάλου, καλεῖται δ' ἑ λην Μεδάκος, ὁμώνυμος τῷ ποταμῶ. Ad eam a mari subuectio est aduerso flumine per paludes ad stadia ccl, ex magno portu, cui, necnon flumini, nomen est *Medoaco*. Distinguit Plinius lib. iii cap. xvi Pars eorum [fluminum] & proximum portum fecit *Brundulum*, sicut *Edronem Medoaci* duo, ac *fossa Clodia*. His se *Padus* miscet, & per hæc effunditur.

CXXX.

Inter *Medoacum* & *Athesim Ateste colonia*, vulgo nunc *Este*. Plinius lib. iii cap. xix In mediterraneo regionis decimæ, coloniae: *Cremona*, *Brixia*, *Cenomanorum agro*: *Venetorum autem, Ateste*: & oppida *Acelum*, *Patauium*, *Opitergium*, *Belunum*, *Vicetia*. Ptolemæo est ΑΤΕΣΕ. Tacitus iii Hist. cap. vi *Patauium* & *Ateste* partibus adiunxere. Memorat & Antoninus itinere ab *Aquileia Bononiam*, quo fertur per *Concordiam*, *Altinum*, *Patauium*, *Ateste*. Prope abest ab ortu solis *Mons silicis*, oppidum, quod vulgo dicitur *Montelese*. Paullus Diaconus lib. ii cap. xiv *Alboin Vincetiam Veronamque*, & reliquas *Venetiae ciuitates*, exceptis *Patauio*, & *Monte silicis*, & *Mantua*, cepit. Et lib. iv cap. xxvi *Langobardi castrum Montis silicis inuasunt*. Nec vero dubitamus, antiquioris memoriæ fuisse, licet de eo nihil reliquum in monimentis vetustis sit.

CXXXI.

Forum Allieni superest, cuius solus Tacitus Hist. iii cap. vi mentionem fecit. De *Patauio* & *Ateste* egerat. Illic cognitum, pergit, tres *Vitellianas cohortes*, & *alam*, cui *Scribonianæ* nomen, ad *Forum Allieni*, ponte iuncto, consedissee. Scribunt alii editores *Forum Alieni*. Doctorem hominum coniectura est, *Forum* hoc nobilem nunc urbem *Ferraram* esse, a lueo *Padis*, vbi in *Padusam* & *Caprasiam* diuiditur, impositam. Sic Phil. Clucrius,

us, Th. Ryckius, Iul. Pichon, & alii: quam certo nixi argumento sint, non est quod nunc discutiamus.

CXXXII.

Trans Medoacum vsque ad Tilauentum quæ sita sunt, nunc exponemus. In ora *Altinum* est ad ostium *Silis* fluvii. Plinius lib. iii cap. xviii *Decima regio Italiae, Hadriatico mari adposita, cuius Venetia: fluvius Silis ex montibus Taruisanis: oppidum Altinum.* Strabo lib. v pag. 148 Ἔστι τὸ Ἄλτινον ἐν ἑλεί, in palude situm *Altinum* est, παραπλησίον, perinde vt Rauenna. Etiam Ptolemæus & Zosimus lib. v cap. xxxvii Ἄλτινον. Martialis lib. iv epigram. xxv

Aemula Baianis Altini litora villis.

Oppidani *Altinates*. Inscript Gruter. pag. 409 n. 8 COLLEG. FABR. ALTINATIVM. Flumen hodieque *Sile* vocatur: & oppidum quoque nomen in ruinis seruat.

CXXXIII.

Ad eundem amnem, *Taruisium*, vulgo Treuifo, situm est, sed intus: quam antiquum oppidum, non liquet. posteriores enim sunt, qui memorant. Procopius lib. ii B. Goth. cap. xxix Belisarium Ταρῑσίον, *Taruisium* cepisse; & lib. iii cap. i ἀμφὶ πόλιν Ταρῑσίον, (mutata vocali) circa oppidum *Taruesium* acre proelium commissum esse refert. Meminit & Paul. Diaconus lib. iv cap. iii rebellavit apud *Taruisium*: & cap. xlvii *Opitergium*, civitatem inter *Taruisium* & *Foroiulii* positam, expugnauit & diruit. Et Fortunatus de Martino lib. iv sub finem: *Qua mea Taruisus residet.* Nec vero nouum plane videtur. Lapide ibidem reperto MVN. TAR. inscriptum est: & alio DECVRION. quod veteris municipii dignitatem confirmat. Adferre etiam aliquid *montium Taruisanorum* nomen potest, quos modo Plinius nominauit, nisi a gente id potius, quam oppido deductum est. Casiodorus lib. x epist. xxvii *Taruisinum horreum*: & Paullus Diaconus lib. ii cap. xii *ecclesia Taruisiana.*

CXXXIV.

Inter *Silim* & *Plauem* amnes est *Acelum* Plinii, Ptolemæi Ἄκελον, & eiusdem Paulli lib. iii cap. xxvi *Acilium*: vulgo nunc Azolo siue Afolo. Ipse fluvius *Plauis*, hodie Piave, itidem a Paulo Langobardo nominatur lib. ii cap. xii. *Alboin*, inquit, quum ad fluvium *Plauem* venisset, ibi ei episcopus *Taruisianæ* ecclesiæ occurrit. Huic anni *Duplauilis* vicus adsidet, de quo idem capite insequenti: hic *Fortunatus*, natus in loco, qui *Duplauilis* dicitur, fuit: qui locus haud longe a *Cenitensi* castro, vel *Taruisiana* distat civitate. Ipse *Fortunatus* lib. iv de Vita S. Martini sub finem

Per Cenetam gradiens & amicos Duplauienses.

CXXXV.

Oppidum autem *Ceneta*, vulgo nunc Ceneda, situm paullo superius inter *Plauem* & *Liquentiam*, municipium antiquum. Veteri lapide apud Grute-

Gruterum p. 228 num. 8 DECVRIONES ET POP. CENET. Aquileiensi concilio Euentius Cenetensis episcopus interfuit, etiam subscripsit.

CXXXVI.

Ad Alpes *Celina* vel *Cilina* fuit vetus oppidum ad amnem cognominem, qui Lipientiam defertur. Plinius lib. iii cap. xix *In hoc situ interiere per oram Iramine, Pellaon, Palsatium: ex Venetis Atina, & Celina.* In ripa amnis Cælinæ lapis repertus, cui CILINENSES inscriptum est.

CXXXVII.

Inter Plauem & Lipientiam etiam *Opitergium*, a pluribus memoratum, flumini paruo adsidet, cui Motegano dicitur nomen esse, quod Lipientiæ adfunditur. Plinius dicto lib. iii cap. xix *Venetorum colonia, Ateste: & oppida, Acelum, Patauium, Opitergium, Belunum, Vicetia.* e quibus Belunum supra in Rhætia censuimus: cetera paullo ante in Venetis. Et Tacitus lib. iii Hist. cap. vi *Primus ac Varus & Opitergii & Altini letis animis accipiuntur.* Ptolemæus *Οπιτέργιον*: Ammianus lib. xxix cap. xxxv *obsessa ab iisdem [Quadis] ac Marcomannis Aquileia diu, Opitergiumque excisum.* Hodie Oderzo est.

CXXXVIII.

Lipientia autem fluuius, hodie Liuenza, post *Opitergium* delabitur. Plinius lib. iii cap. xviii *Flumen Lipientia ex montibus Opiterginis: & portus eodem nomine.* Seruius etiam Virgilio memoratum tradit *Aeneid.* ix vers. 679

*Quales aeris Lipientia flumina circum
Sive Padi ripis, Athesim seu propter amærum
Consurgunt geminae quercus.*

Ait enim: *Liquetia Venetiæ fluuius est inter Altinum & Concordiam, nam liquetia* (sic legit, non *liquentia*) *non est epitheton. nemo enim a generalitate transit ad species. Vnde adparet, quia Liquetia legendum, & non Lipientia.* Sed ceteri constanter *Lipientia* scribunt, vt iam in *Ponte Lipientiæ* videbimus. Iunctus enim hic fluuius fuit memorabili ponte, XLVIII millibus a Foroiulii. Warnefredi filius toties nominatus lib. v cap. xxxix *Ipse Alachis ad pontem Lipientiæ fluminis, quod a Foroiulii quadraginta octo millibus distat - - quum Foroiulianorum exercitus sparsim veniret, omnes eos, sicut veniebant, iurare sibi compulit.* Et lege II Cod. Theod. *Ne operæ a conlatores dicunt imperatores: Caussam Pontis Lipientiæ nolumus nostris præiudicare decretis: videlicet ob reparationem eiusdem aliquis numerus excusatus habeatur, sed ita eum instaurari oportet, vt a possessoribus ciuitatis eius territorio sue, quotiens vsus poposcerit, reformetur.* Cluuerius putat illum pontem ad *Mottam* fuisse, quæ ciuitas illa sit, cuius in lege fit mentio. At Iacobus Gothofredus, vir eminente ingenio iudicioque, *ciuitatem legis* probat ipsum esse *Opitergium*, quæ quamuis illi flumini non sit adposita, tamen territorium habuerit, quod ad *Lipientiam* flumen pertineret. Lucas tamen Holstenius, vir æque summus, cum Cluuerio in hac causa facit,

cit, & Pontem Lipientiæ non nudum pontem, sed pontem cum oppido esse, quod sit *la Motta* dictum vulgariter.

CXXXIX.

Ultra Lipientiam *Romatinus* amnis est, de quo Plinius lib. III cap. XVIII *colonia Concordia: flumina & portus, Romatinum: Tilauentum maius minusque: Anassum, in quod Varramus defluit.* Cluverius ordinem verborum sollicitat, & illud *maius minusque* retrahendum censet ad *Romatinum*, qui geminus sit, nec alterius nomen aliud notum: contra *Tilauentus* fluvius Varramum deferat sinistra ripa exceptum. nam & reliqua auctoris verba ita ordinat: *Tilauentum, quo Varramus defluit; Anassum, Alsa, Natifa.* Rationem adfert, quia *Tilauenti* & *Varrami* nomina corrupte supersint *Tilamento* & *Varmo*, qui confluant.

CXL.

Siue iam minor *Romatinus* ad maiorem, siue alio nomine fluvius in sinistra ripa accedit; ad illos confluentes colonia illa Plinii fuit *Concordia*, quam etiam Ptolemæus *κολώνιαν* dicit, quamquam minus accurate in *Carnis* locat. Cognomen habet *Iulie*, quo simul proditur qui deduxit. Lapis a Grutero p. 549 num. 7 descriptus præfert

D.

M.

C. LAELIO C. F. CLAVD
EXORATI DOMO IVLIA
CONCORDIA EQVO PVBLICO
VIXIT ANN. XIII M. VI.

Inde via publica per pontem Lipientiæ & oppidum Altinum ferebat in ceteriorem Italiam. Eutropius lib. VIII cap. v de L. Vero: *obiit in Venetia, quum a Concordia ciuitate Altinum proficisceretur.* Et de Alarico, Romam petituto, Zosimus lib. v cap. XXXVII *Ακυληίαν παρατρέχει καὶ τὰς ἐξῆς πόλεις, ἐπέκεινα τῆς Ἡριδανῆς ποταμῆς κεκλιμένας. Φημὶ δὲ Κογκορδιαν καὶ Ἄλτινον, Aquileiam præterit, & vrbes ordine trans Padum flumen sitas, Concordiam, inquam, & Altinum.* Et Antonini itinere ab Aquileia Bononiam hic ordo obseruatus:

<i>Aquileia</i>	-	-
<i>Concordiam</i>	M.	P. * XXXI
<i>Altinum</i>	M.	P. XXXI
<i>Patavium</i>	M.	P. XXXII
<i>Ateste</i>	M.	P. XXV

CXLI.

A *Tilauento* flumine *CARNI* succedunt, *Alpinus* populus, sed postea ex parte vsque ad mare deductus, vt supra de Venetorum finibus probatum fuit. Pertinebant ad *Formionem* amnem, quo ab Histria diremti sunt. In ora hæc sunt: *Anassus* fluvius, in quem, secundum Plinium, *Varramus* defluit,

defluit, in quibus quæ Cluuerius desideret, paullo ante ad Romatinum flumen demonstrauius. *Varramus* enim *Tilauento*, id est *Varmo* (nam superant nomina) *Tiliamento*, adfunditur: postea delabitur *Anassus*: deinde *Alsa* fluuius. *Plinius* dicto loco: *colonia Concordia: flumina & portus: Romatinum: Tilauentum maius minusque: Anassum, in quod Varramus defluit: Alsa, Natiso cum Turro, præfluentes Aquileiam coloniam. Alsa flumen est, ad quod Constantinus, Magni filius, ciuili bello a fratre Constante victus, periit. Epitoma Aurelii Victoris: Constantinus latrocinii specie dum incautus, fædeque temulentus, in aliena irruit, obtruncatus est, proiectusque in fluuium, cui nomen Alsa est, non longe ab Aquileia. Hieronymus chronico: Constantinus bellum fratri inferens, iuxta Aquileiam Alse occiditur. Ex quo coniicias, oppidum eiusdem nominis flumini fuisse adpositum: cuius vero nulla exstat apud alios memoria reliqua. Forasan lapsu factum, ut fluminis nomen pro oppidi vocabulo caperetur.*

CXLII.

Deinde *Aquileia* fuit, ampla ciuitas & nobilis colonia. *Præfluentes, Natisonem cum Turro*, iam *Plinius* memorauit. *Natiso* ab oriente urbem præfluens in lacu *Hadriæ* præiacente portum facit *Aquileiensem*, ad insulam lacus, *Gradus*, de cuius oppido in mediæ æui geographia dicturi sumus. *Iornandes* *Get. cap. xlii* *Attila Aquileiensem obsedit ciuitatem, - - - cuius ab oriente muros Natiso amnis, fluens a monte Picis, elambit. Et Paullus Warnefredi lib. ii cap. x patriarcha ex Aquileia ad Gradus insulam confugit. Vocatur hodieque & ipsa & oppidum in ea, & portus Grado. Sed ad Aquileiam reuertimur. Antiqua illa colonia fuit, cuius originem Liuius lib. xli cap. xxxiv descripsit. Aquileia colonia Latina eodem anno in agro Gallorum est deducta. Tempus id erat inter i & ii bellum Macedonicum. Strabo lib. v. pag. 148 causam deductionis prodit. κτίσμα, inquit, ἐστὶ Ρωμαίων, ἐπὶ ταχιδὲν τοῖς ὑπερκείμενοις βαρβαροῖς, opus Romanorum est Aquileia, munitum aduersus supra illam habitantes barbaros. Aucta colonis nouis post aliquot annos fuit. Liuius lib. xliii cap. xvii Postulantibus a senatu Aquileiensium legatis, ut numerum colonorum augeret; m & 10 familiæ ex s.c. scriptæ, triumvirique, qui eas deducerent, missi sunt. Inde celeberrimum emporium factum, cuius vbique laudes celebrantur. Vide *Herodianum* lib. viii cap. ii, *Præfat. Nouellæ* xxix, & *Ausonium* de claris urbibus, quamuis ille detrahat dignitati, dum nonam facit. Adi *illust. Spanhem.* ad *Julianum* pag. 254. Nomen *Julianus Orat. ii* de gestis *Constantii*, ab *aquila* augurio, quum conderetur, impositum dixit: *Isaacus Vossius* ad *Melam*, ab aquarum copia quasi *Aquilegiam* adpellatam. Portus in *Natisonis* ostio lx stadiis ab urbe distat, vnde ὁλκάσι κατὰ τὸν Νατίσωνα, tractis nauigiis aduerso *Natisoni* merces subuehebantur, quod *Strabo*, loco ante dicto, memorat. *Mela* quoque lib. ii cap. iv *Natisonis* rationem habet, qui *Aquileiam* ditem non longe a mari attingat.*

CXLIII.

Vltra *Aquileiam* est amnis *Sontius*, nunc *l'Isonze* dictus. *Cassiodori*
Bbbb 2 quidem

quidem chronico, in Zenone, vulgatum est, *Odouacer ad Ifontium victus*; sed vereor, ne ab recenti manu prima littera sit: quia idem Cassiodorus lib. i epist. xviii scripsit: *Sontifluenta transmisimus*. Iornandes quoque Get. cap. lvii, *ad pontem Sontium nuncupatum castra metatus est*: & antiqua Peutingerorum tabula *Ponte Sonti*. Hic pons ab Aquileia xlii millibus fuit, itinere inde in Alpes Iulias directo. Supra pontem Sontius amne *Frigido* augetur, ab ortu adlabente, de quo supra in Fluminibus ex Socrate, Claudiano, & Itinerariis prædictum fuit: nec non de *Timauo fonte, flumine, & lacu*: etiam de antiquo fine Italiae, vt Plinius ait, flumine *Formione*. Vide pag. 507. 508. 509.

CXLIV.

Omnia hæc flumina, quæ post Aquileiam sunt, in *Sinum Tergestinum*, quem ita Plinius lib. iii cap. xviii nominauit, effunduntur. A colonia *Tergeste* nomen sinui, quæ adiacet, citra tamen *Formionem*: & ipsa aliquando finis Italiae. Mel lib. ii cap. iii extremo: *Tergeste, intimo in sinu Adriæ situm, finit Illyricum*. Plinius dicto loco: *Tergestinus sinus, colonia Tergeste xxiii m. p. ab Aquileia: ultra quam vi m. passuum Formio amnis, antiquus auctæ Italiae terminus*. Prorogationem termini exposuimus pag. 509 ex Strabone. Nomen Latinis censetur neutro genere, vt *Præneste, Ateste*. Sic Pomponius modo dixit, *Tergeste intimo in sinu situm*: & Paterculus lib. ii cap. cx *Nauporti ac Tergestis confinio*. At Strabo lib. vii pag. 217 ἐν Τεργέσῃ, femineo modo: & Ptolemæus neutrali forma alia Τέργεσον κολώνια, *Tergestum colonia*. Stephani breuiator, transpositis litteris, Τέργεσπα, poetas forsan sequutus, metathesi metri causâ vtentes. Dionysius Periegesi vers. 382 ἄστυ Τεγεστράϊων, *vrbs Tegestræorum*. Verum autem nomen *Tergeste* est, atque ita in lapidibus inscriptum. Gruterus pag. 388 num. i

AED. II VIR. IVR. D

TERGESTE.

Etiam Theodosiana Tabula *Tergeste*. Vulgo nunc *Trieste*. Coloniam Plinius vocat & Ptolemæus. Quando deducta fuerit, non liquet. Mirum verò, Strabonem, qui sub Tiberio scripsit, dicto loco κώμην Καρνικὴν, *vicum Carnicum* vocare, quum Dionysius, quem Augusto iubente scripsisse tradit Plinius lib. vi cap. xxvii, iam tum ἄστυ, *urbem* adpellauerit. Sequutus forte Strabo est veterem scriptorem, qui præcessit deductionem coloniae.

CXLV.

Hæc de Carnorum maritimis. In mediterraneis sunt, si ab occasu incipimus, in Carnicis Alpibus *Iulium Carnicum*, quod ita Antoninus vocat itinere ab Aquileia Veldidenam. Ptolemæus lib. ii cap. xiv μεταξύ Ἰταλίας καὶ Νωρικῆς Ἰσλίου Κάρνικον, *Inter Italiam & Noricum est Iulium Carnicum*. Dubius itaque fuit, vtri regioni sit attribuendum. Plinius vero lib. iii cap. xix sine hæsitatione *Iulienſes Carnorum* in Italia censet. Ne enim Forum Iulium intelligas, post paullo seorsum memorauit *Foroiulienſes*, distinctos ab Iulienſibus Carnorum. Vestigia exſtare dicuntur circa initia Tilauenti fluii.

CXLVI.

CXLVI.

Ad eundem etiam videtur *Noreia* fuisse, quia Strabo lib. v pag. 148 scripsit: *Sita est Aquileia extra Venetorum fines.* διορίζονται δὲ ποταμῶν ῥέοντι ἀπὸ τῶν Ἀλπέων ὄρων, ἀναπλῆν ἔχοντι, καὶ σ' ἑαδίων ἐπὶ τοῖς χιλίοις εἰς Νωρήϊαν πόλιν, *Dirimuntur [Veneti a Carnis] flumine delabenti ab Alpibus, quo aduerso navigari potest per cicc stadia ad urbem Noreiam.* Iam vero quia extra Venetum limitem Aquileia fuit, quem fluuius citerior nauigabilis fecit; non potest alius ille esse quam Tilauentus, ad quem ex Strabonis descriptione *Noreia* posita fuit. Plinius dicto cap. xix Tauriscis quidem tribuit, attamen cum Carnis eos coniungit, & vtrosque in decima Italiae regione recenset. *In hoc situ, inquit, interiere per oram Iramine, Pellaon, Palsatium: ex Venetis Atina & Celina: Carnis Segeste & Odra: Tauriscis Noreia.* Meminit etiam Cæsar *Noreia* in Norico lib. i Gall. cap. v, cuius verba in illa provincia pag. 434 proposuimus. Verum dubitant multi, an eadem sit. Quod si fuit, oportet ipsum Cæsarem, in illo tractu, Italiae fines protulisse, quemadmodum Forum Iulium & Iulium Carnicum ab ipso nomen habent. Verum quia plane incertum est, an Norici limes summas Alpes transierit, Cæsaris autem *Noreia*, vt veteres libri & metaphrasis Græca habent, siue *Norica*, vt recentiores legunt, *in agro Norico* sita fuit; non desinit dubitatio, sitne eadem *Noreia* Cæsaris, quæ Plinii ac Strabonis fuit, an ab illa diuersa: nisi dicere velis, Cæsarem non id tradere, quod *Noreia* in Norico sita sit, sed quod Boii ex Norico *Noreiam* oppugnauerint: quod etiam fieri potuit, quia Norici & Carni sunt contermini. Quoquo autem modo res de Cæsaris *Noreia* habet: fuit nihil ominis in medio Norico *Noreia*, vt ex Peutingeriana Tabula alibi ostensum est.

CXLVII.

Non ignobilis vrbs hodie in illo tractu est *Vdina*, de cuius ætate quidem nihil constat, nec tamen noua, aut condita post Romanorum tempora videtur, pro quo Cluuerius *Nedimates* Plinii ex dicto cap. xix adlegat, quasi n pro v irrepperit, ac *Vedimates* legendum sit, & *Vedinum* (correpta media vt in *Ariminum*) nomen oppidi antiqui fuerit, quod nunc *Vdene* vel *Vdine*, vulgo adpellatur. Scite inuentum, nec a fide alienum, nisi, quod etiam Harduinus obiecit, ab adsensu ordo reuocaret, quem Plinius pro more secundum alphabetum obseruauit. Hanc enim seriem elementorum tenuit: *Foroiulienses cognomine Transpadani, Foretani, Nedimates, Quarqueni, Taurisani, Togienses, Barbari.* Sic Harduinus ex mss. legit: *Frobenius* autem, posthabita serie elementorum, *Foretani, Venidates, Quarqueni*: quam lectionem etiam Cluuerius in animo & oculis habuit.

CXLVIII.

Itinere Antonini ab Aquileia Veldidenam, inter ipsam Aquileiam & Iulium Carnicum, est locus *Ad Tricensimum*, siue *Tricesimum*, intellige lapidem seu miliarium, qui quod distantiam ab vrbe per se significat, itineris ductu locari facile potest, fere medio inter vtrumque loco. Plura in hoc tractu castella, sed ignobilia omnia, Paullus Diaconus nominat lib. iv cap.

xxxviii, *Cormones, Nomajum, Osopum, Arteniā, Reuniam, Glemonam*, & vt ait, inexpugnabili positione *Ibliginem*: sed obscura pleraque, nec alibi descripta, & quorum nequit ostendi locus atque situs, præter *Cormones*, nunc *Cormons*: Ideoque prætereunda potius censemus, quam incertis inuestiganda coniecturis.

CXLIX.

Ad Natifonem supra Aquileiam est *Forum Iulii*, Ptolemæi φόρος Ἰέλιος *κολώνια, Forum Iulium colonia*. cuius incolæ sunt Plinio *Foroiulienses cognomine Transpadani*, lib. iiii. cap. xix. Plura enim sunt huius nominis oppida, *Forum Iulium Galliae Narbonensis cis Rhodanum*: *Forum Iulium Vmbriae*, cognominatum *Concubienſe*: & hoc nostrum discriminis causa *Transpadanum* dictum. Eadem est *Foroiuliensis ciuitas* lib. xii epistola regia xxvi. vbi cum *Concordiensi* & *Aquileiensi* coniungitur. Et Paullus Langobard. lib. vi cap. li *Fidentius episcopus de Castro Iulienſi cum voluntate superiorum ducum intra Foroiuliani castrimuros habitauit*. Hodie vocatur *Ciuidaldi Friuli*, a qua regio Friuli denominatur: dignitatem autem capitis concessit ciuitati *Vdinensi*.

CL.

Tandem ἀνώνυμος vrbs non est prætereunda in hoc tractu. *Liuius* lib. xxxix cap. xxii *Eodem anno [Q. Marcio & Sp. Postumio coss.] Galli Transalpini transgressi in Venetiam sine populatione aut bello, haud procul inde, vbi nunc Aquileia est, locum oppido condendo ceperunt*. Condiderunt vtique: sed breui post tempore deletum fuit a *Claudio Marcello*. *Plinius* lib. iiii cap. xix quum oppida, quæ in *Venetis* & *Carnis* interiissent, enarrasset, addit, *Et ab Aquileia ad duodecimum lapidem, deletum oppidum, etiam inuito senatu, a Claudio Marcello, L. Piso auctor est*. Id haud dubie fuit, quod Galli, vt dictum, condiderant. Vnde *Cluuerius*, quod proprium nomen latet, *Gallorum oppidum* adpellat.

CLI.

HISTRIA tandem accedit, quondam pars *Illyrici*: sub Cæsaribus demum adiecta *Italiae*. Nam more priorum temporum, vt sæpe facit, *Pomponius Mela* scribens, *Tergeste* tradit finire *Illyricum* lib. ii cap. iiii extremo. Et olim citerior limes erat, quia *Plinius* *Formionem* fluuium, qui vi millibus ultra *Tergeste* est, auctæ *Italiae terminum* dixit lib. iiii cap. xviii. Sub *Augusta* accessit *Histria*. *Strabo* lib. vii pag. 217 οἰνὺν ἡγεμόνες, nostri temporis principes, qui *Augustus* sunt & *Tiberius*, fines *Italiae ad Polam* *Histriae* urbem protulerunt. Illius enim auspiciis, huius ductu & aliorum in illis oris contra *Dalmatas* & *Pannonios* debellatum fuit. Integra *Strabonis* verba supra pag. 509 exscripsimus. Accessit iterum pars post *Strabonem* a *Pola* vsque amnem *Arſiam*, de quo *Plinius* cap. xix dicit: *finis Italiae fluuius Arſia*. Nec dissentit *Ptolemæus*, cui Νέσακτον τέλος Ἰταλίας, *Nesactum finis Italiae* est, oppidum ad ostia situm *Arſiae*, atque ita *Italiae* extremum. Exigua pars *Histriae*, quæ ultra est amnem *Arſiam*, relinquitur *Illyrico*.

CLII.

CLII.

Italiæ itaque in Histriæ peninsula post Formionem est *Aegida*, proximum flumini oppidum, quod medio ævo *Iustinopolis* dictum, nunc *Capo de Istria*, ibi in insula situm. Plinius lib. III cap. XIX vetus nomen servavit. *Oppida*, inquit, *Histriæ civium Romanorum, Aegida, Parentium*. Oppidani inscriptionem ostendunt, quam & Gruterus pag. 164 habet, qua *Aegidis insula* vocatur, ædificata ab Iustino imperatore. Sed conficta illa Thomæ Reinesio, acerrimi iudicii viro, ab recentiore aliquo videbatur. Alterum civium Rom. oppidum erat *Parentium*, ut iam Plinii testimonio cognouimus; Ptolemæi Παρέντιον, hodie *Parento*, in parua peninsula.

CLIII.

Antonini itinere ab Aquileia per Histriam, oppidum *Ningum* interpositum est, his utrimque interuallis:

<i>Aquileia</i>			
<i>Fontem Timavi</i>	M.	P.	XII
<i>Tergeste</i>	M.	P.	XII
<i>Ningum</i>	M.	P.	XXVIII
<i>Parentium</i>	M.	P.	XVIII
<i>Polam</i>	M.	P.	XXXI.

Itineris ductu fertur fere ad parvæ oralis insulæ oppidum *Humago*. Nemo præterea mentionem fecit. Inter Ningum & Parentium flumen exit, quod Histriam secatur, nunc vulgo *Quieto* dictum. In Theodosiana Tabula, quam Peutingeris debemus, ad figuram prætorii vel calidarum adscriptum est *Quæri*: & infra, *Siluo*. Inde coniicit Cluverius *Quetum* nomen fluminis fuisse: & *Siluum* vel *Siluium* illud oppidum, cuius ruinæ IV millibus a mari in ripa eius amnis conspiciuntur.

CLIV.

Pola autem, nobilis colonia, nomen retinet. Strabo, lib. V pag. 149, Colchorum κτίσμα ἀρχαῖον, opus antiquum vocat, eorum videlicet, qui missi ad Medeam persequendam, frustrati spe, heic confederint. Plinius dicto loco: *colonia, Pola, quæ nunc Pietas Iulia, quondam a Colchis condita*. Etiam Mela lib. II cap. III *Sinus Polaticus, & Pola quondam a Colchis, ut ferunt, habitata (in quantum res transeunt) nunc Romana colonia*. Veteri lapide apud Gruterum p. 360 n. I VI VIR AVG. TERG. ET POL. Ut autem Mela sinum nominavit *Polaticum*: sic Stephani breuiator refert ἀκρωτήριον πολατικόν, promontorium *Polaticum*.

CLV.

Post Polam Plinius: *mox oppidum Nesactium: & nunc finis Italiæ fluvius Arsia*. *Nesactium* ergo extremum Italiæ oppidum ad ostium amnis *Arsiæ, Νέσακτον, Nesactum*, tribus syllabis, Ptolemæo dictum. Liuius corrupte *Nesatium*, vel, ut in aliis libris est, *Nesartium*: sed æt, auctoribus Plinio & Ptolemæo, substituendum. *Iunius*, inquit, *Manliusque* oppidum *Nesactium*; quo se principes *Histrorum, & regulus ipse Aepulo receperat, summa vi oppu-*

oppugnarunt. Liuius ibidem addit: Duo deinde oppida, *Mutila* & *Faueria*, *vi capta, & deleta*: sed de horum situ nihil nobis cognitum est præter incertam Cluuerii coniecturam, qui *Faueriam* Arsiæ adponit; *Mutilam* mari post promontorium Polaticum.

S E C T I O II.

I T A L I A P R O P R I A.

CLVI.

De Gallia Cisalpina adhuc actum fuit, ea Italiae parte, quæ in Cispadanam Transpadanamque diuisa fuit. Quæ nunc sequitur, Italia Propria est, semper Italiae nomine vsa, cui propter incertos fines etiam illam partem adiectam volumus, quæ ab Græcanicis coloniis Græcia olim Magna fuit appellata. Propriam ergo Italiam vocamus, vt ab Italia Gallica discernatur: quamuis in illa quoque aliquid fuit, inter Macram videlicet & Arnun, quod in prouincia Gallia Cisalpina Romani censuerunt. Nam *Luca* primum eius prouinciæ oppidum fuit, quod ex Ciceronis lib. i epist. ix sect. 16 clarum est: vbi Manutium etiam interpretantem consulas. Contra *Pisæ* primum oppidum erat Etruriæ. Polybius lib. ii cap. xvi μέχρι πόλεως Πίσσης, ἡ πρώτη καὶ αὐτῆς Τυρρηνίας ὡς πρὸς τὰς δυσμὰς, vsque ad *Pisas*, primam Etruriæ urbem, occidentem versus. Quod Italiae Propriæ pars maxime occidentalis Etruria est, de illa etiam initium faciemus, inde ad ceteras partes, vt proximus cuiusque situs inuitabit, qua cœptum via est, progressuri.

E T R U R I A. *

CLVII.

Quæ a Macra fluuio, Liguriæ fine, ad Tiberim vsque regio patet, *Etruria* Romanis dicta fuit, Græcis Τυρρηνία. Id nomen Latini veteres sine adspiratione scripserunt; etiam deriuatum *Etrusci*, quod ex inscriptionibus vetustis manifestum est: hoc Polybius, Scylax, Strabo, alii vsi sunt, quod ab rege Tyrrheno, ex Asia aduecto, deducunt. Plinius lib. iii cap. v Adnecitur septima [regio] in qua Etruria est, ab amne Macra, ipsa mutatis saepe nominibus. Umbros inde exegere antiquitus Pelasgi: hos Lydi, a quorum rege Tyrrheni; ** mox a sacrificio ritu, lingua Græcorum, Thusci sunt cognominati. Quod etiam Dionysius Halicarnasseus tradit lib. i pag. 24, a peritia rerum diuinarum & sacrificiorum quasi Θυσιαίς vocatos esse, quod contractum in Tuscos fuerit. Sed vereor, vt genuina hæc deriuatio sit, nec potius adlusio longius petita. Veteres Latini enim per T scripserunt Tuscos; non Thuscos per Th, quod Θ Græcorum est, & necessarium iis, quæ a Τύω deriuantur. Ma-
nutius testis est, & libris veteribus, & in lapidibus sine adspiratione esse, verbi causa, fragmento marmoris triumphorum Capitolini, DE TVSCEIS: & Præ-

* Etruriæ ager pinguis habebatur. Varro R. R. I. c. 9.

** Sic Flaccus de condit. agror. c. 3; Tyrrheni qui dicuntur Etrurii.

Prænestino lapide TVSCVS ARATOR: ac Florentino, SABINORVM ET TVSCORVM. Ipsum autem *Tuscorum* vocabulum per antiquum est, & Virgilius dixit *Tuscum Tiberim* Georg. I vers. 499: & lib. X vers. 164

- - - *Tuscis comitetur ab oris.*

An vero etiam regionis nomen quod a Tuscis ducitur, *Tuscia*, sit æque antiquum, exemplis destituti, non sine causa dubitamus. * Lapidem habent CORRECTORI TVSCIAE apud Gruterum p. 387, 476, 486; sed nec ignotum, posterioris æui illud munus & dignitatem esse perinde ac *Tusciae suburbicariae* cognomen Lege XII Cod. Theod. de Indulgentiis debitorum: quo tempore etiam Ammianus *Tusciam annonariam* lib. XXVII cap. IV dixit; & simpliciter, *Tusciam rexit*, lib. XXVIII sub initium. Vetusiores omnes dicunt *Etruria*. Quæ regio quod longius procurrit a mari ad Tiberim usque; commodioris expositionis causa in partes diuidemus, ut prima sit a Macra amne ad Arnum: altera ab Arno fluuio ad Volsinium lacum: reliqua inde ad Tiberim. Id solum prænotamus, antequam ad oppidorum expositionem veniamus, vniuersam Etruscorum gentem in duodecim populos, a præcipuis oppidis denominatos, fuisse distributam. Liuius lib. IV cap. XXIII *legatis circa XII populos missis*: & lib. V ineunte, *suffragio XII populorum*: & lib. VII cap. XXI *Terror inde vanus belli Etrusci, quum coniurasse duodecim populos fama esset*. Et clarius Halicarnassensis Dionysius lib. VI pag. 399 L. Iunii oratione: *Τυρρηνίαν ἁπασαν εἰς δώδεκα νενεμημένην ἡγεμονίας*, vniuersam Etruriam in duodecim ducatus diuisam dixit. Sunt autem populi illi ab vrbibus nominati, quas Cluuerius & Holstenius ita enumerant: *Clusium, Perusia, Cortona, Arretium, Volaterra, Vetulonium, Rusellæ, Tarquinii, Volsinii, Cære, Falerii, Veii*. Sic antiquis temporibus. Sub Cæsaribus auctus numerus, ut inscriptiones testantur. Gruter. p. 385 num. I ETRVR. XV POPVLOR. Et Reines. class. VI n. 114 AETRVR. XV POPVL. Reinesius quidem censet XV in XII mutandum esse: sed quod altera Gruteri eundem numerum habet, molliorem ex temporibus, quam violentam lituræ & mutationis medicinam duco præferendam esse. Sunt enim sub Cæsaribus factæ, & suam Reinesius ad Gallieni tempora referre non dubitauit.

CLVIII.

Prima pars a Macra ad Arnum nunc expedienda. Oppidum primum *Luna* est, in Macræ sinistra ripa, reductum a mari: portus autem Lunensis trans flumen in Liguriæ solo est: quod contra Cluuerium, Straboni atque Melæ credentem, ex Plinio & Ptolemæo, & quod præcipuum est, ex *αὐτοψία* & locorum inspectione Holstenius probauit. Strabo scripsit ambigue p. 153 *ἢ Λένα πόλις ἐστὶ καὶ λιμὴν*, *Luna est vrbs est portus*, quod tam de diversis quam uno loco intelligas licet. Mela confudit cum vrbe portum lib. II cap. IV, *Luna Ligurum* dicens: nisi ad originem respexit. Nam inter Macram etiam & Arnum credibile Ligures genere habitasse. nam XII populi Etrusco-

Cccc

rum

* Apud Iulium Frontinum de coloniis pag. 111. *Lex agrorum ex commentario Claudii Cæsaris. Lex agris limitandis metiendis partis Tusciæ prius &c.* Sed locus est corruptus, saltem interpolatus videtur. Sed alibi tamen v. g. pag. 119, 133 ibidem *Tuscia* reperitur.

rum citra Arnum omnes fuere: nec vero Augustus demum limitem produxit, quia Strabo p. 154 ait, τῶν συγγραφέων πολλοί, *multos scriptores in Macra limitem Liguriæ Etruriæque posuisse.* Hoc est quod Liuius dixit lib. xli cap. xlii de Luca colonia: *Quinquagena & singula iugera & semisses agri in singulos dati sunt.* De Ligure captus is ager erat: *Etruscorum ante, quam Ligurum, fuerat.* Idem bene distinxit ab vrbe Luna portum Lunæ, vt verbis eius in Liguria p. 658 demonstrauius. Nec marmor Lunense silendum est. Plinius lib. xxxvi cap. v *Omnes candido marmore vsi sunt e Pavo insula, multis postea candidioribus repertis, nuper etiam in Lunensium lapidicinis.* Et cap. vi de Mamurra Formiano: *totis ædibus nullam nisi e marmore columnam habuit, omnes solidas e Carystio aut Lunensi.* Et Silius Italicus lib. v iii vers. 481

Tunc quos a niueis exegit Luna metallis.

CLIX.

Flumen post Lunam L' Auenzo est, quod, vt nomen arguit, est *Auentia* Tabulæ, quamuis alieno ibi positum loco. *Fosse* ibidem *Papirianæ* sunt, Antonini *Papiriana*, medio inter Lunam & Pisas loco sita, hinc xi, illinc xii passuum millibus. Longius a mari in Macram flumen *Audena* se infundit prolapsus ex iugis Apennini. Liuius memorauit lib. xli cap. xix. *Inter Audenam, inquit, amnem P. Mucius cum iis, qui Lunam Pisasque depopulati erant, bellum gessit.* Sed hoc ex coniectura Cluuerii. *Vesidia* flumen, quod Tabula habet, se nomine vulgari prodit *Versiglia*. Huic Cluuerius *Fanum Feroniæ* adponit, ductus Longobardica inscriptione apud Gruter. p. 220 *Petra sancta, olim Fanum Feroniæ.* In hac ora autem exstat oppidum, quod *Pietra Santa* vocitatur. Accedit Latina Ptolemæi versio, qua inter Lunæ promontorium & Arni ostia est *Lucus Feroniæ.* Strabonis autem *Feroniæ Fanum* sub monte Soracte prope Tiberim: ibidemque *Lucus Feroniæ* Plinii. Supra Fanum, quod posuit, in eadem ripa *Forum Clodii* idem Cluuerius locauit, quod in Peutingeri tabula, sed turbato ordine, adparet. Ptolemæus autem *Herculis Fanum* in litore habet.

CLX.

Intus ad *Auserem* amnem nobilis colonia *Luca* est, quæ nomen custodit, vt de fede non liceat ambigere. Liuius lib. xxi cap. lxi *Hannibal in Ligures: Sempronius Lucam concessit.* Tum nondum colonia erat. Idem lib. xli cap. xlii *Et Lucam colonia eodem anno [107] m m ciuium Romanorum sunt deducta:* quod etiam cum Velleii Paterculi calculo lib. i cap. xv conuenit. Strabo lib. v pag. 150 πρὸς ταῖς ὄρεσιν ἐστὶν πόλις τοῖς ὑπερκείμενος τῆς Ἀούνης, Ἀούνα, *ad montes supra Lunam sita est vrbs Luca.* Plinius iii cap. v colonia *Luca a mari recedens.* Ita vero colonia Luca fuit, vt vna esset municipium. Cicero lib. xiii epist. xiii L. Castronius Pætus, longe princeps municipii *Lucensis.*

CLXI.

Illustriores olim *Pisæ* erant, a pluribus tam Græcis quam Latinis laudatæ. Ibidem Plinius: *Pisæ inter amnes Auserem & Arnum.* Quod etiam Rutiti-

tilius Numatianus mox proferendo versu dixit. Tradunt, a Pisæis Peloponnesi conditas: vnde *Alpheæ* a fluuio Peloponnesiaco cognominantur. Virgilius lib. x vers. 179

--- *Alpheæ ab origine Pisæ,*
Vrbs Etrusca solo.

Et Rutilius iam nominatus lib. i Itinerar. vers. 565

Alpheæ veterem contemplor originis urbem,

*Quam cingunt geminis Arnus & Ausur aquis. **

nam *Ausur* & *Auser* dicitur is fluuius: Straboni corrupte Αῖσαρ. Idem p. 154 ἡ Πίσα κτίσμα ἐστὶ τῶν ἐν τῇ Πελοποννήσῳ Πισατῶν, *Pisæ conditæ a Pisatis Peloponnesiacis.* Duplicant sibilantem Græci ceteri. Polybius lib. ii cap. xxvii ὑπατος εἰς Πίσσας καταπλευκῶς, *consul Pisas nauigans e Sardinia: & cap. xxviii εἰς τὰς Πίσσας κατάπλες, Pisas nauigatio.* Sic quoque Ptolemæus, & Lycophron vers. 1241. Sed Romanorum lapides constanter *Pisæ*, aut sexto casu *Pisis*, apud Gruterum p. 301, 444 num. i, & 550 n. io. & L. Cæsaris cenotaphio, PISIS IN FORO. Colonia fuit æque vt Luca. Plinius dicto loco: *Colonia Luca a mari recedens: propiorque [mari] Pisæ inter Auserem & Arnun, subaudi, colonia.* Ptolemæus Πίσσας κολώνια. Et ipsi Pisani dicto L. Cæsaris cenotaphio: LEGATI EX NOSTRO ORDINE IMPER. CAESAREM AVGVSTVM --- ADEANT PETANTQVE AB EO, VTICOLONISIVLIENSIBVSCOLONIAE OPSEQUENTI IVLIAE PISANAE EX HOC DECRETO EA OMNIA FACERE EXSEQUIQVE PERMITTAT. Hinc habes integra & honorifica coloniæ cognomina. Originem Liuius reuelauit lib. xl cap. xliii. *Pisanis, inquit, agrum pollicentibus, quo Latina colonia deduceretur, gratiæ ab senatu actæ, triumuiro creati ad eam rem.* Postea Cæsar colonos novos addidit: vnde cognomen nouum. Portum egregium habuerunt: ex quo est quod supra dixit Polybius εἰς Πίσσας καταπλευκῶς, *Pisas nauigare: etiam Liuius lib. xxi cap. xxxix quum Pisas nauibus venisset.* Et Rutilius Itinerar. lib. i vers. 531

Contiguum stupui portum, quem fama frequentat
Pisarum emporio, diuitiisque maris.

Sinum etiam maris hæc vrbs, quamuis reducta paullo, cognominauit. Tacitus Hist. lib. iii cap. xlii *Fabius Valens e sinu Pisano segnitia maris, aut aduersante vento, Portum Herculis Monæci depellitur.* Supra urbem, tertio fere lapide, qua Lucam iter est, *Aquæ sunt Pisanae, calidæ scilicet.* Plinius lib. ii cap. ciii *Patauinorum aquis calidis herbæ virentes innascuntur: Pisanorum, ranae.*

CLXII.

Hinc in septemtrionem sub Apennino est *Pistoria*, nunc Pistoia, Plinii *Pistorium*: at Ptolemæus Πισωρία, *Pistoria.* Tabula Peutingeriana corrupte *Pistoris*: Antoninus itineribus a Fauentia & Luca, Aldina editione *Pistores*; Schottana & Bertiana *Pistorium.* A Luca distat xxv millibus.

Cccc 2

Pos-

* Sed hodie alia fluminum horum ratio. Vid. Victorin. lib. xvii, variar. lectio. c. 3.

Possessuum & gentile *Pistoriensis*. Sallustius Cat. cap. LVII *reliquos Catilina in agrum Pistoriensem abducit.*

CLXIII.

Florentia, Arno fluminis imposita, xxv millibus a Pistorio in ortum, vt Antonini itinere a Fauentia Lucam, & Luca Romam, definitum est, iam tum Syllani belli temporibus in splendidis municipiis numerata. Florus lib. III cap. XXI *Municipia Italiae splendidissima sub hasta venierunt, Spoletium, Interamnium, Praeneste, Florentia.* Sic Palat. & Vineti mss. vbi vulgo *Fluentia*, quod nihil aut dubium est, legitur. Sed an illo tempore tam splendida fuerit, non sine causa dubitatur. Tacitus quoque in municipiis aut coloniis habet, Annal. I cap. LXXIX. *Audite, inquit, municipiorum & coloniarum legationes, orantibus Florentinis, ne Clanis solito alueo demotus, in aninem Arnum transferretur.* Coloniam quoque factam esse, hæc verba Frontini, de coloniis Tusciæ, probant: *Colonia Florentina deducta a triumuiris, adsignata lege Julia centuriæ Cæsarianæ in iugera c c.* Plinii eadem, quæ Flori, ratio est, cuius lib. III cap. V in plerisque libris *Fluentini præfluenti Arno adpositi sunt*, solo Chiff. & Parif. mss. *Florentini.* Ptolemæi in Tuscis est *φλωρεντία*. Antonini testimonium dictum est: in Tabula itineraria, *Florentia Tuscorum.*

CLXIV.

Fesula III millibus passuum supra Florentiam, nunc pagus Fiesoli, ad Apennini radices situs: olim oppidum non incelebre. Polybius lib. II cap. XXV *ἐπὶ πόλιν φαίσολα*, ad oppidum *Fesola*. Et Silius lib. V III vers. 478 singulariter *Fesula* dixit. Ptolemæus autem *φαίσολαι*, *Fesulae*, pluraliter: etiam Sallustius Catil. cap. XXIV & XXVII dixit *Fesulas*: & Cicero II Catil. cap. IX, in mss. quoque libris, *ex iis coloniis, quas Sylla Fesulis constituit*: quamquam ob pluratium coloniarum numerum, quas vnum oppidum non capit, id nomen glossēma videtur, & tam Arretini quam Fesulani coloni ex eiusdem pro Muræna cap. XXIV intelligendi. Plinius lib. VII cap. XIII dixit *Crispinum Hilarum ex ingenua plebe Fesulana*, quod coloniam vel municipium non contemnendum arguit. *Ager Fesulanus* memoratur in Catil. orat. I cap. VI. Quidam sine diphthongo scribunt: ceteri Græcos imitantur, & veterem inscriptionem apud Gruter. p. 533 num. 5 A. BAEBIVS C. F. SCAP. CLEMENS FAES. id est Fesulanus.

CLXV.

Ab Arno ad Volsiniensem lacum constituimus secundam partem Etruriæ. In ea ab Arno in litore procedenti occurrit primum *Portus Herculis Labronis* siue *Liburni*, cuius mire nomen conquisitum est. Antoninus itinere ab Roma per Tusciam & Alpes maritimas, XII millibus a Pisis locum vocat *Ad Herculem*. Cicero ad Quintum fratrem lib. II epist. VI eo tractu portum quemdam *Labronem* nominat. *Erat, inquit, iturus a. d. III id. Apriles, vt aut Labrone, aut Pisis conscenderet.* Zosimus autem lib. V cap. XX oppidum quoddam Italiae in ora maritima *Λιβυρνον*, *Liburnum*, licet incertum sit, quod ille ait, in eo primum Liburnas naues ædificatas esse: Ex quo coniicitur, *Labronis* vocabulum, si modo se recte in epistola habet, posteri-

ori æuo in *Liburnum* mutatum fuisse, vti hodieque celeberrimus portus & emporium *Liorno* adpellatur.

CLXVI.

Decem octo inde millibus distant *Vada Volaterrana*, vt Antoninus numerauit. In Tabula Peutingeriana *Vadis Volaterris*. Cicero pro Quintio cap. vi *Quum venissent ad Vada Volaterrana, quæ nominantur; vident perfamiliarem Næuii*. Plinius quoque lib. iii cap. v post *Pisarum* descriptionem: *Vada Volaterrana, fluuius Cecina, Populonium Etruscorum hoc tantum in litore*. Rutilius vers. 453

In Volaterranum vero, Vada nomine, tractum

Ingressus dubii tramitis alta lego.

Fluuius *Cecina*, modo a Plinio nominatus, iuxta hæc *Vada* in mare exit, qui an nomen suum ipsi *Vadorum* oppido etiam dederit, incertum & obscurum est. Pomponius Mela lib. ii cap. iv sub finem, verso ordine: *Cossa, Telamon, Populonia, Cecina, Pisæ, Etrusca & loca & nomina*. Sed puto, Plinio interprete, & flumen his locis & nominibus inmiscuisse. Intus, a *Vadis* xv circiter m. passuum, est antiqua vrbs *Volaterræ*, in monte sita, colonia & municipium, olim vna ex xii Tuscorum ciuitatibus siue populis, quod ex *Halicarnassensis* lib. iii pag. 189 constat. Strabo lib. v p. 154 situm describit, positam ἐν Φάραγγι, in valle, vt tamen, τὸ τεῖχος τῆς πόλεως, arx & municipium vrbs, ἐν κορυφῇ λόφου, in vertice collis exstructum fuerit. Municipium fuisse Cicero ostendit lib. xiii epist. iv. Cum municipibus, inquit, *Volaterranis* mihi summa necessitudo est: eamdemque coloniam, his probatur Frontini de *Colonis*: *Colonia Volaterrana lege triumuirali est adsignata*. Thermæ in illo agro sunt, quæ in Tabula dicuntur *Aquæ Volaterranæ*, hoc est scripturæ compendio, *Volaterranæ*.

CLXVII.

A *Volaterris* in ortum æstiuum distat *Sena Iulia*, colonia cum aliis *Etruriæ* ab Augusto Cæsare deducta, aut instaurata, vt ex communi cognomento *Iulie* adparet. Qualis ante Cæsarem *Sena* fuerit, non liquet, quia nulla eius antiquiorem memoria exstat. Post deductam autem coloniam *Iuliam* clara eius est mentio, sed tantum coloniae nomine: *Iulie* cognomen in sola Tabula additur Peutingeriana. Plinius dicto lib. iii cap. v *Intus colonie*: - - - *Rusellana, Seniensis, Sutrina*. Tacitus lib. iv Hist. cap. xlv in *colonia Senensi*: & mox: *factum S. C. quo Senensium plebes modestiæ admoneretur*. Sunt qui de *Senia Dalmatiæ* interpretantur Tacitum, quod a *Sena Senensis* dicendum fuisset. At *Dalmatiæ Seniam* coloniam populi Rom. fuisse, vnde probabitur? Plinius lib. iii cap. xxi oppidum tantummodo dixit, colonias seorsum memorauit. Ad hæc mss. etiam in Plinii cap. v *Seniensis colonia* in *Etruria mediterranea*, vbi vulgo *Senensis* legitur, quemadmodum in Tacito ante Lipsium in *colonia Senensi*, & *Senensium plebes*. Vide Th. Ryckii & L. Holstenii adnotationes, ac de mss. Plinii, Io. Harduini. Hodie *Siena*, vrbs archiepiscopalis & Academia. Sed a montibus in oram rursus reuertamur.

CLXIIIX.

Post Vada & Cæcinæ ostia *Vetulonii* sunt, siue *Vetulonia*, ad quod oppidum aquæ calidæ sunt. Plinius lib. II cap. CIII *Patauinorum aquis calidis herbae virentes innascentur: Pisanorum ranæ: ad Vetulonios in Etruria non procul a mari, pisces.* Dionysius Halicarnassensis in XII ciuitatibus Etruriæ, & postquam Clusinos, Arretinos, Rusellanos, Vetulonenses nominauerat, addit, καὶ ἐτι πρὸς τῆτοις Ὀυετυλωνιάται, & supra illos, *Vetulonenses.* Et Silius Italicus lib. VIII vers. 484 seq.

Meoniaque decus quondam Vetulonia gentis.

Bissenos hæc prima dedit præcedere fascēs,

Et iunxit totidem tacito terrore secures:

Hæc altæ eboris decorauit honore curules,

Et princeps Tyrîo vestem prætexuit ostro.

Quæ quod ad laudem huius ciuitatis pertinent, Romanos ad imitationem perlicientis; haud prætermittenda hoc loco videbantur.

CLXIX.

Inde ad insulam Iluam versus situm erat in promontorio *Populonium*, vt Plinius & Tabula vocant, siue *Populonia*, vt Mela & Rutilius: aut *Populonii* pluraliter, vt Liuius. Singulorum mox verba adferemus. Strabo lib. V p. 154, qui ποπλάνιον vocat, situm exacte descripsit, sed sua ætate desertum fuisse addit: ἐπ' αὐτὸν autem siue *nauæle*, ad radices montis, melius habitatum. Solum hoc, idem obseruat, ex vetustis Etruriæ oppidis ἐπ' αὐτῇ τῇ θαλάττῃ ἰδρυῖσθαι, ad ipsum mare fuisse conditum. Ex quo Plinii verba, paullo ante quoque recitata intelligimus: *Populoniam Etruscorum quondam hoc tantum in litore: quod mare, vt addit Strabo, conditores παντάπασιν ἐφεύγον, omnibus modis propter pericula fugiebant.* Ruinas etiam Rutilius descripsit a versu 401

Proxima securum referat Populonia litus,
& paucis interiectis versibus:

Agnosci nequeunt æui monimenta prioris,

Grandia consumpsit mœnia tempus edax.

Sola manent interceptis vestigia muris,

Ruderibus latis tecta sepulta iacent.

Oppidani sunt *Populonienses* apud Liuium lib. XXVIII cap. XLV. Tabula Peutingeriana etiam exhibet longiuscule a *Populonio* reductas *Aguas Populoniae*, de quibus silent scriptores alii.

CLXX.

Prope *Populonium* erat *portus Lauretanus*, nunc fere ignotus. Liuius lib. XXX cap. XXXIX *Claudium consulem profectum tandem ab vrbe inter portus Cosanum Lauretanumque atrox vis tempestatis adorta, in metum ingentem adduxit. Populonios inde quum peruenisset, stetissetque ibi, dum reliquum tempestatis exsequiret; Iluam insulam traiecit.*

CLXXI.

In ortum paullo a *Vetuloniiis* distat clara nunc vrbs *Massa*, quæ haud du-

dubie est *Massa Veternensis*, patria Galli Cæsaris, ab Ammiano Marcellino memorata lib. XIV cap. XL. *Natus*, inquit, [Gallus] *apud Tascos in Massa Veternensi, patre Constantio, Constantini fratre Imperatoris*. Subiacet finus, in quem etiam amnis a Massa decurrit. Huic finui ab occasu adiacet *Portus Falesia*, uti Antonini itinerario maritimo vocatur: siue *Faleria*, ut Rutilius dixit vers. 371

Laxatum cohibet vicina Faleria cursum.

CLXXII.

Ab latere ortiuo eius finus sunt *Scapri* siue *Scabri*, itidem portus, eodem itinere: supra quem *Manliana* Tabulæ, & Antonini, ac Ptolemæi: & inter sinum ac lacum *Prelum*, siue *Prilem* (quem prae Itineraria *Aprilem* nominant) est fluuius *Alma* exiguus. Ipse autem lacus a Cicerone *Prelus* vocatur, quod inter variantes codices tuetur Cluuerius, & tenet Iac. Gronovius, pro Milone cap. XXVII. De Clodio enim Tullius: *quum ab equite Rom. T. Pacuio non impetrasset, ut insulam in lacu Prelio venderet; repente in tribus in eam insulam materiam, calcem, cæmenta, atque arma conuexit*. Agit autem de Etruriæ inuasis villis & possessionibus. Plinius quasi cum tempore mutato nomine vocat *Prilem* siue *Prillem* lib. III cap. V. *Hinc amnes*, inquit, *Prille, mox Vmbro nauigiorum capax*. Ab amne autem nomen hæsit lacui, in quem ille effunditur. Maritimi autem itinerarii secundum Aldinam, ex Schottana non nihil correctam, hæc est dispositio: *A portu Telamonis ad fluuium Vmbronem: hinc in lacum Aprilem (Prilem) a lacu Aprili in Almam flumen: ab Alma flumine Scapros portum: ab Scapris Falesiam portum: a Falesia Populonium*. Lacus autem Prilis siue Prelus nunc est Lago di Castiglione: cui *Salebro* oppidum (quod Antonini iter ab vrbe per Tusciam, nec non Tabula habet) ad os fluminis *Salebronis* adsidet.

CLXXIII.

Inter lacum Prilem & Vmbronem, Plinii amnem, *Rusellæ* erant, una ex duodecim urbibus Tuscorum veterum, quod ex Dionysio Halicarnasensi constat lib. III pag. 189: postea colonia Romana. Plinius dicto loco *Intus coloniae: Falisca Argis orta, quæ cognominatur Etruscorum; Lucus Feroniæ, Rusellana, Senensis, Sutrina*. Holstenius pag. 39 ex veteri lapide profert COL. RVS. Ptolemæo sunt *Ῥυσελλαι*: incolæ Liuius lib. XXVIII cap. XLV *Rusellani*. Holstenio teste vestigia antiqua huius coloniae adeo clara supersunt, ut nomen quoque priscum seruent. Post *Vmbronem*, non ignobile flumen, ut Rutilius censet vers. 337, nunc *Ombrone*, ex intervallo aliquo fuit *Caletra*, in cuius agro colonia *Saturnia* fuit condita. Liuius lib. XXXIX cap. LV *Saturnia colonia ciuium Romanorum in agrum Caletranum est deducta*. Incertum, an tum superstes fuerit *Caletra*. *Saturnia* Ptolemæo est *Σαττερνιάνη κολώνια*, *Saturniana colonia*: coloni autem Plinio, sæpe dicto cap. V, *Saturnini*, quia antea *Aurinini* vocabantur. Ergo vetus nomen *Aurinia* fuit.

CLXXIV.

CLXXIV.

Ad mare *Telamon* cum portu. * Polybius lib. II cap. XXVII, *περὶ Τελαμῶνα τῆς Τυρρηνίας, circa Telamonem Etruriæ.* Mela lib. II cap. IV extr. *Gravisca, Cossa, Telamon, Populonia.* Plinius prædicto loco: *Vmbro, nauigiorum capax, & ab eo trāctus Vmbriæ, portusque Telamon.* Oppidum nomen retinet *Telamone.*

CLXXV.

Post sequitur *Albinia* fluuius in Tabula nominatus, hodie *Albegna*: ultra cuius ostia, & paruum sinum, in quem exit ille, sita est *Cosa* siue *Cossa*, *μικρὸν ὑπὲρ τῆς θαλάττης, breui spatio a mari,* vt Strabo lib. V pag. 156 refert, qui, etiam Ptolemæus, *κόσσαι, Cossæ* plurali numero scripsit: Mela, Plinius, Antoninus *Cossa*; Cicero autem & Liuius melioribus libris *Cosanus* simplici elemento; & Tacitus, ac Rutilius, & auctor Tabulæ Peutingerianæ *Cosa* scribunt. Virgilius itidem, sed multitudinis numero, *Aeneid.* X vers. 167

- - - - qui mania Clusi

Quique urbem liquere Cosas.

Colonia fuit, quæ de ita Plinius loco sæpe prædicto: *Cossa Volcentium a populo Romano deducta, subaudi, colonia.* Annum deductionis prodit Paterculus lib. I cap. XV *Cosam & Pæstum abhinc annos ferme CCC, Fabio Dorfone & Claudio Canina Coss. coloni missi, nouem annis ante Punicum I bellum.* Aucta, petentibus Cosanis, mille colonis, teste Liuius XXXIII cap. XXIV. Instauratam ab Augusto esse, cognomen *Iulie*, vt plerarumque Etruscarum, in nummo Neruæ, quem Holstenius cum Tristano profert, videtur adprobare. inscriptus enim, COL. IVL. COSSA. Egregium portum habuit, de quo Liuius lib. XXI cap. XI *naues onerarias, commeatum ab Ostia in Hispaniam ad exercitum portantes, a classe Punica circa portam Cosanum captas esse.* Et lib. XXX cap. XXXIX *inter portus Cosanum Lauretanumque.* Vide paullo ante de Lauretano. De agro, aut litore prope portum, Cicero lib. IX Attic. ep. VI *Domitius in Cosano, & quidem, vt aiunt, paratus ad nauigandum.* Adde Cæsar. Civ. I cap. XXXIV. Idem portus & *Herculis* vocatur in maritimo Itinerario. Et Strabo lib. V pag. 156 *ὑπόκειται Ἡρακλέους λιμὴν, subiacet [vrbi Cosæ] Herculis portus:* nisi forte qui proximus vrbi, *Herculis* est; & in altero promontorii latere, qui nunc S. Stephani dicitur, *Cosanus.* Nam & promontorium ibi est, & eodem nomine. Tacitus annali II cap. XXXIX *uectus Cosam, Etruriæ promontorium, ignotis locis se se abdit.* Id promontorium *Mons Argentarius* quoque vocatur. Rutilius vers. 298

Haud procul hinc petitur signatus ab Hercule portus.

&, interiecta de Lepidis narratione, vers. 315

Tenditur in medias mons Argentarius undas.

At

* Diodorus IV. pag. 259. Παραπλησίως δὲ τοῖς εἰρημένοις κατὰ μὲν τὴν Τυρρηνίαν ἀπὸ σταδίων ὀκτακοσίων ἀπὸ τῆς Ῥώμης ὀνομάσαι λιμὴνα Τελαμῶνα. Similiter autem & dictis conuenienter portum in Etruria octingentis stadiis a Roma remotum Telamonem nominasse Argonautas aiunt.

At nobilis hæc colonia desolata Rutilii temporibus erat. Versu enim 285 lib.

I Itinerarii ait,

Cernimus antiquas nullo custode ruinas,

Et desolatæ mœnia fœda Cosæ.

In loco fere nunc Ansedonia oppidum: at Orbetello in intimo lacus situm, quæ λιμνοθάλαττα Strabonis est p. 156.

CLXXVI.

Supra Cosam antiquum oppidum *Volci*, οὐόλχοι Ptolemæi, vnde Plinii *Volcentini* cognomine *Etrusci*: & ipsa *Cossa Volcientium*, verbis supra productis; quia in agro vetustæ vrbis Volcorum sita. Scriptum antiquitus *Vulci & Vulcientes*, quod in Capitolina tabula de triumphis est DE VVLSI- NIENSIBVS ET VVLCIENTIB. Tabula Itineraria etiam *Succosam* siue *Subcosam* habet supra Cosam; & vltra illam, *Armenitam* fluuium, qui *Arnina* Itinerario maritimo nominatur, nunc Fiore: cui superiori, seu propiori fontibus *Suana*, hodie Soana, adposita est, vnde Plinii sunt *Suanenses*: decurso prope ostia, *Forum Aurelii*, vt ex Itinerariis coniecere licet. Quod Antonino tribuitur inter hoc Forum & Martam fluuium XIII M. P. ponit; quod interuallum, aut minus etiam, ad Armenitam flumen ducit, vbi nunc Monte Alto est: at Tabula ex Theodosiano, vt putatur, sæculo, IIII millibus ab Armenita siue Flore flumine reductum habet. Nihil ergo certi de Foro Aurelii definiri potest. Conditor haud dubie fuit, qui viam muniuit Aureliam.

CLXXVII.

Inter Armenitam & Martam flumina procul a litore est *Statonia*, Strabonis Στατωνία, ex qua *Statoniensis* est. Plinius XIV cap. VI. *vina Statoniensis*: & lib. XXXVI cap. XXII *Silices albi circa lacum Volsiniensem. Et in Statoniensi sunt quibus ne ignis quidem nocet.* Haud dubie ergo lib. III cap. V oppidani non *Statones*, vt editum, sed *Statonienses* sunt. Seneca Quæst. Nat. III cap. XXV *Alia [insula] in Vadimonis lacu vehitur, alia in lacu Statoniensi.* Ex quo lacu & vicinis locis, quæ Strabo, Plinius, Vitruuius commemorant, lacum hunc *Lago di Mezzano* esse, & *Statoniam* clarum nunc oppidum *Castro*, eruditi homines coniiciunt. Non colonia, nec municipium fuit, sed præfectura. Vitruuius lib. II cap. VII de lapidicinis: *Officinæ maximæ sunt circa lacum Volsiniensem; item præfectura Statoniensi.*

CLXXVIII.

In hoc tractu etiam *Sudertum* locant, a quo Plinii lib. III cap. V *Sudertani* sunt: & Liuii lib. XXVI cap. XXIII *in foro Sudertano.* Ptolemæi est Σιδερνον, *Sudernum*: vnde quidam corruptum Tabulæ *Materno* ex *Suderno*, suspicantur. Ad *Martam* amnem, qui ex Volsiniensi lacu emanat, hodie *Toscanella* est, quæ locum *Tuscanæ*, quam Tabula habet, ostendit. Vetus oppidum esse, *Tuscanienses*, a Plinio III cap. V memorati, probant.

CLXXIX.

Hinc in septemtrionem ipse lacus est *Volsiniensis*, siue *Vulsiensis*, nomen ducens ab oppido *Volsiniis*, quod in summo lacu in boream versus si-

tum, nunc *Bolseno* vocatur. Modo a Plinio II c. 53. & Vitruvio nominari cognouimus. Addo Columellam, qui lib. VIII cap. XVI ait, *lacum Sabatinum, item Vulsiniensem, & Ciminum lupos auratasque* [natura] *procreare*: & Liuium lib. XXVII cap. XXI dicentem, *Vulsinis sanguine lacum manasse*. Ergo *Volsinii*, siue *Vulsinii*, antiquum oppidum, eiusque incolæ *Vulsinienfes*, vt supra ex marmore Capitolino dictum, *de Vulsinienfibus* triumphatum anno CCCCLXXIII fuisse. Qui & *Volsinii*, vt Græuius cum N. Heinsio emendat, non *Volsini*, a Floro dicuntur lib. I cap. XXI, *Postremi Italicorum in fide mansere Volsinii, opulentissimi Etruscorum*. Ipsum oppidum præterea memorarunt Tacitus, annali IV ineunte, de Seiano, *genitus Vulsinis*: & Iuuenalis Satyr. III vers. 191

- - *positis nemorosa inter iuga Volsiniis.* - -

CLXXX.

Ad latus occidentale lacus, & vna austrum versus, situm est oppidum *Vesentium*, aut *Visentium*, nunc Bisentio; a quo *Vesentini* sunt Plinii: qui veteri lapide ibi reperto etiam *Visentini* dicti ita: VIRTUTI VISENT. SACR.

CLXXXI.

Ad *Clanem* flumen, vbi id *Palliam*, in Tabula Itineraria signatum amnem, (nunc Paglia) recepit, in dextra ripa vrbs conspicua *Oruieto* est, quod nomen ortum videtur ex *Vrbs vetus*, vt Paullus Diaconus lib. IV cap. XXXIII oppidum Tusciæ adpellat, in illo tractu situm, vbi *Oruieto* est. nam Procopius lib. II Belli Goth. corrupte οὐρβιςεντον, *Vrbiuentum* vel *Vrbiuentus*, infert littera, habet: idque vicinum dicit Clusio cap. XI, in colle situm ad flumen *magnum & imperuium*, μέγα καὶ ἀπόρευτον, cap. XX, qui *Clanis* est, vt aliud non possit esse quam *Oruieto*. *Vrbs* autem illa *Vetus* creditur Plinii *Herbanum*, quod in Etruriæ oppidis nominat, fuisse.

CLXXXII.

Supra illud, ad eundem amnem, vbi e paludibus emergit, posita vrbs vetus *Clusium** est, nunc Chiusi dicta, olim regia *Porfsenæ*. Liuius lib. II cap. 19 *Traquinii ad Lartem Porfsenam, Clusinum regem, perfugerant*. Polybius lib. II cap. XXV κλάσιον ἀπέχει ἡμερῶν τριῶν ὁδὸν ἀπὸ τῆς Ρώμης, *Clusium tridui spatio ab Roma abest*. Liuius lib. V cap. XXXIII auctor *Clusium oppugnandi*. Virgilius lib. X vers. 167

- - - qui mœnia Clusî

Quique urbem liquere Cosas.

Ab hac vrbe longa illa palus *Clusina* cognominatur, vulgo *Chiana Palude*: Straboni lib. V pag. 157 ἡ λίμνη ἡ περὶ Κλάσιον, *lacus qui circa Clusium est*. Fluvius *Clanis* perfluit, vulgo *la Chiana*. Tacitus annal. I cap. LXXIX *Auditæ municipiorum & coloniarum legationes, orantibus Florentinis, ne Clanis solito alueo demotus in amnem Arnun transferretur*. Silius lib. VIII vers. 454 *Et Clanis, & Rubico, & Senonum de nomine Senæ.*

CLXXXIII.

* Liuius X. c. 25. Vers inde primo relicta secunda legione ad Clusium, quod Camars olim appellabant. Orosii tempore *Tuscia* dicebatur. Ita enim is lib. II. c. 19. Galli *Senones*, cum urbem *Clusini*, que nunc *Tuscia* dicitur, obsiderent, legatos Romanorum in acie aduersum se viderunt pugnantes.

CLXXXIII.

Sequitur tertia pars Etruriæ, a Clani & Marta fluuiis ac Volsiniensi lacu vsque ad Tiberim. In supremo, ad radices Apennini *Tusci*, villa Cæcilii Plinii, erant, quam ipse lib. v epist. vi diligentissime descripsit. Ad Tiberim sita est, sed fontibus propinquum: dextra an sinistra ripa, non liquet. Cluuerii Tabula in sinistra: sed nomen *Tusci* videtur dextram postulare, quia in plerisque Tuscos siue Etruscos alueus Tiberinus finit. Inde Arretium versus Harduinus ad lib. iii cap. v Plinii *Clusinos novos* locat, nec illos vero longe a fontibus Tiberinis. Id quod in Emend. xxxvi ex fragmento quodam Itinerarii Antoniniani contra Holstenium, qui veteres, novos Clusinos vni loco inclusos vult, illustrat. Sane ibidem adhuc locus *Chiusi* vocatur, qui facit, vt ad sensum faciliorem præbeamus. *Clusini* autem *veteres* sunt, qui *Clusium* ad Clanis paludem incoluerunt, cuius insalubritas aeris videtur causâ migrationis existisse.

CLXXXIV.

Arretium, vulgo Arezzo, etiam ex antiquis oppidis Etruriæ est, prope Arnem & Clanem situm, Polybio lib. ii cap. xix Ἀρρετιῶν πόλις, *vrbs Arretinorum*. Cicero lib. xvi epist. xii *quum Cæsar Arretium occupauisset*. Cæsar ipse Civ. i. cap. xi *ab Arimino Antonium cum cohortibus quinque Arretium mittit*. Silius lib. v vers. 123

Arreti muros, Coriti nunc diruat arcem.

Triplices Arretinos facit Plinius lib. iii cap. v, *Veteres, Fidentes, & Iulenses*, quos Harduinus locis & oppidis distinctos & separatos fuisse existimat: Holstenius autem in Cluv. p. 72 colonos nomine tantum, non re & loco, distinctos: quasi integrum nomen fuerit, COLONIA FIDENSIVLIA ARRETIVM. Sane Harduinus quoque, qui seiungit, non habet quod alio loco vestigium vel Fidentis vel Iulensis coloniae, a veteri Arretio separatæ, ostendat. Quamvis vero coniunctæ loco fuerunt coloniae, tamen quæque rem suam separatam habuisse, ex inscriptione, quam iam olim Hermolaus produxit, adparet, DECVRIONES ARRETINORVM VETERVM. Sic lapides semper cum geminata RR inscriptionum habent, DOMO ARRETIO Grut. pag. 520 n. 3. MVNICIP. ARRETIN. p. 372 n. 12. ORDO ARRETINORVM p. 1028.*

CLXXXV.

Supra Trasimenum lacum *Cortona* est, quæ nomen seruat, olim inter capita Etruriæ numerata. Liuius lib. ix cap. xxxvii *a Perusia, & Cortona, & Arretio, quæ ferme capita Etruriæ populorum ea tempestate erant, legati pacem fœdusque ab Romanis petentes, inducias in xxx annos impetrauerunt*. Et lib. xxii cap. iv *quod agri inter Cortonam urbem Trasimenumque lacum est*. Polybius lib. iii cap. LXXXII Κορτωνίων vocat: at Ptolemæo Κόρτωνα est, vt Romanis. Silius lib. v vers. 123 *Coriti arcem*, periphrasi, vocat, vt interpretes quidam existimant. At lib. viii vers. 473 expresso nomine

*Lectos Cære viros, lectos Cortona superbi
Tarcontis domus, & veteres misere Grauiscæ.*

Dddd 2

A Cor-

* Sic Frontinus de Coloniais pag. 112. Colonia Arretium Lege Augustea censita limitibus Gracchanis.

A Cortona *Cortonenfis* est. Liuius lib. xxii cap. iv *vbi montes Cortonenses Trasimenus lacus subit.*

CLXXXVI.

Ab altero lacus Trasimeni latere, iuxta Tiberim, *Perusia* est, nunc Perugia, & ipsa, vt iam in Cortona vidimus, inter capita Etruriæ antiquæ. Testimonio, ibidem producto, addo aliud eiusdem Liuii lib. x cap. xxxvii *Tres validissimæ vrbes, Etruriæ capita, Volsinii, Perusia, Arretium, pacem petiere.* Ex L. Antonii bello, quod *Perusinum* vocatur, fama vrbi adcreuit. Velleius lib. ii cap. lxxiv *Antonius pulsus undique viribus Cæsaris, Perusiam se contulerat.* - - - *Cæsar Perusiam expugnauit; Antonium inuiolatum dimisit. in Perusinos magis ira militum, quam voluntate seuitum ducis.* Vrbs populosa: quod ex Liuii lib. x cap. xxxi luculente adparet. *Fabius*, inquit, *in Etruria rebellante denuo quatuor millia & quingentos Perusinorum occidit: cepit ad mille septingentos quadraginta.*

CLXXXVII.

Ipse *Lacus Trasimenus* nunc a *Perusia* vicina nomen habet: Romanis Punico bello fatalis. Polybius lib. iii cap. lxxxii *Θρασυμένην λίμνην* scripsit: at Strabo lib. v p. 157 *Τρασυμένην*, per τ, vt plerique Latinarum. At vterque falsus in penultima est, quam Latini poetæ attollunt. Ouidius lib. vi Fast. vers. 765

- - - - *Trasimenaque litora testes.*

Et Silius Italicus lib. iv vers. 740

- - - - *stagnis Trasimenus opacis.*

Et Statius lib. i Siluar. carm. iv vers. 86

- - - - *gaudet Trasimenus, & Alpes,
Cannensesque animæ.*

Sed rursus in austrum & ad lacum Volsiniensem descendamus. A lacu Tiberim versus primum fuit *Trossulum*, duobus millibus a Monte Fiasconi, vbi vestigia & nomen Trosso, vt Holstenius notauit, supersunt. Ab eo capto equites *trossuli* olim Romanis adpellati. Festus Pompeius: *Trossuli equites dicti, quod oppidum Tuscorum Trossulum sine opera peditum ceperint.* Et Plinius lib. xxxiii cap. ii *Celeres sub Romulo regibusque [equites] adpellati sunt: deinde flexumines: postea trossuli, quum oppidum in Tuscis citra Volsinios passuum i x m. sine vlllo peditum adiumento cepissent eius vocabuli.*

CLXXXVIII.

Vicinum Trossulo *Ferentinum*, cuius ruinæ & nomen prope Flascodem dicuntur superesse. Plinius lib. iii cap. v memorat in Etruriæ oppidis; & Suetonius Othone cap. i *Maiores Othonis orti sunt oppido Ferentino, familia vetere & honorata, atque ex principibus Etruriæ.* Et Horatius lib. i epist. xvii vers. 8 *Ferentinum ire iubebo*: de quo dubitat quidem vetus interpres, sitne Tusciæ oppidum, an Hernicorum; plures tamen de Etrusco interpretantur, idque ex textu probat Cluuerius. Vitruuius lib. ii cap. vii *municipium Ferentis dixit*: & Frontinus de Tusciæ Coloniis: *Colonia Ferentinensis lege Sempronia est adsignata.* Subiacent *Aquæ Passeris*, in Tabula Itineraria

Itineraria significatæ, quarum etiam mentionem Martialis fecit lib. v i epigram. XLII

*Non mollis Sinuessæ, feruidique
Fluctus Passeris.*

CLXXXIX.

Propior Volsiniensi est lacui mons seu saltus *Ciminus*, & eodem vocabulo lacus. Virgilius lib. vii vers. 697

Et Cimini cum monte lacum lucosque Capenos.

Et Silius lib. viii vers. 492

— — — — *Sabatia quique*

Stagna tenent, Ciminique lacus.

Inde *Ciminus*, adiectiuum, cum montis, saltus, siluæ, lacus nominibus. Liuius lib. ix cap. xxxvi *Silua erat Ciminia magis tum inuia atque horrenda, quam nuper fuere Germanici saltus.* Et post paullo: *abhorrebat a fide, quemquam externum Ciminios saltus intraturum.* Et mox: *luce prima iuga Cimini montis tenebat.* Adde Florum lib. i cap. xvii, & Frontinum lib. i cap. ii strateg. 2. Lacum quoque Strabo lib. v p. 157 *Κιμινίαν λίμνην* vocat. Ammianus lib. xvi cap. xvi refert, *in Ciminia Italiæ parte Succiniense oppidum ad profundos hiatus demersum subsedisse.* Forſan ubi lacus est, qui in locum successit.

CXC.

Est etiam in Tabula & Antonini itinerario *Forum Cassii*, quod in hunc tractum & ad Cimini montis radices incidit. Antonini rationes distantiarum hæ sunt itinere a Luca Romam via Clodia:

Clusio

Vulſinios

Forum Cassii

Sutrium

Bacanas

Romam

M. P. XXX

M. P. XXXVIII

M. P. XI

M. P. XII

M. P. XXI.

Vestigia tradit Holſtenius in Cluuer. p. 64 seq. ad Vetullam & Sutrium extare ad ipsam veterem viam Cassiam.

CXCI.

Nec procul afuit ab his montibus *Fanum Voltumnæ*, situm circa Viterbium, nisi ipsum illud, quod quibusdam videtur, oppidum est. Liuius heic concilia Etruscorum habita refert. Lib. iv cap. xxiii *Quum duæ civitates legatis circa duodecim populos missis impetrassent, ut ad Voltumnæ fanum indiceretur omni Etruriæ concilium.* Et cap. xxv *Consilia ad mouenda bella in Volschorum Aequorumque conciliis, & in Etruria ad Fanum Voltumnæ agitata.* Et cap. lxi *Etruscorum concilium ad Fanum Voltumnæ frequenter habitum.* In Tabula additur *Vicus Matrini* iiii millibus a Foro Cassii in ortum solis.

CXCII.

Vlterius in ortum & lacum versus Vadimonis, fuit *Castellum Amerinum*, quod eadem Peutingerorum Tabula xii millibus a Faleriis in occasum constituitur. In hoc agro circa Castellum illud *Amerina pradia* Calpurnii Fabati, quæ progenero Plinio Cæcilio inspicienda mandauit lib. viii epist. xx; & inter illa ipse *lacus Vadimonis*, * natantibus insulis admirandus, eadem epistola descriptus. Memorarunt hunc lacum etiam Polybius lib. ix cap. xx princ. qui *οάδμωνα*, correpta penultima vocat: & Liuius lib. ix cap. xxxix ad *Vadimonis lacum Etrusci, lege sacrata coactio exercitu, quum vir virum legisset, simul animis dimicarunt*. Et Florus lib. i cap. xii extr. *Omnes reliquias eorum [Gallorum Senonum] in Etruria ad lacum Vadimonis Dola-bella deleuit*. Natantium in eo insularum meminere & Plinius alter lib. ii cap. xc v; & Seneca Quæst. Nat. lib. iii cap. xxv.

CXCIII.

Falerii autem oppidum ad Tiberim, cuius incolæ aut populus, quos ager ille habuit, *Falisci* dicti sunt. Male igitur Strabo lib. v pag. 156, aut quorum ille sententiam profert, *Falerios & Faliscos*, vt gentes; & Solinus, cap. de Italia, *Faliscam & Falerios*, vt oppida, distinguunt. Aliter Liuius, qui *Falerios* ** oppidum nominat: & *Faliscos* populum. De oppido lib. v cap. xxvii dicit proditor puerorum obsidenti Camillo, *Falerios se in manus Romanis tradidisse*. Et lib. x cap. xiv ab *Sutrio, & Nepete, & Faleriis*. Et lib. xxi cap. i post oppidorum nomina, e quibus prodigia nuntiabantur; & *Faleriis cælum findi visum*. Dionysius Halicarn. lib. i p. 16 *φαλέριον*, *Falerium* vocauit. De gente autem Liuius lib. v cap. xxvi donec *M. Furius Camillus in Faliscos proficisceretur*. Et lib. x cap. xlv *Faliscos arma Etruscis iunxisse*. Zonaras quoque Tom. ii p. 32 optime distinxit. Ait enim, *ὁ πρὸς φαλίσκας πόλεμος*, bellum aduersus *Faliscos*: & mox, *πολιορκῶντες πόλιν αὐτῶν ἐφυμνήν*, *φαλέριος ὀνομασμένην*, *obsidentes urbem illorum permunitam, Falerios nomine*. Virgilius lib. vii vers. 695 *Faliscos æquos* laudat, quod vt Seruius ait, ab his supplementa xii tabularum legibus acceperint. Eutropius tamen lib. i cap. xvii urbem *Faliscos* vocat, & Frontinus de coloniis Tusciæ, *Colonia*, inquit, *Iunonia, quæ adpellatur Faliscos*.

CXCIV.

Supra Falerios est *Fescennia* Plinii, *φασκένιον* Halicarnassensis prædicto loco: vbi nuptialia carmina inuenta Seruius refert, inde *Fescennina* dicta. Virgilius lib. vii, v 695

*Hi Fescenninas acies equosque Faliscos,
Hi Soractis habent arces.*

CXCv.

E regione confluentis Naris in Tiberim, nunc oppidum *Orti* est, quod, vt nomen probabile facit, *Hortanum* Plinii fuit, siue Paulli Langobardi iv cap.

* Hodie Lago di Bassanello vel Bassano. Vide Fontanini de antiquitat. Hortæ.

** Varro IV L. L. c. 22. *Lucanicam dicunt, quod milites a Lucanis didicerunt, qui & Faleriis Faliscum ventrem.*

cap. VIII *Horta* : * qui ibidem & *Polimartium* aliud oppidum memorat, quod hodie Bomazzo in eodem tractu dicitur.

CXCVI.

Vt reliqua Eturiæ persequamur ad *Martam* amnem reuertendum est, qui nomen, quod in Antonini Itinerario habet, nunc quoque retinet. Hunc inter & Minionem in mediterraneis *Tarquinii* erant, vetus oppidum, de quo Liuius lib. I cap. XXXIV *Lucumo vir impiger ac diuitiis potens, Romam commigravit, cupidine maxime ac spe magni honoris, cuius adipiscendi Tarquinii* (nam ibi quoque peregrina stirpe oriundus erat) *facultas non fuerat. Et mox: consilium migrandi ab Tarquinii cepit.* Et cap. XLVII oratione Tulliae: *cessè hinc Tarquinius, aut Corinthum.* Situm Tarquiniorum idem ostendit lib. V cap. XVI, Romanis ultra Cære fuisse, quia *A. Postumius & L. Iulius per agrum Cæretem obliquis tramitibus egressi, Tarquinienenses, a populationibus Romani agri redeuntes grauesque præda, oppressere.* A Græcis originem Iustinus XX cap. I tradit duxisse. Post colonia Romana facta. Frontinus de Coloniis: *Colonia Tarquinius lege Sempronia est adsignata.* Tabula Peutingeriana *Tarquinis* contracte, auferendi casu; Strabo p. 152 *Ταρκυνία ἡ πόλις*: sed breui post *ἐκ Ταρκυνίων.*

CXCVII.

Ad mare prope Martæ ostia *Grauisca* sunt: Velleio lib. I cap. XV, & Tabulæ, *Grauisca*, singulari numero: ceteris plurale est. Liuius lib. XLI cap. XVI *nuntiatum, Grauiscis murum portamque de cælo tacta.* Virgilius lib. X vers. 184

Et Pyrgi veteres, intempesteque Grauisca.

Et Silius lib. VIII vers. 474 - - - *veteres misere Grauisca.*

Colonia fuit, quod præter Velleium dicto loco, etiam Liuius significauit lib. XL cap. XXIX *Colonia Grauisca eo anno deducta est in agrum Etruscum, de Tarquinienensibus quondam captum.* * Incolæ *Grauiscani*, inscript. Grut. p. 407 num. I C.V.R.R.P. GRAVISCANORVM.

CXCVIII.

Minio amnis post Grauiscas exit. Mela turbat locum, inter Pyrgos & Castrum Nouum deducens lib. II cap. IV, qui inter Grauiscas & Centumcellas delabatur, nunc *il Mignone* dictus: nisi aliud sub Minione latet, quia MSS. & olim editi *Anio* habent, etiam praue, & Rutilius hoc loco *Inui castrum*, vers. 302. vide Holsten. p. 35. Virgilius lib. X vers. 183

Qui Cærete domo, qui sunt Minionis in aruis.

Et Rutilius Numatianus lib. I vers. 279

Paullisper litus fugimus Minione vadusum,

Suspecto trepidant hostia parua solo.

Inde Grauiscarum fastigia rara videmus,

Quas premit æstiuæ sæpe paludis odor.

Ab aeris enim grauitate nomen est Grauiscarum.

CXCIX.

* Vel *Horta*. Fontaninus putat unam e duodecim Etruriæ, quibus sui quondam reges præesent, fuisse. Augustum item Coloniam militarem eo deduxisse, ipsamque tribus *Quirinæ* fuisse, demonstrare marmore.

** Frontinus pag. 115, *Colonia Grauiscos ab Augusto deduci iussa est.*

CXCIX.

Ad fontes Minionis referunt *Nouem Pagos*, quos Plinius lib. III cap. v memorauit, Lucas Holstenius pag. 47 *Nouem illos Pagos fuisse existimo circa superiorem partem Minionis*. Inde quæ recto tractu via Clodia sunt Romam vsque, Tabula reuelat, & laudatus ita interpretatur Holstenius: *Roma Careias sunt m. p. xv: inde ix ad Nouas: inde porro xvi Bleram transeundo Sabaten & Forum Clodii, quæ Tabula coniuncta fuisse docet. Nam a Novis Sabaten III plus minus sunt m. p. Inde II sunt milliaria Oriolum siue Forum Claudii. Vnde porro Bleram sunt m. p. ix vel x, quæ in uniuersum xvi m. p. constituunt, quæ Tabula inter Nouas & Bleram ponit, & Cluuerius frustra mutare conatur, non perspecto vero sensu Tabulae. Vnde certissimo liquet, Forum Claudii plane eodem loco fuisse, ubi nunc est Oriolo.*

CC.

Sic intelligimus *Forum Claudii* ubi fuerit, quod in Tabula *Foro Clodo*: in Itinerario *Forum Clodi* scribitur: plenius a Plinio *Præfectura Claudia Foroclodii* vocatur. Episcopum olim *Fori Clodii* fuisse, ex Optati Mileuitani lib. I sub finem constat, ubi cum Italiæ episcopis etiam *Donatianus a Foro Clodii* nominatur. Oppidum *Blera*, Ptolemæi πλήρα, corrupte Strabonis libro V scriptum πληράτοι, quod Casaubono legendum videtur πλήρα τε, καὶ φερντινὸν, καὶ φαλέριον. Ex ea Plinio sunt *Blerani* incolæ adpellati. Oppidum *Sabate* ad lacum cognominem est incertius. In Tabula scribitur *Sabate*, dubium, lacus an oppidum intelligatur: creditur tamen oppidum. Lacus autem eodem vocabulo nominatur. Pompeius Festus: *Sabatina* [tribus] *a lacu Sabate dicta*. Et in Etruriæ lacubus Strabo p. 157 Σαβάτα connumerat. Silio lib. VIII vers. 491. lacus sunt *Sabatia stagna*: Columellæ lib. VIII cap. xv *Sabatinus lacus*. Proculi verba, Lege LXIX Dig. de contrahenda emtione, videntur aliquid vitii traxisse. *Rutilia Polla*, inquit, *emit lacum Sabatenem angularium*. Suspecta vox *angularium*, visa ex adiacentis oppidi non antiquissimi, *Anguillara*, per glossam aut aliter accessisse. Hodie *lago di Bracciano* dicitur ab oppido, quod adiacet ripæ australi. *Careias* supra vidimus ex Tabula ab Holstenio definitas.

CCI.

Hinc in septemtrionem sunt *Sutrium*, *Nepes*, *Sora*, & alia. *Sutrium* celebris vrbs, & antiqua colonia Romanorum, eisque *claustra Etruriæ*, vt Liuius censet lib. IX cap. XXXII. Nam post septem annos quam Galli urbem ceperunt, *Sutrium deducta colonia est*, vt Paterculus lib. I cap. XIV numerauit. Auxit Augustus, a quo COLONIA IVLIA SVTRIN. in veteri lapide apud Grut. p. 302 n. I adpellatur. Plinius lib. III cap. V *colonia Sutrina*: & inco-meatus in castra aduexere. Situm Antoninus Via Clodia ita definiuit:

Foro Cassii

Sutrium

Baccanas

Romam

M. P. XI

M. P. XII

M. P. XXI.

CCII.

CCII.

Nepes oppidum succedit Romam versus, quod ita scribendum esse Sigonius ad Liuii vi cap. ix contendit. Ibi: *legati ab Nepete ac Sutrio auxilium aduersus Etruscos petentes veniunt*. Hic sextus casus: primo Plin. iii cap. v *Herbanum, Nepes, Nouem pagi*. Atque ita Sigonius in Liuii lib. vi cap. ix extremo, *Nepes exercitus ductus*, quarto casu: & lib. xxvii cap. ix *Ea [coloniæ] fuere Ardea, Nepes, Sutrium*. Vtrobique libri vulgati *Nepete*. *Paterculus* lib. i cap. xiv *Nepe* libris optimis habet. *Post septem annos, inquit, quam Galli urbem ceperunt, Sutrium deducta colonia est, & post annum Setina: nouemque interiectis annis, Nepe*. Tabula etiam *Nepe*: at Ptolemæus *Νέπετα*. Inde *Nepe sinus* deriuatum, ut *ager Nepe sinus*, Liuii lib. v cap. xix: & veteri inscriptione apud Gruter. p. 441 n. 7 *MVNICIPIBVS NEPESINIS*. Sic enim colonia fuit, ut iure municipii etiam vteretur. Frontinus autem, coloniarum menfor, *colonia* dixit *Nepensis*.

CCIII.

Inde in septemtrionem, Tiberim versus est mons *Sora*, in Faliscorum finibus. Horatius lib. i oda ix

*Vides, ut alta stet niue candidum
Sora.*

Ad radices montis in tumulo oppidum fuit, saltem arx eodem vocabulo: quo Holstenius p. 56 refert Virgilii verba lib. vii *Aen.* versu 696

Hi Sora habent *arces*, *Flauiniaque arua*.

Apollini mons sacer erat, cuius fanum ibi, & singularis per prunas currendi religio. *Aeneid.* xi vers. 785

— — — *sancti custos Sora* *Apollo*.

Et Silius Italicus lib. viii vers. 493

— — — *qui sacrum Phæbo Sora* *frequentant*.

Modum religionis illius idem Virgilius lib. xi scripsit vers. 787, & Silius lib. v vers. 178. *Flauina* autem, vnde *Flauinia arua* modo Virgilius dixit, incerti situs est. Idem Silius lib. viii vers. 491

*Quique tuos Flauina focos, Sabatia quique
Stagna tenent, Ciminique lacum.*

CCIV.

Ad orientale latus *Sora* montis, ut Holstenius monstrat, *Aqua Viua* fuit, olim episcopale oppidum, inter cuius rudera & vestigia ædificiorum fons vberissimus scaturire visitur, qui vulgari sermone dicitur *la fontana de Aqua viua*. Exstat in Tabula, & Itinerario Hierosolymitano xxxii millibus passuum ab Roma.

CCV.

A monte, Romam versus, est locus in Tabula & Hierosolymitano *Ad Vicefinum*, qui per se ab vrbe distantiam significat.

CCVI.

Magis inde in austrum vergebat potens olim & ditissima ciuitas, plurali nomine *Veii* adpellata: vnde assidui Romanis & anniuersarii Romanis, ut Florus lib. i cap. xii dixit, hostes veniebant. Liuius lib. v cap. xix *Ve-*

ios fata adpetebant: & cap. xxii nuntiatum est Veios captos. Tam vicina Romæ vrbs fuit, vt xviii milliariorum abesset, Eutropio obseruante lib. i cap. xvii. Sed nimius est numerus Eutropii, & in Tabula tantum xii colliguntur: ac Dionysius Halicarnassensis lib. ii pag. 116 ἀμφὶ τεσσεκατὸν σταδίους, ad centum stadia plus minus, id est xii milliariis & 10 passibus remouet ab Roma. Oppidani *Veientes & Veientani*: vtrumque etiam commune aliis rebus adiectum nomen. Cicero lib. i de Diuinat. cap. xliv *In annalibus habemus, Veienti bello, quum lacus Albanus præter modum creuisset, Veientem quemdam ad nos hominem nobilem profugisse, eumque dixisse, ex fatiis, quæ Veientes scripta haberent, Veios capi non posse, dum lacus is redundaret.* Liuius lib. ii cap. xlviii *Veiens hostis.* Et lib. v cap. xxvii *Veientium exitus.* Et Ouidius Fast. ii vers. 195 *Veientibus aruis.* Rursus Liuius lib. v cap. xxi *in Veientana arce.* Eutropius lib. i cap. xviii *Veientani rebellauerunt.* Et Plinius quoque lib. iii cap. v *Veientanos dixit pro Veientibus.* Capta vrbs sexennio ante Romam a Gallis captam, vt Cicero dicto loco adnotauit: nec vero deleta, vt consilia agitauerint Romani, vrbe sua incensa, eo migrandi, quod Camillus dissuasit teste Liuius lib. v cap. li. Stabat etiam post Punicum bellum. Idem lib. xxxii cap. ix *de cælo tacta erat via publica Veis.* Et colonia aliquando Veios deducta. Libello de Colonia, quem Frontino tribuunt, forte excerptum ex illius libro: *Colonia Veius* [sic scriptum est] *priusquam oppugnaretur* [al. suppleretur] *ager eius militibus est adsignatus ex lege Iulia.* Post ita sensim decreuit, vt tandem ne vestigium superesset; ac difficulter locus inuentus ac monstratus ab Holstenio est aduersus Cluuerium p. 54, in colle scilicet prærupto, opposito insulæ Farnesiæ, nunc Isola: quod cum Dionysio Halicarnassensi lib. ii pag. 116 consentit, καὶ τὰι λέγοντι, ἐφ' ὧν ἡλὲς σκοπέλει καὶ περιρῥῶγοι. CCVII.

Inter Veios & Tiberim in ripa fuit *Capena* oppidum, in eiusque agro *Lucus & Fanum Feroniæ.* Liuius lib. v cap. x *Bellum multiplex fuit eodem tempore, & ad Veios, & ad Capenam, & ad Falerios, & in Volscis.* Et lib. xxii cap. i *Prodigia ex pluribus simul locis nuntiata: Capenæ duas interdiu lunas ortas, & cetera.* Municipium fuit, * quod ex inscriptione in monte Soracte apud Gruter. p. 466 n. 6 adparet,

V. M. SELICI CLE
MENTIS SE VIRI
M V N I C I P I O C A
P E N A T.

nam *Capenates* oppidani & accolæ. Liuius lib. v cap. viii *Auctum est bellum aduentu repentino Capenatum & Faliscorum. Hi duo Etruriæ populi, quia proximi regione erant, deuictis Veis, bello quoque Romano se proximos fore credebant.* Hinc situs Capenæ conicitur & populi Capenatum. Et cap. xxiv *Cornelis. Faliscum bellum, Valerio ac Seruilio Capenas sorte euenit.* Et mox: *Ea clades Capenatem populum subegit.* In horum agro, vt prædixi, *Lucus* fuit

* Et fortassis antea colonia. Nam Frontini *Colonia Capis* vitiose scriptum videtur pro *Colonia Capenas*, vti *Colonia Nepis* pro *Nepetensis*.

it *Feronia*, * eiusdemque diuæ *fanum*. Liuius lib. xxvii cap. iv in agro *Capenate ad Lucum Feroniæ*: vbi, cap. v, ipsi Romani supplicationem indixerunt: etsi *templum* Hannibal spoliauerat, lib. xxvi cap. xi. Et lib. xxxiii cap. xxvi *Aedes Feroniæ in Capenate de cælo tacta erat*. Virgilius lib. vii vers. 697
Et Cimini cum monte lacum, lucosque Capenos.

CCVIII.

Hinc in austrum recedunt *Saxa Rubra*, oppidulum propinquum Romæ, seu ponti Muluio, in Flaminia via. Cicero Philipp. ii cap. xxxi *Quum hora diei decima fere ad Saxa Rubra venisset, delituit in quadam cauponula*. Liuius lib. ii cap. xlix *Ita fusi retro ad Saxa Rubra, pacem supplices petunt*. Et Tacitus iii Hist. cap. lxxix *Antonius per Flaminiam ad Saxa Rubra, multo iam noctis, serum auxilium venit*. Aurelius Victor maior in Maxentio: *tandem vrbe in Saxa Rubra, millia ferme nouem, ægerrime progressus*. Et Hierosolym. Itinerario ix millibus ab Roma locantur *Rubræ*, subaudi, *petræ*, vt Martialis lib. iv epigram. lxiv dixit

Fidenas veteres, breuesque Rubras.

CCIX.

Prope aberat *Cremera* amnis, funestus Fabiorum clade. Liuius lib. ii cap. xlix *ad Cremeram flumen perueniunt*. Is opportunus visus locus communiendo præsidio. Florus lib. i cap. xii *cæsi apud Cremeram trecenti*. Et Ouidius lib. ii Fastor. vers. 205

Vt celeri passu Cremeram cepere rapacem.

Castellum ad flumen Fabii condiderunt, cuius præsidio & amne se tutarentur: id quod Dionysius Halicarnassensis τὸ ἐν Κρεμῆρᾳ Φρέσιον, *castellum Cremeræ impositum* nominat: quod Etrusci expugnarunt. Liuius dicto loco: *Veientes, excito ex Etruria exercitu, præsidium Cremeræ oppugnant*.

CCX.

Infra hoc flumen erat locus *Ad sextum* dictus, puta, milliarium ab Roma, e regione vrbis, notatus in Tabula Peutingeriana: supra amnem, vel prope fontes eius, *Baccanæ*, quæ itinere Antonini per viam Clodiam hac ponuntur distantia:

Foro Cassii

Sutrium

Baccanas

Romam

M. P. XI

M. P. XII

M. P. XXI.

In confinio Cæretanorum & Veientium fuit oppidum *Artena*, a regibus olim euersum, vt Liuius testatur lib. i v extremo.

CCXI.

Hæc de mediterraneis in hac Etruriæ parte tertia vsque ad Romam perducta: supersunt maritima, aut mari vicina a Minione fluuio vsque ad Tiberim eiusque ostia. Inter Minionem & Centumcellas in Maritimo itinerario sunt *Algæ*, ita, quod Holstenius obseruauit, nominatæ, quia isthic totum litus alga oppletum semper conspicitur.

E e e 2

CCXII.

* Hinc fortasse Frontini pag. 123 *Lucoferonia* pertinet, Nam interpretatio W. Goesii in indice Geographico parui momenti est.

CCXII.

Inde III millibus a mari sunt *Aquæ Tauri*, calidæ, a tauro, vt aiunt, inventæ & nomen adeptæ. Tabula, vt alias thermas, insigni monumento ornauit, cuius restare dicuntur structurarum nonnullæ reliquæ. Ab his sunt Plinii lib. III cap. V *Aquenses cognomine Taurini*. Rutilius Itinerario a versu 249 descripsit mirifice:

*Nosse iuuat Tauri dictas de nomine thermas,
Nec mora difficilis millibus ire tribus.
Non illic gustu latices vitiantur amaro
Lymphaque fumifico sulfure tincta calet.
Purus odor mollisque sapor dubitare lauantes
Cogit, qua melius parte petantur aquæ.
Credere si dignum famæ, fragrantia taurus
Inuestigato fonte lauacra dedit:*

CCXIII.

Tribus millibus ab *Algis Centumcellæ* in litore sunt, villa Traiani, cum egregio portu, quem mirandis operibus idem princeps elaborauit. Plinius lib. VI epist. XXXI *Euocatus in consilium a Cesare nostro ad Centum Cellas (hec loco nomen) longe maximam cepi voluptatem*. Et sectione XV eiusdem epistolæ: *Villa pulcherrima cingitur viridissimis agris: imminet litori, cuius in sinu quam maximus portus, velut amphitheatrum. Huius sinistrum brachium firmissimo opere munitum est: dextrum elaboratur. In ora portus insula adfurgit, & reliqua. Insula autem facticia, ingentibus saxis constructa, vt illatum vento mare obiacens frangat. Et extrema epistola: Habebit hic portus etiam nomen auctoris: quod aliquamdiu ita fuit, & a Ptolemæo Τραιανὸς λιμὴν Traianus Portus vocitatur: posteriores autem Centumcellarum nomen rederunt, vt ex Itinerario maritimo constat, & illo Rutilii vers. 237*

Ad Centumcellas forti defleximus austro,
qui ibidem portum non minus industrie, quam Plinius, descripsit:

*Molibus æquoreum concluditur amphitheatrum,
Angustosque aditus insula facta tegit.
Attollit geminas turres, bifidoque meatu
Faucibus arctatis pandit utrumque latus.*

Vel locus antea oppidulum habuit, vel villa Traiani in oppidum excreuit, quod hodie *Ciuita Vecchia* adpellatur, insigni adhuc portu præditum. Procopius certe lib. II Goth. cap. VII vocat πόλιν ἐπιθαλασσίαν, λόγος περὶ ἀξίαν, Κεντρυμέλλας ὄνομα, urbem maritimam memorabilem, Centumcellas nomine. De Tabula, & gemino itinere Antonini per oram, vbi itidem Centumcellæ adpellantur, superuacaneum erit addere.

CCXIV.

In eadem Tabula subsequitur in litore *Castrum nouum*; quod etiam Livii lib. XXXVI cap. III, qui in coloniis numerat; & Melæ II cap. IV, & Antonini est: & postea, sed reductæ a mari, *Aquæ Apollinares*, quas Cluuerius cum Cæretanis confundit, improbante Holstenio pag. 35. nam longius ab-
sunt

sunt a Cære, vt ex itinere ab vrbe Cosam, adparet. Inde in Tabula est *Punicum* vel castrum vel oppidum in litore, *viiii* millibus, at verius *iii* millibus, passuum secundum Itinerarium maritimum a Castro nouo: & vltra, post *vi* millia passuum, *Pyrgi*, pluribus memorati. Mela dicto loco post illa quæ citra Tiberim sunt: *vltra*, *Pyrgi*, *Minio*, *Castrum nouum*. Plinius in Italiæ descriptione: *Grauisca*, *Castrum nouum*, *Pyrgi*. Virgilius lib. x vers. 184

Et Pyrgi veteres, intempestæque Grauisca.

Et Rutilius lib. i vers. 223

*Alsia prælegitur tellus: Pyrgique recedunt,
Nunc villæ grandes, oppida parua prius.*

Martialis lib. xii epigram. ii *litoreos Pyrgos* dixit. Coloniam fuisse, ex Liuii lib. xxxvi cap. iii probatur. *Liuium Prætores*, inquit, *contentio orta cum colonis maritimis paullisper tenuit* - - - *Ostia, & Fregenæ, & Castrum nouum, & Pyrgi, & Antium, & Tarracina & Minturnæ & Sinuessæ fuerunt, quæ cum prætores de vacatione certauerunt.* Nunc ibi oppidulum *S. Seueræ*.

CCXV.

Inter Pyrgos & Alsium Tabula x; Antoninus xvi millia habet passuum, interiecto loco *Ad Turres*. Adeo incerti sunt itinerariorum numeri. Interfluit etiam *Cæretanus amnis*, quem Plinius memorat, ab oppido *Cære*, quod intus est, decurrens in mare. Plinius: *Grauisca*, *Castrum nouum*, *Pyrgi*. *Cæretanus amnis, & ipsum Cære intus, m. pass. quatuor, Agylla a Pelasgis conditoribus dictum.* *Alsium, Fregenæ*. Fluminis quoque Virgilius mentionem facit, verum etiam sine proprio nomine, ab vrbe, quam præfluit, denominati, *Aeneid. viii vers. 597*

Est ingens gelidum lucus prope Cæritis amnem.

Est quidem *Cære* alias *ἄκλιτον* nomen, vt Liuius dixit lib. i cap. ii, *ad Mezentium Etruscorum regem confugiunt, qui Cære, opulento tum oppido, imperitans, haud grauatim socia arma Rutulis iunxit.* Et lib. ix cap. xxxvi *Cære educatus apud hospites.* Vetus vrbis nomen *Agyllæ* fuisse, tradunt etiam Dionysius, Strabo, Stephanus: atque ideo Virgilius *Cære Agyllinam* urbem lib. vii vers. 652 dixit:

Ducit Agyllina nequidquam ex vrbe sequutos

Mille viros. Et lib. viii vers. 478

Haud procul hinc saxo colitur fundata vetusto

Vrbis Agyllinæ sedes, & cetera.

Oppidani *Cærites*, correpta media: & *Cæretes*, media porrecta. Liuius lib. vii cap. xix *prædæ partem in Cæritum fines auectam*: & cap. xx *Cærites belli terror incessit.* Et Gruteri inscript. p. 214 *MVNICIP. CAERITVM*. nam municipium fuit, quod etiam alio lapide p. 485 n. 5 *MVNIC. CAER.* legitur. Altera forma in illo Virgilii est lib. x vers. 183

Qui Cærete domo, qui sunt Minionis in aruis.

Est & tertia forma *Cæretanus*. Rutilius vers. 225

Iam Cæretanos demonstrat nauita fines,

Acuo deposui nomen Agylla vetus.

Olim magna & clara vrbs Cære, Strabonis ætate ἐχνη σῶζει μόνον, *solum vestigia seruat.* Prope urbem sunt *Aquæ Cæretanæ*, τὰ πλησίον θερμαὶ, ἃ καλεῖται Κουρετανὰ, vt Strabo dicit p. 152, quo Romani θερραπείας χάριν, *valetudinis causa*, frequentius itabant. Nunc Cære dictum *Ceruetere* castrum, siue vt pronunciant, *Cervetri*.

CCXVI.

Prosequenti litus illud Romam versus, occurrit proxime *Alsum*, xviii millibus a Portu Augusti, vt ex itinere Antonini liquet, quod spatium ad ostia fere *Aronis* fluminis, quod ex Sabatino lacu delabitur, deducit. Confirmat lapis ibidem repertus, in quo est DECVR. COLON. ALSIENSIS. Id enim gentile & possessuum est. Cicero lib. ix epist. vi *quum ille* [Cæsar] *scripsisset, se in Alsienſe venturum.* Et pro Milone cap. xx *ſciebat Pompeium in Alsienſi eſſe.* Ipsum oppidum *Alsum* præter Plinium, quem supra produximus, memoratur Velleio, qui lib. i cap. xiv refert, circa finem I Punici belli *Aesulum* & *Alsum* colonis occupata. Et Silius originem ad Troiana tempora & ad Aleſum, Agamemnonis amicum, refert lib. viii vers. 475

Nec non Argelico dilectum litus Aleſo,

Alsum, & obſeſſæ campo ſqualente Fregenæ.

Sic enim legendum: non Fregellæ, vt editum. Strabo & Ptolemæus Ἄλσιον; regio, *Alſia tellus*, Rutilio, vt paullo ante vidimus.

CCXVII.

Post *Alsum* tandem ſequitur oppidum *Fregenæ* apud Plinium & Antoninum medio inter *Alsum* & Portum Romanum loco, vtrunque ix m. p. vti in itinere est ab Roma Centumcellas. Liuius quoque lib. xxxvi cap. iii in maritimis coloniis *Fregenas* numerauit, cuius verba in *Pyrgis* paullo ante ſunt producta. Strabo lib. v pag. 156 Πύργοι καὶ Ἄλσιον καὶ Φρεγηνία, quod mediam in *Fregenæ* productam arguit. Et Sili modo prolatus verſus ihuc referendus est, in eoque *Fregenæ*, non *Fregellæ*, legendum, quia *litus* describit ab Aleſo siue Haleſo amatum, in quo *Alsum* est: *Fregellæ* vero longe hinc remotæ ſunt, nec in litore poſitæ, ſed in mediterraneis Latii adiecti. Cluuerius etiam Plinii epitomam xix correxit *Fregenæ* ſubſtituens, vbi *Fregellæ* lectum vulgo est. *Fregellas* enim coloniam deductam iam tum ſupra lib. viii cap. xxi Liuius memorauerat.

CCXVIII.

Intus ſupra *Fregenas* in Tabula est *Bebiana*, puta, villa: & propius urbem *Lorium*, quod etiam Antoninus itinere ab Roma per Tufciam Arelatum vſque habet, xii millibus ab vrbe remotum. quam diſtantiā Eutropius lib. viii cap. iv firmat, de Antonino Pio dicens, *Obiit apud Lorium, villam ſuam, milliario ab vrbe xii.* quod plenius metaphraſtes exſcripſit, τῆς πόλεως πόρῳ δωκαίδεκα ſημείων, *duodecim milliariis ab Roma.* De eodem Capitolinus cap. xii *ſpiritum reddidit apud Lorium.* Scribitur etiam

Laurium

Laurium. Ibidem cap. i *Natus in villa Lanuvina: educatus Lauri in Aurelia.* ad hanc viam enim pertinet. Sed dubitatur de scriptura, quia & heic in Palat. codice *Lori* est, quod etiam Salmasio adprobatur. Eusebius quoque, seu potius Hieronymus in chronico, etiam de Antonini morte *Lorium* dixit. Victoris epitoma in eodem principe plurari forma: *apud Lorios, villa propria, millibus passuum duodecim ab urbe, febris consumtus est.*

CCXIX.

Tandem etiam de *Mæsia silva*, ab Anco rege Veientibus ademta, aliquid addendum est. Liuius de ea lib. i cap. xxxiii *Nec vrbs tantum hoc rege creuit, sed etiam ager finesque: silva Mæsia Veientibus ademta: usque ad mare imperium prolatum.* Plinius quoque eiusdem meminit lib. viii cap. lviii. *In Mæsia silva, inquit, Italiæ, non nisi in parte reperiuntur hi glires.* Cluverius cum aliis ponit in mediterraneis ad Baccanum castellum & Cremeram amnem: at Holstenius, vir peritissimus locorum, censet pag. 56, fuisse haud dubie propius mare & ostia Tiberis circa Maccarese. Hæc de Etruria, quanta cognosci potuerunt. Sunt pauca oppida, vt *Cortuosa* & *Contenebra* apud Liuium lib. vi cap. iv, de quorum situ nihil constat, ideoque non prætermitti non potuerunt.

V M B R I A.

CCXX.

VMBRIA Etruriæ ab ortu solstitiali opponitur, comprehensa Supero mari & Rubicone, Tiberi, Nare, Aesi fluminibus, per Apenninum in duas partes diuisa. Græcis *ὀμβρικὴ* est, quasi ab *ὄμβρος*, imber, hoc est ab inundatione. Plinius lib. iiii cap. xiv *Vmborum gens, antiquissima Italiæ existimatur, vt quos OMBRIOS a Græcis putent dictos, quod inundatione terrarum imbribus superfuissent.* Alii, quod Solinus Cap. de Italia ex Boccho refert, *Gallorum veterem propaginem Vmbros esse tradiderunt, quod de prioribus difficulter probauerit: de Senonibus autem, qui postremi in Italiam venerunt, conciliatur ita, vt maritimam Vmbriam, quæ inter mare & Apenninum est, a Gallis concedas occupatam fuisse, eosque Vmbros permistos postea habitasse, nec vero prouinciæ Galliæ ab Romanis attributos esse: id quod supra de Gallia Cisalpina est pluribus demonstratum.* Sed quoquo modo Græcorum deriuatio vocis, vel adlusio se habet; Latini vocali quinta scripserunt, quod Stephani quoque breuiator agnoscit, qui postquam *ὀμβρίκῃς* & *ὄμβρος* Græce dixisset adpellari; addit, *λέγονται οὐμβροὶ παρὰ τοῖς Ἰταλικοῖς συγγραφεῦσι*, dicuntur ab Italis scriptoribus *Vmbri*: Propertius lib. i extremo de patria sua:

Proxima supposito contingens Vmbria campo

Me genuit terris fertilis vberibus.

Cultores Vmbri; singuli, *Vmber.* Catullus carm. xxxviii

Si urbanus esses, aut Sabinus, aut Tiburs,

Aut porcus Umber, aut obesus Etruscus.

Et Prænestino marmore, vt Gruterus refert p. 72 n. 5

QVOS VMBER SVLCARE SOLET, QVOS
TVSCVS ARATOR.

Maritima Vmbria, faltem magna illius pars, quod a Gallis Senonibus habitata fuerat, quamlibet postea inter ciues distributa, a pristina conditione *Ager Gallicus*, siue *Gallicanus* haut desit vocitari, vt supra pag. 516 demonstrauimus. Adlatis ibi testimoniis aliquot noua adiunxisse liceat. Cicero pro Sextio cap. i v non obscure *Pisauri*, & in aliis agri Gallici partibus in illa coniuratione versatus. Liuius lib. xxxix cap. xli v colonie duæ, *Potentia* in Picenum; *Pisaurum* in Gallicum agrum, deductæ sunt. Et Plinius lib. iii cap. xiv Iungitur his sexta regio, Vmbriam complexa agrumque Gallicum circa Ariminum.

CCXXI.

Strabo lib. v pag. 157 de Vmbris ait, ἀπὸ Ραχέννης ἀρχάμενοι, inde a *Rauenna* incipiunt colere: nos vero a supra constituto termino, Rubicone fluuiio incipiemus. Nihilominus in mediterraneis pars illa, quæ circa Sappem fuit fluuium, inde *Tribus* adpellata *Sapinia*, Vmbriæ etiam a Liuiio adiudicatur lib. x x x i cap. ii. C. Appium, inquit, præfectum socium, hac tumultuaria manu per Vmbriam, quam tribum Sappiniam vocant, agrum Boiorum invadere iussit.

CCXXII.

Post Rubiconem est *Ariminus* amnis, & ad ostium eius oppidum *Ariminum*. Pompeius Festus: *Ariminum* a nomine fluminis propinqui est dictum. Plinius lib. iii cap. xv *Ariminum* colonia cum amnibus *Arimino* & *Aprusa*. Amnis *Aprusa* ab altera parte oppidum prælabitur, quod nomen corrupte in *Rimino* conseruat. Memoratum a pluribus. Cicero lib. xvi epist. xi Quum Cæsar *Ariminum*, *Pisaurum*, *Anconam* occupauisset. Ipse Cæsar Civ. i cap. viii de se: Cognita militum voluntate, *Ariminum* cum ea legione profiscitur. De accentu Lucanus nos edocet lib. i vers. 231

Vicinumque minax inuadit *Ariminum*, vt ignes
Solis lucifero fugiebant astra relicto.

CCXXIII.

Inter *Ariminum* & *Pisaunum* medio tractu *Crustumium* flumen est. Plinius dicto loco: In ora fluuius *Crustumium*: Et Lucanus lib. ii vers. 405
- - - veloxque *Metaurus*,

*Crustumium*que rapax, & iuncto *Sapis* *Isauro*.

CCXXIV.

Oppidum *Pisaurum* nunc *Pesaro*, dictis locis Cicero memorauit: & Cæsar Civ. i cap. xi *Pisaurum*, *Fanum*, *Anconam* singulis cohortibus occupat. Colonia fuit, vt paullo ante ex Liuii xxxix cap. xli v perceptum est, qui etiam annum deductionis notauit: etiam Velleius lib. i cap. xv Cn. Manlio Volsone & Fulvio Nobiliore coss. Bononia deducta colonia, abhinc annos ferme cxcvii: & post quadriennium, *Pisaurum* & *Potentia*. Et Gruteri Thesauro p. 433 n. i PATRONO COLONIARVM PISAVR. ET FANEST. Exit iuxta eam eiusdem vocabuli flumen. Plinius lib. iii cap. xiv *Pisaurum* cum
amne.

amne. Vibius Sequester: *Pisaurus, qui & Isaurus, ut Lucanus: a quo Civitas Pisaurum, de qua Catullus [carm. LXXXI] moribunda sede Pisauri: decurrit in Hadriaticum.* Lucani versum modo vidimus.

CCXXV.

Quod proxime in ora memorabile sit, *Fanum Fortunæ* est. Sic plene nominat Plinius cap. XIV *coloniæ, Fanum Fortunæ, Pisaurum cum amne.* Et Tacitus Hist. III cap. L *Exercitus ducesque ad Fanum Fortunæ iter sistunt.* Ac Strabo lib. V pag. 157 τὸ ἱερὸν τῆς Τύχης. Aliquando simpliciter *Fanum* dicitur: item *colonia Fanestris.* Cæsar dicto cap. XI *Pisaurum, Fanum, Anconam.* Sidonius lib. I epist. V *Hinc Ariminum Fanumque perueni.* Et Vitruvius lib. V cap. I *colonia Iulia Fanestris.* Et inscriptio in Gruteri Thes. p. 416 n. 8 COL. IVL. FANESTRIS. * Et pag. 475 n. 7 ORIVNDVS COLONIA IVLIA FANO FORTVNAE.

CCXXVI.

Ex modico interuallo *Metaurus* fluuius, ab Apennino per Vmbriam delapsus, in mare se effundit. Plinius: *in ora flumen Aesis: Senogallia: Metaurus fluuius.* Liuius lib. XXVII cap. XLVII *alter per vada nota Metaurum flumen tranauit.* Et Silius lib. VIII vers. 450

Vortice contorquens undas per saxa Metaurus.

Horatius quoque lib. IV oda IV de Nerone, Asdrubalis victore:

*Quid debeas, o Roma, Neronibus,
Testis Metaurum flumen, & Asdrubal
Deuictus.*

CCXXVII.

Proximum flumen memorabile, *Sena* est, siue *Senna* ἐπενθεῖται. Silius lib. VIII vers. 455 post alia fluuiorum nomina,

Et Clanis, & Rubico, & Senonum de nomine Sena:

Sic enim legendum, quia de fluminibus agitur, non de oppidis; minus de Senis, Etruriæ ciuitate & colonia. Lucanus lib. II vers. 406

*Crustumiumque rapax & iunctus Sapis Isauro,
Sennaque, & Hadriacas qui verberat Aufidus undas.*

Cluerio est is, qui nunc Cesano dicitur, IV millibus ante Senogalliam. nam hanc qui adluit in Tabula itineraria vocatur *Misus*, nunc Nigola vulgo, etiam non nullis Misa.

CCXXVIII.

Senogallia ad Misum est, cuius vel nomen originem prodit. Plinius dicto loco: *in ora flumen Aesis: Senogallia, Metaurus fluuius.* Et Strabo p. 157 ἐστὶ ὁ μὲν Αἴσις μεταξὺ Ἀγκῶνος καὶ Σηνογαλλίας, *Aesis est inter Anconam & Senogalliam fluuius.* Dicitur etiam simpliciter *Sena.* Liuius lib. XXVI cap. XLVI *Ad Senam castra alterius consulis [Liuii Salinatoris] erant: & quingentos inde ferme passus Asdrubal aberat.* Et Eutropius lib. III cap. X *Asdrubal apud Senam, Piceni ciuitatem, in insidias compositas incidit.* Additur in Tabula veteri separatim Galli, breuiatum cognomen, quod plene est *Sena Gallica,*

Ffff

Gallica. Gentile Senensis. Cicero in Bruto cap. xviii quos [ludos] *Salinator Senensi praelio vouerat.* Et Liuius dicto libro xxvii cap. xxxviii colonos maritimos enumerat, qui vacationem dicebantur habere, cuius caussa hi populi ad senatum venerint: *Ostiensis, Alsensis, Antias, Anxuras, Minturnensis, Sinuessanus, & ab supero mari Senensis.* Equibus simul elucet, coloniam fuisse, quia *colonis* maritimis adnumeratur. Frontinus de Coloniis libro, aut quisquis auctor est vel excerptor, etiam *Senogallien-sis ager* dixit.

CCXXIX.

Aesis, Αἴσις, fluuius qui Vmbriam a Piceno seiungit, fatis iam ex Plinio & Strabone in Senogallia, etiam antea, delineatus fuit. Silius lib. viii vers. 444 ita nominis originem ex fama, vt ait, vetusta reuelauit:

*Ante (vt fama docet) tellus possessa Pelasgis,
Queis Aesis regnator erat: fluuioque relinquit
Nomen, & a se se populos tum dixit Asifos.*

CCXXX.

Hæc de Vmbria in ora maris: sequuntur eiusdem mediterranea, in quibus enarrandis rursus ab occasu in ortum, vt solemne est geographis, progrediemur. Prima ergo vrbs est *Sarsina*, quæ nomen seruat, in sinistra *Sapis* ripa, Plauti, comici poetæ, patria, de quo Hieronymus chron. ad olympiadem cXLV *Plautus ex Vmbria Sarsinas Romæ moritur.* Strabonis lib. v pag. 157 est *Σαρσίνα*, & sic Latinis quoque per r litteram scriptum legitur. Silius lib. viii vers. 462

- - - - *his Sarsina diues Lactis.*

Et Martialis lib. ix epigrammate LIX

*Sic montana tuos semper colat Vmbria fontes,
Nec tua Baianas Sarsina malit aquas.*

Incolæ quoque Plinio *Sarsinates* dicto loco: Polybio lib. ii cap. xxiv *Σαρσινάται*, seu potius *Σαρσινάται*, vt mos est Græcis gentilia formare. Etiam Grut. Inscr. p. 1095 num. 2 CVRATORI SARSINATIVM. Aliis tamen lapidibus per ss videmus scriptum. Grut. p. 322 n. 4 MVNIC. SASSI. & pag. 522 n. 8 NATVS SASSINA. Et Reines. classi. vii inscr. 20 BAEBIVS GEMELLVS SASSINAS MVNICIPIBVS SINGVLEIS. Municipium enim fuit haud ignobile.

CCXXXI.

Inter Sarsinam & montem Feretrum ad sinistram Arimini amnis ripam, haud procul castello Sicchiano, *Vicus Titiensis* fuit, quod Lucas Holstenius pag. 89 ex lapide ibidem reperto demonstrat, quo legitur *BALINEVM VICANORVM TITIENSIVM.* *Mons Feretrus* autem, hodie S. Leo; at ager Monte Feltro, corrupte, a Procopio ita nominatur lib. ii Goth. cap. xi *φρέρια δύο, καισηνά τε καὶ μοντε Φέρετρον, duo castella, Cesena & Monteferetrum.* Liuthprandus lib. vi cap. vi *Montem Feretratum* dixit. At prope fontes Pisauri *Sestinum* celebre municipium fuisse, testantur antiquæ inscriptiones, e quibus est, quam Cluuerius refert,

L. VOLCEIVS SEVERVS SESTINO.

plures in Seb. Maccii Tomo II pag. 222 exhibentur. Hinc quos Plinius laudavit, *Sestimates* sunt municipes.

CCXXXII.

Haud longe a sinistra Pisauri ripa *Pitinum* fuit, * cognomine *Pisaurense*, ut ab alio eius vocabuli oppido, quod in Piceno fuit, distingueretur. Ptolemæo est Πίτινον, *Pitinum*, in mediterranea Umbria: Gruterus veterum inscriptionem p. 322 n. 8 Pisaurensis lapidis ostendit,

PATRONAE MVNICIPI

PITINATIVM PISAVRENSIVM.

Est & eiusdem cognominis *Tifernum Metaurense*, situm ad flumen, a quo cognominatur, eodemque discernitur a Tiferno Tiberino. Plinius lib. III cap. XIV *Tifernates cognomine Tiberini*; & alii *Metaurense*s. Videtur esse oppidum S. Angelo in Vado.

CCXXXIII.

Vrbinum quoque geminum, *Hortense* & *Metaurense*. Plinius ibidem: *Vrbinates cognomine Metaurense*s; & alii *Hortense*s. Ex his præcipuum *Vrbinum Hortense* fuit, quod etiam nunc caput sui ducatus est, ut ex inscriptionibus eius loci, & Procopii narratione adparet. Hic lib. II B. Goth. cap. XIX *Vrbinum* tradit in edito colle & rotundo situm, & vno tantum fonte uti; quod adprime convenit cum clarissima nunc ciuitate *Vrbino*. Gruterus Inscript. p. 485 n. 8

C. VESNIO C. F. STEL. VINDICI

POPVLV VRVINI PATRONO SVO

ET MVNICIPII AEDIL.

per v enim, loco B, & alibi scriptum hoc nomen exstat. Et pag. 301 Oper. Grut. in priore *vrbinum* serie *VRBINO* scriptum est: in altera eiusdem paginæ *VRVINO*. *Vrbinum* autem *Metaurense* VIII millibus passuum ab illo abest, Metauro flumini impositum, videtur Castellum Durante esse, ab altero *Vrbino* in austrum recedens. Gruter. pag. 463 num. 4 CVRATORI REIP. VRVINATIVM METAVRENSIVM.

CCXXXIV.

Ad Metaurum infra *Vrbinum* est etiam *Petra Pertusa*, quæ ita Victoris epitoma in Vespasiano appellatur. Tunc, inquit breuiator ille, *cauati montes per Flaminiam sunt prono transgressu*, quæ vulgariter *Pertusa Petra* vocatur. Maior Aurelius, quem Schottus in lucem produxit, tantummodo dicit, *cauati montes per Flaminiam prono transgressu*: cui alter, tamquam interpretes, *Pertuse Petre* nomen adiecit. Procopius quoque lib. IV Goth. cap. XXVIII eodem vocabulo nominavit, Πέτρας τῆς Περτέσης καλεσµένης τὸ τῆς ἰχυρώματος καρτερόν χωρίον φύσει, *Petre Pertusa*, ut vocant, locus natura munitissimus. Castellum itaque fuit, & vna transitus per petram instar portæ factus. Claudianus de VI consul. Honorii a vers. 500 ita descripsit:

Ffff 2

Letior

* Ita Fabrettus etiam Inscript. cap. 9. pag. 658.

*Letior hinc Fano recipit Fortuna vetusto,
Despiciturque vagus prærupta valle Metaurus,
Qua mons ante patens viuo se perforat arcu,
Admisitque viam sectæ per viscera rupis.*

Idem locus veteri tabula, quæ Peutingerorum fuit; signatur *Ad intercisa*, intellige saxa, a Fano Fortunæ xvi millibus ad Forum Sempronii itinere ducente; index ii ad hunc locum, qui *Ad intercisa* vocitatur. Hierosolymitano itinere simpliciter *Intercisa* dicuntur, & distantia paullo breuior hoc modo, nisi numeri fallunt, expressa:

<i>Intercisa</i>	— — —
<i>Forosemproni</i>	ix
<i>Ad Octauum</i>	ix
<i>Fano Fortunæ</i>	viii.

CCXXXV.

Inde in austrum, ix millibus passuum ab Intercisis est locus *Ad Cale* in Hierosolymitano, *Ad Calem* in Tabula, *Ad Callem* Antonini ab Heluillo Anconam itinere: quæ scriptura Holstenio probatur, quia & hodie *Cagli* est. Vterius in austrum & ad Apenninum erat *Ad Ensem*, Tabulæ Peutingerianæ memoratus locus, quem Cluuerius in oppidi cuiusdam ruinis quærit: Holstenius p. 87 diuersorium fuisse existimat, qui oppidi ruinas separatim ad *Luceolis* vel oppidum vel castrum refert, de quo Paullus lib. iv Langobard. cap. viii & xxxv.

CCXXXVI.

Inter *Ad Ensem* & *Attidium Sentinum* est, hodie *Sentina*; Ptolemæus Σεντῖνον vocat: Polybius lib. ii cap. xix ἐν τῇ τῶν Σεντινατῶν χώρᾳ, quod Liuius lib. x cap. xxx, & in sequenti, Latine dixit, *in Sentinati agro*. Dio lib. xlviii pag. 364 de triumpho Cæsare Octauiano, μετασάς ἐς τὴν Ουβερκὴν Σεντινάτας ἐπολιόρησε, profectus in *Vmbriam*, *Sentinatium urbem* oppugnavit. Et hoc ad Apennini radices, haud longe ab *Heluillo*, quod propius est montibus, aut in ipsis situm, vnde Antonini iter Anconam directum, ad *Callem* primum ducit, xiiii ab *Heluillo* in septemtriones remotum: x millibus a loco *Ad Ensem* reductum est in Tabula, orientem versus. Cluuerius existimat vetus nomen *Suillum* fuisse, vnde Plinii sunt *Suillates* lib. iii cap. xiv. Ibi locus est nunc *Sigillo* dictus, quod nomen *Suillo* Plinii respondet, siue id itinerariorum *Heluillum* est, siue ab eo paullisper reductum.

CCXXXVII.

Infra *Intercisa* est *Forum Sempronii* ad *Metaurum* amnem, hodie *Fossombrone*, vitiato nomine. Straboni Φόρον Σεμπρώνιον dictum; Ptolemæo Φόρος Σημπρώνις. Vetusto lapide, Grutero p. 322 notante, FORO SEMPRONII est: & pag. 417 num. 7 II VIRI ET DECVRIONES FOROSEMPRONIENS. Hierosolymitano itinere *Forosemproni*, cuius situm ex ductu itineris paullo ante in *Intercisis* intelleximus.

CCXXXVIII.

CCXXXVIII.

Ad Senam sita *Suasa* est in vtraque ripa: Ptolemæi Σάσα: vnde *Suassani* sunt Plinii. Municipium fuisse, ex inscriptione constat, a Grutero p. 469 n. 5 producta, II VIRO Q. Q. AVGVRI SVASAE.

CCXXXIX.

Ostra, Ptolemæi Ὄσπα, infra Suasam, Misum flumen versus, aut in eius ripa, vbi vestigia dicit Holstenius exstare. Hinc *Ostrani* sunt, quos Plinius dicto loco recenset. Supra hæc ad idem flumen Senam, nunc Cesano, vbi Pergula est, antiqui oppidi rudera adparent in læua ripa, quo loco *Tuficum* Ptolemæi & Plinii fuisse Holstenius existimat: quod oppidum ad Tiberim Cluverius locavit.

CCXL.

Aesis colonia ad cognominis eiusdem flumen, hodie Iesi. Ptolemæus Αἴσις, *Aesis*. Vetus inscriptio in Gruteri Thesauro p. 446 n. I COL. AVXIM. ET COL. AESIS ET MVNICIP. NVMANAT. & num. 2 ibidem: P. C. AESIS ET MVNIC. NVMANAT. Ac Reinesius class. VI inscr. 22 PATRONO COL. AESIS. Et hæc sunt Vmbriæ mediterranea trans Apenninum, inter Rubiconem aut Sapem ab occasu, & Aesim fluuium ab ortu comprehensâ, quem supra ostendimus limitem fuisse Vmbriæ & Piceni: sed hoc, si veteres geographos sequemur, de ora potius & maritimis, quam de interioribus & Apennino propinquis intelligendum est, quia Strabo, Plinius & Ptolemæus etiam *Camerinum* in Vmbria censent, quod longius abest ab Aesi flumine, orali termino Picentium Vmbrorumque. Horum ductu Vmbriæ adiungemus quædam oppida trans Aesim, sed Apenninum versus, aut ad radices eius posita.

CCXLI.

Primum est *Attidium*, vnde Plinii *Attidiatæ* sunt lib. III cap. XIV. In veteri lapide Aesi, Holstenio teste, CVRAT. R. P. ATTIDIAT. Corruptum ergo est quod ex Balbi de Limitibus libro Frontinus sub finem adfert, *Ager Atteiatæ oppidi*. Pagus eo tractu prope Aesis fontes, est Attigio, quod nomen ex illo videtur deductum esse. Infra id oppidum, etiam propior amni, est *Matilica*, a quo Plinius *Matilicæ* dixit oppidanos. Frontinus de Colonia: *Matilica, oppidum. Ager eius ea lege continetur, quo & Camerinus*. Veteri nomine hodieque dicitur Matelica.

CCXLII.

His in ortum breui intervallo *Pitulum* municipium adiacet. Holstenius ex lapide, qui Aesi exstabat, CVRATOR. REIP. PITVL. Et ex alio pag. 84 CVRATORI REIP. FVLGINAT. ORDO PITVL. Plinius sæpe dicto loco: *Pitulani, cognomine Pisuertes; & alii Mergentini*. Quinam huius loci sint, incertum est: item, num vtrique in Vmbria seu sexta regione, an alteri in Latio, vbi etiam *Pitulum* lib. III cap. V Plinius collocavit. Prope amnis Potentiæ fontes *Prolaquium* Tabulæ fuisse videtur.

CCXLIII.

Vltima vrbs Vmbrorum *Camerinum*, quod nomen manet: id Strabo & Ptole-

& Ptolemæus καμαρίνον vocali prima scripserunt: Latini semper secunda. Cæsar Civ. i cap. xv *Camerino fugientem Ilivrum excipit.* Pompeius Domitio sub Ciceronis lib. viii ad Attic. ep. xii, *cohortes, quæ ex Piceno & Camerino venerunt.* Frontinus de Colon. *Ager Camerinus.* nam idem gentile est. Paullus lib. iv Langob. cap. xvii *Ariulfus quum bellum contra Romanos in Camerino gessisset.* Frequentius vero est *Camers* tam possessivum quam gentile. Cicero pro Sulla cap. xix *in agro Camerti, Piceno, Gallico.* Idem pro Balbo cap. xx *neque Iguuinatium neque Camertium fœdere esse exceptum.* Et Silius lib. viii vers. 462

- - - *his populi fortes, Amerinus, & armis
Velrastris laudande Camers.*

VMBRIA CIS APENNINVM.

CCXLIV.

Haftenus quæ trans Apenninum Vmbria est: quæ pars cis montes inter Tiberim & Narem amnes erat, nunc nobis perlustranda est. Primum est in Tiberis ripa *Tifernum Tiberinum.* quo cognomine a Tiferno Metaurenfi separatur. Plinius lib. iii cap. xiv *Tifernates cognomine Tiberini, & alii Metaurenfes.* Plinius alter lib. iv epist. i *Oppidum est prædiis nostris vicinum: nomen Tifernum Tiberinum, quod me pæne adhuc puerum patronum cooptavit.* Idem lib. x epist. *municipium* dicit id vicinum prædiis suis oppidum. Gruteri Inscript. p. 494 n. 5 exstat REIP. TIF. TIB. Etiam pluraliter *Tiferna Tiberina* dictum fuisse, probat Holstenius pag. 90 inscriptione veteri: C. IVLIO C. F. CLV. PROCVLO TIFERNIS TIBERINIS, supple, oriundo.

CCXLV.

Iguuium proximum succedit, Tabulæ *Agubium*, hodie *Eugubio.* Cæsar Civ. i cap. xii *Diffusus municipii voluntati Thermus cohortes ex vrbe educit: Curio, omnium summa voluntate, Iguuium recipit.* Municipium ergo fuit, & antiquum oppidum. *Sifenna* quoque apud Nonium in APISCI ex Hist. lib. ii *Postero die legatos Iguuium apiscitur.* Silius lib. viii vers. 459 *Narnia, & infestum nebulis humentibus olim Iguuium.*

Oppidani Plinio sunt *Iguuini*, etiam Cæsari dicto loco, *certior faciūs, omnium esse Iguuinorum optimam erga se voluntatem:* & inscriptione Grut. p. 347 n. i *IGVVINORVM:* Cicero autem pro Balbo cap. xx dixit etiam in MSS. *fœdere Iguuinatium.*

CCXLVI.

Tuscum deinde, Ptolemæi τῦσκον, vnde Plinii *Tuscani* sunt, Cluuerius ad Tiberim, sed dubitanter, ponit. Ait enim, *forte* apud ripam illam *Tuscum* fuisse. Sed supra ostendimus, Holstenium trans Apenninum ad Cefanum fluuium illius rudera, vt opinatur, inuenisse.

CCXLVII.

Arna ex aduerso Perusiæ, prope Tiberim, Ptolemæi Ἄρνα. Silius lib. viii vers. 457 *His*

His vrbes, Arna, & latis Meuania pratis.

Oppidani *Arnates* Plinio. Hodie Ciuitella d'Arno.

CCXLVIII.

Trans Clasium flumen, qui in *Tiniam* influit, *Asisium* est in monte, nunc Affisi, seruato vocabulo, Ptolomæi *Ἀσίσιον*, ex quo Plinii sunt *Asisnates*. Municipium fuisse inscriptio docet, Grutero pag. 21 num. 11 referente, *MUNICIPIVM ASISINATIVM*. Procopio lib. 111 B. Goth. cap. xii sunt *Ἀσίσινοι*. Prope Tiniae confluentem *Vettona* fuit, Tabulæ *Vetona*, inter Perusiam & Tuder. Incolas Plinius *Vettonenses* dixit: & inscriptio Grut. p. 487 n. 2 *PATRONO ET CVRATORI R. P. VETTONENSIVM*.

CCXLIX,

Hispellum, paullo plus in ortum ab Asisio recedit, Strabonis *Ἐσπέλλον*, Ptolemæi *Ἰσπέλλον*. Latini *Hispellum* scribunt. Plinius lib. 111 cap. xiv *Intus Hispellum, Tuder*. Hygenus de Limitibus *colonia Iulia Hispellum*. quod etiam ex lapide ita Gruterus p. 351 n. 1 profert: *II VIR QVIN. COL. IVL. HISPELLI*. Silius lib. viii vers. 458

Hispellum, & duro monti per saxa recumbens Narnia.

Coloni *Hispellates*. Plinius lib. viii epist. viii *Balineum Hispellates, quibus illum locum diuus Augustus dono dedit, publice præbent & hospitium*. Nec non iidem *Hispellenses* dicebantur. Inscriptio Fulginiens. in Sponii Miscell. erud. Ant. p. 183 *HISPELLENSES, IGVVINI*.

CCL.

Ad *Tiniam* amnem *Fulgina* est siue *Fulginium*: hodie Fuligno. Silius lib. viii vers. 460

*Iguuium, patuloque iacens sine mœnibus aruo
Fulgina.*

Altera forma Appiani est, qui lib. v. Ciuil. p. 1100 *Φουλκίνιον* scripsit, additque *CLX* stadiis a Perusia distare. Oppidani Plinio sunt *Fulginates*: inscriptione iam ex Sponio citata sunt æque *FVLGINATES*, tamquam a *Fulginum* fit trisyllabo. Alia tamen Grut. p. 347 n. 1 legitur *PATRONO CIVITAT. FOROFLA. FVLGINIA. ITEMQVE IGVVINORVM*, quod legendum videtur *Fulginiatum*. Itin. Hierosolym. *Fulgini*s est multitudinis numero & casu sexto contracto.

CCLI.

Vbi Tiniae Clitumnus miscetur, ei adposita est *Meuania*, cuius oppidani *Meuenates* dicti Plinio: etiam inscriptione, quam Sponius Erud. Antiq. Misc. p. 183 transcripsit, *MEVENATES*. Diues *Meuania* armentorum albo colore, quæ sacrificiis alebantur. Silius lib. viii vers. 457

- - - - latis Meuania pratis.

Lucanus lib. i vers. 473

*- - - - tauriferis ubi se Meuania campis
Explicat.*

Causa coloris Clitumni aqua, qui ibi Tiniae miscetur. Virgilius lib. 11 Georg. vers. 146

Hinc albi, Clitumne, greges, & maxima taurus Victima.

Est autem *Clitumnus*, vt Plinius lib. viii epist. viii describit, fons pluribus venis inter Hispellum & Spoletium, ex quo flumen emanat breui post spatio amplissimum, etiam patiens nauium. Adiacet templum priscum & religiosum, quo Clitumnus deus amictus ornatusque prætexta stat, quem Iouem Vibius Sequester interpretatur. Commodus amnis gignendis alendisque victimis, vt ex Virgilio modo ostendimus. Addo Siliū testimonium lib. viii vers. 451

- - - ingentem perfundens flumine sacro
Clitumnus taurum.

CCLII.

Amnis *Tinia*, Straboni ὁ Τενέας, p. 157, nunc Tupino, cui miscetur Clitumnus, ibidem vers. 453 inter amnes, qui in Tiberim properant, numeratur ita

- - - *Tiniaque inglorius humor.*

CCLIII.

Prope fontes *Tiniae* est *Nuceria*, nunc *Nocera*, cognomine *Camellaria*, vt in Tabula Peutingeriana est: Strabonis Νεκερία: Etiam Ptolemæi, qui καλώνια addit, quod quidam ex cognomine καμελانا suspicantur prauatum esse. nam Plinius sæpe notato loco: *Nucerini cognomine Fauonienses & Camelani*: id quod Tabulae cognomen suspectum corruptionis facit. An Fauoniensis *Nuceria* sit eadem quæ *Camelana*, & sic duo cognomina vnius oppidi, dubitatur. Ait tamen Cluuerius: quia Plinius non addiderit, quod alibi hoc capite solet, & alii.

CCIV.

Forum quoque *Flaminii* in hoc tractu fuit, Strabonis Φόρον φλαμίνιον, qui cum *Nuceria* coniungit: Ptolemæi Φόρος φλαμίνιος. Hieronymus chronico: *Gallus & Volusianus, quum aduersum Aemilianum, qui in Mæsia res novas moliebatur, ex vrbe profecti essent, in Foro Flaminii, siue vt alii putant, Interamne: interfecti sunt.* Supra laudata ex Sponii Miscellaneis inscriptione in *Vmbriae* populis recensentur etiam *FORO FLAMINIENSES*. Cluuerius anxie locum inquit: iuuat Holstenius, in Tabula post *Forum Flaminii* non xvi sed vi legens passuum millia. Hierosolymitano itinere hæc sunt.

<i>Ciuitas Treuis</i>	— — — —
<i>Ciuitas Fulginis</i>	M. V
<i>Ciuitas Foroflamini</i>	M. III
<i>Ciuitas Noceria</i>	M. XII

CCV.

Trebia propinqua est, vnde Plinii *Trebiates*. In Hierosolymitano *Trevis*, id est *Trebiis*, vt iam ostensum est. Hodie *Treui* in colle inter *Fulginium* & *Spoletium*, sed propius illi.

CCLVI.

Spoletium autem colonia, cuius deductionem Velleius lib. i cap. xiv, & Epit. Liuii xx descripserunt. Liuius lib. xxii cap. ix *Hannibal per Vmbriam*

briam usque ad Spoletium venit. Florus lib. III cap. XXI in splendidissimis Italiae municipiis numerat. Incolæ *Spoletini* Plinio: & *populus Spoletinus* Ciceroni pro Balbo cap. XXI. Et Inscript. Grut. p. 476 n. 7 ORDO SPOLETINORVM: quod a *Spoletium* formatur; non a *Spoletum*, ut perperam quidam libri, recentem adpellationem *Spoletum* imitati, exhibent.

CCLVII.

Tuder oppidum, nunc *Todi*. Strabo τῷδε. Plinius: *Intus Hispellum*, *Tuder*. Tabula itineraria, *Tuder* inter *Vetonam* & *Ameriam*. Silius lib. VI vers. 645

Deuxum lateri pendet Tuder. - - -

Frontinus: *colonia Fida Tuder*. Posteriores *Tudertum* dixere. vide Paul. Diaconum lib. IV cap. VIII. Incolæ *Tudertes*; singulatim *Tuders*. Plinius lib. II cap. LVII *ab Amerinis & Tudertibus*. Gruter. pag. 19 inscr. 6 POPULI TUDERTIS. Et Silius lib. IV vers. 222

Et Gradiuicolum celsa de colle Tudertem.

Dicta inscriptione apud Sponium p. 183 TUDERTINI.

CCLIIIX.

Inter *Tuder* & *Spoletium* sunt *Carfule*, sed in austrum nonnihil deductæ, IX m. p. ab *Narnia*, XXI a *Meuania*, ut *Holstenius* calculum posuit. Strabonis sunt Κάραυλοι. Tacitus Hist. III cap. LX *Duces partium ut Carfulas venerunt, paucos ad requiem dies sumunt.* Hodie diuersorium *Carfulanum* in rudibus est. Gentile *Carfularum* est *Carfulanus*. Plinius lib. I epist. IV *Quantum copiarum in Oriculano, in Narniensi, in Carfulano, in Perusino tuo.*

CCLIX.

Inde ad *Tiberim* deurgit *Ameria*, nunc *Amelia*. Cicero pro Roscio cap. VII *primo diluculo nuntius hic Ameriam venit.* Ptolemæus Αμερία. Plinius lib. III cap. XIV extremo: *Ameriam Cato ante Persei bellum conditam annis MCCCLXIV prodidit.* Municipium fuisse, Cicero dicta oratione testis est cap. VI, *Sex Roscius, pater huiusce, municeps Amerinus fuit, genere, & nobilitate, & pecunia non modo sui municipii, verum etiam eius vicinitatis facile primus.* Et inscriptio Grut. p. 485 n. 5 PATR. MVNIC. AMERIAE. Augusti lege ager *Amerinus*, ut Frontinus prodidit, veteranis est adsignatus.

CCLX.

Ad *Narem* amnem *Narnia* est, hodieque *Narni* dicta, a Plinio & Ptolemæo *Vmbriae* adscripta, quamuis, ut nunc est, posita in ripa laeva extra limitem. Vetus nomen illius *Nequinum* fuit. Plinius cap. XIV *Narnienses, quod oppidum Nequinum antea vocabatur.* Liuius lib. X cap. IX *Alter consul in Vmbria Nequinum oppidum circumfedit.* * Et quia in limite, coloniam aduersus *Vmbros* accepit, & nouum a flumine nomen. Ibidem cap. X *Ita Nequinum in ditionem populi Rom. venit. Colonia eo aduersus Vmbros missa, a flumine, Narnia adpellata.* Hinc duplex gentile. In tabula triumphorum Ca-

Gggg

pi-

* Statim addit Liuius: *Locus erat arduus, atque in parte una praeceps, ubi nunc Narnia sita est.*

pitolina NEQVINATES: & apud Gruterum p. 387 ORDO NARNIENSIVM. Situm Silius lib. VIII vers. 458 delineavit,

*Hispellum, & duro monti per saxa recumbens
Narnia.*

CCLXI.

Supra Narniam, ad idem flumen, aut in ipso, *Interamna* est, Nare circumflua. Varro L.L. lib. IV cap. V *Oppidum Interamna dictum, quod inter amnes est constitutum.* Strabo in Vmbria *Ἰντέραννα.* Tacitus Hist. III cap. LXIII *pars Narnie, pars Interamnæ subsistere iussi.* Incolæ *Interamnates.* * Idem annali I cap. LXXIX *Interamnates disseruere, pessum ituros fecundissimos Italiae campos, si amnis Nar (idenim parabatur) in riuos diductus super stagna- visset.* Quum vero plures sint *Interamnæ*, hi *Nartes* fuere cognominati. Plinius in Vmbria: *Interamnates, cognomine Nartes.* Et in inscriptione veteri apud Grut. p. 411 n. 3 PATRONO MUNICIPI INTERAMNAT. NART. **

CCLXII.

Tandem *Ocriculum*, cuius situm ita Strabo descripsit: ὁ Νὰρ ποταμὸς συμβάλλων τῷ Τίβερι μικρὸν ὑπὲρ Οκρίκλων, amnis Nar paullo supra *Ocriculos Tiberi* fluit. nam pluraliter is αἱ Οκρίκλοι eadem pag. 157 dixit. Latini veteres *Ocriculum.* Liuius lib. XX cap. XI quum ad *Tiberim circa Ocriculum* prospexisset agmen. Tacitus lib. III Hist. cap. LXXVIII digressus *Narnia Vespasiani exercitus, festos Saturni dies Ocriculi per otium agitabat.* Et Plinius lib. VI epist. XXV *Scribis, Robustum cum Attilio Scauro Ocriculum usque commune iter peregisse.* Et Ptolemæus quoque eadem forma *Οκρίκλων* scripsit. Vulgare nomen est *Otricoli*, a quo etiam in libros Taciti irrepsit, a quo ex mss. Th. Ryckius purgavit. Situm etiam est ultra Narem, Romam versus; nec minus vero in Vmbria a Plinio & Ptolemæo censetur. Quod argumento est, Vmbriæ fines Narem ex parte transgressos fuisse. Gentile eius, *Ocriculani*, auctore Plinio: & in inscriptione, quæ *Ocriculi* exstat, quæ de PATRONI MUNICIPI patre dicitur THERMAS OCRICVLANIS ASOLO EXSTRVCTAS SVA PECVNIA DONAVIT. Ceterum *Flaminia* via per hæc oppida hoc ordine & distantia itur Antonino duce, itinere ab Urbe per Picenum Anconam,

<i>Ocriculos</i>	M. P. XLVII
<i>Narniam</i>	M. P. XII
<i>Ad Martis</i>	M. P. XVIII
<i>Meuaniam</i>	M. P. XVI
<i>Nuceriam</i>	M. P. XVIII

AGER PICENVS.

CCLXIII.

Vmbriam ab ortu solis excipit *Picenum*, siue vt sæpius vocatur, *Ager Picenus.* Cæsar Civ. I cap. XII *delectum toto Piceno habebat.* Plinius lib. III cap.

* Vel *Interamnes.* Cic. Milon. c. 17.

** Fortassis etiam *Flaminia* cognominata fuit. hoc enim nomen incorruptum est. Vide Frontin. de Colon. pag. 118 & 135.

cap. XIII *Quinta regio Piceni est.* Et ne agrum subaudiri putes, ecce Florus lib. III cap. XVIII nominandi casu: *quum omne Latium atque Picenum, Etruria omnis, atque Campania, postremo Italia contra matrem ac parentem urbem consurgeret.* At Cicero & Sallustius semper, puto, *Picenum agrum* dixerunt. Vide illum in Catil. II cap. II & XII, pro Sulla cap. XIX, Philipp. V cap. XVI, Offic. III cap. XVIII, & alibi: hunc Catil. Belli cap. XXVII, XXX, XLII, & LVII. Etiam Liuius lib. XXII cap. IX *in agrum Picenum auertit iter:* & Tacitus Hist. III cap. XLII *qua Picenus ager Hadria adluitur.* Silius simili modo lib. VIII vers. 425

Et qui Picenæ stimulat telluris alumnos.

Populus *Picentes* sunt, diuersi a Picentinis ad mare inferum: quamuis Græci & illos *Πικεντίους* adpellitant. Cicero pro Sulla cap. VIII de Asculano genere differens, *Aut doceat, Picentes solos non esse peregrinos.* Liuius lib. X cap. X *foedus ictum cum Picenti populo est.* Prudentius passione Hippolyti vers. 206

*Indigena, & Picens, plebs & Etrusca venit. **

Tam amplæ multitudinis hic populus fuit, ut Plinius dicto loco *trecenta sexaginta millia Picentium in fidem populo Romano venisse* referat. Fines in ora ab Aesi flumine sunt usque Prætutianos, si proprie Picentes intelligamus. Ibidem Plinius: *Teruium, quo finitur Prætutiana regio, & Picentium incipit.* Laxe autem si Picenum capias, & Prætutianum & Hadrianum agrum comprehendet. Itidem Plinius eodem loco: *Tenuere Picentes ab Aterno amne, ubi nunc ager Hadrianus.* Superiori parte ab Apennino Umbri excludunt Camerinum usque, ut supra exposuimus: inferiore latius a mari ad montes habitabant. Strabo lib. V pag. 166 *οἰκῶσι ἀπὸ τῶν ὄρων ἀρχάμενοι μέχρι τῶν πεδίων καὶ τῆς θαλάττης, incolunt a montibus [Picentes] usque ad campos & mare.* Nomen deductum ab aue *pico*, quo duce in has oras ex Sabinis venisse referuntur, ibidem Strabo explicauit, & Festus in *Picena regio.*

CCLXIV.

Prima vrbs in ora *Ancona* est, & situ & nomine suo hodieque notissima. Iterum Strabo: *πόλις Ἀγκῶν Ἑλλήνις, Συρακοσίων κτίσμα, τῶν Φυγόντων τὴν Διονύσῃ τυραννίδα, Græca vrbs Ancona, a Syracusanis condita, Dionysii tyrannidem fugientibus.* Nominis rationem Pomponius Mela lib. II cap. IV ex situ declarat. *Ille, inquit, in angusto duorum promonteriorum ex diuerso coeuntium inflexu, cubiti imagine sedens, ideo a Graiis dicta Ancon.* Græcis enim huius vrbs nomen *Ἀγκῶν* est, Latinis pluribus *Ancona*. Cicero lib. XVI epist. XII *Pisaurum, Anconam, Arretium occupauit.* Cæsar Civ. I cap. XI *Pisaurum, Fanum, Anconam singulis cohortibus occupat.* Liuius lib. XLI cap. I *Adversus Illyriorum classem creati duumviri nauales erant, qui tuendæ xx navi- bus maris superi oræ, Anconam velut cardinem haberent.* Et Plinius dicto loco suum Melam sequutus in nominis interpretatione, *Colonia, inquit, Ancona, adposita promontorio Cumero in ipso flectentis se oræ cubito. *** Et Catullus carm. XXXVI ad Venerem, ibi templum habentem,

Gggg 2

Quæ

* *Ager Picentium.* Varro R. R. I c. 2 Fuit vini ferax.

** Fuit colonia *Ancona*, Plinio teste lib. III c. 13. & numo apud Vaillantium tom. I. numismatum

*Quæque Anconam, Cnidumque arundinosam
Colis, quæque Amathunta, quæque Golgos.*

Nec aliter antiquis inscriptionibus est quam ANCONA, & II VIR ANCONAE. Vid. Grut. p. 301 & 459 n. 9. Alii poetæ autem Græcos imitantur. Lucanus II vers. 402.

- - *Dalmaticis obnoxia fluctibus Ancon.*

Et Silius Italicus lib. VII vers. 437

*Stat fucare colus nec Sidone vilior Ancon,
Murice nec Libyco.*

nam & purpura Anconæ tingebatur. Et græcissans Atticus ad Ciceronem lib. VII epist. XI ineunte: *Anconem amisimus.* Sic enim in MSS. est. * Gentile Balbus & Frontinus ita formant, *Ager Anconitanus.* **

CCLXV.

Numana XII millibus in Tabula ab Ancona. Mela lib. II cap. IV *Piceni litora excipiunt: in quibus Numana, Potentia, Cluana, Cupra.* Et Plinius eodem cap. XIII *Numana a Siculis condita.* Silius dicto libro, vers. 432

Heic & quos pascunt scopulos & rura Numana.

Municipium fuit: *Numanates* municipes. Inscriptione veteri apud Gruterum pag. 446 n. I MVNICIP. NVMANAT. Nunc *Humana* vulgo vocatur.

CCLXVI.

Potentia in illo litore sequitur. Mela modo cognitus. Plinius in uerso ordine procedens: *Cluana, Potentia, Numana.* Cicero extrema oratione de Arusp. Responsis: *eodem fere tempore factus in agro Piceno Potentie nuntiatur terræ motus horribilis.* Strabo & Ptolemæus *Ποτεντία.* Tabula inter Anconam & Potentiam flumina præfert *Aspian* & *Miseonem*: & post Potentiam aliud *Misum* cum loco *Sacrata*, nunc Porto de Monte santo.

CCLXVII.

Cluana oppidum Melæ & Plinio, quorum verba supra commemorauimus, in maritimis recensitum. Et quia ostiis fluuiorum solemne adponi oppida, hoc forsan ad ostium amnis fuit, qui nunc Chiento dicitur, Cluuerio *Flusor* Tabulæ videtur, de quo nomine certi dici potest, quia nemo præter auctorem Tabulæ memorauit.

CCLXVIII.

Firmum oppidum, nunc Fermo, paullo intus situm & reductum a mari, colo-

in coloniis cusorum pag. 7. Nam literæ illius numi *C. IVL. T. ANC.* nomina hominum signare non possunt, ne quatuoruiros pro duumuiris habeamus, quum tamen numus ipse duumuiros modo nominet. Iulius Frontinus de Colonia pag. 117. *agrum Anconitanum ea lege, qua & agrum Florentinum, esse assignatum limitibus Augusteis memorat.* Atqui paulo ante idem pag. 112. *colonia Florentina, inquit, deducta a III viris, assignata lege Iulia centuriæ Cesariana in iugera CC. per cardines & decumanos.* Videantur, si placet, monument. ingenior. tom. II. monum. XLIV. pag. 65. seqq. & Act. Erudit. Lips. 1727. pag. 379.

* Nacta est Ancona portum meliorem a Traiano. Qua de re Inscriptio quædam Anconæ reperta ita prædicat: *Imp. Cesari Diui Nerva F. Nerva Traiano optimo Aug. Germanico Dacico Pont. Max. Tr. pot. XVIII Imp. VIII Cos. VIP. P. prouidentissimo Principi Senatus P. Q. R. quod accessum Italiae, hoc etiam addito ex pecunia sua portu, tutiorem nauigantibus reddiderit.*

** Vetus item Inscriptio apud Gruterum pag. 465 n. 6 *Decuriones & plebs colonia Anconitanorum*

colonia vetus. Paterculus lib. I cap. XIV *Initio primi belli Punici Firmum & Castrum colonis occupata.* Pompeius Domitio proconsuli (lib. VIII ad Attic. post epist. XII) *quod audieris, Cæsarem Firmo progressum in castrum Truentinum venisse.* Et Ptolemæus in mediterraneis *Φέρμιον* ponit. quæ contra Melam notanda sunt, qui tantummodo *castellum Firmum* refert, oppidum cum castello confundens, quæ Strabo optime distinxit. Cum oppidis enim quæ in ora, καὶ Φέρμιον Πικηνόν, etiam *Firmum Picenum* recenset, quia non longe a mari recedit. Quæ Strabonis adpellatio, coniungens vrbi regionis nomen, aut ab aliis eiusdem vocabuli distinguens, etiam antiqua inscriptione, quam Gruterus p. 533 n. 5 profert, adprobatur, NAT. COL. FIRM. PICENO, id est, natus colonia Firmo Piceno. Addit Strabo, ἐπίνειον δὲ ταύτης, Κάστρον, *navale vero huius [vrbis] dicitur Castellum.* Hoc Plinius dixit *Castellum Firmanorum.* Sic enim oppidani dicebantur seu coloni. Plinius alter lib. VI epist. XVIII *Rogas, ut agam Firmanorum publicam causam; quod ego adnitar.**

CCLXIX.

Cupra Maritima, si ad flumen fuit & ostium, quod pronum est ad fidem; ad illud fuit quod nunc *Asone* adpellatur. Ptolemæus *Κύπρα Μαριτίμα*, quod cum inscriptione, a Grutero p. 108 n. 7 prodita, consentit, ANNIVS CRISPINVS CUPRA MAR. Plinius in ora: *Cupra oppidum, Castellum Firmanorum.* Mela in Italia: *Numana, Potentia, Cluana, Cupra, vrbes.* Cognomen *Maritimæ* discernit a Cupra Ptolemæi altera, quam in eodem Piceno intus posuit, *Montanam* cognominatam. *Cupræ* autem nomen est *Κύπρα*, quod in Iunonis nominibus Etruscis conditoribus erat. Strabo lib. V pag. 166 τὴν Ἡραν ἐκείνοι Κύπραν καλεῖσι, *Iunonem illi [Etrusci] Cupram, siue Cypram, nominant.* De quo numine, Hadriano facta inscriptio testatur (Grut. p. 1016 n. 2) *TEMPLVM DEAE CUPRAE RESTITVIT*: quod Straboni est τὸ τῆς Κύπρας ἱερὸν, *Cupræ fanum.* Et Silius lib. VIII vers. 433

Et quæ litoreæ fumant altaria Cupræ.

CCLXX.

Amnis *Truentus* deinceps est proximus, cui intus, vbi *Castellanum* flumen receptat, *Asculum Picenum*, caput regionis, adpositum est: in ora *Castrum Truentinum*, quod supra in *Firmo*, Pompeio auctore, memorauimus. Pomponius dicto loco: *Castella, Firmum, Hadria, Truentinum*: id est *fluvio, qui præterit, nomen est.* Plinius: *Truentum cum amne.* Strabo: *Τρυντῖνος ποταμός, καὶ πόλις ἐπώνυμος, Truentinus amnis, & oppidum eiusdem nominis.* Ptolemæus tantum ostia Truentini, *Τρυντίνης ποταμὸς ἐκβολαίς*, sine oppido memorat. Id quod flumen nunc Tronto, contracta voce ex Truento, nominatur. Inter hoc & Vomanum flumen, quod itidem nomen retinet, tria mediocria flumina intercedunt, quæ vulgo creduntur nominatim a Plinio referri, quippe, vt a Frobenio & aliis est editum, post Truentum, oppidum

Gggg 3

&

* Sic Gruter. Inscript. 2. pag. 1081. IIII viris & decurionibus Faleriensium ex Piceno quid constituerim de subsiciis, cognita causa inter vos & Firmanos, ut notum haberetis, huic epistola subsici iussi. Adde subsequencia.

& amnem, expositum ait: *Flumina, Albulates, Suinum, Heluinum, quo finitur Prætutiana regio, & Picentium incipit.* Ioannes autem Harduinus, reiectis his tamquam spuris, ex septem codicibus mss. ita legit: *Flumen Albula: Teruium, quo finitur Prætutiana regio, & Picentium incipit.* Teruium autem ipsi oppidi nomen est, non fluminis. Adde eiusdem Emendat. LXXIV lib. III.

CCLXXI.

Hic finis est oræ Picentium proprie sic dictæ *Prætutiorum* incipit inter prædicta flumina, & Vomano finitur, qui limes est agri Hadriani. Simplex *Prætutiorum* nomen nobis Ptolemæus reliquit, quum de Vestinis tradit, esse ἀνατολικωτέρης Πραυτυτίων, *magis orientales quam Prætutios.* Et Silius lib. XV vers. 568

*Tum qua vitiferos domitat Prætutia pubes
Læta laboris agros.*

Inde *Prætutianus.* Liuius lib. XXII cap. IX *Prætutianum Hadrianumque agrum deuastat.* Plinius lib. III cap. XIII *Flumen Vomanum: ager Prætutianus Palmensisque.* Corruptus est Polybius, cuius lib. III cap. LXXXVIII eadem historia, quam Liuius transcripsit, Hannibal Πρετυτιανὴν καὶ Ἀδριανὴν χώραν vastasse dicitur. Consona tamen τ Ptolemæo corrigendo prodest, in quo perperam Πραυτυτίων legebatur. Longius hic ager ad interiora recedit, & Ptolemæus vt Vestinos magis orientales Prætutiis; ita hos ἀνατολικωτέρης Μαρσῶν, *orientales magis, quam Marfos,* ponit. Hi autem sunt populi mediterranei. Ager vero *Palmensis,* quem Prætutiano Plinius coniungit, haud dubie illi implicitus fuit, nec definiri potest facile, cuius nulla, præter hanc Plinii, vsquam exstat memoria. Sed in oram reuertamur.

CCLXXII.

Castrum ibi in Prætutiorum finibus, saltem prope illos est, colonia vetus. Velleius lib. I cap. XI *Initio primi belli Panici Firmum & Castrum colonis occupata.* Liuius epitoma XI *Colonia deductæ sunt, Castrum, Sena, Hadria.* Et Strabo ac Ptolemæus Κάστρον in his oris habent, & hic quidem distincte in maritimis. Plinius lib. III cap. XIII *Flumen Vomanum: ager Prætutianus Palmensisque.* Item *Castrum nouum; flumen Batinum, Truentum cum amne.* Itinerariis quoque *Castrum nouum* adpellatur, & itinere ab Vrbe per Picenum, XI m. p. a Castro Truentino ponitur: in Tabula XXIV ab Aterno. Inde dicuntur *Castrani.* Balbus de Limitibus: *Ager Cuprensis, Truentinus, Castranus.* Flumen autem *Batinum* Plinii ignotum est, saltem perquam dubium. mss. aliquot, Harduino teste, *Vibatinum* ferunt: ipse intelligit *Matrinum* Strabonis & Ptolemæi, quod nomen *Macrinum* in Tabula itineraria vocatur, etiam in mss. Ptolemæi Vaticanis, Holstenio testante p. 136. Quod si idem est, oportet turbatum Plinii ordinem esse, qui inter *Castrum nouum* & *Truentum* ponit; nam Ptolemæus & Strabo de loco fluminis consentiunt, quod vltra castrum sit, Aterno propinquum. Strabo etiam clarissime: ὁ Μαρτῖνος ποταμὸς ῥέων ἀπὸ τῆς Ἀδριανῶν πόλεως, ἔχων ἐπίρρεον τῆς Ἀδρίας ἐπώνυμον ἑαυτοῦ, *Matrinus amnis ab Hadrianorum vrbe profluens,*
na-

nauale Hadriæ habet nomine secum conueniens. Quod Nauale Macrinum est Tabulæ, vii millibus distans ab Hadria, nunc Porto de Atri.

CCLXXIII.

Intus ad idem flumen, ad cuius ostia Castrum nonum fuit, situm est oppidum *Interamna*, Ptolemæi in Prætutianis *Ἰντεραμνία*, hodie corrupto nomine *Terano*,* ex quo de situ satis constat.

CCLXXIV.

Vt vero Hadriam urbem ab ortu *Matrinus* præterfluit, ita ab occasu solis maior fluuius *Vomanus* decurrit, hodieque dictus *Vomano*. Plinius, *flumen Vomanum*: Silius lib. viii vers. 438

- - - statque humectata *Vomano*
Hadria.

Ultra Matrinum, post aliquot minores, est *Aternus* fluuius, nunc *Pescara* dictus, Paullo Diacono lib. ii cap. xix *Piscarius*, vnde recens nomen depravatum est. Strabo in oppido *Aterno* (quod vero in ripa Marrucinarum est) id *ὁμώνυμον τῷ ποταμῷ* dicit, eiusdem vocabuli, quo amnis vitur, cuius ostio adpositum est. Ptolemæus, *Ἀτέρνυς ποταμὸς ἐκ Εὐλαῖ*, *Aternis fluminis ostia*. Plinius sæpe dicto loco: *Tenuere ab Aterno amne Picentes*. Mela, vt nouissime Iac. Gronouius e mss. correxit, *Ab eo [Truentino] Frentaniam Matrini habent ac Aterni fluminis ostia*. Olim hic fluuius Picenum laxè dictum terminauit, vt ex Plinio intelleximus, & de Piscario suo, qui idem est, dicto loco Paullus Langobardus prodidit.

CCLXXV.

Hæc de maritimis. Mediterranea Piceni nunc ingrediamur. *Auximum* primum ab Aesi oppidum, nunc *Osimo* siue *Osino*. Tabula *Ausimum*: Balbus de Limit. *Ager Ausimatis*:** Strabo, *Ἀυξίμου πόλις μικρὸν ὑπὲρ τῆς θαλάττης*, *Auximum* oppidum, paullulum supra mare. Verum & antiquum nomen *Auximum*. Cæsar Civ. i cap. xii *Cæsar Auximum proficiscitur*: & cap. xiii *Decuriones Auximi ad Attium Varum frequentes conueniunt*. Velleius Paterculus lib. i cap. xv *Auximum in Picenum coloniam misit*. Plutarchus in Pompeio pag. 621 *ἐν Αὐξίμῳ πόλει*. Et Lucanus lib. ii vers. 466

- - - admotæ pulsarunt *Auximon* ale.

Coloni *Auximates*. Cæsar dicto cap. xiii *Auximatibus agit gratias*. Et Gruterus pag. 372 inscr. 4

L. AVRELIO MARCIANO

AVG. LIB. EXCEPTORI

AVXIMATES.

CCLXXII.

* Vide Campani libr. i. epist. 4. Ex Frontini de Colon. pag. 121 apparet, hanc *Interamnā Palestinam Piceni* appellatam esse, discriminis causa. Adde ibid. p. 118. & 125. Fortasse *Plestina*. *Terano* autem ex *Interamna* corruptum esse, nemo dubitabit, qui meminerit, iam Frontini illius corrupti temporibus *Teramne* dici cœpisse. Vide Gæsi edit. p. 125. Varro L. L. IV. c. 5. *Oppidum Interamna dictum, quod inter annes est constitutum*.

** Ergo colonia fuit. Vide Frontin. pag. 119.

CCLXXVI.

Cingulum a Labieno constitutum vel munitum ciuili bello. Cæsar Civ. I cap. xv *Etiā Cingulo, quod oppidum Labienus constituerat, suaque pecunia ex ædificauerat, ad eum [Cæsarem] legati veniunt.* Cicero, Attici verbis, lib. vii epist. xi *Cingulum, inquis, nos tenemus: Anconem amisimus.* Nomen & hodie superat Cingolo. Oppidani Plinio *Cingulani* dicti; Frontino *Cingulanus ager*. * Qualis ante ciuile bellum locus fuerit, ignoratur. Adlusio enim Sili est Italici ad ciuile bellum in Punico, quum lib. x vers. 34 scripsit,

- - - *celsis Labienum Cingula saxa
Miserunt muris.*

CCLXXVIII.

Septempeda, Strabonis & Ptolemæi Σεπτέμπεδα, Frontini de Colon. *Septempeda oppidum.* Situm Antoninus itinere ab Vrbe Anconam ita ostendit:

<i>Nuceriam</i>	M.	P.	CXI
<i>Prolaqueum</i>	M.	P.	XVI
<i>Septempedam</i>	M.	P.	XV
<i>Trea</i>	M.	P.	IX
<i>Auximum</i>	M.	P.	XVIII
<i>Anconam</i>	M.	P.	XII.

Municipium fuit. Gruter. p. 308 inscr. 3 FLAM. FERON. MVNICIPI SEPTEMP. Munīcipes *Septempedani*. Idem pag. 284 inscr. 4 ORDO SEPTEMPEDANORVM.

CCLXXIX.

Trea municipium, Antonini *Trea*, vti iam vidimus. vnde *Treens* ager Frontino de Coloniis: at municipes Plinio *Treenses*. Verum nomen *Trea*, & gentile *Treensis*. In lapide veteri, Grutero auctore p. 447 n. i, ORDO ET PLEBS TREIENS. Locus ex itinere iam monstratus fuit.

CCLXXX.

Vrbs Saluia, hodie *Vrbisaglia*: Ptolemæi Θυρσα σαλγία: Balbus de Limit. *Ager Vrbis Saluiensis*. Tabula

Ausimo - - *Ricina* XIII *Vrbesaluia* XII.

At Plinius lib. iii cap. xiii extr. *Vrbesaluia Pollentini*. Fuit quippe etiam in Piceno quædam POLLENTIA. Liuius lib. xxxix cap. xliv *Eodem anno colonie due, Pollentia in Picenum, Pisaurum in Gallicum agrum, deductæ sunt.* Alia est illa *ferax fusci Pollentia villi*, vt Silius ait lib. viii v. 598, de qua in Liguria diximus. Hæc autem Piceni aut eadem est, quæ *Vrbesaluia*, quod Harduino placet: aut proxime illi coniuncta, quod cum Camillo Lilio Holstenius censet, ut ob vicinitatem, in vnam quasi ciuitatem coaluisse videantur: quod ex vestigiis aiunt demonstrari. Fluctuat Clu-
verius, dirimendo illas, & longius separando.

CCLXXX

* Coloniam fuisse, ipsum Frontini citati nomen indicat. Vide eius p. 121.

CCLXXXI.

Tollentinum, quod nomen hodie superat, municipium fuit, vt in veteri lapide, Grutero p. 194 referente, incisum est, PRAEF. FABR. MVNICIP. TOLLENTIN. Municipipes Plinio sunt *Tollentinales*: Balbo de Limit. *Ager Tolentinus*.

CCLXXXII.

Ricina, oppidum, fero colonia sub Seuero facta. Vetus Tabula, *Ricina*: Plinius, *Ricineses*. Vestigia II vel III m. p. a Macerata ad fluminis Potentiae ripam dexteram sunt, Holstenio monstrante pag. 137. Marmore ad Maceratam inuento (Grut. p. 265 n. 5) COLONIA HELVIA RICINA CONDITORIS VO. Et Iac. Sponii Miscell. E. A. p. 177 PATRÓNO COLONIA ERICINNIAE HELVIAE INCIVIVS CVR. ET OF. FBENEMERITO RICINNATI HELVIANIS VA IMPENSA IN FORO CAESAR. D. D.

CCLXXXIII.

Faleria siue *Falaria*. Plinii sunt *Falarienses* lib. III cap. XIII: at aenea tabula, quam Gruterus p. 1082 n. 2 descripsit, DECVRIONIBVS FALERIENSIVM EX PICENO. Hodie Falleroni, vbi tabula illa exstat. Balbus de Limit. *Falerionensis ager*.

CCLXXXIV.

Asculum Picenum, hodie Ascoli, noto situ. Cæsar Civ. I cap. XV cum his duabus [legionibus] *Asculum Picenum* proficiscitur. Græci Ἄσκλον, Strabo, Plutarchus, Stephanus: at Ptolemæus Latino more Ἄσκληον. Locus natura munitus. Strabo p. 166 lib. V, τὸ Ἄσκληον τὸ Πικηνὸν ἐρυμνότατον χωρίον, καὶ ἐφ' ᾧ κείται τὸ τεῖχος, καὶ τὰ περικείμενα ὄρη στρατοπέδοις ἔ βασιμα. Caput fuit Piceni. Plinius dicto loco: *Super id* [castellum Firmanorum] *colonia Asculum, Piceni nobilissima, intus*. Et Florus lib. I cap. XIX *Domiti Picentes, ἔ caput gentis Asculum*. Coloni, *Asculani*. Cicero in Bruto cap. XLVI *Omnium eloquentissimus extra hanc urbem T. Betucius Barras, Asculanus, cuius sunt aliquot orationes Asculi habitæ*. Gruter. pag. 465 n. 10 PATRONVS COLONIAE ASCVLANORVM. Municipium etiam fuisse, probant illa Ciceronis pro Sulla cap. VIII *Est ipse* [Torquatus] *a materno genere municipalis honestissimi ac nobilissimi generis, sed tamen Asculani*.

CCLXXXV.

Cupra Montana intus sita, e regione Cuprae Maritimæ. Ptolemæus in mediterraneis Piceni: Κούπρα μοντάνα. Plinius dicto loco: *Cuprenses, cognomine Montani*. Balbus de Limit. *Ager Cuprensis, Truentinus, Castranus, Aternensis lege Augustea sunt adsignati*. Situm ex relatione episcopi eius loci ostendit Holstenius p. 137.

CCLXXXVI.

Tandem sunt *Pausulae*. Tabula: *Pausulas VIII Potentia*. Balbus, *Ager Pausulensis*. Plinius, *Pausulani*. In ruderibus Pausularum nunc oppidum Monte dell' Olmo exstare, fide Camilli Lili adfirmat Holstenius p. 137.

CCLXXXVII.

Quod reliquum est, aliquot dubia loca, quæ ad Picenum referuntur, ne prætereamus, institutum admonet. *Nouana* Plinii dubitatur, fueritne in ora, an mediterraneo solo. Verba eius sunt lib. III cap. XIII ex vulgari incisione: *Cupra oppidum, castellum Firmanorum, & super id colonia Asculum Piceni nobilissima. Intus Nouana: in ora Cluana, Potentia, Numana, a Siculis condita.* Harduinus autem ita incidit: *colonia Asculum, Piceni nobilissima, intus. Nouana in ora: Cluana, Potentia, Numana.* Hinc est quod Cluuerius mediterraneis Nouanam adscribit: Harduinus maritimis. Prona vulgaris lectio: in altera durum, *Nouana in ora: Cluana.* Tum æque prona esset, si sequentibus copula esset præfixa, & *Cluana, & Potentia:* aut voces transpositæ, *in ora Nouana, Cluana, & reliqua.*

CCLXXXVIII.

Deinde *Pitinum* oppidum trans Apenninum fuit: qua sede, incertum. Plinius lib. II cap. CIII *In agro Pitinate trans Apenninum fluvius Nouanus omnibus solstitiis torrens, bruma siccatur.* Ignotus amnis Nouanus. quare *Vomanus* videtur pluribus legendum. Tabula Peutingeriana habet *Pitinum*, sed interpositum vtriusque obscuris locis & aliunde non cognitis. Cluuerius prope fontes Vomani ponit: Holstenius vestigia III circiter m. p. ab ciuitate Aquilana exstare tradit, in *Torre de Pitino.* Ad hæc & *Forum Nouum* fuit in Piceno, cuius incolæ *FORONOVANI* in veteri inscriptione reperta Romæ CIOICXLV. Reinesius illam classē VI num. CXXIX reuelauit: sed vbi illud Forum in Piceno fuerit, nemo quisquam, quod sciamus, adhuc prodidit. Balbus de Limit. (p. 122 ed. Gœf.) in Piceno: *Foronouanus [ager] per limites & centurias est adsignatus.*

CCLXXXIX.

Tandem & *Alba* in Piceno a Procopio memoratur lib. II Goth. cap. VII, ἀμφὶ πόλιν Ἄλβαν, ἐν Πικηνοῖς κεκµένην, circa urbem Albam, in Picensi sitam. Balbus ibidem pag. 120 *Albensis ager locis variis limitibus intercisus est adsignatus.* Regius tamen cod. Procopii ἐν Πικκλανοῖς, quod æque nihil illustrat. Si Albam ad Fucinum lacum intellexit, Piceni fines nimium laxos habuisse oportet.

VESTINI, MARRVCINI, PELIGNI, MARSI.

CCXC.

Coniunctos conterminosque populos coniungamus, quos & coniungi in historiis videmus. Liuius lib. VIII cap. XXIX *Erat genus omne abunde bello Samnitibus par, Marfi, Pelignique, & Marrucini: quos, si Vestinus attingeretur, omnes habendos hostes.* Et sic etiam Polybius lib. II cap. XXIV. Primum itaque *VESTINI* sunt perlustrandi, qui a fontibus Vomani, Matrini, & Aterni incipientes, in ripis illorum fluminum vsque ad mare coluerunt. Ptolemæus oppida illis tribuit *Pinnam, Auiam, Angulum:* addit *Amiternum*, quod vero Sabinorum esse postea ostendemus. Plinius addit *Peltuina-*

Peluinates & Aufnates: Cluuerius etiam *Aternum* ad mare, quod Marrucinis mox vindicabimus. Quinque ergo oppida indubitato Vestinorum sunt: quæ vero Liuius lib. viii cap. xxix adiungit, *Cutinam & Cingiliam*; eorum situs ignoratur.

CCXCI.

Pinna, hodie Ciuita di Penna, Ptolemæi Πίννα, vnde *Pinnenses* sunt Plinii. Vitruuius lib. viii cap. iii *Pinnam Vestinam* dixit. Est, inquit, *aque frigida genus nitrosum, uti Pinna Vestina, Cutiliis, aliisque locis similibus.* Silius Italicus lib. viii vers. 516

*Haud illo leuior bellis Vestina iuuentus
Agmina densauit venatu dura ferarum,
Quæ, Fiscelle, tuas arces, Pinnamque virentem,
Pasquaque haud tarde redeuntia tondet Auellæ.*

CCXCII.

Angulum oppidum, Ἀγγολὸς Ptolemæi in Vestinis; vnde Plinii *Angulani* sunt. Antoninus itinere ab Vrbe Anconam & inde Brundisium, inter Aterni ostia & Ortonam *Angulum* ponit, inde x; hinc xi millibus passuum remotum: quod arguit haud longe a mari abfuisse.

CCXCIII.

Auia, Ptolemæi Ἀσία, Tabulæ *Aueia* xx millibus ab Alba, quæ Fucentis videtur Cluuerio esse. Prope urbem Aquilam fuit, quod ex Martyrologio Romano elucet a d. xiii Kal. Novembris: *In Auiensi ciuitate prope Aquilam in Vestinis, natalis beati Maximi, leuitæ & martyris.*

CCXCIV.

Peluinum habuit *Peluinates* Plinii. Oppidum sic in antiqua inscriptione est, quam Gruterus p. 443 num. 6 profert, PELTVINI VESTINIS IN CVRIA AVG. ORDINEM HABENTIBVS.

CCXCV.

Aufina vel *Aufinum* nobis Plinius prodidit, *Aufnates* vocans incolas lib. iii cap. xii. Cum nomine conuenit Ofena inter Aquilam & Pinnam sita. Cognomen *Cismontanorum* addit Plinius, quod aliter, quam de Apennino respectu Romæ & Latii, intelligendum est, quia Apenninus Vestinos Sabinosque separauit. Quæ caussa etiam est, cur *Amiternum** in montibus situm, quia cis summos montes est, Sabinorum potius agro, quam Vestinorum, attribuamus, quamuis Ptolemæus in Vestinis censeat, & Martyrologio ix Kalend. Augusti scriptum sit, *Amiterni in Vestinis.*

CCXCVI.

MARRVCINI, ** Græcis fere ρ simplici, Latinis geminata littera r scribuntur. Strabo de illis gentibus in vniuersum lib. v p. 167 ἔχουσιν καὶ τε-
αίτε τὴν τῶν Μαρκίωνων μητρόπολιν ἐπ' αὐτῇ δὲ θαλάττῃ τό τε Ἄτερνον, ὁμορον τῇ Πικεν-
τίνῃ, ὁμώνυμον δὲ τῷ ποταμῷ τῷ διορίζοντι τήν τε Οὐσην καὶ τὴν Μαρκίαν, Ha-
bent

Hhhh 2

* Vid. Varro L. L. IV. c. 5. Ab hoc qui circa Aternum habitant amnem, Amiternini appellati.

** Cato II. Originum: Marsus hostem occidit priusquam Pelignus, propterea Marrucini vocantur, de Marso detorsum nomen.

bent etiam Teate, caput Marrucinatorum: ad mare vero Aternum, Piceno confine, & flumen eiusdem nominis, quod Vestinorum ac Marrucinatorum regionem disiungit. Certum ergo de Teate est, Marrucinatorum fuisse, etiam caput illorum: & hanc solam urbem eis, quia præcipua, Plinius adsignat, Marrucinatorum Teatini, dicens. Laudat Silius lib. viii vers. 520

Marrucina simul Frentanis æmula pubes

Corfini populos, magnumque Teate trahebat,

quamquam Corfinium in Pelignis est. Et lib. xvii vers. 457

- - - - cui nobile nomen

Marrucina domus, clarumque Teate ferebat.

Antoninus itinere ab Urbe Hadriam per Valeriam viam,

<i>Tibur</i>	M.	P.	XX
<i>Carseolos</i>	M.	P.	XXII
<i>Albam Fuentiam</i>	M.	P.	XXV
<i>Cerfenniam</i>	M.	P.	XXIII
<i>Corfinium</i>	M.	P.	XVII
<i>Interbromium</i>	M.	P.	XI
<i>Teate Marrucinum</i>	M.	P.	XVII
<i>Hadriam</i>	M.	P.	XIII.

Hodie Tieti & frequentius Chieti, ac Ciuita di Chieti, adpellatur.

CCXCVII.

Aternum oppidum, nunc Pescara, quamvis Strabo dicat Vestinorum esse, tamen quia in ripa Marrucinatorum positum, quem limitem ipse Strabo constituit; & commune ἐπίγειον, nauale tam Marrucinatorum Pelignorumque eodem teste, quam Vestinorum fuit; in Marrucinis potius quam Vestinis numeramus, ne oppidum ex ripa in oppositam translocare, quod Cluerio visum est, necesse habeamus. Balbus de Limit. agrum *Aternensem* memorauit. An plura oppida habuerint Marrucini, nullo indicio vel a geographis vel historicis est proditum. nec mirum silentium illorum, quia, eodem Strabone testante, hæ gentes καμηδὸν ζῶσι, in vicis habitabant magis quam in oppidis.

CCXCIX.

PELIGNI his proximi erant, quos *Sagrus* fluuius diuidebat a Frentanis. Strabo dicto loco: Μεταξὺ δὲ Ὀρτωνος καὶ Ἀτρυνὸς ὁ Σάγρος ποταμὸς ὁρίζων τὰς φρεντανὰς ἀπὸ τῶν Πελιγνῶν, inter Ortonam & Aternum *Sagrus* fluuius est, qui Frentanos a Pelignis determinat. An etiam ad mare usque coluerint, dubitari potest, quia nullum eius habitationis indicium adparet: nisi quod communi portu Aternensi cum Marrucinis & Vestinis vsi sunt. *Corfinium* & *Sulmo* sunt, quæ Ptolemæus illis dat oppida: Plinius *Super-Equum* addit; sed hæc omnia a mari longius reducta sunt. Plinius: *Marrucinatorum Teatini: Pelignorum, Corfinienses, Superequani, Sulmonenses.* Pelignus genere Ouidius fuit, ac ipse de se scripsit lib. iii Amor. eleg. xv

Mantua Virgilio gaudet, Verona Catullo,

Pelignæ dicar gloria gentis ego.

CCIC.

Corfinium caput Pelignorum. Strabo, Κορφίνιον, ἡ τῶν Πελιγνῶν μητρόπολις, *Corfinium metropolis Pelignorum*. Bello Marsico caput Italiæ adversus Romam constitutum fuit, etiam *Italicæ* nomen adsumpsit. Idem Strabo de Italis fociis: *Corfinium κοινὴν ἅπασιν τοῖς Ἰταλιώταις ἀποδείξαντες πόλιν ἀντὶ τῆς Ρώμης, ὁρμητήριον τῆς πολέμου, μετονομασθήσαν Ἰταλικήν*, id quod breuius Velleius Paterculus enunciat: *Caput imperii sui Corfinium legerant, quod adpellarent Italicum*. Situm fuit tribus millibus ab Aterno flumine, quod ponte traiciendum iis erat, qui Asculo Corfinium petebant. Cæsar i Civ. cap. xvi *Corfinium contendit. Eo quum venisset, cohortes v, præmissæ a Domitio ex oppido, pontem fluminis interrumpiebant, qui erat ab oppido millia passuum circiter III. Ibi cum antecursoribus Cæsaris prælio commisso, celeriter Domitiani, a ponte repulsi, se in oppidum receperunt. Cæsar legionibus transductis, ad oppidum constitit, iuxtaque murum castra posuit.* Lucanus lib. ii vers. 478

*At te, Corfini validis circumdata muris
Tecta tenent, pugnax Domiti. **

Aberat vii millibus a Sulmone, qui nomen conseruat: quod etiam Tabula Augustana ita definitum est, itinere a Teate Sulmonem per Corfinium ducente. Ex quo coniicitur, prope Popolo siue Populium oppidum exstitisse.

CCC.

Sulmo, hodie Solmona, notum oppidum. Cæsar Civ. i cap. xviii *Interim Cæsari nuntiatur, Sulmonenses, quod oppidum a Corfinio vii millium intervallo abest, cupere ea facere, quæ vellet.* Silius lib. viii vers. 510

----- coniungitur acer

Pelignus gelidoque rapit Sulmone cohortes.

Patria fuit Ouidii, quod ipse lib. iv Trist. eleg. ix prædicavit,

Sulmo mihi patria est gelidis uberrimus undis.

Coloni eo missi, sed, ut videtur, post Nasonis tempora. Frontini expilator, seu quisquis auctor libelli de Coloniais sub Frontini nomine: *Solmona ea lege est adsignata, qua & ager Efernæ.* At de hac ita ibidem: *Efernæ oppidum muro ductum: iussu Neronis est deductum.* Et Gæf. ed. p. 145 *colonia Solmontina* videtur vitio barbarorum temporum Sulmonensis dicta.

CCCI.

Tertium oppidum Pelignorum Frontinus de Limit. *Super Equum* vocat: oppidanos Plinius *Superequanos*; & iterum Frontinus p. 145 ed. Gæf. *colonia Superequana. Ager eius veteranis est adsignatus: sed postea Severus & Antoninus, & Commodus aliqua priuatis concesserunt.* Hodie, ut Holstenius probauit, est Castel Vecchio Subrequo siue Subequo. Addo *Interbromium* Antonini, quod in Tabula est *Inter primum*, itineris ductu ad Aterni ripam referendum.

Hhhh 3

CCCII.

* Gentile est *Corfinius*. Frontinus de Coloniais pag. 121. *Corfinius ager.* Ergo & Colonia fuit *Corfinium*.

CCCII.

MARSICIRCA *Fucinum* lacum late coluerunt, gens bellicosa, vti ex Marfico bello clarum est. Fabulosam originem saltem nominis a Marsya ex Asia poetæ deducunt. Silius VIII vers. 503

Sed populis nomen posuit metuentior hospes,

Quum fugeret Phrygios trans æquora Marsya Crenos.

Lacus ille *Fucinus* in Marsis, iam Lago di Celano, a multis memoratus est. Virgilius Aeneid. VII vers. 759

Te nemus Angitia, vitrea te Fucinus vnda,

Te liquidi fleuere lacus.

Liuius lib. IV cap. LVII *castellum ad lacum Fucinum vi expugnatum.* Plinius lib. XXXI cap. III *Aqua Marcia transit Marsos & Fucinum lacum, Romam non dubie petens.* Hunc emittere Iulius Cæsar tentauit, vt Suetonius cap. XLIV refert: quod perficere conatus Claudius est. Suetonius cap. XX *emissarium Fucini lacus perfecit.* Et Dio lib. LX p. 672 τὴν λίμνην τὴν Φυκίνην τὴν τῶν Μαρσῶν ἠθέλητε μὲν εἰς τὸν Τίβεριν ἐξαγαγεῖν, *Marsorum lacum Fucinum in Tiberim [Claudius] emittere voluit.* Ad quod opus montem perfodit inenarrabili impendio, vt Plinius lib. XXXVI cap. XV in maxime memorandis huius principis laudauit. Tacitus lib. XII cap. LVI *inter lacum Fucinum amnemque Liriperrupto monte, quo magnificentia operis a pluribus viseretur, lacu in ipso navale prælium adornasse.* Ad lacum qui colunt, *Fucentes* dicti Plinio: nescio an circumcolentes ibi, quia Alba satis vicina lacui, a quo cognominatur; *Albenses* tamen eodem cap. XII lib. III a Fucentibus distincti sunt.

CCCIII.

Caput Marforum *Marrubium* siue *Marruuium*, * ab orientali latere lacus situm, quod ex vestigiis Holstenius aduersus Cluuerium demonstrauit p. 151. Strabo lib. V pag. 167 & Dionysius Halicarn. lib. I p. 12 Μαρσίον, id est *Maruuium* vocant. Et Silius lib. VIII vers. 506

Marruuium, veteris celebratum nomine Marri,

Urbibus est illis caput.

Quo inscriptio Reinesii II 4 class. VI pertinet CVRATORIP. SPLENDIDISSIMAE CIVITATIS MARS. MARR. id est Curatori perpetuo spl. civ. Marforum Marrubii. Gentile inde *Marruuii* Plinio: *Marrubii* Virgilio, qui lib. VII vers. 750

Quin & Marrubia venit de gente sacerdos.

CCCIV.

Altera vrbs est *Alba*, septemtrionali lacus latere, quæ nomen suum adferuat. Quod vero plures Albæ sunt in Italia, hæc a lacu cognominata, cui adiacet, satis distincta est a ceteris. Plinius dicto loco: *Albensium*, ** *Alba ad Fucinum lacum.* Sosipater Charisius lib. I Inst. Gr. p. 81 *Albani dicuntur ab Albano: Albentes autem ab Alba Fucente.* Inscriptio vetus Grut.

p. 404

* Hoc posterioribus temporibus *Marsus* mancipium dictum videtur. Vide Frontin. pag. 123 & 145.

** Varro VII L. L. c. 18. Cum duæ sint Albæ, ab una dicuntur Albani, ab altera Albenses.

p. 404 CVR. R. A L B. F V C. Antonini itinere per Valeriam, *Alba Fucentia*.
Silius lib. VIII vers. 507 post versus ante adlatos de Marruio Marforum:

- - - - interiorque per vdos

Alba sedet campos, pomisque rependit aristas.

Gentile *Albenses* ex Plinio & Sospatro cognouimus. Colonos in eam missos, Liuius lib. x ineunte, Velleius lib. i cap. xiv, & Appianus Hannibalic. p. 579 tradiderunt.

CCCCV.

Cerfennia quoque in oppidis memorabilibus Marforum fuit. Posita inter Albam & Corfinium: nec vero nouum forte est oppidum, sed iam tum ætate Claudii imperatoris laudatum. In Teatina columna milliaria, Iac. Sponio Misc. p. 200 referente, etiam Holstenio p. 154, de Claudio exstat:

HIAM CLAVDIAM VALER

A CERFENNIA OSTIA ATERN

MVNIT.

Situm & distantiam iter supra in *Teate* commonstratum perspicue definit.

CCCCVI.

Ad latus occidentale lacus Fucini *Lucus* fuit *Angitiæ*, de quo Virgilius versu ante producto, *Te nemus Angitiæ*. *Nemus*, metri gratia: *Lucus* proprie dictus, cuius incolas Plinius *Lucenses* dixit. *Angitia*, Medæ soror, cur ibi culta fuerit, prodit Silius lib. VIII, a versu 499

Aetæ prolem Angitiam mala gramina primam

Monstrauisse ferunt, tactuque domare venena,

Et lunam excussisse polo, stridoribus amnes

Frenantem, ac siluis montem nudasse vocatis.

Adde, quem ibi interpretis loco adhibuimus, Iul. Solinum cap. de Italia, ex C. Cœlio. Situs ex oppido, cui vulgare nomen *Luco* est, non est obscurus, quia non dubie idem est. In ipso lacu quærendum oppidum *Archippe*, haustum a lacu submersumque. Plinius lib. III cap. XII *Gellianus auctor est, lacu Fucino haustum Marforum oppidum Archippe, conditum a Marsya duce Lydorum*. Vestigia etiam nunc exstare adfirmant Marfi ad ripam lacus inter Transaquam & Ortuciam, vt Holstenius refert p. 154.

CCCCVII.

Anxantium, a quo Plinii sunt *Anxantini*, dicitur esse Ciuitas d' Antia. *Cuculum* autem, Κύνδλον Strabonis in Valeriæ descriptione, est Cucullo in Valle Superequana in confiniis Marforum & Pelignorum, haud procul via Valeria. Supra *Cerfenniam* in Valeria, Corfinium versus est *Mons Imeus* *Tabulæ*, & deinde *Statule*; obscura loca, & aliunde non cognita. Restant alia incerta & dubia, quæ Liuius lib. x cap. III memorauit. *Profectus*, inquit, *dictator cum exercitu, prælio vno Marsos fundit. compulsis deinde in vrbes munitas Miloniam, Plestinam, Fresiliam, intra dies paucos cepit*. Quum vero breui post tempore, quod eiusdem libri cap. XXXIV describitur, *Milonia* Samnitibus difficili expugnatione erepta perhibeatur, & lib. IX cap. XXI *Plistia* Romanorum focia ab Samnitibus oppugnata; dubitare viri eruditi coepe-

cœperunt, eademne illa oppida, quæ Marſis ſupra tribuebantur, an Marſorum alia, alia ſimili vocabulo Samnitium. Carolus Sigonius ſeparauit ita, vt *Miloniam* & *Pliftiam* Samnitibus daret, *Milioniam* & *Pleſtinam* vindicaret Marſis, veterum librorum, vt ait, & Stephani Byzantii auctoritate fretus: cui *Μιλωνία πόλις Σαμνιτῶν*, *Milonia vrbs eſt Samnitica*. Quod vt de *Pleſtina* & *Pliftia* facile concedo; ita *Miloniæ* & *Milioniæ* diuerſitatem, dum maiora teſtimonia accedant, nondum adducor vt credam, quum belli tempore eadem vrbs, præſertim in confinio ſita, nunc in huius gentis, nunc in alterius ſit poteſtate.

SABINI ET AEQVI SIVE AEQVICVLI

CCCIIX.

Sabinorum gens antiquiſſima, de cuius nomine & ſede Plinius lib. III cap. XII *Sabini*, vt quidam exiſtimauere, a religione & deorum cultu adpellati: *Velinos* adcolunt lacus, roſcidis collibus. Nec tantum ad lacus illos, ſed uſque Tiberim habitauerunt, Nare fluuio ab Vmbris, Apennino a Picentibus ſecluſi, Latinis, qui Latium colebant, & Aequis ab auctro contermini. Strabo lib. V pag. 157 Sabinos habitare dicit ἀπὸ τῆς Τιβέρεως καὶ Νωμῆντος πολίχνης μέχρι Ὀυησίωνων, a Tiberi & oppido Nomento uſque ad Veſtinos. Nec ita Nomentum terminus fuit, vt infra illud oppidum, ad Romam verſus, nihil Sabini poſſiderent. Liuius lib. I cap. X de raptu Sabinarum: *Cæninenſes*, *Crustumique* & *Antemnates* erant, ad quos eius iniuriæ pars pertinebat. At hæc oppida interiacent. Erant quidem Nomentum, Crustumarium, & Fidenæ Albanorum coloniæ, vt Dionyſius Halicarnaffenſis lib. I I pag. 116 refert; at in agro conſtitutæ Sabinorum, illorumque poſtmodum, vt ex bello cum Romanis conſtat, ſubiectæ ditioni.

CCCIX.

Antemne ſiue *Antemna* proximum ex his oppidum vrbi Romanæ erat. Liuius, vt dixi, de raptu virginum hiſtoria, in Sabinis cenſet. Cis Anienem Antemnæ erant: inde Nomen, Varrone auctore de L. L. lib. IV cap. V. *Antemne*, inquit, quod ante amnem, qui inſluit in Tiberim. * Præterea pluraliter Strabo adpellat Ἀντέμναι, lib. V pag. 159; & Virgilius lib. VII verſ. 631

Ardea, *Crustumique*, & *turrigeræ Antemne*.

Singulari numero Ἀντεμνα Dionyſius lib. II ſcripſit, & Cato lib. I Originum (quod Prifcianus nobis fragmentum lib. VI ſeruauit) *Antemna*, inquit, *veterior eſt quam Roma*: & Silius Italicus lib. VIII verſ. 366

- - - *Antemnaque priſco*
Crustumio prior.

CCCX.

Cis amnem videtur etiam *Collatia* fuiſſe. Liuius lib. I cap. XXXVII in Tar-

* Quod in bello male acceptum conſenuit. addit Varro continuo. Et quia hæc verba oppidi fata demonſtrant, addenda ſunt viſa.

Tarquinii gestis: *Collatia*, & quidquid circa *Collatiam* agri erat, *Sabinis* ademptum. Ergo *Sabinorum* fuerat, quamlibet in limite *Latinorum*. Idem cap. LVII *Omnes citatis equis aduolant Romam. quo quum primis se intendentibus tenebris peruenissent, pergunt inde Collatiam, ubi Lucretiam nocte sera deditam lanæ inueniunt.* Nulla vestigia exstant. *Holstenius* ultra *Osæ* & *Anienis* confluente remouet: sed tantum spatium tam breui & nocturno tempore, postquam regias etiam nurus *Romæ* inuississent, non videtur a *Tarquinio* & comitibus perfici potuisse. Probabilius, ultra *IV* vel *V* m. p. ab vrbe non abfuisse. *Silius* lib. VIII vers. 362

Lauium, ac altrix casti Collatia Bruti.

Et *Virgilius* lib. VI vers. 773 in editiore loco situm ait,

Hi Collatinas imponent montibus arces.

CCCXI.

Intercedit *Anio* fluuius, nunc *Teuerone*, a cuius cum *Tiberi* confluente non procul *Antemnæ* afuerunt. Ortus in monte *Trebanorum*, ut *Plinius* lib. II cap. XII notauit, per *Aequiculos* delapsus *Latinos* postea ab *Sabinis* discernit, at propior ostio vtraque in ripa *Sabinos* videt. *Horatius* lib. I oda VII

Et præceps Anio, & Tiburni lucus.

Obliquo *Anienis* flectit, ut *Cicero* in I pro *Cornelio* dixit trans *Anienem*. *Priscianus* iterum lib. VI *Anio etiam Anienis, quod antiquissimi secundum analogiam Anien nominatiuum proferebant.* Antiquitatem renouauit *Statius* lib. I *Siluar. carm. V* vers. 25

*Quas præceps Anien, atque exceptura natatus,
Virgo iuuat.*

CCCXII.

Post annum proximus vrbi *Mons Sacer* est, in quem semel, iterum *Romana* plebs secessit, iniuriis adfecta patriciorum. *Liuius* lib. II cap. XXXII *Sicinio quodam auctore, iniussu consulum in Sacrum Montem secessisse, trans Anienem annum, tria ab vrbe millia passuum.* Iterum oppressi plebei a patribus, quod *Liuius* lib. III cap. LII refert, *Via Nomentana*, cui tum *Ficulnensi* nomen fuit, castra in Monte *Sacro* locauere, modestiam patrum suorum, nihil violando imitati. Cognomen *Sacri* ab illa secessione impositum. *Dionysius* lib. VI pag. 375 ὁ νῦν ἐξ ἐκείνης ἱερὸν ὄρος καλεῖται, qui nunc ab illo tempore *Sacer Mons* adpellatur. nam aram ibi *Διὸς Δαιμονίης* terrore sacro correptos constituisse, idem dicto libro, p. 4II memorauit.

CCCXIII.

Ultra montem in via *Nomentana* *Ficulea* fuit siue *Ficulnea*, ut iam ex viæ descriptione intelleximus. *Liuius* lib. I cap. XXXVIII *Corniculum, Ficulnea* vetus, *Cameria*, *Crustumerium*, *Ameriola*, *Medullia*, *Nomentum*, hæc de priscis *Latinis*, aut qui ad *Latinos* defecerant, capta oppida. Gentile inde *Ficuleates*. *Varro* de *L. L.* lib. V. cap. III qui tum sub vrbe *populi*, ut *Ficuleates* ac *Fidenates*, & finitimi alii, contra nos coniurarunt. Non dubitandum, *Plinii Ficolenses* esse, quamuis hos extra *Sabinos* lib. III cap. XII locauerit.

Sabinorum enim agrum non ex antiquo sæculo, sed suo metitur, quo propiora vrbi Romanæ, quamuis Sabinorum fuerant, in Latio censebantur. Cicero quoque lib. xii ad Attic. ep. xxxi v huius oppidi agrum vel in eo prædium memorauit. *Cras, inquit, in Sica suburbano: inde puto me in Ficulnensi fore.* De via Ficulnensi modo dictum est ex Liuiο.

CCCXIV.

Propinquas etiam Roma habuit *Fidenas*, siue *Fidenam*, quarum situm Dionysius Halicarnassensis delineauit. Libro ii pag. 116 de Romulo dixit, ἐπὶ τὴν φιδηναίων ἐστράτευσε πόλιν, ἀπὸ τετ[τα]ράκοντα σταδίων τῆς Ῥώμης κειμένην, *contra Fidenatum urbem exercitum duxit, xl stadiis ab Roma sitam.* Et lib. iii p. 191 in Tarquinio Prisco: οἱ Σαβῖνοι καταστρατοπέδευοντα φιδῆνης πλησίον, περὶ τὰς συμβολὰς τῆ τε Ἀνίηνης καὶ τῆς Τιβέριος ποταμῶ, *Sabini castra ponunt prope Fidenam, circa Anienis & Tiberis confluentes.* Et Tacitus annali i v cap. lxii ruinam amphitheatri apud *Fidenam* L. M. suo casu debilitantem vel obterentem describens, *confluxisse ait auidos talium ob propinquitatem loci effusus.* Vestigia eius prope Tiberim adparent v m. p. ab vrbe, ii millibus supra Anienis confluentem. Illustris olim fuit, ideo dicta Dionysio priore loco πόλις μεγάλη τε καὶ πολυάνθρωπος, *vrbs magna & populosa.* Nomen vtroque numero enuntiant, plurali, Strabo lib. v pag. 159 Ἀντέμνοι καὶ φιδῆναι: Liuius ii cap. xix *His consulibus Fidenæ obsessæ, Crustumeria capta.* Et Cicero Agr. ii cap. xxxv *Labicos, Fidenas, Collatiam cum - - - comparabunt.* Suetonius Tib. cap. xl *apud Fidenas supra xx hominum millia, gladiatorio munere, amphitheatri ruina perierant.* Horatius lib. i epist. xi vers. 7

- - - Gabiis desertior atque

Fidenis.

Et Iuuenalis satyra x vers. 100

An Fidenarum Gabiorumque esse potestas?

Contra singulari, præter Dionysium atque Tacitum, quos iam cognouimus, Virgilius lib. vi vers. 773 vsus est,

Hi tibi Nomentum, & Gabios, urbemque Fidenam.

Et Silius Italicus lib. xv vers. 90

- - - modo Roma minanti

Impar Fidenæ, contentaque crescere asylo.

Deriuatum nomen *Fidenas* est & *Fidenates*. Liuius lib. i cap. xiv *perculsi Fidenates: & mox: belli Fidenatis contagione irritati Veientium animi.*

CCCXV.

Supra Fidenas ad Tiberim *Crustumerium* fuit, modico interuallo. nam & ipsum Dionysius lib. xi p. 705 ἔ πρόσω τῆς Ῥώμης, *haud longe ab Roma ponit.* Nomen varium casu. Plinius lib. iii cap. v, & Liuius lib. i cap. xxxviii *Crustumerium* vocant, neutrali genere: at lib. ii cap. xix *Crustumeria capta*, & lib. iii cap. xlii *inter Fidenas Crustumeriamque: & Dionysius dicto loco Κρεστομέρεια.* Virgilius pluraliter *Crustumerii*, lib. vii vers. 631 *Ardea Crustumerique.* Silius lib. viii vers. 367 breuiori forma *Crustumium*; a qua gentile *Crustuminus* est. Liuius i cap. ix *Cæninenses, Crustumini, Ante-*

temnates : & lib. v cap. xxxvii *Allia Crustumini montibus defluens*. Plinius lib. iii cap. v *Agrum Crustuminum*, nescio quem, in Etruria censet: & Festus *Crustumina tribum a Tuscorum vrbe dictam* tradit: sed ubi illa fuerit, ignotum prorsus est: de tribu etiam dubium, si non falsum. Apud Liuium enim lib. xlii cap. xxxiv *Sp. Ligustinus tribus Crustuminae, ex Sabinis*, inquit, *sunt oriundus*. An forsan trans flumen quoque Crustumini agrum possederunt? ipsi certe Sabini fuere, quia ad illos quoque pars iniuriæ raptarum virginum pertinebat, Liuius indicante lib. i cap. x. *

CCCXVI.

In ortum & Anienem versus hinc abest *Corniculum*. Liuius i cap. xxxviii *Corniculum, Ficulnea vetus, Cameria*. Vere coniungit. nam ut Dionysius lib. i pag. 13 refert, *Φικόλνιοι, οἱ πρὸς τοῖς καλεσμένοις Κορνίκλοις ὄρεσι, Ficuleates, qui ad montes Corniculanos sunt*. Meminit & Plinius in prima regione. Idem lib. iv ineunte, & Stephani breuiator oppidum Latinorum vocant, sed vel originis causa, vel quia Latio pars illa Sabinorum adiuncta ab Romanis fuit. Sub Tarquinio rege *ἐνεπρήθη, incendio deletum fuit*: sed postea instauratum, quia etiam post exactos reges illius mentionem Florus facit lib. i cap. xi.

CCCXVII.

In septemtrionem magis *Cænina* vergebat: quam Festus sine diphthongo scripsit. At Stephanus *Καινίνη πόλις Σαβίνων, Cænina oppidum Sabinorum*. Pars etiam iniuriæ raptarum *ad Cæninenses* spectauit, testante Liuius i cap. x, ut in Sabinis id oppidi fuisse non liceat dubitare. Ideo cum Curibus coniunxit Ouidius lib. ii Fast. vers. 135 ad Romulum consecratum:

Te Tatius, paruique Cures, Cæninaque sensit.

In monte sita fuit. Propertius enim lib. iv eleg. xi

- - - *Cæcina ductor ab arce.*

Holstenio videtur S. Angelo esse, aut Monticelli, pag. 103.

CCCXVIII.

Liuii *Cameria, Medullia, Ameriola* lib. i cap. xxxviii, quæ singula etiam Plinius lib. iii cap. v memorauit, nisi quod alio casu *Camerium* dixit, incerta positione sunt: nec vero ab iam dictis seu explicatis Sabinorum oppidis disiuncta multum, quod utriusque ordo probat. Liuius enim: *Corniculum, Ficulnea vetus, Cameria, Crustumerium, Ameriola, Medullia, Nomentum, hæc de priscis Latinis, aut qui ad Latinos defecerant, capta oppida*. Plinius autem hoc ordine: *Cænina, Ficana, Crustumerium, Ameriola, Medullia, Corniculum*: & Romæ mentione interiecta, *Antemnae, Camerium, Collatia*. Medullia munitioes Liuius lib. i cap. xxxiii laudauit.

CCCXIX.

Sed inter ante recensita & Nomentum *Allia* interfluit, de quo dissentient eruditi viri, cui id nomen amni hodie attribuendum sit. Liuius autem satis notabiliter descripsit lib. v cap. xxxvii. *Gallis*, inquit, *velut tumultuario*

liii 2

ario

* Non prætereunda sunt hic fortasse *pira Crustumina*, non a Latinis modo celebrata, sed in Mischina quoque *de Heterogeneis* c. i. f. 4. & alibi memorata.

ario exercitu raptim ducto, ægre ad undecimum lapidem occursum est, qua flumen Allia, Crustumini montibus præalto defluens alueo, haud multum infra viam Tiberino amni miscetur. Ex quibus Holstenius pag. 127 verum fluentum Allia demonstravit. Ego, inquit, consideratis locorum intervallis, Alliam esse puto rivulum, qui inter prædium S. Columbæ & S. Ioannis paullum ultra Marciglianum præalto alueo defluit in Tiberim. Nam hic rivus quinque aut sex pass. mill. distat a Fidenis siue Castello Giubileo: Fidenæ autem v ab urbe passuum millibus absunt, quæ in uniuersum x1 millia pass. conficiunt. Clades Romanorum ibi accepta infaustum nomen fecit. Ideo Virgilius lib. vii vers. 717

Quosque secans infaustum interluit Allia nomen.

CCCXX.

Oppidum autem Nomentum, quod cum ceteris supra Liuius coniungebat, haud longe a Tiberi afuit, quod Strabo docet, p. 157 limitem Sabinorum occidentalem ducens ἀπὸ τῆς Τιβέρεως καὶ Νωμεντῆς πολίχνης, a Tiberi & oppido Nomento. Iterum Liuius lib. vi cap. xxii Eo dictator infesto agmine subit, nec procul Nomento signis collatis fudit Etruscas legiones: compulit inde in urbem Fidenas. Dionysius lib. ii pag. 116 Albanorum ἀπόκτισιν vocat, quod etiam Virgilius innuit lib. vi vers. 773

Hi tibi Nomentum, & Gabios, urbemque Fidenam,
puta, hi Albani, Aeneæ posterii, condent. At lib. vii vers. 712 inter Sabinorum vrbes etiam Nomentum recenset. Scilicet Latini Albani in agrum Sabinorum colonias deduxerunt. Hodie Lamentana Vecchia eo loco est. Inde Via Nomentana dicta, * & incolæ Nomentani, quos Plinius videtur duplices facere lib. iii cap. v cum Norbanis & Prænestinis, Latinis populis, enumerans: at cap. xii cum Nursinis & Reatinis, vltimis Sabinorum, in regione quarta. De quibus Harduinus notauit: a Nomentanis primæ regionis diuersi. Quum vero neque apud Norbam, neque apud Reate aliis sit Nomentum obseruatum, putamus vnum bis Plinium posuisse, exinde in errorem deductum, quod antiquiores dixerant, a Latinis Nomentum conditum fuisse: posteriores in Sabinis, vbi est, illud censuerint. In Nomentano agro Straboni lib. v pag. 165 laudatæ Aquæ Labanæ, τὰ Λάβανα ὕδατα ἐν τῇ Νωμεντάνῃ, quæ vero nunc corruptæ dicuntur, neque, vt olim fuerunt, salubres.

CCCXXI.

Propinquum Nomento Eretum, porrecta media. Strabo p. 158 *Salaria via in Nomentanam incidit κατὰ Ἡρήτον τῆς Σαβινῆς κώμην, ὑπὲρ τῆς Τιβέρεως κειμένην, iuxta Eretum, vicum Sabini agri, supra Tiberim positum.* Et loco iam in Labanis aquis citato, ἐν τῇ Νωμεντάνῃ καὶ τοῖς περὶ Ἡρήτον τόποις, in Nomentana regione & circa Eretum locis. Liuius lib. iii cap. xxix consul ad Eretum cum Sabinis egregie pugnât. Et Valerius Maximus lib. ii cap. iv *Habitabat in villa sua propter vicum Sabine regionis Eretum.* Et Virgilius lib. vii vers. 711

Ereti manus omnis, oliuiferæque Mutusæ.

Antoni-

* Nomentana regio Columellæ ætate celeberrima fama erat illustris ob Senecæ prædia. Colum. III c. 3. adde c. 2. eiusdem.

Antoninus in Via Salaria, ab vrbe Eretum numerauit millia passuum xviii. In quo tractu etiam *Silua Malitiosa* fuit, de qua Liuius lib. i cap. xx *Tullus occupat in agrum Sabinum transire: pugna atrox ad Siluam Malitiosam fuit.* Et Dionysius lib. iii pag. 174 in eadem historia *περὶ τὴν καλεσμένην ὕλην κακέργων.* Sed neque huius situs & locus satis certus est.

CCCXXII.

Cures nunc adeundi, oppidum princeps Sabinorum, quod multitudinis numero Latini nominant, Virgilius lib. vi vers. 811 de Numa Pompilio:

- - - *Curibus paruis & paupere terra
Missus in imperium magnum.*

Et Ouidius lib. ii Fastor. vers. 135 ad Romulum:

Te Tatius, paruique Cures, Cœninaque sensit:

parui, virili genere, quod Scaliger etiam Propertio lib. iv elegia x extrema restitutum vult:

Sic Sancum Tatii composuere Cures.

Etiam Dionysius pluraliter lib. ii pag. 113 τὰς προσαγορευομένας Κύρεις dixit. Alii Græci singulari numero. Breuiator Stephani: Κύρις μητρόπολις Σαβινῶν, *Curis metropolis Sabinorum.* Et Strabo lib. v pag. 158 Κύρις νῦν μὲν καὶ μίον ἐστιν. ἦν δὲ πόλις ἐπίσημος, ἐξ ἧς ὥρμητο οἱ τῆς Ρώμης βασιλεύσαντες Τίτος Τάτιος καὶ Νεμῶς Πομπήλιος, *Curis nunc viculus est, quondam vrbs illustris, ex qua orti sunt, qui Romæ regnarunt, T. Tatius & Numa Pompilius.* Et Festus Pompeius de Curibus: *fuit vrbs opulentissima Sabinorum.* De situ controuersia est: nos Holstenium, peritissimum antiquæ Italiæ virum sequuti, Cures veteres censemus nunc Correse siue Cureze esse, positum ad flumen eiusdem nominis, quod infra Farfarum Tiberi miscetur. Gentile *Curense* Plinio lib. iii cap. xii; Stephano Κουρίτης, vnde *Quirites* Romani ciues adpellantur. *

CCCXXIII.

Fabaris ergo fluuius, qui & *Farfarus* dicitur, supra amnem Curensem est. Virgilius lib. vi vers. 715

Qui Tiberim Fabarimque bibunt.

Et Vibius Sequester de Fluminibus: *Fabaris Sabinorum. Is Faber corrupte dicitur.* Ouidius Metamorph. xiv vers. 330

Narque tulit præceps, & amœnæ Farfarus umbræ.

Seruius ad dictum Virgilii locum: *Fabarim quem dicit, etiam ipse per Sabinos transit, & Farfarus dicitur.* Truncatum nomen Farfa, quod superstes est, quibinominis ille fuerit, non finit nos ignorare.

CCCXXIV.

Sed *Auens* fluuius incertus plane est. Solus Seruius ex Varrone ad illud Virgilii, *Pulcher Auentinus*, Aeneid. vii vers. 657, memorauit. Varro, inquit, *dicit in Gente populi Romani, Sabinos a Romulo susceptos istum accepisse*

Iiii 3

cepisse

* Vid. Liuius l. I. c. 13, qui tamen hoc nomen peregrinum & iccirco Romanis ignominio sum colorare contendit.

cepisse montem, quem ab Auentis fluuio prouinciæ suæ adpellauerint Auentinum. Sed plane incerta hæc origo nominis in monte Auentino. Liuius enim lib. i cap. iiii, Dionysius lib. i. p. 57, Pompeius Festus in hac voce, & Victor de Orig. Gentis Rom. tradunt, Auentinum regem Albanorum huic colli, sub quo sepultus fuerit, nomen de suo reliquisse. Addit aliam opinionem Seruius, ab auibus nominatum esse, quæ de Tiberi adscendentes ibi confederint. Sed fuerit Auens Sabinorum fluuius, quamuis nomen Auentino monti non dederit; vltiorem tamen, quam quos perlustrauius, probabile est fuisse, quia hi suis nominibus dignoscuntur, & propinquior a tot scriptoribus nequirit ita prætermitti, vt ne semel quidem eius mentio in tot Sabinis bellis occurreret.

CCCXXV.

Tandem Himella amnis est, de quo Vibius: *Himella Sabinorum prope Casperiam urbem.* Scilicet supra id oppidum ortus in Tiberim decurrit. Virgilius lib. vii vers. 714

Qui Nomentum urbem - - - -

Casperiamque colunt, Forulosque, & flumen Himella.

CCCXXVI.

Supremum forte Sabinorum fuit, Tiberim versus, oppidum *Forum Nouum*, de cuius sede dubitat Cluuerius: certior Holstenius ex vestigiis & inscriptionibus ostendit, fuisse eo loco, vbi nunc est Episcopium Sabinense. Magliano nunc vocatur caput prouinciæ Sabinæ & sedes episcopi Sabinorum, prope Tiberim, xx millibus supra Romam: prope quem locum adparet *Forum Nouum* exstitisse. Municipium fuisse, inscriptione ibi reperiata probatur, in qua *MVNICIPIVM* & *MVNICIPES* clare leguntur: & alia, in qua *FORONOVARI*. Vide Holsten. Adnot. in Cluv. p. 107 & 121. Addit Sponius p. 186 aliam, in qua *FORONOVANI*.

CCCXXVII.

Sic omnia, quæ nouimus, ab occidente Sabinorum explicata essent, si quid certius adhæc de *Regilli* sede constaret. Vulgo inter Farfarum & Auentem (si & hic amnis satis certus est) conlocant, quod ibidem ruinæ alicuius oppidi conspiciantur. Sed recentius id dirutum oppidum esse, Holstenii, perspicacis viri, opinio est. Nihilominus quæ de *Regillo* oppido exstant, quoquo loco etiam in Sabinis fuit, adferenda sunt. Stephani breuiator: *Ρήγιλλος Σαβίνων πόλις*, *Regillus oppidum Sabinorum.* Liuius lib. ii cap. xvi *Ap. Clausus*, cui postea *Ap. Claudio* fuit Romæ nomen, ab *Regillo* magna clientium comitatus manu, Romam transfugit. Dionysius Halicarnassensis lib. v p. 308 de eodem Appio: *ἀνὴρ τις ἐκ τῆς Σαβίνων ἔθνους πόλιν οἰκῶν Ρήγιλλον*, *vir quidam Sabine gentis in vrbe Regillo habitans.* Et lib. xi p. 697 oratione Appii: *εἰς Σαβίνους ἀπειμι, πόλιν οἰκήσων Ρήγιλλον*, *in Sabinos abeo, oppidum habitaturus Regillum.* Dicuntur & *Regilli*, multitudinis numero. Suetonius Tiber. cap. i *Gens Claudia orta est ex Regillis, oppido Sabinorum.* Gentile *Regillianus*, ibidem cap. ii; quamuis & *Regillenses* A. & L. Postumii cognominantur apud Liuium lib. vi cap. xxii, nisi ab lacu Regillo Tusculani

Tusculani agri cognomen habent, iuxta quem Postumius dictator Latinos deuicerat: quam pugnam Liuius lib. II cap. XIX & sequenti descripsit.

CCCXXII

Orientalem Sabinorum partem incipimus a *Casperia*, quam Virgilius lib. VII ita, versu 714 nominauit, *Qui Nomentum - - - Casperiamque colunt*: quod nomen etiam Vibius Sequester seruauit in *Himella*, prope quod flumen, aut fontes eius, sita fuit *Casperia*: Silio autem lib. VIII vers. 416 vocata est *Casperula*, qui nomine adludit ad originem ex Caspiis.

*Hunc, inquit, Amiterna cohors, & Bactris nomina ducens
Casperula, hunc Foruli - - -*

puta, comitantur. Nunc in Asprauico vestigia quærentur.

CCCXXIX.

Hinc ad flumen Anienem progredienti occurrit Horatii villa cum fonte *Blandusie*, *Lucretili* & *Vstica* montibus, riuo *Digentia*, & pago *Mandela*, de quibus ipse lib. I oda XVII, & lib. III oda XIII, & lib. I epist. XVI & XVIII consulatur. Vetus interpres ad I od. XVII. & Festus: *Lucretilis, mons in Sabinis*. Idemque interpres: *Vstica, nomen montis & vallis*. Fontem lib. III od. XIII descripsit,

*O fons Blandusie, splendidior vitro,
& reliqua: pagum & riuum epist. XVIII vers. 104
Me quoties reficit gelidus Digentia riuus,
Quem Mandela bibit rugosus frigore pagus.*

Hac contentus amœnissima villa Horatius sibi videbatur, ut ipse ait lib. II oda XVIII,

Satis beatus vniciis Sabinis:

& præ illa maiores opes contemnebat. Lib. III enim od. I dixit

*Cur valle permutem Sabina
Diuitias operosiores?*

CCCXXX.

Supra Casperiam in septentriones est *lacus Velinus*, nunc Lago di Rieti, ab adiacente vrbe Reate dictus. Tacitus annali I cap. LXXIX *Nec Reatini silebant, Velinum lacum, qua in Narem effunditur, obstrui recusantes*. Plinius lib. III cap. XII *Sabini Velinos accolunt lacus*, quia in plures diuisus est, sed connexos, quos *Velinus* amnis alit, de quo Virgilius dixit lib. VII vers. 517

Sulfurea Nar albus aqua, fontesque Velini:

aut si fontes de capite intelligas, inter eos & lacum amnis Velinus intermeat. Augetur hic amnis *Telonio* ex Maris aduecto, ad quem Rutilius consul bello Marfico cum exercitu cæsus est, Orosio notante lib. V cap. XVIII, nisi *Tolenus* vel *Tolenius* legendum, ut Ouidius VI Fast. vers. 565 in aliquot MSS.

*- - - - flumenque Tolenum
Purpureo mistis sanguine fluxit aquis.*

Circa hos lacus fertilissimi campi & pascua, quæ Virgilius dicto libro, vers.

712 *Rosea rura Velini* dixit: de quibus Varro R.R. lib. i cap. vii extremo *Cæsar Vopiscus, caussam quum ageret apud censores, campos Roseæ Italiae dixit esse sumen.* quod Plinius lib. xvi cap. iv extr. repetiit. *Caussam fertilitatis Seruius, Rosea rura* interpretans, ex Varrone adfert emissionem lacus, postquam tantum per noctem creuerit, quantum per diem demtum pascendo fuisset. De emissione Cicero ad Attic. lib. iv epist. xv *Lacus Velinus a M. Curio emissus, interciso monte, in Narem defluit: ex quo est illa siccata, & humida tamen modice, Rosea.* Seruius etiam agrum *Rosulanum* dixit vocitari.

CCCXXI.

Adiacet ad lacum oppidum *Reate*, nunc Rieti, porrecta media syllaba. Silius lib. viii vers. 416

- - - *hunc Foruli, magnæque Reate dicatum
Cælicolûm matri.*

Præfectura fuit, in quo censu nominatim Festus scripsit: & Cicero ex præfectura *Reatina* exciuerat delectos, quorum opera in republica, a Catilinæ insidiis defendenda, vteretur, quod ipse dixit oratione iii cap. ii. Suetonius autem auum Vespasiani *municipem Reatinum* cap. i dixit. nam & præfecturæ quædam aliquid municipalis iuris obtinuerunt, vt Carolus Sigonius de Iure Ital. lib. ii cap. xi demonstrauit: ex quo inscriptiones apud Sponium sunt pag. 196 REIP. REAT. & R. P. REATINORVM. Multa heic prodigia tradebantur facta. Liuius xxv cap. vii *Reate saxum ingens visum volitare:* & lib. xxvi cap. xxiii *nunciatum, Reate mulam peperisse;* & id genus alia.

CCCXXII.

Multa circa *Reate*, & in agro *Reatino*, qui amplius est, notabilia. *Reatina palus* vocatur Plinio lib. ii cap. ciii ex *Velinis* lacus; haud dubie prior oppido: aut vniversi, *Reatinae paludes*, lib. xxxi cap. ii. *Tempe Reatina* Cicero dicta epistola dixit. *Reatini*, inquit, *me ad sua τέμνη duxerunt, vt agerem caussam contra Interamnates apud consulem.* *Tempe*, id est omnia amœna loca circa *Velinos* lacus, cuius sortis & *Rosea rura*, supra laudata, censerī debent. Plinius dicto cap. ciii lib. ii. *In Reatino fons Neminiæ adpellatus, alio atque alio loco exoritur, annonæ mutationem significans.* Fuit quoque locus *Palatium* in hoc agro. Varro de L. L. lib. iv cap. viii de vocabulo collis *Palatini* disquirens, aut, inquit, sic dictus, *quod Palatini, qui & Aborigines, ex agro Reatino, qui adpellatur Palatium, ibi confederunt.* Dionysius Halicarn. lib. i pag. ii Παλάτιον πέντε πρὸς τοῖς ἑικοσι σταδίους ἀφ' ἑωὺς Ρεάτης, *Palatium xxv stadiis abest a Reate.* In πόλεσι, oppidis Aboriginum id primo loco numerat. Sunt etiam *Septem Aquæ* in illo tractu, Dionysio pag. 12 τὰ καλέμενα ἑπτὰ ὕδατα. Cicero prædicta epistola: *Vixi cum Axio. quin etiam me ad Septem aquas duxit.* Cluerio videtur lacus S. *Sufannæ* esse in *Roseæ* campo: Holstenio autem omnes etiam vicini lacus, maiores & paruuli adnexi, vt numeus respondeat. Vide ipsum p. 110.

CCCXXIII.

CCCXXXIII.

Hæc proxima oppido in Reatino agro: reductiora sunt, *Korsula*, Κορσῦλα, quam Dionysius LXXX stadiis a Reate abesse, ibidem narrat. Addit vero, νεωστὶ διεφθαρμένη, nuper eversa.

CCCXXXIV.

Septuagesimo a Reate stadio distabat Κοτυλία πόλις ἐπιφανής, clara urbs *Cutilia*, vt ibidem refertur, sub monte posita ad lacum. Lacus ille *Cutiliensis* a Varrone vocatur L. L. lib. iv. cap. x, cui adsint *nymphæ Commotiae*; quod ibi insula in aqua commouetur. Plinius lib. iii cap. xii extremo: In agro Reatino *Cutiliae lacum*, in quo fluctuet insula, *Italiae umbilicum esse* M. Varro tradit. Medicata ibi aqua cum celebri titulo *Aquarum Cutiliarum*. Idem lib. xxxi cap. ii *Aquæ Cutiliae in Sabinis gelidissimæ*; suctu quodam corpora inuadunt, vt prope morsus videri possit: aptissimæ stomacho, nervis, vniuerso corpori. Solitus iis Vespasianus vti. Suetonius cap. xxiv *Cutilias ac Reatina rura*, ubi æstiuare quotannis solebat, petiit. Ibidemque mortuus est. Xiphilinus ex Dione: μετήλλαξεν ἐν τοῖς ὕδασι τῶν Σαβίνων τοῖς Κστιλίαις ὀνομασμένοις, excessit in Sabinorum *Aquis Cutiliis*. De insula in lacu natante Seneca lib. iii Q. Nat. cap. xxv, Ipse ad *Cutilias natantem insulam* vidi. Adde Macrobius lib. i Saturn. cap. vii.

CCCXXXV.

Vicus inde non procul fuit *Phalacrine*, patria Vespasiani. Suetonius cap. ii *Natus est in Sabinis ultra Reate, vico modico, cui nomen est Philacrine*. Antonini itinere ab vrbe Hadriam hic ordo distantiarum cernitur:

Reate	— — —	
Cutilias	M. P. VIII	emendante Holsten.
Interocrium	M. P. VI	
Falacrinum	M. P. XVI.	

quod corruptum in Peutling. Tabula est *Palacrinis*.

CCCXXXVI.

Qui interiacet locus, *Interocrium*, etiam in Tabula expressus est & oppidi signo notatus, vii millibus ab *Aquis Cutilliis*, vt ibidem scriptum exstat: Strabonis lib. v pag. 100 Aldina, & Xylandr. p. 251 (nam Casaubonea excidit) κώμη Ἰντεροκρέα, vicus *Interocrea*. Nomen inde est, quia inter montes situm. Festus: *Ocrem antiqui montem confragosum vocabant*.

CCCXXXVII.

Sexaginta stadiis ab Reate fuit *Trebula*, ἡ Τρεβόλα, Dionysio auctore lib. i. pag. ii. Hæc *Mutusca* cognominata, vt ab altera Sabinorum *Trebula*, cui *Suffenatis* cognomen fuit, discerneretur. Plinius lib. iii cap. xii *Nomentani, Reatini; Trebulani*, qui cognominantur *Mutuscae*, & qui *Suffenates*. Iulius Obsequens cap. cii & ciii prodigia *Trebulae Mutuscae*, vt plene scripsit, facta narrat. Inscriptio vetus in Gruteri opere p. 487 n. 9 TREBVL. MVTVSTAE, cum T loco C. At Holstenius testis p. iii, MVTVESCA in lapide esse. Virgilius lib. vii vers. 71 solum cognomen posuit:

Eretimanus omnis, oliuiferæque Mutuscae.

Kkkk

Eodem

Eodem Dionysio testante, λόφον ἐπικαθημένην σύμμετρον, colli modico imposita fuit, quod confirmat illorum opinionem, qui nunc Monte Lione della Sabina vocari aiunt, vbi multæ TREBVLANORVM inscriptiones reperiuntur. Municipium fuit. Frontinus de Coloniis: *Trebula municipium oppidum*. Et Liuius lib. x ineunte, *Trebulanis ciuitas data*. Alteram cognomine *Suffenam*, vel *Suffenatem*, Harduinus interpretatur Montorio di Romagna ad Curensem fluuium.

CCCXXXIIX.

Supra Velinum ad radices Apennini est *Nursia*, hodie Norcia, Ptolemæi Νῆρσία in Sabinis. Suetonius Vespas. cap. 11 *Polla* [mater Vespasiani] *Nursiæ honesto genere orta*. Dio Cassius de Octauiano lib. XLVIII pag. 364 ἐπὶ Νῆρσίαν ἐς τὰς Σαβίνους στρατεύσας, *aduersus Nursiam, Sabinorum oppidum, cum exercitu profectus*. Frigidior ex situ sub Apennino. ideo Virgilius lib. VII vers. 716 *quos frigida misit Nursia*: & Silius lib. VIII vers. 418 *nec non habitata pruinis Nursia*. Gentile *Nursinus*. Suetonius Aug. cap. XII *Nursinos grandi pecunia, & quam pendere nequirent, multatos, extorres egit oppido*.

CCCXXXIX.

Extremum Sabinorum *Amiternum* fuit, ideoque a Ptolemæo, qui etiam Ἀμίτερνον scribit, positum in Vestinis, quia illorum fines attigit: Straboni autem lib. V pag. 157 in Sabinis, cui etiam est neutro genere Ἀμίτερνον. Dionysius lib. I pag. 12 sequiori genere ἐκ πόλεως Ἀμιτέρνης. Latini *Amiternum*. Liuius lib. XXVI cap. XI *Cælius iter* [Hannibalis] *ab Reate, Cutilisque, & ab Amiterno orditur, - - - inde Albenſi agro in Marſos; hinc Amiternum Forulosque vicum venisse*. Incolæ *Amiternini* Plinio lib. III cap. XII. Et Liuius lib. XXVIII cap. XLV *Umbriæ populi, & præter hos Nursini, & Reatini, & Amiternini, Sabinusque ager omnis, milites polliciti*. Virgilius vero lib. VII vers. 710, & imitator Silius lib. VIII vers. 415 metri causſa *Amiterna cohors*: & Martialis lib. XII epigr. XX *Ager Amiternus*. Fuit prope castrum Vittorino, quod a S. Victorino Amiternensi martyre nomen habet, situm ad Aternum, prope fontes, prope urbem Aquilam, quæ ex ruinis Amiterni creuit. Non longe abest locus, adhuc Furconio dictus, vbi oppidum fuisset vestigia docent, quod Paullus Langob. lib. II cap. XX *Furconum* dixit.

CCCXL.

Inter Amiternum & Cutilias Reatini agri, vt ex Hannibalis iam monstrato itinere coniicitur, etiam *Foruli* fuerunt, quos Liuius vicum lib. XXVI cap. XI, non oppidum, dixit: nec tamen incelebres fuere. Strabo lib. V p. 158 Σαβίνων εἰσὶ καὶ οἱ Φόρῳλοι, πέτρα πρὸς ἀπόστασιν μᾶλλον, ἢ κατοικίαν, ἐν Φυῆς, *Sabinorum sunt etiam Foruli, rupes ad rebellionem, quam habitationem, aptiores*. Virgilius lib. VII, 714, qui

Casperiamque colunt, Forulosque, & flumen Himellæ.

Et Silius lib. VIII vers. 416 *comitantur hunc*

Casperula, hunc Foruli.

Inſcriptione antiqua sunt incolæ VICANI FORVLANI, Holſtenio testante

te pag. 119. *Forum Decii*, quod Plinius nominat lib. III cap. XII, quo loco fuerit, ignoratur.

CCCXLI.

Montes superfunt, Apennini partes, sed citeriores, & Sabinis contributi, *Fiscellus* & *Seuerus*, & *Tetricus*. De isto Plinius lib. III cap. XII *Narumnis e monto Fiscello labens*: & Silius lib. VIII vers. 518

Quæ, Fiscelle, tuas arces, & cetera:

de his Virgilius lib. VII vers. 713

*Qui Tetricæ horrentes rupes, montemque Seuerum
Casperiamque colunt.*

Tetrica autem, qui mons Virgilio, quem *Tetricam rupem* lib. VIII vers. 418 Silius Italicus dixit,

- - - *a Tetrica comitantur rupe cohortes;*

Holstenio est horrendum illud adspectu montis iugum, quod inter Montem Sibyllæ & Asculum super reliqua Apennini iuga emicat. *

A E Q V I.

CCCXLII.

Hæc de SABINIS. Contermini erant AEQVI siue AEQVICVLI, inter Sabinos Latinosque medii, Latinis historicis plerumque *Aequi* dicti: poetis sæpius *Aequiculi*. Liuius lib. III toto testimonio sit, & Florus lib. I cap. XI. Alternò nomine vtuntur Virgilius VII, 747

- - - *gens duris Aequicola glebis.*

nam & quarta vocali scribitur. Ouidius Fast. III vers. 93 *Aequicolus acer*: & Silius lib. VIII vers. 370

- - - *rastrisque domant Aequicula rura* * *

Suetonius quoque Vitell. cap. I *aduersus Aequiculos*. Et Græci variant nomine. Dionysius & Appianus Αἰκανοί: Strabo Αἰκοί, & pag. 159 Αἰκκοί: Diodorus Siculus lib. XIV extremo, ὑπὸ Αἰκῶν τῶν Αἰκίικλων καλεσμένων: Ptolemæus Αἰκίικλοι. Deriuata vtrimque sunt. Liuius lib. III cap. IV *Aequicum bellum*. Plinius III cap. XII *Aequiculorum, Cliternini, Carseolani*. Hæc vero sunt indubitata oppida Aequorum, etiam a Ptolemæo Aequiculis siue Αἰκίικλοις attributa, Κεῖτερνον & Καρσίολοι: tertium quod addiderat, excidit ex Græco, in cuius locum interpretes corruptum nomen *Obriculum* adsumsit: quod, tamquam ignotum omnibus, prætereundum est. Sunt autem *Aequi* distincti ab Latinis, quod vel ex illo Liuii lib. I cap. XXX abunde constat, *Aequi Latinum agrum inuaserant*. Sed ita antiquis temporibus fuit, antequam Roma vicinas gentes in ditionem redeget. Ex eo autem pars Sabinorum citerior, & Aequi ac Volsci, alique Latino populo adscripti, & Latii finibus continebantur. Florus ex fuorum temporum conditione de priscis loquens, *peruicacissimi Latinorum Aequi & Volsci fuere*.

Kkkk 2

CCCXLIII.

* His addi poterat mons *Canterius* in Sabinis apud Varronem R. R. II. c. I.

** Extra poesin gentile est *Aequiculanus*. Frontinus pag. 122, *Ecicylanus* (id est *Aequiculanus*) ager per *Prigas* & *Scamna* in centuriis est assignatus.

CCCXLIII.

Primum Aequorum oppidum, ex nominatis, *Cliternum* est, quod vocabulum a Ptolemæo habemus: reliqui possessiuo aut gentili nomine vtuntur: Plinius *Cliternini*, vti iam vidimus, id est incolæ ac oppidani: Cicero lib. ix epist. xxi *colei Cliternini non honesti*. Quæ forma probabile reddit, & *Cliterniam* Latinum nomen fuisse, vt alia vrbs in Daunis a Pomponio Mela atque Plinio vocatur. Quo situm loco Aequorum *Cliternum* fuerit siue *Cliternia*, definiri non potest: & si qui definiunt, sola coniectura nituntur.

CCCXLIV.

Alterum oppidum, quod Plinius & Ptolemæus adsignant Aequis, *Carseoli* sunt, antiqua colonia. Liuius lib. x cap. iii *a Marsis agrum vi teneri, in quem colonia Carseoli deducta erat*. Et lib. xxvii cap. ix in triginta coloniis Romanorum & *Carseoli* numerantur. Adde lib. xxix cap. xv. Ouidius lib. iv Fast. vers. 683

Frigida Carseoli, nec oliuis apta ferendis

Terra, sed ad segetes ingeniosus ager.

Situs quodammodo ex Tabula Augustana cognoscitur, in qua vltra Prænestæ cum vrbs insignibus positi, xv millibus a Varia, x a Laminis, nisi numeri prauati sunt. Ruinas Holstenius diu perquisitas inuenit & descripsit p. 164, sitas a læua Valeriæ, iii millibus a loco qui nunc *Arsoli* vocatur: ruinarum autem nomen est Ciuita Carentia. Colonî *Carseolani* dicti Plinio, vt supra vidimus. *Lex Carseolana* dicto Ouidii libro vers. 710 memoratur.

CCCXLV.

Quæ circumiacent, haud dubie Aequorum fuerunt, illinc *Lamina*, ex Tabula modo nominatæ; & *Varia* eiusdem Tabulæ, cuius locum vicus Varo in dextra ripa Anienis ostendit: hinc *Simbruini colles*. Tacitus lib. xi cap. xiii de Claudio: *Fontes aquarum, Simbruinis collibus deductos, vrbi intulit*. Et vicinum oppidum *Sublaqueum*. Plinius lib. ii cap. xii *Anio in monte Trebanorum ortus, lacus tres amœnitate nobiles, qui nomen dedere Sublaqueo, defert in Tiberim*. Hæc sunt *Simbruina stagna*, a Tacito lib. xiv cap. xxi memorata. *Discumbentis*, inquit, *Neronis aquæ Simbruina stagna (loco Sublaqueum nomen est) icte dapes [flumine] mensaque disiecta*. Aliud vero *Sublaqueum* oppidum, alia villa Neronis est. hæc ab oppido nomen habet, quia non sub lacubus, sed supra, sita. Frontinus de Aquæductibus p. 247 *Anienis quoque noui vitia exscindi posse [princeps] vidit. Omisso enim flumine repeti ex lacu, qui est super villam Neronianam Sublacensem, ubi limpidissima est, iussit*.

CCCXLVI.

Et quia non longe *Treba* abest, nunc *Treui*, prope fontes Anienis, vt ex Plinio iam cognouimus; illam quoque Aequiculanae ditionis fuisse censendum est. Frontinus dicto loco: *Quum oriatur Anio supra Trebam Augustam*. Sic mss. non *angustam*, vt vulgatum est. Sed a quo nomen illud principe sit, non liquet. Statim mox nouum imperatorem Cæsarem Neruam Traianum

Traianum augustum Frontinus laudat, cuius putamus ornamenta illa Trebanæ vrbis, vt auctoris, fuisse. Incolæ *Trebani*, & supra Plinii verba attulimus, quibus natalem locum Anienis *montem Trebanorum* dixit. Liuius ineunte lib. x, & Appianus Hannib. p. 579 etiam Albam Fucentem in *Aequos* deductam coloniam tradunt, sed longius illa remota in Marfis fuit, de qua supra, quum de Marfis ageremus, diximus.

CCCXLVII.

Hæc Aequorum trans Anienem aut circa illum: cis flumen, illorum *Bola* fuit, vt Virgilius & Stephani breuiator singulari numero nominant: ille *Aeneid.* vi vers. 775

Pometios, Castrumque Inui, Bolamque Coramque.

hic, *Βῶλα, πόλις Ἰταλίας, Bola, vrbs Italiae.* Pluratio numero Diodorus Siculus lib. xi v extr. ἀκέρτας ὁ αὐτοκράτωρ πορθεῖσθαι *Bῶλας πόλιν*, audiens dictator urbem *Bolas* oppugnari. Et Liuius lib. i v cap. xlix *Volas quoque, sicut Lauicos, coloni mitterentur: & paucis interiectis, Volis insequente anno receptis.* Quod num ipse per V scripserit, an permutatio elementi ab excipientibus sit grammaticis dubius Cluuerius est, quia & Græci & Latini alii B littera in hoc vocabulo vtantur, Virgilius *Bola*, vt vidimus; Plinius, *Bolani*, gentile, scribendo lib. i i i cap. v in prima regione. Sed quod Liuius illo capite sexies *Volas* aut *Volanos* scripsit, eripit vel constantia sua dubitationem. Dionysio lib. 8 p. 493 est *Βωλανῶν πόλις, oppidum Bolanorum.* Plinius in Latio, vt dixi, posuit: sed antea Aequorum fuisse ex Liuii dicto loco probatur. *Aequos*, inquit, *accepta clades prohibuit Volanis, suæ gentis populo, præsidium ferre.* Qui quod addit: *Excursionem inde in confinem agrum Lauicanum factæ erant;* de sede simul aliquid docet, non procul a Lauico siue Labico abfuisse.

CCCXLIIIX.

Et quæ citerius oppida, *Vitellia* & *Corbio* ad Aequos sunt referenda. De *Vitellia* res certa. Liuius lib. v cap. xxi x *Vitelliam coloniam Romanam, in suo agro Aequi expugnant.* In suo agro; ergo Aequorum fuit. Suetonius Vitell. cap. i *Indicia stirpis diu mansisse, viam Vitelliam ab Iariculo ad mare usque: item coloniam eiusdem nominis, quam gentili copia aduersus Aequiculos tutandam olim depoposcissent.*

CCCIL.

Huic propinqua fuit vrbs *Corbio*. Liuius lib. ii cap. xxxix de Coriolano exfule: *Corbionem, Vitelliam, Trebiam, Labicos, Pedum cepit.* Et lib. i i i cap. xxx nocturno impetu Aequorum Corbione amissum præsidium nuntiatum est. Fata Corbionis Dionysius lib. x pleniora descripsit. Aequi acie victi a L. Quintio Cincinnato, illo ab aratro dictatore, cogeantur *πόλιν τῶν σφετέρων Κορβίωνα, suam urbem Corbionem* Romanis tradere, quam insequenti anno, oppresso per noctem præsidio, receperunt: sed eodem anno consul Horatius Puluillus, victis denuo Aequis, urbem hanc funditus deleuit, τῇ τε Κορβίωνος τὰ τεῖχη κατασπάσας, καὶ τὰς οἰκίσεις ἐκ θεμελίων ἀνελών. Dionys. p. 651, 652, 657.

CCCL.

De *Algido* superest, monte & oppido. Cluuerius Aequis transcribit: Holstenius Latinis, quia Liuius, exercitus, vt in alienum solum, eo missos scribat. Haud dubie vir summus ad libri III cap. II verba respexit, *exercitus in Algidum aduersus Romanos missus* ab Aequis. Sed vt in bello fit, ab Latinis & Romanis teneri potuit; & repeti ab Aequis, tamquam olim ipsorum, qui etiam pro belli sede aliquamdiu, quod fatetur Holstenius, habuerunt. Dionysius pro altera sententia est lib. XI pag. 705 οἱ ἐν Αλγιδῷ τῆς Αἰκανῶν χώρας θέμενοι τὴν παρεμβολήν, *qui in Aequorum regione in Algido castra posuerant.* Abest ab Roma ἀπὸ σταδίων ἑικοσι καὶ ἑκατὸν, *centum viginti stadiis*, vt Procopius lib. III B. Goth. cap. XXI; aut potius decem octo millibus passuum, vt peritisissimus illius regionis Holstenius tradit, qui propterea in Eutropii lib. I cap. XV pro *duodecimo ferme milliario*, legendum censet *duodevicesimo.* Mons fuit, & oppidum, & tractus seu regiuncula eodem vocabulo. Eutropius, *in Algido monte*: Strabo lib. V p. 163 ἐπὶ Αλγιδὸν πολίχμιον; Dionysius lib. X p. 647 περὶ πόλιν Αλγιδόνα; nam & Αλγιδῶν Græci nomen formant: Procopius dicto loco, ἐν χωρίῳ Αλγιδόνι. Ideo Latini, vt regiunculæ aut monti, præpositionem addunt. Liuius lib. III cap. II *in Algidum missus exercitus*: & cap. III *ab Algido consul redierat*: & cap. XXXVIII *Aequi castra in Algido locant.* Horatius quoque, vt de monte, lib. I oda XXI *nemorum coma*

- - - *gelido prominet Algido.*

Et lib. III oda XXIII *viſtima,*

- - - *quæ niuali pascitur Algido*
Deuota, quercus inter & ilices.

S E C T I O I I I .

L A T I V M V T R V M Q V E .

CCCLI.

Latium Latinorum regionem sonat, quæ initio angustis admodum finibus circumscripta erat, accessionibus postea ex variis gentibus successu creuit temporis. A *latendo* nomen deducunt, quod Saturnus, arma Iouis fugiens, in has oras delatus, & hominibus in reipublicæ formam compositis, *Latium* eam regionem, vt Virgilius lib. VI I vers. 322 tradit, voluerit vocari,
- - - *his quoniam latuisset tutus in oris.*

Idem gentem *Latinam*, quam quidam a Latino rege habuisse nomen credunt, a *Latio* denominatam lib. I vers. 6 refert, de Aenea dicens,

- - - *dum conderet urbem,*

Inferretque deos Latio, genus vnde Latinum.

Contra Halicarnassensis Dionysius lib. I pag. 8 *Aborigines* ἐπὶ Λατίνῃ βασιλέως, ὃς κατὰ τὸν Ἰλιακὸν πόλεμον ἐδυνάστευσε, Λατῖνοι ἀρξάμενοι καλεῖσθαι, a *Latino* rege, qui *Troiani belli* temporibus regnavit, cæperunt *Latini* adpellari. Sed quoquo modo origo vocabuli habet, id certum est vtique, temporibus pri-
mis





mis Latium, quum Aeneæ & posteris pareret, id est Albanis regibus, Latinos solos tenuisse, exclusis Aequis, Volscis, Hernicis, aliisque, qui postea in Latinorum societatem venerunt: nisi quod Rutulos deuictos Aeneas quoque cum Latinis suis eodem nomine censuit. Idcirco Strabo lib. v pag. 159 dixit, τὸν Αἰνεΐαν νικήσαντα Λατίνους καλέσαι τὰς ὑφ' αὐτῷ, victorem Aeneam suæ ditioni subiectos Latinos adpellasse.

CCCLII.

Hoc antiquissimum Latium fuit, contentum Latinorum fedibus: at partim sub regibus Romanis, partim post illos ita creuit, vt *Circeii* terminus antiqui Latii statuerentur, postquam superbus ille Tarquinius Sueffam Pometiā, caput Volscorum, vt Strabo lib. v pag. 159 notauit. Plinius lib. iii cap. v de illis temporibus: *Latium antiquum a Tiberi Circeios seruatum est*: idemque Strabo p. 160 ἡ Λατίνη πρότερον μέχρι τῆς Κιρκιαῖς ἐχέκει τὴν ἐπίδοσιν, *Latium prius usque ad Circeum promontorium accessionibus creuit.* ANTIQVVM autem, præter Plinium iam dicto loco, Virgilius adpellauit lib. vi v. 38

Quis Latio antiquo fuerit status:

& Tacitus annal. i v cap. v *vetere Latio, & coloniis antiquitus Romanis.* Exactis regibus, certamen consulibus cum reliquis Latinis, cum Aequis, Volscis, Hernicis, Auruncis fuit, quibus tandem post graua & diuturna bella subactis, omnis illorum regio in Latinorum nomen, Latio contributa, transiit. Hoc ipsum est, quod Strabo p. 158 dixit, ἡ Λατίνη πολλὰς [πόλεις] συνελήφυσεν τῆς μὴ Λατίνης πρότερον, *Latium multa comprehendit, quæ antea Latinorum non fuerant, videlicet Aequos, Volscos, Hernicos, aliosque, quos nominatim ibidem subiicit, & Latio iam aucto comprehendit.* Plinius dicto loco: *Vltra Circeios Volsci, Osci, Ausones, unde nomen Latii processit ad Lirim amnem.* Liris ergo terminus factus ab oriente: ab septemtrione autem usque ad Marfos & Sabinos porrectum Latium, nisi quod ad Tiberim agri Sabinorum quædam, coloniis Albanorum occupata, Latinis nonnumquam adscribi videmus, cuius testis est Virgilianus versus 773 libri vi

Hi tibi Nomentum, & Gabios, urbemque Fidenam,

& reliqua. Et sicuti antea citatis verbis Strabo Aequos ad septemtrionalem partem vtriusque Latii adscripserat, ita australem & maritimam pag. 160 diligentius definiuit, vt *Novum* Latium ab *Antiquo* vna fecernatur. Νὺν δὲ, inquit, ἡ παραλία μέχρι πόλεως Σινεέσσης ἀπὸ τῶν Ὠσίων Λατίνη καλεῖται. πρότερον δὲ μέχρι τῆς Κιρκιαῖς μόνον ἐχέκει τὴν ἐπίδοσιν. *Nunc ora maritima ab Ostia Sinuessam usque, Latium adpellatur: prius usque Circeum tantummodo accessione auctum fuit.* Habes sic vtrumque Latium in litore curate terminatum: intus autem difficilius discernuntur, nec nisi ex oppidis non Latinis, id est Aequis, Volscis & similibus, quod alterutrius est, cognoscitur. Supra ergo Lirim limes tandem productus fuit, quod Strabo etiam p. 151 prædixerat, μέχρι πόλεως Σινεέσσης, *usque ad oppidum Sinuessam, quod trans Lirim amnem in finibus est Campaniæ.* Et Plinius lib. iii cap. v *oppidum Sinuessa extremum in adiecto Lortio.* Ad idem lib. xxxi cap. ii *Sinuessanas aquas in Campaniæ regione posuit, quia in limite illius regionis sunt.* Quod autem vulgo

vulgo Latium *Nouum* dicunt, tamquam *antiquo* & *veteri*, vt Virgilius & Tacitus nominauerunt, oppositum; id eleganter Plinius ADIECTVM eo modo dixit, quo minor Phrygia Straboni est *Επίκτητες*.

CCCL.III.

De populis Latii Plinius dicto cap. v *Colonis saepe mutatis tenuere alii aliis temporibus, Aborigines, Pelasgi, Arcades, Siculi, Aurunci, Rutuli: & ultra Circeios Volsci, Osci, Ausones.* Ex his qui primi, qui deinde regionem tenuerint, difficile est explicare. Ad Saturnum & Ianum nos annales vel fabulae reducunt, quum Latinorum antiquitatem, quantum geographiae necessaria est, inuestigamus. Ille enim *Saturniam* urbem condidisse fertur, hic *Ianiculum*, proximum illi, sed trans Tiberim. Varro lib. i v de L. L. cap. vii de Tarpeio monte: *Antiquum oppidum in hoc fuisse Saturniam scribitur.* *Eius vestigia etiam nunc manent tria.* Minucius Felix cap. xxi Saturnus profugus, ab Iano susceptus, *urbem Saturniam de suo nomine; & Ianiculum Ianus ad memoriam vterque posteritatis reliquerunt.* Virgilius lib. vii vers. 357

Hanc Ianus pater, hanc Saturnus condidit urbem:

Ianiculum huic, illi Saturnia nomen.

Inde per Picum & Faunum poeta genus ad Latinum regem, Aeneae socerum, lib. vii vers. 35 deduxit: quo tempore Euander, fato huc actus ex Arcadia, in monte Palatino urbem condidisse fertur lib. vii vers. 54

Pallantis proavi de nomine Pallanteum.

De *Pallanteo* oppido Liuius lib. i cap. v *Iam tum in Palatino monte Lupercal hoc fuisse ludicrum ferunt, & a Pallanteo vrbe Arcadica Palatium, deinde Palatinum montem adpellatum.* Et Solinus cap. i *Palatium nemo dubitauerit, quin Arcadas habeat auctores: a quibus primum Pallanteum oppidum; quod aliquamdiu Aborigines habitatum, propter incommodum vicinae paludis, quam praeterfluens Tiberis fecerat, profecti Reate, postmodum reliquerunt.* Pallantium autem Arcadiae, a quo Italico nomen est, descripsit Pausanias Arcad. cap. iii & xliv. Haec tria oppida vetustas deleuit ante, quam Romani rerum potirentur: *Laurentum* autem, Latini & maiorum regia, ideoque Aeneid. vii vers. 171 *Laurentis regia Pici*; & nomen & oppidi formam conseruauit. Sed de regiis his domiciliis sit fides penes poetas, conditores huiusmodi fabularum.

CCCL.IV.

Iam ad populos Latii vtriusque progredimur explicandos. *Aequos* siue *Aequiculos*, supra cum Sabinis exposuimus, quia inter Latinos, Sabinos & Marfos siti sunt, vt in Latio perlustrando auspiciu a LATINIS & ab ipsa *Roma* faciamus. De origine & conditu *Romae*, nec non de situ, re per se nota, nihil proferemus. Septem collibus impositam esse, etiam indubitatum: vnde Prudentius Romani passione vers. 413 *septicollem* dixit: quamquam Romulus in Palatino solo aedificauit; ceteros colles alii reges adiecerunt, Tullus Coelium, Ancus Ianiculum & Auentinum, Seruius Viminalem, Quirinalem, Esquilinum. Colles vt diuersis temporibus adiecti fuerunt,

runt, ita diuersis dati ad inhabitandum. Liuius lib. I cap. XXXIII *Quum circa Palatium sedem veteres Romani, Sabini Capitolium atque arcem, Caelium montem Albani implessent; Auentinum nouæ multitudini datum. Et interiectis paucis de eodem Anco rege: tum quoque multis millibus Latinorum in ciuitatem acceptis: quibus, ut iungeretur Palatio Auentinum, ad Murciæ datæ sedes. Ianiculum quoque adiectum, non inopia loci, sed, ne quando ea arx hostium esset, id non muro solum, sed etiam, ob commoditatem itineris, ponte sublio, tum primum in Tiberi factò, coniungi vrbi placuit.*

CCCLV.

Præter septem illos colles, quos Liuius, Dionysius, Eutropius vrbi commemorant additos, & a quibus Septimontiale sacrum adpellatur; sunt etiam alii colles non minus memorabiles huius vrbis, ut *cluius Capitolinus*, ut Cicero vocat pro Mil. cap. XXIV, & II Phil. cap. VII; qui & mons *Tarpeius* est, in præcipitio lateris *saxum Tarpeium*, *rupes Tarpeia*, vnde damnati deiiciebantur. * Aeneid. VIII vers. 347

Hinc ad Tarpeiam sedem & Capitolia ducit.

Et Liuius lib. VI cap. XVII non obuersatam esse speciem agminis Gallorum per *rupem Tarpeiam scandentis*? Et Tacitus lib. VI cap. XIX *Sex. Marius saxo Tarpeio deiicitur.* Est quoque collis *hortulorum*, cui impositum Domitiorum monumentum fuit, Suetonio auctore Neron. cap. L: & collis *Vaticanus*, ut Festus vocat, trans Tiberim; seu *montes Vaticani*, ut Cicero XIII Attic. epist. XXXIII. *Casu, inquit, sermo a Capitone de vrbe augenda: a ponte Mulvio Tiberim duci secundum montes Vaticanos.* Sunt & *campi*, cis Tiberim *Martius*, comitiorum fedes, omnibus notissimus, cuius consecrationem Liuius refert lib. II cap. V: & *campus Vaticanus* trans flumen, quo comitia transferri Cæsar cupiebat, quum Martium coedificare in animo haberet, ut ibidem Cicero ex Capitone, amico Cæsaris, audiuerat.

CCCLVI.

Portas, ut Plinius tradit, lib. III cap. V, tres Romulus reliquit, aut, ut plurimas tradentibus credamus, quatuor: postea, prolatis pomæriis, fuerunt triginta septem, e quibus in historiis nobiliores sunt *Capena*, *Carmen-talis*, *Collina*, *Cælimontana*, *Esquilina*, *Flumentana*, *Triumphalis*, *Trigemina*, & aliæ. Regiones vrbs habuit XIII, compita Larium CCLXV. Cetera a scriptoribus, qui id singulari cura persequuti sunt, petantur.

CCCLVII.

De magnificentia imperioque summo, sufficiat vnum & alterum poetam, breui summa rem maximam complexos, adlegasse. Propertius lib. III eleg. X vers. 57

Septem vrbs alta iugis, toti quæ præsidet orbi.

Et Martialis lib. XII epigrammate VIII

*Terrarum dea gentiumque Roma, ***

Cui par est nihil & nihil secundum.

LI II

CCCLIX.

* Est hodie perexigua & iccirco contempta. Vide Miffon in Itinerar. tom. II pag. 234.

** *Ῥώμη ἐπιτομή τῆς οἰκουμένης*, *Roma compendium orbis terrarum.* Athenæus lib. I pag. 20. B. Adde Strabon. lib. V p. 358 seqq.

CCCLIIX.

Aquæductus etiam Romanæ vrbis magnificentiam auxerunt, aquis longius conlectis, & vbi loci genius respuebat, supra arcuatum opus eleuato alueo, deductis. Iulius Frontinus singulari libello descripsit, in quibus præcipuæ *Appia*, quæ & *Claudia* Eutropio lib. II cap. IV adpellatur, ab Appio Claudio ductore; *Martia*, *Virgo*, *Anio vetus*. Septem autem vsque ad C. Cæsarem Caligulam fuerunt, qui duos novos ductus inchoauit, quos successor Claudius perfecit dedicauitque: vni datum *Claudiæ* nomen; alteri *Anienis noui*. Fuit etiam *aqua Crabra* ex Tusculano agro ad urbem perducta, cuius Cicero meminit Agrar. III cap. II, & lib. XVI epist. XVIIII; verum hanc Agrippa emisit, vt Tusculanis villis relinqueretur tota; quod idem Frontinus prodidit. In riuus *Almo* religionis causa notabilis fuit, cursu ille breuissimus *Almo*, vt Ouidius dixit XIV Metamorph. vers. 329. Idem Fastor. lib. IV vers. 337

Est locus, in Tiberin qua lubricus influit Almo,

Et nomen magno perdit ab amne minor;

Illic purpurea canus cum veste sacerdos

Almonis dominam sacraque lauit aquis.

Et Italicus Silius lib. VIII vers. 364 - - - *quique ostia Tusci*

Annis amant, tepidoque fouent Almone Cybellen.

Ritum clarissime etiam Vibius Sequester de Fluminibus libello notauit. *Almon*, inquit, *Romæ*, vbi mater deum VI calend. Aprilis lauatur: id est, simulacrum deorum matris.

CCCLIX.

Hinc prono amne ad ostia descendimus Tiberina, quæ gemina sunt. Rutilius lib. I vers. 179 - - - *qua fronte bicorni*

Diuiduus Tiberis dexteriores secat.

Cornua insulam ambiunt, quam *ἱερὰν νῆσον*, *insulam sacram* Procopius dixit lib. I Goth. cap. XXVI, quæ Aesculapio sacrata fuit, postquam draco Epidaurius, quem naue aduectum pro numine habebant, in illam defiluit. Epit. Liuii XI *angue in insulam Tiberis egresso, eodem loco ædes Aesculapio consecrata est*. Adde Valerium lib. I cap. VIII exempl. 2. Originem insulæ Liuius lib. II cap. V mirabilem descripsit, *stramenti acervos*, ex Tarquinii agro in flumen immisos, ibi *sedisse illitos limo*, *insulam paulatim, aduectis aliis, quæ flumen fert, factam, firmam templis quoque atque porticibus sustinendis*. Diuisum itaque flumen dextro alueo portum Romanum perfluit: sinistro *Ostiam*, primam Romanorum coloniam, præterlabitur.

CCCLX.

Portu hoc priscos Romanos vsos esse, sed natura facto, non est, quod dubitemus: augustorum studio ædificatus, munitus, exornatus. Et ne ab illo aberrent nauigantes, Pharum imposuit Claudius imperator. Suetonius cap. XX *Portum Ostiæ extruxit, circumducto dextra sinistraque brachio, & ad introitum profundo iam salo mole obiecta. quam quo stabilius fundaret, nauem ante demersit, qua magnus obeliscus ex Aegypto fuerat aduectus, congestis-*

gestisque pilis superposuit altissimam turrim in exemplum Alexandrini Phari, ut ad nocturnos ignes cursum nauigia dirigerent. Portum Ostiæ, a vicinitate vocat, quamquam dextri aluei, non Ostiensis fuerit. Procopius lib. i Goth. cap. xxvi τὸ ἐν δεξιᾷ τῆς ποταμῆς μέρος ἐς τὸν λιμένα τὰς ἐκβολὰς ποιεῖται, *pars amnis dextera in portum euoluitur*. Distant autem ostia xv inter se stadiis, quod idem adnotauit Procopius. Confirmat Iuuenalis satyra xii vers. 76 *Tyrrhenam Pharon* adpellando, vbi & cetera portus cum cura sic descripsit:

*Tandem intrat positas inclusa per æquora moles,
Tyrrhenamque Pharon, porrectaque brachia rursus,
Quæ pelago currunt medio, longèque relinquunt
Italiam.*

Vetus ibi scholiastes: INCLUSA PER AEQVORA: *portum Augusti dicit, siue Traiani*. PORRECTAQVE: *quia Traianus portum Augusti restaurauit in melius, & interius tutiorem sui nominis fecit*. Augustus hunc portum ornasse non legitur: maxime vero Cæsar Claudius: a quo etiam *Augusti* nomen habere potest, quod commune factum imperatoribus est. Traianum vero addidisse interiorem, vel ideo minus dubitamus, quia, quem geminum injecta mole fecerat Claudius, postea tergeminus siue triplex fuisse scribitur. Philostorgius lib. xii cap. iiii de Alaricho: ὁ δὲ θάττον καταλαμβάνει τὸν πόρτον, μέγιστον δὲ ἔτος νεώριον Ρώμης, λιμέσι τρισὶ περιγραφόμενος, *festinanter portum occupat: maximum illud urbis Romæ nauale est, tribus portibus circumseptum*. Figuram multiplicis portus huius cum Pharo descriptam vetus tabula Peutingeriana, ex Theodosii æuo, ut putatur, conseruata, exhibet. Vocatur non vno modo: *portus Romanus*, ὁ τῆς Ρώμης λιμὴν, Zosim. lib. vi cap. xi; & *portus urbis æternæ*, lege vn. C. Th. de saccariis: *portus venerabilis urbis*, lege vlt. de nauiculariis: *portus Augusti*, itinerario maritimo: *portus Ostiæ*, Sueton. dicto loco: sæpe simpliciter *portus*, Procop. dicto loco, & Sidon. Apollinar. lib. i epist. x: item *portus Phari*. Paulinus Nolanus carm. xxi ad Cytherium de Martiniani naufragio vers. 363

Longinquiorem portum ab vrbe adlabitur,

Cui Centumcellas nomen est:

Ac inde naui promouendus longius

Intraret ut portum Phari.

Idemque prorsus epistola xlix ad Macarium, sect. viii, *Primo [navis] ad urbem acta, Romani portus Pharum vidit*. Nectantum portus fuit, sed supra illum etiam oppidum conditum, mercibus frumentisque recipiendis idoneum, & ipsum *Portus* vocabulo celebratum. Procopius dicto loco: ὦν [ἐκβολῶν] ἐκτὸς πόλιν ἐκ παλαιῆς Ρωμᾶς πρὸς τῇ ὁχθῇ ἐδείμαντο τῆχος περιβεβλημένην ἐχυρὸν μάλιστα. Πόρτον δὲ αὐτὴν τῷ λιμένι ὁμωνύμως καλεῖσιν. *Extra illud ostium ad ripam olim oppidum Romani condiderunt, quæ mœnibus cincta validissimis Portus communi cum portu nomine adpellatur*. Sic Antoninus terrestri itinere ab Roma Centumcellas primo per *Portum* ducit, dein Fregenas, & Alsum, & in reliqua loca maritima. Heic horrea annonæ urbanæ erant per mare aduectæ ex prouinciis, quæ inde *horrea Portuensia* dicta.

dicta. Vide titulum Cod. Theod. *de patronis horreorum Portuensium*. Hodie vix vestigia supersunt cum paucissimis incolis: manet tamen nomen *Porto*, & dignitas episcopalis.

CCCLXI.

Sinistro alueo Tiberini amnis colonia *Ostia* adposita, prima Romanorum, ab rege Anco deducta. nomen ab ostio, cui adiacebat. Clarum quondam oppidum. Liuius lib. xxiii cap. xxxviii *quingenta naues ab Ostia Tarentum profectæ*. Et epitoma lxxix *Ostiam coloniam * Marius expugnauit, & crudeliter diripuit*. Plinius lib. ii epist. xvi *ceteras copias Ostiensis colonia ministrat*. Minucius Felix cap. ii *placuit Ostiam petere, amœnissimam ciuitatem*. Decreuit postea & lacerata fuit. Procopius dicto lib. i B. Goth. cap. xxvi *πόλις Ὀσία λόγῳ μὲν πολλῷ τὸ παλαιὸν ἀξία, νῦν δὲ ἀτέλῃς, παντάπασιν ἔσα*, *vrbs Ostia, olim magni nominis, nunc mœnibus plane nuda*. Hodie in ruinis iacet, solo nomine & episcopatu conseruatis. *Ostiensis* circum *salinæ* erant. Liuius in Anco lib. i cap. xxxiii *In ore Tiberis Ostia vrbs condita, salinæ circa factæ*. Ab his *via salaria* dicta, quæ in Sabinos ferebat. **

CCCLXII.

Ceterum Tiberis olim *Albula* dicta fuit. Liuius lib. i cap. iiii *Pax ita conuenerat, ut Etruscis Latinisque fluuius Albula, quem nunc Tiberim vocant, finis esset*. Et Plinius lib. iiii cap. v *Tiberis, antea Tybris adpellatus, & prius Albula*. Virgilius lib. viii vers. 330.

*Tum reges, asperque immani corpore Tybris,
A quo post Itali fluuium cognomine Tybrim
Diximus: amisit verum vetus Albula nomen.*

CCCLXIII.

Si a Tiberi per oram veteris Latii progredimur, primum venimus *Laurentum*. Melæ lib. ii cap. iv, ordine inuerso, hæc oppida sunt, *Circeii, Antium, Aphrodisium, Ardea, Laurentum, Ostia*. Et Plinius lib. iiii cap. v ab Roma progrediens, *In principio est Ostia, colonia a Romano rege deducta: oppidum Laurentum, Iucus Iouis Indigetis, amnis Numicius*. Strabo lib. v pag. 160 *Λαύρεντον*. Fingitur regia vetustissimorum regum Latini, Pici, Fauni. Virgilius lib. vii vers. 171

*Tectum augustum, ingens, centum sublime columnis
Urbe fuit summa, Laurentis regia Pici.*

Tibullus lib. ii eleg. v *castrum* vocat versu 51,

Ante oculos Laurens castrum, murusque Lauini est.

Sane Traiani ætate si oppidum fuit, exiguum fuisse epistola Plinii de villa Laurente probat, quippe cui *ceteras copias*, quibus ipsa carebat, non propinquius *Laurentum*, sed *Ostiensis colonia ministravit*. Commodus ut pestilentiam euaderet, quod Herodianus lib. i cap. xii refert, εἰς

τὴν

* Inscriptio Traiano posita: *Colonia Ostia conseruata & aucta omni indulgentia & liberalitate eius.*

** Varro R. R. I c. 14 *Ad viam salariam in agro Crustumino videre licet locis aliquot &c.*

τὴν Λαύρεντον ἀνεχώρησε, *Laurentum secesfit*. Nomen a lauretis est, quia τὸ χωρίον κατὰ σκιον δαφνηφόροις ἄλσεσιν, regio silvis e lauru opaca est, quod ibidem Herodianus adiecit. Qui colunt, *Laurentes* dicuntur. Aeneid. viii vers. 537

Heu quantæ miseris cedes Laurentibus instant!
quod & adiectum nomen est, ut dicta Tibulli elegia v. 41

Iam tibi Laurentes adsignat Iuppiter agros.
Dicitur pro illo etiam *Laurentinum*. Martialis x epigr. xxxvii *Laurentino in litore*. Et Plinius lib. ii epist. xvii ineunte ad Gallum de suo in his oris prædio: *Miraris, cur me Laurentinum, vel si ita mauis, Laurens meum tantopere delectet*. quod mirifice exædificatum ibidem pluribus descripsit.

CCCLXIV.

A Laurento sex millibus, ut in veteri tabula est, distabat *Lauinium*, opus Troianorum, ab uxore Aeneæ *Lauinia*, regis Latini filia, ita nominatum. Liuius cap. i *Troiani oppidum condunt: Aeneas ab nomine uxoris Lauinium adpellat*. Et Varro lib. iv de LL. cap. xxxii *Oppidum quod primum conditum in Latio stirpis Romanæ, Lauinium. nam ibi dii penates nostri*. Liuius lib. viii cap. xii *Venerant & ab Lauinio Antioque auxilia*. Populus & incolæ *Lauinii & Lauinienses* dicti. Liuius ibidem cap. xiii *Aricinos, Lauiniosque, & Veliternos, Antiatis Volscis se coniungentes, ad Asturæ flumen Mænius, in prouiso adortus, fudit*. Lapis Capitolinus de Mæni triumpho, Grut. p. 297

C. MAENIVS P. F. P. N. COS. DE ANTIATIBUS AN. CDXV

LAVINIEIS VELITERNEIS PRIDIE K. OCT.

Et Varro de rer. lib. ii cap. iv *Lauinienses condiderunt oppidum Albam*.

CCCLXV.

*Amnis Numicus, * vel Numicius prope Lauinium decurrit, inter quem & Tiberim Aeneas adpulit*. Virgilius lib. vii vers. 150

- - - urbem, & fines, & litora gentis

Diuersi explorant: hæc fontis stagna Numici, &c.

& versu 242 - - - fontis vada sacra Numici: & vers. 797

Qui saltus, Tiberine, tuos, sacrumque Numici

Litus arant, Rutulosque exercent vomere colles.

nam Rutulorum in finibus fluit. Plinius lib. iii cap. v verbis supra prolatis, *amnis Numicius*. Fons huius fluminis est ille, in quem *Anna Perenna* desiluit, quæ apud Ovidium Fast. iii vers. 653 ita loquitur:

- - - placidi sum nympha Numici:

Amne perenne latens Anna Perenna vocor.

Circa hunc amnem *lucus Iouis Indigetis* fuit, ut Plinius dicto loco vocauit, positus inter *Laurentum* & amnem *Numicium*. Plures *Indigetis* numen ad Aeneam referunt, qui quum prælio ad illum amnem commisso desierit videri, creditus sit in fluuium decidisse, iuxta quem templum ei cum

Ll ll 3

hac

* Iuturna fons in Italia salubris iuxta Numicum amnem. Vid. Not. in Varr. pag. 1593 edit. Gothofr.

hâc inscriptione, vt Dionysius Halicarnassensis lib. i pag. 52 tradit, dicatum fuerit:

ΠΑΤΡΟΣ ΘΕΟΥ ΧΘΟΝΙΟΥ
ΟΣ ΠΟΤΑΜΟΥ ΝΟΜΙΚΙΟΥ ΠΕΡΜΑ ΔΙΕΠΕΙ.

Cuius nominis etiam apud Virgilium mentio est lib. xii vers. 794. Et Aurelius Victor de Orig. Gent. Rom. pag. 16. *Illi [Aeneæ] eo loco templum consecratum, adpellarique placuit PATREM INDIGETEM.* Et Tibullus lib. ii elegia v ad Aeneam ἀποσποφῆ,

*Illic sanctus eris, quum te, venerande Numici
Vnda deum calo miserit Indigetem.*

CCCLXVI.

Hæc in litore Aeneas atque posterî, etiam primi reges Romanorum possederunt: qui sequuti sunt, ad Circeios vsque antiqui Latii fines protulerunt. Interiecto tractu sine nomine aut memorabili re, *Aphrodisium* fuit. Mela dicto loco: *Antium, Aphrodisium, Ardea.* Plinius ordine verso incedens, post Ardeam: *dein quondam Aphrodisium, Antium colonia.* Quum ergo *quondam* dicit, tum vestigia sola superfuisse ostendit.

CCCLXVII.

Deinde *Castrum Inui* fuit. Virgilius lib. vi vers. 775
Pometios, Castrumque Inui, Bolamque Coramque.
Seruius ad hunc locum: *Castrum Inui, id est Panos, qui illic colitur.* *Inuus* autem latine adpellatur: græce Πάν. Silius lib. viii vers. 360 simpliciter *Castrum* dixit:

Quos Castrum, Phrygibusque grauis quondam Ardea misit.

Quo pertinet, quod Martiali restitutum est lib. iv epigram. lx,

Ardea solstitio Castranaque rura petantur.

Quod sequitur *Antium*, quia Volscorum fuit, in illa gente explicabimus, nunc LATINOS & proprie dictum LATIVM consideraturi, & RVTVLOS.

CCCLXIIIX.

Rutuli ad mare Latinis contermini, a quibus difficulter discernuntur, post Aeneæ victoriam Latinis contributi. Sæpe a Marone celebrati posterioribus libris Aeneidos. Caput illorum *Ardea* fuit, reducta a mari, regia Turni, Rutulorum principis. Liuius lib. i cap. lvii *Ardeam Rutuli habebant, gens, vt in ea regione, atque in ea etate, diuitiis præpollens.* Virgilius lib. vii vers. 409, 411

Audacis Rutuli muros: - locus Ardua quondam

Dictus auis, & nunc magnum manet Ardea nomen.

Quod Silius, imitator Maronis, repetit lib. i vers. 293

Magnanimis regnata viris, nunc Ardea nomen.

Distare ab Roma Eutropius lib. i cap. vii octauo decimo milliaro tradit: Strabo lib. v pag. 158 stadiis clx. Colonia facta. Liuius lib. i v cap. xi *Triumviri ad coloniam Ardeam deducendam creati, quamuis tum plurimum agri ad Ardeates redierit.* Sic enim incolæ vocantur, & ipsa Ardea ibidem *ciuitas Ardeatium.* In coloniis etiam Liuius lib. xxi cap. xv numerauit. Reliqua

liqua Rutulorum incerta sunt: situs caussa huc referas licet, Cluuerio auctore, *Aphrodisium* & *Castrum Inui*, loca paullo ante in maritimis exposita.

CCCLXIX.

Prope Ostiam videntur *Ficana*, *Tellena* & *Politorium* fuisse: incertior tamen res de Politorio. Plinius singula lib. III cap. V memorauit: sed totus ille locus turbatus est, sine oppidorum ordine aut situ obseruato. Festus autem in *Puilia saxa*, ex Labeone: *Locum putat Labeo dici, ubi fuerit Ficana, via Ostiensi, ad lapidem undecimum.* Liuius lib. I cap. XXXIII de Anco rege: *Politorium, urbem Latinorum vi cepit, - - - multitudinem omnem Romanam traduxit - - - Auentinum nouæ multitudini datum: additi eodem haud ita multo post, Tellenis Ficanaque captis, noui ciues.* Tellenæ ergo, quod eodem tempore captæ, vicinæ oppido Ficanæ videntur fuisse, & si Cluuerii coniecturæ credendum, inter Ficanam & Lanuuium. Strabo quoque pluraliter *τελλῆνας* scripsit: Dionysius singulari numero *τελλήνη*, quam lib. III p. 179 *πόλιν Λατίνων ἐπιφανῆ*, claram Latinorum urbem adpellat: Plinio est *Tellene*, æque singulari, sed Græca forma. *Politorium* inde rursus bello ab eodem rege repetitum, quod vacuum occupauerant prisca Latini, ea-que caussa diruendæ urbis eius fuit: quod ibidem Liuius adiecit. Sed de positu eius nihil certum habemus dicere.

CCCLXX.

Princeps autem vrbs illarum, quas posterius Aeneæ possedisse ante Romanam conditam feruntur, *Alba*, cognomine *Longa* fuit, colonia *Lauinio* deducta. Liuius lib. I cap. III *Ascanius, abundante Lauinii multitudine, florentem iam, ut tum res erant, atque opulentam urbem matri seu nouercæ reliquit: nouam ipse aliam sub Albano monte condidit, quæ ab situ porrectæ in dorso urbis Longa Alba adpellata.* Hæc regia deinde fedes vsque ad conditam Romanam, sicut Anchises prædixisse fingitur Aeneidos VI vers. 766 de *Siluius Lauiniæ filio*:

Vnde genus Longa nostrum dominabitur Alba.

Condita xxx annis post *Lauinium*, & *Albæ* nomen inditum ab sue alba, quæ xxx porcellos ibidem edidisse fertur. Varro R. R. lib. II cap. IV *Antiquissimum fuisse scribitur, quod sus Aeneæ Lauinii triginta porcos pepererit albos. Itaque, quod portenderit, factum xxx annis, ut Lauinienses condiderint oppidum Albam.* Adde *Aurelium Victorem* de Origine Gentis Romanæ. Propertius lib. IV eleg. I vers. 35

*Et stetit Alba potens, albæ suis omine nata. **

Euerfa ab Romanis sub rege *Hostilio Tullo*. Liuius lib. I cap. XXXIII *Eventus belli minus miserabilem dimicationem fecit, quod nec acie certatum est, & tectis modo dirutis alterius urbis duo populi in unum confusi sunt.* Strabo lib. V p. 160 *κατεσκάφη πλὴν τῆς ἱερᾶς, diruta est Alba, fano excepto.* Circa illum tractum

* Varro L. L. IV c. 32. Hinc post triginta annos oppidum alterum conditur Alba, id ab sue alba cognominatum. Hec e nauis Aeneæ quum fugisset *Lauinium*, triginta parit porcos. Ex hoc prodigio post *Lauinium* conditum annis triginta hæc vrbs facta, propter colorem suis & loci naturam Alba longa dicta.

tractum prætoria & villæ nitidius ædificatæ, e quibus eminuerunt *Albanum Pompeii*, & *Domitiani*, duæ splendidissimæ villæ: illa memorata Ciceronis pro Milone oratione cap. xx; hæc notata Tacito Agric. cap. xlv, & Plinio lib. iv epist. xi, quia eodem, qui peruerse omnia agebat, & senatum aliquando, & pontificum collegium, contra morem patrium, conuocauit. Posteriores etiam oppidi in his locis mentionem iniecerunt, Procopius lib. ii Goth. cap. iv τὸ Ἀλβανῶν πόλισμα ἐν τῇ Ἀππίᾳ ὁδῷ κείμενον, *Albanorum oppidum, in Appia situm*, commemorans; & Itinerario Hierosolymitano *Aricia* & *Albona*, corrupte quamuis, coniunguntur. Verum id non antiquum oppidum fuit, sed ex castris videtur natum, descriptis ab Herodiano lib. viii cap. v in Maximinis. Memorabilior est *Mons Albanus*, in quo Ferie Latinæ actæ, etiam triumphus extra ordinem; de quibus passim Liuius potest consuli: & *tumuli Albani*, atque *luci*, quorum meminit Cicero pro Milone cap. xxxi; & *lacus Albanus*, ibidem; & Liuius lib. v cap. xix *ex lacu Albano aqua emissa in agros*.

CCCLXXI.

In Albano bello etiam *Fossa Cluilia* memoratur, vt Liuius ait lib. i cap. xxiii, *ab nomine ducis Cluilii Albani per aliquot secula adpellata*: & lib. ii cap. xxxix de Coriolano: *Postremum ad urbem a Peto duxit, & ad Fossas Cluilias quinque ab vrbe millia passuum castris positis, populatur inde agrum Romanorum*. Plutarchus Coriolani vita p. 227 diphthongo *Clælias fossas* scripsit, περὶ τὰς λεγομένας Κλοιλίας τάφους κατεστρατοπέδευσε. Distantia Plutarchus congruit cum Liuiio, quadraginta ponens stadia.

CCCLXXII.

Procopius Albanum lacum *Bouilla* fuerunt, quas Augustana Tabula *Bobellas* x ab vrbe millibus passuum, videmus nominatas. Propinquitatem Albani montis significat Velleius lib. ii cap. xlv ii tradens, *Clodium a Milone circa Bouillas iugulatum esse*, quod Cicero factum dicit sub monte Albano. Exstat illarum memoria apud Tacitum non vna; *sacrarium genti Iulie, effigiemque diuo Augusto apud Bouillas dicatam*, lib. ii cap. xli: & *ludicrum Circense Iulie genti apud Bouillas editum*, lib. xv cap. xxxiii: & *agmen legionum intra Bouillas stetisse*, Hist. lib. iv cap. ii: & apud Suetonium Augusto cap. c, eius mortui corpus *a Nola Bouillas vsque decuriones municipiorum & coloniarum deportasse*. Ergo illo tempore *Bouillas* stetisse non dubitandum, quamuis Florus lib. i cap. xii de illis triumphum, vt de paruo oppido, non tam rideat, quam in pudendis Romæ veteris adscribat.

CCCLXXIII.

Aricia quoque sub Albano monte fuit, seu vt Strabo dicit μετὰ τὸ Ἀλβανον Ἀρίκια πόλις, *post Albanum montem est oppidum Aricia*, & quod addit, in via Appia, clx stadiis ab Roma: Antonino xvi m. p. Tabulæ, xiii. Horatius lib. i satyr. v ineunte:

*Egressum magna me excepit Aricia Roma
Hospitio modico.*

Adiacet Aricinum nemus, siue lucus Dianæ Aricinae; βαρβαρικὸν καὶ σκυθικὸν
ἔδος

Ἰδοϛ, barbarum Scythicumque morem seruans, vt Strabo refert p. 165. Hinc nemoralis Aricia Martiali lib. xiii epigr. xix: & Statio lib. iii Silv. carm. i vers. 56

Fumat Aricinum Triuiæ nemus.

In nemore illo erat fons Egeriæ nymphæ, de quo Liuius lib. i cap. xxi *Lucus erat, quem medium ex opaco specu fons perenni rigabat aqua: quo quia se per sepe Numa sine arbitris, velut ad congressum deæ, inferebat, Camænis eum lucum sacravit, quod earum sibi concilia cum coniuge sua Egeria essent.* Quæ repetiit inde, & ad id, quod res est, accommodauit Lactantius lib. i Instit. cap. xxi. Fuit ibi locus etiam, ad Camænas dictus. Martialis lib. ii epigram. vi

*Et cum currere debeas Bouillas,
Interiungere quæris ad Camænas.*

Adpellatio exinde est, quia Numa, vt Liuius dixit, *Camænis eum lucum sacravit*: &, quod Halicarnassensis obseruat lib. ii pag. 122, quidam Egeriam τῶν Μουσῶν μίαν, aliquam Musarum fuisse crediderunt.

CCCLXXIV.

Post Ariciam in Appia est Lanuuium, cuius multam mentionem Cicero pro Milone fecit. Cap. x *Quum sciret Clodius, iter solemne, legitimum, necessarium a. d. xiii Kal. Febr. Miloni esse Lanuuium ad flaminem prodendum, quod erat dictator Lanuuii Milo.* Et cap. xvii dictatoris Lanuuii *stata sacrificia*: & alibi. Iunonis ibi Sospitæ siue Sispitæ cultus erat. Liuius lib. xxi cap. i *decretum est, Iunoni Sospitæ Lanuuii maioribus hostiis sacrificaretur.* Silius ad Ciceronis Milonem adludens lib. xiii vers. 364

*Lanuuiio generate, inquit, quem Sospita Iuno
Dat nobis, Milo.*

In Lanuuiino agro campus fuit Solonius, cuius aliquoties mentionem Cicero fecit. Lib. i de Diuinat. cap. xxxvi *Roscius quum esset in cunabulis, educareturque in Solonio, qui est campus agri Lanuuii.* Adde lib. ii cap. xxxi, & ad Attic. lib. iii epist. iii. Macrobius lib. i Saturn. cap. x dixit, corrupte credo, agrum Solinium.

CCCLXXV.

Supra Albam, septemtrionem versus, est Tusculum, ἐπ' ὀρεσὶν, in collesitum, vt Strabo lib. v p. 165 notauit: ideoque Horatii epodo i *supernum* dictum,

- - superni villa candens Tusculi.

Non autem, vt vulgo creditum, in summo iugo fuit, cuius rudera priuatam potius villam, quam Tusculanum oppidum, inspectanti Holstenio probauerunt: sed vbi nunc Frascati est, vetus Latinorum Tusculum fuit. * Græci plerique dissyllabum faciunt, τῆκλον, vt Strabo, & Plutarchus principio Catonis maioris; vel τύσκλον, vt Dionysius lib. v; aut τύσκλος, vt Stephanus: at Latini tribus syllabis *Tusculum*. Cicero Diuinat. i cap. xliii

Mm mm

Tusculi

* Adde huc D. B. Matthæi Memorie Istoriche dell' antico Tusculo pag. 12 seqq.

Tusculi aedes Castoris & Pollucis e caelo icta est. Tacitus lib. xi cap. xxiv
Porcii Tusculo in senatum acciti. Suetonius Galb. cap. xviii quum Tuscu-
lum excucurrisset. Atque ita etiam Ptolemæus τῆσκαλον. Municipium
 fuit. Cicero pro Fonteio cap. xiv Pro huius innocentis salute supplicat
primum generis antiquitas, quam Tusculo, ex clarissimo municipio, profectam,
in monumentis rerum gestarum incisam ac notatam videmus. Distantiam ab
 vrbe prodidit Dionysius lib. x p. 646 & ἐλαττον σαδίων ἑκατὸν, non minorem
centum stadiis: quod Iosephus etiam lib. xix cap. ix adfirmat, τῆσκολαίον,
 ὅσον ἀπὸ σαδίων ἑκατὸν τῆς Ρώμης. qui vero villam potius Tiberii, in quam
 Capreis delatus erat, quam ipsum oppidum, huic tamen propinquam, signi-
 ficare videtur. Amœnissima regio, ideoque pluribus villis ædificata, quæ
 passim laudantur a Cicerone: sed huius quod prædium *Tusculanum* fuit,
 omnium habetur, propter ingenii non minus quam agri prouentum, cla-
 rissimum.

CCCLXXVI.

• Supra Tusculum, Anienem versus, *Regillus lacus*, ad quem Postumius
 dictator, iuuantibus Διοσκύροις, vt credebatur, Latinos vicit. Liuius lib. ii
 cap. xix de illo prælio: *ad lacum Regillum in agro Tusculano.* Cicero ii
 Nat. D. cap. ii *apud Regillum bello Latinorum.* Victor de vir. illust. in eodem
 Postumio, *apud Regilli lacum.* Dionysius lib. vi p. 343 παρὰ λίμνη Ρηγίλλη
 καλεμένη.

CCCLXXVII.

In eodem tractu *Labicum* siue *Lauicum*, & frequentius plurali numero
Labici seu *Lauici* erant. Liuius lib. iv cap. xlvii ad *Lauicos ductus exerci-*
tus: & mox: *senatus censuit frequens, coloniam Lauicos deducendam.* Et Ci-
 cero ii Agrar. cap. xxxv *Labicos, Fidenas, Collatiam.* Silius lib. viii v. 367

- - - *habiles ad aratra Labici,*

vbi dubium, vrbs an populus intelligatur, quia inter oppida Tibur, Præ-
 neste, Antemnas recensetur. nam *Labici* etiam poetis sunt Labicani, vt in
 illo Aeneid. vii vers. 796

- - - *& picti scuta Labici.*

Singulariter *Labicum*, præter Strabonem, cuius est p. 164 παλαιὸν Λαβικόν,
vetus Labicum; Silius xii vers. 534 dixit.

- - - *campos ingressus & arua Labici.*

Situm Liuius ostendit xxvi cap. ix Hannibalis itinere: *per Frusinatem Fe-*
rentinatemque & Anagninum agrum in Labicanum venit. Inde *Algido Tuscu-*
lum petiit. Nunc *la Colonna* est, Holstenio teste, xv millibus ab Roma, viæ
Lauicanæ a dextris imminens: supra quod Tusculum ad iii vel iv millia
 passuum recedit. Etiam Antonini itinerario, *Lauicana* via primus locus ab
 vrbe est *ad Quintanas*, decimo quinto milliario: inde post decem passuum
 millia, *ad Pictas*, etiam Straboni p. 164 πρὸς τὰς Πικτάς: male in Tabula, *ad*
Pactas. Ibi tabernas subaudiunt; heic, statuas.

CCCLXXIIIX.

E *Lauicana* via in Prænestinam si declinamus, *Gabii* sunt fere medio
 inter

inter Romam & Præneste loco, illic XII millium interuallo; heic XI, secundum Antoninum & Tabulam. Frequens mentio illorum in Tarquinii Superbi historia, cap. LIII, *Gabios, propinquam urbem, nequidquam vi adortus*: item: *transfugit ex composito Gabios*: & cap. LV *Gabiis receptis*. Virgilius lib. VI vers. 773

Hi tibi Nomentum, & Gabios, urbemque Fidenam.

Deriuatum *Gabinus*. Liuius dicto libro, cap. LIV *veteribus Gabinis adsentire*: item, *Gabinares plerumque superior*: & Tacitus lib. XV cap. XLIII *saxo Gabino Albanoque solidare*.

CCCLXXIX.

Supra Gabios *Pedum*, Latinorum oppidum. Liuius lib. II cap. XXXIX de Coriolano: *Labicos, Pedum cepit. postremum ad urbem a Peto ducit*. Et lib. VIII cap. XII *Aemilius ad Pedum exercitum duxit. Pedanos tuebatur Tiburs, Prænestinus, Veliternusque populus*: & cap. XIII *A paucis populis Pedani adiuti sunt. Tiburtes Prænestinique, quorum ager propior erat, Pedum pertuenerunt*. Horatius lib. I epist. IV ad Tibullum:

Quid nunc te dicam facere in regione Pedana?

id est in villa tua, in agro sita Pedano. Plinius lib. III cap. V *Pedanos in iis populis numeravit, quorum oppida sine vestigiis interierint*. Coniectura ergo standum est in sede inuestiganda, quæ ex Liuiio laudata propinquitate haud dubie inter Tibur & Præneste fuit: id quod etiam in vetustissimo Horatii libro adscriptum margini Torrentius inuenit.

CCCLXXX.

Nec longe a Peto fuit *Aesula*, siue *Aesulum*, siue *Aesola*; verum etiam inter Tibur forsan & Præneste, saltem prope agrum Tiburtinum. Horatius lib. III oda XXIX

Ne semper vdem Tibur, & Aesula

Decline contempleris aruum, &

Telegoni iugum parricide,

qui Tusculum fertur condidisse. Quum itaque cum Tibure, cum Tusculo coniungatur *Aesula*, in illo tractu etiam sedes illius quærenda est, quamquam certo designari non potest, quia iam tum suo ævo Plinius *Aesolanos* in iis scripsit, quorum nulla vestigia superessent. Coloniam fuisse testis est Paterculus, qui *Aesulum* scripsit, neutro genere, lib. I cap. XIV, idque, ac Alifum, XXI annis ab initio belli I Punici colonis fuisse occupatum.

CCCLXXXI.

Nec certior ratio est oppidi *Scaptiæ*, quod Plinius dicto loco in Latii quondam claris oppidis, eversis postmodum, numeravit. Pompeius Festus tradit, *Scaptiam urbem Pedanos incoluisse*. Propinquam ergo Peto fuisse, non est quod dubitemus. Hinc *tribus Scaptia* cognominata, eodem auctore Festo: & *tribules Scaptienses* apud Suetonium Aug. cap. XL. Origo tribus *Scaptiæ* ab Liuiio perscripta lib. VIII cap. XVII.

CCCLXXXII.

Ad Anienem amnem oppidum Latinorum *Tibur* recedit, antiquissimum æque, vt amœnissimum, quippe conditum a Græcis fertur

Tibur, Argeo posuitur colono,

Horatio canente lib. II oda VI. Amœnitatem idem lib. I oda VII descripsit, quod nulla Græcarum vrbiū tam delectet,

*Quam domus Albunee resonantis,
Et præceptus Anio, & Tiburni lucus, & vda
Mobilibus pomaria riuus.*

Positu idem *supinum* est lib. III oda IV; & *vdum* tamen, * vt modo in Aesula ostendimus, quia, eodem auctore lib. IV oda III

- - *Tibur aquæ fertile perfluunt,*
cataraeta præcipites: vnde *præceptus Anio* lib. II oda V, cuius ex alto deiectus etiam Straboni lib. V p. 164 ὁ καταράκης dictus est. Virgilio Aeneid. VII vers. 630 est

- - - *Atina potens, Tiburque superbum.*

Religiosum cultu & templo Herculis, quod τὸ Ἡράκλειον Strabo iam memorato loco dixit; ideoque Propertio lib. II eleg. XXXII est *Tibur Herculeum*. Deriuata nomina *Tiburs* & *Tiburtinus*. Cicero lib. II de Orat. cap. LXV *vilam in Tiburte habes*. Liuius lib. VIII cap. XII *Pedanos tuebatur Tiburs populus*: & cap. XIII *Tiburtes Prænestinique Pedum peruenere*. Martialis lib. IV epigram. LVII

Nunc Tiburtinis cedit frigoribus.

CCCLXXXIII.

Tiburtium ditionis erant *Empulum* & *Sassula*, ignotæ positionis oppida, a Romanis olim capta. Liuius lib. VII cap. XVIII *Empulum eo anno ex Tiburtibus haud memorando certamine captum*: & cap. insequentix *Cum Tiburtibus ad ditionem pugnatum*. *Sassula ex his vrbs capta*.

CCCLXXXIV.

Tiburi ab oriente imminet *Afflianus* mons, ex veteri inscriptione cognitus, quam Holstenius pag. 200 exhibuit:

RIVOM AQVAE CLAVDIAE AVGVSTAE
SVB MONTE AFFLIANO CONSVMAVIT
IMP. DOMIT. CAESAR AVG. GERM. COS.

CCCLXXXV.

Inde in austrum longius, & in fines Aequorum, recedit Latinorum oppidum *Præneste*, illud *altum Præneste*, ** vt Virgilius vocat lib. VII v. 682: ideoque *frigidum* Horatio lib. III oda IV, a montano situ: quæ vero successit ei Palestrina, vt nunc vocatur, in vallem est deducta. Vetus autem *Præneste* & natura & arte munitissimum fuit. Strabo lib. V p. 165 situm & muni-

* Ager tamen Tiburs mediocris terræ fuit. Varro R. R. I. c. 9.

** Salmfianus Plinian. Exercit. in Solin. pag. 45, 46. *Cato quod montibus præstaret, dictum autem mabat Præneste in Originibus*. Sed Solinus Polyhist. c. 2. *Præneste a Prænesto, Vlyxis nepote, Latini filio*.

munitiōem quū descripsisset, notabiliter adiecit, κατὰ φύγην ἐκείσε οἱ νεωτερίσσαντες, qui res nouas moliti sunt, eodem confugiunt. Velleius lib. ii cap. xxvi de Mario filio, apud Sacriportum victo, Præneste, quod ante natura munitum praesidiis firmauerat, se exercitumque contulit. Idem cap. lxxiv de Fulvia Antonii: Hæc belli sedem Præneste ceperat. Et Cicero de Catilina orat. i cap. iii Quid? quum tute Præneste kalend. ipsis Nouembris occupaturum nocturno impetu esse confideres, sensistine illam coloniam meo iussu, meis praesidiis, custodiis vigiliisque esse munitam? Incolæ Prænestini. Liuius lib. vi cap. xxix Octo oppida erant sub ditione Prænestinorum: ad ea circumlatum bellum: deincepsque haud magno certamine captis, Velitras exercitus ductus. eæ quoque expugnatae. tum ad caput belli Præneste ventum. Plinius lib. iii cap. v Prænestini, vrbe quondam Stephane dicta. nam & Strabo dicto loco refert, Πραίνεστον Πολυτέφανον καλεῖσθαι πρότερον. Plerique neutro genere, vt vidimus, etiam auferendi casu, Præneste dicunt, vt Liuius lib. vi cap. xxix Triumphans, signum Præneste deuectum Iouis Imperatoris in Capitolium tulit. Tamen etiam femineo more Virgilius lib. viii vers. 561 Præneste sub ipsa, etiam Seruio, vtrarum, adnotante. Et Iuuenalis sat. iii vers. 190.

Quis timet, aut timuit gelida Præneste ruinam?

Patrio casu Prænestis. Paterculus lib. ii cap. xxvii oppugnationi Prænestis ac Marii praefuerat Ofella: Propertius lib. ii eleg. xxxii

Nam quid Prænestis dubias, o Cynthia, sortes?

id est, oraculum Prænestinum petis. nam & Strabo ei imponit τὸ τῆς τύχης ἱερὸν ἐπίσημον χρησθησάμενον, fanum & oraculum Fortune. Et Suetonius Tib. cap. lxiii Vicina vrbi oracula etiam disiicere conatus est: sed maiestate Prænestinarum sortium territus destitit. Ceterum Strabo ἡ Πραίνεστος format casum: Ptolemæus τὸ Πραίνεστον.

CCCLXXXVI.

Supereft ex Latinis oppidis Ortona, quam Hortanam aliqui libri, aut Artonam referunt, sed, iudice Sigonio, peruerse, cui ex Dionysii vestigiis Ortona placet. Liuius lib. ii cap. xliii Ortonam, Latinam urbem, Aequi oppugnabant. Et lib. iii cap. xxx Horatius, quum iam Aequi, Corbione interfecto praesidio, Ortonam etiam cepissent; in Algidio pugnat: multos mortales occidit, fugat hostem non ex Algido modo, sed a Corbione Ortonaque. Sedes coniecturae relinquenda, quæ vero minus in Tolerio inuestigando valet, ex quo Plinii Tolerienses in Latio sunt; Plutarchi in Coriolano pag. 227 τολερίνοι: quos cum Latinis Dionysius lib. viii pag. 493 censet. De illo enim Coriolano ait: ἐπὶ τολερίνῃς ἐλάυνει, τῶν Λατίνων ὄντας ἔδνῃς, in Tolerinos mouet, Latini nominis populum, quos pag. 500 in μικροπολίταις adnumerat. Reliqua, quæ Præneste circumiacent, Aequiculorum fuerunt pleraque, supra in Aequis post Sabinos exposita: quæ itidem deuocanda in Latium, sed ampliatum sunt, hoc est, quod præter Latinos Rutulosque, etiam Hernicos, Aequos, Volscos, Auruncos comprehendat.

CCCLXXXVII.

HERNICORVM nomen apud Liuium aliosque frequens est, neque
Mm mm 3 vero

vero tam late illorum notitia patet, quam Volscorum Latinorumque. Corrupta syllaba media vocabuli, quod ex Virgilii versu 684 libri vii liquidissimum est,

Hernica saxa colunt - - -

& Silii Italici lib. iv versu 226

*Quosque in prægélidis duratos Hernica riuus
Mittebant saxa.*

CCCLXXXVIII.

Horum oppida, quantum constat, fuere *Anagnia*, *Alatrium*, *Verulae*, *Ferentinum*. De primo, *Anagnia*, quæ & nunc *Anagni* est, Virgilii prædicto versu perdocemur, - - - *quique*

Hernica saxa colunt, quos diues Anagnia pascit:

& clarius Macrobio testimonio lib. v Saturn. cap. xviii *Hernicorum est Anagnia*. Et paullo ante: *Sunt in libro septimo [Maronis] illi versus, quibus Hernici populi, & eorum nobilissima, ut tunc erat, civitas, Anagnia enumerantur,*
- - - *quos diues Anagnia misit, &c.*

Reliqua oppida *Hernicorum*, quæ nosci possunt, *Liuius nobis lib. ix cap. xlii* prodidit. *Id ægre, inquit, passi Hernici, concilium populorum omnium habentibus Anagninis, in circo, quem Maritimum vocant, præter Alatrinate, Ferentinatēque, & Verulanum, omnes Hernici nominis populo Romano bellum indixerunt. Et cap. xliii Hernicorum tribus populis, Alatrinati, Verulano, Ferentinati, suæ leges redditæ.* Ex quibus manifestum est, hæc oppida *Hernicorum* fuisse, ut vero caput esset *Anagnia*, quæ quod cum ceteris non nominatis, (præter tria illa, quæ bello abstinerant,) sine difficili pugna Romanis se dediderat, præmium ciuitatis ab iisdem tulit. *Liuius ibidem: Anagninis, quippe arma Romanis intulerant, ciuitas sine suffragii latione data. Post colonia facta. Frontinus de coloniis: Anagnia, muro ducta. colonia Drusi Caesaris. populus deduxit. Iter populo non debetur. Ager eius per strigas veteranis est adsignatus.*

CCCLXXXIX.

Alterum *Hernicorum* oppidum est *Alatrium*, ut *Liuius* ubique *Alatrinates*, vocali prima scripsit, & hodieque *Alatri* dicitur: *Straboni* Ἀλέτριον, vnde *Plinii* sunt *Aletrienses* vocali secunda. Ciuitatem sine suffragio tulisse, modo ex *Liuiō* perceptum fuit. *Cicero* autem (sed longo post tempore) municipium vocat pro *Cluentio* cap. xvi. *C. & L. inquit, Fabricii, fratres gemini fuerunt ex municipio Aletrinate: qui & cap. xx populum dixit Aletrimates* vocali secunda.

CCCXC.

Hinc in austrum vergunt *Verulae*. *Florus lib. i cap. xi De Verulis & Bouillis; pudet, sed triumphauimus.* *Frontinus de coloniis libro: Verulae oppidum muro ductum. Ager eius limitibus Gracchanis est adsignatus: & ab imperatore Nerua colonis redditus.* *Incolæ Verulani*, de quibus satis ex *Liuiō* iam dictum est. Et hoc oppidum eiusque situs ex seruato prisco nomine *Veruli* per facile cognoscitur.

CCCXCI.

CCCXCI.

Et *Ferentinum* in via Latina nomen retinet. • Antea *Liuii Ferentinales* vidimus: quos alii, poetæ præsertim, etiam *Ferentinos* vocant. Silius lib. VIII vers. 394

*Sulla Ferentinos, Priuernatumque maniplos
Ducebat.*

Antoninus in Lauicana via *Ferentinum*, *Frusinonem* VII millibus disiungit. Priorem statum supra cognouimus, ἀπονομίαν concessam ab Romanis esse: post colonia Latina eodem deducta. Liuius lib. XXXV cap. IX *Eodem anno coloniam Latinam in agrum Ferentinum triumuiro deduxerunt.* Annus erat 101X, L. Cornelio Merula & Q. Minucio Therino consulibus. Hæc de Hernicis prodita: plura possedisse ex Liuii verbis [lib. IX cap. XLII] supra productis clarum est, quia cum Anagnanis omnes *Hernici nominis* Romanis bellum indixerunt, præter Alatrinates, Ferentinales, Verulanos. Vici forsan & oppidula fuerunt, quorum nulla fama superest.

CCCXCII.

Sed unum restat, quod Hernicis adscribit Holstenius p. 203, *Affile* oppidum non ignobile, in montibus inter Sublaqueum situm & Anagniam. Frontinus de Colonia libello: *Affile oppidum lege Sempronia.* In centuriis & in laciniis ager eius est adsignatus. Veteri lapide ibidem reperto inest L. LVPERCVS AFFILANVS. Anastasius Bibliothecarius Vita Sixti III inter-ritorio *Afilano*.

CCCXCIII.

VOLSCI sequuntur, gens maior ceteris, quæ in Latium adsumptæ sunt, etiam potentior, a mari Antiano habitans ad Liris fluuii superiora, & ultra. Quod in causa fuit, ut Pomponius Mela lib. II cap. IV ad veterem memoriam respiciens, *Volscos*, tamquam per se validos ad gentem constituendam, a Latio separaret. Sic enim oram illam enumerat: *Etruria; post Latium, Volsci, Campania.* Scylax quoque Periplo ita discernit, prauato quamuis nomine: Λατίνων ἔχοντα Ὀλσκοί. Ὀλσκῶν δὲ ἔχοντα Καμπανοί. *Latinis continui sunt Volsci: Volscis Campani.* Ab ora maritima incipiemus.

CCCXCIV.

Antium, Græce Ἀντίον, (Dionysio etiam Ἀντία, lib. V p. 304) Volscorum fuisse urbem, docet Liuius lib. II cap. XXXIII *fusi Volsci Antiates*: & cap. LXIII *Namicius Antium aduersus Volscos profectus*: & post paullo, eodem capite: *Melius in Volscis imperatum est.* *Fusi primo prælio hostes, fugaque in urbem Antium, ut turn res erant, opulentissimam acti.* Ad mare sita vrbs; ἀλίμενος tamen, hoc est, *sine portu*, ut Strabo ait pag. 160, quia propinquum oppidulum cum portu habuit, *Cenonem*, de quo mox dicturi sumus. Ab Antio prima gloriæ rei naualis Romanis fuit. Liuius lib. VIII cap. XIV *Naues Antiaticum partim in naualia Romæ subductæ, partim incensæ, rostrisque earum suggestum in foro exstructum adornari placuit, Rostraque id templum adpellatum.* Plenius paullo Florus lib. I cap. XI *Exstant & parta de Antio spolia, quæ Menius in suggestu fori, capta hostium classe, suffixit; si tamen illa classis.*
nam

nam sex fuere rostratae. Coloniae aliquoties missi, primum, quum captum ab Romanis esset, circa annum V. C. CCLXXXV. Vide Liuium lib. II extremo: Iterum lib. VIII cap. XIV *Et Antium noua colonia missa.* Et sub Nerone Tacitus lib. XIV cap. XXVII *Veterani Tarentum & Antium adscripti.* Deriuata *Antianus & Antias.* Plinius lib. III cap. VI *Vltra Tiberina ostia in Antiano [mari] Astura, insula.* Coloni & oppidani *Antiates.* Liuius dicto lib. VIII cap. XIV *interdictum mari Antiati populo est: & mox, naues Antiaticum, vt praediximus.* Celebre ibi Fortunæ templum. * Horatius lib. I odax XV ad illam:

O diua, gratum quæ regis Antium, & reliqua.

CCCXCV.

Adiacebat *Ceno* oppidum, quod nauale & forum habebat *Antiatium.* Dionysius lib. VIII pag. 612 *πολίχνην ἐπιθάττιον, maritimum oppidulum* vocat, quo *Antiates ἐπιτείω τε καὶ ἀγορᾷ τῶν εἰς τὸν βὸν ἀναγκαίων ἐχρῶντο, portu & foro necessariorum ad vitam utebantur.* Ei nomen *Cenoni* fuisse, in eadem consulis Numicii expeditione, quam Halicarnassensis tractat, prodit Liuius lib. II cap. LXIII. *Cenonem, inquit, aliud oppidum, nequaquam tam opulentum, ab Antiatibus cepit.* Quod *Ceno* quondam dictum, nunc, etiam iudice Holstenio, est *Nettuno.*

CCCXCVI.

Astura succedit, flumen & insula. Plinius lib. III cap. V *Dein quondam Aphrodisium, Antium colonia, Astura flumen & insula.* Et cap. VI insequenti, quo de insulis agit, *Vltra Tiberina ostia in Antiano [mari] Astura.* Insula autem parua prope ostium fluuii. Heic villa Ciceronis fuit. Plutarchus in Vita p. 884 de Marco & Quinto fratribus, nuntiata proscriptione; *ἔγνωσαν εἰς Ἀστυρὰ μεταβῆναι, χωρίον παράλιον τῇ Κικέρωνος, decreuerunt Asturam transire, maritimam villam Ciceronis.* Huius ipse meminit lib. VI ep. XX *Ego me Asturæ diutius arbitror commoraturum.* Et lib. XIII Attic. epist. XXVI *Ego, vt tempus est nostrum, locum habeo nullum, vbi facilius esse possum, quam Asturæ.* Videtur villa intra insulam fuisse. Lib. XII enim epist. XIX scripsit Attico: *Est heic quidem locus amœnus, & in mari ipso, qui & Antio & Circeis adspici possit.* Excreuit vel hæc vel alia eius loci villa in oppidum, vicum saltem. Seruius enim in Aeneid. VII vers. 801 *Haud longe a Tarra-cina oppidum est Astura, & eiusdem cognominis fluuius.* Fluuii etiam Liuius meminit lib. VIII cap. XIII. *Aricinos, inquit, Lauiniosque, & Veliternos, Antiatibus Volscis se coniungentes, ad Asturæ flumen Menius improviso adortus fudit.* Strabonis lib. V pag. 161 est *ὁ Στόρας ποταμὸς, Stora fluuius, quod in mendis nolim habere, quia etiam Festus scripsit: Stura flumen in agro Laurenti est, quod quidam Asturam vocant.* Vtrumque ergo nomen receptum fuit, *Astura* verum forte ac genuinum: *Stura* vulgare.

CCCXCVII.

Clostra Romana Plinius lib. II cap. V nominauit: & Tabula vetus *Clostris,*

* Adde huc Io. Addisonii *Remarks on several parts of Italy*, vbi duæ Fortunæ Antii cultæ esse dicuntur. pag. 291.

stris, ab Astura ix millibus passuum. Intercedit apud Plinium *Nymphæus* fluuius, nunc la Nimpa, cuius ostio putat Holstenius ab Romanis claustra fuisse adposita contra vim Oceani; quæ illa Plinii *Clostra Romana* sint.

CCCXCVIII.

Circeii deinceps in ora occurrunt, antiquus Latinorum terminus. Scylax periplo: - λατῖνοι μέχρι τῆς Κίρκαις, subaudi ὄρους, *Latini pertinent ad Circeum* * *usque promontorium*. Hoc est quod Virgilius lib. vii vers. 799 dixit *Circeum iugum*: Silius viii vers. 391 *iuga Circea*. Oppidum Latinis *Circeii* pluraliter dictum. Cicero lib. xv Attic. ep. x *Statim mittam vel Antium vel Circeios*. Mela lib. ii cap. iv *Circes domus aliquando, Circeii*. inde nomen. Et Strabo πολίχνιον Κίρκης, *Circes oppidulum* vocat lib. v pag. 161. Et Tabula vetus *Circeios* xxii m. p. a Clostris habet positos. Colonia antiqua fuerunt, deducta ab rege Tarquinio Superbo, vt Liuius lib. i cap. lvi tradit. Cicero iii Nat. D. cap. xix *Circen coloni nostri Circeienses religiose colunt*. Et Liuius lib. vi c. xvii *colonis Circeiensibus tristiora responsa reddita, quod ciues Romani patriæ oppugnandæ nefanda consilia iniissent*.

CCCXCIX.

In hoc tractu est *Saturæ palus*, de qua Virgilius lib. vii vers. 801

Qua Saturæ iacet atra palus.

Et Silius Italicus lib. viii vers. 381

Qua Saturæ nebulosa palus restagnat.

Cluuerio est ipsa *Pomptina* siue *Pomtina*, quæ etiam vt vna, quamquam sæpius pluraliter, describitur ab Iuuenale satyra iii vers. 307

Et Pomtina palus, & Gallinaria pinus.

Dixi, sæpius pluratiue nominari. Lucanus lib. iii vers. 85

Et qua Pomtinas via diuidit vda paludes.

Tacitus lib. xv cap. xlii de fossa, quam Neroni quidam ab Auerno lacu ad Tiberina ostia nauigabilem promiserant; *non aliud humidum gignendis aquis occurrit, quam Pomptinæ paludes*. Siccare plures tentauerunt, & ex parte siccasce certum est. Epitome Liuii xlvii *Pomptinæ paludes a Cornelio Cethego consule siccatae, agerque ex iis factus*. Idem conatus est Iulius Cæsar testante Suetonio cap. xlii, incertum quo successu. Et Antonius triumuir per Lucium fratrem diuidendos plebi agros, in iisque χώραν ἐν τοῖς ἐλεσι Ποντίνους, ὡς κεχωσμένοις ἤδη, pollicitus est, quod Dio Cassius refert lib. xlv pag. 274. Heic & alibi (lib. xlii pag. 242) scribit τὰ Πόντινα ἔλη, per n; etiam Festus in Pontina tribu: *a Pontia urbe dicta, a qua & palus quoque*

Nn nn

Ponti-

* Theophrastus hist. Plantar. V. c. 9. τὸ δὲ Κίρκαιον καλούμενον εἶναι μὲν ἄκραν ὑψηλὴν, δασύαν δὲ σφόδρα, καὶ ἔχειν δρῦν καὶ δάφνην πολλήν καὶ μυρρίνην. Λέγειν δὲ τὰς ἐγχωρίδας, ὡς ἐνταῦθα ἡ Κίρκη κατέβη, καὶ δεικνύουσι τὸν τῆς Ἑλλάδος τάφον. - - Καὶ πρότερον μὲν ἦν νῆσον εἶναι τὸ Κίρκαιον. Νῦν δὲ ὑπὸ ποταμῶν τινῶν προσκεχώσθη καὶ εἶναι ἡτόνα. Τῆς δὲ νήσου τὸ μέγεθος περὶ ὀγδοήκοντα σταδίους. *Circeum excelsum esse promontorium & arboribus frequens valde, & multas quercus & lauros alere & myrtos. Incolas autem dicere, Circen ibi habitasse, & ostendere sepulcrum Elpenoris.* - - Et *Circeum* quidem olim insulam fuisse, nunc vero per flumina quedam aggere adiunctum litus euasisse. Insule magnitudinem octoginta circiter stadiorum fuisse. Adde sis Diodorum Siculum lib. iv pag. 249.

Pontina adpellata est iuxta Terracenam: si Festi sunt, quæ nomine illius ibidem referuntur.

CCCC.

In proximo *Vfens* fluuius est, quem diphthongo *Festus* scripsit, *Oufentina* tribum ab *Oufente* fluuio deriuans. Virgilius *Aeneidos* vii vers. 802

- - - gelidusque per imas

Quærit iter valles, atque in mare conditur Vfens.

Et Silius Italicus lib. viii vers. 381 - - - & atro

Liuentes cæno per squalida turbidus arua

Cogit aquas Vfens, atque inficit æquora limo.

Claudianus etiam in Probinii & Olybrii consul. vers. 257

- - - tardatusque suis erroribus Vfens.

Et Vibius Sequester: *Vfens Terracina proximus.*

CCCCI.

Recipit aut vicinum habet *Amasenum*, a Priuerno decurrentem. Virgilius lib. vii vers. 685

- - - quos diues Anagnia pascit,

Quos Amasene pater.

vbi Seruius: *Amasenus est fluuius, qui Anagninenses agros intrigat.* Sed *Anagninum* flumen in *Lirim* effunditur. Præstat *Vibium* sequi, cui *Amasenus* est *Priuernatium*. Quod propter *Pomptinas* paludes, iisque siccandis depressas fossas, & ductus fluminum & ostia mutata fuerunt, difficulter de his quoque, *Amaseno* & *Vfente*, censetur. *Holstenius* *Vfentem* il *Portatore* interpretatur, natum sub *Setia*: *Amasenum*, *Baudinum* vel *Badinum* vulgo adpellatum; alii coniungunt, vt vno ostio effluant; alii separatim vtrumque in mare deducunt.

CCCCII.

Et *Feronia* lucus in hac ora maris fuit, estque de quo Virgilius lib. vii vers. 799

- - - queis Iuppiter Anxurus aruís

Præsidet, & viridi gaudens Feronia luco.

Fons in luco sacer. Horatius lib. i satyra v vers. 24

Ora manusque tua lauimus, Feronia, lympa:

etiam fanum siue templum. Scholiastes Horatii: *Fanum Feroniæ in tertio erat milliario a Tarracina.* Distantiam ipse Horatius ibidem a fonte sacro vers. 25 adprobauit:

Millia tum pransi tria repimus: atque subimus

Impositum saxi late candentibus Anxur.

CCCCIII.

Anxur autem est *Volscum* nomen eius oppidi, quod Græci & Latini *Tarracinam* dicunt. Plinius lib. iii cap. v *Dein flumen Vfens, supra quod Terracina oppidum, lingua Volscorum Anxur dictum.* Sic scriptum eius optimis libris *Terracina*: alii plerique *Tarracina*, prima vocali. Strabo ταρρακίνη,

λίην, Stephanus Ταρρακίνα: Cicero Attico vii ep. v *De Formidno Tarracinam prid. kal. Ian. inde Pomptinam summam: inde Albanum Pompeii.* Mela lib. ii cap. i v *Liris, Minturnæ, Formiæ, Fundi, Tarracina.* Liuius lib. xxxvi cap. iii colonias enumerat, quæ cum prætore de vacatione naualis rei certauerint, in quibus etiam sunt *Antium, & Tarracina, & Minturnæ.* Alibi Plinius pluraliter effert. Etenim lib. iv cap. lix *Anxur*, inquit, *fuit quæ nunc Tarracina sunt.* Etiam Ptolemæus plurali numero Ταρρακίνας. Vocabulo *Anxuris* in antiqua Volscorum historia etiam Liuius vsus est, v. gr. lib. vii cap. xxxix *quum haud procul Anxure esset*: aliis temporibus, quæ insequuta sunt, *Tarracina* nomen præualuit, vt supra ostendimus. Poetis tamen *Anxur* placet, tamquam magis idoneum ad metrum, eoque diuerso genere vtuntur: neutro, Horatius verbis antea ex lib. i sat. v productis,

Impositum saxi late candentibus Anxur:

virili, Martialis lib. v epigrammate i

Sine salutiferis candidus Anxur aquis.

Et lib. x epigramm. li *superbus Anxur*, quo situm significat editiore vertice: vt Silius lib. viii vers. 391

- - - *scopulosi verticis Anxur.*

Geminum inde gentile, *Tarracinensis & Anxuras.* Cicero pro Roscio Am. cap. xxiii *Tarracinensis homo*: Liuius lib. xxvii cap. xxxviii *Ea die hi populi ad senatum venerunt, Ostiensis, Alsiensis, Antias, Anxuras, Minturnensis.*

CCCCIV.

Inter *Anxur & Fundos Lautulæ.* Liuius lib. vii cap. xxxix *quum haud procul Anxure esset, ad Lautulas saltu angusto inter mare ac montes confedit.* Et lib. ix cap. xxi ad *Lautulas ancipiti prælio dimicatum est.* *Opidulum*, an saltus fuerit, non liquet. Hæc Volscorum maritima, ex quibus in eorundem mediterranea adscendemus.

CCCCV.

Velitræ primum oppidum Volscorum trans montem Albanum: hodie Velletri. Liuius lib. ii cap. xxx in Volscobello: *castris exutum hostem Velitras persequuti, vno agmine victores cum victis in urbem irrupere.* Tum colonia facta, quæ statim post aucta fuit. Eodem lib. ii cap. xxxiv *Et Velitris auxere numerum colonorum Romani.* * Et lib. iix cap. iii præter *Signiam Velitrasque, & ipsas colonias Romanas, Volsci excitati ad arma erant.* Suetonius Aug. principio: *Gentem Octauiam Velitris præcipuam olim fuisse, multa declarant.* Hinc gentile *Veliternus* formatur, non, vt in Suetonii quosdam libros inrepit, *Velitrinus.* Liuius lib. viii cap. xii *Veliternus populus.* adde cap. xiv. Et Plinius iii cap. v *Veliterni*: etiam Suetonius Aug. cap. xciv in mss. *Veliterni.* Vetusta tabula triumphorum (Grut. p. 297) C. MAENIVS - - - DE VELITERNEIS PRIDIE K. OCT.

Nn nn 2

CCCCVI.

* Adde Dionysium Halicarnass. VII pag. 427.

CCCCVI.

Proxima Velitris est ab ortu *Cora*, nomen hodieque seruans. Virgilius lib. vi Aeneidos vers. 775

Pometios, Castrumque Inui, Bolamque Coramque.

Et Italicus Silius lib. viii vers. 379

Quos Cora, quos spumans inimico Signia musto.

Et Liuius lib. ii cap. xvi *Duae coloniae Latinae, Pometia & Cora, ad Auruncos deficiunt.* Gentile *Corani*. Plinius lib. iii cap. v *Corania Dardano Troiano orti.* Liuius lib. iix cap. xix *vastans effuse Setinum Norbanumque & Coranum agrum.*

CCCCVII.

Vltior in eodem tractu *Norba*, ἐκ ἀφανὲς πόλις, non ignobilis vrbs, vt Dionysius lib. vii p. 428 laudauit. nunc *Norma*. Liuius lib. i cap. xxxiv *Velitris auxere numerum colonorum Romani, & Norbae in montes nouam coloniam, quae arx in Pomptino esset, miserunt.* Idem lib. vii extremo: *Priuernates Norbam atque Setiam, finitimas colonias Romanas, incursione subita depopulati sunt.* Et principio libri iix, *Setini Norbanique: & cap. xix ager Norbanus.*

CCCCIIX.

Etiam *Signia*, nunc *Segni*, in illo tractu est, in septemtriones a *Norba* recedens. Colonia *Tarquini Superbi*. Liuius lib. i cap. lvi *Signiam Circeiosque colonos misit, praesidia vrbi futura terra marique.* Aucta & renouata sub consulibus. Idem lib. ii cap. xxi *Signia colonia, quam rex Tarquinius deduxerat, suppleto numero colonorum, iterum deducta est.* Silius lib. iix vers. 379

- - - - *spumans inimico Signia musto.*

Vide quae adnotauimus ex Plinii xiv cap. vi de *Signino* vino. Eadem Martialis lib. xiii epigr. cxvi

Potabis liquidum Signina morantia ventrem,
quia id vini aluum sistit. *Coloni Signini.* Liuius xxvii cap. x *Ne nunc quidem post tot secula sileantur fraudulenturue laude sua, Signini fuere, & Nolani & Norbani.*

CCCCIX.

Prope *Signiam Sacriportus* fuit. *Paterculus* lib. ii cap. xxvi *Marius [Marii filius] apud Sacriportum pulsus a Sulla acie, Praeneste se exercitumque contulit.* Liuius epit. lxxxvii de eodem: *exercitu eius fuso deletoque ad Sacriportum.* Appianus vocabulum Graece vertens, *Ciuil.* i pag. 674 de eodem *Mario*, ὡς ἦλθεν ἐπὶ τὸν καλούμενον ἱερὸν λιμένα, ἐξέτασεν εἰς μάχην, *vbi ad Sacriportum peruenit, explicuit aciem.* Elegans *Lueani* tmesis lib. ii vers. 134

Iam quot apud Sacri cecidere cadauera Portum?

Quod vero proelium *Velleius*, *Liuius*, *Appianus* apud *Sacriportum* commissum narrant, idem *Plutarchus* *Sullae* vita pag. 469 factum tradit περὶ Σίγνιον, circa *Signiam*. Vnde vicinitas, supra indicata, intelligitur. Num vero

vero oppidum, vicus, an aliud fuerit, non constat; nec alia eius exstat mentio.

CCCCX.

Setia colonia in austrum inde magis est reducta: vulgo nunc *Sezza*. *Liuius* lib. vii extremo: *Priuernates Norbam atque Setiam, finitimas colonias Romanas, incurfione subita depopulati sunt.* Et lib. xxvii cap. ix in triginta coloniis numeratur. Et lib. xxvi cap. iix consul per *Appie municipia, quæque propter eam viam sunt, Setiam, Soram, Lauinium præmisit.* Sita in montium iugo. Inde *pendula* Martiali cognominata lib. iv epigr. lxiv. Idem lib. x epigr. lxxiv

Nec quæ paludes delicata Pomptinas

Ex arce cliui spectat vua Setini.

nam largus vini optimi prouentus in *Setino* agro. *Silius* lib. iix vers. 377

— — — *ipsius mensis seposita Lyæi Setia.*

Coloni *Setini*, & ipsa *Setia* *Setira* colonia. Vetus inscriptio apud *Sponium* p. 179 PATRONO FABRVM COLONIAE SETINAE.

CCCCXI.

Priuernum hinc in ortum recedit, nunc *Piperno Vecchio*, paullulum declinans a nouo in septemtrionem. *Liuius* lib. iix ineunte: *Consul ad Priuernum profectus, extemplo acie conflixit.* Et lib. xxvii cap. xi *Priuerni satis constabat, bouem loquutum.* *Virgilius* lib. xi vers. 540

Priuerno, antiqua Metabus quum excederet vrbe.

Incolæ *Priuernates*. *Liuius* lib. iix ineunte: *nuntii defectionis Priuernatium venerunt.* Et cap. xxi ex auctoritate patrum latum ad populum est, vt *Priuernatibus ciuitas daretur.* Sic cap. xix eiusdem libris *Priuernas bellum*: & *Plinius* lib. xiv cap. vi *Priuernatia vina.*

CCCCXII.

Antequam ad vltiora, quæ circa *Lirim* sunt, progrediamur, in *Campum Pomptinum*, qui in austrum versus subiacet, degressi a *Setia* & *Priuerno*, quo in eo, aut circa sunt, peragramus. *Pomptinus* ille *Campus* vocatur, *Straboni* lib. v pag. 161 τὸ Πωμύντιον πεδῖον, quod Græci plures *Pometiam* dicunt *Πωμυντίαν*, inserto N, *Pomentiam*. Ab illa enim & paludis & agri videtur cognomen esse, quasi *Pometia* contracte dicta fuerit *Pomtia*; & *Pometinus*, *Pomtinus*; quibusdam etiam, vt permutabiles sunt litteræ, *Pontia* & *Pontinus*. P autem inter M & T, vt sæpe alias, euphoniæ causa impositum.

CCCCXIII.

In extremitate, *Romam* versus, sita illa *Suessæ Pometia*, quam *Strabo* pag. 159 μητρόπολιν τῶν Ουόλσκων, metropolim *Volscorum*; *Dionysius* lib. vi pag. 364 ἡγεμόνα τῆς ἐθνῆς, gentis eius primariam urbem vocat. *Liuius* lib. i cap. liii de *Tarquinio Superbo*: *Is primus Volscis bellum in ducentos amplius post suam ætatem annos mouit*: *Suessamque Pometiam ex his vi cepit.* Et lib. ii cap. xxv ad *Suessam Pometiam*, quo confugerant hostes, legionibus ductis, intra paucos dies oppidum capitur. Receperant enim interea *Volsci*. Cognomen additur discriminis causa, quia & alia *Suessæ* est, sed *Aurunco-*

rum, de qua post paullo dicturi sumus. Alibi vel tantum *Suessa*, vt præcipua huius nominis; vel solo nomine *Pometia* vocatur. Strabo lib. v p. 159 ὁ υἱὸς αὐτῆς τὴν Σέσσαν ἔλε, *filius eius* [Tarquinii Prisci; is est Superbus] *Suessam cepit*. Et Liuius lib. ii cap. xvi *duæ colonie Latinae, Pometia & Cora, ad Auruncos deficiunt*: & paucis interiectis: *Pometiae arma inlata*. Virgilius id vocabulum pluratio numero expressit lib. vi vers. 775

Pometios, Castrumque Inui, Bolamque Coramque.

A *Pometia* est deriuatum *Pometinus*. Liuius lib. i cap. lv *Pometinae manubiae*. Et contracte lib. iv cap. xxv *in Pomtinum agrum frumenti caussa misere*.

CCCCXIV.

Inter *Suessam* & *Lanuuium*, in *Latinorum* confinio, *Mons* est *Marcus*, in *Volscorum* bello memoratus. Liuius lib. vi c. ii de *Camillo*: *nec procul ab Lanuuiio (ad Marcus is locus dicitur) castra oppugnare est adortus*. Sic legendum: non, *Metium*. Diodorus Siculus lib. xiv cap. vlt. in eodem bello: ἐν τῷ καλεσμένῳ Μαρκίῳ κατεστρατοπέδευται, ἀπέχοντες ἀπὸ Ῥώμης σταδίς διακοσίς, in ita dicto *Marcio castra metati* [Romani] *sunt*, cc stadiis ab *Roma*. Et Plutarchus in *Camillo* p. 126 περιελθὼν μακρὰν περίοδον περὶ τὸ Μάρκιον ὄρος, *exercitu Marcus montem circumducto*.

CCCCXV.

In hoc *Volscorum* tractu fuit etiam oppidum, *Liuiio* dictum *Corioli*: *Dionysio* lib. vi pag. 412 *Κορίολα*; *Stephano* *Κορίλλα*. Plutarchus in *Coriolano*: ἐν τῷ Οὐολέσκων ἔθνεϊ ἡ τῶν Κοριολάνων πόλις ἀξίωμα μέγιστον ἔχει, in *Volscis Corioli urbs maximæ dignationis*. Et *Dionysius* dicto loco: προῆγεν ἐπὶ Κορίολαν, πόλιν ἐπιφανῆ σφόδρα, καὶ ὥσπερ ἀν μητρόπολιν τῶν Οὐολέσκων, *duxit aduersus Coriolam, urbem clarissimam & quasi metropolim Volscorum*. Liuius lib. ii cap. xxxiii *Fusi Volsci Antiates: Corioli oppidum captum*. Inde cognomen *C. Marcio Coriolano*, vt præter laudatos scriptores *Valerius*, *Florus*, *Eutropius*, *Victor* adnotarunt. Situs ambiguus, & *Plinius* iii c. v *Coriolanos* in iis populis recenset, quorum oppida interierint sine relicto vestigio. Liuius autem quodammodo sedem indicauit lib. iii cap. lxxi, *Scaptii* verbis pronuntians, *finium Coriolanorum fuisse agrum*, de quo *Aricini* atque *Ardeates*, quum bello sæpe certassent, multis inuicem cladibus fessi, iudicem populum Romanum ceperint. Hinc utrique populo ad ortum *Coriolos* ponit *Cluuerius* ad *Antium* versus, sub *Lanuuiio*, quia obsessæ vrbi auxilio *Antiates* soli, vt propinquiore, venerint.

CCCCXVI.

Et circa *Coriolos* fuere, *Longula*, *Polusca*, *Satricum*. De *Polusca* & *Longula* Liuius lib. ii cap. xxxiii alter consul *Antiates Volscos* fundit fugatque: *compulsos in oppidum Longulam persequutus mœnibus potitur. inde Poluscam, item Volscorum, cepit: tum magna vi adortus est Coriolos*. Et cap. xxxix de *Coriolano* exfule & hoste: *Satricum, Longulam, Poluscam, Coriolos; nouella hæc Romanis oppida, ademit*. *Halicarnassensis* *Dionysius* lib. vi pag. 412 Πελύσκη (sic legendum pro truncato Πόλως, ex lib. iix) κατὰ διάσημα

διάστημα ἔ πολὺ τῆς Λογγόλας ἀπέχει, *Polusca haud longe a Longula distat.* Oppidani Plinio *Pollustini* sunt lib. III cap. v, ex alia forma *Pollustia* adpellati. At Dionysius lib. VIII pag. 509 εἰς τὴν Πολυσκανῶν χώραν, in *Poluscianorum regionem*. De oppido *Satrico* iam diximus aliquid ex Liuii I cap. XXXIX. Eius reliqua fata ita se habent: Liuius lib. VI cap. XXXIII *Ira & rabies Latinorum eo erupit, ut Satricum urbem, quæ receptaculum primum eis aduersæ pugnae fuerat, igni concremarent: nec aliud tectum eius superfuit urbis, quam matris Matutæ templum.* Restitutum ab Antiatribus. Idem lib. VII cap. XXVII *Satricum ab Antiatribus colonia deducta, restitutaque urbs, quam Latini diruerant.* Tertio post anno [Vrbis CCCCVII] dirutum atque incensum *Satricum* ab Romanis, ut Liuius dicto loco addidit. Postea ciues Romani in id oppidum missi, qui quum præsidium Samnitium accepissent, oppressi ab Romanis, & auctores defectionis securi percussi sunt, referente Liuiio lib. IX cap. XVI. Incolæ *Satricani* ibidem dicti.

CCCCXVII.

Supra hæc in septemtrionem reducendum oppidum *Verrugo* Volscorum: an vero eo usque, quo Cluuerius constituit, inter Velitras & Sacripotum, pro certo non habemus dicere. Id autem rationis subest: consul Sempronius quum parum prospere aduersus Volscos dimicasset, Lauicana via exercitum adfectum reduxisse a Liuiio narratur lib. IV cap. XLI. Id vero prælium Valerius Maximus dicit *apud Verruginem* commissum, lib. III cap. II exemplo 8. Addit vero Liuius cap. XXXIX extremo consulem non proximis ad urbem itineribus fugisse, sed ignaros fuisse equites, quam consul regionem petisset, qui in viam tandem Lauicanam euasit: ut ita nec ex prælio illo & consulis fuga certus locus *Verruginis* possit definiri. Aequis propinquiorem fuisse, ex Liuii cap. LV videtur probari, quia ab arce *Caruentana*, quam Aequi inuaserant, exercitus *Verruginem* ductus fuit. Adde eiusdem libri IV cap. I & LVIII.

CCCCXIX.

Sed prius quæ in austro restant, quam ad vltiora progrediamur, expedienda sunt. Circa Velitras & Sueſſam Pometiam fuerunt *Vlubræ*, in Pomptino agro, iuxta paludes. Cicero lib. VII epist. XVIII ad Trebatium: *Has litteras scripsi in Pomptino, quum ad villam Metrilii Philemonis devertissem: ex qua iam audieram fremitum clientium meorum, quos quidem tu mihi conciliaſti. Nam Vlubris honoris mei causa vim maximam ranunculorum se commosse constabat.* Trebatius autem, ad Cæsarem in Gallias profectus, clientes suos, in quibus *Vlubrani* erant, (epist. XII) Ciceroni commendaverat. Fuit tenue oppidum, aut instar vici. Horatius lib. I epist. XI extr.

- - - - - nauibus atque

Quadrigris petimus bene viuere. quod petis, heic est,

Est Vlubris: animus si te non deficit æquus.

Hinc est quod *vacuas* Iuuenalis dixit satyr. X vers. 102, id est, male habitatas, non omnino desertas. Superfuit enim, qui *vasa minora* solitus sit

Frangere pannosus vacuis ædilis Vlubris.

Incolæ

Incolæ Ciceroni *Vluberani* lib. vii epist. xii, Plinio lib. iii cap. v *Vlubenſes*.

CCCCXIX.

Propinquæ fuerunt *Tres Tabernæ* in via Appia: & ulterius paullo *Forum Appii*. Cicero lib. ii Attic. ep. x *Ab Appii Foro, hora quarta. dederam aliam paullo ante Tribus Tabernis*. Vterque locus etiam apostolico itinere Actor. xxviii, 15 notatus, obuiam Roma Christianos Paulo exiisse *ἀχρὶς Ἀππίης φόρου καὶ τριῶν ταβερνῶν*. *Appii Forum*, quod circa Nymphæum amnem fuit, Hierosolymitano itinerario signatum est: *Tres Tabernæ*, Tabula Augustana: utrumque itinere Antonini ab Vrbe via Appia ad Columnam, licet numeri non satis salui videantur esse.

CCCCXX.

Ecetræ dubius locus est. Dionysius scribit *ἐχετρά*, lib. vii post principium, quæ ἐν καλλίσῃ συνόδῳ, idoneo comitiis Volscorum loco sit posita. Et lib. x pag. 647 *ἐχετράνῳ πόλιν τῆς οὐολύσκων ἔθνης ἐπιφανέσθη τε καὶ κρατίστῳ τόπῳ μάλιστα κεκµένη*. *Echetra*, clarissima Volscorum vrbs, & loco sita commo-
dissimo. Liuius, qui demit adspirationem, ad Aequorum vicinitatem refert lib. iii cap. iv. *Aequi*, inquit, *ab Ecetranis Volscis præsidium petiere: quo cupide oblato, bellum summa vi parabatur*. *Sentiunt Hernici, & prædicunt Romanis, Ecetranum ad Aequos descisse*. Et cap. x eiusdem libri: *Hernici nuntiant, Volscos & Aequos, etsi accisæ res sint, reficere exercitus: Antii summam rei positam: Ecetræ Antiates colonos palam concilia facere. id caput, eas vires belli esse*. E quibus colligitur, ita Volscorum *Ecetram* fuisse, ut non longe ab Aequis & Hernicis abesset.

CCCCXXI.

Forte in eodem tractu *Artena* fuit, de qua Liuius lib. iv extremo: *Artena inde, Volscorum oppidum, ab tribunis obsideri cæpta. inde inter eruptionem tentatam, compulso in urbem hoste, occasio data est Romanis inrumpendi, præterque arcem, cetera capta*. Et post paullo: *Diruta & arce & vrbe Artena, reductæ legiones ex Volscis*. Sed positio incertissima, immo ignota huius oppidi est.

CCCCXXII.

Minus dubium oppidum *Sulmo* est Volscorum. Quemadmodum enim nobilis Pelignorum *Sulmo*, non tantum *Sulmona* vulgo, verum etiam a quibusdam, praeue quamuis, *Sermona* vocatur; ita nomen *Sermoneta*, muniti in monte oppidi, post Norbam ad ortum siti, tamquam ὑποκοριστικόν, ad paruum *Sulmonem* Volscorum nos adducit: cuius Plinius meminit cum *Norba*, lib. iii cap. v, & Virgilius in viri nomine ad id adludit lib. ix v. 412.

CCCCXXIII.

Inde vsque ad *Lirim* amnem erant Volscorum oppida, & quædam trans illum. Cis *Lirim*, ad *Cosam* fluuium (Straboni lib. v pag. 164 ὁ Κότας) qui a *Verulis* decurrit, est *Frusino*, nunc *Frusilone*, Festo præfectura; *Frontino* de coloniis, oppidum muro ductum. *Silius* lib. viii vers. 399 *Suessæ, atque duro Frusino haud imbellis aratro*.

Et Iuuenalis Satyra III vers. 223

*Si potes auelli Circensibus, optima Soræ,
Aut Fabrateriæ domus, aut Frusinone paratur.*

Ducitur inde nomen *Frusinas* tam incolis significandis, quam rebus, quæ illorum sunt. Liuius lib. x ineunte: *Frusinates* tertia parte agri damnati. Et Cicero ad Attic. xi epist. xiii *De fundo Frusinati redimendo iam pridem intellexisti voluntatem meam.*

CCCCXXIV.

Magis hinc in ortum recedit *Fabrateria*, ad amnem *Trerum*, qui *Co-*
sam acceperat, posita. Strabo dicto loco: *Φαβρατερία, παρ' ἣν ὁ Τρήρος ῥέας,*
Fabrateria, quam Trerus fluuius præterfluit. Silius lib. viii vers. 397

*Heic Fabrateriæ vulgus: nec monte niuoso
Descendens Atina aberat.*

Cicero lib. ix epist. xxiv *Aquini & Fabrateriæ consilia sunt inita de me.* *Co-*
loniam fuisse ex Velleii lib. i cap. xv patet. *Cassio, inquit, Longino & Sex.*
Caluino coss. *Fabrateria deducta est.* *Gentile Frabriterni.* Priscianus lib.
ii sub finem: *Fabrateria, Fabraternus.* Liuius lib. viii cap. xix *legati ex*
Volscis Fabraterni & Lucani Romam venerunt. Plinius distinguit inter *Fa-*
braternos veteres & Fabraternos novos, quod forsan noua colonia veteri fuit
superaddita. In lapide apud Gruterum pag. 1095 num. 6 *FABRATERNI*
NOVANI.

CCCCXXV.

Ad *Lirim*, supra confluentes *Treri*, *Fregellæ* fuerunt. Strabo lib. v
pag. 164 *ἔτι δὲ Φρεγγέλλαι, παρ' ἣν ὁ Λεῖρις ῥέας, ὁ εἰς τὰς Μιντέρνηας ἐκδιδέσ. νῦν μὲν*
κώμη, πόλις δὲ γεγονεῖα ἀξιόλογος, *Adhuc Fregellæ, quam [urbem] Liris præter-*
fluit, ad Minturnas se effundens; nunc quidem vicus, quondam vero vrbs me-
morabilis. Liuius lib. viii cap. xxii *Fregellus (Sidicinorum is ager, deinde*
Volscorum fuerat) colonia deducta. Silius lib. v vers. 543
- - - *hunc tristes luxere Fregellæ.*

Fatum urbis auctor libri iv ad Herennium cap. xv hac exclamatione ma-
nifestat: *O perfidiosa Fregellæ! quam facile scelere vestro contabuiſtis! ut,*
cuius nitor urbis Italiam nuper illustrauit, eius nunc vix fundamentorum reli-
quie maneant. Deriuatur inde *Fregellanus.* Cicero lib. xiii epist. lxxvi
Fregellanus ager: & Columella lib. iii cap. ii Vitis Fregellana. Et de co-
lonis Liuius ix cap. xii *pugnam Fregellani sustinuerunt.*

CCCCXXVI.

Supra *Fregellas* ad *Lirim* *Sora* est, quæ retinet nomen, etiam oppidum
Volscorum quondam. Strabo de situ lib. v p. 164 *Σώρα, παρ' ἣν ὁ Λεῖρις παρ-*
εξιδὼν εἰς Φρεγγέλλας ῥέας καὶ Μιντέρνηας, *Sora, quam Liris præteriens, ad Fregellas*
& Minturnas defluit. Ptolemæo etiam *Σώρα* in Latinis oppidis est, id est
in Latio. Liuius lib. ix cap. xxiii *Ad Soram e Samnio Apuliaque traductæ*
legiones. Et cap. xxiv *Ad Soram inde reditum.* Iuuenalis testimoniū
supra in *Frusinone* vidimus. Silius lib. viii vers. 394

*Sulla Ferentinos Priuernatumque maniplos
Ducebat simul excitos: Soræque iuuentus
Addita fulgebat telis.*

Coloniam accepit. Liuius lib. x ineunte: *Soram atque Albani coloniae deductæ.* Adde Velleium lib. i cap. xiv. Sed hæc iterata fuit deductio. nam ante quoque colonia fuerat. Liuius lib. ix cap. xxiii *Sora ad Samnites defecerat, interfectis colonis Romanorum.* Hinc *Soranus*, gentile nomen. Liuius ibidem cap. xxiv *Soranus transfuga: & lib. x cap. xxxiii retro in pacatum Soranum agrum pabulatores ibant.*

CCCCXXVII.

Inter Soram & Fregellas Liris amnis *Fibrenum* flumen, sinistrae adfluum ripæ, accipit: prope quos confluentes ab ortu situm est *Arpinum*, nunc deminutum, seruat tamen nomine: patria Ciceronis & C. Marii. Ille de se lib. xiii ep. xi *Non dubito, quin scias non solum, cuius municipii sum, sed etiam quam diligenter soleam meos municipes Arpinates tueri:* de hoc *Salustius Iugurth.* cap. lxiii *Is [Marius] natus, & omnem pueritiam Arpini altus.* Ante Punica bella ius ciuitatis accepit: finito secundo, suffragii lationem. Liuius lib. x ineunte: *Eodem anno [quo Sora colonia deducta] Arpinatibus Trebulanisque ciuitas data.* Et lib. xxxviii cap. xxxvi *De Formianis Fundanisque municipibus, & Arpinatibus C. Valerius Tappus tr. pl. promulgauit, uti iis suffragii latio (nam ante sine suffragio habuerant ciuitatem) esset.* - - - *Rogatio perlata est, ut in Cornelia tribu Arpinates ferrent.* Et possessuum *Arpinas.* Cicero xiv ep. vii ad Terentiam: *fundo Arpinati bene poteris uti:* & Attico i ep. xvi *Arpinates aquæ.* Poetæ etiam *Arpinus* dicunt. *Martialis* lib. x epigr. xix de Plinii studiis, elaborare dicit

Hoc quod quod sæcula posterique possint

Arpinis quoque comparare chartis,

id est Ciceronianis. Sed ad flumina reuertendum.

CCCCXXIIX.

De confluentibus *Liris* & *Fibreni* ita *Silius* lib. viii vers. 400,

At qui Fibreno miscentem flumina Lirim

Sulfureum tacitisque vadis ad litora lapsum

Accolit Arpinas.

Fibrenus ante confluentem, insulam facit, in qua Ciceronis villa erat, quam ipse dialogo ii de Legibus cap. i descripsit ita: *Visne, inquit Atticus, in insula, quæ est in Fibreno, sermoni reliquo demus operam sedentes?* respondet *Marcus: Sane quidem. nam illo loco libentissime soleo uti, - - - quia hæc est mea, & huius fratris mei germana patria. hinc enim orti stirpe antiquissima: hic sacra, hic gens, hic maiorum multa vestigia. Quid plura? hanc vides villam, ut nunc quidem est, lautius ædificatam patris nostri studio: qui quum esset infirma valetudine, hic fere ætatem egit in litteris.* Fuisse plures Ciceroni villas circa *Arpinum*, ex lib. viii ad Atticum ep. ix adparet. Ego, inquit, *Arpini volo esse pridie kalendas: deinde circum villulas nostras errare, quas visurum me postea desperavi.*

CCCCXXIX.

CCCCXXIX.

Infra Fregellas, vbi Liris flumen *Melpim*, vt Strabo vocat, nunc *Melfa*, recipit, *Interamna*, discriminis ergo *Lirinas* cognominata, sita fuit. Cicero Phil. II cap. XLI *Casino salutatum veniebant, Aquino, Interamna*. Et Liuius lib. XXVI cap. IX *Sub Casinum biduo statim habita. Inde, præter Interamnam Aquinumque, in Fregellanum agrum ad Lirim fluuium ventum*. Ad Lirim autem hanc *Interamnam* fuisse, etiam cognomen probat, quod Plinius adiungit sæpe dicto cap. V *Interamnates Succasini, qui & Lirinales vocantur*, hoc est, sub *Casino* ad *Lirim* siti. Vetus inscriptio [Grut. pag. 431 num. 7] CVR. R. P. INTERAMNAT. LIRIN. Hos solo cognomine videtur *Silius* notasse, quem ita lego a versu 400 lib. VIII

- - *Fibreno miscentem flumina Lirim*
Accolit Arpinas, accita pube Venafro,
Ac Lirinatum dextris socia hispidus arma
Commouet, atque viris ingens exhaurit Aquinum.

Lego *Lirinatum*, id est *Interamnatum*, quos *Lirinales* cognominabant. Hi enim inter *Aquinum* & *Arpinum* sunt, non *Larinales*, qui vulgo leguntur, quales in *Frentanis* nouimus: nullos in finibus *Latii*, quos hoc loco *Silius* recenset.

CCCCXXX.

Aquinum proximum, ingens *Silio* iam dicto versu: * πόλις μεγάλη Straboni, loco supra indicato. Municipium fuit. Cicero Philipp. II cap. XLI *Quum inde Romam proficiscens ad Aquinum accederet; obuiam ei processit (vt est frequens municipium) magna sane multitudo*. *Paullinus Nolanus* Natal. III Felic. vers. 73

- - - quos fertile pascit *Aquinum*.

Municipes *Aquinales*. Cicero dicto loco: *Stulte Aquinales: sed tamen in via habitabant*. Et *Silius* lib. XII vers. 528

- - - - mox & vicinus *Aquinas*.

CCCCXXXI.

Ab *Arpino* in ortum prope recentem *Melpim* fluuium sita est *Atina*, quæ nomen hodieque seruat. Adrigitur media protracto accentu. *Virgilius* lib. VII vers. 630.

Tela nouant Atina potens, Tiburque superbum.

Liuius IX cap. XXVIII *Qui captæ decus Nolæ ad cos. trahunt, adiiciunt Atinam & Calatiam ab eodem captas*. Prius præfectura fuit, quam colonia fieret sub *Cæsaribus*. Cicero pro *Plancio* cap. IIX *Hic est e præfectura Atinati, non tam prisca, non tam honorata, non tam suburbana*. At *Frontinus* principio libelli de *Coloniis*: *Atina muro ducta colonia*. Deduxit *Nero Claudius Cæsar*. Gentile *Atinales*. Cicero dicto loco: *Vtrum magis favere putas Atinales, quam Tusculanos, suis?*

CCCCXXXII.

Extremum in *Volscis* & septemtrionali *Latio* trans *Lirim* oppidum

O o o o 2

Casi-

* Et Straboni V p. 362. παρ' ἣν ὁ Μέλπις ἢ ποταμὸς μέγας, quam præterfluit magnus amnis *Melpis*.

Casinum fuit, * cui hodieque *Casino* nomen est. Paullo ante, in *Interamna* huius regionis, ex Ciceronis Philipp. II produximus, *Casino salutatum venisse*: & ex Liuii XXVI cap. IX *sub Casinum statua habita*. Municipium fuit. Sic enim in lapide vetusto est apud Gruter. p. 351 n. I II VIR QVINC. IN MVNICIPIO SVO CASINI. Municipales alia inscriptione pag. 431 dicuntur CASINATES. Et Liuius lib. XXII cap. XIII *ut se in agrum Casinatem ducat*. Atque ita vbique in antiquis monumentis s. simplici *Casinum*, *Casinates*, quod perperam in vulgatis libris duplicatum est. Adde Cluuer. Inscr. p. 126, & 462 n. 4.

CCCCXXXIII.

Tandem AVRUNCI ** quoque ac AVSONES, vltimus in Latio adiecto populus iuxta inferum mare, adeundi sunt. *Aufones*, laxè accepto vocabulo, omnem inferiorem Italiam tenebant a Circæo promontorio ad fretum vsque Siciliæ. Plinius lib. III cap. X de magna Græcia: *Aufones tenere primi*. His *Oenotrii*, ex Græcia aduecti, successerunt in partibus, vbi reliquias *Oenotrides* insulæ, *Lucanis* obuerfæ, testantur. Idem cap. VII dicti libri: *Contra Veliam Pontia & Ischia, utraque vno nomine Oenotrides, argumentum possessæ ab Oenotris Italiae*. Redacti sic *Aufones* in angustias inter Circæos & Massicos montes, nec vero soli possederunt, sed permixti alii. Idem cap. V *Ultra Circeios Volsci, Osci, *** Aufones*. *Osci* vero etiam in Campania. Hi in ora *Aufones*: mediterraneos inter Beneuentum & Cales Festus locat. Etiam Liuius lib. VIII cap. XVI *Aufonum gens Cales urbem incolebat*. Idem *Aurunci*, saltem intermixti ita, vt discerni facile non possint. Tzetzes Chiliad. V vers. 580

Τὸς δὲ Αὐρήγκας μόνους μοι Αὔσοντας λέγειν νόει,

Μέσας Οὐέλσων. Καμπανῶν πρὸς Θάλασσαν κεκµένους.

id est, *Auruncos solos mihi Aufones dicere cogita, medios inter Volscos & Campanos, ad mare sitos*. Seruius ad Maronis verba: *Aurunci misere patres*, lib. VII vers. 727, *Isti*, inquit, *Græce Aufones nominantur*: quasi eadem gens aliter ab Italis antiquis, aliter a Græcis fuerit adpellata. Plinius autem lib. III cap. V *Aufones & Auruncos* separauit. Liuius *Aufonum bello* lib. IX cap. XXV *Aufonum gens proditiōe urbium in potestatem venit*. *Aufona*, & *Minturnæ*, & *Vescia* urbes erant. De *Aufona* vrbe aut reliquiis eius, quia silent ceteri, nihil prodi potest: de *Vescia* & *Minturnis* dicemus iam in vrbibus.

CCCCXXXIV.

Oppida ergo & alia loca *Aufonum* iuxta mare, villa *Spelunca*, in qua
Tiberius

* Suppetias auctori fert Frontinus pag. 104. Varro L. L. VI cap. 3 a *Casco* deducit *Casinum*. Item ostendit, inquit, quod oppidum vocatur *Cassinum*. Hoc enim a *Sabinis* orti *Samnites* tenuerunt & nunc nostri, unde & *Casinum* forum vetus. Quare Scaliger *Cascinum* scribi maluit. Littera autem C propter duritiem fortasse elidi sensim cœpit.

** Add. Strabo libr. V pag. 224 edit. Basil.

*** Strabo V pag. 355 de *Aufonibus* locutus pergit: Μετὰ δὲ τέτρες Ὀσκοὶ καὶ τέτοις δὲ μετῇ τῇς Καμπανίας. Post hos *Osci* sunt, qui & ipsi partem *Campaniæ* tenuerunt. Olim igitur *Oscæ* hic florebat lingua, Liuius X. cap. 20. Ea deinde a Romanis conseruata fuit, *Oscorum* gente abolita. Vide Strabonem loco citato.

Tiberius pæne oppressus fuerat, quod Tacitus narrat annali iv cap. lix. Sita inter Amyclanum mare & montes Fundanos. *Vescebantur*, inquit Tacitus, *in villa, cui vocabulum Speluncæ, mare Amuclanum inter, Fundanosque montes, natiuo in specu. eius os, lapsis repente saxi, obruit quosdam ministros: hinc metus in omnes.* Et Plinius lib. iii cap. v post Tarracinam: *dein locus Speluncæ, lacus Fundanus, Caieta portus.*

CCCCXXV.

Ad mare sub loco Speluncæ, aut paullo propius Tarracinam, fuit olim oppidum *Amyclæ*, vt Plinius cap. v addit, *a serpentibus deletæ.* Iulius Solinus sit loco interpretis, qui cap. ii de Italia hæc ita repetiit: *Amunclas, quas Amyclas ante Græci condiderant, fugauere serpentes. Illic frequens vipera insanabili morsu.* Colonia ergo Amyclarum Laconia fuerunt, in quarum nomine leuiter Latini hoc mutarunt, vt *Amunclas* (sic Salmasius e m s s.) vel *Amuclas*, vt Tacitus dicto loco scripsit, adpellarent. Seruius ad verba Maronis Aeneid. x vers. 564

- - - - - *ditissimus agri*

Qui fuit Ausonidum, & tacitis regnauit Amyclis;

commentatus est, a Laconibus conditas, qui quum Pythagoræ disciplinam sequuti, a qua *taciti* dicti sint, abstinerent a necandis animalibus, multitudine serpentum, a vicinis paludibus natarum, fuisse deletas. Aliam expositionem addit, quum falso rumore, hostes adesse, ciuitas sæpius concuteretur, lata lege cautum fuisse, ne quis vmquam hostis nuntiaret aduentum. Sic verum aduentum hostium nemine nuntiante, ex improviso ciuitatem captam oppressamque esse. Id quod Silius respexit lib. viii vers. 529

- - - *quasque euertere silentia, Amyclæ:*

& Lucilius apud Seruium, *Mihi necesse est loqui: nam scio Amyclas tacendo periisse.* Deriuatum nomen Latinis *Amyclanus* siue *Amuclanus* est, vt supra ex Taciti verbis perspeximus: Græcis *Amyclæus*, vt Virgilius lib. iii Georg. vers. 89 ab Amyclis Laconicis formauit

- - - *Amyclæi domitus Pollucis habenis.*

CCCCXXVI.

Caieta sequitur, nunc Gaeta, portus & oppidum. Tradunt ab Aeneæ nutrice nomen trahere, ibidem sepulta. Virgilius principio libri vii Aeneidos:

*Tu quoque litoribus nostris Aeneia nutrix
Aeternam moriens famam Caieta dedisti.*

Cicero pro Lege Manil. cap. xii vocat portum *Caietæ celeberrimum atque plenissimum nauium.* Silius lib. viii vers. 530 *regnata Lamo Caieta.* Lamus autem rex Læstrygonum fuit, qui in hoc tractu circa Formias sedem dicuntur habuisse.

CCCCXXVII.

Caietano litori propinquæ ab ortu sunt *Formiæ*, vt vnum finum etiam

& hæ & Caieta denominent. * Λακωνικὸν κλίσμα Strabo dicit lib. v p. 161, hoc est a Lacedæmoniis conditas: a quibus ὀρμία διὰ τὸ εὐορμον, *Formiæ* a portus opportunitate sint nominatæ. Plinius quoque lib. iii cap. v *Oppidum Formiæ, Formiæ prius olim dictum: ut existimauerunt, antiqua Læstrygonum sedes.* Cicero vii Attic. epist. viii una *Formias* venimus. Tacitus xv cap. xlvi gubernatores, *quamvis sciente pelago, a Formiis mouere.* Antiquum municipium. Velleius lib. i cap. xiv *Fundani & Formiani in ciuitatem recepti eo ipso anno, quo Alexandria condita est.* Longe post ii Punitatem bellum, ut Liuius lib. xxxviii cap. xxxvi notauit, *de Formianis Fundanisque tr. pl. promulgauit, uti iis suffragii latio (nam ante sine suffragio habuerant ciuitatem) esset.* Horatius lib. i oda xx vinum *Formianum* laudat:

- - - mea nec Falernæ
Temperant vites, neque Formiani
Pecula colles.

Nec incelebre Ciceronis *Formianum* prædium, cuius sæpe mentionem habet, ut lib. xi epist. xxvii, lib. xvi ep. x. Hodie *Formiæ* in ruinis iacent prope locum, qui nunc *Mola* dicitur.

CCCCXXXIIX.

Ad *Lirim Minturnæ* erant paullo supra ostium, ad vtramque ripam, ix millibus passuum vltra *Formias*, ut Antonini est Itinerario: siue, ut Strabo metitur, *σαδίσ, π', stadiis Lxxx*, qui vtramque ripam inædificatam docet. *διαρρῆ, inquit, Λῆρις ποταμὸς, perfluit [Minturnas] Liris fluuius*, lib. v pag. 161. Plinius eadem lib. iii cap. v *colonia Minturnæ, Liri amne diuisa.* Vetus autem colonia. Liuius lib. ix cap. xxv *Ausonum gens proditiōe urbium in potestatem venit.* *Ausona, & Minturnæ, & Vescia* vrbes erant. Idem lib. x cap. xxi *Placuit, ut duæ coloniæ circa Vescinum & Falernum agrum deducerentur, una ad ostium Liris fluuii, quæ Minturnæ adpellata: altera in saltu Vescino, Falernum contingente agrum.* Et Velleius lib. i cap. xiv *Quo anno Pyrrhus regnare cæpit, Sinuessam Minturnasque missi coloni: qui inde Minturnenses dicti.* Idem lib. ii cap. xix *Marius in carcerem Minturnensium perductus est.*

CCCCXXXIX.

De amne *Liri*, qui nunc *Garigliano* est, id notamus, prius *Glanim* adpellatum fuisse *Italici*. Strabo dicto loco: *Λῆρις ποταμὸς, κλάνις ἐκαλεῖτο πρότερον, Liris amnis prius Clanis vocabatur.* Et Plinius: *colonia Minturnæ, Liri amne diuisa, Glani adpellato.* Ex Apennino effusus pluribus augetur fluminibus. Silius lib. iv vers. 350 de placido fluxu illius:

Et Liris nutritus aquis, qui fonte quieto
Dissimulat cursum, ac nullo mutabilis imbri
Perstringit tacitas gemmanti gurgite ripas.

* Alterum quidem oppidum alteri lucem adfert sæpe apud historicos. Vnus locus fatis erit, vnde simul alia quædam momenta elucebunt huc pertinentia. Diodorus Siculus V pag. 259 *Κατὰ δὲ Φορμίας τῆς Ἰταλίας Αἰήτην, τὸν νῦν Κομήτην προσκαγορευόμενον. Ad Formias Italia Aetam, nunc Caietam adpellatam.*

Ac Horatius lib. i Carm. oda xxxi

Non rura, quæ Liris quieta

Mordet aqua, taciturnus amnis.

Adiacent paludes Minturnenses, C. Marii latibulum; & lucus Maricæ. De paludibus Cicero in Pison. cap. xix *Marium Italia, seruata ab illò, demersum in Minturnensium paludibus: Africa, deuicta ab eodem, expulsus & naufragum vidit.* Et Paterculus lib. ii cap. xix *Marius extractus arundineto, circa paludem Maricæ, in quam se, fugiens consecrantes Sullæ equites, abdiderat.* Maricæ paludem vocat, quia ibi lucus huius nymphæ. Liuius lib. xxvii cap. xxxvii *Prodigia nuntiata: Minturnis ædem Iouis, & lucum Maricæ de cælo tacta.* Plutarchus Mario p. 428 τὸ τῆς λεγομένης Μαρικῆς ἁλ-
σος, ὃ σέβοντα, *Maricæ, quæ sic dicitur, lucus, quem sacrum habent.* Lucanus lib. ii vers. 424

- - - *umbrosæ Liris per regna Maricæ.*

Et Claudianus de consulatu Prob. & Olybr. vers. 259

- - - *flauæque terens querceta Maricæ Liris.*

Seruius ad illud Aeneidòs lib. vii vers. 47 de Latino:

Hunc Fauno & nympa genitum Laurente Marica;

Est, inquit, Marica dea litoris Minturnensium iuxta Lirim fluuium. - - -
Quod si voluerimus accipere uxorem Fauni Maricam, non procedit. Dii enim topici, id est locales, ad alias regiones numquam transeunt. Alia ergo fuit Laurens Marica, alia Marica Lirinas, quæ huius loci.

CCCCXL.

Vescia, vetus vrbs Aufonum, de qua paullo ante Minturnis ex Liuiò dictum. Addo ex eiusdem lib. viii cap. xi *qui pugnae superfuere, - - - Vescia vrbs eis receptaculo fuit.* Byzantii chorographi epitoma: Βερκία πόλις Αυσόνων, *Vescia vrbs Aufonum.* Hinc *Vescinus* saltus dictus, & ager *Vescinus*. Cicero Agrar. ii cap. xxv *ager Fundanus, Vescinus, Falernus.* In Hygini libro de Limitib. constit. pag. 161 depictus visitur mons *Vescini* supra Minturnas. Liuius lib. x cap. xxi *Placuit, ut duæ coloniæ circa Vescinum & Falernum agrum deducerentur, una ad ostium Liris fluuii, quæ Minturnæ adpellata: altera in saltu Vescino, Falernum contingente agrum, ubi Sinope dicitur Græca vrbs fuisse; Sinuessæ deinde ab colonis Romanis adpellata.* Ex quibus de situ *Vesciæ*, & saltu ad illam, iudicari potest.

CCCCXLI.

Sinuessæ autem, quæ ibidem designatur colonia, vltima Latii adiecti fuit, in finibus Campaniæ, trans Lirim amnem, ad mare, ubi ruderibus nomen priscum conseruatur. Strabo lib. v pag. 161 τῆς [πόλεως Φορμιῶν] ἀνὰ μέ-
σον εἰσὶ καὶ Σινέσσης αἱ Μιντῦρναι, *Inter Formias & Sinuessam Minturnæ medio loco sunt.* Et Plinius lib. iii cap. v *Oppidum Sinuessæ extremum in adiecto Latio, quam quidem Sinopen dixere vocitatam.* * Cicero lib. ix ad Attic. ep. xvi *Cæsarem Sinuessæ mansurum nuntiabant.* De colonis in eam missis
supra

* Idem adfirmat Liuius X cap. 21 ubi *Sinope* dicitur Græca vrbs fuisse; *Sinuessæ* deinde ab colonis Romanis adpellata.

supra in *Minturnis* & *Liuii* & *Velleii* testimonia cognouimus, quia ambæ coloniæ eodem anno deductæ. Coloni *Sinuessani*. *Liuius* lib. xxvii c. xl *populus Sinuessanus*. Et in lapide apud *Holstenium* p. 224 *SENVISSANI*. Proximo loco *Aquæ Sinuessanæ*. *Liuius* lib. xxi cap. xiii *Hannibal Maharbare* cum equitibus in agrum *Falernum* prædatum dimisit. *Vsque ad Aquas Sinuessanas* populatio ea peruenit. Et *Plinius* lib. xxxi cap. i: In *Campaniæ* regione *Sinuessanæ* aquæ sterilitatem *feminarum*, & *virorum insaniam* abolere produntur. *Campaniæ* dat: oppidum autem supra *Latio* adiecto, quia *Aquæ* inter oppidum & *Falernum* agrum in limite *Campaniæ*, quod modo etiam ex *Liuiio* intellectum est. Ab his thermis *Sinuessæ tepens* *Silio* dicta lib. viii vers. 528. *Claudius Cæsar* iis usus est. *Tacitus* lib. xii cap. lxi In tanta mole curarum *Claudius* valetudine aduersa corripitur, refouendisque viribus mollitiæ cæli & salubritate aquarum, *Sinuessam* pergit. Idem lib. i *Histor.* cap. lxxii accepto apud *Sinuessas* aquas supremæ necessitatis nuntio.

CCCCXLII.

Inter *Sinuessam* & *Minturnas* locus fuit, cui *Trifanum* nomen. *Liuius* lib. viii cap. xi Huic agmini *Torquatus* consul ad *Trifanum* (inter *Sinuessam* *Minturnasque* is locus est) occurrit. Propius tamen *Sinuessæ* quam *Minturnis* fuit, quia *Diodorus Siculus* lib. xvi cap. xc i idem prælium, quod *Liuius* scripsit, dicit factum esse περί πόλιν Σινέεσσαν, circa oppidum *Sinuessam*. Sic enim legendum, non Σουέσσαν, vt editum, etiam *Sigonius* ad *Liuium* obseruauit.

CCCCXLIII.

Hæc *Aufonum* in maris ora: intus pauciora sunt memoriæ prodita, nec facile reperimus aliquid præter *Fundos* oppidum, & agrum *Cæcubum*, prouentu generosioris vini celebratum. *Fundi* autem, hodie *Fondi*, loco satis certo oppidum inter *Tarracinam* & *Formias* situm ita, vt a mari, nec vero longius, recedat, ab illa distans xvi; ab his xiiii m. p. secundum iter *Antonini* ab Vrbe via *Appia* ad *Columnnam*. *Mela* lib. ii cap. iv *Minturnæ*, *Formiæ*, *Fundi*, *Tarracina*. *Cicero* xiv *Attic.* ep. vi *Pridie idus Fundis* accepi tuas litteras cænans. *Suetonius Galb.* cap. iv *Natus est in villa colli superposita, prope Terracinam, sinistrorsum Fundos petentibus*. Et *Strabo* & *Ptolemæus* φῦνδοι. Regio circumiecta ager *Fundanus* *Ciceroni Agrar.* ii cap. xxv; & *lacus Fundanus*, *Plinio* memoratus lib. iii cap. v: & incolæ *Fundani*. *Liuius* lib. xxxix cap. xxvi *Fundani* *municipes*. *Pompeius Festus* in *Municipii* primo genere: *participes omnium rerum ad munus fungendum una cum Romanis ciuibus, præterquam de suffragio ferendo, aut magistratu capiendo: sicut fuerunt Fundani, Formiani, Cumani*. Ideo etiam idem *Festus* in præfecturis iis *Fundos* numerat, quæ quotannis ab urbano prætore missos magistratus capiebant.

CCCCXLIV.

Cæcubum, τὸ Κόινυβον, *Cæcubus* ager, vt *Plinius* lib. ii cap. xc v adpellat. *Quædam insulæ*, inquit, *semper fluctuant, sicut in agro Cæcubo*. *Fundanum*
lacum



lacum videtur notasse. nam Strabo lib. v pag. 161 ἔχεται τῷ Καϊάτῃ κόλπῳ τὸ Καϊκῆβον, τῆς δὲ φῆνδοι πόλις ἐν τῇ ὁδῷ τῇ Ἀππία, *Continuum Caietano sinui Cæcubum: huic vero Fundi, oppidum Appiæ.* Plures quidem heic paludes, & totus campus paluster: at maiorem lacum, qui insulam ferat, vix alium ab Fundano inuenimus. Est simul campus vini feracissimus. Strabo ibidem p. 160 τὸ Καϊκῆβον ἐλῶδες ὄν, εὐοινότατον ἄμπελον τρέφει, *Cæcubum, quod palustre est, generosissimam vitem fert.* Inde vinum Cæcubum, ab Horatio laudatum. Lib. i oda xx

*Cæcubum, ἔς πρᾶλο domitam Caleno
Tu bibes vuam.*

Et lib. iii oda xxviii

- - - *prope reconditum,
Lyde strenua, Cæcubum.*

Haftenus de Latio adiectis multis ad Latinos populis, videlicet Volscis, Aequis, Hernicis & Ausonibus, ampliato: adeunda nunc fertilissima est

SECTIO IV.

CAMPANIA.

CCCCXLV.

Campania inter Latium, Samnium, Picentinos & mare inferum posita, vt Strabo dicit lib. v p. 167, πεδῖον εὐδαμονέστατον τῶν ἀπάντων, *omnium fertilissima est regio:* quippe cuius etiam γεωλοφία εὐκαρποι, *colles sint summe frugiferi.* Cicero ii Agrar. cap. xxiix *Campanus ager, orbis terræ pulcherrimus.* Et Florus lib. i cap. xvi *Omniū non modo Italia, sed toto orbe terrarum pulcherrima Campaniæ plaga est.* Nihil mollius cælo: denique his floribus vernat. Nihil vberius solo: ideo Liberi Cererisque certamen dicitur. Fluminibus rigatur Sauone, Vulturno, & Literno, qui & Clanius vocatur: item Sarno, aliisque minoribus. Oræ maritimæ hæc facies est:

CCCCXLVI.

Sauo primus fluuius post Sinuessam, terminum Latii adiecti, hodie Saone. Plinius lib. iii cap. v *In ora Sauo fluuius: Vulturnum oppidum cum amne.* Statius Silv. lib. iv carm. iii vers. 66.

Et Literna palus, pigerque Sauo.

Tabula Peutingeriana hic ordo & distantia seruatur:

Sinuessæ vii Safo fl. xii Vulturno.

CCCCXLVII.

Maximus Campaniæ amnium est *Vulturnus*, hodieque dictus *Voltorno*, qui & oppido, quod ostio adpositum, *Vulturni* nomen dedit, quod nunc Castello di Voltorno. Flumen a Plinio, dictis iam verbis, memoratur: & sæpe a Liuiio. Lib. viii cap. xi *Falernus ager vsque ad Vulturnum flumen plebi Romanæ diuiditur.* Et lib. x cap. xx *cognoscit ad Vulturnum flumen sedere hostem.* Et lib. xxii cap. xiv pr. *Vt vero ad Vulturnum flumen castra sunt posita.* Ad ostium castellum exstructum Punico ii bello, quod

in oppidum excreuit. Idem Liuius lib. xxv cap. xx *ad Vulturni ostium, ubi nunc vrbs est, castellum communitum.* Colonia post eodem est deducta. Liuius lib. xxxiv cap. xlv *Coloniae ciuium Romanorum eo anno deductae sunt Puteolos, Vulturnum, Liternum.* Et Varro de Lat. Ling. lib. iv cap. v *colonia nostra Volturnum.*

CCCCXLIIX.

Liternum siue *Linternum*, ad ostium *Clanii* fluiui, qui & ipse *Liternus* dicitur. Adiacet palus, quam modo ex Statii Silv. iv carm. iiii. 66 audiui-
mus memorari, *Linterna palus*, vt in libris est: a qua Silio dicitur lib. vi
vers. 653 *stagnosum Linternum*: & lib. viii vers. 531

- - - - *stagnisque palustre Linternum.*

Coloniam Romanam accepit, vti ex Liuii verbis in Vulturno iam cogno-
vimus, eodem tempore, quo Puteolos & Vulturnum coloniae fuerunt de-
ductae. Renouauit, aut auxit, Augustus. Frontinus de Coloniais: *Liter-
num muro ductum. colonia ab Augusto deducta.* Fuisse ad ostium cognomi-
nis fluiui, ipsum nomen commune significat, & Liuius prodit lib. xxxii
cap. xxi. *Acilius, inquit, tr. pl. tulit, vt quinque coloniae in oram mariti-
mam deducerentur: duae ad ostia fluminum Vulturni Liternique: vna Puteo-
los: vna ad castrum Salerni: his Buxentum adiectum.* Quae vtique deductae
omnes sunt, vti ex lib. xxxiv cap. xlv patet, vbi etiam *Liternum* colonia
dicitur deducta. Quod si Festo fides est habenda, *Liternum* vna cum
Vulturno coloniarum iure excidit, quippe in praefecturis vtrumque nu-
merauit.

CCCCXLIX.

Situm fuit *Liternum* oppidum inter Cumas & Vulturnum. Sic enim
Mela lib. ii cap. iv ordinauit: *Cumae, Linternum, Vulturnus amnis, Vultur-
num oppidum.* * Et Plinius verso itinere: *Vulturnum oppidum cum amne,
Linternum, Cumae.* In hoc tractu vero & inter dicta oppida non est flumen
aliud, quam quod ab Acerris supra Atellam decurrit, vulgo *l'Agne* dictum,
quod veteres Glanum vel Clanium vocarunt, ideoque ipsum quoque oportet
Liternum esse a Liuiio supra memoratum. Alterum id nomen Virgi-
lius dat Georg. ii vers. 225

- - - *vacuis Clanius non aequus Acerris:*

Et Silius Italicus lib. viii vers. 536

- - - *& Clanio contemptae semper Acerrae.*

Græcis hic amnis γλάνις est. Dionysius Halicarn. lib. vii p. 419, οἱ παρὰ τὰ
στράτοπεδα ῥέοντες αὐτῶν ποταμοὶ, οὐολτῆρος ὄνομα θατέρῳ, τῷ δὲ ἐτέρῳ γλάνις,
qui praeter illorum castra fluebant amnes, alter Vulturnus, alter Glanis dictus.
Et Lycophron vers. 718 γλάνιν, *Glanum* fluiuium cum Parthenopes, vnius Si-
renum, monumento siue templo coniungit, quod in Campaniae ora fuisse
postea demonstrabitur. De priore vocabulo lis est, rectiusne *Liternum* an

Linter-

* Fuit colonia quoque. Varro L. L. IV cap. 5 *Vt quod oritur e Samnio Volturnus, nihil ad la-
tinam linguam. At quod proximum oppidum ab eo secundum mare Volturnum, ad nos iam
latinum vocabulum, vt Tiberinus, nam & colonia nostra Volturnum & Deus Tiberinus.*

Linternum scribatur, quod difficulter iudicaueris, quum, euerso oppido, ne lapis quidem superfit, quantum scimus, qui antiquum nomen inscriptum ostendat. Libri variant, & Liuii, Plinii, Frontini, Festi; etiam vetus Tabula Peutingeri, *Liternum* præ se ferunt: contra Ouidii [Metamorph. xv vers. 714] Melæ, Silii codices dictis locis *Linternum* habent, nec excellentissimi viri Heinsius, Vossius, Gronouius de castigando nomine notauerunt. Sed prior scriptura, vt pluribus probata, & nostro iudicio, si tanti est, vincat, cui & Græcorum suffragium accedit, Strabonis, Appiani, Ptolemæi. Illi enim Λίτερνον scripserunt; hic Δείτερνον diphthongo.

CCCCL

Inter Vulturni & Literni ostia *Silua* est *Gallinaria*. Strabo lib. v pag. 168, vbi de Cumis egit, addit, in sinu illo esse siluam ἀνδρον καὶ ἀμμώδη, sine aqua & arenosam, ἢ Γαλλινάρειαν ὕλην καλεῖσιν, quam *Gallinariam siluam* vocant. Cicero lib. x epist. xxiii Heri veni in Cumanum - - - quum mihi M. Ceparus in silua *Gallinaria* obuiam venisset. Hæc est quæ Iuuenali satyra iii vers. 307 *Gallinaria pinus* dicta est. Aiunt locum illum adhuc siluestrem esse, vt de situ dubitetur minus.

CCCCLI

Sequuntur *Cumæ*, plurale Latinis, & Ptolemæo Κῦμαι; Straboni & Stephano Κύμη singulariter: quos interdum Latini poetæ imitantur. Silius lib. xiii vers. 494

At gravida arcanis Cymes anus,
id est Sibylla Cumana: & vers. 498 Cymæo in antro, est in Cumano. Et Statius iv Silv. iii vers. 65

Miratur sonitum quieta Cyme,
Et Literna palus, pigerque Sazo.

Et rursus Silius lib. viii vers. 532

- - - quondam fatorum conscia Cume.

Peruētustum oppidum. Plinius: *Cumæ Chalcidensium*. Addit Strabo p. 168 Cymæos ex Aeolia conditores. ἔστι, inquit, κύμη Χαλκιδέων καὶ Κυμαίων παλαιότατον κτίσμα, Sunt *Cumæ Chalcidensium* & *Cumæorum* opus vetustissimum: quod pronum est ad fidem, quia nomen a Cumæis potius, quam a Chalcidensibus, originem ducit: nisi duos illos populos, quod Strabo refert, ita inter se pactos credas, vt alterius colonia esset, ab altero nomen acciperet. Poetæ ad Chalcidem Eubœæ solam referunt. Statius Silv. lib. iv carm. iii vers. 98

Profert Chalcidicas Sibylla laurus:

& eiusdem libri carm. iv vers. 78 *Chalcidicis litoribus* Vesuuium ponit propter Cumas & Neapolim a Cumanis conditam. Et Virgilius initio libri vi

Et tandem Euboicis Cumarum adlabitur oris.

Et ipsa Cumana Sibylla inde Euboica cognominatur. Statius lib. iv Silv. carm. iii vers. 24 Euboicæ domum Sibyllæ Cumas dixit: & Ouidius Fast. iv vers. 257 Sibyllina oracula

Carminis Euboici fatalia verba.

Incolæ *Cumani*. Velleius lib. i cap. iv *Cumanos Osca mutauit vicinia*. Laudantur etiam *Aquæ Cumanae*, vt salubres. Liuius lib. xli cap. xvi Cn. Cornelius cos. ex monte Albano rediens concidit, & parte membrorum captus, ad *Aquas Cumanas* profectus, ingrauescente morbo Cumis decessit. Ciceronis prædium *Cumanum*, laudante ipso, fatis notum est. v. gr. lib. x ad Attic. ep. iv *A Curione mihi nuntiatum est, eum ad me venire. venerat enim is in Cumanum vesperi pridie: - - - præterit villam meam Curio, iussitque nuntiari mox se venturum: concurratque Puteolos, - - - rediit: fuit ad me sane diu.*

CCCCCLII.

Inter Cumas, iam desertas, & Misenum est *Acherusia palus*, Straboni pag. 168 *Ἀχερυσία λίμνη*, Plinio lib. iii cap. v *Acherusia palus, Cumis vicina*. Secundum Strabonem est τῆς θαλάσσης ἀνάχυσίς τις τεναγώδης, cœnosa maris effusio, ideoque a Lycophrone etiam vers. 695 *Ἀχερυσία χύσις* dicta. Quidam, notante ipso Strabone pag. 169, cum Lucrino lacu, alii cum Auerno confundunt: sed discreuit Strabo atque Plinius.

CCCCCLIII.

Inde proximum est *Misenum* * promontorium, portus, & oppidum. Origo nominis fabulosa, ab tubicine Aeneæ ibidem sepulto, cui nomen fuerit *Miseno*. Virgilius lib. vi vers. 232

*At pius Aeneas ingenti mole sepulcrum
Imponit, suaque arma viro, remumque tubamque
Monte sub aerio, qui nunc Misenus ab illo
Dicitur, æternumque tenet per secula nomen.*

Mons ille promontorium ab aliis dicitur. Tacitus lib. vi cap. l *Tiberius, mutatis sæpius locis, tandem apud promontorium Miseni consedit*. Et lib. xiv cap. iv *promontorium Misenum inter, & Baianum lacum*. Oppidum Plinius vterque enarrant: maior, *Cumæ Chalcidensium, Misenum, portus Baiarum*: minor lib. vi epist. xx de Vesuuui incendio: *ego Miseni relictus, - - - tum demum excedere oppido visum*. Portum tandem, immo nauale, Misensis classis ab Augusto instituta probat. Suetonius cap. xlix *classẽ Miseni, & alteram Rauennæ, ad tutelam superi & inferi maris collocauit*. Et Florus lib. i cap. xvi *Hic illi nobiles portus, Caieta, Misenus*. Hinc dicuntur *Misenenses*. Tacitus Hist. lib. ii cap. ix *e classe Misenenfi duæ triremes*. Et annali xv cap. li *primores classiariorum Misenensum*. Et Plinius lib. xviii cap. vi *Nouissimam villam in Misenenfi posuit C. Marius septies consul, sed peritiam castra metandi*. Plures ibidem villæ propter loci amœnitatem, cuius generis quædam *Luculli villa* fuerat, in qua Tiberius, iam viribus defectus, *apud promontorium Miseni consedit*, & ibi, referente Tacito lib. vi cap. l, vitæ finem habuit.

CCCCCLIV.

Ex istis villis erat etiam *Retina*, proxime sub Miseno Vesuuuium versus

* Ratio & natura locorum inter Misenum & Puteolos adcurate nobis describitur a Dione lib. XLVIII pag. 443.

sus posita. Plinius lib. vi epist. xvi *Retinae classarii, imminenti periculo exterriti (nam villa ea subiacebat, nec vlla, nisi nauibus, fuga) ut se tanto discrimini eriperet, orabant.* Et paucis interiectis: *Deducit [Plinius maior] quadrirems, adscendit ipse non Retinae modo, sed multis (erat enim frequens amœnitas oræ) laturus auxilium.*

CCCCLV.

Misenum inter & Puteolos *Baia* * sunt thermis nobiles, quæ non tantum πρὸς ἰατρικήν, *ad medicinae usum*, verum etiam πρὸς τρυφήν, ut Strabo ait, hoc est *ad luxuriam & voluptatem* Romanis opulentioribus erant. Nomen fingunt a *Baio*, Vlyssis socio, ibidem sepulto. Lycophron in Casandra vers. 694

Βαῖς δ' ἀμύψας κυβερνήτης τάφον,

Baii naucleri sepulcrum transiens. ** Silius lib. xii vers. 114

- - - - - docet ille tepentes

Vnde ferant nomen Baia, comitemque dedisse

Dulichiae puppis stagno sua nomina monstrat.

Etiam Florus dixit lib. i cap. xvi *tepentes fontibus suis Baias.* Et Martialis lib. xi epigram. lxxx

Baias superbæ blanda dona naturæ.

Has naturæ dotes ad vitia & luxuriam traxerunt homines, ut Canopum Aegypti, ut Daphnen Antiochiæ. Seneca epist. li *De secessu cogitans* [vir probus & sapiens] *numquam Canopum eliget, quamvis neminem Canopus esse frugi vetet.* Ne Baias quidem. *diversorium vitiorum esse cœperunt. Illic sibi plurimum luxuria permittit: illic, tamquam aliqua licentia debeatur loco, magis soluitur.* Inuitavit locorum voluptas, ut plures heic villæ ponerentur, etiam βασιλικοὶ οἰκήσεις, *augustorum palatia*, ut Iosephus Antiquit. lib. xix cap. ix illum locum descripsit, quem per se πολίδριον, *oppidulum esse* significat. Ab hoc dicitur *Sinus Baianus*, Sueton. Ner. cap. xxvii: *Portus Baianum*, Plin. lib. iii cap. v; quem Augustus Cæsar amplissimum fecit, *immissio in Lucrinum & Auernum lacum mari*, nominarique iussit *Portum Iulium apud Baias*, Sueton. cap. xvi. Est etiam *Baianus lacus* apud Tacitum lib. xiv cap. iv, quem quidam ipsum Lucrinum interpretantur.

CCCCCLVI.

Lucrinus autem lacus sub ipsis Baiis fuit, ut ex Suetonio iam cognovimus, & Mela ac Plinius testantur. Ille, *Puteoli*, inquit, *lacus Lucrinus &*

Pp pp 3

Auer-

* Dio lib. XLVIII pag. 443. τὰ ὄρη ταῦτα πρὸς ταῖς ἔνδον θαλάσσις ὄντα πηγὰς πυρὸς τε ἅμα πολλὰ καὶ ὕδατος συμμιγῆς ἔχον. - - Καὶ ἐκάνο μὲν πρὸς τὴν θάλασσαν διὰ τῶν προποδῶν εἰς τὰς δεξαμενὰς χωρῆ. τὴν δ' ἀτμίδα αὐτῆς εἰς τε οἰκήματα μετέωρα διὰ σωλῆνων ἀνάγναι. Κανταῦθα αὐτῇ πυριῶνται. Ὅσα γὰρ ἂν ἐπὶ πᾶν ἀπὸ τε τῆς γῆς καὶ ἀπὸ τῆς ὕδατος ἀναδράμῃ, ξηρότερα γίνεται. Κατασκευαί τε ἔν περὶ ἀμφοτέρων πολυτελεῖς ἡσκηται, καὶ ἐστὶν εἰς τε βίη διαγωγὴν καὶ εἰς ἀσχετον ἐπιτηδεύματα. Montes hi ad sinus interiores qui sunt, fontes habent calidis aquis plenos. Atque istæ quidem per extremas montium partes in cisternas defluunt: Vaporem autem istarum in ædes sublimes per canales attollunt, & ibi isto incallescunt & sudant. Nam quæcunque longius a terra & aqua adscendunt aqua, sicciore sunt. Verimque igitur ædificia sunt sumtuosa, & aquæ cum ad degendam vitam, tum ad medendum sunt idoneæ.

** Adde Tzetzem ad hunc locum.

Auernus, Baie, Misenum: hic, inuerso itinere: *Misenum, portus Baiarum, Bauli, lacus Lucrinus & Auernus*, - - deinde *Puteoli*. In deliciis erant ostrea *Lucrina*, quæ ex hoc lacu erant. *Horatius Epod. 11*

Non me Lucrina iuuerint conchyliis.

Et *Cicero IV Attic. ep. x ex Cumano*: *Ego hic pascor bibliotheca Fausti. fortasse tu putabas, his rebus Puteolanis & Lucrinensibus.* Hic lacus anno *CIO 10 XXXVIII a. d. 111 kalend. Octob.* qui dies angelorum principi sacer est, graui motu terræ concussus, montem eructauit, qui adhuc *Monte nuovo di cenere*, id est mons nouus cinereus vocatur, descriptus ab *Iulio Cæsare Capaccio* in *Antiquitatibus Puteolanis cap. xx.* Quæ superant de lacu extra montem, paludes parua, lutosæ, cum arundineto sunt.

CCCCLVII.

Inter lacum & mare agger *Via Herculanea* * dicebatur, quasi *Hercules* bubus suis traducendis muniuisset. *Cicero Agrar. 11 cap. xiv* *Adiungetur illa via vendibilis Herculanea, multarum deliciarum, & magna pecunie.* *Silio lib. xii vers. 118* est *Herculeum iter*. *Strabo* de illo p. 169 ὁ Φατὴν Ἡρακλέα διαχωσάσας τοὺς βοῦς ἐλάυνοντα τὰς Γηρυόνας, dicunt *Herculem*, *Geryonis boues aggentem*, aggerasse. *Propertius lib. 111 eleg. xix*

*Qua iacet & Troie tubicen Misenus arena,
Et sonat Herculeo structa labore via.*

CCCCLIX.

Lucrino adiacet *lacus Auernus*, ** quid id nomen retinet. Ostio coniungebatur, quod etiam nunc visitur, quamuis terra oppletum est. Adparet tamen ex situ, interstitium paucorum fuisse passuum: quod *Holstenius pag. 133* suis oculis obseruatum adnotauit. *Vibius Sequester de Lacubus*: *Auernus immensæ altitudinis, cuius ima pars deprehendi non potest.* Ideo *Lucanus lib. 11 vers. 668*

Decidat in fundum penitus stagnantis Auerni
dixit. *Silua* circa eum fuit. *Virgilius Aen. 111 vers. 442*

Diuiuosque lacus, & Auerna sonantia siluis:
sed excidit illam *Agrippa* tum, credo, quum portum *Iulium* faceret. *Strabo lib. v pag. 169* νῦν δὲ τῆς ὕλης τῆς περὶ τὸ Ἄορνον κοπέσης ὑπὸ Ἀγρίππα, nunc autem *silua* illa, quæ circa *Auernum* erat, excisa ab *Agrippa*. De nomine iam disquirendum est. *Lucretius lib. vi vers. 740*

*Principio, quod Auerna vocantur, nomen id ab re
Impositum est, quia sunt auibus contraria cunctis.*

Nota

* *Diodorus Sicul. IV pag. 229.* Ἀναπεπλεγμένης δὲ τῆς λίμνης εἰς τὴν θάλατταν, τὸν Ἡρακλέα λέγουσιν τὸν μὲν ἔχον ἐγκλωσθαι, τὴν δ' ὁδὸν τὴν νῦν ἔσαν παρὰ θάλατταν κατασκευάσαι τὴν νῦν καλεστέαν, quæ nunc *Herculanea* vocatur, ad mare aggere muniisse.

** *Diodorus Sicul. IV pag. 229* *Proserpinæ* sacrum dictum esse confirmat. Καταμινεν ἢ λίμνη σαδίων, τὸ δὲ βάθος ἀπίστον. Ἐχουσα γὰρ ὕδωρ καθαρώτατον φαίνεται τῇ χερσὶ καὶ ἀνεον διατὴν ὑπερβολὴν τῆς βάθους. Iacet igitur lacus inter *Misenum* & *Dicaarcheam* prope ad aquas calidas. *Ambitus* eius est quinque circiter *stadiorum*, altitudo vero incredibilis. *Aqua* eius quamuis sit pura, tamen *cerulei* coloris videtur propter altitudinem.

Nota fabula de lacu ita pestilenti, vt ne auis transuolare possit, quin decidat & exstinguatur. Vere Strabo dicto loco: *postquam quæ circa lacum sit-vestria erant, ædificiis occupata sunt*, (addo ego: & in lacu classis ædificata Augusti;) ἀπαντ' ἐκείνη ἐφάνη μὴδος, omnia illa fabulam esse adparuit. Virgilius bene, non de lacu, sed de spelunca siue antro interpretatur lib. v. 1. vers. 237

*Spelunca alta fuit, vastoque immitis hiatus,
Scrupea, tuta lacu nigro, nemorumque tenebris:
Quam super haud ullæ poterunt impune volantes
Tendere iter perennis. Talis se se halitus atris
Faucibus effundens supera ad conuexa ferebat.*

Inde rectius lacus Auerni vocatur, id est circa antrum Auernum; quam Auernus lacus primo casu. Cicero Tusc. lib. i cap. xvi in vicinia nostra Auerni lacus. Et Liuius lib. xxiv cap. xii cum cetero exercitu ad lacum Auerni descendit. Et cap. xiii quum [Hannibal] ad lacum Auerni esset. Ammianus Marcellinus lib. xxviii cap. xxii si a lacu Auerni lembis inuecti sunt pictis Puteolos vel Caietam.

CCCCCLIX.

Est & Gaurus mons in hoc tractu, cuius etiam Cicero Agrar. ii cap. xiv meminit. Liuius lib. vii cap. xxxii Consules ambo cum duobus ab urbe exercitibus profecti, Valerius in Campaniam, Cornelius in Samnium: ille ad montem Gaurum; hic ad Saticulam, castra ponunt. Situm poetæ ostendunt. Lucanus lib. ii vers. 667

*- - - si conuulso vertice Gaurus
Decidat in fundum penitus stagnantis Auerni.*

Et Sidonius Panegy. Maioriani vers. 345

Et se Lucrinæ qua vergit Gaurus in undas.

Ergo circa illos lacus est. Supra laudatus Capaccius in Antiquit. Puteolanis cap. xxii tres montes in Campaniæ finibus Gauri nomine adpellari censet: primum prope Massicum & Minturnas, quem Cicero de agraria lege intelligat: alterum circa Nuceriam & Surrentum: vnde Plinius iii cap. v Gaurani Surrentinique montes: & in his naualem materiam cædi. Silius viii vers. 533

Illic Nuceria, & Gaurus naualibus aptus.

Tertius vicinus Auerno & Lucrino. Nolim vero diiungere: iugo montes longe continuantur, & sic maxime in medio circa Auernum & Puteolos Gaurus dicitur, vitifer in imis; vt vel aliis locis, vel saltem in summitate pinifer, aptus naualibus fuerit. Vini feracem descripsit Statius in Silvis. Lib. iii carm. i vers. 147

- - - nemorosus palmite Gaurus.
Et carm. v vers. 99

- - - Bacchei vineta madentia Gauri.
Ac lib. iv carm. iii vers. 64

Atque

*Atque echo simul hinc & inde fractam
Gauro Massicus vniſer remittit.*

CCCCLX.

Inter Baias & Lucrinum lacum fuit nobilis villa, *Bauli* dicta, quod nomen interpretantur *Boaulia*, id est boum stabula, ex eadem de Herculis bubus fabula. Seruius ad Aeneid. vii vers. 662 *Iuxta Baias [Hercules] caulas bubus fecit, & eas sepsit, qui locus Boaulia dictus. nam hodie Baulae vocantur.* Symmachus carmine, epistolæ i libri i inserto, de Baulis, quos Lucrina sede mutauerat:

Huc deus Alcides stabulanda armenta coegit,

Eruta Geryonis de lare tergemini.

Inde recens ætas corrupta Boaulia Baulos

Nuncupat occulto nominis indicio.

Ob eamdem causam lib. xii vers. 156 Silius Herculeos Baulos nominavit. Situs ex Dionis lib. lxx pag. 652. C. Caligula, inquit, διὰ τῆς θαλάσσης τρόπον τινα διππεῦσαι ἐπεθύμησε, γεφυρώσας τὸ μεταξὺ τῶν τε Πυτεόλων καὶ τῶν Βαυλῶν, cupiit per mare certo modo equis vehi, ponte iungens illam partem, quæ inter Puteolos & Baulos est. Ex his Holstenius sequi dicit, Baulos inter Baias & Lucrinum lacum fuisse. nam ordo ductusque pilarum recta eo tendit. Villam autem fuisse, non oppidum, diserte Tacitus testatur lib. xiv cap. iv. Venientem, inquit, [matrem Nero] obuius in litora (nam Antio aduentabat) excipit manu & complexu, ducitque Baulos: id villæ nomen est, quæ promontorium Misenum inter & Baianum lacum flexo mari adluitur. Nobilior autem adeo villa fuit, ut alias ab hac, tamquam ab oppido, denominatas videamus. Cicero Quæst. Acad. lib. iv cap. iii in Hortensii villa, quæ est ad Baulos: & cap. xl putas, ut nos nunc simus ad Baulos, Puteolosque videamus; sic, & cetera. Meminit & Cælius ad Ciceronem lib. viii epist. i.

CCCCLXI.

Huc veteres fabulæ nescio quod oppidum *Cimmerium*, & populum *Cimmerios*, ex Caucaſo forſan euocatos, deducunt. Ephorus apud Strabonem dicit, ἐν καταγείοις οἰκίαις οἰκεῖν, καὶ διὰ τινῶν ὀρυγμάτων παρ' ἀλλήλους τε Φοιτᾶν, in subterraneis ædificiis habitare, ac per fossas quasdam inter se commeare. Addit, μαντεῖον, oraculum habuisse, ad quod hospites per easdem fossas deduxerint. Tandem a rege quodam deletos esse, & oraculum alio translatum. Strabo vero, τοιαῦτα μὲν οἱ πρὸς ἡμῶν ἐμυθολόγησαν, *Talia*, inquit, antiqui fabulati sunt. Plinius in Campania: *lacus Lucrinus & Auernus, iuxta quem Cimmerium oppidum quondam.* Et Silius Italicus lib. xii vers. 131 in Campaniæ descriptione:

Infernis pressas nebulis, pallente sub umbra

Cimmerias iacuisse domos, noctemque profundam

Tartareæ narrant urbis.

Hauferunt omnes ab Homero, qui ut Vlyſſi suo, quæ de Scythicis Cimmeriis audierat, adplicaret, illos a Circes domo vnius diei nauigatione remouit ita, ut Κιμμερίων δημός τε πόλις τε, *Cimmeriorum populus & oppidum*, semper

per caligine & nebulis contegantur, nec umquam eos sol radiis suis adspiciat. Vide Odyss. a sub initium. * Pompeius Festus fabulam naturaliter interpretaturus, inter Baias & Cumas ait conuallem esse satis eminenti iugo circumdatam, quæ neque matutino, neque vespertino tempore sole contegatur. Quod an satis sit ad fabulæ enormitatem excusandam, & an vere tali situ ibi vallis sit, peritiores locorum videant.

CCCCCLXII.

Puteoli, nunc Pozzuolo, in hoc litore sequuntur, Græcis dicti Δικαιαρχία vel Δικαιάρχεια, ** quod antiquius oppidi nomen est. Epitoma Stephani: Δικαιάρχεια πόλις Ιταλίας. Τάυτην δέ φασιν κεκληῖσθαι Ποτιόλως, *Dicæarchia vrbs Italiae, quam Puteolos vocari aiunt.* Nominis Latini rationem dat, quia δυσώδη τὰ Φρέατα ἔχει, *grauæ olentes habuerit puteos.* Nec aliter Festus. *Puteolos, inquit, dictos aiunt ab aquæ calidæ putore. quidam a multitudine puteorum, * * earumdem aquarum causa factorum.* Strabo diuidit, quosdam ἀπὸ τῶν Φρεάτων, *a puteis nominasse, ut Puteoli multos minores puteos eius loci significant υποκοριστικῶς: alios ἀπὸ τῆς δυσωδίας τῶν ὑδάτων, a graui odore aquarum:* quasi ad *olere* simul Romani in hoc nomine respexerint, id quod Stephanus Græcis litteris ὀλέρε scripsit, & ὄζειν interpretatus est. Sed hoc minus est vero simile. Plinius lib. III cap. v *Dein Puteoli, colonia, Dicæarchia dicti.* Poetæ aliquando contrahunt Græcum nomen. Papinius Statius lib. II Silv. carm. II vers. 96 *Dicarchi mænia Puteolos dixit: & vers. 110*

- - - *nec te cultu Tīrynthia vincat
Aula, Dicarchæique sinus,*

id est, nec Bauli, villa; nec sinus Puteolanus. Alterum nomen Strabo a temporibus Hannibalis duxit, quando Romani locum communire cœperunt. κατὰ τὴν Ἀντίβα στρατείαν συνώκησαν Ρωμαῖοι, καὶ μετωνόμασαν Ποτιόλους, quum antea fuerit Δικαιαρχία, ἐπίγειον Κυμαίων, *Cumanorum nauale Dicæarchia dictum.* Romani Punico bello tenuerunt defenderuntque. Liuius lib. XXIV cap. XIII *Peruastato agro Cumanosque ad Miseni promontorium, [Hannibal] Puteolos repente agmen conuertit ad opprimendum præsidium Romanum. Sex millia hominum erant, & locus munimento quoque, non natura modo tutus. Triduum ibi moratus Pænus, ab omni parte tentato præsidio: deinde, ut nihil procedebat, ad populandum agrum Neapolitanum, magis ira quam potiunde urbis spe, processit. Post illud bellum etiam colonia Puteolos fuit deducta, eodem Liuiio tradente lib. XXXIV cap. XLV, & Velleio lib. I cap. xv; an pleno iure coloniarum, dubitari ex illo Taciti possit lib. XIV cap. XXVII: In Italia vetus oppidum Puteoli ius coloniae, & cognomentum a Nerone adipiscuntur. Sed non simpliciter ius coloniae, quod dudum habuerat, sed ius coloniae Augustæ (id cognomentum est) & amplius priore,*

Qq qq

ade-

* Adde huc Tzetzem ad Lycophron. v. 695.

** Videatur etiam Epigrammat. Græc. lib. IV cap. ας 9άλασσ. pag. 443.

*** Varro L. L. IV cap. 5. *A puteis oppidum Puteoli, quod sint circa eum locum aquæ frigide & calidæ multæ. Nisi a putore potius, quod putidus sit odoribus sæpe ex sulfure & alumine.*

adeptum id oppidum dicitur. Frontinus de Coloniis: *Puteolis colonia Augusta. Augustus deduxit. Forte legendum: Nero Augustus deduxit. * Hinc gentile Puteolani. Cicero lib. v Attic. ep. ii quum per emporium Puteolanorum iter facerem. nam & Strabo pag. 169 de Puteolis: ἡ πόλις ἐμπορεῖον γεγένηται μέγιστον, χειροποιήτης ἔχουσα ὄρους, urbs facta emporium maximum, quia portus manufactos habet. Vicinum mare Sinus Puteolanus dictus Suetonio Aug. cap. xc viii, qui & Baianus idem est.*

CCCCLXIII.

Tandem in hoc tractu *Phlegræi campi* ** sunt, id est ardentes. Strabo a Puteolis ad Baias & Cumanam regionem patere dicit: Diodorus Siculus lib. iv cap. xxi τὸ Κυμαῖον πεδῖον ὠνομάσθαι φλεγραῖον. *Cumanum agrum Phlegræum nominari: sed addit a monte Vesuvio id nomen esse, instar Aetnæ igne euomente: ut adeo tractum a Cumis ultra Neapolim innuisse videatur. Polybius lib. ii cap. xvii τὰ φλέγραιά ποτε καλέμενα τὰ περὶ Καπύην καὶ Νώλην πεδία, campos circa Capuam & Nolam Phlegræos olim vocatos esse, ut ita fere omnem per Campaniam extendantur. Scilicet, quia ista regio pluribus locis calidos fontes effundit, quibusdam etiam ignes eructat, & sulfuris multum progignit; hoc nomen videtur eidem adhæsisse. Quæ vero de gigantibus, fulmine ibidem prostratis, addunt, in fabulis, ut cetera de Hercule in his locis, sunt relinquenda. Plinius lib. xviii cap. xi ait, Leborias campum vocari, quem Græci Phlegræum adpellent. Silius lib. viii vers. 538*

- - - illic quos fulfure pingues
Phlegræi legere sinus.

CCCCLXIV.

Inter Auernum & Puteolos Ciceronis villa fuit, quam *Academiam* dixit. Fortasse hæc eadem & *Puteolanum* ipsius. non enim longius quam xxx stadiis, ut ipse Academ. Quæst. iv cap. xxxi prodidit, aberat a Puteolis. De Puteolano lib. xiv ad Atticum ep. vii Ego e Formiano exiens xvii kal. ut inde altero die in Puteolanum, scripsi hæc. *Academix nomen & situm explicat Plinius lib. xxxi c. ii. Digna, inquit, memoratu villa est ab Averno lacu Puteolos tendentibus imposita literi, celebrata porticu ac nemore, quam vocabat Cicero Academiam, ad exemplum Athenarum: ibi compositis voluminibus eiusdem nominis, in qua & monimenta sibi instaurauerat. Addit ibidem de eadem Laureæ Tullii liberti versiculos, quibus*

- - - *Academix celebratam nomine villam*
vocat. In ea, exiguo post obitum Ciceronis, Antistio Vetere possidente, eruperunt fontes calidi, perquam salubres oculis: quæ inde *Aquæ Ciceroniae* dictæ. Laureæ ibidem:

Nimi-

* Ornauit Puteolos diui Nerva pronepos, ut habet inscriptio Puteolis reperta: T. Aelius Hadrianus Antoninus Aug. Pont. Max. Trib. Pot. II Cos. II de fig. III P. P. nam opus pilarum vi maris conlapsum a Diuo patre suo P. promissum restituit.

** In his incoluisse ferebantur gigantes, Apollodorus I Bibliothec. c. 6 §. 1. Diodor. IV pag. 228. Vide tamen etiam Phlegram Macedonia. Sed fabulæ sunt fabulæ.

*Nimirum locus ipse sui Ciceronis honori
Hoc dedit, hac fontes quum patefecit ope.
Vt, quoniam totum legitur sine fine per orbem,
Sint plures, oculis quæ medeantur, aquæ.*

Huius villæ sub *Academie* nomine mentionem facit lib. i ad Attic. epist. iv. *Quod ad me, inquit, de Hermathena scribis, per mihi gratum est, & ornamentum Academicæ proprium meæ.* quamquam non nulli hoc de Tusculani parte interpretantur, non de villa agri Puteolani. nam & ibi duo gymnasia habuit; superiori, *Lyceo* nomen fuit, lib. i Diuinat. cap. v; alteri, *Academie*, lib. ii Tuscul. cap. ii, & lib. iii cap. iii.

CCCCCLXV.

Leucogæus collis inter Puteolos & Neapolim. Plinius lib. xviii cap. xi de alica candida seu cretacea; *Inuenitur hæc inter Puteolos & Neapolim, in colle Leucogæo adpellato.* Et lib. xxxi cap. ii laudat fontes *Leucogæos*, itemdem inter Puteolos & Neapolim, oculis & vulneribus medentes.

CCCCCLXVI.

Ipsa autem *Neapolis* antiqua vrbs, nouo nomine & nouis colonis aucta. Velleius lib. i cap. i v *Pars horum ciuium [Cumanorum] Neapolim condidit.* Sed tum dicta *Parthenope*. Plinius lib. iii cap. v *Litore Neapolis Chalcidensium, & ipsa Parthenope a tumulo Sirenis adpellata.* Chalcidensium dicit, eorum videlicet, qui Cumas condiderant. Cumarum enim colonia *Parthenope* siue *Neapolis*. Marcianus Heracleota Periplo p. ii

*Ἐκ τῆς δὲ Κύμης τῆς πρὸς Ἀόρνῳ κειμένης
κτίσιν κατὰ χρησμόν ἔλαβεν ἡ Νεάπολις,*

Ex Cumis ad Auernum sitis, diuino monitu ortum habet Neapolis. Sireni nomen fuit *Parthenopes*. Strabo lib. v pag. 170 *Νεάπολις, ὅπῃ δαίκνυται μνηματῶν Σειρήνων μιᾶς Παρθενόπης, Neapolis, ubi sepulcrum Parthenopes, vnius Sirenum, ostenditur.* Græca igitur ciuitas habita, Græcorum seruantissima rituum. Liuius lib. xxxv cap. xvi *Qui enim magis Smyrnæi Lampsacenique Græci sunt, quam Neapolitani, & Rhegini, & Tarentini?* Est postea quoque Tacitus lib. xv cap. xxxiii de Neronis ludis: *Non tamen Romæ incipere ausus, Neapolim, quasi Græcam urbem, delegit.* Ibi enim agones, gymnasia, theatra, vt Strabo etiam obseruat, omnia Græcorum more. Hinc in otia natam *Parthenopen* Ouidius dixit lib. xv Metam. vers. 711. Silio lib. xii vers. 27 est *mitis Parthenope.* addit vers. 31 rationem:

Nam molles vrbi ritus atque hospita Musis Otia.

Habet etiam thermas non deteriores Baianis, vt Strabo censet: habet Virgilii iuxta se monimentum intra secundum lapidem, vt Vita Virgilii proditum; quod pro templo quasi cultum ab eruditis posteris. Plinius lib. ii epist. vii de Silio: *Virgilii natalem religiosius, quam suum, celebrabat; Neapoli maxime ubi monimentum eius adire, vt templum, solebat.* Statius Silvar. lib. iv carm. iv vers. 52

*Litus, ubi Ausonio se condidit hospita portu
Parthenope, tenues ignauo pollice chordas*

*Pulso, Maroneique sedens in margine templi
Sumo animum, & magni tumulis ad canto magistri.*

Adluitur Neapolis Sebetho fluuio. Vibius Sequester: *Sebethos Neapolis in Campania.* Columella lib. x vers. 134

Doctaque Parthenope Sebethide roscida lymphæ.

Et Statius lib. i Silv. carm. ii vers. 263 de sponsa Neapolitana:

- - - *pulchra tumeat Sebethos alumna.*

Huic nympham præsidere eiusdem nominis, finxit Virgilius Aeneid. vii vers. 734, - - - *fertur*

- - - *quem generasse Telon Sebethide nympha.*

Nec silentio prætereunda est *Crypta Neapolitana*, inter Puteolos & Neapolim. Seneca epist. lvi principio, de via lutosâ, mox puluerulenta: *a ceromate nos haphæ excepit in Crypta Neapolitana.* Strabo lib. v p. 170 ἐστὶ καὶ ἐνθάδε διάρυξ κρυπτή τῇ μεταξύ ὁρᾷ τῆς τε Δικαιοκρατίας καὶ τῆς Νεαπόλεως, *Est ibi quoque fossa occulta per montem inter Puteolos & Neapolim.* Lumen superne accipit ἐκκοπεισῶν θυρίδων, *fenestris excisis.* Hodie dicitur *la Grotte di Napoli.*

CCCCCLXVII.

Prope eodem loco, quo Neapolis est, fuit quondam *Paleopolis*, haud dubie vetustæ pars Parthenopes, quæ id nomen adsumsit aduersus Neapolim, accessione colonorum nouorum ortam. Liuius lib. viii cap. xxii *Paleopolis fuit haud procul inde, ubi nunc Neapolis sita est. duabus urbibus populus idem habitabat. Cumis erant oriundi.* Et mox: *fecialibus Paleopolim ad res repetendas missis: & pauculis interpositis: populus Paleopolitanis bellum fieri iussit.*

CCCCCLXIX.

Vltra Neapolim, e regione Vesuuii, in ora *Herculaneum* siue *Herculanum* oppidum fuit. Tabula Augustana xi millibus passuum a Neapoli positam habet. Plinius iii cap. v *Neapolis & ipsa Chalcidensium, Parthenope a tumulo Sirenis adpellata: Herculanium: Pompeii.* Et Paterculus lib. ii cap. xvi *Herculanium sociali bello captum scribit.* Florus lib. i cap. xvi *Urbes ad mare: Formiæ, Cumæ, Puteoli, Neapolis, Herculaneum, Pompeii.* Seneca Quæst. Nat. vi cap. xxv *Pompeii & Herculaneum sensere. de terræ motibus agit.* Et cap. i eiusdem libri vi *Et Herculaneensis oppidi pars ruit.* Ouidius Metamorph. xv vers. 7ii

*Herculeamque urbem, Stabiasque, & in otia natam
Parthenopen.*

Columella lib. x vers. 135 *salinas huic loco tribuit:*

*Quæ dulcis Pompeia palus vicina salinis
Herculeis.*

CCCCCLXIX.

Vicinum oppidum, *Pompeii*, ex dictis iam innotuit. Plinius enim, Florus, atque Seneca cum Herculaneo coniunxerant. Et Velleius dicto loco de atauo suo: *tantam Romanis hoc [sociali] bello fidem præstitisse, ut*
Hercu-

Herculaneum simul cum T. Didio caperet, Pompeios cum L. Sulla oppugnaret. Seneca principio lib. vi Quæst. Nat. cap. i fatum huius oppidi descripsit. Pompeios, inquit, celebrem Campaniæ urbem, in quam ab altera parte Surrentinum Stabianumque litus, ab altera Herculanense, conueniunt, mareque ex aperto reductum amæno sinu cingunt, defedissee terræ motu, vexatis quæcumque adiacent regionibus, Lucili virorum optime, audiuiimus. Strabo vocat Πομπαιάν, Pompeiam. Seruius vocabulo addit fabulam, in Aeneid. vii v. 662 id a pompa Herculis triumphali deducens. Hercules, inquit, in quadam Campaniæ ciuitate pompam triumphi sui exhibuit: vnde Pompeii dicitur ciuitas. Hanc Sarnus amnis, hodieque Sarno dictus, præterlabitur. Strabo: Πομπαιά, ἣν παραρρεῖ ὁ Σάρνος ποταμός, Pompeia, quam Sarnus præterfluit. Plinius adluere dicit, vt mox trademus. Inde Pompeianus Sarnus vocatur. Statius Silv. lib. i carm. ii vers. 265

Nec Pompeiani placeant magis otia Sarni.

Silius lib. viii vers. 537 mitem cognominauit:

Sarrastes etiam populos, totasque videres

Sarni mitis opes:

quod ex Aeneidos vii vers. 738 haustum est:

Sarrastes populos, & quæ rigat æquora Sarnus.

Sarrastes populos, id est Sarni adcolas. Vide Seruium. Et Paullinus Nolanus Natal. iii Felic. vers. 62, - - - quique

Vsentem Sarnumque bibunt.

CCCCCLXX.

Maxime autem spectabilis in hac ora est mons *Vesuius*, nunc Monte di Somma, Aetnæ æmulator crebris incendiis, & ignium fauillarumque eructatione. Proprium nomen, quo plures scriptores vtuntur, *Vesuius* est, etiam Straboni Οὐεσσαίον ὄρος: poetis variat nomen, estque *Veseus*, *Vesuius*, *Vesbius*. Per exempla eamus. Pomponius Mela ii cap. iv Sinus Puteolanus, Surrentum, Herculaneum, Vesuuii montis adspectus, Pompeii, Neapolis. Plinius hunc sequutus iii cap. v Herculaneum, Pompeii, haud procul adspectante monte Vesuuii, adluente vero Sarno amne. Liuius lib. viii cap. viii extr. Pugnatum est haud procul radicibus Vesuuii montis, qua via ad Veserim ferebat. Valerius Maximus lib. i cap. vii n. 3. non procul a Vesuuii montis radicibus positus castris. Et Florus lib. i cap. xvi Hic amicti vitibus montes, Gaurus, Falernus, Massicus, & pulcherrimus omnium Vesuius, Aetnæi ignis imitator. Est enim, quod Strabo etiam obseruauit, ἀγροῖς περιεικόμενος παγκαίοις, πλὴν τῆς κορυφῆς, in circuitu agris optimis cultus, præter verticem, qui sterilis totus, ἐκ τῆς ὀψέως τεφρώδης, cinereus adparens, cauernas ostendens exusti lapidis, ὥς τεκμαίροιτ' ἂν τις, τὸ χωρίον τῆτο καίεσθαι πρότερον, καὶ ἔχειν κρατῆρας πυρὸς, vt coniecturam facere possis, ista loca quondam arsisse, & crateras ignis habere. Tam rarum & inauditum ante Flauiana tempora Vesuuii fuit incendium! cuius nouitas etiam Plinium inuitauit, vt propius adiret illud, quo periit, ardentis montis periculum. Sed ad poetas, nomen immutantes, accedamus. Silius Italicus lib. xvii vers. 597

*Sic ubi vi cæca tandem deuictus ad astra
Euomuit pastos per secula Vesbius ignes,
Et pelago & terris fusa est Vulcania pestis;
Videre Eoi monstrum admirabile Seres,
Lanigeros cinere Ausonio canescere lucos.*

Grandis hyperbole, Italicos cineres in vltimum orientem dispergi. Sed habuit Silius, quamlibet suspectæ fidei auctorem, quem sequutus est. Is Ctesias, qui in Indicis apud Photium cod. LXXII Aetnæ ignes in Indiam ferri, innocuum iustorum terræ, ceteris pestilentem, audaciter scripsit. Lucretius lib. VI vers. 747

Qualis apud Cumas locus est, montemque Veseuum.

Et Virgilius lib. II Georg vers. 224

*Talem diues arat Capua, & vicina Veseuo
Ora iugo.*

Et Statius Silv. lib. IV carm. IV vers. 79 - Chalcidicis

Litoribus, fractas ubi Vesbius erigit iras.

Et Martialis lib. IV epigrammate XLIII

Hic est pampineis viridis modo Vesuius umbris.

Ex his alteram formam Suetonius imitatur in Tito cap. VIII *conflagratio Veseui montis*, dicens. Tacitus autem & Plinius minor, huic æquales, *Vesuium* vocant, ille annali IV cap. LXVII de Capreis insula: *prospectabat pulcherrimum sinum, antequam Vesuius mons ardescens faciem loci verteret*: hic lib. VI epist. XVI incendium montis luculentissime descripsit.

CCCCCLXXI.

Vltra Sarnum & Pompeios, sinu medio fuerunt *Stabiæ*, oppidum antea, post in villæ formam redactæ. Plinius lib. III cap. V *In Campano agro Stabiæ oppidum fuere vsque ad Cn. Pompeium & L. Catonem consules, pridie calend. Maii, quo die L. Sulla legatus bello sociali id deleuit; quod nunc in villam abiit.* Alter Plinius prædicta epistola de hoc auunculo: gubernatori monenti, vt retro flecteret, *Fortes, inquit, fortuna iuuat: Pomponianum pete. Stabiis erat, diremtus sinu medio.* Ouidius Metam. XV vers. 711

Herculeamque urbem, Stabiasque.

Lac Stabiarum in medicina fuit. Symmachus lib. VI epist. XVIII edit. Iureti [al. XVII] *Nunc illis proficiscendi attulit caussam medicorum coactu imperata curatio. Nam Stabias ire desiderant, vt reliquias longæ ægritudinis armentali lacte depellant.* Procopius lib. IV Goth. B. cap. XXV in hoc tractu montem memorat, ὅπερ Ῥωμαῖοι γάλακτος ὄρος τῇ Λατίνων καλεῖσι Φωνῇ, quem *Romani Lactis montem Latine vocant*, qui haud dubie a copia illa & salubritate lactis nomen habet. Aquæ etiam & fontes Stabiarum laudantur. Columella lib. X vers. 133

Fontibus & Stabiæ celebres, & Vesuia rura.

In Peutingeriana tabula Stabiæ inter Pompeios & Surrentum sunt locatæ. Hodie *Castell a mare di Stabia*, & simpliciter *Castell a mare*, paruum oppidum, episcopale tamen, in illo loco visitur.

CCCCCLXXII.

Surrentum Mela primo loco ponit ad Sinum Puteolanum, regrediens a Lucania per maritimam oram in Latium: Plinius contra incedens lib. III cap. v *Surrentum cum promontorio Mineruæ*, post Sarnum amnem enarrat. Hodieque Sorrento vrbs archiepiscopalis superest. Ptolemæus Σῆ-
γευτον, Strabo Σύγευτον adpellat. Silius lib. VIII vers. 544

Surrentum, & pauper sulci cerealis Abella.

Frontinus de Coloniis: *Surrentinum oppidum*. Adiacent colles *Surrentini* vitiferi: vnde vinum *Surrentinum* in generosis Italiæ. Ovidius *Metamorph.* xv vers. 710

Et Surrentino generosos palmitum colles.

Martialis lib. XIII epigrammate cx

Surrentina bibis? nec murrhina picta, nec aurum

Sume: dabunt calices hæc tibi vina suos.

Tandem in hoc litore ad *Mineruæ promontorium* venimus, terminum Campaniæ in ora aduersus Picentinos. Plinius dicto sæpe loco: *Surrentum, cum promontorio Mineruæ, Sirenum quondam sede*. Et hodie Capo della Minerua dictum. Exstat in australi angulo, ex opposito insulæ, cui *Capreis* nomen est. Tacitus annali IV cap. LXVII de Tiberio: *Capreas se in insulam abdidit, trium millium freto ab extremis Surrentini promontorii diiunctum*. *Surrentinum*, idem quod *Mineruæ*, quia non propinquius ei oppidum, quam *Surrentum*. Strabo lib. V p. 170 Συνεχὴς τῇ Πομπηίᾳ τὸ Σύ-
γεον τῶν Καμπανῶν, ὃθεν πρόκειται τὸ Ἀθηναιον, Pompeiis contiguum est *Surren-
tum Campanorum*, vnde *Athenæum* [*Mineruæ promontorium*] *prominet*. Nomen inde est, quia ἐπ' ἄκρῳ Ἀθηνᾶς ἱερὸν, in promontorio *Mineruæ* fanum est. Ovidius *Metam.* xv vers. 709 confirmat vicinitatem insulæ:

Inde legit Capreas, promontoriumque Mineruæ.

Hoc vero non Campaniam solum, sed sinum quoque Puteolanum finit. Pomponius sæpe dicto loco: *Mineruæ promontorium: - - - sinus Pu-
teolanus, Surrentum, Herculanæum*.

MEDITERRANEA CAMPANIAE.

CCCCCLXXIII.

Ad Sinuessam, aut prope eam, incipiunt *radices Massici* montis, vt Ci-
cero *Agrar.* II cap. xxv nominat. Liuius lib. XXII cap. XIV per iuga *Ma-
ssici montis Fabio ducente*. Vitifera regio, si quæ alia. vnde *Massicum* sæpius
vinum eius agri nobilius significat. Martialis lib. XIII epigram. cxi

De Sinuessanis venerunt Massica prælis.

ex quo vicinia Sinuessæ & Massici intelligitur. Horatius ode I

- - veteris pocula Massici.

CCCCCLXXIV.

Sub hoc monte patet *Falernus* ager. Liuius lib. XXII cap. XIV *Vt
vero in extrema iuga Massici montis ventum est, hostesque sub oculis erant, Fa-
lerni*

lerni agri colonorumque Sinuessæ tecta vrentes, & reliqua. Scilicet idem mons Massicus, tanquam editior pars agri, interdum vocatur mons Falernus. Martialis lib. xii epigr. LVII

Nec in Falerno monte maior autumnus.

alii colle legunt, quod idem est. At Falernus ager nominatus & alibi Liuius. Lib. viii cap. xi Latinus ager, Priuernati addito agro; & Falernus, qui populi Campani fuerat, usque ad Vulturnum flumen plebi Romanæ diuiditur. Et lib. x cap. xx per Vescinos in Campaniam Falernumque agrum transcendunt. Et cap. xxi in saltu Vescino Falernum contingente agrum. Vini generosissimi ferax. Plinius lib. xiv cap. vi Secunda nobilitas Falerno agro erat, & ex eo maxime Faustiano. Faustianus autem ager pars Falerni melior. Et ibidem Plinius: Faustianus [ager incipit] circiter quatuor milliaria vico prope Cediæ, qui vicus a Sinuessâ vi millibus abest. Cediæ autem ignotus locus. Sed ad Falernum reuertimur. Silius lib. vii vers. 164

- - - - - gravidæ cui nectare vites

Nulli dant praelis nomen præferre Falernis.

Sæpe id Horatius vinum laudauit, vt lib. i oda xx Falernæ vites: & lib. ii Sermon. sat. iii vers. 115 cum Chio componit:

- - - - - positis intus Chii veterisque Falerni

Mille cadis.

CCCCCLXXV.

In hoc tractu decurrit Sauo fluuius, de quo supra in litorali ora dictum fuit. Ponte is iungitur ad Appiam viam, qui Pons Campanus adpellatur. Plinius lib. xiv cap. vi Falernus ager a ponte Campano leua petentibus Urbanam coloniam Sullanam, nuper Capuæ contributam, incipit. Horatius Serm. lib. i satyr. v vers. 45

Proxima Campano ponti quæ villula, tectum

Præbuit, & parochi quæ debent, ligna salemque.

Hinc muli Capuæ clitellas tempore ponunt.

Tabulæ Peutingerianæ hæc dispositio locorum est:

Sinuessâ - - ponte Campano III Urbanis - - Casilino.

Ex quibus vna cognoscimus, non integri diei iter a ponte fuisse Capuam, quia ibi onerati muli tempestiue clitellas Capuæ deposuerint: etiam, vbi Urbana Syllæ colonia fuerit, & quam vicina Campano ponti. Hæc enim est, quam nomine Urbanis significauit Tabula.

CCCCCLXXVI.

Falernum a septemtrione claudit mons Callicula, supra quem Stellatis est Campus. De monte Liuius lib. xxii cap. xv Quum satis sciret [Fabius], per easdem angustias, quibus intrauerat Falernum agrum, [Hannibalem] rediturum; Calliculam montem & Casilinum occupat modicis præsidis, quæ vrbs Vulturno flumine diremta Falernum a Campano agro diuidit. Et insequente xvi capite: quum per Casilinum euadere non posset, petendique montes, & iugum Calliculæ superandum esset. De campo autem Stellate idem lib. ix cap. XLV Eodem anno in campum Stellatæ agri Campani Samnitium incursions

siones factæ. De situ eius ex eiusdem libri *xxii cap. xii* quodammodo constat. *Auersus*, inquit, *ab suo itinere* [Hannibal] *per Allifanum, Calatinumque, & Calenum agrum; in campum Stellatem descendit, ubi quum montibus fluminibusque clausam regionem circumspexisset, vocatum ducem percunctatur, ubi terrarum esset; quum is Casilini eo die mansurum eum dixisset, tum demum cognitus est error.* Memoratus hic campus etiam a Cicerone est. *Agraria i cap. vii, His, inquit, colonis agrum Campanum & Stellatem campum diuidi iubet.* Et oratione *ii Agrar. cap. xxxi* *Adiungit Stellatem campum agro Campano, & in eo duodena describit in singulos homines iugera: quasi vero paululum differat ager Campanus & Stellatis.* Et Suetonius *Cæs. cap. xx* *Campum Stellatem, maioribus consecratum, agrumque Campanum ad subsidia reipublicæ vectigalem relictum, diuisit extra sortem.* Campanus autem ager ille, qui toties Stellati campo opponitur, præcipue est Capuanus, vti mox ostendetur.

CCCCCLXXVII.

Capua autem antiquissima vrbs, vt ex Paterculi lib. *i cap. vii* adparet; & caput suæ gentis & vrbium circumiectarum. Florus lib. *i cap. xvi* *Ipsa caput vrbium Capua, quondam inter tres maximas, Romam Carthaginemque, numerata.* Ad caput ergo nominis ortum referre videtur, quemadmodum Strabo lib. *v p. 172* eamdem *κεφαλὴν* vocat, τῷ ὄντι κατὰ τὴν ἐτυμότητα τῆς ὀνόματος, *vere caput, vt nomen sonat.* At Liuius lib. *iv cap. xxxvii* a *Capye*, Samnitum duce, qui ceperit a Tuscis conditam, nouum nomen fuisse, ex fama tradit. Videlicet, *Vulturnum, Etruscorum urbem, quæ nunc Capua est, a Samnitibus captam, Capuamque ab duce eorum Capye adpellatam.* Sed addit idem: *vel, quod propius est, a campestri agro.* quod Plinius etiam lib. *iii cap. v* comprobauit. *Intus, inquit, coloniae: Capua ab campo dicta: Aquinum, Suessa, & aliæ.* Adlusio ergo in Flori verbis & Strabonis inest, non vera origo nominis. Punico bello quod Hannibalem exceperat, in formam præfecturæ redacta erat: sed a *c. o. s.* Cæsare ius pristinum recuperauit. Velleius lib. *ii cap. xlii* *In hoc consulatu Cæsar legem tulit, vt ager Campanus plebi diuideretur: suatore legis Pompeio.* Ita circiter *xx milia* ciuium eo deducta, & ius ab his restitutum post annos circiter *clii*, quam bello Punico ab Romanis Capua in formam præfecturæ redacta erat. Copia & amœnitas loci ciuitatem magistram voluptatis fecit. Liuius lib. *vii cap. xxxviii* *Iam tum minime salubris militari disciplinæ Capua, instrumento omnium voluptatum delinitos militum animos auertit a memoria patriæ.* Adde lib. *xxiii cap. iv.* Gentile contendit Cluuerius veteribus Campanum fuisse, ex Liuii *vii cap. xxix*, qui, *Samnites*, inquit, *omissis Sidiniciis, ipsam arcem finitimorum Campanos adorti - - Tifata, imminentes Capuæ colles, quum præsidio firmo occupassent, descendunt inde quadrato agmine in planiciem, quæ Capuam Tifataque interiacet.* Et cap. *xxx* legatorum oratione: *Campani, non vrbs amplitudine, non agri vbertate vlli populo, præterquam vobis cedentes.* Adde quæ paullo ante in Falerno agro & Stellate campo diximus. Græce *Καπυανός*, *Capuanus*, formant. Sic Stephani epitoma-

tomator: & in nummis Golzii ΚΑΠΥΑΝΩΝ. Posterioris æui inscriptione, quam Sponius pag. 161 Valentiniani temporibus tribuit, (exstat etiam apud Gruterum p. 459 n. 1) legitur ORDO CAPVENSIS.

CCCCLXXIIX.

Casilinum, ad vtramque Vulturini ripam fuit, vbi nunc Capua noua. Liuius lib. xxii cap. xv *Calliculam montem & Casilinum occupat modicis præfidiis*. Cicero Philipp. ii cap. xl *Deduxisti coloniam Casilinum, quo Cæsar ante deduxerat*: puta in primo consulatu suo. Decreuit postea. Plinius lib. iii cap. v *Sunt & morientis Casilini reliquiæ*. Incolæ *Casilinenses* Ciceroni dicti lib. ii de Inuent. cap. vii: & *Casilinates* Val. Maximo lib. vii cap. vi exemplo 2.

CCCCLXXIX.

Tifata, plurale nomen, mons Capuæ qui imminet. Liuius lib. vii cap. xxix *Tifata, imminentes Capuæ colles*. Et lib. xxvi cap. v de Hannibale: *In valle occulta post Tifata, montem imminentem Capuæ, consedit*. Et lib. xxxii cap. vii *sub Tifatibus Capuæ agrum [censores] vendiderunt*. Silius lib. xii vers. 48 de Hannibale

- - - - arduus ipse

Tifata inuadit propior, qua mænibus instat

Collis, & e tumulis subiectam despicit urbem. id est Capuam.

Sacer montanus is tractus fuit, & in Tabula Augustana duæ ædes in collibus supra Capuam conspiciuntur: alteri, quæ ad occasum vergit, adscriptum est *Ad Dianam*: * alteri, orientem respicienti, *Iouis Tifatinus*.

CCCCLXXX.

Supra Calliculam *Cales* erant, oppidum & colonia. In veteri Tabula itineraria ponuntur inter Teanum Sidicinum & Casilinum, ab hoc vii milibus, vnde de situ iudicandum. Cicero ad Attic. lib. viii cap. xv *Capuam Calibus proficiscens, has litteras dedi*. Et lib. xvi epist. xi ad eundem: *iter faciens [Cæsar puer] in Samnium, venit Cales, mansit Teani*. Et Philipp. xii cap. xi *Sulla cum Scipione inter Cales & Teanum leges inter se, conditiones, contulerunt*. Tacitus lib. vi cap. xv *Vinicio oppidanum genus, Calibus ortus*. Silius lib. viii vers. 513 *non paruum urbem vocat*: Strabo lib. v pag. 164 πόλιν ἀξίελογον, urbem memorabilem: Cicero Agrar. ii cap. xxxi *Calenum municipium*. At antiqua colonia etiam fuerat. Liuius lib. viii cap. xvi *Capti cum urbe Ausones sunt, præsidioque imposito Calibus, reductæ Romanæ legiones*. Et interiectis paucis: *Consules de colonia deducenda Cales retulerunt, factoque s. c. ut duo millia quingenti homines eo scriberentur, triumuiros coloniae deducendæ agroque diuidendo creauerunt*. Paterculus lib. i cap. xiv *Eodem anno [quo Campanis data ciuitas] Cales deducta colonia*. Sic semper pluratiuo numero nominant: semel Silius lib. xii vers. 525 *Threiciamque Calen* dixit, quum & ipse antea lib. viii vers. 513 dixerit, *quem genuere*

* Velleius II c. 25. f. 4, *Post victoriam, qua descendens montem Tifata cum C. Norbano concurrerat Sylla, grates Dianæ, cuius numini regio illa sacra est, soluit, aquas salubritate medendisque corporibus nobiles & agros omnes addit Dea &c.*

genuere Cales: & magister eius Aeneid. VII vers. 728 *quique Cales linquunt*.
Oppidani *Caleni*. Fragm. Capitolin. in M. Valerii Corui triumpho DE CA-
LENEIS IDIBVS MART. CDXII. Grut. p. 297 *Diuites vini melioris pro-*
ventu. Horatius lib. I oda XX

Cecubum, & praelo domitam Caleno
Tu bibes vuam.

Et oda XXXI *Premant Calena falce, quibus dedit*
Fortuna, vitem.

CCCCLXXXI.

Inde ad occasum, *Teantum Sidicinum* est, nunc vulgo *Tiano*. Plinius
lib. III cap. V *Intus coloniae: Capua - - - Teantum Sidicinum cognomine,*
Nola. Indiget gentis cognomine, vt a Teano Apulo discernatur. Paul-
linus Nolanus III Natal. Felicis vers. 75

Quique urbem liquere Cales, geminumque Teantum,
geminum, hoc est, & Sidicinum & Apulum. Cicero ad Pompeium episto-
la, quæ libro VIII ad Atticum inest: *Capuam veni eo ipso die, quo tu Tea-*
no Sidicino es profectus. Et Liuius lib. XXII cap. LVII *legione Teantum Si-*
dicinum praemissa. Strabo sub finem lib. V vocat *Τέαρον Σιδικηνόν*: addit καὶ
αὐτὴ ἀξιόλογος, & hæc ex urbibus nobilibus est. Frontinus de Colon. *Tea-*
num Sidicinum colonia Caesaris Augusti. - - - *Ager eius militibus est ad-*
signatus. Interdum sine cognomine *Teantum* vocatur, Sidicinum autem
intelligitur, tamquam nobilius altero, non indigeat discriminis nota. Ci-
cero VII Attic. ep. XIII *Pompeius a Teano Larinum versus profectus est a. d.*
VIII kal. Eo die mansit Venafri. Et Ptolemæus in Campania *Τέαρον* simpli-
citer. Populus, *Sidicini*, tam in oppido, quam circa illud. Cicero Philipp.
II cap. XLI *Quid ego illas istius minas contumeliasque commemorem, quibus*
inuectus est in Sidicinos? Sunt tamen in lapidibus etiam TEANENSES. Vide
Grut. p. 381 n. I & p. 389 n. 2.

CCCCLXXXII.

Hanc inter Sidicinarum urbem & Minturnas fere media est *Suessa*
Aurunca, cognomine ab *Suessa Pometia* diuersa, Auruncorum vrbs altera,
quam, *Aurunca* metu deserta, communiuerunt. Liuius lib. VIII cap. XV
Fama adfertur, Auruncos metu oppidum deseruisse, profugosque cum coniugi-
bus & liberis, Suessam communisse, quæ nunc Aurunca adpellata; mœnia anti-
qua eorum, urbemque ab Sidicinis deletam. Breui post facta colonia. Idem
lib. IX cap. XXVIII *Suessa & Pontia eodem anno coloniae deductæ sunt. Suessa*
Auruncorum fuerat. Et Velleius lib. I cap. XIV *Suessa Aurunca deducta co-*
lonia. Ciceronis tempore municipium fuit. Philipp. XIII cap. VIII *lau-*
tissimum oppidum, nunc municipium, honestissimorum quondam colonorum,
Suessam fortissimorum militum sanguine [Antonius] impleuit. Abeſt hinc
cognomen, vt in illo Silii lib. VIII vers. 498 *detritaque bellis Suessa*. Iterum
colonia facta sub Augusto. Inſcript. Grut. pag. 1093 n. 8 AEDILIS CO-
LONIA IVLIA FELICI CLASSICA SVESSA. Qui colebant, *Suessani*.
Alia inſcriptione sub Hadriano facta, apud Holſten. pag. 257 QVI VIAM

SVESSANIS MVNICIPIIS SVA PEC. FECIT. Cato R. R. cap. XXII *trape-
tus emtus in Sueffano.*

CCCCCLXXXIII.

Supra Teanum, in ortum hibernum sunt *Rufrae*, Virgilio lib. VII vers.
739 in Campanis oppidis numeratae:

Qui Rufras, Batulumque tenent, atque arua Celennae.

Obscura nomina, Campaniae tamen cum ceteris quae praecedunt, quae se-
quuntur, vindicanda. Seruius ibi: *Rufras Batulumque: Castella Campa-
niae a Samnitibus condita.* Holstenius auctor est, Praezenziani in Teanensi
dioecesi lapidem repertum, cui inscriptum est:

M. AGRIPPAE L. F. PATRONO
RVFRANI COLONI.

& ager adiacens vulgo *la Costa Rufaria* dicitur. Silius lib. VIII vers. 567

Et quos aut Rufre, aut quos Aesernia, supplè, misit.

Rufre, secunda vocali, libri, quasi Ρῥῤῥη; nisi *Rufrae* legendum, ut Virgilius
habet; quia antiqui codices saepe E pro biuocali exhibent. In hoc tractu
etiam *Batulum* & *Celennas* fuisse, videtur admodum probabile.

CCCCCLXXXIV.

Venafrum, extremum Campaniae in septemtriones oppidum, in Vul-
turni ripa, quod nomen retinet *Venafro*. Colonia aliquando fuit. Pli-
nius lib. III cap. V *Intus coloniae: Capua a campo dicta, Aquinum, Sueffa, Ve-
nafrum.* Cato R. R. cap. CXXXV *palas ac tegulas Venafro vult adferri.*
Cicero VII Attic. ep. XIII *Pompeius a Teano Larinum versus profectus est*
a. d. VIII kal. Eo die mansit Venafri. Praestantis olei prouentu nobile est.
Inde Straboni dicto loco ἐνέλαιος, ille tractus, olei feracissimus: & p. 164 ἐθεν
τὸ κάλλιστον ἐλαιον, unde optimum oleum est. Horatius lib. II oda VI de Ta-
rentina mellis & olei copia:

- - - ubi non Hymetto

Mella decedunt: viridisque certat

Bacca Venafro.

Plinius lib. XV cap. II de oleo: *principatum in hoc quoque bono obtinuit Ita-
lia toto orbe, maxime agro Venafrano.* Vnde *Venafranum* absolute pro oleo
praestantissimo. Iuuenalis satyra V vers. 86

Ipsa Venafrano piscem perfundit.

CCCCCLXXXV.

In citeriore Campania, sed australi magis, videtur etiam *Forum Popilii*
fuisse, Ptolemæi φόρος ποπλίας, quod inter Capuam ponit atque Trebulam.
Holstenius ex Campaniae lapide, quem ipse Capuae vidit, descripsit FORO
POPILIENSIVM. Locus certus adsignari nequit. *

CCCCCLXXXVI.

In ortum aestiuum a Calibus Vulturum versus *Calatia* recedit, vetus
oppidum, iam inde ex Samnitium bello cum Romanis notum. Liuius
lib. IX cap. II *ad Calatiam* consules dicit castra habuisse: & cap. XXVIII

Qui

* In coloniis numerat Frontinus pag. 134.

Qui captæ Nolæ decus ad cos. trahunt, adiiciunt, Atinam & Calatiam ab eodem captas. Hannibalis bello post Capuam, vt Liuius lib. xxvi cap. xvi prodit, *Atella & Calatia in deditionem acceptæ.* Silius lib. viii vers. 543

- - - *nec paruis aberat Calatia muris.*

Sociali bello *Calatia Capuensi coloniae a Sulla adiudicata ob hosticam pugnam,* Frontino de Colon. referente. Cæsar, qui multa in Campanis reformavit, eo veteranos in coloniam misit. nam, quod Velleius lib. ii cap. lxi tradit, Octavianus Cæsar *primum a Calatia, mox a Casilino veteranos exciuit paternos.* Populus, *Calatini.* Liuius lib. xxi extremo: *Defecere ad Pænos hi populi: Atellani, Calatini, Hirpini, reliqui.* Eodem libro cap. xiii *per Allifanum, Calatinumque & Calenum agrum in campum Stellatam descendit.* Hæc fere cis Vulturum, aut prope illum.

CCCCCLXXVII.

Nunc ad ea transimus, quæ trans Vulturum amnem & Capuam, & Tifata sunt: in quibus prima occurrit *Suessula* inter Tifata montem & Clanium amnem. nunc quoque *Castel di Sessola.* Tabula Peutingeriana hic ordo feruatus:

Capua ix Sueffula ix Nola.

Et Straboni *Σεσσυλα* est. Hinc *Suessulani* dicti qui incolebant. Liuius lib. viii cap. xiv *Cumanos Sueffulanosque eiusdem iuris conditionisque, cuius Capuam esse placuit.* Sulla coloniam eo deduxit. Frontinus: *Suessula oppidum muro ductum: colonia lege Sullana est deducta.*

CCCCCLXXXIX.

Ad Clanium amnem *Acerræ* sunt, hodieque *Acerra:* Straboni *Αχέραι.* Virgilius Georg. ii vers. 225

- - - *vacuis Clanius non æquus Acerris.*

quippe qui damna oppido crebra exundatione inferat. Nec aggeribus facile coerceri ab Acerranis potuit, ideoque Silio lib. viii vers. 536 dictæ

- - - *Clanio contemptæ semper Acerræ.*

Vide de fluuio plus in litorali expositione supra. Liuius lib. xxi cap. xvii *Pænus Acerras primum ad voluntariam deditionem conatus perlicere: & breui post: Acerris direptis atque incensis.* Incolæ *Acerrani.* Idem lib. viii cap. xvii *Romani facti Acerrani lege ab L. Papirio prætore lata, qua ciuitas sine suffragio data.* Et dicto iam lib. xxi cap. xvii *Acerranis plus animi, quam virium erat.* Tandem coloni eo missi. Frontinus principio libelli de Colonia: *Acerræ muro ducta colonia: diuus Augustus deduci iussit.*

CCCCCLXXXIX.

Ad idem flumen, sed infra Acerras, Cluuerius oppidum *Trebulam* ponit, quæ sit Ptolemæi *Τριβέλα* in Campanis oppidis, vnde *Trebulanos* Plinius lib. iii cap. v, cognomine *Balinienfes* ducat. Liuius lib. xxi cap. xiv *Ipse [Marcellus] a Casilino Calatiam petit: atque inde, Vulturno amne traiecto, perque agrum Saticulanum Trebianumque super Sueffulam per montes Nolam peruenit.* Cluuerius *Trebulanum* legi vult, quod Gronouiorum editione receptum est, sed nulla nota emendationis adposita. Holstenius

autem pag. 260 *Trebbiam* * locum illum hodieque dici adfirmat, eoque Polybii lib. III cap. XCII Τριβιανὸν λόφον (sic emendat ex Εριβιανὸν) *Tribianum collem* referendum cenſet.

CCCCXC.

Trans Clanium, in auſtrum magis ſi progredimur, inter Capuam & Neapolim, *Atella* fuit, cuius rudera II millibus ab Aduerſa viſuntur. Tabula vtrimque IX millibus paſſuum amotam habet. Cicero Agr. II cap. XXXI *Atellam, Cumas, Neapolin* - - ſuis præſidiis deuincient. Strabo Ατέλα, Ptolemæus Ατέλλα. Liuius lib. XXVI cap. XVI *Atella & Calatia in deditio- nem acceptæ*: poſtquam ad Hannibalem defecerant. Silius lib. XI verſ. 14

Iamque Atella ſuas, iamque & Calatia abegit,

Fas ſuperante metu, Pænorum in caſtra cohortes.

Municipium fuit: dein colonia facta. Cicero lib. XII epiſt. VII locutus ſum tecum de agro veſtigali municipii Atellani. Frontinus de Colon. *Atella muro ducta colonia: deducta ab Auguſto*. Incolæ Atellani. Liuius XXVII cap. III *Nucerini Atellam (Atellanis Calatiam migrare iuſſis) traduſti*. De fabulis Atellanis, quod genus ab Oſcis eſt, Liuium conſulas lib. V cap. II.

CCCCXCI.

Ab Atella progreſſi, traieſto Sebetho amne, ad *Veſerim* ſub Veſuuio monte venimus, incertum qui locus ſit, oppidumne, an vicus, an flumen, an aliud. Aurelius Viſtor de Vir. illuſtr. dicit fluuium eſſe. In Decio patre: *poſitis apud Veſerim fluuium caſtris*. Et in Torquato: *Latinos apud Veſerim fluuium Decii collegæ deuotione ſuperauit*. Nemo præter hunc aperte flumen nominauit. Quamobrem oppidum Cluuerius interpretatur, quia ceteri tantum dicant *ad Veſerim, apud Veſerim*. Cicero III Offic. cap. XXX; cuius [Manlii Torquati] tertio conſulatu Latini ad *Veſerim fuſi & fugati*. Liuius lib. X cap. XXXVIII *pater P. Decius ad Veſerim bello Latino ſe iuſſerat deuoueri*: Et Valerius Maximus lib. VI cap. IV *Manlius Torquatus, filius eius, qui Latinos apud Veſerim incluta pugna fuderat*. Accedit, quod nullum memorabile flumen in illo tractu, præter nominata, *Sebethum* atque *Sarnum*, eſt, & quod Vibius in *Sarnum* deriuat, *Veſtinum*. Nilominus apud Liuium eſt, quod de oppido etiam dubites. Libro VIII enim cap. VIII *Pugnatum eſt, inquit, haud procul radicibus Veſuuii montis, qua via ad Veſerim ferebat*. Si oppidum eſſet, dixiſſet, *qua via Veſerim ferebat*: quod quamquam vſitatus eſt, rem tamen, quæ diſceptatur, nondum explanat. Dixit enim Cicero quoque lib. III epiſt. VI *ad Sidam nauigaſem*: & lib. IX epiſt. II *Te vero nolo ad Baias venire*. Quapropter in obſcuriſhunc locum relinquimus, hæſitantes oppidumne fuerit, an aliud.

CCCCXCII.

Ab Veſuuio, in cuius radicibus Veſeris erat, recta ad urbem *Nolam* deſcendimus, quæ in campo iacet, per antiqua, & quondam frequens ac munita, a Chalcidensibus, vt fertur, condita. Hodie remiſit ſplendor, ſeruat tamen nomine. Silius Italicus lib. XII verſ. 161

* Adde Marcell. Donat. dilucidat. in Sueton. c. 31 pag. 572.

Hinc ad Chalcidicam transfert citus agmina Nola.
Campo Nola sedet, crebris circumdata in orbem
Turribus, & celso facilem tutatur adiri
Planiciem valio.

De Chalcidenſi origine conſentit Iuſtinus ex Trogo, lib. xx cap. i *Nolanos* dicens *Chalcidenſium colonos*. Velleius autem lib. i cap. vii *Quidam aiunt* (in quibus Catonem numerat) *a Tufcis Capuam Nolaque conditam*. Samnitico bello Romani ſibi vindicauerunt. Liuius lib. ix c. xxviii *In Campaniam reditum, maxime ad Nola armis repetendam*. Et mox: *Nola eſt capta*. Item: *qui captæ decus Nole ad conſulem trabunt*. Ad hanc urbem primum Hannibalis impetus, duce Marcello, fractus eſt: quod Liuius lib. xxiii cap. xvi deſcripſit. Qui habitabant & contra Hannibalem defenderant, non dubium, quin ampliffimis præmiis ornati ab Romanis fuerint. Veſpaſianus nomen *Auguſtæ coloniæ* adiecit. Frontinus: *Nola mure ducta, colonia Auguſta*. *Veſpaſianus Auguſtus deduxit*. Incolæ *Nolani*: & *ager Nolanus*: utrumque apud Liuium lib. xxiii cap. xiv: & *plebs Nola*, cap. xvi.

CCCCXCIII.

Inde ſeptemtrionem verſus, vltra Clanis fontes, *Abella* eſt, nunc *Abella Vecchia*, prope *Nouam* ſita. Strabo & Ptolemæus *Αβέλλα* ſcripſerunt. Virgilius lib. vii verſ. 740

Et quos maliferæ deſpectant mœnia Abellæ.

Sic enim legendum eſſe, non *Bellæ*; nec Seruio, vetuſto interpreti, ignotum fuit. Silius lib. viii verſ. 544

- - - *pauper ſulci Cerealis Abella*:

vbi quidam libri *Auella* habent, quemadmodum ſæpe B & V in codicibus mediæ æui permutari cernimus. Frontinus de *Coloniis*: *Abella municipium. coloni vel familia imperatoris Veſpaſiani iuſſu eius acceperunt*. Poſtea *ager in iugeribus militi eſt adſignatus*. Hinc coloni vel municipes *Abellani* dicti. Iuſtinus lib. xx cap. i *Nolani, Abellani nonne Chalcidenſium coloni ſunt?*

CCCCXCIV.

Vltra Pompeios, prope Sarnum fluuium, in Picentinorum limite, *Nuceria* eſt *Campaniæ*, vulgo nunc *Nocera*, quæ cognomen *Alphaternæ* habuit, ſive *Alfaternæ*. Diodorus Siculus lib. xix cap. lxxv οἱ τὴν Νεκέρειαν τὴν Αλφατέρειαν καλεσμένην οἰκόντες, *qui Nuceriam Alphaternam inhabitant*. Liuius lib. ix cap. xli *Fabius proſectus ad Nuceriam Alfaternam*. Cognomen additum, vt ab *Vmbriæ Nuceria*, quæ *Camellana*, alia *Fauoniensis* ſecundum Plinium adpellantur, diſcerni poſſit facilius. *Nucerini* oppidani. Liuius lib. xxvii cap. iii *Nucerinos & Acerranos querentes, vbi habitarent, non eſſe, Acerris ex parte incenſis, Nuceria deleta; Romam Fulvius ad ſenatum miſit. Acerranis permiſſum, vt ædificarent quæ incenſa erant: Nucerini Atellam, quia id maluerant (Atellanis Calatiam migrare iuſſis) traduſti*. Et lib. ix cap. xxxviii *ad depopulandum agrum Nucerinum proſecti*.

CCCCXCV.

CCCCXCV.

Tandem de Cluuerii *Tegliano* oppido aliquid adiungimus, quod ille putat in veteri inscriptione [Grut. pag. 484 num. 6] CVR. REIP. TEGIANENSIVM, inuenisse, qua cum Tabulæ *Ad teglanum*, sito inter Nolam & Nuceriam, comparata, etiam locum eidem designari posse persuasum habet. Holstenius autem in marmore redundare credit opificis lapsu syllabam GI, vt TEANENSIVM legatur: in Tabula vero non oppidum signari, (neque id pati præpositum AD) sed forte *teglarium* legendum esse, locum vbi tegulæ coquebantur. Certe ædificium, in Tabula adpicium, non oppidi est, sed in publicum, aut principis vsum exstructi. Vide Holsten. pag. 261 seq.

P I C E N T I N I

CCCCXCVI.

Picentini continuantur in litore Campanis a *Minervæ promontorio*, termino Campaniæ litorali, ad vsque *Silarum* amnem, terminum inter Picentinos Lucanosque. Intus ad Samnites vsque & Hirpinos proferebantur, licet ignota aut nulla in limite illo sint Picentinorum oppida. Tractum hunc quondam Campani tenuere, ideoque Strabo lib. v extremo: οἱ Πικέντες μέχρι τῆς Σιλάριδος ποταμῆς, τῆς ὁρίζοντος ἀπὸ ταύτης τῆς χώρας τὴν ἀρχαίαν Καμπανίαν. Veterem Campaniam dum memorat, ampliorem noua haud dubie vult intellectam, quam Silarus amnis finierit. *Picentes* autem vocat, quos ante paullo *Picentinos* magis proprio vocabulo adpellauerat. Post *Campaniam*, inquit, & *Samnitin*, vsque ad *Frentanos super Tyrrhenum mare*, τὸ τῶν Πικεντινῶν ἔθνος οἰκᾷ, μικρὸν ἀπόσπασμα τῶν ἐν τῷ Ἀδρίᾳ Πικεντινῶν, ὑπὸ Ρωμαίων μετωκισμένον εἰς τὸν Ποσειδωνιάτην κόλπον, ὃς νῦν Παισιάνος καλεῖται, *Picentinorum gens habitat, auulsa a Picentinis* (*Picentibus*) *qui ad Hadriaticum mare habitant, ab Romanis transducta ad Posidonium sinum, qui nunc Pæstanus nominatur.* Plinius vero vocabula curatius distinxit, *Picentes* vocans, qui *Picenum* ad superum mare incolebant: *Picentinos*, ex illis deductos ad mare inferum inter Campanos Lucanosque medios. Lib. III c. v ineunte: *Roma*, inquit, *terrarum caput: Volschorum postea litus & Campaniæ: Picentinum inde ac Lucanum Bruttiumque.* Et sub finem capitis: *A Surrento ad Silarum amnem, xxx millia passuum, ager Picentinus fuit Tuscorum, templo Iunonis Argiæ, ab Iasone condito, insignis.* Tuscorum dicit, quia ante Oscos, Aufones & Campanos vniuersum id litus Etrusci feruntur tenuisse. Eiusdem libri cap. XIII *Quinta regio Pici est: cccclx millia Picentium in fidem populo Romano venere.* Et mox: *Finitur Prætutiana regio, & Picentium incipit.* Scilicet sicut libertini a libertis erant vocabulo distincti; ita *Picentium* illud ἀπόσπασμα *Picentini* sunt adpellati. Ptolemæus etiam *Picentinos* a *Picenis* (sic *Picentes* vocat) seiunxit tamquam infernates a supernatibus: sed in eo aberrat, quod Nolam illis & Nuceriam cum Sarni ostiis & Surrento attribuit, quæ omnium consensu Campanorum sunt. Longius

Longius Pomponius Mela ab eo quod verum est, declinat, qui inde a Pæstano sinu & oppido progressus ad Mineruæ promontorium, neque hoc excepto, *omnia Lucaniæ loca dixit.*

CCCCXC VII.

Quam exigua autem illa Picentinorum regio est, ut vix plura quam duo oppida nominari possint, *Salernum & Picentia*: tam multis illa controuersis de situ oppidorum est implicata. Strabo extremo lib. v *ἐπετείχισαν αὐτοῖς Σάλερνον Ῥωμαῖοι Φρερᾶς χάριν, μικρὸν ὑπὲρ τῆς θαλάττης, πρæsidiῖ* *caussa Romani Salernum muniuerunt, paullo supra mare situm.* Plinius lib. III cap. v *Intus oppidum Salerni, Picentia.* Vnum an duo oppida designet, propter ambiguum gignendi casum *Salerni*, non est satis certum. Sane & Strabo dixit, *Φρερᾶς χάριν* *Salernum* communitum fuisse: oppidum, an vicus, & qualis locus ante munitionem fuerit, non dicit. Et Liuius lib. XXXII cap. XXIX *castrum Salerni* dixit. Io. Harduinus ad Plinium: *In mediterraneo, procul a mari, fuisse tum Picentiam innuit, Picentini agri metropolim. Salernum autem, quod in ora, uti nunc est, non oppidi tum nomen habuisse, sed præsidii tantum, a Romanis ibi constituti.* Postea vero oppidum *Salernum* factum, non dubitatur, quia colonia eo deducta fuit. Liuius lib. XXXIV cap. XLV *Salernum Buxentumque, coloniae ciuium Romanorum deductæ sunt.* Adde Velleii lib. I cap. xv. Et Ptolemæus *Σάλερνον* in oppidis recenset, & Tabula Augustana vrbis signum adscriptum habet.

CCCCXC IIX.

Idem oppidum *Salernum* vtrum mare attigerit, uti nunc attingit, item dubitatur. Cluuerius ita sentit: *Clara nunc vrbs Salerno in ipso litore posita, quum olim remota esset a mari, in montibus, qui hodiernæ vrbi imminet.* Ad hæc quærit Holstenius: *quo auctore? nam adhuc bona ciuitatis pars in accliu collis latere habitatur.* Ptolemæus quoque in maritimis numerauit. At *μικρὸν ὑπὲρ τῆς θαλάττης, paululum supra mare posuit* Strabo. Ille vero *Φρερᾶν, castrum* tantummodo, idque ante coloniam deductam, memorauit. Si ergo castrum in monte fuit; num etiam postea totum oppidum & colonia? Sed in monte multæ ruinæ dicuntur superesse. Si sunt, dubium, vrbisne, an castri, an villæ suburbanæ fuerint. Nihil ergo certi definimus, prouiores tamen in Holstenii quam Cluuerii sententiam. Ab vrbe denominatur *Salernitanus*. Plinius lib. XIII cap. III *L. Plotium, proscriptum a triumuiris, in Salernitana latebra vnguenti odore proditum constat.*

CCCCXC IIX.

Nec facilius inuentum est vrbs *Picentia*, *μητρόπολις, caput* Picentinorum, ut Strabo extremo libro v vocitauit. Quam vero Plinius intus statuit *Picentiam*, Cluuerius, Harduinus, alii, a mari longius reducant. Contra Holstenius pag. 263 *Inter Salernum & Ebolos transitur locus Bicenza dictus (quem adlabitur fluius vulgo dictus il Bicientino) VII m. p. a Salerno, & XIII m. p. a Silaro distans.* Vnde nullo modo dubitandum, quin hæc ipsissima sit *Picentia*, quæ in Picentino, non meditullio sita, nomen genti dedit. Et ad-

paret hinc, cur *Mela* eam in ora maritima recenset. *Melæ* de hoc verba sunt ex lib. II c. IV *Pæstani* sinus, *Pæstum* oppidum, *Silerus* amnis, *Picentia*, *Petræ* quas *Sirenes* habitauere, *Minervæ* promontorium.

D.

Fuit quoque oppidum inter *Sirenusas* & *Posidoniam*, *Μαρκίνα*, *Marcina* Straboni dictum, conditum, ut idem ait, a *Tyrrhenis*; habitatum a *Samnitibus*: sed situs ratione ad *Picentinos*, postea in illam regionem traductos, pertinuit, qui etiam haud dubie possederunt. *ἐν τεύθει*, hinc, siue a *Marcina*, per *Nuceriam Pompeios*, isthmum esse dicit *stadiorum* cxx. Ex qua descriptione coniicit *Cluverius*, fuisse forsan *Marcinam*, ubi nunc est oppidum *Veteri*, ipso nomine præ se ferens suam antiquitatem. Plura de *Picentinis* oppida non habemus, nec fuerunt forte multa, quia, ut idem *Strabo* obseruat, *καμμηδόν*, *vicatim* habitauerunt. Vide libri V extrema.

S A M N I V M.

DI.

Samnites, notus Romanis bellis populus, a *Sabinis* orti, unde etiam *Sabelli* adpellantur. *Plinius* lib. III cap. XII *Samnitium*, quos *Sabellus*, & *Græci* *Saunitas* dixerunt, colonia *Bouianum*. *Varro* de Lat. ling. lib. VI cap. III a *Sabinis* orti *Samnites*. Idem (apud *Philargyrium*, veterem interpretem illius *Georgicon* II vers. 167 *pubemque Sabellam*) in *Agemodo* sic scripsisse dicitur: *Terra culturæ causâ attributa olim particulatim hominibus, ut Etruria Tuscis, Samnium Sabellis*. Nec vero semper *Sabelli* sunt *Samnites*, sed sæpe etiam proprie dicti *Sabini Sabelli*, præsertim a poetis, adpellantur. Singulare nomen *Samnis* est. *Tacitus* Hist. lib. III cap. LIX *Erectus Samnis Pelignusque*. *Silius* lib. IV vers. 560

- - - - *Samnitis pellibus* vsæ.

Græcum nomen *Saunites*, quod *Plinius* tribuit, est ita apud *Polybium* & *Dionysium Halicarnassensem*, *Σαυνίται*; in *Strabonis* autem libris *Σαυνίται*: *Ptolemæus* Romanis propius accedens *Σαυνιτῶν πόλεις* dixit. Regio illorum Latine *Samnium* vocatur. *Liuius* lib. IX cap. XLIV *ambo consules in Samnium missi*. Et lib. X cap. XIV *totam belli molem in Samnium auerterunt*. Hæc *Σαυνίταις* *Græce*. *Polybius* lib. III cap. XCII *διελθὼν ἐκ τῆς Σαυνίτιδος τὰ στενά*, ex *Samnio* fauces transgressus.

DII.

Ceterum in plura genera *Samnitium* gens diuisa fuit, e quibus sunt *Pentri* & *Caricini* siue *Caraceni*, nominatim cogniti: præter *Hirpinos* & *Frentanos*, qui etiam a *Samnitibus* sunt. *Liuius* lib. IX cap. XXXI *Inde victor exercitus Bouianum ductus. caput hoc erat Pentrorum Samnitium longeditissimum atque opulentissimum armis virisque*. Quæ lectio, a *Cluudio* sollicita, *Excerptis* *Dionysii Halicarnassensis* [ed. *Vales.* p. 533] confirmatur, qui etiam *Σαυνιτῶν τὰς καλουμένους Πέντρος* memorauit, id est *Pentros Samnites*. Alios *Samnites* *Καρακίνας*, *Caracinos*, *Zonaras* Tom. II pag. 51 vocat, qui

qui haud dubie sunt *Καρακῆνοι*, *Caraceni*, quibus Ptolemæus Aufidenam tribuit, locatis ὑπὸ τῆς φρεντανῆς, *subter Frentanos*. Vterque populus trans Apenninum fuerunt. nam & ibi Samnites coluerunt: plures tamen, seu maior pars, citra montem, aut in montibus. Circum Samnites ergo fuisse Aequiculi, Campani, Hirpini, Frentani, Peligni, & qui his sunt interpositi.

DIII.

Trans Apenninum extrema vrbs Samnitium, in finibus Pelignorum, *Aufidena* est, ad *Sagrum* flumen sita, nunc vulgo *Alfiden*a. Ptolemæo etiam *Αὐφιδήνα*, qui caput Caracenorum Samnitium constituit. Liuius lib. x cap. xii *Bouianum* inde adgressus: nec ita multo post *Aufidenam* vi cepit. Antonini iter a Mediolano ad Columnam per Picenum, licet numeris forsitan parum fidei hoc loco sit, tamen ordinem positionis monstrat:

Sulmone

Aufidenam M. P. XXIIII

Aeserniam M. P. XXVIII

Bouianum M. P. XVIII.

Oppidanos Plinius *Aufidenates* dixit lib. iii cap. xii. De *Sagro* autem fluvio, cui adposita est *Aufidena*, Strabo lib. v pag. 167 ὁ Σάγρος ποταμὸς ὀρίζων τῆς φρεντανῆς ἀπὸ τῶν Πελιγνῶν, *Sagrus fluvius dirimit Frentanos a Pelignis*. Ptolemæus vocat Σάρον, elisa littera; sed verior scriptura Strabonis, quia *il Sangro* hodieque adpellatur.

DIV.

Ad Frentanorum fines accedunt *Tifernum* & *Treuentum*. De illo Liuius lib. ix cap. xlii *Ambo coss. in Samnium missi, quum diuersas regiones, Tifernum Postumius, Bouianum Minucius petissent; Postumii prius ductu ad Tifernum pugnatum. Et lib. x cap. xiv Profecti consules, in Samnium legiones ducunt. Vbi in hostium fines ventum est, uterque populabundus effuso agmine incedit: explorant tamen latius, quam populantur. Igitur non fefelleret ad Tifernum hostes in occulta valle instructi, qua ingressos Romanos superiore ex loco adoriri parabant. Vtroque loco, ut oppidum, est descriptum: at tertio, qui est eodem lib. x cap. xxx, montem ita Liuius adpellat: *Volumnius in Samnio res gerit, Samnitiumque exercitum in Tifernum montem compulsus, non deterritus iniquitate loci, fundit fugatque. Sed potuit mons, & oppidum, & fluvius eodem nomine esse. Fluvium certe memorauit Mela lib. ii cap. iv Ab eo, inquit, Frentani iam Matrini habent ac Aterni fluminis ostia - - - Dauni autem Tifernum amnem. Et Plinius lib. iii cap. xi Tifernus amnis. inde regio Frentana. Hodie vulgo dicitur *il Biserno*, ad quem haud dubie hoc oppidum fuit, sed superiorem & fontibus propinquum. Vnde Cluverii coniectura est, Tifernum quondam eo loco fuisse, ubi nunc *Molise* est, caput suæ provinciæ. Sed de *Molise* alia opinio est Holstenii, quam post paullo proferemus.**

DV.

Alterum ad Frentanorum fines oppidum, Samnitis ditionis, *Treuentum*

tum fuit siue *Triuentium*. Frontinus de *Coloniis*: *Treuentum* [alii libri *Tereuentum*] oppidum. Ager eius in *præcisuras* & *strigas* est adsignatus post tertiam obsidionem militibus *Iulianis*. Plinius lib. III cap. XII inde nominat oppidanos *Treuntinates*, ex forma *Treuentium*. Hodie dicitur *Triunto*, ad flumen *Trinium*, nunc *Trigno*: de quo Plinius dicto loco: *In ora, Fren-tanorum* [gens] *a Tiferno*: flumen *Trinium* portuosum.

DVI.

Tandem fuit trans montes etiam *Samnitium* vrbs *Bouianum*, de quo supra ex *Liuii* lib. IX cap. XXXI cognouimus, fuisse gentis *Pentrorum* caput: etiam in *Tiferno* ex cap. XLIV, *Bouianum* *Minucium* consulem ad oppugnandum petiisse. Et lib. X cap. XII *Liuius*: *Consulis clara pugna in Samnio ad Bouianum haudquaquam ambiguae victoriae fuit*. *Bouianum* inde adgressus; nec ita multo post *Aufidenam* vi cepit. *Strabo* *Βοιάνου*, *Ptolemæus* *Βοιάνου* scripserunt. Colonia postmodum facta, eaque gemina. Plinius lib. III cap. XII *Samnitium*, quos *Sabellos*, & *Græci Saunitas* dixerunt, colonia *Bouianum* vetus, & alterum cognomine *Vndecumanorum*. Et *Frontinus* de *Coloniis*: *Bouianum*, oppidum. lege *Iulia* milites deduxerunt, sine colonis. *Rigaltium* ibi interpretantem potes consulere. Inde *Bouianus* formatur. *Silius* lib. VIII vers. 565

- - - - - *Bouiania* quique
Exercent lustra.

Situm oppidum prope *Tiferni* fontes ad radices *Apennini*, nunc quoque superstes, *Boiano* dictum vulgariter. Et hæc *Samnitium* fuere trans *Apenninum* montem.

DVII.

Cis montes prima est *Aesernia*, hodie *Ifernina*, exiguo spatio a læua ripa *Vulturni*. *Strabo* * *Ἐσέρνια*, sed verius diphthongo scribitur, uti bis in fragmento marmoris *Romani* apud *Gruter*. pag. 570 num. 10 incisum est *AESERN*. In nummis gentis *Claudiae* est aliquis *AESERNINO* inscriptus, haud dubie *Marcelli* illius, de quo *Epitoma Liuii* LXXIII *Aesernia* colonia cum *M. Marcello* in potestatem *Samnitium* venit. *Silius* lib. V vers. 567

Et quos aut *Rufre*, aut quos *Aesernia* - - - misit.

Et *Ptolemæus* *Ἀἰσέρνια*, & emendatiores omnes codices *Latini*. *Frontinus* de *Coloniis*: *Aesernia* colonia. deducta lege *Iulia*. - - - Ager eius limitibus *Augusteis* est adsignatus. Sed vel additamentum hoc fuit, veteranorum forsan militum; vel renouatio coloniae veteris, aut extinctae. nam ante quoque colonia fuerat, deducta *Punico* primo bello. *Liuii* epitoma XVI *Colonia Aesernia* deducta est. Et epitoma LXXII *Aesernia* & *Alba*, coloniae, ab *Italicis* obsessae sunt. Qui incolebant, *Aesernini* dicti. *Liuius* lib. XXVII cap. X *Beneuentani* & *Aesernini*. Et *Plinius* lib. III cap. XII *Esernini*, ut *Harduinus* edidit: & ager *Aeserninus*, *Liuii* X cap. XXXI, ut in *Gronouii* codice est.

* L. V pag. 382 e. A. Sed idem V p. 364 *Aeserniam* itidem appellat.

DIIX.

Longe hinc in ortum, sed æque propinquum Apennino, *Sæpinum* oppidum fuit, nunc Supino, prope fontes *Tamari* fluvii, Ptolemæo Σαίπι-
 vov. Liuius lib. x cap. XLIV *diuersi, Papirius ad Sæpinum, Caruilius ad Vola-*
nam oppugnandam legiones ducunt. Et cap. XLV *Papirio ad Sæpinum maior*
vis hostium restitit. Tabula Peutingeriana sic:

Sepinum XII Sirpium XVIII Benebento.

Oppidani *Sæpinates*. Inscriptio vetus pag. 441 n. 4 Gruter. MVNICIPES
 SÆPINAT. Et p. 513 n. I MAGG. SÆPINAT.

DIX.

At *Tamarus* fluuius, qui supra Beneuentum in Calorem, aut superio-
 rem hoc, influit, hodieque id nomen tenet, ex Antonini itinere, a Medio-
 lano per Picenum ad Columnam, ita est cognitus:

Bouiano

Super Tamari fluuium M. P. XVI

Ad Equotuticum M. P. XXII

Quod autem a Sæpino in austrum iacet, *Sirpium*, ex sola forte Tabula, vt
 ostendimus modo, notum est.

DX.

Inter Venafrum & Sabati confluentem, supra læuam Vulturni ripam,
Allife sunt, antiquum oppidum, quod nomen conseruat. Liuius lib. VIII
 cap. XXV *Tria oppida in potestatem venerunt, Allifæ, Callifæ, Ruffrium.* Et
 lib. IX cap. XXXVIII *C. Marcius Rutilus Allifas de Samnitibus vi cepit.* Quod
 ad eundem modum Diodorus Siculus lib. XX cap. XXXV narrauit: ὁ δὲ
 Μάρκιος ἐπὶ τῆς Σαμνίτας ἀναζεύξας, Ἀλλίφας μὲν πόλιν εἶλε κατὰ κράτος. Ibidem
 Liuius cap. XLII *Q. Fabius proconsul ad urbem Allifas cum Samnitium exer-*
citu signis collatis configit. Frontinus de Colon. *Allife oppidum, muro du-*
ctum: singulari forma, vt Silius lib. VIII vers. 536

Allife, & Clanio contemptæ semper Acerræ.

Et Ptolemæus Ἀλλίφα, *Allipha*. Meliores libri geminata littera L scriptum
 habent, quod vulgatis quibusdam est opponendum; præsertim quia lapi-
 des etiam consentiunt. Gruter. p. 417 num. 3 CVR. AQVAE DVCENDAE
 ALLIFIS. & pag. 460 num. 9 QVAESTOR AVG. ALLIFIS. Hinc *Alli-*
fanus nomen gentis & possessionum. Alia inscriptione pag. 407 num. 7
 ORDO ET POPVLVS ALLIFANORVM. Et Cicero Agrar. II cap. XXV
ager Allifanus: & pro Plancio cap. IX *totus ille tractus celeberrimus, Vena-*
franus, Allifanus.

DXI.

Inde in ortum hibernum est *Telefia*, sita haud procul confluentibus
 Vulturni Sabatique, eaque etiam nunc *Telese*. Ptolemæus Τηλεσία. Quam-
 vis autem ad fines posita sit Campaniæ; tamen in Samnio etiam ab Liuiio
 censam intelligimus. Lib. XXII cap. XIII *Hannibal ex Arpis in Samnium*
transit. *Beneuentanum depopulatur agrum: Telefiam urbem capit.* Et lib.
 XXIV cap. XX *Fabius in Samnium ad populandos agros, recipiendasque armis,*

quæ defecerant, vrbes processit. - - - oppida vi capta, Compulteria, Telesia, Compsa, Mele, Fulfula, & Orbitanium. Fuit etiam colonia eo deducta. Frontinus: Telesia, muro ducta, colonia. a triumviris deducta. - - - Ager eius militibus [al. limitibus] Augusteis in nominibus est adsignatus.

DXII.

Fluuius autem Sabatus, qui a Beneuento delatus Vulturno miscetur, hodieque Sabato dictus, ex veteri monumento an probari possit, aut mentio eius inueniri, dubito: nisi quod Liuius in hoc tractu Sabatinos, populum, memorat lib. xxvi cap. xxxiii, & insequente. Omnes Campani, inquit, Atellani, Calatini, Sabatini, qui se dediderunt in arbitrium ditionemque populi Romani: ut videri possit (sicut visum est Cluuerio) oppidum flumini fuisse adpositum, forsan Sabatie nomine, unde denominati sint Sabatini: sed vbi illud fuerit, si fuit, ignoratur. Sabatus autem fluuius apud Beneuentum excipit alium, qui Calor adpellatur. Liuius lib. xxiv cap. xiv Ad Beneuentum, velut ex composito, parte altera Hanno ex Bruttis cum magna peditum equitumque manu: altera Ti. Gracchus ab Luceria accessit, qui primo oppidum intrauit. deinde, ut Hannonem tria millia ferme ab vrbe ad Calorem fluuium castra posuisse, & inde agrum populari audiuit; & ipse egressus mœnibus mille ferme passus ab hoste castra locat. Et lib. xxv c. xvii Sunt qui in agro Beneuentano prope Calorem fluuium ostendant - - - [consulem Gracchum] interfectum. Signatus etiam est Calor fluuius in Tabula Peutingeriana. Et Vibius de Fluminibus: Calor, Beneuenti oppido iunctus. Dicitur & hodie il Calore.

DXIII.

Vrbs autem, propter quam is Sabato miscetur, Beneuentum vocatur, olim Maleuentum, a grauitate ventorum eius loci, ut Procopius lib. i Goth. cap. xv interpretatur. Verus nomen, tamquam vsitatum illo tempore, exstat apud Liuium lib. x cap. xv. Samnitibus, inquit, Apuli se ante prœlium coniunxissent, ni P. Decius cōs. iis ad Maleuentum castra obiecisset. Antiquum oppidum adeo, ut a Diomede Troianis temporibus conditum feratur. Solinus cap. ii Notum est, a Philocteta Petiliam constitutam; Arpos & Beneuentum a Diomede; Patavium ab Antenore. Quum colonia fieret Romana (deducta autem est A. V. cccclxxxv, ante Punicum primum bellum, ut ex Velleii lib. i cap. xiv adparet) mali ominis nomen in melius commutatum fuit. Plinius lib. iii cap. xi Intus in secunda regione, Hirpinorum colonia una, Beneuentum, auspiciatius mutato nomine, quæ quondam adpellata Maleuentum. Hirpinorum dicit, quia in confinio Samnitium & Hirpinorum. Alii vero Samnio proprio adscribunt. Liuii epitoma xv Colonie deductæ, Ariminum in Piceno, Beneuentum in Samnio. Et Eutropius lib. ii cap. ix Conditæ a Romanis ciuitates, Ariminum in Gallia, & Beneuentum in Samnio. Samnites etiam possederunt. Liuius lib. ix cap. xxvii Tota deinde iam vincere acie Romanus, & omisso certamine, cedi capique Samnites: nisi qui Maleuentum, cui nunc vrbi Beneuentum nomen est, perfugerunt. Aucta colonia & renouata ab Augusto. Holstenius pag. 266 ex Caudino lapide:

lapide: COLONIA IVLIA CONCORDIA AVG. FELIX BENEVENTVM. Coloni dicuntur *Beneuentani*. vt in lapidibus sæpe. Vide Gruteri opus. Et p. 390 II. I ORDO BENEVENTANVS. Liuius lib. XXIV cap. XVI *Beneuentani omnes turba effusa quum obuiam ad portam exissent.* Et I. XXVII c. X *Beneuentani & Aesernini.* Et lib. XXII c. XIII *Hannibal ex Arpis in Samnium transit: Beneuentanum depopulatur agrum.* Quod ideo diligentius notamus, vt vel Stephanus ille Byzantius, vel epitomator eius castigetur, qui scripsit, τὸ ἐδνικὸν, ΒΕΝΕΒΕΥΤΙΝΟΣ.

DXIV.

Inter Calatiam & Beneuentum in Appia est *Caudium*, vt Strabo ducit & Tabula itineraria. Crebra mentio est Liuii libro IX, vt cap. II *circa Caudium* [Pontius Samnitium dux] *castra locat:* & cap. IX *Nihil ad Caudium humanis consiliis gestum est:* cap. X *ductus ad Caudium exercitus:* ac cap. XII *obsides ad Caudium dati.* Frontinus de Coloniis tantummodo oppidum vocat, muro ductum, quod a *Cæsare* colonie Beneuentanae cum territorio suo adiudicatum sit. Hinc *Caudinus* denominatum: vt *Caudinus Samnis*, Liuii lib. XXIV c. XX: &, sicut quondam *Caudini* fecerunt, Velleii lib. II cap. I: &, *Caudinum prælium*, Cicero de Senect. cap. XII: *Caudina pax*, Liuius ineunte libro IX, & cap. VII: *Caudinae legiones*, ibidem cap. XII. Maxime vero memorabiles Romanorum ignominia *Caudinae Furculæ*, quas Liuius eiusdem libri cap. II & III, & lib. XXII cap. XIV nominat; siue *Furcæ Caudinae*, vt epitomator lib. IX. quas idem dicto lib. IX cap. II sic descripsit: *altera via* [Luceriam] *per Furculas Caudinas breuior.* Sed ita natus locus est: *salvus duo alti, angusti siluosi que sunt, montibus circa perpetuis inter se iuncti. Iacet inter eos satis patens clausus in medio campus herbidus aquosusque, per quem medium iter est.* Sed antequam venias ad eum, intrandæ primæ angustiae sunt, & aut eadem, qua te insinuaueris, retro via repetenda; aut, si ire porro pergas, per alium saltum arctiorem impeditioremque euadendum. In eum campum via alia per cauam rupem Romani, demisso agmine, quum ad alias angustias protinus pergerent, septas deiectu arborum saxorumque ingentium obiacente mole inuenere.

DXV.

Quæ ad hodiernam locorum faciem Holstenius p. 267 adplicuit, etiam pagum ibi *Furchie* dictum superesse testatur. Prope Caudium etiam *Taburnus* mons est, de quo Vibius Sequester in Montibus: *Taburnus Samnitum oliuifer.* Gratius autem Cyneget. vers. 508 non amœnum & oliuiferum describit, sed tamquam horridum & vel *Furculis Caudinis* congruentem,

- - - - - veniat Caudini saxa Taburni,

Garganumque truce[m], aut Ligurinas desuper Alpes.

de Parthico equo, molli gressui adfuefacto, sermo est, cui inuia sint hæc loca asperiora. Habet tamen & Vibius, quo se patrono tueatur. Virgilius Georg. II vers. 38

inuat

- - - - iuuat Ismara Baccho

Conferere, atque olea magnum vestire Taburnum.

Significat aspera etiam & montuosa loca tentanda ad culturam esse. Quod vero interpretum hic, Campaniæ; ille, Apuliæ tribuit Taburnum; errant, qui auctore Gratio Caudinus est, prope Caudium existens in Samnio.

DXVI.

Tandem de *Saticula* aliquid dicendum est, quam licet Seruius in *Aeneid.* vii vers. 729 in Campania locet; verius tamen in Samnio illa censetur, quia primum Festus Pompeius exfertis verbis Samnio attribuit. *Saticula*, inquit, *oppidum in Samnio captum est, quo postea coloniam deduxerunt triumviri M. Valerius Corvus, Iunius Scaeva, & Fulvius Longus ex s. c. kal. Ianuar. P. Papirio Cursore C. Iunio coss.* Congruit calculus Paterculi lib. i cap. xiv, qui etiam annum deductæ Saticulam coloniæ notauit. Deinde Liuius lib. vii cap. xxxii idem confirmat. coss. inquit, *ambo cum duobus ab urbe exercitibus profecti, Valerius in Campaniam, Cornelius in Samnium: ille ad montem Gaurum; hic ad Saticulam castra ponunt.* Ergo in Samnio Saticula. Accedit Virgilii vox lib. vii vers. 729

- - - - pariterque Saticulus asper;

at Campani molles conditione cæli: Samnites & Hirpini duri locorum asperitate. Non ergo satis caussæ fuit, ut *Saticulam* Cluuerius prope Capuam sub monte Tifatis locaret. Quod etiam Holstenio p. 260 displicuit, cuius summi viri iudicio utique plurimum, præsertim in rebus Italiæ, esttribuendum. Memorat præterea *Saticulam* Liuius lib. ix cap. xxi, *dictator Saticulam oppugnare adortus: & mox de Samnitibus: spe abiecta Saticule tuende.* Gentile *Saticulani*, Liv. lib. xxvii cap. x: & *ager Saticulanus*. lib. xxi cap. xiv. Oppidum ipsum autem intercidit, ut nec vestigia, nec certa sedes ostendi possit. Ceterum plerisque libris Liuii, ante Gronovianam editionem *Satricula* expressum est, errore describentium, quasi cum *Satrico* oppido aliquid commune haberet: Festus autem & Velleius, ut vidimus *Saticula*; Virgilius *Saticulus*; Diodorus Siculus lib. xix cap. lxxii & Stephanus Σατικóλα scripserunt.

DXVII.

Restant alia incertæ positionis loca, solis nominibus ex Liuii historiis cognita. Lib. x cap. xlv *Caruilius* [cos.] *Volanam, & Palumbinum, & Herculanum ex Samnitibus ceperat: Volanam intra paucos dies: Palumbinum eodem quo ad muros accessit: ad Herculanum bis etiam signis collatis ancipiti prælio, & cum maiore sua quam hostium iactura. dimicauit. Castris deinde positis, mœnibus hostem inclusit: oppugnatum oppidum, captumque. In his tribus urbibus capta aut cæsa decem millia hominum.* Herculanum qui potius *Aecas*, scriptum est *Hercul^o rani*: sed ita turbata ibi itinera sunt, ut locus certus adsignari nequeat. Addo ex lib. ix cap. xxxi *Cluuiam*, de qua æque nihil certi constat. In Samnio, inquit Liuius, *Cluuiam, præsidium Romanum, quia nequiuera vi capi, obsessum fame in deditionem acceperant Samni-*

Samnites. Et post paucissima interiecta: *Iunius* nihil antiquius oppugnatione *Cluuiana* ratus, quo die adgressus est mœnia, vi cepit.

DXIIX.

Idem lib. xxiv cap. xx *Fabius* in Samnium ad populandos agros, recipiendasque armis, quæ defecerant vrbes, processit. - - - Oppida vi capta: *Compulteria*, *Telefia*, *Compsa*, *Mele*, *Fulfulæ* & *Orbitanium*. E quibus *Telefia* & *Compsa* alibi explicantur: *Fulfulæ* & *Orbitanium* penitus ignota: *Compulteriam* quidem, quæ etiam lib. xxi cap. xxxix memoratur; vult *Holstenius* ostendere in loco *S. Maria de Couultere*: & *Melas* putat ad *Molise*, nobilem urbem, referri posse. quod si est, cadit *Cluuerii* supra data de *Molise* coniectura. Sed nihil certiores reddimur, quia utrobique etiam coniectura *Holstenius* ductus est. *Liuius* etiam lib. xxvii ineunte: *Marcellus* *Maroneam* & *Meles* de *Samnitibus* vi cepit. *Maroneam* non novimus: *Meles* haud dubie *Melæ* sunt, quas modo contemplati sumus. Tandem in Samnio etiam fuit *Murgantia*. *Liuius* lib. x cap. xvii *P. Decius*, adprobantibus cunctis, ad *Murgantiam*, validam urbem, oppugnandam ducit. *Stephani* epitomator, Μοργέντιον, πόλις Ιταλίας. λέγεται καὶ Μοργεντία, *Morgentium* vrbs *Italiae*: dicitur etiam *Morgentia*. Fuisse autem in Samnio, ex *P. Decii* adhortatione, quæ proxime antecessit, clarum est. Quid per agros, inquit, vagamur, viciatim circumferentes bellum? quin vrbes & mœnia adgredimur. nullus iam exercitus Samnio præsidet. cessere finibus, ac sibimet ipsi exsilium consciuere. Et initio cap. xviii Dum ea in Samnio gererentur. Quo autem loco in Samnio fuerit, definire non possumus. Addo æque incerta ex eodem lib. x cap. xxxix *Duroniam* & *Cominium*, quæ Samnitium fuerunt, incertum autem, vtrum intra proprium Samnium, an in finitima regione, armis illorum detenta. Quod vero *Cominium* tum ibi, tum præcipue cap. xliii multum cum *Aquilonia Hirpinorum* coniungitur, etiam a Samnitibus possessum; vel in *Hirpinis* situm fuisse, vel in limite horum & Samnitium, probabile est.

H I R P I N I

DXIX.

Hirpini Samnitibus proximi & generis ortu, & situ locorum. nam & ipsi origine Samnites sunt. *Strabo* sub finem libri v Εξῆς εἰσὶν ἱρπῖνοι, καὶ τοὶ Σαννίται, *Sequuntur Hirpini, qui & ipsi Samnites sunt.* Quod vero addit de lupo, qui *Hirpus* Samnitium lingua dicatur, coloniae illius deductore; fabulae quam historiae est similis. *Picentinos* a meridie attingunt: ab ortu *Apulos*: a septemtrione *Apenninus* obiacet & pars Samnitium, qui & cetera ab occidente cingunt. *Rigantur Sabato* & *Calore* fluminibus, supra in *Beneuentano* confluente explicatis. Oppida sunt

DXX.

Abellinum, hodie *Auellino*, *Ptolemæo* Αβέλλινον, ad *Sabatum* fluuium fontibus propinquiorem. *Frontinus* principio libelli de *Coloniis*: *Abellinum*,

linum, muro ducta colonia: lege Sempronia deducta. Ager eius veteranis est adsignatus. Hinc Plinio sunt lib. III cap. XI Abellinates cognomine Protopi, & hi in Hirpinis sunt: a quibus ipse distinguit ibidem Abellinates cognominatos Marfos, qui ad Marfos etiam pertinent.

DXXI.

In ortum hinc *Aeculanum* recedit, quod Fricento Cluuerius interpretatur, Holstenius circa *Mirabellam* ponit. Ptolemæus Αἰκελάνιον. Appianus lib. I Ciuil. p. 643 Σύλλας ἐς ἑθνος ἕτερον ἱρπίνως μετεστρατοπέδευσε, καὶ προσέβαλε Αἰκελάνιον, *Sulla inde in Hirpinos, aliam gentem, mouit, & Aeculanum oppugnare cepit.* An etiam Cicero eius meminerit, lis est. Attico lib. XVI epist. II scripsit: *v kal. in Pompeianum cogitabam: inde Aculanum.* alii *Acculanum.* Sic veteres libri & vulgati: ideoque multi *Aeculanum* Hirpinorum intelligunt. Coniecerat Manutius, forte *Herculanum*, quod a Pompeiis non longe abest, legendum esse, idque post multis editionibus, Bruti, Bosii, Gruteri, est receptum. Ais: quid Ciceroni cum Hirpinis? at prædixerat, *Brundisium cogito*, quo iter ex Campania per Samnium & Hirpinos utique ferebat. Græuius & Gronouius antiquam lectionem rederunt. Scribitur etiam contracte *Aeclanum.* Inscript. Grut. p. 446 n. 7 R. P. AECLANENSIVM. Et Antoninus itinere a Beneuento Tarentum *Aeclanum*, vt A. Schottus; seu *Eclano*, vt Aldus & Simlerus ediderunt: quod etiam Tabula Peutingeriana ita expressum est.

DXXII.

Supra *Aeculanum* Cluuerius *Taurasinos campos*, ad Sabatum vsque fluvium, cum oppido *Taurasio*, quod falso ex Plinio probat, qui lib. III c. XI nihil eius nominis habet. Addit Florum lib. I cap. XVIII in bello Pyrrhi dicentem: *Lucaniae suprema pugna sub Arusinis, quos vocant, campis.* vbi vult *Taurasinis* legi, quod contra fidem codicum est omnium. Firmat veterem lectionem etiam Frontinus lib. IV Strategem. cap. I num. 13 de eodem Pyrrhi proelio: *Romani deinde, victo eo in campis Arusinis, circa urbem Statuentum castris eius potiti.* Quod insolens nomen *Statuentum*, quidam *Beneuentum* supposuerunt, quibus Flori *Lucania* nouam difficultatem mouet. Maxime vero, quod Cluuerius contendit, videtur Liuius lib. XL c. XXXVIII probare. *Ager, inquit, publicus populi Romani erat in Samnitibus, qui Taurasinorum ** traducere Ligures Apuanos vellent, & reliqua.* Mancum locum alii aliter supplere conati sunt: alii dubitant de *Taurasinorum*, quo innixa caussa est, vocabulo, quia vet. ed. *Tauraninorum*, quasi a *Taurania*, præ se fert, quod oppidum Stephanus habet, & Plinius in iis ponit Campaniæ, quæ olim perierunt, lib. III cap. V. Est quidem *Ταυρασία, πόλις Κελτικῇ, Taurasia, vrbs Gallica* in Appiani Hannibalico pag. 546, sed vt ratio itineris ostendit, in Transpadana: vnde Taurinorum urbem multi significari suspicantur.

DXXIII.

Ad Hirpinorum limitem aquilonalem attingit oppidum *Equus Tuticus*, id est *Equus magnus*, vt Hierosolymitani itinerarii auctor interpretatur.

Antoni-

Antoninus autem aliquot itineribus *Equum Tuticum* adpellat, quod nomen etiam in Tabula est, sed biuocali scriptum *Aequo tutico*. Memorauit Cicero ad Attic. lib. vi sub initium epistolæ i. *Scire vis, inquit, tuas ego quas acceperim. Omnes fere, quas commemoras, præter eas, quas scribis Lentuli pueris & Equotutico & Brundisio datas.* Ptolemæus tantummodo *Τούτιον* scripsit, posthabito nomine priore. Situm in via, quæ Beneuento Brundisium fert, quod Horatii itinere non minus, quam Antonini itinerario constat. Ille sæpe dicta satyra v libri i non quidem nominat, quod vox inepta versui; describit autem & situm & naturam loci satis luculente:

Quatuor hinc rapimur viginti & millia rhedis,

Mansuri oppidulo, quod versu dicere non est:

Signis perfacile est. Venit vilissima rerum

Heic aqua: sed panis longe pulcherrimus.

A villa *Trinici* egressus in hoc oppidulum rheda vectus peruenit, quod Ariano censet Cluuerius esse. Ipsum autem *Trinicum*, quod solus Horatius nominauit, cum *Treuico*, episcopali in eo tractu oppido, quis negabit conuenire?

DXXIV.

Vltiores *Aecæ* sunt, nunc *Troia*, vt tam ex itinerariis, quam chronico veteri probat Holstenius. In Tabula & Hierosolymitano *Aecas* scriptum: in Antonini itinere ab *Equotutico*, *Ecas*, ab illo xviii millibus passuum remotas. Gentile *Aecanus*. Plinius lib. iii cap. xi *Aecani*, diuersi ab *Aeculanis*, ibidem etiam nominatis. Vetus inscriptio (Grut. pag. 444 n. 5) CVRAT. REIP. AECANORVM.

DXXV.

Hinc xix millibus, *Canusium* versus, quod ex itinere ab *Equotutico* *Hydruntum* intelligimus, est *Herdonia*, nunc *Arдона*, non *Cedogna*, quod Cluuerius volebat. Liuius lib. xxv cap. xxi *Circa Herdoniam Romanæ legiones & prætor Fuluius erant.* Et lib. xxvii cap. i *nequaquam inde tantum gaudium fuit, quanta clades intra paucos dies accepta est haud procul ab Herdonia vrbe.* Appianus Hannibal. p. 587 *ὁ ἄλβιος Ῥωμαίων ὑπατος Ἐρδονίαν ἐπολιοῖχε, Fuluius, Rom. consul, Herdoniam obsidebat.* O magno scribendum erat *Ἐρδονία*. nam Silius Italicus lib. viii vers. 568 produxit.

- - - - quosue

Obscura incultis Herdonia misit ab agris.

Itinerario Antonini & Tabula plurale est *Erdoniae*. Itinere ab *Equotutico* *Hydruntum*:

Equotutico

Ecas M. P. XVIII

Erdonias M. P. XVIII

Canusium M. P. XXVI.

DXXVI.

Ad Apuliæ fines vrbs *Aquilonia*, Holstenio iudice nunc *Cedogna*, prope *Aufidum* amnem. Liuius lib. x cap. xxxix *Papirius Aquiloniam, ubi*

summa rei Samnitium erat, peruenit. Multa eius quoque in sequentibus mentio, cap. XLIII & XLIV. Ptolemæus in Hirpinis *Ακυλωνία*. Oppidani Plinio lib. III cap. XI *Aquiloni*, quod Cluuerio truncatum videtur ex *Aquilonienses*.

DXXVII.

Non longissime abhinc videtur *Cominium* fuisse, quod vulgo ponunt in Samnio, malim in Hirpinis, quia Liuius dicto loco cum *Aquilonia* coniungit, sita in extremo Hirpinorum limite: quamuis vtrumque oppidum Samnites belli tempore armis tenuerunt. Liuii verba ex c. XLIII libri X ad iudicandum proferre, fortasse non alienum videbitur. Sic, inquit, ad *Cominium*, sic ad *Aquiloniam* gesta res. Inde medio inter duas vrbes spatio, ubi tertia exspectata erat pugna, hostes non inuenti, septem millia passuum quum abessent a *Cominio*, reuocati ab suis, neutri prælio occurrerunt. Primis ferme tenebris, quum in conspectu iam castra, iam *Aquiloniam* habuissent, clamor eos vtrunque par accidens sustinuit. Lege reliqua. Et cap. XLIV Vterque ex alterius sententia consul captum oppidum diripiendum militi dedit: exhaustis deinde rebus, ignem iniecit, eodemque die *Aquilonia* & *Cominium* deflagrare.

DXXIIX.

In illo tractu forsan *Callisæ* etiam fuerunt, a Liuiio lib. VIII cap. XXV memoratæ. *Tria*, inquit, oppida in potestatem venerunt, *Allisæ*, *Callisæ*, *Rufrium*. De primo supra diximus in Samnio: alterum quo situ fuerit, non liquet. Sunt qui in oppidulo *Carisæ* quærant, sono forsan ducti non plane abhorrente. Quod vero tertium in Hirpinis extremis fertur esse; medium quoque in illis fuisse, vero non est absimile.

DXXIX.

In medio fere Hirpinorum lacus est graueolens *Amsancti* olim dictus, siue *Amsancti*, nunc *Mufiti*, quod a *Mephiti* est, putore, aut dea tetri odoris, quæ culta ibidem fuit. Cicero lib. I de Diuinat. c. XXXVI *Quid enim? non videmus quam sint varia terrarum genera? ex quibus & mortifera quædam pars est, ut & Amsancti in Hirpinis, & in Asia Plutonia.* Et Plinius lib. II cap. XCIII *In Hirpinis Amsancti, ad Mephitis ædem, locus, quem qui intravere, moriuntur.* Virgilius lib. VII vers 563

Est locus Italiæ medio sub montibus altis

Nobilis, & fama multis memoratus in oris,

Amsancti valles. - - -

Hic specus horrendum, seui spiracula Ditis,

Monstratur, ruptoque ingens Acheronte vorago

Pestiferas aperit fauces.

Scilicet hanc voraginem ad inferos vsque patere, finxerunt poetæ. Idcirco Claudianus lib. II de Raptu, sub finem, Proserpinæ nuptiis feriatos & lætatos inferos describens, dixit etiam

Tunc & pestiferi pacatum flumen Auerni

*Innocue transitis aues, flatumque repressit
Amsanctus: tacuit fixo torrente vorago.*

DXXX.

Iuxta lacum, fanum fuit *Mephitis*, quod numen putori arcendo præfidere crediderunt. Plinius iam dicto loco, *ad Mephitis ædem*. Culta & alibi fuit, vt Cremonæ. Tacitus III Hist. cap. xxxiii *Quum omnia sacra profanaque in igne considerent, solum Mephitis templum stetit ante mœnia, loco, seu numine defensum*. Deinde μετανομιχῶς ipsa exhalatio grauis atque pestilens *Mephitis* vocata. Virgilius VII vers. 84 de Tiburtini agri nemore & fonte Albunea:

- - - - nemorum quæ maxima sacro
Fonte sonat, sæuamque exhalat opaca mephitim.

DXXXI.

In austrum vergunt cetera. Ex his *Romulea* oppidum est, quam Livius lib. x cap. xvii a Samnitibus possessam scribit. Decii consulis oratione: *Ad Romuleam urbem hinc eamus, ubi vos labor haud magnus, præda maior manet*. Subdit Liuius: *Diuendita præda, ultro adhortantes imperatorem, ad Romuleam pergunt*. - - - *captum oppidum ac direptum est, ad duo millia & ccc occisi*. Stephani epitome: *Ῥωμυλία, τῶν ἐν Ἰταλίᾳ Σαννιτῶν πόλις, Romulia, Samnitum in Italia oppidum*. Sæpe autem Hirpini cum Samnitibus censentur, quos & loco & origine attingunt. Itinerario & Tabula est *Subromula*, vt aliis quoque locis præpositio adiicitur: aut, vt diuersorium proximum oppido, siue *sub Romula* situm, significetur. Ex quibus simul locus & distantia intelligitur. Vtroque Antonini itinere a Beneuento, & Hydruntum & Tarentum directo,

Aeclanum M. P. XXV
Subromulam M. P. XXI
Pontem Aufidi M. P. XXII
Venusiam M. P. XVIII.

DXXXII.

Prope fontes Aufidi amnis vrbs *Compsa* est, nunc Conza. Et Ptolemæus κόμψα, sed in Lucanis ponit, quorum finibus propinqua est. Sed Hirpinorum fuisse, clare testatur Paterculus lib. II c. LXVIII *Milo Compsam in Hirpinis oppugnans, ictusque lapide, tum P. Clodio, tum patriæ, quam armis petebat, pœnas dedit*. Et Liuius lib. xxiii ineunte: *Hannibal post Cannensem pugnam - - - accitus in Hirpinos a Statio, pollicente se Compsam traditurum*. Qui colebant *Compsani* dicti Plinio lib. III cap. XI. Et Liuius eodem principio: *Compsanus erat Trebius, nobilis inter suos*.

DXXXIII.

Tandem in extremo Hirpinorum ultra *Compsam* Chruerius *Rufrium* Liuii, quod, & *Rufra* Virgilii, idem ipsi oppidum est, cuius ductu nescio, collocauit. Nos, Holstenium sequuti, *Rufra* a *Rufrio* supra separauimus; vt, illis Campaniæ vindicatis, sicut vindicauimus, *Rufrium* solum superstiti-

inuestigandum. De hoc Liuius lib. viii cap. xxv *Eodem tempore etiam in Samnio res prospere gesta. tria oppida in potestatem venerunt, Allifæ, Callifæ, Ruffrium.* Samnio attribuit, sed laxis finibus descripto, vt Hirpinos etiam, qui ortu Samnites sunt, comprehendat. An sit oppidum quod hodie Ruuo vocatur, quod credit Cluuerius; iudicent peritiores illarum regionum.

F R E N T A N I

DXXXIV.

Samnitum progenies altera *Frentani*. Strabo lib. v pag. 166 *Φρεντανῶν, Σαμνιτικὸν ἔθνος, Frentani, gens Samnitica.* Oram maris superi incolebant ab *Aterno* fere ad *Frentonem* amnem, a quo nomen habent. Plinius autem videtur *Tiferno* amne finire lib. iii c. xl. *Flumen, inquit, portuosum Frento, Teanum Apulorum; itemque Lavinatum Cliternia, Tifernus amnis. Inde regio Frentana.* Et cap. xii *Sequitur regio quarta gentium vel fortissimarum Italiae. In ora, Frentanorum, a Tiferno.* At ipse cap. xi *Larinales, trans Tifernum colentes, cognominauit Frentanos: & Ptolemæus Larinum in Frentanis mediterraneis censet. Olim ergo Frentonem amnem Frentanorum, quos denominat, fuisse, vtique simillimum veri est, quamquam aliquando mutata res in gratiam Apulorum fuerit. Flumina ergo Frentanorum post Aternum, de quo supra in Vestinis & Marrucinis actum, sunt, Sagrus, & Trinius, & Tifernus, de quibus in Samnio diximus: & tandem Frento, terminus.*

DXXXV.

Oppidorum primum est ab Aterno fluuio *Ortona*, Græcis Ὀρτων, virili genere. Strabo lib. v pag. 167 *Μετὰ δὲ Ἀτέρνην Ὀρτων, ἐπίκειον Φρεντανῶν, Post Aternum Orton est, nauale Frentanorum.* Atque ita etiam Ptolemæus scripsit, quamquam perperam Pelignis adiudicauit. Plinius lib. iii c. xii *Frentanorum [gens] a Tiferno: flumen Trinium portuosum. Oppida Histonium, Buca, Ortona: Aternus amnis.*

DXXXVI.

Hanc inter & Sagrum fluuium, sed paullo intus, est *Anxanum* oppidum: vulgo nunc l' Anciano, siue Lanciano. Ptolemæus lib. iii cap. i *Φρεντανῶν μεσόγειοι [πόλεις] Ἀγξανον, Λάρινον, Frentanorum mediterraneæ vrbes Anxanum, Larinum.* Incolæ *Anxani* Plinio auctore, qui lib. iii cap. xii *Intus Anxani, cognomine Frentani.*

DXXXVII.

Dein *Sagrus* fluuius est, nunc Sangro, Straboni Σάγρος, qui vero male inter Aternum & Ortonam ponit: Ptolemæo Σάρος, qui etiam falso Pelignis ostia adsignat: Vibio dictus *Saron Adriæ*, subaudi flumen. De hoc supra etiam in Samnio, ex cuius montibus decurrit, diximus. Inter Sagrum & Trinium flumen est oppidum ad mare situm *Histonium*. Mela lib. ii cap. iv *Frentani tenent vrbes Bucam & Histonium.* Ptolemæus in Frenta-

Frentanis maritimis Ἰσόνιον. Situm Tabula vetus Augustana ostendit hoc ordine:

Ortona XI *Anxano* III *Annum* IV *Pallanum* XII *Istonium*.

De flumine, quod ex interuallo sequitur, *Trinio* dicto, nunc *Trigno*, ita Plinius lib. III cap. XII *In ora, Frentanorum* [gens] *a Tiferno: flumen Trinium portuosum.*

DXXXIIX.

Post hoc flumen, seu inter illud & Tifernum, *Buca* oppidum, itidem ad mare. Strabo dicto loco: Ὀρτῶν ἐπὶ νεῖον φρεντανῶν, καὶ Βέκα, καὶ αὐτὸ φρεντανῶν, *Ortona*, nauale *Frentanorum*; & *Buca*, ipsa quoque *Frentanorum*. Plinius de *Frentanis*: oppida, *Histonium*, *Buca*, *Ortona*. Pomponius: *tenent vrbes Bucam & Histonium*. Sed Plinius peruertit ordinem, qui esse debet: *Buca*, *Histonium*, *Ortona*. Ptolemæus quoque inter *Tiferni* ostia & *Histonium* locauit. Strabo *Bucam* dicit ὁμορεν, conterminam *Teano Apulo*. At duo flumina, *Tifernum* & *Frento*, interlabuntur, & inter illa non mediocre spatium.

DXXXIX.

Post *Tifernum*, seu iuxta dextram ripam illius, *Larinum* est, hodie *Larina* vulgo, intus situm & a Ptolemæo in μεσογείαις, *mediterraneis Frentanorum*, positum Λάριον, *Larinum*. Cicero pro *Cluentio* c. IX *quum alter eius filius Teani Apuli, quod abest a Larino decem & octo millia passuum, apud matrem educaretur.* Mela lib. II cap. IV *Cliterniam, Larinum, Teanum oppida* *Daunis Apulis* attribuit: quem Plinius sequutus est, in *Tiferno* amne *Frentanorum* limitem constituens. Supra autem ostendimus, quare ad *Frentonem* vsque *Frentanorum* limitem, vbi olim fuerat, malimus continuatum. Municipium *Larinum* fuit. Cicero dictæ orationis cap. V *A. Cluentius Auitus, pater huiusce, homo non solum municipii Larinatis, ex quo erat, sed etiam regionis illius & vicinitatis, virtute, existimatione, nobilitate facile princeps.* Gentile enim *Larinas* est, plur. *Larinates*. Silius lib. XV vers. 565

Quaque iacet superi Larinas accola ponti.

Et Plinius lib. III cap. XI *Larinates, cognomine Frenteni.* Vbi autem alterum *Larinum*, hoc discretum cognomine, sit, nondum liquet: nisi *Larinates* Silii lib. VIII vers. 403, cum *Venafranis* & *Arpinatibus* coniunctos, huc pertrahere velis, quos possis etiam *Lirinales* legere. Amplum territorium ciuitatis, vt vel solum cum regionibus censeatur. Cæsar I Civ. cap. XXIII *per fines Marrucinatorum, Frentanorum, Larinatum in Apuliam peruenit.*

DXL.

De *Cliternia*, quam Plinius & Mela his adiiciunt, nihil certi habemus, & locus ei sola coniectura definitur. Melæ hic est ordo: *Dauni* [habent] *Tifernum amnem, Cliterniam, Larinum, Teanum, oppida*: Plinius autem sic cap. XII *Flumen portuosum Frento, Teanum Apulorum: itemque Larinatum Cliternia: Tifernus amnis.* Inde regio *Frentana*. Vnde de amne etiam *Frento-*

Frentone, nunc il Fortore dicto, iudicatur. nec enim alius ibi portuosus est, ut Frentonem Plinius signauit.

A P V L I A,

Cuius partes DAVNIA & PEVCETIA.

DXLI.

Ad vltiora Italiae, quæ Græciam propius spectant, pedetentim nunc adeundum est. Non autem vno nomine ille tractus qua totus, qua partes insignitur, sed quidam omnem vocant *Iapygiam*, poetæ præsertim & nonnulli ex historicis Græcis: ceteris *Iapygia* sola est peninsula illa, ex qua in Græciam diuersis portibus traicitur: quæ etiam *Messapia*, & *Calabria*, & *Ager Salentinorum* adpellatur: in quibus alii denuo distinguunt, præsertim inter Calabriam & Salentinorum regionem. Quidquid autem extra peninsulam in hoc tractu est, a Frentone flumine ad Brundisium vsque & Tarentum, Romanis *APVLIA* Latino ore dicebatur. Sed antiquorum testimoniis hæc singula comprobemus.

DXLII.

Polybius lib. III cap. LXXXVIII de Hannibale: διελθὼν καὶ καταφθίρας τὴν τε Πρετετιανὴν, καὶ τὴν Ἀδριανὴν, ἐπὶ δὲ τὴν Μαρρκίαν καὶ φρεντάνην χώραν, ὥρμητε ποιεῖμενος τὴν πορείαν ὡς ἐπὶ τὴν Ἰαπυγίαν. ἥς διηρημένης εἰς τρεῖς οἰομασίας, καὶ τῶν μὲν προσαγορευομένων Δαυνίων, τῶν δὲ [Πευκετιῶν, καὶ τῶν] Μεσσαπίων, εἰς πρώτην ἐνέβαλε τὴν Δαυνίαν. *Pertransiens & vastans Præututianum Hadrianumque agrum, etiam Marrucinarum & Frentanorum; in Iapygiam, continuans iter, inuasit. Quæ tribus nominibus distincta est, Dauniorum, Peucetiorum & Messapiorum. Hannibal autem primam impetiit Dauniam.* Priores partes vno nomine *APVLIAM* Romani adpellauere. Strabo lib. VI pag. 291 οἱ ἐπιχώριοι πᾶσαν τὴν μετὰ τῆς Καλαβρίας Ἀπυλίαν καλεῖσι, *Incolæ, quidquid huius regionis post Calabros est, Apuliam adpellitant.* Poetæ vero & has sæpe partes, perinde vt Polybius, *Iapygiam* dixerunt laxiore vsu vocabuli adsumto. Virgilius lib. XI vers. 247 de Diomede:

*Ille urbem Argyripam, patriæ cognomine gentis,
Victor Gargani condebat Iapygis aruis.*

Garganus autem mons in Apulia citeriore siue Daunia est, & nihilominus *Iapyx* cognominatur. Silius lib. I vers. 50

*Dum Cannas tumulum Hesperiae, campumque cruore
Ausonio mersum sublimis Iapyga cernam.*

Etiā lib. III vers. 708 Cannensem agrum *Iapyga campum* dixit: & lib. VIII vers. 223

Celsus Iapygios qua se Garganus in agros Explicat.

Straboni vero, principi geographorum, *Iapygia* eadem est quæ *Messapia*, peninsula videlicet a Tarento & Brundisio ad *Iapygium* seu *Salentinum* promontorium procurrens. Ait enim lib. VI pag. 191 συνεχῆς δ' ἐστὶν ἡ Ἰαπυγία ταύτην δὲ καὶ Μεσσαπίαν καλεῖσιν οἱ Ἕλληνες, [*Italiam vsque Metapontum*

tum explicatam] continenter sequitur Iapygia, quam & Messapiam Græci dixerunt. Sed Apulia nunc nobis curæ est, inter Frentanos contenta & Calabros: lata autem a mari Hadriatico vsque Lucanos.

DXLIII.

Nobilissimus Apuliæ fluuius est *Aufidus*, quem supra, principio huius de Italia capitis, pag. 506 descripsimus, e quibus tantummodo pauca Horatii, ex lib. iv oda xiv, repetemus:

Sic tauriformis voluitur Aufidus

Qui regna Dauni præfluit Appuli.

Appuli, geminata littera, porrigendæ syllabæ causâ, quæ per se correpta est, vt ex eiusdem poetæ lib. iii oda iv patet:

Me fabulosæ Vulture in Appulo,

Altricis extra limen Apuliæ,

Ludo, fatigatumque somno

Fronde noua puerum palumbes Texere.

Lapides etiam p simplici scriptum hoc nomen exhibent. Gruter. pag. 14 n. 12 EX APVLIA: & pag. 411 n. 1 CALABR. ET APVLIAE.

DXLIV.

Alter fluuius qui apud Sipontum effunditur, est *Cerbalus*, nunc Cervaro, de quo Plinius lib. iii cap. xi *amnis Cerbalus, Dauniorum finis*. Finis Dauniæ, sed intus forsan, vbi ab Hirpinis distinguit, in illorum natus montibus: quum procurrit, adeo non finis est, vt mediam Dauniorum regionem secet. Limes autem Dauniæ est paullo vltra amnem Aufidum constituendus, vt *Canusium* etiam Dauniis, & *Venusia*, vindicentur. Inde *Peucetii* Apuli incipiunt, qui reliqua vsque Calabriam occupauerunt. Strabo dicto lib. vi p. 191 ὑπὲρ τῆς [Καλαβρίας] πρόσβοροι Πευκετίοι τέ εἰσι καὶ Δάυνιοι, *super Calabros, septemtrionem versus, sunt Peucetii: deinde Daunii*. Itaque in duas partes diuisa fuit Apulia, *Dauniam*, Frentanis conterminam; & *Peucetiam* alteram, Calabriae fines attingentem.

DXLV.

DAVNIAE Apuliæ nomen a prisco rege *Dauno* est, socero Diomedis. Horatius lib. iii oda vltima:

- - *qua violens obstrepit Aufidus,*

Et qua pauper aquæ Daunus, agrestium

Regnator populorum.

Mela, Plinius, Ptolemæus oppida illius designant, & hic quidem distincte maritima primum, *Salapiam*, *Sipuntem* (Σιπώνης recto casu) *Apenestas*, *montem Garganum*, *Hurium*, Græce Ὕριον: & mediterranea, *Teanum*, *Nuceriam*, *Vibarnum*, *Arpos*, *Erdoniam*, *Canusium*. Pomponius Mela ita: *Dauni* [habent] *Teanum oppidum*, *montemque Garganum*. Sinus est continuo Apulo litore incinctus, nomine *Vrias*, modicus spatio pleraque asper accessu. Extra, *Sipuntum*, vel, vt Graii dixerunt, *Sipūs*; & *flumen*, quod *Canusium* attingens, *Aufidum* adpellant. Et Plinius lib. iii cap. xi *Hinc Apulia Dauniorum cognomine, a duce Diomedis socero: in qua oppidum Salapia; Sipontum, Vria:*

amnis Cerbalus, Dauniorum finis: portus Agasus, promontorium montis Gargani, portus Garnæ, lacus Pantanus - - - Teanum Apulorum. Reliqua infra in Luceria trademus.

DXLVI.

Primum post Frentonem, quod flumen Frentanos ab Apulis separat, est Teanum, quod simpliciter Teanum iam Mela dixit & Ptolemæus: cum cognomine Plinius Teanum Apulorum: Strabo lib. vi pag. 197 τὸ Ἰππῶν Τέανον, ὁμώνυμον τῷ Σιδικινῷ. Teanum Apulum, eiusdem nominis, quo Sidicinum. Addit, ἐν μεσογαίᾳ, in mediterraneo situm. Vestigia eius adparent ad Frentonem xvi millibus supra ostium, qui locus hodie Ciuita, vel Ciuitate appellatur, quod medio ævo Teani nomen fuit, & Ciuitatensis episcopus in actis Beneuentanæ ecclesiæ, cui Teanensis subiecta fuit, adhuc legitur, Holstenio teste pag. 279. Gentile Teanenses. Liuius lib. ix cap. xx Ex Apulia Teanenses Camisinique, populationibus fessi, obsidibus L. Plautio cos. datis, in deditionem venerunt.

DXLVII.

Superior prope idem flumen fuit vrbs Gerion, vt Gruterus legit; siue Gerunium, vt Polybius, quod Gronouius nomen etiam Liuius reddendum censet: siue Geronium, vt in Tabula Peutingeriana est, idque viii millibus a Teneapulo, hoc est Teano Apulo, diiunctum. Liuius lib. xxi cap. xviii Ex Pelignis Pænus flexit iter, retroque Apuliam repetens, Geronium peruenit, urbem metu, quia collapsa ruinis pars manium erat, ab suis desertam. Et Polybius lib. iii cap. c ἐν τῇ περὶ τὴν Λακερίαν καὶ τὸ καλούμενον Γερώνιον χώρα, in agro circa Luceriam & Gerunium. Et lib. v cap. cviii Hannibal ἔμελλε περὶ τὸ Γερώνιον τῆς Δαυνίας ποιῆσαι τὴν παραχειμασίαν, circa Gerunium Daunie hibernaturus erat. Coniiciunt eruditi viri, esse in loco, vbi nunc Tragonora.

DXLIX.

Interius recedit Luceria, fere ad fines Hirpinorum, colonia Romana. Plinius iii cap. xi Dauniorum, præter supra dictæ, colonie, Luceria, Venusia. Ptolemæus autem Venusiam Peucetiis adscripsit. De Luceria, & eius antiquitate, præclare Strabo lib. vi pag. 196 πολλά δείκνυνται τῆς Διομήδους ἐν τέττοις τοῖς τόποις δυναστείας σημεῖα. Ἐν μὲν τῷ τῆς Ἀθηνᾶς ἱερῷ τῆς ἐν Λακερίᾳ παλαιᾷ ἀναθήματα· καὶ αὕτη δ' ὑπῆρξε πόλις ἀρχαία Δαυνίων, νῦν δὲ τεταπένωται. Multa exstant Diomedis imperii in ea regione vestigia, vt sunt Lucerie in Minerue templo antiqua donaria. Fuit enim illa vetus vrbs Dauniorum: nunc autem tenuis facta. Et Cicero meminit pro Plancio cap. lxix. Teano Apulo, inquit, atque Luceria equites Romanos, honestissimos homines, laudatores videtis. Ptolemæi est Νεκερία Απουλῶν, Nuceria Apulorum, errore litteræ, an temporis illius consuetudine, incertum est. nam in Cispadana Luzzara. Cuius forte causâ Aurelius Victor de illustribus in Postumio, nostram cognomine distinxit. Ille, inquit, [Pontius Telesinus] simulatos transfugas misit, qui Romanos docerent, Luceriam Apulam a Samnitibus obsideri. In Tabula quoque cum cognomento Nucerie Apule scriptum exstat, littera

littera N, vti Ptolemæus scripserat. In nummis LOVCERIA scribi, ostendit Holstenius ad Stephanum. Gentile *Lucerini* apud Liuium lib. XXVII cap. x. Nunc vrbs *Lucera* & *Nocera* vocatur.

DXLIX.

Abhinc in ortum hibernum, prope Cerbalum amnem, Cluuerius *Ardoneas* Liuii ponit ex lib. XXIV cap. xx. Verba sunt: *Et a Q. Fabio, cui circa Luceriam prouincia erat, Accua oppidum per eos dies vi captum: stativague ad Ardoneas communita.* Hanc Ardonam vult esse, sed distinctam ab *Herdonea* eiusdem lib. XXVII cap. l. At eadem est *Herdonea*, *Arдона* hodierna, Ptolemæi in Apulis *Ερδωνία*, *Ardoneæ* Liuii, & *Κερδωνία* Strabonis, prae-scriptæ. Vide Holsten. p. 281. De *Herdonia* autem in *Hirpinis* actum, quam si quis in *Apulia* censeret malit, nos facile consentientes habet. Nam ibi ordinem Gruteri sequebamur.

DL.

A *Luceria* in ortum æstiuum siti sunt *Arpi*, nobilis vrbs, quæ & *Argos Hippium* olim, & *Argyripe* dicta. Plinius dicto loco: *coloniæ, Luceria, Venusia: oppida, Canusium, Arpi, aliquando Argos Hippium Diomede condente, mox Argippa dictum.* Virgilius lib. XI vers. 242

Vidimus, o ciues, Diomedem, Argivæque castra, &c.

Ille urbem Argyripam, patriæ cognomine gentis,

Victor Gargani condebat Iapygis agris.

Postquam introgressi, & coram data copia fandi,

Munera præferimus, nomen patriamque docemus,

Qui bellum intulerint, quæ caussa attraxerit Arpos.

Heic quam *Argyripam* urbem dixerat, mox *Arpos* eandem adpellat. Et Strabo lib. VI pag. 196 *ἐκαλεῖτο ἐξ αρχῆς Ἄργος ἱππιον, ἔτ' Ἀργυρίππη, ἔτα νῦν Ἄρποι, Vocata hæc vrbs primum Argos Hippium, deinde Argyrippa, tandem nunc Arpi.* Lycophron quoque π geminato scripsit Cassandr. vers. 592

- - Ἀργυρίππαν Δαυνίων παγκληρίαν,

Argyrippam Dauniorum possessionem: vbi Tzetzes commentator: ἡ Ἀργυρίππα πόλις μεθερμηνευομένη Ἄργος ἱππιον: vt ita metri caussa Virgilius syllabam, elisa vna gemellarum, corripuerit. Hæc vt Diomedis traditur regia fuisse, quod Virgilius modo docuit: sic ampla vrbs postea etiam & frequens fuit, quæ, vt Liuius lib. XXIV cap. XLVII prodidit, tria millia suorum armavit, & præterea præsidium quinque millia ferme amatorum, ab Hannibale impositorum aluit. Vicinitatem *Luceriæ* idem lib. XXII cap. IX monstravit. *Hannibal, inquit, Marsos Marrucinosque & Pelignos deuastat, circaque Arpos & Luceriam, proximam Apuliæ regionem.* Et lib. XXIV c. III *In Apulia ne hiems quidem quieta inter Romanos atque Hannibalem erat. Luceriæ Sempronius consul, Hannibal haud procul Arpis biemauit.* Gentile variat. Polybio lib. III cap. CXV III sunt Ἀργυρίππαιοι *Argyrippani*: Straboni dicto loco Ἀργυρίππηνοι, *Argyrippeni*: adde de vtraque forma epitomen Stephani Byzantii. Et hæc ab Ἀργυρίππα, quod nomen Aldina Strabonis editione π simplici perscriptum est. A forma *Arpi* Liuius

lib. xxiv cap. xlvii sæpius *Arpini*: Plinius autem lib. iii cap. xi *Arpani*; & Frontinus in prouincia Apulia [p. 110 ed. Goef.] *Ager Canusinus*, - - - *Arpanus, Conlatinus, Sipontinus*: & nummo Pignorii Holstenio teste ΑΡΠΑΝΩΝ. In ruinis iacet, vt vestigia tamen adpareant, & loco nomen *Arpe* superfit, inter Luceriam & Sipontum.

DLI.

In hoc tractu circa Garganum montem fuit etiam *Collatia* quædam, vnde Plinii lib. iii cap. xi in Apulia sunt *Collatini*: & Frontini de Colon. *ager Collatinus*, quem cum Gargano coniungit. *Ager*, inquit, *Conlatinus*, - - - & qui circa montem Garganum sunt. Plura non constant. Ad certiora progrediendum, quæ sunt

DLII.

Peninsula, cuius bonam partem mons *Garganus* implet, vulgo dictus Monte di S. Angelo. Hunc montem *Garganum* memorat Mela atque Plinius: & Ptolemæus Γάργαρον ὄρος, lapsu, credo describentis. Horatius lib. ii oda ix

- - - - - *Aquilonibus*

Querceta Gargani laborant.

Idem lib. ii epistola i vers. 202 de theatri strepitu,

Garganum mugire putes nemus.

Extremum montis in mare excurrit. Lucanus lib. v vers. 380

Appulus Hadriacas exit Garganus in undas.

Hinc Plinius dicto loco: *promontorium montis Gargani*. Et Strabo lib. vi pag. 196 Πρόκειται τῇ κόλπῃ τῆς πελάγιον ἀκρωτηρίου ἐπὶ τῇ ἀνατείλει τοῦ ἡλίου πρὸς τὰς ἀνατολάς, τὸ Γάργαρον, *Ante hunc sinum est promontorium ad ccc. stadia in mare procurrens, ortum versus, Garganum*. In litore a Frentonis ostio sunt duo lacus, qui propior flumini, *Pantantis* Plinio dictus, nunc Lago di Lesina. Post illos lacus, *portus Garnæ*, itidem a Plinio memoratus, qui in locum incidit, vbi nunc est *Rodia*.

DLIII.

Ad extremum Gargani ciuitas est vulgo *Vieste* dicta, in ruinis antiqui & episcopalis oppidi *Merini* exstructa, vnde sunt Plinii *Merinates ex Gargano*.

DLIV.

Oppidum quoque Ἰρίον, *Hyrium* Ptolemæi, non videtur longe *Garnæ* portu, & quæ nunc est, *Rodia*, abfuisse, quod nonnullis videtur Ἰρία, *Hyria* Herodoti lib. vii cap. clxx esse, quam alii ad Calabriam reducant. Sed quoquo loco fuit illud Herodoti, congruit tamen Ptolemæi *Hyrium* cum *Hyrio* Periegetæ vers. 379

Φύλα τ' Ἰηπύγων τεταυσμένα μένφ' Ἰρίοιο

Παρθαλίας,

Gentes Iapygum extentæ sunt usque ad Hyrium maritimum. Dum maritimum dicit, videtur etiam aliud mediterraneum innuere, quod an *Vria* Plinii sit, nemo facile diiudicauerit. Quod si idem oppidum, vt credunt alii,

alii, *Vria* Plinii & *Hyrium* Ptolemæi; vter a vero situ aberrauerit, dici non potest. Ptolemæus inter Garganum & Frentanos locauit; Plinius inter Cerbalum amnem & Sipontum enumerat.

DLV.

Ptolemæi *Apenestæ*, si ductum illius sequamur, circa promontorium Gargani, a Strabone descriptum, fuere; ceteris omnibus ignotæ.

DLVI.

Inter id promontorium & Cerbalum flumen, est Plinii *portus Agasus*, qui videtur ille esse, quem vulgo *Porto Greco* dicunt.

DLVII.

Propius flumen oppidum *Sipontum* fuit, vt Plinius & Liuius vocant; siue *Sipuntum*, vt Mela & Antoninus; siue denique *Sipûs*, vt Græci, & qui ex Latinis illos imitantur. Melæ verba sæpe dicto loco: *extra, Sipuntum, vel, vt Graii dixerunt, Sipûs*. Stephanus & Ptolemæus Σιπῶνς. Lucanus lib. v vers. 377

Quas recipit Salapina palus, & subdita Sipûs Montibus.

Silius lib. viii vers. 634. tamquam peregrinum, immobile facit,

- - - & terram & litora Sipûs,

id est Sipuntis, vt Græci flectunt. Polybius lib. x Excerpt. cap. i ἀπὸ ἀγρίας ἰαπυγίας ἕως εἰς Σιπῶντα, a promontorio Iapygio usque ad Sipuntem. Colonia fuit Romana. Liuius lib. xxxiv cap. xlv *Sipontum item in agrum, qui Arpinorum fuerat, coloniam ciuium Romanorum, alii triumuiroi deduxerunt. Quum decrederet, aucta fuit & integrata. Idem lib. xxxix c. xxiii quia Sp. Postumius consul renuntiauerat, per agrantem se propter quæstiones utrumque litus Italiæ, desertas colonias, Sipontum supero, Buxentum infero mari, inuenisse; triumuiroi ad colonos eo scribendos ex s.c. creati sunt. Ruinæ eius sunt proxime Manfredoniam, quæ ex illis creuit. Gentile Stephano Σιπῶντιος: Latinis autem Sipontinus, quasi a Sipontium. Cicero Agrar. i i cap. xxvii in Sipontina siccitate collocari. Frontinus de Colon. in Apulia: Ager Canusinus - - - Sipontinus.*

DLIIX.

Iuxta est ostium amnis Cembali, in sinum *Vriam* exeuntis. De flumine supra diximus: de sinu Mela: *Sinus est continuo Apulo litore incinctus, nomine Vrias, modicus spatium, pleraque asper accessu.* Nomen haud dubie ab *Vria* oppido, de quo paullo ante ex Plinio dictum fuit, de cuius fede non constat omnino: in litore tamen & prope sinum fuisse, nomen huius sinus non finit dubitare.

DLIX.

Post aliud flumen, veteribus, quantum nos scimus, non nominatum (dici nunc *Carapella* fertur) *Salapina palus*, paullo ante ex Lucani lib. v vers. 377 demonstrata, ab illo amne sub mari ad Aufidum fere protensa, nomen ab oppido *Salapia* ducens, quod Aufidum prope & illam paludem situm erat, nunc excisum, nomen tamen *Salpe* illi loco conseruans. Liuius lib. xxiv cap. xx *Salapiam vt venit Hannibal.* Et lib. xxvi cap. xxxviii

Blasius peruenit, ut praesidium Punicum Salapiaque traderetur Marcello. Et lib. xxvii ineunte, Salapia per prodicionem recepta. Plinius lib. iii cap. xi In qua [Apulia Dauniorum] oppidum Salapia, Hannibalis meretricio amore inclutum. Ptolemæus Σαλαπία pluraliter, contra usum Romanorum: & Appianus Alexandrinus lib. i Ciuil. Σαλπία contracte tam Caroli Stephani editione p. 180, quam Alex. Tollii p. 644. Cosconius, inquit, Σαλπίαν τε ἐνέπρησε, καὶ Κάννας παρέλαβε, & Salapiam incendit, & in fidem Cannas accepit. Gentilis nominis non una forma. Cicero Agrar. ii cap. xxvii in Salapinorum pestilentiae finibus collocari. quod Vitruuius lib. i cap. iv interpretatur: Salapiam veterem, a Diomede conditam, propter loci insalubritatem quatuor millibus mare versus translatam fuisse. Cicero ergo veterem & desertum locum dixit pestilentem. Ibidem Vitruuius: nunc Salapini quatuor millibus passuum progressi ab oppido veteri, habitant in salubri loco. Sed hoc obiter. Liuius inde format Salapitanus secundum mss. codices, ut Tauromenitanus, Massilitanus. Lib. xxvii cap. xxviii Sensere Salapitani fraudem. item, Salapitani, alii perfugas inuadunt: alii e turri absterrent hostem. Frontinus contraxit dicto loco: ager Sipontinus, Salpinus. De lacu siue palude Salapina, quam supra ex Lucani Pharsalia ostendimus, ex dicto Vitruuii loco adnotamus: M. Hostilius, qui transtulit ciuitatem, his confectis lacum aperuit in mare, & portum e lacu municipio perfecit. Ex quo etiam municipalem Salapinorum dignitatem obseruamus. Addit Strabo lib. v i p. 195 Σαλαπία τὸ τῶν Ἀργυριππηνῶν ἐπίγειον, Salapia nauale Argyruppenorum, siue Arpanorum; id quod ab illo portu in lacu est.

DLX.

A quo intus magis inter duo flumina, quæ lacum includunt, regredientes, venimus ad *Asculum*, cognomine *Apulum*, diuersum ab Asculo Piceni; hodieque *Ascoli* dictum, quod in Pyrrhi bello commemoratum est pluribus. Florus lib. i cap. xviii *In Apulia deinde apud Asculum melius dimicatum est, Curio Fabricioque consulibus.* Et Plutarchus in Pyrrho p. 396 eandem pugnam dicit factam *περὶ Ἀσκλεὺ πόλιν, apud oppidum Asculum, Apulum* puta, supra fines Lucaniæ. unde & hoc proelium Vegetius in *Lucania* dicit commissum lib. iii cap. xxiv. Et Zonaras Tom. ii p. 47 ὁ Πύρρος εἰς τὴν Ἀπελίαν ἐνέβαλε, καὶ πολλὰ μὲν βία, πολλὰ δὲ ὁμολογία προσηποίησατο. μέχρ' οὗ Ῥωμαῖοι πρὸς Ἀσκέλω, πόλιν ὄντι, αὐτῷ ἐπελθόντες ἀντεστρατοπεδεύσαντο, *Pyrrhus, impressione in Apuliam facta, multa vi, multa deditione cepit: donec Romani ad Asculum oppidum contra eum castra opposuerunt.*

DLXI.

Post Asculum & Salapiam *Aufidus* fluuius decurrit, quem supra satis descripsimus. Dextræ ripæ adpositum *Canusium* oppidum, Straboni & Ptolemæo *Κανύσιον*, hodie *Canosa*, quod is amnis præfluit, ut Plinius modo dixit: siue, ut Mela, *Canusium* attingit. Perfugium Romanis post Cannensem cladem. Liuius lib. xxii cap. l [ex minoribus castris in maiora] *ad sexcentos euaserunt, atque inde protinus, alio magno agmine adiuncto, Canusium incolumes perueniunt.* Et cap. liv Varro ipse *Canusium* copias traduxit. *Et*

Et iam aliqua species consularis exercitus erat: mœnibusque se certe, si non armis, ab hoste videbantur defensuri. Gentile Canusinus. Liuius lib. ix cap. xx Ex Apulia Teanenses Canusiniq̃ue. Horatius lib. i satyr. x vers. 30 - - - Canusini more bilinguis, quia & græce & latine loquebantur. Silius lib. x vers. 389

Iam Latius se se Canusina in mœnia miles
Colligere - - - cœperat.

DLXII.

Ex quibus propinquitas Cannarum vna intelligitur. Procopius lib. iii Goth. cap. xviii τὰς καννοῖς πέντε καὶ ἑκοσι σταδίς ἀπέχουσι Κάννου, xxv stadiis absunt Cannæ a Canusio. Florus lib. i cap. vi Cannæ, ignobilis Apulie vicus, sed magnitudine cladis emerfit. Liuius lib. xxii cap. xliii ad nobilitandas clade Romana Cannas, urgente fato, profecti sunt. Prope eum vicum Hannibal castra posuerat. Non ergo oppidum Cannæ, sed tantum vicus fuerunt. Silius lib. i vers. 50 Cannas tumulum Hesperie dixit. Ad Aufidum sitæ, infra Canusium. Liuius ibidem: Aufidus amnis utrique castris adfluens. Et Silius de hoc proelio lib. x vers. 320

Sanguineus tumidis in campos Aufidus undis

Eiecit, redditque furens sua corpora ripis.

Inde illa pugna & clades Cannensis dicitur. Liuius lib. xxii cap. l. Hæc est pugna Cannensis, Alliensis cladis nobilitate par. Et Cicero offic. iii cap. xi Nostra respublica, Cannensi calamitate accepta, maiores animos habuit, quam unquam rebus secundis.

DLXIII.

In illo infelice campo est torrens siue amniculus Vergellus, solo cadauerum ponte, quem Hannibal fecit, memorabilis. Valerius Maximus lib. ix cap. ii Hannibal in flumine Vergello corporibus Romanis ponte facto exercitum traduxit. Et Florus lib. ii cap. vi Documenta cladis, cruentus aliquamdiu Aufidus: pons de cadaueribus iussu ducis factus in torrente Vergelli. Silius lib. viii extremo idem de ponte dixit, & proxime Aufidi meminit, non quod in eo pons ille factus fuerit, vt Cluuerio interpretandum videtur, (neque enim vis fluminis tulisset) sed quod is cadauera voluerit effuderitque. Verba sunt:

- - - pons ecce cadentum

Corporibus struitur; tacitusque cadauera fundit
Aufidus.

DLXIV.

In hoc tractu circa Cannas & amnem Aufidum fuit etiam CAMPVS DIOMEDIS, qui argumento est, Dauniorum etiam hanc trans Aufidum regiunculam fuisse, distinctam a possessione propria Peucetiorum. Liuius lib. xxv cap. xii de vatis Marcii carminibus: Priore carmine Cannensis prædicta clades in hæc ferme verba erat: Amnem Troiugena Cannam Romane fuge: ne te alienigenæ cogant in campo Diomedis conferere manus. Sed neque credes tu mihi, donec complevis sanguine campum. Cannam flumen credit Cluue-

Cluuerius ipsum Aufidum esse, quia hunc Florus cruentum dixerit clade Romanorum: nisi minor quis fuit, Cannas vicum præterlabens, de quo vero nihil nobis constat. Arnobius lib. i v pag. 129 *Diomedis campi Romanis cadaueribus aggerati sunt.* Pompeius Festus: *Diomedis campi in Apulia adpellantur, qui ei in diuisione regni, quam cum Dauno fecit, cesserunt.* Silius lib. v i i i vers. 242 dixit

Infaustum Phrygibus Diomedis nomine campum.

DLXV.

Ceterum vt Canusium trans Aufidum Ptolemæus ac Plinius adscripserunt Dauniis: ita eisdem Plinius *Venusiam*, in confinio Apulorum Lucanorumque sitam dedit, quamquam dissentiat Ptolemæus. Intus enim Dauniam ad radices fere *Vulturis* pertinuisse, credibile omnino est. Plinii verba ex cap. x i sunt: *Dauniorum coloniae, Luceria, Venusia: oppida, Canusium, Arpi.* De colonia etiam Velleius lib. i cap. x i v *Quo anno Pyrrhus regnare cepit, Sinuessam Minturnasque missi coloni: post quadriennium Venusiam.* In via erat, qua Tarentum ibatur, & inde Hydruntem, vt itineraria ostendunt. Etiam Cicero ad Attic. v ep. v *scito idibus Mai. nos Venusiam mane proficiscentes has dedisse.* - - - *Nos Tarenti ad te perscribemus.* Ambiguum situm Horatius, cuius patria fuit, demonstrat lib. ii Sermon. sat. i vers. 34

- - - *sequor hunc, Lucanus an Appulus, anceps.*

Nam Venusinus arat finem sub utrumque colonus.

Gentile enim *Venusinus*. Et Liuius xxii cap. l i v *Venusini.* Græci nomen vt Latini scribunt, Polybius, Strabo & Ptolemæus *Οὐενυσία*: at Plutarchus Marcello p. 314 *Βενυσία.* Hodie *Venosa*.

DLXVI.

Reliqua pars Apuliæ *Peucetiorum* fuit, & ipsa illa regio dicta *PEUCETIA*. Plinius lib. iii cap. x i *Calabriam Græci Messapiam a duce adpellauere: & ante Peucetia, a Peucetio Oenotri fratre in Salentino agro.* ANTE, id est, ante Diomedis aduentum & Troiana tempora totus ille tractus Apuliæ & Calabriæ *Peucetia* fuit dicta, postea Peucetii in angustias redacti, illic Dauno seu Diomede; hinc Messapio partem occupante. Dionysius Halicarnassensis lib. i pag. 9 tradit *ἐπ' ἡκατόδεκα γενεαῖς τῶν ἐπὶ Τροίαν στρατευσάντων*, xvii ætatibus ante Troianam bellum, Lycaonis filios, Oenotrum & Peucetium, propter fratrum multitudinem e Peloponneso in Italiam profectos, utrumque cum classe, Peucetium ad Iapygium promontorium adpulisse, Oenotrum in sinum alterum maris inferi peruenisse: ab illo *ταῦτα τὰ χῶρια οἰκῶντες Πευκέτιοι ἐκλήθησαν*, istorum locorum incolæ *Peucetios* nominatos esse. De ætate xvii generationum, quæ fabulosa videtur, non disputamus: sufficit, ante Troianum bellum id factum fuisse. Pars *Peucetiorum* erant *Pædiculi*, *Παιδίκλοι*. Strabo lib. v i pag. 195 *διὰ Πευκετίων, & Παιδίκλης καλῶσι*, per illos *Peucetios*, quos *Pædiculos* vocant. Appianus lib. i Ciuil. p. 644 ed. Toll. *Παιδίκλης* scripsit: Plinius lib. iii c. x i sine diphthongo *Pediculos*, quorum agrum *Brundisio* conterminum; & oppida *Rudias*, *Egnati-*

Egnatiam, Barium dixit. Cluuerius etiam huc illud Valerii Maximi confert lib. vii cap. vi ex *Apulia & Fidiculis*; censens *Pediculos* siue *Pædiculos* substituendum esse.

DLXVII.

Maritimis Peucetiis Ptolemæus tribuit *Barium & Egnatiam*. Illud *Barium*, nunc quoque nomen seruat *Bari*, emporium & caput regionis. Horatius lib. i satyr. v vers. 97 *Barî mœnia piscosi* dixit. Et Tabula & Antoninus *Barium*. Municipium fuit. Tacitus lib. xvi cap. ix *Silanus post municipio Apuliæ, cui nomen est Barium, clauditur*. Hoc inter & Egnatiam in Tabula est *Turris Cæsaris*, xx millibus a Bario. Antoninus itinere ab vrbe per Picenum Anconam & Brundisium, ponit xxii m. p. a Bario *Arnestum*, aliundé vix notum, quod prope locum *Turris Cæsaris*, ex Tabula iam notatæ, incidit.

DLXIIIX.

Egnatia Strabonis & Ptolemæi; Plinii *Egnatia* lib. ii cap. cvii; est *Gnatia* Horatii, Antonini, Tabulæ Peutingerianæ. Plinius: *In Salentino oppido Egnatia, imposito ligno in saxum quoddam ibi sacrum, protinus flammam existere*. Salentinum dicit oppidum, laxè accepto vocabulo, vt Iapygiæ quoque & Peucetiæ nomina nunc strictius significant, nunc latius diffusa notione. Ipsum miraculum ridet Horatius loco iam dicto, quando præmisit,

- - - - - *dehinc Gnatia lymphis*
Iratis exstructa, id est, sine dulci aqua.

Antoninus dicto itinere:

Barium - - - - -
Arnestum M. P. XXII
Gnatiam M. P. XV
Speluncas M. P. XXI
Brundisium M. P. XVIII.

Supereft excisæ vrbis turris aliqua, vulgo dicta *Torre d' Anazzo*. Quæ inde Brundisium versus ponuntur *Speluncæ*, iam dicto itinere; aut Hierosolymitano *Turres Iulianæ, Aurelianæ*, quod aliunde non illustrantur, præmittimus cum aliis obscuris. Et hæc in litore.

DLXIX.

In mediterraneis Peucetiorum est post Venusiam, vltimam Dauniorum, mons *Vultur*, de quo Horatius lib. iii oda iv

Me fabulosæ Vulture in Appulo,
Altricis extra limen Appuliæ,
Ludo fatigatumque somno

Fronde noua puerum palumbes Texere.

Ibidem, vt proxima loca, memorat *Acherontiam, Bantiam, & Forentum*, quæ si cum altrice Venusia componuntur, adparet, quale iugum sit, quod *Vulturis* nomine poeta indicauerit. Lucanus quoque de eodem, lib. ix vers. 183

*Et renouare parans hibernas Appulus herbas
Igne fouet terras, simul & Garganus, & arua
Vulturis, & calidi lucent buceta Matini.*

DLXX.

Circa hos montes fuisse *Siluium* oppidum, ex Strabonis descriptione constat. Ait enim lib. vi pag. 195, sicut Barium sit extremum in ora maris oppidum Peucetiorum: ita τῇ μεσογαίᾳ μέχρι Σιλγίῃς, in mediterraneis ad *Siluium* usque pertinere. Oppidani dicuntur *Siluii* a Plinio lib. iii cap. xi. Ex situ Holstenius interpretatur locum, qui nunc il *Gorgolione* adpelletur.

DLXXI.

Ad eosdem montes limitemque sita est *Bantia*. Plutarchus Marcello pag. 314 μεταξὺ Βαντίας πόλεως καὶ Βενυσίας καθήμενος, inter oppidum *Bantium* & *Venusiam* castris positus. Et Liuius lib. xxvii cap. xxvi In *Apuliam* ex *Bruttis* reditum, & inter *Venusiam* *Bantiumque*, minus trium milium passuum interuallo, consules binis castris confederunt. Stephanus Byzantius scripsit *Βάντεια* diphthongo. Vestigia nomenque superesse tradit Holstenius, v vel vi m. p. supra *Forentum*: & xii circiter supra *Venusiam*, ad locum *S. Maria de Vanze*. Gentile est *Bantinus*, sicut Horatius lib. iii oda iv saltus *Bantinos* dixit.

DLXXII.

Propinquum ei *Forentum*, nunc *Forenza*, est, vt iam Holstenius narrabat. Hinc Liuius *Forentanos* in *Apulia* recenset. Quæ quod recenti nomenclaturæ consonat; vix dubium est, quin genuina ea sit lectio. At multi *Ferentum*, vocali secunda exscriptum, reliquerunt. Horatius loco iam indicato:

- - - quicumque
Saltusque *Bantinos*, & aruum
Pingue tenent humilis *Ferenti*:

& Diodorus Siculus lib. xix cap. lxv φερέντην πόλιν τῆς Ἀπυλίας κατὰ κράτος ἔλκον, *Ferentum*, urbem *Apulie*, vi expugnarunt. Quo etiam *Ferentanos* Liuii referunt ex lib. ix cap. xvi. An autem credibile, tot scriptores in hoc vocabulo prauatos esse? Gronouius tamen pater in Liuii ix cap. xx *Forentum* legit: & in notis ibi, etiam *Forentanos* ex cap. xvi. Altero loco Sigonius ex vet. lib. *Acheronto*: Gronouius autem vestigia sequutus est tam aliquot mss. librorum, quam primum editorum, qui habent *Florento*. Verba sunt cap. xx: *Apulia perdomita* (nam *Forento* quoque, valido, oppido, *Iunius* potitus erat) in *Lucanos* perrectum. Sic Gronouius: vulgo *Tarento*.

DLXXIII.

Sequitur *Acherontia* Horatii, in monte sita, ideoque *nido* comparata prædicto loco; - - - tenent, inquit,

Quicumque celsæ nidum Acherontiae.

Procopius lib. iii B. Goth. cap. xxiii extr. Φράριον, castellum, dixit, in *Lucanis* situm, sed ἀγχις τῶν Καλαβρίας ὁρίων, prope *Calabriæ* fines, ὅπερ Ἀχεροντίδα καλεῖσι Ῥωμαῖοι, quod *Romani* *Acherontidem* vocent. De Liuii loco & Sigonii

Sigonii emendatione iam diximus: quem forte iuuerit codex Vossii, *atorento* præferens. Nec inualida eius ratio, biennio ante Forentum in fidem acceptum fuisse. Paullus Diaconus lib. II Langobard. cap. XXI *Agerentiam* dixit: quæ hodie *Cirenza* est, & *Acerenza*.

DLXXIV.

Inde non breui interuallo, Tarentum versus, prope fines Calabriae, situm est oppidum, vulgo *Genosa* dictum, cuius sunt *Genusini* lib. III Plinii cap. XI inter Apuliae populos: & *Ager Genusinus*, extremo libello Frontini de Coloniis, in Calabria, cuius ille fines longius in Peucetios profert, Egnatiam etiam Calabris adscribens. Vnde pronum est coniicere, nomen antiquum oppidi fuisse *Genusium*. Limes hac parte Apuliae, a Lucania dirimens, est fluuius *Bradanus*, qui inter Genusium & Metapontum in sinum ruit Tarentinum. Eius nomen, quod hodieque manet, Antonini itinere, a Mediolano per Picenum ad Columnam, occurrit, quo locus inter Opinum & Potentiam, Lucaniae oppida, ad fluuium *Bradantum* adpellatur.

DLXXV.

Tandem etiam ambigua pauca sunt adiicienda. Strabo vias Brundisinas pag. 195 recensens, vnam monstrat, quæ regredientem ferat per *Egnatiam*, *Celiam*, *Netium*, *Canusium*, *Herdoniam*. Non quidem *Κελία*, *Celia* Strabonis & Ptolemæi, qui in mediterraneis Peucetiorum scribit; siue *Cælium* Plinii lib. III cap. XI, tam dubiae positionis est, vt nullo modo inuestigari possit, quam Holstenius pag. 276 testatur nomen retinere IV aut V millibus passuum supra Barium in mediterraneis; per quam etiam hodie via publica ducat; vnde Frontinus de Colon. libro *Celinum agrum* denominat, & Harduinus eo nummum Caracallæ refert, inscriptum AEL. MVNIC. COEL. ANT. quasi *Aelium municipium Caelium Antoninianum*: sed *Νήτιον*, *Netium* est quod maxime locorum scrutatores vexat. Strabonis verba sunt: *ἐφ' ἣ ὁδῷ Εγνατία πόλις, εἶτα Κελία, καὶ Νήτιον, καὶ Κανίστιον, καὶ Ερδονία, qua via est Egnatia, dein Celia, & Netium, & Canusium, & Herdonia*. Isaaco Casaubono videntur expungendæ voces *καὶ Νήτιον*, tamquam ex vna *Κανίστιον*, bis perperam exscripta, natæ, quod violentum consilium est, merito inprobatum ab Holstenio: qui primum quidem ad *Natiolum* Tabulæ, quasi inde deminutum, referebat; sed quod hoc in alia via deprehendebat, sententiam postea mutauit, nec vero certiore aliam substituit, nisi quod dicit, *Νήτιον* Strabonis esse *Ehetium* Tabulæ, quamuis ordo variet. Harduinus Plinii libro III cap. XI *Netinos* inseruit, ex codice veteri an ingenio suo, non ostendit; vbi priores *Neretinos* legerunt, qui post paullo repetuntur, vt alterutro loco vel vitiosum, vel prauatum vocabulum videatur. Strabonem ergo sequutus, expunxit syllabam, & *Netinos* reliquit tamquam lectionem genuinam.

DLXXVI.

Denique de *Matino* monte, vel campo, aliquid in limite Apuliae vel ideo dicemus, quod incerti sumus, Apulorum ille, an Calabrorum fuerit. Horatius lib. I oda XXVIII *litus Matinum* dixit: ergo in ora maris fuit.

Vetus interpres ibi: *Matinus mons Apuliae: siue, vt quidam volunt, plana Calabriae.* Herbofus fuit: vnde idem lib. i v oda ii vers. 27 apibus idoneum laudat. *Apis Matinae, inquit, more modoque.* Et Lucanus lib. i x v. 185

- - - - - & arua
Vulturis, & calidi lucent buceta Matini.

MESSAPIA siue CALABRIA.

DLXXVII.

Peninsula, qua in Ionium mare Italia procurrat, isthmum inter Tarentum & Brundisium habens, tamquam contermina Apuliae, nunc sequitur perlustranda. Dicitur Græcis μεσσαπία, *Messapia*, a Messapio duce, vt Plinius notauit: eadem Latinis plerumque est *Calabria*: nec raro Græci *Iapygiam* vocitant: & quamquam pars sit *Salentinorum* tractus, tamen & ipse aliquando totam peninsulam significat. Strabo lib. vi p. 194 χερρόνησον μεσσαπίαν τε καὶ Ἰαπυγίαν καὶ Καλαβρίαν καὶ Σαλεντίνην καὶ ὡς οἱ πολλοὶ προσγορεύουσιν. τινὲς δὲ διαμρῶσιν, *Peninsulam illam multi communiter vocant Messapiam, & Iapygiam, & Calabriam, & Salentinam: alii vero distinguunt, quorum sententiam se antea exposuisse dicit.* Id fecerat pag. 39. hisce verbis: συνεχὴς δ' ἐστὶν Ἰαπυγία. ταύτην δὲ καὶ μεσσαπίαν καλεῖσιν οἱ Ἕλληνες· οἱ δ' ἐπὶ χώριοι κατὰ μέρη, τὸ μὲν τι Σαλεντίνως καλεῖσιν, τὸ περὶ τὴν ἄκραν τὴν Ἰαπυγίαν τὸ δὲ Καλαβρίας. *Contingit [Metapontum] Iapygia, quam & Messapiam Græci dixerunt. Incole alios Salentinos dicunt, qui circa Iapygium habitant promontorium; alios Calabros: supra quos septemtrionem versus ponit Peucetios.* Non autem credo fieri posse, vt ex monumentis, quæ superant, certi limites vtriusque partis definiri possint. Subdit ibidem Strabo: ἐστὶ δ' ἐπὶ χερρόνητιάζουσα ἡ μεσσαπία τῷ ἀπὸ βρεντεσίου μέχρι τάραντος ἰσθμοῦ κλειομένη, σαδίων ἰ καὶ τ'. *Messapia peninsulae formam tenet, isthmo interclusa, qui in Brundisio Tarentum usque porrigitur.* Angustissima autem peninsula non in hoc isthmo est, sed vltra paullo a Sasina portu ad Brundisium versus. Plinius lib. iii cap. xi *Latitudo peninsulae a Tarento Brundisium terreno itinere xxxv millia passuum, multoque breuius a portu Casina.*

DLXXIIX.

Primum a fine Peucetiorum est *Brundisium*, βρεντέσιον Græcis, Straboni & Appiano: βρεντήσιον Polybio & Stephano Byzantio: βρενδέσιον Ptolemaeo. εὐλίμενον Strabo dicit: Plinius, in primis Italiae portu nobile. Plures enim portus habet, sed ἐνὶ στόματι πολλοὶ κλείονται λιμένες, vno aditu plures clauduntur, quod idem Strabo adnotauit. Hinc traiectus commodissimus in Græciam, longior quidem quam Hydruntinus; sed certior, excipiente Dyrrachio, quod Plinius obseruat: quamquam etiam Brundisio ad montes Ceraunos traici, sed minus frequenter, a Strabone pag. 195 est traditum. Commodior autem & frequentior cursus a Brundisio Dyrrachium, vt diximus, ferebat. Silius lib. viii vers. 575

- - - *Brundisium, quo desinit Itala tellus,*

scilicet

scilicet euntibus in Græciam, quia cum portu eius Italicam oram relinquunt: alioquin vltiora sunt, ab illo vsque ad promontorium lapygium. Antiquissimum oppidum: post Romana auctum ornatumque colonia. Liuii epitoma XIX *Coloniæ deductæ sunt, Fregena; in agro Sallentino Brundisium.* Et promontorium habet. Liuius lib. x cap. ii *circumuectus inde Brundisii promontorium.* nam & sic aliquando Latini per v, vocalem vltimam, scribunt: sæpius autem *Brundisium* vocali tertia. Cicero ad Attic. lib. iv epist. i *Brundisina colonia: & mox Brundisiorum gratulatio.* Sic enim coloni illi adpellati sunt.

DLXXIX.

Abhinc xi millibus passuum, trans flumen *Pastium*, quod *Pactium* est Plinii, in Tabula adparet oppidum *Balentium*; in Hierosolymitano itinerrario *Valentia*: quod haud dubie est Melæ, *Valetium*, cum aliis lib. ii c. iv ordine hoc enumeratum: *Iam in Calabria Brundisium, Valetium, Lupia, Hydrus.* Et Plinius iii cap. xi inuerso itinere: *Ab Hydrunte - - - Lupia, Balesium, Cælium, Brundisium.* Vnde coniicere possis, Balesium hoc esse *Valetium* Melæ, quem ille in plurimis sequi adsolet. Cluuerius ad eiusdem *Pactii* ostium urbem *Valetium* ponit, sed in ripa sinistra; quam Tabula habet in dextra.

DLXXX.

Isaacus Vossius ad Melam contendit, idem oppidum & Melæ *Valetium* & Ptolemæi *Αλήτιον*, *Aletium* esse. At *Valetium* illud maritimum fuit: *Aletium* Ptolemæi in mediterraneis. præterea Plinius etiam *Aletinos* narrat Calabriae, dicti libri cap. xi extremo. An vero etiam oppidum *Aletium* seorsum memoret, vt vulgo editum eodem est capite, addubitamus, quia, Holstenio & Harduino testantibus, omnes manu scripti libri habent *Sarmadium* in loco vulgati *Aletii*: quod quidnam sit nominis, fatemur nos ignorare. Qui a *Valetio* separant *Aletium* mediterraneum oppidum, interpretantur *Lecce* siue *Leze*, quod inter Brundisium & Hydruntem reductum quodammodo a mari est. Sed rursus ad oram percurrendam nos conferimus.

DLXXXI.

Lupia est quæ sequitur proxime in Plinii narratione; quam vulgo putant *militum stationem* a Plinio vocari: sed in mss legitur *statio Miltopæ*, tamquam a *Lupia* seiuncta & Brundisium versus sita statio nauium sit. Strabo, Mela, Ptolemæus scripserunt pluratiuo numero *Lupia*, *Λυπία*, quamquam alieno loco Strabo: Mela autem, Plinius, Ptolemæus, quo posuimus ordine, ac in ora, inter Brundisium atque Hydruntem. In Tabula *Luppia*; & Frontinus de Colon. in Calabria: *ager Lyppiensis*. Sed ceteri p simplici omnes scribunt. quo veterem inscriptionem, Hydrunte repertam, referimus ex Gruteri Opere pag. 374 num. 5 PATR. COL. LVPIENSIVM: ex qua coloniam fuisse vna intelligimus.

DLXXXII.

Hanc inter & Hydruntem Plinius ponit *Stationem Miltopæ*, vt diximus:

mus: dein portum Tarentinum, vt separatum a Tarento in superi maris ora locum: & *Fratruertium* ignotum: & *Soletum desertum*, quod multi putant *Salentum* legendum esse, vt sit forte Σαλλεντία, *Sallentia* Stephani, vnde nomen *Sallentinorum* est, in marmoribus Capitolinis etiam non semel, sed iterum iterumque DE SALLENTINEIS geminata littera perscriptum. Alio autem lapide pag. 199 num. i legitur BRVTTIEI. SALENTINEI. & Græci ceteri Σαλλεντινοί. Plinius post *Soletum* illud, *Hydruntem* proxime in ora adposuit.

DLXXXIII.

Hydrūs autem siue *Hydruntum* alterum nobilem commodumque portum habet, vnde breuior est traiectus in Græciam ad Apollinatum ciuitatem, vt Plinius obseruauit. Græcis est ῥήρως, qua forma & Latini sæpenu-mero vsi sunt. Cicero lib. xvi epist. ix ad Tironem: *Inde [a Cassiope] austro lenissimo, cælo sereno, nocte illa & die postero in Italiam ad Hydruntem ludibundi peruenimus.* Lucanus lib. v vers. 375

Et cunctas reuocare rates, quas cuius Hydrūs,

Antiquusque Taras, secretaque litora Leucæ,

puta, recipiunt. Altera forma, *Hydruntum*, Plinius vsus est: & Liuius lib. xxxvi c. xxi *A Patris Corcyram vsque Aetoliæ atque Acarnaniæ litora legit, atque ita ad Hydruntum Italiæ traiecit.* Hodie nobilis in primis ille portus, cum oppido & arce, *Otranto* dicitur, & iam tum Hierosolymitano itinerario *Odronto*. Promontorium habet, quod *Melæ* dictum *Hydrus mons*.

DLXXXIV.

In Tabula viii millibus ultra Hydruntum est *Castrum Mineruæ* (male scriptum *Castra* plurali: credo *Castro* fuisse, sexto casu, vt pleraque eius Tabulæ) *Castrum*, inquam, quæ *Arx Mineruæ* aliis dicebatur. *Aeneid.* iii vers. 531

- - - - portusque patefcit

Iam propior, templumque adparet in arce Mineruæ.

Ergo in litore fuit, vt procul in mari potuerit conspici. *Halicarnasseus* Dionysius lib. i pag. 41 de *Aenææ* classe: *pars nauium ad Iapygiæ promontorium adpulit: reliquæ κατὰ τὸ καλέμενον Ἀθήναον, ad Mineruæ templum.* Latine dicitur *Mineruium*, nec templum solum aut castrum erat, sed oppidum etiam, præsertim postquam colonia eo deducta fuit. *Velleius* lib. i cap. xv *Cassio Longino & Sex. Caluino* coss. *Fabrateria* [colonia] deducta est: & post annum, *Scyllacium*, *Mineruium*, *Tarentum*. Nunc *Castro* est, oppidum episcopale, sed adflctum & tenue.

DLXXXV.

Prope fuit *Basta* oppidum, quod hodie in viculo *Vaste* quærunt, sed in situ dissentiunt, aliis citra *Castrum*, aliis ultra illud ponentibus. Plinius lib. iii cap. xi ita: *Ab eo [promontorio Iapygio] Basta oppidum & Hydruntum decem & nouem millia passuum.* Ambigue dictum, nisi sensus est quem *Harduinus* exponit, vtrumque, *Bastam* & propinquum ei *Hydruntum*, a promontorio tot millibus distare, sed illam intus paullo, hoc ad mare. Inde

Veretum

Veretum oppidum, ante *Baris* dictum. Strabo pag. 194 καλῶσι δὲ Βάρῳ οἱ νῦν Ουέρητον, *Barin* nunc dicunt *Veretum*. Etiam Ptolemæus Ουέρητον scripsit, porrecta media Latine in *Veretum*. Reductum paullisper a mari, ideoque in mediterraneis scriptum a Ptolemæo.

DLXXXVI.

Proximum promontorio oppidulum *Leuca*, πολίχνην τὰ Λευκά, vt Strabo dicto loco adpellat. Singulari numero Lucanus dicto ante loco:

Antiquæque Taras, secretaque litora Leucæ.

DLXXXVII.

Ipsam promontorium & *Iapygium* cognominatur & *Salentinum*. Ptolemæus in Italia: Ιαπυγία ἄκρα, ἢ καὶ Σαλεντίνη. Sallustius, apud Seruium in *Aeneid.* III vers. 400, *Omnia Italia coacta in angustias, finditur in duo promontoria, Bruttium & Salentinum*. Et Plinius III cap. XI *Inde promontorium quod Acra Iapygiam vocant, quo longissime in maria procurrit Italia*. Et Strabo lib. VI pag. 191 vocat ἄκραν Ιαπυγίαν. Mela dicto loco: *Sinus Tarentinus inter promontoria Salentinum & Lacinium*. Hodie Capo di S. Maria di Leuca.

DLXXXIIX.

Circa hoc promontorium, ad vsque Hydruntum forsan & Callipolim, sunt proprii Salentini, vt supra ex Strabone ostendimus: & hi sunt *campi Salentini & Salentina litora*, quæ Mela sæpe dicto loco nominauit. Cum hoc tractu etiam maris nomenclatura mutatur, & quod supra Hydruntum erat Hadriaticum, post illud adpellatur *Ionium*. Plinius dicto loco: *Hydruntum, ad discrimen Ionii & Hadriatici maris*. Et Mela ad modo prolata verba complet, *Salentini campi & Salentina litora; & vrbs Graia Callipolis*. Hucusque Hadria, hucusque Italiae latus alterum pertinet. quamquam & *Ionium* mare ad Acheloum vsque flumen & vltra, *Hadriaticum* interdum adpellent. Vide Ptolemæum lib. III cap. XIV, & Dionysium periegetam vers. 92, & Eustathium ibi. Auienus perieges. vers. 594

Achelous

Irruit Hadriaci tergum maris.

DLXXXIX.

Alterum latus peninsulæ, a promontorio ad Tarentum, pauciora habet; nec quidquam memorabile in ora occurrit ab illo Iapygium promontorio vsque ad *Gallipolim*, quam modo Mela *Graiam urbem* dixerat, adhuc in Salentinis sitam. Ex Plinii lib. III cap. XI vulgatum est: *in ora vero Senonum Gallipolis*, quasi condita ab Senonibus Gallis. at vero *Graiam urbem* iam Pomponius dixerat: qui ergo opus Gallorum potest esse? Sed nihil opus argumentis est, vbi membranæ causam diiudicant. Ex mss. Harduinus legit: *In ora vero, Senum, Callipolis, quæ nunc est Anxa*: vt *Senum* quoque, si vera lectio, nomen oppidi Salentinorum sit, quamquam nihil de eo præterea proditum a geographis fuit. Sufficit aliud quidquam, quam *Senonum*, fide ac ductu codicum legendum esse.

esse. Interiacet, sed intus, oppidum *Vgento* iam dictum, quod haud dubie Ptolemæi est οὐζεντον, *Vxentum*: Tabulæ *Vhintum* vitiose descriptum.

DXC.

Inde in septemtrionem ix circiter millibus a Callipoli est *Neretum* Tabulæ; Νήριτον. *Neriton* Ptolemæi: vulgo nunc *Nardo*, i v millibus a mari. Infra *Neriton*, Callipolin versus, Ptolemæi mediterraneum oppidum Βαυότα, *Bauota* est, quod consonantia vocis Cluverius ad *Pacauita* aut *Parabita*, quod hodie est, reducit: quum vero Βαύσα in Palatino sit codice, vereri possis ne *Basta* sit supra exposita, alioquin intacta Ptolemæo.

DXCI.

Trans montes prope Aletium, e regione ferme *Lupia*, mediterraneum fuit oppidum *Carminianum*, nomine necdum hodie oblitterato; cuius mentio habetur in Notitia Imperii, vbi sub dispositione Comitum rerum priuatarum, memoratur *Procurator rei priuatæ per Apuliam & Calabriam, siue saltus Carminianenses*. Vnde adparere dicit Holstenius, eum locum cum saltu siue agro suo olim ad priuatum imperatorum pertinuisse patrimonium.

DXCII.

Sed ad sinum Tarentinum reuertimur, in quo inter Callipolim & Tarentum est *Sasina portus*, vbi peninsula est angustissima. Plinius iii cap. xi *Latitudo peninsule a Tarento Brundisium terreno itinere xxxv M. pass. patet, multoque breuius a portu Sasina*. Ex qua angustia elucet esse qui hodie *Porto Cesareo* adpellatur.

DXCIII.

Tarentum autem vrbs antiquissima, quæ cum Troianis temporibus certare possit, sita in sinu suo, Græce dicta Τάρας, virili genere. Strabo lib. vi p. 194 εἰς τὸν Τάραντα. quam formam imitatus Lucanus est lib. v vers. 376

Antiquisque Teras, secretaque litora Leucæ.

Lacedæmonii non condiderunt, sed occuparunt auxeruntque colonia. Iustinus lib. iii cap. i v de Partheniis Spartanis, Phalanto duce nouam terram inquirentibus: *diu & per varios casus iactati, tandem in Italiam deferuntur, & occupata arce Tarentinorum, expugnatis veteribus incolis, sedes ibi constituunt*. Hinc cognomina ab ipsa Lacedæmone. Ouidius *Metam.* xv vers. 50.

- - - *Lacedæmoniumque Tarentum.*

Virgilius *Georgic.* i v vers. 125 *Tarentum Oebaliae turres* dixit, id est *Laconiæ*, quia *Oebalus* rex fuit *Lacedæmoniorum*, pater *Tyndarei*, auus *Hele-næ*. Horatius *Neptuno sacrum* dixit lib. i oda xxviii, religiosius ibi culto. Vrbs potens olim, & probe munita, vti ex bello Romanorum *Tarentino*, & *Punico* ii constat. Vide *Liuium* xxvii cap. xv. *Colonos Romani* eodem miserunt, vt supra in *Mineruo* ex *Velleio* ostendimus deductionem. *Tarentini* incolæ passim nominati ab *Liui* aliisque: & *Sinus Tarentinus*. *Mela* dicto loco: *Mare* [Italia inferior] *per sinus recipit*. *Primus dicitur Tarentinus inter promontoria Salentinum & Lacinium*.

DXCIV.

DXCIV.

Præfuit Tarentum amnis *Galesus*, multis auctoribus nominatus. Virgilius Georg. IV vers. 126 *sub Oebalia turribus,*
Qua niger humectat flauentia culta Galesus.

Liuius lib. XXV cap. XI de Tarenti obsidione Punica: *Ipse [Hannibal] profectus cum ceteris copiis ad Galesum flumen (quinque millia ab vrbe abest) posuit castra.* Horatius lib. II oda VI

*Dulce pellitis ouibus Galesi
 Flumen, & regnata petam Laconi
 Rura Phalanto.*

Martialis lib. II epigrammate XLIII

Te Lacedæmonio velat toga lota Galeſo.

DXCV.

Iuxta est mons *Aulon* vitifer. Idem lib. XIII epigram. CXXV

Nobilis est lanis, & felix vitibus Aulon.

Quod etiam Horatius iam dicto loco confirmat:

*Ver ubi longum, tepidasque præbet
 Iuppiter brumas, & amicus Aulon,
 Fertilis Baccho, minimum Falernis
 Inuidet vuīs.*

DXCVI.

Inter Tarentum & Brundisium sunt primum *Rudie*, Ennii patria, quas Plinius quidem Pediculorum oppidis, citra Brundisium sitis, adnumerat, atque ita etiam Mela: sed aliorum consensione refutatur. Ptolemæus (cui *Pædia* est) in Salentinis mediterraneis primo loco recensuit. Ovidius de Arte amandi lib. III vers. 409

*Ennius emeruit, Calabris in montibus ortus,
 Contiguus poni, Scipio magne, tibi.*

Silius Italicus lib. XII vers. 397 de Ennio:

*Miserunt Calabri, Rudie genuere vetuste.
 Nunc Rudie solo memorabile nomen alumno.*

Et Horatius lib. IV oda VIII Enniana carmina *Calabras Pierides* dixit. Hieronymus Chron. Euseb. olymp. CXXXV *Quintus Ennius poeta Tarenti nascitur*, id est, Rudiis in agro Tarentino; quod vicinitatem nobilioris vrbs Tarenti arguit. Gentile *Rudius* & *Rudinus*. Cicero pro Archia cap. X de Ennio: *Ruditum hominem maiores nostri in ciuitatem receperunt*: Et Horatii scholiastes ad supra dictum locum, dicit Ennium oriundum de *Rudino* oppido *Calabrie*. Frontinus in *Calabria*: *ager Rodinus, Tarentinus.*

DXCVII.

Hæc extra viam: in ipsa, quæ Tarento Brundisium fert, *Vria* fuit, alia ab illa in Apulia circa Garganum montem. Strabo lib. V pag. 195 ἐν ταύτῃ πόλιν Οὐρία τε, καὶ Οὐενεσία, ἡ μὲν μεταξὺ Τάραντος καὶ Βρεντεσίας ἡ δ' ἐν μεθ' ὁρίοις Σαμνιτῶν καὶ Λευκανῶν, In illa [Appia via continuata] est vrbs *Vria*, & *Venusia*: illa inter Tarentum & Brundisium; hæc in consinio Samnitum &

Lucanorum. Herodotus lib. vii cap. clxx λέγεται, ὡς κατὰ Ἰηπυγίην γενέσθαι πλώοντας. - - - ἐνθαῦτα Ἰρίην πόλιν κλίσαντας καλαμῆναι, *Fertur, dum circa Iapygiam [Cretenses] nauigarent, illic subsidentes urbem Hyriam condidisse.* Et Appianus lib. v Ciuil. p. 1121 Antonius equites ad Cæsarem euntes oppressit περὶ πόλιν Ἰρίαν, *circa urbem Hyriam*, & in deditio-
nem acceptos αὐτῆς ἡμέρας ἐς τὸ Βρεντέσιον ἐπανήγαγεν, *eodem die Brundisium reduxit.* Hyria autem eadem quæ Strabonis *Vria*: &, vt videtur, Plinii *Varia*, vno elemento redundante. Sic Cluuerius. At Frontinus distincte in Calabria: *Ager Tarentinus, Varnus, Veretinus, Vritanus, Vdrontinus.* Varnus; videtur legendum *Varinus*, ex *Varia*: *Vritanus* ex *Vria*. Mendosus præterea Cluuerio est Plinii locus ille: *Varia, cui cognomen Apula, Messapia, Aletium.* A sciolo videtur *Apula* insertum, cui *Messapia* oppidi nomen visum, quum regionis sit. In Calabria enim versatur, non in Apulia, Plinius, vbi aliam commemorauit *Vriam* cum Siponto & amne Cerbalo. Sic ergo scriptum a Plinio videtur: *Vria, cui cognomen Messapiae; Aletium.* Quod si est, de *Varno* Frontini agro dispiciant alii. *Vria* autem hodi-
Oria est, fere media inter Brundisium & Tarentum: in Tabula corrupte *Vrbins*.

DXCIIIX.

In eadem Tabula xx millibus a Tarento, Neretum versus aut Hydruntum, est locus *Manduriis*, aut potius contracte *Manduris*, quasi a recto *Manduria*, plurali: ceteri singulari numero. Liuius lib. xxvii cap. xv *Q. Fabius* cos. oppidum in Salentinis *Manduriam* vi cepit. - - - Inde Tarentum profectus. Et Plinius lib. ii cap. ciii *In Salentino iuxta oppidum Manduriam lacus*, quem describit. Stephani Byzantii epitoma: *Μανδύριον πόλις Ἰαπυγίας.* Plutarchus in Agide pag. 796 *Μανδένιον*, prauatis duabus litteris.

L V C A N I A.

DXCIX.

Lucania, Græce λευκανία; & *Lucani*, populus, λευκανοί; a Samnitibus orti, fines habuere ad Tyrrhenum mare, *Silarum* & *Laun* amnes, illo a Picentinis; hoc a Brutiis determinati: ad sinum Tarentinum, a Bradano fluuio ad amnem Sybarim seu oppidum Thurios. Mela quidem vsque Mineræ promontorium, siue Campaniæ limitem, dicit omnia *Lucania loca* sed includit Picentinos, quos supra cum Plinio, Strabone, ac Ptolemæo se-
iunximus. Ad Tarentinum sinum qui limes dictus australis est, profer-
tur a non nullis, & quæ sunt Bruttiorum, Lucanis attribuuntur vsque ad
sinum ferme Scylaceum. Nos autem Strabonem sequuti *Lucaniam* ad
Thurios finimus, & quid reliquum est Italiæ vsque ad fretum, Bruttiorum
genti adsignamus. Sic vero ille post initium libri vi p. 176 Ἔστι ἡ μὲν λευ-
κανία μεταξύ τῆς τε παραλίας τῆς Τυρρηνικῆς καὶ τῆς Σικελικῆς, τῆς μὲν ἀπὸ τῆς
Σιλάριδος μέχρι Λάου, τῆς δ' ἀπὸ Μεταπολὶς μέχρι Θερίων· κατὰ δὲ τὴν ἡπει-
ρον ἀπὸ Σαννιτῶν μέχρι τῆς ἰσθμοῦ τῆς ἀπὸ Θερίων εἰς Κηρίλλους πλησίον Λάου, *Lu-*
cania

cania est inter oram maris Tyrrheni ac Siculi, illic a Silaro usque Laum amnem; hic a Metaponto usque ad Thurios: in continente autem a Samnitibus usque ad isthmum, qui a Thuris ad Cevillos pertinet. Consentit Plinius in parte Tyrrheni maris, lib. III cap. v. A Silaro, inquit, regio tertia, & ager Lucanus Bruttiusque incipit: & interiectis nonnullis, Laüs amnis. fuit & oppidum eodem nomine. Ab eo Bruttium litus.

DC.

A Tyrrheno litore incipiemus. Qui limes est Silarus amnis, ita vocatur a plerisque. Virgilius Georg. III vers. 146 *Est lucos Silari circa*. Silius lib. VIII vers. 581

Nunc Silarus quos nutrit aquis.

Plinius dicto loco: a Silaro regio tertia incipit. Et Tabula Peutingeriana, *Silarum fl.* Et Ptolemæus Σιλάρης ποταμὸς ἐκβολαί, *Silari fluminis ostia*. At Pomponius Mela in castigatissimis libris *Silerus*: & Lucanus ac Vibius *Siler*; hic de Fluminibus, *Siler in Lucania*: ille lib. II vers. 426

- - - - - radensque Salerni

Culta Siler.

Strabo autem primam vocalem retinet, casum mutat, Σίλαρις formando, oblique Σιλάριδος, fine libri v & principio vi. Recipit *Tanagrum* fluuium, nunc Negro dictum, de quo Paullinus Nolanus Natal. III de Felice, vers. 62 - - - quique

Vfentem Sarnumque bibunt, qui sicca Tanagri,
subaudi, *colunt.* Antoninus itinere ab Vrbe via Appia ad Columniam:

Nola

Nuceriam M. P. XVI

ad Tanagrum M. P. XXV

ad Calorem M. P. XXIII.

Mersus Tanager sub terra labitur ad IV millia passuum; non XX, vt Plinius tradit (si salua lectio est) lib. II cap. CIII. *In Atinate*, inquit, *campo fluuius mersus post XX M. passuum exit.*

DCI.

Qui sequitur in itinere amnis *Calor*, a Cluerio etiam ita ponitur, quem imitamur in nostra tabula, vt infra Tanagri confluentem itidem Silaro fluuiio misceatur: quod vero non sine itineris turbata ratione fit. Vnde est quod Holstenius p. 285 totum versum illum, *Ad Calorem M. P. XXIII*, a mala manu intrusum iudicat, redundante etiam milliariorum numero.

DCII.

Oppidum post Silarum, qui nunc *Selo* vocatur, est primum *Pæstum*, Græcis dictum Ποσειδωνία, *Posidonia*, quinquaginta circiter stadia ab Iunonis templo, quod prope Silari fuit ostium, vt Strabo lib. VI ineunte obseruauit. Plinius III cap. V *Oppidum Pæstum, Græcis Posidonia adpellatum: sinus Pæ-
stannus.* Græcum nomen Paterculus lib. I cap. XV *Neptunia* vertit. *Post
Mineruium, Tarentum, Neptunia; Carthagoque in Africa, prima extra Ita-
liam,*

liam, colonia condita est. Antiquiorem Liuius coloniam facit & ante Punicum i bellum deductam, epitoma xiv, qua breuiator excerpfit: *Coloniae deductae sunt Posidonia & Cossa.* Carthaginensium clasfis auxilio Mamertinis venit: quo facto ab iis fœdus violatum est. Insignem ciuitatem fuisse, etiam nummi illius testantur reliqui, quibus inscriptum est ΠΟΣΕΙΔΩΝΕΑΤΑΝ. * Gentile & possessuum *Pæstani.* Liuius lib. xxvii cap. x inter obsequentes colonias, quibus res Romana stetit, numerantur ab infero mari *Pontiani, & Pæstani, & Cossani.* De sinu iam ex Plinio cognouimus, quem etiam ad Atticum lib. xvi epist. vi Cicero nominauit. *Duo, inquit, sinus fuerunt, quos tramitti oportet, Pæstani & Vibonensis.* In primis rosæ *Pæstane* in deliciis erant, quarum magnus ibi prouentus fuit. Virgilius Georg. lib. iv vers. 119

- - - - - *biferique rosaria Pæsti.*

Et Ouidius lib. ii Pont. epist. iv vers. 28 de re ἀδυνάτω,
Calthaque Pæstani vincet odore rosas.

DCIII.

Supra Pæstum mons *Alburnus* est, de quo Virgilius Georg. iii v. 146
Est lucos Silari circa ilicibuque virentem
Plurimus Alburnum volitans.

Vibius de Montibus: *Alburnus Lucaniae.* vt erratum esse oporteat in Fluminibus eiusdem, quum legitur: *Siler in Lucania, oppido Alburno; scribendum monte Alburno.* Et Seruius ad Virgilium, *Alburnum montem* interpretatur. Fuit tamen etiam huius nominis ibidem portus. Probus, vetus alius interpres Virgilii: *Portus Alburnus, & eiusdem nominis mons ad sextum a primis tabernis.* Mentionem facit Lucilius hoc versu:

Quatuor hinc ad Silari flumen, portumque Alburnum.

DCIV.

Non procul hinc *lacus* est in litore memorabilis, quem diuersis temporibus aquam dulcem & falsam habere prodiderunt. Plutarchus in Crasso p. 1249 de Spartaci quibusdam copiis agit, quæ defecerant ab illo, & castra seorsum posuerant ἐπὶ Λευκανίδος λίμνης, ἣν Φασὶ τρέπεσθαι διὰ χρόνῳ, γινομένην γλυκείαν, καὶ αὖθις ἀλμυρὰν καὶ ἀτοπον, super stagno Lucano, quod certis temporibus variari ferunt, ac modo dulce, modo falsum nec potabile fieri.

DCV.

Inde ad nobile flumen venit, quod *Hales* siue *Heles*, nunc *Halente*, adpellatum est. Cicero lib. vii epist. xx ad Trebatium: *Tu has paternas possessiones tenebis, (nescio quid enim Velientes verebantur) neque Halem nobilem amnem relinques.* Scripti quidam libri *Heletem.* Idem lib. xvi epist. vii ad Atticum: *Brutus erat cum suis nauibus apud Heletem fluium citra Veliam millia passuum.* III.

DCVI.

* Diodorus Sicul. IV pag. 229 de Hercule: Ἐντεῦθεν ἀναζεύξας κατήντησε τῆς Ποσειδωνιατῶν χώρας πρὸς τινὰ πέτραν, ἵσιν progressus deuenit ad petram quamdam Posidoniatarum regionis.

DCVI.

Adeo propinqua amni vrbs *Velia*, quæ Græcis est ἐλέα, *Flea*, antea ῥέλη, *Hyela*, quum condita fuit a Phocæensibus. De illis Herodotus lib. i cap. CLXVII ἐκλήσαντο πόλιν γῆς τῆς Οἰνωτρίας ταύτην, ἥτις νῦν ῥέλη καλεῖται. Ἐκλίσαν δὲ ταύτην - - - possederunt illam urbem terræ Oenotriæ, quæ nunc *Hyela* vocatur. Condiderunt autem illam, &c. Strabo lib. v i ineunte: Κάμψαντι δ' ἄλλος συνεχῆς κόλπος, ἐν ᾧ πόλις ἦν οἱ μὲν κλίσαντες Φωκαεῖς ῥέλην, οἱ δὲ Ἑλλήν ἀπὸ κρήνης τινος, οἱ δὲ νῦν Ελέαν ὀνομάζουσι, *Flectenti cursum* [ex Pæstano sinu] *alius contiguus est sinus, in quo vrbs, quam conditores Phocæenses Hyelam, alii Ellam a fonte quodam; qui nostri temporis sunt, Eleam nominant.* Byzantii urbium scriptoris epitomator: ἐλέα, πόλις Ἰταλίας, ὠνομασθῆ ἀπὸ τῆ παραρρέοντος ποταμοῦ. ἡ νῦν Βελέα, *Elea*, vrbs Italiae, nominatur a præfluente amne: nunc dicitur *Velea*. Fluvius ille est *Heles*, vnde *Helea* siue *Elea*, oppidi nomen, quod postea, vt alibi, adspirationem in v mutauit, vt dicatur *Velia*. Plinius lib. iii cap. v *Sinus Pæstanus: oppidum Helia, quæ nunc Velia.* Cicero lib. vii epist. xix *Vt primum Velia nauigare cæpi.* Et Philippica i cap. iv *Ego celeriter Veliam deuectus, Brutum vidi.* Velleius Paternulus lib. ii cap. LXXIX *circa Veliam Palinurique promontorium.* Ptolemæus Romano more, sed plurali, οὐέλια, quod est *Velia*. Alibi Cicero, Græca forma vsus, dixit lib. iii Nat. deor. cap. XXXIII *Zenonem Eleæ in tormentis necatum.* Vt nomen oppidi, sic oppidanorum etiam variat. A Græca forma *Eleates* est, vt *Zeno Eleates*, de quo iam diximus. Cicero Tuscul. ii cap. XXII *Zeno Eleates perpeffus est omnia potius, quam conscios delendæ tyrannidis indicaret.* * Ab altero formatur *Veliensis*, vt supra ex lib. vii epist. xx perspeximus. Est & alio casu *Velinus*. Virgilius lib. vi vers. 366

- - - portusque require *Velinos*.

DCVII.

Ad extremum sinum portus & promontorium *Palinuri* est, nomen ab Aenææ nauclero trahens, ibidem, quum mari periisset, sepulto. Sine oppido est. Pomponius Mela ii cap. iv *Buxentum, Velia, Palinurus, olim Phrygii gubernatoris, nunc loci nomen.* Et Plinius lib. iii cap. v *oppidum Helia, quæ nunc Velia: promontorium Palinurum.* quod nunc quoque nomen feruat. Dionysius Halicarn. lib. i pag. 42 κατὰ τὸν λιμένα Παλίνυρον, *juxta portum Palinurum.* Velleius ante dicto loco: *circa Veliam Palinurique promontorium.* Virgilius vi vers. 380

*Et statuent tumulum, & tumulo solemnia mittent,
Aeternumque locus Palinuri nomen habebit.*

DCIIX.

Flumen hinc *Melpes* sequitur, a Plinio iii cap. v memoratum. *Proximum, inquit, huic [Palinuro] flumen Melpes, oppidum Buxentum.* Hodie quoque *Melpa* vel *Melfa*.

Yy yy 3

DCIX.

* Add. Epigramm. Græc. lib. III c. 45 Φιλασφό. pag. 398.

DCIX.

Oppidum autem *Buxentum*, Græcis est πυξοῦς, Πυξῦς. Strabo lib. vi sub initium: Μετὰ δὲ Παλινύριον Πυξοῦς, ἄκρα, καὶ λιμὴν, καὶ ποταμός· ἐν γὰρ τῶν τριῶν ὄνομα, *Post Palinurum est Pyxus, promontorium, portus & flumen: tria uno nomine.* Addit Messanenſes Siciliæ ibi oppidum condidiſſe, ſed, paucis exceptis, deſeruiſſe. Plinius dicto loco: *oppidum Buxentum, Græce Pyxus.* Mela *Buxentum*: & Ptolemæus Latino, vt ſolet, more βύξεντον. Romani coloniā eo deduxerunt. Liuius lib. xxxiv cap. xlv *Salernum Buxentumque coloniæ ciuium Romanorum deductæ ſunt.* Velleius lib. i cap. xv *Puteolos, Salernumque & Buxentum miſſi coloni.* Quum rurfus deſertam & infrequentem Romani inueniſſent, noui coloni ex ſc. ſcripti ſunt in ſupplementum. Vide Liuium lib. xxxix cap. xxiil.

DCX.

Decem millibus a Buxento *Blanda* oppidum fuit, quod vltra Laun Plinius in Bruttios traiecit. Memorat Mela: exſtat in Tabula Peutingeriana. Liuius lib. xxiv cap. xx *Oppida vi capta: - - - ex Lucanis Blanda.*

DCXI.

Tandem ad finem Lucaniæ litoralis accedimus, qui *Laüs* amnis eſt cum eiſdem nominis oppido. Strabo dicto loco: Μετὰ δὲ Πυξῶντα Λᾶος κόλπος, καὶ ποταμός Λᾶος, καὶ πόλις ἐχάτη τῶν Λευκανίδων, μικρὸν ὑπὲρ τῆς Θαλάττης, ἀποικὸς Συβαριτῶν. *Post Pyxantem eſt ſinus Laüs, & fluuius Laüs, & oppidum extremum Lucanorum, paullo ſupra mare, colonia Sybaritarum.* Plinius lib. iii cap. v *Oppidum Buxentum, Græce Pyxus: Laüs amnis. fuit & oppidum eodem nomine.* Ab eo Bruttium litus. Stephani epitoma: Λᾶος πόλις Λευκανίας ἀπὸ Λάου ποταμοῦ, *Laüs oppidum Lucaniæ, dictum a Lao flumine.* Et hæc in ora Tyrreni maris.

DCXII.

Mediterrianea Lucanorum ſunt, miſſis ignotis aut alienis, quæ Plinius lib. iii cap. xi admiscet; ſunt primum *Atinum*, hodie Ateino, correpta media, ad ripam Tanagri amnis: vnde ſunt Plinii *Atinates* dicto loco. Idem lib. ii cap. ciii in *Atinate campo fluuius merſus*, qui ipſe Tanager eſt, de quo ſupra diximus.

DCXIII.

Deinde ad Silarum amnem eſt *Aternum*, hodie vt Cluuerius refert, Aterni dictum, quo ipſe *Atranos* Plinii refert, quos alii ad *Trani*, urbem Apuliæ non ignobilem, reducant.

DCXIV.

Ad eundem amnem eſt oppidum *Bucino*, ſiue *Bulcino*: quod *Vulci* olim ſiue *Vulceia* fuiſſe Holſtenio videtur pag. 290. vnde in lapidibus ſint. *Vulceiani* ſiue *Volceiani*. Gruterus p. 209 n. 2 VVLCEIANAE CIVITATIS. Et in alio itidem Bucini reperto VOLCEAN. Idem Holſtenius huc *Volcentanos* Plinii refert ex lib. iii cap. xi: Harduinus *Volcentes* Liuii lib. xxvii cap. xv, ſic enim legit; non *Volſcentes*, vt editum eſt. οὐλχοι, *Vlci*, quod

quod forte *Volci* scribendum, oppidum primum Lucanorum in mediterraneis Ptolemæo est. Frontinus in Lucania: *Præfectura Vlciane*, id est Vlcianensis.

DCXV.

Est non procul inde oppidum, quod vulgo *Marsico* adpellatur. Id videtur ad *Abellinates* Plinii, cognomine *Marsos*, lib. III cap. XI pertinere, distinctos ibi ab Abellinatibus Hirpinorum.

DCXVI.

Sontia, vnde *Sontini* sunt a Plinio memorati, conuenit cum *Sanza* oppido, inter Policastro & flumen Tanagrum situm.

DCXVII.

In septemtrionali parte *Potentia* est, nunc Potenza, cuius oppidanos Plinius *Potentinos* vocat: & supra illam in Apuliæ limite ad Bradanum amnem *Opinum* Antonini, itinere a Mediolano ad Columnam; ex Cluerrii dispositione: sed quia insequenti itinere alii numeri, alia distantia adparet, nihil certi de illo constituimus. Inde iter dirigitur *Celianum*, Cæliano Heracleam.

DCXIIIX.

Quæ vero ad finem versus Tarentinum iacent Lucanorum oppida, sunt *Grumentum*, *Celianum* & alia. *Grumentum* situs ex Tabula & dicto Antonini itinere patet. Et Ptolemæus Γράμμεντον scripsit in Lucanis μεσογείοις. L. Iulius lib. XXIII cap. XXXVII *Isdem diebus in Lucanis ad Grumentum T. Sempronius cum Hannone Pæno prospere pugnauit.* Et lib. XXVII cap. XL *Hannibal in Lucanos ad Grumentum venit.*

DCXIX.

Inde in austrum itineris Antoniniani ductu *Nerulum* est, & *Summuranum*, XVI millibus disiuncta. Illud, *Nerulos* plurali forma Tabula refert, & L. Iulius lib. IX cap. XX ut munitum oppidum describit. *Apulia*, inquit, *perdomita in Lucanos perrectum.* Inde repentino aduentu Aemilii consulis *Nerulum* vi captum. Alterum, quod in itinere sequitur, cadit in locum, qui hodieque *Murano* dicitur, quo probabile prorsus fit, *Submuranum* seu locum *sub Murano* oppido, intelligendum esse: cuius antiquitatem vetus inscriptio commendat, qua MVRANVM in via ab Capua Rhegium vsque tempore seruiliis belli facta memoratur, apud Gruter. p. 150 n. 7.

DCXX.

Lagaria quoque eius tractus est, Λαγάρια Stephani, Λαγγαρία Lycophronis vers. 930. quam Strabo Φερίριον, *castellum* vocat, conditum, ut fama erat, ab Epeo, equi Troiani fabricatore.

DCXXI.

Et *Aprustum*, siue *Abrystum*, quod Plinius in Bruttiiis censet, secundum Ptolemæum huc reducendum est, paullum super Thurios, ultimam Lucanorum; illud vero in mediterraneis statuendum. Minus enim dubitant eruditi, esse Ptolemæi Ἀβυσσον, *Abysstrum*, vnde oppidanos Plinius lib. III cap. XI

cap. xi dixerit transposita littera *Aprustanos*. Sed coniectura est: certo demonstrari posse non temere crediderim.

MAGNA GRÆCIA.

DCXXII.

Hinc ad ipsum sinum Tarentinum, & veterum *Magnam Græciam* ut Ptolemæus definiuit, venimus, quamquam minima illius pars ad hunc sinum Lucanorum fuerit. Post Bradanum amnem, qui finis est Lucaniæ, *Metapontum* ad mare est, prima vrbs a Tarento. Pomponius Mela II c. iv *In eodem [sinu] sunt Tarentus, Metapontum, Heraclea*. Plinius inuerso itinere lib. III cap. xi *Inter Sirin & Acirin Heraclia, aliquando Siris vocitata. Flumina, Acalandrum, Casuentum: oppidum Metapontum, quo tertia Italia regio finitur*. Sedes aliquando fuit Pythagoræ. Liuius lib. I cap. xviii *Samium Pythagoram Seruio Tullio regnante in vltima Italia ora circa Metapontum Heracleamque & Crotonem iuuenum æmulantium studia cætus habuisse constat*. Idem lib. xxvii cap. xlii *Pænus, ne locum pugnandi daret, Metapontum petiit*. Qui incoluerunt, *Metapontini* dicebantur ex Græca forma, quæ est *Μεταπόντιον*, Scylaci, Straboni, Ptolemæo, Laertio in Pythagora, Plutarcho in Q Fabio vsurpata. Iustinus lib. xx cap. ii *Metapontini in templo Mineruæ ferramenta, quibus Epeus, a quo conditi sunt, equum Troianum fabricauit, ostentant: propter quod omnis illa pars Italiae Maior Græcia adpellata est*.

DCXXIII.

Est deinde ostium *Casuenti*, a Plinio paullo ante nominati: & post illud aliud flumen, nomine *Acalandrum*, eiusdem Plinii: inter quem amnem & insequentem *Acirin* Cluuerius *Celianum*, (de quo supra) sed intus, & longe a mari, posuit. Prope os Aciris fluuii, in ripa dextera fuit *Heraclea*, secundum Strabonem a Tarentinis condita, *ciuitas æquissimo iure ac fœdere*, ut Cicero pro Archia laudat cap. iv. Liuius lib. viii cap. xxiv *Heraclea Tarentinorum colonia*. Græce *Ἡράκλεια*, vnde porrecta penultima: quamlibet Plinius, si fides est libris, *Heraclia* quoque scripserit. Scylax *Ἡράκλειον* adpellauit. Oppidani *Heracleenses*, in prædicta Ciceronis oratione. In eo vero Plinius aberrat, quod, verbis modo productis, *Heracleam aliquando Sirin vocitatum* dixit. *Siris* quidem oppidum Troianum fuit, * ut Strabo tradidit ex fama: sed posteaquam Tarentini tribus inde millibus *Heracleam* constituerunt; facta illa *ἐπίγειον*, *nauale* Heracleotarum, & vtraque inter *Acirin* & *Sirin* amnes ** sita, hæc ad os illius cognominis; illa ad *Acirin*, reducta paullo a mari.

DCXXIV.

Inter *Sirin* atque *Sybarin* medius locus ad *Vicesimum* dictus in Itinerario, situs in ora sinus Tarentini: & tum demum, interuallo pari, est ostium *Sybari-*

* Seu ad *Sirin* erat oppidum Troianum cognomine *Siri*. Strabo VI pag. 405.

** *Πλωτὲς*, *naugabiles*. Strabo VI pag. 405.

*Sybaridis fluminis, cui vrbs Sybaris, potens olim, adposita erat. Plinius dicto loco: Oppidum Thurii inter duos amnes Crathin & Sybarin, ubi fuit vrbs eodem nomine, Sybaris videlicet vocitata. Plenius Strabo lib. v i p. 182 ἡ Σύβαρις Ἀχαιῶν κλισία δύοῖν ποταμῶν μεταξύ, Κράθιδος καὶ Συβαρίδος, vrbs Sybaris ab Achiiis condita inter duos fluuios Crathin & Sybarin. Sic etiam Lycophron vers. 1079 ex illis amnibus alterius nomen obliquo casu flectit Κράθιδος: at Diodorus Siculus lib. xii cap. ix τῶ τε Κράθιδος καὶ τῶ Συβαρίδος. Rectus autem casus est Σύβαρις & Κράθις, * amnium nomina. Urbem vero Sybarim, luxu perditam, ** Crotonienses euerterunt. Athenienses aliique Græci restituri eis ἑτέρον τόπον μετέθηκαν πλησίον, in alium propinquum locum transposuerunt, & a fonte ibidem reperto, cui nomen Θέρια erat (Diodorus Sicul. xii cap. x) Thurios vel Thurium adpellauerunt. Vicinitas fedis veteris & nouæ fecit, vt Sybaris & Thurii vrbs eadem viderentur. Stephani epitome: Θέριοι, πόλις Ἰταλίας, ἡ πρότερον Σύβαρις, Thurii, vrbs Italiae, prius Sybaris dicta. * * Post Romani coloniam eodem deduxerunt, vt Liuius refert lib. xxxiv cap. liii, nouo nomine Copiarum imposito. Stephanus: ὕστερον δὲ Κωπία, postremum Copia adpellata. Et Strabo ibidem: a Tarentinis adflicti, ad Romanos confugerunt, οἱ δὲ πέμψαντες συνοίκας ὀλιγανδρῶσι, μετωνόμασαν Κωπίας τὴν πόλιν, qui ad paucitatem redactis colonos submittentem, urbem Copias transnominauerunt. Vetus tamen nomen Thuriarum præualuit, etiam per sæcula posteriora, vti ex Ptolemæo & Itinerariis liquet. Variant genus vocabuli, Thurii, * * * Thuria, Thurium nominandi casu dicentes. Cicero ix Attic. ep. xix Si Puteolis erit difficile, Crotonem petemus, aut Thurios. Cæsar iii Civ. cap. xxii Cælius peruenit Thurios. Ibidem municipium vocat. Velleius ii cap. lxxviii Milo circa Thurios oppressus est. Liuius autem lib. x cap. ii Thurias cepit: item, Thuria redditæ veteri cultori. Mela ii cap. iv Heraclea, Croto, Thurium. Et Ptolemæus Θέριον: Strabo autem Θέριοι. Gentile veteris nominis Sybaritæ; & Iustini lib. xx cap. ii Sybaritani: alterius, Thurii, ὀμωνύμως, vt Stephanus ait: & Thuriatæ, Græco more. Tacitus xiv cap. xxi a Tuscis accitos histriones, a Thuriis equorum certamina. Vetus inscriptio (Grut. p. 199 n. i) LOCREN. . . . THURIAT. . . . id est Locrenses & Thuriatæ. Κτητικὸν Thurinus. Liuius iam indicato loco: in Thurinum agrum. Ouidius Metam. lib. xv vers. 52 Thurinosque sinus. Et hæc de ora Lucanorum ad finem Tarentinum.*

ZZ ZZ

BRVT-

* Aelian. VI de animal. c. 42 caussam nominis docet: καὶ τῷ μὲν (Αἰπόλῳ ᾧ τὸ ὄνομα Κράθις) ἐκ ἀφανῆ τάφου ἀνέστησαν, ἐξ αὐτῆ δὲ τὸν ποταμὸν Κράθιν ὠνόμασαν, & ei quidem non obscurum sepulcrum excitarunt, flumen ex istius nomine Crathin adpellantes. Adde Euripid. Troad. v. 226, 227, 228. Ouid. Metamorph. XV, 315

Crathis & hinc Sybaris vestris conterminus aruis,
Electro similes faciunt, auroque capillos.

Addendus huc Aelian. de animal. XII c. 36 & Strabo VI pag. 404 & X pag. 689.

** Aelian. de animal. cap. 10, ὅτι οἱ Συβαρίται καὶ ὄρχησιν ἴππους ἐπαίδευσαν, πάλοι κεκήρυκται, Sybaritas etiam equos saltationem docuisse, dudum peruulgatum est.

*** Varro R. R. I c. 7 Item Sybari, qui nunc Thurii dicuntur, quercus simili esse natura.

*** Aelian. de animal. X cap. 38, Λυσίας δὲ ποταμὸς ἐν Θέρσις ὀνομάζεται, Lusias autem fluuius Thuriis dicitur.

Altera Italiae peninsula, quæ in austrum vergit & ad Siciliam, a *Bruttiorum* gente habitata fuit, cuius limites mare vndique finit, præter isthmum inter Laum atque Thuries, in quo communes terminos cum Lucania habet. Regio ipsa antiquis Latinis singulari nomine haud significata fuit, sed vel gentis communi vocabulo expressa, vel circumscripta eodem, aut sine illo, est varie. Gens illa sunt *BRVTTII* Latinis, Græcis plerisque *Βρεττιοί*; Appiano in Hannib. *Βρύττιοι*: quod nomen Latini veteres *T* geminato scripserunt. Capitolinis fragmentis pag. 196 Grut. col. 2 DE LVCANEIS BRVTTIEIS TARENTIN. . . . Et pag. 199 num. 1 BRVTT. . . . SALENTIN. Et Reinesii classe VI inscript. 12 CORRECTORI LVCANIAE ET BRVTTIORVM. Incerta ergo est ratio, qua non nulli a *brutus* hoc gentile vocabulum deriuant. Eodem vero, ut diximus, vtuntur in regione describenda, quæ proprio nomine apud Latinos videtur caruisse. Livius lib. xxvii cap. xxv *Locros in Bruttis Crispinus oppugnare conatus.* & mox: *in Apuliam ex Bruttis reditum.* Idem extremo illo libro: *Hannibal, ut omnia auxilia, quæ diffusa latius tueri non poterat, in extremum Italiae angulum Bruttios, contraheret; & Metapontinos, ciuitatem vniuersam, excitos sedibus suis, & Lucanorum, qui suæ ditionis erant, in Bruttium agrum tra-duxit.* Et Pomponius Mela lib. ii cap. vii *agrum Bruttium* illam regionem dixit. *Sicilia, inquit, ut ferunt, aliquando continens, & agro Bruttio adnexa.* Græci autem veteres *Βρεττία* illum tractum seu peninsulam dixerunt. Polybius lib. ix cap. vii *ποιητάμενος τὴν πορείαν διὰ τῆς Δαυρίας καὶ τῆς Βρεττίας.* Et Strabo lib. vi pag. 176 *Ἀπὸ δὲ Λάας πρώτη πόλις ἐστὶ τῆς Βρεττίας Τεμέση.* Quod Latini posteriores aliquando imitati sunt: Paullus Diac. lib. ii Langob. cap. xvii *Lucania cum Bruttia.* Diuiditur in duo litora Apennino monte, Tyrrhenum, & Ionii maris cum sinu Tarentino. Vtrumque nunc breuiter adgredimur enarrandum.

DCXXVI.

Tyrrheni maris litore post Lucaniam *Cerilli*, siue *Carille* sunt, oppidum, quod in Tabula *Cerelis* sexto casu, id est Cerillis, scribitur. Strabo prædicto loco: *Isthmus Bruttiorum peninsulae vniuersæ est ἀπὸ Θερίων εἰς Κηρίλλας πλησίον Λάας, a Thuris ad Cerillos prope Laum.* Et Silius lib. viii vers. 580

- - - exhaustæ mox Pæno Marte Carille.

Videtur exiguus locus Strabonis temporibus fuisse, quia *πρώτην*, primam a Lao urbem non in Cerillis ille, sed in Temesa, ut modo vidimus, numeravit: seruatus tamen vtcumque, quod vetus itineraria tabula ostendit.

DCXXVII.

Ordo Plinii lib. iii cap. v, si iustus est, *Portum Parthenium*, Phocen-sium opus, proxime ponit, quem etiam Solinus cum auctoribus, qui Phocenses erant, memorauit.

DCXXIIX.

Deinde est fluuius *Acheron* siue *Acheros*, quo Alexander Epirensis rex, oraculo deceptus, periit. *Pandosiam* illud & *Acherontem* cauere iusserat, quæ quod nota in Epiro nomina erant, in Italia rex lubentius bellum cum Romanis gerebat, ignarus & ibi eiusdem adpellationis loca vel flumina esse. Recto casu Straboni dictus is amnis est *Acheron*, Αχέρον; Liuius lib. viii cap. xxiv *Acheros*. Ille ait, regem oraculo iussu Φυλάττεσθαι τὸν Αχέροντα, *Acherontem cauere*; & mox de Pandosia, παραρρεῖ ποταμὸς Αχέρων, *præterfluit amnis Acheron*. Liuius vox oraculi est, *caueret Acherusiam aquam*: sensit rex se forte captum, quum miles metu, ac labore fessus, transiens incerto vado, abominandum nomen ita increpauit: *Iure Acheros vocaris*. quod regem fati admonuit; vrgente hoste, nequaquam euitandi. Plinius de eo: *fluuius Acheron, a quo oppidani Acherontini*. Nimis breuiter. non obscure tamen ostendit, & oppidum flumini adpositum fuisse, cuius nomen fuerit *Acherontia*. Exstant nummi, qui huc referuntur, inscripti AXERONTAN, nec vero locus vrbis vel vestigia monstrari possunt.

DCXXIX.

Nondum ad primam Strabonis urbem venimus: interiacebant aliæ, *Clampetia*, & *Terina*. Mela ii cap. iv ab austro adscendens: *Vibon, Temesa, Clampetia, Blanda, Buxentum*. At quum Plinius dixit, *locus Clampetie*, deletam suo tempore fuisse indicat, quæ forte causa Straboni fuit, vt nullam rationem eius oppidi haberet. Liuius lib. xxx cap. xix in Brutiis ciuitatibus, quæ ab Hannibale defecerant, *Clampetiam* quoque numerauit. In Tabula *Clampeia*, demta errore vel casu vna littera; argumento est, ab excidio surrexisse. Græci vetustiores sine κ scripserunt λαμπετία siue λαμπέτια. Sic Polybius lib. xiii auctore Stephano. Hodie illum locum *Amantia* tenet, siue *Mantia*.

DCXXX.

Huic proxima *Terina* fuit, Straboni, Scylaci, & Stephano Τερίνα; Lycophroni Τέρπεινα. Plinius iii cap. v *Crotonensium Terina, sinusque ingens Terinæus*. Temsam quidem inter hanc & *Clampetiam* ponit: sed veriorum situm Strabo, in his curatior, monstrauit. De Temesa loquutus, ταύτης, inquit, συνεχῆς Τερίνα. εἶτα Κωνσεντία. Quod Consentia in septemtrionem magis quam *Clampetia* recedit; & *Terina*, inter Consentiam Temsamque sita dicitur, vtique illa citra Temesam statuenda, hoc est inter hanc atque *Clampetiam*. Maritimum situm denominatio *Terinæi sinus*, quem Plinius *ingentem* dixit, demonstrat. At sic non prima ab Lao Temesa, vt Strabo dixit. Erat prima inter superstites vrbes & memorabiles; Terinam autem Hannibal καθεῖλε, *deleuerat*, quod idem Strabo adnotauit. Sunt qui insulam paruum *Terinam* esse referant, in quam Ligea, Sirenum vna, eiecta sit. Lycophron in Cassandra vers. 726

Λίγεια δ' εἰς Τέρπειναν ἐκναυδλώσεται,
Ligea in Terinam exponetur. Et Solinus cap. ii de Italia in Brutiis: *In-*
sula

sula Ligea adpellata, abiecto ibi corpore Sirenis ita nominatae. Sed fabulosum illud de insula & Sirenis sepulcro videtur, etiamsi de scopulo interpreteris. Ad fidem pronius, a continentis oppido sinum Terinæum cognominatum esse, de quo ante, auctore Plinio, prædictum a nobis est. Nunc idem Golfo di S. Eufemia adpellatur.

DCXXXI.

Iuxta Terinam fluuius *Ocinarius* est. Lycophron vers. 729 Terinam dixit, quæ Ligeæ sepulcrum habeat,

Οκινάρη δίναισι ἀγχιτέρμενα,

Ocinari vorticibus conterminam. Idem vers. 1008

ὧς δ' αὖ Τέρειναν, ἔνθα μυδαίνει ποτοῖς

Οκινάρως γῆν, Φοῖβον ἐκβράσσων ὕδωρ,

Alii rursus Terinam, ubi humectat terram Ocinarus, puram aquam euomens. Hic videtur Sabatus Antonini esse, nunc Sauato dictus, xviii millibus a Consentia in austrum. Vide iter ab Vrbe via Appia ad Columnam.

DCXXXII.

Nunc demum *Temesa*, quæ & *Temsa* * dicitur, succedit, πρώτη, prima vrbum Bruttiarum post Laum a Strabone dicta, scilicet, digna memoratu & superstes. Plinius iii cap. v oppidum *Temsa*, a Græcis *Temese dictum*. In Tabula etiam *Temsa*. Strabo lib. vi p. 176 Ἀπὸ Λαῶς πρώτη πόλις ἐστὶ τῆς Βρεττίας Τεμέση. Τέμψαν δ' οἱ νῦν καλεῖσι, Αὐσονῶν κῆσιμα. A Lao prima vrbs Bruttiorum *Temesa*, quam nunc *Tempsam* vocant, ab Ausonibus condita. Et Ptolemæus Τέμψα. Colonia Romana fuit. Liuius lib. xxxi v cap. xlv *Temsam* item, & Crotonem ciuium Romanorum colonie deductæ. *Temsanus* ager de Bruttis captus erat: Bruttii Græcos expulerant. Inde enim *Temsanus* deriuatur, uti etiam Cicero *Temsanum incommodum* Verrina vlt. cap. xv dixit. Excisa vrbs *Temsa* est, ut vix rudera supersint.

DCXXXIII.

Cluuerius heic in ora post *Temsam* ponit *Lametiam*, & inde sinum cognominat *Lametinum*: eamdemque putat *Lampetiam* a Stephano ex Polybii xiii libro adpellari. Sed ipse Stephanus distinxit *Lampetiam*, quæ ipsa *Clampetia* est, a *Lametinis*, quorum oppidum non in litore, sed prope fontes *Lameti* fluuii intus est, quod in mediterraneis ostendemus. In ora autem est *Lampetes*, λαμπέτης, mons seu promontorium, quod Lycophron vers. 1068 Ἰππωνίῳ πρῶτος κέρασ, *Viboniensis iugi cornu* vocat, hoc est promontorium, quia & Tzetzes ibi, κέρασ τὸ ἀκροτήριον. Ultra id, viii millibus supra Vibonem, in medium sinum flumen *Angitula* decurrit, ut ex Antonini itineribus ad Columnam a Mediolano & Vrbe intelligitur.

DCXXXIV.

Vibo autem, ut Antoninus dicto itinere vocat, in Tabula *Vibona* est cognomine *Balentia*, hoc est *Valentia*. Mela ii cap. i v *Hippo*, nunc *Vibon*. Et Plinius iii c. v *Hippo*, quod nunc *Vibonem Valentiam* adpellamus. Hippo, anti-

* Vid. Tzetzes ad Lycophron. vers. 1067. Ouid. Metamorph. XV, 52 & vers. 807 *Temesesque metalla*.

antiquorum Græcorum nomen, sed truncatum. nam Ἰππώνιον Scylax & Strabo: & Ἰππωνιάτης κόλπος Ptolemæo est *Sinus Vibonensis*: & inscriptio vetus Grut. p. 199 n. I HIPPONIA TEI. Strabo Λοκρῶν κλίσμα, a *Locrensi-bus conditam*, ab Romanis οὐιβώναν οὐαλεντίαν, *Vibonam Valentiam* adpellari refert. Ciceroni est *Vibo*, sine cognomine. Pro Plancio cap. XL *Iter a Vibone Brundisium terra petere contendit*. Et ad Attic. III epist. III *Te oro, ut ad me Vibonem statim venias*. Raro *Valentia* simpliciter vocatur. Inscriptio milliaria apud Gruter. pag. 150 num. 7 MVRANVM - - COSENTIAM - - VALENTIAM. Coloniam Romanam eo missam esse Liuius narrat lib. XXXV cap. XL. Eodem, inquit, hoc anno [106] *Vibonem colonia deducta est senatusconsulto plebisque scito*. Deriuatum nomen *Vibonensis*, ut *Sinus Vibonensis*, Cic. Attico XVI ep. VI: & *ager Vibonensis* Liv. lib. XXI cap. LI.

DCXXXV.

Vbi recedit sinus, *Portus* est *Herculis*, Plinio post Vibonem, ut proximus, nominatus: Straboni p. 177 Ηρακλέως λιμήν. Propinquus huic locus πρὸς τρόπαια, *Ad Tropæa*, Stephano dictus, cui quidem πόλις Σικελίας, *Siciliæ oppidum* est, sed etiam Bruttios id temporis auctores *Siciliæ* nomine comprehendebant. In actis conciliorum simpliciter *Tropæa* scribitur, ut hodieque oppidum illud adpellatur. Vide sis Holstenii in Cluv. adnotationes, qui ex Sex. Pompeii victoria id nomen putat superesse.

DCXXXVI.

Post *Herculis* portum Plinius *Metaurum amnem* narrat: *Melæ* etiam *Metaurum* in oppidis numeratum. Amnis nunc corrupto nomine *Marro* dictus. Sed si *Melæ* ordo recte habet, *Medama* ante *Metaurum* est: si Plinii, post illum. Etiam Strabo μέδαμα scripsit: Plinius contracte *Medma*; Marcianus Heracleota pag. 13 μέδνα prauè: prauius Scylax μέσα. Strabo addit πλησίον ἐπίνειον καλεσμενον Εμπορίον, prope *Medamam nauale*, quod *Emporium* dicatur. Pomponii *Taurianum*, est Plinii *Tauroentum*, cui is portum *Orestis* coniungit. Sed turbata hæc interpretibus videntur. Pluribus *Medma* est Antonini *Nicotera*, cuius antiquior memoria non reperitur: & *Portus Medmæ*, siue *Emporium* non nullis esse *Portus Orestis*: Holstenio *Orestis Portus* in ostio *Metauri* videtur fuisse, qui ideo ὕφορμος ὁμώνυμος, eiusdem nominis subiunctum portum habeat, Strabone auctore p. 177.

DCXXXVII.

Post recensita flumina & portus, *Scyllæum* Plinius, & *Cratain* fluuium enarrat. Oppidum an petra *Scyllæum*, seu promontorium, ambigitur. Plinius ita: *Medma*: oppidum *Scyllæum*, *Cratais fluuius*. Strabo: ἐκδέχεται ἐντεῦθεν τὸ Σκύλλαιον, πέτρα χεῖρρονσιζσα ὑψηλὴ, Hinc sequitur *Scyllæum*, petra peninsule speciem præbens, excelsa. Pomponius Mela: in Bruttio sunt, *Columna regia*, *Rhegium*, *Scylla*, *Taurianum*, *Metaurum*. Ptolemæus, Σκύλλαιον ἄκρον, *Scyllæum promontorium*. Itaque solus Plinius cum Solino, illum vnice sequuto, oppidum dixit: ceteri promontorium, petram, qualis & *Scylla* *Melæ* est, non oppidum. nisi dicas montem & petram esse *Scyllæum*,

cui adsideat eodem nomine oppidulum. *Scylleum* autem mons, & petra fabulosa *Scylla* videntur idem esse. Vnde qui vnum enarrat, de altero si-
let. Quod ad fabulam attinet, Virgilius Aen. III, 432

Scyllam, & caeruleis canibus resonantia saxa
descripsit, & ante paullo vers. 425 illam

Ora exsertantem, & naues in saxa trahentem.

Vnde nata fabula sit, Iustinus ostendit lib. IV cap. I, *dum nauigantes magnis vorticibus pelagi desidentis exterriti, latrare putant undas, quas sorbentis æstus vorago conludit.*

DCXXXIIX.

Scyllæum excipit *Cænys*, aliud promontorium, *Καινὸς*, Straboni dictum, de quo sic Plinius commemorat: *Siculum fretum, ac duo ex aduerso promontoria: ex Italia Cænys; ex Sicilia Pelorum, XII stadiorum interuallo.*

DCXXXIX.

Hoc inter & Columnam est *Crataeis* seu *Cratais* fluuius, de quo sæpe dicto loco Plinius: *Oppidum Scylleum, Cratais fluuius, mater, ut dixere, Scyllæ.* Atque ita in membranis esse, *Cratais*, non *Crataeis*, Harduinus oculatus testis est. Solinus de Italia: *Scyllacea regio cum Scyllæo oppido, & Crataide, flumine Scyllæ matre, ut vetustas fabulata est.*

DCXL.

Ipsa *Columna*, ad quam itinera Antoninus a Mediolano & ab vrbe direxit, in Melæ libris male cognominatur *regia*; verius a Plinio *Rhegia*; optime ex Strabonis descriptione *Rhegina*. Etenim a vicina vrbe *Rhegio*, a qua centum stadiis secundum Strabonem abest, habet, quod diximus, cognomentum. Plinius sic de illa: *Cratais fluuius, mater, ut dixere Scyllæ. Deinde Columna Rhegia: Siculum fretum, ac duo ex aduerso promontoria; ex Italia Cænys, ex Sicilia Pelorum, XII stadiorum interuallo. Vnde Rhegium duodecim c i o i o pass.* Vides, inter urbem & Columnam promontorium *Cænyn* interponi. At Strabo *Cænyn* ante Columnam posuit, seu Columnam inter *Cænyn* & *Rhegium*. Sic enim: *ἀπὸ Καινὸς μέχρι τῆς Ποσειδωνίης τῆς Ρηγίωνων ἑπλίδος τῆς πορθμῆς, διήκει σενωπὸς ὅσον ἑξατάδιος, - - - ἀπὸ δὲ ἑπλίδος ἑκατὸν εἰς Ρήγιον, α Cænyn ad Posidonium columnæ Rheginorum iuxta fretum angustus meatus circiter LX stadiorum: a columna Rhegium usque sunt centum stadia.* Alii per adpositionis figuram interpretantur, *a Cænyn ad Posidonium, columnam Rheginorum*, quasi Posidonium sit ipsa columna: quod fecus mihi aliisque videtur. Posidonium enim, si non oppidum iuxta columnam fuit, at Neptuni fanum iuxta eandem fuit, per columnæ *Rheginæ* mentionem distinctum a Posidonio Lucaniæ & gentium aliarum: columna autem videtur milliaria fuisse, & simul signum siue nota traiectus commodioris. Supra laudata vetustissima inscriptione, qua via facta AB REGIO AD CAPVAM explicatur per milliaria, AD FRETVM AD STATVAM sic coniungitur. *Statua* autem est *σηλὶς* siue *columna*. Vide Grut. pag. 150 num. 7.

DCXLI.

DCXLI.

Rhegium * vrbs peruetusta adeo, vt nomen ab ῥήγιον, quasi ab *abrupta* vi maris Sicilia ab Italia credatur accepisse. Nota enim illa fama vel fabula, quæ Siciliam quondam Italiæ adnexam tradidit. Hinc est quod qui memorant, VT FERUNT, adiiciant, incertum opinionis aut famæ arguentes. Mela II cap. VII *Sicilia, vt ferunt, aliquando continens, & agro Bruttio adnexa.* Virgilius Aen. III vers. 414

*Hec loca vi quondam, & vasta conuulsa ruina
Diffiluisse ferunt, quum protinus utraque tellus
Vna foret. Venit medio vi pontus, & undis
Hesperium Siculo latus abscidit.*

Sed ad urbem *Rhegium* reuertamur. Hanc χαλκιδέων κλίσμα, a *Chalcidensibus* conditam Strabo refert: semperque fuisse ait ἐπιτείχισμα τῇ νήσῳ, *propugnaculum Siciliae oppositum.* A plurimis memoratur, etiam apostolico itinere Actor. XXVIII, 13 κατητήσαμεν εἰς Ῥήγιον, *venimus Rhegium.* Ptolemæo est Ῥήγιον Ἰγλίον, *Rhegium Iulium*, quod haud dubie cognomen inde est, quia Octavianus Cæsar, eiecto Sicilia Sex. Pompeio, vt Strabo pag. 178 refert, ὁρῶν λειπανδρῆσαν τὴν πόλιν, συνοίκεις ἔδωκεν αὐτῇ τῶν ἐκ τῆς σόλης τινας, *videns viris defectam ciuitatem, supplementum ex classe addidit.* Colonia sic ex parte, seruato tamen iure municipii. Inscriptio p. 174 Grut. n. 7 M VNICIPIB. RHEGINIS IULI. *Rhegini* enim oppidani, quos laudat Cicero pro Archia oratione. Veteri lapide p. 199 n. I RHEGINEI.

DCXLII

Vltra *Rhegium* plura sunt promontoria, quæ vltimum angulum Italiæ vt sepimentum circumdant. Quod *Rheginæ* ciuitati proximum, etiam *Rhegium*, ** communi cum vrbe nomine adpellatum fuisse, Thucydides docet lib. VI pag. 441 ἕως ἀφίκοντο εἰς Ῥήγιον, τῆς Ἰταλίας ἀκρωτήριον, *donec ventum est ad Rhegium, Italiæ promontorium:* quod etiam lib. IV pag. 268 memorauit. Quidam intelligunt *Leucopetram*; Cluuerius medium inter urbem *Rheginam* & *Leucopetram*, quod etiam ὁμωνυμία videtur suadere, quæ argumentum est propinquitatis. Nobilius Ciceronis supremo itinere promontorium est *Leucopetra*, λευκοπέτρα, dictum, vt Strabo ait, ἀπὸ τῆς χροῆς, a *colere*, qui candidus est. Cicero Philipp. I cap. III *Quum me ex Sicilia ad Leucopetram, quod est promontorium agri Rhegini, venti detulissent, ab eo loco conscendi, vt transmitterem.* Et lib. XVI ad Attic. epist. VII de eodem cursu: VIII idus Sext. *quum a Leucopetra profectus stadia circiter CCC procesissem, reiectus sum austro vehementi ad eandem Leucopetram.* Hoc videtur illud esse, quod Sallustius, apud Seruium in Aeneid. III vers. 400 dixit

* Varro X rer. humanar. Iuxta *Rhegium* flumini sunt continui septem Latopodonar, Mygodes, Engyon, Staeteres, Polme, Meleissa, Argeades. In his autem matris nece purgatus dicitur Orestes, ibique diu fuisse ense, & ab eo edificatum Apollinis templum. Nomina horum fluminum paullum immutat Gabriel Barrus de antiquitate & situ Calabriae.

** Epigramm. Græc. libr. III cap. εἰς ἀνωνύμ. ποιητ. p. 382.
Ῥήγιον Ἰταλίας τεναγώδεος ἀκρον αἶψα
Αἰὲ Ὀρωναρίε χευομένης ὕδατος.

dixit *Bruttium promontorium*, in quod, & Salentinum, Italia, in angustias coacta, scindatur. quod nulli verius conuenit, quam Leucopetræ, εἰς ἣν τελευτᾷν Φασὶ τὸ Ἀπέννινον ἔρος, in quam desinere montem Apenninum aiunt; quod Strabo refert p. 179 lib. vi.

DCXLIII.

Inde in ortum paullo hibernum est *Herculis*, quod dicitur, *promontorium*. Strabo ibidem: *Εντεῦθεν δὲ Ἡράκλειον, ὃ δὴ τελευτᾷν ἀκρωτήριον νέει πρὸς μεσημβρίαν, Inde [a Leucopetra] est Hercules promontorium, quod ultimum vergit in meridiem.* Nusquam enim Italia magis in meridiem recedit, quam circa hoc promontorium, nunc dictum Capo di Spartiuento: Leucopetra vero, Capo del Armi.

DCXLIV.

Hinc flexo litore in sinus maris Ionii venit, & primo ad *promontorium Zephyrium*, prope urbem Locros. Strabo ibidem: *Μετὰ τὸ Ἡράκλειον ἄκρα τῆς Λοκρίδος, ἣ καλεῖται Ζεφύριον, Post Hercules, succedit Locrensis agri promontorium Zephyrium, sic dictum, quod portum habet ventis ab occasu flantibus expositum.* Ptolemæus post Leucopetram, inflexo litore, *ζεφύριον ἄκρον*; Plinius lib. iii cap. v *Locri cognominati a promontorio Zephyrio.* nam dicti ab eo *Locri Epizephyrri*, vt Græci, *Ozoles*, vel *Epicnemidii*. Id vero non tam gentis quam urbis ipsius nomen est. Strabo dicto loco: *ἡ πόλις οἱ Λοκροὶ οἱ Ἐπιζεφύριοι, urbs Locri Epizephyrri.* Sæpius sine cognomine, tamen pluraliter. Liuius lib. xxix cap. vii *Classis Romana a Messina Locros multa die accesfit.* Et paullo ante: *haud procul ab urbe Locris abest.* Ab Ozolis Locris conditam censet Strabo: malim ab Epicnemidiis, quorum *Naryx* vel *Narycum* fuit oppidum. nam Virgilius Aen. iii vers. 399 de nostris Italiæ Locris:

Heic & Narycii posuerunt mœnia Locri:

& ipsam urbem Locros Ouidius xv Metam. vers. 705 *Naryciam* dixit:

*Lametumque legit, Caulonaque, Naryciamque,
Euincitque fretum.*

Gentile duplex, *Locri*, & *Locrenses*. Liuius lib. xxii extremo: *Metapontini, Crotonienses, Locrique.* Et lib. xxiii cap. xxx *Locrenses descivere ad Pænos.* Ager & regio Græce *Λοκρίς, ἴδος.* Strabo supra in *Zephyrio*: *ἄκρα τῆς Λοκρίδος, promontorium Locridis.*

DCXLV.

Plura eius memorantur flumina. Liuius lib. xxix cap. vii *Hannibal a Butroto amni (haud procul is ab urbe Locris abest) nuntio præmissò - - luce cœptam inuenit pugnam.* Gronouio suspectum nomen est, necdum consonis inter se membranis; & *Halecem*, certiorum fluium, in locum *Λοκρίδος, agrum Rheginum a Locrensi separare.* Et Thucydides lib. iii pag. 240 *nauigantes εἰς Λοκρίδα, oppidum Peripolium capiunt, ὃ ἦν ἐπὶ τῷ Ἀλφειῷ ποταμῷ, situm ad fluium Halecem.*

DCXLVI.

DCXLVI.

Inter Locros & Cauloniam fluvius *Sagras* est. Strabo dicto loco: μετὰ Λοκρῶν, Σάγρας, post *Locros Sagras* est. Et Cicero *ii Nat. deor. cap. ii* quum ad fluvium *Sagram Crotoniatis Locri* maximo praelio devicissent. Plinius lib. *iii cap. x* *A Locris Sagra*. Addit Strabo, Θηλυκῶς, femineo more nominari, præter fluviorum consuetudinem. Est & Καϊκινὸς, *Caicinus*, *Locrorum* fluvius. Iterum Thucydides lib. *iii pag. 242* narrat, Athenienses ex Sicilia εἰς τὴν Λοκρίδα egressos, κατὰ τὸν Καϊκινὸν ποταμὸν, iuxta flumen *Caicinum* *Locros*, ad arcendam vim occurrentes, superasse.

DCXLVII.

Sequitur *Caulon* siue *Caulonia*. Mela *iii cap. iv* Tertius [sinus] inter *Zephyrium & Bruttium, Consilinum, Cauloniam, Locrosque* circumdat. Et hac forma, Καυλωνία, vtuntur plerique Græci in oppido hoc designando. Strabo supra dicto loco: μετὰ τὴν Σάγραν, Ἀχαιῶν κλίσμα, Καυλωνία, πρότερον δ' Αὐλωνία λεγομένη. Idem Stephani breuiator: Καυλωνία, πόλις Ἰταλίας, ἣν Αὐλωνίαν Ἑκαταῖος καλεῖ, *Caulonia*, urbs *Italiae*, quam *Auloniam Hecataeus* vocat. Et Diodorus Siculus lib. *xvi cap. xi* Διονύσιος διατρίβων περὶ Καυλωνίαν τῆς Ἰταλίας, *Dionysius commorans circa Cauloniam Italiae*. Altera forma est Plinii, qui *vestigia oppidi Caulonis* lib. *iii cap. x* dixit: & Virgilii *Aen. iii vers. 553*, cuius sunt *arces Caulonis*: & Ovidii, qui, quod supra etiam indicauimus, *Metam. xv vers. 705* dixit,

- - - legit *Caulonaque Naryciamque*.

Strabo dicit, ἐστὶ δ' ἔρημος, *deserta est*: & Pausanias *Eliac. ii cap. iii* Pyrrhi bello ἐρημωθῆναι Καυλωνίαν, αἰλοῦσαν ὑπὸ Καμπανῶν, *vastatam esse Cauloniam, captam a Campanis*, Romanorum sociis. Ideoque Plinius *vestigia oppidi Caulonis* dixit, & Ptolemæus, vt desertum locum, præteriit.

DCXLIIIX.

Pomponius Mela cum *Caulonia Consilinum* vulgatis libris coniunctum habet. Tertium enim sinum, promontoriis *Zephyrio Bruttioque* (hoc ipsi *Cocintum* est) interceptum, oppida circumdare dicit *Consilinum, Cauloniam, Lucrosque*. Plinius lib. *iii cap. x* *vestigia oppidi Caulonis, Mystia, Consilinum castrum, Cocintum*. Aiunt scriptos Pomponii libros loco *Consilini* habere *Cossentiam* siue *Consentiam*. Quid vero hæc ad sinum maris *Ionii*, a quo longe nimis abest, nec ad alium sinum posita, sed in mediterraneis? nihilominus *Consilinum* Frontinus de *Coloniis*, & Cassiodorus lib. *viii epist. vlt. in Lucania* censent. Fateor hoc fortius ad persuadendum esse, licet quo loco *Campaniæ* ponendum sit, non adpareat. Quid vero de Mela sentiendum & Plinio? nec *Cossentia* membranarum Holstenio adprobatur, qui potius ex *Cocintia* suspicatur ortam esse, quæ oppidum fuerit prope eiusdem nominis promontorium, *Cocintum* etiam ab Antonino, itinere ab Equotutico Rhegium ferente, adpellatum, *xxii* millibus a *Scylacio* in austrum, fere in loco, vbi nunc est oppidum *Stilo*; a quo obiacens promontorium *Cocintum* vulgo *Capo di Stilo* nominatur. Promontorium autem *Cocintum* est illud, quod Plinius *iii cap. x* *longissimum Italiae pro-*

montorium existimari tradit. Id Ouidio Holstenius & If. Vossius restitue-
runt Metam. xv vers. 704

- - - *dextra prærupta Cocintia parte,*
vbi inepte Ceraunia vulgatum fuerat, quæ in diuersam illius itineris, seu
sinistram partem incidunt.

DCXLIX.

Cluuerio *Cocintum, Carcinum, Cæcinum* idem sunt: nobis aliter vide-
 tur, quia secundum Melam *Carcinus* ad superiorem sinum pertinet, secun-
 dum siue Scylaceum: *Cocintum* autem est in tertio. *Secundus*, inquit, *Scy-*
laceus, in quo est Petilia, Carcinus, Scylacium, Mystia. Ordo oppidorum an
 rectus sit, non est nostrum disputare. *Mystia* nobis primum, tamquam in
 limine, quia Plinius inter Caulonem & Consilinum (quod *Cocintum* malu-
 mus) interposuit. Stephani epitome: *Μυσία, πόλις Σαυνιτῶν, Mystia oppi-*
dum Samnitum. Samnites autem intelligit Bruttios, a Samnitibus profe-
 ctos. *Carcinum* oppidum cum Plinii amne *Carcine* componendum, non
 est quod dubitetur. Vbi enim de sinu Scylaceo egit, hoc addidit: *Amnes*
ibi nauigabiles: Carcines, Crotalus, Semirus. An etiam *Cæcinus*, & oppidum
Cæcinum, dicatur, vt in quibusdam libris fertur esse; non habemus dicere,
 valdeque veremur, ne *Cæcini* nomen, si quod est, ex Thucydidis *Καϊκίνο*
 huc detractum in peregrinum locum sit.

DCL.

Scylacium succedit, siue, vt in Melæ libris expressum est, *Scylaceum*;
 Ptolemæi *Σκυλάκιον*. Strabo duplicem nuncupationis formam habet pag.
 180 *ΜΕΤὰ δὲ ταύτην [Καυλωνίαν] Σκυλλήτιον, ἀποικὸς Ἀθηναίων - - - οὗν δὲ*
Σκυλάκιον καλεῖται. Plinius interpretatur lib. iii cap. x *Dein sinus Scyla-*
ceus: & Scylacium, Scylletium Atheniensibus, quum conderent, dictum. Nunc
Squillace, in medio sinu oppidum. Promontorium habet aut scopulum.
 Virgilius lib. iii Aen. vers. 553 *nauifragum Scylaceum.* Ouidius de Aescu-
 lapio Romam aduecto lib. xv Metam. vers. 701

- - - *præterque Lacinia templa*
Nobilitata dea; Scylaceaue litora fertur.

DCLI.

Post *Scylacium* Straboni est *Κροτωνιάτις χώρα, Crotoniensis ager*, in quo
 vero multa occurrunt ante, quam ad Crotonem urbem venitur. Primum
 est oppidum cum portu, quæ *Castra Hannibalis* vocantur. Plinius lib. iii
 cap. x *In ea [peninsula aut isthmo potius] portus, qui vocatur Castra Han-*
nibalis, nunquam angustiore Italia: xx m. passuum latitudo est. In Tabu-
 la Augustanâ signum vrbs adpictum est, vnde oppidum quoque, non so-
 lum portum huius nominis fuisse probatur. Inde flumina in sinum Scy-
 laceum funduntur, hoc ordine a Plinio numerata: *Crotalus, Semirus, Aro-*
cha, Targines. E quibus *Crotalus*, hodie Corace dictus, iudice Holstenio:
Semirus nomen retinet, eodem teste: *Arocha* est Crocha: *Targines*, Taci-
 na, interpretante Harduino. quamquam antiquius nomen *Tacina* vel flu-
 minis vel oppidi, dicto Antonini itinere xxii m. p. distantis a Scylacio
 Thurios

Thurios versus. Tum sequuntur, ut Strabo vocat, τῶν Ιαπύγων ἄκραι τρεῖς, *Tria Iapygum promontoria.* Plura de iis non memorantur.

DCLII.

Pergit Strabo: Μετὰ δὲ ταῦτα τὸ Λακίνιον, ἥρας ἱερὸν, *Post hæc [tria Iapygia] Lacinium, in quo Iunonis templum.* Nobilissimum Lacinium promontorium, & a pluribus memoratum, Mela, Plinio, Ptolemæo, * præter Strabonem. Plinius lib. III cap. XI *A Lacinio promontorio secundus Europæ sinus incipit, magno ambitu flexus, id est, & Tarentinum & Hadriaticum complectens.* Quod enim infra illud promontorium est, ad Ionium mare pertinet. Et Pomponius Mela: *Sinus Tarentinus dicitur inter promontoria Salentinum & Lacinium.* Iunonis Laciniæ templum, quod Strabo refert, πλεσιόν ποτε καὶ πολλῶν ἀναθημάτων, *multis quondam opulentum donariis.* Liuius lib. XXVIII extremo: *In Bruttis propter Iunonis Laciniæ templum æstatem Hannibal egit.* Cicero Diuinat. lib. I cap. XXIV refert, *columnam auream solidam in fano Iunonis Laciniæ* quum Hannibal tollere statuisset, somnio monitum abstinuisse. Liuius autem lib. XLII cap. XXVIII Fulvium Flacum refert, *Iunoni Laciniæ, ob spoliatum templum, foeda morte pœnas dedisse.* Adde Valerium Max. lib. I. cap. I exempl. 20.

DCLIII.

Supra Lacinium nobilis vrbs *Croton*, ** vel *Croto*. Mela turbat ordinem, *Crotonem* recensens inter Heracleam & Thurium: quem diligentius ita Plinius seruat: *A Lacinio promontorio sinus secundus, - - - oppidum Croto, amnis Neæthus, oppidum Thurii.* Strabo pag. 181 Κρότων ἐν ἑκατὸν καὶ ὅ γ' ὁδίου ἀπὸ τῆς Λακινίης, *Croton CL stadiis abest a Lacinio.* Liuius lib. XXIV cap. III situm vrbis, magnitudinem, deminutionem ** sic descripsit: *Croto murum in circuitu patentem XII millia passuum habuit ante Pyrrhi in Italiam aduentum: post vastitatem eo bello factam vix pars dimidia*
Aaa aa 2 *habi-*

* Add. Tzetzes ad Lycophron. v. 1006 & alios locos.

** Ἡ μὲν Κρότων εὐθὺν τῷ Ζεφύρῳ, *Croton prospere agit propter Zephyrum.* Theophrast. de Ventis pag. 411.

** Hoc idem facit Petronius Satyr. cap. 116 pag. 537, 538. *In montem sudantes conscendimus, ex quo haud procul impositum arce sublimi oppidum cernimus. nec quid esset, sciebamur errantes, donec a villico quodam Crotona esse cognouimus, urbem antiquissimam & Italia primam. Quum deinde diligentius exploraremus, qui homines inhabitarent nobile solum, quodue genus negotiationis precipue probarent, post attritas bellis frequentibus opes, o mi, inquit, hospites, si negotiatores estis, mutate propositum aliudque vitæ præsidium querite. Sin autem urbanioris note homines, sustinetis semper mentiri, recta ad lucrum curritis. In hac enim urbe non litterarum studia celebrantur, non eloquentia locum habet, non frugalitas sanctique mores laudibus ad fructum perueniunt &c* Adde Campani libr. I epist. 2 & 4. *Condita fuerat vrbs a Misclo Alemonis filio, per somnium ab Hercule monito, qua de re Ovid. Metamorph. XV, 19 seqq. copiose differit, nos illa modo hic excerptimus:*

*Vixque pererratis, quæ spectant littora, terris,
Inuenit Aesarei fatalia fluminis ora:
Nec procul hinc tumultum, sub quo sacra Crotonis
Ossa tegebat humus. iussaque ibi mœnia terra
Condidit; & nomen tumulati traxit in urbem.
Talia constabat cetera primordia fœnia
Esse loci, positaque Italis in sinibus vrbs.*

habitabatur. - - - Arx Crotonis vna parte imminet mari, altera, vergente in agrum, situ tantum naturali quondam munita, postea & muro cincta, qua per auersas rupes ab Dionysio, Siciliae tyranno, per dolum fuerat capta. Cicero lib. ix Attic. ep. vlt. Crotonem petemus, aut Thurios. Gentile Graeco Latinoque modo exstat. Crotoniata, Cicer. i de Inuent. cap. i; & Crotonienses, Iustin. xx cap. ii & seq. Regio & ager, ἡ Κροτωνιάτις, Thucyd. vii pag. 509.

DCLIV.

Amnis Aesarus olim urbem Crotonem perluebat: post Pyrrhi bellum procul a parte habitata fluebat. Strabo: * ποταμὸς Αἴσαρος καὶ λιμὴν, Aesarus fluius & portus. Liuius dicto lib. xxiv c. iiii de vastata Pyrrhi bello vrbe: flumen, quod medio oppido fluxerat, extra frequentia tectis loca praeterfluebat muros, procul iis, quae inhabitantur. Id flumen autem Aesarus erat. Ad Theocriti illud idyll. iv vers. 17 ἐπ' Αἰσάρειο νομῆναι, scholiastes notauit: Αἴσαρος ποταμὸς διὰ μέσης τῆς πόλεως τῶν Κροτωνιατῶν ῥέων εἰς τὴν θάλασσαν. Montes apud Crotonem, Latymnus & Physcus eodem idyllio memorantur vers. 19 & 23. Vide scholia. Nec longe inde Neæthus amnis est, licet Ouidius Metamorph. xv vers. 51

- - - - Salentinumque Neæthum

dixerit. Laxior enim poetis aliquando geographia est, neque finium circumscriptorum vbique rationem habent. Strabo coniungit cum Aesaro. Aesarus, inquit, fluius & portus, καὶ ἄλλος ποταμὸς Νεαῖθος, & alius fluius Neæthus. Hi corripunt primam: producant alii. Theocritus dicto idyll. iv vers. 24.

καὶ ποτὶ τὸν Νηαῖθον, ὅπα καλὰ πάντα φύονται.

Et Lycophron, Alexandra vers. 921, Ναύαιθος.

DCLV.

Macalla, plurale, τὰ μάκαλλα, oppidum Stephano & Lycophroni memoratum. Ille tantum oppidum Italiae dixit: hic vers. 927 ἐν Μακέλλοις: vide etiam scholia vetusta eius loci. Sed & heic μάκαλλα Holstenius ex mss. legit. Aristoteles libro de Auditis mirabilibus distantiam eius a Crotone, cxx stadiorum prodidit.

DCLVI.

Supra Macalla est Crimisa promontorium. Strabo pag. 175 κρίμισα ἄκρα: etiam oppidum sub promontorio eiusdem nominis. Stephanus: κρίμισα, πόλις Ἰταλίας, πλησίον Κρότωνος καὶ Θούρις, Crimisa, oppidum Italiae, prope Crotonem & Thurium, Lycophron vers. 911

Τὸν δ' Αἰσάρ τε ρεῖθρα, καὶ βραχύπλοισ

Οἰωτρίας γῆς κεγρήνη βεβρωμένον

Κρίμισσα Φιτρὸς δεξέται μίαιφόνον.

De Philoctete intellige, quem ex Troia reuersum Aesarus & ad Crimisam regio excepit, quam ipse, & Macalla, condidisse dicitur. Apollodorus apud Strabonem post initium libri vi tradit, Philoctetem χῶνιν πόλιν ὑπὲρ

Italia.

Κριμίσσης ἀκρας εἰκῆσαι, ἀφ' ἧς οἱ ταύτη Χῶνες ἐκλήθησαν, Chonen oppidum super promontorium Crimisam habitasse, a quo Chones in illa regione adpellati sint. Regionem Lycophron χωνίαν dixit vers. 983. Adde Stephani epitomen in Χῶνη.

DCLVII.

Deinde sunt flumina, *Hylia*, finis agri Crotoniensis: & *Traeis*, τράεις, obliquo τράεντος, nunc Triunti. De illo Thucydides lib. vii p. 509 Athenienses, lustrato exercitu apud Sybarin fluuium, ἦγον διὰ τῆς Θουριάτιδος γῆς, duxerunt per agrum Thuriorum. καὶ ὡς ἐγένοντο ἐπὶ τῷ Ἰλῖα ποταμῷ, quum ad *Hyliam flumen* venissent, Crotonienses miserunt, qui transitum per suos fines negarent; ideoque ἐπικαταβάντες ἠυλίσαντο πρὸς τὴν θάλασσαν καὶ τὴν ἐμβολὴν τῆς Ἰλῖς, descendentes ad mare iuxta ostia *Hylie* castrametati sunt, ubi classis quoque præsto fuit. De *Traente* Diodorus Siculus lib. xii c. xxii: Sybaritæ, qui seditionis periculum euaferant, περὶ τὸν τράεντα ποταμὸν κατῴκησαν, ad fluuium *Traentem* confederunt, & aliquamdiu commorati ibidem, ὑπὸ βρεττίων ἐκβληθέντες ἀνηρέθησαν, a Bruttis eieci deletique sunt.

DCLIX.

Denique in finibus Bruttiorum, quamvis in Thuriorum potestate, fuit *Ruscia* siue *Ruscianum*, seu *Roscianum*, (nunc Rossano) nauale Thuriorum, xii millibus vltra Thurios remotum. Procopius lib. iii Goth. cap. xxviii παρὰ τὴν ἀκλὴν Ρεσχία ἐστὶ τὸ Θουρίων ἐπίνειον, Est in eo litore *Ruscia*, *Thuriorum* nauale. Antoninus, itinere ab Equotutico Rhegium:

Heraclea

ad Vicesimum M. P. XXIII.

Thurios M. P. XX.

Roscianum M. P. XII.

MEDITERRANEA BRVTTIORVM.

DCLIX.

Besidia, ad dextram Crathidis ripam situm oppidum *Bisignano* dicuntur esse. Liuius id nominis habet in Bruttiorum oppidis lib. xxx c. xix Ad Cn. Seruiliū cōs. qui in Bruttis erat, *Consentia*, *Vffugum*, *Vergæ*, *Besidia* defecere. Sed creditur *Bisignano* id oppidum esse: probari certo non videmus.

DCLX.

Caprasia oppidum *Tabulæ*, viii millibus supra Crathin, qui praeue *Crater* in *Tabula* vocatur. Pluraliter Antoninus itinere ab Vrbe via *Appia*, *Caprasis* sexto casu, *Aldina*: *Caprasas* quarto, Schottana editione. Situs sic notatur:

Summurano

Caprasas M. P. XXI.

Consentiam M. P. XXVIII.

DCLXI.

Post Laum nunc oppidum Orso est, quod videtur olim *Vrsæ & Vrsentum* dictum esse: vnde sunt *Vrsentini*, Plin. III cap. XI.

DCLXII.

Ad Acherontem fluuium *Pandosia* oppidum, vt supra in flumine demonstratum. Liuius lib. VIII cap. XXIV *haud procul Pandosia vrbe imminentes Lucanis ac Brutiis finibus tres tumulos, aliquantum inter se distantes, [Alexander rex Epiri] insedit.* Strabo lib. VI *Pandosiam* Φράσιον ἐρουμένον vocat, quod παραρρεῖ ποταμὸς Ἀχέρων, hoc est, munimentum iuxta Acherontem fluuium. Plinius lib. III cap. XI *Et Pandosiam Lucanorum urbem fuisse, Theopompus [auctor est] in qua Alexander Epirotes occubuerit.* Verum in MSS. omnibus & impressis ante Hermolaum est *Mardonias*, quam Lucaniae urbem Theopompus, vt *Thebas Lucanas* Cato, dixit fuisse, quod est interiusse. Conciliare studet Harduinus, quem vide in Emendat. LXIV. Prostant nummi huius urbis inscripti ΠΑΝΔΟΣΙΕΩΝ, quos Harduinus mauult ad Thesprotiae Pandosiam referri, Holstenius autem ad Italicam seu Magnae Graeciae. Hodie in illo dicitur *Mendocino* esse, quod probabilius Holstenio videtur, quam in *Castro Franco* cum aliis quaesuisse.

DCLXIII.

Consentia prope abest a Pandosiae loco, in austrum inde modico intervallo recedens. Straboni μητρόπολις τῶν Βρυττίων, caput Bruttiorum: Ptolemæo etiam in Brutiis Κονσεντία: & hodieque *Cosenza*. Liuius lib. VIII cap. XXIV in Lucanis censuit. *Quum Heracleam, inquit, Tarentinorum coloniam, Consentiam ex Lucanis, - - cepisset, puta, Epirensis Alexander.* Sed quum supra Lucaniae fines cum Plinio & Strabone constituimus, non negauimus esse, qui vltra illos, praesertim in mediterraneis, Lucanorum limitem proferrent. Habet etiam alibi illius mentionem. Lib. XXIII cap. XXX *Recepta Petelia Pænus ad Consentiam copias traducit.* Petelia vero, vt ibidem dicitur, in Brutiis erat. Et lib. XXIX extremo: *Eadem æstate in Brutiis Clampetia a consule vi capta: Consentia & Pandosia, & ignobiles aliae ciuitates, voluntate in ditionem venerunt.* Gentile nomen, *Consentini*. Cicero de Finib. I cap. III *Persius Tarentinis ait se, & Consentinis, & Siculis scribere.* Et Liuius lib. XXVIII cap. XI in *Consentinum agrum* COSS. exercitum duxerunt.

DCLXIV.

In ortum hinc est *mons Clibanus*, de quo Plinius lib. III cap. X *Oppidum intus Petilia, mons Clibanus, promontorium Lacinium.* Etsi enim promontorium non intus est: tamen ab interiore monte, tamquam pars, procurrit in mare. Ipsa vrbs *Petilia*, siue *Petelia*, etiam Philoctetæ Troiani credebatur opus esse. Virgilius Aen. III vers. 402

Parua Philoctetæ subnixâ Petilia muro.

Non autem parua mansit, sed metropolis facta, saltem in praecipuis Bruttiarum postea numerata. Strabo post initium libri VI Πετηλία μητρόπολις νομίζεται τῶν Λευκανῶν, καὶ συνοικεῖται μέχρι νῦν ἱκανῶς. *Petelia Lucanorum*

vrbs.

vrbs primaria censetur, & hodieque est satis frequens. Suspecta vox Λευκανίων, *Lucanorum*, & ipsi Straboni in constitutis finibus Lucaniæ aduersa. *Bruttiorum* vel scripsit, vel voluit scribere. Liuius lib. xxiii cap. xxx *Petelia* in *Bruttiis* aliquot post mensibus expugnata. Natura & arte munita fuit, ἐρμυνη, Strabone auctore: & vicina Crotoni, quod ex Tabula itineraria adparet, in qua etiam *Petelia*, secunda vocali scriptum est, & Ptolemæus Πετηλία in Magna Græcia, quæ cum Crotone, maiori ex parte Bruttiorum fuit, vt Ptolemæus eam definiuit. Ex quibus, hoc est, ex situ naturaque loci, & ex vetere illa Tabula probat Holstenius pag. 307, *Petiliam* fuisse quæ hodie est *Strongoli*, vbi multæ inscriptiones exstant, & quod Sponius addit Miscell. E. A. pag. 196, tubi plumbei detecti, quibus inscriptum PETILIA. Et eodem loco inscriptio vetus (Gruter. pag. 215 num. 2) REIP. PETILINORVM. Fide singulari in Romanos fuit, vt Saguntus, Hannibalis bello. Silius lib. xii vers. 431

*Fumabat versis incensa Petilia testis,
Infelix fidei, miseræque secunda Sagunto.*

Municipium fuisse, inscriptiones Strongolenses testantur, in quibus hodieque MVNICIPII nomen legitur. Gentile *Petelini*, non semel apud Liuium lib. xxiii cap. xx. Et nummus Thesauri Brandenburg. ΠΕΤΗΛΙΝΩΝ.

DCLXV.

Siberena, Σιβερηνή epitomes Stephani, quam antiquum sit, probari facile non potest. Nominis consonantia suadet, vt *S. Seuerinæ* oppidum, inter Clibanum montem amnemque Neathum, credatur esse: quod iam tum Porphyrogennetæ temporibus ita adpellatum fuit, vti ex lib. ii them. x adparet, vbi πολισμάτιον τῆς ἀγίας Σευηρίνης καὶ ὁ Κρότων iunctim legitur, hoc est, *oppidulum S. Seuerinæ & Croton*. Cluverius *Siberinæ* nomen etiam Liuiio restitutum it, lib. xxvi cap. xxxix dicenti, vt vulgatum est; *Velis tum forte Romanus veniebat; sed circa Crotonem Sibarimque suppleuerat remigio naues*. Legi postulat, *circa Crotonem Siberinamque*: sed æquis, an inuitis criticorum filiis id fiat, non habeo pro certo quod vel negem vel adfirmem.

DCLXVI.

Inde in occasum, & Tyrrhenum mare versus, *Numistro* erat, antiquum oppidum. Liuius lib. xxvii cap. ii *Consul ex Samnio in Lucanos transgressus, ad Numistronem in conspectu Hannibalis posuit castra*. In Lucanos, inquit, quia hic auctor sæpe superiorem Bruttiorum partem Lucanis tribuit. Plutarchus Marcello p. 312 fatetur nominatim, se *Liuium* sequi: ταῦτα μὲν ὁ Λεῖός Φησιν. Ergo nouum nihil est, quum Marcellum εἰς Λευκανίαν, in *Lucaniam* Hannibalem persequutum, καὶ περὶ πόλιν Νομιστρῶνα καθήμενον, ad *Numistronem* castra habentem, adgressum esse scripsit. Ptolemæus autem *Numistronem* (Νομιστρῶν in recto) in Bruttiis mediterraneis scripsit. Plinius lib. iii cap. xi *Lucanos* populos recensens (quibus vero peregrinos immiscet) tandem dicit, *quibus Numestriani iunguntur*. nam & *Numestro* secunda vocali dixisse, ex hoc loco, si se recte habet, probari potest. Quod

Quod si vero *iunguntur* Lucanis Numestrani, non in ipsis Lucanis finibus sunt siti, sed ipsis tantum aliunde contribuuntur. Meminit etiam Frontinus lib. ii Strateg. cap. i i n. 6, sed sine gentis aut regionis nomine. *Hannibal*, inquit, *apud Numistronem contra Marcellum pugnaturus*. Baudrandus interpretatur *Clocento*, xv millibus a Consentia in meridiem: viii a mari Tyrrheno.

DCLXVII.

Longius hinc in meridiem, e regione Locrorum ferme, *Mamertum* vel *Mamertium* fuit. Strabo lib. vi pag. 180 τὴν δὲ ὑπὲρ τῶν πόλεων τετραγωνοειδῆ, Βρέττιοι κατέχουσι, καὶ πόλις ἐνταῦθα Μαιμέρτιον, καὶ ὁ δρυμὸς ὁ Φέρων τὴν ἀρίστην πίπλαν, ἢ Βρέττιον Σίλαν καλεῖται. *Super has urbes (Rhegium & Locros) mediterranea Bruttii tenent, & oppidum ibi Mamertium, & silua optimam picem ferens, quam Bruttiam Silam adpellant.* Vergit in austrum silua Rhegium versus, estque pars Apennini. Plinius lib. iii cap. v sub finem: *Cenys - - Rhegium - - Inde Apennini silua Sila, promontorium Leucopetra: ab ea Locri.* Vibius Sequester in Nemoribus: *Syla Bruttiorum.* scribe *Sila*, vt Strabo & Plinius. *Inde pix Bruttia laudata.* Plinius lib. xvi cap. xi *Sequens liquor, crassior iam, picem fundit. Ille rursus in cortinas areas coniecta, aceto spissatur: & coagulata Bruttiae cognomen accepit, doliis duntaxat, vasisque ceteris utilis, lentore ab alia pice differens.*

DCLXII.

Antonini itinere ab Equotutico inter Scylacium & Rhegium ponuntur obscura & ignota oppida, in quibus *Altanum* & *Hipporum* sunt: & tandem xx millibus a Rhegio *Decastadium*, quod incidit in locum, qui iam vocatur Castidio: Aequae ignoti situs sunt, quæ Liuius lib. xx cap. xix enumerat, *Vffugum, Vergæ, Sipheum, Argentanum, Hetriculum*, in Bruttiis sita, ipso docente, quæ nihilominus ex coniectura Holstenius conatur interpretari, cui videlicet *Vffugum* Fognano est: *Vergæ*, Rogiano: *Sipheum*, Montalto: *Argentanum*, Argentina prope Montalto: *Hetriculum*, Lattarico: quibus vero inniti non possumus, licet multum iudicio tanti viri tribuamus.

DCLXIX.

De *Græcia Magna* supra in Italiae diuisione diximus. Nec tantum in Bruttiis erat illa, & in Calabria, sed in Campaniam vsque patebat: & Cicero pro Archia cap. v nobiliores Italiae ciuitates Græcanicas enumerans, *Rheginos, Locrenses, Neapolitanos, Heracleenses, & Tarentinos* nominat. Ptolemæus arctiores fines constituit, ac tantum illud latus Italiae, quod ad Tarentinum sinum est & ad mare Ionium, *Græciam Magnam*, μεγάλην Ἑλλάδα, vocat, a Tarento vsque Locros; diremto ab illa Bruttiorum altero latere, in quo Rhegium, & Vibo sunt, quem tractum proprie Bruttios adpellat. Ex mediterraneis Magnæ Græciæ duo oppida adsignat, *Peteliam* & *Abysrum*.





SECTIO V.

REGIONES ITALIAE.

DCLXX.

Dictum supra sub initium huius Capituli est de diuisione Italiae in Galliam Cisalpinam, Italiam propriam, & Magnam Græciam. Vltima pars adpellationem suam citius amisit, nomine retracto in angustias sinus Tarentini & Ionii, vt Ptolemæus modo docuit; aut ne in his quidem constanter seruato. Superior pars, quæ Gallicanos colonos habebat, *Gallie* nomen vsque ad Augusti Cæsaris imperium conseruauit, qui demum, peregrinis nominibus abrogatis, *Italiae* commune nomen inde ab Illyrico, Histriae contermino, & ab Alpibus in circuitu, vsque ad Iapygum & Bruttiorum promontoria induxit vel restituit, & nouam vniuersæ Italiae diuisionem in *undecim Regiones* inuenit. Plinius lib. III cap. v *Qua in re præfari necessarium est, auctorem nos diuum Augustum sequuturos, descriptionemque ab eo factam Italiae totius in regiones XI.*

DCLXXI.

PRIMA REGIO ex Plinii delineatione, (neque enim alius descriptionem Augusti prodidit,) a Tiberi vsque ad Silarum amnem pertinuit. Postquam enim Campaniam enarrauerat a Sauone fluuio vsque Mineruæ promontorium, *Regio*, inquit, *ea a Tiberi prima Italiae seruatur ex descriptione Augusti.* Et recensitis interioribus tam Latii vtriusque quam Campaniæ, addit: *In prima regione præterea fuere: in Latio clara oppida*, quæ more suo, alphabeti ordine recenset, pleraque antiquata tum nomina, olim autem sub regibus, aut antea etiam, non obscura. nempe Romam *Saturniam* nominat: Ianiculum, *Antipolin*, quæ repetere nihil attinet. Satis est ex hisce intellexisse, vtrumque Latium & Campaniam fuisse *regionem primam*. Campaniæ autem finis Silarus amnis est, a quo tertiam regionem incipit.

DCLXXII.

SECUNDA REGIO lib. III Plinii cap. XI designatur ita: *Connectitur secunda regio, amplexa Hirpinos, Calabriam, Apuliam, Salentinos.* Et interiectis non nullis: *Cetero intus in secunda regione Hirpinorum colonia vna Beneuentum.* Deinde magno numero populos huius regionis recenset, e quibus notiores tantummodo, missis obscurioribus aut deletis, referemus: *Aquilonienses, Abellinates vtrosque, Compsanos, Caudinos, Aeculanos, Aecanos, Cannenses, Genusinos, Herdonienses, Larinates cognomine Frentanos, Nettinos, Venusinos; & ex mediterraneis Salentinorum Aletinos.*

DCLXXIII.

TERTIA REGIO. De hac Plinius lib. III cap. v *A Silaro regio tertia, & ager Lucanus Bruttiusque incipit.* Urbium quas enarrat, potiores sunt *Pestum, Velia, Buxentum, Clampetia, Temsa, Terina, Vibo, Rhegium, Locri.* Cetera non enumerat *regionis* nomine, sed *Magne Græciæ* cap. x, per finem

num Ionium & Tarentinum: at cap. xi terminum definit manifeste. *Oppidum, inquit, Metapontum, quo tertia Italiae regio finitur.*

DCLXXIV.

QUARTA REGIO. Plinius lib. iii cap. xii *Sequitur regio quarta gentium vel fortissimarum Italiae. In ora Frentanorum, a Tiferno, Histonium, Ortonia, Aternus amnis. Intus, Anxani cognomine Frentani: - - - Marrucinorum, Teatini: Pelignorum, Corfinienses, Superequani, Sulmonenses: Marsorum, Anxantini, Atinates, Fucientes, Lucenses, Maruuii: Albensium, Alba & Fucinum lacum: Aequiculano- rum, Cliternini, Carscolani: Vestino- rum, Pinnenses: - - - Samnitium, Bouianum, Aufidenates, Aesernini - - - Treuentinates: Sabinorum, Amiterni, Curenses, Forum Nouum, Fidenates, Interamnates, Nursini, Nomentani, Reatini, Tiburini, Tiburtes.*

DCLXXV.

QUINTA REGIO lib. iii cap. xiii ab eodem Plinio ita est descripta: *Quinta regio Piceni est, quondam vberissima multitudinis. Tenuere ab Aterno amne, ubi nunc ager Hadrianus, & Hadria colonia: flumen Vomanum: ager Præutianus, - - - Truentum, - - - Cupra oppidum, Castellum Firmorum: colonia Asculum, intus. Potentia, Numana, Ancona. Intus Auximates, Ricinenses, Tollerintates.*

DCLXXVI.

SEXTA REGIO, quæ Umbriæ est, sequitur cap. xiv. *Iungitur, inquit, his sexta regio, Umbriam complexa, agrumque Gallicum circa Ariminum. In ora flumen Aesis, Senogallia, Metaurus fluius; coloniae, Fanum Fortunæ, Pisaurum cum amne: & intus Hispellum, Tuder. Cetera populorum nominibus significat, in quibus nobiliores sunt Amerini, Aesinates, Camertes, Carsulani, Fulginates, Forosflaminenses, Forosempronenses, Iguuini, Interamnates cognomine Nartes; Meuanates, Narnienses, Nucerini, Oriculani, Sarsinates, Spoletini, Suasani, Tuficani, Tifernates Tiberini, & alii Metauren- ses: Vrbinate cognomine Metauren- ses, & alii Hortenses.*

DCLXXVII.

SEPTIMA REGIO Etrusca. Plinius lib. iii cap. v *Adnectitur septima [regio] in qua Etruria est, ab amne Macra. Oppida huius regionis nobiliora, prætermis- sis ceteris, Luca, Pise, Volaterra, Cossa, Cære, Sena, Sutrium, Arretium, Clusum, Florentia, Fesula, Hortanum, Nepes, Pistorium, Perusia.*

DCLXXVIII.

OCTAVA REGIO traditur eodem libro, cap. xv, ab Arimino ad Padum & Apenninum, ita: *Octava regio determinatur Arimino, Pado, Apennino. Oppida & flumina excerpta: Ariminum, fluius Rubico, & Sapis: Ravenna, Bononia, Mutina, Parma, Placentia: Cæsena, Claterna; Forum Clodii, Liuii, Popilii, Cornelii: Fauentia, Fidentia, Regium Lepidi.*

DCLXXIX.

NONA REGIO itidem lib. iii cap. v descripta Plinio est. *Postquam enim Liguriæ oppida enarrauerat, Albium Intemelium & Ingaunum, Vada Sabatia,*

Sabatia, Genuam, Segestam: & a tergo Dertonam, Pollentiam, Augustam Vagienorum, Albam Pompeiam, Astam, Aquas Statyellorum; subdit Plinius: Hæc regio ex descriptione Augusti nona est.

DCLXXX.

DECIMA REGIO Transpadana maritima est, & quæ huic vicina in mediterraneis. Plinius lib. III cap. XVIII *Sequitur decima regio Italiae, Hadriatico mari adposita, cuius Venetia, fluvius Silis ex montibus Tarvisanis, oppidum Altinum, & interiectis pluribus fluminibus, Aquileia, Carnorum regio, amnis Timaeus, colonia Tergeste, Formio amnis, antiquus auctæ Italiae terminus. Et ex cap. XIX Histria peninsula - - - & nunc finis Italiae fluvius Arsia. In mediterraneo regionis decimæ, coloniæ, Cremona, Brixia, Ateste: oppida Patauium, Opitergium, Belunum, Vicetia, Mantua - - - Verona, Iulienes Carnorum, Foroiulienses, - - - Noreia. Et lacus, Larius, Verbanus, Benacus, Eupilis.*

DCLXXXI.

VNDECIMA REGIO, Transpadana est Subalpina. Plinius lib. III cap. XVII *Transpadana adpellatur ab eo [Pado] regio undecima, tota in mediterraneo. Oppida Vibi Forum, Segusio: coloniæ ab Alpium radicibus, Augusta Taurinorum, dein Salassorum Augusta Prætoria, - - - Oppidum Eporedia, - - Vercellæ, Noværia, Ticinum, Laus Pompeia, Mediolanum, Comum, Bergomum.*

DCLXXXII.

Sic operosius Augustus Italiam diuisit quam vtilius, quia posteri non secundum has regiones descriptas nominarunt eius partes, sed priscis nominibus regionum & populorum contenti, nullam descriptionis Augustæ rationem habuere: nisi quod Gallorum nomen, Augusto auctore, in Circumpadana expunxerunt, Italiae ubique restituto.

V I A E S T R A T A E P E R I T A L I A M.

DCLXXXIII.

In admirandis Italiae etiam *Vie stratae* erant, commoditati itinerum per varias productæ regiones. Vetus institutum, inde a Samnitico bello, quo Appius Claudius *Appiam* strauit, per tot sæcula ornandæ iuuandæque Italiae continuatum. Quod enim Liuius lib. XLI cap. XXVII scribit, censores Fulvium Flaccum & Postumium Albinum, quorum annus fuit 10 LXXIX, *vias glarea extra urbem substernendas marginandasque primos omnium locauisse*, id vel de glarea inducta, vel de marginatione intelligendum est, quia ipse Liuius longo ante tempore viam Appiam Flaminiamque munitam fuisse ostenderat. *Appia* ergo vt antiquissima erat, ita fuit nobilissima tum præstantia operis & longitudine, tum frequentia illorum, qui iter in illa faciebant, quoties in vltiorem Italiam, & Græciam Asiamque Romanis eundum erat, aut inde redeundum.

DCLXXXIV.

APPIA ergo VIA prima nobis explicanda est. Auctor eius Appius Claudius, Cæcus postea cognominatus, tum censor. Liuius lib. ix cap. xxix *Et censura clara eo anno Appii Claudii & C. Plautii fuit: memoriae tamen felicioris ad posteros nomen Appii, quod viam muniuit, & aquam in urbem duxit: eaque vnus perfecit.* Annus autem erat vrbis cccc xli. Et Eutropius lib. ii cap. iv *Eo tempore Appius Claudius censor aquam Claudiam in-* duxit, & viam Appiam strauit. Longitudo erat ἀπὸ Ρώμης μέχρι Καπύης, ab Roma Capuam, quod Diodorus Siculus lib. xx cap. xxxvi refert. Et Procopius lib. i Bell. Goth. cap. xiv ἐκ Ρώμης εἰς Καπὺν δὶήκει, ab Roma Capuam pertinet. Et Frontinus principio de Aquæductibus: *Ap. Claudius censor viam Appiam a porta Capena vsque ad urbem Capuam muniendam curauit.* Falsus ergo auctor libelli de Viris illustr. in hoc Appio dicens: *Viam vsque Brundisium lapide strauit.* Neque enim Appii temporibus eo vsque Romanis Italia patebat: neque tantum opus vnus hominis est aut ætatis vnus. Nihilominus ad Brundisium producta fuit, sed a quo & quando continuatio facta, incertum. Strabo lib. v p. 161 *Ἐνταῦτα συνάπτεται τῇ θαλάττῃ πρῶτον ἡ Αππία ὁδός, ἐςρωμένη μὲν ἀπὸ τῆς Ρώμης μέχρι Βρεντησίας, πλεῖστον δ' ὁδευομένη, Ἡεῖ [ad Tarracinam] primum ad mare via Appia accedit, ab Roma vsque Brundisium strata, quæ plurimum frequentatur.* Sic Tacitus ii annal. cap. xxx in vanis Libonis Drusi consultationibus refert, *viam Appiam Brundisium vsque pecunia operire.* Strata autem fuit λίθοις σερραῖς, durissimo lapide, vt Diodorus ait; quem φύσει σκληρόν Procopius dixit, neque hoc obuio & ad manum vbique, sed, quod idem addit, ἐκ χώρας ἄλλης μακρὰν ἔσης, ex longinqua regione aduecto, grandiore & ad normam cæso, quod magnitudinem operis & admirationem auget, in tanta præsertim latitudine, vt ἀμαξαὶ ἐναντία ἀλλήλαις, aduersa plaustra inter se libere commeari possent. Vt adeo vere Papinius Statius lib. ii silv. ii vers. 12 dixerit,

Appia longarum teritur regina viarum.

Ductum huius viæ Horatius lib. i satyr. v, & diuersis locis Strabo; & Antoninus itinerario prodidit.

DCLXXXV.

Præcipuæ vrbes & mansiones inter Romam & Brundisium in Appia erant Aricia, Forum Appii, Tarracina, Fundi, Minturnæ, Sinuessæ, Capua: inde Caudium, Beneuentum, Equotuticum, Herdonia, Canusium, Barium, Egnatia, Brundisium. Iuxta Appiam, inter Forum Appii & Tarracinam, fossa fuit per palustria, lembo a mula tracto nauigabilis, quam Strabo lib. v pag. 161, & Horatius lib. i Satyr. v descripserunt.

DCLXXXVI.

VIA FLAMINIA fuit a Roma per Ocriculos vsque Ariminum. Liuius epitoma xx C. Flaminius censor viam Flaminiam muniuit. Censor autem fuit cum L. Aemilio Pappo, anno ante bellum Punicum ii, qui annus vrbis dxxxiii. Strabo autem lib. v pag. 150 non censori, sed consuli Flaminio tribuit, posteriori quam censor, ex longo interuallo: συνπάτευσαν

σαν ἀλλήλοις Μάρκος Λέπιδος καὶ Γάϊος Φλαμίνιος· καθελόντες δὲ Λίγυας, ὁ μὲν τὴν Φλαμινίαν ἔσρωσεν ἐκ Ρώμης διὰ Τυρρηνίων καὶ τῆς Ουμβρικῆς μέχρι τῶν περὶ Αρίμινον τόπων· ὁ δὲ τὴν ἐξῆς μέχρι Βονωνίας, καὶ καὶθεν εἰς Ακυλείαν, *Collegæ in consulatu fuerunt M. Lepidus & C. Flaminius: Liguribus autem deuictis, hic viam Flaminiam strauit ab Roma per Etruriam & Vmbriam usque ad Ariminum: ille deinceps ad Bononiam usque, & inde usque ad Aquileiam.* At hi consules fuerunt anno DLXVI, de quibus Liuius lib. xxxviii cap. xlii *Comitia consulum rogandis fuerunt ante diem xii calend. Martias. Creati M. Aemilius Lepidus, C. Flaminius.* Valde vereor, ne censores prope cognomines cum his Strabo consulibus confuderit. Clare enim Liuius censorem Flaminium auctorem viæ Flaminiae dixit. Continuatio autem illa Aemilii per Bononiam usque Aquileiam, etiam interdum *Flaminiae* nomine exprimitur. Lipsius de Magn. Rom. iii cap. x *Quid? Flaminia via an breuior [quam Appia?] quæ Roma Ariminum usque, & inde porro Aquileiam ducebat.* Sed de illa parte pluribus in Aemilia. Propria Flaminia Arimino finiebatur. Suetonius Aug. cap. xxx *Quo facilius vndique vrbs adiretur, desunta sibi Flaminia via Arimino tenus munienda, reliquas triumphalibus viris, ex manubiali pecunia sternendas, distribuit.* Non nouus aut primus muniuit, sed reparauit, vbi perierant, priores munitiones. Dio Cassius lib. liii pag. 511 ὁδὸς τὰς ἐξω τῶν τεύχευς δυσπορεύτους ὑπ' ἀμελείας ὄρων ἔσας, - - - τῆς δὲ Φλαμινίας αὐτὸς, ἐπειδὴ περ ἐκστρατεύσειν δι' αὐτῆς ἐμελλεν, ἐπεμελήθη, *Videns vias extra urbem difficiles itineribus fieri; - - - ipse Flaminiae curam reparande suscepit, quia per viam illam exercitum ducturus erat.* Per montes ad Metaurum fluuium faciliorem transitum, intercisis saxis, fecit, quem Tabula *Ad intercisa*, intellige, saxa; Hierosolymitani itineris auctor simpliciter *Intercisa*: Victoris epitome & Procopius iv Goth. cap. xxviii *Petram Pertusam* vocant. Locum enim illum in Flaminia esse, vterque Victor significauerunt. Vide supra in Vmbria trans Apenninum.

DCLXXXVII.

Oppida in Flaminia via secundum Strabonem lib. v pag. 157, & itineraria Antonini & Hierosolymitanum, nec non vestigia Holstenio pag. 100 reperta sunt ab Roma *Ocriculi, Narnia Carsulae, Mevania, Fulginium, Forum Flaminii, [Nuceria] Heluillum, Calle, Intercisa* siue *Petra Pertusa*; *Forum Sempronii, Fanum Fortunæ, Pisaurum, Ariminum.* Itineraria per diuerticula ducunt ad Interamnam & Spoletium. At Strabo diserte, ἐν δεξιᾷ τῆς ὁδῶς, *in dextra huius viæ Spoletium relinqui profecturo Roma Ariminum.* Et Tacitus Hist. iii cap. lxv *vitata Flaminiae viæ celebritate, diuertere Interamnam iussit.* Etiam Nuceria extra viam erat, quem nec Antoninus attigit. Strabo tamen Νεκερίαν διὰ τῆς ὁδῶς πληθυνομένην μάλλον, ἢ διὰ πολιτικὸν σύστημα, *commoditatis causa frequentatam* scripsit: Ob eandem rationem itinera per Fanestrem coloniam & Pisaurum hanc viam ducunt.

DCLXXXIIX.

VIA AEMILIA non vna est: alia ab Aemilio Scauro fuit munita, quam Strabo p. 150 ita descripsit: ἔτος ὁ Σκαῦρός ἐστίν, ὁ καὶ τὴν Αἰμιλίαν ὁδὸν ἐρώσας,

τὴν διὰ Πιστῶν καὶ Λένης μέχρι Σαββάτων· πάντεῦθεν διὰ Δέρθωνος, *Ilic ille Scaurus est, qui Aemiliam viam strauit, quæ per Pisas, Lunam, usque Sabata fert: indeque Dertonam perducta est.* Auctor libri de Viris illust. cap. LXXII in Scauro: *Censor viam Aemiliam strauit.*

DCLXXXIX.

Altera nobilior est, quæ prouinciā circumiacentem posteriori æuo denominauit, opus Aemilii Lepidi, consulis cum C. Flaminio. Sed hanc aliter Strabo, aliter Liuius delineauit. Ille Lepidum ab Arimino, vbi desinebat Flaminia, viam ad Bononiam vsque; indeque prorsus Aquileiam scribit protulisse: Liuius lib. xxxix cap. ii *Aemilius, pacatis Liguribus, viam ab Placentia, vt Flaminiae committeret, Ariminum perduxit.* Ab Arimino Bononiam fuisse deductam, Plinius quoque testis est, quum lib. xi cap. i *Fauentiam*, quæ fere media inter Ariminum & Bononiam est, dicit *in Aemilia via* esse: & lib. ii cap. LXXXIII portentum agri Mutinensis, concurrentes montes, & inter hos erumpentem ignem, *in via Aemilia* interdium visum esse. Et *Forum Cornelii* in illa via fuit, quod Martialis, epigrammate IV libri III ad librum suum, docet:

Romam vade, liber. Si, veneris vnde, requirer,
Aemiliae dices de regione via.

Si, quibus in terris, qua simus in vrbe rogabit,
Corneli referas me, licet, esse foro.

DCXC.

VIA AVRELIA per maritima Etruriæ ducebat Pisas versus, vel ad illas. Peutingeriana Tabula eius tractum ostendit, ab vrbe per *Lorium, Alsum, Pyrgos, Castrum nouum, & Centum cellas*: quod etiam Antoninus, itinere per hanc viam in Galliam suscepto, confirmat. Num vltius processerit, propter *Aurelii Forum*, quod vltra Martham flumen est, & eiusdem haud dubie auctoris, non licet dubitare. At *Grauiscae* inter Forum illud & Centum cellas sitæ, videntur extra viam fuisse. Sic enim Celsus lege xxx Dig. de legat. & fideic. ii *Quidam in testamento ita scripsit: Reipublicæ Grauiscanorum lego in tutelam viæ reficiendæ, quæ est in colonia eorum, usque ad viam Aureliam.* Sed eadem Tabulæ via, quamquam abrupta Centumcellis, fert a Minione per Grauiscas Forum Aurelii, vt diuerticulum agri Grauiscani, quod incidat in Aureliam, intelligendum sit. Cicero de Catilina, oratione ii cap. iv, *Demonstrabo iter: Aurelia via profectus est.* Idem Philipp. xii cap. ix *Tres viæ sunt ad Mutinam: a supero mari, Flaminia: ab infero, Aurelia: media, Cassia.* De ætate non plane constat: plurimi tamen ad Aurelium Cottam, consularem virum, qui censor anno dxii fuit, vt in tabulis Capitolinis est, referunt. Duplex autem fuit, vetus & noua. Inscriptio Tiburtina, Grut. p. 457 n. 7,

CVRATORI. VIAR. AVRELIAE. VETERIS. ET
NOVAE. CORNELIAE. ET TRIUMPHALIS.

Quæ illa noua fuerit, incertum est silente historia. Raph. Frabrettus vt veterem a Sublicio ponte per Ianiculum, qui tunc solus transitus patuerit, in oram

oram maris ducit: ita paullo supra, seu septentrionem versus, *nouam* ponit, vt tamen in *veterem* ab interuallo incidat; putatque ab Aurelio Antonino imperatore nomen habere.

DCXCI.

VIA CASSIA, quam Cicero modo, vt mediam inter Flaminiam Aureliamque, memorabat, per mediam Etruriam ferebat. Vestigia eius vir diligentissimus L. Holstenius pag. 65, 69 monstrauit, quæ a Baccanis Sutrium, inde Vetrallam, deinde ad Aquas Passeris tendunt: & ultra hæc per Vulsinios ad Clusium.

Illustrat hanc viam inscriptio vetus Hadriani apud Gruterum p. 156 num. 2

VIAM CASSIAM
VETVSTATE COLLABSAM
A CLVSINOR. FINIBVS
FLORENTIAM PERDVXIT
MILLIA PASSVVM
XXCI.

Festus ait, *a Cassio stratam*; a quonam, & quando, non addit. Num a Cassio Longino, qui cum Valerio Messala anno DC aut superiore censor fuit? de quibus præter Fastos Capitolinos, etiam Plinius lib. XVII cap. XXV consulatur.

DCXCII.

VIA CLODIA siue CLAVDIA itidem in Etruria est, ex Cassia deducta, & per *Arretium*, *Florentiam* ac *Pistorium* ferebat *Lucam*, vt Antoninus tradit: quæ vero cis Clusium ibidem narrantur, sunt ipsa oppida Cassiæ, iam demonstrata. Ex illa enim deducta est, non Cassia ex Claudia.

Ad australe latus Sabatini lacus via Clodia ducebat, & supra Braccianum ingentes eius reliquæ visuntur. Vide Holsten. ad Cluv. pag. 44, 45. Prope Flaminiam fuit, in quam videtur tandem incidisse. Ouidius Pont. lib. I epist. VIII

*Nec quos piniferis positos in collibus hortos
Spectat Flaminiæ Clodia iuncta viæ.*

DCXCIII.

VIA POSTVMIA semel memorata Tacito in prælio Bedriacensi, lib. III Hist. cap. XXI. *Sistere, inquit, tertiam legionem in ipso viæ Postumie agere* [dux Antonius] *iubet, cui iuncta a læuo septima Galbiana, patenti campo stetit.* Et ante cap. XVII *Iussit locus, arctiore illic via, & fracto interfluentis riuu ponte, qui incerto alueo, & præcipitibus ripis fugam impediēbat.* Ex his, & quæ interiecta sunt, intelligitur, viam Postumiam a Cremona Mantuam Veronamque, & forte in vteriora, perduxisse. Vbi initium eius fuerit, non liquet. Aut enim in Cispadana & in ipsa Liguria nata; aut ibi alia fuit *via Postumia*. Nam in tabula ænea de finibus Genuensium & Veituriarum (Gruter. p. 204) legitur: *IBI TERMINI DVO STANT CIRCVM VIAM POSTVMIAM*, adde reliqua. Sed quia de agro ibi Genuensi eiusque

que finibus agitur, forte diuersa a Transpadana illa *Postumia* fuit, vt duæ sunt Aemiliæ, de quibus supra dictum est.

DCXCIV.

Sunt præterea aliæ viæ in Etruria, aut circa Flaminiam, solis inscriptionibus, & indiculo Victoris de Urbis regionibus, proditæ, ANNIA, AVGVSTA, CORNELIA, CIMINIA, quæ difficiliter explicantur. Gruterus pag. 399 num. 6 CVRATORI. VIAE. CLODIAE. ANNIAE. CASSIAE. CIMINIAE. E quibus *Ciminia* perspectior est, ex Cassia ad Sutrium in oppidum & montem *Ciminum* ferens, & ad Aquas Passeris rursus recidens in Cassiam, vt sollertissimus Holstenius ex vestigiis pag. 67 demonstravit. *Anniam* autem Onuphrius vel Flaminiae conjunctam, vel ab ea incepisse ex marmore in Faliscis exstante comprobari putat, cuius hæc inscriptio ex Augusti sæculo est:

VIAM AVGVSTAM AB VIA
ANNIA EXTRA PORTAM AD
CERERIS SILICE STERNENDAM
CVRARVNT PECVNIA SVA.

DCXCV.

Augustam autem viam non procul a Flaminia in Faliscis fuisse, & in *Anniam* incidisse, simul ex hac inscriptione Onuphrius ostendit. Plus de *Augusta* Italiae compertum non habemus,

DCXCVI.

Corneliam inscriptio, paullo ante producta in *Aurelia*, commendat. Qui enim *Aureliae* vtriusque curam habebat, dicitur etiam curator fuisse VIAR. CORNELIAE ET TRIUMPHALIS. Quod ergo heic & alia inscriptione Romana, qua C. Sallius curator dicitur VIARVM AVRELIAE. CORNELIAE. TRIUMPHALIS; *Cornelia* cum *Aurelia* & triumphali coniungitur; coniicit inde Onuphrius, mediam inter *Aureliam* & *Triumphalem* fuisse viam *Corneliam*, de cuius auctore nihil certi cognitum est. *Triumphalem* autem initium extra urbem a ponte Tiberino, cuius rudera quædam non minus, quam Portæ triumphalis, in ripa, superesse dicuntur, habuisse, siue inter *Flaminiam* & *Aureliam* nouam; Barthol. Marlianus Topograph. Rom. lib. I cap. VIII extr. & Fabrettus in Tabula, auctores sunt. Longe in exteriora id nominis patuisse, probabile non est, quia pompæ via illa destinata fuit, quæ intra Tiberim & Capitolium fere omnis ostentabatur. S. Hieronymus de Scriptor. eccles. in Petro apostolo: *Sepultus Romæ in Vaticano, iuxta viam Triumphalem.* Alexander ergo Donatus de Vrbe Roma lib. I cap. XXI viam *Triumphalem* per vtrumque campum, *Flaminium* & *Martium*, tendisse in *Vaticanum* existimat.

DCXCVII.

Egregius lapis exstat Auximi, descriptus a Grut. p. 446 num. 4, quo plures adhuc expositæ viæ memorantur, & cum iis etiam *AMERINA*, quæ ex *Flaminia*, vt Onuphrius putat, *Ameriam* diuertit. Verba inscriptionis hæc sunt ex æuo Hadriani:

CVR. VIAR

CLODIAE. ANNIAE. CASSIAE

CIMINAE. TRIVM. TRAIANARVM

ET. AMERINAE.

DCXCIIIX.

Vbi autem hæc *Traianæ* fuerint & in qua regione, nemo facile explicauerit. Xiphilinus ex Dione scripsit in hoc principe: *πλεῖστα ἀναγκαῖα τὰ καὶ ἐν ὁδοῖς καὶ ἐν λιμένι κατασκευάσαι, plurima necessaria tam in viis quam portubus instaurasse*: sed qua regione. aut prouincia, non exponit. Appiam instaurasse aut similem, quæ ad Calabros Bruttiosque pertineret; *Traianamque* vocitasse, videtur inscriptio Romana, mutila quamuis, (Grut. pag. 199 num. 1) probare,

VIAM TRAIAN. BRVTT..

SALENTIN. PVBL.

Quo nummus Traiani referri solet, sedentem mulierem ostentans, quæ alteram manum rotæ imponit, altera arundines tenet, cum subscriptione VIA TRAIANA, cuius hæc femina simulacrum sit, per Pomptinas (arundine significatas) communitæ & reparatæ. Tres autem *Traianæ* superiori inscriptione videntur extra hanc fuisse, quia cum quibus iunguntur, Clodia, Annia, Cassia, Cimina, Amerinæ, omnes sunt Transtiberinæ: vnde pronum ad coniecturam fit, tres illas etiam trans Tiberim in Etruria aut Umbriæ finibus exstitisse.

DCXCIX.

In Transtiberina regione, sed propius flumen, restant duæ viæ, *Portuensis* & *Vitellia*. PORTVENSIS sic P. Victori dicta, libello de Regionibus Urbis, sub finem. Ad Portum Romanum ferebat, siue dextrum ostium Tiberinum, vnde nomen est. Ab hac recedit paulisper, etiam a fluuio, VIA VITELLIA, cuius originem Suetonius cap. 1 Vitellii ostendit, ipsamque viam definit *ab Ianiculo ad mare vsque*. Ab hac distinxit IANICVLENSEM P. Victor, sed quo duxerit, & quam longa fuerit, incertum est.

DCC.

VIA VALERIA ex iis, quæ cis Tiberim erant, post Appiam in præcipuis fuit, per Sabinos, Aequos & Marfos in Pelignos aut vltra producta. Strabo lib. v pag. 164 ἡ Οὐαλερία ἀρχεται ἀπὸ Τιβέρων, ἄγει δ' ἐπὶ Μάρσῳ καὶ Κορϕαίῳ τὴν τῶν Πελιγνῶν μητρόπολιν. *Valeria via incipit a Tibure, & fert per Marfos ad Corfinium, Pelignorum metropolim*. Addit in ea esse oppida *Carseolos* & *Albam*: prope, *Cuculum*. Quum vero dubius *Carseolorum* locus sit, & doctissimi viri Lucas Holstenius ac Raphael Fabrettus, hic Italus, ille in Italia plurimum versatus, de eo litigent, & Holstenius vestigia huius coloniae diu perquisita tandem inuenisse dicat & perspexisse, omnesque partes eius diligentissime (pag. 164) describat; hic autem Holstenium non leuiter notet & castiget: nostrum non est, inter tantos viros has geographicas lites componere: minus Gruteri positionem, inter Laminas &

Ccc cc

Subla-

Sublaqueum ad Anienem, tueri. Quum ergo per Carseolos hæc via ferat, ut Strabo dixit; pro illorum diuerso situ aliter aliterque Valeriam duci & delineari oportet. De ceteris supra actum, quos partim etiam sequuti sumus: Fabrettus Carseolorum ruinas inter Rio Freddo & Celli de Carfoli posuit, libro de Aquis & Aquæductibus. Quoquo autem loco colonia Carseolana fuit, & propter illam vel altius vel pressius sit in Aequiculis hæc via perducenda; tamen a Tibure ad Albam Fucentem illa duxit, inde Cerfenniam, Corfinium, Interbromium, Teate Marrucinum ad vsque Hadriam. Id quod ex Antonini itinere per Valeriam instituto, clarum est & apertum.

DCCI.

VIA LATINA inter Appiam & Valeriam media, tandem incidit in Appiam. Strabo lib. v pag. 163 *γνωριμώταται, celeberrimæ viarum per Latium sunt Appia, Latina & Valeria: μέση δ' αὐτῶν ἡ Λατίνη, ἡ συμπίπτουσα τῇ Ἀππίᾳ κατὰ Κάσινον πέδον, media illarum Latina est, quæ in Appiam apud oppidum Casinum incidit.* Scribe *Casilinum*, quod prope Capuam est: Casinum autem longe reductum ab Appia. Oritur Latina prope Romam ex Appia, & post Cales ad Casilinum in eandem recidit. Oppida in ea Strabo numerauit, postquam inter montes Tusculanum & Albanum traducta fuit, *Algidum ad Pictas*, diuersorium, vbi Lauicanam excipit: deinde *Ferentinum, Frusinum, Fabrateriam, Aquinum, Interamnium*, Latinorum vltimum: & in Campania *Teanum Sidicinum, Calenum, & Casilinum*, iuxta quod viæ Appiæ Latina se insinuat. Crebro memoratur. Liuius lib. iii cap. xxxix de Coriolano: *inde [a Circeiis] in Latinam viam transuersis tramitibus transgressus.* Suetonius Domit. cap. xvii *per vespillones exportatum Phyllis nutrix in suburbano suo Latina via funeravit.* Et Paullinus Nolanus Natalitio iii S. Felicis vers. 72

Aspera montosæ carpuntur strata Latine.

DCCII.

In Latinam a sinistra cadit VIA ASINARIA, haud procul vrbe, cuius Festus meminit in *Retricibus*. Verba in *Ardeatina* proferemus. Brevis ergo & ignobilis via prætereatur.

DCCIII.

VIA SALARIA in Sabinos tendebat, a sale per eam deuecto dicta. A Collina porta per pontem Anienis ferebatur. Tacitus lib. iii Histor. cap. lxxxii *tertium agmen per Salariam Collinæ portæ propinquabat.* Et Liuius lib. vii cap. ix *Galli ad tertium lapidem Salaria via trans pontem Anienis castra habuere.* Strabo lib. v pag. 158 *Ἐσρωται δὲ αὐτῶν ἡ τε Σαλαρία ὁδὸς & πολλὴ ἔσται, εἰς ἣν καὶ ἡ Νομεντάνη συμπίπτει κατὰ Ἡρήτην τῆς Σαβίνης κόμην. ὑπὲρ τῆς Τιβερίου καί μιν, ὑπὲρ τῆς αὐτῆς πόλεως ἀρχομένη τῆς κολλίνης. Strata est per illos [Sabinos] via Salaria, non longa, in quam Nomentana incidit apud Eretum, Sabinorum vicum, supra Tiberim positum; incipiens ab ipsa porta Collina.* De nomine Paullus ex Festo: *Salaria via Romæ est adpellata, quia per eam Sabini sal a mari deferebant.* Congruunt vestigia Festi reliqua.

DCCIV.

DCCIV.

VIA CAMPANA quo duxerit, & vnde nominata sit, incertum est. Memorat Suetonius Aug. cap. xciv *Ad quartum lapidem Campanæ viæ in nemore prandenti, ex improviso aquila panem ei e manu rapuit.* Romæ in veteri lapide, exhibente Grutero pag. 611 num. 13 HVIC MONVMENTO ITER ADITVS AMBITVS DEBETVR - - - A VIA CAMPANA PVBLICA. Torrentius *Appiam* interpretatur, quæ in Campaniam ferebat: sed nobilius nomen *Appiæ* frequentiusque, quam vt regionis nomen substitui patiatur. Raph. Fabrettus, inuento veteri ductu inter Laurentinam & Ardeatinam, dubitanter adscripsit: *forſan* CAMPANA. Vide Tabulas ipsius ad Dissertat. III.

DCCV.

Ceteræ viæ ab oppidis, quo ferebant, sunt denominatæ, ex quorum situ cognoscuntur facillime. Vt a septemtrione incipiamus, post Salariam fuit NOMENTANA ducens *Nomentum*, Sabinorum oppidum. Hæc vel incidit in Salariam, vt modo a Strabone accepimus; vel Salaria cadit in ipsam. Liuius lib. III cap. LII *Via Nomentana, cui tum Ficulnensi nomen fuit, profecti, castra in monte Sacro locauere.* Suetonius Nerone cap. XLVIII *suburbanum inter Salariam & Nomentanam viam.* Vetus inscriptio Grut. P. 439 n. 4 CVRATOR VIAE NOMENTANAE.

DCCVI.

Huic TIBURTINA proxima, quam ab ipso oppido, a quo nomen habet, Valeria excepit, vt supra, Strabone auctore, ostendimus. Inscriptio pag. 446 n. 9 CVRAT. VIAE TIBURTIN. Vitruuius lib. VIII cap. III *in Tiburtina via flumen Albula.* Post hanc est VIA COLLATINA, quæ Collatiam ferebat. Frontinus de Aquæduct. lib. I *Concipitur [aqua Virgo] via Collatina ad miliarium VIII, palustribus locis.*

DCCVII.

Proxima Collatinæ in austrum est VIA PRÆNESTINA, ducens per Gabios in oppidum Præneste. Frontinus de Aquæduct. sub initium: *Concipitur Appia [aqua] in agro Lucullano, via Prænestina.* Strabo lib. V p. 164 Γάβιοι ἐν τῇ προαινεστίνῃ ὁδῷ καί μὲν [πόλεις] Gabii, in Prænestina via situm oppidum. Vnde prior pars viæ vocata etiam Gabina. Lapis vetus Romæ, Grut. pag. 150 num. 8

P. SCAPTIVS, P. F. GABINAM

VIAM ORNARI AC REFICI

SVA IMPENSA CVRAVIT.

DCCIIIX.

Non procul aberat VIA LABICANA, siue LAVICANA, ducens in oppidum Labicum, quod prope Gabios fuit. Liuius lib. IV cap. XLI *Iam consul via Labicana ad fanum Quietis erat.* Inscriptio vetus classe II Reines. num. 27 VIAE LABIC. CVR. Spartianus in Iuliano extr. *Corpus eius in proavi monimenta translatus, milliaro quinto, via Lavicana.* Fuit hæc inter Prænestinam, & Latinam, supra cum Appia in nobilioribus viis

explicatam. Ergo solæ supersunt, quæ recta ab vrbe in meridiem tendebant.

DCCIX.

ARDEATINA VIA ex Appia haud procul ab vrbe, circa Almonem fluuium in dextram digreditur, & *Ardeam* vsque profertur. Pompeius Festus in voce *Retricibus* eius mentionem fecit: *Cato*, inquit, *significat aquam eo nomine, quæ est supra viam Ardeatinam inter lapidem secundum & tertium, qua irrigantur horti infra viam Ardeatinam & Asinariam, vsque ad Latinam.*

DCCX.

VIA LAURENTINA a *Laurento* oppido, quo tendebat, nomen habuit, ex Ostiensi inter secundum & tertium lapidem sinistrorsus deriuata. Plinius lib. ii epist. xvii de villa sua: *Aditur non vna via. nam & Laurentina & Ostiensis eodem ferunt: sed Laurentina a quartodecimo lapide; Ostiensis ab undecimo relinquenda est.* Et Gellius lib. x cap. ii de femina quinque pueros vno partu enixa: *monimentum ei factum, iussu Augusti, in via Laurentina: quia in agro Laurente pepererat.*

DCCXI.

Tandem OSTIENSIS VIA fuit, prope Tiberim ad Ostiam coloniam deducta. Præter Plinii testimonium iam prolatum, Tacitus lib. xi cap. xxxii *Messalina spatium vrbis pedibus emensa, vehiculo, quo purgamenta hortorum eripiuntur, Ostiensem viam intrat.* Prudentius passione Petri & Pauli, vers. 45, de huius sepulcro:

*Parte alia titulum Pauli via seruat Ostiensis,
Qua stringit annis cæspitem sinistrum.*

Quod autem colonia & *Hostia* & *Ostia* scripta fuit; via quoque *Hostiensis* in antiquis monumentis est. Gruter. pag. 752 n. 2 HAEC VEHICULO VERSO VIA HOSTIENSI III KAL. FEBR. OBIIT.

CAPVT X

DE

INSVLIS MINORIBVS
CIRCA ITALIAM.

I.

MAribus inclusa est Italia tamquam peninsula, *supero* siue *Hadriatico*, & *infero* siue *Tyrrheno*, quæ vbi connectuntur illud *Ionii* nomen induit: hoc *Siculi*, quia ad Siciliam insulam, quæ proxima Italiæ, deuergit. *Superi maris*, in ora Italica, perpaucae insulae sunt: *inferi* plures & numerosae. De vtrisque nunc agendum est ita, vt a *supero mari* initium faciamus.

II. Ad

MARE TYRRHENVM



SICILIA
ANTIQA.

Occidens

Aegates Insulae



II.

Ad Histriam, ante Polam, Strabo refert lib. v pag. 149 νησίδια εὐορμα καὶ εὐκαρπα, *paruas insulas portu instructas & fructiferas* esse: nec vero nomina illarum, quæ hodieque obscuriora sunt, prodidit. Deinde sub Aquileia, in lacu mari præiacente & connexo, est insula *Gradus*, Paulo Diacono & Iornandi memorata, quæ illorum ævo oppidum non incelebre habuit, de quò in medii ævi geographia agemus, sicut de ipsa insula prædiximus supra in *Aquileia*.

III.

Venetorum parvæ insulæ, quibus posteriori ævo vrbs maxima imposita fuit, nescio an ab antiquis descriptæ fuerint, nisi sub falso nomine *Electridum* insularum latuerunt. Strabo dicto loco reiiicit quidem τὰς Ηλεκτρίδας νήσους, τὰς πρὸ τῆς Πάδου, καὶ Μελεαγρίδας ἐν αὐταῖς, *Electrides insulas, ante Padum sitas, & in iis Meleagrides*, quod τῶν ἐδὲν εἰν ἐν τοῖς τόποις, *nihil harum in iis locis sit*; at vero nomen *Electridum*, & prouentum electri, in his oris bene negavit, non autem ipsas insulas ante Padi ostia tam facile omnes sit licitum pernegare. Etiam Pomponius Mela lib. ii cap. vii *Electrides* insulas, imitatus Græcos, in Hadriaticoposuit. Erroris fontem in Germania Transmarina indicauimus, quod Græci *Venedos*, Aestiorum accolæ, quorum *Electrides* insulæ in sinu Codano sunt, cum *Venetis* Italicis haud dubie confuderunt.

IV.

Certiores in Hadria *Diomedææ* sunt insulæ ex aduerso Apuliæ, quamquam illis quoque adfictæ sint fabulæ, neque de numero scriptores veteres conueniant. Aristoteles de mirandis aud. libello: ἐν τῇ Διομηδεῖα νήσῳ, ἥ καὶ τὰ ἐν τῷ Ἀδρία, *in Diomedea insula, quæ sita est in Hadria*, tamquam de vna loquutus est. Et vnus tantum *Diomedie* insulæ Mela dicto loco mentionem fecit. At Strabo lib. v i pag. 196 ἐν τῇ πλησίον θαλάττῃ δύο νήσοι Διομήδαιοι προσαγορευόμεναι, ὧν ἡ μὲν οἰκεῖται, τὴν δὲ ἐρήμην Φασὶν εἶναι, *In vicino [Dauniæ] mari duæ sunt insulæ, Diomedææ adpellatæ, quarum colitur altera, alteram aiunt esse desertam*. Addit ibidem, πρὸ τῆς ἀκρας, *ante promontorium Gargani sitas*. Totidem numerauit Plinius lib. iii cap. xxvi. *Contra Apulum litus*, inquit, *Diomedea*, conspicua monumento *Diomedis*: & altera eodem nomine, a quibusdam *Teutria* adpellata. Ptolemæus lib. iii cap. i extremo *Diomedæas* insulas *quinque* numerat, in quibus maxima est *Trimetus*, Aristoteli, & Melæ, & Solino, & si qui alii vnā tantummodo memorarunt, κατ' ἐξοχὴν *Diomedea* adpellata. Tacitus annal. iv cap. lxxi *Per idem tempus Iulia mortem obiit, quam neptem Augustus convictam adulterii damnauerat, proieceratque in insulam Trimetum, haud procul Apulis litoribus*. Hodie est veteri nomine *Tremiti*, a tribus, vt aiunt, montibus dicta: a qua vniuersæ l' *Isole di Tremiti* dicuntur.

V.

Brundisio obiecta parua insula, quæ *Pharos* olim dicta, quia noctu

lucerna viam nauigantibus monstrauit. Mela lib. ii cap. vii *Vt Alexandria, ita Brundisio adiacens Pharus.*

VI.

In Tarentino sinu haud procul Tarento, parua insula est, cui nomen *Electris* siue *Febra* fuisse dicitur. Seruius in Aeneid. xi vers. 271 *Habitant in insula Electride siue Febra, quæ est haud longe a Calabria in conspectu Tarentinæ ciuitatis.*

VII.

In Scylaceo sinu plures parvæ. Plinius lib. iii cap. x extremo: *Promontorium Lacinium; cuius ante oram insula x m. passuam a terra Dioscuron: altera Calypsus, quam Ogygiam adpellasse Homerus existimatur: præterea Tiris, Eranusa, Meloessa.* Pleræque nunc opertæ dicuntur, vel parum adparentes, aut ita exiguæ vt vix amplius memorentur. De Ogygia Calypsus Homerus Odyss. H vers. 244

Ὀγυγίη τις ἦτος ἀπὸ προθεν εἰν ἀλὶ κείται
ἔνθα μὲν Ἄτλαντος θυγάτηρ, δολέεσσα Καλύψω
Ναῖα εὐπλόκαμος, δεινὴ θεός.

Et Hesychius in hoc vocabulo: Ὀγυγίη, ὄνομα τῆς ἡσθ Καλύψης, Ogygia, nomen insulæ Calypsus. Hæ in supero mari, & attinentē Ionio, ad Italiam insulæ.

IIX.

In mari Ligustico, quæ pars est inferi, prima a Gallici litoris confinio est insula Gallinaria, ex aduerso Albii Ingauni. Varro lib. iii de Re Rust. cap. ix *Galline rusticæ similes, facie non his villaticis gallinis nostris, sed Africanis adspectu, ac facie incontaminata - - - Nec fere in villis oua & pullos faciunt, sed in siluis.* Ab his gallinis dicitur insula, Gallinaria adpellata, quæ est in mari Tusco, secundum Italiam, contra montes Ligusticos, Intimelum Albium & Ingaunum. Et Columella lib. viii cap. ii *Rustica gallina, quæ non dissimilis villaticæ, per aucupem decipitur: eaque plurima est in insula, quam nautæ, in Ligustico mari sitam, producto nomine alitis Gallinariam vocitauerunt.* In hanc fugit Martinus, Turonensis postea episcopus, sanctitate commendatus, pulsus Mediolano ab Auxentio, Arianorum antistite. Sulpicius Seuerus Vita eius cap. vi *Cedendum itaque tempori arbitratus, ad insulam Gallinariam nomine secessit. - - - Hic aliquamdiu radicibus vixit herbarum.* nam deserta erat, quod in eadem Martini historia Sozomenus lib. iii cap. xiv notauit: μικρὰ δὲ αὐτῇ καὶ ἀόκητος, parua, inquit, illa, nec habitata.

IX.

In Pisano sinu, seu contra Liburnum portum, est intus, Corficam versus, insula *Virgo*, vt Mela nominat & Plinius. Ille, *Vltra aliquot sunt parvæ, Dianium, Igilium, Carbania, Virgo:* hic, lib. iii cap. vi post Planariam: *amplior Virgo, & Capraria.* Posteriore æuo Gorgon fuit dicta. Rutilius lib. i vers. 516

Adsurgit.

*Adsurgit ponti medio circumflua Gorgon,
Inter Pisanum Cyniacumque latus.*

Inde est quod hodieque illa insula Gorgona vocitatur.

X.

In ora, siue inter Vrgonem & portum Liburnum insula *Mallora* nunc est siue Meloria, quæ videtur Plinii *Menaria* esse.

XI.

Propior Corsicæ est insula *Capraria*, quæ etiam *Caprasia* vocatur: nunc Capraia. Plinius dicto loco: *Virgo, & Capraria*. Mela II cap. VII *Virgo, Ilua, Capraria*. Etiam Ptolemæus *Καπράρια νῆσος*. Rutilius vers. 439

*Processu pelagi iam se Capraria tollit,
Squallet lucifugis insula plena viris.*

Varro, qui *Caprasia* scripsit, lib. II cap. III R. R. a capris feris nomen ducit. *Capræ*; inquit, *quas alimus, a capris feris sunt ortæ: a quæis propter Italiam Caprasia insula est nominata*. Græci *Αἴγυλον* dixerunt. Plinius ibidem: *Capraria, quam Græci Aegilon dixere*. quod repetit Solinus cap. III *Capraria, quam Græci Αἴγυλον dicunt*.

XII.

In Etruriæ ora *Ilua* est, Græcis *Aethalia*. Male enim Ptolemæus *Αἰθάλην* & *Ιλέαν* separauit. Nobilior ceteris est, etiam maior, hodie *Elba* dicta, quod vetus nomen *Ilua* redolet. Plinius dicto loco: *Ilua cum ferri metallis, circuitu centum millia, a Populonio decem; a Græcis Aethalia dicta*. Solinus dixit *Iluam ferri feracem*, vt adhuc *Elba* est. Virgilius lib. X vers. 173

*- - - - - ast Ilua trecentos [dederat]
Insula inexhaustis chalybum generosa metallis.*

Et Silius Italicus lib. VIII vers. 616

*Non totidem Ilua viros, sed lectos cingere ferrum
Armarat patrio, quo nutrit bella, metallo.*

Et Rutilius Numatianus lib. I Itinerar. vers. 351

*Occurrit chalybum memorabilis Ilua metallis,
Qua nihil vberius Norica gleba tulit.*

Liuius lib. XXX cap. XXXIX *Populonios quam peruenisset, Iluam insulam, & ab Ilua Corsicam traiecit*. Græci, vt dictum, *Αἰθαλίαν* vocant, Aristoteles in *Mirandis*; Diodorus Siculus lib. V cap. XIII; Strabo lib. V; & *Αἰθάλη* ac *Αἰθαλία* * ex diuersis Stephanus.

XIII.

Adiacet *Iluæ* insula minor, nunc dicta *Pianosa*, quæ haud dubie est veterum *Planasia*. Varro R. R. III cap. VI *Pauonum greges agrestes esse dicuntur in Planasia insula M. Pisonis*. Tacitus lib. I annal. cap. III [Liuius] *senem Augustum deuinxerat adeo, uti nepotem unicum Agrippam postumum in insulam Planasiam proiiceret*. Addit in eadem Agrippæ huius historia Dio Cassius sub finem libri LV de situ huius insulæ: *αὐτὸς ἐς Πλανασίαν, τὴν πρὸς Κύρνω*

* Aethaliæ portus *Argos* dictus est. Diodor. IV pag. 259.

κόρυς ὧσιν, ἐβεβλήθη, ipse in Planasiam, Corsicae propinquam insulam, est relegatus. Videtur eadem quæ Plinii Planaria lib. III cap. VI, a specie dicta, æqualis freto, ideoque nauigiis fallax: sicut, quam paullo ante vidimus, una erat Capraria & Caprasia. Salinasius ad Solini cap. III conciliat nomina, ut Planaria Latinum sit, a specie, id est planitie, dicta. ut enim a plenus plenarius; ita a planus planarius. Planasia autem ipsi est nomen Græcum a πλανᾶσαι, ab erroribus Vlysis, ut Solinus ait, vocata. Plinius distinxit Planasiam a Planaria, nimioque spatio ab Aethalia siue Ilua diiunxit, id quod errore factum non dubitamus.

XIV.

Abhinc longius a litore in austrum recedit insula, a multo tempore Monte Christo, a celso monte, totam pæne insulam complectente, vocitata. Hanc Oglasam Plinii esse, ex distantia, ab ipso signata, non difficulter probatur. Citra [Corsicam] inquit cap. VI, est Oglasa; intra vero sexaginta millia passuum a Corsica, Planaria. Argumentum geminum: & citra Corsicam est Oglasa, & vicina eadem insulæ Planariæ, quæ Pianosa est, ut ita alia non sit, quam quæ Monte Christo vocitatur.

XV.

Contra Cosam, Etruriæ urbem, est Igilium, quibusdam Aegilium, diuersum autem ab Aegilo, Græco nomine Caprariæ. Mela lib. II cap. VII Vl-tra [Tiberina ostia] aliquot sunt parue, Dianium, Igilium, Carbania, Virgo, Ilua, Capraria. A Tiberi Liguriam versus progreditur enumerando. Cæsar lib. I B. Civ. cap. XXXIV Cognoscit profectum Domitium ad occupandam Masiliam nauibus actuariis VII, quas Igili & in Cosano a priuatis coactas seruis, libertis, colonis suis, compleuerat. Rutilius lib. I vers. 325

Eminus Igilii siluosa cacumina miror.

Hi omnes Igilium scripserunt. At Plinius dicto loco Aegilium diphthongo. Capraria, inquit, quam Græci Aegilon dixere. Item Aegilium: & Dianium. Est vero quod dubites de Plinii scriptura. nam Mela, quem sequitur plerumque, Igilium: & qui Plinium exscripsit, Martianus Capella VI, sic verba Plinii sublegit: Capraria, quam Aegilon Græci dixerunt: Item Igilium, Dianium. At etiam Antoninus itinerario insularum: Insula Aegilium a Cosa stadia XC. Hodie est Giglio.

XVI.

Inde Dianium proxima insula est, nunc Gianuto, Græce Αρτέμισια & Αρτέμιτα. Plinius ante dicto loco: Item Aegilium: & Dianium, quam Artemisiam, supple, Græci dixere. Mela inuerso itinere: Dianium, Igilium. Stephanus: Αρτέμιτα, νῆσος Τυρρηνική, παρὰ τὴν Αἰθάλειαν, Artemita, insula Tyrrheni maris, iuxta insulam Aethaliam. Coniungit Plinius Barpanam; Pomponius Mela Carbaniam, in quibus nominibus, saltem alterutro, aliquid vitii inesse, non levis coniectura est. Sic tamen etiam in MSS. libris est: vulgatis Plinii Harpona. Insulam Cerboli vel Corboli esse, multorum est sententia. Aequæ vel magis incertæ sunt Plinii Columbraria & Venaria. Solinus cap. III de insulis Tyrrheni: Columbaria, cuius hoc nominis

minis mater. Alteram Martianus Capella scripsit *Veneriam*. Vtramque non nulli inter Iluam & Populonium locant: quo argumento inducti, mihi non adparet.

XVII.

Hæ Etruriæ insulæ: ad Latii nunc succedimus, de quibus Plinius lib. III cap. VI *Ultra Tiberina ostia in Antiano Astura, mox Palmaria, Sinonia, & aduersum Formias Pontia.* De *Astura* sub eiusdem nominis ostio, idem Plinius cap. V *Antium colonia: Astura flumen & insula.* De ea supra dictum in Latio. *Palmaria* autem hodie Palmeruola: *Sinonia*, Sanone, Caietam versus. Maior controuersia in *Pontis*, tam de numero earum, quam de situ ac positione.

XIIX.

Plinius dicto loco: *aduersum Formias Pontia*, plurali. Pomponius Mela: *Caprea, Prochyta, Pontia, Pandateria, Phitonia, Palmaria.* Strabo lib. II pag. 84 πολὺ δὲ τῶν λειπόμενων, πελάγιοι μὲν Πανδατάρια μὲν καὶ Ποντία· πρὸς γαίῃ δὲ Αἰθαλία τε καὶ Πλανασία, καὶ Πιθήκισσα, καὶ Προχύτη, καὶ Καπρέαι, Multo minores [quam Sicilia, Sardinia, Corsica] in mari quidem sunt *Pandataria & Pontia*: in ora vero *Aethalia, & Planasia, & Pithecusæ, & Prochyta, & Caprea.* Et Ptolemæus singulari numero *ποντία, Pontia*, cui subdit proxime *πανδατῶριαν, Pandatoriam* insulam. Plinius etiam aliam *Pontiam* nominauit in Velienfi sinu, vnam *Oenotridum*, sed minorem obscurioremque, quam quæ in sinu Formiano seu Caietano, colonia Romana olim & exilio illustrium nobilitata est. De colonia Liuius lib. IX cap. XXVIII *Suessa & Pontia eodem anno coloniae deductæ sunt. Suessa Auruncorum fuerat: Volsci Pontias insulam sitam in conspectu litoris sui incoluerant.* Diodorus Siculus lib. XIX cap. CXI ὁ δῆμος ἀποικίαν ἀπέστειλεν εἰς τὴν νῆσον τὴν Ποντίαν καλεσμένην, *populus [Romanus] coloniam misit in insulam, quæ Pontia vocitatur.* De exiliis Suetonius Tib. cap. LIV *Germanici filios, iudicatos hostes, fame necauit, Neronem in insula Pontia; Drusum in ima parte palatii.* Et in Caligula cap. XV *Tiberio funerato amplissime, confestim Pandatariam & Pontias, ad transferendos matris fratrisque cineres festinauit.* Et Dio Cassius lib. LIX pag. 657 τὰς τε ἀδελφὰς ἐς τὰς Ποντίας νήσους κατέθετο, *sorores in Pontias insulas relegauit.* Et Hieronymus Epitaphio Paullæ cap. III *Delata ad insulam Pontiam, quam clarissimæ quondam feminarum sub Domitiano principe pro confessione nominis Christiani, Flauiae Domitillæ, nobilitauit exsilium, vidensque cellulas, in quibus illa longum martyrium duxerat.*

XIX.

Vides quam varie id nominis habeatur. Strabo, Ptolemæus, Diodorus singulariter *ποντία, Pontia*: Mela, Plinius, Liuius pluratiuo *Pontia*: nec de multis id Liuius, sed de vna insula intellectum vult, *Pontias insulam* dicens: Dio autem τὰς νήσους, vere vt plures. Sic ergo est: a præcipua & maxima, quæ *Pontia* est, adiacentes etiam insulæ interdum *Pontia* adpellantur, vt tamen proprie id nomen vnus fuerit, sed nobilioris, quæ hodie Ponza vocitatur, vt de situ primariæ Pontiarum non liceat dubitare. Quod

fi plures sunt, de numero Pontiarum in Antonini Itinerario insularum variat diuersis editionibus. Aldus & Simlerus ediderunt: *Insule numero III Pontia, a Terracina stadia ccc.* Schottus autem & Bertius numero IIII.

XX.

Pandataria autem, vt Suetonius & Plinius vocant, & Strabo Πανδατάρια; siue *Pandateria*, vt Mela atque Tacitus (nam Ptolemæi Πανδατάρια corruptionem redolet) ex Holstenii coniectura est insula S. Mariæ, sita inter Pontiam & Ischiam, seu Aenariam, & huic vicinam, quæ vulgo dicitur *Vento tiene*. Vide ipsius in Cluuer. adnotat. pag. 214. Hæc quoque exilio illustrium destinata erat. Tacitus annal. I cap. LIII *Eodem anno Iulia supremum diem obiit, ob impudicitiam olim a patre Augusto Pandateria insula, mox oppido Rheginorum, qui Siculum fretum accolunt, clausa.* Et Suetonius Tiber. cap. LIII *Nurum Agrippinam - - Pandatariam relegauit.* Iterum Tacitus annal. XIV cap. LXIII *Insula Pandateria Octauiam claudit.* Non alia exsul visentium oculos maiore misericordia adfecit.

XXI.

Insula *Aenaria*, etiam *Inarime* dicta, in Cumano sinu posita, siue Cumis obiecta. Plinius lib. III cap. VI *Aenaria a statione nauium Aeneæ, Homero Inarime dicta, Græcis Pithecusa.* Mela autem dicto cap. VII diiungit Pithecusam ab Aenaria. *Pithecusa*, inquit, *Leucothea, Aenaria, Sinonia, Capreae, Prochyta.* Et Liuius separauit, lib. VIII cap. XXII *in insulas Aenariam & Pitheculas egressi*, multitudinis numero de vna, vt Capreae. Sunt tamen qui Plinio suffragantur. Appianus lib. V Ciuil. pag. 1130 ed. Toll. *ὁ Λίβων ἐς τὴν σὸν ὠρμίσθη τὰς Πιθηκίσσας, ἡ νῦν ἐστὶν Αἰνάρια, Libo ad insulam Pithecusas adpulit, quæ nunc est Aenaria.* Et Strabo lib. V pag. 171 insulam, quam Augustus Neapolitanis dedit, vt Capreas ab illis acciperet, vocat Πιθηκίσσας, *Pithecusas*; Suetonius cap. XCII *Aenariam.* Ergo eadem Pithecusæ & Aenaria. Accedit quod Strabo, qui Pithecusas sæpe nominat, & Ptolemæus, cui itidem pluraliter Πιθηκίσσαι sunt, non habent Aenariam, nec Inarimes nomen; nec vero credibile, tam amplam tamque vicinam continenti insulam ab iis prætermitti potuisse: contra Antoninus Aenariam habet in insulis inter Italiam & Siciliam XLV stadiis, vt ait, *a Cumis reductam*: Pithecusarum nulla apud eum ratio. Nomen *Pithecusarum* a simiis deducunt, quod quia Plinius negatum iuit, notatur a Sam. Bocharto lib. I Chan. cap. XXXIII, quem consulas.

XXII.

Nec vero Homerus *Inarime* dixit, vt Plinius refert, sed diuisis vocibus ἐν Αἰρίεοις, Catalogo urbium vers. 290: vnde Latini poetæ *Inarimes* nomen composuerunt. Virgilius Aen. IX, 716

- - - - - *durumque cubile*
Inarime Iouis imperiis imposta Typhoëo.

Et Ouidius Metamorph. lib. XIV vers. 88

- - - - - *orbataque præside pinus*

Inari-

*Inarimen, Prochytenque legit, sterilique locatas
Colle Pithecusas, habitantum nomine dictas.*

Et Silius Italicus lib. VIII vers. 541

Non Prochyte, non ardentem sortita Typhoea Inarime.

Esse autem Inarimem ipsam Aenariam, etiam Seruius in Aeneid. IX vers. 716 tradidit. *Inarime*, inquit, *nunc Enaria dicitur*. Hodie Ischia vocatur.

XXIII.

Ab hac abrupta credebatur *Prochyte* siue *Prochyta*, quasi ἀπὸ τῆς προχύτης, vt Seruius tradit: siue vt Plinius, *quia profusa ab Aenaria erat*, id est motu terræ auulsa. Præter Quidium, Siliumque & Melam, supra memoratos, Virgilius dicto loco:

Tum sonitu Prochyta alta tremit.

Statius lib. II satyr. II vers. 76 de fenestris cubiculi in villa:

Hæc videt Inarimen, illi Prochyta aspera paret.

Strabo, Ptolemæus, Dionysius Halicarnasseus, Stephanus προχύτη. Hodie Procita vel Prochita.

XXIV.

In sinu Neapolitano sunt plures parvæ insulæ, quarum præcipua Græcum nomen insulæ, νησίς, etiam Latine *Nesis* seruat. Cicero XVI Attic. epist. I ineunte I *Nonis Quint. veni in Puteolanum. postridie iens ad Brutum hæc scripsi*. Et epist. II *Bruto tuæ litteræ gratæ erant. fui enim apud illum multas horas in Neside*. Et Seneca epist. LIII *Putavi, tam pauca millia a Parthenope tua usque Puteolos surripi posse, quamvis dubio & impendente celo. Itaque quo celerius euaderem, protinus per altum ad Nesida direxi, præcisurus omnes sinus*. E quibus non obscure intelligitur, inter Neapolim & Puteolos sitam in alto, ab illa VI, ab his III millibus, quam petunt, qui vitabundi sinus compendio nauigant. Hodie *Nisita* vocatur. Poetæ quoque memorarunt. Lucanus lib. VI vers. 90

- - - - *tali spiramine Nesis*

Emittit Stygium nebulosis aera saxis.

Et Papinius Statius lib. II Siluar. carm. II vers. 77, 78

- - - - *inde malignum*

Aera respirat pelago circumflua Nesis.

XXV.

Proxime sequitur apud Papinium iam dicto loco, versu 79, 80

Inde vagis omen felix Euplæa carinis,

Quæque ferit curuos exserta Megalia fluctus.

Et idem lib. III Siluarum carmine I versu 149

Et placidus Limon, numenque Euplæa carinis.

Euplæa autem parua insula in Puteolano sinu, habens bonam stationem, quæ nauigantibus felix omen, & instar numinis διασωζοντος est.

XXVI.

Megalia autem Neapoli proxima: quæ fortasse *Megaria* scribenda est, nisi liquidarum permutatio propter euphoniā in hoc nomine inualuit.

Nam Plinius lib. III cap. VI *Inter Pausilipum & Neapolim Megaris*. Parua insula, ponte iuncta Neapoli, nunc ab eo quod habet, dicta Castello dell' Ouo. *Pausilipum* autem promontorium est amœnissimum, etiam nunc Posilipo dictum. *Limon*, insula an portus sit, an quod commentatores, vnde, nescio, coniiciunt, villa litoralis, incertum est. Nec certior *Parthenope* Ptolemæi.

XXVII.

Vbi definit sinus, ex aduerso Surrenti, sunt *Capreae*, * insula maior superioribus, Neapolitanorum antea: post *Pitheculæ* permutatione Augusti καίμα, qui splendide ædificauit, vt Strabo refert lib. V pag. 171. Deinde secessus Tiberii multis annis. Tacitus annal. IV cap. LXVII *Cæsar dedicatis per Campaniam templis - - - perosus municipia & colonias, omniaque in continenti sita, Capreas se in insulam abdedit, trium millium freto ab extremis Surrentini promontorii diiunctam*. Et Suetonius Tib. cap. XL *Peragrata Campania, quum Capuæ Capitolium, Nolæ templum Augusti, quam caussam profectionis prætenderat, dedicasset, Capreas se contulit, præcipue delectatus insula, quod vno paruoque litore adiretur, septa undique præruptis immensæ altitudinis rupibus & profundo maris*. Plutarchus de Exilio pag. 534 τιβέριος καὶ σαρ ἐν καπρέαις ἐπὶ ἅ ἐτη διήτηθη μέχρι τῆς τελευτῆς, *Tiberius Cæsar Capreis vixit septem annos usque ad vitæ finem*. Inde dicitur Tiberii Capreensis secessus, Sueton. cap. XLIII. Si Straboni fides habenda, duo quondam oppida habuit: postea vnum, deleto altero. Fuit ibi *Villa Iouis & Arx* Tiberii. Suetonius cap. LXV *Oppressa coniuratione Seiani nihilo securior aut constantior, per nouem proximos menses non egressus est villa, quæ vocatur Iouis*. Et Plinius lib. III cap. VI *A Surrento octo millibus passuum distantes Tiberii principis arce nobiles Capreae, circuitu quadraginta millia passuum*. Antiquissimi incolæ *Teleboæ*. Tacitus ann. IV cap. LXVII *Capreas Telebois habitatas, fama tradit*. Virgilius lib. VII vers. 735

- - *Teleboûm Capreas quum regna teneret.*

XXIIX.

Inde in ortum sub Mineruæ promontorium sunt tres *Sirenusæ*, paruæ insulæ. Strabo libro I pag. 15 Ἀγκων τις ἐγκείται μακρὸς καὶ στενὸς ἀπὸ τῶν κατὰ Σύρρεντον χωρίων ἐπὶ τὸν κατὰ Καπρέας πορθμὸν, ἐπὶ θάτερα μὲν τῆς ὀρεινῆς, τὸ τῶν Σειρήνων ἱερὸν ἔχων, ἐπὶ θάτερα δὲ, πρὸς τῷ ποσειδωνιάτῃ κόλπῳ, νηϊδία τρία προκείμενα, ἔρημα πετρώδη, ἃ καλεῖσι Σειρηνάδας, *A vicinis Surrento locis usque ad fretum Capreense, terra instar cubiti flexa, ab altero montano latere Sirenum fanum habet; ab altero, ad Pæstanum sinum tres exiguæ insulæ desertæ & saxosæ præiacent, quæ vocantur Sirenusæ*. Idem lib. VI pag. 178 Σειρήνας, *Sirenes*

* Dio lib. LII extrem. καὶ τὴν Καπρίαν παρὰ τῶν Νεαπολιτῶν, ὥνπερ τὸ ἀρχαῖον ἦν, ἀντιδόσα χώρας ἡλλάξατο. Κἄται δὲ ὁ πορθμὸς τῆς κατὰ Σύρρεντον ἡπείρου, χρηστὸν μὲν εἶδέν, ὄνομα δὲ καὶ νῦν ἐτι διὰ τὴν Τιβερίου ἐνοίκησιν ἔχουσα. *Capreas a Neapolitanis, quorum antiquitus erant, permutatione agri redemit. Hæc sita est insula haud procul a Surrentana continente, ad nullam quidem rem utilis, nomen tamen etiamnum propterea, quod ibi habitauit Tiberius, obtinens.*

Sirenes in insulis numeravit, * vt sint eadem quæ *Sirensæ*. αἱ Καπρέαι, inquit, καὶ ἡ Λευκωσία, καὶ Σεῖρῆνες, *Capreæ, Leucosia, Sirenes*. Mela II cap. IV *petras* memorat, *quas Sirenes habitauerint*: sed in continenti posuit, vt *rupes* sint in litore. *Sirensæ* autem sunt insulæ, vt Strabo dixit: & Ptolemæus lib. III cap. I extremo, Σεῖρῆνες νῆσοι, *Sirensæ insulæ*.

XXIX.

Mela & Plinius quamdam insulam *Leucotheam* memorauerunt, ignotam ceteris. Ille lib. II cap. VII *Pithecusa, Leucothea, Aenaria*: hic lib. III cap. VI post *Caprearum* descriptionem: *Mox Leucothea*. Putares, *Leucosiam* in Pæstano sinu, quæ & *Leucasia* dicta est, intelligi, nisi ipse Plinius insequente cap. VII dixisset: *Contra Pæstarum sinum Leucasia est, ab Sirene, ibi sepulta, adpellata*. Sed non insolens Plinio, rem vnā duplicare, & potest a Mela, qui nullam *Leucasiam* habet, *Leucotheam* accepisse: ab aliis addidisse *Leucasiam*. Scribunt *Leucosia* & *Leucasia*: situ autem conueniunt. Strabo ambiguus, aut eius exscriptores. Lib. II pag. 84 Προχύτη, καὶ Καπρέαι, καὶ Λευκασία, *Prochyta, & Capreæ, & Leucasia*. At lib. V I p. 178 αἱ Καπρέαι, καὶ ἡ Λευκωσία, *Capreæ & Leucosia*. Dionysius Halicarnassensis l. I pag. 43 tradit, Aeneam & Troianos a Palinuri promontorio insulæ adplicuisse, ἣ τὸν ὄνομα ἔδεντο Λευκασίαν, ἀπὸ γυναικὸς ἀνεψιᾶς Αἰνείδης, περὶ τόνδε τὸν τόπον ἀποθανέσης, cui nomen imposuere *Leucasia, ab Aeneæ consobrina, ibidem extincta*. Lycophron in *Alexandra* vers. 723

Λευκωσία ῥιψέῃσα τὴν ἐπὶ ὠκύμῳ

Πέτραν ὀχῆσει δαρὸν.

Eiecta Leucosia cognominem diu occupabit insulam. Ibidem scholiasta Isaacius Tzetzes: πέτραν τὴν νῆσον λέγει. Λευκωσία δὲ ἡ νῆσος ἀπὸ ταύτης τῆς Σεῖρῆνος Λευκωσίας ἐκλήθη, *petram vocat insulam*. *Leucosia vero insula ab hac Sirene Leucosia nomen trahit*. Ovidius etiam *Leucosia*, sed o correpto seu μικρῶ, *Metamorph. x v vers. 708*

Leucosiamque petit, tepidique rosaria Pæsti.

Inde legit Capreas, promontoriumque Mineruæ.

Hodie illa insula vel *petra Licosa* adpellatur, quod nomen ex veteri *Leucosia* conseruatum est.

XXX.

Oenotrides insulæ in Velienfi sinu sitæ succedunt. Strabo lib. VI sub initium: πρὸ τῆς Ελεάτιδος αἱ Οἰνοτρίδες νῆσοι δύο ὑφόρμεις ἔχονται, ante *Veliensem* regionem sitæ sunt duæ *Oenotrides* insulæ, *navium stationi opportune*. Plinius etiam duas numerat, easque nominatim recenset lib. III cap. VII. *Contra Veliam*, inquit, *Pontia & Ischia*, utraque vno nomine *Oenotrides*, *argumentum possessæ ab Oenotris Italiæ*.

Ddd dd 3

XXXI.

* Sic Apollodorus biblioth. I cap. 9 §. 25 de Argonautis: Παραπλεόντων δὲ Σεῖρῆνας αὐτῶν, ὃς Φεύς τὰς Ἀργοναύτας κατέχευε, μόνος δὲ Βούτης ἐξενήξατο πρὸς αὐτάς. *Prætermanigantibus autem Sirenas eis, Orpheus Argonautas detinuit: solus Butes ad eas enatauit*. Et mox: Μετὰ δὲ τὰς Σεῖρῆνας τὴν ναῦν Χαρυβδὶς ἐξεδέχετο καὶ Σκύλλα. *Post Sirenas navem excepit Charibdis & Scylla*.

XXXI.

Sequuntur Bruttiorum in Tyrrheno insulæ. Solinus cap. de Italia: *Mox in Bruttiis ab Vlysse exstructum templum Mineræ. Insula Ligea adpelata, ab eiecto ibi corpore Sirenis ita nominatæ.* Si Mineræ templum intelligit quod Strabo lib. v *Ἀθήναιον, ἱδρυμα Ὀδυσσεύως*, male in Bruttiis illud ponit, quod in confinio Campanorum Lucanorumque prope Surrentum fuit. Attamen Lycophron vers. 726 *Ligeam* in Bruttiis locat, qui cum Terina Bruttiorum vel coniungit vel confundit. Ait enim Ligeam Sirenem sepultam in Terina:

Λίγεια δ' εἰς Τέρειναν ἐκναυθλώσεται.

XXXII.

Præterea Solinus cap. iii *Ithacesiam* insulam memorat, quam interpretatur *Vlyssis speculam*. At plures facit huius nominis Plinius lib. iii cap. vii. *Contra Vibonem*, inquit, *paruæ, quæ vocantur Ithacesiæ, ab Vlyssis specula.* Tres ibidem existunt, nunc Braces, Praca, Torricella, vt ferunt, nominatæ.

XXXIII.

Tandem Pomponius Mela lib. ii cap. vii in Siculo freto insulam *Aeæen* ponit, Calypsûs olim sedem. *Circa Siciliam*, inquit, *in Siculo freto est Aeæe, quam Calypso habitasse dicitur.* Sed error etiam in fabula. Calypso, secundum Homerum *Odyss. η* vers. 244 seq. *Ogygiam* insulam coluit, quam Plinius lib. iii cap. x non in freto, sed contra Lacinium promontorium locauit. Alii Circes insulam, * quæ ante siccitas paludes fuerit, vbi promontorium Circeium est, *Aeæam* dictam referunt. Apollonius lib. iv *Argonaut.* vers. 661

Ἰζον Αἰαίης λιμένα κλυτὸν - - -

- - - ἐνθα δὲ Κύρκην εὔρον,

Venerunt in celebrem portum Aeæe, - - vbi Circe inuenerunt. Et ipsam Circe Virgilius *Aeæam* lib. iii *Aen.* vers. 386 dixit,

Inferni que lacus, Aeææque insula Circes:

Vbi Seruius: *qui nunc Circeius mons a Circe dicitur, aliquando, vt Varro dicit, insula fuit nondum siccatis paludibus, quæ eam diuidebant a continenti.* Siue ergo Calypsûs sedem, siue Circes, secundum positionem fabularum intelligamus, vtraque procul a freto abest, vt ita nihil præsidii in fabulis sit, quo Melæ possit de Aeæa insula opinio defendi.

CAP. XI.

* Sic Apollodorus biblioth. I cap. 9 §. 24 extr. de Argonautis: *Παραμυψάμενοι Τυρρηνίαν ἤλθον εἰς Αἰαίαν, ἐνθα Κίρκη ἰκέτοα γενόμενοι καθάρσονται.* *Etruriam præteruecti venerunt in Aeæam, vbi quum Circe supplicassent, expiantur.*

CAPVT XI

DE

INSVLIS MAIORIBVS
CORSICA ET SARDINIA.

I.

IN Ligustico mari duæ maiores sunt insulæ, *Corfica* atque *Sardinia*: hæc Africum pelagus attingens; illa propior litori Italiae. Pomponius Mela lib. II cap. VII de Insulis: *Duæ grandes fretoque diuisæ Corfica & Sardinia, quarum Corfica Etrusco litori propior: - - - Sardinia Africum pelagus attingens, nisi quod in occidentem quam in orientem angustius spectat.* Primum agemus de *Corfica* separatim: deinde de *Sardinia*.

C O R S I C A.

II.

Corfica Latino ore est, quæ Græcis est Κύρνος. * Strabo lib. V pag. 155 ἡ δὲ Κύρνος ὑπὸ τῶν Ῥωμαίων καλεῖται Κόρσικα, *Corficam* Romani nominant, quæ *Cyrnus* est Græcis. Plinius lib. III cap. VI In Ligustico mari est *Corfica*, quam Græci *Cyrnon* appellauere, sed Tusco propior: a septentrione in meridiem proiecta, longa passuum CL millia: lata maiore ex parte quinquaginta. Stephanus geminam formam protulit, Κύρνος, & Κορσίς, ἴδος; vtramque etiam imitatus est Eustathius ad illud Dionysii versu 458

- - - καὶ ἀπείριτος εἰν ἀλλ' Κύρνος.

III.

Antiqui cultores dicuntur Phocenses fuisse. Herodot. lib. I cap. CLXV auctore: at Isidorus Orig. lib. XIV cap. VI, & Eustathius ad Dionysii dictum versum (quod etiam Byzantius chorographus in Κορσίς attingit,) a Liguribus primo incultam referunt, postquam taurum ex grege transnatare & per interualla corpore aucto reuerti Ligus femina, *Corfa* nomine, obseruasset. Sed hoc fabulosum est. Verius Seneca de diuersis insulæ habitatoribus cap. VIII ad Heluiam: *Hæc ipsa insula [Corfica] sæpe iam cultores mutauit. Vt antiquiora, quæ vetustas obduxit, transeam, Phocide relictæ, Graii, qui nunc Massiliam colunt, prius in hac insula consederunt. Ex qua quid eos fugauerit, incertum est: utrum cæli grauitas, an præpotentis Italiae conspectus, an natura importuosi maris. - - - Transferunt deinde Ligures in eam, transferunt & Hispani, quod ex similitudine ritus adparet. - - - Deductæ deinde sunt duæ ciuium Romanorum coloniae, altera a Ma-*

* Ἀὐτὰ δὲ τὰ ξύλα τῶν μήκη θαυρατὰ καὶ αἰῶνα καὶ λῆα. Μέγιστα δὲ καὶ παρὰ πολὺ τὰ ἐν τῇ Κύρνω φατὶν εἶναι. Ipse autem arbores longitudine mirabili, enodia, lenia. Maximas autem, & multo quidem, arbores *Corfica* dicunt esse. Et mox: Κύρνος μὲν ἐν ἅτε διὰ τὴν ἀθανσίαν, ἅτε καὶ τὸ ἔδαφος καὶ τὸν ἀέρα πολὺ διαφέρει τῶν ἄλλων. *Corfica* igitur siue propter siccitatem, siue etiam propter soli & aeris naturam multum ab aliis regionibus differt. Theophrast. hist. Plant. V cap. 9.

a Mario, altera a Sylla. Toties huius aridi & spinosi saxi mutatus est populus. Incolæ dicuntur Corsi. Liuius lib. XLII cap. VII Cicereius prætor in Corsica signis collatis pugnavit: septem millia Corsorum cæsa. Et Capitolinis tabulis in Papirii Mafonis triumpho DE CORSEIS, antique, id est Corsis.

IV.

Plinius XXXIII ciuitates habuisse lib. III cap. VI tradit; si oppida intelligas, suspectus est numerus, quia maiori longe insulæ Sardiniae idem cap. VII tantum XVIII oppida, ut in MSS. est, tribuit, ut in vulgatis, XIV: sin populos & societates, quod Latinis vox ciuitas sonabat; oportet parvas & exiguas fuisse, propter eandem insulæ paruitatem. Plerique tantum duas vrbes, easdemque Romanorum colonias memorant, *Marianam* & *Aleriam*: tot Diodorus Siculus lib. V cap. XIII, tot Mela, Plinius, Seneca dictis locis. Cetera a Ptolemæo adduntur & Antonino.

V.

Mariana colonia a C. Mario deducta, ut nomen fert, & Plinius discrete dixit, ac Seneca. Situm Ptolemæus & Antoninus ostendunt in latere orientali supra medietatem, septemtrionem versus, in maris ora. Etruscos condidisse, Diodorus auctor est; etiam nominis prisca *Nicææ*. Quod enim duas solum in insula vrbes fuisse dicit *Aleriam* & *Nicæam*; in hanc Marium colonos misisse ut in præcipuam & insignem urbem; omnino est probabile, præsertim quod etiam Stephanus in vocabulo Νικαία, quintam huius nominis ἐν Κύρνω τῇ νήσῳ, in insula *Cyrno*, siue Corsica, posuit: quam eximiam urbem omnes alii, nisi Mariana est, silentio, quod non credibile est, præterisse oportet.

VI.

Aleria, altera vrbs nobilior, ita scripta Plinio, & Melæ, & Antonino: etiam Ptolemæo Αλερία κολόνια. Et ne dubites de nominis sinceritate, vetusto lapide, quem Sirmondus exposuit, & Græuius ad Flori II cap. II repetiit, de L. Scipione legitur

HIC CEPIT CORSICA ALERIAQVE VRBE,

Sic scriptum exstat, legendumque *Corsicam Aleriamque urbem*. Idem nomen Floro ex veteri libro Salmasius restituit, ut Punico I bello nunc legamus de eodem L. Scipione: *Sardiniam, adnexamque Corsicam transit: Olbia hic, ibi Aleriae urbis excidio incolas terruit*. Græcorum aliis corruptum nomen est: Herodoto Αλαλία lib. I cap. CLXVI; Diodoro Siculo lib. V cap. XIII Κάλαρις: Zonaræ Tom. II p. 57 οὐαλερία, qui κρατίστην Κύρνω πόλιν, præstantissimam urbem Corsicæ laudauit. Sita prope medio latere orientali insulæ, prope ostium amnis *Rotani*, a Ptolemæo memorati, XL millibus, ut Antonini itinerario est, a Mariana in meridiem. Conditam a Phocensibus fuisse, Diodorus adnotauit: post Sulla in eam colonos duxit, uti ex Plinii Senecæque testimoniis constat. huius verba supra attulimus: illius sunt lib. III cap. VI *Corsica ciuitates habet XXXIII, & colonias Marianam, a C. Mario deductam: Aleriam, a dictatore Sulla*.

VII. Inter

VII.

Inter Aleriam & Marianam Ptolemæus posuit post flumen Rotanum, Ἀρτέμιδος λιμένα, *Diana portum*: dein τῆς ἑλίας βωμὸν, *Aram Tutelæ*: τῆς ὁλῆς ποταμὸς ἐκβολὰς, *Tuola fluminis ostia*, in cuius sinistra fuit Mariana. Supra quam in septemtrionem ex eiusdem dispositione est *Mantinorum* oppidum, πόλις Μαντίνων; in loco fere quo nunc est Bastia: deinde *Clunium*, vbi nunc S. Catharinæ fanum. Sed nihil horum est historiis, ac ne quidem itinerariis antiquis, illustratum: neque *Canelata*, in loco S. Florentiæ.

IIX.

Infra Aleriam, in austrum versus, est Antonini itinere a xxx millibus *Præsidium*, atque iterum post xxx millia *portus Fauonii*, qui videtur Ptolemæi Φιλωνίς λιμὴν, *Philonii portus* esse: tum demum est *Palla*, πάλλα Ptolemæi, quo iter Antonini ferebatur, xxv millibus diiuncta a portu Fauonii, in loco, vt videtur, S. Bonifacii: & hæc est extrema in australibus insulæ. Inter Pallam & portum Fauonii Ptolemæus locauit *Alistam* oppidum, portum versus, quem Philonii dixit, Antoninus Fauonii: & propinquiorem Pallæ *Portum Syracusanum*, Συρακυσάνων λιμένα, de quo etiam Diodorus dicto loco: αὕτη ἡ νῆκη εὐπροσόρμιτος ἔσται, κάλλιστον ἔχει λιμένα τὸν ὀνομαζόμενον Συρακούσιον, *Hæc insula [Corfica] aditur facile, optimum portum habens, qui dicitur Syracusanus.*

IX.

Quæ deinceps a meridie & occasu sequuntur vsque in septemtrionem, a solo Ptolemæo sunt prodita. Post Pallam in austro est *Marianum*, ἄκρον καὶ πόλις, *promontorium & oppidum*. Deinde παῦλα πόλις, *oppidum Pauca* in occidentali latere, quo loco nunc Pola est: vnde suspicio non pœnitenda Cluuerii est, Ptolemæum quoque scripsisse παῦλα. Supra Paulam *Vrcinium* est oppidum eo situ fere, quo nunc vrbs Adiazzo est: & in occasum inde, *Rhium* promontorium. Inde alia promontoria *Viriballum*, *Attium*, *Tilox*. Mediterranea obscuriora sunt: a septemtrione *Palanta*: & χρυσὸν ὄρος, *Aureus mons*, suo iugo protractus in ortum & austrum versus: ex aduerso Vrcinii *Aluca*: prope Aleriam ὄπινον, *Opinum* oppidum: & alia. Strabonis oppida *Blesino*, *Charax*, *Eniconiæ*, *Vapanes* inaudita & ignota sunt.

S A R D I N I A.

X.

Quæ *Sardinia* insula Latinis est, Græcis dicitur Σαρδῶν, & antiquissimis a specie plantæ pedis, quam præbet, ἰχθυῶσα, & Σανδαλιῶτις. Plinius lib. i i i cap. vii *Sardiniam ipsam Timæus Sandaliotin adpellauit ab effigie soleæ: Myrsilus Ichnusam a similitudine vestigii.* Pausanias in Phoc. cap. xvii ὄνομα τὸ ἀρχαῖον, ὅτι μὲν ὑπὸ τῶν ἐπιχωρίων ἐγένετο, ἔκ οἶδα. Ἕλληνας δὲ οἱ κατ' ἐμπορίαν εἰσπλέοντες ἰχθυῶσαν ἐκάλεσαν, ὅτι τὸ χῆμα τῇ νήσῳ κατ' ἰχθυὸς μάλιστα ἐστὶν ἀνθρώπου, *Antiquum nomen, quod ab indigenis fuit, non noui.* Qui a Græcis com-

Eee ee

mercii

mercii caussa adnauigarunt, Ichnusam vocauere, quod formam humani vestigii haberet. Nomen autem Σαρδῶ a duce Afrorum est, qui primi in insulam transmigrasse feruntur. Ibidem Pausanias : πρῶτοι διαβῆναι λέγονται νᾶυσιν εἰς τὴν νῆσον Λίβυες. ἡγεμῶν δὲ τοῖς Λίβυσιν ἦν Σάρδος, - - - καὶ τὸ ἔνομα ἀπὸ τῆς Σάρδος τέττε μετέβαλεν ἡ νῆσος, *Primi in hanc insulam Afri dicuntur immigrasse, quorum dux Sardus erat: - - a quo insula nomen sortita est.* Vtrumque nomen Italicus Silius lib. xii vers. 355 seq. eleganter ita exposuit:

*Insula fluctifono circumuallata profundo
Castigatur aquis, compressaque gurgite, terras
Enormes cohibet nude sub imagine plantæ.
Inde Ichnusa prius Graiis memorata colonis:
Mox Libyci Sardus, generoso sanguine fidens
Herculis ex sese mutauit nomina terræ.*

Sed tum rudi sæculo, sine oppidis dicitur habitata, quæ deinceps a Græcis & Hispanis, qui superuenerint, fuisse condita, idem tradit Pausanias. Latini *Sardiniam* dixere, vt notum est: incolas *Sardos*. Liuius lib. xxi cap. xvi *Sardos Corsosque laceffisse magis, quam exercuisse Romana arma.* quos Eutropius lib. iii cap. i *Sardinienses* Latina consuetudine adpellauit. Adiectum nomen, *Sardous* Græca forma, vt Plinii lib. iii cap. v sub finem, *Sardoum mare:* & Latine Nepos Catone cap. i *Sardiniensis triumphus.*

XI.

Fertilitas insulæ, quamuis insalubri cælo, magnopere laudatur. Mela lib. ii cap. vii *Sardinia fertilis, & soli quam cæli melioris: atque vt fecunda, ita pæne pestilens.* * Polybius lib. i cap. lxxix Σαρδῶ, ἔσα νῆσος καὶ τῷ μεγέθει, καὶ τῇ πολυανθρωπίᾳ, καὶ τοῖς γενήμασι διαφέρεισα, *Sardinia est insula & magnitudine, & frequentia hominum, & fructuum prouentu præstans.* Silius Italicus lib. xii vers. 375 de hac insula:

- - - propensæ Cereris nutrita fauore.

Quæ caussa fuit, vt in horreis vrbis Romanæ & Italiæ etiam Sardinia numeraretur. Cicero pro lege Manil. cap. xii Pompeius nondum tempestiuo ad nauigandum mari Siciliam adiit, Africam explorauit: inde Sardiniam cum classe venit: atque hæc tria frumentaria subsidia reipublicæ firmissimis præsidis classibusque munivit. Et Valerius Maximus lib. vii cap. vi n. i Siciliam & Sardiniam, benignissimas vrbis nutrices vocitauit.

XII.

Oppida Plinius lib. iii cap. vii in insula xviii fuisse tradit: ipse sex solum nominauit, *Sulcitanos, Valentinos, Neapolitanos, Bosenses, Caralitanos ciuium Romanorum, & Norenses:* coloniam vnā, quæ vocatur *ad turrin Libysonis.* Mela dicto loco: *Urbium antiquissimæ, Calaris & Sulci.* Nec Strabo lib. v pag. 155 πόλεις εἰσὶ μὲν πλείους, ἀξιόλογοι δὲ Κάραλις καὶ Σελχοί, *Plures quidem [Sardinia] vrbes sunt, duæ autem præcipuæ, Caralis & Sulchi.* Pausanias dicto loco Olbiam & Neram in antiquissimis numerat. Hæ sunt huius

* Adde Strabon. V p. 343, 344, qui æstate morbosam dicit insulam. Vide ibi notas Casauboni.

huius insulæ vrbes & oppida nobiliora, quæ singulatim nunc, in quantum cognita sunt, cum aliis quibusdam obscuris perlustrabimus.

XIII.

Sardinia freto dirempta est a Corsica, cui in austrum obiecta, in Africum mare protenditur. Plinius lib. iii cap. vi *Pelagus Africum attingens Sardinia, minus octo millibus passuum a Corsicæ extremis, etiamnum angustias eas arctantibus insulis paruis, quæ Cuniculariæ adpellantur: itemque Phintonis & Fossæ: a quibus fretum ipsum Taphros nominatur.* Fretum ipsum ergo *Fossa* dictum, Græce τάφρος, ab insula huius nominis in freto, vel prope, sita.

XIV.

Post fretum pars insulæ, quæ Italiam spectat, montosa & aspera: inculta & inperuia. Pausanias Phoc. cap. xvii τῆς νῆσος τὰ πρὸς τῆς ἀρκτὸς καὶ ἡπείρου τῆς κατὰ Ἰταλίαν, εἰν ὄρη δύσβατα, τὰ πέρατα συνάπτοντα ἀλλήλοις, οὐα insulæ ad aquilonem & Italiæ litora conuersa, in montes consurgit inuios, coeuntibus prope verticibus. Silius Italicus lib. xii vers. 372

*Qua videt Italiam, saxoso torrida dorso
Exercet scopulis late freta.*

Hoc tractu sunt illi *Insani montes*, vt proprio nomine adpellabantur. Livius lib. xxx cap. xxxix a Corsica in Sardiniam [consul Claudius] traiecit. Ibi superantem *Insanos montes* multo & sæuior & infestioribus locis tempestas adorta, disiecit classem. Et Florus lib. ii cap. vi Sardiniam Gracchus arripuit. nihil illi gentium feritas, *Insanorumque* (nam sic vocantur) immanitas montium profuere. Et Ptolemæus lib. iii cap. iii eodem sensu τὰ Μαίνονμενα ὄρη illos montes in Sardinia nominauit. Claudianus B. Gild. v. 511 seqq. de Sardinia situ:

- - - - - quæ respicit Arcton,
*Immitis, scopulosa, procax, subitisque sonora
Flatibus. Insanos infamat nauita montes.
Hinc hominum pecudumque lues, hinc pestifer aer
Sæuit, & exclusis regnant aquilonibus austri.*

Promontoria ibi sunt *Erebantium* ad fretum; *Columbarium*, ex montibus dictis procurrens. Vtrumque Ptolemæo auctore notum, qui alterum vocauit Κολυμβάριον ἄκρον, Latina littera u in o mutata. Inter vtrumque habet Ἀρκτοῦ ἄκρον, *Vrsi promontorium*, prope insulam Fossam.

XV.

Vbi planior insula sese aperit, sequitur *Portus Olbianns* Ptolemæi in orientali latere: & ex interuallo vrbs *Olbia*, antiquissima, a Græcis, vt Pausanias refert, condita. Cicero ad fratrem, præsidem illius prouinciæ lib. ii epist. viii *Has scito litteras me solas accepisse post illas, quas tuus nauta attulit, Olbia datas.* Ptolemæus ολβία πόλις. Florus lib. ii cap. ii de L. Scipione: *Sardiniam adnexamque Corsicam transit.* Olbiæ hic, ibi Alerie vrbs excidio incolas terruit. De eodem Zonaras pag. 57 ἐπὶ πόλιν ολβίαν

ἡλθεν, *Olbia urbem adgressus est.* Sita ad mare fuit. Claudianus B. Gild. vers. 519

Partem litoreo complectitur Olbia muro.

Inde *Olbienses* dicti. Orosius lib. i cap. ii *Sardinia habet a meridie Caralitanos: septemtrionem versus Vlbenses.* nam & *Vlbia* scriptum fuit. Cicero ad Quintum lib. ii epist. iii *Olbiensem epistolam* dixit *Olbia* datas litteras. Quod vero supra portum *Olbianum* diximus, id Græca factum imitatione, quia Ptolemæi Ὀλβιανὸς λιμὴν est.

XVI.

A xxvii millibus in Antonini itinerario *portus Luguidonis* est, haud dubie cum oppido, aut non longe ab illo, quia in populis insulæ Ptolemæus Λευκιδωνήσις, *Luguidonenses* quoque numeravit. Hinc post xv millia, *Caralim* versus, *Fanum Carisii*; nec Ptolemæi procul abest Φερωνία πόλις, *oppidum Feroniæ*: & ex modico interuallo Συπίκιος λιμὴν, *Supicius portus*, siue, ut in Vaticano est, Σολπίκιος, *Sulpicius*: Antoninus eo tractu *Porticenses* habet. Sed carent hæc lumine historiarum: ad clariora properamus.

XVII.

Caralis, & pluraliter *Carales*, * in nobilissimis urbium Sardiniae: immo caput eius: hodie Cagliari, item Calari. Florus lib. ii cap. vi *Sardiniam Gracchus arripuit.* - - - *Sævitum in vrbes, urbemque urbium Caralim.* Strabonis & Melæ verba supra percepimus. vterque singulari numero Κάραλις, *Caralis*. Ptolemæus: Κάραλις πόλις καὶ ἄκρα, *Caralis vrbs & promontorium.* Et Plinii *Caralitanum promontorium* dicto loco seu cap. vii est: Ptolemæi etiam Καραλιτᾶνος κόλπος, *Caralitanus sinus*. Pausanias Phoc. cap. xvii & Procopius Goth. iv cap. xxiv & Vand. B. lib. i c. xxiv Κάραλις, addita littera scripserunt. Multitudinis numero *Carales* Liuius constanter. Lib. xxi cap. xl *nauibz longis ad Carales subductis.* Et mox: *Manlius Carales se recepit*: & cap. xli *Carales exercitum reduxit.* Et Hirtius Afric. extremo: *post diem iii Carales in Sardiniam peruenit.* Et mox: *a Caralibus secundum terram prouectus.* A Poenis conditam Pausanias refert: ab Romanis ius ciuitatis accepisse Plinius auctor est, qui *Caralitanos ciuium Romanorum* dixit.

XIIIX.

In australi latere, vrbs itidem præclara, *Sulci* erant. Mela dicto loco: *urbium antiquissimæ, Caralis & Sulci.* nam vna cum Carali, ut Pausanias tradit, & hæc vrbs a Carthaginienfibus condita. Male is quidem Σύλλας in vulgatis habet, quod credo ab exscribentibus esse, & Σύλκας legendum. Sic enim Stephani breuiator: Σύλκοι, πόλις ἐν Σαρδοῖ, Καρχηδονίων κτίσμα, *Sylci vrbs Sardiniae, Carthaginienfium opus.* Ptolemæus Σόλκοι: forsan Σούλκοι scripsit,

* Claudian. de bell. Gildon. extr.

*Vrbs Lybiani contra Tyrio fundata potenti
Tenditur in longum Caralis tenuemque per undam
Obuia dimittit fracturum flumina collem.
Efficitur portus medium mare, tutaque ventis
Omnibus ingenti mansuescunt stagna recessu.*

scripsit, vt Latini *Sulci*. Strabo * *Σουλχοί*, *Sulchi*, quod minus placet, quia Stephanus & Ptolemæus *κ*, Latini c constantius feruant. Mela *Sulci*, vt dictum: Plinius, *Sulcitani*, qui incolunt: & Hirtius Afric. extremo: *Cæsar Sulcitanos* H - s c *millibus multat*. Itidem Plinius eodem loco, *Sulcense promontorium*. Claudianus B. Gild. sub finem:

Pars adit antiqua ductos Carthagine Sulcos.

Vrbs nuuc diruta iacet, nomen in proxima insula feruari fertur, quæ videtur Plinii *Enosis* esse.

XIX.

Per flexum insulæ in occidentale latus venimus, in quo *Bosa* & *Neapolis* prisca nomina conseruant: vnde Antonini ductu, itinere a Tibulis Sulcos, de ceteris oppidis iudicamus. Ordo in notioribus talis est:

<i>Tibulis</i>	
<i>ad Herculem</i>	M. P. LVIII
<i>ad Turrem</i>	M. P. XVIII
<i>Noram</i>	M. P. XVII
<i>Bosam</i>	M. P. XLI
<i>Cornos</i>	M. P. XVIII
<i>Tharros</i>	M. P. XVIII
<i>Neapolim</i>	M. P. XXX
<i>Metalla</i>	M. P. XXX
<i>Sulcos</i>	M. P. XXX

XX.

Vt ergo ab austro in septemtrionem progrediamur, prima post Sulcos sunt *Metalla*, a fodinis haud dubie nominata. Deinde est *Neapolis*, quæ nomen retinet, ad sinum, paullo supra Oristanum, urbem archiepiscopalem. Inde Caralim versus, ex interuallo sunt *Aquæ Neapolitanæ*, calidæ & salubres a Ptolemæo æque & Antonino laudatæ. Haud procul Neapoli, si recta positio Ptolemæi est, οὔσελλις, *Vsellis* fuit, πόλις κολώνια, oppidum, colonia, quam post Vespasiani tempora deductam esse oportet, quia Plinius sua ætate *vnam coloniam*, Turrin Libysonis fuisse, lib. III cap. VI testis est. Supra *Vsellim* τὰ ῥῆα πόλις, oppidum *Tarræ*: Antoninus *Tharpos* vel *Tharphos*, illud Aldi, hoc Simleri editione dixit, quod in *Tharros* recentiores, Ptolemæo duce, mutauerunt.

XXI.

Nobilior vrbs *Cornus* est, Ptolemæi κόρνος, Antonini pluratiuo numero *Corni*. Liuius lib. XXIII cap. XL *Alius exercitus primo per agros siluasque fuga palatus: dein quo ducem fugisse fama erat, ad urbem, nomine Cornum, caput eius regionis, confugit, debellatumque eo prælio in Sardinia esset, ni classis Punica - - in tempore ad spem rebellandi aduenisset*. Et cap. XLI *Ceteris vrbs Cornus eadem, quæ ante, fugæ receptaculum fuit. quam Manlius, victore exercitu adgressus, intra paucos dies recepit*. Ptolemæus in mediterraneis scripsit: sed haud procul a mari fuisse, iter ostendit Antonini. *Bosam*

Eee ee 3

Sam quoque, quam & ipse βῶσαν vocat, vnde Plinii *Bosenses* sunt, in μεσεγγείοις, *mediterraneis* scripsit, quæ vero in ora sita superest vrbs eadem, vt nomen probat & iter Antonini.

XXII.

Interiacet Ptolemæi *Coracodes portus*, κορακῶδες λιμὴν, cuius oppidum videtur *Corax* fuisse: & Antonini *Carbia*; & alius portus ac oppidum Νύμφαιον, *Nymphæum* nomine, eiusdem Ptolemæi; antequam ad *Noram* veniatur, intus paullo, recedente inter duos sinus mari, positam, quod itineris etiam rationes demonstrant. Hæc Ptolemæi Νῶρα πόλις, sed itidem loco mota in meridianam regionem. Ductus autem itineris Antonini nobis certior est, quam dispositio Ptolemæi. Pausanias sæpe dicto cap. xvii Phoc. Ἰβηρες εἰς τὴν Σαρδῶ διαβαίνουσιν ὑπὸ ἡγεμόνι τῆς Σόλης Νῶρακι, καὶ ὠκίῳ τῇ Νῶρα πόλις ὑπὸ αὐτῶν, *Hispani*, in *Sardiniam* duce *Norace* transuecti, urbem *Noram* condiderunt. Oppidanos Plinius *Norenses* adpellauit.

XXIII.

Ad mare, supra *Nymphæum*, Τίλλιον πόλις, oppidum *Tillium*, siue *Tilium*: & ad sinum excurrentem locus *ad Turrem*, Itinerario monstrantē, quæ Plinii haud dubie *Turris Libysonis*, Ptolemæi πύργος Λιβύσσωνος, vt in ms est, vulgo βίσσωνος: nunc, excisa vrbe, nudus portus *Porto Torre* vocitatur. Inde locus *ad Herculem*; & tandem, minore interuallo, quam itinerario est, sunt *Tibula*, vnde aliquot itinera ducuntur; Ptolemæi τίβευλα πόλις, vrbs *Tibula*: supra quam *Iuliola* eiusdem Ptolemæi, prope fretum posita.

XXIV.

Superfunt quædam interiora ad perlustrandum, quibus vero certum locum adsignare difficile est. Itinere a *Tibulis Caralim* ponit Antoninus *Forum Traiani* inter oppidum *Luguidonem* & *Aquas Neapolitanas*, munitum ab Iustiniano. Procopius lib. vi de Aedific. cap. vii πόλις ἐστὶν ἐν τῇ νήσῳ Σαρδοῦ, ἡ νῦν Σαρδινία καλεῖται, Τραιανῆς φόρον αὐτὴν καλεῖσι Ρωμῶται. Ταύτην τειχὴν πεποίηται Ἰουστινιανὸς, & πρότερον ἔσαν, Oppidum est in insula *Sardinia*, *Forum Traiani*. Hoc mœnibus cinxit Iustinianus, quum esset nudum antea.

XXV.

Tredecim millibus supra *Caralim*, eodem indice Antonino, itinere a portu *Tibulis Caralim*, *Ferraria* est, a fodinis haud dubie & officinis ita dicta. nam & ferri ferax hæc insula, & Rutilius Itinerar. lib. i chalybem insulæ *Ilux* laudans, nec potiozem *Noricum* esse dicit, neque *Bituricensem Galliam*,

Nec quæ Sardoo cespite massa fluit.

XXVI.

Ptolemæus in *mediterraneis* etiam *Valeria* meminit, (editum est οὐαλερία πόλις) quod nomen ipse suspectum reddidit, dum in populis insulæ Οὐαλεντίνης recenset, & Plinius *Valentinos* lib. iii cap. vii. Vnde proum est coniicere, nomen oppidi non *Valeria*, sed *Valentia* fuisse, & ita quoque scripsisse Ptolemæum. Eiusdem est Λῆσα, *Lesa*, vnde *Aquas* nominat *Lesita-*

Lefitanas: Alia Ptolemæi & Antonini tam in litore, quam media terra, præterimus, quod nihil habemus de iis dicere; minus in historiis, vnde illustremus.

XXVII.

De populis Sardinia lib. III cap. VII Plinius: *Celeberrimi in ea* [insula] *populorum Ilienses, Balari, Corsi.* Pomponius Mela de eadem insula: *In ea antiquissimi populorum sunt Ilienses.* Sed antiquiores in insula, si Pausania credimus, Hispani, Libyes, Græci fuerunt. Post demum, inquit, Troianorum, qui cum Aenea erant, *μοῖρα ἀπενεχθεῖσα ὑπὸ ἀνέμων ἐς Σαρδῶν, ἀνεμίχθησαν τοῖς προενοικῶσιν Ἑλλήσι, pars tempestatibus in Sardiniam abrepta, Græcis, qui ante illic confederant, permisti sunt.* Hi sunt *Ilienses* Sardi, a Mela, Plinio, Liuiο memorati, qui postea, quum maior Afrorum manus superueniens exstingueret Græcos, *ἐς τῆς νῆος τὰ ὑψηλὰ, in montana insula* confugientes, ibi *Iliensium* nomen etiam ad Pausaniae ætatem vsque (*ἐς ἐμὲ ἐτι*, inquit) conseruarunt. *Corforum* origo, & ex vicina insula aduentus, per se intelliguntur. *Balarorum* nomen *Φυγάδας, fugitiuos* Pausanias *κατὰ γλῶσσαν τὴν Κυρνίων, secundum Corforum linguam,* interpretatur, quia fuerint Hispani genere, antea focii Pœnorum in insula, post separati ab illis defectione, in alios montes confugerint. Aequē ergo, vt Ilienses, configi montibus quos incolebant, planiores partes, vt liberi prædatores, infestant. Liuius lib. XLI cap. VI *In Sardinia magnum tumultum esse, litteris prætoris cognitum est. Ilienses, adiunctis Balarorum auxiliis, pacatam provinciam inuaserant: nec eis inualido exercitu, & magna parte pestilentia absumto, resisti poterat.* Est & genus hominum in insula, quos *Pellitos Sardos* Liuius dixit lib. XXIII cap. XL, qui etiam in montanis haud dubie habitant: ideoque mastrucis & pellibus ad frigus arcendum vsi. Dux Sardonum, inquit, *Hampsicora tum forte profectus erat in Pellitos Sardos ad iuuentutem armandam, qua copias augeret.* Hos Cicero de Prov. consul. cap. VII *mastrucatos latrunculos* vocat. Res, inquit, *in Sardinia cum mastrucatis latrunculis a proprætore una cohorte auxiliaria gesta.* Ptolemæus plures populos enumerat, sed plerosque ab vrbibus denominatos, vt *Tibulatio, Coracenses, Canusitanos*, quos a Fano Canusii Cluuerius (sic legit in itinera-rio, non *Carisii*) ducit: geminos *Solcitanos*, australes, & alios; quemadmodum etiam Antoninus alios *Sulcos* in orientali latere, alios in australi habet: *Cornenses, Scapitanos, Neapolitas, & ceteros.* *

XXIIX.

Fluminum insulae vix vnum & alterum nominatim memoratur, *Thyrus, Θύρσος*, Ptolemæi & Antonini; ille ostia supra Vfellim ponit: hic, caput in via ab Olbia Caralim: lapsus, *διὰ μέσσης τῆς χώρας, per mediam insulam*, vt Pausanias, cui *Θόρσος* est, prauate fortassis, loco persæpe dicto adnotat. Proximus est *Τέρμος, Termus*, inter Nymphæum & Caracodem portum in mare decurrens. Cetera minora & indigna memoratu sunt.

XXIX.

* Adde Strabon. V pag. 344 & Diodor. IV pag. 235.

XXIX.

Insulæ circa Sardiniam plures sunt minores. Plinius lib. iii cap. vii *Habet ea [Sardinia] a Gorditano promontorio duas insulas, quæ vocantur Herculis: a Sulcensi, Enosin: a Caralitano, Ficariam.* Habet & Ptolemæus in Sardinia Γορδιτανὸν ἄκρον, *Gorditanum promontorium* in latere occidentali supra Tillium, septemtrionem versus, vbi duæ insulæ, altera mediocris, altera parua admodum. Ptolemæus autem vnam Ἡρακλέως νῆσον proponit, maiorem intelligens, quæ hodie Zauara dicitur: minorem, nunc Isola Piana, propter exiguitatem posthabuit. Promontorium autem Gorditanum, est Capo di Argentera. *Enosis*, hodie S. Antioco: Caralitano promontorio obiectæ Cortelazo & Serpentera: alterutra Plinii & Ptolemæi *Ficaria*. Præterea Ptolemæus narrat *Phintonis* (φίντωνος) insulam, *Nymphæam*, *Diabaten*, *Hieracum*, ἱεράκων, id est accipitrum; *Plumbariam*, & *Hermæam* siue Mercurii. In Agathodæmonis tabula *Hermæa* est supra Olbianum sinum, contra Infanos montes: *Diabate* contra portum Nymphæum: *Hieracum* siue *Accipitrum* insula ab occasu sinus Sulcitani. *Phintonis* insulam, quam & Plinius habet, in septemtrionem Cluuerius ad Erebantium promontorium reiecit. *Cuniculariæ* Plinii ex Tabulæ Peutingerianæ *Cunicularia* vna, ad sinum Caralitanum sita, cognoscuntur. *Bertula* in eadem Tabula ad medium lateris occidentalis: Boaris & Bouenna, vtcumque scriptas, ad australe visuntur, quæ il Toro (Taurus) & la Vacca hodie vocantur. *Plumbaria*, Μολυβώδης, incerto loco est.

C A P V T XII

DE

S I C I L I A.

I.

Sicilia insula tam propinqua est Italiæ, vt plures veterum continentem olim fuisse, postea vel terræ motu vel maris impetu vtriusque abscissam, crediderint, de quo in Italia, quum *Rhegi*, vrbis ad fretum sitæ, nomen explicaremus, prædictum fuit, suspectam illam historiam, & fabulæ similiorem permultis videri adeo, vt antiquorum etiam modestiores, * Virgilius atque Mela, ad famæ incertum & vulgi opinionem id reiiciant, dicantque, ille *dissiluisse FERUNT*; hic, *Sicilia, vt FERUNT, aliquando continens*. Sæuit hodieque mare, fiunt tremores terræ atque motus, nec vero tanta auulsio partium deprehenditur. Accedunt rupes & promontoria, quibus vtrumque latus freti præmunitur, vt disruptio ne credibilis quidem videatur. Nihilominus non desunt, qui id adseueranter enuntiant, Silius Italicus lib. xiv vers. ii

Auso-

* Ouid. Metamorph. XV, 290

- - - Zancle quoque iuncta fuisse
Dicitur Italiæ: donec confinia pontus
Abstulit & media tellurem reppulit unda.

*Ausoniae pars magna iacet Trinacria tellus ;
 Ut semel expugnante Noto, & vastantibus undis,
 Accepit freta ceruleo propulsa tridente.
 Namque per occultum caeca vi turbinis olim
 Impactum pelagus laceratae viscera terrae
 Discidit, & medio perfrumpens arua profundo
 Cum populis pariter conuulsas transtulit vrbes.*

Plinius quoque lib. iii cap. viii non dubitabundus dixit, *Sicilia, quondam Bruttio agro coherens, mox interfuso mari auulsa.* Quod tam certum Tanaquillo Fabro, viro clarissimo, adparet, ut tempus etiam auulsionis in Eustathii ad Periegetæ vers. 475 commentariis se inuenisse lib. i epist. xiv gloriatur: quam is auctor (si modo antiquior ipse esset, fideque dignior) Acasto, Aeoli filio, Siculis imperitante, factam esse memorat. Acolum autem Tanaquillus circa ea tempora vixisse refert, quibus Israelitæ duram illam seruitutem, quam sub Pharaonibus seruierant, exuerunt. Vnde id confirmetur, non addidit, quod in medio, aut dubio potius, relinqueamus.

II.

Siue autem veta fuit abruptio illa, siue, quod probabilius videtur, ut multæ antiquitatis traditiones, conficta; tam vicina tamen Sicilia Italiæ est, ut suburbanam illam prouinciã Romani dixerint. Florus lib. ii cap. ii *quum iam Sicilia suburbana esset populi Romani prouincia: & lib. iii c. xix de serui bello: Terra frugum ferax, & quodammodo suburbana prouincia.* Quid? quod tanta illarum propinquitas est, ut in altera alterius gallicinia & latratus canum exaudiri iam olim obseruatum fuerit. Silius dicto loco vers. 20

*Sed spatium, quod dissociat consortia terre,
 Latratus fama est (sic arcta interuenit unda)
 Et matutinos volucrum transmittere cantus.*

Plinius latitudinem freti MD passuum refert: Straboni autem lib. v p. 177 a Cæny promontorio ad Posidonium *συνωπὸς ὅσον ἑξααίδιος, μικρῶν δὲ πλείων τὸ ἐλαχίστην διαπέραμα.* angustia freti sex stadiorum, & paullo longior traiectus breuissimus. At Agethemerus lib. i cap. v *διάρμα ἔχει ἀπὸ Πελοπόννησου εἰς Ἰταλίαν σάδιον καὶ περὶ μὲν, traiectus a Peloro promontorio in Italiam, habet undecim stadiorum fretum:* id quod propius ad numeros Plinii, si recte sese habent, accedit.

III.

Varia sunt insulæ huius nomina, eaque vel a situ, vel a populis eorumque ducibus imposita, *Trinacria, Triquetra, Sicania, Sicilia*, ut periphrastica nomina alia taceamus. Plinius lib. iii cap. viii *Ante omnes (insulas est) claritate Sicilia, Sicania Thucydidi dicto, Trinacria pluribus, aut Triquetra, a triangula specie.* Primum nomen *Trinacria* a tribus *ἀκραις* seu promontoriis vocatur, quorum primum, *Pelorum*, *πέλωρον*, aduersus Scyllam in Italiam vergit: alterum, *Pachynum*, in Græciam: tertium, *Libyæum*, in

Africam. *Trinacria* nomen poetis vsurpatum magis est quam ceteris scriptoribus. Virgilius Aeneid. iii vers. 440

Trinacria fines Italos mittere relicta.

Et ibidem in versu 581 - - - intremere omnem
Murmure *Trinacriam*, & *caelum* subtexere fumo.

Et per modum adiectionis versu 384

- - - *Trinacria* lentandus remus in vnda:

& Silius lib. xiv vers. 11 *Trinacria* tellus, quem versum paullo ante produximus. Est etiam *Trinacris*, trisyllabum eiusdem compositionis nomen.

Ovidius Fast. i v vers. 419,

Terra tribus scopulis vastum procurrit in æquor

Trinacris, a positu nomen adepta loci.

Et Metamorphos. lib. v vers. 346

Vasta giganteis ingesta est insula membris

Trinacris.

Ac elisa littera *τρινακία*, *Trinacia*: & *τρινακίς*, *Trinacis*. Dionysius Perieges. vers. 467

*τρινακίη δ' ἐπὶ τῇσιν, ὑπὲρ πέδον Αὔσονιῶν
ἐκτέταται.*

Trinacia autem post has super solum *Ausoniorum* extenta est. Id quod nonnulli etiam ab *ἄκρον*, quamquam eiecta littera est, deriuant. Eustathius ad

Dionysium: ἔστιν οἷον ἐτυμολογία τὸ τοῦ τῆς *τρινακίας* οἰοῦναι *τρινακρίας*, ὃ ἐστὶ τρία ἐχέσσης ἄκρα. Et Strabo lib. vi pag. 183 euphoniæ dat expulsionem litteræ.

τρινακρία, inquit, πρότερον, *τρινακίς* δ' ὕστερον προσηγορεύθη, μετονομασθεῖσα εὐφωγότερον, *Trinacria* primum, *Trinacis* deinde adpellata sono vocis concinniore.

Alii vocabulum a *τρίναξ*, *nos*, id est *tridens* deducunt, quod quia ambigue per τ & θ scribitur, Homeri quoque scriptura *θρινακίη* * Odyss. λ vers. 106,

& μ vers. 127, 135 simul intelligitur. Byzantius Stephanus: *τρινακρία* ἐκλήθη ἔτιω, ἢ ὅτι τρεῖς ἄκρας ἔχει, ἢ ὅτι θρινακί ἐστὶν ὁμοία, *Trinacria* ita vel a tribus promontoriis dicta, vel quod θρινακί, id est tridenti, similis est.

IV.

Vocabulum *Triquetra* præter Plinium supra productum, est Horatii lib. ii satyr. vi vers. 55, vbi prædia *Triquetra* militibus promissa, in Sicilia sunt: & Silius lib. v vers. 490

Huc Aetnaea cohors, Triquetris quam miserat oris
Rex, Arethusa, tuus.

V.

Nomen *Sicaniæ* a *Sicanis*, populo, est, quos Dionysius Halicarnassensis lib. i pag. 17 γένος Ἰβερικόν, *Hispanam* gentem vocat: *Siculi* autem, vnde nomen *Siciliæ* est, ex Italia feruntur in insulam venisse. Silius lib. xiv vers. 33 de vtrisque

Cyclo-

* Nicander Theriac. 529 pag. 35, *θρινακίην μὲν ῥίζαν ἔλεν γυναικεία θάψα Μίλας*. Vbi Scholiares: *θρινακίαν τὴν ῥίζαν τῆς θάψα λέγουσι, διὰ τὸ ἐν Σικελίᾳ γίνεσθαι*. ἢ γὰρ Σικελία διὰ τὸ τρεῖς ἄκρας ἔχειν *τρινακρία* καὶ *τρινακίς* καλεῖται. Ignoravit igitur veriorē originē *θρινακίας*.

- - - - - Cyclopiæ regna
 Vomere verterunt primum noua rura Sicani.
 Pyrene misit populos. - - - & vers. 37
 Mox Ligurum pubes, Siculo ductore nouauit
 Possessis bello mutata vocabula regnis.

Etiam *Læstrygones*, quæ gens perinde fuit Italica, in antiquissimis Siciliæ habitatoribus numerantur, de quibus Silius dicto libro vers. 127

*Prima Leontinos vastarunt prælia campos,
 Regnatam duro quondam Læstrygone terram. **

Additæ coloniæ Græcorum, Naxos, Chalcidensium, Syracusæ Corinthiorum, aliæque aliorum: & Carthaginienfes magnam partem occuparunt. Hos colonos numerasse satis sit; plures tradunt Strabo in Sicilia, & Thucydides lib. vi sub initium. Ex qua commistione factum, vt *trilingues* Sicali apud Apuleium lib. xi censerentur, id est Græce, Punice, Italice loquentes.

VI.

Ingens fertilitas insulæ, laudataque a pluribus. Vt de Græcis taceam, tota Ciceronis oratio Frumentaria est testis huius rei: & Florus feruili bello, *Terra frugum ferax*: ac Silius Italicus lib. xiv vers. 23

*Multa solo virtus: iam reddere fœnus aratris,
 Iam montes umbrare olea, dare nomina Baccho;
 Nectare Cecropias Hybleo accendere ceras.*

Inde est, quod horreum Romanæ reipublicæ hæc insula habita quondam fuerit. Cicero pro Lege Manil. cap. xxi Pompeius nondum tempestiuo ad nauigandum mari Siciliam adiit, Africam explorauit; inde in Sardiniam cum classe venit: atque hæc tria frumentaria subsidia reipublicæ firmissimis præsidis nauibusque muniuit. Et Liuius lib. xxvi cap. xl de consule Læuino refert, coegisse Siculos, positis tandem armis ad agrum colendum animos convertere: vt esset non incolarum modo alimentis frugifera insula, sed urbis Romæ atque Italiæ (id quod multis sæpe tempestatibus fecerat) annonam leuaret. Et lib. xxvii cap. v omnes [Siculos] in vrbes agrosque suos reductos, arare, serere: desertam recoli tandem terram frugiferam ipsis cultoribus, populoque Romano pace ac bello fidissimum annonæ subsidium.

VII.

Limes inter Italiam Siciliamque fretum est, inde Siculum cognominatum, de cuius latitudine supra dictum fuit: longitudo xv millia passuum secundum Plinium lib. iii cap. viii. Florus lib. iv cap. viii de Sexto Pompeio: *Tanta mole belli penitus in Siculo freto iuuenis oppressus est*. Græce πορθμός Σικελικός, vt Marcianus Heracleota pag. 12 adpellauit. Fertur illud inter Scyllam & Charybdim: illam in Italico litore, de qua etiam in Italia actum fuit; hanc in mari propiorem insulæ litoribus. Mela lib. i cap. vii *Scylla saxum est: Charybdis mare*; ** *utrumque noxium adpulsis*.

Fff ff 2

Plinius

* Adde Tzetzen ad Lycophron. v. 662.

** De Scylla & Charybdi multa Tzetzes ad Lycophron. v. 45.

Plinius dicto loco: *Charybdis mare vorticosum*. Seneca epist. LXXIX in-
eunte: *Exspecto epistolas tuas, quibus mihi indices, circuitus Siciliae totius quid*
tibi noui ostenderit, & omnia de ipsa Charybdi certiora. Nam Scyllam saxum
esse, & quidem non terribile nauigantibus, optime scio: *Charybdis an respon-*
deat fabulis, perscribi mihi desidero. Et si forte obseruaueris, (dignum est au-
tem ut obserues) fac nos certiores, utrum vno tantum vento agatur in vorti-
ces, an omnis tempestas aequè mare illud contorqueat: & an verum sit, quid-
quid illo freti turbine adreptum est, per multa millia trahi conditum, & circa
Tauromenitarum litus emergere. Virgilius Aeneid. III vers. 420

Dextrum Scylla latus, laeuum implicata Charybdis
Obsidet, atque imo barathri ter gurgite vastos
Sorbet in abruptum fluctus, rursusque sub auras
Erigit alternos, & sidera verberat vnda.

E quibus facile adparet, quid rei sublit in Charybdi, & quid fabulis impu-
tandum sit. Quo id cumprimis pertinet, quod de trina eructatione a
poetis, etiam Hygino fab. cxxv est proditum. Esse autem propiorem Si-
ciliae litori, quam Italiae, illud laeuum Maronis, dextro Scyllae oppositum
ostendit; etiam cognomentum a Siciliae vrbe petatum, Ouidii Fast. lib. iv
vers. 499

Effugit & Syrtes, & te, Zancleae Charybdi.

II X.

Primum in insula iuxta fretum est promontorium *Pelorum*, quod va-
rio genere nominatur *Pelorus* & *Pelorum*, prout vel mons vel promonto-
rium subauditur: etiam muliebri forma *Peloris* & *Pelorias*, utrumque imi-
tatione Graecorum, quibus est πελωρίς, ἴδος, & πελωριάς, ἄδος. Dionysius
Perieg. vers. 472

Ηνεμόεσσα Πελωρίς, ἐς Αὐσονίην ὁρώσα,

Ventosa Peloris in Ausoniam spectans. Polybius lib. i cap. XLII ἀκροτήριον,
τὸ εἰς τὰς ἀρκτας κεκλιμένον, προτάγορεύεται πελωριάς, promontorium [insulae]
septemtrionale vocatur Pelorias. Et antea cap. xi περὶ πελωριάδα. Latina
exempla sunt: Silius Italicus lib. xiv vers. 79

Celsus arenoso tollit se mole Pelorus.

Et Ouidius Metamorph. xiii vers. 726 - - - at Arcton

Aequoris expertem spectat Boreamque Peloros.

Mela lib. ii cap. vii de promontoriis Siciliae: *Pachynum vocatur, quod Grae-*
ciam spectat: Lilybaeum, quod in Africam: Peloris, quod in Italiam vergens
Scyllae aduersum. Et paucis interiectis: *inter Lilybaeum & Pelorida Panor-*
mus & Himeras. Et Cicero Verrina vltima cap. iii *facilius fuerit ad Ocea-*
num peruenire, quam ad Peloridem accedere. Ouidius Fast. iv vers. 479

Iamque Peloriadem, Lilybaeaeque, iamque Pachynum
Lustrarat.

Et Solinus cap. v *Pelorias aduersa vespero Italiam videt*. Verius *septem-*
trioni, quam *vespero*, dixisset, etiam Salmasii τὴν πάλιν iudicio. Aliquando
Pelorias est nomen regionis, distinctum a promontorio. Diodorus Sicu-
lus

Ius lib. iv extremo fabulam ex Hesiodo adfert, Ὠρίωνα προχῶσαι τὸ κατὰ τὴν Πελωριάδα κείμενον ἀκρωτήριον, καὶ τὸ τέμενος τῷ Ποσειδῶνι κατασκευάσαι, Orionem aggeribus construxisse promontorium iuxta Peloriadem, & templum in eo Neptuni ædificasse. Illa regio Peloritana ora dicta est Solino cap. v.

IX.

Messana prima vrbs Siciliæ, ex Italia si traicitur, ad fretum posita, olim dicta Zancle. Silius lib. xiv vers. 195.

Incumbens Messana freto.

Diodorus lib. iv cap. vlt. ἡ τότε Ζάγκλη, νῦν δὲ Μεσσηνή, ὀνομαζομένη, quæ olim Zancle erat, nunc Messane nuncupatur. Idem, nomen Zancle a Zanclo rege deductum refert: alii a falce, quam vox ζάγκλον Siculo sonet, id est a curuitate loci. Thucydides lib. vi pag. 413 ὄνομα τὸ μὲν πρῶτον Ζάγκλη ἦν, ὑπὸ τῶν Σικελῶν κληθεῖσα, ὅτι δρεπανοειδὲς τὸ χωρίον τὴν ἰδέαν ἐστὶ, τὸ δὲ δρέπανον οἱ Σικελοὶ Ζάγκλον καλεῖσι, Nomen antiquum [vrbs] Zancle erat, a Siculis impositum, quia locus [curuitate sua] speciem falcis præbet. Falx enim Siculo ζάγκλον dicitur. Alterum nomen a Messeniis Peloponnesi est. Strabo lib. vi pag. 185 κτίσμα ἐστὶ Μεσσηνίων, τῶν ἐν Πελοποννήσῳ, παρ' ὧν τὸ νομα μετήλλαξε, Ζάγκλη πρότερον καλεσμένη διὰ τὴν σκολιότητα τῶν τόπων, Conditæ a Messeniis Peloponnesiacis, a quibus & nomen accepit, Zancle antea ab obliquitate locorum dicta. Thucydides id soli Anaxilæ Messenio, Rheginorum tyranno, tribuit, qui, promiscuis colonis immixtis, urbem a patria sua denominauerit. Vocabulum Zancle poetis reliquum. Silius lib. i. vers. 662

Vos etiam Zanclem Siculi contra arma tyranni

Iuuisse egregium:

qui & Zancleæ mœnia eandem urbem lib. xiv vers. 49 vocitavit. Alterum nomen Græcis idem plane est, quum Siciliæ & Peloponnesi vrbes significat. Vtramque enim Μεσσηνήν Strabo, Ptolemæus, Scylax, Thucydides, Diodorus vocant: in nummis autem Siculorum est ΜΕΣΣΑΝΙΩΝ, quam formam Latini imitantur, Siciliensem urbem Messanam; Peloponnesiacam Messenen constanter nominantes. Mela dicto loco: Ora, Ionium mare attingens, hæc fert illustria: Messanam, Taurominium; Catinam, Megarida, Syracusas. Et Liuius lib. xxi cap. xlix Ad eas [naues Carthaginensium] conspectas, a Messana duodecim naues ab Hierone rege Syracusanorum missæ, qui tum forte Messanæ erat. Et Suetonius Calig. cap. li repente a Messana noctu profugit, Aetnæi verticis fumo ac murmure pauesfactus. Oppidani Μεσσανεῖς, uti ex nummis adparet, in quorum vno est ΜΕΣΣΑΝΙΩΝ: facie obuersa ΠΕΛΩΡΙΑΣ. Latine Messanenses: postquam autem Mamertinos receperunt, nominis illorum societatem inire non sunt dedignati. Pompeius Festus in MAMERTINI: Quum in parte ea Siciliæ [Mamertini] confedissent, * quæ nunc Tauricana dicitur, forte parantibus bello cernere Messanenibus auxilio venerunt ultro - - - quod ob meritum eorum ut gratiam referrent, & in suum corpus communionemque agrorum inuitarunt eos,

Fff ff 3

& no-

* Ver sacrum Samnitium dicere debuerat auctor. Nam postea deum ver illud sacrum a Mamerte (sic Osci Martem vocant) Mamertinorum nomen accepit.

ἔς nomen acceperunt vnum, vt dicerentur Mamertini. Et Plinius lib. III cap. VII I A Peloro, mare Ionium ora spectante, oppidum Messana ciuium Romanorum, qui Mamertini vocantur. Ab his Messana Ciceroni dicta Mamertina ciuitas, orat. in Verr. Frument. cap. VI.

X.

Sequitur Drepanum promontorium Ptolemæi atque Plinii: dein, quod Plinius addit, colonia Tauromenium, quæ antea Naxos. Et nummus, COL. AVG. TAVROMEN. Et Græci ταυρομενιον, quod vtique præferendum vulgato Latinis libris Taurominio: quamuis nec hoc, quod in multis codicibus constanter legitur, damnatum velim. Cicero fœderatam ciuitatem dixit, orat. Frumentar. cap. VI. Fœderatæ, inquit, ciuitates duæ sunt, Mamertina & Tauromenitana. Ciues ergo seu coloni Taurominitani siue Tauromenitani. Silius lib. XIV vers. 257

Tauromenitana cernunt de sede Charybdim.

Nummus Harduini, TAVROMENITAN. Ceterum huius vrbs meminit Cicero lib. XVI epist. XI ad Atticum: Epistolas Catinam, Tauromenium, Syracusas commodius mittere potero. Hodie Taormina. Quod vero Plinius Tauromenium dixit antea Naxum fuisse adpellatum; in eo dissentit Strabo, dicto loco: sed facile conciliatur Plinio. Nam Tauromenium conditum est in monte Tauro, vt Diodorus describit lib. XIV cap. LX, & lib. XVI cap. VII. Naxus autem ad latus montis australe fuerat, quam Dionysius euertit, vt idem lib. XIV cap. XVI prodidit. Ex ruinis ergo huius surrexit in proximo, aut creuit Tauromenium, vt visa eadem vrbs fuerit, quæ olim Naxos, post Tauromenium adpellabatur. Litus Tauromenitanum dicebatur κοπρία, Copria, ab eiectionibus nauium fragminibus, quæ Charybdis vortice perierant. Strabo prædicto loco de Charybdi: τὰ ναυάγια παρασύρεται πρὸς ἡϊόνα τῆς Ταυρομενίας, ἣν καλεῖσιν ἀπὸ τῆς συμπύματος τῆς Κοπρίας, absorptarum nauium fragmenta ad litus Tauromenitanum deuoluuntur, quod ab hoc euentu COPRIA, quasi sterquilinum, vocatur. Et Pacatus Panegyr. Theodos. cap. XXVI Charybdim loquor? quæ quum plena nauigia sorbuerit, dicitur tamen reiectione naufragia, & contortas fundo rates Tauromenitanis litoribus exponere.

XI.

Citra Tauromenium est Ἀργεννεὺν ἄκρον, Argennum promontorium Ptolemæi: vltra coloniam Onobala fluius Appiani, lib. V Ciuil. pag. 1162 παρέπλει τὸν ποταμὸν Ονοβάλαν, præternauigabat flumen Onobalam. Quod vero circa Tauromenium aut Naxum defluit, non videtur amnis alius ab illo esse, qui Vibio est Taurominius, inter Syracusas & Messenen, a quo oppidum Taurominium. Hodie Cantara dictus. Proximus est Asines fluius Plinii, quem Fiume Freddo, ab aqua frigidissima nunc adpellari aiunt. Harduinus Plutarchi Asinarum (Ἀσινάρον, in Nicia pag. 541) eundem esse autumat, quem Cluuerius inter Syracusas & Pachynum posuit. Ab Aetna decurrit Acis amnis, poetis memoratus. Theocritus idyllio I vers. 69

οὐδ' Αἴτνας σκοπιᾶν, ἔδ' Ἄκιδος ἱερὸν ὕδωρ,

Neque

Neque Aetnae cacumen, neque sacra Acidis undam. Et Ovidius lib. iv Fastor. vers. 468

Præterit & ripas, herbifer Aci, tuas.

Et Silius lib. xiv vers. 222

Quique per Aetnaeos Acis petit æquora fines.

Nomen hodieque tenet, aut Sicula dialecto Iaci vel Chiaci vocatur. Post hunc

XII.

Catana * est siue *Catina*, e regione Aetnae montis, una ex quinque coloniis Romanis, secundum Strabonem *Ναξίων κλίσμα*, a Naxiis olim condita. Ptolemæus, *κατάνη πολώνια*: Plinius iii cap. viii *Scopuli tres Cyclo-
pum, portus Vlyssis, colonia Catina.* Mela ii cap. vii *Ora hæc fert illustria,
Messanam, Taurominium, Catinam, Megarida, Syracusas.* Huius nominis eadem ratio est, quæ Taurominii, ut aliter Græci scribant, *κατάνη*, prima vocali: aliter Latini plerique, *Catina*, vocali tertia: sicut Græcorum erat *Ταυρομένιον*; plurium Latinorum *Taurominium*. Thucydides, Scylax, Strabo, Ptolemæus *κατάνη* & *καταναῖσι*, & nummi veteres *ΚΑΤΑΝΑΙΩΝ*: Plinii & Melæ scripturam modo vidimus: cum quibus poetæ faciunt Silius atque Ausonius. Ille lib. xiv vers. 197

Tum Catinae nimium ardenti vicina Tiphæo:

id est Aetnae vicina; vide Notas nostras: hic, de Clar. vrbib.

Quis Catinam fileat? quis quadruplices Syracusas.

Nec Cicero aliter quam *Catina*, etiam libris castigatissimis. Libro iv in Verr. de Signis cap. xxiii *Catinam quum venisset, oppidum locuples, honestum, copiosum.* Et lib. xvi ad Attic. ep. xi *Epistolas Catinam, Tauromenium, Syracusas commodius mittere potero.* At Liuius lib. xxvii cap. viii *Tantum ea cura frumenti prouenit, ut & Romam mitteret, & Catanam conueheret, unde exercitui, qui ad Tarentum aestiua acturus esset, posset præberi.***

XIII.

Interluit oppidum Catinense amnis *Amenanus*, ex Aetna ortus, parvus & breui decursione. Strabo lib. v pag. 166 *καθάπερ περὶ τῆς Αμενάνης συμβαίνειν φασὶ, τῆς διὰ Κατάνης ῥέοντος, quemadmodum flumini Amenano euenire dicunt (deficere penitus) per Catanam fluenti.* Ovidius Fast. iv vers. 467

Iamque Leontinos Amenanaque flumina cursu Præterit.

Et Metamorphos. lib. xv vers. 279 reſtitutoribus Vrsino & Heinsio:

Nec non Sicanias voluens Amenanus arenas

Nunc fluit; interdum suppressis fontibus aret.

Idem.

* Nonnus Dionys. XIII v. 309 pag. 368

Τῷ δ' ἐπὶ Σικελίῃθεν ἐκὴν ὁδὸς ἦλθεν Ἀχαιῆς

Καὶ οἱ ἐΦωμάστησαν ὀμήλυδες ἀσπιδιώται

Κιλλυρίων τ' Εὐρύων τε πρὸς τράτος οἷτε παλίγγων

ἔδραν ἄμφερόμεντο. καὶ αὖ Κατάνην παρὰ λίμνην

ἔειπον Σαγῆνων πόλιν ἄρεον.

** Et Orosius V c. 13, Eodem tempore Aetna mons ultra solitum exarsit, & torrentibus igneis superfusis lateque circumfluentibus, Catanam urbem finesque eius oppressit &c.

Idem Fulv. Vrsinus nummum produxit ab vna parte scriptum AMENANOS, ab altera, ΚΑΤΑΝΑΙΩΝ. Deriuatum autem hoc nomen est: simplex *Amenas*, quo vsus est Pindarus Pyth. oda i antistr. iv Ἀμένα παρ' ὕδαρ, *Amenæ ad aquam*.

XIV.

Sequitur *Symæthus*, Σύμαιθος fluuius, ex Cluuerii coniectura terminus inter Leontinos & Catanam. Thucydides lib. vi pag. 455 ἠολίσαντο ἐπὶ Συμαίθῳ ποταμῷ ἐν τῇ Λεοντίνῃ, *castra posuerunt ad Symæthum flumen in agro Leontino*. Scylax in Sicilia: Σύμαιθος ποταμός, *Symæthus fluuius*. Virgilius lib. ix vers. 584

Eductum Martis luco, Symæthia circum

Flumina: pinguis ubi & placabilis ara Palici.

Vbi Seruius: *Symæthus fluuius est Siciliae, a rege Symætho dictus, haud longe ab vrbe Catinenfi, circa quem sunt Palici dei*. Et Vibius Sequester: *Symæthus Siciliae, vicinus Palicis*. Defert fluuios *Cyamosorum*, Κυαμόςωρον Polybii lib. i cap. ix iuxta Centuripas confluentem: & *Chrysam* Assorinorum, a Cicerone lib. iv in Verr. de Signis, cap. xliv memoratum.

XV.

Supra ostium Symæthi, prope mare, videtur oppidum *Murgentium* fuisse, Strabonis Μοργάντιον lib. vi pag. 186. Et Diodorus lib. xiv cap. xcvi viam memorat, a Chrysa flumine ferentem εἰς Μοργαντίαν, in *Morgantinam*, vbi πόλιν, urbem subaudiri verosimile est. At Cicero Frument. orat. cap. xliii, & Plinius iii cap. viii *Murgentinos* oppidanos vocant: quod a forma *Murgentium* Latina est. Silius lib. xiv vers. 266 - - - frondosis *Morgentia campis*, genere muliebri. Liuius Græcos imitatus lib. xxiv cap. xxvii ita maritimum situm notauit: *Ad Murgantiam tum classem navium centum Romanus habebat, quoniam euaderent motus ex cædibus tyrannorum orti Syracusis*. Ultra Symæthum est *Eryces* fluuius, ab oppido *Eryce*: quod intus est, delapsus, cuius mentio in ἀκράγαντες apud Stephanum: deinde *Terias*, alius amnis, prope Leontinos in mare Siculum decurrens. Scylax dicto loco: εἰς τὰς Λεοντίνους κατὰ τηρίαν ἀνάπλες μ' ἑσάδιων, *Leontinos per Teriam sursum nauigatur xl stadia*, vt Cluuerius numerum emendauit adprobante Vossio. Thucydides lib. vi pag. 444 ἐκοιμάθησαν ἐπὶ τὸν τηρίαν ποταμὸν, *delati sunt ad Teriam flumen*: & pag. 476 per e expressum est ἐπὶ τὸν τηρέαν ποταμὸν. Plinius de Sicilia: *Flumina Symæthum, Terias*. Excipit hic *Lissum* amnem, Leontinos præterfluentem, vt Polybius loco mox indicando tradidit.

XVI.

Leontini, plurali numero vrbs prope Teriam, Scylaci xx stadiis, Cluverio emendenti xl a mari. Mela ii cap. vii *Interius Leontini, Centuripinum, & Hybla*. Et Plinius iii cap. viii *Oppida Leontini, Megaris*. Ptolemæus vocat Λεόντιον, *Leontium*. Hodie Lentini est. Situm cum cura signauit Polybius principio excerptorum libri vii, τὴν τῶν Λεοντίνων πόλιν appellans. Populus quoque, communi cum vrbe nomine, *Leontini*. Liuius lib.

lib. xxiv cap. xxix *profectus & ipse in Leontinos: & cap. xxx Marcellus cum omni exercitu profectus in Leontinos. Ager fertilissimus. Cicero Frumentaria cap. xviii Aetnensis ager, qui solebat esse cultissimus; & quod caput est rei frumentariae, campus Leontinus. Hi sunt Læstrygonii campi, ut olim dicebantur. Plinius dicto loco: Intus Læstrygonii campi. Oppida Leontini, Megaris. Et Silius lib. xiv vers. 126*

*Prima Leontinos vastarunt praelia campos,
Regnatam duro quondam Læstrygone terram.*

Olim & Xuthiam illum agrum, a Xutho, prisco domino, adpellatum, Diodorus auctor est lib. v cap. viii. In agro illo etiam castellum validum, quod *Bricinnias* Thucydides nominavit lib. v pag. 344.

XVII.

In sinum Leontinum *Pantagias* fluuius infunditur. Vibius in Fluminibus, addita fabula: *Pantegias Siciliae ita dictus, quod sonitus eius decurrentis per totam insulam auditus est usque eo, donec Ceres, quærens filiam, comprimeret eum.* Virgilius Aen. iii vers. 688

- - - *vinuo præteruehor ostia saxo*

Pantagie, Megarosque sinus.

Et Silius lib. xiv vers. 231 - - - *qui*

- - - *facilem superari gurgite parco*

Pantagiam, rapidique colunt vada flaua Symæthi.

Et Græca terminatione *Pantagies*, Πανταγίης. Plinius lib. iii cap. viii *Oppida, Leontini, Megaris: amnis Pantagies.* Et Ovidius lib. iv Fastor. vers. 471

Liquerat Ortygien, Megareaque, Pantagienque,

Quaque Symætheas accipit equor aquas.

Ptolemæus corrupte Παντάχης ποταμὸς ἐκβολαί, pro Πανταγίης. *Trotilum* oppidum ignobile ὑπὲρ Παντακίης (lege Πανταγίης, nisi utroque modo pronuntiatum fuit) id est, *super Pantagia* situm, Thucydides post principium libri vi memoravit.

XIIIX.

Megara, seu *Megarīs*, olim *Hybla* dicta. Stephanus Byzantius: ἵβλα τρεῖς πόλεις Σικελίας, - - - ἡ μικρά, ἧς οἱ πολῖται Γαλεῶται, Μεγαρεῖς, *Tres Hyblæ in Sicilia.* - - - *Parua, cuius ciues Galeotæ, Megarenses.* In voce *Megara* idem: ἑκτὴ ἐν Σικελίᾳ, ἡ πρότερον ἵβλη, *Sexta* [huius nominis] *vrbs in Sicilia, quæ prius dicta fuit Hybla.* Scilicet Megarenses ex Græcia coloni vetus nomen, inducto suo, abrogauerunt. Strabo lib. vi pag. 185 refert, τὰς Δωριέας Μέγαρα κτίσαι, τὴν ἵβλαν πρότερον καλεσμένην, *Dorienses Megara condidisse, Hyblam antea vocatam.* Qui & heic & alibi multitudinis numero τὰ Μέγαρα lib. vi dixit: etiam Thucydides lib. vi pag. 476 παρέπλευσαν ἐπὶ Μεγάρων τῶν ἐν τῇ Σικελίᾳ, *naugarunt aduersus Megara, quæ in Sicilia sunt.* Illustris vir Ezech. Spanhemius pag. 356 nummum profert, quo singulari numero scriptum ΜΕΓΑΡΑΣ ΤΒΛΑΣ, *Megarae Hyblæ.* Sic *Megara, orum, & Megara, ræ*, gemina forma habemus. Liuius quoque variat:

lib.

lib. xxiv cap. xxx exercitum ducunt Megaram, & mox: *Megarís castra movent*, pluraliter: & iterum singulari numero cap. xxxi *Megaram*, unde profecti erant, referri signa iubent. Tertia forma *Μεγαρίς* est Scylacis, cuius lectionem V. C. Iac. Gronovius sollicitat. Certior Diodorus, qui lib. iv cap. Lxxx *πλησίον τῆς Μεγαρίδος* prope *Megaridem*, dixit: etiam certiores Latini geographi. Plinius, ut supra dictum, *Oppida*, inquit, *Leontini, Megaris*. Pomponius Mela: *Ora hæc fert illustria, Messanam, Taurominium, Catinam, Megarida, Syracusas*. Strabonis ævo *Megara* desierant esse (ἐκ ἐτι ἐστὶ) τὸ δὲ τῆς ὕβλης ὄνομα συμμένει διὰ τὴν ἀρετὴν τῆς ὕβλας μέλιτες, nomen autem *Hyblæ* propter mellis *Hyblæi* præstantiam manebat. Ovidius lib. iv ex Ponto epist. xv

Quot Sicyon baccas, quot parit Hybla fauos.

Et Silius Italicus lib. xiv vers. 200

*Tum quæ nectareis vocat ad certamen Hymetton
Audax Hybla fauis.*

Inde *apes Hyblæas* Virgilius generosissimas ecloga i dixit: & Martialis *Hyblæa mella*, omnium præstantissima.

XIX.

Myla fluvius in hoc tractu memoratus Liviò est lib. xxiv cap. xxx. *Syracusanis*, inquit, octo millium armatorum agmine profectis domo, ad *Mylam* flumen nuntius occurrit, captam urbem esse. Et in ora, *Xiphonia* promontorium: addunt alii oppidum nominis eiusdem, nec non portum. Strabo lib. vi pag. 184 τὸ τῆς Ζιφωνίας ἀκρωτήριον. *Xiphonia* promontorium. Stephani breuiator: *Ζιφωνία πόλις Σικελίας*, *Xiphonia*, oppidum *Siciliæ*: & Scylax in *Sicilia*, λιμὴν Ζιφωνίας, *Xiphoneus* portus.

XX.

Inter *Mylam* & *Megaram* *Alabon*, siue *Alabus* fluvius est. Diodorus lib. iv cap. Lxxx *Dædalum* *Cocalo* regi fecisse *κολυμβήτραν*, & quidem prope *Megaridem*, ἐξ ἧς μέγας ποταμὸς εἰς τὴν πλησίον θάλατταν ἐξερεύγεται, καλούμενος *Αλαβών*, ex qua ingens fluvius, quem *Alabonem* nominant, in vicinum mare se profundit. Interpres Diodori est Vibius Sequester: *Alabon* (sic scribendum) *Megarensium*, cuius fontem *Dædalus* dilatauit, agrumque reddidit & regionem, quam idem fluvius deuiastabat. Stephanus Byzantius: *Αλαβὼν πόλις καὶ ποταμὸς*, *Alabon* oppidum & flumen. Non addit breuiator, ubi nam gentium sit: sed excidisse videtur vox *Σικελίας*. Silio *Alabis* est lib. xiv vers. 228

Nec non qui potant Hypsāque Alabinque sonoros.

Plutarcho & Ptolemæo forma *Ἀλαβες*, *Alabus*, placet. Hic *Ἀλάβες ποταμὸς ἐν Βοιωτίᾳ*, *Alabi* fluminis ostia; ille in *Timoleonte* pag. 252 inter *Syracusas* & *Catanam* τὸ ρεῖμμα τὴν Ἀβόλον, riuum *Abolum* habet, quod haud dubie traiectis litteris legendum est *Ἀλαβον*, *Alabum*, ut Ptolemæus scripsit.

XXI.

In intimo sinu, in peninsula *Tapsus* fuit, siue *Thapsus*. nam Græci per θ scribunt: Latini fere T simplici omnes. Stephanus: *θάψος ἐστὶ καὶ Σικελίας*

κελίας χερσόνησος ἐν τῷ στενῷ ἰσθμῷ, *Thapsus est quoque Siciliae peninsula* [& oppidum] *in angusto isthmo.* Ex Thucydidis lib. vi p. 478 hausit, cuius hæc sunt: τοῖς τε ναυσὶν ἐς τὴν Θάψον καθορμισάμενοι. ἔστι δὲ χερσόνησος μὲν ἐν στενῷ ἰσθμῷ προὔχουσα ἐς τὸ πέλαγος, τῆς δὲ Συρακυσίων πόλεως ἕτε πλῆν, ἕτε ὁδὸν πολλὴν ἀπέχει, *cum classe Thapsum subierunt, quæ angusto terræ limite in mare prominens peninsula est, non procul Syracusis, siue terra, siue mari.* Virgilius Aeneid. iii vers. 689

- - - *Megarosque sinus, Tapsumque iacentem.*

IACENTEM, id est planam fluctibusque parem, Seruio interpretante. Ovidius Fastor. lib. iv vers. 487

Hinc Camerinan adit, Tapsomque, & Heloria tempe.

Et Silius Italicus lib. xiv vers. 207

*Non Tapsos, non e tumulis glacialibus Acræ
Defuerunt.*

XXII.

Succedunt illustrissimæ *Syracusæ*, a Corinthiis conditæ, sed quod Velleius lib. ii cap. xv obseruat, conditricæ factæ potentiores: vrbs multiplex, permunita, cum duobus portibus. Scylax: *Συράκσαι, καὶ λιμένες ἐν αὐτῇ δύο, Syracusæ, in qua vrbe duo portus.* Plinius sæpe dicto loco: *colonia Syracusæ, cum fonte Arethusa.* Solinus de Sicilia: *principem urbium Syracusas habet.* Thucydides lib. vii pag. 503 *Συρακῆσας ἀντιπολιορκεῖν, πόλιν ἔδειν ἐλάττωνα αὐτὴν τε καὶ αὐτὴν τῶν Ἀθηναίων, Syracusas vicissim obsidere, urbem nihilo per se, quam ipsas Athenas, inferiorem.* Magnitudinem vrbis ex Romanorum expugnatione intelligere licet, per partes multis vix diebus peracta, singulas tutas munitionibus. Vide Liuii lib. xxv cap. xxiv, seq. Strabo lib. vi pag. 186 de Syracusis: *πεντάπολις ἦν τὸ παλαιόν, ἑκατὸν καὶ ὀγδοήκοντα σταδίων ἔχουσα τὸ τεῖχος, quinque quasi vrbes complexa olim, CLXXX stadiorum murum habentes.* Partes illæ fuere, *Nasos, Achradina, Tyche, Neapolis, Epipolæ*; de quibus Liuius dicto loco consulatur. Quod verò *Epipolæ* minus erant habitatæ, alii quatuor tantum vrbes, siue tetrapolin in Syracusis notauerunt. Cicero Verrina de Signis, siue lib. iv cap. Liii de Syracusis: *Ea tanta est vrbs, ut ex quatuor urbibus maximis constare dicatur: quarum una est ea, quam dixi, Insula: quæ duobus portibus cincta, in utriusque portus ostium aditumque proiecta est, in qua domus est, quæ regis Hieronis fuit, qua prætores uti solent.* - - - *Altera autem est vrbs Syracusis, cui nomen Acradina est, in qua forum maximum, pulcherrimæ porticus, ornatissimum prytaneum, amplissima est curia, templumque Iouis Olympii.* - - - *Tertia est vrbs, quæ quod in ea parte Fortune fanum antiquum fuit, Tyche nominata est, in qua & gymnasium amplissimum est, & complures ædes sacræ; coliturque ea pars & habitatur frequentissime.* *Quarta autem est vrbs, quæ quia postrema ædificata est, Neapolis nominatur, quam ad summam theatrum est maximum, reliqua.* Et totidem partes posteriori ævo fuerunt. Aufonius de Claris urbibus:

Quis Catinam sileat? quis quadruplices Syracusas?

De prima parte, quæ Νῆσος, id est νῆσος, siue *Insula* vocabatur, *Ortygia* * proprio nomine, ex eodem Ciceronis loco adnotamus, *mari disiunctam angusto, ponte rursus adiunctam fuisse.* Addit ibidem: *In hac insula extrema est fons aquæ dulcis, cui nomen Arethusa ** est, incredibili magnitudine, plenissimus piscium, qui fluctu totus operiretur, nisi munitione ac mole lapidum a mari disiunctus esset.* Mira sunt quæ de hoc fonte tradunt, *finum redolere per Olympia.* Vnde Plinius lib. xxi cap. v ait, *veri simile esse, Alpheum, Peloponnesi fluuium, in eam insulam sub ima maria permeare.* Clarius id Seneca scripsit, sed addidit, *opinio est,* lib. iii Quæst. Nat. c. xxvi. Et Strabo lib. vi pag. 187 μὲντοι, τὸν Αλφειὸν εἶναι τῆτον, *fabulantur hoc de Alpheo.* Ex poetis, quorum proprium est fingere, Virgilius tamen ad *famam* refert Aen. iii, vers. 692

*Sicanio prætenta sinu iacet insula contra
Plemmyrium undosum: nomen dixere priores
Ortygiam. Alpheum fama est huc, Elidis amnem,
Occultas egisse vias subter mare, qui nunc
Ore, Arethusa, tuo Siculis confunditur undis.*

Partem vrbis *Achradinam* Plutarchus in Marcello pag. 308 τὸ καρτεράτατον, καὶ κάλλιστον, καὶ μέγιστον, *munitissimam, & pulcherrimam, & amplissimam civitatis* dixit. Græci, Plutarchus dicto loco, & Diodorus xi cap. lxxviii, & lib. xiv cap. lxi v, *Αχραδινὴ* scripserunt: Latini interdum, vt Cicero iam dictis verbis *Acradina* sine adspiratione. *Epipolæ*, *Επιπολαί*, secundum eundem Diodorum lib. xiv cap. xix, τόπος τετραμμένος ἐστὶ πρὸς ἄρκτον, ἀπόκρημνος δὲ πᾶς, καὶ διὰ τὴν τραχύτητα δυσπρόσδεος ἐκ τῶν ἔξωθεν μερῶν, hæc, inquit, pars tota prærupta erat, & ob asperitatem inaccessa intrinsecus, *adiacens* cultioribus partibus a septentrione: quam Dionysius muro circumdedit & vrbi adiunxit. *Hexapylos*, cuius Liuius & Diodorus dictis locis mentionem faciunt, vel porta fuit Neapoleos, vel pars illius nouæ vrbis, aut pars muri portis distincti in eadem. Diodorus Epipolis contiguam vel propinquam partem facit, dum murum Epipolarum πρὸς τοῖς ἑξαπύλοις, ad *Hexapyla* (pluraliter Græci) ductum a Dionysio, scripsit: Plutarchus autem & Liuius, vterque in Marcelli historia, vt portam describunt, vel locum insigni porta peruium: ille pag. 308 τὰ ἑξάπυλα διακόψας, *Hexapyla effringens*: & mox: ἅμα Φαιδείᾳ τῶν ἑξαπύλων ὁ Μάρκελλος κατήει, *simul illuxit, Marcellus per Hexapyla ingressus urbem est*: hic lib. xxv cap. xxiv sub luce, *Hexapylo effracto, Marcellus omnibus copiis urbem ingressus.* Et paullo ante: *signo ab Hexapylo dato: item, prope Hexapylon est portula; ea magna vi refringi cœpta.*

XXIII.

Fontes etiam ad Syracusas celebrantur. Plinius lib. iii cap. viii *Syracusæ cum fonte Arethusa. quamquam & Temenitis, & Archidemia, & Magea,*

* De hac Ovidius Metamorphos. XV v. 336,

- - Tempusque fuit, quo naui in undis,
Nunc sedet Ortygie.

** De Arethusa add. Nonnus Dionysiac. XII v. 323 pag. 370.

gea, & Cyane, & Milichie fontes in Syracusano potantur agro. De Arethusa supra dictum : *Milichia*, *μολιχίη*, a delicata aqua nomen habet: ex ceteris *Cyane* poetarum carminibus incluta. Ovidius lib. II Pont. epist. x vers. 26

Quaque suis Cyanen miscet Anapus aquis.

Fingitur ex nymphea, comite Proserpines, in fontem mutata. Claudianus lib. III de Raptu vers. 245

- - - - - *mediis inuenimus aruis*

Exanimem Cyanen. - - - - -

Adgredimur subitæ, & casus scitamus heriles.

(*Nam propior cladi steterat*) *quis vultus equorum,*

Quis regat? Illa nihil: tacito sed læsa veneno

Soluitur in laticem. subrepat crinibus humor.

Liquitur, in roremque pedes & brachia manant,

Nostraque mox lambit vestigia perspicuus fons.

Vibius Sequester in lacubus *Cyanen* scripsit, per quam *Anapus* fluuius transeat. Flumen illud, ex Ouidii iam versu cognitum, inter Syracusas & suburbium Olympieum in portum magnum infunditur. Memorauit etiam Liuius lib. XXIV cap. XXXVI. *Marcellus Syracusas rediit: & post paucos dies Himilco, adiuncto Hippocrate, ad flumen Anapum, octo ferme inde millia castra posuit.* Et Theocritus Idyll. I vers. 68

Οὐ γὰρ δὴ ποταμοῖο μέγαν ῥέον ἔχει' Ἀνάπῳ,

neque enim [o nymphæ] magnum flumen Anapi amnis tenuistis. Scholiastes ibi: ὁ Ἀναπὸς ποταμὸς ἐν Συρακῶσαις τῆς Σικελίας.

XXIV.

Trans Anapum oppidulum est, tamquam suburbium Syracusarum, cui nomen *Olympium*, siue *Olympieum*, a templo Iouis Olympii, quod habebat. Liuius lib. XXIV cap. XXXIII *Romanus exercitus ad Olympium* (*Iovis id templum est*) *mille & quingentis passibus ab urbe castra posuit.* Thucydides lib. VI pag. 454 ἐδίδασκον αὐτὰς περὶ τῆς πρὸς τῷ Ὀλυμπιεῖω χωρὶς, *docuerunt ipsos de loco (quem caperent) ad Olympieum.* Et lib. VII pag. 488 ἐπὶ τῇ ἐν τῷ Ὀλυμπιεῖω πολίχνῃ, *apud oppidulum, quod est in Olympieo.* Et Diodorus lib. XIII cap. VI Athenienses silentio in magnum portum nauigantes, τῆς τε Ὀλυμπίας κύριοι κατέστησαν, *etiam Olympio potiti sunt: & cap. VII eosdem ait loco portui imminente potitos, τὴν καλεσμένην πολίχνην, quod dicitur, oppidulum (Polychnam) muniuisse, inclusisseque Διὸς ἱερὸν, Iovis templum.* Idemne Olympieum & πολίχνη fuerint, vti videtur, adfirmare argumentis non possum.

XXV.

Qui inter Olympium & Plemmyrium sinus est, *Dascon* nominabatur. Diodorus lib. XIII cap. XIII πρὸς τὸν κόλπον τὸν Δάσκωνα καλεσμένον, *in sinum Dasconem compulsus est Eurymedon.* Adiacebat castellum eiusdem nominis. Idem lib. XIV cap. LXXIII τὸ πρὸς τῷ Δάσκωνι χωρίον, *quod ad Dasconem*

nem sinum castellum est. Id communi nomine cum sinu vocitatum esse, verba Stephani commonstrant, Δάσκων, Σικελίας χωρίον.

XXVI.

Inde in austrum est *Plemmyrium* promontorium, & iuxta illud eodem nomine castellum. Virgilius Aen. iii vers. 693 *Plemmyrium undosum* dixit, contra Ortygiam insulam situm. Diodorus lib. xiv cap. lxxiv ὠκοδόμησε καὶ τρία Φρέγια παρὰ θάλατταν, τὸ μὲν ἐπὶ τῇ Πλημμυρίᾳ, τὸ δ' ἐπὶ μέσῳ τῇ λιμένος, τὸ δὲ κατὰ τὸν νεῶν τῇ Διός. Aedificavit [Himilco] tria castella, unum ad *Plemmyrium*, alterum supra medium portum, tertium iuxta *Iouis templum*. Sed curatius descripsit & promontorium & castellum Thucydides lib. vii pag. 488 τῷ δὲ Νικίᾳ ἐδόκει τὸ Πλημμύριον καλεῖμενον τειχίσαι. ἐστὶ δὲ ἄκρα ἀντιπέρας τῆς πόλεως, ἥπερ προὔχουσα τῇ μεγάλῃ λιμένος τὸ σόμα σενὸν ποιῇ, *Nicia placuit Plemmyrium munire*. Est vero promontorium e regione urbis, quod prominens in portum magnum fauces eius coarctat. Stephanus, Πλημμύριον Φρέγιον Συρακυσῶν, *Plemmyrium castellum Syracusarum*.

XXVII.

Vltra Syracusas sunt flumina, Κακύπαρις, *Cacyparis*, ad quod itum est via Helorina, Thucydide prodente lib. vii pag. 545: deinde *Asinarum*, Ἀσινᾶρος ποταμός, Plutarcho in Nicia pag. 541 monstrante: tum nobilius *Helorum*. Plinius post Syracusas: portus *Nauasthmus*, flumen *Elorum*. Vibius Sequester: *Helorus Syracusarum*, a quo ciuitas. nam & oppidum, impositum flumini, eodem nomine fuit. Stephanus: Ἑλώρος πόλις Σικελίας, ἀπὸ Ἑλώρος ποταμοῦ τῇ κατὰ Πάχυνον, *Helorus oppidum Siciliae, ab Heloro flumino, qui est ad Pachynum*. Hic Silio est lib. xiv vers. 270 *clamosus Helorus*, a strepitu. Rigauit amoenissimum campum, Diodoro lib. xiii cap. xix τὸ Ἑλώριον πεδῖον dictum: & Ouidio iv Fast. vers. 487 *Heloria tempe*: Virgilio Aen. iii vers. 689 *præpingue solum stagnantis Helori*.

XXIIX.

Plures etiam portus erant inter Syracusas & promontorium *Pachynum*. Plinio post urbem est *Nauasthmus* portus: Ptolemæo supra *Pachynum* φοινικῆς λιμὴν, *Phœnicus portus*: & sub ipso *Pachyno* promontorio portus erat. Cicero Verrina vltima cap. xxxiv nostra classis erat in portu *Pachyni*. De ipso promontorio supra in nomine *Trinacriae* dictum. Et Virgilius Aen. iii vers. 689 post *Helori* stagnantis ostia:

Hinc altas cautes proiectaque saxa *Pachyni*
Radimus.

Et Polybius lib. i cap. xxv ὅθεν ἀναχθέντες ἐπλεον, δεξιὰν ἔχοντες τὴν Σικελίαν, κάμψαντες δὲ τὴν Πάχυνον ὑπερῆραν, unde [a Messana Romani] *naugantes dexteram habuere Siciliam, flexoque cursu Pachynum superarunt*. Ptolemæus: Πάχυνος ἄκρα.

XXIX.

Post *Pachynum* in australi latere est Ptolemæi οδύσσεια ἄκρα, *Odysseum promontorium*. Lycophron dixit vers. 1030

Τῇ Σισυφείᾳ παιδὸς ὀχθηρὰν ἄκραν,

Sisyphæi

Sisyphæi filii iugosum promontorium. Quidam enim Vlyſſem παῖδα γενεαλογεῖσι τῷ Σισύφῳ, *filium Sisyphi fuisse per genealogiam tradunt*, vt scholiastes vetus Lycophronis interpretatur. Idem addit, nescio vnde, Vlyſſem a se id promontorium nominasse, κάκραν καλεσμένην πρὶν, ὅπερ ἐστὶν πλησίον παχύνῃ, *quod antea Cakra dictum fuerit, propinquum Pachyno.* Huc refert Cluuerius *portum Edissæ* Ciceronis Verr. vlt. cap. xxxiii, aliunde non notum, tamquam deprauatum nomen ex *Odyssæa*.

XXX.

Inter Vlyſſis portum & Camarinam sunt fluuii *Motycanus*, a Motyce delapsus, quem Μετυχάνον Ptolemæus scripsit: & *Hirminius* Plinii. Ille nunc Xicli; hic Maulo & Fiume di Ragusa dictus.

XXXI.

Camarina autem vrbs a Syracusanis condita. Strabo lib. vi pag. 187 Καμαρίνα ἀπὸ τοῦ Συρακούσιων, *Camarina colonia Syracusanorum.* Plinius iii cap. viii oppidum *Camarina.* * Gentile Καμαρινῶν Thucydidi lib. vi, & in nummis ΚΑΜΑΡΙΝΑΙΩΝ: etiam Καμαρίνοι, *Camarini*, apud Suidam. Hodieque ruinæ, quæ de amplitudine testantur, *Camarana* dicuntur. Adiacet *palus Camarina*, nunc Lago di Camarana, quam *Hipparis* amnis transit, cuius Pindarus Olymp. od. v, & vna Oani, Ωάνῃ, mentionem facit, vtriusque, vt scholiastes addit, ἐν Καμαρίνῃ, in agro *Camarino*. Ab hac palude prouerbum est, μὴ κίνηι Καμαρίναν, ** *Camarinam ne moueas*: quod Stephanus refert Byzantius, & Seruius interpretatur ad illud Virgilio Aen. iii vers. 701

Adparet Camarina procul:

& respicit Silius lib. xiv vers. 199

Et cui non licitum fatis Camarina moueri.

XXXII.

Inter Camarinam & Gelam sunt duo flumina, quæ, quum ceteris cunctis antiquæ adpellationis rationes consent, iisdem deficiuntur. ideoque illos putat Cluuerius esse, quos coniunctos memorauit Silius lib. xiv vers. 229

Et perlucens splendenti gurgite Achaten.

Qui fontes Vagedrusa tuos - - -

supple, colunt. De *Achate* Plinius lib. xxxvi cap. x & Solinus cap. v ** referunt, in ripis eius primum gemmam Achatem fuisse repertam, tum pretiosam, post vilescens, quum pluribus locis inueniretur. De *Vagedrusa* nihil præterea notum est.

XXXIII.

* Nonnus Dionysiac. XIII v. 316,

Οἳ τ' ἔχον Καμαρίναν, ὅπῃ κελᾶδοντι δεέσθω
Ἰππας ἀσκήριος ἐρεύχεται ἀγκύλον ὕδαρ.

** Epigrammat. Græc. libr. IV Antholog. cap. ἑς πηγ. pag. 493.

Μὴ κίνηι Καμαρίναν· ἀκίνητος γὰρ ἀμείνων
Μήποτε κινήσας τὴν μένονα μέζονα Θάη.

** Et Theophrastus de lapidib. pag. 396 princip.

XXXIII.

Gela oppidum sequitur, nomine accepto a fluuio *Gela*, qui adluit. Stephanus: Γέλα πόλις Σικελίας καλεῖται ἀπὸ ποταμοῦ Γέλα, *Gela oppidum Siciliae: nomen habet a Gela fluuio.* Virgilius *Aeneid.* III vers. 70

Immanisque Gela, fluuii cognomine dicta.

Et Silius lib. XIV vers. 219

Venit ab amne trahens nomen Gela, venit Halefa.

Annis dicitur *Gelas*, * nunc Fiume di Terranoua. Plinius III cap. VIII *Oppidum Camarina, fluuius Gelas, oppidum Acragas.* Ouidius lib. IV *Fastor.* vers. 470

Et te vorticibus non adeunde Gela.

Dextræ ripæ in mare desinenti adpositum oppidum Terranoua, quod haud dubie vetus *Gela* est, ita ordine Maronis postulante: quæ olim vrbs ampla fuit, ideo *immanis* poetæ cognominata. Oppidani *Geloi*, γελωῖ, Thucyd. lib. VI sub initium: Ciceroni *Frumentar.* cap. XLIII *Gelenses*: Virgilius & agrum Græco more denominat lib. III *Aen.* vers. 701

Adparet Camarina procul, campique Geloi.

XXXIV.

Post hosce campos fluuius *Himera*, ἱμέρα, qui insulam secat. Liuius lib. XXIV cap. VI *Pacto conuenit* [inter regem Hieronymum & Carthaginenses] *ut Himera amnis, qui ferme insulam diuidit, finis regni Syracusani ac Punici imperii esset.* Et Straboni dicitur διὰ μέσης ῥέειν τῆς Σικελίας, *per mediam Siciliam defluere.* Pomponius Mela II cap. VII *Himera, in media admodum [insula] ortus, in diuersa decurrit, scindensque eam utrinque, alio ore in Libycum, alio in Tuscum mare deuenit.* Eadem Silius XIV vers. 234. Sic in contraria geminum Himeram (nam duo huius nominis sunt) certum est fluere: ex vno fonte oriri, falsum. Circa ostia eius, qui in austrum decurrit, est *Phalarium* castellum, in quo taurus ille æneus fertur extitisse, vt Diodorus narrat lib. XIX cap. CXVIII. Cluuerius sinistro ostio adponit *Phintiam*, quæ Diodori sit *Phintias*, in excerptis lib. XXIV; Ptolemæi Φιντία, quamquam ab hoc in mediterraneis posita. Sed dubia res *Phintia*, quam in medio relictam volumus. Itidem inter ostia mons ἔκνομος, *Ecnomos*, Diodoro ibidem, & Polybio lib. I cap. XXV, & Plutarcho in *Dione* pag. 969 memoratus: & in eo forsan *Dædalium* Antonini, quia *Dædali* plura in his oris opera, Diodoro teste lib. IV cap. LXXX.

XXXV.

Proximum *Agrigentum*, Græce Ἀκράγας, quam formam etiam Latini nonnunquam suam faciunt. Scylax: Καμαρίνα, Γέλα, Ἀκράγας. Plinius: *Fluuius Gelas: oppidum Acragas, quod Agrigentum nostri dixere.* Virgilius post *Gelæ* mentionem, dicto loco:

Arduus inde Acragas ostentat maxima longe

Mœnia, magnanimum quondam generator equorum.

Thucy-

* Epigrammat. Græc. libr. III cap. εἰς ἀνωνυμ. ποιητ. pag. 382, Λευκὰ γέλας Σικελιοῦ παρ' ὕδατος.

Thucydides lib. VII pag. 521 ἀμαρτῶν τῆ ἀκράγαντος, excidens spe Agrigenti occupandi. Liuius lib. XXIV cap. XXV Adueniens Heracleam [Marcellus] intra paucos dies inde Agrigentum recipit. Gentile Græcum nomen in numinis exstat ΑΚΡΙΓΑΝΤΙΝΩΝ: Latinum Agrigentini Ciceronis lib. I in Verr. de iurisd. Sicil. cap. I. Agrigentini, inquit, de senatu cooptando Scipionis leges antiquas habent; in quibus & eadem illa sancta sunt, & hoc amplius: Quam Agrigentinorum duo genera sint, vnum veterum, alterum colonorum, quos T. Manlius prætor ex SC. de oppidis Siculorum deduxit Agrigentum; cautum est in Scipionis legibus, ne plures essent in senatu ex colonorum numero, quam ex vetere Agrigentinorum. Oppidum in monte fuit: ad portum ἀκραγαντίνων ἐμπορίον, Ptolemæo notante, hoc est Emporium Agrigentinorum: Strabo ἐπίγειον, nauale, vocat. ἀκράγας, inquit, καὶ τὸ ἐπίγειον. Desertum cum vrbe fuit, vt totum pæne illud latus, iam tum Strabonis ætate, vt vix ἴχνη τινὰ σώζοντα τῶν ἀρχαίων κατοικιῶν, vestigia quedam antiquorum oppidorum superessent.

XXXVI.

Camicus fluuius & oppidum inter Agrigentum & Heracleam; quondam Cocali regia. Strabo lib. VI pag. 188 καὶ τῶν βαρβαρικῶν ἐξελέφθησαν πολλὰ, καθάπερ οἱ Καμικοὶ, τὸ Κωκάλης βασίλειον, παρ' ᾧ Μίνως δολοφονηθῆναι λέγεται, Et ex barbaricis multa oppida desierunt, quemadmodum Camici, Cocali regia, iuxta quam Minos dicitur insidiis periisse. Alii singulari numero. Diodorus lib. IV cap. LXXX ἐν τῷ καμικῷ, vbi tractus ille totus circa Agrigentum videtur intelligi. Stephanus: Κάμικος, πόλις Σικελίας, ἐν ᾗ Κωκάλης ἦρχεν, Camicus, oppidum Siciliae, in quo Cocalus regnavit. Herodotus lib. VII cap. CLXIX οἱ μὲν & συνεπρήξαντο αὐτῷ τὸν ἐν καμικῷ θάνατον γενόμενον, illi quidem [Cretenses] non vlti sunt cadem eius [Minois] in Camico factam. De amne Vibius in Fluminibus: Camicos Siciliae, ex quo vrbs Camicos diuidit Agrigentinus.

XXXVII.

Inde ex non magno interuallo est fluuius Ἁλυκος, Halycus, cuius mentio fit in Dionysii & Carthaginensium pacificatione, τῆς ἀκραγαντίνης μέχρι τῆς ἀλύκος καλεμένης ποταμῆς, pars Agrigentini agri usque ad flumen Halycum. Circa ostium eius videtur Heraclea fuisse, cognominata Minoa. Liuius lib. XXIV cap. XXXV Himilco ad Heracleam, quam vocant Minoam, XXV millia peditum, III equitum exposuit. Et Polybius lib. I cap. XXV πρὸς Ἡράκλειαν τὴν Μινωάν. Mela dicto loco Acragas, Heraclea, Thermæ. Cicero de Iurisdic. Sicil. cap. I Idem fecit Heracleæ. Diodorus lib. XVI cap. IX de Dione tyrannum deiecturo κατέπλευσε τῆς ἀκραγαντίνης εἰς τὴν ὀνομαζομένην Μινωάν, nauigauit [ex Zacyntho] Minoam, quæ vocatur, Agrigentini tractus. Etiam Plutarchus pag. 969 Dionem adpulisse tradit κατὰ Μινωάν, apud Minoam. Ita nunc oppidum Heracleam dicunt, nunc Minoam: nunc coniunctis nominibus Heracleam Minoam. Credebatur a Minoe Cretensi condita, quum Dædalum persequeretur, vt dicto loco Diodorus commemorauit.

XXXIIX.

Post amnes aliquot, in quibus forte *Isburus* Ptolemæi est, & *Allaua* siue *Allaba* Antonini; *Thermæ* sunt. Mela II cap. VII *Inter Pachynum & Lilybæum Acragas est, & Heraclea, & Thermæ.* Plinius III cap. VIII *Fluuius Gelas, oppidum Acragas, quod Agrigentum nostri dixerunt: Thermæ colonia.* Antoninus itinerario *Ad aquas* dixit: in Peutingeriana Tabula: *Aquæ Labodes, Antonini itinerario Larodes.* Et Strabo lib. VI pag. 189 *Θερμῶν ὕδατων ἀναβολὰς κατὰ πολλὰς ἔχει τόπους ἢ νῆσος ὧν τὰ μὲν Σελινούντια κατὰ ἱμέραν ἀλμυρὰ ἐστὶ, Multæ sunt aquæ calidæ in hac insula, e quibus Selinuntia apud Himeram falsæ sunt.* De Himera lis est, quam cum thermis Himeræis Ptolemæus in latere occidentali inter Lilybæum & Pelorum ponit, quem erroris Salmasius in Solini cap. V pag. 80 inculcavit, fretus Melæ, Plinii, Strabonis auctoritate, qui nobiles Thermas, coloniam Romanam, in australi latere ac prope Selinuntem, atque ibi etiam κατὰ ἱμέραν, iuxta Himeram, veterem urbem locauerint: de quibus plura in latere occidentali dicturi sumus.

XXXIX.

Proxime in hoc litore, a sinistra amnis *Hypsæ*, Ptolemæi *Pintiam*, Πιντίαν, quam ille inter *Mazara* & *Sossii* ostia constituit, Cluverius putat reponendam esse, cui vel idem oppidum *Inycum*, Ἰνυκον Stephani esse & Pausaniæ Achaic. cap. IV; Herodoti Ἰνυξ, *Inyx* lib. VI cap. XXIV: quod quidam regiam Cocali fuisse autumant, quia Pausanias scripsit, *Dædalus ἐς Ἰνυκον, Σικελῶν πόλιν, ἀφικνεῖται παρὰ Κωκάλιν. Inycum, quæ Siciliae urbs est, ad Cocalum [regem] venit.* Herodotus dicto loco, ἐκ τῆς Ἰνυκος: at cap. XXIII ἐς Ἰνυκον, quæ suspecta in vno auctore variatio est. Quo pacto autem cum *Pintia* Ptolemæi hoc *Inycum* cohæreat, non videmus: nec vero dubitamus in australi latere fuisse, quia in eo regnum Cocali fuit, & hospitium tam *Dædali*, quam *Minois*. Cur vero non ad *Camicum* reducitur, quod Strabo fecit τὸ Κωκάλις βασίλειον, regiam sedem Cocali? Vide quæ paullo ante de illo diximus.

XL.

Hypsa amnis, maximus in eo tractu, e montibus Panormitanis ortus, & *Crimisso* siue *Crimiso* auctus, prope Selinuntem in mare defluit, quod inter insulam & Africam intercedit. Plinius III cap. VIII *Hypsam* in fluminibus australis lateris numeravit. Selinuntem oppidum vel adluisse, vel proxime præterfluxisse, nummus antiquus probat inscriptus ΣΕΛΙΝΟΝΤΙΩΝ; ex altera parte ΤΨΑΣ, tamquam flumen illorum proprium. Quem defert fluuium, per dexteram ripam infusum, *Crimisus*, siue *Crimissus* est, iuxta quem Carthaginenses *Timoleon* vicit. Scribitur non vno modo. Holstenius ad Stephanum notationibus probavit formam *Crimissus*, quæ Lycophronis est versu 961. Cluverius *Crimisus*, simplici littera, sequutus Dionysium Halicarnassensem, cuius lib. I pag. 41 est Κριμισὸς ἐν γῇ Σικανῶν. Ceteros scribendi modos adduximus Notis ad Nepotis Timoleonem. Vt vero Plutarchus Timoleonem expeditionem & ad Crimissum victoriam descri-

descripfit, inter Agrigentum & Lilybæum illæ res gestæ sunt, rapto exercitu ab Syracusis ὁδὸν ἡμερῶν ὀκτώ, id est, ferme octo dierum via, vt refragantes Timoleonti obiiciebant. Quod si est, non alium fluuium, quam antea delineatum, *Crimissum*, Plutarchi κρίμησον, *Crimesum*, fuisse cum Cluuerio censemus, nec cum iis conuenire possumus, qui *Crimissum* in Segestanum sinum deriuant. Idem videtur esse qui *Crinifus* dictus Virgilio lib. v vers. 38

*Troia Criniso conceptum flumine mater
Quem genuit.*

XLI.

Plinius post Hypsæ mentionem subiungit proxime: *Selinûs oppidum*. Stephani breuiator: Σελινῦς, πόλις Σικελίας, ἀρσενικῶς καὶ θηλυκῶς λεγομένη, *Selinûs, vrbs Siciliae, masculine & feminine dicta*. Sita vltra Mazaram a Lilybæo. Diodorus lib. xiii cap. LIV Ἀννίβας ἀνέβηξεν ἀπὸ τῆς Λιλυβαίας τὴν πορείαν ποιῶν ἐπὶ Σελινῦντος. ὡς δ' ἐπὶ τὸν Μαζάραν ποταμὸν παρεγενήθη, τὸ μὲν παρ' αὐτὸν ἐμπορίον κείμενον εἶλεν ἐξ ἐφόδου, Hannibal castra ex Lilybæo mouens aduersus Selinuntem proficiscitur. Quum ad Mazaram fluuium venit, situm ibi emporium in transitu cepit. Condita ab Syracusanis est, qui πάμμυλον πέμψαντες ἐς Σελινῦντα κίχουσι, vt Thucydides lib. vi p. 412 tradidit. Magnitudinem vrbs reliqua vestigia ostendunt a Thoma Fazello Dec. i lib. vi cap. iv descripta. Virgilio Aen. iii vers. 705 a prouentu palmarum cognominata,

• *Teque datis linquo ventis, palmosa Selinûs.*

Et Silius Italicus lib. xiv vers. 200

- - - nectareis vocat ad certamen Hymetton
Audax Hybla fauis, palmæque arbusta Selinûs.

Oppidani Σελινῦντιοι, *Selinuntii*, Thucydides lib. vi i pag. 526, Diodorus lib. xiii cap. LIV: addit Stephanus etiam Σελινῦστιοι.

XLII.

Ab occasu adluit fluuius eiusdem nominis, cuius vrbs est. Vibius Sequester: *Selinus Messaniorum, a quo ciuitas Selinus dicta, quod apium ibi plurimum nascitur*. Corrupta vox *Messaniorum*, vt Simlerus; vel *Messaliorum*, vt Aldus edidit. Fortasse *Sicanorum* genuina scriptura est. Stephanus in ἀκράγας ex veteri scriptore adfert, plerasque vrbes Siciliae a fluminibus præterlabentibus nuncupari, in quarum numero etiam Σελινῦντα, *Selinuntem* posuit. Ptolemæus: Σελινῦντος ποταμὸς ἐκβολαί, *Selinuntis fluuii ostia*. Videtur Antonini *Lanarium* flumen esse, quod mauult Cluuerius *Apiarium* legi, ab copia σελίνου, *apii*, in illo loco.

XLIII.

Mazara Ptolemæo & Plinio fluuius: etiam Diodoro lib. xiii c. LIV, verbis paullo ante adlatis, qui *emporium* eidem adpositum fuisse dicit. Addit Byzantius castellum. Μαζάρη, inquit, Φρέριον Σελινῦντίων, *Mazara, castellum Selinuntiorum*. Hodie vrbs clara in illo loco, sed, quod Fazellus obseruauit, sine vlllo monumento antiquitatis: vetus tamen loci nomen &

ipsa conseruat ac tuetur. Et hæc in latere Africam versus sito, a Pachyno ad Lilybæum.

XLIV.

Supereſt ora tertii lateris, quod δυτικὴν πλευρὰν, *occidentale latus* Ptolemæus vocat. A Lilybæo decurrit ad vsque Pelorum promontorium. *Lilybæum* promontorium eſt cum oppido & portu eiusdem adpellationis. Iterum Ptolemæus lib. iii cap. iv Λιλύβαον πόλις καὶ ἄκρα, *Lilybæum, vrbs & promontorium*. Vtrumque Polybius lib. i cap. xlii deſcripſit. Illud, inquit, ἐπὶ κεῖται τοῖς Καρχηδόνος ἀκρωτηρίοις εὐκαίρως διέχον ὡς χιλίαις σταδίαις, *commode ſitum aduerſus promontoria, quæ apud Carthaginem ſunt, mille ſtadiis ab iis diſtans*. De vrbe autem & portu ita: ἐπὶ τούτῳ πόλις ὀμάνυμος καὶ τῷ τόπῳ, τείχεσι δὲ διαφερόντως ἡσθαλιſμένη, καὶ περίξ τάφρω βαθεῖα καὶ τεναγέσων ἐκ θαλάττης, δι' ὧν ἐς τὰς λιμένας εἰσπλῆς, *In eo loco vrbs eiusdem nominis poſita, muris & præalta foſſa, & aquis e mari refluis munita, per quas in portus nauigari poteſt*. Adde Liuium lib. xxi cap. xlix. Amplitudo vrbs probatur numero præſidiariorum militum, præter ciuium multitudinem, εἰς μυρία, *ad decem millia*. Qui incolebant, dicti *Lilybatani*. Aſconius Pedianus in Diuination. Verrinam: *A duobus quæſtoribus Sicilia regi ſolet, vno Lilybatano, altero Syracuſano: ipſe vero [Cicero] Lilybatanus quæſtor fuit Sex. Peduceo prætore*. Quos Sponius exſcripſit lapides, *Lilybitanus* referunt. Pag. 184 Miſc. Er. Antiq. ita legitur IMAGINEM GENII MVNICIPI LILYBITANOR. EX ARG. P. Et alio: POPVLVS LILYBITANVS. Itidem alio: DEC. SPL. COL. AVG. LILYB. nam colonia etiam ab Auguſto Lilybæum fuit deducta.

XLV.

A Lilybæo proximum oppidum eſt *Motyæ*, Phœnicum κλίſμα. Thucydides lib. vi poſt initium de Phœnicibus dicit, habitafſe per totam ferme Siciliam: Græcis vero aduenientibus plurima deſeruiſſe, *Μοτύην καὶ Σολόεντα καὶ Πάνορμον συνοικίſαντες ἐνέμοντο, Motyam, Soloëntem & Panormum condidiſſe*. Et Diodorus lib. xiii cap. lxxxviii ἐκ Πανόρμου καὶ Μοτύης. Et Pauſanias Eliac. i cap. xxv ἔſτι κατὰ τὴν ἄκραν ἐν Σικελίᾳ τὴν τετραμμένην ἐπὶ Λιβύης καὶ νότῃ, καλεσμένην δὲ Πάχυνον, *Μοτύη πόλις. οἰκοῦσι δὲ Λίβυες ἐπ' αὐτῇ καὶ Φοίνικες*. *Eſt propè promontorium Siciliae, in auſtrum & Africam conuerſum, quod Pachynum vocant (Lilybæum voluit ſcribere) Motyæ oppidum: id Africæ Phœnices inhabitant*. Oppidani *Μοτιηνοὶ, Motyeni*, apud Diodorum xiii cap. lxiii. Et alia forma Polyænus lib. v Strateg. cap. ii num. 6 τὸ ὄμμα τῶν λιμένων τῶν Μοτυαίων, *oſtium portus Motyæorum*: quibus proxime additum ἀπὸ τῆς Μοτύης, *a Motya*; ne dubites cuius oppidi illud gentile ſit, quod etiam Dionyſii & Himilconis bellum, ibidem deſcriptum, probat.

XLVI.

Inde venitur ad Ptolemæi ἄκραν Αἰγιδάρσον, *promontorium Aegitharſum*, quod Αἰγίδαλλον Diodoro eſt eclog. lib. xxiii, Zonaræ Tom. ii pag. 63 Αἰγίδαλον littera ſimplici. Ex quo loco adparet, caſtellum habuiſſe eiusdem nominis.

XLVII.

XLVII.

Ab hoc prope abest oppidum *Drepanum*, Ptolemæi Δρέπανον, & Polybii lib. I cap. XLVI Δρέπανον: at cap. XLI & LV τὰ Δρέπανα pluratiuo numero. Et Tabula *Drepanis*, eadem forma numeri. Anchises heic exstinctus est, ideo Aen. III vers. 707 sub Aeneæ persona Virgilius:

Hinc Drepani me portus, & illætabilis ora Accipit.

Gentile *Drepanitani*. Cic. in Verr. de iurisd. Sicil. cap. LVII *pupillus Drepanitanus*.

XLIIII.

Eryx, ὁ Ἐρυξ, mons & oppidum munitum cum Veneris templo, quæ inde *Erycina* cognominatur. Solinus: *Eminet [Sicilia] montibus Aetna & Eryce. Vulcano Aetna sacer est: Eryx Veneri.* Polybius lib. I cap. LV ὁ Ἐρυξ ἐστὶ μὲν ὄρος παρὰ θάλατταν τῆς Συκελίας ἐν τῇ παρὰ τὴν Ἰταλίαν κεκλιμένη πλευρᾷ, μεταξὺ Δρεπάνων καὶ Πανόρμου, *Eryx est mons ad mare Sicilia, quod Italiam spectat, inter Drepana & Panormum.* Addit esse altissimum Siciliae, Aetna excepto: in vertice (ἐπὶ τῆς κορυφῆς) templum Veneris existere, siue cum cognomine inde petito, τὸ τῆς Ἀφροδίτης τῆς Ερυκινῆς ἱερόν. Vrbs Eryx sub ipsum verticem (ὅπ' αὐτὴν τὴν κορυφὴν) posita erat, ad quam difficili vndique via adscendebatur. Strabonis æuo & vrbis frequentia, & cultus templi illius defecerat, postquam Romani, vt ipse lib. VI p. 188 refert, ædem Veneris Erycinæ, bello Punico II votam, extra Collinam portam dedicauerant. Adde Liuium lib. XXII cap. IX. Vt breuius dicam, montem Virgilius XII vers. 701 cum Atho & Apennino comparat: *Quantus Athos, aut quantus Eryx*, reliqua: de templo Aeneid. V vers. 759

Tum vicina astris Erycina in vertice sedes

Fundatur Veneri Idaliæ,

scilicet ab Aenea: de oppido & munimentis Liuius lib. XXVIII cap. XLI Fabii oratione aduersus Scipionem: *Ab Drepano atque Eryce detraxisse Hamilcarem, quam Italia expulisse Pænos atque Hannibalem malis?*

XLIX.

Ad sinum qui sequitur, obscuriora sunt *Cetaria* Ptolemæi, *Aquæ Per-ticianenses* Antonini, quæ numeris differunt ab *Aquis Segestanis*, alio itinere nominatis, vicinis tamen, quia utræque, si diuersæ sunt, inter Drepanum sunt & Parthenicum.

L.

Clarius est *Segestanorum emporium*, ἐμπόριον Σεγεσάνων, vt Ptolemæus vocat; siue vt Strabo, Αἰγεςέων ἐμπορεῖον, lib. VI pag. 184. Ipsa autem vrbs *Aegeſta* siue *Segesta*, quamuis paullo intus sita, tamen ad oram refertur, quia etiam Thucydides & Diodorus, quorum verba post paullo in *Hyccaris* proferemus, ad eam nauigatum esse tradiderunt. Antiquum nomen *Aegeſta*, ab Aegeſto Troiano inditum, qui inter conditores creditur fuisse. Strabo lib. VI post initium ex Apollodoro: *γαλέντες εἰς Συκελίαν περὶ Ἐρυκα μετὰ Αἰγέστη τῷ Τρωὶ, Αἰγέστην τεύχισσαι, missi [a Philocteta] in Siciliam ad Erycem cum Aegeſto Troiano, Aegeſtam munisse.* Eodem libr. VI p. 188 Αἰγέ-

σαν κλισιδῆνά φασιν ὑπὸ τῶν μετὰ φιλοκλήτη, - - - παρ' αὐτῶν γαλέντων εἰς τὴν Σικελίαν μετὰ Αἰγέστη τῆς Τρωός. *Aegeſtam conditam ferunt ab iis, qui ab Philocteta [ex Italia] in Siciliam miſſi ſunt cum Aegeſto Troiano.* Thucydides ſine diphthongo * ſcripſit lib. vi ſub initium: πόλεις αὐτῶν Ἐρυξ καὶ Ἐγεſτα, *vrbes illorum Eryx & Egeſta:* & pag. 414 eodem libro, εἰς τὴν Ἐγεſταν. vnde ibidem oppidani ſunt οἱ Ἐγεſταῖοι. Eadem vrbs poſtea, præſertim ab Romanis, dicta *Segeſta*. Pompeius Feſtus in SEGESTA: *Segeſta quæ nunc adpellatur, oppidum in Sicilia eſt, quod videtur Aeneas condidiſſe, præpoſito ibi Egeſto, qui eam Egeſtam nominauit. Sed præpoſita eſt ei littera, ne obſceno nomine adpellaretur, vt factum eſt in Maleuento, quod Beneuentum dictum eſt, & in Epidamno, quod uſurparunt Dyrrachium.* Cicero Verrina iv de Signis cap. xxxiii *Segeſta eſt oppidum peruetus in Sicilia, quod ab Aenea fugiente a Troia, atque in hæc loca veniente, conditum eſſe demonſtrant. Itaque Segeſtani non ſolum perpetua ſocietate atque amicitia, verum etiam cognatione ſe cum populo Romano coniunctos eſſe arbitrantur.* Etiam Ptolemæus Σεγέſτα. Eadem eſt Virgilii *Aceſta* Aen. v verſ. 718

Vrbem adpellabunt permiſſo nomine Aceſtam.

Seruius ibi: PERMISSO NOMINE: *ab Aceſte ſcilicet. Dicta autem Aceſta, Segeſta.*

LI.

Eam præterfluit amnis, qui ſupra urbem alium excepit, & coniuncti in ſinum effunduntur. Troiana nomina *Scamandri & Simoëntis* Aeneas illis impoſuiſſe fertur. Strabo lib. xiii pag. 418 de Aenea: οἱ δ' εἰς Αἰγέſταν κατὰ ῥαγ τῆς Σικελίας σὺν Ελύμνω Τρωῖ, καὶ Ἐρυκα, καὶ Λιλύβαιον καταχέειν, καὶ ποταμὸς περὶ Αἰγέſταν προσαγορεύσαι Σκάμανδρον καὶ Σιμίεντα, *Quidam tradunt illum ad Aegeſtam Siciliae cum Elymno Troe traieciſſe, & occupaſſe Erycem ac Lilybæum: fluuiosque circa Aegeſtam denominaſſe Scamandrum & Simoentem.* Illorum dexter, & dextræ alterius ripæ adlabens, Σιμόεις, *Simois eſt: alter Σκάμανδρος, Scamander.* Hæſiſſe nomina, ex Diodori lib. xx c. lxxii conſtat, vbi Agathocles Aegeſtanos vrbe eductos παρὰ τὸν Σκάμανδρον ποταμὸν ἀπέſφαξε, iuxta *Scamandrum fluuium maſtauit.* Aelianus Var. Hiſt. lib. ii cap. xxxiii de fluuiorum imaginibus: Αἰγέſταῖοι τὸν Πόρπακα, καὶ τὸν Κριμιſσὸν καὶ τὸν Τελμιſσὸν ἀνδρῶν εἶδει τιμῶσιν, *Aegeſtani Porpacem, & Crimiſſum, & Telmiſſum virili ſpecie colunt.* De Crimiſſo ſupra diximus, non parum ab Aegeſta remoto. *Porpacem* ignoramus: de *Telmiſſo* longum foret Cluuerii coniecturam repetere.

LII.

Vltra Scamandri oſtia in eundem ſinum inlabitur *Bathys* fluuius, βαθείος ποταμὸς ἐκβολαί, Ptolemæi: & poſt hunc & alium, in ora *Parthenicum* Antonini, oppidum: & poſt hoc *Hyccara*, plurale, ſive *Hyccaron*, oppidulum. Breuiator Stephani: Ἰκκαρον πόλις Σικελίας, *Hyccarum*, oppidum Siciliae, ex Philſto: at ex Apollodoro idem τὰ Ἰκκαρα, quæ forma etiam Thucydidis & Diodori eſt. Ille lib. vi pag. 453 ἐν τῷ παράπλῳ αἰρῶσιν Ἰκκαρα,

πρό-

* Etiam Diodorus Siculus IV p. 230, vbi etiam *thermae Egeſtae* memorantur.

πόλισμα Σικανικόν, præternavigantes capiunt Hyccara, Sicanorum oppidum. Et mox: ἐξ Ἰκκάρων ἐπὶ Ἐγέσης παραπλεύσας, ex Hyccaris Egestam delatus: hic (Diodorus) lib. XIII cap. VI παραπλεύσαντες ἐς Αἰγέσαν, Ἰκκαρα, Σικελικόν πόλισμάτιον, ἐλόντες, navigantes Aegestam, Hyccara, Siculorum oppidulum, capiunt. Plutarchus quoque in Nicia & Alcibiade pluraliter id oppidum nominavit.

LIII.

Ex interuallo, prope Panormum, est mons *Erc̃a*, & in eo eiusdem nominis castellum. Diodorus ecloga libri XXII τῶν Ερκίων ὀχύρωμα, *Erc̃orum munimentum*: & lib. XXIII πολιορκήσαντες Ρωμαῖοι Ερκίην Φρέριον - - - ἐλεῖν ἐκ ἰχυσαν, *Romani, castellum Erc̃am obsidentes, capere non potuerunt*. Polybius Ερκίην vocat diphthongo. Lib. I cap. LVI ἀποπλέων ἐντεῦθεν κατήρε πάντῃ τῷ στόλῳ πρὸς τὴν Πανομίτιν, καὶ καταλαμβάνει τὸν ἐπὶ τῆς Εἰρκίης λεγόμενον τόπον, ὃς καίται μὲν Ἐρυκος καὶ Πανόρμης μεταξὺ πρὸς θαλάττῃ, *Inde navigans in Panormitanos fines cum tota classe venit, ibique locum occupavit dictum Super Eirc̃am, situm inter Erycem atque Panormum*.

LIV.

Panormus autem, nunc Palermo, a portus commoditate nomen habet. Antiqua vrbs, quam Phœnices dicuntur condidisse, ut supra ex Thucydidis lib. VI in *Motya* prædictum fuit. Polybius lib. I cap. XXXVIII Consules κατάραντες εἰς Πάνορμον τῆς Σικελίας τριακοσίαις ναυσὶν, ἥπερ ἦν βαρυτάτη πόλις τῆς τῶν Καρχηδονίων ἐπαρχίας, classe navium CCC *Panormum in Sicilia adpel-lunt, quæ erat præcipua ex illis, quas Carthaginenses [in Sicilia] possidebant*. Mela II cap. VII Inter *Lilybæum* & *Pelorida* *Panormus* & *Himera*. Cicero de Iurisd. Sicil. cap. XXVI alia iudicia *Panormi* restituta sunt. Et Liuius lib. XXIV cap. XXXVI triginta quinquereemes Legionem primam *Panormi* exposuere. Silius lib. XIV vers. 262

Tergemino venit numero fecunda Panormos.

Colonia Romana facta. Strabo lib. VI pag. 188 Πάνορμος Ρωμαίων ἔχει κατοικίαν, *Panormus habet Romanam coloniam*. Et vetusto lapide, quem Sponius pag. 176 exscripsit, COL. AVG. PANHORM. & alio PATRONO COL. PANHORMIT. qui lapides quatuor adiecit, quibus est RESP. PANHORM. & RESP. PANHORMITANORVM. Nam sæpe veteres, etiam Plinius, *Panhormus* cum adspiratione scripserunt, ut spiritus in ὄρμος exprimeretur. At nummi Parutæ & Vaillantii, Latine inscripti, PANORMITANORVM: alii Græce ΠΑΝΟΡΜΙΤΑΝ.

LV.

Orethus fluvius ab ortu vrbis Panormi. Vibius Sequester de Fluminibus: *Orethus Panhormi Siciliae*. Polybius lib. I cap. XL τὸν πρὸ τῆς πόλεως ποταμὸν, *flumen quod ante urbem est*, dixit. Post *Orethum* breui interuallo decurrit amnis *Eleutherus*, ἐλεύθερος Ptolemæi: deinde in peninsula *Solois*, Σολόις; siue *Solus*, Σολῆς Græce; siue *Soluntum*, Latina formatione. Thucydides lib. VI sub initium: Μοτύην, καὶ Σολόεντα, καὶ Πάνορμον συνεικίσαντες, *Motyen, & Soloentem, & Panormum [Phœnices] condiderunt*; quod

ab recto Σολόεις, est: altera forma est Plinii cap. viii *Oppida, Panhormum, Solús, Himeræ cum fluuio*. vnde obliquum formauit Diodorus lib. xiv cap. lxxix παρέλαβον διὰ προδοσίας Κεφαλοίδιον, καὶ Σολέντα, καὶ τὴν ἔνναν, *prodictione Cephalædium ceperunt; & Soluntem, & Ennam*. Tertia forma *Soluntum*, est Tabulæ itinerariæ & Antonini: quæ hodieque in vulgari *Solanto*, vna prauata littera, tenetur. Nummus Parutæ ΣΟΛΟΝΤΙΝΩΝ: Cicero in Verr. cap. xliii Frumentariæ, oppidani sunt *Solentini*, quod ex *Se- loëntini* vel prauatum est, vel veteri more contractum.

LIV.

Himeræ, ἱμέρα, ad sinistram fluuii *Himeræ*, vrbs quondam insignis, a Pœnis postea deleta. Exscidium descripsit Diodorus lib. xiii cap. lxi, quam hanc Himeram septemtrionalem esse, ex cap. lxi clarum est, quia triremes inde Syracusas ituræ, præter Messanam vehi necesse habuerunt. Opus Zancleorum fuit: ideo obsidionem timentes Zanclem suos asportarunt, vt Diodorus xiii cap. lxi narravit. Thucydides lib. vi pag. 413 ἱμέρα ἀπὸ Ζάγκλης ὠκίθη, *Himeræ est a Zancleis condita*. Scylax autem Ἑλληνίδα, *Græcam ciuitatem* dixit. Ἀπὸ δὲ Λιλυβαίας πόλις ἐστὶν Ἑλληνὶς ἱμέρα, *A Lilybaeo [ad Pelorum versus] Græca vrbs est Himeræ*. Scilicet multis locis cum Sicanis vel Siculis Græci aduenæ permisti fuerunt: quin & ipsa Zancle, postquam Messenios recepit, Græca facta vrbs est. Mela dicto loco: *Inter Lilybæum & Pelorida Panormus & Himeræ*: tamquam solæ vrbes clariore. Et Plinius lib. iii cap. viii *Oppida, Panhormum, Solús, Himeræ cum fluuio*. Cicero in Verr. lib. ii de Iurisdictione: *Oppidum Himeram Carthaginenses quondam ceperant; quod fuerat in primis Siciliæ clarum*. Adde reliqua, quæ mox in *Thermis* proferemus. Plinius & Mela, si de suo æuo loquuntur, restitutam trans flumen urbem apud *Thermas* intelligunt.

LVII.

Thermæ Himerenses * trans flumen erant Himeram. Ptolemæus Θερμαὶ ἱμεραί, πόλις, *Thermæ Himeræ, oppidum*. quamquam is perperam citra flumen posuit, quum etiamnum sint vltra illum. Pindarus Olymp. xii sub finem, Θερμαὶ νυμφᾶν λειτρά, *calida nympharum balnea*: addit scholiastes, ἐν ἱμέρα, quia Ergoteli Himeræo illa oda dicata est. Nummus Parutæ ΘΕΡΜΙΤΑΝ, quem australi Himeræ Harduinus tribuit; nihil obstat autem, quo minus de nostra intelligamus. Urbis originem Cicero dicta Verrina de Iurisdictione cap. xxxv prodidit: *Himeræ deleta, quos ciues belli calamitas reliquos fecerat, ii se se Thermis collocarant in eiusdem agri finibus, neque longe ab oppido antiquo*. A Pœnis autem deleta fuerat, vt supra in Himeræ vetere, auctore Diodoro, notauimus. Tabula & Antoninus absolutæ *Thermæ*: vti nunc quoque vrbs *Termini* vocitatur. Colonia Romana sub Augusto facta. Inscriptio apud Grut. pag. 433 num. 6 ORDO ET POPVLVS SPLENDIDISSIMAE COL. AVG. HIMERÆORVM THERMIT. Ex Cl. Marii Aretii Chorographia Siciliæ sumsit, qui in vrbe Termini, a thermis, quas habet, dicta, Tyrrhenoque mari adposita, inscriptionem hanc

* Diodorus lib. IV pag. 230 has ab Egestanis secretas etiam memorat.

hanc exstare ipse cum Siculus, tum αὐτόπῃς testatur. Non ergo dubitandum est, Thermas superas ad Tyrrhenum mare coloniam fuisse Romanam.

LIX.

Cephalædis, siue *Cephalædium*, nunc Cefalu, subsequitur, Ptolemæi κεφαλοίδις, Plinii *Cephalædis*: Strabonis κεφαλοίδιον, quam formam & Diodorus lib. xiv cap. lxxix adhibuit. παρέλαβον, inquit, διὰ προδοσίας κεφαλοίδιον καὶ Σολῦντα, *Ceperunt proditione Cephalædium & Soluntem*. Cicero, si libri recte habent, sine diphthongo scripsit, Actionis in Verrem lib. ii cap. lii. *Cephaledi*, inquit, *mensis est certus, quo mense sacerdotem maximum creari oporteat*. Et post paullo ciues vocat *Cephaleditanos*. Hinc Græcum nomen, quod denominet, ductum Silio lib. xiv vers. 253

- - - *procelloso Cephalædias ora profundo.*

LIX.

Interiecto *Monalo* fluuio (μονάλῃς ἐκβολαί) Ptolemæo sunt) sequitur *Halesa*, siue *Alæsa*, oppidum. Straboni & Ptolemæo est Ἄλαισα, *Alæsa*. Cicero sine diphthongo, dicto loco cap. vii statim *Messana* litteras *Halesam* mittit. Diodorus ibidem cap. xvii Ἄλεσα, media correpta. At produxit Silius lib. xiv vers. 219

Venit ab amne trahens nomen Gela: venit Halesa.

Gentile *Halesinus*. Cicero *Frumentaria* cap. lxxiii *ciuitas Halesina*; item, *in senatu Halesino*. Adluitur flumine *Alæso* siue *Haleso*. Tabula Messanenſi apud Gruter. p. 212 ΤΟΙΣ ΠΑΡΑ ΤΟΝ ἌΛΑΙΣΟΝ: & μοχ, ΑΠΟ ΤΟΥ ΡΟΟΥ ἈΛΑΙΣΟΥ. Et Columella lib. x vers. 268

Et quæ Sicanii flores legistis Halesi.

Fons *Halesini* agri admirandus, de quo Solinus cap. v *In Halesina regione fons, alias quietus & tranquillus quum ſiletur; si inſonent tibiæ, exultabundus ad cantus eleuatur, & quasi miretur vocis dulcedinem, ultra margines intumescit*. Silent veteres de hoc fonte; idcirco dubitando. Solus Priscianus in *Periegesi* repetiit vers. 500

Hic & Halesinus fons est mitissimus vndis

Tibi quem extollit cantu saltare putatur

Musicus & ripis letans excurrere plenis.

LX.

Post *Halesam* est *Calactia* siue *Calacte*. Cicero *Frumentar.* cap. xliii *Calactinis quamobrem imperasti anno tertio, ut decumas agri sui, quas Calacte dare consueuerant, Amestrati M. Cæsio decumano darent*. Meminit & Antoninus itinere a Lilybæo Tyndaridem hoc ordine: *Cephalædim, Alæsam, Calactam*. Silius ad originem vocis respiciens lib. xiv vers. 252

- - - *litus piscosa Calacte.*

nam est καλὴ ἀκτὴ, * *bonum litus*, ut Græci diuise scribunt. Herodotus lib. vi cap. xxiii καλὴν μὲν ἀκτὴν εἶναι χαίρειν, τὴν δὲ Ζάγκλην χεῖν, *Pulchro litore valere iusso, Zanclem occupent*. Et Diodorus Siculus lib. xii cap. viii κλίσσας τὴν καλὴν ἀκτὴν ἐν Σικελίᾳ, *condere Calen Acten in Sicilia*: & μοχ, ἔτος

lii ii

περὶ

* Vide eius situm apud Herodot. VI pag. 177.

περὶ τὸν οἰκισμόν τῆς καλῆς ἀκτῆς ἐγένετο, *is colonia in Pulchro litore intentus erat.* Gentile, *Calactinus*, vt supra Ciceronis Verrina vidimus.

LXI.

Aluntium inde proximum est in litore, Ptolemæi Ἀλόντιον. Dionysius Halicarnassensis lib. i pag. 41 ἐν Ἀλυντίῳ τῆς Σικελίας. Plinius lib. iii cap. viii *Himera cum fluuio: Cephalædis, Aluntium, Agathyrnum.* Scribitur etiam *Haluntium* cum adspiratione. Cicero Verr. de Signis cap. xxi *Quum ad Haluntium venisset prætor laboriosus & diligens, ipse in oppidum accedere noluit, quod erat difficili adscensu atque arduo: Archagathum Haluntinum, hominem non solum domi suæ, sed tota Sicilia in primis nobilem, vocari iussit.* Ex quo situm oppidi montanum simul intelligimus. Præfuit Chydas fluuius. Ptolemæus, χύδα ποταμὺς ἐκβολαί, *Chydæ fluuii ostia.*

LXII.

Post aliud flumen, est oppidum *Agathyrna* siue *Agathyrnum*. Plinius dicto loco *Agathyrnum*: corrupte Græci, Ptolemæus Ἀγαθύρειν, Strabo pag. 184 Ἀγάθυρσον. At Stephanus Ἀγάθυρνα, quæ forma, *Agathyrna*, Latinis ceteris placuit. Liuius lib. xxvi cap. xl *ab Agathyrna inconditam multitudinem secum in Italiam transuexit.* Silius Italicus lib. xiv vers. 260 *Mille Agathyrna dedit, perflataque Strongylos austris.*

LXIII.

Flumen deinde *Timethum*, Τίμηθον Ptolemæus posuit: & ex interuallo *Tyndarium*, Τυνδάριον, oppidum, quod amnis *Helicon* adluit. Idem, ἑλίκωνος ποταμὺς ἐκβολαί, *Heliconis fluminis ostia.* Ptolemæus, vt dixi, *Tyndarium*: ceteri *Tyndarin* siue *Tyndaridem* oppidum nominauerunt. Plinius iii cap. viii *Tyndaris colonia.* Strabo lib. vi pag. 188 Ἀλαῖσα καὶ Τυνδαρίς, *Alæsa & Tyndaris.* Diodorus lib. xiv cap. lxxix de Messianensibus, quibus hunc locum Dionysius tribuerat: ὠνόμασεν Τυνδαρίδα, nominarunt *Tyndaridem.* Antoninus ab *Agathyrna* xxviii millibus reduxit.

LXIV.

Inter *Tyndaridem* & *Mylas Longanus* amnis. Polybius lib. i cap. ix ἐν τῷ Μυλαίῳ πεδίῳ περὶ τὸν λογγανὸν καλέμενον ποταμὸν, *in Mylæo agro, propter amnem, quem Longanum dicunt.* Deinde oppidum est *Mylæ*, hodie Milazzo. Plinius lib. iii cap. viii *Tyndaris colonia: oppidum Mylæ, & vnde cæpimus, Pelorus.* Strabo lib. vi pag. 184 ἐκ Πελωριάδος εἰς Μύλας κέ, *a Peloro ad Mylas millia passuum xxv.* Scylax Periplo: πόλις ἑλληνικὴ Μύλαι, καὶ λιμὴν, *Mylæ, oppidum Græcum & portus.* Et Ptolemæus Μύλαι. Memoratur ciuili Sex. Pompeii bello. Velleius lib. ii cap. lxxix *apud Mylas ductu Agrippæ pugnatum prospere.* Et Suetonius Aug. cap. xvi de eodem proelio: *Pompeium inter Mylas & Naulochum superauit.* Solus Silius singulari numero, nisi describentium error est, lib. xiv vers. 203

Subsidium infidum fugientibus æquora, Myle.

LXV.

Antequam inde *Naulochum* veniebatur, *Fanum Dianæ Fascelinæ* erat, siue *Facelinæ.* Silius lib. xiv vers. 261

Mille Thoanteæ sedes Fascelina diuæ.

Seruius ad Aeneid. II vers. 116 ad verba, *Sanguine placastis ventos*, interpretatur ita, ut a *fasce* lignorum deducat, quo Dianæ Tauricæ simulacrum absconditum Ariciam, quæ in Italia est, Orestes portasset. Pomponius Sabinus ad eundem locum extrita *S* littera, a *face* nomen ducit, Lucilii ad id versu vsus, quo & quantitas penultimæ mutata:

- - - - *Faceline templa Dianæ.*

nisi legendum *Fascelina templa*. Nec vero ignorat, secundum alios a *fascibus* esse, indeque Dianam *Fascelitim* cognominari. Locum Appianus Ciuil. lib. V pag. 1167 Ἀρτεμίσιον, πολίχνην βραχυτάτην, *Artemisium, perexiguum oppidulum*. Præterfluit *Melas* fluuius, qui & *Phacelinus* siue *Facelinus* inde dictus est. Vibius Sequester de Fluminibus: *Phacelinus* (vel *Phascelinus*: nam praue *Phæthelinus* editum est) *Siciliæ iuxta Peloridem, confinis templo Dianæ*. Alterum nomen est ex Ouidii Fastorum lib. IV vers. 486

Sacrorumque Melan pascua læta bouum.

quia Solis boues ibi stabulari fingebantur. Appianus dicto loco de oppidulo Dianæ: ἐν ἣ (πολίχνη) Φασὶ τὰς ἡλῆς βοῦς γενέσθαι, *in quo aiunt Solis boues fuisse*. Plinius lib. II cap. XCVIII Circa Messanam & Mylas fimo similia exspuuntur in litus purgamenta: unde fabula, Solis boues ibi stabulari.

LXVI.

Inde Pelorum versus est *Naulochus*, statio nauium cum oppidulo. Suetonius Aug. cap. XVI inter Mylas & *Naulochum*. Vide supra Mylas. Multitudinis numero Appianus dicto loco: Μύλας δ' ἔτι, καὶ τὰ ἐκ Μυλῶν ἐπὶ τε Ναυλόχῃ καὶ Πελωριάδῃ, καὶ τὰ παράλια ἅπαντα Φρεαὶ Πομπηίᾳ κατέειχον, *Mylas, & inde ad Naulochos & Pelorum omnem oram Pompeius præsidis tenebat*. Sic enim legendum, non ναυάρχῃς, eruditorum est sententia. Etiam Silius pluraliter, sed alio genere, lib. XIV vers. 265

*Non Herbesos iners, non Naulocha pigra pericli
Sederunt.*

MEDITERRANEA SICILIAE.

LXVII.

Supra fontes amnis Facelini siue μέλανος, Noë fuerunt Phil. Cluuerii coniectura, quia ibi oppidum cognati nominis *Noara* superest. Stephanus: Νόα. τὸ ἐθνικὸν Νοῶος. ἐστὶ δὲ πόλις Σικελίας. Inde Plinius lib. III cap. VIII denominauit *Noënos*. Suidas quoque: Νόα, πόλις Σικελίας, ἥς ὁ πολίτης Νοῶος, *Noë, oppidum Siciliæ, cuius ciuis Noëus dicitur*. Diodorus Siculus lib. XI cap. LXXXVII Νέας corrupte dixit: lege Νόας emendante Palmerio p. 110. De Ducetio rege ait: τὰς μὲν Νόας, ἧτις ἦν αὐτῷ πατρίς, μετέκισεν εἰς τὸ πεδῖον, *oppidum Noas, patriam suam, transtulit in campum*.

LXIX.

Inde in austrum recedit mons *Aetna*, * incendiis suis notissimus.

Iii ii 2

* Hoc monte Iupiter Typhonem fugientem obruit, unde natum prouerbum videtur: *onus Aetna grauius*. Vid. Apollodor. Biblioth. I c. 6 §. 3 extr. Nonnus Dionysiac. XIII v. 318 seqq. pag. 370. Ouidius Metamorphos. XV, 349 & XIII, 868.

mus. * Pomp. Mela lib. II cap. VII *Præcipui montium Eryx - - & Aetna, quæ Cyclopes olim tulit, nunc assiduis ignibus flagrat.* nam & femineo genere hoc montis nomen effertur. Virgilius lib. III Aen. vers. 579

- - - *ingentemque insuper Aetnam
Inpositam, ruptis flammam exspirare caminis.*

Plinius lib. III cap. VIII *Mons Aetna nocturnis mirus incendiis.* Crater eius patet ambitu stadia XX. Iterum Virgilius dicto libro, vers. 571

- - - *horrificis iuxta tonat Aetna ruinis.*

Altissimus insulæ, adeo, ut niues & glaciem in vertice fere semper teneat, etiam quum maxime furit & ardet. Silius lib. XIV vers. 67

*Summo cana iugo cohibet (mirabile dictu)
Vicinam flammis glaciem, æternoque rigore
Ardentes horrent scopuli: stat vertice celsi
Collis hiems, calidaque niuem tegit atra fauilla.*

Circumcolitur in radicibus lateribusque propter eximiam fertilitatem.

LXIX.

Oppida adiacent, a septemtrione *Tissa*, iuxta Onobalam amnem. Situs eius ex Ptolemæi est numeris, alioquin incertus. Is autem *τίσσα* scripsit: Stephanus *τίσσαι* plurali numero. *τίσσαι*, inquit, *χωρίον Σικελίας*. Silius ex Ionico *τίσση* formavit *Tisse*, lib. XIV vers. 268

- - - *& paruo nomine Tisse.*

Creditur Randazzo esse. Gentile *Tissenses*, non *Tissinenses*, ut apud Plinium syllaba redundante est. Cicero Orat. Frumentar. cap. XXXVIII *A Tissensibus, per parua & tenui ciuitate, nonne plus lucri nomine eripitur, quam quantum frumenti omnino exarauit?*

LXX.

Ex altera parte, siue australi latere oppidum *Aetna*, eodem, quo mons, nomine fuit: olim *Inessa* dicta. Strabo lib. VI pag. 185 *οἱ Αἰτναῖοι παραχωρήσαντες, τὴν Ἰννησαν καλεμένην, τῆς Αἰτνῆς ὄρεα ἠν ὠκησαν, καὶ προσηγόρευσαν τὸ χωρίον Αἰτνῆν, διέχον τῆς Κατάνης σταδίων ὀγδοήκοντα, Aetnenses [Catana] regressi, Innesam, ut montana Aetnae vocantur, habitarunt, locoque imposuerunt nomen Aetnae.* Et postea pag. 89 dicit *πλησίον τῶν Κεντορίπων, propinquam oppido Centuripæ esse, & montem conscendentes excipere ac deducere.* Adde Diodori librum XI c. XLIX & LXXVI, ubi hæc clarius enarrantur: & Antoninum ac Tabulam.

LXXI.

Inde ab occasu *Centuripæ*, plurale, *κεντρίπων* Ptolemæi: aliis Græcis *τὰ Κεντόριπα*. Thucydides lib. VI pag. 476 *ἐχώρεν ἐπὶ Κεντόριπα, Σικελῶν πόλισμα.* Et Polybius lib. I cap. IX *περὶ Κεντόριπα.* Silius lib. XIX vers. 205 singulariter *Centuripe*. Gentile hinc *Centuripini*. Cicero Frumentar. cap. XLV *Centuripini, qui agri Aetnensis multo maximam partem possident.* Et

mox:

* Quæ tamen non ab ultimis mundi temporibus extitere. Ovidius Metam. XV, 340,
*Nec quæ sulfureis ardet fornacibus Aetna,
Ignea semper erit: neque enim fuit ignea semper.*

mox: ciues Centuripini; populus Centuripinus; aratores Centuripini. Horum amnis Cyamosórus fuit. Κυαμόςωρος. Polybius dicto loco: ἀντιστρατοπεδέυσας περὶ Κεντόριπα, καὶ παραταξάμενος περὶ Κυαμόςωρον ποταμὸν, castra metatus prope Centuripen, aciem ad Cyamosorum flumen instruxit.

LXXII.

Inter Centuripam & Aetnense oppidum in meridiem inclinat Adranum siue Hadranum oppidum. Stephanus: Ἄδρανον πόλις Σικελίας ἐν τῇ Αἰτνῇ, ποταμὸν ὁμώνυμον ἔχουσα, Adranum oppidum est Siciliae apud Aetnam, quod fluium cognominem habet. Auctorem & situm sic Diodorus lib. xiv cap. xxxviii descripsit: Διονύσιος ἐν τῇ Σικελίᾳ πόλιν ἐκτίσεν ὑπ' αὐτὸν τῆς Αἰτνῆς λόφον, καὶ ἀπὸ τινὸς ἐπιφανῆς ἱερᾶ προσηγόρευσεν αὐτὴν Ἄδρανον, Dionysius in Sicilia oppidum sub ipsum Aetnae montem condidit, quod ab illustri quodam fano Adranum vocauit. Silius lib. xiv vers. 251

Hadranum, Hergentumque simul - - -

Hinc apud Plinium Hadranitani: & in nummis ΑΔΡΑΝΙΤΑΝ.

LXXIII.

Proxima Hybla Maior. * Stephanus, ἵβλα, τρεῖς πόλεις Σικελίας ἡ μείζων, ἥς οἱ πολῖται ἵβλαῖοι, Tres Hyblae urbes Siciliae: Maior, cuius ciues Hyblaei. Pausanias Eliac. i cap. xxiii duas Hyblas numerat, in iisque τὴν, ὥσπερ ἐκάλεν, μείζονα, ὕψην, quam vocarunt Maiorem. Nummus Ph. Parutae ΤΒΛΑΣ ΜΕΓΑΛΑΣ. Hæc Hybla prope Aetnam fuit. Thucydides lib. vi pag. 477 πῖμπράντες ἅμα τὸν σῖτον τῶν τε Ἰησσαίων καὶ τῶν Ἰβλαίων, segetem Inessensium & Hyblensium incendentes. Plinius lib. iii cap. viii Hyblenses. Adde supra in maritimis dicta de Megara, quæ prius Hybla Minor fuit.

LXXIV.

In occasum post Aetnam recedit Galaria siue Galeria. Stephano Γαλαρία est χώρα, regio: Γαλάρια, πόλις Σικελίας. Galarina urbs Siciliae. At Diodorus lib. xvi cap. lxxviii Galeriam oppidum dixit; incolas, Galerinos. οἱ τὴν Γαλερίαν πόλιν οἰκῶντες, qui, inquit, Galeriam oppidum inhabitant: & mox: τὴν τῶν Γαλερινῶν συμφορὰν ἀκούσαντες, cladem Galerinarum audientes. Videtur oppidum esse quod vulgo nunc Gagliano vocitatur: ex quo situm eius iudicant.

LXXV.

Inde Herbitam versus Imachara oppidum. Ptolemæus Palatino codice ἱμιχάρα, Imichara: vulgaribus, ἡμιχάρα. Cicero Frument. cap. xviii Vrsinus, Victorius, alii agrum Imacharensem vindicant: vulgatis libris Macharenfis. Et cap. xlii Victorius & Gronovius, Imacharenses tributum facere coegisti. Et Verrina ultima cap. vii Cluverius: in Leonida Imacharenfi, vbi libris plerisque est, in Leone Megarenfi.

LXXVI.

Uterior ad Heræos montes fuit oppidum Herbita, Ptolemæi ἑρβίτα. Cicero Frument. cap. xxxii Quum Apronius Herbitam cum illa prædonum copia manuque venisset. Oppidani Herbitenses, ibidem & apud Plinium,

Iii ii 3

qui

* Ἰβλῆς δ' ἱερὸν ἄστυ. Nonnus Dionysiac. XIII v. 318 p. 370.

qui cum adspiratione in ordine alphabetico scripsit. Cicero eodem loco, *Herbitensis ciuitas*. Græce iidem Diodoro lib. XIV cap. LXXIX Ερβιταῖοι. *Heræi* autem montes, quibus hoc oppidum adiacet, eidem Diodoro lib. IV cap. LXXXVI sunt Ἡραῖα ὄρη, quorum salubritatem æstiuam cum amoenitate laudat.

LXXVII.

Ad illos montes paullo inferius est castellum *Tau*i vulgari nomine, quod Cluuerio videtur *Tabas* Silii esse lib. XIV vers. 273

Et bellare Tabas docilis.

LXXIIX.

Symæthum flumen iuxta se oppidum *Symæthum* eodem nomine habuit, vnde *Symæthii* ciues dicti Plinio III cap. VIII.

LXXIX.

Prope idem flumen ad dexteram ripam nunc est oppidum S. Filippo d'Argirone, quod doctis viris videtur *Agyrium* oppidum esse, Ptolemæi Αγύριον, Antonini *Agurium*. At Cicero *Frument.* cap. XXVII *Apronius Agyrium* venit. Ibidem, *Agyrinensis populus*: item, *Agyrinensis est in primis honesta ciuitas Siciliae*. Stephanus Αγύρινα, qui forte scripserat Αγύρινα. In nummis ΑΓΤΡΙΝΑΙΩΝ. Patria fuit Diodori Siculi, qui lib. I cap. IV ait, ἡμεῖς ἐξ Αργυρίᾱς τὸ γένος τῆς Συκελίας ὄντες, nos orti *Argyrio Siciliae sumus*. Cluuerius secundam litteram otiosam putat: tuetur Holstenius, quia hodieque *Argirone* dicatur, quasi veteres urbem & *Argyrium* & *Agyrium* appellauerint.

LXXX.

Inter hoc & Ennam *Afforus*, Ασσώριος Apollodoro apud Stephanum; qui & aliam formam Ασσώριον, *Afforium* produxit. Cicero *Verrinae actionis* lib. IV de Signis cap. XLIV *Chrysas est amnis, qui per Afforinorum agros fluit*. Is apud illos habetur deus, & religione maxima colitur. fanum eius est in agro propter ipsam viam, qua *Afforo* itur *Ennam*. Fluit deinde *Chrysas* per agrum *Agyrinensem*, saltem in limite eius. Diodorus lib. XIV cap. XCVI ἐν τῇ τῶν Αγυριναίων χώρᾳ, παρὰ τὸν Χρύσαν ποταμὸν, ἐγγυς ἐδὲ τῆς Φερύσης εἰς Μοργαντίαν, in *Agyrinensem* agro, iuxta *Chrysam* amnem, prope viam quæ *Morgantinam* fert.

LXXXI.

Trans flumen est oppidum Εργέτιον *Philisto* apud Stephanum; *Hergetium* Latine: Silio *Hergentum* dicto libro vers. 251

Hadrantum, Hergentumque simul:

Ptolemæo Σεργέντιον, *Sergentium*, vt in aliis aliquando Σ pro adspiratione inuenitur.

LXXXII.

Ab *Afforo* in austrum sita proxime est *Enna* siue *Henna*, vrbs antiqua & percelebris propter raptum *Proserpinæ*, qui huic loco adfingitur. Diodorus Siculus lib. V c. III γενέσθαι δὲ μυθολογᾶσι τῆς κόρης τὴν ἀρπαγὴν ἐν τοῖς λαιμῶσι τοῖς κατὰ τὴν Ἐνναν. ἐστὶ δὲ ὁ τόπος ἕτος πλησίον μὲν τῆς πόλεως, ἰοῖς δὲ καὶ τοῖς

τοῖς ἄλλοις ἀνδρῶσι πάντοδα ποῖς εὐπρεπὴς καὶ θεὰς ἄξιος, *Fingunt raptum puellæ [Proserpinæ] factum esse in pratis iuxta Ennam. Est autem locus ille prope urbem, violis aliisque floribus amœnissimus & contemplatione dignus. Cicero Verr. de Signis cap. XLVIII Vetus est hæc opinio, - - - raptam esse Liberam, quam eandem Proserpinam vocant, ex Ennensium nemore: qui locus quod in media est insula situs, umbilicus Siciliæ nominatur. - - - Enna autem est loco præcelso atque edito, quo in summo est æquata agri planities, & aquæ perennes: tota vero ab omni aditu circumcisa atque diremta est. quam circa lacus sunt plurimi, & letissimi flores omni tempore anni: locus ut ipse raptum illum virginis, quem iam a pueris accepimus, declarare videatur. Et enim propter est spelunca quædam, conuersa ad aquilonem, infinita altitudine, qua Ditem patrem ferunt repente cum curru exstitisse, abreptamque ex eo loco virginem secum asportasse, & subito, non longe a Syracusis penetrasse sub terras, lacumque in eo loco repente exstitisse. Eadem Diodorus dicto loco: etiam quæ de umbilico insulæ dicebantur in Ennensi nemore vel prato, quod Σικελίας ὀμφαλὸς ὑπὸ τινῶν ὀνομάζεται, Siciliæ umbilicus a quibusdam nominetur. Idem quoque Callimachus dixit hymno in Cererem vers. 15*

Τρεῖς δ' ἐπὶ καλλίστης νήσῳ δράμεις ὀμφαλὸν Ἐνναν,

Ter ad pulcherrimæ umbilicum insulæ Ennam accurristi.

Cereris heic viguit religio. Mela II cap. VII *Famam habet ob Cereris templum Enna. Vnde Ceres, Ennææ numina diuæ, Silio lib. I vers. 93 dicta: & Ciceroni loco antea indicato, religio Cereris Ennensis. Scribitur etiam cum adspiratione. In veteri nummo, quem illustris vir Ezech. Spanhemius laudat p. 906 MVN. HENNAE. Municipes Hennenfes scripsit Plinius lib. III cap. VIII.*

LXXXIII.

Adiacet oppido lacus Pergus, distans ab eo v millibus passuum. Ovidius Metamorph. lib. V vers. 385

*Haud procul Hennæis lacus est a mœnibus altæ,
Nomine Pergus, aquæ.*

Et Claudianus de Raptu Proserpinæ lib. II vers. 112

*Haud procul inde lacus (Pergum dixere Sicani)
Panditur, & nemorum frondoso margine cinctus
Vicinis pallescit aquis.*

LXXXIV.

Prope hunc lacum, ex altera parte, oppidum Magella a Cluuerio ponitur, vnde Magellini sunt Plinio: sed locus incertior est quam ut designari distincte possit.

LXXXV.

Inde orientem versus sunt Capitonianæ Antonini, inter Catinam & Agrigentum itinere, circa flumen Erycen: infra quas est Palica oppidum cum fano, ad fontem & lacum Palicorum. * Diodorus lib. XI c. LXXXVII de

* Dicitur etiam lacus Palici. Ovidius de Ponto eleg. X v. 25,

Aetneusque lacus, & olentia stagna Palici.

Sed poeticum videtur.

de Deucetio rege: πλησίον τῷ τεμένει τῶν ὀνομαζομένων Παλίκων ἔκτισε πόλιν ἀξιόλογον, ἣν ἀπὸ τῶν προσημειῶν θεῶν ὠνόμαζε Παλίαν, *prope Palicorum fanum urbem insignem posuit, quam ab his ipsis diis Palicam nominavit.* Religiosus locus & periuris formidabilis, qui aqua illa mergebantur, seruatis qui bene iurauerant. Vide caput insequens Diodori, & Macrobius lib. v cap. xix, & quæ nos commentati sumus ad illa Silii verba lib. xiv vers. 220

*Et qui presenti domitant periura Palici
Pectora supplicio.*

LXXXVI.

Prope abest oppidum *Eryce*, ad fontem fluuii cognominis *Eryces*, de quo Stephanus: Ερύκη, Σικελικὴ πόλις, *Eryce urbs Sicula.* Et Callias in septima historia de rebus Siculis apud Macrobius lib. v cap. xix ἡ Ερύκη τῆς Γελάας ὅσον ἐννεήκοντα στάδια διέσκηκεν, *Eryce a Gelenfium finibus xc circiter stadia abfuit.* Longe autem Geloi fines in septemtrionem prolati fuerant.

LXXXVII.

Eidem lacui Palicorum subiacebant *Menæ*, Μενά, Ptolemæi, quod etiam Stephano Bochartus & Cluuerius pro corrupto Μενδαί, restituerunt, ut legatur, Μενά πόλις Σικελίας, ἐγγὺς Παλίκων, *Menæ, oppidum Siciliae prope Palicos.* Cicero Frument. cap. xliii *paſſiones Meneniorum*, quasi a Μένηνα deductum possessuum nomen. Plinius iii cap. viii *Menanini*: sicut a Tiffa *Tisfinini* formauerat. Nummus Parutæ ΜΕΝΑΝΙΝΩΝ. Diodorus Siculus lib. xi cap. lxxviii Μένανον hoc oppidum dixit. De Deucetio rege ait, Μένανον μὲν πόλιν ἔκτισε, *Menænum oppidum condidit.*

LXXXIIX.

Ultra Menas in meridiem vergebat *Echetla* oppidum. Stephanus: Εχέτλα, πόλις Σικελίας. Polybius lib. i cap. xv ἐπολιόρχην οἱ Ῥωμαῖοι καὶ τὴν Εχέτλαν, ἐν μέσῃ κειμένην τῇ τῶν Συρακυσίων καὶ Καρχηδονίων ἐπαρχίᾳ, *Et Echetlam obsederunt Romani, in confinio sitam Syracusanorum & Carthaginienſium prouinciæ.* Et Diodorus lib. xx cap. xxxii καταλαβόμενοι τὴν Εχέτλαν, ἐπόρθον τὴν τε Λεοντίνην καὶ Καμαριναίαν, *Echetlam occupantes vastarunt & Leontinam & Camarinam regionem.* Ergo sita erat in medio illarum. Plinius, *Echetlienses, dico loco.*

LXXXIX.

In agro Syracusano erant oppida, *Cacyrum*, Κάκυρον, Ptolemæi, quod hodie credunt *Cassaro* esse: de quo plura non constant, nisi Plinii *Cetari- nos* cum nonnullis in *Cacyrinos* mutare velis: deinde *Bidis*, de quo Cicero in Verr. lib. ii de Iurisdic. Sicil. cap. xxii *Bidis oppidum est, tenue sane, non longe a Syracusis.* Stephanus: Βίδος Φράγιον ἐν Σικελίᾳ, ἐδετέρως, *Bidos castel- lum Siciliae, neutro genere.* Vnde *Bidini* sunt, quos Plinius iii cap. viii recensuit. Aiunt superesse ædem sacram eo loco, *S. Giovanni di Bidini* adpellatam. *Talaria* quoque huc referenda. Stephanus: Ταλαρία πόλις Συρακυσίων, *Talaria urbs Syracusanorum:* ex qua sunt Plinii *Talarenſes.* Quo situ fuerit, incertum prorsus est.

XC.

Inter Oanum & Hirminium fluuios *Hybla Minor* fuit, a Maiore mediterranea, & Megarenfi maritima, distincta. Stephano τρεῖς πόλεις Σικελίας Ἰβλα. ἡ μείζων, *Maior* - - - ἡ μικρά, *Parua*, cuius ciues Μεγαρεῖς, *Megaren-ses*: ἡ δὲ ἐλάττω Ἡρα καλεῖται, *Minor autem Hera vocatur*, vel *Heræa* cognominatur. Prauatum heic Itinerarium, quo editum ab Aldo & Simlero *Plagereo siue Cymba*: a Schotto, *Plagia Hereo*. Forte *Heræa* legendum est, quia Ἡρα nomen est a Stephani epitomatore proditum. Si hoc est, de situ quodammodo constare potest: etiam ex alio eiusdem itinere a Lilybæo Messanam, quo *Hyblam* inter Agrigentum & Acras posuit.

XCI.

Prope mare Ionium & Pachynum promontorium, siue inter Syracusas & Camarinam ac Pachynum sunt primum *Acræ*, a Syracusanis conditæ, haud longe a mari. Stephanus in Ἀκρά decem huius nominis vrbes numerat. τρίτη, inquit, ἐστὶ Συρακυσίων κτίσμα, *Tertia est opus Syracusanorum*. Plenius Thucydides lib. vi pag. 413 Ἀκρά καὶ Κάσμενα ὑπὸ Συρακυσίων ὠκισθήσαν. Ἀκρά μὲν ἐβδομήκοντα ἐτεσι μετὰ Συρακῆσας, Κάσμενα δὲ ἐγγὺς ἑκοσι μετὰ Ἀκράς, *Acræ & Casmenæ a Syracusanis sunt conditæ: Acræ quidem LXX annis post Syracusas, Casmenæ vero circiter xx annis post Acras*. Liuius lib. xxiv cap. xxxvi *eques leui certamine inito, cum Hippocrate Acras perfugit*. Etiam Antoninus *Acras* dixit itinere a Lilybæo Messanam: Ptolemæi autem Ἀκραῖαι haud dubie sunt prauatæ, syllaba redundante: Plinius *Acren-ses* dixit oppidanos. Situm editiorem monstrauit Silius lib. xiv vers. 207

*Non Tapfos, non e tumulis glacialibus Acræ
Defuerunt.*

XCII.

Ab his diuersæ sunt *Acrillæ*, siue *Acrilla*, eodem tractu. Stephanus: Ἀκριλλὰ πόλις Σικελίας & πόρρω Συρακυσίων, *Acrilla vrbs Siciliæ non procul a Syracusis*. Sitæ inter Acras & Agrigentum, quod ex Liuii lib. xxiv cap. xxxv adparet, vbi Marcellus, ab Agrigento in Syracusana castra rediturus, in via hostes offendit ad Acrillas, quos victor in Acras refugere compellit. Hippocrates, inquit, [dux Syracusanus] *cum decem millibus peditum, quingentis equitibus nocte per intermissa custodiis loca profectus, castra circa Acrillas urbem ponebat*. Munientibus superuenit Marcellus ab Agrigento iam occupato, - - - *incompositos ac dispersos nactus eos, & plerosque inermes, quod peditum fuit, circumuenit: eques, leui certamine inito, cum Hippocrate Acras perfugit*.

XCIII.

Inter Acrillas & Elorum, quod ad mare est, in edito colle *Neetum*, codice Palatino Ptolemæi Νέητον; & sæpius *Netum* contracte; nunc Noto est, vnde vallis, pars tertia insulæ nominatur. Cicero Verr. act. lib. iv de Signis cap. xxxvi *Attalus homo pecuniosus Neti; Lyso Lilybæi; Critolaus Ennæ*. Silius lib. xiv vers. 269

Et Netum, & Mutyce, pubesque liquentis Acheri.

Kkk kk

Hinc

Hinc *Netinenses*, quos Cicero dixit Act. in Verr. lib. II cap. LXV: & *Netini*, orat. ult. in Verr. cap. XXII. Etiam Plinius *Netini Latinae conditionis*.

XCIV.

Illud Sili *Achetum* in ignotis latet: *Mutyce* autem, siue *Motyca*, nota, hodieque *Modica* dicta. Ptolemæi *Μότκα*, quia Romano more *υ* in *γ* persæpe commutatur. Eidem amnis, qui præfluit, *Μοτυχανός*, *Motychanus*, si salua scriptura est. Sita prope Pachynum ita, ut latus spectet australe. Plinio hinc *Mutycenses*: Ciceroni Frum. c. XLIII & LI ager *Mutyensis*, nisi forsan littera *c* excidit.

XCV.

Inde mare versus, forte ad idem flumen superius, fuit *Casmene* siue *Casmene*, *Κασμένη* & *Κάσμενα*. Herodotus, quem Stephanus adlegat, lib. VII cap. CLV ὁ Γέλων καταγαγὼν τέτρες ἐκ Κασμένης πόλιος εἰς τὰς Συρακῆσας. Stephanus: *Κασμένη πόλις Σικελίας*. *Ἡρόδοτος* ζ. Thucydides lib. VI p. 413 plurali numero *Κάσμενα*, *Casmene*, cuius verba paullo ante in *Ἄκρα*, *Acra*, adscripsimus.

XCVI.

Propius promontorium Pachynum oppidum fuit *Ichana*. Stephanus: *Ἰχάνα πολίχνην τῆς Σικελίας*, *Ichana*, oppidulum *Siciliæ*. Vnde Plinii *Ichanenses*. Ptolemæi libris est *Ἰνα*, quod videtur ex *Ἰχάνα* esse. Et Apollinis Libystini fanum, de quo Macrobius Saturn. I cap. XVII. Antonino *Refugium Apolline*.

XCVII.

Supra Geloos *Maetorium*. Stephanus, *Μακτώριον, πόλις Σικελίας*, *Maetorium* oppidum *Siciliæ*. Herodotus lib. VII cap. CLIII εἰς Μακτώριον, πόλιν ὑπὲρ Γέλῃς οἰκημένην, ἔφυγον ἄνδρες Γελῶων, *Maetorium*, oppidum supra *Gelam* habitatum, fugerunt *Gelenses*.

XCIIIX.

Inde in septemtrionem sunt minus certa, *Caulonia*, *Καυλωνία* Stephani, hoc tractu posita ab iis, quibus eadem *Calloniana* videntur Antonini: & *Νώνυμνα*, *Nonymna*, eiusdem Stephani. Coniiciunt fuisse, ubi oppidum *Nauni* iam existit. Antonini *Philosophiana*, in Aldino *Gelasum Philosophianis*, quod alii *Gela* siue *Ph.* legunt; Cluverius *Gelensum Philosophiana*, refertque ad fontem *Gelæ* amnis, quousque territorium *Gelensum* pertinuisse non dubitat. Neque notiora sunt *Petiliana*, & *Corconiana* eiusdem itinerarii oppida, quorum illud ab Agrigento XVIII; hoc XII millibus passuum narratur afuisse.

XCIX.

Nobilior *Erbeffus* siue *Herbeffus*. Cluverius duas huius nominis vrbes, alteram supra Agrigentum ponit, alteram ad fontes Anapi, qui in portum magnum Syracusanorum effluit. Illam probat ex Polybii lib. I cap. XVIII, quo Bochartus *Ὀύεσσαν*, *Vessam* Polyæni lib. V cap. I num. 4 refert, demta parte compositionis, quia ab *γη* & *υγ* deducit: ideo nunc la Grotte esse credunt, a subfossione. Non dubitanda hæc *Erbeffus*, quia horreum Roma-

Romanorum fuit quum Agrigentum obsiderent. Commeatum enim socii εἰς Ερβεσσόν, in *Erbeffum* contulerunt. Alteram, vicinam Syracusis, ex Liuii lib. xxiv cap. xxx probat, quamquam plus ille non dixit, quam prætores Syracusanos exercitum Megaram duxisse: ipsos cum paucis equitibus Herbeffum profectos, quam quum nequissent ad deditionem perpellere, castra Megaris mouisse, vt Herbeffum omnibus copiis oppugnarent. Ptolemæus, Plinius, Stephanus vñam Herbeffum memorarunt, vt de sede gemina dubitare possimus, & mediam inter Syracusas & Agrigentum circumspicere. Nec Bocharti originibus inniti tuto possumus, cuius præcipua ratio est, quod *Herbenses* cum adspiratione Plinius, non *Erbenses*, scripserit.

C.

Inter amnes Himeram australem & Crimissum ponuntur *Motyum* castellum. Diodorus Siculus lib. xi cap. xc Μότυον φερέμενον ὑπὸ τῶν Ἀκραγαντίνων, *Motyum præsidio munitum ab Agrigentinis*. Et mox: τὸ Μότυον Φερίον, *Motyum castellum*. Alia autem est *Motya*, vrbs prope Lilybæum.

CI.

Deinde *Ancyra*, oppidum in hoc tractu. Diodorus lib. xiv c. xlix plurali numero ἀγκύρα, *Ancyrae*, scripsit, quum quinque ciuitates numeravit, quæ in fide erga Carthaginienes manserint. αὗται δὲ ἦσαν, ἀγκύρα, Σόλος, Αἴγιστα, Πάνορμος, Ἐντελλα, *Hæ*, inquit, *erant, Ancyra, Solus, Aegesta, Panormus, Entella*. Cluuerius huc opinatur referri posse Ἄγκρινα, *Ancrina* Ptolemæi, & Ciceronis *Acherinos*, ex Frumentaria cap. xliii, quasi prauata vocabula ex illo sint. Tandem *Triocala* sunt, Ptolemæi τριόκλα, *Triocla*, Stephani τρικάλα, *Tricala*: ceteri quatuor syllabis *Triocala*, vt Plinius oppidanos dixit *Triocalinos*: & Silius lib. xiv vers. 271

- - - *seruili vastata Triocala bello.*

CII.

Abhinc in septemtrionem, inter Hypsam & Crimissum flumina, sunt *Sthera*, Ptolemæi σχήρα; cuius oppidi ciues *Scherini* sunt a Plinio iii cap. viii memorati: & *Macella*, Ptolemæi μάκελλα. Polybius lib. i cap. xxiv μάκελλαι πόλιν κατὰ κράτος εἶλον, *Macellam urbem vi expugnarunt*. Liuius lib. xxvi cap. xxi *sequuntæ defectionem eorum Hybla & Macella*. Legitur etiam inter nobiliores Duillii expeditiones in fragmento Columnæ rostratæ MACEL..... VGNANDO CEPIT, id est *Macellam* [oppidum] pugnando cepit.

CIII.

Trans Crimissum *Entella*, Ptolem. Ἐντελλα, cuius rudera ad idem flumen dicuntur superesse. Stephanus, Ἐντελλα πόλις Σικελίας. Adde Diodorum ex lib. xiv cap. xlix modo adlegatum in *Ancyra*. Silius lib. xiv vers. 205

Centuripe, largoque virens Entella Lyæo.

Oppidani Plinio *Entellini*, quos Cicero laudat Frumentar. orat. cap. xliii *Cognoscetis, inquit, iudices, Entellinorum, summi laboris summæque industrie, dolorem & iniurias.*

CIV.

Ad idem flumen, sed superius, *Ietæ*, oppidum, nunc Iato. Stephanus, *Ιεταί, Φέρριον Σικελίας, Ietæ, castellum Siciliae*. At longam esse mediam, docet Silius versus 272 lib. xiv

- - - *Arabela ferox, & celsus Ietas,*

Ietas mons, in quo situm oppidum: & nummus Parutæ diphthongo referens *IAETINΩΝ*. Cluuerius dubitanter coniiicit, Ciceronis *Letinos*, omnibus ignotos, ex Frumentar. cap. xliii legendos forsan *Ietinos*, qui Plinio sunt *Ietenses*.

CV.

Lilybæum versus *Halicyæ*. Stephanus: *Ἀλικυαί, πόλις Σικελίας μεταξύ κειμένην ἐν τῇ ἑλλάδι καὶ Λιλυθαίᾳ, Halicyæ oppidum Siciliae, situm inter Entellam & Lilybæum*. Incolæ *Ἀλικυαῖοι*, Diodori lib. xiv cap. lv; Plinii iii cap. viii *Halyciensis*. Cicero Frum. cap. vi *Quinque sine fœdere immunes ciuitates & liberæ, Centuripina, Halesina, Segestana, Halicyensis, Panormitana*.

CVI.

Et inde in austrum versus, *Legum*, *Λήγον*; & *Elcethiūm*, *Ελκεθιον*, vtrumque ex Ptolemæi positione. Nihil sic notum in occidente mediterraneo superest. *Aegestam* enim siue *Segestam*, quod propinqua mari & nauigationes admittit, supra exposuimus in ora. Obscura loca, *Ad oliuam*, & *Locaricum*, siue *Longaricum*, vt variat scriptura, ex Antonini itinerario cum distantis suis, quas inter Lilybæum & Hyccara seruant, repetantur. Trans montes hinc eundum est.

CVII.

Montosa Sicilia, præter Aetnam & Erycem, altissimos montes, multis iugis eminet, siue montium continuatione. Talis est *Cratas*, ὁ Κράτας Ptolemæi: *Maro* Plinii iii cap. viii, cuius & *Gemelli colles* sunt: *Nebrodes* Solini c. v. quibus Silius lib. xiv v. 237 fontes vtriusque Himeræ attribuit:

Nebrodes gemini nutrit diuortia fontis,

Quo mons Sicania non surgit ditior umbra.

Gemini fontis diuortia, id est Himeræ, de quo supra dictum est. Et *Heræi* montes Diodori lib. iv cap. lxxvi, *Ἡραία ὄρη*, quasi Iunonii. Vibius de Fluminibus: *Chrysas, Syracusis ex monte Heræo*. Hos vero discernere & limitibus finire difficillimum, neque plus quam coniecturas, adferri adhuc videmus. Ad montes sunt *Pirina* Antonini, Schottana editione *Pyrama*, medio itinere inter Panormum & Petrinas siue Petram: & quum intus magis ad Himeram amnem arx hodie Margana dicta exsistat, eo Stephani *Μοργυναν*, *Morgynam* Cluuerius interpretatur: quam certo, adparet cuilibet; præsertim quum Polybius lib. i cap. viii *Μεργανην Merganam* memoret, sed propiorem Syracusis. Nec Stephanus de sua plus attulit, quam πόλιν Σικελῶν, oppidum esse *Siculorum*.

CIIX.

Ad mare accedit propius post Himerenses Thermas *Paropus*, Πάρωπος, oppidum. Polybius lib. i cap. xxiv *μεταξύ τῆ Παρώπης καὶ τῶν Θερμῶν*

μῶν τῶν Ἱμεραίων ἐπιπεσὼν αὐτοῖς, *inter Paropum & Thermas Himeraeas illis superueniens.* Plinio hinc sunt *Paropini* lib. III cap. VIII, *Vsticæ* insulæ obiecti.

CIX.

Petra autem, Πέτρα Ptolemæi, *Petrina* Antonini, non dubie videtur oppidum *Petràglia* esse, quo etiam itinerarium ducebat. Silio est *Petræa*, ut *vrbs* subaudiatur, quod Latine *Petrina* est. Lib. XI v. enim vers. 249

*Romanos Petræa duces, Romana petiuit
Fœdera Callipolis, lapidosique Engyon arui.*

Oppidani *Petrini* Plinio. Et Cicero *Frum.* orat. cap. XXXIX *Petrinis pecuniam ereptam gloriatur.*

CX.

Quod coniungit Silius oppidum *Engyon*, non procul a *Petrina* vrbe fuit. Ptolemæus & Diodorus lib. XVI cap. LXXIII dixere Ἐγγυον, *Engyon*, *Engyum*, ut Silius, & ex hac forma Ciceroni *Frum.* cap. XLIII *ciuitas Engyna* est: at insequenti de Signis oratione cap. XLIV *Enguinos* scripsit, ut in libris castigatis est. *Matris*, inquit, *magnæ fanum apud Enguinos est*: quod respondet vocabulo Ἐγγύιον, *Enguium*, quo Plutarchus in Marcello vsus pag. 309. & inde Diodorus dicto loco gentile Ἐγγύηνοι. quod prauatum est ex Ἐγγυαὶ vel Ἐγγυίη, ut libri ferunt, formauit. Ruinas tradunt inter montes *Nebrodein*, *Maronem* & *Heræum* conspici.

CXI.

Supra hos montes mare versus, quod *Aeolias* tenet, videntur *Silii Nomæ* & *Amastra*, quæ Stephani *Ameſtratus*, Ἀμήστρατος est, fuisse. Ait ille lib. XIV vers. 267

- - - comitata *Nomæis*
Venit Amastra viris.

Sic enim legendum esse, non *Nemæis*, quales nulli in *Sicilia*, ex Diodori lib. XI cap. XC elucet, qui στρατοπέδουοντα περὶ τὰς Νομαῖς scripsit, id est, circa *Nomæas castra metantem*. Vicina autem *Amastra* est Stephani Ἀμήστρατος, *Ameſtratus*; Polybii μυτίστρατος, *Mutistratus*, hodie *Mistretta*, vocabulo corrupto. Hic vero lib. I cap. XXIV de Romanis consulibus scripsit, *Panormum* versus exercitum deduxisse, quod *Carthaginienſes* ibidem hiemerent. Quum vero nemo hostium prodiisset, inde ἐπὶ πόλιν Ἰππᾶναν, aduersus *Hippanam* impetu facto, eam vi cepisse. εἶλον δὲ καὶ μυτίστρατον, πολλὰς χρόνας ὑπομεμενηκὸς τὴν πολιορκίαν, διὰ ὀχυρότητα τῆς πόλεως. Ceperunt etiam *Mutistratum*, *natura munitum oppidum*, quod ideo obsidionem diu tolerauit. Zonaras Tom. II p. 57 μυτίστρατον πόλιν, *urbem Mutistratum* in *Sicilia* dixit. Hinc Plinio *Mutustratini* lib. III cap. VIII.

CXII.

Hippanam vero inter *Panormum* & *Mytistratum* fuisse, ex Polybii iam data narratione adparet. Stephanus, qui etiam ad hunc Polybii locum prouocat, ad historiam non attendit, quum oscitanter scripsit Ἰππᾶνα πόλις

περὶ Καρχηδόνα, *Hippana vrbs circa Carthaginem*: verius *Panormum*, aut aliam eius tractus in Sicilia, nominasset.

CXIII.

Apollonia quoque in Sicilia fuit, quam septimam eius nominis urbem πλησίον Ἀλοντίνων καὶ Καλῆς Ἀκτῆς, prope *Haluntinos* & *Calacten* posuit idem chorographus Byzantinus. Sic legendum, non Ἀλοντίνων, qui longius ab sunt a Calacta. Diodorus lib. xvi cap. lxxiii Timoleon παραλαβὼν τὴν Ἀπολλωνίαν, *Apolloniam in fidem accepit*. Cicero Frument. cap. xliii ciuitas *Apolloniensis*.

CXIV.

Intus magis ad montes ponunt Καπύτιον, *Capytium* Ptolemæi: & ultra, *Galatam*, vnde Plinii sint *Galatini*. Prope Tyndarium, *Abacænum* oppidum. Suidas: Ἀβακαῖνον πόλις Σικελίας, *Abacænum vrbs Siciliae*. Diodorus lib. xiv cap. xci de rege Dionysio: πρὸς Ἀβακαῖνῳ πέλεισυρμαχίδι κατεστράτοπέδευσε, iuxta *Abacænum*, urbem sociam, castra posuit. Vicinitatem Tyndaritanam idem eodem libro, cap. lxxix luculente ostendit, quum Tyndaridem a Messeniis conditam ad mare dicit in loco τῆς Ἀθακηνῆς χώρας, *Abacænae regionis*.

CXV.

Sunt & alia, quibus certus locus non potest adsignari, *Callipolis*, *Arabela*, *Eubæa*, & alia. *Callipolis* a Marciano Heracleensi pag. 12 cum oppidis coniungitur, quæ prope fretum sunt; quibus & *Eubæam* admiscet. Verba sunt

Ζάγκλη, Κατάνη, Καλλιπόλις ἔχον ἀποικίας.

Πάλιν δ' ἀπὸ τέτων δύο πόλεις, Εὐβοία

καὶ Μύλαι κατωκίσθησαν ἐπικαλέμεναι.

Zancle, *Catana*, & *Callipolis* accepere [ab Rheginis] colonias. Rursus vero his due vrbes, *Eubæa* & *Mylæ* dictæ, conditæ fuerunt. *Callipolim* Stephanus quoque memorauit: & Silius lib. xiv vers. 250

- - - Romana petiuit

Fœdera Callipolis.

Herodotus lib. vii cap. clv πολιορκέοντες Ἰπποκράτεος Καλλιπολίτας τε καὶ Ναξίους, καὶ Ζαγκλαῖους τε καὶ Λεοντίνους, obsidente Hippocrate *Callipolitinos*, & *Naxios*, & *Zancleas*, & *Leontinos*: quarum ciuitatum quod tres in orientali latere sunt, probabile fit, & *Callipolim* ibidem exstitisse.

CXVI.

Minus constat de *Eubæa* vrbe, nisi quod cum Mylis Heracleota coniunxit: & Strabo inter dirutas vna cum Callipoli numerauit. Nec insolens Siceliotis, insularum nomina oppidis suis imponere, vt Naxi exemplum ostendit, vel ob primos colonos, vel ob additos ex illa insula.

CXVII.

Arbelæ autem situs prioribus est ignotior. Stephanus, Ἀρβέλη, πόλις Σικελίας: & Suidas in hac voce: πόλισμα Σικελικὸν ἢ Ἀρβέλη, *Arbela Siciliae oppidum*. Silius xiv vers. 272 prauato verbo *Arabeia* videtur *Arabelam* innuisse,

nuisse, quæ & Cluuerii coniectura est. At si vere hoc coniiceretur, non *Αρβέλη*, sed *Αρβήλη* scribendum nomen esset, quod produxit syllabam poeta,
Sidonios Arabèia ferox - - -

CXIIX.

Hæc oppida Siciliæ, in quibus quinque, secundum Plinium, coloniæ Romanæ, Tauromenium, Catina, Syracusæ, Thermæ, & Tyndaris: duæ secundum Ciceronem (Frument. orat. cap. vi) ciuitates foederatæ, quarum decumæ venire non soleant, Mamertina & Tauromenitana: quinque præterea sine fœdere immunes ac liberæ, Centuripina, Halesina, Segestana, Halicyensis, Panormitana. Præter has omnis ager Siciliæ ciuitatum decumanus erat, etiam ante populi Rom. imperium, ipsorum Siculorum voluntate & institutis. Hæc dictante Tullio prædicta oratione.

CXIX.

Vnum restat, vt de *Valeria via*, qua ab Messana Lilybæum itur, aliquid adiiciamus. Illam nobis Strabo monstrauit lib. vi pag. 184, Latera insulæ millibus passuum dimensus. *ἐκ Μεσσηνίας*, inquit, *εἰς Λιλιθαίον. Οὐαλερίαν. ὁδὸν λε,* *A Messana Lilybæum via Valeria xxxv*, qui numerus prauatus poscit Σ præmitti, vt fiant ccxxxv. Hanc autem viam per maris oram duxisse, quia latera metitur, hoc est, per Mylas, Tyndaridem, Cephalœdim, Thermas, Panormum & Drepanum ad Lilybæum vsque per tot millia plus minus, vero prorsus est simile.

IN SVLAE MINORES CIRCA SICILIAM.

CXX.

Insulæ inter Siciliam & Italiam medio mari positæ dicuntur vulgo *Aeolæ*, quia Aeolus in iis regnasse traditur. Dicuntur etiam *Vulcaniæ* ab ignibus eructatis: item *Liparæorum insulæ*, αἱ Λιπαραιῶν νῆσοι (Strab. vi pag. 190) a principe illarum, Lipara. Plinius lib. iii cap. ix *Citra Siciliam* [respectu Italiæ] vii *Aeolæ* adpellatæ. Eadem *Liparæorum* & *Hephestiades a Græcis, a nostris Vulcaniæ: Aeolæ*, quod Aeolus Iliacis temporibus ibi regnavit. Et interiectis paucis: *Strongyle*, in qua regnavit Aeolus, quæ a *Lipara* liquidiore flamma tantum differt, e cuius fumo, quinam flaturi sint venti, in triduum prædicere incolæ traduntur: unde ventos Aeolo paruisse existimatum.

CXXI.

Sunt autem septem numero, in quo Strabo, Diodorus, Mela, Plinius consentiunt. Non autem eodem ordine aut iisdem nominibus enumerantur. Mela lib. ii cap. vii *Ille septem, quas Aeoli adpellant, Osteodes, Lipara, Heraclea, Didyme, Phænicusa, ac, sicut Aetna, perpetuo flagrantes igne, Hiera & Strongyle.* Plinius hoc ordine: *Lipara: altera Hiera: tertia Strongyle: quarta Didyme: quinta Ericusa: sexta Phænicusa: nouissima, Euonymos.* Quæ prope conueniunt cum Diodori enarratione lib. v c. vii, *Αὐταὶ δ' εἰσὶ μὲν ἀριθμὸν ζ', προσηγορίας δ' ἔχουσι ταύτας. Στρογγύλη, καὶ Εὐώνυμος,*

μος, ἐτι δὲ Διδύμη, καὶ Φοινικώδης, καὶ Ερυκώδης πρὸς δὲ τέτοις ἱερὰ Ἡφαίστη, καὶ Λιπάρα, *Septem sunt numero, hæc nomina sortitæ: Strongyle, Euonymos, & Didyme, & Phænicausa, & Ericusa: adhæc Hieræ Vulcani, & Lipara.* Etiam Strabo pag. 190 εἰσὶ δὲ ἐπὶ αὐτῶν τὸν ἀριθμὸν, *sunt numero septem: vt adeo prauatum Appianum esse oporteat, quum lib. v Civ. Belli p. 1158. de Strongyle scriptum legitur, ἡ τῶν πέντε νητῶν ἐστὶ τῶν Αἰόλων, quæ una est ex quinque insulis Aeoliis.* Contra si nomina numeres, addasque Hicesium Ptolemæi, excrescet numerus, & Osteodem ac Heracleam Melæ cum Hicesia residuas habebis, nisi decem aut plures velis in Aeoliis insulis censer. Sed *Osteodes* est longe ab Aeoliis remota, vt postea monstrabimus: *Heraclea* Melæ, quæ in Peutingeria quoque *Tabula Inf. Herculis*, & insulari itineralio *Heracleotes* vocatur; & *Hicesia* Ptolemæi, Aeoliis quidem vicinæ sunt, adiacentes proxime; in censum vero illarum minime venerunt, quod vel minores erant, aut incultæ; aut Liparæis non subiectæ. Ceterarum nomina sunt singularia, præter *Hieræ*, quæ etiam Virgilio *Vulcania*, Straboni *Θέρμισσα*, *Thermissa* est adpellata: & *Liparæ*, quæ olim *Meligunis* erat, Strabone & Plinio referentibus.

CXXII.

Princeps illarum est *Lipara*, * quæ urbem eodem nomine tenuit, tantæque fuit potentiae, vt classem haberet, ceterisque Aeoliis imperaret. Strabo dicto loco: *Μεγίστη ἡ Λιπάρα, Κνιδίων ἀπεικος, - - - ἡγήσατο δὲ καὶ εὐλῶ, ὑπηκόους ἔχουσα τὰς νῦν λεγομένας Λιπαρέων νήσους, αἷς Αἰόλοις τινὲς προσαγορεύουσι, Maxima est Lipara, Cnidiorum colonia: hæc & classem duxit, sub se habens reliquas Liparæorum, vt nunc dicuntur, quas Aeoli quidam adpellant insulas.* Nomen habet a Liparo rege, quem Diodorus tradit Aufonis filium, a fratribus pulsum in hac insula consedisse, cuius filiam successor Aeolus duxerit. Contra Plinius dicit Liparum Aeolo successisse. His posteriorem Cnidiorum coloniam fuisse oportet, quam Strabo memoravit, lib. vi pag. 184. Incrementa habuit à bonitate portuum & aquarum salubritate. Diodorus lib. v cap. x αὕτη λιμέσι τε καλοῖς ὑπὸ τῆς φύσεως κεκοσμηται, καὶ θερμοῖς ὕδασι τοῖς διαβεβοημένοις, *Hæc [insula] bonis portubus naturæ beneficio ornata est, & thermis celebratissimis.*

CXXIII.

Inter Liparam & Siciliam est *Hieræ*, Diodori ἱερὰ Ἡφαίστη, id est *Vulcano sacra*, ἣν νῦν ἱερὸν Ἡφαίστη καλεῖσι, quam nunc, vt Strabo dicit, *Templum Vulcani* vocitant. Vnde etiam *Vulcania* ** nominatur. Virgilius Aen. viii vers. 416

Insula

* Ab Aeolo extructam esse dicit Diodorus IV pag. 270, Αἰολος μὲν ἔν τας ἐν τῷ Τυρρηνικῷ πελάγει καλαμένηας ἀπ' αὐτῆς Αἰολίδας νήσους κατέχευε καὶ πόλιν ἐκτίσσε, τὴν ὀνομαζομένην ἀπ' αὐτῆς Λιπαράν. Aeolus igitur insulas in mari Tyrrheno, ab ipso vocatas Aeolicas, tenuit, & urbem condidit ab ipso Liparam nominatam.

** Hæc insula subito extitit extremis Annibalis temporibus. Cassiodorus III Variar. epist. 47, Memorant autem pristini seruatores, hanc insulam ante aliquot annos undarum rupto terrore, primitus erupisse, quum Hannibal apud Prusiam Bithyniæ regem veneno secum ipse pugnavit. Orosius lib. IV histor. c. 20 pag. 272, Iisdem diebus Annibal apud Prusiam Bithyniæ regem,

*Insula Sicanium iuxta latus, Aeoliamque
Erigitur Liparen, fumantibus ardua saxis:
Vulcani domus, & Vulcania nomine tellus.*

Eadem Thermiffa dicta. Strabo ibidem: ἡ Λιπάρᾳ ἐγγυτάτῳ τῆς Σικελίας κεμένη, μετὰ γε τὴν Θέρμισσαν, *Lipara proxima Siciliae post Thermiffam*, hoc est, Thermiffa excepta, quæ propinquior. Paucis interiectis dicit, ταύτης [Λιπάρᾳς] μεταξύ πως ἐστὶ καὶ τῆς Σικελίας, ἣν νῦν ἱερὸν Ἡφαίστος καλεῖσιν, *Inter hanc [Liparam] & Siciliam est insula, quam nunc Vulcani Templum adpellant.* Ergo Thermiffa eadem & Vulcani Templum siue Hiera Vulcani. Thermiffa dicta ab ignibus quos eructat, tamquam ex Vulcani-caminis & officina.

CXXIV.

Post hanc *Strongyle*, Στρογγύλη, inter nobiliores est, quæ ita ἀπὸ τῆς Χήματος, a figura nominatur, vt Strabo dixit: seu, vt Cornelius Seuerus in Aetna vers. 433

Insula, cui nomen facies dedit ipsa rotunda.

Silio Italico est Strongylos, alia forma, lib. xiv vers. 260

Mille Agathyrna dedit, perflataque Strongylos austris.

Strongylos, σικανδορικῶς, omnes Aeoliæ. neque enim hæc sola millenos milites potuisset præbere. Eadem forma vsus est auctor insularis itinerarii: *Insula Strongylos a Messana stadia cccxx.* Solinus cap. vi *Strongyle, Aeoli domus, vergit ad exortus solis:* nisi potius Lipara fuit regia. Octavianus Cæsar bello Siculo, vt Appianus auctor Civ. lib. v pag. 1158, a Vibone ἐς Στρογγύλην, in Strongylem traiecit: Agrippa ἀπὸ Στρογγύλης ἐς Ἱέραν, a Strongyle in Hieram.

CXXV.

Reliquæ minoris momenti sunt, & *Phœnicusa* ac *Ericusa* id nominis ἀπὸ τῶν φυτῶν, a stirpibus, erica & palma nominantur, quæ copiose ibi proveniunt. Idcirco de Phœnicusa Plinius: *pabulo proximarum relicta:* de vtraque Strabo, ἀνῶνται εἰς νομας, pascuis permittuntur. *Εὐώνυμος* dicta, quia ex Lipara in Siciliam nauigantibus a læua est, vt Strabo adnotauit. Sinistra verò melioris quondam ominis, quod nomen significat, quam ipsa dexteriora. Hæc Plinio est *minima* omnium Aeoliarum: Straboni ἐρημος, *deserta.* Tandem Διδύμη, *Didyme* alia, quæ gemella intuentibus adparet, itidem ἀπὸ τῆς Χήματος, a figura, seu, quam præbet, specie ita nominata.

CXXVI.

In eodem mari, occasum versus, sunt *Vstica* & *Osteodes*. Plinius lib. iii cap. viii extremo: a Solunte LXXV m. *Osteodes: contraque Paropinos Vstica.* Ptolemæus post Aeolias: οὐσίκα νῆσος καὶ πόλις. *Οσεώδης νῆσος, Vstica insula & oppidum: Osteodes insula.* Paropus autem, cui obiectam Plinius insulam Vsticam dicit, inter Himerenses Thermas & Cephalœdim est. Paruam traditur esse, & nomen antiquum retinere. Altera *Osteodes*,
LII II

quum a Romanis reposceretur, veneno sese necauit. - - Tunc Vulcani insula, quæ ante non fuerat, repente in mari edita, cum miraculo omnium usque ad nunc manet.

vt Plinius & Ptolemæus locauerunt, magis in occidentem recedit, quam Vstica: vt Mela non habuerit, cur Aeoliis illam, a quibus longius abest, adnumeraret. Diodorus Siculus lib. v cap. xi ambigüe: Μετὰ τὴν Λιπάραν, εἰς τὸ πρὸς δυσμὰς μέρος, νησὸς ἐστὶ πελαγία, μικρὰ μὲν τὸ μέγεθος, ἐρημὸς δὲ καὶ διὰ τινὰ περιπέτειαν ὀσεώδης ὀνομαζομένη, *Post Liparam, occasum versus, in alto mari insula parua est & deserta, quam ab euentu quodam Osteodem, id est Ossuariam, nominant.* Euentum ita descripsit ibidem: Syracusano bello Carthaginieneses vi millia mercenariorum militum, quod sæpius rebellassent, in eam insulam deportauisse, quibus fame ibi consumptis, συνέβη τὸν τόπον ὀλίγον ὄντα πληρωθῆναι τῶν ἐσῶν, *factum, vt paruus ille locus ossibus compleretur.*

CXXVII.

Ptolemæi *Paconiam*, Πακωνίαν, Agathodæmon in Tabula ante ostium Bathis locauit, quem Cluuerius sequitur: sed ordo Ptolemæi post Aegates locum postulat. Sunt qui Aponianam Hirtii B. Afr. cap. ii *Paconiam* Ptolemæi esse, alterutro vocabulo corrupto, contendunt.

CXXIX.

Drepano obiecta insula parua, instar scopuli, Πελιάς Græce, hoc est *Columbaria* dicta. Zonaras Tom. ii pag. 64. de consule Numerio Fabio: τῷ Δρεπάνῳ προσήδρευε καὶ ἐπεβέλευσε τῇ νησίδι τῇ Πελιάδι καλεσμένη προκατελημμένη παρὰ Καρχηδονίων, στρατιῶτας πέμψας νυχθός, οἱ τὰς Φρεγρὰς κλέναντες, τὴν νῆσον ἔειλον, *Drepanum obsedit, & insule Columbariae, a Carthaginensibus præoccupatae insidiatus est, noctu missis militibus, qui, occiso præsidio, insulam ceperunt.* Sic Latinus interpres, ad *πελιάδα*, columbam, id nomen reducens.

CXXIX.

Nobiliiores sunt *Aegates* insulæ, Lilybæo promontorio oppositæ, ad quas Romanorum victoria finis impositus est bello Punico primo. Male quidam *Aegades* scribunt repugnante syllabæ ipsius quantitate, & melioribus libris omnibus. Varro de Vita pop. Rom. lib. iii apud Nonium in CATAPULTA, postea *C. Lutatio consuli apud Aegates insulas, quum ipse catapulta ictus esset.* Corn. Nepos Hamilcare cap. i *Carthaginieneses classe apud insulas Aegates a C. Lutatio consule Rom. superati.* Liuius lib. xxi cap. x oratione Hannonis in senatu Carthaginensi: *Aegates insulas Erycemque ante oculos proponite.* Et cap. xli *qui ad Aegates pugnauere insulas.* Et Pomponius Mela lib. ii cap. vii *Contra Carthaginis sinum Tarichia & Aegates, Romana clade memorabiles:* id est quam dedere Pœnis Romani. Adi interpretes. Et Florus lib. ii cap. ii *Lutatio Catulo consule tandem bello finis impositus apud insulas, quibus nomen Aegates.* Syllabæ mediæ quantitatem docet Silius lib. i vers. 61 de Hannibale:

- - - auet Aegates abolere, parentum Dedecus.
Et lib. iv vers. 79 de Carthagine,

- - - - - quæ mersa sub equor
Aegates inter vasto iacet obruta ponto.

Et lib. vi vers. 684 in pictura templi Liternensis:

Addiderant geminas medio consurgere fluctu

Aegates, lacerae circum fragmenta videres Classis.

Quas *geminas* dixit poeta, tres reuera numerantur, eiusdem prope magnitudinis, nec longius remotæ a Lilybæo. Polybius lib. i cap. xlii *Aegusas* vocat, ab vna earum, quæ *Aegusa*, Αἰγῦσα νῆσος Ptolemæo. Missum ait Carthagine trierarchum, qui Lilybæum obsidione liberaret. Hic καθορμιδοῖς ἐν ταῖς καλεσμέναις Αἰγύσταις, μεταξύ δὲ καιμένων Λιλυβαίῃς καὶ Καρχηδόνας, ἐπετίθει τὸν πλῆν, ad *Aegusas*, vt vocant, *insulas adpulsus commodam adnauigandi tempestatem præstolatur*. Et cap. lx de prælio vltimo belli Punici primi: ἐπλευσε πρὸς τὴν Αἰγῦσαν νῆσον, τὴν πρὸ τῆς Λιλυβαίῃς καιμένην, *nauigauit* [Lutatius] *ad insulam Aegusam, quæ ante Lilybæum sita est*. Cluuerius eandem putat Hirtii *Aponianam* esse, B. Afr. cap. ii. Ceterarum nomina videtur Ptolemæus prodidisse, dum post Vsticam & Osteodem tres insulas memorat, *Phorbantiam, Aegusam & Hieram*, quæ tres *Aegates* putantur esse, vt *Phorbantia septemtrionem* spectet tamquam proxime post *Osteodem* posita; ceteræ sic ordine subiiciantur.

CXXX.

In Africo mari sunt *Melite*, nunc Malta: & huic adiacens *Gaulos*, nunc Gozo: & inde occasum versus *Cosyra*. Scylax & Ptolemæus illas ad Africam reiecerunt: sed propiores sunt Siciliae, eique ab Romanis contributæ. Prima *Melite*, ambiguo accentu mediæ, sed verius correpto. Ouidius Fastor. lib. iii vers. 567

Fertilis est Melite, sterili vicina Cosyra.

At Arator in Actior. Apost. cap. xxviii

Mensibus hibernis tribus in regione Melite

Multiplicem dat Paulus opem.

Plinius lib. iii cap. viii *Insula in Africam versa: Gaulos, Melita, a Camerina LXXXIV M. passuum; a Lilybæa CXIII; Cosyra*. Mela lib. ii cap. vii *Africam versus, Gaulos, Melita, Cosura*. Diodorus Siculus lib. v cap. xii *Melitæ insulæ portus bonos laudat & urbem bene ædificatam, nec non omnis generis artifices, & in his maxime lintheaminum subtilissimorum textores: id quod a Phœnicibus habuerint, primis eius insulæ colonis. Quum in Romanam ditionem venit, quamuis πρῶτον, principem aut præfectum habuerit, qualis ille in Actibus sacris est cap. xxviii comm. 7, & veteri inscriptione ΠΡΩΤΟΣ ΜΕΛΙΤΑΙΩΝ; prætori tamen Siciliae subiecta fuit*. Cicero Verrina de Signis cap. xlvii *Insula est Melita satis lato ab Sicilia mari, periculosoque disiuncta: in qua est eodem nomine oppidum, quo iste [Verres] nunquam accessit: quod tamen isti textrinum per triennium ad muliebre vestem conficiendam fuit*. Addit religiosum Iunonis fanum haud longe ab oppido positum, quod Verres per seruos spoliauerat. Silius lib. xiv vers. 252. *lanigeram* cognominat, vnde copia est textrinæ: etiam mediam, vt Ouidius, corripuit,

Lanigera Melite, & litus piscosa Calacte.

CXXXI.

De *Gaulo* & *Cosyra* in ipsa Melite iam diximus, Plinium, Melam, Ouidium laudantes: addimus quæ restant aliorum. Diodorus dicto loco, Γαῦλος πελαγία καὶ λιμέσιν εὐκαίρως κεκοσμένη, Φοινίκων ἄποικος, *Gaulos* insula in alto sita, portuum commoditate præstans, a Phœnicibus primum frequentata. Et antea dixerat æque vt Melitam, πόλιν, oppidum habere. Scylax Periplo pag. 118 μελίτη πόλις καὶ λιμὴν, Γαῦλος πόλις, *Melite* oppidum & portus: *Gaulos* oppidum. Antiqua inscriptio Melitenfis apud Sponium Misc. Erud. Antiq. pag. 190

CHRESTION AVG. L. PROC.
INSVLARVM MELIT. ET GAVL.

Et Silius Italicus lib. xiv vers. 275

- - - *strato, Gaulos, spectabile ponto.*

Incolæ *Gaulonitæ*. In lapide Melitenfi apud eundem Spon. p. 192 PLEBS GAVLITANA. Municipium fuit. Ibidem ex lapide ipsius Gauli insulæ: MVNICIPIVM GAV... & sub statua: PATRONO MVNICIPII. Itidem alio: R. P. GAVL. CVRANTE.

CXXXII.

De *Cosyra* Ptolemæus lib. iv cap. iii extr. Κόσσυρα νῆσος καὶ πόλις, *Cosyra* insula & oppidum. Scylax: ἀπὸ Κεσύρας ἐπὶ Λιλύβαιον ἀκρωτήριον Σικελίας, πλῆς ἡμέρας μιᾶς, a *Cosyro* ad *Lilybæum*, *Siciliæ* promontorium, *navigatio* vnius diei. Scribitur enim *Cosyra*, *Cosura*, *Cossyra*, & auctoribus Scylace ac Stephanano Κόσσυρος, *Cossyrus*. Silius xiv vers. 273

Et bellare Tabas docilis, Cossyraque parua.

quæ duplicatio non tam propter metrum est, quia Ovidius supra prolato versu corripuerat primam; quam quia vsus veterum geminum *σ* in hoc vocabulo postulabat. Strabo lib. vi pag. 191 Κόσσυρα πρὸ τῆς Λιλυβαίας, καὶ πρὸ τῆς Ασπίδος Καρχηδονιακῆς πόλεως, ἣν Κλυπέαν καλεῖσι, μέση ἀμφοῖν κειμένη, *Cossura* ante *Lilybæum* & ante *Aspidem* siue *Clupeam*, *Africæ* urbem, in medio sita. Et quinque nummi apud Philippum Parutam, & Holstenium ad Stephanum Notis geminato sibilo COSSVRA. Potius ergo Ovidius corripuit metri causâ syllabam, quæ longa erat, extrusa littera altera gemellarum. Ex Strabonis verbis etiam elucet, falli Byzantium illum Stephanum seu eius breuiatorem, qui Κόσσυρον, *Cossyrum*, *Siciliæ* insulam, a Κεσύρα, *Cosyra* insula *Africæ* distinxit.

CAPVT XIII

DE

GRÆCIA.

I.

Græciæ vocabulum nunc vniuersas illas terras, quæ Illyrico, Dardania, Thracia & tam Hadriatico Ionioque, quam Aegæo mari continen-
tur-



tur, significat: nunc, exclusis Macedoniae ac Epiri regnis, solius partis nota est, quam ipsi Græci Ἑλλάδα vocant, id est liberam Græciam & proprio nomine ita dictam. Innumeræ gentes fuerunt, quæ colebant: regionesque in maiores, minores partes quam plurimas diuisæ. Et hæ ipsæ cum temporibus mutatæ, nunc liberæ & sui iuris, nunc alienæ ditionis; modo coniunctissimæ fœderibus; modo odiis in bella erumpentibus laceratæ ac distractæ. In propria Græcia dudum regna cessauerant, libertate introducta, quum Macedonia & Epirus suos reges haberent, illa autem, quam hæc, diutius, quia Epirenses tandem in Macedonum potestatem venerunt, quos Romani, deuictis Macedonibus, liberos iusserunt esse, mox prouinciæ Achaiae post Corinthium bellum contribuendos. Romani enim vniuersam Græciam in duas prouincias distribuerunt *Macedoniam* & *Achaïam*, vtraque præsidem separatim indepta vel prætorium vel consularem. Sed de prouinciis illis dicemus postmodum; nunc antiquum statum Græcorum, & qui cum his coniuncti vicinitate fuerunt, exponemus, incipientes ab occasu, per oram in ortum pedetentim progressuri.

S E C T I O I.

O R A I L L Y R I C I A N A.

II.

Illyricum supra perlustrauimus, antequam in Italiam veniremus: restant gentes quædam Illyricæ Græcis colonis permixtæ, quorum confoederatione barbariem exuerunt Græcis & ipsæ deinceps adnumeratæ. Vtique ergo discernenda est Illyris barbara, quæ in Lisso definit, ab *Illyride Græca*, quæ ab illa vrbe ad Epiri fines iuxta tergum maris Hadriatici, & intus aliquantum procurrit. Strabo id nos perdocuit lib. vii pag. 220 dicens: τὴν Ἰλλυρικὴν παραλίαν ἐπιδόντες μέχρι τῶν Κεραυνίων ὄρων προύβημεν ἔξω τῆς Ἰλλυρικῆς πεπλόντων ὄρεων, ἔχοντων δὲ τι οἰκῆιον πέρας, *Illyrici oram describentes usque ad Ceraunios montes progressi sumus, qui extra Illyrici montana siti, suum proprium terminum habent.* Scylax Periplo: ἐστὶ τὸ Ἰλλυρικὸν ἔθνος, ἐν ᾧ ἡ Ἐπίδαμνος ἐστὶ, *Gens est Illyriorum, in qua Epidamnus sita est.* Et paullo post: οἱ Ὀρικιοὶ κατοικῶσιν τὴν Ἀμαντίας χώραν, οἱ δὲ Ἀμαντιᾶς εἰσὶν μέχρι ἐνταῦθα Ἰλλυριοὶ ἀπὸ Βελινῶν. *Oricii inhabitant Amantiae regionem. Amantini vero sunt Illyrii: a Bullinis hucusque extenduntur Illyrii.* Et mox: μετὰ Ἰλλυρίους Χάονες, *post Illyrios sunt Chaones.* Tota vero hæc regio postea Macedoniae fuit contributa. Dio Cassius lib. xli pag. 176 τὸ Δυρράχιον ἐν τῇ γῇ τῇ πρότερον μὲν Ἰλλυριῶν τῶν Παρθινῶν, νῦν δὲ καὶ τότε γε ἤδη, Μακεδονία νομισμένη, καίτοι. *Dyrrachium quondam in Parthinis Illyriis sita, iam vero, etiam tunc [ciuilis belli temporibus] Macedoniae adnumerata.* Et Cicero pro Ligario cap. ix in Macedonia ad Cn. Pompeii castra venit, quæ iuxta Dyrrachinam urbem posita erant. Et Plinius lib. iii cap. xxiii *A Lisso Macedoniae prouincia.* Lissus autem ipsa Illyrici proprii, siue barbarici, semper fuit tamquam vrbs vltima aduersus Macedonas atque Romanas, & ab his Demetrio

Phario, Illyriorum regi, pacificatione confirmata: de quo Polybius lib. III cap. XVI *πορθεῖν μὲν καὶ κατασρέφεισθαι τὰς κατὰ τὴν Ἰλλυρίδα πόλεις τὰς ὑπὸ Ῥωμαίοις ταττομένας· πεπλευκέναι δ' ἔξω τῆς Λισσῆ παρὰ τὰς συνθήκας, vastare* [adgressus] *ἔ in suam ditionem redigere Illyricas Romanorum vrbes: ἔ ultra Lissum contra leges pacis nauigare.* Etiam Gentio mansit Lissus. Liuius lib. XLIII cap. XX *Lissi rex Gentius erat: eo acciti legati, mandata exponentes benigne auditi sunt.* Contra, de eodem Gentio fragmentum Appiani in Excerptis Valesianis pag. 562 *ἐσέβαλεν ἐς τὴν ὑπὸ Ῥωμαίοις Ἰλλυρίδα, in Illyridem Romanam irrupit: quam Liuius lib. XLIV cap. XXX in eadem historia ita descripsit: missi a Gentio ad Dyrrachinorum ἔ Apolloniatium agros populandos.*

III.

Lisso igitur in barbarico relicta, ad *Illyridem Græcam* illustrandam accedimus, in qua vrbs prima *Epidamnus* fuit, vt Strabo ait, *Κερκυραίων κλίσμα, a Corcyraeis condita*, quæ vel ipsa post, mutato nomine, *Dyrrachium* est adpellata ὁμονύμως τῇ χερσονήσῳ, ἐφ' ἧς ἱδρύται, vt Strabo addit, id est, *a peninsula, cui imposita est*: vel, quod Pausanias Eliac. lib. II cap. X tradit, *Επιδάμνιοι χώραν μὲν, ἥνπερ καὶ ἐξάρχῃς, πόλιν δὲ ἔ τὴν ἀρχαίαν ἐπὶ ἡμῶν ἔχουσιν, ἐκείνης ἀφ' ἐστηκυῖαν ὀλίγον, ἔνομα δὲ τῇ πόλει τῇ νῦν, Δυρράχιον, ἀπὸ τῆς οἰκισῆς.* Agrum *Epidamnii* nostra ætate tenent, quem iam ante ab initio: oppidum vero non idem, quod priscis temporibus, sed quod a vetere vrbe paululum abest, ἔ a conditore *Dyrrachium* adpellatur. * Dissentit a Strabone & in re & in origine vocabuli, quod ille a peninsula, hic a conditore ducit, quæ inter se conciliari forsitan possunt, si per *conditorem* intelligas, qui nouam eo coloniam deduxit, nouumque ei a peninsula, in qua sita est, nomen, vt Strabo ait, imposuit. Iosephus Scaliger in Eusebianis pag. 84 *Dyrrachium* nauale, *Epidamnium* urbem interpretatur, qui quod Græcorum consensione destitutus est, dicam ei Isaacus Vossius, ad Melam adnotationibus, scripsit. Potuit Romana colonia ad latus ædificare, quo factum, vt vetus vrbs intercederet, noua in dies incrementum caperet, vt nihilominus vrbs eadem censeretur. Pomponius lib. II cap. III *Dyrrachium, Epidamnus ante erat.* Ab Romanis autem & nomen nouum & coloniam nouam fuisse, clarissime Plinius lib. III cap. XXIII exponit. *In ora, inquit, ciuium Romanorum Epidamnium colonia, propter inauspicatum nomen a Romanis Dyrrachium adpellata.* Celebris inde in historia vrbs. Cicero exful lib. XIV epist. I extrema: *Dyrrachium veni, quod ἔ libera ciuitas est, ἔ in me officiosa, ἔ proxima Ita-*

* Audiamus etiam Dionem histor. libr. XLI pag. 197, 198 *Dyrrachium in terra Illyriorum Parthinorum quondam, nunc autem Macedonia prouincia adpellata situm, peropportunitum est, siue sit Epidamnus ἔ Corcyraeorum vrbs, siue etiam alia.* Et qui illud quidem scripserat, cum orficultate adpellatum aiunt, propterea quod nomen *Epidamni* in lingua latina *damni* significata Corcyrensisibus esse perquam est probabile, & prouinciam signare videtur. *Dyrrachium* autem non magis boni ominis est nomen, quam *Epidamnus*. Et quia Græcum est, a Romanis voluisset, alterum hoc *Dyrrachium* præoptari cœpit.

ma Italiae. Et epist. III Ego eo nomine sum Dyrrachii hoc tempore, ut quam celerrime, quid agatur, audiam: & sum tuto. Portus enim huius urbis Brundisino respondebat, interque illos facillimus traiectus. Emporium quoque clarissimum fuit populorum Hadriaticum sinum accolentium. Cui ingens incrementum adferebat, quod, referente Aeliano Var. Hist. lib. XII cap. XVI, ἐπιδάμνιοι ἐπιδημῶν καὶ μετοικῶν παρῆχον τῷ βελομένῳ, Epidamnii potestatem omnibus in suam urbem migrandi & incolendi faciebant, contra quam vicini Apollonienses, Spartanos imitati, peregrinos expulerunt. Catullus carmine XXXVII dixit

- - Durrachium Hadriae tabernam,
quod illuc diuertere solebant qui per Hadriaticum nauigassent. Incolae Dyrrachini Ciceroni, Liuius, aliis persæpe.

IV.

Prope Dyrrachium *Panyasus* fluuius, ut Ptolemæus vocat, in mare decurrit: a cuius ostiis non longe abest locus, ut Cæsar notat lib. III Ciuil. cap. XLII, qui appellatur *Petra*, aditumque habet nauibus mediocrem, ubi castra Pompeius, Dyrrachio interclusus communiuit.

V.

Nobilior *Apsus* fluuius Straboni, Ptolemæo, Lucano & Cæsari memoratus. Cæsar dicti libri cap. XIII de seipso: castra ad flumen Apsum ponit in finibus Apolloniaticum: & cap. XIX Inter bina castra Pompeii atque Cæsaris unum flumen tantum intererat, *Apsus*. Inter rupes anguste ruens euoluitur. Plutarchus Flaminio pag. 370 τὰς περὶ τὸν Ἄψον ποταμὸν ἐμβολὰς καὶ τὰ εἰς τὰ Φυλάττων, ostia Apsi illasque fauces custodiens rex Philippus.

VI.

Deinde *Genusus* amnis inter Apsum & Apolloniam delabitur. Cæsar lib. III cap. LXXV de festinato suo itinere ab Apso Apolloniam: quum ventum esset ad flumen *Genusum*, quod ripis erat impeditis. Et cap. LXXVI Cæsar, transducto exercitu flumen *Genusum*, veteribus suis in castris contra *Asparagium* consedit. Lucanus lib. V vers. 461

Prima duces vidit iunctis consistere castris

Tellus, quam volucer Genusus, quam mollior Apsus

Circumeunt ripis.

Apud Liuium lib. XLIV cap. XXX praue *Genusus* amnis: qui haud dubie cum Cæsare & Lucano *Genusus* scripsit tribus syllabis. Sic ergo legendum: Ap. Claudius, adsumtis ad eum exercitum, quem habebat, *Bulinorum* & *Apolloniaticum* & *Dyrrachinorum* auxiliis, profectus ex hibernis circa *Genusum* amnem castra habebat. A sinistra ripa *Genusi*, siue *Apolloniam* versus, fuit vel vicus vel castellum *Asparagium*, quod modo ex Cæsaris descriptione cognouimus.

VII.

Apollonia, vrbs nobilissima, inde in austrum versus sita est, LX stadiis a mari, x ab *Aoo* flumine, ut Strabo tradit lib. VII pag. 219: siue stadia L, ut Scylax habet in Periplo. Addit Strabo, a Corinthiis & Corcyraeis conditam.

ditam. * Cicero Philipp. xi cap. xi *M. Brutum retinet etiam nunc C. Antonius, qui tenet Apolloniam, magnam urbem & grauem: tenet, opinor, Bylledem: tenet Amantiam: instat Epiro, urget Illyricum.* Idem lib. xiii epist. xxix de Macedoniae quaestore: *quum signaretur argentum Apolloniae, non possum dicere eum praefuisse, neque possum negare adfuisse.* Studia litterarum ibi floruisse, Octauiani Caesaris exemplo constat, quem Iulius, auunculus maior, ut Velleius lib. ii cap. lxx prodidit, *Apolloniam in studia miserat, quum ipse Romae interficeretur: & Suetonius de eodem cap. viii praemissus Apolloniam studiis vacauit.* Incolae *Apolloniatae*, Graeca forma; & *Apolloniatas*, Latina. Cicero in Pison. cap. xxxv *quum cc talenta tibi Apolloniatae, dedissent.* Liuius lib. xxiv cap. xl *Castris direptis Apolloniatae catapultas, balistas tormentaque alia, quae oppugnandae urbi comparata erant, Apolloniam deuexere.* - - *Haec quum Oricum essent nuntiata, reliqua: quae addo, ut videas, cuius Apolloniae ciues intelligantur: eius videlicet, quae vicina Orico, ad mare sita est in Graecia.* Caesar autem lib. iii Civ. cap. xii, *obsides ab Apolloniatis exigere cepit.* Et mox: *Apolloniatas ad Caesarem legatos mittunt.* Et ipse Liuius lib. xlii cap. xxxvi *in agro Apolloniati castra habebat.*

IIX.

Proxime ab austro flumen *Aoum* siue *Aeas* praeterfluit. ** Scylax: *ὁ Αἶας ποταμὸς παρὰ τῷ Πίνδῳ ὄρει παρὰ τὴν Ἀπολλωνίαν παραρρεῖ, Aeas fluius, a Pindo monte delapsus Apolloniam praeterfluit.* Strabo lib. vi i pag. 219 de flumine quod decem stadiis ab Apollonia decurrit, *τὸν Ἄων Αἶαντα καλεῖ Ἑκαταῖος, Hecataeus ait, Aoum & Aeantem idem flumen esse.* Plinius lib. iii cap. xxiii *Flumen Aous a quibusdam Aeas nominatum: Apollonia, quondam Corinthiorum colonia, iv M. passuum a mari recedens.* Et Mela lib. iii cap. ii extremo: *Aeas secundum Apolloniam emittitur.* Liuius lib. xxxii cap. v *praeter amnem Aoum. is inter montes, quorum alterum Aeropum, alterum Asnaum incolae vocant, angusta valle fluit, iter exiguum super ripam praebens.* Et cap. x *consulem & regem, ubi in arctissimas ripas Aous cogitur amnis, in colloquium adduxerunt.*

IX.

Sequitur in litore *Aulon*, Ptolemæi *Αυλὼν, πόλις καὶ ἐπίκειον, Aulon, oppidum & nauale:* qui solus ex antiquis memorauit, certo argumento, ante ipsum non longo tempore fuisse urbem, sed fortassis nauium stationem. Meminit etiam Antoninus itinere ab Hydrunte Aulonem & inde per Macedoniam. Hodie Valona nominatur.

X. De-

* Dio histor. xli pag. 195 *Apollonia autem Corinthiorum colonia opportunitate soli, opportunitate maris & praecipue fluminum vititur. Et, quod ego imprimis omnium admiratus sum, ad flumen Anam multus ignis editur, & neque in finitimos agros longius progreditur, neque eos, in quibus versatur, inflammat aut exsuccos efficit, sed herbas atque arbores etiam proxime germinantes & habet, & ad imbrum superfusionem adauget atque extollit. Ac propterea Nymphæum adpellatur, & oraculum tale praebet &c.*

* Dio *Anam* vocat, ut proxima nota nostra condocet.

X.

Deinde est *Bullis* siue *Byllis*, Ptolemæi Βυλλίς. Stephanus: Βυλλίς, πόλις Ἰλλυρίδος παραθαλασσία, *Byllis oppidum Illyridis maritimum*. Cæsar Civ. III cap. XL *commeatus Bullide atque Amantia importari in oppidum prohibebat*. Cicero Phil. XI cap. XI *C. Antonius tenet, opinor, Byllidem, tenet Amantiam*. Vnde Liuius lib. XXXVI cap. VII *Byllinum agrum dixit*: & lib. XIV cap. XXX *Bullinorum & Apolloniatiū auxilia*. Plinius lib. IV cap. X *coloniæ, Bullidensis, & Diensis*.

XI.

Quæ a Cæsare & Cicerone coniungitur *Amantia*, vt in *Byllide* iam ostendimus, Ptolemæi est Αμαντία in maritimis: nam etiam mediterraneam *Amantiam* habet, de qua vero, tacentibus ceteris, dubitatur. Situm demonstrat Scylax, CCCXX stadiis ab Apollonia; LX ab Orico, prima vrbe Epiri, abesse.

XII.

Hæc de Græcorum Illyride maritima: difficilius limes in mediterraneis inuenitur. Dyrrachini agri videtur oppidum *Parthus* fuisse, vnde *Parthini*, populus, siue *Partheni*. Stephanus: Πάρθος, πόλις Ἰλλυρικῆ, *Parthus vrbs Illyrica*. Situs quodammodo ex gente inde denominata cognoscitur. Plinius III cap. XXIII *A Lisso Macedoniae prouincia: gentes Partheni, & a tergo eorum Dassaretæ*. Mela II cap. III *Parthini & Dassaretæ prima eius [maris] tenent: sequentia Taulantii*. Ex quibus elucet, non longe a Dyrrachio fuisse *Parthum* oppidum.

XIII.

Albanopolis a solo Ptolemæo narratur cum gente *Albanorum* in Macedonia finibus: quam angustiori limite contentam fuisse oportet, quam nunc est ibi Albania. Dassaretas etiam ad originem Illyricam referunt. Stephanus: Δασσαρίται ἔθνος Ἰλλυρίας, *Dassaretæ gens Illyrica*, quorum vrbs *Lychnidus* fuit, lacui adposita, quamquam longius remota est a mari. Liuius lib. XLIII cap. IX *ad Lychnidum Dassaretiorum confedit*. Stephanus: Λυχνιδὸς, πόλις Ἰλλυρίας, *Lychnidus, Illyridis oppidum*. Et Ptolemæus in Dassaretiis posuit: interque id & Albanopolim *Aestræum*, in gente *Aestræorum*; cuius situs si verus est, aliud id est ab *Asterio*, quod in Pæonia Liuius lib. XL cap. XXIV; in Thessalia Stephani breuiator collocavit. Inter Lychnidum & mare Ptolemæus Σκαμπῆς, *Scampes*, plurale, quæ *Scampis* Antonini est itinere a Dyrrachio Byzantium, locauit.

XIV.

Inter Albanos & Dassaretas videntur etiam *Penestæ* fuisse, a Liuiio lib. XLIII cap. XVIII seq. diligentius descripti. Perseus, inquit, tertio die [a Stubera] *ad Vscanam* (*Penestianæ terræ ea maxima vrbs est*) posuit castra. - - erat autem ibidem cum iuuentute Illyriorum Romanum præsidium. Et cap. XIX *Vscanienses se urbemque dederunt*. Perseus præsidio *Vscanæ* imposito multitudinem omnem deditorum *Stuberam* abducit. Ibi Romanis in custodiam ciuitatum diuisis, *Vscaniensibus Illyriisque venditis*, in *Penestiam*

nestiam exercitum reducit ad Oæneum oppidum in potestatem redigendum, & alioqui opportune situm; & transitus ea est in Labeates, ubi Gentius regnabat. Et cap. XXI Penestiarum obsides Apolloniam; Parthinorum Dyrrachium [ab Romanis] missi. Ex his Penestiae situs, & vrbes Vscana & Oæneum, quodammodo intelliguntur, vt non sit quod Stephano accedamus, cui Penestæ ἑθνος Θεσσαλικόν, gens sunt Thessalica. *

XX.

Ad Aoum etiam Ptolemæi Δαυλία, Daulia fuit, quam ille in gente Εορδετῶν, Eordetarum ponit, quorum regio an Eordea Liuii est lib. XXXI cap. XL, Polybii excerptis lib. XVII cap. XIX Εορδαία? negant nonnulli: mihi vero non videtur ab illa longius declinare.

XVI.

Deinde est ἔλυμα Ptolemæi in Ελυμιωτῶν, Elymiotarum populo. Regio Elimeia Liuius dicto loco, & Elimiotis lib. XLV cap. XXX dicta. Vir clarissimus Iacobus Palmerius ad interiora Macedoniae trahit, inductus Persei itinere quod Liuius lib. XLIII cap. XXI ita descripsit: Et Perseus in Elimeam profectus, & circa eam exercitu lustrato, ad Stratum, vocantibus Epirotis, ducit. Mihi vero minus ex hoc id loco persuadetur, vt longe Ptolemæum aberrasse credam: alibi autem idem Liuius habet, quod maximopere me dubium relinquat. Libro XLII cap. LIII ait: Profectus inde [Perseus] toto exercitu Eordeam petens, ad Begorritem quem vocant lacum, positis castris; postero die in Elimeam ad Haliacmona fluuium processit. Longe Haliacmon abest, mediam percurrentes Macedonia, quum Ptolemæi positio Aoum potius fluuium poscat, qui Elimeorum regionem, vel finiat tangendo, vel penitus etiam interluat. Aut ergo Liuius in nomine errauit fluminis, aut omnia Ptolemæi in hac ora sunt immutanda. Nec crediderim facile, Elimeam seu Elimiotin in propria Macedonia fuisse. In diuisione enim regni lib. XLV cap. XXX tradit Liuius: Quartam regionem Eordæi & Lyncestæ & Pelagones incolunt: iuncta his Atintania, & Strymphalis, & Elimiotis. IUNCTA autem aliquid adiectum & contributum Macedoniae notat, quod per se illius non fuerat.

XVII.

Est etiam circa Aoum in Apolloniati agro Nymphæum dictus locus, de quo Plutarchus in Sulla pag. 468 ἡ δὲ Ἀπολλωνία πλεσιγενὲς ἐστὶ καὶ πρὸς αὐτῇ τὸ Νύμφαιον, ἱερὸς τόπος, ἐκ χλαερᾶς νάπης καὶ λαιμῶν ἀναδιδὼς πρὸς τῇ γαίᾳ σποράδας ἐνδελεχῶς ῥέοντος, Prope [Dyrrachium] est Apollonia, & in vicino Nymphæum, sacer locus, qui ex virenti valle & pratis perpetuo manantis ignis venas dispersas eructat. Dio Cassius lib. XLI pag. 174 locum plenius descripsit, ignem illum neque terram, ex qua exsultet, ἐκπυρᾶν, inflammare, neque ξηροτέραν ποιᾶν, aridiorem facere, sed herbas arboresque prope illum gigni, quæ imbris adolescant vigeantque, καὶ διὰ τὸ αὐτὸ τε Νυμφαῖον

* Stephano suffragatur Athenæus VI pag. 259 F, Ἀγαθοκλέα δὲ ἄλλον γενόμενον καὶ τῶν ἐκ Θετταλίας Πενεστῶν κ. τ. λ. Agathoclem seruus qui fuerat & e Penestis Thessaliae &c. Adde Athenæum libr. VI pag. 263 E & 264 B.

Φαῖον ὀνομάζεται, ideoque illum locum *Nymphæum* adpellari. Addit ibidem *μαντείον*, oraculum existere huius indolis, vt, si ratum votum sit, thus, ad ignem coniectum, consumatur; sin irritum, thus non accipiatur ab igne, sed ab illo refugiat. Liuius quoque meminit huius loci lib. XLII cap. XXXVI, ad *Nymphæum*, inquit, in agro *Apolloniati* castra habebat.

XIIIX.

Tandem *Orestidis* regionis, *Ορεσίδος*, vt in ora sunt *Amantia* & *Celydni* fluminis ostia, ita intus alia *Amantia* eidem a Ptolemæo datur, de qua supra dubitauimus: minus de Liuii *Celetro*, in lacus sito peninsula, de quo ita scripsit lib. XXXI cap. XL *Peruastatis passim agris, in Elimeam se recepit. Inde impetum in Orestidem fecit, & oppidum Celetrum est adgressus, in peninsula situm. Lacus mœnia cingit. - - - Ab Celetro in Dassaretios processit, vrbemque Pelium vi cepit.* Omnis autem hæc Illyris Græca postmodum *Macedoniæ*, vt supra demonstraui, est adnumerata.

XIX.

Populi huius partis erant varii, plerique supra iam commemorati. A septentrione in ora *Parthini* siue *Partheni* (nam *παρθενί* Polybio lib. II cap. XI, quæ diphthongus ambigue Latinis scribitur) de quibus supra in vrbe *Partho* actum fuit. Deinde sunt *Taulantii*, de quibus Thucydides lib. I pag. 17 *προσσηῶσι αὐτὴν [Επίδαμνον] ταυλάντιαι βαρβάραι, Ἰλλυρικὸν ἔθνος, Epidamno finitimi sunt Talantii barbari, gens Illyrica.* Iac. Palmerius *Antiq. Græc.* lib. I cap. XXXIV ita censet: *Taulantiorum olim vicini, & postea successores Parthini fuerunt.* Id ex Polybii libro II colligit, qui bello contra Illyrios circa Dyrrachium gesto de Parthinis non vno loco meminerit, Taulantiorum ne semel quidem mentionem habeat. At Liuius illorum æque vt Parthinorum antea (lib. XLIII cap. XX) mentionem facit lib. XLV cap. XXVI; Mela quoque & Plinius vtriusque gentis rationem habent: & Ptolemæus Taulantios longe per oram illam extendit, iisque & Dyrrachium, & Apolloniam & Aulonem attribuit, nulla mentione Parthinorum facta, vt vel huius auctoritate, si Palmerii argumentum valeat, probare e contrario possis, Taulantios Parthinis successisse. Distinctos ergo hos populos non minus, quam coniunctos & finitimos, mansisse vtique censemus, præsertim illo tempore, de quo agit Polybius; ita tamen vt nunc hic, nunc ille præualuerit. Hinc mentionis inæqualitas: nec iidem semper fines; quos Pomponius lib. II cap. III videtur optime, si omnino discerni potuerunt, designasse. *Parthini*, inquit, & *Dassaretæ* prima eius [maris] tenent: sequentia *Taulantii*. Ad latus habitabant *Albani*: in austrum versus *Eordæi* siue *Eordetæ*, quorum tam illos Palmerius, vt *Macedonas*, ab his, tanquam *Illyriis*, non tantum ortu, sed sede etiam distinctos vult esse, neque vero probauit: & *Elymæi* siue *Elimei*: & tandem *Orestæ*, qui *Orestidem* incolebant, iudicio Stephani, *Μολοσσικὸν ἔθνος, gens Molossica*, fortasse eo censu habitati, quia Epirum, cuius Molossi sunt, attingebant. De regione supra diximus in *Celetro* & *Amantia*: Strabo autem *Orestia-*

dem, cuius populus *Ορέσαι*, *Orestæ*, sunt, ad Epirum lib. vii pag. 225, in cuius limite sunt, adnumeravit.

S E C T I O II.

M A C E D O N I A.

XX.

Quam exposuimus Græcorum partem Illyricam, postea in ipsa censa fuit, ut prædiximus, *Macedonia*. * Ordo ergo postulat, ut *Macedoniam propriam* nunc ingrediamur, cuius breuiores fines sub antiquis regibus fuerunt, laxiores sub posterioribus. Ab occasu Illyris Græca secundum plurimos, ut diximus, accessit, quam vero Cæsar quoque a Macedonia, more veterum, lib. iii Ciuil. Belli distinxit: manente Boreæ & Orientis limite, Hæmo monte & Aegæo mari, inter vtrumque terminus, qui Strymon flumen antea erat, ad vsque Nestum fluuium & ultra, ab ortu æstiuo fuit prorogatus: a meridie accessit Thessalia, & ipsa quoque Epirus in hibernum occasum Macedoniae regno opposita. Iam primum agemus de veteri proprieque dicta Macedonia.

XXI.

Limes ab occasu est incertior, ubi Illyricas gentes attingebat. Hinc dissensus auctorum de Elymæis siue Elimeis; de Eordæis siue Eordetis Ptolemæi est, quos alii separant ut diuersas gentes, alii coniungunt ut vnam, quamuis sedes, si Ptolemæo non licet fidere, difficulter ex historiis assignatur. Ipsi quoque Dassaretæ, secundum plurimos gens Illyrica, si recte intuemur, in mediam pæne excurrit Macedoniam. Quod Plinius & Ptolemæus de Macedonia, ut ipsorum temporibus erat, iudicarunt; sequemur, in veteri designanda, Aemilii Paulli diuisionem, a Liuiο lib. xlv cap. xxix descriptam, inuerso tamen ordine, quia is ab ortu in occasum progreditur; nos ab occasu in ortum, ut solemne est geographis, progrediemur: & quam ille trans Strymonem adiecit partem, separatim exponemus ut *ἐπὶ ἡντων* siue adiectam.

XXII.

Iuuat Liuii verba tantum ex repetitione cap. xxx cognoscere. *Pars prima*, inquit, *Bisaltas* habet, fortissimos vires: trans Nessum amnem incolunt, & circa Strymonem: & multas frugum proprietates, & metalla, & opportunitatem Amphipolis, quæ obiecta claudit omnes ab oriente sole in Macedoniam aditus. *Secunda pars* celeberrimas vrbes Thessalonicen & Cassandriam habet: ad hoc Pallenem fertilem ac frugiferam terram: maritimas quoque opportunitates ei præbent portus ad Toronem ac montem Atho, alii ad insulam Eubæam, alii ad Hellespontum opportune versi. *Tertia regio* nobiles vrbes Edessam & Beræam, & Pellam & Vettiorum bellicosam gentem: incolas quoque permultos Gallos & Illyrios impigros cultores. *Quartam regionem* Eordæi, & Lyncestæ, & Pelagones incolunt. *Iuncta his* Atintania, & Stymphalis, & Elimiotis. *Ordi-*

* Dicta est a *Macedone*, filio Emathiae regis Lycaonis. Aelian. de animal. X c. 48.



MACEDONIA,
THESSALIA,
EPIRVS.

Ordinem, dixi, ex geographiæ rationibus inuertemus, vt quarta Liuii fiat pars prima expositionis nostræ: de qua idem cap. xxix prædixerat: *Quarta regio trans Boram montem una parte confinis Illyrico, altera Epiro.*

XXIII.

Primum sunt ALMOPHII, vbi Hæmus & Scardus montes se contingunt; quibus Ptolemæus *Hormam* & *Europum* dat: gens obscura, dicti *Almopii* Plin. iv cap. x: *Αλμοποι* Ptolemæo Pal. cod. & verius *Ἀλμωπες*, ac regio *Αλμωπία*, Thucyd. lib. ii pag. 170. *Bora* mons solius est Liuii dicto loco: diuersus positione a Vibii *Borea*, quem ad Dyrrachium locauit.

XXIV.

Vltior in septentrione est PELAGONIA, incolentes *Pelagones*, *Πελαγόνες*. Strabo vii pag. 225 *ἡ τριπολίτις Πελαγονία*, *trium urbium Pelagonia*. Ptolemæo quidem tantum duæ vrbes memoratæ, *Adaristus*, vt in Tabula & versio est, Græce *Αδάτηςος*, ignota ceteris; & *Stobi*: quibus addenda *Pelagonia* Liuii, vrbs suæ regionis primaria. Ille enim dicto cap. xxix *capita regionum, vbi concilia fierent, primæ regionis Amphipolim, secundæ Thessalonicens, tertiæ Pellam, quartæ Pelagoniam* [Aemilius Paullus] *fecit*. Ergo præcipua illius gentis fuit: nec vero Stobi forsan binomines fuere. nam ibidem subsequitur, *vt Stobos Pæonia deueherent*. Pæonia, id est Pelagonia, vti etiam lib. xxxiii cap. xix idem dixerat *circa Stobos Pæonia*: vbi *Pelagonia* Glareanus ex Ptolemæo substituit sine caussa. Nam, vt Strabo in excerptis libri vii ait, *οἱ Πάσιονες Πελαγόνες ἐκαλέοντο*, Pæones vocabantur Pelagones. * Et Plinius lib. iv cap. x *Pelagones in Pæonia gentibus numerauit*. Pæonia autem propria ibidem, paullo ante, a Pelagonia distinguitur. *Partem, inquit, septemtrionalem* [Macedoniæ] *Pæonia ac Pelagonia protegent a Triballis*. Sed hæc obiter ad Liuii lectionem tuendam explicandamque. Olim interiisse *Pelagoniam* metropolim, ex eo verisimile est, quia post Liuium, Macedonici belli scriptorem, nemo postea memorauit. *Stobi* autem incrementa ceperunt & illustriores facti sunt. Plinius dicto loco: *oppidum Stobi ciuium Romanorum*. Et lege vlt. Dig. de Censibus: *In prouincia Macedonia Dyrracheni; Cassandrenses, Philippenses, Dienses, Stouenses iuris Italici sunt*. In nummo Vespasiani M V N I C. S T O B E N S. apud Vaillantium: & alio: M V N I C I P. S T O B E N S. Et Traiani: M V N I C I P. S T O B E N S I V M. De Ptolemæi *Pæonia* mox dicturi sumus.

XXV.

Sequuntur huius partis LYNCESTAE, ** & regio eorum LYNCESTIS, *Λυνκεστis* Ptolemæi. Ab oppido *Lynco* nomen habet, quod perperam Stephanus in Epiro scripsit, falso ad Strabonem prouocans; quum

M m m m m 3

&

* Pæonii etiam alibi sæpe memorantur. Sic Aelianus libr. de animal. VII cap. 12 mulierum Pæoniarum studium laborandi collaudat.

** Vnde Lyncestius fit. Ouid. Metamorphos. XV, 329

Huic fuit effectus dispar Lyncestius amnis,

Quem quicumque parum moderato gutture traxit,
Haud aliter titubat, quam si mera vina bibisset.

& Thucydides lib. i v pag. 333 in media Macedonia ponat: & lib. iiii p. 169 τῶν Μακεδόνων εἰσὶ καὶ Λυγκησταί, *Lyncestæ sunt in Macedonia*. Straboni Λυγκισταί, *Lyncistæ* dicti. Ptolemæus huic genti solam *Heracleam* adscripsit, quæ ipsius ætate caput fuit, deleta Lynco fortassis vel diminuta. Hæc videtur esse, quam Malchus rhetor in Excerpt. Legat. in Pelagonia posuit.

XXVI.

Supra hos Ptolemæi est *Peonia* in occasum vna vergens, ceterum in boream a Lyncestide reducta. Duæ vrbes in ea recensentur, Δόβρος, *Deborus*, * & Ἄλωρος, *Alorus*. Prior Thucydidi lib. iiii pag. 169 est Δόβρος ἡ Παονική, *Doberus in Peonia*, vt in alterutro vocales transpositas esse oporteat. Sed videtur in ortum magis Thucydides reduxisse. Quum vero nihil certi possit constitui, in tabula nostra Ptolemæum, quamquam non magis certum, sequuti sumus.

XXVII.

Ad hanc partem Liuius etiam *Eordos* refert, de quibus Thucydides lib. ii pag. 170 ἀνέστησαν καὶ ἐκ τῆς νῦν Εὐρδίας καλεσμένης Εὐρδης, ὧν οἱ μὲν πολλοὶ διεφθάρησαν, βραχὺ δέ τι αὐτῶν περὶ φύσκαν κατώκηται, *Eiecerunt etiam ex Eordia, vt nunc vocatur, Eordos: quorum permulti deleti sunt, aliquantulum vero ex iis circa Physcam sedem habet*. Si Physca illa φύσκα Ptolemæi sunt, quas in Mygdonia ipse reposuit; deletos Eordos citeriorem locum incoluisse necesse est, si cum Liuii *Eordeis* debent conuenire. Physcæ enim Ptolemæi extra Liuii illam regionem sunt, videlicet occidentalem Macedoniae, vbi etiam *Eordetas* suos (Εὐρδέτας) Ptolemæus collocavit; saltem non longe ab Liuii *Eordeorum*, quos vocat, sede. Plinio sunt *Eordenses*: Herodoto lib. vii cap. clxxxv Εὐρδοί. Oppida Ptolemæi supra vidimus: vltiora, vbi fere Thucydidis fuere *Eordi*, & fortasse etiam, saltem ex parte, Liuii, ignorantur. Strabo lib. vii pag. 223 ait, viam Egnatiam per Heracleam, Lynceſtas, Eordos ad Edeſſam, Pellam, Theſſalonicam: qui ordo si se recte habet, ægre Liuius Straboni conciliatur, quod quæ vltra Lynceſtas in ortum sunt, extra quartam Liuii (noſtram primam) regionem cadunt, vna parte conſinem Illyrico, altera Epiro, vt ipſe definit cap. xxi x.

XXIIX.

Huius tractus est etiam *Candauia*, aut in ora eius ad Illyricas gentes, quam Strabo lib. vii pag. 227 ὄρος Ἰλλυρικόν, *montem Illyricum* vocat. Asper locus & montosus tractus, non mons vnus; per quem a Dyrrachio & Apollonia in interiorem Macedoniam per Lychnidum, Heracleam, Lynceſtas, Edeſſam, & Pellam ad mare ducebatur, vt dicto loco deſcriptum a Strabone est. Abest a Dyrrachio lxxviii millibus paſſuum, quod Plinius obſeruauit lib. iiii cap. xxiii. Cicero lib. iiii Attic. ep. vii *aut accedemus in Epirum, aut tarde per Candauiam ibimus*. Cæſar lib. iiii Civ. cap. lxxix *Pompeius per Candauium iter in Macedoniam expeditum habebat*.

Seneca

* Zosimus I cap. 43 pag. 69 τὰ περὶ Δοβήρου καὶ Πελαγονίαν ἐληίζοντο πάντα χωρία, *Omnes propter Doberum & Pelagoniam agrum prædis agendis infeſtabant*. add. II cap. 33.

Seneca epist. xxxi *Hoc est summum bonum: - - - Quomodo, inquis, isto peruenitur? non per Peninum Graiumue montem, nec per deserta Candauiae. De via postmodum sub finem Macedoniae agemus.*

XXIX.

Addit Liuius de eadem parte siue regione: *Iuncta his Atintania, & Stymphalis, & Elimiotis.* Dum IUNCTA dicit, aliunde hanc accessionem factam & contributam esse significat. Strabo enim lib. vii pag. 225 *Atintanes & Tymphaeos* (qui Stymphalii sunt, vt postea probabimus) inter Epiri gentes censuit. *Ἡπειρώται δ' εἰσὶ καὶ Ἀμφίλοχοι, καὶ οἱ ὑπερκείμενοι καὶ συν-ἀπτόντες τοῖς Ἰλλυρικοῖς ὄρεσι, τραχεῖαν οἰκῶντες χώραν, Μόλοσσι τε καὶ Ἀθαμᾶνες, καὶ Αἰθῖκες, καὶ Τυμφαῖσι, καὶ Ορέσαι, Παρωραῖσι τε καὶ Ἀτιντᾶνες, Epirotæ, inquit, sunt etiam Amphilochoi, & qui Illyrios montes attingunt, aspera incolentes loca, Molossi, Athamanes, Aethices, Tymphaei, Orestæ, Paroræi, Atintanes.* Memorauit ATINTANES etiam Polybius lib. ii cap. v extr. Epirotas ab Illyriis ad extremam suam urbem Antigoneam victos διαφυγεῖν ὡς ἐπὶ Ἀτιντᾶνων, ad *Atintanes versus confugisse*: memorauit quoque Thucydides lib. ii p. 154, eosdemque cum Molossis coniunxit. *Μολοσσεῖς, inquit, ἦγε καὶ Ἀτιντᾶνας Σαβύλινθος, Molossorum & Atintanum dux erat Sabylinthus.* Regionem Stephanus perinde ac Liuius dixit *Ατιντανίαν*, quam μοῖραν Μακεδονίας, *Macedoniae partem* interpretatur.

XXX.

Stymphalis Liuii consonat Ptolemæi *Stymphalie*, cui Gyrtonem oppidum tribuit: sed vtrumque nomen suspectum est Palmerio, in Arcadiam potius, quam Epiri oram, inferendum. Legi vult *Stympheis & Stympheæ*, *Στυμφαία*, extruso λ; cuius sint *Στυμφαῖσι*, *Stympheai* cultores: qui alia dialecto *Τυμφαῖσι* a Strabone adpellantur. Id quod ex Arriani loco lib. i Exped. Alex. pag. 19 clarius elucet: *ἀγων δὴ παρὰ τὴν Εορδαίαν τε καὶ τὴν Ελυμιώτιν, καὶ παρὰ τὰ τῆς Στυμφαίας καὶ Παρυαίας ἄκρα, ἐβδόμῃσι ἀφικνῶνται ἐς Πελλήνην τῆς Θεσσαλίας, Eordeam itaque & Elymiotin, rupesque Stympheas & Paryæas cum exercitu prætergressus, septimo die Pellenen Thessaliae urbem peruenit.* Nomen a monte *Στύμφη*, *Stympha* est. Strabo dicto loco de Arachto fluuiio: *ἀρχόμενος ἐκ Στύμφης ὄρεος, profluit ex monte Stympha*: de quo eodem Stephanus: *Τύμφη ὄρος Θεσπρωτικόν, Tympha mons Thesprotiae.* Thesprotia autem heic laxè dicta, vt Molossidem quoque contineat, ad cuius fines mons Tympha procurrat & regio Tymphaea. *Βόες Τυμφαίδες, Tymphaicae boues* laudantur Callimachi hymno in Dianam vers. 178, quo pascuorum copia Tymphaeae regionis indicatur.

XXXI.

De *Elimiotide* supra dictum, quæ in gentes Illyricas vsque extensa fuit, quam modo Arrianum *Ελυμιώτιν* scripsisse intelleximus. Thucydides lib. i i pag. 169 scripsit *Ελαμιώτας*, quos cum Lyncestis coniungit. Vt autem scriptura variat, ita non eandem illis sedem adsignant: ex Liuii tamen, quam explicamus, loco cognouimus, ad occasum & Epirum versus spectasse, vt pars in Illyricis gentibus sita esset, pars in Macedoniam ipsam produ-

produceretur. *Paroræi*, παρωροῖ, Tymphæis fuere finitimi, vti ex Strabonis loco supra ostenso perspicitur. Alia ergo Strabonis hoc loco *Paroræa* est: alia *Paroreia Thraciæ*, quam Liuius memorauit lib. xxxix cap. xxvii extr.

XXXII.

Tertia pars Liuii (nostra secunda) inter Axium & Penéum amnes contenta, nobilissimas vrbes Edeffam, Berœam, Pellam cum parte Pœoniæ habuit. Bellicosam *Vettiorum* gentem attribuit Liuius: sed ignota illa & suspecti nominis. Cap. xxxix ita definit idem: *Tertia pars facta, quam Axius oriente, Penéus amnis ab occasu, cingunt: ad septemtrionem mons Bora obiicitur. Adiecta huic parti regio Pœoniæ, qua ab occasu præter Axium amnem porrigitur: Edeffa quoque & Berœa (cap. xxx additur Pella) eodem concesserunt.* Quod vero Penéus Thessaliam secatur, quam separatim, vt distinctam a Macedonia regionem, illustraturi sumus, partem illam Thessaliæ in præfenti nos præterituros esse, & suo loco referuatueros, præsignificamus.

XXXIII.

In septemtrione huius regionis inter Axium & Erigonem amnes est *DEURIOPVS*, pars Pœoniæ magnæ, Straboni lib. vii pag. 225 ἡ Δευρίοπος, cuius flumina post paullo dicit in Erigonem delabi, & cum illo in Axium: Oppida eius tractus nominat, tamquam Δευριοπῶν πόλεις, *Deurioporum vrbes, Bryanium, Alalcomenas, & Stymbaram*: quibus addenda videtur, nisi eadem quæ *Stymbara* est, Liuii *Stubera* lib. xliii cap. xviii & xx; Polybii Legat. lxxvi Στυβέρρα, vnde Illyricam expeditionem per Penestas rex Perseus iniuit, ibidemque captiuos vendidit, legatos Gentii audiuit, atque ita non breue tempus in vrbe illa moratus fuit. Liuius lib. xxxix cap. liii de Deuriopo: *Oppidum in Deuriopo condere [ex Thracia reuertens rex Philippus] instituit. Pœoniæ ea regio est prope Erigonum fluuium, qui ex Illyrico per Pœoniam fluens, in Axium amnem editur. Haud procul Stobis, vetere vrbe, nouam urbem Perseida, vt is filio maiori haberetur honos, adpellari iussit.* Quod si, vt συναφεία videtur comprobari, vrbs noua illa, haud procul Stobis sita, in Deuriopo fuit a Philippo condita; ipsi Stobi, a Ptolemæo trans Axium locati, ad Erigonum versus reducendi magis videntur. Etenim plures vrbes Deuriopi Straboni sunt ἐπὶ τῷ Εριγῶνι, *supra Erigonem fluuium*, qui recto casu huic Εριγῶν, Liuii *Erigonus* est. Esse autem maiorem illum, qui ab occasu adlabitur Axium; Strabo ibidem adseuerat, dum flumina, quæ recipit, non minus ex Illyricis montibus & Lyncestide, quam ex Deuriopo oriri testatus est: quæ δεξάμενος εἰς τὸν Ἀξιὸν ἐκδίδωσι, *accipit, & in Axium effundit.*

XXXIV.

Ad cetera Pœoniæ, cis Axium sitæ, adgredimur. Thucydides lib. iv pag. 337 de Brasida refert, quum a Lyncestis se reciperet, & Toronam cogitaret, *Arnissam* adiisse, πρώτην τῆς Περδίκκας ἀρχῆς, *primam urbem regni Perdicæ*, id est propriæ Macedoniae. Ultra ergo Lynceſtas fuit in ortum & in

in septemtrionem simul reducta: quam perperam Ptolemæus in Taulantiis, maritima gente, reposuit. Liuius lib. XL cap. III *Emathiam* tum dictam ait, *quæ quondam adpellata fuerat Paonia*. EMATHIA præstantissima pars Macedoniae & nobilissimis prædita urbibus, quas Ptolemæus recenset, ab occasu pro lege geographiæ incipiens. Primum ponit obscuriora oppida, quæ Lyncestidis fines & Dassaretiae prope contingunt, *Tyrissam*, unde *Tyrissæi* sunt Plinio: deinde *Scydram*, & Μύεζαν, *Myezam*, supra flumen *Haliacmona* sita oppida. *Haliacmon* siue *Aliacmon* amnis ex Penestis procedens Lyncestidem & Emathiam ab austro prætercurrit, & a Thessalia Macedoniam proprie dictam separat. Cæsar lib. III Civ. cap. XXXVI *M. Fauonium ad flumen Haliacmonem, quod Macedoniam a Thessalia diuidit, cum cohortibus VIII præsidio impedimentis legionum reliquit*. Liuius quidem lib. XLII cap. LIII scripsit, *in Elimeam ad Haliacmona fluuium processit*: sed supra indicauimus, quam dubia Elimeorum sit positio, quos Ptolemæi dispensatione Aous potius, quam Haliacmon, perfluit. Et Claudianus B. Getic. vers. 179

Et frustra rapidum damnant Aliacmona Bessi.

XXXV.

Interiora Emathiae tenent *Cyrrhestæ*, quos Plinius in Macedonia lib. IV cap. X memorauit: quorum urbs *Cyrrhus* est, praeue in Ptolemæi libris Κυρῖος scripta; & regio *Cyrrhestis*. Thucydides lib. II pag. 170 εἰς τὴν ἄλλην Μακεδονίαν πρὸς χάριν τὴν ἐν ἀριστερᾷ Πέλλης καὶ Κύρῳ, *in reliquam progressus est Macedoniam, quæ ad sinistram Pelle iacet ἐξ Κυρῷ*.

XXXVI.

Supra eam *Idomene* & *Gortynia* oppida. Thucydides dicto loco: εἶλεν Εἰδομένην μὲν κατὰ κράτος. Γορτυνίαν δὲ ὁμολογία, *Idomenen vi cepit: Gortyniam deditione*. Ptolemæus Ἰδομένη scripsit sine diphthongo: etiam lib. III Thucydides pag. 249 sine illa, casu autem plurali τῶν ἐν Ἰδομέναις, *eorum qui Idomenis erant*. Stephanus vtrumque exemplum diuersis locis, quasi diuersa oppida, exposuit, sed vnum idemque est, nec rara illa diphthongi & vocalis simplicis, præsertim in nummis, permutatio. *Gortynia* autem Thucydidis, est Plinii *Gordynia*, qui cum *Scydra* & *Mieza*, antea dictis oppidis, coniunxit: etiam Stephanus; Γορδυνία, πάλιν Μακεδονίας, *Gordynia*, urbs Macedoniae: Ptolemæus autem Γορδυνία, *Gordenia*, qui fortassis lapsus est describentium.

XXXVII.

Prope Gordyniam fuit *Edeffa*, quam Ptolemæus Αἰδεσσαν, *Aedessam* bivocali nominat: ceteri simplici littera. Antiqua regia fuit Macedonum ante Pellam: quæ quum capta esset caprarum gregis ductu, quem inter pluuias nebulasque hostes sequebantur; ab euentu nomen induit, & *Aege*, *Aegæ*, *Aegia*, ac *Aegæa*, Græce Αἰγὴ, Αἰγά, Αἰγία, Αἰγία fuit adpellata. Iustinus lib. VII cap. I de Carano: *Quum in Emathiam venisset, urbem Edeffam, non sentientibus oppidanis propter imbrium & nebulae magnitudinem, gregem caprarum, imbrem fugientium sequutus, occupauit*. Urbem Edeffam ob me-

moriā muneris Aegeas, populum Aegeadas, vocavit. Male ergo Ptolemæus Aedessam & Aegæam distinxit ut duas vrbes Emathiae. Philippus Amyntæ hinc regiam sedem transtulit, & Pella constituit, ut tamen sepulcra regum in vrbe veteri religionis causa etiam in posterum manerent. Plinius lib. IV cap. X *Oppida, Aege, in quo mos sepeliri reges.* Et Diodorus lib. XIX cap. LII de Cassandro: *Ευρυδικὴν καὶ Φίλιππον, τὰς βασιλεῖς, ἔθαψεν ἐν Αἰγαῖς, καθάπερ ἔθος ἦν τοῖς βασιλεῦσι, Eurydicen & Philippum reges sepeliuit Aegis, ut mos fuit regibus.* Etiam aliae solemnitates non numquam, fedetiam regum mutata, ibidem celebratae sunt, quod nuptiis Alexandri Epirotæ & Philippi filiae Cleopatras, ἐν Αἰγαῖς τῆς Μακεδονίας peractis, ut Diodorus lib. XVI cap. XCIII tradit, luculenter manifestat. In qua vrbe etiam inter ipsas nuptias rex Philippus interfectus fuit. Corn. Nepos in Regibus: *Philippus Aegis a Pausania, quum spectatum ludos iret, iuxta theatrum occisus est.* Polybius veteri nomine adpellat ἔδεσαν, quod Σ Iustinus, Ptolemæus & Antoninus duplicarunt. Ille vero lib. V cap. XCVII *ἦκεν εἰς ἔδεσαν, Edesam venit.* quam regiam olim fuisse idem Diodorus in Excerptis Vales. pag. 266 testatur: *τὰς Αἰγέας διαρπάξας ὁ Πύρρος, ἥτις ἦν ἐστὶ τῆς Μακεδονικῆς βασιλείας, Aegeas Pyrrhus diripuit, quæ sedes Macedonum regia fuit.* Gentile Liuius lib. XLII cap. LI habet, *Antiphilus Edeffæus.*

XXXIIX.

Nobilis vrbs quoque *Beræa* fuit ab Edeffa in austrum, a Cyrrho in ortum hiemalem vergens, sita ad radices montis *Bermii*. Strabo excerptis libri VII *ἡ Βέρροια πόλις ἐν ταῖς ὑπαρξίαις καίτοι τῆς Βερμίας ὄρους, Beræa ad radices Bermii sita est.* Sic etiam diuinus scriptor Act. Apost. XVII, & Stephani breuiator, vterque *Βέρροια*, & Plinius *Beræa* hoc nomen tradiderunt: Ptolemæus *Βέρροια*, littera geminata, quæ etiam Thucydidis scriptura est lib. I pag. 40, *ἀφικόμενοι εἰς Βέρροϊαν, venientes, inquit, Berrhæam.* Atque ita etiam Philostorgius lib. IX cap. VIII *μετάγεται Δημόφίλος ἀπὸ Βέρροϊας ἐν Κωνσταντινῇ πόλει, transfertur Demophilus a Berrhæa Constantinopolim.* Episcopum enim habuit quum Christiani rerum potirentur. Gentile duplex reperitur: Polybii Legat. LXIX *Μήδων Βεροϊεύς, Medo Beræensis:* & apud Stephanum *Βεροιαῖος:* atque ita etiam in nummis Traiani & Antonini Pii *ΒΕΡΟΙΑΙΩΝ*, nisi ad Syriacam Beræam referre nummos malueris.

XXXIX.

Tandem regiam alteram, eamque splendidiorē accedimus, *Pellam*, quæ propior mari est in limite sita Emathiae, ideoque Herodotus *Bottiaæ*, maritimæ regioni, attribuit. Lib. VII cap. CXXIII *βοττιαῖδος, inquit, ἔχσσι τὸ παρὰ θάλασσαν στενὸν χωρίον πόλις Ἰχναί τε καὶ Πέλλα, Bottiæidis angustum ad mare spatium vrbes Ichnae & Pella occupant:* sed quia inter eam & mare aliquantum spatium intercedit, malumus in Emathia cum Ptolemæo censere, quam cum isto in Bottiæide. Situm descripsit Liuius lib. XLIV extremo: *Consul a Pydna profectus cum toto exercitu die altero Pellam peruenit, - - - quam non sine causa delectam esse regiam aduertit. Sita est in tumulo vergente in occidentem hibernum. cingunt paludes inexsuperabilis altitudinis*

nis æstate & hieme; quas restagnantes faciunt lacus. In ipsa palude, qua proxima urbi est, velut insula, arx eminet, aggeri operis ingentis imposita, qui & murum sustineat, & humore circumfusæ paludis nihil lædatur. Muro urbis coniuncta procul videtur. diuisa est intermurali amni, & eadem ponte iuncta; ut nec, oppugnante externo, aditum ab vlla parte habeat, nec, si quem ibi rex includat, vllum, nisi per facillimæ custodiæ pontem, effugium. Flumen quod adluit, arcemque ab vrbe disiungit, Ludias est siue *Lydias*. Strabo sub finem libri VII in excerptis: ἔτα Ερίγων καὶ Λαδίας ποταμοὶ ἀπὸ δὲ Λαδίας εἰς Πέλλαν πόλιν ἀντίπλες ἑαδία ρκ, Dein Erigon & Ludias amnes: a Ludia autem ostio ad Pellam aduerso amne nauigatur per cxx stadia. Tanto interuallo vrbs abest a mari. Ptolemæus habet Λυδίας ποταμὸς ἐκβολαῖς, ostia amnis *Lydiæ*, sine diphthongo; * atque ita etiam Herodotus lib. VII cap. cxxvii. Labitur ex lacu, quem Axii ἀπόσπασμα auget, ut ibidem Strabo adnotauit. Vrbs Pomponio *Pelle* dicta, tamquam a Πέλλῃ, quamquam plerique Græcorum Thucydides, Strabo, Ptolemæus, Herodotus, quorum verba paullo ante attulimus: etiam Byzantius urbium & populorum scriptor Πέλλα vocali prima exprimunt. Verba Pomponii lib. II cap. III ineunte sunt: Tum Macedonum populi, qua vrbes habitant, quarum *Pelle* & maxima & illustris. Alumni efficiunt, Philippus Græciæ dominator, Alexander etiam Asiæ. Alumnus Philippus, quia secundum Strabonem τραφεὶς ἐν αὐτῇ, in ea educatus fuerat, cuius gratia μικρὰν πρότερον ἔσαν ἤυξησε, paruum antea ornavit & amplificauit. Mansit abhinc sedes etiam posteriorum regum, ut Philippi alterius, Liv. lib. xxxvii cap. vii: ideoque lib. xlii cap. li dixit idem: *Pellæ*, in veteri regia Macedonum, quia inde a Philippo Amyntæ ad Persen vsque longo tempore regia Macedonum fuerat. Plinio dicta *Pella colonia*: quo nummum vir summus Ezech. Spanhemius refert inscriptum, COL. IVL. AVG. PELL. cuius ectypon vir clarissimus Car. Patinus in nummis Hadriani pag. 195 expressit. Decreuit postea, & Luciani temporibus ταπεινὰς καὶ ὀλίγας οἰκήτορας, obscuros & paucos incolas habuit, ut ipse in Pseudomante est testatus. Hodie τὰ παλατίτια, id est parua palatia illum locum vocari, Lucas Holstenius, a Critopulo edoctus, ad Ortel. adnotauit. Inde *Pellæus* gentile. Iuuenalis satyr. x vers. 168 de Alexandro Macedone:

Vnus Pelleo iuueni non sufficit orbis.

Hæc de Emathia.

XL.

In oram sinus Thermaici progredimur. Inter Axii & Ludia ostia, parua regio BOTTIAEA, siue Βοττῖαις, *Bottiaïs*, cui Herodotus lib. VII cap. LXXIII & *Ichnas* & *Pellam* adsignat. Credo, ipsius æuo in Bottiæide & *Pellam* fuisse censam: postea amplificatam a Philippo, Emathiæ, nobiliori

Nnn nn 2

regi-

* Euripid. in Bacchis vers. 565, O beata Pieria! colit te Bacchus, & veniet ducturus choros cum bacchationibus. Et celeriter fluentem ubi transferit Axium, saltantes etiam Menadas ducet ad (Λυδίαν) *Lydiam*, felicitatis mortalibus largitorem & parentem, quem audiui prestantem equis regionem aquis limpidissimis rigatam impinguare.

regioni, in cuius limite sita erat, contributam: cui Ptolemæus dat, Bottiææ, ut obscuræ regiunculæ nullam faciens mentionem. Meminit eiusdem etiam Liuius lib. xxv i cap. xxv *per Pelagoniam, & Lyncum, & Bottiæam in Thessaliam descendit*: ut ex mss restituit Gronovius. Plinius Bottiæos in Thracia lib. i v cap. xi memoravit, qui iidem videntur quos Thucydides lib. i pag. 38 & lib. ii pag. 152 τοῖς ἐπὶ Θράκης Χαλκιδεῦσι, *Chalcidicis ad Thraciam coniungit*: eodem tamen libro ii pag. 170 nostrorum quoque rationem habet, ἐς τὴν Βοττῆϊάν καὶ Πιερίαν ἐκ ἀφίκοντο, *in Bottiæam & Pieriam* [tamquam contiguas regiones] *non venerunt*. Sed facile conciliantur quæ Thucydidis sunt, quia Chalcidice illa cis Strymonem fuit, & ad sinum Thermaicum pertinuit: difficilius autem huic Plinius conciliatur, quia in Thracibus trans Strymonem Bottiæos suos numeravit, qui utique reducendi in citeriora erant. *Ichnæ* Herodoti etiam a Plinio memorantur. *Mox, inquit, in ora Ichnæ: fluvius Axius.*

XLI.

Sequitur PIERIA, Ptolemæo Ludia & Penei ostiis contenta, Straboni ultra Ludiam prolata, ἕως τῆς Αἰξὸς ποταμῆς, * *usque ad Axiu flumen*, Bottiæa quoque comprehensa: qui ab austro non ad Peneum fluvium deducit, sed ad Haliacmonem. Verba sunt: μετὰ τὸ Δίον πόλιν ὁ Αἰλιάκμων ποταμός ἐστιν, ἐκβάλλων εἰς τὸν Θερμαῖον κόλπον καὶ τὸ ἀπὸ τούτου, ἢ πρὸς βορρῶν τῆς κόλπου παραλία, Πιερία καλεῖται, ἕως τῆς Αἰξὸς ποταμῆς. ἐν ἣ καὶ πόλις Πύδνα, ἢ νῦν Κίτρον καλεῖται· εἴτα Μεθώνη καὶ Ἄλωρος πόλις· εἴτα Εὐρίγων καὶ Λαδίας ποταμοί. *Post Diu urbem Haliacmon fluvius est, in sinum Thermaicum se effundens: & ab hoc septentrionem versus usque ad Axiu in litore Pieria, in qua urbs Pydna, quæ nunc Citrum vocatur: deinde Methone & Alorus oppida: ultra quæ Erigon & Ludias fluvii.* In quo dissentit ab Liuiō, qui Erigonem in Axiu exire supra scripserat, quem etiam in tabula nostra sequuti sumus. Habemus sic oppida Pieriæ, *Alorum, Methonen, Pydnæ*: nec plura in ora Ptolemæus addit præter *Diu*, quod trans flumen est Haliacmonem, ab illo etiam Pieriæ adscriptum. Inde si ad Penei ostia cum Ptolemæo deducimus, *Phila* addenda est, paululum remota a mari; & *Heraacleum*, in ipso litore. In mediterraneis Pieriæ duo oppida Ptolemæus scripsit *Phylacas & Vallas*. De singulis nunc, quæ reperire licet, adferemus.

XLII.

Alorus, Ἄλωρος, ex Strabonis positione supremo loco fuit, ad fines fere Bottiææ, cui ipse Strabo in Excerptis videtur addixisse. ἢ Ἄλωρος, inquit, Βοτταῖκῃ, *Alorus Bottaica siue Bottiæa urbs est*. Plinius lib. i v cap. x *Intus Aloritæ*; falso, quia in ora *Alorus* fuit, ἐν παραλία, secundum Strabonem. Confirmat Stephanus: Ἄλωρος πόλις Μακεδονίας· ἐστὶ δὲ τὸ μυχαιτάτον τῆς Θερμαῖας κόλπου. τὸ ἐθνικὸν Ἀλωρίτης, *Alorus urbs Macedonia in intimo recessu Thermaei sinus. Gentile Alorita.*

XLIII.

* Euripides Bacch. vers. 570 Διαβὰς Αἰξίδα, cum vltima acuta. De reliquo Straboni succurrere pene videtur Euripides loco citato.

XLIII.

Deinde est *Methone*, μεθώνη, itidem ex Strabonis dispositione. Quum plures huius nominis sint, Stephanus hanc quoque distincte adnotavit. ἐστὶ δὲ, inquit, καὶ μακεδονίας. In huius obsidione Philippus Amyntæ oculum amisit, καταβελτικῷ βέλει, *machinali telo excussum*, quod itidem Strabo prodidit, & Diodorus lib. xvi cap. xxxiv, qui addit regem captam urbem solo æquauisse. Oppidani eidem sunt μεθωναῖοι, *Methonæi*.

XLIV.

Succedit *Pydna*, vrbs memorabilior, etiam ἐν παραλία, *ad mare*, vt Strabo tradit, iuxta quam Romani, prælio cum Perse commisso, Macedonico regno finem attulerunt. Iterum Strabo Excerpt. libri vii ἐν τῷ πρὸ τῆς Πύδνης πεδίῳ Ῥωμαῖοι Περσέα καταπολεμήσαντες καθείλον τὴν τῶν Μακεδόνων βασιλείαν. Interpretis loco fit Paterculus lib. i cap. ix *Is [Aemilius Paullus] Perseum ingenti prælio apud urbem nomine Pydnam in Macedonia fustum fugatumque castris exiit.* Liuius lib. xlv cap. xlii *Princeps fugæ rex ipse erat. iam a Pydna cum sacris alis equitum Pellam petebat.* Et paucis interiectis: *qui Pydnam ex acie profugerant, viui in potestatem peruenierunt.* Et Cassander Olympiadem Pydnæ conclusam tenuit, captamque interfecit, quod Diodorus lib. xix cap. xlix, Iustinus lib. xiv cap. vi pluribus tradiderunt. Oppidani, πυδναῖοι Stephano: etiam Latine *Pydnæi*. Liuius lib. xlv cap. xlv *Pydnæi, qui proximi erant, nondum miserant legatos.*

XLV.

Nec minus clara vrbs *Dium* erat, & ipsa Ptolemæo in Pieria: * aliis extra illam. Liuius lib. xlv cap. ix *Consul, capto iam Heracleo, castra eo promouit, tamquam Dium; atque inde, submoto rege, in Pieriam etiam progressurus.* Strabo enim dicto loco: μετὰ τὸ Δίον πόλιν ὁ Ἀλιάκμων ποταμὸς ἐστίν, ἐκβάλλων εἰς τὸν Θερμαῖον κόλπον καὶ τὸ ἀπὸ τούτου, ἢ πρὸς βορρῶν τῆς κόλπου παραλία Πιερία καλεῖται, *Post urbem Dium Haliacmon amnis est, in sinum Thermæum se effundens: & ab hoc aquilonem versus ora eius sinus Pieria vocitatur.* Straboni ergo & Liuiο *Dium* est extra Pieriam: quia vero fines eius attingit, & Ptolemæus in ipsa censet Pieria; heic illud quoque oppidum enarramus, præsertim quod dubie etiam ad Thessaliam refertur. Thucydides lib. iv pag. 305 οἱ Περραιβοὶ, αὐτῶν ἐπήκοοι ὄντες Θεσσαλῶν, κατέσκησαν αὐτῶν ἐς Δίον τῆς Περδικκῆς ἀρχῆς, ὃ ὑπὸ τῷ Ὀλύμπῳ Μακεδονίας πρὸς Θεσσαλὸς πόλισμα κείται, *Illi Perræbi, qui Thessalis subiecti erant, deduxerunt eum [Brasidam] in Dium ditionis Perdiccæ, quod oppidum sub monte Olympo Macedoniae, Thessalos versus, situm est.* Macedoniae ergo fuit, quamquam per se neque ad Pierios neque ad Thessalos pertineret. In ora maris fuisse situm ex Strabone & Ptolemæo clarum est, qui in maritimis recensent. Splendidam urbem fuisse, ex Polybii lib. iv cap. lxii, qui γυμνάσιον *gymnasium* eius cum muris ab Aetolis euersum commemorat: ex quo tamen ex-

Nnn nn 3

scidio

* Quia Theophrastus histor. Plantar. III cap. 3 Olympum Pierium vocat: videri *Dium* Olympo subiectum itidem Pierium potest. Sed alia fortasse tempora aliam formam habuere.

scidio surrexit, nouumque splendorem rex Alexander adiecit statuīs aeneis interfectorum ad Granicum proelio, ab Lysippo conflatis, in vrbe illa positus, vt Arrianus lib. i pag. 47 memoriæ prodidit: quod decus vsque ad Romanorum tempora conseruauit. Liuius lib. XLIV cap. VII *Consul secundis castris peruenit ad Dium, metarique sub ipso templo iussit. Ipse urbem ingressus, sicut non magnam, ita exornatam publicis locis & multitudine statuarum, munitamque egregie vix satis credere, in tantis rebus sine causa relictis non aliquem subesse dolum.* Et coloniam Romani in id oppidum deduxerunt. Plinius IV cap. x *coloniæ, Bullidensis & Diensis.* Et nummo Antonini Pii apud Vaillantium: COL. IVL. AVG. DIENSIS.

XLVI.

Haud longe infra Dium in mare exit amnis *Enipeus*, ex valle Olympi montis decurrens. Liuius lib. XLIV cap. VIII *Regressus Dium [Perseus] quæ disiecta ac vastata ab Romanis erant, reficit, pinnas mœnium decussas reponit, ab omni parte muros firmat: deinde quinque millia passuum ab vrbe citra ripam Enipei amnis castra ponit, amnem ipsum transitu perdifficilem promunimento habiturus. Fluit ex valle Olympi montis, æstate exiguus, hibernis idem incitatus pluuiis - - - facit præaltas voragines, cauatoque medio alueo ripas utrimque præcipites.*

XLVII.

Prope flumen illud videtur *Phila* oppidum fuisse, vt Stephanus auctor est, opus Demetrii Gonatæ; & vterius, Tempe versus *Heracleum*. Liuius lib. XLIV cap. II *Ipse [rex] circa Dium statua habuit. deinde adeo, vt obtorpuisse inops consilii videretur, cum equitibus expeditis, litore nunc Heracleum, nunc Philam percurrerebat, eodem inde cursu Dium repetens.* Et cap. VIII *Inter hæc consul a Phila Popillium cum duobus millibus armatorum Heracleum mittit. abest a Phila quinque millia ferme passuum, media regione inter Dium Tempeque, in rupe anni imminente positum.* Et cap. IX *Consul, capto iam Heracleo, castra eo promouit tamquam Dium progressurus.* Dicta Plinio *Heraclea* lib. IV cap. x. *In ora, inquit, Heraclea, flumen Apilas [Enipeus.] Oppida, Pydna, Aloros, amnis Haliacmon.*

XLIIX.

In mediterraneis Pieriæ Ptolemæus posuit & *Phylacas* & *Vallas*, vtrumque oppidum aliunde parum notum, nisi quod Plinius lib. IV cap. x *Valleos & Phylacæos* memorauit. *Oppida, inquit, Pydna, Alorus: amnis Haliacmon. Intus Aloritæ, Vallæi, Phylacæi.*

XLIX.

Regio secunda Macedoniæ ex Aemilii Paulli distributione, quæ nobis tertia est ab occasu progressis, continetur inter Axium & Strymonem amnes: de qua parte Liuius lib. XLV cap. xxx *celeberrimas vrbes Thessalonice & Cassandream* habet: ad hoc *Pallenen* fertilem ac frugiferam terram: *maritimas quoque opportunitates ei præbent portus ad Turonem ac montem Atho.* Sinticen autem & Bisalticam suæ primæ parti (nostræ vltimæ) Aemilius

milius adscripserat: nos vero in Strymone constituentes limitem, ut antiquus fuit, illas quoque partes reuocabimus.

L.

AMPHAXITIS prima portio huius regionis est, ab Axio flumine in ora Thermaici sinus incipiens. Mentio eius apud Polybium lib. v cap. xcvi παραλαβὼν τὰς ἐκ τῆς Βοττίας καὶ Ἀμφαξίτιδος ἦκεν ἔχων εἰς Ἐδεσσαν, ipse cum ea manu, quam ex Bottia & Amphaxitide coegerat, Edessam venit. Ptolemæus ei tribuit & Axii & Echedorii fluminis ostia: & deinde urbem Thessalonice. De Axio supra dictum; Echedorus, Εχέδωρος Ptolemæi, est idem qui Herodoti Chidorus, Χείδωρος, lib. vii cap. cxxvii, qui ἐκ ἀντέχρησε τῇ στρατῇ πινόμενος, ἀλλ' ἐπέλιπε, Xerxis exercitui non suffecit, sed defecit. Vterque enim descripsit ut proximum Thermæ siue Thessalonice.

LI.

Nam Thessalonica olim Θέρμη, Therma vocata, * unde sinui, cui adiacet, nomen Thermæo est siue Thermaico. Herodotus dicto loco: ὡς δὲ εἰς τὴν Θέρμην ἀπίνετο ὁ Ξέρξης, ἰδρυσε αὐτῇ τὴν στρατὴν. ἐπέχεε δὲ ὁ στρατὸς αὐτῇ στρατοπεδεύομενος τὴν παραθάλασσαν χώραν, τοσόνδε. ἀρξάμενος ἀπὸ Θέρμης πόλιος, reliqua. hoc est: Postquam Thermam Xerxes venit, ibi substitit, tantum spatii castris eius complectentibus, quantum est a Therma & Mygdonia ad confluentem Lydei & Haliacmonis. Et Thucydides lib. i pag. 40 profecti in Macedoniam, καταλαμβάνουσιν τὰς προτέρας χιλιάς, Θέρμην ἄρτι ἡρηκότας, offendunt mille priores, qui iam Therma potiti erant. Et Scylax in Macedonia: Ἄξιος ποταμὸς, Δῶρος ποταμὸς, Θέρμη πόλις, Axius fluminis, Echedorus (sic legendum) fluminis, Therma urbs. Huic postmodum amplificatæ nomen Thessalonice inditum esse Strabo, Tzetza & scholiastes Thucydidis consentiunt. Hic subnotauit: ἡ νῦν Θεσσαλονίκη πόλις, πάλαι Θέρμη ἐκαλεῖτο. Strabonis epitome lib. vii, μετὰ τὸν Ἄξιον ποταμὸν ἡ Θεσσαλονίκη ἐστὶ πόλις, ἡ πρότερον Θέρμη ἐκαλεῖτο, Ultra flumen Axium urbs est Thessalonica, quæ quondam Therma vocitata fuit. Tzetzes Chiliad. cap. cccxvi vicum quondam fuisse adseverat:

Ἡ νῦν Θεσσαλονίκη μὲν, πόλις ἡ λαμπροτάτη,

ἣν ἦρχε κώμη, Θέρμη δὲ τὴν κλησὶν ἐκαλεῖτο,

Quæ nunc est Thessalonica, urbs præclarissima, vicus olim fuit, Therma dictus.

Auctor auctæ urbis & noui nominis est pluribus Cassander, qui in gratiam uxoris Thessalonice, Philippi filiae, ita nominauerit. Sic Strabo, Tzetzes, & Zonaras in Claudio Gothico. Byzantius autem Stephanus etiam aliam rationem & originem addit, ὅτι Φίλιππος τῷ Ἀμύντῃ ἐκείνῃ Θετταλῇ νικῆσας ἔτῳ ἐκάλεσε, quod Philippus Amyntæ filius, ibi Thessalos vincens ita nominauerit. Sub Romanis facile princeps urbs erat Macedonia, sedes præsidis & quaestoris. Cicero pro Plancio cap. xli Thessalonicam me, in quaestorium perduxit:

* Aeschines de falsa legation. pag. 250 B, ἀΠυσανίς - - Φυγάδος μὲν ὄντος, - - ἔχοντος δὲ ἐλαφνικὴν δύναμιν, ἐληφότος δὲ Ἀνθεμῶντος καὶ Θέρμαν καὶ Στρέψαν καὶ ἀλλάττα χωρία. Pausania exule illo quidem, sed grecis opibus adiuto, quique iam Anthemunta & Thermam & Strepsam aliaque oppida cepisset.

duxit: nec ex diuinis epistolis, ad hanc ciuitatem ab apostolo scriptis, nihil splendoris ad laudem illius accedit. Plinius: *Theſſalonica liberae conditionis*. * Et hodieque vrbs frequens, *Salonichi* mutilato vocabulo adpellata. **

LII.

Aliam urbem Amphaxitidis Ptolemæus nullam memorauit. Fuere autem intus *Chaleſtra* ſiue *Chalaſtra*. Plinius lib. i v cap. x *In ora ſinus Macedonici oppida Chalaſtra: & intus Phileros, Lete*. Et Strabo libri v i i excerptis: *μετώκισεν τὰ περί τὴν πολίχνην εἰς αὐτήν. οἷον Χαλάστραν, Αἰνείαν, Κισσόν, καὶ τινὰ καὶ ἄλλα*, *Caſſander tranſtulit in ipſam [Theſſalonicam] circumiecta oppida, ut ſunt Chalaſtra, Aenea, Ciffus, & alia non nulla*. Herodotus lib. v i i cap. cxxiii *ἀπῆκετο ἐς τε τὴν προειρημένην Θέρμην, καὶ Σινδόν τε πόλιν καὶ Χαλάστρην, ἐπὶ τὸν Ἄξιον ποταμὸν, ὃς ὀρίζει χώρην τὴν Μυγδονίην τε καὶ Βοττιαίδα, ad Thermam, quam prædiximus, ventum eſt, & ad urbem Sindum, & ad Chaleſtram ſuper Axium amnem, qui Mygdoniam & Bottiaidem diſterminat*. E quibus *Sindus* paullo recedit a mari: quam Stephanus per θ, eodem uſus Herodoto, ſcripſit, *Σίνδος πόλις παρὰ τῷ Θερμαίῳ κόλπῳ*. *Ἡρόδοτος ἐβδόμη. Sinthus*, inquit, *vrbs iuxta Thermæum ſinum*. *Herodotus ſeptimo*. Longius recedit *Lete* Plinii: *Phileros, Ciffus* ignoto ſitu, niſi forte in Mygdoniæ finibus fuerunt, quod etiam de *Lete* ſentiendum, quam *Λητὴν* Ptolemæus dixit, vltimamque Mygdoniæ conſtituit.

LIII.

Cetera MYGDONIAE ex eiſdem diſpoſitione ſunt *Antigonea*, *Ἀντιγόνηα*, quam & Plinius eodem loco poſuit. *Oppidum Stobi*, inquit, *ciuium Romanorum: mox Antigonea*. Sequuntur *Phyſca*, quas ſingulari numero Thucydides lib. ii pag. 170 adpellat, *περὶ φύσκαν, circa Phyſcam* dicens Eordos quosdam, patria ſua expulſos, ſedes conſtituiſſe. Deinde eſt *Terpillus*, & *Aſſorus*, *Ἀσσορος*; & *Xylopolis*, vnde Plinio *Xylopolitæ*, quos dicit liberos fuiſſe: & *Ἀπολλωνία Μυγδονίας*, *Apollonia Mygdonia*, quæ Antonini itinere a Dyrrachio Byzantium, eſt xxx millibus ab Amphipoli, xxxv i i a Theſſalonica, quam etiam diuinus ſcriptor in ſanctis actibus cap. xv i i ineunte eodem, quo Itinerarii auctor, inter Amphipolim & Theſſalonicam loco memorauit. *Διοδύσαντες*, inquit, *Ἀμφίπολιν καὶ Ἀπολλωνίαν, ἦλθον εἰς Θεσσαλονίκην*. Plinius ſæpe dicto loco eamdem non quidem in Mygdonia, eidem vero ſubiecta regiuncula ponit. *Regio*, inquit, *Mygdoniæ ſubiacens, in qua recedentes a mari Apollonia, Arethufa*. Vtramque etiam Scylax in hoc tractu commendat: *Ἀρεθῦσα ἑλληνίς, Βολβὴ λίμνη, Ἀπολλωνία ἑλληνίς, Arethufa vrbs Græca, Bolbe lacus, Apollonia vrbs Græca*. Addimus *Euporiam*, inter Phyſcas & Apolloniam ſitam, quam Ptolemæus quidem Biſaltis adſcribit, verius tamen, etiam ipſius poſitu, in Mygdoniam cadit: & Eu-

* Accentus vt recte ponatur, habeto verſum Claudiani II in Ruſin. v. 279

- - - murosque ſubibat
Theſſalonica tuos.

** Portus Theſſalonicae a Constantino demum factus dicitur Zoſimo II cap. 20 princ. Quod mireris.

& Europum ad Axium in Mygdoniæ & Pelagoniæ confinio. Plinius IV cap. x Oppidum Stobi ciuium Romanorum: mox Antigonea: Europus ad Axium amnem.

LIV.

Thucydides lib. II pag. 170 cum Mygdonia coniungit Grestoniam & Anthemuntem: τὴν τε Μυγδοῖαν καὶ Γρησωνίαν καὶ Ἀνθεμῦντα ἐδήκν, Mygdoniam & Grestoniam & Anthemuntem populati sunt. Et paullo ante easdem cum Bisaltia: ἐκράτησαν δὲ καὶ τῶν ἄλλων ἔθνων οἱ Μακεδόνες ἔτοι, ἃ καὶ νῦν ἐτι ἔχουσιν, τὸν τε Ἀνθεμῦντα καὶ Γρησωνίαν καὶ Βισαλτίαν, Et alias gentes in potestatem Macedones hi redegerunt, quas adhuc tenent, Anthemuntem & Grestoniam & Bisaltiam. ἔθνων, gentium hæc nomina Thucydidi sunt, inter regionum vocabula Mygdoniam & Bisaltiam media. Nec vero dubium, Anthemuntem & urbem esse, a qua ager denominetur. Herodotus sane lib. V cap. xciv videtur urbis loco habere: nec non Plinius IV cap. x Cassandria colonia: Anthemus, Olophyxos. Et clarior Stephanus: Ἀνθεμῦς πόλις Μακεδονίας, Anthemus, urbs Macedonia. * Grestoniam Herodotus lib. VII cap. cxxiv per κ scripsit: Χείδωρος ἐκ Κρησωναίων ἀρξάμενος ῥέει διὰ Μυγδονίης χώρας, Echedorus oritur ex Crestonæis & fluit per Mygdoniam. Ibidem Κρησωνική est ager Crestonicus.

LV.

Supra hos Sintice ac Bisaltia, vltima Macedoniæ cis Strymonem sitæ. Sinticen regionem memorauit Liuius lib. XLIV cap. ult. Paullus Nasicam Amphipolim misit cum modica peditum equitumque manu: simul ut Sinticen euastaret. Huius urbs Heraclea erat Sintica cognominata. Plinius dicto loco: Xylopolitæ, Scotussæi liberi, Heraclea Sintica, Tymphæi, Toronæi. Et Liuius lib. XLV cap. xxix in adiectis primæ regioni inter Strymonem & Nestum sitæ: trans Strymonem vergentia ad occasum Bisalticam omnem cum Heraclea, quam Sinticen adpellant. Cæsaris lib. III Ciuil. cap. LXXIX scriptum secunda vocali Heraclea Sentica. Populus Σίντοι, Sinti sunt Thucydidi lib. II pag. 169, ἐν δεξιᾷ μὲν εἶχον Παίονας, ἐν ἀριστερᾷ δὲ Σίντας καὶ Μαίδους, ad dextram habebant Pæonēs, ad sinistram Sintes & Mædos. Addit τῇ Σιντικῇ, Sinticæ regioni παροικόπολιν, Paræcopolim, & τρίςολον, Tristolum, quæ in obscuris relinquimus.

LVI.

Tandem Bisaltæ non vno modo describuntur. Aliis in Macedonia fuerunt, aliis trans Strymonem in Thracia. Conon, vetus scriptor, in excerptis Photii cod. CLXXXVI cap. xx οἱ Βισάλται, Θρακικὸν ἔθνος ἀντιπέρα Παλλήνης οἰκῶντες, Bisaltæ, Thracica gens, ex aduerso [peninsulæ] Pallenæ habitant. At interiacet gens Chalcidica, aut ita extendenda Pallene est, ut illam quoque contineat. Liuius lib. xxxv cap. xxix Bisalticam gentem cum Heraclea Sintica scribit ad occasum vergere trans Strymonem: & cap. xxx Pars prima Bisaltas habet, fortissimos viros: trans Nessum amnem incolunt.

Ooo oo

colunt.

* Adparet hoc item ex Aeschinis orat. de falsa legation. pag. 250 B. Locum supra citauimus.

colunt, & circa Strymonem. Et quibus adparet, & cis Strymonem Bisaltas fuisse, & vltra illum amnem. Magis tamen cis amnem, quam vltra illum censentur. Plinius IV cap. x *Amphipolis liberum oppidum, gens Bisaltæ.* Stephanus: *Βισαλτία πόλις καὶ χώρα Μακεδονίας, Bisaltia vrbs & regio Macedoniae.* De vrbe nihil constat, vt errasse videatur chorographus vel breuiator. Regio dicta *Bisaltia* etiam Thucydidi lib. II pag. 170, verbis paullo ante productis: sed Ptolemæo praeue *Βισαλτία, Besaltia*, cui oppida plura tribuit, sed omnia ignobilia, *Arolum* (*Ἄρωλος*) *Euporiam*, de qua supra: *Calliteras*, (*Καλλιτέρας* Græce) *Ossam* & *Bertam*. Populus, *Bisaltæ*, Græcis & Latinis. Virgilius Georg. III vers. 461

Bisaltæ quo more solent, acerque Gelonus.

LVII.

Sed ex septemtrione ad *Theffalonicen* eiusque sinum reuertamur. Sinus ille vocatur ab antiquo vrbis nomine *sinus Thermaicus* Pomponio Melæ II cap. III & Plinio IV cap. x; etiam huic ibidem *sinus Macedonicus*: & alia nominis Græci forma *sinus Thermæus*. Tacitus annal. V cap. x *Toroneum Thermæumque sinum præfestinans.* Quæ sinum ab ortu adiaceant inter Pallenem peninsulam & Thermam siue Theffalonicam, Herodotus lib. VII cap. CXXIII enumeravit: *Lipaxus, Combræa, Lise, Gigonus* (*Γίγωνος*) *Campsæ, Smila, Aenea*, Græce *Αἰνεία*. Obscura omnia præter vltimum *Aeniam* oppidum, quod ab Aenea conditum antiquitus credebatur, vt Dionysius Halicarnassæus lib. I pag. 39, & Liuius lib. XL cap. IV, & Stephani breuiator prodiderunt: Situs Aenæ ab Liuiio lib. XLIV cap. x ita descriptus est: *omissa Theffalonicæ oppugnatione Aeniam inde petunt. quindecim millia passuum ea vrbs abest, aduersus Pydnam posita fertili agro.* Vt Pydna vulgo constituitur prope Aliacmonem, laxæ oppositio Aeniæ interpretanda est. Quod vero Dionysius refert, quum in Pellene hibernaret Aeneas, oppidum sui nominis condidisse; sunt qui putent in ipsa peninsula seu prope illam Aeniam exstitisse. Sed est certior Liuius: etiam Strabo in iis numerat quæ περί circa Thermam seu Theffalonicam fuerint: nec tam locum Dionysius, quam tempus vrbis conditæ significauit. Theffalonicenses etiam quotannis sacrificium in Aenia oppido faciebant, vt Liuius tradit lib. XL cap. IV, quod propinquiorem locum arguit quam Pallene est peninsula. Oppidani *Aeneates* Liuiio ibidem dicti: Stephano *Αἰνεάτης* singulari numero.

LIIX.

Inter Aeneam & Pallenem peninsulam *Antigonea* fuit. Liuius lib. XLIV cap. x *omissa Theffalonicæ oppugnatione, Aeneam inde petunt. - - - Peruastatis finibus eius, legentes oram, Antigoneam perueniunt. - - - Ab Antigonea classis profecta ad agrum Pallenensem, exscensionem ad populandum fecit. Finium is ager Cassandrensum erat.* Ager Pallenensis non est hoc loco vnus vrbis, sed totius peninsulæ, quippe mox sequitur cap. XI *Cassandra condita est a Cassandro rege in ipsis faucibus, quæ Pallenensem agrum ceteræ Macedonia iungunt; hinc Toronaico, hinc Macedonico septa mari.* Nec

Nec vero negandum est & oppidum *Pallenen* in peninsula huius nominis fuisse. Plinius: *Oppida, Pallene, Phlegra*. fortasse scripsit, *quæ & Phlegra*, siue olim *Phlegra*. Stephanus: *Παλλήνη, πόλις Θράκης, Pallene oppidum Thracie*. nam & hæc pars propter Thraces colonos Græcis immixtos est Thracia quondam adpellata. Scylaci autem *Παλλήνη* non vrbs est, sed *ἀκρὰ μακρὰ εἰς τὸ πέλαγος ἀνατένυστα*, promontorium longe in mare procurrent. Sed potest vtrumque & oppidum huius nominis & promontorium fuisse, vt ab alterutro, nisi vtroque, peninsula nominetur.

LIX.

Chersonesus hinc *PALLENENE* est, Dionysio Halicarnassensi lib. I p. 39. *χερσόνησος ἡ καλεῖται Παλλήνη, peninsula quæ vocatur Pallene*: Stephano *τρίγωνος* figura. Καὶ Παλλήνη, inquit, ἐστὶ χερσόνησος τρίγωνος, *Etiam Pallene peninsula est triquetra*.

LX.

Cui Scylax quinque vrbes Græcas imponit, quarum prima est *Ποτιδαία, Potidea*, ἐν τῷ μέσῳ τὸν ἰσθμὸν ἐμφράτῃσθα, *isthmum in medio obstruens*, vrbs etiam olim clara, antequam ornaretur a Cassandro. nam & ausa cum Atheniensibus congregi, & Thucydides memorauit *ποτιδαματικά, Potidaensia gesta* lib. I pag. 41 & 77. Vel auxit vel instaurauit Cassander, a quo *Cassandrea* postmodum dicta. Liuius lib. XLIV cap. XI *Hac virium accessione animus creuit prætori, vt Cassandream oppugnaret. Conditæ est a Cassandro rege in ipsis faucibus, quæ Pallenensem agrum ceteræ Macedonia iungunt*. Strabo excerptis lib. VII ἡ Παλλήνη χερσόνησος, ἥς ἐν τῷ ἰσθμῷ κεῖται ἡ πρὶν μὲν Ποτιδαία, νῦν δὲ Κασσάνδρεια, *Pallene est peninsula, in cuius isthmo sita quæ olim Potidea, nunc Cassandrea vocitatur*. Plinius dicto loco: *Potidea, nunc Cassandria colonia*. De colonia confirmant nummi Neronis, Vespasiani, Neruæ, inscripti *COL. IVL. AVG. CASSANDRENS.* Paullus lege ult. de Censibus: *In prouincia Macedonia Cassandrenses iuris Italici sunt*.

LXI.

Reliqua oppida huius chersonesi sunt *Mende*, * *Aphytis*, *Thrambus*, *Scione*: ** addit *Sanen* Strabo, etiam Herodotus VII cap. CXXII. Acce-

O o o o o 2

dit

* Vinum *Mendeum* olim celebre. Demosthen. in *Lacrit.* pag. 594 A, Ἰππίας μαρτυρεῖ συμπλῆν ἐν τῇ Ὑβλησίᾳ νηὶ, διοπτεύων τὴν ναῦν καὶ εἰδέναι Ἀπολλοδώρου τὸν Φασηλίτην ἀγόμενον ἐν τῇ πλοίῳ ἐκ Μένδης εἰς τὸν Πόντον οἶνον Μενδαίης κεράμια τετρακόσια πεντήκοντα. *Hippias testatur se una vectum in Hybleſii naue, & cognosse Apollodorum Phaselitam vehere in nauigio e Menda in Pontum vini Meudæi amphoras quadringentas quinquaginta*. Idem in *Lacrit.* pag. 596, Πᾶν γὰρ δὴ πρὸς τὸναντίον εἰς τὸν Πόντον οἶνος ἐσάγεται ἐκ τῶν τόπων τῶν περὶ ἡμᾶς, ἐκ Πεπαρήθης καὶ Κῶ, καὶ Θάσιος, καὶ Μενδαίου καὶ ἐξ ἄλλων τινῶν πολέων παντοδαπός. *Omnino contra in Pontum importatur vinum ex locis nobis vicinis, Peparetho & Co, Thasium & Mendeum & ex aliis quibusdam oppidis omnis generis*. Adde huc Stephan. de Urbib. in *Mende*, vbi ab hac *Mende* gentile formari ait *Mendeus*. Contra a *Mende*, Aegypti vrbe, *Mendesius*. Ac *Mendesium* vinum sæpe commendat Hippocrates de intern. affection. cap. 17 pag. 217 tom. II & cap. 18 pag. 219 & cap. 19 pag. 221.

** Crebræ istuc nauigationes Athenis institutæ fuisse videntur. Demosth. adv. *Lacritum* pag. 596 C, Εἰδέναισαν Ἀνδροκλῆς Σφίητιος καὶ Ναυκράτης Καρύσιος Ἀρτέμωνι καὶ Ἀπολλοδώρῳ Φασηλίτῃς ἀργύριον δραχμὰς τριχιλίας Ἀθήνηθεν εἰς Μένδην ἢ Σκιώνην καὶ ἐντεῦθεν εἰς Βόσπορον.

dit promontorium *Canastræum* Herodoto, Scylaci, Straboni, Ptolemæo memoratum.

LXII.

Ceterum Pallene cherfonefus quondam *Φλέγρα*, *Phlegra* dicta fuerat, * vt Herodotus obseruauit. Quo fabulam Strabo atque Stephanus de deorum cum gigantibus pugna, in campis *Phlegræis* commissa, referunt. Propertius lib. iii eleg. ix vers. 47 ad Mæcenatem:

*Te duce vel Iouis arma canam, -cæloque minantem
Cæum, & Phlegræis Oromedonta iugis.*

LXIII.

Extra isthmum ad Sinum Toronæum Scylaci & Herodoto sunt *Olynthus*, *Mecyberna*, *Torone*, *Sermyla* & *Galepsus*. Ex his *Olynthus* isthmo proxima, a *Potidæa*, in isthmo intus sita, *ἑξήκοντα μάλιστα σταδίας ἀπέχουσα*, LX ferme stadiis remota, quam Diodorus lib. xvi cap. LIV urbium in eo tractu *μεγίστην. maximam* dixit, quæ antequam Philippi obsidionem ferret, bis cum eo acie conflixit, libera antea; aliquando Atheniensibus subiecta. **

LXIV.

Hanc inter & Toronem fuit *Mecyberna* Herodoti & Scylacis positione, vnde *sinus Mecybernæus* Plinio dictus, qui aliis *Toronæus* est siue *Toronaicus*. Meminit urbis, a Philippo proditione captæ, Diodorus lib. xvi cap. LIV. Et Mela ii cap. iii *In litore flexus Mecybernæus inter promontoria Derrim & Canastræum, & portum qui καφὸς dicitur: vrbes Toronen & Physcellam, atque vnde ipsi nomen est, Mecybernam incingit.* Etiam Plinius *Physcellæ* meminit: nescio an alius præterea.

LXV.

Torone * * * postea incrementum cepit, laudata Scylaci, Diodoro, Thucydidi, Pomponio, Plinio, Ptolemæo, vt non immerito sinus qui adluit, ab illa nomen *Toronaici*, vt Liuius dicto lib. xlii cap. xi, vel *Toronaï*, vt Tacitus annal. v cap. x adpellat, acceperit. Thucydides lib. iv pag. 325 vocat *Τορώνην Χαλκιδικὴν*, * * * *Toronen Chalcidicen*, quia in finibus Chalcidicæ sita est: quam regiunculam supra sinum Toronaicum, cuius

Olyn-

Matuum dederunt Androcles Sphettius & Naucrates Carystius Artemoni & Apollodoro Phaselitis argentum drachmarum tria millia, Athenis Mendam aut Scionam & inde in Bosporum usque. Et mox: Ἐπὶ οἷς κεραμίοις Μενδαίοις τριχιλίοις, ὅς πλευσάτωι ἐκ Μένδης ἢ Σκιώνης ἐν τῇ ἑκοστῷ. Ob vini amphoras Mendæas ter mille, quod euebetur e Menda aut Sciona navi XX remorum.

* Apollodorus tamen I cap. 6 f. i distinguere conatur: *Ἐγένοντο δὲ, inquit, (οἱ γίγαντες) ὡς μὲν τινες λέγουσιν ἐν Φλέγρας, ὡς δὲ ἄλλοι ἐν Πελλήνῃ. Fuerunt gigantes, vt quidam dicunt, Phlegræis, vt alii, in Pallene.*

** Demosthenes de falsa legat. pag. 235, 236 ait, *Olynthios aluisse mille equites, quum ipsi essent plures decem millia, omnes vicinos habuisse focios, ab Atheniensibus decem millibus externorum militum & quinquaginta triremibus adiutos esse, itemque quatuor millibus ciuium. Habuisse præterea in Chalcidica quædam oppida.*

* * De hac Epigramm. Græc. lib. III cap. *ἑς ναυηγ.* pag. 339, *Εἰ δὲ Τορώνην Λατῶν ἑς αὐτὴν ἔρχεται Ἀμφίπολιν.*

* * * Theophrastus quoque hist. Plant. IV cap. io, *Τορώνην τῆς Χαλκιδικῆς, Toronem Chalcidice.*

Olynthus, Mecyberna & Torone sunt, Herodotus VII cap. CXXII Σιθωνίαν, *Sithoniam*, ἴδν, *nunc*, id est suo tempore, vocitari narrat.

LXVI.

Os sinus Toronaici duo promontoria premunt, intus in chersoneso *Canastræum*: extra, quod vocatur *Derris*. Ptolemæus utrumque posuit, etiam prius Herodotus, qui diuisis vocibus Κάνα στραίην ἄκρην nominat: Thucydides autem lib. IV p. 325 Καναστράϊον coniuncte: de utroque etiam Pomponius lib. II cap. III *In litore flexus Mecybernæus inter promontoria Derrim & Canastræum, & portum qui καφὸς dicitur.*

LXVII.

Supra Derrim est promontorium *Ampelon*, Ptolemæo Ἀμπελος ἄκρα in *Paraxia* regione, cui *Toronen* urbem etiam attribuit. Ideo Herodotus lib. VII cap. CXXII κάμπλων δὲ Ἀμπελον τὴν Τορωναίην ἄκρην *circumuectus Ampelum, Toronæum promontorium*; quia ex aduerso urbis Torones est.

LXIIIX.

Post quod *sinus* est *Singiticus*, ab altero latere promontorio Ptolemæi *Nymphæo* finitus. Supra quod & Singiticum sinum est mons *Athos*, & ad Strymonicum sinum tandem *Acrathum* promontorium.

LXIX.

Ab Atho autem vsque ad Pallenen chersonesum, ut Eudoxus apud Stephanum definit, regio est CHALCIDICE, Χαλκιδική Ptolemæo, qui vero nimis angustam facit, quum ampla regio fuerit, olim Thraciæ tributa, post Philippi autem inuasionem, quem Χαλκιδικὰς πόλεις δύο καὶ τριάκοντα, CXXII *oppida Chalcidicæ* cepisse Suidas in voce Κάρανος refert, pars Macedonia. Dicta ab vrbe *Chalcis*, propinqua Olyntho in mediterraneis. Aristoteles in Mirandis pag. 732 ἐν τῇ Χαλκίδι τῇ ἐπὶ Θράκης πλησίον Ολύνης, *in Chalcide, quæ supra Thraciam prope Olynthum est.*

LXX.

Urbes Chalcidicæ in ora, præter illas Toronæo sinui adpositas, quas *Sithoniæ* regiunculæ Herodotus tribuebat, sunt eiusdem dispositione *Sarga*, *Singus*, *Pidorus*, *Affa*, omnes ad Singiticum sinum sitæ: Ptolemæus autem præter Σίγγον, *Singum*, a quo nomen est sinui, *Stratonicen* habet, de qua dubitat ad Solinum Salmasius, ratus, eodem errore impulsus Ptolemæum, *Stratonicen* Cariæ, quæ Macedonum colonia secundum Strabonem erat, in Macedonia quoque collocasse, quo Stephanus ineptissime scripsit Στρατονίκεια πόλις Μακεδονίας, πλησίον Καρίας, quasi vero Caria, Asiæ regio, Macedonia sit vicina.

LXXI.

Inde ad Strymonicum sinum *Acanthus*; * quia ex Acantho, vbi statua

O o o o o 3

tua

* Sed Strabo VII pag. 510 Acanthum ad Singiticum sinum reiecit, ὅτι Ἀκάνθος πόλις ἐν τῷ Σιγγιτικῷ κόλπῳ ἐστὶ παράλιος, πλησίον τῆς τῆς Εὐρέως διώρυχος, *Acanthus urbs est maritima in sinu Singitico prope a fossa Xerxis.* Fauere videtur Straboni varia quædam lectio Plinii libr. IV cap. 10. Pergit Strabo loco cit. καὶ ἐστὶν ἀπὸ πόλεως τῆς Ἀκάνθης ὁ περίπλος τῆς Χερσονήσου ἕως Σταγίης πόλεως, τῇ Ἀγισοτείας. *Et ab oppido Acantho circumuehantur peninsula vsque ad*

tiua Xerxes habuit, dimissi duces classi præfecti, qui per fossam, in Atho monte depressam, in sinum nauigarent Singiticum, quod Herodotus lib. VII cap. CXXI seq. enarrauit. Plinius quoque dicto loco *Acanthum* supra *fauces alteras isthmi*, in cuius peninsula Athos est, constituit. Scymnus siue Marcianus Heracleota pag. 27 de positu perspicue;

Τὸν Ἄθω δὲ παραπλεύσαντι παράλιος πόλις
Ἄκανθος ἔστιν, Ἀνδρίων ἀποικία,
Παρ' ἣν διώρυξ δαίννεται τετρημένη
Ἐπ' αὐτῶν ὁ δαίσιος, Ζέρξην λέγεται αὐτὴν τεμαῖν.
Εἴτ' Ἀμφίπολις.

hoc est: Præter uero montem Atho urbs maritima Acanthus occurrit, Andriorum colonia, iuxta quam fossa ostenditur septem stadiorum, quam Xerxes fecisse dicitur. Dein Amphipolis.

LXXII.

Inter Amphipolim & Acanthum urbs est *Stagira*, vel *Stagirus*, Aristotelis patria, qui inde Σταγειρίτης, *Stagirita* cognominatur. Stephanus: Σταγείρα πόλις, ἑδετέρως, πληθυντικῶς. ὁ πολίτης Σταγειρίτης. Ἀριστοτέλης Σταγειρίτης. *Stagira* urbs, neutrum plurale. Cuius, *Stagirita*. *Aristoteles* est *Stagirita*. Herodotus lib. VII cap. CXV in Xerxis itinere ita definiuit: ὡς δὲ ἀπὸ τῆς Στρυμόνος ἐπορεύετο ὁ στρατός - - - Σταγειρὸν πόλιν Ἑλλάδα παραμειβόμενος, ἀππύετο εἰς Ἄκανθον, *Postquam a Strymone profectus est exercitus, Stagirum Græcam urbem præteriens, peruenit Acanthum.* Thucydides lib. IV pag. 311 καὶ Σταγειρὸς Ἀνδρίων ἀποικία. *Ξυναπέστη, etiam Stagirus, colonia Andriorum*, [ab Atheniensibus vna cum Acanthiis] defecit. Ptolemæus etiam in maritimis posuit inter Strymonem & Atho montem, sed perperam in libris ipsius in Στάνταιρα nomen prauatum est. Plinio est *Stagira*.

LXXIII.

Inter hanc urbem & Strymonem etiam oppidum fuit *Argilus*, Ἄργιλος, ab Herodoto dicto loco descriptum, quod eodem ordine in tributariis aliquando Atheniensium enumerat Thucydides lib. V pag. 356 Ἄργιλος, Σταγειρὸς, Ἄκανθος.

LXXIV.

Mediterranea Chalcidices incipiunt a monte *Atho*, * in quo, & circa illum sunt quædam oppida, quæ Herodotus vna cum monte lib. VII cap. CXXII delineauit, quod Athos mons peninsulam impleat, in cuius isthmo CXXII stadiorum sit oppidum Σάνη, *Sana*: intus Δίον, Ολόφυξος, Ἀκρόθρον, Θύσος, Κλεωνάϊ, *Dium, Olophyxus, Acrothoum, Thyfus, Cleonæ.* Et *Fossa Xerxis* ibidem est descripta. Plinius lib. IV cap. X *Athon Xerxes rex Persarum continenti*

Stagiram Aristotelis patriam. Straboni Herodotus etiam capitibus 121 & 122 refragari videtur. Sed fortasse videtur modo ii, qui interpretatione adiuuare nolint eius mentem.

* Nonnus Dionys. III vers. 216,

Ἀθωνιάδος δὲ καὶ αὐτῆς
Ἄβροχα Σιθωνίης ἐκαλύπτετο νῦντα Κολώνης.
Athoniadis vero & ipsius non irrigua Sithonii abscondebantur dorso montis.

inenti abscidit - - - Oppidum in cacumine fuit Acrothon: nunc sunt Vranopolis, Palæorium, Thyssus, Cleonæ, Apollonia, cuius incolæ Macrobiani cognominantur. Successisse hanc Apolloniam in locum euerſi Acrothoi, ex Melæ lib. II cap. II extremo liquet. In summo, inquit, fuit oppidum Acrothon, in quo, ut ferunt, dimidio longior, quam in aliis terris, ætas habitantium erat. Thucydides lib. IV. pag. 124 de oppidis ad Athon: πόλεις ἔχει Σάνην μὲν, Ἀνδρίαν ἀπαικίαν παρ' αὐτὴν τὴν διώρυχα, - - καὶ ἄλλας, Θύσσαν, καὶ Κλεωνάας, καὶ Ἀκροθώας, καὶ Ὀλόφυξον, καὶ Δίον, vrbes habet Sanam Andriorum coloniam, iuxta ipsam fossam: ἔς alias, Thyssum, ἔς Cleonas, ἔς Acrotheos, ἔς Olophyxum, ἔς Dion. Interiora Chalcidicæ sunt pauciora nobis nota, Augæa Ptolemæi, & Moryllus eiusdem. De Chalcide supra dictum est ex Aristotelis Mirandis. Inde nomen regioni Chalcidicæ, quam ab occasu flumen Chabrium Ptolemæi præfluit, quod in Thermæum sinum effunditur.

LXXV.

Supra Chalcidicen sunt etiam lacus quidam in mare exeuntes, Bolbe Thucydidis lib. IV pag. 320, cui is Bromiscum & Aulonem adponit: & Cercinitis palus Arriani lib. I Exped. Alex. pag. 31, per quam Alexander, in Asiam moturus, Amphipolim versus & ad Strymonis ostia classem egit. Pomponius Mela inter Strymona & Athon montem ponit lib. II cap. II Κάπρι λιμένα, Capri portum, & Τύρριν Calarniam, loca aliunde vix unquam intellecta. Sunt præterea etiam a Liuiο quædam memorata, quæ certo loco adsignari nequeunt.

S E C T I O III.

MACEDONIA ADIECTA.

LXXVI.

Strymon * fluuius olim limes inter Macedoniam erat & Thraciam. Scylax: Μετὰ Μακεδονίαν Στρυμὼν ποταμός. ἔτος ὁρίζει Μακεδονίαν καὶ Θράκην, Post Macedoniam Strymon fluuius est: hic Macedoniam & Thraciam determinat. Et Plinius IV cap. X Amphipolis liberum [oppidum,] gens Bisaltæ. Dein Macedonia terminus amnis Strymon, ortus in Hæmo. ** Stephanus: Στρυμὼν ποταμός Ἀμφιπόλεως. οἱ οἰκῶντες Στρυμόνιοι, Strymon fluuius circa Amphipolim: accolæ Strymonii. In sinum exit qui Straboni excerpt. lib. VII dictus est Στρυμονικός, Strymonicus sinus.

LXXVII.

Adiacet clara vrbs Amphipolis, Atheniensium colonia: sed qua ripa, citeriore, vltiore, non omnibus æque certum. Plinius, ut modo percipimus,

* De Strymone vide Epigramm. Græc. libr. IV Anthol. cap. εἰς ποταμὸς pag. 504. Apollodorus autem libr. II cap. 5 §. 10 pag. 116, Strymonem olim nauigabilem, petris impletum ab Hercule, nauium onera non amplius tulisse dicit.

** Aristotel. Meteorol. I cap. 13, ὅς δὲ Στρυμὼν καὶ Νέσος καὶ ὁ Ἑβρός, ἅπαντες τρεῖς ὄντες ἐκ τοῦ Σκόμβου. Strymo, Nestus & Hebrus, omnes tres ex Scombro existunt.

pimus, in Macedonia posuit, cis Strymonem: at Scylax in Thracia trans flumen. Conciliantur ipso nomine urbis, quæ *Amphipolis* ab Atheniensibus vocitata, ut Thucydides lib. I v pag. 320 obseruauit, ἐπ' ἀμφοτέρα περιρρέεντος τῷ Στρυμόνος, διὰ τὸ περιέχειν αὐτὴν, quod utrimque circumfluenti Strymone, a fluuio contineatur. Scissus enim amnis ante ostia, & in medio vtriusque aluei est interposita, a latere, quod mare respicit, præducto τείχεϊ μακρῷ ἐκ ποταμῶ ἐς ποταμὸν, longo muro ab vno alueo ad alterum. Vetus nomen erat, *Εννέα ὁδοί*, *Novem Viæ*, ut Thucydides ibidem, & Herodotus lib. VII cap. CXIV testantur, hic etiam nomine illo, ut tum solo & proprio, adpellat: nouum *Amphipolis* est a colonia Atheniensium. Idem Thucydides lib. I pag. 66 perspicue: οἰκεῖντες τὰς τότε καλεσμένας *Εννέα ὁδοί*, νῦν δὲ *Ἀμφίπολιν*, habitare volentes *Novem vias*, quæ nunc *Amphipolis* sunt. Ciues *Amphipolitani* Liuii XLIV cap. XLV. Prope afuit *Ἡών*, *Eion*, * nauale & emporium *Amphipolitanorum*. Thucydides dicto loco: ὠρμῶντο ἐκ τῆς *Ἡόνος*, ἣν αὐτοὶ ἔχον ἐμπόριον ἐπὶ τῷ σώματι τῷ ποταμῷ ἐπιθαλάσσιον, *Profecti fuerant ex Eione*, quam ipsi *maritimum emporium in ostio fluuii habebant*. Plutarchus Cimone p. 482 *Ἡίονα πόλιν ἐπὶ τῷ Στρυμόνι καμένην ποταμῷ κατέχοντες*, *Eionem oppidum, situm super amne Strymone, tenentes*.

LXXIIX.

Supra *Amphipolim* ad idem flumen erat *Berga*, *Βέργη*, vnde Antiphanes *Bergæus* fuit, scriptor ἀπίστων, *incredibilium*, ut *Heracleota* pag. 27 & *Stephanus* hac voce adnotarunt, a quo prouerbium *βεργαῖζεν ἀντὶ τῷ μηδὲν ἀληθὲς λέγειν*, *Bergaizare*, id est *nihil veri dicere*: quamquam hic male in *Chersoneso*: recte *Ptolemæus* & *Marcianus* ille ad *Strymonem* oppidum posuerunt.

LXXIX.

Supra *Bergam* *Scotusa*, *Ptolemæo*, quam cis *Strymonem* videtur *Plinius* IV cap. X constituisse, *Scotussæos* cum *Heraclea Sintica* coniungens, quos *liberos* esse sub Romanis commemorat. *Ptolemæus* autem scripsit in *Edonide*, cuius populi sunt *Ἡδῶνες* siue *Ἡδῶνοί*, *Edones* siue *Edoni*.** utroque modo scribitur, etiam ab vno *Thucydide*, *Ἡδῶνοί* lib. I pag. 66; *Ἡδῶνες* lib. IV pag. 320. *Herodotus* tantum *Ἡδῶνοί*, lib. V II cap. CX & CXIV. *Plinius* *Edoni* lib. IV cap. XI. His *Ptolemæus* tribuit oppida *Scotusam*, *Bergam*, *Gasorum* (Γάσωρος Græce) *Amphipolim*, *Philippos*, quod de *Amphipoli* seu *Novem viis* *Thucydides* & *Herodotus* confirmant, *Athenienses Edonos*, qui possederant, eiecisse.

LXXX.

Philippi multis nominibus clara urbs, non modo auctore, rege *Philippo*, cui opportunus locus visus est aduersus *Thracas* gerendo bello; verum etiam proelio in campis *Philippicis*, quo *Cassius* & *Brutus* occubuerunt:

* Vid. *Tzetzes* ad *Lycophron*. *Alexandr.* v. 417.

** *Epigramm.* Græc. libr. IV cap. εἰς. εἰκ. ἀρχ. pag. 431, *Χάλκεον Ἡδωνῶν τάγον ἀνέπλασται*. Adde notas *Brodæi*. *Tzetzes* ad *Alexandr.* *Lycophron*. vers. 419, *Ἡδῶνοί καὶ Ἡδῶνες Θρακῶν ἔθνη*. Ἀλλ' οἱ μὲν *Ἡδῶνες* τὴν παραθαλασσίαν οἰκοῦσιν, οἱ δὲ *Ἡδῶνοί* τὴν μεσογίαν. *Edoni* & *Edones* *Thracum gentes*. *Edones* quidem *maritimam*, *Edoni* vero *interiora inhabitant*.

runt: & diuina epistola πρὸς φιλιππησίς ad *Philippenses*. Situm Appianus descripsit Ciuil. iv occasione prælii: * distantiam ab aliis, Antoninus itinere a Dyrrachio Byzantium; quæ talis est:

<i>Amphipoli</i>		
<i>Philippos</i>	M. P.	XXXIII
<i>Neapolim</i>	M. P.	XII
<i>Acontisma</i>	M. P.	VIII
<i>Topirim</i>	M. P.	XVII

Eadem fere Hierosolymitano itinere distantia seruatur. Coloniam *Philippos* Romani deduxerunt. Sanctus scriptor Act. xvi, 12 *Venimus εἰς φιλιππες, ἥτις ἐστὶ πρώτη τῆς μερίδος τῆς μακεδονίας πόλις, κολώνα*. Plinius iv cap. xi *Intus Philippi colonia*. Nummus Claudii apud Patinum pag. 99 COL. AVG. IVL. PHILIP. & subtus, DIVVS AVG. Et veteri lapide apud Spon. Misc. erud. Antiq. p. 173 COL. IVL. PHILIPPENSIS.

LXXXI.

Inter Philippos & Amphipolim Itinerarium habet *Domeros*: Ptolemæus eodem tractu, sed boream versus, *Gasorum*, quæ videtur Stephani Γάζωρος, *Gazorus* esse: nisi hanc per Ἀζωρος, *Azorus*, quia Macedonia vr-
bem vocat, malis cum Berkelio interpretari.

LXXXII.

Inter Strymona & Nestum Plinius & Ptolemæus in ora *Oesima* & *Neapolim*: adduntur Itinerario *Acontisma* & *Topiris*. Sic etiam Plinius alterius hoc ordine mentionem fecit: *Scotussa, Topiris, Nesti annis ostium*. De oppido *Neapoli* Dio Cassius lib. XLVII p. 348, quod sit πρὸς τῇ θαλάσσει κατ' ἀντιπέρας Θάσου, ad mare aduersus *Thasum* insulam. Sed laxè hoc intelligendum est, quia non ultra xi i millia passuum a Philippis abest, quod nondum completur illud spatium, quod e regione est *Thasi* insulæ. Apostolorum actis cap. xvi, 12 ἀπὸ τῆς τρωάδος εὐδυδρομήσαμεν εἰς Σαμοθράκην, τῇ δὲ ἐπίσση εἰς Νεάπολιν, ἐκῆθεν τε εἰς φιλιππες. id est: a *Troade* profecti sumus in *Samothracen*, sequenti die *Neapolin*, inde *Philippos*.

LXXXIII.

In Edonis etiam *Drabescus* fuit, ideo Δράβησκος Ἡδωνικῇ, *Drabescus Edonica* dicta Thucydidi lib. i pag. 66. Fuit χωρίον, secundum Stephanum, id est locus vel campus, non oppidum, quod etiam non obscure ex Thucydidis verbis coniicitur: προελθόντες, inquit, τῆς Θράκης εἰς μεσόγειαν, διεφθάρησαν ἐν Δραβήσκῳ τῇ Ἡδωνικῇ ὑπὸ τῶν Θρακῶν, *Progressi in mediterranea Thraciæ, ab ipsis Thracibus in Drabesco interfecti sunt*. Quæ repetuntur

PPP PP

lib.

* Etiam Dio lib. XLVII pag. 397, *Urbs Philippi autem Pangæo & Symbolo adiacet*. Symbolum enim locum illum vocant, in quo mons ille alteri cuidam in interiora procedenti coniungitur, quique inter *Neapolin* & *Philippos* intercedit. Illa enim ad mare accedit obiecta *Thaso*: *Philippi* autem intra montes in campo siti sunt. Quum igitur *Saxa* & *Nerbarus* compendiarium eius aditum ante occupassent: *Brutus* & *Cassius* istac ne transire quidem tentarunt, sed alterum quendam longiorem ad *Crenidas* circumacti etiam ibi quidem præsidium inxenerunt, sed, illo vi disiecto, montes intrarunt & ad urbem per loca edita perducti castra sunt metati. De *Philippi* memorabilia quædam habet Theophrast. caus. Plant. V cap. 20.

lib. iv pag. 320. Fuit ἐκ τῆς δύσεως, ab occasu Philipporum, ad Strymonem versus, vt Appianus lib. iv Ciuil. p. 1041 obseruauit in illius vrbis & ad eam commissi proelii descriptione.

LXXXIV.

Supra Edonidem in Ptolemæi tabula est *Odomantice*, regio, etiam Livio lib. XLV cap. iv memorata. *Paullus*, inquit, *Aemilius consul* quum castra ad Siras terræ *Odomantice* haberet. Gens, ὀδομαντοί, *Odomanti*, apud Thucydidem lib. ii pag. 171. Distincti ergo ab Edonis sunt, quod etiam ex Herodoti lib. vii cap. cxii seq. patet, vbi ab Odomantis in Edonos iter factum traditur. Male ergo in Ptolemæi lib. iii pro eadem regione *Odomantice* & *Edonis* sunt propositæ, quod ex confusione videtur ortum.

LXXXV.

Macedoniam adiectam hunc tractum inter Strymonem & Nestum nominamus, quia quondam fuit Thraciæ, quam Strymon a Macedonia disteminabat. Rex Philippus autem quum suam fecisset, Macedoniae regno contribuit, in quo & censa fuit postmodum. Aristoteles seu quisquis auctor de Mirandis p. 718 περὶ φιλιππῶνος τῆς Μακεδονίας. Et Act. xvi, 12 eadem vrbs Philippi dicitur πρώτη τῆς μερίδος τῆς Μακεδονίας πόλις. Notanter μερίδος, id est partis illius trans Strymonem adiectæ ad veterem Macedoniam; non totius, quæ tum erat, prouinciæ Romanorum *Macedonicæ*.

LXXXVI.

Nouus terminus amnis *Nestus* sic scribitur ab Herodoto, Scylace, Plinio, Mela: * a Liuiio *Nessus*: ** a Ptolemæo νέσος. Salmasius in Solinum auctor est in MSS eiusdem Solini & Plinii & Marciani legi *Messus*. & Holstenius in Ortel. nummum Caracallæ profert, quo Vlpia Nicopolis dicitur ΠΡΟΣ ΜΕΣΤΟ sita, quæ ad Nestum vel Nessum est.

LXXXVII.

Tandem de *Via Egnatia*, quæ per Macedoniam & Traciam ad Hebrum flumen ferebat, lapidibus strata & milliariis distincta, aliquid dicendum ante est, quam ex Macedonia decedamus. Vt Strabo lib. vii pag. 223 delineauit, geminum caput eius erat, a Dyrrachio & ab Apollonia, prout traiectus diuersus fuit vel Brundisio, qui Dyrrachium tendebat; vel Hydrunte, qui ducebat Aulonem vel Apolloniam. Ad *Clodianas*, quæ xliii m. p. a Dyrrachio; xlix ab Apollonia sunt, conueniebatur; indeque via per Lychnidum Dassaretiorum, per Heracleam Lyncestarum, per Edeffam, Pellam, Thessalonicam, & inde per Apolloniam, Amphipolim, Philippos, Neapolim & reliqua Thraciæ ferebat μέχρι Κυψέλης καὶ Ἐβρου ποταμῶν, ad *Cypselum* usque & *Hebrum fluium*. Hæc eadem est illa via, quam Antoninus, seu quisquis auctor itinerarii est, aliquot itineribus sequutus ad Constantinopolim vsque profequitur, quia pars, quam Strabo per

* Etiam ab Aristotele sic nominatur Meteorol. I c. 13. qui e Scombro eum oriri dicitur.

** Et Theophrasto hist. Plantar. III c. 2. Καθ' ὅπερ ὁ Νέσος ἐν τῇ Ἀβδηρίτιδι πολλάκις μεταβαίνει. Vti *Nessus* in agro *Abderensi* saepe locum mutat.

per Macedoniam ad Theſſalonicam deduxit, non differt ab Antoniniana, veroque plane eſt ſimile, neque in ceteris Antonini iter ab Egnatia via declinaſſe. De auctore nihil conſtat: neque nominis apud alium, quod ſciam, occurrit mentio. Romanum haud dubie opus fuit, Romano more, vt viæ per Italiam, munitum, diſtinctum milliariis, & longiſſime per 10 xxxv paſſuum millia ad Hebrum vsque productum.

S E C T I O I V.

T H E S S A L I A,

Cuius partes PHTHIOTIS, ESTIAEOTIS, THESSALIO-
TIS, PELASGIOTIS, MAGNESIA.

LXXXVIII.

Thessalia, * nunc vniuerſam regionem ſignificat, nunc partem eius, quæ *Thessalia propria*, Straboni Θεσσαλιῶτις, *Thessalio* adpellata. Vniuerſæ limites Strabo lib. ix pag. 296 curatius ceteris definiuit, ab oriente a Thermopylis ad oſtia *Penēi* (Πηνειῶ) fluminis: a meridie, iuga ab Oeta monte ad Pindum protenſa: ab occidente Aetolos, Acarnanes & Amphilo- chios habet: in ſeptentrione limites obſcuriores ſunt: attamen ſi paral- lela ex oſtiis Penei ducatur ſecundum prædicta iuga, videtur etiam borea- liſ terminus designari. Non enim Peneus fluuius eſt limes, qui Macedo- niam a Theſſalia ſecludat, quamuis oſtio limitem conſtituit: ſed, quod Strabo dicto loco dixit, ὁ Πηνειὸς διὰ μέσης ῥέων, *Peneus per mediam fluit Theſſaliam*. Pomponius lib. ii cap. iii diuiſit Theſſaliam a Phthiotide: Ptolemæus etiam a Pelasgiotide; ſed hi partem tantummodo, ſive Theſ- ſaliam propriam intelligunt, quæ Θεσσαλιῶτις Strabonis eſt: ipſe vero Stra- bo εἰς τέσσαρα μέρη, in quatuor partes vniuerſam diuiſit, quæ propriis nomi- nibus ſunt ipſius ordine Φθιωτῖς, Εῤιαῶτις, Θετταλιῶτις, Πελασγιῶτις, *Phthio- tis, Estiaeotis, Thessalio*, *Pelasgiotis*: quibus μαγνήτων, *Magnetum* terram ab oriente obiectam, adnumerare velis, habebimus Theſſaliam in partes quinque diſtributam. Singulis partibus ſua oppida adſignare, perdiffici- le videtur: tentabimus tamen, quantum fieri poteſt, initium facientes ab occaſu ſolis, vt moris eſt geographis, hoc eſt ab *Estiaeotide*.

LXXXIX.

ESTIAEOTIS, Εῤιαῶτις, Herodoto lib. i cap. lvi ἸϿιαῶτις, eſt pri- ma & occidentalis regio Straboni & Ptolemæo: non autem Herodoto, cui eſt ὑπὸ τὴν Ὀσσην καὶ τὸν Οὐλυμπόν χάρη, *ſub Oſſa & Olympo regio*, qui montes in orientali parte Theſſaliæ ſunt: quod ita etiam Dionyſius Ha- licarnaffenſis tranſcripſit lib. i pag. 14. Ipſe autem Herodotus ibidem fa- tetur, Pelasgos, qui Theſſali ſunt, ἔθνος πρὸς πλάνητον κάρτα, *valde vagabun- dam gentem* alias atque alias ſedes ſucceſſu temporum occupauiffe, quo factum videtur, vt etiam regionum nomina cum gentibus transponeren-

Ppp pp 2

tur.

* Ab Euripide inter opulentiffimas & beatiffimas regiones numeratur in Troad. v. 214. ſeqq. Theſſalia olim *Aeolia* fuit adpellata. Diodor. IV pag. 269.

tur. Certum enim est, Thessaliæ partem, ad occasum solis sitam, postea *Estiæotidem* esse adpellatam, quia Strabo Estiæotis τὰ ἐσπέρια, occidentalia Thessaliæ tribuit: Ptolemæus inter primæ oppida Εσιωτῶν, *Estiotarum*, (sic scripsit) numerat *Phæstum* & *Gomphos*. de Gomphis autem Cæsar lib. III Civ. cap. LXXX *Gomphos* peruenit; quod est oppidum primum Thessaliæ venientibus ab Epiro.

XC.

Primum ergo oppidum *Gomphi* in Estiæotide, quod ait altissimis mœnibus fuisse. Liuius lib. XXXI cap. XLI *Ex Perræbia Gomphos petendi Aminander auctor erat*. Et lib. XXXII cap. XLV *Hæc deditio Gomphorum ingentem terrorem Thessalis intulit*. Incolas Cæsar ibidem *Gomphenses* dixit.

XCI.

Cum Gomphis Ptolemæus coniungit *Phæstum*, quæ φαῦςτος, *Phæstus* recto casu est. Liuius lib. XXXVI cap. XIII *Bæbius Phacium est adgressus. quo primo prope impetu capto, Phæstum eadem celeritate capit*.

XCII.

In quo tractu etiam fuit *Phaleria* Liuii lib. XXXII cap. XV. *Primam, inquit, urbium Thessaliæ Phaleriam est adgressus. duo millia Macedonum in præsidio habebat*. Idem lib. XXXVI cap. XIII *Tricca, Melibæa, Phaloria, quarta vocali: quam scripturam Stephanus tueretur, cui φαλώρη & φαλωρία πόλις Θεσσαλίας, Phalore siue Phaloria vrbs Thessaliæ est*. Iterum Liuius lib. XXXIX cap. XXV *Tricca, Phaloria & Eurymene & cetera circa eas oppida*. Vrbs *Tricca* etiam memorata est Plinio & Ptolemæo: * cuius situm quodammodo Strabo ostendit lib. IX pag. 301 ὁ Πηνειὸς ἀρχεται ἐκ Πίνδου. ἐν ἀριστερᾷ δ' ἀφ' οὗ Τρίκην τε καὶ Πελλινῶνα, *Peneus oritur ex Pindo & ad læuam relinquit Triccam & Pellinæum*.

XCIII.

Cæsar a Gomphis expugnatis proxime *Metropolim* venit, quod Ptolemæo est vltimum oppidum Estiotarum. In ortum ergo a Gomphis fitum fuit, quod etiam iter Cæsaris euincit. Liuius lib. XXXII cap. XIII *Transgressi inde in Thessaliam, Cymenes & Angeas primo impetu potiti sunt. a Metropoli, dum vastant agros, concursu oppidanorum ad tuenda mœnia facto, repulsi sunt*. Et cap. XV *Capta Phaleria legati a Metropoli & a Piera, dedentes vrbes, venerunt*. Et lib. XXXVI cap. X de rege Antiocho: *Cranonem profectus cum toto exercitu primo aduentu cepit: inde Cypæram & Metropolim, & iis circumiecta castella recepit*. Oppidanos Cæsar *Metropolitæ* dixit.

XCIV.

Ante Metropolim Ptolemæus χυρετίας posuit, *Chyretias*: quæ haud dubie sunt *Cyretie* Liuii in Perræborum finibus atque ita austrum versus, sitæ. Lib. XXXI cap. XLI *Aetoli in Perræbiam ire pergunt. Cyretias ibi capiunt, fœdeque diripiunt*. Et lib. XLII cap. LIV post *Cyretiarum* deditio- nem: *Mylæ proximum oppidum, ita munitum, ut inexsuperabilis munimenti spes*

* Et Athenæo VI pag. 256 c.

spes incolas ferociores faceret. Sed de situ nihil certum est, nisi quod *proximum* Cyretiis dixit Liuius. Vtrumque forte oppidum ad fines Perrhæborum pertinet.

XCV.

Alia Estiæotidis oppida Ptolemæo sunt *Atinium* & *Ctemenæ*, quorum nihil notior situs est, nisi ex Ptolemæi numeris, qui sæpe fallaces sunt, tueamur. Strabo addit *Ithomen*, Ἰθάμην, quam ait Metropoli vicinam esse lib. i x pag. 301, τῆς Μητροπολιτῶν ἐστὶ χώρας ἡ Ἰθάμη. Homerus quoque meminit Catalogo vrbium vers. 236.

Οἱ δ' εἶχον Τρίκκην, καὶ Ἰθάμην κλωμακόεσσαν,
Qui habitabant Triccam, & Ithomen cliuosam.

XCVI.

Et *Pelinna* siue *Pelinnæum* Strabonis, aut *Pellinæum* Liuii lib. xxxvi cap. x & xiii, eius loci fuit, quod Strabo dicto loco cum *Tricca* coniunxerat. *Fanum* sub altero audiri Scylax auctor est in Thessalia, ἱερὸν Πελληναίων scribens, siue, vt Vossius emendat, Πεληναίων: aut littera simplici, quia in nummo veteri, ab illustri Spanhemio p. 902 laudato, est ΠΕΛΙΝΑΙΕΩΝ. Oppidi nomen *Pelinna* siue *Pelina*. Stephanus: Πέλινα, πόλις Θεσσαλίας ἐν τῇ Φθιώτιδι. Κέκληται ἀπὸ Πελινῆ τῆς Οἰχαλιέως, *Pelinna* vrbs Thessaliæ in Phthiotide. Vocatur sic a *Pelino*, *Oechalici* filio. Qui quod conditoris nomen simplici littera scripsit, pronum ad fidem est, & oppidi nomen ita scriptum antiquitus fuisse. Quod vero in *Phthiotide* ponit, in eo dissentimus, quia Strabo, vt supra in *Tricca* diximus, ait *Peneum* amnem eumque recentem a sinistra & *Triccam* & *Pelinnæum* fanum relinquere: quæ prope *Triccam* fuisse arguunt. Huius partis forte *Limnæa* Liuii fuit, lib. xxxvi cap. xiii & xiv, Ab *Limnæa* *Pellinæum* consul proficiscitur.

XCVII.

Etiam *Aeginium* Strabonis: * adiiciendum est, quod dicit Τυμφαίων ὄρεον, vicinum *Tymphæis* esse, siue *Stymphæis*, de quibus supra actum est. Plinius autem lib. iv cap. x In regione, quæ *Pieria* adpellatur a nemore, *Aeginium*. Aut duo ergo *Aeginia* fuerunt; nec vero Stephanus nisi vnum Strabonis nouit: aut alteruter a loco aberrauit. Liuius lib. xxxii cap. xv circa *Phaleriam* & *Gomphos* posuit. Capta, inquit, *Phaleria*, incensa ac direpta est. Inde *Aeginium* petit. quem locum quum vel medico præsidio tutum ac prope inexpugnabilem vidisset, paucis in stationem proximam telis coniectis ad *Gomphorum* regionem agmen vertit: digressusque in campos Thessaliæ; reliqua. Et lib. xxxvi cap. xiii ad ea recipienda oppida, quæ *Athamanes* occupauerant, vno agmine ierunt. Erant autem hæc, *Aeginium*, *Ericinum*, *Gomphi*, *Silana*, *Tricca*, *Melibæa*, *Phaloria*.

XCVIII.

Erat tandem etiam *Pharycadon* oppidum *Estiæotidos*. Strabo lib. i x pag. 301 Ἐστὶ δὲ καὶ Φαρυκάδων ἐν τῇ Ἐστιασίτιδι. Et quia ἔστι δὲ αὐτῶν ὁ Πηνειὸς, *Peneus* per *Estiotas* fluit, relinquit ille a sinistra *Triccam*, *Pelinnæum*, καὶ

* L. VII pag. 504.

Φαρυκαδόνα, *Pharycadonem*. E quibus de situ iudicatur, vltra Pelinnam in orientem fuisse positam. Addit pag. 303 Perræbos partem Estiotidis occupauisse, diuerfos ab iis, qui ὀρεινότερα χωρία πρὸς τῷ Ὀλύμπῳ καὶ τοῖς Τεμπεσι, *montana iuxta Olympum & Tempe* infederint. In diuersa enim a Lapithis pulsos abiisse, τὰς πλείους *plerosque* in montana περὶ Πίνδον, καὶ Ἀθαμᾶνας καὶ Δόλοπας, *ad Pindum, Athamanes & Dolopes*.

XCIX.

Media pars est in Thessalis *THESSALIA PROPRIA*, Strabonis Θεσσαλιῶτις, *Thessaliotis*, multis simpliciter *Thessalia* dicta, quemadmodum etiam Mela *Thessaliam* adpellat, & a Phthiotide distinguit.

C.

A Ptolemæo in hac parte scribuntur *Hypata, Sosthenis, Homila, Cypæra, Phalachthia*. Prima illarum *Hypata*, Ptolemæi ὑπάτα, aliquando sub Aetolis, quum illi potentes essent, censa fuit. Polybius Legat. xiii τῷ Λευκίῳ συνελθόντος εἰς τὴν ὑπάταν, *Lucio* [Valerio Flacco cum Aetolorum legatis] *veniente Hypatam*, vt in fidem illos reciperet. Liuius lib. xxxvi cap. xxvi *Aetoli concilio Hypatam coacto, legatos ad Antiochum miserunt*. Oppidani *Hypataei* sunt. Liuius lib. xxxvi cap. xiv *A Thaumacis altero die consul ad Sperchium amnem peruenit: inde Hypataeorum agros vastauit*. Prope Sperchium amnem ergo fuit, & quidem ad occasum solis reducta, quia Ptolemæus primam facit ab occidente. Nec ignobile oppidum fuit, sed in quo Aetolorum concilia coacta, & cuius octoginta exsules lib. xli cap. xxv Liuius *illustres homines* cognominat.

CI.

Quæ post Hypatam Ptolemæo est *Sosthenis*, Σωσθενίς, vix aliis est memorata: neque *Homila* celebriores: nobilior forsan Κύπαιρα, *Cypæra* Ptolemæi, de qua etiam Liuius lib. xxxvi cap. x *Antiochus Cranonem profectus cum toto exercitu, primo aduentu cepit. inde Cypæram & Metropolim, & eis circumiecta castella recepit*. Inde *Phalachthia*, φαλαχθία, Ptolemæi, quam ad *Sperchium* amnem locauit. Sic pleraque Ptolemæi in Thessalis ipsius sunt obscura: nec vero dubium & clariora, saltem ex aliorum diuisione habuisse. Adnumeramus huic parti *Phacium* circa *Apidanum* amnem. Stephanus: Φάκιον, πόλις Θεσσαλίας. Θεκυδίδης δ'. *Phacium, oppidulum Thessaliæ: Thucydides* iv libro. Thucydidis verba sunt p. 305, Βρασίδας ἐς Φάρσαλόν τε ἐτέλεσε, καὶ ἐς Ρατοπεδέυσατο ἐπὶ τῷ Ἀπιδανῷ ποταμῷ. ἐκείθεν δὲ ἐς Φάκιον, καὶ ἐξ αὐτοῦ, ἐς Περραιβίαν, *Pharsalum* peruenit, & ad flumen *Apidanum* castra posuit. atque inde in *Phacium*, & inde in *Peræbiam*. Ergo vltra *Apidanum* amnem, qui in Peneum exit, occasum versus situm fuit. Liuius lib. xxxvi cap. xiii *Bæbius Phacium est adgressus: quo primo prope impetu capto, Phæstum eadem celeritate capit. Inde Atracem quum se recepisset, Cyretias hinc & Phricium occupat. Ad Aenianes * vsque, qui in montibus sunt, hæc regio Thessaliæ extensa fuit. inde est quod Stephanus Hypatam πόλιν Αἰνιάνων urbem Aenianum dixit*.

CII.

* Memorat etiam Xenophon de expedit. Cyr. libr. I pag. 246 A.

CII.

PELASGIOTIS, tertia pars Thessaliæ secundum Strabonem, ab antiquissima Pelasgorum gente, Thessaliam quondam cum Aeolibus, & præterea multas alias partes Græciæ tenente, habet nomen. Vide Strabonem lib. v. Ptolemæo *Pelasgiotarum*, Πελασγιωτῶν, & plura sunt oppida, & claria: *Dolicha*, *Azorium*, *Pythium*, *Gonnus*, *Atrax*, *Scotusa*, *Larissa*, *Pheræ*. Olim ad mare vsque patuisse, quæ ora post Magnesiae accesserit, Strabo auctor est lib. ix pag. 300.

CIII.

Inter oppida Ptolemæi *Doliche* & *Azorium* & *Pythium* primo loco sunt, tamquam in parte huius regionis occidentali. Hæc *Tripolis* Liuii, seu *Tripolitidis* regio Strabonis, qui inde Ἀζωρον τῆς Τριπολίτιδος, *Azorum Tripolitidis*, discriminis causa (quia & Pelagoniæ *Azorus* Straboni ibidem est, forte *Afforus* Ptolemæi) distincte cognominavit. Liuius lib. xlii cap. liii Deinde saltu angusto superatis montibus, quos *Cambunios* vocant, descendit ad (*Tripolim* vocant) *Azorum*, *Pythium* & *Dolichen* incolentes. Hæc tria oppida paullisper cunctata, quia obsides *Larissæis* dederant: victa tamen præsentis metu, in deditionem concesserunt. Et lib. xlii cap. ii quam potissimum [viam] peteret, retulit [consul] ad consilium. Aliis per *Pythium* placebat via: aliis per *Cambunios* montes, qua priore anno duxerat *Hostilius* consul: aliis præter *Ascuridem* paludem. Restabat aliquantum viæ communis: itaque in id tempus, quo prope diuortium itinerum castra posaturi erant, deliberatio eius rei differtur. In *Perrhæbiam* inde ducit, & *Azorum* & *Dolichen* statua habuit, ad consulendum rursus quam potissimum capefferet viam. Sed quænam illa *Perrhæbia*? ad *Pindum* montem, an sub *Olympo*, vt supra sedes *Perrhæborum* cum Strabone ex libro ix diuisimus? Ptolemæus hanc *tripolim*, *Azorum*, *Dolichen*, *Pythium* ad citeriora refert, *Epirum* versus, supra *Gomphos*, qui locus *Pindi* *Perrhæbis* est propinquior. At *Plutarchus* in *Æmilio* pag. 263 de *Pythio* ita: Νάφικα ἐξώρμησε τῇ πρὸς θάλασσαν ὁδῷ καὶ κατεστρατοπέδευσε παρὰ τῷ Ἡράκλειον, mare versus intendit iter, & iuxta *Heracleum* castra metatus est: quasi classe vellet castra hostium circumnavigare. Tenebris autem obortis, ἦγε διὰ νυκτὸς τὴν ἐναντίαν ἀπὸ θαλάσσης, καὶ καταλύσας ἀνέπαιε τὴν στρατιὰν ὑπὸ τὸ Πύθειον. ἐν ταῦθα τῷ Ὀλύμπῳ τὸ ὕψος ἀνατείνει πλέον ἢ δέκα σταδίαις, nocte duxit per contrariam a mari viam, & exercitum sub *Pythio* constituit. Ibi *Olympus* mons supra decem stadia adsurgit. Quis vero aliud *Pythium* heic quam Liuii, quam *Tripolitidis* intelligat, præsertim quum & sub *Olympo* aut prope illum, vt Strabo monstravit, *Perrhæbi* sedem habuerint? *Plutarchus* autem in hac historia plus fidei, quam Ptolemæo est habendum. Ceterum Ptolemæus Ἀζώριον scripsit quatuor syllabis; Liuius & Strabo *Azorus*, tribus: item Πύθειον Ptolemæus vocali secunda; *Plutarchus* & *Stephanus*, quos Liuii emendatores sequuti sunt, Πύθειον, tertia.

CIV.

An vero etiam vrbs singularis in illo tractu præter *Tripolitidem* *Perrhæ-*

Perrhæbæorum, nomine *Tripolis* exstiterit, non facillimum est explicare. Stephanus fane aliam *Tripolim* Macedoniae ait esse; aliam Perrhæbiæ, ἐστὶ καὶ ἑτέρα [Τρίπολις] Μακεδονίας, καὶ ἄλλη Περγασίας. Hanc Macedoniae videtur Liuius lib. XLII cap. LV cognominasse. Consul, inquit, quum audiret vagari Macedonas effusos per Thessaliam, vastarique sociorum agros; satis iam refectum militem ad Larissam ducit. Inde quum tria millia ferme abesset a Tripoli [Sceam vocant] super Peneum amnem posuit castra. De Perrhæbia autem extremo hoc libro siue cap. LXVII In Perrhæbiam flexis itineribus, Mallæa primo impetu capta ac direpta, Tripoli, aliaque Perrhæbia recepta, Larissam rediit.

CV.

Proxima Gonnus, siue pluraliter Gonni. Ptolemæus & Strabo Γόννος, Gonnos: & simplici littera Γόνος Lycophron vers. 906. nam eandem esse, epitheton Περγασική, Perrhæbica, confirmat. nam ita etiam Strabo lib. IX pag. 303 Ολοοσσών καὶ ἡ Ἠλώνη, Περγασικαὶ πόλεις, καὶ Γόννος, Oloosson, & Elone sunt Perrhæbicae vrbes: etiam Gonnus. Plurali numero Liuius, qui & situm describit lib. XXXVI cap. X Ap. Claudius [ex Dassaretis] per Macedoniae magnis itineribus in iugum montium, quod super Gonnos est, peruenit. Oppidum Gonni viginti millia ab Larissa abest, in ipsis faucibus saltus, quæ Tempe adpellantur, situm. Alibi & ipse Gonnus, lib. XLII cap. LIV, singulari numero. A Dassaretia autem Larissam tendebat, ut vrbi præsidio esset. Videtur ex Polybii libro XVII haussisse, cuius in excerptis cap. XXIII legitur: προσελθὼν εἰς Γόννας ἐπὶ τὴν εἰσβολὴν τῶν Τεμπῶν, Gonnos peruenit, qui in ipso aditu sunt Templum. Etiam Stephanus Γόννοι πόλις Περγασίας, Gonni oppidum Perrhæbiæ.

CVI.

Propius a Larissa abest Atrax, super Peneum fluuium. Liuius lib. XXXII Inde Atracem est profectus. decem ferme millia ab Larissa abest: ex Perrhæbia oriundi sunt: sita est vrbs super Peneum amnem. Strabo lib. IX pag. 301 de Peneo flumine: φέρεται παρά τε Ἄτρακα καὶ Λάρισσαν præterfluit & Atracem & Larissam. Iterum Liuius lib. XXXVI cap. X Omnia iam regionis eius, præter Atracem & Gyrtonem, in [Antiochi] potestate erant: & cap. XIII Bæbius inde [a Phæsto] Atracem quum se recepisset. Recto casu Atrax. Stephanus: Ἀτραξ, καὶ Ἀτρακία, πόλις Θεσσαλίας τῆς Πελασγιώτιδος μοίρας, Atrax, & Atracia, vrbs Thessaliae in tractu Pelasgiotidos. Et Strabo lib. IX p. 303 ὑπέρκειται αὐτῆς Ἀτραξ, Supra eam [Argilliam] iacet Atrax.

CVII.

Vrbs Scotusa, siue Scotussa bello Macedonico celebrata. Simplici sibilo Σκότσα Ptolemæus, Scylax, & Plutarchus scripserunt: at Polybius, Strabo, & Liuius geminato, Σκότσσα, Scotussa: & eodem nomine vrbs ad Strymonem sitæ nummus habet ΣΚΟΤΟΥΣΣΑΙΩΝ, itidem Σ geminato. De nostra autem Thessalica Polybius lib. VIII cap. XXXIX ποιούμενος τὴν πορείαν εἰς Σκότσσαν, iter Scotussam faciens. Liuius lib. XXVIII cap. V ipse [rex] Scotussam est profectus, eodemque ab Larissa Macedonum copias traduci

duci iussit: & cap. vii Philippus quum ab Demetriade Scotussam, inde de tertia vigilia profectus, trepidos hostes Heracleam compulisset. Et lib. xxxvi cap. xiv Venienti [consuli] Pharsalus, Scotussa, & Pheræ, quæque in eis præsidia Antiochi erant, deduntur. Dum tractus eius oppida Strabo lib. ix sub finem recenset, Λάρισσαν, Σκοτέσσαν, Μόψιον, Ἀτρακὰ, Larissam, Scotussam, Mopsium, Atracem coniungit.

CVIII.

Ad Scotussam locus est *Kynos kephale*, id est Canis capita dictus, vbi Romani T. Quintio Flaminio duce Philippum regem magno prælio vicerunt. Strabo dicto loco Ἐστὶ ἐν τῇ Σκοτέσσει χωρίον τι. Κυνὸς κεφαλῇ καλούμενον, περὶ ὃ Ῥωμαῖοι μετ' Αἰτωλῶν καὶ Τίτος Κείντος ἐνίκαν μάχῃ μεγάλη φιλίππον τὸν Δημητρίδην, Μακεδόνων βασιλέα. Liuius de eodem prælio lib. xxxiii cap. vii *Supergressi tumulos, qui Cynos cephalæ vocantur*, [Macedones] *posuerunt castra*. Et Plutarchus in Flamin. p. 372 ἐμάχοντο περὶ τὰς καλούμενας Κυνὸς κεφαλῆς, αἱ λόφων ἔσται πυκνῶν καὶ παραλλήλων ἀκραι λεπταί, δι' ὁμοιότητα τῆς κήματος ἔως ὠνομάσθησαν, *Pugnatum est circa Cynos cephalas, quas vocant, quæ sunt frequentium aequaliumque inter se collium vertices tenues*, & a figuræ similitudine ita adpellantur. Ipse ibidem Plutarchus, & in Aem. Paulo p. 258 dicit id prælium commissum περὶ Σκοτέσσαν, ad Scotussam, quod prope ab vrbe istos colles fuisse argumento est.

CIX.

Ad Larissam, nobilissimam huius partis urbium iam venimus. Sita ad Peneum amnem x millibus infra Atracem, vt ex Liuiio & Strabone supra demonstratum est. Liuius lib. xxxi cap. xlvi *illam in Thessalia nobilem urbem vocat*: Solinus cap. viii de Thessalia in egregiis oppidis *Larissam Thessalam* numerat. Cæsar iii Civ. cap. xcvi Pompeius protinus equo citato *Larissam contendit*. Lucanus lib. vi vers. 355

Atque olim Larissa * potens. - - -

Gentile Græcum *Larissæus*. Cæsar ibi cap. lxxxi *Nulla Thessaliæ fuit ciuitas præter Larissæos, qui magnis exercitibus Scipionis tenebantur, quin Cæsari pareret*. Et nummi veteres apud Golzium, item Palatini, Medicei, alique ΛΑΡΙΣΑΙΩΝ, vno Σ, constanter. Adi illustr. Spanhem. p. 906. quamquam etiam duplici Σ percussos Harduinus referat. Liuius lib. xxxi *Larissenses*, forma Latina.

CX.

Pheræ ** quoque a Ptolemæo Pelasgiotarum regioni adscribuntur. Liuius lib. xxxiii cap. vi *Circa Larissam erat rex, qui certior iam factus, Romanum ab Thebis Pheras mouisse, defungi quam primum certamine cupiens, ducere ad hostem pergit, & quatuor millia fere a Pheris posuit castra*. Eadem Polybius in Excerptis libri xvii cap. xv sic tandem narrationem claudens,

Qq q q

* Alia memorabilia Larissæ, quæ exhausta aqua stagnante contigerunt, narrat Theophrastus de caus. Plantar. V cap. 20.

** A Pherete conditæ. Apollodor. I cap. 9 §. 14. Φέρης δὲ ὁ Κρητέως Φέρης ἐν Θεσσαλίᾳ κτίσας, ἐγέννησεν Ἀδμήτῳ καὶ Λυκῆργον. Pheres autem Crethei filius, qui Pheras urbem Thessaliæ extruxit, Admetum genuit & Lycurgum.

dens, προῆγε ποιέμενος τὴν πορείαν ὡς ἐπὶ τὰς φεράς, id est, *Pheras versus* [exercitum] *duxit*. Cicero lib. i de Diuinat. cap. xxv de Eudemo, Aristotelis amico, iter in Macedoniam venientem *Pheras* venisse; quæ erat urbs in *Theffalia* tum admodum nobilis, ab *Alexandro* autem tyranno crudeli dominatu tenebatur. Hic est ille ab Nepote in Pelopida cap. v memoratus tyrannus *Alexander Pheræus*: nam ita gentile etiam in nummis formatum videmus, ΦΕΡΑΙΩΝ. Stephanus: Φερά, πόλις Θεσσαλίας ὁ πολίτης Φεραῖος. Prope aberant a mari, vtpote xc stadiis a *Pagasis*, nauali suo. Strabo ix pag. 200 Φερά, μὲν ἐν εἰσὶ πέρασ τῶν Πελασγικῶν πεδίων πρὸς τὴν Μαγνησίαν, ἐπὶ νειὸν δὲ τῶν Φεράων, Παγασαί, διέχον ἐννεήκοντα σταδία αὐτῶν, *Pheræ sunt finis Pelasgiotidis aduersus Magnesium*: nauale autem *Pherarum Pagasæ*, distans ab illis stadia nonaginta.

CXI.

Hæc a Ptolemæo Pelasgis tributa oppida: quibus non nulla, nec illa ignobilia, sed in historiis laudata, adiungemus. *Cranon* ex illis est, memoratum Plinio in *Theffalia* cum Campis Pharsalicis; & Stephano, ex quo Strabo in excerptis libri vii est corrigendus. Κράνων, inquit, πόλις τῆς Θεσσαλίας τῆς Πελασγιώτιδος ἐν τοῖς Τέμπεσι, ὡς Ἑκαταῖος Ευρώπῃ. - - ἀπέχει δὲ σταδία ἑκατὸν τῆς Γυρτῶνος ἢ Κράνων πόλις, ὡς Φησι Στράβων. *Cranon*, urbs *Theffaliæ Pelasgiotidis*, in locis quæ *Tempe* adpellantur, sita, auctore *Hecataeo* in *Europa*. Distat urbs *Cranon* centum stadiis a *Gyrtone*, ut Strabo perhibet. *Liuius* lib. xxxvi cap. x Intra decimum diem, quam *Pheras* venerat, his perfectis, *Cranonem* profectus [rex *Antiochus*] cum toto exercitu, primo adventu cepit. Inde *Cypæram* & *Metropolim* recepit. Hinc illa ἐν Κράνωνι παράταξις, ut *Plutarchus* *Phocione* p. 753; siue, ut idem *Demosthenes* pag. 859 vocat, ἡ περὶ Κράωννα μάχη, *Cranonia* pugna, qua victi Græci ab *Antipatro* sunt & *Cratero*, nominatur. Gentile *Cranonius*. *Liuius* lib. xlii cap. lxiv *Romani* ad *Cranonium* intactum agrum castra mouent, quo loco libri gemino N scriptum exhibent; * etiam mox: via quæ inter *Sycuriam* & *Crannonam* est: & cap. lxxv demessis *Crannonis* segetibus. At *Plinius*, *Plutarchus*, *Stephanus* littera simplici scripserunt: & si libris fides, ipse *Liuius* priore loco.

CXII.

Deinde *Elatia* siue *Elatea* (ἐλάτεια) est prope *Gonnum* & fauces, quibus *Tempe* adeuntur. *Liuius* lib. xlii cap. liv *Elatiam* & *Gonnum*, percussis inopinato aduentu oppidanis, [Perses] recepit. Vtraque oppida in faucibus sunt, qua *Tempe* adeuntur; magis *Gonnum*. Sic legendum *Sigonius* probauit, adprobauit *Gronouius*. *Stephanus* enim in ἐλάτεια, quum *Phocidis* magnam descripsisset, addidit: ἐστὶ καὶ Θεσσαλίας, est quoque in *Theffalia* huius nominis oppidum. Plura de illa non constant.

CXIII.

Gyrton autem, paullo ante ex *Strabone* & *Stephano* notata, etiam huius tractus fuit, quia ab *Cranone* centum stadiis abesse dicebatur. *Strabo*

* *Aelian. de animal. VIII c. 20* Ἐν Κράωννι τῆς Θεσσαλίας.

bo lib. ix extremo ex Hieronymo: ἐναγτὸν νῦν καλούμενον Πελασγικὸν πεδῖον ἐν Λαρίσση, καὶ Γυρτώνῃ, καὶ Φεραῖ, qui nunc vocatur Pelasgicus campus, Larissam habet, Gyrtonem & Pheras. Et antepaullo pag. 304 περὶ τὸν Πενειὸν καὶ τὸ Πήλιον οἰκᾷσι καὶ οἱ τὴν Γύρτωνα ἔχοντες, circa amnem Peneum & Pelium montem colunt etiam Gyrtonii. Liuius xxxvi cap. x Omnia iam regionis eius, præter Atracem & Gyrtonem, in potestate erant. Et lib. xlii cap. liv profectus ad Phalannam castra mouit: inde postero die Gyrtonem peruenit. Adde Stephanum, qui Thessaliæ & Perrhæbiæ, id est ei parti Thessaliæ, quæ Perrhæbo habebat, attribuit. Ibidem etiam Phalanna fuit. Idem: Φάλασσα, πόλις Περρῆαςβίας. Memoratur etiam in Lycophronis Cassandra vers. 906. Ceterum ex eodem Strabonis loco notamus, quia ἀναμιξ, promiscue ibi Perrhæbi & Lapithæ habitarent, Πελασγιῶτας ἅπαντας, omnes Pelasgiotas adpellatos esse.

CXIV.

PHTHIOTIS, Φθιώτις, Thessaliæ pars in austrum deurgens, & mare contingens ab ortu. Strabo ix p. 296 ἔχει ἡ μὲν Φθιώτις τὰ νότια τὰ παρὰ τὴν Οἶτην, ἀπὸ τῆς Μαλιακῆς κόλπου καὶ Πυλιακῆς μέχρι τῆς Δολοπίας καὶ τῆς Πίνδου διατείνοντα, πλατυνόμενα δὲ μέχρι Φαρσαλίας καὶ τῶν πεδίων τῶν Θετταλικῶν, Phthiotis austrina habet iuxta Oetam, a Maliaco sinu & Pyliaco usque ad Dolopiam & Pindum pertinentia, dilatata autem usque Pharsalium & campos Thessalicos. Nomen habet a Phthia, * quam Plinius lib. iv cap. vii extremo in celebribus oppidis numerauit. Et talem fuisse Phthiam, Achillis patriam, Virgilius lib. i Aeneid. vers. 284, in Græcia claris vrbibus ponens, ostendit:

- - - Veniet lustris labentibus ætas,
Quum domus Assaraci Phthiam clarasque Mycenæ
Seruitio premet, ac victis dominabitur Argis.

Procopius de Aedificiis lib. iv cap. iii cum Larissæ & Peneo memorauit, sed tamquam olim deletæ: τῆς Φθίας ἐνταῦθα ἔκετι ἔσται, Phthia ibi iam non exstante. Oppidani Phthii. Horatius lib. iv oda vi Phthius Achilles. Hæc de Phthia, vnde nomen Phthiodis.

CXV.

Ptolemæus in mediterraneis primum ponit Narthacium, quod prope Pharsalum fuisse, ex Plutarchi Apophthegm. Laconicis patet, quibus de Agesilao traditur: Φαρσαλίων προσκειμένων καὶ κακουργῶν αὐτῷ τὸ σπράτευμα, πεντακοσίους ἰππεῦσι τρεψάμενος αὐτὸς, τρόπαιον ἔστησεν ὑπὸ τῶν Ναρθακίων, Pharsaliis vexantibus exercitum ipsius, in fugam eos vertit quingentis equitibus, & tropæum constituit sub Narthacis.

CXVI.

Altera vrbs Ptolemæi est Coronea, Κορώνεια, alia ab illa nobiliore Bœotia. Strabo lib. ix pag. 298 Phthioticas vrbes recensens: Εριναιὸν πρὸς τῇ-

Qq q q 2

τοῖς,

* Hic Deucalion regnum suum habuit. Apollodorus Bibl. I cap. 7 §. 2, Προμηθέως δὲ παῖς Δευκαλίων ἐγένετο. Οὗτος βασιλεύων τῶν περὶ τὴν Φθίαν τόπων γαμῶ Πύρραν. Prometheus filius Deucalion. Hic regnans in locis Phthia circumiectis uxorem ducit Pyrrham.

τοῖς, Κορώνειαν ὀμώνυμον τῇ Βειωτικῇ, Μελίταιαν, Θαυμακὰς, adhuc [post alias] *Erineum, Coroneam cognominem Bæotica, Meliteam, Thaumacos*. Stephanus in hoc nomine: τρίτη τῆς Φθιώτιδος, *tertia [Coronea] Phthiotidis est*. De situ quod aliunde non constat, credemus Ptolemæo, qui Narthacio in ortum; Lamia, prope Sperchium sitæ, ad septentriones opposuit.

CXVII.

Deinde μελιτάρα est, ut videtur, prave scripta, quia μελίταια Straboni, uti iam vidimus; Plinio lib. iv cap. ix *Melitea* est: Thucydidi lib. iv pag. 305 μελιτία.

CXVIII.

Sequuntur apud Ptolemæum Ερετρία, plurali numero, *Eretrie*, quæ aliis *Eretria* * singulariter est cum *Phthiotidis* cognomine. Liuius lib. xxxiii cap. vi *Romani ad Eretriam Phthiotici agri; Philippus super amnem Onchestum posuit castra*. Polybius excerpt. lib. xvii cap. xvi in eadem historia mancus est, ἐπὶ τὴν προσαγορευομένην Ερετρίαν τῆς Φ., quod nemo non videt, supplendum ex Liuiio esse Φθιώτιδος, *Phthiotidis*, non, ut visum est Latino interpreti, Φεραίας, *Pheræ*. Propinqua Pheris Bæbæis, palus, ab Bæbi oppidulo dicta. Strabo p. 300 ἡ Βοιβηὶς λίμνη πλησιάζει τοῖς Φεραῖς.

CXIX.

Succedit *Lamia*, bello Lamiaco, quod Græci post Alexandri mortem cum Macedonibus gesserunt, nobilior facta. Strabo ix pag. 298 ἀπέχει δὲ Λαμίας ὁ Σπερχεὶος περὶ τριάκοντα σταδίους, *Sperchæus amnis triginta stadiis abest a Lamia*. Et paucis interiectis: *Enumerant oppida Phthioticæ ditionis Achilli subiecta, in iisque Θήβας τὰς Φθιώτιδας, Εχίνον, Λαμίαν, περὶ ἣν ὁ Λαμιακὸς συνέσθη πόλεμος Μακεδόσι καὶ Ἀντιπάτρῳ πρὸς Ἀθηναίους, Thebas Phthiotidas, Echinum, Lamiam, ad quam urbem bellum Lamiacum a Macedonibus ἔς Ἀντιπάτρο ἀδυσσως Ἀθηναίους gestum fuit*. Et Diodorus lib. xvii cap. cxi ἐξ ὧν ὁ Λαμιακὸς πόλεμος κληθεὶς ἔλαβε τὴν ἀρχὴν, *ex quibus [motibus] bellum Lamiacum, quod dicitur, initium cepit*. Ipsum autem bellum lib. xviii cap. ix seq. persequutus est: & cap. xii rationem adpellationis dat, quia victus Antipater κατέφυγεν εἰς πόλιν Λαμίαν, *in urbem Lamiam confugit, quam Athenienses obsederunt*. Liuius de eadem vrbe lib. xxxix cap. xxiii *Antiocho rege bello superato ad Thermopylas, diuisis partibus, quum per eosdem dies consul Acilius Heracleam, Philippus Lamiam oppugnasset; capta Heraclea, quia iussus abscedere a mœnibus Lamia erat, Romanisque oppidum deditum est, ægre eam rem tulerat*.

CXX.

Vltima Ptolemæi extra oram est Ἡράκλεια Φθιώτιδος, *Heraclea Phthiotidis*. Prope sinum Maliacum fuit & Thermopylas. Liuius lib. xxxvi cap. xxii *Sita est Heraclea in radicibus Oetæ montis: ipsa in campo, arcem imminentem loco alto ἔς ὅθεν πρὸς τὴν πόλιν undique præcipiti habet*. - - - quatuor simul locis [consul] adgredi urbem constituit: a flumine Asopo: - - - sinu Maliaco, quæ

* Vid. Demosthen. Phil. III p. 50 C.

quæ aditum haud facilem pars habebat: ab altero amniculo, quem Melana vocant. Et reliqua. Cognominatur etiam *Heraclea Trachinæ*, siue *Trachin*. Cognomen tractui & *Heracleæ* vrbs vetus dedit, *Trachin* * dicta sex stadiis supra locum *Heracleæ*. Strabo ix pag. 295 Διέχει τῆς ἀρχαίας Τραχινὸς περὶ ἑξ σταδίων ἡ Ἡράκλεια, abest *Heraclea* sex fere stadiis a vetere *Trachine*. Ibidem vocat Spartanorum opus: Ἡράκλεια, ἡ Τραχινὴ καλεσμένη πρότερον, Λακεδαιμονίων κτίσμα, *Heraclea*, quæ prius *Trachin* dicta fuit, a *Lacedæmoniis* condita est. Thucydides lib. iii pag. 23; Peloponnesiaco bello coloniam deductam adnotavit: ὑπὸ τὸν χρόνον τῶτον Λακεδαιμόνιοι Ἡράκλειαν τὴν ἐν Τραχινίᾳ, ἀποικίαν καθίσταντο, Sub idem tempus *Lacedæmonii* *Heracleam* in *Trachiniis* coloniam deduxerunt. Eodem libro p. 240 ἦσαν ἐξ Ἡρακλείας τῆς ἐν Τραχίνι πόλεως, τότε νεοκτίσθ' ἔσης, erant ex vrbe *Heraclea Trachinæ*, tum recens condita. Eodem vrbs cognomine *Diodorus* vsus est lib. xiv cap. LXXXIII, οἱ Βοιωτοὶ μετ' Ἀργείων Ἡράκλειαν τὴν ἐν Τραχίνι κατελάβοντο, *Bæotici* cum *Argiis* *Heracleam*, quæ in *Trachine* est, occupabant. Ergo & regionis nomen ἡ Τραχιν, *Trachin*, & oppidi: populum ibidem *Diodorus* dixit τὰς Τραχινίς, *Trachinios*.

CXXI.

Addenda sunt a *Ptolemæo* prætermissa. Strabo lib. ix pag. 298 Phthioticas vrbes recenset, Thebas, Echinum, Lamiam, Erineum, Coroneam, Melitæam, Thaumacos, quibus addit πρόερναν, φάρσαλον, ἐρετρίαν, *Proernam*, *Pharsalum*, *Eretriam*. e quibus intactæ *Ptolemæo* mediterraneæ, *Thaumaci*, *Proerna*, *Pharsalus*. *Thaumaci*, θαύμακοι *Strabonis*, ita describuntur ab *Liui*o lib. xxxii cap. iv, *Thaumaci* a *Pylis* sinuque *Maliaco* per *Lamiam* cuncti, loco alto siti sunt, ipsis faucibus imminentes, quam *Cælen* vocant: *Thessaliæ*que transeunti confragosa loca, implicatasque flexibus vallium vias, ubi ventum ad hanc urbem est, repente velut maris vasti, sic immensa panditur planities, ut subiectos campos terminare oculis haud facile queas. Ab eo miraculo *Thaumaci* adpellati. *Stephanus* autem a *Thaumaco* conditore nomen ducit. Iterum *Liuius* lib. xxxvi cap. xiv Ducere tum porro in sinum *Maliacum* cæpit. Adpropinquante faucibus, super quas siti *Thaumaci* sunt, deserta vrbe iuuentus omnis armata silvas & itinera infedit. Dicitur etiam vrbs eadem *Plinio* iv cap. ix *Thaumacie*, siue *Thaumacia*. Et *Homerus* Catalogo vers. 223

Οἱ δ' ἄρα Μεθώνην καὶ Θαυμακίην ἐνέμοντο,

Qui verò *Methonen* & *Thaumaciam* habitabant.

CXXII.

Apud *Strabonem* dicto loco *Thaumacos* sequebatur πρόερνα, *Proërna*, tamquam vicina & propinqua. *Liuius* iam dicto cap. xiv Venienti [consuli] *Pharsalus*, *Scotussa* & *Pheræ* deduntur. - - - *Proërnā* inde recepit, & quæ circa eam castella sunt. Ducere tum porro in sinum *Maliacum* cæpit. Adpropinquante faucibus, supra quas siti *Thaumaci* sunt, reliqua.

Qq q q 3

Ergo

* *Diodorus* IV pag. 249 & *Apollodor.* II cap. 7 §. 6 & 7 *Herculem* *Trachinem* rediisse narrat, & sæpe ibi versatum esse.

Ergo citra Thaumacos sita Proërna erat, ut qui ab hac sinum Maliacum petebat, Thaumacos præterire necesse haberet. Stephanus *Proarna* scripsit vocali prima. *Πρόαρνα πόλις Μηλιέων, ἑδετέρως, Proarna, urbs Maliensium, neutrum plurale.* Malienfes autem, qui sinum accolunt Maliacum. Sed quia secunda vocali & Strabo & Liuius consentiunt, illorum scriptura utique præferenda in nomine *Proerna* est.

CXXIII.

Pharsalus male quorundam Tabulis ad Estiæotidem reducta est. Strabo enim, ut supra vidimus, in Phthioticis urbibus cum Thaumacis & Proerna exposuit: & Polybius lib. v cap. xcix cum Pheris coniunxit & Larissa, cuius vicinitatem fuga Pompeii monstrauit, qui ex Pharsaliis campis proxime Larissam petiit, nec vero intrauit. Strabo & Liuius ante dictis locis *Φάρσαλος, Pharsalus*: & Lucanus lib. vi vers. 350

Emathis æquorei regnum Pharsalos Achillis.

Et Catullus carm. lxiiv de Nuptiis Pel. & Thet. vers. 37

Pharsalum coeunt, Pharsalia tecta frequentant.

Tacitus Hist. lib. i cap. l *Pharsalum* vocat. * Nec iam, inquit, recentia sævæ pacis exempla, sed repetita bellorum civilium memoria, captam toties suis exercitibus urbem, vastitatem Italiae, direptiones provinciarum, *Pharsaliam, Philippos* & *Perusiam* ac *Mutinam*, nota publicarum cladum nomina, loquebantur. Urbem *Ενιπέως, Enipeus* fluuius præterlabitur. Strabo ix pag. 297 ὁ δ' *Ενιπέως* ἀπὸ τῆς Ἰρυθρᾶς παρὰ *Φάρσαλον* ῥυεῖς, εἰς τὸν *Απιδανὸν* παραβάλλει, ὁ δ' εἰς τὸν *Πηνειὸν*, *Enipeus* ab *Erythra Pharsalum* præterlabens, in *Apidanum*, & hic in *Peneum* influit. Est hic alius *Enipeus* ab illo Macedonico, qui ab *Olympo* monte procurrens prope *Dium* effunditur. De nostro, eiusque receptore, Plinius lib. iv cap. viii *Flumina Thessaliae Apidanus, Phœnix, Enipeus*: - - - & ante cunctos claritate *Peneus*, ortus iuxta *Gomphos*. *Appianus* lib. ii Civil. pag. 778 ait, aciem *Pharsaliam* Pompeii stetisse μεταξύ *Φαρσάλης* τε πόλεως καὶ *Ενιπέως* ποταμοῦ, inter oppidum *Pharsalum* & *Enipeum* fluvium. Quod si est, laxè illud Strabonis *παρὰ, præter*, interpretandum, ut spatium intercesserit aciei capiendæ: nisi *Pharsalum* veterem a noua remoueas longius, ut altera flumini fuerit propinquior, altera reductior ab eodem. Strabo ibidem: *Θετίδιόν* ἐστὶ πλεονάζον τῶν *Φαρσαλῶν* ἀμφοῖν, τῆς δὲ *παλαιᾶς* καὶ τῆς *νέας*, *Thetidis* sacellum utrique *Pharsalo*, & veteri & nouæ, propinquum est. *Eutropius* lib. vi cap. xvi Deinde in *Thessalia* apud *Paleopharsalum* productis utrimque ingentibus copiis, [Cæsar & Pompeius] dimicauerunt. Itidem Strabo lib. xvii pag. 548 *Πομπήϊος* *Μάγνος* ἦκε *Φεύγων* ἐκ *ΠαλαιοΦαρσάλης* πρὸς τὸ *Πηλῶσιον*, *Pompeius Magnus* venit, ex *Paleopharsalo* fugiens, *Pelusium*. Liuius lib. xliiv cap. i *Paleopharsalum* scripsit. Inter hanc ergo & annem *Enipeum*, commissum illud fatale fuit proelium.

CXXIV.

* Ouid. Metamorph. XV, 822

Illius auspiciis obseſſæ mœnia pacem

Victa petent Mutinæ: Pharsalia sentiet illum.

CXXIV.

Hæc de mediterraneis Phthiotarum: maritimis illorum Ptolemæus dat *Pagasas, Demetriadem, Larissam, Ecbinum, Sperchiam, Thebas Phthiotidis*. A septemtrione sic in austrum progressus est: contra Strabo ab austro in boream procedendo addit supra enumeratis, lib. ix p. 300, *Antronem, Ptoleum, Alon*, * ultra quæ promontorium *Pyrrha*, ἐνταῦθα ἡ Φθιώτις πᾶς τελευτᾷ, *ubi finis fere Phthiotidis est*. Ptolemæus autem supra Demetriadem & Pagasas producit, quam partem Magnetibus Strabo attribuit. Superaddenda *Phalara* in sinu Maliaco, post quam ostia *Sperchæi*, in quibus Ptolemæus oram Phthiotidis finiuit. Liuius lib. xxxv cap. xliii *Iam profectus ab Demetriade rex, quia ita decreturos sciebat, Phalaram in sinum Maliacum processerat*. Et lib. xxxvi cap. xxix *rediens Phalara in sinu Maliaco*. Polybius Legation. xiii τὸ Νικάνδρῃ καταπλεύσαντος ἐκ τῆς Ἀσίας εἰς τὰ Φάλαρα τὸ κέλερ Μηλιέως *quum Nicander ex Asia rediret Phalaram in sinu Maliaco*. Et Stephanus: Φάλαρα, πόλις Θετταλίας, πλησίον Λαμίας, *Phalara oppidum Thessaliæ prope Lamiam*. Etiam Plinius lib. iv cap. vii *Phalara* scripsit, qua constantia probatur, mendum in libris Liuianis esse, quibus *Phalera* secunda vocali legitur.

CXXV.

Prope hanc (supra an infra, certum non habeo) ex Ptolemæi dispositione ponendæ *Thebæ* sunt, quas ipse Φθιώτιδος cognominat, id est *Thebas Phthiotidis* regionis: Strabo p. 298 Θήβας τὰς Φθιώτιδας: Polybius Legat. vi Θήβας Φθίας: & Liuius lib. xxxii cap. xxxiii *Thebas Phthias*; & lib. xxviii cap. vii *Thebas Phthioticas*: Plinius lib. iv cap. viii *Thebas Thessaliæ*: atque ita Ptolemæus prope *Sperchii* ostia, seu inter ipsa & *Sperchiam* oppidum locauit, in quo error vel auctoris est, vel describentium. Quis enim dubitat, *Sperchiam* a flumine, cui adiacet, nomen accepisse, quæ vero, ut vulgatum libris Ptolemæi est, retrahitur ab illo, interiectis Thebis? Aliter Strabo, qui Thebas supra Halon, in septemtrione ac prope in fine ponit Phthiotidis, lib. ix pag. 300. Vbi ubi fuerunt in ora Phthiotidis, *emporium unum fuerunt maritimum, quondam quæstuosum Thessalis & frugiferum*, ut ipsi apud Liuium lib. xxxix cap. xxv quæruntur, quum inde negotiationem maritimam rex Demetriadem auerterat. Idem rex, colonia eo deducta, Φιλίππῃ τὴν πόλιν ἀντὶ Θεβῶν κατωνέμασεν, *Philippopolim pro Thebis adpellari iussit*, ut Polybius refert lib. v cap. c.

CXXVI.

Sperchia autem, Σπέρχεια Ptolemæi, haud dubie ad ostium *Sperchii* fluminis fuit, nec dubitatur, quin eadem sit *Sperchios* Plinii lib. iv cap. vii, quamquam ille in Doride locauit. Addit enim post paullo: *Ex his [Thessalis] Phthiotæ nominantur Dorida accolentes*.

CXXVII.

Hæc in Phthiotide προσηχῶν τοῖς Μαλιεῦσι, *contermina Malienfibus*,

ut

* De hac vrbe videatur etiam Demosthenes de falsa legatione pag. 205 A, B. & pag. 220 fin. & pag. 245 B.

vt Strabo vocat lib. ix pag. 298: Liuius autem is tractus, saltem ex parte, est *ager Maliensis*, lib. xlii cap. xl * Huius partis fuit etiam *Phylace*, ἡ φυλάκη Straboni dicto loco, nec vero certum, mari adposita, an non nihil reducta fuerit. Iuxta sunt *Sperchii* ostia siue *Sperchéi*, nam Σπερχεῖος Græcis est: ideoque Latini etiam produxerunt. Ouidius *Metam.* i vers. 579

Populifer Spercheos, & irrequietus Enipeus.

Exit in sinum qui Plinio & Liuii locis antea monstratis est *sinus Maliacus*, ** Græce κόλπος Μαλιεύς, seu Ionice Μηλιεύς, vt modo ex Polybii Legat. xiii ostendebamus, quia Μαλιῆς, *Malienses* accolebant: seu Μαλειῆς, *Malienses*, vt Pausanias Phoc. cap. viii scripsit, quum Thessaliæ contributos ab Augusto fuisse prodidit. Idem sinus a vicina vrbe etiam *Lamiacus* nominatur. Pausanias Attic. cap. iv τῷ κόλπῳ τῷ Λαμιακῷ τέλματος πρὸς τῇς Θερμοπύλαις ὄντος, *Lamiacus sinus ad Thermopylas cœnosus est.*

CXXVIII.

Supra Phalaram ex prædictis Ptolemæi erat Ἐχῖνος, *Echinus*, siue Εχῖνος, producta media, vt Polybii excerptis lib. xvii cap. iiii extr. scriptum exstat. qui coniungit Εχῖνον καὶ Θήβας τὰς Φθίας, *Echinum & Thebas Phthias* siue *Phthioticas*: quæ ita etiam eiusdem Legatione vi pag. iioo componuntur. Liuius lib. xxxii cap. xxxiii principis Aetolorum aduersus Philippum regem oratione: *eadem fraude habere eum Thebas Phthias, Echinum, Larissam, & Pharsalum.* Strabo, ὁ Εχῖνος, cl stadiis supra Phalaram, lib. ix pag. 299.

CXXIX.

Proximam Echino Ptolemæus *Larissam* ponit, sine cognomine, quod alibi adiunctum, quasi maritimam, quamquam paullum recedit a mari. nam Strabo ibidem: τῆς ἐξῆς παραλίας ἐν μεσογαίᾳ ἐστὶν ἡ Κρεμαστὴ Λάρισσα ἑικοσι σταδίς αὐτῆς διέχουσα, *ulteriori litore, intus paullum ad xx stadia a mari, Larissa est, Cremaste* (id est pensilis) *cognominata.* Liuius lib. xxxi cap. xlv i *Larissam, non illam in Thessalia nobilem urbem, sed alteram, quam Cremasten vocant, subito aduentu, præter arcem, [legatus] cepit.* Hanc etiam *Pelasgiam* cognominari, Strabo ibidem auctor est, quod forte condita fuit a Pelasgis, quamuis sita extra Pelasgiotidem.

CXXX.

Sequuntur ἐν τῷ πρὸς Εὐβοίᾳ πόρῳ, *ad fretum Euboicum sita*, Strabonis Ἄντρον, εἴτα Πτέλεον καὶ ὁ Ἄλος, *Antron*, ** deinde *Pteleum, & Halos.* Liuius lib. xlii extremo: *Consul cum exercitus parte profectus in Achaïam Phthiotim; Pteleum desertum fuga oppidanorum diruit a fundamentis: Antrona voluntate colentium recepit.* Cur autem Phthiotis *Achaia* ab Liuiio cognominetur, causam aperuit Strabo pag. 298 Αχαιοὶ ἐκαλεῖντο οἱ Φθιώται πάντες, *Achæi vocabantur Phthiotæ universi.* Aliis *Achaia* hæc est pars Phthiotidos.

* Hic fortasse fuit mons *Malea*, quo a Lapithis eiectus Chiro concessit. Apolloder. Bibliothec. II cap. 5 §. 4 pag. 104, 105.

** Theophrastus de ventis pag. 411 ἐν τῷ Μαλιακῷ κόλπῳ.

** Vrbs a Philippo rege Macedonum emta. Demosthen. Phil. IV pag. 54 A. Olim paruerat *Protesilao*. Ab Antrone ad Thermopylas erat regnum Achillis. Strabo IX pag. 664.

tidos. Tertia vrbs, ὁ Ἄλος ἢ ἡ Ἄλος, (communi enim genere ita Strabo cenfet p. 298) etiam Plinio IV cap. VII extremo *Halos* dicta cum adspiratione. * Addit Strabo ex Artemidoro, *Halon ἐν τῇ παραλίῳ* sita a Pteleo distare *ἑκατὸν καὶ δέκα σταδίους*, CX stadia. Item paullo ante suis verbis: ὁ Φθιώτικὸς Ἄλος ὑπὸ τῷ πέρατι καὶ τῇ ὄθρυος ὄρει πρὸς ἀρκτον κειμένη τῇ Φθιώτιδι, *Halos Phthioticus ad radices montis Otbryis, a septentrione claudens Phthiotim, situs est.*

CXXXI.

Adluitur *Amphryso* siue *Amphryssos*, amne post Sperchēum maxime memorabili in Phthiotis. Strabo IX pag. 298 *ᾠκισεν ὁ Αἰθαμᾶς τὴν Ἄλον. ὑπέγκειται δὲ τῇ Κροκίῳ πεδίῳ. ἔτι δὲ ποταμὸς Ἀμφρυσσος πρὸς τῷ τείχει, Athamas Halon condidit; quæ supra Crocium campum sita est: mænia præterfluit Amphryssus.* Hic est amnis, de quo Virgilius Georg. III ineunte, *Pastor ab Amphryso*: vbi Seruius quoque interpretatur *fluvium Thessaliæ*. Et Callimachus hymno in Apoll. vers. 48

Ἐξ ὅτ' ἐπ' Ἀμφρύσῳ ζευγῆτιδας ἔτρεφεν ἵππους,

Ex quo iuxta Amphrysum iugales pavit equas.

Et Apollonius lib. I vers. 54 - - - ἐπ' Ἀμφρύσσοιο ῥοῇσιν, *iuxta Amphryssi fluentia.* Ovidius Metam. VII vers. 228

Multa quoque Apidani placuerunt gramina ripis,

Multa quoque Amphrysi: neque eras immunis Enipeu;

Nec non Peneæ, nec non Spercheides undæ.

Habes heic Thessaliæ fluuios nobiliores. Et Lucanus VI vers. 566

- - - - - *ferit amne citato*

Maliacæ Sperchiæ aquas: ἔξ ἑὸς flumine puro

Irrigat Amphrysos famulantis pascua Phæbi.

CXXXII.

Phthiotidis etiam fuerunt *Myrmidones*, nobilis gens apud poetas, Achilli & Patroclo subiecti, vt Straboni p. 298 *εἰκὸς, verosimile* videtur.

CXXXIII.

Hæc de Thessalia eiusque quatuor partibus, suis olim regibus subiecta, post Aetolis magna ex parte: dein Macedonibus paruit, quibus Romani ademerunt. Tandem prouinciæ Macedoniae accessit, quemadmodum etiam in Macedonia censuit Ptolemæus. Sunt plura, apud Liuium præsertim, in Thessalia, non modo oppida, quibus certum locum adsignare non possumus; verum etiam *Cambunii montes*, Liv. lib. XLIV cap. II, & *Ascuris lacus*, ibidem, & alia, quæ prætermisimus, maiori otio, aut aliorum industriæ reseruanda.

CXXXIV.

Tandem amœnissimum locum (*Tempe* dixerunt) cui regioni contribuamus, non est manifestum. In Thessalia fuisse, epitheta commonstrant. Liuius lib. XXXIII cap. XXXV *Thessalica Tempe*; Ovidius Me-

Rrrrr

tam.

* Demostheni item orat. ad Philippi epistolam princip.

tam. VII vers. 222 *Thessala Tempe*. Sed in qua regione Thessaliæ? Catullus carm. LXIV vers. 35

- - - *lingunt Phthiotica Tempe*.

Putares in Phthiotide esse. At Peneum, Tempe perluentem, Phthiotæ vix vnquam attigerunt, Othry monte aut similibus seiuncti. Pelasgiotæ vicina loca Gonnum, Cranonem tenuere, at iuxta ostia nihil possederunt. Ipsa ergo *Tempe* definienda prius sunt, quam de gente aut regione illorum iudicetur.

CXXXV.

Plinius lib. IV cap. VIII *Penæus inter Ossa & Olympum nemorosa conualle defluens quingentis stadiis, dimidio eius spatii nauigabilis. In eo cursu Tempe vocantur quinque mill. passuum longitudine, & ferme sesquiugeri latitudine, ultra visum hominis attollentibus se dextera læuaque leniter convexis iugis. Intus sua luce viridante adlabitur Peneus, viridis calculo, amœnus circa ripas gramine, canorus auium concentu. Accessit naturæ fabula, quam Strabo refert, * stagnasse hoc loco Penæum (ἐλιμνάζετο) cohibito exitu altioribus circa mare quæ sunt locis, donec tandem ὑπὸ σεισμῶν ῥήγματος γενομένης (τὰ νῦν καλεόμενα Τέμπε) καὶ τὴν Ὀσσαν ἀπεκρίζοντος ἀπὸ τῆς Ὀλύμπου, διεξέπεσε ταύτῃ πρὸς θάλασσαν ὁ Πηνειὸς, terræ motibus hiatu facto, & abrupto Ossa ab Olympo, inter montes illos Penæus in mare se effuderit. Conuenit in loci situ cum Plinio & Strabone Aelianus Var. Hist. lib. III cap. I ita *Tempe Thessalica* describens: ἔστι χῶρος μνταξὺ κείμενος τῆς τε Ὀλύμπου καὶ τῆς Ὀσσης, - - - & τὸ μὲν μῆκος ἐπὶ τεσσαράκοντα διήκει σταδίαις - - - διαρρῆ δὲ μέσθ' ὁ καλεόμενος Πηνειός. - - διατριβὰς δ' ἔχει ποικίλας καὶ παντοδαπὰς ὁ τόπος ἔτος, & ἀνθρωπίνης χειρὸς ἔργα, ἀλλὰ φύσεως αὐτόματα. Locus est inter Olympum & Ossa montes, longitudine XL stadiorum, quem medium Peneus perfluit: amœnitates habet miras & varias naturæ, non humanæ industriæ opera & oblectamenta. Liuius autem horrorem potius, quam amœnitatem, in illis notauit, videlicet exercitui Romano propter angustos transitus incussum. Sunt, inquit, *Tempe saltus*, etiamsi non bello fiat infestus, transitu difficilis. nam præter angustias per quinque millia, qua exiguum iumento onusio iter est, rupes utrimque ita abscissæ sunt, ut despici vix sine vertigine quadam simul oculorum animique possit. terret & sonitus & altitudo per mediam vallem fluentis Penei amnis. Ex quibus adparet, fuisse *Tempe* Pelasgiotidis regionis, cuius extrema Penæi quondam erant, postea, ut videtur, Magnesiae contributa: atque ita Plinius lib. IV cap. IX *Penei ostium* non in Thessalia ipsa, sed in *Magnesia Thessaliæ adnexa* censerī voluit.*

CXXXVI.

MAGNESIA extra Strabonis τέσσαρα μέρη, quatuor partes Thessaliæ est, & Pelasgiotis μέχρι Μαγνητικῆς παραλίας, usque ad Magnetiam oram pertinet, lib. IX pag. 296, sæpe tamen ipsi Thessaliæ attributa. Plinius IV cap. IX *Thessaliæ adnexa Magnesia est*. Tota fere παραλία, maritima ora est, Perrhæbis mediterranea, quæ adiacent, tenentibus. Scylax in hac gente:

* Et Diodorus Siculus IV pag. 226.

gente: ἔθνος μαγνήτων παρὰ θάλατταν - - - ἐν μεσογείᾳ ἐπικᾶσιν ἔθνος περὶ
ἑσπερίαν. Ἕλληες. *Magnetum gens ad mare habitat: - - - in mediterraneo tra-*
ctu Peribæbi habitant, natio Græca. Ptolemæus Magnetas separatim non
exposuit, sed partem addidit Pelasgiotis: partem inferiorem Phthiotarum
regioni.

CXXXVII.

In limite Phthiotidis ex Strabonis dispositione *Demetrias* est, opus
Demetrii Poliorcetæ, ut ille lib. ix pag. 300 refert, qui vicina oppida in
eam conduxit, *Neliam, Pagasas, Ormenium, Rhizuntem, Sepiadem, Olizonem,*
Bæben, Iolcon, quæ ita exhausta, abductis Demetriadem colonis, fue-
runt, ut Strabo subiunxerit dicto loco: αἱ [πόλεις] νῦν εἰσὶ κῶμαι τῆς Δημη-
τριάδος, hæc oppida nunc sunt pagi Demetriadis. Liuius lib. xxxix cap.
xxiii *Demetriadem quoque, urbem validam & ad omnia opportunam, & Ma-*
gnetum gentem suæ ditionis [rex Philippus] fecit. Sic vero in Magnetum
finibus fuit, ut in Thessalia etiam censeretur. Idem lib. xxvii cap. xxxii
profectus ab Dymis per Achaïam Bæotiamque, & Eubœam, decimis castris *De-*
metriadem in Thessaliam peruenit. Hæc Antiochus, quum in Europam
venisset, adpulerat. Polybius lib. iii cap. vii ἀρχὴ τῆς πολέμου ὁ Ἀντιόχου
κατάπλους εἰς Δημητριάδα, *Initium belli fuit Antiochi adpulsus in Demetria-*
dem. Hæc vrbs diu nauale, & regia quoque aliquando Macedonicorum
regum fuit. Strabo ibidem de Demetriade: καὶ δὴ καὶ ναύσταθμον ἦν τῷ
καὶ βασιλείῳ μέχρι πολλῶ τοῖς βασιλεῦσι τῶν Μακεδόνων.

CXXXVIII.

Septem stadiis supra Demetriadem *Iolcos* * fuit, Strabone auctore, qui
addit: ἡ Ἰωλκὸς κατέτκαπται μὲν ἐν παλαιῷ, *Iolcus olim deleta est.* Plinius
lib. iv cap. ix *Thessaliæ adnexa Magnesia est, cuius fons Libethra: oppida,*
Iolcus, Hormenium, Pyrrha, Methone, Olizon.

CXXXIX.

De fonte *Libethra* Plinii sic Pomponius lib. ii cap. iii *hec Libethra,*
carminum fontes. Propter pluralem distinguit Ortelius ab oppido fon-
tes. nam oppidum, *Libethram* nomine, in Olympo monte, qua is in Ma-
cedoniam vergit, Pausanias Bæot. cap. xxx descripsit. Hinc nymphæ
aut Musæ *Libethrides.* Strabo lib. ix pag. 282 in Helicone ponit, præter
Musarum templum & Hippocrenen, etiam τὸ τῶν Λιβητρίδων νυμφῶν ἀντρον,
Libethridum Musarum antrum. Et Virgilius eclog. vii vers. 21

Nymphæ, noster amor, Libethrides, aut mihi carmen,

Quale meo Codro, concedite. - - -

CXL.

Viginti stadiis ab Iolco sunt *Pagasæ* secundum eundem Strabonem,
nauale quondam Pherarum, a quibus stadia xc distant. Plinius confun-
dit cum Demetriade lib. iv cap. viii. *Oppidum, inquit, Pagasæ, idem po-*

Rrr rr 2

stea

* Patria Iasonis. Apollodor. Bibl. I c. 8 §. 2 & c. 9 §. 26. Iolco tamen eiectus Corinthum
concessit. Apollodor. I c. 9 §. 28. Habuit portum vicinum, sed quem oppidani ex op-
pido cernere non possent. Diodorus IV pag. 245.

stea Demetrias dictum. Sed distinxit Strabo, & Pagasis coloni Demetriadem deducti: & quum illæ antea nauale ac emporium fuissent, omnis negotiatio & naualis res inde Demetriadem translata fuit. Quidam *Pagasarum* nomen ex πῆγνυμι, a naue Argo ibidem *compacta* deriuant: alii ex fontibus eius loci, quia Dorice παγαῖ fontes sunt, ceteris Græcorum πηγαι. Prior ratio gratior poetis est. Propertius lib. i eleg. xx vers. 17.

Namque ferunt olim Pagasæ naualibus Argo

Egressam longe Phasidos isse riam.

Hic ergo singulari numero *Pagasa* dixit, etiam Mela ii cap. iii *Sinus urbem Pagasam amplexus*: ceteri, Strabo, Scylax, Ptolemæus, & Apollonius lib. i vers. 411 παγασαί. * *Pagasæ*, pluraliter: etiam Plinius prædicto viii capite Harduini editione; Frobenii & aliorum *Pagasa*: vt videri possit Latinis singularem; Græcis pluralem in hoc nomine magis placuisse, quos malumus, quam illos, in vrbis Græce vocabulo imitari. Hinc sinus, cui adsitæ, Scylaci & Straboni παγασητικὸς κόλπος: Plinio, *Sinus Pagasicus* dicto loco: Melæ *Pagasæus sinus*: quæ forma etiam aliis est usurpata. Sic Ouidius Epist. Herûs ad Leandr. vers. 175 *Pagasæus Iason*: & Lucanus lib. ii vers. 715 *Pagasæa ratis*, id est Argo.

CXLI.

Prope aberat locus Αφέται, *Aphetæ*, vnde egressi in mare Argonautæ. Strabo post Pagasarum descriptionem: πλησίον δὲ καὶ Αφέται, ὡς ἀν' ἀΦετήριον τιτῶν Ἀργοναυτῶν, *In proximo etiam Aphetæ sunt, quasi emissarium Argonautarum.* Adde Herodotum lib. vii cap. cxci. Et Diodorus Siculus lib. xi cap. xii κατέπλευσεν εἰς Αφέτας τῆς Μαγνησίας, *nauigauit in Aphetas Magnesiæ.* Sic variat in libris accentus, qui Strabonis & Herodoti, in media; Diodori, est in postrema.

CXLII.

Hactenus Strabonis ordinem sequuti sumus: cetera certo loco vix possunt designari: quædam nequaquam possunt. *Methone* in hoc numero est, Græce μεθώνη, quam Thucydides lib. vi pag. 415 μεθώνην τὴν ὁμοίαν Μακεδονία, *Methonen Macedonia finitimam* vocitat. Scylax in Magnesia: Ιωλκός, Μηθώνη, Κορακαί, Σπάλαθρα, Ολίζων, *Iolcus, Methone, Coracæ, Spalatbra, Olizon.* Homerus quoque Catalogo nauium & vrbium vers. 223

οἱ δ' ἄρα Μηθώνην καὶ Θαυμακίην ἐνέμοντο,

Qui vero Methonem & Thaumaciam habitabant.

nam Μηθώνη & Μεθώνη scribitur.

CXLIII.

Olizonem, ολίζωνα, quam heic Scylax memorat, etiam supra in iis oppidis, quorum incolas rex Poliorceta Demetriadem deduxerat, Strabo numerauit. Homerus iam dicto versui subiecit:

καὶ Μελίβοιαν ἔχον καὶ Ολίζωνα τρηχέϊαν.

Et Melibœam tenebant & asperam Olizonem.

Stephanus Thessaliæ dat, sed late sumtæ, vt Magnesiæ comprehendat.

CXLIV.

* Etiam Demosthenes de falsa legation. pag. 221 B.

CXLIV.

Melibææ situm *Liuius* monstrauit lib. XLIV cap. XIII præteruecti, ad *Iolcon* classem adpulerunt: inde agro vastato, *Demetriadem* quoque aggressuri. Inter hæc & consul, ne segnis sederet tantum in agro hostice, *M. Popillium* cum quinque millibus militum ad *Melibæam* urbem oppugnandam mittit. Sita est in radicibus *Offæ* montis, qua parte in *Thessaliam* vergit, opportune imminens super *Demetriadem*. *Strabo* lib. IX extremo ἐν κόλπῳ, ad finem ponit, qui inter *Peneum* & *Offam* est.

CXLV.

Oloosson, Ὀλοσσῶν, *Straboni* περρᾶβικὴ πόλις, urbs *Perrhæbica*; *Stephano* πόλις μαγνησίας, oppidum *Magnesiæ*. nam *Perrhæbi* mediterranea *Magnesiæ* tenebant, vt supra, *Scylacea* auctore, tradebamus. *Homerus* *Catalogo* urbium vers. 246

- - - εἰ ἐνέμοντο

ὄρθην, Ἠλῶν τε, πόλιν τ' Ὀλοσσῶνα λευκὴν, quam *albam*, λευκὴν, cognominat, vt *Strabo* exponit, ἀπὸ τῆς λευκοῦργιλος εἶναι, quod in solo argillæ albæ sit imposita. *Lycophron* versu 906 Ὀλοσσῶνων γῆας, *Oloossonensium* arca contracte dixit.

CXLVI.

Elone quoque *Homeri* etiam *Straboni* nota est, qui illam æque, vt *Oloossonem*, ὑπὸ τῷ Ὀλύμπῳ, sub *Olympo*, prope flumen *Eurotam*, qui *Τιταρήσιος* *Homeri* sit (*Titaresius* *Lucani* lib. VI vers. 376) posuit.

CXLVII.

Sub *Pelio* monte etiam urbs fuit eodem, quo regio, nomine *Magnesiæ*, paucis memorata. *Apollonio* lib. I vers. 584 est metri causa μάγνησα, *Magnesiæ*. *Scholias*tes ibi: μάγνησία: τὴν μαγνησίαν λέγει τὴν κατὰ Θεσσαλίαν. *Magnesiæ*: *Magnesiæ* intelligit *Thessaliæ*. item: μάγνησα δὲ πόλις τῇ χώρᾳ ὁμώνυμος, ἄγαν εὐδὺς καὶ παραθαλάσσιος, *Magnesiæ* urbs eiusdem nominis, quo regio, valde salubris, & maritima. *Pausanias* *Achaicis* cap. VII in tribus urbibus, quas *Philippus* *Demetrii* filius clauis *Græciæ* dixerit, numerat etiam μάγνησίαν τὴν ὑπὸ τὸ Πήλιον, *Magnesiæ* sub *Pelio* sitam: vbi non defunt qui *Demetriadem* interpretantur, quæ eo modo *Magnesiæ* dicta sit, quo *Plinius* *Pagafas* *Demetriadem* dixerit, quia *Demetrias* ex *Magnesiæ*, *Pagafis*, & aliis circumiectis, quod *Strabo* exposuit, fuerit conflata. Illustrior quidem *Demetrias* fuit, & satis opportuna ad *Thessalos* cohibendos; verum longius remota a monte *Peleo*. De *Bæbe* oppido, & *Bæbeide* lacu supra ex *Strabone* diximus, quum *Pherarum* situm in extrema *Pelasgiotide* describeremus. Quod vero ultra limitem, quæ *Pheræ* sunt, videntur ad *Magnesiæ* pertinere, heic quoque de illis aliquid addendum est. *Stephano* quidem βοῖβη πόλις Θεσσαλίας, *Bæbe* oppidum *Thessaliæ* est: & *Plinius* quoque lib. IV cap. VIII in *Thessalia*, citra *Magnesiæ*, lacum censet *Bæbeidem*; qui *Stephano* est βοῖβιαις λίμνη, *Bæbias* lacus; nec vero dubitatio cessat, qua verendum est, ne extra *Pelasgiotidem*, quam *Pheris* finiuit *Strabo*, illud oppidum & lacus cadant. *Homerus* inter *Pheras* & *Iolcum* ponit lib. B *Iliad.* in *Catalogo* urbium vers. 218

Οἱ δὲ Φεράς ἐνέμοντο πέραν Βοιβηίδα λίμνην,
 Βοίβην καὶ Γλαφυράς καὶ εὐκτίμειον Ἰωλκὸν,
Qui Pheras habitabant apud Bæbeidem paludem,
Bæben, & Glaphyras, & bene ædificatam Iolcon.

CXLVIII.

Theſſaliæ contra Plinius dat *Pyrrham, Caſthaneam,* & Spalathram*: e quibus alterum & Herodotus lib. VII cap. CLXXIII καſθαναίην ſcripſit, & manifeſto in Magnesia locauit. οἱ βάεβαροι, inquit, ἐξάνυξι τῆς Μαγνησίης χώρας ἐπὶ Σηπιάδα τε καὶ τὸν αἰγιαλὸν τὸν μεταξὺ Καſθαναίης πόλιος ὄντα καὶ Σηπιάδος ἀκτῆς, *barbari* [totum diem nauigantes] *tenuerunt Magnesium oram super Sepiadem, & litus, quod est inter urbem Caſthaneam & oram Sepiadem.* Stephanus, Lycophron, & Mela ſcripſerunt ſine adſpirata littera καſθανοία, *Caſtanea*. Quam addit Plinius *Spalathram*, ſupra quoque, auctore Scylace, attigimus. Sed his ſingulis ſedem propriam & verum ordinem determinari poſſe deſperamus.

CXLIX.

Supereſt *Sycurium*, quod ita Liuius lib. XLII cap. LIV deſcripſit: *Sycurium eſt ſub radicibus Offæ montis, qua in meridiem vergit, ſubiectos habet Theſſaliæ campos: ab tergo Macedoniam atque Magnesium.* Polybius excerpt. Legat. LXIX extrem. Συκύριον ſcriptum reliquit.

CL.

Promontoria Magnesiæ Ptolemæo, qui Theſſaliæ adſcribit, duo ſunt, Μαγνησία ἄκρα, quæ in ſeptentrionem vergit: & Σηπιάς ἄκρα, quæ in auſtrum. Alterum, *Sepias*, pluribus eſt memoratum, Herodoto, iam dicto loco; Apollonio lib. I Argonaut. verſ. 582

- - - - - ἔδυνε δὲ Σηπιάς ἄκρη,
ſubiit autem iſſis promontorium Sepias. Scholiaſtes ibi: Σηπιάς. ἀκρωτήριον ἐν Ἰωλκῷ ἔτῳ καλέμενον, *Sepias*: *promontorium in Iolco ita nominatum.* Iolcus autem hoc loco non oppidum eſt, ſed litus & tractus. Strabo IX pag. 300 καλεῖται καὶ ὁ ſυνεχὴς αἰγιαλὸς Ἰωλκός, *vocatur etiam continuum litus Iolcus.* Plinius quoque in Magnesia: *promontorium Sepias.* Herodotus prædicto loco etiam χώραν, *litus & tractum* denominat *Sepiadem*: idem nomen oppidulo, promontorio ſubiacenti dedit Strabo, dum Σηπιάδα quoque inter illa oppida numerat, quibus exhaustis creuiſſet Demetrias.

CLI.

Montes celebrantur *Pelios & Offa,*** e quibus Offa Peneo eſt propior, qui inter hunc & *Olympum* effluit. Ambo noti ſunt gigantum fabulis. Virgilius Georg. I verſ. 281

Ter ſunt conati imponere Pelio Offam,
Scilicet, atque Offæ frondosum inuoluere Olympum.
 E Horatius lib. III oda IV

Fra-

* Add. Nicander Alexipharm. pag. 81 v. 271 & ibi ſcholia.

** Aelian. de animal. VIII c. II, καὶ βεκολεῖν μὲν αὐτὸν (Ἀλεύαν) ἐν τῇ ὁσῇ Φησί, παρὰ δὲ τῇ κρήνῃ νέμειν τὰς βῆς τῇ καλεσμένῃ Αἰμονίᾳ. Θετταλή δ' ἂν καὶ ἡ κρήνη εἴη. Hegemon Ale-vam in offa ait ad Theſſalicum fontem nomine Hamonium boues pauiſſe.

*Fratresque tendentes opaco
Pelion imposuisse Olympo.*

Seneca Agamemnone vers. 337

*- - - stetit imposita
Pelion Ossa. pinifer ambos
Pressit Olympus.*

Scilicet finguntur hæc gesta, antequam Peneus inter Olympum & Ossam perruperit. *Pelion* autem mons, Græca forma; * Πήλιον ὄρος, fertur habitaculum gigantum & Centaurorum fuisse, qui ex gente *Lapitharum* erant: ** cui loco vtrum etiam *Pelethronium* * addendum sit, aliud domicilium Centaurorum, an in media Thessalia ponendum, non habeo, quod pro certo dicam. Seruius meminit eius oppidi ad illud Virgilii Georg. III vers. 115

Frena Pelethronii Lapithæ, gyrosque dedere.

Et Lucanus lib. VI vers. 386 Centauros ibi natos fingit. Quum vero tyranni fuerint Centauri, qui montes munierunt; etiam citeriorem montem Othryn iis Virgilius tribuit Aen. VII vers. 675

*Descendunt Centauri, Omalen Othrynque niualem * * **
Linguentes cursu rapido.

SECTIO V.

EPIRVS,

Cuius partes CHAONIA, THESPROTIA, MOLOSSIS.

CLII.

Epirus, Ἠπειρος, regio Græciæ, post Illyricas gentes supra Ceraunios montes incipit, & vsque ad sinum Ambracium, & quem ille recipit, Arach-tum amnem patet. Veterem tantummodo Epirum in vetere Geographia definimus: Nouam, quæ multis post sæculis ex Illyricanis Macedoniæ gentibus conscripta fuit, ad medii æui Geographiam reseruamus. Illa vero *Epirus*, quæ quondam regnum Aeacidarum fuit, & sola *Epirus* a scrip-

ptori-

* Diodorus IV pag. 245, καὶ πρῶτον μὲν περὶ τὸ Πηλίον ναυπηγήσατο καὶ τὸ σκάφος κ. τ. λ. & pri-mum quidem circa Pelium nauem compregisse.

** Sed Chiro centaurus a Lapithis de monte Pelio depulsus dicitur Apollodoro II c. 5 §. 4 p. 104.

* * Nicander Theriac. v. 438,

φράξεο δὲ χλοάοντα δαεὶς κυανόν τε δράκοντα,
ὅν ποτε παῖδ' ἑνὶ λασίῃ ἐνὶ θρέψατο φηγῷ,
Πηλῖω ἐν νιφόμεντι πελεθρόνιον κατὰ βῆσαν.

Vbi Scholiastes: Ὁ δράκων ἐτρέφη ὑπὸ τῷ Ἀσκληπιῷ κατὰ τινὰ πόπον τῷ Πηλῖ καλούμενον Πελεθρόνιον. Draco nutritus est ab Aesculapio in loco quodam Pelii dicto Pelethronio. Et pau-cis interiectis: Πελεθρόνιον τόπος ἐστὶ τῷ Πηλῖ ἀνθώδης. διὸ καὶ ἔτι καλεῖται ἀπὸ τῷ πέλειν ἐκῆσε τὰ ἀνθ. Θέρνα γὰρ τὰ ἀνθ. λέγεται. Pelethronium locus est Pelii floribus obfitus. Qua-re sic vocatur, quia ibi sint flores. Throna enim flores dicuntur.

* * * Nicander Theriac. v. 145 p. II,

καὶ μὴν καὶ νιφόμεσσα φέρει δυσπαίπαλος ὄθρυς φοινὰ δάκη κ. τ. λ.

Vbi Scholiastes: Ὁ θρυς ὀνομαζέσθαι Θεσσαλίας, ὅπερ δὲ σήψνέμεται. Πλεονάζει γὰρ ἐκῆ τὸ θρυ-λίον τῷ τε. Othrys nomen montis in Thessalia, ubi seps versatur. Abundat enim ibi hic serpens.

ptoribus antiquis nominatur, in tres regiones dispescitur, *Chaoniam*, *The-sprotiam*, *Molossidem*, quibus alii addunt *Cassopiam* siue *Cassiope*: item *Cestrinen*, & *Pindum*. quas nunc singulas perlustrabimus, inuestigaturi vrbes quotquot poterimus inuenire. Polybius enim in deperdito quodam libro apud Strabonem lib. vii pag. 223 scripsit Aemilium Paullum *Ἐπερωτῶν ἐβδομήκοντα πόλεις ἀνατρέψας*, quod Liuius lib. xlv cap. xxxiv repetitum interpretatur, *oppida circa septuaginta, muris dirutis, direpta* fuisse: quantum numerum neque ex geographis neque historicis libris colligere possumus. Ea tamen omnia memorabimus, quarum mentionem in litterarum monumentis licebit inuenire.

CLIII.

CHAONIA prima pars Epiri, cuius incolæ dicuntur *Χάονες*, *Chaones*. Liuius lib. xliii cap. xxiii *Appius, dimissis Chaonumque, & si qui alii Epirotae erant praesidiis, cum Italicis militibus in Illyricum regressus*. Plinius lib. iv cap. i *Epiros in uniuersum adpellata Acrocerauniis incipit montibus. In ea primi Chaones, a quibus Chaonia*. Stephanus: *Χαονία μέση τῆς Ηπείρου. οἱ οἰκῆτορες, Χάονες, Chaonia media est Epiri: habitatores, Chaones*. μέση dicit, *media*, quia scripsit post adiectam Epirum Nouam. Ceterum lis in limite septentrionali est, quem Plinius in Cerauniis montibus constituit: Ptolemæus extra illos *Oricum*, primam Epiri urbem, posuit. Sed verior Plinii, quam Ptolemæi sententia Iacobo Palmerio, viro clarissimo adparet, quia etiam Propertius lib. i eleg. viii ad suam Cynthiam scripserit,

*Vt te, felici præuecta Ceraunia remo,
Accipiat placidis Oricos æquoribus.*

Si necesse, inquit, Cynthiæ erat, ab Italia soluenti, præuehi Ceraunia, ut Oricum teneret; etiam necesse fuisse videtur, Oricum fuisse ultra Ceraunia in Epiro. Recte coniicit vir doctissimus, si Brundisio Cynthia, aut Hydrunte traiectione fuisset, ut in Epirum & Achaiam proficisceretur: sed omnes rationes poetæ sunt contrariæ. Suspiciatur enim, cum nescio quo viro in Illyricum ituram esse, ideo sub initium queritur:

An tibi sum gelida vilior Illyria?

Deinde non Calabriae portu, sed Tyrrheno mari, portu Ostiensi soluturam præuidit quum dixit,

Ne Tibi Tyrrhena soluatur funis arena;

ut Siciliam præteruecta Ionio mari in Hadriaticum ingrederetur. quod si est, valent Ptolemæi rationes, ut præuecta Ceraunios montes in portum Oricum veniret. Accedit, quod Plinius lib. iii cap. xxiii, & Pomponius Mela lib. ii cap. iii extra Epirum in Illyrico tractu *Oricum* censent. Plinius ibi: *in ora oppidum Oricum, a Colchis conditum. Inde initium Epiri, montes Acroceraunia*. Neque existimare licet, in monte forsan Oricum fuisse positam. nam Liuius lib. xxiv cap. xleam urbem sitam in plano testatur, neque mænibus, neque viris atque armis validam primo impetu oppressam esse. Cetera eius urbis nunc sunt adiicienda.

CLIV.

CLIV.

Prima ergo Epiri vrbs secundum Ptolemæum fuit *Ορικόν*, *Oricum*, neutro genere, quo etiam Mela & Plinius id nomen casu recto expresse-
runt: at Stephanus & Marcianus Heracleota (siue Scymnus est) *Ορικὸς*, *O-
ricus*, femineo modo vrbium: ille *Ορικὸς πόλις ἐν τῷ Ἰονίῳ κόλῳ*, *Oricus*,
vrbs in sinu Ionio: hic pag. 18

Ἑλληνὶς Ορικὸς τὲ παράλιος πόλις.

id est, *Græca ἔστιν ἡ παράλιος πόλις Οricus*. Portum insignem habuit, cuius lib.
III Cæsar's Civ. cap. VII, VIII, & alibi fit mentio, vt Bibulus etiam *cum clas-
se ad Oricum* potuerit consistere, cap. xv. Inde deriuatum nomen *Ori-
cius*. Dionysius Perieg. vers. 399 *Ορικίην ὑπὲρ αἶαν*, *Oriciam super terram*.

CLV.

Post Oricum sunt montes in mare vsque procurrentes, qui, quod
sæpe fulminibus impetantur, *Ceraunii* a *κεραυνῶ* dicuntur, & neutro gene-
re, Græcorum more *Ceraunia*: item *Acroceraunia*. Periegetes vers. 388

ἄχρι κολῶνης

Οὐρέων δ' ἡλίβατων, τὰ Κεραύνια κικλήσκουσι.

hoc est, *vsque ad iugum montium excelsorum: Ceraunia vocant*. Eustathius
ibi: *τῆς Ἰλλυρικῆς χώρας πέρας αἱ ἡλίβατοι κολῶναι, τὰ Κεραύνια ὄρη, ἔτω καλέ-
μενα διὰ τὸ συχνὰς ἐκεῖ πίπτειν κεραυνὸς*. Pomponius Mela lib. II cap. III
Deinde Ceraunii montes: ab iis flexus in Hadriam. His enim iugis & pro-
minente monte seu promontorio Ionium mare ab Hadriatico discernitur.
Cæsar Civ. III cap. VI vocat *Cerauniorum saxa*. Et Suetonius Aug. cap.
XVII *repetit Italiam, tempestate in traiectu bis confictatus: primo inter pro-
montoria Peloponnesi atque Aetoliæ; rursus circa montes Ceraunios*. Virgi-
lius lib. III vers. 506

Prouehimur pelago vicina Ceraunia iuxta:

Vnde iter Italiam, cursusque breuissimus undis.

Plinius ineunte lib. IV *Epiros, in vniuersum adpellata, Acrocerauniis incipit
montibus*. Et Horatius lib. I oda III

*Qui vidit mare turgidum, ἔ
Infames scopulos Acroceraunia.*

CLVI.

Prope Oricum & Ceraunios montes fuit locus *Palæste*, quo Cæsar
adpulit. Dicto libro III Civ. cap. VI *Postridie terram attigit, Ceraunio-
rum saxa inter ἔτι alia loca periculosa quietam naclus stationem: ἔτι portus o-
mnes timeans, quos teneri ab aduersariis arbitrabatur, ad eum locum, qui ad-
pellatur Palæste, omnibus nauibus ad vnā incolumibus, milites exposuit*.
Sic legendum, vt antiquo codice Chalcidensi Paullus Marfus inuenit: &
Lucanus lib. V vers. 459 de classe illa Cæsar's:

*quæ iam vento fluctuque secundo
Lapsa Palæstinas uncis confixit arenas.*

CLVII.

Ibidem putatur *Aernus* locus Plinii fuisse, cui exhalatio auibus ad-
fingitur

fingitur pestifera, lib. iv cap. i. nec procul mari *castellum Chimera* eiusdem in ipsis Cerauniis: sub quo portus *Panormus* Strabonis & Ptolemæi: de quo hic, Πάνορμος λιμὴν, *Panormus portus*; ille lib. vii pag. 224 Πάνορμος λιμὴν μέγας ἐν μέσοις τοῖς Κεραυνίοις ὄρεσι, *Panormus portus magnus in mediis Cerauniis montibus*.

CLVIII.

Post quem portus alius, quem ὄγχισμον, *Onchismum* Strabo vocat: Ptolemæus *Onchesmum*; Græce est ὄνχησμος λιμὴν, vnde Cicero lib. vii Attic. epist. ii ineunte: *Brundisium venimus vii kalend. Decemb. vti tua felicitate nauigandi. Ita belle nobis flauit ab Epiro lenissimus Onchesmites.* qui ventus ex hoc portu in Italiam nauigantes promouet: ideoque ab eodem nominatus est. Nomen fingitur ab *Anchisa* esse quasi *Anchise portus*. Dionysius Halicarnassensis lib. i pag. 41 ἐκ Βεθρυτῶ παρα γῆν κομιθέντες ἄχρι λιμένος, Ἀγχίστ μὲν τότε ὀνομαζέμενος, νῦν δὲ ἀσαφεστέρα ἔχοντος ὀνομασίαν, *A Buthroto secundum oram deuecti in portum, qui tunc Anchise, nunc obscuriore nomine adpellatur*.

CLIX.

Vltimus locus Ptolemæi in ora Chaoniæ est Κασσιόπη λιμὴν, *Cassiope portus*, siue Κασσώπη, *Cassope*, vnde Strabo lib. vii pag. 224 Κασσωπαῖος, *Cassopæos* populum nominat, & Vrsini nummo ΚΑΣΣΩΠΑΙΩΝ expresum est. Nomen ab *Ioue Cassio* habet, vt non obscure ex Suetonii Nerone cap. xxii coniicitur. *Nec profecione, inquit, dilata, [in Græciam putata ex Italia] vt primum Cassiopen traiecit, statim ad aram Iouis Cassii cantare auspicatus est.* Læuinus Torrentius hoc loco Corcyræ oppidum *Cassiopen* interpretatur, quod Plinius lib. iv cap. xii *Cassii Iouis* habuisse templum tradat: contra Iacobus Palmerius lib. ii Antiq. Græc. cap. iv de vrbe in continente intelligit, quod vox *traiecit*, qua vsus Suetonius est, videtur persuadere. Cum quo etiam nos facimus, quod verosimile est, communi nomine quæ vtebantur, & hanc & illam urbem templum Iouis Cassii habuisse. In litore continentis autem, præter Ptolemæum, etiam Strabo *Cassiopen* portum & oppidum, lib. vii pag. 224 posuit. καὶ πάλιν, inquit, ἄλλος [λιμὴν] Κασσιόπη, ἀφ' ἧς ἐπὶ Βρεντέσιον, χίλιοι καὶ τριακόσιοι στάδιοι. hoc est: *Et rursus alius [post Onchismum] portus, Cassiope, a quo ad Brundisium stadia sunt ccc.* Idem continentis oppidum etiam Gellio in animo credo fuisse, quum lib. xix ineunte scripsit, *Nauigabamus a Cassiopeia Brundisium.* Nam de Corcyræa Cassiope si sermo est, discriminis causa adiicitur quod insularem situm definiat. Cicero lib. xvi epist. ix ad Tironem: *Corcyræ fuimus usque ad xvi kal. Decemb. tempestatibus retenti. a. d. xv kal. Decemb. in portum Corcyræorum ad Cassiopen stadia cxx processimus.* Territorium continentis vrbs amplum habuit per Thesprotiam, ad cuius ipsa fines sita fuit. Nomen regionis Κασσωπία, *Cassopia*, Stephano: quæ quanta in ora fuerit, Strabo dicto loco prodit: καθήκει αὐτῶν [Κασσιωπαίων] ἡ χώρα μέχρι τῆς κόλπης, *pertinet Cassiopæorum ora usque ad sinum.* Interpretes sinum Dulcem intelligit: sunt qui Ambra-

cium: sed prius malim, quia statim mox sequitur: Μετὰ γλυκὺν λιμένα, *post Dulcem sinum*. Etiam aliquid Thesprotis in litore, ne omnia Cassiopæis cedant, relinquendum est. Intus Strabo Cassiopæis *Buchætium* adsignat, *Elatriam & Pandosiam*. Et Plinius lib. iv cap. i hanc gentem *Cassiopeos* nominat. Quod vero Ptolemæus Cassiopæorum regionem distincte in ora non exposuit; intus solam urbem κασιόπην, *Cassiopen* alteram nominavit; sub Thesprotis regiunculam illorum, ut partem, contentam fuisse verosimile est; præsertim antiquis temporibus, quum invaluisset nomen Thesprotiæ.

CLX.

Mediterranea oppida *Chaonia* Ptolemæo sunt Αντιγόνη, Φοινίκη, Εκατόμπεδον, Ομφάλιον, Ελαῖς, *Antigonea, Phænice, Hecatompedium, Omphalion, Eleus*. Earum urbium primam, quæ *Antigonea* dicitur, Ptolemæus supra Ceraunios montes, e regione Orici urbis posuit: cui fauet, quod Polybius lib. ii cap. v præsidium a Phœnice Antigoneam *per fauces* dicit transmissum esse, quales haud dubie in Cerauniis sunt montibus. Ait enim, quinque millia submissos κατὰ γῆν, *terrestri itinere*, διὰ τῶν παρ' Αντιγόνηαν στενῶν, *per fauces Antigoneses*, ut urbem Antigoneam tuerentur. Plinius quidem lib. iv cap. i videtur separare a Chaonia: sed nec mirum illud est, quia Chaoniam ipsis montibus finiuerat. Verba sunt: *In Epiro primi Chaones, a quibus Chaonia: dein Thesproti, Antigoneses*. Putares alio loco quam ad Ceraunios illam posuisse: quod vero etiam Stephanus scripsit, Αντιγόνη πόλις Χαονίας ἐν Ηπείρῳ, *Antigonea urbs Chaonia in Epiro est*; utique in Ptolemæi positione adquiescimus, præsertim quod etiam Polybii non dissentire rationes videantur.

CLXI.

Phænice altera urbs Ptolemæi, τῆς Ηπείρου Φοινίκη, *Epiri Phænice* Polybii prædicto loco adpellata. Sic Liuius quoque lib. xxix cap. xii *Phænice urbs est Epiri*. Strabo autem lib. vii pag. 224 locum propius definiturus, τῆς δὲ [κόλπης] inquit, κατὰ Βυθρωτὸν ἢ Φοινίκη, supple, ὑπέρκειται, *supra sinum, qui iuxta Buthrotum est, sita est Phænice*. At in Tabula Peutingeri vetustissima inter Phœnicen & Buthrotum est spatium lvi miliariorum, ut *Buthrotum* pro *Panormo* irrepsisse videatur. id quod etiam Ptolemæi numeri confirmant. Atque ita *Phænice* in Chaoniam cadit, in qua Ptolemæus posuit: quum secundum Strabonem, qui cum Buthroto coniungit, foret in Thesprotia.

CLXII.

Quod sequitur ad Atintanum fines, *Hecatompedium*, ignotum ceteris & obscurum est. *Omphalion*, Stephanus quidem in Thessalia ponit, sed idem in παραύαιοι ex Rhiani Thessalicis versum profert, quo Omphalienses cum Thesprotis Parauæis coniunguntur,

Σὺν δὲ Παραυαίοις καὶ ἀμύνονας Ομφαλίῃς.

Parauæi enim eidem sunt ἔθνος Θεσπρωτικόν, *gens Thesprotiæ*. An vero etiam id nominis oppidum in Thessalia fuerit, nostrum non est in præsentia in-

vestigare. Neque notior *Eleús* Ptolemæi, nusquam ab aliis memorata. Addi potest, de quo supra diximus, Plinii *castellum Chimera, in Acrocerauniis* situm, sub quo *aquæ regię fons*, thermæ forsan, dictæ ὕδατα βασιλικά. vide lib. iv cap. i. sed verus situs & a mari distantia ignoratur.

CLXIII.

THESPROTIA, Θεσπρωτία, Stephano; Θεσπρωτὶς & Θεσπρωτὶς γῆ, *Thesprotis*, Thucydidi lib. i pag. 32. Incolentes Θεσπρωτεῖ, *Thesproti*. Scylax Periplo: Μετὰ δὲ Χαονίαν Θεσπρωτεῖ εἰσιν ἔθνη, *Post Chaoniam Thesproti sunt*. Horum limes orientalis Ambracia & lacus Ambracius: a meridie mare. Herodotus lib. viii cap. xlvi Θεσπρωτῶν εἰσι οἱ ὁμαρῆοντες Ἀμπρακιώτῃσι καὶ Λευκαδίοισι, *Thesproti sunt contermini Ambraciotis & Leucadiis*. Postea *Cassioenses* quasi ab iis auulsi, arctiores limites reliquerunt. Oram prius maritimam explicare adgredimur: deinde quæ sunt in mediterraneis.

CLXIV.

Post *Cassopen* seu *Cassioopen* in ora *Posidium* Strabonis, id est Neptunium, occurrit, quod promontorium est, quia Ptolemæus in Thesprotis, Ποσειδῖον ἄκρην, *Posidium promontorium*. Oppidum ibidem iuxta montem fuerit, nec ne, silente historia non liquet.

CLXV.

Inde post flexuosum finum *Buthrotum* est, Βυθρωτὸν Græce, oppidum non ignobile, quamlibet Ptolemæus tantummodo scripserit, Βυθρωτὸν κόλπος, *Buthrotum sinus*: Strabo autem vii pag. 224 situm oppidum dicit ἐπὶ τῷ στόματι τῆς καλεσμένης Πηλώδους λιμένος, *in ingressu portus Pelodis*: quamquam Ptolemæus aliquod spatium interiicere videatur. In loco qui peninsulam refert, *Buthrotum* fuit. unde Byzantius ille Stephanus Βυθρωτὸς, Χερρόνησος περὶ Κέρκυραν, *Buthrotus peninsula circa Corcyram*. Addit: ἐστὶ καὶ πόλις, *est etiam oppidum*. Cicero lib. xvi epist. vii ad Tironem: *Septimum iam diem Corcyræ tenebamur: Quintus autem pater & filius Buthroti*. Idem Attico suo lib. ii epist. vi tu vero sapientior *Buthroti domum parasti*. Plinius lib. iv cap. i *colonia Buthrotum*. Et Strabo vii p. 224 Βυθρωτὸν ἐποίκους ἔχον Ῥωμαῖς, *Buthrotum colonos Romanos habet*. Quod etiam Augusti nummus confirmat, quo expressum est, C. A. B. V. T. E. X. D. D., hoc est, *colonia Augusta Buthrotum ex decreto Decurionum*. Et alio: B. V. T. H. R. A. V. G. V. S. T. V. S. Gentile Stephano Βυθρωτίος: & Latine *Buthrotius*. Cicero ad Plancum sub ep. xvi libri xvi ad Attic. *Verba fecimus pro Buthrotiis*. Et ibidem paullo ante: *Buthrotia tibi caussa non ignota est*. Et mox statim: *ut primum Buthrotium agrum proscriptum vidimus*.

CLXVI.

Portus Πηλώδης, *Pelodes*, & Dorice παλώδης, a Strabone & Ptolemæo memoratus. Urbem habuerit, nec ne, non liquet. Ptolemæus tantummodo portum dixit, Πηλώδης λιμὴν, *Pelodes portus*. Strabo quidem coniunxit cum Buthroto; sed supra ostendimus, diuersa loca aliis Buthrotum & Pelodem; etiam vere separata esse. Plutarchus de Oraculorum defectu, ubi de magni Panis morte oraculo agit, neutro genere dixit κατὰ τὸ Παλώδες,

λαῶδες, ad Palodes. Idem portus Appiano Civ. lib. v pag. 118 παλός est. ἐς Παλίεντα κατέπλευσεν, in Palœntem nauigauit, a Corcyra, puta. Idem enim παλός quod παλῶδης, cœnosus utrumque a πηλός, vel Dorice παλός, cœnum, lutum.

CLXVII.

Ultra sinum est Θύαμις ἄκρα, promontorium Thyamis: & iuxta hoc, Θυάμιος ποταμὸς ἐκβολαί, ostium amnis Thyamis: utrumque ex positu Ptolemæi. Strabo dicto loco: ἔστι καὶ Θύαμις πλησίον, prope fluit Thyamis. Cicero lib. vii ad Attic. ep: 11 Q. Ciceroni obsisti non potuit, quo minus Thyamim videret: id est Pomponii Attici prædia propter hunc fluuium & circa Buthrotum. nam lib. vi epist. 111, adludens ad difficultatem successionis in prouincia Cilicia, scripsit Attico: quanto tua prouincia melior? decedes, quum voles; nisi forte iam decesisti: quem videbitur, præficies Thesprotiæ & Chaoniæ. Meminit huius amnis etiam Thucydides lib. i pag. 32, cuius verba post paullo proferemus. Et Athenæus lib. 111 cap. 1 παρὰ τὸν Θύαμιν ποταμὸν τῆς ἐν Ηπείρῳ Θεσπρωτίας, prope Thyamin Thesprotiæ in Epiro fluuium.

CLXVIII.

Inde proximum est Χειμέριον, Chimerium promontorium Strabonis, quod duo flumina coarctant, hinc Thyamis, illinc Acheron, Acherusiam lacum effundens. Thucydides loco dicto, quum Acherontem & Thyamim amnes memorasset, subiicit, ὧν ἐντὸς ἡ ἄκρα ἀνέχει τὸ Χειμέριον, inter quos Chimerium promontorium coercetur; Et paullo ante eadem pag. 32. ἐρμίζονται ἐς Χειμέριον τῆς Θεσπρωτίδος γῆς. ἐστὶ δὲ λιμὴν, καὶ πόλις ὑπὲρ αὐτῆς κείται ἀπὸ θαλάσσης, adpelluntur in Chimerium quod est ora Thesprotidis. Est autem portus, & super eum vrbs a mari distans. portus, puta, iuxta promontorium: vrbs autem adiacentis nomen quodnam fuerit, dubitatur. Interpres Latinus Thucydidis vertit: in palustribus Thesprotidis sita, nomine Ephyre. * At Græcus liber præfert, ἐν τῇ ἐλεάτιδι τῆς Θεσπρωτίδος Εφύρῃ, quæ genuina Thucydidis esse non frustra dubitatur.

CLXIX.

Est in hac ora prope Acherontem Ptolemæi ἐλαίας λιμὴν, Elææ portus, a quo forsan Eleatis regiuncula nominata est: est etiam Ephyre ibidem nomen oppidi, quod, Strabone auctore, postea Κίχυρος, Cichyrus vocatum fuit: Cichyrus autem, vt Pausanias Atticis cap. xvii refert, est prope Acherusiam paludem & flumen Acherontem, quæ heic in mare exeunt: πρὸς τῇ Κιχύρῳ λίμνῃ τέ ἐστιν Αχερυσία καλεσμένη καὶ ποταμὸς Αχέραν. Et Thucydides scripsit: ἔξοσι παρ' αὐτὴν [Εφύρην] Αχερυσία λίμνη ἐς τὴν θαλάσσαν, iuxta Ephyram palus Acherusia in mare exit. Strabo igitur, quod res est, sensit, & omnino eadem vrbs Ephyra & Cichyrus fuit. Hæc illa, de qua lib. i cap. i Velleius Paterculus: Phidippus Ephyram in Thesprotia occupauit.

Sss ss 3

CLXX.

* Apollodor. II c. 7 §. 6 Στρατεῖα δὲ Ἡρακλῆος μετὰ Καλυδωνίων ἐπὶ Θεσπρωτίας. καὶ πόλιν ἐλάν Εφύραν, ἧς ἐβασιλευε Φύλας, Απολλὼ τῇ τούτῃ Στρατρί συνελθὼν πατὴρ Τληπόλεμος γίνεται. Bellum autem Hercules cum Calydoniis adversus Thesprotos gerit. Et capta vrbe Ephyra, cui rex Phylas præerat, Astyoche eius filiam adamauit & Tlepolemi pater euasit.

CLXX.

Acherusia autem palus, per quam Acheron fluit, itidem prope mare fuit, vti ex iam prolatis verbis Thucydidis, nec non ex Scylacis in Thesprotia, clarum est. Error ergo est, quum quidam Acherontem ita ex Acherusio lacu deducunt, vt is fontes amni præbeat, decepti Strabonis * verbis, ῥέων ἐκ τῆς Αχερυσίας λίμνης: & quia Liuius lib. viii cap. xxiv ex *Moloside* dixit amnem Acheronta defluere, nimis quantum Acherusiam quoque in septemtrionem ab maris ora reducant. Plinius quidem Acherontem ex Acherusia lacu deriuat, non autem in sinum Thesprotium, vt Strabo, Ptolemæus & Thucydides; sed in Ambracium effundit, qui, nisi aliud flumen intellexit, magno errore abreptus fuit.

CLXXI.

Ptolemæi Σύβοτα λιμὴν, portus *Sybota* vltra Acherontem ponendus est, quia hic amnis cum Thyami, auctore Thucydide, promontorium Chimerium coercent. Fuit autem desertus portus. Thucydides lib. i pag. 34 ἔστι τὰ Σύβοτα τῆς Θεσπρωτίδος λιμὴν ἔρημος, *Sunt Sybota desertus portus Thesprotiae*. At ex lib. iii pag. 224 constat, raro fortassis vsu, non autem neglectum ab omnibus fuisse. ὁρμισάμενοι ἐς Σύβοτα λιμένα τῆς Ηπείρου, ἅμα ἔω ἐπέπλεον τῇ Κερκύρᾳ, *ingressi*, inquit, *Sybota Epiri portum, sub exortum auroræ in Corcyram nauigant*. Nomen a vicinis insulis paruis habet, quæ Σύβοτα dicebantur, vt Thucydides prodit lib. i pag. 32, idque propterea, vt scholia Græca interpretantur, quia σὺς ἐχουσαι πολλὰς, *multas sues alunt*.

CLXXII.

Qui his proximus portus est, Straboni γλυκὺς λιμὴν, *Dulcis portus* dictus est, in quem tradit Acherontem fluuium exire: commemoratus eodem nomine ab Dione Cassio lib. l pag. 426, qui æque, vt Strabo, ἀπὸ τῆς γλυκαίνουσαι, per flumina infusa, adpellationis rationem dat. Hic an idem sit, qui Ptolemæi ελαιᾶς λιμὴν, *Oliuæ portus*, non est iam pronum nobis dicere.

CLXXIII.

Hunc inter & Nicopolim idem Strabo portum κόμαρον, *Comarum* ponit, lx stadiis a Nicopoli, quem etiam prædicto loco Dio Cassius in bello Actiaco memorauit: ** & alium capaciorem, xii milibus a Nicopoli, cuius ipse nomen non expressit.

CLXXIV.

* L. VII p. 499 c. A adde huc Thucydidem L. I cap. 47, citatum ab Almeloveenio ad Strabonis locum citatum.

** Locum Dionis repræsentabimus ex libr. L pag. 487, Κατέλαβε τὸ χωρίον τῆτο, ἐν ᾧ νῦν ἡ Νικόπολις ἐστίν, καὶ ἐν αὐτῇ ἐπὶ μετεώρῳ, ὅθεν ἐπὶ πάντα ὁμοίως τῆς πρὸς Πάξις θαλάσσης καὶ τῆς Ἰσθμῆς Ἀμπερικῆς, τῆς τε ἐν τῷ μέσῳ αὐτῶν, ἐν ᾧ οἱ λιμένες οἱ πρὸς τῇ Νικοπόλει εἰσὶν, ἀποπτόν ἐστιν, ἰδρῶδι. Καὶ αὐτότε ἐκρατύνετο, καὶ τεῖχη, ἀπ' αὐτῆς εἰς τὸν λιμένα τὸν ἔξω τὸν κόμαρον καθῆκε. Καὶ τότε καὶ ἐφύδρευε καὶ ἐφόρμει τῇ Ἀκτίῳ καὶ κατὰ γῆν καὶ κατὰ θάλασσαν. Cæsar Octavianus locum occupauit, in quo nunc Nicopolis sita est. ibique in sublimi, unde uniuersum mare quod est ad Paxos interiusque sinus Ambracici & interiaccens mare, in quo sunt portus ad Nicopolin, conspici poterat, castra posuit, & cum ipsum munivit, tum muros ab eo ad portum exteriorem Comarum perduxit. & ex eo terra marique Actio infidiabatur & imminēbat.

CLXXIV.

Ipſa Nicopolis * opus Auguſti Cæſaris eſt, Actiacæ victoriæ moni-
mentum, vrbs ſplendidiffimis ornamentis a primo ortu aucta & conde-
corata: Plinio lib. iv cap. i *ciuitas libera Nicopolitana*: Tacito annali v
extremo *colonia Romana*, quæ ex circumiectarum ruinis ſua cepit incre-
menta. Strabo ſæpe dicto loco: ὁ Σεβαστὸς ὁρῶν ἐκλελειμμένας τελέως τὰς πό-
λεις, εἰς μίαν συνώκισε τὴν ὑπ' αὐτῷ κληθεῖσαν Νικόπολιν ἐν τῷ κόλπῳ τῆς θάλαττης, *Auguſtus videns, plane deſeri has vrbes, in vnā omnes a ſe vocatā Nicopolim*
in ſinu illo [Ambracio] *contraxit*. E quibus Pauſanias Eliac. i cap. xxiii
Ambraciotas & Anaſtorios nominauit. Et Dio Caſſius lib. li ineunte de
Auguſto: πόλιν τέ τινα ἐν τῷ στρατοπέδῳ τόπῳ, τῆς μὲν συναγείρας, τῆς δὲ ἀνα-
ſτήσας τῶν πλησιοχώρων, συνώκισε, Νικόπολιν αὐτῇ ἔνομα δέους. *Vrbem eo loco,*
vbi caſtra habuerat, condidit; partim collectis ad eam incolendam hominibus,
partim eo translatis finitimis. Et quia plures Nicopoles, hæc cognomi-
ne diſcernenda ab reliquis erat. Tacitus annali ii cap. liii *Achaia Ni-*
copolis: Antoninus itinere Macedonico: *Actia Nicopolis*, quod etiam ano-
nymus Rauennas lib. iv cap. viii imitatus eſt. Locum Notitia Epiſco-
patuum Græc. designat: Νικόπολις, ἡ νῦν, Πρέβεζα, *Nicopolis nunc Preueſa*.

CLXXV.

Mediterranea Theſprotorum obſcuriora ſunt. Caſſopæis, qui pars
illorum ſunt, tribuit Strabo *Buchetium*, πολίχνιον μικρὸν ὑπὲρ τῆς θαλάττης
ἐν, *oppidulum paulum ſupra mare*, ἔγγυς τῆς Κιχύρου, *prope Cichyrum*: &
x millibus a mari *Gitanae*. Liuius lib. xlii cap. xxxviii *ad Gitanae E-*
piri oppidum decem millia ab mari quum adſcenderent: & intus itidem Stra-
bonis *Elatria*, & *Batia*, parum notæ; niſi quod Stephanus in *ελατεία*, et-
iam *ελάτρειαν Θεσπρωτίας*, *Elatriam Theſprotiae* adfert: quibus *Pandofiam*
Strabo addit, Acheronti flumini adpoſitam, vt Liuius lib. viii cap. xxiv
prodit, ſortes Dodonæas referens, *caueret* [Alexander Epirensis] *Acheru-*
fiam aquam Pandofiamque urbem, quas ille vitaturus in Italiam traiecerit,
vt quam maxime procul abeſſet vrbe Pandofia in Epiro, ἔς Acheronte amni.

CLXXVI.

Ipſa vrbs Caſſiope, κασσιόπη, altera & mediterranea Ptolemæi, ſi qua
fuit, huc pertinet, quam ille *Caſſiopæis* illis, ὑπὲρ ἧς εἰσὶ Δόλοπες, *ſupra quos*
Dolopes ſint, adſcribit. Plinius addit *Meandriam* & *Ceſtriam*, quas vrbes
ceteri ignorant: regiunculam tamen *Κεστρίην*, *Ceſtrinam* Thucydides no-
minauit lib. i pag. 32 de Thyami fluuiο dicens, ἐρίξεν τὴν Θεσπρωτίδα καὶ
Κεστρίην, *Theſprotidem Ceſtrinamque diſterminare*.

CLXXVII.

Fuit etiam locus *Charadra*, χαράδρα, ſinum verſus Ambracium, au-
ctore Polybio lib. iv cap. lxiii: ſupra ſinum prope Arachthi oſtium vrbs
nobilis *Ambracia*, Corinthiorum colonia. Periegeſios auctor, ſiue Scy-
mnus eſt, ſiue Heracleota Marciānus, p. 19

Μετα

* Situs deſcribitur a Dione l. l. p. 487.

Μετὰ τὰς Μολοττὰς δ' Ἀμβρακία Κορινθίων

Ἄποικος ἐστίν,

*Post Molossos Ambracia * est, Corinthiorum colonia.* nam & hanc in Thesprotia censent non ignobiles geographi. Stephanus, Ἀμβρακία πόλις Θεσπρωτίας, *Ambracia urbs Tesprotiae:* & Pausanias Eliac. i cap. xxiii Ἀμβρακιῶται δὲ ἐξ Ἠπείρου τῆς Θεσπρωτίδος, *Ambraciote ex Epiri Thesprotide:* quamvis videatur trans flumen fuisse posita. Ptolemæus enim ab occasu progrediens, prius ponit Aracti ostia, deinde Ambraciam. Livius lib. xxxviii cap. iv *Ambracia tumulo aspero subiecta.* urbs, qua murus vergit in campos & flumen, occidentem; arx, quæ posita in tumulo est, orientem spectat. amnis Arethon ex Athamania fluens cadit in sinum maris, ab nomine propinquæ urbis Ambracium adpellatum. Paullo ante cap. iiii hunc fluvium Arethontem nauigabilem amnem vocat: vti Polybius Legat. xxvii καὶ τὸν Ἀρέθοντα ποταμὸν, ῥέοντα παρὰ τὴν πόλιν, συνεργήσεν πρὸς τὰς τῆς στρατοπέδου χρείας, *Arethontem amnem, qui urbem præterfluit, opportunum aduehendis necessariis ad usum castrensem esse.* Hoc flumen Ἀραχθὸν, *Arachthum* Ptolemæus vocat: etiam Strabo, qui vna situm urbis sic lib. vii pag. 225 describit: ὑπέρκειται αὕτη [Ἀμβρακία] τῷ μυχοῦ μικρὸν, παραρρεῖ δ' αὐτὴν ὁ Ἀραχθὸς ποταμὸς, ἀνάπλυν ἐχὼν ἐκ θαλάττης εἰς αὐτὴν, ὀλίγων σταδίων, ἀρχόμενος ἐκ Στύμφης ὄρους, *Sita est Ambracia aliquantulum supra sinus intimum recessum: eam præterlabitur Arachthus fluuius, quo aduerso ad eam urbem ex mari paucis stadiis nauigatur.* Olim liberam fuisse non dubitatur. Postea in potestatem Aeacidarum venit, quibus regiam sedem, Pyrrho maxime, Romanorum hosti, præbuit. Polybius excerpt. Legat. xxviii multas tabulas statuasque ibi Romanos inuenisse ait, διὰ τὸ γεγονέναι βασιλείον Πύρρῳ τὴν Ἀμβρακίαν, *quod regia Pyrrhi quondam Ambracia fuerat.* Pomponius Mela ii cap. iiii *In Epiro nihil Ambracio sinu nobilius est.* Facit sinus, qui angustis faucibus, & quæ minus mille passibus pateant, grande pelagus admittit. Faciunt vrbes quæ adsidunt; Actium, Argia, Amphilocheis, Ambracia, Aeacidarum regna Pyrrhique. Postea Aetoli possederunt, cum quibus in ditionem Romanorum venit. Florus Aetolico bello lib. ii cap. ix de Fulvio Nobiliore: *Hic protinus caput gentis Ambraciam, regiam Pyrrhi, machinis quatit.* Aetoli enim ultra fines suos imperium protulerant. Oppidani Latinis Ambracienses: Græce Ἀμβρακιῶται; ** Livius lib. xxxviii cap. vi *Ambracienses, quique intus Aetoli erant, velut proditi a suis, segniores ad pericula erant.* Polybius lib. iv cap. lxi παρῆν εἰς τὴν Ἀμβρακιῶτων χώραν, *ad Ambraciotarum fines accessit.* Thucydides vbique scripsit Ἀμβρακιῶται, vsus π dura littera. Et Dio Cassius lib. l pag. 426 ἡ θάλασσα ἡ Ἀμπρακική, *Ampracium mare:* at plures β littera id nomen expresserunt: etiam in nummis ΑΜΒΡΑΚΙΩΤΑΝ. Etiam possessionis nomen *Ambracius*

* Vide Sponii Voyage II pag. 105, vbi ait, *Ambraciam non esse Lartam, sed Ambraciam vicum a Larta iter vnius diei remotum & a mari quoque milliare vnum disiunctum.*

** Sed Aurelius Victor quoque in Fulvio Nobil. c. 52 *Consul Aetolos Ambraciotasque in deditio- nem accepit. Verum imitatus est Græcos.*

cus ex usu frequentiori est, ut *sinus Ambracius*, Liuii lib. xxxii cap. xiv & alibi, Plinii lib. iv cap. i. Portum quoque habuit haud dubie in sinu suo, qui *Ambracius portus*, seu *Ambraciae portus* dictus est. Lucanus plurali lib. v vers. 651

- - - - - oraque malignos

Ambraciae portus,

supple, non paueat. An etiam in exteriori mari ultra sinus ostium portus aliquis huius urbis fuerit, disputari potest. Ait fuisse Palmerius, Scylacis verbis inductus, Ἀπέχει αὐτῇ ἀπὸ θαλάττης σάδια π', ἔστι δὲ καὶ ἐπὶ θαλάττης τῆχος καὶ λιμὴν κάλλιστος, *Abeſt* [vrbs Ambracia] a mari stadia lxxx. Habet vero ad mare munimentum & portum pulcherrimum. At longior est sinus Ambracius, quam stadiorum lxxx. Polybius lib. iv cap. lxiii κατὰ τὸ μῆκος ἀπὸ τῆς πελάγους προσπίπτει περὶ τριακόσια σάδια, in longum porrigitur [sinus Ambracius] a mari ccc stadia. Ampliorem Plinius facit lib. iv cap. i. Maxime nobilitatus, inquit, *Ambracius sinus*, 10 passuum faucibus spatiosum æquor accipiens, longitudinis xxxix m. p; latitudinis xv m. E quibus quæ de sinu ipso notari debeant, & antea dictis Melæ, etiam ceteris Polybii lib. iv cap. lxiii, abunde intelliguntur. Prope urbem Ambraciam locus est in paludibus, *Ambracius*, ὁ Ἀμβρακος dictus, quondam muro & προτειχίσμασιν, antemuralibus munitus, vnum aditum habens adgesta terra factum; vnde vrbs ipsa infestari poterat. de quo pluribus egit Polybius dicto lib. iv cap. lxi.

CLXXVIII.

MOLOSSI quoque, Μολοσσοί, gens nobilis in Epiro, quorum regio *Molossis*, Μολοσσις & Μολοσσία, siue Μολοττία alia dialecto, adpellata. Scylax Periplo: Μετὰ δὲ Κασσωπίαν Μολοττοί εἰσιν ἔθνος. οἰκῶσι δὲ ἔτσι κατὰ κώμας. καθήκονσι δὲ κατὰ μικρὸν ἐνταῦθα ἐπὶ τὴν θαλάτταν εἰς μεσογείαν δὲ πολλῇ. Post Cassopiam gens Molossorum est, qui & ipsi vicatim habitant. Pertingunt, quamuis exiguo spatio, usque ad mare: maxima enim ex parte mediterranei sunt. xl tantum stadia in ora ipsis adsignat: sed de tantillo etiam dubitatur, quia nec portum nec ostium ullius fluminis in gente hac memorauit. Sed potuerunt aliquando in maritimis possedisse Thesprotis ademta, quibus Molossi nonnunquam præualuisse videntur, quum reges habuerunt, qui haud dubie in aliis Epiri partibus imperium protulerunt, cuius generis rex Admetus fuit, ad quem Themistocles confugit patria pulsus, quem Thucydides τὸν Μολοσσῶν βασιλέα, Nepos Molossorum regem adpellat. Plerumque vero Molossis tota fuit mediterranea, etiam quod oppida & fluuii ostendunt, septemtrionalis, ad Stympnam & Pindum atque his continuos montes pertingens. Plinius lib. iv cap. i Molossorum flumina, *Aphas* & *Arachthus*. Et Liuius lib. viii cap. xxiv Acherontem amnem, ex Molosside fluentem in stagna inferna, accipit Thesprotius sinus. Oritur ergo in Molossis Acheron: Arachus illos secatur atque perfluit. Strabo quoque lib. vii pag. 225 inter illos primo loco numerat Molossos, qui Illyrios montes contingant, τραχεῖαν οἰκῶντες χώραν, ac aspe-

ram & montosam regionem inhabitent: ceteros Molossis vicinos recenset, Athamanes, Aethices, Tymphaeos, Atintanes, aliosque.

CLXXIX.

In Molossis *Dodona*, Δωδώνη, fuit, Iouis incluta oraculo. Stephanus Byzantius: Δωδώνη, πόλις τῆς Μολοσσίδος ἐν Ἠπείρῳ, καθ' ἣν Δωδωναῖος Ζεὺς, *Dodona*, oppidum Molossidis in Epiro, a quo Iupiter Dodonæus dicitur. Marcianus Capella lib. vi de tertio sinu Europæ: Deinde mons Pindus, Dryopes, Molossique, Dodonæi Iouis fano incluto celebrati. At Pausanias Attic. cap. xvii τῆς δὲ γῆς τῆς Θεσπρωτίδος, ἐστὶ μὲν ποῦ καὶ ἄλλα θεᾶς ἅξια, ἱερόν τε Διὸς ἐν Δωδώνῃ, καὶ ἱερὰ τῶν θεῶν Φηγέες. In Thesprotide quidem & alia spectatu digna sunt, & Iouis in Dodona templum, sacraque ei fagus. Sed bene res habet, quia fines harum gentium non semper iidem exstiterunt. Strabo lib. vii pag. 227 ita conciliat: ἡ Δωδώνη τὸ μὲν παλαιὸν ὑπὸ Θεσπρωτοῖς ἦν, - - - καὶ οἱ τραγικοὶ τε, καὶ Πίνδαρος Θεσπρωτίδα εἰρήκασιν τὴν Δωδώνην. ὕστερον δὲ ὑπὸ Μολοσσοῖς ἐλέγετο. *Dodona antiquitus sub Thesprotis fuit, & tragici ac Pindarus Thesproticam dixerunt Dodonam: postea sub Molossis censebatur.* Ex quibus adparet, in vtriusque gentis confinio fuisse, ut nunc huic, nunc illi, quæ præualuerat, adiudicaretur; Verius tamen Molossis tribuitur quam Thesprotis, quia Homerus Perrhæbos, quos constat in Pindo & ad latera eius fuisse, circa Dodonam coluisse refert, ideoque ipsam Dodonam, *δυχείμερον, difficili hieme laborantem* a situs asperitate adpellavit. Verba poetæ sunt in Catalogo navium & vrb. vers. 256

- - - - - μινεπτολεμοὶ τε Περραιβοί,
οἱ περὶ Δωδώνην δυχείμερον οἰκί' ἔθεντο.

bellicosique Perrhæbi, qui circa Dodonam valde brumalem domos posuerunt. Plinius iv cap. i *Molossi*, apud quos Dodonæi Iouis templum, oraculo illustre: *Tomarus mons* centum fontibus circa radices, Theopompo celebratus: etiam Strabo prædicto loco, sub monte Tomaro situm illud Iouis templum observavit. τὸ ὄρος, inquit, ὁ Τόμαρος, ὑφ' ᾧ κείται τὸ ἱερόν.

CLXXX.

Cetera Molossorum oppida ex parte nominantur a Liuvio lib. xlv cap. xxvi. Anicius, inquit, in Molossidem transgressus: cuius omnibus oppidis, præter Passaronem, & Tecmonem, & Phylacen, & Horreum, receptis, primum ad Passaronem ducit. Ex his, quæ nominantur, Passaron videtur caput fuisse. Huius principes clauferunt portas Romanis aduenientibus, multitudinem, ut mortem feruituti præponerent, hortantes: qua saniora consilia anteferente, Romanis vrbs est dedita. Et cap. xxxiii eiusdem libri, [Paullus] ipse Epirum petens, quintis decimis castris Passaronem peruenit. Haud procul inde Anicii castra aberant. Plutarchus Pyrrho pag. 385 εἰσθεῖσαν ἐν Πασσαρῶνι, χωρίῳ τῆς Μολοσσίδος, ἀρείῳ διὰ θύσαντες ὀρκωματοῦν τοῖς Ἠπειρώταις καὶ ὀρκίζεν, αὐτοὶ μὲν ἀρξεν κατὰ τὰς νόμους, ἐκεῖνος δὲ τὴν βασιλείαν διαφυλάξεν κατὰ τὰς νόμους. Mos erat regibus, ut Passarone, Molossidis oppido, Ioui Martio sacrificantes, iurarent Epirotis secundum leges se imperaturos esse,

esse, & vicissim iureiurando illos obstringerent, illos ex præscripto legum regnum defensores esse.

CLXXXI.

Altera vrbs est *Tecmon*, τέκμων, quam Stephanus quidem in Theoprotis scribit: in Molosside autem secundum Liuium est ponenda. Is dicto libro, cap. xxvi *Simili pertinacia Cephalis principis clausum Tecmonem, ipso interfecto per deditionem [Anicius] recepit.* Stephanus autem, τέκμων, πόλις Θεσπρωτῶν. ὁ πολίτης Τεκμώνιος. Obliquo casu τέκμωνος, *Tecmonis*, O longo.

CLXXXII.

Phylacen quoque & *Horreum* Liuius dicto cap. xxvi in Molosside posuit. Subiungit ibidem: *nec Phylace, nec Horreum oppugnationem tulerunt.* Antea dixerat in *Molosside* hæc quatuor inesse *Passaronem*, & *Tecmonem*, & *Phylacen*, & *Horreum*. Ab hac diuersa est *Phylace* Thessalorum in Phthiotide, de qua supra ex Stephano & Strabonis lib. ix pag. 298 actum fuit. *Horreum* subobscure est, nec succurrit qui præterea mentionem illius habuerit. Plura oppida Molossorum fuisse Liuius ibidem adfirmat, omnibus oppidis receptis deditione, præter quatuor illa, quæ expugnanda vi & armis erant.

CLXXXIII.

Epirotas etiam dixit Strabo plerasque gentes sub Pindo, aut in latere australi eius montis habitantes, *Athamanes*, *Aethices*, *Tymphæos*, *Orestas*, *Paroræos*, *Atintanes*. Et si Epiri pars fuerunt, ad Molossidem maxime, quam propius attingunt, referendi sunt. Addi his *Perrhæbi* possunt, de quibus paullo ante ex Homero differebamus. Plinius autem lib. iv cap. ii *Athamanes*, *Tymphæos*, *Perrhæbos* Aetolis attribuit; & Liuius quoque lib. xxxviii ineunte *Athamanes* Aetolis ponit quam proximos. nam Aetoli a tergo etiam Pindum montem habuerunt, ut gentes eius nunc Aetolis, quando potentiores erant, nunc Epirotis adscriberentur. Stephanus *Athamaniam* dixit χώραν Ἰλδυρίας, *Illyriæ regionem*, quod Strabonis sententiæ est propius. Illyrios intellige Epiro & Thessaliæ conterminos, postea Macedoniæ contributos. Oppida Athamanum sunt, *Argithea*, caput gentis, ut Liuius xxxviii cap. i vocat: & *Acanthus*: in quo nomine Stephanus: ἔστι καὶ ἡ Ἀθαμανίας, est etiam alia [Acanthus] *Athamanie*.

CLXXXIV.

Aethices sunt Hesychio ἔθνος παρὰ τὴν Θεσσαλίαν, gens iuxta *Thessaliam*: Stephano, ἐν Θεσσαλίᾳ, ἐν Πίνδῳ ὄρει, in *Thessalia*, in monte Pindo: sed verius apud eundem Marfyas dixit, μέσον τῆς Τυμφαίας καὶ Ἀθαμανίας καὶ ὄρει τὴν [Αἰθίων] χώραν, *Aethicum regionem esse mediam inter Athamaniam & Tymphaeam*: atque sic in illis montibus qui Epirum spectant, non Thessaliam.

CLXXXV.

Tymphæos, a *Tympha* siue *Stympha* monte dictos, inter Epirotas & Illyricas gentes esse, & modo his, modo illis adiudicari, supra ex Strabone

dictum fuit. Plinius & hos Aetoliæ adiungit, sed potentiam Aetolorum respicit, late quondam ultra fines suos per Thessaliam & Epirum imperantium. Tymphæus certe mons, qui Arachthum fundit, Molossis, quam Aetolis, est propinquior.

CLXXXVI.

Orestas Stephanus exfertis verbis dat Molossidi. *Ορέσαι*, inquit, *Μολοσσικὸν ἔθνος*. Late habitarunt, & *Ορεσις*, *Orestis* regio in ora Illyricarum gentium ad occasum Stymphaliæ, ad septemtrionem Chaoniæ, a Ptolemæo posita, & supra explicata. Inde vsque in Molossidem oblique per montes producebatur. Liuius quidem lib. xxxiii cap. xxxiv *Macedonum* gentem *Orestas* dixit, sed Macedoniam amplificatam per finitimas gentes intelligit. Idem lib. xlii cap. xxxviii inter Epirum & Aetoliam *Orestas* posuit. *Marcus & Atilius ad Gitanas, Epiri oppidum, decem millia ab mari quum adscenderent, concilio Epirotarum habito, cum magno omnium adsensu auditi sunt: & quadringentos iuventutis eorum in Orestas, ut praesidio essent liberatis ab se Macedonibus, miserunt. Inde in Aetoliam progressi.* Stephanus etiam urbem *Orestiam* in hac gente ponit, patriam Ptolemæi Lagi. *Ορεσία*, inquit, *πόλις ἐν Ορέσαις, ἐν ὅρει ὑπερκειμένη τῆς Μακεδονικῆς γῆς, ἐξ ἧς Πτολεμαῖος ὁ Λαγὸς πρῶτος βασιλεύσας Αἰγύπτῳ, Orestia urbs Orestarum in monte, qui Macedoniae imminet, ex qua Ptolemæus Lagi fuit, primus rex Aegypti.*

CLXXXVII.

Qui sequuntur, *Paroræi*, *Παρωραῖοι*, & ipsi circa Stymphæam videntur fuisse. nam ex his quoque Arachthum fluuium deducunt, quem *ἐκ Στύμφης ὄρεος καὶ τῆς παρωρείας* Strabo lib. vii pag. 225 dixit profluere: quod Xylandri versione, etiam a Casaubono emendata, expressum ita est: *profluens ex Stympha monte & Paroræis*. Quod vero non legitur *παρωρείας*, sed *παρωρείας*, quæ vox tractum iuxta montem, aut latus montis, & vicinos adiacentes colles significat; commode verti apud Strabonem potest, *ex Stympha & vicino tractu*, qui riuos adfundeat. Nihilominus *Paroræos*, quos breui post Strabo memorauit, haud longe a Stympha monte fuisse censemus, quia cum Tymphæis & Atintanibus ibidem coniunguntur.

CLXXXVIII.

Atintanes etiam circa hos montes fuere Chaoniæ & Illyricanis gentibus vicini. Stephanus quidem *Atintaniam* *μοῖραν Μακεδονίας*, *Macedoniae partem* dixit, sed ampliato *Macedoniae* vocabulo. Polybius lib. ii cap. v *Epirotas, ad Antigoneam Chaoniæ ab Illyriis victos, διαφύγειν ὡς ἐπὶ Ατιντάνων, fugisse Atintanes versus* tradit. Liuius lib. xlv cap. xxx quartam & occidentalem Macedoniae partem describens, id est Eordæos & Lyncestas, addit: *iuncta his Atintania, & Stymphalis, & Elimiotis*. Dum ergo *iuncta* fuit, accessit aliunde Macedoniae, propria pars non fuit. Etiam vicinitas Chaonum ostendit apud Polybium, & Tymphæorum ac Orestarum apud Strabonem, ad fines Epirotarum, Stympham montem versus, in aspero loco Atintanes habitasse. Liuius enim ibidem de iis & finitimis:

Frigida hæc omnis, duraque cultus æ aspera plaga est: cultorum quoque ingenia terræ similia habet. ferociore eos æ accolæ barbari faciunt: nunc bello exercentes, nunc in pace miscentes ritus suos. Ex quibus intelligimus, inter Illyricos montes & Stympham Pindumque, aut his propinquo loco in Epiri finibus, aut iuxta eos coluisse. De Perrhæbis Pindi supra satis dictum, quum de Thessalis Perrhæbis ageremus.

CLXXXIX.

Pindus autem mons non vnus est, sed iuga montium a variis gentibus Epiri & Thessaliæ habitata, quales sunt antea laudati Athamanes, Aethices, Perrhæbi, alique. Diuidit inter Macedoniam, Thessaliam, & Epirum. Strabo lib. ix. pag. 299 ἡ δὲ Πίνδος ὄρος μέγα, πρὸς ἄρκτον μὲν τὴν Μακεδονίαν, πρὸς ἐσπέραν δὲ Περρῶνibus μετανάσας ἀνθρώπους ἔχουσα, παρὰ δὲ μεσημβρίαν Δόλοπας· αὕτη δ' ἐστὶ τῆς Θεσσαλίας, Pindus vero mons est magnus, qui septemtrionem versus Macedoniam habet, ab occasu Perrhæbos, eo compulso: a meridie Dolopes: ipse vero Thessaliæ est. Plinius lib. iv cap. i Cestrini, Perrhæbi, quorum mons Pindus: Cassiopæi, Dryopes, Selli, Hellopes, Molossi. Ille Thessaliæ, hic Epiro magis inter Epiroticas gentes accenset. Sufficit vtrique sententiæ, inter Epirum & Thessaliam Pindum montem situm esse, & incolentes, illinc ad Thessalos adnumerari, hinc ad Epirotas.

CXC.

Quod ad Dolopes, Dryopes, Sellos, & Hellopes attinet, DOLOPES Thessali sibi vindicabant, & Strabo lib. i pag. 19 dixit τοῖς Παιόσι τὰς ὁμόρους Δόλοπας, Pæonibus finitimos esse Dolopas: & Homerus Iliad. ἰῶτα vers. 480 Νᾶϊον δ' ἔχατιν Φθίης, Δολόπεσσιν ἀνάστων,

Incolebam extremam oram Phthiæ, Dolopibus imperans:

Nec vero dubitandum est, etiam in Pindo iuxta fines Epiri, aut in ipsis finibus Dolopes quoque habitasse. Ptolemæus de Cassiopæis Epiri: ὑπὲρ ἧς εἰσι Δόλοπες, supra quos Dolopes sunt. Regio illorum Dolopia dicebatur. Polybius Legat. excerpt. xxvi ἐστράτευσαν εἰς τὴν Δολοπίαν, in Dolopiam exercitum duxerunt. Et Liuius lib. xxxvi cap. xxxiii Inde Dolopiam, & Aperantiam, & Perrhæbiæ quasdam ciuitates recepit. Non autem in Thessalia omnem Dolopiam fuisse, verum etiam cis Pindum aliquam ad Epiri fines partem, saltem supra Aetoliam & Acarnaniam Thucydides sub finem libri ii clarissime demonstrat. De Acheloo flumine ait: ὁ Ἀχελῷος ποταμὸς ῥέων ἐκ Πίνδος ὄρος διὰ Δολοπίας, καὶ Ἀγραῶν, καὶ Ἀμφιλόχων, καὶ διὰ τῆς Ἀκαρνανικῆς πεδίσ, ἀνωθεν μὲν παρὰ Στράτον πόλιν, εἰς θάλασσαν διεξίει παρ' Οἰνιάδας, Achelous fluvius ex Pindo monte decurrit per Dolopiam, Agræos, Amphilochos, perque Acarnanicum campum superne præter Stratum urbem, apud Oeniadas in mare effluit.

CXCI.

*DRYOPES * sunt dubiæ sedis: in Epiri tamen finibus auctoritate Plinii, qui inter Cassiopæos, Molossos, & Sellos posuit, omnes gentes Epi-*

Ttt tt 3

roticas.

* In Epirum nos trahunt etiam illa, quæ Apollodorus II c. 6 & 7 pag. 133 & 134 de expeditione Herculis in Dryopes narrat.

roticas. Strabo autem lib. ix pag. 299 in Thessalia ponit, vnde pars venerit in Peloponnesum.

CXCII.

SELLI. Σελλοί, sunt Stephano οἱ Δαδωνῆοι, *Dodonæi*: & Straboni lib. i pag. 19 περί Δωδώνην μέχρις Ἀχελώος, *circa Dodonam usque Acheloum*. * Lucanus lib. III vers. 180 *Sellæ*, alia forma:

*Thesproti, Dryopesque ruunt, quercusque silentes
Chaonio veteres liquerunt vertice Selle.*

CXCIII.

HELLOPES Plinii itidem circa Dodonam fuerunt, ideoque tractus ille dictus *Hellopia*, vt a Dolopibus Dolopia Strabo lib. viii pag. 227 ex Hesiodi carminibus adfert:

Ἔστι τις Ἑλλοπία, πολυλήϊος ἥδ' εὐλείμων
ἐνθάδε Δωδώνη τις ἐπ' ἑκατιῇ πεπόλισται.

Supplet scholiastes Sophoclis in Trachiniis ad vers. 1174

Τήνδε Ζεὺς ἐφίλησε καὶ ὃν χρητήριον εἶναι
τίμιον ἀνθρώποις, νόον ἐν πυθμένι Φηγῶ.

Hoc est: *Hellopia quædam est, pratis agrisque locuples, cuius in extremo Dodona est ædificata: quam Iupiter amavit & suum oraculum esse voluit, hominibus venerabile, habitans in ima fago*. Sunt qui Hellopes, & Sellos eodem volunt, quia non raro adspiratio in sibilum conuersa est, vt Helli siue Hellopes dicti sint Selli. Vide Strabonem & Sophoclis scholia locis iam prædictis.

CXCIV.

Tandem etiam AENIANVM quædam mentio facienda est. Horum varia migratio traditur: pulsos autem a Lapithis ad Aethices venisse: inde τῆς Μολοσσίας χώραν, *Molosfidis regionem ad Aravam* (Plinii *Apham*) flumen occupasse, Plutarchus refert Quæstion. Græcis. Strabo autem lib. ix pag. 294, de alio forsan loquens tempore: τοῖς Ἐπικνημιδίοις Αἰνιᾶνες συνεχεῖς, *Epicnemidiis [Locris] Aenianes continui*. ** Et lib. i pag. 42 Αἰνιᾶνες οἱ νῦν Αἰτωλοῖς ὁμοιοί, *Aenianes Aetolis nunc finitimi*.

GRÆCIA PROPRIA. * *

CXCIV.

Haftenus de Græca Illyride, de Macedonia, eique adnexa Thessalia; & de

* Aristoteles Meteor. I cap. 14 Αὕτη (ἡ Ἑλλάς ἡ ἀρχαία) ἐστὶν ἡ περὶ τὴν Δωδώνην καὶ τὸν Ἀχελῶον· ἕτος γὰρ πολλαχῶς τὸ ρεῦμα μεταβέβληκεν· ὥσπερ γὰρ οἱ Σελλοί ἐνταῦθα καὶ οἱ καλέμενοι, τότε μὲν Γραικοί, νῦν δὲ Ἕλληνες. *Græcia antiqua est circa Dodonam & Acheloum. Iste enim multis in locis fluxionem permutauit. Habitabant enim Selli hic, & qui vocabantur tunc quidem Græci, nunc autem Hellenes.*

** Demosthenes in Neær. 531 C, Βοιωτοῖς δὲ τοῖς ἄλλοις ἅπασιν καὶ Λοκροῖς καὶ Φωκεῦσιν καὶ Μαλιεῦσιν καὶ Οἰτωίοις καὶ Αἰνιάσιν πανδημὴ ἐπαγγέλλαντες στρατεύειν. *Lacedæmonii Plataensibus bellum inferunt, Bæotis reliquis omnibus & Locris & Phocensibus & Maliensibus & Oetæis & Aenianibus quum imperassent, vt uniuersas copias suas educerent.*

* * Olim gens, quæ Græci dicebatur, Dodonæ & Acheloo flumini circumfusa fuit, vti ex Aristotelis Meteorolog. I cap. 14 ostendimus supra. Quare vetustissimis temporibus ibi Græcia propria fuit quærenda.



M A R E

I O N I U M



HELLAS
sive
GRAECIA PROPRIA



& de Epiro, & iis in Pindo monte gentibus, quæ Epiro contributæ fuerunt, vel fines eius attigerunt. Hæ partes sub regibus, non antiquissimis tantum temporibus, quibus omnes Græci suos regulos habebant, sed postea quoque, quum ceteri liberi essent, fuerunt, quod de Macedonia nemo dubitat, cui etiam Philippus, Amyntæ filius, Thessaliam adiunxit, Pherarum tyrannis subactis, quod Diodorus lib. xvi cap. xxxvii, & de tota Thessalia Suidas in Κάρανος, ex veteri scriptore referunt. Nec in Epiro ignota Aecidarum regna, nec Admetus rex Molossorum, de quo in Molossis diximus; aut Amynander, rex Athamanum, in Polybii Legationibus excerptis. Ceteri vero Græciæ populi, qui a Thessalia & Macedonia in austrum vergebant, olim abrogato regio imperio, vti libertate sunt, quam pactis inter se & foederibus, aut legibus suis ciuitates singulæ ac potentia tuebantur. Hi præ ceteris Ελληνες genuini, seu proprie Græci adpellati, & terra quam colebant, *Hellas* siue *Græcia propria*. * In varias autem rursus gentes siue respublicas ac ciuitates distributi erant, quas nunc singulas enarrabimus, ab Epiri limite, hoc est ab occasu solis, vt solemne est geographis, initium facientes.

S E C T I O V I.

A C A R N A N I A.

CXCVI.

Acarmania prima regio Græciæ liberæ ab occasu solis, siue Græciæ propriæ, sinu Ambracio intercepta & Acheloo fluuio, qui ab Aetolia determinat, vt ille sinus ab Epirotis. Regio ακαρνανία, Thucydidi, Scylaci, Stephano, & Latine *Acarmania* Liuius, Melæ, Plinio dicta: Straboni x pag. 311 ἡ Ακαρνανίαν γῆ: item, ἡ Ακαρνανίων χώρα, Polybio lib. v cap. xcvi. Populus

* Hæc ex Demosthenis Philipp. III pag. 47 C, magis etiam intelligentur. Ecce igitur eius verba: Καὶ μὴν κακῆνός γε ἵστε, ὅτι ὅσα μὲν ὑπὸ Λακεδαιμονίων ἢ ὑφ' ὑμῶν ἔπαχον οἱ Ἕλληνες, ἀλλ' ἔν ὑπὸ γνησίων γε οὐτῶν τῆς Ἑλλάδος ἡδίκηντο. καὶ τὸν αὐτὸν τρόπον ἂν τις ὑπέλαβε τῆτο, ὥσπερ ἂν ἡ τις υἱὸς ἐν ὑσσίᾳ πολλῇ γεγονώς γνησίου διαφκει τι μὴ καλῶς μηδ' ὀρθῶς, κατ' αὐτὸ μὲν τῆτο ἄξιός μέμψεως εἶναι καὶ κατηγορίας· ὡς δ' ἔ' προσήκων ἢ ὡς ἔ' κληρονόμος τῶτων ὧν ταῦτα ἐποίη, ἔκ εἶναι λέγειν. Εἰ δέ γε δῆλος ἢ ὑποβολιμαῖος τὰ μὴ προσήκοντα ἀπώλλυε καὶ ἐλυμαίνετο· ἡράκλεις ὅσῳ μᾶλλον δεινὸν καὶ πολλῆς ὀργῆς ἄξιον πάντες ἂν ἔφασαν εἶναι. Αλλ' ἔχ' ὑπὲρ Φιλίππου καὶ ὧν ἐκῆνος πράττει, νῦν ἔτως ἔχουσιν, ἔ' μόνον ὅτ' Ἑλλήνων οὐκ ὄντος, οὐδ' ἐπὶ προσηκόντος οὐδ' ἐν τοῖς Ἑλλησιν, ἀλλ' ἔδ' ἐβάρβάρων ἐντεῦθεν, ὅθεν καλὸν εἶπ' ἂν, ἀλλ' ὀλέθρου Μακεδόνος, ὅθεν ἔδ' ἀνδράποδον σπυδαῖον ἔδ' ἐν ἡν πρότερον πρίασθαι. Sane etiam illud novistis, quod, si qua a Lacedæmoniis aut a vobis Græci perpeffi sint, at a GENUINIS GRÆCIS perpeffi sint. Id quod ita existimari posset, ac si quis filius familias in magna re familiari quiddam minus bene & recte administraret, & iccirco reprehensione & criminatione dignus esset. Idem autem non dici posset fecisse vt alienigena aut hereditatis expers. Si quis vero seruus aut filius suppositus ea, quæ ad ipsum nihil pertinerent, perderet ac vastaret: omnes sane id indigne & scelerate fieri dicfiterent. Verum in Philippum & eius facta nunc non ita animati sunt homines, QUI TAMEN NEC GRÆCUS EST, NEC GRÆCOS ULLA RATIONE ATTINGIT, sed ne ex iis quidem barbaris habendus, qui nominis aliquam habent dignitatem, Macedonica enim est pestis, unde olim ne mancipium quidem bonæ notæ emere licuit. Origo autem opinionis de Græcis seu potius Hellenibus tanquam communi stirpe & cognatis, repetenda est ex Apollodori lib. I c. 7. §. 2. pag. 24, vbi Hellen filio Xutho Peloponnesum, Doro terras ultra Peloponnesum, Aeolo finitimas Thessaliæ, & fortasse Achæo Achaiam diuississe docetur.

Ius Ακαρνᾶνες, *Acarnanes*, porrecta media: singularis Ακαρνᾶν *Acarnan*. Cur-
tius lib. III cap. VI *Erat inter medicos Philippus natione Acarnan*. Et Silius
Italicus lib. XV vers. 588

- - - - - *hosti dextras iungebat Acarnan*.

De finibus gentis clare Strabo lib. X pag. 309 Αἰτωλοὶ μὲν καὶ Ακαρνᾶνες ὁμο-
ρῶσιν ἀλλήλοις, μέσον ἔχοντες τὸν Αχελῶν ποταμὸν, ῥέοντα ἀπὸ τῶν ἄρκτων καὶ τῆς
Πίνδου πρὸς νότον διὰ τε Αγραίων Αἰτωλικῶν ἔθνης, καὶ Αμφιλόχων. Ακαρνᾶνες μὲν
τὸ πρὸς ἐσπέραν μέρος ἔχοντες τῷ ποταμῷ μέχρι τῆς Αμβρακικῆς κόλπου, τῷ κατὰ
Αμφιλόχους, καὶ τὸ ἱερὸν τῆς Ἀκτὸς Ἀπόλλωνος. *Aetolos & Acarnanes inuicem
conterminos medius fluuius Achelous distinguit, a septentrionibus & Pindo in
austrum fluens per Agræos, Aetolicam gentem, & Amphilochos. Acarnanes
occasum versus colunt usque ad sinum Ambracium iuxta Amphilochos & fa-
num Apollinis Actii*. Ptolemæus, & hunc quidam recentes sequuti, *Acar-
naniam in Epiro censent, & terminum Epiri Acheloum faciunt: forsan
quod Ptolemæi ævo Acarnania sub Epiri præside fuit: olim autem separa-
ta ab Epiro erat, vti iam Strabonis verbis probatum fuit. Et Liuius quo-
que lib. XXXIII cap. XVII Acarnania vniuersa, inter Aetoliam atque Epi-
rum posita, solem occidentem & mare Siculum spectat*. Iterum Strabo prin-
cipio libri VIII Μετὰ τῆς Ἡπερώτας, καὶ τῆς Ἰλλυρίας τῶν Ἑλλήνων Ακαρνᾶνες
εἰσὶ, *post Epirotas & Illyrios in Græcia sunt Acarnanes*, quos Aetoli, Locri,
Phocenses & reliqui ibi nominati, ordinatim excipiunt. Nunc oppida
pernarramus.

CXCVII.

Actium * in ora Acarnaniæ non magnum olim oppidum: templo
autem Apollinis celebratum, etiam portu tuto, & adiacente eiusdem nomi-
nis promontorio. Strabo lib. X pag. 311 πρῶτόν ἐστιν Ακαρνάνων χωρίον τὸ Ἀκ-
τιον. ὁμονύμως δὲ λέγεται τὸ τε ἱερὸν τῆς Ἀκτὸς Ἀπόλλωνος, καὶ ἡ ἀκρὰ ἢ ποῖσσα τὸ σῶ-
μα τῆς κόλπου, ἔχουσα καὶ λιμένα ἐντός. *Primum Acarnaniæ oppidum est Actium:
idem autem nomen gerunt Apollinis Actii templum: & promontorium quo os il-
lius sinus coarctatur*. Et Thucydides lib. I pag. 21 ἐπειδὴ δὲ ἐγένοντο ἐν Ἀκτίῳ
τῆς Ἀνακτερίας γῆς, & τὸ ἱερὸν Ἀπόλλωνος ἐστὶ, ἐπὶ τῷ σώματι τῆς Αμβρακικῆς κόλπου,
*postquam in Actium venerunt terræ Anatoliciæ, ubi templum Apollinis est in
faucibus sinus Ambracii*. De portu Cicero lib. XVI epist. IX *Leucadem ve-
nimus a. d. VIII idus Nouembres: a. d. VII Actium*. ibi propter tempesta-
tem ad VI idus morati sumus. Clarius factum & oppidum & promonto-
rium Actiaca victoria, & colonia eo deducta. Plinius lib. IV cap. I in ore
ipso [sinus] colonia Augusti Actium, cum templo Apollinis nobili. Et Sueto-
nius Augusto cap. XVII *nauali prælio apud Actium vicit: & cap. XVIII vr-
bem Nicopolim apud Actium condidit, ludosque illic quinquennales constituit,*
ὃ ἀμ-

* Dio libr. L pag. 487 τὸ δὲ Ἀκτιον Ἀπόλλωνος ἱερὸν ἐστὶ καὶ πρὸ τῆς σώματος τῆς πορθμῆς τῆς κόλπου
τῆς Αμβρακικῆς κατ' ἀντιπέραν τῶν πρὸς τῇ Νικοπόλει λιμένων κῆτοι. Ὅ, τὴν πορθμὸς ἴσως ἐπὶ πο-
λὴν διὰ τὴν τεῖναι καὶ ἐστὶ καὶ αὐτὸς καὶ τὰ πρὸ αὐτῆς πάντα καὶ ἐνορμίσασθαι καὶ ἐνναυλοχῆσθαι
positum. *Ac fretum quidem equaliter per angustias longius procurret & cum ipsum tum o-
mnia ante ipsam loca ad excipiendas tuendasque naues opportuna.*

ἐς ampliato vetere Apollinis templo locum castrorum, exornatum naualibus spoliis, Neptuno ac Marti consecrauit. Hi sunt Ludi Actiaci. Idem Suetonius Tib. cap. vi Praesedit ἐς Actiacis ludis, ἐς Troianis Circensibus.

CXCVIII.

A templo Actio stadiis XL Ανακτόριον, *Anactorium* oppidum aberat, vt Strabo dicto loco obseruauit: qui & in peninsula positum, & nouæ vrbs Nicopolis ἐμπορίον, *emporium* dixit. Thucydides lib. i pag. 37 Ανακτόριον ἐστὶ ἐπὶ τῷ σωματι τῆς Ἀμπρακικῆς κόλπης, *Anactorium est in ipso ore Ambracii sinus*. Stephanus: Ανακτόριον Ἀκαρνανίας πόλις, Κορινθίων ἀποικίος, *Anactorium Acarnaniae oppidum, colonia Corinthiorum*. Plinius iv cap. i ciuitas *Anactoria*: modo in Actio ex Thucydide aderat ἀνακτορία γῆ, *ager Anactorius*: & Scylacis κόλπος, *Anactorius, sinus Anactorius est Ambracius*.

CXCIX.

Supra Anactorium ad eundem sinum *Limnea* fuit. Polybius lib. v cap. v *Ambracium sinum inuectus, priusquam illucesceret, καθορμιόδῳ πρὸς τῇ καλεσμένῃ λιμναίᾳ, ad Limneam portum subiit*: & cap. xiv ποιέμενος τὴν πορείαν ὡς ἐπὶ τὴν Λιμναίαν καὶ τὰς ναῦς, *ad Limneam ἐς naues contendens*. Non oppidum, sed vicus sine muro fuit. Thucydides lib. ii pag. 154 διὰ τῆς Δογείας ἰόντες, Λιμναίαν κώμην ἀτείχιστον ἐπόρθησαν. ἀφικνῶνται τε ἐπὶ Στράτον, *per Argeam (Amphilochicum agrum) iter facientes, Limneam, vicum sine muro, diripuerunt. Inde venerunt Stratum*. Videtur ibi mercatura exercita propter portum: ideo primum exercitus opimæ prædæ causâ eo adductus veluti ad locum non munitum, vt aduersus munitas vrbes præda inlecti fortius postea pugnarent. Liuius etiam *Limneam* memorat lib. xxxvi cap. xiii & xiv, sed forte aliam, & Thessaliæ.

CC.

Argos Amphilochicum nobilis vrbs, cuius ager Ἀμφιλοχία, *Amphilochia* Thucydidi lib. ii pag. 145. Et Dicæarchus vers. 47 post Amphilochos demum Acarnanes posuit veluti gentem separatam.

Εἴτ' Ἀμφιλοχοί. Ἄργος δ' ἐνταυθα ἐστὶ τὸ Ἀμφιλοχικόν. μετὰ τούτους δ' Ἀκαρνανες.

Plures vero hoc Argos in Acarnania censent. Scylax Periplo: Μετὰ Ἀμβρακίαν Ἀκαρνανία ἔθνος ἐστὶ, καὶ πρώτη πόλις αὐτοῦ Ἄργος Ἀμφιλοχικόν, *Ambra- ciam Acarnaniae regio sequitur: cuius prima vrbs Argos Amphilochicum*. Plinius lib. iv cap. i Deinde Acarnanum vrbes, Alyzea, Stratos, Argos Amphilochicum cognominatum. Et Strabo lib. x pag. 310 Πόλεις δ' εἰσὶν ἐν μὲν τοῖς Ἀκαρνανῶσιν, Ανακτόριον τε καὶ Στράτος - - καὶ ἄλλαι δ' εἰσὶ, Παλαυρός τε, καὶ Ἀλυζία, καὶ Λευκάς, καὶ Ἄργος τὸ Ἀμφιλοχικόν, *Acarnaniae ciuitates sunt Anactorium ἐς Stratus: - - ἐς alia, Palærus, ἐς Alyzia, ἐς Leucas, ἐς Argos Amphilochicum*. Id quod situ etiam confirmatur. Posita enim hæc vrbs Argos fuit ἐν τῷ Ἀμπρακικῷ κόλπῳ, *in Ambracio sinu*, vt Thucydides dicto loco demonstrauit: seu, vt Mela lib. ii cap. iii dixit, ex iis nobilibus vrbibus est, *quæ adsidunt sinui Ambracio*. Distabat præterea ab Ambracia, secundum Polybium Legat. xxviii, πρὶς ἑξάδια clxxx stadia, id est, vt Liuius

lib. xxxviii cap. x Romano more dimensus est, xxii passuum millia. *Profectus*, inquit, *ab Ambracia consul, ad Argos Amphilochicum* (viginti duo millia ab Ambracia abest) castra posuit. E quibus intelligimus, in ipsa Acarnania ad sinum Ambracium situm fuisse.

CCI.

Nomen non tantum *Argos* fuit, neutro genere, τὸ Ἄργος Græce, verum etiam *Argia*, quia Pomponio Melæ dicta *Argia Amphilochis*, veluti Ἄργεια Ἀμφιλοχίς: & si Stephano est fides habenda, gentis quoque nomine, ut aliæ vrbes medio ævo, *Amphilochi* est adpellata. Ait enim: Ἀμφιλοχοὶ πόλιν Ἀκαρνανίας, οἱ καὶ Ἀμφιλοχικὸν Ἄργος κληθεῖσιν, ut Vossius ad Melam emendavit & supplevit. Origo nominis ab *Amphilochos*, Amphiarai filio, conditore, qui patriæ nomine, quæ in Argolide Peloponnesi erat, hanc nouam urbem adpellauit. Lege Thucydidem dicto loco. Hæ ad sinum Ambracium Acarnaniæ vrbes.

CCII.

Mediterraneæ Arcanum fuerunt *Stratos*, *Metropolis*, *Thyreum*, *Palerus*, & aliæ. Amplissima ciuitas *Stratos*, ad Acheloum amnem sita. Thucydides lib. ii pag. 154 ἀφαινέονται ἐπὶ Στράτον, πόλιν μεγίστην τῆς Ἀκαρνανίας, veniunt *Stratum*, maximam *Acarnaniæ* urbem. Idem sub finem huius libri, ubi Acheloum amnem a fontibus ad ostia describit, ἀναθεὶν παρὰ Στράτον πόλιν superiorī *Acarnania* præter urbem *Stratum* dicit defluere. Liuius lib. xliii cap. xxi *Perseus in Elimeam profectus, & circa eam exercitu lustrato ad Stratum, vocantibus Epirotis, ducit. Stratus validissima tum vrbs Aetoliæ erat. Sita est super Ambracium sinum, prope amnem Acheloum. Aetoliæ dicit esse, quia ad fines eius, Acheloo separante: etiam aliter fuit Thucydidis tempore, aliter Philippo & Perseo regnantibus, quum iam Aetolorum creuisset potentia, & fines utrimque prolati essent longius. Stratum nauigatur Acheloo aduerso ducentis amplius stadiis, ut Strabo docet lib. x pag. 310, ex quo verus situs huius vrbis & a mari distantia cognoscitur. Inde κτητικὸν formatur Στρατικός. Polybius lib. iv cap. lxiv ποιεῖμενος τὴν πορείαν εἰς τὴν Στρατικὴν, agmen in *Stratensium* agrum ducit. Octoginta stadiis a Strato est *Anaprus* fluuius, auctore Thucydide lib. ii pag. 156.*

CCIII.

Ab Strato non longe aberat, in austrum paullo vergens, *Metropolis*, xx stadiis reducta ab Acheloo; quæ in via erat, qua Strato itur Conopen Aetoliæ, quod ex dicti lib. iv Polybii cap. lxiv adparet.

CCIV.

Prope mare & urbem Leucadem fuit oppidum *Thyreum* siue *Thuri-um*, quod in Acarnania Polybius censet. Lib. iv cap. vi τῆς Ἀκαρνανίας Θύρεον, *Thyreum Acarnaniæ oppidum*: & Legatione lxxv idem: κατὰ τὴν Ἀκαρνανίαν συναχθεῖσιν τῆς ἐκκλησίας εἰς Θέριον, *Acarnanum concilio Thuriū congregato*. Idem excerpt. Legat. x ἐκ Θερῶν ex *Thurio*, quod idem oppidum est. Varie enim scribitur. Liuius xxxvi cap. xi ducentis

centis Thyrii in præsidio positis. quam scripturam Stephanus adprobauit. ἐστὶ, inquit, καὶ Ἀκαρνανίας Θύριον, διὰ τῆς ἰσότητος, Est quoque Acarnaniæ Thyrium, quod per I scribitur. Ex quo Liuium Sigonius correxit: alibi vero, lib. xxxviii cap. ix, mansit in libris, adduci eos a Thyrreo iussit. Haud procul a mari fuisse & vrbe Leucade, ex Ciceronis excursionem, quam eo a Leucade fecit, adparet. Lib. xvi epist. v quæ Leucade scripta est, *Duas*, inquit, *horas Thyrei fuimus. Xenomanes hospes tam te diligit, quam si vixerit tecum.* Cum Thyrio Liuius lib. xxxvi cap. xi coniungit *Medionem*, vt propinquum locum in mediterraneo Acarnaniæ, quem Stephanus πρὸς τῇ Αἰτωλίᾳ posuit, id est apud Aetoliam.

CCV.

Citra Leucadem a Patris, nauiganti Italiam versus, fuit *Alyzia*, ἡ Ἀλυζία, xv stadiis a mari, vt Strabo definit lib. x pag. 316. Cicero lib. xvi epist. ii ad Tironem Patris relictum: *Tertio die abs te Alyziam accesseramus. Is locus est citra Leucadem stadia cxx.* Eodem situ Ptolemæus posuit. Stephanus: Ἀλύζεια πόλις Ἀκαρνανίας, *Alyzea oppidum Acarnaniæ.* Et Plinius i'v cap. i *Deinde Acarnanum vrbes, Alyzea, Stratos, Argos Amphiloichicum cognominatum.* Hæc de ora maris exteri in Acarnania.

CCVI.

Intus *Palærus*, παλαίρος, Strabonis, vnde Thucydidi gentile παλιρεὺς, lib. ii pag. 120 sine diphthongo, id est *Palirensis*, tamquam a παλιρὸς, *Palirus*. Σόλιον, inquit, Κορινθίων πόλισμα αἰρῆσι, καὶ παραδιδέασιν Παλιρεῦσιν Ἀκαρνανίων μόνοις τὴν γῆν καὶ πόλιν νέμεσθαι. *Solion, Corinthiorum oppidum, [Athenienses] postquam diripuerunt, id cum agro solis Acarnanum Palirensibus colendum tradiderunt.* Quod autem heic *Solium* nominatur, aliunde non est notum, neque de situ eius iudicari potest. In Acarnania fuisse, scholiastes adnotauit.

CCVII.

Ad Acheloum, propinquum ostio, vrbs *Astacus*, Ἀσάκος, ex Ptolemæi positione: quæ vero secundum Scylacem etiam portum in mari habet a dextra exeuntis Acheloi, qui terminus ita est Acarnaniæ, vt tamen in sinistra ostiorum oppidum *Oeniadæ* itidem Acarnanum fuerit. Sic enim Scylax enumerando procedit, vt Acheloum inter Astacum & Oeniadas tamquam amnem medium deducat: πόλις Ἀσάκος καὶ λιμὴν, καὶ ποταμὸς Ἀχελῷος, καὶ Οἰνιάδα πόλις, vrbs *Astacus* ἔς portus, ἔς flumen Achelous, ἔς vrbs *Oeniadæ.* Vnde est quod quum Aetoli occupassent, tamquam fitas in solo suo; Romani decreto Acarnanibus restituerunt. Liuius xxxviii cap. xi *Oeniadæ cum vrbe agrisque Acarnanum sunt.* Olim enim Acarnanum fuerant. Thucydides lib. i pag. 73 διαπελεύσαντες πέραν, τῆς Ἀκαρνανίας ἐς Οἰνιάδας ἐστράτευσαν καὶ ἐπολιόρκησαν, traicientes [ex Peloponneso] *Acarnaniæ Oeniadas oppugnauerunt.* Et Scylax in Acarnania posuit. Liuius lib. xxvi cap. xxiv *Leuinus Zacynthum vi cepit, ἔς Oeniadas Nasumque Acarnanum captas Aetolis contribuit.* Stephanus quoque: Οἰνιάδα πόλις Ἀκαρνανίας πρὸς τῇ

Αχελῷω, ἡ καὶ Ερυσίχη καλεσμένη, Oeniade sunt vrbs Acarnaniae ad Acheloum, quae etiam Erysiche adpellatur. De situ etiam Thucydides lib. ii sub finem: ἐς θάλασσαν ἐξίης [ὁ Αχελῷος] παρ' Οἰνιάδας, καὶ τὴν πόλιν αὐτοῖς περιλαμβάνων, in mare exit Achelous iuxta Oeniadas, ad quorum urbem restagnat. Et Polybius lib. iv cap. lxxv τὰς μὲν Οἰνιάδας καὶ θάλασσαν συμβαίνει παρὰ θάλατταν, ἐπὶ τῷ πέρατι τῆς Ακαρνανίας τῷ πρὸς Αἰτωλίας συνάπτουσι περὶ τὴν ἀρχὴν τῆς Κορινθιακῆς κόλπου. Oeniadarum oppidum ad mare situm est, in ultima parte Acarnaniae, qua Aetolos contingit, circa principium sinus Corinthiaci. Extrema verba: circa principium finis Corinthiaci, suspecta sunt, quod omnis Aetolia interiecta est Oeniadas inter & initium Corinthiaci sinus. Gentile, Oeniade eodem quo vrbs nomine, vt ex Liuii xxxviii cap. xi modo patuit, qui ex Polybii Legat. xxviii transcripsit, cuius verba sunt, ἡ δὲ πόλις καὶ ἡ χώρα ἡ τῶν Οἰνιάδων Ακαρνανίων ἐστίν. Adde quae ex Thucydides lib. ii extremo iam protulimus.

CCVIII.

Nasum, quam velut oppidum Acarnanum cum Oeniadis coniunxit Liuius lib. xxvi cap. xxiv, vt modo ostensum est; Polybio lib. ix cap. xxxiii oratione Lycisci itidem Νῆσος dicta sic cum Oeniadis componitur. Ait ibi Acarnanum orator: ἡδὴ παρήρηνται μὲν Ακαρνανίων Οἰνιάδας καὶ Νῆσον, hi iam [Aetoli] Acarnanibus Oeniadas ἐξ Nesum ademerunt. Quod vero νῆσος & Dorice νᾶσος Latine insula sonat, videtur ex iis aliqua, quae Achelous in mari adgestionibus faciat, vt Thucydides lib. ii sub finem scripsit, hoc nomine significari.

CCIX.

Ad peninsulam, cui Leucadia nomen est, & postea, perfosso isthmo, insulam factam, vt hodieque est, Sanctæ Mauræ nomen gerens, quia & ipsa pars fuit Acarnaniae, nunc accedimus perlustrandam. Olim peninsulam fuisse, ex Homeri carminibus, qui οἰκτὴν ἡπέροιο vocat, litus Epiri, hoc est Acarnaniae, probat Strabo lib. x pag. 311. Tria oppida Homeri memorat, Nericum, Crocyleam, & Agylipem; e quibus primum, Νήρικον Homeri Odyss. ii vers. 376, (aliis, vt apud Stephanum est, Νήριτον, quod alias montis vocabulum est) dicit Corinthios, qui isthmum perfoderint, μετενέγκαντας, transferentes posuisse in loco fere, vbi isthmus fuerat, qui a perfossione illa, vt apud Polybium est lib. v cap. v, διόρυκτος, siue Dioryctos, vt Latine Plinius iv cap. i scripsit, adpellatur. Scylax eadem fere in Acarnania: αὕτη δ' ἐστὶ νῦν νῆσος τὸν ἰσθμὸν ἀποτελεσθευμένη, ea nunc insula est, isthmo perfosso. Nihil de perfossione, neque de insula Thucydides: ideoque eius ætate adhuc peninsulam fuisse Isaacus Vossius ad Scylacem censet. Plinius omnem causam dicto loco ita enarrat: Dein sinus ἐξ Leucadia ipsa peninsula, quondam Neritis adpellata, opere accolarum abscissa a continenti ac red-dita ventorum flatu congeriem arenæ accumulantiū, qui locus vocatur Dioryctus, stadiorum longitudine trium. Oppidum in ea Leucas, quondam Neritum dictum.

CCX.

CCX.

Straboni peninsulæ & oppidi est idem nomen Λευκάς, *Leucas*: Mela & Plinius urbem *Leucadem*; insulam siue peninsulam *Leucadiam* nominant, quod etiam Thucydides lib. III pag. 237 fecit, Λευκάδα & Λευκαδίαν discernens. Ita etiam Liuius distinxit lib. XXXIII cap. XVII, *Leucadia nunc insula*, * & vadoso freto, quod perfossus manu est, ab Acarnania diuisa: tum peninsula erat, occidentis regione arctis faucibus coherens Acarnaniæ. Quingentos ferme passus longæ fauces erant; latæ haud amplius centum & viginti. In his angustiis *Leucas* posita est, colli adplicata verso in orientem & Acarnaniam. Imæ urbis plana sunt, iacentia ad mare, quo *Leucadia* ab Acarnania diuiditur. Florus autem lib. IV cap. XI *Leucadem* insulam dixit, quæ aliis erat *Leucadia*. Etiam Ouidius Metam. lib. XV vers. 289

Leucada continuam veteres habuere coloni,

Nunc freta circumueunt.

Ab insula & vrbe distinguendum promontorium Λευκάτα, *Leucata*; & alia dialecto Λευκάτη, *Leucate*: Liuius lib. XXVI cap. XXVI *Leuinus* superato *Leucate* promontorio, quum venisset *Naupactum*, *Anticyram* inde se petiturum edixit. Florus dicto loco: positis in Epiro castris, *Leucadem* insulam, montemque *Leucaten*, & *Ambracii* sinus cornua classe [Cæsar] succinxerat. Virgilius Aeneid. III vers. 274

Mox & Leucate nimbose cacumina montis,

Et formidatus nautis aperitur Apollo;

nam templum Apollinis in illo monte erat. Et lib. VIII vers. 676

- - - totumque instructo Marte videres

Feruere Leucaten.

Et Claudianus I consul. Stilic. lib. I vers. 174

Nec iuga Leucate feriens spumantia fluctu

Deterrebat hiems.

Est autem πέτρα λευκή, *saxum album*, in mare prominens Cephalleniam versus, vt Strabo p. 311 descripsit. Ipsa vrbs *Leucas* maxime clara fuit, vt Mela refert, & celebris adeo, vt caput esset Acarnaniæ. Liuius lib. XXXIII cap. XVII *Leucade hæc sunt decreta: id caput Acarnaniæ erat, eoque in concilium omnes populi conueniebant.* Et lib. XXXVI cap. XI *Is quum Leucadios, quod Acarnaniæ caput est, non facile ad defectionem posse cerneret impelli.* Situm paullo ante ex Liuii XXXIII dispeximus. Ita autem in Isthmo vrbs posita erat, vt magis intus, quam in fauces vergeret, quia Thucydidi *Leucas* & Apollinis templum intus in chersoneso, seu intra illius isthmum erant, lib. III pag. 137. οἱ μὲν, inquit, Λευκαῖοι τῆς τε ἔξω γῆς δεξιμένης, καὶ τῆς ἐν- τὸς τῆς ἰσθμῆς (ἐν ᾗ καὶ Λευκάς ἐστὶ, καὶ τὸ ἱερὸν τῆς Ἀπολλωνος) πλήθει βιάζομενοι ὑπόχαζον, *Leucadii*, quum ipsorum ager tam extra, quam intra isthmum (ubi *Leucas* ipsa sita est & Apollinis templum) vastaretur, quiescebant. Cicero, quum ex prouincia rediret, *Leucade* biduum fere consumsit, lib. XVI epist.

VVV VV 3

IV

* Videatur Sponius in Itinerario II pag. 102, vbi hoc ipsum confirmatur, *Leucas* a *Santa Mauræ* fecernitur & reliquis rebus lumen adfunditur.

iv & v, & in portu Tironis litteras expectavit, binasque indidem ad ipsum dedit, cui etiam suavit, ut Leucadem festinaret venire, atque ibi se plane confirmaret. Ita vero *Leucas* in insula erat, ut esset etiam in continenti, quia fossa, quæ dirimebat, ponte iungebatur, angustior adgestionibus arenæ facta, ut supra Plinius demonstrabat. Strabo lib. x pag. 311 τῆς χερσονήσου διερύξαντες τὸν ἰσθμὸν, ἐποίησαν ἡπτόν τὴν Λευκάδα, - - - οὗν δὲ πορθμὸς γεφύρα ζευκτός, peninsulae isthmum perfodientes fecerunt insulam Leucadiam: nunc vero fretum ponte iunctum est. Oppidani Λευκάδιοι, *Leucadii*, ut iam ex Thucydide & Liuiο perspectum est. Et *Leucadius* Apollo cognominatus, Straboni dicto loco, τὸ τῆς Λευκάδας ἀπόλλωνος ἱερὸν, quia templum in monte erat. Propertius lib. iii eleg. xi

Leucadius versas acies memorabit Apollo.

S E C T I O VII.

A E T O L I A.

CCXI.

Aetolia ab Acheloo flumine ad fretum sinus Corinthiaci patebat, siue ad Locros usque Ozolas. Sed hi termini Aetoliæ uniuersæ. Duplex autem erat secundum Strabonem lib. x pag. 310, ἡ μὲν ἀρχαία, ἡ δ' ἐπίκτητος, *Aetolia antiqua*, & *adiecta*. Definit ἀρχαίαν ἀπὸ τῆς Αχελώου μέχρι Καλυδῶνος παραλίαν, ἐπὶ πολὺ καὶ τῆς μεσογαίας ἀνήκονσαν - - - ἐπίκτητοι δὲ τὴν τοῖς Λοκροῖς συνάπτουσιν, ὡς ἐπὶ Ναύπακτόν τε καὶ Εὐπάλιον, *Antiquam*, ab Acheloo usque ad maritima Calydonis [quam Euenus præfuit] *Naupactum* versus & *Eupalium*. Colentes Αἰτωλοὶ, *Aetoli*, omnibus historiis notissimi. Possessium, *Aetolicus*. Florus lib. ii cap. ix *Syriatico bello successit* (& *debebat*) *Aetolicum*. Potentiores facti Aetoli multa in Thessalia, & Acarnania, & alibi occupauerunt, quæ vero huc non pertinent. Lege bella illorum aduersus Macedonas & Romanos gesta apud Liuium Polybiumque.

CCXII.

Flumina Aetoliæ *Achelous*, qui ab Acarnania separat: & *Euenus*, ὁ Ἐηνος, * qui diuidit inter Aetoliam Veterem & Epictetum: huius cursum & flexiones Strabo lib. x pag. 310 descripsit. Ouidius *Metamorph.* lib. ix vers. 104 de Hercule:

Venerat Eueni rapidas Ioue natus ad undas.

CCXIII.

Aetoliæ, quam Alexander Acarnan lib. xxxv Liuii cap. xviii *umbilicum Græciæ* vocat, Homerus Catalogo vers. 146 has vrbes laudauit:

Οἱ Πλευρῶν ἐνέμοντο, καὶ Ὀλεον, ἡ δὲ Πυλὴνν,

Χαλκίδα τ' ἀγχιάλον, Καλυδῶνά τε πετρῆεσσαν.

Qui Pleuronem habitabant, & Olenum, & Pylenen, Chalcidemque maritimam

* Eius situm quodammodo etiam Apollodorus II c. 5 §. 4 p. 105 docet. *Acheloum* autem in vnum alueum inclusum esse ab Hercule, & ea re Aetolorum terram munitam esse docet Anonymus de incredib. cap. 5 in mythographis.

ἐξ *petrosam Calydonem*. * Ex his *Pleuron* illa ἀρχαία, vetus est, vt Strabo lib. x pag. 310 distinguit, sita quondam prope Calydonem; post deserta, & νεωτέρα Πλευρῶν noua *Pleuron* iuxta *Aracynthus* montem condita, de qua Plinius IV cap. 11, in mediterraneo *Pleuron, Halicyrna*. reducta enim a mari est, vt tamen non longius interiora versus recedat. Pausanias Achaic. cap. XI Αἰτωλῶν οἱ Πλευρῶνα οἰκῶντες, id est, *Pleuronii* siue *Pleuronenses Aetoli*.

CCXIV.

Pleuron nouæ vicina fuit *Olenus*, Ὀλεός, Homero memorata, sed postea ab Aeolibus, vt Strabo tradit, deleta: cuius nominis alia in Achaia Peloponnesi fuit, cum nostra minime confundenda. Ptolemæus inter *Pleuronem* & *Calydonem* posuit *Olenum* mediam. Montem *Aracynthus* Plinius IV cap. 11, & ex eo Solinus in Acarnania ponunt: Strabo & Dionys. Perieg. vers. 431 in Aetolia. Hic est de quo ecloga Virgilii II vers. 24

Amphion Dircæus in acīæo Aracyntho.

ΑCΤΑΕΟ interpretantur saxoso & prærupto, alii litorali vtrumque ab ἀκτῇ, quæ & litus, & saxa scopulosque significat.

CCXV.

Inde *Acheloum* versus *Pæanium* erat, quod rex Philippus deleuit, sicut etiam *Ithoriam*, quod vtrumque Polybius lib. IV cap. LXV narrauit. Dirutæ vrbis Pæanii materiam (τὰ ξύλα καὶ κέραμον) per annum Oeniadas deuexit, quod argumento est, *Acheloo* amni *Pæanium* adpositum fuisse.

CCXVI.

Supra *Aracynthus* montem *Conope*, Κατώπη fuit, ab *Acheloo* xx stadiis, vti ex Polybii lib. IV cap. LXIV adparet, remota. Idem Philippi regis iter ex Acarnania Thermum versus lib. V cap. VII describens, ait, in transitu *Acheloi* ad sinistram reliquisse *Stratum*, *Agrinium*, *Thestiensis*: ad dextram vero *Conopen*, *Lyfimachiam*, *Trichonium*, Φοίτεον, *Phæteum*.

CCXVII.

Sinisteriora, præter *Stratum* ad septemtrionalem Aetoliam pertinent: quæ dextrorsum cum *Conope* erat, *Phæteum*, Φοιτεία, lib. IV eiusdem cap. LXIII, Stephano Φειτία, qui vero male dixit urbem Acarnaniæ, quum hoc Polybii loco altero, siue cap. LXIII libri IV, de rege dicatur: διελθὼν τὴν Ἀκαρνανίαν, ἥκε τῆς Αἰτωλίας πρὸς τὴν καλεσμένην πόλιν Φοιτείας, transgressus per Acarnaniam, ad Aetoliæ urbem *Phæteias* venit.

CCXVIII.

Ad dextram dicto itinere Philippus relinquebat etiam *Lyfimachiam*, cuius situm notat Liuius lib. XXXVI cap. XI Ipse Delphis Naupactum processit. consilii principum Aetoliæ habito, via, quæ præter Chalcidem & *Lyfimachiam* fert ad *Stratum*, suis, qui per Maliacum sinum veniebant, occurrit. Strabo lib. X pag. 317 ἡ Φανισμένη, excisam & ipsam iacere tradit.

CCXIX.

Trichonium autem, Τριχώνιον, quod itidem a dextris illo itinere Philippus apud Polybium lib. V cap. VII habuit, videtur inter *Lyfimachiam* & *Phæteum*

* *Calydon* & *Pleuron* nomen fortitæ sunt ab Aetoli & Pronœs filiis, Apollodor. I c. 7 §. 6 pag. 27.

Phœteum fuisse: Stephano quoque πόλις Αἰτωλίας, oppidum Aetoliae: quod Palmerius etiam Straboni lib. x pag. 320 restituit, apud quem in Aetolia veteri corrupte legitur Τραχίνιαν.

CCXX.

Quo autem regis iter tendebat, *Thermum*, opulentum oppidum erat, de quo Polybius lib. v præter locum ex cap. vii monstratum antea, etiam cap. viii agit plenius. Rex, inquit, difficili via προέβαινε πρὸς τὸ Θέρμιν, progrediebatur *Thermum*: item, ἥκε πολλῆς ὥρας ἐπὶ τὸ Θέρμιν, *Thermum* venit, quum adhuc diei multum superesset. Hunc locum καθ' ἑκάστον ἔτος ἀγορὰς τε καὶ παιγύρας ἐπιφανέστας, καὶ τὰς ἀρχαῖας καταστάσεις, id est, quotannis mercatum & ludos celebres, etiam comitia Aetolorum habuisse, ibidem testatur Polybius.

CCXXI.

Inter *Thermum* & *Conopen* fuit ad *Trichonidem* lacum, vrbs *Metapa*, lx stadiis a *Thermo*. Polybius lib. v cap. vii ἀφικόμενος δὲ πρὸς πόλιν τὴν καλεσμένην Μετάπαν, ἥ καίτοι μὲν ἐπ' αὐτῆς τῆς Τριχωνίδος λίμνης καὶ τῶν παρατάυτῃ γενῶν. ἀπέχει δὲ χερδὸν ἑξήκοντα στάδια τῆς προαγορευομένης Θέρμιν. Deinde ad oppidum pervenit quod *Metapa* vocatur, ad *Trichonidem* lacum & ipsas illius fauces situm: ab eo loco, quem *Thermum* adpellant, stadia fere sexaginta distantem.

CCXXII.

Hinc ad *Calydonem* venimus, ad *Euenum* fluuium sitam, caput totius Aetoliae. * Plinius iv cap. ii Aetoliae oppidum *Calydon* est septem millibus quingentis pass. a mari, iuxta *Euenum* amnem. Olim ab Aeolibus habitatoribus videtur *Aeolis* dicta. ** Thucydides lib. iii pag. 241 ἀνεχώρησαν ἐς τὴν Αἰολίδα τὴν νῦν ἐκαλεσμένην Καλυδῶνα, καὶ Πλευρώνα, καὶ ἐς ταύτην χωρία, abierunt in *Aeolidem*, quæ nunc *Calydon* vocatur; & *Pleuronem*, & alia loca quæ circa sunt. Sed quod etiam alibi *Calydon* pro ipsa regione, quæ *Calydonia* est, inuenitur, quemadmodum illud *Lucani* lib. vi vers. 366

Euenos Calydona secat, - - -

de regione, non de vrbe Palmerius interpretatur; regio potius est *Aeolis* Thucydidis, quam oppidum regionis, interpretanda. Scylax primo loco in Aetoliae oppidis ponit: Virgilius lib. vii vers. 306 antiquam *Calydona* vocat; & *Aeneid.* xi vers. 270 pulchram *Calydona*: itidem Statius *Theb.* vii

- - - veterem *Calydona* *Dianæ*

Expugnare dedi.

Vide *Seruium* ad prædictum versum *Aeneid.* vii. *Cæsar* *Ciuit.* iii cap. xxxv *Calvisius*, præsidis *Calydone* & *Naupacto* reiectis, omni Aetolia potitus est.

CCXXIII.

* Hinc illud *Pacuvii*

Calydonia alitrix terra exuberantium virum.

Addis *Varro* L. L. VI cap. 2 Vt ager Tusculanus, sic *Calydonius* ager est, non terra: sed lege *Pœtica*, quod terra Aetolia, in qua *Calydon*: a parte totam accipi Aetoliam voluit.

** Imo ab Aeolo Hellenis filio, qui βασιλεύων τῶν περὶ Θεσσαλίαν τόπων τὰς ἐνοικούντας Αἰολεῖς προηγόρευσε, regnans in locis *Thessalia* finitimis seßores Aeolenses adpellavit. Ergo hinc quoque *Aeolim* esse regionem, non urbem, adparet. Vid. *Apollodor.* i cap. 7 §. 2 pag. 24.

CCXXIII.

Cum Calydone dicto versu Homerus χαλκίδα ἀγχίαλον, *Chalcidem litteralem* coniunxerat. Fuit autem ad os Eueni. Thucydides lib. II p. 156 κατῆδον τὰς Ἀθηναίους ἀπὸ τῆς Χαλκίδος καὶ τῆς Εὐηνῆς ποταμῶς προσπλέοντας, *viderunt, Athenienses a Chalcide & Eueno fluuio adnauigare.* Præponitur Chalcis Eueno in hoc cursu, velut ad dextram ostii adpositum oppidum fuerit, quod etiam Strabo, enarrans litus Aetoliæ lib. X pag. 316, videtur confirmare, ab Acarnania & Oeniadis progressus: μετὰ τὸν Εὐήνον τὸ ὄρος ἡ χαλκίς, *post Euenum mons Chalcis*, si modo mons in eodem, quo oppidum, fuit latere, sub quo monte situm oppidum erat, ideoque a nonnullis dictum ὑποχαλκίς, *Hypochoalcis*, ut Strabo refert dicto libro p. 310. Definiri latus certo non potest: id vero certissimum, aberrare Stephanum, quum ab Aetoliæ Chalcide Acheloum ait fluere, deceptus Periegetæ versu 496

Νήσων τ' ἀλλάων, ὅσας τ' ἀπὸ Χαλκίδος ἔρπων

Δίνης ἀργυρῆς Ἀχελώϊος ἄμφις ἐλίσσει.

Insularum aliarum, quotquot a Chalcide labens vorticibus argenteis Achelous circumdat. Euenum vterque cum Acheloo, ut ex Thucydide & Strabone constat, confudit.

CCXXIV.

Progredienti a Chalcide in ora ortum versus occurrit *Molycria* oppidum. Strabo lib. IX pag. 294 ἡ Μολύκρεια δ' ἐστὶ κατὰ τὸ Ἀντίρρειον, Αἰτωλικὸ πολίχνην, *Molycria est iuxta Antirrhium, Aetolorum oppidulum.* Ptolemæus quoque ab occasu promontorii Antirrhii lib. III cap. XV posuit. Plinius lib. IV cap. II Calydon iuxta Euenum amnem. Dein Macynia, *Molycria: cuius a tergo Chalcis mons, & Taphiassus.*

CCXXV.

Ipsam itaque *Antirrhium* subsequitur, de quo ibidem Plinius lib. IV cap. II In ora promontorium *Antirrhium*, ubi ostium Corinthiaci sinus, minus mille passuum latitudine influentis, Aetolosque dirimentis a Peloponneso. Promontorium quod contra procedit, adpellatur *Rhium*. Ipsum fretum, quo Corinthiacus sinus ex Ionio mari effunditur, etiam *Rhium* perinde vocatur ut promontorium, quod intus est in Peloponneso. Liuius lib. XXVII cap. XXIX Aetoli nauibus per fretum, quod Naupactum & Patras interfluit (*Rhion incolæ vocant*) exercitu traiecto, [Achæos] depopulati erant. Idem lib. XXVIII cap. VII veriti, ne intra *Rhium* (fauces eæ sunt Corinthii sinus) opprimerentur.

CCXXVI.

Inter *Antirrhium* & *Naupactum* quæ fuerint, incertum plane est. Tria quidem memorantur prope *Naupactum* & in Corinthiaco sinu Aetolorum fuisse, *Erythræ, Eupalium & Pylene*: sed citra, ultra fuerint, aut supra eam posita, definire non possumus. De *Erythris* Liuius lib. XXVIII cap. VIII miserat in Corinthium sinum, profectus ad *Erythras Aetolorum*, quæ prope *Eupalium* sunt, exscensionem fecit. Portus ergo vel locus fuit in litore aptus ad exscensionem e nauibus faciendam. De *Eupalio* iam in *Ery-*

XXX XX

thris

thris dixit Liuius: & Strabo lib. x pag. 310 Aetoliam ἐπίκτητον siue adiectam dicit pertinere ἄς ἐπὶ Νάυπακτον τε καὶ Εὐπάλιον, ad Naupactum & Eupalium. Thucydides qui Εὐπόλιον scripsit, Locris attribuit. Etiam Stephanus ponit in Locride, ad cuius expositionem reiectum volumus. Pylene non dubitatur Aetolorum fuisse, in quibus etiam Homerus posuit & Plinius. Homeri verba sub initium huius capituli de Aetolia produximus: Plinii, mox proferemus in Naupacto: & Strabo quoque in Aetolia recenset, addens translatam paullisper esse, & πρόχιον Proschium, mutato nomine, vocitari, lib. x pag. 311. Thucydides quoque lib. iii pag. 241 ἐς Πρόχιον τῆς Αἰτωλίας, dixit, hoc est, in Proschium Aetoliae abierunt. Statius Theb. iv vers. 102 scopulosa Pylene: & lib. viii vers. 483 torua Pylenes agmina.

CCXXVII.

Naupactius, * extremum Aetolorum oppidum: nunc Lepanto. De illa Strabo lib. ix pag. 294 ἡ Νάυπακτος τῆς Ἀντιρρίου πλησίον. ὠνόμασαι δ' ἀπὸ τῆς ναυπηγίας τῆς ἐκεῖ γενομένης, Naupactus Antirrhio vicina, a nauibus ibi compactis nominata. Plinius lib. iv cap. ii In Corinthiaco sinu, oppida Aetoliae, Naupactum, Pylene. Et Liuius lib. xxxv cap. xii Aetoli concilium Naupactum indixerunt. Ptolemæus tam Antirrhium quam Naupactum in Locris scripsit, & illorum quondam fuisse Strabo dicto loco refert: addit vero: ἐστὶ δὲ νῦν Αἰτωλῶν [Νάυπακτος] Φιλίππου προσκρίναντος, nunc vero Naupactus Aetolorum est, Philippo adiudicante. Sic etiam Scylax atque Plinius Naupactum in Aetolia censuerunt.

CCXXVIII.

Intus supra Chalcidem duo montes sunt, quos Strabo lib. x pag. 310 ὄρη ἱκανῶς ὑψηλὰ, montes valde excelsos vocat: alter Chalcis, eodem, quo subiectum oppidum nomine: alter ταφιάσος, Taphiasus, super quo πολίχιον Μακυνία, oppidulum Macynia fuit positum, quod Plinius etiam Aetoliae oppidis adnumeravit, quæ ultra Calydonem & Euenum amnem sunt. Halicyrna quoque in hoc tractu Aetoliae fuit Scylacis & Plinii testimonio, quo Stephanus confutatur, qui in Acarnania posuit: locus autem certus adsignari nequit. Nec sedes certa Aegitii (Αἰγίτιον vocat Thucydides lib. iii pag. 239) quamquam distantia a mari eodem auctore non sit incerta, LXXX stadia.

CCXXIX.

Est etiam mons Corax Aetoliae orientalis, in septemtrionem ad Oetam usque excurrens. Strabo lib. ix pag. 287 τῶν δὲ πλευρῶν τῆς Παρνασσῆς τὸ μὲν ἐσπέρειον νέμονται Λοκροὶ τε οἱ Οἰζόλαι, καὶ τινες τῶν Δωριέων, καὶ Αἰτωλοὶ κατὰ τὸν Κόρακα προσαγορευόμενον Αἰτωλικὸν ὄρος, Latus Parnassi occiduum Locri Ozolæ tenent, & Dorienses quidam, atque Aetoli iuxta Coracem ** montem Aeto-

* Apollodor. II c. 8 §. 2 ext. Τήμενος ναὺς ἐπήξατο ἐν τῇ Αἰτωλίᾳ τόπῳ, ἐνθα νῦν ἀπ' ἐκείνου ὁ τόπος Νάυπακτος λέγεται. Temenus naues compegit in eo Aetolia loco, ubi nunc ab eo locus Naupactus dicitur. Sed Dicæarchus de vit. Græc. pag. 165 Εἴτα μετὰ ταύτην ἡ Λοκρὶς καλεμένη, ἐν ᾗ πόλις Ναυπακτος, Deinde post hanc Locris dicta, in qua urbs Naupactus.

** Κόρακος πᾶρος memoratur a Nicandro Theriac. v. 215 p. 15.

Aetolicum. Et lib. x pag. 310 idem Strabo : ἔχει καὶ ἡ Αἰτωλία μέγιστον μὲν ἔρος τὸν Κόρακα συνάπτοντα τῇ Οἰτῇ, *Aetoliae etiam maximus mons est, Oeta conterminus.* Et Liuius lib. xxxvi cap. xxx *Vt ad Coracem est ventum (mons est altissimus inter Callipolim & Naupaetum) ibi & iumenta multa ex agmine precipitata cum ipsis oneribus sunt, & homines vexati.* Quam hic nominat *Aetoliae Callipolim*, suspecta est Iac. Palmerio Græc. Ant. lib. iv cap. xxii; at minus nobis, quia & Stephanus in Κόραξ, ex Polybii lib. xx profert, μεταξὺ Καλλιπόλεως καὶ Ναυπάκτου, *inter Callipolim & Naupaetum.* Non ergo dubium, quin Polybius ita scripserit, quia eodem modo & Liuius & Stephanus transcripserunt. Mauult laudatus vir καλλίς πόλεως. Fac vero, ita labi potuisse Stephanum: quid vero de Liuiio dicemus, cui vertendum fuisset *inter Callium urbem*? Id vero concedo facile, eandem urbem esse Polybii Stephani, Liuii; & Κάλλιον, *Callium* Pausaniæ Phoc. cap. xxii, quamuis verus locus & sedes ignoretur.

CCXXX.

Dubiæ quoque positionis sunt, quæ Thucydides lib. iii pag. 238 Aetolis dat mediterraneis, *Potidania, Crocylion, & Tichium.* ἅμα τῇ ἐῷ, inquit, ἄρας ἐπορεύετο εἰς τὴν Αἰτωλίαν, καὶ αἰρεῖ τῇ πρώτῃ ἡμέρᾳ Ποτιδανίαν, καὶ τῇ δευτέρᾳ Κροκύλιον, καὶ τῇ τρίτῃ Τίχιον, *summo mane motis castris in Aetoliam pergit: ac primo die Potidaniam expugnat; secundo Crocylum: tertio Tichium.* Et Liuius lib. xxviii cap. viii *Haud fefellit Aetolos. nam hominum quod aut in agris, aut in propinquis castellis Potidania ac Apollonia fuit, in siluas montesque refugit.* Nec illa Liuii Apollonia nota, nisi Stephani Απολλωνία τῆς Φωκίδος, *Apollonia Phocidis* est. Alia *Crocylea*, Κροκύλεια Homeri, Catalogo vers. 140, quam Strabo in Leucadia peninsula, Palmerius in insula Ithaca quærendam censet.

CCXXXI.

Inter Acheloum & Euenum in septemtrione erant *Agrinium & Thestia.* Polybius lib. v cap. vii, quum rex ex Acarnania, Acheloo traiecto, Thermum proficisceretur, ait a sinistra reliquisse Στρατόν, Αγρίνιον, Θεστίαν, *Stratum, Agrinium, Thestiensis.*

CCXXXII.

Sub Pindo & Oeta montibus in tergo Aetoliae, vel pars illius vel finitima, *Aperantia*, quam Polybius Legat. xxvi, & Liuius xxxvi cap. xxxiii memorarunt: de qua etiam supra, quia Epirum versus recedit, aliquid diximus.

CCXXXIII.

Fuit etiam *Dorica tetrapolis*, * id est, *Erineus, Boium, Pindus, Cytinium*, vt Strabo nominatim interpretatur lib. ix pag. 294, & ipsos *Dores* ** h-
ius

* Tzetza ad Lycophron. v. 980 Η γὰρ Δωρίς ἔξ πόλεως ἔχει, Κυτίνιον, Βοῖον, Πίνδον, Κάρφουαν, Δρυόπην καὶ τὴν Ἐρινεόν. *Doris sex habet urbes, Cytinium, Boium, Lileum, Carphraam, Dryopen & Erineum.*

** Dorus fuit filius Hellenis. Is Dorus a parente terram trans Peloponnesum nactus sessores a se *Dores* adpellauit. Apollodorus l. cap. 7 §. 2 pag. 24 Δῶρος δὲ τὴν πέραν χώραν Πελοποννήσου λαβὼν τοὺς κατοίκους ἀφ' αὐτοῦ Δωριεὺς ἐκάλεσεν.

ius loci vocat Δωριείς τὴν τετραπόλιν οἰκήσαντας, qui πόλεις ἔχον Ερινεὸν, Βόϊον, Πίνδον, Κυτίνιον. *Pindus*, Dorica vrbs, posita ad amnem eiusdem nominis,
 * qui in Cephissum deinde infunditur, auctore eodem Strabone. **

CCXXXIV.

Medio tractu populi fuerunt *Agrai*, siue *Agrai*, de quibus supra quoque dictum fuit, & *Curetes*, & *Aeoles*, & *Ophienses* siue *Ophionenses*, (Οφίεις Strabonis, Οφινείς Thucydidis) ac *Naupactum* versus *Apodoti*, *Eurytanes* & alii ignobiles. Vide Thucydidem lib. III pag. 237, & Strabonem lib. X pag. 310, qui & *Perrhaebos*, *Athamanes*, & partem *Aenianum*, Aetolis ibidem addidit.

SECTION VIII.
 LOCRI S.

CCXXXV.

Locris, regio Locrorum, Græce Λοκρίς. Mela II cap. III *A Macedonia prima est Thessalia, deinde Magnesia, Phthiotis, Doris, Locris, Phocis.* Et paucis interiectis: *in Doride Pindus: in Locride Cynos & Calliaros: in Phocide Delphi & mons Parnassus.* Διττὴ [ἡ Λοκρίς] ἐστὶ, διηρημένη ὑπὸ τῆς Παρνασσῆς διχα, *Duplex Locris est*, inquit Strabo IX p. 287, *diuisa bifariam a Parnasso.* Pars citerior est Λοκρῶν Οζολῶν, *Locrorum Ozolarum*, contenta inter Aetoliam & Phocidem: vltior trans Parnassum est, & Thermopylas versus procurrit, pertinetque ad Euripum Eubœæ. Vide Strabonem dicto loco, & pag. 292. Et hi rursus diuiduntur in *Opuntios*, qui ad mare colunt Euboicum; & *Epicnemidios*, vtpote ad montem *Cnemidem*, Κνημίδα, accolentes. Ozolæ etiam dicuntur ἐσπέριοι Λοκροὶ, *occidentales Locri*, Strab. p. 287, quum ceteri vergant in orientem. *Epizephyrri* autem Locri sunt Straboni p. 294 ἄποικοι, *coloni Græcorum in Italiam deducti*, a quibus *Locri*, vrbs Bruttiorum, nominantur; de quibus in Italia actum. Quidam posthabent diuisionem alteram, omnesque qui trans Parnassum sunt, adpellant *Epicnemidios*. Scholiastes Pindari in Olymp. od. XI γένη τῶν Λοκρῶν εἰσὶ τρία, *Επιζεφύριοι, Οζόλαι, Επικνημίδιοι.* τῶν οἱ μὲν Επιζεφύριοι εἰσὶ Λοκροὶ ἐν Ἰταλίᾳ· οἱ δὲ Οζόλαι, πρὸς τῇ Αἰτωλίᾳ· οἱ δ' Επικνημίδιοι πρὸς Εὐβοίᾳ. *Locrorum tria sunt genera, Epizephyrri, Ozolæ, Epicnemidii.* Ex his *Epizephyrri Locri sunt in Italia: Ozolæ ad Aetoliam: Epicnemidii iuxta Eubœam.* Nos tamen Strabonem sequuti *Opuntios* ab *Epicnemidiis* propriis separamus.

CCXXXVI.

OZOLAE LOCRI, qui etiam *Zephyrri* adpellantur, a *Naupacto* incipiunt & ad *Phocensium* vsque fines, angusto ad mare spatio, & vix CC stadiorum, procurrun.

CCXXXVII.

Ad mare est *Oeanthia*. Pausanias sub finem Phoc. ἐπὶ θαλάσσης δὲ οἰάνθεια καὶ ταύτῃ ὁμορῶσα ἐστὶ Νάυπακτος, *mari proxima Oeanthea est; cui sititima Naupactus.* Sic & *Hellanicus* apud Stephanum adpellat. Ipse Stepha-

* Qui suum nomen debebat Pindo regis Emathiae filio. Aelian. X cap. 48.

** L. IX p. 654. Hæc Pindus dicitur a quibusdam Ἀκτύφας. Vid. Strabo ibidem.

phanus οἰάνθη πόλις Λοκρῶν, *Oeanthe urbs Locrorum*. Et Plinius IV cap. III *Oeanthe*. Ptolemæus autem *Ευανθία, Euanthia*: ac Scylax, *Ἐυανθίς, Euanthis*.

CCXXXVIII.

Addit Plinius *Portum Apollinis Phæstii*, ignotum fere aliis. *Proximi*, inquit, *Aetolis Locri*, qui cognominantur *Ozolæ*, immunes. *Oppidum Oeanthe*, *Portus Apollinis Phæstii*, *sinus Crissæus*. In mediterraneis *Ozolarum* habet *Phæstum* oppidum, vnde portus cognominatur. *Intus*, inquit, *oppida: Argyna, Eupalia, Phæstum, Calamissus*.

CCXXXIX.

Prope Oeanthen fuit Oeneon, οἰνεῶν, vel mari adpositum oppidum, vel proxime ab illo reductum. Thucydides lib. III pag. 238 ὠρμάτο ἐξ Οἰνεῶνος τῆς Λοκρίδος, *profectus ex Oeneone Locridis*: & pag. 240 ἐπὶ τὴν θάλασσαν καὶ τὸν Οἰνεῶνα, *per Oeneonem*, paucis interiectis: ἐχώρει τῷ στρατῷ ἐπὶ τὴν Νάυπακτον διὰ τῶν Λοκρῶν καὶ περνούμενος Οἰνεῶνα αἰρῆ ἀνδρῶν, καὶ Εὐπόλειον, *aduersus Naupactum [ex Delphis] cum exercitu per Locros contendens, in itinere Oeneonem illorum capit & Eupolium*. Stephanus quoque οἰνεῶν, Λοκρίδος λιμὴν, Oeneon, portus in Locride. E quibus situs Oeneonis quodammodo cognosci potest, ut tamen incertum maneat, cis Oeanthen, an ultra illam hic portus vel oppidum, vel vtrumque.

CCXL.

Vltiora litoris Plinius dat Phocidi: *Vltra Cirrhæi Phocidis campi, oppidum Cirrha, portus Chaleon, a quo VII millibus passuum introrsus liberum oppidum Delphi.* Et Ptolemæus Κύρραν, *Cyrrham* in Phocide scribit: Χαλῆος autem, *Chaleos*, quod *Chaleon* Plinii est, in Locride ipsi relinquitur: quod oppidum Stephanus, vt Plinius, scribit: vt Ptolemæus, in Locride censet. Χάλαρον, inquit, πόλις Λοκρῶν. Eadem dissensio in *Anticyra* siue *Anticyrrha*, quæ Ptolemæi dispositione longius in ortum, quam *Cyrrha* & *Chalæon*, recedit, & sic ab ipso vere videtur in Phocide constitui. At Strabo lib. IX pag. 299 in Oetæa regione dicit Αντικίρραν esse δὴ ἀντικίρραν τῇ ἐν Λοκροῖς τοῖς Ἐσπερίοις, *Anticyrrham eiusdem nominis, cuius est illa in Locris occidentis.* Et Liuius lib. XXVI cap. XXVI *Sita Anticyra est in Locride læua parte sinum Corinthiacum intrantibus.* Adeo incerti ad maris oram sunt limites Locrorum atque Phocensium: quod vel ex temporum diuersitate est, vel ex permissione turbatorum finium.

CCXLI.

Intus in hac Locride est primum *Eupalium*, prope Aetolorum fines, quod ex Liuii lib. xxviii cap. viii adparet. *Profectus*, inquit, *ad Erythras Aetolorum, quæ prope Eupalium sunt, exscensionem fecit.* Strabo lib. x pag. 310 ἐπίκτητον siue *adiectam Aetoliam* dicit pertinere ὡς ἐπὶ Ναυπακτὸν τε καὶ Εὐπάλιον, *ad Naupaetum & Eupalium versus*: quod vicinum Naupaetio Eupalium esse non obscure arguit. In Locride autem fuisse, Stephanus adfirmat, Εὐπαλία πόλις Λοκρίδος, ἣν Εὐπάλιον Ἀρτεμίδωρος Φησι, *Eupalia eripidum Locridis, quod Eupalium Artemidorus dixit.* Et Thucydides, qui Εὐπό-

λιον lib. iii pag. 238 τὴν Λείαν εἰς Εὐπόλιον τῆς Λοκρίδος ἀπέπεμψε, *prædam misit Eupolium Locridis*. Situs eodem libro indicatur pag. 241, vbi Eurylochus Delphis profectus aduersus Naupactum per Ozolas, dicitur in itinere *Eupalium* siue *Eupolium* expugnasse. Ergo a Naupacto in ortum recedit, & simul in septemtrionem non nihil inclinat.

CCXLII.

Primaria Ozolarum vrbs *Amphissa* fuit. Pausanias Phoc. cap. xxxviii Δελφῶν δὲ ἀπὸ ἱέρω σταδίοις ἑκοσι καὶ ἑκατὸν ἐστὶν Ἀμφίσσα μέγιστη καὶ ὀνομαστότατη πόλις τῶν Λοκρῶν, *Delphis cxx stadiorum itinere Amphissa abest, Locrorum vrbs maxima & nobilissima*. Aeschines contra Ctesiphontem pag. 449 οἱ Λοκροὶ οἱ Ἀμφισσῆς ἐξ ἑκοντὰ στάδια ἀπὸθεν οἰκιστὴς Δελφῶν, *Locri Amphissenses sexaginta stadiis absunt a Delphis*. en quantus dissensus! ille cxx habet *ἡμισητῶν*, qui a finibus suis Athenienses arcebant. Ex qua parte vero Delphorum, læuane an dextra, Amphissa sita fuerit, non est omnino apertum. Plinius iv cap. iii in Phocide ponit, quo fit, vt in dextrum latus, quod ortum solis spectat, aut in boream remota ab vrbe Delphis fuerit, quia hi in extremo Phocidis, prope Locrorum fines fuere positi. Contra Ptolemæus, & Scylax, & Stephanus, & Harpocracion in Locride Ozolarum censent, vt Delphos a dextra & orientem versus adspexerit Amphissa. Ptolemæus quoque ab occasu opposuit Delphis, quamquam nimis ab illis remouit, vt tamen in plaga consentiat; distantiam definiat Pausanias. Oppugnauerunt Romani, vt Liuius lib. xxxvii cap. v seq. tradidit: sed soluta tandem obsidio fuit, cap. vii. Plinio *Amphissa immunis* est lib. iv cap. iii. Quam longe a mari fuerit, non satis liquet. In mediterraneis scripsit Ptolemæus, & Scylax quoque, qui in maritimis videtur numerare: sed commodè interpretandus, ne ceteris omnibus contradicat. Pausanias dicto loco sub finem rerum Phocicarum describit, vt mari quidem adpropinquantem, non autem ἐπὶ θαλάσσης, *adpositam mari*, seu proximam.

CCXLIII.

Sunt & aliæ Ozolarum Locrorum mediterraneæ vrbes, vt Scylax & Pausanias dicto loco referunt: sed vix alia certo cognita quam Μυωνία, *Myonia*, sita, vt ibidem Pausanias designauit, ἄνω μὲν ὑπὲρ Ἀμφίσσης, πρὸς ἡπειρον, σταδίοις ἀπὸ ἱέρω τριάκοντα Ἀμφίσσης, *superiore loco supra Amphissam, triginta stadiis ab illa in mediterranea recedens*. Stephano est Μύων, πόλις Λοκρῶν ἐν ἡπείρῳ, *Myon*, oppidum Locrorum in mediterraneis. Oppidanos Thucydides lib. iii pag. 241 Μυωνεῖς, *Myonenses* vocat, ὁμόρους, *finitimos* Amphissen- sibus. Quæ ultra sunt & Locridem in septemtrionem continuant, a Stephano Phocensibus adiudicantur; ad quorum descriptionem etiam refer- uamus. *Alopes* sedes incerta, quam alii Ozolis adscribunt, alii Epicnemidiis, ipso Strabone rem in dubio relincente. Stephanus sextam huius nominis περὶ Λοκρίδα, *circa Locridem* posuit: Plinius iv cap. vii inter Na- rycium & Scarphiam, atque ita supra Cnemidem.

CCXLIV.

CCXLIV.

EPICNEMIDIUM LOCRI Parnassio ab Ozolis separati, ab illo monte ad sinum usque Maliacum habitabant. Nomen est, ut Strabo ix pag. 287 tradit, ἀπὸ ὄρους Κνημίδος, a monte *Cnemide*, quem Eustathius in Periegetæ vers. 426 ex male intellecto Strabone putat κειμένην περὶ τὸ ὄρος τὴν οἶτον, iuxta *Oetam situm esse*: sed quia Ptolemæus oppidum Κνημίδες, *Cnemides*, quod haud dubie a monte, cui adiacet, ad sinum Maliacum locavit, montem etiam ibidem fuisse *Cnemidem* suspicamur, nisi iuga longa velis intelligere, quæ ab Oeta ad mare producantur.

CCXLV.

Ad sinum illum, ab Opuntiorum limite, fuerunt *Cnemides*, Κνημίδες, Ptolemæi oppidum, quamquam is male Opuntiis, quia in limite est, adiudicavit. Mela lib. ii cap. iii quamvis sine ordine, *Termopyle*, *Opoes*, *Scarphia*, *Cnemides*, *Alope*. Strabo lib. ix pag. 293 μετὰ Δαφνάντηα Κνημίδες χωρίον ἐρυμνὸν, post *Daphnantem Cnemides sunt*, natura munitus locus vel oppidum. Singulari numero Scylax Θρόνιον, Κνημῖς, *Thronium*, *Cnemis*, qui vero male in Phocide utrumque recenset.

CCXLVI.

In ora sequitur *Scarphia* siue *Scarpheia*, quæ Græce Σκαρφία Straboni lib. i pag. 41, eidemque Σκάρφη, *Scarphe* lib. ix pag. 293: pluribus, Ptolemæo, Stephano, Appiano in Syriac. Σκάρφεια, *Scarpheia*: Plinius *Scarphia*. Liuius lib. xxxi cap. ii Quintius ab Elatia profectus, præter *Thronium* & *Scarpheam*, ad *Thermopylas* peruenit. Et Stephanus: Σκάρφεια, πόλις Λοκρίδος, τῶν Θερμοπυλῶν ἐγγύς, *Scarpheia oppidum Locridis prope Thermopylas*. * Si Σκάρφη, illa Strabonis hæc Σκαρφεια est (Casaubonus enim mauult τάρφη legi) σταδίοις ὑπερκειμένη τῆς θαλάσσης δέκα, *decem stadiis a mari abest*, ἐφ' ὧς, in sublimi loco posita.

CCXLVII.

Propior *Thermopylis Nicæa*. ** Strabo dicto lib. ix p. 293 ἐπεὶ Νίκαια καὶ αἱ Θερμοπύλαι, deinde [post *Scarphen*] *Nicæa est*, & *Thermopyle*. Ad mare fuit. Polybius excerpt. lib. xvii cap. i συνεγγίσαντες κατὰ Νίκαιαν πρὸς τὴν θαλάτταν, *adpropinquantes mari iuxta Nicæam*: de sinu autem Maliaco agit. Et Liuius Lib. xxxii cap. xxxii In sinu Maliaco prope *Nicæam litus elegere*.

CCXLVIII.

Inter *Cnemides* & *Scarphiam* amnis *Boagrius* effunditur, ad cuius ostium portus est: intus, xx stadiis a portu, præterfluit *Thronium*, * * * præcipuam *Epicnemidiorum* urbem. Strabo lib. ix pag. 293 distantiam

a mari

* Epigramm. Græc. libr. III c. ας ναυαγης. pag. 340 Επεὶ τί με τὸν προφυγόντα κῆνα Σκαρφημεύς ἀμφεκάλυψε λίαν.

** Aeschines de falsa legation. pag. 264 C, πρέσβης πρὸς ὑμᾶς ἦλθεν ἐκ Φωκίας ἐπαγγελλόμενος παραδόναι Ἀλφειὸν καὶ Θρόνιον καὶ Νίκαιαν, τὰ τῶν παρόντων τῶν ἐς Πύλας χωρία κύρια. Legati Phocensium ad vos venerant pollicentes, se tradituros *Alpeum* & *Thronium* & *Nicæam*, quæ loca transitu *Pylarum* potiuntur.

* * Videatur Aeschines loco iam allegato.

a mari & adluuionem *Boagrii* notauit. Plinius lib. iv cap. vii *Thronium*, iuxta quod *Boagrius* annis defertur in mare. Non procul a mari fuisse, etiam Liuius commonstrat lib. xxxvi cap. xx *Decem naues regiae ad Thronium in sinu Maliaco stabant*. Pausanias Eliac. i cap. xxi *Λοκροὶ ἐν Θρόνῳ τῆς ἐπὶ Βοαγρίῳ πόλιν, Locri ex Thronio, quae [vrbs] ad Boagrium flumen sita est*. Homerus Catalogo vers. 40

Τάρφην τε, Θρόνιον τε, Βοαγρίῳ ἀμφὶ ῥέεθρα,

Tarphamque Throniumque, circa Boagrii fluentia.

Diodorus Siculus lib. xii cap. xlii de Cleopompo, Atheniensium duce: τὴν παραθαλάττιον τῆς Λοκρίδος ἐδήλωσε, καὶ πόλιν Θρόνιον ἐξεπολιόρκησε, τοῖς δὲ ἀντιπαλαμαμένοις τῶν Λοκρῶν συνάψας μάχην ἐνίκησε περὶ πόλιν Αλόπην, *maritimam Locrorum oram vastauit, & Thronium obsidione cepit, & Locros acie vicit circa Alopen*. Nam & *Alope* in illo tractu fuit, sed intus, quam etiam Thucydides lib. ii pag. ii8 in eadem Cleopompi historia, ac dictis locis Mela atque Plinius memorauerunt.

CCXLIX.

Fuit ibidem etiam *Naryx*, siue *Narycum*, seu *Narycium* Aiakis patria. Stephanus: *Νάρυξ πόλις Λοκρίδος*. τινὲς δὲ *Νάρυκον* τὴν πόλιν φασίν, ἐξ ἧς Αἴας. *Naryx vrbs Locridis*. Quidam vero *Narycum* urbem vocant, ex qua erat *Aiax*. Plinius iv cap. vii Oppida [Epicnemidiorum] *Narycion*, *Alope*, *Scarphia*. Ex his Locris erant qui in Italiam migrauerunt. Virgilius Aeneid. iii vers. 399

Heic & *Narycii* posuerunt mœnia Locri,

quamuis Strabo ex Ozolis voluerit deductos.

CCL.

Tarpha Homeri, iam dicto versu; etiam *Calliarus* eiusdem & Strabonis, incertæ positionis sunt. Epicnemidiorum fuisse, & ordo & adfociatio oppidorum apud Homerum videntur adprobare:

Οἱ Κύνον τ' ἐνέμοντ' Ὀπύντ' τε, Καλλιάρων τε,

Βῆσσαν τε, Σκάρφην τε, καὶ Αὐγείας ἐραϊνὰς,

Τάρφην τε, Θρόνιον τε Βοαγρίῳ ἀμφὶ ῥέεθρα.

Qui Cynum habitabant, & Opuntem ac Calliarum, & Bessam, ac Scarphen & amabiles Augeas: Tarphenque Throniumque, circa Boagrii fluentia. De Cyno & Opunte mox in Opuntiis; etiam de Bessa & Augeis: *Calliarum* autem Epicnemidiis manet; etiam *Scarpha* & *Tarpha*, separata oppida.

CCLI.

Supereft *Daphniús*, olim Phocensium, postea Locrorum factus ditio- nis. Strabo vtrumque declarat. Lib. i pag. 41 a Phocide ita cognominat, ἕως τῆς Φωκικῆς Δαφνίου, usque ad *Daphnuntem Phocium*. Et lib. ix pag. 286 ἡ Φωκίς ἐστὶ πρὸς ἄρκλον παραβεβημένη τῇ Βοιωτίᾳ παραπλησίως ἀπὸ θαλάσσης εἰς θαλάσσαν τὸ γε παλαιόν. ὁ γὰρ Δαφνίς ἐκ ἧν τότε τῆς Λοκρίδος, χιζὼν ἐφ' ἐκά- τερα τὴν Λοκρίδα, καὶ μέσος ταττόμενος τῆς τε Ὀπυντῆς κόλπῃ, καὶ τῆς τῶν Ἐπικνη- μιδίων παραλίας. ἡ δὲ Λοκρῶν ἐστὶν ἡ χώρα. τὸ δὲ πόλιν κατέσκαπται, ὥς ἐκ ἐκείῃ καθήκειν ἐκείνῃ μέχρι τῆς πρὸς Εὐβοίᾳ θαλάττης ἡ Φωκίς. *Phocis septemtrio- nes versus iuxta Bæotiam porrecta a mari ad mare antiquitus*. *Daphniús enim tunc*

tunc non erat Locridis, sed eam utrimque diuidebat, medius inter sinum Opuntium & oram Epicnemidiorum. Nunc Locrorum ea est regio: urbs solo equata. Itaque non iam ad Euboicum mare pertingit Phocis. Satis hinc de Daphnunte cognoscitur.

CCLII.

Tandem fuit etiam proxime Thermopylas ἀλπηνὸς πόλις πρώτη εἴστα τῶν Λοκρίδων πρὸς Μηλιέων, ut Herodotus describit lib. vii cap. cxxvi, id est, urbs Alpenus prima Locricarum aduersus Malienses: quam cap. clxxvii dixerat κώμην ἀγχοτάτω τῆς ὁδοῦ, ἀλπηνὸς ἔσχατα, vicum, prope viam [angustam Thermopylarum] Alpenos nomine.

CCLIII.

Ipsæ autem Thermopylæ angustus transitus inter mare & præruptos montes siluis inperuiis horrendos, ex Thessalia in Locridem sunt & Bœotiam: ab Herodoto lib. vii cap. clxxvi ita descriptæ: τῶν Θερμοπυλέων τὸ μὲν πρὸ ἐσπέρης, ὄρος ἄβυστον τε καὶ ἀπόκρημνον, ὑψηλὸν, ἀνατείνον ἐς τὴν Οἴτην. τὸ δὲ πρὸς τὴν ἡῶ τῆς ὁδοῦ, θάλασσα ὑποδέχεται καὶ τεναγυα. ἐστὶ δὲ ἐν τῷ ἐσόδῳ ταύτῃ θερμαὶ λατρὰ, Thermopylarum quod ad occidentem vergit, mons est inaccessus & præalti præcipitii, præcurrrens vsque ad Oetam: quod autem viæ in ortum vergit, id a maris excipitur illuuiæ. Et Liuius lib. xxxvi cap. xv, intra saltum Thermopylarum se recepit. Id iugum sicut Apennini dorso Italia diuiditur, ita mediam Græciam dirimit [videlicet Oetæ & Pindo continuum] ---- Hoc iugum ab Leucate & mari ad occidentem verso per Aetoliam ad alterum mare orienti obiectum tendens, ea aspreta rupesque interiectas habet, ut non modo exercitus, sed ne expediti quidem facile ullos ad transitum calles inueniant. Extremos ad orientem Oetam vocant, quorum quod altissimum, Callodromum adpellatur: in cuius valle ad Maliacum sinum vergente iter est non latius quam sexaginta passus. Hæc vna militaris via est, qua traduci exercitus, si non prohibeantur, possint: ideo Pylæ, & ab aliis, quia calidæ aquæ in ipsis faucibus sunt, Thermopylæ locus adpellatur. Aliquibus locis via tam angusta est, ut vnum modo vehiculum capiat, ideoque ἀμαξιτὸς μούνη dicta Herodoto prædicto cap. clxxvi libri septimi.

CCLIV.

OPUNTII LOCRI ab Epicnemidiis in austrum vergunt ad Bœotos vsque, dicti ab vrbe Opunte, primaria illorum. Strabo lib. ix pag. 293 οπῆς ἐστὶ μητρόπολις ἀπέχει δὲ θαλάσσης περὶ πεντεκαίδεκα σταδίους. Opus est metropolis, distans a mari circiter stadia xv. Liuius lib. xxxii cap. xxxii quum Quintius in Phocide ac Locride hiberna disposita haberet, Opunte orta seditio est. Patria Patrocli fuit, quod præter Homerum, etiam ex illo Ouidii adparet lib. i Pont. epist. iii vers. 73

Cæde puer facta Patroclus Opunta reliquit.

Contracta hæc forma est vocabuli: plana οπόης, & Latine Opoes. Mela ii cap. iii Thermopylæ, Opoes, Scarpha, Cnemides. Homerus Catalogo vers. 38

Οἱ Κύνοντ' ἐνέμοντ' Οπίεντά τε - - -

Yyy yy

qui

qui Cynum colebant & Opoentem. Et Pindarus Olymp. od. ix

κλεινὰς ἐξ Οποεντος - -

clara ex Opoente. Hinc formatur ὀπῆντιος, Opuntius; vt Plin. iv cap. vii in Epicnemidiis: Oppida, Opūs: unde & sinus Opuntius. Et Thucydides lib. iiii pag. 233 ἐπὶ Λοκροῖς ὀπῆντιος, contra Opuntios.

CCLV.

Sexaginta stadiis supra Opuntem, Thermopylas versus, est Cynus, Κῦνος, Plinio Cynos dicto loco, nauale Opuntiorum. Strabo, postquam dixerat Opuntem xv stadiis a mari abesse, addit: ἀπέχει τῆς θ' ἐπίνειος καὶ ἐξήκοντα. Κῦνος δ' ἐστὶ τὸ ἐπίνειον, abest vero [Opus] a nauali sexaginta stadia. Cynos autem est nauale illud. Mela dicto loco: in Locride Cynos & Calliaros. Liuius lib. xxviii cap. vi classem inde ad Cynum Locridis (emporium id est Opuntiorum urbis, mille passuum a mari sita) traiecit. Homeri testimonium paullo ante bis productum fuit. Hic terminus erat Opuntiorum, supra quem a quinquaginta stadiis sita erat Cnemis vel Cnemides, prima vrbs Epicnemidiorum: quam distantiam itidem Straboni acceptam referimus.

CCLVI.

Bessam quoque Homeri huc referunt, cuius ex Catalogo versum 39 supra etiam proposuimus,

Βῆσσαν τε, Σκάρφην τε, καὶ Αὐγείας ἐρατεινάς.

quod Seneca Troade, quum chorum quærentem introduxit,

Quæ vocat sedes habitanda captas?

videtur imitatus esse, enumerationi aliarum subiiciens versu 848 hæc oppida:

Bessan & Scarphen? Pylon an senilem?

Strabo πεδῖον, campum dixit lib. ix pag. 293. Καλλίαιρος, inquit, ἔνεστι οἰκῆται· ἐξῆς δὲ Βῆσσά τι πεδῖον, Calliarus habitari desit: deinceps Bessa est campus. addit: δρυμώδης τόπος ἐστὶ, silvester locus est. Siue ergo campus, siue etiam oppidum quondam fuit, veram eius sedem æque ac Augearum Homeri, ignoramus.

CCLVII.

Tandem etiam Larymna quondam Opuntiorum fuit: postea vltro accessit ad Bæotos. Pausanias Bæot. cap. xxiii συνετέλει ἐς ὀπῆντα ἡ Λάρυμνα τὸ ἀρχαῖον, cum Opunte olim censebatur Larymna. Crescente vero Thebanorum potentia, ἐκσχίσθη μετετάξατο ἐς Βοιωτὸς, vltro ad Bæotos se adiunxerunt. Vnde est quod ibidem dicitur: ἔστιν ἐπὶ θαλάσσης Βοιωτῶν πόλις Λάρυμνα, est ad mare Bæotorum vrbs Larymna. Plinius lib. iv cap. vii Rursus Locrorum ora, in qua Larymna, Thronium. atque ita etiam vnam tantum Larymnæ agnouit. Quod vero Strabo non distinxit tempora Larymnæorum, in errorem incidit, vt duas crederet Larymnas esse, alteram Bæotorum, alteram Locrorum, lib. ix pag. 280.

SECTIO IX.

P H O C I S.

CCLVIII.

Phocis * inter Bœotos & Locros continetur, olim amplior, a finu Corinthiaco ad mare vsque Euboicum patens, vt supra in Daphnunte Locrorum demonstratum est. Si Dionysio Periegetæ credimus, ad Thermopylas protensa quondam fuit. Verſu enim 438 ait:

Ελκομένη βορέην δε, κατὰ στόμα Θερμοπυλάων,
ad boream vergens ἔσ' os Thermopylarum, videlicet Φωκίς ἄρχα, *Phocidis regio*. Sed hac parte olim exciderant Phocenses, & ad angustiores limites redacti sunt.

CCLIX.

Vrbes Phocensium Pausanias in Phoc. cap. iiii recitauit, sed quarum plurimæ bello Persarum in vicos demutatæ fuerunt, quædam funditus excisæ. A litore sinus Corinthiaci incipimus, vbi quidam limitem turbarunt Locris ad Anticyram productis: plures autem *Cirrham* ** constituunt primam urbem Phocensium. Pausanias Phoc. cap. xxxviii ἡ γῆ ἡ Λοκρῶν τῶν καλεσμένων Οζολῶν προτεχῆς τῇ Φωκίδι ἐστὶ κατὰ τὴν Κίρραν, *Ager Locrorum, qui sunt Ozolæ vocati, Phocidem contingit iuxta Cirrham*. Strabo lib. ix pag. 288 ὑποπέπλωκε τῇ Κίρφῃ πόλις ἀρχαία Κίρρα ἐπὶ τῇ θαλάττῃ ἰδρυμένη, *Subiacet Cirphi [monti apud Delphos] urbs antiqua Cirrha, mari adposita*. Plinius lib. iv cap. iiii *Ultra [Locros] Cirrhæi Phocidis campi, oppidum Cirrha, portus Chalaon*. Fuit nauale Delphorum, quia egregium portum habuit. Pausanias ibidem cap. xxxviii ἐς δὲ Κίρραν, τὸ ἐπίνειον Δελφῶν, ὁδὸς μὲν σταδίων ἑξήκοντά ἐστιν ἐκ Δελφῶν, *via sexaginta stadiorum ducit a Delphis Cirrham, quod est nauale Delphorum*. Strabo vero dicto loco ὀγδοήκοντα πρὸ σταδίων ἀνάβαι-
σιν, *octoginta stadiorum adscensionem a Cirrha Delphos posuit*.

CCLX.

Quem Plinius coniungit *Chalaon* portum, quia Ptolemæus & Stephanus Locris attribuunt, supra quoque in Locride exposuimus. Supra eum *Crissa* oppidum, distincta a *Cirrha*, secus ac in Etymologico est. Homerus quidem, si Pausaniæ dicto loco recta est obseruatio, *Crissam* *** quæ *Cirrha* est, adpellauit. Diuersa autem oppida esse Ptolemæus, Plinius, Strabo confirmant. Hic certe lib. ix pag. 288 post *Cirrhae* expositionem: ἐφεξῆς ἐστὶν ἄλλη πόλις Κρίσσα, ἀφ' ἧς ὁ κύλπος Κρυσσῶν, *deinde est alia urbs*

Yyy yy 2

Crissa,

* *Phocis* oppida habuit Demosthenis ætate XXVII Vid. Demosth. de fals. legat. pag. 216 A.

** Aeschines contra Ctesiphont. pag. 289 Ἐστὶ γὰρ, ὡς Ἀθηναῖοι, τὸ Κίρραϊον ὀνομασμένον πεδῖον καὶ λιμὴν ὁ νῦν ἐξάγιστος καὶ ἐπάρτατος ὀνομασμένος. Ταύτην ποτὲ τὴν χώραν κατέκησαν Κίρραῖοι καὶ Ἀκραγαλλίδαι γένη παρανομώτατα, οἱ εἰς τὸ ἱερόν τὸ ἐν Δελφοῖς, καὶ τὰ ἀναθήματα ἡσέθεν, ἐξημάρτανον δὲ καὶ εἰς τὰς Ἀμφικτυόνας. Ἐστὶν enim, οἱ Ἀθηναῖοι, *campus & portus Cirrhæus nunc execrabilis & deuotus dictus*. Hanc aliquando regionem *Cirrhai & Acragallide tenuerunt, nationes iniustissimæ, qui in templum Delphicum & donaria impie egerunt & aduersus Amphictyonas peccarunt*. Legantur insequentia & præsertim formula dirarum. Conf. Demosth. de Coron. p. 334 B.

*** Nonnus Dionys. XIII v. 218 p. 358 Κρίσαν ἀειδομένην καὶ Δαυλίδα καὶ Πανοπήα.

Crissa, a qua *sinus Crissæus* adpellatur. Isidem est multis qui vulgo *Corinthiacus* vocatur: sed proprie *Crissæus* est pars illius *Corinthiaci*, excursus maris ad *Crissam*, quia *Strabo* lib. viii pag. 231 dicit, ab *Rhio* & *Antirrhio* διίσταται πάλιν ἡ παραλία μετρίως ἐκατέρωθεν· προϊῶσα δ' εἰς Κρυσσαῖον κόλπον, ἐνταῦτα τελευτᾷ, rursus litora inuicem mediocriter diducuntur, ἔς τε *Crissæum sinum* procedit litus, ἔς ibi desinit. At *Corinthiacus* sinus est totus a freto *Antirrhii* ad isthmum *Achaicum*. *Plinius* lib. iv cap. ii In ora promontorium *Antirrhium*, ubi ostium *Corinthiaci* sinus, minus mille passuum latitudine influentis. Et *Polybius* lib. iv cap. lxxv *Oeniadarum* urbem, quæ in extrema ora *Acarnaniæ* & *Aetoliæ* sita est, dixit κείσθαι περὶ τὴν ἀρχὴν τῆς Κορινθιακῆς κόλπου, iacere prope initium sinus *Corinthiaci*. Ipsa urbs *Crissa* perinde ac *Cirra*, *Strabonis* ævo deleta erat. Lib. ix pag. 288 ἡ δὲ Κίρρα καὶ ἡ Κρίσσα κατεσπάρησαν.

CCLXI.

Anticirra siue *Anticyra*; utroque modo scribitur: *Strabo* lib. ix pag. 288 mss. & p. 299 Ἀντίκιρρα; at *Pausanias* *Phoc.* cap. xxvi, & *Stephanus*, Ἀντίκυρα, & *Liuius* *Anticyra*. Hic lib. xxxii cap. xviii *Anticyra* in *Phocide* in *Corinthiacum* versa sinum: quamuis antea lib. xxvi cap. xxvi dixerat, sitam *Anticyram* esse in *Locride*, leua parte sinum *Corinthiacum* intrantibus. Ultra modum enim fines *Locridis* heic prorogauit: nisi forte a *Locride* est legendum. Neque enim putandum est, aliam in *Locride*, aliam in *Phocide* fuisse *Anticyram*. Fuit quidem alia, sed in *Maliaca* regione, ἐν Μαλιεῦσιν, ut *Stephanus* ex *Apollodoro* refert; siue ut *Strabo* dicto libro p. 288, κατὰ τὸν Μαλιακὸν κόλπον καὶ τὴν Οἶτην, iuxta *Maliacum sinum* ἔς montem *Oetam*: & hæc secundum utrumque, *Stephanum* & *Strabonem*, elleborum præstantissimum fert, quod *Phocicæ* tribuit *Pausanias* cap. xxvi. Hinc adagium, quo *Horatius* etiam usus est lib. ii satyr. iii vers. 166

Nauigat Anticyram, - - -

de homine parum sanæ mentis. Et de *Arte poet.* vers. 300

Si tribus Anticyris caput insanabile. - - -

De *Phocica* etiam *Plinius* lib. iv cap. iii oppidum *Crissa*, & cum *Bulensibus* *Anticyra*. De *Bulensibus* autem in *mediterranea Phocide* agemus. Gentile Ἀντικυρεὺς, *Pausaniæ* dicto loco.

CCLXII.

Vicinus *Anticyræ* fuit *Medeon*, μεδεῶν, cognomine *Phocicus*, quo a *Bœotico*, altero huius nominis discernitur. *Strabo* lib. ix pag. 289 μεδεῶν ὁ μὲν Φωκικὸς ἐν τῷ Κρυσσαίῳ κόλπῳ, διέχων Βοιωτίας σταδίων ἑκατὸν ἐξήκοντα· ὁ δὲ Βοιωτικὸς ἀπ' ἐκείνης κέκληται, *Medeon Phocicus* in *Crissæo sinu* est, distans a *Bœotia* *Medeone* stadiis clx. *Bœoticus* autem ab illo nomen habet. Nominis originem inuersam mauult *Palmerius*, quia *Homerus* *Bœotici* meminert: non item *Phocici* *Medeonis*. *Euerfus* fuit haud dubie sacro bello a *Philippo* rege. *Pausanias* *Phoc.* cap. xxxvi κείσθαι ἡ πόλις [Ἀντίκυρα] κατὰ μεδεῶνος τὰ εἰρεῖπια, *Sita Anticyra iuxta Medeonis ruinas*. Ipsa autem *Anticyra* non vna ab rege deleta

deleta fuit, vt vir clarissimus ex καίτοι Pausaniæ probari credit; sed Strabonis ætate συμμείνα, *superabat*, euerfis ceteris, lib. ix pag. 288.

CCLXIII.

Extremus portus Phocensium est *Mychus*, ὁ μυχὸς, e regione Heliconis & Ascræ situs. Strabo lib. ix pag. 291 ὁ λιμὴν ὕδατες, ὁ πρῶτος γερουθεὶς μυχὸς ἀπὸ τῆς συμβεβηκότος ὑπὸ τῷ Ελίκωνι καὶ τῇ Ἀσκλη καίμενος, *portus Phocensium extremus, de quo supra diximus, Mychus à situs casu adpellatur.* Casus ille est, quod μυχὸς intimum recessum sinus significat, vt antea quoque pag. 288 declarauerat, vbi hoc addidit, κατὰ τὸν τὸν λιμένα, *iuxta hunc portum, Heliconem sinui Crissæο ἐπικεῖσθαι, imminere.*

CCLXIV.

In mediterraneis Phocensium fuit vrbs clarissima *Delphi*, quæ alio nomine *Pytho*, vel *Pythia* vocata fuit. Pausanias Phoc. cap. vi χρόνος δὲ ὕστερον καὶ Πυθῶ τὴν πόλιν, & Δελφοὺς μῖνον ἐκάλεσαν οἱ περιεκαῶντες *interiecto tempore urbem ipsam non solum Delphos, sed etiam Pytho nominarunt finitimi.* Et Didymus, Homeri scholiastes, ad Catalogi vers. 26

Οἱ Κυπάρισσον ἔχον, Πυθῶνά τε πετρήεσσον,
sic commentatus est: Πυθῶνα. Καὶ αὕτη πόλις Φωκίδος. τὸ πρότερον δὲ ἐκαλεῖτο Παρνασία νάπη, ὡς ἀπὸ τῆς παρακειμένης ὕρει ἔπειτα Πειθῶν ὕστερον δὲ Δελφοί, *Pytho* vrbs Phocidis est, quæ prius *Parnassia* vallis vocata fuit, deinde *Pytho*, tandem *Delphi*. Sæpe poetis *Pytho* * vrbs eadem, quæ Apollinis oraculum habebat, id est *Delphi*. Homerus *Odyss.* 6 vers. 79

ὣς γὰρ οἱ χρεῖων μυθήτατο Φοῖβος Ἀπόλλων

Πυθοῖ ἐν ἡγαθέῃ,

Vt ei vaticinans Phæbus Apollo in vrbe diuina Pythone prædixerat. Pindarus *Olymp. od. ii* vers. 71 ἐν Πυθῶνι χρηθεὶν, *Pythone seu Delphis oraculum editum.* Et Apollonius lib. i *Argonaut.* vers. 308

Δῆλον ἀν' ἡγαθέην, ἥ ἐκ Κλάρον, ἥ ὅγε Πυθῶ,

Per Delum sacram, vel Clarum, vel Pythonem,

in quibus Apollinis templa sunt & oracula. Non ergo cum Ptolemæo consentimus, qui *Pythiam* & *Delphos*, tamquam diuersa oppida, separauit: nisi forsitan pars, quæ templum habuit, *Pytho* vel *Pythia* vocata fuit, sed ita numeris Ptolemæi, qui longius seiungunt, non conuenit. Sita vrbs sub *Parnasso* seu in adscensu illius, a *Cirrha* portu lx secundum Pausaniam; lxxx secundum Strabonem, vt supra in *Cirrha* monstratum est. Clarissima vrbs Apollinis fano & oraculo fuit. Fanum editiore loco seu supra urbem positum fuit, siue, vt Strabo refert, κατὰ κορυφὴν, *iuxta verticem*, lib. ix pag. 288. Originem oraculi Diodorus scripsit lib. xvi cap. xxvi; etiam loci indolem, χάσμα videlicet, *voraginem* in rupe *Parnassi*, cui tripus fuit impositus, quod adytum templi postea superstructi. Accessum a mari ad urbem ex insidiis regi *Eumeni* paratis intelligimus, apud *Liuium* lib. xlii cap. xv. *Vmbilicum Græciæ*, immo terrarum orbis esse olim creditum fuit. Idem *Liuius* lib. xxxviii cap. xlvii oratione *Manlii*: *etiam Delphos,*

Yyy yy 3

quondam

* Sic Nonnus *Dionys.* XIII v. 127

ὅτε λάρον Πυθῶνα καὶ ἀμφίκερμον Ἀλκίον.

quondam commune humani generis oraculum, umbilicum orbis terrarum Galli spoliauerunt. Strabo de Delphico fano, libro dicto pag. 289 τῆς Ἑλλάδος ἐν μέσῳ, πῶς ἐστὶ τῆς συμπάσης τῆς τε ἐντὸς ἰσθμοῦ καὶ τῆς ἐκτὸς ἐνομιάθη δὲ καὶ τῆς οἰκισμένης καὶ ἐκάλεσαν τῆς γῆς οὐφαλόν. In medio totius Græciæ, tam eius quæ intra isthmum, quam quæ extra est, situm: immo creditum etiam, in medio terrarum orbis: ideo umbilicum terræ vocant. Quod an verum sit, lib. I cap. IV disputatum est.

CCLXV.

Non longe a Delphis in eodem Parnassi iugo fuit *Cyparissus*, oppidum vel pagus. Homerus Catalogo vers. 26

Οἱ Κυπάριστον ἔχον, Πυθῶνά τε πετρήεσσαν,
Qui Cyparissum habitabant, & Pythonem petrosam.

Strabo ait, esse qui pagum *Lycoreiæ* interpretentur. Aliis oppidum est.

Stephanus: Κυπάριστος, πόλις ἐν Παρνασσῷ κατὰ τὰς Δελφάς, *Cyparissus oppidum in Parnasso iuxta Delphos.* Et Dicæarchus vers. 80

Εν τῇ μεσογειᾷ δ' ἐστὶ Κυπάριστος πόλις.

In mediterræneo urbs Cyparissus est.

Et Statius lib. VII Thebaidos vers. 344, [colunt]

- - - *qui Panopen, qui Daulida, qui Cyparisson.*

CCLXVI.

In summo Parnasso *Lycorea* siue *Lycoria*, quam primum Delphi inhabitauerunt, antequam degressi circa fanum Apollinis ædificarent & colerent. Nomen a lupis ducibus, quos sequuti tutiorem locum inuenissent. Pausanias Phoc. cap. VI refert, Deucalionis cataclysmo seruatos, ἐς τὴν Παρνασσὸν τὰ ἄκρα, in Parnassi iuga, vlulatum luporum sequutos, refugisse: ideo πόλιν ἣν ἐκτίσαν, ἐκάλεσαν ἐπὶ τῷ Λυκώρειαν, urbem quam illic condiderint, vocasse *Lycoreiam*. Alii a conditore Lycoro nomen ducunt. Et Strabo lib. IX pag. 288 ὑπέρεται αὐτῆς ἡ Λυκώρεια, ἐφ' ἧς τόπος πρότερον ὕδρευτο οἱ Δελφοὶ ὑπὲρ τῆς ἱερᾶς νῦν δ' ἐπ' αὐτῷ οἰκᾷσι περὶ τὴν κρήνην τὴν Καταλίαν, *Supra eam [urbem quæ ad fanum est] sita Lycorea, quo in loco antiquitus Delphi supra templum incolebant: nunc ad ipsum degunt templum circa fontem Castalium.*

CCLXVII.

Fons ergo *Castalius* ad radices Parnassi est prope templum Apollinis, seu iuxta Delphos. Pausanias Phoc. cap. VIII ἐκ δὲ τῆς γυμνασίης τὴν ἐς τὸ ἱερὸν ἀνιόντι, ἐστὶν ἐν δεξιᾷ τῆς ὁδοῦ τὸ ὕδωρ τῆς Καταλίας, καὶ πίνειν ἡδὺ, a gymnasio sursum ad fanum tendenti, ad viæ dexteram *Castaliæ* aqua suaui potu est. Pindarus Pyth. od. I vers. 74

Λύκιε, καὶ Δάλοϊ ἀνάστων

Φοῖβε, Παρνασσῷ τε κράνα

Καταλίαν Φιλέων,

O Lycie, & Delo imperans Phæbe, Parnassique fontem Castalium amans. Virgilius Georg. lib. III vers. 291

Sed

Sed me Parnassi deserta per ardua dulcis

Raptat amor : iuuat ire iugis, qua nulla priorum

Castaliam molli diuertitur orbita cliuo.

Musis facer fuit fons Castalius, quæ inde *Castalides* dictæ. Martialis lib. IV epigram. XIV ad Silium Italicum:

Sili, Castalidum decus sororum.

CCLXVIII.

Ipse quoque mons *Parnassus* Musis & Apollini sacratus erat, excelsus & biuertex. Lucanus lib. V vers. 72

- - - *Parnassus gemino petit æthera colle,*

Mons Phæbo Bromioque sacer.

Ovidius Metamorphos. lib. I vers. 316

Mons ibi verticibus petit arduus astra duobus

Nomine Parnassus, superatque cacumine nubes.

Idcirco *Parnasson* utrumque dixit Statius lib. VII Thebaid. vers. 345.

CCLXIX.

In altero montis latere oppidum fuit *Tithorea*, τ.θ.ορέα. Pausanias Phoc. cap. XXXII τ.θ.ορέα δὲ ἀπὸ τέρῳ Δελφῶν ἐγδοήκοντα. ὡς εἰκασται, σταδίοις ἐστίν, ἰόντι διὰ τῆς Παρνασσῆς, abest a Delphis *Tithorea* stadia plus minus octoginta, iter per *Parnassum* facienti, id est per tramitem Parnassi difficilem, extra quem longius iter est.

CCLXX.

Ad *Parnassum* est *Corycium nemus* & *antrum*. A *Corycia* nymphe * nomen ducit, Apollini amatam, ut Pausanias Phoc. cap. VI refert, τὸ ἄντρον ἐνομασθῆναι Κωρύκιον ἀπὸ τῆς νύμφης, *antrum* nominatum *Corycium* a nymphe esse. Ibidem cap. XXXII de eodem antro: Ἀπὸ δὲ τῆς Κωρυκίης χαλεπὸν ἦδη καὶ ἀνδρὶ ἐνζῶντι πρὸς τὰ ἄκρα ἀφικέσθαι τῆς Παρνασσῆς, A *Corycio* [antro] vel expedito homini difficile est ad *Parnassi* iuga peruenire. Adde Herodotum lib. VIII cap. XXXVI. Statius Thebaid. lib. VII vers. 46

- - - *vel quia Parnasson utrumque,*

Aut Cirrham tauris, Anemoriamque supinant,

Coryciumque nemus.

CCLXXI.

Ceterum incerto situ est quæ hoc versu memoratur *Anemoria*, de qua Homerus etiam Catal. vers. 28 scripsit:

Οἱ τ' Ἀνεμώρειαν καὶ τὰς πόλιν ἀμφετίμεντο,

Qui Anemoriam & Hyampolim circumhabitabant.

Et Lycophron vers. 1073

Πάτραν Λίλαιαν, καὶ ἀνεμωρείας πεδὺν.

Patriam Lileam & Anemoriæ campum.

vbi scholiastes: πόλεις εἰσὶ Φωκίδες, sunt Phocidis oppida.

CCLXXII.

Ab ortu adiacent *Parnasso* *Ambrysus* siue *Ambryssus*, & *Daulis*, & *Pa-*

nore

* Dicæarch. de vit. Græc. pag. 166 Εἶτα νυμφῶν ἐχόμενον Κωρύκιον ἄντρον.

nore. Primæ situm Pausanias Phoc. cap. xxxvi ita delineavit: ἡ δὲ Ἀμβρυσσὸς κεῖται μὲν ὑπὸ τὸ ὄρος τὸν Παρνασσόν, τὰ ἐπὶ κεινὰ δὲ οἱ Δελφοί, *Ambryssus sita est sub monte Parnasso; ultra vero [ex altera parte] sunt Delphi.* Et Polybius lib. iv cap. xxv ἐγκαλόντων δὲ Φωκίων, διότι στρατεύσαντες ἐπ' Ἀμβρυσσὸν καὶ Δαυλίον, ἐπιβάλλοντο καταλαβέσθαι τὰς πόλεις, a Phocensibus [Aetoli] accusabantur, quod *Ambrysum & Daulium vrbes occupare adgressi fuerint.* Et Liuius lib. xxxii cap. xviii *Anticyra haud multum in oppugnando prae- buit moræ. Ambrysus inde Hyampolisque receptæ.*

CCLXXIII.

Quæ sequitur *Daulis*, sic ab Homero, Liuiio, Pausania, Stephano vocatur, vrbibus Phocidis adnumerata: Polybio, iam prolatis verbis, Δαυλίον, *Daulium*: Plinio autem *Daulis* regio est lib. iv cap. iii. *Tritea*, inquit, *Ambrysus, Drymæa regio, Daulis adpellata.* At urbem fuisse *Daulidem*, satis prodidit Homerus Catalogo verſ. 27

Κρίσσαν τε Ζαθέην, καὶ Δαυλίδα, καὶ Πανοπῆα.

Stephanus: Δαυλὶς, πόλις Φωκίδος, *Daulis, vrbs Phocidis*: Et Liuius lib. xxxii cap. xviii *Daulis quia in tumulo excelso sita est, nec scalis nec operibus capi poterat.* Pausanias situm etiam quodammodo describit in Phoc. cap. iv, ἀβεῖν a Panopeo vii stadiis: & propinquam Parnassō, quia διὰ τῆς Δαυλίδος, ex *Daulide* in Parnassum adscendatur longiore quidem via, quam quæ ex Delphis est, at minus difficili. Quid? quod diserte ibidem πόλιν oppidum vocat: τὸ δὲ ὄνομα τῇ πόλει τεθῆναι λέγουσιν ἀπὸ Δαυλίδος νύμφης, nomen oppido a nympha *Daulide* dicunt esse. Regionem Thucydides lib. ii pag. 119 videtur *Dauliam* adpellasse. ἐν Δαυλία τῆς Φωκίδος ἔκει, in *Daulia Phocidis* [Tereus] habitabat. Sed potest etiam oppidi vocabulum esse, quod *Daulis, Daulia, Daulium* vocatum fuerit. *

CCLXXIV.

An vero *Drymæa* sit regio, vt Plinius scripsit, æque dubitatur. Pausanias sane Phoc. cap. iii in oppidis numeravit: & cap. xxxiii ἐκ Τίθρωνος ἑκάστιν εἰς Δρυμαίαν στάδιοι, a Tithronio viginti stadia intersunt ad *Drymæam*. Stephanus in Pausania Δρυμία legit: Δρυμία πόλις Φωκίδος. Πανσανίας ἰ. *Drymia vrbs Phocidis.* Pausanias lib. X. Herodotus lib. viii cap. xxxiii Δρύμον dixit: ** ἑκάυσαν Δρύμον πόλιν, urbem *Drymon* incenderunt. Ne credas vero eandem esse *Drymæam* & *Daulidem* urbem. Herodotus a Drymo Δαυλίων πόλιν, *Dauliorum urbem* distinguit; etiam Pausanias *Daulidem* & *Drymæam*; & Stephanus *Daulidem* & *Drymiam* separatim tanquam diuersas vrbes exposuit.

CCLXXV.

Prope *Daulidem*, spatio vii stadiorum interiecto, fuit Πανοπεύς, *Panopeus*, oppidum. Strabo lib. ix pag. 291 Πανοπεύς, ὁ νῦν Φανοτεύς, ὁμορος τοῖς περὶ

* Adparet idem ex Apollodoro III c. 3. extr. pag. 228, 229 Αἱ δὲ ἐν Δαυλία τῆς Φωκίδος γενόμεναι προκατάληπτοι θεοὶς εὐχόμεναι ἀπορνεώσθηναι. Procne & Philomela in vrbe *Daulia Phocidis* iam iamque prehendere deos orant, vt in aues conuertantur.

** Item Demosthenes de falsa legat. pag. 244 B.

περὶ Λεβαδίαν τόποις, *Panopeus*, qui nunc *Phanoteus* est, fines locorum, qui circa *Lebadiam* sunt, attingit. Sæpe laudatur Homero. Catalogo vers. 27

- - - καὶ Δαυλίδα καὶ Πανοπῆα.

Et *Iliad.* P vers. 307 ἐν κλειῷ Πανοπῇ, in celebri *Panopeo*. Et *Odyssæ* A vers. 580

Πυθῶδ' ἐρχομένην διὰ Καλλιχόρου Πανοπῆος,

Ad Pytho euntem per choris decorum Panopeum.

Herodotus etiam ad situm eius cognoscendum lib. viii cap. xxxiv adfert, *Perfas*, urbem *Parapotamios* prætergressos, venisse εἰς Πανοπέας, ad *Panopeos*. Ibi, diuisis copiis, partem per *Bœotos* aduersus *Athenas* iisse: ceteros, τὸν Παναηστὸν ἐν δεξιῇ ἀπέρχοντες, *Parnassum* a dextra præstringentes, ad templum *Delphicum* contendisse. Dicitur etiam vrbs Πανόπη, *Panope*. *Stephanus* & *Hesychius*: Πανόπη, πόλις Φωκίδος, *Panope* vrbs *Phocidis*. *Ouidius* *Metamorph.* lib. iii vers. 19

Iam vada Cephissi, Panopesque euaserat arua.

Et *Papinius* lib. vii *Thebaid.* vers. 344

- - - qui *Panopen*, qui *Daulida*, qui *Cyparission*.

Quod vero ad alterum seu recentius nomen *Phanoteus*, cuius *Strabo* meminerat, attinet, illud etiam *Liuius Sigonius* ex vet. cod. restituit, lib. xxxii cap. xviii *Phocidis* primo impetu *Phanoteam* sine certamine cepit. *Stephanus*: Φανότειος πόλις Φωκίδος. Θεκιδίδης δ'. λέγεσθαι καὶ Φανότη, καὶ Φανότεα. *Phanoteus* oppidum *Phocidis*. *Thucydides* lib. iv. Dicitur etiam *Phanote*, εἰς *Phanotea*.

CCLXXVI.

Supra *Drymæam* xx stadiis sedet *Tithronium*, de quo supra in *Daulide* ex *Pausania*; quod *Herodoto* lib. viii cap. xxxiii est τεθρώνιον, *Tethronium*: *Plinio* iv cap. iii *Tithrone*.

CCLXXVII.

Inde xv stadiis abest *Amphiclea*, a qua ad *Lilæam* stadia lx, ex eodem *Pausania* cap. xxxiii. ἀμφικλεία, *Amphiclea*, etiam dicta fuit Ὀφίτεια, *Ophitea*, ibidem. Fuit etiam, quum ἀμφικαία, *Amphicea* diceretur, quod nomen *Herodoti* est lib. viii cap. xxxiii. id quod genuinum vocabulum videtur *Palmerio* esse.

CCLXXVIII.

Lilea ad fontes *Cephissi* est. *Strabo* lib. ix pag. 280 ὁ Κηφισσοῦς ἐκ Λιλαίας Φωκικῆς πόλεως τὴν ἀρχὴν λαμβάνει, *Cephissus* ab *Lilea*, *Phocica* vrbe, originem habet. quod ex *Homeri* versu *Catal.* 30 probat

Οἳ τε Λίλαμαν ἔχον πηγῆς ἐπὶ Κηφισσοῖο,

Quique Lilæam tenebant super fontes Cephissi.

Et *Statius* lib. vii *Thebaid.* vers. 348

- - - propellentemque *Lilæam*

Cephissi glaciale caput.

CCLXXIX.

Hic amnis, qui & *Cephissus* * scribitur, *Pindum* defert in λίμνην Κωπαΐδα,

Zzz zz

* A *Theophrasto* quoque *hist. Plant.* IV cap. 12.

δα, in lacum Copaidem. Vrbes quæ ad ipsum aut prope sunt, recitat Herodotus lib. viii cap. xxxiii, suntque nominatim Drymos, Charadra, Tethronium, Amphicea, Νεὼν Neon; Τρίτεια, Tritæ; Hyampolis, Parapotamii, & Abæ; quarum pars supra sunt expositæ.

CCLXXX.

Ex reliquis Charadra, secundum Pausaniam Phoc. cap. xxxiii abest ἑκοτὶ σταδίαις, viginti stadiis ab Lilæa, ὑπὲρ ὧν καλεῖται κρημνῶς, posita in excelsō & prærupto loco, quem flumen Charadrum præterfluit, breui post spatio in Cephissum influens.

CCLXXXI.

Neon, Parnassum versus, aut, ut Pausanias cap. xxxii ex Herodoto putat constare, in ipso iugo Parnassi fuit, ὅμοια μὲν Νεῶνα τῇ πόλει, Τιθορέαν δὲ εἶναι τῇ Παρνασσῷ τὴν ἄκρην, nomen urbis Neonem esse, at Parnassi iuga Tithoream vocari. Memorat etiam Strabo lib. ix, & Demosthenes pro Ctesiphonte.

CCLXXXII.

Tritæ eiusdem sunt Herodoti dicto cap. xxxiii; Tritæ Plinii lib. iv cap. iii; Τρίτεια, Tritæa Thucydidis lib. iii pag. 241; Stephani Τρίτεια, Tritæa, μεταξὺ Φωκίδος καὶ Λοκρῶν τῶν Οζολῶν, inter Phocidem & Locros Ozolas posita: ob quam situs rationem a Thucydide cum Locrorum oppidis numeratur.

CCLXXXIII.

Hyampolis ** in angustiiis sita, quibus aditur e Thessalia & ex Locride Epicnemidiorum Phocis. Herodotus viii cap. xxviii ἐν τῇ ἐσβολῇ, ἥ ἐστὶ κατὰ Γάμπολιν, in ingressu, qui est iuxta Hyampolim. Statius Theb. vii vers. 345

- - - - - ἐξ Hyampolin acri

Subnixam scopulo.

Liuius lib. xxxii cap. xviii Ambrysus Hyampolisque receptæ. Pausanias Phoc. cap. xxxv ἐς Ἄβας δὲ ἀφικέσθαι, καὶ ἐς Γάμπολιν, ἐστὶ μὲν καὶ ἐξ Ελαλείας ὁρεὺν ὁδὸν ἐν δεξιᾷ τῇ Ελαλείων ἁσέως, Abas ἐξ Hyampolim ducit montana via, quæ est ab Elateensium oppido a dextera.

CCLXXXIV.

Parapotamii ad fluuium Cephissum fuerunt, ut nomen prodit: Strabo lib. ix pag. 292 ἐπὶ τῷ Κηφισῷ, super flumen Cephissum. Et pag. 281 διὰ Παρποταμίων, per Parapotamios Cephissum dicit fluere. Adde supra Herodotum.

CCLXXXV.

Abæ, nobiles Apollinis oraculo, cuius ἱερὸν πλάσιον, locuples delubrum habebant: nec suo tempore desuisse, Herodotus dicto loco tradit: antiquius ipso Delphico fuisse, Stephanus in hoc oppido obseruauit. Lycophron vers. 1074

- - - Ἀμφισσάν τε καὶ κλεινὰς Ἄβας,
Amphissam & celebres Abas.

CCLXXXVI.

* Nonnus Dionys. XIII v. 123 p. 358,

Αρχίποροι Φωκῆες ὁμήλιδες. οἱ κυπαρίσσοι
Εἶχον ἕδος· καὶ γαίης ὑάμπολιν ὑπὲρ ἁκῶ
Λονίης ὅς ἐδασ· ἐπώνυμον, ἥ περὶ μορφῆς
Αυχένα γὰρ ὄνομα ἔσται, καὶ ἦρκε Τρίτογενή.

CCLXXXVI.

Maxima autem in Phocensibus vrbs, & itidem Cephisso adposita, fuit *Elatia*, siue *Elatea*, ἐλάτεια. Strabo lib. ix pag. 281 de illo fluuio: δι' ἐλατίας ῥοαίς, μεγίστη τῶν ἐν Φωκεῦσι πόλεων, *per Elateam fluit, maximam Phocicarum urbium*. Et Pausanias Phoc. cap. xxxiv ἐλάτεια τῶν ἐν Φωκεῦσι μεγίστη πόλεων ἐστὶ τῶν ἄλλων μᾶλλον γὰρ τὰς Δελφούς, *Elatea omnium, quæ in Phocide sunt, urbium, exceptis Delphis, multo est maxima*. Idem paullo ante de eadem vrbe: καὶ τὰ κατὰ Ἀμφικλείαν, *sita est contra Amphicleam*. Liuius lib. xxviii cap. vii Philippus vno die [ab Scotussa Thessaliæ] Phocidis Elatiam millia amplius sexaginta contendit. Et lib. xxxii cap. xviii *Elatia clausit portas: nec nisi vi cogerentur, recepturi mœnibus videbantur aut ducem aut exercitum Romanum*. *Elatiam obsidenti consuli rei maioris spes adfulsit, Achæorum gentem ab societate regia ad Romanam amicitiam auertendi*.

CCLXXXVII.

Plinii *Bulenses*, quos cum Crissa coniunxit, supra vidimus: oppidum βῦλις, *Bulis*, in finibus Bœotiæ: Ptolemæo in mediterraneis βύλεια, *Bulia*. Pausanias Phoc. cap. xxxvii ἐς τὴν βῦλιν, ἐκ μὲν τῆς Βοιωτίας Θίσβης, σταδίων ἐστὶν ὁδὸς ὀγδοήκοντα, *ex Thisbe Bœotiae ad Bulin fert via lxxx stadiorum*. Obliquus casus est βυλίδος, *Bulidis*. Pausanias ibidem: δύσβατα ὄρη καὶ τραχέα τὰ μετὰ τὴν Ἀντικύρας τέ ἐστι καὶ βυλίδος, *aspera montes sunt inter Anticyram & Bulidem*. Inde oppidani βυλίδιοι, *Bulidii*, ibidem.

CCLXXXVIII.

Stiris, Στίρις, oppidum lx circiter stadia ab Amphrysso, cxx a Chæroneæ, vt Pausanias Phoc. cap. xxxvi auctor est. Dicitur ἐν Στίριδι, & ἐκ Στίρεως, & ἐς πόλιν Στίριν, variante obliquo. Ibi Cereris fanum fuit, cognominatæ Δήμητρος τῆς Στιρίτιδος, *Cereris Stiritidis*.

CCLXXXIX.

Addunt quidam oppidum, *Phocicum* nomine, quod ex Pausaniæ Phocicis cap. iiii probatum eunt. Θρακίς τε, inquit, καὶ Φωκική, καὶ Μεδεῶν, καὶ Φωκικός. Vt vero recte Sylburgius Θρακίς ἢ Φωκική emendat; cur non etiam scribemus μεδεῶν ὁ Φωκικός, *Medeon Phocicus*, vt a Bœotico distinguatur? Stephanus sane, μεδεῶν, βοιωτική πόλις, καὶ Φωκική ἑτέρα, *Medeon vrbs Bœotica, & alia Phocica*. Et clarius Strabo lib. ix pag. 283 μεδεῶν δ' ὁ μὲν Φωκικός ἐν τῷ Κρισσαίῳ πόλιν, διέχων βοιωτίας σταδίων ἑκατὸν ἐξήκοντα· ὁ δὲ βοιωτικός ἀπ' ἐκείνης κεκληλῆται, *Medeon Phocicus in Crissæo sinu est: a Bœotiae distans stadia clxx: Bœoticus autem Medeon ab illo nomen trahit*. Sed vrget Sylburgius, post paullo [cap. v] βοιωτικῆς, vt singularis loci fieri mentionem. Ego vero hoc non moueor, quia οἰκοδόμημα sibi vocatur, *ædificium*, non oppidum; item μέγα οἶκημα, *magna domus*, in qua concilium erat Phocicarum urbium; sita ad læuam viæ, quæ a Daulide Delphos ferebat. Φωκικὸν autem dicebatur, subaudi συνέδριον, aut simile.

CCXC.

Quæ de Plinii *Daphnunte Phocico* heic dicenda essent, diximus in Locride,

cride, cuius postea fuit, quum olim fuisset Phocidis ad Euripum vsque parentis. Vide Strabonem pag. 286. *Thracis* autem, Θρακίς Pausaniæ, supra memorata, est Strabonis τραχὺν, *Trachin* prope Lebadium, pag. 292. Inde a Pausania φωνικὴ discriminis causa cognominatur, quia & aliud oppidum *Trachin* in Græcia est ad *Oetam*, supra explicatum. *Erochus*, Ἐρωχος, & *Echedamia* Pausaniæ: & *Phlygonium* eiusdem, siue Plinii *Phlygone*, in obscurioribus utique censenda, præterimus: nec Stephanus plus de *Phlygonio* habet, quam oppidum esse Phocidis.

S E C T I O X.
B O E O T I A.
CCXCI.

Bœotia inter Atticam, Locridem, Phocidemque sita, ab Ephoro apud Strabonem lib. ix pag. 276 μόνη τριθάλαττος, *sola trimaris* dicta, quia per Euripi extrema tam in superum mare, quod Macedoniam inter & Ioniam est, & in Propontidem; quam in mediterraneum ad Aegyptum vsque nauigatio Bœotis pateat: per Crissæum autem siue Corinthiacum sinum, vsque in Italiam. Ad singulas nauigationes portus habet satis idoneos. Primum maritimam oram ab Attica ad Locros perlustrabimus: deinde progrediemur in loca mediterranea.

CCXCII.

Prima urbium est *Oropus*, Ὠρωπὸς, * in Atticæ confinio, mari vicina, a quo duobus millibus distare, Sponius, qui rudera vidit, Itinerario refert. Strabo in Bœotia lib. ix pag. 277 ἀρχὴ δ' ὁ Ὠρωπὸς *principium* [Bœotiæ ab Attica] *est Oropus*. Stephanus quoque Bœotiæ urbem dixit. De agro contendit cum Atheniensibus, quem tandem Philippus rex his adiudicauit, quod Pausanias refert Attic. cap. xxxiv, qui dicit ἐπὶ θαλάττης, *super mare* sitam, nihil habere memorabile. Nec agrum modo, sed urbem ipsam sibi Athenienses vindicarunt. Liuius lib. xlv cap. xxvii *Inde Oropum Atticæ ventum est*. Et Ptolemæus in Attica recensuit. Duodecim stadiis abest ἱερὸν τῆς Ἀμφιαράας, *sanum Amphiarai*, eo loco, quo ipse cum curru terra haustus credebatur: quem primi consecrarunt Oropii, quod ibidem narravit Pausanias. Sunt qui idem accidisse dicant inter Thebas & Chalcidem, quod ibi locus Ἄρμα, *Harma*, id est *currus*, quia cum curru traditur merfus hiatu terræ. Quod etiam Straboni expositum est lib. ix pag. 278.

CCXCIII.

In intimo sinu, xx stadiis ab Oropo, est *Delphinium*, portus, Straboni dicto loco ἱερὸς λιμὴν, ὃν καλεῖται Δελφίνιον, *Sacer portus quem Delphinium vocant*, cuius e regione fuit antiqua Eubœæ Eretria.

CCXCIV.

Post Oropum *Asopi* fluii ostia, quæ Ptolemæus in Atticam deduxit, citra

* Nicandri Scholiastes ad Theriac. v. 614 Γράφεται γὰρ Ὀρόππος Ὀρόππος γὰρ πέλις Βοιωτίας, ὅπερ διασημέταται ἐξ ὧν Ἀπάλλωνος. *Oropea enim urbs Bœotiae, ubi insigne templum Apollinis. Sed falli videtur Scholiastes in terminatione nominis.*

citra Oropum: sed refutatur a Strabone lib. ix pag. 282, qui παρὰ Τάναγραν, iuxta Tanagram, quæ supra Oropum est, exire Asopon tradidit. Accolas vocat παρασωπίες, Parasopios. Ovidius lib. iii Amor. eleg. vi

Quid referam Asopon, quem cepit Martia Thebe?

Fluit enim cum Ismeno per agrum Thebanum. Strabo ibidem: ὁ Ασωπὸς καὶ ὁ Ισμήνους διὰ τῆς πεδίας ῥέουσι τῆς πρὸ τῶν Θηβῶν. Asopus & Ismenus per planiciem feruntur, quæ ante Thebas est. * Apollini sacer fuit, isque inde ὁ θεὸς Ισμήνους, Deus Ismenius dictus est Pausaniæ Bœot. cap. x. Ovidius lib. ii Metamorph. vers. 244

Et celer Ismenos cum Phocaico Erymantho.

Hinc Thebanæ mulieres Ismenides dictæ. Idem Metam. iii extr.

- - - sanctasque colunt Ismenides aras.

Ptolemæus ei separata ostia tribuit, quia Asopon alieno loco posuit: aliis defertur ab Asopo, quod verisimile ex eo, quia vterque prope Thebas fluunt.

CCXCV.

Aulis Chalcidi opposita ad Euripum, ubi id fretum angustissimum est & aliquando aggere iunctum. Diodorus Siculus lib. xiii cap. xlvii τῆς μὲν Εὐβοίας κατεσκευάσθη τὸ χῶμα κατὰ τὴν Χαλκίδα, τῆς δὲ Βοιωτίας πλησίον Αὐλίδος. εἰσαῦθα γὰρ ὁ μέλαξ ὁ τόπος ἦν στενότερος. In Eubœa Chalcis, in Bœotia Aulis ducendi aggeris initium fuit. nam hic interstitium loci angustissimum erat. Strabo lib. ix pag. 278 Αὐλὶς πέτρῳδες χωρίον καὶ κώμη Ταναγραίων, Aulis saxosus locus, ** & pagus Tanagraeorum. Liuius lib. xxxv cap. xxxvii quum pedestres copias adpropinquare iam Aulidi & Euripo sensisset. Idem lib. xlv cap. xxvii A Chalcide Aulidem traiecit, trium millium spatio distantem, portum inclutum statione quondam mille navium Agamemnoniæ classis. Et Plinius lib. iv cap. vii In ipsis faucibus Euripi quem facit obiectu insulæ Eubœæ, Aulis capaci nobilis portu. De classe Græcorum Troiano bello Virgilius Aen. iv vers. 425

*Non ego cum Danaïs Troianam exscindere gentem
Aulide iuravi, classemque ad Pergama misi.*

CCXCVI.

Triginta stadiis inde est Delium, Apollinis templum ad formam eius, quod in Delo insula est, ædificatum. Strabo lib. ix p. 278 εἴτα Δήλιον τὸ ἱερὸν τῆς Ἀπόλλωνος ἐκ Δήλῃς ἀφιδρυμένον, Ταναγραίων πολίχνιον, Αὐλίδος δέχον σάδεις τριάκοντα. Oppidulum ergo præter templum fuit, quod Ptolemæus in mediterraneis posuit: sed haud procul a mari fuisse ostendit Liuius lib. xxxv cap. vlt. Omissa, inquit, ad Aulidem itinere, Delium conuertit, ut inde in Eubœam transmissurus. Templum est Apollinis Delium, imminens mari, quinque millia passuum Tanagra abest.

Zzz zz 3

CCXCVII.

* Ad Asopum hunc Adrastus rex Sicyonis & Argorum templum condidit Nemefi. Nam Aesepi nomen in Strabonis libr. XIII p. 830 est corruptum. Id quod nec Bælius vidit in Adraſte. Vid. monumenta ingeniorum tom. IV.

** Nonnus Dionys. XIII v. 104 p. 356,

Οἳ τ' εἶχον ἀγρομένων ξηνηδόκον ἔδρας Ἀχαιῶν
Αὐλίδος περὶ ῥέεσσαν ἐδέξαντο Ἰοχεαίρης κ. τ. λ.

CCXCVII.

Modico spatio ab hoc abest *Salganeus*, Σαλγανεύς, de quo ita Stephanus: Μετὰ τὴν Χαλκίδα ἐστὶ ὁ Σαλγανεύς, συνάπλων τῷ Εὐρίπῳ. ἐστὶ δὲ πόλις Βοιωτίας, *Post Chalcidem est Salganeus, adherens Euripo. Est vero urbs Bœotiae.* Strabo lib. ix pag. 278 πλησίον ἐστὶν ἐφ' ὧς καίμενον χωρίον Σαλγανεύς, prope [Euripum] *est in edito loco Salganeus oppidum.* Et Liuius lib. xxv cap. xxxvii *ab Athenis Thebas primum: hinc Salganea processit.* Et cap. xxxviii *His tuenda mœnia Chalcidis oppidani quum tradidissent, ipsi omnibus copiis transgressi Euripum, ad Salganea posuerunt castra.* Et extremo illo libro: *Achaeorum & Eumenis milites Salganea tenebant.* Dubium, plurali nominaverit Liuius, an singulari, Græco casu, vt solent in *eus* siue εὖς cadentia vocabula.

CCXCVIII.

Ultima Bœotorum urbs in Euripi litore est *Anthedon*, Ανθηδών, portu prædita. Strabo lib. ix p. 279 μετὰ δὲ Σαλγανέα Ανθηδών πόλις λιμένα ἔχουσα, ἐκάτη τῆς Βοιωτικῆς παραλίας τῆς πρὸς Εὐβοίαν· καθάπερ καὶ ὁ ποιητὴς εἴρηκεν,
- - - Ανθηδόνα δ' ἐκατόωσαν.

Post Salganeum Anthedon urbs est portum habens, ultima in Bœotico, quod Eubœæ oppositum est, litore. ideo Homerus dixit extremam Anthedonem, Catalogi versu 15. Meminit etiam Homerus in litoralibus Bœotiae. Et Dicæarchus vers. 91*

- - - αἶτ' Εὐριπῶος. Ανθηδών δ' ἔχει
Ανθηδόνιον τὸν λιμένα.

Dein Euripus, Anthedon autem habet Anthedonium portum. Scylax in Bœotia: Εὐριπὸς, τείχος Ανθηδών, Euripus oppidum muro cinctum Anthedon.

CCXCIX.

*Ipse Euripus** fretum est inter Aulim & Chalcidem, seu fauces illæ angustæ, quæ continuo motu seu reciproco, ab utroque mari impulsæ, dicuntur agitari. Supra diximus, quondam aggerem impositum, vt Eubœa Bœotiae cohæreret: vt tamen media pars ponte iungeretur ad naues transmittendas; non numquam longiorem: vnde pontem Strabo dicto loco dixit γεφύραν διπλεθρον, duorum iugerum. Pomponius Mela lib. ii cap. vii Euripon vocant rapidum mare, & alterno cursu septies die ac septies nocte fluctibus inuicem versis, adeo immodice fluens, vt ventos etiam ac plena ventis nauigia frustretur. Strabo ix pag. 278 παλὶρρόριαν τῷ Εὐρίπῳ, reciprocum fluxum Euripi vocat, quem ἐπ' ἅκῃς μετὰβάλλειν φασὶ καθ' ἡμέραν ἐκάστην καὶ νύκτα, septies quouis die ac nocte cursum mutare dicunt. De numero & ordinata reciprocatione dubitat Liuius** lib. xxviii cap. vi Fretum ipsum, inquit, Euripi non septies die, sicut fama fert, temporibus statis reciprocatur: sed temere in modum*

* Nonnus Dionysiac. XIII v. 73 p. 354.

Οἷτε εἶχον πυμάτην Ανθηδόνα γήτονα πόντι
Βαίην ἰχθυόληος ἀνδρώϊο πολέχινῃ
Γηροεῖς γλέυκοιο.

** Vid. Epigrammat. Græc. lib. I pag. 69.

** Sponius Itinerar. lib. VI Iesuitæ Babinii narrationem de Euripo adfert.

modum venti nunc hic nunc illuc verso mari, velut monte præcipiti deuolutus torrens rapitur. Claudianus in Rufin. lib. i vers. 92

- - - *Euripi refluis incertius undis.*

Lucanus lib. v vers. 234

*Arctatus rapido feruet qua gurgite pontus,
Euripusque trahit, cursum mutantibus undis
Chalcidicas puppes ad iniquam classibus Aulim.*

CCC.

Plinius lib. i v cap. vii plura addit oræ maritimæ, ex Homero maxime, sed oram late capit, vt reductionora etiam a mari contineat: & in iis pagi quoque sunt, vt de Heleone & Peteone Strabo obseruauit. Verba Plinii hæc sunt: *In ora autem Infra Thebas, Ocalee, Heleon, Scolos, Schænus, Peteon, Hyrie, Mycaleffius, Hilesion, Pteleon, Olyros.*

CCCI.

De primo loco *Infra Thebas* notamus, oppidum Homeri esse Catalogo vers. 12 *Hypothēbas*,

Οἱ δ' ὑποθήβας εἶχεν εὐκλείμενον πολίεθρον.

quas Hypothēbas Thebano septem regum bello euerfas Homeri scholiastes tradit.

CCCII.

Mycaleffius Straboni pagus circa Tanagram est lib. ix. pag. 278, in via, quæ Thebis fert Chalcidem. Stephano autem est πόλις μεσογεία Βοιωτίας, *vrbs Bæotie mediterranea.*

CCCIII.

Straboni *Schænos* p. 281 inter Thebas & Anthedonem, L stadiis a Thebis. Cetera minus clara, saltem minus certæ positionis. Ad nobiliora ergo & certo mediterranea nos conferemus.

CCCIV.

Ex his prima post litus est *Tanagra*, τάναγρα, * quam Dicæarchus in vrbibus ad Euripum positis enarravit: sed Ptolemæus & Strabo reducunt paullo a mari, quamuis agrum eius ad mare pertinuisse non negemus. Minora enim oppidula & pagos multos Tanagræi, quod Strabo significauit, possederunt. Sic Pausanias Bæot. cap. xx ἐστὶ τῆς Ταναγραίας ἐπὶ θαλάσση καλούμενον Δήλιον, in *Tanagrorum finibus ad mare est Delium.* Liuius lib. xxxv cap. vlt. *Delium est Apollinis templum, imminens mari: quinque milia passuum a Tanagra abest.* Victi ad hoc oppidum Athenienses a Lacedæmoniis. Thucydides lib. i pag. 71 γενομένης μάχης ἐν Τανάγρα τῆς Βοιωτίας, ἐνίκων Λακεδαιμόνιοι καὶ οἱ σύμμαχοι. Gentile *Tαναγραῖς*, *Tanagræus*, Straboni & Stephano. Ceterum vterque horum obseruarunt, Γραῖαν Homeri esse hanc Tanagram, Catalogi versu quinto:

Θέσπειαν, Γραῖαν τε, καὶ εὐρύχορον Μυκαλησσόν.

CCCV.

* Tzetza ad Lycophron. Alexandr. v. 326 Ποιμανδρία πόλις Βοιωτίας καὶ Τάναγρα καλούμενη, ἔνθα ἄριστοι βοεῖς. *Pæmandria vrbs Bæotie etiam Tanagra adpellata, vbi optimi boues.*

CCCV.

Deinde sunt *Thebæ*, * ad Ismenum fluuium vrbs clarissima: poetis aliquando singulari numero *Θήκη*, & Latine *Thebe*. Plinius lib. IV cap. VII nec cedentes Athenis claritate, quæ cognominantur *Bœotiae Thebæ*, duorum numinum, *Liberi atque Herculis*, ut volunt, patria. A Cadmo fertur condita: ** vnde arx adiacens *Cadmeæ*, *Καδμείας*, nomen seruaui, tamquam initium Thebarum. ** Illustrauit Epaminondas, quo duce maxime floruerunt. Solo æquauit Alexander rex: instaurauit deinde Cassander. Vide Diodori lib. XIX cap. LIII & LIV. Septem portas traduntur habuisse, ideo Græcis cognominatæ *ἐπ' ἑπτὰ πύλους*. *** Hesiodus Oper. vers. 161

- - ἐφ' ἐπ' ἑπτὰ πύλων *Θήκη*, *Καδμειίδι γαίῃ*.

Vnde ad paucitatis descriptionem, adagii modo, adhibuit Iuuenalis satyra XIII vers. 26

*Rari quippe boni: numerus vix est totidem, quot
Thebarum portæ, vel diuitis ostia Nili.*

Gentile notum est Græce *Θηβαῖος*, Latine *Thebanus*. De *Cadmea*, *Καδμεία*, arce modo diximus, quæ antiqua vrbs erat seu origo Thebarum. Nepos Pelopid. cap. I *Phæbidas Lacedæmonius* quum iter per *Thebas* faceret, arcem oppidi, quæ *Cadmea* nominatur, occupauit. Pausanias *Bœot.* cap. V *Κάδμος* τὴν πόλιν, τὴν καλῶμεν ἔτι καὶ ἐς ἡμᾶς *Καδμείαν*, ᾤκισεν· ἀνέστη δὲ ὑπερὸν τῆς πόλεως, ἔταξε τὴν *Καδμείαν* ἀκρόπολιν συνέβη τῶν κάτω γενέσθαι *Θηβῶν*. *Cadmus* oppidum, cui ἔς nunc idem est nomen, *Cadmeam* condidit. Sed aucta postea vrbe, pro arce *Cadmea* inferioribus *Thebis* fuit.

CCCVI.

A *Thebis* in austrum *Plateæ* *** sunt, nobiles Mardonii clade & Pausaniæ Lacedæmonii aliorumque Græcorum victoria. Sic scribitur in emendatis libris Corn. Nepotis: aliis, Plinii, Iustini, *Plateæ*, sicut Græci plerique Diodorus, Strabo, Plutarchus, Ptolemæus *πλαταιά*; *** Thucydides autem lib. II pag. 100 singulari numero *πλάταια*, *Platea*. ἡ βέλοισι, inquit, τὴν *πλάταιαν* προκαταλαβῶν, voluerunt *Plateam* intercipere: Herodotus utroque modo, lib. VIII cap. L ἐνέπρησε *Θέσπειάν τε καὶ Πλάταιαν*, incendit

* Sic adpellari coeptæ sunt demum ex *Zethi* vxore *Thebe*. Apollodor. III c. 5 §. 6 init. p. 166.

** Videatur Nonnus Dionysiac. V v. 50 p. 142 & Apollodor. III c. 4 §. 1 & 2.

*** Concilianda ergo hæc sunt cum Varrone de rust. III c. I Etenim vetustissimum oppidum quum sit traditum Græcum, *Bœotiae Thebæ*, quod rex *Ogyges* edificarit: in agro Romano Roma, quam *Romulus* rex. nam in hoc nunc denique est, ut dici possit, non cum *Ennius* scripsit,

Septingenti sunt paullo plus aut minus anni,

Augusto augurio postquam inclita condita Roma est.

Thebæ, quæ ante cataclysmum *Ogygi* condita dicuntur, ea tamen circiter duo millia annorum & cetum sunt.

*** Vide Epigrammat. Græc. lib. I cap. ἐς πόλιν pag. 139, 140. Nonnum Dionysiac. XXV v. 41; seqq. p. 666. Euripid. *Phoeniss.* v. III, III2 seqq. Lucus *Thebis* finitimus *Teumessus* est apud Nonnum Dionysiac. V v. 59, 60 pag. 142.

*** Vrbs munita fuit valde. Vid. Demosth. in *Neær.* p. 531 C. Fuitque boreæ opposita. Theophrast. de Ventis pag. 409.

*** Sic *Aeschines* quoque de falsa legat. pag. 256 C. Demosthen. in *Neær.* p. 531 B, C. Theophrast. de Ventis p. 409. Nonnus Dionysiac. IV v. 336 βαθυκλήρες τε πλαταιάς.

dit [Xerxes] *Thespiam & Plateam*: at lib. ix cap. lxxv ἐν πλαταιῇσι, *ad Plateas*. Nusquam oppidi mentio frequentior exstat quam bello Persico. Nepos Pausania cap. i *Huius illustrissimum est prælium apud Plateas*. Iustinus lib. ii cap. xii *Post hæc Thespias & Plateas & Athenas, vacuas hominibus, incendit*. Diodorus lib. xi cap. xxxiv τῇ περὶ τὰς πλαταιάς [μάχῃ] συνελεοδείσῃ, *pugna ad Plateas commissa*. Plutarchus Aristide pag. 329 τὴν δύναμιν ἤγε πρὸς τὰς πλαταιάς, *exercitum [Pausanias] duxit Plateas*. Oppidani *Plateenses*, Nepoti Miltiad. cap. v. Situm Strabo lib. ix pag. 283 sic descripsit: πλαταιά, ἃς ἐνικῶς εἶπεν ὁ ποιητής, ὑπὸ τῷ Κιθαιρῶνι εἰς μεῖζον αὐτῶν καὶ Θηβῶν, κατὰ τὴν ὁδὸν τὴν εἰς Ἀθήνας καὶ Μέγαρα, ἐπὶ τῶν ὄρων τῶν τῆς Ἀττικῆς καὶ τῆς Μεγαρίδος, *Plateæ, quas singulari numero poeta [Catal. v. ii] dixit, sub Cithærone monte sunt, iuxta viam quæ Athenas & Megaram ducit, in finibus Atticæ & Megaricæ*. Interfluere inter Thebas & Plateas *Asopum*, Diodorus lib. xi cap. xxx monstraui clarissime. *

CCCVII.

Inde in occasum *Leuctra* recedunt. Strabo lib. ix cap. 285 τὰ δὲ Λευκτρά ἐσιν, ὅπερ Λακεδαιμονίης μεγάλη μάχην νικήσας Εὔαμεινῶνδας, ἀρχὴν εὐρέστοις καὶ ἀλύσειας αὐτῶν. - - Δύκνεται δὲ ὁ τόπος ἔτος κατὰ τὴν ἐκ Πλαταιῶν εἰς Θεσπίας ὁδόν. *Leuctra sunt, ubi Epaminondas superatis magna pugna Lacedæmoniis eneruandæ illorum potentie initium fecit*. Ostenditur ille locus [*Leuctra*] in via quæ *Plateis Thespias* ducit. Pugna illa vocatur *Leuctrica*, Nepotis Epaminonda cap. vi & x, quam curatius descripsit Diodorus Siculus lib. xv cap. lv seq. Et Plutarchus vita Pelopidæ pag. 288 περὶ τὰ Λευκτρά τοῖς Λακεδαιμονίοις ἀντιστρατοπέδουν, *ad Leuctra [Thebani] Lacedæmoniis castra opposuerunt*.

CCCVIII.

Lacus dein *Copais*, ** in quem Cephissus influit; dictus a *Copis*, oppido adiacente. Strabo lib. ix pag. 283 περὶ Κωπῶν εἴρηται. προσάρησις δὲ ἐστὶν ἐπὶ τῇ Κωπαίδι λίμνῃ, *De Copis dictum est*. Iacet [hoc oppidum] *ad septentrionem lacus Copaidis*. Homero etiam *Copæ* memoratæ Catalogi versu 9, qui itidem pluraliter quarto casu Κώπας, *Copas* dixit. Pergit Strabo: αἱ ἄλλαι κύκλω εἰσὶν αἰδεῖ· Ἀκραφία, Φοινικίς, Οὔχηςός, Ἀλίαῖρος, Ωκάλεα, Ἀλαλκομεναί, Λααααα

* Sic Aeschines quoque de falsa legat. pag. 256 C. Demosthen. in Neær. pag. 531 B, C. Theophr. de Ventis pag. 409. Nonnus Dionys. IV v. 336 βαδυκλήρης τε Πλαταιάς.

** Nicander Theriac. v. 887

Σίδας ψαμαθίδας, ἃς τρέφει αἶα
Κωπαῖαι τε λιμναῖον ὑπετρέψαντο παρ' ὕδαρ,
Ἦτερ οἰνῆός τε ῥόος κνώπιοι τε βάλλει.

Hic Scholiastes: Αἱ Κωπαῖαι πόλεις Βοιωτίας, αἱ καὶ Κῶπαι λέγονται. Αἵτινες, φησὶν, ἀνέθρεψαν τὰς σίδας περὶ τὸ λιμναῖον ὕδαρ, ὅπερ ὁ ῥῶς τῷ Κνώπῳ καὶ τῷ Σχοινέῳ βάλλει καὶ φέρεται. Σχοινεὺς δὲ καὶ Κνώπος ἄμφω ποταμοὶ Βοιωτίας εἰσὶ. Κνώπος δὲ ὁ Ἰσμηνός ἐστίν, ὃς ἔτι καλεῖται ἀπὸ Κνώπῳ τῷ Ἀπέλλωνος. Ἔστι δὲ καὶ τόπος κνώπος, δι' ὃν ὁ Ἰσμηνός φέρεται. COPAEAE urbs Bæotie, quæ eadem Copæ dicuntur. Quæ, ait, malos punicas aluerunt circa locum, quo flumen Cnori & Schoenei fertur. Schoeneus autem & Cnorus duo sunt Bæotie flumina. Cnorus autem Ismenus est, qui ita vocatur a Cnoro Apollinis filio. Est autem etiam locus Cnorus, per quem Ismenus fertur. Idem Nonnus Dionysiac. XIII v. 64 p. 384

Κώπας ἀγλαὸν ἔδαρ, ὅπῃ περίπυσεν ἀκῶ
Εὔγελῶν θρέπτειαν ἐπώνυμον εἰσέτι λίμνην.

ναί, Τιλφύσιον, Κορώνεια, ceteræ urbes [lacum Copaidem] circumiacentes sunt: Acræphia, Phænicis, Onchestus, Haliartus, Ocaleæ, Alalcomenæ, Tilphusium, Coronea.

CCCIX.

Primum oppidum casu inconstanti est. Strabo loco iam dicto pluraliter Ακραιφία, Acræphia, quod post paullo Ακραιφίον, Acræphium vocat: Livio est Acræphia numero singulari. Libro xxxiii cap. xxix ait: cum parte copiarum P. Claudio Acræphiam ire iussu, cum parte Coroneam circumse-
dit. Ptolemæo est Ακρίφια, Acriphia: sed haud dubie lapsu & errore, quia ceteri omnes diphthongo. Stephanus: Ακραιφία πόλις Βοιωτίας. οἱ δὲ Ακραιφίον. Πausanias δὲ Ακραιφνιον, Acræphia urbs Bæotiae, quam alii Acræphium vo-
cant: Pausanias Acræphnium. Pausaniæ locus inter alia est in Bæot. cap. xxiii, vbi Ακραιφνιον πόλιν vocat, quam tradit εἶναι ἐξ ἀρχῆς μοῖραν τῆς Θη-
βαίδος, partem Thebaidis fuisse: & cap. xxiv inter Acræphnium & lacum Copaidem campos Athamantios, * πεδίον Αθαμάνιον, interiacere scribit: non proxime ad lacum urbem esse.

CCCX.

Phænicis, quæ huic proxima apud Strabonem est, vix aliunde cognosci-
tur. Addit sub Phænicio monte sitam, prope Onchestum.

CCCXI.

Onchestus autem primum lucus fuit, Neptuno facer. Homerus Cata-
log. vers. 13

Ογχεσόν θ' ἱερὸν Ποσιδήϊον, ἄγλαον ἄλσος,
Onchestumque, sacrum Neptunium, clarum nemus.

Postea urbem adpositam fuisse Pausanias auctor est, qui Bæot. cap. xxvi πό-
λεως εἰρήπια Ογχεσθ, rudera urbis Onchesti memoravit. Stephanus de Ho-
meri Onchesto: Ογχεσός, ἄλσος. καίται ἐν τῇ τῶν Ἀλῖαρτίων χώρα. - - - ἐστὶ
καὶ πάλιν Βοιωτίας. Onchestus, lucus. Situs in Haliartiorum regione. Est ὁ οἰ-
κιστὴς Βοιωτίας, de quo ad Pausaniam prouocat. Addit, quosdam Onchestum
πόλιν μεγάλην, magnam urbem dicere inter Haliartios ἔς Ακραιφίους sitam.

CCCXII.

Supra Onchestum, aut Acræphiam, videtur Medeon Bæoticus fuisse,
de quo supra in Phocico aliquid diximus: Strabo lib. ix pag. 283 μεδεὼν ὁ Βοι-
ωτικὸς ἀπ' ἐκείνης κέκληται. πλεονεξίαν δ' ἐστὶν Ογχεσθ ὑπὸ τῷ Φοινικίᾳ ὄρει, ἀφ' ἧς καὶ
μελωνόμασται Φοινικίς. Medeon Bæoticus ab illo [Phocico] nomen ducit. On-
chesto vicinus est sub Phænicio monte. unde ἔς Phænicis [oppidum] adpellatur.
Plinius lib. iv cap. vii in Bæotia: Medeon, Phlygone, Acræphia, Coronea.

CCCXIII.

Ad eundem lacum, qua in austrum vergit. Haliartus ** fuit, non igno-
bile oppidum, euersum bello Romanorum Macedonico ii. Strabo ibidem:

Ἀλῖαρ-

* Dictos fortasse ab illo Athamante, de quo Apollodorus I c. 9 §. 1 & 2.

** Nonnus Dionysiac. XIII v. 71

Τὸν γὰρ τ' Ἀλῖαρτον ὄρεσι χύττε ποταμοῖο,
Χεύμασι μεσσαποῖσι μεριζομένην Ἑλικῶνος.

Aquosam Haliartum ex flumine de monte fuso mediis Heliconis fluxibus diuisam.

Ἀλιάρτος νῦν ἔκετι ἐστὶ, καὶ ἀσκαφθεῖσα ἐν τῷ πρὸς Περσέα πολέμῳ, *Haliartus non exstat hodie, deleta bello contra Perseum.* Liuius lib. XLII cap. LXIII *In Bæotia summa vi Haliartum Lucretius prætor oppugnarat: - - - vrbs diruta a fundamentis.* Corn. Nepos Lyfandro cap. III *Orchomeniis missus subsidio, occisus est a Thebanis apud Haliartum.* nam, quod Pausanias Bæot. cap. XXXII tradit, προσβαλὼν τῷ Ἀλιάρτῳ πρὸς τὸ τεῖχος, στρατὸς ἐκ τε Θηβῶν ἐνέστης ἐνδον καὶ ἐξ Ἀθηνῶν, καὶ ἐπεξελεύσαντες τῶν πολεμίων ἐπέσεν ἐν τῇ μάχῃ, *quum murum Haliarti subiisset, quæ Thebanorum & Atheniensium præsidium habebat: eruptione facta cecidit in pugna.* Gentile Ἀλιάρτος, vt paullo ante ex eiusdem Pausaniæ cap. XXVI perspectum est: etiam Latine. Liuius lib. XLII cap. XLIV *turba Coronæorum Haliartiorumque conuenerat ad defendendum decretum regie societatis.*

CCCXIV.

Prope Haliartum fuit *Ocalea*, vel *Ocaleæ*, (vtroque modo in Strabonis libris legitur) Homero autem Catal. vers. 8 Ὠκαλέη, Stephano Ὠκαλέα, ** Plinio *Ocalea* siue *Ocalee*, Ionico Homeri casu. Plinius, vt supra etiam diximus, *in ora* ponit, quod falsum, nisi oram lacus intelligas, cui Strabo illam adposuit: & Stephanus: αἱ Θεσπιαὶ γειτονῶσι καὶ ὁμορῶσιν αὐτῇ, *Thespiæ vicinæ & conterminæ sunt ei, puta, Ocaleæ.* Rursus Strabo dicto loco: Ὠκαλέη μέση Ἀλιάρτῳ καὶ Ἀλαλκομενίῳ, ἐκατέρωτρίσθαι σαδὶς ἀπέχουσα, *Ocalee medio loco iacet inter Haliartum & Alalcomenium, xxx stadiis utrimque distans.*

CCCXV.

In hoc quoque variauit idem Strabo & Ἀλαλκομενίων scribens & Ἀλαλκομεναί, vt supra in ora lacus dixerat, id est *Alalcomenium*, & *Alalcomenæ*. Variat nomen etiam aliis. Stephano est Ἀλαλκομενίων πόλις Βοιωτίας, *Alalcomenium vrbs Bæotiae*: at Pausaniæ Bæot. cap. XXXIII Ἀλαλκομεναὶ κώμη μὲν ἐστὶν & μεγάλη, *Alalcomenæ vicus sunt non magnus.*

CCCXVI.

Sequitur Strabonis ordine *Tilphusium*, quod a *Tilphossa* * * fonte ex monte *Tilphossio* fluente dici auctore Pindaro tradit, πλησίον Ἀλιάρτῳ καὶ Ἀλαλκομενίων prope *Haliartum & Alalcomenæ*. Locus Pindari non exstat, etiam Casaubono notante. Pausanias cap. XXXIII τὸ ὄρος τὸ Τιλφῶσιον, καὶ ἡ Τιλφῶσα καλεσμένη πηγή, σαδὶς μάλιστα Ἀλιάρτῳ πενήκοντα ἀπέχουσι, *mons Tilphusios, & Tilphusa item fons qui dicitur, ab Haliarto studia absunt, vt maxime, quinquaginta.*

CCCXVII.

Tandem circa lacum oppidis, a Strabone narratis, inest *Coronea*, Κορώνεια, de qua ibidem addit: ἡ Κορώνεια ἐγγυὲς τῇ Ἑλικῶνι ἐστὶν ἐφ' ὧς ἵδρυμένη, *Coronea sita est edito loco prope Heliconem.* Recentiores tradunt ad os Cephissi sitam, nomen retinere: quod si est, aut longius aberit ab Helicone, aut huius iuga longiori tractu procurrunt. Agesilaus, Plutarcho notante in Vita pag. 605, a Thermopylis in Phocidem concessit, Φίλην ἔσαν, *quæ pacata erat.* Vt primum Bæotiam attigit, castra ad Chæroneam posuit: inde pro-

Aaa aaaa 2

fectus

* Nonnus Dionysiac. XII v. 56 seqq. Ὠκαλέη.

** Ὠκαλέα Apollodoro Bibliothec. II cap. 4 §. II pag. 98.

*** Τιλφωσσαίων memorat Demosthenes de falsa legat. pag. 218 B & 219 B.

fectus *Coroneam*, hostes sibi obuios habuit. Nepos eiusdem Vita cap. i v *Obfistere ei conati sunt Athenienses & Bæoti apud Coroneam: quos omnes graui prælio vicit.* Quod prælium Diodorus scripsit lib. xiv cap. lxxv, Bæotos cum focis occurriffe Agesilao ad *Coroneam*, ἀπὴνῆσαν εἰς Κορώνειαν.

CCCXVIII.

Abeſt a *Coronea* xl ſtadiis *Libethrius* mons, in quo Pausanias cap. xxxiv tradit ἀγάλματα Μουσῶν τε καὶ Νυμφῶν ἐπέκλῃσιν Λιβερτίων, *Musarum Nympharumque Libethriarum cognomine, ſtatuas eſſe*: quod etiam loco *Macedoniæ* tribuitur, vt ſupra indicauimus, cum nomine *Musarum Libethridum*, ex ecloga vii Virgilii verſ. 21.

CCCXIX.

Sic, quæ circa lacum erant, explicatis oppidis, de ipſo lacu eiusque nominibus adiiciendum eſt. κοπαῖς, *Copais*, a plerisque dicitur; quod nomen κῶπαι, Plinio quoque *Copæ*, oppidum prope ſitum, impoſuerunt. Liuius lib. xxxiii cap. xxix *Plurimi pedites circa Copaidem paludem inuenti: ibi ex limo eruta extractaque ex ſtagno cadauera.* Dicitur etiam *Cephiſſis* palus. Pausanias Bæot. cap. xxi v ἐξ Ακραιφνίς ἰόντι εὐθείαν ἐπὶ λίμνην τὴν Κηφισίδα, εἰ δὲ Κοπαῖδα ὀνομάζουσιν τὴν αὐτὴν, πεδίον καλέμενόν ἐστιν Αῤαμαντίων. *Acræphnio recta ad lacum Cephiſſidem, quem alii Copaidem vocant, tendenti, campi Athamantii peragrandi ſunt.* Nomen a Cephifſio fluuio eſt, qui infunditur. Dictus etiam *Haliartius*, vt Strabo dicto loco obſeruauit. καθ' ἐκάστην, inquit, πρὸς αὐτῇ καλσικίαν ἐκείνης ἐπάνυμος ἐλέγετο, Κοπαῖς μὲν τῶν Κοπῶν Ἀλιάργτιος δὲ Ἀλιάργς, καὶ ἔτις ἐπὶ τῶν ἄλλων. *Palus hæc dicta fuit Copais a Copis, Haliartia ab Haliarto, eodemque modo ab reliquis.* Dicitur etiam amnis *Melas*, quem Plutarchus in Sylla p. 465 ſolum a fontibus nauigabilem dicit, hanc paludem implere. Pausanias Bæot. cap. xxxviii ὁ μέλας εἰς λίμνην Κηφισίδα ἐκδίδωσιν. Sed Strabo de illo lib. ix pag. 280 ἔτις ἡφάνιται τελέως, *hic [fluuius Melas] omnino periit*, vel hiatu hauſtus vel lacubus abſumtus. nec enim longe manafſe fertur, ſed ortus apud Orchomenum, breui poſt in ſtagna & lacus ſubiifſe.

CCCXX.

Orchomenus, ὁ Ορχομενὸς Plutarcho, Pelopida pag. 286, & Thucydides lib. iv pag. 303 Χαμρώνεια εἰς Ορχόμενον τὸν Μινύειον πρότερον καλέμενον, νῦν δὲ Βοιωτικόν, ζυντελεῖ, *Cheronea Orchomeno, Minyeo antea dicto, nunc Bæotico, con-tribuit.* Hoc eſt quod Plinius lib. iv cap. viii videtur expreſſiſſe: *Orchomenus, Minyeus antea dictus*: quamuis male is in Theſſalia poſuit. At rurſus Thucydides lib. i pag. 74 εἰ ἐκ τῆς Ορχομενῆς Φυγάδες, genere ſequiori. Supra Copaidem paludem in Locrorum erat confinio. Plutarchus Lyſandri vita pag. 449 τὴν Ορχομενίαν πόλιν ἐκστῖως παρεχώρησαν ἔλαβε, *Orchomeniorum urbem ultro ſe dedentem cepit.* Nomen ab Orchomeno Minyæ filio, vnde & cognominatur. Pausanias Bæot. cap. xxxvi Μινύς ἦν Ορχομενός. ἐπὶ τῷ βασιλευσίνῳ ἢ τε πόλιν Ορχομενός, καὶ οἱ ἄνδρες ἐκλήθησαν Ορχομενιοί. διέμενε δὲ ἔσθ' ἦσαν καὶ Μινύας ἐπονομάζεσθαι σφῶς εἰς διάκρισιν ἀπὸ Ορχομενίων τῶν ἐν Ἀρκαδίᾳ, *Minyæ filius fuit Orchomenus.* Eo regnante & urbs Orcho-

Orchomenus & *populi Orchomenii* adpellati. Mansit tamen & *Minyarum* cognomen, quo ab iis, qui in *Arcadia* sunt, *Orchomeniis* distinguerentur. *Orchomeni* aiunt fontem *Acidaliū* fuisse. *Seruius* in *Aeneid.* i vers. 120 ad verba, *Matris Acidaliæ*: *Acidalia*, inquit, *Venus* dicitur a fonte *Acidaliō*, qui est in *Orchomeno*, *Bæotiae* ciuitate, in quo se *Gratiæ* abluunt, quas *Veneri* constat esse sacratas.

CCCXXI.

Vicinæ *Orchomeno* *Cheronea* & *Lebadea*. Illa, patria *Plutarchi*, clade *Græcorum*, a *Philippo* rege inlata, notior. *Stephanus*: *Χαιρώνεια, πόλις πρὸς τοῖς ὅροις Φωκίδος*, *Cheronea*, vrbs ad fines *Phocidis*. Et *Thucydides* lib. i v pag. 303 ἐστὶ ἡ Χαιρώνεια ἐκτὸς τῆς Βοιωτίας πρὸς τῇ Φανότιδι τῆς Φωκίδος, *Cheronea* in extremis est *Bæotiae*, apud *Phanotidem*, quæ *Phocidis* est. *Aelianus* Var. Hist. lib. vi cap. i ἐν Χαιρώνειᾳ μάχην ἐνίκησεν ὁ Φίλιππος, *Philippus* vicit ad *Cheroneam*. Prælium illud scripsit *Diodorus* lib. xvi cap. lxxvii. Ibidem *Sulla* vicit *Archelaum*. *Plutarchus* *Sulla* pag. 462 ὁ Ἀρχέλαος ὤρμησεν ἐπὶ τὴν Χαιρώνειαν, *Archelaus* contendit aduersus *Cheroneam*. Idem in *Lucullo* pag. 493 αἱ τῆς Σύλλας πρὸς Ορχομενῶ καὶ περὶ Χαιρώνειαν ὑμνέμεναι ἀριστείαι, *Sulle* ad *Orchomenum* & *Cheroneam* laudata facinora. *Cheroneam* olim *Orchomeno* contributam fuisse refert *Thucydides* lib. i v pag. 303.

CCCXXII.

Proxima est *Lebadia*, *Λεβαδία* & *Λεβάδεια*, *Lebadea*, itidem ad *Phocidis* fines. *Strabo* lib. ix p. 291 de *Panopeo* *Phocidis*: ὁμορος τοῖς περὶ Λεβαδίαν τόποις. *Pausanias* *Bæot.* cap. xxxix Φωκῆς ὑπεροικῆσιν Ορχομενίων· ἐν δὲ τῷ πεδίῳ Λεβάδεια αὐτοῖς ὁμορος, *Orchomeniis* finitimi *Phocenses*: qua campi patent, proxima est *Lebadea*. Et cap. xl Λεβαδίων ἔχονταί Χαιρωνεῖς, *Lebadensibus* vicini sunt *Cheronenses*. Et *Strabo* lib. ix pag. 285 Λεβαδία καίται μετὰ τῆς Ἑλικῶνος καὶ τῆς Χαιρωνείας, Κορωνείας πλησίον. *Lebadia* sita est inter *Heliconem* & *Cheroneam*, prope *Cheroneam*. *Gellius* lib. xii cap. v describit iter *Athenis* *Delphos* per *Lebadium*, quod est oppidum antiquum in terra *Bæotia*. *Statius* *Theb.* vii vers. 345

Et valles *Lebadea* tuas, & *Hyampolin* acri
Subnixam scopulo.

Habuit *Lebadia* *Iouis Trophonii* oraculum. *Strabo* ibidem: Λεβαδία δ' ἐστὶν, ὅπου Διὸς Τροφονίᾳ μαίσειον ἱερὸν ἐστίν, χάσμα δὲ ὑπὲρ οὗ κατὰ βάσιν ἔχον, Apud *Lebadium* *Iouis Trophonii* oraculum est, quod qui consulit, in hiatus terræ descendit. Phira de hoc oraculo eiusque ritibus tradit *Pausanias* *Bæot.* cap. xxxix. Idem in *Attic.* cap. xxvii *Trophonium* inter homines numerat, οἱ θεῶν Ἑλλήσι τιμὰς ἔχουσι, quibus *Græci* diuinos honores habuerunt.

CCCXXIII.

In eodem *Bæotorum* limite ad fines *Phocidis* est *Helicon*, mons *Musis* sacer: εὐγεῶς καὶ δένδρων ἀνάπλεως, præstans, terræ bonitate, & crebritate arborum, quod *Pausanias* *Bæot.* cap. xxviii obseruauit. Longe protrahitur, vt *Strabo* lib. ix pag. 283 descripsit. *Phocidem* enim attingit ἐκ τῶν πρὸς ἀρχὴν αὐτῆς μερῶν, a partibus eius [*Phocidis*] septemtrionalibus; & partim

ab occidente : nec non πρὸς τὸν ὕψαιον λιμένα Μυχὲν, *ad extremum portum* [Phocidis] *Mychum*. In Helicone erant, quod idem addit, τὸ, τε τῶν Μουσῶν ἱερὸν, καὶ ἡ Ἰππὸς κρήνη, ἔξ Μουσῶν templum ἔξ ὧν Hippocrēne : etiam τῶν Λιβηθρίδων νυμφῶν ἀντὶρον, *antrum Libethridum nympharum*, quod diuersis locis fingitur, aut non vno loco dedicatum fuit, vt supra intelleximus. Alia Heliconis monimenta quam plurima narrauit Pausanias Bœot. cap. xxx, etiam fluuium *Heliconem*, qui in terram merfus, ex interuallo se, sed alio nomine, proferat, videlicet *Baphyræ*. In hoc monte lusus & delictum poetarum est. Virgilius lib. vii vers. 641

Pandite nunc Helicon, Dea, cantusque mouete.

Horatius lib. ii epist. i vers. 217

- - - ἔξ υατίβυς addere calcar,

Vt studio maiore petant Helicon virentem.

Et Propertius lib. iii elegia v vers. 19

Me iuuat in prima coluisse Helicon iuuenta,

Musarumque choris implicuisse manus.

CCCXXIV.

Cum Helicone multū *Pimplam* siue *Pimpleium* montem coniungunt, itidem Musis sacrum : vnde illa Horatii adlocutio ad Musam lib. i od. xxvi est, *Pimplea dulcis* : & Catulli carm. ciii *Pimpleum scandere montem*. Sed verius forsan in Pieriam Macedoniae reducetur, * quia Strabo dicit lib. x pag. 324 a Thracibus illa loca *Pieriam, Olympum, Pimplam, Libethrum* dedicata fuisse : νῦν δὲ ἔχουσιν Μακεδόνες, nunc vero Macedones possidere. nisi existimes, vt *antrum Libethridum* diuersis locis dedicatum fuit, in Macedonia & in Helicone : sic eosdem Thraces, quos & Bœotiam tenuisse olim Strabo censet, vtroque loco *Pimplam* montem & *Pimpleium fontem*, Festo laudatum, consecrasse.

CCCXXV.

Præter *Libethrum* Macedoniae etiam *Libethrius* mons in Bœotia cum Musarum simulacris erat, vt supra in *Coronea*, prope quam ille situs est, demonstrauius : qui haud dubie cum Helicone est continuus, saltem eidem proximus.

CCCXXVI.

Mons *Cithæron* Κίθαρων, ** ex altero latere est, & ad Megarenenses vergit. Strabo lib. ix pag. 279 ἀπὸ τῆς ἐσπέρης ὁ Κίθαρων λόγος ἐμπίπτει μικρὸν ὑπὲρ τῆς Κριτταίας θαλάττης, ἔχων τὴν ἀρχὴν συνεχῇ τοῖς Μεγαρικαῖς καὶ τοῖς Ἀττικαῖς ὄρεσιν· εἴτ' ἐπιστρέφει εἰς τὰ πεδία, παυόμενος δὲ περὶ τὴν Θηβαίαν. *Ab occasu Cithæron obliquus incidit paulum supra Crissæum mare, initium habens Atticis*

* Tzetza ad Lycophron. Alexandr. v. 275 Πιμπλία δὲ πόλις καὶ κρήνη καὶ ὄρος Μακεδονίας, ὡς μέμνηται Καλλιμαχὸς ἐν ὕμνοις κ. τ. λ. *Pimpleia autem urbs & fons & mons Macedoniae, ut Callimachus meminit in hymnis.* Post pauca : Αἴτινες (αἱ Μῦσαι) παρὰ τὴν Πιμπλίαν καὶ Λιβηθρίαν καὶ τὸν Βήρυλλον οἰκοῦσιν, ἔπειτ' αὖ τὸν Ἑλικῶνα καὶ τὴν Μακεδονίαν εἰσὶ.

** Euripid. Bacch. v. 650 Ημεὶς Κίθαρων ἐκλίπων ἐν ὕπνῳ λευκῆς χιόνης ἀνῆσαν εὐαγῆς βροταί. *Venio relinquens Cithæronem, ubi nunquam liquefunt sacri cumuli candidæ niuis.* conf. Theophrast. de Ventis pag. 409.

cis & Megaricis montibus contiguum: deinde in campos se se torquens, & ad Thebas desinens. Pindarus Pyth. od. i vers. 150 πρὸ Κιθάρων μάχαν, pugnam dicit aduersus Mardonium apud Plataeas. Plinius lib. iv cap. vii Datur & his [Musis] Thebis saltus Cithæron. Pomponius Mela lib. ii cap. iii In Bæotia Thebæ, & Cithæron fabulis carminibusque celebratus. Fabulæ illæ sunt Actæonis, Orgiorum Bacchi, muri Thebarum Amphionis lyra structi, & forsan aliæ. Seneca Trag. Phœniss. sub initium, persona Oedipi:

*Ibo, ibo qua prærupta protendit iuga
Meus Cithæron: qua peragrato celer
Per saxa monte iacuit Actæon, suis
Nova præda canibus.*

Virgilius Aeneid. lib. iv vers. 302

*- - - audito stimulant trieterica Bacchō
Orgia, nocturnusque vocat clamore Cithæron.*

Et Propertius lib. iii elegia ii

*Saxa Cithæronis Thebas agitata per artem
Sponte sua in muri membra coisse ferunt.*

CCCXXVII.

Fontes etiam Bæotiæ circa Heliconem & Thebas sunt laudati. Plinius dicto loco: Præterea fontes in Bæotia: Oedipodia, Psamathe, Dirce, Epicrane, Arethusa, Hippocrene, Aganippe, Gargaphie. Primi, Oedipodii, nomen ab Oedipo est, qui paternæ cædis cruorem illo abluisse fertur apud Pausaniam Bæot. cap. xviii. Psamathe rarioris est mentionis. Dirce* in Thebanorum vrbe. Scholiastes ad Pindari Olymp. od. x vers. 101 Δίρη πηγή ἐν Θήβαις, Dirce fons est Thebis. Ipse Pindarus Isthm. od. viii vers. 43 παρὰ καλλιρρόῃ Δίρῃ, apud Dircen pulchre fluentem. Vnde Horatius lib. iv oda ii vers. 25 de Pindaro Thebano poeta dixit:

Multa Dirceum leuat aura cygnum.

Dorica dialecto quæ Epicrane dicta Plinio & Martiano Capellæ; ἐπιπρίνη est communi Græcismo, de cuius situ nihil præterea notum est. Arethusa cum Psamathe ac Oedipodia, Thebarum fuit Solino auctore cap. vii. Apud Thebas, inquit, Helicon lucus est, Cithæron saltus, amnis Ismenius: fontes, Arethusa, Oedipodia, Psammathe, Dirce. Sed ante alios Aganippe & Hippocrene. Hi vero in Helicone, vt de Hippocrene supra ex Strabone dictum: & Aganippe ibidem. Claudianus de Cons. Malli Theod. vers. 271

*Concinnit felix Helicon, fluxitque Aganippe
Largior.*

Sunt qui eundem fontem dicant Aganippen & Hippocrenen. Ovidius Fastor. lib. v vers. 7

*Dicite, quæ fontes Aganippidos Hippocrenes
Grata Medusæi signa tenetis equi.*

Solinus autem verius separauit; & addidit dicto loco: incensa est licentia

poeta-

* Addatur Nonnus Dionys. IV v. 356 & Euripid. in Phœniss. v. 648 seqq. & v. 737 & 833. Dirce dicta est a Dirce Lyci vxore in fontem hunc proiecta. Apollodor. III cap. 5 pag. 166.

poetarum, ut utrumque pariter disseminaretur, & quod aperta foret alitis equi-
vngula, & quod poti inspirationem faciant literariam. Prius singulari nu-
mero de solo Hippocrene dixit: alterum pluraliter de utroque, Aganippe
& Hippocrene. Consule ibidem Salmasium. *Gargaphie* superest, quam
Pausanias Bœot. cap. iv in Platæarum descriptione κρήνη Γαργαφίαν, fon-
tem *Gargaphium* vocat, cuius aquam corruperit Mardonius, quum Græco-
rum exercitum illa uti vidisset.

CCCXXVIII.

Dum de fontibus Heliconis montis egimus, nec obliuiscenda est *As-
cra*, Hesiodi patria, parvus vicus, ut ipse descripsit in *εργ.* vers. 638 de pa-
tre suo dicens:

Νάσσαο δ' ἄγχι Ελικῶνος οἰζυρὴ ἐνὶ κώμῃ
Ἄσκρα, χεῖμα κακὴ, θέρει ἀργαλέη, ἐδὲ ποτ' ἐοθλῇ,

*Habitavit prope Heliconem misero in vico Ascra, hieme malò, æstate molesto,
numquam bono.* Pausanias Bœot. cap. xxix ex Hegesino, veteri poeta,
Ελικῶνος ἔχει πόδα, *radices Heliconis [Ascra] tenet.* Sita *Ascra* ἐν τῇ τῶν Θε-
σπιέων, ἀπέχουσα τῶν Θεσπιῶν ὅσον τετ[τα]ράκοντα σταδίας, ut Strabo lib. ix pag.
282 notavit, hoc est, in *Thespiensi* regione, quadraginta circiter stadia a *Thespiis*.

CCCXXIX.

Ipse Thespie, siue *Thespia* numero singulari, (nam utroque modo ait
Strabo adpellari) Græce Θεσπια & Θεσπιαί; urbs est πρὸς τῷ Ελικῶνι, νοτιω-
τέρα αὐτῆς, ἐπικειμένη τῷ κρυσσαίῳ κόλπῳ καὶ αὐτὴ καὶ ὁ Ελικῶν: *ad Heliconem
sita in austrum versus, imminens sinui Crissæo, sicut etiam ipse Helicon: ut
Strabo lib. ix pag. 282 eius situm delineavit.* Et Pausanias Bœot. cap. xxvi
Θέσπια ὑπὸ τὸ ὄρος τὸν Ελικῶνα ὤκισται, *Thespia infra montem Heliconem con-
dita est.* Ita autem sub Helicone sita est, ut quodammodo etiam Cithæro-
nem montem adspiciat. Scylax scripsit Θεσπιαί: * Herodotus viii cap. l,
& Stephanus Θεσπια. Hic vero addit πληθυντικῶς Θεσπιαὶ ὀξυδόνως, *plurali
numero accentum ad ultimam transferri.* Liuius lib. xlii cap. xliii *Ex-
vles Thespias uniuersi concesserunt.* Id memorabile, Strabonis ætate, quod
dicto loco testatur, hanc urbem & Tanagrām solas ex Bœoticis constitisse.
Plinius lib. iv cap. vii *Thespie, liberum oppidum.* Hinc in oram conuertimur.

CCCLXXX.

Ora *Crissæi*, siue *Corinthiaci* sinus, ex parte etiam Bœotiorum erat,
in qua *Creusa* est, κρέυσα, nauale Thespiensium. Strabo loco iam prædi-
cto: ἐπίκειται δ' ἔχουσα αἱ Θεσπιαὶ Κρέυσαν, ἣν καὶ Κρευστίαν καλεῖσιν, *nauale ha-
bent Thespie Creusam: quod etiam Creusiam dicunt.* Ptolemæus quoque
Κρέυσαν in maritimis Bœotiæ iuxta Phocidem adpellat. Liuius Thespien-
sium emporium dixit lib. xxxvi cap. xxi. Is, inquit, a *Creusa* (Thespien-
sium emporium est, in intimo sinu Corinthiaco retractum) *Patras Achaie* petit.
Pausaniæ Bœot. cap. xxxii idem oppidum est Κρευσίς, *Creusis*, duabus syl-
labis. τοῖς δὲ, inquit, ἐν Κρευσίδι, ἐπικείτω τῶν Θεσπιέων εἰκᾶσιν, ἐν κενῷ μὲν ἐστὶν ὀ-
ξύν. *Qui Creuside, nauali Thespiensium habitant, illi nihil publice habent me-*

morati

* Sic habet etiam Demosthenes de Megalop. pag. 86 A.

moratu dignum. Stephanus eodem modo, sed reducto accentu: Κρεῖσις, πόλις Βοιωτίας, Creusis, urbs Bæotiae.

CCCCXXI.

Inde in occasum, & propius fines Phocidis, Ptolemæo sunt Σίφα, Siphæ, in maritimis. Thucydides lib. IV pag. 303 Σίφας μὲν ἐμελλόν τινες παραδύσσειν. αἱ δὲ Σίφαί, εἰσὶ τῆς Θεσπιακῆς γῆς ἐν τῷ Κρισαίῳ κόλπῳ ἐπιθαλασσίδοι, Siphæ quidam voluerunt prodere. Siphæ autem sunt Thespiaca regione ad mare in sinu Crisæo. Dorice τίφα, vel singulariter τίφα Tipha est. Pausanias cap. XXXII A Creuside præter Thisben nauiganti πόλιν εἰς ἐμὴν γὰρ ἐπὶ θαλάσῃ τίφα, occurrit paruum oppidum, ad mare situm, Tipha.

CCCCXXII.

Ipsa autem, Thisbe, Θίσβη, inter Creusidem siue Creusam est & Siphæ, reductior a mari, vti ex dicto Pausaniæ loco adparet; sed haud longe. Idem in Phoc. cap. XXXVII ἐς τὴν Βῦλιν ἐκ μὲν τῆς Βοιωτίας Θίσβης σταδίων ἐστὶν ὁδὸς ὀγδοήκοντα, a Thisbe oppido Bæotiae in Bulin oppidum Phocidis, sunt stadia octoginta. Et Plinius Thisben in Bæotiae oppidis numeravit.

CCCCXXIII.

Hæc de Bæotia, quæ certiora sunt. Plinius plura addit, sed pleraque incerto situ. Sunt autem, Eleutheræ, Pheræ, Aspledon, * Hyle, Erythræ, Clissas, Anchoa: præter illa, quæ supra æque obscura, ab eodem prodita, significabamus.

CCCCXXIV.

Ex his Eleutheræ, ἐλευθεραί, Straboni, Pausaniæ, Stephano ** etiam notæ fuerunt. Ex Pausaniæ Attic. cap. XXXVIII constat, Atticam olim & Bæotiam Eleutherenses diremisse. Postquam Eleutheræ in Atheniensium potestatem venissent, Cithæronem montem finem vtriusque regionis haberi cœpisse. Ipsius ætate pauca ἐρείπια, rudera & vestigia supererant ὑπὲρ πεδίσ, πρὸς τῷ Κιθαίρωνι, super campo iuxta montem Cithæronem.

CCCCXXV.

Pheræ, φηραί, Straboni IX pag. 279 sunt vnus ex IV pagis Tanagricis. ἐστὶ τῆς τετρακωμίας τῆς περὶ Τάναγραν.

CCCCXXVI.

Hyle, ἵλη, in Homeri Catal. vers. 7 exstat,

οἳ τ' ἐλεῶν' εἶχον, ἡδ' ἵλην,

qui Eleonem tenebant, aut Hylem. quo situ, non adparet, nisi quod Hylicæ paludis Strabo meminit, distinctæ a Copaide, cuius generis plures supra Copaidem fuerunt.

Bbb bbb

CCCCXXVII.

* Nonnus Dionys. XIII v. 94 pag. 356,

οἳ τ' Ἀσπληδόνοσ' ἄσσυ κοῆν ἐν χάρις ἔποτε λήπῃ

ὀρχομένων Μινύχο χοροῖτυπον ἄλλος ἐρώτων

οἳ δ' ὕβριν ἐνέμοντο δευδόχον ἔδρας ἀξέρας,

Ξηνοδόκον μεθέπεσαν ἐπωνυμίην Ἐριῆος.

Ἡχι γίγας ἀπέλεθρος ἀπερογάμων ἀπὸ λέκτρων

ὀρίων κ. τ. λ.

** Et Diodoro Siculo IV pag. 21, qui a Baccho conditas esse dicit.

CCCXXXVII.

Aspledon, ἡ Ασπληδὼν obliquo Ασπληδόνες, viginti stadiis Straboni pag. 286 ab Orchomeno abest; interfluit *Melas* * amnis. Stephanus quoque memoravit, sed perperam πόλιν Φωκίδος, *Phocidis urbem* vocat, si modo illud nomen ab illius manu est. Pausanias Boeot. cap. xxxviii desertam aquarum fuisse penuria, refert.

CCCXXXVIII.

Erythræ prope Platæas & Cithæronem dicuntur fuisse. Pausanias Boeot. cap. ii γῆς δὲ τῆς πλαταΐδος ἐν τῷ Κιθαιρῶνι ὀλίγον τῆς εὐθείας ἐκτραπέυσιν εἰς δεξιά, τοῖων καὶ ἐρυθρῶν ἐρείπια ἐστὶ, *Agro Plataensi sub Cithærone paululum digressis ad dexteram, sunt Hysiarum & Erythrarum rudera*. Homer. ver. 6 Catalogi:

οἷτ' ἀμφ' Ἀρμὲ ἐνέμοντο, καὶ Εἰλέσιον καὶ Ερυθράς.

CCCXXXIX.

Glissas, siue *Glissa* eiusdem est versu eius Catalogi ii

οἷτε πλαταίαν ἔχον, ἥδ' οἱ γλίσσαν τ' ἐνέμοντο.

qui *Platæam* tenebant, & qui habitabant *Glissam*. Eustathius γλίσσας, γλίσσαντες formavit.

CCCXL.

Tandem *Anchoa*, Ἀγχόη, secundum Strabonem pag. 280 locus est, vbi Cephissus, aliquanto spatio sub terra occultatus, prope Larymnam Locridis erumpit, & deinde in mare exit.

S E C T I O XI.

A T T I C A.

CCCXLI.

Attica, regio Atheniensium, antiquitus *Aἶττε*, *Aἶττα*, *Atthis* ** adpellata. Plinius lib. iv cap. vii *Attica*, antiquitus *Aἶττε* vocata. Et Pausanias Attic. cap. ii ὀνομάζουσιν Ἀττικὴν τὴν χώραν, πρότερον καλεσμένην Ἀτταίαν, *nominant Atticam regionem, quæ prius vocata fuit Aἶττα*. Pomponius Mela lib. ii cap. iii *Locris, Phocis, Boeotis, Atthis, * * * Megaris: sed omnium Atthis clarissima*. Plinius ab isthmo deducit, ut Megaram quoque contineat tamquam partem. Attingit, inquit, isthmum parte sui, quæ adpellatur *Megarum, a colonia Megara*. Alii Megarim, etiam Mela, separatam regionem constituunt, quod vrbs Megara æmula sæpe & inimica fuit Atheniensibus. Quod si est, terminos Attica ab occasu habuit Megaridem: a septem-

♦ Nicander Theriac. v. 686

Παλιὰν μέλας ποταμὸν παρὰ χεῖλος ἄμερσεν.

Scholiasites adscribit, μέλας ποταμὸς Βοιωτίας. Melas influit, quo Cephissus. Theophrastus histor. Plantar. IV cap. 12 pag. 470. Idem de causis Plantar. V cap. 5 ait, aquas utrumque suas retinere.

** Olim Μεσσηνία. Vide Tzetzem ad Lycophron. v. 733.

* * A virgine filia Cranai regis ita dicta est. Apollodor. III c. 13 §. 5 pag. 225.

ptemtrione Bœotiam: * ab austro Saronicum sinum: ab ortu Aegæum mare.

CCCXLII.

Princeps vrbs huius regionis, quod notum, *Athenæ* sunt Αθήναι: ** de qua Plinius dicto loco: *Libera hæc ciuitas, nec indiga ullius præconii amplius: tanta claritas superfluit.* Cicero pro Flacco cap. xxvi *Adsunt Athenienses unde humanitas, doctrina, religio, fruges, iura, leges ortæ, atque in omnes terras distributæ putantur: de quorum vrbs possessione propter pulchritudinem etiam inter deos certamen fuisse proditum est: quæ vetustate ea est, ut ipsa ex se se suos ciues genuisse dicatur: & eorum eadem terra parens, altrix, patria dicatur: auctoritate autem tanta est, ut iam fractum prope ac debilitatum Græciæ nomen, huius vrbs laude nitatur.* Idem lib. i de Oratore cap. iv *illæ omnium doctrinarum inuentrices Athenæ, in quibus summa dicendi vis & inuenta est & perfectæ.* Olim vrbs dicta *Cecropia*, quod nomen postea arci mansit. Plinius lib. vii cap. lvi *Oppidum Cecrops a se adpelauit Cecropiam, quæ nunc est arx Athenis.* Ita autem arx fuit, ut omnem urbem veterem complecteretur. Thucydides lib. ii pag. iii τὸ πρὸ τέττα, ἡ ἀκρόπολις ἡ νῦν ἔσται, πόλις ἦν, καὶ τὸ ὑπ' αὐτὴν πρὸς νότον μάλιστα τετραμμένον, *Ante Thesea, quæ nunc summa vrbs est (ἀκρόπολις,) tunc vrbs fuit, & id præcipue, quod sub ea spectat meridiem.*

CCCXLIII.

Memorabilia circa Athenas sunt primum *Academia*, Ἀκαδημία, de qua Pausanias Attic. cap. xxix ἐγγυτάτω δὲ Ἀκαδημία, χωρίον ποτὲ ἀνδρὸς ἰδιώτης, γυμνάσιον δὲ ἐπ' ἐμῶ, *Proxime urbem est Academia, priuati olim hominis possessio, mea ætate gymnasium.* Immo & longe antea gymnasium fuerat. Ser. Sulpicius ad Cicer. lib. iv epist. xii *nos in nobilissimo orbis terrarum gymnasium Academiæ locum delegimus, ibique eum combusimus.* Platonis ibi schola erat, unde sectatores ipsius *Academici* dicti. Cicero lib. i Acad. Quæst. cap. iv *Qui erant cum Aristotele, Peripatetici dicti sunt, quia disputabant in ambulantes in Lyceo: illi autem, qui Platonis instituto, in Academia, quod est alterum gymnasium, cætus erant, & sermones habere soliti, e loci vocabulo nomen habuerunt.* Iac. Sponius a septemtrione vrbi adpositam habet: a qua Meursius sex stadiis abfuisse ex principio lib. v Cic. de Finibus probauit. Idem locus & *Ceramicus*, κεραμικός, dicebatur, aut *Academia* pars erat *Ceramici*, sed illius, qui extra urbem erat: fuit enim intra mœnia *Ceramicus* alius. Hesychius: εἰσὶ δὲ δύο Κεραμικοὶ, ὁ μὲν ἔξω τείχεος, ὁ δὲ ἐντός. *Erant duo Ceramicus, alter extra urbem, alter intus.* Idem in Ἀκαδημία: καὶ τόπος καλεῖται ἕτως ὁ Κεραμικός. *Is locus vocatur etiam Ceramicus.* Vide singularem librum Io. Meursii de Ceramico gemino.

Bbb bbb 2

CCXLIV.

* Montibus altis, per quos difficiles aditus erant, interceptam. Vide Xenophont. memorabil. Socrat. III pag. 771.

** Dictæ ita ab Αθήνῃ. Vide Apollodor. III cap. 13 §. i pag. 221, 222. Λαμπροτάτη πόλις, splendidiſſima urbium, Athenæus I pag. 20 B. Vid. Meursii Athenas. Causas splendoris Athenarum exposuit Xenophon in libro de redditibus.

CCCXLIV.

Alter locus, modo a Cicerone laudatus, est *Lyceum*, Λύκειον, in quo *Peripatus* fuit, Aristotelis *deambulatio*. Diogenes Laertius sub initium Vitæ Aristotelis, quum is ex Macedonia legatus rediisset, ἐλέσθαι περίπατον, τὸν ἐν Λυκείῳ, elegisse sibi peripatum, qui in Lyceo est. Harpocration: ἐν τῶν παρ' Ἀθηναίων γυμνασίων ἐστὶ Λύκειον, unum ex gymnasiis Atheniensium *Lyceum* est.

CCCXLV.

Ab occasu urbis est portus *Piræus*, Πειραιεύς, omnium clarissimus, quem Themistocles condidit. Nepos Vita eius cap. vi Quum Phalereo portu neque magno neque bono Athenienses uterentur, huius consilio triplex *Piræi* portus constitutus est, isque mœnibus circumdatus, ut ipsam urbem dignitate equipararet, utilitate superaret. TRIPLEX portus: quia Thucydides lib. i. pag. 62 de *Piræo* loco dicit habere τρεῖς λιμένας αὐτοφύους, tres portus natura factos. Vicus quidem seu pagus *Piræus* fuit, antequam Themistocles ornaret; non autem portus. Pausanias Attic. cap. i. ὁ Πειραιεύς θῆμος μὲν ἦν ἐκ παλαιῶν· πρότερον δὲ, πρὶν ἢ Θεμιστοκλῆς Ἀθηναίους ἤρξεν, ἐπίκειον ἐκ τῆν· Φαληρόν δὲ, ταύτῃ γὰρ ἐλάχιστον ἀπέχει τῆς πόλεως ἢ θάλασσα, τῷτο σφίσιν ἐπίκειον ἦν. *Piræus* pagus quidem erat olim; antequam Themistocles ad rempublicam accederet, navale non fuit. Phalerum autem (nam ea parte urbs minimum a mari distat) ipsis navale erat. Heic omne commercium cum Atheniensibus erat, & quidquid Athenis petebatur, ex hoc portu accipiebatur. Cicero de Clar. Orat. cap. xiii Vt semel e *Piræo* eloquentia euecta est, omnes peragravit insulas, atque ita peregrinata tota Asia est. Quarto casu Statius lib. xii Thebaidos vers. 616

- - - ὃς trepidis stabilem *Piræa* nautis:

quem Græci contrahunt, τὸν Πειραιᾶ, ut Thucydides lib. ii loco mox indicando. Et poetæ hoc nomen contrahunt in *Piræus*. Catullus carm. LXIV de nupt. Pel. & Thet. vers. 74

Egressus curvis e litoribus *Piræi*.

Ovidius lib. vi Metamorphos. vers. 445

- - - - - veloque ὃς remige portus

Cecropios intrat, *Piræaque* litora tangit.

Et Propertius lib. iii elegia xxi

Inde ubi *Piræi* capient me litora portus.

Quamvis autem non minimo intervallo ab urbe distabat; tamen muris ei coniunctus erat, quæ μακρὰ τεῖχη, longi muri vocabantur: etiam μακρὰ σκέλη, longa crura Appiano in Mithridaticis. Thucydides lib. ii pag. 110 τὰ δὲ μακρὰ τεῖχη πρὸς τὸν Πειραιᾶ, τεσσαράκοντα σταδίων, ὃν τὸ ἕναθεν ἐτήρειτο, καὶ τὸ Πειραιεύς ξὺν Μενυχίᾳ ἐξήκοντα μὲν σταδίων ὃ ἅπας περίβολος, Longi muri ad *Piræum* usque, quadraginta stadia habebant, quorum exteriora custodiebantur: ὃς *Piræi* cum *Munychia* uniuersus ambitus, sexaginta stadia.

CCCXLVI.

Inde propior urbi portus erat *Munychius*, minor quam *Piræus*, qui etiam colebatur instar oppiduli, nec minus, quam ille, munitus. Loc-

cus

cus ille *Μουνυχία*, *Munychia* vocabatur, vti iam ex Thucydide est cognitum. Nepos Thrasybulo cap. 11 *Hinc in Piræum transiit, Munychiamque munivit.* Ideo *Φερόν* etiam, *presidium* habuit, vti ex Plutarchi Demosthene pag. 859 constat. Strabo lib. ix pag. 272 *λέγεται ἡ Μουνυχία χερρόνησος - - - ὑπε-
πίπτει δ' αὐτῷ λιμένες τρεῖς. τὸ μὲν ἐν παλαιὸν ἐτετείχετο καὶ συνώκειτο ἡ Μουνυ-
χία παραπλησίως ὥσπερ ἡ τῶν Ροδίων πόλις, προσειληφύια τῷ περιβόλῳ τὴν Πει-
ραιᾶ καὶ τὰς λιμένες πλήρεις νεωρίων, Munychia tumulus peninsulae forma, - -
ἐξ infra sunt tres portus. Antiquitus muro cincta atque habitata fuit Muny-
chia, fere quomodo Rhodiorum urbs, complexa mœnibus Piræum, ἐξ portus
naualium plenos.* Et Pausanias Attic. cap. i *Ἔστι καὶ ἄλλος Ἀθηναίσις, ὁ μὲν ἐπὶ
Μουνυχία λιμὴν, καὶ Μουνυχίας ναὸς Ἀρτέμιδος. Est ἕτερος portus Atheniensibus
in Munychia, cum Munychiae Dianæ templo.* Statius Theb. xii verſ. 615

- - - qui ruralaceſſunt

Munychia, ἕτερος trepidis stabilem Piræea nautis.

Ptolemæus Munychiam ultra Ilissi ostia, & longius ab vrbe, orientem ver-
sus, remouit, quem plures tabularum auctores adhuc sequuti sunt. Sed
aliud Thucydides tradit modo prolatis verbis: & Pausanias quoque cum
Piræeo, vt propiorem portum, coniungit: & qui oculis hæc loca inspexit
peregrinator nobilis, Iacobus Sponius, sic oram maritimam ab occasu in
ortum delineauit, vt primum portum Piræum, nunc *il Porto Liona*, po-
ſuerit, deinde Munychiam: poſtea Ilissi Eridanum deferentis ostium: tan-
dem Phalereum portum.

CCCXLVII.

Post Munychiam ergo commune ostium vtriusque fluminis est Athe-
nas adluentis. nam *Eridanus* ab occidentali latere decurrit, qui infra urbem
Ilisso, ab ortu solis adiabente urbem, miscetur. Pausanias Attic. cap. xix
*Ποταμοὶ Ἀθηναίοις ῥέουσι Εἰλισσός τε καὶ Ἡριδανῶ τῷ Κελτικῷ κατὰ τὰ αὐτὰ ὄνο-
μα ἔχων, ἐκδιδῶς ἐς τὸν Εἰλισσόν. Amnes Atheniensibus sunt Ilissus, ἕτερος in eum
cadens Eridanus, eodem nomine ipse ἕτερος Gallicus cis Alpes. Et mox: ἐθέλῃσι
δὲ Ἀθηναῖοι καὶ ἄλλων θεῶν ἱερὸν εἶναι τὸν Εἰλισσόν, καὶ μυστῶν βωμὸς ἐπ' αὐτῷ
ἐστὶν Εἰλιπσιᾶδων, Ilissum Athenienses ἕτερος aliis diis, ἕτερος Musis sacrum putant,
quarum in eius ripis ara est, Ilissiadum Musarum dicta. De qua religione
etiam Polyænus Strateg. lib. v cap. xvii παρὰ τὸν Ιλισσόν, ἕτερος τὸν καθαρμὸν
τελεῖσι τοῖς ἐλάττοσι μυστηρίοις. ad Ilissum, ubi lustratio fieri consuevit minoribus
mysteriis.* Papinius Statius Thebaid. lib. viii extremo:

Ilissos multa purgavit lumina lympa.

CCCXLVIII.

Deinde est portus Phalereus, antequam Piræum Themistocles con-
stitueret, vel maxime frequentatus Atheniensibus. Corn. Nepos Themist.
cap. vi *Quum Phalereo portu neque magno, neque bono Athenienses uteren-
tur, huius consilio triplex Piræei portus constitutus est.* Pausaniæ, principio
Atticorum, *φαληρὸν ἐπίνετον, Phalerum nauale est: Plinio lib. iv cap. vii
Piræus ἕτερος Phalera, portus. Stephanus: φαληρὸν, δῆμος καὶ ἐπίνετον τῆς Ἀτ-
τικῆς, Phalerum vicus ἕτερος nauale Atticæ.* Et hic portus vrbi muro iunctus
erat.

erat. Thucydides lib. i pag. 70 ἤρξαντο κατὰ τὰς χεῖρας τέττες καὶ τὰ μακρὰ τείχη Ἀθηναῖοι εἰς θάλασσαν οἰκοδομεῖν, τὸ, τε Φαληρονδε καὶ τὸ εἰς Πειραιᾶ. *Sub idem tempus coeperunt & Athenienses longos ad mare muros exstruere, alterum, Phalerum; alterum, Piræeum versus.*

CCC XLIX.

Ad Phalerum est promontorium & litus Κωλιάς, *Colias* dictum, in quo Veneris illustre fanum erat. Stephanus: Κωλιάς, ἄκρα ἢ τει Φαλεροῦ ακτὴ, ὅπερ καὶ Ἀφροδίτη Κωλιάς. *Colias, promontorium seu litus ad Phalerum, ubi Venus Colias colitur.* Harpocraton in hac voce: ἐπιθαλασσία ἄκρα Ἀττικὴ ἐστὶν ἡ Κωλιάς. ἐστὶ δ' αὐτοῦ Ἀφροδίτης ἱερόν. *Colias maritimus mons Atticæ est. Illic Veneris fanum.* Hesychius: Κωλιάς Ἀφροδίτης ἐπικωλιάδος ἐστὶν ἱερόν ἐν τῇ Ἀττικῇ, *Colias Veneris Coliadis templum est in Attica.* In hoc litus reiecta ex prælio ad Salaminem Persarum naufragia. Herodotus lib. viii cap. xcvi τῶν ναυηγίων πολλὰ ὑπολαβὼν ὁ ἄνεμος ζέφυρος, ἔφερε τῆς Ἀττικῆς ἐπὶ τὴν ἡϊόνα τὴν καλεομένην Κωλιάδα, *naufragiorum multa ventus zephyrus in oram Atticam reiecit, dictam Coliadem.* Et Cereris ibidem sacra erant. Polyænus lib. i cap. xx Σόλων ἐπλευσεν ἐπὶ Κωλιάδος, εἴθα αἱ γυναῖκες Δήμητρι ἐορτὴν ἐτέλουν, *Solon nauigavit in Coliadem, ubi mulieres Cereri festum celebrabant.*

CCCL.

Fontes etiam in Attica vel proximi Athenis, nisi in vrbe quidam, celebrantur. Plinius sæpe dicto loco: *In Attica fontes: Cephissia, Larine, Callirhoe Enneacrunos.* Primus est *Cephissia* siue *Cephisia*, intellige κρήνη: cuius rara utique est mentio. Gellius lib. i cap. i i locum quemdam, quo Herodes Atticus villam habuit, *Cephissiam* dixit, *lavacris nitidis collucentem, & aquis undique canoris personantem.* Sed hæc ex duodecim oppidis, quibus Atticam Cecrops συνοικίσα, *ad habitandum ornasse* dicitur vnum fuit, Straboni lib. ix pag. 274 dictum κηφισσία, *Cephissia*: quæ sex millibus ab Athenis fuit, nomen hodieque seruans, vnde inscriptione κηφιστιᾶς, *Cephisienses* sunt apud Iac. Sponium de Pagis Atticis. *Larinam* forte solus Plinius memorauit: nec iam suppetit nobis mentio alia. Tertius autem *Callirhoe* siue *Enneacrunos* utique nobilior est ceteris. Pausanias Attic. cap. xiv Εἰς δὲ τὸ Ἀθήνησιν εἰσελθῶσιν ὡδαῖον, ἅλλα τε καὶ Διόνυσος καὶ τὰ θεᾶς ἄξιες. πλησίον δὲ ἐστὶ κρήνη, καλεῶσι δὲ αὐτὴν Ἐννεάκρουνον, ἔτω κοσμηθεῖσαν ὑπὸ Πισιστράτου. Φρέατα μὲν καὶ διὰ πάσης τῆς πόλεως ἐστὶ πηγὴ δὲ αὕτη μόνη. *Quum vero Athenis Odeum introieris, & alia spectatu digna, & Liberum patrem conspicias: iuxta quem fons est Enneacrunos [a nouem scatebris] dictus. Pisistratus eum exornauit. Putei quidem passim in vrbe multi: hic autem vnicus fons saliens.* In vrbe ergo hic fuit: ceteri extra illam. Hunc & *Callirhoen* dictum fuisse, præter Plinium, etiam Statius testis est Theb. xii vers. 629

*Et quos Callirhoe nouies errantibus undis
Implicat.*

Ac Tzetzes Chiliad. viii cap. clxxxiv, qui vero duodecim scatebras, auctore Cratino comico, studet probare:

Ἡ Καλλιρόη τις κρήνη τυγχάνει ταῖς Ἀθήναις,
 ἥ περ καὶ Ἑννεάκρηνος τὸ πρῶτον ἐκαλεῖτο.
 Ἐγὼ δὲ Δαδεκάκρηνον ἔτως εἰρήκειν νόμα,
 καθὼς τοῖς πάλαι πρὸ ἡμῶν παρωχηκόσι χρόνους
 Περὶ αὐτῆς περ γέγραφεν ὁ κωμικὸς Κρατῖνος.

CCCLI.

Præterea in ora Atticæ ab vrbe & Phalero portu vsque ad Aegæum mare nihil proditum est memorabile, nisi Ἰφὸρμος λιμὴν, *Hyphormus portus*, quasi subportus, Ptolemæi : & extremum promontorium *Sunium*, Ptolemæi Σούνιον ἄκρον. * Strabo lib. II pag. 63 τὸ Σούνιον ἀκρωτηριάζει, *Sunium promontorium facit*, siue procurrit in mare. Liuius lib. XXXII c. XVII *Navales copiae, duabus claris urbibus Eubææ intra paucos dies captis, circumuectæ Sunium, Atticæ terræ promontorium, Cenchreas, Corinthiorum emporium petierunt.* Et antea, inuerso itinere lib. XXVIII cap. VIII idem Liuius: *ipse [Philippus] ab Cenchreis præter terram Atticam super Sunium nauigans, inter medias prope hostium classes Chalcidem peruenit.* Statius Thebaid. XII vers. 624

*Linguitur Eois longe speculabile proris
 Sunion.*

Sub promontorio fuit ἀξιολόγος δῆμος Σούνιον, *memorabilis vicus Sunium*, quem Strabo describit lib. IX pag. 275.

CCCLII.

Hæc ab ortu solis in ora sunt Attica: ab occasu vrbis ultra Piræeum portum est fluuius *Cephissus*, alius ab huius nominis Bœotico; qui inter Piræeum & Eleusinem in sinum Saronicum effunditur. quo loco ipsum Sponius peregrinator delineauit. De hoc Eusebius Chronico in Hadriano: *Cephissus fluuius Eleusinam inundauit: quem Hadrianus ponte coniungens, Athenis hiemem exegit.* Circa hunc amnem *Thriasius campus* est. Herodotus lib. VIII cap. LXV ἐν τῷ Θριασίῳ πεδίῳ ἰδεῖν κονιορτὸν χωρέοντα ἀπὸ Ἐλευσίνος, *in campo Thrasio vidisse puluerem venientem ab Eleusine.* Et Thucydides lib. II pag. 114 καθεζόμενοι ἔτεμιον πρῶτον μὲν Ἐλευσίνα, καὶ τὸ Θριάσιον πεδῖον, *castrametati vastauerunt primo Eleusinem, & Triasium campum.* Meminit & Plinius: Stephanus nomen duxit a Thria, vno ex δήμοις siue pagis Atticis.

CCCLIII.

Ipsa *Eleusis* siue *Eleusin* iuxta dextram ripam Cephissi, Megaram versus in maris ora fuit, pars Atticæ, non Megarensis regionis. Scylax in Attica: Μετὰ Μεγαρεῖς εἰσὶν Ἀθηναίων πόλεις· καὶ πρῶτον τῆς Ἀττικῆς Ἐλευσίς, & ἱερὸν Διμητεῖς ἐστὶ καὶ τῆχος, *Post Megarenses sunt Atheniensium oppida. Et primum Atticæ est Eleusis, ubi fanum Cereris, & oppidum.* Pomponius lib. II cap. III *In Attide Eleusin Cereri consecrata.* Plinius IV cap. VII *Geranea, Megarc,*

• Euripid. Cyclop. v. 292

Ἦτε Σενίς

Διὰς Ἀθάνας σῶς ὑπάργυρος πέτρα.

Et Sunii Diæ Minervæ sospes argento scatens rupes.

Megara, Eleusin. Et lib. xxxv cap. xi *Anthemon pinxit in templo Eleusine* Herodotus dicto loco : ἀδαήμεν τῶν ἱερῶν τῶν ἐν Ἐλευσίνι γινομένων, ignarus sacrorum, quæ Eleusine fiunt. Heic initia seu initiationis ritus, quæ mysteria vocabant, peragebantur, summo silentio celanda. Spartianus Hadriano cap. xiii *Per Asiam & insulas ad Achaiam navigavit, & Eleusinia sacra exemplo Herculis Philippique suscepit.* Ideo sancta dicta est Eleusin. Cicero Nat. deor. lib. i cap. xlii *Omitto Eleusinam sanctam illam & augustam,*

Vbi initiantur gentes orarum ultimæ.

CCCLIV.

Sinus, supra quem est ora Attica, Saronicus adpellatur, Σαρωνικὸς κόλπος. Strabo lib. viii pag. 254 *Εἴθ' ὁ Σαρωνικὸς κόλπος· οἱ δὲ πόντον λέγουσιν, οἱ δὲ πόρον, καθ' ὃ καὶ πέλαγος λέγεται Σαρανικόν.* Deinde est sinus Saronicus, quem alii pontum, alii fretum vocant; unde & mare dicitur Saronicum. Longus est a Cenchreis ad Sunium: latus inde ad Epidaurum Peloponnesi, & ultra. nam Strabo ibidem: τῷ δὲ Σαρωνικῷ Ἐπιδαυρὸς ἐστίν, in Saronico sinu Epidaurus est. De ipsa Trœzene agens Euripides Hippolyto vers. 1200

Πρὸς πόντον ἤδη κειμένη Σαρωνικόν,

Sita iam ad mare Saronicum.

Plinius lib. iv cap. iv *Corinthiacus hinc, illinc Saronicus adpellatur sinus: Lecheæ hinc; Cenchreæ illinc angustiarum termini.* Et cap. v *Sinus Saronicus olim querno nemore redimitus: unde nomen; ita Græcia antiqua adpellante quercum.* Σαρωνίδες enim δρύες, quercus erant. Vide Hesychium in hac voce. Alii a Σάρων deducunt, loco apud Trœzenem. Stephanus: Σάρων τόπος Τροιζήνος.

CCCLV.

In ora Aegæi maris non habet Ptolemæus quod Atticæ attribuat, præter portum & duo promontoria cum Dianæ fano. Illum Πάνορμον λιμένα vocat, quod insignem aliquem & capacem portum arguit: quam vocem Panormus etiam Latini imitantur. Promontoria sunt, Κυνότρυπα ἄκρα, Cynosura promontorium, de quo etiam Hesychius: Κυνότρυπα ἄκρα τῇ Μαραθῶνος, πρὸς τὴν Εὐβοίαν τετραμμένη, Cynosura promontorium Marathonis, Eubææ obuersum: alterum Ptolemæi est Χερσόνησος ἄκρα, Chersonesus promontorium. Inter Cynosuram & Panormum habet Ἀρτέμιδος ἱερὸν, Dianæ templum. Quæ addit Ἀσὸπι ostia & urbem Oropum, in iis falsus est, ut supra probatum in Bœotia fuit.

CCCLVI.

Mediterranea Atticæ, ut ab occasu incipiamus, post Megarenses fines sunt hæc: Oenoe, οἰνὴ, supra Eleusinem ad septentriones in Bœotiæ finibus posita, limitaneum Atheniensium munimentum. * Thucydides lib. ii pag. 113 *Ὁ δὲ στρατὸς τῶν Πελοποννησίων προῖων ἀφίκετο τῆς Ἀττικῆς ἐς οἰνὴν πρώτην, ἥπερ ἐμελλεῖ εἰσβαλεῖν.* - - - ἡ γὰρ οἰνὴ ἔστα ἐν μεθόρις τοῖς Ἀττικῆς καὶ

Bœot-

* Adparet hoc etiam e Diodoro. IV pag. 263. Perisse videtur iam Plinii ætate, ex libro eius IV cap. 7.

βοιωτίας ἐτετεύχιστο, καὶ αὐτῷ φρερίω οἱ Ἀθηναῖοι ἐχρῶντο, ὅποτε πόλεμος καταλά-
 ει. *Peloponnesium exercitus, in Atticam tendens, peruenit primum ad Oe-
 noen, qua [Atticam] ingressurus erat. - - - Nam Oenoe, in confinio Atticae &
 Bootiae posita, munita erat, qua Athenienses, quoties bellum incidebat, pro mu-
 nimento utebantur. Ptolemæus eodem modo scripsit οἰνὴν, & primam po-
 suit in mediterraneis Atticæ. Ab Oenoe, quam expugnare nequierant, ut
 idem Thucydides narrat pag. 114, Lacedæmonii ἐσέβαλον ἐς τὴν Ἀττικὴν, - - -
 καὶ καθεζόμενοι ἑτερονον πρῶτον μὲν Ελευσίνα καὶ τὸ Θριάσιον πεδίον. A septem-
 trione ergo in austrum progressi ad maritimam oram, in qua Eleusis est &
 campus Thriasis, de quibus supra actum fuit: ἐπεὶ αὖ προῦχώρην, ἐν δεξιᾷ ἔ-
 χοντες τὸ Αἰγάλεων ὄρος, διὰ Κεκροπίας ἕως ἀφίκοντο ἐς Ἀχαρνὰς, χωρίον μέγιστον τῆς
 Ἀττικῆς τῶν δήμων καλεσμένων. Inde progressi, a dextris relicto monte Aegaleo,
 per Cecropiam ad Acharnas usque venerunt, maximum omnium oppidorum, quæ
 Atticis δῆμοι adpellantur.*

CCCLVII.

E quibus situm quodammodo *Acharnarum* cognoscimus, quæ etiam
 singulari numero *Acharna* vocatur. Stephanus: Ἀχάρνα, δῆμος τῆς Οἰνίδος
 Φυλῆς, *Acharna, populus* (id est vicus vel oppidum) *Oeneidis tribus.* nam
 in tribus & populus & regio Attica, ut infra referemus, distribuebantur.
 Plures tamen plurali numero enuntiant. Pausanias Attic. cap. xxxi ἐστὶ δὲ
 Ἀχαρνὰι δῆμος, *Acharnæ autem populus seu vicus sunt.* Pindarus Nem. od.
 11 vers. 25

Ἀχάρναι δὲ παλαίφατον
 Εὐάνερες.

id est, *Acharnæ secundum priscam famam fortes viros habuerunt.* Papinius
 Statius xii Theb. vers. 623

Quæque rudes thyrsos hederis vestistis Acharnæ.

Gentile Ἀχαρνέως Stephano, & aliter: quos plurali quarto casu Thucydides
 τὰς Ἀχαρνέας dixit pag. 115. Reddiderunt hoc Senecæ nomen in Hippolyto
 vers. 22 Io. Meursius & Io. Fr. Gronovius:

- - - - qua tepidis
 Subditus austris frigora mollit
 Durus Acharneus.

Femineum nomen ex alia forma in mss. Cornelii Nepotis est Themistocle
 cap. 1, Is [Neocles] uxorem Acharnanam ciuem duxit, ex qua natus est The-
 mistocles.

CCCLVIII.

Inter Acharnas vero & Eleusinem atque Triasium campum, locus me-
 dius est *Cecropia*, uti ex Thucydidis verbis, modo recitatis, adparet; alia ab
 illa acropoli Athenarum: qualis autem fuerit illa, aliunde nobis non con-
 stat, neque, quod miramur, in Cecropia sua doctissimus vir Io. Meursius ex-
 posuit. Non enim arcem Atheniensem a Thucyde intelligi, ex eo ma-
 nifestum est, quia ab Eleusine Peloponnesii διὰ Κεκροπίας, per *Cecropiam* ad
 Acharnas profecti dicuntur: *Acharnæ autem citra Athenas sitæ sunt, i qui-
 bus*

bus secundum Thucydidem eodem 11 libro pag. 115 sexaginta stadiis sunt remotæ: arx vero Cecropia in medio Athenarum erat. Adi Meursium cap. 1v ex multis monumentis id demonstrantem.

CCCLIX.

Post Phalerum supra Coliadem intus paullo, *Anaphlystus*, *Ανάφλυστος*, erat *δήμος*, *pagus* Atticæ secundum Herodotum lib. 1v cap. xcix & Pausaniam Attic. cap. xxx, & quidem *δήμος τῆς Ἀντιοχίδος Φυλῆς*, *tribus vicus in Antiochide*, quod Stephanus adnotavit. Situm nobis Strabo monstravit lib. ix pag. 274 *Περὶ δὲ Ἀνάφλυστον ἐστὶ καὶ τὸ Πανῆον καὶ τὸ τῆς Κωλιάδος Ἀφροδίτης ἱερὸν, εἰς ἐν τόπον ἐκκυμάνθηναι τὰ τελευταῖα τὰ ἐκ τῆς περὶ Σαλαμῖνα ναυμαχίας τῆς Περσικῆς ναυάγια Φασί.* *Ad Anaphlystum est Panis fanum, & ædes Coliadis Veneris, in quem locum eiectas fluctibus aiunt naufragii tabulas ex Persarum prælio ad Salaminem.* Non autem in ipso litore fuisse, sed intus nonnihil reductum hunc *δήμον*, Ptolemæo auctore probabile fit, qui in Atticæ mediterraneis recensuit.

CCCLX.

Ad mare Eubœum versus fuit *Decelia* siue *Decelea*, *Δεκεία*, ut Stephanus prodit, *δήμος τῆς Ἰπποθωνίδος Φυλῆς*, *vicus in tribu Hippothoontide*: ab Athenis, secundum Thucydidem lib. vii pag. 496, circiter ἑκκοσι καὶ ἑκατὸν, *centum & viginti* distans stadiis. Hanc Spartani, consilio Alcibiadis, munierunt. Corn. Nepos Alcib. cap. 1v *Huius consilio Lacedæmonii Deceliam in Attica munierunt, præsidioque perpetuo ibi posito in obsidione Athenas tenuerunt.* Id munimentum, quod Plutarchus dicit, Alcibiade pag. 203, *διεργάσατο καὶ καλοικεφθόρησε τὴν πόλιν*, *maxime adflixit singulorum rem domesticam Atheniensium.* Sita enim in via erat, quæ ad Eubœam proxime ferebat ab Athenis. Munito autem loco factum, ut difficilior nauigatio sumtuosiorque (*πολυτελής*) esset *περὶ Σύνιον*, *circa Sunium* promontorium, ut Thucydides notavit lib. vii pag. 503, præter molestias & vexationes quæ ab Deceleensis præsidii excursionibus patiebantur Athenienses. Pausanias Lacon. cap. viii munimentum a Decelia distinguit ita, *τὸ Φρέριον τὸ ἐν Δεκείᾳ*, *castellum quod in Decelea.*

CCCLXI.

Haud longe inde *Phyle* aberat, aliud castellum. Nepos Thrasybulo cap. 11 *Hic quum Phylon confugisset, quod est castellum in Attica munitissimum, non plus habuit secum, quam triginta de suis.* Centum circiter stadia ab Athenis aberat. Diodorus Siculus lib. xiv cap. xxxiii *Θρασύβουλος ὑπὸ τῶν τριάκοντα πεφυγαδευμένος, συνεργήσαν αὐτῷ λάθρα τῶν Θεβαίων, κατελάβετο χωρίον τῆς Ἀττικῆς ἐνομαζόμενον φυλήν.* *ἦν δὲ τὸ Φρέριον ὀχυρὸν τε σφόδρα, καὶ τῶν Ἀθηναίων ἀπέχον σαδίας ἑκατόν.* *Thrasybulus, a triginta tyrannis fugatus, iuvantibus clam Thebanis, occupavit locum Atticæ, quem Phylon adpellant.* *Castellum hoc valide munitum erat, ab Athenis distans centum stadiis.* Iustinus lib. v cap. ix *castellum Phylon Atticorum finium [Thrasybulus] occupat.* Stephanus: *φυλή, δήμος Οἰνηίδος Φυλῆς*, *Phyle, pagus Oeneidis tribus.* Ex quo illud dubium oritur, an fuerit prope Deceleam in orientali tractu Atticæ. Oeneis enim tribus, cuius Acharnæ erant, in occasum magis vergebat.

CCCLXII.

CCCLXII.

Superius, ad Euboicum mare versus, vel prope illud *Probalinthus* fuit. Stephanus: προβάλινθος, δῆμος Πανδίωνιδος Φυλῆς, *Probalinthus*, populus seu vicus Pandionidis tribus. Plinius lib. IV cap. VII *Fuere & Oenoa, Probalinthus*: quod in ruinis illo tempore iacuisse significat. Strabo quoque in tetrapoli Attica προβάλινθον, *Probalinthus*, ut infra videbimus, enumeravit.

CCCLXIII.

Post illam est *Marathon*, μαραθῶν, victoria Atheniensium, Miltiade duce, nobilitatus locus. Pomponius lib. II cap. III *Marathon magnarum multarumque virtutum testis, iam inde a Theseo, Persica maxime clade pernotus*. A THESEO, inquit, Plutarcho interprete, propter μαραθῶνιον ταῦρον, ἔκ ὀλίγα πράγματα ταῖς οἰκῇσι τὴν τετραπόλιν παρέχοντα, *Marathonium taurum, tetrapoli [Atticæ] multum damni inferentem*, quem cepit Theseus & Apollini Delphinio, ut Plutarchus pag. 6, aut ut Pausanias Attic. cap. XXVII extr. refert, τῇ θεῷ, deæ, Mineræ puta, immolavit. Et hic locus in δήμοις, id est populis seu oppidis Atticorum censetur. Pausanias Attic. cap. XXXII Δῆμος ἐστὶ Μαραθῶν. Ibidem memoratur ἡ ἐν τῷ Μαραθῶνι λίμνη, τὰ πολλὰ ἐλώδης, *lacus ad Marathonem, magna ex parte cœnosus*, in quem fugientes Persæ irruerint, quum hærent, cæsi sint a victoribus. Situm & distantiam Corn. Nepos Miltiade definit: *Inde [ab Eubœæ Erethria] ad Atticam accesserunt, ac suas copias in campum Marathona deduxerunt. Is abest ab oppido circiter millia passuum decem*: hoc est ab Athenis, Bœotiam versus. Propinquum autem mari esse ** Herodotus ostendit lib. VI cap. CVII de Hippia Pisistrati filio, καταγομένας ἐς τὸν Μαραθῶνα τὰς νέας ὥρμιζε ἔτος, *naues ad Marathonem adpulsas in stationibus locat*.

CCCLXIII.

Prope Marathonem fuit *Brauron*. Pausanias cap. XXXIII Μαραθῶνες δὲ ἀπέχει τῇ μὲν Βραυρῶν, quod Rom. Amasæus vertit: *a Marathone non multum abest Brauron*. * * Pomponio Melæ II cap. III *Brauronia*, sequiori forma. Thoricos, inquit, & Brauronia, olim vrbes, iam tantum nomina. At Strabo etiam Βραυρῶν, & Statius XII Theb. vers. 615

*Qui gelidum Braurona viri, qui rura laceffunt
Munychia.*

CCCLXIV.

Plures δήμοι, siue vicos siue oppida dicas, Strabo lib. IX p. 275 inter Marathonem & Sunium ponit. Κάμψαντι, inquit, τὴν κατὰ τὸ Σέτιον ἄκραν, ἀξιόλογος δῆμος Σέτιον· εἶτα Θόρικος, εἶτα πόλις δῆμος ἔτι καλούμενος, ἐξ ἧς οἱ ἄνδρες Πόλιαι· εἶτα Πρασία, Στερία, Βραυρῶν, ὅπως τῆς Βραυρωνίας Ἀρτέμιδος ἱερὸν - - - εἶτα

CCC CCC 2

τα

* Nonnus Dionysiac. XIII v. 184 pag. 362

Καὶ τέμενος βαθύδενδρον ἐλαιοκόμης Μαραθῶνος.

** Vnde Nonnus Dionys. XIII v. 153 pag. 360

Καὶ χθόνα καλλίψαντες ἀλικλῦται Μαραθῶνες.

* * * Nonnus Dionys. XIII v. 158 pag. 362

Οἷτε πόλιν κελεοῖς καὶ οἱ λάχον ὄρμον Ἀθήνης

Ἀγχίαλον Βραυρῶνα κενήριον Ἰφικλέας.

τα Μυρρῖνῳ, Προεάλυνθι, Μαραθῶν. Vbi promontorium, quod ad Sunium est, circumflexeris, offertur Sunium, memorabilis pagus: tum Thoricus: inde Potamus pagus ita nominatus, cuius incolae Potamii. Sequuntur Brasia, Steiria, Brauron, ubi Dianæ Brauroniæ templum est: - - - tum Myrrhinus, Probalinthus, Marathon. De Braurone iam diximus: de Dianæ ibidem templo & simulacro, quod Iphigenia ex Taurica adlatum dedicasse fertur, Pausanias Atticis cap. xxxiii consulatur; & in Arcad. cap. xlvī ubi Xerxem ait ἐκ Βραυρωνος ἄγαλμα τῆς Βραυρωνίας λαβόντα Ἀρτέμιδος, ex Braurone simulacrum Dianæ Brauroniæ abstulisse. De ceteris breuiter dicemus.

CCCLXV.

Thoricus, etiam Melæ, modo productis verbis, memoratus pagus est. Plinio eius nominis promontorium lib. i v cap. vii Sunium promontorium, Thoricos promontorium. Vt ad Sunium δῆμος fuit eodem nomine: sic etiam ad promontorium Thoricum. Stephanus: Θορικὸς, δῆμος τῆς Ἀκαμαντίδος Φυλῆς, Thoricus, * pagus Acamanthidis tribus. Inscriptio apud Sponium: ΚΑΛΛΙΚΡΑΤΟΥ ΘΟΡΙΚΙΟΥ.

CCCLXVI.

Sequuntur apud Plinium post Thoricum promontorium: Potamos, Steria, Brauron, quondam oppida. Suidas: Ποταμοί, δῆμος τῆς Λεοντίδος, Potami, pagus [Atticus] Leontidis tribus.

CCCLXVII.

Atticæ Brasia minus nota quam Laconicæ Brasia siue Brasie, quas Pausanias cap. xxiv & Stephanus commendant.

CCCLXVIII.

Plinii Steria, Strabonis Στερία, est Pausaniæ δῆμος Ἀττικὸς Πανδιονίδος Φυλῆς, pagus Atticus Pandionidis tribus. Et Hesychius: Στεριεῖς, δῆμος Φυλῆς τῆς Πανδιονίδος. Eiusdem tribus, vt vicina, est Μυρρῖνῳ, Myrrhinus, Strabonis. Stephanus: Μυρρῖνῳ δῆμος τῆς Πανδιονίδος Φυλῆς. ὁ δημότης Μυρρῖνέσιος. Myrrhinus, pagus seu populus Pandionidis tribus: qui in populo illo est, dicitur Myrrhinus. Inscriptio vetus in Sponii Pagis Atticis: ΙΣΙΓΕΝΟΥΣ ΜΥΡΡΙΝΟΥΣΙΟΥ ΘΥΓΑΤΗΡ. De Probalintho & Marathone dictum est.

CCCLXIX.

Supra Marathonem Tricorythus, & deinde Rhamnus. Strabo ix pag. 275 Μέλα Μαραθῶνα Τρικόρυθος, εἴτα Ραμνῶς τὸ τῆς Νεμέσεως ἱερὸν εἴτα Ψαφίς ἡ τῶν Ὀρωπίων. Post Marathonem est Tricorythus: deinde Rhamnus, templum Nemesis: post quod Psaphis Oropiorum, in Boeotiae finibus. Tricorythum Stephanus Τρικόρυθον, addito N, scripsit, nisi mendum est, quia ipse alibi in Τεγῆα πόλιν, ex Strabone scripsit Τρικόρυθος, Tricorythus.

CCCLXX.

Quod vltimum in septemtrione, mare versus, oppidum est Rhamnus: de quo Mela dicto loco: Rhamnus parua, illustris tamen, quod in ea sanum est
Amphi-

* Nonnus Dionys. XIII v. 187 pag. 362

Καὶ δ' ἀπὸ τῶν Θορικῶν καὶ ἐν ὁρίωνι Ἀττικῆς.

** N interponit etiam Diodorus Siculus IV pag. 260, 261.

Amphiarai & Phidiaca Nemesis. Plinius IV cap. VII *Rhamnus pagus: locus Marathon.* Stephanus: Ραμνῆς, δῆμος τῆς Αἰαντίδος Φυλῆς, *Rhamnús, pagus Aeantidis siue Aiacidæ tribus.* Distat a Marathone LX stadiis in septemtrionem. Pausanias Atticis cap. XXXIII Μαραθῶνος δὲ σταδίας μάλιστα ἐξήκοισα ἀπέχει Ραμνῆς τὴν παρὰ θάλασσαν ἴσσι ἐς Ωραπέν. *A Marathonē stadia sexaginta Oropum versus iuxta mare progressis Rhamnús occurrit.*

CCCLXXI

Sunt plures δῆμοι in Attica, sed vix certo loco reliquos posueris. Tales sunt, Ἀφιδνα, *Aphidna*, * vbi Theseus raptam Helenam dicitur adseruasse, quam inde fratres, Castor & Pollux, liberauerint. Vide Pausaniæ Attic. cap. XVII, qui τὴν Ἀφιδναν singulari numero scripsit. Strabo eandem historiam vel fabulam recitauit pag. 273, sed scripsit ΑΦΥΔΝΑ. Certior autem prima forma *Aphidna*, quia etiam Hesychius: Ἀφιδνα δῆμος τῆς Πτολεμαίδος Φυλῆς, *Aphidna pagus Ptolemaidis tribus.* Herodotus lib. IX cap. LXXII ἐπὶ ταῖς ΑΦΙΔΝΑΣ, *aduersus Aphidnas*, plurali numero, vbi etiam illud de raptu Helenæ adiecit. Incola in Spon. Inscript. est ΑΦΙΔΝΙΟΣ, *Aphidniensis.*

CCCLXXII.

Fuit in pagis etiam *Erchia*, patria Xenophontis. Diogenes Laertius principio Vitæ: Ξενοφῶν, Γρύλλου μὲν ἦν υἱός, Αθηναῖος, τῶν δῆμων Ερχιεύς, *Xenophon, Grylli filius, Atheniensis, pago Erchiensis.* Plura de eo pago Meursius Reliquis Attic. cap. V.

CCCLXXIII.

Fuit & *Melita* Plinii, vnde ΜΕΛΙΤΕΥΣ incola vel δημότης dictus Inscript. Spon. de Pag. Atticis.

CCCLXXIV.

Fuit quoque *Gargettus*, Epicuri patria. Diog. Laertius: Επίκυρος Αθηναῖος, τὸν δῆμον Γαργήτιος, *Epicurus Atheniensis, pago Gargetto oriundus.* Inde Epicurus senior *Gargettius* dictus est Statio lib. I silv. III vers. 94.

CCCLXXV.

Ipse Strabo lib. IX pag. 274 plures δῆμους, *populos seu pagos* enarrat, *Halimusios, Aexonenses (Αἰζωνεῖς), Lampirenses, Aegilienses*, (vt Meursius emendat) qui Græce sunt λαμπιρεῖς, αἰγιλίεῖς, ab αἰγιλία quæ Stephano δῆμος τῆς Αἰλιοχίδος Φυλῆς, *pagus Antiochidis tribus Aegililia*: item *Azenenses, Αζηνεῖς*: vnde in veteri inscriptione in Angliam a nobili Wehlero portata ΔΗΜΗΤΡΙΟΣ ΑΖΗΝΙΕΥΣ.

CCCLXXVI.

Sic & ΣΦΗΤΤΙΟΣ, *Sphettius vel Sphettensis* in alia Sponii inscriptione est, quæ illustrat, quod Pausanias Corinth. cap. XXX scripsit: Τροιζήνης οἱ παῖδες, ἀνάφλυτος καὶ Σφήτος, μετοικᾷσιν ἐς τὴν Αττικὴν, καὶ οἱ δῆμοι τὰ ὀνόματα ἔχουσιν ἀπὸ τούτων, *Træzenis filii Anaphlystus & Sphetus in Atticam migrarunt, a quibus pagi (oppida Atheniensium) nomina acceperunt.* Nomen oppidi in duodecim Cecropiis Philochoro apud Strabonem lib. IX pag. 274

Ccc ccc 3

est

* Diodorus Sic. IV pag. 265 Φοβηθείς ὁ Θησεύς ὑπεξέθετο τὴν Ελένην εἰς ΑΦΙΔΝΑΝ μίαν τῶν Αττικῶν πόλεων. *Veritus Theseus deposuit Helenam Aphidnae, quæ una est ciuitatum Atticarum.*

est Σφῆττες, *Sphettus*. Etenim εἰς δωκαίδεκα πόλεις συνεκίσταται τὸ πλῆθος, in *duodecim vrbes multitudinem composuisse* Cecropem regem Philochorus narrat, quæ sint *Cecropia, Tetrapolis, Epacria, Decelea, Eleusis, Aphydna, Thoricus, Brauron, Cytberus, Sphettus, Cephissia, Phalerus*. Has Theseus postea exhausisse fertur, incolarum magna parte Athenas abducta, ut urbem suam amplificaret. Vide Stephanum in Ἀθήναι, & Meursium de Fortuna Attica cap. iii.

CCCLXXVII.

Ex hoc Strabonis loco etiam illud elucet, δήμους Atticos, quos *populos, pagos, vicos, curias* varie vertunt, heic *oppida, πόλεις*, adpellari, uti reuera erant, aut vici maiores, quamuis vnus alteri fuerit frequentior. φυλαί, *tribus* autem in δήμους erant distributæ, quæ ab Stephano plerisque pagis (δήμοις) adnotatæ sunt. Verbi causa, *Tribus Acamantis, Ακαμανθίς*, in Thorico: *Aeantis*, ab Aiace nominata, in Tricorytho & Rhamnunte: *Aegeis, Αἰγής*, in Icaria: *Antiochis*, in Anaphlysto: *Cecropis, Κεκροπῖς*, Harpocratio in Αἰξωνεῖς: *Hypothoontis* tribus, in Decelea: *Leontis*, in Marathone & Potamo: *Oenëis, Οἰνής*, in Acharnis & Phyle: *Pandionis*, in Probalintho, Myrrhinunte, ac Stiria: *Ptolemais*, in Aphidna; & ita ceteræ.

CCCLXXVIII.

Tandem *Tetrapolis Attica* explicanda. Quatuor vrbes erant in septemtrione Atticæ, quæ diutius videntur dignitatem oppidorum sustinuisse: aut ita dictæ, quod antiquitus quatuor ab Xutho illius septemtrionalis partis rege fuerunt conditæ. Strabo lib. viii pag. 264 de Xutho, Ionis patre: ὠκισε τὴν Τετράπολιν τῆς Ἀττικῆς Οἰνέην, Μαραθῶνα, Προβάλινθον καὶ Τρικόρυθον, * *condidit tetrapolin Atticæ, Oenoen, Marathenem, Probalinthum & Tricorythum*. Festus autem Pompeius, dum Attii vocem *Quadrurbem* interpretatur, videtur aliam τετράπολιν τῆς Ἀττικῆς, Atticæ tetrapolim constituere. *Quadrurbem*, inquit, *Athenas Attius adpellauit, quod scilicet ex quatuor urbibus in vnâ domicilia contulerunt, Braurone, Eleusine, Piræeo, Sunio*. Verum, etiam doctissimo viro Io. Meursio iudice, grauius hic Festus erravit: quidpe neque ex quatuor urbibus olim Athenæ constiterent, neque Athenas denique ipsas Attius notat, sed tetrapolim potius Atticæ, iam ex Strabonis lib. viii a nobis explicatam, quam Latino nomine efferre *quadrurbem* ita voluit.

CCCLXXIX.

Sic oppida, fontes, flumina Atticorum exposuimus; restant *montes* eiusdem regionis. Strabo lib. ix pag. 275 τῶν δ' ὄρων, ἃ ἐν ὀνόματι μάλιστα εἰσιν, ὅ, τε Ὑμηττός, καὶ Βριλησσός, καὶ Λυκαβηττός, ἐτι δὲ Πάρνης, καὶ Κορυθαλλός. *Nobiliores montes sunt Hymettus, & Brilessus, & Lycabettus: adhæc etiam Parnes, & Corydallus*. Et Plinius lib. iv cap. vii de Attica: *Montes: Brilessus, Aegialeus, Icarus, Hymettus, Lycabettus*. ** Addit Strabo Πεντελικόν, *Pentelicum*, post Hymettum facile fodinis optimi marmoris nobilissimum: sicut mellis prouentu Hymettus, itidemque præstantiore: vterque etiam Athe-

* Adde Diodorum Siculum IV pag. 260.

** Theophrastus de Signis pluuiar. pag. 416.

Athenis est propinquior. Strabo dicto loco: μαρμάρει δ' ἐστὶ τῆς τε Ὑμητ-
 τείας καὶ τῆς Πεντελικῆς κάλλιστα μέταλλα πλησίον τῆς πόλεως, Prope urbem mar-
 mor Hymettium pulcherrimum effoditur, etiam Pentelicum: quin & optimum
 mel fit in Hymetto. Pausanias Attic. cap. xxxii laudat Pentelicum, Par-
 nethem & Hymettum: addit tandem Ancheismum. Ὄρη δὲ, inquit, Ἀθηναίαις
 ἐστὶ Πεντελικόν, ἔνθα λιθοτομία· καὶ Πάρνης παρεχομένη θῆραν συῶν ἀγρίων καὶ
 ἀρκύων καὶ ὕμητος, ὅς Φύει νομάς μελίττας ἐπιτηδεύσας. Montes in Atti-
 ca sunt, Pentelicus, ubi lapicidinae: Parnes, aprorum & ursorum venationes
 praebens: & Hymettus, qui pastiones apibus commodissimas profert.

CCCLXXX.

De Hymetto * pleni sunt libri, poetarum maxime. Statius lib. xii
 Thebaidos vers. 622

- - - & olentis arator Hymetti.

Et Silius Italicus lib. ii vers. 218

Sparsa super flores examina tollit Hymettos.

Idem lib. xiv vers. 200

Tum quæ neclareis vocat ad certamen Hymettum
 Audax Hybla fauis.

Martialis lib. vii epigrammate lxxxvii

Pascat & Hybla meas, pascat Hymettos apes.

Tzetzes Chiliad. xi carm. ccclxx

- - - ὁ Ὑμητος δὲ ὄρος

ἐν ᾧ μέλι τὸ κάλλιστον ἀπάντων τῶν μελίτων.

Hymettus autem mons, in quo praestantissimum omnium mellium. Sic Hora-
 tius lib. ii Satyr. ii vers. 15 Hymettia mella laudauit tamquam optima. De
 marmore Hymettio antea ex Strabone. Itidem Horatius lib. ii oda xviii
 trabes Hymettias dixit marmoreas, quæ columnis transuersæ imponuntur.
 Vetus ibi commentator: Hymettiae: trabes marmoreæ, ex Hymetto monte
 Atticae excisæ. Sic quoque Turnebus, Torrentius, alii. Meursius vero
 Reliq. Attic. cap. x de arboribus interpretatur. Silva, inquit, etiam nobilis
 erat [in Hymetto monte] e qua trabes petebantur ædificiis. Inde Horatius
 lib. ii oda xviii

Non trabes Hymettiae

Præmunt recisas ultima columnas

Africa. - - -

CCCLXXXI.

Mons Pentelicus etiam propinquus Athenis est Marathonem versus;
 sicut Hymettus est ab ortu. De Pentelico supra ex Strabone & Pausania di-
 ximus, marmoris praestantioris lapidicinas habere. Ciceronem his addo ex
 lib.

* Hymettus duplex erat. Theophrastus de Signis pluuiar. pag. 419 Ὑμητος ἐλαττων, αὐτοδρες κα-
 λήμενος, ἐὰν τῷ κοίλῳ νεφέλιον ἔχῃ, ὕδατος σημεῖον. Καὶ ἐὰν ὁ μέγας Ὑμητος τῷ θέρει λευκὰς ἔχῃ
 νεφέλας ἀναδεν νηὶ ἐκ πλαγίς, ὕδατος σημεῖον. Hymettus minor, sudus vocatus, si in cavo nubecu-
 lam habet, pluuie est signum. Ac si magnus Hymettus aestate albas habeat nubes supra & ex obli-
 quo, pluuie est signum.

lib. i ad Atticum epist. viii *Hermæ tui Pentelici cum capitibus æneis me admodum delectant.* Hermæ Pentelici, statuae ex marmore factæ Pentelico.

CCCLXXXII.

Parnes quoque cum venationibus suis ostensus ex eisdem auctoribus. Latini succedant. Seneca Hippolyti principio:

*Quæ saxoso loca Parnethi
Subiecta iacent.*

a Πάρνης enim obliquo casu Πάρνηθος * formatur. Statius Theb. xii, 620

*Diues & Aegaleos nemorum, Parnesque benignus
Viribus, & pingui melior Lycabessus oliua.*

Siluosus vertex & venationibus aptus: inferiora frugum & vini feracia. Supra Eleusinem & Acharnas situs, vt prope cum Cithærone, Bœotiae extremæ monte, cohæreat. Plato in Critia pag. 503 μέχρι τῆς Κιθαρωνος καὶ Πάρνηθος, vs.que ad Cithæronem & Parnethem.

CCCLXXXIII.

Qui additur in tragœdia *Aegaleos*, a Thucydide lib. ii pag. 114 scribitur Αἰγάλεως, a dextra situs euntibus ab Oenoe Acharnas. Verba supra in *Acharnis* prolata sunt. Idem haud dubie est Plinii *Aegialeus*, fortassis mendose scriptus, quia Papinius & Thucydides consentiunt.

CCCLXXXIV.

Lycabessus eiusdem Statii est aliis libris, etiam Barthii, *Lycabettus*, Attica dialecto, qua & Plinius & Strabo vsi sunt. Situs est ante arcem Athenarum, quod ex Antigono Carystio probat Meursius Reliq. Att. cap. vii. Confirmat Plato in Critia veterem Athenarum urbem dicens pertinuisse ad Eridanum & Ilissum amnes, καὶ τὴν Λυκοβηττὸν ὄρος ἔχουσιν, & montem *Lycobettum* complexam fuisse.

CCCLXXXV.

Mons *Brileffus* ** a Plinio iv cap. vii primo loco positus, etiam a Thucydide memoratur lib. ii pag. 116. Peloponnesios ait ab Acharnis profectos vastasse τῶν δήμων τινὰς ἄλλας τῶν μεταξὺ Πάρνηθος καὶ Βριλήσσης ὄρους, pagorum quosdam alios, sitos inter Parnethem & Brileffum montem.

CCCLXXXVI.

Mons *Icarius* Plinii haud dubie prope *Icariam* pagum fuit, supra ex Stephani de Urbibus excerpto libro notatum, cuius situs vero in dubiis latet.

CCCLXXXVII.

Denique *Anchesmus*, Αγκισμός, Pausaniae ὄρες εἰσὶν ἑ μέγα, καὶ διὸς ἄγαλμα Αγκισμῆ, mons est non sane magnus, & in eo Iouis *Anchesmii* simulacrum. nam, vt ibidem (cap. xxxii) Pausanias dicit, Ἀθηναίσις τὰ ὄρη καὶ θεῶν ἄγαλματα ἔχει. Πενήλῃσι μὲν Ἀθηναῖς ἐν ὕμῃ τῳ δὲ ἄγαλμά ἐστιν ὕμῃ τῳ Διὸς. Βωμοὶ δὲ καὶ οὐθεὶς Διὸς καὶ Ἀπόλλωνός ἐστι Πρῶσις. καὶ ἐν Πάρνηθι Πάρνηθιος Ζεὺς χαλκῆς ἐστὶ καὶ βωμὸς Σημαλέος Διὸς, deorum signa Atticae montes habent: in Pentelico

* Vide Theophrastum de signis tempestat. pag. 438. Et est cum masculini tum foeminini generis. Vide Theophrast. loco citato & pag. 439.

** Βριλήττιος; Theophrastus de Signis tempestat. pag. 438, 439.

tēlico Mineruæ; in Hymetto, Hymettii Iouis statua est, Pluuii etiam Iouis & Apollinis Præfagi ara. In Parnethe Parnethius Iuppiter ex ære, & Semalei Iouis ara.

SECTIO XII.

MEGARIS.

CCCLXXXVIII.

Megaris, Μεγαρίς, Megarensum regio, quam Plinius lib. iv cap. vii Atticæ partem facit, alii ab ea, vt proximam tamen & contiguam ab occidente, separant. Attica, inquit Plinius, attingit isthmum parte sui, quæ vocatur Megaris, a colonia Megara, e regione Pagarum. Et Strabo fatetur esse, quibus ἡ Μεγαρίς τῆς Αττικῆς μέρος ἦν, Megaris pars Atticæ sit. Ipse vero ibidem (est vero sub initium libri ix) distinguit, quum mare coercere dicit τὰ πρὸς τῇ Πελοποννήσῳ, τὴν τε Μεγαρίδα καὶ τὴν Αττικὴν, quæ supra Peloponnesum sunt, Megaridem Atticamque. Et Pomponio Melæ distinctæ regiones sunt Græciæ Megaris atque Atthis. Separauit etiam Ptolemæus, & Scylax Caryandensis, & ipsæ historiæ quæ bella inter Athenienses & Megarenses gesta enarrant.

CCCLXXXIX.

Incipit Megaris a finibus Corinthiorum, & primo in litore est Crommyon siue Crommyon, Κρομμυῶν, oppidum, in ipsis finibus Corinthiorum. Thucydides lib. iv pag. 283 ἐπλευσαν ἐς Κρομμυῶνα τῆς Κορινθίας, nauigauerunt Crommyonem Corinthiaci agri. Et Pausanias Corinth. cap. i τῆς Κορινθίας ἐστὶ γῆς ὁ καλούμενος Κρομμυῶν, Corinthiaci agri est [locus] qui Crommyon vocatur. Strabo autem lib. ix ineunte dicit, τὸν Κρομμυῶνα τῶν Μεγαρέων εἶναι, καὶ μὴ Κορινθίων, Crommyonem Megarensum esse, non Corinthiorum. Plutarchus Theseo pag. 4 memorat ληστρίδα κατοικῆσαν ἐν Κρομμυῶνι, latrocinantem feminam, habitantem Crommyone. Scylax Κρεμμυῶν, & Plinius Cremmyon scripsit. Ille, ἐστὶ καὶ ἔξω τῆς ἰσθμῆς χώρα Κορινθίοις, καὶ τείχος Σιδῆς, καὶ ἕτερον τείχος Κρεμμυῶν, Est & extra isthmum Corinthiis regio, & oppidum Sidus, & aliud oppidum Cremmyon: hic vero lib. iv cap. vii In ora portus Schænūs. Oppida, Sidus, Cremmyon: Scironia saxa. Sed alii, vt vidimus, Crommyon.

CCCXC.

Addit Strabo: Μετὰ δὲ Κρομμυῶνα ὑπέρκεινται τῆς Αττικῆς αἱ Σκιρωνίδες πέτραι,* πάροδον & ἀπολιπῆσαι πρὸς θαλάττῃ· ὑπὲρ αὐτῶν δ' ἐστὶν ἡ ὁδὸς, ἡ ἐπὶ Μεγαρέων καὶ τῆς Αττικῆς ἀπὸ τῆς ἰσθμῆς. Post Crommyonem sunt super Atticam sitæ Scironides petrae, præter quas mare versus non patet transitus: super illas autem via est, ab isthmo Megaram & in Atticam ducens. Nomen habere ab Scirone, latronum duce, qui infederat, quem Theseus interfecerit, idem Strabo prodidit, & Plutarchus in Theseo pag. 4. ** Pomponius Mela lib. ii cap. iiii

Ddd ddd

Sciro-

* Sic igitur intelligimus Apollodorum lib. II c. 3 §. i pag. 140 Αὐτὸν δὲ Εὐρυθέα φέροντα ἐφ' ἄρματος καὶ πέτρας ἥδη παρὶπύοντα Σκιρωνίδας κτάνει διώξας ὁ ἄλλος. Ipsum autem Eurythem curru fugientem & petras iam Scironidas præteruehentem Hyllus persecutus occidit.

** Adde Diodorum I V pag. 262.

*Scironia saxa, * seu quondam Scironis hospitio etiam nunc infamia. Plinius lib. IV cap. VII Scironia saxa, VI mill. longitudine. Seneca Hippolyto vers. 1023 Et scelere petrae nobiles Scironides.*

CCCXCI.

Post has petras promontorium est *Μινώα, Minoa*, sub quo portus est *Nisænsis*, & iuxta eum oppidum *Nisæa*, nauale Megarensium. Strabo lib. I post initium: *Μετὰ τὰς Σκίρωνίδας πέτρας ἄκρα πρόκειται Μινώα, ποιῶσα τὸν ἐν τῇ Νισαίᾳ λιμένα. ἡ δὲ Νισαία ἐστὶν ἐπίκειον τῶν Μεγαρέων δέκα καὶ ὀκτὼ σταδίων τῆς πόλεως δέχον, σκέλεσιν ἑκατέρωθεν συναπτόμενον πρὸς αὐτήν.* Post *Scironides* petras promontorium procurrit *Minoa*, quod portum in *Nisæa* facit. *Nisæa* autem est nauale Megarensium decem & octo stadiis ab oppido [Megara] distans, cui utrimque longo muro connexum est. Et Pausanias Attic. cap. XXXIX *Νισαία* ἐτι καὶ νῦν Μεγαρεῶσιν ἐπίκειον ἀπ' αὐτῆς καλεῖται, *Nisæa* hodieque nauale est Megarensium, nomen trahens ab illo, puta Niso, Pandionis filio, rege Megarensi, qui Nisæam condidit. Scholiastes Theocriti ad idyll. XII vers. 27 vocat *Nisam*, ad poetæ verba *Νισαῖοι Μεγαρήες* notans: ἐπίκειον Μεγαρέων ἡ Νίσα. Habet & *Nisæa* suam ἀκρόπολιν, arcem, quam Pausanias Attic. cap. XLIV describit; perinde ut ipsi vrbi Megaris est ἄλλη ἀκρόπολις, alia arx, designata ab eodem cap. XLII.

CCCXCII.

Intus, ut visum est, Strabone monstrante, ab decem octo stadiis caput regionis est, quod antiquum nomen hodieque seruat, *Megara*, * * τὰ Μέγα-ρα Græcis, at Latinis utroque numero. Pausanias cap. XXXIX ὁδὸς πρὸς Μέγα-ρα ἄγει, via ad Megara ducit. Thucydides lib. I pag. 70 Ἀθηναίων ἐχόντων Μέγα-ρα καὶ Πηγάς, Atheniensibus tum tenentibus & Megara & Pagas. Livius lib. XXVIII cap. VII cum expedito agmine profectus per Bæotiam Megara, atque inde Corinthum descendit. Iustinus lib. XIII cap. V Demosthenes forte Megaris exsulabat. At singulari numero Plinius IV cap. VII adpellatur Megaris a colonia Megara. Et Velleius lib. I cap. II Peloponnesii, digredientes finibus Atticis, Megaram, mediam Corintho Athenisque urbem, condidere. Colli vrbs imposita, ex quo *Νίσος λόφος*, Nisi collis dicta Pindaro. Pyth. od. IX vers. 160

- - Αἰγῖνα τε γὰρ
Φαμί, Νίσος τ' Ἰόφω.

In

* Nicander Theriac. v. 214

Οἱ μὲν (ἔχιδες) ὑπὸ Σκύρωνος ὄρη, παρμῶνιά τ' αἶπη,
ρύπαιον κέρακός τε πάγον, πέλιόν τ' ἀσέληνον.

vbi Scholiastes: Σκίρων μὲν ὄρος μεταξὺ Μεγαρέων καὶ Κορίνθου κείμενον, ὅπερ τινὲς Σκίρωνίδα πέ-
τραν καλεῖσι. Παρμῶνια δὲ ὄρη τῆς Μεγαρικῆς. ὡς αὐτὸς ἐν τρίτῃ τῶν Θεοκρίτων φησὶ

Τείχεα δὲ προλιπόντες ὑπὲρ Παρμῶνιδας ὄχθας
ἔσσόμενοι Μεγαρήες ἐνευδάσσατο δόμοισι.

ρύπαιον δὲ Ἀντίγονος μὲν τῆς Ἀχαιῆδος φησὶν εἶναι, ἐπὶ καὶ ῥύπαι: οἱ Ἀχαιοὶ ἀνομάσθησαν. Ἔστι δὲ τῆς
Αἰτωλίας, ὡς Νίκανδρος περὶ τινῶν ἄς Αἰτωλίας ἐρχομένων διηγούμενος φησὶν

Αἰτητὴν τε κολῶνιν οἰκῶν τε ῥύπαιον
Οὐδὶά τ' αὖ λήμνην τείχοντες ἴσαν ναύπακτον
Ἀμφὶ δὴ δὴν δ' ἐπελάττετο.

Τὸ δὲ ἀσέληνον, λοκρικὸν ὄρος ἐστὶ δυσχέμερον.

* * Condita a Creonte & ex filia eius Megara nomine adpellata. Diodor. IV pag. 219.

In Aegina enim, dico, ἔστι Νισὶ colle: & Nem. od. v vers. 84

Νιστ' τ' εὐαγχεῖ λόφῳ,

In Nisi colle pulchras valles iuxta se habente. Scholiastes ad hunc locum τ' ἐστίν, ἐν Μεγάρῳ, hoc est, Megaris. Ciuitas nobilis quæ cum Atheniensibus & Corinthiis multa bella gessit: * etiam scholam habuit philosophorum. Strabo lib. ix pag. 271 ἔχει δὲ ποτὲ καὶ φιλοσόφων διατριβὰς τῶν προσαγορευόντων Μεγαρικῶν, Εὐκλείδην διαδεξαμένον Σωκρατικόν, ἄνδρα, Μεγαρεῖα τὸ γένος. Habuit aliquando etiam scholam philosophorum qui Megarici dicebantur, successores Euclidis Socratici, patria Megarensis. Dorica dialecto vsi Megarenses, antea Attica, ob nouos colonos quos Peloponnesii eo deduxerunt. Pausanias Attic. cap. xxxix Μεγαρεῖς ἔτι καὶ Φωνὴν μεταβαλόντες, Δωριεῖς γέγονασιν, sic Megarenses, lingua cum moribus mutata, Dorientes facti sunt. Coloniam tandem Romanam factam esse, supra, tradente Plinio, accepimus. Nummi eius ciuitatis plures exstant, tam veteres quam sub Cæsaribus cusi, omnes inscripti ΜΕΓΑΡΕΩΝ.

CCCXCIII.

Reliqua oppida Megarensium sunt Pagæ & Aegisthena, Pausanias Att. cap. XLIV ἡ δὲ ὄρεινὴ τῆς Μεγαρίδος τῆς Βοιωτῶν ἐστὶν ὁμορος, ἐν ᾗ Μεγαρεῦσι Πηγαί, πόλις, ἐτέρᾳ δὲ Αἰγιάθῃνα ὠκισαί, Montana Megarici agri pars Bæotis finitima est. In ea ab Megarensibus condita oppidum Pagæ, ἔστι aliud, Aegisthena. Plinius dicto loco: Pagæi, ἔστι amplius Aegosthenienses contributi Megarensibus. Stephanus: Πηγαὶ παροιμία Μεγαρέων, Pagæ, habitatio Megarensium. Idem chorographus: Αἰγιάθῃνα πόλις Μεγαρίδος, ἔδετέρως, ὡς Πανσανίας. Aegosthena, oppidum Megaridis, neutro genere, ut Pausanias. Quia ad Pausaniam prouocat, haud dubie Stephani scriptura est genuina Pausaniæ, consentiens cum Pliniana: quod eo facilius in animum induco, quod in alia quoque littera Pausaniæ scriptura, ut nunc quidem editum est, vacillat. Eodem enim capite XLIV, quod vltimum Atticorum est, verbis antea productis, scriptum Αἰγιάθῃνα diphthongo: mox, paucis interiectis, ἐν Αἰγιάθῃνοις, vocali simplici. Superius oppidum, Pagas vel Pegas, Ptolemæus ponit in maritimis ad sinum Corinthiacum. nam & ibi ὄρεινὴ, montana regio est & finitima Bæotiæ, ut ita Ptolemæus nequaquam a Pausania dissentiat. Aegosthena inde in ortum & septemtrionem videntur recessisse. De Pagis conuenit Straboni lib. viii cum Ptolemæo. ait enim, παρεκλείνεσθαι ἡ ἡϊὼν Παγῶν τῆς Μεγαρίδος, porrectum litus usque ad Pagas Megaridis. Ceterum Pagæ & Pegæ scribitur, quia Græce Πηγαί, Attica, & Παγαὶ Dorica dialecto, qua Megarenses vsos esse, supra comprobatum fuit: ut adeo propius sit indoli gentis propriæ Pagæ Strabonis & Plinii, quam Pegæ Thucydidis, Stephani ac Ptolemæi.

Ddd ddd 2

CCCXCIV.

* Isocrates de pace pag. 433 Μεγαρεῖς δὲ, μικρῶν αὐτοῖς καὶ φάουλων τῶν ἐξαρχῆς ὑπαρχόντων, καὶ γῆν μὲν ἔκ' ἔχοντες, ἔδὲ λιμένας, ἔδὲ ἀργυρεῖα, πέτραις δὲ γεωργῶντες μεγίστας τῶν ἑλλήνων οἰκίας κέκτυνται κ. τ. λ. Megarenses autem, quum opes eorum per se parue ac tenues sint (nam neque agrum habent, neque portus, neque argentifodinas, sed saxa excolunt) amplissimas facultates inter omnes Græcos pararint. Adde insequentia, vbi Isocrates miratur, eos perpetua pace frui, quum inter Peloponnesios & Thebanos & Athenienses, potentes & bellicosos populos, interiecti sint, & frugalitatem ac temperantiam Megarensium collaudat.

CCCXCIV.

Addit Plinius *Geraneam*, quo situ, non declarat. Post Scironia saxa: *Geranea*, inquit, *Megara*, *Eleusin*. Stephano id nomen montis est. *Γερανεία*, inquit, ἐστὶν ὄρος μετὰ τὸ Μεγάρον καὶ Κορίνθον, *Geranea mons est inter Megara & Corinthum*.

PELOPONNESVS.

CCCXCV.

Peloponnesus, magna peninsula, ab austro ceteræ Græciæ adiecta est. Dicitur quasi *Pelopsis nesus* siue insula, quamvis proprie insula non sit, sed peninsula. Dionysius periegeta vers. 403

- - - Πέλοπος δ' ἐπὶ νῆσος ὀπηδεῖ,

Εἰδομένη πλατάνοιο μυρρίζοντι πετῆλῳ,

Pelopsis autem insula consequitur, similis platani in acumen desinenti folio. Insulam vocat poeta, ὡς παρὰ βραχὺ τοιαύτη ἔστα, quod talis sit præter exiguam partem, isthmum videlicet paucorum stadiorum, vt Eustathius interpretatur. Plinius lib. iv cap. iv *Peloponnesus*, *Apia* ante adpellata & *Pelasgia*, peninsula haud ulli terræ nobilitate postferenda, inter duo maria, *Aegeum* & *Ionium*, *plātani folio similis propter angulosos recessus*. Similitudinem folii etiam Strabo & Pomponius commendant. Priscis nominibus addit Strabo lib. viii pag. 256 tertium Ἄργος, *Argos*, idque ex Homeri carminibus etiam comprobat. Constantinus Porphyrogenetus περὶ Θεμάτων lib. ii cap. vi ex Nicolai Damasceni libro iv *Historiarum* singula ab origine ita interpretatur: ἐπὶ μὲν Ἀπίᾳ ἐκαλεῖτο Ἀπίη· ἐπὶ δὲ Πελάσγῳ τῷ αὐτόχθονος, *Πελασγία*· ἐπὶ δὲ Ἄργῳ, καὶ αὐτὴ ὁμωνύμως ἐκαλεῖτο Ἄργος· ἐπὶ δὲ Πέλοπος, *Πελοπόννησος* ἔχετ' αὐτὸ τὸ κύριον ὄνομα. *Apio* regnante, vocabatur *Apia*: * *sub Pelasgo* indigena, *Pelasgia*: *sub Argo* vero, etiam similiter *Argos* adpellata est: ** *tandem sub Pelope*, *Peloponnesi* hoc proprium nomen accepit. Diuiditur secundum populos aut nobiliores vrbes in plures vel pauciores partes, vt etiam *Κορινθίαν*, *Σικυννίαν* quidam, & alii alias in iis numerent: sed præstat non nimium & in minutiores partes dispescere, verum sex tantum modo cum Pomponio Mela hoc ordine dispositas tenere. *In Peloponneso*, inquit lib. ii cap. iii, *Argolis*, *Laconice*, *Messenia*, *Elis*, *Achaia*, *Arcadia*.

SECTIO XIII.

ACHAIA.

CCCXCVI.

Alia via, quam qua vsus est Pomponius, incedemus, isthmi ita ratione ducente, qui Peloponnesi est initium, nec vero tam Argolidi, quam quæ in latus alterum excurrit, *Achaia* potest coniungi. *Achaia* autem intelligimus *Propriam*, non quæ sub Romanis demum ita ccepta est dimidia pars

* Paullo ante *Aegialia* adpellata fuisse videtur, Apollodor. II c. i §. i, cui deinde *Apie* nomen successit. Conf. Strabo VIII pag. 57.

** Vide Apollodorum II c. i §. 2. *Pelasgia* nomen eandem habuisse, iam ante ex Apollodoro II c. i §. i recte colligitur.

Græciæ vniuersæ adpellari, quod Corinthiaco bello Romani, quia caput Corinthus est Achaïæ propriæ, in Helladis seu liberæ antea Græciæ possessionem peruenerant. Supra enim demonstraui, omnem Græciam ab Romanis in duas prouincias, Macedoniam & Achaïam, fuisse diuisam.

CCCXCVII.

Incipit Achaia nostra ab *Isthmo*, ἰσθμῷ, qui angustum collum est, quo peninsula cohæret continenti, & Achaïæ quidem isthmus secundum Strabonem lib. viii pag. 231 latus τετραράκοντα σταδίας, *quadraginta stadia*, ideo ab Eustathio ad Dionysii vers. 403 dictus ὀλιγοστάδιος ἀνγὴν, *cervix paucorum stadiorum*. Plinius lib. iv cap. iv *Angustia*, unde [Peloponnesus] procedit, *Isthmos adpellantur*. In eo loco erumpentia e diuerso maria, eius omnem ibi latitudinem vorant, donec contrario incurfu æquorum tantorum, in quinque M passuum intervallo exesis utrimque lateribus, angusta ceruice Peloponnesum contineat Hellas. Corinthiacus hinc, illinc Saronicus adpellatur sinus: Lecheæ hinc, Cenchrææ illinc angustiarum termini, longo & ancipiti nauium ambitu, quas magnitudo plaustri transuehi prohibet: quam ob causam perfodere nauigabili alueo angustias eas tentauere, Demetrius rex, dictator Cæsar, Caius princeps, Demitius Nero, infaus, ut omnium patuit exitu, incepto. De transuectione nauium per isthmum etiam Strabo lib. viii pag. 231 τὰ περὶ ἰσθμὸν ὑπερνεολκῆσιν ἀπὸ τῆς ἐτέρας εἰς τὴν ἐτέραν θάλατταν, *nauigia [per isthmum] ab uno mari ad alterum traducuntur*. Exemplum est apud Liuium lib. xlii cap. xvi a Corintho, per Isthmi iugum nauibus traductis, Aeginam traiciunt. De irrita perfossione Pausanias Corinth. cap. i ὁ δὲ ἐπεχείρησε Πελοπόννησον ἐργάσασθαι νῆσον, προαπέλιπε διορύσσων ἰσθμὸν καὶ ὅθεν μὲν διορύσσειν ἤρξαντο, δὴλὸν ἐστίν, ἐς δὲ τὸ πετρῶδες & προεχώρησαν ἀρχήν. Μένει δὲ ὡς ἐπεφύκει, καὶ νῦν ἡ περὶ αὐτῶν. Quicumque Peloponnesum insulam facere conatus est, morte oppressus, opus imperfectum reliquit. Qua sane Isthmus fodi cæptus fuit, operis exstant vestigia: saxosa eius pars omnino tentata non fuit: ideo situs adhuc sui naturam seruat.

CCCXCVIII.

In austrina Isthmi parte est sita vrbs clarissima Corinthus, quam Cicero pro Lege Manil. cap. v totius Græciæ lumen vocat: a positione poetis cognominata *bimaris*, Horatio lib. i od. vii, Ouidio Metam. lib. v vers. 407. Vrbs ampla, diues, * nitida, & propria sedes excellentissimorum artificum. Strabo lib. viii pag. 263 sic de laudibus eius: ἡ πόλις τῶν Κορινθίων μεγάλη τε καὶ πλεσσία διαπαντός ὑπῆρξεν, ἀνδρῶν τε ἠνυπόρηκεν ἀγαθῶν εἰς τε τὰ πολιτικά, καὶ εἰς τὰς τέχνας δημιουργικάς· μάλιστα γὰρ καὶ ἐνταῦθα καὶ ἐν Σικυῶνι ἡ ὑψίστη γραφικὴ τε καὶ πλαστικὴ, καὶ πᾶσα ἡ τοιαύτη δημιουργία. Fuit vrbs magna Corinthus & diues semper, copiamque tulit virorum & ad res ciuiles tractandas & ad artificia exercenda idoneorum. maxime enim Corinthi & Sicyone pingendi ac fingendi, aliæque id genus artes auctæ sunt. Imminet vrbi mons excelsus & præruptus, *Acrocorinthus* ** dictus, in cuius vertice fanum Veneris: sub

Ddd ddd 3

verti-

* Vide Epigramm. Græc. libr. I c. εἰς πόλιν pag. 119.

** Epigramm. Græc. libr. III c. εἰς ἄνδρα pag. 278

Τὸν μέγαν Ἀκροκόρινθον Ἀχαϊκόν, Ἑλλάδος ἄστρον
καὶ διπλὴν ἰσθμὸν σύντροφον ἡϊόνα

vertice Πειρήνη, Pirene fons. Strabo lib. viii pag. 261 ἐτεταίχιστο δ' ὅσον τῆς πόλεως γυμνὸν ἦν τὸ ὄρος. συμπεριέλητο δὲ τῷ περιόλῳ τῷ τῷ καὶ τὸ ὄρος ὁ Α-κροκόρινθος, ἢ δυνατόν ἦν τεχισμὸν δέξασθαι. Muro munita urbs, quantum eius mons denuclauerat: manibus ipse etiam includebatur mons Acrocorinthus, qua muro muniti poterat. Eodem libro pag. 249 dicit ὄρος ὑψηλὸν καὶ ἀπέτομον, τήχει κενῶ περιελημμένον, ὡς τ' ἀκροπόλει χρῆσθαι, montem excelsum & praeu-
ptum, communi contentum muro, quo pro arce [Corinthii] utantur. Polybi-
us lib. ii cap. xliii πάλιν στρατηγὸς αἰρεθείς τὸ δεύτερον, καὶ πραξικοπήσας τὸν Ακροκόρινθον Ἀντιγόνῳ κυριεύοντες, καὶ γενόμενος ἐγκρατὴς, μεγάλῃ μὲν ἀπέλυσε φό-
βῳ τὰς τὴν Πελοπόννησον κατοικῶντας, iterum praetor [Achaiae] creatus, Acroco-
rinthum, quem praesidio Antigonus tenebat, ut proderetur, pollicitationibus cor-
rumpit; quo potitus, ingenti metu Peloponnesios liberauit. Et Liuius lib. xxxiv
cap. l respiciunt praesidium, ab Acrocorintho descendens, protinus ad portam
duci atque abire.

CCCXCIX.

Antiquum Corinthi nomen fuit Ephyra. Plinius lib. iv cap. iv Me-
dio interuallo quod Isthmon adpellauimus, adplicata colli habitatur colonia Corin-
thus, antea Ephyra dicta, sexagenis ab utroque litore stadiis, e summa sua arce,
quae vocatur Acrocorinthus, in qua fons Pirene, * diuersa duo maria prospe-
ctant. Apollodorus lib. i cap. ix sect. 3 Σίσυφος Αἰόλῳ κλῖσας ΕΦύραν τὴν τῶν
λεγομένην Κόρινθον, Sisyphus Aeoli filius condidit Ephyrā, cui nunc Corintho no-
μῆσται. Hinc Virgilio Georg. ii vers. 264 Ephyræia æra, sunt æs Corin-
thium: & Silius de Syracusis, colonia Corinthiorum, lib. xiv vers. 51

*Sed decus Aetnaeis haud vllum pulchrius oris
Quam quæ Sisyphio fundauit nomen ab Isthmo,
Et multum ante alias Ephyræis fulget alumniis.*

Et ipso Ephyræ nomine, pro Corintho, poetæ vtuntur. Ouidius lib. ii Me-
tamorphos. vers. 239

- - - queritur Bæotia Dircen,
Argos Amymonen, Ephyre Pirenidas undas.

Ab Romanis Corinthus bello Achaico fuit deleta: sed a Cæsare Iulio resti-
tuta splendorem pristinum recuperavit; & colonia Romana facta, etiam
Plinio teste, quam idem Cæsar dictator deduxit, ut ex nummo elucet Co-
rinthiorum, vna parte cum Iulii imagine inscripto: LAVS. IVLI. CORINT.
Sic clarissimus vir Io. Vaillantius refert sine mentione coloniae: at illustri-
Spanhemius pag. 236 Pegasus frequens in nummis Corinthiorum insigne, vel
solus vel cum sessore Bellerophonte modo cum leone, modo cum chimæra depugnan-
te, inscriptis COL. L. IVLIA COR. Vnde plurimos nummos praesertim
sub Marco & Lucio Antoninis cufos, scriptosque per notas, C. L. I. COR.
eruditissimus quisque interpretatur Colonia Laus Iulia Corinthus, eaque ci-
uitatis adpellatio honorificentior ab illo tempore fuit. Et Dio Cassius lib.

XLIII.

Λεύκιος ἐσφάλετο, δαρυτοίηται δὲ νεκρῶν
Ὅτι καὶ ἐπεὶ οὐκ ἔστιν ἐπὶ τῇ σφύρῃ.

* Vide de eo etiam Nicetam lib. II de Manuel. Commen. c. I pag. 58

XLIII pag. 238 restitutionem urbis Cæsari imputat, qui, ἀνέστη, *instauravit*: & mox: Carthago & Corinthus uno tempore deletæ, τότε ἅμα ἀνεδιώκειτο, *tunc simul reuiuiscere cœperunt*. Idem de Iulio tradit Pausanias Corinth. cap. I λέγουσιν ἀνοικίσαι Καίσαρα, ἐς πολιτείαν πρῶτος ἐν Ρώμῃ πρῶτος τὴν ἐφ' ἡμῶν κατεστήσατο, *restitutam aiunt a Cæsare [Corinthum] eo, qui Romanam rempublicam, ut nunc est, primus constituit*. Et cap. III, ubi Octaviæ templum, quod Corinthi erat, describit, illam dicit sororem fuisse Αὐγέστου βασιλεύσαντος μετὰ Καίσαρα τὸν εἰκιστὴν Κορίνθου τῆς νῦν, *Augusti, imperantis post Cæsarem, conditorem Corinthi quæ nunc est*.

CCCC.

Proxime Corinthum erat lucus Κράνειον, *Cranéum* dictus, Diogenis Cynici habitaculum. Pausanias cap. II προτῆς πόλεως κυπαρίσσω ἐστὶν ἄλσος ὀνομαζόμενον Κράνειον. *Ante urbem est cupressorum lucus, cui nomen est Craneum*. * Huc illum adiit Alexander rex visendi & audiendi causâ. Plutarchus Alexandro pag. 671 ὥς δὲ ἐκείνος ἐλάχιστον Αλεξάνδρου λόγον ἔχων, ἐν τῷ Κρανείῳ Χολὴν ἤγεν, αὐτὸς ἐπορεύετο πρὸς αὐτόν. *cum is [Diogenes] in Craneo otium agens, nihil de Alexandro laboraret, ipse ad illum profectus est*.

CCCCI.

Corinthus quidem neutrum mare attingebat, ad utrumque tamen portus habuit commodissimos, ad Crissæum seu occidentalem *Lechæum*, Λεχᾶιον: ad Saronicum sinum *Cenchreas*, Κεγχρεαῖς, longius ab urbe, quam *Lechæum*, recedentes. Strabo lib. VIII pag. 262 Ἀρχὴ τῆς παραλίας ἐκατέρας, τῆς μὲν τὸ Λέχαιον, τῆς δὲ Κεγχρεαῖ κώμη καὶ λιμὴν ἀπέχων τῆς πόλεως ὅσον ἐξδομήκοντα σταδία. τῷ μὲν ἐν χερσὶν πρὸς τὰς ἐκ τῆς Ἀσίας πρὸς δὲ τὰς ἐκ τῆς Ἰταλίας τῷ Λεχαίῳ. τὸ δὲ Λέχαιον ὑποπέπλωκε τῇ πόλει, κατοικίαν ἔχον ἔπολλήν· σκέλη δὲ καθεύκοντα σταδίων περὶ δώδεκα, ἐκατέρωθεν τῆς ὁδῆς τῆς περὶ τὸ Λέχαιον. *Orae maritimæ utriusque initia sunt, alterius Lechæum, alterius Cenchreæ, vicus est portus, ab urbe distans ad LXX stadia, quo portu utuntur ad Asiaticos, Lechæo ad Italos. Lechæum vero sub urbe iacet, non admodum frequens domiciliis. Ab utraque parte vie, quæ a Corintho Lechæum pertingit, deducti sunt crurum instar muri, ad stadia circiter duodecim*. Pausanias Corinth. cap. II utrumque ἐπίγειον, *nauale* Corinthiorum vocat, quibus nomina Neptuni filios Lechen & Cenchriam dedisse refert. Strabo & Pausanias scribunt Λέχαιον: in Ptolemæi libris est Λεχᾶιον ἐπίγειον, *Lechæum nauale*, traiecto accentu: Plinius autem IV cap. IV *Lechææ*, pluraliter: verba supra fuerunt producta. At Harpocratio etiam & Hesychius Λέχαιον, quod uterque describit ἐπίγειον Κορινθίων, *Corinthiorum nauale*. Sic quoque Polybius lib. V cap. XVII βασιλεὺς κατῆρε μετὰ τῆς στόλης πάντας εἰς Κορίνθον· ὁρμίσας δὲ τὰς νῆας ἐν τῷ Λεχαίῳ, *Rex cum tota classe Corinthum tendit, adpulitque in Lechæo*: & cap. XXV ἀνέστας ἐφίλιππος, ἦκε μετὰ σπεδῆς ἐκ τῆς Λεχαίας, θέων εἰς τὴν πόλιν, quo audito Philippus celeriter ex Lechæo in urbem adcurrit.

CCCCII.

* Κρανίον, *Cranium* & *Olympium* duo loca vicina apud Corinthum. Theophrast. de caus. Plantar. V c. 20.

CCCCII.

Celebrior portus *Cenchreenfis*, cuius nomen varie scribitur. Strabo & diuinus scriptor ad Romanos epistola cap. xvi *Κεγχρεαί*: & ita quoque Ptolemæus & Stephanus, nisi quod retracto accentu illorum libris *Κεγχρέαι* editum est. Thucydides & Pausanias diphthongo vsi sunt: ille lib. viii aliquoties *Κεγχρεῶν* patrio casu, & pag. 562 *ἐς Κεγχρεάς*: hic Corinth. cap. ii *ἐν Κεγχρεαίς*: semel Thucydides singulari numero lib. iv pag. 281 *ἐν Κεγχρεῇ*. Quas vero *κώμην*, vicum Strabo dicto loco dixit, Mela lib. ii cap. iii & Stephanus *oppidum* * vocant. Ille, *In eo [Isthmo] inquit, oppidum Cenchreæ, fanum Neptuni, ludis, quos Isthmicos vocant, celebre*: hic, *Κεγχρέαι πόλις καὶ ἐπίκειν Κορίνθου, Cenchreæ oppidum ἔς nauale Corinthi*. Liuius dixit *emporium Corinthiorum* lib. xxxii cap. xvii; *Nauales copiae, circumuectæ Sinuum Atticæ terræ promontorium, Cenchreas, Corinthiorum emporium, petierunt*.

CCCCIII.

Supra Cenchreas, Megaram versus, ad sinum Saronicum est alius portus *Schœnûs*, *Σχοινῆς*, ad quem Isthmus angustissimus est, ibidemque naues machinis a mari in mare per Isthmum traducebantur. Strabo lib. viii pag. 254 *κατὰ τὴν Σχοινῆντα ὁ διακός, τὸ στενέτατον τῆς ἰσθμῆς, περὶ ὃν τὸ τῆς Ἰσθμῆς Ποσειδῶνος ἱερόν, Apud Schœnuntē angustissima est Isthmi pars, qua naues per terram ex uno mari in alterum traducuntur*. Templum illud Neptuni descripsit Pausanias Corinth. cap. i, situm infra Schoenuntē, Corinthum versus. Iuxta viam quæ Corintho ferebat ad templum, *ἐστὶ μὲν θεάτρον, ἐστὶ δὲ στάδιον λίθος λευκός, theatrum est ἔς albo lapide stadium*, vbi Isthmii ludi siue agon Isthmius seu certamen solemni tempore celebrabatur, vt ibidem adnotauit Pausanias. Ptolemæus in maritimis *τῆς Κορινθίας*, Corinthiæ regionis post Cenchreas, ab Epidauro progressus seu austro: *Σχοινῆς λιμὴν*. Plinius lib. iv cap. vii *In ora, portus Schœnûs*. Alius est *Melæ portus Schœnitas*, in eodem sinu quidem, sed prope Træzenem. Adi Vossium.

CCCCIV.

Inter Corinthum & Sicyonem flumen est *Nemea*, terminus agri vtriusque. Strabo lib. viii pag. 263 *ὀρίζει τὴν Σικυωνίαν καὶ τὴν Κορινθίαν πεταμὸς Νεμέα. Sicyoniam ἔς Corinthiam Nemea fluuius discernit*. Liuius lib. xxxiii cap. xv *Androsthenes Corintho profectus ad Nemeam (amnis est Corinthium ἔς Sicyonium interfluens agrum) castra locat*.

CCCCV.

Ipse vrbs *Sicyon* reducta a mari olim potens & suis regibus vsa, postea libera, deinde inter certamina ciuitatum nunc Atheniensibus adiuncta, nunc a Spartanis oppressa fuit. Iustinus lib. xxxiii cap. v *Demosthenes Sicyona, Argos, ἔς Corinthum, ceterasque ciuitates eloquentia sua Atheniensibus iunxit*. Thucydides lib. v pag. 397 *Lacedæmonii τὰ ἐν Σικυῶνι ἐς ὀλίγους κατέστησαν, statum in Sicyone ad paucos redegerunt*. Quamuis autem sita erat in Achaïæ tractu, si Corinthum quoque Achaïæ adiungimus, & vt Plinius iv cap.

cap. v Sicyonem in Achaia scripsit; tamen aliquando certa pactione in Argolide censebatur. Pausanias Arcad. cap. i Σικυώνιοι ἔσχατοι ταύτῃ μοίρας τῆς Ἀργολίδος, Sicyonii hac in parte sunt extremi Argolidis populorum. Alio tempore Achæorum fuit. Liuius lib. xxxii cap. xix legatis ad Achæos missis Sicyone datum est concilium. De situ etiam Liuius lib. xxvii cap. xxxi Sulpicius ab Naupactō profectus, classem adpulit inter Sicyonem & Corinthum, agrumque nobilissimæ fertilitatis effuse vastauit. Ceterum ciuitas artificum ingenio nihil Corinthiis concessit, vt supra in Corintho ex Strabone ostendimus. Hinc adagii loco, de quo Stephanus, ὑποδήματα Σικυώνια, Sicyonii calcei, elegantiores, quam vt graui viro conuenirent, quod Socratis exemplo egregie demonstrauit Cicero lib. i de Orat. cap. liv. *

CCCCVI

Propius urbem præfuit amnis *Asopus*, Ἀσωπὸς, qui alius est a Nemea, quia vtrumque Strabo, vt diuersos, nobis tradidit. De Nemea, supra: de *Asopo* eodem loco (pag. 263) Ἀσωπὸς ὁ παραρρέων τὴν Σικυωνίαν, καὶ ποιῶν τὴν Ἀσωπίαν χώραν, μέρος ἔσταν τῆς Σικυωνίας. *Asopus* præterfuit Sicyoniam, & facit regionem *Asopiam*, quæ pars est Sicyoniæ. Ptolemæus *Asopum* Corinthiæ regioni adscribit, in qua ostia illius ponit: sed secundum Strabonem potius est Sicyoniæ.

CCCCVII.

In Sicyonia autem Ptolemæus censet *Phliuntem* oppidum, recto casu φλιῆς, *Phliis*. Strabo dicto loco: Κεῖται ὁ φλιῆς ἐν μέσῳ Σικυωνίας, Ἀργείας, Κλεωνῶν, καὶ Στυμφάλης, κύκλῳ περιερχόμενος. Τιμᾶται δ' ἐν φλιῆντι καὶ Σικυῶνι τὸ τῆς Δίας ἱερὸν, καλεῖσι δ' ἔτι τὴν Ἥβην. *Phliis* iacet in medio Sicyoniæ, Argolidis, Cleonarum & Stymphali, circulo inclusa. Colitur *Phliunte* & Sicyone *Dia fanum*, id est *Hebes* siue *Iuuentæ*. Habet etiam Stephanus, cui φλιῆς est πόλις Πελοποννήσου, oppidum Peloponnesi: & gentile φλιῆντιος ac φλιασίου, euphoniæ gratia pro φλιῆσιος. Vnde *Phliasia* ager est circa *Phliuntem*. Pausanias Corinth. cap. xii ἡ φλιασία τῆς Σικυωνίων ἐστὶν ὁμορος, *Phliasia* Sicyoniis est finitima.

CCCCVIII.

Quibus Corinthia & Sicyonia singulares regiones sunt, hinc Achaïam propriam incipiunt, vt primum in ea castellum *Pellene* sit. Strabo lib. viii pag. 266 ἐστὶ ἡ Πελλήνη σταδίαις ἐξήκοντα τῆς θαλάττης ὑπερκείμενη, Φρέριον ἐρυμνόν. ἐστὶ δὲ καὶ κόμη Πελλήνης, - - - καὶται μετὰ τοὺς Αἰγῶν καὶ Πελλήνης. *Pellene* stadiis LX supra mare posita, castellum munitum. Est & vicus *Pellene* situs inter *Aegas* & [castellum] *Pellenen*. Ceteri vnus *Pellenes* meminere, vici, seu κόμης, vt Strabo vocat, quam Xenophon lib. vii de Reb. Græc. pag. 371 πόλιν Πελλήνην, urbem *Pellenen* dixit: castellum autem eius loci adpellarunt Ὀλῆρον, *Olurum*. Plinius lib. iv cap. v Primæ ibi *Lecheæ*, Corinthiorum portus: *τοῦ Ὀλῆρου*, *Pellenæorum* castellum. Xenophon dicto loco: καταλαμβάνουσιν αὐτῶν Ὀλῆρον. - - - ἐπεὶ δ' ἤσθοντο τὰ περὶ Ὀλῆρου, περιελθόντες αὐ καὶ εὗροι, ὅποι ἐδύναντο, εἰς τὴν αὐτῶν πόλιν Πελλήνην εἰσῆλθεν. *Arcades* capiunt illorum [Pelle-

Eee eee

Equi Sicyonii olim clari fuere. Demosthen. in Mid. pag. 407 B.

[Pellenensium] Olurum - - - Postquam vero [Pellenæi] cognouerunt quæ Oluri facta essent, circumueuntes, vicumque poterant, in oppidum suum Pellenen reuertuntur. Multa & alia de Pellenæorum rebus & expeditionibus in Xenophontis libro: ut adeo urbem potius, quam vicum fuisse, credibilis sit. Stephanus: Ὀλῦρος, πελίκιον Ἀχαιῶν, & πόρρω Πελλήνης, Olurus, oppidulum [siue castellum] Achaiae, non procul a Pellene.

CCCCIX.

Achaiae cetera oppida illorumque situm optime descripsit Strabo lib. VIII pag. 265. Ἡ δὲ τάξις τῶν τόπων, εὗς κατώκην, εἰς δώδεκα μέρη διηρημένη, τοιαύτη τις ἐστὶ. Μετὰ Σικυῶνα Πελλήνη κείται· εἴτα Αἰγίρα δευτέρα· τρίτη Αἰγία, Πισιδῶνες ἱερὸν ἔχουσα· τετάρτη Βέρα· μετ' αὐτὴν, Ἑλίκη - - - μετὰ δὲ Ἑλίκην Αἰγίον, καὶ Ρύπες, καὶ Πατρέας, καὶ Φαρῆς· εἴτ' Ὀλεις, παρ' ὃν ποταμὸς μέγας μέλας· εἴτα Δύμη καὶ Τριταῖς. Ordo locorum, quos [Achæi] habitabant, hinc est: Post Sicyonem Pallene est sita, deinde secunda Aegira, tertia Aegæ, quæ templum habent Neptuni; quarta Bura: post hanc est Helice; * - - - post Helicen est Aegium, Rypenses, Patrenses, & Pharenses: deinde est Olenus, iuxta quem fluvius magnus Melas decurrit: post Dyme & Tritæenses. Polybius lib. II cap. XL de populari republica Achæorum: τοῦτο δ' ἦν ἐκ δώδεκα πόλεων, αἷς ἐτι καὶ νῦν συμβαίνει διαμείναι πλὴν Ὀλένης καὶ Ἑλίκης τῆς πρὸ τῶν Λευκτρικῶν ὑπὸ τῆς θαλάττης καταπεθείσης. αὐταὶ δ' εἰσὶ, Πάτροι, Δύμη, Φάραι, Τριταῖα, Λεόντιον, Αἰγίρα, Πελλήνη, Αἰγίον, Βέρα, Κεραυνία, Ὀλεις καὶ Ἑλίκη. Hæc ex XII urbibus constabat, quæ nunc quoque supersunt, præter Olenum, & Helicen, quam paullo ante cladem Leuëtricam mare hausit. Sunt autem hæc: Patræ, Dyme, Pharæ, Tritæa, Leontium, Aegira, Pellene, Aegium, Bura, Ceraunia, Olenus, & Helice. Plinius lib. IV cap. V & Buram in haustis numerat. Oppida, inquit, Helice, Bura: in quæ refugere haustis prioribus, Sicyon, Aegira, Aegion, Erineos.

CCCCX.

Ex his de pluribus Achaiae ciuitatibus iudicari potest. De Pellene satis dictum. Aegira, ** porrecta media, quia Αἰγίρα Polybio est & Stephano, etiam Ptolemæo, qui in maritimis scripsit. abest enim a mari tantum septem stadia. Polybius lib. IV cap. LVII ἡ τῶν Αἰγιορατῶν πόλις ἐκτισταὶ τῆς Πελοποννήσου κατὰ τὸν Κορινθιακὸν κόλπον, μεταξὺ τῆς Αἰγίων καὶ Σικυωνίων πόλεων. κείται δ' ἐπὶ λίφαν ἐρυμίων καὶ δυσχεάτων. νῆσι δὲ τῇ θέσει πρὸς τὸν Παγασσὸν καὶ ταῦτα τὰ μέρη τῆς ἀντιπέρα χώρας· ἀπέχει δὲ τῆς θαλάττης ὡς ἐπτὰ στάδια. Oppidum Aegira situm est in ea Peloponnesi parte, quam Corinthiacus sinus adluit inter Aegium & Sicyonem, collibus imposita præruptis & inaccessis. Spectat eius situs Parnassum & vicina loca in regione opposita, distatque a mari stadia

* Helice & Bura abruptis locorum hiatibus deuoratae sunt anno ab V. C. CCCI XXVI Orosius III histor. c. 3 princip. Adde Epigrammat. Græc. I c. εἰς πόλεις p. 190. iunge Brodæi notas. Aelianus item de animalibus XI c. 19 Helices interitum copiose narrat. Ouidius Metamorph. XV, 293

Si queras Helicen & Burin Achaidas vrbes:
Inuenies sub aquis: It adhuc ostendere nauta
Inclinata solent cum mœnibus oppida mersis.

** Aegiram ciues ex Aegis traducti sunt, & Aegæi adpellati. Strabo lib. VIII pag. 592.

stadia septem. Aegiratis nauale fuit eiusdem nominis, a quo ἐς τὴν ἄνω πόλιν, *in urbem in colle sitam stadia xii* esse, Pausanias tradit Achaic. cap. xxvi.

CCCCXI.

Quas Aegas Strabo * post Aegiram memorauit, etiam ab Homero Iliad. Θ vers. 203 vna cum Helice laudatæ sunt. Pausanias autem cap. xxv refert, ἐκλειφθῆναι αὐτὴν [πέλιν] ἀνὰ χρόνον ὑπὸ ἀσθενείας, *desertam illam urbem fuisse, quum amissis opibus infirmior facta esset.* Sita fuerat πρὸς τῇ Ἀχαϊκῇ Κράθιδι, ad Achaiae flumen Crathidem, * * a quo nomen ducit Crathis amnis Italiae. De Bura & Helice supra est abunde dictum ex Polybio, Plinio, ac Strabone. De Helices interitu res certa est: de Bura aliter res habet, quam non mare hausit, sed σεισμὸς, *terræ motus*, euertit, seruatis tantum, qui ἀποδημῶντες, *peregre profecti* vel militiae vel negotii causa aberant; καὶ αὐτοὶ τῆς Βύρας ἐγένοντο οἰκισαί, *qui Buram restituerunt*: quod diligentius dicto cap. xxv Pausanias adnotauit. Idem etiam ποταμὸν Βεραϊκὸν ὀνομαζόμενον, *Buraicum amnem*, qui præterfluit urbem, memorauit.

CCCCXII.

Aegium, quod Strabonis ordine sequitur, oppidum nobilius est. nam Achaiae συνέδριον, *concilium* habuit. Pausanias cap. xxiv Ες δὲ Αἴγιον καὶ ἐφ' ἡμῶν ἐτι συνέδριον τῶν Ἀχαιῶν ἀθροίζεται, *conuentus Achæorum etiam adhuc nostra ætate Aegii celebratur.* Et Liuius lib. xxxviii cap. xxx Aegium a principio Achaici concilii semper conuentus gentis indicti sunt: seu dignitati urbis id, seu loci opportunitati datum. Quadraginta stadiis aberat a χαρὶς ἑλικῇ, a loco Helices seu reliquo ex illa vrbe vico: quod Pausanias dicto loco obseruauit, qui etiam religiones loci, Ομαγυρία Διὸς, *Homagyræ Iouis*, i. e. Congregatoris; & Παναχαιῆς Δήμητρος, *Cereris Panachææ*; nec non Lucinæ, & Aesculapii, & aliorum descripsit: cultum vero Achææ Iunonis apud Aegium oppidum meminit Tertullianus lib. i cap. vi ad Vxorem. Aegiensem agrum perlabuntur flumina, Phœnix & Meganitas, eodem Pausania prodeunte cap. xxiii. Nummus exstat in Cimelio serenissimi Electoris Brandenburgici inscriptus ΑΙΓΙ, cum testudinis figura, quæ signum Peloponnesi, vt minus dubitare liceat, quo proculius ille loco sit.

CCCCXIII.

Deinde fuerunt Ρυρæ, siue Rhypæ, Ρύραι. Stephanus: Ρύραι, πόλις Ἀχαϊκῇ. Ρυρæ, *vrbs Achaica.* Pausanias Achaic. cap. xxiii Ὀλίγον ὑπὲρ τὴν λεωφόρον, Ρυπῶν, ἐστὶ τὰ ἐρείπια. Σταδίας δὲ εἴγιον περὶ τὰς τριάκοντα ἀπέχει Ρυπῶν, *Paululum supra militarem viam cernuntur Rhyparum ruinae: ab illis distat Aegium stadia circiter xxx.* Strabo scripsit Ρύραι, vt Aldi & Casauboni libris editis est, quod gentiliter interpretes vertit Rhypenses. Pausanias cap. vi Ρύραι, qui vero alibi, cap. xxiii, per ὁ scripsit Ρυπῶν ἐρείπια.

CCCCXIV.

Ptolemæo inter Aegium & promontorium Rhium est Ερινεὸς λιμὴν, *Erineus portus*; Plinio Erineos: in quo tractu Polybius lib. v cap. cii portum

Eee eee 2

aliquem

* Libr. VIII pag. 593. Dicitur & Aega. Strabo ibidem, vbi itidem non habitari eam dicit.

* * Vide Aelian. XII histor. anim. c. 36. sed de Crathi Italiae loquitur.

aliquem *Panormum* ita describit: περὶ Πάνορμον ὅς ἐστι μὲν τῆς Πελοποννήσου λι-
μὴν, καί ται δὲ κατ' ἀντικεῖν τῆς τῶν Ναυπακτίων πόλεως, circa *Panormum* [castra
ponit:] is portus est Peloponnesi, qui urbem Naupactum habet in aduerso li-
tore oppositam.

CCCCXV.

Sequitur *Rhium* promontorium ad fretum, cui *Antirrhium*, de quo
in Aetolia dictum, obuersum est. Ptolemæus: ῥίον, ἄκρον, τὸ καὶ Δρέπανον,
Rhium, promontorium, quod etiam *Drepanum* vocatur. Clarius Strabo lib.
VIII pag. 231 ἔστι τὸ μὲν ῥίον τῶν Ἀχαιῶν ἀλιτενῆς ἄκρα, δρεπανοειδὴ τινὰ ἐπιστρο-
φὴν εἰς τὸ ἐντὸς ἔχουσα, καὶ δὴ καὶ καλεῖται Δρέπανον, *Rhium* Achaiae est promonto-
rium in mare prominens, introrsum falcis in moiem reflexum: unde & *Drepa-
num* dicitur. An etiam oppidum eiusdem nominis subiectum fuerit, non
plane liquet. Stephanus dubitabundus: ῥίον πόλις Μεσσηνίας ἢ Ἀχαιῶν. καὶ
ἄλλῃ Αἰτωλίας. *Rhium* oppidum Messenae vel Achaiae: & aliud Aetoliae. Liuius
lib. XXVII cap. XXX De pace dilata consultatio est in concilium Achaeorum;
concilioque ei & locus, & dies certa dicta. - - - [Rex] Heræis peractis, ab
ipso ludicro extemplo *Rhium* profectus est ad indictum multo ante sociorum con-
cilium. Vnde oppidum ad illud promontorium fuisse Sigonius probauit.

CCCCXVI.

Ultra promontorium *Patrae* proximæ, nobilis ciuitas. Cicero lib.
VII epist. XXVIII ad Curium: Erat multo domicilium huius urbis (cum
quidem hæc urbs) aptius humanitati & suauitati tuæ, quam tota Peloponne-
sus, nedum *Patrae*. Et lib. XIII epist. XVII M. Curius, qui Patris negoti-
atur. Et lib. XVI epist. I ad Tironem: si intelliges opus esse, te Patris
conualescendi causa paulum commorari. Plinius lib. IV cap. IV & situm &
dignitatem clarius descripsit. *Patrae*, inquit, colonia, in longissimo promon-
torio Peloponnesi condita, ex aduerso Aetoliae & fluminis Eueni. Antiquissi-
mum nomen eius fuit *Aroë*, Ἀρήν siue Ἀρεία: post amplificata a Patreo (πα-
τρέως recto casu) nomen *Patrarum* ab illo adfuit, veteri non omnino abo-
lito, sed coniuncto cum nouo in nummis. Vide Pausan. Ach. cap. XVIII
Colonia facta sub Augusto, cuius nummus habet COL. A. A. PATRENS. Et
Neronis: COL. A. A. PATR. quod legunt: Colonia Augusta Aroe Pa-
trens.

CCCCXVII.

Inde sunt *Pharae*, a Strabone supra, Polybio item & Plinio ita nomi-
natæ, Græce φάρα: a Ptolemæo φερὰι *Pheræ*, qui in mediterraneis censet,
licet non longe a mari reductas fuisse, ex Strabonis narratione ac ordine
oppidorum constat.

CCCCXVIII.

Tum *Pirus* amnis, Πῆρος, a Pausania cap. XVIII descriptus, LXXX
stadiis a Patrensi ciuitate: iuxta cuius ripam fuit *Olenus*, Ὀλένο: quæ post-
ea propter ciuium imbecillitatem defecit & deserta est. Pausanias ibidem
Ἀχαιῶν πόλις ποτὲ Ὀλένο: ἀνέκτο παρὰ τῷ Πείρῳ. Postea dicit, eius εἰκόντος ἐκλι-
πὴν ὑπὸ ἀσθενείας. Plinius lib. IV cap. V ultra *Patras* oppidum *Olenum*. Iuxta
Olenum fluuius *Melas*. Vide Strabonem.

CCCCXIX.

CCCCXIX.

Tandem *Dyme*, Δύμη, Liuiio plurali numero *Dymæ*, vrbs vltima Achaicarum, quæ a fluuio *Larisso*, communi termino Achæorum Eleorumque, vt Pausanias tradit cap. xvii, *σαδίας ὅσον τετρακοσίαις ἀπέχει, circiter quadringenta stadia abest*, qui numerus mihi videtur nimius: neque, ccc, vt Stephanus Niger Dialogo habet, non iusto maior mihi adparet, vt plane persuasus sim, *quadraginta* posse sufficere. nam *Araxus* promontorium, quod vltra Larissum est, lx stadiis abest a Dyme, vt mox ex Strabone probabimus. Omnes *Dymen* Achæorum vltimam ponunt, quæ sic a limitaneo fluuio longius non potuit abesse. Ptolemæus enim sic finit Achaiaë maritima: Πάτραι, Ὀλεες, Δύμη, Ἄραξος ἄκρα. Pausanias autem ὅρον, *limitem* facit flumen Larissum, quod vel terminus diuersis temporibus variavit, vel Larissus est intus, Araxus in ora terminus. Liuius, vt Pausanias, lib. xxvii cap. xxxi *Profecti ab Dymis, coniuncto exercitu transeunt Larissum amnem, qui Eleum agrum ab Dymæo dirimit*. Straboni sub finem libri viii Araxus est ἀκρατήριον τῆς Ἠλείας, *Eleæ promontorium*. Sed ad *Dymen* reuertimur, quam coloniam Romanam Plinius dixit, *Vltra Patras oppidum Olenum, colonia Dyme*. Vt Strabo sub finem libri viii refert, Pompeius Magnus, καταλύσας τὰ ληστήρια, *finito Piratico bello*, quosdam piratarum *Dymæ* collocavit, vt alios ἐν Σόλοις, *Solis Ciliciæ*; ἀνθρώπους μιγάδας, *homines diuersarum nationum*, vt solent in turba prædonum. Augustus autem *Dymen* contribuit Patrensisbus. Pausanias ibidem: Ἀΰγιστος ὕπερον καὶ προσέειπεν αὐτὴν [Δύμην] Πατρεῦσιν.

CCCCXX.

Superfunt Achaiaë oppida, quorum fedes est incertior. Ex his est *Tritea*, Stephano πόλις Αχαΐας, *oppidum Achaiaë*, quod vltra *Dymen* videtur Strabo pag. 265 posuisse, post Patras, Pharas & Olenum ita ordinans oppida: εἶτα Δύμη καὶ Τριταεῖς, *deinde Dyme & Tritæenses*. At Pausanias cap. vi, ordine inuerso procedens, Δύμη πρὸς Ἠλίδος πρώτη. μετὰ δὲ αὐτὴν Ὀλεες, καὶ Φαραί, καὶ Τριταία, Ρίπες, *Dyme est prima ab Elide venientibus: deinde Olenos, & Phara, & Tritæa, Ripes*. Turbatio est Polybii ordo, lib. ii cap. xli, *Patra, Dyme, Phara, Tritæa, Leontium, Aegira*: in hoc tamen consentiens Pausania, quod cum Pharis Tritæam coniunxit. Nec illud liquet ad mare fuerit *Tritea*, an paullo reductior ab illo.

CCCCXXI.

Neque *Leontium* Polybii est certius, quod etiam lib. v cap. xciv memorauit: neque eiusdem *Ceraunia*: aut Κερύρα, *Cecyrina* Pausania cap. vi. Interiora omnia sunt ignota, neque Ptolemæus alia in mediterraneis recensuit, nisi *Pheras, Helicen, Buram, Pellenen*, quæ omnia tamen in ora fuerunt, & mari satis propinqua.

ELIS SIVE ELEA.

CCCCXXII.

Elis siue *Eléa*, Ἠλεία, Peloponnesi regio inter Achaïam & Messeniam, ab Arcadia ad mare vsque quod occasum solis spectat. Adpellatur ab vrbe *Eli* eiusdem nominis, quo est regio, nisi quod regionis vocabulum aiunt crescere obliquis, *Elis*, *Elidis*; non item nomen vrbis. Strabo lib. viii pag. 232 Νῦν δὲ πᾶσαν Ἠλείαν ἐνομάζει τὴν μεταξὺ Ἀχαιῶν τε καὶ Μεσσηνίων παραλίαν, ἀνέχουσαν εἰς τὴν μεσόγαλιαν τὴν πρὸς Ἀρκαδίαν. Hodie *Eleam* vocamus omnem maritimam oram inter Achaëos & Messenios, contingentem in mediterraneis Arcadiam. Ptolemæus etiam Ἠλείαν, *Eleam*, vocat hanc regionem. Scylax: μετὰ Ἀχαιῶς εἰσὶν ἔθνος Ἠλῖς, post Achaëos est *Elis*. Polybius lib. v cap. xcii ἐξελθὼν ἐκ τῆς Ἠλίδος κατὰ τὴν εἰσβολὴν τὴν εἰς Μεσσηνίαν, egressus ex *Elide* iuxta primum aditum in Messeniam. Ovidius Metamorph. lib. v vers. 494

Pisa mihi patria est, & ab Elide ducimus ortum.

Terminus Achaïæ atque Elidis, etiam secundum Strabonem viii pag. 233 promontorium *Araxus*: ἐστὶ ἄκρα τις τῆς Ἠλείας προσβορὸς ἀπὸ ἐξήκοντα σταδίων Δύμης Ἀχαιῶν πόλεως, Ἄραξος, promontorium *Eleæ* septentrionem versus, a *Dyma* distans lx stadiis. * De Ptolemæo supra cognouimus. Polybius lib. iv cap. lxxv οἱ κατὰ τὸν Ἄραξον τόποι, quæ iuxta *Araxum* iacet.

CCCCXXIII.

Deinde est *Cyllene*, Κυλλίνη, nauale Eleorum. nam & ipse Strabo dicto loco, τὸ τῶν Ἠλείων ἐπίνειον ἡ Κυλλίνη, *Eleorum nauale Cyllene*. Confirmat Ptolemæus; Κυλλίνη ἐπίνειον. Thucydides lib. i pag. 22 τὴν Κυλλήνην, τὸ Ἠλείων ἐπίνειον, ἐνέπρησαν. *Cyllenen*, *Eleorum nauale*, incenderunt. Liuius lib. xxvii cap. xxxii ignorabant *Sulpicium* cum xv nauibus ab *Naupactō* *Cyllenem* traiecisse.

CCCCXXIV.

Post *Cyllenen* Ptolemæo sunt Πηνειὸς, *Penei* amnis ostia, qui minor est quam id nominis fluuius in Thessalia. Strabo dicit pag. 233 inter *Cyllenen* & *Chelonatam* promontorium exire *Peneum* & *Selleenta* fluuios: Πηνειὸς ποταμὸς καὶ ὁ Σελήεις ὑπὸ τῇ ποιητῇ λεγόμενος, *Peneus* is est, quem Tzetzes ad Lycophronis vers. 652 pag. 107 dicit ab Hercule, una cum *Alpheo*, *Augiæ* stabulo purgando immissum fuisse. τρέψας, inquit, πρὸς τὴν Βερασσιαν ποταμῷ β', τὸν τε Ἀλφειὸν καὶ Πηνειὸν, τὴν ἄμετρον ἐκείνην τῶν βοῶν κόπρον καθαίρει βραχεία ῥεπῇ.

CCCCXXV.

At Pausanias Eliac. lib. i cap. i id *Minyeio*, itidem *Eleæ* fluuio circa *Triphyliam* tribuit, de hoc Herculis labore dicens: τῷ τοῦ ἑργάσαστο ἐκ τρέψας τῷ Μινυ-

* Terminus alter Messeniam versus est flumen *Neda*. Strabo VIII pag. 535. Νυνὶ μὲν τῇ τριφυλίᾳ πρὸς τὴν Μεσσηνίαν ὄριον ἐστὶ τὸ τῆς Νήδας ρεῦμα λάβρον ἐκ τῆς Λυκαυῆς κατὰ τὴν Ἀρκαδίαν ὄρεα. Nunc igitur *Triphyliam* Messeniam versus fines sunt *Neda*, flumen copiosum e cyclo *Arcadiæ* monte defluens.

μινυίς τὸ ρεῦμα εἰς τὴν κόπρον, Hoc perfecit immisso in stercora flumine Minyeio. Hic quoque per se in mare exit, non delatus ab alio. Homerus Iliados A v. 721

ἔστι δέ τις ποταμὸς Μινυΐες εἰς ἅλα βάλλων
ἔγγυθεν Ἀρήνης.

*Fluvius est aliquis Minyeius in mare exiens
Prope Arenen.*

CCCCXXVI.

Selleis fluvius, Σελλεΐς, post exit, vt supra Strabone auctore diximus. Homeri utitur auctoritate, Catalogi vers. 166

τὴν ἄγεται ἔξ ΕΦύρης ποταμῷ ἀπὸ Σελλήεντος,

Quam duxerat ex Ephyra, a flumine Selleente.

Intus fuit ad flumen hæc *Ephyra*, postea disparuit, vel nomine in aliud mutato, vel funditus eversa.

CCCCXXVII.

Tum sequitur promontorium χελωνάτας, *Chelonatas*, vt Strabo dicto loco vocat, siue *Chelonates*, vt Mela lib. II cap. III; seu, vt Ptolemæus, χελωνίτης ἄκρα, *Chelonites promontorium*. Palatinus codex habet etiam χελωνίτης κόλπον, *sinum Cheloniten*, iuxta promontorium huius nominis: inter quod & Alphei ostia Ptolemæo ἰχθύς ἄκρα, *promontorium Ichthys*. Mela lib. II cap. III promontorio *Ichthy* finit a septentrione sinum Cyparissium.

CCCCXXVIII.

Aliud promontorium φειὰ, *Phia*, cum oppido eiusdem nominis μετὰ τὸν χελωνάταν, post *Chelonatam*, apud Strabonem est lib. VIII pag. 236, qui dicit, εἴτ' ἄκρα φειὰ, deinde [post *Chelonatam* & *Pisatarum* litus] *promontorium Phia*: ἦν δὲ καὶ πόλις, erat etiam oppidum huius nominis. Thucydides lib. II pag. 118 τῆς Ηλείας εἰς φειάν, in *Phiam Eleæ*: & Homerus Iliad. II vers. 135

φειᾶς παρ' τεύχεσσιν, Ἰαρδάνε' ἀμφὶ ῥέεθρα,

Apud mœnia Phie, circa Iardani fluentia,

qui præterfluit. Vide Didymi scholion.

CCCCXXIX.

Tum vero *Alpheus*, Αλφειός, nobilissimus fluvius Peleponnesi, longo anfractu per Arcadiam delapsus, effunditur. Mira fabulantur de hoc fluvio, amore nymphæ Arethusæ subter mare deferri ad Siciliam, & in Syracusano fonte erumpere. * Virgilius lib. III Aeneid. vers. 694

- - - *Alpheum fama est huc Elidis amnem*

Occultas egisse vias subter mare, qui nunc

Ore, Arethusa, tuo Siculis confunditur undis.

CCCCXXX.

Ab Alpheo ad Messeniæ fines quæ superest pars Elidis, vocabatur *Tryphalia*, Τριφᾶλια, Polybio lib. IV cap. LXXVII, cui vrbes dat *Samicum*, *Lepreum*, *Hypanam*, alias: definitque, quod καίτοι Πελοποννήσου παρὰ Σάλατταν μετὰ τὴν Ηλείαν καὶ Μεσσηνίων χώρας, iaceat in maritimis *Peloponnesi*
inter

* Adde Epigrammat. Græc. libr. I εἰς ποταμὸς pag. 150.

inter Eleorum & Messeniorum regionem. Quum vero Samicum & Lepreum Pausanias Eliac. lib. i cap. v in Triphylia regione censeat, adparet Triphyliam & Tryphaliam eandem esse. Triphyliam quoque Strabo dixit lib. viii pag. 232 & Liuius lib. xxxii cap. v Eleis Alipheram contendentibus, nunquam eam urbem fuisse ex Triphylia, sed sibi debere restitui. Dionysius Perieg. vers. 409

τῆς πρὸς μὲν ζεφύροιο Τριφυλίδος ἡδεα γαίης,
Ab occasu eius, sedes terræ Triphylidis. *

CCCCXXXI.

Ex oppidis Triphyliae ad mare tantum fuit Samicum. Pausanias dicto loco: χωρίον ἐστὶν ἐπὶ θάλασσαν καθῆκεν. ὀνομάζεται μὲν Σαμικόν oppidum est ad mare pertinens, quod Samicum nominatur. certa sunt intus sita pleraque.

CCCCXXXII.

In mediterraneis caput regionis, quod nomen dedit, vrbs Elis, Ἠλῖς, * * ad Peneum sita, qui perfluit. Strabo lib. viii pag. 232 ἡ Ἠλῖς ἐκ τῶν περιουκίδων συνεπολίθη μία τῶν. εἰ δὲ διὰ τῆς πόλεως ὁ Πενεός. Elis ex pagis circumiectis in unam urbem redacta est, per quam Peneus fluit. Stephanus: Ἠλῖς, πόλις πρὸς τῇ Ολυμπίᾳ, Elis, vrbs prope Olympiam. Fuerunt qui cum Pisa & Olympia confunderent. ἐκ ἑρῶς δὲ, non recte vero, ut vetus scholiastes Pindari ait ad Olymp. i vers. 28. qui a Pisa σταδίων πεντήκοντα, stadiis quinquaginta abesse scribit. Pisæ autem & Olympiæ vicinitatem postea monstraturi sumus. Post Troianum bellum condita, & initio quidem sine muro, ut Strabo refert eodem libro pag. 247. sed post id tempus cinctam muro fuisse, ex Pausaniæ Messen. cap. xxviii clarum est. Quum enim Lacedæmonii auxilia in urbem, factionibus turbatam, missuri essent, Messenii habitu Spartano φθάνουσιν ἀφικόμενοι πρὸς τὴν Ἠλιν, præveniunt Elin venientes, quos qui in vrbe erant Lacedæmoniis studentes, ἐδέχοντο ἐς τὸ τέϊχος, intramœnia receperunt. Strabo de hac vrbe pag. 235 κατὰ τὴν ἐκ Δύμης εἰς Ἠλιν ὁδὸν, iuxta viam, quæ a Dyma ducit Elin. Liuius lib. xxxviii cap. xxxii Tumultus consulem in Peloponnesum adduxit; iussuque eius Elin concilio indicto, Lacedæmonii ad disceptandum acciti. Ciues Ἠλεῖοι, Elei, communi nomine cum gente ac natione. Stephanus etiam Ἠλιδεὺς, Elideus habet, quod Latino ore formatum sit Elidensis. Gellius lib. ii cap. xviii Phædon Elidensis ex cohorte illa Socratica fuit. Vnde videri possit, vrbs nomen æque ut regionis, patrio casu Ἠλιδος, Elidis formare, quemadmodum Stephanus ille gentile. ἀπὸ τῆς Ἠλιδος γενικῆς, a genitiuo Elidis deduci censebat, secus ac clarissimi viri Petrus Victorius & alii ad Ciceronis lib. xiii epist. xxvi distinguunt. Ciceronis tamen libris mss. constanter inest: qui Eli negotiatus est. Strabo autem Ἠλιδος obliquo casu de ipsa vrbe quoque dixit, v. gr. lib. viii pag. 235 ἐπὶ τῆς ὁδοῦ, τῆς ἐπὶ Δύμην ἐξ Ἠλιδος τῆς νῦν πέλειως, in via quæ Dymen fert ab Elide vrbe, quæ nunc est.

* Adde Demosthen. de Megalop. pag. 84 B.

** Dioscorides libr. I cap. 67 Τοῦτον δὲ ἐστὶ τὸ ἐν πέργῃ τῆς Παμφυλίας καὶ ἐν Ἠλιδὶ τῆς Ἀχαιῶν γινόμενον.

est. Sic pag. 244 Olympiæ templum prope ccc stadia τῆς Ἠλίδος δέχον, ab Elide abesse dicitur.

CCCCXXXIII.

Deinde est Pylus Eliaca, cuius situm ita Pausanias Eliac. ii cap. xxi describit. Πύλος τῆς ἐν τῇ Ἠλείᾳ δῆλα τὰ ἐρείπια κατὰ τὴν ἐξ Ολυμπίας εἰς Ἡλὸν ὁρῶν, ὁ γδοηκοντὰ δὲ στάδια εἰς Ἡλὸν ἀπὸ τῆς Πύλου, Pyli Eliacæ rudera in conspectu sunt ab Olympia per montanā viam Elin contendētibz. Strabo vero lib. viii pag. 234 ita: μεταξὺ δὲ τῆς Πηνειᾶς καὶ τῆς Σελλήντης ἐκβολῆς Πύλος ὠκεῖτο κατὰ τὸν Σκόλιον. Inter Penei & Selleentis ostia Pylus habitabatur iuxta Scollim montem. Fuit alia Pylus in Triphylia, alia in Messenia. Ceterum ambigui generis hoc vocabulum est. Pausanias Eliac. ii cap. xxi Πύλος τῆς ἐν Ἠλείᾳ, Pyli Eliacæ. * Strabo pag. 237 ὁ Τριφυλιακὸς Πύλος, Pylus Triphyliacus.

CCCCXXXIV.

Iuxta Alpheim erat Olympia, * * in Pisæo agro sita, quam Strabo viii pag. 244 describit vt ἱερὸν, templum Iouis Olympii, cui πρόκειται ἄλσος ἀγριελαιῶν, ἐν ᾧ τὸ στάδιον παραρρεῖ δ' ὁ Ἀλφειὸς ἐκ τῆς Ἀρκαδίας ῥέων, lucus oleastris confitus præiacet, in quo stadium est: & Alphæus ex Arcadia delapsus, præterfluit. Pomponius Mela lib. ii cap. iii In Elide sanum delubrumque Olympii Iouis, certamine gymnico, & singulari sanctitate, ipso quidem simulacro, quod Phidiae opus est, maxime nobile. Plinius lib. iv cap. v A Pylo xii millia passuum intus delubrum Olympii Iouis, ludorum claritate fastos Græciæ complexum. Stephanus: Ολυμπία, ἡ πρότερον Πίσα λεγόμενη, ἐνθα Ολύμπιος Ζεὺς ἀφ' ἧς τὰ Ολύμπια, ὁ ἀγών. Olympia, quæ olim Pisa dicta fuit, ubi Iuppiter Olympius colitur: unde Olympia certamen. Ptolemæus: Ολυμπία Πίσσα, qui vel Πίσα scripsit aut Πίσσα, etiam eandem putans Olympiam & Pisam. Pisa autem antiquius nomen quam Olympia, vnde populus πισαῖοι, Pisæi, Pausaniæ Eliac. ii cap. xxi seq. & πισαῖται, Pisatæ, Pindari Olymp. od. ix vers. 103, & regio Πισατὶς, Pisatis, Strabonis lib. viii passim, & adposito nomine, Πισατίδος γῆς, terræ Pisatidis, apud Polybium lib. iv cap. lxxiv. Quamvis autem non nulli dubitent apud Strabonem, vtrum fuerit umquam vrbs Pisa, nec potius id fontis nomen, qui & regioni & genti addiderit adpellationem: tamen de vrbe eius nominis certiores sumus, quia & Pindarus, & Pausanias & Stephanus pro vrbe habent, nec a fonte facile regiones & populi denominantur. Coniungit vtrumque Stephanus: Πίσα, πόλις καὶ κρήνη τῆς Ολυμπίας, Pisa oppidum & fons Olympiæ. quod a Strabone forsan habet, qui lib. viii pag. 245 dicit: τὴν Πισαῖαν ὁμολογεῖσθαι, οἱ μὲν ἀπὸ Πίσσης ἐμῶν ὀνόματι τῇ κρήνῃ πόλεως - - - τινες δὲ πέραν μὲν εὐδαίαν γενομένην Πίσσαν φασὶν, κρήνην δὲ μόνην. Pisatidis nomen alii deducunt a Pisa vrbe, quæ nomen cum fonte commune habeat: alii negant ullam urbem Pisam exstitisse; fontem duntaxat. Pausanias lib. i Eliac. cap. x Πίσσαν εἰ Ἠλεῖοι πολέμῳ καθῆλλον, Pisan Elei bello deleuerunt: & lib. ii cap. xxi dicit τεῖχος ἢ ἄλλος κατασκευάσματος, muro-rum aliorumque ædificiorum nulla vestigia superesse, sed vites plantatas in lo-

Fff fff

co,

* Apollodor. II c. 7 §. 3 pag. 130 ἑλὼν δὲ τὴν Πύλον, capta Pylo.

** Adde de loci huius naturā differentem Diodorum libr. I V pag. 282.

CO, ἐνθα ἡ Πίσα ἀκῆτο, ubi olim Pisa colebatur. Pindarus Olymp. od. viii, ἀντίρ. i Pisam describit, sicut Strabo Olympiam:

ἀλλ' ὦ Πίσα εὐδένδρον ἐπ' Ἀλφειῷ ἄλσος,

sed o Pisa arboribus bene instructum nemus iuxta Alpheum. Historici Pisæ nullam rationem habent, sed tantum Olympiæ. Polybius lib. iv cap. x προῆγον ἐκ μεταβολῆς ὡς ἐπ' Ολυμπίας, Olympiam versus iter auertunt: & cap. LXXIII ἦκε περὶ ταῖς εἰς Ολυμπίαν, quintis castris Olympiam peruenit. Livius lib. XLV cap. XXVIII per Megalopolim Olympiam adscendit. Videtur ergo Olympia, quidquid habitationum præter templum & certaminum loca habuit, ex ruinis Pisæ succreuisse; siue oppidi speciem habuit, siue vici alicuius maioris. Alio tamen loco Pisa fuit, alio, sed vicino, & ad eundem lucum, Olympia. Publica autem ædificia celebrantur, templum Iouis, gymnasium, porticus, αἱ τῶν ἀθλητῶν οἰκῆσαι, athletarum habitationes, stadium, hippodromus, χῶμα quidem seu agger, sed superstructiones adiunctas habens, ut carceres & alias: de quibus Pausanias consulatur lib. ii Eliac. cap. xx & maxime cap. xxi.

CCCCXXXV.

Pisatidis regiones octo vrbes dicuntur fuisse, ut Strabo refert lib. viii pag. 245 seq. in quibus Salmonen, Σαλμώνην ponit, cum fonte cognomine, ex quo Enipeus siue Barnichius, ut postea dictus est, emanans, in Alpheum effunditur: & Heracleam, quam in octo urbibus ponit (μία τῶν ὀκτώ) Pausanias autem Eliac. ii cap. xxi κώμην Ἠλείων, Eleorum vicum dixit, distantem ab Olympia ὡς πεντήκοντα σταδίας, quinquaginta ferme stadiis, ubi Strabo habet περὶ τεσσαράκοντα, circiter quadraginta.

CCCCXXXVI.

Sita est hæc Heraclea ad Κυθήριον, Cytherium flumen, ut Strabo vocat, siue tribus syllabis Κύθηρον Cytherum, ut Pausanias dicto loco.

CCCCXXXVII.

Iuxta Olympiam fuit etiam Ἐπίνα, Epina, καὶ αὕτη τῶν ὀκτώ, ipsa ex octo illis ciuitatibus Pisatidis, per quam labitur Parthenias fluuius, ὁ Παρθενίας, qua itur ad Pheræam Arcadiæ urbem. Has Strabo ex octo nominavit: ceteras, obscuriores forsan, nec pretii erit inuestigare, neque temporis iam nostri, qui ad alia properamus.

CCCCXXXVIII.

Hæc de Elide propria & Pisatide: sequitur pars tertia Eleæ late sumtæ siue maioris, quæ Triphylia pluribus est, Polybio Triphalia, in austrum vergens, ut supra explicatum est.

CCCCXXXIX.

Ora vnum oppidum Samicum habebat; quod antea lustrauimus: intus triginta stadiis aut paullo pluribus, erat Πύλος Triphyliacus, qui & Lepreaticus cognominatus est. Ab eo enim meridiem, xl circiter stadiis a mari, fuit Lepreum, τὸ Λέπρεον, vti situm vtriusque lib. viii pag. 237 Strabo delineavit: qui duo oppida in septentrione regionis huius ponit, Hypanam & Ctypanfam. Plura Polybius addit lib. iv cap. LXXVII Typanæam, Pyrgum,

gum, * *Aepyum*, *Bolacem*, *Styllagium*, *Phrixam*; de quorum situ nihil certi nobis constat. Ipse nihilominus etiam primo loco *Samicum*, *Lepreum*, *Hypanam* numeravit.

CCCCXL.

Ex hisce facile primum & nobilissimum est *Lepreum*, * Pausaniae virili genere ὁ Λέπρεος, *Lepreus*. Eliac. lib. i cap. v πόλις ἐστὶν ἐν τῇ Τριφυλίᾳ Λέπρεος, *Lepreus urbs est in Triphylia*: & lib. ii cap. xv ἐκ Λεπρέας τῆς ἐν Τριφυλίᾳ, *ex Lepreo, qui in Triphylia est, ortus*. Qui colebant *Lepreatæ* dicti. Eodem lib. i cap. v ἐθέλουσιν οἱ Λεπρεάται μοῖρα εἶναι τῶν Ἀρκάδων. Φαίνονται δὲ ἡλείων κατοικοῖσι τὸ ἐξ ἀρχῆς ὄντες, *Lepreatæ volunt inter Arcades censeri: sed clarum, antiquitus inter Eleos fuisse*. Qui enim in Olympicis ex ea ciuitate vicerunt, eos præco semper ἡλείας ἐκ Λεπρέας, *Eleos ex Lepreo* proclamauit: vt dubitare possis, an tam propinqua mari oppida fuerint *Lepreum* & *Pylus*, quam illa Strabo posuerat.

CCCCXLI.

Arcadum enim ad oram maris omnino nihil erat: & *Pylus* ille tamen *Arcadius*, vt videtur, ab situ ad fines, cognominatus est. Idem Strabo lib. viii pag. 232 Ἀρκαδικὸς Πύλος ἐκλήθη ὁ αὐτὸς καὶ Τριφυλιακὸς, *Arcadius Pylus est idem qui Triphyliacus*. Ergo in Triphylia ad fines fuit *Arcadiæ*. In ipsa autem *Arcadia* nihil huius nominis fuit. Pausanias Eliac. ii cap. xxi ἡ μὲν ὁδὸς ἐν τῇ Ἀρκάδι Πύλον ποτὲ ὀνομαζομένην ἴσμεν πόλιν, *nullam nouimus in Arcadia urbem Pylum nominatam esse*.

CCCCXLII.

Ptolemæus vero *Lepreum* ad mare posuit: *Hypaniam* ad ortum in finibus *Arcadiæ*: addit *Corynen*, Κορύνην, ad *Peneum* fluuium, sed hanc extra *Triphyliam* in *Elea* propria. Plinius addit *Aulonam*, sed æque ignoti situs, lib. iv cap. v. *Arene* Homeri, vt ipse supra descripsit, prope ostium *Minyei* fuit, eiusque arx, Strabonis coniectura pag. 239, *Samicum*.

SECTIO XV.

M E S S E N I A.

CCCCXLIII.

Messenia, Μεσσηνία, Peloponnesi regio in austrum vergens, maritima pleraque, inter *Eleam* & *Laconicem* sita. Strabo lib. viii pag. 247 ἡ Μεσσηνία συνεχὴς ἐστὶ τῇ Ἠλείᾳ, περιέχουσα τὸ πλεόν ἐπὶ τὸν νότον καὶ τὸ Λιβυκὸν πέλαγος. Continuo post *Eleam* est *Messenia*, maiore sui parte ad austrum vergens ἐς mare *Libycum*. Olim pars *Laconicæ* fuit sub Menelao principe, sed regionis tum vocabulum *Messene*, non urbis fuit, vtpote quæ postea est condita, quod Strabo dicto loco & Pausanias *Messen.* cap. i Homeri auctoritate contendunt,

Fff fff 2

tendunt,

* Fortasse est *Pyrgi*, quod oppidum cum *Cyparissina* & fluminibus *Acidone* & *Neda* in maritimis *Triphyliae* oris collocat Strabo pag. 535.

** Ei propinqua erat *Cheea* cum campo *Aepasio*. Vid. Strabon. viii pag. 533, vbi *Iliad.* v. 138 explicat.

tendunt, apud quem Odyss. φ vers. 15 Μεσσήνη, *Messene* sit regio, seu vt scholiastes interpretatur, Μεσσηνια χώρα.

CCCCXLIV.

Primum ab Elide in ora oppidum est *Cyparissa*, vt Plinius vocat lib. i v cap. v; siue κυπάρισσα, pluraliter, *Cyparissæ*, vt Ptolemæus: seu *Cyparissia*, κυπαρισσία, vt Strabo; & rursus plurali numero κυπαρίσσιαι, *Cyparissiae*, vt Pausanias sine Messen. & principio Arcadiorum: Stephanus κυπαρισσία, *Cyparissæa*, etiam in MSS. libris. Liuius lib. xxxii cap. xxi hospitum *Cyparissæ* Garitenem contra ius omne & fas inter epulas prope ipsas occisum. Ab vrbe sinus *Cyparissius* Plinio, & κυπαρίσσιον ἄκρον, *Cyparissium* promontorium dictum Ptolemæo est. Sunt qui oppidum hodie *l' Arcadia* dici existiment, quia locus fere congruit. Inde amnis *Sela* Ptolemæi.

CCCCXLV.

Tum est *Pylus*, antiquum oppidum sub *Aegaleo* monte, *Messeniae* *Pylus* discriminis causa adpellata. Strabo p. 248 ἡ μὲν παλαιὰ Πύλος ἡ Μεσσηνιακὴ ὑπὸ τῷ Αἰγαλέῳ πόλις ἦν, *Antiqua Pylus Messeniaca sub Aegaleo monte sita erat*, qua diruta, incolarum multi *Coryphasium* concesserunt. Peloponnesiaco bello Athenienses munierunt, vt aduersus Lacedæmonios vterentur, quia opportuno loco & natura non nihil munito sita erat: de quo Thucydides sub initium lib. i v potest consuli. Tres autem in Peloponneso Pyli, Eliacus, Triphyliacus, & Messeniacus. Omnes alumno Nestore gloriabantur. Quod vero Nestoris possessiones Homerus ad vtramque ripam Alphei disposuit; Strabo inde lib. viii pag. 341 vero simillimum censet, Pylum Nestoris fuisse Triphyliacum, * qui solus fuit circa fluuium Alpheim: Pausanias cap. vlt. Messen. tradit, in *Coryphasio* promontorio Pylum situm esse. Centum stadia, inquit, a Mothona esse ἐπὶ τὴν ἄκρον τὸ Κορυφάσιον ἐπ' αὐτῇ δὲ ἡ Πύλος κεῖται, *ad promontorium Coryphasium, in quo Pylus situs est*. Ptolemæus etiam κορυφάσιον ἄκρον, *Coryphasium promontorium* inter Pylum & Methonen posuit: Strabo quoque lib. viii pag. 240 coniungit, sed *Coryphasium* æque, vt Pylum adiacentem, castellum vocat. A Pylo, inquit, Triphyliaco & Lepreo cccc stadiorum interuallum esse ἐπὶ τὴν Μεσσηνιακὴν Πύλον καὶ τὸ Κορυφάσιον ἐπὶ θαλάττῃ κεῖμενα φέρει. *ad Messeniacam Pylum & Coryphasium, castella super mari posita*: atque ita Pylum a Coryphasio disiungit, non autem longe separat. Thucydides lib. i v pag. 29 simpliciter ἐν τῷ Κορυφασίῳ.

CCCCXLVI.

Deinde est *Methone*, μεθώνη, vt plurimi scribunt: Pausanias, μεθώνη, *Mothone*: hodie Modon. Habet Strabo ac Ptolemæus. Et Plinius lib. i v cap. v de Messenia: *Oppida, Pylos, Methone*. Thucydides lib. ii pag. 117 in

* Sed si patria Nestoris quaeratur, est Messeniacus secundum Apollodorum I c. 9 § 9 καὶ Νηλεὺς μὲν ἐκ τριῶν ἡκεν εἰς Μεσσήνην, καὶ Πύλον κτίσας, καὶ γὰρ Κλεόβη τὴν Αμφιόνοιο, ἐξ ἧς αὐτὸς γένηται θυγάτηρ μὲν Πηλεὺς, αἰδόμενος δὲ Τηλεῖος, Αλκτῆος, Νέστορος. Ac Nелеus quidem regno pulsus venit Messenem, & Pylum condidit, & Coloridem Amphionis filiam uxorem ducit, ex qua ei filia Pero nascitur, & filii Taurus, Alastor, Nestor. Hancque urbem Pylum Hercules deinde perdidit, eodem teste. Sed qui Homeri Iliad. A & Strabonis V III pag. 523 - 538. seqq. verba perpendit, de Pylo Triphyliaco non dubitabit.

in Laconica scribit, ἐς μεθώνην τῆς Λακωνικῆς: atque ita etiam Stephanus & Scylax; quod inde est, quia Messene olim, ut supra Strabone auctore monstratum, pars fuit Laconicæ. Pergit Strabo: τῇ δὲ μεθώνῃ συνεχὴς ἐστὶν ὁ ἀκρίτας, ἀρχὴ τῆς μεσσηνιακῆς πόλεως. *Continuus Methonæ est Acritas, initium sinus Messeniaci*: Ptolemæus autem *Colonen* interponit hoc ordine: μεθώνη, κολώνη, ἀκρίτας ἄκρα, Methone, Colone, Acritas promontorium. Interiectum oppidum Pausanias Messen. cap. xxxiv *Colonides* plurali numero dixit: ἐκ κολωνίδων ὁδός, ex *Colonidibus* via: de promontorio idem: ἀνέχει εἰς θάλασσαν ὁ ἀκρίτας, in mare *Acritas* procurrit.

CCCCXLVII.

Sinus *Messeniacus*, auctore Strabone p. 248, dicitur etiam Ἀσινῶος, *Asineus*, ab *Asine* oppido adiacente; item Θυριάτης κόλπος, *sinus Thuriates* a *Thuria* oppido supra sinum posito: item *Coronæus*, a *Corone*, Plinio.

CCCCXLVIII.

Prima vrbs post *Acritam* promontorium est Ἀσίνη, *Asine*, xl stadiis ab *Acrita*, ut Pausanias Messen. cap. xxxiv extr. refert. Ptolemæo etiam in *Messeniac*o sinu prima: unde cognomen sinui, ut diximus. Portum habet quem Thucydides lib. iv pag. 260 descripsit.

CCCCXLIX.

Deinde est *Corone*, Κορώνη, Ptolemæo ducente. Strabo pag. 249 πρὸς θαλάττῃ πόλις Κορώνη, ad mare oppidum *Corone*. Pausanias Messen. cap. xxxiv tradit priscum & Homericum fuisse Αἰπειαν, *Aepeiam*, quod Strabo mauult ad *Thuriam* relatum lib. viii pag. 249. A *Corone* sinus *Coronæus* Plinio dictus, ut modo est expositum: hodie Golfo di Coron, quia nomen oppidi seruatum est.

CCCCCL.

Supra *Coronam* nihil, quod certum sit, occurrit vsque ad ostium *Pamisi* fluiui, qui Πάμισος Straboni est & Pausaniæ, Ptolemæo Πάνισος, *Panifus*; haud longe a *Corona*. Strabo lib. viii pag. 249 πλησίον Κορώνης, κατὰ μέσον πῶς τὸν κόλπον, ὁ Πάμιτος ποταμὸς ἐκβάλλει, ταύτην μὲν ἐν δεξιᾷ ἔχων, καὶ τὰς ἐξῆς, *Haud procul a Corona, circa medium sinum, effunditur amnis Pamifus, Coronam & sequentes vrbes a dextra habens.*

CCCCCLI.

Post flumen, Φεραί, Ptolemæi, Φηραί Strabonis, id est *Pheræ* sunt, ἕξ περσάδια, sex fere stadia a mari, ut Pausanias Messen. cap. xxxi obseruauit, cui Dorica dialecto αἰ φαρῇ, *Pharæ* sunt, η in α permutato, ut solemne Dorienfibus, quorum lingua Messenii utebantur. Polybius Legat. liii *Phara* dixit singulari numero. ἡ δὲ Ἀβία, καὶ Θερία καὶ φαρὰ, κατὰ τὸν καιρὸν τῆς τῶν ἀπὸ μὲν τῆς Μεσσηνίας ἐχωρίσθησαν, *Ea tempestate Abia, Thuria, Phara ab Messeniis auulsa sunt.* Apud *Pheras* *Nedo* fluuius, Νέδων, Strabone docente, exit in mare.

CCCCCLII.

Dein est oppidum *Abia*, vltimum Messeniorum in ora contra *Laconicam*. Pausanias cap. xxx φαρῇ ἀφ' ἐξήκασιν Ἀβίας σταδίοις ἐξδομήκεντα, *Pha-*

re distant ab Abia LXX stadiis. Ptolemæo est *Αβία*, *Abea*, etiam extrema maritimarum Messeniæ, iuxta Laconicæ fines. Hinc Plinii *Abeate* sunt lib. iv cap. vi.

CCCCCLIII.

In mediterraneis est caput gentis *Messena*, *Μεσσηνή*, quam frustra Ptolemæus in maritimis scripsit, cuius errorem plurimi tabularum auctores adhuc sequuti sunt. Pausanias sane *αὐτότης* ab ora reducit: etiam Strabo, qui Ithomen, omnium consensu mediterraneum & montem & castellum, munimentis urbis, sub illo sitæ, communi muro includit. Quid? quod perspicue Plinius lib. iv cap. v *Amnis Panisus. Intus autem ipsa Messene, Ithome, Oechalia.* Non fuit antiquissima, sed Epaminondas Thebanus condidit, omnesque Messenios exfules in illam reuocavit, eique nomen *Messene*, quod gentis antea fuerat, imposuit: quæ a Pausania cap. xxviii plenius sunt exposita. Valida vrbs munimentis suis. Idem cap. xxxi, quas ipse viderit, muris munitissimas vrbes nominat Amphrysum Phocicam, Byzantium & Rhodum: tamen his ait munitiorem esse Messeniorum urbem. Strabo situs & munitionis causâ Corintho confert lib. viii pag. 249 *ἡ δὲ Μεσσηνίων πόλις εἶκε Κορίνθω· ὑπέρκειται γὰρ τῆς πόλεως ἑκατέρας ὁρος ὑψηλὸν καὶ ἀπότομον, τείχει κοινῷ περιελημμένον, ὡς τ' ἀκροπόλει χρῆσθαι· τὸ μὲν καλεῖται Ἰθώμη· τὸ δὲ Ἀκροκόρινθος.* Ceterum *Messena Corintho similis est.* Vtrique enim vrbi mons excelsus & præruptus imminet, communi muro comprehensus, arcisque usum præstans, *Ithoma Messenæ, Acrocorinthus Corintho.* Itaque Demetrius Pharius Philippo, Persei patri, suasit, si Peloponnesum vellet in potestate habere, ut duas has vrbes subigeret. *τῶν κεράτων γὰρ ἀμφαῖν καθεξῆς τὴν βῆν, Βουην*, inquit, utroque sic cornu tenebis. quod ibidem Strabo adnotavit.

CCCCCLIV.

Alii *Ithomen* quasi separatum oppidum aut castellum descripserunt. Plinius lib. iv cap. v *Intus ipsa Messene, Ithome, Oechalia.* Pausanias *Mess.* cap. ix refert Messeniorum mediterraneos; Spartano bello inferiores, desertis ceteris oppidis ἐς τὸ ὄρος ἀνοικίζεσθαι τὴν Ἰθώμην, in montem *Ithomen* secessisse, in quo tum fuerit *πόλις* & μέγα, paruum oppidulum, cuius pomœrium ampliarint ut esset *ἔρυμα πᾶσιν αὐταρκες*, munimentum omnibus sufficiens. Post sub monte cœpta *Messene* ædificari, cui tandem muro iuncta *Ithome* fuit. Ab religione loci *Ζεὺς Ἰθωμάτας*. *Iuppiter Ithomata*, & *ἑορτὴ Ἰθωμαία*, festum *Ithumeum* dictum. Vide Pausan. & Stephan. & Meursium.

CCCCCLV.

Oechalia autem Plinii est Stephani ἡ Μεσσηνίης Οἰχαλία, * siue ut alii legunt ἡ Μεσσηνίης Οἰχαλία, *Messenæ Oechalia*, quæ an sit ab Homero *Catal.* vers. 103 nominata,

Οἰχαλίῃθεν ἰόντα παρ' Εὐρύτου Οἰχαλῆες, ex *Oechalia* venientem ab *Euryto Oechaliensi* rege; disputat Strabo lib. viii pag. 234. nam ad *Theſſaliam* alii referunt.

CCCCCLVI.

* Vide Apollodorum II c. 7 §. 7 pag. 135.

CCCCCLVI.

Cetera Plinii, *Arene, Pteleon, Thryon, Dorion* ex eodem Homeri loco sunt a versu 98. de quibus certi nihil constat: de *Arene* supra aliquid dictum: *Thryum* Homerus cognominat *Αλφειοῦ πόρον*, *Alphei vadum*,

Καὶ Θρύον, Αλφειοῦ πόρον. item

Καὶ Πτελεὸν, καὶ ἔλος, καὶ Δώριον:

Ex quibus *Helos* etiam Plinius in Messenia scripsit: *Oppida, Pylos, Methone*; *locus Helos*: quod arguit dirutum fuisse ætate Plinii. Strabo lib. viii pag. 241 ἔλος οἱ μὲν περὶ τὸν Αλφειὸν, χώραν τινα φασὶν, οἱ δὲ καὶ πόλιν ὡς τὴν Λακωνικήν. *Helos quidam dicunt locum esse circa Alpheum: alii oppidum, ut Helos Laconicæ.* Sed hæc omnia Strabo in Elea ponit, & vere quidem, quia pars illorum ad Alpheum sita, Arcadiæ & Eleæ, non Messeniæ fluuium.

CCCCCLVII.

Ptolemæus tria oppida in mediterraneis recenset, e quibus primum *Ἀλίαρτος, Haliartus*, ignotum ceteris: alterum, de quo iam dictum, *Ithome*: tertium, *Træzen* (τρεῖζιν) est, de quo etiam silent geographi ceteri. Strabo addit *Thuriam* lib. viii pag. 249 Αἵπεια, νῦν Θερία καλεῖται, ἣν ἔφαμεν ὁμορεν Φηραῖς, *Aepea nunc Thuria vocatur, quam diximus Pheris finitimam.* Et paullo ante: Φηραὶ, ὁμορες Θερία καὶ Γερηνίαις, *Pheræ, quæ vrbs finitima Thuriæ & Gereniis.* Thuria intus sita, lxxx stadiis a Pheris: hæ vi a mari: quod Pausanias observavit Messen. cap. xxxi. In monte sita: postea in planum deducta, ut tamen nec montana vrbs deferetur. Incolæ *Thuriata, Θεριάται*, quos Augustus, Messeniis infensus, Antonii fociis, contribuit Lacedæmoniis: quod itidem a Pausania est proditum.

CCCCCLVIII.

Fuerunt apud Strabonem qui *Antheiam* Homeri interpretarentur *Thuriam*. Fuit autem *Antheia, Ἄνθεια*, vna ex septem oppidis, quæ Agamemnon Achilli dotis loco daturus fuisse dicitur Iliad. i vers. 149, quæ quod in Messenia Strabo censuit, licet interpretatione varient antiqui perinde ac recentes auctores, (vide Strabon. p. 248.) pretium fortasse erit recensuisse:

Ἐπὶ δὲ οἱ δώσω εὖ νοούμενα πολίετρα,

Καρδαμύλην, Εἰόπην δὲ καὶ Ἰρην ποιήσσαν,

Φηραῖς τε Ζαθέας, ἥ δ' Ἄνθειαν βαθείλημον,

Καλὴν Αἵπειαν, καὶ Πήδαςον ἀμπελόεσσαν.

Πᾶσαι δ' ἐγγυὲς αἰὲς νέεται Πύλῃ ἡμαθόεντος.

Septem autem ei dabo oppida celeberrima: Cardamylon, Enopen, Hiram herbosam, Pheras diuinas, & Antheam pratensam, pulchramque Aepeam, & Pedasum vitiferam. Omnia autem prope mare habitantur Pyli arenosi. E quibus folæ *Pheræ* notæ sunt: cetera dubii situs & adpellationis, quæ cum aliis successu temporis, sed incertum cum quibus, permutata creditur. De *Cardamyla* tamen Strabo: ἐπὶ πέτρας ἐρυμνῆς ἰδρυται Καρδαμύλη, ἔτα Φηραὶ, in petra prærupta *Cardamyla* est posita: deinde *Pheræ*. Fuit etiam *Erana, Ἐρανα*, media inter *Cyparissiam* & *Pamisi* fluuii, quem & *Amathum* dixere, ostia eodem Strabone auctore pag. 249. Dubia etiam est *Aethea, Αἰθεα* Thucydidis lib. i

1 pag. 67, Θυριάται τε καὶ Αἰθεῖς ἐς Ἰθώμην ἀπέστησαν, *Thuriatae & Aetheenses Ithomen aufugerunt.*

S E C T I O X V I . L A C O N I C A .

C C C C L I X .

Post Messeniam in ortum versus sita est Λακωνική, *Laconica*, siue ut Mela scripsit *Laconice*. Liuius lib. xxxi cap. xxv *Philippus pollicitus, terrorem omnem belli in ipsam Laconicam, ducto eo extemplo exercitu, translaturum.* Velleius lib. i cap. iii *Achæi ex Laconica pulsi.* Semel Plinius scripsit *Laconia*, ineunte libro iv, quod suspectum est Harduino.

C C C C L X .

Præcipua pars maritimæ oræ sita ad sinum *Laconicum*, Τænaro & Μαλεα contento. Strabo lib. viii pag. 250 ἔστι δὲ μετὰ Μεσσηνιακὸν κόλπον ὁ Λακωνικὸς μεταξὺ Ταινάρου καὶ Μαλεῶν, ἐκλίνων μικρὸν ἀπὸ μεσημβρίας πρὸς ἑω. Post *Messeniacum sinum est Laconicus inter Tænarum & Maleas, a meridie in ortum paullo declinans.*

C C C C L X I .

Primæ in Laconica, sed Messeniaco sinui adhærentes sunt Θυρίδες, *Thyrides*, quasi portulæ seu fenestræ. Straboni lib. viii pag. 250 ῥωίδης κρημνός, *fluctibus obnoxium præcipitium*: Pausaniæ Lacon. cap. xxv ἄκρα Ταινάρου, *Tænari promontorium*, quod vero secundum Strabonem a Τænaro stadiis cxxx distat.

C C C C L X I I .

Ολίγον ἀπωτέρω, prope inde, quod Pausanias addit, fuit Μέσσα πόλις καὶ λιμὴν, *Messa oppidum & portus.* Homerus Catal. vers. 89

Φάρην τε, Σπартήν τε, πολυτρήρωνά τε Μέσσην,
Pharen, & Spartam, & columbis abundantem Messam, dixit: sed tradit Strabo pag. 251 τὴν μὲν Μέσσην ἔδαμξ δέκνυσθαι Φασί, *Messam [Homeri] negant ullibi posse monstrari.*

C C C C L X I I I .

Dein *Tænarum* est, Ptolemæi Ταινάριον, a quo incipit finus Laconum. Promontorium & oppidum dicitur. Pausanias dicto loco: ἐς θάλασσαν ἀέχστα ἄκρα Τάιναρρον, καὶ λιμένες, ὃ τε Αἰχίδαιός ἐστι καὶ Ψαμαθῆς, in mare excurret *Tænarum promontorium*, ἐξ sub eo portus, * *Achilleus & Psamathus.* Plinius lib. iv cap. v *Oppida: Tænarum, Amyclæ, Pheræ, Leuctra, & intus Sparta.* Pausanias Lacon. cap. xxv Ταινάρου δὲ τῆς ἄκρας πλὴν ὅσον τεσσαράκοντα σταδίων ἀφ᾽ ἧς κε Κορινθία πόλις ὄνομα δὲ ἦν καὶ ταύτῃ Τάιναρρον, *Promontorium Tænarum ad xl stadia præteruecto occurrit Cænepolis, cuius antiquum nomen erat Tænarum. Cænepolis, quasi Neapolis, quod est instauratum Tænarum.* Nouum.

* Euripid. Cyclop. v. 291,

Ἰερός τ' ἄρπυτος Ταινάρου μένη λιμὴν,
Μαλέας τ' ἀποσι κευθμῶνες.

Sacerque & inuiolatus manet ei Tænari portus Maleaque summa latebra.

Nouum id nomen Κανέπολις, legitur etiam in Procopii B. Vandal. lib. i cap. xiii: διαφύγοντες Τανάρω προσέμιζαν, ἢ τῶν Κανέπολις ἐπικαλεῖται, elapsi [a Malea] Tænarum adplicuerunt, quæ nunc Cænopolis vocatur. Male ergo Ptolemæus Tænarium & Κανήν, Cænen, tamquam diuersa oppida separauit. Celebratur Neptuni fanum in ipso promontorio vel litore. Cornelius Nepos Pausan. cap. iv Fanum Neptuni est Tænari, quod violari nefas ducunt Græci. Strabo lib. viii pag. 250 τὸ μὲν Τάναρον ἀκτὴ ἐστὶν ἐκκαμένη, τὸ ἱερὸν ἔχουσα τῷ Ποσειδῶνι, ἐν ἄλσει ἰδρυμένη, Tænarum est litus procurrens in mare, fanum habens Neptuni in luco positum. Pausanias ait dicto loco: ἐπὶ τῇ ἀκρᾷ ναὶς εἰκασμένος σπηλαιῶ, καὶ πρὸ αὐτῆς Ποσειδῶνος ἄγαλμα, in ipso promontorio est templum speluncæ simile, & ante ipsum Neptuni simulacrum. Strabonis ergo, ἀκτὴ, litus, est ipsum promontorium. De spelunca vterque fabulam addunt, creditum fuisse, per illam Herculem ab inferis Cerberum eduxisse, quasi ibi accessus ad illos pateat. Per quam etiam Psychen Veneris iussu ad inferos measse & reuertisse, lib. vi fabulatur, quære, inquit, Tænarum. inibi spiraculum Ditis: per portas hiantes monstratur iter inuium --- ad ipsam Orci regiam. Hinc est quod Horatius lib. i od. xxxiv dixit;

Quo Styx, & inuisi horrida Tænari
Sedes.

CCCCLXIV.

A Tænaro ad Eurotæ ostia primum Ptolemæo & Pausaniæ oppidum est Τευθρώνη, Teuthrona, vt alter addit, c. l. stadiis a Tænaro promontorio.

CCCCLXV.

Straboni a Tænaro ad Eurotam in ora sunt Ἀμαθῆς πόλις, oppidum Amathûs, & post illud Ἀσινε, & tandem Gythium, γύθειον, nauale Lacedæmoniorum, inter quod & Ἀκρεας, (aliis Acriam) Eurotam dicit in mare exire. Ptolemæus inter Teuthronam & Eurotam ponit oppidum, cui nomen Λᾶς, Las, quarto casu τὴν Λᾶν, Lan, Straboni pag. 251, qui expugnatam dicit a Dioscuris, id est Castore & Polluce, quibus cognomen inde sit λαπέρσαι apud Sophoclem. Pausanias cap. xxiv ἐν δεξιᾷ Λᾶς ἐστὶ, a dextra Gythii Las est, x stadiis a mari, xl a Gythio. Scylax in Laconica: Λᾶς πόλις καὶ λιμὴν, Las oppidum & portus. Stephanus scribit Λᾶ primo casu, vocatque πόλιν Λακωνικὴν, urbem Laconicam. Lycophron in Alexandra vers. 95 καὶ Λᾶν περήσεις, & Lan transibis. Homerus Catalog. vers. 92 vocali geminata,

Οἳ τε Λᾶαν εἶχον

CCCCLXVI.

Amathûs Strabonis haud dubie est aliorum ψαμαθῆς, Psamathus. Pausaniam supra produximus in Tænarius: Scylaci est ψαμαθῆς λιμὴν, Psamathûs portus: * Stephano duplicata littera ψαμμαθῆς πόλις Λακωνική, Psamathûs oppidum Laconicum: Plinius quoque lib. iv cap. v amnis Eurotas, sinus Aegilodes, oppidum Psammathus. In ora fuisse, portus, quem Scylax

Ggg ggg

tribuit,

* Aeschines epist. I pag. 121 Ζάλη δὲ καὶ ἄνεμος ἐξ ὧς ἐμπεσὼν ἀνήμεγεν ἡμᾶς ὑπὲρ Κρήτην πλεῖστον ψαμαθῶντος. Sed tempestas exorta & ventus impetuosus nos supra Cretam prope Psamathum abstulit.

tribuit, argumento est, si vel maxime id minus ex ordine locisque vicinis clarum esset.

CCCCCLXVII.

Asine Strabonis Laconica minus nota, nisi quod Polybius lib. v cap. xix Philippum *Asinam*, via inter Spartam & Tænarum sitam, scribit frustra oppugnasse. Habet quidem & Scylax, sed miscet alia quoque Messeniorum: certior *Asine* Messeniæ, & alia Argolidis.

CCCCCLXVIII.

Gythium, γύθειον, vt plurimi; siue γύθειον, *Gytheum*, vt alii scribunt, τῆς Σπάρτης ἐπίνειον, *nauale Spartæ*, vt Strabo dixit lib. viii pag. 251; siue ναυστάθμος τῶν Λακεδαιμονίων, *nauium statio Lacedæmoniorum*, vt Polybius lib. v cap. xix. His, & Lycophroni vers. 98, & Ptolemæo, est γύθειον, simplici vocali; etiam Liuius *Gythium* lib. xxxiv cap. xxxviii. Stephanus di-phthongo, γύθειον πόλις Λακωνικῇ, *Gytheum, vrbs Laconica*. Pausaniæ codex ambiguus, in Lacon. cap. xxii γύθειον, at cap. xxiv γύθειον præferens. Cicero lib. iii Offic. cap. xi *classẽm Lacedæmoniorum, quæ subducta esset ad Gytheum, clam incendi posse*. Oppidani γυθεῖα, *Gytheatæ*, Pausaniæ cap. xxi; & ab oppido *sinus Gytheates* Plinio dictus lib. iv cap. v. Mela etiam lib. ii cap. iii *Gythium* fluuium in Laconica memorauit.

CCCCCLXIX.

Inter *Gythium* & Eurotæ ostia Ptolemæi dispositione est τρινασος ἐπίνειον, *Trinasus nauale*, quasi τρινησος, a tribus paruis obiectis insulis. Pausanias Lacon. cap. xxii ἐν ἀριστερᾷ δὲ γυθείᾳ στάδια πρὸς ἐλθόντι ὡς τριάκοιτα, ἔστιν ἐν τῇ ὑπείρῳ τρινασὸς καλεσμένης τεύχῃ, *ad Gythei leuam xxx stadia progressò, in continenti sunt muri sic dictæ Trinasi*: e quibus coniicit, Φρούριον, *castellum* potius, quam oppidum fuisse.

CCCCCLXX.

Deinde est *Eurotas*, * Ευρώτας nobilis fluuius, a Sparta decurrens, quam ab ortu, vt Polybius lib. v cap. xxii præterfluit. Liuius lib. xxxiv cap. xxviii *ad Eurotam amnem sub ipsis prope fluentem mœnibus [Spartæ] peruenit*. Pindarus Isthm. od. v vers. 42

Κάσπορος δ' αἶχμα Πολυδέυ-
κεος τ' ἐπ' Ευρώτα φρεθροῖς,

quod Propertii verbis lib. iii eleg. xiv vertas:

Qualis est Eurotæ Pollux est Castor arenis.

CCCCCLXXI.

Vltra ostia est oppidum Ptolemæi Ἀκρεῖα, *Acrea*, Pausaniæ cap. xxi Ἀκρεῖα, *Acriæ*. ἐπὶ θαλάσσης, inquit, πόλις ἐστὶν Ἀκρεῖα, *iuxta mare est oppidum Acriæ*.

* In *Eurota* illud inprimis memorabile est, quod virginum quoque exercitationi natandi seruierit & destinatus fuerit. Cic. Tusc. II c. 15 *Spartiate autem voluerunt nihil horum simile esse apud Lacenas virgines, quibus magis palestra, Eurota, sol, pulvis, labor militiæ in studio est, quam futilitas barbara*. Idem Tusc. V c. 34 *Condimenta enim defuerunt. quæ tandem, inquit ille? Labor in venatu, sudor, cursus ab Eurota, fumes, sitis. his enim rebus Lacedæmoniorum epule conduntur*.

Acriæ. Itidem aliter id nomen exstat in Strabonis codicibus: ὁ Εὐρώτας ἐκδίδωσι μετὰ τὸν Γυθίον καὶ Ἀκροῖον, *Eurotas exit in Gythium & Acræas.*

CCCCLXXII.

Sequuntur *Biandina & Asopus*, Ἀσωπὸς πόλις, apud Ptolemæum. Obscura illa: hæc etiam Straboni cognita. Et Pausanias cap. xxii πόλις Ἀσωπὸς Ἀκροῖον ἀπέχει σταδίους ἑξήκοντα, oppidum *Asopus* ab *Acriis* abest stadia sexaginta.

CCCCLXXIII.

Inde est ὄνυχ γνάθος, *Oni gnathos*, ut in Palatino Ptolemæi codice additur, ἄκρα, *promontorium*. Strabo lib. viii pag. 251 εἶτα ἡ ὄνυχ γνάθος λιμένα ἔχουσα· εἶτα βοία πόλις· εἶτα Μαλεὰ, *deinde est Oni gnathos, portum habens: deinde Bæa oppidum: tandem Maleæ.* Addit a Maleis *Oni gnathum* abesse cl stadiis.

CCCCLXXIV.

Bæa, oppidum pluraliter scriptum Pausaniæ dicto loco: τὰ ἐπέκεινα Γυθείας πρὸς θαλάσσην, Ἀσωπὸς, Ἀκροῖα, Βοῖα, *ultra Gytheum ad mare, Asopus, Acriæ, Bææ*: Scylaci βοία, *Bæa*, ut Straboni & Plinio: sed Ptolemæo, eodem situ, Βοαῖ, *Bo.e.* Oppidani βοιάται, *Bæatæ*, Pausaniæ cap. xxiii.

CCCCLXXV.

Tandem *Malea*, μαλέα, promontorium nominatissimum est in angulo Peloponnesi, quo australe latus cum orientali cohæret. Plures scribunt μαλέα, *Malea*. * Polybius lib. v cap. ci περὶ Μαλέαν ποιεῖσθαι τὸν πλῆν, *Maleam circumnavigare*. Scylax: μαλέα ἄκρα, *Malea promontorium*. Stephanus: μαλέα ἄκρα πρὸς Πελοποννήσῳ, *Malea promontorium ad Peloponnesum*. Ptolemæus: μαλέα ἄκρα, etiam singulari numero. Et Plinius lib. x epist. xxvi ad Traianum: *nuntio tibi, me Ephesum cum omnibus meis ὑπὲρ Μαλέαν ναυγασσέ.* Solus prope Strabo μάλας, plurali numero, ut supra vidimus. Ambigue Herodotus, lib. i cap. lxxxii μέχρι Μαλέων, *usque ad Maleas*: at lib. iv cap. clxxix κατὰ Μαλέην, *iuxta Maleam*, singulari numero: quo & Latini vsi sunt. Liuius lib. xxxiv cap. xxxii oratione Quintii, ducis Romani, ad Nabin tyrannum: *mare circa Maleam infestum navibus piraticis fecisti.* Mela de promontoriis Peloponnesi: *ad meridiem Malea, Tænaros, Acritas*: & mox, *inter Scyllæon & Malean* [sinus] *Argolicus.* Virgilius *Aeneid. v vers. 193*

Ionioque mari, Maleæque sequacibus undis.

Stephanus addit, a quibusdam diphthongo μάλας scribi: καὶ μάλας διὰ δ: φθόγγος. Inde est quod poetæ non numquam producant. Ovidius lib. ii Amor. eleg. xi vers. 20

Quo lateant Syrtes quoue Malea sinu.

Et Papinius Statius lib. vii Thebaid. vers. 16

- - - & raucae circumtonat ira Maleæ.

Alibi vero idem Statius corripuit, Silv. lib. i carm. iii vers. 97

Ggg ggg 2

Si

* Euripid. Cyclop. v. 292

Μαλέας τ' ἄκροι κευθμῶνες.

*Si Malee credenda ratis, Siculosque per aestus
Sit via.*

Tempestuosum enim ad id promontorium mare est, qui *Maleus sinus* est Floro lib. iii cap. vi. Aiunt a figura etiam Γαμφηλὰς ὄρε, *maxillas asini* vocari, atque ita de Malea Lycophronis versum 94 Tzetzes interpretatur: sed id probabilius ad vicinum promontorium ὄρε γνάβα, quod idem sonat, supra expositum, refertur.

CCCCCLXXVI.

Post Maleam Argolicus sinus incipit, cuius australem oram Lacones tenent, in eaque primum est *Delium*, Δήλιον, ἱερὸν ἀπόλλωνος, ὁμῶνυμεν τῷ βοιωτικῷ, *Apollinis fanum*, nomen commune cum *Bootico* habens, Strabone lib. viii pag. 254 prodente. Ptolemæus cætera enarrat singula: & proximus Μινῶα λιμὴν, *Minoa portus*, quod Straboni est Μινῶα φρούριον, *Minoa castellum*: Pausaniæ cap. xxiii Μινῶα ἀκρὰ ἐς τὸ πελάγος, *Minoa promontorium in mare procurrans*, iuxta urbem Epidaurum Limeram, quæ etiam Straboni hinc sequitur, & Ptolemæo, nisi quod hic Διὸς Σωτῆρος λιμένα, *Iouis Seruatoris portum* interiiicit.

CCCCCLXXVII.

Epidaurus autem illa ἡ Λιμηρὰ, *Limera* cognominatur, quasi λιμῶνας ἔχουσα vel λιμένες, quod multa prata habeat, vel a portuum commoditate. Vide Stephani Byzantii chorographiam. Alterum tuetur Apollodorus apud Strabonem, ἐπιτελμημένης Λιμηρὰν εἰρηθαι ὡς ἀν λιμενηρὰν. *contra* sic *Limeram* dici quasi *Limeneram*, id est portuosam. Opus autem est cognomine, ut ab altera Argolidis in Saronico sinu discernatur. Præter Strabonem & Pausaniam cap. xxi & xxiii, meminuit cum cognomine Plinius lib. iv cap. v. *Oppida*, inquit, *Bæa, Epidaurus, Limeræ* cognomine; *Zarax*: Scylax & Ptolemæus sine cognomine, rati forsan, quia in Laconica scripserunt, regionis nomine satis distinctam esse. Historicis autem epitheto opus est. Thucydides lib. iv pag. 283 ἀπέπλευσαν ἐς Κύθηρα ἐκ δὲ αὐτῶν περιέπλευσαν ἐς Εἰδάυρον τὴν Λιμηρὰν, *naugarunt [Athenienses] in Cythera: inde in Epidaurum Limeram*. Idem lib. vi extremo: ἀπεβάντες ἐς Εἰδάυρον τὴν Λιμηρὰν, καὶ Πρασιὰν, *abierunt in Epidaurum Limeram, & Prasiam*. incidit fere in locum, quo nunc est Maluasia.

CCCCCLXXVIII.

Zarex, Ζάρηξ, sequitur ex Ptolemæi ordine, quem paullo aliter disposuit Pausanias cap. xxi; Βοιωτὶ, Ζάραξ, Εἰδάυρος ἡ Λιμηρὰ, Βρασιὰ, Βææ, *Zarax, Epidaurus Limeræ, Brasia*: Ptolemæus autem Zarecem Epidauro postposuit. Scribitur *Zarex* & *Zarax*: illud Ptolemæi est & Stephani; hoc Polybii, Plinii, Pausaniæ. Stephanus: Ζάρηξ πόλις Λακωνικὴ πρὸς τῇ θαλάσῃ. *Zarex oppidum Laconicum iuxta mare*. Polybius lib. iv cap. xxxvi Πολίχνην μὲν, καὶ Πρασιὰς, καὶ Λεύκας, καὶ Κύφαντα προσπεσὼν, ἀφ' ὧν κατέχευε. Γλυπτεῦσι δὲ καὶ Ζάρακι προσπεσὼν, ἀπέσπασε, *Polychnam, Prasias, Leucas, & Cyphanta* repentino impetu cepit: *Glympes quoque & Zaracem* inuadens *se iunxit a societate*. Plinii verba in *Limera Epidauro* produximus.

CCCCCLXXIX.

CCCCCLXXIX.

Succedit apud Ptolemæum, Κυφάνη λιμὴν, *Cyphanta portus*; qui modo Polybii verbis erat Κύφαια, accentu scribarum arbitrio constituto. Plurale est. sic enim Pausanias cap. xxiv ἀπὸ Ζάρακος, stadia vi secundum mare progredienti, & inde stadia x declinanti εἰς μεσόγαιαν, in mediterranea, Κυφάνων καλεσμένων ἐρείπια εἰν, *Cyphantorum ruinae occurrunt*. Plinius dicto loco: *Cyphanta portus*.

CCCCCLXXX.

Ultima Ptolemæi Laconica vrbs in Argolico sinu Πρασιά est, *Prasia*; Scylaci Πρασία πόλις καὶ λιμὴν, *Prasia oppidum & portus*. Pausanias cap. xxiv & numerum & elementum mutauit. Βρασιά, inquit, ἐχάτη μὲν ταύτη τῶν Ελευθερολακῶν πρὸς θαλάσσην εἰς, Κυφάνων δὲ ἀπέχουσι πλεονεξασθίων διακοσίων, *Brasie extremum hac in parte Eleutherolaconum ad mare oppidum sunt: distant autem a Cyphantis cc stadiis*. Pausaniam sequutus est Stephanus, eumque nominatim laudauit, ut mirum non sit, eodem elemento & numero usum esse. Historicis sunt Πρασιαὶ siue Πρασία, *Prasie*, plurali numero. Polybium paullo ante in *Zarax* cognouimus. Thucydides lib. ii pag. 136 ἀραιες ἀπ' αὐτῶν, ἀφίκοιτο εἰς Πρασιάς, τῆς Λακωνικῆς πόλιςμα ἐπὶ θαλάσσιον, *profecti hinc [ex Træzenide & Hermionide] venerunt in Prasias, quod est maritimum oppidum Laconice*. Polyænus lib. ii cap. xv *Hippodamas ab Arcadibus ἐν Πρασίαις ἐπολιορκεῖτο, Prasias oppugnabatur*.

CCCCCLXXXI.

Antequam in mediterranea progrediamur, addenda sunt quædam dubia & prætermittenda. Dum colligimus, quæ illustrationi faciant, præteritus est locus *Helos*, Ἑλος, vnde *Helotæ*, serui Lacedæmoniorum, Liuiο *Ilotæ* dicti libro xxxiv cap. xxvii, adpellabantur. Cornelius Nepos in Pausania cap. iii *Est genus quoddam hominum, quod Helotes vocatur, quorum magna multitudo agros Lacedæmoniorum colit, seruorumque munere fungitur. Qui fuerint, & vnde dicti, Pausanias docet Lacon. cap. xx ἐπὶ θαλάσσην πόλιςμα Ἑλος ἦν, Ad mare oppidulum fuit Helos, ex quo capto πρῶτοι ἐγένοντο οἱ Λακεδæμονίων δοῦλοι τῶ κοινῷ, καὶ εἰλωτες ἐκλήθησαν πρῶτοι καθάπερ γε καὶ ἦσαν, primi publici Lacedæmoniorum serui fuerunt, qui Helotes a loco dicti, vnde erant*. Obtinuit deinde usus, ut & alii captiui, Messeniorum præsertim, his pares facti, *Helotes* communi nomine vocarentur. Oppidum illud ad mare fuisse, testatur etiam Homerus *Catal. vers. 91*

οἳ τ' ἄρ' ἀμύκλας ἔχον, Ἑλος τ', ἐθαλεν πολίεθρον,

Quique Amyclas tenebant, & Helos, maritimum oppidum.

Quo situm loco Helos fuerit, quodammodo monitrat idem Pausanias cap. xxii, τῶ Ἑλως τὰ ἐρείπια ὑπόλοιπα, *oppidi, quod Helos dicebatur; ruinas reliquas videri inter Trinasum & Acrias, illinc lxxx stadiis; hinc xxx circiter distantes*.

CCCCCLXXXII.

Quum supra Cyphanta & Prasias perlustraremus, *Leucas* inter illa medias ex Polybii libro iv cap. xxxvi memorari animaduertimus. Iurares forte,

Ggg ggg 3.

forte, apud Argiuorum fines esse, vbi sita sunt quibuscum ibi componitur. At lib. v cap. xix eadem *Leuca* cum oppidis in sinu Laconico coniunctæ sunt. πρὸς Ἀκρίας, inquit, καὶ Λεύκας, ἐτι δὲ καὶ τὴν τῶν Βοιωτῶν χώραν, ad *Acrias* usque, ἔξ *Leucas*, ἔξ *Boias*. Et Liuius lib. xxxv cap. xxvii *tertia parte copiarum ab obsidione Gythii abducta, ad Eliam posuit castra. Imminet is locus ἔξ Leucis ἔξ Acriis.* Sic ex Polybii lib. v cap. xix legendum, qui ἐλίαν vocat καλλιῆτην χώραν τῆς Λακωνικῆς, *partem Laconicæ pulcherrimam.* Ergo *Leucæ* ad sinum Laconicum fuere, vicinæ *Acriis* & *Bœiis*; quoquo modo locus prior Polybii vel emendandus est, vel saltem interpretandus.

CCCCCLXXXIII.

In sinu Messenio Laconicæ partis seu in ortum solis vergente Strabo lib. viii pag. 248 hæc loca posuit: μέλαξὺ δ' ἀπὸ τῶν Θυρίδων ἀρξάμενοις ὁ Τύλος ἐστὶ καλεῖται δ' ὑπὸ τινων Οἴτυλος· εἴτα Λεῦκτρον τῶν ἐν Βοιωτίᾳ Λεῦκῆραν ἀποικίος· εἴτ' ἐπὶ πέτρας ἐρυμνῆς ἰδρύσθαι Καρδαμύλην· εἴτα Φηραί, ὁμοῖος Θερία. *Interiacent a Thyridibus [occasum versus] Tylus, quem quidam Oetylum vocant: deinde Leuctrum est, Leuctrorum, quæ in Bæotia sunt, colonia: post Cardamyla in saxo prærupto sita: inde Pheræ, quibus Thuria confinis est. Pheræ illæ sunt, quas supra diximus Pharas quoque nuncupari, ab Homero φάρων, Pharin, Catal. vers. 89, vt olim lectum fuit, quod Pausanias testatur Messen. cap. xvi, & interpres Homerici versus, Papinius Statius Theb. i vers. 226*

Quos Pharis, volucrumque parens Cytheræia Messe.

Hæc obiter, quia vulgo nunc φάρην legitur apud Homerum. Posteriora loca sunt Messeniorum, vt supra exposuimus: priora Laconum.

CCCCCLXXXIV.

Oetylus etiam Homero memoratus, Catalog. vers. 92

Οἱ τε Λάαν εἶχεν, ἡ δ' Οἴτυλον ἀμφενέμοντο,

Qui Laan habitabant, aut Oetylon incolebant.

Pausanias Lacon. cap. xxi ἐπὶ Τοινάρῳ δὲ Καινήπολις, Οἴτυλός τε καὶ Λεῦκῆρα, *supra Tienarum [promontorium, occasum versus sita] Cænepolis, ἔξ Oetylus, ἔξ Leuctra.*

CCCCCLXXXV.

Alterum oppidum & Plinio *Leuctra* est: at Straboni, vt iam vidimus, & Plutarcho Λεῦκτρον, *Leuctrum.* Hic enim in Pelopida pag. 288 τῆς Λακωνικῆς πολίχμινον πρὸς τῇ θαλάσσῃ Λεῦκτρον ὀνομάζεσθαι, *etiam Laconicæ oppidulum, mari impositum, Leuctrum vocatur.*

CCCCCLXXXVI.

Inter Helos & promontorium, quod a maxilla asini nomen habet, Strabo oppidum *Cyparissiam* in peninsula cum portu ponit, lib. viii pag. 251, quæ diuersa ab illa Messeniæ in Triphylia confinio.

CCCCCLXXXVII.

Dubius locus est, qui *Cynofura*, & *Cynofuræ*, pluratiuo numero, & *Cynofuris*, Κυνόσφρις, adpellatur, fueritne ad mare, an in mediterraneis: in Laconica certe fuisse, minus est quod dubitemus. Quod enim Stephanus ait,

Κυνό-

Κυνόσουρα, ἄκρα Ἀρκαδίας, *Cynosura Arcadiæ promontorium*, vitiosum sane, quia nulla parte Arcadia contingit mare, vt promontorium limite suo contineat. Nec tutum ἀττικῆς sufficere in locum, quia Hesychius ἀκραν τῆς Μαθωνίας promontorium Marathonis ad Eubœam conuersum, hoc nomine insignitum referat. Laconicæ autem id nomen Pausanias cap. xvi; & scholiastes Callimachi, & idem etiam Hesychius, qui in Attica id nominis aliud posuerat, vindicauerunt. Pausanias enim cum Spartanis populis coniungit hisce: οἱ λιμέναται Σπαρτιατῶν καὶ Κυνουσῶν καὶ ἐκ Μεσσηνίας τε καὶ Πιτάνης θύοντες τῇ Ἀρτέμειδι, *Limnata Spartiatarum, & Cynosurenses, & qui ex Mesoa & Pitana venerant, Dianæ sacrificantes.* Scholiastes Callimachi in hymn. Dianæ vers. 94 Κυνοςῶν, τόπος Λακωνικῆς, *Cynosuræ locus Laconicæ.* Et quod ἄκραν dixit chorographus, in regionis quamlibet adpellatione errabundus; ad mare fuisse id oppidum sub promontorio situm, verosimile est. Nec enim geographis vox ἄκρα tam quemuis montem, quam in mare procurrentem significat. Heic, quocunque loco fuit, sepultus dicitur Aesculapius. Cicero lib. iii Nat. deor. cap. xxi *Aesculapius secundus, secundi Mercurii frater. is fulmine percussus, dicitur humatus esse Cynosuræ.* Et Clemens Alexandrinus Protrept. pag. 18 de Aesculapio: ἔτος κείτοι κεραυνάθεις ἐν τοῖς Κυνοςῶντος ὁρίοις, *hic fulmine ictus sepulcrum habet in Cynosuridis finibus.*

CCCCCLXXXVIII.

In mediterraneis Laconicæ est caput gentis *Lacedæmon*, quæ & *Sparta* dicitur, quæ duo nomina ita differunt, vt alterum sit proprium & antiquum vrbis, alterum regionis, quod postea vrbi etiam primariæ accesserit. Pausanias Lacon. cap. xi Σπάρτη μὲν ἰομασθεῖσα ἐξ ἀρχῆς, πρὸς λαβῆσα δὲ ἀνὰ χρόνον καὶ Λακεδαίμων ἢ αὐτὴ καλεῖσθαι. τέως δὲ τὸ ὄνομα τῆτο ἐκείνο τῇ γῇ, *Sparta dicta prius, quæ postea etiam Lacedæmon fuit nuncupata, quum antea regionis hoc nomen esset.* Et Stephanus: Λακεδαίμων πόλις ἐνδοξότατη τῶν ἐν Πελοποννήσῳ, ἢ Σπάρτη πρότερον, *Lacedæmon vrbs celeberrima in Peloponneso, quæ prius Sparta adpellata fuit.* De origine vtriusque nominis, quæ varia ab diuersis proditur, Meursius in Miscell. Laconicis consulatur: ad nostrum illa institutum nihil adfert. Distinxit ita urbem ab regione Homerus Iliad. v, siue Catalogo vers. 88

Οἱ δ' εἶχον κοίλην Λακεδαίμονα κηλῶεσσαν,
φάρην τε, Σπάρτην τε, πολυληγεῖν τε Μέσσην.

*Qui tenebant cauam Lacedæmonem, cetis abundantem,
Pharamque & Spartam, & columbis plenam Messam.*

Scholiastes ibi: Λακεδαίμονα τὴν χώραν λέγουσι τὴν δὲ πόλιν Σπάρτην. ἕτεροι δὲ καὶ αὐτῆς τῆς πόλεως τὸ μὲν τοι Λακεδαίμονα, τὸ δὲ Σπάρτην καλεῖσι. *Lacedæmonem regionem dicunt: urbem Spartam: alii urbem utroque nomine Lacedæmonem & Spartam adpellant.* Κοίλη, caua dicitur regio, quod montibus est circumdata, Taygeto maxime. Ad scholiasten laudatum, qui etiam epitheton vrbis κηλῶεσσα interpretatur. Sita vrbs ad dextram Eurotæ ripam, de quo flumine supra in ostiis dictum fuit. Minor erat ambitu Athenis, vt cumque par potentia, vel etiam superior. Polybius lib. ix cap. xx tradit cir-

circuitum esse XLVIII stadiorum; quum Athenarum multo amplior existisset. Quum floreret Lacedæmon, carebat muris, virtute ciuium munita & defensa. Nepos Agesilao cap. vi *Quum Epaminondas Spartam oppugnet, essetque sine muris oppidum, talem se imperatorem præbuit, ut eo tempore omnibus adpareret, nisi ille fuisset, Spartam futuram non fuisse.* Cassandri demum temporibus, aut postea, quum tyranni tenerent ciuitatem, diffisi armis & virtute, muro urbem cinxerunt, leuiore primum & tumultuario, quem Nabis firmissimum perfecit. Iustinus lib. xiv cap. v ex Trogo: *Cassander profectus in Græciam multis ciuitatibus bellum infert, quarum excidio, veluti vicino incendio territi Spartani, urbem, quam semper armis, non muris defenderant, tum contra responsa fatorum & veterem maiorem gloriam, armis diffisi, murorum præsidio includunt.* Demetrii & Pyrrhi temporibus initia murorum Pausanias tribuit, Archaic. cap. viii. τὰ τεῖχη τῆς Σπάρτης, inquit, οἰκοδομηθέντα μὲν καὶ πρότερον ἔτι αὐτοχεδίως καὶ ἐπὶ τε τῆς Δημητρίου, καὶ ὕστερον τῆς Πύρρου καὶ Ἡπειρώτων στρατίας· ἐπὶ δὲ τῆς τυραννίδος τῆς Νάβιδος καὶ εἰς τὸ ἀσφαλέςατον ὀχυραθέντα. *Spartæ muri, Demetrio & Pyrrho olim oppugnantibus, tumultuario opere exstructi fuerant: Nabis postea tyrannus ita perfecit, ut nihil ad firmitudinem desideraretur.* Liuius lib. xxxiv cap. xxxviii *Fuerat quondam sine muro Sparta. tyranni nuper locis patentibus planisque obiecerant murum: altiora loca, & difficiliora aditu, stationibus armatorum pro munimento obiectis tutabantur.*

CCCCCLXXXIX.

Viginti stadiis a Sparta, in austrum versus, *Amyclæ* erant, amœnissimum oppidulum & antiquum. Polybius lib. v cap. xix αἱ ἀμύκλαι καλεόμεναι, τόπος ἐστὶ τῆς Λακωνικῆς χώρας καλιδενδρότατος καὶ καλικαρπότατος. ἀπέχει δὲ τῆς Λακεδαιμόνος ὡς ἑκοσι στάδια. *Amyclæ, quæ ita vocantur, locus sunt fructiferarum arborum prouentu amœnissimus, distantque viginti circiter stadia a Lacedæmone.* Inde est quod *virides* a Statio dicuntur Thebaid. ix vers. 769

- - hunc *virides* non excipietis *Amyclæ*.

Apollinis templo claræ fuerunt. Polybius ibidem: ὑπάρχει καὶ τέμενος Ἀπόλλωνος ἐν αὐτῷ χεδὸν ἐπιφανέστατον τῶν κατὰ τὴν Λακωνικὴν ἱερῶν, *Est in loco illo Apollinis templum, facile clarissimum omnium, quæ in Laconica regione sunt.* Ideoque *Apollinæ Amyclæ dictæ eidem Statio* Theb. vers. 223

Huius Apollinæ currum comitantur Amyclæ.

Leda, Dioscurorum & Helenæ mater, heic sedem habuisse traditur, vnde cognomen *Ledææ* est. Idem Theb. vii vers. 163

- - - *Ledæasque ibis Amyclas.*

Et Silius Italicus lib. ii vers. 434

Ledæis veniens victor Xanthippus Amyclis.

Ab austro autem vrbi fuisse obuertas, itidem Polybius dicto loco testis est: καὶ τὰ τῆς πόλεως ἐν τοῖς πρὸς θάλατταν κεκλιμένοις μέρεσι, *Sitæ sunt Amyclæ ad eam partem vrbis, quæ vergit ad mare.* Liuius lib. xxxiv cap. xxviii *Quintius prope Amyclas posuit castra. Inde, quum perpopulatus omnia circum-*

cum ieda urbi frequentis & amœni agri loca esset, nullo iam hoste porta [Lacedæmonis] excedente; mouit castra ad flumen Eurotam.

CCCCXC.

Trans flumen, in altera ripa, *Therapne* erat, siue *Therapnæ*, itidem vicina Spartanæ urbi; vitiose in vulgatis quibusdam libris *Theramne* scripta. Pausanias Lacon. cap. xx ἑτέρα ἐκ τῆς πέλεως ὁδὸς εἰς Θεράπνην ἄγχι. - - πρὶν δὲ ἢ διαβῆναι τὸν Εὐρώταν, ἐλέγχον ὑπὲρ τῆς ὁχθῆς, ἱερὸν δείκνυται Διὸς Πλασίου. Altera via ex urbe ducit *Therapnen*. - antequam vero *Eurotam* transieris, haud longe a ripa ostenditur *Iouis Opulenti fanum*. Ergo *Eurotas* traiciendus erat iis, qui *Sparta* exhibant *Therapnen*. πόλιν, oppidum dixit idem Pausanias cap. xiv, & Stephanus. Suidas locum vocat; Θεράπνην τόπος ἐστὶν ἐν τῇ Λακεδαιμονίᾳ: Scholiastes Pindari Isthm. oda i vers. 43 κώμην, vicum: Θεράπνην, κώμη αὐτῇ, *Therapna* vicus ibidem, id est apud *Spartam*. *Castoris & Pollucis* templum habuit. Idem scholiastes dicto loco: Ἰστέον ὅτι τῆς Λακωνικῆς ἐν Θεράπνησι τὸ ἱερὸν ἐστὶ τῶν Διοσκύρων, Sciendum quod in *Laconicæ Therapnis* templum sit *Dioscurorum*. Quo Statius adlusit *Siluarum* lib. iv carm. viii vers. 52

Et vos Tyndaridæ, quos non horrenda Lycurgi

Taygeta, umbrosæque magis coluere Therapnæ:

quos idem *Thebaidos* lib. vii vers. 793 inde *Therapnæos* fratres dixit. Pomponius Mela lib. ii cap. iii in *Laconide Therapne, Lacedæmon, Amyclæ*. Plinius lib. iv. cap. v vitiose, intus *Sparta. Theramne*, quod etiam in libros Stephani & Statii irrepsit, indignante Meursio *Miscell. Lacon. lib. iv cap. xii*.

CCCCXCI.

Inter *Spartam* & eius nauale in via sunt *Croceæ*, Κροκέαι, Pausaniæ cap. xxi, & Stephano nominatæ: ille κώμην, vicum vocat; hic τῶν ἑκατὸν πόλεων μίαν unum ex centum [Laconicis] oppidis. Ibi lapidicinæ *Spartanorum*, & *Iouis Croceatæ*, Διὸς Κροκεάτα, lapideum simulacrum.

CCCCXCII.

Inde si pergas xxx stadia, oppidulum est *Aegiae*, Αἰγία, quod credebatur Homericum esse Αἰγείᾳ, *Augeæ* dictum. Vide Pausaniam.

CCCCXCIII.

Ptolemæus inter *Spartam* & mare fere media via ponit Θέρριον, *Thurium*, de quo silent ceteri. Inde ad occasum habet *Bitylam*, quam Meursius *Miscell. lib. iv cap. viii* putat ex *Oetylo*, maritimi oppidi nomine prauatum esse, quamuis suam Ptolemæus in mediterraneis scripserit. *Blemminam* autem Ptolemæi, βλέμμινα, in septemtrione sitam ad *Arcadiæ* fines, credit Meursius ceterorum *Belbinam* esse. Stephanus: Βελβία πόλις Λακωνική, *Belbina*, oppidum *Laconicum*. Prouocat ad Pausaniæ octauum librum, siue de *Arcadicis* rebus, cuius cap. xxv in nostris libris non Βελβία, sed Βελεμίνια, *Belemina* legitur, quod propius cum Ptolemæi *Blemina* siue *Blemmina* congruit. nec situs repugnat. *Arcades* enim ait narrare, olim suam fuisse; a *Lacedæmoniis* sibi ereptam. Si mendi suspicionem obicias, constan-

Hhh hhh

stan-

stantia scribentis diluet, quia etiam in Lacon. cap. xxi *Βελμῖνα*, & eodem quidem situ legitur. Accedit quod itidem ad Arcadiæ fines Polybius memorat *Βελμινᾶτον χωρίον*, *Belminaticum agrum*, in confinio Megalopolitanorum. Nihilominus propter hanc ipsam situs conuenientiam concedimus facile, *Belbinam* & *Blemminam* & *Beleminam* eandem esse, vel errante scriptura alterutra, vel gemino nomine vnius oppidi vsurpato. Liuius lib. xxxviii cap. xxxiv *Ager Belbinites* [quidam *Belbinatis* legunt] *quem iniuria tyranni Lacedæmoniorum possederant, restitutus eidem ciuitati* [Megalopolitanæ] *ex decreto vetere Achæorum, quod factum erat Philippo Amyntæ filio regnante.* Plutarchus in Agide & Cleomene pag. 806 *Πρώτον οἱ ἐφοροὶ πέμπουσιν καταληψόμενοι τὸ περὶ τὴν Βελβῖναν Αἰθίωνων. ἐμβολὴν δὲ τῆς Λακωνικῆς τὸ χωρίον ἐστὶ, καὶ τότε πρὸς τὰς Μεγαλοπολίτας ἦν ἐπίδικον.* Primum ephori [Cleomenem] *mittunt ad Minervæ templum, quod prope Belbinam est, occupandum.* Is locus agri Laconici aditus erat, & tunc temporis Lacedæmonis controuersus erat cum Megalopolitanis.

CCCCXCIV.

Fuit & *Tripolis* quædam in his oris Lacedæmoniorum. Liuius lib. xxxv cap. xxvii *Ita perculsis hostibus, Philopæmen protinus ad depopulandam Tripolim Laconici agri, qui proximus finem Megalopolitanum est, duxit, & magna vi pecorum hominumque inde abrepta, priusquam a Gythio tyrannus præsidium agris mitteret, discescit.* Vnum oppidum, an tria fuerint, ut in Arcadia, non quidem definitum est: probabilius autem, regiunculam, tria oppida minora continentem, fuisse, quod abactio pecorum hominumque, & ipsa depopulatio suadet. Præter hanc nemo, quantum nobis notum est, *Tripolim* Laconicam memorauit.

CCCCXCV.

Vt vero *Tripolis* alia Laconicæ, alia erat Arcadiæ; ita etiam *Caryæ* aliæ Arcadum, aliæ Lacedæmoniorum fuerunt. De his Pausanias Mess. cap. xvi & Lacon. cap. x, quæ Dianæ fanum habebant, ad quod Lacænæ virgines festo diuæ die choreas ducebant. Sitæ erant inter Spartam & Messeniorum fines: ut dicto cap. xvi Messenicorum adparet. Stephanus singulari numero *Κάρυα, χωρίον τῆς Λακωνικῆς.* Ab his cognomen *Dianæ Caryatidis* apud Diomedem Gramm. lib. iii pag. 483. Et Hesychius: *Καρυᾶτις, εὐροτὴ Ἀρτέμιδος καὶ ἱερόν.* Papinius Statius Theb. iv vers. 225

Plaudentique habiles Caryæ resonare Dianæ.

CCCCXCVI.

In Argiuorum confinio *Glympes*, *γλυμπῆς*, plurale, fuerunt. Polybius lib. iv cap. xxxvi *γλυμπεῦσι καὶ Ζάρακι πρὸς πεσῶν, Glympes & Zaraceminuasit.* De situ idem clarius lib. v cap. xx *παράγονέμενοι πρὸς γλυμπῆς χωρίον, ὃ καὶ τὰ περὶ τὰς ὄρους τῆς Ἀργείας καὶ Λακωνικῆς, Ventum ad Glympes est castellum, situm in confinio Argæ & Laconicæ.*

CCCCXCVII.

In eodem tractu, sed orientem versus æstium, & æque in Argiuorum quam Arcadum confinio cum Lacedæmoniis, posuit Ptolemæus *Lernam*

nam oppidum, Λέρναν, de qua nihil nobis notum in Laconica est: nisi forsan prope psludem Lernam aut fluuium fuit, de quibus in Argolide dicemus. Addit *Thalamam*, Θαλάμην, quam pluraliter Pausanias enuntiat Θαλάμαι, *Thalamæ*, & in oppidis Eleutherolaconum scribit cap. xxi; quod argumento esset, haud longe ab Argolico sinu abfuisse, quia vt Pausanias ibidem tradit, ἐπὶ θαλάσση ἀκτισμένον ἐστὶν ἡδὴ τῶν ἐλευθερολακίων, *maritima tenent Eleutherolacones*; nisi Polybius in Excerptis Valefianis ex lib. xvi nos aliud doceret. ὁ μὲν Ευρώτας, inquit, καὶ τὰ περὶ Σελλασίαν καὶ τῆς Σπάρτης ὡς πρὸς τὰς θερινὰς ἀνατολάς. τὰ δὲ κατὰ Θαλαμίας, καὶ Φάρας, καὶ Πάμισον ὡς πρὸς τὰς χειμερινὰς δύσεις. *Eurotas est ager Sellasiorum ad ortum aestiuum Sparta sita sunt: Thalamæ vero est Pharae ac Pamisus annis proxime ad occasum hibernum.* Lege quæ antecedunt & sequuntur, e quibus intelliges, *Thalamas*, (sic enim rectius scribitur quam *Thalamias*) inter Eurotam & Pharas seu Messeniæ fines fuisse sitas. Sed in septemtrionem reuertamur.

CCCCXCVIII.

Eiusdem tractus est regio *Cynuria*, Κυνυρία γῆ, in Argolidis confinio, cuius duo oppida erant, *Thyrea*, & *Anthena*, Græce Θυρέα & Ἀθήνη. Thucydides lib. iv pag. 288 ἀφικνῶνται ἐπὶ Θυρέαν, ἥ ἐστι μὲν τῆς Κυνυρίας γῆς καλαμίνης, μεθορία δὲ τῆς Ἀργείας καὶ Λακωνικῆς, νεμόμενοι δὲ αὐτὴν ἔδοσαν Λακεδαιμόνιοι Αἰγινήταις ἐκπεσῶσιν ἐνοικεῖν. *Veniunt [Athenienses] Thyream terræ Cynuriæ, distemnantis Argium est Argolicum agrum: quam Lacedæmonii colentes Aeginetis, patria eiectis, habitandam tradiderant.* Idem lib. v pag. 371 περὶ τῆς Κυνυρίας γῆς, ἥς αἰεὶ περὶ διαφέρουσαι, μεθορίας ἔσσης. ἔχει δὲ ἐν αὐτῇ Θυρέαν καὶ Ἀθήνην πόλιν· νέμονται δ' αὐτὴν Λακεδαιμόνιοι, *de Cynuria regiuncula (Argiuis monentibus) quæ semper controuersa fuit, quia in limite erat. Habet autem oppida Thyream est Anthenam: eamque possident Lacedæmonii.* Plinio est *Anthane*. nam etiam Ἀνθάνα vocatur. Adi Stephanum Byzantium.

CCCCIC.

Citeriora sunt Ptolemæo, *Gerania*, Γερηνία, quam Pausanias cap. xxi etiam in Eleutherolaconum vrbibus numeravit: Plinius lib. iv cap. v scripsit *Gerania*, Dorico more. Rursus Pausanias principio Laconicorum, Messeniis dicit constitutum limitem esse ad Laconas κατὰ τὴν Γερηνίαν, *iuxta Gereniam*: vnde Stephanus quoque *Gereniam* in Messenia censet. Quod si est, nimis illam Ptolemæus in ortum protraxit.

D.

Deinde Ptolemæi est οἰνὴ, * *Oenoe*, a Sparta in ortum sita, quæ Meursio videtur Stephani οἰνῆς, *Oenûs* esse, a vini præstantis prouentu laudatum Athenæo oppidulum, (ὁ ἐξ οἰνοῦντος οἶνος, *Oenuntinum vinum*) lib. i cap. xxiv. Est & fluuius *Oenûs*, apud Polybium lib. ii cap. lxv, haud dubie *Oenunte*m, communi nomine oppidulum, præterfluens.

DI.

Ad hunc sita erat *Sellasia* oppidum. Liuius lib. xxxiv cap. xxviii

Hhh hhh 2

Quin-

* Apollodor. bibl. II cap. 5 §. 3 pag. 103 italoquitur de Oenoe, vt etiam regio aliqua videatur fuisse. Sed in est sæpe apud, prope, vti in Diodori IV pag. 239.

Quintius, satis iam omnibus paratis, profectus ab stativis, die altero ad Sellasiam super Oenunta fluuium, - - - inde quum audisset escensum difficilis & arcte via esse, breui per montes circuitu praemissis qui munirent viam, lato satis & patenti limite ad Eurotam amnem, sub ipsis prope fluentem moenibus, peruenit. Polybius scripsit Σελασία, *Selasia*, lib. II cap. LXV, & lib. IV cap. LXIX: Excerptis autem Valesii ex lib. XVI editum pag. 73 Σελασία, quum situm eius ad Spartam urbem ita descripsit: ὁ Εὐρώτας καὶ τὰ περὶ τὴν Σελασίαν καὶ τὰ τῆς Σπάρτης ὡς πρὸς τὰς θερνὰς ἀναβολὰς. *Eurotas & quæ circa Sellasiam, ad ortum aestiuum Spartæ sita sunt.* Ερείπια Σελασίας, *rudera Selasie*, ostendit Pausanias Lacon. cap. x. Hic vero etiam simplici lamda scripsit.

DII.

Ceteræ mediterraneæ vrbes, quamuis dubiæ positionis, sunt, *Pitane*, Πιτάνη, haud longe a Sparta quod ex iuuenum secessione in collem ἐγγὺς Πιτάνης, *prope Pitane*, apud Polyænum lib. II cap. I strateg. 14 adparet. Ad Eurotam fuisse, versus Pindari 46 odæ VI Olymp. probat,

Πρὸς Πιτάναν δὲ παρ' Εὐρώτα πόντον,

Ad Pitane vero iuxta Eurotæ meatum,

Plinius in Laconica: *Intus Sparta, Theramne: atque ubi fuere Cardamyle, Pitane, Anthane.* Memorauit etiam Pausanias cap. XVI vna cum Mesoa & Cynosura. Correpta media syllaba. Aufonius epigram. XXIV de Thra-sybulo Lacedæmonio, septem aduersis vulneribus acie cæso:

Non dolor hic patris, Pitane sed gloria maior.

Defunctum epigramma ex Græco est apud Plutarchum in Apophthegm. Laconicis, quod incipit: *

Τῇ Πιτάνῃ Θρασύβουλος ἐπ' ἀσπίδι ἤλυθεν ἄπνευς.

DIII.

Quam coniungit Pausanias *Mesoan*, aliis est *Messoa*, geminato sibilo. Stephanus: Μεσσοῖα, τόπος Λακωνικῆς, *Messoa, locus Laconicæ.* Patria Alcmanis poetæ. Suidas: Ἀλκμὰν Λάκων ἀπὸ Μεσσοῖας, *Alcman, Lacedæmonius Messoen-sis.*

DIV.

Sunt præterea, incerto situ, *Geranthræ* siue *Geronthræ*, in Eleuthero-laconibus; auctore Pausania cap. XXI, & Stephano: & *Thea*, Θεῖα, eiusdem Stephani, qui ex Thucydide Θεῖς, *Theenses* producit. Exstat nummus in Thesauro serenissimi Electoris Brandenburgici, DOMINI mei, quem huc refert vir clarissimus Laur. Begerus pag. 442. Et *Alagonia*, ac *Marios*, a Pausania in Eleutherolaconicis numeratæ, fere ignotæ sunt.

DV.

Notior in eodem censu *Pyrrhichus*, a Pyrrho, Achillis filio, nomen ducens, vt idem Pausanias cap. XXV tradidit. nam ait ibi, ἀπὸ Πυρρῆος κα-ταβάνη εἰς θάλασσαν, ἐς τὴν τευθρών, *a Pyrrho ad mare descendenti occurrit Teuthrone.* Teuthrona autem inter Lan & Tænarum in ora existebat, vt supra exposuimus. Ibi *Scyras* fluuius exit, quem classe ingressus Pyrrhus est, quum ad

* Est etiam in Epigrammat. Græc. libr. III c. 2 εἰς ἀνδρείδης pag. 274.

ad nuptias Hermiones proficisceretur. Vrbs Pyrrhichus XL stadiis abest a flumine. Hæc ex Pausaniæ dicto loco. Meursius existimat, eundem locum esse quem Polybius lib. v cap. xix dicit τὸν πύρρον καλούμενον χάρακα, *Pyrrhi ita nominatum Vallum*, quo Philippus vno die inter populandum ab Amyclis dicitur venisse. Videtur eundem locum Liuius lib. xxxv cap. xxvii *Pyrrhi castra* adpellasse. *Nabis*, inquit, *recepto Gythio, cum expedito exercitu inde profectus, quum præter Lacedæmonem raptim duxisset, Pyrrhi, quæ vocant, Castra occupavit.*

DVI.

Quod vero sæpe *Eleutherolaconum* facta est mentio, de iis ex Pausaniæ Lacon. cap. xxi notandum est, Spartam seu Lacedæmonem circumiectis olim oppidis plurimis imperasse. Ab huius ciuitatis iurisdictione exemit Augustus Cæsar duodeviginti oppida, eaque libera esse permisit, pleraque ἐπὶ θαλάσση ὠκισμένα, *maritima*; omnia sic posita, vt longius a mari ne recedant. Sunt autem, *Gythium, Teuthrone, Las, Pyrrhichus*, ad Tænarum Cænepolis, Oetylos, Leuctra, Thalamæ, Alagonia, Gerenia, Asopus, Acriæ, Bææ, Zarax, Epidaurus Limeræ, Brasæ, Geronthræ, Marios. Hinc est quod Plinius dixit lib. iv cap. v *Ager Laconicus, liberæ gentis.*

DVII.

Montes Arcadiæ pauci memorantur, *Taygetus*, Ταῦγέτος, & *Menelaus*; sed *Taygetus* tantæ longitudinis, vt per totam procurrat Laconicam, a mari ad vsque Arcadiam. Strabo lib. viii pag. 250 τούτων ὑπέρχεται τὸ Ταῦγέτον ἔστι δ' ὄρος, μικρὸν ὑπὲρ τῆς θαλάττης, ὑψηλὸν τε καὶ ἔρθιον, συνάπτον κατὰ τὰ προσάρκλια μέρη τῶν Ἀρκαδικῶν ὑπαρξάντων, ὥστε κατὰ λαίπεδα, ἀγνώνα, καθ' ὃν ἡ Μεσσηνία συνεχὴς ἐστὶ τῇ Λακωνικῇ. *Supra hæc [Tænarum ac Thyrides] situs est mons Taygetus, paruo spatio a mari, altus & erectus, & septemtrionem versus Arcadicorum montium attingens radices ita, vt flexus cubito similis in medio relinquatur, ubi Messenia Laconicæ cohæret.*

Sub hoc monte Sparta sita est, & Eurotas amnis decurrit. Ibidem Strabo: ὑποπέπλωκε τῷ Ταῦγέτῳ ἡ Σπάρτη ἐν μεσογείᾳ, καὶ Ἀμύκλῳ, *sub Taygeto iacet Sparta in mediterraneis, & Amycle.* Quintius consul Romanus, Spartam oppugnaturus, referente Liuiο lib. xxxiv cap. xxviii, *vallem Taygeto subiectam euastat.* Venationes egregias hæc iuga omnis generis ferarum præbent, quas Pausanias Lacon. cap. xx recenset. His quoque virgines Spartanæ exercebantur. Propertius lib. iiii elegia xiv

Et modo Taygeti crines adspersa pruina

Seciatur patrios per iuga longa canes.

Dicuntur & plurali numero *Taygeta* subaudi ὄρη, *montes, iuga.* Virgilius Georgicor. lib. ii vers. 487

- - - *virginibus bacchata Lacænis*

Taygeta.

Et Papinius Statius lib. i Achilleidos vers. 426

Nusquam umbræ veteres: minor Othrys, & ardua fidunt

Taygeta, exuti videntur aëra montes.

Hhh hhh 3

DVIII.

DVIII.

Mons *Menelaius* proxime Spartam est. Liuius lib. xxxiv cap. xxviii *Quintius prope flumen præter urbem [Spartam] sub ipsas Menelai montis radices ducere copias instructas pergit.*

S E C T I O XVII.

A R G E I A siue A R G O L I S.

DIX.

Laconicam excipit a septentrione & in ortum excurrit *Argéa* siue *Argia*, Græce *Αργία*: & alia forma *Αργολίς*, vt Latine etiam Plinius lib. iv ineunte, & Mela lib. ii cap. iii scripserunt, *Argolis*; a qua sinus dicitur *Argolicus*, Græce *Αργολικός κόλπος*, apud Polybium lib. v cap. xci. vt de Scylace, Strabone ac Ptolemæo taceamus. Ab occasu Argolidi Arcadia obiecta, & in septentrione Achaia. Sinus autem *Argolicus*, vt Latini quoque Mela ac Plinius vocant, inter Maleam ac Scyllæum promontoria continetur. Inferiorem partem Lacones tenebant vsque ad *Prasias*: reliquam omnem vsque ad Saronicum sinum Ptolemæus *Argiuis* dat; Strabo rursus distinguit, mediam suo nomini relinquens; supremam ab vrbe adiacente appellans *sinum Hermionicum*, *κόλπον τὸν Ἑρμιονικόν*, siue *Ἑρμιονικόν*.

DX.

Argolidem Strabo incipit a *Prasias*, quas Laconibus supra vindicauimus: Ptolemæus a *Temenio*. Strabo enim lib. viii pag. 254 τῶν Αργείων αἱ τε Πρασιαὶ, καὶ τὸ Τημένιον, *Argiuorum sunt ex Prasias ex Temenium*. Nos vero *Prasias* supra Laconibus, sequuti Pausaniam & Ptolemæum, reliquimus, vt ita aliud nobis Argeæ initium capiendum sit. In ora itaque oppidum *Temenium*, *Τημένιον*, post Laconidem primum fuit, haud procul ostiis *Erasini* fluuii, qui ex monte Arcadiæ *Stymphalo*, aut palude *Stymphalide*, in *Argiuorum* agrum delapsus, heic effunditur: incertum vero, vtrum cis *Temenium*, an vltra illud effluat. *Ερασίνες* Græce est, porrecta penultima, cuius nominis plures Strabo pag. 256, in Attica, & ipsa Arcadia, sed per Achaia in Corinthiacum mare effluentem, & alibi notauit. Hic, qui *Argolicus* est, sub terra aliquod spatium occultari, * & in *Argea* emergere dicebatur. Strabo viii pag. 256 δύντα ὑπὸ γῆς Φασὶ τῆτον ποταμὸν ἐκπίπτειν εἰς τὴν Αργεῖαν, hunc fluuium aiunt sub terra abditum in *Argea* erumpere. Et Seneca lib. iii *Quæst. nat.* cap. xxvi de illo refert Ouidii versus ex *Metamorphos.* lib. xv, 275 seq.

- - - - - tacito modo gurgite lapsus

Redditur *Argolicis* ingens *Erasinus* in aruis.

Pausanias *Corinth.* cap. xxxvi tradit, *Erasinum* influere in *Phrixum* amnem

* Herodot. libr. VI c. 76 Επεὶ τε δὲ Σπαρτιάτας ἄγων ἀπῆκετο ἐπὶ ποταμὸν Ερασῖνον, ὃς λέγεται ῥεῖν ἐκ τῆς Στυμφαλίδος λίμνης, τὴν γὰρ δὴ λίμνην ταύτην ἐς χάσμα ἀφανὲς ἐκδιδοῦσαν ἀναφάνεσθαι ἐν Ἀργεῖ, τὸ ἐνθάδε δὲ τὸ ὕδωρ ἤδη τῆτον ὑπ' Αργεῶν Ερασῖνον καλεῖσθαι. Postquam autem Spartacus ducens ad flumen peruenit *Erasinum*, quod ex *Stymphalico* lacu profluere dicitur; lacum enim hunc in hiatum obscurum infusum in *Argolide* rursus adparere aiunt, & amnem iam inde ab *Argiis* *Erasinum* adpellari &c.

amnem; Phrixum deinde exire in mare. Sed obscurior ille *Phrixus*: nobilior *Erasinus*, a quo potius *Phrixum* deferri credibilius est. Strabo enim lib. viii pag. 256 duo tantum flumina, quasi celebriora, in Argea memorat: εἰς μὲν Ἰναχὸς ἐστὶν ὁ διαρρέων τὴν Ἀργεῖαν ἄλλος δὲ πεταμὸς ἑκατὶν ἐν τῇ Ἀργεῖα ἐστὶν. *Vnus fluvius, Argeam perlans, est Inachus: alter fluvius in Argea Erasinus.* Statius lib. i Theb. vers. 357

Inachus, ex gelidas surgens Erasinus ad Arclos.

quamquam hic Erasinus Argolidis cum Arcadico, qui in septemtriones tendit, ille vero in austrum, ut adparet, confunditur.

DXI.

Deinde *Nauplia* * est nauale Argiuorum. Strabo: Μετὰ τὸ Τημένιον ἡ Ναυπλία, τὸ τῶν Ἀργείων ναύσταθμον, post Temenium est Nauplia, Argiuorum naualis statio. Ptolemæus Ναυπλία ἐπίκειν, Nauplia nauale. Memoravit & Herodotus lib. vi cap. lxxvi. Quinquaginta stadiis a Temenio distabat, auctore Pausania, extremo Corinthiacorum. Nominis rationem Strabo dat, ἀπὸ τοῦ τοῖς ναυσὶ προσπλείοθαι, quod nauibus impleatur. Quæ quod portus commoditatem significant, fit, ut Napoli di Romania, permunita vrbs & portus esse credatur. At Pausaniæ ætate erat ἔρημος, deserta & vix τειχῶν ἐρείπια, murorum vestigia reliqua.

DXII.

Post Naupliam oppidum Ptolemæo est Φλιῦς, *Phliûs*; Straboni specus cum labyrinthis, εἴτ' ἄλλα χωρία, deinde alia loca, in quibus fortassis Ptolemæi *Phliuntem* maritimum numerare possumus. Celebrior *Phliûs* Sicyoniæ, de quo supra in Achaia dictum est.

DXIII.

Tum *Asine*, Ἀσίνη, Strabonis est, initium sinus *Hermionici*, quam Pausanias Messen. cap. xxxiv τὴν πρὸς Ἑρμιόνη Ἀσίνην, *Asinen Hermionicam* vocat. In sinu autem Hermionico, qui pars Argolici est, sed laxè sumti, Strabo pag. 254 tria oppida ponit, *Asinen*, de qua diximus; *Hermionem* & *Træzenem*.

DXIV.

Ptolemæo æque laudata *Hermione* ut Straboni, cui ἔκ ἐστι τῶν ἀσήμεων πόλεων, non de obscuris urbibus est. Pausanias Corinth. cap. xxxiv veterem Hermionen, fanis quibusdam exceptis, euerfam tradit: nouam quatuor stadiis a promontorio, in quo Neptuni fanum erat, positam. Urbis nomen Scylaci est Ἑρμιῶν, *Hermion*; etiam Polybio. Agrum circumiectum Pausanias ibidem, & Thucydides lib. ii pag. 136, τὴν Ἑρμιονίδα, *Hermionidem* regionem adpellauerunt.

DXV.

Deinde vbi mare in orientem maxime recedit, & terræ amplitudo crescit, *Scyllæum* promontorium est Ptolemæi, quod Pausanias Corinth. cap. xxxiv in via ab Træzene Hermionen ferente ponit, qui & aliud, *Bucephala* dictum, inter Scyllæum & Hermionen, prodit promontorium.

DXVI.

* Diodorus IV pag. 239 τῆς Ἀργεῖας λιμένα vocat, *Argiæ terre portum*.

DXVI.

Ultra Scyllæum, non magno interuallo, vrbs *Træzen*, *Τροιζήν*, est, Neptuno sacra, vnde & *Posidonia* dicta, vt Strabo refert: nec ipsa ignobilis, *ἔδ' ἄσκημος πόλις*, eodem geographo testante. Vicinitatem Scylax ostendit: *ἐστὶ τὸ Σκύλλαϊον τῆς Τροιζηνίας*, *Scyllæum promontorium in agro Træzenio*. Hunc agrum *Τροιζηνίδα*, *Træzenidem* dixit Thucydides lib. ii pag. 136. Ipsa vrbs plerisque est *Τροιζήν*, *Træzen*, Græcis & Latinis: Ptolemæo autem *Τροιζηνή*, *Træzena*, tribus syllabis. Scylax: *μετὰ Ἑρμιόνα Τροιζήν πόλις καὶ λιμὴν, post Hermionem Træzen est, oppidum & portus*. Polybius lib. ii cap. Lii *προσλαβὼν - - - ἐπὶ δαυρον, Ἑρμιόνα, Τροιζηνία, occupans Epidaurum, Hermionem, Træzenem*. Corn. Nepos Themistocle cap. ii *sua omnia quæ moueri poterant, partim Salaminem, partim Træzenem asportant*. Ouidius Metamorphos. lib. vi vers. 418

- - - neque adhuc *Pittheia* Træzen.

Pittheus frater & successor fuit Træzenis, a quo nomen vrbs est. Vide Pausaniæ Corinthiaca cap. xxx. Iterum Ouidius lib. xv vers. 296

*Est prope Pitthæan tumulus Træzena, sine vllis
Ardus arboribus.*

DXVII.

Inter Træzenem & Epidaurum, vt Strabo obseruat, *χωρίον ἦν ἐρυμνὸν Μεθᾶνα, καὶ χερσένησος ἐμῶνυμος τέτω, locus erat munitus Methana, & Chersonesus eodem nomine*. Addit in quibusdam Thucydidis libris *Μεθᾶνη* legi; vt in nostris est lib. iv pag. 283 *ἀφίκοντο ἐς Μεθῶνην, τὴν μεταξὺ Ἐπιδάυρου καὶ Τροιζηνος, Methonen illam venerunt, quæ inter Epidaurum & Træzenem est*. Ptolemæus simpliciter *χερσόνησον*, Mela *Chersonesum* vocant, cuius etiam Thucydides dicto loco mentionem habet.

DXVIII.

Tum sequitur *Epidaurus*, propter Aesculapii religionem, *ιερά Ἐπιδάυρος*, sacra *Epidaurus* Plutarcho dicta in Pericle pag. 171. Nam inde Romani arcessierunt Sibyllæ libris moniti, quum pestilentia adfligerentur. Liuius lib. x extremo; *inuentum in libris, Aesculapium ab Epidauro Romam arcessendum*. Idem lib. xlv cap. xxviii *Sicyonem inde & Argos, nobiles vrbes, adit: inde haud parem opibus Epidaurum, sed inclutam Aesculapii templo, quod quinque millibus passuum ab vrbe distans, nunc vestigiis reuulsorum donorum, tum donis diues erat, quæ remediorum salutarium ægri mercedem sacrauerant deo*. Plinius lib. iv cap. v *In eo [sinu Saronico Argiuorum partis] Epidaurum oppidum, Aesculapii delubro celebre*. Hinc antiquissimus cultus huius numinis, vt multi ἐν Ἐπιδάυρῳ τὸν Σεῖον γενέσθαι, *Epidauri Aesculapium natum esse tradiderint*. τὰ γὰρ ἀσκληπεία ἐπιφανέστατα ἐξ Ἐπιδάυρου, *nam præcipua huius dei cultura ab Epidauro profecta*, quod Pausaniæ iudicium est Corinth. cap. xxvi. Cicero iii Nat. deor. cap. xxxi v *cauillum Dionysii refert, qui Aesculapii Epidauri barbam auream demi iussit. neque enim conuenire barbatum esse filium, quum in omnibus fanis pater imberbis esset*.

• Exstant nummi huius vrbs cum capite Aesculapii, vel serpentis figura, inscripti

scripti ΕΠΙΔΑΥΡΙΩΝ. Et vetus inscriptio apud Th. Reinesium pag. 152
 AESCVLAPIO EPIDAVRIO. nam & Latini gentile *Epidaurius* formant.
 Pomponius Mela lib. II cap. III *Habitant ab Isthmo ad Scyllæum Epidau-
 rii, Aesculapii templo incluti; & Træzenii, fide societatis Atticæ illustres.*

DXIX.

Quæ reliqua in hoc litore vsque ad isthmum sunt, Plinius lib. IV cap.
 V ita enumeravit: *In eo [sinu] Epidaurum oppidum, Aesculapii delubro cele-
 bre: Spiraëum promontorium, portus Anthedon, & Bucephalus.* Mela lib. II
 cap. III *Peloponnesi oram sinus & promontoria lacerant: ab oriente Buce-
 phalos, & Chersonesus, & Scyllæon.* Ptolemæus: *Επίδαυρος, Σπείραιον ἄκρον,
 Αθηναίων λιμὴν, Βυκέφαλον λιμὴν, Epidaurus, Spiraëum promontorium, Atheni-
 ensium portus, Bucephalum portus.* Quem ergo Anthedonem dixit Plinius,
 Ptolemæus vocat *Atheniensem* portum; vt alterum vocabulum vix possit
 non mendosum esse. Hausit alia ex Pomponio Plinius, etiam proxima
 de Epidauro: non autem quæ de portibus. nam iste hoc loco: *portus
 Saronicus, & Schænitas, & Pogonus.* Pogonus ille Træzenius est. Strabo
 VIII pag. 257 *πρόκειται τῷ λιμένος αὐτῆς, Πώγωνος τῆνομα, Καλαυρία νηπίδιον,
 præiacet illius [Træzenis] portui, cui nomen Pogoni est, parua insula Calau-
 ria.* Portum Schæniten Plinius a ceteris distinxit: quo loco eius sinus sit,
 non indicauit. Portus Saronicus qui Plinii aut Ptolemæi sit, non est cla-
 rum. If. Vossius mauult *porus Saronicus*, quia hunc sinum referat Strabo
 etiam *πόρον Σαρωνικὸν* adpellari. Lib. VIII pag. 254 *εἴτ' ὁ Σαρωνικὸς κόλπος·
 οἱ δὲ πόντον λέγουσιν, οἱ δὲ πόρον, καθ' ὃ καὶ πέλαγος λέγεται, Sequitur Saronicus
 sinus, quem alii pontum, alii porum [traiectum] dicunt, vnde & mare dicitur
 Saronicum.* Circa Træzenem incipit, quam Ptolemæus Saronico, Strabo
 sinui Hermionico tribuit, quia in limite est ambiguus.

DXX.

In mediterraneis Argiuorum vrbs princeps fuit Ἄργος, *Argos*,* neu-
 tro genere; Latine *Argi*, viriliter plurali numero. Græci, vt dixi, τὸ Ἄρ-
 γος formant. Homerus, vt de geographis taceam, Catalogo vers. 66

οἱ δ' Ἄργος τ' εἶχον, Τίρυνθ' αὖ τε τειχιόεσσαν.

Qui Argos colebant, & munitam Tirynthem.

Polybius lib. II cap. LXX ὁ Ἀντίγονος παραγενόμενος εἰς Τέγεαν, δευτέρῳ ἐντεῦ-
 θεν εἰς Ἄργος, *Antigonus venit Tegeam, postero die Argos.* Plutarchus Pyrrho
 P. 403 *προῆγεν ἐπὶ τὸ Ἄργος, mouit aduersus Argos.* Obliquis casibus τῷ Ἄρ-
 γος, Strabo dixit VIII pag. 254; τῷ Ἄργει, Homerus Iliad. A vers. 30

Ἡμετέρῳ ἐν οἴκῳ, ἐν Ἀργεῖ, τηλόθι πάτρης.

Imitantur aliquando Latini. Mela dicto loco: *in Argolide Argos, & Myce-
 nae, & templum Iunonis.* Et Plinius IV cap. V *alias Inachium, alias Dipsum
 Argos.* Et Ouidius lib. II Metamorph. vers. 239

Iii iii

---- que-

* Nonnus Dionys. III, 251 p. 100

Ἐστὶ πόλις κλυτὸν Ἀργος εἰδέσθαιον Ἥρης

Νῆος ταυταλίδας μετόμφαλος.

Hanc urbem euerfam dicit Epigramm. Græc. libr. I c. 4: πόλις pag. 139.

- - - queritur *Bæotia Dirceæ*,
Argos Amymonen, Ephyre Pirenidæ undas.

Sed hoc hellenismo tribuendum: puræ Latinitatis est plurale *Argi*. Liuius lib. xxxi cap. vii *Peloponnesum totam in ditione Philippus habet, Argosque ipsos; non vetere fama magis, quam morte Pyrrhi nobilitatos.* Et lib. xxxii cap. xxxviii *Philippus magis de Argis quam de Corintho sollicitus.* Etiam Virgilius *Aeneid.* i vers. 24 de Iunone:

- - quod [bellum] ad Troiam pro caris gesserat Argis:

& versu 284

- - - - - *clarasque Mycenæ*
Servitio premet, ac victis dominabitur Argis.

Cognomenta habet varia. Strabo lib. viii pag. 255 ex Homeri carminibus enotauit *Αχαῖκῶν, Ἰάσων, Ἰππῶν, Ἰππόβοτον, Πελασγικὸν, Πολυδάμαν*, e quibus *Achaicum* discriminis causa ab regione sumtum est vel antiquo populo. exempli gratia, *Odyss.* i vers. 251

Ἡ δὲ Ἀργεὺς ἦεν Αχαῖκῶν, - - -

Hippium etiam Plinius tradit, quod ut alterum *Ἰππόβοτον*, equorum copiam, qui ibi nutriantur, sonat. Addit Plinius *Inachium* a præterfluente Inacho amne; & *Dipsium*, quod est Homeri *πολυδάμαν* *Iliad.* Δ vers. 171, a Strabone *πολυπόδηλον desiderabile*, per translationem; non *siticulosum* (nam abundat aquis) interpretando expositum. Duas arces habuit. Liuius lib. xxxiv cap. xv *Præfectus præsidio Laconum sub aduentum Romanorum utrasque arces (nam duas habent Argi) validis præsidiiis firmavit.* Vnius nomen *Larissa* est, Strabone teste: alterius, non memini proditum esse. Iunoni urbs dicata erat, cui ideo *caros Argos* supra poeta dixerat. Vnde *Iuno Argiua* in antiquis monumentis. Nummus Neronis *HPA APΓEIA*: & Latina inscriptio apud Gruterum pag. 24

I V N O N I A R G E I A E

C. B L A N D V S P R O C O S.

Ut cæteros nummos huius ciuitatis, quæ in præcipuis erat Græciæ, inscriptos *APΓEION*, item *APPOΣ*, & *APΓ*. a variis expositos, taceamus. Distant autem *Argi* a Temenio, maritimo oppido, stadiis xxvi, Strabone auctore: ab his septemtrionem versus *Mycenæ* stadiis l.

D X X I.

Mycenæ * olim regni caput, Agamemnonis regia, poetis celebrata. Virgilius inde lib. vi *Aeneid.* vers. 838 dixit

Eruct

* Euripides *Iphigen. in Aulid.* v. 1499 seqq. a Perseo & Cyclopibus conditam dicit.

Μυκῆναι τ' ἐμὴ Σεράπεινα.

Mycenæ meæ fanule!

Καλὴς πόλις αὖ Περγείας

Nomius urbem Persei

Κυκλαπῶν πόλιν χερσίν.

Laborem manuum Cyclopicarum.

Nomen ipsum a *μύκητι*, capuli parte vaginam tegente, aut *Mycena* nymphea profectum est, si audias Scholiasten Nicandri ad vers. 102 pag. 71 *Alexipharm.* Ἀπὸ τοῦ μύκητος τὸ ξίφος φησὶ (Νικάνδρος) περὶ τοῦ ἀνομήδου τῆς Μυκῆνης. Τινὲς δὲ ἀπὸ Ἡρώδου γύμφης, ἥς μέμνηται καὶ Ὅμηρος,

Τῆσσι τ' Ἀλαμῆνι τε εὐσιφείας τε Μυκῆνι.

Habuit urbs hæc fontem *Langiam*. Nam Scholiastes idem ad v. 105 *Nύμφη* ἀγγεῖν πόμα addit: Ἀγγεῖα χερσὶν τὸ ἄγος.

Eruet ille Argos, Agamemnoniasque Mycenæ.

Et Horatius lib. I oda VII

Aptum dicit equis Argos, ditesque Mycenæ.

Post Troianum bellum, extincto Agamemnonis regno ταπεινωθῆναι Μυκῆνας, decreuisse Mycenæ, Strabo notauit, adeo, vt ipsius ætate ne vestigium quidem superesset. * Macedonico autem Romanorum bello aliquid vrbis fuisse super, ex Polybii excerptis lib. XVI pag. 73 ed. Vales. non potest dubium esse. εὐθέως, inquit de Nabityranno, ἐπὶ τὴν Κοιλοπορείαν ἐπεξάλετο, καὶ περὶ τὰς Μυκῆνας ἐποίητο τὴν πορείαν εἰς Ἄργος: statim in Contoporiam venit, ἔς secundum Mycenæ iter Argos fecit. Contoporia autem locus circa Corinthum fuit, vt ex Athenæi lib. II cap. VI constat. Liuius suboscure in eiusdem temporis historia dixit lib. XXXIV cap. XXXIX, Attalus in suam sententiam Quintium traduxit, ne in urbem ipsam Argos iret. Haud procul urbe Mycenica vocatur. in eo loco vt congregarentur conuenit. Plerique pluraliter enuntiant Μυκῆνας, Mycenæ: Homerus autem vtroque numero. Catal. vers. 76

Οἱ δὲ Μυκῆνας εἶχον, εὐκλίμενον πολίεθρον,

Qui Mycenæ tenebant, bene conditam urbem:

Et Iliados Δ vers. 52

Ἄργος τε, Σπάρτη τε, καὶ εὐρυάγυια Μυκῆνη

Argos & Sparta, & latis viis Mycenæ.

Decem stadiis a Mycenis, Argos versus, seu XL ab Argis in via Mycenæ ducente, fuit Ἡραῖον, Strabone auctore, id est Iunonis fanum, quod interpretes etiam Heræum scribunt. Hoc est quod Mela in præcipuis Argeæ monumentis numerauit. In Argolide, inquit, Argos, ἔς Mycenæ, ἔς templum Iunonis.

DXXII.

Non procul ab Argis, in confinio Laconidis, est Lerna, ** quam Ptolemæus oppidum Laconicæ censuit mediterraneum, sed in finibus Argiuorum, quo loco etiam Pausanias Corinth. cap. XXXVI Lernam, Λέρναν, posuit, prope Temenium, ad quam ab Argis descendentes, traiciendus sit Erasius, qui Phrixo amni mistus inter Temenium & Lernam exeat in mare. Sitam autem Lernam dicit in ora maris: ἡ δὲ Λέρνα ἐστὶ πρὸς θαλάσση, Lerna ad mare est. Nec vero addit quid sit Lerna, oppidum, flumen, an palus. Strabo autem lib. VIII pag. 256 ἡ δὲ Λέρνη λίμνη τῆς Ἀργείας ἐστὶ καὶ τῆς Μυκηναίας, Lerna palus est Argiui ἔς Mycenæi agri. Sic videri possit inter Argos & Mycenæ paludem illam esse, quod repugnat Pausaniæ verbis modo recitatis; etiam Pindari, Λερναίας ἀπ' ἁλῆς, ab litore Lerne, Olymp. oda VII vers. 60. Si fuit oppidum huius nominis, videtur id mare versus exstitisse; paludem autem interius. Pindari scholiastes: ἕτεροι δὲ καὶ πόλιν φασίν, alii dicunt oppidum [Lernam] esse: adseuerantius Pomponius Mela lib. II cap.

Iii iii 2

III

* Adde Epigramm. Græc. lib. I c. εἰς πόλιν p. 139. De agro Mycenarum & Argiuo memorabilia habet Aristoteles Meteorol. I cap. 14.

** Fontes Lerne apud sunt Apollodorum II c. I §. 4 extr.

111 In Argolico [sinu] sunt noti amnes, Erasinus atque Inachus, * & notum oppidum Lerne. Etiam plus hoc nomine quam paludem videtur Statius Thebaid. lib. 11 vers. 433 significasse:

- - - - - felicibus Argos

Auspiciis Lernamque regas.

Ceterum hæc palus est ἐν ἣ τὴν ὕδραν ἰσορᾷσι, in qua, ut Strabo ait, hydram [Herculis] fabulantur. Virgilius Aen. vi vers. 803 de Hercule,

- - - - - Lernam tremefecerit arcu.

Et Statius lib. 1 Thebaidos versu 360

- - - & veteri spumavit Lerna veneno:

ideoque eidem Statio lib. 11 Silv. carm. 1 vers. 181 dicta anguifera Lerna. Flumine palus in mare exit, forsan etiam ex flumine orta. Virgilius lib. xii vers. 518

- - - - - piscosæ flumina Lerne.

A palude proverbum natum, Λέρνη κακῶν, Lerna malorum, idque, ut Strabo exponit, διὰ τὰς γενομένας καθαρμὸς ἐν αὐτῇ. ob piacula in ea facta: Hesychius, διὰ τὸ τὰς Αργείας καθάρματα εἰς αὐτὴν βαλεῖν, quod purgamenta Argiui in eam proiecerint. A Lerna est Λερναῖος, Lernaus, ut supra ex Pindari versu ostendimus. Virgilius lib. viii vers. 300

Lernaus turba capitum circumstetit anguis.

DXXIII.

Prope Lernam est fons Amymonē, Αμυμώνη. ** Strabo dicto loco: δεικνύται καὶ Αμυμώνη τις κρήνη κατὰ Λέρνην, monstratur etiam Amymonē fons prope Lernam. Plinius in Argolide dicto loco: Fontes; Niobe, Amymonē, Psamathe. Et Ovidius lib. 11 Metamorphos. vers. 240 - - - queritur

Argos Amymonen, Ephyre Pirenidas undas.

DXXIV.

Arx vel castellum Lycimna, secundum Strabonem ἀκρόπολις Λυκίμνα, lib. viii pag. 257, xii stadiis aberat a Nauplia.

DXXV.

Tiryns, ** patrio casu Tirynthis, ὀρμητήριον, siue arx a Cyclopiis condita, ut Strabo ibidem ex fabulis refert. Plinius lib. iv cap. v Mycenæ: & ubi fuisse Tiryntha tradunt. Tiryntha, id est Tirynthem, Græco casu. Homerus Catalog. vers. 66

Oi

* Ita ab Inacho Oceani & Theryis filio adpellatus dicitur Apollodoro II c. 1 §. 1. Alius autem Inachus fuit, quem ex Pindo oriri dicit Aristoteles Meteorolog. I c. 13. nisi forte locus corruptus sit.

** Nonnus Dionys. VIII, 24

Οἱ καὶ Αργείοισι λεγτοῦσθαι παρὰ Λέρνη
Σῆμα γάρ ποτε ἔστιν Αμυμώνης, ὅθι Νύμφης
Λερναίας ἐτι χῶρος ἐκαστοῦ; ἐς τριάντας.

Ut apud Argivos leones pascentem ad Lernam signum nuptiarum constituit Amymonē. Unde Nymphe Lerneæ adhuc regio cognomentum habet Tridentis.

** Tirynthe Hercules exulavit iussu Pythiæ. Apollodoro II c. 4 §. 12 extr. & c. 5. Tirynthii ita iocorum risusque fuerunt amantes, ut de morbo illo levando oraculum Delphicum consulere &c. Athenæus VI pag. 261 D.

οἱ δ' Ἄργος τ' ἔχον, Τίρυνθ' αὖτε τεχνόεσσαν,

Qui Argos incolebant, & bene munitam Tirynthem.

Euerfa ab Argiuis fuit. Pausanias Corinth. cap. xvii Τίρυνθα ἀνελόντες Ἀργείοι, Tirynthem Argiui euerterunt.

DXXVI.

Supra Mycenæ, in via quæ Argis Corinthum ducit, sunt Cleonæ, κλεωναί, sitæ ἐπὶ λόφῳ περιειρημένῳ πανταχόθεν, in colle ædificiis undique circumculto, vt Strabo situm indicauit lib. viii pag. 260. Pausanias Corinth. cap. xv πόλιν & μεγάλην, urbem non magnam dicit, quam etiam ait obuiam esse venienti a Corintho Argos. Liuius lib. xxxiv cap. xxv Ipse copias educitas ab Elatia ducere Argos pergit. atque ei circa Cleonæ Aristæus prætor cum decem millibus occurrit. Ouidius humiles dixit Metamorph. vi vers. 417 non a situ, quem cellsum descripsit Strabo; sed ab exiguitate paucitateque colentium:

Messeneque ferax, Patraque, humilesque Cleonæ.

In saltu prope hoc oppidum immanis ille leo fuit, quem Hercules interfecisse dicitur. Claudianus lib. i in Rufin. vers. 285

Vna Cleonæum pascebat silua leonem.

Etiam Silius lib. iiii vers. 36 leonem illum Cleonæum dixit: & rem ipsam exposuit Seneca Herc. Oet. vers. 189 sub Alcmenæ persona:

Flete Argolicæ, flete, Cleonæ.

Hic terrentem mœnia quondam

Vestra leonem fregit nostri

Dextera nati.

DXXVII.

Inter Cleonæ & Phliuntem est Νεμέα, Nemea, Strabone designante; dubium, oppidum, an regio, an aliud. Addit Strabo, καὶ τὸ ἄλσος ἐν ᾧ καὶ τὰ Νέμεα συντελεῖν ἔθος τοῖς Ἀργείοις, καὶ τὰ περὶ τὸν Νεμεῶνα λέοντα μυθεύμενα, & lucus, in quo Nemea Argiui pro more celebrant; & ibi fabulantur Nemeæum illum leonem fuisse. Plinius iv cap. v regio Nemea, Bembinadia vocata. at Straboni βέμβινα κώμη, Bembinia vicus est apud Nemeam. Stephanus: Νεμέα, χώρα τῆς Ἑλίδος, Nemea, regio Elidis. Non autem in Elide, sed in Argea esse, quamquam ad fines Elidis; ceteri plerique consentiunt, Strabo, Ptolemæus, Pausanias: male Plinius in Arcadia ponit. Auctor tertii prologi ad Pindari Nemea: ἐστὶ ἡ Νεμέα τῶν Ἀργείων τῆς χώρας μοῖρα, Nemea est portio regionis Argiuorum. Pausanias Corinth. cap. xv χωρίον vocat, id est vicum vel oppidulum. De Cleonis egerat: subiungit, ἐν τέτοις τοῖς ὄρεσι τὸ σπήλαιον ἐστὶ δεικνύλαι τῷ λέοντος, καὶ ἡ Νεμέα τὸ χωρίον ἀπέχει σταδίας πέντε πρὸς καὶ δέκα. ἐν δὲ αὐτῇ Νεμείῳ τῷ Διὶ ναὸς ἐστὶ θεῶς ἁγίου. In illis montibus leonis specus adhuc ostenditur: a quo vicus Nemea stadia xv abest. In illa Iouis Nemei templum plane insigne. Hoc Iouis cognomen exstat etiam apud Pindarum Nem. od. ii sub initium, sed paullo aliter flexum:

- - - Νεμεαῖος
ἐν πολυμήτῳ Διὶ ἄλσος,

Iii iii. 3

hoc

hoc est, in decentato luco Iovis Nemeæi. Idem ergo Nemeæus & Cleonæus leo, propter locorum vicinitatem. De ludis Nemeæis, qui inter quatuor agonas sacros Græcorum erant, Pindarus in Nemeis, Pausanias Corinth. cap. xv, & alii consulantur. Νεμείων vel Νεμείων παιήγυρι Pausanias ibidem, & Polybius lib. ii cap. Lxx & lib. v cap. ci vocant: Livijs lib. xxxiv cap. xli nobile ludicrum Nemeorum.

S E C T I O XVIII.

A R C A D I A.

DXXVIII.

Arcadia intima est Peloponnesi & tota mediterranea regio, nulla parte pertinens ad mare; montosa, & pascuis quam culturæ agrorum aptior, ideoque bucolicis poetis in primis laudata, qui Pana, pastorum numen, eius præsidem fingunt. Virgilius ecloga iv vers. 58

Pan etiam Arcadia mecum si iudice certet.

Et in Gallo, siue ecloga x vers. 26

Pan deus Arcadiæ venit, quem vidimus ipsi.

De situ Strabo sub finem libri viii Ἀρκαδία ἐστὶν ἐν μέσῳ μὲν τῆς Πελοποννήσου, πλείστην δὲ χώραν ὅραν ἄπο τέμνεσθαι, *Arcadia est in medio Peloponnesi, plurimamque montosam regionem continet.* Quod a mari abest, difficilior sit explicatu, quia nulla promontoria, nulli portus qui distinguant. Ptolemæus suis numeris, nec vero fidis ubique, discernit quædam: plura autem eius regionis non attingit. Curatius sua Pausanias tractat, quæ inter se confini-um habent, plerumque coniungens, etiam distantis per stadia expressis: nec inde vero positio certa haberi potest, quia plagas & cardines paucissimis locis determinat, ut incertus semper sis, dextrorsum, sinistrorsum, supra, infra aliquis locus, cuius situm inquiris, sit positus. Non ergo, ut voluimus, sed ut possumus, hanc regionem exponemus.

DXXIX.

Strabonis ætate paucæ vrbes supererant, pluribus bello Græcorum circumcolentium euerfis. Plinius plurima numerat, sed confuso ordine, lib. iv cap. vi. *Mediterranea eius, Peloponnesi, inquit, Arcadia maxime tenet undique a mari remota.* Oppida eius: Psophis, Mantinea, Stymphalum, Tegea, Antigonea, Orchomenum, Pheneum, Palantium, unde Palatium Romæ; Megalopolis, Gortyna, Bucolium, Carnion, Parrhasie, Thelpussa, Melene, Heræa, Pyle, Palene, Agræ, Epium, Cynætha, Lepreon Arcadiæ, Parthenium, Alea, Methydrium, Enispe, Alacistum, Lampe, Clitorium, Cleonæ, inter quæ duo regio Nemea, Bambinadia vocitata. E quibus postrema, Cleonæ & Nemea, aliorum omnium iudicio non Arcadum, sed Argiuorum propria fuerunt.

DXXX.

Ptolemæo in septemtrione ad Elidis fines Ἡραία, *Heræa* est, a quo auersus Stephanus, ἐστὶν, inquit, Ἡρᾶ καὶ πόλις Ἀρκαδίας, καὶ ταῦτα δὲ κατὰ Μεσσηνίαν.

σῆν, πρὸς Πελοπόννητον. *Est quoque [Heræa] oppidum Arcadiæ, situm iuxta Messenen in Peloponneso.* Messene vero australis est siue oppidum significat, siue Peloponnesi regionem; a quo situ longe Heræa abfuit, vt Ptolemæo consentiens etiam Pausanias prodit lib. viii, qui de Arcadicis est, cap. xxvi. Ἡραεῦσι, inquit, οἰκιστὴς γέγονεν Ἡραεὺς ὁ Λυκάονος. καίτοι δὲ πόλις ἐν δεξιᾷ τῆς Αλφειᾶς, *Heræensium conditor fuit Heræus, Lycaonis filius. Oppidum vero in dextera Alphei ripa situm est.* Polybius lib. iv cap. lxxviii φίλιππος διαβὰς τῇ γεφύρᾳ τὸν Αλφειὸν ποταμὸν, ὃς ῥᾷ παρ' αὐτὴν τῶν Ἡραίων πόλιν, ἦκε πρὸς Αλίφειραν, *Philippus, quum ponte Alpheim amnem, qui Heræorum urbem præterfluit, traiecisset, venit Alipheram.* Aelianus lib. xiii Var. Hist. cap. vi refert, ἐν Ἡραίᾳ τῆς Ἀρκადίας, *in Heræensi Arcadiæ agro vinum nasci, quod viros ἐκφρονᾷ, insanos, mulieres fecundas faciat.* Memorat hoc oppidum etiam Plinius loco dicto, & Liuius lib. xxviii cap. vii seq.

DXXXI.

Prope Heræam fuit *Thelphussa* siue *Thelpusa*, vt ex eodem libro Polybii cap. lxxvii adparet. Philippus, inquit, ἐκ τῆς Ολυμπίας ἀναζεύξας τὴν ἐπὶ Φαροίαν, παρὴν εἰς Τέλφεσσαν, καὶ καὶ εἰς Ἡραίαν, *ex Olympia castra mouens in Pharaam versus, tunc Telphussam venit, inde Heræam.* Stephanus: Τέλφεσσα πόλις Ἀρκადίας, *Telphussa vrbs Arcadiæ.* Plinius & Pausanias *Thelpusa*, Θέλπυσα scripserunt: ille prædicto loco; hic in Arcad. cap. xxiv *Erymanthus*, inquit, fluuius, ex monte *Lampêa* ortus, Ἀρκადίαν διεξελθὼν, ἐν δεξιᾷ μὲν τὸ ὄρος ἔχων τὴν Φολόην, ἐν ἀριστερᾷ δὲ πάλιν Θέλπυσσαν χώραν, κατέστιν εἰς τὸν Αλφειόν, *Arcadiam percurrrens ad dextram monte Pholoë relicto, ad sinistram agro Thelpusa, in Alpheim inlabitur.*

DXXXII.

Mons heic quoque *Erymanthus* fuit, Achaiam tangens, a quo flumini nomen hæsit, fabulosus apro ab Hercule interfecto. * Pausanias Arcad. cap. xxiv, vulgatum ait esse, confecisse Herculem Eurystei iussu παρὰ τῷ Ερυμάνθῳ ὃν μεγέθει καὶ ἀλκῇ τὰς ἄλλας ὑπερηγότα, *aprum magnitudine & robore insignem in monte Erymantho.* Virgilius lib. vi vers. 801

*Nec vero Alcides tantum telluris obiuit,
Fixerit æripedem ceruam licet, aut Erymanthi
Pacarit nemora, & Lernam tremefecerit arcu.*

Seneca Hercule Furente vers. 228

*quid memorem - - -
Solitumque densis hispidum Erymanthi iugis
Arcadia quater nemora Mænaliū suem?*

Heic etiam Calisto in vrsam conuersa errasse finge batur. Ouidius Trist. lib. i elegia iv de Boota, Vrsæ fidus insectante,

- - - - *custos Erymanthidos Vrsæ.*

Pars Erymanthi montis Λάμπεια, *Lampêa* est, mons ex quo *Erymanthus* fluuius ortus, Pholoë monte ad dextram relicto, in Alpheim inlabitur. Vide Pausan. Arcad. cap. xxiv. Plinio est *Lampêus* mons lib. iv cap. vi, cum

* Adi huc Apollodor. Bibl. II c. 5 §. 4 pag. 104.

cum oppido *Lampe*: at Papinio lib. iv Thebaid. vers. 290 æque *Lampéa*,
 ut Pausaniæ;

- - - *candensque iugis Lampea nivosis.*

DXXXIII.

In ortum hinc progredienti occurrit, Argolidem versus, *Stymphálus*,
 Στύμφαλος, vrbs ad lacum cognominem, auium *Stymphalidum*, quas Hercu-
 les confecit, fabulis non ignota. Producitur media, quæ idcirco etiam vo-
 cali longa Στύμφηλος scripta est ab Homero & Hesychio. An etiam mons
 huius nominis? posthabuit Strabo, quum montes Arcadiæ lib. viii pag.
 267 recitavit. Hesychius dubitabundus: Στύμφηλος, πόλις ἢ ὄρος Ἀρκα-
 δίας, *Stymphalus*, vrbs aut mons Arcadiæ. Certior Ptolemæus, cui & in Pe-
 loponnesi montibus est ὁ Στύμφαλος; & in vrbibus Arcadiæ itidem Στύμ-
 φαλος, *Stymphalus*. Sub monte lacus: ad lacum, oppidum, quod *Stympha-
 lum*,* neutro genere, est Plinio. Apollonii scholiastes ad lib. ii vers. 1055
 Στύμφαλος πόλις Ἀρκαδίας. Στυμφαλὶς δὲ λίμνη,** *Stymphalus vrbs Arca-
 diæ; at Stymphalis est lacus.* Ouidio lib. ii Fast. vers. 27 hic lacus *Stym-
 phalides undæ*: circumcolæ *Stymphalii* Polybio lib. ii cap. lv: regio *Stym-
 phalia*, Στυμφαλία, lib. iv cap. lxxviii. Urbem Strabo in euerlis nume-
 rat: lacus fundit flumen, quod antequam terra submergatur, etiam *Stym-
 phalum* dicitur: quum in Argea rursus errumpit, *Erasini* nomen induit,
 ut Pausanias Arcad. cap. xxi demonstravit. Herculis fabulam Apollo-
 nius dicto libro ii vers. 1054 sic enarravit:

Οὐ δὲ γὰρ Ἡρακλῆς ὅπῳτ' ἤλυθεν Ἀρκαδίην δὲ
 Πλώϊδας ὄρνιθας Στυμφαλίδες ἔαθεν λίμνης
 ὠσαυταί τόξοισι.

Quod Hygini verbis fab. xxx interpretamur: *Aves Stymphalides in insula
 Martis, quæ emissis pennis suis iaculabantur, sagittis interfecit.* Catullus
 carm. lxxix vers. 113 ad Mallium, de Hercule:

*Tempore quo certa Stymphalia monstra sagitta
 Perculit imperio deterioris heri.*

Et Lucretius lib. v vers. 32

- - - - *uncisque timendæ
 Vnguibus Arcadiæ volucres Stymphala colentes.*

DXXXIV.

Supra lacum *Parthenius* mons ad fines Argolidis: longo iugo inde ad
 Tegeatidem recurrens. Addit Plinius *Parthenium* oppidum. Strabo viii
 pag. 267 Ὁρη ἐπιφανὴ πρὸς τῇ Κυλλήνῃ Φολῳ, καὶ Λύκαιον, καὶ Μαίναλον, καὶ τὸ
 Παρθένιον καλούμενον, καθήκον ἐπὶ τὴν Ἀργεῖαν ἀπὸ τῆς Τεγεάτιδος, Montes, præter
Cyllenen, insignes sunt *Pholoë*, *Lyceus*, *Mænalus*, & qui *Parthenius* vocatur,
 a Tegeatide regione ad Argeam usque pertingens. Eosdem enumerat, & in
 iis *Parthenium* quoque Pomponius lib. ii cap. iii. Liuius lib. xxxiv cap.
 xxvi *Castra* [ex Argiuo agro] movit, & *Parthenio monte superato, præter
 Tegeam tertio die ad Caryas posuit castra.* Virgilius eclog. x vers. 57

----- non

* Εν Στυμφάλῳ πόλει, Apollodorus II c. 5 §. 6 p. 108.

** Adde Apollodorum II c. 5 §. 6 pag. 108.

- - - non me ulla vetabunt
Frigora Parthenios canibus circumdare saltus.

DXXXV.

Contingit *Cyllene*, mons altissimus Arcadiæ. * Strabo ibidem: μέγιστον ὄρος ἐν αὐτῇ Κυλλήνῃ, *maximus mons in ea* [Arcadia] *Cyllene*. Pausanias cap. xvii ὄρος ὑψηλότατον ὄρων τῶν ἐν Ἀρκαδίᾳ Κυλλήνῃ, *altissimus montium Arcadiæ est Cyllene*. In vertice Ἑρμῆ Κυλληνίς, *Mercurii Cyllenii templum*, eodem teste. Ibi enim natus fingebatur Mercurius. Virgilius lib. viii vers. 138

*Vobis Mercurius pater est, quem candida Maia
Cyllenæ gelido conceptum vertice fudit.*

Lege Seruium ibidem. Ouidius Fast. ii vers. 276

Altaque Cyllene, Parrhasiæque niues.

DXXXVI.

Nam & *Parrhasius* mons illius tractus est. Hefychius: Παρρῥασίων ὄρος Ἀρκαδίας. *Parrhasius, mons Arcadiæ*. Statius Thebaid. vii vers. 163

Parrhasiumque nemus, - - -

Ab hoc vrfa quoque cælestis, quæ Calisto fuerat, cognomen accepit, quasi & in illo quondam nemore errasset. Iterum Statius Siluar. lib. i v. carm. v vers. 5

*Iam trux ad Arctos Parrhasias hiems
Concessit, altis obruta solibus.*

Et lib. vii Thebaid. vers. 8

*- - Oceano vetitum qua Parrhasis ignem
Nubibus hibernis & nostro pascitur imbri.*

DXXXVII.

Oppidum quoque Plinio *Parrhasie* ** fuit: Stephano etiam & Hefychio laudatum auctore Homero, qui Catal. vers. 115

Στύμφηλόν τ' εἶχον, καὶ Παρρῥασίην ἐνέμοντο,
Stymphalum tenebant, & Parrhasiam habitabant.

Inde *Parrhasii*, populus apud Strabonem dicto libro p. 267, & possessium *Parrhasius*, id est Arcadius. Virgilius viii, 344

Parrhasio dictum Panos de more Lycæi.

DXXXVIII.

Ad occasum hinc est mons *Pholoë*, ἡ Φολόη, * * Elidem spectans. Plinius

Kkk kkk

nus

* Οὐ μὲν ἀλλ' ἐν τοῖς μεγάλοις ὄρεσιν, οἷον τὰ ἐν Πάρνησῳ τε καὶ Κυλλήνῃ καὶ Ολόμπῃ τῷ Πιερίκῳ τε καὶ τῷ Μυσίῳ, καὶ εἰ πᾶσι τοῖσιν ἑτέροις, ἀπαντα φύεται διὰ τὴν πολυειδίαν τῶν τόπων. *Atque etiam in montibus magnis, quales Parnassum & Cyllenem & cum Piericum tum Mysium Olympum, & si qui sunt alibi alii, ob varietatem locorum omnia nascuntur.*

** Nonnus Dionys. XIII v. 291 p. 368

Παρρῥασίην τ' εὐδενδρον, ὅπη πέδον ἐστὶ θεαίνης
Ἀσιῆς ἀρχηγόνιοιο λεχάϊον εἰσέτι Πείης.

* * Epigrammat. Græc. VI c. ἀπὸ κυνηγ. pag. 566

Τὸν ἑλαφὸν λάδωνα καὶ ἄμφ' Ἑρμάνθιον ὕδαρ
Νῶτά τε θηροτόμῳ φερόμεναν Φολόης

Παῖς δ' Θεαρίδῳ Λατίωνος εἶλε Λυκόρμας κ. τ. λ.

Pholoë nomen habet a Pholo centauro. Diodor. IV pag. 220, 221. Apollodor. II c. 55. 4 p. 1041

nus lib. iv cap. vi, *Montes in Arcadia, Pholoë cum oppido: item Cyllene:*
reliqui. Ouidius Fastor. lib. ii vers. 273

Testis erit Pholoë, testes Stymphalides undæ.

Et Statius Thebaid. lib. x vers. 228

Vertice sic Pholoës volucrum nutritor equorum.

Et idem Achilleid. lib. i vers. 168

- - - *factam Pholoës sub rupe leenam.*

DXXXIX.

Pholoe ad dextram relictâ, prope Erymanthum flumen sita est *Psophis*, *Ψωφίς*, antea *Φήγεια*, vel *Φηγία*, *Phegia*, adpellata, vt Pausanias & Stephanus referunt. Plinius & Ptolemæus *Psophidis* mentionem habent: situm ostendit Pausanias cap. xxiv *Σιραιῶν μὲν δὴ σταδίοις ἐστὶν ἀπὸ τέρῳ τριάκοντα ἡ Ψωφίς. παρὰ δὲ αὐτὴν ὁ τε Αῤῥαῖος ποταμὸς, καὶ ὀλίγον ἀπὸ τέρῳ τῆς πόλεως Εῤῥυμανθὸς ῥέει.* *Abest a Siræis Psophis stadia xxx.* *Præterfluit amnis Aroanius, ex brevi ab urbe intervallo Erymanthus.* Polybius lib. iv cap. lxx situm *Psophidis* ita describit: *καὶ τὰς τῆς μὲν συμπάσης Πελοποννήσου κατὰ τὴν μεσόγειαν αὐτοῖς δὲ τῆς Ἀρκαδίας ἐπὶ ταῖς πρὸς δυσμὰς πέρασι, συναπέρχεται τοῖς περὶ τὰς ἐσχάτας κατοικῆσι τῶν προσεσπερίαν Ἀχαιῶν, sita est [Psophis] si uniuersam spectes Peloponnesum, in ipsius medietullo: si Arcadiam, in occidentis eius partibus, qua ultimos occidentem versus Achæorum fines contingit.* Occasum versus sitam fuisse & Achæorum ultimos aut Eleos etiam spectasse, conuenit cum Pausaniæ descriptione: at in medio totius Peloponnesi puncto existisse, non video, quomodo positioni occidentali, quam vna defendit Polybius, conciliari facile possit. Non procul admodum a Clitorio fuisse, adparet ex Polybii eodem loco, vbi exercitus dicitur ductus *διὰ τῆς Κλειτορίας ὡς ἐπὶ Ψωφίδος, per Clitoriam, quasi Psophidem versus.* Pausanias cap. xxxiii *Σιραιὸς in medio ponit inter Clitorios & Psophidios. ὅροι, inquit, Κλειτορίαις τῆς χώρας πρὸς Ψωφίδος ἐστὶν αἱ Σιραῖ, Siræ sunt agri fines inter Clitorios & Psophidios.* *Siræ* autem fuerunt locus, vnde *Siræi*, paullo ante memorati, nominabantur.

DXL.

Eodem libro iv cap. lxxii & seq. aliquoties *Lasio*, *Λασιῶν*, * cum *Psophide*, tamquam vicino loco, coniungitur, videlicet ad Eleorum fines, nisi potius in ipsa Elide extrema fuit *Lasio*. nam ait, *οἱ παραθουλασσόντες τὸν Λασιῶνα τῶν Ηλείων, præsidium quod Lasione Eleorum erat.* Idem Polybius lib. v cap. cii ait Philippum ἐπὶ *Λασιῶνα*, *Lasionem* accessisse, & turri desertæ eius vrbs occupata, se εἰς τὴν *Ηλείαν*, *Eleam* inuasurum eise simulasse.

DXLI.

Hactenus de iis, quæ ad septemtrionem sunt Arcadiæ, & in finibus adiacentium ibi regionum: quæ interiorum sunt Arcadum, & circa-Al-

pheum

* Nonnus Dionys. XIII v. 288 p. 368

Οἱ τ' εἶχον Λασιῶνα καὶ ἄλσιν καλὰ Κουταῖς
καὶ κρατὶν σύμφηλον ἀδομένον τε πελίκον
ἱερὸν καὶ Στρατὶν καὶ Μαντιῶν καὶ Εὐίστην.

pheum fluuium, nunc imus perlustratum. Pausanias Arcad. cap. vlt. Alpheum ἀρχαῖα, oriri dicit ἐν φυλάκῃ, ad Phylacen: deinde mergi in Tegeatico agro, rursus erumpere in Ἀσέο. Ex quibus intelligimus Tegeam & Aseam fuisse prope Alpheum.

DXLII.

Τέγεα, Tegea,* nobilis quondam vrbs & bello clara. Crebra mentio apud Polybium, sed vix vlla certioris situs indicaturam habens: nisi quod lib. iv cap. lxxxii dicit, Philippum ἐκ τῆς Μεγάλης πόλεως, ex Megalopoli profectum, διὰ τῆς Τεγέας, per Tegeam ducto exercitu, εἰς Ἄργος, Argos venisse. Nimis ergo ad occasum reduxit Ptolemæus, quum a Megalopoli in æstium ortum potius recedat. Iterum Polybius excerptis libri xi cap. xvi tradit, Philopœmenem, Tegea primo impetu capta, postero die castra ad Eurotam posuisse. Conuentus ibi Achæi aliquando egerunt, quum aduersus Lacedæmonios bellum gererent. Liuius lib. xxxv cap. xxvii Tegeam exercitu contracto, concilioque eodem & Achæis & sociis indicto. Et lib. xxxviii cap. xxxiv Decretum Tegeæ in concilio communi Achæorum factum est. Pluribus oppidis Arcadiæ bellorum impetu ac vi deletis, de hac Strabo sub finem lib. viii tradit: Τέγεα ἐτι μετρίως συµμένει, Tegea adhuc mediocriter se sustentat. Oppidani Τεγεάται, Tegeatæ apud Polybium sæpe, & Stephanum. Nummus antiquus thesauri Gallorum regii, ΤΕΓΕΑΤΑΝ, id Τεγεατῶν, Dorice.

DXLIII.

Asea, Ασέα, non procul abfuit, in cuius agro emergit Alpheus, supra submersus, vt ante paullo, Pausania auctore, monstrauius: qui & cap. xliv ἐρείπια Ασέας, ruinas Aseæ ostendit, vbi etiam ὁ λόφος, ἀκρόπολις πολεῖσθα, τείχους σημεῖα ἔχει, collis, in quo arx fuit [eius vrbs] vestigia murorum retineat. Addit, non amplius quinque stadiis ἀπὸ Ασέας, ab Asea, πηγὴν, fontem Alpei renascentis; nec longe inde fontem Eurotæ abesse. Stephanus vicum dixit, forsan quia ex vrbe in vici formam redacta fuit. Ασέα, inquit, κώμη τῆς Ἀρκαδίας, ἀφ' ἧς ὁ Ἀλφειὸς ῥέει, Asea, vicus Arcadiæ, unde Alpheus [iterum erumpens] oritur. Vicanus ipsi est Ασέατης; forsan etiam Ασᾶς Aseus, quia tale possessium, plerumque simile gentili, est. Pausanias cap. liv ἀνατείλας ἐν Ασάῃ, subaudi, γῇ, id est rursus emergens [Alpheus] in Ἀσέο agro.

DXLIV.

Plura oppida exhausit ἡ Μεγάλη πόλις siue Μεγαλόπολις, Megalopolis, Græcarum vrbiū, exceptis Romanis coloniis, vt Pausanias cap. xxvii dicit, νεωτάτη, recentissima, Epaminondæ auspiciis, paucis mensibus post pugnam

Kkk kkk 2

* Epigramm. Græc. libr. III c. εἰς ἄνδρ. pag. 278

Τῶν δὲ δι' ἀνθρώπων ἀρετῶν ἔχ' ἱκετο καπνός

Αἰθέρα δακρυμένης εὐρυχόρου Τεγέης.

Οἱ βέλοντο πόλιν μὲν ἐλευθερίᾳ τεταλῶσαν

Πᾶσι λιπᾶν, αὐτοὶ δ' ἐν προμάχοισι θανῆν.

Et infra:

Εὐθυμάχων ἀνδρῶν μνησώμεθα, τῶν ὅδε τύμβος

Οἱ θάνον εὐμηλον ζυόμενοι Τέγεαν.

gnam Leuctricam condita, multis inualidis oppidis in magnam vnam ciuitatem deductis, vt fortius se aduersus Spartanostuerentur. Scribitur Graece diuise *μεγάλη πόλις* a Ptolemæo, Pausania, Stephano: * & coniunctim *μεγαλόπολις* a Strabone sub finem libri viii. Ipse Megalopolitanus Polybius vtroque modo, *μεγάλην πόλιν* dixit lib. iv cap. vii; & *μεγαλόπολιν* lib. iv cap. lxxvii. *Helisson* fluuius urbem hanc interfuit, vt Pausanias cap. xxx demonstrauit, ortus *ἐκ κώμης ὁμωνύμης*, ex vico eiusdem nominis, *Helissonte*, qui inde per *Dipæensium* primum, *Lycaetam* deinde agrum perlapsus, postremo *αὐτὴν διεξελθὼν Μεγάλην πόλιν*, ipsam *Megalopolim* percurrens, haud longe inde in *Alpheum* se infundit. Coloni *Megalopolitæ*, Graeca forma, Liuii lib. xxxv cap. xxvii: & *Megalopolitani*, eiusdem libri cap. xxix.

DXLV.

Oppida ex quibus coaluit Megalopolis, a Pausania narrantur cap. xxvii, quorum pleraque sunt obscura. Potiora feligemus. *E Mænalo*, inquit, *Ala*, *Pallantium*, *Helisson*, *Dipæa*, alia. Mons *Mænalus* est, a Strabone & Plinio in montibus Arcadiæ laudatus: & Virgilius ecloga viii vers. 22

Mænalus argutumque nemus pinosque loquentes

Semper habet: semper pastorum ille audit amores.

Et plurali numero ecloga x vers. 55

Interea mixtis lustrabo Mænala nymphis.

Est & campus eodem nomine. Pausanias cap. xxxvi *ὄρος ὁμώνυμον τῷ πεδίῳ τὸ Μαινάλιον*, idem nomen montis est & campi, nempe *Mænalium*. ** Oppida ergo plura capere partim montanus tractus, partim campus potuit. In ipsis fuit etiam *Mænalum* oppidum, cuius etiam *ερείπια*, id est *ruinas ac rudera*, ibidem Pausanias notauit. Pindari scholiastes ad *Olymp.* ix vers. 88 *Μαίναλον ὄρος Ἀρκადίας καὶ πόλις*.

DXLVI.

In hoc tractu ex oppidis quæ in vicinam Megalopolim concesserunt, nominatur primum *Alea*, *Αλέα*, vnde Minerua *Αλαία*, *Alea* cognominata, cuius templum solum supererat Strabonis ætate, lib. viii extremo. Plinius quoque *Aleam* in oppidis Arcadiæ recensuit.

DXLVII.

Pallantium, *Παλλάντιον*, vt Pausanias scribit, & Salmasius Stephanum emendat; siue *Palatium*, vt Plinii habent codices, sed minus recte, quia *Euandri* proauus, vnde nomen est, *Pallas* fuit, geminato *lambda*; non *Palas*, simplici. Id vero recte notauit Plinius: *Pallantium*, vnde *Palatium* Romæ. Liuius lib. i cap. v *Iam tum in Palatino monte Lupercal hoc fuisse ludicrum, ferunt, & a Pallanteo, vrbe Arcadica Pallantium, deinde Palatium montem adpellatum.* Et Virgilius *Aeneid.* viii vers. 54

Pallantis proau de nomine, Pallanteum.

DXLVIII.

* Etiam Demosthene orat. de Megalop. pag. 83 B, C. & pag. 85 A, B, C.

** Fortasse legendum τὸ Μαίναλον. Vide Pausaniam viii c. 3 pag. 63.

DXLVIII.

Sequitur in Mænalo *Helisson*. κώμην, vicum dixit Pausanias cap. xxx, vbi de flumine eiusdem nominis agit, qui fontem habet ad illum vicum. At antea cap. iii ἡ τε πόλις καὶ ὁ ποταμὸς ἐλίσσων, ἔς oppidum ἔς αὐτὴν *Helisson*. De flumine *Heliffonte* paullo ante diximus, qui etiam *Dipæam* adluit, itidem *Megalopolitanæ* vrbi adscriptam. Vide cap. xxvii & xxx.

DLXIX.

Ab Eutresiis, gente Arcadum, oppida *Megalopolis* exhausit *Tricolonos*, *Zætium*, *Paroriam*, & alia. Ex *Parrhasiis*, *Lycosura* antiquissima vrbs in monte *Lycæo*, * vnde & *Iuppiter Lycæus* adpellatur, cuius & *Plinius* meminit. Confule de *Lycosura* *Pausaniam* cap. ii & xxxviii. Ex eadem gente etiam *Trapezûs* fuit, quæ *Megalopolim* concessit, quamuis pars *Trapezuntiorum* in *Asiam* enauigarit, vbi qui *Ponti Euxini* *Trapezuntem* metropolim tenebant, eos συνοικίαι ἐδέξαντο καὶ συνανύμεναι, tamquam gentiles & cognomines receperunt, *Pausania* notante cap. xxvii. qui cap. xxix ruinas *Trapezuntis* ** prope *Alpheum* tradit visas esse. Hæc & alia plura oppida exhausit noua vrbs *Megalopolis*, vt vel omnino deserta illa fuerint, vel in formam vicorum exigua redacta.

DL.

Vici quoque illi, qui oppida antea fuerunt, ditionis erant *Megalopolitanorum*. Ibidem *Pausanias* cap. xxvii αἱ μὲν [πόλεις] ἐς ἅπαν εἰσὶν ἐφ' ἡμῶν ἔρημοι, ταῖς δὲ ἔχουσιν οἱ Μεγαλοπολίται κώμας, Γόρτυνα, Διποῖνας, Θεισσόαν τὴν πρὸς τῷ Ὀρχομενῷ, Μεθυδρίον, Τευθίαν, Καλλιὰς, Ἐλισσόντα, *Vrbium*, [e quibus *Megalopolis* est conflata] quedam funditus hodie sunt deletæ; quedam redactæ in vicos, *Gortys* videlicet, *Dipæne*, *Thissoa* ad *Orchomenum*, *Methydrium*, *Theutis*, *Calliæ*, *Helisson*.

DLI.

Prima recto casu est *Γόρτυς*, *Gortys*. *Pausanias* cap. xxviii Γόρτυς κώμη τὰ ἐπ' ἐμῶν, *Gortys* vicus est mea ætate: *Plinio* eadem est *Gortyna*. Ab hac fluuius *Gortynius* nominatur, qui τῷ Ἀλφειῷ τὸ ρεῦμα ἀνακοινῶι, in *Alpheum* effunditur.

DLII.

Etiam *Methydrium*, *Plinio* quoque commemoratum, cum *Theuti* & *Thissoa* erat ἐκ τῶν συντελεσάντων ἐς Ὀρχομενὸν, ex contributis *Orchomeno*, *Pausania* censente cap. xxvii. *Orchomenus* autem hic, vt a *Bœotico* distinguatur, *Herodoto* *** cum cognomine est *Ὀρχομενὸς τῆς Ἀρκαδίας*, *Orchomenus Arcadiæ*.

Kkk kkk 3

DLIII.

* Huius situs e flumine *Neda*, quod ex *Lycæo* decurrit, intelligitur. *Strabo* VIII pag. 535.

** De origine nominis *Apollodorus* III c. 8 §. 1 pag. 188, 189, qui ait, a *Ioue* fercula improba abominato mensam euersum esse & inde loco nomen hædere cœpisse.

*** Fuit oppidum μικρὸν καὶ ταπεινόν, vbi quondam habitauit *Clearchus*, qui optime deos colere dictus est *Apollini*, apud *Porphyrum* de abstinentia libr. II §. 16 pag. 62.

*** Item *Theophrasto* de lapidib. pag. 396. *Nonnus Dionys.* XIII v. 293 pag. 368

καὶ δάπεδον φενοῖο καὶ Ὀρχομενοῖο τεκῆα
Ὀρχόμενον πολὺ μῆλον ἐδέξαντο Ἀπιδανίαν.

DLIII.

Fuit quoque *Tripolis* Arcadiæ, ex tribus vrbibus sic adpellata regio, *Callis*, *Dipænis*, *Nonacri*. Pausanias dicto loco: προτεγέμετο καὶ Τρίπολις ὀνομαζομένη, Καλλία καὶ Δίπωναι, καὶ Νώνακρις, accessit etiam sic adpellata *Tripolis*, *Callia*, *Dipæna*, ἔξ *Nonacris*. Male Amasæus vertit: *Tripolis*, *Callia* nomine, accessit. Prima *Callia* mox statim dicitur Καλλία, *Calliæ*, pluratiuo numero: & *Dipæna* quoque Δίπωναι *Dipæna*: *Nonacris* autem pestifero *Stygis* fonte satis celebrata. Herodotus lib. vi cap. LXXIV ait, ἐν ταύτῃ τῇ πόλει εἶναι τὸ Στυγὸς ὕδωρ, in hac vrbe, id est prope illam, esse *Stygis* aquam. Vitruuius lib. viii cap. iii Est in Arcadia *Nonacris* nominata terræ regio, quæ habet in montibus e saxo stillantes frigidissimos humores. Hæc autem aqua Στυγὸς ὕδωρ nominatur, quam neque argenteum, neque æneum, neque ferreum vas potest sustinere, sed dissilit ἔξ dissipatur: conseruare autem eam ἔξ continere nihil, nisi mulina ungula. Stephanus: Νώνακρις, πόλις Ἀρκαδίας, *Nonacris*, oppidum Arcadiæ. Plinius *Nonacrin* in montibus Arcadiæ numerauit, ad quem olim positum fuit oppidum. Inde *Nonacrius* & *Nonacrinus* formatur. Euander ex Arcadia in Italiam delatus Ouidio lib. v Fast. vers. 97 est *Nonacrius heros*: & lib. ii Fastor. vers. 275

Cinctaque pinetis nemoris iuga Nonacrini.

DLIV.

Prope *Nonacrin* fuit *Pheneus*, Φενεὸς, * inter quas aqua ** *Stygis* destillauit; vnde æque *Pheneo* & *Nonacri* adscribitur. Strabo lib. viii extremo: περὶ Φενεὸν δ' ἐστὶ καὶ τὸ καλούμενον Στυγὸς ὕδωρ, λιβάδιον ὀλεθρὸν ὕδατος, νομιζομένον ἱερὸν. Prope *Pheneum* est etiam quæ dicitur *Stygis* aqua, stillicidium aquæ perniciosæ, quam sacram habent. Stephanus; Φενεὸς πόλις Ἀρκαδίας, *Pheneos* oppidum Arcadiæ. Euandri & maiorum in Arcadia sedes fuit. Virgilius *Aen.* viii vers. 165 sub Euandri persona:

Accessi, ἔξ cupidus Phenei sub mœnia duxi,
puta Anchisen hospitem. Callimachus hymno in Delum vers. 71 scripsit Φεναιὸς, quod illustris vir Ezech. Spanhemius ob metrum fieri censet. Statius *Thebaid.* i v vers. 291

Et Pheneos nigro Styga mittere credita Diti.

DLV.

Sub *Nonacri*, austrum versus, κλείτωρ, *Clitor*, Plinii *Clitorium* situm erat. Pausanias cap. xvii Εκ Φενεὸς δὲ ἰόντι ἐπὶ ἐσπέρας καὶ ἡλὶς δυσμῶν, ἡ μὲν ἀριστερὰ τῶν ὁδῶν εἰς πόλιν ἄγει Κλείτωρ· ἐν δεξιᾷ δὲ ἐπὶ Νώνακριν καὶ τὸ ὕδωρ τῆς Στυγὸς. Eunti ex *Pheneo*, occasum versus, duæ viæ sunt; *Clitorem* laua, *Nonacrin* dextera ἔξ ad *Stygis* aquam ducit. Straboni sub finem libri viii in dirutis

* Dicitur interdum cum addito τῆς Ἀρκαδίας, v. g. apud Theophrast. histor. plantar. III c. i extr. Similiter Ouid. *Metamorph.* XV, 332

Est locus Arcadiæ; *Pheneon* dixere priores,
Ambiguus suspectus aquis: quas nocte timeto:
Noctē nocent potæ: sine noxa luce bibuntur.

** Aelianus de animal. X c. 40 Δημήτηρ δὲ ἄρα τὸ ὕδωρ ἀνῆκε τῷτο πλησίον Φενεῦ. Ceres autem aquam *Stygis* emisit prope *Pheneum*.

rutis vrbibus sunt etiam κλείτωρ καὶ φενεός, *Clitor & Pheneos*. Et Ptolemæo κλείτωρ, *Clitor*. De mirabili fonte eius, fastidium vini adferente, Vitruvius lib. viii cap. iiii *In Arcadia ciuitas est non ignota Clitor, in cuius agris est spelunca profluens aquæ, quam qui biberint, fiunt abstemii*. Ouidius Metam. lib. xv vers. 322

*Clitorio quicumque sitim de fonte leuarit,
Vina fugit, gaudetque meris abstemius undis.*

Plinius lib. xxxi cap. ii *Vinum in tædium venire his, qui ex Clitorio lacu biberint, ait Eudoxus*. Est eidem Plinio etiam fluuius Clitorius, lib. ix cap. xix, κλείτωρ, *Clitor* Pausaniæ dictus cap. xxi, qui influit in Aroanium amnem, septimo ab vrbe stadio. *Aroanius* deinde Psophin vrbem adluit, cap. xxiv.

DLVI.

Aliphera, Αλίφερας, trans amnem Alpheum, siue in sinistra eius fuit. Polybius lib. iv cap. lxxviii de Philippo: διαβὰς τῇ γεφύρᾳ τὸν Αλφειὸν ποταμὸν, ὃς ῥεῖ παρ' αὐτὴν τὴν τῶν Ηραιῶν πόλιν, ἤκε πρὸς Αλίφειραν, ἣ κεῖται μὲν ἐπὶ λόφῳ κρημνώδεις πανταχόθεν, *Alphei ponte traiecit, qui Heræam præterfluit, Alipheram venit, in colle undique prærupto sitam*. Liuius lib. xxxii cap. v in Achaiam legatos [Philippus] misit, qui redderent Achæis Orchomenon & Heræam & Triphylia: Megalopolitis Alipheram, contendentibus numquam eam urbem fuisse ex Triphylia, sed sibi debere restitui, quia una esset ex iis, quæ ad condendam Megalopolim ex decreto Arcadum contributæ forent. Quod Pausanias cap. xxvi confirmat. Ἔστι Αλίφερα πόλις καὶ μέγα. ἐξελεῖσθαι γὰρ ὑπὸ οἰκητόρων πολλῶν, ὑπὸ τὸν συνοικισμὸν τῶν Ἀρκάδων ἐς Μεγάλην πόλιν. *Aliphera ciuitas haud magna est, quo incolarum multa pars tunc discessit, quo tempore communi Arcadum consilio Megalopolim coloni sunt deducti*. His enim etiam post conditam Megalopolim πόλιν, vrbis nomen & dignitatem conseruarunt, quod idem cap. xxvii adnotauit. Relicti illi habitatores a Polybio Αλίφειραι, dicto loco cap. lxxvii: a Plinio itidem Alipheræi, lib. iv cap. vi.

DLVII.

Cynætha quoque eo tractu fuit, Clitori finitima. Polybius lib. iv cap. xviii τὸ Ἀρτέμιδος ἱερὸν, ὃ κεῖται μὲν μεταξὺ Κλείτορος καὶ Κυναιθῆς, *Dianeæ fanum inter Clitorem & Cynætham situm*. Straboni quoque Κύναιθα, *Cynætha*, in desertis aut dirutis Arcadiæ numerata. Plinius quoque eius mentionem habet lib. iv cap. vi. Oppidani erant Κυναιθαῖς, vt Polybius dicto loco vocat, & Pausanias cap. xix.

DLVIII.

Orchomeniis & Pheneatis confines erant *Caphyate*, quod Pausanias cap. xiii tradit: dicti ab oppido *Caphya*, quod etiam in censu dirutarum apud Strabonem est. Paullo ante Pausanias: ἴσonti ἐξ Ὀρχομενῆς, καὶ σταδίους πολλοὺς ὅτι τρεῖς, ἣ μὲν εὐθεία ἐπὶ πόλιν Καφύαν ἄγει, *Ab Orchomeno stadia prope tria profectis via se ostendit qua Caphyam recta iter est*. Polybius plurali numero vltus est lib. ii cap. lii προσλαβὼν τῷ τρόπῳ τέττω Καφύας, Πελοπόννησον, *Alphium*.

λήνην, Φενεὸν, occupans sic Caphyas, Pellenen, & Pheneum. Et Stephanus: Καφύα, πόλις Ἀρκადίας, Caphyæ, oppidum Arcadiæ.

DLIX.

Pheneatis confines erant Caryæ, eædemque vergentes in Laconiam: aliæ a Caryis Lacedæmoniorum. Pausanias cap. xiii extremo: τὰς κατὰ λευγμένας πόλεις, prædictis urbibus [confinio vtentibus, Orchomeno, Pheneo & Caphyæ] Φάραγξ ὑπὸκειται, - - - καὶ ἐπὶ τῷ πέρατι τῆς Φάραγγος, Καρυαὶ χωρίον, vallis subiacet: - - - in qua extrema est locus Caryæ. Et cap. xiv ineunte: Φενεατῶν τὸ πεδίον καίτα μὲν ὑπὸ τῶν Καρυαῶν, Pheneatarum ager subiectus est Caryis. Liuius lib. xxxiv cap. xxvi Castra deinde [Quintius ex Argiuo agro] mouit, & Parthenio monte superato, præter Tegeam tertio die ad Caryas posuit castra. ibi, priusquam hostium intraret agrum, sociorum auxilia expectauit. Arcadicæ hæ sunt, non Laconicæ Caryæ, ad quas ab Argis tertio die cum exercitu venire nequaquam potuisset. Et ipse Liuius interpretis sui est, quum dixit, Caryas citra agrum hostium, quæ omnis Laconica erat, fuisse: nec, nisi transitis illis, in agrum Lacedæmoniorum, qui ad Arcadiam pertinebat, intratum esse. Vitruuius lib. i cap. i Si quis statuas marmoreas, mulieres stolas, & quæ Caryatides dicuntur, pro columnis in opere statuerit, & insuper mutulos & coronas collocauerit, percontantibus ita reddet rationem: Caryæ, ciuitas Peloponnesi, cum Persis hostibus contra Græciam censensit; postea Græci per victoriam glorioso bello liberati, communi consilio Caryatibus bellum indixerunt. Itaque oppido capto, viris interfectis, ciuitate deleta, matronas eorum in seruitutem abduxerunt. Nec sunt passi stolas, neque ornatus matronales deponere, vti non vno triumpho ducerentur; sed æterno seruitutis exemplo graui contumelia pressæ, pœnas dare viderentur pro ciuitate. Ideo qui tunc architecti fuerunt, ædificiis publicis designauerunt earum imagines, oneri ferundo collocatas, vt etiam posteris nota pœna peccati Caryatium memoriæ traderetur. Vir maximus Iosephus Scaliger Animaduers. in Chronolog. Eusebii pag. 20, recensitis his Vitruuii verbis, Hæc, inquit, Caryæ non potest esse, nisi illa, quæ erat in Arcadia, quum Laconica fuerit tantum templum Dianæ, non autem ciuitas. Ioannes Meursius autem Miscell. Lacon. lib. iv cap. xiv Vitruuii verba de Caryæ Laconica interpretatur: sed malo cum Scaligero de Arcadica architectum interpretante facere, in cuius iudicio etiam vir summus Lucas Holstenius, ad Stephanum Notis, adquiescit.

DLX.

Mantinêa, Μαντίνεια, * a Ptolemæo in austro Arcadiæ & ad fines Laconicæ constituitur: ex altera parte confines sunt Orchomeniis Mantineenses. Pausanias cap. xii Μαντινέων ἔροι πρὸς Ὀρχομενίαις ἐν ταῖς Ἀγχισίαις εἰσὶ, sunt ad Anchisias agrorum inter Mantinenses & Orchomenios termini. Est autem Anchisia mons, & ad radices eius Ἀγχίσια μῆμα, Anchisæ sepulcrum, quem quidam in his oris mortuum ac sepultum tradiderunt. Strabo lib. viii extremo: Μαντίνειαν ἐποίησεν ἑνδοξὸν Ἐπαμεινώνδας, τῇ δευτέρᾳ νικῆσας μά-

χα

* Herodorus IV pag. 143.

τη Λακεδαιμονίῃς, Mantineam Epaminondas illustriorem fecit, victis ibi altero
 prælio Lacedæmoniiis. Antiqua vrbs & Homero etiam laudata Catalogo
 vers. 114

καὶ Τεγέην εἶχον, καὶ Μαντινέην ἐρατεινὴν,

Et Tegeam habitabant & Mantineam amabilem.

Fataillius Pausanias cap. viii enarrat. Peloponnesiaco bello cum Eleis
 Athenienses aduersus Lacedæmonios iuuerunt: quam ob rem Lacedæmo-
 nii illam duce Agesipolide, Pausaniæ filio, expugnatam maiori ex parte di-
 ruerunt, vt κατὰ κώμας, *vicatim* ab relictis habitaretur. In quinque κώμας
 descripsisse, Ephoro auctore Harpocraton nos docet. Thebani apud
 Leuctra victores restituerunt, sed immemores beneficii Mantinenses præ-
 lio, quo Epaminondas occubuit, Spartanis auxilio fuere: mox Achæis ac-
 cedentes & Antigono regi, Spartanorum hostibus, in illius honorem ὄνομα
 τῇ πόλει μετέθεντο Αντιγόνειαν, *mutato nomine urbem suam Antigoneam adpella-
 verunt.* Plutarchus autem in Arato pag. 1048 tradit, Achæos Antigoni
 ope occupasse urbem, qui, primoribus cæsis, dono Argiuis dederit, decre-
 to facto, μηκέτι καλεῖν Μαντινέαν, ἀλλ' Αντιγόνειαν, *ut ne amplius illam Mantine-
 am vocarent, sed Antigoneam.* Ex quo Ptolemæus illustratur, qui in Arca-
 dia scripsit, Αντιγονία, ἢ καὶ Μαντινία. Hadrianus tandem imperator, vt Pau-
 sanias refert, ἀφελὼν Μαντινεῦσι τὸ ὄνομα τὸ ἐκ Μακεδονίας ἐπακλόν, ἀπέδωκεν αὐ-
 τοῖς Μαντινέαν καλεῖσθαι σφισι τὴν πόλιν, *nomine Macedonico abrogato, rursus
 Mantineam iussit vocari.*

DLXI.

Inter Psophim & Mantineam Ptolemæus Φιάλειαν, *Phialeiam* posuit,
 quæ est Pausaniæ Φιγαλία, *Phigalia*, cuius situm prope Lycosuram & mon-
 tem Lycæum descripsit cap. xxxix, quo in orientem magis a Ptolemæi
 positione declinat. Eamdem autem esse, idem antea ex nominis mutatio-
 ne cap. iii & v monstrauit, videlicet quæ olim Φιγαλία fuerat, *Phigalia*;
 postea dictam esse Φιαλίαν, *Phialiam*. Confirmat Stephanus: Φιγαλέα πόλις
 Ἀρκαδίας, *Phigalea oppidum Arcadiæ.* Ad Rhianum prouocat, qui Φιγάλεια
 scripserat. Addit, μετωνομάσθη δὲ Φιάλεια δίχα τῷ γ, postea *Phialêa sine G
 nominata est.*

DLII.

Arcadiæ Pallenem Plinius lib. iv cap. vi inter alias vrbes recenset,
 quem Apollonii scholiastes ad lib. i vers. 177 iuuat: ἡ Ἀχαικὴ Πελλήνη διὰ τῷ
 Ε' ἢ δὲ ἐτέρᾳ, ἢ τῆς Ἀρκαδίας, διὰ τῷ Α' γράφεται Παλλήνη, *Achaia Pellene per
 Ε; altera Arcadiæ per Α' scribitur Pallene.*

DLXIII.

Pomponius Mela in tribus Arcadiæ vrbibus (nec enim plures memo-
 rat) habet Teneam, illarum mediam. *In Arcadia, inquit, sunt vrbes, Psophis,
 Tenea, & Orchomenon.* Nemo, quod sciam, hoc nomine oppidum in
 Arcadia posuit: vt suspicari possis Tegea forsan legendum esse, quod vix
 credibile, vnam ex tribus primariis præteriri a ceteris omnibus posse. Ex-
 stat quidem nummus ΤΕΝΕΑΤΩΝ inscriptus, quem vero Harduinus ad
 LII III

Corinthiaci agri κώμην seu pagum refert eius nominis. Strabo fane illum laudat lib. viii pag. 262 a templo τῆς Τενεάτης Ἀπόλλωνος, *Apollinis Teneatæ*: & tandem Teneatas καθ' αὐτὰς πολιτεύεσθαι, *peculiarem rempublicam constituisse*, & Achaïco bello a *Corinthis* defecisse ad Romanos tradit. Pausanias Corinth. cap. v ait, portam Corinthi Τενεατικὴν, *Teneaticam*, denominare, a qua vrbe absit stadia Lx. Stephanus qui etiam κώμην Κορίνθου, *Corinthi vicum* dixit, inter Corinthum & Mycenæ tradit Τενεάν, *Teneam* fuisse positam. Quæ quum ita auctorum fide sint, Corinthiacæ potius Teneæ, quam ignotæ Arcadum, quem diximus, nummus vindicetur.

DLXIV.

Neque notior *Eua* est Arcadiæ. Stephanus: Εὐὰ πόλις Ἀρκადίας, *Eua Arcadiæ oppidum*. In Brandenburgico Thesauro pag. 443 nummus est ERA inscriptus, qui ad hoc oppidum a doctissimo viro L. Begero refertur. Nec enim ad Argiuorum κώμην, id est vicum Εὐάν, *Euam*, quam Pausanias extremo Corinthiacorum ostendit, nummus publicus potest reduci. Ptolemæus addit *Lysiadem*, & *Lileam*, Λείλαιαν, sed itidem minus notas.

DLXV.

Sunt & alia quæ Plinius recenset, *Bucolium*, *Carnion*, *Melæne* (Pausaniæ Μελεναῖα, cap. iii) *Macistum*, *Enispe*, quam & Homerus cum aliis nominavit versu 113 Catalogi,

ῥίπην τε Στρατίνην τε, καὶ ἠνεμόεσσαν Ἐνίσπην,
Ripen, & Stratiam, & altam Enispen.

Sed nemo facile his sedem & locum adsignabit. Finimus ergo Pomponii verbis de montibus fluminibusque: *In Arcadia sunt montes Pholoë, Cyllene, Parthenius, Mænalus: flumina Erymanthus & Ladon*. Non sufficiunt: plura ostendimus supra: plura etiam Plinius adnumeravit, montibus, *Lyceum*, quem & *Olympum* dici Pausanias cap. xxxviii auctor est; & *Lampeum*: fluminibus nihil addit, Melæ autem duos in *Alpheum* ait defluere: quod de utroque supra, præsertim de *Ladone* ex Pausaniæ Arcad. cap. xxv, & Eliac. i cap. vii, demonstraui. *Alpheus* autem est princeps Arcadiæ fluuiorum & ceterorum receptator.

DLXVI.

Gentes Arcadiæ Strabo in *Azanes* & *Parrhasios* distribuit, saltem illo loco non plures nominat. Pausanias addit *Eutresios* cap. xxvii. *Azanes* videntur ad occasum habitasse, quia illorum Psophis fuit: *Parrhasii*, circa *Parrhasium* montem. Staius cum Strabone facit Thebaid. lib. i v vers. 292

Venit & Idæis vlulatibus æmulus Azan,
Parrhasique duces.

CAPVT XIV

DE

INSVLIS GRAECIAE.

I.

AB Illyrica ora si incipimus per Ionium mare in Creticum & Aegæum peruehi, prima insula est *SASON*, Σάτων, siue Σασών. Silius geminato sibilo *Sasson* scripsit: Plinius extremo lib. III feminea forma *Sasonis*. De situ lis est. Videntur veteres Italicis insulis adposuisse. Strabo lib. VI pag. 194 εἰς Σάτωνα τὴν νῆσον, ἥτις μέση πῶς ἰδρυται τῷ διαύματι, τῷ ἐκ τῆς Ἠπείρου πρὸς τὸ Βρεντέσιον, in insulam *Sasonem*, quæ in medio traiectu est ab *Epiro Brundisium*. Et Lucanus lib. II vers. 627

Spumoso Calaber perfunditur æquore Sason.

Quod vero Ptolemæus lib. III cap. XIII de Macedonia scripsit, παράκειται τῇ Μακεδονίᾳ ἐν τῷ Ἰονίῳ πελάγῳ Σασὼ νῆσος, Macedonia in Ionio mari insula *Saso* adiacet; & hodieque contra Aulonem, quæ nunc Valona dicitur, parua insula sita est, quam *Saseno* vulgo vocant: utique vero per simile est, illam quæ prope Aulonem iacet, *Sasonem* esse veterem. Polybius de illa lib. V cap. CX λέμβοι καθορμιοθέντες εἰς τὴν νῆσον, ἥ καλεῖται μὲν Σάτων, καίται δὲ κατὰ τὴν εἰσβολὴν τὴν εἰς τὸν Ἰόνιον πόρον, lembi adpulsi ad illam insulam, quæ *Saso* dicitur: Sita autem est in Ionii maris introitu. Scylax in Illyriis: Ἔστι τὰ Κεραυνία ὄρη ἐν τῇ Ἠπείρῳ, καὶ νῆσος περὶ ταῦτά ἐστι μικρά, ἥ ὄνομα Σασών, Sunt *Ceraunii montes* in *Epiro*, & insula ibi parua est, cui nomen *Sason*. Mela etiam *Sason* scripsit & Statius, ut mirum sit a duce suo discedere Plinium, quem extremo lib. III ait: In Ionio mari, ab *Orico* - - millia passuum, *Sasonis*, piratica statione nota. numerum omisi quia suspectus est, M millia passuum in Harduini libro; MM passuum in Frobeniano; illic multitudine excedens, heic paruitate deficiens. Scylax distantiam facit ἡμέρας τρίτον μέρος, tertiam partem diei. Iterum Lucanus lib. V vers. 650

Non humilem Sasona vadis, non litora curuæ

Thessaliæ saxosa pauent.

Humilis: quia supra dixerat perfundi æquore. Silius ei non montes, nec saxa, sed arenas tribuit lib. VII vers. 480

Adriaci fugite infaustas Sassonis arenas.

CORCYRA.

II.

Corcyra, Græce Κέρκυρα, Thesprotiæ obiecta, variis olim nominibus vocitata est. Plinius lib. IV cap. XII Insula ex aduerso Thesprotiæ, a Butthoto XII millia passuum, eadem ab Acrocerauniis L millia, cum urbe eiusdem nominis Corcyra, liberæ ciuitatis; & oppido Cassiope, temploque Cassii Iouis, passuum nonaginta septem millia in longitudinem patens: Homero dicta

LII III 2

Sche-

Scheria & Phæacia; Callimacho etiam Drepane. Scholiaſtes ad illud Homeri Odyſſ. E verſ. 34

Ἡματί κ' εἰκοσῶ Σχερίην ἐρίδωλον ἴκοιτο
Φαιήκων ἐς γαῖαν,

Vicesima die ad Scheriam fertilem veniat, Phæacum in terram. Σχερία, inquit, ἐκαλεῖτο ἡ νῆτος τῶν Φαιήκων, τὸ δὲ μετὰ ταῦτα ἐκλήθη Κέρκυρα· τὸ δὲ ἀρχαιοτάτον ἐκαλεῖτο Δρεπάνη, Scheria vocatur Phæacum insula, quæ postea dicta est Corcyra: antiquissimum vero nomen fuit Drepane: quod, si a fabulis abstrahas, a curvitate figuræ est. Eadem de nominibus insulæ scholiaſtes Apollonii ad lib. IV verſ. 983. Vrbs est eodem nomine Corcyra, potens olim, quæ sæpe cum validis rebus publicis bellum gessit. Homerus tantum Φαιήκων πόλιν nominat, hoc est Phæacum urbem Odyſſ. Z verſ. 298, quam a verſu 262 ita describit, ut non alia sit quam quæ hodieque Corcyra, vulgo Corfou, a Κορυφῶ, mediæ ævi apud Nicetam & æquales arcis Corcyrææ nomine appellatur. Deinde coloniam Corinthiorum accepit, unde Thucydides lib. VII pag. 526 Κερκυραῖσι, Κορίνθιοι σαφῶς, Corcyraei indubitato sunt Corinthii. Porrigitur media in Corcyræ vocabulo etiam in Græco Κέρκυρα. Lucanus lib. II verſ. 622

- - - - seu vela ferantur

In portus Corcyra tuos - - -

Ovidius in Ibin verſ. 510

Te Corcyræum Cressia turba putet.

III.

Altera vrbs insulæ Corcyræ, a Plinio & Ptolemæo laudata, est Cassiope, Κασσιόπη, quam hic in septemtrione insulæ locavit. Promontorium eius nominis addit Ptolemæus: Plinius templum Cassii Iouis: Cicero portum, lib. XVI epist. IX ad Tironem: Corcyræ fuimus usque ad XVI kalend. Decemb. tempestatibus retenti. a. d. XV kal. Decemb. in portum Corcyræorum ad Cassiopē stadia CXX processimus.

IV.

Promontoria Corcyræ Ptolemæus, præter iam dictum Cassiopæum, quod a septemtrione est, in latere quod in occasum simul & in meridiem vergit, Phalacrum, φαλακρὸν ἄκρον; & Amphipagum, quæ Græce est Αμφίπαγος ἄκρα: & in extremitate altera, per totam insulam opposita Cassiopæo, Λευκίμμα ἄκρα, Leucimma promontorium est; Straboni, loco mox indicando, ἡ Λευκίμμη; Plinio & Thucydidi lib. I pag. 22 & 32 Λευκίμμη, Leucimma per N; sita e regione Sybotorum insularum. Plinius lib. IV cap. XII A Phalacro, Corcyræ promontorio scopulus, in quem mutata Vlyſſis navem a simili specie fabula est. Ante Leucimnam, Sybota.

V.

SYBOTA, τὰ Σύβωτα, parvæ insulæ inter Corcyram & continentem Thesprotiæ. Strabo lib. VII pag. 224 ἐπὶ δὲ νησίδες τὰ Σύβωτα, τῆς μὲν Ἠπείρου μικρὸν ἀπέχεται, κατὰ δὲ τὸ ἐὼν ἄκρον τῆς Κερκυραίας, τὴν Λευκίμμην κείμεναι, Sunt Sybota parvæ insulæ, paululum ab Epiro distantes, iuxta orientale [Corcyræ]

cyræ] promontorium *Leucimnam sita*. Thucydides lib. I pag. 32 ἐστρατοπε-
 δέυσαντο ἐν μιᾷ τῶν νήσων, αἱ καλεῖντο Σύβοτα, *castrametati sunt in vna insula-*
rum, quæ vocantur Sybota. Non ergo vna insula est, Sybota, vt Stephanus
 scripsit, Σύβοτα νῆσος καὶ λιμὴν, *Sybota insula & portus*: sed plures, minimum
 duæ. Portus huius nominis, sed quod Thucydides pag. 34 obseruat, ἐρη-
 μος, *desertus*, in vicina est continente Thesprotide, de quo in Epiro dixi-
 mus. Procopius lib. III Goth. cap. XXVII promontorium *Cynos cepha-*
las nominat πρὸς ἀνίχοντα ἥλιον, *ad solis ortum* quod respiciat.

VI.

Eodem tractu ortiuo insulæ Corcyræ, contra urbem Corcyram est
Ptychia, Πτυχία, Thucydidi lib. IV pag. 283 descripta. Ptolemæus in op-
 pidis insulæ Corcyræ numerauit, vt putō propter propinquitatem: sed se-
 paratam & singularem insulam esse, clare docet Thucydidis historia, εἰς τὴν
 νῆσον τὴν Πτυχίαν διεκόμισαν, *in insulam Ptychiam transportarunt*. Et Step-
 hanus: Πτυχία, νῆσος παρὰ τῇ Κερκύρα, *Ptychia, insula iuxta Corcyram*.

VII.

Ortum versus ab Corcyra sunt duæ paruæ insulæ dictæ Πάξοι, *Paxi* si-
 ve *Paxæ*. Plinius lib. IV cap. XII *Ad Leucadiam Paxæ duæ, quinque m. di-*
screte a Corcyra. Dio Cassius lib. L de prælio Actiaco p. 426 ἡ πρὸς Πάξοις
 θάλασσα, *mare iuxta Paxos*. Alibi traiecto accentu Πάξοι. Polybius lib.
 II cap. X περὶ τῆς καλεµένης Πάξης, *iuxta Paxos ita nominatos*. Et Plutar-
 chus de defectu oraculorum pag. 237 φωνὴν τῆς νήσου τῶν Πάξων ἀναδῆναι, ab
 [vna] *insula Paxorum vocem auditam esse*. Recentes tabulæ ibi duas po-
 nunt, quarum nomina sunt *Pachsu & Antipachsu*. Plinius in hoc mari plu-
 res memorat, nec hodie satis notas, *Ericusam, Marathen, Elaphusam, Mal-*
thacen, Trachien, Pythioniam, Tarachiam: e quibus *Ericusa*, ἡ Ερικῆσσα νῆσος,
 etiam Ptolemæo fuit cognita, quam inter Corcyram & Cephalleniam posuit.

INSULAE MINORES

ad LEVCADIAM.

VIII.

De ipsa *Leucadia*, tamquam peninsula, actum supra est in Acarnania,
 cui adhæret: post deinde insula facta, vti hodieque est, *Sancta Maura* nunc
 adpellata. Huic in ortum versus plures paruæ insulæ adiacent, de quibus
 iam agendum est. Plinius lib. IV cap. XII *Inter Leucadiam & Achaiam per-*
multæ, quarum Teleboides, eademque Taphiæ, ab incolis ante Leucadiam adpel-
lantur Taphias, Oxie, Prinoëssa: & ante Aetoliam Echinades, Echialia, Coto-
nis, Thyatira, Geoarîs, Dionysia, Cyrrnus, Chalcis, Pinara, Mystus.

IX.

Teleboæ, * Τηλεβοῶν, qui & *Taphii* dicebantur, populi fuerunt Acarnaniæ,

LII III 3

quam

* Τάυτην ἀρπάσας Ποσειδῶν καὶ κομίσας ἐπὶ τὰς Εχινάδας νήσους μέγνυται καὶ γεννᾷ τὰ Φίον, ὃς ὤκισε
 τὰ Φίον, καὶ τὰς λαὸς Τηλεβοῶν ἐκάλεσεν, ὅτι τὴν τῆς πατρίδος ἔει. Hanc Hippothoen quam
 rapuisset Neptunus atque in Echinadas insulas pertulisset, cognoscit & Taphium gignit, qui Ta-
 phum colonis instruxit, & populos Teleboas vocauit, quod procul a patria abisset. Apollodor.

quam Strabo lib. vii pag. 222 a tribus gentibus habitatam fuisse, Curetibus, Lelegibus & Telebois, etiam Aristotelis testimonio probavit. E quibus Teleboæ, vel pars illorum, in Italiam migravit, & in insula Capreis sedem fixerunt, ut Virgilius lib. vii vers. 735 & Tacitus annal. iv cap. lxvii tradiderunt. Ab his insulæ *Teleboides* dictæ, quæ Acarnaniæ obiacent. Stephanus: *Τηλεβοῖς μοῖρα τῆς Ακαρνανίας, ἀπὸ Τηλεβός, ἡ πρότερον Ταφίων ἐκαλεῖτο. Telebois est pars Acarnaniæ, a Teleboa dicta, quæ prius Taphiorum regio dicebatur.* Rursus Strabo lib. x pag. 316 αἱ τῶν Ταφίων νῆσοι, πρότερον δὲ Τηλεβοῶν. ὧν ἦν καὶ ἡ Τάφος, νῦν δὲ Ταφίῃσα καλεσμένη, *Taphiorum insulæ, ante Teleboarum, e quibus est Taphos erat, quæ nunc Taphiusa vocatur.* Apollonii scholiastes ad lib. i vers. 747 ἡ Τάφος νῆσός ἐστι μία τῶν Εχινάδων, ἣν ὠκεῖσαν Τηλεβοῖαν, οἱ πρότεροι τὴν Ακαρνανίαν οἰκόντες, *Taphos insula est una ex Echinadibus, quam Teleboæ incoluerunt, qui prius Acarnaniam incoluerant.* Ibidem ad vers. 750 *Τηλεβοῖαν οἱ Τάφιοι, Teleboæ sunt ipsi Taphii.* * Quod si est, Echinades insulæ sub Teleboidibus continentur: Strabo autem pag. 316 *Teleboides non interuallo quidem, sed ἡγεμόσι, ducibus, sub quibus ταττόμεναι, rectæ est administratæ fuerant, Ταφίοις & Τηλεβοῖαις, qui Taphii est Teleboæ quondam fuissent, a reliquis dicit distingui.*

X.

ECHINADES, *Εχινάδες*, correpta quæ ultimam antecedit, parvæ insulæ sunt ante Acheloi ostia, plures numero, sed asperæ ac steriles pleræque. Plinius: *ante Aetoliam Echinades.* Thucydides lib. ii extremo: *καῖνται τῶν νήσων τῶν Εχινάδων αἱ πολλαὶ κατανηκρὺ Οἰνιάδων, τῶν Αχελώος τῶν ἐκβολῶν ὁδὸν ἀπέχουσαι. ὥστε μέγας ὧν ὁ ποταμὸς προχοῖ αἰεὶ, καὶ εἰς τῶν νήσων αἱ ἡπείρωνται. Iacent pleræque Echinadum insularum e regione Oeniadarum, ab adluuionibus Acheloi nihil admodum distantes, quarum fluminis, quum intumuit, adgestione, continenti adiunguntur.* Strabo lib. x pag. 315 ait, a Cephalenia πρὸς ἑωτὰς Εχινάδας ἰδρύσθαι νήσους ὧν τό, τε Δυλίχιόν ἐστι (καλεῖται δὲ νῦν Δολίχυναν) καὶ αἱ Οἰξίαι καλεσμέναι, ἃς ὁ ποιητὴς Θόας εἶπε, *ad ortum [æstium maxime] sitas esse Echinadas, quarum sit Dulichium, quæ nunc Dolichna vocatur; est Oxie [Acutæ] dictæ, quas poeta Thoas vocavit.* Multitudinis illarum Ovidius testis est *Metamorph. lib. viii vers. 587*

- - - partesque resolvit

In totidem, mediis quot cernis Echinadas undis.

Auctore Stephano dicuntur etiam *Echinæ, Εχίναι*; sed plerique omnes, quos superstites scriptores habemus, eas non Echinæ, sed *Echinades* adpellant. Scylax quoque ita describit, ut dicat *πολλὰς, multas* numero esse, quarum aliquas Achelous, humo adgesto continenti coniungat: *εἰς δὲ ἐρημοί, desertas esse, quod de plerisque & minoribus intelligo.* Si enim *Dulichium*, ut Strabo censet, in illarum numero fuit, quæ habitata erat, utique non omnes desertas fuisse oportet. Virgilius *Aeneid. iii vers. 270*

Duli-

* Adparet hoc ex Apollodori quoque libr. II c. 4 §. 7 pag. 93. Nam Amphitruo Cephalum, promissa parte manubiarum Teleboarum, Taphiorum insulam vastat, sed Taphum vivo Pterelao capere non potest, sed eo mortuo omnes insulas capit, & Eleo Cephaloque tradit, qui urbes cognomines ibi condiderunt. Adde §. 5 pag. 89 & §. 8 pag. 94.

Dulichiumque Sameque & Neritos ardua saxis :
 & κτητικῶς, ecloga eiusdem vi vers. 76
Dulichias vexasse rates.

Dulichium etiam οξείαν, *Oxeam* dictam esse, Stephanus auctor est, quod vna τῶν οξείων, quas Strabo vocitauit. Mela autem lib. ii cap. vii Dulichium ab Echinadibus seiungit.

XI.

ITHACA, * Ἰθάκη, Vlyssis patria, vicina Dulichio, ἐν ἣ ὁμώνυμος πόλις, in qua urbs eiusdem nominis, vt Ptolemæus refert: siue vt Scylax, πόλις καὶ λιμὴν, urbs & portus. ** Oppidum erat ὑπονήϊον, sub Nēio monte situm. Homerus Odyss. i vers. 81

Ἡμεῖς ἐξ Ἰθάκης ὑπονῆϊς εἰλήλασμεν,
Nos ex Ithaca ad Neium sita venimus.

Celebratur etiam mons *Neritos*, Νήριτος, in hac insula. Iterum Homerus Odyss. iωτα vers. 21

Ναμετάω δ' Ἰθάκην εὐδείελον, ἐν δ' ὄρος αὐτῇ
 Νήριτον εἰνοσίφυλλον, ἀριωρεπές.
*Colo autem Ithacam clarissimam, in qua mons est
 Neritus, multas frondes mouens, decorus.*

Eustathio in hunc locum idem est Nēius & Neritus: sed rectius distinguuntur: Strabo vero in dubio relinquit pag. 313, ἄδηλον, dicens, εἴτε τὸ αὐτὸ τῶ Νήριτῳ λέγει τὸ Νήϊον, εἴτε δ' ἕτερον ἢ ὄρος ἢ χωρίον, Incertum est, num Neriti nomine Neium ipsum dicat [Homerus,] an alium montem vel locum. Melæ *Neritus* insula est ab Ithaca diuersa, lib. ii cap. vii. In Ionio, inquit, *Prote, Hyria, Cephalenia, Neritos, Same, Zazynthos, Dulichium*: & inter non ignobiles *Vlyssis* nomine *Ithaca* maxime illustris: cui videtur Virgilius paullo ante citato versu præisse,

Dulichium Sameque & Neritos ardua saxis :

Verum quia idem Samem & Cephaleniam, quæ eadem Homero est, item Hyriam & Zacynthum, Plinio eandem, distinguit; neque in Nerito fides ipsi contra consensionem ceterorum habenda est. Seruius ad hunc locum Virgilii: *Neritos, mons Ithacæ*. Et Strabo lib. x pag. 312 ad illud Homeri Catalogo vers. 139

Οἱ τ' Ἰθάκην εἶχον, καὶ Νήριτον εἰνοσίφυλλον,
 adnotauit: ὅτι μὲν τὸ Νήριτον ὄρος λέγει, τῶ ἐπιθέτῳ δηλοῖ ἐν ἄλλοις δὲ καὶ ἡ τῶς ὄρος, *Neriton* montem Homero esse, ex epitheto manifestum est: aliis autem locis diserte montem adpellat. Et Plinius dicto loco: *Ab ea* [Cephalenia] *Ithaca xv millia distat, in qua mons Neritus*. Tota vero circuitu patet xxv millia passuum. ** Ante hanc in alto, Asteris, Prote. XII.

* Sponius eam insulam *Ithacam* fuisse putat, quæ hodie *Iathaco* dicitur. Vide eum copiose differentem libr. II Itinerarii pag. 100, 101.

** Sed num idem portus etiam *Phorcyn* adpellabatur? nam fuisse hoc nomen portui alicui Ithacensi, docet Arthemidorus Ephesus apud Porphyrium in antro Nympharum pag. 252.

** Sed quomodo hæc consentiunt cum Artemidori Ephesi calculo apud Porphyrium de antro Nympharum pag. 252. Τῆς δὲ Κεφαλληνίας ἀπὸ Πανόρμου λιμένος σταδίων ὀγδοήκοντα πέντε. *A Cephalenia portu Panormo in orientem duodecim stadia insula est Ithaca LXXXV stadiorum*

XII.

Hæcilla *Prote*, quam modo Pomponius primo loco posuerat. *Asteris* * autem, quæ & *Asteria* dicta, Stephano est ἡσίον μεταξύ Κεφαλληνίας καὶ Ἰθάκης, *parua insula inter Cephalleniam & Ithacam*. Strabo etiam *Asteriam* dixit: Homerus autem *Ἀσπερίδα*, Odyss. Δ vers. 844

Ἔστι δὲ τις ἡσος μέσση ἀλλ' πετρήεσσα,
Μεσσηγὺς Ἰθάκης τε Σάμοιο τε παιπαλοέσσης,
Ἄσπερις, & μεγάλη.

Hoc est: *Insula in medio mari est saxosa, inter Ithacam & asperam Samum, siue Cephalleniam, Asteris non magna*. Aufonius quoque Periocha in hunc Odyss. iv librum: *Circa Asteriam insulam, quæ Ithacam Samumquæ interiacet*.

C E P H A L L E N I A.

XIII.

Cephalenia, κεφαληνία, siue κεφαλληνία, ** insula mediocris est maris Ionii inter Ithacam & Zacynthum, quatuor intra se oppida continens. Nomen gemino λ scripserunt Thucydides, Polybius, Strabo; simplici litera Scylax, Ptolemæus, Marcianus Heracleota. Sic Latini quoque diuisi sunt, & Liuii libris *Cephalenia* legitur: Melæ, Plinii, Flori *Cephalenia*. Et quamquam a κεφάλω, * * *Cephalo* Pausanias vocabulum ducat, tamen & ipsius codicibus id geminato lambda expressum est. Manutius in Orthographia: CEPHALLENE *insula, duplici LL libri veteres & Græca consuetudo*.

XIV.

Eruditorum opinio est, Strabonis nixa & Eustathii auctoritate, Homerum hanc insulam *Samum* adpellasse; etiam *Epirum Nigram*. Ille lib. x pag. 312 Σάμον δὲ τὴν νῦν Κεφαλληνίαν, *Samon* [vocat Homerus] *quæ nunc est Cephalenia*: nec Σάμον modo, sed Σάμην etiam tam urbem quam insulam communiter adpellari addit: quamquam alii *Samum* insulam a *Same*, eius oppido, distinctam velint. Odyss. A vers. 246

Δulichίῳ τε Σάμῃ τε καὶ ὕληντι Ζακύνθῳ.
Dulichioque Sameque & nemorosa Zacyntho.

Et Odyssæ Δ vers. 671

Εν πορθμῷ Ἰθάκης τε Σαμίοιο τε παιπαλοέσσης,
In freto Ithacæque Samique asperæ.

cui persimilis versus est 845 eiusdem libri paullo ante in insula *Asteria* explicatus. Eandem insulam putant etiam *Epirum Nigram* ab Homero nominari, Odyss. ζ vers. 97 & φ vers. 109. Vide Palmerii Græc. Antiq. lib. iv cap. xxiv. Quæ sane satis antiqua videtur opinio esse, ut Plinius quoque in ea errauerit, *Cephaleniam* etiam *Melanam* dicens nuncupatam esse,

quum

* Etiam apud Nicetan de Manuel. Commen. lib. II c. 5 pag. 58 Ἀσπερίς nominatur ex auctoritate veterum scriptorum, ad quos prouocat.

** Vide Sponii Itinerar. II pag. 102.

* * * Adde Apollodor. II cap. 4 §. 7 extrem.

quum nemo solum *Melenam*, sed *Epirum Melenam* siue *Nigram* tradant dictam esse. Adde *Odyss.* Ω vers. 377 & ibi *Eustathium*.

XV.

Oppida *Cephalleniæ* ita descripsit *Thucydides* lib. II pag. 120 Κῆται ἡ Κεφαλληνία κατὰ Ἀκαρνανίαν, Λευκάδα, Τεγῆρα πόλις ἔστα, Παλλῆες, Κρανιοί, Σαμαῖοι, Πρόναιοι. Sita est *Cephallenia* *Acarνανiam* versus & *Leucadem*, quatuor vrbes habens, *Pallenses*, *Cranios*, *Samæos*, *Pronæos*. *Polybius* lib. V cap. III κατέχε τῆς Κεφαλληνίας κατὰ Πρόνους, *Cephalleniam* attigit iuxta *Pronos* oppidum. Et *Plinius* lib. IV cap. XII A *Paxo* *Cephallenia*, quondam *Melæna* dicta, circuitu patet XLIV M. P. Same diruta a Romanis: adhuc tamen oppida tria habet. Haud dubie *Same* vrbs princeps, quia sic, & *Samos*, insula vocata, quæ vrbs postea *Cephallenia*, vt insula, fuit nuncupata. *Ptolemæus*: ἡ Κεφαλληνία νῆσος, ἥς ὀνόματι πόλις. *Cephalenia*, insula, cuius est vrbs eodem nomine. *Liuius* lib. XXXVIII cap. XXVIII M. *Fulvius* quum traiecisset in *Cephalleniam*, circa ciuitates insulæ misit percunctatum, utrum se dedere Romanis, an belli fortunam experiri mallent. Metus ad omnes valuit, ne deditio- nem recusarent. Obsides inde imperatos, pro viribus inopis populi, videnos *Nesiota*, *Cranii*, *Pallenses* & *Samæi* dederunt. Et cap. XXIX Quatuor menses obsidionem *Same* sustinuit. - - - *Samæi* posteaquam captam vrbs partem ab hostibus senserunt; cum coniugibus & liberis in maiorem refugerunt arcem: inde postero die dediti, direpta vrbe, sub corona omnes venierunt. Consul, compositis rebus *Cephalleniæ*, præsidio *Samæ* imposito, in *Peloponnesum* traiecit.

XVI.

Hæc de metropoli *Same* fatis sint: de ceteris consensus est duobus, *Pallensibus* & *Cranis*: lis de tertio oppido superest, cuius incolas *Liuius* *Nesiotas* vocat, quod commune insulanorum nomen est: *Thucydides* *Pronæos* oppidum ipsum *Pronos*, Πρόνους *Polybius*, quod primo casu est Πρόνοι, *Proni*. Forte in parua insula adiacente aut peninsula situm fuit, vt nouum nomen & inde sustineret. Et *Pallensium* vocabulum subdubium est. *Thucydides* Παλλῆς, incertum quo casu; pro quo supra legebamus Παλλῆες, sicut *Pausanias* *Eliac.* II cap. XV ait: Παλλῆς ἡ τεγάρτη Κεφαλληνῶν μοῖρα, *Palenses* (απα- λεύς) quarta pars *Cephalleniorum*. *Polybius* lib. V cap. IIII πρὸς τὴν τῶν Παλαίων πόλιν, ad *Palæensium* urbem, quasi Παλαία, *Palæa* nomen vrbs fuerit. Totius insulæ cultores Græce Κεφαλλῆνες, *Polybio*, dicto loco: & *Periegeta* vers. 436 Κεφαλλῆνων πτολίεθρα, *Cephalenum* oppida. Singulari Κεφαλλήν ἐμπορος, *Cephal- lenius* mercator, *Pausanias* *Messen.* cap. XX dixit. Imitantur Latini. *Liuius* lib. XXXVII cap. XIII cum iuuentute *Cephalenum*. Et *Silius* lib. XV vers. 305

Saxa Cephalenum, & scopulosis Neriton aruis.

XVII.

Mons in *Cephallenia* *Aenus*, vnde *Ioui* cognomen fuit *Aenesii*. * *Apollonii* scholiastes ad lib. II vers. 297 ἔστι καὶ Αἶνος ὄρος τῆς Κεφαλληνίας, ὅπου Αἰνητὶς Διὸς ἱερόν ἐστι, *Aenus* mons *Cephaleniæ*, in quo templum *Iouis Aenesii* est. Præcedit ex *Hesiodo* sine sibilo - - Αἰνήϊω ὑψιμέδοντι.

Mmm mmm

ZA-

* *Strabo* libr. X pag. 700.

ZACYNTHVS.

XVIII.

Zacynthus, Ζάκυνθος, insula in austrum Cephalleniae subiecta, propius, quam illa, accedens ad Peloponnesum. Strabo lib. x pag. 315 Zacynthum cum Cephallenia in insulis numerat, ὑπὸ τῷ Ὀδυσσεῖ τεταγμέναις, quæ sub Vlyssis imperio fuerint. Ambitum eius facit stadiorum CLX & amplius: distantiam a Cephallenia, LX. ὑλώδης μὲν, ἑυκαρπὸς δὲ, *siluosa est, inquit, fertilis autem.* Ex Homero est, qui Odysf. iῶτα vers. 24

Δελίχιόν τε, Σάμη τε, καὶ ὑλήεσσα Ζάκυνθος.

quod Virgilius imitatus est Aeneid. iii vers. 270

*Iam medio adparet fluctu nemorosa Zacynthos,
Dulichiumque Sameque, & Neritos ardua saxi.*

XIX.

Vrbem habet cognominem, eamque, quod Strabo addit, ἀξιόλογον, *memorabilem.* Thucydides lib. ii pag. 144 Ζάκυνθος ἡ νῆσος καίτοι ἀντιπέρας Ἠλίδος· εἰσὶ δὲ Ἀχαιῶν τῶν ἐκ Πελοποννήσου ἀποικοί, *Zacynthus insula e regione Elidis sita est, Achæorum, qui sunt ex Peloponneso, colonia.* Et Liuius lib. xxvi cap. xxiv *Et Leuius Zacynthum (parua insula est, propinqua Aetolia: urbem unam eodem, quo ipsa est, nomine habet) eam, præter arcem, incepit.* Ptolemæus: ἡ Ζάκυνθος, ἐν ἣ καὶ ὁμώνυμος πόλις, *Zacynthus, in qua etiam vrbs eodem nomine.* Et Scylax: ἐν ἣ καὶ πόλις καὶ λιμὴν, *in qua & oppidum & portus est.* Plinius lib. iv cap. xii *Ante eas [Teleboidas & Echinadas] in alto Cephalenia, Zacynthus, utraque libera.* Et paucis interiectis: *Inter hanc [Cephaleniam] & Achaiam, cum oppido magnifica, & fertilitate præcipua Zacynthus, aliquando adpellata Hyrie.* Male ergo Hyriam a Zacyntho distinxit Mela. Hodie vocatur, quod notissimum est, & insula & oppidum Zante. Qui incolebant, dicebantur Zacynthii. Nepos Dione cap. ix *Suorum e numero Zacynthios adolescentes quosdam elegit.*

INSVLAE MINORES

CIRCA PELOPONNESVM.

XX.

Quæ inde a Zacyntho vsque ad sinum Asiæ sunt insulæ, a Plinio ita lib. iv cap. xii enarrantur: *Ante Zacynthum xxx mill. pass. in Eurum ventum Strophades duæ, ab aliis Plotæ dictæ. Ante Cephaleniam Letoia. Ante Pylum tres Sphagiæ; & totidem ante Messenen Oenussæ.*

XXI.

STROPHADES duæ sunt insulæ, vt Strabo lib. viii pag. 248 describit, πελάγια, *in alto sitæ, e regione Cyparissæ, vnde Κυπαρισσιῶν νῆσοι, Cyparissiorum dictæ insulæ: cccc fere a continente stadiis.* Virgilius lib. iii Aeneid. vers. 209

*Servatum ex undis Strophadum me litora primum
Accipiunt. Strophades Graio stant nomine dictæ
Insulae Ionio in magno, quas dira Celeno
Harpyiaeque colunt.*

Stephanus: Στροφάδες, νῆσοι πρὸς τῇ Ζακύνθῳ δύο, *Strophades, duæ insulae iuxta Zacynthum.* * Dictæ etiam *Plotæ*, πλωταί, vt Plinius referebat, id est natantes in aquis, fluctuantes. Apollonius lib. II vers. 296

- - - Στροφάδας δὲ μετακλίστ' ἄνθρωποι

Νήσους τοῖο γ' ἐκίτη, πάρος Πλωταῖς καλέοντες,

- - Strophadas cognominarunt homines

Insulas huius caussa, prius Plotas nominantes.

Strophades autem, ἀπὸ στροφῆς, a conuersione dictæ, quia Zethus & Calais, alati iuuenes, Boreæ filii, Harpyias ad insulas vsque illas gladiis persequuti, monente Iride, inde finguntur reuertisse. Quod pluribus Virgilii interpres Seruius exposuit: breuius scholiastes Apollonii. **

XXII.

Letoia Plinii est Ptolemæi *Lotoa*, Λωτῶα νῆσος, ab eodem locata occasum solis versus inter Cephalleniam & Zacynthum.

XXIII.

SPHAGIAE insulae Plinio tres sunt: sed vna tantum vere insula: scopuli ceteræ. Strabo lib. VIII pag. 248 ἡ προσκειμένη πλησίον τῆς Πύλης Σφαγία νῆσος ἡ δὲ αὐτὴ καὶ Σφακίηρία λεγομένη, *Adiacet Pylo [Messenio] insula Sphagia, quæ etiam Sphaeteria nominatur.* Plures *Sphaeteriam* vocant quam *Sphagiam*. Vtriusque tamen nominis mentionem habet Stephanus, *Sphaeteria*, ex Pausania; *Sphagiae*, ex Phauorino. Pausanias extremis Messenicis: τῆς λιμένος ἡ Σφακίηρία νῆσος προέβληται, ante portum [Pyli] *Sphaeteria insula preminet.* Et Thucydides lib. IV pag. 256 ἡ νῆσος ἡ Σφακίηρία καλεομένη, τὸν τε λιμένα παρατείνεστα, καὶ ἐγγὺς ἐπικειμένη, ἐχυρὸν ποιεῖ, καὶ τὰς ἐσπλάς σενός. *Insula, quæ Sphaeteria vocatur, portui [urbis Pyli] prætentata est, eumque tutum efficit, ἔς introitus angustos.* Nobilitata est Spartanorum clade. Diodorus Siculus lib. XIII cap. XXIV Ἀθηναῖοι κατὰ τὸν Πελοποννησιακὸν πόλεμον εἰς τὴν Σφακίηριαν νῆσον πολλὰς τῶν Λακεδαιμονίων κατακλείσαντες καὶ λαβόντες αἰχμαλώτους, ἀπελύτρωσαν τοῖς Σπαρτιάταις. *Athenienses bello Peloponnesiaco Lacedæmoniorum quam plurimos in insula Sphaeteria ceperunt, redemptos inde Spartanis restituerunt.*

XXIV.

OENVSSAE sunt Plinio tres insulae in sinu Messenio, siue, vt loquitur, ante Messenen. Vnam plurali nomine significat Pausanias Messen. cap. XXXIV μετὰ τὸν Ἀκρίταν, λιμὴν τε Φοινικῆς, καὶ νῆσος κατ' αὐτὸν Οἰνῆσαι, post *Acritan portus est Phœnicus, ἔς ipsi proxima insula Oenusæ.* Quidam insulam *Sapientiae* interpretantur illarum maximam, alii *Caureram*, itidem alii *Veneticam* cognominatam.

Mmm mmm 2

XXV.

* Antonini Itinerar. fol. 185.

** Et Apollodor. Bibliothec. I c. 9 §. 21.

XXV.

Pergit Plinius: *In Asineo sinu tres Thyrides: in Laconico Teganusa, Cothon, Cythera cum oppido, antea Porphyris adpellata.* Straboni & Pausaniae *Thyrides, Θυρίδες*, sunt in vertice Tænari, seu in promontorio ad Tænarum, vt supra in Laconicæ principio monstratum est. Ab his subiacentes insulas, aut scopulos, haud dubie Plinius *Thyrides* denominauit.

XXVI.

Teganusam, seu potius *Theganusam*, quia per Θ Græci exprimunt; Plinius in Laconico sinu posuit: malim in Messenio. nam ante promontorium Acritan situm est, inter Methonen & Coronen, oppida Messeniæ. Strabo lib. viii pag. 248 τῇ Μεθώνῃ συνεχῆς ἐστὶν ὁ Ακρίτας, *Methone continuus est [mons] Acritas*, seu promontorium. Pausanias Messen. cap. xxxiv Ἀνέχει ἐς θάλασσαν ὁ Ακρίτας, καὶ νῆσος Θηγανῶσα ἐστὶν ἔρημος πρὸ αὐτῆς, *Excurrit in mare Acritas, & ante ipsum deserta est insula Theganusa.* Mela lib. ii cap. vii *Oenusa & Theganusa contra Acritan.* Ptolemæus scripsit Θηγανῶσα, eandemque cum Acrita promontorio in Messenico sinu, non Laconico, a quo longissime absunt, posuit.

XXVII.

Cothon autem Plinio in Laconico est, haud procul a Cythera insula. Stephanus: Κώθων, νῆσος & πόρρω Κυθήρων, *Cothon, insula non longe a Cytheris.* A Berkelio Salmasius notatur, qui Stephani Cothonem in Africam ad Carthaginem voluit traiectum. Pomponius etiam *Cothonis* meminit, sed in Aegæo mari. Nobis sufficit quod Stephanus cum Plinio consentiat.

XXVIII.

Ante Gythium est *Cranaë* insula. Pausanias Lacon. cap. xxi ἡ νῆσος ἡ Κραναὴ πρόκειται Γυθείς, *insula Cranae præiacet Gytheo.* Huc primum Paris raptam Helenam deduxit a Lacedæmone, vt Homerus refert Iliad. r vers. 445

Νῆσος δ' ἐν Κραναῇ. - - -

XXIX.

CYTHERA, Κύθηρα, insula oppido Boiæ & promontorio Maleæ obiecta, cum oppido & portu. Oppidum eiusdem nominis est *Cythera*. Plinius dicto loco: *Cythera cum oppido.* Scylax: κατὰ ταύτην καίτοι Κύθηρα νῆσος καὶ πόλις καὶ λιμὴν, iuxta hanc [Maleam ἄκραν] sita *Cythera insula, & oppidum, & portus.* Strabo lib. viii pag. 250 πρόκειται κατὰ τὴν Κίθηρα ἐν τεσσαράκοντα σταδίοις νῆσος ἐνλίμενος πόλις ἔχουσα ὁμῶν μόνον. *Ante hoc [promontorium Maleam] sita est insula Cythera, intervallo xl stadiorum, bono portu instructa, & urbe eiusdem nominis.* Portus egregius, qui etiam ἐπίναξ, *naule*, ob capacitatem dictus a Pausania est Lacon. cap. xxi, sub quo oppidum aliud est, Σκάνδεια, *Scandea* nomine, decem stadiis ab interiore urbe Cytheris. Thucydides lib. iv pag. 287 τὴν ἐπὶ θαλάσῃ πόλιν Σκάνδειαν καλεῖται αἰρεῖσθαι, urbem [insulæ] *maritimam, quæ Scandea vocatur, [Athenienses] capiunt.* Et paucis interiectis: οἱ Ἀθηναῖοι τὴν τε Σκάνδειαν, τὸ ἐπὶ τῷ λιμένι πόλισμα παραλαβόντες, καὶ τῶν Κυθήρων Φυλακὴν ποιήσάμενοι, ἐπλεύσαν ἐς τε Ἀθήνας

Ἀθήνη καὶ Ἑλος, Athenienses potiti Scandea oppido sub portum sito, Cytheris imposito præsidio, nauigarunt Asinen & Helos. Et Pausanias dicto cap. XXIΙΙ Κύθηρα καὶ τὰς ἀπαντικρὺ Βοιῶν. - - - Εν Κυθήροις δὲ ἀπὸ θαλάσσης Σκάνδεια ἐστὶν ἐπίκειν. Κύθηρα δὲ ἡ πόλις ἀναβάντι ἀπὸ Σκανδίας, στάδια ὡς δέκα. Cythera ex aduerso Boiarum sita sunt. In [insula] Cytheris autem ad mare est Scandea nauale. A Scandea ad urbem Cythera sunt stadia prope decem. Nomen Græcis plurale est, vt vidimus. Iterum Thucydides pag. 287 τὰ δὲ Κύθηρα νῆσός ἐστιν. ἐπικείται δὲ τῇ Λακωνικῇ κατὰ Μαλέαν, Cythera sunt insula, adiacens Laconice iuxta Maleam. Polybius IV cap. VI περὶ Κύθηρα, circa Cythera. Quod etiam Latini æmulantur, poetæ præfertim. Virgilius Aen. I vers. 680

- - - super alta Cythera.

Et Ouidius Amor. lib. II eleg. XVII de Venere:

Quæ Paphon & fluctu pulsa Cythera tenet.

nam Veneri sacra erant, cuius antiquissimum templum, quod Pausanias obseruat, habuerunt. Idem Ouidius Fastorum lib. IV vers. 285

Tum leua Creten, dextra Pelopeidas vndas

Deserit: & Veneri sacra Cythera petit.

Portus insulæ Lacedæmoniorum præcipuus erat, cuius maximam curam agebant, præsidio tenentes & oppidum & portum & quotannis ex Sparta mittentes, qui ius diceret in insula. Hæc ex Thucydidis prædicto loco. Hodie insula Cerigo adpellatur: olim etiam *Porphyris*, Plinio auctore: siue *Πορφύρεσσα*, vt apud Periegetæ scholiasten est ad vers. 499, qui rationem reddit, διὰ τὸ καλλιῆσαι ἔχειν πορφύρας, quod præstantissimas purpuras habeat.

XXX.

Argolici sinus insulas Plinius plures nominat lib. IV cap. XII. In Argolico, inquit, *Pityusa, Irine, Ephyre*: contra *Hermionium agrum Tiparenum, Aperopia, Colonis, Aristera*: contra *Træzenium, Calauria*, quingentos passus distans. Sed, præter vltimam *Calauriam*, quæ extra Argolicum sinum in Saronico potius est, nihil de ceteris distincte definiri potest. Pausanias Corinth. cap. XXXIV iuxta Bucephalon promontorium, quod in Saronico sinu est, *Pityusam* ponit & *Aristeras*, cum alia, *Haliusa*: post quas *Aperopiam* & *Hydrean* memorat, tanquam longius in austrum versus distantes. Sed quoquo loco illæ fuerunt, in Argolico sunt quæ hodie a nautis vocantur *Carauī, Bellapola, Settepozze*, ad quas haud dubie Plinius quibusdam suis nominibus respexit.

XXXI.

Notior certiorque CALAVRIA, ante portum Træzenium sita, intervallo, quod Plinius dixit, L passuum, siue, quod idem est, vt Strabo lib. VIII pag. 254 prodidit, τετρασταδίω, quatuor stadiorum. Ambitus XXX stadiorum est. Idem pag. 257 Πρόκειται τῇ λιμένις καλαυρία νηπίδιον, ἔσθον τριᾶκοντα σταδίων ἔχον τὸν κύκλον. Ante portum [Træzenis] iacet Calauria, parua insula, ambitu XXX stadiorum. Religiosum ibi Neptuni templum erat & asy-

lum, * etiam Amphictyonum conuentus ciuitatum septem, quas Strabo nominat. quod ἱερὸν ἄγιον. *sanctissimum fanum* etiam Pausanias laudauit Corinth. cap. xxxiii. In hac insula bis exsulauit Demosthenes; etiam mortem veneno inuenit, & intra fani septa sepulcrum: de quibus præter Strabonem, Pausanias dicto loco, & Plutarchus Vita pag. 859 consulantur. Pomponius lib. ii cap. vii *Træzenio litori proxima Calauria inter ignobiles alias leto Demosthenis nobilis.* Minus fertilem esse, Dionysii epitheto Perieg. vers. 499 probatur,

Αἴγυλὰ τ' ἡδὲ Κύθηρα, καλὰυριά τε τρηχῆα,
Aegyla, & Cythera, & Calauria aspera.

XXXII.

Illa *Aegyla* aliis est *Aegilia*. Stephanus: Αἰγιλία, νῆσος μεταξὺ Κρήτης καὶ Πελοποννήσου, *Aegilia insula inter Cretam & Peloponnesum.* Mela dicto loco: *At interius Melos, Oliaros, Aegilia, Cothon.*

XXXIII.

Supra Calauriam ex aduerso Atticæ est insula *Belbina*, siue vt Scylax definit, inter Sunium & Scyllæum, Træzenii agri promontorium. Plinius persæpe dicto loco: *Contra Træzenium [agrum] Calauria, quingentos passus distans: Plateis, Belbina, Lasia, Baucidias.* At Strabo lib. ix pag. 275 magis in septentrionem & ad oram Atticam submouet. Postquam enim loca Atticæ, quæ circa Phalereum portum sunt, exposuerat; & promontoria, quæ inde ad Sunium sunt, *Zosterem & Astypalæam*, cum præiacentibus paruis insulis *Pbaura & Eleusa*; addit, πρόκειται καὶ τέτων τῶν τόπων Βέλβινα νῆσος, & πολὺ ἀπὸθεν, *Ante hæc loca non procul a continente iacet insula Belbina.* Et lib. viii pag. 259 *Aeginæ* exiguas insulas, continentem versus, circumiectas esse: Βέλβινα δὲ πρὸς τὸ πέλαγος ἀνατείνεσθαι. *Belbinam vero inde in altum versus sitam esse.*

XXXIV.

Quam vero Plinius *Eleusam* insulam Spiræo promontorio obiacere tradidit; forsitan media inter *Astypalæam* Atticæ, & *Spiræum* Peloponnesi est.

XXXV.

AEGINA, Αἴγινα, nobilis insula, & classe olim cum Atheniensibus certans, quibuscum de palma ad Salaminem proelio aduersus Persas contendit. Certe post Athenienses nulla ciuitas illo proelio maiorem nauium numerum habuit, quam *Aeginetarum*. Strabo lib. viii pag. 258 περὶ πρωτείαν ἀμφισθετήσασα πόλις πρὸς Ἀθηναίους ἐν τῇ περὶ Σαλαμῖνα ναυμαχίᾳ κατὰ τὰ Περσικά. Adde Pausaniam Corinth. cap. xxi. Urbem habuit eiusdem nominis, τετραμμένην πρὸς λίβα, *in africanum conuersam*, vt Strabo ibidem notauit. Patria & regnum *Aeaci*, utroque quos nominaui, referente. Olim *Oenopia* dicta: *Aeacus* matris nomen imposuit. Ouidius *Metamorphos.* lib. vii vers. 472

Oenopiam Minos petit, Aeacidèia regna,

Oeno-

* Demosthenes epist. 2 pag. 112 A, ipse fatetur, se ibi salutem querere.

*Oenopiam veteres adpellauere; sed ipse
Aeacus Aeginam genitricis nomine dixit.*

Cicero lib. III Officior. cap. XI *Nimis imminebat, propter propinquitatem,
Aegina Piræeo.* Plinius lib. IV cap. XII *Aegina a Piræeo Atheniensium portu
XX millia passuum abest, antea Oenone vocitata.* Pausania dicto loco, *Οἰνώνη.* * Pomponius Mela de insulis: *Aegina Epidaurico litori proxima.* Dionysius Perieg. versu 512

*Φαίνονται Σαλαμίς τε καὶ Αἰγίνης πτολίεθρον,
Adparent Salamis & oppidum Aeginæ.*

Sulpicius Ciceroni lib. IV epist. V *quum ab Aegina Megaram versus
nauigarem.* Incolæ *Aeginetæ, Αἰγινῆται.* Cicero dicto Offic. loco: *Athe-
nienses sciuerunt, ut Aeginetis, qui classe valebant, pollices præciderentur.*
Horum fata Pausanias dicto loco recenset. *Oea, οἴη,* locus Aeginæ medi-
terraneus, XX stadiis ab oppido Aegina, descriptus ab Herodoto lib. V cap.
LXXXIII. **

XXXVI.

SALAMIS siue *Salamin*, insula e regione Eleusinis. Scylax: *κατὰ τῆ-
το [Ελευσίνος ἱερὸν καὶ τείχος] ἐστὶ Σαλαμίς νῆσος, καὶ πόλις, καὶ λιμὴν, Iuxta hoc
[Eleusinium fanum] est Salamis insula, oppidum, & portus.* Et Pausanias
Attic. cap. XXXV *Σαλαμίς κατὰ Ελευσίνα κειμένη, Salamis e regione Eleusinis
sitæ.* Secundum Strabonem post initium lib. IX longitudo [τὸ μῆκος] eius
est LXX vel LXXX stadiorum. Urbem habuit eiusdem nominis, veterem
quidem *πρὸς νότον, in austrum & Aeginam versus;* nouam autem in sinu &
peninsula *πρὸς τὴν Ἀττικὴν, aduersus Atticam.* Patria fedes Aiæ fuit. Ho-
ratus lib. I oda VII de Telamone, Teucris & Aiæ patre:

*- - - Teucer Salamina patremque
Quum fugeret.*

Et Seneca Troadibus vers. 844

Numquid Aiæ Salamina veram?

Veram (etiam Lucanus III vers. 183) dixit ad discrimen alterius in Cypro,
ad huius imaginem a Teucro conditæ, quam *ambiguam* ibidem Horatius
nuncupauit. Clarior facta Themistoclis victoria & Persarum clade. Me-
la lib. II cap. VII *In Attide Helene, nota stupro Helenæ; & Salamis excidio
classis Persicæ notior.* Cicero lib. I Offic. cap. XXI citetur *Salamis clarissi-
mæ testis victoriæ.* Et lib. I Quæst. Tusc. cap. XLVI *Ante Salaminem ipsam
Neptu-*

* Nonnus Dionys. XIII v. 182

Οἱ λάχον Οἰνώνης γόνιμον πέδον.

Tzetzes ad Lycophron. Alex. v. 174 *Ἡ γὰρ Αἰγίνα πρότερον Οἰνώνη ἐλέγετο ἀπὸ Οἰώνης τῆς
Βυδίωνος θυγατρὸς. - - Αἰγίνα δὲ μετεκλήθη, ὡς πάντες φασί, ἀπὸ Αἰγίνης τῆς Ἀσωπῆ. pag. 24
col. b. & ad v. 176 Ἡ δὲ Αἰγίνα αὕτη νῆσος μία τῶν σποράδων ἐστίν, ἀντικρὺ κειμένη τῆς Ἀττικῆς,
ἀποικος, ὡς ἔφην, Ἀργείων ὑπάρχουσα κ. τ. λ. Aegina prius Oenone dicebatur ab Oeone Budio-
nis filia. Aegina autem vocari cæpit, ut omnes dicunt, ab Aegina filia Asopi. Aegina autem
hec insula est una quadam ex Sporadibus, Atticæ opposita, colonia, ut dixi, Argiuorum.*

** De templo Græcorum communi in Aegina vide Isocrat. Euagor. p. 452. Solum insulae subtus
glebosum, in superficie saxosum; hordei tamen ferax. Quare mercatura dedere operam
Aeginetæ, & numos cudere primi. Strabo VIII pag. 579. Aelian. Hist. Var. XII c. 10.
- Aeginetæ dicebantur *Myrmidones* propter agri colendi studium. Strabo ibidem.

Neptunus obruet, quam Salaminii tropæi memoriam. nam gentile ac possessuum Salaminii. Idem pro Archia cap. viii Homerum Chii suum vindicant, Salaminii repetunt. Etiam Salaminiacus κτητικῶς dicunt. Lucanus lib. v vers. 109

Vt Salaminiacum meminit mare. - - -

Et finum Saronicum quoque Σαλαμινιακὸν, Salaminiacum dictum esse, Strabo auctor est lib. viii pag. 231. qui alia insulæ vetusta nomina lib. ix pag. 271 profert, quæ sunt Σκίρως, Κίχρια, Πιτυύσσα, Sciras, Cichria, Pityusa, * illa ab heroibus, hoc ab arbore inditum, quia pinifera est. Adde Pausan. Att. cap. xxxvi.

XXXVII.

Ante Salaminem, Nisæam & Megarum versus quinque parvæ insulæ, πέντε νησία, vt Strabo notat: sed alia Atticam versus Psyttalia, νησίον ἔρημον πετρῶδες, deserta, saxosa, vt idem subiunxit p. 272. Plinius iv cap. xii Clara Salamis: ante eam Psyttalia. Pausanias Attic. cap. xxxvi νῆτος πρὸ Σαλαμῖνος ἐστὶ καλεσμένη Ψυττάλεια, insula ante Salaminem est, dicta Psyttalia.

E V B O E A.

XXXVIII.

Eubœa, Εὐβοία, insula oblonga, ab Attica ad Thessaliam vsque, Bœotiae, a qua Euripi freto dirimitur, prætenta. Strabo situm & præcipua loca descripsit ineunte libro x, quem Latine Plinii verbis interpretamur ex lib. iv cap. xii sect. xxi: Eubœa, inquit Plinius, ἔστι ipsa auulsa Bœotiae, tam modico interfluente Euripo, vt ponte iungatur: a meridie promontoriis duobus, Geræsto ad Atticam vergente; ad Hellepontum Caphareo insignis: a septentrione Cenæo: nusquam latitudinem ultra xl millia passuum extendit, nusquam intra duo millia contrahit: sed in longitudinem vniuersa Bœotiae, ab Attica Thessaliam vsque, prætenta in cl mill. passuum: circuitu vero trecenta sexaginta quinque. Quod breuius Pomponius Mela lib. ii cap. vii his verbis præiuit: Eubœa ad meridiem promontorium Geræston ἔστι Capharea: ad septentrionem Cenæum extrudit, ἔστι nusquam lata, duum millium spatium habet vbi arcēssima est: ceterum longa totique Bœotiae adposita, angusto freto distat a litore. - - - Aliquot in ea sunt oppida, Istiæa, Eretria, Pyrrha, Nesos, Oechalia: verum opulentissimæ Carystos ἔστι Chalcis.

XXXIX.

Plinius plura addit oppida, sed multa in iis euerfa: ideoque inter hæc, & quæ superabant, distinguit. Urbibus, inquit, clara quondam, Pyrrha, Porthmo, ** Neso, Cerintho, Orco, Dio, Aedepso, Ocha, Oechalia: nunc Chalcide, cuius ex aduerso in continenti Aulis est: Geræsto, Eretria, Carysto, Oritano, Artemisio, fonte Arethusa, flumine Lelanto, aquisque calidis, quæ Ellopiæ vocan-

* Item νῆτος; δράκοντος, insula draconis. Vide Tzetzem ad Lycophron. v. 110.

** Demosthenes Philipp. I V pag. 54 A, Πάλιν ταῦτ' ἀμελέμενα ἰδὼν κατέσκαψε πορθμὸν καὶ τὴν γυνίδα ἀπὸ τῆς Ἀττικῆς ἐπετέχισεν ὑμῶν ἐν τῇ Εὐβοίᾳ. Rursus ea negligi quum videret: Subruit Porthmum ἔστι dominium e regione Attica tanquam vallum urbis obiecit in Εὐβοίᾳ.

vocantur, nobilis: notior tamen marmore Carystio. Scylax Caryandensis pag. 50 τετραπύλιον vocat, id est, quatuor oppidis constantem insulam. Μετὰ δὲ Ἀνδρῶν Εὐβοία ἡ ἴστος, αὐτὴ τετραπόλις. Εἰσὶ δὲ ἐν αὐτῇ Κάρυστος, Ερετρία καὶ λιμὴν, Χαλκὶς καὶ λιμὴν, Ἐστιαία καὶ λιμὴν. Post Andrum est Eubœa insula, in qua urbes quatuor, quæ sunt hæ: Carystus, Eretria cum portu, Chalcis cum portu, Hestia cum portu. Nunc de singulis agendum est, & primum de promontoriis, & adiacentibus.

XL.

Insulæ Eubœæ australe latus duobus continetur promontoriis, Geræsto * quod Atticam prospectat; & Caphareo, quod Hellespontum. Geræstum, Γεραῖστον, Plinius in promontoriis numerat, quem Solinus mutato genere sequutus est. Cenæo promontorio, inquit, vadit in septemtrionem: duobus aliis in meridiem extenditur, quorum Geræstos spectat Atticam; Caphareus prominet in Hellespontum. Subiacet oppidum eiusdem nominis cum portu. Plinius: urbibus clara, nunc Chalcide, Geræsto, ** Eretria, Carysto. Strabo lib. x ineunte: Γεραῖστος καὶ Πεταλία πρὸς Σέβιον, Geræstus & Petalia Sunio opponuntur. De vicina autem Petalia vix alius memoravit, nisi quod Plinius lib. iv cap. xii Petaliæ quatuor insulas primo Euripi introitu ponit, quas oppido Petaliæ obuertas esse, non licet dubitare. Sed de his infra. Stephano autem Geræstus non oppidum, sed κώμη Εὐβοίας, vicus Eubœæ est. Portus enim illustrior quam habitationes. Liuius lib. xxxi cap. xlv cetera classis Geræstum, nobilem Eubœæ portum, dum a Carysto Issæi redirent, tenuit. Et Homerus huius portus mentionem habuit Odyss. i vers. 177

- - - - - αἱ δὲ μάλ' ἄκα
ἰχθυόεντα κέλευθα διέδραμεν, ἐς δὲ Γεραῖστον
Εὐνύχιοι κατὰ γοῖο.

Hoc est: illæ vero [naues] celeriter piscosas vias percurrerunt, & ad Geræstum noctu deductæ sunt. Vbi scholiastes: Γεραῖστος λιμὴν Εὐβοίας, Geræstus portus Eubœæ.

XLI.

Alterum huius lateris promontorium, in ortum magis recedens, Καφάρεος, Ionice ΚαΦηρεὺς, Caphareus, siue Caphereus, ** tribus syllabis, vocatur, cuius situm supra Plinius delineavit. Herodotus lib. viii cap. vii ducentas naues, ne ab hoste viderentur, miserunt κατὰ τὴν ΚαΦηρέα, καὶ περὶ Γεραῖστον ἐς τὸν Εὐρίπον, iuxta Caphereum & circa Geræstum, in Euripum. Mons periculofus nauigantibus propter vortices, quos facit, & latentes circa eum scopulos. Seneca Agamemnone vers. 558

Nnn nnn

Est

* Nonnus Dionys. XIII v. 161

- - - Οἱ τ' ἔχον ἄκρην
Ἄκρην κυματόεσσαν ἀσιγήταιο Γεραῖστῳ.

** Tzetzes ad Lycophr. Alex. v. 156 Ἡ δὲ Γεραῖστος, ἀποθανόντος ἐκῇ τῇ Μυρτίλῃ Μυρτῶον πέλαγος ὠνομάζετο. Geræstus autem, mortuo ibi Myrtilo, Myrtoum mare nominari cæpit.

** Tzetzes ad Alex. Lycophr. v. 373 Νῦν δὲ ὁ ΚαΦηρεὺς ἰδιωτικωτέρως Ζυλόφαγος καλεῖται. Nunc autem Caphareus vulgo Xylophagus dicitur. Adde Antholog. Epigramm. Græc. libr. I p. 100 cap. ἐς ναυάγιον.

*Est humilis vnda, scrupulis mendax vadis,
Vbi saxa rapidis clusa vorticibus tegit
Fallax Caphareus.*

Et Virgilius Aeneid. lib. xi vers. 260

- - - *Euboicae cautes, vltorque Caphareus.*

Et Ovidius Trist. lib. i eleg. i vers. 83

*Quicumque Argolica de classe Capharea fugit,
Semper ab Euboicis vela retorquet aquis.*

Ac Silius Italicus lib. xiv vers. 144

*Euboici non per scopulos illisa Caphareo
Euripi magis vnda furit.*

Tertullianus quoque de Anima cap. lxi adiectiua forma: *Vix est & illa navigiis, quum longe a Caphareis saxis, nullis depugnata turbinibus, nullis quassata decumanis, adulante flatu, labente cursu, letante comitatu, intestino repente percussu cum tota securitate desidunt.* Stephanus: ΚαΦηρεὺς, ἐπὶ τῶν Εὐβοίας, Caphareus, nauale Eubææ, sed fallitur haud dubie. Omnes enim velut periculosum locum ac fugiendum describunt: nemo alius vt portum aut nauale.

XLII.

In septemtrione insulæ extremo *Cenæum*, Κήναιον, promontorium, quod cum Geræsto longitudinem insulæ dimetitur. Strabo lib. x ineunte: Παραμήκης ἐστὶν ἡ ἡσος ἐπὶ χιλίῃς Χεδέν τι καὶ διακοσίς σταδίς ἀπὸ Κηναίων πρὸς Γεραστόν. *Insula [Eubœa] oblonga est, a Cenæo ad Geræstum porrecta stadiis circiter cīo cc.* Et mox: τὸ μὲν Κήναιον ἐστὶ κατὰ Θερμοπύλαι, *Cenæum Thermopylis opponitur.* Et Ptolemæus lib. iii cap. xv Κήναιον ἄκρον, *Cenæum promontorium*, in summa insula posuit. Plinii de hoc verba supra proposuimus.

XLIII.

Artemisium est promontorium, vel litus, ad quod primum Græcorum cum Xerxe fuit proelium commissum, quod ita etiam Diodorus Siculus in hoc proelio lib. xi cap. xii nominauit. οἱ Ἕλληνες ὤρμην ἐπ' Ἀρτεμισίῳ τῆς Εὐβοίας, Græci, inquit, ad Artemisium Eubææ nauigabant. Corn. Nepos Themistocle cap. iii *primum apud Artemisium inter Eubæam continentemque terram cum classiariis regis conflixit.* Eius neque Strabo, neque Ptolemæus mentionem fecit: vtique vero Plutarchus Themistoclis Vita pag. 115. πέμπεται, inquit, μετὰ νεῶν ἐπ' Ἀρτεμισίῳ τὰ σενὰ φυλάξαν, *Mittitur [Themistocles] cum nauibus ad Artemisium, vt fauces illas tueatur.* Et interiectis paucis: ἐστὶ δὲ τῆς Εὐβοίας τὸ Ἀρτεμισίον ὑπὲρ τὴν ἑστιάαν αἰγυιαλὸς εἰς ἑστέαν ἀναπεπλάμενος - - ἔχει δὲ ναὺν & μέγαν Ἀρτέμιδος ἐπὶ τῇ ἡσῇ Προσηάς, *Artemisium Eubææ est supra Hestiam in septemtriones expansum litus. Fanum non magnum habet Dianæ, cognominatæ Proseæ, id est Orientalis.* An hoc Plinii *Artemisium* sit, vehementer dubitamus. Hic enim in oppidis numerauit, quod fortassis est Ptolemæi Ἀρτέμιδος ἱερὸν, *Dianæ fanum*, in medio litoris, ortum spectantis, locatum. Id quod vero Græcorum & Persarum proelio nomen

nomen dedit, αἰγιαλὸς, litus fuit secundum Plutarchum; vel vna mons a litore procurrens in mare, quemadmodum Suidæ & Harpocratiōi Ἀρτεμίσιον ἀκρωτήριον τῆς Εὐβοίας, promontorium est insulæ Eubœæ. Ptolemæo est etiam Λέων ἀκρεν, Leon promontorium; & Καλὴ ἀκλή, Cale acle seu Pulchrum litus; de quibus post paullo dicturi sumus.

XLIV.

Oppidorum, vt rursus ab australi parte incipiamus, est primum Carystus, Κάρυστος, * vt Ptolemæus posuit, inter Caphareum & Geræstum. Consentit Stephanus, qui πρὸς τῷ Μυρτώω πελάγει, ad mare Myrtoum sitam esse tradidit. Nec Liuius abnuuit, qui lib. xxxii cap. xvi ab Andro Eubœam ingressos primum ad Carystum venisse tradit: deinde ad Eretriam. Hæ, inquit, circa Andrum insulam classes coniunctæ, Eubœam inde, exiguo distantem freto, traiecerunt. Carystiorum primum agros vastarunt: deinde ubi Carystus, præsidio a Chalcide raptim misso, firma visa est, ad Eretriam accesserunt. Pomponius opulentissimam dixit, scilicet marmoris copia, vnde columnæ cædebantur. Strabo post initium libri x, Κάρυστος ἐστὶν ὑπὸ τῷ ὄρει τῇ Ὀχῇ, πλησίον δὲ τὰ Στύρα, καὶ τὸ Μαρμαρίον, ἐν ᾧ τὸ λατόμιον τῶν Καρυστίων κίωνων. Carystus sub monte Ocha sita est: in propinquo Styra, ἔς Μαρμαρίον, ubi Carystiae columnæ cæduntur. Marmor illud columnis ponendis in primis commendabatur. Plinius lib. xxxvi cap. vi ex Cornelio Nepote tradit, Mamurram primum totis ædibus nullam nisi e marmore columnam habuisse, omnes solidas e Carystio aut Lunensi. Plinius alter lib. v epist. vi sect. 36 Vitem quatuor columellæ Carystiae subeunt. Tibullus lib. iii eleg. iii

Quidue domus prodest Phrygiis innixa columnis,
Tenare siue tuis, siue Caryste tuis.

XLV.

Strabo Styra, τὰ Στύρα, ** oppidum in propinquo locat, vt iam vidimus. Stephanus repetit Strabonis verba, Στύρα πλησίον Καρύστης. Thucydides lib. vii pag. 524 Χαλκιδεῖς, καὶ Στυρεῖς, καὶ Καρύστιοι Chalcidenses, ἔς Styrenses, ἔς Carystii.

XLVI.

Quod addit Strabo Marmarium, ** non tam lapicidina videtur fuisse, quam oppidulum, seu vicus, iuxta quem marmor cædebatur, quia ipse ἀλατομίω, seu loco cædendi marmoris, distinguit. Stephanus: μαρμαρίον πόλις Εὐβοίας, Marmarium, oppidum Eubœæ. Carystium ergo vocatur illud marmor non a proximo loco, sed nobiliori. Vetus inscriptio apud Gruterum pag. 593 num. 8

Nnn nnn 2

HTME-

* A Dryopum exulibus condita. Diodorus IV pag. 242.

** Demosthen. in Midiam pag. 408 B. memorat. Et Nonnus Dionys. XIII v. 159 p. 360

- - - Οἱ λάχον ἀμφὶ

Καὶ Στύρα καὶ Κήρινθον, ἀεδομένης τε Καρύστης

Ἐδρανα καὶ Δίε κραναὸν πέδον.

* * Nonnus Dionys. XIII v. 160

Καὶ Στύρα καὶ κοτυλῶνον ἔδος, καὶ Σίριδος ἔδραν,

Μαρμαρίς τε τέροντα καὶ Ὀγυγίης πέδον Αἴθης.

HYMENEVS CAESARIS

SER. THAMYRIANVS A LAPIDICINIS

CARISTIIS FEC. SIBI ET THAMYRONVTRICIO.

Sic Gruterus edidit. At Manutius qui ipse inspexit (nam Romæ exstat) A LAPIDICINIS, Orthograph. pag. 479. quod propius ad genium antiquitatis est. De his nihil Ptolemæus habet: proxime autem Carystum, καλὴν ἀκτὴν, *Calen acten*; qua quid indicatum velit, litusne, vt nomen fert, an oppidum, quod series suadet, incertum est.

XLVII.

Ocha Plinii sub monte *Ocha*, iuxta quem Carystum Strabo posuit, videtur fuisse. *Ocha* autem μέγιστον ὄρεων, *mons maximus* Euboicorum, a quo & tota insula *Oche* olim dicta, vt Strabo refert principio libri x.

XLVIII.

Antequam ad Eretriam venit, *Amarynthus*, Ἀμάρυνθος est, vicus Eretriæ, septem stadiis ab vrbe Carystum versus remotus. Strabo lib. x pag. 308 ταύτης [Ερετρίας] ἐστὶ κώμη Ἀμάρυνθος, ἀφ' ἑπτὰ σταδίων τῆς τάχης. *Liuius* [Eretriæ] pagus est *Amarynthus*, septem stadiis ἀμάνibus. *Stephanus* νῆσον Εὐβοίας, *insulam Eubææ* vocat manifesto errore, qui πόλις fortasse vel κώμη vel simile voluit dicere, immo debuit. Ptolemæus hunc ordinem feruat a Chalcide ad Carystum: *Chalcis*, *Eretria*, *Amarynthus*, *Leon promontorium*, *Cale acte*, *Carystus*. Quæ si recte se se habent (nec vero adparet unde impugnentur) situs Amarynthis, & eorum quæ vtrimque attingunt, non obscurus est. Dianæ heic cultus religiosus erat, atque hinc cognomen diuæ. *Liuius* lib. xxxv cap. xxxviii *Sacrum anniuersarium* eo forte tempore Eretriæ *Amarynthidos* Dianæ erat, quod non popularium modo, sed *Carystiorum* etiam cœtu celebratur. Et *Pausanias* Attic. cap. xxxi ἐστὶν Ἀμάρυνθος ἐν Εὐβοίᾳ καὶ γὰρ οἱ ταύτῃ τιμῶσιν Ἀμαρυσίαν Ἄρτεμιν, *Amarynthus* est in *Eubæa*: ibi *Amarysia* *Diana* colitur.

XLIX.

Ipsa vrbs *Eretria*, Græce Ερετρία a Scylace, Strabone, Ptolemæo, Stephano, Polybio scribitur: * ab Homero metri causa Εἰρετρία, Catalogi versu 44 de Boeotiæ vrbibus:

Οἱ δ' Εὐβοίαν ἔχον, μένεα πονέοντες, Ἄβαντες,
Χαλκίδα τ' Εἰρετρίαν τε, πολυσαφυλὸν θ' Ἰσθίαν.

*Qui autem Eubæam colebant, robora spirantes, Abantes,
Et Chalcidem, Eretriamque, abundantemque vuis Istiæam.*

Obiter notamus, *Abantes* ** Homeri esse Eubææ incolas, τὰς ἀπὸ Εὐβοίας, vt Strabo initio libri x & scholiastes interpretantur, quos ὁ ποτε, nusquam aliter,

* Dio libr. LIV pag. 6 1 Ἐρέτρα.

** Nonnus Dionysii XIII v. 153 de Curetibus:

Καὶ χθόνα καλλύψαντες ἀλλήλους Μαραθῶνες,
Νόστιμοι ἴχνοιο ἐκκυψάντες ἐς ἱερὸν ὕδατος Ἀβάντων.

Et terram Marattonis maritimi relinquentes redierunt in sacrum solum Abantum. Et versu 158

Τοῖσι συνεστῶσι τοι μαχήμονες ὕδατος Ἀβάντων,
Οἱ λαχόντες ὀφρύνεσθαι Ἐρετρίαν κ. τ. λ.

His opitulati sunt Abantes Eretriæ edite coloni.

aliter, aut ab insula deducto vocabulo, denominauit. Hoc vero nomen ab *Abante* rege est, Neptuni, vt fingitur, filio.

L.

Sed ad *Eretriam* reuertamur, urbem amplam & peruetustam. Strabo post principium libri X Μετὰ τὴν Γέρασον Ερετρία πόλις μεγίστη τῆς Εὐβοίας μετὰ Χαλκίδα, Post *Geræstum* *Eretria* est, *Euboicarum* urbium, præter *Chalcidem*, maxima. Antiquitatem *Homerus* iam probauit: quam & ὁ πάλαι ποτὲ γινόμενος πόλεμος Χαλκιδέων καὶ Ερετρίων, vetus illud inter *Chalcidenses* & *Eretrienses* bellum, quod *Thucydides* lib. I pag. 12 memorauit, confirmat. Maritima erat & probe munita. *Liuius* lib. XXXII cap. XVI L. *Quintius* iussit, vt quæ ex sua classe venissent naues, *Eubæam* peterent. *Eretria* summa vi oppugnabatur: nam & trium iunctarum classium naues omnis generis tormenta machinasque ad urbem excidia secum portabant. Et arcem habuit, quo, capto muro, oppidani confugerunt. Ornatum & elegantiam ostendunt signa, tabulae priscae artis, ornamentaque eius generis plura, quam pro urbis magnitudine, aut opibus ceteris inuenta. Oppidani *Ερετριῆς*, vt supra *Thucydides* vocauit: Latine *Eretrienses*. Iterum *Liuius* lib. XXXV cap. XXXVIII miserunt qui orarent *Eretrienses* *Carystiosque*. Euerfa a Persis, in loco proximo fuit instaurata, vt *Strabo* prodit: qui & scholam philosophorum *Eretrienſium* in hac vrbe fuisse refert.

LI.

Quam *Mela* & *Plinius* *Oechaliam* memorant, vicina fuit *Eretriæ*, olim oppidum, deinde in pagum redacta. *Strabo* pag. 308 ἔστι καὶ ἡ Οἰχαλία κώμη τῆς Ερετριακῆς, λέγουσιν τῆς ἀναρεθείσης ὑπὸ Ηρακλέους, Est & *Oechalia* pagus *Eretriensis* agri, * reliquiae oppidi ab *Hercule* deleti. Cuius nominis & alia sunt, in *Trachinia*, & apud *Triccam*, & in *Arcadia*.

LII.

Chalcis sequitur ad *Euripum*, Græce χαλκίς, ** hodie *Negroponte*, præcipua huius insulæ. *Strabo* ibidem: Νυνὶ μὲν ὁμολογούμεως ἡ Χαλκίς φέρεται τὰ πρῶτα, καὶ μητρόπολις αὕτη λέγεται τῶν Εὐβοέων· δευτέρου δ' ἡ Ερετρία, Nunc quidem citra controuersiam *Chalcis* principem dignitatem obtinet, & primaria *Eubææ* urbs dicitur: secundo loco *Eretria* est. *Plinius* lib. IV cap. XII *Eubæa* urbibus clara quondam - - - nunc *Chalcide*, cuius ex aduerso in continenti *Aulis* est. Et *Liuius* lib. XXXV cap. XXXVII *Herodorus* traicere in insulam *Atalantam* iussus, vt inde, quum pedestres copias adpropinquare iam *Aulidi* atque *Euripo* sensisset, *Chalcidem* traiceret. Ipse ceteras copias nocturnis maxime itineribus, quanta poterat celeritate, *Chalcidem* ducebat. Propter situs commoditatem & munimentorum robur hæc vna ex tribus urbibus est, quas rex *Philippus*, *Demetrii* filius, πέδας ἑλληνικὰς,

Nnn nnn 3

compe-

* *Ouidius* de Ponto libr. IV epist. 8 v. 61

Sic victor laudem superatis Liber ab Indis,
Alcides capta traxit ab Oechalia.

** *Nonnus* *Dionys.* XIII v. 165 pag 360

- - Οἷς πέλε πάτερη

χαλκίς ὁπιθοκόμων μητρόπολις Ἐλλοπιῶν.

Adde *Demosthen.* aduers. *Aristocr.* pag. 454 C.

compedes Graeciae adpellasse fertur apud Polybium excerpt. lib. xvii cap. xl. Sunt autem Demetrias, Chalcis, & Corinthus. Oppidani χαλκιδᾶς, ut supra Thucydides dixit: Latine *Chalcidenses*, ut Liuius lib. xliii cap. vii seq. Tractus hic insulae a Geræsto ad Aulidem siue Chalcidem obiectam, Strabo dixit lib. x ineunte τὰ κοῖλα τῆς Εὐβοίας, *Caua Eubææ*, propter situm, quia ibi κολπᾶται ἡ παραλία, *ora maritima sinuatur*: ab Chalcide vero κυρτᾶται πάλιν πρὸς τὴν ἡπειρον, *rursus curuatur in continentem*.

LIII.

Supra Chalcidem Ptolemæus ponit Αἰδεψον, *Aedipsum*, quod *Aedepsum* Plinius, Αἰδηψὸν Strabo & Stephanus scripserunt, qui consensus haud dubie genuinum nomen nobis prodit. Strabo lib. i pag. 41 * τὰ θερμὰ τὰ ἐν Αἰδηψῷ, *aquæ calide in Aedepso*. Stephanus: Αἰδηψός, πόλις Εὐβοίας, *Aedepsus Eubææ oppidum*.

LIV.

Inter Aedepsum & extremum insulae promontorium, Cenæum, Ptolemæus interposuit Αταλάντης νησίον, *Atalantæ Nesium*, tamquam locum in continente, quamuis parua insula vocetur: quod, & Melæ oppidum *Nesos*, an idem sit, non possumus diiudicare, quamuis non inprobabile nobis videtur. *Atalantes* cognomen ex vicina insula Euripi est, quam ante paullo in *Chalcide* ex Liuii xxxv cap. xxxvii nominabamus. De eadem Thucydides lib. iii pag. 233 περὶ Αταλάντην τὴν ἐπὶ Λοκροῖς τοῖς Οπυντίοις νῆσον, *circa Atalantem iuxta Locros Opuntios insulam*. Plinius lib. ii cap. xc a continente abruptam. ** Sed de hac postea.

LV.

Liuius in hoc tractu *Oreum* ** urbem [Ὀρεὸν] laudat, eiusque situm lib. xxviii cap. v ita ponit: *classẽ in Eubæam ad urbem Oreum transmittunt, quæ ab Demetriaco sinu Chalcidem & Euripum petenti ad leuam prima urbium Eubææ posita est*. Idem lib. xxxi cap. xlvi *Inde consultari de Oreo oppugnando cæptum. Valida ea ciuitas & mœnibus, & quia ante fuerat tentata, firmo erat præsidio*. Et paucis interpositis: *Oreum diuersi, Romani & rex Attalus, oppugnabant: Romaniamaritima arce; regii aduersus vallem inter duas iacentem arces, qua & muro intersepta vrbs est*. Stephanus: Ὀρεός πόλις Εὐβοίας. Hæceadem est quæ quondam *Istiaea* vel *Hestiaea* nuncupata fuit. Supra ex Homero in *Eretria* id nomen ostendimus: etiam ex Pomponii Melæ lib. ii cap. vii. Non autem diuersas vrbes esse, Strabonis & Pausaniæ auctoritate probamus. Ille lib. x sub initium: Ὀρεῖται ἀνομάσθησαν ὕστερον οἱ Ἰστιαῖς, καὶ ἡ πόλις ἀντὶ Ἰστιαίας Ὀρεός. *Istiaenses postea vocati sunt Oritæ, & vrbs pro Istiaea Oreus dicta fuit*. nec vero pristinum nomen fuit omne abrogatum. Pausanias Achaic. cap. xxvi κατ' ἐμὲ ἦσαν ἔτι, οἱ Ὀρεῖν τὴν ἐν Εὐβοίᾳ τῷ ὀνόματι Ἰστιαίαν ἐκάλεον τῷ ἀρχαίῳ. *Adhuc mea ætate fuerunt, qui Oreum in Eubæa veteri vocabulo Hestiaeam adpellarent*. Plinius in iis Ore-

um

* L. IX pag. 651.

** Adde Orosum histor. II cap. 13 extrem.

*** Vid. Demosthen. Philipp. III p. 50 C, sed num est hæc vrbs? an alia? Idem de fals. legat. pag. 221 B.

in urbibus numerat, quæ quondam claræ fuerint: sua ætate deletæ, aut redactæ in pagos. Sed ex iam citatis Pausaniæ verbis adparet, illius adhuc ætate, forte minus claram, superfuisset. De *Cenæo*, quod sequitur, promontorio supra dictum est: de *Euripo* in Bœotia, a qua Eubœam abrumpit.

LVI.

Hactenus de ora, quæ Bœotiam spectat, ad fretum, quod *Euripum* vocant, posita: septemtrionem claudit fretum brevius, prospiciens in Thessaliam, ad quod *Artemisium* est promontorium vel litus, de quo supra in huius insulæ promontoriis dictum est. In eodem etiam *Δίον* est, *Dium*, Ptolemæo *ἄκρον*, promontorium: Straboni oppidum, supra vel ultra Cynæum promontorium, *Dion* nomine, quia coloniam inde deductam Canas Aeolidi tradit. ἐπ' αὐτῷ, inquit, (intellige *Κηναίῳ*, *Cenæo*,) τὸ Δίον, - - - ἐκ δὲ τῆς Δί᾽ Κάναν τῆς Αἰολίδος ἐπακτίσθησαν, *Supra illud [Cenæum] Dium est: - - a Dio Canas Aeolidis deducta colonia.* Stephanus quoque oppidum dixit, quamquam mutato genere: Δία, πόλις Θεσσαλίας, Αἰακῆς κτίσμα· β, Θράκης κατὰ τὸν Ἄθω· γ, Εὐβοίας. *Dia urbs Thessaliæ Aeaci opus: secunda Thraciæ iuxta Atho: tertia Eubœæ.* Addit Strabo *Athenas Diades*, Eubœæ oppidum, post initium libri x, τὸ Δίον, καὶ Ἀθῆνας αἱ Διάδες, κτίσμα Ἀθηναίων, ὑπερκείμενον τῇ ἐπὶ Καῦνον πορθμῷ, *Dium, & Athenæ Diades, opus Atheniensium, positum supra fretum quod ad Caunum est.* Suspecta vox *Καῦνον* Casaubono, quamquam nihil ipse definit: Latinus autem interpres *Cenæum*, *Κήναον*, substituit. Stephanus in *Ἀθῆνας*: Huius nominis urbs ἑκτη Εὐβοίας, Διάντος κτίσμα, *sexta Eubœæ, Diantis opus*: quod ab Ephoro habet. Dias autem ipsi est filius Abantis. Potest etiam cognomen *Διάδες*, *Diades*, a Dio esse, quasi Athenæ Dio promontorio & oppido vicinæ.

LVII.

Latus quod Aegæum mare tangit, minus, quam cetera, notum est, & si Ptolemæo, qui solus aliquid delineavit, habenda fides in oppidis & promontoriis est, post *Dium Phalasia* promontorium est: deinde *Ὠρεαῖος*, *Horæus*, forte oppidum: post quod *Ἀρτέμιδος ἱερόν*, *Dianæ fanum*, situ diuersum ab Artemisio, Græcorum pugna aduersus Persas nobilitato, de quo supra dictum est: tum demum *Κήρινθος*, *Cerinthus* paullo notior est, quam Strabo ineunte lib. x dicit ab Ellope, Ionis filio conditam: Plinius in *quondam claris* Eubœæ urbibus numeravit; sua autem ætate aut non superstitem, aut minus claram. Homerus *Catalog. vers. 45*

Κήρινθόν τ' ἑφάλον, Δί᾽ τ' αἰπὺ πηολίεθρον,
Cerinthumque maritimam, & Dii altum oppidum.

Et Apollonius Rhodius lib. i *Argonaut. vers. 79*

- - - - - ἔ μιν ἐμελλε
Νοστήσειν Κήρινθον ὑπὸ τρωπός,
Non reuersurus erat Cerinthum redux,

Canthus scilicet ex Eubœa missus. Deinde Ptolemæus *Budori*, *Βυδῶρος*, fluminis ostium ponit, quod *Χερσονήσος ἄκρα*, *Chersonesus promontorium* excipit: a quo ipse *Καῖλα Εὐβοίας*, *Cava Eubœæ*, tamquam oppidum locauit, quæ

cam-

campum esse late patentem, a Geræsto ad Chalcidem vsque, supra, Strabone auctore, demonstrauius.

LVIII.

Ex mediterraneis Eubœæ perpauca memoriæ sunt tradita. *Ellopia*, *ἐλλοπία*, ab Ellope, de quo diximus, condita, ἐν τῇ Ὠρίᾳ καλαυμένη τῆς Ἰστιαώτιδος πρὸς τῷ Τελεθρίῳ ὄρει, in *Oria Istiæensis regionis sub monte Telethrio*. Ager autem Istiæensis in septemtrione est insulæ, qui ὄρυμὸν habet, id est *siluam* iuxta locum in quo fuit *Ellopia*, quæ omnia ostendunt, intus non in ora illud *χαρίον* siue oppidum fuisse. *Ellopienses* postmodum *Istiæam* commigrarunt, a Philistida tyranno coacti, post *Leuctricam* pugnam. Hæc ex Strabonis x ineunte. Plinius lib. iv cap. xii *aquas calidas, quæ Ellopiæ vocantur*, commemorauit. Alias autem has esse ab iis, quas Strabo in *campo Lelanto* ponit, diuersitas locorum arguit: quia *Ellopiæ* in septemtrione prope *Istiæam* & *Ellopiensium* sedem sunt: *Lelantiæ* Strabonis supra *Chalcidem*. Sic enim pag. 308 ait: ὑπέρκειται τῆς τῶν χαλκιδέων πόλεως τὸ Λήλαντον καλούμενον πεδίον, ἐν δὲ τῷ τῶν θερμῶν τε ὑδάτων εἶσιν ἐκβολαὶ πρὸς θεραπείαν νόσων εὐφρεῖς, οἷς ἐχρήσατο καὶ Σύλλας, Κορνήλιος ὁ τῶν Ρωμαίων ἡγεμὼν. *Supra Chalcidem situs est campus Lelantus, in quo aquæ calidæ erumpunt ad sanandos morbos aptæ, quibus etiam Cornelius Sulla, Romanorum imperator est usus.* Plinius quidem cum aquis suis *Ellopiis* coniungit *flumen Lelantum*, vt videri possint eadem esse quæ sunt Straboni in campo *Lelanto*. Sed verendum est, quod etiam in mentem Harduino venit, ne *Κάλλαντα ποταμὸν*, *flumen Callantem* Strabonis, qui petram, in qua *Ellopia* erat, præterfluit, cum *Lelanto* campo vel flumine Plinius confuderit: nec ita coniunxit flumen & thermas Plinius, vt vno in loco necesse sit existere; sed vt alia separanda commiscet, ita & hæc ipsa verba non incommode diuidentur: *Eubœa - - - fonte Arethusa, flumine Lelanto, aquisque calidis, quæ Ellopiæ vocantur, nobilis: notior tamen marmore Carystio.*

LIX.

Antequam ex Euboica prouincia decedam, lubet antiqua nomina insulæ, auctoribus Strabone ac Plinio, adiungere. Ille ineunte libro x de Eubœa ita: ὁ μόνον Μάκρις ἐκλήθη ἡ νῆσος, ἀλλὰ καὶ Ἀβαντίς. - - - καὶ Ὀχη δὲ ἐκαλεῖτο ἡ νῆσος· καὶ ἐστὶν ὀνόνημον αὐτῇ τὸ μέγιστον τῶν ἐνταῦθα ὄρων. Καὶ ἐλλοπία δ' ὀνομαζομένη ἀπὸ Ἑλλεππος τῆς Ἰωνος. Non modo *Macris* vocatur hæc insula, verum etiam *Abantis*. Quin & *Oche* adpellata fuit: quod nomen maximi Euboicorum montium est: & *Ellopia* nominata ab *Ellope* Ionis filio. Plinius lib. iv cap. xii Antea vocitata est *Chalcis*, aut *Macris*, vt *Dionysius* & *Ephorus* tradunt: vt *Aristides*, *Macra*: vt *Callidemus*, *Chalcis*, ære ibi primum reposito: vt *Menæchmus*, *Abantias*: vt poetæ vulgo, *Asopis*. *Dionysii*, ad quem prouocat, verba sunt *Perieges.* vers. 520

Εὐρώπης δ' ἦτοι μὲν Ἀβαντίας ἐπλετο Μάκρις.
Europæ porro Abantias est Macris.

LX.

De minoribus insulis circa Eubœam, quæ ad dextram sunt, postea in *Aegæo*

Aegæo dicemus: quæ ad sinistram in Euripo, de iis Plinius lib. IV cap. XII sect. 23 *In Euripo Euboico, primo fere introitu, Petaliæ quatuor insule, & in exitu Atalante.* Scopuli videntur illæ Petaliæ insulæ esse, quia nullæ ibi notabiles obseruantur. Denominantur a vicino oppido Petalia, de quo supra ex Strabonis initio libri X, Γεραιὲς καὶ Πεταλία πρὸς Σύνιον, Geræstum & Petaliam, Eubœæ oppida, Sunio, Atticæ promontorio, obuersa esse. De Atalanta supra memorauimus quum Ptolemæi Atalantæ Nesion explicarem.

C R E T A.

LXI.

Creta, Κρήτη, * est altera maximarum, quæ ad Græciam sunt, insularum, inter Aegæum & Cyreniacum mare a Peloponneso pæne vsque ad Asiæ fines protensa, latitudine nusquam quinquaginta millia passuum excedens, longitudine implens cclxx millia. Plinius lib. IV cap. XII sect. 20. de situ & nominibus: *Creta altero latere ad austrum, altero ad septemtrionem versa, inter ortum occasumque porrigitur, centum urbium clara fama.* - - - *Crates primum Aeriam dictam: deinde postea Curetin; & Macarôn nonnulli temperie cæli adpellatam existimauere.* MACARÔN, puta insulam, quod Solinus cap. XI Græce scripsit: *Nonnulli etiam a temperie cæli Μακάρων νήσον adpellatam prodiderunt.*

LXII.

Promontoria Cretæ sic Strabo lib. X pag. 327 descripsit: τῶν ἄκρων τὸ μὲν ἐσπέριον ἐστὶ τὸ περὶ Φαλάσαρνα, πλάτος ἔχον διακοσίων σταδίων, καὶ εἰς δύο ἀκρωλήρια μεριζόμενον, ὧν τὸ μὲν νότιον καλεῖται Κριῶ μέτωπον τὸ δ' ἀρκτικὸν Κίμαρες τὸ δ' ἐὼν Σαμῶνιον ἐστὶ, ὑπερτίπλον τῆς Σενίης & πολὺ πρὸς ἑω. Sensus est, latus occidentale duobus promontoriis contineri, quorum septemtrionale Cimarum (aliis Cyamon;) australe Criu metopon, quasi frons arietis: orientale autem Samonium, quod paullo longius, quam Sunium in Attica, in ortum solis versus excurrat. De his & insulæ situ ac antiquitatibus præclare Mela lib. II cap. VII *Super eas [Cyclades] iam in medio mari, ingens & centum quondam urbibus habitata Crete, ad orientem promontorium Samonium, ad occidentem Κριῶ μέτωπον immittit: nisi maior esset, Cypri similis: multis famigerata fabulis, aduentu Europæ, Pasiphaes & Ariadnæ amoribus, Minotauri feritate fatoque, Dædali operibus & fuga, Tali statione atque morte: maxime tamen eo, quod ibi sepulti Iouis pæne clarum vestigium sepulcrum est, cui nomen eius insculptum esse accolæ ostendunt.* - - - *Inter colles, quod ibi nutritum Iouem accepimus, fama Idæi montis excellit.* De hoc monte Strabo: ἐν μέσῳ ἐστὶ κατὰ τὸ ἐνρυχωρότατον τῆς νήσου τὸ Ἰδαῖον, ὅρος ὑψηλότατον τῶν ἐκεί, περιφερὲς δ' ἐν κύκλῳ σταδίων ἑξήκοντα περιρικεῖται δ' ὑπὸ τῶν ἀρίστων πόλεων. *In medio [insulæ] quæ latissima est, mons est Idæus altissimus omnium qui in ea sunt, rotundus ambitu stadiorum sexaginta: circumiacent vrbes nobilissimæ.* Ab occasu sitos Leucos montes, λευκά ὄρη, quasi Albos, memorat, quos dicit alti-

O o o o o o

* Olim etiam *Idea* vocata ab vxore Ammonis Crete adpellari cœpit. Diodor. III pag. 204.

altitudine vel Taygetum coæquare. Plinius quatuor recenset montes huius insulæ. *Montes*, inquit, *Cadistus*, *Idæus*, *Dictynnæus*, *Corycus*. Positio *Idæi* montis iam Strabone indicante innotuit, cui Ptolemæus consentit, qui Ἰδην, *Idam* vocat, quemadmodum alibi etiam Strabo, & Solinus: *Dictynnæus* & *Cadistus* sunt ex *Leucis*, quos supra memorauimus, positos ad occasum insulæ. Solinus cap. xi *Albet* [Creta] *iugis montium Dictynnæi & Cadisti, qui ita excandescunt, ut eminus nauigantes magis putent nubila.* Dictynnæus ergo non est *Dictæus* siue *Dictæ*, in quo recte Strabo Callimachum notauit, qui hymno in Dianam vers. 199 ὄρος Δικταίων, *Dictæum montem* a Dictynna nympa denominauit. *Dictæus* enim est *Dictæ*, ἡ Δικτῆ, mons æque Strabonis ac Ptolemæi sententia in ortiua parte insulæ: Dictynnæus autem in occidentua. Dicæarchus in Creta:

ὄρος τε Δικταίων ἐπὶ δυσμὰς φέρον,
Mons Dictynnæus in occasum tendens.

Hic Dianæ sacer, quæ Dictynna: at Dictæ Ioui, cuius antrum æque in fabulis monti Dictæ ac Idæ tribuitur. Virgilius Georg. iv vers. 151

- - - apes
*Curetum sonitus crepitantiaque æra sequutæ
Dictæo celi regem pauere sub antro.*

Monst tandem *Corycus*, quem Plinius nominauit, est Ptolemæi Κόρυκος ἄκρα, *Corycum promontorium*, in extremo occidente huius insulæ. Atque hæc de montibus.

LXIII.

Oppidis ita abundauit Creta, ut centum rotundo numero dicatur habuisse. Scylax in Creta: λέγεται εἶναι ἑκατόμπολις, *dicitur centum vrbes habere.* Pomponius Mela: *ingens & centum quondam urbibus habitata Crete.* Virgilius Aen. iii vers. 104

*Creta Iouis magni medio iacet insula ponto,
Mons Idæus ubi, & gentis cunabula nostræ:
Centum vrbes habitant magnas, vberima regna.*

Et Horatius lib. iii oda xxvii

*Quæ simul centum tetigit potentem
Oppidis Creten.*

Plinius quum *oppida eius insignia*, ut loquitur, enumerasset, viginti circiter in ora, & totidem mediterranea, adiecit: & aliorum circiter LX oppidorum memoria exstat. Homerus autem, quamuis in Catalogo vers. 156 etiam Κρήτην ἑκατόμπολιν, *Cretam centum urbium*, nuncupasset, tamen Odyss. x c tantummodo vers. 174

- - - ἐν δ' ἄνθρωποι
Πολλὰ, ἀπειρέσιαι καὶ ἐννήκοντα πόλεις

sunt in ea [Creta] *homines multi, infiniti & nonaginta vrbes.* Scholiastæ adiunt, interea decem ab Idomeneo vel Leuco euerfas fuisse. Sed vix putandum aliquid certi in hoc numero statutum fuisse, & Meursius de Creta cap. v testatur, se centum circiter ac viginti in veteribus monumentis obseruasse.

Nos ducem Ptolemæum sequuti in πλευράς, latera oram maritimam distribuemus, inde postea transaturi ad mediterranea.

LXIV.

Latus occidentale Ptolemæus coarctat promontoriis Coryco & Criu-metopo: alii, non invito Strabone, usque ad Capo di Spada, quod Cyamum Ptolemæi, Cimarum Strabonis est, extendunt. Diuersitas inde est, quod etiam hodie non vno modo figura insulæ Cretæ proditur. Nobis Cyamum communis terminus sit occidentalis & septentrionalis laterum, quod Cimarum, Κίμαρον, Strabonis esse, non dubitamus, quia loco conueniunt, ex parte etiam litteris ac vocabulo, licet definire non possimus, Strabonisne an Ptolemæi scriptura, silentibus ceteris, sit præferenda.

LXV.

Ab illo promontorio proximum Δίκταμνον, Dictamnnum Ptolemæi est, quod corruptum ex Dictynna Melæ videtur, cui lib. II cap. VII post alia Cretæ oppida sunt Cydonia, Marathusa, Dictynna. Strabo etiam lib. X pag. 330 Cydoniam & Dictynnæum fanum coniungit. τῆς μὲν τοι, inquit, Κυδωνίας ὄρος ἐστὶ, ἐν ᾧ ἱερὸν ἐστὶν ὁ Δικταῖον, ἀλλὰ Δικτύνναον. Κυδωνία δ' ἐπὶ θαλάττῃ μὲν ἰδρυται, βλέπασα πρὸς τὴν Λακωνικὴν. Apud Cydoniam mons est Tityrus, in quo templum non Dictæum, sed Dictynnæum. Cydonia autem ad mare sita est, Laconicam spectans. In qua ora fuit mons ille, ex quo nymphea Britomartis, Minois amores fugiens εἰς δίκτυα, in piscatorum retia præcipitasse se fingitur, vt Callimachus hymno in Dianam, & Strabo lib. X pag. 330 referunt.

LXVI.

Post Dictamnnum vel Dictynnæum Ptolemæo est Psacum promontorium, quo loco nunc tabulæ Spachio promontorium referunt: deinde oppidum Cifamus, Κίσαμος πόλις, nauale Apteræ. Strabo lib. X pag. 330 Απτεράς ἐπὶ νείον ἐστὶ Κίσαμος. Plinius in oppidis Cretæ, Cysamum, littera Græca scripsit. Sed in Notitia Episcopatum scribitur ὁ Κισάμης, Cifami episcopus. Hodie Chifamo.

LXVII.

A Cifamo proximum est promontorium Corycum, & forte oppidum sub eo. Ptolemæus: Κώρυκος ἄκρα καὶ πόλις, Corycius promontorium ἔξ oppidum. Stephanus: ἐστὶ καὶ ἀκρωτήριον Κρήτης Κωρυκίη, ἐστὶ quoque promontorium Cretæ Corycia: oppidi nullam mentionem facit. Plinio Corycius inter montes est Cretæ, vt supra vidimus.

LXVIII.

Phalasarna oppidum excipit, φαλάσαρνα, Plinio Phalasarne. Memorat Strabo dicto loco: & Polybius Excerpt. Legat. cap. XLV τὴν φαλασάρναν ἀφαιρεῖν, Phalasarna excedere. Plurale est secundum Scylacem, ἀπὸ φαλασάρνων, a Phalasarnis. Et Dicæarchus in Creta

- - - - - Φασὶ δ' ἐν Κρήτῃ πόλιν
εἶναι φαλάσαρνα, κειμένην πρὸς ἥλιον
Δύονηλα, κλειστὸν λιμὲν ἔχουσαν, καὶ ἱερὸν

Ἀρτέμιδος ἅγιον, καὶ καλεῖσθαι τὴν θεὸν
Δικλιναν.

Aiunt in Creta urbem esse Phalasarna, sitam ad solem occidentem, portum habentem, qui claudi possit; ac templum Dianæ, & deam illam Diclynnam vocari. Sed singulari numero vsi sunt Polybius & Plinius, ut modo vidimus: etiam Strabo de Polyrrhenis: ἀπέχουσι Φαλασάρνης σταδίας ἑξήκοντα, distant a Phalasarna stadiis LX.

LXIX.

Inde Ptolemæi ordo χερσόνησον, *Chersonesum* ponit, id est oppidum in peninsula. Stephanus: Τετάρτη Χερρόνησος κατὰ Κρήτην νῆσον, ἔχουσα πολιματίαν ὁμώνυμον, *Quarta Chersonesus iuxta Cretam insulam est, habens oppidum eiusdem nominis.* Eustathius Lycti nauale dixit: Strabo fanum nymphæ Britomartis habere. Pausanias Eliac. 11 cap. xvi Philonidem, Olympici certaminis victorem, dicit γένος ἐκ Χερρόνησος τῶν Κρητῶν, patria ex Chersoneso Cretensium fuisse. Inter hanc & Criumetopon Ptolemæus Inachorium, obscurum locum posuit.

LXX.

Tum Criu metopon, Κριῦ μέτωπον, id est, arietis frons, celebre promontorium, claudit latus occidentale. Scylax: Ἀπὸ δὲ Φαλασάρων Κριῦ μέτωπόν ἐστιν ἀκρωτήριον, *Post Phalasarna est Criumetopon promontorium.* Strabonis & Melæ verba supra sunt prolata. Ptolemæi ordo est quem posuimus. Plinius dicto loco: *ad occidentem Criumetopon Cyrenas versus expellit.* nam limes est & terminus inter occidentale latus & australe. Dionysius Perieg. vers. 87

Καὶ Κρήσσης ἄκρης, ἥτ' εἰς ἄλλα πάλυ νένευκε,
Πάρθ' ἱερὴν Γόρτυνα καὶ ἠπειρώτιδα Φαισόν,
Προπρηνῆς, Κριῦ παραυγάζουσα κάρεον
Τένεκά μιν καὶ Κριῦ ἐφημίζαντο μέτωπον.

Et Cretensis promontorii: quod in mare valde prominet, & iuxta sacram Gortynam ac mediterraneam Phæstum, præruptum, arietis adsimilans caput: ideoque ipsum vulgo Arietis dixerunt frontem. Licentiæ poetarum condonandum est, quod Phæstum & Gortynam, longius remotas vrbes, πὰρ, iuxta dicit sitas esse.

LXXI.

Meridiani lateris vrbs prima secundum Ptolemæum Λισσὸς, *Lissus* est, quæ *Lissa*, Λίσσα, ut Vossius emendat, in Periplo Scylacis.

LXXII.

Deinde Tarbam ponit, Τάρβα, quæ Meursio videtur Ταρῖα, *Tarrha* legenda esse, quam Stephanus habet, & oraculi versus apud Eusebium Præpar. Euang. lib. v cap. xxxi

Φαιστὶ καὶ Τάρβας ναέται, Δίς τε πολύρρης.
Phæsti & Tarrhæ habitatores, & Diu circumflui.

LXXIII.

Præteritis Pæcilasio, obscuro oppido, & Hermæa promontorio, sequitur

quitur φοινικῆς λιμὴν, *Phœnicus portus*, ut Ptolemæus vocat, cui Stephanus oppidum adiungit: φοινικῆς πόλις Κρήτης, *Phœnicis*, inquit, oppidum *Cretæ*. Ptolemæus autem oppidum portui ab ortu adponit, quod φοῖνιξ, *Phœnix* vocetur: quo nomine diuinus scriptor Act. Apost. xxvii comm. 12 ipsum portum adpellat, ἃς φοῖνικα παραχειμάσαι, λιμένα τῆς Κρήτης, βλέποντα κατὰ Δίον καὶ Χῶρον, *in Phœnice hibernare, portu Cretæ, qui Africum & Caurum spectat*. Vtroque ergo nomine & oppidum & portus *Phœnicis* & *Phœnix* adpellabatur.

LXXIV.

Post fluuiorum sunt ostia, *Massalie* & *Electræ*, quibus *Psychium* oppidum interpositum est, etiam a Stephano obseruatum: ultra quod *Matalia*, ματαλία Ptolemæi est, de cuius vero nomine nihil certi inuenimus. In editis Strabonis libris est μέταλλον, *Metallum*: in mss. Meursio testante μάταιον, vel μάταλλον, vel μάρταλον: quo Plinii *Matium* laudatus Meursius, & qui sequuntur, referunt: quod idem mox Plinius contra *Diam* insulam ponit, quæ si *Standia* est, ut multi sentiunt, id quod postea discutiemus; utique *Matium* ad superius mare & septentrionale latus, eiusque medietatem pertinebit. Sed quoquo modo *Metallum* illud Strabonis est scribendum, nauale Gortynæ fuisse, cxxx stadiis remotum ab illa, eodem auctore indicatum est.

LXXV.

Succedit *Leon* promontorium, Græce Λέων, a figura nominatum: & prope illud vrbs Λεβὴν Strabonis, Λέβηνα, *Lebena* Ptolemæi, alterum nauale Gortyniorum & emporium, clarum Aesculapii templo. Strabo lib. x pag. 329 de Gortyna: διέχει τῆς Λιβυκῆς Θαλάττης καὶ Λεβήνος, τῇ ἐμπειρίᾳ αὐτῆς ἐννεήκοντα, *distat ab Africo mari & Lebene nauali suo xc stadiis*. Plinius *Lebena*. Et sic Pausanias Corinth. cap. xxvi ἐκ τῇ παραὶ Κυρηναίῳ τὸ ἐν Λεβήνῃ τῇ Κρητῶν ἐστὶν Ἀσκληπιῶν, *ad Cyrenaici similitudinem factum est Aesculapii templum, quod Lebena, Cretensi vrbe, existat*. Hinc Λεβηναῖος, *Lebenaus*, possessuum & gentile nomen. Philostratus lib. ix Vitæ Apollonii cap. xi ἐπορεύθη εἰς τὸ ἱερὸν τὸ Λεβηναῖον. ἐστὶ δὲ Ἀσκληπιῶν καὶ ὡς περὶ ἡ Ἀσία εἰς τὸ Πέργαμον ἔτω εἰς τὸ ἱερὸν τῷτο ξυνεφοῖτα ἡ Κρήτη *ad fanum Lebenaus se contulit, quod est Aesculapii: utque Pergamum Asia, ita in templum hoc tota Creta confluebat*.

LXXVI.

Duo flumina dein occurrunt, quæ in mare Libycum effunduntur; vnum est *Catarractum*, minus notum; alterum *Lethæum*, a Gortyna metropoli delapsum. Strabo lib. x pag. 329 διαρρέει αὐτὴν [Γορτύναν] ὅλην ὁ Ληθαῖος ποταμὸς, *perfluit totam Gortynam amnis Lethæus*. Vibius Sequester de Fluminibus: *Lethæus insulae Cretæ, ita dictus, quod Hermione, Veneris filia, Cadmi viri ibi oblita dicitur*.

LXXVII.

Ab hoc proxima vrbs *Inatus*, Εἰνατος, ut Stephanus & Hesychius; siue Ἰνατος, ut Ptolemæus scripsit: qui post eam ponit Ἱερὰν πέτραν, *Hieram petram*, seu Sacrum saxum, quem locum plerique putant *Hierapytnam* Strabonis,

bonis, Plinii, & Stephani esse. Videri quidem posset, mediterraneam *Hierapytnam* fuisse in Idamonte positam, quia Strabo lib. x pag. 325 dixit: τῆς Ἰδῆς λόφος πύτνα, ἀφ' ἧς Ἱεραπύτνα ἡ πόλις. *Pytna collis in monte Ida, a quo vrbs Hierapytna dicitur.* Verum hæc adpellationem inde habere potuit, quamquam alio loco posita, quem idem Strabo mox pag. 327 ostendit ad Libycum mare fuisse. ἀπὸ Μινώης, inquit, τῆς Λυκίων εἰς Ἱεραπύτναν καὶ τὸ Λιβυκὸν πέλαγος ἐν κόλπῳ δ' ἐστὶν ἡ πόλις, *ab Minoa in Lyciorum tractu ad Hierapytnam & Libycum mare: vrbs ea in sinu est.* Dio Cassius sub initium libri xxxvi vocat τὰ Ἱεραπύτνα: in Notitia Episcopatum inter Cretenses episcopos est etiam ὁ Ἱεραπίδης. mutata & altera littera. Stephanus ait, hanc vrbe prius *Cyrbam*, deinde *Pytnam*, item *Camirum*, denique *Hierapytnam* vocatam esse.

LXXVIII.

Tria Ptolemæi in hoc latere australi supersunt explicanda, *Erythræum* promontorium, Ερυθραῖον ἄκρον, sub quo haud dubie posita vrbs *Erythræa*, quam Florus lib. iii cap. vii inter insignes Cnossium & Cydoniam memoravit. Alterum est Ἀμπελος ἄκρα, *Ampelus promontorium.* Plinius dicto loco etiam oppidum eius nominis habet: *Ampelos*, inquit, *Hierapytna, Lebena.*

LXXIX.

Tandem Ἰτανος πόλις, *Itanus* oppidum est Ptolemæi, extremum huius lateris, prope *Samonium* promontorium: cuius etiam Stephanus meminit: & Herodotus lib. iv cap. cli πέμπει εἰς Κρήτην ἀγγέλους, *mittunt in Cretam nuntios*, qui insulam pererrantes, ἀπὶ κοντο καὶ ἐς Ἰτανον πόλιν, *venerunt etiam in vrbe Itanum.*

LXXX.

In hac extrema ora prope *Samonium* fuit etiam locus a portuum commoditate dictus καλοὶ λιμένες, *Boni portus*, Act. Apost. cap. xxvii comm. 8, vbi adiicitur, ὡς ἐγγὺς ἦν πόλις Λασαία, *cui propinquum erat oppidum Lasæa.* Ignota *Lasæa*: & Plinius quidem *Lasum* habet, sed in mediterraneis. Quum autem heic varient vetusti codices, Meursio suspectum id nomen est, nec vero suppetit, vnde genuinum restituatur.

LXXXI.

Latus orientale duobus promontoriis a Ptolemæo includitur, *Samonio* & *Zephyrio*. Illud Græce Σαμωνίον ἄκρον. Strabo εἰς Σαμωνίον, *orientale Samonium* dixit, id est in ortum tendens lib. x pag. 327. Atque ita etiam Mela *Samonium*: Plinius *Sammonium* duplici littera adpellavit. Duplicatio non sine caussa, sed euphoniæ gratia litteram conuersam arguit, quia ex *Salmonium* factum est *Sammonium*, quod vsus postmodum scripsit *Samonium*. Dionysius vers. ii

Μακρὸν ἐπ' ἀντολίην, Σαλμωνίδος ἄχρι καρήνης,

Ἦν Κρήτης ἐνέπρσιν ἐώϊον ἔμμεναι ἄκρην.

Longe in ortum, usque ad Salmonidem promontorium, quod dicunt Cretæ esse promontorium orientale. Ex quo adparet, Paulli apostoli itinere act. xxvii ipsum

ipsum Samonium significari promontorium quum dicitur, ὑπεπλεύσαμεν τὴν Κρήτην κατὰ Σαλμώνην, *infra Cretam nauigauimus iuxta Salmonem*. Hodie corrupte Capo Salomon adpellatur.

LXXXII.

Portus inde est *Minoa*, Πτολεμαῖ μινῶα λιμὴν, ab vrbe *Minoa*, quam septemtrionali lateri inposuit, caute distinguendus.

LXXXIII.

Portum ciuitas *Camara* excipit, καμάρα πόλις, quæ etiam *Lato*, Λατῶ, dicta fuit, vt Stephanus ex Xenione refert. Sub Christianis episcopalis facta. Notitia ecclesiæ seu episcopatum in Creta: ὁ καμάρας, *Camara* episcopus.

LXXXIV.

Sequitur ολῆς, *Olus*, quæ praue ὄλεις scripta a Ptolemæo est. Strabo, Scylax, Stephanus, Pausanias ολῆς, *Olus*. Hic etiam obliquo casu in Bœot. cap. XL de Dædali operibus, δύο lignea ἐν κρήτῃ, in Creta supersunt, Βριτομάρτις ἐπ' ολῇντι, καὶ Ἀθηνᾶ παρὰ Κνωσσίοις, *Britomartis* [simulacrum] ad *Oluntem*; & *Minervæ* apud *Cnossios*. Deinde *Chersonesus* est, & *Zephyrium* promontorium, quo clauditur hoc latus orientale.

LXXXV.

Septemtrionalis lateris secundum Ptolemæi dispositionem oppidum primum est *Heracleum*, Ἡράκλειον, quod Strabo lib. x pag. 328 *Gnoſſiorum* nauale dixit. ἔχει, inquit, ἐπίνειον τὸ Ἡράκλειον ἢ Κνωσσός. Deinde *Panormus* est Ptolemæi, cuius etiam Plinius meminit: & *Apollonia*, quam non omnes codices Ptolemæi habent: quod vero Stephanus ex multis vnā *Apolloniam* ἐν Κρήτῃ πρὸς τῷ Κνωσσῷ, in Creta iuxta *Cnossum* locat, non dubitamus recte Ptolemæum in hoc loco, vt vulgatum est, se habere. *Cytaeum*, Κυτᾶϊον nunc Ptolemæus ponit, quod etiam Plinii est, sed alio ordine: *Panhormum*, *Cytaeum*, *Apollonia*. De δὲ τὸν ἄκρον, *Dium* promontorium: vltra quod *Pantomatrium*, παντιμάτρεο eiusdem Ptolemæi, & Plinii, & Stephani. Excipit *Ῥιθύμνα*, *Rhithymna* apud eundem, quo modo etiam Plinius scripsit: at Stephanus *Ῥιθυμία*, *Rhithymnia*: nunc *Retimo*, contractiore vocabulo, quæ plurimorum est sententia.

LXXXVI.

Amphimales sinus, ἀμφιμαλῆς κόλπος, Ptolemæi, putatur Golfo della Suda esse. Adiacens oppidum nomen dedit, quod Plinio est *Amphimalla*; Stephano *Amphimellum* & *Amphimalla*, ἀμφιμάλλιον & ἀμφίμαλλα: Di-cæarcho ἀμφιμέλα, quod forte ἀμφιμάλα est legendum.

LXXXVII.

Interiecto *Drepano* promontorio, μινῶα, *Minoa* vrbs est Ptolemæi, etiam Stephano ethnicographo ex Perusino codice a C. V. Iac. Gronouio reddita. Plinius dixit *Minoum*. Opus Minois regis.

LXXXVIII.

Inde Πυκνῆ, *Pycni* fluuii ostia: & tandem *Cydonia*, κυδανία, * vna ex tribus

* A Samiis condita. Herodot. III c. 44 p. 92.

tribus clarissimis Cretæ urbibus Strabone iudice lib. x pag. 328 πόλεις εἰσὶν ἐν τῇ κρήτῃ πλείους μὲν, μέγισται δὲ καὶ ἐπιφανέσταται τρεῖς, Κνωστος, Γόρτυνα, Κυδωνία, *urbes quidem plures sunt in Creta, tres autem maxime clarissimæque, Cnosus, Gortyna, Cydonia.* Florus lib. iii cap. vii metropolim dixit; quum Metellum ait insulam vastasse populo intra castella & urbes redacto, *Cnosum, & Erythraeam, & ut Græci dicere solent, urbium matrem Cydoneam.* Cydoneam, secunda vocali quasi ex κυδωνία, ut Ptolemæus videtur scripsisse, in cuius libris corrupte legitur κυδωνίας, quod nihil est in nominibus urbium. Strabo autem & Stephanus κυδωνία sine diphthongo. Accedit his Scylax: κυδωνία καὶ λιμὴν κλειστός πρὸς βορέαν, *Cydonia cum portu clauso, ad boream.* Et Diodorus Siculus lib. v cap. LXXIX κυδωνία ἐν τοῖς πρὸς ἐσπέραν κεκλιμένοις τόποις, *Cydonia in partibus insulæ ad occasum vergentibus;* nihilominus in latere septemtrionali. Plinius duabus syllabis Cydon, quasi altera forma Cydonia sit ex adiecto nomine, & urbs subaudienda: Mela, quem is sequi solet, etiam Cydonia, ut Græci. Multorum consensu, quæ hodie Canea est, urbs incluta & munita, fuit veterum Cydonia. Oppidani Cydoniatæ. Livius lib. xxxvii extremo: *Cydoniatæ bellum aduersus Gortynios Gnosiosque gerebant.* Erant etiam κυδῶνες, *Cydones* ex antiquissimis populis Cretæ, qui occidentalem partem insulæ incolebant, ut Strabo ex Staphylo adfert lib. x pag. 327. Possessiva Cydonius & Cydonæus. Virgilius eclog. x vers. 59

- - libet Partho torquere Cydonia cornu

Spicula.

Et Silius Italicus lib. x vers. 261

Ecce Cydonea violatus arundine plantam.

LXXXIX.

Cydoniam excipit *Cyamum* promontorium quod communem terminum occidentalis & septemtrionalis laterum supra constituimus. Plura quidem sunt Plinio huius insulæ maritima, sed dubiæ positionis, quia Ptolemæus prætermisit, nec aliunde sedes certior haberi potest. Sunt autem *Etæa, Pergamum, Matium, Miletus, Hierapolis.*

XC.

Ἡτεία, *Etæa* Stephano etiam tamquam Cretæ oppidum commendata, & patria Mysonis vnus ex vii Sapientibus Græciæ. Diogenes Laertius Vita eius: Εὐθύφρων κρήτα Φητὶν εἶναι. Ἡτείαν γὰρ πόλιν εἶναι κρήτης. *Euthyphron dicit Cretensem esse. Eteam enim oppidum esse Cretæ.*

XCI.

Plinii *Pergamum*, dictum etiam *Pergamea*. Velleius principio opusculi, *Agamemnon, tempestate in Cretam insulam reiectus, tres ibi urbes statuit, duas a patriæ nomine, vnā a victoriæ memoria, Mycenæ, Tegeam, Pergamum.* Virgilius *Aeneæ* tribuit lib. iii vers. 132

Ergo avidus muros optatæ molior urbis,

Pergameamque voco.

Plutarchus *Lycurgo* extremo: *Timæum & Aristoxenum tradere, ἐν κρήτῃ καταβιάσασθαι καὶ τὰ Φιν Αριστόξενος αὐτῶν δεικνυσθαι Φησὶν ὑπὸ κρητῶν τῆς Περ-γαμίας,*

γαμίας, in Creta diem obiisse: & Aristoxenus refert, Cretenses qui Pergamie habitant, sepulcrum eius ostendere. Sita erat vt Seruius ad Virgilii dictum locum notauit, iuxta Cydoniam: dextrorsum, sinistrorsum, in incerto relinquitur. Iuuat Scylax Seruium, qui Dictynnæum Dianæ templum, quod prope Cydoniam posuit Strabo, πρὸς βορέαν άνεμον τῆς χώρας Περγαμίας, ad septentrionem regionis Pergameæ constituit.

XCII.

Matium vulgo creditur esse Candia, vrbs princeps huius insulæ. Ita Pinetum sequuti Brietius, Baudrandus, Harduinus, alii. Nituntur Plinii verbis: contra Matium Dia. Persuasum enim habent, Diam insulam esse Standiam, quæ vrbi Candiaë obiecta est: quia Ptolemæus in illo pelago nullam propiorem posuerit. Addunt quod syllabæ posteriores conueniant, & vocabulum Standia prauatum videatur ex εἰς τὴν Δίαν. Nihil huius in mentem doctissimo Meursio venit, qui ad Mataliam, supra Libycum mare positam, referri posse existimat. Sed nec ipse firmiore argumento nititur, si quod est in quo nitatur, quod certe nullum attulit, nisi quosdam Strabonis codices pro Μέταλλον, quæ Ptolemæi Matalia censetur, habere Μέταλον. Ptolemæus sub Diainsula proxime Cytæum posuit, fere in loco Candiaë.

XCIII.

Miletus, Μίλητος, cuius & Homerus Catalogo meminit vers. 154, quo loco fuerit in ora insulæ, non adparet. Hanc tradunt matrem esse celebrioris Miletī in Caria. Strabo lib. xiv post initium: Φησὶ δ' ἔφορος τὸ πρῶτον κτίσμα εἶναι Κρητικῶν, ὑπὲρ θαλάττης τετειχισμένον, ὅπερ νῦν ἡ παλαιὰ Μίλητος ἐστὶ Σαρπηδόνης ἐκ Μιλήτης τῆς Κρητικῆς ἀγαγόντος οἰκῆτορας, καὶ θεμένους τῆς πόλεως τῆς ἐκεί πόλεως ἐπώνυμον. Ephorus narrat Miletum principio a Cretensibus ad mare fuisse conditam, ubi nunc vetus est Miletus, Sarpedone e Cretensi Mileto eo ducente colonos, nomen vrbi idem, quod illius erat, imponente. Et Apollonii Rhodii scholiastes ad lib. i vers. 185 οἱ δὲ φασιν, ὑπὸ Σαρπηδόνης τῆς Διὸς Μιλητον κτισθῆναι ὀνομαθεῖσαν ἀπὸ τῆς ἐν Κρήτῃ. Quidam dicunt, a Sarpedone, Iouis filio Miletum conditam esse, nominatamque ab ea quæ in Creta est.

XCIV.

Tandem Hierapolis Cretæ Plinio laudata, memoratur etiam a Stephano, qui in hoc nomine ait: δευτέρα κρήτης, secunda vrbs eius nominis, in Creta est.

MEDITERRANEA CRETAÆ.

XCV.

Ptolemæo auctore mediterraneæ vrbes sunt Polyrrhenia, Apteria, Artacina, Lappa, Subrita, Eleuthera, Gortyna, Pannona, Gnoſſus, Lyctus. Adduntur plura ab Plinio, Phæstum, Myrina, Lycastus, Rhamnûs, Diu, Asum, Pylorus, Rytium, Elatos, Pharæ, Holopyxos, Lasos, Eleutherna, Therapne, Marathusa, Cylistos. Accedant ab utroque omiſſa Elyrus, Oaxus.

XCVI.

XCVI.

Quæ ab occasu prima est Ptolemæi πολυρρήνια, Scylacis πολύρρηνα, *Polyrrhenium* Plinii, cuius ciues sunt πολυρρήνιοι, *Polyrrhenii* Polybio lib. IV cap. LIII & LXI; simplici littera apud Stephanum scribitur πολύρην, *Polyren*; nec in nummis duplicatur. Stephanus enim, πολύρην, πόλις Κρήτης ἀπὸ τῆς πολλὰ ῥήνεα, τέτρεσι πρόβατα ἔχειν, *Polyren oppidum Cretæ, ita dictum quod multas oves habeat.* Numinus Reginae Suecorum, ab illustri Spanhemio productus, ΠΟΛΥΡΗΝΙΩΝ: & clarissimi Wildii ΠΟΛΥΡΕΝΙΩΝ, *Polyreniorum*: cui similis est in thesauro serenissimi Electoris Brandenburgici, quem V. C. Laur. Begerus exhibet Tom. I pag. 398.

XCVII.

Deinde est Ἀπτερά, *Aptera*, cuius nauale fuit *Cisamus*. Strabo lib. X pag. 330 Ἀπτεράς ἐπὶ νειὸν ἐστὶ Κίταμος. Ptolemæus auget syllaba, Ἀπτερία scribens: sed tribus syllabis Ἀπτερά Strabo, Stephanus, Suidas: Plinius neutro genere *Apteron*, qui male in maritimis scripsit, quod nauale eius separatum probat *Cisamus*.

XCIIIX.

Quæ sequitur *Artacina* Ptolemæi, prauatum videtur Meursio ex *Ilyrtacina*, quia Scylax Ὑρσακίνα, itidem prauè σ pro τ; Stephanus Ὑρτακος, *Hyrtacus*.

XCIX.

Lappa Ptolemæi etiam sic vocatur a Dione Cassio sub initium libri XXXVI de Metello: καὶ μετὰ τὸ το Λαππὰν ἐκ προσβολῆς εἶλε, postea etiam *Lappam* vicepit. Sed prius πεχμ est per euphoniā. * Stephanus enim, Λάμπη, πόλις Κρήτης. Ἀγαμέμνονος κτίσμα, *Lampa*, urbs Cretæ, *Agamemnonis opus*. Et Notitia Episcopatum pluraliter ὁ Λαμπῶν, *Lamparum episcopus*. Oppidani apud Polybium sunt λαμπᾶοι, *Lampæi*; & inscriptio vetus, quam Mabillon Musæo Italico pag. 33 ex lapide Romano descriptam dat, ΛΑΜΠΑΙΩΝ ἡ πόλις, *Lampæorum civitas*. Deinde Σέβριτα, *Subrita* Ptolemæi: Tabula Peutingeriana *Subriti*: Notitia Episcopatum, ὁ Σέβριτῃς, *Subriti episcopus*.

C.

Eleuthera Ptolemæi Ελευθέρα: singulari apud Dionem Cassium inuenta lib. XXXVI Ελευθέραν τὴν πόλιν ἐκ προσδοσίας ἐλῶν, *Eleutheram urbem proditione capiens*. Hanc antea *Aoron* dictam tradit Stephanus in Ἄωρος; quamquam hic Ελευθήρα scripserit. Discernit Meursius *Eleutheram* ab *Eleutherna*: Holstenius ad Stephanum pro eadem vrbe habet; cui fidem possit facere, quod qui *Eleutheram* nominat siue *Eleutheras*, Ptolemæus, & Notitiarum auctores, *Eleuthernam* non agnoscant: & qui hanc habeant, careant nomine *Eleutherarum* siue *Eleutheræ*. Stephanus: Ελευθέρινα πόλις Κρήτης. Scylax: Ελευθέρινα πρὸς βορέαν, *Eleutherna ad septentrionem*. Plinius quoque pluratiuo *Eleuthernæ*, in mediterraneis. Oppidani Ελευθεριᾶοι, *Eleuthernæi*, apud Polybium lib. IV cap. LIII. Et nummus Reginae Gothorum

* Sed tu vide Spanhemii orb. Roman. Exercitat. II c. 12 pag. 352, 353.

rum ab Spanhemio τῷ πᾶν productus, ΕΛΕΥΘΕΡΝΑΙΩΝ. Addo ex Peutingeriana Tabula, vt simul ordo ac situs non solum huius, sed aliarum etiam urbium constet: *Cisamos* ix. *Lappa* xxxii *Eleuterna* viii *Subriti* xxxii *Gortina*.
CI.

Ipsa *Gortyna*, Γόρτυνα, siue vt alii scribunt, Γόρτυν, *Gortyn*, vrbs incluta fuit, aliquando prima, quæ cum Gnosso de dignitate certauit. Homeri ætate muris cincta fuit, qui Catalogo vers. 153 dixit

- - - Γόρτυνὰ τε τειχίεσσεν,

Gortynem etiam muris cinctam.

postea πάντα τὸν χρόνον μέναισα ἀτείχιστο, *semper immunita fuit*, quod Strabo refert lib. x pag. 329. nec vero propter id minus clara, vtpote quæ Le-bene nauali, Metallo emporio vsa fuit, ipsa flumine Lethæo adfusa, a mari Libyco distans stadiis xc, eodem Strabone obseruante. Eustathius ad Dionysii versum 88 tradit, conditam a Tauro, rege Cretensium, qui Euro-pam rapuerit. Inde fabula, in qua Lethæi quoque fluminis est mentio. Solinus cap. xi *Gortynam amnis Lethæus præterfluit, quo Europam tauri dorso Gortynii ferunt vectitatam.* Nomen duplicis formæ est, *Gortyn* & *Gortyna*. Eustathius loco prædicto: ὅτι ἡ Γόρτυν καὶ Γόρτυνα λέγεται τρι-συλλάβως, καὶ τὸ μὲν κλίνεται Γόρτυνος, τὸ δὲ Γορτύνης. Dicitur *Gortyn*, ἔξ *Gortyna* tribus syllabis: illud *flectitur* *Gortynis*; * hoc *Gortynæ*. Home-rus, Dionysius, Strabo duabus syllabis: tribus Scylax & Ptolemæus dixe-runt. Et Lucanus lib. iiii vers. 186

- - - nec Eois peior *Gortyna* sagittis.

CII.

Pannonia Ptolemæi ignota est: *Cnossus*, seu *Cnosus*, Κνωσσός siue Κνω-σός, omne punctum fert. Aliquando *Ceratus* dicta fuit a flumine præter-labente eiusdem nominis. Callimachus hymno in Dianam vers. 44

Χαῖρε δὲ Καίρατος ποταμὸς μέγα, - - -

Letabatur Ceratus fluius vehementer.

Scholiastes ibi: Καίρατος ποταμὸς Κρήτης, καὶ πόλις ἡ Καίρατος ἔτι λεγομένη, *Ceratus fluius Cretæ*, ἔξ *vrbs* eodem nomine dicta. Strabo lib. x pag. 328 ἐκαλεῖτο ἡ Κνωσσός Καίρατος πρότερον, ὁμώνυμος τῷ παραρρέοντι ποταμῷ. *Cnos-sus prius vocata Ceratus, eodem nomine quo fluius præterlabens.* Heic se-pulcrum Iouis fuisse traditur. Lactantius lib. i cap. xi *Sepulcrum eius [Iouis] est in Creta, in oppido Cnosso.* Hinc & *Labyrinthus* fuit. Pausa-nias Attic. cap. xxvii τὸν ἐν Κνωσσῷ Λαβύρινθον οἰκῆσαι, *Labyrinthum inha-bitare qui in Cnosso est.* Augustana Tabula Cnoson xxiii millibus a Gor-tyna in ortum versus protulit. Potentiam ciuitatis & bella Polybius lib. iv cap. liv descripsit. Nauali vsa *Heracleo*. Strabo pag. 328 ἔχει ἐπὶ νεῖον τὸ Ἡράκλειον ἡ Κνωσσός, *Cnossus nauale habet Heracleum.* Minois regia fuit, antiquissimi regis. Eustathius ad Dionysii vers. 501 Κνωσσός, βασιλείον Μίνως. Gentile & possessiuum Κνώσσιος, *Cnossius*. Vide Polybium dicto loco:

Ppp ppp 2

&

* Nonnus Dionys. XIII v. 233 p. 364

Οἷς ἅμα πολλοὶ

Τφιλόφῃ Γόρτυνος ἐθωρήσαντο πελίκῃ.

& Virgilii *Cnosia regna* Aen. III vers. 115, & *Cnosia stella coronæ* Georg. I vers. 222. Sic scribo quia Græci κνωσσις per K; quod præstat quam G, quod in multis libris Latinorum est. At *Cnosus* etiam Tabula Peutingeri Augustana. Per c & simplex s. Wildii Tab. VI ΚΝΩΣΩΝ. nam *Cnosus* & *Cnosius* deriuatum nomen. Lucanus lib. III vers. 185

Creta vetus populis, Cnosasque agitare pharetras Docta.

Et Harduini, ΚΝΩΣΙΕΩΝ, etiam Σ simplō.

CIII.

Lyctus, Λύκτος, Ptolemæi vltima mediterranearum. Sic & Strabo scripsit, & Scylax atque Stephanus: at Λύττος, *Lyttus*, Homerus Strabone teste (nostri libri Λύκτον habent) & Polybius, & nummus Trifstani præferens ΛΥΤΤΙΩΝ Η ΠΟΛΙΣ, *Lyttiorum ciuitas*. Polybii hæc sunt lib. IV cap. LIII Λύττος ἡ Λακεδαιμονίων μὲν ἀποικὸς ἔσα καὶ συγγενὴς, ἀρχαιοτάτη δὲ τῶν κατὰ Κρήτην πόλεων, ἄνδρας δ' ὁμολογεμένως ἀρίστους αἰ τρέφεσα Κρηταίων. *Lyttus Lacedæmoniorum colonia erat, ex cognatione illi iuncta, omnium Cretæ urbium antiquissima, ciuium educatrix, qui sine controuersia ceteris Cretensibus semper præstabant.* Lytto vero a Cnossiis deleta, in Lampæorum ciuitatem concesserunt Lyttii.

CIV.

Ex additis Plinii præcipua est *Phæstus* siue *Phæstum*: * illa plurium forma; hæc Plinii Stephanus: Φαιστός, πόλις Κρήτης, ὁξυτένως. *Phæstus urbs Cretæ, accentu in vltima.* Scylax: πρὸς Νότον Φαιστός, in meridiem *Phæstus* vergit. Diodorus Siculus lib. V cap. LXXIX Φαιστόν δ' ἐπὶ θαλάσσης, ἐτραμμένην ἐπὶ μεσημβρίαν, *Phæstum autem* [Minos condidit] *super mare, conuersam in austrum.* nec vero mare attigit, sed xx stadiis ab illo distabat, LX a Gortyna, XL a Metallo nauali, auctore Strabone. Quod etiam Dionysius confirmat vers. 88

Πάρ θ' ἱερὴν Γόρτυνα, καὶ ἡπειρώτιδα Φαιστόν,
Iuxta sacram Gortynem, ex mediterraneam Phæstum.

CV.

Deinde *Lycastus* est. * * Stephanus Λύκαστος, πόλις Κρήτης. *Lycastus, urbs Cretæ.* nec vero auctorem laudat nisi Homerum, qui Catal. vers. 154

Λύκτον, Μίλητόν τε, καὶ ἀργινόεντα Λύκασον.

Lyctum, ex Miletum, ex albicantem Lycastum.

ἀργινόεντα, id est λευκόγειον, alba terra præditam. Homerum Mela respexit, Melam Plinius. Olim enim euersæ erant tam Miletus quam Lycastus, illius agrum Lyttiis, huius Cnossiis occupantibus, quod Strabo lib. X pag. 330 adnotauit. Vnde de situ quodammodo iudicari potest.

CVI.

* Circa hanc urbem religiosissimum fuit templum *Lebenaum*, ab omni Creta & Afris quoque frequentatum. Vid. Philostratus vit. Apollon. IV c. 34 pag. 174, 175. Gentile est *Phæstei*, Φαιστῆσι, qui a pueris adfuesiebant iocis. Athenæus VI pag. 261 E.

** Nonnus Dionys. XIII v. 235 pag. 364

Καὶ νῆπυ Πύτρου καὶ εὐκάρπου Λυκάστου.

Καὶ χθόνα Νωδίου Διὸς καὶ ἐδέβλια Θήκης,

Καὶ δάπεδον κισσμοῖς καὶ ἄστα καλὰ Κυτάου.

Τοῖος ἀπὸ Κρήτης πρῶτος ἤλυθεν.

CVI.

Myrina suspecta Meursio: qui *Mycenæ* suspicatur scriptum fuisse. De Dio supra ex oraculo. *Asum*, Stephani Ἄσος, πολίχνιον, *Asus oppidulum*. nihil notum præterea. *Rhytium*, Ρύτιον, ex Homero est, dicto loco, vers. 155

Φαισέν τε, Ρύτιόν τε, πόλεις εὐναεταώσας,

Phæstum & *Rhytium*, vrbes bene habitatas.

De *Lasō* & *Eleuthernis* supra dictum: *Pharæ* soli Stephano, *Holopyxos* vix alii quam *Melæ* comprobata. *Therapnas* idem *Mela* inter vrbes notissimas censuit vna cum *Marathusa*, & *Holopyxo*, iam dicta. *Cylissos* ex Solino restituta in Plinianum contextum, varie antehac lecta.

CVII.

Elyrum addimus, quæ Harduino videtur Plinii *Pyloros* esse, monstro- se vitiata. Stephanus Ἐλυρος, πόλις Κρήτης, *Elyrus, Cretæ oppidum*. Pau- sanias in Phoc. cap. XVI ἐστὶ ἐν τοῖς Κρητικαῖς ὄρεσι καὶ κατ' ἐμὲ ἐστὶ Ἐλυρος πόλις, *Est in montanis Cretæ, etiam adhuc mea ætate oppidum Elyrus*. Exstat in thesauro Brandenburgico inscriptus nummus ΕΛΥΡΙ, id est Ἐλυρίων. quem huius ciuitatis esse, quum ignota sit *Elyrus* alia, non dubitatur. Hardui- nus plene scriptum adfert ΕΛΥΡΙΩΝ. Nauale *Elyriorum* dictum *Syia*. Stephanus: Συία πόλις μικρὰ Κρήτης, ἐπὶ νείων ἔστα τῆς Ἐλύρης, *Syia oppidulum Cre- tæ, nauale Elyri*.

CVIII.

Oaxus, Ὄαξος, Herodoti lib. IV cap. CLIV, & Stephani, ad fluuium cognominem, de quo Virgilius eclog. I

- - - rapidum Cretæ veniemus Oaxem.

Scio *Cretam* nonnullos non insulam, sed nescio quam terram albicantem interpretari: quod vero Herodotus tradit τῆς Κρήτης Ὄαξόν πόλιν, *Cretæ in- sulæ urbem Oaxum*, Etearchi regiam; idemque Stephanus repetit, Ὄαξος πόλις Κρήτης, Ἐλευθέρας & πόρρω, *Oaxus vrbs Cretæ, non longe ab Eleuthera*: eiusque conditorem *Oaxem*, Apollinis filium, ex Philisthene Seruius ad eclogam nominat: & Apollonius Rhodius lib. I vers. 1131 in *Creta γαίης οἰαξίδος* mentionem facit, quam Varro ibidem apud Seruium *tellurem Oa- xida* vertit; quis dubitabit etiam flumen eius regionis eodem nomine fu- isse, præsertim Virgilio adfirmante, comprobante Vibio Sequestro? Hic enim de Fluminibus: *Oaxes Cretæ, a quo & ciuitas Oaxia*. Varro hoc docet.

CIX.

Ραῦκος, *Raucus*, Stephani, πόλις ἐν μεσογαίᾳ τῆς Κρήτης, oppidum *Cretæ mediterraneum*. Prope Cnossū fuisse & Lyttum, ex Polybii Legation. cap. XLV constat, vbi Cnossii ademta pars agri alia Ραυκίοις, *Rauciis*, alia Λυκ- τίοις, *Lyctiis* siue *Lyctiis* attributa dicitur.

CX.

Præsus, Πραῖσος, quoque vrbs *Cretæ*. Sic Stephanus diphthongo scri- bit, & Herodotus lib. VII cap. CLXXI, ac Athenæus lib. IX cap. IV op- pidanos Πραυσίς, *Præsius* vocant. Strabo autem scripsit Πράσος & Πράσιον, quem ideo corrigendum Meursius censet. Situm lib. X pag. 329 descri- bit

bit, quod Prasii ὁμοιοί, finitimi sint Lebeniis; LX stadiis a mari, CLXXX a Gortyna: & mox, inter Samonium & Chersonesum dicit positam, prope *Dictam* montem, a quo & templum *Dictæ* Iouis habeant.

CXI.

Tegea, Τεγέα ἐν Κρήτῃ, Agamemnonis opus, solis auctoribus Paterculo cap. 1 & Stephano innotescit: itidem *Mycenæ*, solo fere Velleio. Vide supra in *Pergamum*.

CXII.

Prope Cnossum erant Θενᾶι, *Thenæ*, vt ex Stephano in Ομφάλιον adparet, quem locum dicit πλητίον Θενῶν καὶ Κνωσσῶ, prope *Thénas* & *Cnossum* esse: clarius ex Callimachi hymno in Iouem vers. 43

- - - Θενᾶι δ' ἔσαν ἐγγύθι Κνωσσῶ,

Thenæ vero erant prope *Cnossum*.

Vbi scholiastes: Θενᾶι πόλις καὶ ἄλσος, *Thenæ* oppidum & *lucus*. Nummus ab Holstenio ad Stephanum productus: ΘΕΝΕΩΝ. Vnde corrigendus Stephanus alio proprioque loco, quo editum est, Θενᾶι πόλις Κρήτης, littera perperam duplicata.

CXIII.

Arcades quoque & *Arcadia* nomen oppidi in Creta. Stephanus: Ἀρκάδες πόλις Κρήτης, *Arcades* oppidum *Cretæ*. Peutingeri tabula, *Arcade*, vbi iter in ortum solis tendens ita se habet:

Cnoso XVI Chersoneso XVI Licium XVI *Arcade*.

inde *Blennam* fertur, hinc *Hiera*; quæ videtur Hierapytna esse. Dicitur etiam *Arcadia*. Seneca lib. III Quæst. nat. cap. XI Idem [Theophrastus] ait, circa *Arcadium*, quæ vrbs in *Creta* insula fuit, fontes & lacus substitisse, quia defuerit coli terra, diruta vrbe: postea vero quam cultores receperit, aquas quoque recepisse. Et Plinius de eadem re lib. XXXI cap. IV Proditur certe in *Creta* expugnato oppido, quod vocabatur *Arcadia*, cessasse fontes amnesque, qui in eo situ multi erant: rursus condito post sex annos emeruisse, vti quæque cæpissent partes cæli. Notitia Ecclesiæ in *Creta*: ὁ Ἀρκάδιος, *Arcadiæ* episcopus. Oppidani quoque *Arcades* dicti. Polybius lib. IV cap. LIII *Polyrhennii*, *Cereatæ*, *Lampæi*, πρὸς δὲ ταῖς ὁρίοις μετ' Ἀρκάδων, item *Orii* cum *Arcadibus*, a *Cnossiorum* amicitia ad *Lyttiorum* societatem ὁμοθυμαδὸν, communi consilio deficiunt. Ex his populis ignoti sunt *Orii* & *Cereatæ*: sic Meursius scribi vult; editum Κερέται, *Ceretæ*. Corrigit etiam Suidam in Ριανὸς, vbi Κεραΐτης scribitur. Sed æque hoc incertum, Βήνη, *Bena* oppidum *Cretæ*, quod ibidem Suidas nominat, obscurum.

CXIV.

Hæc de mediterraneis: litorale vnum addimus, cuius certam nescimus positionem. *Amnisus* est, Græce Ἀμνισός. * Stephanus chorographus: Ἀμνισός, πόλις Κρήτης, *Amnisus* oppidum *Cretæ*. Fuit ad *Amnisi* amnis

* Nonnus Dionys. VIII v. 114 pag. 230 paullo aliter scribit:

Ἄλλ' ὅτε Δικταίῳ κορυφαντίδος ὑψόθι πέτρῃς
Γάτανος Ἀμνησσοῖο λεχάϊον ἔδρακεν ὕδωρ.

mnis ostium, quod inde elucet, quia Strabo lib. x pag. 328 ait, Minoem regem usum esse ἐπὶ ναυίῳ τῷ Ἀμνισῷ, *nauali Anniso*, oppido an fluuio? flumen articuli videtur genus notare: oppidum, quæ sequuntur, ὅπῃ τὸ τῆς Εἰλειθυίας ἱερὸν, *ubi Lucinae sanum est*. Sed nauale oppidum & ostium requirit. Homerus Odyss. τ vers. 188

Στήτε δ' ἐν Ἀμνισῷ, ὅθι τε σπέος Εἰλειθυίας
ἐν λιμένι χαλεποῖσι.

Statuit in Anniso, ubi spelunca Lucinae, in portubus difficilibus. Scholiastes ibi: Ἀμνισὸς πόλις καὶ ποταμὸς Κρήτης, *Annisus oppidum & fluuius Cretæ*. Pausanias Atticis cap. xviii κρήνες τῆς χώρας τῆς Κνωσίας ἐν Ἀμνισῷ γενέσθαι νομίζουσιν Εἰληθυίαν, *Cretenses Cnosiae regionis credunt Lucinam Annisi natam esse*. Non longius ergo a Cnoso fuit, Minois regia, qui illo nauali usus est. De flumine Apollonius lib. iii vers. 875

Οἷη δὲ λιανοῖσιν ἐφ' ὕδασιν παρθενίῳ
Ἡ καὶ Ἀμνισοῖο λοεσσαμένη ποταμοῖο,
Qualis limpidis aquis Parthenii
Aut etiam Annisi lota fluuii Diana.

INSULAE MINORES

CIRCA CRETAM.

CXV.

Circumiacent Cretam paruae insulae, quas magno numero Plinius recenset: aliquae tamen verius scopuli quam insulae. Sic autem ille: *Reliquae [insulae] circa eam [Cretam] ante Peloponnesum duae Coricae, totidem Mylae: & latere septemtrionali, dextra Cretam habenti, contra Cydoniam Leuce, & duae Budroae: contra Matium Dia. Contra Itanum promontorium Onisia, Leuce: contra Hierapytnam, Chrysa, Gaudos. Eodem tractu Ophiusa, Butoa, Aradus: circumuectisque Criumetopon tres Musagoros adpellatæ. Ante Sammonium promontorium Phoece, Platia, Sirnides, Naulochos, Armen-don, Zephyre.*

CXVI.

Primæ ex hisce, *Coricae, Mylae*, ignotæ ceteris geographis, quod argumento est, scopulos verius esse quam insulas. Quæ ante Cydoniam est *Leuce*, nunc est Scoglio di S. Theodoro, siue Fortressa di S. Theodoro: arcem enim munitissimam habere dicitur. *Budroae* (sic in MSS. non *Budoræ*) Harduino videntur Turluru nunc vocitari. Contra Matium *Dia*, omnium consensu nunc est *Standia*, * Candia urbi opposita, ut supra in *Matio* declaratum est. Et Ptolemæo *Δία*, *Dia* eo situ est, ubi nunc *Standia*; & vocabuli posterior pars *dia*, ipsum nomen antiquum refert.

CXVII.

Contra Itanum promontorium, hodie Capo Xacoro; eique subiectum oppidum, *Onisia*, quæ videtur Cufonisi esse: altera *Leuce* adiecta, quod

* Scilicet nauigantes interrogati, quo tendant, respondent: εἰς τὴν Δία. Hinc exitit *Standia*. Vti ex formula εἰς τὸν Εὐρώπιν Negroponte, ex εἰς τὴν Scio, & similia nomina facta sunt. Vide Sponii Itinerarium.

quod iam nomen ferat, incognitum. Contra Hierapytnam, *Chrysa*, *Gaudos*. Vtramque etiam Mela lib. II cap. VII nominavit. Maior hodie Gaiderognissa vocatur: minorem, cui *Gaudos* nomen est, Harduinus putat Claudum Ptolemæi esse: sed hoc pugnat cum positu Ptolemæi; etiam cum intinere Paulli apostoli Act. XXVII. *Ophiussa*, *Butoa* in hoc tractu minus sunt cognitæ. *Aradus* in MSS. *Aranus*, ex Stephani ethnicographia est, cui Ἀράδος τρίτη, Κρήτης, *tertia Aradus ad Cretam est*.

CXVIII.

Contra Criumetopon tres *Musagores*, vt Harduinus edidit: Mela autem, tam Vosii quam Gronovii editione, *quas Musagoras numero tres uno tamen vocabulo adpellant*. Quænam sint illæ tres, non facile discerni potest, quia dixit *circumuectis Criumetopon* obuias esse, nec vero declarat longius, breuius ab illo absint; ad dextramne an sinistram positæ; in austrum, an septentrionem, an alio vergant.

CXIX.

Ante Sammonium quas plures narrat Plinius, ex iis *Zephyre* sic etiam Melæ nominata: *Naulochos* autem Plinii suspecta ideo potest esse, quia Mela, a quo sine dubio accepit, habet *Naumachos*, etiam in MSS. Præfert tamen Isaacus Vossius lectionem Plinianam. *Phoce* nominata etiam in Antonini maritimo Itinerario sub finem. *Platiæ* quæ sint, incertum est. Inferius paullo quum Cyclades exposuit, *Plateam* vnâ memorat: Stephanus πλάτειαν, *Plateam*, Herodotus IV cap. CLI πλάταιαν, *Plateam*, sed vterque Libyæ insulam vocat, a Creta longius remotam.

CXX.

Tabula Peutingeriana, ad orientalem partem Cretæ duas insulas habet, quarum alteri adscriptum *Dionisa*. alteri *Dionis*. sine dubio scripturæ forma breuiata. Hæ sunt illæ insulæ *Dionysiades* dictæ, de quibus Diodorus Siculus lib. V cap. LXXV memorat, Cretenses inde probare velle, apud se Bacchum natum esse, ὅτι περὶ τὴν Κρήτην δύο νήσους κτίσας ἐπὶ τῶν καλεσμένων διδύμων κόλπων, Διονυσιάδας ἀφ' ἑαυτῶν προσηγόρευσε, *quod prope Cretam duas insulas in gemellis, quos vocant, sinibus excoluerit, easque de nomine suo Dionysiades adpellarit*.

CXXI.

Ptolemæus *Letoam* addit, λητώαν, a meridie adpositam Cretæ: & κλαῦδον, ἐν ᾗ πόλις, *Claudum*, in qua oppidum, ad extremitatem qua latera, austrinum & occidentale coniunguntur. Hæ κλαῦδον, *Claude* est sacro scriptori, Act. XXVII, 16, ad quam, Phœnicem portum tempestatibus præteruecti, eatenus sunt perlati, qui apostolum vehebant, vt vix scapham potuerint abripere. Sub Christianis episcopum habuit, qui notitia ecclesiæ ὁ νήσος κλαῦδος, *insulæ Claudii* episcopus vocatur.

CXXII.

Hæ, quas enarrauimus, propiores sunt; longius paullo a Creta remotæ, neque minus vero in Cretico mari positæ, sunt primum ΑΣΤΥΡΑΛΑΙΑ, supra orientalem Cretæ partem. Plinius lib. IV cap. XII *Astypa-*
leo

lea libera ciuitatis. Strabo extremo x ἐν τῷ Καρπαθίῳ εἰς πολλὰ τῶν Σπο-
ράδων μεταξύ τῆς Κῶ μάλις, καὶ Ρόδου, καὶ Κρήτης. ἃν εἰσὶν Ἀσυπαλαῖά τε καὶ
τῆλος καὶ Χαλκία, καὶ ἃς Ὅμηρος ἐνομάζει ἐν τῷ καταλόγῳ. *In Carpathio mari*
multæ sunt Sporadum insularum inter Con, Rhodum & Cretam: quarum sunt
Astypalæa, & Telus, & Chalcia, & quas Homerus in catalogo nominat. Mela
lib. II cap. VII de Creta: *Iuxta est Astypalæa, Naumachos, Zephyre, Chryse.*

CXXIII.

Quas Strabo coniunxit cum Astypalæa Telon & Chalciam, etiam a Pli-
nio memoratas; non errat qui ad Asiam referre malit, quia ab ortu adiacent
Astypalææ. Inter hanc & Con est Nisyros, præcipua ex Homericis, ad
quas Strabo modo prouocabat. Verba sunt Catalogo, vers. 183

Οἱ δ' ἄρα Νίσυρόν τ' εἶχον, Κράπαθόν τε, Κασόν τε

Qui vero Nisyrum colebant, Crapathumque & Casum.

Carpathus autem (hæc enim est illa metathesi poetica Crapathus) & Casos
ad Asiæ oram pertinent. Strabo extremo x: Νίσυρος πρὸς ἄρκτον μὲν ἐστὶ
τῆλος, Nisyros ad septentrionem Teli sita est. Et post paullo: Φασὶ δὲ τὴν
Νίσυρον ἀπὸ θραυσμα εἶναι τῆς Κῶ, *Aliunt Nisyrum fragmentum esse ab insula Co*
auulsam. *

CXXIV.

Proxima est CALYMNA siue vt Mela habet, *Calymnia*: Stephanus
vtramque formam proposuit: Strabo autem extremo x καλύμνα, *Calymna*,
tribus syllabis. Dicitur eadem etiam *Calydna*. Quod vero *Calydnas* Ho-
merus & Lycophron pluratiuo numero seu tamquam plures nominant,
putant nonnulli, quod Strabo tradit, Homerum ipsas Sporadas νήσους Καλύδ-
νας, *insulas Calydnas* vers. 184 adpellasse: addit vero Eustathius ad Dionys.
vers. 530 ὧν μία ἰδίως Καλύδνα καλεῖται, *earum una proprie Calydna vocatur.*
Idem dicit μέλι Καλύδνιον, *mel Calydnium* esse ipsum καλύμνιον, *Calymnium*,
a Stephano laudatum, quod argumento est *Calydnam* & *Calymnam* eam-
dem esse insulam. At Plinius distinguit. Is vero plures distinguit non
distinguendas, ideoque iuste a Vossio notatus ad Melam pag. 213 in hoc
ipso huius insulæ argumento. Ouidius Metam. VI II vers. 222 in Icarî fabula:

Dextra Lebinthos erant fecundaque melle Calymne.

CXXV.

LEBINTHVS ergo propinqua Calymnæ: Straboni Λεβινθος, quam cum
Leria coniungit: Plinius *Lebinthus*, *Leros*, *Cinara*. Pomponius Mela:
Nisyros, Lebinthos, Calymnia.

CXXVI.

ANAPHE * * in occasum inde recedit, prope Theram, Cyrena-
rum matrem. Callimachi fragmentum apud Strabonem lib. x pag. 333

Qq q q q

Αἰγλή-

* Scilicet quum Polybotes Neptunum persequentem fugeret, venit in Co. Tum Neptunus in-
sulæ partem in eum coniecit Nisyrum dictam. Apollodor. I c. 6 §. 2.

** Apollodor. bibliothec. I c. 9 §. 26 Οἱ δὲ πλησίον ἐδεῖσαντο νῆσον τῇ δὲ παρὰ προσδοκίαν ἀ-
ναφανῆναι προσορμιθέντες Ἀνάφην ἐκάλεισαν. Argonautæ vero propinquam conspicati sunt in-
sulam, & deuecti in portum propterea, quod præter opinionem adparere cæperat, Anaphen
adpellarunt.

Αἰγλήτην Ἀνάφην τε Λακωνίδι γείτονα Θήρα.

Aegleten & Anaphen, Spartanae vicinam Thera.

Adde plura post paullo in Thera.

CXXVII.

Plinius: Sequuntur *Lea, Ascania, Anaphe, Hippuris*. De prioribus nihil notum: de *Anaphe* iam dictum: *Hippurim* a Mela habet, qui lib. II cap. VII *Gyaros, Hippuris, Donyssa*. Apollonius lib. V vers. 1712

- - ὀλίγης ἱππερίδος ἀντία νῆσος

ex aduerso paruae insulae Hippuridis.

Vbi scholiastes: νῆσος ἡ ἱππερίς πλησίον Θήρας, *insula Hippuris vicina Thera.*

CXXVIII.

Thera autem, Θήρα, * vt Strabo tradit: ἡ τῶν Κυρηναίων μητρόπολις, ἄποικος Λακεδαιμονίων καὶ πλησίον ταύτης Ἀνάφη, ἐν ἣ τὸ τῆς Αἰγλήτης Ἀπόλλωνος ἱερόν, *Thera Cyrenaeorum metropolis, Lacedaemoniorum colonia: & vicina huic Anaphe, in qua Aegletae Apollinis est templum.* Et mox idem: πλησίον αὐτῆς [Θήρας] ἡ τε Ἀνάφη καὶ Θηρασία, prope Theram sunt *Anaphe & Therasia*. Hæ sunt illæ insulae, de quibus memoriae proditum, aliquando non fuisse: post demum, & quasdam in conspectu hominum, emeruisse. Plinius lib. II cap. LXXXVII *Claræ iam pridem insulae Delos & Rhodos, memoriae produntur enatae. Postea minores, ultra Melon Anaphe: - - - inter Cycladas Olympiadis CXXXV anno quarto Thera & Therasia. Inter easdem post annos CXXX Hiera, eademque Automate. ** Et ab duobus stadiis post annos CX in nostro ævo M. Iunio Silano, L. Balbo COSS. a.d. VIII idus Iulias, Thia. Et Seneca lib. VI Quæst. Nat. cap. XXI Tunc demum impetum [aquæ] sumunt, quum illas agit flatus: qui potest dissipare magna spatia terrarum, & novos montes subrectos extollere, & insulas, non ante visas, in medio mari ponere. Theren, & Therasiam, & hanc nostræ ætatis insulam spectantibus nobis in Aegæo mari enatam, quis dubitat quin in lucem spiritus vexerit. Ex his fatis de Thia & Hiera, nouis insulis enatis constare potest.*

MARE MYRTOV M.

CXXIX.

Myrtoum mare, πέλαγος τὸ μυρτώων, Strabo, Plinius, Pausanias aliter definiunt, inter Atticam videlicet, Eubœam & Peloponnesum; aliter Ptolemæus, ad Asiæ oram Cariæ obiectum, reducens, lib. V cap. II. vbi Cariæ ciuitates maritimas Miletum, Iassum, Myndum, reliquas dicit sitas κατὰ τὸ μυρτώων πέλαγος, iuxta *Myrtoum mare*. At vnus consensione trium vincitur.

CXXX.

Strabo lib. II pag. 85 τῷ Σικελικῷ συνάπῃ τὸ Κρητικὸν πέλαγος, καὶ τὸ μυρτώων, ὃ μεταξὺ τῆς Κρήτης ἐστὶ καὶ τῆς Ἀργείας καὶ τῆς Ἀττικῆς, πλάτος ἔχον τὸ μέγι-

* Herodotus IV c. 147 p. 140 Theram ait prius Callistem adpellatam esse, & posteros viri cuiusdam Phœnicis ibi habitasse cum aliis Phœnicibus.

** Orosius hist. VIII cap. 6 Anno imperii eius (Claudii) quinto inter Theram & Therasiam insula e profundo emicuit triginta stadiorum spatio extenta.

μέγιστον τὸ ἀπὸ τῆς Ἀττικῆς ὅσον χιλίων καὶ διακοσίων σταδίων· μήκος δὲ ἑλαττον ἢ διπλάσιον. Ἐν τούτῳ δὲ νῆσοι Κύθηρά τε καὶ Καλαυρία, καὶ αἱ περὶ Αἶγιναν καὶ Σαλαμίνα, καὶ τῶν Κυκλάδων τινές. *Siculum mare contingunt Creticum, Sardoum, Myrtoum.* Hoc inter Cretam est, ἔξ Argiam, ἔξ Atticam, latissimum ab Attica ad stadia cix cc, Longitudine paullo minus quam dupla. Insulae in eo, Cythera, Calauria, ἔξ quæ circa Aeginam ac Salaminem sunt, ἔξ Cycladum nonnullæ. Plinius lib. iv cap. xii In Myrtoo multæ [insulæ] sed maxime illustres Glauconesus ἔξ Aegilia. Et ex interuallo Atticæ litora Myrtoa dixit. Cyclades, inquit, ἔξ Sporades ab oriente litoribus Icaris Asiæ, ab occidente Myrtois Atticæ, inclusæ.

CXXXI.

Nominis rationes variæ. Plinius cap. xi eiusdem libri ab insula Myrto illud deducit. *Aegæi pars*, inquit, *Myrtoo datur: adpellatur ab insula parua, quæ cernitur Macedoniam a Geræsto petentibus, haut procul Eubææ Carysto.* At Pausanias Arcad. cap. xiv adfert alias denominationis rationes ac origines, vel a Myrtilo, Mercurii filio, quod ipse vero non adprobat: similis autem dicit vero esse, quod etiam Eubææ incolæ crediderint, ἀπὸ γυναικὸς Μυρτῆς τὸ πελάγει γεγονέναι τὸ ὄνομα τῇ Μυρτώϊ, a Myrtone puella nomen ei pelago Myrtoo inditum esse.

CXXXII.

Ceterum ibidem Pausanias ita fines Myrtoi maris concludit, ἀρχόμενον τε ἀπὸ Εὐβοίας, καὶ παρ' Ἑλλήνῃ ἔρημον νῆσον καθήκον ἐς τὸ Αἰγαῖον, incipere ab Eubæa, ἔξ apud Helenam, desertam insulam, cum Aegæo coniungi. Quamvis vero hoc mare arctius, quam Strabo, videatur Pausanias finire; satis tamen nobis aduersus Ptolemæum facit, quod non ad Cariæ litus, sed ad Atticam & Eubœam omnes tres isti auctores referunt. Hinc intelligitur, quod Horatio mare lib. i oda i cordi fuerit, quum scripsit:

- - - - ut trabe Cypria
Myrtoum pauidus nauta secet mare.

M A R E A E G A E V M.

CXXXIII.

Aegæum mare Europam ab Asia disiungit, hinc Græciam Macedoniamque; illinc Cariam & Ioniam per partes suas adluens. Sed hoc totum illud mare est, quod inter Græciam & Asiam interfluit, quod vniuersum multi *Aegæum* adpellant, eiusque partes mare Myrtoum, Icarium, aliosque finus faciunt: alii arctiores illi fines ponunt, separantes ab illo Myrtoum Icariumque & alia illius situs maria, vt Cycladum mare & ex parte Sporadum insularum *Aegæum* proprie adpellitetur. Plinius supra dicto loco: *Aegæi pars Myrtoo datur.* Et Dionysius Aegæi tantum meminit, Myrtoum & Icarium tamquam partes illius, præteriit. At Strabo lib. vii pag. 223 τὸ Αἰγαῖον πέλαγος δύο κλύζει πλευρὰς τῆς Ἑλλάδος, *Aegæum mare duo claudit Græciæ latera*, quorum vnum ducit a Sunio ad Theſſalonicam: alterum a Theſſalonica

nica ad Strymonem. Ἀπὸ δὲ Σκνίης μέχρι πελοποννήσου τὸ Μυρτώον ἐστὶ καὶ Κρητικόν, a Sinio autem usque Peloponnesum Myrtoum est & Creticum.

CXXXIV.

Origo nominis controuersa est maxime. Festus tres opiniones protulit. *Aegæum*, inquit, *mare adpellatur, quod crebra in eo sint insulae, ut procul adspicientibus species caprarum videantur*: * *sive quod in eo Aegæa, Amazonum regina perierit: sive quod in eo Aegæus pater Thesei se præcipitauerit.* Alia opinio est Plinii lib. IV cap. XI, *Aegæo mari*, inquit, *nomen dedit scopulus inter Tenum & Chium verius quam insula, Aex nomine a specie caprae, quæ ita Græcis adpellatur, repente e medio mari exsiliens.* Cernunt eum a dextra parte Andrum nauigantes ab Achaia, dirum ac pestiferum. Consentit Plinio & Apollonii scholiastes ad lib. I vers. 831 Αἰγῶν πέλαγος ἐκλήθη ἀπὸ νῆος Αἰγῶν καλεσμένης, *Aegæum mare ita dicitur ab insula Caprarum nomen præ se ferente.*

CXXXV.

Strabo autem lib. VIII pag. 266 ab Euboico oppido, cui nomen *Aegæ* sit, deriuat. Αἰγᾶς, *Aegas* Homeri iliad. N vers. 21, κλυτὰ δῶματα, *præclaras sedes*, interpretaturus, βέλτιον, inquit, δέχεσθαι τὰς ἐν Εὐβοίᾳ ἀφ' ἧν εἰκὸς καὶ τὸ πέλαγος Αἰγῶν κληθῆναι, *Præstat Aegas Eubææ intelligere, a quibus verisimile est Aegæum mare adpellari.* Sunt tamen eruditissimi viri, & in iis etiam Vossius de Orig. Idololatriæ, quibus nulla harum originationum placet, sed *undosum* mare interpretantur seu *fluctuosum*, ** quia, ut Hesychius auctor est, αἶγες, τὰ κύματα Δωριεῖς, *Dorice fluctus αἶγες vocantur, id est caprae, propter saltum huius animalis.* * *

CXXXVI.

Plinius non vbique sibi constat. Supra dixit: Myrtoum Aegæi magis partem esse: postea eodem capite Aegæum non tantum a Myrtoo & Icario, verum etiam a Cycladibus & Sporadibus seiungit. *Cyclades*, inquit sect. XXIII, & *Sporades ab oriente litoribus Icaris Asia, ab occidente Myrtois Atticæ, a septentrione Aegæo mari, a meridie Cretico & Carpathio incluse.* Quod si Cyclades separatæ ab Aegæo, paucas hoc insulas continebit, fallitque vulgaris opinio, a multitudine insularum eius nomen esse. Scylax etiam Cyclades ab Aegæo distinguit, sed alias nominat Cycladas ab iis, quas Strabo & Plinius ἐν κύκλῳ, *circulo illo* numerarunt. In tanta diuersitate sententiarum ampliorem sequuturi *Aegæum mare* omne illud dicemus, quod a Thracia & Hellesponto est ad mare Creticum, ut si non Sporades omnes, Cyclades tamen eodem contineantur. Primum ergo de Cycladibus agemus, deinde alias quoque circumiectas perlustrabimus.

CXXXVII.

* Hinc Varro L. L. VI c. 2 explicandus: *Aegeum dictum ab insulis, quod in eo mari sic scopuli vocantur a similitudine caprarum αἶγες.*

** Tzetzes ad Alex. Lycophron. v. 402 Αἰγῶν δὲ λέγεται, ὅτε δίκην αἰγὸς κυματῆται. *Aegeum autem dicitur mare, quia fluctibus iactatur instar caprae.* Possit etiam nomen ortum esse ex flumine αἰγὸς. Αἰγὸς ποταμοὶ nobile est flumen.

* * Varro de R. R. II c. I causâ & argumento seruiens, a capris pecore Aegeum mare dictum putat.

CXXXVII.

CYCLADES ἀπὸ κύκλω, a circulo seu orbe, in quem sitæ sunt, adpellantur. Plinius lib. IV cap. XII A promontorio [Eubœæ] Geræsto, circa Delum in orbem sitæ (unde & nomen traxere) Cyclades. Orbis illius centrum etiam Strabo insulam Delum facit lib. X pag. 334, ἡ δὴλος, inquit, καὶ αἱ περὶ αὐτὴν Κυκλάδες, Delus, & circa eam Cyclades. Quænam autem sint illæ Cyclades, & quot sint, non est eadem omnium, qui scripserunt de illis, sententia. Strabo dicto loco: καταρχὰς μὲν δώδεκα λέγονται· προτεγέγοντο δὲ καὶ πλείους, Initio duodecim numerabantur: accesserunt autem plures. Deinde recenset quas Artemidorus enumerarit, Helenam, Ceon, Cythnum, Seriphum, Melum, Siphnum, Cimolum, Prepesinthus, Olearum: item Naxum, Parum, Syrum, Myconum, Tenum, Andrum, Gyarum: e quibus tres, Prepesinthus, Olearum, & Gyarum, eiicit ex numero illarum XII. Verum illarum plurimæ a Delo in meridiem iacent: paucæ in septentrionem, ut medietas illa, quam Delo tribuunt, laxè sit interpretanda, non de centro geometrico.

CXXXVIII.

Quam Helenam dixit, dubium an in Cycladibus posuerit. De illa enim; ἀπὸ ταύτης, φησὶν, αἱ καλούμεναι Κυκλάδες εἰσὶν, ab hac, inquit [Artemidorus] Cyclades incipiunt. De ea diximus supra in Attica siue finis sit illa Atticæ, siue prima Cycladum, seu illarum ab Sunio initium. Addit, a Thorico ad Sunium porrigi longitudine LX circiter stadiorum: & lib. IX pag. 275 dixit νῆσον τραχεῖαν καὶ ἐρημον, asperam & desertam. Plinius autem Helenam in Sporadibus primo loco ponit, & primam Cycladum Andrum facit. Sed sic nimis dispersas esse Sporadas oportet ab Asiæ litore ad Sunium Atticæ regionis.

CXXXIX.

Andrus autem citra controuersiam ex Cycladibus est, in quo Artemidorus, quem Strabo sequitur; & Mela, & Plinius consentiunt. Freto dirimitur ab Eubœa australi: & alio angustiore ab insula Teno. Liuius lib. XXXVI cap. XX A. Atilius, præfectus Romanæ classis, magnos regios commeat, iam fretum, quod ad Andrum insulam est, præteruectos, excepit. Alia eius nomina recenset Plinius, Nonagriam, Lasiam, Hydrussam, quæ nihil adferunt.

CXL.

Vicina est TENOS * insula, mille passibus ab Andro disiuncta secundum Plinium. Τήνος Græce est, etiam in Seueri nummo ΤΗΝΙΩΝ, id est Teniorum. Stephanus: Τήνος νῆσος Κυκλάς. ἐκλήθη καὶ Τόρεστα διὰ τὸ κατὰ ῥότον εἶναι. Tenus, una Cycladum: quæ & Hydrusa vocata fuit, quod aquis irrigetur; & Ophiussa. Strabo sub finem libri X Τήνος πόλιν & μεγάλην ἔχει, Tenos oppidum habet non magnum. Plinius lib. IV cap. XII Ab eadem Andro passus mille, & a Delo quindecim millia, Tenos cum oppido, in XV millia passuum porrecta, quam propter aquarum abundantiam Aristoteles Hydrussam adpellatam ait: aliqui Ophiussam. Ouidius lib. VII vers. 469

Qq q q q q 3

At

* Adde Epigrammat. Græc. εἰς νῆσους lib. I p. 112.

At non Oliaros, Didymaque, & Tenos, & Andros.

CCLI.

Ab Helena in ortum æstium est CEOS vel CEA, Κέως, de qua Strabo lib. x pag. 334 *ὀνομάζει δὲ Κέω τὴν ἐγγυῖά τῃ Ἑλένῃ*, nominat [Artemidorus] deinde Ceon, Helenæ proximam. Et Plinius dicto loco: *A Sunio Helene quinque millibus passuum distans.* Dein Ceos ab ea totidem, quam nostri quidam dixerunt Ceam, Græci & Hydrussam. *Auulſæ Eubææ, quingentis longa stadiis fuit quondam: mox quatuor fere partibus, quæ ad Bæotiam vergebant, eodem mari deuoratis, oppida habet reliqua, Iulida, Carthæam: intercideret Coreſſus, Pæcēſſa.* Adde Stephanum in 187. *Ab altera vrbe est Carthæius.* Ouidius Metam. lib. vii vers. 368

Transit & antiquæ Cartheia mœnia Cæ.

Ptolemæo vocata Κία, Cia. Ex hac insula ortus fuit Simonides Lyricus poeta, ut vetus scholiastes ad illud Horatii lib. ii oda i

Sed ne relictis Musa procax iocis

Cæ retractes munera nœniæ,

notauit. *Carmen lugubre, inquit, Græcis ἐπικηῖδιον dictum, Simonides Græcus poeta Lyricus primus instituit, a Cæa insula oriundus, unde Cæa nœniæ adpellata.* de qua Virgilius [Georg. i vers. 14]

- - - cui pinguis Cæa;

& Ouidius [epistola Acontii ad Cydippam vers. 222]

Cingitur Aegæo nomine Cæa mari.

CXLII.

CYTHNVS * insula vicina Cææ, κύθνος Græce Straboni & Stephano: Plinio & Melæ Cythnos. Vicinitatem monstrat Strabo sub finem lib. x *μετὰ ταύτην [Κέω] κύθιον*, post hanc [Ceon, Artemidorus] Cythnum narrat. Hæc insula est, in qua Pseudonero, seu Neronem fingens, adparuit. Tacitus Hist. ii cap. viii *Seruus citharæ & cantus peritus, adiunctis desertoribus, mare ingreditur, ac vi tempestatum Cythnum insulam detrusus, mancipiorum valentissimum quemque armauit.*

CXLIII.

Ptolemæus hoc tractu habet Polyægon, cuius nominis insulam in superiore mari Pomponius recenset lib. ii cap. vii. *In Aegæo mari, inquit, prope Thraciam Thasos, Imbros, Samothrace, Scandile, Polyægos, Sciathos, Halonesos.* Qui locus non modice a Ptolemaico remotus est.

CXLIV.

SERIPHVS, Σέριφος, subsequitur. Tacitus annali iv cap. xxi *saxum Seriphium* vocat, in quo Cassius Seuerus, maleficæ vitæ homo, bonis exutus, interdicto igni atque aqua, confenuit. Nec vero inculta aut deserta fuit insula. Herodotus enim lib. viii cap. xlvi memorat, Σεριφίος, Seriphios etiam cum Siphniis in partibus Græcorum contra Xerxem stetisse, solos propemodum *ἡσυχίαν*, insulanorum, qui terram & aquam barbaro negassent. Ouidius Metam. lib. v vers. 251

-- inde

* Incolæ Cythnii vocantur Demostheni de republ. ordin. extrem.

- - - inde caua circumdata nube Seriphon
Deserit, a dextra Cythno Gyaroque relictis.

& lib. VII vers 464 - - - planamque Seriphon.

CXLV.

SIPHNVS proxima, Σίφνος, Straboni etiam in Cycladibus numerata: Plinio, Melæ, & Antonino in Maritimo itinerario *Siphnos*. Ptolemæus: Σίφνου νῆσος ἡ πόλις, *Siphni insula oppidum*. Oppido nomen fuit *Apollonia*. Stephanus in Απολλωνία numero XIX. θ, ἐν Σίφνω τῇ νήσῳ, *decima nona Apollonia in insula Siphno*. At in ipsa voce Σίφνος, hanc insulam περὶ τὴν Κρήτην, *circa Cretam* dicit sitam esse. Sed fallitur. Constanter ceteri omnes in Cycladibus ponunt: & Ptolemæus prope in medio illarum: quos etiam nominis, quod superest, *Sifano*, reliquæ iuuant. Nemo, quem sciamus, in mari Cretico, præter Stephanum, locavit. Plinio teste vetus nomen *Meropia* fuit; Stephano, Μερύπη, *Merope*. Incolæ Σίφνιοι, *Siphnii*, apud Herodotum prædicto loco. *

CXLVI.

Adiacet *Prepesinthus* Plinii, quæ etiam Straboni πρεπέσιθος est. quam Artemidorus in Cycladibus numerat: Strabo ex XII excludit.

CXLVII.

MELOS notior. Plinius: *Melos cum oppido*. - - Hæc insularum rotundissima est. Græce Μῆλος, apud Strabonem. Alia eius nomina Plinius recenset & Stephanus. Incolæ Μήλιοι, *Melii*, Herodoti lib. VIII cap. XLVI. Hinc *Diagoras Melius* oriundus, cui Atheon cognomen hæsit. Vide Minuc. Felicem cap. VIII, & Scholiast. in Dionys. Perieg. vers. 526.

CXLVIII.

Adiacet Melo Σίκινος, SICINVS Ptolemæi: Strabonis Σίκηνος, præue fortassis. ** nam & Plinius *Sicinus*. Solon, apud Laertium, ad populum sermonem hoc versu incepit

ἔην δὴ τότε ἐγὼ Φολεγάνδριος ἢ Σικινίτης,
Vtinam olim fuerim Pholegandrius aut Sicinites.

CXLIX.

At insula Φολέγανδρος, *Pholegandrus*, * * vt Strabo refert dicto libro pag. 334, est Sicino & Melo admodum propinqua.

CL.

Εγγὺς δὲ τῶν, prope has, vt idem loquitur, Κίμωλος, insula CIMOLVS est, * * * quam & ipse in XII Cycladibus numeravit. Plinius: *Cimolus quæ Echinussa*. Ouidius *Metamorph. VII vers. 463*

Hinc humilem Myconon, cretosaque rura Cimoli.

Vnde a Plinio etiam lib. XXXIV cap. XV *Cimolia creta* laudatur.

CLI.

Ad latus eius OLIAROS Plinii, de qua Stephanus: Ωλίαρος, νῆσος τῶν Κυκλάδων

* Et Demosthenem de republ. ordinand. extrem. vbi contemptos eosdem fuisse adparet.

** Sed Stephanus quoque de Urbib. σίκηνος.

*** In Sporadibus numeratur ■ Stephano, qui plura suppeditabit.

*** Sponii Voyage de l'Archipel. II pag. 126, hodie ibi argenti fodina est.

Κυκλάδων μία, *Oliarus, insula quædam ex Cycladibus.* Ex Heraclide Pontico adfert, Sidoniorum coloniam esse & LVIII stadiis distare a Paro. Strabo exemit ex XII antiquis Cycladibus, scripsitque secunda vocali *Ολίαντος, Olearus.* Atque ita etiam in plerisque Virgilii codicibus Aeneid. III vers. 126

Olearon; niueamque Paron. - - -

Sed & Ouidius *Oliarus* dixit Metamorph. lib. VII vers. 469

At non Oliaros, Didymæque, & Tenos, & Andros.

CLII.

Hæ ex Cycladibus occasum solis seu Peloponnesum cum Attica spectant: mediotractū est primum, cuius caussa in orbem circumiectæ dicuntur, *DELVS* siue *DELOS* insula, Græce *Δῆλος*, Apollini sacrata, in ea nato, ut fabulæ habent & Callimachi hymnus in Delum. Plinius dicto loco: *Ipsa longe clarissima, & Cycladum media, ac templo Apollinis & mercatu celebrata Delos* - - Hanc Aristoteles ita adpellatam prodidit, quoniam repente adparuerit enata. Aeglosthenes Cynthiam, alii Ortygiam, Asteriam, Lagiam, Chlamydiam, Cynethum, Pyrpilem igne ibi primum reperto. Cingitur quinque millibus passuum: adsurgit Cyntho monte. De medietate situs supra actum, quum vocabulum explicarem Cycladum. Nec solum Apollinis ibi templum, verum etiam Latonæ matris erat. Strabo sub finem libri X: *ἡ μὲν Δῆλος ἐν πεδίῳ κειμένην ἔχει τὴν πόλιν, καὶ τὸ ἱερὸν τῆς Ἀπόλλωνος, καὶ τὸ Λητώων ὑπέρεκται, δὲ τῆς πόλεως ὄρος ὕψηλόν ὁ Κύνθος καὶ τραχύ· ποταμὸς δὲ διαρρεῖ τὴν νῆσον Ἰωνπὸς & μέγας, καὶ γὰρ ἡ νῆσος μικρά.* hoc est, *Delus urbem habet in planicie sitam, & fana Apollinis atque Latonæ: supra urbem est mons excelsus ac asper Cynthus: perfluit insulam Inopus fluuius non magnus, quum insula quoque sit parua.* Ideo ab Virgilio sub initium Georg. III vocatur *Latoria Delos.* Mons Cynthus Apollini, æque ac ipsa Delus, cognomen dat, ut non modo *Delius* poetis, sed *Cynthius* etiam adpelletur, & soror Phœbe *Cynthia.* De mercatu Cicero pro Lege Manil. cap. XVIII *Insula Delos tam procul a nobis in Aegæo mari posita, quo omnes undique cum mercibus atque oneribus commeabant, referta diuitiis, parua, sine muro nihil timebat.* Et Plinius lib. XXXIV cap. II *Antiquissima æris gloria Deliaci fuit, mercatus in Delo conceleberrante toto orbe.* Auctus mercatus, ut Strabo sub finem libri X obseruat, deleta ab Romanis Corintho. *ἐκείτε γὰρ μετεχώρησαν οἱ ἔμποροι, καὶ τῆς ἀτελείας τῆς ἱερᾶ προκάλειμένης αὐτῆς καὶ τῆς εὐκαιρίας τῆς λιμένος.* Eo enim mercatores transierunt, inuitante eos immunitate templi, & commoditate portus. Ipsa quoque insula *ἐν καλῷ κείται, opportune sita ex Italia Græciaque in Asiam nauigantibus.* Fingunt de Delo, * olim instabilem nataſſe, ob Latonæ autem partum geminis columnis, vicinis insulis Mycono & Gyaro fuillē firmatam. Ouidius Metamorph. lib. VI vers. 333

- - - *quam vix erratica Delos*

Orantem accepit.

Et Petronius Arbiter fragmento Satyrici:

Delos iam stabili reuincta terra,

Olim

* Add. Antholog. Epigramm. Græc. lib. I εἰς νῆσους p. 112 & libr. III c. εἰς ποιητ. p. 364.

*Olim purpureo mari natabat,
Et moto levis hinc inde vento
Ibat fluctibus inquieta summis.
Mox illam geminis Deus catenis,
Hac alta Gyaro ligavit, illac
Constanti Myconæ dedit tenendam.*

Strabo ex Pindari quodam fragmento, simulac parturiens Latona in insulam delata fuerit, quatuor illam columnis stabilitam firmatamque esse refert.

CLIII.

Delo proxima est parua insula *Rhene*, siue *Rhenia*, *Rhenêa*, aut *Rhenæa*; non enim vno modo scribitur, quæ sepulcra Deliorum continebat, quia in sacra insula nefas erat sepelire. Plinio *Rhene* est: Thucydidi & Straboni *Ῥήνεια*, *Rhenêa*: Plutarcho in Nicia pag. 525 *Ῥηία*, *Rhenia*: Herodoto lib. vi cap. xcvi *ἐν τῇ Ῥηναίῃ*, in *Rhenæa*. Tam propinqua autem Delo est, vt, Thucydide referente lib. iii pag. 242, Polycrates, Samiorum tyrannus, *τὴν Ῥήνειαν ἐλαὴν, ἀλύσει δῆσας πρὸς τὴν Δῆλον*, *Rhenêam occupatam catena Delo coniungens Apollini Delio consecrauerit*. Strabo dicto loco: *Ῥήνεια ἔρημον νησιδίον ἐστὶν ἐν τέτρασι τῆς Δήλης σταδίοις, ὅπερ τὰ μνήματα τοῖς Δηλίοις ἐστίν. ἔγὰρ ἔξεστιν ἐν αὐτῇ τῇ Δήλῳ θάπτειν, ἔδὲ καὶ νεκρόν*. *Rhenêa parua ἔσθ' desertâ insula est i' ntra quartum a Delo stadium, ubi sepulcra sunt Deliorum, quia in ipsa Delo mortuum sepelire aut cremare nefas est*. Adde Thucydidem dicto loco.

CLIV.

In Petronii carmine conspeximus modo, quam propinquæ Melo sint *Myconus* & *Gyarus*, quasi sustinentes illam columnæ. *MYCONVS*, *Μύκωνος*, quæ nomen retinet; illa insula secundum Strabonem extremo x est, sub qua vltimi Centaurorum ab Hercule interfectorum iacere finguntur: indeque adagium natum: *omnia sub vnâ Myconum*, * *πανθ' ὑπὲρ μίαν Μύκωνον*. Plinius: *Myconos cum monte Dimasto: a Delo x v millia passuum*. Thucydides lib. iii pag. 190 *προσμίξαντες ἀπ' αὐτῆς τῇ Ἰκάρῳ καὶ Μυκόνῳ*, ab illa [Delo] ad *Icariam* ἔ *Myconum* accedentes. Ouidius *Metamorph. vii vers. 463*

Hinc humilem Myconon, cretosaque rura Cimoli.

CLV.

GYARVS ** autem *Γύαρος*, ex altero Deli latere est, in qua Strabo nihil inuenit nisi *κώμιον ὑπὸ ἀλίεων συνοικεζόμενον*, viculum a piscatoribus habitatum. ob quam solitudinem exilio Romanorum destinata. Tacitus *annali iii cap. lxviii Ille [L. Piso] aqua atque igni Silano interdicendum censuit, ipsumque in insulam Gyarum relegandum*. Et cap. *lxix addidi: insulam Gyarum immitem ἔσθ' sine cultu hominum esse*. Plinius lib. iv cap. xii *Gyaros cum oppido, circuitu xii m. passuum*. Abest ab Andro *lxii m. p.* Etiam

Rrr rrr

* Adde Stephan. de Urbib. Ceterum memorabile est illud Aelian. de Animal. c. 42 extrem. *Ἐν Μυκόνῳ μέλισσα ἔ γίνεταί, ἀλλὰ καὶ ἡ κομιθεῖσα ἀποθνήσκει*. In *Mycono* apis non nascitur, immo etiam illata moritur.

** Sporadibus adnumeratur a Stephano de Urbibus.

Etiam Mela *Gyaros* scripsit: quidam vero *Gyara*. Iuuenalis Satyr. x vers.
170 *Vt Gyarae clausus scopulis, paruaque Seripho.*
Et plurali numero. Idem satyra i vers. 73
*Aude aliquid breuibus Gyaris & carcere dignum,
Si vis esse aliquis.*

CLVI.

In austrum a Melo vergit *PAROS* siue *Parus*, * *πάρος* Græce, diues
candidissimi marmoris insula, quod inde *lapis Parius* adpellatur. Plini-
us loco sæpe dicto: *Paros cum oppido, ab Delo xxxviii m. marmore no-
bilis.* Et lib. xxxvi cap. v *candido marmore vsi sunt e Paro insula, quem
lapidem cæpere lychniten adpellare.* Oppidum insulæ permunitum erat.
Corn. Nepos Miltiade cap. vii *Parum insulam, opibus elatam, quum ora-
tione reconciliare non posset, copias e nauibus eduxit, urbem operibus clausit,
omnique commeatu priuauit: deinde vineis ac testudinibus constitutis propius
muros accessit.* Ipsa Pariorum ciuitas, quod Strabo adnotauit, duas co-
lonias condidit, *Thasum*, in insula *Thaso*; & *Parium* ad Propontidem.
A marmore Virgilius *Aeneid.* iii vers. 126 *Paron dixit niueam,*
Olearon, niueamque Paron, - - -
& Ouidius *marmoream*, *Metamorph.* vii vers. 465
*- - - planamque Seriphon,
Marmoreamque Paron.*

CLVII.

Inter Delum & Parum est insula *SYROS*, *Σύρος*, quam Strabo proxime
post Parum describit. Memorat etiam Plinius. Suidas in *Φερεκύδης*, qui ex
hac insula oriundus fuit: *ἔστι δὲ νῆσος μία τῶν Κυκλάδων ἡ Σύρα πλησίον Δήλου,*
Est vero Syra insula una Cycladum prope Delum. Est & tertia forma voca-
buli, *Syria*, *Συρία*, apud Homerum *Odyss.* O vers. 402
*Νῆσός τις Συρίη κικλήσκειται (ἔπ' ἀνδρείς)
οἰτυγίης καθύπερθεν.*
*Insula quædam Syria vocatur (sicubi audis)
Supra Ortygiam, id est Delon.*

CLVIII.

A Delo in ortum *NAXUS*, *Νάξος*, *ἀξιόλογος*, memorabilis Straboni, quæ
& urbem habuit. Ptolemæus lib. iii cap. xv *Νάξος νῆσος ἡ πόλις, Naxi in-
sulæ oppidum.* Plinius iv cap. xii *Ab ea [Paro] septem millibus quingen-
tis Naxus; a Delo xviii, cum oppido: quam Strongylen, dein Dian, mox
Dionysiada a vinearum fertilitate, alii Siciliam minorem, aut Callipolim ad-
pellauerunt.* Agathemerus lib. i cap. v *τῶν Κυκλάδων κρατίστη ἐστὶν ἡ Νάξος,
διὸ μικρὰ λέγεται Σικελία, Inter Cyclades insulas optima est Naxus: ideo etiam
Sicilia parua vocatur.* Apollonius quoque lib. iv vers. 435 dixit *Διαν* seu
Δίην: vbi scholiastes, *Δίη ἐν τῇ Νάξῳ. τὸ γὰρ ἔσκε παλαιότερον ἔνομα Νάξω,
Διῆ,*

* Erat hic promontorium *χοιράνιος χῶρος* dictum, de quo vide Aelian. VIII cap. 3 de Ani-
mal. *πάρον νήσων ὠπυτάτην ἰερῶν* adpellat Epigramm. Græc. libr. III cap. εἰς γυναικ. p. 310.

Dia, id est in Naxo. * nam antiquum Naxi nomen fuit *Dia*. Nomen *Dionysiadis* videtur Maro Aen. III vers. 125 respexisse,

Bacchatamque iugis Naxum, viridemque Donyfam.

Vbi enim vini prouentus largior, Bacchus vehementius colebatur. Nummi etiam exstant inscripti *ΝΑΞΙΩΝ*, quos ad hanc Naxum pertinere, insignia adpressa, Fortuna cum gubernaculo suo, quod rostro navis impositum est, & Copiæ cornu probant.

CLIX.

Hactenus de iis, quæ ab Artemidoro, Strabone, Pomponio, & Scylace in Cycladibus numerantur: quarum quædam a Plinio inter Sporadas referuntur. sed superiores maluimus sequi, ipso etiam situ inuitante, ut ad illorum sententiam accedamus. Nec vero, quod omnes medium κύκλος, orbis ponunt, in insulam Delon sic incidet, nisi alias ex septemtrione in periodum illam adsumamus: aut Cycladas non a perfecto circulo, sed semicirculo fortasse nomen habere existimemus. Sed quoquo illæ referendæ sint, exponemus quæ ab Andro & Delo in septemtrionem sitæ sunt insulæ.

CLX.

SCYROS, Σκύρος, prima est, quæ seruat nomen *Sciro* hodieque, Eubœæ mediæ obiecta. Memorarunt Plinius & Strabo; & Ptolemæus lib. III cap. XIII extremo: Σκύρος νῆσος καὶ πόλις, *Scyrus insula & oppidum*. Clara exilio & morte Thesei, Atheniensis regis. Valerius Maximus lib. V cap. III *Huius [Thesei] submoti ab Atheniensibus, Scyros, exsule minor insula, ossa mortui cepit*. Dolopes olim incoluerunt, prædones intolerandi, quos Cimon Atheniensis expulit, uti Plutarchus Vita pag. 483, & Thucydides lib. I pag. 65 referunt. Adiacet insula minor nunc *Scanda* dicta, quæ videtur Plinii & Melæ *Scandila* esse.

CLXI.

Strabo lib. IX pag. 300 coniungit Scyron cum iis pluribus, quæ ante Magnetæ sitæ sint: e quibus ἐν ὀνόματι, in fama sint Σκίαθος, *Sciathus*, Πεπάρηθος, *Peparethus*: Ἰκός, *Icos*; & Ἀλόνησος, *Halonefus*. Prima SCIATHVS Magnesiæ opposita. Liuius lib. XXXI cap. XLV retro, unde venerant, *Sciathum*, & ab *Sciatho Eubœam* repetunt. Similis cursus classis Perficæ notatus ab Herodoto lib. VII cap. CLXXIX. Apollonius lib. I Argonaut. vers. 583

φαίνεται δ' εἰναλίη Σκίαθος. φαίνοντο δ' ἄπαθεν

Περεσιαί, Μαγνησά θ' ὑπέυδιος ἡ πείροιο Ἄκτῃ.

Adparuit maritima Sciathos, adparebant procul Piresiæ, Magnesiæque planum terræ litus. Scholiastes ad hæc: νῆσος ἡ Σκίαθος τῆς Θεσσαλίας, ἐγγὺς Εὐβοίας, *Sciathos insula est Thessaliæ, prope Eubœam*.

CLXII.

PEPARETHVS, Πεπάρηθος, ** secundum Ptolemæum a Scyro in ortum

Rrr rrr 2

tum

* Diodorus IV pag. 264 κλέψας τὴν Ἀριάδνην ἔλαθεν ἐκπλεύσας νυκτός, καὶ κατήρην εἰς νῆσον, τὴν ποτε μὲν Δίαν, νῦν δὲ Νάξον προσαγορευομένην. Theseus Ariadnen furatus noctu clam abnauigauit, & in insulam olim Diam, nunc Naxum adpellutam, adpulit.

** Incolæ dicuntur *Peparethii*. Videatur in operibus Demosthenis epistola Philippi pag. 63 A, B.

tum æstium declinat. Πεπάρεθος, inquit, νῆσος καὶ πόλις, Peparethus, insula & oppidum. Martiānus Heracleota (sive Scymnus Chius est) pag. 24. ed. Hæschel.

Καὶνται δὲ καὶ νητίδες αὐτῆς πλησίον,

Σκύρος, Πεπάρεθος.

Iacent vero etiam insulae prope ipsam [Istiam] Scyros, Peparethos. Hæc & vini & olei præstantissimi ferax. * Plinius lib. xiv cap. vii Apollodorus medicus in volumine, quo suavit Ptolemæo regi, quæ vina biberet, - - - laudavit Oreticum, Oeneaten, Leucadium, Ambracioten, & quod cunctis prætulit, Peparethium: sed minoris famæ esse dixit, quoniam ante sex annos non placeret. Hinc est quod lib. iv cap. xii sect. 23 idem dixit: Athos ante se quatuor [insulas habet:] Peparethum cum oppido, quondam Eucnum dictam, ix mill. passuum, reliqua. Ἐυκνον enim est boni vini ferax. De olea Ouidius Metam. vii vers. 470

Et Gyaros, nitidæque ferax Peparethos oliuæ.

CLXIII.

ICVS, Ἰκός, tertia est Straboni ante Magnesium posita. Stephanus: Ἰκός, νῆσος τῶν Κυκλάδων, προσενεχῆς τῇ Εὐβοίᾳ, Icus, insula Cycladum, Eubœæ finitima. Sed non proxima fuit Eubœæ, verusque situs ex Liuiio probatur, qui sic lib. xxxi cap. xlv Inde [a Geræsto & Carysto Eubœæ] omnes, velis in altum datis, maris medio præter Scyrum, insulam Icum pervenere: ibi paucos dies, sæuiente borea, retenti, ubi prima tranquillitas data est, Sciathum traicere. Inter Sciathum ergo & Scyrum oportet esse.

CLXIV.

HALONESVS, Ἀλόνησος, vltima ex illis quatuor Strabonis est, haud longe a Sciatho. Pomponius lib. ii cap. vii In Aegæo mari prope Thraciam Thasos, Imbros, Samothrace, Scandile, Polyegos, Sciathos, Halonesos. Stephanus: Ἀλόνησος, περὶ ἧς Φίλιππος καὶ Ἀθηναῖοι διεφύοντο, Halonesus, de qua Philippus & Athenienses inter se bellum gesserunt. Plinius lib. iv cap. xii sect. 23 in eodem Aegæo mari etiam Halonesum, sed alio loco posuit, quam aliam a nostra esse necesse est. Inter Cherronesum, inquit, & Samothracen, utrimque fere quindecim m. Halonesos. Addi in hoc tractu potest Σκόπελος, Scopulus, Ptolemæi.

CLXV.

In LEMNVN inde, quæ Λῆμνος Græce est, traicimus, insulam nobilissimam. Duas vrbes habet, Myrinam in ora; & Hephestiam intus, ut Plinius & chorographus Byzantius nominarunt: ille ante dicto loco: Ab ea (Imbro) Lemnos xxii m. quæ ab Atho lxxxvii m. p. Circuitu patet cxii m. p. Oppida habet, Hephestiam, Myrinam, in cuius forum solstitio Athos ei aculatur umbram: hic [Stephanus:] Λῆμνος νῆσος πρὸς τῇ Θράκῃ, δύο πόλεις ἔχουσα. Ἡ Φαισίαν καὶ Μύριναν, Lemnus insula ad Thraciam, duas vrbes habens, Hephestiam & Myrinam. Inde διπελὶς, dicta. Scholiastes ad Apollonii lib. i vers. 604 διπολις ἐστὶν ἡ Λῆμνος. ἔχει γὰρ Ἡ Φαισίαν καὶ Μύριναν; dua-

* Adde Demosthen. aduers. Lacrit. pag. 596 B.

duarum urbium insula Lemnos est. nam Hephestiam habet & Myrinam. Ptolemæus totidem numerat; sed alteram, quæ intus sita, vocat Hephestiadem. Ἀἴμνος νῆσος, inquit, ἐν ἣ πόλεις δύο, Μύρινα, καὶ Ἡφαιστίας μετέγειρος. Lemnus insula, in qua duo oppida, Myrina & Hephestias mediterranea. Nomen huius ab Vulcano est, cui insula sacrata erat. Valerius Flaccus lib. 11 vers. 78

- - - iam summis Vulcania surgit

Lemnos aquis. *

Et ibidem versu 95

Lemnos cara deo: nec famæ notior Aetna

Aut Lipares domus.

CLXVI.

A Lemno in austrum iacet parua insula hodie S. Strati dicta, quam putant Chrysen, χρυσὴν esse veterum: quam certo vel dubie, in medio relinquimus. Pausanias in Arcad. cap. xxxiii Λήμνος πλεὺν ἀπέχεν ἔ πολὺν χρυσὴν νῆσος. - - - ταύτην κατέλαβεν ὁ κλύδων, καὶ κατέδυ τε ἡ χρυσὴ καὶ ἡ φάνισαι κατὰ τὴν βυβλῆ. E Lemno in Chrysen insulam modicus erat navigationis cursus. Hanc insulam æstus adluuies ad ima maris depressam aboleuit. Meminit quidem Chryse alicuius Stephanus ex Sophocle, quæ ἐγγὺς Λήμνος, vicina Lemno sit; sed πόλις, oppidum, eandem dicit, non insulam, ut omnino Chrysen Troadis, ex alio latere Lemno oppositam, signare videatur, quod inde fit probabilius, quia πόλις τῆς Ἀπόλλωνος, urbem Apollinis vocat: de Troiana autem Chryse Strabo lib. xiii refert, quod templum Apollinis Sminthei habuerit.

CLXVII.

Atque hæ notiores sunt Aegæi maris insulæ, quas modo descripsimus, quæ quidem ad Græciam proprie pertinent. Quæ supra Lemnum sunt, quia Thraciæ sunt propiores, in Thracia exponemus. Plinius lib. 14 cap. xii addit plures ad Thermæum & Pagasicum sinum, sed obscuriores omnes. Pagasicus, inquit, sinus ante se habet Eutychiam, Cicynethum, & Scyrum supradictam, sed Cycladum & Sporadum extimam: Gerontiam, Scandilam: Thermæus Irrhesiam, Solimniam, Eudemiam, Neam, quæ Minervæ sacra est. Ex his Scyrum & Scandilam supra vidimus: Eutychia ignota est; nec nomen certum, quia Euthia in MSS. quod Græce εὐθεία est. Notior Cicynethus. Scylax pag. 60 ἐν τῷ παγασητικῷ κόλπῳ ἐστὶ νῆσος Κικύνητος, in Pagasetico sinu est insula Cicynethus. Et Mela lib. 11 cap. vii Pagasæus sinus Scyron prospicit: Cicynethon amplectitur. Huic addimus Myonneson, Μυόννησον, ex Strabonis libro ix pag. 299, νησιδίον, parvam insulam, contra Larissam Cremasten, positam. Gerontiam, & Irrhesiam, & Solimniam silent ceteri: Neæ, Νέαι, plurali numero, sunt νῆσος πλησίον Λήμνος, insula

Rrr rrr 3

* Nicander Theriac. v. 458

Εἶγε μὲν Ἡφαιστοιο Χαλαίποδος ἐν πρυχὶ νῆσῳ

Βήσεαι, ἢ ἐσάμον δυοήμερον, αἶτ' ἐνὶ κόλπῳ

Θρηκίῳ βέβληνται, ἐκὰς ῥησκυνθίδος ἥρης κ. τ. λ.

Vbi Scholiastes: Ἡφαιστὸς νῆσον τὴν Λήμνον ἐκάλεσεν. ὡς λέγει καὶ Ὅμηρος: κάππεσεν ἐν Λήμνῳ. Vulcani insulam Lemnum vocavit. Vti etiam Homerus ait: Decidit in Lemnum.

insula Lemno vicina, vt Suidas & Stephanus tradiderunt : *α ν έ ω nato*, dicta, quod Hercules ad eam adnatauerit. Vicina Chrysa est, vnde serpentis morsus Philoctetæ inflictus, a Pausania dicto loco Chrysa tribuitur, a Suidæ his *Νέως*, id est *Næ* insulae.

CLXVIII.

Quæ huius maris insulae in ortum vergunt & ad Asiam sitæ sunt, in Asia explicabimus, vt sunt Tenedos, Lesbos, Chios, Samus, Icaria, Patmus, Cos, & quæ aliæ in Icario Carpathioque mari sunt Sporades. *Sporades* enim, quasi dispersæ insulae, nec in Europa sunt omnes neque in Asiæ ora; sed vt Mela & Plinius descripserunt, pars in Cretico mari, quas supra enarrauimus: pars in Carpathio; aliæ in Icario, quod præcipuas tenet ac nobilissimas: quædam etiam nimis ab his disiectæ in Euboico mari, aut Attico, quemadmodum Plinius Helenen Sporadibus; Scyron dubie Cycladum Sporadumue extremam, quam paullo ante in aceruo Sporadum connumerauerat. Ordo ergo Sporadum, vt ibidem dicit, seruari non potest: neque numerus illarum est certior.

CLXIX.

In Europæ Sporadibus restant quædam memorandæ; *AMORGVS*, hodie Morgo, haud longe a Naxo distans, orientem versus. Strabo lib. x extremo : *ἐστὶ καὶ Ἀμοργὸς τῶν Σποράδων*, est *ἢ Amorgus una de Sporadibus*. Plinius plura eius nomina recenset, sed nullius ea momenti. Patria hæc Simonidis fuit, iamborum scriptoris, quod Strabo adnotauit. In hanc insulam quoque damnati relegabantur. Tacitus annali iv cap. xxx de Vibii Sereni poena: *ita Serenus Amorgum reportatur*.

CLXX.

In austrum hinc 10 s sita, ferme in mari Cretico; quæ hodie *Nio* vocatur, gemina voce, *ἐν Ἰῶ*, contracta in vnam. Strabo lib. x pag. 334 æquali interuallo ab Anaphe & Therasia *ἀπέχει ἡσίδιον Ἰος, ἐν ᾧ κεκηδεύθαι φασί τινες τὸν ποιητὴν Ὅμηρον*, * *abest parua insula Ios, in qua quidam Homerum poetam funeratum dicunt*. Plinius sæpe dicto cap. xii *Distat Ios a Thera viginti quinque millibus passuum*. Stephanus: *Ἰος νῆσος τῶν Κυκλάδων, ἀπὸ ἰώνων ἐικησάντων ὅθεν ἦν Ὁμήρου μήτηρ, ὡς ὁ Χρησμός*. *Ios, insula Cycladum sic dicta ab Ionibus qui inhabitabant*. Ex hac erat Homeri mater, vt in oraculo legitur. Pars oraculi est:

Ἔστιν Ἰος νῆσος μητρὸς πατρὸς, ἣ σε θανόντα δέξεται.

Est Ios insula matris patria, quæ te mortuum tenebit.

CLXXI.

Supra Naxum, prope Patmum & Iariam, *Donusa*, vt Plinius scripsit, siue *Donyfa*, vt Mela: & Virgilius Aen. iii vers. 125

Bacchatamque iugis Naxon, viridemque Donyfam.

Tacitus, vt Plinius, *Donusa*. Annali iv cap. xxx cum Gallus Asinius Gyaro aut *Donusa* claudendum censeret. De Vibii Sereni supplicio consultabatur. In illarum ergo numero fuit, quo damnati deportabantur; Quod

vero

* Add. de eadem re Epigrammat. Græc. lib. III c. *ὡς ποιητ.* p. 363.



vero *viridem* Virgilius dixit, & insequente versu *niueam Paron*; plures putant, ibi viride marmor excisum fuisse, vt candidum in Paro: Seruius vero dubitanter: *Viridem Donyfam. vel a colore marmoris Lacedemonii; vel siluestrem.* Ceteras huius situs, ad Asiæ expositionem referuamus, cui propiores videntur esse, licet certo non possit definiri, inter quas Europæ & Asiæ limes in hoc mari, quod Aegæum dicunt, pertranseat.

CLXXII.

Incertæ positionis sunt Plinii Sporades aliæ *Phacussa, Nicasia, Schinussa, Cinara*; nisi quod Stephanus de Nicasia, *νησίδιον μικρὸν πλησίον Νάξου*, perparua insula prope Naxum. Athenæus quoque lib. ii extremo *κίναρον λεγομένην νῆσον*, insulam quæ Cinarus vocetur, memorauit: nihil vero quidquam de illius situ addidit. Minus cognitæ sunt Plinii *Odia, Letandros, Cynæthus, Oenoe, Οἰνὴ*: eiusdem autem *Corasia*, a Strabone lib. x exeunte signantur. Prope *Leriam*, inquit, *ἐστὶ ἡ Πάτμος, καὶ Κορασσία πρὸς δύσιν κείμενα τῇ Ικαρίᾳ*, Patmus est & *Corasia*, ad occasum positæ aduersus Icariam. Sed scopuli videntur *Corasia* magis esse quam insulæ.

CAPVT XV

DE

T H R A C I A.

I.

Thracia, Græce *Θράκη*, qua forma etiam poetæ Latini vtuntur, vt Horatius lib. ii oda xvi *bello furiosa Thrace*; Hæc, inquam, *Thracia* inter Hæmum montem & Aegæum mare, Propontidem & Pontum Euxinum intercepta, plerisque locis aspera & montosa est, &, nisi qua mari propinqua, infecunda & frigida, etiam ingenia ferens horridiora, id est solo suo & cælo non dissimilia. Pomponius Mela lib. ii cap. ii de *Thracia*: *. *Regio nec cælo læta nec solo: & nisi qua mari propior est, infecunda, frigida, eorumque quæ feruntur, maligne admodum patiens. - - - Viros benignius alit, non ad speciem tamen; nam & illis asper atque indecens corporum habitus est: ceterum ad ferociam & numerum vt multi immitesque sint, maxime ferax.* Paucos amnes qui in pelagum euadunt, verum celeberrimos, *Hebrum & Neston & Strymona* emittit. Montes interior attollit, *Hæmon, & Rhodopen, & Orbêlon*, sacris Liberi patris & cætu Menadum, Orpheo primum initiante, celebratos. Ex quibus *Hæmus* in tantum altitudinis abit, vt *Euxinum & Hadriam* ex summo vertice ostendat. De *Rhodope* monte infra: *Orbêlus* autem, Græce *Ὀρβηλος*, a Ptolemæo ponitur lib. iii cap. ix in *Mœsiæ superioris, Macedoniæ & Thraciæ* confinio, ferme circa fontes *Strymonis*. Memorauit etiam Herodotus illum lib. v cap. xvi.

II.

Addi & montibus debent & fluminibus. Montibus, *Pangæus*, septem-

* Vide etiam Amm. Marcell. l. XXVII p. 221.

ptemtrionalis terminus Adiectæ Macedonia, hoc est eius partis, quæ inter Strymonem & Nestum est sita. Plinius prope Nestum ponit: Dio Cassius prope Philippos. Ille lib. iv cap. xi *Bessorum multa nomina ad Nestum amnem, Pangæi montis ima ambientem.* Hic, lib. xlvii pag. 347 *Norbanus & Saxa, [Octauiani & Antonii duces] antequam Cassius & Brutus in Macedoniam venirent, πᾶσαν τὴν μέχρι τῆ Παγγαίης γῆν προκαταχόντες καὶ πρὸς τοῖς φιλίπποις στρατοπεδεύσαντες. τὸ δὲ δὴ αὐτὸ τῆτο παρὰ τε τῷ Παγγαίῳ καὶ παρὰ τῷ Συμβόλῳ καὶται, omni regione usque ad Pangæum occupata, apud Philippos castra posuerant. Urbs autem illa & Pangæo & Symbolo adiacet.* Virgilius Georg. iv vers. 462

Altaque Pangæa, & Rhesi Mauortia tellus.

nam Thracia Marti sacrata. Et Lucanus lib i vers. 679

- - - - video Pangæa niuosis

Canaiugis, latosque Hæmi sub rupe Philippos.

Σύμβολον, Symbolum autem Dioni ibidem est χωρίον, tractus, & ὄρος, mons, ita dictum, quod ἐτέρῳ τινὶ ἐς μεσόγειαν ἀνατείνοντι συμβάλλει. καὶ ἐστὶ μεταξὺ Νέας πόλεως καὶ τῶν φιλίππων, alii monti, in mediterranea se extendenti, committatur: estque inter Neapolim & Philippos.

III.

De Hæmo monte notamus, a multis scribi Ἄμιος, *Aemius*: sed verius cum adspiratione, * quia ante se tenuem præpositionis litteram adspirat. Theocritus idyll. vii vers. 76 μακρὸν ὕψ' Ἄμιον. Qui id iugi incolunt, *Hæmimontani* vocantur a Sexto Rufo cap. ix. vbi posteriori ævo constituta prouincia *Hæmimons* siue *Hæmimontus*, eodem Rufi loco, & in libello prouinciarum Schonhouii. Plinius iv cap. xi *Mons Hæmus vasto iugo procumbens in Pontum, oppidum habuit in vertice Aristæum.* HABVIT, inquit, tamquam olim deletum illud oppidum fuerit, de quo silent alii, præterquam quod Diodorus Siculus lib. iv cap. lxxxiv de Aristæo Apollinis filio tradit, περὶ τὸ ὄρος τὸ καλέμενον Ἄμιον ἐκίχσαντα τινὰ χεῖρον, ad Hæmum, quem vocant, montem aliquamdiu habitasse: a quo, si quod huius nominis oppidum fuit, tamquam ab auctore adpellationem habuit. De altitudine Hæmi supra cum Pomponio dispeximus, esse tantam videlicet, vt ex vertice vtrumque mare, Euxinum & Hadria, adpareat. Plinius iv cap. xi *Hæmi excelsitas sex millibus passuum subitur. Auersa eius & in Istrum devexa Mæsi, Getæ, Aorsi, - - - & circa Ponti litora Morisæni, Sithoniique, Orphei, vatis genitores, obtinent.* Ipsum iugum ab Illyrico ad Pontum usque procurrit.

IV.

Ei fere parallela est *Rhodope*, ροδόπη, in media Thracia, tandem & ipsa prouinciæ nomen sortita.

V.

Fluminibus Melæ addi possunt plura, in quibus sunt, *Melas*, qui si-

* Idem liquet ex fabula Ζημάρτος, sanguinis effusi Typhonis, vnde Hæmus dictus videtur Apollodoro Bibl. I cap. 6 §. 3 extrem.

num Melanem * denominat : & *Aegos flumen* in Chersoneso : *Panyfus*, *Bathynias*, *Atbyras*, *Arzus* Ptolemæi: e quibus etiam *Panyfus* est Plinii, qui etiam *Panissa*, gemina forma, eundem adpellauit.

VI.

Terminus Thraciæ septentrionalis iuxta Pontum ambiguus est. Veteres geographi Scylax, Mela, Plinius ad Istri ostia vsque proferunt, vt Istropolis, Tomi, Calatis intra Thraciam censeantur. Plinius sequutus Melam est: Mela forte Scylacem. Quod vero historici hæc & vicina oppida non Thraciæ adscribunt, sed vel in Scythia cisdanubiana, vel simpliciter in ora Ponti censet; & ipse Strabo lib. vii pag. 220 diuisit hunc tractum siue Ποντικήν παραλίαν, Ponticam oram, in eam, quæ ἀπὸ τῆς ἱερᾶς σώματος τῆς Ἰστρίας μέχρι τῆς περὶ τὸν Ἄιμον ὀρεινῆς, a sacro Istri ostio pertingit vsque ad montana quæ circa Hæmum sunt, & in eam, quæ inde est μέχρι τῆς σώματος τῆς κατὰ Βυζάντιον, vsque ad os [Bospori] iuxta Byzantium; Ptolemæum potius, quam Scylacem, sequimur, qui superiora, quæ vltra Hæmum sunt, in Mœsia inferiore censet, Thraciam cis Hæmum ad Mesembriam terminat. Et quæ ratio est, quum Hæmus limes in mediterraneis ab ipso Plinio constituitur, in ora vastum illud iugum transilire, & limitem proferre ad Danubium? Aut ergo in Hæmo limes ponatur, quem ipsa natura notabili iugo videtur constituisse: aut in proxima Hæmo Mesembria, vti Ptolemæus posuit, cui hæc vltimum oppidum illius Mœsiæ ad Thracum fines est. Hanc etiam Strabo lib. vii pag. 221 cis Hæmum primam posuit. Termino itaque inuento, oram maritimam Thraciæ a Nesto flumine in Aegæo mari, dein in Chersoneso, postea in Propontide & Bosporo, & tandem in Euxino Ponto vsque Mesembriam perlustrabimus.

VII.

In Macedonia adiecta quæ inter Strymonem ac Nestum sunt, exposuimus supra cap. xiii, *Amphipolim*, *Oesymam*, *Neapolim*; & quæ intus sunt, *Gazorum*, *Philippos*, *Topirim*.

VIII.

De postrema addimus, scribi non vno modo: *Topiris* a Plinio, *τοπιρίς* a Ptolemæo: *Topirus* in nummis Getæ cum *Vlpia* cognomento. Holstenius illos ad Steph. pag. 325 proposuit inscriptos ΟΥΛΠΙΑΣ ΤΟΠΙΡΟΥ, *Vlpia Topiri*: vel diphthongo ΟΥΛΠΙΑΣ ΤΟΠΕΙΡΟΥ. Concil. Ephes. Actis pag. 110 Λεκιανὸς ἐπίσκοπος Τοπήρης, *Lucianus episcopus Toperi*: vbi Holstenius ex alio libro citat Τοπήρης Θράκης, *Toperii Thraciæ*. Procopius lib. iii Goth. cap. xxxviii τόπερος, e breui scripsit: eamque ἐπιθαλασσίαν πόλιν, *maritimam urbem* dixit, Φρερὰν ἔχουσαν, ἡ πρώτη μὲν Θρακῶν καὶ παραλίῳ ἐστὶ, *præsidium habentem, quæ prima est urbium maritarum Thraciæ*. Ptolemæus autem posuit in mediterraneis.

IX.

Scylax inter Neapolim & Nestum ponit *Datum* oppidum, *Thasiorum* coloniam; si Eustathio in Dionys. vers. 517 credemus: qui εἰδοξὸν πόλιν, *λιν*,

SSS SSS

* Apud Herodotum VI cap. 41 pag. 180.

λιν, *nobilem urbem* vocat, in situ autem a Scylace non nihil discrepat, vtpote *περὶ τὴν τῆς Στρυμόνος παραλίαν, in ora circa Strymonem* constituens.

X.

Post *Nestum*, (de quo fluuio in Macedonia adiecta diximus, *Nesum*, *Nessum*, *Nestum* & *Mestum* vocari: addo Thucydidi etiam νέστον, *Nestum* esse lib. II pag. 167. post, inquam, *Nestum* vrbs prima eaque insignis *Abdera*, Ἀβδῆρα, vrbs antiquissima, quam Mela ab sorore Diomedis, ab Hercule victi; alii ab Hercule in Abderi, amati ab illo, * memoriam conditam referunt, quos Stephanus sequutus est. Collapsam Clazomenios colonia restituisse, Solinus auctor est cap. x, quod iterarunt Tēii, vt Strabo lib. XIV pag. 443 narrat, adiecto prouerbio, Ἀβδῆρα καλὴ τῆων ἀπεικία, *Abdera pulchra Teiorum colonia*. Græcis plurale nomen est: ** Latinis etiam singulare. Strabo ibidem: εἰς Ἀβδῆρα, Θρακίαν πόλιν. Thucydides lib. II pag. 167 ἀπὸ Ἀβδήρων πόλεως, *ab urbe Abderis*. Plutarchus Apophtheg. Lacon. in Agide, ἐκ τῶν Ἀβδήρων, *ex Abderis*. Plinius lib. XXV cap. VIII *circa Abderam, & limitem qui Diomedis vocatur*. Idem lib. IV cap. XI *Abdera libera ciuitas*. Eius liberationem descripsit Liuius lib. XLIII cap. IV. Solinus cap. x *Hanc Abderam Clazomenii nomini suo vindicarunt*. Patria fuit Democriti, Protagoræ, aliorumque clarorum hominum, qui inde *Abderitæ* cognominantur. Stephanus: ὁ πολίτης Ἀβδηρίτης. In nummis Vespasiani ac Titi: ΑΒΔΗΡΙΤΕΩΝ, & ΑΒΔΗΡΕΙΤΕΩΝ, *Abderitarum*. **

XI.

Circa Abderam locus cum auri vel argenti fodina, dictus *Scaptēsyle*: de quo Stephanus, Σκαπτήσῦλη πόλις Θράκης μικρά, ἀντικεῖν Θάσῃ, *Scaptēsyle oppidulum Thraciæ, e regione Thasi*. Originem vocis Plutarchus Cimone pag. 481 diuisione ostendit, de Thucydide historico, cognato Cimonis, referens, τὰ χρυσῆα περὶ τὴν Θράκην ἐκέκρητο, καὶ τελευτήσας μὲν ἐν τῇ Σκαπτῇ ὕλῃ (τῷτο δ' ἐστὶ τῆς Θράκης χωρίον) λέγεται, Φονεθεὶς ἐκῆ, *metalla auri in Thraciâ possedisse, quem perhibeant in Scapta Hyla (castellum id est Thraciæ) interfectum esse*. Ibi etiam historiam de Peloponnesiaco bello composuit, vt idem Plutarchus tradit de Exilio pag. 605. Sic loci nomen etiam Marcelinus, Vitæ Thucydidis auctor scripsit, de vxore Thucydidis narrans: ἡγάγετο γυναῖκα ἀπὸ Σκαπτῆς ὕλης τῆς Θράκης, πλεσίαν σφόδρα καὶ μέταλλα κεκρημένην ἐν τῇ Θράκῃ. *Vxorem duxit ex Scapta Hyla Thraciæ, valde diuitem & metallorum fodinas possidentem*. Et Eustathius in Dionysii vers. 517 μέταλλα χρυσᾶ Σκάπτης ὕλης, *aurifodinæ Scaptēs Hylæ*. Festus etiam meminit, sed ad Macedoniam perperam transfert. Idem adlegat Lucretium lib. VI vers. 810 scribentem de venis fodinarum:

Qualeis exspirat Scaptēsula subter odores.

XII.

Quæ sequuntur, Herodotus lib. VII cap. CIX delineauit in Xerxis itinere:

* Ἀβδήρων πόλιν hinc adpellatam ait Apollodorus II cap. 5 §. 8 pag. 110.

** v. g. Hippocrati popular. III c. 3 pag. 734 princ. & fin.

*** Cassandri temporibus cesserant patrio solo propter multitudinem ranarum & murium. Orosius hist. III cap. 23 p. 177.

itinere: πόλις Ἑλληνίδας τὰς δὲ παραμείβετο, Μαρώνειαν, Δικαίαν, Ἀβδηρα. Ταύτας τε δὴ παρεξήιε, καὶ κατὰ ταύτας, λίμνας ὀνομασὰς ταύτας· Μαρωνείης μὲν μετὰ καὶ Στρυμῆς καί μιν Ἰσμαρίδα· κατὰ δὲ Δικαίαν, Βιστωνίδα, ἐς τὴν πόλιν αὐτῇ δύο εἰσῆσι τὸ ὕδωρ, Τραυὲς τε καὶ Κόμψατος. *Græcas has urbes prætergressus est, Maroneam, Diceam, Abdera: eas, inquam, præterit, & hos, qui iuxta eas sunt, famosissimos lacus, Ismaridem, qui Maroneam Strymamque interiacet: & Bistonidem Dicææ contiguum, in quem duo flumina ingrediuntur, Trauus & Compsatus.* Eundem ordinem seruauit Scylax: ποταμὸς Νεστός Ἀβδηρα πέλις, Κεδῆος ποταμός. αἱ δὲ πόλεις Δικαία καὶ Μαρώνεια. *fluuius Nestus, Abdera vrbs, Cudetus fluuius: vrbes vero Dicæa & Maronea.* Ignotus aliis *Cudetus*, fluuius nisi forsan Aeliani est Κοσσινίτης, *Cossinites*, qui per Abderitarum regionem in Bistonidem lacum influit, lib. xv *Histor. Animal. cap. xxv.*

XIII.

Ex his *Dicæa* prima est post Abderam, ab Herodoto & Scylace ac Stephano ita adpellata. Plinio autem pluraliter *Dicææ* sunt. *Abdera*, inquit, libera ciuitas, stagnum *Bistonum* & gens. *Oppidum fuit Tirida, Diomedis equorum stabulis dirum.* Nunc sunt *Dicææ*, *Ismaron*; locus *Parthenion*, *Phalesina*, *Maronea*, * prius *Ortagurea* dicta. *Harpocraton & Suidas Dicæopolin* vocant. Vterque enim, Δικαιοπόλις, πόλις ἐν τῇ Θράκῃ πλησίον Ἀβδηρῶν, *Dicæopolis*, oppidum in *Thracia*, prope *Abdera*.

XIV.

Cetera Plinii, *Tirida* olim deleta, quod verbo fuit significatur. *Parthenion* etiam a Stephano vrbs *Thraciæ* dicitur. *Ismaron*, Stephano Ἰσμάρος πόλις Θράκης τῶν Κικόνων, *Ciconum oppidum in Thracia.* *Homerus Odyssei* iῶτα vers. 39

Ἰλιόθεν με φέρων ἄνεμος Κικόνεσσι πέλασσέν

Ἰσμάρω, - - -

Ab Illo ventus me ferens Ciconibus adpulit ad Ismarum. Et *Marcianus Heracleota* pag. 28 τὰς Κίκονας τὰς ἐν Ἰσμάρῳ. *Cicones in Ismaro.* Hinc lacui nomen *Ισμαρίδι*, *Ismaridi*, de quo paullo ante ex Herodoto. Et *Virgilii Georg. ii* vers. 37

- - - *Ismara Baccho Conserere,*

Seruius interpretatur montem Thraciæ. Ignota penitus, quam *Plinius* addit, *Phalesina*.

XV.

At *Herodoti Stryma*, ** *Stephano* etiam oppidum est *Thraciæ*: *Suidæ*, *Thasiorum* colonia & emporium; sed hic νῆπτον, *insulam* dicit, quæ si

Sss sss 2

est,

* *Tzetzes* ad *Lycophron. Alexandr. v.* 818 Ὀδυσσεὺς ἐξωθῆς ἀνέμοις κατὰ ἄρην πρὸς Κίκονας, καὶ τὴν πόλιν αὐτῶν Ἰσμάρον παρθεῖ, τὴν νῦν λεγομένην Μαρωνέαν. *Vlysses ventis compulsus ad Ciconas diuertit, & urbem eorum Ismarum deuastat, quæ nunc Maronea dicitur.*

** *Memorat Strymam quoque Philippus in epistola ad Athenienses, Demosthenis operibus inserta* pag. 63 C, καὶ λογίζεσθ', ὡς ἀλογόν ἐστιν Ἀθηναίους Θάσιος μὲν καὶ Μαρωνέας ἀναγκάσαι περὶ Στρυμῆς διακριθῆναι λόγους, αὐτὰς δὲ πρὸς ἐμὲ μὴ διαλύσασθαι περὶ ὧν ἀμφισπῆται κ. τ. λ. *Reputato etiam, quam absurdum sit, Thasios & Maronitas litem de Stryme disceptatione finire cogi ab Atheniensibus: Ipsos autem ea, de quibus ambigunt, mecum ad eundem modum non transfigere.*

est, coniunctissimam oportet continenti esse. *Εν ἡπείρῳ, in continente vero* emporia, Dicææ & Maroneæ vicina, sunt Scylaci *Δρῦς, Ζώνη, Drys & Zone*: Stephano vtrique oppidum Thraciæ; hoc speciatim Ciconum.

XVI.

Sed citerior, quam Stryma, est *Maronea*, *Μαρώνεια*, quam Mela *ripis Nesti adiacere* scribit: Stephanus *κατὰ τὴν ἐν Θράκη Χερρόνιστον, iuxta Thraciæ Chersonesum*. Vterque a vero loco aberrat, quem Herodotus itinere Xerxis ostendit, & Ptolemæus, medium videlicet inter Nestum & Chersonesum. Est enim, ut ipse Stephanus adiecit, *πέλις κικονίας, Ciconie urbs*, & prope Ismaridem lacum. Polybius lib. v cap. xxxiv *τῶν κατ' Αἶνον καὶ Μαρώνειαν, iuxta Aenum & Maroneam*. Coniungit & Liuius lib. xxxi cap. xxxi *Aeneos, Maronitas, Thasios*. In nummis *ΜΑΡΩΝΕΙΤΩΝ*. Item in alio: *ΔΙΟΝΥΣΟΥ ΣΩΤΗΡΟΣ ΜΑΡΩΝΙΤΩΝ*, Bacchum autem servatorem suum dixerunt propter generosioris vini in agro eius prouentum. Plinius enim lib. xiv cap. iv *Vino antiquissima claritas Maroneo, in Thraciæ maritima parte genito, ut auctor est Homerus*. Respicit ad *Odyss. ἰῶτα vers. 197*.

XVII.

Herodotus lib. vii cap. cviii reliqua attexit usque ad Hebrum. Verso itinere, digressus, inquit, Xerxes *ἐκ Δορίσκου a Dorisco*, præterit Samothraciorum *τείχεα, munimenta*, quorum ultimum *πεπέλισται πρὸς ἐσπέρην πέλις, τῇ ἔνομά ἐστι Μισσαμβρίη ἔχεται δὲ ταύτης Θασίων πόλις Στρυμὴ διὰ δὲ σφέων τῶ μέτῃ Λίσσος ποταμὸς διαρρέει, ὃς τότε ἐκ ἀντέχου τοῦ ὕδαρ παρέχων τῷ Ξέρξεω στρατῷ, ἀλλ' ἐπέλιπε, quorum ultimum*, inquit, oppidum ad occasum situm est, nomine *Mesembria*, cui vicinum est oppidum *Thasiorum Stryma*, quæ oppida amnis *Lissus* interfluit, cuius tunc aqua copiis Xerxis non suffecit, sed defecit. Sic post *Maroneam* habemus in ortum versus *Strymam*, dein *Lissum* amnem, post hunc *Samothracum Mesembriam*, tandem *Doriscum*, & postea *Hebrum*.

XVIII.

Doriscus campus descriptus est ab Herodoto lib. vii cap. lix, quod sit *πεδῖον μέγα, patentissimus campus*, per quem *Hebrus* defluat, in quo etiam *τείχος βασιλῆιον, arx regia* sit eiusdem nominis: & ad litus *Sala & Zona* oppida, ac ultimum *Serrium*, *ἄκρα ἐνομασῆ, celebre promontorium*, cui castellum eiusdem nominis impositum fuit, a Liuiο memoratum lib. xxxi cap. xvi. Stephanus: *Δορίσκος, πόλις Θράκης καὶ πεδῖον, Doriscus, oppidum & campus Thraciæ*: oppidum vocat, quod Herodotus *τείχος, munitum locum*. Pomponius lib. ii cap. ii *Circa Hebrum Cicones: trans eundem Doriscos, ubi Xerxen copias suas, quia numero non poterat, spatio mensum ferunt. Deinde promontorium Serrium, & quo canentem Orpheia sequuta narrantur etiam neκora, Zone. Tum Nestos fluuius. Heic Zone promontorium vocatur, quod aliis insula, aliis oppidum, ut supra vidimus. Plinius dicto loco de Dorisco: Mons Serrium, & Zone; tum locus Doriscus decem millium hominum capax. Ita Xerxes ibi dinumeravit exercitum. Os Hebri.*

XIX.

XIX.

Sequuntur *Hebri* * ostia, maximi in Thracia amnis, in duos alueos diuisa, & ad alueum vltiorem oppidum *Aenos*. ** Stephanus: ἐν τῇ ἐκ-
 ἑορῇ τῆς Ἑβρι, διέμευ ὄντες, πόλις Αἴνος, καὶ κτίσμα Κυμαίων, in exitu *Ebri*, qui in
 duo ostia finditur, sita est vrbs *Aenus*, quam *Cymæi* condiderunt. Mela lib.
 II cap. II ab ortu in occasum progrediens: *Eximia* est *Aenos*, ab *Aenea* pro-
 fugo condita. Circa *Hebrum* *Cicones*; trans eundem *Doriscos*. Et *Plinius*
 lib. IV cap. XI verso itinere procedens: *Os Hebri*. *Portus Stentoris*. Op-
 pidum *Aenos liberum* cum *Polydori* tumulto, *Ciconum* quondam regio. Origo
 itaque incerta, vt sunt quæ ex *Troianis* temporibus petuntur: nisi parua ini-
 tia *Troianorum* amplificata ab *Cumæis* sunt. *Liuius* lib. XXXI cap. XVI de
Philippo rege: *Maroneam* quidem primo impetu expugnauit: *Aenum* inde cum
 magno labore, postremo proditione *Ganymedis*, præfecti *Ptolemæi* cepit. Ex
 quo munimenta eius intelliguntur. Gentile *Stephanus* formari dicit Αἴνιος,
Aenius: atque ita *Plutarchus* in *Catone Vticensi* pag. 764 fratrem eius, qui
Asiam petens ἐνίστηε περὶ Θράκην ἐν Αἴνῳ, in morbum inciderat in *Thraciæ* vrbe
Aeno; marmoreo monumento honoratum esse ἐν τῇ Αἰνίᾳ ἀγορᾷ, in foro *Ae-*
niorum, tradit. *Liuius* autem lib. XXXI cap. XXXI videtur aliam formam
 Αἰνείος expressisse. Eadem, inquit, *Aeneos*, *Maronitas*, *Thasios* existimate
 queri. *Stephanus* auctor est, alio nomine *Absynthum* dictam fuisse.

XX.

Quem interponit *Portum Stentoris*, Στέντερος, *Plinius*, vtique circa *Ae-*
num fuit; ab aliis autem præteritus. Lacus vero *Stentoris*, Στεντορίς λίμνη,
 proxime *Aenum* est. *Herodotus* lib. VII cap. LVII de *Xerxe*: ἦτε πρὸς ἐ-
 σπέραν, Αἰών τε πάλιν Αἰολίδα, καὶ Στεντερίδα λίμνην παρεξιών. in occasum solis
 contendit, *Aenum*, *Aeolicam* urbem, & paludem *Stentoridem* præteriens.

XXI.

Abhinc in tractu non exiguo vsque ad *Chersonesum*, neque *Herodo-*
tus neque *Ptolemæus* quidquam memorarunt, quod argumento est vicis
 tantum ac pagis illud litus, non oppidis memorabilibus, cultum & habita-
 tum fuisse. *Plinius* quidem dicto loco: *A Dorisco incuruatur ora ad Ma-*

Sss sss 3

cron

* *Hebrum* e *Scombro* oriri ait *Aristoteles Meteorolog. I c. 13.*

** *Herodot. IV cap. 92 p. 131* Ἐκδιδοὶ δ' Ἑβρος ἐς θάλασσαν τὴν παρ' Αἴνῳ πόλι. *Influit Hebrus in*
mare ad Aenum urbem. Sunt hoc loco fortasse flumina memoranda, ex quibus *Hebrus* iden-
 tidem cooritur. Audiendus *Herodotus* loc. cit. Ὅδὲ Τέαρὸς λέγεται ὑπὸ τῶν περιείκων εἶναι πο-
 ταμῶν ἀριστος, τὰ τε ἄλλα ἔς ἅκεσιν φέρονται καὶ δὴ καὶ ἀνδράσι καὶ ἵπποισι ψάρον ἀλέσασθαι. εἰσι γὰρ
 τὸν αἰ πηγαὶ δυῶν δένειαι τεσσαρὴν καὶ ἑκατὸν πετρὰς τῆς αὐτῆς ῥέουσι. Καὶ αἱ μὲν αὐτέων εἰσὶ ψυχραὶ,
 αἱ δὲ θερμαὶ. Ὅδὸς δ' ἐπ' αὐτὰς ἐστὶ ἰσὴ ἐξ Ἡράκλεις τε πόλιος τῆς παρὰ Περὶνθο, καὶ ἐξ Ἀπολλωνίης τῆς
 ἐν τῷ Εὐξείνῳ πόντῳ δυῶν ἡμερέων ἑκατέρῃ. Ἐκδιδοὶ δὲ ὁ Τέαρὸς ἔστος ἐς τὸν Κοντάδεσδον ποταμὸν, ὁ
 δὲ Κοντάδεσδος ἐς τὸν Ἀγριάνην, ὁ δὲ Ἀγριάνης ἐς τὸν Ἑβρον. *Tearus* autem a vicinis amnium o-
 ptimus dicitur, propterea quod cum alia habeat remedia, tum hominum & equorum scabiem tol-
 lat. Sunt enim eius fontes triginta octo ex eadem petra coorti. Atque eorum alii sunt frigidi,
 alii calidi. Iter autem ad eos æquale est ex *Heræo* oppido *Perintho* propinquo, & ex *Apollonia*,
 que ad pontum *Euxinum* recessit, utrinque duorum dierum. Infunditur autem *Tearus* hic in a-
 mnam *Contadesdum*, *Contadesdus* in *Agrianem*, *Agrianes* in *Hebrum*. Idem *Herodotus*
 lib. IV cap. 92 Δαρῖος δὲ εὐθεῦτεν ὁρμηθεὶς ἀπὸ κελὸ ἐς ἄλλον ποταμὸν, τῷ ὀνόματι Ἀρτισκός ἐστι,
 ὃς δὴ διὰ Ὀδρυσῶν ῥέει. *Darius* e fontibus *Teari* profectus ad aliud flumen peruenit, cui *Artisci*
 est nomen, quod per *Odrysas* fluit.

cron Tichos CXXII MP. Circa quem locum fluuius Melas, a quo sinus adpellatur. Oppida, Cypsella, Bisanthe, Macron Tichos dictum, qua a Propontide ad Melanem sinum inter duo maria porrectus murus procurrentem excludit Chersonesum. Sed nihil ex his ad locum nostrum pertinet, nisi Melas fluuius, etiam a Ptolemæo & Liuiο ac Herodoto laudatus; Cypsella autem, siue Cypsel-la, secundum Ptolemæum & Antoninum in mediterraneis est: Bisanthe ad Propontidem. De flumine & sinu Herodotus prædicto loco & κόλπον Μέλανα, καὶ Μέλανα ποταμὸν, ἀπ' ἧς ὁ κόλπος τὴν ἐπωνυμίην ἔχει, sinum Melanem & fluuium Melanem (nec hunc sufficientem exercitui Xerxis) a quo sinus denominationem habet, descripsit.

XXII.

In hac ora prope Aenum fuit Zerynthum antrum, cui Stephanus & oppidum addit eius nominis. Antrum Hecatæ sacrum erat, cui canes ibi, vt Suidas refert, immolabantur. Lycophron vers. 77

Ζήρυνθον ἄντρον τῆς κυνοσφάγος θεᾶς.

Zerynthum antrum caniuora deæ.

Scholiasies ibi, & Stephanus, etiam Phauorinus, in Thracia ponunt. * Locum propius signat Liuius, sub Zerynthii Apollinis nomine, lib. xxxviii cap. xli. Eodē, inquit, ad Hebrum flumen peruentum est. Inde Aeniorum fines, præter Apollinis (Zerynthum quem vocant incolæ) templum superant. Ouidius lib. i Trist. eleg. ix

Venimus ad portus, Imbria terra, tuos.

Inde leui vento Zerynthia litora nactis

Threiciam tetigit fessa carina Samon.

CHER-

* Putem Nicandrum quoque in Theriacis vers. 458 & seqq. audiendum esse.

Ἐίγε μὲν Ἡ Φαίσοιο χαλαίποδος ἐν πλυχλὶ νῆσον
Βήσεμ, ἥ ἐσάμου δυχήμερον, αἵ τ' ἐνὶ κόλπῳ
Θρηϊκίῳ βέβληντι, ἐκὰς ρησκυνθίδος ἥρης
Ἐέρος ἵνα ζῶναϊα τ' ὄρη χιόνεσσι Φάληρα,
Καὶ δρύες Οἰαγρίδαο, τὸ δὲ Ζηρύνθιον ἄντρον.

Hic Scholiasies: Ρησκυνθίδα τὴν Ἡραν λέγει ἀπὸ ρησκυνθίης ὄρας Θράκης, ὅπερ ἱερὸν ἐστὶν αὐτῆς (fortasse ὅπερ ἱερὸν ἐστὶν αὐτῆς) ἐξ ἧς καὶ τὴν ἐπωνυμίαν ἔχεν. Ἐν αὐτῷ δὲ τῷ τόπῳ καὶ κυτὶν Απολλωνος ἱερὸν ἦν τεῶς. Τῆς Αἴνης δὲ πλησίον ἐστὶν ὁ ποταμὸς Ἐέρος. Οὐ μακρὰν δὲ τῷ ποταμῷ καὶ Ζώνη πόλις, μεθ' ἣν αἱ Οἰρφέως δρυὲς εἰσιν, ὅφ' αἵ τὸ Ζηρύνθιον ἄντρον. Οἰαγρίδην δὲ τὸν Οἰρφέα λέγει. Οἰαγρος δὲ ὁ πατήρ αὐτῆς. Ἄλλοι δὲ τὸ Ζηρύνθιον ἄντρον ἐν Σαμοθράκῃ φασὶν εἶναι. Λυκόφρων δὲ φησι, Ζηρύνθιον ἄντρον τῆς κυνοσφαγῆς θεᾶς, ὅ ἐστι σπήλαιον τῆς Ἑκάτης. Τῆς δὲ Ζώνης μέμνηται καὶ Ἀπολλώνιος ἐν τῷ Θρηϊκίῳ - - Ζώνη ἐπιτηλεδέσσει. Μέμνηται καὶ αὐτὸς Νικάνδρος ἀλλὰ καὶ

Καὶ μὲν ὑποζωνάϊον ὄρος δρύες ἀμφὶ τε φησὶ
ρίζοισι δινήθησαν ἀνέστησαν τε χορήαν
Οἶον παρθενικαί.

Rhescynthida Iunonem dicit a Rhescynthio monte Thracie, ubi eius est templum, ex quo etiam cognomen est nacta. Eodem autem loco etiam Cytini Apollinis sacrarium aut templum. Aeno autem propinquum est flumen Hebrus. Non longe autem a flumine etiam urbs Zona est, post quam Orphei sunt quercus, sub quibus antrum Zerynthium. Oeagridei autem Orpheum dicunt, Oeagrus enim eius fuit pater. Alii autem Zerynthium antrum in Samothrace dicunt esse. Lycophron autem dicit Zerynthium antrum deæ canis victima honoratæ, quod est spelunca Diane. Zonæ autem meminit etiam Apollonius. Ad Thracicam Zonam germinantes. Meminit autem etiam ipse Nicander alibi: Et quidem circa montem Zonæ subiectum quercus & sagi radicibus circumactæ sunt & choream excitant qualem virgines.

CHERSONESVS.

XXIII.

Chersonesus Thraciæ post Melanem sinum est, interque eum & Hellespontum longe in austrum & Lemnum versus decurrit. Sæpe simpliciter vocatur *Chersonesus*, vt Nepotis Miltiade, accidit, vt Athenienses *Chersonesum* colonos vellent mittere: item, *Chersoneso* tali modo constituta. * Liuius lib. xxxi cap. xvi inde progressus ad *Chersonesum*, Eleunta & Alopeconnesum, tradentibus ipsis, recipit. Adde Herodotum lib. vi cap. xxxiii, & lib. vii cap. lviii.

XXIV.

Ab isthmo eius incipiendum, in quo tres vrbes numerantur. Excerpta Strabonis libri vii extremi: ἐν τῷ ἰσθμῷ τῆς Χερσονήσου τρεῖς πόλεις κείνται· πρὸς μὲν τῷ Μέλανι κόλπῳ, Καρδία· πρὸς δὲ τῇ Προποντίδι, Πακλύη· πρὸς δὲ τῇ μεσογείᾳ Λυσιμαχία. μήκος τῆς ἰσθμοῦ ἑξάδια μί. In isthmo *Chersonesi* tres vrbes sitæ sunt: ad Melanem sinum *Cardia*; ad Propontidem *Pactye*: in mediterraneo *Lyfimachia*. Plinius lib. iv cap. xi Alius ibi isthmus angustia simili est, eodem nomine & pari latitudine. Illustrant duæ vrbes utrimque litora, quæ haud dissimili modo tenuere, *Pactye* a Propontide: *Cardia* a Melane sinu.

XXV.

Prima harum *Cardia*, ** *Καρδία*, vrbs antiqua, Herodoto dictis locis, Scylaci, & in Eumenis historia Plutarcho ac Nepoti memorata. Nomen Plinius a situs figura ducit, ex facie loci nomine accepto: quod Solinus cap. x expressit clarius: quod in cordis faciem sita sit, dicta *Cardia* est. Stephanus aliter; quum conderetur, quod coruus victimæ cor rapuisset. *Lyfimachus* deleuit, & in proximo loco *Lyfimachiam* suam condidit, reductam vtriusque a mari, quum *Cardia* ad sinum Melanem fuisset adposita. Pausanias Attic. cap. ix de *Lyfimacho*: τὴν Καρδιανῶν πόλιν ἀνελόν, Λυσιμαχίαν αὐτῷ αὐτῆς ὤκισεν ἐπὶ τῷ ἰσθμῷ τῆς Θρακίας Χερσονήσου, quum *Cardianorum* urbem euer-tisset, pro ea *Lyfimachiam* in isthmo Thraciæ *Chersonesi* condidit. Gentile enim *Cardianus*, & Nepos principio Eumenis vitæ: *Eumenes Cardianus*.

XXVI.

Desiit autem post *Lyfimachum* *Cardiæ* mentio, & *Lyfimachia* in locum prope & memoriam successit. Polybius lib. v cap. xxxiv in rebus Thraciæ cum Aeni & Maroneæ mentione, τῶν κατὰ Λυσιμαχείαν τόπων, locorum quæ prope *Lyfimachiam* sunt sita. Liuius lib. xxxiii cap. xxxviii Metus tum incolentes alias *Chersonesi* vrbes in deditionem dedit. *Lyfimachiam* inde omnibus simul naualibus terrestribusque copiis [rex Antiochus] venit. quam quum desertam ac stratam prope ruinis inuenisset, (ceperant autem direptamque incenderant Thracæ paucis ante annis) cupido eum restituendi nobi-lem

* Et *Chersonesum* Atheniensium esse dicit Demosthenes & Aeschines de falsa legat. pag. 256 A.

** Demosthenes Philipp. III pag. 4 B Χερσονήσου τὴν μέγιστην πόλιν Καρδίαν dicit, *Cardiam* maximam *Cherronesi* urbem. Idem Demosthenes aduers. Aristocrat. pag. 454 C comparat *Cardiam*, propugnaculum *Chersonesi*, cum Chalcide Eubœæ, vnde in Bæotiam incurius pateat. Quare Philippum regem Macedoniæ ad illam oculum adiecisse dicit.

lem urbem, & loco sitam opportuno cepit. Itaque omni cura simul est adgressus & tecta murosque restituere, & partim redimere seruiantes Lysimachienses, partim fuga sparsos per Hellespontum Chersonesumque conquirere contrahereque, partim novos colonos, spe commodorum proposita, adscribere, & omni modo frequentare. Vides hinc fata huius urbis, conditæ, deletæ, restitutæ. Iterum Liuius lib. xxxviii cap. xl de Manlio: inde per Chersonesum modicis itineribus, graue præda omnis generis agmen trahens, Lysimachiae statua habuit. - - Quo profectus est ab Lysimachia die, ad amnem Melara, quem vocant; inde postero die Cypsela peruenit. Rursus hæc vrbs postea decreuit. Plinius dicto loco: deseritur & Lysimachia iam in Chersoneso. Ptolemæus lib. iii cap. xi Λυσιαχία τὸ νῦν Ἑξαμίλιον, Lysimachia, quæ nunc Hexamilium. Quamquam vero interierat Cardia, geographi tamen memoriam seruant vna cum Lysimachia, vt olim claram, quod in Melæ ii cap. ii & Ptolemæi iii cap. xii obseruamus.

XXVII.

Tertia vrbs, isthmo tributa a Strabone ac Plinio, Πατῦς, πατῦς, vocatur, Propontidis oræ adposita, Ptolemæi æque ac Strabonis supra producto testimonio: quibus Plinius accedit itidem verbis antea adlatis, cui Πατῦς a Propontide sita est, sicut Cardia a Melane sinu. Scylax in Thracia: ἐκ Πατῦς εἰς Καρδίαν διὰ τῆς ἀνχίρας περὶ τὰς ἑκατὰ μί, ἐκ Θαλάττης εἰς Θάλατταν, A Patya Cardiam per isthmi angustias sunt stadia xl, a mari ad mare.

XXVIII.

Ab isthmo ad latera Chersonesi progredimur, quæ ob auctorum disensionem non facillima ad describendum sunt. Ptolemæus occidentale ducit a Cardia ad Mastusiam promontorium, sed nihil his terminis interiectum memorat: in australi solum Eleuntem habet: in orientali Cyllam, Seston, Callipolim. Pomponius Mela lib. ii cap. ii, quæ ad laterum discretionem faciant, hæc habet: Est Eleus, quæ finit Hellespontum. - - Eius [Aegæi] tractum legentibus, præteruectisque Mastusiam, tum sinus intrandus est, qui alterum Chersonesi latus abluens, iugo facie vallis includitur, & ex fluuio quem accipit, Melas dictus, duas vrbes amplectitur, Alopeconnesum, & in altero isthmi litore sitam Cardiam. Quæ si ita sunt, Mastusia in occasum spectat, vt quoque posuit Ptolemæus. Sed Plinius ab his videtur dissentire, quum lib. iv cap. xi ait, promontorium Chersonesi Mastusiam aduersum Sigeo esse, quibus verbis ad orientem potius quam occidentem videtur referri. Quod enim aduersum est alicui, e regione eius ac ex propinquo opponitur. Sed duo valent aduersus vnum, & Mela per se aduersus Plinium, qui Melam plerumque in aliis sequutus est. Plinium tamen non nihil Isacivs Tzetzes, Lycophronis vetus interpretes, iuuat, qui in vers. 534 ad vocem Μαζυσία (quæ eadem & Μαυσία est, quia μαζος & μαυς idem) pag. 93 commentatur: οἱ μὲν ἄλλοι ἢ Μαζυσία λέγουσι μετὰ τῆς ἀφῆς, καὶ φασὶν αὐτὴν ἀκρωτήριον εἶναι Ἐλεῦντος, Alii quidem Mazusia cum articulo [tamquam proprium nomen] legunt, & promontorium Eleuntis esse perhibent. Quod si est, ad orientem referendum est australis lateris, vbi Eleus ad Hellespontum est: quam

quam sententiam quoque Isaacus Vossius ad Melam pag. 130 sequutus est. Sed paullo ante Mela Mastusiam frontem Chersonesi, quasi totum latus australe, nominavit. *Terra, inquit, quæ sequitur nusquam lata, atque hic arctissima inter Hellespontum Aegæumque procurrit. Angustias Isthmon; frontem eius Mastusiam; totam, Chersonesum adpellant, ob multa memorabilem. An ergo inde aliquid conciliationis est?*

XXIX.

Haud procul ab hoc promontorio Αλωπεκόννητος, *Alopeconnesus* abfuit, quia Mela dixit, Melanem sinum duabus oris duas vrbes amplecti Cardiam & Alopeconnesum. Nomen præ se insulam fert: ideoque Plinius etiam lib. iv cap. xii in insulis connumeravit, sed deceptus haud dubie vocabulo. nam ceteri omnes in Chersoneso posuerunt. Liuius lib. xxxi cap. xvi post Aeni, Cypselorum & Dorisci expugnationem de Philippo rege: *Inde progressus ad Chersonesum, Eleunta & Alopeconnesum, tradentibus ipsis, recepit. Callipolis quoque & Madytos dedita.* En inter medias Chersonesi vrbes Alopeconnesum! * Suidas: Αλωπεκόννητος πόλις ἐστὶ μία τῶν ἐν Χερσονήσῳ, *Alopeconnesus est vrbs quædam illarum quæ sunt in Chersoneso.* Et Stephanus simplici N, Αλωπεκόννητος, πόλις τῆς Ελληνιστικῆς Χερσονήσου, *Alopeconnesus, oppidum Hellesponticæ Chersonesi.* Et Scymnus, siue Heracleota pag. 29 post Lyfimachiae descriptionem:

Ἐἰτ' Αἰολέων Αλωπεκόννητος πόλις.

Ἐξῆς Ελαιῶς Ἀττικὴν ἀποικίαν ἔχουσα.

Deinde vrbs Alopeconnesos ab Aeolis condita,

Post quam Eleus Atticam habens coloniam.

XXX.

Plinius circa hoc & australe latus plura addit lib. iv cap. xi. *Promontorium, inquit, Chersonesi Mastusia aduersum Sigeo: cuius in fronte obliqua Cynossema. Ita adpellatur Hecubæ tumulus, statio Achæorum. Turris & delubrum Protefilai. Et in extrema Chersonesi fronte, quæ vocatur Aeolium, oppidum Eleus. Dein petenti Melanem sinum, portus Cælos, & Panhormus, & supra dicta Cardia.* At dictum antea, Plinium, secus ac ceteros, in ortum nimis Mastusiam promontorium protulisse ad Hecubæ tumulum & stationem Achæorum, quam ad Hellespontum fuisse æque vt Protefilai turrim, propter Troiæ positionem credibile est. De his Pomponius prædicto loco: *Sunt Protefilai ossa consecrata delubro. Est & portus Cælos, Atheniensibus &*

Ttt ttt

Lace-

* Patet idem ex Demosthene de Coron. pag. 326 A. Χερσονησιτῶν οἱ κατοικοῦντες Σησόον, Ελεῦσα, Μάδυτον, Αλωπεκόννητον σεφανῶσιν Ἀθηναίων τὴν βελὴν καὶ τὸν δῆμον χρυσῶ σεφανῶ. *E Chersonesitis, qui Sestum, Eleunta, Madytum, Alopeconnesum habent, senatum populumque Atheniensem corona aurea donant.* Situm Alopeconnesi præclare describit Demosthenes aduers. Aristocrat. pag. 452 B. Οὐ γὰρ ἡλδομεν εὐδαμῆ τῆς Θράκης· ἀλλ' ἐπ' Αλωπεκόννητον, ἡ χερσονήσος μὲν ἐστὶ καὶ ἡν ἡμετέρα, ἀκρωτήριον δ' ἀνέχον πρὸς τὴν Ἰμβρον ἀπώλετο τῆς Θράκης. ληστῶν δ' ἡν μετὰ καὶ καταποντιστῶν. Ἐνταῦθα ἐλθόντων ἡμῶν καὶ πολιτοκρύντων τῆς πόλεως, πορευθεὶς διὰ χερσονήσου πάσης τῆς ἡμετέρας, ἡμῖν μὲν προσέβαλλεν, εἰσὶν δὲ τοῖς λησταῖς καὶ καταποντισταῖς. *Nec enim usquam in Thraciam venimus, sed in Alopeconnesum cogitabamus, quæ & ad Chersonesum pertinet, & nostra fuit, & promontorium Imbrum versus eminens longissime a Thracia remotam, quæ prædonibus & piratis referta erat. Huc igitur quum venissemus, & latrones obsideremus, profectus per omnem vestram Chersonesum & impetum in nos faciebat & prædonibus ac piratis opitulabatur.*

Lacedaemoniis navali acie decernentibus, Laconica classis signatus excidio. Est Cynossema, tumulus Hecubæ, siue ex figura canis, in quam conuersa creditur; siue ex fortuna, in quam deciderat, humili nomine accepto.

XXXI.

Ex hisce intelligitur, *Protesilai turrim*, seu sepulcrum, cum *delubro* ad Hellespontum fuisse, quo loco Græci sub Agamemnone in Asiam aduersus Troiam traiecerunt: & quidem, quod Arrianus lib. i Exped. Alex. tradit, ad extremam oram Hellesponti fuit, vbi australi lateri Thraciæ Chersonesi ille coniungitur. Alexander enim, Arriano referente pag. 31, ἐλθὼν ἐς ἐλεῦντα θύει Πρωτεσίλαον ἐπὶ τῷ τάφῳ τῆς Πρωτεσίλαος, *quum Eleuntem venisset, Protesilao ad sepulcrum Protesilai sacrificauit.* De Protesilai forte, primi ex Græca classe in Asiam exscendentis, primique a Troianis interfecti, præter Arrianum dicto loco, Hyginus fab. ciii consulatur. Ouidius lib. xii Metam. vers. 67

- - - *Heclorea primus fataliter hasta,
Protesilæ, cadis.*

XXXII.

Inter hoc Protesilai monimentum & oppidum Sestum, fuit etiam *Cynossema* siue *Hecubæ tumulus*; sub promontorio forte huius nominis, aut in illo. Thucydides, qui diuisit vocabulum, lib. viii pag. 618 ἄκρα ἢ κυνὸς σῆμα καλεῖται, *promontorium quod canis sepulcrum vocatur.*

XXXIII.

Prope illud fuit *portus Cælos*. Nam Mela tradit ad hunc portum victos Spartanos esse ab Atheniensibus, quod in hoc tractu nusquam contigit nisi gemino prælio inter Sestum & Abydum commissio, quod vtrumque Diodorus Siculus descripsit lib. xiii. nam de priore ait cap. xxxix μεταξὺ Αἰδύδης καὶ Σηστῆς τῆς ναυμαχίας γινομένης, *quum inter Abydum & Sestum pugna navalis institueretur.* Et cap. xl victores Athenienses ἐσησαν τρεῖς πικρὸν ἐπὶ τῆς ἀκρας, & τὸ τῆς ἑκάτης ἐστὶ μνημεῖον, *tropæum in promontorio erexerunt, vbi Hecubæ sepulcrum est.* Ergo & Cynossema seu Hecubæ monimentum, & *portus Cælos* prope Sestum sunt, quod Ptolemæus confirmat, qui *Cyllam* (κύλλα est Græce) ab Sesto meridiem versus adposuit Hellesponto. Accedit quod Isaacus Vossius ad Melam notauit, in MSS. Ptolemæi esse κοῖλα, *Cæla*, pluraliter. Plinius quidem videtur *portum Cælum*, ad latus occidentale reducere, quum dixit ab Eleunte finem Melanem petenti occurrere *portum Cælum*, deinde *Panormum*, tandem *Cardiam*: sed contra trium consensionem nequaquam audiendus est. *Panormum* vero, de quo nihil aliunde constat, in illo latere, quo Plinius posuit, relinquemus.

XXXIV.

Eleús siue *Eleús* * oppidum, portus, promontorium, in extremo latere meridiali, vbi orientale & Hellespontum contingit, & sic quasi ambiguo situ. Ptolemæus in australi locat: Stephanus ἐλευθερία πόλις ἐν ἑλλησπόντῳ,

* Τὰ ὑπόλοιπα τῶν ὑμετέρων χωρίων Κερκυρῆν καὶ ἑλεῦντα ἐτολίσθη. Reliquæ in Chersoneso urbes vestras Cithoren & Eleunta oppugnabat. Demosthen. aduers. Aristocrat. p. 451 A.

τω, *Elæus vrbs in Hellesponto*, quod latus Chersonesi orientale est. Quem situm etiam Arrianus Exped. Alex. lib. i pag. 32 monstrauit; ἐξ Ελεῦντος, ex *Eleunte* Alexandrum in portum Achæum per Hellespontum traiecisse, ex eoque in Asia primum posuisse pedem, indeque venisse Ilium. Et Pomponius Mela lib. ii cap. ii *Est Eleûs quæ finit Hellespontum. Aegæum statim pelagus vaste longum litus impellit.*

XXXV.

Quod ideo monstrandum erat curatius, quia Ptolemæus ab Hellesponto occasum versus quodam spatio, sed perperam, reduxit. Scribitur ambigue. Herodotus, Arrianus, Strabo excerptis extremis, & ex Latinis Mela, vt in optimis libris est, e simplici hoc nominis scripserunt Ελεῦς, *Eleûs*: contra Thucydides vltimo Peloponnesiaci belli prælio, Ptolemæus, Stephanus, & Plinius diphthongo, Ελαῖς *Elæûs*. * De genere Strabo lib. vii extr. ἡ πόλις ὁ Ελεῖς ἀρσενικῶ λέγεται, *vrbs, hic Eleûs, virili genere dicitur.* Nihilominus Mela dicto loco: *Est Madytos, est Eleus, quæ finit Hellespontum.* De portu iam dictum ex Arriano, cui Herodotus lib. vii cap. xxi adiungi potest: promontorium quod adiacet, Ptolemæus supra Elæuntem statuit hoc ordine

Ελαῖς

Elæûs,

καὶ τὸ ἐχόμενον ἄκρον,

ἔς adherens promontorium,

κύλλα [κοῖλα]

Cylla, [Cæla]

Σητός

Sestus.

Vossius in Melam id *Mastusiam* promontorium esse contendit, quod Ptolemæus in extremo occidentis latere posuerat.

XXXVI.

Sestus, Σητός, vrbs medio Hellesponto adposita, cui in Asia Abydus obiacet, freto septem vel octo spatiorum interfluente, amoribus Herûs & Leandri famosa, quæ inde Σησιαῖς Ἡρώ, *Sestias Hero* a Musæo vers. 24 dicta, cuius etiam ante paullo vers. 16 hæc est descriptio:

Σητός ἐν καὶ Ἀβυδος ἐναντίον ἑγγυθι πόντι,

Γείτονές εἰσι πόλεις,

*Sestus erat ἔς Abydus e regione positæ prope mare:**Vicina sunt oppida.*

Et Lucanus lib. ii vers. 674 de Xerxis ponte:

Europamque Asiæ, Sestonque admonit Abydo.

Et Thucydides lib. viii pag. 588 de Strombichide, Atheniensi duce: ἐπ' Ἀβυδὸν ἦλθε καὶ ὡς ἔτε προσεχώρεν, ἔτε προσβαλὼν ἐδύνατο εἰλῆν, ἐς τὸ ἀντιπέρασ τῆς Ἀβύδου ἀποπλεύσας, Σητὸν πόλιν τῆς Χερσονήσου καθίστατο Φρέριον καὶ Φυλακὴν τῇ παντὸς ΕΛΛΗΣΠΟΝΤΟΣ, *ad Abydum venit: ἔς quum oppidani neque se dederent, nec expugnari possent, in oppositum Abydo litus nauigans, Sesto præsidium imposuit, quod totum Hellespontum custodiret.* Pomponius lib. ii cap. ii *Est ἔς Abydo obiacens Sestos, Leandri amore nobilis.* Gentile *Sestius.* Stephanus: ὁ πολίτης

Ttt ttt 2

Σησιος.

* Zosimus quoque libr. II cap. 23 extrem.

Σήσιος. Nummus Gordiani, ΣΗΣΤΙΩΝ. Hodie famosi *Dardanelli* sunt, vbi Sestus & Abydos erant.

XXXVII.

Supra Seston memorabile est *Aegos flumen*, quod ita vocat Corn. Nepos Lyfandro cap. i v, Alcibiade cap. viii, & Conone cap. i. vbi a Lacedaemoniis Athenienses tanta clade adfecti sunt, vt libertatem & omnia amitterent. Stephanus urbem vocat: *Αἶγος ποταμοῖ, πόλις ἐν Ἑλλησπόντῳ, Caprae flumina, oppidum in Helleponto*. Sic etiam Tzetzes Chiliad. ii vers. 894

ἐν ποταμοῖς τοῖς τῆς Αἶγος Ὀράνης δὲ τὸ πᾶν πόλιν,

In fluminibus Aegos: Thraciae hoc oppidum est.

Vulgo, vt nomen fert, putatur amnis esse: aut nauium statio, quia Diodorus Siculus lib. xiii cap. cv, & Plutarchus Alcib. p. 211 classem ἐν Αἶγος ποταμοῖς * stetisse tradunt. Forfan ita conciliari potest, vt amnis & oppido, quod praefluebat, & nauali, in quod effunditur, nomen largitus fuerit.

XXXVIII.

Suprema ad Hellepontum, vbi Propontidi iungitur, *Callipolis* est, quae ita Lampfaci, vt Sestus Abydo in Asia opponitur. Plinius lib. i v cap. xi *Hellepontus septem stadiis Europam ab Asia diuidens, quatuor inter se contrarias vrbes habet, in Europa Callipolim & Seston; & in Asia Lampfacum & Abydon*. Eadem Strabo lib. xiii pag. 405 ἐν δὲ τῇ περὶ αἴα τῆς Χερσονήσου πολίχνιον ἐστὶ καλλιπόλις. καίτοι δ' ἐπ' αὐτῆς ἐκκειμένη πολὺ πρὸς τὴν Ἀσίαν κατὰ τὴν Λαμψακηνῶν πόλιν, ὥς τε τὸ διάστημα μὴ πλεον εἶναι τετραράκοντα σταδίων. E regione [Lampfaci] in Chersoneso oppidulum est *Callipolis*. situm in litore quod longe extenditur ad Asiam versus, secundum Lampfacenorum urbem: vt traiectus sit minor quam xl stadiorum. Strabonem excrispsit Stephanus, sed prauatus in hac periodo & mutilus. Ptolemæus quoque eodem situ καλλιπόλιν, *Callipolim* suam posuit. Liuius lib. xxxi cap. xvi *Inde progressus* [Philippus] *ad Chersonesum, Eleunta & Alopeconnesum, tradentibus ipsis recepit. Callipolis quoque & Madytos dedita & castella quaedam ignobilia*. Nomen hodieque seruat, validum propugnaculum Turcorum.

XXXIX.

Hæc in ora *Chersonesi*, quam ab Asia *Hellepontus* seiungit, fretum ab Helle in eo submersa nominatum, vt in fabulis est apud Hyginum Poet. Astr. lib. ii cap. xx in Ariete. Aries enim fingitur, qui Phrixum & Hellen, sororem eius, Athamantis regis filios gestauerit, ex quo Helle decidente, nomen mari natum sit. Adde Ouidii epistolam Leandri v. 137 seqq. & qua Hero illi respondet vers. 123. 128. De angustia supra diximus: non autem breue id fretum est, quod iungit Propontidem Aegæo. Ouidius *Metamorph. xiii vers. 407*

Longus in angustum qua clauditur Hellepontus.

XL.

* Dinarchus contra Demosthenem pag. 96 C, οἷς ἐπ' Αἶ, ὅς ποταμοῖς ἐγένετο, qualia in Caprae fluminibus facta sunt. Adde Demosthen. aduers. Aristocrat. pag. 458 C. Ὅτ' ἐν Αἶγος ποταμοῖς ἡτυχήσαμεν ἡμῶς, quum ad Caprae flumina infelices fuimus.

XL.

Mediterranea Chersonesi non satis nota sunt. Superiori loco fuit *Αγορά*, *Agora*, quasi forum. Scylax: *πολις ἐν τῷ μέσῳ, ἢ ὄνομα Αγορά*, oppidum in medio [Chersonesi] est, cui nomen *Agora*. Herodotus lib. vii cap. LVIII de transitu Xerxis per Chersonesum: *ἐν δεξιῇ μὲν ἔχων τὸν Ἑλλης τάφον τῆς Αθάμαντος, ἐν ἀριστερῇ δὲ Καρδίην πόλιν. διὰ μέσης δὲ πορευόμενος πόλιος, τῇ ὀνομα τυγχάνει εὖν Αγορῇ* ἐντεῦθεν δὲ κάμπησαν τὸν κόλπον τὸν Μέλαινα καλεόμενον, dextrorsum tumulum Helles habens Athamantis filiae; sinistrorsum Cardiam urbem transiit, per medium oppidum, cui nomen est *Agora*. Vnde ad sinum *Melana* deflecebat.

XLI.

Deinde est *Cissa* oppidum, ad *Aegos flumen*, quod adluit. Plinius lib. iv cap. xi *Chersonesus a Propontide habuit Tiristasin: Critbotem: Cissam flumini Aegos adpositam*. Non certissimum hoc nomen est. Scylacis enim Periplo legitur: *ἐντὸς δὲ Αἰγὸς ποταμῷ Κρήτσα, Κρηθωτὴ Πακίση*, intra *Aegos flumen Cressa, Crethote, Pactye*. Dubium ergo, sitne *Cissa*, an *Crissa*, an *Cressa* hoc loco legendum, quia eandem urbem & Scylax & Plinius, cuius flumen idem, significare videntur.

XLII.

Tiristasis Plinii etiam a Scylace *Τειρίσασις** vocatur, sed huic extra Chersonesum posita. Ait enim, *μετὰ τὴν Χερρόνησόν ἐστι Θράκεια τείχη ταδε: πρῶτον, Λευκὴ ἀκτὴ, Τειρίσασις, Ἡράκλεια, Γάνος, Γανία, Νέον τείχος, Πέρινθος πόλις καὶ λιμὴν*. Post Chersonesum Thracica oppida hæc sunt: primum, *Litus album, Tiristasis, Heraclea, Ganus, Gania, Novus murus, Perinthus urbs cum portu*. Satis confuse, ut adparet: & quo iure *Ganus* ac *Gania*: *Heraclea* & *Perinthus* separentur, nondum intelligo: ut sic quoque in incerto relinquendum sit, uter horum, Plinius an Scylax in *Tiristasi* a vero loco aberraverit.

XLIII.

*Crithote*** Plinii, etiam *Heracleotæ* seu *Scymno* pag. 29 *Κρηθωτὴ* scripta est

Ἔστι ἐν Κρηθωτῇ, πόλις τε Πακίση.

Deinde *Crithote* est, ἢ urbs *Pactye*:

quæ scriptura utique præferenda est alteri *Κρηθωτὴ*, *Crethote*, quæ erat Scylacis: & Ptolemæi *Critheæ*, quamquam hæc in Græco textu non adparet, quo versus aliqui desiderantur; sed tantummodo in Latina interpretatione est posita, & tabula Agathodæmonis, quam etiam in situ constituendo sequuti sumus. De reliquis ex Periplo Scylacis adductis, extra Chersonesum, ubi ipse constituit, dispiciemus.

XLIV.

Madytos in eodem tractu fuit, aliquoties a Liuvio memorata. Lib. xxxi

Ttt ttt 3

cap.

* *Τειρίσασις* a Philippo rege Macedonum adpellatur in litteris, Demosthenis operibus insertis, pag. 62 A, ubi etiam situs eius satis lucide ostenditur. Ei finitima Thracia esse dicitur.

** Vide Demosthen. aduers. Aristocrat. pag. 451 A, verba supra ad §. 35 produximus.

cap. xvi *Progressus ad Chersonesum* [Philippus] *Eleunta & Alopeconnesum*, tradentibus ipsis, recepit: *Callipolis quoque & Madytos dedita, & castella quaedam ignobilia.* Et lib. xxxiii cap. xxxviii *Ipse* [rex Antiochus] *initio veris, nauibus ab Epheso profectus, Hellespontum petit: terrestres copias Madytum traiecit, Chersonesi urbem: terrestri naualem exercitum iunxit. & quia clauserant portas, circumdedit mœnia armatis, & iam opera admoventi deditio est facta.* Ptolemæi interpret Latinus, & auctor tabulæ ad eundem, *Madi* habent, quod, licet curtatum, locum tamen positionis quodammodo nos docuit, quum aliunde certior haberi non possit; ex Liuius solum probatur, haud longe ab Hellesponto hanc urbem abfuisse.

XLV.

Supereft locus, cui nomen erat *Chidria*, τὰ Χείδρια, quo refugerunt Athenienses, circumuenti & victi ad Aegospotamos. Xenophon post initium lib. ii de rebus Græcor. pag. 268 τὰς πλείους ἀνδρας ἐν τῇ γῇ ξυνέλεξαν οἱ δὲ καὶ ἔφυγον εἰς τὰ Χείδρια, maior hominum pars in terra capta: reliqui auferunt in Chidria. Plura de loco hoc non constant: nec litoralis fuerit, an mediterraneus, discerni potest facile: in litore vero & nauibus plus spei ad fugam habuisse credibile est.

XLVI.

Procopius de ædific. lib. iv cap. x de Iustiniani operibus in Thraciæ Chersoneso, præter Sesti, Callipolis & Elæuntis reparationem refert, πόλιν Αφροδισιάδα ἐρύματι ἐχυρωτάτῳ περιβάλλειν, ἀτείχιστον ἐκ τῶ ἐπιπλεῖστον τὰ πρότερα ἔσαν. Καὶ Κίβεριν πόλιν ἐπ' ἐδάφους κειμένην, τειχίῃ πεποιημένην, ξυνώκισεν, Urbem Aphrodisiadem, undique fere nudam, mœnibus firmissimis cinxit: urbi Ciberi, quæ euersa iacebat, muros atque incolas dedit, & alia ornamenta. Sed neque Ciberis positionem demonstrare possumus; neque Aphrodisias ab Antonino itinere a Traianopoli Callipolim, inter Apros & Callipolim posita intra Chersonesum cadit, sed extra illam supra Cardiam in mediterranea.

O R A P R O P O N T I D I S
E T P O N T I.

XLVII.

Supra isthmum Chersonesi in ora Propontidis est primum *Macrontichos*, Μακρὸν τεῖχος, id est *Longus murus*, quem Plinius ita lib. iv cap. xi descripsit: *Oppida: Cypsella, Bisanthe, Macron Tichos dictum, qua a Propontide ad Melanem sinum inter duo maria perrectus murus procurrentem exclusit Chersonesum.* Haulit ex Melæ lib. ii cap. ii qui eadem præiuit: *Post* [Bisanthen & Cypselam] *locus quem Graii Μακρὸν τεῖχος adpellant, & in radice magnæ peninsulae sedens Lysimachia.* Ptolemæus Μακρὸν τεῖχος, *Longum murum* velut oppidum ad Propontidem inter Pactyen & Bisanthen habet positum, vt de situ dubitare, si oppidum quoque eius nominis fuit, saltem de termino muri, non liceat. Non autem hic cum alio Longo muro, posteriori ætate

ætate a Propontide ad Pontum ducto, ut tutior in medio ad Bosporum sita Constantinopolis esset, confundatur, de quo in Thracia medii ævi sumus dicturi.

XLVIII.

Bisanthe * ergo ad Propontidem fuit: quod etiam Mela adfirmavit. In Propontide, inquit, *Selymbria*, *Perinthos*, - - - tum *Rheso* regnata quondam pars Thraciæ; & *Bisanthe* Samiorum. Samiorum coloniam etiam *Stelphanus* dixit, quamquam perperam ad Macedoniam reduxit: *Βισάνθη πόλις Μακεδονίας κατὰ Θράκην Ἑλληνίς, ἀποικὸς Σαμίων*, *Bisanthe* urbs Græca Macedonia iuxta Thraciam, Samiorum colonia. Dicta etiam fuit *Rhædestus*, vel *Rhædestum*, præsertim ævo posteriori. *Ptolemæus* lib. III cap. XI *Βισάνθη ἦτοι Ραιδεσόν*, *Bisanthe* siue *Rhædestum*. *Procopius* de Aedific. lib. IV cap. IX *Ηρακλείας δὲ ἀποθεν ἡμέρας ὁδὸν χωρίον ἐπιθάλασσιον ἦν, Ραιδεσὸς ὄνομα, παρὰ πλὴ μὲν ἐφ' Ἑλλησπόντος καλῶς κείμενον· εὐλίμενον δὲ καὶ τῇ κατὰ θάλασσαν ἐργασία ἐπιτηδείως ἔχον*. *Rhædestus* erat locus maritimus, vnius diei itinere ab *Heraclea* distans, commodo ad *Hellespontum* enavigandum situ; portu facili, & ad maritimum commercium peropportuno. *Suidas*: *Ραιδεσὸς, πόλις, Rhædestus, oppidum quoddam*. *Abr. Berckelius* ad *Stephani* *Βισάνθη* censet, eundem locum esse, quem *Resiston* duobus itineribus *Antoninus* dixit, quasi prauato nomine ex *Ptolemæi*, *Procopii*, & *Suidæ* *Rhædesto*. Sed eruditissimi viri pace dissentimus. Quisquis enim istius itinerarii auctor est, *Resiston* in via posuit, quæ ab vrbe *Apris* fert *Heracleam*, ut inter vtramque sit media. *Bisanthe* autem extra illam viam erat publicam.

XLIX.

Bisanthæ Ganum adiungimus, incerti quamuis, quo loco accedat aut latere. *Plinius* IV cap. XI In ora amnis *Erginus*: oppidum fuit *Ganus*. Quod fuit, olim euersum erat. *Scylax*, *Τερίσσις, Ηράκλεια, Γάνος*. *Xenophon* lib. VII Expedit. *Cyri* pag. 241 *ἐπειδὴν ἐπὶ θάλατταν ἀπέλθοι, παραδῶται αὐτῷ Βισάνθη, καὶ Γάνον, καὶ Νέων τείχος, quum ad mare venerit, tradet ei Bisanthen, & Ganum, & Nouum munimentum*. Est & *Hierocli* *Γάνος, Ganus*, inter episcopales vrbes in prouincia Thraciæ Europa. Ex dictis adparet, *Xenophontis* maxime, in ora fuisse Propontidis.

L.

Sequitur apud *Ptolemæum* amnis *Arzus*, inter *Bisanthen* & *Perinthum* in Propontidem se effundens: & tum ipsa vrbs *Perinthus*, ** quæ posteriori ævo *Heraclea* est adpellata. *Ptolemæus*, *Πέρινθος ἦτοι Ηράκλεια, Perinthus siue Heraclea*. *Zosimus* lib. I cap. LXI de Aureliano: *διατρίβοντι αὐτῷ κατὰ τὴν Πέρινθον, ἣ νῦν Ηράκλεια μετωνόμασται, συνίσταται τις ἐκβελή*. *Commoranti* apud *Perinthum*, quæ mutato nomine iam *Heraclea* dicitur, insidiæ factæ sunt. *Sozomenus* H. E. lib. VI cap. VII *Hypatianum* dicit τὸν *Ηρακλείας* τῆς

* *Xenophon* lib. VII expedit. *Cyri* pag. 402 C, καὶ Βισάνθη οὐκ ἔστιν ὁδῶσα, ὅπερ ἐμοὶ κάλλιστον χωρίον ἐστὶ τῶν ἐπὶ θάλαττῃ, ait *Seuthes* ad *Xenophontem*. Ac *Bisanthem* sedem dabo, quod mihi pulcerrimum est oppidum eorum, quæ ad mare adiacent.

** Apud *Perinthum* *Heræum* fuit, si *Herodoto* credas lib. IV cap. 90. Conf. etiam *Demosthen.* orat. ad *Philippi* epist. pag. 65 B.

τῆς Περὶνθος ἐπίσκοπον, *Heracleæ Perinthi episcopum*. Antiquum autem nomen *Perinthus* erat. Situm ita descripsit Diodorus Siculus libr. xvi cap. LXXVII ἡ Περὶνθος καίτοι παρὰ θάλατταν ἐπὶ τινος αὐχένος ὑψηλῆς, χερρὶ ῥονήσεως διακρινέται ἐκείνης τὸν αὐχένα. τὰς δὲ οἰκίας ἔχει πεπυκνωμένας, καὶ τοῖς ὕψεσι διαφέρουσας. αὐταὶ δὲ ταῖς οἰκοδομαῖς αἰεὶ κατὰ τὴν εἰς τὸν λόφον ἀνάβασιν ἀλλήλων ὑπερέχουσι, καὶ τὸ κῆμα τῆς ὅλης πόλεως θεατροειδὲς ἀποτελεῖται. *Perinthus ad mare sita est in edito peninsula iugo, ad stadii longitudinem porrecto. aedes inter se confertas & altitudine conspicuas habet. nam aliae identidem alias pro acclivitate collis supereminent, formaque urbis quamdam theatri similitudinem refert.* De peninsula ita Plinius lib. iv cap. xi *Perinthus latitudine cc passuum continenti adnexa.* Marcianus Heracleota sub finem Perieges. p. 29

- - - - Σαμίων ἀποικία

Περὶνθος ἐστίν, ἐχομένη ἡ Σηλυμβρία,

- - - - *Samiorum colonia*

Perinthus est; proxima Selymbria.

Quando mutatum nomen fuerit, non est liquidum. Ptolemæus si se recte habet, nec recentiore manu de Heraclea illud (ἦτοι Ἡράκλεια) adscriptum est, satis antiquum & alterum hoc nomen est. Dubitare vero liceat, quia posteriores nummi Seueri & filiorum prioris tantum nominis rationem habent. Nummus Mediceus, prodente illustri Spanhemio pag. 826 ΕΠΙΔΗΜΙΑ Β. ΣΕΥΗΡΟΥ ΠΕΡΙΝΘΙΩΝ ΝΕΩΚΟΡΩΝ, *Aduentus II. Seueri, Perinthiorum Neocorôn.* Et Getæ nummus apud Harduinum p. 398 ΠΕΡΙΝΘΙΩΝ ΝΕΩΚΟΡΩΝ. Posteriores *Heracleam* adpellant, Vopiscus & Eutropius, ubi necem Aureliani describunt: & Philostorgius lib. viii cap. xvii τῆς ἐν Θράκῃ ἐφορεύων Ἡρακλείας, & lib. ix cap. xiv ὁ Δωρόθεος ἐξ Ἡρακλείας τῆς Θράκης, id est episcopus Heracleensis. Dignitatem Procopius lib. iv de Aedific. cap. ix declaravit, τὰ πρωτεῖα, *primum locum* provinciae ante Constantinopolim tenuisse: post dedicatam illam, δευτερεῖα, *secundum.*

LI.

Succedit *Selymbria*, ut modo ex Scymni versu adparuit, & Ptolemæi ordo confirmat, cui, etiam Herodoto lib. vi cap. xxxiii, nec non Straboni lib. vii pag. 221, est Σηλυμβρία: at Scylax & Stephanus scripserunt Σηλυμβρία, quam formam Latini tuentur. Mela lib. ii cap. ii *In Propontide Selymbria, Perinthus Bithynis.* Plinius lib. iv cap. xi *Oppida, Selymbria, Perinthus.* Antoninus itineribus suis nullam eius rationem habuit, quod forsan interciderat: alia vero inter Perinthus & Byzantium posuit, de quibus dicemus postea. Nomen *Selymbriae* Strabo interpretatur Σήλυος πόλις, quia vox βρία, *bria*, θρακιστὶ, lingua *Threcica* sonet oppidum.

LII.

Inter Perinthus & Byzantium duo Antoninus interposuit, *Cænophrurion & Melantiadem*: illud sonat Nouum castellum, ut Pæanius etiam Καίνον Φρούριον vertit Eutropii *Cænophrurium*. Hic enim lib. ix cap. ix narrat, *interfectus est [Aurelianus] in itineris medio, quod inter Constantinopolin & Heracleam est stratae veteris.* *Locus Cænophrurium adpellatur.* Metaphrastes:

ὄνομα

ὄνομα ἐστὶ τῷ τόπῳ καὶ τὸν Φέρειον. Id quod Aurelius Victor iunior, vt solet, iisdem verbis repetiit. Ex quibus illud dispicitur, vltra Selymbriam situm fuisse, quia *in medio itineris* fuisse dicitur ab Heraclea Constantinopolim. Confirmat Antonini iter per Macedoniam Constantinopolim:

<i>Apris</i>	- - - -
<i>Resiston</i>	M. P. XXVI
<i>Heracleam</i>	M. P. XXVI
<i>Cenophrurion</i>	M. P. XXIV
<i>Melantiada</i>	M. P. XXVIII
<i>Byzantium</i>	M. P. XXIX.

Et alio itinere ab Vrbe in orientem idem ordo seruator per *Heracleam*, *Cenophrurion*, *Melantiada*, *Bizantium*, quamquam numerus milliariorum non nihil discrepet. In eandem Vopiscus quoque sententiam concedit in Aureliano cap. xxxv. *Quum iter faceret, apud Cenophrurium, mansionem, quæ est inter Heracliam & Byzantium, malitia notarii sui & manu Mucaporis interemptus est.* Erratum ergo in tabula Augustana est, qua *Cenopurium*, (sic prauè scriptum est) citra Perinthum & Heracleam (nam & hæ ibidem distinguuntur) est constitutum.

LIII.

In tabula eadem est xii millibus ab vrbe *Regium*, *Ρήγιον* Procopii lib. iv de Aedific. cap. viii: vbi data est lex v Cod. Theod. de contrah. emtione.

LIV.

Sed citra *Regium* in illa Peutingeriana Tabula est *Melontiana*, quod legas *Melantiana*, quæ vltima ante Byzantium in Antonini itineribus est *Melantias*, *Μελαντιάς*, locus bene descriptus a Suida. *Μελαντιάς*, inquit, ἡ νῦν περὶ πολλοῖς λεγομένη Μελιτίας, κάμνη τῆς Θράκης, δύο καὶ ἑκατὸν σταδίαις διεσῶσα τῇ Βυζαντίᾳ. παραρρεῖ δὲ αὐτὴν Ἀθύρας ποταμός, ὃς ὀλίγον τι προελθὼν, καὶ ἐπὶ ἄνεμον Κακίαν ὀλίγον τι ἡρέμα ἐκκλίνας, εἰς Προποντίδα τὸν ῥέον ἀπερεύγεται. ἐν δὲν καὶ τὸ πρὸς αὐτῇ ἐπίκειον τὴν ἀπ' αὐτῆς φέρεται προσηγορίαν. *Melantias*, quæ nunc vulgo *Melitias* vocatur, *Thraciæ vicus*, cii stadiis Byzantio distans. *Eum Athyras amnis præterfluit, qui paulum progressus & Cæciam ventum versus declinans sensim, in Propontidem exit.* Hinc & nauale illud, quod in eo litore est, nomen ab ipso fert. Non ergo in litore fuit *Melantias*, sed paullo supra illud: nauale vero ad ostium *Athyrae* fluuii, a *Melantiade* decurrentis, de suo nomen dedit *Melantiacinaualis*, vel simili circumscriptione. *Ammianus Marcellinus lib. xxxi cap. xxxi [Vales. cap. xi] villam dixit Cæsarianam.* *Valens, inquit, excitus Antiochia, venit Constantinopolim: - - - ipse ad Melantiada, villam Cæsarianam profectus, militem stipendio fouebat & alimentis.* *Chronicon Alexandrinum p. 896 ἐπὶ τὰ μέρη Μελαντιάδος, circa Melantiadem.*

LV.

Vltra *Athyram* fluuium, *Byzantium* versus, *Ptolemæus* posuit alium, *Βαθυρίαν*, *Bathyniam*, qui etiam a *Plinio* memoratus est. Videtur *Appiani* *Βιθύας*,

Βιθύας, *Bithyas* esse, bello Mithridatico pag. 296. Mela in hac ora, ut supra vidimus, oppidum habet *Bathynidem* siue *Bithynidem*: quod si fuit aliquod (ceteris enim ignotum est) ad hoc flumen fuisse non est quod dubitemus.

LVI.

Mela huic oræ addit *Erginum* fluuium. Post Selymbriæ, Perinthis & Bithynidis enarrationem, adiungit: *amnes, qui interfluunt, Erginos & Athyras*. Plinius: *in ora amnis Erginus*: sed inter quæ oppida labatur, neuter definiuit. Nec plus indicii pro certiore loco ex Apollonii versu 217 lib. I Argonaut. habemus,

- - - ποταμοὶο παρὰ ρίον Εργίνοιο,
iuxta fluenta amnis Ergini.

Alter fluuius Αθύρας, *Athyras* a Ptolemæo & Suida per θ scribitur: in Melæ autem libris vulgatis *Atyras* sine adspiratione.

LVII.

Hæc in *Propontide*, quod mare est inter Euxinum & Aegæum, vtrunque freto interfluente connexum, ibi, Bosporo Thracio; heic, Hellesponto. Plinius lib. IV cap. XII *Inde [ab Hellesponto] exspatiatur æquor, rursusque in arctum coit: laxitas Propontis adpellatur: angustiae Thracius Bosporus latitudine 15 passuum, qua Darius, pater Xerxis, copias ponte transuexit*. Ouidius lib. III Trist. eleg. XII

*Fas quoque ab ore freti longæque Propontidos undis
Huc aliquem certo vela dedisse Noto.*

Ipsæ *Bosporus* cognominatur *Thracius*, ut ab altero, cui *Cimmerio* cognomen est, discernatur. Ptolemæus lib. III cap. XI *ῥόμα τῆ Πόντι, ὃ καλεῖται Θράκιος Βόσπορος, ὃς Πόντι, quod Thracius Bosporus vocatur*. Arrianus Periplo extremo: *τὰ ἀπὸ τῆ Βοσπόρου, τῆ Κιμμερίας ἐπὶ Βόσπορον τὴν Θράκιν καὶ πόλιν Βυζάντιον, Hæc sunt a Bosporo Cimmerio ad Bosporum Thracium ipsamque urbem Byzantium*. Originem nominis ad Io, mutatam in vaccam, fabulæ referunt, * quæ hoc fretum traiecerit. Dionysius Perieges. vers. 140

τῇ δ' ἐπὶ Θρηκίῃς ῥόμα Βοσπόρος, ὃ πάρος Ἰὼ
ἥρης ἐνεσίησιν ἐνήξατο πόρτις ἔσσα.

hoc est: *Hanc item post Thracii ostium Bospori, quem olim Io Iunonis impulsu tranauit, iuuenca quum esset*. Alias adpellationis rationes tradit scholiastes Apollonii ad lib. II vers. 168. Dicitur etiam *Mysius Bosporus*, quia Mysiam, ad Propontidem sitam regionem, ora altera attingit. Eustathius ad Dionysii versum prædictum *ὃ Θράκιος Βόσπορος, ὃ καὶ Μύσιος, Thracius Bosporus, qui & Mysius vocatur*. Et post paullo ex Arriano: *πόρτις ὃ κατὰ Χαλκηδονίαν καὶ Βυζάντιον, ὃ ποτε Μύσιος, διότι Μυσαὶ ἀντιπέρασ ὤκουν τῆς Θράκης, fretum, quod iuxta Chalcedonem est & Byzantium, quondam vocabatur Mysium, quia Mysi ex opposito Thraciæ habitant*. Herodotus lib. IV cap. LXXXV vocat τῆς Χαλκηδονίης τὸν Βόσπορον, *Chalcedoniae terræ Bosporum*, eiusque latitudinem minimam habere dicit *τέσσερας σταδίς, quatuor stadia*: aliis autem est latior.

LVIII.

* Sic Apollodorus biblioth. II c. I §. 3.

LVIII.

Vbi Bosporus Propontidi adhæret, adposita est nobilis vrbs *Byzantium*, quæ postea auctior facta ornatiorque, *Constantinopolis* nomen accepit. Sed hoc ad alius temporis geographiam referuamus. Vetus *Byzantium* iam nobis curæ est. Origo eius narratur varie. Strabo lib. vii pag. 221 dicit post *Chalcedonem*, quæ *Megarensium* colonia est, *Apollinis ferri auspiciis* & oraculo conditam. an etiam a *Megarensibus*, aperte non dicit; vtique autem *Stephanus*: clarius *Marcianus* in *Periegesi* sub finem:

Ἐξ ἧς Μεγαρέων εὐτυχῶν Βυζάντιον,

Deinde est Megarensium fortunatorum Byzantium.

Eustathius in *Dionysii* vers. 804 *Βύζης ἡγάτο τῶν τῶν Μεγαρέων πόλιν, οἱ καὶ ἐκτίσαν τὸ Βυζάντιον*, *Byzas* dux fuit *Megarensium* classis, qui etiam *Byzantium* condiderunt. *Stephano* *Byzas* est *Neptuni* filius. Sed quisquis ille fuit, ipso auctore *Byzantii* gloriati sunt. Quum enim pæne multi horum nummi supersint, inscripti *BYZANTION*; quidam etiam nomen *BYZAC* cum senili capite galeato, quo haud dubie conditor vrbs significatur, præferunt. *Velleius* lib. ii cap. xv tribuit *Milesiis* originem vrbs: *Iustinus* lib. ix cap. i *Spartanis*: *Ammianus* lib. xxii cap. xii *Atheniensibus*. Quæ ita conciliari fortassis possunt, vt plures successu temporis, prioribus pulsas, colonias in tam opportunum locum a diuersis deductas statuamus: quod non obscure ipse *Iustinus* significauit. Hæc, inquit, vrbs condita primo a *Pausania*, * rege *Spartanorum*, & per vii annos possessa fuit: deinde variante victoria nunc *Lacedæmoniorum*, nunc *Atheniensium* iuris habita est. Quæ incerta possessio effecit, vt, nemine quasi suam auxiliis iuuante, libertatem constantius tueretur. Hanc libertatem etiam sub Romanis conseruauit. *Plinius* lib. iv cap. xi *Promontorium Chrysoceras*, in quo oppidum *Byzantium* liberæ conditionis, antea *Lygos* dictum. Nomen vetus etiam *Ausonius* tradit de *Clar. vrb.* in *Constantinopoli* & *Carthagine*:

Angustas mutastis opes & nomina: tu quum

Byzantina Lygos; tu Punica Byrsa fuisti.

Situm vrbs *ἐν καυρέταλον καὶ πρὸς ἀσφάλειαν καὶ πρὸς εὐδαιμονίαν πάντων τῶν ἐν τῇ καθ' ἡμᾶς οἰκισμένη*, opportunissimum & ad securitatem & ad felicem rerum adfluentiam, si quis alius in nostro orbe sit, ** *Polybius* lib. iv cap. xxxviii laudauit: quod pluribus verbis *Xiphilinus* ex *Dione* in caussa *Pescennii Nigri* persequutus est. *Ouidius* *Trist.* lib. i eleg. xi

Quaque tenent Ponti Byzantia litora fauces.

Hic locus est gemini ianua vasta maris.

LIX.

Supra *Byzantium* lxxx stadiis est ad *Bosporum Daphnes portus*, λιμὴν Δάφνης, ab *Arriano* notatus *Periplo Ponti* extremo: & inde per stadia xl, vbi ὁμα τῶ Πόντῳ, os *Ponti*, id est finis *Bospori*, & initium *Ponti Euxi-*

VVV VVV 2

ni,

* Sic etiam *Orosius* III hist. c. 13 pag. 151 narrat.

** Vrbis *Byzantii* amplitudinem, quæ *Seuero imperatori Romano* quoque curæ fuit, describit *Zosimus* II c. 31.

ni, erat τὸ ἱερόν τῷ Διὶ Ουπίῳ, *fanum Iouis Vrii*: a quo tantumdem spatium, id est XL stadiorum ad insulas *Cyaneas* est, de quibus post dicturi sumus in insulis ad Thraciam.

LX.

Ora Ponti sequitur a Bosporo vsque Mesembriam vel Hæmi extrema: quam itidem Arrianus illustravit; nec minus lib. III cap. XI Ptolemæus. Ab austro adscendenti prima vrbs est *Phinopolis*, Φινόπολις, cuius situm Ptolemæi rationes constituunt. Non habet Arrianus illius mentionem: utique autem Plinius lib. IV cap. XI. *Phinopolis*, inquit, *iuxta quam Bosporus*, id est prima vrbs Ponti post Bosporum, ex Melæ & Ptolemæi dispositione. Sed quia distantiam locorum in hac ora Arrianus curatius, quam ceteri, notavit, pretium est, inuerso eius itinere, hæc ex Periplo excerpere.

Fano Iouis Vrii, ubi os Ponti

<i>Cyaneas insulas</i>	XL	stadia
<i>Phrygiam</i>	CCCXX	stad.
<i>Salmydessum</i>	CCCXXX	stad.
<i>Thyniadem acten</i>	CC	stad.
<i>Aulæi mænia</i>	CXX	stad.
<i>Chersonesum</i>	CL	stad.
<i>Apolloniam</i>	LX	
<i>Anchialum</i>	CLXXX	stad.
<i>Mesembriam</i>	LXX	stad.
<i>Hæmi extrema</i>	XC	stad.

LXI.

Quæ prima Arriani *Phrygia*, videntur *Phileæ* esse Pomponii, qui lib. II cap. II ita a septemtrione progreditur in austrum versus: *Recta dehinc [ab Apollonia] ora, nisi quod media ferme in promontorium, quod Thyniam vocant, exit, & incuruis contra se litoribus obtenditur, vrbesque sustinet Halmydesson & Phileas & Phinopolin.* Ptolemæo hoc loco est, Φιλία ἄκρα, *Philia promontorium*, sub quo haud dubie *Phileæ*, Melæ oppidum, fuerunt. Zosimus lib. I cap. XXXIV meminit *Phileatine paludis*, quæ itidem situ cum loco Melæ & Ptolemæi prope conuenit. Φιλεατίνη, inquit, λίμνη κατὰ δευτικὰς τροπὰς Βυζαντίος πρὸς τῷ Πόντῳ παράκειται, *Phileatina palus ad occasum solstitialem Byzantii Ponto adiacet.* Et quid coniecturis opus est ex locorum vicinitate? clare periplus anonymi, quem Vossius edidit, quod quaeritur, reuelat pag. 164: ἀπὸ Ἀλυμυδισσῶ εἰς Φρυγίαν τὴν καὶ λεγομένην Φιλίαν, ἀπὸ *Halmydessō ad Phrygiam, quæ etiam Philia adpellatur.*

LXII.

Quæ sequitur vrbs, modo gemino nominatur *Halmydessus* & *Salmydessus*, quia & alibi adspiratio in sibilantem videmus conuersam. Herodotus lib. IV cap. XCIII, Diodorus Siculus lib. XIV cap. XXXVIII, Strabo lib. I pag. 34, & Arrianus Periplo, ac Stephanus Σαλμυδησσὸν cum sibilō, *Salmy-*

Salmydessum, * adpellant, quibus Lycophronem adiungimus versu 1286, & Xenophontem lib. vii Exped. Cyr. p. 241, quorum est Σαλμυδισσός *Salmydissus*, contra Pomponius Mela & Plinius *Halmydessus*; & ex Græcis Peri- pli Pontici auctor anonymus Ἀλμυδισσός, Ptolemæus Ἀλμυδισσός. Non ignobilem ergo *Halmydessum* seu *Salmydessum* fuisse, ex tot auctorum commemoratione manifestum est: nec vero omnes urbem adpellant, sed Ptolemæus, Ἀλμυδισσός αἰγιαλός *Halmydissum litus*; Stephanus, Ἀλμυδισσός κόλπος τῆς Πόντου, *Halmydessus sinus Ponti*. Quo Siculo quoque Diodorus intendit quum τὸν Σαλμυδισσὸν οἰκῶντας, *Salmydessum colentes*, virili genere, quo non πόλις, sed vel κόλπον vel αἰγιαλὸν subaudit. Nihil vere dissentiunt. Et urbis & litoris & sinus commune nomen fuit: vrbe excisa, litori & sinui nomen apud scriptores posterioris ævi mansit.

LXIII.

Thynias litus, Θυνιάς αἰγλή, Arriani est: Ptolemæi Θυνιάς ἄκρα, *Thynias promontorium*: at Plinius: *Oppida, Thynias, Halmydessus, Develtum*: Mela quoque, vt supra vidimus, Thyniam dixit promontorium, in eo consentiens cum Ptolemæo.

LXIV.

Aulæi mænia siue *castellum*, Græce Αὐλαίς τεῖχος, solius Arriani est & anonymi, qui suum ex illius periplo transcripsit. Θυρῶν χωρίον, *venationis domum* ille anonymus interpretatur. Guil. Stuckius Latine *mænia* vertit: Vossius, *castellum*. τεῖχος enim munimentum est, siue *castellum*. Quæ sequitur *Chersonesus* Arriani, inter hoc *castellum* est & *Apolloniam*, in qua ὄρμος ναυσί, *portus seu statione navium* est, utroque Periplorum consentiente auctore. Interponit Ptolemæus Περωντικόν, *Peronticum*, & Τονζα, *Tonzu* vel *Tonzi*, de quibus nihil præterea nobis cognitum est.

LXV.

Apollonia Milesiorum colonia fuit, vnde colossus M. Lucullus abstulit, & in Capitolio locavit. Strabo lib. vii pag. 220 Ἀπολλωνία ἄπεικος Μιλησίω, τὸ πλεόν τῆς κτίσεως ἰδρυμένον ἔχουσα ἐν ἡσιῶ τινι, ὅπερ ἱερὸν τῆς Ἀπόλλωνος ἐξ ἧς Μάρκος Λεύκοδος τὸν κολλιστὸν ἤρε καὶ ἀνέθηκεν ἐν τῷ Καπητολίῳ, τὸν τῆς Ἀπολλωνος. *Apollonia est Milesiorum, urbs maiore sui parte condita in parva insula, in qua Apollinis fanum est: vnde M. Lucullus colossus Apollinis sublatum in Capitolio dedicavit.* Plinius lib. xxxiv cap. vii de mole colossorum: *Talis est in Capitolio Apollo, translatus a M. Lucullo ex Apollonia, Ponti vrbe,*

VVV VVV 3

XXX

* Tzetzes ad Alexandr. Lycophron. v. 186 Σαλμυδισσός δὲ ποταμὸς Θράκης, εἰσεάλλων εἰς τὸν Εὐξινὸν πόντον. *Salmydessus autem flumen est Thracia in Euxinum pontum incurrens.* Ergo fortasse etiam flumen ita fuit adpellatum. Sed situm *Salmydessi* plane alium, ac vulgo fit, Herodotus signat, quum libro IV cap. 93 de Dario Scythis bellum illaturo loquutus ita pergit: Πρὶν δὲ ἀπικέσθαι ἐπὶ τὸν Ἴστρον πρῶτος αἰρέειν Γέτας τῆς ἀθανατίζουσας. Οἱ μὲν γὰρ δὴ τὸν Σαλμυδισσὸν ἔχοντες Θράκας καὶ ὑπὲρ Ἀπολλωνίης τε καὶ Μεσαμβρίας πόλιος οἰκημένοι, καλεούμενοι δὲ Κυρμιάνισαι καὶ Μυψαῖοι, ἀμαχητὶ σφέας αὐτοὺς παρέδωκαν Δαρείῳ. Priusquam autem perveniret ad Istrum, primos cepit Getas immortalitatem donantes. Etenim qui *Salmydessum* habent Thracæ & supra *Apolloniam* & *Mesambriam* urbem habitant, ac *Cyrmiane* & *Myrsai* vocantur, ci- tra pugnam se Dario ipsi tradiderant. Sed si ex Itinerario Persæ cuiusdam, qui iam in Getis verlabatur, quum hæc scriberet, hæc narratio sumpta est; eum communi positione congruet.

xxx cubitorum, quingentis talentis factus. Stephanus secundam suam Apolloniam ponit ἐν νήσῳ πρὸς τῇ Σαλμυδησσῷ, in insula iuxta Salmydessum. * De insula dubitat Salmasius ad Solinum pag. 151, cui Strabo Apolloniam Asiæ in Ponti insula cum hac nostra confudisse, quas Plinius lib. vi cap. xiii distinxit; Stephanus Strabonem sequutus videtur. De Luculli expeditione Eutropius lib. vi cap. viii *Alter Lucullus* [Marcus] qui Macedoniam administrabat, - - - multas supra Pontum positas ciuitates adgressus est. Illic Apolloniam euertit.

LXVI.

Supra Apolloniam *Anchialus* est, oppidum Apolloniaticum. Strabo lib. vii pag. 221 εἴτ' Ἀγχιάλη πολίχνην Ἀπολλωνιατῶν. Deinde *Anchiale* est, (nam plures formæ vocabuli) oppidum Apolloniaticum. Mela dicto loco: *Odessos, Mesembria, Anchialos*. Plinius neutro genere: *Nunc in ora Mesembria, Anchialum, ubi Messa fuerat*. Zosimus quoque memorauit sub Valeriano lib. i. cap. xxxiv; & Trebellius Pollio Vita Claudii cap. xii *Barbari, Anchialo vastata, conati sunt Nicopolin etiam obtinere*. Et Ammianus lib. xxii cap. xix *Tomi, & Apollonia, & Anchialos*. Omnes igitur *Anchialos* siue *Anchialus*: etiam Ptolemæus Ἀγχιάλος: solus fere Strabo *Anchiale*; & Plinius *Anchialum*. Strabonem sequutus est Eustathius ad Dionys. vers. 875 εἰ καὶ Θρακικὴ Ἀγχιάλη, κατὰ τὸν γεῶγραφον, *Est etiam Thracica Anchiale, secundum geographum, id est Strabonem, quem honoris causa ita nominat*.

LXVII.

Et heic finit Ptolemæus oram Thraciæ, vltiora quæ sunt, & ipsam *Mesembriam*, Mœsiæ inferiori adiudicauit, vt supra de terminis Thraciæ, & antea cap. viii in Mœsia commonstrauimus, vbi etiam de *Mesembria*, quæ *Mesambria* Herodoto & in nummis est, diximus. Sita est cis Hæmum montem xc stadiis secundum Arriani periplum supra excerptum: condita a Megarensibus. Strabo lib. vii pag. 221 εἴτα τὸ Αἷμον ὄρος μέχρι τῆς δεῦρο Σαλατίνης διήκον. εἴτα Μεσημερία Μεγαρέων ἀποικος. Deinde [post Odessum] est *Hæmus mons, ad istud usque mare pertingens*. Sequitur *Mesembria, colonia Megarensium*. Plinius lib. iv cap. ix *Oppidum Tetranaulochus. Mons Hæmus, vasto iugo procumbens in Pontum, oppidum habuit in vertice Aristæum. Nunc in ora Mesembria, Anchialum*. Illa *Tetranaulochus* vltra Hæmum sita erat, etiam simpliciter *Naulochos* dicta; at ditionis Mesembrianorum. Strabo dicto loco: Ὀδησσὸς Μιλησίων ἀποικος, καὶ Ναύλοχος Μεσημεριανῶν πολίχνην. εἴτα τὸ Αἷμον ὄρος. *Odessus Milesiorum colonia: & Naulochos Mesembrianorum oppidum. Inde mons Hæmus*. Si quis in Hæmo limitem posuerit, tamquam a natura constituto termino, *Mesembria* Thracibus adscripta; non errabit, meo iudicio, vt supra quoque præfati sumus.

MEDI-

MEDITERRANEA THRACIAE.

LXVIII.

Quæ inter Strymonem & Nestum sunt, vsque ad Pangæum montem ferme, excepta Mædica regione; in Macedonia supra, cui adiecta fuerunt, exposuimus. MÆDICA regio sub Pangæo monte sita, proxima Macedonia. Gens, *Medi*, caput illorum *Iamphorina*. Polybius Excerpt. lib. x cap. xxxviii τὰς προσορῆντας τῇ Μακεδονίᾳ Θράκας καὶ μάλιστα τὰς Μαιώδας ἐπιβολὰς εἶναι ὡς ἐμβαλόντας ἐπὶ Μακεδονίαν, finitimos Macedoniae Thraces, & in his maxime Mædos, consilium inisse incurrendi in Macedoniam. Et Liuius lib. xxvi cap. xxv de Philippo: in Thraciam exercitum & Mædos eduxit. Incurrere ea gens in Macedoniam solita erat. - - - urbem Iamphorinam, caput arcemque Mædicæ, oppugnare cæpit. Ptolemæus in Thracia, Macedoniam versus sita, Μαιδικὴ στρατηγία, Mædica præfectura. Meminit Liuius etiam oppidi *Petræ* in Mædis, sed quem locum in hac gente tenuerit, non addit. Verba sunt lib. xl cap. xxii Inde [a Dantheletis] in Mædicam regressus, urbem, quam Petram adpellant, oppugnare est adortus.

LXIX.

Superiori loco [lib. xxvi cap. xxv] *Phragandas*, obscuram gentem, cum Mædis coniungit, vnde de situ, Macedoniae propinquo, quodammodo iudicare licet. Addit Ptolemæus: καὶ ὑπὲρ μὲν τὴν Μαιδικὴν Βεσσικὴν, & super Mædicam, *Bessica* præfectura. Mons *Pangæus* intercurrit, ad Philippos vsque fere reflectens. Plinius lib. iv cap. xi Populorum eius [Thraciæ] amnem Strymonem accolunt dextro latere *Denseletæ* & *Medi*, ad *Bisaltas* vsque supra dictos: lauo *Digéri*, *Bessorumque* multa nomina ad Nestum amnem, *Pangæi* montis ima ambientem.

LXX.

DENSELETÆ etiam a Cicerone memorantur in *Pisonem* cap. xxxiv, ut obediens nato Rom. imperio, quæ sola in barbarorum defectione Macedonia C. Sentium prætorem tutata sit. Videtur esse Δανθηλητῶν, *Dantheletæ* Ptolemæi, πρὸς ταῖς Μυσίας καὶ τὸν Αἶμον τὸ ὄρος ἀρχόμενοι ἀπὸ δυσμῶν, iuxta *Mæsiæ* utramque & *Hæmum* montem incipientes ab occasu. Ibi fuit Δανθηλητικὴ στρατηγία, præfectura *Dantheletica*. Strabo lib. vii pag. 220 Μεδῶν τιμὲς καὶ Δανθηλιτῶν, quidam *Medorum* & *Dantheletarum*. Et Liuius lib. xxxix cap. lii *Dantheletarum* cum *Bessis* mentionem fecit. Ptolemæus in *Dantheletis* ponit urbem *Pautaliam*, Πανταλίαν, quam ita Stephanum quoque, non Πανταλία scripsisse ordo eius probat alphabeticus. Recte. nam & Ezechiel Spanhemius, quem honoris gratia nominamus, produxit nummum, quo scriptum exstat ΠΑΥΤΑΛΙΑ. quod vna argumentum est, non ignobilem urbem fuisse *Pautaliam*. A Traiano ornamenta habuit, quod alii nummi, ab eodem summo viro pag. 185 producti, diserte docent, epigraphen hanc præferentes ΟΤΑΠΙΑΣ ΠΥΤΑΛΙΑΣ, id est *Vlpiæ Pautaliæ*, Plinius quos *Digeros* vocat, Stephano sunt Δίγηροι, ἔθνος Θράκιον, *Digéri*, gens *Thraciæ*.

LXXI.

LXXI.

BESSI omnium Thracum ferocissimi & barbari adeo, vt Hieronymus epitaphio Nepotiani, siue epist. III, præ ceteris Thracibus ac barbaris *Bessorum feritatem* notauerit. Paullinus Nolanus Carm. XVII ad Nicetam vers. 206

Et sua Bessi niue duriores.

Strabo dicto loco: *Βέσσοι ὑπὲρ τὸ πλεόν τῶν ὄρεων νύμονται τῶν Αἰμῶν, καὶ ὑπὸ τῶν λεγόντων Λησταί, πρῶτα γορεύονται, Bessi maiorem Hæmi partem tenent, ἔα πρædonum multitudine Prædones cognominantur.* Eutropius lib. VI cap. VIII de M. Lucullo: *Bessis primus Romanorum intulit bellum, atque eos ingenti prælio in Hæmo monte superauit.*

LXXII.

Oppidum illorum *Vscudama* fuit. Pergit ibidem Eutropius: *Oppidum Vscudamam, quod Bessi habitabant, eodem die, quo adgressus est, vicit.* Ammianus quidem lib. XIV cap. XXXVII *Hadrianopolim, urbem Hemimontanam, Vscudamam antehac adpellatam* tradit: quod etiam Sextus Rufus cap. IX adfirmavit. Sed incertior res est de priore nomine, quod Lampridius in Elagabalo cap. VII ait *Orestæ* fuisse; Zonaras in Constantino Monomacho p. 199 *Ορεσιάδος, Orestiadis.* Ad hæc Hadrianopolis in Odrysis potius, quam Bessis, sita est: nec propterea duæ in Thracia Hadrianopoles fuere, vt Casaubonus ad Lampridium ex hoc ipso dissensu iudicauit.

LXXIII.

Propior Bessis *Philippopolis*, itidem ad Hebrum sita, sed multo superiorem: cuius æque incertum nomen antiquum est. Rufo *Eumolpias* fuit: etiam Ammiano lib. XXII cap. II: Plinius autem lib. IV cap. XI vetus nomen *Poneropolim* fuisse dicit: deinde *Philippolim* ab amplificatore dictam; tandem *Trimontium* ab situ. Et Ptolemæus nomen *Trimontii* habet coniunctum cum *φιλιπποπόλεως*: sed, nisi mendum subest aut adfuturum manu aliena, Philippi & Hadriani vrbes in vnam confundit. Philippus, conditor, Amyntæ filius fuit, quia alterius Philippi temporibus iam clara vrbs erat. Livius lib. XXXIX cap. LIII *mediam in Thraciam exercitum in Odrysas, & Dantheletas, & Bessos duxit. Philippopolim urbem fuga desertam oppidanorum cepit.* Et mox: *relicta ad Philippopolin præsidio.* Adde Polybii excerpt. Legat. cap. XLVIII. In occasum solis inde *Bessapara* recedit, ex Antonini cognita itinerario.

LXXIV.

Sed ad Nessum siue Nestum reuertamur, quem Bessos attingere supra Plinius, & ex eo Solinus notauerunt. Adluit hoc flumen *Nicopolin*, Traiani opus, cum cognomine *ad Nestum*. Ptolemæus in mediterraneis Thraciæ: *Νικόπολις ἡ περὶ Νέσον, Nicopolis, quæ circa Nesum est, siue Nessum: a quo situm etiam cognoscimus.* Spanhemiano opere pag. 889 nummus proponitur, præscriptus *ΟΤΑΠ. ΝΙΚΟΠΟΛΕΟΣ ΠΡΟΣ ΝΕΣΤΟ, Vlpie Nicopoleos ad Nestum.* nam *ο* aliquando in nummis pro *Ω* est. Et aliis Commodi ac Caracallæ apud Harduinum: *ΟΤΑΠ. ΝΙΚΟΠΟΛΕΟΣ ΠΡΟΣ*

ΠΡΟΣ ΜΕΣΤΩ, *Vlpia Nicopoleos iuxta Mestum.* sic enim cum M etiam hoc flumen fuisse nominatum, supra adnotatum est.

LXXV.

Sub Rhodope inter Nestum & Hebrum, Antonini itinere a Dyrrachio Byzantium, duo oppida nominantur, *Milolium* & *Timporum*: vnde Traianopolim fit transitus. De priore silent ceteri: alterum nisi fallor, *Tempyrum* scribendum est & iuxta Aeniorum fines ad septentriones constitutum. Liuius lib. xxxviii cap. xli *Inde Aeniorum fines, præter Apollinis (Zerynthum quem vocant incolæ) templum superant. Aliæ angustie circa Tempyra excipiunt, (hoc loco nomen est) nec minus confragose.* Consentit Ovidius lib. i Trist. eleg. ix

*Inde leui vento Zerynthia litora nactis
Threiciam tetigit fessa carina Samon.
Saltus ab hac terra brevis est Tempyra petenti.*

LXXVI.

Ipse mons *Rhodope* circa Nestum incipit & vltra Hebrum longe procurrit, vbique Hæmo ferme parallelus. Strabo lib. vii pag. 217 inde vsque ab Illyriis montibus deducit, cum quibus iuga Thraciæ connectit. Sed de hoc in superioribus plura: etiam de *Hebro* fluuio, maximo omnium Thracicorum, poetis & historicis non minus laudato quam geographis, supra actum est.

LXXVII.

Inter Hebrum, Rhodopen & mare quæ sunt, itineribus Antonini explicantur optime. Ad Hebrum, vbi cursum in austrum flectit, *Hadrianopolis*, * cxxxiv millibus a Philippoli, quæ ad eundem amnem est superius: de quibus est antea dictum. Quæ interiecta sunt, obscura loca sunt omnia, itinere ab vrbe in orientem nominata pag. 30 ed. Schotti.

LXXVIII.

Infra Hadrianopolin ad idem flumen est *Plotinopolis*, a Traiani vxore adpellata: & deinde *Traianopolis*. Inclutam conditoribus suis vtramque Ptolemæus memorauit: & Notitia Episcopatum Græc. etiam vtramque habet, *Plotinopolin*, in Hæmimontana prouincia; *Traianopolin* in prouincia Rhodope. Antoninus quo loco vtramque habuerit, iter a Plotinopoli Heracleam ostendit, hoc ordine distributum:

Xxx xxx

Plotino-

* Adde huc Zosimum II cap. 20 pag. 164 Εκ τῆς Θεσσαλονίκης ἄμα τῇ περὶ προελθῶν κατὰ τὴν ἡϊόνα τῆς Ἑβρὸς παταμῆς τῆς Ἀδριανῆς πόλεως ἐν ἀρίστερ ἃ ἰόντος ἐστρατοπέδευεν. *Terrestri cum exercitu Thessalonica progressus propter ripam fluminis Hebræ, qui ad leuam Adrianopolin adluit, castra faciebat.*

<i>Plotinopoli</i>		
<i>Traianopolim</i>	M. P.	XXII
<i>Apros</i>	M. P.	XXIII
<i>Resiston</i>	M. P.	XXII
<i>Heracleam</i>	M. P.	XXV.

LXXIX.

Interiacet *Dyme* inter Plotinopolin & Traianopolin, ex Ptolemæi dispositione, cui Δύμη est: & ex itinere a Dyrrachio Byzantium.

LXXX.

Inter Plotinopolin & Hadrianopolin videtur *Nice*, Νίκη, fuisse, vbi confessionem Ariani conscripserunt, vt nomine imperitis imponerent, quasi Nicena esset Bithyniæ. Ammianus lib. xxxi cap. xxxi *Nicen stationem* memorat inter Byzantium & Hadrianopolin. Itinerarium Hierosolymitanum, vt vocant, siue iter a Burdigala Hierosolymam, sedem propius definit, a *Philippopoli* per cvi millia ducens *Nicen*, inde per xl circiter *Drusiparam*, & per totidem fere *Heracleam*. Quo posito, circa Hadrianopolin aut Plotinopolin cadet, aut in medium inter vtramque. Scribitur itinerario *Nice*: at in Ariana illa historia est Νίκη, *Nice* apud Socratem lib. ii cap. xxxvii, & Sozomenum lib. iv cap. xix: & vterque πέλιον, oppidum vocat, quam Ammianus *stationem*.

LXXXI.

Syracella inter Trianopolin & Apros, itinere ab Hydrunte Aulonem per Macedoniam.

LXXXII.

Apri autem, Ptolemæo Ἄπροι κολώνια, *Apri colonia* Romana, circa Melam flumen fuerunt. Antoninus etiam plurali *Apros* dixit itinere iam dicto a Plotinopoli: Plinius autem singulari numero *Apros colonia*, lib. i v cap. xi: & Stephanus, Ἄπρος, Θηλυκὸν, πόλις Θράκης, *Apros*, feminini generis, *vrbs Thraciæ*. Etiam Hierocles Ἄπρος. Vaillantius de nummis coloniar. p. 153 Aprum coloniam a Claudio deductam censet, quamuis nullus illius nummus aut aliud monumentum supersit: quod verosimilius est, quum cum Cedreno p. 266, prætorii præfecto Apro, Carini focero, vindicare. Non enim attendit Cedrenus, iam tum a Plinio & Ptolemæo *coloniam* Aprum dictam esse.

LXXXIII.

Cypsella siue *Cypsela* oppidum superest, itidem circa Hebrum vel Melanem positum. Plinius *Cypsella*: Ptolemæus, qui etiam Κύψελλα gemit-
no

no elemento scripsit, ad annum fere Melanem suis profert numeris: Stephanus autem, cuius sunt *κύψελα*, simplici littera, dicit *πλησίον τῆ Ἑβρου ποταμῶ*, prope fluvium Hebrum esse. Antonini ordo turbatus est, itinere ab Hydrunte per Macedoniam Constantinopolim, ut certi nihil inde haberi possit. Ceterum *Cypsela* Livio plurale est, qui lib. xxxi cap. xvi in castellis numerat: sed Stephano est *πόλις Θράκης*, urbs Thraciæ, quod probabilius. Iterum Livius lib. xxxviii cap. xl *Postero die Cypsela peruenit: a Cypselis via x millium fere siluestris*. Australem autem situm Cypsellorum Ptolemæo debemus. De *Resisto* supra diximus, hoc itinere inter Apros & Heracleam fere medio loco constitui, ideoque frustra ab nonnullis cum Rhædesto confusam esse.

LXXXIV.

Ab Hadrianopoli Heracleam peregrinator Antonius itinere gemino per *Bergulas*, & *Drusiparam* ducit: & sic utrumque per rectam lineam circa Rhodopen montem cadit. Ordo est huiusmodi:

<i>Hadrianopoli</i>		
<i>Ostudizum</i>	M. P.	XVIII
<i>Burtudizum</i>	M. P.	XVIII
<i>Bergulas</i>	M. P.	XVIII
<i>Drusiparam</i>	M. P.	XIII
<i>Izirallon</i>	M. P.	XVI
<i>Heracleam</i>	M. P.	XVIII

Priora sunt obscura. *Bergule* a Cedreno dicto loco *Βεργύλιον*, *Bergulion*; a Ptolemæo *Βεργύλη*, *Bergule* seu *Bergula* dicuntur, quod singulare feminine videtur genuinum esse. *Drusipara* priori itinere *Drizipara*, corrupte forsan; posteriore *Drusiparum* neutro genere: corruptius apud Suidam *Δριξιπάρος*, *Drixiparos*. Vera videtur Ptolemæi *Δρυσιπάρα*, *Drusipara*, quamquam nec Antonini *Drusiparum* contemnendum est.

LXXXV.

Quæ inter Hæmum & Rhodopen sunt cognita, maiorem partem Ptolemæo indice cognita habemus: ut sunt *Nicopolis* ad Hæmum, *Νικόπολις περὶ Αἴμον*, diuersa ab illa altera Thraciæ ad Nessum eodem auctore: & *Πρασίδιον*, (forte *Præsidium*) item *Vala*, & *Opisana*, omnia sub Hæmo, sed obscuriora: ad Rhodopen *Ostaphos* & *Arzos*: ad *Panysum* fluvium, qui supra Mesembriam in Pontum ruit, *Carpudæmum*, *Orcelis*, & superius, *Δεσέλτος κολώνια*, *Develtus colonia*: *Deultum* alias. Plinius iv cap. xi *Halmydessos*, *Deueltum cum stagno*, quod nunc *Deultum* vocatur, veteranorum. Veteranorum ergo colonia fuit, ab Vespasiano deducta, quia *Flauia* in nummis cognominatur. Caracallæ nummus apud Patinum p. 301 COL. FL. PAC. DEULT.

id est, *Colonia Flavia Pacensis Deultum*. quod & sub aliis principibus repetitum fuit p. 343, 358.

LXXXVI.

Trans flumen *Tonzos*, *Bizya*, *Cabyle*. De *Tonzo* nihil præterea notum: *Bizya* & aliis memorata, gentis suæ regia. Plinius dicto loco: *Intus Bizya, arx regum Thraciæ, a Terei nefasto crimine inuisa hirundinibus*. Solinus cap. x addit nonnulla: *In Ceniensi regione, non longe a Flauiopoli colonia, Bizye oppidum, quondam arx Terei regis, inuisum hirundinibus, & deinceps alitibus illis inaccessum*. nota fabula ex lib. vi *Metamorphoseos* Ovidianæ. Quod vero in *Ceniensi* regione dicit, displicet Salmasio, quia Stephanus ait: *Βιζύη, πόλις Θράκης, τὸ τῶν Ἀσῶν βασιλείον, Bizye, vrbs Thraciæ, Astorum regia*. In *Astica* ergo regione fuit, si chorographus vere censuit.

LXXXVII.

Tertia *Cabyle* sic quoque scripta est Eusebio in *Chron.* & Eutropio, Ammiano, & Harpocrati, præter Ptolemæum: contra Straboni & Stephano *καλύβη, Calybe*: quod etiam Sexti Rufi melioribus libris expressum est. Stephanus quidem vtrumque nomen exponit tamquam urbium diversarum; sed vnā & eandem esse consensu doctissimorum adprobaturum est, Scaligeri in *Euf.* p. 152, Spanhemii de *vsu num.* p. 903, Berkelii ad Stephanum *καλύβη*. Philippus Amyntæ coloniam perditorum hominum in eam deduxit, (*πονηροτάτες ἐνταῦθα ἰδρύσας*) vt Strabo refert lib. vii pag. 222. Vnde Stephano dicta *ἀποικία Μακεδόνων, colonia Macedonum*.

LXXXVIII.

Hæc a Ptolemæo nominata: quibus *Flauiopoli* Plinii, antea *Zelam* dictam, adiicimus, de qua is ita in *Thracia* post *Bizyam*: *Regio Cænica, colonia Flauiopoli, ubi antea Zela oppidum vocabatur*. Solinus ait non longe a *Bizya* abesse, quam *Astica* supra regioni vindicauimus. Sed res illa regionum aut præfecturarum in plerisque est incerta, quia Ptolemæus nomina dedit; vrbes cuique regioni suas non subdidit. *Mœsiæ* & *Hæmo* monti obuertit *Dantheleticam, Vsdicesicam, Selleticam*: *Macedoniæ* & *Aegæo*, *Mædicam, Drosicam, Cæleticam, Sapaicam, Cenicam*: *Mædicæ* superponit *Bessicam*, huic *Bennicam* & *Samaicam*; in maritimis a *Perintho* ad *Apolloniam* vsque *Asticam*, in cuius termino prope consentit *Heracleota* sub finem *Perieges.* cui *Thynia* est τῆς Ἀσικῆς ἑχάτη, *Astica extrema*. Sed a *Perintho* an incipiat, subdubitatur. Strabo vii pag. 222 ὑπέρεται τῇ Βυζαντίῃ τὸ τῶν Ἀσῶν ἔθνος, supra *Byzantium* est *Astarum gens*. Stephanus tantummodo: Ἀσὰ, ἔθνος Θράκης τὸ κτήρικόν Ἀσικόν, *Aste Thracum gens: possessuum Asticus*. Plinius iv cap. xi *Cæletas* diuidit, maiores *Hæmo*, minores *Rhodopæ* subdit: inter quos *Hebrus amnis* fit. Qui tabulas Ptolemæo adiecit, siue *Agadæmon* est siue alius, non vbique cum prædictis consentit: quem inter-

terdum potius in nostra tabula, quam dubia aliorum præcepta, sequuti sumus.

LXXXIX.

Gentes autem Thraciæ nobiliores post Edones sunt *Mædi*, *Bistones*, *Cicones*, *Ceni*, *Bessi*, *Cæletæ*, *Odrysæ* [Tacitus ann. iii cap. xxxviii *Cælaletæ Odruseque*; sed Liuius lib. xxxviii cap. xl & Plin. iv cap. xi *Cæletæ*] & παράλιον *maritimam oram* tenentes *Astæ*; quos *Astios* Liuius vocat lib. xxxviii cap. xl, *Cenos* simul, *Cæletas* & *Maduatenos* nominans ad Hæmum *Denseletæ* seu *Denthaletæ*, & *Selletæ*. In his *Bessi* quondam & *Odrysæ* potentissimi. * Hinc *Odrysus* poetis est Thracius, vt exemplis probatum dedimus ad illud Sili lib. iv vers. 432

- - - - *Mauors in prælia currus*
Odrysia tellure vocat.

INSVLAE CIRCA THRACIAM.

XC.

Aegæi maris insulas exposuimus supra in Græcia: quæ proximæ sunt Thracibus, ad hunc locum reseruauimus. In iis

XCI.

THASVS prima est, Nesti ostiis opposita, marmore cum primis, quod *Thasium lapidem* vocant, frumento & vino diues. Quidam geminant sibilantem huius vocabuli, & Stephano, ac nonnullis locis Polybii, est Θάσος: Plinii itidem lib. iv cap. xii *Thassus*. Sed plurimi simplici & scripserunt Θάσος, *Thasus*, Herodotus, Thucydides, Scylax extremo periplo, Strabo, & Philippi pacificatione Excerpt. Polyb. Legat. ix: ac in nummis Harduini ac Thesauri Brandenburgici ΘΑΣΙΩΝ. Strabo lib. x pag. 335 ὑπὸ παλίων ἐκτίσθη Θάσος, *a Pariis condita & culta Thasus*: quod de noua colonia intelligamus. primi enim conditores Phœnices fuerunt. Herodotus lib. ii cap. xlii inuenisse se in Thaso templum ait, ὑπὸ φοινίκων ἱδρυμένον, οἱ κατ' Εὐρώπης ζήτησιν ἐκπλώσαντες, Θάσον ἐκτίσαν, *a Phœnicibus extructum, qui ad investigandam Europam nautigantes Thasum condiderunt*. A Phœnice Thaso, qui cum Cadmo profectus sit, nomen habere Heracleota Martianus pag. 27 auctor est, **

- - - - φοῖνικες μετὰ Κάδμου καὶ Θάσῃ
ἐκ τῆς Ἀσίας διαβάντες ἔλαβον δὴ Θάσον,
ἀπὸ τῆς Θάσῃ καὶ τῆς νομῆς, ὡς καὶ νῦν ἔχει.

XXX XXX 3

Priscum

* His etiam regio, in qua Bacchum deum colebant & quam Bessi tenebant, largitus est Crassus, teste Dione libr. LII pag. 529, 530. Ibidem *Merdi* quoque & *Serdi* nationes Thraciæ memorantur. Atque hi quidem Odrysia ab occidente obiecti fuisse videntur.

** Et Apollodorus III c. i §. i extrem. p. 149.

Priscum nomen Eustathius ad Dionysium *Χρυση*, *Chryse* tradit fuisse: addit Plinius nomina *Aërie* & *Aethrie*. Meia lib. II cap. VII *In Aegæo mari prope Thraciam Thasos, Imbros, Samothrace*. In diuitiis insulæ laudat Eustathius & *μέταλλα χρυσᾶ, aurifodinas*: sed largior prouentus ex marmore. Seneca epist. LXXXVI de Romanorum luxu: *Pauper sibi videtur ac sordidus, nisi Alexandrina marmora Numidicis crustis distincta sunt, - - - nisi Thasius lapis, quondam rarum in aliquo spectaculum templo, piscinas nostras circumdedit*. De frugum prouentu Dionysius vers. 523

- - - ὠγυγίη τε Θάσος, Δημήτερος ἀκτὴ,

id est *Thasus Cereris litus*, quæ ita vocatur, Eustathio interprete, διὰ τὸ εὐδαίμον τῆς νήσου, καὶ εὐκαρπον, propter fertilitatis felicitatem. De vino Apuleius * Apolog. p. 289 *Olitori & cauponi merito est concessum, olus & vinum ex nobilitate soli commendare, vinum Thasium, olus Phliasium*. Nepos Cimone cap. II *Thasios opulentia fretos suo aduentu fregit*. Sub Romanis liberi fuere. Plinius: *Thassos libera*. Ptolemæo lib. III cap. XI vocata *Θαλασσία, Thalassia*, quod corruptum ex *Θάσος* vel *Θασσία* videtur. Vid. Voss. in Scylacem.

XCII.

SAMOTHRACE obiecta Hebri ostiis, religionis fama nobilitata & asylo. De nomine mire variant an Samo, Ionum insulæ, acceptum ferat. Straboni lib. X pag. 315 videtur probabilius, ἀπὸ τῆς σάμους, quo nomine τὰ ὕψη, altitudines, significantur, deductam adpellationem esse, quia Ida & Troia ex vertice illius, secundum Iliados N vers. 12, potuissent conspici. Certe *Samos* fuit antiquum nomen, vt Strabo censet lib. VII extremo: additamentum *Thraciæ* discretionis causa factum. ** Dionysius vers. 524

* Ἰμβρος, Θρηϊκίη τε Σάμος, * * * Κορυβάντιον ἄστυ,
Imbrus, & Threïcia Samus, oppidum Corybantium.

Cory-

* Et Demosthenes aduers. Lacrit. p. 596 B.

* * Vide etiam supra pag. 1062 Nicandrum Theriac. v. 458 & ibi Scholiasten.

* * Nonnus Dionys. III v. 186

Ἡμαθίων Θρηϊσσαν ἔχων Σάμον Ἀρεὸς ἔδρην,
Hemathiarum Thracicam habent Samon Martis sedem. Olim hæc insula aliis vsa est nominibus, apud Poetas maxime. Nicander Theriac. v. 470

- - - Κεχρήνης
Οὐρεα μακράσων ἐπίλισσεται ἄκρυν ὄντα
Αἵματος ἰχανόων καὶ ἐπὶ κτίλα μῆλα δοκεύων
Ἡ σάμ, ἡ ἐμοσύχλα, ὅτ' ἀμφ' ἐλάταισι μακεδνῶς
Αγραινοὶ ψύχουσι, λελοιπότες ἔργα νομήων.

Vbi Scholiastes: Καὶ ὁ Σάος δὲ καὶ ὁ Μόσυχλος ὅρη εἰσι τῆς Σάμου (καὶ τῆς Λήμνου. nam subsequenter verba ostendunt, hæc omīssa esse.) Μέμνηται δὲ τῶν τόπων, τὴν Λήμνον καὶ Σαμοθράκην ἐκατέρας τὰς νήσους διὰ τῶν σημείων. Ἐκαλεῖτο δὲ Σάος καὶ ἡ ὅλη Θρακικὴ σάμος. Καὶ Μόσυχλος δὲ τὰ ὅρη τῆς Λήμνου, ὡς Ἀντίμαχος.

- - - Ἡφαίστου πυρὶ εἰκελον, ἣν ῥα τιτύσκει
Δήμῳ ἀκροτάτῳ ἔρεος κορυφαῖσι μοσύχλα.

Corybantes ad religionem loci pertinent, quia venerabile ibi templum fuit, cuius etiam Plutarchus meminit in Pompeio p. 631. Ibi τὰ ἐν Σαμοθράκῃ μυστήρια, initiationis mysteria, ut Strabo dicto loco vocat, tradebantur. non minoris æstimata quam Eleusinia. Etiam asylum erat sanctissimum. Plutarchus Aemil. Paulo p. 268 Octavius, consulis legatus, τὴν ἀσυλίαν παρῆχεν τῷ Πέρσει διὰ τῆς θεῆς, Persen inuiolatum deorum causa reliquit. Eadem historia a Liuiο est perscripta lib. XLV cap. v *Classis Cn. Octavii Samothracam est adpulsa*, reliqua. Urbem habuit cognominem. Ptolemæus III cap. XI extremo: Σαμοθράκη νῆσος καὶ πόλις, *Samothrace insula & oppidum*. Quum Macedones inualuissent, in illorum ditione fuit. Liuius lib. XLIV cap. XXV pecuniam [Persen] interea Samothracæ in templo depositurum. *Ea insula quum ipsius ditionis esset, videre Eumenes, nihil interesse, an Pelle pecunia esset*. Plura de nominis origine, primis cultoribus, auctore mysteriorum in hac insula, disputat Diodorus Siculus lib. V cap. XLVII seq. Et hæc libera sub Romanis mansit. Plinius IV cap. XII *insula Samothrace, quæ libera, ante Hebrum: ab Imbro triginta duo millia: a Lemno viginti duo M. D. a Thraciæ ora triginta octo millia: circuitu triginta duo millia: attollitur monte Saoce decem M. passuum altitudinis; vel importunissima omnium*. Sunt qui Zerinthon antrum Lycophronis vers. 77 huic insulæ tribuunt, sequuti Aristophanis scholiasten in Pacem pag. 641: quod alii plerique in Thraciæ ora quæsiuerunt, ut supra p. 1062 demonstraui.

XCIII.

IMBRVS opposita Mastusiæ Chersonesi. Distantiam ex Plinio iam cognouimus. Stephanus: Ἰμβρος νῆσος ἐστὶ Θράκης, ἱερὰ Καβείρων καὶ Ἑρμοῦ, *Imbrus est insula Thraciæ, Cabiris sacra & Mercurio*. Liuius lib. XXXV cap. XLIII *Imbrum primum insulam tenuit: inde Scyathum traiecit*. Ouidius lib. I Trist. eleg. IX

Venimus in portus, Imbria terra, tuos.

XCIV.

CYANEAE, Κυάνεαι, duæ parvæ insulæ, quasi scopuli, sunt proxime ad Bosporum, in Ponto, de quibus & distantia illarum supra ex Arriano aliquid prædiximus. Vna Asiam, altera Europam spectat. Strabo lib. V: I pag. 221 αἱ δὲ Κυάνεαι πρὸς τῷ σώματι τῆς Πόντου εἰσὶ δύο νησίδες, τὸ μὲν τῇ Ἑυρώπῃ προσέχουσιν, τὸ δὲ τῇ Ἀσίᾳ, πορθμῷ διεργόμενα ὅσον ἐπὶ οὐκ ὀλίγον. *Cyanæe sunt duæ exiguæ insule ad fauces Ponti, altera Europæ, altera Asiæ adiuncta, circiter XX stadiorum*

καὶ ἑξατοδένης

Ἐὼ τοι ὅσοις φαίνεσκε μοσυχλαίᾳ φλογὶ ἴσον.

Ac Saus & Mosychlus montes sunt Sami ac Lemni. Memorat autem hæc loca, Lemnum ac Samothracem, utramque insulam, per ea significaturus. Vocabatur autem Saos etiam tota Samothrace. Ac Mosychlos montes Lemni. Ut Antimachus: Vulcani igni, similem quem dirigit deus summis montis cacuminibus Mosychli. Atque Eratosthenes: Bene quibuscumque lucebat tantum quantum flamma Mosychlea.

diorum freto distantes. De his fabula fuit, * esse mobiles, coire & collidi, rursusque discedere. Pomponius Mela lib. II cap. VII *Contra Thracium Bosporum duæ parvæ, parvæque distantes spatio, & aliquando creditæ dictæque concurrere, & Cyaneæ vocantur & Symplegades.* Plinius eadem transcripsit lib. IV cap. XIII adiecta origine ac causâ fabulæ: *In Ponto duæ MD pass. ab Europa: XIVM. ab ostio, Cyaneæ, ab aliis Symplegades adpellatæ: traditæque fabulis se inter concurrissæ, quoniam parvo discretæ intervallo ex aduerso intransitibus geminæ cernebantur, paulumque deflexa acie, coeuntium speciem præbebant.* Ex his Darius Hystaspis dicitur Pontum contemplatus, apud Herodotum lib. IV cap. LXXXV. Ammianus lib. XXII cap. XIII geminos scopulos vocat: Lycophron vers. 1285 πέτρας, saxa,

Ἄς πόντος Ἑλλης καὶ πέτρας Συμπληγάδες.

Ovidius, ad fabulam adludens, lib. I Trist. eleg. IX

Transseat instabiles strenua Cyaneas.

Idem epistola Medæ ad Iasonem vers. 121

Compressos utinam Symplegades elisissent.

* Vide Herodot. IV c. 85. Apollodor. I cap. 9 §. 22 copiose. Ouid. Metamorph. XV. 337, 338.

F I N I S.



INDEX

INDEX GEOGRAPHICVS.

A.			
A Bacænum <i>Sicilia</i>			894
Abæ <i>Phocid.</i>	814	Acherini pop <i>Sicil.</i>	81
Aballaba	914	Acheron, Acheros fl. <i>Bruttior.</i>	734
Abantes pop <i>Eubææ</i>	344	Acherontia fl. <i>Ital.</i>	731
Abantias inf. <i>Eub.</i>	1020	Acherontia opp. <i>Ital.</i>	714
Abantis, eadem	1024	Acheron fluv. <i>Epiri</i>	877, 878
Abdêra <i>Hisp.</i>	ibid.	Acherusia palus <i>Campania</i>	668
Abdêra <i>Thrac.</i>	74	Achetum <i>Sicil.</i>	810
Abea <i>Mesenia</i>	1058	Achilleos Dromos	400
Abella <i>Campan.</i>	965	Achillis insula	ibid.
Abellinum <i>Hirpinor.</i>	687	Achillis regnum	865
Abensberg	697	Achradina	788
Abia <i>Mesenia</i>	418	Acidaua <i>Dacia</i>	478
Abnoba mons <i>Germ.</i>	965	Acidon fl. <i>Triphyl.</i>	963
Abobrica	370	Acilium	560
Abobriga <i>Hispan.</i>	84	Acimincum <i>Pannon.</i>	448
Abodiacum	84	Acincum <i>Pannon.</i>	447
Aborigines	416	Aciris fluv.	506, 728
Abrinca fluuius <i>Belg.</i>	503	Acis fl. <i>Sicilia</i>	782. seq.
Abrincatæ, pop.	371	Acmonia <i>Dacia</i>	480
oppidum	161	Acontisma <i>Maced. adiect.</i>	849
Abrincatui pop. <i>Gall.</i>	ibid.	Acqs	144
Abrystum <i>Lucania</i>	161	Acradina, pars <i>Syracusarum</i>	788
Abfyrtydes, insulæ <i>Illyr.</i>	727	Acrae <i>Sicil.</i>	809
Abfyrtytis, Abfyrtyum, inf.	498	Acræphia, Acræphium	922
Abudiacum	498	Acragas, Agrigentum	793
Abula <i>Bastitanorum</i>	416	Acriæ <i>Tacon.</i>	970
Abus fluv. <i>Britann.</i>	108	Acrilla, Acrillæ <i>Sicil.</i>	809
Abusina <i>Vindelic.</i>	324	Acriphia <i>Bæot.</i>	922
Academia <i>Attica</i>	418	Acrîtas, promont.	965
Academia <i>Ciceronis</i>	931	Acroathum <i>Maced.</i>	847
Acalandrum flumen	674	Acroceraunii montes	873
Acanthus <i>Epiri</i>	728	Acrocorinthus	949, 950
Acanthus <i>Macedon.</i>	883	Acrolissus <i>Illyr.</i>	493, 494
Acarnanes pop.	846	Acrothous <i>Maced.</i>	847
Acarnania regio	888	Acronius lacus	229, 416
Acci, colon. <i>Hispan.</i>	887 seq.	Actæa, <i>Attica</i>	930
Accitani <i>Gemellenfes</i>	107	Actania inf.	393
Acelum <i>Venet.</i>	107	Acte, <i>Attica</i>	930
Acerenza	560	Actium promont.	888
Acerræ <i>Campan.</i>	715	oppidum	ibid.
Acerræ <i>Transpadana</i>	685	Acumincum, Acimincum	448
Acesinus fluv. <i>Sarmatia</i>	547	Acusio <i>Gall.</i>	194
Acesta <i>Sicilia</i>	401	Ad Aquas <i>Dacia</i>	480
Achæorum statio <i>Thrac.</i>	798	Ad Aquas <i>Mæs.</i>	460
Achaia Rom. prouincia	1065	Adaristus <i>Macedon.</i>	829
Propria	821, 949	Ad Calem	596
Acharna <i>Attica</i>	949	Ad Centuriones	179
Achates fluv. <i>Sicilia</i>	937	Addua fluv. <i>Ital.</i>	422
	791	Adeba <i>Hispan.</i>	110
		xxx xxx	Ade-

INDEX GEOGRAPHICVS.

<i>A delocum Britann.</i>	341	<i>Aegilienses</i>	941
<i>Ad Ensem Umbr.</i>	596	<i>Aegilium, Igilium, alia ab Aegilo</i>	760
<i>Ad Fines Belg.</i>	227	<i>Aegina inf.</i>	1014
<i>Ad Herculem Pannon.</i>	454	<i>Aeginium Thessal.</i>	853
<i>Ad intercisa saxa</i>	596	<i>Aegira Achaia</i>	954, 955
<i>Ad Labores Pannon.</i>	450	<i>Aegisthena Megarens.</i>	947
<i>Ad Lullia Belg.</i>	309	<i>Aegissus, Aegisus Mæf.</i>	468
<i>Ad Muros Pannon.</i>	454	<i>Aegithallum prom.</i>	797
<i>Ad Nouas Mæf.</i>	460	<i>Aegitharsum prom.</i>	796
<i>Ad Pontem Britan.</i>	340	<i>Aegitium Aetol.</i>	898
<i>Ad Pontem Muri</i>	434	<i>Aegium Achaia</i>	954, 955
<i>Ad Statuas Pannoniae</i>	446	<i>Aegones pop.</i>	532
<i>Colossas</i>	447	<i>Aegos flumen Thrac.</i>	1057, 1068
<i>Ad Stoma</i>	469	<i>Aegosthena Megarens.</i>	947
<i>Ad Tropæa Brutt.</i>	733	<i>Aegusa inf. vna Aegatum</i>	819
<i>Adrana fluu. Germ.</i>	365	<i>Aegusæ insulæ, Aegates</i>	819
<i>Adranum oppid. Sic.</i>	805	<i>Aegyla inf. Peloponnes.</i>	1014
<i>Adria opp. & finus</i>	509 sq.	<i>Aegyptus Mæf. inf.</i>	468
<i>Adriani Forum</i>	231, 234	<i>Aegyus</i>	ibid.
<i>Adrianum mare</i>	510	<i>Aeliana Pincensia</i>	465
<i>Adriaticum mare</i>	510	<i>Aelii pons Britann.</i>	344
<i>Adrius mons Illyr.</i>	483	<i>Aelinum promont.</i>	284
<i>Ad septem aras</i>	60	<i>Aemilia Fossa Cispad.</i>	533
<i>Aduaca Tungrorum</i>	130	<i>Aemiliana castra Hisp.</i>	100
<i>Aduatici pop Belg.</i>	290 sq.	<i>Aemili Tropæum Gall.</i>	186
<i>Aduatuca Ebur. (non Aduaticorum)</i>	ibid.	<i>Aeminium Lusit.</i>	57
<i>Ad Victoriolas Cispadan.</i>	536	<i>Aemodæ insulæ</i>	356
<i>Adula mons Germ.</i>	428	<i>Aemona, Emina, Pannon.</i>	444
<i>Aduris</i>	144	<i>Aenaria inf. Ital.</i>	762
<i>Adurni portus Britan.</i>	332	<i>Aenæa, Ania Macedon.</i>	842
<i>Aeæas fl. Græc.</i>	824	<i>Aenei, incolæ Aeni</i>	1061
<i>Aeæa, Aeæe inf. Ital.</i>	766	<i>Aenesius Iupiter</i>	1009
<i>Aebifoci</i>	83	<i>Aeni Pons</i>	432
<i>Aebura Hispan.</i>	97	<i>Aeni pons inferior</i>	419
<i>Aecæ Hirpinorum</i>	699	<i>Aenianes pop.</i>	854, 886
<i>Aeculanum Hirpin.</i>	698	<i>Aenona Liburnia</i>	489
<i>Aedepsum Eubææ</i>	1022	<i>Pasini ciuitas</i>	ibidem
<i>Aedessa Macedon.</i>	833	<i>Aenus fluuius Rhet.</i>	415
<i>Aedipsum Eubææ</i>	1022	<i>Aenus mons Cephalenia</i>	1009
<i>Aedui pop. Gall.</i>	171	<i>Aenus opp Thrac.</i>	1061
<i>Aegæ, Aegæa Maced.</i>	833	<i>Aeoliæ insulæ.</i>	815
<i>Aegæ Achaia</i>	955	<i>Aeolis</i>	896
<i>Aegæum mare</i>	1043	<i>Aepéa Aepeia Messen.</i>	965
<i>vnde dicatur</i>	1044	<i>Aequi pop. Ital.</i>	627
<i>Aegaleus mons</i>	964	<i>Aequicoli pop. Aequi</i>	ibid.
<i>Aegates insulæ Sicil.</i>	818	<i>Aequiculi iidem</i>	ibid.
<i>Aege, Aegea Macedon.</i>	834	<i>Aequinoctium</i>	441
<i>Aegesta Sicilia</i>	797	<i>Aequum colon Dalmat.</i>	495
<i>Aegeta Mæsia</i>	460	<i>Aëria opp. Gall.</i>	195
<i>Aegetensium clasfis</i>	453	<i>Aëria inf. Thasus</i>	1085
<i>Aegiæ Lacon.</i>	977	<i>Aefarus fl. Crotonis</i>	740
<i>Aegialeus mons Attica</i>	942, 944	<i>Aefernia Samnit.</i>	692
<i>Aegida Histria</i>	567	<i>Aefis fl. Vmbria finis</i>	594
<i>Aegilia inf. Peloponn.</i>	1014	<i>Aefis opp. Vmbria</i>	597
		<i>Aefola</i>	

INDEX GEOGRAPHICVS.

Aesola, Aesula <i>Latii</i>	643	Airau	139
Aesona <i>Hispan.</i>	118	Aisacus fl. <i>Rhet.</i>	422
Aestii pop. <i>Germ.</i>	391	Ala Noua <i>Pannon.</i>	441
Aestræum	825	Alaba <i>Hisp.</i>	104
Aesula, Aesulum	643	Alabanenses	101
Aethalia inf. <i>Ital.</i>	759	Alabis, Alabon, Alabus fl.	786
Aethea, <i>Aldeæ</i>	967	Alabon opp.	ibidem
Aethices pop. <i>Græc.</i>	883	Alæa Minerua	996
Aethria inf. <i>Tbasus</i>	1086	Alæsa, Alefa <i>Sicilia</i>	801
Aetna mons	803	Alæsus fl.	801
oppid.	804	Alagonia	980
Aetoli pop. <i>Aἰτωλοὶ</i>	894	Alalcomenæ	832
Aetolia regio	894	Alalcomenium, Alalcomenæ	923
Aexonenses	941	Alani pop. <i>Sarm.</i>	403
Affile opp. <i>Latii</i>	647	Alania regio	ibid.
Afflianus mons	644	Alata <i>Dalmatiae</i>	495
Africa, an tertia orbis terræ pars	39	Alata Castra <i>Britan.</i>	347
Africæ limes	40	Alatrium	646
Africus ventus	29	Alauna <i>Britan.</i>	346
Aganippe fons	927	Alauna, Alaunium <i>Gallia</i>	161
Agasus portus	709	Alaunus fl.	324
Agatha inf. <i>Gall.</i>	203	Alauona	89
Agatha, Agathe, opp.	183	Alba Fucentis	615
Agathemerus	3	Alba Heluiorum	186
Agathodæmon geographus	5	Alba <i>Hispan.</i> fl.	115
Agathyrna, Agathyrnum	802	Alba Iulia	480, 481
Agathyrri pop. <i>Scyth.</i>	405	Alba Longa <i>Latii</i>	639
Agde	183	Alba <i>Piceni</i>	610
Agde	203	Alba Pompeia <i>Ital.</i>	528
Agedincum, Agendicum	167	Alba Vrgaon <i>Hisp.</i>	77
Agelocum	341, 345	Albani pop. <i>Maced.</i>	825
Agen	152	Albaniana <i>Belg.</i>	282
Agendicum <i>Gall.</i>	167	Albanopolis	825
Agennum vide Aginnum	152	Albanum prædium	640
Ager Picenus	602 sq.	Albanus lacus	ibid.
Agelina	151	mons <i>Latii</i>	ibid.
Aginnum <i>Gall.</i>	152	Albanus mons <i>Illyridis</i>	484 sq.
Agreda	91	Albaugusta <i>Gall.</i>	186
Agredicum	167	Albenses Heluii	186
Agrigenti portus	793	Albenses, ab Alba ad Fucinum	614, 615
emporium	ibid.	Albensium ciuitas	186
Agrigentum <i>Sicilia</i>	792	Albientes, Albigeneses	153
Agrinium <i>Aetol.</i>	899	Albiga <i>Gall.</i>	ibidem
Agrippinæ Prætorium	281	Albigaunum	524
Agrippina colonia	263 sq.	Albinia fluv.	576
Agrippinæ vrbs	ibid.	Albiniana	281, 282
Agrippinenses	ibid.	Albintemilium	524
Aguntum <i>Rhet.</i>	426, 435	Albiœce <i>Gall.</i>	192
Agurium, Agyrium <i>Sicil.</i>	806	Albion, <i>Britannia</i>	321
Agyllæ, <i>Cære</i>	589	Albis fl. <i>Germ.</i>	366
Agyrium, Agurium	806	Albium Intemelium	524
Αἰγίλος inf. <i>Ital.</i>	759	Albium Ingaunum	ibid.
Αἰγὸς ποταμός	1068	Albius mons	439, 484
		Xxx xxx 2	Albix

INDEX GEOGRAPHICVS.

Albix
 Albocensii pop.
 Albona *Histriae*
 Albula, *Tiberis*
 Alburnus mons
 portus
 Alcala real
 Alcani
 Alcazar
 Alcimoënnis *Vindel.*
 Alea *Arcad.*
 Alebece *Gall.*
 Alemanni pop.
 Alemanniae parua initia
 Aleria *Corfica*
 Alesia *Sicil.* vide *Alesia*
 Alesia *Gall.*
 Aleta *Dalmat.*
 Aletium *Ital.*
 Aletrium, *Alatrium*
 Aletum *Gall.*
 Alexia, *Alesia rectius*
 Algæ
 Algidum, mons & opp.
 Aliacmon fl. *Maced.*
 Alicanta non est Alone
 est Lucentum
 Alicanum *Pannon.*
 Alione *Britann.*
 Aliphera *Arcad.*
 Alise
 Aliso fl. *Germ.*
 Alifontia fl.
 Alista *Corfica*
 Allaba fl. *Sicil.*
 Allaua fl. *Sicil.*
 Allia fl. *Ital.*
 Allieni Forum
 Allifæ *Samnii*
 Allobroges pop.
 Alma mons
 Alma fl. *Etruria*
 Almeria *Hisp.*
 Almo, riuus Roman.
 Almopii pop.
 Almus *Mæf.*
 Almus mons *Mæf.*
 Alociæ insulæ
 Alon *Theffal.*
 Alone *Hisp.*
 Alone *Britann.*
 Alope *Locr. Ozol.*
 Alopece, Alopecia, inf.

153	Alopeconnesus	1065
477	Alorus <i>Pieria</i>	837
488	<i>Paonia</i>	830
636	Alpenus	905
724	Alpes <i>Bastarnicae</i>	477
ibid.	Alpes <i>Graia</i>	520, 521
76	Alpes <i>Penninae</i>	ibid.
104	Alphæus fl.	959
61	Alpinæ gentes	517
417	Alsa fl. <i>Venet.</i>	562, 563
996	Alfium <i>Etrur.</i>	590
192	Alfuca <i>Rhet.</i>	425
360, 387	Alta Ripa <i>ad Rhen.</i>	250
ibid.	Alta Ripa <i>Pannon.</i>	447
768	Altanum <i>Bruttior.</i>	744
801	Altanus ventus	34
169	Althæa <i>Hispan.</i>	101
495	Altinum <i>Ital.</i>	560
717	Altinum <i>Pannonia</i>	447
646	Altifiodorum <i>Gall.</i>	168
160	Altona fl. <i>Britann.</i>	323
170	Aluntium <i>Sicilia</i>	802
587	Aluona <i>Histriae, Albona,</i>	488
630	Aluta fl. <i>Dac.</i>	476
833	Alyzia opp.	891
109	Almaci, <i>Αμακί, pop. Astures</i>	85
109	Amadoca opp.	407
444	Amadoci pop. <i>Sarmat.</i>	406
344	Amagetobria	233
999	Amakur, <i>Asturica</i>	85
170	Amanteni pop.	440
364	Amantes pop.	ibid.
218	Amantia <i>Græc.</i>	825
769	<i>alia</i>	827
794	Amarynthus <i>Eubœæ</i>	1020
ibid.	Amarysia <i>Diana</i>	ibidem
619 sq.	Amasenus fl. <i>Latii</i>	650
559	Amasia, Amasius, fluv.	362
693	Amastria <i>Sicil.</i>	813
201	Amathus fl. <i>Pamifus</i>	967
449	Amathûs <i>Laconia</i>	969
575	Ambarri	174
74	Amber fluv. <i>Vindel.</i>	415
634	Ambiani pop. <i>Belg.</i>	308
829	Ambiani opp.	216
461	Ambiatinus vicus <i>Treuer.</i>	259
449	Ambitarinus vicus	255, 258 sq.
394	Ambitius pagus	259
863	Ambracia	879, 880
109	Ambracus <i>castellum Ambraciae</i>	881
344	Ambrones pop. <i>Helvet.</i>	222
902	Ambronicus pagus	225
407	Ambrussum	185
		Am-

INDEX GEOGRAPHICVS.

Ambryfus, Ambryffus	911. f 912	Ancone	195, 115
Amenanus fl. <i>Sicil.</i>	783	Ancrina <i>Sicil.</i>	811
Ameria opp. <i>Ital.</i>	601	Ancyra <i>Sicil.</i>	ibid.
America an priscis nota	40	Andecrium vide Andetrium	494
Amerinum castellum	582	Andegau pop.	162
Ameriola <i>Sabinor.</i>	619	oppidum	ibid.
Amestra <i>Sicil.</i>	813	Andegauus vrbs	ibid.
Amilia, Amisus fl.	362	Anderedon <i>Gall.</i>	153
Amiternum	611, 626	Anderidum	ibid.
Annifus fl. <i>Cretæ</i>	1038, 1039	Anderitum	ibid.
oppidum	ibidem	Andes, pagus <i>Mantuanus</i>	550
Amorgus inf.	1054	Andes, Andi, pop. <i>Gall.</i>	162
Ampelon promont.	845	Andetrium <i>Dalmat.</i>	494
Ampelos prom. <i>Cretæ</i>	1030	Andicaui pop. <i>Gall.</i>	152
Amphaxitis regio	839	Andicauorum ciuitas	ibid.
Amphicæa	913	Andium	203
Amphiclea	913	Andizetes	550
Amphilochi pop.	890	Andomadunum <i>Lingonum</i>	234
Amphilochia regio	889	Andretium <i>Illyr.</i>	494
Amphimales sinus	1031	Androphagi pop.	405
Amphimalla, Amphimallium	ibid.	Andrus inf. <i>Cyclad.</i>	1045
Amphipagum prom. <i>Corcyr.</i>	1004	Anemo fl. <i>Cispadan.</i>	541
Amphipolis <i>Macedon.</i>	847, 848	Anemoria <i>Phocid.</i>	911
Amphiscii	20, 25	Angers	162
Amphissa <i>Ozolarum</i>	902	Angitiæ lucus	615
Amphryfus, Amphryffus fl.	865	Angli pop. <i>Germ.</i>	383 f.
Ampsancti lacus	700	Angouleme	151
Amyclæ <i>Ital.</i>	661	Angriuarii pop. <i>Germ.</i>	377
Amyclæ <i>Laconica</i>	976	Anguillade	203
Anaëtorium <i>Acarnan.</i>	889	Angulum <i>Vestin. Ital.</i>	611
Anagnia <i>Latii</i>	646	Anien fl.	617
Ananes pop. <i>Cispadanæ</i>	532	Animo fl. <i>Cispadan.</i>	541
Anaon portus	523	Animarum varietas e locorum situ	37
Anaphe inf. <i>Cretici M.</i>	1041	Anio, <i>Anien</i> , fl.	617
Anaphlystus <i>Atticæ</i>	938	Anisus fl. <i>Norici</i>	430
Anapus fl. <i>Illyr.</i>	493 f.	Anitium	155
Anapus fl. <i>Siciliæ</i>	789	Anitorgis opp. <i>Hisp.</i>	77 f.
Anartes pop. <i>Daciæ</i>	477	Annamatia <i>Pannon.</i>	447
Anarti pop.	ibid.	Anonium <i>Euganeor.</i>	554
Anas fl. <i>Hispan.</i>	55	Anfibarii pop.	375
Anasus fl. <i>Norici</i> , <i>Anisus</i>	430	Ansiuarii pop. <i>Germ.</i>	ibid.
Anassus fl. <i>Venet.</i>	562, 563	Antematunnum	234, 235
Anatili pop.	187	Antemna, Antemnæ	616
Anatiliorum vrbs	187	Anthedon, portus <i>Argolicus</i>	985
Anaximander Milesius tabulas Geographicas		Anthedon <i>Bæot.</i>	918
primas confecit	3	Antheia <i>Messenior.</i>	967
Ancalites pop. <i>Britan.</i>	328	Anthemus, regio <i>Macedon.</i>	841
Anchesmus mons <i>Atticæ</i>	944	vrbs <i>Macedon.</i>	ibidem
Anchisæ portus <i>Epiri</i>	874	Anthropophagi pop.	405
Anchisia mons	1000	Antiana <i>Pannon.</i>	451
Anchoa <i>Bæot.</i>	930	Antiatium rostra	647 sq.
Anciana <i>Pannon.</i>	451	Antibe	189
Ancon, Ancona	603	Antichthones	22
			Anti-

INDEX GEOGRAPHICVS.

Antichthones Melæ	40	Apollonia Mygdonia	840
Anticirra Malienf.	908	Apollonia Sicilia	814
Anticirra Ozolarum	901	Apollonia Thrac.	1077
Anticyra Malienfium	908	supra Pontum	ibidem
Anticyra Ozolarum	901	Aponiana inf.	819
Anticyra Phocid.	908	Appianum Rhæt.	425
Antigonea Epiri	875	Appiaria Mæf.	467
Antigonia Arcadiae	1001	Appi Forum	656
Antigonia Maced.	841	Apri Pl. opp. Thrac.	1081
Chalcidica	842	Apros, Sing. idem	ibidem
Epiri	875	Aprustum	727
Antipodes	22, 23	Apuros inf. Illyr.	498
negati	23	Apfus fluv. Maced.	823
adserti a veterib.	24	Abfyrtris, Abfyrtrides	498
Antiopolis Massiliensium	189	Apta Gall.	196
Antiquaria Hisp.	75	Apta Iulia	ibidem
Antirrhium Peloponnesf.	897	Aptensium ciuitas	197
Antiscii	20, 21	Aptera Cretæ	1034
Antisiodorum Gall.	168	Aponus fons	558
Antium Latii	638, 647, 648	Apulia regio	704
Antoeci	21, 22	Daunia	705
Antona fl. Britann.	323	Peucetia	705, 712
Antonacum, Antonnacus	260	Apulum Daciae	481
Antro, Antron	864	Apulum Augustum	ibidem
Antros inf. Gall.	202	Aqua Claudia Romæ	634
Antunnacus Belg.	260	Crabra Rom.	ibidem
Amphiscii	20	Martia	ibidem
Anxantium Marforum	615	Virgo Rom.	634
Anxur opp. Latii	650 sq.	Aquæ Apollinares	588
Aobriga Hisp.	84	Aqua Viua Etrur.	585
Aoros	1034	Aquæ Augustæ Tarbellorum	144
Aornus Epiri	874	Aquæ Bilbilitanæ Hisp.	102
Aous fl. Illyridis Græcæ	824	Aquæ Britannicæ	333 sq.
Aparctias ventus	27	Aquæ calidæ Hisp. opp.	114, 117
Apeliotes ventus	ibid.	Aquæ Celeniæ Hisp.	84
Apenestæ opp. Apuliae	709	Aquæ Cilinæ Hisp.	ibid.
Aperantia sub Pindo	899	Aquæ Conuenarum	145
Aphas fl. Epiri	881	Aquæ Cumanæ	667, 668
Aphetæ opp. & port.	868	Aquæ Cutiliæ Sabin.	625
Αφελιώτης ventus	28, 29	Aquæ Dacicæ	480
Aphidna Atticæ	941	ad Aquas Daciae	ibid.
Aphrodisias Thrac.	1070	Aquæductus Romani	634
Aphrodisium Pyrenæi	122	Aquæ Flauiae, opp.	83
Aphrodisium Latii	638	Aquæ Heluetiæ	228
Aphytis Macedon.	843	Aquæ Mœsicæ	460
Apia, Peloponnesus	948	ad Aquas Mæf.	ibid.
Apidanus fl. Thessal.	754	Aquæ Pannoniæ	444
Apollinares Aquæ	588 f.	Aquæ Querquernæ	82
Apollonia Aetoliæ	899	Aquæ Quintianæ	84
Chalcidica	847	Aquæ Regiæ Epiri	876
Cretæ	1031	Aquæ Sextiæ Gall.	191
Macrebiorum	847	Aquæ Statiellorum	529
Apollonia ad mare Hadr.	823, 824	Aquæ Tarbellicæ Gall.	144
		Aquæ	

INDEX GEOGRAPHICVS.

Aquæ Tauri <i>Etrur.</i>	588	Ardennæ, <i>Arduenna</i>	210
Aquæ Voconiaë <i>Hisp.</i>	116	Ardiæi pop. <i>Illyr.</i>	485
Aquenses Taurini	588	Ardius mons <i>Illyr.</i>	ibidem
Aquensis ciuitas	144	Ardonæ <i>Apulia</i>	707
Aquilonia <i>Hirpinorum</i>	700	Ardotium <i>Illyric.</i>	489
Aquensis ciuitas, <i>Aix,</i>	191	Arduenna silua	220
Aquensis ciuit. <i>Tarbell.</i>	144	Arecomii Volcæ	184
Aquicaldenses <i>Hisp.</i>	114	Arelate duplex	190
Aquileia	563	col. Iulia Paterna	ibid.
Aquilo ventus	29	Arelate, Arelatum & Arelas	190
Aquincum <i>Pannon.</i>	447	Sextanorum	ibid.
Aquinum <i>Ital.</i>	659	Aremorici, Armorici	157 lq.
Aquitania f. 14. gentium	155	Arenacum	279
Aquitania prouincia	130, 143	Arenatium	ibid.
vetus angustior	142	Arene <i>Elidis</i>	963
ab Augusto amplificata	142, 148	Arethon fl. <i>Epiri</i>	880
Arabela	814	Arethusa fons <i>Sicil.</i>	788
Arabona <i>Pannon.</i>	442	Arethusa fons <i>Eubææ</i>	1024
Arabo fluv. <i>Pannon.</i>	438	Arethusa <i>Mygdonia</i>	840
Arabriga <i>Lusitan.</i>	57	Arethusa <i>Thebana</i>	927
Arachthus fl. <i>Epiri</i>	880, 881	Aretrebaë, <i>Artabri</i> pop.	84
Aracillum <i>Hispan.</i>	86	Areua	94
Aracœlis <i>Hisp.</i>	86, 89	Areuaci	97
Aracynthus mons <i>Aetolia</i>	895	Areuacæ pop. <i>Hispan.</i>	94
Aradus insula	1040	Argælaë <i>Vxama</i>	94
Ara ducta, traducta opp. <i>Lusit.</i>	57	Argelia regio	932
Aræ Flauiaë opp.	417	Argenis fl.	161
Aræ Sestianæ <i>Hisp.</i>	85	Argens	138
Arægenus <i>Gall.</i>	162	Argennum prom.	782
Aranus inf.	1040	Argentanum <i>Bruttior.</i>	744
Ara Tutelæ <i>Corfica</i>	768	Argentaria	230, 244
Ara Vbiorum	263, 264	Argenteum flum. <i>Gall.</i>	138, 188
an Bonna	264 lq.	Argentia <i>Transpadana</i>	547
Arar fluv. <i>Gall.</i>	135 lq.	Argenteum fl.	138, 188
Araris, idem	ibid.	Argentium fl.	138, 188
Araui pop. <i>Lusit.</i>	58	Argentora	243
Auraura vrbs	183	Argentoratum	243 lq.
Arauris, Araurius fl.	139, 183	Argentoratus	243
Arausio opp.	194	Argentuaria	230, 244
Arausio Secundanorum	ibidem	Argenis vrbs <i>Gall.</i>	161 lq.
Arauzona <i>Illyric.</i>	490	Argestes ventus	27, 29
Araxus prom. <i>Elidis</i>	957	Argi, vrbs <i>Argiuorum</i>	985
Arbela <i>Sicilia</i>	814	Argilus <i>Maced.</i>	846
Arbor Felix opp.	227	Argita fl.	354
Arcades, Arcadia, opp. <i>Creta</i>	1038	Argithea <i>Epiri</i>	883
Arcadia regio	990	Argoda <i>Sarmat.</i>	411
Archippe <i>Marforum Ital.</i>	615	Argolicus sinus	972, 982
Arcidaua <i>Dacia</i>	478	Argolis regio	982
Arcilaci opp. <i>Hisp.</i>	108	Argos <i>Amphilocheicum</i>	889
Arcobriga <i>Hisp.</i>	61	Argos, <i>Peloponnesus</i>	948
Arcobriga	103	Argos, τὸ Ἄργος, <i>Argi, Argiv.</i>	985, 986
Cesada	103	Hippium	ibid.
Ardea Latii	638	Argos Hippium <i>Ital.</i>	707
		Argous	

INDEX GEOGRAPHICVS.

Argous portus	760	Artemisia ins. Ital.	760
Argyripa idem,	707	Artemisium Eubœæ	1018
Αργυρίππα	ibid.	Artemita Αρτέμιτα ins. Ital.	760
Argyrium Siciliae	806	Artena Etrur.	587
Argyruntum	489	Artigi Hisp.	68
Arialbinum Rauracor.	231	Arubium Mæf	468
Arica ins. Gall.	203	Arucci opp. Hisp.	67
Aricia Latii	640 sq.	Arucia Illyr.	489
Aricinum nemus	ibid.	Aruerni pop. Gall.	154
Ariconium	342	fratres Romanorum	ibid.
Arimaspi Scythæ	406	vrbs Gall.	ibid.
Ariminum opp.	592	Arunda opp. Hisp.	67
flum.	ibid.	Arupinum Liburn.	487
Ariorum mons Beticæ	78 f.	Arusini campi Hirpinor.	698
Aristagoras Milesius	4	Arx Britannica in Batav.	283
Aristæum opp. in Hæmo	1056	Arx Romana, eadem,	282
Aritium Prætorium Lusit.	57	Arypium Liburn.	488
Ariuates pop.	440	Arzos opp. Thrac.	1083
Arlape Norici	432	Arzus fl. Thrac.	1057, 1071
Arles	190, 114	Asæus ager Arcad.	995
Armamentarium Batav.	282 sq.	Asanum Da'mat.	492
Armenita fluv. Etrur.	577	Asciburgius mons	369
Arminno mons Hisp.	60 sq.	Asciburgium Belg.	271
Ar Mœur quid signet lingua Celtica?	157	Ascii, ἄσσιοι	20
Armorica, regio, ora	158	Asconis fossa ex Pado	558
Armoricæ civitates	157	Ascra Hesiodi patria	928
Armorici pop. Gall.	157	Ascriuium Dalmat.	493
Arna Vmbr. cis Apennin.	598	Asculum Apulum	710
Arnina fl. Etrur.	577	Asculum Picenum	609
Arnissa	832	Ascuris lacus	865
Arnus fluuius Etrur.	505	Asea Acad	995
Arocelitani pop. Hisp.	89	Aselenon	945
Arocha fluv.	738	Asessiates pop. Liburn.	490
Arola fluv. Heluet.	219	Asia quid complectatur	39
Arolus, opp. Bisalt.	842	Asiæ limes ab Africa	42
Aroanius fl.	999	Asinæus sinus, Messen.	1012
Arpi opp. Apulia	707	Asinarus fl. Sicilia	782, 790
Arpinum	658	Asine Argolidis	983
Arretini Veteres	579	Hermonica	ibid.
Fidentes	ibid.	Asine Lacon.	969
Iulieneses	ibid.	Asines fl. Sicilia	782
Arretium	ibid.	Asisia Liburn.	490
colonia Fidens Iulia	ibid.	Asisium Ital.	599
Arribantium Mæf.	465	Asopus fl. Bæot.	917, 921
Arrubium Mæf.	468	Asopus fl. Peloponnesi	953
Arfa opp. Hisp.	68	Asos, Asum Cret.	1037
Arfia fluuius Histr.	483, 488	Assa Macedon.	845
finis Italiae	567	Assorus, Assorium Sicil.	806
Artabri pop. Hisp.	82, 84	Asparagium Græcæ Illyrid.	823
Artabrum Promont.	84	Assorus Macedon.	840
Artacina	1034	Aspia fl. Piceni	604
Artalbinum Gall.	231	Aspledon Bæot.	930
Artana, Ortona	645	Asia Ligur.	527
			Asia-

INDEX GEOGRAPHICVS.

Aſta Regia <i>Hiſp.</i>	75	Atria <i>Transpad.</i>	509, 557
Aſtacus <i>Acarnania</i>	891	Atrianus fluv.	507, 557
Aſtæ pop. <i>Thrac.</i>	1084	Attacotti, pop. <i>Britann.</i>	351 ſq.
Aſteris, Aſteria inf.	1008	Attacum <i>Hiſp.</i>	104
Aſterium	825	Attagus fl. <i>Atax</i>	139
Aſtii, <i>Aſtæ</i> pop. <i>Thrac.</i>	1085	Attegua <i>Hiſpan.</i>	76
Aſtica regio <i>Thrac.</i>	1084	Atthis, idis, regio <i>Attica</i>	930
Aſtigi colonia <i>Hiſpan.</i>	67, 76	Attica regio	930
Augusta	76	Attidium <i>Vmbria</i>	597
Aſtura, fluv. <i>Latii</i>	648, 761	Attium <i>Corſica</i>	769
infula ſub illius oſtium	648, 761	Attuarii pop. <i>Germ.</i>	377
Ciceronis villa	648	Attubi Claritas <i>Iulia</i>	75
Aſtures pop. <i>Hiſp.</i>	85	Atuaca, <i>Atuatuca</i>	273
Aſtures Auguſtani	ibid.	Atuatici pop. <i>Belg.</i>	290
Transmontani	ibidem	Atuaticorum oppid.	ibid.
Aſturica Augusta	ibid.	Atuatuca <i>Eburonum</i>	273
Aſturgia regio	ibid.	Aturæ	144
Aſtypalea inf.	1014, 1040, 1041	Aturenſium ciuitas	144
Aſum <i>Creta</i>	1037	Aturis fluv.	143
Atabulus ventus	29	Aturrus fluv. <i>Gall.</i>	143
Atagis fluuius	422	Aturus fluv. <i>Gall.</i>	132, 144
Atalanta inf. Euripi	1021, 1025	Auanticum, Auenticum	224
Atalantæ Neſion, <i>moſior</i>	1022	Auara fluv. <i>Gall.</i>	155, 173
Atax fluv. <i>Gall.</i>	139	Auaricum <i>Gall.</i>	155
Ategua <i>Hiſpan.</i>	76	Auatici pop.	187
Atella <i>Campan.</i>	686	Auchethæ <i>Sarmata</i>	403
Aternum <i>Lucania</i>	726	Auchi pop. <i>Batan.</i>	287
Aternum <i>Piceni</i>	607, 612	Aude	139
Aternus fluuius	607	Audena fluv.	570
Ateſte <i>Venetia</i>	559	Audura fluv. <i>Gall.</i>	135
Athamanes pop. <i>Græc.</i>	885	Auella <i>Campan.</i>	687
Athamania regio	ibid.	Auendo <i>Liburni</i>	487, 488
Athamantius campus <i>Bæot.</i>	922	Auenio <i>Gall.</i>	194
Athanagia <i>Hiſpan. Ilerda</i>	121	Auennicus	194
Athenæ <i>Attica</i>	931	Auens fl. <i>Sabin.</i>	621 ſq.
Athenæ Diades in <i>Eubœa</i>	1023	Auenticum <i>Heluet.</i>	223
Athenæ <i>Mediolanenſes</i>	546	Auera	155
Athenæ <i>Rhemorum</i>	313	Auernus lacus	670, 671
Athenopolis <i>Maſſilienſium</i>	188	Aufidena <i>Samnitium</i>	691
Atheſis	422, 507, 551	Aufidus fluv. <i>Apul.</i>	506, 710
Atho, Athos, mons	846	Auſinates ciſmontani	611
Athyraſ fl. <i>Thrac.</i>	1057, 1074	Auſina, Auſinum <i>Veſtinor.</i>	611
Atina <i>Latii</i>	659	Auſona fluv. <i>Britann.</i>	323
Atinium <i>Theſſal.</i>	853	Augæa <i>Chalcidicæ</i>	847
Atinum <i>Lucania</i>	726	Augusta Auſciorum	146
Atintanes pop.	831, 884	Augusta colonia <i>Apulum</i>	481
Atintania regio	831, 884	Augusta <i>Dacica</i>	485
Atlantica <i>Platonis</i>	40	Augusta <i>Emerita</i>	60
Atrauates pop.	307	Augusta <i>Iulia Gaditana</i>	70
Atrax opp. <i>Theſſal.</i>	856	Augusta <i>Gemella Hiſpan.</i>	77
Atrebatæ, <i>vrbs</i>	307	Augusta <i>Noua Hiſpan.</i>	95
Atrebates pop. <i>Belg.</i>	ibid.	Augusta <i>Prætoria</i>	199
Atrebates, Atrebatii, <i>Britann.</i>	334	Augusta <i>Prætoria Daciæ</i>	482
		Yyy yyy	Angu-

INDEX GEOGRAPHICVS.

Augusta Præt. Salafforum	521	Aufoba fluv. Hibern.	354
Augusta Rauracorum	229	Aufona Hisp.	117
Augusta Sueffonum	316	Aufones pop. Ital.	501sq. 660
Augusta Taurinorum	518	Aufona opp.	660
Augusta Treba Ital.	628	Aufonia regio	502
Augusta Treuirorum	255	Auster ventus	26
Augusta Tricastinorum	195	Austrania ins. German.	393
Augusta Veromanduorum	311sq.	Aufugum Rhat.	425
Augusta Vindelicorum	416	Aufur fl. Ital.	571
Augusta Vlpia Traiana	480	Autefiodorum Gall.	168
Augustana castra	418	Authetani pop. Hisp.	117
Augustobona Gall.	169	Automate ins.	1042
Augustobriga Hisp.	59,97	Autefiodorum Gall.	168
Augustodunum Gall.	171sq.	Autricum Gall.	163
Augustomagus Belg.	311	Autrigones pop. Hisp.	86
Augustomana Gall.	169	Autun	172
Augustoritum Gall.	150	Autura fl. Galliæ	135
Augustonemetum Gall.	154	Auuona fl. Britann.	323
Auignon	194	Aux	146
Auila non est Abula	108	Auxerre	168
Auia Vestinorum	611	Auxima, Vxama	94
Auisio portus	523	Auximum Ital.	607
Aulæi mœnia Thrac.	1077	Axati Hisp.	76
castellum	ibid.	Axelodunum Britann.	344
Aulerci pop. Gall.	164	Axiacæ pop. Sarm.	403
Eburouices	164	Axiaces fl. Sarmat.	398
Diablintes	ibid.	Axima opp. Gall.	199
Cenomani	ibid.	Axiopolis Mæs.	468
Aulesa	114	Axius fl. Maced.	832, 836, 839
Aulis, idis, Bæot.	917	Axona fl. Gall.	135, 219
Aulon opp. nauale	824	Axuna opp. Gall.	199
ad mare Hadr.	ibidem	Azagarium Sarmat.	407
Aulon supra Cbalcidicam	847	Azali pop.	440
Aulona Peloponnese	963	Azanes pop. Arcad.	1002
Auo fl. Hisp.	83	Azenenses pop. Attica	941
Auranges	161	Azorum Thessal.	855
Aureliana colonia	431	Azorus Pelagonia	855
Aurelianæ Apulæ	713		
Aureliani vrbs	164	B.	
Aureoli pons	547	Bacacum Neruiorum Belg.	292
Aureus Mons Corsica	769	Bacasus Hisp.	117
Aureus Mons Mæs.	458	Baccanæ Etrur.	587
oppid.	ibidem	Bacenis silua Germ.	371
Aurinia Etrur.	575	Bacculonenses	117
Aurunci pop. Ital.	660	Bacuntium fl. Pannon.	448
Ausa opp. Hisp.	117	Badacum Norici	432
Auscenses pop.	146	Badaiox	67
Ausci, Auscii, pop.	145	Badalona	114
Ausci vrbs Aquitan.	146	Badefa	117
Aufer fl. Ital.	505, 570sq.	Badia opp. Hispan.	67
Ausetani pop. Hispan.	116	Baduhennæ lucus Belg.	374
Austani ad Iberum	116	Baculæ Hispan.	114
Ausimum, Auximum	607	Bacula Ausetanorum	117

INDEX GEOGRAPHICVS.

Bælo opp. <i>Hisp.</i>	71	Basternæ pop. <i>Basterna</i>	390
Bælippo opp. & port.	70	Basti opp. <i>Hisp.</i>	108
Bætterra <i>Gall.</i>	182	Bastetani pop. <i>Hisp.</i>	65, 101
Bætes fl. <i>Hisp.</i>	78	Bastitani, iidem,	107
Bætis fluvius <i>Hisp.</i>	78	Bastuli pop. <i>Hisp.</i>	65
Bætica prouincia	65	Bataua castra, in <i>Vindel.</i>	419
eius limites	65	Bataui pop.	275
Bæticae conuentus iuridici	ibid.	Batauodurum	279
coloniæ	ibid.	Batauorum insula	276, 277
limites	ibid.	oppidum	278
oppida	ibid.	Bathia <i>Hispan.</i>	67
Bætulo, Bætullo <i>Hisp.</i>	114	Bathynias fl. <i>Thrac.</i>	1057, 1074
Bæturia, <i>Bætica pars</i>	65, 66	Bathys fl. <i>Siciliae</i>	798
Bagacum <i>Nerviiorum Belg.</i>	274, 292	Baton	440
Bagienni pop. <i>Vagienni</i>	518	Batua <i>Illyr.</i>	493
Bagneres	145	Batulum <i>Campan.</i>	684
Bagnolas opp. <i>Hisp.</i>	117	Bauconica <i>Vangionum</i>	251
Baiæ <i>Campanæ</i>	669	Baudobriga <i>Treueror.</i>	257
Baianus sinus	ibid.	Bauli, villa <i>Campan.</i>	672
portus Iulius	ibid.	Bauota	720
Baiocassæ <i>Gall.</i>	162	Bautobrica	258
Baiocassium ciuit.	ibid.	Bauxare <i>Rhat.</i>	425
Balari pop. <i>Sardinia</i>	775	Bayeux	162
Baleares insulæ	127	Bauzanum	425
maior & minor	128	Bebiana villa	599
Balesium <i>Calabria</i>	717	Bebryces pop. <i>Gall.</i>	177
Balsa	63	Bebrycia aula	177
Balsio <i>Hisp.</i>	91, 102 sq.	Beda vicus	262
Baltia, <i>Scandinouia</i>	391	Bedaium <i>Norici</i>	432
Banienfes	58	Bedesa <i>Hispan.</i>	117
Bantia <i>Apul.</i>	714	Bedesis fl. <i>Cispadan.</i>	541
Baranio fl. <i>Gall.</i>	173	Bedriacum <i>Transpad.</i>	551
Barbariana <i>Hisp.</i>	74	Bēma, passus, mensura	47 sq.
Barbarium promontorium	55	Βημαριζειν	ibid.
Barbeful <i>Hispan.</i>	71, 74	Begerri pop. <i>Aquitani.</i>	145
Barbefula eadem	71, 72, 74	Belbina <i>Laconia</i>	977 sq.
Barcelos	82	Belemina, eadem	ibid.
Barcino <i>Hispan.</i>	113	Belerium prom.	335
Fauentia	ibid.	Belgica <i>Vbiorum</i>	269
Barêa, Baria, Bâpeta	66, 74	Belgium Cæsaris	319
Bargusii	120	Belgium <i>Belg.</i>	256 f.
Baris <i>Calabr.</i>	719	Belia	105
Barium <i>Apul.</i>	713	Belio fluv. <i>Hisp.</i>	82
Barpana inf. <i>Ital.</i>	760	Belitani <i>Hispan.</i>	89, 105
Barfa inf. <i>ad Gall.</i>	203	Belgæ pop. <i>Gall.</i>	204 sq.
Basi opp. <i>Hisp.</i>	117	Belgæ pop. <i>Britanni.</i>	333
Basiana <i>Pannon.</i>	452	Belgica Gallia	204 sq.
Basilea	231	Belgites	440
Basilidæ <i>Scythæ</i>	403	Belo opp. <i>Hispan.</i>	71
Basiana <i>Pannonia</i>	452	Belli	92
Basta <i>Calabria</i>	718	Bellocassæ pop.	318
Bastarnæ pop.	390	Bellouaci pop.	510
Bastarnicæ Alpes	390, 477	Bellus Mons opp.	ibidem
		Yyy yyy 2	Belli-

INDEX GEOGRAPHICVS.

Bellinum <i>Hisp.</i>	103	Biducasses pop.	161
Belunum <i>Rbat.</i>	425	Biduceſii pop. <i>Biducasses</i>	ibid.
Bena <i>Creta</i>	1038	Bigerra <i>Hisp.</i>	108
Benacus lacus, <i>Garder See</i>	550	Bigerri, Bigerrones, pop. <i>Gall.</i>	145
Benauani	120	Bigorra	145
Beneharrum	145	Bilbao	86
Beneuentum	694	Bilbilis ferri ferax	102
Col. Iulia Concordia Felix	694	Bilbilis <i>Hisp.</i>	102
Bennauenta <i>Britann.</i>	340	Bilbilitanæ Aquæ	102
Bennica regio <i>Thrac.</i>	1084	Bilitio <i>Rbat.</i>	426
Berga ad <i>Strymonem</i>	848	Biludium <i>Illyric.</i>	492
<i>Bergai</i> <i>Ἰων</i>	848	Biminacium, <i>Viminicum</i>	459
Bergi, Bergos inf.	391	Bingium ad <i>Rhen.</i>	219, 252
Bergidum <i>Hisp.</i>	86, 120	Birgus fluuius <i>Britann.</i>	354
Bergistani <i>Hisp.</i>	120 sq.	Biriciana <i>Vindelic.</i>	421
Bergitani pop.	ibid.	Bisaltæ pop.	841 seq.
Bergium <i>Hisp.</i>	120	Bisaltia regio	841 seq.
Bergomum	545	Bisanthe <i>Thrac.</i>	1071
Bergula <i>Oretan.</i>	100, 108	Biscargis <i>Hisp.</i>	110
Bergulæ	1083	Bistones pop. <i>Thrac.</i>	1085
Bergusia <i>Hisp.</i>	120	Bisula fluv. an <i>Vistula?</i>	395
Bergusii	120	Biturex opp. <i>Gall.</i>	155
Berœa <i>Macedon.</i>	834	Bituricæ opp. <i>Gall.</i>	155
Berones, <i>Bergones</i> , pop.	87	Bythias fl. <i>Thrac.</i>	1074
Berta opp.	842	Bituriges, vrbs	155
Berunenses <i>Rbat.</i>	424	Bituriges Cubi, pop.	155
Berunum <i>Rbat.</i>	425	Bituriges Vibisci pop.	147
Beseldunum f. Bensendunum	117	Bityla <i>Lacon.</i>	977
Besidiæ <i>Bruttior.</i>	741	Bizone <i>Thrac.</i>	471
Besippo <i>Hisp.</i>	71	Bizya <i>Thrac.</i>	1084
Bessa <i>Locr. Opunt.</i>	906	Blanda <i>Hisp.</i>	113, 114
Bespara <i>Thrac.</i>	1080	Blanda <i>Lucania</i>	726
Besli pop. <i>Thrac.</i>	ibid.	Blandusiæ fons	623
Besfica regio	1084	Bianes	114
Betasi, Betasii, Bethasii, pop.	291	Blanona <i>Illyric.</i>	490
Bererræ <i>Gall. Narb.</i>	182	Blascon inf. <i>Gall.</i>	203
Betis, <i>Bætis</i> fluv.	78	Blatobulgium <i>Britann.</i>	344
Betriacum, <i>Bedriacum</i>	551	Blauia <i>Santonum</i>	149
Betula <i>Hisp.</i>	114	Blauia militaris	149
Berulo <i>Hisp.</i>	114, 115	Blauium	150
Beuret	172	Blauutum	150
Beziers	183	Blaye	10
Biate, <i>Viata</i> , <i>Hisp.</i>	100	Blemmina <i>Lacon.</i>	977 sq.
Biatia eadem	ibid.	Blenna <i>Creta</i>	1038
Bibali pop. <i>Hisp.</i>	82	Blera <i>Etrur.</i>	534
Bibraſte <i>Aeduor.</i>	171, 172	Bletisa opp. <i>Lusit.</i>	59
Bibraſte Iulia	172	Bliterra, <i>ſpurium nomen</i>	183
Bibrax opp. <i>Remor.</i>	313	Boa, Boæ, inf. <i>Illyr.</i>	499
Bibroci pop. <i>Britann.</i>	328	Boagrius fl. <i>Locr. Epicnem.</i>	903, 904
Bice lacus <i>Tauricæ</i>	401, 410	Boaulia, <i>Bauli</i> , <i>Campan.</i>	672
Bidacum <i>Norici</i>	432	Bodincomagus <i>Ligur.</i>	529
Bidaium idem	433	Bodiocasses pop. <i>Gall.</i>	314
Bidis oppid.	308	Bodiontia	19
		Bodo	

INDEX GEOGRAPHICVS.

Bodobriga Belg.	258	Bouium Britann.	342 f.
Bodotria æstuarium	324	Bouo inf. Illyr.	499
Bœa, Bœæ opp. Lacon.	971	Bourges	155
Bœa, Argolici sinus	972	Bracara Hisp.	82
Bœbe Theſſal.	869	Bracara Augusta	ibid.
Bœbias lacus	869	Bracaraugusta	ibid.
Bœon Tauric.	411	Bracari pop.	82
Bœotia regio	916	Brachyscii	20
Boiæmum, Boiemum, regio	389	Bradanus fluuius	715
Boii pop. Germ.	ibid.	Bræcarii, Bracari,	82
Boii pop. Gallie transalp.	174	Brannodunum Britann.	339
Boii Cisalpini pop.	532	Branonium Britann.	341
Boii pop. Vindelic.	420	Branogenium	ibid.
Boiorum Deferta Pannoniæ	442	Brasia Attica	940
Boiodurum	430	Brasiæ Laconia	973
Boiohemum	389	Bratuspantium Gall.	310
Dorid.	899	Brattia inf.	499
Boium opp. Lacon.	899	Brauron, Brauronia	939
Bola Aequorum Ital.	629	Bregetio, Bregitio Pannon.	446
Bolbe Macedon.	847	Bregætium Pannon.	ibid.
Bolerium promont. Britann.	352	Bremenium Britann.	346
Bonconica Vangionum	251	Bremetonacum Britann.	344
Bondicomum Ligur. ad Pad.	529	Bremeturacum	ibid.
Boni portus Cretæ	1030	Brentonicum Euganeorum	553 f.
Bonna	265	Breones pop. Breuni	424
Bononia Belgica	302, 304	Brettavia	321
Bononia Pannoniæ	448	Breuci pop. Pannon.	440
Bononia Ital.	538	Breucomagus	241
Bontobrice	257	Breuni pop. Rbat.	423
Boramons Macedon.	829	Brica Celtica vrbs sonat	57
Borbetomagus	251	Bricinnia, castellum	785
Borbitomagus	250	Brigæcum Hispan.	85
Borchorum	128	Brigantes pop. Britann.	344
Boreas ventus	27	Brigantes pop. Hibernia	354
Bormitomagus	250	Brigantii pop. Vindelic.	415
Bortina	120	Brigantinus lacus	228, 415
Borysthenes fluv.	398	Brigantia, Brigantium opp. Vindelic.	228, 415
Borysthenis, opp.	399	Brigantium in Alpibus	519
Borysthenidæ pop.	ibid.	Brigantium Hispan.	84
Borysthenitæ pop.	403	Brileſſus mons Attica	942, 944
Bosa Sardinia	773	Brigecum	85
Bosporana regio	411	Brigobanna Britann.	417
Bosporani pop.	ibid.	Britannia	321
Bosporani reges	ibid.	Barbara	325, 350
Bosporus vrbs	410	Romana	325, 328
Bosporus Cimmerius	409	Inferior	327
Bosporus Mysius	1074	Superior	326
Bosporus Thracius	ibid.	Britanniæ diuifio	325
Bottia regio Macedon.	835 sq.	oppida	325
Bouenna inf. ad Sardiniam	776	muri, valla	325, 347
Bouiaſmum	389	Britannica arx Belg.	283
Bouianum Samnit.	692	Brito, Britto, Britannus	322
Bouillæ Latii	640	Britomartis nympha	1027
		Yyy yyy 3	Brit-

INDEX GEOGRAPHICVS.

Brittenburg, Belg.	284	Buxentum Ital.	
Briualfæ	135	Bycelacus Sarin.	726
Briuates portus, Brest,	160	Byllis, Bullis, opp.	401, 410 sq.
Brixellum Cispadan.	535	Byrrus fl Rhæt.	825
Brixentes, Brixantæ pop.	424	Byzantium	422
Brixia Italiæ	548		1075
Brocomagus Triboccor.	241		
Bromiscus Macedon.	847	C.	
Brouoniacum Britan.	344	Aballinum Gall.	
Brueteri pop.	375 sq.	Caballodunum, idem	171, 173
Majores	376	Caballio, Gall.	173
Minores	ibid.	Cabellio, idem,	194
Brundisium	716	Cabezza del Griego	173, 194
Brundulus portus Venet.	557	Cabillones opp. Gall.	101
Bruttii pop.	730	Cabillio	173
Bruttiorum mediterranea	741	Cabillo	ibid.
Bryanium Macedon.	832	Cabillonum, idem	173
Bubalia Pannon.	449	Cabiris sacrata Imbrus	173
Bubinda	354	Cabo de Espichel	1087
Bucephala prom. Argiv.	983 f. sq.	Cabrera	55
Bucephalus portus	985	Cabyllinum	129
Buchætium Epiri	875	Cabyle Thrac.	173
Bucolium Arcad.	1002	Cacra promontor.	1084
Budalia Pannon.	449	Cacyparis fl. Sicil.	791
Budinus mons	406	Cadistus mons Cretæ	790
Budoræ, Budroæ, inf.	1039	Cadmea	1026
Budorus fl Eubœæ	1023	Cacyrum Sicil.	920
Budroæ inf. Cretici M.	1039	Cadurci pop. Gall.	808
Budua Lusitaniæ	57, 60	Eleutheri	152
Buges lacus, Byce.	410	Cadurcum f. Cadurcus opp. Gall.	153
Bulis Phocid.	915	Cæcias ventus	152
Bullæum Brittann.	342	Cæcilia castra Hispan.	28 sq.
Bullis Græc. Illyr.	825	Cæciliana	61
Bura Achaïæ	954, 955	Cæcina fluuius Etrur.	61
Buragara Mæs.	475	Cæcinum an opp. Bruttiorum?	573
Burburaga Mæs.	ibid.	Cæcinus an fl. Bruttiorum?	738
Burchania insl.	393	Cæcubum regio	ibidem
Burdegala	148	Cæcubum vinum	664, 665
Burdigala Gall.	148	Cæcubus ager	665
Burginacium Belg.	280	Cælerini	664
Burgundiones pop.	384	Cæletæ pop. Thrac.	82
Burii pop. Germ.	385	Maiores	1084 sq.
Burnum Illyric.	490, 495	Minores	ibidem
Burridentii pop.	477	Cælina opp. & fl. Venet.	ibidem
Burrium Britann.	342	Cælius Mons opp. Vindel.	561
Bursada Hisp.	104	Cælium Apuliæ	417
Burtina Hisp.	120	Cænepolis, Neapolis, Tanarum	715
Buruncum Belg.	267	Cænica regio Thrac.	968 sq.
Buthoë Illyr.	493	Cænina Sabinor.	1084
Buthrotum Epiri	876	Cænys, prom. Brutt.	619
Butoa inf. Cretici M.	1040	Cænomani pop. Transpad.	734
Butrio Venet.	558	Cænophrurium Thrac.	548
Butrotum flumen Brutt.	736	Cæpiana	1072
			61
			Cæra-

INDEX GEOGRAPHICVS.

Cæracates pop. Belg.	245	Callaci pop. Hisp.	81
Cæratulus fl. Cretæ	1035	Callatis, Callatia Mæf.	471
vrbs, Cnoſſus	ibid.	Calle opp. Hifpan.	81
Cæreſi pop. Belg.	273, 274	Calleua Atrebatum	334
Cære opp. Etrur.	589	Calliarus Locridis	904, 906
Cæretanus amnis	ibid.	Calliæ, Callia, Peloponn.	998
Cæriana Hifp.	67	Callicula mons Campan.	680
Cærites, incolæ rē Cære	589	Callifæ Hirpinor.	700
Cæritis amnis	589	Callipidæ pop. Sarmat.	463
Cæſada	103	Callipolis Aetoliæ	899
Cæſarea auguſta	105	Callipolis Calabr.	719
Cæſar auguſta	104	Callipolis Siciliæ	814
Cæſarea inf. Gall.	203	Callipolis Thraciæ.	1068
Cæſarodunum Gall.	163	Callipûs fl. Luſitan.	55
Cæſaromagus Belg.	310	Callirhoe Enneacrunos fons	934
Cæſaromagus Britann.	336	Calliteræ Macedon.	842
Cæſena Cispadane	539	Callium Aetoliæ	899
Cæſia filua Germ.	371	Calloniana Sicil.	810
Cæſtria Epiri	879	Calon Belg.	271
Cætobrix opp. Hifpan.	61	Calor fl. Lucania	723
Cahors	152	Calor fl. Beneuent.	694
Caicinus fl. Bruttor.	737	Calpe mons Hifp.	72, 79
Caieta Latii	661	Calpturniana	69
Calabria regio	716	Calybe Thrac.	1084
Calacta, Calacte Sicil.	801	Calydnæ inf.	1041
Calagorina	89	Calydon Aetoliæ	896
Calaguris Iulia Naſciæ	89	Calyмна inf.	1041
Calaguris Fibularenſis	89	Calypſus inſula	758
Calahorra	89	Camalodunum Britann.	337
Calarnia Turris	847	Camara Cretæ	1031
Calatia Campan.	684 ſq.	palus	791
Calatini, qui colunt Calatiam	ibid.	Camaracum Belg.	292
Calatis Mæſiæ	471	Camarina vrbs Sicil.	791
Calatum Britann.	344	Camarica Hifp.	86
Calauria inf. Argiur.	1013	Camarque	203
Calcaria Britann.	345	Camars	578
Calcua Britann.	334	Cambes Rauracor.	231
Caldes de Malauella opp. Hifp.	116	Cambete	ibidem
ad Cale, ad Callem	596	Camboduntum Britann.	345
Caledonia regio	350	Camboleſtri pop.	151
Caledonii pop. Britann.	ibid.	Camboriturum Britann.	339
Caledones, Caledonii	351	Cambretonium	ibid.
Caledonius Oceanus	351	Cambunii montes	865
Calenus, a Calibus	682 ſq.	Camibus fl. Vindelic.	415
Cales opp. Campan.	ibid.	Cameliomagus Ligar.	530
Caletes, Caleti, pop.	317	Cameria, Camerium, Sabin.	619
contributi Lugdunenſi	ibid.	Camerinum, Umbria	597
Caletra Etrur.	575	Camers, Camertes, Camerini incolæ	597 f.
Califia Germ.	385	Camicus fl. Sicil.	793
Callæci pop. Hifpan.	81	opp. regia Cocali	ibid.
Callæcia Hifpan.	81	Camirus Cret.	1030
Callaici Bracarîi	82	Campania regio	665
Lucenſes	ibid.	Campania mediterr.	679
			Cam-

INDEX GEOGRAPHICVS.

Campi Canini Rhæt.	541	Caralis <i>Sardinia</i>	
Campi Lapidei Gall.	187	Carales Pl. <i>Caralis</i>	772
Campi Raudii Ital.	542	Carantonus fl. Gall.	ibid.
Campus Iuncarius <i>Hispan.</i>	116	Caranufca <i>Treueror.</i>	133
Camprodon	117	Carbania inf. Ital.	262
Campus Lapideus	138	Carbas ventus	758
Campsa <i>Maced.</i>	842	Carbia <i>Sardinia</i>	34
Camuni pop. <i>trans Padum</i>	423, 553	Carbonaria fossa <i>Padi</i>	774
Canastræum prom. <i>Macedon.</i>	844 seq.	Carcafo, Carcasum Gall.	557
Candabora <i>Hisp.</i>	104	Carcasfo, Carcasio	180
Candanum	478	Carcine opp. <i>Sarmat.</i>	ibid.
Candanouia inf.	394	Carcinites sinus	402
Candauia regio, iugum	830	Carcinitis opp.	402
Canelata <i>Corfica</i>	769	Carcinum <i>Bruttior.</i>	ibid.
Cangi pop. <i>Britann.</i>	328	Cardamyla <i>Peloponn.</i>	738
Caninefates pop. Belg.	285	Cardia <i>Thrac.</i>	967
Canini campi Rhæt. finibus	541	Cardines mundi	1063
Cannæ <i>Apul.</i>	711	Cares opp. <i>Hisp.</i>	26
Cannensis clades	ibid.	Carenfes, incolæ eius	105
Cannenufates pop. B. <i>ig.</i>	285	Carillæ opp. <i>Brutt.</i>	105
Cantæ pop. <i>Britann.</i>	352	Caris, siue Carus fl. Gall.	730
Cantabria regio	86	Caristum <i>Liguria</i>	133, 173
Cantabri pop. <i>Hisp.</i>	ibid.	Carmentalis porta Romæ	529
Cantabricus Oceanus	ibid.	Carminianensis saltus	633
Cantii pop. <i>Britann.</i>	328, 329	Carminianum <i>Calabr.</i>	720
Cantium prom. <i>Britann.</i>	329	Carni pop.	ibid.
Cantium, regio	329	Carnio <i>Arcad.</i>	562
Canusium <i>Apul.</i>	711	Carnotena ciuitas	1002
Capara opp. <i>Lusit.</i>	59	Carnotum opp. Gall.	163
Capena opp. <i>trans Tiber.</i>	586	Carnûs, untis, <i>Pannon.</i>	163
Capena porta Romæ	633	Carnuntum <i>Pannon.</i>	441
Caphareus prom. <i>Eubææ</i>	1017 sq.	Carnutes, Carnuti, pop. Gall.	ibid.
opp. <i>Eubææ</i>	ibid.	Carnuteni	163
Caphya opp. <i>Arcad.</i>	999	Carnutum opp. Gall.	ibid.
Caphyatæ opp. <i>Arcad.</i>	999	Carnutum <i>Pannon.</i>	441
Capitolium Tolosanum	181	Carocotinum in <i>Caletib.</i>	318
Capidaua <i>Mæf.</i>	468	Carpatus inf.	1041
Capillati pop. <i>Ligures</i>	518	Carpates mons	477
Capitolinus cliuus	633	Carpesii pop. <i>Hisp.</i>	97
Cappara <i>Lusit.</i>	59	Carpentora cte Gall.	196
Capraria inf. <i>Hisp.</i>	129	Carpentras	196
Capraria inf. Ital.	759	Carpetani pop. <i>Hisp.</i>	91, 97
Caprasia opp. <i>Bruttior.</i>	741	Carpetania regio	97
Caprasia inf. Ital.	759	Carpi pop.	390, 477
Caprasia, ostium <i>Padi</i>	556	Carpiani pop.	477
Capreæ inf. Ital.	764	Carpis, opp. <i>Pannon.</i>	447
Capri portus <i>Maced.</i>	847	Carraca <i>Transpadana</i>	554
Capua <i>Campan.</i>	681	Carrea Pollentia	527
Caput bouis <i>Mæf.</i>	461	Carrodunum <i>Germ.</i>	390
Caput Finisterræ	84	Carseoli Ital.	628
Caracates pop	245	Carfulæ, <i>Vnibr. citerioris</i>	601
Caraceni Samnites	690	Carsum <i>Mæf.</i>	468
Caracini	ibid.	Carteia <i>Hisp.</i>	69, 70, 71
			Car-

INDEX GEOGRAPHICVS.

<i>Carteia Olcadum, Althæa</i>	101	<i>Castulo Hisp.</i>	
<i>Carthago Noua</i>	108	<i>Castulonensis saltus</i>	98, 99
<i>Spartaria</i>	ibid.	<i>Casus inf.</i>	80, 99
<i>Carthago Vetus Hisp.</i>	III	<i>Catabathmus limes Africæ</i>	1041
<i>Caruentana arx Latii</i>	655	<i>Catægis ventus Pampbyl.</i>	42
<i>Carya Laconia</i>	280	<i>Catalauni pop. & opp.</i>	30
<i>Carya Laconica</i>	978	<i>Catana Sicilia</i>	313
<i>Caruo Belg.</i>	1000	<i>Cataracta Britann.</i>	783
<i>Caryones pop. Sarmat.</i>	406	<i>Catarractum fl. Cret.</i>	344
<i>Caryssus Eubææ</i>	1019	<i>Catari pop. Pannon.</i>	1029
<i>Carystia columnæ</i>	1019	<i>Catina Sicilia</i>	440
<i>Carystium marmor</i>	1019, 1024	<i>Catti pop. Germ.</i>	783
<i>Carystum Ligur. vide Caristum.</i>		<i>Caturiges pop. & opp.</i>	379
<i>Cascantum Hisp.</i>	89, 91	<i>Caturraetonium Britann.</i>	199
<i>Casperia Sabinor.</i>	623	<i>Catyeuchlani pop. Britann.</i>	344
<i>Casilinum Campan.</i>	682	<i>Cauaillon</i>	338
<i>Casinum Latii adiecti</i>	660	<i>Cauares, Cauari, pop. Gall.</i>	194
<i>Casmena</i>	810	<i>Caua Eubææ</i>	194
<i>Casmenæ</i>	ibid.	<i>Cauca Hisp.</i>	1022
<i>Casperula Sabinor.</i>	623	<i>Cauchii pop. Germ.</i>	93
<i>Caspingium Belg.</i>	281, 284 sq.	<i>Maiores</i>	376
<i>Casandrea Macedon.</i>	843	<i>Minores</i>	ibid.
<i>Iulia Augusta</i>	ibid.	<i>Cauci</i>	376
<i>Casliopæum prom. Corcyra</i>	1004	<i>Caucoliberum</i>	376
<i>Casliopæi pop. Epiri</i>	875	<i>Caudium Samnit.</i>	178
<i>Casliope portus Epiri</i>	874	<i>Caudinæ Furculæ</i>	695
<i>oppidum</i>	874, 875, 879	<i>Caulonia, Caulon Brutt.</i>	ibid.
<i>Casliope Epiri mediterr.</i>	879	<i>Caurium opp. Lusit.</i>	737
<i>Casliopeia opp. Casliope</i>	875	<i>Caurus ventus</i>	61
<i>Casiterides insulæ</i>	125, 356	<i>Cazorla</i>	28, 34
<i>Casius Iuppiter</i>	874	<i>Cea, Ceos ins. Aegæi</i>	108
<i>Castalius fons</i>	910	<i>Ceba Ligur.</i>	1046
<i>Castanæa Thessal.</i>	870	<i>Cebenna mons Gall.</i>	528
<i>Castellani</i>	116	<i>Cebrium Mæsf.</i>	140
<i>Castellum ad Aenum fl.</i>	419	<i>Cebus fl. Ciabrus,</i>	466
<i>Castellum ad Fuldum</i>	380	<i>Cecropia Attic.</i>	ibid.
<i>in Tauno</i>	ibid.	<i>Cecropia alia Attica</i>	931
<i>Castellum Menapiorum</i>	289, 305	<i>Cecyrina Achaia</i>	937
<i>Castellum Morinorum</i>	305	<i>Celadus fl. Hisp.</i>	957
<i>Casthanæa Thessal.</i>	870	<i>Celadusæ insulæ</i>	83
<i>Castorum nemus trans Padum</i>	552	<i>Celelates pop. Ligur.</i>	498
<i>Castra Cæcilia Hisp.</i>	61	<i>Celeia Norici</i>	531
<i>Castra Hannibalis, portus</i>	738	<i>Celemantia Germ.</i>	436
<i>Castra Herculis in Batavis</i>	280	<i>Celeniæ Aquæ Hisp.</i>	390
<i>Castra Martis Mæsf.</i>	464	<i>Celennæ Campan.</i>	84
<i>Castra mensuræ genus</i>	49	<i>Celetrum Illyr. Græc.</i>	684
<i>Castra Noua Dacia</i>	478	<i>Celeusus opp.</i>	827
<i>Castrum, colonia, Præut.</i>	606	<i>Celia Ital.</i>	418
<i>Castrum Ebredunense</i>	199	<i>Celsa Hisp.</i>	715
<i>Castrum Inui</i>	638	<i>Celsenses</i>	119
<i>Castrum Nouum Etruria</i>	588, 589	<i>Celtæ latisime coluerunt</i>	89
<i>Castrum Vcecenfe</i>	184	<i>Celtæ Cæsaris</i>	131
<i>Castrum Nouum Præut.</i>	606	<i>Celtiberia regio</i>	101
		<i>Zzz zzz</i>	Celti.

INDEX GEOGRAPHICVS.

Celtibéri pop.	91, 101	Ceruaria <i>Galliae finis</i>	122, 178
Celtica pars <i>Galliae</i>	156	Ceruaria <i>Oretan.</i>	100
Celtica pars <i>Lusitaniae</i>	53	Ceruera	178
Celtici <i>Hisp.</i>	66	Cesada	103
Celticum prom <i>Hisp.</i>	84	Cesata	ibid.
Celydnus fl. <i>Illyr. Græc.</i>	827	Cessero opp. <i>Hisp.</i>	183
Cemelium <i>sub Alp. Gall.</i>	193	Cestrina, regiuncula <i>Epiri</i>	879
Cemenelium idem	193, 517	Cetaria <i>Siciliae</i>	797
Cemmenum	186	Cetium opp. <i>Norici</i>	432, 440
Cenabum <i>Gall.</i>	163	Cetius mons <i>Noric.</i>	432, 439
Cenæum prom.	1018	Cetobriga	61
Cenchreæ <i>Corinthior.</i>	951, 952	Chabrius fluv. <i>Maced.</i>	847
Cenera <i>Venet.</i>	560	Chædini pop.	392
Cenio fl. <i>Britann.</i>	324	Chæronea <i>Bœot.</i>	925
Cenomagni pop. <i>Brit.</i>	328	Chalæon portus	901, 907
Cenomani pop <i>Gall.</i>	165	Chalastra <i>Macedon.</i>	840
Cenomani <i>Ital. Transpad.</i>	548	Chaleos, <i>χαλεός,</i>	901
Centobrica <i>Hisp.</i>	122	Chalcia inf. <i>Cretici M.</i>	1041
Centrones pop. <i>Alpin.</i>	199, 293	Chalcidice regio	845
Centumcellæ	588	Chalcis <i>Macedon.</i>	845
Centumputea <i>Daciae</i>	478	Chalcis <i>Aetoliae</i>	897
ad Centuriones, locus ad <i>Pyrenæum</i>	179	Chalcis <i>Eubææ</i>	1021 sq.
Centuripa, Centuripæ <i>Pl.</i>	804	Chalestra <i>Macedon.</i>	840
Ceos inf. <i>Aegei</i>	1046	Challon	173
Cephalenia inf.	1008	Chalufus fl. <i>Germ.</i>	366
Cephalenes incolæ	1009	Chamaui pop. <i>Germ.</i>	376
Cephalœdis, Cephalœdium	801	Chaonia regio	872
Cephisfia fons <i>Athen.</i>	934	Charadra <i>Epiri</i>	879
Cephisfis palus	924	<i>Phocidis</i>	914
Cephissus fl. <i>Bœot.</i>	930	Charax opp. <i>Tauricae</i>	409
Cephissus fl. <i>Atticae</i>	935	Charente	133
Cephissus, Cephissus fl. <i>Phocid.</i>	913	Chares fl. <i>Gall.</i>	134
Cepiana opp. <i>Lusit.</i>	61	Chartus	163
Ceracates pop. <i>Belg.</i>	245	Chateau <i>Landon</i>	165
Ceramicus vrbs	931	Charidemi Promontorium	74
extra urbem,	ibid.	Charybdis	779 f. 780
Ceratonía <i>Achaiae</i>	958	Chasuarii pop. <i>Germ.</i>	377
Ceraunia oppid. <i>Achaiae</i>	954, 957	Chatti pop. <i>Catti</i>	379
Ceraunii <i>Illyrici</i>	485	Chattuarii pop. <i>Germ.</i>	377
Ceraunii montes <i>Epiri</i>	954, 873	Chaucis regio	376
Cercinitis palus <i>Macedon.</i>	847	Chauci pop. <i>Germ.</i>	ibid.
Cerdiciates pop.	531	le Cher fluv.	134
Cerdonia <i>Ital.</i>	707	Chelidonias ventus	31
Cereatæ, Ceretæ, pop. <i>Cretæ</i>	1038	Chelonatas prom.	959
Ceresius lacus <i>Transpadan.</i>	543	Cherson, <i>χερσών,</i>	408
Ceretani pop. <i>Hisp.</i>	122	Chersonesus <i>Cimbrica</i>	394
Certima <i>Hisp.</i>	104	Chersonesus <i>Taurica</i>	408
Cerfennia <i>Marforum</i>	615	Chersonesus opp. <i>Taurica</i>	408
Cerilli opp. <i>Brutt.</i>	730	Chersonesus emporium	ibid.
Cerinthus <i>Eubææ</i>	1023	Chersonesus prom. <i>Atticae</i>	936
Cerretani pop.	122	<i>Cretæ</i>	1031, 1028
Cerretani <i>Augustani</i>	123	Chersonesus <i>Thraciae</i>	1063
<i>Juliani</i>	ibid.	Chersonesus <i>Zenonis</i>	410
			Cherufci

INDEX GEOGRAPHICVS.

Cherufci pop.	381	Cithæron mons	926, 927
Chefinus fl. <i>Sarmat.</i>	396	Citharista portus	188
Chidria <i>Thrac. Chersones.</i>	1070	Citinium	899
Chimæra castellum <i>Epiri</i>	874	Ciuitas Albenfium	186
Chimerium prom.	877	Ciuitas Albigenfium	153
Chinna, <i>Ginna</i>	497	Ciuitas Mogalonenfium	185
Chonia, <i>regiuncula Bruttior.</i>	741	Ciuitas Namnetum	158
Chronus fluv. <i>Sarm.</i>	395	Ciuitas Nemaufenfis	184
Chryfa inf. <i>ad Cretam</i>	1040	Ciuilis Claudius	212
Chryfas fl. <i>Sicil.</i>	806	Ciuitas Sollinienfium	192
Chryfe inf. <i>Thafus</i>	1086	Clampetia	731
Chryfe inf. <i>Aegæi</i>	1053	Clanis fl. <i>Etrur.</i>	578
Chuni, <i>Scythæ</i>	406	Clanius fl. <i>Campan.</i>	666, 685
Chydas fl. <i>Siciliæ</i>	802	Clanouenta <i>Britann.</i>	345
Chyretix <i>Theffal.</i>	852	Clarennæ <i>Vindelic.</i>	418
Ciabus fl. <i>Mæf.</i>	456	Claritas Iulia	74
Cibalæ seu Cibalis	449	Clarus Mons Gall.	154
Ciberis <i>Thrac.</i>	1070	Clasfica colonia, <i>For. Iulii</i>	188
Cichyrus <i>Epiri</i>	877	Clastidium	530, 531
Cicones pop. <i>Thrac.</i>	1059	Claterna Cispadan.	538
Cicynethus inf.	1053	Claude, Claudos inf.	1040
Cilina <i>Venet.</i>	561	Claudia Copia Lugdunum	175 sq.
Cilinæ Aquæ <i>Hisp.</i>	84	Claudia <i>Norici</i>	453
Cilniana	74	Claudiuium	ibid.
Cilurnum <i>Britann.</i>	344	Claudii Forum Gall.	199
Cimarus prom. <i>Cretæ</i>	1025, 1027	Claudius mons	439
Cimbri pop.	382	Claudomerium <i>Hisp.</i>	84
Cimbrianæ, Cimbrianum	451	Clauenna	427
Ciminius saltus, mons, lacus	581	Clausentum Antonini	333
Cimmerium Campaniæ fabulosum	672	Claustra Pyrenæi	124
Cimmerium opp. <i>Tauricæ</i>	411	Cleonæ <i>Argolicæ</i>	989
Cimolus inf. <i>Aegæi</i>	1047 f.	Cleonæ <i>Chalcidicæ</i>	847
Cinarus, Cinara, inf.	1055	Clepidaua	390
Cinga fl. <i>Hisp.</i>	118	Clesius fl.	553
Cingenteratum	73	Clenum <i>Britann.</i>	339
Cingilia <i>Vestinor.</i>	611	Clibanus mons <i>Brutt.</i>	742
Cingulum <i>Piceni</i>	608	Clima quid proprie	16, 17
Cinium	128	Climata olim septem	18
Cinna, Chinna	497	inæqualia	18, 19
Cinniana <i>Hisp.</i>	116	Climata veterum	17
Circæus mons <i>Latii</i>	649	Climberrum <i>Aufciorum</i>	146
Circeii opp. <i>Latii</i>	ibid.	Clisæ <i>Bæot.</i>	929
Circius ventus	29, 30, 34	Cliternia	703
Circumpadani	531	Cliternum	628
Cirpi <i>Pannon.</i>	447	Clitor, Clitorium opp.	998 sq.
Cirrha Phocidis	907	Clitorius fons	999
Cirritania	123	Clitumnus fons fl.	600
Cisamos <i>Cretæ</i>	1034	Clodia fossa	557
Cisamus opp.	1027	Clodianæ <i>Maced.</i>	850
Cispadana Gallia	531	Clodianum flum.	117, 121
Cisia <i>Thrac.</i>	1069	Clodii Forum	570
Cisfa, Cisfum, <i>Hisp.</i>	117	Clostra Romana	648 f.
Cissus <i>Maced.</i>	840	Cluana <i>Piceni</i>	604
		Zzz zzz z	Clui-

INDEX GEOGRAPHICVS.

Cluilia fossa	640	Comagenæ Norici	432
Clunia <i>Hisp.</i>	95, 428	Comarus portus	578
Clunium <i>Corficæ</i>	769	Combræa <i>Macedon.</i>	842
Clusina palus	578	Comidaua <i>Dac.</i>	482
Clusini Noui	579	Comillomagus <i>Ligar.</i>	530
Veteres	ibid.	Cominium	697, 700
Clusium <i>Etrur.</i>	578	Comitatus Redensis	180
Clusius fl.	553	Complutum	97
Cluuerii controuersia de Rheni officiis	209	Compsa <i>Hirpinor.</i>	701
Cluua <i>Samnit.</i>	696	Compulteria	697
Cnemis mons <i>Locrid.</i>	903	Comum	544
Cnemides, plur. opp.	ibid.	Concana <i>Hisp.</i>	86
Cnossus, Cnosus <i>Cret.</i>	1035	Concani pop. <i>Hisp.</i>	ibid.
Coca	93	Concordia Italia	68
Cocintum prom. <i>Brutt.</i>	737 sq.	Concordia in <i>Venetis</i>	562
Cocossates pop. <i>Gall.</i>	144	Concordia <i>Lusitania</i>	57
Codanonia inf.	394	Concordia <i>Nemetum</i>	247
Codanus sinus	361	Condandum	478
Colonia <i>Britann.</i>	346	Condante quid signet Celtica lingua	161
Cœlerini pop.	82 sqq.	Condante opp. <i>Aulercorum</i>	164
Cœlimontana porta Romæ	633	<i>Britann.</i>	342, 344
Cœliobriga <i>Hisp.</i>	81	<i>Carnutum</i>	160
Cœlos portus	1066	<i>Rhedonum</i>	ibid.
Colapiani pop.	440	Condiuicnum opp. <i>Gall.</i>	158
Colapis fluv. <i>Pannon.</i>	439	Condruſi pop.	272, 274
Colarni pop. <i>Lusit.</i>	58	Confluentes, vrbs	259
Colarnum opp. <i>Hisp.</i>	60	Conimbrica <i>Lusitan.</i>	57
Colatio <i>Norici</i>	436	Conistorſis <i>Hispan.</i>	77
Colentum inf. <i>Illyr.</i>	499, 500	Cononium <i>Britann.</i>	336
Colias prom. & littus <i>Atticæ</i>	934	Conope <i>Aetoliæ</i>	895
Colicaria <i>Cispadan.</i>	537	Consabrum <i>Hisp.</i>	98
Collatia <i>Sabinorum</i>	616, 617	Consaburenſes	98, 101
Collatia <i>Apulorum</i>	708	Consentia	737, 742
Collina porta Romæ	633	Consilinum <i>Brutt.</i>	937
Collippo opp. <i>Lusit.</i>	56	Constantia	227
Colone, Colonides <i>Messenia</i>	965	Consuarini pop.	178
Colonia <i>Britann.</i>	337	Contestani pop.	91, 108
Coloni Equeſtris	224	Contenebra	591
Colonia Italia Calpe	72	Continentes maiores quot	39
Colonia <i>Lusitanorum</i>	64	Continuſſa ſ Cotinuſſa	124
Metallina	64	Contra - Acincum	447
Colonia <i>Morinorum</i>	306	Contrebia <i>Hispan.</i>	98
Norbenſis	58	Contributa <i>Hisp.</i>	67
Colonia Traiana	270, 272	Conuenarum vrbs	88
Colonia Valentia	106	Conuenarum Aquæ	145
Colops fl. <i>Pannon.</i>	439	Conuenæ pop. <i>Gall.</i>	ibid.
Colubraria inf.	127	Copais lacus	921, 924
Columbaria inf. ad <i>Siciliam</i>	818	Copia Claudia colonia	175, 176
Columbarium prom. <i>Sardin.</i>	771	Copiæ, <i>Tburii</i>	729
Columna Rhegia	734	Copria, littus <i>Sicil.</i>	782
Columna ventorum. Caietana	29	Cora <i>Latii</i>	652
Comacenus Lacus, <i>Larius,</i>	427	Corani, incolæ eius	ibid.
Comacina inf. in <i>Lario</i>	ibid.	Coracodes portus <i>Sardin.</i>	774
		Co-	

INDEX GEOGRAPHICVS.

Corassiae insulæ, (<i>Scopuli</i>)	1055	Coryphasium prom.	964
Corax mons <i>Aetol.</i>	898	Cosa, Cosfa, <i>Etrur.</i>	576
Corbio <i>Hisp.</i>	113	Cosa fl.	656
Latii	629	Cosedia, Cosedia opp.	161
Corbulonis fossa	212	Cosetani, pop. <i>Hisp.</i>	112
Corbulonis munimentum	374	Cositani	ibid.
Corcora fl. <i>Pannon.</i>	453	Cossa	576
Corcyra inf.	1003 sq.	Cossentia	737
oppid. insulæ	1004	Cossetani pop. <i>Hisp.</i>	112
Corcyra Nigra inf.	501	Cosfinites fl. <i>Thrac.</i>	1059
Cordona	117	Cosfio opp. <i>Vasatum</i>	147
Corduba	68	Cosfira inf.	820
colonia patricia	69	Costa Balænæ	524
Corfinium <i>Pelign.</i>	613	Cosfira, <i>Cosfira</i> , inf.	819
Coria <i>Britann.</i>	346	Cotensii pop.	477
Coricæ inf.	1039	Cothon inf. <i>Lacon. sinus</i>	1012
Corinium <i>Britann.</i>	338	Cotinussa	124, 126
Liburniæ	489	Cottia Alpes	518
Corinthus	949	Cottii Regnum	ibid.
Laus Iulia	950	Cottii regia <i>Segusio</i>	520
Corioli opp.	654	Coutance	161
Coriouallum, Coriouallium	274	Coueliacæ	420
Coritani pop. <i>Britann.</i>	340	Counus inf.	355
Cornabii pop. <i>Britann.</i>	352	Crabra Aqua Romæ	634
Cornacum <i>Pannon.</i>	448	Cranaë inf.	1012
Cornauii pop.	341	Cranéum, <i>lucus</i>	951
Corniculani	558	Cranon <i>Thessal.</i>	858
Corniculum <i>Sabinor.</i>	619	Cranium opp. <i>Cephalen.</i>	1009
Cornus <i>Sardinia</i>	773	Cratais, Crataeis fl.	734
Corone <i>Mesfenia</i>	965	Cratas mons <i>Sicil.</i>	812
Coronea <i>Bæotia</i>	923	Crateæ, <i>Κραταιν</i> insulæ	498
Coronea <i>Thessal.</i>	859, 860	Crathis fl. <i>Ital.</i>	729
Corporis temperies ex patriæ firu	36	Crathis fl. <i>Achaia</i>	955
Corseult	159	Credilium <i>Bellouac.</i>	310
Corfi pop. <i>Corfica</i>	767	Cremera fl.	587
Corfica inf.	ibid.	Cremera castellum	ibid.
Corfula	625	Cremmyon	945
Corstorpitum	346	Cremona	549
Corticata <i>Hisp.</i>	67	Creones	352
Cortona	579	Crestonia, <i>Grestonia</i>	841
Cortuosa	591	Crestonæi pop.	841
Corunna	84	Creta inf.	1025
Corus vent.	27, 29, 34	Creta Hecatompolis.	1026
Corybantes in <i>Samothrace</i>	1087	Cretæ mediterranea	1033
Corybantium opp.	1086	Creusis, <i>Creusa</i>	928
Corycium antrum	911	Crexa	498
nemus } <i>Phocid.</i>		Crimisa, <i>Crimissa Bruttior.</i>	740
Corycus mons Cretæ	1026	Crimisus, <i>Cremissus</i> , fl. <i>Sicil.</i>	506, 794
Corycum prom. Cretæ	1026, 1027	Crinifus fl. <i>Sicil.</i>	795
oppid. Cretæ	1027	Crissa <i>Phocidis</i>	907
Corydallus <i>Attica</i>	942	Crissæus sinus	908
Coryne	963	Crithote <i>Thrac.</i>	1069
			Criu-

INDEX GEOGRAPHICVS.

Criumetopon prom.	409, 1025, 1027 sq.	Cutiliæ Aquæ	625
Croceæ <i>Læon.</i>	977	Cutina	611
Croceates Iuppiter	ibid.	Cyamon prom. <i>Cretæ</i>	1025, 1027, 1032
Crociatonum portus	161	Cyane fons <i>Syracusarum</i>	789
Crococalanum <i>Britann.</i>	341	Cyaneæ insulæ	1076, 1087
Crocylion	899	fabulose mobiles	1088
Crommyon, Cromyon	945	Cyclades insulæ	1045
Crenium mare	358, 392	Cydonia <i>Cretæ</i>	1032
Crotalus fl. <i>Bruttior.</i>	738	Cylipenus sinus	393
Croton, Croto	739	Cylissos	1037
Crucianum promont.	122	Cylla portus	1066
Crumerum, Crumeri	454	Cyllene, nauale <i>Elææ</i>	958
Cruni <i>Mæf. ad Pont.</i>	471	Cyllene mons <i>Arcad.</i>	993
Cruptoricis villa	374	Cyme, <i>Cumæ Campan.</i>	667
Crustumerium	618 sq.	Cynætha <i>Arcad.</i>	999
Crustumini incolæ eius	ibid.	Cynethus inf.	1055
Crustumium fl.	592	Cynetæ pop. <i>Lusitan.</i>	63
Crypta Neopolitana	676	Cynos Cephalæ <i>Theffal.</i>	857
Ctemenæ <i>Theffal.</i>	853	Cynos Cephalæ prom. <i>Corcyrae</i>	1005
Ctenûs, Κτενὺς portus	409	Cynossēma <i>Thrac.</i>	1065
Ctypansa	963	Cynofura, Cynofuræ, <i>Peloponnesi</i>	974 sq.
Cucci, Cuccium	448	Cynofura, prom. <i>Marathonis</i>	936
Cucullæ, Cuculli	433	Cynuria regio	979
Cuculum <i>Marforum Ital.</i>	615	Cynus <i>Locrid.</i>	906
Cudetis fl. <i>Thrac.</i>	1059	Cypæra <i>Theffal.</i>	854
Cuença	103	Cyparissia, Cyparissæ	964
Cugerni pop.	269	Cyparissia, eadem,	ibid.
Cularo <i>Gall.</i>	195, 201	Cyparissus sinus	ibid.
Cumæ <i>Campaniæ</i>	667	Cyparissium prom.	ibid.
Cumanæ Aquæ	668	Cyparissus <i>Phocid.</i>	910
Cumanum <i>Ciceronis</i>	ibid.	Cyphanta portus	973
Cuneus, regio <i>Lusitan.</i>	63	Cypsela, Cypsella	1082 sq.
Cuneum promont.	55	Cyraetia inf.	498
Cunici	128	Cyretia <i>Theffal.</i>	852
Cuniculariæ insulæ	776	Cyrnus inf. <i>Corsica</i>	767
Cunistorgis <i>Hisp.</i>	77	Cyrrhestæ	833
Cuppæ <i>Mæf.</i>	460	Cyrrhestis regio	833
Cupra <i>Maritima</i>	603	Cyrrhus	ibid.
Montana	605, 609	Cyrta fl. <i>Gall.</i>	183
Curcum	479	Cytæa, Cytæum	411
Cures opp. <i>Sabin.</i>	621	Cytræum opp. <i>Cretæ</i>	1031, 1033
Curenfis amnis	621	Cythera inf.	102
Curgia <i>Hisp.</i>	67	opp. insulæ	ibid.
Curia	428	Cytherus, Cytherius fl. <i>Elææ</i>	962
Curiæta inf. <i>Illyr.</i>	498	Cythnus inf.	1046
Curiosolites pop. <i>Gall.</i>	}	Cytinium	899
Curiosopites pop. <i>Gall.</i>			
Curiosulites	159		
Curta	452		
Curtiana	ibid.		
Cusus fluv.	389		
Cutiæ	542		
Cutilia <i>Sabin.</i>	625		
		D.	
		Dabrona fl. <i>Hibern.</i>	354
		Dacia Traiani	475 sq.
		Aureliani	478
		Dædalium <i>Siciliæ</i>	792
		Dæsiatæ pop. <i>Pannon.</i>	440
		Dæ-	

INDEX GEOGRAPHICVS.

Dæsiates pop. <i>Daluz.</i>	496	Denia	110
Dalmatæ pop.	485	Denseletæ pop. <i>Thrac.</i>	1079
Dalmatia regio	490	Deobriga <i>Hispan.</i>	87
Dalmium, Dalminium	495	Deobrigula <i>Hispan.</i>	86
Damasia <i>Vindelicum</i>	416	Deorum insulæ	126
Damiana Hispan.	107	Derris prom. <i>Macedon.</i>	845
Damnii pop. <i>Britann.</i>	346	Dertona <i>Ligur.</i>	529 seq.
Damnonii pop. <i>Britann.</i>	335	Dertona Iulia Augusta	530
Danapris fluv. <i>Sarm.</i>	398	Dertosa <i>Hispan.</i>	111
Danaster fluv. <i>Sarmat.</i>	396	Dertosa Iulia Illergauonia	ibid.
Dandaca <i>Sarmat.</i>	408	Iulia Augusta	ibid.
Dantheletæ pop. <i>Thrac.</i>	1079	Deruentio <i>Britann.</i>	345 f.
Danubius fl.	361, 367	Deua <i>Britann.</i>	341 sq.
Danubii ostia	368, 469	Deucaledonius Oceanus	351
Danum <i>Britann.</i>	346	Deueltus colonia	1083
Daphnes portus	1075	Deultum <i>Thrac.</i>	ibid.
Daphnûs <i>Locror.</i>	904	Flauia Pacens. col.	1084
Daphnûs <i>Phocicus</i>	915	Deuona	152
Darantasia	199	Deuna <i>Britann.</i>	342
Dardania	465	Deuriopi pop.	832
Dariorigum	159	Deuriopus regio	832
Darii Pons in <i>Istro</i>	469	dextera, orientalia	34, 35
Dascon, <i>sinus Siculus</i>	789, 790	dextrum, sinistrum mundi	ibid.
Dassaretæ pop.	825	Dia ins. <i>ad Cretam</i>	1033, 1039
Datum opp. <i>Thrac.</i>	1057 f.	Diablindi, Diablintes pop.	165
Dauciones pop.	392	Diablintes pop.	165
Daulia, <i>regiuncula Daulidis</i>	912	Dibona <i>Gall.</i>	152
Daulis, Daulium <i>Phocid.</i>	912	Diades Athenæ in <i>Eubœa</i>	1023
Dea Vocontiorum	197	Dianæ portus <i>Corfica</i>	769
Deborus, <i>Διβόρος</i>	830	Dianenses	101
Decalea, Decelia, <i>Attic.</i>	938	Danium <i>Hispan.</i>	109
Decem Pagi, opp.	238	Danium ins. <i>Ital.</i>	760
Deciana	116	Diaulitæ pop.	165
Deciætes pop. <i>Gall. Alp.</i>	189	Dibio <i>Gall.</i>	235
Deciatum oppidum	ibid.	Dicæa <i>Thrac.</i>	1059
Deensium ciuitas	198	Dicæopolis	ibid.
Delgouitia <i>Britann.</i>	346	Dicæarchia <i>Campan.</i>	673
Delium <i>Bœotia</i>	917	Dicalidones pop.	350
Delium in <i>sinu Argol.</i>	972	Diētamnum prom. <i>Creta</i>	1027
Delmatæ, <i>Dalmatæ</i>	490	Diēte, Diētæus mons <i>Creta</i>	1026
Delmatia	ibid.	Diētynnæus mons <i>Creta</i>	1026
Delminium, <i>Dalminium</i>	495	Didattium <i>Sequanorum</i>	233
Delphi vrbs	909	Didyme	817
an vmbilicus terræ	909 sq.	Die	198
Delphicum oraculum	909 seq.	Digentia riuus	623
Delphini Portus	526	Digeri pop. <i>Thrac.</i>	1079
Delphinium	916	Digne	192
Delum in <i>sinu Argol.</i>	972	Diluro, <i>Eluro, Iluro, Hispan.</i>	114
Delus ins. <i>Cycladum</i>	1041	Dimallum <i>Illyrid.</i>	494
Demetæ pop. <i>Britann.</i>	342	Dinia <i>Gall.</i>	192
Demetriæ, <i>adis</i>	867	Dinumma	428, 542
δημοί <i>Attici</i>	942	Dioclea <i>Dalmat.</i>	496
δημοκρασία de figura Terræ	7	Diomedæ insulæ	757
		Diome-	

INDEX GEOGRAPHICVS.

Diomedis Campus	711	Drusipara Thrac.	1082
Dionysiades insulae	1040	Drymaea, Drymos, Drymia	912
Dionysopolis ad Pontum	471	Dryopes pop. Graec.	886
Dioryctos Leucad.	892	Drys, opp. Thrac.	1060
Dipaea Arcadiae	996	Dubis fl. Gall.	136
Dipaenae Arcad.	998	Dubris portus Britann.	331 sq.
Dirce fons Thebarum	927	Dulcis portus Epiri	875, 878
Divio, Divionum Gall.	170	Dulgibini pop. Germ.	377
Divinonense castrum	234	Dulichium inf. Graec.	1006 seq.
Dium Chalcidicae	846	Dumnissus Treueror.	257
Dium prom. Creta	1031	Dumnonii pop. Britann.	335
Dium Eubaeae	1023	Dumnus Treueror.	257
Dium Macedon.	837	dunum vox Celtica, id est collis,	174
Diurorum Mediomatric.	237	Dunum opp. Hibern.	354
Diuna Gall.	152	Duplavius vicus	560
Doberus Macedon.	830	Duranus fl. Gall.	132
Dobuni pop.	338 sq.	Düren quid signet	268
Doclea Dalmat.	496	Duria flumen Alpin.	521
Docleatae	485, 496	geminum	522
Dodona Epiri	882	Durius fl. Hisp.	54, 80
Dodonæi Iovis oraculum	882	aurifer	54
Dolicha Thessal.	855	Durnium Britann.	335
Dolopes pop. Graec.	885	Durnouaria Britann.	ib.
Dolopia regio	885	Duro lingua vetere Britannica aqua	336
Domitii Forum Gall.	185	Durobriarum Britann.	339
Donusa, Donyfa inf.	1054	Durobrius, alia, Britann.	330
Dordogne	132	Durocasses, Durocastum, opp.	164
Dores pop. Graec.	899, 900	Durocatellauni Gall.	314
Dorica tetrapolis	899, 900	Durocobrius	338
Dorium Messeniae	967	Durocornoum	339
Dorius fl.	56	Durocortorum Gall.	312
Doroletorum Maes.	468	Durolenum Britann.	330
Dorouernum Britann.	330	Durolitum Britann.	336
Dorticon Maes.	461	Duroniam Samnitum	697
Doux	136	Duretriges pop.	334 f.
Drabescus Maced. adiect.	849	Durnomagus Vbiorum	267
Edonica	849	Duronum Veromanduor.	312
Dracus fl. Gall.	137	Duruernum Britann.	330
Drausus fl.	430, 438	Durrachium, Dyrrachium	823
Drepane inf. Corcyra	1004	Dyme, Dymæ, Achaia	954, 957
Drepanum opp. Sicil.	797	Dyme Thrac.	1082
Drepanum prom. Achaiae	956	Dyrrachium	822, 823
Drepanum prom. Siciliae	782	Dyscelados falsum nomen insulae	498
Drepanum prom. Creta	1031	E.	
Drilo fluv. Illyr.	483		
Drinus fl. Illyr.	ibid.		
Drizipara Thrac.	1083	Eblana Hibern.	354
Dromos Achilleos	400	Eblanii pop. Hibern.	ibid.
Drosica regio Thrac.	1084	Ebora Hisp.	61
Druentia fl. Gall.	135, 137	Liberalitas Julia	61
Drupa fl. Gall.	137	Ebora Edetanorum	107
Drusiana Rheni fossa	208, 210	Eboracum Britann.	345
Drusi statua, Drusenbeina	247	Eborodunum Gall.	199
			Ebosca

INDEX GEOGRAPHICVS.

Eboſca	127	Elauer fluuius Gall.	
Ebredunenſe caſtrum, <i>Heluet.</i>	225	Elauris fluv. Gall.	133
Ebreux	164	Elcebus <i>Tribocc.</i>	133
Ebrodunum	137	Elcethium <i>Sicil.</i>	242
Ebroicæ	164	Elche	812
Ebrouicum ciuitas Gall.	164	Elea, <i>Ελέα, Lucania</i>	109
Ebudes inſulæ	356, 357	Elea regio, <i>Ηλεία</i>	725
Eburobritium <i>Hiſp.</i>	56	Eleates, <i>Eleam colens,</i>	958
Eburodunum Gall.	199	Electra fl <i>Cretæ</i>	ib.
Eburodunum <i>Heluetior.</i>	225	Electrides an in Hadria	1029
Eburodunum <i>Quadorum</i>	389	Electrides inſulæ	757
Eburones pop.	273	Electrides Italicæ falſæ	391, 393
Eburones, opp. <i>Tungri</i>	ibid.	Elegium <i>Norici</i>	393
Eburunum Gall.	199	Eleuſa inſ. <i>Peloponneſ.</i>	431
Eburum <i>Germ.</i>	389	Eleuſin, Eleuſis	1014
Ebuſia	127	Eleuſinia ſacra	935, 936
Ebuſium	127	Eleutheræ <i>Bæot.</i>	936
Ebuſus vrbs	126	Eleutheræ, <i>Cretæ</i>	929
Ebuſus inſula <i>Hiſp.</i>	126	Eleutheri Cadurci	1034
Ecetra <i>Volſcorum</i>	656	Eleutherna	453
Echedorus fluv. <i>Maced.</i>	839	Eleutherolacones	1034
Echetra, <i>Ecetra,</i>	656	Eleutherus fl. <i>Sicil.</i>	979, 981
Echetla <i>Siciliæ</i>	808	Eleûs, <i>Elæûs Thrac.</i>	799
Echinus	864	Eliberri, <i>Mela,</i>	1066 ſq.
Echinades inſulæ	1006	Eliberi opp. <i>Beticæ</i>	122, 178
Ecnomos mons <i>Siciliæ,</i>	792	Elimea, regio <i>Græc.</i>	77
Ecnephiæ venti	31	Elimiotis regio	826
Edêta <i>Hiſpan.</i>	106	Elinum, <i>prætorium</i>	831
Edeſſa <i>Macedoniæ</i>	833	Elis, <i>idis,</i> regio	284
Edetani pop. <i>Hiſp.</i>	91, 104	Elis vrbs <i>Peloponneſi</i>	958
Edetania regio	104	Elone <i>Thèſſal.</i>	960
Ediſſæ portus	791	Ellopia <i>Eubææ</i>	869
Edones, Edoni, pop.	848	Ellopiæ Aquæ	1024
Edro portus <i>Venet.</i>	558	Elorum flumen <i>Siciliæ</i>	ibid.
Egara <i>Hiſp.</i>	114	Elui pop. Gall <i>Helui</i>	790
Egeleſta <i>Hiſp.</i>	97	Eluro	156, 186
Egeſta <i>Siciliæ</i>	797 ſq.	Eluſa opp. <i>Aquitân.</i>	114
Egeſtani	101	Eluſani pop.	146
Egeta <i>Mæſ.</i>	460	Eluſates pop.	ibid.
Egnatia <i>Ital.</i>	713	Elymiotis regio <i>Maced.</i>	146
Egnatia via <i>Maced.</i>	850	Elymæi pop.	831
Egoſæ <i>Hiſp.</i>	117	Elymiotæ pop.	827
Ehetium <i>Apul.</i>	715	Elyrum <i>Cretæ</i>	826
Eion	848	Emathia regio	1037
Elææ portus <i>Epiri</i>	877	Emathia regio	833
Elæûs, Eleûs, <i>untis, Thrac.</i>	1066 ſq.	Embrun	137, 199
Elæûs <i>Epiri</i>	876	Emerita Auguſta	60
Elaphuſa inſ.	1005	Eminacium <i>Illyrie.</i>	497
Elaris fluv. Gall.	133	Emona Pannon.	445
Elatea, <i>Elatia Thèſſal.</i>	858	Emporiæ <i>Hiſp.</i>	115
Elatea <i>Phocid.</i>	915	Emporion, <i>ἐμπορίον Hiſpan.</i>	115
Elatria <i>Epiri</i>	875	Emporium <i>Bruttiorum</i>	733
Elatos <i>Cretæ</i>	1037	Emporium prope Placentiam	533
		Enderum, <i>Ἐνδερὺν Dalm.</i>	456

INDEX GEOGRAPHICVS.

Enderoduni pop.		ibid.	Erchia <i>Attic.</i>	941
Endidæ <i>Rbat.</i>		426	Ercta mons & castell.	799
Endigetæ pop. <i>Hisp.</i>		115	Erdini	354
Engofa <i>Hisp.</i>		117	Erebantium prom.	771
Engulisma		151	Eretum <i>Sabinor.</i>	620 sq.
Engyon, Engyum, Engyium		813	Eretria <i>Eubœa</i>	1020, 1021
Eningia inf.		393	Eretria <i>Phthiotidis</i>	860
Enipeus fl. <i>Maced.</i>		838	Ergauica <i>Celtiber.</i>	103
alius <i>Thessal.</i>		862	Erginus fl.	1074
Enispe <i>Arcad.</i>		1002	Erhau	139
Enna <i>Sicilia</i>	806 seq.		Ericusa inf. <i>Aeolia</i>	817
Enneacrunos, fons <i>Athen.</i>	934		Ericusa inf. <i>maris Ioniz</i>	1005
Enosis inf. <i>ad Sardin.</i>	773		Eridanus fl. <i>Atticæ</i>	933
Entella fl. <i>Ligur.</i>	526		Eridanus fl. <i>Ital.</i>	504, 556
Entella <i>Sicilia</i> opp.	811		Erigon fl. <i>Maced.</i>	832
Eordæa regio <i>Maced.</i>	826		Erinæum <i>Thessal.</i>	860
Eordæi pop.	826		Erineus <i>Doricæ tetrapol.</i>	899
Eordenfes pop.	830		Erineus portus <i>Achaia</i>	955
Eordetæ pop.	826, 827		Ermantica <i>Hispan.</i>	59
Eordi pop.	830		Ernaginum <i>Gall.</i>	191
Epetium <i>Illyric.</i>	492		Eruli, <i>Heruli</i> , pop.	384
Ephyra, <i>Corinthus</i> ,	950		Eryce oppid.	803
opp. <i>Epirz</i>	877		Erycinæ Veneris templum	797
Ephyra <i>Elidis</i>	959		Erymanthus mons <i>Arcad.</i>	991
Ephyre <i>Epirz</i>	877		Erythia inf. <i>Hisp.</i>	70, 125
Epiacum <i>Britann.</i>	344		Erythræ <i>Aetol.</i>	897
Epicaria <i>Illyric.</i>	497		<i>Bæotia</i>	930
Epicnemidii Locri	903		Erythræum prom. <i>Cret.</i>	1030
Epicrane fons	927		Eryx mons <i>Sicilia</i>	797
Epidamnus, <i>Dyrrachium</i>	822		vrbs <i>Sicilia</i>	ibid.
Epidaurum, Epidaurus <i>Dalmat.</i>	493		Esco <i>Vindelic.</i>	416
Epidaurus <i>Argiuor.</i>	984		Escus <i>Mæf.</i>	467
Epidaurus <i>Limera cogn.</i>	972		Esquilina porta <i>Romæ</i>	633
Epidii pop. <i>Britann.</i>	352		Estiæotis regio <i>Thessal.</i>	851
Epipolæ, pars <i>Syracusarum</i>	788		Estiæotæ, Estiotæ, pop.	852
Epirotæ pop.	872		Estiones pop.	415
Epiroticæ gentes	883		Esuris opp. <i>Hisp.</i>	79
Epirus regio <i>Græciæ</i>	871		Etæa <i>Cretæ</i>	1032
Epirus Nigra inf. <i>Illyr.</i>	1008		Etelesta <i>Hispan.</i>	97
Epoiffus <i>Treuer.</i>	262		Etesia	31
Epora <i>Hisp.</i>	76		ex qua plaga	32
Eporedia <i>Alpin.</i>	522		fomniculosi	34
Epufus <i>Belgiæ</i>	262		Eteta <i>Mæf.</i>	460
Equæfi	83		Etobema <i>Hisp.</i>	105
Equestris colonia	224		Etobesa <i>Hispan.</i>	105
Equus Tuticus, opp.	698		Etofea <i>Velleii</i>	119
Erana <i>Peloponnesi</i>	967		Etouiffa <i>Hispan.</i>	105
Eranusa inf. <i>Ital.</i>	758		Etruria regio	568
Erasinus fl. <i>Argiuor.</i>	983		Eua <i>Arcad.</i>	1002
Eratoſthenes geographus	4		Euanthe, Euanthia	901
Erauiſci	440		Eubœa <i>Sicil.</i>	814
Erbeſſus <i>Sicil.</i>	810		Eubœa inf. <i>Græciæ</i>	1016
Ercabus <i>Sarmat.</i>	407		Eubœa antiqua nomina	1024
				Eudose

INDEX GEOGRAPHICVS.

Eudæses pop. <i>Germ.</i>	382	Fascelinæ Dianæ fanum	803
Eudracinum <i>sub Alp.</i>	522	Fellina, <i>Bononia</i>	538
Euenus fluv. <i>Aetol.</i>	894	Feltria <i>Rhet.</i>	425
Euganei pop. <i>Ital.</i>	553	Feltrini, <i>incolæ eius,</i>	ibid.
Euonymos inf. <i>Aeol.</i>	817	Fenni pop. <i>Finni,</i>	393
Eupalium <i>Locr. Ozol.</i>	898, 901	Ferentum an <i>Apuliæ?</i>	714
Eupatoria <i>Taurica</i>	408	Ferentinum <i>Etrur.</i>	580
Eupilis lacus <i>Transpadan.</i>	554	Ferentinum <i>Latii</i>	647
Euplæa inf. <i>Ital.</i>	765	Feretrus Mons <i>castellum</i>	594
Euporia <i>Maced.</i>	840 seq.	Feroniæ fanum <i>ad Vesidiam fl.</i>	570
Eure fl.	135, 155, 173	Feroniæ fanum <i>Capenatis agri</i>	586
Euripi reciprocatio	918	Lucus	ibid.
Euripus fretum <i>Eubææ</i>	918	Feroniæ lucus <i>ad Tarracin.</i>	650
Euronotus ventus	28, 29, 34	fanum <i>ad Tarracinam</i>	ibid.
Europæ limes ab <i>Asia</i> discernens	40 sq.	Feroniæ lucus, fanum an etiam <i>ad Lunæ por-</i>	570
Europa quid complectatur	39	tum?	559 f.
Europus <i>Almopiæ</i>	829	Ferrara quæ olim fuerit	774
ad <i>Axiū fl.</i>	841	Ferraria <i>Sardinia</i>	126
Eurotas fl. <i>sub Olympo</i>	869	Ferraria inf. <i>Hisp.</i>	582
Eurótas fluv. <i>Lacon.</i>	970	Fescennia <i>Etrur.</i>	176
Eurótas fl. <i>Ital.</i>	506	Feurs	658
Eurus ventus	28, 29	Fibrenus fl. <i>Latii</i>	639
Eutresii pop. <i>Arcad.</i>	997	Ficana <i>Latii</i>	776
Eutychia inf. <i>Pegasei sinus,</i>	1053	Ficaria inf. <i>ad Sardin.</i>	116
Ex, opp. <i>Hisp. cogn. Firmum Iulium</i>	74	Ficaria opp. <i>Hisp.</i>	617
Exitani, <i>ab Ex oppido,</i>	74	Ficolenses, <i>Ficuleæ</i>	ibid.
F.		Ficulea, <i>Ficulnea</i>	613
FAbaris fl. <i>Sabinor.</i>	621	Fidena, <i>Fidenæ</i>	534
Fabaria inf. <i>Codani sinus</i>	393	Fidentia <i>Cispadina</i>	ibid.
Fabrateria <i>Latii</i>	657	Fidentia <i>Iulia</i>	ibid.
Fabraterni, <i>incolæ eius,</i>	ibid.	Fidentiola	116
Facelinæ Dianæ fanum	802 seq.	Figueras	7
Facelinus fl. <i>Sicil.</i>	803	Figura terræ a vulgo credita, etiam ab erudi-	393
Fæsulæ opp.	572	tis interdum tradita	605
Falaria <i>Piceni</i>	609	Finningia	ibid.
Faleria, eadem,	ibid.	Firmanorum castell.	627
Falerii opp. <i>Etrur.</i>	582	nauale	600
Falernum vinum	680	Firmum opp. <i>Piceni</i>	485, 488
Falernus Ager	679, 680	Fiscellus mons	488
Falisci pop. <i>Etrur.</i>	582	Flaminii Forum	ibid.
Fama <i>Iulia Hisp.</i>	66	Flanates pop.	ibid.
Fanestris colonia	593	Flanaticus sinus	ibid.
Fanum Fortunæ	ibid.	Flanon inf.	ibid.
Fanum Martis <i>Belg.</i>	293	Flanona opp.	ibid.
Fanum S. Andreæ	86	Flanonicus sinus	ibid.
Fanum S. Maclouii	160	Flauia <i>Aeduor.</i>	172
Fanum Voltumnæ	581	Flauia <i>Barcino</i>	114
Fauentia <i>Cispadina</i>	539	Flauia <i>Gallica in Hispan.</i>	84
Faueria <i>Histrice</i>	568	Flauia <i>Iria Hisp.</i>	84
Fauonii portus <i>Corficæ</i>	769	Flauia <i>Lambris Hisp.</i>	417
Fauonius ventus	29	Flauia <i>Aræ Vindelic.</i>	172
Faustini villa	338, 339	Flauientes <i>Augustodunenſes</i>	585
Farfarus fl. <i>Sabin.</i>	621	Flauina <i>Etrur.</i>	Flauio-

INDEX GEOGRAPHICVS.

[illegible]

INDEX GEOGRAPHICVS.

Galatæ	130	Gaurus mons <i>Campania</i>	ibid.
<i>Γαλατία, Gallia</i>	130 sq.	Gebrina mons <i>Gall.</i>	140
Galatia Transalpina	ibid.	Gela vr <i>is Sicilia</i>	792
Galepsus <i>Sicilia</i>	844	fl. <i>Sicilia</i>	ibid.
Galesus fl. <i>Calabr.</i>	506, 721	Gelbis fl. <i>Belg.</i>	219
Galloeci, <i>Καλαίκοι</i>	81	Gelduba <i>Belg.</i>	267
Gallia tripartita	141	Geloi, <i>Γελωδοί</i> pop. <i>Sicil.</i>	792
Gallia quadripartita	142	Geloni pop. <i>Sarmat.</i>	404
Gallia Cisalpina	513 sq.	Gemella <i>Tucci Hisp.</i>	66, 107
citerior	514	<i>Augusta</i>	ibid.
Togata	129, 514	Tuccitana	ibid.
Galliæ Cisalpinae fines	515 sq.	Gemellenfes	107
Galliæ Transalpinae fines	131	Geminiacum <i>Belg.</i>	274, 290
Gallia Transalpina	129	Genabum <i>Gall.</i>	163
ulterior	129	Genauni pop. <i>Rhet.</i>	423
Braccata	130	Geneua <i>Allobrog.</i>	202
Gallia Belgica	130, 204	Genosia, incerta	265
Celtica	156	Genua <i>Ligur.</i>	526
Cispadana	531	Genua Urbanorum	75
Comata	130	Genuates	ibid.
Gallia Italica	511	Genusium <i>Ital.</i>	715
Lugdunensis	130, 156	Genulinus ager	ibid.
Narbonensis	176	Genusus fl. <i>Græc. Illyr.</i>	823
Togata propria	532	Geographi veteres	3 sq.
Transpadana	541	Geographiæ difficultas	1
Gallianus Saltus <i>an opp.</i>	536	Geographiæ utilitas	2
Gallica Flauia <i>Hisp.</i>	118	Geographicæ mensuræ	43
Gallicus Ager <i>pars Umbr.</i>	592	Geographi ab occasu in ortum procedunt,	
Gallicanus Ager	ibid.	cur?	50
Gallicus ventus	34	Georgi Sarmatæ	401, 403
Gallinaria insula <i>Ligustici M.</i>	758	Geræstum prom <i>Eubœæ</i>	1017
Gallinaria filua <i>Campan.</i>	667	Geræstus opp. vel vicus	1017
Gallorum Forum <i>Cispadan.</i>	536	Geranea mons <i>Megar.</i>	948
Gallorum oppidum	566	Gerania opp <i>Lacon.</i>	979
Ganodurum <i>Helvet.</i>	227	Geranthræ <i>Lacon.</i>	980
Ganus <i>Thrac.</i>	1071	Gerenia <i>Lacon.</i>	979
Gap	199	Gergobia <i>Aruernor.</i>	154, 174
Garganus mons <i>Apul.</i>	708	Gergobia <i>Briorum</i>	174
Gargaphie fons <i>Bœot.</i>	928	Gergouia eadem vtroque loco	ibid.
Gargettus <i>Attic.</i>	941	Gerion <i>Apul.</i>	706
Garianonum <i>Britann.</i>	339	Germania Cisirhenana	296
Gariensis fl	ibid.	Inferior	ibid.
Garites pop. <i>Aquitan.</i>	144	Superior	ibid.
Garnæ portus <i>Apul.</i>	708	Germania Transrhenana	358
Garryenus fl <i>Britann.</i>	324	Germania Barbara	ibid.
Garumna fl. <i>Gall.</i>	132	Germania Magna	359
Gascogne	156	Germania Transuistulana	390
Gasorum <i>Maced.</i>	848, 849	Germaniæ fines	360
Gaulaldanum	153	flumina	362
Gaubrega filua <i>German.</i>	371	gentes	372
Gaudos inf. <i>ad Cretam</i>	1040	Germaniæ montes	368, 369
Gaulos inf. <i>supra Sicil.</i>	820	filuæ	ibid.
Gaurani montes <i>Campania</i>	671	Germanicum opp. <i>Vindelic.</i>	418
		Aaaa aaa 3	Geron-

INDEX GEOGRAPHICVS.

Geronthræ <i>Lacon.</i>	980	Granua fl.	389
Gerontia inf.	1053	Gratianopolis	195, 201
Gerrhus fl. <i>Sarmat.</i>	401	Grauiaci opp.	434
Gerulata <i>Pannon.</i>	442	Grauii pop. qui Grouii	84
Gerunda Hisp.	117	Grauiscaë opp. cum portu	583
Gerunium	706	Grauiscani pop.	ib.
Gesonía, incerta,	266	Grestonia regio Maced.	841
Gessoriacum <i>Morinor.</i>	302, 304	Grinario <i>Vindelic.</i>	417
Gessorienfes <i>Hisp.</i>	117	Grines <i>Batav.</i>	280
Getæ in <i>Mæsia</i>	474	Grouii pop. <i>Hisp.</i>	82, 84
Geuaudan	153	Grudii pop.	293
Gigónus, <i>Γίγανος,</i>	842	Grumentum <i>Lucan.</i>	727
Girona	117	Grutungi pop. <i>Sarm.</i>	406
Gitanae	879	Guberni pop. <i>Sicambri</i>	269
Glamnateua <i>Gall.</i>	193	Gugerni iidem	ibid.
Glanateua	193	olim <i>Sicambri</i>	ibid.
Glandebe	193	Guiffona	117
Glandetum, Glandatum	ibid.	Guntia flumen <i>Germ.</i>	415, 416
Glanis fl. <i>Campania</i>	666	Guntia opp.	416
Glanum <i>Gall.</i>	191	Gurgonii	87
Glannobanta <i>Britan.</i>	345	Gurtiana <i>Pannon.</i>	452
Glannateum, Glannatiua, Glannatera, Glan-		Gutæ	392
natum	193	Guthalus fluv. <i>Germani</i>	367
Glemona <i>Venet.</i>	566	Guthones pop. <i>German.</i>	385
Glessaria inf.	393	Guttalus fl. <i>Guthalus,</i>	367
Gliffa <i>Bæot.</i>	930	Guttones pop. <i>German.</i>	385
Globi terrestres veterum	4	Gyarus inf. <i>Aegæi</i>	1049
Glota fl. & æstuarium	324	Gymnasiæ	128
Glympes plur. <i>Lacon.</i>	978	Gymnesiæ insulæ	128
Gnatia, <i>Egnatia,</i>	713	Gyrton <i>Theffal.</i>	859
Gobæum promontorium	159	Gythæum, <i>Lacon.</i>	970
Gobannium <i>Britan.</i>	343	Gythium, idem	970
Gomphi opp. <i>Theffal.</i>	852	Gytheates incolæ Gythei	970
Gonnus, & Gonni <i>Plur.</i>	856		
Gordenia	833		
Gorduni pop. <i>Belg.</i>	293		
Gordynia <i>Maced.</i>	833		
Gorgoie	154		
Gortyna <i>Arcad.</i>	997		
Gortyna <i>Cretæ</i>	1035		
Gortynia <i>Macedon.</i>	833		
Gortys	997		
Gothi pop.	385		
Gothia	386		
Gothini pop. <i>Germ.</i>	384		
Gothones pop. <i>Germ.</i>	385		
Graccuris seu Gracchuris	89, 90		
Gradus inf. & opp.	563, 757		
Gracia Magna, Maior	512, 728, 744		
cur Magna dicta	512		
Propria	886 seqq.		
Vniuersa	820		
Graciæ temperies	38		

INDEX GEOGRAPHICVS.

<i>Halex, ecis fl. Brutt.</i>	736	<i>Heluillum Vmbriae</i>	596
<i>Haliacmon fl. Macedon.</i>	838	<i>Hemeroscopium Hisp.</i>	110
<i>Halicanum Pannon.</i>	444	<i>Henarez</i>	94
<i>Halicyrna Aetol.</i>	898	<i>Henna Siciliae, Enna</i>	806
<i>Halicysæ Sicil.</i>	812	<i>Hephæstia, Hephæstias, adis, Lemni</i>	1052
<i>Haliartus Bæotia</i>	922, 923	<i>Hephæstia des insulæ</i>	815
<i>Haliartus Messenia</i>	967	<i>Hequæsi</i>	82
<i>Halimusii</i>	941	<i>Heraclea Eliaca</i>	962
<i>Halmydesus Thrac.</i>	1076	<i>Heraclea Italia</i>	728
<i>Halonesus inf.</i>	1052	<i>Heraclea Minoa Sicil.</i>	793
<i>Halos Phtbiotidis</i>	864	<i>Heraclea Phtbiotidis</i>	860, 861
<i>Halycus fl. Sicilia</i>	793	<i>Trachiniae</i>	ibid.
<i>Hamaxobii pop.</i>	405	<i>Heraclea Senticæ</i>	841
<i>Hannibalis castra, portus</i>	738	<i>Sintica</i>	ibid.
<i>Hannibalis insula parua</i>	129	<i>Heraclea Thracia</i>	1071 sq.
<i>Harenacium Batav.</i>	279	<i>Heraclea Cherronesus</i>	408
<i>Harudes pop. Germ.</i>	386	<i>Heraclea inf. ad Aeolias</i>	816
<i>Hebrus fl. Thrac.</i>	1061	<i>Heracleum Creta</i>	1031
<i>Hebudes insulæ</i>	356	<i>Heracleum Tauricum</i>	410
<i>Hecate caniuora</i>	1062	<i>Heræa Arcadia</i>	990 sq.
<i>Hecatompædum Epiri</i>	875	<i>Heræi montes Sicil.</i>	806
<i>Heclitanum Pannon.</i>	444	<i>Herbanum Etrur.</i>	578
<i>Hecubæ Tumulus</i>	1065	<i>Herbessus Sicil.</i>	810
<i>Hederani</i>	104	<i>Herbita Sicil.</i>	805 f.
<i>Hedui pop. Aedui</i>	171	<i>Herculanea via</i>	670
<i>Helcébus Triboccor.</i>	242	<i>Herculaneum Samnii</i>	696
<i>Helea, Elea, Ital.</i>	725	<i>Herculanum opp. Campan.</i>	676
<i>Helena opp. & castrum</i>	179	<i>ad Herculem</i>	454
<i>Helena inf. ad Attic.</i>	1045	<i>Herculis Castra in Batav.</i>	280
<i>Heles fl. Hales,</i>	724	<i>Herculis columnæ</i>	78, 79
<i>Helice Achaia</i>	954, 955	<i>Herculis fanum Etrur.</i>	570
<i>Helicon mons</i>	925, 926	<i>Herculis inf. Hisp.</i>	126
<i>Helisson fl. Arcad.</i>	996	<i>Herculis insulæ ad Sardin.</i>	776
<i>oppid.</i>	997	<i>Herculis Lucus Germ.</i>	381
<i>Helium ostium Rheni</i>	206, 214	<i>Herculis portus sub Alpib.</i>	523
<i>Hellas, adis, regio</i>	887	<i>Herculis portus Bruttior.</i>	733
<i>Hellespontias</i>	31	<i>Herculis Labronis portus</i>	572
<i>Hellespontus</i>	1068	<i>Liburni portus</i>	ibid.
<i>Hellopes pop. Epiri</i>	886	<i>Herculis prom. Britann.</i>	335
<i>Hellopia regio</i>	886	<i>Herculis prom. Brutt.</i>	736
<i>Helellum Tribocc.</i>	242	<i>Hercuniates</i>	440
<i>Helmantica Hisp.</i>	59	<i>Hercynia silua</i>	370
<i>Helorus fl. Sicilia</i>	790	<i>Herdonia</i>	699, 707
<i>Heloria Tempe Sicil.</i>	790	<i>Hergentum Sicil.</i>	806
<i>Helos Messenia</i>	967	<i>Hergetium Sicil.</i>	ibid.
<i>Helos Laconicum</i>	973	<i>Hermantica Hisp.</i>	59
<i>Helotæ serui Laconum</i>	ibid.	<i>Herminium</i>	60
<i>Heluelus Triboccor.</i>	242	<i>Hermione opp. Argol.</i>	983
<i>Heluetii pop.</i>	221	<i>Hermiones pop. Germ.</i>	388
<i>Heluerus Triboccor.</i>	242	<i>Hermionicus sinus</i>	982
<i>Heluia Ricina Ital.</i>	609	<i>Hermionis, idis, regio</i>	983
<i>Heluiani Ricinenses</i>	ibid.	<i>Hermisium Sarmat.</i>	410
<i>Heluii pop. Gall.</i>	156, 186	<i>Hermunduri pop.</i>	387
		<i>Her-</i>	

INDEX GEOGRAPHICVS.

Hernica saxa, regio,	645	Hispania tripartita	52
Hernici pop. <i>Lat.</i>	ibid.	Bætica	ibid.
Heronia <i>Dalmat.</i>	495	Lusitania	52, 53
Herthus, <i>Terra, dea</i>	394 f.	Tarraconensis	52
Heruli pop.	384	Hispaniense Ostium Rhodani	138
Hesperia, <i>Italia</i>	501	Hispellum <i>Vmbr. cis Apenn.</i>	599
ultima, <i>Hispania,</i>	51, 502	Histonium <i>Frentan.</i>	702 sq.
Hestiaotis	851, 852	Histria regio	566
Heteroscii	20	Hiulca palus <i>Pannon.</i>	449
Hetriculum <i>Brutt.</i>	744	Holopyxos <i>Cretæ</i>	1037
Hexapylos <i>pars Syracus.</i>	788	Homerus primus geographus	3
Hibernia inf.	353	Homilæ <i>Thessal.</i>	854
Hiberus	80	Horesti pop. <i>Britann.</i>	346
Hicesia inf. <i>ad Sicil.</i>	816	Horma <i>Macedon.</i>	829
Hiera inf. <i>vna Aegatum</i>	819	Horrea Margi <i>Mæf.</i>	463
Hiera inf. <i>Aeoliarum</i>	817	Horreum <i>Moleffidis</i>	883
Hiera inf. <i>Cret. mar.</i>	1042	Horta <i>Etrur.</i>	583
Hiera petra <i>Cretæ</i>	1029	Hortana <i>Latii</i>	645
Hierabriga <i>Hisp.</i>	57	Hortanum <i>Etrur.</i>	583
Hieracum insula <i>ad Sardiniam</i>	776	Hostilia Transpadana	552
Hierapolis <i>Cretæ</i>	1033	Huesca	119
Hierapytna <i>Cret.</i>	1030	Humago inf. & opp. <i>Histrice</i>	567
Hierasus fl. <i>Dac.</i>	476	Hunni pop.	406
Hierosolymia an in medio orbis	13, 14	Hyampolis <i>Phocidis</i>	914
Hilicanum <i>Pannon.</i>	444	Hybla Parua <i>Sicil.</i>	785
Hilleuiones pop. <i>Germ.</i>	392	Maior	805
Hillyricum, <i>Illyricum</i>	486	Minor	809
Himella fl. <i>Sabinor.</i>	622	Hyblæum mel	943
Himera fl. <i>Sicil.</i>	792, 800	Hyccara plur. & Hyccaron	798
in diuersa decurrens	792	Hydruntum <i>Calabr.</i>	718
Australis	811	Hydrus, <i>antis, idem,</i>	ibid.
Himera vrbs <i>Siciliæ</i>	800	Hyle opp. <i>Bæot.</i>	929
septemtrionalis	800	Hylia fl. <i>Bruttior.</i>	741
Colonia Augusta	800	Hyllis, peninsula <i>Illyr.</i>	491
Himerenses Thermæ	800	Hymettus mons <i>Attic.</i>	942 sq.
Hippana <i>Sicil.</i>	813	Hypacaris fl. <i>Sarmat.</i>	401
Hipparchus geographus	4	Hypæa	203
Hippo <i>Hisp.</i>	97	Hypana Elææ	959, 963
<i>Italia, Vibo</i>	732 sq.	Hypanis fl. <i>Sarmatia</i>	397
Hippocrene fons	927	Hypata <i>Thessal.</i>	854
Hipponiates in <i>Bruttiis</i>	733	Hyperborei pop.	406
Hipponium, <i>Hippo,</i>	732	Hyphormus, <i>portus Attic.</i>	935
Hipporum <i>Brutt.</i>	744	Hypochoalcis <i>Aetol.</i>	897
Hippuris inf.	1042	Hypothebæ <i>Bæot.</i>	919
Hirminius fl. <i>Sicil.</i>	791	Hypsa fl. <i>Sicilia</i>	794
Hirpini pop. <i>Ital.</i>	697	Hyrie inf. <i>Zacynthus</i>	1010
Hispalis <i>Hisp.</i>	75	Hyrium <i>Apulia</i>	708
Julia Romulea	ibid.		
Hispania	51		
citerior	52, 53	I Acca <i>Hisp.</i>	89
vlterior,	ibid.	Iaccetania	89
diuisa	53	Iaccetani	117
bipartita olim	52	Iadera, <i>Iádega</i>	489
			Iete

INDEX GEOGRAPHICVS.

Iætæ, Ietæ opp. <i>Sicil.</i>	812	Igilium inf. <i>Ital.</i>	769
Iamno opp. inf. <i>Balear.</i>	128 f.	Iguuium, <i>Egubium</i>	598
Iamphorina <i>Thrac.</i>	1079	Ilarcuris <i>Hisp. opp.</i>	98
Ianus Augustus, opp. vel fanum	76	Ilargus fl. <i>Vindel.</i>	415
Iapodes pop. <i>Illyr.</i>	487	Ildum <i>Hisp.</i>	119
Iapydes pop. <i>Illyr.</i>	485, 487	Ilea	352
Iapydia regio	487	Ileosca <i>Hisp.</i>	119
Iapygia regio	716	Ilercaones pop. <i>Hisp.</i>	91, 110
Iapygium promontorium	719	Ilergaones iidem	110
Iapygum tria promontoria	739	Ilerda <i>Hisp.</i>	89, 118
Iapyx ventus <i>Calaber</i>	30	Ilerdenfes Gurdaonum	119
Iassii pop. <i>Dacia</i>	477	Ilergetes, Ilergetæ <i>Hisp.</i>	117, 118
Iassiorum municipium	482	Iliberi, <i>Liberinum</i>	77
Iatinum <i>Gall.</i>	167	Ilenses pop. <i>Sardinia</i>	775
Iatrum flumen <i>Mæs.</i>	466	Ilipa, <i>Ilia</i> cognomine,	68
Iauouls	153	Ilipa opp. <i>Batica</i>	66
Iazyges pop. <i>Sarmat.</i>	396	Ilipula, <i>Laus</i> cognominata	77
Iazyges Metanastæ	476	Ilipula Magna <i>Hisp.</i>	77
Iber	51	Ilipula mons	77
Ibera vrbs	111	Ilisfiades Musæ <i>Attic.</i>	933
Iberia, <i>Hispania</i>	51	Ilissus fl. <i>Attica</i>	933
Iberus fluuius	80	Ilia fl.	132
Ibligo castell.	566	Illergauonia	111
Ibliodurum <i>Mediomatric.</i>	237 f.	Iliberi, <i>Bat.</i>	77
Icædita opp. <i>Hisp.</i>	58, 59	Iliberi, Illiberis	178
Icarius mons <i>Attic.</i>	942	Iliberis fl. <i>Hisp.</i>	179
Icauna	135	Illice	109
Iccius portus, <i>Icius</i>	301	Illici opp. <i>Hisp.</i>	109
Ικυσσα inf. <i>Sardinia</i>	769	Illicias, <i>adis</i>	109
Iceni pop. <i>Britann.</i>	339	Illicitanus portus	109
Ichana <i>Sicil.</i>	810	Ilipula, <i>Ilipa, Liuii,</i>	66
Ichthys prom.	959	Ilipula <i>Batic.</i>	77
Iciani opp. <i>Britann.</i>	339	Ilipula mons <i>Bat.</i>	78
Icium promontorium	302	Iliturgi <i>Hisp.</i>	69, 110
Icius, <i>Iccius</i> , portus	301	Illuno <i>Hisp.</i>	108
Ictosa, <i>Octogesa</i>	118	Ilurco <i>Hisp.</i>	76
Iculisma <i>Gall.</i>	151	Ilurgauonenses	110
Iculisna	151	Illyricum, regio	482
Icumna fl. <i>Gall.</i>	135	Illyris, <i>Illyria, eadem.</i>	ibid.
Icus inf. <i>Aegæi</i>	1052	Illyrica prouincia	ibid.
Ida mons <i>Cretæ</i>	1026	Superior	486
Idæus mons <i>Cretæ</i>	1025, 1026	Inferior	ibid.
Ideonni Regnum	520	Illyrii pop.	482
Idex, fl. <i>Ital.</i>	540	Ἰαλυγες pop.	ibid.
Idimum <i>Mæs.</i>	462	Illyricanus, <i>Illyricianus</i>	ibid.
Idomene <i>Macedon.</i>	833	Illyricum <i>Græcum</i>	821
Idomenæ Plur. idem,	ib.	Ilorci opp. <i>Hisp.</i>	99
Idubeda mons <i>Hisp.</i>	80	Ilorcitani	101
Idumania fl. <i>Britann.</i>	324	Ilua insula <i>Ital.</i>	759
Ierna, <i>Hibernia</i>	353	Iluates <i>Ligures</i>	531
Iesona, <i>Hisp.</i>	118	Ilui	186
Iessona, <i>eadem</i>	ibid.	Ilurbida <i>Hisp.</i>	97
Igædita opp. <i>Hisp.</i>	59	Ilurgis opp. <i>Hisp.</i>	68
		B b b b b b b	Il-

INDEX GEOGRAPHICVS.

Iluro opp. <i>Elaro, Hisp.</i>	141	Iouis Vrii fanum	
Imachara <i>Sicil.</i>	805	Iouis Seruatoris portus, <i>Σατῆρες</i>	1076
Imbrus inf.	1087	Iouis villa <i>Capreis inf.</i>	972
Imola <i>Ital.</i>	539	Ira flauia	764
Imachorium <i>Creta</i>	1028	Iria opp. & fl. <i>Cispadan.</i>	84
Inachus fluv.	988	Iria Flauia <i>Hisp.</i>	530, 531
Inarime inf. <i>Ital.</i>	762, 763	Irrhesia inf.	84
Inatus opp. <i>Creta</i>	1029	Isaca fl. <i>Britann.</i>	1053
Inciabili opp. <i>Hisp.</i>	110	Isar	335
Indibile opp. <i>Hisp.</i>	ibid.	Isara fl. Gall. <i>Belgic.</i>	137
Indica	115	Isara, <i>Alpinus fl.</i>	135
Indice opp.	115	Isarci pop. <i>Vindel.</i>	136, 137
Indicetæ pop. <i>Hisp.</i>	115	Isargus fl. <i>Vindel.</i>	423
Indigetes pop.	ibid.	Isarus fl. <i>Vindelic.</i>	414
Indigeris Iouis lucus	637	Isburus fl. <i>Siciliae</i>	ibid.
Industria opp. <i>Ital.</i>	529	Isca <i>Dumnoniorum</i>	794
Inessa <i>Siciliae</i>	804	Isca <i>Silurum Britann.</i>	335
Infernates <i>Itali</i>	509 sq.	Ischalis <i>Britann.</i>	342
Inferum mare	ibid.	Ischia inf. <i>Ital.</i>	333 f.
Infra Thebas	919	Isus <i>Mæsf.</i>	765
Ingæuones pop.	391	Isinifca, Isunifca, <i>Vindel.</i>	467
Ingena opp. Gall.	161	Isis Pons <i>Noric.</i>	419
Ingenia ad loci situm variant	36	Isle du Leuant	431
Insani montes <i>Sardinia</i>	771	Ismaros <i>Thrac.</i>	203
Insubres pop.	545	Issa inf. <i>Ilyr.</i>	1059
Insula Hannibalis parua	129	Issa diuersa a Liffa	499
Insula Herculis	126	Issaicus <i>κρητικὸν</i> ab <i>Issa</i>	500
Insula Sacra Tiberina	634	Ister fluuius	499
Insula Triumviorum	537	eius ostia	368
Insulæ Deorum	126	Isthmus Arabici sinus an <i>Africae</i> limes	469
Insulæ Fortunatæ	126	Isthmus inter Pontum & Caspium	42 sq.
Insulæ Gallicæ	202	Isthmus <i>Achaiae</i>	40
Intemelium, Intemilium	524	Isthmi perfossio irrita	949
Interamici pop. <i>Hisp.</i>	83	Istonium <i>Frentanorum</i>	ibid.
Interamna <i>Vmbriae</i>	602	Istrici pop. <i>Sarmat.</i>	703
Interamnates <i>Nartes</i>	ibid.	Itropolis <i>Mæsf. Ponticae</i>	403
Interamna <i>Prætutian.</i>	607	Istros, Istrus opp.	470
Interamnienses <i>Hisp.</i>	58	Isurium <i>Britann.</i>	ibid.
Interamnium Flauium <i>Hisp.</i>	85 f.	Italia an temperatissima	344
Intercatia <i>Hisp.</i>	92	Italia	38
Intercisa <i>saxa Vmbriae</i>	596	Italia vnde dicta	501
Interbromium <i>Ital.</i>	613	Italia Propria	502
Intribili opp. <i>Hisp.</i>	110	Italiae diuisio	568
Inui Castrum <i>Etrur.</i>	583	Italiae Regiones	509
Inui Castrum <i>Latii</i>	638	Italica <i>Hispaniae</i>	745
Inycum, Inyx <i>Sicil.</i>	794	Itani pop. <i>Hispan.</i>	66
Io, <i>Inachi filia</i>	409	Itanus oppid. <i>Creta</i>	117
Iolcos <i>Thessal.</i>	867	Ithaca inf.	1030
Ios inf. <i>Sporad.</i>	1054	opp. insulæ	1007
Iouauus fluv. <i>Noric.</i>	430	Ithacesia inf. <i>Ital.</i>	1007
Iouia <i>Pannon.</i>	452	Ithome <i>Messeniae</i>	766
Iouiacum <i>Noric.</i>	431, 434	Ithomen	966
Iouauum, Iouauia	433	Itinera mensurae genus	853
			47
			Ithona

INDEX GEOGRAPHICVS.

Ithoria	895	Iulium Præsidium Scalabis	64
Itius portus, <i>Itius</i> ,	301	Iulius portus ad Baias	669
Itumna fl. <i>Gall.</i>	135	Iulius vicus	249
Ituna fl. & æstuar.	324	Iuncaria <i>Hisp.</i>	116
Iturissa <i>Hisp.</i>	87	Iunarius Campus	116
Itys fl. <i>Britann.</i>	352	Iunii Hadr. opinio de ostiis Rheni	209
Iuenna <i>Norici</i>	436	Iunonius promontorium	71
Iuernii pop. <i>Hibern.</i>	354	Iura mons	140
Iuernia, <i>Hibernia</i> ,	353	Iurassus mons, <i>Iura</i>	ibid.
Iuernis opp.	354	Iustinopolis quæ olim	567
Iuhones an fuerint	378	Iutuntorum Forum	547
Iulia <i>Hisp.</i> fl.	85	Iuturna	637
Iulia Augusta Barcino	113	Iuuauia <i>Norici</i>	433
Iulia Augusta Cassandrea	843	Iuuenſe caſtellum	433
Iulia Augusta Pella	834	Iuerna, <i>Hibernia</i> ,	353
Iulia Augusta Philippi	849		
Iulia Claritas	75	K	
Iulia Concordia <i>Hisp.</i>	68	Καλή ἀρχή	801
Iulia Concordia Beneuentura	695	Καλὸς λιμὲν Creta	1030
Iulia Contributa <i>Hisp.</i>	67	Kelemantia <i>Germ.</i>	390
Iulia Fanestris colonia	593	Κέρκυρα inf. <i>Corcyra</i>	1003
Iulia Felix Suessa	683	κλίμα	16 sq.
Iulia Fidens Arretium	579	Κορυφαῖα arx <i>Corcyra</i>	1004
Iulia Illergauonia Dertosa	111	Κύμη Campania	390
Iulia Izoa <i>Betica</i>	73	Kynos Kephalaë, <i>colles</i>	857
Iulia Liberalitas Eboræ	61	Κυνὸς Σήμα	1066
Fama Seria <i>Hisp.</i>	66	Κύβρος inf. <i>Corſica</i>	767
Iulia Libyca <i>Hisp.</i>	123		
Iulia Liuia, eadem,	ibid.	L	
Iulia Myrtilis	63	Λαβεατὰ, Labeates. pop. <i>Illyr.</i>	426
Iulia Noua Carthago	108	Labêrus <i>Hibern.</i>	354
Iulia Paterna Subur.	113	Labicum, & Labici <i>Pl. Latii</i>	642
Iulia Paterna Arelate	199	Labodes Aquæ <i>Sicil.</i>	794
Iulia Paterna Narbo	182	ad Labores <i>Pannon.</i>	450
Iulia Pietas Pola	567	Labronis portus, vel Labro,	572
Iulia colonia Piſæ	571	Laccobriga <i>Hisp.</i>	92
Iulia Reſtituta <i>Hisp.</i>	68	Lacedæmon	975
Iulia Romulea <i>Hispanis</i>	75	Lacetania regio <i>Hisp.</i>	121
Iulia Segisama <i>Hisp.</i>	92	Lacetani pop. <i>Hisp.</i>	117
Iulia Sena <i>Etrur.</i>	573	Laciacum <i>Norici</i>	434
Iulia colonia Sutrium	584	Laciburgum <i>Germ.</i>	383
Iulia Traduſta	73	Lacinum prom. <i>Brutt.</i>	739
Iuliacum	268	Laciniaë Iunonis fanum	ibid.
Iulii Forum <i>Gall.</i>	188	Lacippo opp. <i>Hisp.</i>	77
Vmbriæ, incerto ſitu.		Lacobriga <i>Hisp.</i>	92
Iulii Genius <i>Hisp.</i>	68	Lacobriga <i>Lusitan.</i>	63, 64
Iuliobona <i>Belg.</i>	317	Laconica regio	968
Iuliobona <i>Pannon.</i>	440	Laconicus ſinus	ibid.
Iuliobrica, Iuliobriga <i>Hisp.</i>	86	Lactis mons <i>Campania</i>	678
Iuliomagus <i>Gall.</i>	162	Lactodorum <i>Britann.</i>	338
Iuliomagus Vindelicum	417	Lactora	146
Iulium Carnicum	564	Lactorates pop. <i>Gall.</i>	146
		Lactoratium ciuitas	ibid.
		Bbbb bbb 2	Lactu-

INDEX GEOGRAPHICVS.

Lactura, Lactora, <i>Gall.</i>	146	Larissa Cremaste	864
Lacuris <i>Hisp.</i>	100	Pelasgia	864
Lacus Benacus	550	Larissa <i>Hisp.</i>	107
Lacus Felicis	431	Larissa <i>Theſſaliae</i>	957
Lacus Larius	544	Larissus fluv.	957
Lacus Verbanus	543	Larius lacus	544
Lacydon portus <i>Maſſiliae</i>	188	Larraga	91
Lædus fl. <i>Gall.</i>	134	Larus mons	154
Læetani pop. <i>Hisp.</i>	113	Larynna	906
Lælamnonius finus	351	Las, opp. <i>Laconiae</i>	969
Lælia <i>Hisp.</i>	68	Laſæa <i>Cretæ</i>	1030
Læpa Magna <i>Hisp.</i>	68	Laſio, Laſion, <i>Peloponneſe</i>	994
Læſtrygones pop. <i>Sicil.</i>	503, 779	Laſos <i>Cretæ</i>	1037
Læui pop. <i>Transpad.</i>	547	Latera mundi	34
Lagaria <i>Lucaniae</i>	727	Latini pop.	632
Lagecium <i>Britann.</i>	346	Latitudo Terræ	6
Lagyra <i>Taur. Cherson.</i>	409	Latium regio	630
Laletani pop. <i>Hisp.</i>	113	Antiquum	631
Lambris Flauia	84	Adiectum	632
Lametia Bruttior.	732	Nouum	ibid.
Lametus fluv.	ibid.	Lato opp. <i>Cretæ</i>	1031
Lamia <i>Theſſaliae</i>	860	Latobrigi pop. <i>dubiæ ſedis</i>	228
Lamiacum bellum	860	Latonium	86
Lamiacus finus, <i>Maliacus</i>	864	Latouici pop. <i>Pannon.</i>	440
Laminæ <i>Ital.</i>	628	Latris inf. <i>Germ.</i>	395
Laminium <i>Hisp.</i>	98	Latrum, Latra <i>Mæſ.</i>	467
Laminitani pop. <i>Hisp.</i>	98, 101	Latymnus mons <i>Brutt.</i>	740
Lampa, Lappa <i>Cretæ</i>	1034	Laugona fluv. <i>German.</i>	365
Lampæa mons <i>Arcad.</i>	991 ſq.	Lauicum, & Lauici plur.	642
Lampetia Bruttior.	732	Laucana Via	ibid.
Lampetes mons	732	Lauinium Latii	637
Lampirenſes	941	Lauinius fl. <i>Cispadan.</i>	537
Lancia valida vrbs	58	Lauinus fl. idem	ibid.
Lancia Oppidana	59, 85	Laumellum <i>Ital.</i>	542
Lancia Transcudana	59	Laureacum <i>Norici</i>	431
Lanciatum <i>Hisp.</i>	58, 85	Laureaceniſis colonia	431
Lancienſes Ocelenſes	58	Laurens caſtrum	636
Oppidani	58	Laurentes pop.	637
Transcudani	58	agri	ibid.
Langobordi pop.	383	Laurentum opp. <i>Latii</i>	636
Langobriga <i>Luſit.</i>	56	Lauri <i>Bataur.</i>	281
Lantriguet	160	Lauriacum, <i>Laureacum</i>	431
Lanuuium <i>Latii</i>	641	Laurium, <i>Lorium, Etrur.</i>	590 ſq.
Lapidaria <i>Rhætia</i>	428	Laüs fl. <i>Ital.</i>	506, 726
Lapidei Campi <i>Gall.</i>	187	Laus Ilipula	77
Lapis meſſura geographica	46, 47, 48	Laus Iulia Corinthus	950
Lapithæ	871	Laus Pompeia	546
Lappa <i>Cretæ</i>	1034	Laufanna	225
Lapurdum, <i>Baiona</i>	143 f.	Laufonius lacus	ibid.
Larcuris, <i>Ilarcuris</i>	98	Lautulæ <i>Latii</i>	651
Larirates pop. <i>Ital.</i>	703	Laxta <i>Hisp.</i>	104
Larine fons <i>Atticæ</i>	934	Lebadea, Lebadia, <i>Bæot.</i>	925
Larinum opp. <i>Frentan.</i>	703	Lebecii pop. <i>Transpad.</i>	542
		Leben,	

INDEX GEOGRAPHICVS.

Leben, Lebena, <i>Cretæ</i>	1029	Lethes fluv. <i>Hisp.</i>	82
Lebinthus inf. <i>Cretici M.</i>	1041	Lethæus fl. <i>Cretæ</i>	1029
Lecca Rheni alueus	211	Letoa inf. <i>Cretici maris</i>	1040
Lechaum, portus <i>Corinth.</i>	951	Letoia inf. <i>Ionii maris</i>	1011
Lederata Turris <i>Mæf.</i>	459 f.	Leuaci pop. <i>Belg.</i>	293
Ledus fl. <i>Gall.</i>	134, 139	Leuæ fanum <i>Batav.</i>	280
Legeolium <i>Britann.</i>	346	Leuca <i>Calabriæ</i>	719
Legio I Iouia	468	Leuca mensura <i>geographica</i>	48
<i>Italica</i>	467	Leucæ <i>Lacon.</i>	973 sq.
Legio II Augusta	342	Leucadia penins. <i>Acaruan.</i>	892
Legio VI Victrix	345	Leucadius Apollo	894
Legio VII Gemina <i>Hisp.</i>	85	Leucas, adis, opp.	893
Legio XI Claudia	468	Leucasia inf. <i>Ital.</i>	765
Legio Victrix XX	342	Leucata, litus <i>Gall.</i>	179
Legum, <i>Λῆγον</i>	812	promontorium <i>Leucadiæ</i>	893
Lelantus, campus <i>Eubææ</i>	1024	Leuce inf. <i>Sarmatiæ</i>	400
Lelantus fl.	ibid.	Leuce inf. ad <i>Cretam</i>	1039
Lemanus lacus	140, 141, 225	alia ad <i>Cretam</i>	ib.
Lemanis portus <i>Britan.</i>	332	Leuci pop. <i>Belg.</i>	235
Lemincum <i>Alpin.</i>	199, 202	Leuci montes, albi, <i>Cretæ</i>	1025
Lemnus insula	1052 sq.	Leucimma, Leucimna prom. <i>Corcyra</i>	1004
<i>διπολὶς</i>	ibid.	Leucogæus collis <i>Campan.</i>	675
Lemouices	150	Leucopetra prom. <i>Brutt.</i>	735
Lemouii pop. <i>Germ.</i>	384	Leucosia inf. <i>Leucasia</i>	765
Lentia <i>Norici</i>	431	Leucothea inf. <i>Ital.</i>	ibid.
Leodicum quam antiquum?	275	Leuctra, Leuctrum, <i>Lacon.</i>	974
Leon <i>Hisp.</i>	85	Leuctra Plur. <i>Bæot.</i>	921
Leon prom. <i>Cretæ</i>	1029	Leuga, eadem quæ <i>Leuca</i>	48
Leonica <i>Hisp.</i>	105	Leui pop. <i>Transpad.</i>	547
Leonicenses	91, 105	Leuoni pop. <i>Germ.</i>	392
Leontini pop. <i>Siciliæ</i>	784 sq.	Leuua quid?	50
Leontini vrbs <i>Siciliæ</i>	ibid.	Lexobii pop. <i>Gall.</i>	162
Leontini campi <i>Sicil.</i>	785	Lexouii iidem	162
Leontinus sinus,	ibid.	Libarna <i>Ligar.</i>	527, 530
Leontium <i>Achaia</i>	954, 957	Liberalitas Iulia Ebora	61
<i>Siciliæ</i>	784	Libethra fons	867
Lepreum, Lepreus	959, 963	Oppidum	867
Lepontii pop. <i>Alpin.</i>	423, 541	Libethrides Musæ, nymphæ	867, 924
Viberi cognomine	423	Libethrius mons <i>Bæot.</i>	924, 926
Leria, Edeta, <i>Hisp.</i>	106	Libici, Libicii, pop. <i>Ital.</i>	542
Leria inf. <i>Sporad.</i>	1055	Libisoca <i>Hisp.</i>	100
Lerida	118	Libisofona	100
Lerina inf. <i>Gall.</i>	204	Libisofani pop.	ib.
Lerna palus & fl.	987	Libisofa	ibid.
an oppidum	987 sq.	Libnius fl. <i>Hibern.</i>	354
Lero inf. <i>Gall.</i>	204	Libona <i>Hisp.</i>	104
Leroua inf. <i>Gall.</i>	ibid.	Libonotus ventus	28, 34
Lerus inf. <i>Gall.</i>	ibid.	Libora <i>Hisp.</i>	97
Lesa <i>Sardinia</i>	774	Libui pop. <i>Ital.</i>	542
Lestanzæ Aquæ	774 f.	Libunca <i>Hisp.</i>	85
Lesura fl. <i>Belg.</i>	219	Liburni pop. <i>Illyr.</i>	485
Letandros inf. <i>Sporad.</i>	1055	Liburnia, regio	486 sq.
Lete <i>Macedon.</i>	840	Licates, Licatii pop. <i>Vindel.</i>	416
		B b b b b b b 3	Lichus

INDEX GEOGRAPHICVS.

Lichus fluv.	414	Literata Turris <i>Mæf.</i>	460
Licitani pop. <i>Hisp.</i>	109	Liternum	666, 667
Licus, fluuius <i>Vindelic.</i>	414	Liternus fluv.	666
Lidericus fl. <i>Gall.</i>	134	Liternum an Linternum?	667
Ligea inf. <i>Ital.</i>	732, 766	Linternus fl. Liternus	505
Liger fl. <i>Gall.</i>	133	Littamum <i>Rhetiae</i>	426
Ligures pop.	522	Litubium <i>Ital.</i>	531
Ligures Albingauni	526	Lobetani pop. <i>Hisp.</i>	91, 107
Ligures Montani	518	Lobétum opp. <i>Hisp.</i>	107
Liguria regio	522	Lobregat fl.	112
Propria	ibid.	Lacorum vis in animos hominum	37
Ligustica ora	523	Locri opp. <i>Ital.</i>	736
Lilæa <i>Phocidis</i>	913	<i>Epizephyræ</i>	ibid.
Lilybæum promontor.	796	Locri pop. <i>Ital.</i>	ibid.
Oppidum	ibid.	<i>Narycii</i>	ibid.
Limæas fluv. <i>Hisp.</i>	82	Locri pop. <i>Græc.</i>	900
Limeas fl. idem	ibid.	Locri Ozolæ	900
Limera quasi Limenæra	972	<i>Epimenidii</i>	903
Limia opp. <i>Hisp.</i>	82	<i>Opuntii</i>	905
Limici pop. <i>Hisp.</i>	ibid.	<i>Zephyrii</i>	900
Limius fluuius <i>Hisp.</i>	ibid.	Locris, regiuncula <i>Ital.</i>	736
Limnæa <i>Acarmania</i>	889	Locris, regio <i>Græc.</i>	900
Limnæa <i>Thessalia</i>	853	Lodebe	185
Limoges	150	Logana fluv. <i>Germ.</i>	365
Limon inf. an portus	764	Logi, pop. <i>Britann.</i>	352
Limonum <i>Pictorum</i>	150	Logia, fl. <i>Britann.</i>	354
Lincasii pop. <i>Lingones</i>	233	le Loir	134
Lindum <i>Britann.</i>	341, 345	Loncium <i>Norici</i>	435
Lingones pop. <i>Transalp.</i>	233	Londinium <i>Britann.</i>	336
Lingones <i>Cisalpini</i>	532	Longanus fl. <i>Sicil.</i>	802
Lingonum ciuitas	234	Longaticum <i>Pannon.</i>	446
Liniſcio excellēbat Sætābis	109	Longi muri ad <i>Piræum</i>	932
Linternum <i>Campan.</i>	666 sq.	Longitudo Terræ	6
Lipara inf. & opp.	816	Longobardi pop.	383
Liparæorum insulæ, <i>Vulcaniæ</i>	815 seq.	Longula <i>Latii</i>	654
Lipaxus <i>Macedon.</i>	842	Longus Murus <i>Thrac.</i>	1070
Δψ ventus	29	Lontium, <i>Loncium, Norici</i>	434 sq.
Liquentia fl.	507, 561	Lopli pop. <i>Illyr.</i>	488
Liquentiæ Pons	561	Lopſica opp. <i>Liburn.</i>	ibid.
Liquetia fl.	ibid.	Lorca	99
Lirinales pop.	659	Lorium seu Lorii <i>Etrur.</i>	590
Lirinus inf. <i>Gall.</i>	204	Lotoa inf. <i>Letoia</i>	1011
Liris fluuius	505, 662	Louentinum <i>Britann.</i>	343
Lisæ	842	Louia, <i>Iouia, Pannon.</i>	452
Lisia inf. ad <i>Gall.</i>	203	Loxa fluv. <i>Britann.</i>	352
Lisieux	162	Luca vrbs <i>Ital.</i>	568, 570
Lissa <i>Hisp.</i>	117	Lucania regio	722
<i>Cretæ</i>	1029	Lucanus Cordubensis	69
Lissa inf. <i>Illyr.</i>	499	Lucaria <i>Stephani</i> , vide <i>Luceria</i> .	
Lissus opp. <i>Illyria</i>	493, 821 sq.	Luceni pop. <i>Hibern.</i>	354
Lissus <i>Cretæ</i>	1029	Lucenses Callaici pop. <i>Hisp.</i>	84
Lissus fl. <i>Thrac.</i>	1060	Lucenti opp. <i>Hisp.</i>	109
Litana silua <i>Cispadan.</i>	538	Lucentia eadem	ibid.
			Lu-

INDEX GEOGRAPHICVS.

Lucentum, idem,	109	Lycabettus mons Atticæ	942, 944
Luceria Apul.	706	Lycæus mons Arcad.	997
Lucodocia	166	Lycæus Iuppiter	997
Lucrinus Lacus Campan.	669	Lycosura opp.	ibid.
in montem versus	670	Lycastus Cretæ	1036
Lucrina ostrea	ibid.	Lyceum Atticum	932
Luculli villa	668	Lychnidus Illyr. Græc.	825
Lucus Angitiæ, in Marfis	615	Lycorea, Lycoria, Phoc.	910
Lucus Asturum	85	Lyctus, Lyttus, Cretæ	1036
Lucus Augusti vrbs	84	Lygii pop. Germ.	385
Lucus Augusti Vocontior.	197	Lydias fl. Maced.	835
Lucus Augusti Triboccor.	244	Lygos, Byzantium,	1075
Lucus Feroniæ	570, 586	Lyncestæ pop. Macedon.	830
Ludias fl. Macedon.	835	Lyncestis regio	829 f.
Luentinum Britann.	343	Lyficus opp. Maced.	ibid.
Lugdunensi Gallia	130, 142	Lyfimachia Aetol.	895
Lugdunum Galliæ	171, 174	Lyfimachia Thraciæ	1063
eius origo	175	Lyttus, Lyctus, Cretæ	1036
Lugdunum Conuenarum	145		
Batauorum	282	M.	
Lugdunus	176		
Lugii pop. German.	385	Macalla Bruttior.	740
Lugionum Pannon.	447	Macedonia	828
Lugodinum Batauor.	282	Macedonia Adiecta	850
Lugodunum ad Rhenum.	281	Macella Sicil.	811
Lugodunum veteres 4 syllab.	176	Machara, Imachara Sicil.	805
Luguallum Britan.	344	Macistum Arcad.	1002
ad Lullia Belg.	309	Macra fluuius Ital.	505
Luna filua German.	371	Macri Campi	536
Luna vrbs Ligur.	527	an oppidum	ibid.
Lunæ portus	ibid.	Macris, inf. Eubœa,	1024
promontorium Ital.	ibid.	Macrontichos Thrac.	1070
Lunæ promont. Lusitaniæ	56	Macroscii	20, 21
Lunarium prom.	114	Maetorium Sicilia	810
Lundinium Britann.	336	Macusa opp. Batauor.	287
Lundonia eadem	ibid.	Macusanus Hercules	ibid.
Lupia, Luppia fluv. Germ.	364	Macynia Aetoliæ	898
Lupia, & Lupiæ, Calabr.	717	Madrit	97
Luppia Calabria	ibid.	Maduateni pop. Thrac.	1085
Lupodunum German.	381	Madytos Thrac. Chersf.	1069 f.
Lusio Pannon.	447	Mæandria Epiri	879
Lusitania	53	Mætæ pop. Britann.	347
Lusitaniæ fines	53 sq.	Mædi pop. Thraciæ	1079
flumina	54	Mædica regio Thrac.	ibid.
Lusitanorum coloniæ, oppidia	64	Mænalus mons Arcad.	996
Lusones, Ἀσώνες, pop.	91, 107	Mænalum oppid.	ibid.
Lusparia Hisp.	100	Mænariæ insulæ Hisp.	129
Lussonium Pannon.	447	Mænoba Hispan.	74
Lussenium idem	ibid.	Mænus fl. German.	365
Lutecia Parisior.	166	Mæsia filua Transiberin.	591
Luteua Gall.	184	Mæotis palus, lacus	402
Luteuani	184	Mæotæ, Mæotide, Mæotici, pop.	ibid.
Lutitia	166	Megalona inf. Gall.	185, 203
			Magel-

INDEX GEOGRAPHICVS.

Magella Sicil.	807	Mare superum	509
Magen quid signet	268	Inferum	510
Magia <i>Rhetorum</i>	428	Ionium	1099
Magiouinium <i>Britann.</i>	338	Margidunum <i>Britann.</i>	341
Magnesa opp. <i>Magnesia</i>	869	Margum opp. <i>Mæf.</i>	459
Magnesia regio	866	Margus, Margis, fl.	456, 458
Magnesium prom.	870	Mariana fossa <i>Gall.</i>	138, 187
Magni opp. <i>Britann.</i>	343	Mariana <i>Corfica</i>	768
Magnus Portus <i>Britann.</i>	333	Mariani montes <i>Hisp.</i>	78
<i>Hispania</i>	74	Marianus mons <i>Bætica</i>	78
Mago in insula <i>Balear.</i>	128	Marianum prom. <i>Corfic.</i>	769
Magontiacum	251	Maridunum <i>Britann.</i>	343
Maguntia	252	Marionis, gemina <i>Germ.</i>	383
Magusa an Batauorum?	287	Marios <i>Lacon.</i>	980
Magufanus Hercules	ibid.	Marifos fl. <i>Dacia</i>	476
Maira fl. <i>Rhet.</i>	427	Maritima vrbs	187
Malaca <i>Hisp.</i>	74	<i>Μαρκιανῆς πόλις</i>	473
Malea mons	864	Marmarium <i>Eubæa</i>	1019
Malea prom. <i>Lacon.</i>	971	Marobudum opp. <i>Germ.</i>	389
Maletum <i>Transpad.</i>	553	Maroboduus rex	ibid.
Maleuentum, Beneuentum	694	Maronea <i>Thrac.</i>	1060
Maleus sinus <i>Lacon.</i>	972	Marpurgum	380
Maliacus sinus <i>Theffal.</i>	864	Marrubium <i>Marf. Ital.</i>	614
Malienfes pop. <i>Theffal.</i>	864	Marrucini pop.	611
<i>Μαλιεῖς, Μαλεεῖς</i> pop.	864	Marruuium, <i>Marrubium,</i>	614
Malthace inf. <i>Ionii M.</i>	1005	Marfacii pop.	286, 287
Mamertum, Mamertium <i>Brutt.</i>	744	Marfi pop. <i>Germania</i>	375
Manapii pop. <i>Hibern.</i>	354	Marfi pop. <i>Ital.</i>	614
Manarmanis portus	363, 374	Marfigni pop. <i>Germ.</i>	384
Mancunium <i>Britann.</i>	345	Marta fl.	577, 583
Madela pagus <i>Sabin.</i>	623	Martegue	187
Mandonium <i>Calabria</i>	722	Martialis patria <i>Bilbilis</i>	102
Mandubii pop. <i>Gall.</i>	169	Martiana filua, vide <i>Marciana.</i>	
Manduria <i>Calabria</i>	722	Martiniacum	199
Manliana <i>Etrur.</i>	575	Martis fanum <i>Belg.</i>	293
Mannaricium <i>Batav.</i>	281	Martorellum	117
Manresa	117	Marus fl. <i>Germ.</i>	389
Mans	165	Massa <i>Veternensis Etrur.</i>	575
Mansio, distantie signum	48	Massalia fl. <i>Creta</i>	1029
Mantinéa <i>Arcad.</i>	1000	Mascon	173
<i>Antigonea</i>	1001	Massalioticum ostium <i>Rhodani</i>	138
Mantinorum vrbs <i>Corfic.</i>	769	Masficus mons	679
Mantua <i>Ital.</i>	550	Masficum vinum	679
Mantua <i>Hisp.</i>	97	Masfilia	187
Mantuesedum <i>Britann.</i>	342	Mastramela <i>Gall.</i>	138, 187
Marathon <i>Attic.</i>	939	Mastramelus lacus	187
Marathusa <i>Creta</i>	1037	Mastrucati latrunculi <i>Sardinia</i>	775
Marciana filua <i>Germ.</i>	371	Mastulia prom. <i>Thrac.</i>	1064
Marcianopolis <i>Mæf.</i>	472	Matalia <i>Creta</i>	1029, 1033
Marcina <i>Picentin.</i>	690	Matæum <i>Creta</i>	1029
Marcodaua <i>Dacia</i>	482	Matilica <i>Vmbria</i>	597
Marcodurum <i>Belg.</i>	268	Matinus mons <i>Apul.</i>	715
Marcomani pop. <i>Germ.</i>	388	Matinæ apes	716
		Matini	

INDEX GEOGRAPHICVS.

Matini buceta	716	Meldi, vrbs Gall.	167
Matisco Gall.	171, 173	Meldorum ciuitas	ib.
Marteium Rhatia	426	Melæ, Meles, Samnii	697
Matrinus fl. Ital.	606	Melæ Pomponii patria	71, 73
Matrona fl. Gall.	135	Melænæ Arcad.	1002
Matium Cretæ	1929, 1033	Melanchlænæ pop. Sarmat.	405
Mattiacæ aquæ Germ.	380	Melantiana Thrac.	1073
Mattiaci pop. German.	379	Melantias Thrac.	ibid.
Mattiaci fontes	380	Melas fl. Achaia	956
Mattiacum Germ.	ibid.	Melas fl. Bæot.	924, 930
Mattium, idem,	379	Melas fl. Thrac.	1056
Mazæi Pannonia	440	Melasita inf. Sarm.	400
Mazara fl. Sicil.	795	Melibocus mons Germ.	369, 381
castellum	ibid.	Melibœa Theffal.	869
Mazusia prom. Thrac.	1064	Melita, δῆμος Attica	941
Meaux	167	Melitæa Theffal.	860
Mecyberna Macedon.	844	Melitaria Theffal.	ibid.
Medama Bruttior.	733	Melite inf. supra Siciliam	819
Medelino	64	Melite inf. Illyrici	501
Medeon Bæoticus	922	Melitia Theffal.	860
Medeon Phocicus	908	Mella fl. Transpadana	549
Mederiacum Belg.	271	Mellaria Hisp.	68, 71, 72
Mediolanum Ital.	546	Melodunum Gall.	167, 168
Mediolanum Aulercorum	164, 166	Meloëssa inf. Ital.	758
Mediolanum in Gugernis	271	Melos Cycladum	1047
Mediolanum Mæsiæ	464	Melos inf. Argol. finis	1014
Mediolanum Ordouicum Britann.	343	Melpes fl. Lucan.	726
Mediolanum Santonum Gall.	149	Melpis fl. Latii	659
Mediolarium Germ.	374	Melun	168
Mediolum Hspan.	104	Memini pop. Gall.	196
Mediomatrici pop.	236	Menæ, Menænæ, Sicil.	808
opp. medio æuo	237	Menapii pop. Belg.	288
Medium orbis vbi?	12	Menapiorum castellum	289
Iupiter explorat	13	Mende Macedon.	843
Medma Bruttior.	733	Menelaius mons Lacon.	982
Medoacus geminus fl.	507, 559	Menenii, Menarum incolæ,	808
Medobriga Meidubriga, Hisp.	60	Menesthei portus Hisp.	70
Medobrigenses Plumbarii	61	Meniana ædificia	171
Medoslanium Germ.	390	Menlaria Hspan.	108
Meduacus fl. Venet.	422, 559	Menoba Hisp.	74
Meduana fl.	134	Menosca Hisp.	86
Medullia Sabinor.	619	Menralia Ptol.	72
Megalia inf. Ital.	763	Mensuræ geographicæ	43
Megalopolis Arcad.	995, 996	Mentesa Hisp.	99
Megara, Megaris, Sicilia	785	Mentefani Orientani Hisp.	99, 101
Megara Græc.	946 sq.	Bastuli	ibid.
Megaris inf. Ital.	763	Mentissa Hisp.	99
Megaris inf. Ital.	764	Menus fl. Manus,	365
Megaris regio Græc.	945	Mephitis fanum	701
Meginensis Campus Treueror.	259	Mequinenca	115
Meidubriga Hisp.	58	Meribriga Hisp.	61
Mela fl. Transpadan.	549	Merinates ex Gargano	708
Meldi, Meldæ, pop. Gall.	167	Merobrica Lusitan.	61, 63
		Cccc ccc	Maro.

INDEX GEOGRAPHICVS.

Merobriga Oretan.	100	Mimeni pop. Gall.	196
Mertæ	352	Mincius fl. Ital.	550
Mertola ad Anam	63	Minerua Castrum Calabr.	718
Mesambria, Mesembria	472, 1078	Minerua prom. Campan.	679
Mese, media, inf. Gall.	203	Minio fl. Etrur.	583
Mesembria	472, 1057, 1078	Minius fl. Hisp.	80, 82 f.
Meses ventus	28	Minnidunum Heluet.	225
Mesiatensis locus	427	Minoa portus Cret.	1031
Mesiates pop. Rhetia	ibid.	vrbs Cretæ	ibid.
Messa Messen.	968	Minoa, Μινωα, Sicil.	793
Messana Sicilia	781	Minoa portus Argolici sinus	972
Messapia regio Ital.	716	Minoa prom. Megaridis	946
Messena Peloponnesi	966	Minturnæ	662
cornu Peloponnesi	ibid.	Minturnenses paludes	663
Messenia regio Peloponnesi	963	Minyeius fl. Elidis	559
Messeniacus sinus	965	Mirobriga Hisp.	58, 60, 61
Mestus fl. Nestus	850, 1058	Mirobriga Batica	68
Metalla opp. Sardinia	773	Mirobriga Oretan.	100
Metallina, Lusit. colonia	64	Mirtylis Iulia Lusitan.	63
Metallinensis colonia	64	Misenum opp. Campan.	668
Metallinum	65	prom.	ibid.
Metallum Cretæ	1029	portus	ibid.
Metannastæ Iazyges	476	Misenensis clasfis	ibid.
Metapinum ostium Rhodani	138	Miseo fl. Piceni	604
Metapontum Lucan.	728	Misus fl. Piceni	ibid.
Metaris æstuarium Britann.	324	Misus fl. Vmbria	593
Metaurum opp. Bruttior.	733	Modonus fl. Hibernia	354
Metaurus fl. Bruttior.	ibid.	Moeniana ædificia	171
Metaurus fl. Vmbria	506. f. 595	Moenus, Moenis, fl. Germ.	365
Metellinum Lusitania	65	Mœsi pop.	455
Methona Argiv.	984	Mœsia regio	454
Methone Macedon.	837	Superior	457
Methone Magnesia	868	Inferior	457, 466
Methone Messenia	964, 965	Mœsicus, Mœsiacus, Μαινακίων	455
Methydrium Arcad.	997	Mogentianæ, Pl. Pannon.	451
Metina inf. Gall.	203	Mogetiana, eadem	ibid.
Metiosedum Gall.	166	Mogontiacum	251
Metropolis pop. Thessalia	852	Moles in Rheno	213
Metropolis Acarnania	890	Molosfi pop. Epiri	881
Metropolis Sarmatia pop.	407	Molosfis regio	ibid.
Metti, Mettis, pop. Mediomatr.	237	Molycris Aetol.	897
Metubarris inf. Pannon.	439	Mona inf. Britann.	355
Metulum Liburn.	487	Monæda inf.	ibid.
Meuania Vmbria citer.	599	Monabia	355
Milatæ opp. Pannon.	448	Monalus fl. Sicil.	801
Miletopolis Sarmatia	399	Monda fl. Lusitania	55
Miletus Cretæ	1033	Monetium Liburn	487
Milia mensura	46	ad Monilia Ligur.	526
Milionia, Milonia Marfor.	615	Monæci portus	523
Mille passus, mensura	46	Mons Marianus	78
Milliarium mensura viæ	ibid.	Mons Christi, inf.	760
aureum Romæ	47	Mons Feretrus castell.	594
Milolitur Thrac.	1081	Mons Sacer Sabin.	617
		Mons	

INDEX GEOGRAPHICVS.

Cccc ccc 1

INDEX GEOGRAPHICVS.

Narbo Iulia Paterna	182	Nemetes, Nemetæ pop.	246
Narbo Martius	ibid.	Nemetes, Nemetæ <i>vrbs</i>	ibid.
Narbona <i>Dalm.</i>	496	Nemetobriga <i>Hisp.</i>	84
Narbonensis Gallia	176	Nemetocenna <i>Belg.</i>	307
Narisci pop. <i>Germ.</i>	388	Nemossus <i>vrbs Auernor.</i>	154
Naristæ pop. <i>idem</i>	ibid.	Neon, <i>vrbs Phocid.</i>	914
Narnia <i>Vmbriæ citer.</i>	601	Nepesinus, a <i>Nepete</i>	585
Naro fl. <i>Dalmat.</i>	483	Nepet opp. <i>Ital.</i>	ibid.
Narona <i>Dalm.</i>	496	Nequinum, <i>Narnia</i>	601
Narthacium <i>Theffal.</i>	859	Neretum <i>Calabria</i>	720
Narycii Locri <i>Ital.</i>	736	Nergobriga <i>Hisp.</i>	103
Narycia, <i>vrbs Locri, Ital.</i>	737	Nerigos inf. seu regio	391
Narycium, Narycum <i>Græc.</i>	904	Neritos mons <i>Ithacæ</i>	1007
Nasos, pars <i>Syracusar.</i>	788	an insula?	ibid.
opp. <i>Acarnaniæ</i>	892	Neritum <i>Culabr.</i>	720
Naryx, <i>Locror. Græc.</i>	904	Nerium promontorium <i>Hisp.</i>	84
Nascica Calaguris	89	Neronia <i>Venetia</i>	558
Nasum <i>Belg.</i>	235	Neronis Forum <i>Gall.</i>	196
Nasus opp. <i>Acarnan.</i>	892	Nertobriga <i>Celtiber.</i>	103
Natifo fl. <i>Venet.</i>	562, 563	Nertobriga <i>Batica</i>	68, 103
Naua fl. <i>Belgic.</i>	219	Concordia Iulia	68
Naualla <i>Ptolem</i>	214	Neruii pop. <i>Belg.</i>	291
Nauari pop. <i>Scyth.</i>	406	Nerulum, Neruli <i>Pl.</i>	727
Naubarum <i>Sarmat.</i>	407	Nerusi, Nerusii pop.	193
Naulochus <i>Sicilia</i>	803	Nesactium, Nesactum <i>Histræ</i>	567
Naulochus <i>sub Hæmo</i>	1078	Nesis, <i>Nhois, inf.</i>	763
Naupaetus <i>Aetoliæ</i>	898	Nesos opp. <i>Eubœæ</i>	1022
Nauplia <i>Argiuorum</i>	983	Nessus, fl. <i>Thrac.</i>	1058
Nauportum opp. <i>Pannon.</i>	445	Nesus fl. <i>Thracia</i>	850, 1058
Nauportus fl.	ibid.	Nestus fluv. <i>idem,</i>	850, 1058
Naustathmus portus <i>Sicilia</i>	790	Nesus opp. <i>Acarnan.</i>	892
Naxus inf. <i>Cyclad.</i>	1050	Netindaua <i>Dacia</i>	482
Naxus opp. <i>Sicilia</i>	782	Netium <i>Apul.</i>	715
Neæ, inf. <i>iuxta Lemnum</i>	1053	Netum <i>Sicilia</i>	809
Neæthus fl. <i>Ital.</i>	506, 740	Neuers	170
Neapolis <i>Campania</i>	675	Neuirnum <i>Gall.</i>	170, 173
Neapolis <i>Maced. adiectæ</i>	849	Neue sur Baranion	173
Neapolis <i>Sardinia</i>	773	le Nez	139
Neapolitana crypta	676	Nicæa <i>Corfica</i>	768
Nebiodunum <i>Mæs.</i>	468	Nicæa <i>Italia</i>	523
Nebis fl. <i>Hisp.</i>	83	Nicæa <i>Italiæ terminus</i>	189
Nebrissa, cogn. <i>Veneria</i>	75	Nicæa, <i>Locridis</i>	903
Nebrodes mons <i>Sicil.</i>	812	Nicasia inf. <i>Sporad.</i>	1055
Nedinum <i>Illyr.</i>	490	Nice opp. <i>Thrac.</i>	1082
Nedon fl. <i>Peloponnesi</i>	965	Nicer fl. <i>Germ.</i>	365
Neetum, Netum, <i>Sicilia</i>	890	Nicia fl. <i>Ital.</i>	535
Neius mons <i>Ithacæ</i>	1007	Niconia, Niconium, <i>Sarmat.</i>	397
Nemausus <i>Gall.</i>	184	Nicopolis <i>Epiri</i>	879
Nemea fluv. <i>Peloponnes.</i>	952	Nicopolis <i>ad Hæmum</i>	1083
Nemea opp. <i>Argiuor.</i>	989	Nicopolis <i>ad Istrum</i>	466
Nemæus leo	ibid.	Nicopolis <i>ad Nestum</i>	1080
Nemefa fluv. <i>Belg.</i>	218	Vlpia	1081
Nemeracum <i>Belg.</i>	307	Nicotera <i>Bruttior.</i>	733
		Nigella	

INDEX GEOGRAPHICVS.

Nigella fl. <i>Nicia</i>	535	Nouem Pagi <i>Etrur.</i>	584
Niger Pullus <i>Batav.</i>	281	Nouem viæ <i>Maced.</i>	848
Nilus limes <i>Africae</i>	42	Nouenses, qui <i>Nouis sunt</i>	460
Nimes	184	Nouesium <i>Belg.</i>	266
Ningum <i>Histriae</i>	567	Nouigentum	162
Ninia <i>Dalmat.</i>	497	Rotrudum	165
Niosium <i>Sarmat.</i>	407	Nouiodunum <i>Aeduorum</i>	171, 173
Nions	196	Nouiodunum <i>Aulercor.</i>	165
Nisæa, Megaræ nauale	946	Nouiodunum <i>Biturigum</i>	173
Nisi collis	ibid.	Nouiodunum <i>Mæsf. Inf.</i>	468
Nisyros inf. <i>supra Cretam</i>	1041	Nouiodunum <i>Pannoniae</i>	453
Nitiobriges pop. <i>Gall.</i>	152	Nouiodunum <i>Suessionum</i>	316
Niuernum <i>Gall.</i>	170, 173	Nouiomagus <i>Britann.</i>	332
Niuodunus	173	Nouiomagus <i>Nemetum</i>	246
Niuomagus <i>Treueror.</i>	256	Nouiomagus <i>Treuirorum</i>	256
Noæ opp. <i>Siciliae</i>	804	Nouiomagus <i>Tricastinorum</i>	195
Nœga <i>Hisp.</i>	85	Nouiomagus <i>Vadicaß.</i>	171, 314
Vcesia	ibid.	Nouiomagus <i>Viuiscorum</i>	147
Nogent le Rotrus	165	Nouiomum <i>Suession.</i>	317
Nogent sur Andelle	162	Nouium <i>Hisp.</i>	84
Nœomagus <i>Vadicaßum</i>	171	Nouocomum, <i>Comum</i>	544
Nœomagus <i>Lexouiorum</i>	162	Nouum <i>Comum</i> , idem,	ibid.
Nœomagus <i>Tricastinorum</i>	195	Nouus portus <i>Britann.</i>	332
Nola <i>Campan.</i>	686	Nucaria fl. <i>geminus</i>	118
Nomadæ pop. <i>Sarmat.</i>	401	Nuceria <i>Apulorum</i>	706
Nomæ <i>Siciliae</i>	813	Nuceria <i>Camellaria</i>	600
Nomasus <i>Carnor.</i>	566	Campania	687
Nomentum <i>Sabinor.</i>	620	Alfaterna	ibid.
Nomentana via	ibid.	Nuceria <i>Cispadanae Gallia</i>	535
Nonacris <i>Arcad.</i>	998	Nuithones pop. <i>Germ.</i>	382
Nonyma	810	Numana <i>Piceni</i>	604
Nora <i>Sardinia</i>	774	Numantia <i>Hisp.</i>	96
Norba <i>Latii</i>	652	Numestranii <i>Bruttii</i>	743
Norba Cæsarea <i>Hisp.</i>	58, 60	Numicus fl. <i>Latii</i>	637
Noreia <i>Carnorum</i>	565	Numicius amnis, idem	ib.
Noreia <i>Norici</i>	434	Numistro, Numestro, <i>Brutt.</i>	743
Norici pop.	429	Nursia <i>Sabinor.</i>	626
Noricum regio	ibid.	Nymphæa inf. <i>ad Sardiniam</i>	776
Noricum regnum	ibid.	Nymphæa, Nymphæum, <i>Tauric.</i>	409
prouincia	ibid.	Nymphæum <i>Apolloniaticum</i>	826
Mediterraneum	430	Nymphæum prom. <i>Maced.</i>	845
Ripense	ibid.	Nymphæum <i>Sardinia</i>	774
Noricus ensis	ibid.	Nymphæum prom <i>Illyr.</i>	493
Notus ventus, <i>Nótos,</i>	26, 29	Nymphæus fl. <i>Latii</i>	649
Notium, prom. <i>Hibern.</i>	354		
Noua Augusta	95		
ad Nouas <i>Mæsf.</i>	460	O.	
Nouæ aliæ, <i>Mæsf.</i>	467	Anus	791
Nouana <i>Piceni</i>	610	Oaxus fl. <i>Creta</i>	1037
Nouantæ pop. <i>Britann.</i>	346	oppid.	ibid.
Nouanus fl. <i>Piceni</i>	610	Obluionis flumen <i>Hisp.</i>	82
Nouaria fl. <i>Transpad.</i>	543	Oboca fluv. <i>Hibern.</i>	354
oppidum <i>Transpad.</i>	547	Obringa fl. <i>Belg.</i>	215, 260
		Obris fl. <i>Gall.</i>	139, 183
		Cccc ccc 3	Obtri-

INDEX GEOGRAPHICVS.

Obtricense falsum oppidum	272	Ogygia inf.	
Obucula Hispan.	75, 114	Oiarium	758, 766
Obulco Hisp.	76	Oixpém	122, 124
Obulcum cogn. Pontificiense	76	Olana, ostium Pad.	9
Ocalea, Ocaleæ Bæot.	923	Olarion inf. Gall.	508
Occanna Hispan.	101	Olarso opp. Vasconum	202
Ocellum Lusitan.	58	Olbia Gallia Narbon.	86
Ocelum in Alpibus	519	Olbia Sardinia	188
Ocha Eub.	1020	Olbia Sarmatia	771
Ocilis Hispan.	108	Olbiensis portus	399
Ociranus fluuius Ital.	732	Olbiopolis Sarm.	771
Oera mons Pannon.	439	Olcades pop. Hisp.	399
Ocriculum Ital.	602	Olchinium Dalmat.	100
Oëtapitarum prom.	343	Olcinium idem	493
Oëtauanor colonia For. Ital.	188	Oldus fl. Gall.	ibid.
Oëtauiolca Hisp.	86	Olearus inf. Cyclad.	132
Oëtodurus in Alpibus	199	Olenus, Ω'λεως, Aetolia	1047 sq.
Oëtogesa Hispan.	118	Olenus Achaia	895
Oëssus Mæsiæ infer.	472	Oliaros inf. Argolidis	954, 956
Oëssus Sarmatia	400	Oliarus inf. Cyclad.	1014
Odia inf. Sporad.	1555	Olisipo Lusitan.	1047, 1048.
Odomanti pop. Macedon.	850	an ab Vlysse condita	56
Odomantice regio	850	Felicitas Iulia	ibid.
Odrusæ pop. Thrac.	1085	Oliuæ portus	ibid.
Odrysæ iidem	ibid.	Oliuula portus	878
Odrysia tellus	ibid.	Olizon	523
Odyseum prom. Sicilia	790	Olius fluv. Transpad.	868
Odyssus, Oëssus	472	Oloosson Magnesicæ	422, 554
Oea	1015	Olophyxus	953, 954, 869
Oeanthia, Oeanthe, Ozol.	900 sq.	Olulis, Olûs, Creta	846 seq.
Oeasum Hispan.	86, 122	Olurus	1031
Oebaliæ turres, Tarentina	720	Olympia Pisatis	953
Oechalia Messenia	966	Olympias ventus	961
Oechalia Eubææ	1021	Olympici ludi	30
Oedipodii fons	927	Olympium, sub Syracusis	962
Oeneon Locridis	901	Olympus mons Thessal.	789
Oeneis tribus Attica	937	Olynthus Macedon.	837, 870
Oeniadæ opp. Acarnan.	891	Omphalium Epiri	844
pop. Acarn.	892	Onæum Dalmat.	875
Oenoa Attica	936 sq.	Onchesmites ventus	492
Oenopia	1015	Onchesmus portus Epiri	874
Oenone, Aegina inf.	1015	Onchestus Bæot.	874
Oenoë Lacon.	979	Onesiæ thermæ Gall.	922
Oenoë Sporadum inf.	1055	Oni gnathos prom.	145
Oenotrides insulæ	765	Oningis, Oringis, Hisp.	971
Oenus fl. vide Aenus.		Onisia inf.	75
Oenus Lacon. opp.	979	Onoba Aestuarium Hisp.	1039
fluuius Lacon.	ibid.	Onobala fl. Sicilia	66
Oenussæ inf. in Messenio sinu	1011	Onobalistrum Hispan.	782
Oëstima Macedon. adiecta	849	Ophitea Phœidis	66
Oescus Mæsiæ inf.	467	Ophiusa insula	913
Oetulus Lacon.	974	Ophiusa opp. Tyra Sarm.	126, 127
Oglasa inf. Ital.	760	Ophiussa inf. ad Cretam	396
			1040
			Opi-

INDEX GEOGRAPHICVS.

Opinum <i>Corficæ</i>	769	Ornithiæ venti	31, 34
Opisana <i>Thrac.</i>	1083	Orobii pop. <i>trans Padum</i>	544
Opitergium	425, 561	Orobis fl. <i>Gall.</i>	139
Opoës, <i>Opûs, Locr.</i>	905, 906	Oromanfaci pop. <i>Belg.</i>	306
Oppenheim	251	Oromarfaci pop. <i>iidem</i>	ibid.
Opuntii Locri	905 sq.	Orópus <i>Bœot.</i>	916
Opûs, <i>untis, Locridis</i>	ibid.	Orso opp. <i>Hisp.</i>	75
Orange	194	Ortona <i>Latii</i>	645
Orbes fynecdochice plures	10	Ortona <i>Frentanorum</i>	702
Orbis geminus	11	Ortopula <i>Liburn.</i>	489
Europæus	ibid.	Ortygia inf. <i>Syracus.</i>	788
Africanus	ibid.	Osca <i>Hisp.</i>	119
Hesperius	ibid.	Vrbs <i>Victrix</i>	ibid.
Hyperboreus	ibid.	Oscenses	89
Pœnus	ibid.	Oscela <i>in Alpibus</i>	541
Persicus	ibid.	Osci	660
Romanus	ibid.	Oseriates	440
Christianus	ibid.	Osi pop. <i>Germ.</i>	384 f.
Orbis habitabilis	9	Osicerda <i>Hisp.</i>	110
eius fines	ibid.	Osismii pop. <i>Gall.</i>	159
Orbis terræ quid signet	10	Osopum <i>in Carnis</i>	566
Orbis fl. <i>Gall.</i>	139	Ossa mons <i>Thessal.</i>	870
Orbitanium	697	Ossa opp. <i>Bisaltia</i>	842
Orcades insulæ	356	Osigerda <i>Hisp.</i>	110
Orcelis <i>Hispan.</i>	108	Osigerda <i>eadem</i>	ibid.
Orchomenus <i>Bœot.</i>	924	Osigerdenfes	91
Orchomenus <i>Arcadia</i>	997	Osigni <i>Latonium cognomine</i>	69
Ordesus, Ordessus, <i>Sarmat.</i>	400	Osgitania ciuitas	ibid.
Ordouices pop. <i>Britann.</i>	328, 343	Ossonoba <i>Hisp.</i>	63
Oreos, Oreus opp. <i>Eubœæ</i>	1022 sq.	Ostaphos <i>Thrac.</i>	1083
Orespeda mons <i>Hisp.</i>	80	Osteodes inf. <i>ad Sicil.</i>	816
Oresta <i>Thrac.</i>	1080	Ostia colonia <i>Latii</i>	636
Orestias <i>eadem</i>	ibid.	Ostientes salinæ	ibid.
Orestæ pop. <i>Epiri</i>	883, 884	Ostippo <i>Hisp.</i>	75
Orestis portus <i>Bruttior.</i>	733	Ostra <i>Umbria</i>	597
Orestis regio <i>Græc.</i>	827	Ostudizum <i>Thrac.</i>	1083
Oretani pop. <i>Hisp.</i>	91, 98	Otadeni pop. <i>Britann.</i>	346
Oretania regio	98	Otesia <i>Cispadana</i>	537
Orethus fl. <i>Sicilia</i>	799	Othona <i>Britann.</i>	332
Oretum opp. <i>Hisp.</i>	98	Othrys mons <i>Græc.</i>	871
Oreus	1022	Ottadini pop. <i>Britann.</i>	346
Oria vrbs <i>Hispan.</i>	98	Ouiedo	85
Oricum, Oricus, <i>Epiri</i>	872, 873	Ouilabis <i>Noric.</i>	431
Origiacum <i>Belg.</i>	307, 308	Ouilia <i>Norici</i>	ibid.
Origuella	108	Ouporum <i>Illyric.</i>	490
Oringis <i>Hispan.</i>	75	Oxonia	339
Orii <i>Cretæ</i>	1038	Oxubii pop. <i>Gall.</i>	189
Orippo <i>Bæt.</i>	75	Ozolæ Locri, pop.	900
Oriſia <i>Hisp.</i>	98		
Oritani pop. <i>Hisp.</i>	ibid.		
Oritæ pop. <i>Eubœæ</i>	1022 f.		
Orleans	164		
		P.	
		Pacensis colonia <i>Hisp.</i>	62
		Pacensis colonia Forum Iulii	183
		Pachy-	

INDEX GEOGRAPHICVS.

Pachynum promont.		Panifus, <i>Pamifus</i> , <i>Peloponnesi fl.</i>	965
Paconia	790	Pandataria inf. <i>Ital.</i>	762
Pactium <i>Calabr.</i>	818	Pandateria eadem	ibid.
Paſtye <i>Thrac.</i>	717	Pandofia <i>Ital.</i>	742
Pacyris fl <i>Sarmat.</i>	1064	Pandofia <i>Epiri</i>	875, 879
Padi ostia	402	Pangæus mons <i>Thrac.</i>	1055 sq.
inum <i>Ital.</i>	556	Pannonia <i>Creta</i>	1035
Padus fluuius	537	Pannonia	437
Padusa ostium Padi	505, 556 sq.	Superior	438, 440
Pæanium	556, 557	Inferior	438, 446
Pæmani	895	Panopeus, Panope, <i>Phoc.</i>	913
Pæones pop. <i>Maced.</i>	274	Panormus <i>Creta</i>	1031
Pæonia regio	829	<i>Sicilia</i>	799
Pælici	829 seq.	<i>Chersonesi Thrac.</i>	1066
Pæſtanus sinus	86	Panormus portus <i>Attica</i>	936
Pæſtanæ roſæ	723	Panormus portus <i>Epiri</i>	874
Pæſures	724	Pantanus lacus <i>Apul.</i>	708
Pæſtum <i>Lucan.</i>	58	Pantagias fl. <i>Sicilia</i>	785
Pagæ <i>Megarenſium</i>	723 sq.	Panticapes fl. <i>Sarmat.</i>	401
Pagaſæ Pl. <i>Magneſiæ</i>	947	Panticapæum ad <i>Bospor.</i>	410
Pagaſeus, Pagaliſcus ſinus	868	Pantomatrium <i>Creta</i>	1031
Pagus, <i>Cinitas</i> , <i>populus</i>	868	Panyáſus fl. <i>Illyr. Græc.</i>	823
Palæa opp. <i>Cephaleniæ</i>	221	Panyſus fluuius <i>Thrac.</i>	1057, 1083
Palæopharſalus <i>Theſſal.</i>	1009	Papirianæ foſſæ	570
Palæpharſalus eadem	862	Paraliſum <i>Dacia</i>	479
Palæpolis <i>Campan.</i>	862	Paralleli climatum	19
Palærus <i>Acarnan.</i>	676	Parapotamii opp. <i>Phocidis</i>	914
Palæſte portus	891	Paraſanga Perſica viarum meſſura	44
Palantia, Pallantia	873	Paraſcopii, <i>Aſopi fl. accolæ</i> ,	917
Palatium Reatini agri	93	Parauæi pop. <i>Epiri</i>	875
Palatium, <i>Pallantium</i> , <i>Arcad.</i>	624	Paraxia regio <i>Macedon.</i>	845
Palica <i>Sicilia</i>	996	Parentium <i>Hiſtriæ</i>	567
Palicorum fanum	807 seq.	Parietinae <i>Hiſpan.</i>	103
lacus	ibid.	Parifi pop. <i>Gall.</i>	166
Palinuri promontorium	ibid.	Parifiſorum caſtellum	166
Palirus <i>Acarnan.</i>	725	ciuitas	ibid.
Palladia Tolofa	891	Parma vrbs <i>Ital.</i>	534
Palla <i>Corſicæ</i>	180	<i>Italia Augusta</i>	ibid.
Pallanteum opp. <i>Ital.</i>	769	Parma fl. <i>Ital.</i>	ibid.
Pallantium <i>Arcad.</i>	632	Parnaffus mons <i>Phocid.</i>	911
Pallene <i>Achaia</i>	996	Parnes, <i>éthiſ</i> mons <i>Attic.</i>	944
Pallene <i>Arcadia</i>	953, 954	Parœcopolis <i>Macedon.</i>	841
Pallia fl. <i>Etrur.</i>	1001	Paroliſum <i>Dacia</i>	479
Pallene regio, peninf.	578	Parópus <i>Sicilia</i>	813
oppidum	843	Paroræi pop. <i>inter Maced. & Epir.</i>	832, 883, 884
Palma <i>Balearis infula</i>	843	Paroræa regio	832
Palmaria inf. <i>Ital.</i>	128	Paros inf. <i>Aegæi</i>	1050
Palmaræ Pl. <i>Mœſiæ</i>	761	Paroſta <i>Sarmat.</i>	411
Palumbinum Samnii	474	Parradunum <i>Vindelic.</i>	421
Pamifus fluuius <i>Peloponneſi</i>	696	Parrhaſius mons <i>Arcad.</i>	993
Pammonia	965	Parrhaſis Arctos	ibid.
Paniſſa fl. <i>Thrac.</i>	1166	Parrhaſii pop. <i>Arcad.</i>	993, 997
Paniſſum <i>Mœſiæ inf.</i>	1057	Parrhaſie opp.	993
	474		Par-

INDEX GEOGRAPHICVS.

Partes orbis terrarum duæ tres	39 ibid.	Pella <i>Macedon.</i>	34
Parthanium <i>Vindelic.</i>	420	col. Iulia Augusta	835
Partheni pop. <i>Partbini</i>	825, 827	Pellene vid. <i>Pallene.</i>	
Parthenias fl. <i>Elææ</i>	962	Pellendones	97
Parthenicum <i>Siciliæ</i>	798	Pellinæum <i>Thessal.</i>	853
Parthenium prom. <i>Tauric.</i>	408	Pelliti Sardi, pop.	775
opp. <i>Tauric.</i>	410	Pelôdes portus <i>Epiri</i>	876
Parthenius mons <i>Arcad.</i>	992	Peloponnesus	948
Parthenope, <i>Neapolis</i>	675	Pelorus, Pelorum, prom.	780
Parthenopolis ad <i>Pontum</i>	471	Peloris & Pelorias <i>idem prom.</i>	ibid.
Parthini pop. <i>Illyr.</i>	825	Pelfo lacus <i>Pannon.</i>	442
Partiscum <i>Daciæ</i>	478	Peltuinum, in <i>Vestinis Ital.</i>	611
Parus	1050	Peñestæ pop. <i>Illyr. Græc.</i>	825
Pasiris <i>Sarmat.</i>	407	Penestia regio	826
Passaron <i>Epiri</i>	882	Penestica <i>Heluet.</i>	225
Passus mensura Roman.	46	Penéus fluuius <i>Thessal.</i>	851
Pastium <i>Calabr.</i>	717	Penéus fl. <i>Peloponnesi</i>	958
Patauicensium vicus in <i>Dacia</i>	481	Penninæ Alpes	520, 521
Patauium	558	Penninum, numen Alpinorum	521
Pathyffus fluv. <i>Daciæ</i>	476	Pennocrucium <i>Britann.</i>	341
Patræ <i>Achaia</i>	954	Pentelicum marmor <i>Attic.</i>	943
olim Aroë	ibid.	Pentelicus mons	ibid.
col. Aug. Aroe Patr.	ibid.	Pentri Samnites	690
Patricia	69	Peparethus	1051, 1052
Patricienfes	69	Pergamum <i>Cretæ</i>	1032
Patruiffa <i>Daciæ</i>	478	Peræa Gaditan.	70
Pauca opp. <i>Corfica</i>	769	Perigæux	152
Pausulæ <i>Piceni</i>	609	Perinthus <i>Thrac.</i>	1071 seq.
Pax Augusta <i>Hisp.</i>	62	Perioeci	21
an Badaiox	ibid.	Peripatus <i>Athen.</i>	932
Pax Iulia <i>Hisp.</i>	ibid.	Periscii	20
Paxi, Paxæ, insulæ	1005	Perniciacum <i>Belg.</i>	274
Pedani, <i>Pedi incolæ</i>	643	Perontium <i>Thrac.</i>	1077
Pediculi pop. <i>Apulia</i>	713	Perrhæbi pop.	855 seq. 883
Pedum <i>Latii</i>	643	Perticianentes Aquæ <i>Sicil.</i>	797
Pegæ, Pagæ, Πηγæ	947	Peruiciacum <i>Belg.</i>	274, 290
Peguntium <i>Illyr.</i>	492	Perusia <i>Ital.</i>	580
Pelfo lacus <i>Pannon.</i>	442	Pessium <i>Daciæ</i>	478
Pelagones pop. <i>Macedon.</i>	829	Petalia opp <i>Eubææ</i>	1017
Pelagonia regio	ibid.	Petalia insulæ	1017, 1025
vrbs	ibid.	Petelia <i>Bruttior.</i>	742
Pelasgi pop. <i>Græc.</i>	854, 855	Petenisca <i>Heluet.</i>	225
Pelasgia, <i>Peloponnesus</i>	948	Petilia, <i>Petelia, Bruttior.</i>	742
Pelasgiotæ	854, 855	Petiliana <i>Siciliæ</i>	810
Pelasgiotis; pars <i>Thessaliæ</i>	ibid.	Petobio <i>Pannon.</i>	436, 444
Pelendones pop. <i>Hisp.</i>	91, 97	Petouio, Petauio, <i>Petobio</i>	44
Pelendoua <i>Daciæ</i>	478	Petouium <i>Daciæ</i>	481
Pelethronium <i>Thessal.</i>	871	Petra, locus <i>Illyr. Græc.</i>	823
Pelias inf. ad <i>Siciliam</i>	818	Petra, <i>Petræa Sicil.</i>	813
Peligni pop. <i>Ital.</i>	612	Petra opp. <i>Mædorum Thrac.</i>	1079
Pelinna, <i>Pelinnæum Thessal.</i>	853	Petra Pertusa <i>Umbria</i>	595
Pelios mons <i>Thessal.</i>	870 1q.	Petrentia, castra, <i>Vindelic.</i>	419
		Petinae <i>Sicil.</i>	813
		D d d d d d d	Petro-

INDEX GEOGRAPHICVS.

Petrocorii pop. <i>Gall.</i>	151	Phileæ <i>Thrac.</i>	1076
Petrodaua <i>Daciæ</i>	482	Phileatina palus	ibid.
Petrogorius	152	Philekia <i>Germ.</i>	390
Peucæ pop. <i>ad Istrum</i>	390	Phileros <i>Macedon.</i>	840
Peuce mons <i>Sarmat.</i>	406	Philia prom. <i>Thrac.</i>	1076
Peuce inf. <i>in Istro</i>	390, 470	Philippi <i>Macedon. vrbs</i>	848 f.
Peuch d' Vffelou	152	col. <i>Julia Augusta</i>	849
Peucini pop. <i>Peucæ</i>	390, 456, 470	Philippopolis <i>Thrac.</i>	1080
Peutingeriana tabula	5	Philistinæ fossiones	557
Πηζαυγύσα	62	Philosophiana <i>Sicil.</i>	810
Phæacia, <i>Corcyra</i>	1004	Phintia	792
Phæacum vrbs	ibid.	Phinopolis	1076
Phacium <i>Theffal.</i>	854	Phintonis insula <i>ad Sardiniam</i>	776
Phacussa inf. <i>Sporad.</i>	1055	Phiræsi	392
Phæstus <i>Theffal.</i>	852	Phlegra <i>Macedon.</i>	843 seq.
Phæstus, Phæstum <i>Cretæ</i>	1036	Phlegræi campi <i>Campaniæ</i>	674
Phalachthia <i>Theffal.</i>	854	sinus	ibid.
Phalacrum prom. <i>Corcyra</i>	1004	Phliûs, <i>Argolidis</i>	983
Phalacrine vicus <i>Sabin.</i>	625	Phliûs, untis, <i>Sicyonia</i>	953
Phalanna <i>Theffal.</i>	859	Phoce inf. <i>ad Cretam</i>	1040
Phalara <i>Theffal.</i>	863	Phocicum, <i>synedrii locus</i>	915
Phalarium castellum <i>Sicil.</i>	792	Phocis regio <i>Græc.</i>	907
Phalasarna <i>Cretæ</i>	1027	Phoenice inf.	208
Phalasia prom. <i>Eubææ</i>	1023	Phoenice opp. <i>Epiri</i>	875
Phalereus portus <i>Athen.</i>	933, 934	Phoenicis	922
Phaleria <i>Theffaliæ</i>	852	Phoenicûs portus <i>Cretensis</i>	1029
Phalesina <i>Thrac.</i>	1059	opp. <i>Cret.</i>	ibid.
Phanoteus <i>Phocid.</i>	913	portus <i>Siciliæ</i>	790
Pharæ <i>Achaicæ</i>	956	Phoenicusa inf. <i>ex Aeoliis</i>	817
Pharæ <i>Cretæ</i>	1037	Phoenix <i>Cretæ</i>	1029
Pharæ, <i>Pheræ Messeniæ</i>	965	Phoenix ventus	28
Pharia inf. <i>Illyr.</i>	500	Phoeteum, <i>Phoetea Acarnan.</i>	895
Pharis, <i>Pharæ, Messen.</i>	974	Pholegandros inf.	1047
Pharos, inf. <i>Brundisina</i>	757	Pholoë mons <i>Arcad.</i>	993 sq.
Pharsalus <i>Theffal.</i>	862	Phorbantia inf. <i>Sicil.</i>	819
Pharsalia, <i>Pharsalus</i>	862	Phragandæ pop. <i>Thrac.</i>	1079
Pharus caligulæ	283	Phrateria <i>Daciæ</i>	480
Pharus inf. <i>Illyrica</i>	500	Phrudis fl. <i>Belg.</i>	215, 217
Pharycadon <i>Theffal.</i>	853 f.	Phrygia opp. <i>Thrac.</i>	1076
Phasis fl. <i>an Europæ limes</i>	41	Phthiotis regio	859
Phauonæ pop.	392	Phylace <i>Theffal.</i>	864
Phaura inf. <i>Attic.</i>	1014	<i>Peloponnesi</i>	994
Phugia <i>Arcad.</i>	994	<i>Molossidis</i>	883
Pheneos <i>Arcad.</i>	998	Phyle castellum <i>Atticæ</i>	938, 942
Pheræ <i>Achaicæ</i>	956	Physca, <i>Physcæ</i>	830, 840
<i>Bæot.</i>	929	Physcella <i>Macedon.</i>	844
<i>Messeniasæ</i>	965	Physcus mons <i>Brutt.</i>	740
<i>Theffal.</i>	857, 858	Picensii pop. <i>Mæs.</i>	455, 456
Phia prom.	959	Picentes pop. <i>Ital.</i>	603
Phialia <i>Arcad.</i>	1001	Picentia <i>Ital.</i>	689
Phigalia <i>eadem</i>	ibid.	Picentini pop.	688
Phila insul.	208	Picenum regio	603
Phila opp. <i>Macedon.</i>	398	Picenus ager	602

INDEX GEOGRAPHICVS.

<i>ad Pietas Latii</i>	642	Pleumossii pop.	293
Pictavi	150	Pleuron	895
Pictones pop. Gall.	148, 158	Plistia	sq.
Picti pop. Britann.	351	Plotinopolis Thrac.	1081
Pidorus Macedon.	845	Plumbaria insula Hisp.	126
Pieria regio Macedon.	836	Plumbaria inf. ad Sardiniam	776 sq.
Pigrum mare septentrion.	392	Plumbarii Meidobrigenses	61
Pimpla mons Bæot.	926	Podium Ceretanum	123
Pimpleius fons	926	Podium Velaun.	155
Pincensii pop. Mæsf.	456	Pœdiculi pop. Apul.	712
Pincum opp. Mæsf.	ibid.	Pœnorum natura	37, 38
Pindus mons	885	Pœtouio, Petouio	444
fluvius	900	Pogonus portus Træzen.	985
Pindus opp. Græc.	ibid.	Pola Histriae	567
Pingus, Pincus fl.	456	Pietas Iulia	ibid.
Pinna Vestinorum	610	Polaticum promontorium	ibid.
Pintia Hisp.	93	Poli Terræ	6
Siciliæ	794	Polimartium Etrur.	583
Pirene fons	950	Politorium Latii	639
Piræeus portus	932	Pollentia Balearis insula	128
Pirina	812	Piceni	608
Pirus fl. Achaia	956	Liguria	527
Pirustæ Illyr.	440, 485	Pollupice Liguria	525
Pirum Tortum	432	Polusca Latii	654
Pisæ Ital.	570	Polyægos inf. Agæi	1046
colonia Iulia	571	Polyrrhenium Cretæ	1053, 1034
Pisanus portus, emporium	ibid.	Pomeria, Pomtia, Pontia	653
Pisa, Elææ	961	Suessæ	ibid.
Pisa & Olympia vicinæ	962	Pompeii opp. Campan.	676
Pisatis regio	961	Tropæa in Pyren.	116
Pisaurum opp.	592	Pompelon Hisp.	87, 88
Pisaurus fluvius	593	an Pompeiopolis dicta	ibid.
Pistorium, Pistoria Etrur.	571	Pomponiana inf. Gall.	203
Pitane Lacon.	980	Pomptinæ paludes	649
Pithecusæ inf. & Pithecusa	762	Pomtinæ paludes eadem	ibid.
Pitinum Vmbriæ	595, 610	Pomptinus campus	653
Pirulum Vmbriæ	597	Pomtinus quasi Pometinus	ibid.
Pityusa inf. Argolici sinus	1013	Pons Aelii Britann.	344
Pityusæ insulæ	126	Aeni	432
Placentia	533	Aluti Daciæ	473
Plagæ mundi	25	Argenteus	138
Plagiaria opp. Hisp.	57, 60	Augusti Daciæ	478
Planaria inf. Ital.	760	Aureoli	547
Planasia inf. Gall.	204	Campanus	680
inf. Italiæ	759 sq.	Darji in Istro	469
Planesia inf. Hisp.	126	Liquentia, opp.	561 sq.
Plataæ, Plataeæ, Bæot.	920	Mosæ	275
Platea, Plataæ, Plaria inf.	1040	Saraui	217
Plauis fl. Ital.	560	Scaldis	292
Plemmyrium promont.	789	Tagi	57
castellum	ibid.	Traiani Danub.	461
Pleræi pop.	485	Pontani controuersia de Rhæni ostiis	209
Plestina	616	ad Pontem, Britann.	341
		Dddd ddd 1	ad

INDEX GEOGRAPHICVS.

<i>ad Pontem, Isis Norici</i>	431	<i>Præsidium Corsicæ</i>	769
<i>Muri Noric.</i>	434	<i>Iulium Scalabis, Hisp.</i>	64
<i>Pontes locus Belg.</i>	309	<i>Thrac.</i>	1083
<i>Britann.</i>	338	<i>Præsteres venti</i>	31
<i>Pontia opp. colon.</i>	761	<i>Prætoria Augusta Daciæ</i>	482
<i>Pontia seu Pontia inf. Ital.</i>	ibid.	<i>Salassorum</i>	520
<i>Pontia inf. Veliensis sinus</i>	765	<i>Prætorium Agrippinæ</i>	281, 282
<i>Pontificiense municipium Hisp.</i>	76	<i>Britann.</i>	346
<i>Pontus pars Mœsiæ</i>	474	<i>Latouicorum</i>	440, 453
<i>Poneropolis Thrac.</i>	1080	<i>Prætutii pop. Ital.</i>	606
<i>Popilii Forum Campan.</i>	684	<i>Prætutianus ager</i>	ibid.
<i>Porcifera flumen Genuæ</i>	526	<i>Prasiæ Argolici sinus</i>	973
<i>Porcuna Hisp.</i>	77	<i>Prasii Cretæ</i>	1038
<i>Porgo d' Osma</i>	94	<i>Preciani pop. Gall.</i>	144
<i>Porqueyroles</i>	203	<i>Prepesinthus inf.</i>	1047
<i>Porta Augusta</i>	92	<i>Prelius lacus Etrur. Prilis</i>	575
<i>Portæ Romanæ</i>	633	<i>Prille fluv.</i>	575
<i>Portegroz insul.</i>	203	<i>Pristis Mœs. infer.</i>	467
<i>Portus Albus</i>	71	<i>Priuernum Latii</i>	653
<i>Portus Calles</i>	81	<i>Proarna Thessal.</i>	862
<i>Portus Artabrorum</i>	84	<i>Procobera fl. Ligur.</i>	526
<i>Delphini</i>	526	<i>Probalyntus Atticæ</i>	939
<i>Dulcis</i>	878	<i>Prochyta, Prochyte inf. Ital.</i>	763
<i>Dubris</i>	331	<i>Prodromi venti</i>	31
<i>Gessoriacus</i>	304	<i>Proërna, Proarna</i>	862
<i>Hannibalis</i>	63 sq.	<i>Promontorium Artabrum s. Celticum</i>	84
<i>Iccius</i>	301 sqq.	<i>Barbarium</i>	55
<i>Illicitanus</i>	109	<i>Charidemi</i>	66
<i>Itius</i>	301	<i>Cuneum</i>	55
<i>Lemanis</i>	332	<i>Lunæ</i>	56
<i>Magnus Betic.</i>	74	<i>Lunarium</i>	114
<i>Magnus Britann.</i>	333	<i>Magnum</i>	55
<i>Magnus Hisp.</i>	66	<i>Nerium</i>	84
<i>Nouus</i>	332	<i>Olysiipponense</i>	55
<i>Ostiensis</i>	635	<i>Sacrum</i>	64
<i>Romanus</i>	634	<i>S. Mariæ</i>	55
<i>Secor</i>	150	<i>S. Vincentii</i>	ibid.
<i>Phari Rom.</i>	635	<i>Tenebrium</i>	110
<i>Augusti</i>	ibid.	<i>Pronæa fl. Belg.</i>	218
<i>Veneris Hisp.</i>	122, 124	<i>Propontidis ora</i>	1070
<i>Veneris Gall.</i>	178	<i>Proni opp. Cephalenia</i>	1009
<i>Veneris Liguria</i>	526	<i>Proschium</i>	898
<i>Posidium promont. Epiri</i>	876	<i>Prote inf. Stæcb.</i>	203
<i>Posidonia, Paestum Ital.</i>	723	<i>Prote inf. maris Ionii</i>	1008
<i>Posidonium ad fretum Siculum</i>	734	<i>Protesilai fatum</i>	1066
<i>Potami Attic.</i>	940	<i>delubrum</i>	ibid.
<i>Potentia Piceni</i>	604	<i>Turris</i>	ibid.
<i>Liguria</i>	527	<i>Prouincia Gallia Romana</i>	177
<i>Potidæa Macedon.</i>	843	<i>Psiacum promont. Cretæ</i>	1027
<i>Potidania Aetol.</i>	899	<i>Psiamathe fons</i>	927
<i>Præneste Latii</i>	644	<i>Psiamathûs Psiammathûs Lacon.</i>	969
<i>Præsos Cretæ</i>	1037	<i>Psihium Cretæ</i>	1029
<i>Præsidium Cornatiiorum</i>	341	<i>Psiophis Arcad.</i>	994
			Preleon

INDEX GEOGRAPHICVS.

Pfytalia inf. Saronici sin.	1016	Ræti, Rhæti, pop.	421
Pteleon Peloponnesi	967	Rætia, Rhætia, regio	ibid.
Pteleum Thessal.	864	Rage Britann.	340
Ptychia inf.	1005	Ragondo Pannon.	444
Puente de Arcopisco	60	Rasta quid?	50
Puente de la Reina	105	Ratæ Britann.	340
Puigcerda	123	Ratiaria Mæf.	461
Punicum Mæsie	460	Ratiastum Gall.	150
Etrur.	589	Ratostathybius fl. Britann.	324
Puteoli opp.	673	Raucus Creta	1037
Puteolanus sinus	674	Rauda Hisp.	94
Pycnus fl. Creta	1031	Raudii campi Ital.	542
Pydna Pieriæ	837	Rauenna	540
Pylene Aetol.	898	Rauus fl. Hibern.	354
Pylorus Creta	1037	Rauraci pop.	229
Pylus ambigui generis; vocabulum ὁ καὶ ἱ 961, 963	961, 963	Rauraci urbis nomen ex gentili	229
Pylus Arcadicus	963	Raurica colonia	ibid.
Eliacus	961	Raurica colonia	ibid.
Messenia	964	Raurici pop. Rauraci	ibid.
Triphylia	961, 963	Rauricum opp.	ibid.
Pyrama	812	Reate Ital.	624
Pyræi pop. Illyr.	485	Reatina præfectura	ibid.
Pyrene mons	123	Redæ Gall.	180
Pyrenæus mons idem	ibid.	Redensis Comitatus	ibid.
Pyrenæa Venus	122	Redensis pagus	ibid.
Pyrgi opp. Etrur.	589	Redones pop. Gall.	160
Pyrrhi Vallum, χαράζ Lacon.	980 sq.	Redonæ urbs	ibid.
Pyrrhichus Lacon.	ibid.	Redonica regio	161
Pythionia inf. Ionii M.	1005	Redonum ciuitas	ibid.
Pythium Thessal.	855	Regia Hibern.	354
Pytho urbs, Delphi,	909	Regiana Hispan.	68
Pytna collis Idæ Cretici	1030	Regillum Sabinor.	622
Pyxûs, Πυξῆς, Lucan.	726	Regilli plur.	ibid.
Q.		Regillus lacus Latii	642
Quadi pop.	389	Regina opp. Hisp.	68
Quadratum Pannonia Superioris	442	Reginum Vindelic.	418
Pannon. Inferioris	453	Regina castra	ibid.
in finibus Liburn.	490	Regiones XI Italiae	745
Quadriburgium	280	Regionum vis in animos hominum	37
Quadrurbs Attica	942	Regium Lepidi	535
Quætus fl. Histria	567	Regium Lepidum, idem	ibid.
Quardamar est Alone	109	Regium Regensis ciuitas	192
Quarquerni pop. Hisp.	83	Regium simpliciter	ibid.
Querquerni	82	Regium Thraciae	1073
Quimper	159	Regium, Reii Gall.	192
Quinquerni pop. Hisp.	82	Regni pop. Britann.	332
Quintana, Quintiana	419	Regnum opp. Britann.	ibid.
ad Quintanas Latii	642	Regulbium Britann.	ibid.
R.		Reii Apollinares opp. Gall.	192
Raclitanum Pannon.	444	Reientium ciuitas	ibid.
Ræba Hibern.	354	Remedodia Mæsie	461
		Remi pop. Rhemi, Belg.	312
		Dddd ddd 3	Remi-

INDEX GEOGRAPHICVS.

Remisiana <i>Mæf.</i>	464	Ricina <i>Piceni</i>	609
Resistos <i>Thrac.</i>	1071	Ricla	103
Restituta <i>Iulia Hisp.</i>	68	Ricti, <i>Ritti Pannon.</i>	448
Retina <i>sub Miseno</i>	668	Riduna <i>inf. ad Gall.</i>	203
Reudigni pop. <i>Germ.</i>	382	Rigodulum <i>Treueror.</i>	261
Rhabon fl. <i>Pannon.</i>	476	Rigodunum <i>Britann.</i>	344
Rhædestus <i>Thrac.</i>	1071	Rigomagus <i>Treueror.</i>	261, 266
Rhætia	421	Ripa curtia	120
Propria	422	Ripa dextra, sinistra	36
prouincia	ibid.	Ripæi montes	406
Prima	ibid.	Rhipæi montes <i>iidem</i>	ibid.
Secunda	ibid.	Risinum <i>Dalmat.</i>	492, 493
Rhamnûs <i>Attica</i>	940 sq.	Rithymna, <i>Rithymnia Cret.</i>	1031
Rhedones pop. <i>Gall.</i>	160	Ritti, <i>Rittium Pannon.</i>	448
Rhegium vrbs <i>Bruttior.</i>	735	Roane	176
promont. <i>Ital.</i>	ibid.	Robodunum <i>German.</i>	390
Rhemi pop. <i>Belg.</i>	312 sq.	Robogdii pop. <i>Hibern.</i>	354
oppidum	ibid.	Rodericopolis	59
Rhemorum ciuitas <i>Belg.</i>	313	Rodumna <i>Gall.</i>	176
Rhene, <i>Rhenæa inf. Aegæi</i>	1049	Rohane	ibid.
Rhenus	132	Roma	632
Rhenus diuisus in alueos	205, 206	septicollis	ibid.
Rheni cursus	ibid.	Roma terrarum dea	634
duo ostia	207	Romana arx <i>Batauor.</i>	282
tria ostia	206	Romanæ portæ	633
Rheni alueus <i>Lecca</i>	211	Romatiana <i>Mæf.</i>	464
Vahalis	207	Romatinus fl. <i>Venez.</i>	562
medius	208	Romesiana <i>Mæf.</i>	464
Rheni abactio	212	Romula <i>Liburnia</i>	490
Rhenus fl. <i>Bononiensis</i>	537	Romula <i>Dacia</i>	478
Rhetico mons <i>Germ.</i>	369	Romula <i>Hispan.</i>	75
Rhipæi montes	406	Romulea opp. <i>Hirpinor.</i>	701
Rhithymna opp. <i>Cretæ</i>	1031	Romulea <i>colonia Hisp.</i>	75
Rhium fretum <i>Græc.</i>	897	Roschinus fluuius <i>Britann.</i>	179
Rhium prom. <i>ad fretum</i>	956	Roscianum <i>Bruttiorum</i>	741
an oppidum	ibid.	Roses <i>Hisp.</i>	115
Rhium prom. <i>Corficæ</i>	769	Rostra <i>Antiatium nauium</i>	647
Rhizana <i>Illyr.</i>	496	Rostrum <i>Nemauiæ Vindelic.</i>	417
Rhizinium <i>Dalmat.</i>	493	Rotanus fl. <i>Corficæ</i>	768
Rhizon idem	ib.	Rotomagus <i>Gall.</i>	165, 318
Rhoda <i>Gall.</i>	185	Rotomagi <i>Plur. vrbs eadem</i>	318
Rhoda <i>Hisp.</i>	115, 186	Rotunditas <i>Terræ</i>	5, 7, 8
Rhodeses <i>Hisp.</i>	115	Rotunditatis <i>terræ negatores</i>	5
Rhodanus fluuius	135, 136	Rotunditati <i>quæ obflare videntur</i>	8
Rhodani ostia	138	Rouen	166
Rhodanusia <i>Gall.</i>	186	Roxolani	396
Rhode fluv. <i>Sarmat.</i>	398	Rubicatus fl.	112
Rhodope mons	1056, 1081	Rubico fluv.	506
Rhoxalani pop.	403	Rubo fl. <i>Sarmat.</i>	396
Rhypæ, <i>Rypæ, Achaie</i>	955	Rubra Saxa	587
Rhytium <i>Cretæ</i>	1037	Rubræ, <i>subaudi Petræ</i>	ibid.
Ricciacum <i>Treueror.</i>	262	Rubrensis lacus	181
Ricina <i>Liguria</i>	526	Rubrefus lacus <i>ad Narbonem</i>	ib.
		Rubri-	

INDEX GEOGRAPHICVS.

Rubricatum opp. <i>Hisp.</i>	114	Sacrum promont. <i>Sarmatia</i>	401
Rubricatus fl. <i>Hisp.</i>	80, 112	Sæpinum <i>Samnii</i>	693
Rudiæ <i>Calabr.</i>	721	Sætabis <i>Hisp.</i>	107, 109
Rudius, <i>Rudensis</i>	ibid.	Sagaris fluuius <i>Sarmat.</i>	398
Rudinus, idem	ibid.	Sagaricus sinus	ibid.
Ruesium <i>Gall.</i>	155	Sagis ostium <i>Padi</i>	556
Rufiana <i>Triboccorum</i>	244	Sagras fl. <i>Bruttiorum</i>	737
Rufæ <i>Campan.</i>	684	Saguntia <i>Arenuacorum Hisp.</i>	73, 94
Rufrium <i>Hirpinorum</i>	701	Saguntus & Saguntum	106
Rugia inf. <i>Germ.</i>	394	Sala fluv. <i>Thuring.</i>	366
Rugii pop. <i>Germ.</i>	384	Sala fl. <i>Ifala</i>	362
Rura fluv. <i>Belg.</i>	217	Sala Strabonis	362, 366
Ruscia, Ruscianum <i>Brutt.</i>	741	Salacia <i>Hispan.</i>	61
Ruscino Colonia	122, 124	Imperatoria	ibid.
Ruscino opp. <i>Gall.</i>	179	Salamanca	59
fluuius	ibid.	Salamin, Salamis inf.	1015
Rufellæ <i>Etrur.</i>	575	Salapia <i>Apul.</i>	709
Rufidana <i>Daciæ</i>	478	Salapina palus	ibid.
Rusticana <i>Hispan.</i>	60	Salaria <i>Hisp.</i>	99, 108
Rutani <i>Ptol.</i> pop. <i>Gall.</i>	153	Salaria via <i>Rom.</i>	636
Rutena opp.	ibid.	Salassi pop. <i>Inalpin.</i>	200, 520
Ruteni, pop. <i>iidem</i>	ibid.	Salduba <i>Hisp.</i>	74, 75, 104
Rutuba fluv. <i>Ligur.</i>	524	Salenæ <i>Britann.</i>	338
Rutuli pop. <i>Latii</i>	638	Salentina regio	716
Rutunium <i>Britann.</i>	342	Salentini pop.	718
Rutupiæ portus <i>Britann.</i>	331	Salentinum promont.	719
Rypæ <i>Acbaia</i>	955	Saletio <i>Nemetum</i>	248
		Salernum <i>Ital.</i>	689
		Salganeus <i>Bæotia</i>	918
	442	Salia fluv. <i>Belg.</i>	218
	525	Salica <i>Hisp.</i>	100
	584	Salii pop. <i>Gall.</i>	189
	ibid.	Salinæ <i>Gall.</i>	192, 193
	ibid.	Salinæ ad <i>Salam</i>	366
	ibid.	Salinæ <i>Daciæ</i>	478
	434	Saliso <i>Ammiani</i>	248
	525	Salisso <i>Itinerarii</i>	258
	694	Sallentini pop.	718
	616	Sallentia <i>Calabr.</i>	ibid.
	554	Sallia fluv. <i>Belg.</i>	218
	426	Salluuii pop. <i>Gall.</i>	189
	217	Salmantica <i>Hisp.</i>	59
	554	Salmona fluuius <i>Belg.</i>	219
	271	Salmone <i>Pisatidis</i>	962
	323	Salmone prom. <i>Creta</i>	1031
	617	Salmonis prom. <i>Cret.</i>	ibid.
	77	Salmydessus	1077
	557	Salo fluv. <i>Hisp.</i>	102
	634	Saloca <i>Noric.</i>	436
	604	Salodurum	225
	652	Salona colonia <i>Iulia</i>	491
	55	Augusta, pia	491
	354	Salonæ, ἡ Σέλας, Salona	492
			Salon-

INDEX GEOGRAPHICVS.

Saloniana <i>Dalmat.</i>	496	la Sarde	
Salsulæ fons <i>Gall.</i>	179	Sardi pop. <i>Sardinia</i>	134
Salsum flumen <i>Hisp.</i>	76	Sardi Pelliti pop.	770
Saltes Galliani Aquinates	536	Sardica <i>Mæf.</i>	775
Saltiga <i>Hisp.</i>	108	Sardinia inf.	474
Saltus Castulonensis	80	Σαρδῶν, <i>Sardinia</i>	769
Saltus Gallianus an oppidum?	536	Sardones pop.	ibid.
Saltus Tugienfis	80	Sardous, <i>Sardinienfis</i>	778
Salua <i>Pannon.</i>	447	Sarga <i>Chalcidica</i>	770
Saluia <i>Liburnia</i>	490	Sargetia flumen <i>Dac.</i>	845
Saluii pop. <i>Gall.</i>	189	Sarmadium	476
Salurnum <i>Rhet.</i>	426	Sarmatia <i>Europæa</i>	717
Salyes pop. <i>Gall.</i>	189	Sarmia inf. <i>ad Gall.</i>	395
Samaica regio <i>Thrac.</i>	1084	Sarmizægethusa <i>Dac.</i>	203
Samara fluv. <i>Belg.</i>	216, 308	Sarnia	479
Samarobriua	ibid.	Sarnus fluuius <i>Campan.</i>	203
Sambroca fluv. <i>Hisp.</i>	115, 117	Saronicus sinus	677
Same opp. <i>Cephalenia</i>	1008	vnde dictus	936
Samnicum <i>Elææ</i>	960	Saronicus portus	ibid.
Sammonium prom. <i>Cret.</i>	1030	Sarrastes pop. <i>Campan.</i>	985
Samnites pop.	690	Sarsina <i>Vmbria</i>	677
Samnium regio	ibid.	Sarta fluv. <i>Gall.</i>	594
Samonium prom. <i>Cret.</i>	1030	Sarunetes pop. <i>Rhet.</i>	134
Samulocena	417	Sason, Saffon, inf.	423
Samothrace inf.	1086	Sassina, <i>Sarsina</i> ,	1003
Samus, <i>Cephalenia</i>	1008	Satarcha opp. <i>Sarmat.</i>	594
Sancta Irene	57	Satarchæ pop.	411
Sanctio <i>Vindelic.</i>	417	Saticula <i>Samnii</i>	408, 411
Sana fl. <i>Norici</i>	436	Saticulus, <i>Saticulanus</i>	696
Σανδαλιῶν inf. <i>Sardinia</i>	769	Satricula, <i>Saticula</i>	ibid.
Sandaua <i>Dacia</i>	482	Satricum <i>Latii</i>	ibid.
Sane <i>Maced.</i>	847	Saturæ palus <i>Latii</i>	654
Sanecium	193	Saturnia colonia <i>Etrur.</i>	649
S. Malo	160	Saturnia tellus, <i>Italia</i>	575
Saint Remy	191	Saturnia vrbs <i>Latii</i>	501
San Mattheo quæ vrbs	110	Sauconna	632
S. Pol de Leon	160	Sauia <i>Hisp.</i>	135
S. Pol de trois Chateaux	196	Sauio opp. <i>Rhet.</i>	97
Saone	135	Saunites pop. <i>Samnites</i>	426
Sanifera <i>Balear.</i> inf.	129	Sauo fluv. <i>Campania</i>	690
Sanitium <i>Gall.</i>	193	Sauo <i>Liguria</i>	665
Santones, Santoni, pop. <i>Gall.</i>	148	Sauromatæ pop.	525
Santones opp. <i>Gall.</i>	149	Saus fluuius, <i>Sauus</i>	406
Santonum portus	ibid.	Sauus fluv.	438
Santonica vrbs	ibid.	Saxa Rubra opp. <i>Etrur.</i>	430, 438
Sapaica regio <i>Thrac.</i>	1084	Saxones pop. <i>Germ.</i>	587
Sapinia tribus <i>Rom.</i>	541, 592	Saxonum insulæ	382
Sapis fluuius <i>Ital.</i>	ibid.	Scabri portus	394
Sara fluuius <i>Belg.</i>	217	Scalabis <i>Lusit.</i>	575
Saranusca <i>Treuer.</i>	262	Præsidium <i>Iulium</i>	57, 64
Sarau pons	217	Scalabiscus <i>Lusit.</i>	57, 64
Sarauus fluuius	ibid.	Scalæ <i>Hannibalis in Pyrenæo</i>	57
Sarbacum <i>Sarmat.</i>	407	Scaldis fluv.	115
			216
			Scaldis

INDEX GEOGRAPHICVS.

Scaldis pons	292	Scylaceum Schylacium	738
Scamander fl. <i>Sicilia</i>	798	Scylaceus sinus	ibid.
Scampes	825	Scylla ad fret. <i>Sicul.</i>	779, 780
Scandea opp. <i>Cytheræ</i> inf.	1012 sq.	Scyllæum prom. <i>Arginor.</i>	983
Scandia inf.	391, 392	Scyllæum opp. <i>Æ</i> prom.	733
Scandila inf. <i>Aegæi</i>	1051	Scyros inf. <i>Aegæi</i>	1051
Scandinauia inf. seu penins.	391	Scythæ, <i>Sarmatæ</i>	402
Scandinouia recte	394	Scythia pars <i>Mœsiæ</i>	474
Scapti, portus <i>Etrur.</i>	575	Scythia Parua	402
Scapita opp. <i>Latii</i>	643	Sebarum <i>Rhat.</i>	426
Scaptia tribus	ibid.	Sebethus fluv. <i>Campan.</i>	676
Scapta Hyla <i>Thrac.</i>	1058	Sebinus lacus trans <i>Padum</i>	548, 554
Scaptefula eadem	ibid.	Sebum <i>Transpadanæ</i>	554
Scaptefyle eadem	ibid.	Secor	150
Scarabantia, Iulia cognomine, <i>Pannon.</i>	443	Securifca <i>Mæs.</i>	467
Scardona, Scardon, Liburn.	489	Secutio, <i>Segusio</i>	518
Scardona inf. an sit.	499	Sedetani pop. <i>Hisp.</i>	104
Scardus mons <i>Illyr.</i>	485	Sedetania regio	ibid.
Scarphia, Scharphêa, <i>Locr.</i>	903	Sedusii pop. <i>Germ.</i>	386
Scarpona <i>Belg.</i>	238	Seduni pop. <i>Alpin.</i>	200, 228
Scena fluv. <i>Hibern.</i>	354	Setia <i>Latii</i>	653
Schera <i>Sicil.</i>	811	Segalauni pop. <i>Gall.</i>	200
Scheria inf. <i>Corcyra</i>	1004	Segeda <i>Hisp.</i>	104
Schinussa inf. <i>Sporad.</i>	1055	Segedunum <i>Gall.</i>	153
Schœneus	921	Segedunum <i>Britann.</i>	346
Schœnitas Portus <i>Argol.</i>	985	Segesta <i>Pannon.</i>	444
Schœnos <i>Bæot.</i>	919	Segesta <i>Sicilia</i>	797
Schœnos Aegyptia viarum mensura	44, 45	Segesta <i>Tiguliorum</i>	526
Schœnûs portus <i>Isthmicus</i>	952	Segestanorum Emporium <i>Sicil.</i>	797
Schiathos inf. <i>Aegæi</i>	1051	Segesterorum ciuitas <i>Gall.</i>	196
Scingomagus <i>Alpin.</i>	519	Segestica <i>Hisp.</i>	104
Scirtones pop. <i>Illyr.</i>	485	vrbs <i>Pannoniæ</i>	444
Scione <i>Macedon.</i>	843	insula <i>Pannon.</i>	439
Sciron ventus Atticus	30	Σεγγυδαί, Σεγγυδαί	458, 444
Scironia saxa	945	Segida <i>Hisp.</i>	67
Scironides petræ	945	Segila <i>Hisp.</i>	108
Scissum, Cissum, <i>Hisp.</i>	117	Segisama Iulia <i>Hisp.</i>	92
Scodra <i>Illyr.</i>	496. f. 497	Segisamo	ibid.
Scombraria insula <i>Hisp.</i>	126	Segni pop. <i>Belg.</i>	272, 274
Scopi opp. <i>Mæs.</i>	465	Segobriga	101
Scopulus	1052	Segobia <i>Hisp.</i>	94, 95
Scordisci pop.	440, 455 f. 485	Segodunum <i>Germ.</i>	379
Scordus mons	485	Segontia <i>Bæt.</i>	75, 94
Scoti, <i>Hiberni</i>	354	Segontia <i>Edetanor.</i>	105
Scoti pop. <i>Britann.</i>	351	Segontia <i>Areuacar.</i>	94
Scotusa supra <i>Strymonem</i>	848	Segontiaci pop. <i>Britann.</i>	328
<i>Thessaliæ</i>	856 seq.	Segoroe	101
Scotussa <i>Thessal.</i>	ibid.	Segouellauni pop <i>Gall.</i>	200
<i>Strymonis</i>	848	Segouia <i>Hisp.</i>	94, 95
Scritobini pop.	392	Segre fl.	117
Scritofinni pop.	ibid.	Seguntia <i>Hisp.</i> vide <i>Segontia.</i>	
Scultenna fluuius	532, 537	Segura fluuius <i>Hisp.</i>	108, 109
Scupi opp. <i>Mæs.</i>	464		

Eeee ccc

Segus

INDEX GEOGRAPHICVS.

Segus fluv. <i>Germ.</i>	378	Serpa <i>Hisp.</i>	67
Segusiani pop. <i>Gall.</i>	174	Serrapilli pop. <i>Pannon.</i>	439
Segusianorum Forum	176	Serretes pop. <i>Pannon.</i>	ibid.
Segusinum municipium	518	Seruatoris Iouis portus, <i>Serretes</i>	972
Segusio, Segusium <i>sub Alp.</i>	518	Seruodurum <i>Vindel.</i>	419
Segusio Cottii regia	519	Seruitium <i>Pannon.</i>	453
Segustero <i>Gall.</i>	196	Sessites fluuius <i>Alpin.</i>	542
Selambina	74	Sestianæ tres aræ <i>Hisp.</i>	85
Selasia, Sellasia, <i>Lacon.</i>	980	Sestinum <i>Vmbriae</i>	594
Seleucus mon. <i>Gall.</i>	198	Sestus <i>Hellesponti</i>	1067
Selgouæ pop. <i>Britann.</i>	346	Setabis <i>Hisp.</i>	109
Selinus opp. <i>Siciliae</i>	795	Setantiorum portus	344
fluuius	ibid.	Setia <i>Hisp.</i>	68, 77
Sellasia opp. <i>Lacon.</i>	980	Serelsis <i>Hisp.</i>	117
Selleis fluv. <i>Elidis</i>	959	Setubal an. Cetobriga	61
Selletæ pop. <i>Thrac.</i>	1085	Seuerus mons <i>Sabin.</i>	627
Selletica regio <i>Thrac.</i>	1084	Seuille <i>Hisp.</i>	75
Selli, Sellæ, pop. <i>Epiri</i>	886	Seuinus lacus <i>trans Padum</i>	554
Sellium oppid. <i>Lusitan.</i>	57	Seuo mons <i>sub Arcto</i>	391 f.
Selymbria <i>Thrac.</i>	1072	Seuum opp. <i>Transpad.</i>	554
Semarra silua <i>Germ.</i>	371	Sex Firmum Iulium	74
<i>Σημάρια lapides</i>	47	Sexantapristis <i>Mæs.</i>	467
Semnones pop.	383	Sexitani, <i>ab opp. Sex.</i>	74
Sempronii Forum <i>Vmbriae</i>	596	Sextatio	185
Sena Iulia <i>Etrur.</i>	573	Sextantio <i>Gall.</i>	184, 185
Sena, <i>Senogallia,</i>	593	Sexti Firmum cognomine Iulium	74
Seneca Cordubensis	69	Sextiæ Aquæ <i>Gall.</i>	191
Senez	193	Sianticum <i>Norici</i>	436
Senogallia <i>Vmbriae</i>	593	Siata inf. <i>Gall.</i>	203
Senones, pop. <i>Gall.</i>	167, 168	Siberena, Seberina	743
<i>Italiae</i>	516, 541	Sibuzates pop. <i>Gall.</i>	144
Senones, Senoni, vrbis nomen	168	Sicambri <i>in Germ.</i>	378
Sens opp. <i>Gall.</i>	ibid.	Sicambri transducti	269, 270
Sentica, <i>Sintica</i> regio	841	Sicambria <i>Pannonia</i>	447
Sentii	192	Sicania, <i>Sicilia</i>	778
Sentinum <i>Vmbriae</i>	596	Sicanus fluuius <i>Hisp.</i>	118, 121
Senus fluuius <i>Hibern.</i>	354	Sicdelis	203
Sepias prom. <i>Thessal.</i>	870	Sicilia inf.	776
Septem Aquæ <i>Sabin.</i>	624	an ab Italia abrupta	776, 777 f.
Septem aræ opp. <i>Hisp.</i>	57, 60	Sicilia horreum Rom. reip.	779
Septem Maria <i>Venetia.</i>	557	Suburbana prouincia	777
Septempeda <i>Piceni</i>	608	Sicilia mediterranea	803
Septemtrio ventus	27, 29	Siciliae fratrum	777, 779
Sequana fluuius	135	Sicinus inf. <i>Aegæi</i>	1047
Sequani pop. <i>Gall.</i>	231	Sicoris fluuius <i>Hisp.</i>	117
Serbinum <i>Pannon.</i>	453	Siculi trilingues	779
Serdica <i>Vlpia Mæs.</i>	474	Sicum <i>Dalmat.</i>	491
Seria Fama Iulia <i>Hisp.</i>	66	Sicyon <i>Peloponnes.</i>	952
Seriphus inf. <i>Cyclad.</i>	1047	Sidetani pop. <i>Hisp.</i>	104
Sermona, <i>Sulmo</i>	656	Sidicini, <i>Teanum colentes</i>	683
Sermoneta	ibid.	Sidrona <i>Pannon.</i>	453
Sermyla <i>Macedon.</i>	844	Sigambri <i>in Germ.</i>	78
			8
			Si-

INDEX GEOGRAPHICVS.

Sigambri <i>transducti</i>	269, 270	Sisapo opp. <i>Hisp.</i>	68
Sigarra <i>Hisp.</i>	110	Sisapona idem opp.	ibid.
Signia <i>Latii</i>	652	Siscia <i>Pannon.</i>	444
Siguenza	94	Sisteron	196
Sila Bruttia, <i>silua</i>	744	Sithonia regio <i>Macedon.</i>	845
Silarus fl. <i>Lucan.</i>	723	Sitia <i>Hisp.</i>	77
Silarus fl. <i>Togata Gall.</i>	540	Sitones pop. <i>Germ.</i>	392
Siler fluv. <i>Lucan.</i>	723	Sitten	200
Silicis mons <i>Ital.</i>	559	Smila <i>Maced.</i>	842
Sillinæ insulæ <i>Britann.</i>	356	Sol aliis alio tempore oritur	25
Siluanectæ opp. <i>Gall.</i>	311	Solanus ventus	27, 34
Siluanectensium ciuitas	ibid.	Solentini	800
Siluanectes pop. <i>Gall.</i>	310	Soletum <i>Calabr.</i>	718
Siluium, Siluum opp. <i>Histrice</i>	567	Solimnia inf. <i>Aegæi</i>	1053
Siluium <i>Apulie</i>	714	Solium <i>Acaru.</i>	891
Silures pop. <i>Britann.</i>	342	Solis boues	803
Silures insulæ	356	Solliniensium ciuitas	192 f.
Simbruini colles <i>Ital.</i>	628	Solois fl. <i>Sicil.</i> Σολόεις,	799
Simbruina stagna	ibid.	Solonius campus <i>Latii</i>	641
Simoeis fl. <i>Siciliæ</i>	798	Solona <i>Cispadanæ</i>	539
Sindus <i>Macedon.</i>	840	Solfona opp. <i>Hisp.</i>	113, 117
Singidava <i>Daciæ</i>	479	Solua <i>Norici</i>	435
Singidunum <i>Mæsf.</i>	457	Soluense Flauium	ibid.
Singili opp. <i>Hisp.</i>	75	Soluntum <i>Siciliæ</i>	799
Singulis fluuius	ibid.	Solûs, Σολῦς, <i>Siciliæ</i>	800
Singus <i>Macedon.</i>	845	Somena fl. <i>Belg. Samaræ</i>	218
Singiticus sinus	ibid.	Sontius fl. <i>Carnorum</i>	507, 563 f.
Sinistra occidentalia	35	eius Pons	564
Sinna <i>Illyric.</i>	497	Sora <i>Latii</i>	657
Sinnus fl. <i>Cispadan.</i>	541	Soraete mons <i>Etrur.</i>	585
Sinotium <i>Illyr.</i>	497	la Sorgue	138
Sinonia inf. <i>Ital.</i>	761	Sottiates	144
Sinope	663	Sossius fluv. <i>Sicil.</i>	794
Sinthus <i>Macedon.</i>	840	Sosthenis <i>Thessal.</i>	854
Sintice regio <i>Macedon.</i>	841	Spalathra	870
Sinus Arabicus terminus <i>Africæ</i>	43	Sparata <i>Mæsf.</i>	475
Sinus Virgitanus	108	Sparta, <i>Lacedæmon,</i>	975
Sinuessa <i>Ital.</i>	663	Spartarius campus <i>Hisp.</i>	108
Sion	200	Sperchia opp. <i>Thessal.</i>	863
Siparuntum <i>Dalmat.</i>	497	Sperchius fluv. <i>Thessal.</i>	ibid.
Siphæ <i>Bæot.</i>	929	Sphaeteria inf. <i>Peloponn.</i>	1011
Siphnûs inf. <i>Cyclad.</i>	1047	Sphagia inf. eadem	ibid.
Sipontum <i>Apul.</i>	709	Sphertius	941
Sipûs, Σιπῶς, <i>Sipontum</i>	ibid.	Spelunca villa	660. f. 661
Siræ	994	Speluncæ <i>Apulie</i>	713
Sirenes inf. Σειρῆνες,	765	Spina <i>Ital.</i>	556
Sirenuſæ inf. <i>Ital.</i>	764	Spinæ <i>Britann.</i>	334
Siris opp. & nauale <i>Lucan.</i>	728	Spira	247
Siris fl. <i>Lucan.</i>	506	Spineticum Padi ostium	556
Sirmio peninsula	551	Spolentinum <i>Hisp.</i>	68
Sirmium <i>Pannon.</i>	448	Spolterium <i>Ital.</i>	600
Sirpi opp. <i>Pannon.</i>	447	Sporades insulæ	1054
		Eccc eee 2	Sta-

INDEX GEOGRAPHICVS.

Stabiæ <i>Campan.</i>	678	Subdinnum <i>Gall.</i>	165
Stadium, <i>mensura</i>	45	Sublacensis villa	628
Stagirus <i>Macedon.</i>	846	Sublaqueum <i>Ital.</i>	ibid.
Stagna Volcarum	139	Sublauio <i>Rhet.</i>	426
Stailucus <i>Pannon.</i>	442	Submontorium <i>Vindel.</i>	420
Statielli pop. <i>Ligur.</i>	528	Submuranum <i>Lucan.</i>	727
Statiellates, iidem,	ibid.	Subrita <i>Cretæ</i>	1034
Statiellæ Aquæ	529	Subromula <i>Hirpinor.</i>	701
Statio Miltopæ <i>Calabr.</i>	717 f.	Subsolanus ventus	29
Statonia <i>Etruriæ</i>	577	Subvesperus ventus	34
Statoniensis lacus	ibid.	Subur opp. <i>Hisp.</i>	112
ad Statuas <i>Pannon.</i>	446	<i>colonia Iulia Paterna</i>	113
<i>colossas</i>	447	Succosa <i>Etrur.</i>	577
Statuentum <i>Hirpinor.</i>	698	Sucidaua <i>Mœsiae</i>	468
Stellatis Campus <i>Campan.</i>	680	Sucro opp. <i>Hisp.</i>	107
Stenacum <i>Norici</i>	431	Sucro fluuius	103, 107
Stentoris portus <i>Thrac.</i>	1061	Sudertum <i>Etrur.</i>	577
Steria <i>Atticæ</i>	940	Sudernum, Sudertum,	ibid.
Stiris <i>Phocidis</i>	915	Sudeti montes <i>Germ.</i>	369
Stlupi <i>Liburn.</i>	489	Sueconi pop. <i>Belg.</i>	293
Stlupini pop.	485	Suditi montes <i>Germ.</i>	369
Stopi opp. <i>Macedon.</i>	829	Suel, opp. <i>Hisp.</i>	74
Stœchades insulæ <i>Gall.</i>	203	Suessa Aurunca	683
Stœni pop. <i>Rhet.</i>	423, 553	<i>col. Iulia Felix</i>	ibid.
Stoni iidem	ibid.	Suessa Pometia	653, 654
Stonos caput <i>Euganeorum</i>	553	Suessiones pop. <i>Gall.</i>	315
Stratos <i>Acarnan.</i>	890	Suessitani pop. <i>Hisp.</i>	113
Stratonice	845	Suessiones & Sueffionæ opp.	316
Stridon <i>Pannon.</i>	453	Suessiones pop. <i>Gall.</i>	315
Strongyle inf.	817	Suessonum Augusta	316
Strophades insulæ	1010 sq.	Suessula <i>Campan.</i>	685
Stryma <i>Thrac.</i>	1059	Suetri pop. <i>Gall. Alpin.</i>	192
Strymon fl. <i>Macedon.</i>	847	Sueui Cæsaris Catti	379
Stubera <i>Macedon.</i>	832	Sueui pop. <i>Germ.</i>	384
Sturium	203	Sueuicum mare	391
Stymbarum	832	Sueuus fluuius <i>Germ.</i>	366
Styberra, Stubera	832	Sugambri pop. <i>Sicambri</i>	378
Stygis aqua	998	Suillum <i>Vmbriæ</i>	596
Strympha mons ad Epirum & Macedoniam	831, 883	Suindinum <i>Gall.</i>	164
Stymphæi pop.	ibid.	Suiones pop. <i>septentrion.</i>	392
Stymphæa, Stymphæis regio	831	Sulchi vrbs <i>Sardinia</i>	772, 773
Stymphalia, Stymphalis falsa	ibid.	Sulci, vrbs eadem,	ibid.
Stymphalides aues	992	Su'ga, Sulgas, fl. <i>Gall.</i>	138, 195
Stymphâlus	ibid.	Sulloniæ Britanni.	338
Stymphalis lacus	ibid.	Sulmo <i>Pelignorum</i>	613
Styra opp. <i>Eubœæ</i>	1019	<i>Volsorum</i>	656
Styx	998	Summontorium <i>Vindelic.</i>	420
Suana <i>Etrur.</i>	577	ad Summum Lacum <i>Larium</i>	427
Suardones pop. <i>Germ.</i>	382	Summuranum <i>Lucan.</i>	727
Suasa <i>Vmbriæ</i>	597	Summum Penninum	522
Subalpina Italia	514	Sunici pop. <i>Belg.</i>	274 sq.
		Sunium oppidum <i>Attic.</i>	935, 940
			Su.

INDEX GEOGRAPHICVS.

Sinium promontor.		ibid.	Tænarum promont. <i>Lacon.</i>	ibid.
Supernas ventus		34	oppidum	ibid.
Super Equum, colonia <i>Pelign.</i>	613		Tænari porta inferiorum	969
Superequani, coloni	ibid.		Tæzali	352
Supernates <i>Ital.</i>	509		Tagus fluuius <i>Hisp.</i>	53 sqq.
Superum mare	ibid.		aurifer	55
Sura fluuius <i>Germ.</i>	218		Tagi pons	57 sq.
Surrentum <i>Campan</i>	679		Talabrica <i>Lusitan.</i>	56
Sutrini incolæ <i>Sutrii</i>	584		Talaria <i>Sicil.</i>	808
Sutrium <i>Etrur.</i>	ibid.		Taliata <i>Mæf.</i>	460
colonia Iulia	ibid.		Talori	58
Sybaris fl. <i>Lucan.</i>	506, 729		Tamara <i>Britann.</i>	335 f.
oppidum	729		Tamara, Tamarus fl.	324, 335
Sybota insula <i>Epiri</i>	878, 1005		Tamesis, Tameffa, fluv.	323
Sybota portus <i>Epiri</i>	878		Tamyraca <i>Sarmat.</i>	401
Sycurium <i>Thessal.</i>	870		Tanager fluv. <i>Lucan.</i>	723
Syia <i>Cretæ</i>	1037		Tanagra <i>Bæot.</i>	919
Sylina insula <i>Britann.</i>	356		Tanais fluv. terminus <i>Europæ</i>	40
Symæthus fl. <i>Sicil.</i>	806		Tanaitæ pop. <i>Scyth.</i>	405
oppid.	806		Tanarus amnis <i>Ligur.</i>	527
Symbolorum portus <i>Sarmat.</i>	409		Tanatis inf. <i>Britann.</i>	355
Symbolum <i>Thrac.</i>	1056		Tanetos inf. eadem	ibid.
Symplegades insulæ <i>Ponti</i>	1088		Tanetum <i>Cispadanæ</i>	535
Synœci	21		Tannetum idem	ibid.
Syra, Syros, Syria inf.	1050		Taphiaffus <i>Aetol.</i>	898
Syracella <i>Thrac.</i>	1082		Taphii pop. <i>Teleboæ</i>	1005 f. sq.
Syracusæ <i>Sicil.</i>	787		Taphiorum insulæ	ibid.
Syracusani fontes	788 sq.		Taphræ isthmus <i>Tauric.</i>	408
Syros inf. <i>Aegæi</i>	1050		oppid.	ibid.
Syrorum natura	38		Taphrus, idem oppidum	ibid.
Syscia, <i>Siscia Pannon.</i>	444		Taphus inf.	1006
			Tapsus penins. <i>Siciliæ</i>	786
			oppid. <i>Sicil.</i>	787
			Tarachia inf. <i>Ionici M.</i>	1005
			Tápas, <i>Tarentum</i>	720
			Tarasco Gall.	185, 191
			Tarba <i>Cretæ</i>	1029
			Tarbe	145
			Tarbellæ Aquæ <i>Gall.</i>	133
			Tarbelli pop. <i>Gall.</i>	144
			quatuor signani	ibid.
			Tarentinus portus	718
			Tarentum colonia <i>Lacedæmoniorum</i>	720
			Tarentum vrbs	ibid.
			Targines fl. <i>Bruttior.</i>	738
			Tarnanto <i>Norici</i>	433
			Tarnis fl. <i>Gall.</i>	132
			Tarona <i>Sarmat.</i>	411
			Tarpeius mons <i>Rom.</i>	633
			Tarpha opp.	904
			Tarquini opp. <i>Etrur.</i>	583
			Tarracina Latii	650, 651
			Eeee eee 3	Tar-
T Abana <i>Tauricæ</i>	411			
Tabernæ ad Rhenum	248			
Tribocorum	ibid.			
Tres	249			
Tabernæ riguæ	257			
Tablæ <i>Batavor.</i>	281, 284			
Tabuda fl. <i>Belg.</i>	215			
Tabula <i>Adrichomii</i>	36			
Tabulæ <i>Agathodæmonis</i>	5			
Tabula geographica <i>Augustodunensis</i>	4			
Augustana	5			
Theodosiana	ibid.			
Feutingeriana	ibid.			
Tabularum <i>Geograph. primus auctor</i>	3			
Taburnus nons	695			
Tacina	738			
Tader fluuius	99, 109			
Tænarium. <i>Tænarum</i>	968 sq.			

INDEX GEOGRAPHICVS.

Tarraco <i>Hisp.</i>	112	Tec	
col. Iulia Victrix	ibid.	Tecelia <i>Germ.</i>	139
Tarraconensis prouincia	80	Tecerus fl.	377
prouinciæ conuentus iuridici	ib.	Tecmon <i>Epiri</i>	115
Tarræ <i>Sardinia</i>	773	Tectofages pop. <i>Gall.</i>	883
Tarraga <i>Hisp.</i>	91, 121	Tectofages <i>Gallogracia</i>	178
Tarrazona	102	Tecum	184
Tarsatica <i>Illyr.</i>	488	Tedanius fluv. <i>Liburn.</i>	139
Tartarus fluv. <i>Ital.</i>	507, 557	Tediastum <i>Liburn.</i>	488
Tartessus regio <i>Hisp.</i>	69, 124	Teganusa inf. <i>Lacon.</i>	489
Tartessus opp. <i>Hisp.</i>	69, 70	Tegea <i>Arcad.</i>	1012
Taruanna, Taruenna	305	Tegea <i>Creta</i>	995
Taruesede, Taruessedum <i>Rhet.</i>	427	Tegianenses	1038
Taruifium <i>Venet.</i>	560	Teglianum suspectum	688
Tarus fluv. <i>Cispadan.</i>	532, 534	Teglicium <i>Mæsia</i>	ibid.
Tarusates pop. <i>Gall.</i>	144	Tegra & Tegræ Pl. <i>Mæf.</i>	468
Tauilla	63	Telamon <i>Etrur.</i>	467
Taulantii opp. <i>Illyr.</i>	825, 827	Teleboæ, Teleboides insulæ	576
Taum æstuarium	347	Telebois regio	1005, 1006
Taurania <i>Hirpinor.</i>	698	Telebois Teleboæ pop.	ibid.
Taunus mons <i>Germ.</i>	368	Telesia Samnium	764
Taurasia <i>Hirpinor.</i>	698	Telium <i>Alpin.</i>	693
Taurasini campi	ibid.	Tellena <i>Latii</i>	555
Taurasium opp.	ibid.	Tellina vallis	639
Taurentus portus	188	Telo Martius <i>Gall.</i>	555
Tauri pop. <i>Scyth.</i>	408	Telobis	188
Taurici pop. <i>Scyth.</i>	ibid.	Telos inf. <i>Aegæi</i>	117
Taurianum <i>Bruttior.</i>	733	Temenium <i>Argolid.</i>	1041
Taurica chersonesus	408	Temesa <i>Bruttior.</i>	982
absolute	ibid.	Tempe <i>Thessalica</i>	732
Taurinates campi	518	<i>Sicula, Heloria</i>	865, 866
Taurini pop.	ibid.	Temperies corporis ex situ loci	790
Taurinorum Augusta	ibid.	Tempfa, Temesa,	37
Tauris inf. <i>Illyr.</i>	500	Temsa, eadem	732
Tauroëntum <i>Bruttior.</i>	733	Tempyra <i>Thrac.</i>	ibid.
Tauois portus <i>Gall.</i>	188	Tenchteri pop. <i>Germ.</i>	1081
Tauromenium <i>Sicil.</i>	782	Teneteri pop.	377
Taurominium, idem,	ibid.	Tenea pagus <i>Corinth.</i>	378
Tauroscythæ pop.	408	Teneatæ, incolæ Teneæ	1001, 1002
Taurunum Pannon.	448	Tenebrium promont.	1002
Tauus castel.	806	Ter fl.	110
Tauus fluuius <i>Britann.</i>	324, 347	Tenos inf. <i>Aegæi</i>	115
Taus fluuius idem	347	Tergeste <i>Carnicor.</i>	1045
Tax	144	Tergestum, idem	564
Taxandri pop. <i>Belg.</i>	294	Tergestinus sinus	ibid.
Taxgætium <i>Rhet.</i>	428	Terina <i>Bruttior.</i>	ibid.
Taygetus mons <i>Arcad.</i>	981	Terinaus sinus	731, 766
Tazus <i>Sarmat.</i>	411	Terioli, arx, opp.	731
Teanum Sidicinum	683	Termantia <i>Hisp.</i>	426
Teanum Apulum	706	Termantini	95
Teari Iulienses <i>Hisp.</i>	112	Termes <i>Hisp.</i>	ibid.
Teate <i>Marrucinorum</i>	612	Termestini, inde dicti,	ibid.
		Ter-	

INDEX GEOGRAPHICVS.

Termifus, <i>Termes</i>	95	Therapne <i>Cretæ</i>	1037
Termus fl. <i>Sardinia</i>	775	Therapia inf. <i>Cretici M.</i>	1042
Ternobus <i>Mæf.</i>	475	Therma opp. <i>Theffalonica</i>	839
Terpillus <i>Macedon.</i>	840	Thermæ <i>Himerææ</i>	794
Terracia f. <i>Terraffa</i>	114	Thermæ <i>Onesimæ.</i>	145
Terra <i>σφαραιοειδής</i>	7	Thermæ <i>Siculæ</i>	794
Terra rotunda	7 feqq.	Thermaicus sinus <i>Maced.</i>	842
Terra an usquequaque habitabilis	9	Thermæus sinus,	idem
Terrarum orbis partes	39	Thermidaua <i>Illyr.</i>	497
Terræ figura qualis	5 feqq.	Thermiffa inf. <i>Hiera</i>	816
Terræ figura opinione vulgī	6 & 7	Thermopylæ	905
Terracina <i>Latii</i>	650	Thermum <i>Aetolia</i>	896
Terricolarum habitus inter se	19	Thespiæ, <i>Thespia, Bæot.</i>	928
Teruanna <i>Belg.</i>	305	Thesprotia regio	876
Teruel <i>Hispan.</i>	107	Thesproti pop. <i>Epiri</i>	ibid.
Teruium flumen	606	Theffalia regio	851
Tefana castellum <i>Rhet.</i>	425	<i>Propria Θεσσαλιώτις</i>	854
Tet	139	Theffaliotis regio	851, 854
Tethronium <i>Phocid.</i>	913	Theffalonica	839
Tetis fl. <i>Pyrenæi</i>	139	Theffia <i>Aetolia</i>	899
Tetranaulochus <i>Thrac.</i>	1078	Theudofia <i>Tauric.</i>	409
Tetrapolis <i>Attica</i>	942	Theudurum <i>Belg.</i>	271
<i>Dorica</i>	899	Thia infula	1042
Tetricus mons <i>Sabin.</i>	627	Thinias prom. <i>Thrac.</i>	1077
Teucera <i>Belgic.</i>	309	Thisbe <i>Bæot.</i>	929
Teurifci pop. <i>Dacia</i>	477	Thisoa, <i>Thissoa, Arcad.</i>	997
Teurnia <i>Norici</i>	435	Thoricus <i>δῆμος Attica</i>	940
Teuthrona <i>Lacon.</i>	969, 980	Thracia, regio,	1055
Teutoburgienfis saltus	378	Thraciæ feritas	38
Teutoburgium	378, 447	Thraciæ mediterranea	1079
Teutones pop.	360	Thrambus <i>Macedon.</i>	843
Thalamæ <i>Lacon.</i>	979	Thrafcias ventus	28, 34
Thapfus peninf. <i>Sicil.</i>	786, 787	Thriafius campus <i>Attica</i>	935
opp. <i>Sicilia</i>	ibid.	Thronium <i>Locr. Epicnem.</i>	903, 904
Thafium marmor	1086	Thryon <i>Messenia</i>	967
vinum	ibid.	Thule infula	357
Thaffus eadem quæ <i>Thafus</i>		Thuria <i>Messenia</i>	967
Thafus <i>Cereris litus</i>	1086	Thuriatæ incolæ	ibid.
Thafus inf. <i>Thrac.</i>	1085	Thurii opp. <i>Lucan. Ital.</i>	729
Thaumacida opp.	861	Thurium <i>Acarnan.</i>	890
Thaumaci opp.	861	<i>Italiae, Thuriæ</i>	729
Theana <i>Hispan.</i>	110	Thurium <i>Lacon.</i>	977
Thebæ <i>Bæotia</i>	919, 920	Thyamis prom. <i>Epiri</i>	877
<i>Pbthiotidis</i>	863	fluvius	877
Theganufa inf.	1012	Thyle infula, <i>Thule,</i>	357
Thelphufa, <i>Thelphuffa</i>	991	Thynias litus <i>Ponti,</i>	1077
Thenæ <i>Cretæ</i>	1038	Thyreum <i>Acarnan.</i>	890
Theodonis villa	238	Thyrides infulæ sinus <i>Messen.</i>	1012
Theodofia <i>Taurica</i>	409	Thyrfus fl. <i>Sardinia</i>	775
Thera inf. <i>Cretici maris</i>	1042	Thyffus, <i>Thyffus Maced.</i>	846 feqq.
Theramnæ <i>Lacon.</i>	977	Tiariolia <i>Hispan.</i>	112
Therapnæ, eadem,	977	Tiafum <i>Dacia</i>	482
			Ti.

INDEX GEOGRAPHICVS.

Tiberia colonia Augusta	418	Tiffa Siciliæ	804
Tiberiacum Belg.	269	Titan inf.	203
Tiberii Forum Helvet.	226	Titaresus fl. Thessal.	869
Tiberis fluv.	504	Titthi	92
quos amnes recipiat	ibid.	Tithorea Phoc.	911, 914
Tibiscus fluuius	476	Tithronium, Tithrone	913
Tibissus, fluuius	ibid.	Titienfis vicus	594
Tibur opp.	644	Titius fl. Illyr.	483, 489
Tiburs, tis, gentile a Tibur	ibid.	Titulcia Hisp.	97
Tiburnia non sunt regina castra	418	Tityrus mons Cretæ	1027
Ticer fluuius Hisp.	115	Tobius fluuius Britann.	324
Tichis fl. Hisp.	115, 122, 139	Togata Gallia	129, 514
Tichium Aetol.	899	Togata Gallia Propria	532
Ticinum opp. trans Pad.	548	Togifonus fl. Venet.	557
Ticinum flumen	548	Toisobis fluuius Britann.	324
Tidon fl. Cispadan.	531	Tolbiacum Belg.	267
Titata mons Campan.	682	Tolenus fl. Sabin.	623
Tifatini Iouis fanum	ibid.	Tolerium Latii	645
Tifernum Tiberinum	598	Toletani	97
Samnii	691	Toletum Hisp.	ibid.
Tifernus mons	ibid.	Toliapis inf. Britann.	355
Tigulia Ligur.	526	Tollentinum Piceni	609
Tiguliorum Segesta	ibid.	Tolosades pop. Gall.	180
Tigurinus pagus	221, 226	Tolosa	ibid.
Tilauentus fl. Venet.	562	Tolosa Palladia	180
Tillium Sardinia	774	Tolosanum aurum, prov.	181
Tilox Corsicæ	769	Tolpiacum Belg.	267
Tilphossa fons Bæot.	923	Tomarus mons centum fontium,	882
Tilphusa fons idem	ibid.	Tomi opp. Mæf. ad Pontum	470, 471
Tilphusium Bæot.	ibid.	Tomis, idis, vrbs eadem	ibid.
Tiluri Pons Illyr.	492	Tomitæ incolæ	ibid.
Timachi pop.	455, 456	Tonzos Thrac.	1084
Timachus fl. Mæf.	456	Tonzu Thrac.	1077
Timacus fl. idem	ibid.	Toperus Thrac.	1057
Timacum maius	464	Topiris Thrac.	849, 1057
minus	ibid.	Topirus, eadem,	1057
Timauus fl. & fons	508	Torocca Sarmat.	407
Timethus fl. Sicil.	802	Toronæus sinus	844
Timporum Thrac.	1081	Toronaicus sinus	844 sq.
Tina fluuius Britann.	324	Torone Macedon.	845
Tingentera Hisp.	72, 73	Toulon	183
Tingitera, eadem,	71	Tours	163
Tingi Cetraria	72, 73	Touola fl. Corsicæ	769
Tingis	73	Toronis villa	238
Tinia fl. Vmbria	600	Toxandri pop. Belg.	283, 294
Tinnetio vicus Rhet.	427	Toxandria regio	295
Tinnocellum Britann.	344	Tracana Sarmat.	407
Tiquadra inf. Hisp.	129	Trachin opp.	861
Tirida Thrac.	1059	Trachinia regio	ibid.
Tiristasis Thrac.	1069	Trachinii pop.	ibid.
Tiryus, this, Argol.	988 sq.	Traducta Iulia, Hisp.	73
Tisobis fl. Britann.	324	Traeis entis, Tεαίς, fl.	741
		Træ-	

INDEX GEOGRAPHICVS.

Tragurium <i>Dalmat.</i>	491	Tricesimæ Colonia Traiana	272
Traja capita <i>Hisp.</i>	112	ad Tricesimum in Carnis	565
Traiana colonia Belg.	270	Trichonium <i>Aetol.</i>	895 seq.
Traiani Forum <i>Sardinia</i>	774	Tricorii pop. <i>Gall.</i>	198
Traiani pons in Danub.	1081	Tricornium <i>Mæf.</i>	458
Traianus <i>Hisp. Italicensis</i>	67	Tricorythus <i>Attic.</i>	940
Traianus portus <i>Ital.</i>	588	Tridentini pop.	424
Traiectus <i>Mosæ</i>	275	Tridentum	ibid.
Traiectus <i>Rheni</i>	281	Trifanum <i>Latii extr.</i>	664
Traiectus in <i>Græciam ex Italia</i>	716, 718	Trigemina porta Romæ	632
Transfacincum	447	Trigifanum <i>Norici</i>	432
Transcudani pop. <i>Lusit.</i>	58	Trimanium <i>Mæfia</i>	467
Transducta	72	Trimontium <i>Thrac.</i>	1080
Transpadana regio	541	<i>Selgouarum Britann.</i>	346
Italia	ibid.	Trinabus <i>Mæf.</i>	475
Transuistulana regio	390	Trinacia <i>Sicilia</i>	778
Trapezûs <i>Arcadia</i>	997	Trinacria <i>Sicilia</i>	777
Trasimenus lacus	580	Trinasus castell <i>Lacon.</i>	970
Treba <i>Aequorum Ital</i>	629	Trinium flumen	692, 703
Augusta	628	Trinobantes pop. <i>Britann.</i>	328
Trebia fluuius <i>Cispad.</i>	532	Triocala <i>Sicil.</i>	811
Placentinus	ibid.	Triocla <i>Sicil.</i>	ibid.
Trebia, Trebbia <i>Campan.</i>	686	Triphyliæ regio	959, 960
Trebia <i>Umbria</i>	600	Tripolis <i>Arcadia</i>	998
Trebula <i>Sabinor.</i>	625, 685	Tripolis <i>Laconica</i>	978
<i>Mutusca</i>	625	Tripolis <i>Perræbia</i>	856
<i>Suffenas</i>	ibid.	Tripolis <i>Thessalia</i>	855
Trecæ, Treci	168	Tripolis regio	ibid.
Trecasæ, Trecasles	169	Tripontium <i>Britann.</i>	340
Treia municip.	608	Triquetra <i>Sicilia</i>	778
Trerus fl. <i>Latii</i>	657	Trifanto fl. <i>Britann.</i>	324
Tres Aræ <i>Hisp.</i>	85	Trismis <i>Mæfia</i>	468
Tres Tabernæ	656	Tristolus, <i>Tēiscalos Mæf.</i>	841
Treua Germ.	383	Trissum <i>Dacia</i>	478
Treuentum, Triuentum	691 f.	Tritea <i>Phocidi</i>	957
Treueri pop. Belg.	253	Tritium <i>Hisp.</i>	87
Treuri, iidem,	ibid.	Metallum	ibid.
Treuri, vrbs	256	Triuentium, <i>Treuentium</i>	692
Treuri an etiam ad Rhenum	254	Triuentum, idem, <i>Samnii</i>	ibid.
Triadizza <i>Mæf.</i>	475	Triuicum <i>Hispinor.</i>	699
Triballi pop <i>Mæf.</i>	456	Triumphalis porta Romæ	633
Tribianus collis <i>Sabin.</i>	686	Triumpilini pop. <i>Transpadan.</i>	553
Tribocci, Triboci, Tribochi pop.	238, 239, 241	Triumuirorum insula	537
Triboccorum nomen vnde	241	Træzen <i>Argolidis</i>	984
Tribula <i>Sabinor.</i>	685	Træzenis, idis, regio	ibid.
Tribulium <i>Dalmat.</i>	495	Troglodytæ <i>Mæfia</i>	456
Tribunci, castell. Belg.	247	Tronum <i>Dalmat.</i>	492
Tricala <i>Sicil.</i>	811	Tropæa Augusti sub Alpibus	523
Tricasles, Tricasii pop.	168 seq.	Tropæa Pompeii	116
Tricasles vrbs nomen	169	ad Tropæa <i>Bruttior.</i>	733
Tricastini pop. <i>Gall.</i>	195	Tropæum Aemilianum	186
Tricca <i>Thessal.</i>	852, 853	Trosmis <i>Mæf.</i>	468
		F f f f f f f f	Trossa.

INDEX GEOGRAPHICVS.

Troffulum Etrur.	580	Tutela Ara Corsica	769
Troyes	169	Tutela Hisp.	91
Trossuli equites vnde	580	Tutia Hisp.	104
Truentinum Castrum	605	Tutatio, Tutastio, Norici	434
Truentus fl. Piceni	ibid.	Tybris, Tiberis, fl.	636
Truentum opp. Piceni	ibid.	Tyde opp. Hisp.	84
Tryphalia regio Peloponnesi	959	Tymphæi pop. Grac.	831, 883
Tubantes pop. Germ.	377	Tymphamons	883
Tubucci opp. Lusitan.	57	Tymphaicæ boues	831
Tucci opp. Hisp.	66	Tyndaris, Tyndarium Sicilia	802
Tucci aliud, cogn. Augusta Gemella	77	Typhones venti	31
Tude, Tyde, Hisp.	84	Tyra, Tyras, fl. & oppid. Sarmat.	396
Tuder Umbr. citer.	601	Tyrictaca Sarmat.	410
Tudertes, Tudensis incolæ	ibid.	Tyritæ Tyrigetæ pop. Sarmat.	397
Tuerobis fl. Britann.	343	Tyrisia Macedon.	833
Tusicum Umbr. citer.	598	Tyrrheni pop.	568
Tugenus pagus	222, 227		
Tugia Hisp.	99	V.	
Tugiensis saltus	80, 99		
Tulingi pop.	228	Vacca fluuius Lusitan.	55
Tullum Leucorum	235	Vaccæi pop. Hisp.	92
Tungri, Eburones pop.	273	Vacantium Pannon.	451
Tungri opp. Belg.	274, 294	Vacula fluuius Lusitan.	55
Tungrorum fons	274	Vacus fl. Lusitan.	ibid.
Tunnum Britann.	344	Vada Sabatia	525
Turasonenses	89	Vada Volaterrana	573
Turba opp. Aquitan.	145	Vadicassæ pop. Vadicassi	170, 314
Turba Hispan.	108	Vadimonis lacus	582
Turbula Hisp.	ibid.	Vagedrusa fl. Sicilia	791
Turcilingi pop.	384	Vagienni pop. Etrur.	518
Turdetania	65	Vahalis fluuius	207
Turdetani pop. Hisp.	54, 107	Vaisson	197
Turdetanorum vrbs in Edetanis	107	Vala Thrac.	1083
Turduli pop. Hisp.	66	Valcum Pannon.	451
Turia fl. Hisp.	106	Valdasus fl. Pannon.	439
Turiaso Hisp.	89, 91, 102	Valentia Bruttior.	732 sq.
Turissa	87	Valentia Calabria	717
Turones, Turoni, pop. Gall.	163	Valentia Gall.	200
Turoni, vrbs Turonorum	ibid.	Valentia Hispan.	106
a dTurres Sardin.	774	Valentia Sardinia	774
Turres Iulianæ Apul.	713	Valentianæ Belg.	293
Aurelianæ	ibid.	Valeria Celtiberorum	103
Turris Cæsaris Apul. Peuc.	713	an & Sardinia	775
Turris Libysonis Sardin.	774	Valeria via Italiae	753
Turris octogona ventorum	27	prouincia	440, 451
Turrus fl. Venet. f. Carn.	563	Siciliae	815
Turuntus fl. Sarmat.	396	Valetium Calabriae	717
Tuscia regio, Etruria,	568	Vallenses	199
Tusci pop. Etrusci	ibid.	Vallata Hispan.	85
Tusci villa Plinii	579	Vallatum Vindelie.	420
Tusculanum Ciceronis	641	Vallisoletum	93
Tusculanum ad Benacum	554	Vangiones pop. Belg.	250
		Van-	

INDEX GEOGRAPHICVS.

Vangiones vrbs	250	Velinus portus	725
Vannia Transpadanæ	554	Velinus lacus <i>Sabinor.</i>	623
Vapincum <i>Gall.</i>	198	fluuius	ibid.
Varar æstuarium <i>Britann.</i>	351	Veliocasses pop. <i>Gall.</i>	318
Varciani	440	Velitræ opp. <i>Latii</i>	651
Vardæi, Vardei, pop. <i>Dalmat.</i>	485	Vellabori pop.	354
Varduli pop. <i>Hisp.</i>	86	Vellanis <i>Mæf.</i>	465
Varia <i>Aquiculor.</i>	628	Vellaua vrbs <i>Gall.</i>	155
Varia Apula	722	Vellau pop. <i>Velauni</i>	ibid.
Variana <i>Mæf. infer.</i>	466	Vellauorum ciuitas	ibid.
Variana <i>Pannon.</i>	452	Vellaunodunum <i>Gall.</i>	168
Varini pop. <i>Germa.</i>	383	Vellica <i>Hispan.</i>	86
Varis <i>Britann.</i>	343	Vellocasses pop. <i>Veliocasses</i>	318
Varisti, <i>Narisci</i>	388	Veluca <i>Hisp.</i>	96
Varramus fl. <i>Venet.</i>	562	Vermania <i>Vindellic.</i>	415
Varuaria <i>Liburn.</i>	489	Venafrum	684
Varuarini	ibid.	Venafranum oleum	ibid.
Varus fl. <i>Galliæ finis</i>	438, 189, 505	Venaria inf. <i>Italiæ</i>	760
Vasates, Vasatæ pop. <i>Gall.</i>	146	Vendelia	87
oppidum	147	Vence	193
Vasatium ciuitas	ibid.	Vendemis	465
Vascones pop. <i>Hisp.</i>	86, 87, 91, 156	Venedi pop.	390 f.
Vasconia <i>Gallica</i>	156	Venedicus sinus	391
Vasio opp. <i>Gall.</i>	194, 197	Vendo <i>Liburn.</i>	487
Vaticanus campus	633	Vendobona	440
collis	ibid.	Veneli, <i>Vcnelli</i> , pop. <i>Gall.</i>	161
Vatrenus fl. <i>Cispadana</i>	540 f.	Veneria cognomen <i>Nebrissæ</i>	75
Vbii pop. <i>ad Rhenum</i>	262	Veneris portus <i>ad Pirenæum</i>	122
transducti	ibid.	Veneris portus <i>Gall.</i>	178
Vbiorum ara	263, 264	Veneris portus <i>Liguria</i>	526 seq.
Vbiorum oppidum	263	Veneti pop. <i>Gallia</i>	158
Vbisci	147	Veneti pop. <i>Ital.</i>	555
Vcecia, Vcetia <i>Gall.</i>	184	eorum fines	ibid.
Vcubis opp. <i>Hisp.</i>	76	Venetia regio <i>Gallorum</i>	159
Vdina	565	Venetia regio <i>Ital.</i>	556
Vdura opp. <i>Hisp.</i>	117	Veneticæ insulæ <i>Gall.</i>	202
Vecta, Vectis inf. <i>Britann.</i>	355	Venetus lacus	219
Vechtus fl. <i>Germa.</i>	363	Venne	159
Vectiones	54	Vennicnii pop. <i>Hibern.</i>	354
Vecturiones pop.	351, 352	Vennones pop. <i>Rhat.</i>	423
Vediantii <i>Gall.</i>	193	Vennonetes pop.	ibid.
Vediantii pop. <i>Alpia.</i>	517	Venta <i>Belgarum Britann.</i>	333
Vedinum, <i>Vdina</i>	565	Venta <i>Icenorum</i>	339
Vedra fl. <i>Britann.</i>	324	Venti quatuor principales	26
Vegium <i>Liburn.</i>	489	Cardinales	ibid.
Vei vrbs <i>Etrur.</i>	586	Octo a plerisque adferti	ibid.
Veientes, Veientani	ibid.	Duodecim	28
Velaui seu Vellaui pop. <i>Gall.</i>	155	Ventorum nomina	26
Velauni, ipsi <i>Velaui</i>	ibid.	diuersæ interpretationes	27, 28
Veldidena <i>Rhat.</i>	426	Venti certarum regionum	29
Veleia <i>Cispadana</i>	532	Venus <i>Pirenæa</i>	122
Veleiates, eius incolæ	ibid.	Venusia	712
Velia <i>Lucania</i>	725	Vepitemum <i>Rhat.</i>	426
		Ffff fff 2	Vera.

INDEX GEOGRAPHICVS.

Veragri pop. <i>Alpin.</i>	199, 228	Vexala æstuarium <i>Britann.</i>	334
Verbanus lacus	543	Vexalla æstuarium idem	335
Verbinum Gall.	312	Vfens fluuius <i>Latii</i>	650
Vercellæ	542	Vffudum <i>Brutt.</i>	744
Verêtum Calabr.	219	Vgernum	185
Vergæ <i>Bruttior.</i>	744	Vgia opp. <i>Hisp.</i>	75
Vergellus fl. <i>Apul.</i>	711	Via Egnatia per <i>Macedon.</i>	850
Vergentum Iulii Genius	68	Via publicæ milliariis signis distinctæ	47
Vergilia <i>Hisp.</i>	107 f.	Via per Italiam	747
Vergium <i>Hisp.</i>	113, 120	Via Aemilia duplex	533, 749
Vermico	86	Via Asinaria	754
Vernemetum <i>Britan.</i>	340	Appia	747
Verolanium <i>Britann.</i>	338	Ardeatina	756
Veromandui pop. <i>Gall.</i>	311	Aurelia	750
Veromanduorum Augusta	ibid.	Campana	755
Verometum <i>Britann.</i>	340	Casfia	751
Verona	550	Claudia	751
an Rhætorum	424	Clodia	ibid.
Veronius fl. <i>Gall.</i>	132	Flaminia	749
Verrugo <i>Volschorum</i>	655	Labicana	755
Verteris <i>Britann.</i>	344	Latina	754
Vertices Terræ	6	Laurentina	756
Verulæ <i>Latii</i>	646	Nomentana	755
Verulani incolæ <i>Verularum</i>	ibid.	Ostiensis	756
Verulamium <i>Britann.</i>	338	Postumia	751
Vesbius mons, <i>Vesuvius</i>	677	Prænestina	755
Vescia <i>Latii</i>	663	Salaria	754
Vescitania regio <i>Hisp.</i>	119	Tiburtina	755
Vesdiantii pop. <i>Gall. Alp.</i>	193	Valeria	753
Vesentium <i>Etrur.</i>	578	Via Valeria Siciliæ	815
Veseris fluuius <i>Campan.</i>	686	Viaca <i>Vindelic.</i>	415
oppidum	ibid.	Viadrus fluuius	366
Veseuus mons, <i>Vesuvius</i>	678	Viatia <i>Hisp.</i>	100
Vesidia fl. <i>Etrur.</i>	570	Viatenses	100
Vesontio <i>Gall.</i>	232	Vibantaurium	390
Vesonna	152	Vibisci, Viuisi <i>Gall.</i>	147
Vestini pop. <i>Ital.</i>	610	Vibo Valentia <i>Brutt.</i>	732
Vesuius mons, <i>Vesuvius</i> ,	677 sq.	Vibo, Vibona	732
Vesunna <i>Gall.</i>	151	Vibonensis sinus	733
Vesuvius mons	677 sq.	Vicentia	558
Vetera <i>Belg.</i>	270	ad Vicesimum	585
Vetona <i>Vmbr. Cisapenn.</i>	599	Vicetia	425, 558
Vetoniana <i>Vindelic.</i>	418	Vich	117
Noric.	434	Victoria <i>Britann.</i>	346
Vettona <i>Vmbr. Cisapennin.</i>	599	ad Victoriolas	536
Vettones pop. <i>Hisp.</i>	54	Victasso	122
Vettonia regio,	54	Vetumuiæ	533
Vetulonia <i>Etrur.</i>	574	Vicus Iulii <i>Aquit.</i>	145
Vetulonii Plur. vrbs eadem	47	Vicus Iulius <i>Belg. Nemet.</i>	249
Vetus strata	447	Vidrus fluuius <i>Germ.</i>	363
Vetusanum <i>Pannon.</i>	ibid.	Vidua fluv. <i>Hibern.</i>	354
Vetussalina <i>Pannon.</i>	ibid.	Viducasses pop. <i>Gall.</i>	161, 170
		Vienna	

INDEX GEOGRAPHICVS.


Vienna Gall.	201	Vitricium <i>sub Alp.</i>	512
Vigenna fluv. Pictonum	133	Viuarium	186
Villa Faustini	337, 338 sq.	Viuiers	ibid.
Villa Iouis <i>in inf. Capreis</i>	764	Vitodurum <i>Heluet.</i>	227
Villamanda	97	Vinianum <i>Rhet.</i>	425
Villena	108	Viuisi	147
Vimania <i>Vindel.</i>	416	Vlciane <i>præfectura</i>	727
Viminacium <i>Hisp.</i>	92	Vlia <i>Hisp.</i>	76
Viminacium <i>Mæs.</i>	459	Vliarus <i>inf. Gall.</i>	201
Vinda, Vindo fl. <i>Vindel.</i>	412	Vlla <i>Hisp.</i>	76
Vindana portus <i>Gall.</i>	159	Vlma	417
Vindalicus fl. <i>Gall.</i>	138, 195	Vlmi opp. <i>Pannon.</i>	450
Vindalum <i>Gall.</i>	195	Vlpia Nicopolis	1081
Vindeleia <i>Hisp.</i>	87	Vlpia Pautalia	1079
Vindelici pop.	412	Vlpia Serdica	475
Vindelicia regio	ibid.	Vlpia Topirus	1057
eius fines	413	Vlpia Traiana	480
Vindili pop. <i>Vandali</i>	184	Vlpianum <i>Mæs.</i>	465
Vindilis <i>inf. ad Gall.</i>	203	Vlpianum <i>Dacia</i>	473
Vindinum <i>Aulercorum</i>	164	Vltraiectum vnde dictum	281
Vindobala <i>Britann.</i>	344	Vlubrae <i>Latii</i>	655
Vindobona	440	Vlyssippo, <i>Oliipo</i>	56
Vindomagus	184	Vmbilicus Terræ	11, 12
Vindomana <i>Pannon.</i>	441	Vmbilicus Græciæ	894
Vindomora	344	Vmbra terricolas distinguit	19, 20
Vindoni campi	226	Vmbria regio	591
Vindonissa <i>Heluet.</i>	ibid.	Vmbria cis Apenninum	593
Vingenna	134	Vmbri pop.	591
Vingium, <i>Bingium</i>	253	Vmbro flumen	575
Vindi pop. <i>Winidi</i>	391	Vndalum <i>Gall.</i>	195
Vinouia <i>Britann.</i>	344	Vndalus fl. <i>Gall.</i>	138, 195
Vinnouium	ibid.	Vnelli pop. <i>Gall.</i>	161
Vintium <i>Gall.</i>	193	Vnsingis fluvius <i>German.</i>	363
Vipitenum <i>Rhet.</i>	426	Voberna	554
Virido fl. <i>Vindel.</i>	414	Vocarium	433
Virgilia <i>Hisp.</i>	108	Voccrium	433
Virgitanus singus	ibid.	Vocates pop.	144, 146
Viriballum <i>prom. Corsic.</i>	769	Vocetius mons	226
Virmandense oppidum	312	Voconiae Aquæ <i>Hisp.</i>	117
Viroconium <i>Britan.</i>	341	Voconii Forum <i>Gall.</i>	191
Virodunum <i>Belg.</i>	238	Vocontii pop. <i>Gall.</i>	197
Viromandui pop.	311	Vocuntii	197
Virouesca, Viruesca <i>Hisp.</i>	87	Vodie	354
Virunum <i>Noric.</i>	435	Vogerus mons	140
Viscelli, Viscellæ <i>Noric.</i>	434	Volæ, <i>Bola</i>	629
Visentium <i>Etrur.</i>	578	Volane, <i>ostium Padis</i>	556
Visontio	232	Volana	696
Visontium <i>Gall.</i>	ibid.	Volani <i>incola Volarum</i>	629
Visontium <i>Hispania</i>	97	Volaterræ vrbs	572
Vistula fluvius	367	Volaterrana Vada	ibid.
Visula fluvius	395	Volcæ Aricomii	184
Visurgis fluvius	364	Testosages	178, 180
Vitellia	629	Volcentes <i>Lucania</i>	726
		FFFF fff 3	Vol-

INDEX GEOGRAPHICVS.

Volcentini, Volcenites pop.	577	Vtis fl. Gen. <i>Vtentis</i>	541
Volci opp. <i>Etrur.</i>	ibid.	Vtum, Vtus, <i>Mæf.</i>	467
Volci opp. <i>Lucan.</i>	727	Vulcaniæ insulæ	815
Voliba <i>Britann.</i>	335	Vulceia <i>Lucan.</i>	726
Vomanus fl. <i>Piceni</i>	607	Vulci opp. <i>Volci, Etrur.</i>	577
Vofagus mons, <i>Vogesus</i>	140	Vulci opp. <i>Lucan.</i>	726
Volckmarck	436	Vulcientes pop. <i>Etrur.</i>	577
Volscientes, Volcentes <i>Lucan.</i>	726	Vulgientes pop. <i>Gall. Alp.</i>	196
Volsci pop. <i>Latii</i>	647	Vulsiensis lacus	577
Vosinii oppid. <i>Etrur.</i>	577	Vulsinii opp. <i>Etrur.</i>	578
Volsiniensis Lacus	ibid.	Vultur imons <i>Apulia</i>	713
Voltumnæ Fanum	581	Vulturnum castellum	666
Voluntii pop. <i>Hibern.</i>	354	oppidum	ibid.
Vorganium <i>Gall.</i>	160	Vulturnus fluuius	665
Vorgium, <i>Vorganium</i>	ibid.	Vulturnus ventus	27, 29, 34
Vofalia Belg.	258	Vxama <i>Hisp.</i>	94
Vofauia	258	Vxantisma inf. <i>Gall.</i>	203
Vpellæ <i>Norici</i>	436	Vxella <i>Britann.</i>	336
Vrba <i>Heluet.</i>	221, 222	Vxellodunum <i>Gall.</i>	152
Vrbana colonia <i>Campan.</i>	680	Vxellum, <i>Britann. Selgouar.</i>	346
Vrbana eadem col.	ibid.	Vxentum <i>Calabria</i>	720
Vrbis fl. <i>Liguria</i>	528	Vzes	184
Vrbigenus pagus	222, 223		W.
Vrbinum Hortense	595	Warmatia, Wormalia, Worms	351
Metaurense	ibid.	X.	
Vrbs imperatoria Salacia	61	Xelfa	1119
Vrbs Saluia	608	Xerta	111,
Vrbs vetus <i>Etruria</i>	578	Xiphonia promont. <i>Sicil.</i>	786
Vrcefa <i>Hisp.</i>	104	Xuthia, ager <i>Leontinus</i>	785
Vrce <i>Hisp.</i>	107	Xylopolis <i>Macedon.</i>	840
Vrci, Vrgi, Baet.	80		Y.
Vrgao <i>Hisp.</i>	77	Ytumna	135
Vrgo inf. <i>Italica</i>	758	Yeure	155
Vria <i>Apulorum</i>	708, 709	Yungus vicus	262
Vria <i>Calabria</i>	722		Z.
Vria sinus	709	Zacynthus inf.	101
Vrii Iouis fanum	1076	oppid. insulæ	ibid.
Vrolanium <i>Britan.</i>	338	& Hyrie eadem.	ibid.
Vrpanus fl. <i>Pannonia</i>	439	Zancle, <i>Messana</i>	781
Vrfaon	75	Zanes <i>Mæf.</i>	461
Vrsentum <i>Bruttior.</i>	742	Zarmigethusa	479
Vrsæ	ibid.	Zarmisogethusa	ibid.
Vrso opp. <i>Hisp.</i>	75	Zatax, Zarex	972
Vrus fl. <i>Britann.</i>	324	Zela <i>Thracia</i>	1084
Vsa fl. <i>Britan.</i>	338	Zenonis Chersonesus	410
Vscudama <i>Thrac.</i>	1080	Zephyre inf. ad <i>Cretam</i>	1040
Vfdicesica regio <i>Thrac.</i>	1084	Zephyrium prom. <i>Creta</i>	1031
Vfellis <i>Sardinia</i>	775	Zephyrium prom. <i>Brutt.</i>	736
Vfipii pop. <i>German.</i>	377	Zephyrus ventus	26
Vstica inf. ad <i>Sicil.</i>	817	Zernæ <i>Dacia</i>	481
Vstica mons <i>Sabin.</i>	623	Zernensium colonia	ibid.
Vterni	354	Zerynthus Apollo	1081
		Zerynthum antrum	1062, 1087
		Zeugma <i>Dacium</i>	479
		Zætium	927
		Zonæ orbis terrarum	15
		quot sint	15, 16
		Zone <i>Thrac.</i>	1063
		Zoster inf. <i>Græc.</i>	1014
		Zurobara <i>Dacia</i>	478





UNIVERSIDAD DE SEVILLA



600146953

i 21633551





28

CELLARIUS.

GEOGRAPHIA PLENIOR

1

66